

no. 12498.

Ex libris

Josephus Sedlmayr cancell. Fr.

BIBLIOTHECA

MONASTERII STI MICHAELIS ARCH.

ET OMN. S.S. ANGELORUM,

APUD BELMONT

PROPE HEREFORDIAM.

CHRISTIANI PRINCIPIS

ARCHIEPISCOPI PRAGENSIS

DECRETUM DE PARSIA PRINCIPIS

DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

DECRETUM DE PARSIA PRINCIPIS

CONCILIA
GERMANIÆ,

QUÆ

CELSISSIMI PRINCIPIS
JOANNIS MAURITII,
ARCHI-EPISCOPI PRAGENSIS

SUMPTU

CL. JOANNES FRIDERICUS SCHANNAT

MAGNA EX PARTE PRIMUM COLLEGIT,

ad Canon.

DEIN

Kauflicher

P. JOSEPHUS HARTZHEIM S. J.

EJUSDEM CELSISSIMI IMPENSIS

PLURIMUM AUXIT, CONTINUAVIT,

NOTIS, DIGRESSIONIBUS CRITICIS, CHARTA,
ET PRÆFATIONE CHOROGRAPHICIS

ILLUSTRAVIT.

Josephus

Abbas

TOMUS III.

AB ANNO M. AD MCCXC.



COLONIÆ AUGUSTÆ AGRIPPINENSIIUM,

TYPO VIDUÆ JOAN. WILHELMI KRAKAMP, ET HÆREDUM
CHRISTIANI SIMONIS, Bibliopolarum.

ANNO MDCCLX.

CUM PERMISSU SUPERIORUM.

CONCILIUM
GERMANICUM

QUI

CELESTISSIMI PRINCIPIS

JOHANNIS MAXIMILIANI

ARCHIEPISCOPI PRAGENSIS

SUMMITU

JOHANNES PRAGENSIS

MAGNUS EX PARTE PRIMUM COLLEGIT

ad Joann. Pragensis

PRAGENSIS PRIMUM

ALBUM CELESTISSIMI PRINCIPIS

PRIMUM ALBUM CONTINUIT

NOTIS DIGRESSIONIBUS ET ALIIS ANNOTA-

ET ERRATA CORRIGIT

ALIO QUARTO

JOHANNES PRAGENSIS

ANNO MDCCLXXII



LIBRARY OF THE UNIVERSITY OF PRAGUE

JOHANNES PRAGENSIS

LIBRARY OF THE UNIVERSITY OF PRAGUE

CHRISTIAN KINGS

AND NOBLE

CUM PERMISSO SUPERIORUM

REVERENDISSIMO. CELSISSIMO.

DOMINO. DOMINO.

JOANNI.
MAURITIO.
GUSTAVO.

DEL. GRATIA. ARCHI-
EPISCOPO. PRAGENSI.

SEDIS. APOSTOLICÆ. LEGATO. NATO.

S. ROMANI. IMPERII. PRINCIPI.

COMITI. DE. MANDERSCHIED-
BLANCKENHEIM.

ET.

GEROLDSTEIN.

LIBERO. BARONI. IN. JUNCKERATH.

DOMINO. IN. BETTINGEN. DAUN. ET. ERP.

UTRIUSQUE. SACRÆ. CÆSARÆ. NEC. NON. GERMANIÆ,
HUNGARIÆ. ET. BOHEMIÆ. REGIÆ. MAJESTATIS.

CONSILIARIO. INTIMO. ACTUALI.

INCLYTI. REGNI. BOHEMIÆ. PRIMATI.
ECCLESiarUM. METROPOLITANÆ. COLONIENSIS. ET.

CATHEDRALIS. ARGENTINENSIS. RESPECTIVE.

PRÆPOSITO. SENIORI. AC. THESAURARIO.

ILLUSTRIS. ECCLESIÆ. COLLEGIATÆ. AD. S. GEREONEM.


PARITER. PRÆPOSITO.

NEC. NON. UNIVERSITATUM. COLONIENSIS. ET. CAROLO-FERDINANDÆ. PRAGENSIS.
CANCELLARIO. PERPETUO. ET. PROTECTORI. &c. &c.

TOMUM TERTIUM D. D. C.

Servus deditissimus

JOSEPHUS HARTZHEIM S. J.



FACULTAS REV. P. PROVINCIALIS
CUM PRIVILEGIO CÆSAREO.



Um Vidua JOANNIS WILHELMI KRAKAMP, & Hæredes
CHRISTIANI SIMONIS, Bibliopolæ Colonienſes, typis
vulgare deſiderent Tomum tertium **CONCILIO-**
RUM GERMANIÆ, à P. *Joſepho Hartz-*
beim, Societatis noſtræ Sacerdote, elucubratum;

Ego infra ſcriptus, ejusdem Societatis in Provincia Rheni Inferioris Præpoſitus
Provincialis, poteſtate ad id mihi facta ab Adm. Rev. P. N. LAURENTIO
RICCI, Univerſæ Societatis JESU Præpoſito Generali, liſdem ad primam
hanc duntaxat prædicti Tomi editionem facultatem impertio; ſimulque com-
munico Jus Privilegii Cæſarei, quo Bibliopolis ac Typographis interdi-
citur, ne quis Librum ullum à Societatis noſtræ Patribus conſcriptum, citra
conſenſum Superiorum recudere, aut alibi recuſum intra fines S. R. Imperii
inferre præſumat. In cujus rei fidem has iis manu propria ſubſcriptas, ac
conſueto officii mei Sigillo munitas dedi. Coloniz 17. Novembris 1760.



HIERONYMUS DE WYMAR S. J.
mpp.

INDEX

INDEX CHRONOLOGICUS CONCILIORUM GERMANIÆ ET EPISTOLARUM

AD CONCILIA PERTINENTIIUM, TOMI III. AB ANNO CHRISTI
M. AD MCCXC. CUM NUMERO CANONUM,
ET EPITOME ACTORUM.

Annus
Christi

PROLEGOMENA

Pagina

- S**ermo Synodalis S. UDALRICI Episcopi Augustani, qui in singulis
Synodis parochianis Presbyteris annuntiandus est. 1
KATHERII Veronensis & Leodiensis Episcopi Synodica ad Presbyteros & Ordines per universam Diocesim constitutos. 2
BURCHARDI Wormatiensis Episcopi Capitula collecta de auctoritate, præsidio, membris, tempore, ordine Synodorum congregandarum ex L. I. Decretorum. 9
Quomodo iniicienda sit Synodus, seu: Ordo de celebrando Concilio. 13
ADELBOLDI Ultrajectini Episcopi notificatio, qui & quot Ministeriales Laici suæ ecclesiæ debeant interesse Synodo? 17

SÆCULUM XI.

1000. **GANDESHEIMENSE III.** Concilium. Willigisus Archiep. Moguntinus attentat celebrare Synodum, in Dicecesi suffraganea Hildesemensis, contradicente Legato episcopi Hildesemensis. Pergit attentare Moguntinus, sed nullo effectu. 18
1001. **ROMANUM** Concilium sub Sylvestro II, de Gandesheimensi ecclesiâ, cui subiecta sit? 20
1001. In **PALITHI I.** Moguntina Provinciâ, de actis Concilii Gandesheimensis in eadem causâ. 21
1001. **FRANCONOFURT IV.** de eodem dissidio inter Willigisum Moguntin. & Bernwardum Hildesensem ob Gandesheimense Cœnobium: Moguntinus differt consensum. 22
1002. **TIBURTINUM** Concilium, in quo Sylvester Pp. audit Legatos e Germania reduces, & Legatos episcopi Hildesemensis. Moguntini acta improbantur. 23
1002. **MERSEBURGI I.** Conventus, in quo Henricus Rex eligitur a Saxonibus, & horum Lex observanda promittitur. 24
1002. **DUISBURGI III.** in quo Henricus Rex a Lothariensibus acceptatur, & Aquisgrani ab Hereberto Archiep. Colonia, reconciliari, coronatur. 25
1003. **THEODONIS VILLÆ V.** Conc. Nuptiæ inter Conradum Carentanum, & Mathildam Filiam Regis Burgundiæ irritæ declarantur ob consanguinitatem. 28
1004. **MAGDEBURGENSE II.** in quo Magdeburgi & Merseburgi novi episcopi consecrantur, & Dicecesis Merseburgensis, a Gisilario vastata, redintegritur. 26
1005. **CONSTANTIÆ V.** Conc. sub Lamberto episcopo. Literæ fictæ de cælo lapsum damnantur. 27
1005. **ARNEBURCH I.** Conc. Damnantur nuptiæ injuste. 2. Venditio Christianorum gentilibus facta. 3. Violatores iustitiæ excommunicantur. 27
1005. **TREMONIENSE II.** Conc. Preces, sacrificia, elemosynæ post obitus episcoporum hic congressorum. Ibidem jejunia & vigiliæ mutuo pacto decernuntur. 31

Annus Christi.

	Pag.
1006. Conventio inter Henricum Regem & Episcopum Herbipolensem, de finibus novæ Dioeceseos erigendæ regundis.	32
1006. FRANCONOFURT V. Concilium, primum pro erigendo episcopatu Bambergensi.	33
S. Henrici Regis literæ de hoc episcopatu.	34
1007. FRANCOFORDII VI. accepta Bulla Joannis XVIII. ratificantis votum Regis; episcopi eidem subscribendo confirmant executionem fundatæ Babenbergensis Cathedralis.	36
1007. In PALITHI II. mediante Rege Henrico conciliatur Willigisus Bernwardo, eique verbo & pedo transfert cenobium Gandesheimense.	38
1008. WERLÆ I. Ratificatio conciliationis inter Moguntinum & Hildesheimensem Diplomate Regio confirmata.	40
1009. GOSLARIÆ I. in locum Ratherii Paderbornensis episcopi, Meinwercus voto Regis, Concilii, & Cleri, & populi sufficitur.	42
1012. BAMBERGÆ I. in quo Dedicatio ecclesiæ Bambergensis. 2. Gevehardus Ratisponensis episc. a Metropolitano suo accusatur. 3. Theodoricus Metensis episc. arguitur ob literas Papæ scriptas. 4. Promittitur restitutio Dioeceseos Merseburgensis.	42
1012. CONFLUENTIÆ III. Tres Fratres Lutzelburgici, adversantes Fundatæ Bambergæ, proscribuntur.	42
1012. MOGUNTIÆ XV. Concil. Judæi expelluntur, Hæretici confutantur.	43
1014. Privilegium S. HENRICI I. Imperatoris, quo Patrimonium Romanæ Ecclesiæ a Regibus antecessoribus datum, confirmatur, & augetur. Electio libera Pontificis Romanis confirmatur.	44
1017. MERSEBURGENSE II. De finibus heriscundis inter Dioeceseos Magdeburgensem, Merseburgensem & Misnensem.	48
1017. In LIETZGO I. Concilium, in quo Henricus Imp. Fratribus novi Monasterii in Diocesi Paderbornensi prædium donat.	48
1018. NOVIOMAGI II. Excommunicantur conjuges de Hammerstein. 2. Quo ordine corpus & sanguis Christi in altari collocandus. 3. Theoderico Vassallo Ecclesiæ Ultrajectinæ decreta pœna.	49
1018. GOSLARIENSE II. Declarata separatio conjugum Gotescalci & Gertrudis. Decretum a Rege & Episcopis: servi liberos, etsi is liberam ducat, servos manere.	50
1018. MOGUNTIÆ XVI. De illicito conjugio inter conjuges de Hammerstein.	51
1019. BAMBERGÆ II. Benedicti VIII. Papæ acta & privilegia donata novæ ecclesiæ Bambergensi.	52
1020. FRITISLARIÆ I. Clerici ingrati accusatio & liberatio ope S. Heimeradi.	52
1022. In GRUONA I. Godehardi Hildesheimensis episcopi a Metropolita Moguntino facta consecratio, sub conditione ab Imperatore rejecta.	53
Aribonis Archiepisc. moguntini invitoria ad Concil. in Selingunstadt.	54
1022. In SELINGUNSTADT I. Concilium Provinciæ Moguntinæ sub Aribone, Canones XXVI. noti.	55
Alia ejusdem Concilii prolixior narratio.	58
1022. AQUISGRANENSE XXVI. Concil. Provinciale, de dissidio inter Pili-grinum archiep. Colon. & Durandum episc. Leodiensem ob Porcetanam ecclesiam.	61
1022. In HOCHSTET ad Concilium Invitoria Aribonis Moguntini.	61
Ejusdem ad Cunegundem Augustam epistola.	62
1022. MOGUNTINUM XVII. Provinciæ Suffraganeorum epistola ad Benedictum VIII. Pp. Exculatoria Aribonis & sui, ob depositionem illius.	63
1022. HENRICI II. Imperat. constitutio duplex in favorem Cleri.	64
1022. MOGUNTINUM XVIII. in quo eligitur & coronatur Conradus II.	67

Annus Christi.

1025. ALREBATENSE I. sub Gerardo episc. Capita XVII. Explicatio Catholica Fidei, & damnatio hæreseos discipulorum Gundulfi Itali: Hæreticorum felix conversio ad ecclesiam, & errorum abjuratio. 68
1027. WORMATIENSE XIV. Juramentum insolens, quod metropolitanus Moguntinus exigit ab Hildesheimensi, taxatur ab Imperatore. 98
1027. *Romani Concilii* Synodica, de translata Citizo Cathedra episcopali Naumburgum. *In Supplem.* 742
1027. FRANCONOFURT VII. Jurisdictio Godehardi Hildesheimensis in Gandesheim, septem testibus probatur contra Aribonem Moguntinum, refractarium: Sophiæ Abbatissæ nonnæ restituuntur. Gebhardus frater Regis tondetur. 99
1027. In GEISTLICE I. Moguntinæ Provinciæ: Causa Gandesheimensis iterum ventilata. 100
1028. MERSEBURGENSE III. Aperta confessio Moguntini contra se pro jure Hildesheimi. 100
1029. In PALITHI II. Provinciæ Moguntinæ. eadem causa denuo resuscitata; denuo sopita. 100
1029. PADERBORNENSE VII. Aribo moguntinus petit facultatem visendi limina Apostolorum, & obtinet. 101
1030. TRIBURIENSE III. Canon unus superstes de observantia Verni jejunii quatuor temporum. Renovatio canonum veterum. Divortium conjugum Ortonis de Suinvord & Machtildis Polonæ probatur. 101
1030. CAMERACENSE I. Gerardus episc. varios errores confutat, damnat. 102
1033. CONSTANTIENSE VI. Bern Abbas cogitur usum episcopalem abdicare. 103
1036. In HOLTHUSEN I. Provinciæ Hildesinæ. Hilduinus presbyter ingratus, ab Godehardo episc. reprehensus; peccatum morte intempesta luit. 104
1036. TREVIRENSE XII. Adalbero præpositus S. Paulini varia donat monasterio S. Matthiæ apud Treviros in Conventu celebri. 105
1037. TREVIRENSE XIII. 1. Translatio Reliquiarum S. Materni. 2. Dedicatio ecclesiæ. 3. Adelberti & Judithæ Lotharingiæ Comitum donatio facta ecclesiæ S. Matthiæ. 106
- Adalbero præpositus S. Paulini iterum donat ecclesiæ S. Matthiæ varia. 108
1041. BISUNTINUM I. Archi episcopus Bisuntinus confirmat libertatem Murbacensis monasterii. *In Supplem.* 743
1041. MONASTERIENSE I. Bardo Moguntinus Archiep. consecrat Suidgerum Bambergensem episc. post Clementem II. Rom. Pontif. 110
1041. *Romane Synodi* encyclica, de canonizato Simeone, recluso Trevirensi ad Episcopos Teutonicos. *In Supplem.* 744
1044. CONSTANTIENSE VIII. Pax generalis a Rege omnibus indulga & promulgata. 110
1047. CONSTANTIÆ IX. Clemens II. PP. canonizat S. Wiboradam. 111
1047. Germaniæ loco incerto. Henrici III. regis edictum contra Simoniam collaudantibus episcopis. *In Supplem.* 746
1048. WORMATIENSE XV. Concilium. Bruno Tullensis episcopus ab Imperatore constituitur Romanus Pontifex, coram Legatis Romanis & epp. 111
1049. *Romani Concilii* Synodica Leonis IX. de Primatu ecclesiæ Trevirensis. *Suppl.* 747
1049. MOGUNTINUM XVIII. *Acta*: 1. Citatur Godefridus Andegavenis Comes ob captum episcopum. 2. Bardo Archiep. moguntinus fit Legatus Romanæ ecclesiæ. 3. Vita S. Servatii lecta & canonizata. 4. Sibico Spirensis episcopus punitur ob sacrilegam communionem. 5. Varia Statuta de Clericis. 6. Fuldenis Abbatæ exemptio ratificatur cum moderamine. 7. Jejunium banni instituitur. 112

Annus Christi.

	Pag.
1050. Romanum Concilium canonizat S. Gerardum Tullenſem epiſcopum. Synodica ad cunctos eccleſiæ Filios.	114
1050. TVLLENSE ix. Elevatio corporis S. Gerardi per Leonem ix. papam.	116
1051. AUGUSTANUM ii. Humfridi archiep. Ravennatis increpatio & pena.	117
1051. GOSLARIENSE iii. Manichæorum ſectatores puniti.	118
1052. RATISPONENSE vii. Beati Wolffgangus & Erardus a Leone ix. pp. canonizantur.	118
1052. WORMATIENSE xvi. Papa in gratiam archiep. Moguntini Lectorem ſuſpenſum ab officio, rehabilitat. Concambium inter Leonem ix. & Henricum iii. locorum in Italia cum Germanicis locis.	119
1052. BABENBERGENSE iii. Lis inter Wurceburgenſem & Bambergenſem eccleſiam ſaciſdando finitur. Jura Bambergæ eccleſiæ a Leone ix. firman- tury & ampliuntur.	121
1053. In GOTZECK (Halberſtadenſis Diœceſis) in quo Albertus Bremenſis archiepiſc. ex ſuo & fratrum patrimonio monaſterium fundat, proban- tibus epiſcopis.	120
1054. MOGUNTINUM xix. Gebhardus Aſtertenſis epiſcopus in locum S. Leonis ix. pp. Romani deſuncti ſurrogatur.	124
1055. LEODIENSE vii. Theodericus Laubienſis Monachus eligitur Abbas S. Huberti.	124
1057. COLONIENSE viii. mediante Victore ii. pp. pax inter Henricum iv. & Lotharingæ Duces ſtabilitur.	125
1058. BAMBERGENSE iv. Fines decimationum inter Wurceburgenſem & Bambergenſem eccleſias.	126
1059. HALBERSTADENSE i. De reſtituendis decimis Herſfeldenſi mona- ſterio ablatis, indiſtum, ſed non celebratum Concilium.	127
1060. BASILEENSE Conciliabulum. Cadoli ſeu Honorii ii. antipapæ electio.	127
1061. SLESVICENSE i. indiſtum ab Adalberto Hammaburgenſi metropolita. Actio 1. Suenonis Daniæ Regis conciliatio cum hoc archi-epiſcopo. 2. Qualitates neceſſariæ in novis per Daniam erigendis epiſcopis ponderan- tur. 3. Modus propagandæ fidei in his regionibus examinatur, & ad quos epiſcopos referendi populi ad fidem converſi?	145
1062. AUGUSTANUM iii. ſeu Osbornenſe. Alexandri iii. legitimi Papæ ele- ctionem Rex & epiſcopi, mediante Annone archiep. Colon. approbant.	128
1062. Diſceptatio Synodalis inter Regis Advocatum & Romanæ eccleſiæ De- fenſorem, tranſmiſſa ad Synodum Osbornenſem.	128
1062. S. PETRI Damiani epiſtola ad Annonem archiep. Colon. quod Hen- ricum puerum Regem præclare tutatus ſit, quod Cadolum antipapam repreſerit; rogar, ut generalis Conventus procuretur exſtinguendo ſchiſmati opportunus.	147
1063. ULTRAJECTINUM i. Concordia inter Wilhelmum epiſc. & Regim- bertum Abbatem Aſpernacenſem, Synodali banno firmata.	148
1066. TRIBURIENSE iv. Bremenſis Archi-epiſcopus aulæ & regni admini- ſtratione ab epiſcopis & proceribus abire cogitur.	149
1067. TREVIRENSE xiii. Richerius Diaconus in eccleſiâ Virdunenſi bene- ficium acquiſiſſe mala fide, convictus eſt.	150
1069. WORMATIENSE xvii. Deliberatio regis & epiſcoporum de divor- tio reginæ.	151
1069. MOGUNTINUM xx. Divortium reginæ a rege Henrico iv. præten- ſum, rejiciunt Legati Romani Pontificis, epiſcopi & proceres Germaniæ.	153
1071. MOGUNTINUM xxi. Caroli Conſtantienſis epiſcopi accuſatio. De- cernitur reſcripto Papæ facienda.	154
1071. SIGIFRIDI Moguntini Archiep. narratoria ad Papam Alexandrum ii. quanta paſſus ſit ob dilatam Caroli conſecrationem. 2. Bello impediti Concilia. 3. Rogat, ne Papa abſolvat vel ordinet Conſtantienſem Caro- lum Metropolitano inaudito.	157
Ejuſdem alia narratoria ad Papam, de actis Concilii Moguntini.	158

CONCIL. GERM. TOM. III. SÆCUL. XI.

Annus Christi.

1072. TULLENSE IX. Confirmat bona Abbatiæ S. Apri ab antecessoribus data. 160
1073. ERPHESPHURDIENSE II. Partitio Decimarum Archi-episcopum Moguntinum inter & Abbates Hersfeldiæ & Fuldæ. 163
1074. LEODIENSE VIII. Excusatio Theoderici abbatis S. Huberti, quod iter Romanum non nisi orationis causa & cum licentia episcopi instituerit. 165
1074. GREGORII VII. PP. Commissoria Udoni Trevirensi archiep. scripta, ut causam inter Tullensem episcopum, Suffraganeum suum, & ejus Clericum inspiciat; dein in Synodo mores episcopi Tullenfis inquirat. 167
1074. GREGORII VII. PP. Epistola ad Henricum regem. Gratum habet, quod Legatos Apostolicos benigne acceperit. Monet Consiliarios fidos adhibendos: Mediolanensi ecclesiæ jus suum restituendum. Episcopos vocatos ad Synodum venire faciat cum Cæsareis Legatis. 171
1074. NUREMBURGENSIS Conventus Regis Henrici IV. & quinque Legatorum Pontificiorum. 1. Regi pœnitenti de Simoniâ collationibus ecclesiarum absolutio promissa. 2. Legatis petentibus indictionem Synodi in Gallia, in qua de Clericis Germaniæ accusatis judicetur. Denegatum id ab episcopis. Moguntinus & Bremensis se Legatos Papæ professi sunt. Liemari Bremensis secuta suspensio. 172
1074. PASSAVIENSE I. Altmanno episcopo promulgante decreta Synodi Romanæ de continentia Clericorum, secuta vehemens oppositio. 173
1074. TULLENSE X. Pibo episcopus componit litem inter Widonem abbatem, & Odelricum militem de prædio Paini villæ. 174
1074. GREGORII VII. PP. Epistola increpatoria ob Simoniam ad Dietwinum episc. Leodii. Monet, ut fornicationem a Clero excirpet, nec injuriam Abbati S. Huberti inferat. 174
- Moguntini SIGIFRIDI epistola ad Suffraganeos suos encyclica, de decretis Synodi Romanæ pro continentia Clericorum. 175
1074. ERPHURDIENSE III. Sigifridus archiep. Moguntia jussu Papæ promulgat decreta Synodi Romanæ contra Clericos simoniacos & conjugatos. Curienfis episcopus Nuntius a Synodo ad Papam. 186
1075. RATISPONENSE VIII. Bennoni Osnabrugensi episcopo restituuntur decimæ a duobus Monasteriis Corbejæ & Herveldiæ detentæ. 168
1075. GREGORII VII. PP. Commissoria ad Annonem archiepisc. Colon. ut causam inter Osnabrugensem episcopum & abbatem Corbejensem definiat, aut ad Synodum invitatos audiat: Clericis castitatem servandam inculcet. 169
- Ejusdem Papæ ad Liemarum Bremensem archiep. increpatoria, ob varias causas suspendit eum ab officio, dum ad Synodum Romanam veniat. 170
1075. PASSAVIENSE II. Literæ romanæ ad Altmannum episc. scriptæ, de Clericorum cœlibatu præleguntur & commendantur. 176
1075. GREGORII VII. PP. epistola ad Annonem archiep. Colon. De decretis Synodi romanæ in Synodo suæ provinciæ prælegendis & commendandis. 177
1076. WORMATIENSE Conciliabulum, in quo Gregorio VII. legitimo Papæ obedientia denegatur, & Nuntii Romanam mittuntur testes suæ perduellionis. 178
- Exitus Conciliabuli hujus. 179
- Alia relatio ejusdem Conciliabuli. *In Supplem.* 748
1076. ULMENSE I. Episcopi & Proceres germani Gregorio VII. adherentes statuunt, Triburiam convenire pro pace ecclesiæ restituenda, missis encyclicis ad omnes Germaniæ episcopos. 180
1076. TRIBURIENSE V. Novem Archi-episcopi, Abbates & Proceres reconciliantur Pontifici Gregorio VII. Rex Henricus pœnitentiam simul-

Annus Christi.

	Pag.
lans, sub conditionibus veniæ spem impetrat. Tullensis & Spirensis Episcopus Romam tendunt.	180
1076. TULLENSE XI. Pibo episc. ecclesiam S. MARIE a Sophia Comitissa extructam, a se dedicatam, cum variis bonis olim Synodaliter laudatis confirmat.	181
1076. COLONIENSE IX. Hidolphus archiep. Colon. monitu Papæ prædium Cloteno monasterio Brauweilerensi restituit.	182
1076. COLONIENSE X. Viperti blasphemii miraculosa sanatio coram testibus in Concilio probatur.	187
1077. CANUSIÆ Promissâ jurata & oblata Gregorio VII. ab Henrico IV. rege coram testibus.	184
1077. Moguntini SIGIFRIDI Archiep. epistola ad Papam, de difficultate cogendi Concilii.	748
1078. GREGORII VII. PP. Epistola ad Fideles omnes Germaniæ contra simoniacos & incestuos Clericos, post Synodum quintam Romanam anni 1078. scripta.	184
Ejusdem ad Ottonem Constantiæ episc. de Synodo romæ celebrata.	
Ejusdem ad Principes & Clerum Germaniæ, Rudolpho an Henrico Imperium deferendum.	In Supplem. 751
1079. ULTRAJECTINUM IV. Wilhelmus episc. ausus attentare excommunicationem Papæ Gregorii VII, horrenda morte punitur.	188
1080. VIRDUNENSE III. indictum a Papa Gregorio, ob injuriam episcopo Leodiensi illatam a Comite Arnulpho.	189
Ejusdem Papæ epistola ad Henricum episc. Leodii, de eadem causa.	190
1080. MOGUNTINUM Conciliabulum contra Gregorium VII.	190
1080. BRIXINENSE Conciliabulum. Gregorii Papæ depositio, & Guiberti Ravennatis Archi-episcopi novi anti-papæ electio attentantur a Rege, & 30. schismaticis episcopis.	191
1080. Saltzburgeris Archiep. GEBHARDI ad Hermannum Metensem episcopum informatoria epistola, de persona electi Antipapæ Guiberti sub nomine Clementis III.	192
1081. Colloquium in Sylva Capuana prope Visurgim Episcoporum Catholicorum cum Schismaticis. Gebhardi Saltzburgi Archiep. Apologia pro Gregorio VII.	193
1081. GREGORII VII. PP. Responsoria ad varias quæstiones ab Altmanno Paraviensi episcopo propositas.	195
1082. In PERSTESTAT, Thuringiæ loco, colloquium Episcoporum hinc Gregorio VII. inde Henrico IV. faventium. Re infecta disceditur.	197
1083. In GERSTUNGEN simile colloquium, nullo fructu.	199
1085. QUINTILINOBURGENSE IV. Concilium Hermanni Anti-regis electi & Legatorum Papæ & Episcoporum. Canones XI. statuti.	200
1085. MOGUNTINUM Conciliabulum, oppositum Quintilinoburgensi Concilio ab Henrico IV, quatuor Archi-episcop., decem Episc., Guiberto Antipapæ faventibus, quasi paria relaturis Concilio Catholicorum. 2. Gebhardo Pragenfi episcopo restituitur Moraviæ ecclesia, aliquanto tempore subtrahita.	201
Ejusdem Concilii alia relatio.	In Supplem. 753
HERMANNI Spirensis episc. Invitoria ad episcopos Longobardiæ ad Moguntinum Conciliabulum.	203
1087. ULTRAJECTINUM. Hujus ecclesiæ statuta confirmat Conradus Ep.	203
1087. Prope SPIRAM Colloquium Principum Germaniæ ecclesiasticorum & laicorum suadentium Henrico IV. pacem cum Papa & ecclesia Catholica. Nullo effectu.	205
1087. BAMBERGENSE V. Revindicatio decimarum huic ecclesiæ debitaram.	206
1087. AQUISGRANENSE XXVII. Ecclesia S. Servatii Trajecti ad Mosam	foli

Annus Christi.

	foli Pontifici & Imperatori subest. Nominationem Prapofiti liberam habet. Advocaria folius Regis.	Pag. 206
1088.	TREVERICUM XIV. Cella S. Dagoberti Görziensi Monasterio restituitur.	208
1089.	URBANI II. PP. Epistola, qua Gebehardo Constantiensi episcopo Legationem Apostolicam per Germaniam delegat. Continet Canones VI.	209
1090.	ATREBATENSE II. Concilium. Deciditur lis inter Canonicos hujus ecclesiæ, & S. Vedafti Monachos, ob paræcias. Pactum concordia refertur.	209
1090.	TULLENSE XII. Pibo episcopus Spinalensi Abbatiffæ adjudicat Capellam de Barney.	213
1091.	TULLENSE XIII. Pibo episc. ratificat donationem factam Abbatiæ S. Lebnis.	213
	Fundatio Monasterii S. Leonis in urbe Leucorum.	215
1093.	HEILIGENSTADII I. (Prövincia Moguntinæ) Ruothard archiep. Moguntin. confirmat Fundationem Cœnobii in villa Miminde, & dotat.	220
1093.	ULMÆ II. Liga Catholica contra Schismaticos.	
1094.	CONSTANTIENSE IX. De ecclesiæ pace, de moribus & jejunijs statuta.	221
1097.	ATREBATENSE III. Privilegium Eligiani montis Cœnobii confirmat Lambertus episcopus. Varia dñat Monachis Arroasianis.	222
1099.	URBANI II. Epistola canonica ad Pibonem Tullentem episc.	224

Digressio ad Sæculum Undecimum.

§. I.	De Præfationibus, quas Synodographi præmittere solent.	226
§. II.	De Canonistis Germanis hujus Sæculi: qui pro Gregorio VII., qui pro Henrico IV. scripserunt.	227
§. III.	De Historiographis Gregorii VII. & Henrici IV.	229
§. IV.	De Hæresibus hoc Sæculo jactatis.	
	An omnis vendens rem spiritualem, pretio temporali sit hæreticus?	230
§. V.	An omnis Clericus peccans contra castitatem sit hæreticus & Nicolai sectator?	230
§. VI.	An investitura beneficii per laicum facta sit hæresis?	230
§. VII.	An Wezelonis Moguntini Archiep. opinio sit hæresis?	231
§. VIII.	An adherentes Gregorio VII. & ejurantes Guibertum Antipapam sint perjuri in Regem?	232
§. IX.	An Gregorius VII. prius introduxerit calibatum in Clero?	232
§. X.	Quid de Sieberti Gemblacensis crisi sit sentiendum?	233
§. XI.	An absque assensu Regis nemo acceperit Papatum a longis temporibus?	235
§. XII.	De auctore & causa schismatis Guibertini.	236
§. XIII.	De jejuniorum diverso ritu in diversis Ecclesiis & diversis temporibus.	238
§. XIV.	De gradibus consanguinitatis diversimode diversis ætatibus & locis computatis.	239
§. XV.	Cur Colloquia Sæculi XI. inter Concilia interseruerimus?	241

SÆCULUM XII. ÆRÆ CHRISTIANÆ.

1101.	COLONIENSE XI. Concilium. Prædium Prumisfeld Prumiensi Cœnobio restituitur.	244
1103.	In WERDA Cæsaris hæc conciliaris sententia executioni mandatur.	
1103.	COLONIENSE XII. Fridericus archiep. Wertlinensis Cœnobii Privilegia confirmat.	In Supplem. 759
1103.	PADERBORNENSE VII. Henricus episc. donationes Abdinghovio Cœnobio factas confirmat.	246
1104.	COLONIENSE XIII. Fridericus archiep. dona ecclesiæ B. M. V. ad Gradus ratificat.	In Supplem. 756
1104.	RATISPONENSE IX. Determinatur servitium Advocato dandum in placito.	247

Annus Christi.

1104. *Roma Concil.* Bruno Trevirensis archiepisc. depositus ob investituram a manu laica acceptam, ad preces Coepiscoporum restituitur. *In Supplem.* 757
1105. NORTHUSANUM, sub Gebhardo Saltzburgenfi & Rothardo Moguntino Praefidibus. 1. Condemnatur Simoniaca haeresis, 2. et fornicaria conjunctio Clericorum. 3. Statuitur jejunium hebdomada Pentecostes celebrandum. 4. Pax Dei confirmatur. 5. Reconciliatio consecratorum a Pseudo-episcopis. 6. Henricus V. Rex jura sua omnibus renovat. Profitetur obedientiam erga Patrem suum. 248
- Epistola Rothardi Moguntini ad Halberstadiensem Clerum. *In Supplem.* 758
- Annalista Saxonis ad Northusanum Concilium additamentum. *Suppl.* 760
1105. TULLENSE XIV. Pibo episc. confirmat possessiones S. Gangulphi ejusdem urbis cum consilio Cleri & populi. 251
1107. TREVIRENSE XV. Archiepisc. Abbat Helmwardeshufenfi dat corpus S. Modoaldi in Saxoniam deferendum. 251
- §. 2. Epistola Abbatris ad suos de Reliquiarum advectione. 254
- §. 3. Springirsbacensis Abbatia canonica fundatur. *In Supplem.* 760
1109. COLONIENSE XIV. Donationes factae ecclesiae S. Severini archiepisc. banno confirmat. 255
1110. COLONIENSE XV. Sanctitas Guiberti Gemblacensis Abbatris examinatur, & Canonizatio Decreta. 256
1110. MAGDEBURGENSIS III. Synodica ad bellum contra Slavos invadentes Saxoniarum ecclesiarum. Conventus in Merseburg indictus. 257
1110. PASCHALIS II. PP. scribit Friderico Legato Sedis Apostolicae in Germaniam, de introducenda ubivis correctione. *In Supplem.* 762
1111. HENRICI V. Edictum, innixum praevio concordato inter ipsum & Papam ineundo, sed non inito. 258
1111. 12. Februarii. Charta Conventionis inter Papam Paschalem & Regem Henricum. 259
1111. PASCHALIS II. PP. Decretum praetensum, sed non datum executioni. Alia ejusdem editio a Petro Diacono. 260
1111. Mense Aprilis: in castris ante urbem Romam Concordatum II. inter Paschalem II. Papam & Henricum V. Regem. 261
1111. 4. Aprilis. Decretum primum Paschalis II. de investituris concessis. 262
1111. LATERANENSIS Concilii Decretum, quo Paschali II. extortum Privilegium, Henrico Regi concessum, revocatur, cassatur, damnatur. 265
1111. ARGENTINENSE I. Pro tuendis bonis Canonicorum & Monachorum. 266
1111. TULLENSE XV. Adjudicat Prioratum Fondonensis Cellae Abbati Cluniacensi, contra abbatem Mediani monasterii. 267
1112. TREVIRENSE XVI. Errores Berengarii sectatorum in hac Dicecesi detecti & damnati. *In Supplem.* 762
1113. COLONIENSE XVI. Judicium Synodale de Haereticis grassantibus. Epistola Traiectensis ecclesiae ad Fridericum Metropol. Colon. de iis. *Suppl.* 763
1113. HENRICI V. Epistola Nuntia pacis inter Papam & se inita. Accusatoria Legatorum apostolicorum. *In Supplem.* 766
1115. GOSLARIENSE IV. Pro legitimis episcopis dignoscendis, contra schismaticos episcopos a sedibus expellendos. 268
1115. HERBIPOLENSE I. Swartzacensis Abbatiae bona confirmantur contra praetensiones Kirzingensis monasterii. 269
1116. TULLENSE XVI. Cella Castiniaci S. Apro donata confirmatur. 269
1116. COLONIENSE XVII. Iteratur fulmen Pontificium in Regem per Legatos Apostolicos. 271
1118. COLONIENSE XVIII. De eadem causa iterata promulgatio. 271
1118. GOTESCALCI Osnabrugensis episc. Nuntiatoria ad Fridericum Colon. Metropolitam, de invadente ecclesia Leodienfis Alexandro. *In Suppl.* 769
1118. FRITISLARIAE II. Coram Legato Pontificio: episcopi accusant S. Norbertum: hujus apologia. 272

Annus Christi.

Pag.

1118. ADALBERTI archiep. Moguntini Commonitoria ad Canonicos Wurtz-
burgenses, pro pace & concordia cum ecclesia contra schisma. 273
Ejusdem argumenti ab eodem ad Bambergenses & Augustenses. *Suppl.* 768
1119. COLONIENSE XIX. Iterata promulgatio anathematis contra Regem. 274
1119. In Monasterio CORNELII AD INDAM (Provincia Colon.) pro le-
gitimo episcopo Leodiensi Friderico, subrogando in locum Alexandri
simoniaci depositi. 274
1119. CALIXTI II. PP. Invitatoria Friderici archiep. Colonienfis ad Remense
Concilium. *In Supplem.* 770
1119. ad 1120. TRIBURÆ, ARGENTINÆ, VERDUNI, METIS, MO-
SOMI Conventus varii Episcoporum & Procerum, pro concordia Hen-
rici V. cum Papa Callisto II. summarie descripti. 275
1120. HALBERSTADIENSE IV. Fundatio Monasterii Schœningensis, ap-
probata ab episcopo. §. 2. Monasterii Kaldenbrunnensis confirmatoria ab episcopo. *In Suppl.* 279
1120. CUNO Cardinalis Prænstinus scribit Friderico Colon. archiepisc. Re-
gem posse excommunicari. *In Supplem.* 771
1120. HALBERSTADIENSE V. Iterata confirmatio dotis ejusdem Schœ-
ningensis Monasterii per Reinhardum episc. 280
1121. COLONIENSE XX. Philippus archiep. Colon. introducit Canonicos
Regulares in domum Steinfeld, a Comite de Are ædificatam, in celebri
Conventu Cleri & populi. *In Supplem.* 773
1122. TULLENSE XVII. Riquinus episc. Tulli approbat Prioratum S. Do-
donis Monasterio S. Apri donatum, ab Antecessore consecratum. 282
1122. WORMATIENSE XIX. indictum Herbipoli, sed Wormatiæ celebratum. 283
Synodica hujus Concilii ad Calixtum II. PP. Adalberti Moguntini
archiepisc. *In Supplem.* 774
- CONCORDATUM inter Calixtum II. & Henricum V., quo renuntia-
tur Investituræ Regiæ per anulum & pedum; conceditur electio li-
bera omnibus ecclesiis Regni. & Imperii: Possessiones & regalia S. Pe-
tri præsentia salva sint, & ablata restituenda, uti & possessiones alia-
rum Ecclesiarum: demum datur pax vera Papæ & Romanæ ecclesiæ. 284
Papa vicissim profitetur Henrico Regi, Episcoporum & Abbatum Regni
sui electiones in præsentia Regis faciendas: Electos per sceptrum a
Rege regalia recepturos: Homagium regi faciendum pro indispicendo
jure regaliū: demum pax & justitia promittitur. 286
Aliud ejus Concordati exemplum. 286
Callisti II. Papæ literæ de facta hac reconciliatione cum Rege ad
Henricum. 287
§. 2. hujus Concilii. Lis inter Rokkerum a Clero Wurceburgensi ele-
ctum, & a Gebekardo investitum, ab Henrico V. pro eodem episco-
pato utrunque sopitur. 288
1122. MOGUNTINUM XXIV. Ecclesia Parochialis in Gensheim a Burchar-
do Abbate S. Jacobi traditur Folmaro. 289
1123. LATERANENSE, primum in Occidente Generale, sed inter Generalia Carbo-
lica Ecclesiæ novum, Ratificat concordatum inter Calixtum II. & Henri-
cum V. Regem initum. 289
- FRIDERICI I. archiepisc. Colon. ad ecclesiæ Leodiensis Prælatos, vetat,
ut ne intrusum per Simoniam, nominatione regiæ in episcopum recipiant. 291
Ejusdem ad Clerum Leodiensem de eadem causa. *In Supplem.* 771
Ejusdem ad eundem contra præcipiendam electionem Alexandri: vo-
cat eosdem ad Synodum. 291
1123. TULLENSE XVIII. Approbat concordiam pactam inter Lanzonem
abbatem S. Michaelis & Abbatissam Laudonensem. 293

Annus Christi.

	<i>Pag.</i>
1124. BAMBERGENSE VI. 1. Pacantur Principes. 2. Otto episc. valedicit, prædicaturus evangelium Pomeranis cum Papæ assensu. 3. Dona facit cœnobio S. Michaelis.	294
1124. LEODIENSE VII. Albero episcopus ecclesiam Cornelii montis confirmat.	<i>In Supplem.</i> 775
1125. MONASTERIENSE II. Theodericus episc. Monastiæ Cappenbergense Monasterium Ord. Præmonstrat. confirmat.	<i>In Supplem.</i> 776
1125. MOGUNTINUM XXV. Lotharius Saxonie Dux ab Episcopis, Ducibus, & Comitibus, qua fautor & promotor Catholicæ unitatis, Rex eligitur.	297
ADALBERTI Mogunt. archiep. Invitatoria ad Ottonem Bambergæ episc. ad Synodum pro causâ Gebehardi Herbipolis episcopi denuo ventilanda.	298
1126. ARGENTINENSE II. in quo causâ Gebehardi reassumitur.	298
1126. MAGDEBURGENSE IV. Dedo Comes uxorem Bertham repudiatam judicio Episcoporum recipit, & solvit votum visitandi sepulchri Domini.	299
1127. WORMATIENSE XX. jussu Honorii II. ad instantiam Cleri Treverici episcopi sui vitiosam electionem accusantis, celebratum.	299
1127. MOGUNTINUM XXVI. Cœnobio S. Disibodi decimæ frugum dandæ definiuntur.	300
1128. In UZEDUM POMERANIE Concil. sub Ottone Apostolico Præcone, in quo Neophyti baptizantur & decantur. Sermo dogmaticus S. Ottonis.	301
1128. HERBIPOLENSE II. excommunicatur Conradus Dux anti-cæsar. 2. Gebehardus Wurzeburgensis iterum excommunicatur. 3. Utharicus Abbas Fuldensis deponitur.	304
§. 4. Embrico episc. fundat cœnobium Cellæ superioris.	<i>In Supplem.</i> 777
ADALBERTI archiep. Moguntini epistola de causâ Wirziburgensis Ecclesiæ ad Bambergensem. 2. Honorii II. Papæ ad Adalbertum de eadem causâ.	305
1127. HALBERSTADII Episcopi, Ottonis in variis Synodis MOGUNTIE, ROMÆ, PISIS, LEODII accusatio, absolutio, ac demum depositio.	306
1127. In LAUFFEN (Provinciæ Saltzburgensis) Ellenhardus pridem defunctus Episcopus Frisingensis, declaratur in pace Ecclesiæ defunctus fuisse.	308
1130. MOGUNTINUM XXVII. ad quam Adalbertus Archiep. invitat Ottonem Bambergensem in causâ Gebehardi Herbipolensis.	309
HONORII II. Decretalis, de Gebehardo non restituendo.	310
ADALBERTI Archiep. ad Herbipolenses.	
INNOCENTII II. ad Adalbertum, pro eodem Gebehardo excusando.	
ADALBERTI Mogunt. Responsorialia ad Papam, quod Gebehardus canonicè sit excommunicatus: refutantur ea, quæ Innocentio II. sub- & obrepta fuerant.	311
1132. HERBIPOLENSE III. Innocentius II. Papa, Regis, & omnium voto eligitur & confirmatur.	313
INNOCENTII II. pp. Literæ ad Lotharium Regem, quibus eum Romam invitat.	
GUALTERII Ravennatensis Archiepisc. & GERHARDI Cardin. Literæ ad Ottonem episc. quibus eum ad Herbipolense Concilium invitant.	
ANACLETI II. antipapæ Literæ ad Lotharium Regem.	314
1131. LEODIENSE VIII. 1. Innocentius II. pp. magna cum reverentia excipitur a Rege & episcopis. 2. Regem & Reginam Corona regia inaugurat. 3. Repetitur Rex investituræ, à S. Bernardo abbate sedatur. 4. Petrus Leonis seu Anacletus II. Antipapa & alii hostes Regis excommunicantur. 5. Otto Halberstadensis sedi suæ restituitur. 6. Interdictum conjugii pro Presbyteris, & assistendi Missis conjugatorum. 7. Vita S. Godehardi legitur, sed differtur Canonizatio ad Synodum generali-	

Annus Christi.

Pag.

- raliorem, 8. 9. Cameracensis & Virdunensis episcoporum institutio.
10. Adjicitur confutatio Petri Diaconi falsæ assertionis. 315
1131. LOTHARII Regis Diploma pro ecclesia Leodienſi S. Joannis, in hoc Concilio datum. 317
- INNOCENTIUS II. PP. confert Lothario & Richezæ allodium Comitissæ Mathildis sub certa limitatione. 318
- LOTHARII Edictum cassans Petri Leonis antipapæ electionem. 319
1131. MOGUNTINUM XXVIII. Bruno resignat episcopatum Argentinenſem. 320
1131. TREVIRICUM XVI. De eligendo ſucceſſore Maginheri defuncti Archiep.: eadem cauſa Leodii, Moguntiz, & Remis agitata. 321
1131. HILDESINUM II. Admittitur Fundatio præpoſituræ Richenburgenſis Canonorum, & probatur, 2. electio Præpoſiti conceditur fratribus concordibus, alias episcopo, 3. Sub regimine episcopi ſunto, 4. electio advocati conceditur fratribus. 322
1132. AQUISGRANI XXVIII. Lótharius Rex ecclesiæ S. Servatii Trajeſtenſis ad Moſam varias prærogativas concedit, præ Mariana Baſilica, tunc episcopali. 323
1132. HILDESINUM III. acceptâ notitiâ canonizati Remis S. Godehardi, elevatur ejus Corpus, & transfertur ad publicam venerationem. 324
1132. COLONIENSE XVII. Bruno electus præ competitorē electo a Clero & populo, præfertur Regis & Concilii judicio in hac Cathedra: 325
- ROMANA in Synodo*, Paderborneſi episcopo uſus Rationalis. S. Norberto Magdeburgico jus Primatûs; Bertholdo Fuldenſi Abbati uſus mitræ conceduntur. 326
1133. HERBIPOLENSE IV. Confirmatur electio episcoporum Henrici Ratisponenſis, Walteri Auguſtenſis, Adalberonis Baſileenſis in locum de-gradatorum. 327
1135. TREVERICUM XVII. Deciditur controverſia inter ecclesias Cardo-nenſem & Steinveldenſem, de Decimis in villa Elenze. 327
1135. AUGUSTANUM IV. Cœnobium Kaysheim fundatum, a Concilio ratificatur. 329
1135. VIRDUNENSE IV. Albero episc. Virduni introducit Canonicos Præ-monſtratenſes in Monasterium S. Pauli Virdunenſis. *In Supplem.* 789
1135. BAMBERGÆ VII. Fridericus Sueviæ Dux reconciliatur Imperatori interventu episcoporum. *In Supplem.* 789
1135. MAGDEBURGENSE IV. Conradus Archiep. magdeburg. confirmat Monasterium Gratiæ Dei Ordinis Præmonſtratenſis. 328
1136. WURCEBURGENSE V. ecclesia in Aſchabach fit Parochialis. 331
1136. In RHETEL (Trevericæ Provinciæ) Concordia inter Henricum Tul-lenſem episc. & Fridericum Comitem Tullenſem initur. Eam ratificat Innocentius II. PP. 332
1136. TULLENSE XX. Donationes factæ abbatiz S. Manſueti, a Ducibus Lotharingiz confirmatæ in Concilio. 333
1137. WURCEBURGENSE VI. Embrico episc. confirmat donata Monaste-rio B. M. V. in Ebera. 335
1137. HALBERSTADII VI. Reinhardus episc. donationes ab antecēſſore fa-ctas Schœningenſi Cœnobio, ratas habet. 337
1138. COLONIENSE XVII. Provinciale. Deciditur prædria inter Bon-nenſem & Xantenſem Præpoſitos, Archi-Diaconis in Conciliis obſervanda. 338
1138. TREVERICUM XVIII. Adalbero Archiep. admittit primum Præpoſi-tum Cœnobii in Arnſtein. 340
1140. MAGDEBURGENSE VI. Almersloviēſis Monasterii ſtatus, mutatio, dedicatio, abbatis benediſctio, confirmatio. 341
1140. RATISPONÆ XII. Solus Friſingæ episcopus habet jurisdictionem in miniſteriales ecclesiæ ſuæ, non Palatinus de Wülſpach. 343

XII INDEX CHRONOLOGICUS

<i>Annus Christi,</i>		<i>Pag.</i>
1140.	FRISINGÆ XVIII. Otto episc. Frisingensis introducit Canonicos Præmonstratenses in Schefflarn.	781
1141.	SALTZBURGI III. Conrado Mogentino Archiep. qua Legato Apostolico demandatur recognitio actorum Ratisponæ contra Pabonem abbatem S. Emmerani.	343
1142.	TREVIRENSE XIX. Alberoni Archiep. Trevir. traduntur Literæ Pontificiæ, sed rejiciuntur. 2. Abbas Springirsbacensis investitur de ecclesia Keimera. 3. Oppido cellarum datur curio. 4. ecclesiæ Elræ matriçi restituitur jus decimarum. 5. Augustiniani Eremitæ in Vallendra collocantur. 6. epistola apologetica S. Bernardi Abbatis pro Alberone Trevirensi contra Appellationes ad Curiam Romanam.	344
1143.	MOGUNTINUM XXIX. Provinciale. Componit litem inter Abbates Erfordiensem & Disibodebergensem.	347
1143.	FRISINGÆ XIX. Otto episc. Frising. fundat Monasterium Præmonstr. novæ Cellæ.	782
1143.	SPIRENSE I. Diocesenum. Limburgenfi Cænobio Neoburgenfis Præpositura confertur & incorporatur.	362
1145.	LEODIENSE IX. Adalbero Episcopus ratificat transitum Ecclesiæ Alnenfis a communi Clericorum vita ad professionem canonicæ regulæ S. Augustini.	350
1145.	HALLENSE I. (Provinciæ Saltzburgenfis) Archiepisc. Saltzburgenfis tractat controversiam inter abbates Burensem & Admontensem Monasteriorum Bavaricorum.	351
1145.	Ex ROMÆ præsentium Episcoporum Concilio definit Eugenius III. Papæ Canonizationem S. Henrici Imp. examine in Germania præmissa: et si fateatur Canonizationes non nisi in generalibus Conciliis fieri solitas.	783
1146.	HILDESHEIMENSE IV. Bernardus episc. Hildesii Monasterium S. Godehardi dotat.	784
1146.	COLONIÆ XIX. Damnantur XI. articuli erronei.	353
1147.	FRANCKENFURD VIII. Edictum Conradi II. regis, quo antiqua Corbejensium & Herivordiensium cænobiorum in Synodis olim concessa jura, præsertim Moguntia anno 852. confirmat.	354
1147.	HALBERSTADII VII. Confirmatur Fundatio cellæ B. Mariæ, facta a Tidrico in Quernrod.	356
1147.	HILDESHEIMII V. Bernardus Cænobium S. Bartholomæi Canonicorum regularium ab antecessoribus cæptum, auget dote.	787
1148.	TREVERICUM XX. Nationale coram Eugenio III. PP. 1. Adventus Papæ Treverim, Dedicatio ecclesiæ S. Matthiæ. 2. Archiepiscopi Moguntia & S. Bernardi relatio de vita & scriptis Hildegardis Monialis. 3. Inquisitores a Papa & Concilio ad eam missi. 4. Literæ Papæ ad Hildegardim. 5. Literæ Henrici filii Regis ad Papam coram Concilio lectæ. 6. Resolutio Papæ ad tria ejus postulata. 7. Depositio abbatis Corbejensis, & Wicholdi Stabulensis, & Corbejensis abbatis institutio. 8. Relatio incerta de Fuldenfis abbatis depositione.	359
1149.	HILDESHEIMII VI. recensitorum bonorum Lambspringensis ecclesiæ possessio asseritur, & banno Synodi vindicatur.	363
1150.	HALBERSTADENSE VIII. in Gatersleve confirmat donatas decimas in Eringerothe Abbatiæ S. Michaelis erga cambium duorum mansorum.	365
1150.	SALTZBURGI V. De Octavis festorum B. Mariæ Virginis, RATISPONENSE XIII. De doctrina Gerholi Præpositi Reichen-BAMBERGENSE VII. spergenfis.	365
1151.	METENSE VIII. ad hoc Stephanus Papa citat Abbatem Hafteriensem, ut rationes reddat.	366
1151.	LEODIENSE X. Post quod Conradus rex petit ab Eugenio III. confirmari electionem Hermannii Trajectensis præ Friderico rivali. Significat	

Annus Christi.

Pag.

- ficat eidem, Comitem de Are promptum ad purgandam calumniam coram Synodo. 367
1152. EUGENII III. PP. Declaratoria de nullitate translationis Regiæ Guicmanni episc. Cizensis ad Magdeburgensem ecclesiam, contra Gerardum canonice electum. 368
1152. COLONIENSE XX. Arnoldus Archiepisc. Colon. compatitur Wibaldo, quod ob iter ad hoc indictum Concilium vim iniquorum passus sit. *Cætera Acta latent.* 369
1152. CONSTANTIÆ X. Concordatum inter Eugenium III. & Fridericum I. GREGORII & BERNARDI Cardinalium Legatorum Invitoria ad Wibaldu abbatem Chur Wormatiensi & Herbipolensi Synodis videndum. 370
1153. WORMATIENSE XXI. Deponuntur Henricus Archiepisc. Moguntinus, Henricus Mindensis, Burchardus Eystettensis per Legatos Papæ coram Friderico. 372
- S. BERNARDI abbatis apologetica pro Henrico Moguntino, ad Legatos Papæ scripta. 374
1153. CONSTANTIÆ XI. Divortium Friderici I. & Adelheidis conjugis. 376
1154. AUGUSTANUM V. Lis inter ecclesiam Aichensem & abbatissam de Kuebach decreto solemniter componitur. 376
1154. HALBERSTADENSE IX. ecclesiæ Goslariensi possessio in Hansteete Synodali iudicio attribuitur. 377
1155. TUREGIUM (Constantiensis Dicecesis oppidum) ab erroribus Arnaldi Brixienfis hortatu S. Bernardi liberatum. Arnaldi exitus vitæ & errorum. 377
1159. ALEXANDER III. Eberhardo Salisburgensi episcopo, & aliis nuntiat violentam irruptionem Octaviani Antipapæ in Cathedram Petri sub nomine Victoris. 378
1159. FRIDERICUS I. Rex monet Eberhardum Salisburgi archiep., ut neutri nec Alexandro III. nec Victori IV. assentiat ante consensum episcoporum Germaniæ, Franciæ, Angliæ. 381
- Epistola Eberhardi Bambergensis episc. ad Eberhardum Salisb. archiep. 382
1159. MOGUNTINUM XXX. Concilium, a civibus turbatum. 383
1160. CONCILABULUM PAPIENSE pro Victore antipapa, cui pauci Germaniæ episcopi & procures cum rege adhærere, orbe Catholico Alexandrum III. agnoscere. 384
1160. CREMISMUNSTERII I. (Dicecesis Passaviensis) De Erimberto a duobus Monasteriis postulato Abbate. 385
1160. FRISACI in Carinthia (Salisburgensis Provinciæ) confirmantur & definiuntur decimæ inter duas Parochias. 2. Doctrina Gerhohi approbatur. 386
1161. ERPHURDIÆ IV. Decernitur Friderico I. regi auxilium contra Mediolanenses. 387
1161. FRANCKENFURD. IX. excommunicantur interfectores Arnoldi Moguntini archiep. 387
1162. MAGDEBURGI VII. Confirmantur donata Cœnobio Nienburgensi, & commutatio inter Nuenburg & Magdeburg. 388
1162. CURIA BISUNTINA. Victor antipapa a quibusdam acceptatur. Hartwici Bremensis querelæ audiuntur de abstractis a sua Synodo Regnis Daniæ, Sueciæ, Norwegiæ. 389
- Epistolæ Friderici I. huc spectantes & Rainaldi archiep. Colon. 390
1163. COLONIENSE XXI. Cathari aliique heretici comprehensi, iudicati, damnati. 392
1163. TREVERICUM XX. Hillinus archiep. decidit controversiam de decimis in Elenze inter ecclesiam Cardonensem & Steinfeldensem. 393
1165. WURCEBURGI VI. Curia, Fridericus I. & XL. Archi- & episcopi Paschalem III. antipapam eligunt, & manutenendum promittunt. 394

- Encyclicâ ex Curia Herbipolensi ad Episcopos & Prælatos Germaniæ. 396
1165. PASSAVIENSE II. Pseudo-Concilium. Episcopus & Prælati coguntur jurare fidelitatem Paschali Antipapæ. 397
- ALEXANDRO PP. quidam amicus statum Curie Herbipolensis refert. 397
1166. CAROLI M. Canonizatio, facta a Paschali Antipapa coram Friderico I. & Proceribus. 399
1169. HERBIPOLENSE VII. Heroldus episc. Herbipol. restituit varias decimas Cœnobio S. Michaelis Bambergensi. 401
1170. FRISINGENSE XX. Albertus episcop. confirmat decimas Cœnobio Scheffaren. 402
1170. NUREMBERG. Curia. exagitantur Præsules schismati contrarii a Friderico rege. 402
1171. MOGUNTINUM XXXI. Transactio inter abbatem de Otterburch & de Enekenbach, propter allodium Arnoldi, in utroque Cœnobio Monachi. 403
1173. ULTRAJECTINUM VI. Ordinatio publicæ pœnitentiæ ob rheni inundationem. 404
1173. COLONIÆ XXII. Philippus Archiep. Colon. approbat foundationem Monasterii in Lanckwaden Præmonstratensium Monialium. 404
1174. RATISPONÆ XIV. Friderici I. auctoritate deposito Adalberto Saltzburghi Archiepiscopo, Henricus Præpositus Berchtesgadenis surrogatur. 2. Alexandri III. cassatoria actorum in hoc Conventu. Ejusdem mandatum ad Conradum Moguntinum pro irritandis his actis. Ejusdem Papæ reprehensoria ad Capitulum Salisburgense. 407
1175. HALLENSE VIII. (Provincia Magdaburgensis) Interdictum Torneamentorum. 2. excommunicatio & aliæ pœnæ in usuros hoc ludo. 3. Principes Saxonie jurant se hoc ludo abstinuros. 409
1176. NORIMBERGÆ Conventus. Conradi Salisburgensis archiepiscopi admiranda constantia contra schisma Paschalis Pseudo-Papæ coram Friderico rege. 410
1176. In LAUFFEN VII. (Salisburgensis Provincia) Fridericus rex minatur Bavaris Dioecesibus extrema omnia, nisi schismatico Paschali adhæreant. 411
1177. VENETIIS Sacramentum pacis inter Alexandrum III. & Fridericum I. 413
- ALEXANDRI III. epistola ad Richardum Cantuariæ Archiep. de hac pace. 414
- FRIDERICI I. Confirmatoria hujus pacis. 415
1178. HILDESHEIMENSE VII. Adelogus episc. Lambspringensis Cœnobii originem & progressus rememorans, accessiones omnes confirmat. 415
1178. HALBERSTADENSE IN OSTERLEVE X. confirmat bona Canonie Hamersleve. 417
1178. In HOCHENAW (Provincia Salisburgensis) Provinciale. VIII. Schisma Callisti antipapæ ejuratum. Alexander III. legitimus Papa agnoscitur. 419
1179. In Concilio LATERANENSI III. Philippus Colonienfis Archiepisc. ab Alexandro III., cui juramentum dixit, Pallium obtinuit. 420
1179. GERMANIÆ Episcoporum & Principum epistola ad Alexandrum III. Confirmatoria pacis inter Papam & regem Sicilia. 421
1179. TREVERENSE XXI. Arnoldus Archiepisc. decimas donatas clauistro Hemmenrodensis confirmat, contradicentibus aliis. 421
1180. LEODIENSE XI. Radulfi episc. Decreta adversus rerum ecclesiasticarum deprædatores. 422
1180. MOGUNTIÆ XXXII. Henricus Archiepisc. Mogunt. encyclicam ad omnes Archiep. & episc. Germaniæ invitatoriam scribit, ut ad Curiam Moguntinam veniant. 425
1180. SALTZBURGENSE IX. Diuturna lis inter Salisburgensem episcopum, & Gurcenses, de electione Gurcensis episcopi per Commissarios Papæ dirempta. 424

Annus Christi.

1180. COLONIENSE XXIII. Philippus archiep. confirmat Societatem fratrum in Nussia. *Pag.*
In Supplem. 788
1182. COLONIENSE XXIV. Philippus archiep. confirmat allodium Hermannii, datum ecclesiæ in Eifflæ monasterio. 426
1183. ATREBATENSE IV. Varii hæretici detecti, examinati, convicti, damnati. 427
1183. HALBERSTADII XI. Theodoricus episc. confirmat Abbati Lapidis S. Michaelis montem erga cambium duorum mansorum. 427
1186. COLONIÆ XXV. Canonizatio S. Annonis promulgata. 428
- ALEXANDRI III. epistola ad Philippum archiep. Colon. Confirmatoria Privilegiorum. 429
1186. FRIDERICI I. Imp. & Philippi archiep. Colon. colloquium de pace stabilienda. 431
1186. GEILENHUSENSIS Conventus, de concordia inter Regem, Papam, & Clerum. 432
- Exemplar epistolæ scribendæ ad Papam ex hoc Conventu. 433
- CONRADI Moguntini idea epistolæ scribendæ ad Cardinales pro pace. 433
- ad Summum Pontificem Episcoporum Germaniæ. 434
1186. HALBERSTADENSE XII. Theodericus episcopus confirmat Canoniam S. Thomæ Ordinis Præmonstratensis. 434
1186. URBANI III. PP. Invitoria ad archiep. Colon., ut interfuit Concilio Leodiensi a Legato apostolico indicendo. 435
- BULLA cruciata contra Fridericum regem. 436
1187. TREVERICUM XXII. Mosomi celebratum, a Folmaro archiep. Trever. contra subditos inobedientes. Gregorii VII. PP. Monitoria ad Folmarum. 438
1187. COLONIENSE XXVI. Provinciale. Philippus archiep. Colon. confirmat Abbatiam Canonicam Steinfeldensem Ord. Præmonstrat. 438
1187. GREGORII VIII. Literæ ad Henricum Cardinalem Albanensem pro Synodo Leodiensi. 440
1187. In LIBNITZ (Provincia Saltzburgenfis) X. 1. Dirimitur lis inter Admontenses Monachos & Plebanum de Libnitz. 2. Varia dantur Admontensibus. 441
3. Prælegitur Privilegium antecessorum Saltzburgenfium archi-episcoporum, datum Admontensibus. 4. Adalbertus archiep. confirmat jus fundatorum ecclesiæ S. Walpurgis. 5. Donat duas Parochias iisdem Admontensibus. 446
1188. LEODIENSE XII. Simoniacorum Clericorum poenitentia: acceptatio crucis pro militia sacra. 440
1188. COLONIÆ XXVII. Archiep. Colon. constituitur Legatus Sedis Apostolicæ contra Fridericum I. 440
1189. PADERBORNENSE IX. Widekindus poenitens compenfat damna illata ecclesiæ Paderbornensi, & relinquit multa, si in peregrinatione Jerusalem obierit. 446
1189. HALBERSTADENSE XIII. in Gatersleben. Theodoricus episc. Halb. confirmat donata ecclesiæ Kaldenbornensi. 448
1189. S. OTTONIS Bambergensis episcopi & Pomeranorum Apostoli translatio & elevatio. 451
- CLEMENTIS III. Bulla ad Commissarios in causa hujus elevationis. ejusdem Papæ ad Clerum & populum Bambergensem. 451
1189. TREVERICUM XXIII. Schisma inter electos Treverenses Archiep. sopitum substituto Joanne I. 453
1190. FRISINGENSE XXII. Otto episc. Frising. confert Allershausen Neocellæ abbatæ Ord. Præmonstrat. *In Supplem.* 789
1191. HILDESINUM VII. Beruo episc. Hildesh. bona monasterii Stederburgensis Canonicorum regularium confirmat. 454

<i>Annus Christi.</i>		<i>Pag.</i>
1191.	MOGUNTINUM xxxiii. Conradus Archiep. Moguntin. & Cardinalis fundat Præposituram Conradsdorffii.	<i>In Supplem.</i> 790
1192.	TULLENSE xxi. Odonis episc. Canones IX. editi.	455
1193.	ROMANO in Concilio Canonizatio S. Bernwardi episc. Hildesemensis.	457
1194.	HILDESINUM viii. Promulgatio Canonizationis & elevatio corporis S. Bernwardi episc. Hild. Bulla Canonizationis ejusdem Sancti.	457
1194.	COLONIENSE xxviii. Adolphus archiep. in protectionem suscipit Monasterium Fussenich Monialium Ord. Præmonstrat.	<i>In Supplem.</i> 791
1195.	In FRANCKVORD X. edictum Henrici VI. regis, pro immunitate Cleri a foro laicali.	459
1195.	In LAUFFEN XI. [Provinciae Saltzburgerensis] Adalbertus archiepisc. Salisb. Admontensis Abbatiae & Hallensis Præpositurae jura & privilegia confirmat. 2. Pilgrimum ad resignandam abbatiam compellit.	459
1196.	MOGUNTIAE xxxiv. Conradus Archiep. concedit facultatem allodialia bona donandi Cœnobio Owelsburg, Cisterciensis familiae.	463
1196.	WORMATIENSE xxii. Ludolphus episc. Wormat. jus pastorale in Bubenheim abbati Arnsteinio tribuit, & bona in Schwetzingen Cœnobio Schenningensi.	464
1197.	VERDENSE I. Rudolphus episc. Verdenis approbat foundationem Cœnobii juxta Buxtehude.	<i>In Supplem.</i> 792
1197.	COLONIENSE xxix. Adolphus archiep. Colon. confirmat ecclesiae Monasterii Eiffiae jus Patronatus in Reinbach.	465
1198.	COLONIENSE xxix. Adolphus archiep. Colon. excommunicat Conradum de Blankenheim Dominum de Sleida, ob decimas Steinfeldiae Canoniae ablatas.	466
1198.	In MULHAUSEN eligitur Philippus Suevus Rex Germaniae. Juramentum ejusdem in manibus Legatorum Apostolicorum & Principum.	467
1198.	COLONIE Curia, in qua Otto IV. eligitur. Episcoporum & Principum e Conventu Coloniensi literæ ad Papam pro Ottone. Adolphi Archiep. Colon. literæ ad Innocentium III. pro eodem Ottone.	472
1200.	In OCKERSDEVEN (Provincia Halberstadenfis) XIV. De lite Archiep. Diaconi Halberstadenfis copita.	472
1200.	ROMANUM Concilium, in quo S. Kunigundis Imperatrix canonizatur.	473

Digressio ad Sæculum Duodecimum.

§. I.	De Serie Germaniæ Regum & Imperatorum Occidentis.	475
§. II.	Per Capitulum indicari in multis Ecclesiis Concilium Diaecesos aut Provincie.	476
§. III.	De Canonistis Germaniæ Sæculo Duodecimo.	477
§. IV.	De hæresibus Sæculi XII. & eorum impugnatoribus.	478
§. V.	Classes, in quas Synodi hujus Sæculi opportune distribuuntur.	480

SÆCULUM XIII. ÆRÆ CHRISTIANÆ.

1203.	PASSAVIENSE III. Concilium. De controversis decimis Parochiæ Grieskirchen inter Dominum Ortolfum & fratres suos de Tegernbach.	483
1204.	CAMINENSE I. De discrimine in admittendis mulieribus criminosis ad Eucharistiam præ aliis.	483
1205.	HALBERSTADII XV. approbat exemptionem villæ Eylwardesdorp.	483
1207.	AUGUSTANUM VI. Egbertus episc. Bambergensis a crimine læsæ Majestatis se purgat.	484
1208.	HALBERSTADII XVI. Contractus inter Decanum & Canonicos B. Mariæ Halberstadenfis ex una, & W. Provisorum fratrum militiæ Templi, Synodali banno firmatus.	484
1208.	HALBERSTADII XVII. 1. Otonis III. regis iterata electio. 2. Querelæ eccle-	

Annus Christi.

Pag.

- ecclesiæ Wurceburgensis de damnis a Philippo rege illatis. 3. Conradi Halberstadii episc. desiderium episcopatus abdicandi, a Legatis Apostolicis rejectum. 487
1209. TRAJECTI AD RHENUM VII. Statuta XVIII. consensu Cleri. 2. Lis de jure Patronatus in Brugdamme componitur, & banno Synodali ratificatur. 489
1209. HERBIPOLENSE VIII. Legatus Sedis Apostolicæ proponit facultatem dispensandi super consanguinitatis impedimento inter Ottonem IV. & Philippi Ducis Sueviæ filium. 2. Abbatis Morimundensis propositio pro satisfactione ob dispensationem. 3. Ottonis regis declaratio de matrimonio ineundo. 4. Deliberatur, secedente fratre Regis. 5. Lupo dux Austriæ Dux aperit mentem Concilii. 6. Nova sponsa introducit, benedicitur, Regina declaratur. 7. Hugoldus abbas Corbejæ obtinet confirmationem privilegiorum. 491
1209. GOSLARIE V. Rex impetrat Confraternitatem Cisterciensis Ordinis. 493
1211. SPIRENSE II. Conradus episc. Spirensis jus Patronatus & Decimas in Medinheim confirmat. *In Supplm.* 794
1213. INNOCENTII III. invitatoria ad Concilium Lateranense omnibus archiep. & episc. Germaniæ scripta. 494
1213. APUD EGRAM in Bohemia Friderici II. Bulla aurea pro Libertate ecclesiastica. 495
1213. INNOCENTII III. Literæ ad Episcopos Westphaliæ, Saxoniæ, approbantes consecrationem Theodorici, novi in Livonia episcopi futuri. 497
- Ejusdem ad eosdem animandos ad convertendum ad Christum Livoniam, altera epistola. 497
- Ejusdem invitatoria secunda ad Concilium Lateranense post biennium cogendum omnibus Archiep. & episc. Germaniæ. 498
1219. SALTZBURGENSE XII. 1. De episcopatu Seccoviensi. 2. De vigesima parte bonorum a Clericis pendenda pro subsidii terræ sanctæ. 3. Facultas Clericis data bona oppignorandi ad triennium. 502
1219. HALBERSTADII XVII. Fridericus episcopus Advocatiam ecclesiæ Caldenbrunnensis sibi cessam, eidem ecclesiæ donat. 502
1220. PATAVIENSE IV. De vigesima parte proventuum ecclesiasticorum pendenda triennio pro recuperanda terra sancta. 505
1220. FRIDERICI II. edictum pro cassandis iis, quæ sunt edita contra Libertatem ecclesiasticam. 505
- Ejusdem Constitutio pro Libertate ecclesiastica. 506
- Ejusdem contra varios Hæreticos pœnæ dictata. 506
- Ejusdem altera contra Hæreticos. 507
- Ejusdem tertia contra Hæreticos. 508
1220. FRIDERICI Imp. Privilegium libertatis Germanicarum ecclesiarum Romæ hoc anno, & Francfurti anno 1212. editum. 510
- Ejusdem Constitutio de bonis Comitissæ Mathildis, ab injustis possessoribus restituendis Sedi Apostolicæ. 512
1222. COLONIENSE XXX. Provinciale. Engelbertus Metropolitæ arguit Hugonem Leodiensem Suffraganeum suum, quod Neophytæ Judææ baptizata non assistat. 514
1224. PADERBORNENSE X. Oliverii episc. Confirmatorium omnium Statutorum a Prædecessoribus. 514
1224. HALBERSTADIENSE XVIII. Fridericus episc. acceptat donationem factam ecclesiæ in Meringa. 515
1224. BARDEWICI I. Conradus Cardinalis Legatus Sedis apostol. damnat Præpositum novi operis. *In Supplm.* 795
- FRIDERICI II. Literæ de eadem causâ scriptæ Abbatissæ Goslariensi. 796

<i>Annus Christi.</i>		<i>Pag.</i>
✓ 1224.	HILDESEMENSE IX. Henricus Goslariæ novi Operis Præpositus, ob hæreseos crimen iterato damnatur & degradatur.	515
✓ 1224.	WORMATIÆ XXIII. Possessio controversa Schœnaugienſi Cœnobio adjudicatur.	517
✓ 1225.	MAGDEBURGENSE IX. Conradus Legatus apostol. Sedis litem inter duas Abbatissas Quedlinburgenses componit.	518
✓ 1225.	GERMANICUM Loci incerti. Conradus Legatus Apostolicus edit Capitula XV.	520
✓ 1225.	MOGUNTINUM XXXV. Præconium Engelberti Archiep. Colon. & Martyris. 2. Excommunicatio Friderici Comitis patriciæ & complicum. 3. Causa fratrum Friderici Isenburgici Comitis ad Concilium Leodiense dilata.	524
✓ 1226.	LEODIENSE XIV. Duorum Episcoporum, parriciæ fratrum, causa examinata: subicitur Romano Pontifici: interim deponuntur.	526
✓ 1227.	TREVIRENSE XXIV. Canones XVII.	527
✓ 1230.	HILDESEMENSE X. Conradus episc. dimidiam decimam in Brunnen sibi donatam, donat Cœnobio S. Godehardi.	535
✓ 1230.	GREGORIUS IX. PP. respondet Synodali quæstioni a Bertholdo Argentinenſi episc. propositæ: an in patris Catholici, an matris Judææ potestate sit eorum baptizatus infans?	536
✓ 1230.	HERBIPOLENSE IX. ab Ottone Legato Apostolico indictum, ob literas Ducis Saxoniz non celebratur.	537
✓ 1231.	HUJENSE. (Provinciæ Leodiensis) XII. Acta latent.	538
✓ 1231.	LEODIENSE XIII. Ottonis Legati apostol. opinio de æquali divisione omnium bonorum inter ecclesiasticos, non acceptatur.	538
✓ 1231.	TREVERIS XXVI. adversus hæreses undique invalescentes. GREGORII IX. epistola ad Theodoricum Treverensem Archiep. de iis hæreticis examinandis & puniendis.	539
1231.	FRIDERICI II. Constitutio de paganis ad fidem Christi adducendis, & iis data privilegia.	540
1231.	S. VIRGILII Salisburgensis Archiep. Canonizatio facta post relationem Commissariorum, a Papa in Germania datorum.	541
✓ 1231.	FRISACENSE II. sub Eberhardo Archiep. Salisburg.	542
✓ 1233.	LEODIENSE XIV. Acta perierunt hætenus.	542
✓ 1233.	MOGUNTINUM XXXVI. De hæresibus grassantibus. GREGORII IX. PP. epistola ad Henricum regem de hæreticis coercendis. Epistola Moguntini Archiepisc. ad Papam de Magistro Conrado Marpurgensi.	544
✓ 1234.	FRANCOFORDIENSE XI. Inquisitio in Conradum Magistrum Marpurgensem. Ejusdem prolixior descriptio. Absolutio Comitis de Seyna, aliorumque.	543
1234.	Constitutiones Regis Henrici & Principum apud Franconfurt.	548
1234.	STEDINGI hæretici: contra quos delendos Gerardus Bremensis Archiepisc. crucem prædicat. Bellum indicitur, vincuntur, resipiscunt. Papa dat facultatem absolvendi.	551
✓ 1238.	TREVERICUM XXVII. Provinciale. Canones XLV. conditi.	551
1239.	Apologia Friderici II. ad excommunicationem Gregorii IX. ejusque causas.	554
✓ 1239.	MOGUNTINUM XXXVII. Invitatoria Sigifridi Archiep. 2. Excusatoria Hildesemensis episcopi. 3. Acta Synodi. 4. Dedicatio Metropolitanæ Moguntinæ.	562

Annus Christi.

Pag.

- ✓ 1239. Engelhardi episc. Naumburgensis Reformatio & Visitatio suæ Diocesis. 569
- ✓ 1242. BAMBERGÆ X. De necessitatibus hujus ecclesiæ deliberatur. 569
- ✓ 1243. MOGUNTINUM XXXVIII. Provinciale. De proedria inter Suffraganeos hujus Metropolis. Dedicatio ecclesiæ. 569
- ✓ 1246. FRITSLARÆ III. sub Moguntino archiep. Canones XIV. 571
Epistola Synodalis Sigefridi Moguntini, una cum Epistola Innocentii IV. Papæ. 576
- ✓ 1248. FRISINGENSE XXII. Abbatis Tegernseensis depositio. Novi electi confirmatio. 577
1248. INNOCENTII IV. Epistola de Metropoli Lubecæ vel Camini constituendo. 578
- ✓ 1248. ULTRAJECTINUM VIII. Goeswini de Amstel episcopi abdicatio. 578
- ✓ 1249. SALTZBURGENSE XII. in Mildorff. Ottonis Bajoariæ Ducis reconciliatio cum Papa quaritur, nec obtineri potest. 579
- ✓ 1250. PETRI Albanensis episc. Cardinalis Legati Apostolici Statuta pro ecclesia Leodiensi. (LEODIENSE XV.) 579
- ✓ 1256. MOGUNTINUM XXXIX. Contra violatores ecclesiastica libertatis. 586
- ✓ 1259. HILDESINUM XI. Fundatio & dotatio Cenobii in Backenrode. 587
- ✓ 1260. COLONIENSE xxx. Provinciale. (Primum inter impressa anno 1554.) Canones XIV. pro Canonicis sub Conrado archiep. Sub eodem pro Monachis Canones XXVII. 588
- ✓ 1261. MOGUNTINUM XL. Provinciale, sub Wernero archiep. Canones LIV. 596
- ✓ 1261. PATAVIENSE V. Eliguntur taxatores pro colligendo are in subsidium belli sacri. *In Supplem.* 797
1263. PADERBORNENSE XI. De jurisdictione Archidiaconorum in ecclesia. 616
1263. TREVERICUM xxviii. indictum. 616
1266. COLONIENSE xxxi. sub Engelberto II. Canones XLV. 617
1266. MAGDEBURGENSE X. Statuta XXIII. *In Supplem.* 798
Epistola GUIDONIS, Cardinalis Presbyteri Apost. Sedis Legati, Encyclica ad Provinciam Magdeburgensem & episc. Kaminensem, quæ summam Concilii Magdeburgensis statuta complectitur. *In Supplem.* 802
1267. WRATISLAVIÆ I. De subsidio terræ sanctæ procurando. 631
1267. VIENNÆ in Austria I. Statuta XIX. 632
1273. LEODII XVI. indictum Concilium. 637
1274. LEODII publicata Decreta anni 1250. pro Diocesi Leodiensi a Legato Apostolico facta. 637
1274. LUGDUNENSI II. *documentis, multi ex Germania intersunt.* 638
1274. SALTZPURGENSE XIII. Statuta XXIV. 639
1275. BASILEENSE II. sub Henrico episcopo, Acta perierunt. 644
1275. MONASTERIENSE III. sub Everhardo episc. Statuta xxiii. 644
1279. WRATISLAVIENSE II. sub Thoma episc. *In Supplem.* 808
1281. SALISBURGENSE XIV. Capitula XVIII. 653
1281. COLONIENSE xxxii. sub Sifrido Archiepisc. Statuta XVIII. 657
1282. ASCHAFFENBURGENSE I. Variæ indulgentiæ à variis episcopis, & variis Ecclesiis concessæ in hoc Concilio. 671
1284. PATAVIENSE VI. ad Sancti Hippolyti. Canones xxxiv. 673
Additio ad idem Concilium. 680
Pena ex commissione Papæ decernitur in Monachos Altahenfes. *Suppl.* 810
1286. NAUMBURGENSE II. Executio Concilii Magdeburgensis & Honorii Papæ. 682
1287. LEODIENSE xvii. sub Joanne episc. Capitula plurima. 684
Modificationes dicti Concilii 1290. editæ. 721
1287. HERBIPOLENSE xi. Petitio subsidii in quinquennium. §. 2. Canon. XLII. 725
§. 3. Indulgentiæ variis ecclesiis concessæ. 734
§. 4. Pax publica hic inita & promulgata. 737

Annus Christi.

1288. SALISBURGENSE xv. Anathema Clericis laico servientibus. 2. Interdictum feudi honorum Ecclesiastici aliis impertiendi. 737
 1289. WRATISLAVIÆ iii. Declaratio reservatorum casuum Papæ & Episcopo. 789
 1290. WRATISLAVIÆ iv. Contra violatores episcopi & spoliatores comitum ejusdem. 741

Finis Indicis Chronologici Germanicæ Concilior. Tom. III.

INDEX ALPHABETICUS CONCILIORUM GERMANIÆ

TOMI III.

Item eorum, quæ pro, aut de Ecclesiis, aut Episcopis Germanicæ extra eam celebrata fuere.

A.

- quisgranense vigesimum sextum A. Mxxii. pag. 8
 Vigessimus 7^{mus} MLxxxvii. p. 206
 Vigessimus 8^{mus} MCxxxiii. p. 323
 Vigessimus 9^{mus} Mclxvi. p. 399
 Vigessimus MCxcviii. p. 470
 Argentinense I. Concil. Mxxi. p. 206
 Secundum MCxxvi. p. 298
 In Arneburg primum mv. p. 27
 Aschaffenburgense I. Mccclxxxii. p. 671
 Atrebatense primum Mxxv. p. 68
 Secundum Mxc. p. 211
 Tertium Mxcvii. p. 22
 Quartum Mclxxxiii. p. 427
 Augustanum secundum
 Concilium anno Mli. p. 17
 Tertium Mlxii. p. 128
 Quartum MCxxxv. p. 329
 Quintum Mcliv. p. 376
 Sextum Mccvii. p. 484

B.

- Bambergæ primum C. Mxii. p. 42
 Secundum Mxix. p. 42
 Tertium Mlii. p. 121
 Quartum Mlviii. p. 126
 Quintum Mlxxxvii. p. 206
 Sextum Mccxlv. p. 294
 Septimum Mccxxv. p. 780
 Octavum Mcl. p. 365
 Nonum Mclxxxix. p. 451
 Decimum Mccxlii. p. 569

- Basileense primum C. Mlxxii. p. 127
 Secundum Mccclxxvi. p. 644
 Bisuntinus vel Vesontione. Conventus Mccclxxvi. p. 389
 Bisuntinum primum C. Mxli. p. 743
 Brixinæ primum. Concil. liabulum anno Mlxxxii. p. 191

C.

- Cameracense primum Mxxx. p. 101
 Cameracensis Episcopi confutatio Episcoporum Franciæ anni Mxxxiii. p. 102
 Caminense primum C. Mcciv. p. 483
 Colonienſe octavum Mlvii. p. 125
 Nonum Mlxxvii. p. 182
 Decimum Mlxxvii. p. 187
 Undecimum Mcl. p. 244
 Duodecimum Mccix. p. 255
 Decimum tertium Mcl. p. 256
 Decimum 4^{um} Mccvi. p. 271
 Decimum 5^{um} Mccix. p. 274
 Decimum sextum in Monasterio Corneliæ ad Indam Mccix. p. 274
 Decimum 7^{um} Mccxxii. p. 325
 Decimum 8^{um} Mccxxviii. p. 338
 Decimum nonum Mccxli. p. 353
 Vigessimus Mclii. p. 369
 Vigessimus 1^{um} Mclxiii. p. 392
 Vigessimus 2^{um} Mclxxxiii. p. 404
 Vigessimus 3^{um} Mccxxcii. p. 426
 Vigessimus 4^{um} Mccxcvi. p. 428
 Vigessimus 5^{um} Mccxcviii. p. 438
 Vigessimus 6^{um} Mccxciv. p. 791
 Vigessimus 7^{um} Mccxcvii. p. 465
 Vigessimus 8^{um} Mccxcvii. p. 465

Vigefimum 8 ^{um}	MCXCVIII.	p. 466
Vigefimum 9 ^{um}	MCXCVIII.	p. 469
Tricefimum	MCCXXII.	p. 314
Tricefimum 1 ^{um}	MCCLX.	p. 588
Tricefimum 2 ^{um}	MCCLXVI.	p. 617
Tricefimum 3 ^{um}	MCCLXXXI.	p. 657
Confluentia tertium A.	MXII.	p. 42
Conftantia quintum	MY.	p. 27
Sextum	MXXXIII.	p. 103
Septimum	MXLIV.	p. 110
Octavum	MXLVII.	p. 111
Nonum	MXCIV.	p. 221
Decimum	MCLII.	p. 370
Undecimum	MCLIII.	p. 376
Duodecimum	MCXCVIII.	p. 476
Cremismunfterii in Paf-		
faviensi Provincia A.	MCLX.	p. 385

E.

Erphurdienfe II. Conc.	MLXXXIII.	p. 162
Tertium	MLXXXIII.	p. 163
Quartum	MLXXXIV.	p. 186
Quintum	MCLXI.	p. 387

F.

Franconofurdienfe IV.	ML.	p. 22
Quintum	MVI.	p. 33
Sextum	MVII.	p. 36
Septimum	MXXVII.	p. 99
Octavum	MCXLVII.	p. 354
Nonum	MCLXI.	p. 387
Decimum	MCXCV.	p. 459
Undecimum	MCCXXXIV.	p. 548
Friſaci in Carinthia I.	MCLX.	p. 386
Friſingenſe decimum		
octavum Conc. anni	MCXL.	p. 781
Decimum ponum	MCXLIII.	p. 782
Vigefimum	MCLXX.	p. 402
Vigefimum 1 ^{um}	MCXC.	p. 789
Vigefimum 2 ^{um}	MCCXLVIII.	p. 577
Friteslaria primum C.	MXX.	p. 52
Secundum	MCXVIII.	p. 272
Tertium	MCCXLVI.	p. 571

G.

Gandesheimenſe tertium M.		p. 18
Geilenhufii primum	MCXXCVI.	p. 432
Geitzlice I. Moguntin.	MXXVII.	p. 100
Germanicum loci incer-		
ti VIII.	MXLVII.	p. 746
Nonum	MCCXXV.	p. 520
Goslaria primum C.	MIX.	p. 42
Secundum	MXVIII.	p. 51
Tertium	MLI.	p. 118
Quartum	MCXV.	p. 268
Quintum	MCCIX.	p. 493

H.

Halberſtadt in Gotzeck

Tertium Concil. A.	MLIII.	p. 120
Quartum	MLIX.	p. 127
Quintum	MCXX.	p. 279
Sextum	MCXXI.	p. 280
Septimum	MCXXXVII.	p. 337
Octavum	MCLXVII.	p. 356
Nonum	MCL.	p. 365
Decimum in Oſters-		
leve	MCLXXVIII.	p. 417
Undecimum	MCXXCIII.	p. 427
Duodecimum	MCXXCVI.	p. 434
Decimum tertium		
in Gatersleben	MCXXCIX.	p. 448
Decimum quartum		
in Ockersdeve	MCC.	p. 472
Decimum quintum	MCCV.	p. 483
Decimum ſextum	MCCVIII.	p. 484
Decimum ſeptim.	MCCVIII.	p. 487
Decimum octavum	MCCXIX.	p. 502
Decimum nonum	MCCXXIV.	p. 515
Heiligenſtadienſe I. C.	MXCIII.	p. 218
Herbipolenſe primum	MCXV.	p. 269
Secundum	MCXXXVIII.	p. 304
Tertium	MCXXX.	p. 312
Quartum	MCXXXIII.	p. 327
Quintum	MCXXXVI.	p. 331
Sextum	MCXXXVII.	p. 335
Septimum	MCLXV.	p. 394
Octavum	MCLXIX.	p. 401
Nonum	MCCIX.	p. 491
Decimum	MCCXXX.	p. 537
Undecimum	MCCCLXXXVII.	p. 724
Hildeſheimenſe in Holt-		
hufen I. Concil. A.	MXXXVI.	p. 104
Secundum	MCXXXI.	p. 322
Tertium	MCXXXII.	p. 324
Quartum	MCXLVI.	p. 787
Quintum	MCXLIX.	p. 363
Sextum	MCLXXXVIII.	p. 415
Septimum	MCXCI.	p. 454
Octavum	MCXCIV.	p. 457
Nonum	MCCXXIV.	p. 519
Decimum	MCCXXX.	p. 539
Undecimum	MCCCLIX.	p. 587

I.

Lateranenſis anni	MCXII. mentio.	p. 265
Lateranenſis I. general.	MCXXII. mentio.	p. 289
Lietzgo primum C.	MXVII.	p. 48
Leodienſe ſextum	MLXXIV.	p. 165
Septimum	MCXXIV.	p. 757
Octavum	MCXXXI.	p. 307
	MCXXXI.	p. 315
Nonum	MCXLY.	p. 359

Leodiense X. A. MCLI.	p. 367
Undecimum MCXXC.	p. 422
Duodecimum MCCXXVI.	p. 524
Decim. 3 ^{um} in	
Huy. - MCCXXXI.	p. 538
Decim. 4 ^{um} MCCXXXIII.	p. 542
Decim. 5 ^{um} MCCL.	p. 579
Decim. 6 ^{um} MCCLXXXIII.	p. 637
Decim. 7 ^{um} MCCLXXXVII.	p. 685

M.

Magdeburgense	
Tertium A. MCX.	p. 257
Quartum MCXXVI.	p. 299
Quintum MCCXXV.	p. 328
Sextum - MCXL.	p. 341
Septimum MCLXII.	p. 388
Octavum MCLXXV. Hallense	p. 409
Nonum - MCCXXV.	p. 518
Decimum - MCCLXVI.	p. 798
Marpurgi I. A. MCCXXXV.	p. 557
Merense tertium MCII.	p. 366
Merseburgi 1 ^{um} MIV.	p. 26
Secundum - MXVII.	p. 48
Tertium - MXXVIII.	p. 100
Moguntinum xv. MXII.	p. 42
Decima. 6 ^{um} MXXII.	p. 51
Decim. 7 ^{um} MXXIV.	p. 65
Decim. 8 ^{um} MXLIX.	p. 112
Decim. 9 ^{um} MLIV.	p. 124
Vigesimum MLXIX.	p. 153
Vigef. 1 ^{um} MLXXI.	p. 154
Vigef. 2 ^{um} MLXXX. Conciliab.	p. 190
Vigef. 3 ^{um} MLXXXV. Conciliab.	p. 201
Vigef. 4 ^{um} MCXXII.	p. 289
Vigef. 5 ^{um} MCXXV.	p. 297
Vigef. 6 ^{um} MCXXVII.	p. 300
Vigef. 7 ^{um} MCXXX.	p. 309
Vigef. 8 ^{um} MCXXXI.	p. 320
Vigef. 9 ^{um} MCXLIII.	p. 347
Trigesimum MCLIX. turbatum.	p. 387
Trigef. 1 ^{um} MCLXXI.	p. 403
Trigef. 2 ^{um} MCXXC.	p. 425
Trigef. 3 ^{um} MCXCI.	p. 790
Trigef. 4 ^{um} MCXCVI.	p. 463
Trigef. 5 ^{um} MCCXXV.	p. 524
Trigef. 6 ^{um} MCCXXXIII.	p. 542
Trigef. 7 ^{um} MCCXXXIX.	p. 567
Trigef. 8 ^{um} MCCXLIII.	p. 569
Trigef. 9 ^{um} MCCLVI.	p. 586
Quadragesim. MCCLXI.	p. 596
Monasteriense I. MXLI.	p. 110
Secundum MCXXV.	p. 776
Tertium MCCLXXV.	p. 644
Mulhausen I. A. MCXCVIII.	p. 468

N.

Natumburgense I. MCCXXXIX.	p. 569
Secundum - MCCLXXXVI.	p. 682
Noviomagi Nui-	
magen II. Concil. MXVIII.	p. 49
Northufanum I. A. MCV.	p. 248
Nurembergæ I. A. MLXXIV.	p. 172
Secundum - MCLXVI.	p. 410
Tertium - MCLXX.	p. 402

P.

Paderbornense VII. MXXIX.	p. 101
Octavum - MCIII.	p. 246
Nonum - MCLXXXIX.	p. 446
Decimum - MCCXXIV.	p. 514
Undecimum MCCLXIII.	p. 616
In Palichi I. Concil. MI.	p. 21
Secundum - MVII.	p. 38
Papiense I. Conciliabul. MCLX.	p. 384
Pasfaviense I. Conc. MLXXIV.	p. 173
Secundum - MCLXV.	p. 397
Tertium - MCCIII.	p. 482
Quartum - MCCXX.	p. 505
Quintum - MCCLXI.	p. 797
Sextum ad S. Hip-	
polytum - MCCXXCIV.	p. 673
In Perstatt alis Ber-	
chaz I. Conc. A. MLXXXII.	p. 197
Pysanum Concilium MCXXXIV.	p. 308

Q.

Quintineleburg IV. MLXXXV.	p. 199
----------------------------	--------

R.

Ratisbonense IX. C. MLII.	p. 118
Decimum - MLXXV.	p. 168
Undecimum MCIV.	p. 247
Duodecimum MCXL.	p. 342
Decimum 3 ^{um} MCL.	p. 365
Decimum 4 ^{um} MCLXXIV.	p. 407
Romanum Concilium MXXVII.	p. 742
Romanum - MXLI.	p. 744
Romanum - MXLIX.	p. 747
Romanum - ML.	p. 114
Romanum - MIC.	p. 224
Romanum - MCXXXIII.	p. 326
Romanum - MCXLV.	p. 783
Romanum - MCXCIII.	p. 457
Romanum - MCC.	p. 473

S.

Salgunst Anno MXXII.	p. 55
Salzburgense III. MCXLI.	p. 343
IVtum Hallense MCXLVI.	p. 352
Quintum - MCL.	p. 365
Saltz-	

Saltzburgense sex-		Tullense nonum A. ML.	p. 116
tum in Lauffen MCLXVI.	p. 411	Decim. MLXXVI.	p. 160
7 ^{um} in Hohenawe MCLXXVIII.	p. 419	Undecim. MLXXIV.	p. 174
Octavum MCLXXX.	p. 424	Duodecim. MLXXVI.	p. 181
9 ^{um} in Libnitz MCLXXXVII.	p. 441	Decim. tertium MXC.	p. 213
10 ^{um} in Lauffen MCXCV.	p. 459	Decim. quartum MXCI.	p. 213
Undecim. MCCXIX.	p. 507	Decim. quintum MCV.	p. 249
Duodecim. in		Decim. sextum MCXI.	p. 267
Mildorff MCCXLIX.	p. 579	Decim. septim. MCXVI.	p. 269
Tredecim. MCCLXXIV.	p. 639	Decim. octavum MCXXII.	p. 282
Decim. 4 ^{um} MCCLXXXI.	p. 653	Decim. nonum MCXXVI.	p. 333
Decim. 5 ^{um} MCCXXCVIII.	p. 737	Vigefim. MCXCII.	p. 455
Sleswicenf. Conc. MLXI.	p. 145	V.	
Spirense primum MLXXVII.	p. 205	Verdense II. Concil. MCXCVII.	p. 792
Secundum MCXLIX.	p. 362	Virdunense tertium MLXXX.	p. 189
Tertium MCCXI.	p. 794	Venetis MCLXXXVII.	p. 413
In Sylva Capuana MLXXX.	p. 193	Viennense in Austria MCCLXVII.	p. 632
T.		Ulmenf. III. Conc. MLXXVI.	p. 180
Theodonis villæ VI. A. MHI.	p. 28	Quartum MXCIII.	p. 220
Tiburtinum MII.	p. 23	Ultrajectinum III. MLXIII.	p. 148
Tremonienf. MV.	p. 31	Quartum MLXXIX.	p. 188
Treyerense XII. A. MXXXVII.	p. 106	Quintum MLXXXVII.	p. 203
Tredecim. MLXXXIII.	p. 150	Sextum MCLXXIII.	p. 404
Decim. quartum MXXCVIII.	p. 208	Septimum MCCIX.	p. 488
Decim. quintum MCVII.	p. 251	Octavum MCCXLVIII.	p. 578
Decim. sextum MCXXXI.	p. 321	Uzedomi in Pome-	
Decim. 7 ^{um} MCXXXV.	p. 327	rania Concilium MCXXVII.	p. 301
Decim. octavum		W.	
in Rhetel MCXXXVI.	p. 332	Werdæ Cæfaris I. MCI.	p. 244
Decim. nonum MCXLII.	p. 344	Werla I. Concilium MVIII.	p. 40
Vigefim. MCXLVIII.	p. 358	Wormariæ xiv. C. MXXVII.	p. 98
Vigefim. 1 ^{um} MCLXVIII.	p. 393	Decim. quintum MXLVIII.	p. 111
Vigefim. 2 ^{um} MCLXXIX.	p. 421	Decim. sextum MLII.	p. 119
Vigefim. 3 ^{um} MCXXCVII.	p. 437	Decim. septim. MLXX.	p. 151
Vigefim. 4 ^{um} MCXXCIX.	p. 453	Decim. octavum MLXXVI.	p. 178
Vigefim. 5 ^{um} MCCXXVII.	p. 526	Decim. nonum MCXXII.	p. 283
Vigefim. 6 ^{um} MCCXXXI.	p. 539	Vigefim. MCXXVII.	p. 299
Vigefim. 7 ^{um} MCCXXXVIII.	p. 558	Vigef. primum MCLIII.	p. 372
Vigefim. 8 ^{um} MCCLXIII.	p. 616	Vigef. secundum MCXCVI.	p. 464
Triburiense III. C. MXXX.	p. 101	Vigef. tertium MCCXXIV.	p. 517
Quartum MXXXVI.	p. 103	Wratislavienf. I. C. MCCLXIII.	p. 631
Quintum MLXVI.	p. 149	Secundum MCCXXCIX.	p. 739
Sextum MLXXVI.	p. 180	Tertium MCCXC.	p. 741



CATALOGUS ROMANORUM PONTIFICUM

AB ANNO M. AD MCCXC.

Quorum anni Conciliis Germaniæ præfiguntur.

<i>Nomen & Natio.</i>	<i>Ordo Successio- nis à S. Petro.</i>	<i>Adit Pontificatum.</i>	<i>Sedit in Cathe- dra Petri.</i>	<i>Obiit vel abiit à Pontificatu.</i>
Joannes XVII. <i>Romanus, ante Sicco dictus.</i>	CXLIII.	Anno Christi MIII. III. Idus Jun.	Menfes 5. Dies 25.	Anno Christi MIII. VII. Idus Decembr.
Joannes XVIII. <i>Romanus; ante Fasanus.</i>	CXLIV.	MIII. VII. Kalend. Januar.	Annos 5. Menfes 5.	MIX. extremo Majo.
Sergius IV. <i>Romanus, ante Pé- trus, Episcopus Albanensis.</i>	CXLV.	MIX. post 17. Jun.	Annos 2.	MXII.
Benedictus VIII. <i>ex Comitibus Tuscu- lanis, ante Joannes.</i>	CXLVI.	MXII.	Annos II.	MXXIV.
<i>Gregorius Antipapa.</i>				
Joannes XIX. <i>alii XX. Romanus, frater Antecessoris.</i>	CXLVII.	MXXIV. post 6. Junii.	Annos 9.	MXXXIII.
Benedictus IX. <i>Nepos duorum Antecessorum.</i>	CXLVIII.	MXXXIII. Puer decen- nis.	Annos II.	dejectus pri- mo Anno MXXXVIII. secundo A. MXLIV. & 3 ^{to} MXLVIII. Obiit circa MLIV.
<i>Sylvester III. Antipapa, ante, Joannes Savi- nensis Episcopus.</i>				
<i>Joannes XX. Antipapa.</i>				

Grego.

CATAL. ROMAN. PONTIFIC.

XXV

Nomen & Natio.	Ordo Successio- nis à S. Petro.	Adiit Pontificatum.	Sedit in Cathé- dra Petri.	Obiit vel abiit à Pontificatu.
Gregorius VI. <i>ante Joannes Gratianus.</i>	CXLIX.	Anno Christi MXLIV.	Annos 2. Menses 8.	Anno Christi MXLVI. ultra abdi- cat.
Clemens II. <i>Saxonicus, Bamber- gensis Episcopus, Suidgerus.</i>	CL.	MXLVI. die Natali Domini.	Menses 9. Dies 15.	MXLVII. VII. Idus Octobris.
Damasus II. <i>Germanus, Brix- nensis Episcopus, Poppo dictus.</i>	CLI.	MXLVIII. XVI. Kalend. Augusti.	Dies 23.	MXLVIII. VI. Idus Augusti.
S. Leo IX. <i>Germanus, Tullensis Episcopus, ante Bruno dictus.</i>	CLII.	MXLIX. pridie Idus Februarii. Romæ con- secratus.	Annos 5. Menses 2. Dies 17.	MLIV. XIII. Kalend. Maji.
Victor II. <i>ante Gebehardus, Germanus, Epi- scopus Aistettensis.</i>	CLIII.	MLV. Idib. Aprilis. Romæ con- secratus.	Annos 2. Menses 3. Dies 15.	MLVII. V. Kalend. Augusti.
Stephanus IX. <i>antea Fridericus, Lotharingæ Dux, Abbas Cassini.</i>	CLIV.	MLVII. IV. nonas augu- sti electus, consecratus III. non. aug.	Menses 7. Dies 27.	MLVIII. IV. Kalend. Aprilis.
<i>Benedictus X. Antipapa, post menses X. expulsus.</i>				
Nicolaus II. <i>Burgundus, ante Gerardus, Episc. Florentinus.</i>	CLV.	MLVIII. electus V. Kal. Januarii.	Annos 2. Menses 6. Dies 25.	MLXI. XI. Kalend. Maji.
Alexander II. <i>Mediolanensis, ante Anselmus dictus, Episc. Lucensis.</i>	CLVI.	MLXI. Kal. Octobr.	Annos 11. menses 6. Dies 21.	MLXXXIII. XI. Kalend. Maji.

Cadolaus, dictus Honorius II, Parmensis Episc. Antipapa.

<i>Nomen & Natio.</i>	<i>Ordo Successio- nis à S. Petro.</i>	<i>Adiit Pontificatum.</i>	<i>Sedit in Cathe- dra Petri.</i>	<i>Obiit vel abiit à Pontificatu.</i>
Gregorius VII. <i>Hetruscus, antea Hildebrandus.</i>	CLVII.	Anno Christi MLXXIII. electus xxii. apr. Presby- ter die Pente- costes, in- thronizatus 29. Junii.	Annos 12. mensum 1. Dies 3.	Anno Christi MXXCV. 25. Maji.

Guibertus, Ravennas, Antipapa, dictus Clemens III. Obiit 1100.

Victor III. <i>Beneventanus, antea Desiderius Cardinal. & Abbas Cassini.</i>	CLVIII.	MXXCVI. electus ix. Kal. Junii.	Annum 1. Menses 3. Dies 23.	MXXCVII. 16. Septemb.
--	---------	---------------------------------------	-----------------------------------	--------------------------

Urbanus II. <i>Gallus, antea Otto, Episcopus Ostiensis.</i>	CLIX.	MXXCVIII. IV. Idus Martii.	Annos 11. Menses 4. Dies 22.	MIC. iv. Kalend. Augusti.
---	-------	----------------------------------	------------------------------------	---------------------------------

Paschalis II. <i>Hetruscus, antea Rainerius Cardinal.</i>	CLX.	MIC. electus Kalend. Sep- tembris.	Annos 18. Menses 5. Dies 7.	MCXVIII. xii. Kalend. Februarii.
---	------	--	-----------------------------------	--

Gelasius II. <i>ante Joannes Caje- tanus, Cancellarius.</i>	CLXI.	MCXVIII. viii. Kalend. Febr. electus consecratus vi. Id. martii.	Annum 1. Dies 4.	MCXIX. iv. Kalend. Februarii.
---	-------	--	---------------------	-------------------------------------

*Mauritius Burdinus, Episcopus Bracarensis, Antipapa sub
nomine Gregorii VIII.*

Callistus II. <i>Burgundus, ante Guido, Archi-Epi- scopus Viennensis.</i>	CLXII.	MCXIX. V. Idus Februarii.	Annos 5. Menses 10. Dies 12.	MCXXIV. Idibus De- cembris.
---	--------	---------------------------------	------------------------------------	-----------------------------------

Honorius II. <i>Bononiensis, ante Lambertus, Epi- scopus Ostiensis.</i>	CLXIII.	MCXXIV. xii. Kalend. Junii.	Annos 5. Mensem 1. Dies 25.	MCXXX. xvi. Kalend. Martii.
---	---------	-----------------------------------	-----------------------------------	-----------------------------------

Innocentius II. <i>Romanus, ante Gre- gorius, Cardinalis.</i>	CLXIV.	MCXXX. xv. Kalend. Martii ele- ctus.	Annos 13. Menses 8. Dies 9.	MCXLIII. viii. Kalend. Octobris.
---	--------	---	-----------------------------------	--

Petrus

ROMANORUM PONTIFICUM.

XXVII

Nomen & Natio.	Ordo Successio- nis à S. Petro.	Adit Pontificatum.	Sedit in Cathe- dra Petri.	Obiit vel abiit à Pontificatu.
<i>Petrus Leonis sub Anacleti III. nomine Antipapa.</i>				
<i>Gregorius sub nomine Victoris IV. Antipapa.</i>				
Coelestinus II. <i>Tuscan, ante Vido.</i>	CLXV.	Electus MCXLIII. 26. Septemb. eodem coro- natus.	Menses 5. Dies 13.	Anno Christi MCXLIV. 9. Martii.
Lucius II. <i>Bonomiensis, Canon. Regul. S. Augustini.</i>	CLXVI.	MCXLIV. 12. Martii die Dominica e- lectus, qua & consecratus.	Menses 11. Dies 14.	MCXLV. 25. Februar.
Eugenius III. <i>Pisanus, Monachus Cisterciensis.</i>	CLXVII.	MCXLV. 27. Febr. ele- ctus, conse- cratus 4. Mar.	Annos 3. Menses 4. Dies 10.	MCLIII. 8. Julii.
Anastasius IV. <i>Romanus, Sabine Episcopus.</i>	CLXVIII.	MCLIII. 9. Julii.	Annum 1. Menses 4. Dies 24.	MCLIV. 2. Decembr.
Hadrianus IV. <i>Anglus, Canonice Regul. S. Rufi Abbas.</i>	CLXIX.	MCLIV. 3. Decembr.	Annos 4. Menses 8. Dies 29.	MCLIX. 1. Septembr.
Alexander III. <i>Tuscan, ante Ro- landus Cancellarius S. R. E.</i>	CLXX.	MCLX. 7. Septembr. electus, con- secratus 20. Septembris.	Annos 21. Menses 2. Dies 23.	MCXXCI. 30. Augusti.
<i>Octavianus, Romanus, primus Antipapa sub Alexandro III. intrusus 1159. Victor IV. dictus. Obiit 1164. Hoc Tom. pag. 394.</i>				
<i>Guido, Cremensis, secundus Antipapa, intrusus, dictus Pa- schalis II. 1164. Obiit 1168. H. T. pag. 394.</i>				
<i>Joannes, Abbas Strumensis, tertius Antipapa, intrusus 1168. dictus Calistus II.</i>				
<i>Landus, Sinitus, intrusus quartus Antipapa, sub nomine Innocentii III. captus, penitens, a vero Papa recipi- tur ad veniam.</i>				
Lucius III. <i>Lucensis, Episcopus Ostie & Veliterni.</i>	CLXXI.	MCXXCI. 1. Septembr. electus, 6. Septembr. coronatur.	Annos 4. Menses 2. Dies 18.	MCXXCV. 24. Novemb.
G 2			Urba:	

SERIES CHRONOLOGICA REGUM GERMANIÆ, IMPERATORUM OCCIDENTIS.



AB ANNO M. AD MCCXC.

HENRICUS, Bavariz Dux, Rex secundus Germaniz hoc nomine, Ottonis I. Imperatoris ex fratre Henrico. Nepos, Henrici I. Auctoris Pronepos, Rex Germaniz eligitur a Franconiz Proceribus A. 1002. VIII. Idus Junii, & coronatur Moguntiz a Willigiso Archiepisc. : dein eligitur a Saxonibus & Lotharingis, & coronatur Aquisgrani ab Heriberto Colon. Archiep. Fundat Episcopatum Bambergensium consensu Papæ, & Episcoporum Germaniz Anno 1006. & 1007. Coronatur Romæ Imperator in Paschate anni 1014. a Benedicto VIII. una cum Cunigunda Augusta: quo die non solum donata ab Carolo M., Ludovico, & Ottonibus confirmat; sed novis Dominiis donatis auget & ampliat, *hoc Tom. pag. 44.* Germaniz Ecclesias varias dotat. Ab Arnulfo Archiepisc. Mediolanensi Italiæ Rex coronatur anno 1018. contra Ardoinum Mediolanensis agri vastatorem, & Roncaliz Comitum Regia celebrat, Legesque condit. Germanico Clero indulget, ut a Clericis juramenta in persona non præstentur. Obiit in Gronna, Saxoniz oppido, anno 1024. 9. Julii: ætatis anno 46. hebdom. 3. dieb. 5. Regnavit annos 26. Imperavit decem. Canonizatus ab Eugenio III. Papa anno 1151. Cunigunda uxor, Sigefridi Comitis Luxemburgensis Filia, virginitatem in matrimonio servavit, demonstravitque contra calumniatores tunc præsentis & futuros, calcatis duodecim vomeribus ignitis illæso pede. Eadem ab Innocentio III. anno 1201. innumerum Sanctarum relata fuit. *XXXI*

CONRADUS SALICUS, Orientalis Franciæ Dux, natu major CUNO dictus per syncopen, præ fratre juniore Henrico commendatus fuerat Regni Successor ab antecessore: electus in villa Cambam inter Moguntiam & Wormatiam fuit, & VI. Idus Septembris anno 1024. ab Aribone Archiepisc. Moguntiz coronatur. Deinde Aquisgrani coronatur a Pilgrimo Archi-Episcopo Coloniensi cum Gisela Regina. Anno 1027. Romæ in Paschate a Joanne XIX. coronatus fuit Imperator coram Rudolfo Rege Burgundiæ, Knutone Rege Angliæ, & multis Germaniz Proceribus. Anno 1033. mortuo Rudolfo, Burgundiam, ut feudum Imperii, & Regnum Arelatense ad se recepit: in Monasterio Paterniano electus & coronatus Burgundiæ Rex die Purificatæ Virginis: at solemnisi Coronatio Genevæ facta est ab Hereberto Mediolanensi I. Augusti, eodem anno 1033. Præter Leges politicas multas unam tulit favore Ecclesiæ contra Simoniam apud Glabrum Rodolphum Lib. V. Cap. V. Obiit apud Traiectum Frisiæ anno 1039. 2da die Pentecostes, seu 4. Junii. Viscera Ul-

trajecti tumultata, sed corpus primo Coloniam delatum, multis elemosynis, lacrymis, & orationibus honorarunt cives pro animæ refrigerio, demum Spiræ sepultum fuit.

HENRICUS III. niger & pius dictus, Antecessoris ex Gisela filius natus anno 1017. fuerat, a Patre cum consensu Procerum designatus Germaniæ Rex A. 1026, & a Pilgrimo Archiepisc. Colonienſi undecennis Aquisgrani coronatus anno 1028. Brunoni Augustano Episcopo educandus committitur. Anno 1027. a Patre constitutus Dux Bavariz; anno 1028. Dux Alemanniæ & Rex Arelatenſis. Successit Patri anno 1039. Schisma inter tres Romani Pontificatus Candidatos feliciter extinxit convocato Episcoporum cœtu. Rejctis tribus Antipapâ Suidgerum, Bambergensem antea Episcopum, sub nomine CLEMENTIS II. Romanum Pontificem elegit A. 1046, quia in Romana Ecclesia non erat tunc talis reperta persona, quæ digne posset ad tanti honorem sufficere Sacerdotii. Ab hoc, Natalis Dominici die Romæ consecratus, ipse & conjux ejus Agnes Imperiali Corona insigniti fuerunt. Post ejusdem Clementis II. anno 1048. nuntiatam mortem, Legati Romanorum adierunt Imperatorem, Poledæ in Saxonia Natalem Domini celebrantem, & Successorem postulant. Designavit eis Popponem Brixinensem (non Aquilegiensem) Episcopum, qui honorifice Romæ susceptus, 17. Julii Papa consecratus fuit, assumpto nomine DAMASI II. Eo mortuo denuo Legati a Romanis ad Imperatorem mittuntur, quibus Wormatiæ Brunonem Tullensem Episcopum, ut ut reluctanter dedit, qui Dominica quadragesimalis initii concordibus Cleri & populi Romani voris anno 1049. inthronizatur, LEO IX. dictus. Hoc anno 1054. 13. Kalend. Maji vivis erepto, Hildebrandus ad Imperatorem Legatus Romanorum mittitur, qui cum Gebhardum Eystadiensem Episcopum vice Cleri & populi Romani elegisset, rogaretque assensum ab Imperatore ægre & vix impetratum, eundem in Quadragesima Romam deduxit, & in Cœna Domini consecrandum curavit.

Hic VICTOR II. appellatus, in Germaniam profectus, apud Bodfeldiam in Saxonia in sylva Hercinia Imperatori agonizanti assistit, precibus & Sacramentis eundem munivit. Mortuus est Henricus III. Nonas Octobris A. 1056, ætatis 39. Regni 18, Imperii 15. Ex prima uxore Cunichilde, Canuti Anglorum & Danorum Regis Filia, & ex secunda Beatrice nullum masculum hæredem reliquit, sed ex tertia Agnete, Piſtaviensis Wilhelmi Filia, Vefontione desponsata, Moguntiz coronata Regina, suscepit filium successorem.

HENRICUS IV. Fil. Henrici III. & Agnetis, nascitur Goslariz II. Octobris 1050, inde Coloniam ductus, baptizatur ab Hermanno Archi-episcopo Colonienſi. Anno 1053. triennis Triburiz a Patre, consensu Episcoporum & Principum; throni Regii Successor declaratur & Dux Bavariz. Anno 1054. Aquisgrani ab eodem Archiepisc. Colonienſi inthronizatur Germaniæ Rex. Patre erepto vivis A. 1056, sub Agnetis matris tutela Regnum adit. Anno 1062, Germanis muliebri Imperio nunquam assuetis, Ecbertus Comes, & Otto Dux Bavariz, & Anno Archiepisc. Colon. Henricum puerum matris gremio abripiunt, & Regni Germanici administrandi curam suscipiunt Tutores. Colonienſi Archi-Episcopo Moguntinus, ac demum Adelbertus Bremenſis Archiepisc. focii fuere in Regno tutando. Subin

Bremenſis familiaritate cedere Rex coactus fuit Procerum Decreto. Anno 1073. Archiepiſc. Colon. ANNO, ſenium cauſatus, ab aula & negotiis Regni ſeceſſit. Mortuo anno 1061. Nicolao II. Romani Clerus & populus citra Regis Germaniæ conſcientiam Anſelmum Lucenſem Episcopum eligunt, quem Alexandrum II. nuncuparunt. Ea electio Regem & Proceres Germaniæ vehementer offendiſſet. Hinc Cadolum Parmenſem Baſileæ pauci Episcopi Antipapam eligunt, qui Honorii II. nomen ſibi impoſuit. Sed Henricus in Conventu Osborienſi, & Episcopi, Annonis Archiep.: & Procerum hortatu Alexandri II. Cathedræ aſſurgunt, & Parmenſem Cadolum reprobant. Alexandro II. ad Superos avocato Romani eligunt Cardinalem Hildebrandum, Gregorium VII. ſalutatum: at hic noluit coronari ante aſſenſum Regis Germaniæ, ad quem Legatos miſit, quibus uti & coronationi Gregorii VII. Rex conſenſit. Tria urſit novus Papa: cœlibatum Cleri, eliminationem Simoniæ, & ut Episcopatus atque Abbatia ne venderentur. Contradicentes Miniſtros Regis excommunicavit. Viciffim Rex in Conciliabulo Wormatiienſi, & quidam Episcopi Germaniæ obedientiam Papæ præſtandam denegant. Huic ſchiſmati tollendo varia hinc inde acta. Anno 1077. Canuſia Rex a Gregorio VII. abſolutionem impetrat ſub certis conditionibus.

Anno 1077. Rudolphus Dux Sueborum primus Anti-Rex eligitur a quibusdam Germaniæ Proceribus Ulmæ & Triburiz, qui ex vulnere obiit anno 1080.

Anno 1080. Moguntia & Brixini Guibertum, Ravennæ Archi-Episcopum, ſecundum Anti Papam Rex eligi curat a quibusdam Proceribus Germaniæ, Clementem III. nuncupatum, a quo anno 1084. die Reſurrectionis Dominicæ Henricus & Bertha Auguſti coronati fuerunt. Gaibertus mortuus eſt A. 1099.

Anno 1081. quidam Germaniæ Proceres ſecundum Anti-Regem Hermannum Lotharingia Duceſſem Iſlabii eligunt. Hic Synodo Quëllinburgenſi intervenit cum Legatis Papæ & Episcopis, Papæ legitimo adhærentibus. In ea anathematizatur Antipapa Guibertus. Seceſſit Hermannus anno 1088. in Lotharingiam, ibidemque finem vitæ invenit.

Anno 1099. Henricus Imp. natu majorem filium Conradum, quem olim Regem Germaniæ coronari fecerat, reprobavit, & in Italiam, velut exilium, ablegavit, ubi anno 1101. obiit. Anno 1103. in Comitibus Moguntinis Henricum filium natu minorem a Proceribus Regem Germaniæ ſalutari procuravit, accepto juramento, quod de Regno nullo modo ſe intromiſſurus eſſet Patre vivo! Demum Henricus, ſpoliatus Imperii inſignibus, Leodium ſeceſſit, ubi VIII. Idus Auguſti anno 1106. mortuus eſt, Regni anno LVI. Imperii XXII. vel tertio, ut ipſemet III. Baronius computat in ſuis Annalibus.

HENRICUS V. Filius Anteceſſoris, & Berthæ Ottonis Marchionis Italiæ Filia, genitus tertio loco, poſt mortem Patris Regnum Germaniæ ſuſcepit. Natus anno 1081, deſtinatus a Patre ad Regnum A. 1099, ab Hermannſi Archi-Episcopo Colonienſi Aquis coronatur. Moguntia Rex Germaniæ conſtituitur a Proceribus Patri adverſis anno 1105. Anno 1107. Legatos in Galliam miſit ad Paſchalem II. Archi-Episcopum Treverienſem, & Episcopos Halberſtadenſem, & Monasterienſem.

steriensē, & Welphonem Ducem, qui Investituram Episcopaliū Sedium more antiquo Regibus Germaniæ usitatam prætendebant. Sed eodem anno 1107. in Concilio Trecensi investitura Ecclesiæ dignitatum de manu laica fuit prohibita. Anno 1110. Italiam intrat cum numeroſo exercitu. Papa capitur, & Cardinales cum Papa investituræ jurato renuntiant. Imperator Romam ingreditur post Pascha anni 1111, coronaturque Augustus Imperator Occidentis, & Papa eidem tribuit privilegium investiendi Episcopos per annulum & baculum. Anno 1112. reverso Imperatore in Germaniam, Papa indicit Concilium Lateranense, cuius Episcopi revocant & damnant Privilegium anno superiore a Papa extortum & coactum, qua in re nihil est erratum in fide. "Non enim est hæresis (ait *Illustrissimus Baronius*) ipsas Investituras laicis dispensando concedere: quod Paschalis II. fecerat pro liberatione Ecclesiæ; sed afferere & defendere de jure esse, & debere fieri, investituras Episcoporum per laicos, id hæresis & error est, quem nunquam adoptavit Paschalis II." *V. Lambertinum.* De Serv. Dei Beatificatione L. I. C. 41. §. 10. extremo N. 28.

Anno 1118. Paschali II. vitâ functo Romani elegerunt, non petito Regis consensu, Cajetanum Cancellarium, dictum GELASIIUM II.; econtrario Imperator Burdinum, Braccarensem Episcopum, sub nomine Gregorii VIII. *Antipapam* constituit, a quo die Pentecostes anni 1118. coronatus fuit Imperator. Hic Burdinus anno 1121. in Monasterio Cavenſi inclusus expiravit. Varia Concilia Germaniæ a Legatis Papæ coacta Imperatorem excommunicatum denuntiant.

Demum anno 1121. agitantur consilia Concordiæ inter Pontificem & Augustum in multis locis, congregiuntur Legati Wormatiæ ac denique sic conveniunt; ut Henricus Augustus Sanctis Petro & Paulo, & Ecclesiæ Catholicæ investituram per baculum & annulum dimittat: in Ecclesiis Germanicis libera electiones permittat. Econtrario Papa Imperatori consensit, ut electus Episcopus, vel Abbas per sceptrum omnia regalia a Rege suscipiat, Electiones in regno Teutonico in præsentia Legatorum Imperatoris absque Simonia fiant: & pax vera mutua utrimque fit. Anno 1123. in Concilio Lateranensi generali Papa Calistus pactum cum Henrico VI. initum firmat. Obiit Imper. Trajecti ad Rhenum anno 1125. X. Kalend. Junii. Regni XIX. Imperii XIV. cum eoque extinguatur Linea masculinæ Salicæ vel Franconicæ Domûs.

LOTHARIUS II. Saxo, F. Gevehardi Comitis Supplinburgensis, ex familia Dynastarum Querfurtensium, ab Henrico V. anno 1106. Saxonie Ducatum adeptus, eo defuncto, anno 1125. 30. Augusti voce populi eligitur & attollitur, præsentibus Episcopis XXII: Proceribus plurimis: exercitu ad LX. millia: voci populi, Episcopi, & Proceres suffragantur. Igitur Idibus Septembris Aquisgrani in Regem Lotharingorum, Allemannorum, Longobardorum, & omnium Italiæ populorum ungitur a Friderico Archiep. Colon. a quo & Richenza Regina Colonie ad Rhenum coronatur. Innocentio II. Papæ Claromonti Concilium celebranti, Rex Legatos mittit Conradum Juvavensem, & Eberhardum Monasteriensē, Episcopos. Anno 1130. Concilium celebrat Herbipoli, mense Octobri, Rex præsentibus

Archi-Episcopo coronatur Siciliae Rex. Obiit anno 1197. 28. Septembris Messanae, relicto Friderico filiolo, trienni sub tutela Philippi fratris sui. Annis rexit VIII. Imperavit VII.

PHILIPPUS, SUEVIÆ DUX, natum minimus Filiorum Friderici I. ahenobarbi, Fratre defuncto, in Germaniam reversus patrimonium Suevicum adivit, & occupavit. Episcopi & Principes Germaniæ conveniunt in Thuringia, & Philippum Defensorem Imperii eligunt, dum Fridericus nepos ex Sicilia in Germaniam adventaret. Alii Principes Bertholdum de Zaringen Andernaci eligunt, qui sponte abdicat. Dein Pontifex Cœlestinus, & alii Principes Germaniæ elegerunt Ottonem Saxonem, Henrici Leonis filium, ab Adolpho Colon. archiep. Aquisgrani coronatum Regem Germaniæ IV. Nonas Julii anno 1198. Huic Clerus favebat contra Philippum a Papa excommunicatum. Attamen idem Philippus a banno absolutus per Legatum Pontificium, Sutrinum Episcopum, Moguntia plurimum consensu eligitur, & a Tarentasiensi Episcopo coronatur cum Regina conjuge anno 1198, Regalibusque a Fratre defuncto acceptis insignitur. Anno 1205. Aquisgrani ab Adolpho Colonienfi Archi-episcopo in Caroli Magni sede inthronizatur.

Anno 1207. Spira concordia per Legatos Papæ cum Philippo quæritur, iterum Northusæ & Quedlinburgi tentatur, saltem anni unius treuga patitur. Sed Philippus anno 1208. Bambergæ ab Ottone Wittelsbachio, Comite Palatino, occiditur.

OTTO IV. Filiornm Henrici Leonis, Saxoniae Ducis, ex Machtilda Anglicana tertius, defuncto Henrico VI. ab una factione eligitur, sed *Schisma in Regno Germaniæ* erumpit ob factionem contrariam Philippo faventem.

Occiso Philippo anno 1209. in Italiam cum exercitu transit, præmissisque Legatis ad Papam, Patriarcha Aquilegiensi, & Episcopo Spirensi, Cancellario suo, Romam ingreditur, atque ab Innocentio III. Dominica post Michaelis honorifice excipitur: dato Sacramento de justitia administranda, de Ecclesia defendenda, de restituendo Patrimonio Petri, coronatur Imperator Occidentis. Exoritur nova controversia ob hæreditatem Mathildis. Anno 1218. XIV. Kal. Junii in castro Hartsburg moritur Otto, absolutus antea à Banno Papali per Episcopum Hildesemensem, anno Regni a cæde Philippi decimo, Imperii nono.

FRIDERICUS II. Henrici VI. Imperatoris, Germaniæ, Siciliae, Sardiniae, & Hierosolymæ Regis, ac Constantiæ Filius, natus verosimiliter circa 1193, anno 1195. Rex Germaniæ dictus fuit, Moguntia anno 1212. denuo electus Rex Germaniæ contra Ottonem, ubi plures Principes eidem fidem jurarunt. Anno 1215. a Sifrido Moguntino Archi-Episcopo, nec non Legato Apostolico, ungitur Aquisgrani, & in Sede Caroli M. collocatur, ubi & cruce signatur. Anno 1218. mortuo Ottone, Insignia Imperii ab Henrico, Comite Palatino Rheni, Ottonis IV. fratre, suscipit. Anno 1213. Egræ edictum edidit pro libertate Ecclesiastica: Appellationes ad Sedem Apostolicam permittit; Renuntiat juri manûs mortuæ: terras Mathildis & Anconitanam se restitutum promittit. Simile edictum pro Ecclesia

clesia edidit die Coronationis suæ anno 1220: & contra Hæreticos varias severas Leges: Alias in Comitibus Francofurti 1234. & Moguntia 1235. de Pace servanda. Eidem tribuuntur libri Feudorum, uti Principi non solum potentissimo, sed literatissimo. Linguas Latinam, Græcam, Germanicam, Gallicam, Saracenicam optime callebat, scientiarum, & librorum, & artium maximus Cultor & Mæcenas.

Anno 1220. Romam profectus, die sacra S. Cæcilie Imperator una cum Constantia conjuge, consecratur ab Honorio III.

Anno 1221. Henricus filius, ad Aquasgrani venit ad Curiam Patris, ubi Dominica Judica, Agnes, filia Ducis Austriæ, Henrico nubit: ab Engelberto Archiepiscopo Coloniensi nuptiali benedictione inaugurantur.

Anno 1235. Wormaciæ Filium Henricum in gratiam recipit, sed promissis non stantem, in Apuliam relegat, ubi anno 1236. vitam & exilium clausit. Fridericus accusatus a Summo Pontifice Gregorio IX. anno 1239. variis literis ad Principes Europæ scriptis, purgare se ab impactis nectitur. Anno 1240. cum Roma scriberetur Episcopis Germaniæ, abdicandum esse Friderico II. Regnum, responderunt: Non esse sui juris Imperatorem deponere, sed electum coronare: Innocentius IV. anno 1246. Lugduni Consilium instituit contra hunc Imperatorem. Obiit anno 1250. 13. Decembris in castro Apuliæ. Regnavit solus in Germania annis 33.

In Germania a quibusdam Principibus Henricus Raspo, Landgravius Thuringiæ, apud Wormatiam eligitur Anti-Rex: sed obiit 1247. Wartberge prope Henacum.

Wilhelmus Batavus, Florentii IP. & Mechtilidis, Brabantie Ducum, Filius, eligitur Anti-Rex Nussie, die S. Michaelis anni 1248, & Aquisgrani coronatur, qui A. 1256. in bello contra Frisones, cum equo in palustribus locis mersus, obiit 28. Januarii.

CONRADUS IV. Friderici II. & Jolantæ Filius, a Patre (defuncto primogenito Henrico, antea deposito) & Proceribus electus fuit Rex Germanorum Ratisbonæ, Patri mortuo successit in Regno. Anno 1254. veneno extinctus dicitur

INTERREGNUM MAGNUM AB 1254. AD 1273.

Richardus, Joannis, sive terra dicti, Anglorum Regis Filius, Comes Cornubiæ, a Germanis quibusdam Proceribus oblata Coronam, anno 1257. a Conrado Archiepisc. Coloniensi Aquisgrani sibi vidit die Ascensionis Dominice, uti & Sanctie uxori. Defunctus fuit anno 1271. Pauca memoratu digna de eo leguntur, præter unam Constitutionem contra hereticos & blasphemos, datam XVII. Kal. Augusti in villa Soloduro anno 1258, legendam apud Lunig: Continuatione II. Spicilegii Ecclesiastici pag. 14.

Alphonfus, Rex Castiliæ a quibusdam Germanis electus Anno 1257. Titulo contentus vixit, nec Germaniam vidit.

Post Interregnum fere 20. annorum A. 1273. Francofurti pridie Kalendas Octobris Palatinus Comes, in quem reliqui Electores Principes compromiserant, elegit suo & omnium nomine RODULPHUM Comitem Habsburgi, Kyburgi,

ad formam septuaginta discipulorum estis. Nos Pastores vestri sumus, vos Pastores animarum vobis commissarum. Nos de vobis rationem reddituri sumus summo Pastori Domino Jesu Christo, vos de plebibus vobis commissis. Et ideo, Charissimi, videte periculum vestrum. Admonemus & obsecramus fraternitatem vestram, ut de communi salute vestra cogitantes attentius, audiat admonitionem nostram; & quæ vobis suggerimus, memoriæ commendatis, & opere exercere studeatis.

In primis admonemus, ut vita & conversatio vestra irreprehensibilis sit: scilicet ut cella vestra sit juxta Ecclesiam, & in ea feminas non habeatis. Omni nocte ad nocturna surgite. Cursum vestrum certis horis decantate. Missarum celebrationes religiose peragite. Corpus & Sanguinem cum timore & reverentia sumite. Vasa sancta propriis manibus abluite & abstergite. Nullus cantet Missam, nisi jejunus. Nullus cantet, nisi communicet. Nullus cantet sine amictu, alba, stola, fanone, planeta. Et hæc vestimenta nitida sint, & ad nullos alios usus sint. Nullus cum alba, qua in suos usus utitur, præsumat Missam cantare. Nulla femina ad altare Domini accedat, nec calicem Domini tangat. Corporale mundissimum sit, altare coopertum de mundis linteis. Super altare nihil ponatur, nisi capsa & reliquiæ, aut forte quatuor Evangelia, & buxida cum Corpore Domini ad infirmos: cætera in nitido loco recondantur.

Missale plenarium, lectionarium, & antiphonarium, unaquæque Ecclesia habeat. Locus in sacrario aut juxta altare sit præparatus; ubi aqua effundi possit, quando sacra vasa abluuntur: & ibi vas nitidum cum aqua dependeat, ibique Sacerdos manus lavet post Communionem. Ecclesiæ sint coopertæ bene & cameratæ, & atrium sit sepe munitum. Nullus extra Ecclesiam per domos, aut in locis non cameratis (c) Missam cantet. Omnis Presbyter habeat Clericum aut Scholarem, qui Epistolam vel Lectionem legat, & ad Missam respondeat, & cum quo Psalmos cantet. Nullus solus Missam cantet.

Nullus cum calcariis, quos sporo-

(c) consecratis.

nes rustice vocamus, & cultellis extrinsecus dependentibus Missam cantet: quia indecens est, & contra regulam Ecclesiasticam est.

Calicem & oblatam recta cruce signare, id est, non in circulo & variatione digitorum, ut plurimi vestri faciunt; sed strictis duobus digitis, & pollice intus recluso, per quos Trinitas innuitur, † istud signum recte facere studeat: non enim aliter quicquam potestis benedicere. Infirmos visitate, & eos reconciliate, & juxta Apostolum oleo sancto inungite, & propria manu communicare. Et nullus præsumat tradere communionem laico, aut feminæ, ad defendendam infirmo.

Nullus vestrum pro baptizandis infantibus, aut infirmis reconciliandis, aut mortuis sepeliendis, præmium vel munus exigat. Videte, ne per negligentiam vestram ullus infans sine baptismo moriatur. Nullus vestrum sit ebriosus & litigiosus, quia servum Domini non oportet litigare. Nullus vestrum arma ferat in seditione, quia arma vestra debent esse spiritualia. Nullus canum aut avium jocis inserviat.

Nullus in tabernis bibat. Unusquisque vestrum, quantum sapit, plebi suæ de Evangelio, vel Apostolo, die Dominico, vel Festis diebus, annuntiet. Verbum Domini debetis prædicare. Curam pauperum, peregrinorum, & orphanorum habete, eos ad prandiola vestra invitate. Estote hospitales, ut alii a vobis exemplum bonum sumant.

Omni die Dominica ante Missam aquam benedictam facite, unde populus aspergatur: & ad hoc solum vas habete. Sacra vasa & vestimenta sacerdotalia nolite in pignore dare negotiatori, aut tabernario. Nullus vestrum usuras exigit, & conductor sui fenoris existat. Res & facultates, quas post diem ordinationis vestræ acquisitis, sciat ad Ecclesiam pertinere. Nullus sine scientia & consensu nostro Ecclesiam acquirat, nullus per potestatem Sæcularium Ecclesiam obineat. Nullus Ecclesiam, ad quam titulus est, relinquat, & ad aliam quæstus causa migret. Nullus plures Ecclesias teneat sine adiutorio aliorum Presby.

Presbyterorum. Nullatenus una Ecclesia inter plures dividatur. Nullus alterius Parochianum, nisi in itinere, & cum placitum fuerit, ad Missam recipiat. Nullus in alterius Parochia Missam cantet. Nullus poenitentem invitet carnem manducare, & bibere vinum; nisi pro eo ad præsens eleemosynam fecerit. Nullus præsumat baptizare, nisi in vigilia Paschæ & Pentecostes, nisi propter periculum mortis. Unusquisque fontes habeat: & si non potest lapideos, habeat aliud vas, ad hoc præparatum, in quo nihil aliud fiat. Videte, ut omnibus Parochianis vestris symbolum & orationem Dominicam infinuatis. Jejunium quatuor temporum, & Rogationum, & Litanæ majoris, plebibus vestris omnimodis observandum infinuate. Feria quarta ante Quadragesimam plebem ad confessionem invitate, & ei juxta qualitatem delicti poenitentiam injungite, non ex corde vestro, sed sicut in poenitentiali scriptum est. Quater in anno, id est, Natale Domini, & Cæna Domini, Pascha, & Pentecoste, omnes fideles ad communionem Corporis & Sanguinis Domini accedere admonete. Certis temporibus conjugatos ab uxore abstinere exhortamini. Eulogias post Missam in diebus festis plebi tribuite. Nullus induatur vestimentis laicibus. Nullus rem, aut possessionem, aut mancipium Ecclesiæ vendere, aut commutare, aut quocumque ingenio alienare præsumat.

Diem Dominicum, & alias festivitates, absque opere servili a vespera usque ad vesperam celebrari docete. Cantus & choris mulierum in atrio Ecclesiæ prohibet. Carmina diabolica, quæ super mortuos nocturnis horis vulgus facere solet, & cachinnos, quos exercent, sub contestatione Dei omnipotentis verate. Cum excommunicatis nolite communicare. Nullus illis præsumat Missam cantare: sed & plebibus vobis commissis hoc annuntiate. Ad nuptias nullus vestrum eat. Omnibus annuntiate, ut nullus uxorem accipiat, nisi publice celebratis nuptiis. Raptum omnimodis prohibete: & nullus ad proximam sanguinis sui accedat; & ut alterius sponsam nullus ducat.

A 2

rios & alios pastores, vel Dominica ad Missam venire facite. Patrini filiis suis symbolum & orationem Dominicam infinuent, aut infinuari faciant. Chrisma semper sub (d) cera sit & sigillo propter quosdam infideles.

De ministerio etiam vobis commissi vos admonere curantur, ut unusquisque vestrum, si fieri potest, expositionem symboli & orationis Dominicæ, juxta traditionem orthodoxorum penes se scriptas habeat, & eam pleniter intelligat: & inde si novit, prædicando populum sibi commissum sedulo instruat; si non, saltem teneat, vel credat. Orationes quoque Missarum & Canonem bene intelligat: & si non, saltem memoriter ac distincte valeat proferre. Epistolam & Evangelium bene legere possit, & utinam ad litteram ejus sensum possit manifestare. Psalmorum verba & distinctiones regulariter ex corde cum canticis consuetudinariis pronuntiare sciat. Sermonem, ut supra diximus, Athanasii Episcopi de fide Trinitatis, cujus initium est: *Quicumque vult*, memoriter teneat. Exorcismos & orationes ad catechumenum faciendum, ad fontem quoque consecrandum, & reliquas preces super masculum & feminam pluraliter ac singulariter distincte proferre valeat. Similiter baptizandi, ad succurrendum infirmis, ordinem quoque reconciliandi, juxta modum sibi canonice servatum, atque ungendi infirmos, orationes quoque eidem necessitati competentes, bene saltem sciat legere: similiter ordinem & preces in exsequiis agendis defunctorum: similiter exorcismos & benedictiones salis & aquæ memoriter teneat: Cantum nocturnum atque diurnum noverit.

Computum minorem, id est, epactas concurrentes regulares, terminum Paschalem, & reliquos sapiat, si est possibile. Martyrologium, & Poenitentiale habeat, & cætera. Volumus autem, Fratres charissimi, quatenus quæ nostra percepistis traditione, quantum humana patitur infirmitas, bonis studeatis operibus adimplere, præstante Domino nostro JESU Christo, qui cum Patre & Spiritu Sancto vivit & regnat Deus per omnia sæcula sæculorum. Amen.

Binius

(d) forte: sub cera sit & sigillo.

Tomus III. Concil. German.

Binius Tomo III. Part. II. Concilior. p. 172. hunc sermonem S. Udalrico, Augustano Episcopo, anno CMLXXII. 4. Julii defuncto, attribuit ex Marci Velferi, Clarissimi viri, duplici conjectura: quia tempus & locus Synodorum, a S. Udalrico celebratarum tempore 50. annorum sui Episcopatus, id verosimile reddunt. Legamus Cap. III. vitæ S. Udalrici, ab anonymo coævo auctore scriptæ: In tribus diebus post Dominicam Palmarum contiguus Synodale colloquium habere consuevit: eo quod Canones bis in anno Episcoporum Concilia fieri præcipiant, unum XV. Kal. Octobris, aliud quarta hebdomada post Pascha, hoc in isto tempore perficere decrevit, ne in antea ei aliquod obstaculum ad illud perficiendum impedimentum faceret. Alterum Velferi argumentum est, quia pleræque interrogationes, quas S. Udalricus in Synodis facere solebat (confer Cap. III. & IV. Anonymi Biographi Tomo VI. Julii in actis Sanctor. Antwerp. p. 76.) huic sermoni congruant, quam conjecturam Velferi Mabillon. non esse decretoriam, nec certam judicat: quia similis sermo Leonis IV. adscribitur Tomo VIII. Concil. uti & Ratherio Episc. mox subjungendus.

RATHERII, VERONENSIS EPISCOPI, SYNODICA AD PRESBYTEROS ET ORDINES CETEROS FORINSECUS, ID EST, PER UNIVERSAM DIOECESIM CONSTITUTOS.

Quia mirari vos scio, immo murmurare, quod est pejus, non nescio, quod *tertio* vos vocavi, & quasi nihil vobiscum egi. Ne frustra hoc me fecisse putetis, fateor, quia explorandi vos causa feci: & quales vos me inventurum æstimavi, tales, pro nefas! inveni. Congruere mihi infelicissimo illud statim de Sapientiæ visum est libro: *Ne (a) jocularis in filiis stultis, si multiplicentur: ne oblecteris in eis, si non est timor Dei cum eis.*

Moneo igitur paternaliter, & præcipio pastoraliter, ut dicentis Apostoli reminiscens: *Quia (b) sine fide impossibile est placere Deo*; hoc est, sine credulitate, quæ nobis per Apostolos, eorumque est successores tradita: & quia *justus, (c) ex fide, id est, credulitate sua, vivit: Et quidquid sine fide, hoc est, credulitate Dei est, est peccatum: fides (d) autem, id est, credulitas Dei, si non habeat opera bona, mortua est in semetipsa.* Ipsam fidem, id est, credulitatem Dei, trifarie parare memoriter

festinetis: hoc est; secundum symbolum, id est, collationem Apostolorum, sicut in psalteriis correctis invenitur: & illam, quæ ad missam canitur: & illam S. Athanasii, quæ ita incipit: *Quicumque vult salvus esse.* Quicumque vult ergo Sacerdos in nostra Parochia esse, aut fieri, aut permanere; illa fratres, memoriter nobis recitet, cum proximo huc a nobis vocatus fuerit.

Moneo & jam vos de die Dominico, ut cogitetis, aut si cogitare nescitis, interrogetis, quare ita vocetur: usu enim quotidiano illas res Dominicas diximus, quæ proprie ad Dominos pertinent illarum. Eo itaque sensu Dominica dicitur dies quod proprie ad Dominum, id est, Jesum Christum pertineat. Cum vero omnes dies ipsius sint, sicut & omnia, quæ sunt in cælo, & in terra, & in mari, & in omnibus abyssis: inquirendum, quare ista solum dicatur illius esse. Nimirum, quia ipse in ea resurrexit. Sed in quibus Kalendis? Non cures, de die solummodo

Cum in hoc sermone Ratherii, qui & Veronæ in Italia, & Leodii in Germania, Episcopus fuit Sæculo decimo, multa sint similis, & pæne ejusdem stili & argumenti menda, quæ in sermone S. Udalrico, Augustano Episcopo, attributo; hinc liquet, ejusmodi sermones Sæculo X. & XI. frequenter prælestos fuisse, & veluti communem formulam Cleri adhortandi adhibitam fuisse.

(a) Eccl. 16. 1.
(d) Jacob. 2. 17.

(b) Hebr. 11. 6.

(c) Rom. 1. 17.

modo cogita. Quinta feria post vesperrum est traditus, sexta crucifixus, septima quievit in sepulcro, octavo resurrexit a mortuis; & inter duorum dierum partem, sive trium integritatem noctium, vel triduo, ut promiserat, facta, a corde, id est, interioribus terræ ad Apostolos rediit. Hinc ipsa octava, sive prima feria, dies vocatur Dominica: & in quocunque Kalendarum die evenierit, semper est Pascha, id est, transitus Domini de morte ad vitam: & uno modo, quidquid manduces, vel bibas, est observanda. Unde autem observanda? Ab opere servili. Quod autem est opus servile? peccatum. Qui enim peccat, diabolo servit. Si ergo omni die Dominico est Pascha querendum, quid nobis faciendum in ea? Apostolus dicat: *Pascha*, inquit, *(c) Pascha nostrum immolatus est Christus*. Quare Pascha est Christus? quia pro nobis immolatus. Cur immolatus? ut pro nobis moreretur; propterea occisus; ut nos per sanguinem ipsius a vastatore mundi angelo, id est, diabolo liberati, de Ægypto, id est, inferno, erueremur; & per mare rubrum, hoc est, Baptismum, sanguine Domini rubrum, per desertum præsentis vitæ ducti, ad terram repromissionis, id est, vitam æternam pervenire possemus. Habes Pascha, id est, transitum bonum; habes agnum pro te occisum; transtisti mare rubrum; graderis per desertum. Vide, quo graderis: stude pervenias, quo venire tibi expedit. Labora cum Dei adjutorio, ne aut in Ægyptum redeas, aut in deserto pereas, sed ad patriam celestem pervenias. In Ægyptum vero te redire cognosce, si peccatum, quod deseruisti, præsumis repetere. Peris vero in deserto, si non perseveras in labore, & opere bono.

Sed redeamus ad Apostolum: *Pascha*, inquit, *Pascha (f) nostrum immolatus est Christus*. Postea: *itaque epulamur*. Putas, quod dicat, crapula & ebrietati vacemus? Nequaquam: se-

quitur enim, *non in fermento veteri*, id est, inflatione ventris, vel tumore anterioris peccati, aut affectu ad transacta scelera redeundi, vel alia perpetrandi. *Neque in fermento malitie & nequitie, sed in azymis sinceritatis & veritatis*. Id est, ut in opere iusti, in cogitatione simplices, in sermone simus veraces. Quando? omni tempore. Præcipue vero in Paschali solemnitate, hoc est, omni Dominica anni integri die. Si enim Dominica est Domini, utique non nostra dies est. Si Domini est, reverentia Domini est honoranda. Sed cuius Domini? Reverentia, qui nos, cum non essemus, fecit: qui nos, cum perditui fuissetus, refecit: qui nos gubernat, alit, nutrit, defendit; qui vitam nostram quousque illi placuerit, hic continet; cum noluerit, eam hinc mutabit, & aut meliorem, pro meritis, aut reddet pejorem: postremo, qui nos judicabit, & aut in inferno sine fine damnabit, aut in Cælo æternaliter coronabit. Talis igitur ac tantæ potestatis Domini cum hæc sit proprie dies, honoretur, ut eam pro decentia tanti Domini deceat. Honorari vero nullo modo, nisi ordinabiliter valet. Nisi enim paraſceve sabbatum antecedit, sabbatum diem Dominicam, dies non est ullatenus Dominica.

Quid est paraſceve? Apostolus dicat: *Probet autem (g) ait, seipsum homo, & sic de pane illo edat, & de calice bibat*. Quo pane? Qui ait: *Ego (h) sum panis vivus, qui de cælo descendi*. De quo calice? *Calix (i) tuus inebrians, quam præclarus est?* Id est, Christus suo nos sanguine satians, quam pulcher, id est, speciosus forma præ filiis hominum? Qui ergo panis, ipse est agnus: qui agnus, ipse Christus: qui Christus, ipse est Pascha: qui Pascha, ipse pro nobis immolatus. Ipse est *dies, quam non operando, sed gignendo coæternaliter, fecit Dominus: exultemus & letemur in ea*. Ipse est, inquam, dies, ipse Dominus, cuius ista est dies. De Sabbato illius quid facimus? *Vacate, (k) ait per Psalmistam Dominus, & videte, quia ego sum Deus*. Sabbatum vero vacatio dicitur, vel requies, id est, ut quiescamus ab operibus malis, & vacemus divi-

(c) 1. Corinth. 5. 7.
(b) Joan. 6. 41.

(f) Ibidem Rom.
(r) Psalm. 22. 5.

(g) 1. Corinth. 11. 28.
(k) Ibidem 45. 11.

divinis obsequiis. Parasceve autem præparatio dicitur, hoc est, ut præparemus cordium nostrorum habitacula venturo ad nos per corporis, & sanguinis sui substantiam Christo. Si ergo omnis octava dies est Dominica, Dominica vero pro resurrectione Domini dicta: vel sicut perlepide quidam invenitur dixisse, omnes quia dies Dominus fecit imperio suo, Dominicum fecit sanguine suo, & ædificavit pretio suo: omnes dies Dominici Parasceve, vel Sabbato indigent. Parasceve autem; id est, præparatio non est aliud, nisi quod protulimus: hoc est, ut probet seipsum homo, id est, disquirat, cujus affectus sit: hoc est, si in voluntate cum Dei gratia meliorationis, aut in duritia pejorationis consistit. Si illud primum jus in conscientia sua invenit, præsumens de misericordia Dei; cum lætucis agrestibus, id est, contritione cordis, & amaritudine gemitus; accinctis renibus comedat agnum. Si non; suadere non audeo, ut faciat. Viderit quisque, quid agat. Omnis ergo dies Dominicus ideo est Paschalis, quia resurrectione Domini decoratus: Pascha vero nostrum ideo est Christus, quia pro nobis immolatus.

Omni ergo Dominica nobis clamat Apostolus: itaque (1) epulemur. Id est, carnem Domini manducemus, & sanguinem ipsius bibamus. Ubi sunt autem qui quotidie missam celebrant, quotidie Pascha faciunt, id est, carnem agni comedunt, & sanguinem ejus bibunt, &, ut cetera fileam, de coitu adulterino filios, & filias generant? Ubi, qui hesternam ebrietatem vel crapulam, ante Altare Domini super ipsam carnem, vel sanguinem ructuant agni? Qui litibus continuis occupantur, qui cupiditate æstuant, qui invidia, vel odio rabescunt, qui his, quos ut se diligere debuerant, deceptionum laqueos tendere nullatenus cessant? Quando talium quis parasceve jam dictum, vel sabbatum fecit? Timeo de talibus, utinam non mei similibus: ne dum putant comedere agnum, comedant potius hircum; & utinam non illum, qui abductus est in desertum, qui latine emissarius, hebraice hazazel,

id est, crudelis Dei interpretatur; quem qui in desertum emisit, castra solummodo Dei non est ingredi dignus, nisi lotus prius corpore, & vestibus oranibus; sed hoedum potius, quarta decima qui die ad vesperam ab omni est populo immolatus. Væ enim illis, quibus tantum bonum in tam magnum vertitur malum, hoc est, mansuetudo Dei in crudelitatem: dum comedentes utique carnem, & sanguinem ejus bibentes indigne, judicium sibi manducant & bibunt. Væ, inquam, nobis miseris, & millies væ! Cum enim Sacerdotes non ob aliud vocemur, nisi quia sacrum conficere, & dare populo debemus; Scriptura vero sancta dicat econtra: *Quidquid (m) tetigerit immundus, immundum erit*: quomodo saltem dici valet aliquid sacrum, immundissimis manibus nostris tractatum? Et cum specialis noster Doctor atque Provisor, beatus utique Zeno, dicat in sermone, utique, quem de Juda filio Jacob, & Thamar nuru ipsius, elegantissime composuit, quod omnium corrupte viventium diabolus pater sit; quid valet, quod in conspectu omnium, qui nos sciunt corrupte vivere, id est, luxuriæ deservire, clamamus Deo: *Pater (n) noster, qui es in caelis*: cum ille nobis per Prophetam statim respondeat: *Si Pater (o) ego, ubi est amor meus?* Quid enim facis pro amore meo? Quid insectum relinquis pro timore meo? Ista, & illis similia, quia vos penitus nescire doleo, immo de talibus nil curare, gemisco; pastoraliter, ut addiscere festinetis, præcipio: & quia sermone ignoratis, bono exemplo Dei populum erudire, quæso studeatis.

Ammonemus etiam, & obsecramus, sicut alibi scriptum invenimus, Fraternitatem vestram, ut de communi salute vestra cogitantes, attentius audiat ammonitionem nostram, & quæ vobis suggerimus, memoriarum commendatis, & opere exercere studeatis. Inprimis ammonemus, ut vita & conversatio vestra irreprehensibilis sit: scilicet, ut cella vestra sit juxta Ecclesiam, & in ea feminas non habeatis. Omni nocte ad nocturnos surgite, cursum vestrum certis horis decantate. Missarum celebrationes religiose peragite. Corpus & Sanguis

(1) 1. Corinth. 5. 8

Sanguinem Domini cum timore & reverentia sumite. Vasa sancta propriis manibus abluite & extergite. Nullus cantet Missam, nisi jejunus: nullus cantet, qui non communicet: nullus cantet sine amictu, alba, stola, fanone & planeta: & hæc vestimenta nitida, & ad nullos usus alios sint: nullus cum alba, qua in usus suos utitur, præsumat Missam cantare: nullus cum cultellis foris pendentibus, nullus cum calcaribus. Nulla femina ad altare accedat, nec calicem Domini tangat. Corporale mundissimum sit. Altare coopertum de mundis linteis: super altare nihil ponatur, nisi capsæ & reliquiæ, aut forte quatuor Evangelia, & pyxis (p) cum corpore Domini ad viaticum infirmis, cetera in nido loco recondantur. Missalem plenarium, Lectionarium, & Antiphonarium, unaquæque Ecclesia habeat. Locus in secretario, aut juxta altare sit præparatus, ubi aqua effundi possit, quando vasa sacra abluuntur: & ibi vas nididum cum aqua pendeat, ibique manus lavet post communionem.

Nullus extra Ecclesiam per domos, aut in locis non consecratis, Missam cantet. Nullus solus Missam cantet. Calicem & oblatam recta cruce signate, id est, non in circulo, & varicatione digitorum, ut plurimi faciunt; sed strictis duobus digitis, & pollice intus incluso, per quos Trinitas innuitur, istud signum † recte facere studete. Non enim aliter quidquam potestis benedicere. Infirmos visitate, & eos reconciliante; & juxta Apostolum, oleo sancto ungite, & propria manu communicate. Et nullus præsumat tradere communionem laico aut feminæ ad deferendum infirmo. Nullus vestrum pro baptizandis infantibus, aut infirmis reconciliandis, aut mortuis sepeliendis, præmium vel munus exigat. Videte, ne per negligentiam vestram ullus infans sine baptismo moriatur.

Nullus vestrum sit ebriosus, & litigiosus, quia servum Domini non oportet litigare. Nullus vestrum arma ferat in seditione, quia arma nostra debent esse spiritalia. Nullus canum aut avium jocis inserviat. Nolite in tabernis bibere. Curam pauperum & orphanorum, ac peregrinorum habete; & eos ad

prandiola vestra invitate. Estote hospitales, ut alii a vobis exemplum capiant bonum. Omni die Dominica ante Missam aquam benedictam facite, unde populus aspergatur, & ad hoc solum vas habete. Sacra vasa & vestimenta sacerdotalia nolite in pignore dare negotiatori aut tabernario. Nullus vestrum minus digne penitentem cujuscumque rei gratia ad reconciliationem adducat, & ei testimonium reconciliationis ferat. Nullus vestrum usuras exigat, & conductor scenoris existat. Res & facultates, quas post diem ordinationis vestra acquirat, sciatis ad Ecclesiam pertinere. Nullus sine scientia & consensu nostro Ecclesiam acquirat. Nullus per potestatem sæcularium Ecclesiam obtineat. Nullus per pecuniam alterius Ecclesiam supplantet. Nullus Ecclesiam, ad quam titularus est, relinquat, & ad aliam quaestus causa migret. In alterius parochia Missam nullus cantet absque parochiani Presbyteri, si præsens est, voluntate & rogatu. Nullus decimam ad alium pertinentem recipiat. Nullus penitentem invitet carnem manducare; & bibere vinum; nisi pro eo ad præsens elemosynam fecerit.

Nullus præsumat baptizare, nisi in vigilia Paschæ & Pentecostes, nisi propter periculum mortis. Unusquisque fontes habeat: & si non potest habere lapideos, habeat aliud vas ad hoc præparatum, in quo nihil aliud fiat. Videte, ut omnibus Parochianis vestris symbolum & orationem Dominicam insinuetis. Jejunium quatuor temporum, & rogationum, & Litaniarum majoris, plebis vestris omnimodis observandum insinuate: Feria quarta ante Quadragesimam, plebem ad confessionem invitate, & ei juxta qualitatem delicti penitentiam injungite, non ex corde vestro, sed sicut in Penitentiali scriptum est. Quater in anno, id est, Natali Domini, & Cæna Domini, Pascha, & Pentecoste, omnes fideles ad communionem Corporis & Sanguinis Domini accedere ammonete. Certis temporibus conjugatos ab uxoribus abstinere exhortamini. Eulogias post Missam in diebus festis plebi tribuite.

Nullus sine stola in itinere incedat: nullus induatur vestimentis laicalibus: nullus

nullus rem, aut possessionem, aut mancipium Ecclesiæ vendere, aut commutare, aut quocumque ingenio alienare præsumat: diem Dominicum, & alias festiuitates, absque opere serui a vespera ad vesperam celebrare docete. Carmina diabolica, quæ super mortuos nocturnis horis vulgus cantare solet, & cachinnos, quos exercent, sub contestatione Dei omnipotentis vetate. Cum excommunicatis nolite communicare. Nullus illis præsumat Missam cantare, sed & plebibus vobis commissis hoc annuntiate. Ad nuptias nullus vestrum eat. Omnibus denuntiate, ut nullus uxorem accipiat, nisi publice celebratis nuptiis. Raptum omnimodis prohibete, & ut nullus ad proximam sanguinis sui accedat, & ut alterius sponsam nullus ducat. Porcarios, & alios pastores vel Dominico die ad missam venire facite. Patrini filiis suis symbolum & orationem Dominicam insinuent, aut insinuari faciant. Chrisma semper sub fera sit, aut sub sigillo, propter quosdam infideles.

Volumus autem scire de quolibet Presbytero, si ex ingenuis parentibus sit natus, aut ex conditione serui, aut si de nostra Parochia natus est, aut ordinatus, vel ad quem locum prætitulatus. Si servus fuit, ostendat chartam libertatis. Si de alia Parochia, ostendat literas commendatitias, quas formatas vocant.

De ministerio etiam vobis commissio vos ammonere curamus, ut unusquisque vestrum, si fieri potest, expositionem symboli & orationis Dominicæ, juxta traditionem orthodoxorum penes se scriptam habeat, & eam pleniter intelligat; & inde si novit, prædicando, populum sibi commissum sedulo instruat; si non, saltem memoriter ac distincte proferre valeat: Epistolam & Evangelium bene legere possit, & utinam saltem ad litteram ejus sensum possit manifestare. Psalmorum verba & distinctiones, regulariter ex corde cum canticis consuetudinariis pronuntiare sciat. Sermonem, ut superius dixi, Athanasii Episcopi, de fide Trinitatis, cujus initium est: *Quicumque vult*. memoriter teneat. Exorcismos, & orationes ad Ca-

techumenum faciendum, ad fontem quoque consecrandum, & reliquas preces super masculum & feminam, pluraliter & singulariter, distincteque proferre valeat; similiter ordinem baptizandi, ad succurrendum infirmis, ordinem quoque reconciliandi, juxta modum sibi canonice reservatum, atque ungendi infirmos; orationes quoque eidem necessitati competentes, bene saltem sciat legere: similiter ordinem & preces in exsequiis agendis defunctorum: similiter exorcismos, & benedictiones salis & aquæ memoriter teneat. Canticum nocturnum atque diurnum noverit. Computum minorem, id est, epactas concurrentes regulares, terminum Paschalem, & reliquos, si possibile est, sapiat: Martyrologium, & penitentialem habeat, & cetera. De ordinandis pro certo scitote, quod a nobis nullo modo promovebuntur, nisi aut in civitate nostra, aut in aliquo Monasterio, vel apud quemlibet sapientem ad tempus conversati fuerint, & literis aliquantulum eruditi, ut idonei videantur Ecclesiasticæ dignitati.

Cum auctoritas quoque contineat Ecclesiastica, ut de rebus Ecclesiasticis quatuor fieri debeant partes: e quibus una Episcopi, altera fabricæ Ecclesiæ, tertia Clericorum, quarta debeat esse pauperum & hospitum: si vestram pleniter habetis, de illis, quæ ad Episcopum, fabricam, vel pauperes pertinent, nullam invidiam habeatis: reminiscentes, Dominum præcepisse: *Non (q) concupisces rem proximi tui: & de re, quæ ad te non pertinet, ne sollicitus fueris*. De ipsa vero, quæ ad vos pertinet, fidem inter vos habetote, & communiter vos eam dividite, siue sit magna, siue sit modica: scientes, Apostolum dixisse: *Nemo (r) circumveniat in negotio*, id est, causa aliqua, *fratrem suum, quoniam vindex est Dominus, de omnibus his, sicut prædiximus vobis, & testificati sumus*. Noveritis etiam, quod melius sit omni Christiano, fraudem pati, quam inferre.

Quadragesimam, exceptis diebus Dominicis, æqualiter facite: si enim uno die jejunas, altero crapularis, non quadragesimam, sed vigesimam fecisti.

In adventu Domini, nisi festivitas intercedat, quatuor hebdomadibus a carne noveritis abstinendum, & coitu. In Natale Domini viginti diebus ac noctibus a coitu etiam licito omnino cessandum; similiter in octavis Paschæ, & Pentecostes, litaniarum, & omnium festivitatum vigiliis, sextis etiam feriis, præcipue autem omnibus diebus vel noctibus Dominicis. Auctoritate etiam festivitatis Paschalis compellente, monemus vestram dilectionem, in Christo fratres sinceriter diligendi, ut secunda, tertia, quarta & quinta feria hebdomadæ majoris, jejuniis usque ad nonam, exceptis parvulis, & senio gravi confectis, atque infirmis. Quinta feria, hora nona ad Ecclesiam matrem omnes reconciliandi venite. Sexta feria usque ad nonam jejunare, & cui placet, amplius. Septima feria ante horam decimam nullus præsumat Missam cantare, nec baptismum generale agere. Qui si pro infirmitate aliquis jejunare non potest, proficiat ei jejunium, quod generalis facit Ecclesia: omnes enim in Christo unum corpus sumus: tantum nullus sua importunitate

universitatem Ecclesiæ nostræ contra Dominum compellat delinquere, & tam gloriosam festivitatem in aliquo violare. De occultis peccatis penitentiam vos dare posse scitote, de publicis ad nos referendum agnoscite. Clericum nemo vestrum sine licentia faciat nostra: nullus balbum, vel ultra mensuram blasum: nullus eum, qui de litteris durum habet sensum. Si festivitas, quæ non sit Sanctæ Dei Genitricis MARIE, aut Apostolorum, evenerit in quadragesima, vel quatuor temporum jejuniis; magis jejunium tenendum, quam festivitatem celebrandam scitote: nisi forte illius Sancti sit festivitas, qui in eadem Parochia jacet: quia nulla solennitate, amplius delectatur Deus, quam illo jejunio, quo à cibis abstinetur & vitiis. Otiositas quoque inimica est animæ. Vide te, si absque horum, quæ præmissimus, scientia, ministerium vestrum facere possitis, & plebes vobis commissas ad vitam ducere, & Christo repræsentare.

*Ex Tomo I. Spicilegii D'acheriani p. 260.
Edidit Hardouin. Tomo VI. Concilior.
pag. 787. & seqq.*

BURCHARDI,

WORMATIENSIS EPISCOPI,

De auctoritate, Præsidio, membris, tempore, ordine Synodorum congregandarum.

CAPITULA COLLECTA EX LIBRO I. DECRET. BURCHARDI.

Quod auctoritas congregandarum Synodorum Apostolicæ Sedi commissa sit privata potestate.

Ex Isidori Cap. 8.

CAPUT XLII.

Synodorum vero congregandarum auctoritas Apostolicæ Sedi, privata commissa est potestate. Nec ullam Synodum generalem ratam esse legimus,

quæ ejus non fuerit auctoritate congregata, vel fulta. Hæc canonica testatur auctoritas, hæc historia Ecclesiastica roborat, hæc sancti Patres confirmant.

Quod bini conventus Episcopales singulis annis fieri debeant.

Ex Decreto Leonis Papæ ad Rusticum Episcopum Cap. 37.

CAPUT XLIII.

De Conciliis autem Episcopalibus non

Burchardus, Hassus origine, ex Lobienfi Monacho, Dicecesis Leodiensis, Ordinis S. Benedicti, adivit Cathedram Wormatiensis Dicecesis anno 996. Obiit 1025. 13. Kal. Septembris. Ejus opera, Coloniae 1548. impressa, in Libros XX. dissepuntur: sed MS. codices Burchardi pleniores & emendatiores impressis esse, testatur *Baluzius* variis locis.

Tomus III. Concil. Germ.

B

non aliud indicimus, quam sancti Patres salubriter ordinaverunt, ut scilicet bini Conventus per annos singulos habeantur, in quibus de omnibus querelis, quæ inter diversos Ecclesiæ ordines nasci assolent, judicetur. Ac si forte inter ipsos, qui præsent, de majoribus, quod absit, peccatis causa nascatur, quæ provinciali nequeat examine definiri; fraternitatem tuam de totius negotii qualitate Metropolitanus curabit instruere, ut si coram positis partibus nec tuo fuerit responsa iudicio, ad nostram cognitionem, quicquid illud est, transferatur.

De Synodis, quo tempore sint habendæ.

Ex Concilio Antiocheno cap. XX. Tomo nostro primo pag. 159.

CAPUT XLIV.

Propter utilitates Ecclesiasticas & absolutiones earum rerum, quæ dubitationem controversiamque recipiunt, optime placuit, ut per singulas quasque Provincias in anno Episcoporum Concilia celebrentur. Semel quidem post tertiam septimanam festi Paschalis, ita, ut in quarta septimana; quæ consequitur, id est, medio Pentecostes conveniat Synodus, Metropolitanis Comprovinciales Episcopos admonente. Secunda vero Synodus fiat Idus Octobris, id est, XV. die mensis Octobris, quem Hyperbetheon Græci nominant. In ipsis autem Conciliis adsint Presbyteri, Diaconi, & omnes, qui se laicos existimant, & Synodi experiantur examen. Nullis vero liceat apud se celebrare Concilia, præter eos, quibus Metropolitana videntur esse commissæ.

De Synodo congreganda.

Ex Synodo Arvernenfi cap. 15.

CAPUT XLV.

Peractis omnibus, quæ ad correctionem nostri ordinis in hoc Concilio promulgata sunt, placuit definire, ut omni anno ad peragendam celebritatem Concilii in Metropolitana Sede, tempore, quo Principis, vel Metropolitanus electio definierit, devotis semper animorum studiis conferamus, nec quibuslibet requisitis occasionibus dissentiamus, sed in præparato die, quo indictum fuerit, ad-

unatis in Metropolitana Sede omnibus Provinciæ Pontificibus, Concilium Deo præfule celebretur. Quisquis autem Episcoporum, excepta inevitabili causa vel necessitate, de peragendo se Concilio absentaverit, per unius anni spacium erit communione plectendus. Quod si deinceps absque celebratione Concilii anni unius metas transferit, omnium in communione Pontificum ejusdem Provinciæ sententiam obnoxius retinebit. i. Si nulla sibi impediende Principis potestate, vel infirmitate, vel inevitabili causa, sed solius propriæ voluntatis libitu, se se ad celebrandum Concilium non collegerit.

De Archi-Episcopo, qui tempore pacis ultra biennium Synodum annuntiare neglexerit.

Ex Concilio Meldenfi cap. 3.

CAPUT XLVI.

Quod si intra biennium, divinitus temporum tranquillitate concessa, admonitis Comprovincialibus a Metropolitanis Synodus indicta non fuerit, & Metropolitanus ipse provocationes tardaverit, anno integro Missas facere non præsumat. Quod si evocati, & non corporali infirmitate detenti, adesse sua abusione despexerint, simili sententiæ subiacent.

De Episcopis ad Synodum vocatis, ut venire non contemnant.

Ex Concilio Laodiceno cap. 40. Tomo primo nostro pag. 165.

CAPUT XLVII.

Quod non oporteat Episcopos, ad Synodum vocatos omnino contemnere, sed protinus ire, & docere, & discere ea, quæ ad correctionem Ecclesiæ, vel reliquarum pertinent rerum. Seipsum vero, qui contempserit, accusabit; nisi forte per ægritudinem ire non possit.

Quales Epistolæ a Metropolitanis sint fratribus dirigendæ.

Ex Concilio Tarracenenfi. Cap. 13.

CAPUT XLVIII.

Epistolæ tales per fratres a Metropolitanis sunt dirigendæ, ut non solum de Cathedralibus Ecclesiæ Presbyteris, verum

verum etiam de Dieceſanis ad Concilium trahant, & aliquos de filiis Eccleſiæ ſæcularibus ſecum adducere ſtudeant.

De eadem re.

Ex Concilio Agathenſi. Cap. 36.

CAPUT XLIX.

Si Metropolitanus Episcopos ad Comprovinciales Episcopos epistolas direxerit, in quibus eos aut ad ordinationem alicujus fratris, aut ad Synodum inviter, poſtpoſitis omnibus, excepta gravi infirmitate corporis, aut præceptione Regiæ, ad conſtitutam diem ad eſſe non differant. Qui ſi deſuerint, ſicut priſca Canonum præcepit auctoritas, uſque ad proximam Synodum charitate fratrum, & Eccleſiæ communionem priventur.

De Episcopo, qui Synodo ad eſſe neglexerit.

Ex Concilio Hiſpaletſi. Cap. 10.

CAPUT L.

Si quis autem Episcoporum Synodo ad eſſe neglexerit, aut cætum fratrum, antequam Concilium diſſolvatur, crediderit deferendum: alienum ſe a fratrum communionem cognoſcat, nec eum recipi liceat, niſi in ſequenti Synodo fuerit abſolutus.

De Episcopo, qui per ægritudinem ad Synodum venire non potuerit.

Ex Decretis Felicis Papæ. Cap. 11.

CAPUT LI.

Quod ſi ægrotans fuerit Episcopos, aut aliqua eum gravis neceſſitas detinue- rit, pro ſe Legatum ad Synodum mit- tat: ſuſcepturus ſalva fidei veritate, quicquid Synodus ſtatuert.

De Episcopis ad Synodum vocatis, & venire, & miſſos ſuos mittere dedignantibus.

Ex Synodo Altheimenſi Cap. 11. Tomo noſtro II. p. 589.

CAPUT LII.

Placuit ſanctæ Synodo, Episcopos, qui vocati de Saxonia ad ſanctum Concilium non venerint, nec ſecundum Canones ſacros, Miſſos ſuos vel Vicarios

Tomus III. Concil. German.

direxerunt, gravi increpatione objurgare, & pro culpa inobedientiæ increpare. Unde iterum eos fraterna charitate ad conſiſtum Concilium invitamus & vocamus. Quod ſi & hoc, quod non optamus, pro nihilo duxerint, & venire noluerint, juſtamque rationem inobedientiæ ſuæ reddere detrectaverint, Apoſtolica auctoritate interdicit eis Petrus, ſancti Petri & Papæ miſſus, una cum ſanctæ Synodo, Miſſas celebrare, quouſque Romam veniant, & coram Papa & ſanctæ Eccleſiæ dignam reddiderint rationem.

Concilium univerſale non niſi neceſſitate faciendum.

Ex Concilio Africano Cap. 41.

CAPUT LIII.

Placuit, ut non ſit ultra fatigandis fratribus univerſalis neceſſitas, ſed quoties exegerint cauſæ communes, id eſt, ſi totius Africæ undecunque relatæ ad hanc ſedem fuerint litteræ, congregandam eſſe ſynodum in ea provincia, ubi opportunitas perſuaſerit. Cauſæ autem, quæ communes non ſunt, in ſuis Provinciis judicentur.

Ut Episcopi posteriores ſe prioribus ſuis non præferant.

Ex Epistola Lucii Papæ, Occidentalibus miſſa. Cap. 5.

CAPUT LIV.

Episcopi vero per ſingulas Provincias obſervent, ne poſteriores ſe ſuperioribus ſuis præferant, nec eis inconſultis, niſi quantum ad propriam pertinet Parochiam, aliquid agant. Sed omnes de communibus eorum cauſis, conſonam ſententiam proferant, & determinent; quoniam aliter actæ nullas vires habebunt, nec Eccleſiaſtica reputabuntur.

Ut Episcopi ſui ordinis tempus obſervent, alter alteri honorem præbentes.

Ex Concilio Cabillonienſi. Cap. 7.

CAPUT LV.

Item placuit, ut conſervato Metropolitanis Episcopis primatu, cæteri Episcopi

coporum secundum sui ordinationis tempus alius alii sedenti deferat locum.

De Episcoporum ordine , ut qui posterius ordinati sunt, prioribus se non audeant anteferre.

Ex Concilio Africano Cap. 53. Tomo primo nostro pag. 218.

CAPUT LVI.

Valentinianus Episcopus dixit : Si permittit bonum patientiæ vestræ, prosequor, ea quæ præterito tempore in Ecclesia Carthaginensi gesta sunt & subscriptionibus fratrum firmata claruerint, etiam hoc nos servaturos esse profiteor. Sed illud scimus, inviolate semper mansisse Ecclesiasticam disciplinam, ut nullus fratrum prioribus suis se aliquando auderet antepone; sed officiis charitatis id semper exhibitum est prioribus, quod ab insequentibus gratanter semper acciperetur.

De rebus dubiis in Conciliis Episcoporum emergentibus.

Ex Epistola Bonifacii Papæ ad Episcopos Galliæ.

CAPUT LVII.

Si inter Episcopos ejusdem Concilii dubitatio emerſerit de Ecclesiastico jure, vel de aliis negotiis : primum Metropolitanus eorum cum aliis quibusdam in Concilio considerans rem judicet. Et si non acquiescat utraque pars judicatis, tunc Primas illius Regionis inrer ipsos audiat, & quod Ecclesiasticis canonibus, & legibus nostris consentaneum sit, hoc definiat, & nulla pars valeat calculo ejus contradicere.

Ut Episcopi in Synodo residentes , quæ ad emendationem vitæ pertineant, primum emendent.

Ex Concilio Arvernensi Cap. I.

CAPUT LVIII.

In primis placuit, ut quoties secundum statuta Patrum sancta Synodus congregatur, nullus Episcoporum aliquam prius causam suggerere audeat, quam ea,

quæ ad emendationem vitæ, & severitatem regulæ, ad animæ remedia pertinent, finiantur.

De Metropolitano, si comprovincialem Episcopum in sua causa audire distulerit.

Ex Decretis Alexandri Papæ.

CAPUT LIX.

Si Metropolitanus a quocunque comprovinciali Episcopo fuerit in causa propria appellatus, & eum audire distulerit, in proxima Synodo negotii sui habeat licentiam exercendi: & quicquid propter justitiam à comprovincialibus suis fuerit statutum, debet custodiri.

Ut Episcopi justa judicia semper dijudicent.

Ex Concilio Remensi Cap. 19.

CAPUT LX.

Ut Episcopi & Judices judicia discernant; quia sunt quædam judicio Dei reservanda. Scriptum est enim: Nolite (a) judicare ante tempus, quoadusque veniat Dominus, qui & illuminabit abscondita tenebrarum, & manifestabit consilia cordium; & tunc laus erit unicuique a Deo. Et illud memores sint: In quo (b) enim judicio judicaveritis, judicabimini & vos.

Ut Canonum statuta ab omnibus rite custodiantur, & nullus ea suo sensu dijudicare præsumat.

Ex Concilio Meldensi. Cap. II.

CAPUT LXI.

Canonum statuta sine præjudicio ab omnibus custodiantur, & nemo in actionibus, vel in judiciis Ecclesiasticis suo sensu, sed eorum auctoritate ducatur. In exponendis etiam, vel præjudicandis Divinis Scripturis, Sanctorum Catholicorum Patrum, & probatissimorum sensum quisque sequatur: in quorum scriptis, ut beatus dicit Hieronymus, fidei veritas non vacillet.

De

(a) I. Corinth. IV, 5.

(b) Rom. II, 1.

*De dissidentibus Episcopis.**Ex Concilio Carthaginiensi Cap. 15.*

CAPUT LXII.

Diffidentes Episcopos si non timor Dei, Synodus reconciliet.

*De inflatione Metropolitanorum,
& fastu, & de Episcopis, ac
reliquis Clericis, qui læ-
duntur a Metro-
politano.*

*Ex Epistola Aniceti Papæ, Episcopis per Gal-
liam constitutis missa. Cap. 4.*

CAPUT LXIII.

Si autem aliquis Metropolitanorum inflatus fuerit, & sine omnium provincialium præsentia, vel consilio Episcoporum alias causas agere, nisi eas tantum, quæ ad propriam suam pertinent parochiam: aut eos gravare vo-

luerit; ab omnibus districtè corrigatur, ne talia deinceps præsumere audeat. Si vero incorrigibilis, eisque inobediens apparuerit: ad hanc Apostolicam Sedem, cui omnia Episcoporum judicia terminare præcepta sunt, ejus contumacia referatur, ut vindicta de eo fiat, & cæteri timorem habeant. Si autem propter nimiam longinquitatem, aut temporis incommoditatem, vel itineris asperitatem, grave ad hanc sedem ejus causam deferre fuerit; tunc ad ejus Prælatem ejus causa deferatur, & penes ipsum hujus Sanctæ Sedis auctoritate judicetur. Similiter si aliquis Episcoporum Metropolitanum suspectum habuerit, apud Prælatem Diocesanos, aut apud hanc Apostolicam Sedem audiatur.

*Hactenus Burchardus editus Colonia 1548.
in Folio Libro I. a Capitulo XLII. ad
Capitulum LXIII.*

In ordine de celebrando Concilio varii & plures Canones assignantur, prælegendi in Concilio Provinciali, aut Diocesano, videturque ea prælectio definita fuisse a Præsidente Concilii, vel ab Episcopis præsentibus: certe varia in variis ordinationibus legitur.

Quomodo initianda sit Synodus. (a)

HOra convenienti, quando Episcopo, vel ejus Vicario visum fuerit, omnes expellantur de Ecclesia, obsecratis foribus cunctis: ad unam januam, per quam Sacerdotes ingredi oportet, Ostiarii stent, & sella ponatur in medio, & super eam sacra reliquiæ, & plenarium cum stola ponantur. Deinde convenientes Presbyteri omnes intrent, & secundum ordinationis suæ tempus resideant. Post hos ingrediantur Diaconi probabiles, quos ordo poposcerit interesse. Exinde introducantur laici bonæ conversationis. Tunc ingreditur Episcopus, si voluerit, vel si necessitas exegerit, & si non aderit Episcopus, ejus Vicarius eadem faciat.

*Synodum ingrediens ipse, vel ejus Vicarius,
primum salutet Clerum & populum:
& versus in Orientem, mediocri voce
dicat:*

Deus humilium visitator, qui nos fraterna dilectione consolatoris; prætende societati nostræ gratiam tuam, ut per eos, in quibus habitas, tuum in nobis sentiamus adventum. Per Dominum &c.

*Tunc procedens Diaconus cum Subdiacono
& cum thuribulo, & cum ceroferariis
duobus legat Evangelium.*

Cum esset sero die illo una Sabbatorum, & fores essent clausæ.

Deinde

B 3

(a) Hardouin. post Synodum Salegustadiensem Tomo VI. Conciliorum imprimi fecit hunc ordinem Concilii servandi, quia in impresso codice Burchardi Decretorum Coloniae 1548. edito impressus est post eam Synodum.

Merlinus, Surius, Binius, Collectio Regia Conciliorum anni 1643, collectio Hardouini anni 1715. ediderunt ordinem de celebrando Concilio, nonnihil diversum ab hoc, qui inter opera Burchardi impressus est.

Deinde dicat Pontifex, vel ejus Vicarius:

Sancta Maria, & omnes Sancti, & Electi Dei, intercedite pro nobis peccatoribus ad Dominum Deum nostrum, ut mereamur ab eo adjuvari & protegi & sanari. Qui vivit & regnat in sæcula.

Postmodum duabus vicibus dicat:

Deus in adiutorium meum intende:
Domine ad adjuvandum me festina.

Tunc tertio iterum dicat:

Deus in adiutorium meum intende.

Clero respondente:

Domine ad adjuvandum me festina,
*cum Gloria Patri, & Kyrieelëson,
& Pater noster, cum precibus istis.*

Domine, ne memineris iniquitatum nostrarum aniquarum.

Adjuva nos Deus salutaris noster.
Esto nobis Domine turris fortitudinis.
Domine exaudi orationem meam.
Dominus vobiscum.

Oremus.

Exaudi nos Deus salutaris noster, & dies nostros in tua pace dispone, ut a cunctis perturbationibus liberati, tranquilla tibi servitute famulemur. Per Dominum nostrum.

Deinde pro universis Ordinibus, nec non pro statu Papæ, & Antistitis ejusdem Sedis, dicant istos Psalmos:

Miserere mei Deus secundum magnam.
Deus in nomine tuo saluum me fac.
Miserere mei Deus, miserere mei.
Deus misereatur nostri. *Et Pater noster cum precibus.*

Sacerdotes tui induantur justitia.
Memento Congregationis tuæ.
Salvos fac nos Domine Deus noster.
Ut confiteamur Nomini sancto tuo.
Adiutorium nostrum in nomine Domini.
Domine exaudi orationem meam.
Dominus vobiscum.

Oremus.

Omnipotens sempiterne Deus, cuius Spiritu totum corpus Ecclesiæ sanctificatur & regitur, exaudi nos pro universis ordinibus supplicantes, ut gratiæ tuæ munere ab omnibus tibi gradibus fideliter serviat. Per Dominum.

Deinde dicat:

Deus, omnium fidelium Pastor: &

Rektor, famulum tuum, quem Pastorem Ecclesiæ tuæ præesse voluisti, propitius respice: da ei quæsumus verbo & exemplo, quibus præsit, proficere, ut ad vitam una cum grege sibi credito perveniat sempiternam. Per Dominum.

His expletis, septem Psalmos penitentiae decantent cum Kyrieelëson, & Pater noster cum precibus istis:

Ego dixi, Domine, miserere mei.
Convertere Domine usque quo.
Fiat misericordia tua Domine super nos.
Domine exaudi orationem meam.
Dominus vobiscum.

Oremus.

Dies nostros, quæsumus Domine, placatus intende: pariterque nos & a peccatis absolve propitius, & a cunctis eripe benignus adversis. Per Dominum.

Post hæc vero egrediantur omnes, exceptis Presbyteris, & cæteris idoneis Clericis, factoque silentio Pontifex, vel ejus Vicarius dicat hanc orationem:

Dominus vobiscum.

Oremus.

Adesto nobis, quæsumus Domine Sancte Spiritus, peccati quidem immanitate detentis, sed in nomine tuo specialiter aggregatis: veni ad nos, & dignare illabi cordibus nostris: doce nos, quid agamus: quo gradiamur; ostende, quid efficiamus, operare. Esto salus & iuggestor, & effector iudiciorum nostrorum, qui solus cum Deo Patre, & Filio nomen possides gloriosum: non nos patiaris perturbatores justitiæ esse, qui summæ veritatis diligis æquitatem, ut in finistrum nos non ignorantia trahat, non favor inflectat, non acceptio muneris vel personæ corrumpat; sed junge nos tibi efficaciter solius gratiæ tuæ dono, ut simus in te unum, & in nullo deviemus a vero: quatenus in nomine tuo collecti, sic in cunctis teneamus cum moderamine pietatis justitiam, ut & hic a te in nullo dissentiat sententia nostra, & in futuro pro bene gestis consequamur præmia sempiterna. Per.

Tunc Diaconus codicem canonum in medium proferens, capitula de Conciliis agendis pronuntiet, id est, ex Concilio

cilio Toletano: () finitisque titulis, & cunctis in ordine sedentibus, hæc admonitio ab Episcopo, vel si voluerit, a Diacono legatur.*

Ecce, Sanctissimi fratres, præmissis Deo precibus fraternitatem vestram cum pia exhortatione convenio, & per divinum nomen obtestor; ut ea, quæ a nobis de Deo & sacris ordinibus, vel nostris moribus vobis fuerint dicta, cum summa reverentia perficere intendatis. Quod si forsitan aliquis nostrum aliter, quam dicta fuerint senserit; sine aliquo scrupulo contentione, in nostrum omnium copulatione ea ipse, de quibus dubitaverit conferenda reducat: qualiter Deo mediante aut doceri possit, aut doceat. Deinde vos simili obtestatione conjuro, ut nullus vestrum in judicando, aut personam accipiat, aut quolibet favore, aut munere pulsatus a veritate discedat. Sed cum tanta pietate quicquid cœtuisse judicandum intulerit, retrahat; ut nec discordans contentio ad subversionem justitiæ inter nos locum inveniat, nec iterum in perquirenda æquitate vigor nostri ordinis vel sollicitudo tepefcat.

Post hanc exhortationem, quisquis Clericorum velit, conferat querelam. Et admonendi sunt, ut nullus ad Synodum veniat non jejunus vel a cœtu communi secedat, antequam generalis secessio adveniat. Et sic quoque Synodus primi diei solvatur.

Secunda die, quando Episcopus, vel ejus Vicarius, synodum ingreditur, in loco suo stans dicat:

Dominus vobiscum.

Oremus.

Deus, qui nobis in famulis tuis præsentia tuæ signa manifestas, mitte super nos Spiritum charitatis, ut in adventu fratrum, conservorumque nostrorum, gratia nobis tuæ largitatis augeatur. Per.

Postea legatur Evangelium, ita ut in priori die.

Designavit Dominus & alios septuaginta duos.

Deinde dicat Episcopus, vel ejus Vicarius, preces sicut in priori die.

Sancta Maria, & omnes Sancti, & sic cætera.

Tunc omnes prostrati decantent psalmos istos pro Regis nostri & aliorum sui regni Primatum sospitate.

Domine, quid multiplicari sunt, qui tribulant me.

Exaudiat te Dominus in die tribulat.

Deus auribus nostris audivimus.

Cum Kyrieleeson & Pater noster, cum precibus istis.

Domine salvum fac Regem.

Esto ei Domine turris fortitudinis.

Salvum fac populum tuum Domine.

Fiat pax in virtute tua.

Exurge Domine, adjuva nos.

Domine exaudi orationem meam.

Domine Deus virtutum converte nos.

Dominus vobiscum.

Oremus.

Deus, regnorum omnium & Christiani maxime protector imperii, da servo tuo, Regi nostro, triumphum virtutis tuæ scienter excolere, ut qui tua constitutione est Princeps, tuo semper munere sit potens. Per.

Oremus.

Præstende Domine famulis tuis dexteram cælestis auxilii, ut (*) toto corde perquirant, & quæ digne postulant, consequi mereantur. Per.

Deinde pro infirmis & pro salute totius Ecclesiæ istos Psalmos decantent:

Beatus, qui intelligit.

Domine refugium.

Domine Deus salutis meæ.

Cum Kyrieleeson & Pater noster, cum precibus istis.

Castigans castigavit eos Dominus.

Nihil proficiat inimicus in eis.

Exurge Domine, adjuva nos.

Domine exaudi orationem meam.

Dominus vobiscum.

Oremus.

(*) Ordo Concilii celebrandi, editus a Merlino, hæc addit de Concilio Toletano tertio, æra XVIII. Item ex Concilio Toletano quarto, æra III. Item ex Capitulis Orientalium Patrum, quæ Martinus Episcopus de Græco in Latinum vertit, æra XVIII. de Synodo facienda. Item ex Concilio Chalcedonensi, æra XVIII. Item ex Concilio Agathensi, æra XXV. vel XXVI. vel aliud de Canonibus, quod aptius Metropolitano visum fuerit, ut legatur. Finitisque titulis.

(**) forte addendum: Te.

Oremus.

Deus, infirmitatis humanæ singulare præsidium, auxilii tui super infirmos famulos & famulas tuas ostende virtutem, ut ope misericordiæ tuæ adjuti, Ecclesiæ tuæ sanctæ representari mereantur. Per.

Postea legatur a Diacono homelia Gregorii, incipiente versu isto.

Messis quidem multa, usque: Patres esse recognoscunt.

Tunc si Clerici querelam non habent conferendam, laici intromittantur: illis etiam audientibus Lectio Nicæni Concilii recitetur:

Judices nonnisi jejuni leges & judicia discernant. Quisquis ex laicis habet querelam, proferat. Et Synodus secundæ diei sic solvatur.

Tertia die cum Episcopus, aut ejus Vicarius, ut in cæteris diebus synodum ingreditur, dicat:

Dominus vobiscum.

Oremus.

Protege Domine, quæsumus, nos famulos tuos subsidii mentis & corporis: & spiritualibus enutrients alimentis, propitius redde securos ab hostibus universis. Per Dominum.

Et post hoc legatur Evangelium:

Circuibat Jesus civitates & castella.

Deinde pro fidelibus defunctis istos Psalmos decantent:

Verba mea auribus percipe, Domine.
Domine, ne in furore tuo. *Minorem.*
Ad te Domine levavi animam meam.

Cum Kyrieelson & Pater noster cum precibus istis.

Requiem æternam dona eis Domine.
In memoria æterna erunt justi.
A porta inferi. Dominus vobiscum.

Oremus.

Inveniant, quæsumus, Domine animæ famulorum, famularumque tuarum omnium in Christo quiescentium lucis æternæ consortium: qui in hac luce

positi, tuum consecuti sunt Sacramentum. Per Dominum.

Post hæc pro irreligiosis istos Psalmos decantent:

Ad te Domine clamabo.
Benedicam Dominum.
Deus venerunt gentes.

Cum Kyrieelson & Pater noster cum precibus istis.

Fiat pax in virtute tua.
Ostende nobis Domine misericordiam tuam.

Deus tu conversus vivificabis nos.
Domine exaudi orationem meam.
Dominus vobiscum.

Oremus.

Deus, qui infideles deferis, & juste indevotis irascaris, populum tuum, quæsumus, ad te converte propitius, ut qui te per duritiam irreligiøsæ mentis semper offendunt: ad sancta officia promerenda, tuæ miserationis gratia inspirante conver-
tas. Per dominum.

Si quæ sunt quæstiones, vel querelæ, conferantur.

Et sic Synodus tertiæ diei solvatur.

Quarta vero die Episcopus Synodum ingrediens, sic procedat, ut primum portentur ante eum duo candelabra cum cereis incensis, quæ sequatur Subdiaconus, portans Evangelium, duæ cruces hinc & inde. Deinde Diaconus. Postremum Episcopus, Episcopalibus indutus vestimentis, & cappa ingreditur. Et ingressus in sede sua stans dicat:

Dominus vobiscum.

Oremus.

Nostrorum tibi, Domine, curvantes genua cordium, quæsumus, ut bonum, quod in nobis a te requiritur, exequamur: scilicet, ut prompta tecum sollicitudine gradientes, discretionis arduæ subtile judicium faciamus, ac misericordiam diligentes, clareamus studiis tibi placitæ actionis. Per Dominum.

Postea solito move legatur Evangelium:

Respiciens Jesus discipulos suos, dixit Simoni Petro: Si peccaverit.

Ex editione Coloniensi 1548. post libros Burchardi Wormatiensis Episcopi.

Quinam

Quinam Laici ex Vassallis Episcopi Trajectensis ad Rhenum generali Synodo Ecclesie sue interesse teneantur.

Definitio Adelboldi Episc. Trajectensis, defuncti 1027., & Notificatio Ministerialium Ecclesie sue.

IN Nomine Domini. Amen. (a) Opera pretium duxi, ea, quæ sequuntur, scriptis inferere, ne in posterum lateret, quod præsens ætas faceret. Quapropter desidero, notum esse sanctæ Dei Ecclesie fidelibus, tam præsentibus, quam futuris, quod ego Adelboldus, Dei solummodo gratia Sanctæ Dei Ecclesie Trajectensis Præsul indignus, cum Feudales liberi Trajectensis Ecclesie a me feudum suum requirerent, Prædecessorum meorum Episcoporum Trajectensis mihi literas ostenderunt, continentes, quæ & qualia bona ipsi & eorum progenitores ab Ecclesia Trajectensi tenuerunt quibus visis, in scriptis feci redigi, quæ sequuntur.

Dux Brabantie est liber feudalus Ecclesie Trajectensis, & tenet in feudum civitatem lapideam in Tiele, cum prædiis, familiis, mancipiis, silvis, aquis, piscationibus, pascuis, pratis, & salictum juxta prædictam civitatem Tiele situm, & omnibus ad civitatem pertinentibus eandem. Item totam campiniam usque Thurnout & Woirde, cum mancipiis, silvis, campis; officiumque ejus est, quod vocatur, & est DAPIFER Episcopi Trajectensis.

Item Comes Gelrie est etiam liber feudalus Ecclesie Trajectensis, & tenet

in feudum comitatum Zutphanie, cum multis prædiis, mancipiis, pratis, silvis, aquarumve decursibus, & justitiis. Item Embricam cum suis attinentiis pro parte media, & alia pars est Episcopi Trajectensis. Item in pago Batua magnam partem, cum mansis, terris, casis, domibus, mancipiis utriusque sexus & justitiis. Item Tielrewert, & Bomlewert, cum multis mancipiis, mansis, terris, casis, domibus, campis, pratis, aquis, aquarumve decursibus & justitia. Et dicti Comitatus officium est, quod vocatur, & est VENATOR Episcopi Trajectensis.

Item Comes Hollandie est liber feudalus Ecclesie Trajectensis, & tenet in feudum Comitatum Hollandie; & terram Kenemarie, cum terris, mancipiis, silvis, campis, pratis, pascuis, aquarum decursibus & justitia: exceptis dictarum terrarum decimis, & terra Waterlandie, & Westfrisie, quæ totaliter pertinet ad Episcopum & Ecclesiam. Et dictus Comes Hollandie vocatur, & est MARESCHALLUS Episcopi Trajectensis.

Item Comes Clivenfis est liber feudalus Ecclesie, & tenet in feudum in pago Batuo in superiori parte supra Rhenum magnam partem terrarum & mansorum,

- (a) Hanc notificationem Adelboldi, Trajectensis Episcopi, anno 1027. defuncti, & Henrico II. Regi gratissimi, servavit nobis Wilhelmus Heda, Præpositus Arnheimius, Canonici Ultrajectinus, anno 1521. dedicans Historiam Episcoporum Trajectensium Ecclesie Ultrajectensi, editus a Saffrido Petri 1602. postea a Buchelio.

Ex ea definitione videat Lector catholicus, quantus splendor fuerit unius Episcopi Trajectensis ad Rhenum non solum in jurisdictione spirituali, sed & in jurisdictione temporali, a Regibus & Imperatoribus concessa, ob reverentiam erga Ecclesiam & Episcopos, Christi Ministros, adeo ut Heda non dubitaverit scribere, hos Principes, quidquid expugnatis, aut ad fidem conversis barbaris, terrarum est in Frisia, Hollandia, Batavia, & Insulis, donasse Ecclesie & Episcopis Trajectensibus, & sub Præfectis Regiis, vel a se constitutis, vastum dominatum exercuisse.

Cum vero Sæculo X. & XI. Præfecti, Judices, Comites, Advocati Regionum inciperent esse hereditarii, stirpe Carolingica deficiente; iidem bella moverunt Episcopo Trajectensi, & jam hanc, jam illam Provinciam sibi compararunt. Quod Adelboldus hic, XIX. Episcopus, experiri debuit ab Comitibus Hollandie, & alio Theoderico Bavone: unde primus armato milite Ecclesie sue in invasoribus obviare debuit, Marte licet infelici.

forum, cum casis, domibus, mancipiis, campis, pratis, pascuis; & ex alio latere Rheni, & in aliis quibusdam locis, terras, mansos, casas, domos, filvas, campos. Item Woudrichem cum agris & campis, cum aquis, aquarumque decursibus & iustitiis. Et est CAMERARIUS Episcopi.

Item Comes de Benthem est liber feudalis Ecclesiæ, & tenet in feudum Burchgraviatum, sive Præfecturam Traiectensem, cum plurimis mansis, terris, insulis, campis, mancipiis, silvis, pratis, pascuis, aquis, aquarumque decursibus & iustitia in diversis locis Diœcesis Traiectensis: qui vocatur & est JANITOR Episcopi.

Item Dominus de Cuke est liber feudalis Ecclesiæ, & tenet in feudum multas terras, insulas, & decimas, cum casis, domibus, & silvis, campis, pratis, & pascuis, aquis, aquarum decursibus, & iustitia in diversis locis Diœcesis Traiectensis: qui vocatur & est PINCERNA Episcopi.

Item Dominus de Choer est liber feudalis Ecclesiæ Traiectensis, & tenet

in feudum castrum Choere, & terram dictam Ameide cum multis terris, mansis, casis, domibus, silvis, campis, mancipiis, pratis, pascuis, aquis, aquarum decursibus, mobilibus & immobilibus, & omnibus ad dictos districtus de Choere & Ameide pertinentibus: qui vocatur, & est SIGNIFER Episcopi Traiectensis.

PRÆNOMINATI OMNES FEUDALES ECCLESIE IN GENERALI SYNODO EPISCOPI TRAJECTENSIS TENENTUR, ET DEBENT PERSONALITER INTERESSE, QUI FEUDUM SUUM A ME RECEPERUNT;

Ac fidelitatem præstiterunt coram Domino Henrico Romanorum Imperatore, invictissimo, Augusto, præsentibus Aribone Archi-Episcopo, Archi-Cancellario, Annone (b) Colonienfi, Everhardo Treverensi, Adelberto Hammelburgensi Archi-Episcopo, Walrico Vice-Cancellario, & pluribus aliis Episcopis, Comitibus, & Regni fidelibus. Actum in Tulpiaco castro nostro (c) anno Domini MXXI. III. Nonas Januarii.

(b) Nec Adelbertus Hammaburgi, nec Anno Coloniae, nec Eberhardus Treveris anno 1021. Archi-Episcopi erant: igitur Adelboldi notitia Ministrorum Ecclesiæ Ultrajectinæ seriis descripta fuit a Librario imperito, qui hos Archi-Episcopos veluti Henrico I. Imperatori, & Adalboldo coævus adjecit.

(c) Tolpiacum, si sit castrum, quod est in Archi-Diœcesi Colonienfi situm, quomodo pertineat ad Adelboldum Traiectensem, nescio. Caterum Henricum I. Imperatorem anno 1021. Natale Domini Coloniae celebrasse, adeoque verosimiliter IV. Non. Januarii illic fuisse, Sigebertus Gemblacensis, auctor suppar. anno 1111. scribens narrat.

SYNODUS GANDESIENSIS

Anno Christi M. Sylvestri II. Papæ III. Ottonis III. Imp. VI. Regni XVIII.

SUMMA. Willegisus attentat Concilium celebrare in Diœcesi sui Suffraganei. Contradicit hujus Legatus. Pergit attentare Willigisus, sed nullo effectu.

Willegisus Archiepiscopus, quod mente præceperat, actu perfecit; quidam enim maligni illum impulerunt, Sophia nihilominus institerat. Venit itaque biduo ante S. Andrea festum Gandensem ad Synodum, ut dis-

posuerat, habens secum venerabilem Episcopum Rherarium, (a) aliosque complures extraneos, videlicet de Thuringis & Hassis, quorum id nihil intererat, nonnullos etiam de sua Diœcesi, infra Saxoniam.

(a) Paderbornensem.

Sed

Sed in principio actionis, venerandus Præful Ekkehardus (b) Archiepiscopus commonet, ut a Synodo desistat, nec in aliena Ecclesia talia præsumat, præcipue cum Dominus Episcopus, ad quem Ecclesia pertineat, abſit, & cum DOMINO APOSTOLICO & IMPERATORE consistat. Ad hæc incredibili furore Archiepiscopus succensus, torvo vultu ac minaci jubet, ut fileat, nil ad se talium pertinere; ut propriam Ecclesiam habeat, illam gubernet. Contra Ekkehardus: "Pec-
"catis, *inquit*, agentibus, termini Epif-
"copatus mei, barbarica sunt feritate
"depopulati; civitas deserta, Eccle-
"sia desolata: sedem non habeo, ser-
"vum me sanctæ Mariæ, & Hildense-
"mensis recognosco, & in cunctis quo-
"ad potero, loco sancto prodesse stu-
"debo.

Archiepiscopus itaque productis viris, quos adduxerat, requisivit Episcopos, si liceat illos homines banno suo ad Sacramenta constringere, ad cujus Diocesim illud cœnobium pertineat. Illi quanquam metum illius veriti, ajunt, legitime fieri non posse, absente Episcopo. Ekkehardus itaque Præful, & fratres nostri, populus quoque orant instanter, Sacramenta suspendi: qua unanimitate Cleri & plebis, Archiepisco-

pus commotus, prædicto Episcopo minatur, ut fileat, vel cum injuria foras eum ejiciendum.

Super hoc plures indignati, & aliquanti, quos Archiepiscopus adduxerat. Cum propemodum tumultus oriretur, Ekkehardus Præful ab Episcopis rogatus, secessit, cunctosque Gandesemenses, & omnes, ad Hildesensem Diocesim pertinentes, ad suam Synodum invitavit. Ad cujus bannum unanimiter omnes egressi, illum secuti sunt, tantummodo cum Archiepiscopo suis propriis, quos adduxerat, relictis. Cum vero de Diocesi, Sacramentis examinarentur, alii ETHRI-NAM Frideslarensem fluvium, terminum Hildensemensis Parochiæ affirmabant, errorem faciente nomine EDER-NÆ fluminis, quod Gandensem alluit; alii certum nihil se scire, nisi quantum aliorum relatu didicerint, approbant; nullus aliquid vel memoria dignum asseruit. Archiepiscopus tamen, ac si veritate cuncta fixa constarent, banno, ne quis illi Sacramento retentum cœnobium auferret, munivit, sicque libero errore discessum est.

*Tangmarus in vita S. Bernwardi Epifi.
Hildesensis apud Leibnitz. Tomo I.
Scriptor. Brunsvicensium.*

(b) Sleswicensis, Legatus Bernwardi Hildesensis Episcopi. Sed nec apud Cypræum, nec apud Crantzium invenio Eggehardum Slesvicensem Episcopum: invenio autem Eziconem successisse Poppou, Slesvicensi Episcopo, initio Sæculi undecimi mortuo. Qui Ezico fors idem Eggehardo hic memorato est, uti Cunzo Conrado, Hezilo Henrico.

Perierat incendio Gandesense Sanctimonialium Cœnobium. Hoc cum Gærburgis ejusdem loci Abbatisſa, ingenti sumptu restaurasset, Ecclesiam consecrari depoposcit. Sed cum ex diuturna infirmitate, ad obeunda tantæ festivitatis solemniam minime apta sibi videretur; Sophiæ sanctimoniali, nepti suæ, itidemque Ottonis III. Imperatoris Sorori, hanc curam demandavit. Hæc (ut Tom. II. in observatione prævia ad Synodum anni 994. dictum) Bernwardum multimode exosa, ad hanc solemnitatem denuo accertivit Willigisum Moguntinum Archi-Episcopum, qui consentit, & templi consecrationem statuit in diem Exaltationis S. Crucis, quam mox in Festivitatem S. Matthæi Apostoli rejecit. Bernwardus die præmemorato Exaltationis advenit, Ecclesiam dedicaturus; sed male & frigide exceptus, a proposito opere impeditur. Attamen ejusdem Ecclesiæ consecrationem, quæ ad se pertineat, omnibus sine suo consensu, canonica auctoritate interdicit, sicque peracto sacro Missæ Sacrificio discedit.

Venit & Willigisus in vigilia S. Matthæi cum Rhetario Paderbornensi, & Berangero Verdensi Episcopis, Bernardo quoque Duce, & aliis plurimis, sequenti die Ecclesiam consecraturus: sed adfuit ex parte Bernwardi Ekkehardus, Sleswicensis Episcopus, qui sede sua hostiliter depulsus, ad eundem confugerat. Is cum quibusdam Majoribus, & Primariis Cleri Hildesensis se se fortiter huic cæpto opposuit, & consecratio intercepta est. Inter Missarum solemniam facta ad populum sermone Synodum suam biduo ante Sancti Andree Natale, cum banni approbatione denuntiat, deinde ad altare regressus, in Cathedra sedens, Privilegia quadam ante

incognita mandat recitari, in quibus continebatur, ut nemo de jure illius Ecclesiæ auferret quicquam, siue in decimis vel prædiis, vel ulla re investitura contineret, hoc quoque hanno roboravit, sicque discessum est. Interea Bernwardus monitus a Coepiscopis, Nonas Novembris iter Romam versus tam ad Papam, quam Imperatorem arripit, causam suam acturus.

Anno MI. Indict. XIV. Imperator Nartalem Domini Romæ celebravit, & illo Bernwardus Episcopus in Epiphaniis, super multis infestationibus Archi-Episcopi Willigisi, & maxime de Synodo, quam in sua, id est, Gandeshemensi Ecclesiâ cum extraneis Episcopis habuit, conquesturus advenit, totamque ejusdem Metropolitani illicitam usurpationem in præsentia Sylvestri Papæ, & Imperatoris III. Ottonis SYNODALI auctoritate prorsus adnullavit.

Leibnitz. Tomo I. Scriptorum Brunsvicensium hæc ex ANNALIBUS HILDESIMENSIBUS refert.

Tangmarus in vita S. Bernwardi editus ab eodem Leibnitio Tomo I. cit. Synodum Romanam in hac causa sigillatim ita describit:

SYNODUS ROMANA

Anno Christi MI. Sylvestri II. Papæ IV. Ottonis III.
Imp. VII. Reg. XIX.

De eadem causa Gandersheimensi.

IN fronte actionis, post Evangelia lecta, & quædam Patrum Capitula, benedictione data, cum sedissent viginti Episcopi de Romania, aliquanti etiam de Italia, & Tuscia: de Germania vero Sigefridus Augustensis, Hinricus Wirceburchensis, Hugo etiam junior Citicensis, præsentem Domino Gerberto Apostolico cum Imperatore in Palare (a) in Ecclesiâ S. Sebastiani Martyris, præsentem nihilominus singularis meriti viro, Henrico Duce (Bavariæ) pacatissimo, & Abbatibus, astantibus quoque Presbyteris & Diaconibus, omnique Romanæ dignitate:

Facto silentio Venerabilis Episcopus Bernwardus de loco sessionis suæ modicum progressus, humiliter Domino Apostolico, & Imperatori, & Domino Henrico Duci, omnique Synodo, causam Ecclesiæ suæ elimato sermone exposuit. Cunctis itaque questu ejus compunctis, Sapientissimus Papa interrogavit Concilium, si Synodus habenda, vel vocanda esset, quam Archi-Episcopus cum suis, quos adduxerat, collegisset in Ecclesiâ, ab Hildesimensibus semper possessa Episcopis: præcipue cum Episcopus abfuerit, & ad Romanam Sedem pro eadem causa confugerit: vel quo nomine tale conventiculum vocandum sit? Sanctum Concilium seces-

sum petiit, ut secretius inter se de his inquirant. Quod rursus Papa libens annuit. Egressique sunt soli Romani Episcopi: & postmodum introgressi, cum iterum confederissent: Apostolicus ait: Quid sancitis, Fratres, de Synodo? Sanctum Concilium respondit: In aliena Ecclesiâ, & ab alio possessa, nil juris habuit, neque canonice ibi Synodum celebrare, aut aliquid constituere sine consensu proprii Episcopi potuit: nec omnimodis Synodus dici potest. Sapientissimus Papa dixit: Ergo quo nomine rite vocari potest? Sanctum Concilium dixit: Schisma concilians discordias. Sapientissimus Papa dixit: Abjicienda sunt, quæ ibi gesta sunt? Concilium respondit: Canonica auctoritate & Sanctorum Patrum exterminanda sunt, quæ ibi adinventa vel statuta sunt. Apostolicus ad hæc inquit: Apostolorum potestate, Sanctorumque Patrum auctoritate dissipamus, & effringimus, & annullamus, quæ, absente Fratre & Coepiscopo Bernwardo, in sua Diocesi, ab Archi-Episcopo Willigisi & suis complicitibus adinventa, & Sacramentis statuta sunt. Et adjecit: Frater & Episcopus Bernwardus petit sibi restitui sublatam vestituram ab Archi-Episcopo: Quid sancitis Fratres? Sanctum Concilium respondit: Vestituram, quam Archi-

(a) *Leibnitz suspicatur: in Parlitorio, vel Anticamera Ecclesiæ.*

chi-Episcopus non potuit auferre, non est necesse illi reddere: sed quia hoc ipse petendo instat, si Domino Imperatori placeat, Apostolatus vestri ferula vestitura ei redintegretur, & corroboretur. Papa respondit: Fiat juxta placitum vestri, & tradidit illi Apostolicam ferulam dicens: Gandenesemenſe Cœnobium cum adjacentibus villis & terminis, tuo juri redintegrato & corroboro, & Apostolica Sanctorum Petri & Pauli auctoritate interdico, ne aliquis, nisi quantum Canones permittunt, tibi obſiſtat.

His finitis Dominus Apostolicus, quid faciendum eſſet, Concilium requiſivit. Reſponſum eſt: Si utriſque Principibus id conveniat, ſcriptis Archiepiſcopum, quod tam audax inceptum, canonibus, Patrumque regulis contrarium attentavit; ſimul quoque, ut imposterum a tali controverſia deſiſtat, nec aliquid ſe intromittat, niſi canonicè emancipet.

Synodum quoque Episcopis per Saxoniam indici, Vicarium nihilominus ex parte Domini Apostolici deſtinari, qui Synodo præſideat, complacitum eſt.

Locus Palati habendæ Synodi diſponitur.

Dies undecimo Kalendas Junii denuntiatur. Frithericus, Cardinalis Presbyter S. Romanæ eccleſiæ, poſtea Ravennæ Archiepiſcopus, *Saxo geneve*, juvenis ætate, ſed ſenior morum probitate, Vicarius Domini Apostolici eligitur, atque dirigitur, Apostolicis paramētis atque ſignis non minus infulatus, quam ipſe Papa procedebat.

Biographus S. Bernwardi, Tungmarus, apud Leibnitz. Tomo I. Scriptorum Brunſwicenſium pag. 451. 452.

SYNODUS PALITHI

Anno Chriſti MI. Sylveſtri II. Papæ IV. Otronis III.
Regni XIX. Imperii VII.

De actis præcedentis Synodi, habitæ Gandesheimii.

Affuit ab Apostolico & Imperatore, vice Papæ directus, Cardinalis Presbyter FRIDERICUS, omnibus ſignis Apostolicis, ac ſi Papa procedat, infulatus, equis Apostolica ſella Romano more, oſtro inſtratis. Scripta quoque a Papa & Imperatore, Episcopis, & cæteris Principibus mittuntur, ut Romanum Legatum digno honore ſuſcipiant, ejusque legationi indubitanter omnes, quaſi Apostolicus præſens cernatur, obediant.

Convenerunt itaque PALITHI (a) ad ſynodum X. Kalendas Julii juxta decretum Apostolici: præſcriptum Legatum vero vario affectu excipiunt. Archiepiſcopus autem, & qui ei favebant, mira indignatione, & execratione illum ſpernebant. Episcopos vero Bernwardus, & Lievezo (b) Hammaburgensis

Archi-Præſul, alique quam plures reverenter eum tractabant, præcipuoque honore colebant. Sed poſtquam ad Concilium ventum eſt, vix dici poterit, quanta ſeditione, & tumultu agitur. Nam nec locus ſeſſionis Vicario Apostolici idoneus conceditur, horribilis ſtrepitus ingeminatur, jus ſæque contemnitur, Canonica diſciplina annullatur.

Vicarius inter Episcopos Lievezonem & Bernwardum ſedens, Apostolici ſcripta & Legationem ad Episcopos ſe habere, facultatem exſequendi, quæ ferat ſibi exhiberi orabat. Imperator denique ſilentio, primo dulci affamine Episcopos de pace & caritate, & concordia commonet, deinde Epistolam Papæ, Archi-Epiſcopo ſpecialiter directam, profert, publiceque in auribus omnium recitari precatur; quam cum Archi-Epi-

C 3

(a) Palithi, Palatium Regium ad ſylvam Hercyniam: *Poelbe an der Harz.*

(b) *Latine*: Libentius vocabatur.

Episcopus tangere, vel videre dedignaretur; Episcoporum iudicio palam est recitata, in qua ipse Episcopus aperte corripitur, & de fraterna concordia & obedientia admonetur. Vicarius autem, quamvis Archiepiscopum irritare magno studio parceret; tamen miti affatu, quæcumque illi objiciebantur, obedienter fratrum consulti satisfacere, Apostolica auctoritate commonet.

Super his, etsi indignans, consilium a fratribus, & præcipue ab Archiepiscopo Lievezone quarit. Adhæc ille: bonum sibi, quia læsus frater Minorum nostrorum Apostolici, & Imperatoris suffragia petit, coram Vicario, illorum Episcoporum iudicio satisfaciatur.

Januæ interim Ecclesiæ panduntur, laici intromittuntur. Fit strepitus, tumultusque validus, Moguntinis exultantibus, (c) arma exposcunt, immensas minas ingerunt adversus Apostolici Vicarium, & beatum Bernwardum Episcopum. Legatus autem, & præfatus Episcopus, nec tumultu moti, nec minis terri, licet numerosiores haberent militum copias, non arma fremunt, sed seditionem compescunt. Episcopi autem, negotium in posterum diem prosequendum suggerunt, in fidem suam suscipiunt, Archiepiscopum adven-

(c) exultantibus, *legit Leibnitz. in suo MS.*

turum, justitiamque obedienter exsequuturum. Interea Archiepiscopus nimio furore succensus egreditur, quem infra coronam fratrum Vicarius insequitur, & banno Apostolicæ auctoritatis ad Synodum in eandem Ecclesiam sequenti diluculo invitat. Sicque illa actio soluta est.

Matutino itaque crepusculo ciam Archiepiscopus, omnibus ignorantibus, cum suis abcessit. Vicarius autem secundam actionem synodi sequenti die adorsus, in principio actionis Archiepiscopum inquit, quem, quia non aderat, ab omni Episcopali ministerio usque ad Papæ præsentiam suspendit. Cunctis vero Episcopis in Natali Domini ad præsentiam Papæ Apostolica auctoritate indicit. Archiepiscopo nihilominus scripta in hunc modum dirigit. "*Quia Synodo te subtraxisti, & jussis Romani Pontificis inobediens fuisti; auctoritate Sanctorum Apostolorum Petri & Pauli, & illorum vicarii, Papæ Sylvestri, ab omni sacerdotali officio scias te usque ad præsentiam illius suspensum.*" Sic secunda actio terminata est.

Tangmarus in vita S. Bernwardi.

Apud Leibnitz. Tomo I. Scriptor. Brunswicens. pag. 454. 455.

SYNODUS IN FRANCONOFORT

Anno Christi MI. Sylvestri II. Papæ IV. Ottonis III.

Regis XIX. Imp. VII.

SUMMA. Consensu Episcoporum Germanicæ indicitur Conventus Franconofurti, absentia Bernwardi Hildesienfis excusatur, Episcopi orant Willigisum pro Gandesemensi Cænobio, relinquendo Bernwardo: differt Willigisus consensum usque ad Frideslariensem Conventum.

Episcopi, controversiam inter Willigisum Archiepisc. Moguntinum, & Bernwardum Hildesiensem, de Jurisdictione in Gandense Monasterium grassari cernentes, super quam Bernwardi tanti viri inauditis, & intolerabilibus in-

juriis nimium dolentes, Conventum Franconoford post assumptionem Beatæ Mariæ expetunt. Invitantur etiam Archiepiscopi, Colonienfis & Treverensis. Vencum est ad diem Concilii, præsentibus Archiepiscopis Willigiso Moguntienfi,

tienſi, Heriberto Colonienſi, Ludolpho Trevirenſi, cum alijs Dei ſerviſ, Rethario Pathebrunnenſi, Rotberto Spirenſi, Beringero Verdenſi, Ekkehardo Sleswicenſi. Sed quia Ekkehardus Hildeneſem hoſpitabatur, barbarico tumultu ſua civitate & Eccleſia depopulata: Beatus Bernwardus Epicoſopus moleſtia corporis impeditus, ad Conventum vice ſua illum direxit, addens illi Notarium Tangmarum Preſbyterum, & Monafterii (Cathedralis) Decanum, qui ſuocenturiatus adeſſet, ſi quid forte adverſi ex parte Archi-Epiſcopi emerſiſſet.

In principio itaque actionis primæ, Archi-Epiſcopus mitiori relatu fratribus abſentiam Domini Bernwardi conqueritur, juſtitiam fraterno iudicio, ſi adeſſet, ſe illi facturum aſſerit. Econtra non temeritate, vel inobedientia deeſſe reſellitur, ſed gravi corporis moleſtia impeditum, quæcunque ſacer Conventus divino ſtatu (a) illuſtratus deliberet, ſtatuat vel imperet, obedienter ſe obſequuturum ac ſervaturum.

(a) ſpiritu corrigit Bromerus, ſtatu Leibnitius.

Sic quoque mutuâ benediſione data, ipſa die, actio finita eſt.

Sequenti die Archi-Epiſcopus, quibus impellentibus incertum, mordacior ad ſeſſionem progreditur. Aliqui namque & quidam de Epicoſopis favore illius adducti, beatum Bernwardum Epicoſopum publice in Synodo requirendum ſuadent. Tangmarus autem Preſbyter Epicoſopos commonet, ut Archi-Epiſcopum pertinaci animoſitate compellant.

Denique Dei pietate mitior Archi-Præſul efficitur. Inſtantibus tamen cunctis, ut veſtituram Gandefeſenſis Cœnobii Beatus Bernwardus poſſideret, nullo modo Epicoſopus conſenſit: ſed ut neuter illorum, donec ad octavas Pentecoſtes Frideslare ad Palatium conveniant, ſe intromittat. Sicque Concilium Dei gratia ſolutum eſt.

Tangmarus Biographus S. Bernwardi, in hoc Concilio præſens. Apud Bromerum & Leibnitium Tomo I. Scriptorum Brunſwicenſ. pag. 455. 456.

SYNODUS TIBURTINA

Anno Chriſti MII. Sylveſtri II. Papæ IV. Ottonis III.
Imp. ultimo.

SUMMA. *Audito Legato Bernwardi Hildeneſheimenſis Epicoſopi, & Friderico Legato Apoſtolico, imploratur Papa & Concilium ad deciſionem cauſæ, cujus jurisdiſtioni ſubjaceat Gandesheim, Hildeſimi, an Moguntini? Willigiſi Moguntini Archi-Epiſcopi inobedientia, & animoſitas, & temeritas improbantur.*

Anno ſingularis Nativitatis Domini noſtri Jeſu Chriſti Milleſimo ſecundo, indiſtione decima quinta, Apoſtolicus cum Imperatore Tudertinæ Natale Domini celebravit. *Ubi in feſto Sancti Joannis Evangeliſte, Concilium coadunatur Epicoſoporum per Romaniam, & aliorum de Tuſcia & Italia. De noſtris*

quoque conſederunt Rotgerus Leodiſenſis, Sigifridus Auguſtenſis, Hugo Citiſenſis. Inter Miſſarum ſolemnia itaque conſidentibus ad triginta Patribus, præſidentibus quoque Dominis ac Principibus urbis, Papa, atque Imperatore, poſt Evangelium, recitatis ex decretis Sanctorum Patrum aliquibus capitulis, ad præſentiam ſynodi per

per (a) Oblationarium, legatus venerabilis Bernwardi Episcopi statutus est. Ad quem Apostolicus ait: Dic, qua causa ad nostram presentiam veneris, vel quid ad synodum habeas? Mox Legatus, toto corpore ad terram prostratus, & erectus faventium manibus, pedibus utriusque Principis provolvitur; confurgensque sic ait: Dominus meus Apostolatus vestri auctoritatem, Imperialem quoque Majestatem magnifice gratatus est pro cunctis, in quibus pro sua Ecclesia clementer laborastis. Quid autem Legatus vester profecerit, aut quid in sua legatione occurrerit, ipse, quia praesens est, melius exponet. Post discessum autem illius, Episcopi dolentes, litem & controversiam diutius bacchari, conventum Francofurti statuunt; ad quem cum venerabilis Praeful noster venire non posset, gravi corporis infirmitate impeditus, vice sua me direxit. Tandem in communi Reverendi Patres decreverunt: *Ut neque Archiepiscopus, neque senior noster, de Gandensium Canobio se intromittant, usque post octavas Pentecostes, & tunc FRIDESLARE ad Synodum pro hac causa conveniant.* Et quia hic ad Apostolatus vestri sedem delata (c) vestris scriptis multotiens est annullata; vestrum expetit iudicium, ut vestra auctoritas jubeat in quo foro, vel sub quibus iudicibus, causam terminare debeat. Ad praesentiam nihilominus hujus Sanctissimi Conventus, gratia Sancti Spiritus hic per vos aggregati, parvitatem meam destinavit, ut omnis Senatus Apostolicae Ecclesiae publice cognoscat, illum devotissimo affectu, Domino Apostolico, & Romanae Sedi obedire & consentire,

& vestro iudicio adinventam vel decreta poscere, & pro posse perpetuo servare. Ad haec Dominus Apostolicus obedientiam beati Antistitis & devotionem, & studium magnifice collaudavit. Prosequitur quoque venerabilis *Ravennatis Ecclesiae Metropolitanus Fridericus*. Et quae Palatini atque in tota legatione sua illi occurrerint, contexit. Archiepiscopi inobedientiam, injuriam, contemptum etiam Romanae Sedis; & e contra beati Bernwardi benivolentiam, charitatem exponit. Et quod ab illo praecipuo honore sit habitus, & affluentia omnium bonorum opulentissime refectus. Adhuc animositas Archiepiscopi palam ab omnibus Romanis Episcopis improbata, temeritas praesumptionis illius carpitur. In commune tamen cuncti deliberant, Coloniensem Archiepiscopum, ceterosque Episcopos, qui proxime venturi erant, expectandos. Mittuntur etiam nuntii, qui in *Epiphania Domini*, ad praesentiam utriusque Principis illos venire jubeant. Sed cum minime venirent, expectantur ad tres inducias. Cum autem nullo modo fieri posset, ut convenirent, Presbyter Tangmarus, ut absolveretur, omninifit instituit. Tercio itaque *idus Januarii* Imperator dimisit a se legatum chari sui Magistri, saepe dictum Presbyterum, largissime remuneratum, Episcopo quippe munera praecipua direxit; inter alia *Onychinum* vas magni pretii; species quoque medicinales diversas, pigmenta etiam diversa.

Tangmarus Biographus S. Bernwardi. Apud Leibnitz. Tomo I. Scriptor. Brunsvicens. pag. 456. 457.

- (a) Diaconus oblationarius dicebatur, qui tempore Missae oblata a fidelibus, panem, vinum, fruges, aliaque dona excipiebat, & super Altare ordinabat.
(b) causa: forte addendum est.

CONVENTUS REGIS HENRICI, ET EPISCOPORUM SAXONIAE IN MERSEBURCH. Anno Christi MII. Sylvestri II. Papae IV. Henrici II. Regis I.

SUMMA. Henricus Rex eligitur, & promittit Saxonum Legem observandam.

HENRICUS (a) Rex, Merseburgh veniens, ab Heimone Abbate, & fidelis suo Comite Efccone, qui urbem hanc & Altdiede, & Thurneburch cum appar-

appertinentiis viriliter usque in præsentiam optati senioris custodivit. Huc conveniunt Archi-Episcopi Lievizo Bremenfis, & Gisilerus Magdeburgensis, cum Episcopis Ratherio Paterbrunnensi, Arnolfo Halberstadenfi, Bernhardo Hildensheimensi, Ramwardo Misnensi, Bernhario Fardense, Hugone Cicensi: Ducibus autem Bernhardo Saxonie, Bolislao Polonie, cum Marchionibus Luthario & Gerone, ac Palatino Comite Friderico, aliisque quamplurimis tam Episcopis, quam Comitibus, quorum nomina longum est enarrare per singula. Hi omnes Regem supplici devotione suscipiunt.

Craftina itaque die, id est, VIII. Kal. Augusti, Bernhardus Dux cum consensu omnium coram Rege voluntatem plebis confluentis aperiens, omniumque necessitatem ac *Legem* specialiter exponens, quid eis misericordie dictis promittere, seu factis velit impendere, diligenter inquirat.

Tunc Rex, Deo, *inquit*, primo, vobis que condignas grates persolvere nequaquam sufficio. Notum etenim mihi est, quam fideliter vestris Regibus semper ubique obaudientiam & solatium præstare studueritis. Ideo vos ma-

gis in omnibus libet honorare, diligere, & ad Regni provectum conservare, quia non reuertentibus vobis, sed quasi invitantibus hac Regali dignitate honoratus appareo.

LEGEM igitur VESTRAM non in aliquo corrumpere, sed in omnibus malo clementer adimplere, & vestre rationabili voluntati, in quantum valeo, ubique animum adhibere; & certi de his sitis, quantum vobis placet, salvo honore Regni affirmo.

Protinus vox una omnium levatur laudes illi & grates referentium. Tunc Bernhardus Dux, accepta in manibus SACRA LANCEA ex parte omnium curam Regni illi fideliter committit. Rursus tolluntur voces omnium, laudes Deo referentium.

Omnes igitur, qui priori Imperio servierant, Ludigero solo remanente, Regi manus complicant, fidele auxilium per Sacramentum confirmant.

Annalista Saxo apud Eckhart. Tomo I.

Scriptorum Mediæ ævi ad h. a. p. 384.

Consentiunt Adelboldus in vita Henrici.

Ditmarus Lib. V.

Gobelinus ætate VI. c. 52. Schatenus.

(a) Henricus jam VI. Junii a Franconicis electus erat, & coronatus Moguntiae a Willigiso & Archiep. Saltzburgenfi, Episcopis Brixienfi, Wirceburgensi, Stratburgensi, Bavarenfi, Frisingensi. VII. Idus Junii, ait *Chronographus Saxo*. Tunc Merseburgum extremo Julio venit, & ab Saxonibus Episcopis & Proceribus electus fuit, etsi hereditarium jus a sanguine Henrici Aucupis Proavi sui duceret.

Statueram, Comitibus Regia, licet iis plures Germanie Episcopi, uti Procerum Imperii præcipui intervenerint, omittere: sed exuperior hos actus, nempe Electionis & Coronationis Regum Germanie, nimis magnum nexum, & cum Ecclesie rebus, & Legibus, & commodis habere: unde necessario duxi eos Ecclesiasticæ Conciliorum historie inferendos: uti Sirmondus Conciliis Gallie implicuit actus Regum Carolingicorum in Conventibus publicis, non tam electorum, quam acceptorum, aut collaudatorum.

DUISBURGI CONVENTUS

ANNO CHRISTI MIL.

Postquam Henricus Mersburgi Homagium suscepisset Saxonum, Luthariorum regnum petere contendit. Ut habet *Ditmarus Chron. L. V.* Occurrens itaque uxori suæ Cunigundæ in Corbeia nova: ambo ad Paderbornam læti proficiscuntur. Postera luce, quæ mundo festiva illuxit Beati Laurentii Marty-

Tomus III. Concil. Germ.

rio, Domina Cunegundis benedictionem & coronam, & SOPHIA soror Imperatoris (Ottonis III.) consecrationem a Rege jam constituta Abbatissa in Gandersheim, a Willigiso Archiepiscopo humiliter susceperunt. Habuit, quod ægre ferret in hoc conventu Bernwardus; siquidem Sophiam illam rixatricem nunc in Abbatia

D

Gan-

Gandefiensis Gerbúrgi suscesricem oportuit a palligero consecrari.

Rex autem recto itinere hinc ad Duisburg perveniens, Luitharienses quam tarde expectat. Leodicensis vero & Cameracensis Præsules primi huc venientes, Archiepiscopum Colonensem diu morantem expectant, quem cum altius, quam quisquam crederet, custodia, qua paululum, sicut jam dixi, detinebatur, in mentis secreto morderet, simulabat se, ob hoc tam sero ad Regis gratiam accessisse, quod in accipienda

benedictione Moguntinum sibi Rex voluisset proponere.

Igitur hi confratres, Episcopi scilicet, Regem pariter eligentes, fidemque Sacramentis firmantes, usque ad Aquigrani eundem comitantur, quo in Nativitate Sanctæ Mariæ a Primatibus Luithariorum in Regem collaudatur, & in sedem Regiam more antecessorum suorum exaltatur & magnificatur.

Ditmarus L. V. Chronici.

Apud Leibnitz. Tomo I. Scriptor. Brunswicens. pag. 369.

MERSBURGI CONVENTUS

Anno Christi MIV. Joannis XVIII. Papæ I.
Henrici Regis III.

§. I. *Consecratio Magdeburgensis & Merseburgensis Episcoporum.*

§. II. *Redintegratio Diœcesis Merseburgensis.*

" **A**nno Domini MIII. Indiēt. I.
" Domini Henrici Regis secundo.
" Adunatis in Merseburg Archiepiscopis, & Episcopis, Ducibus, & Comitibus, præsentē Bibliothecario Romanæ Ecclesiæ, LEONE Episcopo, idem Rex Henricus de communi auxilio omnium, ab ARNOLFO (a) Episcopo impetravit partem suæ Diœcesos, quantum videlicet circa fluvium Salam Merseburgensis territorii protenditur ambitus, & instinctu sanctæ suæ conjugis Cunegundis Reginae, Episcopatum Merseburgensem, quem prius Otto Imperator ad honorem beati Laurentii martyris instituerat, reformavit, eidem continuo Wiberum Episcopum ordinando. Pro recompensatione autem horum terminorum Rex Henricus de proprietate sui juris Halberstadenſi Ecclesiæ tradidit lege perpetua C. mansos Litonum, & servorum in his villis. In villa Unſci.... & decimam mansorum in Sarkſiddi. XVIII. mansos, & decimam in Haldrungin. XI. mansos in Seon VI. mansos in Wiſſerſpdi, & proxima marca

" XVII. in Dornetræ XVIII. mansos.
" Hos igitur mansos Halberstadenſi Ecclesiæ, dados, in perpetuum possidendos,
" Regio privilegio confirmavit.

Chronicon antiquum Halberstadenſe, editum a Leibnitz. Tom. II. Scriptor. Brunswicens.

" De hinc Rex MERSEBURCH diu
" pastore viduatam, consolationis gratia
" adiens, pristinis eam restitui honoribus
" quam maxime conatur. Ibi tunc Tagmo venerandus in Purificatione Sanctæ Mariæ unctus est a Willegiso Archiepiscopo Moguntino, utriusque suffraganeis, qui tunc aderant, honorifice suffragantibus, Apostolicæ autem sedis Legato, & Hilderico, tunc in ordine suffraganeorum primo, consentientibus. Ordinandus enim ab solo Apostolico fuerat, sed hunc adire causa instantis necessitatis non poterat. Tunc Rex coram omnibus tradidit Merseburgensem Episcopatum supradicto Wiperto Capellano suo, dato ei novi Archipræsulis baculo, per quem omnia reddidit, quæ ab Gisilharion in-

(a) Gisilarius Magdeburgensis Archiep. & Merseburgensis Episcopus morte 25. Januarii 1004. obiit locum fecit, Arnulfus Halberstadenſis Episcopus pro ablata suæ Diœcesis portione centum Mansos compensatorio titulo ab Rege Henrico donatus capit, 2. Februarii consecrationi duorum novorum Episcoporum interest Rex. Hæc mors Gisilarii causa est dilata Synodi ad annum 1004.

" in iuste hinc ablata didicit, quem
 " nihilominus illis diebus consecravit
 " idem Tagmo cum quaternario astan-
 " tium suffraganeorum suorum numero.

Chronographus Saxo ad b. a. MIV.

" Ibi tunc Tagmo Venerandus IV.
 " Non. Februarii... accepta ab Hilde-
 " rico antistite licentia, qui primus ho-
 " rum in ordine fuit confratrum, a
 " Willigiso Archipræsule Moguntino con-
 " secratus est, præsente Rege ac Romano
 " Nuntio, omnibusque Coepiscopis ad
 " hæc faventibus.

" Rex autem, quo semper esuri-
 " vit, atque sitivit, iustitiæ sibi gestiens
 " tunc satiari, quia aliter non posse fieri
 " apud Arnulfum præsulem dicebat,
 " cum centum concambio manorum
 " super solum Merseburgense Burgwar-
 " dium Episcopalem redemit bannum.

" Quidquid autem a charissimo
 " Tagmone exposcerat, bonæ volun-
 " tatis abundantia hoc largiente præ-
 " ceperat.

" De Misnensi autem, & Cicensi
 " Episcopatibus, decretum Regia po-
 " testate, ad integrum redire, quod
 " antiquitus hinc demptum, voluit ex-
 " plicare.

*Ditmarus in fine Libri V. Chronici. &
 idem Ditm. initio Lib. VI. de eadem
 causa tractat.*

" Consentiente hoc Arnulpho præ-
 " fule, Eido quoque, & Hillebardo Epif-
 " copis, quibus Dicecesis illa fuit divisa, ac
 " omni populo applaudente, ductus
 " mox cum divina jubilatione ad sedem
 " suam Wigbertus eodem ab Archiepif-
 " copo suimet Tagmone, & a contra-
 " tribus Hillerico & Wigone cum præ-
 " dictis Coepiscopis consecratur.

SYNODUS CONSTANTIÆ

Sub Lamberto Episc. Constantiensi.

ANNO CHRISTI MV. JOANNIS XVIII. PP. II. HENRICI II. REG. IV.

*SUMMA. Condemnatio Synodica Literarum fictitiarum de caelo,
 ut agebant, acceptarum.*

ANNO MV. fames magna totam Germaniam pervasit.
 Fuere eo tempore, qui de caelo litteras accepisse profiterentur, certis con-
 ditionibus plenas, quarum observatione ira divina mitigari posset, super iis Syno-
 dus habita condemnavit.

Hartman. in Annalibus Evem. Ord. S. Benedicti.

SYNODUS IN ARNEBORCH

ANNO CHRISTI MV. JOANNIS XVIII. PP. II. HENRICI II. REG. IV.

*SUMMA. Henricus Rex in Synodo cum Episcopis damnat primo injustas
 nuptias. 2. Venditionem Christianorum gentilibus factam.
 3. Justitiæ violatores excommunicandos.*

HENRICUS Rex Arnaburch prius devastatam ob defensionem patriæ reno-
 vavit. Synodali iudicio injustas fieri nuptias, Christianosque gentilibus
 venundari, præsens ipse, canonica & auctoritate Apostolica prohibuit, Domini-
 que justitiam spernentes, spiritali mucrone interfici præcepit.

Apud Eckhart. Tom. I. Scriptorum. Chronographus Saxo pag. 404. ad annum MV.

Ditmarus in Chronico.

SYNODUS THEODONIS VILLAN.

Anno Christi MIII. Joannis XVII. Papæ I.
Henrici II. Regis II.

*Actio. Sententia Regis Henrici & aliquot Episcoporum de nullitate
matrimonii inter Conradum Carantanorum Ducem, & Mathil-
dem filiam Conradi Regis Burgundiorum
consanguineos.*

Dominus Henricus Rex, inquit Anonymus, (a) qui Ill. Ottoni, divo Imperatori, ad regnandum quidem, necdum autem ad imperandum, in tota Germania, quæ citra Rhenum est, & in Lotharii regno, quod cis Rhenum est, successerat, colloquium, Synodumque concivit. Ubi omnes pene regni sui summos Sacerdotes coadunans, & ex diversis diversa disputans, inter disputandum ipsos ejusdem Sacerdotes acerrime congregit. Cur videlicet in suis Diocesibus, & Diocesanis, ea, quæ (b) *Synodali, ac per hoc spirituali falce secanda erant*, non *refecerent*, ac gladio Spiritus Sancti, putrida, & male sana a membris fidelium abscindere superederent? Mirantibus omnibus, quid sibi verba Regis tam distictissima vellent, quove tenderent, Rex admiratione eos absolvere curavit, quidve prætenderet, palam fecit.

Inter multa, inquit, quæ in regno nostro, suisque Parochiis corrigenda sunt, parentes sic sibi proxime conjugio copulantur; ut Deum non timentes, & Deum non reverentes, etiam tertii loci consanguinitatem, quod nefas dictu est, ad copulam adsciscere non refugiant, & lineam, quæ ad septimam usque generationem (c) sacris canonum institutionibus illibata conservari jubetur, Judæis, Paganisque infeliciores,

in ipsis sui exordiis abruptere non formident. Episcopis hinc inde sedentibus, diuque silentibus, pars, de quo diceretur, nesciens, pars personam, de qua dicebatur, multum vel amans, vel timens, quid dictis Regalibus responderet, prorsus ignorabat. Mens enim male sibi conscia, dum ea, quæ non vult, audire computatur, fit stupida, vox refugit, verba dilabuntur sapienti coram positus honestius ei videri flere, quam loqui. Rex, quem fallere nemo poterat, quia erat homo apprimè litteris imbutus, eloquentia facundissimus, ad regendum Dei timore vivacissime adstrictus, motum cordis patientiæ frænus restringens, Sacræ Scripturæ exemplis eos aggredi honestius esse judicans, Ecce, inquit, ecce vos estis loca quidem sanctorum Sacerdotum tenentes, & in meliori Cathedra, quam sedisset Moyses, sedentes, utpote vices Domini possidentes, qui & boni canes, & sancti arietes pro vitæ merito dici debueratis, contraria vice, inversoque ordine canes muti, non valentes latrare, estis effecti: ipsique cæcitate multati, dum subditis ducatum præbere cogimini, & ductor, & sequens ambo in foveam præcipitami. Ecce, inquit, Conradus Dux Austriasorum, consanguinitate nobis, & quicumque in tota patria nobiliores sunt, cun-

(a) Biographus Adalberonis Metensis Episcopi, editus a Labbeo in *Bibliotheca MSS.*

(b) *Ditmarus Lib. V. Chronic.* similem querelam Henrici Regis factam in Conventu Tremonienfi anno 1005. refert. *Leibnitz. Tom. I. Scriptor. Brunsvic. pag. 380.*

(c) *Lege Tomo primo nostro: Zachariæ Papæ decreta de variorum conjugii illicitis, pag. 76, 77, 78, 79. & Tomi secundi: Definitiones Canonice Rhabani, quora generatione licitum sit connubium, pag. 226. & 228. De consanguineorum nuptiis.*

Calmetus accusationem hanc ab Henrico Rege de nuptiis illicitis, vult factam fuisse Moguntie anno 1002. *Tomo I. Histor. Lotharingie pag. 1004.* Parum verosimiliter, quum nondum coronatus esset, nondum a Saxonibus ac Lotharingis accepturus.

cunctis affinitate conjunctus, uxorem duxit, sic sibi propinquam, sic proximam, ut sicut timemus, non modo ipsi; verum etiam omni patriæ offensa Dei citissime, & ut dicitur, pro foris adesse videatur. Parumque minus crimen malis tacentibus judicatur, quam ei, qui idem scelus audacter, & sine peccati æstimatione perpetrare cernitur.

Dominus ADELBERO, Metensium venerabilis Præsul, consanguinitate, & affinitate Regi adfidenti, & cunctis, qui ex magni Henrici (Aucupis dicti) Germaniæ Regis, linea descenderant, apprimè conjunctus, huic sacræ Synodo intersedebatur; & ut erat cunctis consacerdotibus nobilior, excelsiorque, sic nobiliori celsiorque sella, inter suos prominebat. Hic Regis objurgationem ultra ferre non valens, & tacere amplius inhonestum judicans: interim, inquit, ætatis sane titulis, & scientiæ prærogativa locum quidem loquendi cum fratribus nostris dantes, & honorem canis, senectutique divino præcepto exhibentes, quo dicitur: *Coram cano* (c) *capite consurgas*, quia Majestatis vestræ potentiam, Domine mi Rex! ad dedecus nostri ordinis objurgationi, & invectioni plus plusque videmus verba augere, tacere ultra, vere fateamur, & quæ recta sunt, non dicere, non solum stultitiæ; sed, quod majus est, magnæ verecundiæ deputamus. Domnus Otto dux, pater istius venerabilis Conradi ducis, nobis confidentis, natus ex filia magni Ottonis est, cujus soror Girbergia dedit filiam suam Conrado Burgundionum Regi. Ex Conradi autem filia nata est domina Mathildis, hujus Conradi adfidentis uxor. Hoc ergo Genealogiæ ordine, quia fratres sororque in supputationem non admittuntur, consanguinitas horum non plus, quam secundo loco elongari prævalet.

Pergit Anonymus: Hæc beato viro retexente, tantæ iræ, tantæque simul-

tates in ipsa Synodo exurgere cœpere, ut nisi esset ea nobilitas, qua cælo, terra, marique, ultraque inclytus effulgebat Conradus dux, de quo res agebatur, & quicumque suæ partis erant, neque Deum, neque Majestatem Regiam reverentes, neque Sacerdotibus, quorum maxima, & honestissima multitudo præsens aderat, aliquid honoris exhibentes, arma furemque corripuissent, & ad insaniam exfatandum, quidquid mali manus roburque inferre posset, non omisissent. Aderat huic magis seditioni, quam Synodo, Dominus Theodericus, frater quidem hujus Domini nostri Adelberonis Pontificis, dux eorum, qui cis citraque Mosam, Mosellamque resident, & hæc, quæ agebantur, quæque iuste disponebantur, sua auctoritate firmabat, atque corroborabat: nuptialisque illicitas cum reliquis Ducibus, Comitibusque, & quod majus est, Sacerdotibus, Deo & reſtitutioni, ac Regiæ justitiæ faventibus, damnans, & humanas iras non formidans, æquitatis lance, quæ Dei erant, liberrime decernebat. Aderant etiam in hac venerabili Synodo primi & præcipui Sacerdotes, Willigisus Moguntinus Præsul, Heribertus Colonienſis itidem Præsul (d) Wormaciensis, &c. (e) Argentinensis, Walterus Spirensis, Notgerus Leodiensis, Hezel Wirzburgensis, Haimo Verdunensis, Bertaldus (f) Leucensis, (g) alique quamplures, non solum ex Lotharii regno; verum ex omni Germania: quorum pars favore, pars timore nobilis personæ, hinc inde agitati, hinc inde defluentes, pauci admodum, at ipsi inter suos præcipui, Deo dilectissimi Adelberoni, & dictis ejus justissimis testimonium veritatis exhibentes egerunt; ut inter verum falsumque diffidii, & discordiæ non modica disceptatio fieret, quam etiam ipse Rex omnino sedare non potuit. Verum nisi esset Domni, & Pontificis nostri Adelberonis,

D 3

(c) Levit. XIX, 32. (d) Burchardus Wormatiensis. *Ditzmarus* eum Hezilonem vocat.

(e) Werinarius Argentinensis.

(f) pro Tullenſis, nam Tullum Leucorum urbs est.

(g) Referimus hanc contentionem synodalem ad annum 1003. verosimili conjectura, quia *Ditzmarus L. V. Chronici* pag. 371. apud Leibnitz. Tomo I. narrat Regem in pago Mosellanorum apud Theodonis Villam generale colloquium cum Comprovincialibus habuisse: quos inter permulti sunt Lotharingi Episcopi.

nis (b) incomparabilis nobilitas ; furor cæcus , & infania misera arma etiam telaque corripuisset , & ad homicidium usque iræ commotione pertingere contigisset.

Hac igitur simulatione , his odiis infestissimis discessum est ; & unusquisque ad propria redire festinabat. Sed Dominus Pontifex , dum ex patria propria recedens , ad regale colloquium perrexerat , nihil horum metuens , nihil horum æstimans , quia erat omnium sui temporis mitissimus atque pacificus , non multa militari manu , sed clericorum , & honestissimorum laicorum dulcissimo comitatu usus est : & propter id in redeundo , verens , ne forte in via hostis insidias pateretur ; ab itinere parum quid declinare dignum duxit , & cedere magis ad horam , quam velanæ furentis principis locum cædis , aut alicujus alterius malignitatis , dare voluit. Dei autem omnipotentis , & Christi ejus ineffabilis pietas , & æterna clementia aliter , quam dominus


Pontifex crediderat , rei eventum miserando disposuit , & disponendo præordinavit ; dum spiritum furoris , & malignitatis , dum vim latrantis , & turbulentæ vertigine in eum pavorem , in eumque timorem commutavit , ut eo impetu , eaque virtute , qua Dei servum ante persequi moliebatur , nunc fugere , ac retroire , viribus quibus poterat , aggrediretur , ac magis caperetur , quam capere elaboraret. Duobus igitur diebus fugæ fidem committens , donec in tuto se esse credidit , semper se a domino Pontifice , & fratre ejus , duce Theodorico , insequi existimabat memoratus Conradus ; nostri vero nihil aliud , quam patriam repetere , & ad id summa festinatione conabantur : & quia & tempus poscebat , præter pacem , & ea quæ pacis sunt , videlicet metere , charis domesticis utilia administrare.

*Biographus Adalberonis Metensis Episc.
editus a Labbeo Bibliotheca MSS.*

Schema Consanguinitatis

CONRADI Ducis Carantanorum,
& MATHILDIS Filiz Conradi Regis, Conjugum.

Henricus Auceps, Rex Germaniæ.



Consentit Eckhartus in Commentario ad Legem Salicam Titulo XIV. pag. 36.

(b) Adalbero, Filius Theodorici, Cis & Transfossellanorum Ducis, loco Adalberonis Metensis Episcopi anno 1005. defuncti destinatus erat.

Conra-

Conradus itaque Dux Austrasiorum, cujus occasione hæc Synodus congregata, filius fuit Ottonis, hic vero Conradi Lotharingæ Ducis, qui *Liutgardam* filiam Ottonis M. ex Editha priori conjuge sibi matrimonio junxerat. Witichindus enim in fine Lib. 2. de Edithæ Reginæ morte loquens, ait: Reliquit filium nomine Ludolfum, filiam quoque Luidgardam nomine, quæ nupsit Chuonrado Duci: nempe Lotharingæ, de quo suo loco egimus. Gerberga vero, Ottonis M. soror, Ludovico Transmarino Francorum Regi nupsit, quo ex matrimonio prognata Mathildis, conjugio copulata cum *Conrado* Burgundiæ Transjurane Rege. Conradus ex Mathilde filias quatuor suscepit, scilicet Giselam, Gerbergam, Bertam, & Mathildem, & ex *Gerberga* seu *Gilberga* Herimanni Ducis Alemanniæ uxore progenita *Mathildis*, Conradi Austrasiorum, seu Carentanorum Ducis uxor, de cujus matrimonio hic agitur. *Hermannus Contractus* in *austiori Chronico*, ubi Conradum Carentanorum Ducem, seu Austrasiorum, semper appellat, ad annum MXII. mortem ejus recitat, atque fratrem fuisse Gregorii V. Papæ, & patrem alterius Conradi, qui cum Conrado Salico ejus patruele pro Germaniæ Rege propositus est. Porro ex laudatis Adalberonis verbis in hac Synodo prolatis detegitur error Blondelli in *pleniori assertione* Genealogiæ Francicæ pag. 35. & seq. ac aliorum, qui Ottonem Francorum Ducem filium faciunt Ludolfi primogeniti Ottonis Magni; cum tamen non ex Ludolfo, sed ex Liudgarda ejus sorore natus fuerit, ut magis infra videbitur. Hæc enim difficultas hætenus nondum soluta fuit, & utraque opinio suos habet sectatores. *Notatio hæc Pagi in Critica ad b. ann.*

SYNODUS TREMONIENSIS ANNO MV.

Jejunia Statuta.

§. II. **R**EX Coepiscopis, præsentibusque cunctis plurima questus est Ecclesiæ Sanctæ convenientia, & communi eorundem consilio hæc statuit, deinceps prohiberi, & optimo novæ institutionis decreto gravem peccatorum suimet sarcinam relevari. Anno Dominicæ Incarnationis MV. Anno autem Domini Heinrici secundi regnantis quarto, in die Non. Julii. Actum est in *Throtmanni* hoc decretum ejusdem victoriosissimi Regis & Conjugis ejus gloriôsæ Cunigundæ Reginæ, nec non & Archi-Episcoporum horum, Heriberti Colonienfis, Lievizonis Brementis, Thaginonis Magdeburgensis. Iltorum quoque Episcoporum: Suicgeri Mimigardevordenfis, Thiederici (a) Metensis, Bernhardi Ferdenfis, Bernwardi Hildesienfis, Rhetarii Paterbrunnensis, Burchardi Wormatiensis, Nothgeri Leodiensis, Ansfridi Traiectensis, Thietmari Osnabrugensis, Wicperti Merseburgensis, Eckihardus . . Othinkardi. In obitu cujusque prænominatorum singuli Episcoporum intra triginta dies, ni infirmitas impediât, Missam pro defuncto celebret, & unusquisque priorum similiter faciat. Presbyteri vero forenfes

tres Missas peragant. Diaconi & cæteri inferioris ordinis decem Psalteria: Rex & Regina infra triginta dies mille quingentos denarios pro animæ redemptione erogent, & totidem pauperes pascant. Episcopi singuli trecentos pauperes pascant, & triginta denarios expendant, & totidem lumina accendant. Dux autem Bernhardus quingentos pauperes pascat, & quindecim solidos expendat. Vigiliam S. Joannis Baptistæ, & Apostolorum Petri & Pauli, Sanctique Laurentii, & omnium Sanctorum, in pane & sale, & aqua decernimus jejunare. Vigiliam S. M. Assumptionis, & omnes vigilias Sanctorum Apostolorum sicut in Quadragesima. Quatuor tempora anni, sicut in Quadragesima, excepta feria sexta ante Natalis Domini, quam in pane & sale, & aqua jejunandam decernimus.

Ditmarus ex editione Leihniti restitutus
Tomo I. *Scriptorum Brunswicensium*
pag. 380.

Crantzius Saxonie L. IV. C. XXXV. de
bis jejniis in Synodo statutis memi-
nuit.

PRI.

[a] Si Adalbero II. Ep. Metensis sit mortuus 15. Decembris anno 1005. igitur Theodericus II. Successor in hoc Episcopatu non potuit subscribere Nonis Julii 1005. Synodo Tremonienfi. *V. Calmet. Histor. Lotbaring. Tom. I. pag. 1004.*

PRIVILEGIUM HENRICI,

WIRTZBURGENSIS EPISCOPI,

*De constitutione Babebergensis Episcopatus, & transactione, ac jurium
commutatione inter ipsum Henricum, & Regem Henricum
secundum.*

IN nomine Sanctæ & Individuæ Trinitatis. Omnium Sanctæ Dei Ecclesiæ fidelium, tam præsentium, quam futurorum notitiam non latere desideramus, qualiter Gloriosissimus Rex Henricus, Divinæ, ut credimus, ammonitionis stimulo compunctus, de prædiis, quæ Dei gratia, hæreditarioque jure Parentum in suæ possessionis dominium (a) provenerant, Dei servitium augere, Episcopatum constituendo atque ordinando, (b) considerans, quomodo (c) id legitime, rationabiliterque fieri potuisset, H. (d) venerabilem Wirtzburgensis Ecclesiæ Proviforem, quatenus quandam locum, Babenberch nuncupatum, cum pagō, qui Ratensgon dicitur, qui ad suæ Dioceseos statum pertinere videbantur, de suo jure in suum jus id ad perficiendum transfunderet, studiose cœpit flagitare. Qui, (e) quoniam iustæ atque rationabiles causæ videbantur, ejusdem augustissimi atque invictissimi Regis petitionibus acquiescens, cum communi Cleri sui atque militum consilio, nec non totius populi consilio & consensu, præfatum locum cum prædicto

pago, tribus parochianis Ecclesiis exceptis, cum suis adjacentiis, quarum hæc nomina sunt, Wachenrode, Lonerstad, Mühlhausen, omni postmodum remota contradictione, suæ potestati (f) tradiderunt. Alterius autem pagi, qui (g) Volezeld vocatur, in quo præfatus locus situs est, partem eidem Regi concessit, quantum est de Babenberch ad flumen Uraha (h) in Ratenzam flumen, & sic juxta decursum fluminis ejusdem in Meyn, & inde ad Rivulum (i) Wichebach, demum (k) ad caput ejusdem rivuli, sicque quam citissime ac proxime perveniri potest ad Uraham. (l) Et ut hæc traditio firma ac inconvulsa permaneat, ipse Præsul H. corroboravit, & subscripsit. (m) Actum in civitate Wirzburgensi, præfente Serenissimo Imperatore H. ea conditione, ut decimam in novabilibus jam incisis, & ad mansum mensuratis, cum veteri decima non commutata, Wirzburgensis Ecclesia retineat; in novabilibus vero post hinc excolendis, Decimam Babenbergenfis Ecclesiæ possideat cum termino commutato.

Codex Udalricianus editus ab Eckarto Tomo II. Scriptor. Medii ævi Epistola LVIII.

Variantes Lectiones a nobis excerptæ sunt ex editione Gretseri Tomo X. novæ editionis pag. 512. iterum ex codice Viennensi, qui fuit Gretsero commodatus anno 1611.

- | | |
|--|---|
| (a) pervenerant. | [b] atque ordinando, <i>abest a Viennensi.</i> desiderans <i>pro</i> considerans. |
| (c) quo <i>pro</i> quomodo. | [d] Heinrichum. |
| (e) quæ <i>pro</i> qui. | (f) tradidit <i>pro</i> tradiderunt. |
| (g) Volefeld <i>pro</i> Volezelt. | (h) de Uraha in Ratenzam: <i>repetit Viennensis,</i> |
| (i) Wichenbach: <i>Viennens.</i> | (k) dein, loco demum. |
| (l) Hic interjecta aberant a codice Bambergensi, sed in Viennensi erant. | |

CON-

CONCILIIUM IN FRANCONOFORT

Anno Christi MVI. Joannis XVIII. Papæ IV.
Henrici II. Regis V.

SUMMA. Primum hoc Concilium est pro erigenda Episcopali Cathedra Bambergæ, & transactio cum Episcopo Wurceburgensi confine pro cessione onerosa.

Igitur pacificatis occiduis partibus generale Concilium in Franconvorde a Rege ponitur, & hoc omnibus Cisalpinis (a) Episcopis aditur. Nam Rex Henricus a puero civitatem suam Bavenberch, in Orientali Francia sitam, unice dilexerat, & coluerat, & eam conjugii suæ Cunigundi in dotem dederat. Postquam autem ad Regni curam divina miseratione est promotus, ibidem Episcopatum constituere semper gestiebat; & quia dimidium facti, qui cæpit, habet, novam ibi Ecclesiam cum duabus criptis inchoavit, & perfecit. Omnia quoque, quæ ad divinum cultum, & ministerium pertinent, paulatim congregans, Henricum Wurceburgensem Episcopum sæpè rogavit, ut proposito animi sui aspirare voluisset, & Parrochiam in pago, qui a Radinzea fluvio nomen sortitur, positam, justo concambio sibi concederet. Qui dilecti senioris justas petitiones benigne suscipiens, ea ratione concessit, ut suæ Ecclesiæ pallium permittens, Bavenbergensem Episcopum sibi subjiceret; hocque baculo suo Regi dato, & quodam prædio pro commutatione præfata tradito clam firmavit. Cum vero Archi-præfultatum se nullatenus adipisci posset sentiret, promissâ complere renuit, & ad prædictum Concilium vocatus venire noluit. Confidentibus igitur per ordinem Archiepiscopis cum suis

suffraganeis, Rex Henricus humotenus prostermitur, & a Willegiso Archiepiscopo, in cujus diocesi Synodus habebatur, elevatus, cunctis præsentibus talia tatur: " Domini & Patres! a mea
" parvitate huc asciti convenistis, &
" quamobrem vos ascierim, aperiam,
" precorque omnium clementiam, ut
" his, quæ divina gratia mihi, ut spe-
" ro inspiravit, pro ejus amore favea-
" tis. Nam quia in sobole habenda mi-
" hi nulla spes superest, Christum he-
" redem elegi. Episcopatum in Baven-
" berch, cum licentia Episcopi mei fa-
" cere hæcenus concupivi, & hodie
" perficere statui. Ob hoc serenissimam
" pietatem vestram interpello, ne ejus
" absentia, qui apud me voluit obtine-
" re, quod mihi non licuit concedere,
" propositum meum valeat impediri.
" Ecce Baculus, in quo mutux con-
" firmationis signum clarescit, quod non
" propter Dominum, sed ob dignita-
" tis nullatenus adipiscendæ dolorem
" fugerit. Moveat corda omnium præ-
" sentium, quod augmentum Sanctæ
" Matris Ecclesiæ cum nugigerula le-
" gatione adnullare præsumit. Ecce
" ad hæc conjugis meæ præsentis, &
" unici fratris mei, & coheredis larga
" benivolentia aspirat; meque placita
" sibi redditione illis restituere uterque
" pro certo sciat; sique Episcopus ve-
" nire & promissâ dignatur suscipere,
para-

(a) Non tantum Cisalpini, sed tres & plures Transalpini Concilii Francofurtensibus hujus & sequentis anni interfuerunt.

Dithmarus, Episcopus Merseburgensis, in *Chronico* ad annum MVI. hanc Synodum refert, quem *Illmus Baronius* sequitur.

Annalista Saxo Eckharti ad annum MVI. omnia uno halitu refert acta pro erectione Cathedralis Babenbergensis, veluti in unica Synodo Franckenfordensi: sed *Gretserus* jam anno 1611. monuerat duas Francofurti de hac causâ Synodos actitatas fuisse, unam 1006, alteram 1007: etsi vita Henrici Regis edita præferat ubique annum 1007, sed acta intercedentia ibidem exposita, longius intervallum possunt.

Tomus III. Concil. German.

"paratum me ad omne, quod vobis placuerit, inveniet. Tunc Beringerus, Henrici Wurceburgensis Episcopi Capellanus, surrexit, dicens: "Timore Regis antistitem suum non venisse, detrimentum Ecclesiæ, a Deo sibi commissæ, in aliquo fieri, numquam eum laudasse; obsecrat omnes præsentibus per amorem Christi, ne talia fieri eo absente, sibi futurum in exemplum patiantur. Privilegia quoque ejusdem Ecclesiæ alta voce ibi re-

"citantur." Inter hæc quotiens Rex anxiam judicium sententiam nutare perspexit, totiens humiliatus solotenus prosternitur. Tandem Archiepiscopo Willigiso, quid de his faciendum esset, judicio perquirenti; Thagino Archiepiscopus primus respondit: Justa voluntas; petitiō Regis consensu omnium vestrum legaliter potest impleri.

Annalista Saxo Eckharti Tomo I. Scriptorum Germaniæ Medii ævi.

Gretserus ex codice MS. Viennensi, sibi commutato, recenset hos Episcopos, qui primo Concilio Francofordiensi de hac causa interfuerunt:

In hoc consentientibus & perspicipientibus, imprimis videlicet Wurtzburgensi (b) Episcopo Henrico, & Willigiso venerando Archi-Episcopo Moguntino, & Burchardo Wormaciensi, & Waltherio Spirensi, & Werenhario Strassburgensi, & Adalberone Basileensi, & Oudalrico Curiensi, & Liutulfo Archiepiscopo Treverensi, & Theoderico Metensi, & Bertoldo Tullensi, & Heimone Wirdunensi: & Heriberto Archiepiscopo Colonienſi, & Norkero Leodiensi, & Erlwino Cameracensi, & Daginone Archiepiscopo Magdeburgensi, & Hildolpho Mantuano.

Prosequitur Codex Viennensis:

Romanus vero Pontifex & universalis Papa Joannes XVIII. prædicti Henrici literas inspiciens, & piissimi Regis

devotioni congaudens; habita in S. Petri Basilica SYNODO pro confirmando Babenbergensi Episcopatu, privilegium fecit conscribi, & Apostolica auctoritate corroborari, universis Galliæ & Germaniæ Episcopis rescribens, ut & ipsi pari, communique auctoritate eundem Episcopatum corroborarent, & confirmarent.

Gretserus Tomo X. novæ editionis p. 510. ex codice Viennensi a Ch. D. Tengnagelio communicato.

Legati a Rege Henrico Romam missi fuere Capellani Regii, Albericus & Ludovicus, quibus adjunctæ fuere Henrici Wurceburgensis Episcopi literæ.

Liquet ex vita Henrici Regis pag. 510. Loco citato.

(b) Henricum Episcopum Wurceburgensem non interfuisse Synodo huic anno 1006. certum est, sed ejusdem Legatum Beringerum, uti acta apud Eckhartum *Loc. citato* loquuntur: sed neque secundæ Synodo Francofordiensi anni 1007. interfuit, uti subscriptiones secundæ Synodi testantur.

Litteræ S. Henrici de erecto abs se Episcopatu Bambergensi.

Henricus divina præordinante Clementia Rex, omnibus Ecclesiæ suæ tam futuris, quam præsentibus. Saluberrimis Sacri eloquii institutionibus erudimur & præmonemur, ut temporalia relinquentes bona, & terrena postponentes commoda, æterna, & sine fine mansura in Cœlis studeamus adipisci consistoria. Gloria enim præfens fugitiva est, & vana, dum possidetur, nisi in ea aliquid de cœlesti æter-

nitæ cogitetur. Sed Dei miseratio humano generi providit remedium, quando partem cœlestis patriæ, terrene substantiæ fecit esse precium. Hujus ergo nos clementiæ non immemores, nec ignorantes, nos gratuito divinæ miserationis respectu, Regali dignitate sublimatos, congruum esse ducimus, non solum Ecclesiæ ab antecessoribus nostris constructas ampliare, sed ad majorem gloriam Dei, novas ædificare, easque devo-

devotionis nostræ donis gratissimis exaltare.

Quapropter Dominicis non surdum auditum præbentes præceptis, & Deificis obtemperando intendentes suasionibus, thesauros divinæ largitatis munificentia nobis collatos, in cælo desideramus reponere, ubi neque fures effodiunt, nec furantur, neque ærugo, vel tinea demolitur; ubi & dum omnia nunc congesta recolimus, cor nostrum desiderio & amore sæpius versetur.

Proinde patere volumus omnium fidelium universitati, quod quendam paternæ hæreditatis nostræ locum, Babenber dictum, in sedem & culmen Episcopatus proveximus, & Romanæ sedis auctoritate firmatum, atque venerabilis Heinrici, Wirzeburgensis episcopi, consensu, & dilectæ conjugis nostræ Chunegundæ voluntate, ac pari communique omnium nostri fidelium, tam Archiepiscoporum, quam episcoporum, Abbatum, nec non & Ducum, & Comitum consulto, decretoque, ac totius regni nostri, principumque concordii devotione laudatum, ad honorem Omnipotentis Dei, & Beatæ Mariæ semper Virginis, & Sanctorum Apostolorum Petri & Pauli, nec non Sanctorum Kiliani & Gregorii, fundavimus, stabilivimus, & corroboravimus; ut inibi nostrum, parentumque nostrorum, & Ottonis III. Imperatoris, videlicet, antecessoris nostri, celebre habeatur memoriale, & jugis pro omnibus orthodoxis mactetur hostia salutaris.

Oblatis igitur Deo in eadem dilecta nobis ecclesia ad honorem & decorem Domus Dei, ex metallis, lapidibusque pretiosis, in varios usus sanctuarii, vasis seu vestibus, aliisque ornamentis ecclesiasticis: contulimus præterea ad supra dictam sedem Episcopalem prædia, ecclesias, viros cum omnibus suis pertinentiis, sive adhærentiis, videlicet utriusque sexus mancipiis, areis, ædificiis, terris cultis, viis & inviis,

exitibus, & redditibus, quæsitis & inquirendis, filvis & fagenis, venationibus, pratis, pascuis, campis, forestariis, (a) cellariis, censibus, aquis, aquarumque decursibus, molendinis, mobilibus, & immobilibus, & cæteris omnibus, quam rite scribi, aut appellari possunt, quomodolibet utilitatibus, præsentis nostræ auctoritatis edito statuentes; ut in Deo nobis dilectus, sæpe dictæ Sedis Episcopus, Eberhardus, suiique successores, liberam dehinc habeant potestatem, eadem præscripta bona cum omnibus appendiciis suis tenendi, possidendi, seu in quoslibet usus Episcopatus convertendi; fratribus autem Canonicis, Deo ibidem famulantibus, ad quotidiana vitæ temporalis subsidia, possessiones, quas tradidimus, nostra Imperiali auctoritate, proprietative possidenda confirmamus: ea videlicet ratione, ut præfati Canonici, & eorum per successionem Præpositi, liberam dehinc cum ipsorum Canonicorum consensu, & consilio, potestatem habeant, in meliores usus commutandi, augmentandi, & utilitatem suam quoquomodo redigendi; quatenus & ipsi nostri benigne memores apud Deum, ac dilectissimæ conjugis nostræ, atque confortis regni, Chunegundæ, parentumque nostrorum, versâ vice beneficiis nostris pia atque assidua intercessione respondeant.

Si quis autem, quod abest, hujus nostræ munificentiam donationis, atque institutum Apostolicæ Sedis, & tot venerabilium Patrum auctoritate firmatum, destruere, seu violare tentaverit, in die iudicii coram oculis Dei tormento inextinguibili æternaliter luat. Quod ne eveniat, sed hæc traditio, atque decretum, ab omnibus perpetualiter inviolabilis permaneat, hanc chartam inde conscriptam, manu propria roborantes, sigilli nostri impressione insigniri iussimus.

Tomo X. operum Gretseri pag. 513. ult. editione.

(a) In apographo Bambergenfi præstariis; legit Gretserus.

Notatio Gretseri. Exstat hæc S. Heinrici constitutio etiam in codice *Vienn.*, at nonnullis omissis. Illa insuper: *contulimus præterea &c.* longe aliter in dicto exemplari leguntur, quam in nostro; id ut videas: En tibi *Codicis Vienn. verba*: "Proinde noverit omnium nostri fidelium, tam præsens ætas, quam & successiva posteritas; quia nos nostræ quendam proprietatis locum, Chöni-

"geshoff dictum, ad eandem supradictam Episcopalem sedem una cum omnibus ejus pertinentiis, sive adhaerentiis, videlicet vicis, villis, Ecclesiis, servis, & ancillis, areis, ædificiis, terris cultis, & incultis, viis & invius, exitibus & reditibus, quæsitis & inquirendis, faginis, (a) venationibus, aquis & piscationibus, rebus mobilibus & immobilibus, ac cæteris omnibus, quæ rite scribi aut appellari possunt, quolibet modo utilitatibus, hac nostræ auctoritatis præceptali pagina, prout firmitus possumus, donamus atque proprietamus: omnium contradictione remota, præcipientes, ut nobis in Deo dilectus, sæpe dictæ sedis Episcopus Eberhardus, sui que successores, liberam dehinc habeant potestatem, eundem præscriptum locum, cum omnibus appendiciis suis tenendi, possidendi, seu quidquid sibi libeat, modis omnibus, in usum Episcopatus inde faciendi." Quod ergo in nostro exemplari universim de omnibus prædiis & locis Episcopatus donatis S. Henricus sancit; id codex Vienn. refert duntaxat ad donationem loci illius, qui Königschoff appellatur.

[a] Sagenis *Apogr. Bamb.* Segenis, *Cod. Vienn.* diserte: faginis, quo denotari videtur jus, porcos in sylvas agendi, faginæ causa; ut fieri solet, ubi Glandiferarum arborum copia.

ALTERA SYNODUS FRANCOFORDIENSIS

Anno Christi MVII. Joannis XVIII. Papæ V.
Henrici II. Regis VI. Indict. V. Kal. Nov.

Habito igitur *rursus* generali Concilio in Franckenfurt; cui præsedit venerabilis Archiepiscopus Willigisus Moguntinus, universi Archiepiscopi, & Episcopi, qui interfuerunt, numero XXXVI. debita cum veneratione privilegium hoc (a) Sedis Apostolicæ suscipientes, unanimiter devotis mentibus laudaverunt, & scribendum roboraverunt.

De supradictis vero Parochiæ terminis ab Ecclesia Wirzburgensi commutatis, ne qua fieret in posterum querela vel dubitatio, subiectam (b) conscribi paginam fecerunt: cui subscripsit primo quidem ipse Henricus Wirzburgensis Episcopus; deinde ejusdem Ecclesiæ Præpositi, sive Presbyteri numero novem.

(a) *Bulla Joannis Papæ, qua institutionem Episcopatus Bambergensis confirmat ex Synodo Romana, ea de causa celebrata.*

Joannes Episcopus servus servorum Dei. Officii nostri est, omnium Sanctorum Dei Ecclesiarum commoda generaliter considerare, & maxime earum, quæ specialiter sub jure ac domino nostræ Romanæ Ecclesiæ confistunt, si quod est incommodum, abolere, ne pro gravi incommoditate sua

neglectæ vilescant; vel qualibet nacta occasione, debita solemnitate careant. Propterea omnibus Sanctæ Dei Ecclesiæ fidelibus præsentibus scilicet, & futuris, notum esse volumus: quia dilectus & Spiritualis noster Filius HEINRICUS, gloriosissimus atque invictissimus Rex, divina inspirante Clementia, de propriis

(b) Subjecta charta Concilii nomine confirmatoria erecti novi Episcopatus non extat apud *Biographos S. Henrici*, nomina tamen Archi-Episcoporum & Episcoporum, qui Concilio interfuerunt, infra recensentur ex codice MS. Viennensi apud *Gretserum* loco infra citando.

priis hæreditariis rebus , pro sua , suorumque parentum anima Episcopatum in loco , qui dicitur Babenberc (c) perfectæ fidei ; & charitatis devotione , in honorem Beatissimi Petri Apostolorum Principis esse constituit , commutatione facta jure , ac legaliter cum Heinrico Wirzeburgensi Episcopo , de aliqua parte Parochiæ sui Episcopatus. Unde etiam prædictus Episcopus nobis suas litteras misit , ut suo consensu privilegio nostræ Apostolicæ auctoritatis episcopatus noviter factus fundaretur.

Pro qua ratione Heinrichus secundus , gloriosissimus Rex , nuncios suos ad nos direxit , qui nobis hæc omnia dicerent , & nos pro hac sede confirmanda interpellarent. Cujus Sanctissimam imitationem (d) paternæ , & præcordiali dilectione intuentes , omnes res , quas Beato Petro Apostolorum Principi in loco prænominato legitima ratione collectas contulit , nostræ auctoritatis privilegio confirmare decernimus , ea videlicet ratione , ut Episcopus ejus loci , & qui in perpetuum fuerint (e) sui successores , ea (f) secura tranquillitate possideant , & liberam habeant potestatem res , & proprietates ejusdem Ecclesiæ ordinare , atque componere , vel etiam (g) argumentare : dissipare vero atque confundere , nullam habeant potestatem.

Nostra quoque auctoritate fancimus , ut in terminis , & in rebus ejus-

dem Ecclesiæ nulla sit infestatio tyrannorum , vel aliorum quorumlibet pravorum hominum , sive in castellis , & villis , & servis , & ancillis , tributariis , decimis , forestibus , silvis , piscatoribus , venationibus , molendinis , campis , pratis , terris cultis , & incultis , & quidquid modo illuc pertinet , vel in futurum acquiri possit , per nostræ auctoritatis privilegium corroboratum , in secura quiete permaneat. Nullus ibi Comes aut Judex legem facere præsumat , nisi quam per concessionem Gloriosissimi Regis HEINRICI , vel successorum ejus , Episcopus loci ejusdem deligeret. Nulla aliena potestas ibi per violentiam irruat. Sic ille episcopatus liber , & ab omni potestate extranea securus , Romano tantummodo mundiburdio subditus : quatenus Episcopus eo melius cum Canonicis suis servitio Dei possit insistere , & primi constructoris ejusdem loci , & recuperatoris jugiter memoriam habere. Sic tamen idem suo Metropolitano (g) subiectus , atque obediens. Quicumque hæc præcepta servaverit , divinam remunerationem , & Apostolicam benedictionem accipiat : qui autem contemptor , & violator extiterit , perpetui anathematis damnationi subiaceat , nisi resipiscens ad satisfactionem perveniat. Scriptum per manus Petri Notarii , & Scriniarii sanctæ Romanæ Ecclesiæ in mense Junio. *Indict. V.*

Gretserus Tomo X. citato.

Notatio de Bulla Joannis Pontificis , & quinam Præsules eam

Subscriptionem confirmarint , ita codex Viennensis.

Quod videlicet privilegium venerabiles Patres in supradicto Franckenfurt habito generali Concilio consistentes , summa veneratione legendo suscipientes , & Apostolicæ auctoritati obediens , devotis mentibus subscribendo , unanimiter laudaverunt , communiterque corroboraverunt. Willigisus Sanctæ Moguntinensis Ecclesiæ Archiepiscopus , qui eidem Synodo vice Romanæ Ecclesiæ præsidebam , col-

E 3

laudavi , & subscripsi. Ratherus Padelbrunnensis Ecclesiæ Episcopus interfui , & subscripsi. Berenwardus Hildenheimensis episcopus interfui , & subscripsi. Lambertus Constantiensis Episcopus interfui , & subscripsi. Arnoldus Halberstadenensis interfui , & subscripsi. Oudalricus Curienensis Episcopus interfui , & subscripsi. Burchardus Wormatiensis Episcopus interfui , & subscripsi. Werenharius Argentinensis episcopus interfui. Walterus

(c) quem ipse perfecta : addit *Tegernseensis codex.*

(d) intimationem : habet *codex Tegernseensis a Schannato inspectus , & collatus cum Gretseri editione.*

(e) fui , pro tui , *idem codex.*

(f) eas , *idem.*

(g) Archi-Episcopo Moguntino , *idem codex.*

[*] lege : augmentare.

terus (b) Spirensis episcopus interfui, & subscr. Brun. Augustensis episc. interfui, collaudavi, & subscripsi. Liudolphus Treverensis Archiepisc. interfui, & subscripsi. Bertoldus Tullensis episcopus interfui. Heimo Virdunensis episcopus interfui & subscripsi. Harwiges (z) Juvavensis Archiepisc. interfui. Christianus Pataviensis episcopus interfui, & subscr. Gebehardus Radspontensis interfui, & subscr. Egibertus (k) Frisingensis episc. interfui, & subscripsi. Adelbero Brixienfis episcopus. interfui & subscripsi. Heribertus Archiepisc. Colonienfis interfui ad votum Synodi, & subscripsi. Schwidgerus (l) Munidargefortens. Episcopus interfui, & subscr. Ansfridus Trajectensis Episcopus interfui, & subscripsi. Theodoricus Mindensis episcopus interfui & subscripsi. Dietmarus episcopus Osneburgensis interfui, & subscripsi. Dagino Archiepisc. Magdeburgensis interfui, & subscr. (m) Hildihardus Cizenfis episc. interfui & subscr.

Burchardus Archiepisc. Laudunensis interfui & subscr. Baldolphus Archiepisc. Tarentasiensis interfui & subscripsi. Hugo Genuensis subscripsi. Anastasius (n) Ungrorum Archiepisc. interfui, & subscripsi. Adelbero Basileensis interfui, & subscripsi. Hugo Genuensis subscripsi. Heinrichus Laufonensis subscr. Ekenehardus Sleswigenfis subscripsi. Albericus Cumanus episcopus interfui, & subscripsi. Richolpus Tergestinensis Ecclesiae episcopus interfui & subscripsi.

Ex vita Henrici Regis & postea Imperatoris edita a Gretsero anno 1611. & recusa Tomo X. Gretseri novae editionis anno 1738.

Cunctis praesentibus confirmatione Papae, & omnium Episcoporum audita Rex gloriosus Eberhardo Cancellario suo curam pastorem commisit, quem praefatus Archi-Praeful Willigisus eadem die consecravit.

Annalista Saxo Eckharti Tomo I. p. 406.

Clarissimus Vir Dominicus Mansi *Tomo I. Supplementi Conciliorum* magno opere molitur ostendere duas fuisse Synodos Francofurti, celebratas pro erigendo Bavenbergensi Episcopatu: sed Gretserus jam anno 1611. edita vita S. Henrici ad oculum id demonstraverat: prolata Bulla Pontificia Joannis XVIII, quam post primum Concilium Francofordiense missis Romam Legatis suo & Henrici Wurceburgensis Episcopi nomine impetraverat, & in secundo Concilio praefecta, & ab Germaniae imo Cisalpinis Germanis pene omnibus, & aliquot Transalpinis Episcopis acceptata, & collaudata fuit. Idem Gretserus Epistolas aliorum Episcoporum collaudatorias novi erecti Episcopatus pronulit, sed extra Concilium scriptas. Nos ea, quae ad Concilium spectant, hic tantum edimus.

Deinde Indictio quinta, quae a Septembri 1006. ad Septembrem 1007. currit, indicat post prius Concilium Francofordiense, alterum post Junium anni 1007. quo Papae Bulla data legitur, indictione V. currente celebratum fuisse.

(b) Waltherius, alii codices.

(k) Egilbertus, alii.

(m) Hildewardus alii.

(z) Hartwigius, alii.

(l) Mimigardfordensis legendum.

(n) forte: Arigonienfis Episcopus.

SYNODUS PALITHI

Anno Christi MVII. Joannis XVIII. Papae V.
Henrici II. Regis VI.

SUMMA. Henrici Regis provida mediatione dissidium componitur de jurisdictione in Cœnobium Gandesemense, quam Willigisus Archiepiscopus Moguntius cedit, verbo & pedo dato S. Eberhardo Episcopo Hildenesheimensi.

ANNO autem Incarnationis Domini nostri Jesu Christi millesimo septimo. Rex venerandus Henricus, to-

tius Romani Imperii potentissimus Palithi Natale Domini, cum maxima gloria celebravit. Quocunque vero sapientissimus

simus Imperator ora sui Sanctissimi vultus circumtulit, si quos forte dissidentes reperit, aut statim reconciliabat; vel si quicquam obstitit, ut id non posset, efficere nunquam mente ferabat, donec violatam charitatem reformabat. Quod etiam tunc in ipso festo singularis *Nativitatis*, facere prudenter instituit. Nam vetus odium, quod Archiepiscopus Willegisus ad Hildenesensem Episcopum, Beatum videlicet Bernwardum, levibus de causis concepit, sævis irarum stimulis irremediabiliter sub mente nutrebat, sæpius delinire cupiens, animositate illius victus destitit. Veruntamen *coram multis Episcopis*, aliisque Principibus, qui ad palatium affluerant, conveniens Archiepiscopum, tanta auctoritate pertinaciam animi illius digna investitione concepit, ut se totamque controversiam illius iudicio, vel fratrum votis (a) obstitaret. Deinde sapientissimus Rex sæpius interceptam Gandenesensem Ecclesie dedicationem, in *vigilia Epiphaniæ* Domini indixit, quæ tunc prima feria Dominicæ Resurrectionis accidit; velationem etiam ancillarum Dei in ipsa sacra die Epiphaniarum venerabilis igitur Bernwardus Episcopus Willegisum Archiepiscopum, & cæteros fratres in auxilium sui ad consecrationem prædictæ Ecclesie invitavit. Nec mora; adest sacra solemnitas, consecrationis mysteria ex præcepto Beati Bernwardi Episcopi disponuntur; fiunt omnia (b) charitatis fraternæ, ita ut Archiepiscopus in asperione primum locum teneret, & cum ipso beatus Bernwardus episcopus. In Ecclesiam vero ipse, cujus Parochia erat, mysteria consecrationis fratribus dispensabat: primum namque gradum ille obinebat. Expletis itaque Dei gratia omnibus fraterna charitate, Rex cum Archiepiscopo, & cæteris ad populum progressus; sic locutus est: "Diurnam peccatis agentibus

"controversiam, charissimi, hodie deponere, & terminare dignum duximus. Agnosco enim, & scio hanc Ecclesiam, & adjacentes villas Hildenesensibus Episcopis semper pertinere, & ab illis absque contradictione possidemus esse. Adhuc verba Imperatoris Willegisus Archiepiscopus, tandem Dei misericordia in se rediens, & quidquid proprio reatu, vel aliorum instinctu, in Deum & sanctam ejus genitricem exercuisset, videlicet injustam invasionem Parochiæ Gandensem ad titulum Hildenesensis Ecclesiæ pertinentis, publice confitens, juri & repetitioni ejusdem loci abrenuntiavit, & in testimonium hujus abrenuntiationis, *ferulam Episcopalem* Beato Bernwardo tradidit dicens: "Frater charissime, & Episcopo: abrenuntio juri hujus Ecclesiæ, & hanc pastorem ferulam, quam manu gesto, tibi sub testimonio Christi, & Domini nostri Regis, & fratrum nostrorum trado in testimonium, ut hoc neque ego, neque ullus successor meus aliquam interpellationem vel repetitionem de hac re possit habere." Sicque officium Missæ ab Archiepiscopo, consensu Beati Bernwardi, solenniter peractum est. *Sequenti autem die Epiphaniæ* Domini, velatio virginum solenni celebratione, præsentem Rege, omnibusque Episcopis a Bernwardo venerabili Episcopo facta est. Sicque gratia Dei rebus in pace, & caritate, sapientissimi Principis compositis, discessum est. Archiepiscopus autem hac lite sedata, præfulem nostram omni honore, & caritate dilexit, & in nostro Monasterio fraternitate honorifice acquisita, summam dilectionem, & loco & fratribus providit.

Tangmarus in vita S. Bernwardi apud Leibnitz, Tomo I. Scriptor. Erunsivicens. pag. 459.

(a) Leibnitz. ex MS. rectius legit: *submitteret*, pro: *obstitaret*.

(b) forte: charitate.



CONVENTUS SYNODALIS

W E R L Æ,

Anno Christi MVIII. Joannis XVIII. Papæ VI.
Henrici II. Regis VII.

In quo Willigisus Archi-Episcopus Moguntinus, & Bernwardus Hildesheimensis Episcopus, super gravi ac diuturno, quod inter eos vertebatur dissidio, invicem conciliati, fuerunt confirmati per diploma Regium in Conventu WERLÆ signatum, cum cæteris Episcopis & Proceribus ibidem præsentibus & subscribentibus.

IN nomine Sanctæ, & Individuæ Trinitatis, Patris, & Filii, & Spiritus Sancti.

HEINRICUS secundus, Dei gratia Rex, omnibus Fidelibus salutem, & pacem in Christo perpetuam.

Recognoscentes, non nostris meritis hujus terreni Regiminis culmen, quantulumcunque est, nos conscendisse; sed solo respectu divinæ pietatis, totum nostrum velle, & sapere divino cultui, anno & ingenio contradere statuimus, & sicut Episcopis, & præcipue Patri nostro Spirituali Willigiso Archiepiscopo promissimus, Ecclesiam Dei, & Sacerdotes Christi, sublimare, & exaltare vigilantissima devotione, pro scire ac posse, studebimus.

Perpendentes itaque veterum odium inter Familiares, & præcipuos episcopos grassari, Willigisum videlicet Mogontiensem Archiepiscopum, & Bernwardum Hildeneshemensem Antistitem, fide æque ac caritate probatum, anxie nobiscum volventes: quomodo illos ad concordiam revocaremus, difficile timentes, quia sæpius ab Apostolica Sede, atque Imperiali Majestate Archiepiscopus communitus: ut ab invasu Gandershemensis Ecclesiæ desisteret, persuaderi non potuit. Tandem tamen, quia utrosque amantissimos habuimus, coram Episcopis, qui Palatini, in Natale Domini, ad nos convenerant, causam detulimus, atque utrosque ita ad caritatem, & concordiam infleximus; ut in cunctis se nostro, atque Episcopo-

rum judicio obtemperaturos promitterent. Dehinc difficillatam ibidem Ecclesiam, quæ ultra modum & nostrum velle, benedictione caruit, consecrandam II. Idus Januarii indiximus; Bernwardus quoque Episcopus, noster fidelis, ex nostro suasu Willigisum Archiepiscopum, & universos Episcopos in auxilium sibi convocavit, tantaque concordia, & unanimitas, Dei gratia, inter dissidentes Fratres facta est, ut illud solenne officium dedicationis maxima caritate fieret; Archiepiscopo nil suo juri præsumente, nisi quantum episcopus Bernwardus concedendo postulare: neque enim, ut ante, veritatem pro reverentia vel gratia Archiepiscopi subterfugimus; verum firma auctoritate sententiam Bernwardi Episcopi, quia judicio omnium fixa claruit, firmavimus; donec suasu communi Archiepiscopus ad clerum populumque, nobis subsequen-
tibus, processit, & factò ante januam catholico sermone, factaque totali terminatione, ut moris est, præscriptum cœnobium a principio ab antecessoribus Bernwardi episcopi legitime, absque omni contradictione, possessum, publice cognovit, se se postmodum in id officii retraxit, & ut nullam reclamationem, aut repetitionem ipse, vel successores ejus, in præfata Ecclesia cum terminis suis, ullo unquam tempore habere potuissent, episcopalem ferulam, quam ex more gestabat, nobis roborantibus, Episcopis quoque auctorantibus Bernwardo Episcopo tradidit, ita inquit: " Cedo, Frater, liti

" liti & juri, in quibus huc usque per-
 " stiti; & quia mihi meisque successo-
 " ribus in hac Ecclesia, vel terminis,
 " Canonice nil sine tuo consilio compe-
 " tere scio, tibi, tuisque successoribus ple-
 " nariam potestatem in ea cognosco, &
 " me, meosque successores, sub præ-
 " sentia Domini nostri Regis, testimo-
 " nio quoque fratrum nostrorum, co-
 " ram Christo, abalienabo; & ut nul-
 " la interpellatio futuro tempore a me,
 " vel meis successoribus fieri possit,
 " hanc ferulam, in signum firmitatis
 " tibi dedo.

His actis, Ecclesia ipsa die ex more
 consecrata est, & sequenti die velatio
 ancillarum Dei celebrata, auctoritate
 Bernwardo venerabili episcopo; & qui
 perpetuam pacem Ecclesie Dei cupio,
 hanc pacem conferri feci, anulique
 mei impressione muniri feci, meaque
 subscriptione roboravi.

Signum Domni HEINRICI
 Regis invictissimi.

*Gunterius Cancellarius, vice Ercam-
 baldi Archicapellani, recognovit.*

Data X. Kalend. Februarii. Indiſt. VI.
 Anno Domin. Incarnationis MVIII.
 Anno vero Domni *Heinrici* secundi
 Regnantis VI. Actum *Werle* feli-
 citer, Amen.

Ego HEINRICUS Secundus, Dei gra-
 tia Rex, huic reconciliationi vel
 pacitioni consentiens, signo sanctæ
 Crucis, gaudens subscripsi. †

Ego *Willigisus*, Mogontinæ Sedis, gratia
 Dei, Archi-Episcopus, huic Ca-
 tholicæ & Canonicæ reconciliationi,
 & taxationi, gaudens, signo Cru-
 cis subscripsi. †

Dagino, sanctæ Parthenopolitanæ Eccle-
 siæ Archi-Episcopus, signo sanctæ
 Crucis subscripsi. †

Retbarius, sanctæ Patherbornensis Eccle-
 siæ Episcopus, subscripsi. †

Bruno, sanctæ Augusturgensis ecclesiæ
 Episcopus, subscripsi. †

Thiadericus, sanctæ Mindensis ecclesiæ
 Episcopus, subscripsi. †

Arnulfus, Halberstadenſis ecclesiæ Epi-
 scopus, subscripsi. †

Berngerus, Farthenſis ecclesiæ Episcopus,
 subscripsi. †

Aeggibardus, Sleswiccenſis ecclesiæ Epi-
 scopus, subscripsi. †

Hildwardus, sanctæ Citicenſis ecclesiæ
 Episcopus, subscripsi. †

Wigo, sanctæ Brandeburgensis ecclesiæ
 Episcopus, subscripsi. †

Arlugin, Cameracenſis ecclesiæ Episco-
 pus, subscripsi. †

Bernbardus, Dux Westvalorum,
 subscripsi. †

Hirimannus, Dux Suevorum, sub-
 scripsi. †

Burghardus, Palatinus Comes, sub-
 scripsi. †

Heinricus Comes. †

Sigifridus Comes. †

Eggibardus Comes. †

Gero Comes. †

Thiadericus Comes. †

Cristan Comes. †

Genzo Comes. †

Bodo Comes. †

Liudulfus Comes. †

Dodico Comes. †

Sigubodo Comes. †

Udo Comes. †

Sigifrid Comes. †

Bernberd Comes. †

Hirimann Comes. †

Herp, Ægilinis filius. †

Hernust Comes. †

SYNO-

Hoc Diploma Regium confirmatorium Synodi in Poleda celebratæ, communicatum
 fuit Clarissimo Schannato ab Clmæ memoriæ viro Joanne Georgio ab Eckhart.

SYNODUS GOSLARIENSIS

Anno Christi MIX. Sergii IV. Papæ I. Henrici II.
Regis VII.

*SUMMA. Defuncto Ratberio Episcopo Paderbrunnensi, Henricus
Rex cum Concilio Episcoporum applaudentium Meinwercum
substituit.*

ANNO Millefimo nono, Rege con-
sistente in Goslaria, illico Lega-
tos suos ad eum direxit Ecclesia Pater-
brunnensis, qui & obitum Episcopi Ra-
therii pridie nonas Martii, anno Episco-
patus sui XXVIII. defuncti denuntiarent,
& clementiæ ejus solatium de successore
idoneo suppliciter implorarent. Qua
lugubri Rex audita legatione, talem tan-
tumque virum condigno mœrore defle-
vit, & Missarum, elemosynarumque
debita commemoratione animam ejus
divinæ pietati commendavit. Posthæc,
ascitis Episcopis & Principibus, qui ad-
erant, de successore tali loco & tempore
idoneo consilium habuit: & diu scruta-
tis, perspectisque plurimis MEINWER-
CUM tam nobilium natalium magnitu-
dine, quam rerum & facultatum tem-
poralium multitudine idoneum perhi-
buit. Illico faventibus & congratulanti-
bus omnibus, Meinwercum advocavit;
& consueta benevolentia ei arridens,
sumpta chirotheca, *Accipe*, ait, Quo,

quid esset accepturus percontante,
Episcopatum, inquit Rex, *Paterbrunnensis
Ecclesiæ*. Illo autem dicente, quid sibi
Episcopatus ille deberet, qui de bonis
propriis excellentiorem construere vale-
ret? Quia hoc, inquit Rex, veraciter confi-
dero, ideo te inopix illius misericorditer
subvenire desidero, ut illius in cœlo co-
hæres fieri merearis, cujus piam ma-
trem in terris hæredem tuum feceris. At
ille hilariter, ego, inquam, ea spe &
conditione Episcopatum suscipiam.
Ostendens liquido, se non despectu pau-
peratis vel appetitu eminentioris sedis,
aut dignitatis, sed affectu majoris utilita-
tis, simpliciter contraxisset. Ibidem
ergo in Goslaria, proxima Dominica ab
Willigiso Mogontino Archi-Episcopo,
& cæteris Episcopis, qui aderant, conse-
cratur.

*Bromerus inter sidera Germaniæ pag. 22.
Biographus Meinwerci No. XVI. apud
Leibnitz. Tomo I. Scriptor. Brun-
swicensium pag. 522.*

SYNODUS BAMBERGÆ

II. NON. MAJI, QUI ERAT DIES NATALIS XXXVI. REGIS HENRICI.

CONFLUENTIÆ

POST MARTINI ANNI HUIUS.

MOGUNTIÆ

INITIO DECEMBRIS.

Anno Christi MXII. Benedicti VIII. Papæ I.
Henrici II. Regis X.

SUMMA.

§. I. *Dedicatio Bavenbergensis Ecclesiæ in prima Synodo.*

§. II. *Accusatio Gevehardi Ratisponensis a suo Metropolitano.*

§. III.

§. III. Rex Theodericum Metensem Episcopum arguit ob literas Papæ scriptas.

§. IV. Promittitur restitutio Diæceseos Merseburgensis postulanti, & accusatori Ditmaro contra Magdeburgi Archi-Episcopum, & Hildewardum Misnensem detentores, in his tribus Synodis.

§. V. Tres fratres (a) Luzelburgici Henricus Dux Bavariae, Theodericus Episc. Metensis, Adalbero Præpositus S. Paulini publice condemnati proscribendi Concilio Confluentiæ damnantur.

§. VI. Expulsio Judæorum Moguntiae, & hæreticorum confutatio.

Interea Bambergensis Ecclesiæ Dicationi intererat Henricus Rex, & Joannes Patriarcha Aquileiensis consecrator Ecclesiæ, & plus quam XXX. Episcopi. Item duæ sorores Abbatissæ Adelheidis Quedlinburgensis, Sophia Gandersheimensis, quæ fuerant Ottonis III. sorores, & Henrici II. Regis consanguineæ.

Post hæc Synodus fit magna ibidem Bavenbergæ, in qua Gevehardus Ratisbonensis Ecclesiæ Præsul ab Archi-Episcopo suomet (*Hartwico*) (b) arguitur. Et Metensis Ecclesiæ Præsul Thiedericus a Rege Henrico increpatur, eo quod Epistola suimet hunc injuste apud Papam accusaret. Sed hæc omnia, & multa alia consilio prudenti sunt finita.

Ditmarus, Merseburgensis Episcopus, in medio Synodi stans antiquam querimoniam diserte recitavit, & synodali censura plenissime restitutio Ecclesiæ Merseburgensis a Gisilario dissipatæ ab injuste tenentibus promissa est: sed non impleta.

DITMARUS tamen huic promissioni tam diu tenaciter adhæsit, donec Gero Archiepisc. Magdaburgensis partem Parochiæ Merseburgensis Ecclesiæ super quatuor urbes, scilicet Schuditz, Cothyn, Bychen, Wurcin, & duas

villas remisit, reliqua vero impofterum se relicturnum promisit, sed non adimplevit. Post vero aliquod temporis intervallum, cum Imperator Magdeburg moraretur, & cum illic plurima Regni utilia agerentur, iterum antistes Ditmarus Hildewardum Misnensem Episcopum, quia partem Parochiæ teneret, accusavit, sed Imperator utrisque satisfaciens hoc instituit, ut Parochiam citra Muldam Merseburgensis teneret, quod vero ultra esset, Misnensis haberet.

Theodorico Metensi ab omnibus Episcopis Confluentiæ congressis interdictum, ut ante purgationem suæ Rebellionis missam non caneret.

Ditmarus Lib. VI. Chronici, & Browerus Annal. Trevirensium L. X. sed ad 1011: nos ad 1012. referimus.

Expulsio Judæorum a Rege facta est Moguntiae, & quorundam hæreticorum refutata est intantia.

In eodem Concilio Annalista Saxo loco citato ad h. a.

Ex vita Ditmari a Leibnitzio edita Tom. I. pag. 390.

Ex Annalista Saxone Eckharti Tom. I. Scriptor. mediæ ævi pag. 424.

Ex Chronico Quedlinburgensi apud Leibnitz. Tom. II. Scriptor. Brunsvic. PRI-

(a) Theodericus, Comes Luzelburgensis, designatus tutor & custos Adalberonis junioris, post mortem Adalberonis II. Episcopi Metensis 15. Decembris 1005. defuncti: sed a morte illius junioris Adalberonis in Episcopatu Metensi successor non acquiescebat foundationi Ecclesiæ Bavenbergicæ, factæ ab Henrico Rege ex bonis dotalitiis Cunigundæ Reginae, sororis suæ, uti nec ejus frater Henricus Comes item Luzelburgensis, & post Bavarie Dux; nec Adalbero, Præpositus S. Paulini, fratres huic subtractioni acquiescebant. Hinc hi tres vocantur *Rebeller* Henrici II. Regis, & ideo in Conventibus Bambergæ 6. Maji 1012. Confluentiæ 12. Novembris, Moguntiae ineunte Decembri 1012. citati, accusati a Rege & Synodo condemnati fuere. *Calmet. Historia Lotharingie Tom. I. pag. 1005. 1006.*

(b) Factum hoc ex Annalista Saxone descriptum refert Marcus Hanfiziuz in Historia Archi-Episcopi hujus Salisburgensis Hartwici; sed causam reprehensionis nullam proferre scit.

PRIVILEGIUM HENRICI, IMPERATORIS.

Quo Patrimonia Romanæ Ecclesiæ ab antecessoribus piis Ecclesiis quondam collata, Benedicto () Pontifici gratitudinis ergo & pietatis in Principem Apostolorum amore confirmavit.*

Contulimus, inquit Baronius, cum quatuor diversis Manuscriptis, atque ita ob nonnulla, in quibus variant, distinximus, ut A. codicem Cencii Camerarii, B. volumen Privilegiorum Romanæ Ecclesiæ, C. Autographum molis Hadriani. D. Nostrium manuscriptum denotet.

*Exemplum Privilegii Henrici Imperatoris de regalibus beato Petro concessis ab antecessoribus Pippino, Carolo Magno, & Ottonibus.
2do. De electione Romani Pontificis canonice & iuste facienda.*

IN nomine (a) Domini Dei omnipotentis Patris, & Filii, & Spiritus Sancti. (b) Ego Henricus Dei gratia Imperator Augustus, spondeo atque promitto per hoc pactum confirmationis nostræ, tibi beato PETRO Principi Apostolorum (c) & clavigero Regni Cælorum, & per te Vicario tuo Domino BENE-DICTO summo Pontifici & universali Papæ, sicut a prædecessoribus vestris usque ad nunc in potestate vestra ac ditione tenuistis, & disposuistis civitatem Romanam cum ducatu suo, & Suburbanis, atque viculis omnibus, & territoriis ejus, montanis, ac maritimis litoribus, ac portibus seu cunctis civitatibus, castellis, (d) ac viculis Tuscæ (e) partibus, id est, Portum, Cen-

tumcellas (f) Ceram, Bledam, (g) Marturianum, Sutrium, Nepem, Castellum, (h) Gallicense, Orthem, Polimartium, (i) Ameriam (k) Tudam, Perusiam, cum tribus Insulis suis, id est, (l) majorem & minorem, Pulversim & lacu, Narniam, & Utriculum; cum omnibus finibus, & territoriis ad supradictas civitates pertinentibus, nec non & exarchatum Ravennatem sub integritate, cum (m) urbibus, civitatibus, (n) oppidis, & castellis, quæ piæ recordationis (o) Dominus Pippinus, & Dominus Carolus, & Dominus (**) Ludovicus, & Otto, & itidem Otto filius ejus, prædecessores videlicet nostri, beato Petro Apostolo, & prædecessoribus vestris jam dudum per donationis

pagi-

(*) Benedictus VIII. qui Henricum II. Germaniæ Regem Corona Imperiali Romæ cinxit in Vaticano templo anno 1014. XVI. Kal. Martii. Sedit ab anno 1012. ad annum Christi 1024. 27. Februarii.

Non ergo ante annum 1014. hoc Privilegium concessit Papæ Henricus: multitudo Episcoporum, Abbatum, Ducum, & Comitum huic Regiæ donationi subscribentium speciem Synodi præ se fert.

(**) Emblemahoc: & Dominus Ludovicus, ab imperito descriptore assertum est Donationi Henrici Imperatoris primi hoc nomine: nam Donatio Ludoviciana figmentum est: ait Pagi in Critica ad hunc annum: Otto Magnus in diplomate anno 962. dato Pippini & Caroli antecessorum in donationibus Romanæ Sedi factis meminit. Ludovici donatoris nulla mentio, deinde infra in hoc eodem diplomate Pippinus, Carolus M. & Ottonis recensentur, nullum gry de Ludovico Pio.

(a) D. deest.

(b) D. Amen.

(c) D. deest.

(d) D. seu

(e) D. pertinentibus

[f] D. Caram

[g] D. Marturian. al. Mar-turianum

(h) D. Galicense

(i) D. Ameliam

(k) D. Tudertum

(l) D. majore & minore

(m) D. omnibus urbibus

[n] D. pertinentibus nec non & oppidis

(o) A. B. C. Doanusubique.

(*p*) paginam contulerunt, hoc est, civitatem Ravennam, & Æmiliam, Bonibium, Cesenam, forum (*q*) populi, forum Livii, Faventiam, Imolam, Bononiam, Ferrariam, (*r*) Comiacum (*s*) Adrianis atque Gabellum, cum omnibus finibus, territoriis atque Insulis, terra marique ad supradictas civitates pertinentibus: simul & Pentapolim, videlicet Ariminum, (*t*) Pefaurum, Fanum, Senogalliam, Anconam, (*u*) Ausimum, Humanam (*x*) Esum, Forum Sempronium, Montem Feltri, Urbium, & territorium (*y*) Balvense (*z*) Callem, Luciolis, & Eugubium, cum omnibus finibus ac territoriis ad easdem civitates pertinentibus. Eodem modo territorium Sabinense, sicut a prædictis Imperatoribus antecessoribus nostris beato Apostolico per donationis scriptum concessum est sub integritate, & est in partibus Tusciæ Longobardorum Castellum felicitatis, urbem veterem, balneum Regis (*a*) Ferenti, Viterbium, Orthem, Martam, (*b*) Bledam, Tuscanam, Suanam, Populonium (*c*) Roselles, cum suburbanis atque viculis, & omnibus territoriis, ac maritimis opidis, seu finibus omnibus. Itemque (*d*) Almus cum Insula Corsica in Suriano, deinde in montem Bardonis (*e*) deinde in Bercolo, exinde in Parma, deinde in Regium, (*f*) exinde in Mantua, atque in monte Silicis, atque Provincia Venetiarum, & Istria, nec non & cunctum Spoletanum Ducatum, seu Beneventanum, una cum Ecclesia sanctæ Christinæ posita prope Papiam juxta Padum quarto milliario. Item in partibus Campaniæ, (*g*) Sora, Arces, Aquinum, (*h*) Arpinum, Theanum, Capuam, nec non & Patrimonium ad potestatem (*i*) & ditionem vestram pertinentia, sicut est Patrimonium Beneven-

F 3

tanum, & Neapolitanum, atque Patri-
monia Calabriæ superioris, & inferioris.
De civitate autem Neapolitana cum Ca-
stellis, & territoriis, ac finibus, & In-
sulis ibi pertinentibus, sicuti ad (*k*) eas-
dem aspicere (*l*) videntur: nec non pa-
trimonium (*m*) Siciliæ, si Deus nostris
illud tradiderit manibus. Simili modo
civitatem Cajetanum, & Fundum, cum
omnibus earum pertinentiis. Super hoc
confirmamus vobis (*n*) Fuldense Mona-
sterium, & Abbatis ejus consecrationem,
atque omnia Monasteria, curtes & villas,
quas in (*o*) ultramontanis partibus sanctus
Petrus habere dignoscitur, (*p*) absque
Aterna, Wmiringa, sive Wilmbach,
quæ a sancti Petri Ecclesia per Conven-
tionis paginam Episcopo nostro Bam-
bergenfi collatæ sunt: pro quibus sæpe
dictæ Ecclesiæ sancti Petri transcribimus,
concedimus, & confirmamus omnera
illam terram (*q*) quæ inter Narniam,
(*r*) Teramnem vel Spoleum ex regni
parte habuimus. Sub tuitione præterea
Petri & vestra vestrorumque successorum
prætatum (*s*) Episcopum Bambergen-
sem offerimus, unde sub (*t*) pensionis
nostræ equum album phaleratum ex ejus-
dem loci Episcopo (*u*) vos annuatim
suscepturos (*x*) sancimus. Offerimus in-
super, firmamus, & corroboramus ti-
bi beato PETRO ac Vicario tuo Donno
BENEDICTO, & successoribus ejus,
prout bonæ memoriæ Papæ JOANNI
suisque successoribus a prædecessoribus
nostris Ottonibus (*y*) factam, civitates
& oppida cum piscariis suis, Reatem,
Amiternum, (*z*) Furconem, Nursiam,
Baluan, & Marsiam, & alibi civita-
tem Teramnem cum pertinentiis suis.

Has omnes supradictas Provincias,
urbes & civitates, oppida atque castel-
la, viculos atque territoria, simulque
patrimonia, pro statu regni (*a*) nostri,
cuncto.

(*p*) D. paginam gratiam
[*q*] C.D. Pompilii
(*r*) D. Comaclum
(*s*) D. deest.
(*t*) D. Pifaurum
(*u*) D. Auximum
(*x*) D. Æsium
(*y*) Balnense ac Baluelfem
[*z*] C. Callis Tuceolos
(*a*) D. Ferenti Castrum
(*b*) C. Piedam
(*c*) D. Roscellas

(*d*) C. Alunis
(*e*) D. seu alimentis
(*f*) D. deest.
(*g*) D. firm
(*h*) D. deest.
(*i*) D. nostram & editionem
(*k*) D. Ecclesiam
(*l*) D. videntur & tenentur
(*m*) D. in Sicilia
(*n*) D. Fundense
(*o*) D. Ultramarinis

(*p*) D. atque Amensua,
Umixtinga.
[*q*] D. quam.
(*r*) D. Interamnem &
(*s*) A. B. C. Episcopium
(*t*) D. nostræ pensionis de-
bito
(*u*) D. annuatim nos
[*x*] D. faximus
(*y*) A. B. C. factum est
[*z*] D. Furcovium
(*a*) D. deest.

cunctoque Christianorum populo conferendo, jam dictæ Ecclesiæ tuæ, beate PETRE, Vicarioque tuo BENEDICTO ac successoribus ejus, usque in finem sæculi eo modo confirmamus, ut in suo detineant jure, (b) principatu atque ditione. Simili modo per hoc nostræ delegationis pactum confirmamus donationes, quas piæ recordationis Pipinus Rex, & postea Donnus Carolus Excellentissimus Imperator, ac deinceps Ottones Piissimi, beato Petro Christi Apostolo spontanea voluntate contulerunt: nec non & censum, (c) vel pensionem; seu ceteras, (d) donationes, quæ annuatim in (e) palatio Regis (f) Longobardorum inferri solebant, sive de Tuscia, sive de Ducatu Spoletano, sicut in superscriptis donationibus continetur (f) & inter sanctæ memoriæ HADRIANUM Papam, & Donnum CAROLUM Imperatorem convenit, quando idem Pontifex (g) eidem superscriptis Ducatibus, id est, Tuscano & Spoletano, suæ auctoritatis præceptum confirmavit: eo scilicet modo, ut annis singulis prædictus census ad partem Ecclesiæ Sancti PETRI perfolvatur, salva super eosdem Ducatus nostra in omnibus dominatione, & illorum ad nostram partem subjectione.

Ceterum, sicut diximus, omnia supra scripta nomina ita ad vestram partem per hoc nostræ confirmationis pactum (b) corroboravimus, ut in vestro permaneant jure, principatu, atque ditione: & neque a nobis neque a successoribus nostris per quodlibet argumentum, sive machinationem, in quacunque parte vestra potestas imminuatur, aut a (i) vobis inde aliquid subtrahatur.

De superscriptis vero Provinciis, urbibus, civitatibus; oppidis, castris, viculis, territoriis, ac patrimonis, nec non & pensionibus atque censibus, sed potius omnia, quæ superius leguntur, id est, Provinciæ, civitates, urbes, castella, oppida, terræ, patrimonia,

atque Insulæ, censusque, & pensiones ad partem Ecclesiæ beati Petri (k) Apostoli atque Pontificum in Sanctissima Sede illius residentium, nos in quantum possumus defensores esse (l) teneamur; ad hoc ut eam illi ditionem ad (m) utendum atque disponendum firmiter valeant obtinere, salva in omnibus potestate nostra, posterorumque nostrorum, secundum quod in pacto & constitutione ac promissionis firmitate EUGENII Pontificis, successorumque illius continetur: ut omnis Clerus, & universi populi Romani nobilitas propter diversas necessitates, & Pontificum irrationabiles erga populum sibi subiectum asperitates retundendas, Sacramento se obliget; quatenus futura (n) Pontificum electio, quantum uniuscujusque intellectus fuerit, canonice, & juste fiat: & ut ille, qui ad hoc (o) sanctum Regimen eligitur, nemine (p) consentiente consecratus fiat Pontifex: priusquam talem in præsentia Missorum nostrorum, seu universæ generalitatis, faciat promissionem omnium satisfactione, ac futura conservatione, qualem donnus, & venerandus spiritalis pater noster LEO * sponte fecisse dignoscitur.

Præterea alia minora huic operi (q) inferendum prævidimus: videlicet ut in electione Pontificum, neque liber neque servus ad hoc venire præsumat, ut illis Romanis, quos ad hanc electionem per constitutionem Sanctorum Patrum (r) antiqua admisit consuetudo, aliquod faciat impedimentum. Quod si quis contra hanc nostram, (s) institutionem venire præsumperit, exilio tradatur. Insuper etiam, ut nullus Missorum nostrorum cujuscumque impeditionis argumentum componere audeat in præfatam electionem, prohibemus. Nam & hoc omnimodo instituere placuit, ut qui semel sub (t) Spirituali defensione Donni Apostolici sive nostra fuerint suscepti, impetrata juste utantur defensione. Quod si quis in quemquam illorum, qui hoc pro-

(b) D. deest.

(c) B.C.D. &

(d) B. dationes

(e) A.B.C. Palatium

(f) D. deest.

(g) D. pro tempore de superscriptis

(h) D. corroboramus

(i) B.D. nobis

(k) D. deest.

(l) A. tenemur B.C. testatur

(m) D. deest.

(n) D. deest.

(o) B.C. regimen Apostolicum

(p) D. contrariante

(q) Leo IV. quartus Papa hic intelligitur.

(r) B.C. inferenda

(s) D. aliqua

(t) B.C. constitutionem

(u) B.C.D. speciali

promeruerunt, violare præsumperit, sciat se periculum vitæ suæ esse (u) incursum. Illud etiam confirmamus, (v) ut Donno Apostolico iustam in omnibus servant obedientiam, seu Ducibus & iudicibus suis, ad faciendum iustitiam. Huic enim institutioni (w) hoc necessario annectendum esse perspeximus, ut Missi Donni Apostolici, seu nostri, semper sint constituti, qui annuatim nobis renuntiare valeant, qualiter singuli Duces ac iudices populo iustitiam faciant. Hanc Imperialem constitutionem quomodo observent, qui missi, decernimus, ut primum, cunctos clamores, qui per negligentiam Ducum vel iudicum fuerint inventi, ad notitiam Donni Apostolici deferant: & ipse unum e duobus eligat, aut statim per eosdem (x) missos fiant necessitates emendatæ, aut misso nostro nobis renuntiante per nostros nuntios à nobis directos emendentur. Hoc ut ab omnibus fidelibus Sanctæ Dei Ecclesiæ, (y) vestris firmum esse credatur, propriæ manus (aa) signaculo hoc pactum confirmationis nostræ roboravimus, (bb) sigilli impressione assignari iussimus.

Signum Donni Henrici Gloriosissimi (a) Romanorum Imperatoris Augusti.

Signum (b) Erchandildi Moguntini Archiepiscopi.

Signum Heriberti Colonienfis Archiepiscopi.

Signum Bobonis Treverensis Archiepiscopi.

Signum Thiederic Metensis Episcopi.

Ego Eberhardus Bambergensis (c) Ecclesiæ Episcopus (d) Romanæ sedis (e) subditus subscripsi.

Ego (f) Mazelinus Wirceburgensis Episcopus subscripsi.

(g) Ego Walterius Spirensis Episcopus subscripsi.

Ego (b) Ricodardus Constantiensis Episcopus subscripsi.

Ego (i) Zodalricus Curienfis Episcopus subscripsi.

Ego Adalbertus Basileensis Episcopus subscripsi.

Ego Hemmo (k) Werdunensis Episcopus subscripsi.

(l) Ego Walter Heichstedenfis Episcopus subscripsi.

Signum (m) Richardi (n) Fuldenfis.

Signum Arnoldi Herfendenfis Abbatis.

Signum (o) Bruardi Abbatis.

Signum Gottifridi Ducis.

Signum Beringardi Ducis.

(p) Signum Thiederic Ducis.

(q) Signum Simomis Comititis.

Signum (r) Velphonis Comititis.

Signum Cunonis Comititis.

Signum (s) Kunzadi Comititis.

Signum Ottonis Comititis.

(t) Signum Adilbrahtis Comititis.

Signum (u) Bobonis Comititis.

Signum Frederici Comititis.

Signum Bezelini Comititis.

Signum Ezonis Comititis Palatini.

Signum Frederici Cameratii.

Signum (x) Ezonis (y) in Fercore.

Signum (z) Heuzonis Pincernarii.

Signum (a) Huzis.

(b) Alimunbereger.

Adilman.

Adilbero.

Ego (c) Wicelius Afratzburgensis Episcopus.

Signum (d) Ryodhois Fluvanensis Abbatitis.

Hardouinus Tomo VI. Conciliorum pag.

799, 800, 801, 802. una cum notis Pagi in Critica ad annum 1014.

MERS.

(u) B.C.D. incursum

(v) D. in Dominio

(w) D. deest.

(x) D. nuntios

(y) D. deest.

(z) C. nostris

(aa) B. signaculo & nobilium Optimatum nostrorum subscriptionibus.

(bb) C. sigilli nostri

(a) D. Romani

(b) D. Erkinbaldi Moguntinensis

(c) D. Ecclesiæ Apostolicæ

(d) D. Apostolicæ

(e) D. subditus servus

(f) D. Matelinus Wirceburgensis Episcopus servus

(g) D. deest.

(h) D. Rodonardus

(i) D. Loldaricus

(k) D. Verdunen'sis

(l) D. deest.

(m) D. Ricaldi Faldensis.

(n) B. Fuldenfis Abbatis

(o) D. Brucardi

(p) D. deest.

(q) A.B.C. deest.

(r) D. Vylponis.

(s) D. Conradi

(t) D. deest.

(u) D. Boybonis

(x) A.C. Mczonis

(y) D. Infertorum

(z) A. B. C. Heimo Eunponis

(a) D. Huftis

(b) D. Alumnus Roriger

(cd) A.B.D. deest.

MERSBURGI CONVENTUS

Anno Christi MXVII. Benedicti VIII. Papæ VI.

Henrici II. Imperii IV. Regni XVI.

SUMMA. De finibus Herciscundis inter Diœceses Merseburgensem, Magdeburgum, Misnensem.

" **M**ulta salutem Patriæ respicientia
 " ibidem finiuntur, sed ego (a)
 " cum multa sæpe quæstus sim Impera-
 " tori de parte meimet Parochiæ ab Ec-
 " clesia Misnensi injuste ablata
 " IIX. Cal. Martii cum federet Impera-
 " tor, & præsentis Episcopi adessent,
 " Gero, Meinwercus, Wigo, & Ericus, &
 " Eilbardus, (b) surrexi & lamentationem
 " feci. Tunc Imperator, & Archi-An-
 " tistes, a quibus sperabam auxilium,
 " iusserunt mihi, Deus scit, invito, qui
 " his resistere non præsumpsi, ut Paro-
 " chiam in Orientali parte Mildæ flumi-
 " nis jacentem, id est, in Burgwardis,

" Bichini, & Warcin Eilbardo concede-
 " rem, & quam ille in Occidentali ripa
 " tunc teneret, mihi hoc nunquam de-
 " sideranti relinqueret, id concambium
 " baculis firmavimus mutuis. Testificor
 " coram Deo & omnibus Sanctis ejus,
 " id quod residuum fuit, tunc nullo
 " modo dereliqui. Jussit quoque Im-
 " perator, ut villas tres, quæ sub præ-
 " dicto erant Episcopo, Herimannus
 " Marchio aut Misnensi Ecclesiæ Sacra-
 " mento retineret, aut mihi redderet.

*Ditmarus Lib. VII. Chronici apud Leib-
 nitz. Tom. I. Scriptori. Brunswick.*

(a) Ditmarus, Merseburgensis Episcopus.

(b) Gero Magdeburgensis Archi-Episcopus, Meinwercus Paderbornensis, Wigo
 , Ericus Havelbergensis, Hildewardus sive Eilbardus Misnensis.

CONVENTUS IN LIETZGO

Anno Christi MXVII. Benedicti VIII. Papæ VI.

Henrici II. Imperii IV. Regni XVI.

SUMMA. Henricus Imperator fratribus novi Monasterii in Diœcesi Paderbornensi Meinwerchi, prædium donat.

Anno prædicto factus est celebris
 Conventus Principum in loco,
 qui dicitur *Lietzgo*, (a). præsentis Impe-
 ratore Heinricho, cum Archi-Episcopis
 Erchanbaldo Maguntienſe, Poppone
 Treverense, Gerone Magetheburgense,
 Unwano Bremenſe; Episcopis quoque
 Arnoldo Halverſtadenſe, Eppone Ba-
 venbergenſe, Thiedrico Metenſe, Hein-
 rico Wirzburgenſe, Thiedrico Mimi-
 gardefordenſe, Henrico Parmenſe,
 Thiedrico Mindenſe, Thiemmone Mer-
 ſeburgenſe, Herico Halverbergenſe,
 Meinwerco Paterbrunnenſe: Laicis eti-

am Bernardo Duce, Sigifrido, atque
 Ezicone Comitibus, cum aliis multis
 nobilibus, ad honorem, & ad dignita-
 tem Imperii plura neceſſaria diſponenti-
 bus. Ibi Imperator a Domino Mein-
 werco Episcopo fundationem novi Mo-
 nasterii, singularis quodammodo ejus
 studii audiens, & devotioni ejus con-
 gaudens, gratiarum actiones ei retulit,
 & prædium quoddam situm in pago *Hesse*
 Saxonico, in Comitatu Herimanni Co-
 mitis, in villa Nedere nominata, cum
 mancipiis utriusque sexus & omnibus,
 quæ ullo modo inde provenire possent
 uten-

[a] alias *Liesca* trans Albim.

utensilibus, quod quidam, *Redialdus* nomine, ad manus Imperiales legaliter & capitulariter hæreditaverat, fratribus in eodem monasterio Christo servituris, VI. Idus Julii contulit. Sequenti die ibidem ab hæredibus Ekkihardi Comitis de Abbatia Helmwardeshufun querela habita, & diu multumque inter *Principes ventilata*, tandem Regno est adjudicata. Et quia nec in facultatibus, nec

ministerialibus Regno servitio esse potuit, interventu & consultu Episcoporum & Principum prædictorum, Episcopo Meinwerco suisque successoribus, a Paterbrunnenſi sede Episcopaliter secundum regulam S. Benedicti regenda, ac possidenda est collata.

*Apud Leibnitz. Tom. I. Scriptor. Brunſwic.
p. 543. in vita S. Meinwerki §. XLII.*

NUIMAGEN, SEU NOVIOMAGI SYNODUS

Anno Christi MXVIII. Benedicti VIII. Papæ VII.
Henrici II. Regis XVII.

§. I. *Excommunicatio conjugum Comitum de Hammerstein.*

§. II. *Quæ corpus & sanguis Christi supra aram collocanda sint.*

§. III. *Theoderici, Vasalli Ecclesiæ Trajectensis, decreta punitio.*

§. I. " XVII. Cal. Aprilis magna
" fit in Nuimagen Synodus, & Nepos
" meus OTTO (*fuit is Otto Comes de*
" *Hammerstein*, de quo in anno 1019. &
" 1020.) & uxor ejus *Irmingerd*, con-
" sanguinitate proxima injuste diu con-
" juncti, ob inobedientiam continuæ vo-
" cationis excommunicati sunt: Co-
" peratores vero eorum ab Episcopis
" vocantur ad satisfactionem.

§. II. Ibi etiam constitutum, an-
tiquo exemplari periculo, ut corpus
Dominicum ad sinistram & calix ad dex-
tram Sacerdotis poneretur.

Ditmarus Lib. VIII. Chronici pag. 420.

*Apud Leibnitz. Tomo I. Script. Brunſw.
pag. 420.*

§. III. " Theodericus Othelbaldi (a)
" Trajectensis Episcopi infameſtus farel-
" les (b) erat: hic in quadam silva, *Mi-*
" *runde* vocata, magnum prædium ha-
" buit, quod ab ipso injuste sibi ablatum
" omnes Comprovinciales in Nuimagen
" conquesti sunt. Unde Imperator Epi-
" scopo Trajectensi præcepit ea loca in-
" cendi & conquerentibus reddi &c.

*Annalista Saxo apud Eckhart. Tomo I.
Scriptor. mediæ ævi.*

SYNO

(a) *alias Adelboldi Episcopi Ultrajectini.*

[b] Quidam Comes, Theodoricus Bavo, beneficiatus fuit juxta Bodegraven ab *Adelboldo* Pontifice, qui Theodoricus Comitem Hollandiæ non quievit infestare quotidiano certamine, Hollandienſis vero Comes, & ipse Vasallus Adelboldi Ultrajectini Episcopi, contra copiosum exercitum aggregans, Theodoricum Bavonem, victorioso subegit, & eundem a possessionibus suis violenter ejecit. Adelboldus autem Episcopus hoc ægre ferens, collectis immensis bellatoribus decrevit Vasallum suum priſtinæ ditioni suæ restituere, & adversus Hollandiæ Comitem crudele bellum committere. *Hæc Joannes de Beka in Chronica Episcop. Ultrajectinæ Sedis.*

Contra alterutrum ex his Theodoricis Adelboldus in Synodo Noviomagenſi impe-
travit mandatum Regium, vindicandi Ecclesiæ suæ injuste ablata.

Tomus III. Concil. German.

SYNODUS GOSLARIENSIS

Anno Christi MXVIII. Benedicti VIII. Papæ VII.
Henrici II. Regis XVII. imperii VI.

*SUMMA. §. I. Declarata separatio conjugum Godescalci & Gertrudis.
§. II. Rex & Episcopi decernunt servi liberos, etsi is liberam
ducat, cum matre servituti herili succumbere.*

§. I. **A**nno Dominicæ Incarnationis MXVIII. Bernwardus Hildenesheimensis Episcopus tempore Quadragesimali Synodum in Goslaria habuit, in qua præsidente Imperatore cum Episcopis, cæterisque Regni Primoribus Godescalcum Ekkihardi Comititis filium, & Gertrudem filiam Comititis Ekkeberti separavit.

Annal. Hildenesheimenses apud Leibnitz. Tomo I. pag. 724.

In vita S. Meinwerchi apud Leibnitz. T. I. Scriptor. Brunsvic. pag. 547.

In eadem vita a Browero edita Num. LVI. pag. 50.

Schatenus ad hunc annum.

§. II. Architecti Catholicæ doctrinæ, quæ sectanda forent, fidei quasi fundamenta locantes, hoc evidenter noscuntur probasse, sive gregatim, seu separatim, ut gloriemur in laude Christi. Ergo Anno MXXV. (MXVIII.) in Consistorio Regali Goslarie præminenti, in Ecclesiæ scilicet Australi lateri eodem adhærente, collecta fidelium coadunatione, propositum est tractandum quodque utilitatis salutare. Cujus conventus primatui Henricus, qui tunc temporis reipublicæ monarchiam strenue gubernabat, assederat, & constipatione Episcoporum, Geronis videlicet Parthenopolitani Archiepiscopi, & Unowani Bremensis Archiepiscopi, Arnolphi quoque Halverstedensis, & Bennonis Slavenfis, Thioderici Mindenensis, & Thioderici Mimigardivordenfis, & Ekkihardi Sleswigenfis Episcopi circumfultus undique, fasque nefasque æqua trutinacionis lance pensabat, E quibus vero inter

quæstiones citra ultraque habitas Bernwardus, sanctæ Hildinshemensis Ecclesiæ piæ memoriæ Antistes, quem tanti negotii principatus attinebat, cujusdam ambiguitatis indaginem investigabat. Quippe cum quilibet Episcopus, vel cujusvis dignitatis, quisquam proprietatis suæ aliquem ad Sacerdotalem provehens gradum, suæ potestatis juxta collibitum esse promiserit, insuperque sui juris, seu alieni, sibi Ecclesiæ clementi benignitate adquisierit, sed is succedentibus prosperis, altioris meriti elatione, se se super verticem extulerit; donumque divinitus collarum in turpe converterit emolumentum, adeo ut nobilitate generis succensus, quandam in matrimonium usurpaverit liberam, eo tenore, ut prolem ex eadem derivatam quoquo modo abalienet servitio ejus, cujus ipse suberat Dominio, quid potissimum exinde concors illorum fieri decrevisset assensio? His ita prælibatis, procerum unusquisque pro industria suæ æstimatione hujus rei propositum longa alternabat deliberatione. Sed tandem hujus hæsitacionis anfractus Imperatore anticipante, omnis illius concionis confessus in suffragium hujusmodi assurgit, acclamantque cuncti, legitime oportere, tam ipsam, quam ejus posteritatem, eodem, quo & ipse servitutis jugo succumbere. Addunt nihilominus præsentis pactionis decretum, Romani Imperii Majestate sancitum, nullo penitus in perpetuo jure solvendum, maxime, cum bene placito universalis Papæ prospectum vegetet sanctæ Ecclesiæ.

*Leuckfeldt in antiquitatibus Halberstaden-
sibus illustratis, adjuncto Diplomate
45. pag. 675.*

SYNODUS MOGUNTIÆ,

In causa Matrimonii illiciti inter Ottonem Comitem de Hammerstein, ejusque conjugem.

PRIMA ANNO CHRISTI MXVIII. SUB ERCANBALDO MOGUNTINO
ARCHI-EPISCOPO. SECUNDA SUB ARIBONE CIRCA MXXIII.

" **I**nterim Otto quidam, nobilium fa-
" tus profapia Francorum, illicito fi-
" bimet matrimonio, incaute adscito,
" dum ab Arcanbaldo, Moguntinæ sedis
" Archiepiscopo, sæpius Ecclesiastico
" more pro hoc eodem corripereur ince-
" stu, cæco furibundus amore, dif-
" positus circumquaque insidiis, nefan-
" dam eidem Christo Domini parat in-
" ferre manum. Sed divina id sceleris
" prohibente clementia, elapso frustra-
" tus antistite, focios, qui navali eun-
" dem sequebantur itinere, invadit, ca-
" pit, custodiæ tradit, multisque inhu-
" mane injuriis tractat, eo ferociorque,
" quo sibi, quem ultra jus & fas sitive-
" rat, præfulis sanguinem ablatum dolet.

" Quod cum Imperatori Augusto
" celeri legatione defertur, *habita cum*
" *Episcopis, totiusque Regni Primatibus, delibe-*
" *ratione* primo per nuntios, deinde per
" amicos, perque semetipsum ab hac in-
" ani tentat revocare infania: quibus
" omnibus rebellem, refragantemque,
" *communi assensu anathematis damno subji-*
" *ciunt.* Ut vel sic jam timore pœnali ta-
" ctus, civibus matris Ecclesiæ, dignis
" pœnitentiæ lamentis reddi studeret.

" Quæ ille omnimodis despectui ha-

" bens, copias suas cum conjugē in quan-
" dam arcem, Hamerstein vocatam, con-
" trahit; quam naturæ ope, non hominum
" arte, faxigenis undique molibus mu-
" ratam, Rhenique circumferentia adeo
" munitam ferunt, ut difficilem cuilibet
" vel obsidendi, vel quoquomodo op-
" pugnandi, ponat accessum.

Anno 1022. Hoc in loco munitissimo, Ham-
merstein, juxta Confluentiam, fame
ab Imperatore Henrico ad deditionem
cogitur ipso die S. Stephani. (a)

Aribo, Archiep. Moguntinus, anno
MXXIII. Imperatorem ad Pentecosten
Moguntiam invitavit, ubi etiam Conci-
lium generale coegit [b], in quo multa col-
lapsa correxit. Præcipue vero Ottonem
Comitem ab Hammerstein, & Irmingar-
dam præter fas sibi cohærentes separare
constituerat. Quod tamen perficere non
potuit, quandoquidem Comes partim
Imperatoris metu, partim Episcopi com-
monitione utcumque ad meliorem se re-
cepit frugem: foemina autem bannos vel
proscriptiones negligens, jus ibi funditus
perdidit. [c]

Surius in vita S. Gothardi.

(a) Visuntur hodie rudera arcis in præcelsa & horrenda rupe in territorio Treverensi, Rheno præterfluente magnam partem cincta, & inaccesa, unde miror a Moguntino, & non a Treverensi Archi-Episcopo conjugium illud vetitum fuisse. Fuit autem conjugium hoc interdictum primo ab Ercanbaldo, adeoque ante annum 1020. Deinde ab Aribone circa 1023, quo Comes ab obsidente Henrico Imp. coactus renuntiare conjugio in Synodo Moguntina debuit.

[b] Huic secundo Concilio præfedit Aribo, uti primo præfedit Ercambaldus.

[c] Auditis tribus juratis testibus de impedimento consanguinitatis inter Ottonem, & Irmingardim, fuit publicata sententia divortii.

SYNODUS BAMBERGENSIS III.

ANNO CHRISTI MXIX. BENEDICTI VIII. PP. VIII. HENRICI II.
REGIS XVIII.

SUMMA. Acta varia & dona Benedicti VIII. Papæ in Dedicatione Ecclesie S. Stephani Bambergæ coram Rege, & plurimis Episcopis Germaniæ.

Benedictus (a) VIII. Papa venit, ab Imperatore Henrico invitatus, Babenberg, & ibi eum Imperator sollemnissime excepit hospitio.

Ibi in Sancta nocte Paschæ, matutinali officio solenni primam legit Lectionem Patriarcha Aquilegensis, secundam Lectionem Archi-Episcopus Ravennensis, tertiam Papa: die Paschatis Sacrificium facit, cooperantibus XII. Episcopis.

Ibi tunc præfatus Papa præsentibus LXXII. (b) Episcopis, & Principibus

aliis, sicut Prædecessores sui Joannes XVIII. & Sergius IV. Apostolici, ita & ipse dedit Privilegium Libertatis Ecclesiæ in Babenberg: ut nulli Archi-Episcopo aut Metropolitano, sed uni Pontifici Romano subiectus esset. Henricus Rex quotannis ad album phaleratum equum, & centenas marcas Argenti S. Petro & Successoribus suis dandas se obligavit. Ibi (c) Ecclesiam S. Stephani dedicavit VIII. Kalendas Maji ad petitionem Cunigundis Augustæ.

[a] *Marianus Scotus ad hunc annum refert.*

Compilata Chronologica edita a Pistorio & a Struvio recusa Tomo I. pag. 1090. a Leibnitz. recusa sub titulo: Chronica S. Ægidii in Brunsvic. Sigebertus Gemblacensis refert ad 1020. sed errat.

[b] *Hermannus Contractus in Chronico ad 1019.*

[c] *Serarius Lib. V. rer. Mogunt. pag. 727. Schæferus Annal. Paderborn. L. V. pag. 434. Hoffmannus a Ludewigo editus, in annal. Bambergæ pag. 54.*

SYNODUS FRITISLARIÆ

ANNO CHRISTI MXX. BENEDICTI VIII. PP. IX. HENRICI II.
REGIS XIX. IMPERII VII.

SUMMA. Clericus, qui ex præfagio S. Heimeradi ad inopiam redactus erat, ob fornicationis crimen accusatus apud Synodum Friteslariensem, forte a S. Meinwerco celebratam, novo miraculo a pena liberatur.

ERat quoque ibi Clericus in juvenili ætate vernans, sed superbus admodum, & arrogans. Hic jam principio multas viro Dei ob invidiam faciebat injurias. Quadam itaque die, cum pergeret illi molestus esse; vir Dei dixit ad eum: Propius medullis accipe, quæ prædico tibi: Dives quidem futurus es, sed postquam omnia congregaveris, veniet satanas & omnia tibi, teque simul auferet. Utinam jam in ipso non impleta sit ista Prophetia,

quod pace hujus sancti, salva verborum ejus fide, optaverimus: quam impletam, rerum exitus docuit in ipsius substantia.

Nam postquam vir Dei de rebus humanis excessit, cum jam multa Clericus coacervasset; ad ultimum ancillam cujusdam præpotentis hominis, ejusdem loci indigenæ, corrupit, qui statim domum ejus, omnemque suppellectilem invasit, nihilque ex omnibus præter miseram vitam relinquens, insuper ad *Friteslar apud Generalem Synodum eum accusa-*

cusavit. Cumque in eo esset, ut Episcopus ad degradandum eum, baculum levare debuisset, subito prorumpens sanguis de naribus ejus, cum impetu super Episcopum venit: ilico ejectus tam diu sanguinem fudit, usquequo aliis, quæ introducenda erant, introductis, & determinatis, eo oblivioni tradito, Synodus illa solveretur.

S. Heimeradus Presbyter cum fama sanctitatis obiit MXIX. IV. Kal. Julii, teste *Egeberto Biographo*, edito *Tomo I. Script. Brunsvicensi*. A *Leibnitio* hoc miraculum & hæc Synodus Frideslariensis post mortem S. Heimeradi refertur pag. 571.

SYNODUS EPISCOPORUM CUM HENRICO IMP. IN GRUONA

Anno Christi MXXII. Benedicti VIII. Papæ XI.
Henrici II. regis XXI.

In Gruona Godehardus Hildesemensis Episcopus ab Henrico Imp. nominatur, & ab Aribone Moguntino, Metropolita suo, ungitur, qui sub banno interdicit ei usum jurisdictionis in Gandersheim: sed Imperator Henricus contradicit.

INterea Imperator Gronæ sedebat, & Godehardum, Althensem Abbatem, pietatis more secum habebat; qui postquam fidelem Christum, sui que amicum condigno mœrore deslevit, eundem Abbatem secreto soliloquio de ejusdem Sedis Episcopatu convenit. Deinde per Episcopos durtiam cordis ejus mollire tentavit, sicque per totam Ebdomadam inter eos causâ tractabatur; sed ille semper eadem tenacitate renitebatur. Tandem in vigilia Sancti Andreæ aspexit in visione, in atrio Ecclesiæ, in qua posttriduum consecrandus erat, multitudinem, de eodem Episcopatu concertantem. Tunc accessit ad eum cum pulchra caterva puellarum quædam matrona, vultu, & habitu mirabilis, & apprehensa ejus dextra, in Ecclesiam introduxit, ipsoque ad ejus nutum ante crucifixum ad pedes se inclinante, cum circumstantibus clara voce psallere cœpit: *Infunde unctionem tuam clemens nostris sensibus.* Quid plura? sequenti die Natali Apostoli cum summo Cleri, plebisque tripudio, ei jam volenti, pastoralis cura commendatur; & ab Aribone, Archiepiscopo

Moguntiaco, dignè Deo consecratur. Sed tamen ipso die ordinationis suæ ante Missarum solemniam secretius eum cum Episcopis convenit, eique in Gandersheimensi loco, & circumjacente territorio omnem Pontificalis officii provisionem banni sui interpositione prohibuit. Nam superiori anno eundem Archiepiscopum, Imperialis annuli dono, Regio more præsignatum, Bernwardus Episcopus ad principale Altare prænotatæ Gandersheimensis Ecclesiæ, Presbyterum ordinavit, eique verbi Dei & banni sancti Petri auctoritate, ejusdem Altaris, loci etiam, vel circumjacentis territorii usurpationem, invasionem, vel repetitionem, astante Imperatore cum Episcopis publice interdixit. In hujus banni vindictam ille beato Godehardo tentationem prædictam intulit. Erat tamen idem Archiepiscopus genere, & dignitate, probabili etiam morum gravitate, vere venerabilis; sed in hac tantum temeritate erga beatum virum pro parte culpabilis. Quem quidem bannum Episcopus Godehardus suæ simplicitatis more nec approbavit, nec renuit; sed ad Imperatorem, patrocini-

patrocinium quærens, confugit: Qui hunc novum conflictum, banno soluto, accersito cum fratribus Archiepiscopo, sapienter, pacificeque diremit, familiariter & dissimulata cordis molestia,

Analista Saxo Eckharti Tom. I. Scriptor. medii ævi ad h. annum p. 454. 455.

A R I B O N I S,

MOGUNTINI ARCHIEPISCOPI, INVITATORIA, SCRIPTA GODEHARDO
HILDESIENSI, AD CONCILIUM IN SALINGENSTAT.

Domno Godehardo sanctæ Hildesimensis Ecclesiæ Pontifici venerando, Aribon gratia Dei quicquid est, debitum illud orationis, quod humanitas exigit Christianitatis. Quamvis a te frater multis sim laceratus injuriis, indebitisque affectus contumeliis, memor tamen regulæ nostræ, qua jubemur nos invicem diligere, & in nos peccantibus usque septuagies septies peccata dimittere, nolo fraternæ dilectionis erga te claudere sinum; sed dilatato corde meum tibi commendare, & tuum contra suscipere libenter consilium. Sumus unus corporis membra, & ut ita dicam, quædam in eodem corpore luminaria: quod si nos minus caligamus propter.... fiones corporis, in quo sumus, rectum ostendimus iter propter vitæ hujus caligi - - - rendum. Est ergo nobis omnimodo - - - sententia illa Prophetica torquea-atio: *obscurantur (a) oculi eorum, ne videant, & dorsum eorum semper incurva*; nam si propter nos dorsum ad peccati laqueum curvatur, quid restat, nisi ut ipse visus æterna cæcitate dampnetur, & in ipsa morte sopiatur. Quid est in fratrum discordia, nisi quædam, ut ita dicam, in ipsa vita mortis pœna? Hinc Joannes ait: *Qui non diligit, (b) manet in morte*, his & aliis auctoritatibus motus & concitatus, moneo, te unum esse de nostris confratribus, & quamvis nostram fraternitatem multis tergiversationibus effugere coneris, revocamus te tamen clarissima voce sinceræ dilectionis:

præcessores enim tui huic adherebant fraternitati, nec tu inde rescindi poteris, nisi lugentibus, & flentibus nobis. Unde tibi frater, Concilium intimamus, quod communi consensu fratrum nostrorum in proxima festivitate Sancti Mathæi Apostoli apud Selingestat cum ceteris fratribus, & Coepiscopis habituri sumus; ipsumque Concilium primo rogamus, ut laudes, laudatumque cum ceteris fratribus visites, ut ibi non solum plantemus, & ædificemus, sed etiam evellamus, destruamus, & dissipemus. Credo, quod tibi commissam Ecclesiam rite rationabiliterque habeas circumspiciam, & quod propter hoc nulla necessitate cogaris, nostrum Concilium visitare; verum, quia præcipitur lege Canonica, *Bina (c) a Provincialibus* in annis celebrari Concilia, prædictum tibi terminum indicamus, & ad eum te enixe rogando invitamus. Nam tibi quamvis nihil, quod corrigendum sit, obstat - - - ia sanctitas in commissio tibi grege - - - itius vigilat: mihi autem in meo grege procurando propter alias occupationes nimium tremoris incutitur, & ne grex neglectu meo - - - pateat moribus lupinis - - - cura exigit pastoralis. Causa vero hujusmodi iterum & iterum te frater obnixius rogamus, ut interesse velis fraterno conventui. Vale.

Ex Codice MS. Bibliothecæ S. Petri Erfurdie descriptis Cl. Schannatus.

(a) Psalmo LXVIII, 24.

(b) Joannis I, III, 14.

(c) Concilium Nicænum primum Can. V. Tomo I. nostro pag. 138.
Concilium Antiochenum Can. XX. Tomo I. pag. 159.
Chalcedonense œcumenicum Can. XIX. pag. 179.

PROVINCIALIS SYNODUS IN SALEGUNSTAT

SUB ARIBONE MOGUNTINO, ET EPISCOPIS PROVINCIAE,
ET VARIIS ABBATIBUS.

Anno Christi MXXII. Benedicti VIII. Papæ XI.
Henrici II. Regni XXI. imperii IX.

IN Dei nomine. Ego Aribone, Moguntinae sedis Archi-Episcopus, quamvis indignus, cum cæteris Fratribus nostris, atque Coepiscopis, Burchardo Wormatiense Episcopo, Verinhario Argentino, Brunone Augustense, Eberhardo Babenbergenſe, Meginhardo Wirzeburgenſe; nec non Venerandis Abbatibus: Richario Fuldenſe, Ernoldo Herduesfeldenſe, Reginboldo Laurishamenſe, Herichone Treverenſi, Everguino Doletano, Heinricho de sancto Burchardo, Sigilone de Solutere, Gerberto de sancto Albano, Adalberto Clingenſi, Rudolfo Bliedenſadenſi; Synodum in Salegunstat condiximus Anno Dominicæ Incarnationis MXXIII. (a) Ind. V. II. Idus Augusti. Anno autem Domini Henrici Secundi regnantis XXI. Imperatoris vero (b) VII. quatenus cum omni prædictorum fratrum consilio atque consensu multimoda Divinorum officiorum, atque *Synodaliū Legum* componeretur dissensio, (c) & disparitas nostrarum singularium consuetudinum honesta consensione redigeretur in unum. Inconveniens quidem sancto illi Conventui visum est, quod membra capiti discordarent, & illa diversitas in unius compagine corporis esset, ideoque propter devitandas dissensiones communi decreto Concilii hæc Capitula sancita sunt.

I.

De abstinentia carnis & sanguinis in scriptis temporibus.

UT XIV. diebus omnes Christiani ante festum sancti Johannis Bapt. in abstinentia sint carnis & sanguinis, nisi infirmitate impediante; aut aliqua sollempnitate, quæ in illo Episcopo celebris habetur, intercidente: & ante Natale Domini, similiter in vigilia Epiphaniæ, in vigilia omnium Sanctorum Apostolorum, in vigilia Assumptionis Sanctæ Mariæ, in vigilia S. Laurentii, in vigilia omnium Sanctorum. Adjicientes prædictis vigiliis unam horam refectio- nis, excepta infirmitate, & nisi aliquis sit, qui in proprio voto majori abstinentia uti velit.

II.

De custodiendo jejunio IV. temporum.

De incerto autem jejunio quatuor temporum hanc certitudinem statuimus, ut si Kal. Martias in IV. feriam sive antea evenierit, eadem ebdomada jejunium celebretur. Sin autem Kalendas Martias in V. feriam, aut VI., aut sabbatum distenduntur, in sequentem ebdomadam jejunium diferatur. Similiter de reliquis quatuor temporibus statuimus. Et hoc sciendum, quod si quando jejunium mensis Junii in vigiliam Pentecostes, secun-

[a] Sic habet editio Colonienſis hujus Synodi, anni 1548, sed Indictio quinta hoc anno 1022. currens ad Septembrem, & annus Regni 21. indicant annum 1022.

[b] IX. corrigit *Pagius in Critica ad hunc annum*, quia Henricus II. Rex anno MXIV. XVI. Kalendas Martii a Benedicto VIII. Romæ cum uxore sua Cunigunda corōna Imperiali redimitus fuit.

[c] Synodales Leges de Disciplina Cleri & populi Catholici, pro temporum & locorum varietate dissentiunt, nullæ vero Leges Synodales, circa dogma dissidentes, in Catholica Ecclesia reperiuntur, nullæ tolerantur. *Savienſis Tom. III. Conciliorum p. 572.* hanc Synodum refert cum Canonibus XX.

secundum prædictam regulam evenerit, propter celebrationem baptisterii, ibi non celebretur, sed in ipsa ebdomada sollempni Pentecostes, & tunc propter sollempnitatem Spiritus Sancti Diacones Dalmaticis induantur, & Alleluja cantetur, & *Flectamus genua* non dicatur. In Decembrio illud quoque observari oportet, ut in proximo sabbato ante vigiliam Natalis Domini celebretur jejunium: quia cum vigilia in sabbato evenit, simul vigiliam & jejunium celebrari non convenit.

III.

Quibus temporibus legitima connubia prohibenda sunt.

De legitimis conjugii ita visum est. Quod nullus Christianus uxorem ducere debeat ab adventu Domini usque in octavas Epiphaniæ, & a Septuagesima usque in octavas Paschæ, nec in supra notatis XIV. diebus ante festivitatem S. Johannis Bapt. neque in supradictis jejuniorum diebus, sive in omnium sollempnium dierum præcedentibus noctibus.

IV.

Ut Presbyter, qui post galli cantum bibit, sequenti die Missam non celebret.

Decretum est etiam in eodem Concilio, ut Presbyter aliquis post galli cantum bibens æstivis noctibus, proximo die Missam non celebret; hyemalibus similiter, nisi summa necessitas cogat.

V.

Ut Presbyter non amplius, quam tres Missas canter.

Item decretum est, ut unusquisque Presbyter in die non amplius, quam tres Missas celebrare præsumat.

VI.

Ut nemo Corporale, ad extinguendum incendium, in ignem projiciat.

Conquestum est in sancto Concilio de quibusdam stultissimis Presbyteris, ut quando incendium videant, Corporale, Dominico corpore consecratum, ad incendium extinguendum temeraria præsumptione in ignem projiciant. Ideoque sancitum est sub anathematis interdictione, ne ulterius fiat.

VII.

Si duo inculpati fuerint in adulterio.

Interrogatum est: si duo in adulterio inculpati fuerint, & unus profiteatur, & alter negat; quid inde agendum esset? Decretum est a sancto Concilio, ut ille, qui negaverit, probabili se iudicio expurget, & qui professus fuerit, digne poenitentiam agat.

VIII.

Ut nemo gladium in Ecclesia portet.

Decretum est a sancto Concilio, ut nemo gladium in Ecclesia portet, Regali tantum excepto.

IX.

Ut mala colloquia in Ecclesia, nec in atrio Ecclesie fiant.

Statuit sancta Synodus, ut mala consuetudo, quæ apud omnes jam pene inolevit, omnino prohibeatur. Hoc est: quod colloquia sua in atrii Ecclesiarum constituerint habenda, & hinc ea maxime in ipsa exercent Ecclesia, ubi orationes & divina tantum fieri debent officia.

X.

De Evangelio & Missis peculiaribus.

Quidam laicorum, & maxime matronæ, habent in consuetudine, ut singulos dies audiant Evangelium: *In principio erat Verbum*; & missas peculiares, hoc est, de sancta Trinitate, aut de sancto Michaelæ. Et ideo sancitum est in eodem Concilio, ut hoc ulterius non fiat, nisi suo tempore, & nisi aliquis fidelium audire pro reverentia sanctæ Trinitatis voluerit, non pro aliqua divinatione. Et si voluerit, ut sibi Missæ cantentur, de eodem die audiat Missas, vel pro salute vivorum, vel pro defunctis.

XI.

De computatione Consanguinitatis.

Quidam generationem Consanguinitatis ita volunt numerare, ut frater & soror sint primi. (d) Statuit autem sancta Synodus, sicut etiam ab antiquis Patribus decretum est, ut ita non sit; sed ut nepos, & neptis, vel filius fratris, ac filia sororis primi habeantur.

XII.

[d] Vide Synodum Theodori Villanæ anni 1003. hoc Tome.

XII.

Ut nullus laicus Presbytero Ecclesiam suam commendet.

Item decretum est; ut nullus laicorum alicui Presbytero Ecclesiam suam commendet præter consensum Episcopi: sed eum prius mittat suo Episcopo, vel ejus Vicario, ut probetur, si scientia, ætate & moribus talis sit, quod sibi populus Dei digne commendari possit.

XIII.

Si duo de adulterio accusati fuerint.

Statuit quoque sancta Synodus, si duo de adulterio accusati fuerint, & ambo negaverint, & si orant, sibi concedi, ut alter illorum utrosque divino purget judicio: Si unus deciderit, ambo rei habeantur.

XIV.

Ut bannitum jejunium ab omnibus diligentissime observetur.

Decretum est, ut bannitum jejunium in quocumque Episcopio celebratur, diligentissime observetur; ita, ut si quis illarum VIII. interdictarum rerum unam redimere noluerit, unum pauperem, prout facultas erit, eadem die reficiat.

XV.

De illis, qui Romam ituri sunt.

Decreuit sancta Synodus, ut nullus Romam eat, nisi cum licentia Episcopi sui, vel ejus Vicarii.

XVI.

Ut Carina non dividatur penitenti.

Illud sub anathemate decretum est, ut nullus Presbyterorum cuidam penitenti Carinam (e) dividere præsumat, nisi infirmitas interdicit.

XVII.

De illis, qui penitentiam a suis Sacerdotibus accipere nolunt.

Quia multi tanta mentis suæ falluntur astutia, ut in aliquo capitali crimine inculpati, penitentiam a suis Sacerdotibus accipere nolint; in hoc maxime

confisi, ut Romam petentibus Apostolicus omnia dimittat peccata; Sancto Concilio visum est, ut talis indulgentia illis non profit: sed prius juxta modum delicti penitentiam a suis Sacerdotibus junctam adimpleant, & tunc Romam ire, si velint, ab Episcopo proprio licentiam, & epistolam ad Apostolicum ex iisdem rebus referendum.

XVIII.

Ut omnis penitens dum carinam facit, de loco ad locum non migret.

Decretum est in eodem Concilio, ut omnis penitens, dum carinam jejunat, de loco ad locum non migret, sed ibi perficiat, ubi incipit; quatinus Sacerdos suus sit sibi testis. Si autem propter hostiles insidias jejunare non possit, suus Sacerdos illum confratrum suorum alicui, ubi pacifice jejunare possit, diligentissime commendet.

XIX.

Ut nullus Presbyter penitentem in Ecclesiam introducat.

In eodem quoque Concilio decretum est, ut nullus Presbyterorum quemquam nisi jussu Episcopi, Ecclesiam introducere præsumat, cui pro aliquo delicto illam ingredi non licet. (f)

XX.

Altare qui emit, vel vendit, anathema sit.

XXI.

Bannitum jejunium III. dierum in Ebdomada Paschæ.

Jejunia

XXII.

Unusquisque Parochianum suum, si ad Synodum suam venire, & ad interrogata rationabiliter respondere recusat, in generali Concilio, præfidente Archiepiscopo, ipse Episcopus suus, sicut deberet in Synodo sua, banno eum constringat, & causam suam potenter & synodaliter discutiat.

Missa S. Udalrici Confessoris solempniter celebretur. Crisma, baptismum,

[e] Carina, vel carena significat jejunium continuum quadragesima dierum in pane & aqua.
[f] Hactenus Canones Colonienfis editionis anni 1548, in qua iidem dividuntur in XX. articulos. Qui sequuntur articuli, descripti fuerunt a Cl. Schannato ex codice MS. Reginæ Sueciæ in Bibliotheca Vaticana: Numero 979.

sterium, vel sepulturam quicumque Sacerdos vendiderit, anathema sit.

Altare Episcopus vel Archi-Diaco-
nus, si pro munere vendiderit, & cle-
ricus, qui munera obtulerit, cum Sy-
mone mago, uterque anathema sit.

Quod omnes Slavi decimas dent si-
cut cæteri Christiani, & ad hoc banno
constringantur. Si vero propter hujus-
modi constrictum Dominum suum de-
seruerit aliquis, nemo illum suscipiat,
immo omnium bonorum suorum prior
Dominus potestatem habeat.

Clericus, qui oblationibus agrorum
pro fidelibus defunctis datis liberos ho-
mines facit investiri, ut sic alienentur ab
altari, anathema sit.

Raptōres & fures, si in raptu ipso
comprehendantur, vel publice rei esse
convincantur, sub anathemate sint; ut
quicumque eos quacumque poena affe-
cerint, vel certe occiderint, nullius ju-
dicio subiaceant.

*Hæstius codex MS. Vaticanus inter Re-
ginae Sueciæ Libros N. 979.*

CONCILIIUM IDEM

ANNO CHRISTI MXXII.

Leibnitz *Tom. I. Script. Brunsvic. in vita Meinverci Episc. Paderborn. multo fufius notat
se dare, quam exstat in eadem vita apud Browerum.*

Proxima III. Idus Augusti ipsius an-
ni, prædictus Aribio Moguntinæ
sedis Archiepiscopus, Synodum in Sa-
leginstad coadunavit, in qua præsentibus
Episcopis Burghardo Wormatiensē,
Werinhardo Argentino, Brunone Augu-
stenſē, Everhardo Bavenbergenſē, com-
muni eorum consilio atque consensu mul-
timodam divinarum officiorum atque Syn-
nodalium Legum dissensionem compo-
suit, & disparitatem singularium con-
suetudinum honesta consensione in unum
redegit. Inconveniens quippe sancto
coenventui visum est, quod membra capi-
tuli discordarent, & ulla diversitas esset
in unius corporis compagine, ideoque
propter lamentabiles dissensiones com-
muni decreto Concilii hæc capitula san-
cita sunt hoc ordine,

I. Ut XIV. dies omnes Christiani
ante festivitatem S. Joannis Baptiste in
abſtinentia sint carnis, & sagiminis,
nisi infirmitate impediēte aut ali-
cujus festi solemnitate, quæ in illo Epif-
copio celebris habetur, intercedente.
Et ante Natale Domini similiter, & vi-
gilia Epiphaniæ; (a) & in omnium vigi-
liis Apostolorum, & in vigilia assump-
tionis S. Mariæ & in vigilia S. Laurentii,
nec non etiam in vigilia omnium Sancto-
rum: adjicientes prædictis vigiliis unam

horam refectionis, excepta infirmitate,
& nisi aliquis sit, qui proprio voto,
majori abſtinentia uti velit.

II. De incerto autem jejuniō qua-
tuor temporum hanc consuetudinem (b)
statuimus, ut nisi Kalend. Mart. in IV.
feria sive antea evenerint, eadem (c)
celebretur. Sin autem Kalendæ Mart.
in V. feriam aut VI. aut sabbatum divi-
duntur, (d) in sequentem Ebdomadā
jejunium differatur. Simili quoque mo-
do, si Kalend. Junii in IV. feriam aut
antea evenerint, in sequente Ebdomada
jejunium celebretur, & si in V. fe-
ria aut VI. aut sabbato contigerit, jeju-
nium in tertiam, & quartam Ebdomada
reservetur. Et hoc sciendum est:
quod si quando jejunium mensis Junii in
vigilia Pentecostes secundum prædictam
regulam evenerit, non ibi celebrandum
erit, sed in ipsa Ebdomada solenni Pen-
tecoste, & tunc propter solemnitatem
S. Spiritus, Diaconi Dalmaticis induantur
& alleluja cantentur, *flectamus genua* non
dicatur. Eodem modo de Septembris
jejunio constitutum est, ut si Kalend.
Septemb. in IV. feria evenerint, aut an-
tea, jejunium in III. Ebdomada celebre-
tur, & si V. & VI. aut Sabbato con-
tingerint, in IV. Ebdomada erit. In De-
cembre vero illud observandum erit, ut
proxi-

(a) In Vigilia Epiphaniæ Ecclesiæ Germaniæ & Italiæ his ultimis sæculis non jejunant.

(b) Certitudinem habet editio Colonienſis & codex Vaticanus.

(c) Ebdomada jejunium addunt iidem.

(d) *Diffunduntur*, melius legunt Colon. & Romanus.

proximo Sabbato ante vigiliam Nativitatis Domini celebretur jejunium, quia si vigilia in sabbato eveniret, simul jejunium, & vigiliam celebrare non convenit.

III. De legitimis autem conjugii ita visum est, quod nullus Christianus uxorem ducere debeat ab adventu Domini usque in octavas Epiphaniæ, & a septuagesima usque in octavas Paschæ, nec in supra notatis XIV. diebus ante festivitatem S. Joannis Baptistæ, neque in prædictis jejuniis diebus sive in omnium solennium dierum præcedentibus noctibus.

IV. Decretum est etiam in eodem Concilio, ut Presbyter aliquis post Galli cantum bibens æstivis noctibus, primo die missam non celebret, hiemalibus similiter, nisi cogat necessitas.

(e) V. Conquestum est etiam in eodem sancto Concilio de quibusdam stultissimis Presbyteris, ut, quando incendium videant, corporale Dominico corpore consecratum, ad extinguendum temeraria præsumptione in ignem projiciant, Ideoque decretum est sub anathematis interdictione ne ulterius fiat.

VI. Interrogatum est ibidem, si duo in adulterio culpati fuerint, & unus profiteretur, & alter negaret quid inde agendum esset! Decretum est autem a S. Concilio, ut ille, qui negaverit, probabili indicio se expurget, & qui professus fuerit, digne pœnitentiam agat.

VII. Decretum est etiam in eodem Concilio, ut nemo gladium in Ecclesiâ portet, Regali tantum excepto.

VIII. Statuit etiam sancta Synodus, ut mala consuetudo, quæ apud omnes pene jam inolevit omnino prohibeatur; hoc est, quod colloquia sua in atrio alicujus Ecclesiæ constituunt habenda, & tunc ea in ipsa maxime exercent Eccle-

sia, ubi orationes, & Divina tantum fieri æquum est officia.

IX. Quidam etiam laicorum, & maxime matronæ habent in consuetudine, ut per singulos dies audiant Evangelium: *In Principio erat Verbum* (f) & Missas peculiares, hoc est, de sancta Trinitate, aut de sancto Michaële, & ideo sancitum est in eodem Concilio, ut hoc ulterius non fiat nisi suo tempore, & nisi aliquis fidelium pro reverentia sanctæ Trinitatis velit audire, non pro aliqua divinatione, & si voluerint, ut sibi missæ cantentur, de eodem die audiant missas pro salute vivorum, aut defunctis.

X. Quidam etiam generationem consanguinitatis ita volunt numerare, ut frater & soror sint primi. Hoc autem statuit sancta Synodus, sicut etiam ab antiquis patribus decretum est, ut ita non esset: sed ut nepos, & neptis, id est, filius fratris, ac filia sororis primi habeantur.

XI. Statutum est etiam, ut ædificia Laicorum, quæ Ecclesiis adjuncta sunt, auferantur, & nulla in atrio Ecclesiæ ponantur, nisi tantum Presbyterorum.

XII. Item decretum est, ut nullus laicorum alicui Presbytero suam commendet Ecclesiam præter consensum Episcopi: sed eum prius mittat suo episcopo vel ejus Vicario, ut probeatur, si scientia, ætate, & moribus talis sit, ut sibi populus Dei commendetur.

XIII. Statuit quoque sancta Synodus, si (g) duo de adulterio accusati fuerint, & ambo negaverint, & orant sibi concedi, ut alter illorum utrosque divino (h) purget judicio, si unus in hoc deciderit, ut ambo rei habeantur.

XIV. Decretum est etiam, ut omnes bannitum (i) jejunium in quocunque Episcopio celebratur, diligentissime obser-

[e] Colonienfis editio & Romana V. Capitulum ponunt de tribus Missis, & non pluribus uno die a Presbyteris celebrandis.

(f) Quod nostra ætate in fine singularum Missarum legatur initium Evangelii secundum Joannem, recentis moris est, neque Sæculo undecimo noti.

[g] Capitulum hic XIII. loco positum in Decoby codicibus memoratis VII. loco ponitur.

(h) Divinum judicium vocatur ferri aut aquæ candentis, aut stationis ad crucem pro more hujus Sæculi.

(i) Bannitum jejunium dicitur ab Episcopo toti Diœcesi indictum, nam bannum hic sumitur pro jurisdictione Episcopi per Diœcesin totam se extendente.

observent : & si quis illarum octo interditarum rerum , aliquam redimere voluerit , unum pauperem ; prout sua facultas erit , eadem die reficiat.

XV. Decrevit quoque sancta Synodus , ut nullus Romam eat, nisi cum licentia sui Episcopi vel ejus Vicarii.

XVI. Et illud sub anathemate præceptum est , ut nullus Presbyterorum cuiquam poenitenti carenam dividere præsumat , si infirmitas non intervenierit.

XVII. Quia multi tanta falluntur mentis suæ stultitia , ut in aliquo capitali crimine inculpati , poenitentiam a Sacerdotibus suis suscipere nolint , in hoc maxime confisi , ut Romam euntibus , Apostolicus omnia sibi dimittat peccata : sancto visum est Concilio , ut talis indulgentia illis non profit , sed prius juxta modum delicti poenitentiam sibi datam a suis Sacerdotibus adimpleant , & tunc Romam ire si velint , ab Episcopo proprio licentiam , & literas ad Apostolicum ex hisdem rebus deferendas accipiant.

XVIII. Decretum est etiam in eodem Concilio , ut omnis poenitens , dum carenam suam jejunit ; de loco ad locum non migret , sed permaneat ubi suam acceperit poenitentiam , ut proprius Sacerdos sibi præbeat testimonium. Si autem ibi propter hostiles insidias jejunare non poterit : suus Sacerdos eum ,

confratrum suorum alicui , ubi pacifice possit jejunare , diligentissime commendet.

XIX. In eodem quoque Concilio decretum est , ut nullus Presbyterorum quenquam nisi jussu Episcopi , in Ecclesiam introducere præsumat , cui pro aliquo delicto ingredi non liceat.

Tritbem. in Chron. suo Hirsauig. fol. 60.

In hac Synodo sicut ex gestis ipsius legi fuerunt præsentēs : (k)

Burchardus Episcopus Wormatiensis.

Wernharius Argentiniensis.

Bruno Augustensis , qui fuit frater S. Heinrichi Imp.

Eberhardus Episcopus Bambergensis.

Megwiltardus (l) Herbipolensis , nec non

Richardus Abbas Fuldensis.

Arnoldus Abbas Husfeldensis.

Reginboldus S. Nazarii Laurisheimensis Abbas.

Herico Treverensis (m) ad sanctum Maximinum.

Everbinus Abbas [n] Dolejanus.

Heinricus Abbas sancti Burchardi Herbipolensis.

Sizicho Abbas de Stuchtern.

Gerbertus Abbas sancti Albani.

Adelberrus Abbas de Klinger Munster.

Et Rudolphus de Blidenstat.

(k) Aribonem Moguntinum , quia in fronte Synodi posuerat , non repetit in fine inter subscribentes *Tritbemius*.

Chronicon Hirsauigense Tritbemii anni 1690. addit Waltherium Episcopum Spirensen Patribus in Salingenstadt coactis.

Biographus S. Godebardi post annum 1024. *Leibnitz. Tom. I. pag. 492.* hanc Synodum rejicit , longissime a vero abeunt , qui in annum 1073. rejiciunt hanc Synodum Salingenstadiensem , cum Aribo obierit anno 1031 , tolerabilius errant ; qui ad annum 1023. provehunt , cum aliæ notæ cogunt ad annum 1022. eam figere.

(l) lege : Meginhardus.

(m) Quo jure hi duo Abbates ex Dicecesi Treverica compareant in Provinciali Synodo Moguntina , non facile divinavero.

CONCILIIUM AQUISGRANENSE PROVINCIALE,

Anno Christi MXXII. Benedicti VIII. Papæ XI.
Henrici II. Regni XXI. Imp. IX.

*SUMMA. Decisio controversiæ de Jurisdictione in Monasterium Por-
cetum inter Pilgrinum Archiep. Coloniensem, & Durandum
Leodicensem Episcopum.*

His fere diebus Aquisgrani Provin-
cialis Synodus Episcoporum præ-
sente Henrico Imperatore celebrata est,
in qua non mediocris altercatio inter Pi-
lgrinum Coloniensem Archiepiscopum,
& Durandum Leodicensem Præsulem re-
erudit pro Monasterio Burcicho, (a)
quod uterque suæ Parochiæ subiectum
esse contendebat.

Verum Durandi causa demum præ-
valuit: agente Gerardo Cameracensi
Episcopo, ac probante, quod Leodi-
censes Episcopi quinque Abbates illius
Monasterii sine ulla contradictione Ar-
chiepiscopi consecraverant: Immo &
ipse, rogante Imperatore, & Baldrico
Leodicensi Episcopo petente in Aquis-
grani Ecclesia prædicti Monasterii Cleri-
cos ordinaverat, ipsumque Monasterium
cum Poppone Treverensi Archipræsule,
& Heymone Viridunensi episcopo con-
secraverat. Eo ergo videri sibi rectius

Leodicensi, quam Colonienfi regimonia
subjacere. Quod ita quoque cæteris
testificandis, Archiepiscopis, præter
ullam synodalem reverentiam, ira com-
motus, abscessit.

*Hæc ex Balderico in Chronico Camera-
censi Cap. XXXV. pag. 313. qui addit, quod,
dum Synodus celebraretur, tanta siccitas
aeris, & intemperies æstus excauderit,
ut multi mortalium præ nimio ardore
deficere putarentur; multaque animalia
subito extincta sint; & tamen columnæ
marmoreæ Aquensis Ecclesiæ, & pavi-
menta itidem marmorea tanto madore
insudaverint, ut quorumvis lavandis
manibus possent sufficere.*

*Idem Sigebertus Gemblacensis ad anni bu-
jus Synodum adnotavit.*

*Ex bis Foullon. historia Leodicensis ad b. a.
Mabillon. Annal. Benedictini Tomo IV.
pag. 287.*

(a) *Porcetum* hodie dicitur, fuit Ordinis S. Benedicti Monasterium, a Theophania Au-
gusta Otonis III. conjuge fundatum, dato primo Abbate Gregorio venerabili, apud
Molanum in natalibus SS. Belgii.

Henricus Rex & Imp. I. anno MXVI. hoc Monasterium donis honorarat. Lapsu tem-
poris, collapsa disciplina dispersi Monachi, nonnulli ad Monasterium vallis Dei
relegati fuerunt. Sed sub annum MCCXX. Cisterciensis instituti moniales illic col-
locatæ perillustres hodieque florent. *Beek in Aquisgrano suo Cap. X. & XI. p. 235.
Pag. 227. Synodi hoc anno celebratæ paucis meminit.*

EPISTOLA ENCYCLICA ARIBONIS ARCHIEPISC. MAG. PRO CONVOCATIONE CONCILII IN HOCHSTET.

Domino & confratri Megunhardo
Wirtzeburgenfis Ecclesiæ Pontifi-
ci venerabilissimo Aribio Moguntinæ se-
dis Provisor; quamvis indignus, fer-

vitutis, & orationis sine cessatione de-
votissimos conatus. Cum nobis anti-
quorum patrum præcipiant instituta,
bis in anno generalia celebrare Conci-
lia,

lia, bonum & utile mihi videtur, ut hujusmodi institutio nostris temporibus saltem semel annuatim minus negligatur; nam quando prædecessores nostri de Conciliis faciendis vigilanter curabant, multæ virtutes in sancta Ecclesia, quasi in juventute sua fertiles & florifera fuerant; quæ nunc pro dolor; propter illius senium, & senectam penè redactæ sunt in cinerem & favillam. Sed cur illius increpo senectutem, cum nostram potius increpare deberem segnitiam: illius enim voce dicitur per Prophetam: *Vetustam fecerunt pellem meam.* Nos ergo sanctæ Ecclesiæ pellis sumus, qui Sacramenta illius, & religionis observantiam amplectimur, & circumdamus, quam pellem ipsa dolet, & loquitur viciis nostris factam fuisse vetustam, quia non aspicit in nobis, quam aspexit in patribus virtutum pulchritudinem solitam. Unde Karissime frater, & Domine, discutiamus nos e pulvere pigritiæ nostræ, surgamus ocyus fomio negligentiae, & quia sanctæ Ecclesiæ pellis sumus, renovemur velut aquilæ,

juventute virtutis. Hac de causa cum fratribus nostris decrevi, & statui convenire nos in unum in vigilia Ascensionis Domini in loco vicino, qui dicitur Hostetz juxta Mogum, ut omnibus cordis, & animi viribus occurramus sanctæ Matris Ecclesiæ necessitatibus. Proinde vero seorsum cupio ex tuo cæterorumque fratrum nostrorum consilio discere de legatione sedis Apostolicæ, quid facturus sis? Quia sicut antea tibi per epistolam meam mandavi ex delatione anathematizata, in me Apostolicus mihi interdixit ornatus primos dignitatis meæ. Inde vero cum congregior mecum in conscientia mea, nascitur mihi consolatio summa; sed cum intueor, quid aliis possit evenire, si istud indiscussum tam facile labitur, meror mihi continuo magnus oboritur; unde quoniam omnes sumus impulsus ad casum, non furoris tumultu, sed orationis obtentu contra pulsanem opponamus communiter clypeum.

*Ex codice MS. montis S. Petri Erfordiae
excepit Cl. Schannatus.*

Hochstedi, nostra ætate & Dialecto Höchst, oppidum est, & arx ad dextrum Mogoni latus, haud procul a confluyente Nidda & Mogono uno infra Francofurtum milliari, intra territorium Moguntinæ Archi-Diecesis. Freherus jam meminit ad annum 849. villæ Hochstedi in territorio Moguntino in *Annalibus Fuldensibus*. Erchanbaldus Moguntinus Archiep. fedit ab 1011, ad 1020. Aribon ab 1020, ad 1031. *judice Serario.*

Synodi hujus Serarius non meminit, etsi magna diligentia, alias ab Aribone coactas Synodos collegerit. Acta etiam hujus Synodi in Hächsten non reperi, etsi quæ agenda fuerint, ex ipsa Epistola, clare appareat, nempe de morum reformatione semper necessaria. 2do. De causa denegati Pallii forte ob præsentam jurisdictionem in Monasterium Gandesienfē.

EPISTOLA
ARIBONIS ARCHI-EPISC. MAGUNTINI
AD CUNIGUNDEM IMPERATRICEM.

Divæ Dominae suæ Cunegundi, Divina disponente prudentia Romanorum Imperatrici Augustæ. A. Dei gratia quicquid est; affectu cordis avidissimo, debitæ servitutis, & orationis devotissimas exhibitiones in Christo. Inprimis desidero, Karissima Domina, ut nullus nisi tibi familiaris. legat hujus epistolæ verba. servitute tibi alligari quanto sine gratiæ suæ dulcedine nihil mihi jucundum potest vel dulce videri. Nam ex quo primum jucundissimo gratiæ tuæ munere dona-

tus sum, tam multiplex inde mihi fluxerat commodum, ut nullis possit divitiis recompensari, nec facundissimi sermonis ornatu digne laudari, ut nihil exinde mihi, quod sine tuo judicio dulce videretur, & latum, nihil tam contrarium vel asperum, quod non æstimarem tua clementi benignitate tuoque consilio facillime superare. Cæterum meroris anxietas mentem mihi aliquot dies Apostolicis legationibus turbavit, sed conscientiæ consolatio tranquillam facit: Idcirco, Karissima Do-

mina

mina, abscondita est tam diu pietati tuæ, quia speravi illam antequam ad aures tuas perveniret, aliquatenus posse leniri: non enim ignoro compassionis tuæ mirandum ac laudabilem affectum, quem solius Dei dono tibi scio concessum, ideoque solus doloris volui calicem bibere, ne mens tua turbaretur compassionis merore, sed quia non potest iste transire, nisi tu bibas paulum inde; fac . . . confido, quid facturus sim, in epistola tua rescribito, quoniam erit la certissima quacunque dictaverit sententia tua conditum jam habeo Concilium, ad quod confluet fratrum meorum venerandum conlegium, eruntque ibi Consilii nostri cooperatores Pilgrimius Colonienfis; Poppo Trevirensis venerandi protopraefiles, sed quia de nepote meo P. timeo, ut senioris mei artificiose retardetur consilio, commendo id tuæ fidelissimæ pietati, ut tu illum aggrediaris seorsum, & sive volentem sive nolentem in Ascensione Domini ad nostrum venire facias Concilium: Proinde Karissima Domina . . . non possum celare te quod adhuc . . . absconditum habeo ab omni & quidquid desidero, ut a te verbis minacibus audiat, quasi me nesciente . . . Colonienfis episcopus ipse na constitutus, quamvis non ignoraret, quam

[a] Deodericum, Cunigundæ fratrem, Metensem Episcopum.

inrationabiliter me illudum haberet Apostolicus, tamen & familiariter ejus dona accepit, & amicaliter suis illum muneribus oneravit; & ubi *mibi honor pallii*, quamvis injuste est interdictus, ibi pallii sui honor non solum est melioratus, sed, ut ajunt, quodammodo deauratus, quasi sibi inde sit aucta dignitas, sive duplicata festivitas, unde mihi aliquantulum oppres perdit honoris amara calamitas . . . & quia pudore non potui perte quasi me nesciente rius imputari, proinde . . . celsitudinem tuam obnoxius deprecor; ut si fratrum tuum Dominum videlicet Metensem Episcopum, (a) antequam ego, videas, de mea parte maximas gratias referas, quoniam apud sedem suam tanta susceptus sum benignitate, ut nec utilius, nec honorificius aliquid mihi posset exhiberi. Mogontiæ illius consiliis, quia post Deum, & te maxime confido, quoniam id devotissimo promereri habeo servitio, solotenus prostratus efflagito, ut tuis illum precibus facias apud Hosteti, juxta Moguntiam interesse conventui nostro . . . qui conventus in vigilia Ascensionis Domini fratribus est nostris denuntiatus, valeat semper in Christo veneranda Dominatio

Ex codice MS. membranaceo Montis S. Petri Erfurdie Sebammatus descript.

SUFFRAGANEORUM MOGUNTINÆ

PROVINCIAE EPISTOLA AD BENEDICTUM VIII. PONTIF.

DOmno B. [a] Apostolicæ Sedis Capiti venerabilissimo Burchardus Wormatiensis. V. Curienfis. Werinhardus Argentinenfis. Eberhardus Bambergensis W. Spirensis. W. Mur . . . ienfis. Meginhardus Wirceburgensis. H. Constantienfis. S. Hildenesheimensis. H . . . olacensis. Brantho Halverstadenfis. H . . . genfis omnes una intentione tutis & orationis instantiam pro posse cecidit corona capitis nostri, ablatæ sunt dignitates S. nostri Metropolitani; illud autem sicut præmissum est tantum audivimus, sed auditum minime credimus, & quin ipse auditus nos frangit, a paternitate tua

discere cupimus rei veritas quæ sit; si sic est, sicut audivimus, *versa est in luctum cythara nostra, & organum nostrum in vocem fletuum*, quis enim a lacrymis se temperet, cum innocens Metropolitani ex unius mulieris delatione vel particulam dignitatis amitteret, absit Domine, absit hoc a te, qui primus post Deum in vice S. Petri orbem terræ regere debes in æquitate: Si vel minus presbyter causa facti hujus deponeatur, jam dudum universæ religionis ordo in favilla consensionis marcesceret. Sed cur scribimus quasi hæc vera esse credimus? ea enim, quæ audiuntur . . . esse possunt, & vera & fal-

[a] Benedictus VIII. Papa sedit ab anno MXII. ad MXXIV. 27. Februarii.

sa . . . autem tribuat , ut iste auditus. falsitatis exurgat : nam si Metropolitanus noster Dominus *Aribo* propter anathematizatam dignitatis suæ aliquantulum perderet , consequens ac tutum foret , ut omnium nostrorum Sacerdotium , depositionis periculo subjacuisset ; ille enim extra commune nostrum consilium & iudicium nil habet in præfata muliere commissum , ideoque si cum illa aliquid contra Synodale decretum est perpetratum , nos naufragia paciemur , ille securus enatet ; credimus autem tibi Domine , & omnibus ubicumque in mundo existentibus de causâ præfatæ mulieris aures ita esse repletas , ut ultra opus non sit illius scribere culpas , cum illud potius procurandum sit , qualiter amputata a Christi corpore aut funditus pereat , aut si , quod minime credimus , converti voluerit in heremum pœnitentiæ usque ad finem

vitæ gemebunda discedat Nonne quando super illam anathematis vincula dabamus . . . s tuos adjuutores , cum rectius possumus dicere præcessores , ipsi enim præcesserunt , ipsi prima vincula iniecerunt , deinde noster ordo sicut decuit , quod ab illis factum fuit , firmavit : ipsis perniciosè luditur , si causa nostra durius tractatur , unde vero in commune prostati rogamus , ut dignitati tuæ consulas , & si quid incaute actum sit , id caute resarcias , anathemate obligatam terrore tuæ sententiæ stringas . Domno *Ariboni* tibi devotissimo filio . Cur . . . dilectionis munus impendas . . . - qui propter avariciæ lucrum nullum palpat peccatum , sed pro amore justitiæ semper exerto graditur mucrone . Valeat in Christo paternitas tua .

Ex codice membranaceo MS. Bibliothecæ Montis S. Petri Erfordiæ descriptis Schannatus C. MS.

Quia *Aribo* beatum Gothardum S. Bernwardi in Cathedra Hildesienfi Successorem super Gandeshemenfi Ecclesia ab initio promotionis suæ impetivit & per aliquot annos varia vexatione irritavit , ut ait *Chronicon Hildesbemense apud Leibnitz. Tom. I. Script. Brunsvicensium pag. 744.* Hinc suspicor eundem *Aribonem* a Benedicto VIII. Papa ad querimoniam Godehardi fuisse admonitum vel suspensum forte , aut denegatum ei Pallium : uti Willigisus antecessor mediatus *Aribonis* fuit a Sylvestro II. in Synodo Romana anno 1002. increpitus , ac in Synodo Palithi anno 1003. a Fridrico, Sylvestri Legato, suspensus. Vide *Meinwerck apud Leibnitz. Tomo I. Scriptor. Brunswic. pag. 455.*

HENRICI II. IMPERAT.

CONSTITUTIO DUPLEX.

De Juramento in propria persona a Clericis non præstando.

Henricus divina pietate II. Romanorum Imperator Augustus. Quoniam in legibus cautum est , ut nemo Clericorum , jurare præsumat ; alibi vero repetitur , scriptum , ut omnes principales personæ in primo legis exordio subeant jusjurandum calumniæ . Nonnullis legis peritis res venit in dubium : utrum Clerici jusjurandum præstare debeant , aut alii personæ hoc officium liceat delegare . Quin illud constitutionis edictum , ubi Clerici jurare prohibentur , a Marco Augusto constitutum est . propterea quia de Constantinopolitanis Clericis promulgatum fuisse videtur , idcirco ad alios Clericos pertinere non videtur .

Ut ergo hæc dubietas omnibus penitus auferatur , illam Domini Marci constitutionem ita interpretari decernimus , ut ad omnium Ecclesiarum Clericos generaliter pertinere judicetur .

Nam cum divus Justinianus jure decreverit , ut CANONES PATRUM VIM LEGUM HABERE OPORTET , & in nonnullis Patrum Canonibus reperitur : Ut Clerici jurare non audeant : dignum est , ut totus Catholicus ordo a præstando jurejurando immunis esse procul dubio censeatur .

Quapropter NOS utriusque videlicet divinæ , & humanæ legis intentione servata , decernimus & Imperiali auctoritate irretractabiliter diffinimus ,
ut

ut nec Episcopi, nec Presbyteri, nec cujuscunque ordinis Clericus, non Abbas, non aliquis monachus, vel sanctimonialis in quacunque controversia, sive criminali sive civili, iuramentum qualibet ratione compellatur subire, sed Advocatis suis propriis & idoneis, hoc officium debeat delegare.

Quando liceat alterius Clericum accipere vel non?

Ut nulli Episcopo liceat alterius Clericum accipere, aut ordinare in aliquo gradu, sine dimissoria Episcopi sui, de cujus Parochia est.

Cl. Eckhartus in additionibus ad Legem Salicam anno 1720. recusatam Francofurti & Lipsie.

CONVENTUS MOGUNTINUS

Anno Christi MXXIV. Joannis XIX. Papæ I.
Conradi II. Regis I.

Electio & Coronatio CONRADI Secundi, Regis Germaniæ.

ANno ab Incarnatione Domini millesimo XXIV. Imperator Henricus secundus, bene compositis Imperii rebus, cum jam post longum laborem maturum fructum pacis mereri cœpisset, Imperio incolumi, mente sana, corporis correptus est infirmitate, qua invalescente III. Idus Julii hanc vitam excessit:

Ad electionem Conradi Regis melius cognoscendam, res petit, ut dicam summorum nomina quædam seu Pontificum sive secularium Principum, qui tunc in Regnis vigeant, quorum consiliis consuevit Francia Reges eligere, ne ea quæ dicturus sum, quasi fortuito videantur fieri, sed ut, quod prudentissimorum virorum consilio cernitur actum, utile & honestum atque optimum factum credatur. Eo tempore Archiepiscopatuum Moguntiensem rexit Aribon natione Noricus, nobilis, & sapiens, aptus regalibus consiliis: Coloniensem vero Archiepiscopatuum Pelegrinus tenuit consanguineus Aribonis providus, & ad id officium idoneus: Treverensem quoque Archiepiscopatuum gubernavit Poppo, frater Ernesti Ducis, vir pius, & humilis, qui eodem tempore filium fratris sui Ducem Ernestum cum Duce Alemannico sub tutela habuit: Metensem Episcopatuum Theodoricus nobilis, & in virtute strenuus possedit: Argentinæ civitati Werinharius Episcopus præfuit generosus in divinis, & secularibus officiis studiosus. Wurceburgen-

si Ecclesiæ infedit (Macelinus) Marcelinus sapiens, & in Ecclesiasticis dignitatibus fidelis: Pabenbergensem Episcopatuum Eberhardus rexit primus Episcopus illius Ecclesiæ, vir ingenio, & moribus reip. valde necessarius: Constantiensis Ecclesiæ Præsul erat Heimo, vir sapiens in Deo, modestus, & providus ad sæculum: Augustam Vindelicam regebat Episcopus Bruno frater Henrici Imperatoris, utilis & clarus ingenio, si fraterno odio, quo Imperatori oberat, non obscuraretur: Juvavensem Ecclesiam, quam vulgari sermone Saltzburg dicunt, rexit bonæ memoriæ Guntherus Archiepiscopus, frater Eberhardi [alias Eccardi] & Hermannii Comitum, mitis & bonus, apud Deum & homines: Radesbonensis Ecclesiæ Episcopo erat Burckardus [alias Kebehardus] benevolentiae gratia conspicuus: Frisingensem Ecclesiam regebat Albertus [Agilbertus] Episcopus; providus gubernator Cleri, & populi sui; cum istis multi alii Pontifices, & Abbates ex iisdem regionibus aderant, quos singulos nominare operis fastidium generat. Saxoniæ Præsules, quoniam me lauit, quid de vita eorum nominibus addicere conveniret, memorare vitavi; quamquam & eos summis rebus adesse, consulere, succurrere prout dubio perceperim. Italiam transeo, cujus Principes in brevi convenire ad Regiam electionem nequiverunt, qui postmodum in urbe Constantienti cum Archiepiscopo Mediolanensi,

nenſi , & reliquis Principibus occurrentes Regi , ſui effecti ſunt , & ei fidelitatem libenti animo iuraverunt. Duces autem ſupradictis viris contemporanei hi fuerant : Benno Dux Saxonie : Adelbero Dux Hiſtriæ : Hetzilo Dux Bajoariæ : Erneſtus Dux Alemanniæ : Lutaringorum Dux Fridericus : Ribuariorum Dux Gozelo : Cuno Dux Wormatiensis Dux Francorum : Udalricus Dux Boemie.

Die ac loco Electionis Moguntiam inter & Wormatiam inter multos candidatos Regni, duo ſequeſtrati fuere Conradi, ſeu Cunones Franconiæ Duces. Ex quibus major natus, minori aſſeveravit ſe ei, cui major pars Procerum faveret aſſuſciturum.

Adhæc minor Chuno reſpondit totam hanc ſententiam ſibi acceptam fore: ſequere illi ſicuti cognato chariſſimo , ſi cum res ſumma vocaret , omnem Regiam fidelitatem facturum certiſſime promiſit. Inter hæc verba major Chuno pluribus videntibus, paululum ſe acclinans , cognatum oſculatus eſt : quo oſculo primum deprehenſum eſt, utrumque illorum alteri acquieviſſe. Hinc ſumpto indicio concordie , conſedere Principes : populus frequentiſſimus aſtabat.

Tunc quod quiſque diu velatum corde tegebat.

Ferre palam licitum gaudebat tempus adeſſe.

Archiepiſcopus Moguntinenſis, cuius ſententia ante alios accipienda fuit , rogatus a populo , quid ſibi videretur, abundanti corde , hilari voce laudavit ,

& elegit majoris ætatis Chunonem ſuum in Dominum , & Regem atque rectorem , & defenſorem patriæ. Hanc ſententiam cæteri Archiepiſcopi & reliqui Sacrorum Ordinum viri indubitanter ſequebantur. Junior Chuno paululum cum Lotharingis placitans , ſtatim reverſus maximo favore illum ad Dominum & Regem elegit : quem Rex manu apprehendens fecit illum conſedere ſibi. Tunc ſinguli de ſingulis regnis eadem verba electionis ſæpiſſime repetebant. Fit clamor populi : omnes unanimiter in Regis electione Principibus conſentiebant . . . Rex pervenit Moguntiam , ibi honore debito receptus , conſecrationem ſuam omnibus deſiderabilem devotus præſtolabatur. Ad quem benedicendum in die Nativitatis Sanctæ Mariæ , cum Archiepiſcopus Moguntinenſis , & omnis Clerus ſolemniter ſe præpararent , inter ſacra officia Regiæ unctionis Archiepiſcopus hoc ad Regem uſus eſt ſermone : omnis poteſtas fluitantis ſæculi de uno fonte puriſſime derivatur. &c. *Vide Wipponem.*

Peractis decentiſſime divinis officiis & Regali conſecratione , Rex proceſſit , & ſicut de Saul Rege legitur , quaſi ab humero ſurſum cunctis altior ibat , & veluti in quandam habitudinem antea non viſam in illo transformatus , cum ſacro comitatu alacri vultu , honeſto inceſſu ad cubiculum rediit. Inde ad menſem Regali apparatus receptus, eam diem Regiæ ſpeciei officioliſſime conſumpſit.

Wippo Biographus Conradi Salici, editus a Piſtorio pag. 423. & ſeqq.

Duabus de cauſis hanc Coronationem Conradi Regis inſervi Conciliis.

Prima fuit, ut oſtenderem evidentem falſam eſſe opinionem tot ſcriptorum ante noſtrum ſæculum XVIII. qui turmatim aſſeruerunt a GREGORIO V. Pontifice Romano, & OTTONE III. Auguſto utroque Germano ſtatutum fuiſſe exeunte ſæculo X. ſeu XI. oriente, quod deinceps Reges & Imperatores Germaniæ a tribus Archi-Epiſcopis, & quatuor Principibus laicis Electoribus creandi eſſent : id quod Electio Conradi II. Regis falſiſſimum demonſtrat : cum longe plures Epiſcopi & Duces ejus electioni communi voto & conſenſu, nemine contradicente, interfuert.

Alterâ cauſa eſt, quod Wippo Biographus Conradi Salici coævus , & oculatus autor luculentam & illuſtrem, brevem licet, characterem dec Epiſcoporum Lotharingiæ, Alſatiæ, Franconiæ, Germaniæ, Bajoariæ : (nam Saxoniæ Epiſcopos licet interveniſſe non dubiter, minus notos habuit) unde Hierarchiæ Eccleſiaſticæ Germaniæ excellentia inter & ſuper omnes Dynaſtas Germaniæ ; vita & mores laudariſſimi Epiſcoporum Germaniæ conſpiciuntur & metiendi ſunt.

CONRADUM Salicum quater vel quinques coronatum fuisse, Historici coevi & suppares memorant.

Prima Corona Regni Germaniæ, Moguntiae, & Aquisgrani.

Primam Moguntiae ab Aribone & Episcopis Alemanniæ & Alsatiae anno 1024. 8. Septembris die festa Natæ Virginis Conrado II. Regi impositam fuisse, docet

Biographus Wippo pag. 427. apud Pistorium Edit. ultimæ.

Coronatio Reginæ Coloniae 1024. Kal. Octob.

Inthronizatio Conradi Aquisgrani.

Collecto Regali Comitatu Rex Chuonradus primum per regionem Ribuariorum usque ad locum, qui dicitur Aquisgrani, Palatium, pervenit, ubi publicus thronus Regalis ab antiquis Regibus, & a Carolo præcipue locatus totius Regni Archi-solium habetur.

Wippo Biographus Conradi pag. 429.

Gisela Regina in Ecclesia Colonienfi a Pilgrino Archiepiscopo ex concessione Regis Chunradi consecrata fuit Kalend. Octobris.

Hermann. Contractus in Chron. ult. edit.

Wippo pag. 427. apud Pistorium.

Leuckfeldius Conradum & Gisellam Aquisgrani coronatos scribit in antiquitatibus Halberstadiensibus ad hunc annum.

II. Corona Regni Italiæ 1026. Mediolani & Modoetiæ.

Anno MXXXVI. Pentecosten Constantiæ celebravit: ibi Archiepiscopus Mediolanensis Heribertus cum cæteris Optimatibus Italicis Regi occurrebat, & effectus est suus, fidemque ipse fecit per Sacramentorum & obfi-

dium pignus, ut quando venerit cum exercitu ad subjiciendam Italiam, ipse eum reciperet, & cum omnibus suis ad Dominum & Regem publice laudaret statimque coronaret.

Wippo in vita Conradi apud Pistorium p. 430.

III. Coronatio Imperialis 1027.

Anno MXXXVII. Indiæct. X. Rex Chuonradus Romam ingressus a Papa Joanne, & universis Romanis regio honore mirifice receptus est, & in die sancto Paschæ, qui eo anno VII. Kalend. Aprilis terminabatur, a Romanis

ad Imperatorem electus, Imperialem benedictionem a Papa suscepit. Quin etiam Regina Gisela Imperatricis consecrationem & nomen ibidem accepit.

Wippo in vita apud Pistorium pag. 433.

Hermannus Contractus in Chronico.

IV. Coronatio Regni Burgundici 1033.

Anno MXXXIII. Imp. Cuonradus cum filio suo Rege Heinrico Nalalem Domini in Argentina civitate celebravit. Inde collecto exercitu per Solodorum Burgundiam intravit, & veniens ad Paterniacum Monasterium in

Purificatione sanctæ Mariæ a Majoribus & minoribus Regni ad regendam Burgundiam electus est, & in ipsa die pro Rege coronatus est.

Wippo Biographus.

SYNODUS ATTREBATENSIS

A GERARDO CAMERACENSI ET ATTREBATENSI EPISCOPO
CELEBRATA

Anno Christi MXXV. Joannis XIX. Papæ II.
Conradi II. Regis II.

R. (a) nominis dignitate & prærogativa meritorum Episcopo, GERARDUS nullius meriti coepiscopus, quidquid ad beatam vitam præstantius.

P R Æ F A T I O.

Cum nobile ingenium & prudentiam vestram confidero, non adeo demiror potuisse nefarios homines (*b*) erroris Spiritu magicatos, in aliquam pravi dogmatis conspirasse dementiam: sed ad inquisitionem vestram qualiter dissimulare potuerint, ut vos fallerent, vehementer stupeo. Nam quosdam, ut ipse scitis, hujusmodi homines in finibus vestris cohabitasse, sicut veris indicis comprobavimus, retulimus charitati vestræ. Quos, quia terrore supplicii speciem religionis mentiebantur, indemnatos velut innoxios abire permittis. Quod quidem in illis efficacior ad subvertendos simplices causa extitit, simplicibus autem scrupulum, ne non audiendos æstimarent, iniecit, quos vero examine discussos audirent, nec causam puniendi inventam. Verum illi quoque, qui missi ab eis ad seductionem hujusmodi ad nos devenerant, comprehensi, multa dissimulatione renitebant, adeo, ut nullis suppliciis possent cogi ad confessionem: donec per eos ipsos; quos jam pene eodem sui erroris maleficio imbuerunt, convicti, tandem suæ sectæ disciplinam partim nobis exposuerunt. Et post aliqua, quæ se tenere ex Evangelica, & Apostolica doctrina mentiebatur, dicebant baptis-

matum mysterium, & Dominici corporis, & sanguinis Sacramentum nullum esse; & idcirco rejiciendum, nisi simulationis causa non intrare: (*c*) poenitentiam nihil ad salutem proficere: conjugatos nequaquam ad regnum pertinere, & cætera, quæ hujus libelli sequentia indicant. Quod ideo vobis remandamus, ne simulatam religionem eorum, aut composita verba audire debeatis.

CAPUT I.

ANNO Dominicæ Incarnationis M. XXV. Indiæ VIII. Domino GERARDO Ecclesiam Cameracensis seu Attrebatensis Urbis Regente, quodam annuæ observationis more contigit, ut Dominici Natalis, & Apparitionis diebus in sede Cameraci solemniter cursu expletis, idem Præsul per aliquot dies stationem in sede Attrebatensi facere deberet. Ubi cum de *Ecclesiasticis functionibus* satis pro oportunitate temporis tractaret, relatum est ei, quosdam *ab Italia finibus* viros eo loci advenisse, qui quandam novæ hæreseos sectam introducentes, evangelicæ atque Apostolicæ sanctionis disciplinam pervertere tentabant; & quamdam justitiam præferentes, hac sola purificari homines asserebant; nullumque in sancta Ecclesia aliud

(a) Reginaldo Leodicensi Præfule post Durandum anno 1025. defunctum, alii Reginarum vocant, forte idem interfuit Attrebatensi Synodo, cujus acta Gerardus eidem dedicavit. Extant acta hujus Synodi *Spicilegii Dacheriani Tomo XIII.*

(b) Hæretici hac Synodo damnati aut propago erant, aut similes hæreticis anno MXXV. Aurelianensi in Concilio damnatis, qui Manichæorum errores & Gnosticorum infamias renovabant, ubi coram Rege & Episcopo producti, cum dedoceri nollent, præter duos poenitentes, cæteri decem flammis absumpti fuere.

(c) *non intrare*; Acherius legit *ministrare*; at verius *ministraretur*.

aliud esse Sacramentum, per quod ad salutem pervenire potuissent. His auditis Dominus Episcopus perquiri homines jubet, & inventos sibi præsentari. Qui audita inquisitionis causa fugam occulte parabant; sed præventi a quæstoribus trahuntur ad præsentiam Episcopi. Qui in aliis causis definiendis tunc plurimum occupatus, pauca ad tempus de fide illorum sciscitatus est; sentiensque eos quodam pravi dogmatis errore teneri, recludi in custodia jubet usque in diem tertium; & die sequenti Clericis, & Monachis indicit jejunium, ut eos divina gratia Catholica fidei perceptione respiciat donaret.

Tertia vero die, quæ Dominica habebatur, segmentatus Episcopus cum suis Archidiaconis, paratis crucibus, & textis Evangelicis, circumfusa totius Cleri ac populi multitudine, Synodum celebraturus in Ecclesia Beatæ Mariæ progreditur, impositaque antiphona *Exurgat Deus*, totum Psalmi hujus cursum expleverunt. Deinde residente Episcopo in Consistorio suo, & utrimque Abbatibus religiosi atque Archidiaconis, cæterisque secundum ordinationis suæ gradum discumbentibus, homines e custodia educi in medium introducuntur. Et primo quidem Episcopus super his generaliter verbum fecit ad populum. Deinde conversus ad istos: *Quenam est, inquit, doctrina vestra, lex atque cultura, quisve autor est disciplinæ vestræ? At illi referunt, se esse auditores Gundulfi cujusdam ab Italiae partibus viri; & ab eo Evangelicis mandatis, & Apostolicis informatos, nullamque præter hanc scripturam se recipere, sed hanc verbo & opere tenere.* Verum quia ad notitiam Episcopi pervenerat, illos sacri baptismatis mysterium penitus abhorrere, Dominici corporis, & sanguinis Sacramentum respue-

1 3

re, negare lapsis pœnitentiam post professionem proficere, Ecclesiam annulare, legitima connubia execrari, nullum in sanctis Confessoribus donum virtutis spectare, præter Apostolos, & Martyres neminem debere venerari.

Illos Episcopus super hujusmodi interrogans: *Quomodo, inquit, consequens est vos Evangelica, & Apostolica instituta tenere, & contraria istis prædicare?* Narrat namque textus Evangelicus, quia Princeps Judæorum Nicodemus dum ex signis, & miraculis Jesum a Deo venisse confiteretur, continuo Dominus respondit, neminem hoc solo confessionis munere regnum Cælorum posse mereri, nisi renatus (a) foret ex aqua, & Spiritu. Quod quidem regenerationis mysterium aut vos pleniter recipere, aut Evangelicis verbis contraire necesse est, cum constet vere hæc JESUM dixisse.

Hæreseos confessio.

Adhæc illi dederunt hujusmodi responsum: *Lex & disciplina nostra, quam a Magistro accepimus, nec Evangelicis decretis, nec Apostolicis sanctionibus contraire videbitur, si quis eam diligenter velit intueri. Hæc namque bujusmodi est; mundum relinquere, carnem a concupiscentiis frænare, de laboribus manuum suarum victum parare, nulli læsionem quærere, eboritatem cunctis, quos zelus hujus nostri propositi teneat, exhibere. Servata igitur hac justitia, nullum opus esse baptismi; [b] prævaricata vero ista, baptismum ad nullam proficere salutem. Hæc est nostræ justificationis summa, ad quam nihil est, quod baptismi usus superaddere possit, cum omnis Apostolica, & Evangelica institutio bujusmodi sine claudatur. Si quis autem in baptismate aliquid dicat latere Sacramentum; hoc tribus ex causis evacuatur.*

Una, quia vita reproba ministrorum, baptizant-

Mabillon. Annalium Benedictinorum Tomo IV. Lib. LV. No. LXIII. observat hos Hæreticos, similes illis, qui Aurelianis damnati fuerant, Gundulfo Italo auctore in Gallias introductos & seductos fuisse, nec sola auctoritate Synodi, sed rationem ex Scripturis Sanctis depromptarum pondere convictos, demum manus dedisse, ut in fine Synodi narratur.

[a] Joannis III. 5.

[b] Idem errores hæreticorum Aurelianis damnatorum & combustorum. Negabant vetus Testamentum, veram a Christo carnem, veram in Eucharistia corporis & sanguinis Christi præsentiam, demum Baptismum aqua perficiendum. *Mabillon. Annales Benedictini Tomo IV. pag. 284. & 308.* Imo & pœnitentiæ & matrimonii Sacramenta rejiciebant: nullos Sanctos præter Apostolos & Martyres esse colendos.

tizandis nullum potest præbere salutis remedium. Altera, quia quidquid vitiorum in fonte renuntiatur, postmodum in vita repetitur. Tertia, quia ad parvulum non volentem, neque currentem, fidei nescium, suæque salutis atque utilitatis ignarum, in quem nulla regenerationis petitio, nulla fidei potest inesse confessio, aliena voluntas, aliena fides, aliena confessio nequaquam pertinere videtur.

Episcopi refutatio supradictæ Hæreseos.

Quibus e contra Episcopus ait: Si huic iustitiæ vestræ ab Evangelica, & Apostolica institutione fidem attribuitis, hanc facile non aliunde sumptis viribus evacuamus. Natum namque ex Immaculata Virgine Dei Filium nulla peccati corruptione infectum teneri, Evangelica, & Apostolica testatur auctoritas: Sed, sicut Apostolus docet, ipse iustus est, [a] & iustificans omnia, non quod ipse extrinsecus domum iustitiæ accepisset, cujus participatione dicatur iustus; sed principaliter, & substantialiter iustus, ut necessario in eo idem, & unum dicamus esse iustum quod iustitiam: Alioquin fallitur Apostolus in eo, quod dicit, iustificans omnia. Nam si aliunde accepit, ut ipse sit iustus, inferioris iustitiæ, & inferioris est, quam is, a quo accepit; nec erit iustificans omnia, sed ille a quo accepit, ut ipse, & omnia iustificentur. Verum ipse a seipso accepit, ut sit iustus, & iustificet omnia, sine quo nullus sanctus, nullus etiam iustus, per quem omne sanctum & iustum, & a quo omnis gratia, & omne donum iustitiæ descendit, sicut ait beatus Jacobus: Omne [b] datum optimum, & omne donum perfectum desursum est, descendens a Patre luminum. Quod autem a patre luminum descendisse donum dicit, non te scandalizet, quia dum descendit a patre, descendit, & a filio, quia ipse ait: Ego [c] & pater unum sumus. Fure igitur ait Apostolus, quod ipse sit iustus, iustificans omnia: non comparative quidem iustus ut possit augeri vel minui, sed immutabiliter, & essentialiter iustus.

Veruntamen talis, & tactus Dei Filius, sicut narrat Evangelista, venit in Galilæa in Jordanem ad Joannem, ut baptizaretur ab eo. Cui, cum infirmitatis propriæ conscientia ministerium recusaret, ait Domi-

nus: Sine [d] modo, sic enim decet nos omnem iustitiam implere. Quid enim, in quo erat totius plenitudo iustitiæ, & immutabiliter, & incomparabiliter iustus, & iustificans omnia erat; numquid ei aliquid de perfecta iustitia deerat, ut ad implendam iustitiam materialis aquæ fluentis, & baptizantis ministerio indigeret? Porro si hoc baptismatis mysterio ad supplendam iustitiam indigebat, non perfecte iustus nec iustificans omnia erat. Nihil enim impletur, nisi cui de summa plenitudinis aliquid desit. Plenitudo enim crementum non potest accipere. Igitur non perfecte erat: Quod nefas est de Deo iudicare. Si autem iustus fuerat, nihil a baptismo, quo suam suppleret iustitiam, accipere poterat: sed immutabiliter & perfecte, & summe iustus erat: igitur baptizari non indigebat. Cur ergo dicebat: Sic [e] decet nos omnem implere iustitiam, qui nec baptizari indigebat, nec iustitia, qua plenus redundabat, quo suppleretur per baptismum habebat? Indigebat certe non sibi, sed nobis, iustitiam querebat implere; non suam, sed nostram. Nam semper in eterno ejus consilio mansit generis humani reparatio, & discretis Spiritualibus Sacramentorum observantis, quod profuturum, & necessarium ad nostræ reparationis erat effectum, hoc per manus dispensatorum visibiliter voluit administrari, sed invisibiliter operante Spiritu Sancto impleri.

Cujus rei gratia plurima in sancta Ecclesia providus Dominus instituit Sacramenta, [e] quibus plurimum ad regenerationis mysterium instituit baptismatis usum. Porro baptismum græce, latine tinctio interpretatur, quia ibi homo Spiritu gratiæ in melius immutatur, & longe aliud quam fuerat, efficitur. Prius enim facti eramus deformitate peccatorum, in ipsa tinctione reddimur pulchri dealbatione virtutum. Cujus mysterium non aliter, nisi sub Trinitatis designatione, id est, Patris, & Filii, & Spiritus Sancti, cognominatione, completur. Unde Dominus ad discipulos, Ite, inquit, [f] docete omnes gentes, baptizantes eos in nomine Patris, & Filii, & Spiritus Sancti. Quod quidem mysterium a secretis virtutibus, vel a sacris Sacramentum dicitur: quod ideo penes Ecclesiam fructuose agitur, quia sanctus in eo descendens Spiritus, eundem Sacramenti latenter operatur effectum. Unde seu per bonos seu per malos ministros intra Ecclesiam dispensetur, tamen quia

Spiri-

(a) Roman. III, 26.

(b) Jacob. I, 17.

(c) Joan. X, 30.

(d) Marth. III, 15.

(e) Ibidem.

(f) Marthæi XXVIII, 19.

Spiritus Sanctus mystice illud vivificavit, nec bonorum meritis amplificatur, nec malorum vitis attentatur: Quia neque [f] qui plantat, aliquid est, neque qui rigat, sed qui incrementum dat Deus. Unde & ipse minister super baptizatum non dicit, Ego sed Deus omnipotens Pater Domini nostri Jesu Christi, qui te generavit ex aqua, & Spiritu Sancto, quiue dedit tibi remissionem omnium peccatorum; ipse linivit chrismate salutis in vitam æternam. Qua in re perspicuum est, quia vita ministri nihil derogat his, qui de Spiritu Sancto concipiunt virtutem sanctificationis, presentem cum inter cæteros discipulos Judam, futurum Domini traditorem, baptizasse legamus; & cum rebaptizatos omnes a discipulis Domini fuisse, quos Joannes baptista in aqua baptizaverat, sciamus; nullum tamen, quem Judas baptizasset, iterato fonte ablutum reperimus. Nam si improba vita traditoris nocuisset baptizandis, nequaquam ille, qui omnes venerat salvare, pateretur in illo solo baptisma perire. sed quia malitia hominis non potest imminuere Divine opus virtutis, noluit repetere, quod homo ministraverat, Spiritus Sanctificaverat. Porro testante Divina Scriptura audivimus Reges Magnos fuisse in Jerusalem, qui administrabant res quasdam pertinentes ad Babyloniam, quosdam vero cives Babylonie administrasse res Jerusalem. Sic itaque novimus cives bonæ civitatis administrasse res malæ civitatis, & contra cives malæ civitatis administrasse res bonæ civitatis. Si ergo respublica bonæ civitatis per cives Babylonie sine sui corruptione administrari potuit; Quanto magis Sacramentum, quod vim sanctificationis per invisibilem Sancti Spiritus operationem concipit, a pravis ministris non corrumpitur, cum aliud sit, quod exterius agitur, exhibente ministro, aliud quod interius vivificatur, animante Spiritu Sancto; inde est quod cum Joannes in Evangelio diceret: Quia [g] audierunt Pharisei, quod Jesus baptizabat, quamvis ipse non baptizaret, sed discipuli ejus; in hoc quamdam operantis Dei, & administratorii officii discretionem voluit intelligi: Videlicet in eo, quod Jesum dicit baptizare, invisibilem Divine virtutis insinuat operationem; in eo vero quod subdidit, quamvis Jesus non baptizaret sed discipuli ejus. Non de operante virtute, sed de visibili exequenti administratione dictum intelligatur. Igitur in baptizandis fidelibus aliud

est, quod invisibiliter efficitur per Spiritum operantem, aliud quod visibiliter exhibetur per ministrum obsequentem.

Quod autem per materialem aquam baptismum datur, hæc ratio est. Voluit enim Dominus, ut res illa invisibilis per congruentem, sed profecto tractabilem rem, & visibile impenderetur elementum; super quod Spiritus Sanctus ferebatur in principio. Nam sicut per aquam purgatur exterius corpus, ita latenter ejus mysterio purificatur, & animus. Invocato enim Deo descendit Spiritus Sanctus de Cælis, & medicatis aquis sanctificat eas de semetipso, & accipiunt vim purgationis, ut in eis caro, & anima delictis inquinata mundetur. Et sic in morte Christi, & in resurrectione ejus, potentia baptismatis novam creaturam condit ex vetere, ut in resurgentibus, & mors Christi operetur & vita, dicente beato Apostolo: An [h] ignoratis, quia, quicumque baptizati sumus in Christo Jesu, in morte ipsius baptizati sumus; conspersi enim sumus cum illo per baptismum in morte, ut quomodo surrexit Christus per gloriam Patris; ita & nos in novitate vitæ ambulemus. Unde notandum, quia in baptismatis regula & mors intervenit interfectione peccati, & sepulturam triduanam imitatur trina demersio, & ab aquis elevatio resurgens instar est de sepulcro. Deinde vero sacri Chrismatis unctione perfunditur infans, ex cuius nomine Christus dicitur, & homo post lavacrum sanctificatur. Nam sicut in baptismo peccatorum remissio datur, ita per unctionem Spiritus adhibetur. Quæ licet carnaliter administraretur, spiritualiter tamen proficit: Sicut & ipsa baptismi gratia, visibilis actus est, quod in aqua mergimur; sed spiritualis efficitur, quod delictis mundamur. Manus impositio ideo fit, ut per benedictionem advocatus invitetur Spiritus Sanctus. Tunc enim paracletus post mandata corpora libens a Patre descendit, & quasi super baptismi aquam velat super pristinam sedem recognoscens quiescit. Nam legitur, quia in principio Spiritus [i] Dei ferebatur super aquas.

Hoc est primum nostræ reparationis Sacramentum, ad quod confirmandum Dominus nullus indigens remissione peccati, nec remedio renascendi, cum non haberet, quod aquis potuisset mundari, tamen ad Joannem aquis Jordanicis baptizandus sicut Evangelista docet, festinavit. Cui recusanti ait: Sine [k] modo,

(f) I. Corinth. III, 7.
(g) Joan. IV, 1.

(h) Rom. VI, 3.
(i) Genes. I, 2.

(k) Matth. III, 15.

do, sic enim decet nos omnem implere iustitiam. *Ac si diceret exemplum præbere omnis iustitiæ, ut videlicet discant omnes fideles, neminem posse absque baptismo iustificari, quamvis Innocenter ac iuste vivat.* Joannes vero ait : Et [1] ego nesciebam eum. *Ac si diceret, ignorabam eum primum : sed videns eum sibi retinere baptismum, intellexi, quia hic erat, qui baptizaturus erat in Spiritu Sancto; & [in] remissionem peccatorum sicut ipse dixit : Super [m] quem videris Spiritum descendentem, & manentem super se, ille est, qui baptizat in Spiritu Sancto.* Quare notandum est, quia impossibile est quemquam ad perfectum iustitiæ sine regenerantis aque mysterio aspirare, maxime cum opera iustitiæ hanc gratiam Cornelio Cæsariensi dare non potuerint, donec eum cum omni familia sua salutari unda Petrus innovavit, super quos Spiritus Sanctus ante baptismum inaudito præcunctis gratia exemplo cecidit, ut hanc manifestæ Dei virtute animatus Petrus regnum Dei gentibus aperiret, quem cum cæteris discipulis, ne in viam gentium abiret, Dominus ante monuerat.

Quod cum ita sit ; profecto in hoc vobis repugnare convincimini, quod Evangelica vos & Apostolica præcepta tenere dicitis, & his contraria prædicatis ; Nam & Evangelista refert, quia Iesus (n) venit, & discipuli ejus in Judæam, & ibi demorabatur cum eis, & baptizabat. Qui baptismi Sacramentum, & regenerationis potentiam sanxit, quando de latere ejus profluerent sanguis redemptionis, & aqua baptismatis. Unde Joannes Apostolus : Tres (o) sunt, inquit, qui testimonium dant in terra, Spiritus, aqua & sanguis. Petrus vero, cui primatum Ecclesiæ Dominus contulerat, dum credentium numerum promissus Sancti Spiritus replevit adventus, tria millia hominum sua prædicatione conversorum aqua baptismatis consecravit ; sicut Lucas testatur, dicens : His [p] auditis, compuncti sunt corde, & dixerunt ad Petrum, & reliquos Apostolos : Quid faciemus viri fratres ? Petrus vero ad illos : Pœnitentiam ; inquit, agite, & baptizetur unusquisque vestrum in nomine Jesu Christi, in remissionem peccatorum ; & accipietis Spiritum Sanctum. Aliis etiam pluribus verbis exhortabatur eos, dicens : Salvamini (q) a generatione ista prava. Qui ergo receperunt sermo-

nem ejus, baptizati sunt, & appositæ sunt animæ in illa die circiter tria millia. Paulus etiam, cujus vos doctrinam tenere profiteremini, Divinæ injuriæ penis affectus, ab Anania baptizatus est : qui & ipse postmodum Crispum, & Gajum, & Stephanæ domum se baptizasse dicit. Philippus etiam Eunuchum Candacis Reginæ ab Jerusalem redeuntem in aqua baptizavit, sicut liber Apostolicus indicat. Quam ab Apostolis traditionem Catholica adhuc servat Ecclesia.

Unde colligitur, quia quamlibet iuste, & innocenter quis videatur vivere, salvari tamen absque Divini fontis lavacro non possit. Verum utcumque originalis culpæ, aut propriæ actionis reatu teneatur adstrictus, tamen fonte renatus, mundus & totius peccati sorde purgatus, adeo innovatur, ut qui filius diaboli in fonte descenderat, filius Dei renatus ascendat ; quia filius prævaricationis descenderat, filius reconciliationis ascendat. Et ut cuncta colligam, qualem primum hominem ex virginea terræ massa finxit sapientia creantis, talem etiam hunc ex purificationis fontis utero produxit clementia Redemptoris. Quod contra infideles garrere solent, dicentes primum hominem si non peccasset, immortalitatis munere donatum, istum vero quamlibet iuste & innocenter vivat, nequaquam tamen posse mortis vitare iacturam, & ideo multum repugnare a vero, ut qualis ille fuerat factus a Conditor, talis & hic regeneretur ex fonte. Quam eorum repugnantiam facile est inflecti ad consequentiam, si quis Divinæ pietatis consilium considerare potuerit. Nam ex uno eodemque fonte Divinæ rationis descendit, & quod illum immortalem mirabiliter creaverat, & quod istum morti obnoxium misericorditer reformaverat. Porro facile fuerat istum immortalitatis gloria donari tanquam & illum, si fuisset in consilio creantis. Sed quia dum illum libera voluntas, & mortalitatis securitas decepit, per prævaricationis culpam traxit ad mortem ; istum, ne spe immortalitatis deceptus, temporalibus deliciis ardentius insistat, per inevitabilem mortis eventum invitat ad veram vitam. Quia vero ille mortis securus, auctore contempto, aurem aperuit suavori, & superbiæ (r) audaciam una petiit : hunc pietas Redemptoris voluit suspensum morte teneri, ut per humilitatis custodiam vitaret hostem, audiret conditorum, sicque ad superna conscenderet. Nihil igitur

(1) Joan. I, 31. 33.

(m) Ibidem V. 33.

(n) Ibidem III, 22.

(o) I. Joan. V, 8.

(p) Act. II, 37. 38.

(q) Ibidem V. 40.

(r) superbiæ, locus corruptus : forte & superbiæ audacia petiit.

igitur repugnat a vero, talem hunc regeneratum ex fonte, quem invitat ad vitam, qualem illum, si non peccasset, formatum, quem mox de immortalitate præsumptio coegit subire mortis ruinam.

Sed fortasse objicis mihi, quantum ei præstitit donata immortalitas, ex qua ruina causam venturam conditor non ignorabat. Multum quidem ei contulerat, ut videret, si sine peccato manere voluisset, & mortem non gustaret, & tam ipse, quam ejus progenies, Angelos semper haberet concives. Sed dum præceptum neglexit conditoris; ipsa sua libertate deceptus, a paradiso seclusus, in ignotis partibus sui generis posteritatem transposuit, atque penam, quam ipse prævaricationis reus exceperat, generando transmissit in posteros, de qua non potuisset erui, nisi eum Christus suo adventu revelasset; qui per novæ regenerationis mysterium, omne præteritum vitium sui baptismatis lavacro purgavit, & statum pristinae libertatis reformavit. Igitur ad vitanda improbi seductoris tentamina, cum primum parvuli, sive juvenes ad regenerationis veniunt Sacramentum, non prius vitæ fontem adeunt, quam exorcismis & sufflationibus Sacerdotum ab eis spiritus immundus abigatur: ut vere appareat quomodo princeps mundi hujus ejiciatur foras, & prius alligetur fortis, & vasa ejus diripiantur translata in possessionem victoris, qui captivam ducit captivitatem, & dat dona hominibus.

Quod si refugitis credere, ut qui parvulum fidei nescium, suæque salutis ignarum, nec regenerationis curam habentem, de fonte suscipiunt, eorum fides aut confessio illi puero nequaquam proficiat: consequitur, ut nec paralytico offerentium fidem profuisse credatis, de quo Evangelista dicit, quia videns (s) JESUS fidem illorum, dixit paralytico: Confide fili! remittuntur tibi peccata tua, sed nec illud recipiendum æstimabitur, quod in Evangelio legimus de muliere Chanaea, ut fides ejus ad impetrandam salutem filiae profuerit. Porro alius Evangelista dicit, quod offerebant Jesu parvulos, ut manus eis imponeret; & complexans eos, & imponens manus, benedicebat eos. Qua in re datur intelligi, quia non parvulorum fides, quæ adhuc nulla fuerat, sed offerentium fidelis credulitas, ut parvuli benedicerentur, obtinuerat, sicut Dominus dixit Centurioni, pro salute servi postulanti: Vade,

(t) & sicut credidisti, fiat tibi, & sanatus est puer in illa hora.

Deinde vos, qui nihil in sancta Ecclesia corporaliter gerendum arbitravimur, ut in hoc baptismatis mysterio, aqua, oleum chrismale, Sacerdotis officium, & cætera; quæ usque Catholica servat Ecclesia: vos, inquam, rogo, quid sibi vult illa materialis aquæ alluvio, quam lavandis pedibus invicem exhibere soletis? Nam si hoc ab Evangelio vos accepisse dicitis, ut quia Dominus discipulorum pedes lavans, hoc illis exemplum reliquisse legitur, & vos quoque hujus rei gratia facere vos invicem dicitis: stultum est, imo sacrilegum, cætera & multo majora repudiare, quæ ab ipso rerum auctore Domino sunt constituta, ab Evangelio enuntiata, ab Apostolis tradita, sine quibus nostræ salutis plenitudo non potest consistere: quæ quidem ipse Dominus, & ante resurrectionem & post resurrectionem Discipulis suis servanda instituit.

CAPUT II.

De Corpore & Sanguine Domini.

Fuerant certe satis, quæ de his dici poterant, si horæ suppeterent: sed quia dies ad occasum declivior ad propria quemque commonet redire; jam nunc his omissis, transitum faciamus ad illud sacrum, & immutabile Domini corpus & sanguinis Sacramentum, quod vos ad vestram confusionem, nisi respueritis, adversum Divinam & Apostolicam traditionem impugnantēs evertere tentatis. Quod quidem mysterium quale quantumcunque in se contineat pondus virtutis, impossibile est humanæ rationis intuitu perferuari. Quod anima ultra hominem est, infra sensum hominis non potest cohiberi. Non igitur sufficit illud facundia humana comprehendere: hoc enim illud sanctum & admirabile commercium, per quod terrenis cælestia junguntur, inferna spoliuntur, paradísus aperitur, homo exul antiquo horto relocatur: per quod etiam Angeli recognoscunt hominem concivem suum, & supra se positum adorant hominem Deum. Verum nos quia tempus commonet, quantum nostræ fragilitatis sensus percipit, illius, de quo loquimur, gratia confisi, edicimus.

Doctri.

(s) Matth. IX, 2.

(t) Ibidem VIII, 13.

*Doctrina catholica de Sacrificio
& Sacramento Eucharistiae.*

Sacrificium dicitur, quasi sacrum factum, quia prece mystica consecratur in memoriam pro nobis Dominicae passionis. Unde hoc ipso iubente corpus Christi & sanguinem credimus, quod dum sit ex fructibus terrae, sanctificatur, & sit Sacramentum, operante invisibiliter Spiritu Dei. Quod quidem ideo Sacramentum esse dixerim; quia tamquam viaticum nobis sit, introducens ad contemplationem aeternitatis. Cujus panis & calicis Sacramentum Graeci *Eucharistiam* dicunt, quod latine bona gratia interpretatur. Quid enim melius corpore & sanguine Christi? Quod quidem sacrificium, dum de pane & vino cum aqua mixto, ineffabili sanctificatione, cruce & verbis illius in altari consecratur; dumque passionis & resurrectionis ejus, atque in coelum ascensionis ibidem salutifera memoria agitur, verum ac proprium corpus ipsius Domini nostri JESU Christi, & sanguis verus ac proprius efficitur, quamvis aliud esse videatur. Videtur namque panis materialis, sed verissime efficitur corpus Christi, sicut ipsa eadem veritate attestante didicimus. Nam ipsa nocte, qua sponte per passionis mysterium corpus suum pro nobis in mortem traditurus erat, sicut Evangelista refert: *Accipit (u) panem, & benedixit, ac fregit, deditque Discipulis suis, dicens: sumite, hoc est Corpus meum. Similiter & calicem accipiens, benedixit, & dedit Discipulis suis, dicens: bibite ex hoc omnes, hic est calix novi testamenti, qui pro multis fundetur in remissionem peccatorum.* Quod vero subdit: *Hoc facite in meam commemorationem*, ad hoc retulit, quod per ministerium Sacerdotum quotidie a fidelibus fieri mandavit, dum passionis suae memoria agitur, & sub Sacramento communicandae carnis & sanguinis panis sanctus & calix consecratur. Ad hanc spiritalem alimoniam, ad hoc mysticum & divinum epulum nos Dominus invitat, tantamque necessitatem sumendi hujus alimenti nobis indicat, ut aliter in nobis vitam habere non possi-

mus, nisi carnem ejus manducaverimus, & sanguinem biberimus.

Sed fortasse aliquis nimis carnaliter hoc audiens objiciat, neminem posse vitam habere in semetipso, cum Christus carnem, quam proprio gestabat corpore, nemini edendam erogasse, sed perfectio & integro corpore caelum penetrasse legatur; aut certe, quod nefas dictu est, Dominum in hoc verbo culpam mendacii subiisse, cum multi vitam in se habere videntur, qui carnem, aut sanguinem ejus gustasse aliquando se non meminerunt. Quod nos, Deo volente, tali modo solvimus. Possunt quidem homines sine hoc cibo temporalem hanc vitam in praesenti saeculo habere; aeternam vero vitam habere nequeunt, quae solis fidelibus, carnem & sanguinem Christi digne sumentibus promittitur. Unde & ipse dicit: *Nisi (u) manducaveritis carnem filii hominis, & biberitis ejus sanguinem, non habebitis vitam in vobis: vitam videlicet animae, ipsum Christum, qui alibi dicit: Ego (w) sum via, veritas & vita.* Filium vero hominis se dicebat, cujus corpus quotidie per Sacerdotes immolatur in altari, de quo Apostolus ait: *Panis (x) quem frangimus, nonne corpus Domini est? Et calix, cui benedicimus, nonne communicatio sanguinis Domini est?* Unde cum Dominus diceret: *Ego (y) sum panis vivus, qui de caelo descendi: si quis manducaverit ex hoc pane, vivet in aeternum, litigabant Judaei, ad invicem dicentes: Quomodo potest hic nobis dare carnem suam ad manducandum?* Non enim hunc panem intelligebant, audientes carnem exhorrescebant; non enim erant membra Christi, idcirco scandalizabantur in carne Christi. Sed & cum Discipuli verba ejus carnaliter accipientes dicerent: *Durus (z) est hic sermo, quis potest eum audire?* Respondit Dominus: *Hoc (a) vos scandalizat? si ergo videritis filium hominis ascendentem, ubi erat prius; suspensa & quasi defectiva oratio fuit.* Putabant enim Discipuli, Christum carnem, qua indutus erat, particulatim incisam credentibus distributurum, & quasi hoc contra naturam esset hominum (videlicet humanam carnem in cibum sumere) quasi de

(u) Matth. XXVI, 27.
Marc. XXII, 19. 23. 24.
Luc. XXII, 19. 20.

(v) Joan. VI, 54.
(w) Ibidem XIV, 6.
(x) I. Corinth. X, 16.

(y) Joan. VI, 51. &c.
(z) Ibidem v. 61.
(a) Ibidem v. 62.

de re difficillima & impossibili dixerunt: *Durus est hic sermo, quis potest eum audire?*

Unde & Dominus: *Sed, inquit, videritis filium hominis ascendentem, ubi erat prius: subaudiendum, tunc videbitis, quia non eo modo, quo putatis, meam carnem credentibus distribuo, sed spiritali gratia me illis dando, ipsos in meum corpus transfundo. Et hæc gratia non consumitur moribus, nec dentibus teritur, sed interioris hominis palato, hoc est, ratione & intellectu mentis percipitur. Unde & communio Dominici corporis, sicut supra diximus, græco quidem, sed latinis usitato sermone, Eucharistia, id est, bona gratia appellatur. Videtur enim sanctus ille panis, quo corpus Domini consecratur, & visibiliter ore percipitur; sed virtus Dei verbi, id est, divinitas, qua anima percipientis sanctificatur, videri non potest. Ascendit ergo Christus perfecto corpore suo, & reliquit nobis Sacramentum corporis sui. Denique, ne putarent, sibi in isto cibo & potu sic promitti vitam æternam, ut jam nec corpore morerentur, cum dixisset: *Qui (b) manducat meam carnem; continuo subiunxit: Et ego resuscitabo eum in novissimo die.* Nam qui digne Christi carnem comedit, & sanguinem ejus bibit; licet mortuus corpore, habet interim secundum spiritum vitam æternam. Quod vero ad corpus attinet, nec ipsum vita æterna fraudabitur, quia resuscitabitur in novissima die, ultra jam non moriturum. Hoc igitur modo veritatis sermo sine culpa mendacii fuit, dicens, neminem vitam in se habere, nisi qui communicandæ carnis ejus & sanguinis spiritalibus alimentis pasceretur.*

Poterat vero illud infirmis auditoribus huic sententiæ contrarium videri, quod subditur: *Caro (c) non prodest quicquam*, cum superius nullam vitam habere in se dixisset sine perceptione carnis suæ: sed ita intelligendum est; si carnaliter verba mea intelligere vultis, ut sic carnem meam, sicut alium cibum manducetis, caro nihil vobis prodest.

Quis enim potest ita suum corpus per tot Ecclesias in toto orbe diffusas distribui, per tam innumerabiles populos, & longa tempora, singulis diebus,

singulis hominibus sumendum distribui, & nunquam deficere?

Quo contra vobis respondemus, dum fidem Evangelicam, & traditionem Apostolicam vos fateri audimus. Verbum, quod in principio erat apud Deum, id caro factum in fine temporum, quomodo totum cum Patre fuit semper, & totum se clausit in utero Virginis? Si totus in virgine, quomodo totus cum Patre? Sed audi tantæ virtutis mysterium. Ascensurus in cælum Dei filius, discipulis pro discessu ejus sollicitis, promittit se mansurum cum eis omnibus diebus usque ad consummationem sæculi, quibus paulo ante prædixerat se ire ad patrem. Quod quidem refugere credere humanus intellectus, nisi virtus discretionis adhibeatur. Homo namque corpore circumscriptus in loco manere, & a loco discedere, nisi per successum temporis, non potest. Æterna vero Dei essentia sicut nec tempore angustatur, ita nec loco constringitur; sicut enim semper est, ita semper ubique est. Manere igitur ejus est, nulli omnino loco deesse; redire vero, est, corpus in terris sumptum ab eis subtrahere. Manere ergo cum illis, & ire ad patrem se dicebat, cum corpus, quod corruptibile induerat, jam incorruptionis gloria sublimatum ad cælos evehit, & per Majestatis præsentiam, ubique se cum illis mansurum promittit. Qui ergo ad patrem, cum quo semper est, ivit, & cum discipulis mansit, non impossibile est corpus, quod æternum & incorruptibile est, & in cælis servare, & in terris communicandum nobis corporis sui Sacramentum præbere.

Quod vero in tot partibus, temporibus, populis, hominibus quotidie sumptum, & non imminutum obiectis, nullum incredulitatis scandalum parit, si quis fidei oculis intueri velit, quod ait Dominus, dum porrigeret illis panem & calicem, dicens: *Hoc facite in meam commemorationem.* Semel namque Christus passus, semel mortuus, quotidie in Ecclesia nobis patitur, quotidie nobis moritur, dum ipso jubente Sacrosanctæ passionis ejus memoria agitur, & per Sacerdotum ministerium salutaria corpora-

(b) Ibidem v. 55.

[c] Joan. VI, 64.

corporis ejus, & sanguinis myſteria renovantur. Quæ inviſibiliter eodem Spiritu vivificantur, quo operante in utero Virginis Incarnatus eſt Dei Filius. Quod quidem ex verbis beati Andrea Apoſtoli intelligi datur, cujus vos doctri- nam inter cæteros Apoſtolos imitari proſitemini; qui cum ad ſacrificium idolorum compelleretur, ait: " Omnipotenti Deo, qui unus & verus eſt, ego omni die ſacrifico, non thuris fumum, nec taurorum mugientium carnes, nec hircorum ſanguinem, ſed Immaculatum ſanguinem quotidie in Altari crucis ſacrifico. Cujus carnem poſteaquam omnis populus credentium manducaverit, & ejus ſanguinem biberit; Agnus, qui ſacrificatus eſt, integer perſeverat, & vivus. Et cum vere ſacrificatus ſit, & vere carnes ejus manducatae ſint a populo, & vere ſanguis ejus ſit bibitus; tamen, ut dixi, integer permanet, & immaculatus, & vivus. Interrogante vero Aegea, quomodo fieri poſſet, ut occiſus viveret Agnus, ſacrificatus vero & comeſtus, quomodo integer, & Immaculatus permaneret: Apoſtolus reſpondit: " ſi diſcipuli formam imitatus crederet, facile ad diſcendum; ſin autem, ad indaginem veritatis non poſſe attingere. Quod & vobis quoque impoſſibile erit intueri, niſi depoſito incredulitatis rigore, formam, fidemque diſcipulorum receperitis. Verum quia hoc fidei oculis intue- dum docuimus, ſi quem magis viſibilia ædificant, quam inviſibilium virtus accendat, pauca de multis edicimus, quæ Dominus ad corroborandas mentes carnalium, oculis carneis contruenda, de hoc ipſo corporis ſui, & ſanguinis Sacramento dignatus eſt oſtendere.

Tempore namque, quo beatus Gregorius Romanæ Eccleſiæ Paſtorali curæ deſerviebat, quædam materfamilias religionis ſtudio oblationes facere, & ſummo Pontifici ad Eccleſiam familiariter offerre conſueverat. Quæ cum ex more quadam die ad communicandum de manu Epifcopi ordine ſuo accederet; & illi Pontifex Dominici portionem corporis porrigeret, dicens: " Corpus Domini noſtri Jeſu Chriſti proſit tibi in remiſſionem peccatorum, & vitam æternam; ſubſiſit. Quod viſ Dei in-

tuens, communionem retraxit, & ſeparatim ſuper Altare repositam, Diacono ſervandam, dum cæteri communicarent tradidit. Expletis vero ſacris myſteriis Epifcopus riſus cauſam requirit. At illa reſpondit, recognoſſe ſe partiunculam illam ex oblatione, quam propriis manibus factam Epifcopo obtulerat, & quia corpus Domini eam dixerat, in riſum ſe excitatam. Unde facto verbo ad populum, Epifcopus omnes in commune orationem ad Dominum fundere hortatur, ut ad corroborandam fidem multorum, maniſeſto ſuæ virtutis indicio mulieris incredulitatem compeſceret. Quod & factum eſt. Surgentibus autem cunctis ab oratione, & ad decernendum cœleſte ſpectaculum comprimentibus, Dominus Epifcopus corporalem palam revelat, & univerſo populo & muliere con- tuente, partem digiti auricularis, ſanguine cruentatam invenit, & converſus ad mulierem dixit: " Vel nunc experta divinæ vir- tutis miraculum, ne differas audire ve- ritatem dicentem: panis, quem ego do, caro mea eſt, & ſanguis meus vere eſt potus. Sed præſcius conditor in- firmitatis noſtræ, poteſtate, qua cuncta fecit ex nihilo, & corpus ſibi ex carne Virginis, operante Spiritu Sancto, fabricavit, panem, & vinum aqua mixtum, propria manente ſpecie, in carnem, & ſanguinem ſuum ad Catholi- cam precem, ob reparationem noſtram, Spiritus ſui Sanctificatione convertit. Denique omnes ruſum in orationem proſtrati, divinam potentiam exorant, ut ſanctum Myſterium in priſtinam formam convertat, quatenus ad ſumendum mulieri fiat poſſibile. Quod & factum eſt. Conſequuta igitur mulier Dominici corporis participationem, poſtea in Sancta Religione & Fide, & omnes qui aderant, in amore Chriſti, & credulitate ferventes proficiebant.

Alio quoque tempore quidam vir nobiliſſimus, atque juxta ſæculum potentiffimus, a beato Gregorio reliquias beatorum Apoſtolorum, & Martyrum petiit ſibi transmitti. Erat enim Epifcopo familiaris, & erga Dei cultum per admonitionem ejus ſufficienter imbutus. Honorifice igitur legatos ſuſcipiens, aliquamdiu morari fecit. Memorias igitur apoſtolorum, & martyrum pro hujusmodi negotio agens, dum reliquias conſecran-

do Missarum solemnia expleſſet, particulatim pannos, ſuper quibus ſancta cebra-
verat, dividit, & ſingulis ſingulatim
buxtis impoſuit, quas ſigillo munitas
legatis tradit: & ſic proficiſcuntur. Qui
dum iter carperent, & quid ſecum fer-
rent, ignorarent; cœperunt curioſius
ſe ipſos reprehendere, quod, quid Do-
mino portabant, penitus ignorarent.
Quid longius moramur? Fractis ſigillis,
& buxulis, nihil aliud, niſi pannos
contemplantur. Indignati igitur Ro-
mam redeunt, accuſantes Episcopum,
quod ſui Domini petitionem, & ſui iti-
neris laborem tam parvi æſtimaret, ut
pro reliquiis pannos ei miſſet, tam-
quam hujusmodi genus apud ſe non in-
veniri poſſet. Quorum ſtultitiam Epiſ-
copus patienter ferens, eos celebrandis
Myſteriis jubet intereſſe. Ut autem ad
locum ſermonis ventum eſt, ſuadet po-
pulo, Dei gratiam, & Sanctorum ex-
orare; ut ſuæ virtutis poteſtatem in
hac re dignetur oſtendere, quatenus
quid fides mereretur, ignorantes agnoſ-
cerent. Data igitur oratione, & ab eo,
qui ſigna fregerat, accepto cultello,
ſuper Altare Sancti Petri unum ex pan-
nis per medium pungens ſecavit, ex
quo, viſu mirabile! ſanguis deſluens,
omnem eandem panni particulam cru-
entavit. Stupentibus legatis, & cate-
ris, qui aderant, ſuper arcanum Sa-
cræ Fidei miraculum, dixit ad eos bea-
tus Episcopus, qui ſacras reliquias par-
vi duxerant: Scitote fratres, quia in
conſecratione Dominici corporis, &
ſanguinis, cum ob ſanctificationem reli-
quiarum in honore Apoſtolorum, &
Martyrum Chriſti, quibus ſpecialiter
aſſignabantur, ſupra ſanctum Altare
libamina offerebantur, ſemper illorum
ſanguis hos pannos intravit, qui effuſus
eſt pro nomine Domini noſtri Jeſu Chri-
ſti. Sic itaque ædificatos in fide legatos
Sanctus Gregorius ad Dominum ſuum
gaudentes remiſit.

Penſate igitur, ſi ſanguis Martyrum
Chriſti in eorum memoria pannos intra-
vit; quanto magis ſanguis Chriſti, &
corpus in ſe tranſformat panem ſanctum
& vinum, quoties Dominicæ paſſionis me-
moriam agit. Super eſt aliud dicendum,
quod quidem mirificum, & ad increduli-
tatem malorum conſutandam eſt pro-
ficuum.

K 3

Quidam vir virtute venerabilis
PLEXIS nomine, Monachorum gre-
gem cura pervigili ſervabat: cujus de
virtutibus, & miraculis eſſet ſatis ad
loquendum. Sed quod ad præſens ne-
gotium atinens utiliter occurrit, unum
audite. Hic dum quadam die ex more
Sacroſancto Altari humili devotione ad-
ſtaret, & Miſſarum ſolemnia celebrans,
Dominici corporis, & ſanguinis vene-
randa myſteria conſecraret: Ut ventum
eſt ad horam fractionis, vidit ſubito,
quod & fideliter credendum, & cre-
duliter ſit admirandum, id eſt, ſan-
ctificati panis portionem in infantem
transformari, & Angelum Domini par-
ticulatim ipſum dividere; manifeſto
veritatis indicio, quia verum Chriſti
corpus & ſanguis eſt, quod ſub Sacra-
mento communicandæ carnis, & ſan-
guinis de Altari ſumimus. Sæpe etiam,
dum hæc Sacra Myſteria celebrantur,
viſum eſt a pluribus Angelorum choros
menſam Altaris, in quo ſancta conſe-
crantur, ambire, tamquam milites in
obſequio ſui Regis adſtantes.

Talibus dictis Domini Episcopi,
omnes, qui circumſtabant fideles, lacry-
mis obortis, Dei virtutem, & Dei mi-
ſericordiam laudabant. Et converſus ad
eos, qui adſtabant hæretica pravitate
ſubduſti: Dicite, inquit, ſi quid ha-
betis, quo hæc reſellenda arbitremini.
At illi gravitate verborum, & celeſti-
um virtute magnalium ſtupefacti, vultu-
busque demiffis quandam pœnitudinis
ſimilitudinem præferentes, & ex alto
ſuſpirantes, gemitum una dederunt,
dicentes: nihil hic ſe, niſi divinum audi-
re, & quod ſe mutos, & pene elin-
gues faceret. Corruentesque in terra,
tunſis peſtoribus culpam ſatentur. Ele-
vantes autem (vocem) Dei ſe patienti-
am dicunt admirari, qui tamdiu eos ad
ignominiam Chriſtiani nominis tolera-
verat: nullam ſui erroris veniam poſſe
ſperare, qui tanto incredulitatis profun-
do non ſe ſolos immerſerant, ſed &
alios quamplures ejusdem ruinæ præci-
picio necaverant. Quibus Episcopus
ait: qui lapſis huc uſque veniæ ſemi-
tam interdixiſtis, nec ullum in pœni-
tentia reconciliationis fructum ſperan-
dum judicaſtis, durum eſt id vobis ſpe-
ſtare ab eo, qui peccantes vocat in
pœnitentia, & gaudet potius ſuper uno
pœni-

pœnitente, quam supra nonaginta novem iustis; nisi melioris fidei pretio id ab eo studueritis quærere, qui certe pœnitentibus semper suæ misericordiæ finem paratus est aperire. Si autem perfidiae vestrae duriciam Catholicæ fidei perceptione rejicitis, & deposito incredulitatis rigore fidei Christianæ documenta suscipitis, confidenter vobis a Deo veniam promitto.

CAPTUT III.

De Sancta Ecclesia, quæ est domus Dei.

Sed latere in vobis adhuc quasdam infidelitatis tenebras sentio, quas dum in cordibus vestris manere permiseritis, nullam supernæ lucis visitationem sperare potestis. Hæ sunt enim tenebræ, quæ vos infidelitatis cæcitate damnatos contra Dei Ecclesiam erigere, & domum Dei vivi ignominiosis verborum ictibus impugnare faciunt, dicentes, in templo Dei nihil esse, quod sit aliquo cultu religionis dignum magis, quam proprii domicilii cubiculum, nihilque in eo sanctum, præter cæmenta & lapides, artificum opere digestos: sed & mensam Domini, in qua corporis & sanguinis ejus libamina offeruntur, nullum in se aliud, præter acervum lapidum, retinere Sacramentum. De quibus si ea, quæ paulo ante de corpore & sanguine ejus præmissimus, fideliter tenentur, nihil est, quod humana mens jure dubitare possit. Sicut enim Dominus & Redemptor noster in his sacrificandis mysteriis, quibus ex rebus conficerentur specialiter, quibusve ministris consecrarentur, elegit, id est, in Ecclesia sancta, quæ domus Dei specialiter appellatur, quia veri sacrificii extra Catholicam Ecclesiam non est locus. Hic enim (locus) divinis cultibus agendis est consecratus; de quo ipse Dominus ait: *Domus (c) mea domus orationis vocabitur.* In hoc enim quadragesimo suæ nativitatis die puer cum hostiis offerri voluit: in hoc eum Simeon longi desiderii compos suscepit: In hoc Anna Prophetissa Redemptorem Israël cognovit: cui quidem ad insigne sancti propositi & vidualis castimonie constan-

tiam hoc singulariter ex evangelica lectione crevit in laudem, quod non discedebat de templo. Denique Dominus duodennis puer, ignorante matre & cognatis, remansit in templo. Unde ipse requirentibus ait: *Quid (d) est, quod me quærebatis? Nesciebatis, quia in his, quæ Patris mei sunt, oportet me esse?* Appropinquante vero hora passionis suæ, Jerosolymam adiens, statim intravit in templum, formam nobis religiosæ conversationis, quam sequi debeamus, ostendens, videlicet, ut cum oppidum, aut castellum, sive aliquem locum, ubi domus orationis Deo sit consecrata, ingredimur, prius ad illam festinare debemus, ubi orationis nostræ vota solventes, nosmetipsos Deo commendemus. Ingressus igitur in templum, cepit ejicere vendentes in eo & ementes, dicens: *Domus mea domus orationis est.* Domus illa Dei ad hoc a Salomone primum, & postea a Jesu Sacerdote, & Zorobabel constructa fuerat, non quod Deus in manufactis templis habitet; sed ut ibi nomen ejus invocaretur, ibique devotæ plebis orationes audiret, vota susciperet, munera & orationes acceptaret. De quo paulo post Evangelista dicit: *Quia (e) accesserunt autem cæci & claudi, & curavit eos in templo.* Ejectis namque indignis, & profanatoribus templi, cæcos & claudos in eo sanavit: non quod in platea, aut civitate curationis ei gratia defuisset; sed certa causa mysterii suæ virtutis potentiam exercuit; ut profecto ostenderet, præter Ecclesiam nemini locum patere salutis, (&) istum esse locum, in quo uberius divina beneficia quærentibus donantur. In hoc publicanus peccator advenit, justificatus rediit. De hoc etiam dicit liber Apostolorum, quia *quotidie (f) perdurabant unanimiter in templo.* Et paulo post: *Petrus (g) & Joannes ascenderunt in templum ad horam orationis nonam.* De hoc Dominus dicit: *Duo (h) homines ascenderunt in templum, ut orarent.* Porro infirmus, quem diuturno languore tabescentem, Dominus sanaverat super probaticam piscinam, suæ salutis autorem nequaquam agnoscere potuit in turba sedentem, donec eum JESUS invenit in templo, ibique se recognosci voluit: aper-

(c) Luc. XIX, 46.

(d) Ibidem II, 49.

(e) Matt. XXI, 14.

(f) Act. II, 46.

(g) Ibidem III, 1.

(h) Luc. XVIII, 10.

aperte docens, ut si gratiam conditoris nostri cognoscere, & ad ejus visionem desideramus pervenire, confugiamus devoti ad templum Dei, ubi illi de perceptis beneficiis gratias agere, & de percipiendis exorare satagamus, nosque ipsos templum Dei, in quo misericorditer venire, & mansionem facere dignetur, præparare curemus.

Hæc semper familiaris fuerat consuetudo Domini, ut in quamcunque civitatem introisset, statim diverteret in templum. Unde Joannes Evangelista: *Perrexit JESUS (i) in montem Olivæ, & diluculo iterum venit in templum.* Et Lucas Evangelista: *Intravit (k) JESUS secundum consuetudinem in synagogam, & surrexit legere.* Ubi audis synagogam, templum intellige, ubi conventus Judeorum erat. Hæc semper Domino sedes gratissima fuerat, adeo, ut in eam semper ingrediens, sermonem facere ad populum, ac divinitatis suæ Sacramenta pandere dignaretur. Unde licet nullum locum vacare a præsentia Majestatis ejus sciamus, in hac tamen præsentius, atque uberius suæ gratiæ beneficia petentibus tribuit, ubi corporis ejus & sanguinis sacrosancta myſteria celebrantur, & laudes divinæ, & vota solvuntur. In templo Dominus Salomoni in nube gloriæ suæ apparuit, dicens: se ibi petentibus daturum cujuscunque tribulationis, & angustiae remedium, & contra tempestates & mortalitatem, adversus gladium & famem, siccitatem & omnem intemperiem aeris, quidquid ibi a petentibus quæreretur, effectum Dei gratia præstaret. Quotidie certe Dominus sanctam spiritualiter intrat Ecclesiam, non quod ibi altitudine murorum, aut varietate pavimentorum delectetur; sed quia ibi sit conventus fidelium: ibi grates pro largitis beneficiis a fidelibus accipit: Hymnos & Cantica spiritualia, & devotæ laudis sacrificia suscipit, & sancta corporis sui & sanguinis sui commercia tribuit. Postremo Lucas ad Theophilum scribens, ait: quia Dominus JESUS post (l) passionem suam discipulis se ipsum vivum præbuit in multis argumentis, per dies quadraginta apprensus eis, & loquens de regno Dei. Quid est loqui de regno Dei, nisi de statu Ecclesiæ, quæ regnum dicitur Dei, ordinare?

Igitur quod congestis lapidibus domum Dei, quam nos Ecclesiam nominamus, fabricatam, nihilque sanctum ex ea lapidea materia trahere in se contenditis, & ideo nihil differre, quin in domiciliis, & privatis mansionibus vestris orationes factæ tantum valeant, quantum & in templo Sancto Dei; adversus hæc considerare oportet, cur Dominus tanto cultu tabernaculum fœderis sibi per Moysen jussit fieri, in quo post habitis cæteris omnibus locis, specialius gloriæ ejus apparuerat, ibique singulariter in rebus dubiis consultus, judicia & legem filiis Israël exposuerat. Unde & Apostolus ad Corinthios ait: *Namquid (m) non habetis domos ad manducandum, & bibendum, aut Ecclesiam Dei contemnitis.* Et paulo post: *Itaque [n] fratres mei, inquit, cum convenitis ad manducandum, invicem expectate. Si quis autem esset, manducet, ut non in judicium conveniatis.* Monstrante itaque Paulo, propterea convenimus ad Ecclesiam, ut oremus, & manducemus cœnam Domini. Duo audistis, cur conveniat populus ad Ecclesiam: unum ex antiqua traditione, ut judicia rerum, & cognitiones accipiat: alterum ex novo Testamento, ut manducet corpus Christi. Utraque enim quærimus ad Ecclesiam, scilicet, ut in ea audiamus judicia nostra mala, sive bona, & cognitionem Dei, & ut manducemus corpus Christi. Quia vero quidam viri comam nutriebant, & mulieres nudato capite procedebant in Ecclesiam, gloriantes in orinibus, quod non solum inhonestum erat, sed etiam concupiscentiæ fomenta præstabat; ab hac consuetudine Apostolus eos compescens, dicebat: *Decet [o] mulierem non velatam in Ecclesia orare Deum? Nec ipsa natura docet vos, quod vir quidem, si comam nutriat, ignominia est illi; mulier vero si comam nutriat, gloria est illi?*

Denique beatum Urbanum martyrem [si vere Martyres creditis debere imitari] audire vos oportet, qui domum sanctæ Cæciliæ sanctæ Ecclesiæ nomini dicavit. Unde Doctor egregius Augustinus in Psalmo LXXX. "Hæc, quæ extruuntur ad tempus, ad recipiendâ corpora, vel vivorum vel mortuorum, necessaria sunt, sed temporis prætereunt.

(i) Luc. IV, 16.

(l) Act. I, 3.
(m) I. Corinth. XI, 22.

(n) Ibidem v. 33-34.
(o)

"eunt. Numquid post iudicium Dei
 "istas fabricas in cœlum levabimus? Si-
 "ne his tamen hoc tempore, quæ ad
 "possidendum cœlum pertinent, agere
 "non poterimus. Porro ipsa domus id-
 circo vocabulum habet Ecclesiæ, quia
 continet Ecclesiam, id est, populum
 convocatum ab eo, qui facit unanimes
 habitare in domo. Quæ ideo sanctifica-
 tur ab Episcopo, ut in ea velit esse ad-
 ventus Angelorum, & homines in eam
 introeuntes ab omni turpiloquio, &
 scurrilitate, & inutili cogitatione norint
 se continere. Audiant, qui intrant Ec-
 clesiam, quod audivit Moyses, quando
 voluit visere rubrum ardentem: & Do-
 minus, *Ne (p) appropies*, inquit, *huc*:
solve calceamentum de pedibus tuis; locus enim,
in quo stas, terra sancta est. Et Angelus
 ad Josue: *Solve*, inquit, *calceamen-*
tum de pedibus; locus enim, in quo
stas, terra sancta est. Et Apostolus ait:
templum (q) enim Dei sanctum est, quod
estis vos. Intrantes igitur domum Dei,
 Ecclesiam, ubi Dominus, & Angeli
 ejus sunt, oportet nos exuere mortuæ
 actionis calceamentis, & cogitare de
 conversatione Angelorum, & de præ-
 sentia Majestatis Dei, & assiduis Hym-
 nis & Psalmis spiritualibus invocare no-
 men Domini, ut illud compleatur in
 nobis, quod ait Psalmista: *Confirma (r)*
hoc, Deus, quod operatus es in nobis a templo
sancto tuo, quod est in Jerusalem.

CAPUT IV.

De sacro Altari.

Quod autem de mensa Domini, &
 de materiali structura ejus, fabulas fingitis,
 quod nihil aliud sit, nisi acervus lapi-
 dum, & ideo inani religionis officio illam
 venerari: non est vox ista hominum,
 sed diaboli; cum nullus sit locus in orbe
 alius, ubi legitime veneranda corporis
 ejus & sanguinis libamina queant sancti-
 ficari. Nescit enim crucis pretium, qui
 non credit manere in altari cœleste my-
 sterium. Altare de terra Dominus per
 Moysen sibi fieri instituit, super quod
 holocausta & sacrificia offerri debuissent:
 de quo liber Leviticus testatur, quia

præceperat eidem Moyse Dominus, ut
 poneret Sacerdos, qui unctus erat, de
 sanguine hostiæ super cornua altaris thy-
 miamatis gratissimi Domino, quod erat
 in tabernaculo testimonii. Quod qui-
 dem altare in tabernaculo novo, id est,
 in sancta Ecclesia, imaginem corporis
 Christi & sepulcri tenet, in quo sanguis
 vere agni, & immaculati Christi quotidie
 a fidelibus immolatur, qui seipsum pro
 nobis obtulit hostiam Deo Patri. Hoc
 quidem primo a Patriarchis, postea sicut
 diximus, a Domino per Moysen conse-
 cratum est. Nam legimus, quia Noe
 post diluvium *edificavit [s] altare Domino,*
& tollens de pecoribus & volucris mundis,
obtulit holocausta super eum, odoratusque est
Dominus odorem suavitatis. Similiter &
 Abraham, Isaac & Jacob. Qui Jacob
 egressus de Bersabee, vidit scalam a
 terra cœlos usque eminentem, per
 quam Angelos Dei ascendentes, &
 descendentes, ipsum etiam Dominum
 loquentem sibi, vidit. Qui mane ex-
 urgens: *Vere*, inquit, *(t) Dominus est*
in loco isto, & ego nesciebam. Pavensque,
quam terribilis est, inquit, *locus iste: non*
hic est aliud, nisi domus Dei, & porta Celi.
Surgens ergo mane tulit lapidem, quem sup-
posuerat capiti suo, & erexit in titulum;
fundensque oleum desuper, vocit Domino, ibi-
que decimas, & hostias obtulit: ad cu-
jus instar adhuc in sancta Ecclesia oleo
sacro Altaria perunguntur. De hoc Do-
 minus in Evangelio dicit: *Si (u) offers*
munus tuum ad Altare, & ibi recordatus fue-
ris, quod frater tuus habet aliquid adversum
te; relinque ibi munus tuum. Et alibi: *Quid,*
inquit, (v) majus est, domum, an Altare,
quod sanctificat domum? De hoc Lucas ait:
Quia dum (w) Zacharias Sacerdotio fungere-
tur in templo, Angelus Domini apparuit ei,
stans a dextris Altaris incensi. Et Joannes
 in Apocalypsi: *Vidi*, inquit, *(x) sub Al-*
tare Dei animas interfectorum. Et iterum:
Alius [z] Angelus venit, & stetit ante Al-
tare, habens thuribulum aureum, & data
sunt ei incensa multa, ut daret de orationibus
sanctorum super Altare, quod erat ante thro-
num. Et paulo post: *Accepit*, inquit,
 (a) *Angelus thuribulum, & implevit illud*
de igne Altaris.

De

(p) Exod. III, 5.

(q) I. Corinth. III, 17.

(r)

(s) Genes. VIII, 20. & 21.

(t) Ibidem 28, 16, & seq.

(u) Matth. V, 23.

(v) Ibidem XXIII, 19.

(w) Luc. I, 11.

(x) Apocal. VI, 9.

(y) Ibidem VIII, 3.

(z) Ibidem v. 5.

De Thymiamate.

Quoniam de sacro altari verbum facientes, thymiamatis quoque & incensi mentionem fecimus, quorum usum & in cœlis angelico ministerio, & in terris per antiquos & novos Patres observari legimus, talem ex hoc divinæ institutionis auctoritatem habemus. Porro inter cætera, quæ ad cultum tabernaculi faciendi Dominus constituerat, hæc quoque iussit Moyse, dicens: *Facies (b) mihi altare ad adolendum thymiana de lignis Setim.* Et iterum: *Pones (c) altare contra velum, quod ante arcam pendet coram propitiatorio, ubi loquar tibi, & adolebit incensum super eo.* *Auror, suave flagrans mane, Quando componet lucernas, incendet illud, & quando collocat eas ad vesperum, uret thymiana sempiternum Domino.* Dehinc in sequentibus ait: *Sume (d) tibi aromata, & stacten, & onyca, galbanum quoque boni odoris, & thus lucidissimum, ... faciesque thymiana compositum opere unguentarii mixtum diligenter, & purum, & sanctificatione in remissionem, prædicare (e) annum Domini acceptum, & diem retributionis.* Et paulo post intendentibus in eum dicit: *Quia (f) hodie impleta est hæc scriptura in auribus vestris.* Sed & Paulus, qui semper a veteribus nos docet transire ad nova, multa de Moyse & Prophetis & Psalmis suis scriptis inserit, ut est illud in Genesi: *Factus (g) est primus homo Adam in animam viventem.* Quid igitur? Numquid vetus testamentum reprobasse dicendus, qui in Epistola ad Hebræos ita scribit: *Tabernaculum (h) factum est primum, in quo erant candelabra, & mensa, & propositio panum, quod dicitur sancta: post velamentum autem secundum tabernaculum, quod dicitur Sancta Sanctorum, aureum habens thuribulum, & arcam testamenti circumtectam omni parte auro. & cætera, quæ in eadem Epistola de veteri testamento prosequitur.*

Igitur nos sanctorum Patrum exempla servantes plurima ab illo veteris

observantiæ cultu in ministerium novi testamenti per ministros Ecclesiæ tractanda, Apostoli & eorum successores transtulerunt, ut est hæc ipsa, de qua loqui incœpimus, sacri chrismatis atque olei unctio, de qua olim Sacerdotes & Reges, iubente Domino, ungebantur. Nam in Exodo scriptum est, ut populi offerant oleum, dicente Domino: *Præcipe (i) filiis Israel, ut offerant tibi oleum de arboribus olivarum purissimum.* Nam ut ipse Isidorus ait: *Olea ipsa arbor est, fructus oliva, succus oleum.* Est autem olea arbor pacis insignis, & habet pinguedinem, qua lassi atque infirmi artus recreantur, & gratia præstatur luminis; cuius succus, dum offertur a populo, simplex liquor est, per benedictionem vero Sacerdotum transfertur in Sacramentum, sicut de aqua baptismatis ante docuimus. Animales autem hæc non possunt percipere, sed fides sapiat, quod carnei oculi non possunt contemplari, ut fiat illud, quod ait Apostolus: *Invisibilia (k) ipsius a creatura mundi per ea, quæ facta sunt, intellecta conspiciuntur; semperpiterna quoque ejus virtus, & divinitas.* Unde Beatus Augustinus in Psalmo XLIV. explanat: *oleum visibile in signo est, oleum invisibile in Sacramento est.* Oleum spirituale invisibile est. Potest Deus per se oleum spirituale tribuere sine corporali, sed propter animales aguntur visibilia, ut invisibilia facilius capiantur. Apostoli denique hac arte olei utebantur in redintegratione infirmorum & Apostolici viri in significatione neophytorum. Sic enim scriptum est in Evangelio: *Exeuntes (l) prædicabant, ut penitentiam agerent, & demonia ejiciebant, & ungebant oleo multos infirmos & sanabant.* Unde ait Apostolus Jacobus: *Infirmatur (m) quis in vobis? inducat Presbyteros Ecclesiæ, & orent super eum, ungentes eum oleo in nomine Domini; & si in peccatis fuerit, dimittentur ei.* Unde patet & ab ipsis Apostolis hunc sanctæ Ecclesiæ morem traditum

[b] Exod. XXX; 1.

[d] Ibidem v. 34.

[e] *Prædicare.* Hic deesse non pauca miror Acherium non intellexisse. Nam ex sequentibus liquet, Gerardum, cum de thymiamate dixisset, sermonem instituisse de sacro oleo, cuius usum cum illi objecissent non nisi in veteri testamento reperiri; ita respondet: ex illo non pauca in novum testamentum esse translata.

[f] Ibidem v. 21.

[i] Exod. XXVII, 20.

[m] Jacob. V, 14.

(c) Ibidem v. 6. & seq.

(e) Luc. IV, 19.

(g) I. Corinth. XV, 47.

(k) Roman. I, 20.

(b) Hebr. IX, 2.

(l) Marc. VI, 12.

ditum, ut energumeni, & alii quilibet ægroti ungantur oleo pontificali benedictione consecrato; consignantur etiam, ut diximus, neophyti de eo, ad cujus exorcismum jubetur diabolus recedere a catechumeno, qui adhuc pro mortuo deputatur, quia nondum est baptizatus. Chrismatis autem unctio sanctificat viventem ex mortuis, & Spiritus Sancti gratiam in filium adoptionis invitat.

Porro in veteri testamento Aaron a Moyse unctus est, & filii ejus, qui in tabernaculo Dei ministraturi fuerant, sicut Dominus loquutus est ad Moysen, dicens: *Accipe (n) Aaron, & filios ejus, & applicabis ad os suum tabernaculi testimonium; cumque laveris patrem cum filiis aqua, indues Aaron vestimentis suis, & oleum unctionis fundes super caput ejus.* Et iterum: *Pontifex, id est, Sacerdos [o] maximus inter fratres suos, super cujus caput fustum est unctionis oleum, & cujus manus in Sacerdotio consecratae sunt, vestitusque est sanctis vestibus, caput suum non discooperiet, vestimenta non scindet, & ad omnem mortuum non ingreditur omnino. Super patre quoque suo, & matre non contaminabitur, nec egredietur de Sanctis, ne polluat Sanctuarium Dei, quia oleum sanctae unctionis Dei sui super eum est.* Unde Psalmista ait: *Unxit te Dominus (p) Deus tuus oleo letitiae præ consoribus tuis.* Quando consortes nominavit, quos alios intuebatur, nisi Episcopos, quos Christi vicarios spiritu Prophetico ad regendam sanctam Ecclesiam prævidebat, qui hanc unctionis gratiam ab eo accepturi erant, qui est verus Sacerdos secundum ordinem Melchisedech? Porro caput nostrum Christus est, ideo Pontifex in capite ungitur, qui Christi vicarius efficeret. Imitando enim illum, qui est totius caput Ecclesiae, per hoc unctionis mysterium fit & ipse caput Ecclesiae sibi commissæ. Et sicut Christus pro universa interpellat Ecclesiam, ita Episcopus pro sibi commissâ. In eo autem, quod ait Propheta, unctum Christum præ consoribus suis, spiritualis gratiae donum, quo Christus præ consoribus, id est, cæteris Sanctis, unctus est, insinuat. Cujus unctio illo expleta est tempore, quando baptizatus est in Jordane, & Spiritus Sanctus in specie columbæ descendit super eum, & man-

fit in illo. In eo vero, quo Christi confortes unctos oleo dixit, materialis unctionis gratiam, qua vicarii Christi, id est, Pontifices perfunduntur, insinuat. Nam si sacerdotalis gratiæ unctionem singularem solus sibi Christus retinisset, nequaquam Apostolus hanc cæteris gratiam inesse doceret, cum ait: *Plures [q] facti sunt Sacerdotes secundum legem, idcirco quod morte prohiberentur permanere.*

Igitur hunc unctionis morem in ordinandis Episcopis sancta adhuc servat Ecclesia: ipsi etiam Episcopi in consecrandis Presbyteris, manus eorum ungunt de oleo, ut mundi sint ad offerendum Deo hostias, & largi ad cætera officia pietatis. Utrumque enim designatur per oleum, & gratia curationis, & charitas dilectionis, de qua Apostolus ait: quia *Charitas (r) Dei diffusum est in cordibus nostris per Spiritum Sanctum, qui datus est nobis.*

Si quis autem objiciat: Cum Deus sine oleo possit sanare infirmos, effugare dæmones, sanctificare suos, quare tanto studio observatur cultus consecrationis olei? Respondemus: Nonne antiqui iusti potuerunt Deo placere sine circumcisione? Potuerunt utique; sed postquam eis præceptum fuit, ut circumciderentur, nisi ita agerent, peccati vinculis tenebantur. Unde beatus Augustinus ait: Antiqui iusti, si non circumciderentur, non erat eis peccatum; postea vero quam iussit Deus circumcidi Abraham, ejusque posteritatem, jam nisi fieret, grave peccatum fuit.

CAPUT V.

De signis.

Signorum quoque usus a veteri testamento sumptus est. In quo per Moysen Dominus iussit fieri tubas argenteas ductiles; quam dum Levitæ tempore sacrificii clangerent, sonitu dulcedinis populus commonitus, ad tabernaculum fœderis ad adorandum festinarent, quarum etiam clangore hortatus ad bellum tela prosterneret adversantium, & fortitudo inimicorum eo sono exterrita in se deficeret. Nam legimus, qui ante arcam fœderis per clangorem tubarum muri Jerico, quibus adversantium cin-

gebatur

(n) Exod. XIX, 4. Ibidem v. 5.

(q) Hebr. VII, 23.

(o) Levit. XXI, 10.

(r) Rom. V, 5.

(p) Psalm. XLIV, 8.

gebatur exercitus, corruerunt. Ad hunc modum in sancta Ecclesia hodie tintinabula fiunt, ut per illorum tactum fideles ad gremium matris Ecclesiæ invitentur, ut depositis curæ sæcularis occupationibus discant se armare adversus spirituales incurfus. Et sicut fit, ut audita bellica tuba milites ad prælium animosius accendantur, hostilis impetus formidine fusus dispergatur; ita exterritis turbis nocentibus confortetur ad Dominica bella per signum populus evocatus, & procul pulsus aëreis potestatibus, conventus Ecclesiæ manu Angelica servetur.

CAPUT VI.

De sacris Ordinibus.

Veniendum est autem ad sacratissimos ordines, quos velanæ mentis pertinacia vos ejicere audivimus. De quibus primo notandum est; quia eos, qui magis sunt in Ecclesia necessarii, Apostolus denominat, & eorum mores depingit, sine quibus non potest rite immolatio altaris celebrari, id est, Levitas, & Sacerdotes. Ut enim sine retractione Sacerdos circa hostias vigilet, necessarius est Diaconus ad ministrandum ea, quæ necessaria sunt Sacerdoti. Cæteri ordines his subiecti sunt: crescente namque Ecclesia, crevit officium Ecclesiasticum; ut enim multitudini Ecclesiæ subveniri possit, adjiciuntur inferiores in adiutorio præpositorum. De quibus sunt Ostiarii, id est, janitores, qui pervigili cura sanctæ Ecclesiæ januam servant, & thesauros domûs Dei custodiunt, per quos accessum habemus in templum Domini, qui ait: *Ego (s) sum ostium*. Hi suscipiunt eos, quos prærogativa fidei invitat, & excludunt illos, qui ab unitate disjuncti sunt, quibus dicturus est Dominus: *Nescio vos*. Post instituuntur Lectores, id est, Dominici verbi relatores, de quibus Apostolus ait: *Alii (t) datur sermo sapientiæ secundum eundem spiritum*. Hi sunt, qui distincte, atque ordinate modulantes in Ecclesia, sanctis moribus fideles instruunt. Deinde sunt Exorcistæ, qui per impositionem manuum, & benedictionem Sacerdotum sumunt potestatem abjiciendi

spiritus immundos, & gratiam curationum; de quibus Dominus in Evangelio: *In nomine [u] meo demonia ejicient*. Quam effugandorum dæmonum potestatem nulla manuum impositione, aut sacerdotalis benedictionis prærogativa donati olim quidam usurpare volentes, ab obsessis corporibus dæmones per exorcismum tentabant ejicere, sicut de filiis Scevæ Judæi liber Apostolorum commemorat. Qui cum in nomine JESU, quem Paulus prædicabat, spiritus immundos exorcizarent, concito indignantis spiritus furore vexati, temeritatique ausum ultore spiritu luentes, audierunt increpantis responsum hoc modo: *JESUM novi, [v] & Paulum scio; vos autem qui estis? & continuo insiluit in eos spiritus immundus*. Quibus illa sui pœna furoris sane dedit indicium, quia non erant ex eorum numero, quibus hoc donum gratiæ auctoritate sacerdotali præstitum fuerat. Hos sequuntur Acolythi, id est, ceroferarii, qui ignem verbi cœlestis, quo illuminentur fratres ad agnoscendum, & inflammantur ad diligendum Deum, prædicando ministrant. Subdiaconi vero hi sunt, qui oblationes a populis in templo Domini suscipiunt, & officiis deserviunt Levitarum: in offerendis vasis corporis & sanguinis Domini, & in ministrandis his, quæ aguntur circa altaris officia.

Cui vero otium fuerit verus testamentum revolve, inveniet ab eo hos sumisse exordium, nec minus etiam eos, qui supersunt, id est, Levitas & Sacerdotes, quorum gradus quia altior est, paulo plus in eis nobis est immorandum. Nam sicut liber Numerorum refert: Loquutus est Dominus ad Moysen, dicens: Applica tribum Levi, & fac stare in conspectu Aaron Sacerdotis, ut ministrent ei, & excubent, & observent, quidquid ad cultum pertinet multitudinis coram tabernaculo testimonii, & custodiant vasa tabernaculi, servientes in ministerio ejus. De his scriptum est in Actibus Apostolorum: *Quia convocantes (w) duodecim multitudinem discipulorum, dixerunt: Non est æquum nos derelinquere verbum Dei. & ministrare mensis. Considerate ergo*

(s) Joan. X, 9.

(t) I. Cor. XII, 8.

(u) Matth. VII, 22.

(v) Act. XIX, 15.

(w) Act. VI, 2. & seq.

ergo, fratres, viros ex vobis boni testimonii septem, plenos Spiritu Sancta, & sapientia, quos constituamus super hoc opus; nos vero orationi, & ministerio verbi erimus instantes. Et placuit sermo coram multitudine, & elegerunt Stephanum virum plenum fide, & Spiritu Sancto, & Philippum, & ceteros, quos statuerunt ante conspectum Apostolorum, & orantes imposuerunt eis manus. Ex hinc jam decreverunt Apostoli, vel successores Apostolorum, per omnes Ecclesias septem Diacones, qui sublimiori gradu ceteris circa aram Christi quasi columnæ Altaris assisterent. De his Paulus, cuius vos doctrinam tenere dicitis, scripsit ad Timotheum. Nam cum pramississet episcopopum debere irreprehensibilem esse, sobrium, prudentem, moribus ornatum, continuo intulit: Diaconos (x) similiter pudicos, non bilingues, non multo vino deditos, non turpe lucrum sectantes, habentes mysterium fidei in conscientia pura: Et biprobandur primum, & sic ministrent, nullum crimen habentes.

Presbyterorum ordo quoque exordium sumpsit ab Aaron, qui tunc Sacerdotes vocabantur in veteri testamento, nunc autem Presbyteri vocantur. Porro hi præsunt Ecclesiæ Christi, & in confectione corporis, & sanguinis Domini confortes cum Episcopis sunt, similiter, & in doctrina populorum, & in officio prædicandi. De his Paulus Apostolus scribit ad Titum: Huius, inquit, (y) rei gratia reliqui te Cretæ, ut ea quæ desunt, corrigas, & constituas per civitates Presbyteros, quemadmodum ego tibi disposui, si quis sine crimine est. Et in prima ad Timotheum Epistola: Noli, inquit, (z) negligere gratiam, quæ in te est: quæ data est tibi per Prophetiam cum impositione manuum Presbyterii. Igitur cum Presbyteri ordinantur, per impositionem manuum Sacerdotalis gratiæ donum suscipiunt. De quibus in libro numerorum scriptum est: Congrega (a) mihi septuaginta viros de senioribus Israël, quos tu nosti, quod senes populi sint ac Magistri, & duces eos ad ostium tabernaculi fœderis, faciesque ibi stare tecum, ut descendam, & loquar tibi, & auferam de Spiritu tuo, tradamque eis. Et paulo post: Descendit Dominus per nu-

bem; & loquutus est ad eum, auferens de Spiritu, qui erat in Moyse, & dans septuaginta viris. De his etiam in actibus Apostolorum scriptum est, quod cum venisset Paulus Apostolus Miletum, miserit Ephesum, & vocaverit Presbyteros ejusdem Ecclesiæ, quibus inter cætera ait: Attendite (b) vobis, & omni Gregi, in quo vos Spiritus posuit pascere Ecclesiam Domini, quam acquisivit per sanguinem suum. Sed & Petrus in prima Epistola, Presbyteros (c) inquit, qui in vobis sunt, obsecro confessor, & testis Christi passionum, & ejus, quæ in futuro revelanda est, gloriæ communicator: Pascite, qui est in vobis, gregem Dei, providentes non coacte, sed spontaneæ secundum Deum, non turpis lucri gratia, sed voluntarie; neque ut dominantes in Clerum, sed forma facti gregis ex animo; & cum apparierit Princeps pastorum, percipietis immarcescibilem gloriæ coronam.

Denique Pontificalis Sacerdotii ordo initium sumsit ab Aaron, sicut dicit Isidorus, quamquam & Melchisedech prior obtulerit sacrificium, & post hunc Abraham, Isaac, & Jacob: Sed isti spontanea voluntate, non Sacerdotali auctoritate ista fecerunt. Cæterum Aaron primus in lege Sacerdotali nomen accepit, primusque Pontificali stola indutus victimas obtulit, dicente Domino ad Moysem: Accipe, inquit, (d) Aaron, & filios ejus, & applicabis ad ostium tabernaculi. Cumque (e) laveris patrem, cum filiis aqua, indues Aaron vestimentis suis, id est, linea & tunica, & superhumerali, & rationale, quod constringes balteo: Et pones tiaram in capite ejus, & laminam sanctam super tiaram, & oleum unctionis fundes super caput ejus. In novo autem testamento post Christum Pontificalis ordo a Petro cæpit: Ipsi enim primum datus est Pontificatus in Ecclesia Christi, sicut dicit Dominus: Tu (f) es Petrus, & super banc Petram ædificabo Ecclesiam meam. Hic ergo ligandi solvendi potestatem primus accepit, primusque ad fidem populum virtute prædicationis adduxit. Si quidem, & cæteri Apostoli cum Petro pari consortio honoris, & potestatis acceperunt, & ipsis Apostolis ordinanti-

bus

(x) I. Timoth. III, 8. & c.

(a) Num. XI, 16. & 17.

(d) Exod. XIX, 4.

(y) Tit. I, 5. & 6.

(b) Act. XX, 28.

(e) Ibidem v. 5.

(z) Tim. IV, 14.

(c) I. Petr. V, 1. & seq.

(f) Matth. XVI, 18.

bus successerunt Episcopi, qui sunt constituti per mundum in sedibus Apostolorum, qui non jam ex gente carnis, & sanguinis eliguntur sicut primum, sed pro uniuscujusque merito, quod in eum divina gratia contulit.

Quod autem per manus impositionem a præcessoribus Dei Sacerdotibus Episcopi ordinantur, antiqua institutio est. Sic enim Patriarcha Jacob manuum super caput Jacob imponens benedixit ei: Similiter Jacob filiis suis. Moyses super caput Josue manum imponens, dedit ei Spiritum virtutis, & ducatus in populo Israël. Sic & suppletor legis, & Prophetarum Dominus noster Jesus Christus Apostolos benedixit. Et in actibus Apostolorum ex præcepto Sancti Spiritus Paulo, & Barnabæ Apostolis manus imposita est in Episcopatum, & sic missi sunt ad evangelizandum. Caput enim principale mentis designat; & sicut mente corpus regitur, ita per Episcopos Ecclesia, quæ est corpus Christi, regitur. De his Paulus Apostolus ad Titum: *Oportet, inquit (g) Episcopum irreprehensibilem esse, sicut Dei dispensatorem.* Et ad Timotheum ait. *Si (h) quis Episcopatum desiderat, bonum opus desiderat; oportet enim Episcopum irreprehensibilem esse, sobrium, prudentem.* Et item: *Admoneo (i) te, ut ressuscites gratiam Dei, quæ in te est per impositionem manuum mearum.* Jam vero, quod sæculares viri nequaquam ad ministerium Ecclesiæ assumantur, eadem Apostolica Auctoritas docet, & dicit: *Manus (k) nemini cito imposueris.* Et iterum: *Non (l) Neophytum, ne in superbiam elatus, putet se non tam ministerium humilitatis, quam administrationem sæcularis potestatis adeptum, & in condemnationem superbiæ sicut diabolus per jactantiam deficiatur.* Non enim valebit sæcularis homo Sacerdotii Magisterium implere, cujus nec officium tenuit, nec disciplinam cognovit, sed neque docere potest, quod non didicit.

Quod cum ita sit stultum, & cunctis Catholicis abominabile sit, quod putatis vos posse dare quod non accepistis: nec quibus in locis: nec quibus ministris detur aliquod gratiæ donum, differentiam facitis, sed in lucis, aut

L 3

etiam in ira pudenda septa latrinarum vestras phantasias, atque sacrilegas incantationes, quasi quoddam sanctificationis mysterium, super eos agitis, quos erroris vestri consortio admiscere potestis. Qua in re Paulum Apostolum, quem vestrum Doctorem mentimini, vestrum potius sentietis accusatorem; quia Timotheum scribens, ait: *Certa (m) bonum certamen fidei, apprehende vitam æternam, in qua vocatus es, & confessus bonam confessionem.*

CAPUT VII.

De sepultura.

De sepultura etiam, quam præter ullum salutis compendium avaritiæ Sacerdotum adscribitis, sermocinabimur. Asferitis quidem nihil differe, utrum mortui in atriis domus Domini, an aliis in quibuslibet locis sepeliuntur, fingentes nullum prætendi mysterium sanctitatis, præter quod de ipso pretio Sacerdotes sibi coacervant pecuniam. Sed si sanctæ Matris Ecclesiæ sinum fidelibus vivis derogare præsumitis, nec mirum, si vultis derogare & defunctis. Verum quia de Ecclesia superius certissime tractavimus: de sepultura etiam aliquid disseramus. Porro cum fideles Christiani temporalem vitam in unitate Spiritus Sancti sub Mysterio Catholice Fidei in hac temporali Ecclesia communiter exigunt, ut per hanc ad cœlestem perveniant, ubi, rogo, debent corpora eorum post resolutionem rectius, quam in sinu Matris Ecclesiæ tumulari? Sicut enim temporali Ecclesiæ temporaliter vivendo per fidem adhærent, ita & temporaliter moriendo in sinu ipsius requiescunt, diem videlicet resurrectionis, & intemporalis Ecclesiæ gloriam expectantes. Hæc est enim mater credentium; quæ natos ad mortem regenerat ad immortalitatem, quæ filiorum corpora servat sane ad tempus sopita, in generali tamen resurrectione ad immarcescibilem gloriam suscitanda. Si ergo in tanto lumine veritatis caliginem erroris non deponitis, dicite, unde spiritus æternæ vitæ vobis promittitis. In Sancta quippe Ecclesia Deo renati offerimur; & per ipsam juxta piæ conversationis qualitatem ad æternitatem tendi-

[g] Tit. XVII.

(k) I. Tim. V, 22.

(b) I. Timoth. III, 1. & 2.

(l) ibidem III, 6.

(i) Tim. I, 6.

(m) II. Tim. VI, 12.

tendimus. Cœterum cum resolvimur, in ipsa sepulci quiescimus, & juxta speciem mortis imitatur futuræ beatitudinem resurrectionis.

Qui ergo hoc Christianæ fidei unicum pignus non amplectitur, a compage corporis Christi proculdubio divellitur. Ad hujus vero fidei unitatem Pater Abraham se noverat colligendum, cum ab Ephron duplicem speluncam emeret; quam etsi sine pretio posset habere, tamen ne cum improbis videretur participari, æstimavit potius comparare. Ibi nimirum saram uxorem sepelivit, & ipse postea sepultus est, nec non Isaac cum Rebecca. Illuc etiam Jacob, cum in Ægypto mori debuisset, filios suos sepeliendum se reportari commouit. Joseph vero filius suus antequam moreretur, quodam Prophetico contuitu dixit ad fratres suos: *Post (n) mortem meam Deus visitabit vos, & ascendere faciet de terra ista ad terram, quam juravit Abraham; Hic, & Jacob patribus nostris. Cumque ascenderitis, asportate vobiscum ossa mea de loco isto, ad patriam videlicet sepulturam.* Quod & isti fecerunt. Tobias vero vir plenus Spiritu Sancto Filium suum monuit, ut cum ipse moreretur, funus suum curaret, & juxta eum sepeliret uxorem suam. Notandum enim quod sancti Patres non solum in vita sed post mortem ab alienigenis dissociari volebant; quippe unitatem futuræ Ecclesiæ prætendentes, quæ seorsum fidelibus aggregatis profanos cultus abhorret.

Quodsi Abraham sepulcrum sibi pretio cœmisset, cum gratis possit habere, cur non potius, & nos in sepulchris nostris sanctam Ecclesiam quolibet munere donabimus, quod & ad remedium vivis, & ad veniam propositis defunctis? Si autem objicitis, quia hoc magis avaritia Sacerdotum exigit; nec quidem nos negamus, quin aliqui hoc faciant: faciunt enim aliqui. Nec mirum, cum ex duodecim Apostolis unus avaritiæ inhiasset. Sciendum vero quod vitio malorum boni depravari non debent, aut Divina mysteria infamari. Quidquid enim fiet in nomine Domini, præmio non vacabit. O vos cæci & errantes, Dominicis verbis vos increpo? Nescientes legem,

quare non scrutamini scripturas; Hoc habet plane liber Regum, quod Reges Israëliticæ plebis in uno loco omnes sepelirentur, exceptis pravis, & impœnitentibus. Quodsi pœnitentes admissa correxerint, cum cæteris sepulturam fortirentur. Unde datur intelligi, quod cum Salomon cum cæteris tumuletur, veniam criminum meruisset, licet sua pœnitentia non legatur. Ad hoc autem, & alia multa, quæ de sepultura occurrunt mysteria, ipsius Salvatoris eo etiam affuit providentia, quod crux Sancta, in qua pependit, super tumulum protoparentis Adam, ut tradunt Doctores, figeretur. Nec vacat, quod pretio ejus sanguinis ager Acheldamah emitur, ubi peregrinorum corpora tumulantur. Revera enim ejus sanguine Ecclesia comparatur, in cujus sinu pauperes Christi quiescunt.

CAPUT VIII.

De pœnitentia.

Quoniam quidem superius regenerationis mysterium nihil esse dixistis, ob hanc scilicet causam, quia quidquid ex operibus satanæ baptizandus abdicare se profiteretur, postmodum in vita repetere non timet: Ex qua sententia pœnitentiæ derogare videmini, & cæteris quæ Deus ad peccantium reconciliationem remedia contulit; restat nobis adhuc super hujusmodi insudare. Necdum enim incredulitatis vulnus ad vivum usque attigimus, quod quidem nos medicantis verbi ferramento opus est recludere, unde latentis putredinis sanies in apertum erumpat. Sciens certe Divina providentia neminem baptismatis gratia renovatum, ad superandas diaboli insidias, & vincendas carnis concupiscentias esse idoneum, ne quis post lapsus in desperationis foveam corruat, adversus singula vitiorum vulnera reservavit convenientia reparandæ salutis medicamenta, parans superbis humilitatem, invidis charitatem, luxuriosis continentiam, gulosis parsimoniam, lapsis pœnitentiam, & cæteris quibusque vitiis congrua medicamenta, per quæ peccator quasi quadam baptismi regeneratione Deo reconcilietur. Sed ut de reliquis fileam, quoniam pœnitentiam abjicitis, cum

(n) Genes. L, 25. & 24.

cum tamen Evangelii auditores vos esse dicitis, interrogo vos, quid Dominus in Evangelio esse voluerit, quod ait : *Gaudeo (o) super uno peccatore penitente, quam super nonaginta novem iustis, qui non indigent penitentia.* Et alibi : *Non veni (p) vocare iustos sed peccatores in penitentiam.* Satis certe superque abundante exempla penitentiae, per quae revelante scriptura multos de tumultu vitiorum, & morte animae refuscitatos cognovimus, de quibus multos ante electionem in malitia sua perdurantes, per penitentiam respisci cognovimus; plurimos vero post electionem lapsos, sed postea penitentiae remedio in pristinam gratiam relocatos. De quibus beatum Petrum primum in medium introducimus, qui, cum penitendo fletet culpam negationis, non solum priorem gratiam reimpetravit, sed inter omnes totius Ecclesiae, quae in Terris, & in Caelis est, primatum accepit. Quin etiam prodigum filium a gratia paterna privatum in Evangelio audivimus, penitendo non solum in gratiam patris redisse, sed & stolam primam quam amiserat, recepisse. Primam cum audis, non novam intelligas, sed antiquam, quia prioris innocentiae vestem, qua se peccando exspoliaverat, penitendo reparavit.

Denique qui doctrinam Apostolicam suscipitis, oportet audire, qualiter Paulus fornicantem fratrem compellat ad penitentiam : *Omni inquit (q) auditur inter vos fornicatio, & talis fornicatio, qualis nec inter gentes, ita ut uxorem patris quis habuerit. Et vos inflati estis, & non magis luctum habuistis, ut tollatur de medio vestrum, qui hoc opus fecit. Ego quidem absens corpore, praesens autem Spiritu iam judicavi ut praesens, cum qui sic operatus est in nomine Domini nostri Jesu Christi congregatis vobis, & meo Spiritu cum virtute Domini Jesu, tradere huiusmodi satanae in interitum carnis, ut Spiritus salvus sit in die Domini nostri Jesu Christi.* Et alibi : *Timeo, (r) ne cum venero, humiliet me Deus apud vos; & lugeam multos ex his, qui ante peccaverunt, & non egerunt penitentiam super immunditiam, & fornicationem, & impudentiam, quam gesserunt.* Quid enim tradere hominem satanae in interitum carnis, ut Spiritus sal-

vus fiat, aliud est, nisi hunc, quod per incontinentiam carnis deliquerat, per tribulationem carnis penitendo diluere, ut carnis titillantibus rubigine penitentiae camino excocta, spiritus purior in diem Domini salvus fiat? Unde ipse postmodum dicit se timere, ne lugeat de eorum interitu, qui non egerunt penitentiam super immunditiam, & fornicationem suam.

Denique in Ecclesiastica historia quemdam juvenem apud Ephesum audivimus a beato Joanne Apostolo in Monasterio reclusum : qui Catholicis disciplinis instructus, & baptismatis gratiam adeptus; post multa religiosae conversationis exempla, diabolicae suasionis spiritu agitatus Monasterium deseruit, & inter sylvas, & lustra ferarum homicidiis, furtis, & omnigenis flagitiis depravatus est. Quem cum Apostolus requisitum ad Ecclesiam revocaret, & miser ille ab magnitudine criminum nullam reparandae salutis spem se habere diceret, beatus Joannes iurisdictionis Sacramento ei spem vitae promittit. De hinc jejuniis, & orationibus eum intra paucum tempus ita reddidit emendatum, ut ceteros anteiret sanctitate, & ipsius Ecclesiae regimen illi Apostolus commendaret : Praebens per hoc magna exempla verae penitentiae, & documentum ingens regenerationis, atque insignia quaedam, & trophaea visibilia in eo resurrectionis ostendens. Verum qualiter idem Joannes Apostolus Angelo Ecclesiae Ephesi scribat, animadvertite : *Memento (s) inquit, unde excideris, & age penitentiam, & prima opera fac : Alioquin veniam tibi, movebo candelabrum tuum de loco ejus.* Exstat unum, quod ad commendandum penitentiae vim sufficiat, exemplum. Senatoris cujusdam filiam Deo consecratam vir quidam concupiscentiae furis agitarus quondam eo usque adamavit, ut per maleficos immundum spiritum consuleret. Cui cum malignus spiritus deliderii effectum promitteret, si Christo abrenuntiare vellet, ille non solum acquievit, verum abrenuntiationis chartam manu propria scriptam illi donavit : Sicque sponsores sui arte virginis amplexum adeptus, non post multo

amare

(o) Luc. XV, 7.

(r) II. Cor. XII, 21.

(p) Matt. IX, 13.

(q) Apoc. II, 5.

(s) I. Cor. V, 1. & seq.

amare desiebat stupri mercede auctorem suum negasse. Tandem beato Basilio Cappadociæ civitatis Episcopo omnem rei ordinem confessus, in quodam conclavi per tres dies sub pœnitentiæ satisfactiōe recluditur, ubi instantis spiritus convicia multa patitur. At vir beatus convocata in Ecclesiam cleri ac populi multitudine non destitit orare ad Dominum, donec valedissimo orationis certamine scriptum de manu diaboli extorsit, & cunctis intuentibus demissam per acrem chartam recepit.

Abstine igitur a fidelium mentibus hanc vestram execrabilem audire doctrinam, ut lapsis post electionem pœnitentiam nequaquam proficere credant, cum luce clarius est post perpetrata scelera homines per eam redire ad innocentiam. Quam quidem adeo efficacem, adeo potentem ad abolenda peccata experti sumus, ut etiam si in ultimo vitæ spiritu quis admissorum pœniteat, & publica lamentatione commissâ prodantur, fructum tamen & spem veniæ salutaris non perdat, quia propositum, quod decrevit salvare, quod perierat, non potest immutari: & ideo, quia voluntas ejus non mutatur, etiam si tempus emendationis non conceditur, si tamen in supplici confessione vita exceditur, fideli propositio veniæ non negatur ab illo, qui non vult mortem peccatoris, sed ut convertatur a perditione pœnitendo, & salvatus miseratione Domini vivat. Quod autem objici poterat de peccato ad mortem, cui nulla patet ad veniam consolatio, id quidem eorum est, qui in desperationis foveam corruentes, nihil prorsus, quo inde eximi valeant, sibi reliquerunt.

CAPUT IX.

Quod pœnitentia post mortem proficit.

Verum ne quis pœnitentiam solis vivis & non defunctis proficere credat, multos, qui a sæculo transferant, suorum pietate viventium a pœnis revelatos scriptura teste comperimus, dum pro eis sacrificium mediatoris offertur, vel eleemosynæ fiunt, vel quis vicariam pœnitentiæ solutionem defuncto amico

persolvit, dum quod æger præventus morte non potuit, vivus supplet amicus. Quod quia cæci lumine fidei non solum refugitis credere, sed penitus destruere tentatis; non vere, ut asseritis, Evangelii auditores estis. Nam ipsa Veritas dicit; quia si quis [t] in Spiritum Sanctum blasphemiam dixerit, neque in hoc sæculo remittetur ei, neque in futuro. In qua sententia, in Dialogo suo beatus ait Gregorius, datur intelligi quasdam culpas in hoc sæculo, quasdam vero in futuro posse relaxari. Quod enim deuno negatur, consequens intellectus patet, quod de quibusdam conceditur; sed hoc de parvis minimisque peccatis credendum est; sicut est continuus otiosus sermo, immoderatus risus, vel alia cura familiaris, & cætera, sine quibus vita humana non agitur, quæ etiam post mortem gravant, si adhuc in hac vita positæ minime fuerint laxatæ; quæ per ignem purgatorium post mortem ipse paulo post dicit purgari, si in hac vita positæ hoc bonis actibus, ut illic obtineat, aliquis promereatur. Unde jure a sanctis Doctoribus purgatorius ignis esse dicitur, quod per eum peccata aliqua purgantur, prout viventes aut elemosynis, aut sacrificiis, aut certe, sicut ante diximus; vicaria pœnitentiæ solutione obtinere possunt. Unde Paulus ait: quia Vir [u] fortissimus Judas collatione facta misit Jerusalem duodecim millia drachmas argenti, offerre eas pro peccatis mortuorum justis & religiose cogitans de resurrectione: nisi enim eos, qui ceciderunt, resurrectionem speraret, superfluum videretur & vanum orare pro mortuis. Deinde dicit: Sancta ergo & salubris est cogitatio pro defunctis exorare, ut a peccato solvantur.

Constat igitur, ut diximus, talium operum pretio defunctos posse a peccatis absolvi, alioqui Paulus Apostolus, cujus vos auditores esse mentimini, nequaquam audiendus esset, qui dicit lignum, fenum, stipulam, id est, peccata minima atque levissima igni purgatorio facile consumi; quibus nimirum non purgatoria sed æterna supplicia inferrentur, nisi talibus hostiis promeruisent igne purgatorio resolvi.

CA.

(†) Matth. XII, 32.

(u) II. Machab. XII, 43. & seqq.

CAPUT X.

De connubiis.

De connubiis vero, quæ vos contra Evangelica & Apostolica decreta sacrilega mente abominanda iudicatis, dicentes, conjugatos in sortem fidelium nequaquam computandos, multa sanctorum Patrum occurrunt exempla, quæ ad infidelitatis hujus blasphemiam confutandam satis sufficiant. De quibus nos responsuros quodam discretionis gubernaculo nostri sermonis carinam subire oportet, ne quasi inter duos scopulos naufragium incurrentes, occasionem demus in alterutrum, scilicet aut omnes indifferere ad connubia commonendo. Porro sicut inter sæculares, & Ecclesiasticos viros quædam ordinis discretio est, ita & conversatio eorum quadam discretionis ratione servanda est. Nam vir Ecclesiasticus, postquam relicta sæculi militia in sortem Domini computatur, non potest, salvo possessionis suæ cingulo, conjugali thoro se iterum mancipare. At viris sæcularibus, qui nulli Ecclesiastici regiminis iugo sunt obnoxii, nec Evangelica, nec Apostolica decreta legitima præjudicant connubia, si tamen sciunt omni tempore sibi debere esse subiectam conjugii voluptatem, & si discernunt certa concubitus tempora, quando coeundum, & quando ab uxoribus sit abstinendum. Non enim talia connubia beneplacita sunt Deo, quibus homines ad luxuriam, & delicias instar animalium provocantur, qui Deum a sua mente excludunt, & suæ libidini vacant, sicut equus & mulus. Qui autem ita conjugio utitur, ut cum timore Dei in amorem filiorum potius intendat, quam ut petulantis carnis appetentiam expleat, hunc copula conjugii de sorte fidelium non privabit.

Falluntur igitur, qui conjugatos a regno Dei exterminandos affirmant, præsertim cum in Evangelio hujusmodi testimonium habeamus, & Apostolica traditio talem humanæ consuetudinis

legem multis in locis confirmet. De qua re hoc unum ex ore veritatis testimonium proferimus. Nam Phariseis tentantibus & dicentibus, si liceret homini uxorem suam dimittere quacumque ex causa, ille respondens ait: *Non (v) legistis, quia qui fecit, masculum & feminam ab initio fecit eos, & dixit: Propter hoc dimittet homo patrem & matrem, & adhaerebit uxori suæ, & erunt duo in carne una. Itaque jam non sunt duo, sed una caro; quod ergo Deus conjunxit, homo non separet.* Requirentibus autem illis, ut quid Moyses mandasset dari libellum repudii, & dimittere? ait illis: *Quoniam (w) Moyses ad duritiam cordis vestri permisit vobis dimittere uxores vestras, ab initio autem non fuit sic. Dico autem vobis, quia quicumque uxorem nisi ob fornicationem dimiserit, & aliam duxerit, machatur.* Petrus autem in Epistola sua ait: *Mulieres (x) subditæ sunt viris suis, ut si qui non credunt verbo, per mulierum conversationem sine verbo lucrifiant.* Et paulo post: *Sic (y) enim aliquando & sanctæ mulieres sperantes in Deo orabant se, subiectæ propriis viris, sicut Sara obediebat Abramæ, Dominum eum vocans.* Et iterum: *Viri (z) similiter cobabitantes secundum scientiam, quasi infirmiori vasculo muliebri impertientes honorem.* Unde & beatus Paulus ad Corinthios ait: *Bonum (a) est homini non tangere mulierem; propter fornicationem autem unusquisque suam uxorem habeat, & unaqueque virum suum habeat. Uxori vir debitum reddat, similiter & uxor viro.* Et paulo post: *His (b) autem, qui in matrimonio juncti sunt, præcipio non ego sed Dominus, uxorem a viro non discedere, quod si discesserit, manere immptam, aut viro suo reconciliari; & vir uxorem non dimittat, si quis frater uxorem habeat infidelem, & hæc consentit habitare cum illo, non dimittat illam; & si quæ mulier habet virum infidelem, & consentit habitare cum illa, non dimittat virum: sanctificatus est vir infidelis per mulierem fidelem.* Et rursus cum de virginibus præceptum Domini se non habere diceret, conversus ad conjugatos ait: *Ex istimo [c] hoc bonum esse propter instantem necessitatem, quoniam bonum est homini sic esse.*

(u) Matt. XIX, 4. & seq.

(y) Ibidem v. 5. & 6.

(b) Ibid. v. 10. & seq.

(w) Ibidem v. 8. & seq.

(z) Ibid. v. 7.

(a) Ibid. v. 26.

[x] II. Petr. III.

(a) I. Cor. VII, 1. & seqq.

esse. *Alligatus es uxori? noli querere solutionem; si autem acceperis uxorem, non peccasti.* Scribit autem ad Ephesios ita: *Mulieres [d] viris suis subditæ sunt, sicut Domino, quoniam vir caput mulieris, sicut Christus caput est Ecclesiæ.* Et iterum: *Viri [e] diligite uxores vestras, sicut & Christus dilexit Ecclesiam.* Et iterum: *Qui [f] suam uxorem diligit, seipsum diligit.* Scribit autem & ad Titum hoc modo: *Adolescentulas doce, ut viros suos ament, [g] filios diligant, prudentes, sobriæ, domus habentes curam, subditæ suis viris.* Et ad Timotheum: *Adolescentulas, inquit, viduas [h] devota; cum enim luxuriatæ fuerint in Christo, nubere volunt, habentes damnationem, quia primam fidem irritam fecerunt. Volo ergo juniores nubere, filios procreare, matres-familias esse, nullam occasionem dare maledicti gratia; jam enim quedam conversæ sunt retro satanam.* Et ad Colossenses: *Viri [i] inquit, diligite uxores vestras, & nolite amari esse ad illas.*

Cum igitur hæc humanæ consuetudinis lex tantis divinæ auctoritatis fulciatur institutis, nimirum abjicienda est vestræ hæreseos ac penitus conculcanda doctrina. Nam si conjugalis societas homini causa esset perditionis, qui venit perditos reparare, nullum daret hujus copulæ documentum, nullum præceptum. Paulus denique, qui tanto charitatis igne flagrabat, ut etiam pro fratribus anathema fieri optaret, nullum super hujusmodi daret consultum, si hoc ad detrimentum animæ spectare intellexisset. Sed de his satis ad præsens dictum.

CAPUT XI.

De Confessoribus.

Jam vero quis non videat vos in hoc divini judicii & christianæ communionis reos esse, quod adversum beatissimos Christi confessores pravi dogmatis seditionem sacrilego ausu movetis, dicentes, præter Apostolos & Martyres neminem jure venerari, in confessoribus nullum donum virtutis esse, nec ab eis aliquam salutis gratiam posse spectari, quorum corpora in cineres resoluta nihil a mortuis animalibus differre videntur. Petrus certe Apostolus datam sibi

a Domino ligandi atque solvendi potestatem, hanc quoque beato Clementi, Lino etiam & Anacleto ipse tradidit, cæteri quoque Apostoli eandem gratiam successoribus suis, id est, sanctis Doctoribus atque Confessoribus reliquerunt; quorum quidam gladio occubuerunt, alii in pace Ecclesiæ quieverunt. Sed non idcirco ab hominibus injuste venerantur, quia percussoris gladium non senserunt. Verum si ratio temporum non potuit præstare martyrium, gloria tamen Martyrum non caret, quia & voto & virtute, potuerunt esse Martyres, & voluerunt. Nam & illi pro ipse æternitatis multas humanorum dolorum pertulere passiones, famem, vigiliis, nuditates, jejunia, opprobria invidorum, insectationes malorum, curam pro infirmantibus; sollicitudinem pro periclitantibus, gemitum pro pereuntibus, cum flentibus flentes, cum scandalizantibus urentes. Quin etiam adversum humanæ spiritualisque nequitie diversa certamina semper in eis emicuit fortitudo vincendi, patientia expectandi, æquanimitas sustinendi. Quibus etsi percussor deesset, ipsi sibi percussoris ministerium suppleverunt. Quid in eis carnifex aliud feriret, quam corpus? Et certe quod ad momentum percussor faceret, ipsi sibi longo cruciatu intulerunt, dum carnis concupiscentias in se occiderunt, & quod suave, quod dulce, quod voluptuosum fuerat, ademerunt.

Porro poenalis carcer eis non defuit, qui se inter angustam aridioris vitæ custodiam a mundi illecebris concluderunt, quorum mens lucidissima, manus plenæ munditiæ, eo quod in menta Altaris Sacrosancta Corporis, & sanguinis mysteria celebrantes, & in sui cordis penetralibus hostiam vivam, Deoque placentem, id est, semetipsos sine macula atque admixtione pravi operis offerre non desistunt. Et sicut diximus, licet percussoris non sensissent gladium, tamen per vitæ meritum Deo digni martyrio non privantur, quia martyrium non solum effusione sanguinis, sed abstinentia peccatorum perficitur, aliqui longe a vero differre videbitur, quod ex ore veritatis ad duos fra-

(d) Ephes. V, 22.

(e) Tit. II, 4. & 5.

(f) Ibid. v. 25.

(g) I. Tim. V, 11. & seq.

(h) Ibid. v. 28.

(i) Coloss. III, 19.

fratres filios Zebedei dictum est : *Calicem (k) quidem meum bibetis* ; cum unum quidem gladio occubuisse , alterum in pace Ecclesiæ quievisse legamus. Sed neque ullo auctorum exemplari ostendunt , beatam Dei genetricem MARIAM gladio vitam finisse , etsi per Spiritum Sanctum Simeon Propheta passuram illam dixerat : *Et (1) tuam* inquit , *animam pertransibit gladius*. Unde beatus Hieronymus in hoc animam ejus gladium pertransisse dicit , quod in morte Christi compassionis , atque doloris gladium sensit , dum per eximiæ dilectionis vim mortem Christi suam fecit. Philip-pum etiam Apostolum , & Lucam Evangelistam non per passionis certamen , sed per pacem a sæculo migrasse legimus. Postremum vero , quis tam lapidei cordis est , ut ad quorum tumulum ægros venientes optatam salutem vident reportare , eorum merita apud æternum judicem vivere non credat ? sed quis post Apostolos MARTINO , quis BENEDICTO in miraculis potentior ?

Sed fortasse objicitis , quia multi in nomine Christi mira operati sunt , & tamen post a Domino reprobatii sunt : de quibus in Evangelio Dominus : *Multi (m) inquit , venient , dicentes : Domine nomen in nomine tuo Prophetavimus , & in nomine tuo demonia ejicimus ?* Quibus dicturus est Dominus : *Amen dico vobis , nescio vos , discedite a me omnes operarii iniquitatis*. Quorum vita quidem , quia non concordabat verbis , idcirco a Domino reprobantur. Quod autem videntur operari , non suis meritis , sed Christi nomini imputatur. Ejecti namque Demones , non eos , sed Christi nomen fugerant , quod quondam in filiis Scevæ cujusdam Judæi paruit , qui sicut superius diximus , per exorcismum Demones in nomine Jesu , quem Paulus prædicabat , ab obsessis corporibus tentabant ejicere , qui concito indignitatis Spiritus furore vexati audiunt : *JESUM (n) novi , Paulum scio , vos autem qui estis ?* & continuo insiluit in eos Spiritus immundus. Quibus illa sui pœna furoris sane dedit indicium , quia non erant ex eorum numero , quorum vita Sanctitatis concordabat sanctæ prædi-

cationi. Eorum vero corpora terræ mandata declarant , quales utrique in vita extiterant , cum illi quotidie miraculis vivere , isti nulla virtutis indicia ex se posse dare videantur. Nam in sancta Ecclesia plena redundant miraculis volumina , quæ ad Sanctorum Confessorum tumbam fieri conspiciuntur ; cum reprobi post clausas in inferno animas , & sepulcris recondita corpora , nulla sancti meriti relinquunt indicia , præter quod aliquando diabolus ad decipiendos homines phantasticæ lucis signa ad eorum ossa demonstrat , ut ex hoc ad usum venerationis deceptas mentes invitet , sicut tempore beati Martini legimus approbatum , qui vulgi errore dicatum Monasterium tamquam in honore Martyris super latronem inveniens , verbi sui Imperio jussit sepulcrum confiteri , quia nihil sibi cum sanctis fuerat commune , sed suorum scelorum culpis cum diabolis se in inferno torqueri. In talibus igitur locis , si quid huic simile evenierit , de quo majorum memoria nihil certum ferat , interdiciunt , ne ritu (o) gentilium fana idolorum antiquitus constructa pro sacris venerentur , neve sepultis temere divina solvantur , nisi per Provincialem Episcopum vita sepulcri examinetur , si secundum Evangelium Christi fuit.

CAPUT XII.

De psallendi Officio.

Quis autem dubiret vos immundo spiritu agitari , dum hoc quod per Spiritum Sanctum prolatum , atque institutum est , id est , usum Psallendi in Sancta Ecclesia , abjicitis , & quasi supersticiosum errori cultum imputatis. Sumpsit ergo hanc modulandi formam ordo Ecclesiasticus non ex ludicris , & jocularibus infectionibus , sed ex veteris , & novi Testamenti Paribus , sicut de David in libro regnorum legimus , quia cum Arcam Domini de terra Philistinorum reduceret , ipse depositis regalibus insigniis , & sumpta cithara coram ea psallere cepit , quod ille nullum supernæ gratiæ tunc aptius sacrificium intellexerat. Qui etiam per hanc modulandi dulce-

(k) Matth. XX, 23.

(l) Luc. II, 35.

(n) Act. XIX, 15.

(m) Matt. VII, 22.

(o) ne ritu ; optima lectio , quam restituit Baluzius : editum erat *Nervicii*.

dulcedinem Saulem Regem a Dæmone liberaverat, quem medicorum ars victa desperaverat. Certe, apud supernos cives legimus hujus modulationis insignia celebrari, ut in Apocalypsi Joannis Apostoli: *Habentes singuli (p) citharas, & cantabant canticum novum. Et iterum: Et vocem, quam (q) audiui, sicut citharadorum citharizantium in citharis suis. Hinc ergo colligendum est, quam gratum sit Deo officium psallendi, si intenta mente peragatur, quando in hoc Angelorum choros imitari videmur, quos constat laudes Domini sine intermissione personare. Unde Psalmista sæpe nos admonet dicens: *Cantate (r) Domino canticum novum, & bene psallite ei in vociferatione. Et iterum: Psalmum (s) dicite nomini ejus, date gloriam laudi ejus. Et in Evangelio Matthæi: Et hymno (t) dicto exierunt in montem olivarum. Tale namque sacrificium super taurorum pinguedinem aut hircorum sanguinem Deo placere per Spiritum Sanctum psalmista viderat, cum dixit: Numquid (u) manducabo carnes taurorum, aut sanguinem hircorum potabo? Immola Deo sacrificium laudis. Et iterum: Sacrificium (w) laudis honorificabit me.**

Denique non solum irrationabilem creaturam, sed cuncta quæ sunt condita, suum Conditorum continuo psallendi tenore laudare jubet, cum dicit: *Laudate (x) Dominum de Cælis. Et cætera usque in finem Psalmi, quem ita concludit: Omnis Spiritus laudet Dominum. Ne ergo Psalmista irrationabilem, aut inanimatam creaturam frustra in laudem creatoris commonere dicatur, tunc vere, quod ore non potest, se in laudem Dei videtur erigere, cum suæ naturæ motibus se ad voluntatem, & imperium creantis conformat, vel potius rationales animos in hoc commonere videtur, ut de beneficiis Divinis laudem Conditori dare meminerint, cujus munera ipsa usibus hominum famulari videntur. Sed & Paulus cujus vos imitatores esse dicitis, in concentum psalmodiæ nos hortatur dicens: *Loquentes (y) vobismet ipsis in Psalmis, & hymnis, & canticis spiritualibus cantantes, & psallentes**

Deo. Et ipse alibi dicit: Psallam (z) ore, psallam spiritu, & mente. Quin etiam in transitu Sanctorum Virorum psalmodiæ cantum cecinisse Angelos multa Divinæ scripturæ exemplaria docent.

Unde constat eos de gremio sanctæ Ecclesiæ exterminandos, qui hoc psallendi officium judicant nequaquam ad cultum Divinum pertinere. Quod autem arbitrantur nobis ipsis psallendo multa adversa imprecari, ubi videlicet psalmista mentis oculum in maleficos intorsit, ut est illud? *Quid (a) gloriaris in malitia? Et, obsecrentur (b) oculi eorum ne videant. Et cætera talia; falluntur nescientes eum Prophetico spiritu intueri ea, quæ superventura fuerant his, quos in mortem Christi, & Sanctorum Martyrum tumentes gloriari inspexerat, quique a malitiæ suæ pravitate nequaquam declinantes, exultant in rebus pessimis, & lætantur, cum male fecerint. Patet igitur tales a capite suo, id est, diabolo, non dissentire, qui est caput omnium iniquorum, qui etiam Scripturam Sanctam intelligens, sinistra eam interpretatione prævertere molitur.*

CAPUT XIII.

De veneratione Dominicæ Crucis.

Quoniam vero adversum Crucem Dominicam, & vivificum lignum viperæ dogmatis venena funditis, dicentes hoc ex errore hominum venisse, quod venerantur eam, cum nullam magis in se virtutem contineat, quam cætera ligna sylvarum, præter quod opere manuum hominum est efformata, pro quo nulla veneratione digna est: pauca e multis, quæ ad hanc causam utilia videntur, edicimus.

Scimus namque, quia omnis substantia quæ Deus non est, creatura est, & quæ creatura est, Deus non est. Ligno igitur nihil Divinum damus, ut illud adorandum judicemus, quia inter cæteras, quæ Deus non sunt, suæ naturæ substantiam sumit: Sed si rationem mysterii diligenter investigetis, non solum ab hominibus, sed etiam ab Ange-

lis

(p) Apoc. V, 8.

(r) Ibid. LXV, 2.

[w] Psalm. CXLVIII, 1.

(z) I. Corinth. XIV, 15.

(q) Ibid. XIV, 2.

(t) Matth. XXVI, 30.

(x) Ibid. CL, 6.

(a) Psalm. LI, 3.

(r) Psalm. XXXII, 3.

(u) Ibid. Psal. XLIX, 13, 23.

(y) Ephef. V, 19.

(b) Ibid. LXVIII, 24.

lis Dominicæ Crucis vexillum honorandum videbitis, quæ quidem aperuit Sacramentum, quod nesciebant. Primus namque Adam inobedientiæ mucrone interfectus est a ligno scientiæ boni & mali, & nos secum traxit in mortem: Secundus Adam per palmam obedientiæ a Cruce transivit in vitam æternam, & nos secum duxit. Verumtamen lignum scientiæ boni, & mali non dicimus secundum suam naturam in se mortem habuisse, sed fuit in causa, ut in eo probaretur obedientia parentis nostri, sive vindicaretur inobedientia, quo contra lignum vitæ in causa sempiternæ vitæ est. Hoc lignum attulit vobis Dominus noster Jesus Christus per lignum Crucis in Ecclesia nostra, ut qui morti debitores eramus per lignum scientiæ boni & mali, faceret nos vitæ capaces per lignum sanctæ Crucis. Et sicut illud ex sua natura non habuit mortem, ita lignum, unde nobis vita conceditur, non in se habuit hanc virtutem, sed ex illius virtute, qui infirmus fuit ex nobis, vivit autem ex virtute Dei. Regnavit etiam mors, & diabolus ab inobedientia ligni scientiæ boni, & mali, superata est eadem mors, & diabolus per obedientiam ligni sanctæ Crucis. Quis ergo negare audeat jure ab hominibus venerari, per quam diabolus victus, & mundus Deo operante salvatus est? Quis autem nisi infantiæ furiis agitatus, neget vexillum atque virtutem Dominicæ Crucis esse colendam, qui beatum Andreæ, quem vos imitari inter cæteros Apostolos mentientes dicitis, tanto eam passionis amore expetere, atque sedula veneratione audiat prædicare. Cum vero, inquit Scriptura, pervenisset ad locum, ubi Crux parata erat, videns eam a longe exclamavit voce magna dicens: Salve, Crux, quæ in corpore Christi dedicata es, & ex membris ejus tamquam margaritis ornata. Antequam te ascenderet Dominus noster, in timorem terrenum habuisti: modo vero amorem cœlestem obtinens, pro voto susciperis. Sciens enim quanta intra te gaudia habeas, securus, & gaudens venio ad te, ita ut & tu exaltans suscipias me discipulum ejus, qui pependit in te, quia amator tuus semper

M 3

fui, & desideravi te amplecti. O bona Crux, quæ decorem, & pulchritudinem de membris Christi suscepisti; diu desiderata, sollicitè amata, sine intermissione quesita, & aliquando concupiscenti animo præparata; accipe me ab hominibus, & redde me ab hominibus, & redde me Magistro meo, ut per te me recipiat, qui per te me redemit. Et Paulus Apostolus: *Mibi, inquit, (c) absit gloriari, nisi in Cruce Domini mei JESU Christi.* Glorificantes igitur Crucem Dominicam, Christum quasi pendentem in ea mente invocamus. Quem vero invocamus, ipsum adoramus. Prosterminur corpore ante crucem, mente, (ante) Deum: veneramur crucem, per quam redempti sumus, sed illum deprecamur, qui nos redemit.

CAPUT XIV.

De Imagine Salvatoris in Cruce.

De Imaginibus quoque, quæ in Ecclesiis sunt, ratio citius perpenditur, si ex veteri Testamento aliqua similitudo trahatur. Gradiens namque populus Israël per desertum aliquando ignitorum serpentium moribus ad mortem vulnerabatur, super quod consultus Dominus jussit fieri serpentem æneum, & alto stipite levare, quem percussi respicientes cito sanabantur. Et nos de Ægypto carnalis conversationis per desertum mundani exilii ad terram supernæ promissionis tendentes, per respectum Mediatoris in cruce pendentis antiqui hostis venenum a cordibus nostris evacuamus. Qui enim Christum per Imaginem Filii Dei ac passionem conspexerit, ipse antiqui hostis venena evadere poterit. Hoc certe indicant verba ipsius Domini dicentis: *Sicut (d) exaltavit Moyses serpentem in deserto, ita exaltari oportet filium hominis.* Aptè autem æneus serpens ligno suspensus est, ut Dominus, & in serpente mortuus, & in ære significaretur æternus: Mortuus videlicet per humilitatem, æternus per divinitatem. Est vero alia hujus ratio: Simpliciores quippe in Ecclesia, & illiterati, quod per scripturas non possunt intueri, hoc per quædam picturæ liniamenta contemplantur, id est, Christum

[c] Galat. VI, 14.

[d] Joan. III, 14.

stum in ea humilitate, qua pro nobis pati, & in cruce mori voluit, dum hanc speciem venerantur, Christum in Cruce ascendentem, Christum in Cruce passum, in cruce morientem, Christum solum, non opus manuum hominum adorant. Non enim truncus ligneus adoratur. Sed per illam visibilem imaginem mens interior hominis excitatur, in qua Christi passio, & mors pro nobis suscepta, quæ in membrana cordis inscribitur, ut in se unusquisque recognoscat, quanta suo Redemptori debeat; dum videlicet juxta Salvatoris sententiam, quæ postulat imago Cæsaris, redduntur Cæsari, & quæ Dei, Deo.

Similiter de imaginibus Sanctorum ratiocinari licet, quæ ideo in sancta Ecclesia fiunt, non ut ab hominibus adorari debeant, sed ut per eas interius excitemur ad contemplandam gratiæ divinæ operationem, atque ex eorum actibus aliquid in usum nostræ conversationis trahamus. Verbi gratia; cum imaginem Beatæ Dei genitricis MARIÆ intuemur, profecto divinæ dignationis per eam beneficia recolimus, qui de massa perditionis recreavit massam reconciliationis. Quæ nimirum studio obedientiæ, & humilitatis exemplo suadet nos supernam patriam querere, quam primæ Virginis superbia atque inobedientia clauferat. Sic itaque Angelos in ministerio conditori assistentes, dum per exteriores imagines contemplamur, per eam quam a Deo claritatis gloriam accipiunt, ad eorum numerum studio conversationis incitamus. Apostolorum atque Sanctorum Martyrum imaginatas effigies intuentes, quid aliud per eas jubemur, nisi ut calcatis curis sæculi, spretisque corporibus, eorum doctrinis imbuti, & glorioso certamine roborati, inter mundi triumphatores coronari mereamur? simili modo Confessorum ac Virginum imagines speculantes, monemur ex eorum imitatione mundi concupiscentiam declinare, lenocinia carnis calcare, immaculatam hostiam Deo nosmetipsos offerre. Sic igitur aliorum Sanctorum ordines inspecti ad æmulationem virtutum nos instruunt, sic quondam foris facta virorum ipsis suis laudibus ad quæque audendum alios accendunt.

CAPUT XV.

De ordinibus Ecclesiastici Regiminis.

Sed neque rebellionis vestræ tumorem grassari adversum divinam ordinationem diutius patior, qua Ecclesiasticæ administrationis ordinem in nihilum redigere laboratis. Sancta quippe Ecclesia, quam beatus Paulus Apostolus supernam Jerusalem, ac matrem nostram, & manentem civitatem, & ad ædificationem ex Deo domum non manufactam appellat; ex Angelis & hominibus constat. Quæ partim ex hominibus societate Angelica in ordinibus distinctis perfruens, jam cum Deo regnat in celo; partim vero in ordinibus distinctis adhuc peregrinatur in terra, & ad supernam societatem suspirat, ubi secundum Apostolum tabernaculum est non manufactum, neque hujus creationis, ad cuius instar per Moysen factum est tabernaculum, de quo dixit ad eum Dominus: *Omnia (f) fac, juxta quod tibi in monte ostensum est.* In quo superno & vero tabernaculo, quod finxit Deus & non homo, in interiora velaminis, id est, in ipsum cælum Confessionis nostræ Summus Pontifex sempiternum (g) habens Sacerdotium per proprium sanguinem introivit semel in sancta, æterna redemptione inventa, sedensque ad dexteram Patris, id est, in gloria paternæ Majestatis, interpellat, non voce, sed miseratione pro nobis. Denique Rex regum (h) & Dominus dominantium, per quem Reges regnant, & conditores legum iusta decernunt, cælestem ac terrenum principatum, cunctam videlicet rempublicam regens, & universam militiam tam cælestem & spirituales, quam terrenam & temporalem distinctis ordinibus disponens ac moderans, & supernæ ac mundanæ curiæ præsidens, miro ordine Angelorum, hominumque ministeria pro temporum varietate, & opportunitate dispensat; & quæ singulis quibusque temporibus, vel personis congruunt, sua occulta inspiratione vel evidenti illustratione, vel patefacta præceptione decernit.

Itaque legimus sacros ordines in cælo & in terra, & in testamento veteri, & in novo dispositos a Deo, ex quo juxta

(f) Exod. XXV, 40.

(g) Hebr. VII, 24.

(h) I. Timoth. VI, 15.

juxta Apostolum omnis paternitas in cœlo & in terra nominatur. Unde beatus Dionysius Areopagites, Antistes videlicet & venerabilis Pater, sicut didicit a Paulo Apostolo, qui raptus est usque ad tertium cœlum, vidit cœlestia secreta, duos libros de Angelico & Ecclesiastico Principatu scripsit. Unde & beatus Gregorius dixit, quia ad hoc divinæ dispositionis provvisio gradus & diversos constituit ordines esse distinctos, ut dum reverentiam minores potioribus exhiberent, potiores minoribus dilectionem impenderent, una concordia fieret ex diversitate contextio, & recte officiorum gereretur administratio singulorum. Neque enim universitas alia poterat ratione subsistere, nisi hujusmodi magnus eam differentia ordo servaret. Quia vero creatura in una eademque æqualitate gubernari vel vivere non potest, cœlestium militiarum exemplar nos instruxit, quia dum Angeli sint, Archangeli sint, liquet, quia non æquales sunt; sed in potestate & ordine differt alter ab altero. Quod per hoc datur aperte intelligi, quia ad explendum de supernis ministrum, alii spiritus alios mittunt, Zacharia scilicet Propheta testante, qui ait: *Ecce (i) Angelus, qui loquebatur in me, gradiebatur; & alius Angelus egrediebatur in occursum ejus, & dixit ad eum: curre & loquere ad puerum istum, dicens: absque muro habitabitur Jerusalem.* Dum enim Angelus ad Angelum dicit: *curre & loquere*; dubium non est, quia alius alium mittit. Minora vero sunt, quæ mittuntur, & majora, quæ mittunt. Huic autem sensui & illud creditur non inconvenienter opitulari; quod per Daniele dicitur: *Millia (k) millium ministrabant ei, & decies milles centena millia assistebant ei.* Aliud namque est ministrare & aliud assistere.

Si ergo inter hos, qui sine peccato sunt, ista est distinctio, quanto magis inter eos, quos constat non posse esse sine peccato, hæc gerendi principatus ratio est servanda? "Liquet, inquit beatus Gregorius, quod omnes homines natura æquales genuit; sed variante mentorum ordine alios aliis culpa postponit." Ipsa autem diversitas, quæ accessit ex vitio, divino judicio dispen-

satur, ut quia omnis homo æque stare non valet, alter regatur ab altero. Unde beatus Paulus: *Omnis, inquit, (l) anima sublimiori potestati subdita sit; non est enim potestas, nisi a Deo, cui qui resistit, Dei ordinationi resistit.* Item Apostolus Petrus: *Subiecti (m) estote omni humane creature propter Deum, sive Regi quasi præcellenti, sive Ducibus tamquam ab eo missis.* Igitur ordines in Ecclesia veteris populi, quæ usitato nomine synagoga vocatur, fuisse legimus per Moysen a Deo dispositos, qui & quales & qualiter ac quando ordinare cæteros, & ordinari a cæteris deberent, & quantum in singulis officiis ministrare deberent. Sed & nunc in Ecclesia, quæ regnum cœlorum appellatur, adinstar cœlestium ordinum ministros Domini institutione & Apostolica traditione legimus, & cognovimus distincte esse compositos, quibus inter cæteros quedam dignitas major, & in similitudinem honoris fuit quedam discretio potestatis, quorum sollicitudine inferiores tamquam ex quadam diversitate in unum Ecclesiæ corpus coeant; ne occasione libertatis subintraret causa prævaricationis. Hujus rei gratia statuta ab Apostolis & Apostolorum successoribus regula est usque in hodiernum diem, per Episcopos atque Archidiaconos, Decanos etiam atque Præpositos totius Ecclesiastici regiminis causam dispensari. Quod cum ita sit, nihil est, quod jure contra hæc repugnare debeatis.

CAPUT XIV.

De eorum falsa justitia.

Verum quoniam falsæ justitiæ doctrinam introducere tentatis, quam divinæ gratiæ adeo præponitis, ut omnia propriis meritis adscribatis, hunc nefariæ præsumptionis errorem Divinæ auctoritatis ictibus labefactamus: Nam nulla justitia, nullum boni constat meritum, quod non de fonte supernæ gratiæ id quod est, acceperit. Unde ipse, quo perhibente Domino, nemo inter natos mulierum major est, de se Joannes dicit: Non potest homo accipere quidquam, nisi ei fuerit datum de Cælo. Et Apostolus dicit: *Omne (n) datum opti-*

(i) Zachar. II, 3. & 4.

(m) II. Petr. I, 13:

(k) Daniel. VII, 10.

(n) Jac. I, 17.

(l) Rom. XIII, 1.

optimum, & omne donum perfectum defursum est, descendens a patre luminum. Et Paulus ait: Infelix (o) homo, quis me liberabit de corpore mortis hujus? Gratia Dei per JESUM CHRISTUM Dominum nostrum. Et iterum: Gratia (p) Dei sum id, quod sum. Et iterum? Sed plus illis omnibus laboravi; non ego autem, sed gratia Dei mecum. Ad hanc nos professionem ipse instituit, cum ait (sine intermissione orate) quia nullum tempus intervenit, quo ejus non egeamus auxilio. In prævicatione namque primi hominis naturalem possibilitatem, & innocentiam amisimus, & nemo de profundo illius ruinæ per liberum arbitrium potest confurgere, nisi eum gratia miserantis erexerit.

Quæcumque igitur in cordibus nostris, aut in nostro arbitrio sancta cogitatio est, aut pium consilium, aut quilibet motus bonæ voluntatis, ex suæ gratiæ dono descendit, quia per illum aliquid boni possumus, sine quo nihil possumus, sicut ipse discipulis ait: Sine (q) me nihil potestis facere. Nam omnia hominum merita ab ipsius gratia præveniuntur, per quem fit, ut aliquid boni, & velle incipiamus, & facere. Denique quibus justitiæ operibus Maria peccatrix a peccatis dimissa, Zachæus justificatus, latro ad paradisi gaudia receptus est, nisi sola divinæ pietatis gratia? de qua Apostolus ad Romanos: Ubi (r) abundavit, inquit, delictum, superabundavit gratia. Et alibi: Omnes (s) enim peccaverunt, & egent gloria Dei, justificati gratis per gratiam ipsius. Et iterum: Fuimus (t) inquit, & nos natura filii iræ facti & ceteri.

Certissime itaque tenemus, omnes homines per semetipsos non solum perfectionem, sed nec initium justitiæ posse contingere, sed universos, qui sunt boni, divina gratia præveniri. Bonam namque in hominibus voluntatem ipse gratis præparat, gratis donat, ipse adjuvat, ipse consummat. Ut enim abnegantes (u) impietatem & sæcularia desideria, sobrie, juste & pie vivamus in hoc sæculo, ait: Gratia Dei per JESUM CHRISTUM Dominum nostrum, cujus hæc est inexhausta pietatis munificentia, ut ex insipientibus sapientes efficiat, infide-

libus fidem tribuat, errantes non solum vocet, sed etiam revocet, desiderii terrenis expulsi desiderium regni celestis inspiret, inserta bonitate malitiam extirpet, benignitatis dono invidiam expellat, odibilibus quoque, & odientibus invicem donum dilectionis infundat. Ut ergo ex malis boni simus, ut sanctæ charitatis igne flagremus, gratiæ spiritualis opere in nobis inchoatur, ejusque in nobis operatione perficitur.

Proinde nosse debet unusquisque Christianus, neque in viribus naturæ, neque in legalibus præceptis, sed in illuminatione cordis, & voluntario divinæ voluntatis munere constare gratiæ salutaris exordium, qua fit, ut quod divinitus præcipitur, non solum a nobis agnoscatur, sed etiam diligere possit ac fieri. Jure igitur gratuito beneficio Divinæ bonitatis adscribitur, qui nos ideo ad bona opera misericorditer excitat, ut habeat, quod in nos juste coronare debeat. Quibus sicut per misericordiam præparavit gratuitum justificationis donum, ita per justitiam præparavit æternæ justificationis præmium. Opus itaque gratiæ in omnibus prædestinatis gratuita misericordia inchoatur, & justa retributione perficitur. Quod vero e contra de injustis occurrere poterat, illis quidem non injusto judicio ignem æternum præparat, quos præviderat dignos ad luenda supplicia, nec tamen prædestinavit ad facienda peccata. Prædestinavit Deus, quod Divina æquitas redderet, non quod humana iniquitas amisisset: Præparavit igitur homini reo non culpam, quam odit, sed judicium, quod diligit; scriptum est enim: Quia (u) misericordiam, & judicium diligit Deus. Proinde bona opera, quæ Deus misericorditer donat, juste coronat, opera vero, quæ non ipse tribuit, juste punit. In istis ergo coronatur Divina largitio, in illis transgressio humana damnatur. Nihil igitur iste habet, quod propriis meritis adscribere, nec ille, quod divino judicio jure possit derogare. Igitur juxta Apostolum non est quod dicat: Figmentum (w) ei qui se finxit. Quid me fecisti sic? Quia habet (x) potestatem figulus lutum ex eadem massa facere aliud quidem vas in honorem, aliud vero in

contu-

(o) Rom. VII, 24. & 25.

(r) Rom. XV, 5.

(u) Tit. II, 12.

[x] Ibid. v. 21.

(p) I. Cor. XV, 10.

(s) Ibid. II, 23. & 24.

(v) Psalm. LXXXIII, 12.

[q] Joan. XV, 5.

(z) Ephes. II, 3.

(w) Rom. IX, 20.

contumeliam. Ostendit igitur divitias bonitatis suæ in vasis misericordiæ: potentiam vero atque iudicium in vasis iræ, dum hos præparat ad gloriam, illos sustinet ire in interitum.

Quænam est igitur vestra iustitia, quæ cuncta folis meritis, nihil tamen gratiæ debet? Porro Paulus jam testimonium vobis perhibet, quod æmulationem Dei habetis, sed non secundum scientiam: Ignorantes (y) enim *Dei iustitiam & vestram quærentes statuere, iustitiæ Dei non estis subiecti.* Moyses vero scripsit, quoniam iustitiam, quæ in lege est; qui fecerit homo, vivet in ea. Quanto magis autem iustitia, quæ ex Evangelio Christi & auctoritate Apostolica est, vitam donabit? Quid enim Apostoli aliud docuerunt, nisi quod ex ore veritatis acceperunt? Quid autem aliud sancta Ecclesia tenet, nisi quod a beato Petro, & cæteris Apostolis accepit? Quis autem nesciat, aut non advertat, quod a Principe Apostolorum Petro Romanæ Ecclesiæ traditum est, ac nunc usque custoditur ab omnibus, debere servari, nec superduci, aut introduci aliquid, quod aut auctoritatem non habeat, aut aliunde accipere videatur exemplum? Præsertim cum sit manifestum in omnem Italiam, Gallias, Hispaniam, Africam, atque Siciliam, insulasque interjacentes nullum instituisse Ecclesias, nisi eos, quos venerabilis Petrus, aut ejus successores constituunt Sacerdotes. Aut legant, si in his Provinciis alius Apostolorum invenitur, aut legitur docuisse: Qui si non legunt, quia nusquam inveniunt, oportet eos hoc sequi, quod Ecclesia Romana custodit, a qua eos principium accepisse non dubium est; ne, dum peregrinis assertionibus student, caput institutionum videantur amittere.

CAPUT XVII.

Jam dies ad occasum declivior erat; & Dominus Episcopus his, qui audiendi gratia convenerant, circumstantibus ait: Fuerant satis, fratres, quæ de his nos oportuerat ad confirmandam fidem vestram enuntiare, sed ne vos plus onere verborum gravemus, sufficiant ista. Hoc tantum servate fidei vestræ inremeratum signaculum, recolentes

hoc, quod Paulus Apostolus prædixerat; *Quia in novissimis (z) diebus discedent quidam a fide, attendentes spiritibus erroris, & doctrinis demoniorum in hypocrisis loquentium, & cauteriatam habentium conscientiam suam: Prohibentium nubere, abstinere a cibis, quos Deus creavit ad percipiendum cum gratiarum actione fidelibus.*

Verum talibus dictis Domini Episcopi, hi, qui paulo ante sibi videbantur insuperabiles verbo, nec ullo verbi genere posse constringi, verborum gravitate, & manifesta Dei virtute ita obstupesciti steterunt, ac si nunquam ullum sermonem didicissent contradicendi, multique ad omnia hoc solum potuerunt respondere, ita sibi videri, nec alio Christianæ salutis summam consistere posse, quam in his; quæ in præsentia Episcopus enarraisset. Ad quos Episcopus: Si hæc, inquit, ita esse creditis, deponentes tantæ perfidiam incredulitatis, nobiscum hanc hæresim cum suis auctoribus, nisi resipuerint, damnantes excommunicate. Tunc Episcopus, & omnes qui aderant Abbates, atque Archidiaconi, Clerusque omnis, simul favente populo, ita incipiunt.

Hanc hæresim, (a) quæ hodie contra veram, & Catholicam Ecclesiam inventa est, quæ videlicet baptismum ad ablundam originalis culpæ maculam, & actualia delicta, nihil profuturum contendit, & per penitentiam peccata nequaquam posse relaxari profitetur: & quæ sanctam Dei Ecclesiam, & Sacrosanctum Altare, atque Dominici corporis, & sanguinis Sacramentum nihil esse aliud, nisi quod corporis oculis intueretur, & hoc tamquam vile negotium respicit; & quæ legitima connubia devitat: Hanc, & omnes, qui eam affirmant, damnamus, & anathematizamus. Profitemur enim secundum fidem Evangelicam, & traditionem Apostolicam nullum posse salvari, nisi per aquam regenerationis: ut ipse Dominus ait: *Nisi (b) quis renatus fuerit ex aqua & spiritu, non potest introire in regnum Dei.* Peccata vero, quæ post baptismum suadente diabolo, & propria voluntate contrahunt homines, confitemur per penitentiam non solum relaxari; verum ipsam divinam gratiam posse promereri, cum

(y) Rom. X, 3. & seq. (z) I. Tim. IV, 1. & seq. [a] *abjuratis Hæreseon.* (b) Joan. III, 5.

cum per eam videamus peccatricem Mariam mundatam, Zachæum iustificatum, Petrum post lapsum relevatum, latronem intra Paradisum receptum.

Credimus autem sanctam Ecclesiam communem omnium fidelium matrem, nullumque ad eam, quæ in cœlis est, posse pervenire, nisi per hanc, quæ in terris est, acquisitus fuerit. Sacramentum autem Dominici corporis, & sanguinis hoc a Deo confitemur esse pignus nostræ redemptionis, & salutis, de quo Dominus ait : *Nisi (b) manducaveritis carnem meam, & biberitis sanguinem meum, non habebitis vitam in vobis.* Et iterum : *Caro mea (c) vere est cibus, & sanguis meus vere est potus.* Quod corpus & sanguinem, secundum quod ipse ait : *Accipite (d) & manducate ex hoc omnes, hoc est enim corpus meum :* & *bibite (e) ex hoc omnes, hic est enim calix sanguinis mei ;* indubitanter profitemur eandem esse carnem, quæ ex virgine nata in cruce passa, de sepulchro levata, super cœlos exaltata, sedet in paternæ Majestatis gloria. Hoc qui audit incredulus, huic nec Christus natus, nec passus, nec sepultus est, nec cum Christo partem beatæ resurrectionis obtinebit. Quod mysterium non alias potest sanctificari, nisi super Sacrosanctum Altare, quod de terra sibi Dominus per Moysen instituit fieri.

Felicissimus exitus hujus Concilii observatione dignus, Concilium lingua latina celebratum fuit, uti & pœna excommunicationis in hæreticos lata : quæ lingua cum hæreticis ignota esset, vulgari populari lingua doctrina catholica Concilii & reprobatio erroris damnati iisdem explicata fuit per interpretem utriusque linguæ peritum : tum Dei gratia promovente & adjuvante zelum Episcopi Gerardi : hæretici pœnitescentes veræ fidei professionem sibi propositam palam amplectuntur. 2. Errores suos damnatos abjurant. 3. Cum scribendi rudes essent, formato † signo signarunt factam professionem : & in pace ab Episcopo benedicti ad sua jam Catholici revertuntur.

(b) Joan. VI, 54.

(c) Ibidem v. 55.

(d) Matth. XXVI, 26.

(e) Ibidem v. 27.

SYNODUS WORMATIÆ

Anno Christi MXXVII. Joannis XIX. Papæ IV.
Conradi II. Regis III. Imp. I. (a)

SUMMA. Juramentum insolens a Metropolitano exactum a Suffraganeo Episcopo consecrando, moderante Imperatore Conrado, nonnihil laxatur.

JAm annus fere elapsus erat, ex quo Bruno in Tullensem Ecclesiam regendam cooptatus, necdum tamen ordinatus fuerat, moras neſtente Poppone Archi-

Connubia autem, quibus concessa sunt, Dominus & discipuli ejus, Doctores gentium, licentiam dedit, & legitima servare instituit. &c.

Si quis autem contra hanc Catholicam institutionem senserit, sortem inter fideles habere non poterit. Verum, quia illi qui paulo (ante) hæretica infidelitate tenebantur, hæc quæ latina oratione dicebantur, non satis intelligere poterant, audita per interpretem vulgarem excommunicationis (sententia) expostaque sacræ fidei professione, pari voto se, & quod damnatum fuerat, abjurant) & quod a fidelibus creditum fuerat, credere se professi sunt. Sed ad confirmandum suæ fidei testamentum, unusquisque eorum in modum crucis hujusmodi † quemdam characterem conscripsit, ut hoc illis signum in extremo judicio, si fidem hanc ferventer, repræsentaretur ad salutem ; si autem prævaricaretur, fieret eis in confusionem. Sic itaque omnes Deo gratias in commune reddentes, & a Domino Episcopo benedictionis munere donati, redierunt feliciter in sua.

*D'achervii in Spicilegio editionis anni 1723,
Tomo I. a pag. 607. ad 624.*

chi-Episcopo ob promissum insolitum quod ab eo exigebat. Morarum impatiens Conradus Imperator utrumque Wormatiæ in frequenti Episcoporum ac Procerum cœtu adesse jubet, & formula Sacramenti nonnihil laxata, ut scilicet Bruno in arduis tantum Ecclesiæ rebus Ar-

chi-Episcopum consuleret, evicit, ut Bruno quantocyus consecraretur. Consecratus fuit Tulli Episcopus V. Idus Septembris h. a.

*Mabillon. Annal. Benedictin. Tomo IV.
Lib. LVI. pag. 332.*

(a) Fuit Conradus a Joanne XIV. die Paschatis anni hujus Romæ Imperator coronatus: præsentibus duobus Regibus Rudolpho Burgundiæ, Cnuthone Angliæ, tum multis Episcopis, Proceribus & Abbatibus Germaniæ.

SYNODUS IN FRANCONOVORDE

Anno Christi MXXVII. Joannis XIX. Papæ IV.
Conradi II. Regis III.

SUMMA. Godehardus Hildesienfis Episcopus testimonio septem Episcoporum probat suam jurisdictionem in Gandesheim. §. 2. Nondum Aribo cedit suo juri. §. 3. Sophiæ Abbatissæ Nonnæ suæ restituitur. §. 4. Gebehardus frater Regis tondetur.

Eodem item anno Aribo Moguntinus Archi-Episcopus Franconevorde Concilium Synodi habuit cum Episcopis XXIII. in quo iterum beatum Godehardum de sæpius præventilata causa more suo inquietavit. Pulchra siquidem ibi erat etiam rationabiliter tam Regalis, quam & Episcopalis confessio. Nam in *Orientali parte* ante altare Archi-Episcopus Aribo cum suis Suffraganeis, Werinhero Argentinenfi, Brunone Augustensi, Meinwerco Patherbrunnensi, Eberhardo Babenbergensi, Meinhardo Wirceburgensi, Brantago Halberstadenfi, Godehardo Hildinshheimensi, Hazecone Wormatiensi, Wiggero Fardenfi confedit. *In Occidentali parte* Imperator confedit, & a *dextris ejus* Pilgrimus Colonienfis Archi-Episcopus cum sibi subditis, Sigiberto Mindenfi, Sigifrido Monasterienfi, Bennone Trajeſtensi. *A sinistris ejus* Hunfridus Partenopolitanus Archi-Episcopus cum suis, Hildwardo Cicensi, Brunone Mersburgensi, Liuzone Brandeburgensi, Thioderico Misnensi. *In Australi autem parte* Episcopi Rambertus Wirdunenfi, Rodolfus Sleswicensi, Hildolfus Mantuanus, Reinoldus Aldenburgerfi assederunt. *In Aquilonari etiam* Abbates: Richardus Fuldenfi, Reinboldus Lorisheimensi, Arnoldus Herveldensi, Gerbertus Mogontinus cum aliis etiam ejus ordinis sex adfuerunt. Ibi tandem Præ-

Tomus III. Concil. German.

ful Godehardus summa veritate, quæ Christus est, miserante pariter & adjuvante, Episcopatus sui proprietatem super totum Gandersheimense territorium testimonio septem Episcoporum, qui prædictam pactionem in Gandersheim & audierant, & viderant, canonice retinuit, scilicet Brunone Augustensi concionante, Werinhero Argentinenfi decernente, ipso verò Metropolitano vere invito verbi Dei banno affirmante. Hi enim erant Episcopi, qui suum testimonium sicut viderant & audierant, præbuerunt: Bruno Augustensi, Everhardus Bavenbergensis, Meinwercus Paderbrunnensis, Meinhardus Wirceburgensis, Sigibertus Mindensis, Hilliwardus Cicensi, Bruno Mersburgensi.

§. II. In hac Synodo Donna Sophia Abbatissa Gandersheimensis Nonnas suas, cogente synodali decreto ab Archi-Episcopo recepit.

§. III. In eadem Synodo Gebehardus juvenis frater Imperatoris, arma compulsus deposuit, & clericalem tonsuram invitatus accepit.

*Mabillon. Annal. Benedictinorum T. IV.
Lib. LVI. ex chronico MS. inedito.
Annalista Saxo Eckharti Tomo I. corporis
Historici medii ævi pag. 458. 459.
ad hunc annum.*

Hildenesheimense Chronicon ad h. a.

SYNODUS MOGUNTINA IN GEITZLICE (a)

SUB ARIBONE ARCHI-EPISCOPO.

SUMMA. Causæ Gandersheimensis denuo tentata compositio, sed non effecta.

§. I. **E**O anno iterum Aribo Synodum suam Geislizæ concivit, ad quam item seniores nostrum Godehardum inquietandum Legatis & scriptis vocavit. Quo ille ire dissimulans, venerabilem virum Tadilonem, (b) Decanum nostri cœnobii, cum fratribus obviam ei misit, qui eum honorifice ex parte senioris salutando, de præterita Synodi diffinitione commonuit, & plurali altrinsecus auctoritatum, collatione profusa Episcoporum auxilio, eum ab ipsa repetitione tunc tantummodo composuit.

*Biographus S. Godehardi apud Leibnitz.**Tom. I. Script. Brunswic. p. 493.**Leuckfeld. in antiquit. Halberstadenfibus ad annum 1028. refert Synodum.*(a) *Geislar nunc dicitur.*(b) *Tachilonem alii legunt.*

Sed si annus Synodi Francofurtensis legitimus est, quem Schatenus & alii ad 1027. referunt, sequitur eodem anno in Geitzlice Synodum coactam fuisse.

§. II. In eadem Synodo in Geitzlere inter cætera Ecclesiastica quidam homo ingenuus de homicidio Sigefridi Comitis incusatus, candenti se ferro expurgavit, qui ex decreto synodali post duas noctes probatus, illæsus apparuit.

*Annales Hildesheimenses apud Leibnitz.**Tom. I. Scriptor. Brunsw. p. 725.**sed ad annum 1028.**Iidem Annales ultimam reconciliationem referunt ad 1030.*

SYNODUS IN MERSBURCH

ANNO CHRISTI MXXVIII. JOANNIS XIX. PAPÆ V. CONRADI II. REGIS IV. IMPERII II.

Eodem anno Pentecosten in Mersburch celebravit, ubi Aribo Archi-Episcopus & Godehardus Episcopus inter se super diutina eorum disceptatione reconciliati sunt. Nam ipse Metropolitanus patrem Godehardum secreto coram Episcopis convenit, seque errasse super Parrochia Gandersheimensi confessus est, & omnem fraternam satisfactionem, sed & de præterita lite perpetuam taciturnitatem sub vero Christi & Ecclesiæ testimo-

nio promisit, sibi que priora errata propter Deum remitti suppliciter petiit.

*Annalista Saxo Eckharti Tom. I. Script. mediæ ævi ad 1029.**Leibnitz. in vita S. Godehardi T. I. p. 493.**Anno proximo post Synodum in Palitbi, adeoque 1030. cui Leuckfeld in antiq. Halberstad. consentit.**Serarius in Moguntiacis ad annum 1029. pag. 732. primæ editionis.*

SYNODUS IN PALITHI

ANNO CHRISTI MXXIX. JOANNIS XIX. PAPÆ VI. CONRADI II. REGIS V. IMPERII III.

ANNO Dominicæ Incarnationis MXXIX. Imperator in Palitbi (a) Naxale Domini celebravit, ubi prædictus Archi-Episcopus iterum Synodo habita veterem querelam contra beatum Godehardum præsentem Imperatorem incœpit, sed post multa & varia disceptationum

colloquia, vix tandem ab Episcopis commonitus, destitit.

*Vita Godehardi pag. 493. videtur referre ad annum 1028.**Annal. Hildesheimenses pag. 725. apud Leibnitz. Tom. I. Script. Brunswic.**Leibnitz. ad annum 1029. refert.*

[a] *cum Episcopis XI. addunt Annales Hildesheimensis apud Leibnitz. pag. 725.*

SYNO.

SYNODUS PADERBORNENSIS

ANNO CHRISTI MXXIX. JOANNIS XIX. PAPÆ V.
CONRADI II. REGIS V.

SUMMA. Aribo Archi-Episcopus Moguntinus ab Imperatore Conrado & confratribus facultatem petit Romæ limina Apostolorum invisendi, & obtinet.

NAtalem Christi (a) Imperator Patherbornæ egit, ubi Aribo Metropolitanus in sancto die inter Missarum solemnias publico sermone habito licentiam ab Imperatore Conrado & confratribus Romam pergendi rogavit, simulque a clero & populo indulgentiam sibi a Deo impetrari postulavit. Sicque post

Purificationem sanctæ Mariæ iter assumens, Romam adiit.

Inde vero digrediens VIII. Idus Aprilis, (b) obiit anno Ordinationis suæ XI. cunctis certe Catholicis merito flebilis, quia in omni Ecclesiastica Religione erat vere laudabilis.

Biographus S. Godehardi apud Browerum Cap. X. pag. 35.

Apud Leibnitz Tom. I. Scriptor. Brunsvic. Cap. IV. pag. 494.

Sevarius in Moguntiacis pag. 732.

(a) Hic est initium anni 1030. apud Scriptores hujus sæculi: sed nostro hodierno calculo spectat hæc Synodus ad 1029.

Hermannus Contractus, Lambertus Schaffnaburgensis anno 1031. Aribonem mortuum scribunt, Marianus Scotus anno 1030.

(b) Cumis, hodie Novocomi, in Italia mortuum scribunt *Annal. Hildesheimenses pag. 726. Leibnitz. Tom. I.*

SYNODUS TRIBURIENSIS

ANNO CHRISTI MXXX. JOANNIS XIX. PAPÆ VI.
CONRADI II. REGIS VI.

Caput unicum superest de tempore jejunii quatuor temporum in Quadragesima servando.

HOc tempore Triburiæ secus Moguntiam Imp. Chonradus de diversis partibus Episcopos convocavit, ut quæ utilitatis & religionis sunt, ad invicem conferrent. Qui post aliqua dierum suorum hoc habuerunt capitulum; ut, si quando jejunium primi mensis in ea hebdomada, qua constat caput (a) jejunii, sicut solet, eveniret: amborum juniorum celebritas una of-

ficii expletione compleretur. In hoc rursus moderatissimus Pastor, Gerardus Cameracensis Episcopus, antiquam patrum consuetudinem servari monebat, & in altera hebdomada officium primi jejunii celebrandum pro consuetudine antiqua censebat: Cujus oblata sententia visa est congrua, & ab eis decreta est tenenda.

Balderici Chronicon Cameracense & Atrebat. Lib. III. Cap. LI.

Sigebertus Gemblacensis in Chronico ad annum 1030. refert; sed in textu addit: Hoc tempore, quasi non annum; sed circa hoc tempus factam Synodum denotaret.

Hermannus Contractus ad 1035. Synodum magnam apud Triburiam collectam ab Imperatore scribit: sed de actis vel decretis Synodi nil habet: Baldericus nullum annum addit: hinc secuti Sigebertum retulimus ad 1030.

[a] *Caput jejunii dicuntur 4. dies a feria IV. Cinerum ad primam Dominicam Quadragesimæ: intra eos olim alicubi jejunium quatuor temporum agebatur: nunc in prima hebdomada sequente, uti in hac Synodo Triburiensi definitum fuit, jejunium quatuor temporum servamus.*

Martius vocatur stilo Ecclesiastico primus mensis, etsi jam a tempore Julii Cæsaris tertius esset, & nunc sit tertius anni nostri mensis; attamen jejunium quatuor temporum quod in prima hebdomada Quadragesimæ servatur; vocatur jejunium primi mensis sive in Februario, sive in Martio celebretur.

Tempus hujus Synodi, si anno 1030. habita, fuit inter Pascha & Pentecosten.

Pascha anni 1030. celebravit Conradus apud Ingelheim. Ibi Imperator ducatum Alemanniæ Hermanno juniore, fratri Ernesti, hoc ducatu spoliati, dedit, eumque Wormanno, Constantiensium Episcopo, commendavit. Imperator vero commune consilio

omnium Principum Regni eundem Ernestum, & cunctos justitiæ, & paci reluctantes, ab Episcopis excommunicari fecit, eorumque res publicari jussit. Post Synodum Triburiensem Pentecosten in Merseburg celebravit.

Wippo pag. 436.

GERARDI CAMERACENSIS EPISCOPI, TUNC PAROCHIÆ REMENSIS IN FRANCIA SUFFRAGANEI,

Confutatio mandati, a quibusdam Franciæ Episcopis vulgati, & fictarum literarum a cælo scilicet delatarum.

Istiusmodi decretum a Franciæ Episcopis datum est servari subjectis sibi populis.

Unus eorum dicit, *calitus sibi delatas* esse litteras, quæ pacem monerent renovandam in terra. Quam rem mandavit cæteris, & hæc tradendi dedit populis. Arma quisque non ferret: direpta non repeteret: Sui sanguinis vel cuiuslibet proximi ultor minime existens, percussoribus cogeretur indulgere: Jejunium in pane, & aqua omni sexta feria servarent, & in Sabbato, a carne, & liquamine abstinerent: soloque hoc contenti jejunio, in omnium peccatorum remissionem nullam sibi aliam adjiciendam pœnitentiam, & hæc Sacramento firmarent. Quod qui noller, Christianitate privaretur, & exeuntem de seculo nullus visitaret, nec sepulturæ traderet.

Alia quoque importabilia quam plura dedere mandata, quæ oneri visa sunt replicare. Hanc mandatorum novitatem, cum multi cupidi novarum rerum libentius justo amplecterentur; Gerardus, Cameracensis (a) Episcopus, qui solus Lothariensium appendebat ad Pa-

rochiam Francorum, nullius hortatu potuit adduci ad hæc suscipienda, sed singula capitula refellebat; dicens: genus humanam ab initio trifariam esse divisum, in orantibus, pugnatoribus agricultoribus: & unum duorum, & duos unius egere auxilio; ideo debere arma ferri, & rapinas reddi pro auctoritate legis & gratiæ, ultorem percussu vel occisi non exacerbari cogendo, sed secundum Evangelium ei reconciliari: jejunium in sexta, & septima feria, nec omnibus unum esse imponendum, quia non est una omnibus possibilitas: nec omnes hoc uno jejunio contentos esse, quia non est una omnium pœnitendi qualitas: Hæc Sacramento firmare, vel Sacramentali violationem perjurio augere, non esse utile: his contradicentes excommunicari, infirmis visitationem, vel mortuis sepulturam negari, esse detestabile: sufficere authentica patrum decreta, & super his neglectis impositum congruenter pœnitentiæ modum.

*Sigebertus Gemblacensis in Chronographia
ex editione Struvii.*

(a) Cameracensis, Belgii Episcopus, spectabat ad Metropolim Remensem, quæ erat Belgicæ secundæ caput, cujus Synodum doctissimam retulimus anno 1025. Gerardus hic Cameracensis simul & Atrebatensis Episcopus sedit ab anno MXI, ad annum Christi MXLIX. ita *Bucelinus in Germania Sacra.*

Quæ Sigebertus refert ad 1032. Hæc exemplar Sigeberti MS. apud Miræum refert ad annum 1033. De iisdem Baronius ad 1133.

Reapſe hoc tempore multa in Galliis celebrata fuere Concilia : in quo vero vel hæ literæ fictitiæ, vel errores approbati, aut reprobati fuerint, non conſtat.

SYNODUS CONSTANTIENSIS

ANNO CHRISTI MXXXIII. JOANNIS XIX. PAPÆ IX.

CONRADI II. REGIS IX.

SUMMA. Bern, Abbas Augiæ divitis, cogitur uſum Episcopatum inſignium, Romæ obtentam, a ſe abdicare.

BERN, Abbas Augiæ, Miſſis Romam cœnobii ſui privilegiis, a Joanne Papa item privilegium cum ſandalis, ut Episcopatus indumentis Miſſas ageret, accepit. Unde *permoto* (a) a Warmanno, (b) Conſtantiensi Episcopo, apud Imperatorem (c) Conradum, quaſi ſui perſaſor officii & honoris, accuſatus, eo

uſque ab utriſque coartatur, donec idem cum ſandalis privilegium ipſi Episcopo traderet, publice in Synodo ſua, id eſt in *Cena Domini*, ſequentis anni incendendum.

Hermannus Contractus in pleniori editione Struvii pag. 277.

(a) forte: a *permoto*, hac uſurpatione Abbatis Episcopo Warmanno. Nam alias, quid ſibi hic velit *permoto*, non video.

(b) Warmannus: Comes Dillingenſis & Riburgius, Episcopus Conſtantiensis ex monacho Augiæ divitis, ſedit ab anno 1026. ad 1034. inſigni doctrina & ſapientia præditus, *judice Bruſchio*.

(c) Conradus II. Rex anno 1033. Natalem Domini Argentinæ celebravit, ubi Warmannus accuſavit verofiſimiliter Abbatem Bernonem Episcopalia indumenta affectantem.

SYNODUS TRIBURIENSIS

ANNO CHRISTI MXXXVI. BENEDICTI IX. PAPÆ III.

CONRADI II. REGIS XII.

SUMMA. I. Renovatio canonum in prioribus Conciliis ſtatutorum.

II. Augmentum eorum.

*III. Divortium conjugum auditis juratis teſtibus de impedi-
mento.*

Conradus Triburiam tendens poſt Paſcha Ingelheimii celebratum, generali ibidem Synodo præſedit:

I. In qua germanitas Episcoporum priora decreta redintegavit,

II. Et etiam ad augmentum ſanctæ Eccleſiæ neceſſaria confirmavit.

III. Ibidem Otto de Suinword, filius Henrici Marchionis, Machtildem filiam

Bolezlavis Polonianorum Ducis, anno ſuperiore ſibi Bavenbergæ deſponſatam, juramento a ſe abalienavit.

Annales Hildeſemenſes Leibnitz. Tomo I. pag. 328.

Chronographus Saxo pag. 244.

Annaliſta Saxo Eckharti Tomo I. Script. Hiſtoriæ pag. 464.

HOLTHAUSEN CONVENTUS SYNODALIS

SUB GODEHARDO HILDESIENSI EPISCOPO.

Anno Christi MXXXVI. Benedicti IX. Papæ III.
Conradi II. Regis XII.

SUMMA. Hildewinus quidam Presbyter, ex paupertatis gradu aliquantum sublimatus, ab Imper. Henrico ob certas causas humiliatur; attamen a Godehardo, Episcopo Hildesienfi, cujus callide animum sibi devinxerat, denuo exaltatus, factus insolentior & arrogantior, omnium odium sibi concitavit. Demum mendax responsum Episcopo datum, morte intempesta luit.

" Præsul post aliquot annos de talibus clarius certificatus, & super eos, qui injuste lædebantur, aliquando ad veniam inclinatus, die quadam convenire de nostra congregatione Præpositum & Decanum cum aliquot fratribus, cæterisque suis Primoribus *Holtbusen* villa Episcopali, ubi tunc forte manebat, mandavit, assidentem etiam viro venerabili, suo ex sorore nepote, Rathmundo, Althahensis cœnobij Abbate, præsentem eodem Presbytero, omnibus, qui se ab eo læsos querebantur, coram licentiam fandi donavit.

" Querebantur enim omnes simul, primo generale Ecclesiæ & Episcopalis honoris scandalum; deinde cives & hospites quisque speciale injuriarum sui detrimentum. Quibus ille auditis, quasi insultando, ut erat callidissimus, subrisit, & velut admirans, quæ hæc essent, inquisivit, ac deinde commentis mundanæ suæ sapientiæ, qua plane plenus erat, quæ verè ante Deum stultitia computatur, ut in ipso manifeste patuit, objecta quæque eloquenter repulit, omnesque sibi adversantes mirabiliter quasi mutos & elingues reddidit.

" Pius Præsul tandem Spiritu sancto compunctus, & insuper etiam mirabili stupore permotus, considerans pariter & manifestam rerum veritatem, & fiducialem cordis ejus temeritatem, illico omnium voces compescuit, & modificato sermone, cunctis admirantibus, ita incepit: " Hildwine, *inquit*, sic

" enim vocabatur, Ecce omnes circumstantes, ut tibi videtur, vicisti; Ecce omnes subtilitate tua, Deo veritatem inspiciente, quasi mendaces ostendisti: Jam modo ad me convertere, & soli mihi, per Christum adjuratus, veritatem responde. Evangelica, *inquit*, te sententia aggredior, & quia sensum Evangelicum non plane sapias, te Teutonico sermone alloquor: Hildwine, *inquit*, diligis me? Ille statim fiducialiter: vere, ait, diligo te. Item Episcopus: Hildewine, *inquit*, diligis me? At ille, certe, ait, diligo te. Itemque Episcopus tertio: Hildewine, *inquit*, diligis me? Tandem ille miser, Evangelico illo exemplo stupefactus, sed non rite, proh dolor! compunctus, irato pariter, ac flebili sermone respondit: Deus, *inquit*, qui omnia scit, ipse scit, quia verò diligo te. Tunc Præsul: Ecce, *inquit*, siquidem verum dicis, mihi satis fecisti, sin autem decipis, temetipsum mirabiliter obligasti: sed, si me, ut dicis, fideliter diligis, pascere oves meas, id est, dilige fratres & amicos meos, etiam hospites & pauperes meos: dilige conservos, & domesticos tuos. Unde & per Deum te commoneo, ut si vere jurasti, te in veritate custodias; si quominus, digne pœniteas: & sub hoc pacto jam domum regredere, & dignitate pariter ac beneficio, ac proprietate tua, in gratia mea, siquidem Deus annuerit, utere. Sicque conventum illum, cunctis admirantibus pariter, & paventibus, dimisit.

Notat

Notat deinde Auctor, quod, cum Hildewinus lætus inde domum regressus fuisset, die sequenti mane celeriter surgens, calciamenta citius induit, sed ad induendas tunicas assurgens, concitus corruit, & mirabili celeritate præoccupatus miserabiliter expiravit. *Biographus S. Godebardi Episc. Hildesbemensis apud Leibnitz.*

A D A L B E R O,

PRÆPOSITUS S. PAULINI,

VARIA DONAT MONASTERIO S. MATTHIÆ JUXTA TREVIROS.

IN nomine Sanctæ, & Individuæ Trinitatis. Quoniam illas solummodo possessiones credo in æternum manfuras, quas pro Dei amore aliquis expendat feliciter; idcirco ego Adalbero, Dei gratia præpositus S. Paulini Trevirensis, Dominus de Ruxhejo, de Serico, de Sarburgh, & de Berncastel, certissima fide credens secundum scripturam: *Sicut aqua extinguit ignem*, (a) ita Eleemosynis redimi posse peccata; quia præiens vita itatum nescit præstare beatum, cum sit inæqualis, nunc lucida, nunc pluvialis: timens instabilitatem loci, & personarum: attendens mutationes rerum assiduas, vitamque hominis non esse diuturnam, ignorans, quid castina dies pariat, illum, qui redditurus (b) est unicuique, prout gessit, sive bonum, sive malum, mihi placare desiderans. Idcirco Deo, cui omnia debentur, pro animabus parentum meorum, & pro peccatis meis maximis, quibus Deum ultionum, personas Ecclesiasticas, (c) Monasteria nimis graviter offendi, curtes ipsorum destruendo, & depradando bona ipsorum; aliquid de meis proprietatibus, quas ipso iubente Deo, habere iussus sum, offerre disponens, sanus, & incolumis, quia satis Deo carum non est, qui illi hoc dat, quo ipse perfrui non potest, trado ac tradidi, lego & legavi villas meas Nenniche (d) Palesten, Dilmere, & Helesfelt. Item villas meas proprias Hintre, Balderingen, Lampaden, & eo attinentia,

& eurtē meam (e) Berneroth, beatis Patronis, & Dominis meis, EUCHARIO, VALERIO, & MATERNO, cum pascuis ovium, & pecorum, in terminis villarum prædictarum (f) Wiltinck videlicet, & Emmelde, ego vero, dictus præpositus, Deum habens præ oculis, & iustitiam, curtem Abbatis sæpe dictam expedivi in hunc modum.

Pascua curtis prædictæ Berneroth extenduntur in terminis illorum de Wiltinck usque ad magnam sylvam illorum de Wiltinck, & ad arborem, quæ vulgariter dicitur Melbaum. Item pascua curtis sæpe dictæ, in terminis illorum de Emmelde, extenduntur usque ad rivulum, qui descendit de monte Pillinck, & de monte Buysiris juxta vineas eorum de Emmelde, mediante censu, quem curia prædicta forestariis, & villicis de Wiltinck & Emmelde, pastoribus, & villico ab antiquo solebat perfolvi, in signum perpetuæ possessionis pascuorum prædictorum. Item jura, & exactiones venationum, quas ego & antecessores mei apud prædictas villas habere videbantur, Wiltinck videlicet, & Emmelde, pro pascuis prædictis, & propter suffragia beatorum Eucharrii, Valerii, & Materni (g) Werpivi, & afeftucavi, ad petitionem Abbatis prædicti Bertolff.

Ut autem hæc donatio, sive legatum, sive collatio a me facta, robur habeat perpetuæ firmitatis, & inconvulsa omni ævo, & tempore valeat permanere, sigillum

(a) Eccl. III, 33.

(b) Matth. XVI, 27. Roman. II, 6.

(c) Monasteria nimis graviter offendi curtes ipsorum destruendo & depradando bona ipsorum; confer cartam sequentem ejusdem Adalberonis.

(d) Paltzeln.

(e) hodie Benrod.

(f) Wiltingen.

(g) Werpivi, & afeftucavi hodie significatur rei abdicatio, & traditio alteri facta; qui enim rei Dominium in alium transferebat, aut illius juri renunciabat, festucam, seu stipulam possessori tradebat in signum Domini translati; vel eam in terram projiciebat, tanquam re, quam in alium transferebat, se exueret. Vid. Du Fresne in Glossar. verb. Festuca. & verb. Guerpire.

gillum Reverendi Patris ac Domini nostri Popponis, Dei gratia Trevirorum Archiepiscopi, ad meam supplicationem, & humilem petitionem, præsentibus una cum sigillo meo est appensum.

Et nos Poppo Dei gratia Trevirensis Archiepiscopus jam dictus, ad rogationem, & petitionem venerabilis viri, Adalberonis præpositi S. Paulini Trevirensis, sigillum nostrum dignum duximus apponendum præsentibus, & apposimus in testimonium veritatis. Acta autem hæc donatio solemniter in Ecclesia Trevirensi, præsentem venerabili Domino

Poppone Archiepiscopo Trevirensi, (b) Theodorico Episcopo Metensi secundo, Bertolfo Abbate prædicti Monasterii, Godefrido Duce, Gerhardo Comite, Bertolfo Comite, Friderico Comite, ejusque fratribus Sigilberto, & Theodorico, Hermann Comite, & duobus Arnolfis, uno de Salmana, altero de Negelbach, & multis aliis Prælati, Clericis & Laicis. Anno Dominicæ incarnationis MXXXVI. indi. III. Conrado Serenissimo Imperatore imperante, Episcopatus autem Domini Popponis Archiepiscopi Trevirensis XX.

(b) Theodorico Episcopo Metensi; fratre Adalberonis Præpositi. Ambo erant filii Siegfriedi primi Comitis Luxemburgensis, & fratres Cunigundæ Imperatricis conjugis S. Henrici.

Illustrissimus Honthemius Tomo I. Historia Diplomatica Treverica pag. 268. cujus & Notæ adjectæ sunt.

SYNODUS PROVINCIALIS TREVERENSIS;

Anno Christi MXXXVII. Benedicti IX. Papæ V.
Conradi II. Regis XIII.

SUMMA. §. I. Translatio Reliquiarum S. Materni, & Dedicatio Ecclesiæ. §. II. Adelberti & Judithæ Lotharingiæ Comitum donatio facta Ecclesiæ S. Matthiæ.

§. I. **R**efolidatam itaque (*Basilicam*) & in pristinum reformatam statum, pretiosis B. Materni reliquiis a loco sepulchri cum comprovincialium Episcoporum coram positorum ac totius Diocesis suæ cleri & populi utpote *Synodum* gratia, jam, ut ita dicam, perindie heri & hodie celebrante ibidem Treveri, congregatorum annisu, XII. Kal. Nov. translatis, illustravit, atque dedicavit, dedicatam donativis pluribus, quibus ab Imperatoribus videlicet Henrico II. & Conrado similiter II. Itemque Henrico Rege quidem III. Imperatore autem II. sicut in præceptis illorum de Treveri continetur, honoratus fuerat, magnifice ditat.

Vetus Scriptor gestorum Treverensium apud illum Hontbeim prodromi Historiæ Trevericæ parte posteriori pag. 753.

Browerus Annal. Trever. Lib. XI.

" Cum ædem primariam (Poppo)
" egregiis operibus jam instaurant;

" convocatis Trevirim, Theodorico
" Metensi, Lamberto Virdunensi, &
" Brunone Leucorum Suffraganeis suis
" *Conventum* habuit Provincialem, cui
" universus etiam Trevirensis Clerus in-
" terfuit. Synodum hanc non præsen-
" tia magis sua, quam ope benignitatis
" insigni & heroica munificentia conde-
" corarunt Adelbertus ex Lothariensium
" stirpe Dynasta. & ejus uxor Juditha.

Browerus Annal. Treverens. Lib. XI. ad hunc annum.

Adelbertus, Marchio Lotharingiæ, donat Monasterio S. Matthiæ villam Weiskirchen. Data in Synodo sancta Venerabilis sancti Popponis Archiepiscopi Trevirensis, præsentem ipso Archiepiscopo Poppone, Theodorico Episcopo Metensi secundo, & Bertolfo Abbate prædicti Monasterii, & multis aliis Prælati, Clericis & laicis in Ecclesia Treverensi MXXXVI. Mense Junio.

Insinuat ab illo Hontbenio in parte prioris Prodromi Historiæ Treverensis pag. 318.

§. II.

§. II. *Donatio villæ Momendorff facta Abbatiæ S. Matthiæ Trevir. per Adalbertum Marchionem Lotharingæ, & Juditam uxorem ejus in hac Synodo.*

IN nomine Domini, amen. Mortalium facta, nè simul cum memoria hominum fragili labantur, scripturæ apicibus solent perennari. Nos igitur (a) Adalbertus Marchio Lotharingæ, & Judita uxor mea, universis tam præsentibus, quam futuris, has literas visuris, seu legi auditoris, volumus esse notum, quod sancti David Prophetæ verbis incitati & moti, dicentis: *Dispersit (b) dedit pauperibus, justitia ejus manet in sæculum sæculi, cornu ejus exaltabitur in gloria*; nostrorum parentum vestigia imitari volentes, qui ob cœlestis Regis gratiæ obtentum de terrenis facultatibus sibi commissis, divinitusque indultis, Ecclesiæ plurima contulerunt, salutem nostræ similiter consulere cupientes, aliquid in Gazophylacium Domini cum vidua paupere mittere studentes, famulantibus in Domo Domini subscripta decrevimus conferre. Quapropter ob reverentiam sanctorum *MATHIÆ Apostoli, EUCHARII, VALERII, & MATERNI, Discipulorum Domini nostri JESU CHRISTI*, vivi & sani mente & corpore, communi manu, voluntate libera, sine omni hæsitacionis contradictione, villam nostram Mamendorff cum Ecclesiis, decimis, curtibus, ædificiis, familiis, mancipiis utriusque sexus, campis, agris, pratis, pascuis, sylvis, venationibus, aquis, aquarumve decursibus, molendinis, piscationibus in flumine (quod ibidem transit a loco, ubi duo fontes oriuntur, supra villam Selewiggen, quorum fontium unus dicitur Oppenburgen, alius Milburnen, ut nullus in confluxu eorundem fontium aliquod ædificium construere præsumat sine Abbatibus, & conventus consensu, usque

ad locum illum, ubi dictorum fontium confluxus fuit in magnum flumen Sare) vicis, viis & inviis, exitibus, & reditibus, terris cultis, & incultis, quasitis, inquirendis, ac cum universis appendiciis, & adjacentiis suis, Monasterio prædictorum Sanctorum, extra muros Trevirenses sito, conferimus, tradimus, & donamus manu communi, per præsentem inter vivos, perpetuo tenendam, quiete & possidendam. Volentes, & stabili testamento confirmantes, ut nullus Archiepiscoporum, Episcoporum, Ducum, Comitum, nepotum, seu hæredum nostrorum, in villa prædicta, seu ejus attinentiis superius expressis, sibi aliquod jus in gravamen, & præjudicium Monasterii præfati possit usurpare, aut de cætero valeat vindicare. Præterea decimam nostram in *Wiss* cum omni jure, & attinentiis suis: item decimas villarum nostrarum, videlicet *Devechingen, Beringen, Gundelvingen, Bettingen, & Selvingen, Gerlevingen*, cum omni jure, & attinentiis suis; item decimam in *Betersdorff* cum omni jure, & attinentiis suis; item villam *Wegingen* cum decima ibidem; item villam nostram *Weiskirch* cum decima ibidem, & cum omni jure, & attinentiis suis; item curtes nostras in *Coussé & Berencastell* super Mosellam, cum omni allodio, & jure ad ipsas pertinente; item villas nostras *Munserville, Lancamp*, cum omni jure & attinentiis suis, similiter donamus Monasterio Sanctorum prædictorum *MATHIÆ Apostoli, EUCHARII, VALERII, & MATERNI Pontificum, Discipulorum Domini nostri JESU CHRISTI*, nulla usurpatione de cætero ab aliquibus personis, cujuscunque conditionis existant,

[a] Adalbertus, Marchio Lotharingæ. Refert *Calmet. Histor. Lotharing. Tom. I. Lib. XIX. n. 64. col. 1009.* se in archivio Abbatæ S. Mathiæ vidisse bina præsentis confirmationis originalia instrumenta, in hoc solo sibi dissimilia, quod in eorum uno habeatur: nos Adalbertus Marchio Lotharingæ & Juditha uxor mea. In altero: Adalbertus Dux & Marchio Lotharingæ, & Juditha uxor mea Ducissa & Marchionissa. Quod etiam titulo insignitur Adelbero in carta Adelberonis Præpositi, qua hoc anno Monasterio S. Mathiæ donat Nennich, Falsen &c. Sed per proleptin Adelberonem Lotharingæ Ducem vocari, recte monet *Bromerus Annal. Trever. Lib. XI. num. 61. Wippo in vita Conradi Salici pag. 425.* eum Comitem appellat.

[b] Psalmo CXI, 5.

stant, exceptis personis in Monasterio prædicto degentibus, aliquatenus occupandas. Volumus insuper, ut anniversarium nostrum, & parentum nostrorum in Monasterio jam dicto perpetuo solemniter peragatur. Si quis igitur violentia, aut fraude aliqua, supradicta Monasterio memorato a nobis collata auferre præsumpserit, divinam sentiet vindictam, & pro illicito, & temerario ausu auri libras centum ad Fiscum Regium componat, irrita tamen manente istarum rerum Ecclesiasticarum alienatione. Facta autem est hæc donatio solemniter in

Synodo sancta Venerabilis S. Popponis Archiepiscopi Trevirensis, præsentē ipso Archiepiscopo Poppone, Theodorico Episcopo Metensi secundo, & Pertolpho Abbate prædicti Monasterii, & multis aliis prælatis, Clericis & Laicis. Regnante Serenissimo Conrado Imperatore IV. idus Junii, Pontificatus autem Domini Benedicti (c) VIII. Papæ anno (d) II. In cuius rei memoriam, & robur præsentibus duximus appendenda (e) sigilla nostra. Datum anno Domini MXXXVII. in Ecclesia Trevirensi mense Junio.

- (c) *Lege*: IX. [d] *Lege* V. *Pagi in Critica Bavarii* eundem annum anno 1037. connectit.
 (e) *Sigilla nostra*. Sigillum describit *Calmet. Histor. Lotharing. Lib. XIX. n. 64.* cuius hæc Epigraphæ: S. Alberti Marchionis & Ducis Lothar. Contra sigilli vero: Sigillum secretum Marchionis Ducis.

Illustrissimus Honthenius in Historia Diplomatica & Pragmatica Tom. I. p. 370. cuius & Notæ adjectæ sunt.



ADELBERO,

PRÆPOSITUS S. PAULINI,

DONAT ABBATIÆ S. MATTHIÆ VILLAS NENNICH, FALSSEN,
 DILMAR ET HELIFELD. (a)

IN nomine Sanctæ & Individuæ Trinitatis. Amen. Nos Adelbero, Dei gratia Præpositus S. Paulini Trevirensis, universis tam præsentibus, quam posteris,

- (a) Hæc donatio, sicut illa, quam anno superiori huic Monasterio fecit Præpositus Adelbero, fructus sunt penitentiae, quam sub finem vitæ egit pro tot direptionibus, Ecclesiis in vegetiori ætate illatis. Rem sic narrant *Gesta Trevirorum Cap. XLVI.* Quo [Ludolpho Treviris] pontificante, præfuit in Monasterio S. Paulini Præpositus, nomine Adelbero, de Luzelenburg ortus, vir potens & dives, habens castella hæc: Sarburc, Berencastel, & Rutich; qui inito cum Lutholdo Archi-Episcopo pravo consilio, Ecclesiam S. Simphoriani, quæ Abbatibus S. Martini subiacebat, partim vi, partim dolo sibi vendicat, Episcopo, prohi dolor! sibi consentiente, & deinceps eam S. Paulino retinuit. Lutholdo autem defuncto, ea fiducia, quod soror sua Henrico Claudio Imperatori nupta fuerit, Episcopatum invasit, milites in sua Sacramenta jurare coegit, Palatium, quod situm est in urbe, occupavit; pontem quoque Mosellæ turribus munivit. Henricus autem Imperator Megingaudo Episcopatum dedit, Præposito Ecclesiæ Moguntiae; qui cum potentiae Adelberonis resistere pararet, LX. mansos de rebus S. Martini (*Materni*) Navengero [*Ravengero de Madelberc*] & Udelberto de Scalle (*Stalle*) in beneficium dedit, nec tamen prævaluit. Tunc Henricus Imp. cum exercitu Treberim venit, & palatium obsedit a Dominica post Albas usque ad Kalend. Septembris. . . . Cæsar ergo, cum nequaquam proficeret, in ejus expugnatione ad Kal. Septembris profectus, pontem dejici jussit, quem custodiæ Adelberonis obtinuerant, & Megingaudo Episcopatum confirmavit, qui usque ad finem vitæ suæ in castello Confluentiæ Episcopatum administravit, Adelberone supradicto invasore, maximam Episcopii familiam retinente. Tandem circa finem Megingaudi, gravi infirmitate depressus, omnia Megingaudo reddidit, sed Palatium sibi retinuit. Obeunte Megingaudo, Henricus Imp. Popponem, in Regensburgk educatum, ad offensam Adelberonis Præsulem constituit, ita dicens: *Talem virum deo dirigere, qui tue vesania sufficiat resistere.* Igitur Adelbero tandem fera penitentia tactus nec valens vires Popponis sufferre, supplicem eidem factus, palatium, & sua castella, & omnia sua contradidit, & dein in Monasterio S. Paulini usque ad finem vitæ permansit.

steris, hoc scriptum visuris, volumus esse notum, quod nos aliquid cum viduali paupere in Gazophylacium mittere cupientes, corpore incolumi, sanaque mente, salubri deliberatione præhabita, villas allodii nostri, *Nennich, Falsen, Dilmar*, & *Heltsfeld* cum Ecclesiis, curtibus, ædificiis, familiis, mancipiis utriusque sexus, decimis, vineis, campis, agris, pratis, pascuis, sylvis, aquis, aquarumque decursibus, molendinis, piscationibus, vicis, & villis, viis & inviis, exitibus, & redditibus, cultis & incultis, quæsitis & inquirendis, mobilibus, & immobilibus, cum universis appenditiis & adjacentiis suis, Monasterio S. MATHIE Apostoli, sanctorumque EUCHARII, VALERII, & MARTINI extra muros Trevirenses, legamus & donamus, contulimus, & conferimus per præsentem; volentes, eligentes, & confirmantes, ut Abbas & conventus Monasterii prædicti in villis jam dictis eo jure, quo nos gaudebamus, nullo successorum nostrorum contradicente, aut impediante, perpetuo valeant gaudere. Hoc donatæ excepto, ut quælibet domus dictarum villarum uno die singulis annis, unius viri labore, pro castro nostro Sarburg laborare tenebitur, & tenetur, ad edictum illius, qui ipsum castrum tunc temporis, pro tempore, titulo possiderit iusto; Adjicientes, ut, si quæ domus dictarum villarum, aut omnes hujusmodi labore redimere voluerint, vel decreverint, obulo Trevirensi bono & legali singulæ domus singulis annis redimere valebunt, ac deinceps anno illo ab omni exactione, & servitute, quantum ad prædictum castrum Sarburg, libera manebunt, & absolutæ. Amplius in Gazophylacium Domini mittere decernentes villas nostras *Hempteren, Lampferdem, Balderingen*, eodem jure

O 3

cum omnibus earum attinentiis & pertinentiis, & conditionibus superius expressis, Monasterio prædicto dedimus, donamus, legavimus, & legamus similiter per præsentem: consentientes, & stabili testamento confirmantes, ut nullus hæredum, seu successorum nostrorum in villis prædictis, aut ipsarum attinentiis vel pertinentiis, aliquid juris, vel aliquam jurisdictionem sibi valeat usurpare, aut vindicare præsumat; hoc solum excepto, quod quælibet domus villarum prædictarum, viduis exclusis, dimidium maltrum avenæ ad castrum nostrum Sarburg prædictum, singulis annis dare tenetur. Ratione cujus nos, & successores nostri in castro prædicto easdem villas ab omnibus sibi violentiam aut injuriam facientibus defendere tenebimur, & tenemur. Abbas vero & conventus Monasterii prædicti, omnia quæ sibi placuerint, Dei timorem præ oculis habentes, in villis prædictis facere, ordinare, & exercere possunt; & debebunt. Volumus insuper, ut anniversarium nostrum, & parentum nostrorum in Monasterio prædicto solemniter peragatur. Si quis igitur violentia, aut fraude qualibet supradicta, Monasterio supra memorato a nobis collata auferre præsumpserit, divinam sentiet vindictam, & pro illico ac temerario ausu auri centum libras ad fiscum Regium componat, irrita tamen manente istarum rerum Ecclesiasticarum alienatione. Facta autem est hæc donatio solenniter anno Domini MXXXVII. præsentem venerabili Patri & Domino Poppone Archiepiscopo Trevirorum, in majori Ecclesia, & Bertulpho Abbate prædicti Monasterii, & multis aliis prælatis, Clericis, & Laicis. Regnante Serenissimo (b) Imperatore Conrado nepote nostro; Pontificatus, autem anno D. Benedicti Papæ octavi (c) anno

III.

[b] Serenissimo Imperatore Conrado nepote nostro.] Conradus Salicus erat filius Adelheidis seu Albertæ, sororis Adelberti Ducis, Marchionis, seu Comitis Lotharingiæ, cujus hic damus Cartam donationis seu potius confirmationis de villa Momendorsf, 10. Junii hoc anno Monasterio S. Mathiæ factæ. *Wippo in vita Conradi pag. 425.* majoris Chunonis (id est, Conradi Imp.) mater Adelberta (vel Adelbera vel Adelheyda) ex nobilissima gente Lotharingorum oriunda [fuit,] quæ Adelheyta soror erat Comitum Gerardi & Adelberti, qui semper cum Regibus & Ducibus confilientes, ad extremum causa propinqui sui Conradi Regis vix adquiescebant, *Conf. Hahn Hist. Imp. Tom. II. cap. VII. §. I. in not. Lit. H.*

(c) Hic Benedictus in *Critica Baronii Pagio* est *Nonus*, non octavus, & annus Pontificatus quintus respondet anno 1037.

III. in cujus rei testimonium, & perpetuam firmitatem præsens scriptum sigillo nostro, nec non (d) Adalberti avunculi nostri Marchionis & Ducis Lotharingæ, & Judithæ amitæ nostræ uxoris suæ, sigillis muniri fecimus.

(d) Adalberti avunculi nostri Marchionis & Ducis Lotharingæ, & Judithæ amitæ nostræ) Adalbero Præpositus erat filius Sigefridi (& non Giselberti, uti perperam *Bromerus Annal. Lib. XI. n. 64.*) primi Luxemburgensium Comitum, cui foror Guditha, huic vero maritus Adalbertus, de quibus hic; suntque ii ipsi, qui Abbatæ S. Mathiæ Momendorff donaverunt. *Vid. Calmet. Hist. Lotharing. Tom. I. Lib. XIX. n. 64.*

Ex Calmeto Illmus Hontbemiæ Chartam hanc refert Tomo I. Historiæ Diplomaticæ Trevericæ pag. 371. 372. ejusdem Illmi sunt notæ subjectæ.

CONVENTUS REGIS ET EPISCOPORUM IN MIMIGARDEVORDE SEU IN MONASTERIENSI URBE.

SUMMA. Bardo, Moguntinus Archiepiscopus, Monasterii Westphalorum consecrat Suidgerum Episcopum Babenbergensem.

ANNO Domini MXLI. Henricus Rex Natale Domini Mimigardevorde celebravit. Ibi Dominus Suitgerus, Canonicus Halberstadiensis, Præsul Babenbergensis Pontificalem promotionem a venerabili Moguntino Archiepiscopo Bardone in Natali Innocentii, (a) die Dominica, Rege cum aliis Primoribus astante, gloriose percepit.

Annalista Saxo apud Leibnitz. Tomo I. pag. 577.

(a) *Leges: Innocentium die, quæ eo anno in Dominicum incidebat.*

Anno MXLVI. Henricus, Comitibus Adalberto, Bremensi Archi-Episcopo, & Suidgero Babenbergensi, Italiam adit: cui Placentiæ occurrit Gregorius VI. qui rejectis duobus aliis Benedicto IX. & Sylvestro III. substitutus fuerat, eumque *Sutrium* usque secutus est: illic mense Decembri Episcoporum cætu coacto de Gregorii VI. cooptatione actum, quem Rex ob pensionem Joanni assignatam vitio creatum Pontificem declarari ac deponi curavit; ejusque in locum substitui Suidgerum Babenbergensem Episcopum, qui Clemens II. dictus est, cui Gregorius Pontifex, alias minime malus, insigni modestia cessit. Sutrio inde Romam pridie Natale Domini ventum est. Postridie ipso die festo, Clemens Pontifex consecratus, Henricum Imperiali diademate cum Agnete conjuge ornavit. *Mabillon. Annal. Benedict. Tomo IV. Lib. LVIII. pag. 471. 472.*

Clemens II. nono mense a sua promotione vix expleto VII. Idus Octobris anno MXLVII, vita functus est.

Mortuo Clemente II. Benedictus, nuper ab Imperatore Sutrii depositus, novis artibus ad Pontificatum reversus, illum tenuit per octo menses, donec Imperator comperto Clementis II. obitu, Popponem, Brixinensem in Tirolis Episcopum, in ejus locum substitui curavit, qui XVI. Kal. Augusti anni 1048. consecratus, *Damasi secundi* nomen tulit, ad paucos dies; nam Idibus ipsis Augusti Præneste extinctus est, sicque Synodo Wormatiensi & Brunonis Tullensis Episcopi electioni locum fecit. *Mabillon. ibidem pag. 482.*

SYNODUS CONSTANTIENSIS

ANNO CHRISTI MXLIV. GREGORII VI. PAPÆ I. HENRICI III. REGIS VI.

SUMMA. Pax generalis Germanis omnibus a Rege indulta & ubique publicata; exemplo nunquam ante audito.

REX HENRICUS III. ex Pannonia remeans, Ulmæ generale colloquium habuit. At Constantiam tempore Synodi venit, ubi cum Episcopis quam-

quamplurimis, cæterisque Regni Optimatibus, intrans Constantiam refedit, & publicis cognitor omnium illic gerendorum fuit.

In quarto autem die, qui vulgo *indulgentiæ* (a) dicitur, ipse gradum cum Pontifice Theodorico facundus orator ascendit, & luculento sermone populum ad pacem cohortari cœpit. Ad ultimam vero sententiam suam ita conclusit, ut cunctis sibi obnoxii ipse dimitteret, omnesque, qui illinc aderant, tum precibus, tum pro potestate idipsum facere cogeret. Hoc igitur salubriter inibi cœptum dilatari præcepit per omne Regnum suum.

Solus Hepidannus in Annalibus brevibus apud Goldastum Tomo I. Historiarum Alamannicarum Parte I. ad annum MXLVIII.

Annales Hildesheimenses ad h. a.

(a) Quintra feria in cena Domini vocatur antonomastice *dies indulgentiæ*: quia tum peccatores in capite Quadragesimæ ab Ecclesia expulsi, ab Episcopo rursus introducebantur & absoluebantur.

Idem dies erat quartus annuæ Synodi, quæ Feria II. Palmarum inchoabatur, & finiebatur Feria V, quæ erat quarta dies Synodi.

Hermannus Contractus in Chronico ad annum MXLIII. refert banc Synodum Constantiensem, in qua:

Cunctis, qui contra eum deliquerant, primum omne debitum ipse dimisit: deinde omnes Sueviæ Principes, memoresque personas cunctis inimicitiiis destructis pacificari fecit: & pacem hactenus inauditam tam in hac, quam in aliis Regni sui Provinciis, Regis censura per edictum confirmavit.

Pregizerus in Suevia sacra ad ann. 1044. refert banc Synodum pag. 44. & pag. 466: sed tum Synodus acta fuit sub Eberhardo Episcopo defuncto 1047. antecessore Theodorici.

Crusius in Anal. Sueviæ ad 1044. fatetur ab aliis referri ad alium annum.

SYNODUS CONSTANTIÆ ANNO MXLVII.

Clemens II. Papa Notperto, Abbate S. Galli orante, canonizat S. Wiboradam coram Episcopo Constantiensi.

Notpertus Abbas S. Galli mediante Henrico III. Imp. & conjugē ejus Agnetē, apud Dominum Clementem secundum Pontificem, Dominum Apostolicum, hoc obtinuit, recitatā vitā *B. Wiboradæ*, ejusque miraculis, de tam diu neglecta re ab ipso Papa redargutus, ut ipsam, præsentē Theodorico Constanti-

ensi Episcopo, canonizaret, & pro sancta haberi præciperet, & anniversarium ipsius diei solemnizandum institueret.

Burchardus de casibus Monasterii S. Galli Cap. VI. pag. 67.

Apud Goldastum Tomo I. Historiarum Alamannicarum Parte I. Tomi I. pag. 67.

SYNODUS WORMATIENSIS

CORAM HENRICO III, LEGATIS ROMANIS, ET ARCHIEPP.
ET EPISCOPIS.

Anno Christi MXLVIII. rom. Sede vacante.

Henrici III. Regis X.

SUMMA. Bruno Tullensis Episcopus ab Imperatore constitutus Pontifex Romanus.

Apud Wangionum urbem ante præsentiam gloriosi Henrici secundi, Romanorum Augusti, sit Pontificum, reliquorumque Procerum, non modicus Con-

Conventus. Inter quos hic Christo dignus Præsul, Bruno Tullensis, convocatur: quippe sine ejus consilio intra Imperiale curiam nihil magni disponebatur. Et repente, illo Brunone nihil tale suspicante, ad onus Apostolici honoris suscipiendum eligitur a cunctis. Quod officium humilitate commonente diutissime refugiens, dum magis ac magis cogitur, triduanum consulendi depollicit spatium; in quo jejuniis vacans & orationibus, omnino sine cibo, potuque permanfit. Cumque denuo repungeretur ad obedientiæ impletionem, spontaneæ coram omnibus suam dixit confessionem; conatus quasi quadam suorum enormitate scelerum, communem permutare electionem.

Quis autem queat ejus inundantiam fletuum referre, quos in publica confessione emisit; cum etiam omnium affectus in nimias lacrymas excitaverit? Unde unanimiter cunctorum ore hæc

pia vox resonabat: Nolit Deus, ut filius tantarum lacrymarum pereat. Videns ergo, se nullo modo posse effugere Imperiale præceptum, & commune omnium desiderium; coactus suscepit inunctum officium, præsentibus Legatis Romanorum, ea conditione, si audiret, totius Cleri ac Romani populi communem esse sine dissidio consensum. Sicque ad propriam, Leucorum scilicet sedem, repedans, cum summa devotione ibidem Domini celebravit Natalem, cum coeſſentia quatuor Pontificum Hugonis scilicet de Pîsâ, urbe Italarum, Legati Romanorum, & Everardi Archiepiscopi Treverorum, Adalberonis quoque Metensis, atque Theodorici Viridunensis Præsidis.

Wibertus Biographus S. Leonis noni, editus T. II. April. in vitis Sancti. Antwerp. Lib. II. Cap. I. §. 4. p. 657. ex MS. codicibus.

Synodus hanc Wormatiensem anno 1048, mense Decembri celebratam ostendunt *Henschenius & Papebrochius loco citato, & Mabillon. in Annalibus Benedictinis Lib. LIX. No. LI. Tomo IV. pag. 500.* qui & itinera, & stationes, & acta S. Leonis IX. de die in diem demonstrat a Synodo Wormatiensi in Decembri mense 1048. ad Synodum Moguntinam in Octobri 1049. celebratam.

SYNODUS MOGUNTINA

PRÆSENTE LEONE IX. PAPA, ET XLII. EPISCOPIS.

Anno Christi MXLIX. Leonis IX. Papæ I.

Henrici Regis XI.

§. I. **L**EO IX. Moguntiam venit, ibique Concilium celebrat. Ad hoc Concilium in Synodo Remensi, citatus fuerat Goffridus Andecavensis Comes, qui Gervasium, Cenomanorum tunc Episcopum in custodia tenebat.

Ejus rei historia fuse refertur in actis Episcoporum Cenomanensium, ubi Goffridus seu Gaufridus Comes Gervasium septem annis in vinculis tenuisse traditur, sed tandem accepto ab eo castello Lit, eum liberavit, eo pacto, ut, quamdiu viveret, civitatem Cenomanicam non intraret. Quod cum ægre ferret Gervasius, ad Wilhel mum Normannorum Ducem se recepit, dum sedem Remensem post mortem Widonis Archi-Episcopi adeptus est.

Mabillon. Tomo IV. Annal. Benedict. pag. 508.

§. II. In eadem Synodo Bardo Moguntinus, Legatus sacrosanctæ Romanæ Ecclesiæ declaratus est.

Tritemius in Annal. Hirsaug. edit. ultima.

§. III. In eadem legenda vitæ S. Servatii proposita & lecta fuit, & vita canonizata.

Albericus Monachus trium fontium.

§. IV. In eodem Concilio Sibico Spirensis Episcopus, cui crimen adulterii intendebatur, voluit se expurgare terrifico Sacramento Dominici corporis: sed, ut fertur, maxilla ejus mansit contorta paralyti, quamdiu præsentis vitæ spatium duxit.

Wibertus in vita Leonis. Tomo II. Aprilis Antwerp. pag. 660.

§. V.

§. V. Præterea multa ibidem sancta sunt ad utilitatem Ecclesiæ, præ quibus simoniaca hæresis & nefanda Sacerdotum conjugia holographa Synodi manu perpetuo damnata sunt, quod Archi-Episcopus Adalbertus Hamburgensis, domum veniens nequaquam tacuisse probatur. De mulieribus enim statuit eandem sententiam, quam memorabilis Alebrandus, & antea Libentius inclinauit, ut scilicet extra synagogam ac civitatem fierent, ne malefuga pellicum vicinia castos violaret obrutus.

Præsidebant Synodo Dominus Apostolicus, & Imperator Henricus, cum Episcopis Bardone Moguntino, Everardo Treverensi, Hermann Colonienfi, Adalberto Hammaburgensi, Engelardo Magdeburgensi, cæterisque Provinciarum Sacerdotibus.

Adamus Bremensis Histor. Ecclesiasticæ Cap. 31. sed refert ad ann. 1051.

§. VI. Statutum I. ne Clerici canes vel aves in venatione sequantur. II. Ne Clerici negotia secularia, nec curpia lucra exercent. III. Ut nullus fiat monachus, nisi legitima ætate, vel spontaneè. IV. Quatuor tempora cum jejuniis observanda; & tunc ab Episcopo jejuno consecrandos Clericos intra Missam.

Andres Ratisbonensis in Chronico Bavariæ pag. 177.

Anno 1049. Synodum Moguntiam præsentem Papa & in ea Synodo actitatus fuisse §. VI. distinctas res, dicunt Conradus a Lichtenaco Abb. Ursperg, Sigebertus Gemblacensis, Alberici Chronicon, Chronicon Augustense, Chronicon Stederburgense, Georgius Heilmannus de rebus Moguntinis, Chronicon Halberstadenfense, Chronicon magnum Belgicum. Demum *Binius Tomo III. Parte II. Collectio Regia T. XXV.* & Labbeo-Cossartiana affirmant. Ob hos suppare testes, recedimus ab Adamo Bremensi, & Abbate Stadenfi illius descriptore, *Krantzio Lib. IV. Saxonie Cap. 43. Tritheimio & Serario*, neque anno 1050. nec 1051. sed 1049. unice affigimus hanc Synodum. *Schmidius Dissertatione ad Conciliorum Moguntie Historiam subscribit.*

§. VII. Adelbero Herbipolensis Episcopus, qui vicinæ Fuldenfis Ecclesiæ immunitates, nec non simul incrementa, dudum ægre ferebat, Moguntinum

Concilium, sub Leone nono Papa, & reliquis Episcopis coactum, occasionem opportunam credebat, Egbertum Fuldæ Abbatem, reliquis Concilii Patribus assidentem, in medium provocandi, & super jure Dicecesano litem movendi. Verum Pontifex Leo IX, cui æque ac Imperatori Henrico, ibidem præsentem, Fuldenfia privilegia passim cognita ac perspecta erant (ea siquidem adhuc novissime auctoritate sua stabiliverat) auditis hinc inde partium querelis veterem exceptionem firmavit, concessa soli Abbati, ejusque in Spiritualibus Vicario juris dicundi facultate in locis exemptis, quæ sibi Herbipolensis Archidiaconus præter fas omne arrogaverat.

Schannatus Historie Fuldenfis Parte III.

in vita Egberti Abbatis XXIV. p. 145.

qui ad annum 1049. hanc litem refert, alii ad aliud Concilium Moguntinum anno præcedente 1048. celebratum, uti Browerus, qui *Lib.*

IV. Fuldenfium Antiquitatum p. 292. hæc addit:

Quia Archidiaconus Würceburgensis gravius imperitare Fuldenfis videbatur, penes Clericum, qui Forensi Ecclesiæ Fuldæ præfesset, ita jus Ecclesiasticum resideret, si is a Præside Würceburgensi, banno, quod vocant, confirmatus esset: descriptique limites in prædiis, quæ a Fuldenfi pomerio per rura, quæ Burchfeld appellabant, versus Hunaham rivulum excurrunt, permissumque, ut in villulis, quas tunc vocabant Hunefeld & Ratesdorff, Conventum Clericus is haberet, & jus diceret. Actum Moguntie III. non. Februarii, Anno Dominicæ Incarnationis MXLVIII.

Atque hæc origo muneris illius est, ex quo Rector Parochiæ Fuldenfis postera ætate, concessu ampliore Archidiaconi titulum gessit. *Hactenus Browerus: sed ego cum Cl. Schannato omnia hæc ad annum 1049. refero, nec duas Synodos facio, alteram anno 1048, alteram 1049.*

§. VIII. Jejunium Banni in hac Synodo institutum fuisse, docet Engelbustus & Chronicon Episcoporum Virdunensium.

Chronicon Hirsaugiense ait, anno MXLIX.

Synodum Moguntiam celebratam fuisse, cui interfuerunt Apostolicus & Imperator. *Leibnitz. Tom. I. Script. Brunsvic. pag. 852.*

SYNODUS ROMANA

Anno Christi ML. Leonis IX. Papæ II. Henrici
Regis XI. VI. Nonas Majas.

PRÆSENTIBUS DOMINICO GRADENSI PATRIARCHA, ARCHI-EPISCOPIS VII. EPISCOPIS XLVII. AUGONE ARCHI-DIACONO S. ROMANÆ ECCLESIAE, PETRO DIACONO, CANCELLARIO ET BIBLIOTHECARIO, SICONE PRIMICERIO EJUSDEM ECCLESIAE, ABBATIBUS XXXV.

SUMMA. Inter multa acta, canonizatus fuit S. Gerardus, Tullensis Episcopus.

Aderat in Synodo Romana magnæ pietatis Monachus, Albizo nomine, quem Udo, Tullensis Primicerius, interpellavit ad exorandum Deum, ut, quanti apud se meriti esset Gerardus, patefaceret. Albizoni post preces vir sanctus apparuisse traditur, seque bea-

torum forte frui declarasse, quod Synodo circa VI. Nonas Maji ab Udono Primicerio relatum est. Hinc visum Patribus, ut Gerardus Sanctorum catalogo adscriberetur, ejusque festus dies VIII. Kal. Maji celebraretur. En Synodicas Literas.

Synodica Leonis IX. PP. ad cunctos Catholicæ Ecclesiæ Filios.

LEO Episcopus, servus servorum Dei, cunctis Catholicæ Ecclesiæ filiis in Christo, salutem, & Apostolicam benedictionem. Virtus Divinæ operationis in omnibus mirabilis, maxime tamen in sanctis suis, quos præscivit, & prædestinavit conformes fieri Imaginis filii sui, quos etiam vocavit, justificavit antequam sæcula fierent, antequam ipsi existerent. Et quia ipse Dominus in Evangelio dicit: *Pater meus (a) usque modo operatur, & ego operor*; verum procul dubio esse quotidie ostendit, quod dicit: scilicet eos sanctificando, quos vocavit, eos vocando, quos prædestinavit sola gratiæ miserationis bonitate, non humani generis merito; quia naturaliter omnes sumus filii iræ, & filii gehennæ. Cum autem hæc dicere cœperimus, continuo patefaciemus, quia sicut nemo accendit lucernam, & ponit eam sub modio, sed super candelabrum statuit, ut luceat omnibus, qui in domo sunt: Sic & Dominus noster Jesus Christus illos clarificando miraculis in mundo, quos secum vivere & gloriari facit in cœlo, ut quia per adoptionem facti sunt Filii Dei præveni-

ente gratia, pateat illos esse heredes regni, quod promisit Deus diligentibus se. Paulo ergo ante in Episcopatu Tullensi, unde nutu Omnipotentis, & omnia suo arbitrio disponentis, non ullis meritorum nostrorum profectibus ad Apostolicam Sedem translati sumus, fuit Episcopus, nomine GERARDUS, qui duo talenta, intellectum & operationem, a cœlesti Patrefamilias accipiens, Divinam legem, quam medullitis intellexit, sic opere adimplere studuit; ut fieret dignus accipere illam desiderabilem a Deo salutationem: *Euge serve bone & fidelis, (b) supra multa te constituam, intra in gaudium Domini tui*. Sic enim Domini sui talenta erogavit, sic animas lucratus est, verba salutis prædicando, & opere, quod prædicabat, exercendo, ut geminam Dominum suo pecuniam præsentaret, & sibi æterna beneficia cumulet. Lumbos sibi præcinxit, castitatem servando; lucernas in manibus portavit, exempla bonæ operationis aliis præbendo; expectavit Dominum suum a nuptiis sanctæ Ecclesiæ non dormiendo, prima, secunda, tertia vigilia, anxius ad ejus aspectum, fecundum

cundum illud, quod quotidie psallebat : *Sicut cervus desiderat ad fontes aquarum, ita desiderat anima mea ad te Deus. Sitivit in te anima mea, quam multipliciter & caro mea.* At quia sic semper animo suspirabat ad Deum, ejus virtute comitatus, angelicam ducens vitam, quotidie Christum in pauperibus ad mensam suam suscipiens, quotidie piis actibus insistens, nec do- cendo, nec agendo, nisi quod sanctum, & Deo gratum esset : multis effulsit miraculorum prodigiis, sanctitati ejus testimonium perhibentibus, unde adhuc plures testes existunt. Quod & idem post mortem carnis, cum Christo Domino nostro spiritu vivens, & glorians, sæpe operatus est, & sæpe adhuc curans diversos languores, diversasque infirmitates. Quamvis autem venerabile corpus ejus multis, ut diximus, hætenus coruscaret miraculis, & ipso in numero Sanctorum Divino sit deputatus indicio : nondum tamen in catalogo Sanctorum sortitus est humana corroboracione numerum, quod Dei miseratrix clementia nobis servis suis reliquit agendum, ubi ad culmen conscendimus Apostolicum. Residentibus ergo nobis Romæ in Synodo in Ecclesia Salvatoris, cum multis Coepiscopis nostris, circa sexto nonas Majas, relatum est auribus nostris ab Udone Tulensi Præposito, eadem nocte ipsum Gerardum in visione apparuisse cuidam venerabili monacho, nomine Albizoni, qui Synodo intererat, quem ipse Udo nimis precibus constrinxerat exorare Dominum, ostendere sibi cujus meriti esset apud Deum ipse Dominus Gerardus, qui tot miraculorum radiis emicabat. Videbatur ergo illi ipsum assistere sibi, quem numquam corporaliter videbat, etiam nomen ejus audierat, & dicere se ipsum Gerardum esse, pro quo Deum decreverat exorare. Ad quod ille gavisus sedulo sciscitari cœpit, an esset apud Deum in numero Sanctorum. Cui læto vultu respondit, procul dubio se esse cum Deo, dignumque ac justum fore, eos honorari in terris ab hominibus, qui honorantur in cœlis ante Deum ab Angelorum agminibus. Quam visionem ipsi ore proprio divulgavimus in Synodo, exponentes ipsius Domni Gerardi vitam venerabilem, conversationem mirabilem, miraculorum multitudinem, effi-

caciam Divinæ virtutis ad corpus ejus exuberantem; & sequenter sanctam Synodum interrogavimus, si deberet ut Sanctus venerari, & Sanctus deinceps nominari? Ad quod cuncti tam Archiepiscopi, quam Episcopi: tam Abbates, quam Clerici ac Laici, quorum utrorumque magna intererat multitudo, quasi uno ore clamaverunt, ipsum Dominum Gerardum verum esse Sanctum, adeo inter Sanctos numerandum, nominandum, & venerandum, pro eo, quod vivens in carne testantibus miraculis, vir Sanctus existit, & carne exutus, qualis in mundo fuerit; in cœlesti beatitudine positus, mundo quotidie eisdem miraculis innotescit. Decrevimus ergo sic annuente, & laudante Synodo, ut ex hoc Sanctus habeatur, & Sanctus colatur IX. Kalend Majas, tam Leucæ, sicut Sanctus Mansuetus, & Sanctus Aper, quam ubique terrarum, sicut ceteri Sancti, cujus Sancti venerabile corpus per nos ipsos cupimus transferre, & digno loco in Altari proprio collocare, ad laudem & gloriam Domini nostri JESU CHRISTI, qui ideo factus est pro nobis homo, ut non solum salvaret eos a peccatis, sed etiam conferat eis præmium beatitudinis & mansionem in cœlis, ubi ipse cum Patre, & Spiritu Sancto vivit & regnat in sæcula sæculorum. Amen.

Nomina Sanctorum Patrum, qui præscriptæ Synodo interfuerunt.

Dominicus Patriarcha Gradenfis.
Alinardus Lugdunensis Archiepisc.
Leodegarius Viennensis Archiepisc.
Hugo Bisuntiensis Archiepisc.
Humbertus Siciliensis Archiep. ✓
Hildebrandus Capuensis Archiep.
Petrus Constanus Archiep.
Joannes Portuensis episc.
Wido Volaterrensis episc.
Crescentius Sylvæ candidæ episc.
Johannes Velletrensis episc.
Johannes Ostiensis episc.
Johannes Savinensis episc.
Johannes Tiburtinus episc.
Benedictus Salernitanus episc.
Leo Guætanus episc.
Atto Camerinensis episc.
Johannes Sisinensis episc.

Adalbero Metensis episc.
 Obizo Pifensis episc.
 Heinricus Populonii episc.
 Atenulphus Fesulanus episc.
 Crescentius Cerenfis episc.
 Azo Centumcellensis episc.
 Gerardus Reatinensis episc.
 Bonizo Tuscanellensis episc.
 Johannes Suanensis episc.
 Gerardus Rosellanus episc.
 Theodericus Orbienfis episc.
 Harduinus Fanensis episc.
 Herimannus Castellanus episc.
 Herimannus Corbinensis episc.
 Aldredus Wigranensis episc.
 Leo Murenfis episc.
 Masio Montis viridis episc.
 Bonus Petroinensis episc.
 Bernardus Patavienfis episc.
 Walterus Veronenfis episc.
 Heinricus Spoletanus episc.
 Issembardus Theanenfis episc.
 Petrus Buturnensis episc.
 Atto Marficanus episc.
 Leo Soranus episc.
 Benedictus Berulensis episc.
 Azo Fosiensis episc.
 Attigrinus Imolenfis episc.
 Gerardus Florentinus episc.
 Fridericus Genuensis episc.
 Goffredus Constantienfis episc.
 Majnus Redonenfis episc.
 Hugo Nivernenfis episc.
 Issembaldus Pictavienfis episc.
 Arnolphus Santonenfis episc.
 Arduinus Tudertinus episc.
 Hugo Archi-Diaconus Ecclesiæ Ro-

manæ.

Petrus ejusdem Ecclesiæ Diaconus, Can-
 cellarius, & Bibliothecarius.

Sico Primicerius ipsius Ecclesiæ.
 Richardus Abbas S. Benedicti.
 Hugo Abbas Cluniacensis.
 Hairardus Abbas S. Pauli.
 Johannes Abbas S. Sabæ.
 Reinerius Abbas S. Cosmæ.
 Petrus Abbas S. Bonifacii.
 Johannes Abbas S. Vitalis.
 Johannes Abbas S. Laurentii.
 Bonaactus Abbas S. Johannis.
 Riquerius Abbas S. Juliani.
 Luipfridus Abbas S. Vincentii.
 Gozfridus Abbas de Vergeliaco.
 Walerandus Abbas S. Vitoni.
 Gerewinus Abbas S. Richarii.
 Viventius Abbas S. Januarii.
 Leo Abbas S. Corneli.
 Martinus Abbas S. Blasii.
 Felix Abbas S. Andreæ.
 Richardus Abbas S. Ragneberti.
 Dudo Abbas S. Mariæ.
 Perenefius Abbas S. Salvatoris.
 Aquis Abbas S. Silvestri.
 Adam Abbas S. Isaac.
 Teuso Abbas S. Petri.
 Bonizo Abbas S. Petri.
 Viventius Abbas S. Januarii.
 Willelmus Abbas S. Apollinaris.
 Wido Abbas S. Severi.
 Leuzo Abbas S. Mariæ.
 Albricus Abbas S. Zenonis.
 Johannes Abbas S. Salvatoris.
 Bonaactus Abbas S. Salvatoris.
 Lætus Abbas S. Angeli.
 Stephanus Abbas S. Thomæ.
 Rotdulfus Abbas S. Petri.

*Maillon. Annalium Benedictin. Tom. IV.
 in appendice No. LXIV. pag. 738.*

CONVENTUS TULLENSIS

ELEVATIO CORPORIS S. GERARDI PER PAPAM LEONEM IX.

Eodem anno ML.

VERCELLIS discedens Pontifex,
 Alpes transcendit, & in Galliam
 Belgicam progressus, TULLUM LEU-
 CORUM, uti antea promiserat, statim
 adiit, corpus S. Gerardi Episcopi, quæ
 una ipsius itineris causa erat, e tumulto
 levaturus, qui in basilica sancti Mansueti
 Monasterii sepultus erat,

*Meminit hujus itineris Hermannus post
 Concilium Vercellens celebratum: indeque Gal-
 lias, inquit, & Episcopatum suum, Leuco-
 rum civitatem, revisit Leo Papa. Illuc devo-
 tus cætus Sanctorum Pontificum aderat, ut
 scribit Widricus Abbas; testis oculatus,
 quos pia devotio a remotis climatibus eo addu-
 xerat. Nam cum venerando Lugdunensium
 Archi-*

Archiepiscopo Domno Halinardo, quem decorabat sacra monachilis religio; accurrerat illic Dominus Hugo Chrysopoleos Archiepiscopus, quem regalis nobilitas, & jocunda facundia amabilem reddiderat omnibus. Quin etiam Georgius Colocinenfis Archiepiscopus de Ungaria advenerat, quem civium legatio, & Apostolicae Benedictionis cupido a longinquis illic partibus advexerat. Frotmundus quoque Treassinus Episcopus cum Herberto Antistodorenfi Præsule, nec non Lugo Anglorum Pontifice, huic tam Divino studio se adiungunt devotissime, Inquit idem auctor.

Sub vesperam inchoata celebritas XII. Kal. Novembris, quæ dies Dominica erat, & sequenti die absoluta. Inventum beati Præsulis corpus fere integrum cum Pontificalibus ornamentis, & repositum a dextris Altaris Stephani Protomartyris, in ara, quam Pontifex ipse consecravit. Huic translationi succedere miracula, quæ a Widrico descripta sunt.

Mabillon. *Annalium Benedictinorum*
Tomo IV.

CONCILIIUM AUGUSTANUM

SUB LEONE IX. PP. ET IMP. HENRICO.

Anno Christi MLI. Leonis IX. Papæ III.

Henrici regis XII.

INitio anni MLI. LEO nonus Papa adhuc trans Alpes versabatur, & ineunte Februario Augustam Vindelicorum progressus est, eodem Imperator cum multis Episcopis & Principibus.

Ad eam Synodum Humfridum Archi-Episcopum Ravennatum, a S. Papa anathematizatum (a) Imperator Augustam accersivit, ubi iis, quæ perverse invaserat, cum iustitia redditis, absolutionem est petere coactus. Qui cum, licet corde contumaci, ante pedes sancti Pontificis Leonis stratus jaceret, cunctusque cætus præsentium Pontificum ei absolutionem peterent, ait vir beatus: Secundum ejus devotionem tribuat illi

omnipotens Deus cunctorum scelerum absolutionem. Ille vero surgens, cum subannatorie tubrideret, adhuc superbia tumidus; Venerandus Pastor S. Leo in lacrymas resolutus, inquit secreto circumstantibus: Heu mortuus est miser iste. Nec mora: ille (Humfridus) languore corripitur, & vix in patriam relictus vita & honore, quo tumebat, celeriter privatur. (b)

Wibertus in vita Leonis.

Ex quo Mabillon. Annal. Benedictinor.
Tom. IV. Lib. IX.

Hagiographi Antwerp. Tomo II. Aprilis
pag. 646.

Augustæ vetustissimum S. Galli templum, Ecclesiam S. Georgii in Achsesheim, & Monasterii S. Crucis Werdeæ intra Diocesin Augustanam sacra cæremonia initiavit, primamque Monasterii Antistitam Gunderadam, Comitis Munegaldi Fundatoris filiam instituit, atque benedixit. Plurimas indulgentias hinc inde per Diocesin Augustanam impertivit, festumque Purificationis B. V. Mariæ ritu Pontificio celebravit S. Leo Papa.

Corbinianus Khanum in Hierarchia Augustana pag. 175. sed ex quo fonte has notitias hausserit, non scribit: forte ex Stengelio.

(a) In Vercellensi Synodo anno 1050. Papa Leo Humfridum ab officio Archiepiscopali suspenderat. *Wibertus in vita Leonis.*

Ante Pascha anni 1051. Romam redierat Papa, ubi tempore illo sacro Paschali Synodum celebravit.

(b) *Hermannus Contractus plane alium exitum Synodi Augustanæ scribit: Ravennate Archi-Episcopo apud Papam inibi reconciliato, caritative a se invicem discedentes, Papa Romam revertitur.*

SYNODUS GOSLARIENSIS

ANNO CHRISTI MLI. LEONIS IX. PAPÆ IV.
HENRICI III. REGIS XIII.

*SUMMA. Post discessionem Papæ e Germania in Italiam condemnati
& puniti pertinaces Manichæorum sectatores.*

Imperator Henricus Nativitatem Domini agens quosdam ibi hæreticos Manichæos, omnem esum animalis execrantes, consensu omnium, ne hæretica scabies serperet in plures, in patibulo suspendi fecit.

Herman. Contract. in Chronicop. 293.

Conferatur Synodus Atrebatensis, sub Gerardo Episcopo celebrata, supra ad 1025, ubi similis farinæ hæretici examinati, & correcti, ad sanam mentem redierunt. Contra in Synodo Aurelianensi pervicaces flammis addicti fuere: Similis pertinaciæ videntur fuisse Manichæi, Goslariæ deprehensi.

Leuckfeldius ex Arnolde, Historiæ Ecclesiasticæ scriptore protestante, relato conventu Goslariensi, hoc adnotat, multos sæculo undecimo probos, & Innocentes homines, qui Clericorum vitia non approbabant, sed corri-

piebant, sub titulo Manichæorum hæreseos læsos, imo trucidatos fuisse. Deinde hariolatur, idem Goslariæ accidisse. Dignum Scriptore protestante iudicium, contra concordēs coævos Scriptores, attestantes, Imperatoris, & omnium Episcoporum & procerum consensu agnitos, & convictos Manichæos, ad furcam damnatos fuisse, quos Leuckfeldius probos, & innocentes viros post octo sæcula scribere auder.

Henricus Imperator apud Goslariam Saxoniz oppidum quosdam hæreticos, Manichæorum errore sedatos, qui inter alios pravi dogmatis articulos, esum cujuscunque animalis, quod vitam habuit, ut mortale peccatum, & perniciosum damnabant; comprehendi fecit, & in errore pertinaces, ne macularent alios, laqueo suspendi.

Tritheimius in Chronico Hirsaugiensis ultim. editionis.

CONVENTUS RATISPONENSIS

ANNO CHRISTI MLII. LEONIS IX. PP. IV. HENRICI III.
REGIS XIII.

Pontifex Leo ab Andrea Rege Hungariæ pro pace cum Imperatore Henrico III. construenda, accitus Ratisponam venit, & B. Wolffgangum in numerum divorum retulit, similiter & S. Erhardum.

Ecclesiam item S. Emmerani, nuper incendio vastatam, cum crypta occi-

dentali consecravit. Tabulatum in ejusdem Ecclesiæ summitate suis sumptibus fieri jussit, sed & sacellum Simonis & Judæ Thadæi supra fornicem, capitulo contiguum, in eadem urbe consecravit.

*Acta Sanctorum Tomo II. Aprilis in vita
S. Leonis ex Wigulejo Hundio Lib. I.
Metrop. Salisburgensis.*

An corpus S. Dionysii, & quidem Episcopi primi Parisiorum, sit eo tempore inventum, quibus ostensum, quomodo probatum, rejiciunt Hagiographi ad diem III. & XI. Octobris, examinandum.

CONVENTUS WORMATIENSIS

ANNO CHRISTI MLII. LEONIS IX. PAPÆ IV.
HENRICI III. REGIS XIV. IMP. VII.

*LEO Papa defert Archi-Episcopo Moguntino, & in ejus gratiam
Lectorem degradatum rehabilitat.*

Eodem anno S. Leo Papa IX. Dominicæ Nativitatis festum cum Imperatore, & multis Regni Principibus celebravit in Wormatia, & summam ipse Missam solemniter cantavit. Altera die Luitpoldus Mogontinæ sedis Archiepiscopus, in cujus provinciâ dies agebant festos, à summo Pontifice jussus, se ad officium de S. protomartyre Stephano cantandum in Principum omnium præsentia, præparavit: qui peracta Processione, ut ad hoc ventum est in Missa, ut oratione completa, postquam se in sua sede ante Altare locavit, quidam ex Diaconibus suis, nomine Hiunbertus, sicut multi ob illius festi reverentiam solent, lectionem decantavit. Quod quidam ex Romanis, Papæ assistentes, vituperabant, quod secus, quam Romana haberet consuetudo, ageretur. Suaseruntque Papæ, ut tacere Diaconem Moguntinum præciperet. Misit ergo Papa ministrum ad Diaconem, qui lectionem interdiceret. Quod cum ille juvenum more contemneret, iterum mittendo Papa lectionem interdixit. Qui nihilominus eadem, qua prius, vocis sonoritate cantans lectionem, usque ad finem decenter complevit. Qua finita

Papa illum ad se vocavit; & quasi pro inobedientiæ contumacia degradavit, vel ut proprie loquar, ab executione officii suspendit. Archiepiscopus vero misit ad Papam, rogans, suum restitueret ministrum; quod ubi Papa renuit, Archiepiscopus, ut erat antiquæ disciplinæ, licet ægre, patienter tamen interim tacendo, sustinet. Perlecto Evangelio, & offeritorio ex more decanato, ubi sancti Sacrificii tempus advenit, Archiepiscopus in sua Cathedra resedit, vere contestans, nec se, nec alium quemquam completurum inchoatum officium, nisi prius receperit processionis suæ ministrum. Quod ubi Apostolicus præsul intellexit, cessit Archiepiscopo, reinductumque continuo ministrum ad Dominum remisit. Quo recepto mox inchoatum continuavit officium. Qua in re & Archiepiscopi auctoritas, & Papæ consideranda est humilitas, dum & ille officii sui dignitatem defendere contendebat: Et iste, licet majoris dignitatis, Metropolitano tamen in sua Provincia cedere magis, quam contendere volebat, quod pauci hodie facerent.

*Tribemius in Annalibus Hirsaugiensibus
ult. editionis p. 193.*

*S. LEO ab Henrico III. Rege impetrat Beneventum per concambium
pro Bambergâ, Fulda, & aliis in Germania locis.*

Imperator cum Domino Papa, multisque Episcopis & Principibus Nativitatem Domini Wormatiæ egit. Ubi cum Papa, sicut dudum ceperat, Fuldensem Abbatiam, aliaque nonnulla loca & cœnobîa, quæ sancto Petro antiquitus donata feruntur, ab Imperatore reposcens exegisset; demum Imperator pleraque in Ultramontanis partibus ad suum jus

pertinentia pro Cifalpinis illi quasi per concambium tradidit.

*Hermannus Contractus ad ann. MLIII.
sed hunc inchoat a Nativitate Christi,
anni præcedentis.*

Tunc inter Apostolicum & Imperatorem facta est commutatio de Benevento & Bambergensæ Episcopio.

Leo Ostiens. Lib. II. C. 85.

CONVENTUS IN GOZECK (a)

EPISCOPORUM VARIORUM.

ANNO CHRISTI MLIII. LEONIS IX. PAPÆ V. HENRICI III.
REGIS XV. IMP. VII.

SUMMA. Albertus, Bremensis Archiepiscopus, coram Episcopis & Proceribus, ex suo & fratrum patrimonio fundat & dotat Monasterium Gozeka: Advocatiam familiæ, dum superstes erit, reservat; Abbas a Monachis electus, Archiepiscopo Bremensi præsentandus.

Notum sit omnibus tam futuris, quam præsentibus Christi fidelibus, quod ego Albertus, sanctæ Bremensis Ecclesiæ Metropolitanæ Archiepiscopus, fratresque mei Dedo & Fridericus, Palatini præfides, hoc cœnobium Gozeka, quod in nomine Domini nostri Jesu Christi, & in honorem Sanctissimæ Mariæ Virginis, Genitricis Dei, & beati Michaëlis Archangeli, pro remedio animarum nostrarum, & Patrum nostrorum, vel parentum, ex patrimonio nostro construximus, cum omnibus pertinentiis suis sanctæ Ecclesiæ Bremensi tradidimus, hoc videlicet statuentes, & officii nostri auctoritate confirmantes, ut ordo monasticus, quem secundum beati Benedicti regulam hic institimus, futuris perpetuis temporibus inviolabiliter conservetur. Præterea fratres hic servientes, secundum Dei timorem, & regulam beati Benedicti liberam habeant electionem, sed electus Bremensi Archiepiscopo præsentetur. Decrevimus insuper, ut quisquis in hac stirpe nostra Laicus cæteris ætate provectior fuerit, hic nostra constitutione huic loco advocatus constituatur. Si vero evenerit, quod absit, ut talis de stirpe nostra deficiat, quemcunque Abbas cum consilio fratrum ad defensionem & utilitatem loci expetierit, hunc Archiepiscopus Bremensis Advocatum constituat. Qui advocatus non quæ sua sunt, quærat, nec populum suæ tuitioni commissum, violenter aut

injuste opprimat, sed omnia cum consilio Abbatis agat, atque disponat, nec extra ejus voluntatem aliquid in populo præsumat. Ordinamus etiam atque statuimus, ut in monumentum, & confirmationem hujus ditionis ad supplementum monachorum, hic Christo Regi militantium, quadraginta libræ argenti Frificæ monetæ levioris, & totidem lanei panni ex ærario Bremensis Archiepiscopi annuatim persolvantur. Ut autem hæc rata, & inconvulsa permaneant per succedentem generationem, in testimonium posteris, literis jussimus commendari, & sigilli nostri impressione formari. Testes hujus rei sunt isti: *Burchardus Halberstadensis* (b) *Episcopus*, *Eppo Cicensis Episcopus*, *Wintberus Merseburgensis Episcopus*, *Harolfus*, *Adelbertus*, *Svidgerus*, *Adolfus* Canonici Bremensis: *Dedo* Marchio, & fratres ejus *Gero*, *Timo* Comites de Bren. De liberis hominibus *Rudolfus* de Gostilice, *Fridericus* de Lesvick, *Helinpertus* de Widesendorpe, *Sigeboto* de Stuvén. Ministeriales Bremenses, *Sibeko*, & frater ejus, *Gerungus*, & *Godescalcus*, *Mecelinus*. Data III. Octob. anno Incarnationis Domini MLIII. Episcopatus Domini Alberti Archiepiscopi, anno VIII. Actum Gozoka in Christi nomine feliciter. Amen.

Leuckfeld in antiquitatibus Halberstadiensibus Num. 49. inter Diplomata adjecta.

(a) *Gozeka, Goseck*, locus est amœno colli incumbens, in Saxonia inter Naumbergum & Weissenfels, haud procul flumine Sala. *Gozeck*, vel *Gotteseck*, idem sonat, quod *Angulus Dei*, vel *Divinus*.

(b) Cum Monasterium Gozeko situm esset intra Diœcesin Halberstadensem, necessaria erat Diœcesani Episcopi confirmatio novi Monasterii erecti: Episcopi Cicensis, & Merseburgensis, confines huic Monasterio erant.

SYNODUS BABEBERGENSIS

Anno Christi MLII. Leonis IX. Papæ IV.

Henrici III. Regis XIV.

SUMMA. Adalbero, Episcopus Wurceburgensis, qui oppida quædam Diæcesis Babebergensis invaserat, causa examinata, offert satisfactionem. Privilegia Ecclesiæ Babebergensis confirmantur, sub solius Papæ mundiburdio futuræ.

His ibi rite peractis, Babebergam cum Henrico processit, (a) & in die Natali S. Lucæ, convocato ad templum populo, inter sacrorum solennia, concionem admirabili suavitæ ad eum habuit. Qua demum finita, & lustrato salutarî carmine populo, in præsentia Leonis Pontificis, Henrici Imperatoris, Humberti sylvæ candidæ Cardinalis, Amanthii Romani Diaconi, & Meginardi Subdiaconi, Leopoldi Moguntini, & Peldingi Salisburgensis, Archi-Episcoporum: Gebhardi Ratisbonensis, Gebhardi Eistetenensis, Acelini Hildesheimensis, Eticbonis Faventini, Walthevi Veronensis, & Hezelonis Episcoporum, & aliarum diversarum potestatum, relecta sunt JOANNIS, BENEDICTI, & CLEMENTIS, Pontificum, S. HENRICI & CONRADI Imperatorum jura & privilegia, quibus Episcopatus Babebergensis fundatus, & confirmatus fuerat. Ibi relata quoque conscriptio & confirmatio Henrici Episcopi Wurceburgensis, qua Ecclesiam Babebergensem a Wurceburgensi discriminatam, & Episcopali interdito (b) firmatum superius in Eberhardo retulimus. His ordine recitatis, cum LEO Pontifex juxta votum omnium, qui aderant, ipsum locum auctoritate Apostolica confirmare vellet; Hardovicus (c) in medium progressus, adversus Adalberonem Episcopum Wurceburgen-

sem, in Comitatu præsentem, proclamationem fecit, quod is suæ ditionis oppida, jura & possessiones invalisset, & ut ad eorum restaurationem adigere-
tur, precibus vehementer institit. Cæterum Pontifex, ut concordiam inter Episcopos faceret, & rationibus utriusque Ecclesiæ consulere, Adalberoni Episcopo deliberationem dedit; ut aut objecta refelleret, aut justitiæ satisfacere-
ret. Tum ille, adhibitis prius in consilium Proceribus suis Clericis & laicis, ad ambonem progressus, se cum satisfactione excusavit, & juribus omnibus, quæ ad bannum & Episcopalem justiti-
am ac potestatem Ecclesiæ Babebergensis pertinerent, in perpetuum renuntiavit. Qua de re Pontifex ea omnia novis privilegiis cohonestavit, Episcopatum Babebergensem liberum, & Romano tantummodo mundiburdio subditum pronuntiavit, & ne quis Comes aut Judex ibi placitum, seu distributionem facere, vel tenere præsumere-
ret, nisi quem per concessionem Henrici Imperatoris, vel ejus successorum, ipsius loci Episcopus deliberaverit, indul-
sit. Ibi Canonicis quoque licentia gestandi mitras, certis saltem diebus, ne honor Apostolicæ sedi proprius vilesceret, indulta.

Hoffmann Lib. II. Annal. Bambergens. ex editione Ludewigni pag. 72. 73.

BULLA LEONIS IX. PAPÆ.

Confirmatoria Synodi præcedentis, & ampliativa Privilegiorum Ecclesiæ Bambergensis.

LEO Episcopus, servus servorum Dei, HARTUICO, Babenbergensi Episcopo, sibi que Canonice in sede Episcopatus successuris in perpetuum,

(a) Leo IX. PP.

(b) Lego: firmatam.

(c) Hardovicus tertius Bambergæ Episcopus ab 1047. ad 1054.

Tomus III. Concilii Germani.

um, æternam in Domino salutem. Cum exigente cura Pastoralis totius sanctæ Ecclesiæ Dei, nobis Dei Providentia commissa, in partes Germaniæ venissemus, quæ Orientali Franciæ adjacent, prece Dilectissimi Filii nostri HEINRICI, secundi Imperatoris, & tertii Regis, ac supra fati Dilectissimi confratris nostri Episcopi HARTUUCI, Babenberc venimus, & in die Natalis Beati Luca Evangelistæ, inter Missarum solennia, cum verbum Dei haberemus ad populum, præfente nominato charissimo filio, HEINRICO, & Episcopis quam plurimis, astantibus etiam Laicis, & diversis potestatibus sæculi, relecta sunt Prædecessorum nostrorum privilegia, quibus idem locus fundatus, & corroboratus est; auctoritate Romana sanctæ Sedis apostolicæ. Relecta est ibi, & conscriptio, & confirmatio Wirzeburgensis HEINRICI Episcopi, quæ prædictam Babenbergensem Ecclesiam banno Episcopali, & Episcopii termino, acceptâ placitâ commutatione firmavit, quæ sic acta est.

Dum HEINRICUS, in Imperio primus, in regno secundus, Divini ignis amore succensus, de prædiis, quæ Dei gratia, hereditario jure in suâ possessionis Dominium perveniant, Dei servitium augere, & construendo Episcopatum, atque ordinando desideraret; quo id legitime rationabiliterque fieri potuisset, HEINRICUM venerabilem Wirzeburgensis Ecclesiæ provisorem, quatenus prædictum locum Babenberc nuncupatum cum pago Ratenzgaue qui dicitur, qui ad suæ Dioceseos statum pertinere videbatur, de suo jure in ejus jus, ad id perficiendum, transfunderet, studiose cepit flagitare. Qui, quoniam iusta, & rationabiles causæ videbantur, ejusdem invictissimi Regis petitionibus acquiescens, cum communi Cleri sui, atque militum, nec non totius populi consilio atque consensu, præfatum locum cum prædicto pago, tribus Parochianis Ecclesiis cum suis adjacentiis exceptis, quarum nomina sunt hæc: *Wachenrode, Lonerstat, Milbusen*, omni postmodum remota contradicçãoe, suæ potestati tradidit. Alterius autem pagi, qui Volcuelit nominatur, in quo præfatus locus situs est, partem eidem Regi con-

cessit, quantum est de Babenberc usque ad flumen Uraha, de Uraha in Ratenzam flumen, & sic juxta decursum ejusdem fluminis in Moin, & inde ad rivulum Wichibach, deinde ad caput ejusdem rivuli, sicque, qua citissime ac proxime perveniri potest ad Uraha. Et ut hæc traditio firma, & inconcussa permaneret, ipse prædictus, Præsul HEINRICUS cum Canonicis suis corroboravit & subscripsit.

Qua subscriptione relecta, cum juxta votum omnium, quia semper iustis operibus favorem debemus, & nos prædictum venerabilem locum Apostolica auctoritate vellemus corroborare, ipse prænominatus ejusdem loci Episcopus, HARTUUCIUS proclamationem suam fecit, quia locus suus a Clericis ADALBERONIS, Wirzeburgensis Episcopi, temeraria præsumptione invasus. Quod nos, quia (utrique, *apog. Bamb.*) Episcopi præfentes aderant, inter quos causa stabat, ibidem volentes discutere, ADALBERONI Episcopo, a quo injuria illata erat, deliberationem fecimus, ut objectionem hanc, si posset, resolveret: Si non; justitiæ satisfaceret. Tum ille inito cum suis omnibus, qui aderant, Clericis & Laicis, consilia, regrediens ad ambonem, de illata injuria se cum satisfactione excusavit, & de omnibus, quæ ad bannum, & Episcopalem justitiam, & potestatem Babenbergensis Ecclesiæ Christi pertinerent, & tunc, & deinceps renunciavit, exceptis his causis, quas de bonis utriusque Episcopii, ipsi inter se Episcopi possent legaliter definire.

Verum Nos, sicut semper de profectu gaudemus fidelium, & iustis operibus debemus augmentum, eundem Babenberc locum, ab antecessoribus nostris corroboratum Apostolica auctoritate, viva voce corroboravimus, & eandem corroboracionem nunc etiam literis signavimus, ut eundem locum, & omnia, quæ ibidem Deo, sanctoque Petro a felicis memoriæ HEINRICO, secundo Rege, & primo Imperatore, tradita sunt, & quæ in posterum jure acquiri possunt, vel juste acquisita sunt, prædia, mancipia, aurum, argentum, pallia, vasa, ornamenta, & alia utensilia, nemo audeat in perpetuum surripere,

pere, auferre, aut commutare, nisi ad utilitatem ejusdem Ecclesiæ. Sed Episcopus ejusdem loci, vel qui in perpetuum ejusdem fuerint successores, secures eas possideant tranquillitate, ac liberam habeant potestatem, aut dominationem, omnes res, & proprietates ejus loci ordinare, atque componere, vel augmentare: dissipare vero atque confundere, nullam habeant inde potestatem aut dominationem.

Insuper pro nostra auctoritate sancimus, ut in terminis ejusdem Ecclesiæ nulla sit infestatio Tyrannorum, vel aliorum quorumlibet hominum pravorum, sive sint in civitate ipsa Babenberc, sive in castellis, villis, fervis, ancillis, tributariis, decimis, forestis, silvis, venerationibus, piscationibus, molendinis, campis, pratis, pascuis, agris, cultis & incultis, aut quidquid modo illuc pertinet, aut in futurum juste acquiri poterit, per nostræ Apostolicæ auctoritatis privilegium corroboratum, in secuta permaneat quiete. Nullus ibi Comes, aut Judex placitum, seu distractionem aliquam facere, vel tenere audeat, nisi quam per concessionem Gloriosissimi Imperatoris secundi HEINRICI, vel successorum ejus, Episcopus ejusdem loci deliberaverit; nulla in aliqua dignitate posita, magna, parvæque persona per violentiam irruat. Sit ille Episcopus liber, Romano tantum munde burdigio subditus, quatenus Episcopus liberius, & delectabilius cum Clericis suis servitio Dei possit insistere, & HEINRICI quoque charissimi filii nostri, secundi Imperatoris, atque omnium, quibus debitores sunt, memoriam jugiter habere. Sed tamen idem Episcopus suo Metropolitano Episcopo Moguntino in Canonicis causis tantummodo sit subditus subjectus, & obediens.

Deliberatis igitur, sancitis, ac corroboratis omnibus supradictis rebus, eidem sancto loco placuit addendum insigne honoris Ecclesiastici, a nostra Apostolica auctoritate, ducti amore & reverentia CLEMENTIS, piæ memoriæ, prædecessoris nostri, quem Deus

miro (a) dispensationis ordine, a prælatione hujus loci ad sanctæ Romanæ, Catholicæ, & Apostolicæ Ecclesiæ apicem (*) dignatus est avertere, & mirabilibus e Romanis finibus defunctum corpus ejus reducere: Volens hanc Ecclesiam, ut æstimamus, quasi novam, tanto decoratam esse Patrono, & Romanam contentam, & sufficienter præteritis, & futuris Patribus manere ornatam; quin etiam amore & desiderio fratrum, qui nos in suis recipere Ecclesiasticis stipendiis & quotidianis, unum nostrum (b) vicissitudine regere fratrem, mitras gestare concedimus licentiam, & scilicet ratione, ut ab Episcopo provideantur digniores, & honestiores Presbyteri & Diaconi, qui bonis moribus, vel maturis ætatibus, vel etiam prælationibus ipsius loci emineant, videlicet diebus: In Natali Domini, & Salvatoris nostri JESU Christi, & in Cena Domini, & in Sabbato sancto, & in die Gloriosæ Resurrectionis ejusdem & sanctæ Pentecostæ, & in die S. Georgii, & in die Ss. Petri & Pauli, & Assumptionis Beatissimæ Mariæ & S. Dionysii, pro reverentia nostri prælibati prædecessoris Domini CLEMENTIS Papæ, cujus anniversarius dies tunc ab eisdem fratribus agitur, & in anniversario die Domini HEINRICI Imperatoris, ejusdem loci venerabilis constructoris. His vero concedimus hanc dignitatem, qui tantum specialiter excubant, vel deserviunt apud prædicti prædecessoris nostri sepulchrum, Contentos tamen his sancimus diebus fore, nec ultra a quoquam temere usurpári, ne honor proprius Apostolicæ sedis vilescat.

Hæc vero omnia supradicta observari, & custodiri in perpetuum, nostra Apostolica auctoritate decernimus, confirmamus, & corroboramus. Qui vero, quod absit, hujus nostri privilegii temerarius transgressor extiterit, Dei & Beatissimæ Mariæ & Beatorum Petri & Pauli, omniumque Sanctorum (c) æterna maledictione maledicatur, & perpetui anathematis vinculis innodetur, nisi digna satisfactione resipuerit, & canonice satisfecerit. Qui vero pio corde hujus

(a) *dispositionis.*

(*) Suidgerus ab Episcopatu Bambergensi promotus ad Pontificatum Romanum, & Clementis secundi nomine appellatus, Bambergæ sepultus.

(b) *nostra vice.*

[c] Et nostra. *Apogr. Bamb.*

hujus observator privilegii exstiterit, Dei omnipotentis, & Almæ Mariæ, & Beatorum Apostolorum Petri & Pauli benedictione ditatus æterni regni particeps fieri mereatur. Data per manus Friderici, Diaconi, Bibliothecarii, & Cancellarii sanctæ Romanæ, Catholicæ & Aposto-

licæ Ecclesiæ anno Dominicæ Incarnationis MLIII. Anno vero Pontificatus Domini Leonis noni Papæ IV.

Gretserus edidit in Divis Bambergensibus C. XVIII. vitæ S. Henrici, recudit Ludewigius Tomo I. Scriptorum Bambergensium pag. 290.

Qui sibi postea successit) Fridericus Cancellarius Pontificatum adeptus, Stephani X. nomen tulit: Non tamen immediate successit Leoni IX, sed interjecto Victore II. *Quin etiam amore*) hunc locum ita emendavimus ex codice Donawerdano. Nam in Rebdorffensi, & apographo Bambergensi plane depravatus erat, licet neque jam mendo prorsus carere videatur.

SYNODUS MOGUNTINA

ANNO CHRISTI MLIV. ROM. SEDE VACANTE. HENRICI III.
REGIS XVI.

SUMMA. Gebehardus, Aistettensis Episcopus, in locum S. Leonis IX. Papæ defuncti, Romanus Pontifex designatur.

DEfuncto sanctæ Memoræ Papæ Leone, Hildebrandus tunc Romanæ Ecclesiæ Subdiaconus ad Imperatorem a Romanis transmissus est, ut quoniam in Romana Ecclesia persona ad tantum officium idonea reperiri non poterat, de partibus illis, quem tamen ipse vice Cleri, populi que romani in Pontificem elegisset, adduceret. Quod cum Imperator fuisset assensus, & Gebehardus, Aistettensem Episcopum, Hildebrandus ex industria, & consilio Romanorum expetiisset; tristis super hoc valde Imperator effectus est: Nimis enim illum carum habebat. Et cum eundem sibi omnimodis necessarium assereret, & alium, atque alium huic officio magis idoneum indicaret: Hildebrando tamen, ut alterum reciperet, persuaderi nullatenus potuit. Erat enim idem Episcopus; super id, quod prudentia multa callebat, post Imperatorem potentior ac citior cunctis in regno.

Hunc ergo Hildebrandus, invito licet Imperatore, invito etiam eodem ipso Episcopo (propter quod utique postea dictus est, Monachos non amasse) Romam secum adduxit; eique Victoris nomen imponens, Romanum Papam cunctorum assensu constituit, cum jam ferme a transitu Papæ Leonis annus elaboretur.

Leo Ostiensis L. 2. C. 90.

Synodum pro hac electione habitam Moguntia fuisset testatur Continuator *Chronici Hermannii ad annum MLIV.*

Conventus, inquit, ab Imperatore Moguntia factus est, in quo Gebehardus Aistettensem Episcopus, ab Episcopis electus, romamque missus, ibique honorifice susceptus, in sequenti quadragesima (anni nimirum MLV.) in Cæna Domini CLIV. Papa ordinatus, Victoris II. nomen accepit.

LEODII SYNODUS DIOECESANA CUM CANONICIS ET MONACHIS.

ANNO CHRISTI MLV. VICTORIS II. PAPÆ I.
HENRICI III. REGIS XVIII.

SUMMA. Theodoricus, Laubiensis monachus, deligitur Abbas Andaginensis S. Huberti.

INterea, dum Theodoricus Laubiensis monachus ad Fuldense Monasterium, ubi scholarum rector postulatus fuerat, iter perat; ad Theoduinum Leodiensem

diensem episcopum nuntius affertur de morte Adelardi Abbatis Andagiensis, seu S. Huberti, viri quidem nobilitate clari, sed religionis cura non satis solliciti, sub quo regularis illic disciplina multum intepuerat. Cum igitur nullus ibi ad eam instaurandam idoneus haberetur, & si multi, ut fit laxioribus locis, præfecturam ambirent, convocata *religiosorum Abbatum, & Canonicorum concione* Episcopus de substituendo successore, qui collapsam religionem reformare valeret, tractare cœpit. Tum alii alium pro suo genio ac studio suggerere, quidam ut Monachorum loco substituerentur CANONICI, suadere: in summa, nullus hoc munere dignum proponebat. In his dissidiis Anselmus Canonicus, jam alias laudatus a nobis, Theodericum eligendum censuit; ab ineunte quippe ætate bonis moribus institutum, qui certe dignus esset ampliori præfectura. Assensere multi: At non pauci, quibus religio non ita cordi erat, contra sentiebant, eum potius mittendum esse ad Fuldense Monasterium, ad quod ex Imperatoris mandato destinatus erat. Inter varias illas altercantium sententias Stephanus Abbas sancti Laurentii in publico monte apud

Leodicum, vir canitie reverendus, & conversatione Angelicus, imperato silentio, dixit, S. Huberti Monasterium, sub cura & providentia Leodicensis Episcopi positum, indigere strenuissimo rectore ad restituendam inibi disciplinam, nullumque ad id muneris aptiorem esse Theodorico, nec ei parem in aliis Monasteriis facile inveniri posse. Denique præferendam loci domestici necessitatem extraneo, id est Fuldensi Monasterio, cujus cura nihil ad se, nihil ad Leodicensem Episcopum pertineret. Dixerat: tumque converfis omnium studiis ac suffragiis, vocatur ab Episcopo Theodorico, qui illic aderat; jamque fugam meditabatur; vixque a Gunzone Florensi Abbate religiosissimo, qui uti & Stephanus, mox laudatus, ex discipulis beati Richardi Virdunensis Abbatis erat, ad Episcopum adductus est; ac demum, postquam diutius reluctatus fuisset, cedere coactus, festo die purificationis Beatæ Mariæ, hoc anno, deductibus septem Abbatibus ordinatur. Obiit octogenarius anno 1081.

*Mabillon. Annal. Benedictin. Tom. IV.
L. LX. No. LXXIV.*

CONVENTUS COLONIÆ

PRÆSENTE VICTORE II. PP. ET HENRICO IV.

Mediante Victore II. pax stabilitur inter Henricum IV., Balduinum, & Godefridum Lotharingiæ Duces.

Balduinus, Dux inferioris Lotharingiæ, qui anno 1049. intercedente Leone IX. PP. fuerat Imperatori Henrico Aquisgrani reconciliatus, & Godefridus barbatus, Comes Flandrensiū, & Maritus Beatricis, viduæ Marchionis Pifarum, Bonifacii, gubernatoris Marchiæ Anconitanæ, Domini Herrurriæ, & magnæ portionis Italiæ, Coloniam Agrippinensium venerunt ad Henricum IV. septennem puerum, sub Tutela matris Agnetis constitutum, ubi Victore II. (a) PP. Mediatore, certis conditionibus pa-

cem cum Rege Henrico IV. pacti sunt. Godefrido Beatrix uxor Marchionissæ restituta fuit.

Anno MLVII. generali Conventu Coloniam habito, Balduin pius Comes Flandriæ, & Godefridus Dux Brabantiam, mediante Papa Victore, ad pacem & gratiam Imperatoris Henrici IV. (b) reducuntur, & omnes bellorum motus sedantur.

Ægidius de Roya Annales Belgici.

Albericus Monachus trium fontium.

Q.3

SYNO.

- (a) Victor Papa eodem anno 28. Julii obiit. Fridericus, frater Ducis Godefridi, filius Gozelonis, Archi-Diaconus S. Romanæ Ecclesiæ & Cardinalis, monachus & Abbas Cassinensis, fuit electus Papa concordi voce Cardinalium, sub nomine Stephani IX.
(b) Henricus IV. Rex per proleptin Imperator appellatur.

SYNODUS DIOECESANA BAMBERGENSIS,

A GUNTARIO, BAMBERG. EPISCOPO, CELEBRATA,
Anno Christi MLVIII. Stephani IX. Papæ I.
Henrici IV. Regis III.

*De Decimationum finibus inter Wurceburgensem & Bambergensem
Diocesis.*

IN nomine Sanctæ, & Individuæ Trinitatis. Notum sit omnibus tam præsentis ætatis quam futuræ posteritatis, qualiter: Ego *Guntharius*, Quintus Babenbergensis episcopus, propter multimoda meæ Ecclesiæ negotia, *Synodum* universorum subditorum tenui; erat enim plebs hujus Episcopii, utpote ex maxima parte Slavonica, ritibus Gentilium dedita, abhorrens a Religione Christiana, tam in cognatorum connubiis, quam in decimationum contradictione, decretis Patrum omnino contraria. Quapropter communi omnium judicio confirmatum est, ut, qui sponte canonicis Decretis nollent obedire, compellerentur intrare, & qui canonicè Banno constrictus, non decimaret, bonis suis a Domino suo abdicaretur, donec resipiscere compelleretur.

Huic Synodo *Eberhardus* Comes, *Wirceburgensis* Advocatus, superveniens, Decimationes quasdam Novalium nostrorum per prolocutorem suum *Apelin* de *Cunstat*, *Wirceburgensi* Ecclesiæ repositulavit: Sed meo advocato *Wolframmo*, per prolocutorem suum *Katzelinum* de *Hansfeld*, respondente, ac Domino *Meinnardo* cartam de eadem re coram omnibus perlegente, Synodali judicio expositulatio illa infirmata est, & supradicta decimatio nostræ Ecclesiæ adjudicata, sicut ego, meique fideles, protestati sunt Dominum nostrum Imperatorem *Henricum* hujus Episcopii terminos suo prædio a *Wirceburgensi* Ecclesiâ commutasse.

Isti autem sunt Testes, qui huic Synodo interfuerunt.

Herimannus hujus *Bambergensis* Ecclesiæ Præpositus, qui Canonicè

interrogatus, omnium assensu judicium fecit.

Poppo, Decanus.

Razzelin; *Penno*, *Luitzo*; *Adelune*; *Gozebreht*; *Hartuic*.

Meinard Scholasticus.

Adalbero Decanus de *Duristat*.

Huno.

Arnold de *Sieslice*.

Oze de *Stafelsstein*.

Sigelo; *Ruothart*, *Necer*; *Adalbraht*; *Odalric*; & fere omnis *Clerus* *Bambergensis* Ecclesiæ.

Laici autem isti erant.

Cono, *Palatinus* Comes.

Pertolt, & *Fridericus* Filius ejus.

Gotescale, & *Frideric* Filius ejus.

Eppo de *Nubeim*.

Gozawin, Comes.

Adalbraht de *Vorß*.

Sterchere: Comes.

Goswin Comes.

Reginboto Comes, & Filius ejus *Diemar*.

Kraft Comes.

Immo, *Waltpoto*.

Judices isti affuerunt.

Gumprecht, & Filius ejus *Meingoz*.

Heriman, & *Volcrat*.

Ebo; *Vocho*; *Ascuvin*.

Adelolt de *Trubaba*, & frater ejus

Hemmo.

Erbo de *Wizenaba*.

Ministeriales autem isti.

Wiccer.

Mazelin.

Arnolt de *Sichendorf*.

Teimo.

Tuticho, & frater ejus *Babo*.

Deipolt, & alii plures, quos nominare longum est.

Acta

Acta, idibus Aprilis. Indictione IV. Anno Dom. Incarnationis MLVIII. Anno Episcopatus Domini Guntharii II.

Ex vetusto codice Evangeliorum MS. in Sacratio Ecclesiæ Cathedralis Wurceburgensis asservato, descripsit Cl. Schannatus b. m.

SYNODUS HALBERSTADENSIS

INDICTA A BURCHARDO, SED NON CELEBRATA.

ANNO CHRISTI MLIX. NICOLAI II. PAPÆ I. HENRICI IV. REGIS III.

De ablatis Monasterio Herveldensi decimis restituendis.

Meginherus, Abbas Herveldensis Cœnobii, cum Burchardo, Halberstadensi Episcopo, diuturnam traxerat litem propter decimationes Saxoniarum, quas de Herveldensi Monasterio ereptas, per occasionem Episcopalis regiminis sibi vendicabat. Contra cujus improbitatem, cum nec forenses, nec Ecclesiasticæ leges quidquam valerent, & Abbas sæpe, querimonia in jus delata, surdis tribunalibus fabulam narrasset; tandem brevi, antequam vita excederet, mandavit ei per Fridericum Palatinum Comitum, se quidem, tanquam viribus imparem, causâ cadere: Deo tamen vires ad luendam æquitatem non defuturas esse: Proinde parati non essent, ut intra paucos dies ad tribunal æquissimi Judicis Dei causam dicerent. Victurum ibi esse, non qui plus posset, sed cuius causâ justior esset.

Nec fefellit eventus. Nam post dormitionem Abbatis, pauci dies intercesserant; & ecce, Episcopus, cum prædictæ rei gratia Synodum indixisset, & admoto jam equo, illuc properare vellet, repente Divina animadversione ictus corruit; reportatusque ad cubiculum, alicuius ocyus Presbyteris suis per Deum obtestabatur, ut decimationes suas Her-

veldensi monasterio restituerent; atque omnem in perpetuum super hac re litem præciderent, scirentque, cunctis, qui eadem tentassent, sic infelicitè rem cessuram, ut sibi cessisset, qui injustæ exactionis tam acerbum vindicem ipsum experiretur Dominum. Cumque Magdeburgensis, & Hildenesheimensis Episcopi visitatum eum advenissent, cum magno ejulatu ferebatur, se juxta prædictum eximii Abbatis ad tribunal Dei jam jam abripi, & pro invasis rebus alienis rationem exigere, rogabatque obnixè, ut missis Herveldiam nuntiis, veniam sibi pro admissis supplices precarentur. Nec multo post, diruptis miserabili morbi genere visceribus expiravit. Uto quoque Archi-Presbyter ejus, quo ille potissimum incensore in hanc sævitiam inarserat, quique exactor, atque administrator hujus calumniæ vehementissimus extiterat, eodem anno subitanea morte sine confessione, sine sacra communione interiit, a Diabolo (ut fama vulgatiores loquuntur) suffocatus.

Tritheimius in Chronico Hirsaugiensi ad annum 1059. ult. edition.

Ex quo Baronius ad eundem annum N. LXXXI.

CONCILIABULUM BASILEENSE

ANNO CHRISTI MLXI. ALEXANDRI II. PAPÆ I. HENRICI IV. REGIS V.

Audita in aula Regia electione Alexandri secundi, Kal. Octobris hoc anno Romæ facta, conclamata est ab omnibus Regis injuria, quod ipso ne-

sciente (a) Pontifex Romanus electus esset. Guibertus Cancellarius Regis, Parmensis, mox eligendum a Rege Pontificem affirmans, suæ civitatis incrimum fami-

familiarem, Cadalum (alii Cadaloum, alii Cadalaum) Parmentem Episcopum, qui a nulla Synodo, nec nisi a duobus Episcopis Lombardis, Vercellenfi & Placentino, publice concubinato turpissime infamatis, Basilæ electus fuit, die XXVIII. Octobris, & ne deesset illi electioni omne, quod nefandissimum est, Gerardus Comes Galerienfis, excom-

municatus Romæ in Synodo, ob deprædatus ab ipso Anglos, interfuit Basiliensi Conventiculo.

Hæc omnia constant ex Epistola S. Petri Damiani coevi, & Sanctissimi Scriptoris, scripta ad Cadalaum, quam Ill. Baronius integram refert ad b. ann. a N.VII.

Hic Cadalus voluit dici Honorius II, & quantiscunque fulminibus excommunicaretur, non destitit usurpare functiones Pontificias.

(a) Clerus Romanus, auditis his attentatis, Stephanum Presbyterum Cardinalem legavit ad aulam Henrici, causas prope ratæ electionis relaturum: sed admissus non fuit ad audientiam, aulicis obstantibus, ut S. Petrus Damiani narrat in disceptatione synodali jam jam referenda.

Henricus Rex audito schismate misit Romam Burchardum, secundum hoc nomine Episcopum Halberstadensem, qui videtur reulisse ad Regem pro causa Alexandri II. approbanda contra Honorium secundum, seu Cadalaum.

Postquam S. Anno, Colonienfis Archi-Episcopus, Procerum Germaniæ suasu, Henricum IV. e sinu matris ab-

duxisset, anno 1062. post Paschatis dies, & educandum suscepisset, & simul Regni Germanici curam; Guibertum Parmentem, quem Agnes Imperatrix Cancellarium Regis creaverat, sine mora deposuit, præcipuum Cadolai promotorem, & Cancellarii officium dedit Gregorio Vercellenfi Episcopo.

CONCILIUM AUGUSTANUM

SEU OSBORIENSE.

Anno Christi MLXII.

ANno Archiepiscopus Colonienfis suscepta Regni Germanici, & Regii pueri Henrici IV. educandi cura, episcopos Germaniæ, & Italiæ quotquot apud Regem reperiri continebat, autumnali tempore Augustam Vindelicorum (quam S. Petrus Damiani ex Germanico nomine Osborium vocat) congregat. Acta latent teste Baronio, sed ex Epistola S. Petri Damiani ad Cunipertum Taurinensem, tum ex disceptatione Synodali scripta a Petro Damiani,

& in hac Synodo prælecta status controversiæ elucet.

Nempe omnium consensu conclamata fuit damnatio Cadolai, Alexandri electio comprobata, die præcedente Natalem Ss. Apostolorum Simonis & Judæ: quorum die anno superiori in Conciliabulo Basiliensi promotus fuerat.

Baronius ex actis refert hanc Epitomen ad hunc annum; tum ex Leone Ostiensi.

Disceptatio Synodalis inter Regis Advocatum, & Romanæ Ecclesiæ Defensorem, transmissa ad Synodum Osboriensem ex Italiæ & Germaniæ Episcopis coactam 1062. coram Henrico IV. Rege.

ARGUMENTUM.

In hoc libello Romanæ Ecclesiæ Defensor, & Regis Henrici Advocatus altercantes inducuntur. Causa autem eorum altercationis hæc erat: Inoleverat prava consuetudo; ut Romanus Pontifex eligi

non posset, nisi ab Imperatore prius confirmaretur. Cum igitur tunc temporis Henricus IV. puer esset, & adhuc sub tutela constitutus, sine illius assensu Pontifex electus est: quod cum ab Henrici Legatis in crimen vocaretur; in hac disputatione cuncta eorum objecta refelluntur, ut paulatim cogatur Regius Advocatus rationibus convictus, in contrariam transire sententiam. Fingitur autem hæc disceptatio habita coram Synodo Episcoporum, qui, ut hac de re pronuntiarent, in unum convenerant.

Sed ad hæc gloriaris & jactas: Rex me, & Imperatrix mater elegit: ad hunc apicem me Regia Celsitudo provexit. Sed cum hinc aula Regia suum tueatur electum, illinc Romana Ecclesia proprium defendat Antistitem, jam in solio constitutum; dignum est, ut Sanctorum atque prudentium Sacerdotum multitudo conveniat; & hanc quæstionem ventilans sub Canonici juris auctoritate discernat. Et quoniam in proximo, ut speramus, fiet hinc Osborniense (a) Concilium, hic jam ejusdem Concilii constituamus, velut in quadam tabellæ pictura, prælium. Juxta visionem ergo Daniëlis (b) Patrum throni sint positi, judicium sedeat, libri aperiuntur: & solutionis indiga quæstio in medium deducatur. Hinc itaque Romanæ Defensor Ecclesiæ suas allegationes inferat: illinc Advocatus Regius propriæ partis argumenta depromat. Taceat Parma cum suo hæresarcha, advocato tantum Regia, & Romana invicem obloquatur Ecclesia, Sanctorum vero Sacerdotum erecti sint animi, ut & quæ utrimque dicenda sunt, conferant, & peroratæ causæ judicialis sententiæ calculum ponant. Age igitur, defensor Apostolicæ sedis incipiat, deinde Regius Advocatus, quæ sibi videbuntur, obtendat.

Defensor Romanæ Ecclesiæ.

Cum beatitudo vestra, Venerabiles Patres, super Apostolicæ sedis negotio disputat, ad cunctas Ecclesias pertinere, quod versatur in manibus, non

ignorat. Hac enim stante, reliquæ stant: sin autem hæc, quæ omnium fundamentum est & basis, obruitur; cæterarum quoque status necesse est collabatur. Omnes autem sive Patriarchi cujuslibet apicem, sive Metropoleon Primatus, aut Episcopatum Cathedras, vel Ecclesiarum cujuscunque ordinis dignitates, sive Rex, sive Imperator, sive cujuslibet conditionis homo purus instituit, (& prout voluntas, aut facultas tulit) specialium sibi prærogativarum jura præfixit; Romanam autem Ecclesiam solus ille fundavit, & super petram fidei mox nascentis erexit: Qui beato vitæ æternæ clavigero, terreni simul, & celestis Imperii jura commisit. Non ergo quælibet terrena sententia, sed illud Verbum, per quod conditum est cælum, & terra, & per quod denique omnia condita sunt elementa; Romanam fundavit Ecclesiam; illius certe privilegio fungitur; illius auctoritate fuitur. Unde non dubium, quia quisquis cuilibet Ecclesiæ jus suum detraxit, injustitiam fecit: qui autem Romanæ Ecclesiæ privilegium, ab ipso summo omnium Ecclesiarum capite traditum, auferre conatur; hic procul dubio in hæresim labitur: & cum ille notetur injustus; hic est procul dubio dicendus hæreticus. Fidem quippe violat, qui adversus illam agit, quæ mater est fidei: & illi contumax invenitur; qui eam cunctis ecclesiis prætulisse cognoscitur. Cum hæc igitur vestra sanctitas indubitanter agnoscat, vos; qui non quilibet, sed nobis

(a) Augustæ Vindelicorum, germanica dialecto Auesburg, ad quam Synodum anno MLXI. coactam, Petrus Damiani hunc libellum misit, qui inscribitur: *Disceptatio inter Advocatum Regium & Ecclesiæ Romanæ Defensorem*. In quo status controversiæ tam de jure Regis in Cadolao a Rege Basileæ electo, quam pro jure & libertate Romanæ Ecclesiæ, quæ Alexandrum II. elegerat absque Regia confirmatione, clare exponitur.

(b) Daniel. VII.

Tomus III. Concil. German.

nobiliores, & egregii estis filii Romanæ ecclesiæ, pietatis viscera circa matrem vestram compatientes ostendite: & utrum destrui debeat, sibi met eligendo Pontificem, judicate. Mirum quippe est, si quod minoribus Ecclesiis Canonicus vigor attribuit, illi soli, quæ caput est omnium, non permittit.

Regius Advocatus.

Prolixa declamatio dedit attentionem, benevolentiam, atque docilitatem: Et hoc potius juxta consuetudinem fori judicialis, quam secundum regulam Concilii Synodalis: Ubi scilicet non magnopere curare debemus elucubrata locutionis urbanitatem, sed vivæ potius sententiæ puritatem. Ad querelam ergo coram Sanctis Sacerdotibus deponendam, sufficiat nobis dicere: quoniam iphronizastis Papam sine consensu Domini nostri Regis; ad injuriam scilicet, atque contemptum Regiæ Majestatis.

Defensor Romanæ Ecclesiæ.

Ordinationem Papæ factam diffiteri nec possumus, nec debemus; Regis autem injuriam modis omnibus propulsamus. Sed videamus primo, si placet, utrum Papa sine Rege potuerit fieri, & sic postmodum de Regis disputemus injuria.

Regius Advocatus.

Certe liquido novimus, quia illi debent Pontificem, cum ordinantur; eligere, quos sibi, postquam ordinatus fuerit, Canonica decernit auctoritas, obedire: Papæ vero, quia universalis est Pontifex, non modo Romanus populus, sed & Romanus Imperator, qui caput est populi, obedientiam debet; Consendumne ergo est, ut Papam sine capite suo populus eligat, & ei, quem non elegit, Imperator obediat? Constat ergo, quia nisi Romani Regis assensus accesserit, Romani Pontificis electio perfecta non erit.

Defensor Romanæ Ecclesiæ.

Perhibendum est itaque juxta vestræ disputationis articulum, quia neque Stephanus, neque Sixtus, neque Cornelius, non denique Clemens, non Sylvester, non ipse beatus Petrus Apostolus, Papali nomine digni sunt, qui

ab Imperatoribus eorundem temporum electi non sunt.

Regius Advocatus.

Gentiles Reges non sunt adhibendi ad hujus, de qua loquimur, electionis exemplum: qui quoniam Christianam ignorabant fidem; Christianorum non poterant ordinare Pontificem. Cæterum Christiani Principes semper Romanos elegere Pontifices.

Defensor Romanæ Ecclesiæ.

Qui mentitur in communi colloquio, mendax dicitur, qui autem in præsentia venerabilium Sacerdotum falsa protulerit, Sacrilegii procul dubio crimen incurrit. Dixisti, Christianos Principes Romanos semper elegerisse Pontifices; percurre mecum Ecclesiasticæ antiquitatis historias: Romanorum Præsulum catalogum studiose disquire: & cum *perpaucis* inveneris in electione sua Regium accessisse consensum, confitere te perspicuum protulisse mendacium. Quis enim Rex, Antonii filium Damasum Hispanensem, quis Innocentium Innocentii filium Albanensem: quis denique Zosimum Græcum, Ebramii filium elegit? Quis præterea Leonem, Quiriani filium, de Tuscia? Quis Hilarium, Crispini filium de Sardinia? Quis Cælestinum, Prisci Romani civis filium? Quis Bonifacium? Quis Anastasium, æque Romanos? Denique multos attexerem, nisi fastidium generarem. Sed ne me putes, non habentem copiam, ab eorum enumeratione desicere; quis Imperatorum elegit Simplicium Tiburtinum? Felicem, natione Romanum? Quis Gelasium Afrum Valerii filium? Quis Symmachum, Sardinie Provinciæ filium Fortunati? Quis Hormisdam, filium Justi, natione Campanum, Joannem ordine Tuscum? Felicem, natione Samnitum: Bonifacium, Sigibaldi filium, Mercurium (a) Projecti, Agapitum Gordiani, natura Romanos? Quis enim Regum, electioni cujuslibet istorum suum legiit adhibuisse consensum? cum eorum temporibus Romanæ reipublicæ Christiani Principes præfuisse legantur, id est, Valentinianus Senior: Valens frater ejus, qui occisus est in pugna Gothica prope Adrianopolim: Gratianus, qui a Maximo Tyranno per-

(a) Sic omnes impressi codices habent, etsi nullus Papa *Mercurii* nomine notus sit.

peremptus est : Valentinianus junior , qui necatus est a Comite suo Viennæ : Deinde Arcadius , Honorius , Theodosius : Joannes ille , qui apud ravennam occisus est : Valentinianus tertius , qui in campo Martio est peremptus : Martianus , Leo , Majorianus , Severus , Anthemius , Olybrius , Glycerius , Zeno : Nepos ille , qui in villa sua occisus est juxta Salonas : Augustulus , Anastasius , Justinus , & cæteri romani Imperatores , quos vitandi laciniosi stili causa prætereo . Da mihi ergo eorum , quos enumeravimus , aliquem , vel Præfulem requirentem , vel Principem , assensum in electione præbentem ; & ego do manum , ac te perhibeo laureandum . Alioquin si dare non poteris ; in hoc te convictum per omnia necesse est , fatearis . Quod autem beato Gregorio legitur adhibuisse Mauricius Imperator assensum , & perpauci alii Principes aliis promovendis : hoc distavit perturbatio temporum , & tempestas horrenda bellorum .

Regius Advocatus.

Si mentiri est contra mentem loqui , temerarium est , me mendacii tam procaciter argui , qui non utique falsum , sed verum me dixisse putavi , tamen assentior , & in hoc superatum me esse non abnuo .

Defensor Romanae Ecclesiae.

Ut autem idipsum adhuc manifestius pateat , & te super hac dimicandi materia perdidisse , abimet ipsi clarius innotescat : lege *Constantini Imperatoris Edictum* , (a) ubi sedis Apostolicæ constituit super omnes in orbe terrarum Ecclesias Principatum . Nam postquam supra corpus beati Petri Basilicam fundator erexit , postquam Patriarchium Lateranense in beati Salvatoris honore construxit ; mox per Imperialis rescripti seriem Romanæ ecclesiæ constituit dignitatem . Ubi nimirum beato Sylvestro , suisque successoribus obtulit , ut regali more , & aurea corona plecterentur in capite , & cæteras regii cultus insulas usurparent . Verum beatus Sylvester ornamenta , quæ Sacerdotali congruere

judicabat officio , in proprios usus assumpsit ; coronam vero , vel cætera , quæ magis ambitiosa , quam mystica videbantur , omisit . Cui etiam Constantinus Lateranense Palatium , quod eatenus aula regalis exstiterat , perpetuo jure concessit ; regnum Italiæ judicandum tradidit . Nam & ipsius regis hæc verba sunt : *Unde congruum* , inquit , *prospeximus , nostrum Imperium , & Regni potestatem Orientalibus transferri , ac transmutari Regionibus , & in Bizantia Provincia ; in optimo loco nomini nostro civitatem adificari , & nostrum illic constitui Imperium ; quoniam ubi Principatus Sacerdotum , & Christianæ religionis caput ab Imperatore celsi constitutum est , justum non est , ut illic Imperator terrenus habeat potestatem . Audisti , quia terrenus Imperator non habet in romana ecclesia potestatem ? quomodo ergo sine illius arbitrio , qui ibi potestatem non habet , non licet eligi sacerdotem ? Ipse vero Constantino-polim , velut in secunda roma , perpetuo regnaturus abscessit . Longe vero post Theodosius Imperator beati Pauli Basilicam cæpit , quo defuncto filius ejus , Honorius , eandem Basilicam ad calcem usque perduxit . Hi quoque romanæ ecclesiæ privilegium nihilominus firmaverunt . Quomodo ergo prærogativam sibi in romani Pontificis electione relinquerent , qui romanam ecclesiam nequaquam sibi studuerunt subdere , sed præferre ; non præcipere , sed parere ; non præcellere , sed subesse ?*

Regius Advocatus.

Assentior plane , & ratum duco , quod loqueris . Sed esto , quod nunc regia celsitudo ex antiquorum consuetudine Principum , hoc sibiimet allegare non possit ; verumtamen tu hoc negare non potes , quod Pater Domini mei regis , piæ memoriæ , Henricus Imperator , factus est Patricius romanorum , a quibus etiam accepit , in electione semper ordinandi Pontificis Principatum . Huc accedit , quod præsentius est , quia Nicolaus (b) Papa hoc Domino meo Regi privilegium , quo ex paterno jam jure

(a) Sæculo XI. hoc donationis Constantinianæ diploma a multis verum habebatur , uti & Epistolæ Romanorum Pontificum , ab Isidoro Mercatore Sæculo nono prolatae , & a multis acceptæ .

(b) Nicolaus II. PP. in Synodo Romana anni 1059. Eligatur , ait , de ipsius Ecclesiæ Romanæ

jure susceperat, præbuit, & per Synodalis insuper decreti paginam confirmavit. Cum ergo privatus quisque a suo decidere jure non debeat, donec ventilato negotio, judicialis in eum sententia promulgetur: quo pacto Majestas regia prærogativam hanc suæ dignitatis amisit, quam & ex Apostolicæ sedis liberalitate percepit, & ex paterno Imperialis fastigii jure suscepit? Quo, inquam; modo in romana ecclesia dignitatis adeptæ locum sine judicio perdidit; qui romanam ecclesiam non offendit?

Defensor Romana Ecclesiæ.

Privilegium invictissimo regi nostro ipsi quoque defendimus, & ut semper plenum, illibatamque possideat, vehementer optamus. Porro autem romana ecclesia multo nobilior atque sublimior, quam mater carnis, mater est regis. Illa siquidem peperit, ut per ejus traducem revertatur in pulverem; ista genuit, ut Christi sine fine regnantis efficiat coheredem. Et cuncti liquidi novimus, quia rex, licet egregiæ indolis, tamen adhuc puer est. Quid ergo mali romana fecit ecclesia, si filio suo, cum adhuc impubes esset, cum adhuc tutore egeret, ipsa tutoris officium subiit, & jus, quod illi compete-
bat, implevit? Quis enim noscat, quia Sacerdotem eligere puer ignorat? Sæpe mater judicis tribunal irrumpit, testes adsciscit, notarios convocat, sicque per adstipulationes, & rata insuper, & apicum monumenta, omnia bonorum suorum filio jura delegat: Interim tamen, usque dum ille ad juvenilis ætatis incrementa perveniat, & rationis capax fiat, illa cuncta dispensat, omnia ordinat: sicque quod jam alieni juris est, patrimonium ad propriæ disponit provisionis arbitrium. Numquid ob hoc dicenda est mulier illa filio suo concessa subtrahere? Immo verius perhibetur, ut puto, pietatis studio defer-
vire, quia quæ rudis adhuc filius dilapidare poterat; hæc illa sibimet apte dif-

posita, caute retenta, rationabiliter ordinata, conservat. Carnalis ergo mater adjuvat filium in rebus terrenis; & mater Ecclesia filio suo regi præbere non debet auxilium in Spiritualibus donis? Obmutescat ergo plebenda versutia, quæ scilicet hoc damnat, quod prædicare debuerat; illi crimen imponere nititur, quæ pro benefactis gloriæ titulum promeretur. Huc accedit, quia nonnunquam ob varietatem temporum sæpe mutandus est ordo causarum, Tunc enim, quando Pontificem romana sibi præfecit Ecclesia; tantæ simulationis fomes in seditionem cives accenderat, tantus livor & odium tumultuantis populi corda turbaverat; ut de tam longinquis terrarum spatiis nequaquam regiæ Clementiæ prætolari possemus oraculum. Nisi enim quantocyus ordinaretur antistites, perniciosus in populo gladius mutuis vulneribus defæviret, & non parva Romanorum civium strages fieret.

Regius Advocatus.

Obtende quod vis, argumentare quod placet; dummodo constet, quia nullatenus debuit immutari, quod Papa concessit, quod decreto constituit, quod scriptione firmavit.

Defensor Romana Ecclesiæ.

Quid mirum, si hominis, carnis adhuc fragilitate circumdari, statuta mutantur; quando etiam Omnipotens Deus, qui videlicet omnia, quæ futura sunt, novit; ea quoque, quæ a semetipso constituuntur, immutat? Nam ex eo, quod promittit, aliquando aliquid minuit, vel etiam totum subtrahit: ali-
quando mala minatur, & non infligit.

Regius Advocatus.

Ea, quæ proposuisti, Scripturæ declarentur exemplis. Quid est ergo, quod Deus unquam promissit, & minuit?

Defensor Romana Ecclesiæ.

Si non excidit, reminisci potes, quia dixit Dominus ad Noë: *Non (b) permanebit spiritus meus in homine in æternum,*
quia

gremio, si reperitur idoneus. Vel si de ipsa non invenitur, ex alia assumatur, salvo debito honore & reverentia dilecti filii nostri Henrici, qui in præsentiarum Rex habetur, & futurus Imperator speratur, sicut jam sibi concessimus & successoribus illius, qui ab Apostolica Sede personaliter hoc jus imperaverint. *Gratianus Dist. 23. Cap. In nomine. Baronius ad A. C. 1059. No. XXV. & seq.*

(c) Genes. VI.

quia caro est : eruntque dies illius centum viginti annorum. Sed cum Scriptura commemoret quingentorum tunc annorum existisse Noë, quando hæc sibi Dominus loquebatur : sexcentorum vero tunc jam esse, cum cataclysmus erupit ; liquido patet, viginti annos de præscripti numeri spatio fuisse subtractos. Vitæ itaque spatium, quod humano generi Deus promissit, imminuit, quia perverfitatis eorum reatus excrevit. Judæ quoque per os Patriarchæ Jacob promissit Spiritus Sanctus dicens : *Non (c) auferetur sceptrum de Juda, & Dux de femore ejus, donec veniat, qui mittendus est.* Et tamen nec temporibus Judicium legimus, viros de tribu Juda semper super Israël tenuisse Ducatum, nec Reges ex eadem tribu Principatum tenuisse usque ad Christi reperiuntur adventum. Constat ergo, quia sæpe Deus omnipotens, quod homini promissit, imminuit, quoniam homo, quod Deo debuerat, non implevit.

Regius Advocatus.

Doce etiam, ubi Deus promissit bonum aliquod, & efficaciter non implevit.

Defensor Romanæ Ecclesiæ.

Recordare, quia dicit Dominus ad Josiam Regem Judæ : *Pro (d) eo, inquit, quod audisti verba voluminis, & perterritus est cor tuum, & humiliatus es coram Domino, auditis sermonibus contra locum istum, & habitatores ejus : & scidisti vestimenta tua, & flexisti coram me ; ideo colligam te ad Patres tuos, & colligeris ad sepulchrum tuum in pace.* Et tamen paulo post Scriptura dicit : *In (e) diebus ejus ascendet Pharao Necbao Rex Egypti contra Regem Assyriorum ad flumen Euphraten, & abiit Josias in occursum ejus, & occisus est in Magedo, cum vidisset eum.* Ad Sedechiam quoque Regem Juda per Hieremiam dicitur : *Audi (f) verbum Domini Sedechia, Rex Juda : Hæc dicit Dominus ad te, non morieris in gladio, sed in pace morieris, & secundum combustionem Patrum tuorum, Regum priorum, qui fuerunt ante te, sic comburent te : & vae Domine, plangent te : quia verbum hoc ego locutus sum, dicit Dominus.* Quod nimirum, quomodo potuerit fieri, qui seriem scrutatur historiæ, nun-

quam poterit invenire. Nam postquam a Rege Babylonis semel est captus, Babyloniamque translatus, ulterius numquam legitur ab ejus vinculis absolutus. Justo ergo judicio subtrahit Deus homini nonnunquam bona, quæ promissit, cum rebellis homo illius servare mandata contemnit.

Regius Advocatus.

Prosequere etiam, quomodo Deus, quod minatus est, non infligit.

Defensor Romanæ Ecclesiæ.

Nemo, qui limen Ecclesiæ terit, ignorat, quia Jonas ad Niniven a Domino missus, exclamavit dicens : *Adhuc (g) quadraginta dies, & Ninive subvertetur.* Sed quia civitas illa ad Deum toto est corde conversa, nequaquam juxta minacem Domini sententiam excidii est everfione deleta. Cum ergo Deus Omnipotens non modo verax, sed & ipsa sit veritas, inviolato consilii sui manente proposito, exterioris judicii sui manente ordinem, juxta humani sive probi, sive improbi meriti qualitatem, quatenus & a pravitate correctus, quod Deus juste minatur, evadat : & prolapsus in culpam, nullatenus, quæ pollicetur, bona percipiat. Hinc est, quod per Hieremiam dicit : *Bonas (h) facite vias vestras, & studia vestra, & audite vocem Domini Dei vestri : & paritebit Dominum mali, quod locutus est adversum vos.* Hinc est, quod ad Heli quoque per virum Dei Dominus ait : *Loquens (i) locutus sum, ut domus tua, & domus Patris tui ministraret in conspectu meo usque in sempiternum.* Nunc autem, dicit Dominus, absit hoc a me, sed quicumque glorificaverit me, glorificabo eum : qui autem contemnunt me, erunt ignobiles.

Regius Advocatus.

Recte plane cuncta ; quæ proposueras, perspicuis roborasti testimoniis scripturarum ; nunc autem paulisper ad superiora revertere, & juxta tuæ sponfionis elogium, de Domini Regis injuria rationem redde.

Defensor Romanæ Ecclesiæ.

Glorioso Regi, nobis eligendo Pontificem, absit, ut nos intulissemus injuriam, cum ad hoc nos, sicut superius dictum

R 3

(c) Genes. XLVI.

(f) Hier. XXXIV, 4.

(g) I. Reg. II.

(d) IV. Reg. XXII.

(g) Jonæ III.

(e) IV. Reg. XXXIV.

(b) Hier. XVII.

dictum est, necessitas impulerit, non rapina: ad hoc, inquam, nos invitos attraxit imminens periculum civilis belli, non lædendi, vel minuendi livor imperii.

Regius Advocatus.

Civile bellum objicis: imminens periculum in tuæ allegationis defensione prætendis: dicatur etiam, si placet, quia si cælum rueret, terra cædem civium pateretur. Perge adhuc addens: quia pontusaresceret, terram diluvium inundaret. Quid mihi omnia hæc, dum constet, quia quidquid accideret, nullo pacto sancti Papæ sententiam debuisti infringere, nulla ratione Synodalis decreti mysterium licuit violare. Sicut enim Scriptura perhibet: *Melius est, ut oriatur scandalum, quam ut veritas relinquantur.* Nam si hoc bellum timuissent beati Martyres, fierent procul dubio sanctæ militiæ desertores.

Defensor Romanæ Ecclesiæ.

Non ignoras, quod inter omnes Sanctos Martyres Petrus & Paulus in Apostolici senatus culmine possident principatum.

Regius Advocatus.

Hoc sicut negare sacrilegum est, ita & affirmare superfluum.

Defensor Romanæ Ecclesiæ.

Eorum sunt nobis tenenda vëstigia, eorum forma nostris est actibus imprimenda, sub eorum magistra debemus vivere disciplina.

Regius Advocatus.

Hoc utique clarum est, perspicuum est: sed quid a te portenti, quid præstigii, sub hoc funiculo inductionis alatur, ignoro.

Defensor Romanæ Ecclesiæ.

Tolle præstigium; intellige veritatem; Times me, tamquam tibi tendiculas substruentem: audi Paulum, de Coapostolo suo Petro veraciter perhibentem: *Præquam venirent quidam a Jacobo, cum gentilibus edebat: cum autem venissent, subtraherebat se, & sequebatur, timens eos, qui ex circumcissione erant.* Cernimus ergo Petrum non rigidum, sed discretum. Timebat enim Judæos, ne per occasio-

nem gentium a fide recederent Christianorum, & ne perderet gregem creditum, boni pastoris est imitatus exemplum. Factus est enim Judæis tamquam Judæus, ut Judæos lucrificeret. Sic Christus apparuit in forma carnis peccati, ut a peccatis hominem liberaret: & cum legem Moyfi non ambigeret abolendam, consulens tamen adhuc rudibus, & infirmis fratribus, tenuit ad tempus umbram legis, ut eos quandoque proveheret ad perfectè noscendam plenitudinem veritatis. In hoc ergo beatus Petrus discretionis nobis regulam dedit, quatenus aliquando, ubi tamen non plurimum noceat, declinemus aliquantulum a tramite rectitudinis, ut consulere valeamus infirmis.

Regius Advocatus.

Qui dicis, quod Petrus aliquando legem Judaicam tenuit, cur non etiam dicis, quod in eadem Epistola legitur, nimirum, quia Paulus eum in faciem reprehendit: *In (k) faciem*, inquit, *ei reſtiti, quia reprehensibilis erat.* Eique dicit: *Si tu, cum sis Judæus; gentiliter, & non Judaice vivis, quomodo cogis gentes Judaizare?* Cum ergo illud præmisisti, istud quare silentio suppressisti?

Defensor Romanæ Ecclesiæ.

Quod Petrus egit compassione misericordiæ: hoc Paulus arguit pro magisterio disciplinæ: ille quod fecit dispensative, ut infirmis tolleretur scandalum; hoc iste corripuit, ne indiscretus quilibet passim adduceret in exemplum. Ab Petro discamus, ut periculo sumus imminente discreti; in Pauli sermonibus instruamur, ut sanis rebus vita nostra mere deserviat rectitudini.

Regius Advocatus.

Laudo quidem redditam rationem. Sed cum duorum Apostolorum proposueris Magisterium, mirum, cur prætermisso Paulo, solum Petrum adduxeris in exemplum.

Defensor Romanæ Ecclesiæ.

Noli frater, pueriliter currere; immo noli volare, sed perge; pro gravitate quippe negotii prolatio est quodque moderanda sermonis. Audi etiam consequenter & Paulum, discretionis aureæ

(k) Galat. II.

aureæ lineam nostris oculis opponen-
tem, ejusdemque dispensativæ compas-
sionis auctorem. Sicut enim Apostolico-
rum actuum testatur historia: *Perambu-
labat Paulus (l) Syriam & Ciliciam, con-
firmans Ecclesias, pervenitque in Derben,
& Lystram: Et ecce discipulus quidam erat,
nomine Timotheus, filius mulieris viduæ fide-
lis, patre autem gentili. Hunc ergo,
ut ad compendium veniamus, Apostolus
circumcidit, quoniam Judæos, immo Ju-
dæis, qui in illis erant regionibus, ti-
muit. Cur itaque circumcidit fidelem
hominem, non Judæum, qui videlicet
incircumcissus erat, sed natione genti-
lem; nisi discretionis studio deserviret,
ne Judæi fideles in scandalum corrue-
ntes, a fide recederent? Hoc etiam
nunc ad memoriam redit, quoniam
aliquando juxta morem Nazaræorum,
comam ex voto nutrit, & postquam
navigasset in Syriam, in Cenchris posi-
tus, caput juxta legis mandata toton-
dit. Refert adhuc Lucas Sacræ Scrip-
tor historia: *Cum venissemus (m) inquit,
Hierosolimam, libenter susceperunt nos fra-
tres, & sequenti die Jacobus, & omnes
seniores, qui cum eo errant, Evangelio illius
comprobato, dixerunt ei: Vides, frater,
quot millia sunt Judæi, qui crediderunt in
Christum, & ii omnes annulatores sunt legis.
Audierunt autem de te, quod discessionem
doceras a Moysè, eorum, qui per gentes sunt,
Judæorum, dicens: non debere eos circum-
cidere filios suos, neque secundum consuetudi-
nem ingredi. Quid ergo est? Utique oportet
convenire multitudinem: Audient enim, te
supervenisse. Hoc ergo fac, quod tibi dicimus:
Sunt nobis viri quatuor: votum habentes su-
per se, his assumptis, sanctifica te cum ipsis,
& impende in eos, ut radant capita; &
sciant omnes, quia, quæ de te audierunt,
falsæ sunt, sed ambulas & ipse custodiens
legem. Tunc Paulus assumptis viris, poste-
riori die purificatus cum illis, intravit in tem-
plum, annuntians expletionem dierum purifica-
tionis, donec offerretur pro unoquoque eorum
oblatio.**

Cur itaque Paulus juxta cærimonias
Judæorum caput rasit, nudipedalia ex-
ercuit, sacrificia obtulit, & legem de-
struens, legis præcepta servavit? Cur,
inquam, hæc omnia, nisi ut his, qui
ex Judæis fideles exstiterant, scandalum

tolleretur? Formam suscepit ægritudinis;
ut morbos auferret ægrotis: servavit
cærimonias legis, de quibus tamen in
Epistola sua dicit: *Quæ (n) mihi fuerunt
lætra, facta sunt detrimenta, & propter
Christum arbitror velut stercora. Circumci-
dit hominem; & tamen hoc terribiliter
clamat: Dico, (o) inquit, vobis, quia si
circumcidamini, Christus nihil vobis proderit.*
Quod, quæso, majus peccatum esse pote-
rit, quam Christum perdere, Chri-
stianæ religionis regulam violare, Judæi-
cæ legis ritus inducere, novam Evan-
gelii gratiam impugnare? Et tamen hæc
Apostolus Paulus in superficie fecisse
conspicitur, ne in ipsis novæ fidei rudi-
mentis mentes adhuc teneræ scandala
paterentur. Quantum namque in ex-
terioribus cernitur, Cerinthus, & Ebi-
on nihil pene pejus inveniuntur egisse,
quam Paulus. Qui nimirum in Chri-
stum credentes, propter hoc solum a
parentibus anathematizati sunt, quia le-
gis cærimonias Christi Evangelio mis-
cuerunt; & sic nova confessi sunt, ut
vetera non mutarent. Sed ecce, cum
dicitur, quoniam Jacobus, & omnes
seniores hoc Paulo consilium dederunt;
omnes ergo discipuli, quod Paulus fecit,
pariter fecerunt; unum scilicet in
hoc habent meritum, & qui fecit, &
qui faciendi dedere consilium.

Si ergo ipsi Principes mundi, quo-
rum legibus parent non modo Regna
terrarum, sed ultra etiam celsitudo cœ-
lorum, non dubitavere; perpaucis,
qui tunc erant, hominibus in tam peri-
culoso negotio condescendere; cur no-
bis, utique parvulis, & infra illorum
vestigia longe jacentibus, non licuit,
innumerabili romanæ urbis multitudini
subvenire? Sed quid Apostolos loqui-
mur scandalum cavisse debiliū, & no-
viter converſorum; cum & ipse illo-
rum Magister, & Dominus, cujus ni-
mirum omnia sæcula substernuntur
Imperio, ad nostræ imitationis exemplum,
scandalum præcaverit Judæorum? *Simon,*
(p) inquit, *Reges terrarum, a quibus
accipiunt tributum, a filiis suis, an ab alie-
nis? Quo respondente: Ab alienis; præ-
sto subjungit: Ergo liberi sunt filii. Ut
autem non scandalizemus eos, vnde ad mare,
mitte hamum, & eum piscem, qui, prius
ascen-*

(l) Aſtor, XVI.

(o)

(m) Aſtor. XVIII. Aſtor. XXI.

(p) Matth. XVII.

(n)

*ascendit , tolle , & aperto ore ejus invenies staterem : illum sumens , da eis pro me , & te. Ad molliendum ergo rigorem re-
titudinis , ad tenendam virtutem dis-
cretionis , si tibi Petrus non sufficit ad
exemplum , junge simul , & Paulum.
Quod si procaci contumaciæ nequeunt
uterque sufficere , pudeat te ultra JE-
sum per dicacitatis ineptiam proflire :
Finis (q) enim legis Christus ad justitiam
omni credenti.*

Regius Advocatus.

Discretionis virtutem , tot scriptu-
rarum testimoniis approbatam , impro-
bare non possumus. Sed absit , ut ulla
virtus sit tam sublimis , tamve præci-
pua , cujus tenendæ studio in anathe-
matis barachrum corruiere debeamus.
Nam cum omne , quod nobis ex Di-
vina lege præcipitur , ad hoc procul du-
bio tendat , ut nos Creatori nostro so-
cietas æterna jungat : Si nos ab eo ,
quod absit , per maledictionis sententiam
contingat abscedere ; quæ virtus , quæ
discretio , quæ , sicut dicitur , pia com-
passio , tam incomparabile damnum
nobis poterit compensare ? Sane , si
propter hoc solum virtus appetitur , ut
omnipotentis Dei societas acquiratur ,
qualis jam illa virtus erit , quæ nos a
divini contubernii societate repellat ?

Defensor Romanæ Ecclesiæ.

Hæc cur prosequaris , quia nobis
occulta sunt , evidenter expone.

Regius Advocatus.

Synodalis enim decreti pagina ,
quam cum Concilii totius assensu bea-
tus Nicolaus (*) Papa constituit , cui pro-
priæ manus articulum indidit , quam
tot Episcoporum venerandus , celebris-
que conventus subscriptione firmavit ,
anathematis vinculo juxta morem cære-
re non potuit. Unde vos pro compas-
sione , vel condescensione , nescio ,
quam dicitis , furentis populi , nequa-
quam vosmetipsos deberetis tam ineno-
dabilis sententiæ nexibus irretire. Ridi-
culum quippe est , sic obrutum de vo-
ragine marini fluctus eruere , ut ipse
compellatur ereptor sub undosis procel-
larum spumantium cumulis remanere.

(q) Rom. X.
(s)

(*) Anno 1059.
(t) Rom. IX.

Defensor Romanæ Ecclesiæ.

Cum hæc inconsultius loqueris , An-
dabatarum adversum me more con-
fligis : qui nimirum , dum clausis semper
oculis pugnant , alios quidem vulne-
rant ; sed quomodo semetipsos a vul-
neribus tueantur , ignorant. Dicis , quia
nequaquam debemus in anathema cor-
ruere , etiamsi per hoc valeamus infir-
mis fratribus subvenire. Ecce vibraſti
gladium , tentasti vulnus infligere , sed
tibi met , ubi clypeum opponeres , non
vidisti. Numquid tibi jam de memoria
excidit , quod superius protuli , quoni-
am beatus Paulus in Epistola sua dicit :
*Quia (r) si circumcidamini , Christus vobis
nihil proderit ?* Et tamen , quod jam di-
strictè prohibuit , ipse pro charitate fra-
trum infirmantium , ne scandalum pate-
rentur , implevit. Quod enim majus ,
sive deterius , poterit quis anathema sub-
ire , quam cui negatum est , Christum
pro sui reatus damnatione prodesse ?
nam cui Christus non prodest , procul
dubio anathema est , nihilque est aliud ,
anathema quemlibet fieri , nisi a Christi ,
in quo benedicuntur omnes gentes , so-
cietate repelli. Si ergo Paulus hoc ana-
thema pro charitate fratrum subire non
timuit , immo prorsus evasit , cum non
qualemcumque hominem , sed Christia-
num utique discipulum circumcidit ; tu ,
quæso , ubi cordis oculos misisti , qui ,
quod Apostolus fecit , non faciendum
esse testaris ? Ipse enim dicit : *Quæcum-
que (s) scripta sunt , ad nostram doctrinam
scripta sunt.*

Regius Advocatus.

Verisimile est , quia sicut Paulus
Coopostolum suum Petrum de judaizan-
di rediviva usurpatione corripuit ; ita
nihilominus , & in semetipsum , post-
quam discipulum circumciderat , repre-
hendit : Nec mihi hoc aliter umquam
poterit persuaderi , nisi fortassis in ejus
verbis aliquatenus valeat inveniri.

Defensor Romanæ Ecclesiæ.

Ut nullus ambiguitatis nævus in tua
mente remaneat : ut nulla cor tuum
super hoc negotio deinceps caligo con-
fundat ; audi , quid idem Paulus ad Ro-
manos dicat : *Veritatem (t) dico in Christo ,
non mentior , testimonium mihi perbibente con-
scientia*

(r)

scientia mea in Spiritu Sancto, quoniam tristitia est mihi magna, & continuus dolor cordi meo. Optabam enim ipse anathema esse a Christo pro fratribus meis, qui sunt cognati mei secundum carnem, qui sunt Israelitæ. Ecce Paulus, cum non sit, sicut nos necessitate coactus, sponte ac voluntarie desiderat anathema esse pro fratribus, & tu mihi proponis anathema timendum, ubi me perspicis, & inevitabili prorsus necessitate fuisse constrictum, & charitatis studio, ne tanta fratrum multitudo corrueret, inclinatum? Audi etiam, quid Moyses pro populo Israelitico postulans, dicat. *Obsecro (u) Domine, peccavit populus iste peccatum magnum, fecerunt sibi Deos aureos: aut dimitte eis hanc noxam, aut si non facias, dele me de libro tuo, quem scripsisti.* Quod nimirum tunc pleniter fiet, cum reprobis in iudicio dicet: *Ite (v) maledicti in ignem æternum.* Ecce hinc Paulus optat anathema pro fratribus fieri: Ecce illic Moyses postulat ex Dei libro, pro populi, quem ducebat, charitate deleri; & sola Romana Ecclesia, quæ pietatem, & charitatem toto terrarum orbe specialiter, & principaliter docet, ex imminetibus, & jam vibratis undique gladiis, filios suos, quos quotidie per sacri baptismatis mysterium generat, liberare non audet? *Maledictus (w) vir, ait Saul, qui comederit panem usque ad vesperam, donec ulciscar me de inimicis meis.* In hoc, sicut legitur, anathema Jonathas cecidit, sed eum ab imminente mortis sententia charitas, qua pro populo strenue dimicaverat, liberavit. Vis audire, quid etiam de ipso Jesu, totius benedictionis auctore, idem Apostolus dicat? *Christus, inquit, (x) ut nos liberaret a maledicto legis, factus est maledictum.* Si ergo ipse auctor benedictionis æternæ, ut nos a vinculo maledictionis absolvet, maledictioni non est dignatus subjacere: Si sancti quique vel novi, vel veteris testamenti, dum sui capitis imitantur exemplum, & infirmis subvenire fratribus in periculis concupiscunt, & anathematis subire sententiam nullatenus perhorrescunt; cur unum mihi niteris imputare peccatum, & charitatem ad hoc induxisse non perspicis, quæ operit multitudinem peccatorum?

quomodo autem me cujuslibet hominis sententia ligat, quem charitas ipsa, quæ Deus est, liberat? Erubescat ergo humani anathematis imputator, cum per charitatis gratiam mecum sit æternæ benedictionis indultor.

Regius Advocatus.

Cuicumque in disputatione certanti veritas ipsa defecerit; ineptum est, adhuc per ambages, atque versutias pertinaciter niti: ridiculum est, diutius verbis prolixioribus immorari: De vinculo siquidem anathematis, quo te hactenus arbitrabar astringi, ita te noviter expedisti, ut nihil de cætero valeat tibi objici, nihil super hoc capitulo rationabiliter possit opponi. Verumtamen adhuc mihi video materiam supersesse, quam tibi valeam non sine causa relictator objicere. Dicitis, quia necessitate constricti, & velut angusti temporis brevi spatio coarctati, nequaquam potuistis in electione Pontificis expectare consensum Regiæ Majestatis: Quod profecto frivolum esse perspicuum est. Constat enim, tres plus minus menses interim decurrisse, ex quo sanctæ memoriæ Papa Nicolaus occubuit usque ad Kalendas Octobris, cum iste successit. Videamus ergo, si per tam morosam longitudinem, trimestris videlicet spatii, non potuerit ab aula regiæ pragmaticæ sanctionis vobis apocha reportari.

Defensor Romane Ecclesiæ.

Ecce compellis me, vulgato sermone depromere, quod ob Imperialis Palatii reverentiam decreveram silentio præterire: Sed juxta vestræ scilicet exactionis instantiam, jam proferatur in medium opus egregium vestrum, sæculis omnibus inauditum. Rectores autem aulæ Regiæ cum nonnullis Teutonicis Regni Sanctis, ut ita loquar, Episcopis conspirantes, contra Romanam Ecclesiam Concilium collegistis, quo Papam, quasi per Synodalem sententiam condemnastis, & omnia, quæ ab eo fuerant statuta, cassare incredibili prorsus audacia præsumpsistis: In quo nimirum, non dicam iudicio, sed præiudicio, idipsum quoque privilegium, quod

Regi

(u) Exod. XXIII.

(v) Matth. XXV.

(w) I. Reg. XIV.

(x) Galat. III.

regi prædictus Papa contulerat, si dicere liceat, vacuastis. Nam dum quidquid ille constituit, vestra sententia decernente, destruitur; consequenter etiam id, quod ab eo regi præstitum fuerat, aboletur. Sed absit a nobis, ut propter cujuslibet hominis insolentiam Rex, qui innocens erat, quantum ad nos, rem sui juris amittat, & quem auctore Deo votis omnibus præstolamur ad Imperiale fastigium, non permittimus ob alienam culpam regis dignitatis incurrere detrimentum.

Sed ut totam inauditam calamitatis nostræ percurramus historiam, Stephanus Cardinalis Presbyter Apostolicæ sedis, vir videlicet tantæ gravitatis, & honestatis nitore conspicuus, tantis denique, sicut non obscurum est, virtutum floribus insignitus, cum Apostolicis litteris ad aulam regiam missus, ab aulicis administratoribus non est admittus: sed per quinque fere dies, ad beati Petri & Apostolicæ sedis injuriam, præforibus mansit exclusus. Quod ille, utpote vir gravis, & patiens æquanimiter tulit. Legati tam officium, quo fungebatur, implere non potuit. Clausum itaque signatumque mysterium Concilii, cujus erat gerulus, retulit, quia regis eum præsentari conspectibus, curialium plectenda temeritas non permisit. In qua nimirum inopinatæ præsumptionis audacia tanta disputandi videretur inesse materia, ut & Demosthenis eloquentiam vincat, & copiam Tullianæ facultatis excedat. Unde, si vellemus injuriam nostram districtius persequi; jure possemus obtendere, quia vos Romanæ Ecclesiæ vosmetipsos ipso dono privastis: quia scilicet ei præjudicii vestri gratis contumeliam intulistis. Ille quippe fœdus amicitie violat, qui gratis amicum per offensionis molestiam pulsat. Nam & Dominus Judæis per Hieremiam ait: Ecce (y) feriam domui Israël, & domui Judæ fœdus novum, non secundum pactum, quod pepigi cum patribus eorum, pactum, quod irritum fecerunt. Ille ergo irritum reddit beneficii pactum, qui prior violat amicitie Sacramentum. Verumtamen Romana Ecclesia non vult exaggerare, quod pertulit, sed perservare cupit in munere, quod regio culmini liberaliter prærogavit.

(y) Hier. XXXI.

(z)

Regius Advocatus

Quod Domino nostro regi reverenter adscribis innocentiam, digne facis: Quod autem administratoribus Aulæ publicæ devolvis e diverso calumniam, videtur injustum. Quidquid enim circa vos in hujusmodi casibus actum est, ad hoc nos Regiæ matris impulit Imperiale præceptum, non propriæ libertatis arbitrium.

Defensor Romanæ Ecclesiæ.

Et ego tibi secundum cordis tui duritiam respondebo: dico enim, quia Dei omnipotentis obtemperare sermonibus, aliquando peccatum est.

Regius Advocatus.

Ad hoc, quod asseris, mens humana concutitur, & Christianæ pietatis ferre non valet auditus.

Defensor Romanæ Ecclesiæ.

Quia hoc tantopere miraris, illud etiam respondebo: dico enim, quia propter hoc, quod Deo quidam promptus obedivit, funditus perit: alius ob id, quia obtemperare contempsit, ad cumulum gratiæ plenioris ascendit.

Regius Advocatus.

Incredibile est valde, quod dicis: verumtamen, si vales exemplis approbare, quod loqueris, dic, quis unquam Deo obedivit, ac propterea perit?

Defensor Romanæ Ecclesiæ.

Non te later, quia Judæ Iscarioti, qui jam accepto consilio eum traditurus erat, Dominus ait: Quod (z) facis, fac citius. Postmodum quoque, cum ad ejus osculum accedere præsumpisset, adjecit: Amice, ad quid venisti? Subauditur: perficere. Sed quia miser his sermonibus efficaciter obedivit, irrevocabiliter perit.

Regius Advocatus.

Hujus propositionis ratione reddita, redde consequenter alterius: Quis scilicet Dei omnipotentis obedientiam sprevit, & propter hoc copiosam gratiam meruit?

Defensor Romanæ Ecclesiæ.

Si placet, hoc in memoriam revoca, quod Dominus ad Hieremiam ait:

xit : *Vade (a) ad Domum Rechabitarum , & loquere eis , & introduces in domum Domini , in unam exbedram thesaurorum , & dabis eis bibere vinum . Et paulo post Propheta subjungit : Et posui coram filiis Rechabitarum scyphos , plenos vino , & calices , & dixi ad eos : Bibite vinum . Qui responderunt : Non bibemus vinum ; quia Jonadab , pater noster , præcepit nobis dicens : Non bibetis vinum vos , & filii vestri , usque in sempiternum . Unde postmodum Hieremias ait eis : Hæc dicit Dominus Deus exercituum : Non deficiet vir de stirpe Jonadab , filii Rechab , stans in conspectu meo cunctis diebus . Ecce , ille male obediens , perfunctus obedientiæ munere , cucurrit ad laqueum : Isti feliciter inobedientes perpetuum Conditoris sui meruere conspectum . Hoc etiam ad hoc valet , quod superius dictum est ; quia cum Papam sine consensu Regis eligimus , non præsto , quod extrinsecus actum est dijudicare , sed potius , quo animo , & qua intentione sit factum , debereis diligenter attendere .*

Regius Advocatus.

Hæc argumenta nobis domestica sunt , & numquam deficiunt , quia de promptuariis proferuntur ; semper enim possumus in pravi operis exhibitione desinquare , & quia occulta est , ad puræ mentis debemus patrociniū con-
volare .

Defensor Romanæ Ecclesiæ.

Censensne , semper debere juxta rerum atque verborum superficiem judicari ? Quid enim juxta verborum strepitum magis est absolum , quam cum Deus Pater , & Filius , & Spiritus Sanctus , mediatorem Dei & hominum dicitur tradidisse ? Ecce Christum tradidit Judas , tradidit & Deus Pater : numquid non quasi simile factum videtur ? Ergone traditor est Judas , & traditor Deus Pater ?

Regius Advocatus.

Unde probas , quia Pater , & Filius , & Spiritus Sanctus tradiderint Salvatorem ?

(a) Hier. XXXV.

(d) Sapient. I. Galat. III.

(g) Matth. V.

(b) Rom. VIII.

(e) Matth. V.

(c) Sapient. XI.

(f) Matth. XXV.

Defensor Romanæ Ecclesiæ.

Audi Apostolum dicentem : *Qui (b) proprio filio suo non pepercit , sed pro nobis omnibus tradidit illum . Cui & Salomon ait : Cum (c) sis justus , & omnia juste disponas , ipsum quoque , qui non debet puniri , condemnas . Quod autem se Filius tradiderit , idem dicit Apostolus : Qui me dilexit , & tradidit seipsum pro me . Quod autem & Spiritus Sanctus tradiderit Filium , Sapientia perhibet , dicens : Benignus (d) est enim Spiritus Sapientiæ , & non liberabit maledictum a labiis suis . Maledicti apud veteres dicebantur omnes ; qui pendebant in ligno . Christus autem , ut Apostolus dicit , ut nos liberaret a maledicto , factus est maledictum : Spiritus vero Sanctus non liberavit maledictum a labiis suis , quia quæ per ora Prophetarum de Christi passione locutus est , non prohibuit ; sed super eum sine diminutione compleri , cuncta permisit . Ergo secundum te , qui non de cordis intentione , sed semper ex operis vis superficie judicare : si Pater tradidit Filium , & ipse se tradidit Filius , insuper & Spiritus Sanctus ; Judas quid mali fecit ? Facta est traditio a Patre , facta est a Filio , nec non a Spiritu Sancto : Facta est & a Juda . Una res a pluribus facta est ; sed eadem res in operatoribus discernenda est . Quod enim Deus Omnipotens ex charitate ; hoc Judas fecit ex pecuniæ acquirendæ cupidine . Quod Deus fecit ad nostræ salutis remedium ; hoc ille fecit ad explendum insatiabilis avaritiæ votum . Vides ergo , non quid homo faciat , debemus attendere ; sed quo animo & voluntate faciat , diligenter examinare . Nam si sola duntaxat exteriora perpendimus , invenimus ipsum Dominum Salvatorem & dixisse , quod prohibet , & aliter fecisse , quam jubet : *Quisquis (e) ait : dixerit fratri suo : Fatue , reus erit gehennæ ignis : Et tamen ipse resurrectionis suæ die duobus de se dubitative loquentibus ait : O stulti (f) & tardi corde ad credendum . Dixerat etiam in monte discipulis : Si quis te (g) percusserit in dexteram maxillam , præbe illi & alteram . In passione vero positus percutienti se in maxil-**

maxillam puëro Sacerdotis, non modo non alteram præbuit, sed insuper dixit: *Si male locutus (h) sum, exprobra de malo; sin autem bene, cur me cædis?* Et quomodo jam verum erit, quod de illo Lucas ait: *Quia (i) cepit facere & docere;* si, quod docuit, non implevit? Sed procul dubio intelligendum est, hoc unum præcepisse ad præparationem cordis, non ad ostentationem operis. Quomodo enim paratus corde non fuit, in maxillam alteram cædi, qui pro hominum salute decreverat toto corpore crucifigi? Paulus etiam palma percussus iussione Pontificis, ait: *Percutiet (k) te Deus, paries dealbatus.* Quod minus intelligentibus videtur in verbo convicium, sed in sensu Prophetici tenet oraculi Sacramentum. Paries enim dealbatus hypocrisis est, Sacerdotalem sub hoc nomine præferens dignitatem, sed occultans intrinsecus luteam malitiæ turpitudinem: nam quod humilitatis fuit, mirabiliter custodivit. Cum enim illi diceretur: *Principi (l) Sacerdotum maledicis?* respondit: *Nescivi, frater, quia Princeps esset Sacerdotum.* Scriptum est enim: *Principem populi tui non maledices.* Ubi patenter ostenditur, quanta illud tranquillitate dixisset, quod iratus intulisse videbatur. Quibus Scripturarum testimoniis quid aliud edocemur, nisi quia non juxta nuda verba semper debemus sententias judicare: sed quo animo, qua mentis intentione proferantur, inspicere?

Regius Advocatus.

Dubia, quæ proponis, luculenter elucidas per exempla, quæ subjecis. Sed quæso te, ut ad superiora paulisper redeas: & cur nos calumniaris, vobis præjudicium intulisse, qui regis ditioni paruius, patenter exponas.

Defensor Romanæ Ecclesiæ.

Recte plane, ordinabiliter, & congruenter, postquam omnis vestræ partis objectio non rhetoricis argumentis, non coloribus oratoriis, non denique dialecticis syllogismis, sed vivæ potius, atque perspicuæ veritatis est ratione purgata: versa vice jam dignum est, ut de vestris excessibus vel breviter differatur. Enimvero damnatio Papæ tam gravis & inexplicabilis est, ut non humano, sed divi-

no dumtaxat sit tractanda judicio. Reges autem nostros cum ætatis infirmitas, tum fragilitas sexus excusat: quibus utique non reatus adscribitur, sed eorum consiliariis, ut dignum est, imputatur. Omisissis itaque perversitatibus cæteris, ut quid ignorante Roma, reprobum hominem in Romanum Pontificem eligere præsumpsistis?

Regius Advocatus.

Electionem quidem, ut palam est, fecimus: sed longe prius Gerardo Comite, aliisque Romanis, ut dicebatur, civibus infatigabiliter insistentibus, ad hoc inducti sumus. Nam & Abbas Monasterii, quod dicitur Clivus Scauri, non defuit. Non ergo, ut asseris, ignorante Roma, sed præsentē, atque petente, Romani Pontificis electio facta est.

Defensor Romanæ Ecclesiæ.

In hoc pro me facis, dum Gerardo, sub anathemate constituto, te communicasse testaris: nam, ut de Abbate, & aliis interim fileamus, de Gerardo liceat tantummodo dicere, Ecclesiæ hominem non fuisse, & Christi nequaquam pertinuisse fidelibus. Illud enim unum caput anathemati, maledictionique subjacuit omnium fere Pontificum, quicumque Romanæ Ecclesiæ suis temporibus præfuerunt: demum paulo ante, quam moreretur, propter Ducem & Archi-Episcopum Anglorum, quos a beati Petri liminibus redeuntes invasit, spoliavit, & usque ad mille Papiensis monetæ libras appendentia rapuit. Propter hoc itaque in plenaria Synodo, Papa Nicolao præsidente, excommunicatus est, & extinctis luminaribus sub perpetuo fuit anathemate condemnatus. Perpendat igitur sancta Synodus, si illius, ejusque complicum, rata jure videatur electio, qui tam terribiliter, atque irrevocabiliter est ab Ecclesiæ visceribus Evangelica, atque Canonica falce præcisus, ut ne in morte quidem ad Christianitatis fuerit titulum reformatus: & si per eum ordinari Romanam Ecclesiam dignum fuit, quæ ejus semper cruentus exstitit inimicus; qui eam semper est feraliter persecutus? Et quomodo summam debet Ecclesiam ordinare, cui cujuscunque limen Ecclesiæ non

(h) Joan. XVIII.

(i) Ibidem.

(j) Act. I.

(k) Act. XXIII.

non licet attingere? Clamat Dominus ad Israël: *Anathema in medio tui, Israël: nec poteris stare contra hostes tuos, donec deleatur ex te, qui hoc contaminatus es scelere.* Et hoc quare? Quoniam Achar filius Charimi de anathema Hiericho ducentos dumtaxat argenti ficos, regulamque auream quinquaginta fidorum, & coccineum abstulerat pallium, & ob hanc vilem videlicet summam auctor sceleris non modo lapidatur, sed & lapidum acervis obruitur. Si propter illum hominem, qui dumtaxat unum sacrilegium fraude commiserat, Israel ante suorum hostium faciem ruiturus erat; quomodo stabit Ecclesia, si per virum tot criminibus involutum, fuerit ordinata? Præsertim cum & talem elegerit, in quem, teste mundo, omnium vitiorum sentina confluit, Pseudo-Episcopum, Apostolum Antichristi, adversarium Christi, animam puellarum, mangonem Ecclesiarum. Quis ergo istorum iusto videbitur examine præferendus? Utrum is, quem elegit unus vir perpetuæ maledictionis anathemate condemnatus? An ille potius, quem Cardinales Episcopi unanimiter vocaverunt? Quem Clerus elegit, quem populus expetivit, non in extremitate terrarum, sed intra mœnia Romanorum, & in ipsius Sedis Apostolicæ gremio?

Regius Advocatus.

Tot a te rationibus redditis, possem fortassis adhibere consensum, si semel emissam deceret Regiam Majestatem mutare sententiam. Principali quippe gloriæ velut inconstantiaævus imprimitur, si quodcumque suæ constitutionis edictum leviter annulletur.

Defensor Romanæ Ecclesiæ.

Quis nesciat, Rege Deum esse majorem? Et tamen dicere non erubescit: *Pœnitet (m) me, quod constituerim Saul Regem.* Et per Samuelem ei denuntiat, dicens: *Proiecit te Dominus, ne sis Rex super Israël.* Si pœnitere se Deus asseruit, qui futura cuncta cognoverat; cur homo suam commutare in melius sententiam erubescat, qui, qualis & ipse quoque sit futurus, ignorat? Ille de bono factus est malus; iste videlicet Cadalous, de malo utique, quod jam erat, fit quotidie diaboli more deterior.

S 3

(m) I. Reg. XV.

(n) Isa. XIV.

Regius Advocatus.

Quam inconsculte nunc loqueris, qui diabolum deteriorari posse testaris, qui certe tam malus est, ut deterior esse non possit.

Defensor Romanæ Ecclesiæ.

Mentior, si, quod proposui, scripturæ testimoniis comprobare non valeo. Nam Isaia teste dicebat superbus in mundi principio: *Ascendam (n) super altitudinem nubium, similis ero Altissimo.* Paulus autem dicit: *Qui (o) in fine mundi veniens, adversatur, & extollitur supra omne, quod dicitur Deus, aut quod colitur.* Quia ergo tunc affectavit, Deo se similem esse, in fine mundi jam deterior factus, vult quasi superior eminere. Per quod manifeste colligitur, diabolum adhuc in deteriora posse corruiere: & quia diabolum interpretatur, deorsum fluens, Cadalous a cadendo dictus, ruinam populi sonat, ipsis quoque nominibus aptissime invicem uterque concordat. Dic ergo, quomodo iste Pontifex erit, quem non Romanus populus, sed unus homo cum suis complicibus, idemque non Romanus, sed suburbanus; & non Ecclesiæ filius, sed maledictus, & anathematizatus, elegit? Illene erit tuo iudicio Pontifex, qui suam vendidit, ut Romanam Ecclesiam obtineret? qui Romanos occidit in ore gladii, ut Romanus Pontifex fieret? Dicis, non debuisse me Pontificem sine consensu Regis eligere; & magnipendendum mihi non fuisse, ut populus non periret? Ecce hinc beatus Augustinus Hipponensi Ecclesiæ, Valerio vivente, præficitur: Ecce illinc Ambrosius octavo die, postquam baptizatus est, perceptis cunctis Ecclesiasticis gradibus Episcopus ordinatur, in quibus utique ob nil aliud Canonica auctoritatis ordo deseritur, nisi dumtaxat, ut salutem populi consulatur. Et tu mihi dicis, in servando populo ipsi Regi me non debuisse consulere, ut sibi in dando consensu unius Epistolæ gloria proveniret. Nam unde postmodum Romanus Imperator fieret, si nunc se Romanus populus mutuis vulneribus peremisset? Potro autem, quia in constituendo Pontifice romana Ecclesia a charitate regia non recessit, hoc etiam indicio est, quia cum

(o) II. Thess. II.

cum in clero suo religiosis viris & sapientibus abundaret, non de propriis, sed eum, qui regi tamquam domesticus & familiaris erat, elegit.

Regius Advocatus.

Quisquis veritati, postquam patefacta claruerit, obstinate renititur, Dei omnipotentis adversarius non immerito iudicatur: cuius adversum se iram inextinguibiliter provocat, si veritatem, quæ ipse est, pertinaciter & arroganter impugnat. Nam, ut ipse disputationi tuæ velut epilogum faciam, cum inter nos quæstio moveretur, utrum sine regis assensu romani Pontificis fieri possit electio; recensitis historiarum catalogis, tantam romanorum Imperatorum atque Pontificum copiam coacervasti, & velut nubem mihi testium opposuisti; ut his conspectis ne mutum quidem me adversum te sub hoc ulterius facere libuisset. De anathemate vero, quod Nicolaus Papa constituit, ubi, ut jam verum fatear, totam victoriæ vim intentio nostra posuerat, tam invictis scripturarum testimoniis, tam lucidis certe, modo beatorum Apostolorum, modo ipsius Salvatoris, tuæ disputationis assertio se purgavit exemplis; ut nos eatenus ignota doceret, & vos ab illius sententiæ vinculo potenter absolveret. Deinde a Domini mei Regis, quam dicebamus, injuria, quæ scilicet nos adversum vos acris accendebat, tam strenue tua se purgavit oratio; ut evidenti clarescat indicio, quia in eo, quod sibi Pontificem populus Romanus elegit, Majestati regis potissimum ministravit, nec ei, sicut dicebatur, privilegium tulit; sed potius roboravit: dum non de Romana Ecclesia, sed ex aula Regia Sacerdotem ad Apostolicæ Sedis culmen evexit. Postremo de electione Parmensis Episcopi quid dicemus? loquar, an fileam? Sed, juxta Scripturam, *conceptum (p) sermonem tenere qui possit?* Et certe, ubi nuda veritas cernitur, turpis ignominia est, si commento fallaciæ deservitur. Ipsi plane liquido novimus anathematizatum esse Gerardum, nec ignoramus, ejus instinctu potissimum hunc Episcopum in hoc negotium fuisse pellectum. Ut igitur ita loquar, arbor, quæ de venenata

radice anathematis oritur, antequam perniciosum prorumpat in fructum, modis omnibus, necesse est, evellatur, testante veritate: *Omnis (q) arbor, quæ non facit fructum bonum, excidetur, & in ignem mittetur.*

Defensor Romana Ecclesiæ.

Ecce audivit beatitudo vestra, Venerabiles Patres, quoniam qui inspector est mentium, confœderat nos in concertatione verborum. Vidit enim nos non malitiæ causa configere, sed inveniendæ veritatis studio deservire; ideoque dignatus est, motam inter nos sopire querelam, & suam nobis inspirare concordiam. Pax enim nostra, quæ fecit utraque unum, conflavit in eodem sensu corda duorum. Agamus illi gratias, qui prius sagenam Petri periclitari permisit, & turbine ventorum, & procellis undarum: sed ecce, ut regrediens manum tendit, Petrum erexit, ventis imperavit, & discrimina marina compelevit, confestim mare, quod in cumulos erigebatur, obruitur, tempestatis procella sedatur, ventorum turbo reprimitur, & aurea Cœli facies serenatur.

Clausula dictionis.

Amodo igitur, Dilectissimi, illinc regalis aulæ Consilarii, hinc Sedis Apostolicæ Commistri, utraque pars, in hoc uno studio conspiremus elaborantes, ut summum Sacerdotium, & Romanum simul confœderetur Imperium; quatenus humanum genus, quod per hos duos apices in utraque substantia regitur, nullis, quod absit, partibus, quod per Cadavolum nuper factum est, rescindatur: sicque mundi vertices in perpetuæ charitatis unionem concurrant, ut inferiora membra per eorum discordiam non resiliant; & quatenus sicut in uno mediatore Dei, & hominum, hæc duo, regnum scilicet, & Sacerdotium, Divino sunt conflata mysterio; ita sublimes istæ duæ personæ tanta sibi invicem unanimitate jungantur, ut quodam mutua charitatis glutino, & rex in romano Pontifice, & romanus Pontifex inveniatur in rege, salvo scilicet suo privilegio Papæ, quod nemo præter eum usurpare permittitur. Caterum & ipse delinquentes,

cum causa dictaverit, forensi lege coer-
ceat, & rex cum suis Episcopis super
animarum statu, prolata sacrorum Cano-
num auctoritate, decernat. Ille, tam-
quam parens, paterno semper jure præ-
emineat; iste, velut unicus ac singularis
filius, in amoris illius amplexibus requi-
escat. Attalus plane rex Asiæ, & Ni-
comedes rex Bithyniæ, in tantum ro-
manam rempublicam dilexerunt, ut
uterque moriens romanum populum te-
stamento reliquisset hæredem. Sanctæ
ergo Ecclesiæ Principes quam propensiori
invicem debent charitate congruere,
quibus injunctum est, charitatem præci-
pue Christiano populo prædicare; ut ex
eorum, quæ procedat ex pietate con-
cordia, sancta universalis gratuletur Ec-
clesia, ac gemino utriusque studio Chri-
stianæ religionis refloreat disciplina?
Verum nos Piscatoris nostri, naviculam
ex hiatu scyllæ voraginis trahentes,
dum successorem Petri, fidei labente ve-
stigio mersum, ad littora quæta deduci-
mus, pro ereptore nostro Celeusma can-
temus:

*Tē Deum laudamus: Tē Dominum confi-
temur.*

Ultio Divina, populi, Cadaloe, ruina,

*Tē manet, ut diro medium transverberet
ictu.*

*Altipetax Simonem sequeris Simon, astræ
petentem:*

Tē quoque tartareus simul absorbebit biatus.

Sit nomen Domini benedictum.

SCHOLIA CONSTANTINI CAJETANI.

BEato Sylvestro (Constantinus Imper.)
suisque successoribus obtulit, ut regali
more, & aurea corona plecterentur in capite,
& cæteras Regiæ cultus insulas usurparent.
Verum B. Sylvester ornamenta, quæ sacerdo-
tali congruere judicabat officio, in proprios
usus assumpsit: Coronam vero, vel cætera,
quæ magis ambitiosa, quam mystica videban-
tur, omisit. Dum Sanctus Cardinalis ait,
S. Sylvestrum oblata a magno Constanti-
no Principatus insignia repudiassē, ea
vero ornamenta sibi desumpsissē, quæ
dignitatem Pontificiam condecorarent; a
vero abhorre non videtur. Nam quæ
fuit ardens ejusdem Constantini, ad fidem

præcipue Christianam recenter conversi
pietas, ut voluisset omnia Imperii deco-
ra in Pontificem summum conferre; fuit
tamen singularis cujusdam prudentiæ in
S. Sylvestro, ea tantum deligere, quæ
spiritualis potestatis culmen ac fastigium
significarent. Id quod etiam habetur *Cap.
Constantinus dist. 96.* verbis istis: *B. Sylve-
stro, & omnibus successoribus ejus de præsentī
tradidimus palatium Imperii nostri Lateranense,
deinde diadema, videlicet coronam capitis no-
stri, simulque Phrygium; nec non & super-
humeralē, videlicet lorum, quod Imperiale
circumdare assolet collum.* Et nonnullis in-
terjectis: *Ipse vero beatissimus Papa super
coronam Clericatus, quam gerit ad gloriam
beatissimi Petri, ipsi ex auro non est passus
uti corona; Phrygium vero candido nitore
splendidum, Resurrectionem Dominicam de-
signans ejus sacratissimo vertici manibus nostris
imposuimus.* S. Sylvestri porro mitræ
Platina hunc in modum meminit: *Euge-
nius IV. S. Sylvestri mitram, Romam Avenione
delatam ipsemet e Vaticano ad Lateranum detu-
lit.* Hujus autem, vel alterius ejusdem S.
Sylvestri mitræ medietas coloris viridis
holoserica, & phrygiata, in qua Bea-
tissimæ Virginis, in gremio filium ge-
stantis, Imago picta, & alaris pueru-
lis, ac stellis circumsepta cernitur,
Romæ ad S. Martinum in montibus in-
ter reliquias honorifice custoditur.

Neque hoc sic intelligas velim, ut
Pontificalis dignitatis ornamenta tunc
primum in Ecclesiam invec̃ta fuerint,
quidquid dicant Aimonius, atque Sige-
bertus, vel etiam alii. Nam quod Con-
stantinus gentilium vanitatem detestatus,
B. Sylvestro videtur concessisse, hoc ip-
sum Sanctissimos ejus antecessores ob
immanem atque frequentem aliorum
Imperatorum persecutionem deposuisse
apparet. Jacobus enim Alphæi, cog-
nomento justus, idemque frater Domi-
ni nominatus, a Petro Apostolorum
Principe, ut optime Chrysostomus ani-
madvertit, ordinatus Hierosolymorum
Episcopus, laminam, seu bracteā
auream, in capite gestare consuevit: Ut
testatum reliquere Epiphanius, Hiero-
nymus, ac omnes alii fere scriptores
Ecclesiastici. Hujus vero rei hanc affert
rationem idem Epiphanius: *Postum, sive
bracteā in capite gestare ipsi licebat, quemad-
modum relati fide digni viri Clemens, & Eu-
sebius*

sebius in suis commentariis testati sunt. Sacerdos itaque est, velut dixi, Jesus Christus in æternum secundum ordinem Melchisedech: Simulque Rex juxta ordinem ex supernis, ut transferat Sacerdotium simul cum lege; ex semine vero David propter Mariam, sedens in throno in æternum, & Regni ejus non erit finis. Oportebat enim ipsum nunc transferre ordinem tum Sacerdotii, tum Regni. Et quibusdam interjectis: *Largitus est autem sub se constitutis Regnum, ut ne diceretur a parvis ad majora procedere. Manet enim thronus ipsius; & Regni ejus non erit finis: Et sedit super thronum David, ita ut Regnum David una cum Pontificatu transulerit, ac largitus sit servis suis, hoc est, Pontificibus Catholicæ Ecclesiæ.* Plura de his apud eundem Epiphanium habes. In signum igitur Regalis Sacerdotii (sic ipsum appellat Petrus) ejusmodi capitis ornamentum gestare consuevisse, non Jacobum tantum, sed & cæteros Apostolos par est credere. Nam etsi hæc de singulis non scribantur, satis tamen ad veritatem rei demonstrandam esse videtur, quod non modo Jacobus, ut vidimus, sed & Joannes Evangelista, eo usus est capitis ornameto. Testatur id Polycrates, Ephesiorum Episcopus, ad Victorem Papam inter alia ita scribens: *His accedit Joannes, qui supra pectus Domini recubuit: qui Sacerdos fuit, qui laminam auream gestavit. Erat autem ejusmodi capitis ornamentum, quod in amplius atque perfectius Christianæ legis Sacerdotium translatus est, anti- quæ legis Sacerdotibus olim a Deo concessum. Sic namque Sacra Scriptura: Facies & laminam de auro purissimo, in qua sculpes opere celatoris sanctum Domino: ligabisque eam vitta hyacinthina, & erit super tiaram imminens fronti Pontificis.* Quale autem fuerit capitis ornamentum summi Sacerdotis, Josephus exacte describit, monstratque, non tantum lamina aurea, sed & corona aurea, triplici ordine ducta, mitram ornatam fuisse. Sunt ejus verba: *Porro pileo (ita vocat cydarim, seu mitram communem pariter cæteris Sacerdotibus) utebatur, quali cæteri Sacer-*

dotes, super quem extabat alius confutiles ex Hyacinto variatus: Hunc aurea corona triplici ordine circumdabat, in qua spectabantur calculi aurei, quales videmus in herba, quæ apud nos vocatur dactylus: Apud græcos barbarios; hyoscyamus: Sed & divina scriptura pulchre quidem hoc ipsum innuisse videtur sub illis verbis: Corona aurea super mitram ejus, expressa signo Sanctitatis, Nam cum Sacerdotibus aliis uti Cydari, seu mitre, concessum esset; lamina tamen aurea, ut dicebam, ornari caput summi tantum Pontificis, erat peculiare. Quod mitræ ornamentum cum tribus aureis coronis intexeretur; corona etiam in sacris litteris jure merito appellatur. Cæterum, cum omnia fere veteris Legis Pontificum ornamenta una cum summo Sacerdotio, in Ecclesiam Romanam jure optimo translata fuerint; illud etiam scitu dignum videtur: quod Bonifacius, ejusdem Ecclesiæ Pont. Max. (præter salutarem Jubilæi, sacramque institutionem, centesimo quoque anno celebrandam) hujusmodi etiam tiaram, quam regnum vulgo appellant, tribus distinctam, ornatamque coronis, (cum eandem antea tiaram, una tantum corona insignitam, ejus antecessores deferrent) ad Pontificum Romanorum usum primus revocavit. Hic est ille octavus Bonifacius ex nobili, ac vetusta Cajetanorum familia, patre Livisfredo equite, matre, Alexandri IV. nepte, progenitus: qui (ut inter alios Antoninus Archi-Episcopus Florentinus, sanctitate ac doctrina conspicuus, testatur, æmulator magnus, & jurium Ecclesiæ conservator, propter Sedis Apostolicæ patrocinium, adversus ditionis, ac bonorum illius detentores, animo fortissimo susceptum, & ad finem constanter perductum, innumeris malevelorum calumniis se obnoxium reddidit.

Operum S. Petri Damiani, Monachi Benedictini, Cardinalis S. R. Ecclesiæ, Episcopi Ostiensis Tomo III. ex editione Cajetani pag. 21. & seqq. editione Parisiæ anni 1663.

SYNODUS SLESVICENSIS

Anno Christi MLXI. Alexandri II. Papæ I.
Henrici IV. Regis VI.

Indicta ab Adalberto Hammburgensi Archi-Episcopo, patet ex Encyclica scripta ad Wilhelmum Roschildensem Episcopum Suffraganeum suum.

Adalbertus, Sanctæ Romanæ & Apostolicæ Sedis Legatus, nec non & universarum septentrionalium nationum Archi-Episcopus, Hammburgensis quoque Provisor indignus, Vuillelmo Roschildensi Episcopo salutem.

AD Synodum, quam apud Slasvich celebrandam esse constitui; vos veniſſe, aut nuntium vestrum miſiſſe, grato perciperem animo; sed de hoc alias. Nunc autem fraternitatem vestram lacerare nolo, quid molestiæ mihi Adalvardus Episcopus intulit, quem vobis tribus, qui ordinationi ejus interfuiſtis, *Sickonienſis* Ecclesiæ consecravi Pontificem, quem dum barbara gens sibi præesse noluit, *Scarenſem* Ecclesiam invadere cepit. Peto igitur, ut nuntium meum, qui illic iturus est, ad Dalbientem velitis Episcopum dirigere. Hæc habui de Synodo, quæ dicerem, cum & alia multa sint, quæ fastidii causa omitto.

Huc usque recitat Adamus Bremenſis.

His subjicit ſequentia de Propagatione ejusdem Ecclesiæ per Adalbertum:

Ipsi vero, quos Metropolitanus ad gentes ordinavit, plures sunt, quorum sedes & nomina didicimus ipſo narrante: In Daniam itaque novem constituit: Rudolphum ad Slasvich, Oddonem ad Rippam, Christianum ad Arhus, Heribertum ad Viburg, Magnum & Albritum in Vendilam Insulam, Edbertum

in Vionem Insulam, & Falſtriam, Vuillelmum in Seland, Eginonem in Scaniam provinciam. In Suediam vero consecravit sex, Adalvardum & Accilinum, item Adalvardum & Tadicum, nec non Simeonem atque Joannem. In Norvegiam duos tantum ipſe consecravit, Tolff & Sivardum. Cæterum aliunde ordinatos, cum satisfacerent, & secum tenuit misericorditer, & abeuntes dimiſit hilariter; sicut Meinardum, Osmundum, Bernardum, & Asgotum, aliosque multos præterea. Turolſum quendam poſuit ad Orcadas, Iſteph ad Islanz, Insulam. Sunt Episcopi, quos ordinavit, omnes viginti, quorum tres abortivi, extra vineam otioſi remanserunt, ſua quærentes, non quæ JESU Christi. Quos univerſos glorioſus Archi-Episcopus decenti honore habens, ad prædicandum barbaris verbum Dei prece & præmio commendabat. Ita sæpiſſime vidimus eum quatuor aut quinque stipatum Episcopis (prout ipſum audivimus dicentem) absque multitudine eſſe non poſſe.

Et inferius, de cultu, quo proſequi ſollet Romanos Pontifices, iſta habet:

Eodemque studio benignitatis utebatur erga Romanæ Sedis Legatos, quorum clientelam & contubernium in ſummo coluit amicitiarum loco. Pariter gloriarus, ſe duos tantum habere Dominos, hoc eſt, PAPAM & REGEM, quorum Dominio jure ſubjaceant omnes Sæculi & Ecclesiæ poteſtates. Illos nimirum ſibi eſſe timori & honori. Apparuit hoc in fide viri, quam ita integram ſervavit utriſque, ut auctoritati Apoſtolicæ nihil præponens, antiqui honoris privilegia Sedi Apoſtolicæ commendaret integra ſervari debere, ejusque Legatos ſummo recipiendos honore cenſeret. Majeſtatem vero Imperatoriam quanti faceret, Episcopatus ejus teſtis eſt, ideo vel maxime deſtructus, quod a fidelitate Regis ſui nec minis, nec blandimentis Principum reſcindi potuit. *Et inferius:* A Papa vero meruit hoc dignitatis privilegium, ut totum jus ſuum Dominus Apoſtolicus in illum transfunderet,

successoresque ejus: adeo, ut ipse per totum Aquilonem, in quibus locis opportunum videbatur, sæpe invitis Regibus, Episcopatus constitueret, ordinaretque Episcopos, ex Capella, quos vellet, electos.

Idem Adamus refert Alexandri II. Epistolam ad Haraldum Normannorum Regem, qua jubet, ut ipse Rex, & ejus Episcopi, Alberto Bremensi Archi-Episcopo, uti Papæ Vicario, reverentiam subjectionis impendant.

ALEXANDER Episcopus, servus servorum Dei, omnibus Episcopis in Regno Danorum constitutis, Apostolicæ Sedis & nostro Vicario obedientibus, salutem & Apostolicam benedictionem.

Hamburgensis Episcopus, Venerabilis Vicarius noster, litteris & Legatis suis conquestus est, quod quidam Edbertus, Fariensis Episcopus, multis criminibus involutus, ad Synodum suam per triennium vocatus, venire contempsit.

Quod quia consilio quorundam vestrorum dicitur esse factum; mandamus, & Apostolica auctoritate præcipimus, ut ab hujusmodi recedatis omnino consilio, eumque ad audientiam prædicti fratris nostri ire admoneatis; quatenus post factam examinationem canonice judicetur. Et alia, quibus ibi præcipitur, ut ei obediant, & satisfactionem exhibeant.

Hæc Adam. Brem. coævus & oculatus Script. vitæ Adalberti.

"Metropolitanus Hamburgensis Adalbertus, successu propagatæ per Daniam, Sueciam, & finitimos populos, fidei & Ecclesiarum elatus, & quia Papam & Cæsarem suæ voluntati pronos videbat; multo studio laboravit, in Hamburgurch Patriarchatum constituere. Præter enim Episcopatus, jamtum sibi subiectos, disposuit XII. novos Episcopatus sibi subijcere, quos ex sua Patriarchia divideret: ita, ut primus esset in Palmis, secundus in Heliganstad, tertius in Razizpurg, quartus in Aldinburg, quintus in Michilimburch, sextus in State, septimus in Lismona, octavus in Wildishufen, nonus in Bremis, decimus in Ferda, undecimus in Ramsola, duodecimus in Frefia. Adamus Bremenfis Lib. III. Cap. XXXIV.

Utrum hæc idea Patriarchatus Hamburgensis in Synodo Slesvicensi proposita & examinata fuerit; nescio. Verosimiliter de ea perficienda tentati & explorati animi Provincialium Episcoporum.

Sane Joannes Adolphus Cypræus in Annalibus Episcoporum Slesvicensium hæc acta in Synodo Slesvicensi anni 1061. collegit ex variis.

§. I. Conciliatio Suenonis Daniæ Regis cum archiepiscopo Adalberto.

§. II. Qualitates necessarie in novis ordinandis Episcopis per Daniam.

§. III. De modo propagandæ fidei, & ad quos Episcopos referendi populi conversi ad fidem.

ADelbertus Slesvicum se recepit, ubi & propter loci commoditatem Synodum cogere SOLEBAT: & omnibus familiariter utebatur.

§. I. Sueno II. Daniæ Rex, qui Slesvici agebat, de Episcopi adventu certior factus, eum invitat, & convivio acceptum liberaliter tractat: Episcopus vicissim Regem laute accipit: octo diebus continuata convivia more barbarorum: & ita Rex Episcopum ex inimicitiiis in gratiam recipit, odio, quo hæctenus illum prosequutus erat, deposito.

§. II. Cumque inter alia de Epi-

scopis & Pastoribus in Dania constitutendis Archi-Episcopus verba facere & agere cœpisset: Rex satius esse respondit, si ad Ecclesiastica munera & ministeria vocarentur indigenæ in Regno Daniæ nati & educati, quibus sermo Danicus vernaculus & notus esset, quam exteri & alienigenæ, qui ejus usum nullum haberent, idque sibi placere: ita enim interpretibus opus non esse. Quæ cum ita sint, cupere se ut in posterum, Albertus in Episcopis designandis & creandis ejus rationem haberet, & indigenas exteris præferre vellet.

§. III.

§. III. Sed & de pace Christianorum & paganorum conversione actum & transactum fuit.

Atque ita inter Regem & Episcopum convenit, & Slesvico discessum est,

consentientibus animis & rebus bene compositis.

Hactenus Cyprianus in historia Ecclesiastica Slesvici & Holsatiae pag. 102. edition. Colon. 1634.

Ill. Baronius Annal. Ecclesiasticis nonnulla ex Adamo Bremensi de hac Synodo inseruit, sed refert eam ad 1067.

EPISTOLA S. PETRI DAMIANI

AD ANNONEM ARCHI-EPISCOPUM COLONIENSEM.

ARGUMENTUM.

Laudat Archi-Episcopum Coloniensem, quod Imperatoris filium pupillum, suæ fidei commissum, egregie tutatus esset, & eidem, cum adolevisset, paternum Imperium restituisset. Deinde, quod Cadaloum Pseudo-Pontificem persecutus esset, & quantum in ipso fuit, Ecclesiastico mucrone jugulasset. Hortatur, ut extremam operi manum imponat: adhuc enim ejusdem Cadaloi rabiem perniciosius in Christianam Rempublicam grassari: posse tamen coerceri, si ejusdem Archiepiscopi opera generalis Patrum conventus cogeretur.

DOMNO ANNONI REVERENDISSIMO ARCHI-EPISCOPO, PETRUS
PECCATOR MONACHUS DIGNE DEVOTIONIS
OBSEQUIUM.

IN expeditionis exercitio constituti, digne non possumus eisdem manibus & styli currentis articulum texere, & franis equorum fluitantibus, ut dignum est, deservire. Sed licet melius sit luculenter eloqui, quam mutire; verumtamen cum necessitas imminet, melius est utcumque mutire, quam penitus obmutescere. Cum nobis ad memoriam, venerabilis Pater, labor tuus & studium venit, nobis illa fides atque prudentia Jojadæ Sacerdotis menti nostræ subsequenter occurrit. Sicut enim Sacra, ut optime nostri, testatur historia, Athalia uxor Joram, cum Ochoziam filium suum Regem videlicet Israël, videret extinctum; cepit in omne semen Regium immaniter fremere, posteritatemque David crudelis Bellona tentavit funditus abolere. Sed ille insignis Sacerdos Joas filium Ochoziæ, pia & multis laudibus efferenda fraude surripuit, & occulte usque septennium intra templi septa servavit. Cui postmodum regalis sceptri

jura contradidit, eumque ad præsidendum Israëlítico populo juxta proavorum suorum consuetudinem roboravit: mox vero tanquam hoc egregio non sufficeret sacerdoti, confirmato Regis Imperio, ad utilitatem Sacerdotii, sive templi, suam porrexit industriam; & cum præfato Rege ad ordinandam, & disponendam consacerdotum suorum se contulit disciplinam. Nam & sacra testata templi, ut instaurarentur, instituit, & nonnulla, quæ Sacerdotibus competeabant, edicta deprompsit. Sciebat enim, quoniam utraque dignitas alternæ invicem utilitatis est indiga: dum & Sacerdotium regni tuitione protegitur, & regnum Sacerdotalis officii sanctitate fulcitur. Sed quid mihi per sacræ lectionis seriem currere; nisi quia in te video ejusdem operis similitudinem nostro tempore convenire? Servasti, venerabilis Pater, relictum tuis manibus puerum, firmasti regnum; restituiisti pupillo paterni juris Imperium: Ad Sacerdotium quoque manum

tua prudentiæ protinus extendisti, dum & Parmensis bestia squamea colla Evangelici mucronis vigore præcidere; & Apostolicæ sedis Antifistitem in suæ dignitatis elaborasti filium (a) reformare. Sed cæpto operi nisi postrema manus accedat, nisi adhibeantur adhuc illa, quæ restant, sanctum vestri operis ædificium minatur, ut corruat. Cadalous enim, ille sanctæ perturbator Ecclesiæ, everfor Apostolicæ disciplinae, inimicus salutis humanæ: Ille, inquam, radix peccati, præco diaboli, Apostolus Antichristi, sagitta nimirum, producta de pharetra Satanae, virga Assur, filius Belial, filius perditionis, qui adversatur, & extollitur supra omne, quod dicitur Deus, aut quod colitur; velut draco teterrimus adhuc suffiat, adhuc fœtore venenatæ pecuniae nares hominum fœdat, fidemque multorum, vento perfidiæ vacillantem, novus hæresarcha perturbat. Sicut enim Jovem in Dianæ gremium per aureum imbrem descendisse fabularum commenta confingunt; sic iste per aurum de suæ ecclesiæ sacrilega dejectione quæsitum adulterum sedis Apostolicæ concubitum quærit, & tamquam petulcus adulter suam explere libidinem in Romanæ Ecclesiæ violatione medullitus inardescit.

Quamobrem, venerabilis Pater, ut sanctus studii tui labor ad effectum om-

(a) *Lege*: folium.

nino perveniat, & per caudam titonis hujus, immo per unum putridum diaboli membrum, apud opinionem hominum Romana Ecclesia non vilescat, & hac occasione, quod absit, Christianus populus in errore permaneat; necesse est, ut vestra prudentia totis nisibus elaboret, quatenus generale Concilium quantocyus fiat, & perniciosi hujus erroris spinas, in quo miser mundus versatur, evellat. Præterea libenter ad vestra Sanctitatis alloquium, si occasio daretur, attingerem, ut communicandum consilium, quod absentia prohibet, viva conferti sermonis verba conferrent. Sed quoniam id fortasse non mereor, peto, quæso, & humiliter suggero, ut Sancta vestra Prudentia Cadaloicam rabiem, quæ latrare non desinit, omnino conetur extinguere, quatenus Christiana religio pacifica per vos valeat tranquillitate gaudere; ut dum regnum ac Sacerdotium optata per vos pace perfruitur, is qui utriusque dignitatis auctor est, pacis æternæ digna vobis præmia largiatur, sed dum equus offertur, dum socii omnes iter arripiunt. Ecce brevem sperno, strevi vestigia sterno.

*S. Petri Damiani ex editione Cajetani
Tomo I. Epistolarum Lib. III. N. VI.*

SYNODUS ULTRAJECTINA

Ante annum Christi MLXIII. Alexandri II. Papæ III.
Henrici IV. regis VIII.

Concordia inter Wilhelmum Trajectensis Ecclesiæ Episcopum, & Regimberty Abbatem Aspernacensem, de variis bonis synodali auctoritate, & Episcopali banno (quo anno incertum) scriptura corroborata. Colonie 1063.

NOtum sit omnibus in Christo fidelibus, tam præsentibus, quam futuris, qualiter ego Wilhelmus, Trajectensis Ecclesiæ, licet indignus, vocatus episcopus, per manus advocati mei Gerolphi, regimberty, venerabili sanctæ Aspernacensis Ecclesiæ Abbati, ejusque Advocato Theodorico, in sancta Synodo

recognovi mediam partem Ecclesiarum earum, quæ infra nominatæ sunt, quarum matres, videlicet hæ, Flardinge, Kirckwerwe, Velsereburgh, Heilegelo, Perthem, aliquando a Carolo, & orthodoxis Patribus aliis, beato WILBRORDO Patrono nostro, ac primo sedis nostræ Archiepiscopo; ad eandem Eccle-

Ecclesiam Abſternacenſem traditæ fuerant. Sed a Theodrico Comite, & filio ejus Theodorico, fratreque ejus Florentino invaſæ, atque propter continuam bellorum ſeditionem, omni Episcopali jure neglecto, in poteſtatem episcopii *Synodali auctoritate* redactæ fuerant cum capellis infra nominatis: Harago, Schro, Rinesburg, Warmonde, Liet-hemuthon, Rinfaterwald, Aflekerwald, Agathenkyreca, Hemezenkyreca, Af-cunannedef, Spernerewald, Sloten, Eemunde, Alcmere, Scirmere, Alis-ven, Woggungen, Aldenthorp, Vron-lo, quæ neque in termino earum, quæ modo matres ſunt, quippe ubi neque consecratio, neque terminatio ulla erat, neque ipſæ consecratæ erant, atque ideo omnis decima, ſecundum conſtituta canonum, in manibus Episcopi erat: ea ſcilicet conditione, ut idem venerabilis Abbas, omnesque ejus ſucceſſores, ad eandem Eccleſiam Abſternacenſem medieta-tem habeant earundem Eccleſiarum om-

nium liberam ab omni ſervitio Episcopali, neque circaturam, neque obla-tiones Episcopo, neque ſervitium Præ-posito, neque ad ædificandas, ſive con-ſecrandas, vel ad terminandas eaſdem Eccleſias ullum ſupplementum præbeant. Neque ad *Synodum* coacti veniant. Ipſi miniſtros locare poterint, qui ſuam par-tem colligant. Ipſi præbyteros ponere, qui ad eaſdem Eccleſias ſerviant. Similem cum Episcopo poteſtatem habeant. Ipſi in omni utilitate, quæ de eiſdem Ec-cleſiis provenire poſſunt, ſive in re-demptione earum, ſive in acquisitione decimarum, ſive in compositione illati damni, excepto episcopali banno, in omnibus mediam partem accipiant. Si quid vero culpa Presbyterorum negle-ctum fuerit, nullum inde damnum in-currant, &c. Actum Colonia anno ſalu-tis M. LXIII. Anno Domini Henrici quarti regis XI. regni vero ſeptimo.

Heda in Historia Episcoporum Ultrajectine Sedis, pag. 298.

Wilhelmus Episcopus Ultrajectinus, ordine XXI, ſedit in ea Eccleſia annis XXII. Obiit menſe Majo anni 1076. Hic anno 1056. *Synodali* decreto renovavit donationem per Balduinum factam de libertate Bergæ atque Linnæ, atque erectione Eccleſiæ in Loinderkirche. *Heda in historia Episcoporum Trajectensium pag. 297, 298, 299.*

TRIBURIENSIS CONVENTUS

Anno Chriſti MLXVI. Alexandri II. Papæ VI.

Henrici IV. Regis XI.

Bremensis Archi-Episcopus aula & administratione Regni abire cogitur.

HOc adeo fiebat odio Bremensis Archiepiscopi, quem omnes crimina-vantur, ſub prætextu regis familiaritatis, Monarchiam uſurpaſſe manifeſtæ tyrannidis; & ipſi ergo conſueta Regi ſervitia mittere detrectabant, & ille in alias regni partes Regem abducere nole-bat; ne ſcilicet cum aliis Principibus communicando principatum conſilio-rum & familiaritatis, ipſe ſibi aliquid imminueret de ſaſtigio uſurpatæ ſingula-ritatis. Sed non ultra laturi injuriam vi-debantur Principes regni Archiepiscopi, Moguntinus, & Coloniensis, cum cæ-teris, quibus curæ erat reſpublica: cre-bra conventicula faciebant, atque om-

nes in commune, quid factu opus eſſet, conſulere rogitabant. Deinde jam adul-ta conſpiratione, diem generalis collo-quii omnibus indixere regni Principibus, ut Triburiam convenientes, Bremensem Archiepiscopum, communem omnium hoſtem, communibus omnes ſtudiis op-pugnarent, regique denuntiarent, aut regno ei cedendum eſſe, aut familiarita-te & amicitia Bremensis Archiepiscopi deſungendum. Perſato Goſlariam atro-cis rei nuncio, rex ad ſtatutum diem concitus properabat, cum quo & Wern-her Comes veniens in villam Ingilne-heim, cujus pars aliqua ad noſtrum quo-que Monasterium pertinet, hoſpitatum diver-

divertit. Ubi dum milites ejus ab incolis prædas agerent, & illi ad aram conclamantes, manu vindicare se niterentur, atrox pugna coorta est. In quam dum Werner Comes ad ferendam suis opem impigre discurret, a quodam nostri Monasterii vilissimo mancipio, vel (ut alii ferunt) a femina saltatrice clava percussus in capite corruit, atque ad regem semivivus est reportatus. Admonitus ab episcopis, qui præsentibus erant, ut pro peccatis suis Deo in extremo jam spiritu constitutus satisfaceret, seque Herveldensium monachorum precibus interemptum recognoscens, villam Kirchberg, quam injuste invaserat, redderet, nullo modo adquevit; donec episcopi consensu facto minarentur, se ei sacram communionem morienti non duros, nisi prius tanti peccati pondere se exonerasset. Sic tandem pudore magis, quam religione victus reddidit, statimque vita excessit. Statuta die tristis in regem omnium vultus, tristis erat sententia, ut aut regno se abdicaret, aut Archiepiscopum Bremensem consiliis suis atque a regni consortio amoveret. Ter-giverfanti, & quid potius eligeret, hæsitanti, Archiepiscopus consilium dedit, ut proxima nocte, ablatis secum regni

insignibus, clam aufugeret, & Goslariam, aut in alium locum se reciperet, ubi ab injuria tutus foret, donec turba hæc conquiesceret. Adveniente vespere, thesauros regios per satellites, & socios fraudis suæ jam exportare cœperat; cum repente ad ministros regis consilium hoc (nescio, quo indicio) permanavit, qui statim raptis armis, curtem regiam circumdederunt, totamque deinceps noctem ducentes pervigilem, ne quid novi accideret asservabant: facto mane infensis adeo animis omnes in Archiepiscopum coorti sunt; ut nec manibus temperassent, nisi regia Majestas vix & ægre iracundiam cohibuisset. Contumeliose itaque ejectus est de curte regia, cum omnibus Tyrannidis suæ fautoribus, misitque cum eo rex amicorum suorum non modicam manum, ne scilicet ab æmulis suis insidias in via pateretur. Sic iterum rerum publicarum administratio ad episcopos rediit, ut singuli suis vicibus, quid regi, quid reipublicæ facto opus esset, præviderent.

Lambertus Schaffnaburgensis ult. editionis.
pag. 336.

Ex quo Serarius edition. primæ L. XXII.
pag. 751.

SYNODUS TREVIRENSIS

INTRA ANNOS MLXVII. & MLXXXII.

In qua Richerius Diaconus beneficium in Ecclesia Virdunensi mala fide acquisivisse convictus est.

Constat de hac Synodo ex Epistola Alexandri II. Papæ ad Udonem Trevirensis, & Theodericum Virdunensem Episcopos data.

Alexander Episcopus, servus servorum Dei, Udoni Treverensi, & Theodorico Virdunensi, Episcopis, salutem perpetuam.

Præsentium lator Cosaldus Presbyter, ad limina Apostolorum veniens, querelam Apostolicæ sedi deposuit, beneficium & Altaria, quæ per Canonicam Virdunensis Ecclesiæ obtinere solebat, a quodam Diacono, Richerio nomine, sibi ablata esse. Dixit enim, quod quondam in infirmitate, fervore passionis oppressus, monachum se facere promiserit, non tamen ut Monasterio, vel Abbati se tradiderit, vel promissionem scripserit:

sed confiteretur, quod beneficium in manu Advocati Ecclesiæ refutaverit. At postquam convaluit, monachum facere mox negavit. Dixit etiam, quod cum infirmus jaceret, prædictus Richerius beneficium suum ab Episcopo Virdunensi acquirere potuisset, quia dixit, eum monachum jam factum esse. Causa differtur in Trevirensis Synodum, in qua præfatus Richerius Diaconus mala fide acquisivisse, ac male intrasse convictus est. Quapropter, quia beati Benedicti, Canonicaque, & præcipue Patris & prædecessoris nostri, sancti Gregorii Papæ constitutio interdicat, ante unius anni probationem effici monachum;

chum; si ita est, ut dixit, judicamus, & auctoritate Apostolica præcipimus, ut diligentia vestra atque clementia harum portitor, Cosaldus Presbyter videlicet, bene-

ficia & Altaria recipiat, habeat, & quiete retineat.

*Hardouin. Concil. Tom. VI. P. I. p. 1096.
hanc Epistolam refert inter literas
Alexandri II. Papæ n. XXVI.*

CONVENTUS WORMATIENSIS

Anno Christi MLXIX. Alexandri II. Papæ VIII.
Henrici IV. regis XIV.

Deliberatio Regis & Episcoporum de divortio Bertæ Reginae.

POST Pentecosten WORMATIÆ cum Principibus Regni colloquium habuit, ibi primum cum Episcopo Moguntino rem secreto agit, ejusque opem ad perficiendum, quod mente machineatur, obnixè implorat: si impetret, se deinceps ei subditum, & dicto obtemperantem fore: ad huc Thuringos armata manu, si aliter nequeat, coacturum, ut decimas sine ulla in perpetuum contradictione persolvant. Annuente Episcopo, & pactione utrimque firmata, Rex ad publicum refert, sibi cum uxore sua non convenire, diu oculos hominum sefellisse, ultra fallere nolle: nullum ejus crimen, quo justè repudium mereatur, afferre, sed se (incertum quo fato, quo Dei iudicio) nullam cum ea maritalis operis copiam habere: proinde per Deum orare, ut se male ominata compede absolvant, patianturque æquo animo discidium fieri, ut illa sibi, & ipse ei, si ita Deus velit, felicioris matrimonii viam patefaciat: &

ne quis violatum semel pudorem causetur ob stare iterum nupturæ, se sub jurejurando confirmare, quod eam, ut acceperit, sic incontaminatam, illibatoque virginitatis pudore conservaverit. Fœda res, & ab Regia Majestate nimium abhorrens, visâ est omnibus, qui aderant; negotio tamen, cui Rex tam fervide animum adiecisset, detrectare, singuli religiosum arbitrabantur. Episcopus quoque tam pretiosa pollicitatione redemptus, quantum poterat salva verecundia, haud ægre causam Regis tuebatur. Itaque cunctis id fieri decernentibus, Synodum conficiendo negotio indixit Moguntinæ, proxima post festum Sancti Michaëlis hebdomada. Hac expectatione rebus suspensis, Regina Loresheim, ut statutum tempus ibi præstolaretur, missa est; Rex alio, quo regni negotia vocabant, abiit.

*Lambertus Schaffnaburgensis ult. edition.
pag. 338.*

EPISTOLA INFORMATORIA

SIGEFRIIDI ARCHIEPISC. MOGUNTINI

AD ALEXANDRUM II. PP.

*Super conjugis repudiatione ab Henrico IV. attentata, & indicto
Concilio Moguntino ea de causa.*

DOMINO Beatissimo, & vere Apostolici culminis honore Reverendo Alexandro, Sigefridus Moguntinæ Ecclesiæ speculator, debitæ subjectionis reverentiam & omnimodæ servitutis (a) obsequentiam. Licet universalis Ecclesiæ status generaliter innitatur super funda-

mentum Apostolorum & Prophetarum, & in ipso sui verticis culmine angularem gestet lapidem, Dominum scilicet Jesum Christum; specialiter tamen ille magnus Petrus juxta solidissimam nominis sui firmitatem, & firmissimam fidei confessionis suæ soliditatem ejus & totam susten-

(a) obsequelam Cod. Zwet.

sustentat fabricam, ad hoc quidem electus a Domino vestro dicente: *Super hanc petram edificabo Ecclesiam meam.* (b) Illi namque omnis Apostolicorum Patrum successio beata, auctoritate ipsius (c) Dei, sedi ejus, Romanæ scilicet Ecclesiæ, hanc dedicavit excellentiam, & in cunctis semper hujus privilegii servavit reverentiam, ut majora Ecclesiæ negotia, & difficiliore causarum exitus ad (d) ipsam velut ad caput referantur, ejusque judicio cuncta salubriter examinata in portum salutis dirigantur. Quia vero divina miserationis gratia (e) nos in hanc sedem intronizavit, & vice ipsius Petri omnium Ecclesiarum sollicitudinem imposuit, necessarium duximus, vestro reservari judicio ea, quæ novimus (f) non posse, non debere, sine vestra auctoritate, nostro terminari (g) judicio. Inter multimoda Ecclesiæ negotia, quæ vestrum expectant examen, sollicitudini nostræ quiddam tale incubuit, quod & Ecclesiasticis Judiciis valde est insolitum, & omni moderni temporis ætati pene inauditum. Filius enim vester H. Rex noster, ante paucos dies conjugem suam voluit dimittere, & eam, quam legitimis sponsalibus & conjugali dote, regali consecratione, & publicis nuptiis, regali corona, & sacrosancta, sibi firmatam sociavit, nullam primo interponens discipuli culpam & causam, omnino a se separari voluit. Quo nos veluti monstro attoniti, & insolita rei facie permoti, consilio Magnatum, quorquor tunc aderant in palacio, in faciem ei restitimus, & nisi certam dissidii causam exponeret, sine respectu Regiæ potestatis, sine metu gladii imminenti, eum, si vestra præcederet auctoritas, a sinu & communione Ecclesiæ nos segregaturos prædiximus. Ille vero retulit nobis, ea de causa ab ea se velle separari, quod non

posset ei tam naturali, quam maritali coitus federe copulari. Quod inquisitionem, cum & ipsa fateretur, omnium nostrorum animos nimio mœrore affecit, & ipsa rei magnitudo nimia dubietate turbavit. Super qua re sanctissimum Apostolatam vestrum, sicut Divinum consulimus oraculum, & veluti membra ad caput, tantum referimus negotium, & quod hoc valde rarum questionibus occurrit Ecclesiasticis, & de Regiis pene inauditum est personis, vestræ Sanctitatis erit, quod super tanta re factum opus sit, decernere, & ad consulta nostra de Sanctuario sacri pectoris vestri responsalia remittere: ut & instans negotium ad salutem modernæ ætatis Ecclesiastica pace firmetur, & de tam insolita & dubia re vestra auctoritate posteritas instruat. Denique fratres nostri, qui tunc huic rei intererant, condixerunt, ut Concilium, quod tanto negotio competeret, in nostra urbe congregaretur, & utrique Regi scilicet & Reginæ ad Synodalem venire audientiam (h) indiceretur. Nos autem dubia tantæ rei consideratione habita, nullo modo hoc sine vestra auctoritate fieri decrevimus, & totius negotii terminum ad vestræ expectationem sententiæ suspendimus, postulantes Sanctitatem vestram, ut si id, quod instat, ratum ducitis per nos synodally terminari, de latere vestro personas cum scriptis vestræ auctoritatis ad examen & judicium tantæ rei mittere dignemini, quorum & audientia res ventiletur, & convenientia in beneplacito Dei terminetur.

Ex Epistolis Udalrici Babenbergensis
Eckharti Tomo II. pag. 120. Script.
Medii ævi.

Zwetalensis Bibliothecæ codicis variantes
annotavimus ex Schedis Cl. Schannati.

(b) Zwetal. codex Inde pro illi. [c] Domini

(e) vos.

[f] nec posse nec debere.

(h) & super hac re terminalem subire sententiam.

(d) ipsum

[g] studio

CONCILIIUM MOGUNTINUM

Anno Christi MLXIX. Alexandri II. Papæ IX.
Henrici IV. Regis XIV.

*Divortium Bertæ a Rege Henrico præsumptum rejicitur interven-
tione Legati Pontificii, & Episcoporum, & Procerum
Germaniæ.*

Imminebat jam die, qui scindendo Regis conjugio dictus fuerat, Rex MOGUNTIAM concitus properabat. Et ecce inter eundem comperit Legatum (a) Sedis Apostolicæ suum Moguntiam adventum prætolari, qui dissidium fieri prohibeat, & Episcopo Moguntino Apostolicæ animadversionis sententiam minitetur, quod tam nefariæ separationis se authorem promiserit. Conflernatus illico, quod rem diu exoptatam perdidisset e manibus, pariter, quo venerat, in Saxoniam redire volebat. Vix & ægre tamen amicorum consiliis superatus, ne Principes Regni frustraretur, quos summa frequentia sibi Moguntiam occurrere jussisset, Franconesfort abiit, ibique eos, qui Moguntiam conveniant, statuto die adesse jussit. Quo dum frequentes venissent, Petrus Damianus (is Legatus erat Sedis Apostolicæ, vir ætate & vitæ innocentia admodum Reverendus) mandata exposuit Romani Pontificis; "Pessimam rem, & ab nomine Christiano, nedum ab Regio multum abhorrentem esse, quam moliatur: si minus humanis legibus vel Canonum sanctionibus terreretur, parceret saltem famæ existimationi propriæ, ne scilicet tam fœdi exempli venenum, ab Rege sumpto initio, totum commacularet populum Christianum, & qui ultor esse debuisset criminum, ipse author & signifer fieret ad flagitium; postremo si non flecteretur consiliis, se necessario vim Ecclesiasticam adhibiturum, & Canonum lege scelus prohibiturum. Ad hæc suis manibus nunquam Imperatorem consecrandum fore, qui tam

"pestilenti exemplo, quantum in se esset, fidem Christianam prodidisset." Tum vero in eum coorti omnes, qui aderant, Principes aiebant, æqua censere Romanum Pontificem, & per Deum rogabant, ne crimen inferret gloriæ suæ, & Regii nominis Majestatem tam turpis facti colluvione macularet; præterea, ne parentibus Regine causam defectionis, & justam turbandæ Reipublicæ occasionem daret, qui, si viri essent, cum armis & opibus plurimum possent, tantam filiarum suarum contumeliam procul dubio insigni aliquo facinore expiaturi essent.

Hac oratione fractus magis quam inflexus, si id, inquit, fixum obstinatumque est vobis, imperabo, egomet mihi, feramque, ut potero, onus, quod deponere non valeo. Ita efferato magis per studium concordie odio, annuit quidem, ut in Regni consortium Regina revocaretur, ipse tamen, ut congressum ejus conspectumque vitaret, adhibitis sibi vix 40. militibus in Saxoniam concitus rediit. Regina cum cætera multitudine & Regni insignibus paulatim subsecuta est; cumque ad eum Goslarium venisset, vix compulsus ille a familiaribus suis, ut ei obviam procederet, satis superque pro consuetudine eam benigne suscepit, sed protinus refrigescente amore, ad ingenium suum, atque ad pristinum rigorem animi rediit, & quia consilia scindendi conjugii sæpe jam tentata non processerant, statuit deinceps, communicato cum ea solum Regni nomine, sic eam habere, quasi non haberet.

Hermannus Contractus ad h. a.

Ex quo Baronius, Synodographi, Pag.

SYNO.

(a) Petrum Damiani, Cardinalem & Episcopum Ostiensem, Pontificis Legatum.

SYNODUS MOGUNTINA

IN CAUSA CAROLI, CONSTANTIENSIS EPISCOPI.

Anno Christi MLXXI. Alexandri II. Papæ XI.
Henrici IV. Regis XV. Ordinationis XVII.

Imperante super omnia æternaliter regum rege Domino nostro Jesu Christo, & sub eo regnante temporaliter Serenissimo Heinricho, Rege hujus nominis Quarto, Venerabili quoque Sigefrido, Moguntinæ Ecclesiæ Primæ, & Apostolicæ Sedis Legato, aurigante curæ Dei, anno jam XII. qui volebatur annus incarnationis verbi M. LXXI. octava indictione Romani census, celebrata est sancta Synodus apud Moguntiam, Metropolim orientalis Franciæ, principalem vero Pontificii sedem totius Germaniæ & Galliæ Cisalpinæ, cui præfedit idem memorabilis Sigefridus, assidentibus & cooperantibus sibi venerabilibus Archi-episcopis, Gebhardo Juvavensi, & Utone Trevirensi; confidentibus verò, & collaborantibus Reverendis episcopis, Adelberone Wirtzburgensi; Gundeharo Eistetenensi, Embrichone Augustensi, Herimanno Babenbergensi, Werenhero Argentinenensi, Heinricho Spirensi, Bennone Osnaburgensi, Ermenfrido Sedunensi, Heriberto Mutinensi: Confidentibus verò & annitentibus Sanctissimis Abbatibus nec non inferiorum ordinum quamplurimis magnæ auctoritatis & sapientiæ viris. Aderant autem etiam Legati reliquorum fratrum, videlicet suffraganeorum ejusdem Metropolitanæ Antistitis, Epistolas & mandata ferentes, quibus excusati haberentur, quod invitati Concilio interesse non possent, certis quibusdam impediens causis, alii quidem corporeæ infirmitatis urgente molestia, alii in quibusdam Regni negotiis Regiæ jussionis detinente potentia. Qui dum Canonice sunt excusati, ipsi Legati competentem loco & ordine eorum funguntur unusquisque vice Antistitis sui.

Hæc denique Sancta Synodus cum propter multa pastoralis curæ negotia, pluresque causas, quibus juste adhibenda erat Ecclesiasticæ correctionis censura, tum maxime indicta & habita est, propter KAROLUM quendam, qui Constantiensis Ecclesiæ designatus erat Episcopus; sed, ut post rei exitus docuit, non satis canonicè electus, & provectus. Hinc, ut solenne est, accepta a Rege Pontificalis annuli, & pastoralis ferulæ investitura, & in sede Episcopii receptus, regiæ potestatis jubente censura, postulabat a Primæ Moguntinensi, ejusdem Constantiensis Ecclesiæ se Episcopum consecrari. Sed venerabilis Sigefridus columbino oculo serpentinæ prudentiæ omnem præcavens impietatem, dicebat, hoc Apostolicæ benedictionis Sacramentum non debere, nec canonice posse in eo sine examinatione celebrari, pro eo, quod fidelium, graviumque personarum relatione didicerit; quin imo, & fama usque quaque vulgaverit, quod non per ostium in ovile ovium vellet intrare, sed per furtivam Simoniacæ impietatis scalam aliunde niteretur ascendere; se quoque talis introitus ejus nolle ostium fieri, cui Christus ipse, qui ostium est, videretur obniti. Quin ipsam impietatis scalam in lapide offensionis, & petra scandalii se velle conterere, ipsumque a Mercenaria Domini gregis occupatione longe longeque repellere. Ille, e contra, se hujus criminis, & hæreticæ impietatis immunem multis asserere nitentur, seque, si ei copia, tempusque detur, hujus infamiæ notam a se repellere velle testatur, indeque petit Synodalis Concilii audientiam, in qua super hac re suam probare possit innocentiam, ibique consecrationem, quam pete-

Henricus III. anno 1056. 5. Octobris in Bodesfeld ad Sylvam Hercyniam in confinio Thuringiæ & Saxoniarum obiit. Sepultus Spiræ, die Simonis & Judæ natali suo, a quo die 18. Septembr. 1071. fluxerant anni XV. Regni Henrici IV.

petebat, aut canonice sibi dari, aut canonice negari.

Mittuntur interea ad Venerabilem Metropolitanum crebra de Palatio Legationes, mistis precibus minas, & imperiosa de hac consecratione mandata ferentes. Mittuntur & Literæ a Præsule Apostolicæ Sedis, mandantes, ne ullo modo consecratur, sine scrutinio canonice purgationis: Et quod Rex potestate jubeat, Romanus Pontifex auctoritate prohibeat. Accedunt & Canonici Constantiensis Ecclesiæ, ex communi totius Cleri, & populi Legatione, unanimiter asserentes, Karolum nulla ratione consecrari debere: Quia, ex quo eum inviti, & sub conditione elegerunt, & receperunt, nullam eis pastoralis officii impendisset curam; quin potius tyrannicæ dominationis non cessasset super eos exercere pressuram: nec manum continuisset a sacris, nec pepercisset in diripiendis ecclesiæ thesauris; & quodcunque rapaci violentia corradere potuisset, hoc totum Ministris magni, imo, magi illius Simonis, id est, suis fautoribus distribuisset, ut, quorum annisu adulterinam meruisset electionem, earum venali mercimonio, consequeretur mercenaria pro consecratione execrationem, pro benedictione maledictionem.

At Metropolitanus Antistes inter harum legationum varietates, velut inter duras tempestatum turbines, laudabili constantia in se ipso fixus hæret immobilis, & nusquam favore vel gratia, renore vel munere inflectitur a statu canonice rectitudinis. Multis itaque nunciis hinc inde missis & remissis, multis quoque diebus huic audientiæ delegatis, & cognitionibus causæ, Principis occupante præcepto, non impletis, cum Ecclesia Constantiensis suo viduata Pastore, jam fere biennio Sacerdotali careret benedictione, tandem, miseratione divina, potestati præponderavit auctoritas, & Christi Sacerdotibus Divina aspiravit voluntas. Unde eorum communi assensu Synodalis Concilii certa legitimaque dies denunciatur, & Coepiscoporum unanimitas ad Concilium invitatur, quorum alii, ut oportebat, sine dilatione affuerunt, alii vero, qui certa de causâ adesse non poterant, canonice ex-

cusati subparem præsentiam vicaria legatione suppleverunt.

Primo igitur Concilii die, quem Sanctæ MARIE Dormitio tunc celeberrimum exhibebat, cum Spiritualis Curie Senatores, patrocinate Spiritu Sancto, intra Regiam majoris Ecclesiæ, ante cancellos Altaris Protomartyris Stephani, quod in Orientali abside confectum est, convenissent in unum, primo, ut par erat, Sanctæ & individue Trinitati debitas referunt gratiarum actiones, & pro incolumi totius Ecclesiæ statu supplices Deo offerunt preces. Deinde post mutuam fratrum salutationem, & debitam sedium recognitionem juxta authenticam paternæ traditionis Synodum, conferunt ad invicem de veritate Catholicæ fidei, damnantes Simonem, & omnes hæresiarchas cum dogmatibus suis, & sequacibus suis, pauca pro tempore tractant de qualitate instantis negotii; ac sic demum propter celebranda tantæ solennitatis officia, solvunt Concilium, crastino maturius redituri in idipsum. Postea vero die, certa Concilii hora, cum iterum Apostolici Sacerdotes in unum convenissent, & præmissis Deo laudibus & precibus, & salutari sede confedisissent; quod cuique Sacerdoti in sua Diocesi venit in dubium, rationabili disciplina deducunt in medium, & prout res postulabat, unumquodque tractatum, aut terminatum est Synodali judicio.

Illud vero, quod maxime in causa fuit, de Constantiensi apposito inter fratres studiose ventilatur; sed, interveniente Principis mandato, in sequentem diem procrastinatur, agentibus internunciis, ut Sacerdotes Domini a constantiæ suæ rigore, ad Regiam se inflecterent voluntatem; aliis instantibus, ut designatus ille, male usurpatum sponite dimitteret honorem. Tertia vero die Christi Sacerdotes, hujus negotii longa expectatione suspensi, & libera quadam indignatione, imo zelo justitiæ accensi, Sacerdotali constantia Principem suum adeunt, eumque de salute animæ suæ, de pace Ecclesiarum, deque statu Regni spirituali disciplina conveniunt: proponentes ei de scripturis, & gestis veteris, ac novi Testamenti, congrua doctrinæ salutaris exempla, quibus animus ejus adhuc ce-

reus & indocilis formaretur ad familia, dicentes, & docentes; Solium Regni ejus nullatenus posse stabiliri, nisi firmeretur justitia & observatione mandatorum Dei.

Summus autem ille Dominorum Dominus, qui omni potentatui dominatur, ita temperavit animum Principis, ita mitigavit eum ad verba Sanctæ exhortationis, ut nulla juvenili moveretur acerbitate; &, quod in potestatibus difficile est, nulla Sacerdotes insolenti læderet responsione: multum tamen se excusans, in hoc suæ potestatis dono nullam se exercuisse venalitatem, nullam super hac re cum eodem Carolo se pepigisse conventionem. Siquid autem cum domesticis & familiaribus suis, propter opem intercessionis, ipso ignorante, pepigerit, suum non esse accusare, vel excusare. Hoc ipse viderit. De dextera vero sua, quam illi propter antiquam in præpositura benevolentiam, gratiæ suæ donum porrexit, omnem avaritiæ labem dixit se excutere; & quod ipse simpliciter fecit, si ille veneno alicujus malitiæ corruerit, se ob id Divinæ justitiæ nolle contraire.

Hac autem salubri fermocinatione cum Sacerdotibus habita, cum eis venit in Concilium: & ille Constantiensis designatus intromittitur ad audiendum. Adfunt etiam pro foribus Constantiensis Clerici, postulantes per Legatos, ut & ipsi mererentur admitti. Tunc vero videres lætissima Sanctæ Ecclesiæ gaudia, & vera mundi convenisse luminaria, quando circumfulgebat nobilis corona sacrorum Ordinum, vivis gemmata lapidibus Christi Sacerdotum, velut fulgoribus micantium astrorum. Tunc Cœli narrabant gloriam Dei, & verbum eructabat dies diei, quando Sacerdos Sacerdoti sententiam justitiæ exponebat, & sanctam Ecclesiam salutaris eorum doctrina instruebat. Tunc vasa electionis supereffluebant ambrosium liquorem Sancti Spiritus, & justi fulgebant sicut splendor firmamenti, quando Sacerdotes Domini verba sapientiæ, velut nubes pluebant, & corda audientium, velut terram fructiferam ad germinandum infundebant.

His ergo ita dispositis, & digito Dei ordinante, distinctis, utrique admittun-

tur, prædictus scilicet Carolus, & hi, qui accusationibus pulsabant personam. Prima actione regularis Prælatus Constantiensis Ecclesiæ protulit libellum accusationis, in quo continebantur causæ, quibus indignus haberetur, & judicaretur Sacramento Apostolicæ benedictionis. Quarum prima & maxima erat, quod exemplo magistri sui Simonis pestiferi, per pecuniam invasisset sedem: cætera omnia, quæ ibi legebantur, proclamabant violentam ejusdem Ecclesiæ devastationem. Ille idem Prælatus, & fratres ejus, qui aderant, item offerunt suæ testificationis libellos, in quibus singuli nomen & officium suum designantes, quidquid accusando, vel testificando proposuerant, asserunt, se canonice probaturos.

Carolus econtra nititur improbare personas, dicens, quod ejus infamiæ nota essent respersi, quod nec se, nec quenquam alium possent canonice accusare. Adjungit quoque, se omnia objecta Synodali judicio purgaturum, & in omnibus, quibus eum impetebant, se esse innoxium. Longa igitur altercatione hinc inde disceptatum est, & multis tota die in adversum nitentibus, usque in profundam noctem Concilium pertractum est: Dum inter multos ambigitur de numero accusatorum & testium: Dum longa deliberatione quaeritur judicium, utrum isti liceat se excusare, adversus excusationem istorum: Dum res inter fratres diutissime differitur, Concilium propter intempestatam noctem adhuc sine operæ pretio dirimitur.

Quid autem ipse Carolus secum illa nocte egerit, quibus retractationum verberibus ream conscientiam flagellaverit, sequens utique dies declaravit. Nam, ut ex ipso effectu gesta res probari potest, vere credimus, quod Deus, conscientia judex & testis, in corde suo federit pro tribunali, & cum eo exercuerit censuram judicii sui; ubi peccati conscientia cogitationum accusantium, non excusantium, testimonio, ne veritati, & æquitati resisteret, damnata est, & constricta. In crastinum namque, quando sperabamus, qui juxta promissum suum objecta purgaret, & consecratione dignum, innocentiam suam

suam monstrando, se probaret, ille jam mente confusus, non ultra ferens aspectum Concilii, & interius judicatus, non extra sustinens pondus imminuentis judicii; ultroneus ipse in se sententiam tulit, & annulum & ferulam pastorem ei, a quo injuste acceperat, resignans, Sacerdotum spem & metum, quem pro eo gerebant, labore longioris questionis absolvit, culpam suam uno tegens pallio excusationis, quod juxta decretalia Cælestini Papæ: *Episcopus dari mollet invitis.*

Videntes autem Sanctissimi Sacerdotes magnalia, quæ fecit Dominus, & fidei admiratione retractantes, quam incomprehensibilia sint judicia ejus, & investigabiles viæ ejus, corde, & ore, & omnimoda devotione benedicunt Deo altissimo, qui longos eorum labores tam inopino terminavit compendio, orantes & deprecantes, ut de Regno suo eliminet omnem apostasiam, & omnia scandala, nec ultra satanam, ejusque Apostolos in sua sancta regnare sinat Ecclesia, Sed in omnibus Consiliis & operibus eorum dignetur servos suos consolari, & clementer implere, quod Ecclesiæ suæ se promissit affuturum omnibus diebus usque ad consummationem sæculi.

Communi autem decreto præcipiunt, quæ in hac Synodo gesta sunt, Ecclesiasticis inferi gestis, & in Archivis Sanctæ Moguntinæ Ecclesiæ servari ad perpetuam memoriam; & eruditionem venturæ posteritatis, ut hoc majorum exemplo minores instructi,

non timeant resistere, si in hujusmodi negotio se viderint prægravari, certissime scientes, nullo modo gratiam Spiritus Sancti fidelibus defuturam; si in sanctitate & justitia resisterint injustitiæ usque ad perseverantiæ coronam.

Decernunt præterea ex antiqua Patrum traditione, & authentica præcorum Conciliorum reſtitutione, ut hæc omnia Romano Pontifici ſeriatim literis inserta nuncientur, ut cujus mandato, & hortatu capta, & perfecta sunt, ejus Apostolica auctoritate roborata firmantur, & omnipotenti Deo, qui omnium bonorum auctor est, Romæ & Moguntia, & ubicunque terrarum hæc lecta, vel audita fuerint, debite gratiarum actiones fidei devotione solvantur.

Acta sunt autem hæc apud Moguntiam Metropolim Orientalis Franciæ anno ab Incarnatione Domini MLXXI. Indictione VIII. (a) XVIII. Septemb. regnante Serenissimo Heinricho Rege hujus nominis IV. anno Regni ejus XIII. ordinationis vero ejusdem XVII. apud Moguntiam vero Præfulante Reverendissimo Primato Sigefrido, anno ordinationis ejus XII. super omnia autem Regnante Domino nostro Jesu Christo, cui non accedit cras futurum, nec recedit heri præteritum, sed permanet sempiternum hodie, & in sæcula sæculorum Amen.

Gretſerus Operum novæ editionis Tomo VI. pag. 534. & ſeqq. ex pervetustis membranis primus edidit.

(a) Anno 1071. currebat Indictio IX. usque ad Septembrem. A Septemb. Ind. X.

EPISTOLA

SIGIFRIDI, *alias* SIFRIDI,

MOGUNTINI ARCHIEPISCOPI,

AD ALEXANDRUM II. PAPAM.

SUMMA. Narrat, quanta passus sit ob dilatam consecrationem Caroli Constantiensis Episcopi. 2. Quod Concilium celebrari non potuerit ob bellum. 3. Orat, ne Papa Episcopum Constantiensem absolvat, vel ordinet, Metropolita præterito.

A Postolico Sacerdoti & universali Papæ, Sigifridus Moguntinæ Speculator Ecclesiæ debitam, ut Patri, re-

verentiam, & promptam, ut tanto Patro, obedientiam.

Altissimus ille deorum Deus, qui cele-

cœlestis militiæ ordines ita disposuit, ut alter alteri præemineat, & ad obsequium Conditoris minor dignitas majori pareat; ipse in Ecclesia sua ita distinxit celos suos, opera digitorum suorum, ut, sicut stella ab stella differt in claritate, ita alter alterum præcedat excellentiæ dignitate. Hanc autem graduum & officiorum diversitatem ita ad unam reducit concordiam unitas charitatis, ita, ut sicut in sanctis Angelis, ita & hic non sit invidia imparis claritatis. Quia ergo idem Altissimus vos, mi Reverende Pater! constituit in hac arce Prælationis, ut vice illius Magni PETRI sitis caput totius Ecclesiasticæ dignitatis, jure se vobis omnis inferior ordo submittit, merito omnis membrorum articulata contextio vobis, ut capiti, obedit; juxta quod præcipit vas electionis: *Omnis anima (a) potestatibus sublimioribus subdita sit.* Ad hanc ergo formam, cum vobis exhiberem debitæ subjectionis obedientiam; multis sane injuriis affectus sum, multa vobis indigna, ut mihi intollerabilia passus sum. Namque mihi Romæ posito, viva voce, & postea Apostolica legatione interdixistis, ne eum, qui designatus est in Constantiensis Episcopum, ullo modo consecrarem, quia audistis elogio Simoniacæ hæreseos eum esse notabilem. In quo, quia vobis obedivi, multa, ut præmissum est, a Domino meo adversa sustinui, timeoque me adhuc graviora passurum, & Ecclesiæ meæ magnum fore detrimentum, nisi benignus ille PETRUS clave sua me defendat, & vestræ auctoritatis potestas adversus Regiam potestatem zelo justitiæ, me protegendo, se accingat.

Accepi autem literas vestræ Sanctitatis in quibus continebatur, ut ex præcepto vestro Coloniensem Archi-Episcopum invitarem, & convocatis fratribus

(a) Rom. XI.

Concilium celebrarem, in quo ejusdem designati Episcopi causa juxta veritatem discuteretur, ut, aut reus criminis, quo insimulatur, a dignitate rejiceretur, aut innocens canonice consecraretur. In hoc etiam parvi vestræ auctoritati, invitatis prædicto Archi-Episcopo, & fratribus, locum & diem præscripsi, sed Concilium celebrandum perturbavit indictio Regiæ potestatis, cogens me, & alios Regni Principes, in militiam suæ expeditionis. In qua re obsecro, ut Sanctitas vestra obsequium meum habeat excusatum, & nisi impediret, implestem præceptum vestrum.

Præterea relatum est nobis, quia Regia legatio eundem designatum Episcopum ad vos discutiendum, consecrandumque deducat. In qua re, quid æquitatis & justitiæ sit, discretionis vestræ libra recte dijudicet. Rogo autem excellentiam vestræ Paternitatis, quod, si ita verum est, ne ipse hoc a vobis accipiat, quod mihi, qui hoc canonice facere debeo, auctoritas vestra interdixerat: quia si ita fiet; inde magis videbor peccasse Principi meo, quod plus odio eum consecrare noluerim, quam justa causa, vel præcepto vestro. Si ergo a vobis discussus, innocens fuerit inventus, remittite eum mihi & fratribus meis consecrandum; ut, sicut oportet, a nobis Canonice accipiat oleum consecrationis. Hoc autem in fronte & in calce nostra teneat Epistola, quod non est homo vivens, qui promptior me sit ad omnia vestræ jussionis obsequia. Qui vos prævenit in benedictionibus dulcedinis ponat super caput vestrum coronam æternæ beatitudinis.

Gretserus Tomo VI. novæ editionis pag. 537. primus ex vetusta membrana edidit.

SIGIFRIDI, ARCHI-EPISCOPI MOGUNTINI,

EPISTOLA AD ALEXANDRUM II. PP.

Anno Christi MLXXI. Alexandri II. Papæ XI.

Henrici IV. regis XVI.

De actis Concilii Moguntini, quæ petit confirmari. In fine auxilium ejusdem contra Thuringos implorat.

Reverendissimo Patri, & Sanctissimo Primæ Sedis Antistiti Alexan-

dro, Sigefridus, Moguntinæ Speculator Ecclesiæ, cum Fratribus & Coepiscopis suis

suis debitam, ut summo Sacerdoti, subjectionem, & sedulam, ut tanto Patri, devotionem.

Gratias agimus Domino Deo Onnipotenti, qui ad salutem animarum elegit Sacerdotium vestrum, & in Kathedra Petri vobis tradidit claves Regni Cœlorum, quique super hanc Petram ita ædificavit Ecclesiam, ut portæ Inferi non prævaleant adversus eam. Ad hoc namque opus ea instruit & confirmat fides, quam beatum Petrum caro & sanguis non docuit, sed Pater de Unigenito suo per Spiritum Sanctum ei revelavit: quæ utique fides, sicut Dominus JESUS pro eo rogavit, numquam deficiet; sed per beatas successiones Apostolicorum Præsulum ad confirmandos Fratres usque in finem proficiet. Hujus itaque fidei soliditate fundatus beatus Petrus, Simonem, Donum Spiritus Sancti per impositionem manus precio affectantem, & Kathedram Ecclesiæ vernalitatis quæstibus obnoxiam facientem, a sorte Apostolica benedictionis exclusit, & perpetuæ maledictionis inexpressibili pena damnavit. Ex illo usque in hodiernum diem, sicut tunc Apostolica Petri fides, ita deinde ejus Apostolica Sedes diabolus, ejusque Antichristos, ejusdem fidei firmitate perdomuit, omnes quoque inferi portas, hæresiarchas scilicet, cum dogmatibus & sequacibus suis, non quidem abstraxit, sed penitus destruxit. Inde est, quod cum nos multis jam diebus expetisset Satanas, ut cribraret nos, sicut triticum, & nos ad vestrum, cui Christus claves Cœli, & vicem Petri in manus dedit, confugeremus patrociniū, ita vestra sumus auctoritate firmati, ut Apostolum Sathanæ, qui nos impugnabat, expugnaremus gladio verbi Dei, & cum pestiferi Simonis virulenta satio in Constantiensem Ecclesiam, malam extendisset radicem, nos ei ad succidendum adhiberemus justitiæ falcem. Nam cum Regia potestas nos urgeret quendam de execrabili perditissimi Simonis, schola eidem Ecclesiæ ordinare Episcopum, nos vero dicere-mus, quia sacris Canonibus omnibus modis cautum esset, hoc in nostrum nos facere non posse præjudiciū: cum-que Rex jugiter instaret, nos super hac re consentire ad nutum præcepti sui, &

nos objiceremus ei, hoc Apostolica auctoritate prohiberi; tandem huic schismati sopiendo Sanctitas vestra salubre dedit consilium, præciens super hac re Concilium celebrari, in quo idem appositus, aut innocens purgaretur, aut reus objectionum rejiceretur. Quantis autem laboribus, quibusve difficultatibus ad ejusdem Concilii celebrationem perventum sit, quibus vero modis, & quam multiplicibus argumentis, Regia potestas, præfinitum Concilii tempus anticipando, ad voluntatem suam inflectere, aut omnino illud dissipare voluerit, non est modo referendum per singula, quia nec vestrum debeo fatigare animum diviniorebus intentum, & Regali Excellentia ducimus assurgendum. Vicit tamen Christus in Petro, & Petrus in vobis, & vos in nobis, & collectum est Concilium, eo quo fuerat tempore præfinitum, in quo Apostolica sunt functi legatione Reverentissimi Sacerdotes Domini Gebhardus Archi-Episcopus Juvavienſis, & Uto Archi-Episcopus Trevirensis: aderant & Coepiscopi & Cooperatores nostri, nec non & inferiorum ordinum, quam plures magnæ auctoritatis & sapientiæ viri: omnesq; in unum collecti, unanimiter postulabamus Dominum nostrum JESUM Christum, ut quia in nomine ejus fueramus congregati, se nobis secundum promissionem suam dignaretur exhibere medium. Prima ergo & secunda Concilii die, de his qui unicuique fratri in sua dicecesi obvenenerant, actum & determinatum est. Illud autem, quod maxime in causa erat, dilationibus protractum est, regentibus internunciis aliis quidem, ut ad Regiam voluntatem a propositi rigore non inflecteremus: Aliis vero instantibus, ut designatus iste propter pondus judicii, & magnitudinem periculi, male affectum sponte dimitteret honorem. Tertia vero die, omnes, quotquot aderamus Episcopi, invocata in auxilium divinitate, audivimus Principem nostrum, viva voce admonentes eum de salute animæ suæ, quodque divinam voluntatem semper suæ debeat voluntati antepone-re, neque Regnum ejus ullo modo posse firmari, nisi justitia, & observatione mandatorum Dei. Deus autem in cujus manu sunt corda Regum, & omnia ju-
ra

ra Regnorum, ita Principis animum mitigavit, ut ad exhortationem Sacerdotum nihil responderet asperum, nihil Christianæ disciplinæ adversum; dixit tamen, se id, quod fecerat, si posset iuste, vellet defendere. Quo si minus procederet, nihi se divinæ auctoritati contraire. Ita verbis Sacerdotum delinirus nobiscum Concilium intravit, & ille, de quo quæstio erat, ad audientiam venit. Vocati vero intraverunt, & filii Constantiensis Ecclesiæ, libellos accusationis porrigentes, & se canonicè probaturos ea, quibus pravum infimulabant, potestantes. Multis autem accusationibus ultro citraque decursis, quia multis in adversum nitentibus, res in profundam noctem protracta est, Concilium huius diei infecto adhuc negotio, necessario direptum est; In crastinum autem designatus ille, Deo, ut credimus, ejus conscientiam coarctante, non ultra expectans audientiam Concilii, nec sustinens pondus imminens iudicii, ipse in se sententiam tulit, & annulum & ferulam pastorem ei, a quo acceperat, reddens, nos longa quæstione & fatione absolvit hoc tantum præcedens excusationis, quod juxta Cælestini Papæ decretalia, *Episcopus dari nollet invitis*. Super his omnibus ergo beneficiis misericordiæ suæ gratias primum agimus Patri misericordiarum, qui nos humiles servos suos in tentatione clementer exaudivit, dein Apostoli-

cæ Sedi, ejusque Reverentissimo Præfati, a qua Petra profluxit hæc tota perseverantiæ nostræ fortitudo, orantes & postulantes Dominum Deum nostrum, ut interventu sui Petri, huius Sacratissimæ Sedis apicem stabili Fide, pace, & in confessione sui nominis ita solidare & confirmare dignetur, quatenus universalis Ecclesiæ plenitudo, quæ est corpus Christi, huius capitis sanctitate perpetuo proficiat & gloriatur. Ratum autem duximus huius Concilii ordinem, & exitum vestræ significare Sanctitati, ut cujus auctoritate ceptum & confectum est, ejus assensu mereatur roborari. Rogamus etiam Sanctissimam paternitatem vestram, ut sicut in hoc, ita & in cæteris Ecclesiæ negotiis, nobis dexteram porrigatis, scilicet contra rebelles Thuringos, contra quosdam præpotentes & nobiles, adversus quos, propter consanguinitatis conjugia, multum laboramus. Occurrunt enim multa, quæ sicut specialis filius, & ex antiqua traditione Apostolicæ Sedis Legatus, vestra debeo auctoritate & præcepto terminare, ut dum in omnibus vobis obediens fuero, vestræ Sanctitati sicut membrum capiti valeam coherere. Sanctissimum Apostolatum vestrum, Domine Pater, longævum & incolumem Samarites ille custodiat, qui in custodiendo suum Israël non dormit, neque dormitat.



SYNODUS TULLENSIS DIOECESANA

Anno Christi MLXXII. Alexandri II. Papæ XII.

Henrici IV. Regis XVII.

Pibo Episcopus cum Archi-Diaconis & Primicerio, Abbatia S. Apri donat, & confirmat bona ab antecessoribus donata.

IN Nomine Sanctæ & Individuæ Trinitatis, omnium quæ subsistunt æternaliter creatricis atque moderatricis, PIBO, Sanctæ Tullensis Ecclesiæ humilis Præsul, Divinæ dispositionis gratia. Agitur quotiescumque animus uniuscujusque, ad bonum velle inspiratur; maxime ille, qui plus cæteris in hoc

mundo aliquid habere cernitur, cum invigilat, ut ex rebus terrenæ dominationis Dei Clementia sibi propitiatur. Nobis tamen, Pastoribus Ecclesiæ, pia sollicitudo indicitur, ut grex Dominicus in ea constitutus, nostra providentia pascatur, & gemina vitæ substantia sub temporali amministrazione fulciatur.

lecir-

Iccirco univērsis Ecclesiæ nostræ, cui Deo auctore præsidemus, tam præsentibus fidelibus, quam etiam post longæ sequentibus, certa ratione manifestum esse volumus, quod ad locum Sancti Apri devenientes, & victualem Monachorum administrationem pie considerantes, nobis in futuri districtione iudicii non modice profuturum esse credidimus, si ea, quæ ad alimenta fratrum, illic Deo servientium pertinent, augeremus; ut per hoc & memoriale nostrum in eo loco certius confisteret, & servorum Dei pro adoptione salutis nostræ perpetualiter oratio non cessaret.

Hujus itaque rei gratia ducti, nostrorumque prædecessorum provocati exemplo, qui de rebus ad se pertinentibus quædam eidem loco pro suarum remedio animarum contulerunt, consilio nostrorum fidelium, eis donatione firma concessimus duo altaria pro nostræ remedio animæ, nostrorumque antecessorum & successorum, hujus Sedis Pontificum: scilicet *altare de Bladenaco* super Mosellam ex integro, cujus medietatem hætenus ab antiquo retinebant, sicut etiam adhuc medietatem retinent Ecclesiæ ejusdem villæ: & *altare Ecclesiæ de Fain* ultra Mosellam juxta Barrum Castrum, ea videlicet lege, qua cætera altaria totius Abbatiz antiquitus tenuerant: id est, ut decedentibus vicariis, quibus tantummodo curam animarum per eorum electionem committimus, ipsi eadem altaria redimere nequaquam compellantur; sed solummodo, ut dictum est, succiduos vicarios exhibeant, qui de manu nostra curam animarum suscipiant. Nostro etiam Pontificali dono tradimus loco & fratribus Sancti Apri, cum laude nostrorum fidelium, quandam mulierem nomine Peilam, cum duobus filiis ad nostram potestatem dudum pertinentem Gavalonem, ac de nostro jure ad eorum jus perpetualiter retinendas transfundimus, ut pro nostræ remedio animæ, nostrorumque antecessorum, atque successorum, omnis eorum posteritas in fratrum prædicti loci servitio permaneat.

Confirmamus quoque eidem loco euncta, quæ in privilegiis nostrorum antecessorum, videlicet Gauzilini, Gerardi, ac beatæ memoriæ Brunonis, in ejusdem

Tomus III. Concil. Germ.

loci armario continentur, & quæ adhuc Dei gratia solide retinere videntur. Nec non etiam confirmamus ea, quæ temporibus prædicti venerabilis, idem cœnobium acquisivit, id est, cellam de Danguiliaco, cum omnibus suis appenditiis, sicut in chyrographo felicis memoriæ Walteri Comitis, qui ejusdem cellæ donum Sancto Apro ob iuæ remedium animæ contulit.

Quin etiam confirmamus ea, quæ temporibus nostri antecessoris Udonis apud Baini-villam ab Holdierde & filio ejus Odelrico, sicut in eorum chyrographo continetur, prædictum cœnobium adquisivit.

Hæc ergo omnia præsentī charta nostra, Pontificali auctoritate, prælibato monasterio perpetualiter possidenda corroboramus; quatenus ex hac pietate fratres præsentialiter in memoriam reducant, quantum pro bona voluntate Omnipotenti Deo pro nobis instanter supplicare debeant.

Petimus denique, & obsecrantes deprecamur successorum nostrorum paternam benevolentiam, ut hæc nostræ largitatis oblatio firma habeat & rata, sicuti & ipsi quoque sua decreta constituturi sunt, servari perenniter illibata; scientes procul dubio, se ita pro bona voluntate remunerandos, sicuti pro temeritate ea, quæ pro animarum remedio instituta sunt, ab auctore mundi gravius puniendos. Ut autem hæc nostræ traditionis concessio in futuris temporibus firmiter habeatur, & perpetualiter illæsa conservetur, manu omnium fidelium nostrorum ea corroborari fecimus, & auctoritatis nostræ gratia durare per succedentia tempora decrevimus.

Ego Pibo, gratia Dei Leucorum Episcopus, signavi.

Sign. Hugonis Primicerii.

Sign. Milonis Virdunenſis Primicerii, & hujus sedis Archid.

Sign. Lamberti majoris Archid.

Sign. Rudolphi Archid.

Sign. Hugonis majoris Archid.

Sign. Lamberti junioris Archid.

Sign. Albrici Archid.

Sign. Luitulfi Archid.

Sign. Hugonis junioris Archid.

X

Sign.

Sign. Theoderici Archid.
 Sign. Friderici hujus urbis Comitis.
 Sign. Haimonis Comitis, & filii ejus
 Odelrici.
 Sign. Everardi Comitis, & filiorum
 ejus Gilberti & Henrici.
 Sign. Milonis, & fratris ejus Walteri.
 Sign. Hugonis, & fratris ejus War-
 neri.
 Sign. Henrici Advocati.
 Sign. Domni Widonis Abbatis cœno-
 bii S. Apri.
 Sign. Domni Vinbaldi Abbatis cœno-
 bii S. Manfueti.

Data IV. Idus Octobris, in plenaria Sy-
 nodo, anno ab Incarnatione Domini
 MLXXII. Indiétione decima, regnante
 Henrico IV. Romanorum Rege, anno
 Regni ejusdem XVII. Duce Theodo-
 rico.

Ego Waltherius Cancellarius, De-
 canus, & Archidiaconus recognovi,
 & subscripsi, atque signavi.

*Calmet. Historia Lotbaringæ Tomo IV.
 Probationum pag. 472. 473. 474.*

PRODROMA SYNODI ERPHURDIENSIS

ANNO CHRISTI MLXXXIII.

INVITATORIA PAPÆ VEL LEGATORUM.

*Sigefridus, Moguntinus Archi-Episcopus, Alexandro II. Summo Pon-
 tifici. I. Orat Legatos Apostolicos mitti ad Synodum Moguntinam Er-
 phordiae celebrandam contra Thuringios recusantes solutionem Deci-
 marum. II. Significat necem Canonis designati Archiep.*

*Treverici: quæ canonica vindicta latronibus
 infligenda?*

Domino Beatissimo, & vere Apo-
 stolici culminis honore Reveren-
 do, Sancto Patrum Patri, & Summo Præsu-
 lum Præsuli, Alexandro, Sifridus Mo-
 guntinæ speculator Ecclesiæ, quicquid
 Filii Patri, & membrum capiti.

Apostolicæ institutionis documento
 didicimus, Matrem ac radicem virtu-
 tum esse charitatem, cui quidquid infe-
 ritur boni operis, Christo incrementum
 dante parit fructum æternæ beatitudinis.
 Hæc in Sanctissimo pectore vestro æter-
 nam posuit sedem, & in fecundissima
 cordis vestri terra altam fixit radicem,
 de qua, rore cœlestis gratiæ irrigante,
 per totam Sanctæ Ecclesiæ aream mul-
 tiplices sacræ doctrinæ, & bonorum
 operum protenduntur rami: quorum
 fructifera ubertate aluntur, & umbra
 proteguntur oves, quas pascendas sus-
 cepistis, vice illius magni Petri. Hac
 ergo dictante, nos quoque, qui San-
 ctissimo Apostolatu vestro in fructiferam
 olivam sumus inserti, & sub clavigera
 tanti Pontificis manu, in opus ministe-
 riî assumpti, nos, inquam, semper
 paternæ dilectionis benevolentia gratan-
 ter accepistis, & quicquid vel confu-

lendum, vel corrigendum, ad Apo-
 stolici vestri culminis verticem retuli-
 mus, vestræ favendo parti, ut patrem
 decuit, ad meliora direxistis. Unde si-
 cut oportet Reverentissimæ Celsitudini
 vestræ multiplices gratiarum actiones,
 & humile exhibemus inclinium, con-
 tinuis orationum victimis, divinam ex-
 orantes clementiam, ut ad stabilitatem
 Sanctæ Ecclesiæ suæ, longævum & inco-
 lumem custodiat Apostolatam vestrum.

Porro sicut in proximis, quas ad
 Sanctam Sedem vestram direximus, li-
 teris, ita nunc quoque humili supplica-
 tu vestram deprecamur Sanctitatem,
 ut quia corona Regni, & diadema Ro-
 mani Imperii in manu vestra est per ma-
 num Petri; Filii vestri, Domini mei
 Heinrici Regis, semper in bono memi-
 nisse dignemini, & sicut a primitivis
 Sanctæ Inthronizationis vestræ exordiis
 primitias Regni ejus adhuc pueriles,
 consilio & auxilio fovistis & enutristis;
 ita Apostolici vigoris constantia, usque
 ad coronam Imperii cum eo persistatis.

Præterea adhuc antiquam nostram
 super rebellibus Thuringiis quæstionem
 ad notitiam almæ sedis vestræ referimus,
 ob-

obnixè rogantes, ut armata manu gladio Spiritus Sancti, usque ad expugnationem eorum nobis dexteram feratis auxilii. Sugerimus ergo Sanctitati vestræ, quod Synodum super his post Pascha celebrare decrevimus, ad quam de latere vestro legatos mitti postulamus; qui auctoritate vestra, & ipsi Synodo præsent, & hæc, quæ de Thuringis agimus, canonicè terminent, & si qua alia corrigenda occurrerint. Quod si fieri nequit, aliis vos occupantibus negociis; saltem petimus ipsam Synodum nostram, quæ utique & vestra est, Apostolicis Sanctitatis vestræ litteris roborari, quæ etiam rebellibus anathema denuntient, & quæcumque inibi canonice gesta, auctoritate vestra confirment.

Quia vero maxima quæque Ecclesiasticæ disciplinæ negocia, ab ipso Præfultum vertice debent examinari, cuius, ex injuncta omnium Ecclesiarum sollicitudine, speciale privilegium est, quod per nos non possumus corrigere, ad patrociniū Almitatis vestræ referimus, quod etiam jam pridem ad vos pervenisse cognovimus, de crudelissima, & inaudita nece designati Trevirensium Episcopi, (a) qui Christianis temporibus nefandissima & sceleratissima Neronianæ & Decianæ persecutionis cruciamenta expertus, horribili, & execrabili pœnarum genere additus est morti. Ad monstruosæ necis ulcionem, Testamenti sui recordatus, primum assurgat Dominus JESUS CHRISTUS: dein vestræ auctoritatis fortissima & patrocinalis manus. Sacris namque Canonum decretis sanctum est, sicubi Episcopus ordinetur, qui vita, vel moribus a tanta discrepet

dignitate, vel qui ad tantum ascendat apicem subreptione, non electione; ei audientiam non negari, & hoc etiam præter sententiam Romani Pontificis non debere fieri. In qua re, si se Clerus & populus cujuslibet civitatis seculari potentia viderit prægravari, ad sacram sedis defensionem, habeat confugium, cui, præcipiente Domino, delegatus est Primatus omnium Ecclesiarum. Nunc vero nedum isti, de quo agitur, canonica daretur audientia, nedum vestri examinis expectaretur sententia, quasi furtiva latrocinantium manu spoliatus, dein gravissima de loco ad locum transportatione afflictus, tandem, ut asseritur, communi illorum consilio, morte turpissima multatus est. Qua de re, quam graviter unanimitas fratrum sit concussa, quam atrociter audax facinorosorum hominum violentia, ad sacri ordinis injuriam sit erecta, vestræ Sanctitatis & prudenter perpendere, & hoc nefarium scelus canonice ulciscendo, ne de cætero tale quid præsumatur, posteris exemplum relinquere. Orat ergo Sanctitatem vestram socialis fratrum nostrorum concordia, & hoc a vestri culminis patrociniū tota implorat Ecclesia; ut tanti sceleris auctores diligentissime perquiratis; inventos districtissime puniatis: qui si forte dissimulando laterent; gladio Spiritus Sancti, velut putrida membra de corpore Christi abscindatis, & ut omnes cæteri Confacerdotes nostri eos perpetuæ maledictionis anathemate feriant, firmissime præcipiatis.

Ex codice Zwetalsensi descripsit Cl. Schannatus bonæ memoriæ.

(a) Cuno designatus Episc. Trevirensis cæsus anno MLXVI. Kal. Junii Gretferus eandem Epistolam ex MS. refert, paulo aliter, licet quoad substantiam conveniat. *Tomo VI. novæ edition. pag. 539.*

SYNODUS ERPHESPHURDENSIS

CORAM HENRICO REGE, ET ARCHI-EPISCOPO SIGEFRIDO
MOGUNTINENSI, ET IV. EPISCOPIS.

Anno Christi MLXXIII. Alexandri II. Papæ ultimo.
Henrici IV. regis XVIII.

SUMMA. Facta nova partitio Decimarum Thuringiæ inter Archi-Episcopum Moguntinum, & Abbates Herveldensem & Fuldensem, magis

*magis ex arbitrio & Imperio Regis, quam ex consensu paciscen-
tium. Interdicta appellatio ad Romanum Tribunal.*

Verum ne manifestæ tyrannidis no-
taretur Henricus, si contra inno-
centes, atque in regnum proprium
tam barbara crudelitate grassaretur, ut
impietatem suam quadam religionis spe-
cie palliaret; Archiepiscopum Mogun-
tinum modis omnibus instigavit, ut de-
cimationes Thuringiæ, sicut ante plu-
res annos instituerat, exigeret, polli-
cens, se ei in exigendo summa ope af-
futurum, & dicto obtemperare nolen-
tes regia Majestate coacturum, ea ta-
men pactione, ut ipsarum decimationum
partem sibi, quæ & regiæ Magnificen-
tiæ, & tanto labore suo digna foret,
tribueret. Ita Episcopus, vanissima spe
animatus, SYNODUM indixit in ER-
PHESFURT *VI. Idus Martii*. Statuto
die aderat Rex, aderat Archiepiscopus,
stipatus uterque magno grege Philoso-
phorum, imo Sophistarum, quos ex
diversis locis summo studio conciverant,
ut canones sibi non pro rei veritate, sed
pro Episcopi voluntate interpretarentur,
& causam ejus, quomodo veris non po-
terant, Sophisticis allegationibus robo-
rarent. Assidebant ergo cum Rege, &
Archiepiscopo Moguntino, Herimannus
Babenbergensis Episcopus, Hecel Hilde-
nesheyemensis Episcopus, Eppo Citi-
censis Episcopus, Benno Osenbruggen-
sis Episcopus. Qui non ad discutiendam
juxta Ecclesiasticas leges, causam fuerant
evocati; sed ut id, quod Rex volebat,
arte dictionis & sententiarum pondere,
postremo quaque possent ratione & con-
silio obtinerent. Quamquam plerique
eorum id, quod Rex moliebatur, ve-
hementissime improbant: sed ne libe-
re, quod sentiebant, eloquerentur;
& Regis terrore, & privata Archi-
episcopi amicitia inhibebantur. Habe-
bat præterea Rex circa se armatorum co-
pias non modicas: quibus eos, si qui
forte negotium inturbare conaren-
tur, militari manu coerceret. Thurin-
gorum spes, & fiducia potissimum in
Abbate Fuldensi, & Abbate Herve-
lensi nitebatur, quod hi Ecclesias de-
cimales plurimas, & prædia infinita ha-
berent in Thuringia, & hi, si causa ce-
cidissent, sibi una cadendum esset. Qui

publica discussione interpellati pro deci-
marum redditione, *Primo* per Deum ro-
gabant Archiepiscopum, ut antiquitus
tradita Monasteriis suis legitima, rata in-
convulsaque manere fineret, quæ & se-
des Apostolica & veteribus, & recent-
tibus scriptis crebro sibi firmasset, II.
& præcessores ejus Moguntini Pontifi-
ces, Summi, ac Sanctissimi viri usque ad
Luidpoldum Episcopum, nunquam in-
fringere tentassent. Id atroci responso
Archiepiscopus repulit, scilicet "Præces-
" tu, Ecclesiæ Dei moderatos fuisse, eos-
" que rudibus in fide auditoribus, &
" pæne adhuc neophytis lac potum de-
" disse, non escam, & sapienti dispensa-
" tione multa indulgisse, quæ processu
" temporis, dum in fide convaluissent,
" successorum suorum industria rescari
" vellent. Se autem jam adultæ, vel po-
" tius senescente Ecclesiæ, spiritualia
" comparare spiritualibus, nec jam par-
" vulis lac, sed perfectis solidum cibum
" ministrare, atque a filiis Ecclesiæ le-
" ges Ecclesiasticas exigere. Proinde
" esse eis aut ab unitate Ecclesiæ sece-
" dendum, aut legibus Ecclesiæ æqua-
" nimitur acquiescendum." Tum illi
rursus per Deum orare, ut III. si in
Romani Pontificis auctoritate, si IV. in
Caroli, aliorumque Imperatorum pri-
vilegiis, si V. in præcessorum ejus Mo-
guntinorum Pontificum indulgentia,
nihil sibi præsidii, aut spei reliquum ef-
set; ipsarum saltem decimarum eam ip-
se partitionem fieri fineret, quam &
canonum scita æquam judicassent, &
cæteræ per orbem terrarum Ecclesiæ
usitatas haberent, scilicet ut *quarta*
parte ipse pro suo, suorumque missio-
rum servitio contentus, *tres reliquas por-
tiones Ecclesiis*, quibus antiquitus attitu-
latæ fuissent, permitteret. *Contra Epif-
scopus*: Non ea mente se, ait, tantum
laborem crivisse, & jam per X. ferme
annos laboriosum hoc saxum volvere,
ut tandem aliquando voti compos effe-
ctus, ultro jure suo cederet, & tanto
molimine extortas eis decimas ipsis pro
libito suo partiendas addiceret.

*Primus ac secundus dies in hac concertatio-
ne*

ne jam fluxerat accipiti adhuc fortuna, utra pars utri cessura foret. Jamque in eo res verrebatur, ut Thuringi, improbata Synodo, sedem Apostolicam appellarent. Sed Rex sub attestatione nominis divini affirmabat, se in eum, si quis id præsumpisset, capitali sententia animadversurum, & omnia quæ ejus essent, usque ad internecionem dissipaturum, clademque ejus diei multis postea sæculis non abolendam. Ita Abbas Herveldensis suorum periculo conterritus, quoniam aliud in arcum conclusis rebus non patebat effugium, rem *consilio Regis* permisit; quatenus prout ipse bonum, & æquum judicaret, causam inter se & Archiepiscopum terminaret. Diu igitur habita deliberatione, in hanc tandem pactionem, mediante Rege, Abbas & Archiepiscopus consenserunt, ut Abbas in decem suis decimalibus Ecclesiis, duas partes decimarum, tertiam Archiepiscopus acciperet. In reliquis vero ejus Ecclesiis dimidia Abbati, dimidia Archiepiscopo contingeret. Ubi vero Ecclesia decimalis propria Archiepiscopi esset, tota illic ei decima cederet. Præterea ut omnes Dominicales Archiepiscopi curtes, in quacunque essent Parochia, penitus decimarum exactione immunes manerent. Sub jugum missò Abbate Herveldensi, statim Thuringi omni spe adempta, eo quod in illius prudentia, & eloquentia plu-

rimum fiduciæ sibi posuissent, non ultra restiterunt, sed decimas in reliquum absque retractatione dare professi sunt. Fuldenfis Abbas aliquantis postea diebus obstinatus in proposito perstitit. Sed cum nec Regis gratiam recipere, nec ad sua redeundi licentiam impetrare posset, nisi in communem sententiam concederet; tandem rerum difficultate superatus, ad hanc conditionem non tam consilio, quam imperio & metu Regis coactus est, ut in cunctis decimalibus Ecclesiis suis partem dimidiam decimarum ipse, dimidiam Archi-Episcopus acciperet. Dominicales autem curtes suas, sicut Archi-Episcopus, omnes ab omni decimarum redditione liberas haberet. Tum Rex sciens haud bene placitura Romano Pontifici, quæ gesta fuerant, sub interminatione gratiæ suæ, utrique Abbati præcipit, ut neque per se ipsos, neque per nuncium, neque alio quovis modo pro infimulanda Synodo Apostolicam Sedem interpellarent.

Ex Lamberto Schaffnaburgensi refert Serarius Lib. V. pag. 757. & seqq.

Conciliabulum vocat Binius Tomi III. Conciliorum Parte II. pag. 252. & causa Decimarum, Tyranni vel Latronum more, non consilio, sed armis decisa fuit.

Anno hoc 1073. 21. Aprilis, hoc est, XI. Kal. Maji, Romæ obiit Alexander II. Papa. Postero die, X. Kal. Maji, quo sepelitur, sive 22. Aprilis Hildebrandus, incensens & invidus, eligitur Papa, Gregorius VII. dictus. Qui statim a Rege Henrico agnitus, & per Gregorium, Vercellensem Episcopum, Italici Regni Cancellarium, in urbem missum, confirmatus fuit. Observat Pagius, Gregorium VII. ultimum fuisse, cujus electio ante Consecrationem Imperatori significata fuerit, & ordinatio coram Legatis ejus peracta. Ergo hoc Sæculo XI. cessavit mos, transmittendi ad Regem Decreti electionis Pontificiæ. *Pagi ad h. a. in Critica.*

SYNODUS LEODIENSIS

Anno Christi MLXXIV. Gregorii VII. Papæ II.

Henrici IV. regis XIX.

Theodoricus Abbas Sancti Huberti in Synodo Leodiensi coram Episcopo accusatus de exemptione quæsitâ, excusat se modeste, quod Romam non iverit, nisi orationis causa, & cum licentia Episcopi, nec aliud a Papa obtinuerit, quam confirmationem bonorum, Ecclesiæ S. Huberti donatorum.

ITerum vero (Theodoricus) paratis, quæ in itinere usui forent, cum Hermannō Mettensi Episcopo Romam profectus, veneratis Apostolorum & Marty-

Martyrum sepulchris ad Gregorium VII. jam post Alexandrum præsentem Romanæ sedis, venit: a quo, quia ab adolescentia maximum familiaritatis obtinuerat locum, & affectuose susceptus, & per aliquot dies secum remoratus. Qui privilegii libellum, ipsius & præfati Hermannii precibus, Ecclesiæ Sancti Huberti per eum misit, in quo continebatur Dei, & Beati Petri & ipsius Gregorii auctoritate, horribilis interminatio, ne quis Imperator, aut Rex, aut Episcopus, aut Dux, aut Comes, aut alia ulla potestas, quicquam de possessionibus antiquitus, vel noviter acquisitis, Ecclesiæ S. Huberti auderet tollere, vel suo, vel alterius juri mancipare. Quod privilegium Remensi, vel Trevirensi Archiepiscopo, ac Laudunensi, & Leodiensi Episcopo, cujus juris erat ipsa Ecclesia, per eundem Abbatem, cum litteris Apostolicis misit, obsecrans, ut quod utiliter supplicanti Abbati pro utilitate suæ Ecclesiæ concesserat, ipsi sua ad stipulationem firmarent, & sua subscriptione corroborarent. Acceptis litteris Apostolicis, ceteri consenserunt. Solus Leodiensis Antistes, Theodwinus, impulsus consiliis eorum, quibus omnia honesta atque inhonesta vendere mos erat, litteras Apostolicas repulit: Abbatem, quem pro vitæ merito ante valde dilexerat, turbida indignatione de conspectu suo exire jussit. Deinde usus eisdem consiliatoribus, conventum Abbatum & Clericorum adversus illum evocavit, eoque statuto in medio, cur Romam ire? Cur Ecclesiam S. Huberti, quæ Leodiensis Episcopi esset, Apostolico juri mancipare? Cur eam S. Mariæ, Sanctoque Lamberto vellet tollere? Postremo cur, cum ipse suus Abbas esset, nec ejus legatione functus fuisset, Epistolas a Romana sede sibi contrarias afferre præsumisset, requiritur. At ille: Causa orationis, respondens dixit, mihi fuit Romam, vestra licentia, si recordari placet, ire: Ecclesiam autem Sancti Huberti, neque sanctæ Mariæ, neque

S. Lamberto tollere, neque Apostolico juri unquam habui animum mancipare: sed possessiones, quas vel primum habebat ipsa Ecclesia, vel quas Deus addidit, scilicet, quæ a Duce Godefrido, vel Remensi, vel Laudunensi Episcopo ad Dei servitium sunt condonata, confirmari feci auctoritate Apostolica. Si in hoc peccavi, quia, quod non habebat Ecclesia S. Huberti, illi adjeci, idque, quod ab externis Episcopis multo sudore & labore acquisivi, ne ulterius perdat, quod providi, videat, & judicet prudentia vestra, & qui assident Concilio vestro Abbates & sapientes Clerici: nec, si sit opus, refugio in hoc quoque Sapientum Laicorum uti judicio: Apostolicus autem, cum ei me vestrum Abbatem indicavi, gratiam Apostolicæ benedictionis, si placet, vobis per me misit: Epistolæ vero ab eo missæ; quia non adversum vos, sed pro gloria & honore vestro sint, ecce (& eas porrigit) potest & a sapientibus judicari. Plura parantem dicere iidem incontentos Episcopi occupant, loquentis verba impetu clamoso vocum perturbant, Episcopum, libenter & placide aures excusanti accommodantem, avertunt, quibus impellentibus Antistes inde surrexit iratus: Abbas autem, remisso comparandi in aliud tempus judicio, ad Monasterium est regressus.

Ex vita B. Theodorici Abbatis Andagimensis refert Mabillon. seculo VI. Benedictino.

Iterum, vero, atque sapius revocatus Abbas, veritate nixus & rationis ope, semper recessit tutus. Postremo apud Noyensæ castrum revocatus, atque iterum pro causa sua respondere jussus, conversis omnibus, Deo favente, judicio Episcopi, & omnium, qui prius maligne contra eum egerant, discessit absolutus.

Ex eodem Biographo Mabillon. loc. cit.

Annum Synodi verum esse, ex eo conicias, quod Abbas Theodoricus fuerit electus anno 1073. & Theodvinus, Episcopus Leodiensis, obierit anno 1075.

Eandem querelam Romam delatam fuisse, discas ex Epistola LXL. Libri I. Regesti Gregorii VII. scripta ad Theodvinum Leodiensem. *Hæ notæ sunt Cl. Schannati.*

GREGORIUS EPISCOPUS, SERVUS SERVORUM DEI, UDONI TREVIRORUM ARCHI-EPISCOPO, SALUTEM ET APOSTOLICAM BENEDICTIONEM.

SUMMA. Committit ei, & Episcopo Metensi causam, quæ inter Tullensem Episcopum & quendam ejus clericum versabatur. Monet, ut illum tutum reddat, & omnia ablata ei restitui jubeat: tum convocatis Tullensibus Clericis inquireat de moribus Episcopi, de quibus certior vult fieri ante Synodum.

Admonere te, Frater, ut ea, quæ tibi committimus, fideliter agas ex caritate: ut vero velociter, ex confidentia & necessitate; quæ quidem utraque in subscripto negotio ita te observare volumus, ut quemadmodum credimus, fidum te & indefessum nobis cooperatorem cognoscamus. Frater iste Tullenfis, ut faretur, Clericus ad nos veniens, conqueſtus est nobis, quoniam iratus sit ei Dominus suus, videlicet Tullenſis, ut dicitur, Episcopus, se exfulem factum, & omnibus rebus suis expoliatum; supplicans, ut apud Apostolicam pietatem tantarum miserationum aliquam inveniret consolationem. Nobis vero, cur hoc sibi acciderit, diligenter inquirentibus, retulit, se ab Episcopo quamdam Ecclesiam postulasse, quæ ad officium custodiæ, quod tenebat, legali constitutione dicitur attinere. Qua de re commotus Episcopus, cum ei non solum hanc denegaret Ecclesiam, sed totum officium per summam interdiceret obedientiam; respondit, se non debere sibi obedientiæ reverentiam; quoniam Archi-Diaconatus, consecrationes Ecclesiarum, & ipsas Ecclesias vendendo, Simoniaca hæresi se commaculasset; cum muliere quadam in publica fornicatione jaceret, de qua filium genuisset, quamque rumor esset, Sacramento & desponsatione, laicorum more, sibi copulasse; & præterea, quod nonnulli eum ad Episcopatum pactione præmii pervenisse dicerent. His auditis, Episcopus quasi de manifestis culpis pœnitens, & de sua correctione tum cum hoc solo, tum cum cæteris fratribus loquens, tandem manifesta indignatione, & ira super istum inflammatus est. Egreſsoque ab urbe Episcopo, paulo post

milites ejus, utpote non ignorantes voluntatem Domini, huic omnem securitatem abnegavere, & intra claustrum ei minati sunt in faciem. Quos cum insidiari vitæ suæ & honori intelligeret, clam discessit, ut sua absentia temperaret severitatem hujus furoris. Episcopus vero confestim sua omnia diripi & publicari præcepit: & ita iste exfulem se & egenum jam diu fuisse conqueritur. Verum hæc nobis inordinata, & valde iniqua videntur: quoniam, si illa vera sunt, Episcopus, immo Exepiscopus, non hunc, sed conscientiam suam odisse, & persequi debuerat. Sin vero falsa, & utinam falsa, non tamen milites, sed disciplinam Canonum, istum corripere, & flagellare æquum fuerat. Quocirca Fraternitatem tuam Apostolica auctoritate communitam, & in hac causa suffultam esse volumus: ut convocato & adjuncto tibi dilecto confratre nostro Herimanno, venerabili Episcopo Metensi, Tullensem conveniatis: eumque, ut Clericum istum sine omni periculo vitæ, & securum ab omni contumelia in claustrum suum recipiat; Et officium custodiæ cum Ecclesia, quam postulavit, si juste attinet, cum cæteris omnibus justis pertinentiis, & utilitatibus suis, & præposituram suam, & officium Scholarum, nec non omnia ablata sibi bona, & tam irrationabiliter illata damna restituat, Apostolicis jussionibus commoneatis, Deinde convocatis Tullensibus Clericis per veram eos obedientiam, immo sub comminatione anathematis constringite, ut quidquid de introitu, & vita episcopi sciunt, vobis aperiant: & vos undique explorata veritate, quid nobis inde credendum sit, in Synodo, vel ante Synodum, quam in prima hebdomada Quadragesimæ celebraturi sumus,

sumus, per litteras vestras notificare nulloatenus prætermittite. Quod si Episcopus, ut optamus, innocens de tot ac tantis criminibus apparuerit, quod Clericus temere peccavit, quoniam ad nostram venit audientiam, qualiter iuste corrigatur, Deo aspirante, procurabimus. Si vero Episcopus ea, quæ sibi intenduntur, veraciter remove non poterit, (a) nullo modo ferendum est Nobis vel vobis, ut locum pastoris lupus obtineat. Has autem litteras idcirco

aperte sigillari præcepimus, ut certior vobis auctoritatem traderemus. Datæ Romæ decimo septimo Kalendas Novembris, Indictione decima tertia.

Epistola X. Gregorii VII. Registri Lib. II. apud Binium Concil. Tom. III. Part. II. pag. 284

Indict. XIII. currebat usque ad Septembrem anno 1075. Indictio XIV. incipiebat a Kal. Septembris: ergo hæc Epistola scripta fuit 1074.

- (a) Cum Pibo Tullenſis Episcopus iuncta sibi a Metropolitano Treverico facere omiserit, & Regem Henricum pro sua defensione sollicitaverit, scribit idem Gregorius anno 1076. Indictione XIV. currente eidem Udoni Treverensi Archi-Episcopo, Theoderico Virdunensi, & Herimanno Metensi Suffraganeis, ut Pibonem ad emendationem omnium admoneant. *Epistola XII. Lib. III. Registri Gregorii VII. Apud Binium Concilior. Tomo III. Parte II. pag. 310.*

SYNODUS RATISBONÆ

Anno Christi MLXXV. Gregorii VII. Papæ III.
Henrici IV. regis XX.

SUMMA. Benmoni Osnabrugensi restituntur decimæ a Monasteriis Corbeienſi & Herveldensi detentæ.

Tempore Ludovici Imperatoris, COBBO Comes Diæcesis bona distraxerat, (a) eo quod Goswinus Episcopus, ad declinandas in Diæcesi sevientis turbas, Fulda, ubi professus erat, moraretur, sicque Diæcesis conservationi non intenderet. Erat autem ea tempestate, post ablata decimationis tempora, ejusdem decimationis rebabende commodissima ratio, imprimis videlicet omnium Ecclesiarum, vel Episcoporum, sua omnium potestative possidere, vel dispendere debere, libera facultas & consuetudo communis: tum etiam quod ipse Episcopus pro Regis fidelitate, omnibus & amplissimis devitiis dimissis, ad eum nudus & profugus venisset, quam utique Rege digna munificentia remunerari oporteret: debinc alios Regi fideles futuros, si hujus devotioni digna fuisset præmiorum recompensata largitione, ejusque voluntaria paupertas, cui nunc Rex tantis necessitatibus præpeditus, pleniter subvenire non potuit, spe aliqua future abundantie recreari expectaret. Deinde qui eam haberent, essent hostes publici, & omnimoda a Rege, pro sue perfidie meritis, calumnia & clade plectendi: & quicquid ex eadem decimatione, emolumenti & utilitatis acciperent, Regiæ esset procul dubio Majestatis minutio, hostiumque pervicacia & turpissima desertionis munitio. Si itaque Regis impensis armandi essent hostes, non sufficere utique Regi donativa, unde suos in hostes armaret. Postremo, quia jam Rex pro peccatis suis in tantis miseriis a Deo derelictus esse videretur, omnibus eum jam viribus niti oporteret; ut iuste judicando reconciliari posset supernæ justitiæ, quam plurimis iniquitatibus, & secularium maxime justitiarum neglectu omni pene vitæ suæ tempore offendisset. His itaque, aliisque per plurimis, & idoneis assertionibus Regi tandem constat esse persuasum, ut rem Episcoporum, aliorumque Christi-fidelium iudicio permitteret, eorum diffinitivæ sententiæ se submitteret, licet majores sui multo jam tempore Episcoporum & Abbatium Ecclesiarum invecturam usurpassent.

Communi

- (a) Vide Tom. II. Concilium Moguntinum anni 848. De restitutione faciendâ Ecclesiæ Osnabrugensi pag. 164.

Schatenus Tom. I. Anzal. Paderbornens. ad annum 1077. refert restitutionem Ecclesiæ Osnabrugensi ab Henrico IV. imperatam.

Comuni itaque sententia conclusum *Ratisbonæ*, Ecclesiam Osnabrugensem spoliatam, publice restituendam. Igitur Rex Henricus decimationem suam Osnabrugensi Ecclesiæ, suoque Episcopo Bennoni præsentî, omnium, qui aderant, consilio, iudicio, & consensu, recognovit & reddidit, & in æternum omnis conditionis exceptione seposita, immobiliter semper, & fixe possidere donavit, nec jam Abbati Corbejensi, vel Herfordiensi Abbatissæ, ullam deinceps querimoniam super hac re fore residuam, sed utraque monasteria illa, sua se facultate sustentarent & prædiis. Osnabrugensis autem Ecclesia decimationem suam cæterarum jure & consuetu-

dine Ecclesiarum liberrima semper possessione teneret. Quod ut firmius, & ab omni semper posset manere impiorum præsumptione stabiliter; Rex hujus rei seriem continenter aureis litteris, ipse tamen manu propria manum insignens, chartulam jussit conscribi, Regio insignitam sigillo, in cujus videlicet negotii testamentum perpes, & memoriam sempiternam, quod cyrographum in Osnabrugensi Ecclesia cura tanto diligentiore servatur, quantum contra omnes irruptiones & tentationes inconvulsus semper & firmissimus murus haberetur.

Norbertus in vita Beunonis Episc. Osnabrugensis apud Eckhart. Tomo II. Script. Germaniæ pag. 2175.

Erdmannus in Chronico Osnabrugensi: Hic Reverendus Pater Henrico III. semper fidelis, Papæ tamen nunquam infidelis fuit; imo a Papa Gregorio VII. Pataviensi Episcopo Altmanno fuit commendatus pro terminanda lite suæ Ecclesiæ Osnabrugensis contra Corbejensem Abbatem. Epistolam vide in Hundii Salisburgensi Metropoli in additionibus ad Episcopatum Pataviensem.

GREGORIUS EPISCOPUS, SERVUS

SERVORUM DEI, ANNONI COLONIENSI ARCHIEPISCOPO
SALUTEM ET APOSTOLICAM BENEDICTIONEM.

SUMMA. Monet, ut causam inter (a) Offenburgensem Episcopum, & Corbejensem Abbatem, & quamdam Abbatissam ab Apostolicis Legatis ei commissam definiat. Quod si perficere non possit, commoneat eos ad Synodum venire. Præterea clericis castitatem servandam inculcet.

UT diligentia tua, diligentissime Frater! reminisci potest, Legati nostri Ubertus Prænestinus, & Giralduſ Ostiensis Episcopi ad partes vestras destinati, litem, quæ inter Bennonem Osnabrugensem Episcopum, & Wernherum Corbejensem Abbatem, ac quamdam Abbatissam versabatur, ad se ut dirimeretur delatam, tuæ venerandæ solertiæ juste diffiniendam commiserunt. Verum nescio, qua obstante causâ adhuc indiscussa remanere nobis perhibetur. Quapropter caritatem tuam, frater carissimè! iterum duximus adhortandam, ut præfatum negotium diligenter audias, &

legitime diffinias. Ceterum si aliqua ratio, qua hoc perficere nequeas, obstitit, his sibi litteris ostensis, nos ad Synodum in prima proximæ Quadragesimæ hebdomada agendam adire commoneas; quatenus controversia inter eos diu protracta, omni occasione propulsa, Canonicum finem accipiat. Præterea sollicitudinem tuam ex parte beati Petri, communis Patris & Domini, instanter admonemus; ut non solum in Ecclesiæ tuæ Diocesi, sed etiam in omnibus Suffraganeorum tuorum Parochiis, Presbyteros, Diaconos & Subdiaconos admonitionibus tuis caste vivere

(a) *al. Osnabrugensem. Benno II, aliis Bernardus, fuit decimus octavus Episcopus Osnabrugensis, anno 1069. Kal. Januarii consecratus ab Annone Metropolitano suo Coloniensi, cooperantibus Friderico Monasteriensi ex Marchionibus Misnensibus, & Eilberto Mindenſi. Erdmann. in Chronico Osnabrugensi.*

re facias : quoniam, ut fraternitas tua novit, cæteræ virtutes apud Deum sine castitate nihil valent, sicut nec sine cæteris virtutibus castitas. In hoc igitur diligens & sollicitus studeas, quatenus, sicut in aliis virtutibus tuis, tibi Petrum

Apostolum debitorem facias. Data Romæ decimo quarto Kalendas Decembris, Indictione decima tertia.

Epistola XXV. Libri II. Registri Gregorii VII. apud Binium Tomo III. Concilior. Part. II. pag. 288.

In multis Synodis agitata fuit hæc causa decimarum Ecclesiæ Osnabrugensi restituendarum. In Synodo Moguntina anni 848. Tomo II. pag. 154; Ingelheimensi anno 972. Tomo II. pag. 654; demum in Concilio Ratisponensi anno 1075. Bennoni Osnabrugensi iterum hæc decimæ adjudicantur.



GREGORIUS EPISCOPUS, SERVUS SERVORUM DEI, (a) LEMARO BREMENSI ARCHI-EPISCOPO.

SUMMA. Incebitur in eum, quod Legatos Apostolicæ Sedis Concilium, sicut ipse iusserat, celebrare probibuerit, quodque ab eisdem Romam vocatus; venire contempserit : quare suspendit eum ab officio, quousque Romam ad Synodum accedat.

Quia suscepti beneficii, quo te sancta Romana Ecclesia voluit honestare, te immemorem, potius ingratum cognovimus, oblitum etiam promissionem, canonicamque obligationem, qua sanctæ Romanæ Ecclesiæ te fidelem, te diligere, eique ex corde obedire canonicè obligasti; non immerito super te dolendo movemur; non sine causa tibi, quem fidelem filium credebamus, irascimur. Heu inversi mores, & tempora immutata! Quem murum inexpugnabilem pro sancta Romana Ecclesia, cui licet indigni præsidemus, putabamus; quem securum fidei, quem gladium Christi sumere debere, si oporteret, tum officio tuo, tum prædicto debito pro sancta Romana Ecclesia, pro nobis etiam nostrisque successoribus credebamus; jam eum nostrumque inimicum, nostrumque oppugnatorem invenimus: tuas injurias (b) a te turpissimam & inauditam repulsam licet injuste patimur. Legatis quippe nostris, (c) Alberto Prænestinensi, & Giraldo Ostiensi Episcopis, quos ad partes illas ad id destinavimus, ut in

unum Archi-Episcopis, Episcopis, Abbatibus, religiosisque Clericis convocatis, vice & auctoritate nostra fulti, quæ corrigenda essent corrigerent, quæ religioni addenda, adderent, pro viribus impediti. Adhæc, ut & Concilium fieret, prohibuisti. Ab eisdem etiam Romam vocatus, ad institutum terminum, festivitatem scilicet sancti Andree, non venisti. Ad hæc igitur, & quam plura etiam alia corrigenda, ad proximam Synodum, quæ proxima Quadragesima prima hebdomada celebrabitur, Deo annuente, Apostolica auctoritate, tibi venire præcipimus, & invitamus, Prædictis etiam delictis nobis persuadentibus, ab omni Episcopali officio prædicta auctoritate, donec ad nos venias, te suspendimus. Data Romæ, secundo (d) Idus Decembris, Indictione decima tertia.

Epistola XXVIII. Libri II. Registri Gregorii VII.

Apud Binium Concil. Tomo III. Parte II. pag. 288.

GREGO.

(a) alias Liemarum, ut apud Lambertum anno 1073. & alibi. Licmarus, alii Leimarus, ab anno 1072, quo Albertus obiit, sedit in sede Bremensi annis XXX, cui Papa Alexander II. Pallium misit.

(b) forte: atque.

(c) forte: Huberto.

(d) forte: Nonas.

GREGORIUS EPISCOPUS, SERVUS

SERVORUM DEI, HENRICO REGI, SALUTEM ET APOSTOLICAM BENEDICTIONEM.

SUMMA. Letatur, quod Legatos Apostolicos benigne exceperit, & sibi devotæ servitutis obsequium præstiterit, & det operam, ut in Regno suo Simonia & fornicatio Clericorum exstirpetur. Monet, fidos ac prudentes consiliarios sibi adfiscat; Mediolanensi Ecclesiæ jus suum restituat, & Episcopos vocatos ad Synodum venire curet, quibuscum Legatum mittat.

Quamquam, fili carissime; causam Mediolanensis Ecclesiæ non ita composueris, quemadmodum litterarum ad nos missarum series pollicitatione continebat; tamen, quia legatis nostris te benevolum tractabilenque præbuisse, eorumque interventu quasdam res Ecclesiasticas laudabiliter correxisti, nobis quoque per eos congruæ salutationis, & devotæ servitutis exhibitionem transmisisti, gratanter accepimus. Sed & illud, quod pie memoriam Agnes mater tua Imperatrix Augusta apud nos constanter testificata est, iidemque legati Episcopi attestati sunt; simoniacam scilicet hæresim funditus de regno tuo exstirpare, & inveteratum morbum fornicationis Clericorum toto annisu corrigere velle, vehementer nos hilaravit. Filia quoque nostræ, fidelissima vestra, Beatrix Comitissa, & filia ejus Mathildis, non modice nos latificavere, scribentes nobis de amicitia, & sincera dilectione vestra: quod libentissime accepimus. Quarum consilio, sed & persuasu dilectissimæ vestrae Augustæ, ad hoc industi sumus, ut has vobis litteras scriberemus. Quamobrem, licet peccator, memoriam tui inter missarum solemnia super corpora Apostolorum, & habui, & habeo: suppliciter obsecrans, ut Deus omnipotens, & hæc tibi bona stabiliat, & ad profectum Ecclesiæ suæ ampliora concedat. Moneo autem te, fili excellentissime, & sincera caritate exhortor, ut in his rebus tales tibi consiliarios adhibeas, qui non tua, sed te diligant, & salutis tuæ, non lucro suo, consulant. Quibus si ob-

temperaveris, Dominum Deum, cujus causam tibi suggerunt, protectorem, propitiumque habebis. Porro de causa Mediolanensi, si viros religiosos & prudentes ad nos miseris, quorum ratione & auctoritate clarescat, Sanctæ Romanæ Ecclesiæ bis Synodali judicio firmatum, posse aut debere mutari decretum; iustis eorum consiliis non gravabimur acquiescere; & animum ad rectiora inclinare. Sin autem impossibile esse constiterit, rogabo & obsecrabo sublimitatem tuam, ut pro amore Dei, & reverentia Sancti Petri, eidem Ecclesiæ suum jus libere restituas; & tunc demum Regiam potestatem^(a) recte obtinere cognoscas, si Regi Regum Christo ad restaurationem, defensionemque Ecclesiarum suarum faciendam, dominationis tuæ altitudinem inclinas, & verba ipsius dicentis cum tremore recogitas: *Ego diligentes* ^(b) *me diligo, & honorificantes me honorifico: Qui* ^(c) *autem me contemunt, erunt ignobiles.* Præterea noverit sublimitatis tuæ dignatio, nos Sigefredo Moguntino Archiepiscopo litteras misisse, evocantes eum ad Synodum, quam, Deo auctore, proximæ quadragesimæ prima hebdomada celebraturi sumus. Quod si venire non posse patuerit, tales mittat legatos, qui vicem ejus Concilio representent. Similiter Bambergensem, Stratzburgensem, Spirensensem, adesse præcipimus, introitus sui, & vitæ rationem posituros. Qui si forte, ut est hominum protervia, venire distulerint, Regiæ tuæ potestatis impulsu petimus, ut venire cogantur; cum quibus volumus a latere tuo legatos tales transmitti, qui nos fideliter doceant, & de ingressu

[a] forte: recte te.

(b) Proverb. VIII.

(c) I. Reg. II, 30.

& de vita eorum : quorum relatione , Data Romæ septimo Idus Decembris ,
cognita veritate , ad liquidum certius indictione decima tertia,
possimus de indubitatis proferre iudicium.

Epistola XXX. Lib. II. Registri Gregorii VII.

Apud Binium Tomo III. Concilior. Part. II. pag. 289.

CONVENTUS NUREMBERGENSIS

REGIS HENRICI IV, ET QUINQUE LEGATORUM
PONTIFICIORUM.

- §. I. *Regi pœnitenti de Simoniacis collationibus absolutio promissa.*
§. II. *Legatis petentibus indictionem Synodi in Gallia , ubi Clerici Germanici Simonie punirentur , denegatum : Moguntinus & Bremensis se esse Legatos Papæ professi sunt. Liemarum Bremensis postea suspensus fuit a Gregorio VII.*

REX celebrata in Babenberga Pœschali solemnitate Nurenberg perrexit obviam Legatis Apostolicæ Sedis. Erant autem hi, mater ejus Imperatrix, Episcopus Ostiensis, Episcopus Prænæstinus, Episcopus Curiensis, Episcopus Comensis, Missi a Romano Pontifice, componere, si possent, multo jam tempore vacillantem statum Galliarum. Nec tamen cum Rege sermonem communicare, sæpius rogati, consenserunt, donec secundum Ecclesiasticas leges pœnitentiam professus, per iudicium eorum anathemate absolveretur, pro eo, quod propter venditas Ecclesiasticas dignitates *Simoniacæ hæreseos insimulatus fuisset apud Sedem Apostolicam.* Quod ad hanc partem pertinet, eum pœnitentem absolutum fuisse, ejusdem Gregorii litteræ postea ad eum datæ, & aliæ ad Matrem ejus scriptæ, significant, inferius recitandæ. *Quæ præterea per eosdem Legatos tunc sint gesta ex Bertoldo sic accipe.*

Itaque, inquit, petierunt verbis Romani Pontificis ipsi Legati, ut Synodum tenere intra Galliam pace Episcopo-

rum sinerentur. Vehementer hoc abnuerunt omnes Episcopi, tamquam inusitatum, longeque a suis rationibus alienum. Nec se hujus auctoritatis privilegium ulli alii, præterquam ipsi Romano Pontifici unquam delaturos, affirmabant. Siquidem intenderat Romanus Pontifex, ut omnes Episcopos & Abbates, qui sacros gradus pretio redemissent, discussione habita, deponeret; jamque hac de causâ Babenbergensem Episcopum, & alios nonnullos ab omni Divino officio *suspenderat*, donec coram venientes inustum sibi crimen hæreseos digna satisfactione purgarent. Et Rex quidem cupide hoc volebat, odio Wormatiensis Episcopi, & quorundam aliorum, qui eum bello Saxonico offenderant, quos hac calumnia involvendos, & dignitatis suæ detrimenta passuros spe certissima præsumpserat. Sed quia per Legatos res tanta posse confici desperabatur: consulto in audientiam ipsius Romani Pontificis delata est. *Hucusque de hac Legatione Lambertus. Qui autem res gestas Papæ Gregorii prosecutus est, Petrus Bibliothecarius, de eadem hac agens Legatione, hæc addit :*

Re-

1074. hoc tempore Legati Sedis Apostolicæ, Agnes Mater Regis Henrici, Gerardus Episcopus Ostiensis, Uberrus Episcopus Palæstrinæ, Rinaldus Episcopus Comensis, Henricus Episcopus Curiensis, in Alemanniam venere pro ipsius Regis moribus corrigendis. In quorum manibus se Rex ipse, sub correctionis sponcione commisit, suumque auxilium Domino Apostolico ad deponendos Simoniacos firmissime promisit. Ipsi etiam Regis Consilarii omnes res Ecclesiarum, injuste acquisitas, se reddituros coram ejusdem Legatis sub Sacramento promittere: quippe qui easdem res a Simoniacis emerint, consilio suo indignos ad Ecclesiasticum honorem adjuvando. His itaque dispositis, Legati Sedis Apostolicæ redierunt. *Bertoldus Constantiensis.*

Receptis igitur affectuose Legatis Episcopis, & digno cum honore tractatis; cum dies plurimos Rex de sua emendatione sanctæ communionis verba mansuete & pacifice audivit: quinque nobiles viros suos familiares, ab Alexandro Papa excommunicatos, vix a consorcio & societate sua removit. SYNODUM vero in ratione ipsa celebrare Legatis nequam permisit, allegans Liemarum, Bremensis Archi-Episcopus, vices Romani Pontificis sibi, sicut & Moguntino Archi-Episcopo in Germania, antiquis privilegiis esse concessas.

An Vicariatus Apostolicus Moguntini & Bremensis expiraverit morte primi Papæ concedentis.

Cui Legati Sedis Apostolicæ de Legationis officio responderunt. Venerabilis Frater, certum tibi esse debet, quod neque auctoritas canonica, neque mos Ecclesiasticus est, ut ultra obitum ejus, qui dederat, Romani Pontificis auctoritas protendatur. Hæc idcirco, quod tam Bremensis, quam Mogunti-

nus, se etiam esse Legatos jactarent Sedis Apostolicæ, accepto privilegio ab ejusdem Gregorii Papæ prædecessoribus: *Pergit vero*

Præterea sicut in *primi Leonis Papæ quodam Capitulo* legitur: Pontifex Romanus vices suas ita committit; ut qui accipiunt, in partem sollicitudinis sint vocati, non in plenitudinem potestatis. Sed ut ad finem hujus contentionis breviter veniamus: Synodus hac sagacitate est deturbata, Bremensis vero pro inobedientia & rebellione ab officio sacerdotali est *suspensus*, (b) & Legati a Rege amplis muneribus honorati, cum ejus gratia, & benigno responso incolumes ad urbem Romanam redierunt.

Bertoldus Constantiensis ad annum 1074.

Ilmus Baronius ad annum 1070. Ex Lamberto Schaffnaburgensi, & Petro Gregorii VII. Bibliothecario hæc adnotavit de gestis in Conventu Norimbergensi.

(b) Literæ suspensionis Liemari Bremensis, a Gregorio VII. scriptas, refert Baronius ad hunc annum No IV.

CONCILIIUM PATAVIENSE

SUB ALTMANNO EPISCOPO.

Anno Christi MLXXIV. Gregorii VII. Papæ II.
Henrici IV. regis XIX.

SUMMA. Promulgantur Decreta Synodi Romanæ de continentia Clericorum & vitanda Simonia: Oppositio violenta Cleri.

Sed promotor, ut dixi, ante alios fuit Altmannus, qui, *ut auctor vitæ refert*, collecto undique fratrum Concilio, in ipso ecclesiæ Pataviensis gremio epistolas, ab Apostolico missas, coram omnibus recitari præcepit, canonica jura proposuit, consecratos viros ab uxoribus abstinere censuit. Qui graviter dolentes se assueta relinquere, & insuetis colla submittere, responderunt: *Se nec velle, nec posse banc consuetudinem deserere*, quam ab antiquis temporibus constaret, eos sub omnibus antecessoribus episcopis habuisse. Quibus ipse respondit: *Nec se velle, nec posse eis consentire ad hoc flagiti-*

Y 3

um. Sed cum ei nulla ratione assensum præberent, magis autem pravo consilio de interitu ejus tractarent; ut sapiens medicus interim conticuit, & secretum consilium cum sapientibus super hac re habuit. Adveniente autem *Festo S. Stephani*, cum plurimi convenirent primates & populi, fortis præliator Christi, accensus zelo Dei, tota arma justitiæ convertit in ipsam arcem iniquitatis, & fortiter aggressus est debellare impugnatores castitatis. Nam coram omni frequentia Cleri, & populi ascendit in ambonem, & publice recitavit Apostolicæ epistolæ tenorem, gravi interminationis auctoritate

ritate interdicens Canonicis & Presbyteris conjugia secundum canonum, & Apostolica instituta. Qui omnes unanimiter furore repleti, jam tunc in præsentiarum Dei famulum furibundis manibus discerpissent; nisi Divinum auxilium, & optimatum præsentium præsidium fuerint obstitisset. *Hæc ille: quæ facta omnino videntur eodem Anno 1074. Fæsto S. Stephani, ut dictum.*

Inter seditiosos præcipuus fuit Egilbertus, Præpositus majoris Ecclesiæ, & Scholasticus, qui Episcopo decretum pronuntianti, ausu temerario in faciem restitit (*ita memorant gesta Treverensia*) Dicebat is, Imperatori licere, nec idcirco Ecclesiæ consortium amittere, si non

spiritualia, sed regalia sua gratis, pretiove, cui voluerit, impendat. Multis itaque sermonibus pro hujusmodi ad invicem collatis, cum vidisset eum Episcopus incorrigibiliter Simoniacæ parti, & nihil Ecclesiasticæ assentire; iussit eum a communione Ecclesiæ alienum existere, usque dum universali Papæ præsentatus, unitati Ecclesiæ per ipsum meruerit sociari. Proinde cum diutius hæsitasset, demum voluntas ei Romam proficiscendi incidit. &c.

*Hansfz. Tomo I. Germaniæ sacræ.
Ex Biographo S. Altmanni, & gestis
Treverensibus apud Gretserum Tomo VI. operum novæ edition. p. 451.
452.*

Ab hoc tempore Paraviensis Diœceseos vastatio per Henricum IV. Altmanni exilium, iter in Saxoniam, Romam, fere septennio. Intrusio novi Episcopi schismatici Thyemonis. Quæ Hansfz. loco citato fuse describit.

SYNODUS TULLENSIS

ANNO CHRISTI MLXXIV. GREGORII VII. PAPÆ II.
HENRICI IV. REGIS XIX.

SANCTI Apri Tullensi Monasterio cum præesset Wido Abbas, exorta est inter eum & Odelricum militem controversia de portione prædii Paini-villæ, quod idem miles cum matre sua Holdierde, cellæ ejusdem loci ad subsidium fratrum inibi Deo servientium, contulerat tempore Widrici Abbatis, ejusdem Widonis antecessoris. Eidem militi hujus loci mansionile ad vitam concesserat Widricus, ea lege, si hæres illi ex legitima uxore præveniret, ei relinqueretur: Si vero non esset, ipse quidem illud vitæ suæ tempore ad usum fructum possideret. Postea vero idem miles rem datam denuo invasit, fratresque ejusdem loci cum eorum familia non modicis injuriis

affecit. Id cum animadverteret Pibo Episcopus, qui visitationis causâ ad eandem cellam diverterat, hanc litem dirimit, & donationem factam prædictæ cellæ vindicavit, ut ex ejus authentica carta discimus. *Acta Tulli publice in plenaria Synodo, V. Idus Octobris; anno ab Incarnatione Domini MLXXIV. Indiæ XIII. a Septembri inchoata, regnante Henrico IV. Romanorum Rege, anno Regni ejus XVIII. Duce Theodorico.* Huic carta affixum erat Sigillum Pibonis Episcopi, & apposita signa cum ejus, tum Hugonis Primicerii, aliorumque Canonicorum, in his etiam Hugonis Cardinalis sanctæ Romanæ sedis.

Mabillon. Annales Benedictini.

EPISTOLA GREGORII VII. PAPÆ

AD DIETWINUM EPISCOPUM LEODIENSEM.

GREGORIUS EPISCOPUS, SERVUS SERVORUM DEI, (a) LEODICENSI EPISCOPO SALUTEM, ET APOSTOLICAM BENEDICTIONEM.

Reprehendit eum tanquam Simoniacum, monetque, ut respiscat: fornicationem e clero extirpet, & a contumeliis, Abbati de sancto Huber.

(a) *Leodienſi* qui Dietuinus, & Theoduinus, dicebatur, ut apud Lambertum.

Huberto, inferendis abstineat, utque Ecclesiam quandam in sua Diœcesi, vel per se, vel per Metensem Episcopum consecret, eique suorum peccatorum absolutionem impartitur.

Am multo tempore audivimus, & multorum relatione comperimus, te per plura in Episcopatu adversus instituta Sanctorum Patrum fecisse, videlicet in venditionibus Ecclesiasticarum dignitatum, & Canoniarum Præbendarum. Unde tibi multum condolemus, & fati obstupefcimus, cum tantum honorem gratis susceperis, & cum prudentes & religiosos viros inveniis, honores Ecclesiasticos gratis non erogaveris, sed declinasti ab exemplo tui antecessoris, introductione novæ consuetudinis. Ratione igitur justitiæ his de causis sententiâ in te esset animadvertenda: Sed parcimus propter senilem ætatem, & quia charissimus frater noster, Hermannus, Metensis Episcopus, tuæ Ecclesiæ filius, te multum apud nos excusavit, imputans aliis, quæcunque super his male disposueris, quorum consilio usus fueris. Commovemus ergo te Apostolica auctoritate, ut quid egeris, attendas, & iudicium, ad quod properas, expavescas, & amplius desistas ab huiusmodi transgressionibus; & in quibuscunque poteris, studeas corrigere, immutando, quæ egeris. Præcipimus etiam, ut admoneas, & coerceas quoscunque sacri ordinis ministros, caste vivere, & concubinas omnino derelinquere, & extermina nefas secundum Patrum traditionem, quod

temporibus modernis inolevit ex taciturnitate Pastorum; ne cum male operantibus propter silentium damneris, & ipsi æternæ mortis incurrant periculum. Compertum est nobis, te contumelias, quorundam consilio intulisse Abbati de S. Huberto, propter privilegium, quod a nobis suscepit. Sed excusamus eum, quod contra detrimentum, & honorem Ecclesiæ tuæ nihil fecerit. Unde te monemus, & rogamus, ut permittas eum in pace, & in omni tranquillitate. In Diœcesi etiam tua Manucensis Comitum Ecclesiam, quam adhuc consecrare distulisti, rogamus, ut consecres. Si vero ex debilitate corporis id agere nequiveris, committe hanc obedientiam Charissimo Filio nostro Metensi Episcopo. Quod si non acquieveris, justam & rationabilem causam, quare dimiseris, rescribas. Et quia in extremo videris positus, fraternâ compassione ducti, auctoritate B. Petri Apostolorum Principis absolvimus te a peccatis tuis, & Dominum pro te exoramus, ut interventu Beatorum Apostolorum inter electos æternum merearis consortium. Data Romæ 10. Kalend. April. Indiēt. 13.

*Lib. II. Regesti S. Gregorii VII. Epistola
LXI. apud Binium Part. II. T. III.
Concilior.*

Laudatissimæ memoriæ Episcopum Theodwinum Fulloniū, Fisen, & Chapeauville, cæterique Historiographi Ecclesiæ Leodiensis testantur, & mirantur, quo accusatore calumnia de Simonia, de qua hic scribitur, ad aures Papæ pervenerit. Cæterum ipse Pontifex, excusare conatur optimum Anstitem, & discordiæ inter Abbatem Hubertinum & Episcopum conciliandæ viam aperit.

EPISTOLA

SIGEFRIIDI, ARCHI-EPISC. MOGUNTINI,

AD SUFFRAGANEOS, ET PROVINCIÆ SUÆ ABBATES.

Encyclica de decreto Synodi Romanæ, de continentia Clericorum.

**SIGEFRIDUS MOGUNTINUS ARCHI-EPISCOPUS, EPISCOPIS, ET ALIIS
ECCLESIARUM PRÆLATIS IN PROVINCIA SUA CONSTITUTIS,
SALUTEM IN EO, SINE QUO SALUS ESSE NON POTEST.**

Placuit Domino Papæ, ut mitteret quosdam de Curia pro reformatio- do Ecclesiarum statu, & maxime manifesta cohabitatione mulierum Clericis pro-

prohibenda. Illi autem diligenter executi, quod eis injunctum fuerat, quibusdam per suspensionem, aliis per excommunicationem præceperunt, ut concubinas dimitterent, & ulterius non admitterent; sed parum in aliquibus profecerunt.

Nos igitur videntes, quod occasione hujus mandati facti sunt plurimi transgressores, scandalumque, quod exinde ortum est, & infamiam Clericorum, quæ secuta est; significavimus Domino Papæ. Unde ipse nobis dedit in mandatis, ut, quia multitudo est in causa, propter quam detrahendum est feveritati, talibus misericorditer consulamus.

Inde est, quod mandamus vobis, qui subditos habetis, ut, quemcunque inveneritis (a) cautilatam habentem conscientiam, eo quod tali vitio laboraverit, & concubinas a se non removerit; eum ad nostram præsentiam transmittatis, ne indigne accedens ad Altare Dei, iudicium sibi manducet, & bibat. Interdicimus enim, sicut nobis injunctum est, cum tali, auctoritate Apostolica dispensare.

Ex veteri codice MS. Bibliothecæ Metropolitanae Moguntinae descripsit Cl. Sebanatus, b.m.

(a) forte: cauteriatam.

CONCILIIUM PASSAVIENSE

ANNO CHRISTI MLXXV. GREGORII VII. PAPÆ III.
HENRICI IV. REGIS XX.

SUMMA. Literæ Synodi Romanæ de continentia Clericorum præleguntur & commendantur.

Fuit eo tempore per universum fere Regnum Teutonicum grave scandalum, & communis querela de incontinentia Sacerdotum. Neque enim occulta latebat, sed *frons* (a) meretricis facta erat eis, & erubescere erubescant. Delata est res ad aures Romani Pontificis, visumque, ut decretalibus Epistolis tantam enormitatem argueret, & prohiberet. *Annuunt, & congratulantur Episcopi*: Et pro posse, salutaribus mandatis cooperantur. Quam ob rem B. ALTMANNUS collecto fratrum Concilio, in Pataviensi Sede, literas super hac re ad se directas recitari jubet, obsecrans & exhortans, ne gravis iudicetur pudicitia, quæ speciali apud Deum remuneratur corona. Quæ, cum omnis fidelis animæ insignis sit ornatus, eos tamen permaxime debet adornare, qui

sanctam, & immaculatam hostiam corporis & sanguinis Christi, pro universis nobis, divinæ offerre debent Majestati. Quid plura? Pluribus verbis bonus Pater, & prudens Doctor, tantæ virtutis, & tam amplectendæ puritatis suadet amorem; sed, non persuadet. Tuentur se illi antiquitate temporum, & auctoritate antecessorum suorum, quorum neminem in hujusmodi severum tulerunt, & violentum. Respondet servus Christi, se quoque ab his velle quiescere. Si mandatum Domini Papæ indulgeat. Nunc autem timere se sibi; timere illis, pro eo, quod scriptum est, *Non* (b) *solum eos, qui faciunt, sed & qui consentiunt facientibus, dignos esse morte*; Nil ergo proficiens, solvit consensum.

Gretserus Tomo VI. novæ editionis p. 451. ex Biographo S. Altmanni.

[a] Epistolam & Concilium Romanum refert *Baronius*.
(b) *Roman. I.*

GREGORIUS EPISCOPUS,

SERVUS SERVORUM DEI, ANNONI COLONIENSI ARCHIEPISCOPO, SALUTEM ET APOSTOLICAM BENEDICTIONEM.

SUMMA. Ut habito suorum Episcoporum Concilio decreta Apostolicæ Sedis de castitate Clericorum promulget, & servanda curet. Exponit quoque se in Synodo contra Simoniacos statuta confirmasse.

Constat Ecclesiam Coloniensem inter ceteras Regni Teutonici Ecclesias sanctæ & Apostolicæ Sedi, cui, Deo auctore, deservimus, ita fide & dilectione atque obsequiis ab annis prioribus esse devinctam, ut singulari familiaritate, & gratia caritatis apud eam tamquam apud matrem dulcissima filia præpollat. Quem benevolentiae laudabilis usum ab antecessoribus nostris ad nos usque deductum, non solum observare sed etiam ampliare, augmentare pro rerum opportunitate & temporum modis omnibus sum paratus. Hinc etiam, carissime frater; de obedientia tui securior fiducialius adhortor & moneo atque communis Domini beati Petri auctoritate præcipio, ut ad castitatem Clericorum prædicandam atque inculcandam, juxta patrum decreta, & auctoritatem canonum, cum suffraganeis tuis omnibus studiosius accingaris, ut sponsæ Christi, quæ maculam nescit aut rugam, candidatæ & immaculatæ familiæ gratiosum exhibeatur officium. Novit enim fraternitas tua, quia præcepta hæc non de nostro sensu exculpimus, sed antiquorum Patrum sanctiones Spiritu Sancto prædicante prolatis, officii nostri necessitate in medium propalamus: Ne pigri servi subeamus periculum, si dominicam pecuniam, quæ cum fenore repositur, sub silentio abscondamus. Quamquam huic sanctæ Romanæ Ecclesiæ semper licuit, semperque licebit, contra noviter incrementos excessus nova quoque decreta atque remedia procurare: Quæ rationis & auctoritatis edita judicio, nulli hominum sit fas ut irrita refutaret. Urget nos etiam timor illius

maledicti, quod per Salomonem depromitur, usque (a) ad id quod in superiore Epistola ait: Obedientia ergo est, sine qua licet fidelis quisque videatur, infidelis esse convincitur. Sed ut ea, quæ dilectioni tuæ injungimus compendiosius efficaciusque prosequaris cum fratribus, & Coepiscopis tuis Concilium (b) cogere suademus: In quo quam maximo poteris Clericorum cœtu congregato, leges canonicas, & Sedis Apostolicæ auctoritatem, tuamque & confratrum omnium patenter promulgabis; quanta castitatis sit virtus, quamque Ecclesiasticis gradibus necessaria, seu quam sponsæ virginis & virginis sponsæ cubicularis sit competens, ut Deo donante nostri, latius expones. Subinde firmiter pronuntiabis, non ulterius sibi licere, quod in perniciem sui hactenus usurparunt; cum tolerabilius omnino sit cessare ab officio, quam incestam vel etiam molestatam suo Salvatori ingerere servitutem; & inde sibi iram coacervare atque supplicium, unde præmium debuit emereri. Quod si te fideliter hæc, & firmiter exequentem tribulatio ac persecutio invenerit, respice ad eum, qui dixit: Confidite (c) ego vici mundum. Nos quoque clypeo beati Petri munitos indubitanter noveris, seu ad repellendos hostes, si possumus, seu ad protegendum te, omni hora paratissimos inveniri. Illud quoque fraternitati tuæ notum esse volumus, contra Simoniacam hæresim in Synodo confirmasse (nam a sanctis Patribus longe ante statutum est) ac vehementer prohibuisse, ut neque Ecclesiæ ullatenus vendantur, aut pro manibus impositione pretium accipiatur. Quod si hoc

(a) Gregorius Libro 35. Moral. cap. 20.

(b) Infirmitates & mors S. Annonis hoc anno infecutæ videntur Concilium Colonienſe petritum impediſſe. Sed Morckenſius cenſet ſtrenue ab S. Annonē Pontificio præcepto paritum fuiſſe, & Concilium Colonie coactum: eſt Biographi non meminerint.

[c] Joannis XVI, 33.

si hoc modo ordinatus aliquis fuerit, ut hæc diligenter observetis, enixius ad-
eum a Missæ celebratione, & Evange- monemus. Dara Romæ, quarto Kalen-
lii læctione omnimodis removemus, & das Aprilis, Indictione decima tertia.

Epistola LXVII. Lib. II. Registri Gregorii VII.

Apud Binium Tomo III. Concil. Part. II. pag. 300.

XX

LATROCINALE CONCILIABULUM

WORMATIENSE MENSE MARTIO,

Anno Christi MLXXVI. Gregorii VII. Papæ IV.

Henrici IV. Regis XXI.

Eodem anno in mense Martio Hen-
ricus Concilium XXIV. Episcoporum,
compluriumque Abbatum, &
Clericorum, atque Principum celebrari
fecit in Wormatia, in quo Rege ipso
Henrico præfente pene omnes Episcopi
Teuthonici præter Saxones, Gregorium,
non sanctum Dei Vicarium, sed Anti-
Christum; non Petri successorem, sed
invasorem sacrosanctæ sedis nimis temere
blasphemantes, inter quos multi ex ig-
norantia, ac sinistro informat, ab æmu-
lis justitiæ in ejus damnationem consen-
tientes vel sponte, vel invite subscripse-
runt.

Interea supervenit quidam e Roma
Cardinalis propter sua scelera & impro-
bos mores per S. Papam Gregorium VII.
a Cardinea dignitate per sententiam de-
jectus, nomine & cognomine *Hugo Blan-
cus*, homo perjurus, iniquus, & mina-
rum & crudelitate plenus, nihil magis
appetens, quam vindicare suam a Car-
dinalatu dejectionem; deferens secum
de vita & institutione Papæ Gregorii
scenicis figmentis tragediam consimilem; vi-
delicet unde oriundus? qualiter a juven-
tute conversatus? quibus dolis & arti-
bus malis sedem invaserit Apostolicam?
quæ ante Pontificatum, & quæ postea
commiserit horrenda, & incredibilia pe-
nitus flagitia? Natum ex fornicatione,
necromanticis ab ineunte ætate studiis
operam dedisse, ac Dæmonum patrocini-
o sedem obrinuisse Petri, Commenta-
tor fabulæ sanctum virum perversa de-
latione mendacissime composuit. Hu-
jus viri Apostatæ præsentiam, & aucto-
ritatem omnes, qui cum Rege senserant,
quasi divinitus sibi Paracletum missum,

& destinatum, cum magna veneratione
susceperunt, cunctis, quæ contra S.
Pontificem mendaciter produxit in me-
dium, indubitatam fidem adhibentes.
Quocirca sententiam promulgarunt,
Hildebrandum Papam esse nec posse,
nec debere, nec ullam potestatem li-
gandi, vel solvendi penitus habere, qui
tantis vitam probis & criminibus com-
maculasset. Itaque depositionis ab omni
Pontificatus ejus officio sententiam ful-
minantes, scripto commendarunt, &
quatenus universi præfentes in Concilio
Episcopi subscriberent, decreverunt.
Cumque omnes ad complacendum Regi
Heinrico damnationi Gregorii Papæ ni-
hil cunctati subscriberent.

ADALBERO HERBIPOLENSIS
Episcopus, & HERMANNUS ME-
TENSIS Episcopus, aliquamdiu forti-
ter coram omnibus restiterunt, aucto-
ritatem sacrorum Canonum allegantes:
qui dicunt *Episcopum sine audientia synodali
non debere, nec posse deponi*. Tandem vero
post longam concertationem WILHEL-
mus Trajectensis Episcopus, qui Papæ
Gregorii nimio laborabat odio, & par-
tes schismatici Regis ultra condignum
tuebatur, suis comminationibus duorum
recte sentientium constantiam vincens,
ut cum aliis subscriberent, effecit. No-
mine itaque totius *Concilii præscriptæ
literæ* Romam diriguntur ad Papam, in-
juriis, probis, & contumeliis plenæ,
in quibus illum denuntiant a summo Pon-
tificatu auctoritate totius Concilii de-
positum, in quarum fine ita conclude-
bant: "Quia ergo introitus tuus tantis
" perjuriis est initiatus, & Ecclesia Dei
" tam gravi tempestate per abusionem
povi-

" novitatum tuarum periclitatur, & vi-
 " tam conversationemque tam multipli-
 " ci infamia dehonestati, obedientiam,
 " quam tibi nullam promissimus, nec de
 " cætero ullam servaturos esse, renun-
 " ciamus. Et quia nemo nostrum, ut
 " tu publice declamabas, tibi hætenus
 " fuit Episcopus: tu quoque nulli no-
 " strum eris Apostolicus." Cum has
 Papa Gregorius litteras sibi Romam des-
 tinatas, recepisset, nihil motus, Epi-
 scoporum & Cleri Synodum convocans,
 eas publice coram omnibus legi præce-
 pit, mirantibus cunctis, & nimium in-

dignantibus temeritatem Præfulum Teu-
 thonicorum, qui sanctum sane ac inno-
 centem Papam tantis contumeliis teme-
 rare præsumpissent.

*Trithemius in Chronico Hirsaugiensi ult.
 editionis ad 1076.*

*Lambertus Schaffnaburg, ad 1076. feria
 II. secundæ hebdomadæ in Quadrag.
 quem Trithemius descripsit.*

Sigebertus in Chronographia ad 1077.

*Muratorii Annales Italiae ad 1076. Do-
 minica Septuagesimæ, Indiæ. XIV.*

EXITUS CONCILLABULI WORMATIENSIS.

Ex nomine omnium, qui convenerant Wormatiam, Episcoporum, & Abbatum, plenæ contumeliarum literæ Romam destinantur per Rolandum, Clericum Remensem. . . Legati summo conatu iter accelerantes, pridie, quam Synodus indicta celebraretur, Romam ingressi litteras tradunt. *Ita Lambertus Schaffnaburgensis pag. 404. edit. Struvianæ. Sed Paulus Bernriedensis in vita Gregorii VII. pag. 144. edit. ult. Gretseri Tomo VI. rectius sic.* Statuerunt Wormatiæ, ut non ante literæ darentur, & verba, quam Synodus, quæ congregata in Romana Ecclesia fuerat, plenius hoc audire posset, quod etiam factum est.

Nam & Papa Synodum faciente, quidam Parmensis Clericus Domni Apostolici ad injuriam, cum eisdem literis præsentare se non abhorruit, & easdem blasphemias in facie totius Ecclesiæ & Conventus proferre, non formidavit.

Postquam finito hymno, facturus sermones exhortationis omnibus Papa confederat; Legatus Wormatiensis sic Papam alloquitur: " Dominus meus Rex, & Episcopi
 " omnes Ultramontani, & Italici præcipiendo mandant, ut invasam sedem B. Pe-
 " tri, & Romanam Ecclesiam, amodo dimittas. Non est enim dignum, sine præ-
 " cepto illorum & Imperiali dono tantum honorem scandere." Et conversus, Cle-
 ro Romano dixit: " Vobis dicitur, Fratres, ut ad futuram Pentecostes solemnita-
 " tem Regio conspectui vos repræsentetis, suscepturi de manibus Regis Papam, &
 " Patrem; quia hic non Papa, sed lupo esse dignoscitur rapax.

Ad cujus verba mox Joannes, Portuensis Episcopus, morum honestate & Religione vir præclarus, facto impetu surgens; immensa voce clamavit: *Capiatur.* Tunc præfatus facto impetu cum iudicibus, militibus, & Romanis nobilibus, tantum impostorem in ipsa Ecclesia Salvatoris Lateranensi, evaginatīs gladiis interimere voluit, & fecisset, nisi Pius Pater toto corpore se super eum projecisset, omnibus de ejus morte clamantibus.

Hoc facto Papa Gregorius vitam impudentissimo bipedi salvavit, & pulcherrima oratione facti sui rationem ex Evangelio reddidit.

Submoto e Synodo Rolando, Papa sciscitatus est mentem Patrum Synodi de Wormatiensis Epistola. Omnes contra blasphemiam Henrici & Fautorum vindictam postularunt, Sedis Apostolicæ tutelam. Rursum omnibus acclamantibus, definitum est, ut Rex honore Regio (a) privaretur, & anathematis vinculo tam Rex, quam omnes ei assentanei sui colligaretur. Tum demum Papa pronuntiavit sententiam.

Paulus Bernriedensis apud Gretserum Tomo VI. pag. 144. & seqq.

Bruno de Bello Saxonico Fol. 123. 124. apud Freherum Tomo I. Scriptor. German. Autor vite S. Anselmi Lucensis pag. 471. ex editione Gretseri Tomo VI.

Binius Tomo IV. Concilior. Parte II. pag. 396. 397. & judicat in tertio Concilio Romano sub Gregorio VII. has literas Wormatiensis Conciliabuli præsentatas fuisse; anno 1076. Idem judicat Lupus Tomo VI. Operum pag. 49.

CON.

[a] Non in hoc tertio Romano Concilio Henricum IV. Regem degradatum fuisse, sed excommunicatum dumtaxat fuisse censet *Christianus Lupus operum Tomo VI. pag. 49. 50.*

CONVENTUS ULMENSIS

ANNO CHRISTI MLXXVI. GREGORII VII. PAPÆ IV.
HENRICI IV. REGIS XXI.

Episcopi & Proceres, Catholico Papæ adhærentes, statuunt diem Conventus habendi Triburiæ XVII. Kal. Novembr. pro pace Ecclesiastica restituenda, missis Encyclicis ad omnes Principes Sueviæ, Bajoriæ, Saxonie, Lotharingiæ, Franciæ.

Interea Rudolfus Dux Suevorum, Welf Dux Bojariorum, Bertholdus Dux Carentinorum, Adelbero Episcopus Wirtzburgensis, Adelbertus Episcopus Wormatiensis, & alii, quos Reipublicæ calamitas movebat, in loco, qui dicitur Ulma, conventu habito, statuerunt; ut omnes, quicunque Reipublicæ consultum vellent, XVII. Kalendas Novembris Triburiam convenirent, & variis cladibus, quibus per multos jam annos

Pax Ecclesiastica turbabatur, tandem aliquando malorum pertæsi finem facerent. Hoc Sueviæ, hoc Bojariæ, hoc Saxonie, hoc Lotharingiæ, hoc Franciæ Teutonicæ Principibus denuntiarunt, universosque in commune per Deum obtestabantur, ut omni excusatione relegata, cuncta privatæ rei sollicitudine posthabita, hanc singuli communibus commodis vel extremam operam dependerent.

Lambertus Schaffnaburgensis ad h. annum.

CONVENTUS TRIBURIENSIS

ANNO CHRISTI MLXXVI. GREGORII VII. PAPÆ IV.
HENRICI IV. REGIS XXI.

Novem Archi-Episcopi, Abbates & Proceres reconciliantur Romano Pontifici, Rex Henricus cedere se velle simulans, sub quatuor conditionibus Rex habendus decernitur. Subscribuntur conditiones a Legatis & Episcopis. Tullensis & Spirensis Episcopi Romam tendunt.

Statuta, die, juxta dictum, Principes Sueviæ, & Saxonie Triburiam convenerunt, obstinatis mentibus, ad submovendum a negotiis Regni Regem Henricum, & alium creandum. Aderant una legati Apostolicæ Sedis, Sigebardus Patriarcha Aquilejensis, & Altmannus Episcopus, vir Apostolicæ conversationis, & magnarum in Christo virtutum, cui Papa vices suas in dispositione Ecclesiasticarum causarum delegaverat: & laici nonnulli, qui nec Principi, nec privato cuicumque, qui Henrico Regi dicto vel facto aliquatenus post excommunicationem communicasset, communicare volebant, donec publice professus penitentiam, per Altmannum, Vicarium Romani Pontificis, anathemate

absolveretur. Hæc Lambertus, cui consentanea narrat Bertholdus Constantiensis, cujus fragmentum manu scriptum habet Hansizius, multo locupletius exemplaribus vulgatis.

Illuc, nempe Triburiam, Sedis Apostolicæ Legati literis huic causæ congruis allatis advenierant, in quibus etiam nunc Pataviensi Episcopo, vice sua Apostolicæ Papa jam dudum concessa, imposuit; ut omnes, præter Regem solum, ad satisfactionem, dignamque penitentiam digne venientes, canonicè reconciliaret, illos videlicet, qui deinceps in parte S. Petri stare voluissent. Ex quibus Moguntinus Archiepiscopus cum sua militia, Trevirensis, Argentinus, Virdunensis, Leodiensis, Monasteriensis, Trajectensis electus, Spirensis, Basile-

Basileensis, Constantienfis autem ultimo : 2. Interim Spiræ privatus degeret ; 3. Si intra diem anniversarium excommunicationis ; sua culpa non absolvatur, Regno cadat ; sine spe recuperandi ; 4. Idque Sacramento a Primatibus firmatum. Quod Sacramentum primus fecit Patriarcha, & in literas redactum apud se reposuit. Idem fecit Patavienfis episcopus, Romanæ Sedis Legatus ; & post hos omnes, qui aderant, Episcopi, Duces, Comites, ceterique majores. Ita colloquium circa Kalendas Novembres finitum est. Tullenfis autem Episcopus, ut scribit laudatus *Bertholdus*, nec non pariter Nemetensis, mox cum aliis, quibus hoc per obedientiam a Patavienfi Episcopo impositum est, Romam pervenientes, Papæ se reos cum sanctificatione, & obedientia debita dederant. *Hæc Bertoldus in MS.*

SYNODUS TULLENSIS

ANNO CHRISTI MLXXVI. GREGORII VII. PAPÆ IV.
HENRICI IV. REGIS XXI.

Pibo, Episcopus Tullenfis, Ecclesiam Beatæ Mariæ a Sophia Comitissa extructam, a se dedicatam, cum variis bonis & immunitatibus, olim synodaliter laudatis, confirmat in Synodo Tullenfi.

IN Nomine Patris, & Filii, & Spiritus Sancti. Utile summo opere & necessarium est rectoribus ecclesiarum, gestarum rerum dispositiones ad notitiam posterorum litterarum memoria firmissime commendare. Innotescat igitur universis Sanctæ Matris Ecclesiæ filiis & fratribus, quoniam ego Pibo, gratia Dei Tullenfis Episcopus, precibus & gratia Comitissæ Sophiæ, dilectæ filiæ nostræ, quamdam ecclesiam in honore Beatæ Mariæ, quam ipla a fundamento construxerat, consecravi. Sed quia Parochiani Asmantia præcis temporibus subiecti ad Domnum Martinum fuerant, sicut & aliarum circumjacentium villarum, scilicet de Layo, de Oemunt, de Blanzeyo, & de Sechamp : Et nunc & illi de Asmantia, & de prædictis villis, omnes certis ex causis a tali subiectione remoti erant ; consilio nobilium suorum rogavit nos prædicta Comitissa Sophya,

Z 3

ut quid juris, qui Ecclesiæ Beatæ Mariæ deservirent, habuissent, vel habituri essent, vel quibus ex causis Parochiani de Asmantia a subiectione Domni-Martini remoti essent, ne aliqua contentio vel controversia in posterum oriretur, scripto mandarem.

Noverit igitur omnis, Ecclesiam B. Mariæ cum sua capella de castro, ita liberam a Dominis & Principibus castri taliter constitutam fuisse, quod nec census, nec respectum aliquem Ecclesiæ Tullenfi debeat. Ita ut tamen, quod Clericus a Comitissa, vel successoribus ejus, de præbenda Beatæ Mariæ investitus, Tullum veniet, & a sede nostra curam animarum suscipiet, & pro Christianitate conservanda fidelitatem faciet. Quibus enim ex causis Parochiani de Asmantia a subiectione Domni-Martini remoti sint, sicut ab ipsa Comitissa, vel fidelibus ejus, didicimus, fideliter scribimus,

Theo.

Theodericus Dux, Comitissæ avus, qui jure hæreditario Comiti Folmaro in Asmantia successit, mediam partem decimarum Ecclesiæ Domni-Martini hoc pacto dedit & concessit, ut Presbyter de Domno-Martino in sabbato sanctæ Paschæ oleum & chrisma Capellano beatæ Mariæ daret, & in omnibus Synodis, & Conciliis per omnia, & pro ipsa decima ipsum Capellanum excusatum haberet. Prædecessor etenim meus bonæ memoriæ Bertholdus Episcopus, ad memoriam pristinæ subjectionis duas oblationes ad Domnum-Martinum quoquo anno ferendas instituit; & quia illi de Asmantia duri & feroces semper extiterant, ita ut Archidiaconus vel Decanus aliquis oppidum eorum tam causâ minime auderet intrare; hoc similiter idem episcopus constituit, ut ad Domnum-Martinum ad Synodum vocarentur & irent. Præterea muneribus & precibus ipsius Theoderici Ducis interpellatus, laude & assensu Berengarii, illius Castri Archidiaconi, & concessione sui capituli, in plena Synodo constituit, & in posterum tenendum censuit, ut nullam subjectionem vel redibitionem, vel exactionem aliquam Ecclesiæ Domni-Martini ab ecclesiâ beatæ Mariæ, vel a Parochianis ejus exquireret, vel haberet amplius. Igitur Comitissa Sophia ecclesiam beatæ Mariæ, a nobis, ut prædiximus, dedicatam, quam ipsa novam de veteri reddiderat, satis plenarie diligens, duos mansos inibi a præfco tempore datos pro elemosyna ut eccle-

sia possideret, libenter concessit, & in augmento elemosynæ item alios duos mansos, cum duabus ancillis, & uno servo, eo tenore, quo ipsa tenebat, laude filii sui Comitis Theoderici, dedit ad altare Beatæ Mariæ, dedit & omnes decimas grossas, & minutas de castro & oppido, scilicet de omnibus dominicaturis, de censalibus, de argalibus, de styralibus. Nos itaque pro honore Dei Genitricis Mariæ tale donum laudamus & confirmamus, libertatem & ecclesiæ in præsentia nostra testimonio multorum nobilium & ignobilium recognitam, & laudatam recognoscimus, & laudamus, & impressione Sigilli nostri in perpetuum conservandam sub anathemate confirmamus. Signum Pibonis episcopi. Sign. Alberici Abb. sancti Mansueti. Sign. Richardi Abb. sancti Apri. Sign. Hugonis Primicerii. Sign. Riquini Archidiaconi. Sign. Stephani Archidiaconi. Sign. Dodonis Decani. Sign. Theoderici Archidiaconi, & Cancellarii. Sign. Ibini Scabini. Sign. Theoderici Comitis. Sign. Rainardi Comitis. Sign. Wirici de Belrain. Sign. Wirici de Danubre. Sign. Walteri & Arnulfi fratrum.

Acta sunt hæc Tulii in majore Ecclesia anno ab Incarnatione Domini MLXXVI. Indiæ. XIV. Ordinationis vero nostræ X. Imperante Henrico IV. regnante per sæcula Domino JESU Christo feliciter. Amen.

Calmet. Tom. IV. Probationum Histor. Lotharing. pag. 475. 476.

SYNODUS COLONIENSIS

Anno Christi MLXXVII. Gregorii VII. Papæ V.
Henrici IV. regis XXII.

SUMMA. De prædio Cloteno restituto Monasterio Brauweilerensi.

OCCASIO SYNODI.

Tunc Dominus Papa Hildebrandus, qui & Gregorius ex auctoritate B. Petri Apostoli, per Epistolas suas denuntiat Domino HIDOLFO, ne sub specie pietatis, defensor

existens impietatis, Brunwilerensi Ecclesiæ violentè ablatum, diutius patiatir irrevocatum, Non eget, (a) inquiens, O Fili, Deus offerri quicquam ex injustitia sibi, quia, ut legimus, sic ei fiunt victimæ (b) ex rapina,

(a) Fragmentum hoc Epistolæ Gregorianæ non superesse in Registris S. Gregorii VII. observat Schannatus.

(b) Hidolfus impar genere & moribus Antecessori suo Annoni 1075. 11. Non. Decembris defuncto successit. Sedit Coloniz ab 1076. ad 30. Augusti 1079.

pina, quomodo si mactet quis filium in patris præsentia. *Patratorum quidem multorum bonorum agnovimus fratrem nostrum ANNONEM Archiepiscopum, sed tamen in hac parte minime defendendus est, non errasse, dum quod Beato Nicolao præripuit, Sanctæ Genitrici Dei gratum holocaustum æstimavit. Decente Domino per Prophetam: Quia ego Dominus (c) diligens iudicium, & odio habens rapinam in holocausto, nec fas est a fidelibus credi; matrem discrepare a voluntate filii, dum id prorsus constat utrique proprium, atque commune, eadem velle, & eadem nolle; at tu, ne defendendo injustitiam videaris offendere Deum, tolle de medio, quod, alias licet bonus, hic male consultus commisit Episcopus Anno: ne & illius detrimentum sit coronæ, & tibi occasio culpæ.*

Hujusmodi paternis admonitionibus a Sedis Apostolicæ auctoritate susceptis, prædicti Pontificis Hidolphi magis in furorem versus est animus, quam ad justitiam vel misericordiam provocatus. Denique convocat Ecclesiæ Coloniensis Primores, se dissimatum & accusatum per virum Dei conquerens apud Apostolicum. Tunc Vir mitissimus, (d) his humiliter renitens objectionibus, "Proferatur, inquit, o Domine! in medium, si placet, accusationis testimonium, si nequeo me excusare, de quibus criminor a te, tunc demum digne convincar, offendere iam meruisse." Episcopus itaque Domni Apostolici Epistolam tenens præmanibus, legendam tradit in publico, æstimans per ejus relationem cunctos in servi Dei armari contradictionem. Qua recitata, plures assensere, nil actum dignum offensione. Quidam vero Bezelinus, domus Ecclesiæ Cathedralis B. Petri Apostoli Custos, cum aliis, quibus erat animus rem potius perturbare, quam ex æquo determinare, cum aliud non invenirent, quod obtenderent, non absque suo consultu Papam super hac re asserunt licuisse expetere.

Dum facili responsione hanc Domini famulus objectionem quivisset refellere, Episcopi magis furentis odio, quam justo iudicio, injuriatur, calumniatur, conviciis quoque & contumeliis secus, quam pati dignum fuerat tantæ reverentiæ virum, attrectato, postremo

etiam terribilibus Sacramentis, pastoralis curæ baculum adempturum minatur. Tunc Vir beatus, in injuriis patientissimus, virtute constantiæ roboratus, timore nudus, adversariorum conatibus respondit intrepidus (nesciebat quippe mens iusti pavere, quæ nulla torquebatur conscientia culpæ) "Divina nos comitante clementia, non hic hodie præiudicium veremur incurrere, puram gerentes conscientiam, totius prorsus criminacionis innoxiam." Hic sermo videtur completus, ubi dicitur: *ut Leo confidere justus.* Dum hæc & his similia vir Deo plenus efficacissime loqueretur, oris gratiam, mentisque constantiam omnes æmuli mirabantur, & veluti nox quædam & tenebræ mentibus eorum infusæ, quid agerent, quo se verterent, dubii nutabant, dolentes, se casso consumptos labore, non invenientes, qua parte eum caperent in opere & sermone.

In his perturbationum, angustiarumque pressuris, ex Primoribus præcipue favebant beato viro, Bertulfus vir probus, Ecclesiæ B. Andreæ Apostoli Præpositus, & quidam Wigmannus de Heversbach, vir militaris & nobilis, sed & eloquentia insignis. Hi duo medium habentes eum, ut olim cælitus directi Machabæum, pro defensione justitiæ non sunt reveriti injustitiam oppugnare, adeo, ut nec minis, nec terroribus concuti, nec a proposito aliquo possent munere frangi.

Instabant igitur viriliter ex Apostolica auctoritate, precantes iudicium Ecclesiæ Brunwilerensi fieri, juxta Mandatum & Legationem Apostolici. Quorum vocibus & instantia non mediocriter exacerbatus Episcopus, cum gravi indignatione inquit: *Habitote vobis Cloteno: Meum erit, tam & injuriam meam vindicare, quam & utiliora pro Cloteno data recipere, itaque raptum ex ore ejus verbum, & cum velocitate diriguntur Legati idem bonum vindicaturi.*

Ex vita S. Wolphelmi tertii Abbatis Brauweilerensis.

Apud Surium & apud Mabillon. Sæculo VI. Benedictino Parte II. pag. 675. Hagiographi Tomo III. Aprilis.

HEN-

(c) Hæcæ LXI, 8.

(d) Wolffhelmus, Abbas Brauweilerensis.

*HENRICI IV. Regis promissiones juratæ
& oblatæ Gregorio VII. CANUSIÆ. Testibus variis
Cardinalibus.*

ANNO CHRISTI MLXXVII. GREGORII VII. PAPÆ V.
HENRICI IV. REGIS XXII.

EGo Rex Henricus : De murmuratione , & dissensione quam nunc habent contra me Archi-Episcopi , & Episcopi , Abbates , Duces , & Comites , ceterique Principes Regni Teutonicorum , & alii , qui eos in eadem dissensionis causa sequuntur ; infra terminum , quem Dominus Papa Gregorius constituerit , aut justitiam secundum judicium ejus , aut concordiam , secundum consilium ejus , faciam , nisi certum impedimentum mihi , vel sibi obstitit , quo transacto , ad peragendum idem paratus ero.

Item , Si idem Dominus Papa Gregorius ultra montes , seu ad alias terrarum partes ire voluerit ; securus erit ex mei parte , & quos constringere poterit , ab omni læsione vitæ , & membrorum ejus , seu captione , tam ipse , quam qui in ejus conductu , vel comitatu fuerint , seu , qui ab illo mittentur , vel ad eum de quibuscunque terrarum partibus venerint , in eundo , & redeundo , vel alicubi morando ; neque aliud aliquod impedimentum habebunt ex meo consensu , quod contra honorem suum

fit. Ita me Deus adjuvet ; & hæc sancta Evangelica.

Actum Canusiæ ; V. Kalend. Febr. Indiæ. XV. Anno Dom. nostri Jesu Christi MXXVII. Presentibus Episcopis : Umberto , Prænestino , Giraldo , Ostiensi : Cardinalibus Romanis : Petro , Titulo S. Chrisogoni , & Conone. Tit. S. Anastasii , Romanis Diaconibus : Gregorio , & Bernardo , & Subdiacono Umberto. Item ; ex parte Regis interfuerunt : Bremensis Archiepiscopus , & Episcopi Vercellensis , & Osnabrugensis , & Abbas Cluniacensis ; & multi nobiles Viri.

*Ex codice MS. membranaceo Bibliothecæ
Vaticanae Numero 3835. descriptis
Cl. Schannatus b. m.*

*Binius idem jurandum refert Lib. IV.
Registri Gregorii VII. Epist. XII.
pag. 318.*

*In qua & narrat Pœnitentiam Henrici
Regis Canusiæ actam , confer Lambert Schaffnab.*

*Bertoldum ad annum 1077.
Leonem Ostiensem Lib. III. C. 48.*

**EPISTOLA GREGORII VII. PAPÆ
AD FIDELES OMNES GERMANIÆ.**

Contra Simoniacos & incestos Clericos.

GREGORIUS EPISCOPUS , SERVUS SERVORUM DEI , OMNIBUS
CLERICIS ET LAICIS IN REGNO TEUTONICORUM CONSTITUTIS ,
SALUTEM ET APOSTOLICAM BENEDICTIONEM.

AUdivimus , (a) quod quidam Episcoporum , apud vos commorantium , ut Sacerdotes , & Diaconi , & Subdiaconi mulieribus commisceantur , aut consentiant , aut negligant. Eis ,

præcipimus , vos nullo modo obedire , vel illorum præceptis consentire , sicut ipsi Apostolicæ Sedis præceptis non obediunt , neque auctoritati Sanctorum Patrum consentiunt ; testante Divina Scriptu-

[a] Fragmentum hoc hujus Epistolæ refert *Christianus Lupus Tomo VI. Operum pag. 99.* & adjungit Canoni XII. Concilii quinti Romæ ab Gregorio VII. celebrati anno 1078. XII. Kalendas Decembris , Indictione II. in Ecclesia Lateranensi.

Scriptura : Facientes & consentientes par poena complectitur. Sicut namque Archi-Episcopi, & Episcopi terræ vestræ, quod & omnibus fidelibus notum esse debet (quoniam in sacris Canonibus prohibitum est) ut hi, qui per Simoniacam hæresin, id est, intervntu pecuniæ, ad aliquem sacrorum ordinum gradum, vel officium, promoti sunt, nullum in sancta Ecclesia, ulterius ministrandi locum habeant, nec illi, qui in crimine fornicationis jacent, Missas celebrare, aut secundum inferiores ordines ministrare altari debeant.

Quapropter ad omnes, de quorum fide, & devotione confidimus, nunc convertimur, rogantes vos, & auctoritate Apostolica commonentes, ut quicquid Episcopi dehinc loquantur, aut taceant, vos officium eorum, quos aut simoniace promotos, & ordinatos, aut in crimine fornicationis jacentes cognoveritis, nullatenus recipiatis.

Ex codice MS. Bibliothecæ Vaticanæ
N. 1363. descripsit Cl. Schannatus
b. m.

GREGORIUS EPISCOPUS,

SERVUS SERVORUM DEI,

Encyclicam ex primo a se Romæ celebrato Concilio, scribit inter alios ad Othonem Constantiensem Episcopum.

GREGORIUS EPISCOPUS, SERVUS SERVORUM DEI, DILECTO
IN CHRISTO FRATRI OTHONI, CONSTANTIENSI EPISCOPO,
SALUTEM ET APOSTOLICAM BENEDICTIONEM.

Instantia nuntiorum tuorum, festinanter redire volentium, non permisit nos fraternitati tuæ, quæ in Romana Synodo constituta sunt, seriatim (a) interminare. Hæc tamen necessaria tibi fore scribenda, arbitrati sumus, Nos juxta auctoritatem Sanctorum Patrum in eadem Synodo sententiam dedisse, ut hi, qui per Simoniacam hæresin, hoc est, intervntu pretii ad aliquem sacrorum ordinum gradum & officium promoti sunt, nullum in sancta ecclesia ulterius ministrandi locum habeant. Illi quoque, qui ecclesias datione (b) pecuniæ obtinent, omnino eas perdant: nec deinceps vendere, vel emere alicui liceat.

Sed nec illi, qui in crimine fornicationis jacent, Missas celebrare, aut secundum inferiores Ordines ministrare altari debeant; statuimus etiam, si (c) ut ipsi contemptores fuerint nostrarum, imo

Ss. PP. Constitutionum, populi nullo modo illorum officia recipiant: ut qui pro amore Dei, & officii dignitate, non corriguntur; verecundi sæculi, & oburgatione populi resipiscant.

Studeat ergo Paternitas tua, sic se in his nobis cooperatricem habere, sic crimina ista de ecclesiis tuis radicitus evellere; quatenus boni Pastoris meritum apud Dominum valeas obtinere, ut Romana ecclesia de te, sicut de charissimo fratre, & studioso cooperatore, debeat gaudere.

Ex Apologetico super Decretis Gregorii VII. in Romana Synodo promulgatis.

Binius Tomi III. Concil. Part. II. p. 383.

Desumptus fuit hic Apologeticus ex antiquissima membrana Cœnobii Weingartensis.

SYNO-

Gretferus Bernaldo Presbytero hunc Apologeticum attribuit, quem Binius anonymum edidit: & præter Weingartensem Binio notum, Ratisbonensem MS. codicem hujus Apologetici vidit.

(a) intimare. Gretferus.

(b) pretio pecuniæ. Gretf.

(c) si ipsi. Gretf.

Tomus III. Concil. German.

A a

SYNODUS IN ERPHORDIA

SUB SIGEFRIDO, MOGUNTINO ARCHI-EPISCOPO.

Anno Christi MLXXIV. Gregorii VII. Papæ II.
Henrici IV. Regis XIX.

Ex Mandato Gregorii VII. publicantur Romana decreta contra Simoniacos & Presbyteros conjugatos. Curienfis Episcopus destinatur Nuntius Papæ ad Synodum.

Eodem ferme tempore Sifridus Archi-episcopus Moguntinus ex mandato Gregorii, dicti Pontificis VII. Synodum contra Simoniacos, & Presbyteros conjugatos, & concubinariorum, seu fornicarios celebravit in Erphordia, in qua Clericos omnes sub anathematis vinculo constrinxit, ut uxoribus & concubinis dimissis cælibatum continentiam custodirent. Verum hac novitate Sacerdotes, & Clerici nimium commoti, & in seditionem versi, contra ipsum Archiepiscopum conspirantes, semel & secundo illum interficere tentabant: Quæ res, cum ad ejus notitiam certo pervenisset indicio, ut a malo furiosos revocaret proposito, vitamque suam in tutiore locaret, dixit interim in Synodo congregatis, quod litteris suis difficultatem hujus negotii auribus vellet intimare Apostolicis, cujus se confideret, posse mutare sententiam. Quod cum fecisset per litteras & nuntios; Papa in sua fixa sententia perduravit: Et Curiensem Episcopum ad Synodum Erphordensem in Thuringiam nuntium, & legatum suum destinavit; per quem prænominato Archi-episcopo seriofius præcepit, ut omnes Clericos suæ Provinciæ, vel concubinas foventes, ab omni dignitate Sacerdotali seponeret: & nulla ratione cum aliquo dissimulare præsumeret.

Cum ergo Curienfis episcopus nomine Apostolici legatus venisset in Synodum, & Papæ coram omnibus factum Archi-episcopo intimaret præceptum, tanta in eum mala comminati sunt omnes, ut vix manibus temperarent. Qui fugâ lapsus, ad suam Ecclesiam, auxilio Sifridi Archiepiscopi, rediit. Hoc tamen ab eo tempore fuit introductum, ut nullus ordinaretur in Presbyterum conjugatus; & ordinandi omnes castitatem promittere compellantur coram ordinante.

Tritheimius in Chronico Hirsaugiensi ad A.C. 1074.

Sevarius verum Moguntiacarum Lib. V. pag. 766. 767.

Causas & tumultus ex hac Synodo ortos sic refert Schaffnaburgensis:

Hildebrandus Papa cum episcopis Italiæ conveniens, jam frequentibus Synodis decreverat, ut secundum instituta antiquorum (a) Canonum Presbyteri uxores non habeant, habentes aut dimittant, aut deponantur. Ne quisquam omnino ad Sacerdotium admittatur, qui non in perpetuum continentiam, vitamque cælibem profiteatur. Hoc decreto, per totam Italiam promulgato, crebras litteras ad episcopos Galliciarum

Tritheimius in Chronic. Hirsaug. ad MLXXIV. refert hanc Synodum. Eodem anno, hebdomada prima XLmæ, Indiæ. XIII, Gregorius Synodum habuit cum Episcopis Italiæ, ut secundum instituta antiquorum Canonum Presbyteri uxores non habeant: habentes, aut dimittant, aut deponantur. Baron. ad b. a. N. XXXVII.

Eodem anno Synodum Erfordiensem statuit N. XXXIX. Ex Lamberti verbis Sigeberti calumnias, quo laici verantur, conjugatorum audire Missas, refutat Baronius, refutaverunt Bernaldus & P. Anselmus Lucensis.

[a] Antiquissimi Canones pro continentia Clericorum sunt IX. Ancyran Conc. Tomo I. pag. 147. Neocæsariensis Can. I. Tom. I. p. 151. Nicæni primi Can. III. pag. 137. Carthag. Can. III. p. 199. Africani Concilii Can. V. p. 208. Tomo I. nostro.

liarum transmittibat, præcipiens, ut ipsi quoque in suis Ecclesiis similiter facerent: atque a contubernio Sacerdotum omnes omnino fœminas perpetuo anathemate refecerent.

Adversus hoc decretum protinus vehementer infremuit tota factio Cleri eorum: Hominem plane hæreticum, & vesani dogmatis esse clamitans, qui oblitus sermonis Domini, quo ait: *Non omnes capiunt hoc verbum: Qui potest capere, capiat.* Et Apostolus: *Qui se non continet, nubat.* Melius est enim nubere, quam uri: violentâ exactione vivere homines cogeret, ritu Angelorum: & dum consuetum cursum naturæ negaret; fornicationi & immunditiæ fœna laxaret. Quod si pergeret sententiam confirmare, malle se Sacerdotium, quam conjugium deferere: & tunc visurum

eum, cui homines forderent, unde gubernandis per Ecclesiam, Dei plebibus Angelos comparaturus esset.

Nihilominus Papa instabat, & assiduis legationibus Episcopos omnes socordia ac desidiæ arguebat; & nisi ocysus injunctum sibi negotium exequerentur; Apostolica se censura in eos animadversurum comminabatur.

Archi-Episcopus Moguntinus, sciens non parvo constare operam hanc; ut tanto tempore inolitam consuetudinem revelleret, . . moderatius agebat cum Clero, & primo eis in dimidium annum inducias, & deliberandi copiam dedit, hortans eos, ut, quod necessario faciendum sit, sponte faciant.

*Hactenus Lambertus, & ex eo Serarius
Loc. cit.*

SYNODUS DIOECESANA COLONIENSIS

SUB HILDOLPHO ARCHI-EPISCOPO.

SUMMA. Miraculosa sanatio Volperti blasphemii in S. Annonem viri, ab eodem puniti, & sanati refertur a multis testibus, & approbatur in hoc Concilio.

Reginardus, Abbas Sigebergensis, virum blasphemum in S. Annonem, & ad eodem Sancto cecitate punitum, ac denuo liberatum ejusdem S. Annonis suffragio ad Synodum Coloniae sub Hildolpho Archi-Episcopo Præsidente illis diebus collectam adduxit, coram qua Synodo generaliter aderant cuncti, quibus animarum cura fuerat injuncta, tam Monachi quam Clerici. . . Præterea Comites, alique nobiliores ex populo magnis stipati frequentis. Quibus in unum positis ingressus est hic multis Provinciæ suæ personis sequentibus. Cœpit igitur in medio consistens suorum casuum historiam facere: cœperunt & Comites ejus attestari singulis, quæ dicebantur. Ex Concilio quoque cum stolis suis Archi-Presbyter, unus, quem Decanum dicunt, alique sacerdotalis ordinis viri insurgentes, his, quomodocunque Leges Ecclesiasticæ decernerent, se concordare fatebantur. Singulariter autem, quasi quoddam communis fidei speculum vir nobilis Arnoldus Dominus castri de Doldendorp super Aram Judex & Advocatus

in testimonium sumebatur, qui quidem præsens non erat, sed protinus ad eum ordinati sunt Nuntii Pontificis summo studio, quid in his & ipse sentiret, investigaturi. Quibus ait: Si testibus eam, quam hinc scio veritatem roborare, opus est, tot prope præsto sunt ad stipulatores, quot in illa regione, quâ contigerunt ista, reperiuntur homines. Quod si solo fidei mei testimonio Dominum meum Archi-Episcopum delectat esse contentum, sub Sacramentis illi perhibeo, omnem rem ita præsente me finem vel initium sumpsisse, sicut & in Synodo dicitur, innotuisse. Nihilominus hæc Archi-Episcopo nuntiantur, obtinueruntque facilem apud eum & per omnem populum audita fidem; cum & alia quotidie nuntiarentur, quibus in Sanctorum consortio mirum in modum ANNO famulus Christi cognosceretur.

*Surius ad diem IV. Decembris Libro III.
vitæ Cap. XXIII.*

Miraculum idem refertur in vitæ Annoniæ brevioris MS. codice Georgianæ Basilicæ Lib. II. cap. XLIII.

Tomus III. Concil. Germ.

A a 2

ULTRA.

CONVENTUS ULTRAJECTINUS

Anno Christi MLXXIX. Gregorii VII. Papæ VII.
Henrici IV. regis XXIV.

SUMMA. Wilbelmus, Trajectensis Episcopus, ausus est attentare excommunicationem Gregorii VII. Papæ post Missarum solemniam, sed horribili pœna illico punitur.

Ubi ad aures Henrici Regis, & fautorum ejus *Anathema* (a) Domino Papa factum personuit, infremuit factiosorum strepitus, ac in beati Petri Vicarium turpia ac nefanda concrepans intonuit, dicentem magum esse, impostorem, hæreticum, homicidam, fornicarium, & si quid aliud adverteretur sanæ doctrinæ. Non debere Regem, Imperatoris filium, qui non sine causâ gladium portaret, qui Romanæ Reipublicæ Patricius, tutor, & defensor esse deberet, tantam pati Sanctæ Dei Ecclesiæ conculationem; ut homo omnium peripsema, pro suis sceleribus iuste puniendus, & merito ab ecclesia exturbandus, summam illam Regii nominis Majestatem impugnaret. Maledictum frustra prolatum, in eum, a quo processerat, retorquendum: ut qui Domino suo & regi foveam paraverat maledictionis, eo immuni remanente, ille, qui caput & causâ mali erat, prior incideret in eam. Cum in hoc omnis perstrepere Aula, decretum est communi consilio; ut ille, qui reverendam a sæculis regiam Majestatem ab Ecclesia extorrem pronuntiaverat, ab Ecclesiæ corpore segregaretur. Et romanæ Ecclesiæ Pontifex, qui supra omnes est, ab his, qui ei subesse debebant, excommunicationi adjudicatus est. O dementia incomparabilis! furor indicibilis; insania mirabilis! Quis, rogo, Imperatorum, quis regum, ad tantam proflire ausus est protervam audaciam, insanamque proterviam, ut clavigeri cœlestis vicarium, cujus lingua est clavis cœli, canonicè electum, ab omni Christi civitate sulceptum, bene

viventem, recta docentem, ab ecclesia alienandum pronuntiaverit? Conventus hic apud ulterius Trajectum habitus est, ubi contra Deum & Dominum est disputatum. Dies erat Sabbati, & vespere Sabbati, ipsa nocte Dominicæ diei illucescente, in Concilio malignantium constitutum est, & deliberatum, ut in crastino ad Missas in omnium audientia Papa excommunicaretur, quia ausus fuisset regem, & Dominum suum excommunicare. Iustum esse hanc sententiam, ut, in quo peccaverat, puniretur. Aderat in consensu illo iniqua gerentium Virdunensis Theodoricus, & Pibo Tullensis, & alii plures, qui etsi favebant Regis negotiis, hoc tamen, quia Sanctorum Patrum obviabat decretis, & sanctionibus repugnabat Canonicis, aversati sunt. Et quidem Tullensi id officii a rege impositum fuit, eo quod esset mentis timidæ, & multæ inconstantia, ut id negotium exequeretur. Sed ille, dum paver ad singula, nec audet reniti, noctu cum Virdunensi assumptis sociis fugæ se credit consilio. Quam ob rem & in crastinum aliquanto morosius prolongata est negotii hujus executio. Solus *Guilhelmus Trajectensis* inventus est, qui cum hesternam ructat crapulam, posuit in cœlum os suum, & lingua ejus in Dominum & Magistrum suum maledictionis intorsit jaculum. Sed non impune. Nam cum hoc inter Sacra Missarum peregisset solemniam, & peracto scelere datus in reprobum sensum ad eadem perexplenda accingeretur, ne vel in hoc a Judæ proditoris consortio & merito separaretur; ubi corpus Dominicum, in quod peccaverat, male sibi

(a) Anno Domini 1076. post quam Wormatiensis Conciliabuli Nuntius Henrici Regis, & consentientium Procerum sententiam Synodo Romanæ III. sub Gregorio VII. insinuasset; pronuntiata fuit excommunicatio in personam Henrici: nondum tamen degradatio, quæ nonnisi 1080. Romæ edita fuit.

sibi confcius sumpsit, ultio divina manifesta est. Percussus est enim a Deo plaga insanabili, ita ut cum horrore, & stupore mirabili clamaret: *Ardeo, ardeo*. Quia corpus, quod vivificat, incendi-um illi, pœnamque pariebat, quod ex-arserat in eo, sicut ignis in spinis, ut manifesta in eo fieret ultio Domini. Nec

datum est illi tempus, ut pœnitere; sed mox, ut sensit ignem in se grassan-tem, in sede corpore inclinato, dum clamasset, *Sancta Maria*, miseram vi-tam miserabili morte finivit.

Hugo Abbas Flaviniacensis in Chronico Virdunensi.

Buchelius in notis ad Hedam Trajectensis Ecclesiæ Historiographum censet hunc exitum Guillelmi Episcopi a Lamberto coævo scriptum procul dubio odio partium confi-ctum fuisse: cum Lamberto addat: *ut asserunt*, quasi ex aliena fide scriberet: Patrii historici nil de tragico exitu referunt. *Heusden in Batavia sacra pag. 133.* ubi air mor-tem Wilhelmi communiter statui anno 1075. V. Kal. Maji.

SYNODUS VIRDUNENSIS INDICTA,

In causa injuriæ Episcopo Leodiensi Henrico illatæ a Comite Arnulpho.

EPISTOLA GREGORII VII. PAPÆ

AD THEODORICUM VIRDUNENSEM EPISCOPUM.

SUMMA. *Ut Arnulphum Comitem, qui Episcopum Leodicensem, ad Sedem Apostolicam venientem, deprædatus est, & jurare compul- sit, se res ablatas nunquam repetiturum, Conventu habito ad pœ- nitentiam, & satisfactionem cogat, alioquin Ecclesiæ introitu, & corporis & sanguinis Domini communionem interdicat: & nisi intra quindecim dies resipuerit, anathematis gladio una cum suis fautoribus eum feriat. Ulterioribus Episcopi injuriarum peccato- rum veniam pollicetur, Episcopum a coacto juramento absolvens.*

GREGORIUS EPISCOPUS, SERVUS SERVORUM DEI, THEODORICO VIRDUNENSI EPISCOPO, SALUTEM ET APOSTOLICAM BENEDICTIONEM.

Pervenit ad nos fratris & Coepiscopi nostri *Henrici* Leodicensis gravis ca- lamitas, quem ad Apostolorum limina venientem, Arnulphus Comes, rebus suis omnibus, quas secum ferebat, ex- spoliatum, ad augmentum nequitiae, post suorum ereptionem compulsi gladiis jurare, quod ablata nunquam repeteret, & quod a nobis super tali tantoque faci- nore sibi veniam impetraret. Quod im- mane flagitium ut cognovimus, profe- cto vehementer doluimus, cum propter impeditam fratris nostri devotionem, tum propter illius detestabilem audaciam, quæ nisi digna animadversione vindicata fue- rat, restat, ut ei suisque similibus, si qua deteriora sunt, & possunt, per- petrandi concedatur occasio: Verunta- men, ne forte judicemur potius iræ con-

fulere, quam parere justitiæ: volumus, atque Apostolica auctoritate præcipimus, ut fraternitas tua quoscunque potest epis- copos, Abbates, Sacerdotes, & Cle- ricos studeat adunare, & conventu ha- bito, super hac re, illum improbum ad pœnitentiam & satisfactionem invita- re. Quod si in malitia sua perdurans, aut pœnitentiam agere, aut ablata no- luerit digna cum satisfactione restituere; Ecclesiæ introitum, & corporis & san- guinis Domini participationem tua ei fra- ternitas interdicat: datisque sibi quindecim dierum induciis, si infra illud spati- um non pœniterit, & ad emendatio- nem sceleris sui non venerit, anathe- matis eum gladio, fulta præcepto aucto- ritatis Apostolicæ feriat: quod certe nos exinde omnibus modis firmabimus. Ac

post modum quidem volumus , atque iubemus , ut in illum dilectio tua , quibus valebit modis , insurgat. Quicumque enim illius nefandæ præsumptioni auxilium , aut assensum dederit , sciat se gratiam Dei , & beati Petri procul dubio amissurum. Quicumque vero prædicti confratris nostri , imo beati Petri injurias pro viribus suis ulcisci contenderit , ei nos Apostolicam benedictionem tribuimus , & de divinæ pietatis munere confisi , peccatorum suorum veniam pollicemur. Nolumus etiam prudentiam tu-

am ignorare , nos sæpe dictum Coepiscopum ab illius malitiose coacti juramenti conditione absolvisse , sanctæque Ecclesiæ contumeliam vindicandi licentiam ipsi dedisse : Quem , ut in omnibus pro posse studeas adjuvare , iterum iterumque monemus atque rogamus. Dat. Romæ . III. Kalend. Februar. Indictione tertia.

*Lib. VII. Registri Gregorii VII. N. XIII.
pag. 351. Tomo III. Concil. Bini
Parte II.*

EPISTOLA GREGORII VII. PAPÆ

AD HENRICUM EPISCOPUM LEODIENSEM.

SUMMA. Dolet de contumelia illi ab Arnulpho illata , absolvitque eum a juramento violenter præstito , ac mandat , ut contra Arnulphum insurgens , ejus sceleris pœnas sumat : significat se Virdunensi Episcopo præcepisse , ut illum in ea re adjuvet.

GREGORIUS EPISCOPUS , SERVUS SERVORUM DEI , HENRICO LEODICENSI EPISCOPO , SALUTEM ET APOSTOLICAM BENEDICTIONEM.

Cognita tuæ fraternitatis adversitate , & contumelia , tibi , imo beato Petro illata , nimirum valde dolere sumus coacti. De juramenti vero injustissima obligatione dilectioni tuæ sic respondemus , non debere existimari , eam ullis juramenti vinculis posse teneri , quæ tam nefandissime coacta juraverit. Unde & Apostolica te auctoritate absolvimus , ut non tuæ , vel alicujus conscientiae ob hoc videaris annexus , aut debitor esse. Insuper etiam eadem freti potestate , fraternitati tuæ licentiam damus , imo hortamur , ut contra injurias beato Petro illatas , nisi præsumptor ille pœnituerit , digneque satisfecerit , quibus viribus potest , insurgat , atque illum omnibus modis infestet , &

de eo tanti sceleris pœnas (Deo opitulante) petat & sumat. Indignum namque nobis videtur , exemplumque cæteris improbis audiendi pejora futurum , si hoc flagitium iste impune susceperit. Unde etiam fratri nostro Virdunensi Episcopo , aliisque beati Petri fidelibus , summopere præcipimus , ut dilectionem tuam unanimiter adjuvantes , eum ut tyrannum , & Christianæ religionis conculcatorem impugnent , & armis tam carnalibus , quam spiritualibus undique , & ubique , quantum possunt , insequentes coarctent. Dat. Romæ III. Kalend. Februar. Indictione tertia.

*Lib. VII. Registri Epistolæ Gregorii VII.
Apud Binium Tom. III. Concil. Part. II.
pag. 351.*

CONVENTICULUM MOGUNTINUM

ANNO CHRISTI MLXXX. GREGORII VII. PAPÆ VII.
HENRICI IV. REGIS XXIV.

Interea fautores HEINRICI IV. Moguntiae contrahunt Concilium. Quo præsidente , ipsi viderint : Ibi Schismatici & ab Ecclesia præcisi PAPAM

GREGORIUM VIRUM Catholicum & Patrem universalem , Patrem negant ; ejusque sequaces , ipsi damnati , damnant. Deliberat in his Pastor Ecclesiæ urbi

urbi & armis cedere, puto, rememorans Salvatoris licentiam, qua dixit discipulis suis: (a) *Si persecuti vos fuerit in una civitate, fugite in aliam.*

Quo facto: (b) Wichpertus quidam, cujus laus non est in Pontificum Catalogo, Apostolicæ Sedi intruditur;

(a) Matth. V.

(b) Guibertus, Pseudo-Papa, Ravennas sub nomine Clementis III. circa 1075. & 1083.

Quid dico: intruditur? Propria ambitione invadit, anhelat, & præripit. Abhinc veri Pastores ubique terrarum sedibus suis proturbantur, subrogantur vero schismatici, vel Simoniaci.

Greserus Tomo VI. in vita S. Altmanni pag. 452.

CONCILIABULUM BRIXINENSE

Anno Christi MLXXX. Gregorii VII. Papæ VIII.
Henrici IV. regis xxv.

Quo triginta schismatici Episcopi Gregorium Papam a Petri sede deposuerunt, & Guibertum Ravennatem Archiepiscopum eidem in schismate subrogarunt.

HÆc Synodus Moguntiae inchoata fuit. Sed cum ibi novemdecim dumtaxat schismatici ad scelus patrandum convenissent, paucitatem eorum pertasi, ad locum schismaticis omnibus ex Germania, & Italia congregandis aptissimum, Brixinam transulerunt. Quid vero in pseudo Synodo schismatici egerint, auctor schismaticus Conradus Urspergensis abbas ex illo acervo calumniarum a Bennone schismatico male congesto recitavit his verbis: "anno Domini millesimo octingentesimo cum apud Brixinam Noricam triginta Episcoporum conventus, nec non & optimatum exercitus non solum Italiæ, sed & Germaniæ, jussu Regis Henrici congregaretur, factus est omnium consensus adversus Hildebrandum Papam, cognominatum Gregorium septimum: Quem pseudomonachum, totiusque vesaniæ pestiferum Principem, & præcipuæ sanctæ Romanæ Sedis invasorem, affirmantes, ab Apostolica sede depellendum quamvis absentem dijudicabant, & Wigbertum Ravennensem Archiepiscopum ipsi subrogandum eligebant. Hujus decreti conclusio hæc est: Quia, *inquunt*, constat non a Deo electum, sed a se ipso, in fraude ac pecunia impudentissime objectum; qui Ecclesiasticum subvertit

ordinem, qui Christiani Imperii perturbavit Regnum: Qui Regi Catholico ac pacifico corporis, & animæ intentat mortem: Qui perjurum defendit regem: Qui inter concordies feminavit discordiam, inter pacificos lites, inter fratres scandala, inter conjuges divortia, & quidquid quiete inter pie viventes stare videbatur, concussit.

Nos, auctore Deo, congregati in unum legatis ac litteris freti decem, & novem episcoporum, *die sancto præterita Pentecostes Moguntiae congregatorum*, contra eundem Hildebrandum procassimum, sacrilegia ac incendia prædicantem, perjuriam & homicidia defendentem, Catholicam, & Apostolicam fidem de corpore, & sanguine Domini in quæstionem ponentem, hæretici Berengarii antiquum discipulum, divinationum, ac somniorum cultorem, manifestum necromanticum, pythónico spiritu laborantem, & idcirco a vera fide exorbitantem, judicamus canonicè depnendum & expellendum, & nisi ab ipsa sede his auditis descenderit, in perpetuum condemnandum. Facta sunt autem hæc septimo Kalendas Julii feria quinta, indictione tertia.

Conradus Urspergensis.

Subjun-

*Subjungamus Hugonis Flaviniacensis Abbatis in chronico Viridunensi
ejusdem Conciliabuli Catholicam Epitomen.*

A Pud Brixiam aliqui Episcoporum de synagoga Satanæ traditi in reprobum sentum, & contra fidem, quæ est confessio Petri & sanctam Sedem ejus Romanam Ecclesiam, turpia & nefanda jacentes, ad plenitudinem damnationis suæ elegerunt Wibertum hæresiarcham de sui similibus, & desperata superbia Apostolicum eum vocantes, Apostatam non Apostolicum effecerunt. Qui idcirco omnium fidelium odio dignior est, quia cum à Principibus Heinrico scilicet rege deposito, & cæteris hujus perditionis ministris quæsitum esset, quis ad impugnandum sanctum Virum, Papam videlicet Gregorium, falsitatis vexillum susciperet, nemo omnium tam audax tam præsumtor, tam desperatus, vel perditus inventus est, qui naufragium fidei subire deligeret, præter eum solum. Qui idcirco, credimus, Anti-Christi ne-

gotium suscepit, ut ruinam Archi-Episcopatus Ravennensis, quem pro suis criminibus eodem grege præsidente synodali judicio perdiderat, susceptione oblatis periculi compensaret. Aderat in Conventu illo malignantium multus numerus damnatorum, quos ad persequendum amatorem justitiæ communicatio criminum & amor Principis illexerat: eum solum invenit Diabolus promptiorem, ac malitiæ suæ omnem principatum committeret. Suscepit itaque sedem Satanæ & in cathedra pestilentiae sublimatus, impiorum mentes ad expugnandum nomen Domini exacuebat, factus omnibus fovea peccandi.

*Hactenus Hugo Abbas Flaviniacensis apud
Labbe in Bibliotheca MSS., qui
statim subjicit testem suæ historiæ
sanctum Gebhardum Archi-Epi-
scopum Salisburgensem.*

GEBEHARDUS, SALZEBURGENSIS

EPISCOPUS, HERIMANNO, METENSI EPISCOPO,
SALUTEM.

SUMMA. Quæ autem fuerit Wiberti, Ravennatis Archi-Episcopi, Promotio seu Inthronizatio, quomodo ad hanc dejectionem, & quam precipitanter ascenderit, & a quibus execratus sit, quæve eorum sit vita, vel conversatio, & quid de ordinato vel ordinatoribus ejus sentiendum sit, hæc Epistola docet.

Wibertus, quondam Ravennas Archiepiscopus, cum obedientiam, quam Apostolicæ Sedi juramento promiserat, non attendere, sed contra ipsam omnimodis superbire studuisset; in Romana Synodo irrecomperabiliter depositus, & anathematizatus est ab Apostolica Sede, & ab Episcopis totius Ecclesiæ, nec hoc semel in una Synodo, (a) sed in omnibus Synodis, quotquot jam (b) septennio Romæ celebratæ

sunt. Hic igitur ita in perjuriis inveteratus, & pro iisdem irrecuperabiliter depositus, & anathematizatus, Sedem Romani Pontificis, cui obedientiam juravit, per manus anathematizatorum, utpote sui similibus, invasit, legitimo Pastore adhuc eidem sedi præsidente. Ipsorum autem excommunicatorum nullus eum consecrare, vel potius execrare præsumpsit, præter Mutinensem & Ariminensem Episcopos, qui ambo pro suis criminibus

[a] Prima vice in quarta Synodo Gregorii VII. anno 1077. 2da vice non tantum excommunicatus, sed omnino depositus fuit Guibertus. In quinta Synodo Gregorii VII. anno 1078. XII. Kal. Decemb. vide *Libri VI. Registri Epistolam decimam*. Anno 1081. censet Christianus Lupus tertio excommunicatum Guibertum. *Christianus Lupus Tomo VI. Operum pag. 325. 328.*

[b] Puta ab anno 1073. ad 1080. quibus Romanam sedem occupabat Gregorius VII.

bus jam annis tribus officio, & communione caruerant. Sed ii, etiam si officium & communionem haberent, & Romana Sedes Pastore vacaret; nullum tamen eidem sedi Pontificem ordinare possent, hujus enim ordinationis privilegium solis Cardinalibus Episcopis, Albanensi, Ostiensi, Portuensi, a sanctis Patribus est concessum. Ergo (c) Mutinensis, & (d) Aretinus Episcopi, juxta testimonium Sanctissimi Papæ Innocentii, non benedictionem, sed damnationem, quam habuerunt, suo Ravennati imponere potuerunt: nec illum in Ro-

manum Patriarcham, sed in perditissimum Hæresiarcham promoverunt. Caveat igitur omnis Christianus, caput Antichristo inclinare: Statuam, quam Nabuchodonosor erexit, adorare, sicque se ipsius hæresiarchæ perniciosissimo anathemati innodare. Nam, quicumque illi obedierit, qui dixit: *Ponam sedem meam ad Aquilonem, & ero similis Altissimo*; certissime in æternam damnationem ibit cum ipsis. Amen.

Hugo Flaviniacensis in Chronico Frudenensi, auctor coævus. Parte II. Gretserus Tomo VI. novæ edition.

(c) Mutinensis erat Herebertus.

(d) Loco Aretini, Schannarus legendum putat; Ariminensem, qui erat Obizzo, vel Obizzus, Consecratores Papæ ordinarii sunt, Episcopi, Ostiensis, Portuensis, Albanensis.

1084. 21. Martii adiit Henricus IV. Palatium Lateranense. Postridie populus Romanus accepit Wibertum Antipapam, teste *Urspergensis*. Dominica sequente, quæ erat Palmarum, fuit Wibertus consecratus in Laterano ab Mutinensi, & Aretino, ait *Muratorius ex Bertoldo, sed ex Cardinali Aragonio in vita Gregorii VII.* ab Episcopis Bononiensi, Mutinensi, Cervienensi.

Eodem anno 1084. die Paschatis, in 31. Martii incidente, depulsis militibus, qui Vaticanum ingressum impedire volebant, Henricus IV. cum conjugē Berta in Vaticano templo a suo Antipapa Wiberto coronatus, Augustus appellatus fuit.

COLLOQUIUM IN SILVA CAPUANA PROPE WISERAM,

EPISCOPORUM ET PRINCIPUM TAM HENRICO ET WIPERTO,
QUAM GREGORIO VII. ADHÆRENTIUM.

Henricus & Wibertus miserunt Principibus Gregorio VII. adhærentibus nuntios, qui singulare colloquium rogantes, tempus & locum præficerent, quo ex utraque parte Principes electi de communi bono tractaturi convenirent.

Convenerunt autem ultra fluvium, qui Wisara dicitur, in sylva, quæ inde Capuana vocatur, quod ad urbem, quæ Capua nominatur, pertinere cognoscitur.

Convenerunt autem Episcopi ex illa parte (Henrici IV.) Colonienfis, Treverenfis, Bavenbergenfis, Spirenfis, Trajectensis. Ex Gregorii VII. parte Moguntinus, Magdaburgenfis, Paterbronnenfis, Hillenesheimenfis. Cumque qui ex illa parte erant, secretum, quod soli Principes audirent, habere colloquium voluissent, nostri (Gregorio VII.) adhærentes, nullum sermonem conferre volebant, nisi quem cun-

ctis, qui convenerant, magnis & parvis audire liceret. Jam vero sedentes ex utraque parte diu tacebant: quod & nostri, qui rogati illuc occurrerant, quid illi vellent, expectabant; & illi non se rogasse nostros, sed nostris rogatos videri volentes, quid a nostris peteretur, auscultabant.

Tandem nostri rumpentes silentium, ut omnium faceret verbum, Gevehardum petierunt Salizburgensem Archi-episcopum. Qui surgens, ut erat Vir per omnia prudens & honestus, & honori, quem gerebat, non minimum conferens honoris, vultu modesto voce mediocri sensum profudit sapientis & pii pectoris.

Episcopi venerabiles. Vide infra.

Tunc illi responderunt, se nec ad causam tractandam convenisse; nec se tantæ esse sapientiæ, ut tam magnam rem ex improvviso præsumant agendam acci-

B b

pere:

pere: præsertim cum non ad se solum, sed ad regem Henricum, cunctosque regno ejus subditos pertinere videatur. Rogabant autem ab initio Februarii, qui tunc erat, usque ad medietatem Junii pax ex utraque parte daretur, intra

quod tempus Conventu facto eadem causa, quam nostri tunc agere volebant, communi totius regni, partis utriusque consilio tractaretur.

Bruno de bello Saxonico pag. 152. editionis Freberianæ.

Henriciani pacem petebant eo solo fine, ut à Saxonum armis securi Wibertum Romanæ Cathedræ imponerent. Id Otto, Saxonum Dux, in hoc ipso colloquio iisdem exhibuit: & de facto mense Martio proximo Henricus Italiam cum exercitu ingressus est.

Quam horrendam persecutionem Catholicorum (quorum ad nonaginta millia & eo amplius in diversis Regionibus Papa Guiberto cooperante cæsa fuere) præter pulcos Catholicos Episcopos & Abbates, narrat ex Cardinali *Deusdedit* cœvo spectatore & scriptore, *Cardinal. Baronius Tomo XI. Annalium ad b. ann. No. XXII. & sequentibus*: item ex *Domnizone* cœvo Poëta & Spectatore.

GEBEHARDI, SALISBURGENSIS ARCHI-EPISCOPI,

Oratio ad Schismaticos Henrico IV. contra Gregorium VII. adhærentes, in silva Capuana prope Visurgim 1081. initio Februarii.

Episcope venerabiles, cæterique, quos videtis adesse, Principes Saxonicæ, hunc operam mihi dignati sunt imponere, quatenus animos omnium mei sermonis officio debeam vobis exponere. Unde vos omnes Sacerdotes sancti, cæterique Primates eximii, rogatos esse volo, ut me dignemini patienter audire, & causæ *communis*, quam sum jussus agere, animum tranquillum, quo verum examinare possitis, adhibere; quod non plus nostra, quam vestra, (si vultis) interest, quæ sum dicturus, agnoscere. Vestro ipsorum testimonio fidenter inde nitimur, quod vos, quanquam a nostra societate discessistis, a veritatis amore non discedere confidimus: Vestro, inquam, testimonio probare volumus, quantis injuriis, quantis contumeliis sumus affecti, dum toto animo, tota voluntate (sicut decebat) Regis eramus servitio subiecti. Vos ipsi scitis, quoties sigillatim, vel communiter vestrum petivimus auxilium, quo pro benevola servitute nostra, vel hoc ex intercessione vestra redderet nobis præmium, ut a multarum, quæ nos importabiles premebant, levaret fasce calamitatum. Hoc, quod sæpe postulavimus, optime scitis: & quid postulando profecimus, similiter optime scitis. Inde vos non inculamus, quod vos pro nostra causa, quamvis parum nobis prodesset, sæpe laborasse cognovimus. Quale vero præmium nostræ de-

votioni dedit ultimum, quid opus est dicere? Cum manifestum est oculis omnium, quod hoc, quod habuit maximum, nobis rependit extremum. Sacerdotes namque non solum de nullo crimine convictos, sed nec legaliter accusatos, aut in vincula (sicut latrones) conjecit: aut a sedibus suis, quos capere non poterant, omnium rerum suarum nudos effugavit. Ecclesiarum bona, quibus episcopi vel ipsi vivere, vel pauperes Dei sustentare deberent, scelorum suorum fautoribus dissipanda concessit. Terram nostram multis jam vicibus igne, ferroque vastavit, cognatos, sive milites nostros, in nostris finibus innocentes occidit, cum nulla fuisset ei causa bellorum, nisi, quod servos habere volebat filios hominum liberorum. Sæpe ipsum, sæpe nos singulos, & universos suppliciter oravimus, ut, gladio deposito, causam nobiscum judiciis ageret, & nos vestrum per omnia judicium secuturos animo libenti spondimus. Quid his omnibus profecerimus, vos ipsos in testimonium vocamus. Ergo nos, qui nunc adsumus, cum omnibus, quos tenet Saxonica tellus, vobis, O Sanctissimi Christi Sacerdotes! & vobis, O nobilissimi Principes, & fortissimi milites, humiliter supplicamus, ut memores omnipotentis Dei vestrique officii, quod estis animarum Pastores, non perditores vocati: Vos vero quod gladium ad defen-

defensionem, non ad interencionem accepistis innocentum; cogitatis, & nos vestros fratres in Christo, vestros cognatos in carne, ferro & flamma amplius persequi ne velitis. Quod hæcenus molestiarum a vobis perpeffi sumus, vobis donantes, peccatis nostris imputabimus, & correptionem divinæ pietatis appellabimus: dum posthac injuriarum de vobis securi esse possimus. Gladium & ignem deponite, & (sicut decet homines Christianos cum Christianis) causam rationibus, non cædibus agite, & quod ante cruoris effusionem postulavimus, nunc saltem vel cruore nostro satiati præstare. Multas quidem nobis ærumnas Dominus vester HEINRICUS crudeliter intulit, multis calamitatibus nos ultra modum fatigavit, & tamen, ecce parati sumus, eum nobis Regem, sicut olim fuit, accipere: Ecce parati sumus ei fidelitatem, & subjectionem jurare, & juratam fideliter, & libenter servare. Tantum vos hoc veris assertionibus instruite, ut nos, salvo nostro ordine, & laici possint facere hoc sine fidei sacræ detrimento, nec nos ab isto campo recedimus, donec omnia, quæ dixi compleverimus. Si vero nostras sententias dignati fueritis attendere, veris & manifestis, & ex

scripturarum testimonio firmis rationibus ostendemus, quod Dominum Henricum nec Clerici, nec Laici Regem habere possumus cum animarum nostrarum salute. Nunc ergo vel vos nobis, quod juste possit regnare, probabiliter ostendite; & nos sub ejus Regnum socios fideles accipite: vel nobis, quod Rex ille esse non possit, veraciter probare permittite; & nos contra rationem, ut hostes, persequi desinite. Quod si objicitis, Sacramento, quod ei jurastis, vos esse constrictos, simili modo confirmabimus, nullo Sacramento jure vos ad nostram persecutionem posse compelli. Hæc igitur est summa nostræ petitionis, ut Dominum HENRICUM, vel vos jure posse regnare nobis probabiliter ostendatis, vel nos, nobis eum non posse, veraciter ostendere finatis: & cum res alterutra fuerit demonstrata, nos igne ferroque persequi cesseris.

Gregorius refert hanc orationem, sed in quo Conventu Episcoporum dicta sit, non docet. Tomo VI. novæ editionis.

Schatenus in Annual. Paderborn. refert eam ad 1081. in Conventu sylvæ Capuanæ ad Visurgim habitam censet.

Bruno de bello Saxonico. Nihil moderatius, nihil sapientius, nihil Catholico & Germanico pectore dignius hac oratione excogitari posse, dicere debent omnes sana ratione urentes.

XX

RESPONSORIA GREGORII VII. PAPÆ, AD VARIAS QUÆSTIONES AB ALTMANNO PROPOSITAS.

GREGORIUS EPISCOPUS, SERVUS SERVORUM DEI, DILECTO
IN CHRISTO FRATRI ET COEPISCOPO PATAVIENSI ALTMANNO: VENERABILI HIRSAUGIENSI ABBATI WILHELMO, SALUTEM ET
APOSTOLICAM BENEDICTIONEM.

PRudentiæ vestræ ex hoc satis gratulamur, quia sicut oportebat, nuntiare nobis vera summopere studuistis; præsertim cum multa & varia ex partibus vestris apud nos referantur.

I. Notificamus autem dilectioni vestræ, pene omnes nostros fideles auditâ nece rudolphi, beatæ memoriæ regis, niti ad hoc nos crebris adhortationibus flectere, ut Henricum, jam pridem, sicut scitis, plura facere nobis paratum, cui ferme omnes Italici favent, in gra-

tiam nostram recipiamus: Adjicientes, si ille in Italiam pro velle, & conatu suo, non valens nobiscum habere pacem, contra Sanctam Ecclesiam venerit, ex vobis frustra sperandum fore auxilium. Quod quidem si nobis, qui illius superbiam parvipendimus, deficiat, non adeo grave videtur. Si vero filiæ nostræ Mathildi, cujus militis animos ipsi perpendiftis, a vobis suffragatum non fuerit; quid aliud restat, nisi ut cum sui resistere reculaverint, quam

Tomus III. Concil. German.

B b 2

utique

utique hac in re pro infana habent, ipsa vel coacta illius paci acquiescat, aut quidquid possidere videtur, amittat? Quamobrem summopere niti vos oportet, eam certam reddere, an ex vobis præsidium expectare firmiter debeat, si Henricus forte Langobardorum fines intraverit.

II. Admonere te etiam, charissime, volumus, Ducem Welfonem, ut fidelitatem B. Petro faciat; quod coram Imperatrice Agnete, & Episcopo Comano mecum disposuit, concessio sibi post mortem patris ejus beneficio: illum enim totum in gremium beati Petri desideramus collocare, & ad ejus servitium specialiter provocare. Quam voluntatem, si in eo, vel etiam in aliis potenti- bus viris amore beati Petri pro suorum peccatorum absolutione ductis cognove- ris, ut perficiant elabora, nosque cer- tos reddere diligenter procura. Hac enim fiducia, ut Italici, remoti ab Henrico, nobis, imo beato Petro, fideliter ad- hæreant, Deo adjuvante efficere cre- dimus.

III. Præterea admonendi sunt om- nes in partibus vestris Dominum timen- tes, ac Sponsæ Christi libertatem dili- gentes, ut non aliqua gratia suadente, aut ullo metu cogente, properent eam temere personam eligere, cujus mores & cætera, quæ Regi oportet inesse, a suscipienda Christianæ religionis de- fensione & cura discordent. Melius quip- pe fore arbitramur, ut aliqua mora, secundum Dominum, ad honorem san- ctæ Ecclesiæ provideatur idoneus, quam nimium festinando in regem aliquis or- dinetur indignus. Scimus quidem, quod fratres nostri longo certamine, di- versisque perturbationibus fatigantur, nobilior tamen esse dignoscitur, multo tempore pro libertate Sanctæ Ecclesiæ decertare, quam miseræ & diabolicæ servituti subiacere. Certant namque miseri, scilicet membra diaboli, ut ejus- dem misera servitute opprimantur: Cer- tant econtra membra Christi, ut eos- dem miseros ad Christianam libertatem reducant. Quapropter fundendæ sunt frequentissimæ orationes, & largissimæ dandæ eleëmofynæ, omnibusque modis Redemptor noster exorandus, ut ini- mici nostri, quos suo præcepto dili-

mus, resipiscant, & ad gremium san- ctæ Ecclesiæ redeant, suæque sponsæ, pro qua mori dignatus est, defensores & rectorem, sicut eam decet, clemen- ter tribuat.

IV. Nisi enim ita obediens, & San- ctæ Ecclesiæ humiliter devotus ac utilis, quemadmodum Christianum regem oportet, & sicut de Rudolpho speravi- mus, fuerit: procul dubio ei non mo- do sancta Ecclesia non favebit, sed etiam contradicet. De prædicto enim Rudolpho Rege, quid sancta Ecclesia speraverit, & quid ille promittebat; tu ipse, frater charissime, satis cogno- scis. Providendum est ergo, ut non mi- nus ab eo, qui est eligendus in regem, inter tot pericula & labores sperare de- beamus. Qua de re quid promissionis juramento sancta Romana Ecclesia ab il- lo requirat, in sequenti significamus. Videlicet formam juramenti, quod præ- stare deberet, qui esset eligendus in regem, istis verbis conceptam.

V. *Ab hac hora, & deinceps fidelis ero per rectam fidem, beato Petro Apostolo, ejus- que vicario, beato Gregorio, qui nunc in car- ne vivit: Et quodcumque ipse mihi præceperit, sub his videlicet verbis: Per veram obedi- entiam, fideliter, sicut oportet Christianum, observabo. De ordinatione vero Ecclesiarum, & de terris, vel censu, quæ Constantinus Imperator, vel Carolus S. Petro dederunt; & de omnibus Ecclesiis, vel prædiis, quæ Apostolicæ sedi ab aliquibus viris, vel mu- lieribus, aliquo tempore sunt oblata vel con- cessa, & in mea sunt vel fuerint potestate, ita conveniam cum Papa, ut periculum sacri- legii & perditionem animæ meæ non incur- ram, & Deo sanctoque Petro, adjuvante Christo, dignum honorem & utilitatem im- pendam. Et eo die, quando illum primitus videro, fideliter per manus meas miles S. Pe- tri & illius efficiar. Hucusque juramentum ab eligendo Rege præstandum. Pergit vero ipse Gregorius:*

VI. Verum quoniam religionem tuam, Apostolicæ sedi fidem, & pro- missis tenemus, & experimentis non dubitamus: De his, si quid minuendum vel augendum, censueris, non tamen præ- termissio integro fidelitatis modo, & obe- dientia promissione, potestati tuæ & fi- dei, quam beato Petro debes, commit- timus.

VII. Quod vero de Sacerdotibus interrogastis, placet nobis, ut in præsentiarum, tum propter populorum turbationes, tum etiam propter bonorum inopiam, scilicet, quia paucissimi sunt, qui fidelibus Christianis officia religionis persolvant; pro tempore rigorem Canonicum temperando debeatis sufferre. De his namque pacis, & tranquillitatis tempore (quod Domino miserante cito futurum credimus) conveniunt tractari, pleniusque poterit Canonicus ordo servari. Cæterum de Buggone, cujus malitiam significastis, necdum tantam potestatem videlicet absolvendi, sibi tam temere commisisse, nec etiam recordamur, nos aliquando eum vel ser-

mone vel visu notum habuisse. In sancta quidem Synodo (b) quam nuper Deo auctore celebravimus, omnes excommunicatos usque ad condignam satisfactionem rursus excommunicavimus, & fratrum multitudinem, qui aderant rogavimus, ut misericordiam Dei quotidie exorent, quatenus illos per veram poenitentiam ad gremium sanctæ Matris Ecclesiæ reducat, eisque in bono perseverantiam tribuat, nullius enim hominis perditionem quærimus, sed omnium salutem in Christo desideramus.

Refert Hansiz. Tomo I. Germaniæ sacræ pag. 269.

Baronius partem harum recitat ad hunc annum No VII.

(b) Anno MLXXXI. Indictione III, anno Pontificatus VII, septimum Romæ in Basilica Lateranensi Concilium celebravit Gregorius VII, *Christianus Lupus Operum T. VI. pag. 214.* Post Baronium melius notantem annum 1081. Indictione quarta: Anno Pontificatus nono.

CONVENTUS IN PERSTESTAT

IN LOCO THURINGIÆ,

Anno Christi MLXXXV. Gregorii VII. Papæ XIII.
Henrici IV. Imper. I. (a)

Lectis decretalibus Literis Gregorii VII. de non communicando cum excommunicatis in Synodo Romana anno 1080, audiuntur variae exceptiones Moguntini & Trajectensis Episcoporum. Gebehardus Salisburgensis, Pontificio decreto parendum censet.

Re infecta disceditur.

Nativitatem Dominicam egere Hermannus (b) Rex Goslaris, Henricus Coloniae, & fluentibus ad ejus curiam multis, utpote novi Domini cupidis; Gregorius Papa Salerni, ejus supplantator Romæ. Utriusque dehinc partis Prælati ad discutiendam tam immortalem controversiam XIII. Kal. Februar. apud Perstestat (c) Thuringiæ villam conveniant.

Hinc Archi-Episcopi: Otto Ostien-

sis, a suo Gebehardo Constantiensis digressus, Hartwich Magdab. & Imperium Christi, thesauris Ægyptiorum proferens Gebehardus Juvavienensis.

Episcopi: Udo Hildenesheimensis, Burchard Halverstadensis, Hartwig Viridunensis, Guernhere Merseburg, Gunthere Cicensis, Benno Misnensis, Heinrich Patherbrunnensis designatus, & adhuc tantum Subdiaconus.

B b 3

Illinc

(a) Anno 1084. die Resurrectionis Dominicæ a Guiberto Antipapa coronam Imperii accepit: Gregorio VII. in castello S. Angeli recepto.

(b) Hermannus a Teutonici Regni Archi-Episcopis, Episcopis, Ducibus, Marchionibus, Comitibus Rex eligitur, & Goslaris die S. Stephani 1081. a Sigefrido Moguntino Archiepisc. coronatur. *Bertoldus. Bruno de bello Saxon.*

(c) Anno MLXXXV. 19. Januarii in Berchatt Thuringiæ. Hic Conventus prodromus est Conciliabuli Moguntini. *Bravins in Annal. Ecclesiasticis. Baronio: Berchach dicitur, & Cl. Lupo Tomo VI. Operum pag. 341. ex Abbate Urspergeni, Venerico Vercelleni, Bertoldo Constantensi.*

Illinc Liemarum Bremensis, & qui a Papa illius partis Pallia acceperant, Moguntinus, Coloniensis, & quicumque eis faverant eorum Suffraganei.

Sulceperunt defensionem causæ. Hinc Archi-Episcopus Juvaviensis, illinc Moguntinus legendo, (c) Trajectensis sermonizando stabant, ut arrestis auribus diversæ sæcularium personæ velut in turbulentissimi temporis causa angelico quodam examine discutienda. Juvaviensis exordiens dixit: Venimus probare, prout conditum est, licitum nobis non esse, ut communicemus his, qui nobis nuntiati sunt, excommunicati, & maxime quos Papa, possessa (d) absque contradictione Apostolica sede, in publica Synodo excommunicavit, nobisque & eos a se excommunicatos cum causa excommunicationis, & ne eis communicemus, per litteras demandavit. Hæc dicendo, ut fidem verbis daret, mandati ejusdem indices, sigillatas Apostolici epistolæ complures præsentat, & obediendum ejus edictis, nec communicandum his, qui nuntiantur excommunicati, Evangelica, Apostolica decretali, Apostolicæ sedis Præsulum, & diversorum Canonum auctoritate probat. Econtra Trajectensis: Sententiæ, ait, vestræ nullum nostrum refragabitur; sed Dominum nostrum, cujus hic causa discutitur, negamus excommunicatum, quia Apostolicus injuste secum egit, excommunicans, quem excommunicare non debuit. Cujus fermocinationem cum Moguntinus jam probaturus esset legendo; Juvaviensis responsum non differens, astipulatur ex institutis Gelasii, & Synodorum Nicenæ & Sardicensis: "Nulli, quamvis injuste excommunicato, communicandum, ante utriusque partis

"justam examinationem & nisi re-
"conciliato per suum excommunica-
"torem." Et ecce Moguntinus exspectato potitus silentio legerat Capitulum: *Nullum rebus suis spoliatum, ad Synodum posse vocari, judicari, dampnari.* Et hoc laicis exponens testatus est, quia nec potuerit Apostolicus excommunicasse Dominum illorum, postquam Saxones & aliqui Suevorum ab eo defece-
rant, magna parte regni spoliatum. Ad hæc Juvaviensis; Capitulum, ait, hoc nec universaliter verum, nec hujus auctoritate illum, de quo agitis, ab excommunicatione Apostolicæ defensionem facile probaremus, sed de nostro periclitaremur gradu, si contra Apostolicorum GELASII, NICOLAI, & aliorum multorum edicta Apostolicæ sedis retractaremus judicia; ut illius sit de omni judicare Ecclesia, nullius de illa: & ideo, cum primum hæc indicta est dies, colloqui hujus actionem hoc cautelæ respectu determinavimus, ut de alia re nulla nobis respondendum affirmaremus, nisi Catholicæ lege nos constringi, ut eis non communicemus, quos nobis Præsul sedis Apostolicæ, & a se excommunicatos, & ne eis communicemus, certa Legatione demandavit. Et hoc non alio nos pacto ad hunc Conveniam inductos vestros hujus colloqui testamur Mediatores.

Sic istis edicta Parrum exorbitare nolentibus, illis, quod Romæ oportuit esse definitum in bivio & sub alieno auditore retractare poscentibus, infecto disceditur negotio.

Chronograxus Saxo autor suppar.

Bertoldus & Urspergensis: sed cum aliquo discrimine.

(c) Wecilo anno superiore intrusus post obitum Sigefridi: cujus opinio erat: quamdiu quis suis rebus spoliatus est, Divinis non subjacet Legibus. Quæ opinio hæresis Weciliana cognominata fuit: hujus beneficio Henricus Rex regno, alii Episcopatu spoliati, nulla lege se teneri putabant ante restitutionem.

(d) Jam in decimum tertium annum.

Apologista Henrici IV. splendide mentitur, ad Wecilonis sermonem obmutuisse Gebhardum. Contrarium evidens est ex Bertoldo, & Saxone Chronographo. *Hansfr. Tomo I. German. pag. 275.* Vide hoc mendacium in relatione subjuncta Colloqui Gerstungenensis ab Henriciano adulate confictio.

Responsum paulo diversam dat BERTOLDUS. Saxones responderunt, se judicium Sedis Apostolicæ nec debere retractare, nec posse: cum illo potius tractandum, qui illum damnaverit, non cum Saxonibus, quod damnationi ejus non interfuerint, qui Sedi Apostolicæ nullam retractionem sed obedientiam debuerint. *Bertoldus ad hunc annum.*

COLLOQUIUM IN GERSTUNGEN

ANNO CHRISTI MLXXXV.

*Fautorum Henrici Regis, & adhaerentium Gregorio, nullo effectu,
nullo fructu.*

FIt conventus in loco, qui dicitur Gerstungun XIII. Calend. Februarii, Anno scilicet MLXXXV. ab Incarnatione Domini. Tum primo Chunradus Traiectensis Ecclesiae Episcopus: "Ecce, inquit, venimus, ut probemus ex testimonio Sanctorum Canonum, non damnatum esse, vel excommunicatum Regem nostrum Henrichum: Cui si non poterunt prodesse apud vos ea, quae legitime ordinata sunt a Deo circa honorem Regium: saltem hoc concedite, ut eo utatur jure, quo ex Regulis Ecclesiasticis concessum est, uti vel infima in Ecclesia personarum. Et dixit ad Wezelinum Moguntinae Ecclesiae Episcopum, ut surgeret, & legeret capitulum quidem ex decretis Romanorum Pontificum. At ille surrexit & legit: *Quomodo rebus suis aliquis exspoliatus, aut a sede propria vi aut terrore avulsus non potest accusari, vocari, judicari, aut damnari, antequam omnia sibi ablata ex integro restituantur, & cum omni privilegio suo jus proprium reformetur, & ipse pacifice diu suis fruatur honoribus, propriae sedis regulariter restitutus. Quod & Nicenum constituit Concilium, ut nemo Pontificum praesumat aliquem suis exspoliatum rebus excommunicare aut*

judicare. Adhuc cum obmutuisset GE. BEHARDUS Saltzburgerensis Ecclesiae Archi-Episcopus, qui causam adversae partis erat acturus, utpote apud suos maxime vel ipse senectute sua, vel scientia scripturarum, sive eloquentia reverendus: tum quidem intulit Werinherus, Merseburgerensis Ecclesiae Episcopus, ubi in Canonibus scriptum esset aliquid ejusmodi de mulieribus? Et Wezelinus Archi-Episcopus porrigens eis librum: Ecce, inquit, ipsi legite, consequens hujus rei testimonium, quomodo huic quoque sexui oporteat justum judicium fieri: & quomodo ne mulier quidem debeat objectis respondere, donec permittitur ei rem familiarem libere diutius ordinare. Tum omnes adversae partis Episcopi ita sunt confusi, & ita devicti, ut non haberent, quid ad haec respondere possent, manente apud Ecclesiam Dei victoria: quoniam obstructum est os loquentium iniqua. Sed hinc resonabant laudes Deo, illic autem erat murmur multus in turba de sermone illo. Quidam enim dicebant: Quia bonus est: alii autem dicebant: Non, sed seducit turmas.

Ex Apologia Henrici IV. Regis pag. 196.

197.

Edita a Frebero Tomo I. Script. German.

QUINTILINOBURGENSE CONCILIUM

Anno Christi MLXXXV. Gregorii VII. Papae XIII.

Henrici IV. Regis xxx. Imp. II.

SUMMA CANONUM.

Hermannus Rex in Quintilinoburch Pascha celebravit, ubi & Legatus Domini Apostolici in ipsa Paschali hebdomada generalem Synodum cum Archi-Episcopis, Episcopis, & Abbatibus, sancto Petro fidelibus, solemniter celebravit. Interfuit autem huic Synodo Geberhardus Reverendissimus Fuvavensis Archiepiscopus. Item venerabilis Hartvicus Magdeburgerensis Archiepiscopus cum Suffraganeis suis. Item Suffraganei Moguntinae sedis de Saxonia: nam
Wirtze-

Wirtzeburgensis, & Wormatiensis, Auguftensis quoque, & Constantiensis de Allemannia, quique ipsi canonica necessitate impediti venire non potuerunt, per Legationem suam se sancto Concilio representaverunt, seque per omnia ejusdem Synodi statutis assensuros mandaverunt. Rex etiam Hermannus cum suis Principibus eidem Synodo interfuit. Bertoldus Constantiensis coævus testis.

CANON I.

Cum omnes juxta ordinem suum confedissent, prolata sunt in medium decreta Sanctorum Patrum de primatu Sedis Apostolicæ, quod nulli unquam liceat ejus judicium retractare, & de ejus judicio judicare. Quod de totius Synodi publica professione laudatum & confirmatum est. Et hoc utique contra Henricianos, qui fideles Sancti Petri constringere voluerunt, ut excommunicationem Domini Papæ, Gregorii, super Henricum cum illis, retractare præsumerent. Quidam autem Bambergenfis Clericus, nomine Cunibertus, Romani Pontificis Primatui derogare volens, in mediam Synodum se contulit, asserens, romanos pontifices hunc sibi primatum adscripsisse, non aliunde concessum hæreditasse; videlicet, ut nullus de eorum judicio judicare debeat, nec illi alicujus judicio subiaceant. Qui cum aperte a tota Synodo confutaretur, præcipue tamen a quodam laico convictus est per illud Evangelium: *Non est discipulus supra Magistrum.* Cum enim hoc generaliter ab omnibus Ecclesiasticis ordinibus observandum deputeretur, ne major a minore judicaretur, quis hoc Vicario Sancti Petri denegare potuit, quem omnes Catholici pro Domino & Magistro venerantur?

II.

In eadem Synodo ordinatio Wecilonis Moguntini infaustis, & Sigefridi Auguftensis, & Norberti Curienfis, immo omnes ordinationes, & consecrationes excommunicatorum penitus irritæ judicatæ sunt, juxta decreta Sanctorum Patrum INNOCENTII, LEONIS PRIMI, PELAGII atque ejus successoris GREGORII PRIMI.

III.

Secta Wecilonis Moguntini infaustis, ejusque sociorum, sub anathemate damnata est, quæ asserit. I. *Seculares*

suis rebus exspoliatos, Ecclesiastico non subiacere judicio, 2. Nec excommunicari posse pro suis excessibus, 3. Quique excommunicatos absque reconciliatione recipi posse contendit.

IV.

Statutum est, ut quicumque ab Episcopo suo, nec officio, nec communione privato, excommunicatus fuisset, etsi injuste, nullatenus tamen reciperetur ad communionem, nisi absolutus Ecclesiastico more.

V.

Similiter, & pro Sacrilegio excommunicatos decrevit sancta Synodus non recipiendos absque solita reconciliatione, & nisi dudum, quæ sacrilege sibi vendicaverant, reddidissent.

VI.

In eadem Synodo Presbyteris, Diaconibus, Subdiaconibus perpetua, juxta decreta Sanctorum Patrum, indicta est continentia.

VII.

Item statutum est, ne laici pallas Altaris, & sacra vasa contingant.

VIII.

Item ne laici decimas sibi vindicent in proprietatem, nec etiam beneficium, sine concessione legitimorum possessorum.

XI.

Item ut venum jejunium in prima hebdomada quadragesimæ, æstivum in Pentecoste semper celebretur.

X.

Item Synodali judicio confirmata & laudata est ordinatio Domini Geberhardi Constantiensis episcopi. Immo omnia, quæ præfatus Apostolicæ Sedis Legatus, cum esset Constantiæ, ordinavit.

Hoc pacto Christianus Lupus cum amplissimis & eruditissimis Scholiis has XI. Canones Tomo VI. novæ editionis Venetæ 1725. in hanc Synodum commentatus est a pag. 343. ad 393.

Ex Bertoldo Constantiensi & Venerici libris juxta se positis.

Bertol-

Bertoldus addit sequentia acta Synodi Quintinolinburgensis.

Item ibi mota est quæstio de consanguinitate Regis & uxoris suæ. Unde & Rex Hermannus in media Synodo surrexit, seque de hac re iudicium sanctæ Synodi per omnia observaturum professus est. Sancta autem Synodus hanc causam in præsentî canonice examinari non posse iudicavit, eo quod legitimi accusatores non essent.

In fine autem Synodalis sententia anathematis cum ardentibus candelis promulgata est in Guibertum hæresiarcham Sedis Apostolicæ perversorem, & in Apostatas S. Petri, Hugonem Albanensem, Joannem Portuensem Exepiscopos, Petrum Excancellarium. Item in Lemarum Bremensem, Utonem Hildinshaimensem, Otronem Constantensem, Burchardum Basiliensem, Huzmannum Spirensem Exepiscopos. Item in Wicilonem Moguntinum invasorem, Sigifridum Augustensem, Norbertum Curiensem, in hos, & in omnes complices, inevitabilis sententia anathematis promulgata est, subseripserunt per se, aut per Legatos suos

Hermannus Rex Romanorum.

Otto Monachus (a) Cluniacensis Legatus Gregorii Papæ.

(a) Episcopus Ecclesiæ Ostiensis.

(b) Quatuor hi ultimi Episcopi erant a Legato Pontificio, vel Hermannno, introducti in has Ecclesias, Reginhardus in Mindensem, ad quam Colonienfis Metropoli ordinaverat Folemarum, Wigoldus in Augustanam, in qua sedebat Sigefridus, post captus.

In eadem Synodo damnata fuit hæresis Henriciana, qua asserbatur Imperatoribus & Regibus summam potestatem esse in profana & sacra: item hæresis Weciliana, asserens Principem rebus suis spoliatum Divinis legibus non teneri. Ita a schismate ad hæresin itum. *Chronographus Saxo pag. 268. apud Leibnitz.*

Gebhardus Salisburgensis Archiepiscopus.

Hartwicus Meydenburgensis Archiepiscopus.

Adalbero Wirzburgensis Episcopus.

Altmannus Batavensis episcopus.

Bernardus Merspurgenfis Episcopus.

Guntherus Citicensis Episcopus.

Benno Moesanus Episcopus.

Albertus Vangionus Episcopus.

Bürckhardus Halberstadenfis Episcopus.

Hermannus Mediomatricus Episcopus.

Reginardus (b) Mindensis Episcopus.

Wigoldus Augustanus Episcopus.

Gebhardus Constantiensis Episcopus.

Heinricus Bambergensis Episcopus.

Eckbertus Marchio Saxonum Brunovicensium.

Henricus Crassius, filius Ottonis Ducis Bavarie.

Conradus Comes a Beuchlingen.

Bertoldus in Chronico, quem Baronius, Bzovius, Christianus Lupus secuti sunt.

CONCILIABULUM MOGUNTINUM

QUATUOR ARCHIEPISCOPORUM, & DECEM EPISCOPORUM,
CONTRA GREGORIUM VII. PRO CLEMENTE III.

ANTI-PAPA.

Anno Christi MLXXXV. Gregorii VII. Papæ XII.

Henrici IV. Regis XXIX. Imp. I.

Sed ea (acta in Synodo Quindelinburgensi proximo Paschate) postquam ab Henrico Rege cognita sunt, vix tres hebdomadæ effluxere, cum & ille MOGUNTIAE ad S. Albanum Pseudo-Synodum Schismaticorum suorum Episcoporum

C c

porum congregavit, cui ipse cum Legatis Pseudo-Pontificis interfuit. Accessere ad hanc Synodum Wecilo (a) Moguntinensis, Eilbertus Trevirensis, Sigewinus Colonienſis Archi-Episcopi, & Liemarſus Bremenſis per Legatum; adhuc Conradus Traiectenſis, Henricus Leodiensis, Udalricus Eichſtadenſis, Meginwardus Friſingenſis, Otto Ratiſbonenſis, Rubertus Bambergensis, Hermannus Spirenſis, Otto Conſtantiensis, Sigefridus Auguſtanus, Gebhardus Pragenſis, Udo Hildeſimenſis, Henricus Paderbornenſis, Erpo Monaſterienſis (adeo jam nomen illud pro Mimigardovordenſi receptum erat) Folcmarus Mindenſis Episcopi: tres præterea Bibo Tullenſis, Burchardus Baſileenſis, Otto Stratzburgenſis Episcopi, Legatos ſuos miſſere. Multi ex his metu Regis potius, quam voluntate ſua adſuere, qui manu quidem & ore, ut Sigebertus retulit, *Guiberto addiſti*, corde tamen Gregorio adhæreſe, ideoque a Synodo ſe deinceps detraxerunt. Interim Schiſmatici, qui convenerant, Episcopi, præſide Wecilone Moguntino Archi-Episcopo, adverſus Gregorium Pontificem pronuntiaverunt; tamquam paria relaturi Synodo Catholicorum Episcoporum, ne horum judicium quicquam derogaret Henrico Regi ſuo. Quapropter umbratilem hanc Synodum appellavit Bertholdus Presbyter.

Schatenus Annal. Paderbornen. Tomo I. ad h. a.

ACTIO II.

Gebehardo, Pragenſi, reſtituitur Moraviensis Ecclesia, aliquanto tempore ei ſubtracta.

IN eodem Concilio Gebhardus, frater Wratislai Ducis Boemiæ & Poloniæ, Pragenſis Eccleſiæ Præſul, ſcripta ſua antiquæ querimoniæ præſentavit de Joanne Moravienſi Episcopo, qui eodem anno ab hoc ſæculo migraverat. Replicavit etiam Privilegium ſancto Adal-

berto Prædeceſſori ſuo, a Benedicſto Papa, & Imperatore Ottone I. confirmatum.

Unde factum eſt, ut *Wratislaus Dux*, & frater ſuus *Conradus*, eidem Gebhardo Episcopo Moraviæ Parochiam reprofiterentur & redderent, cujus redintegrationis auctoritatem Imperator in charta deſcribi, & ſigilli ſui impreſſione juſſit inſigniri.

Acta ſunt hæc Moguntia III. Kal. Maji.

Annaſiſta Saxo Eckharti Tomo I. Corporis Germaniæ Script. ſed ad annum 1086. reſert.

Episcopi, qui Moguntino Conciliabulo intereſſe noluerunt, ſed Catholicæ cauſæ adhærebant, hi fuere: Gebhardus Saltzburgenſis, Hartwicus Magdeburgenſis Eccleſiæ Archi-Episcopi; Episcopi: Adalbero Wurceburgenſis, Altmannus Paſſavienſis, Adelbertus Wormatiensis, Burchardus Halberſtadenſis, Werinherus Merſeburgenſis, Guntherus Citicenſis, Benno Miſnenſis, Hartvingus Virdunenſis, Herimannus Metenſis, Reginhardus Mindenſis, Wigoldus Auguſtanus, Gebhardus Conſtantiensis, Henricus Paderbornenſis. Hi omnes nullo humano metu, nullo favore ſeduci poterant, & plerique ex illis exilium ab Eccleſia ſua, quam cauſam Catholicam deſerere maluerunt. Adde his omnes reliquos Occidentis & Orientis Eccleſiarum Episcopos, Gregorio VII. adhærentes, & videbis, quantula ſit auctoritas 18. Episcoporum Moguntia coactorum vel per ſe, vel per Legatos ſuos pro anti-papa Guiberto, ejuſque Legatis tribus.

De Abbatibus ſcribit Tritheimus:

Eos Abbates in Germania, qui Gregorii VII. partem ſequébantur, propter tyrannidem Henrici, aut de ſuis Monaſteriis fuiſſe vi expulſos, aut communionem habere cum excommunicatis reſuſcitanſes, propter ſerenitatem conſcientiarum ſpontanea voluntate receſſiſſe a ſuis Mona-

- (a) *Huius elogium compendio dat Bertoldus Conſtantiensis ad hunc annum.* Henricus congregata multitudine Schiſmaticorum, Wecilonem Clericum Halberſtadienſis Episcopi fugitivum, Moguntinenſi Episcopatu remuneravit: eo quod illi in omni pertinacia contra Dominum, & SANCCTUM PETRUM, indefeſſus cooperator adſuit, qui ipſe jam dudum anathematizatus, & ab anathematizatis electus, nihilominus etiam ab anathematizatis juxta Pelagium Papam non conſecratus, ſed ex-cratus eſt. *Ex editione Urſiſii.*

Monasteriis exules. Wilhelmum Hirsaugiensem Abbatem suum, vocatum Moguntiam non adivisse, sed causas rationabiles suæ absentiæ opposuisse. Verbo Decretum Moguntiae fuit, quod omnes Episcopi & Abbates Imperatori

eatenus rebelles, deponerentur absque contradictione, & alii obedientes Imperatori in eorum locum constituerentur.

Tribemius in Chronico Hirsaugiensi novæ edit. Tomo I. pag. 265.

Bertoldi Constantiensis Presbyteri coævi judicium de Moguntino Conventu audiamus: Hi omnes adversarii Ecclesiæ Dei, excommunicati scilicet in Synodo orthodoxorum Romana, & Quintelinbargensi, in tertia hebdomada collegerunt Moguntiae non Synodum, sed Conciliabulum, in quo umbratilem sententiam excommunicationis contra fideles S. Petri deprompserunt, utpote nequaquam illos excommunicare valentes, sed apertissime seiplos a communione fidelium sequestrantes, ut non tantum judicio Ecclesiæ, sed & proprio eorum judicio sicut omnes hæretici a Catholicis essent separati. Sedes quoque Catholicorum Episcoporum viventium temeraria cupiditate cæcati sibi vindicare non timuerunt. Binius ex Bertoldo Tomo III. Concil. Parte II. pag. 406.

HERMANNUS, SPIRENSIS EPISCOPUS, INVITAT EPISCOPOS ET PROCERES LONGOBARDIÆ AD MOGUNTINUM CONVENTUM.

IN Domino Dominorum diligendis Archiepiscopis, Episcopis, Marchionibus, Comitibus, nec non etiam totius Longobardiæ tam minoribus, quam majoribus, Hermannus, Spirensis Episcopus, servitutem & orationem.

Super Regni perturbatione, Regiæque potestatis derogatione, nec non etiam super vacillante statu Ecclesiæ, non minus ego dolens, quam cæteri Principes Regni, decrevimus Moguntiae inire consilium, si fieri possit, ut & Regni perturbatio sedetur, Regia potestas redintegretur, & Ecclesiæ, ne omnino naufragium patiatur, succurramus. Quoniam autem modo hoc fieri possit, excogitare nequivimus, nisi caput pestiferi serpentis penitus abscinderetur, cujus venenosus afflatus hæc exorta hætenus intumuerunt: Manente vero causa efficiente, quomodo poterit effectus extirpari? Quo inito con-

filio tam primates, quam minores, firmiter fideliterque decrevimus, ut Hiltebrandus, ille Sedis Apostolicæ subdolos invasor, Divinarum, humanarumque legum execrabilis perturbator, Deo opitulante, omnimodis abdicetur, aliusque in sedem Apostolicam eligatur, qui dispersa colligat, confracta consolidet, non discordiam, non bella, sed pacem in sancta Ecclesia desideret. Nec ab hoc negotio perficiendo strenuitatem vestram absterreat, quod prius in simili consilio nos, portum tenentes, periculosa procellarum jactationi vos commisimus; sed potius viriliter agite, & confortetur cor vestrum, qui speratis in Domino, pro certo scientes, levius extorqueri clavam de manu Herculis, quam in præsentis negotio divellamur, vita Comite a vobis.

Ex codice MS. Tegernseensi descripsit Cl. Schannatus bonæ memoriæ.

CONRADUS EPISCOPUS.

Confirmavit STATUTA, Privilegiaque Trajectinæ Ecclesiæ jam ab Episcopis antecessoribus facta, & indulta hoc diplomate.

ANNO CHRISTI MLXXXVII. VICTORIS III. PAPÆ II.
HENRICI IV. REGIS XXXII.

IN nomine Sanctæ & individuae Trinitatis, & sancti Martini confessoris,
Tomus III. Concil. German.

gloriosi Patroni mei. Ego CONRADUS Sanctæ Trajectensis Ecclesiæ humilis

lis Episcopus, notum esse volo posteritati universæ, quod a venerabilibus viris in Christo dilectis, Præposito, Decano, & capitulo majoris Ecclesiæ Trajectensis, prædictæ vocatus veni ad capitulum, ut *privilegia & statuta* ab antecessoribus meis Episcopis concessa edita perscrutarer, visis igitur & examinatis pluribus eorum privilegiis a prædecessoribus meis concessis & editis, videlicet a Dominis *FREDERICO, RADBODO, BALDRICO & ADELBOLDO*, Ecclesiæ ipsorum a Danis destructæ reparatore, & fundatore glorioso, & pluribus aliis Episcopis antecessoribus meis inter cætera reperi statutum sub his verbis.

" Ne ea, quæ *Sancti Patres*, & antiquitas veneranda Spiritu Sancto inspirante statuerunt, a memoria posteritatis elabantur, decet, & convenit scripturarum memoriis personare, & nota facere tam præsentibus, quam futuris. *Sciant igitur universi quod in fundatione primæ majoris Ecclesiæ Trajectensis certus numerus est statutus* (a) *Canonicorum, scilicet quadraginta, cum Præposito & Decano*. Processu vero temporis multiplicatis fidelium populis, pluribusque Ecclesiis collegiatis ex inspiratione Divina, & consensu (b) majoris Ecclesiæ prædictæ fundatis & constructis, tam in civitate Trajectensi, quam in Diocesi Trajectensi. Deinde per Episcopos, & majorem Ecclesiam earum fundatores decretum existit, & statutum, (c) ut omnes Ecclesiæ prædictæ matri Ecclesiæ sive majori prædictæ perpetuis temporibus sint subiectæ, & in memoriale subjectionis, cum Præposituram earundem aliquam vacare contigerit, capitulum, ad quod ejusdem (d) collatio pertinet, unum de canonicis dictæ majoris Ecclesiæ in Præpositum eligat, & nullum aliunde assumat, cum Archidiaconi esse debeant, nisi tantummodo in Ecclesia Cathedrali. (e) Item cum Episcopus

" Præposituram Tielsenem, Thesaurarium, Scholastriam, Chori-episcopum & quædam alia officia, S. de Eist, & Delenberghe, Præpositura nuncupata, quæ etiam *claustrales obedientie* appellantur, suæ collationi reservaverit, nulli eam conferre nisi canonico majoris Ecclesiæ poterit, aut debeat. (f) ecclesiam S. Salvatoris, quæ cum majori simul est fundata & dotata, ipsique annexa fraternitate speciali suum præpositum conferre cuiuscunque voluerit est consueta. (g) Decretum est & statutum, quod de singulis ecclesiis trium congregationum civitatis, in solemnitatibus Paschæ, Pentecostes, Nativitatis Domini, S. Martini gloriosi Trajectensis Patroni, & in aliis omnibus matricis ecclesiæ prædictæ legitimis stationibus, intererunt, & cum Diaconis comministrant, & tantum episcopali sedi debitum reddant. Item statutum est, ut, cum Decano majori expedire videbitur, & necessitas requirit, quod episcopum & Archidiaconos, & ecclesiam tam civitatis quam Diocesis Trajectensis pro tempore existentes ad capitulum vocare tenebuntur. (h) Item Abbates de civitate, & Diocesi ad omnes stationes erunt in civitate, & non stabunt inter canonicos, nec in stallis canonicorum, sed in alio loco, induti albis, & capis fericis, & episcopum, quocunque iturus est, in choro, vel ecclesia duo ducent. Hoc igitur quia sancti Patres, & veneranda antiquitas tam laudabiliter statuerunt, & teneri decreverunt; nulla posteritas cujuscunque conditionis infringat, sed perpetuis temporibus observet, & qui aliqua ex eis infringet, anathema sit. Amen.

Quibus visis idem Præpositus, Decanus, & Capitulum humiliter supplicaverunt, ut privilegia hujus & *statuta* dignarer confirmare.

Quapropter eorum humilibus petitioni.

(a) Canonici 40. tantum Collegii D. Martini in principio constituti.

(b) Eminentia majoris Ecclesiæ.

(c) Cui alii parent.

(d) Et ex cujus collegio eligendi aliarum Ecclesiarum Præpositi, non aliunde assumendi.

(e) Item alii aliis dignitatibus ornandi inter cæteros præpositura Tielsenis, Eist, & Delenberghe.

(f) Ecclesia S. Salvatoris simul cum majori fundata.

(g) Sacerdotes trium Ecclesiarum civitatis adstricti ad stationes Ecclesiæ matricis.

(h) Abbates Diocesis Trajectensis adstricti ad omnes stationes Ecclesiæ matricis.

tionibus inclinatus, considerans etiam apud Deum peccatrici animæ profuturum, si honorem Ecclesiæ & . . . cui præsum, ampliarem, præmissis privilegiis & statutis addo de gratia speciali & statuo, (i) "ut Ecclesia gloriosissima Virginis Mariæ per me noviter dotata, & fundata etiam per me & ipsam Ecclesiam majorem in omnibus tam conferendo præposituram suam uni de canonicis majoris Ecclesiæ, quam suis stationibus comministrando, ut præmittitur, ipsi matri Ecclesiæ sit subiecta.

Præmissa omnia & singula privilegia & statuta rationabiliter edita a venerabilibus viris meis prædecessoribus episcopis, jam cum Christo viventibus, duximus confirmanda in Dei nomine, & præsentibus confirmo, præcipiens omni-

bus posteris sub anathematis vinculo immobiliter observate.

Acta sunt in Capitulo majoris Ecclesiæ præsentibus Domino meo (k) Henrico IV. Imperatore ac venerabilibus viris Annone Colonienſi, (l) Everardo Treverenſi (m) Archiepiscopis, Burcardo Halberſtadenſi, Frederico (n) Monasterienſi Episcopis, Godefrido, Frederico, Gerardo Ducibus, & pluribus aliis Regni, & Episcopatus fidelibus.

Anno Dominicæ Incarnationis millesimo octuagesimo septimo. Anno Domini Henrici Regni 33. Imperii vero 5. mei vero 13. Kalendas Novembris. (o)

Heusden Batavia sacra pag. 135. 136.

Ex Annalibus hætenus ineditis Petri Bockenberghii.

(i) Ecclesia D. Mariæ a Conrado fundata matri, ut aliæ, subiecta.

(k) Henricus Imperator præsens in capitulo Trajecti.

(l) S. Anno jam anno 1075. obierat: sedebat hoc anno Colonie Sigewinus.

(m) Eberhardus, Treverenſis Archiep. anno 1067. obierat: hoc anno Trevericæ Archiepiscopus erat Egilbertus: Error Librarii, qui posterioribus annis statuta iterum descripsit & augere voluit.

(n) Friderici Monasterienſis jam dudum mortui sedem Erpo occupabat anno 1087.

(o) Conradus Episcopus Ultrajectinus XXII., antea Moguntini Archiepiscopi Camerarius, Henrici IV. Regis nutritius, cui favisse perhibetur. Unde Bertholdo Constantienſis Schismaticus dicitur. Sedit ab anno 1075. ad 1099. XIV. Aprilis, quo interemptus fuit a Friso.

PRINCIPUM GERMANIÆ PROPE SPIRAM

COLLOQUIUM CUM HENRICO IV. REGE ET IMP.

ANNO CHRISTI MLXXXVII. VICTORIS III. PAPÆ II.
HENRICI IV. IMP. IV.

*SUMMA. Principes Germani, Catholico Papæ conjuncti, suadent
Henrico IV. pacem cum Ecclesia Catholica, ejus Capite
ineundam, sed irrito conatu.*

IN Germania Principes Regni Teutoniarum, fideles Sancti Petri, generale colloquium cum Henrico IV. & Fautoribus ejus, in Kalendis Augusti prope Nemetensem civitatem habuerunt, eique adjutorium suum, si de excommunicatione exire vellet, fideliter promiserunt.

Ille autem in solita sua obstinatione persistens, nec se profiteri excommunicationem dignatus est, licet sibi in faciem hoc a nostris instanter probaretur. Unde & nostri nullam pacem & concordiam cum eo habere statuerunt.

In prædicto colloquio literæ Domini Papæ, Victoris III, hoc anno VII. Idus Maji consecrati, & in Apostolica Sede collocati, recitatæ sunt, in quibus & suam promotionem Principibus Germaniæ denunciavit, & Judicium sui Antecessoris piæ memoriæ Gregorii Papæ (a) super Henricum & Fautores ejus, apertissime confirmavit.

Bertoldus, coævus autor, Constantienſis Presbyter.

III. Baronius ad h. a. n. XVIII.

C e 3

Anno

(a) Hinc patet *signum penitentiae*, quod Sigebertus Sancto Gregorio morienti attribuit in suo Chronico: cui & cæteri omnes coevi Scriptores contradicunt.

Anno MLXXXIX. Colloquium rursus Saxoniarum Episcopi & Proceres cum Rege Henrico habent. Petunt, ut cum Pontifice & Ecclesia in gratiam redeat, Guiberto, Antipapæ, renuntiet, pronos se ad obsequium Regis redituros.

Rex non multum abnuere visus; sed Proceres & Episcopi schismatici mentem alio averterunt, & consilia Catholicorum elusa sunt.

Sebatenus ad h. ann. ex Bertboldo.

SYNODUS DIOECESANA BAMBERGENSIS

ANNO MLXXXVII. A ROBERTO, BAMBERGENSI EPISCOPO, CELEBRATA,

In qua juxta priorem Synodum anni MLVIII. Decimatio Novalium revindicatur.

ANNO Dominicæ Incarnationis MLXXXVII. Indiēt. XI. XI. Kalend. Aprilis, celebrata est Synodus in hac Bambergensi Ecclesia, sub Domino Roberto, septimo hujus Sedis Episcopo: Ubi inter cætera Ecclesiastica negotia, universi, qui Synodo Domini *Guntharii* intererant; Clerici quidem per sanctam obedientiam; judices vero cæterique laici Sacramentis astricti, uno ore protestati sunt: quemadmodum novalium decimationes, de quibus inter nostram, & Wirceburgensem contentio erat Ecclesiam, Synodali judicio, sub Domino *Gunthario*, quinto hujus Sedis Episcopo, nostræ adjudicatæ sunt Ecclesiæ. Et hæc nomina testium, qui ad memoriam modernorum, quid sub Domino *Gunthario* viderint, & audierint, protestati sunt.

Adalbero Decanus.

Aencher, Eccho, Adelbereth, Sigelo, Ozo, Huno, Ruthart.

Hi sunt Clerici:

Erbo, Afcuvin, Volrat, Friderich, Arnolt, Debolt.

Hi vero Synodo Domini nostri Roberti.

Gebenart Præpositus.

Poppo Decanus.

Tiemo Abbas.

Kêzelin, Eberhart, Heriman, Eberhart, Adelbero, Poppo, Bruno, Ernest.

Adelbero Decanus.

Huno, Mengoz, Gunthere, Rabodo, Erehenbreht, Arnolt.

Domnus Bodo.

Gozuvin Comes.

Friderich de Castel.

Gozuvin de Anspere.

Adelolt, Wolpodo, Lamprecht, Bruno, Ebirhart.

Ex Schedis Cl. Schannati b. m.

CONVENTUS AQUISGRANENSIS

Anno Christi MLXXXVII. Victoris III. Papæ II. Henrici IV. regis XXXII. Imp. IV.

SUMMA. 1. Ecclesiam S. Servatii in Trajeſto. 2. Nominationem Præpositi. 3. Advocatiam solius juris Regii esse ostenditur. 4. Sub banno IX. Episcoporum.

IN nomine Sanctæ & Individuæ Trinitatis, & victoriosissimæ crucis, & sanctæ Dei genetricis Mariæ Henricus Dei gratia Romanorum Imperator Au-

gustus, omnibus Sanctæ Dei Ecclesiæ filiis tam posteris, quam præsentibus, gratiam Dei, perpetuamque pacem,

Quoniam regibus & Imperatoribus a Deo

Deo in pacem Ecclesiarum constitutis sollicitudo esse debet, sibi commissis prudenter & strenue providere Ecclesiis, necessarium duximus, ut, sicut in statu honoris sui, & integritate libertatis adhuc positæ, sunt conservandæ, ita dominatione iniqua oppressæ, in pauperiem redactæ, libertatis honore destitutæ, sint reformandæ. Talis ergo & tantæ sollicitudinis studio, benignitas nostra Ecclesiam *B. Servatii in Traiecto* respiciens, iniquæ & gravi ejus servituti condoluit, nec passa est ulterius eam debita libertate destitui. Pia namque contestalis nostræ conjugis *BERTÆ* petitione, & Principum regni nostri iudicio, iniquæ Dominationis jugum, & omne jus beneficialis servitii prædictæ Ecclesiæ remisimus, nullique eam ulterius servitutam, nisi romanis regibus vel Imperatoribus, & respectu libertatis perpetuæ ad sanctum Petrum & romanam sedem, quo jure regalia omnia respiciunt, amplius habituram, imperiali auctoritate, & banno confirmavimus. II. Dominium vero Præposituræ ejusdem ecclesiæ nulli concessimus recipiendum, nisi ei, quem regia vel Imperatoria manus in curia & capella sua Cancellarium suum ordinaverit. III. Advocatiam quoque altaris prædicti, omnibus, nisi solis Imperatoribus & regibus & Prælati, dono eorum Ecclesiæ præsentibus, tenendam Imperiali auctoritate & banno contradiximus. Hanc igitur libertatis confirmationem quondam a Domino *KAROLO* Imperatore factam, & multorum episcoporum tunc præsentium anathemate firmatam, nos quoque ob meritum sancti & venerabilis *SERVATII* & dignitatem Cleri & familiæ, quæ fere omnis ex ingenua parentum propagine, libera traditionis conditione ad proprietatem Ecclesiæ processit, quasi neglectam, & violentia quadam destructam, conditione prædicta renovavimus.

Sit ergo Præpositura ista cum Altaris sui advocatia soli Regali vel Imperiali libertati adstricta, ab omni proprietate, alterius Ecclesiæ aliena. Et hoc merito: quoniam ipsa quondam viginti Episcoporum sedes, simul existit, & regalis & Imperialis curia. Ducibus quoque

& Comitibus, & cæteris personis nunquam beneficium fiat, sed perpetuo existens libera, regali tantum vel Imperiali aulæ deserviat. Hujus autem libertatis consilio aut opere violatores ab episcopis tunc præsentibus excommunicatos, reos Majestatis nostræ, & Apostolica feriendos sententia, regum & Imperatorum persequendos gladio, quasi hostes Imperii pronuntiamus.

Acta sunt hæc Aquisgrani Palatio anno Dominicæ Incarnationis *MLXXXVII*. Indictione decima, regnante Henrico Imperatore, Conrado filio ipsius, Duce, Anno regni ejus *XXXII*. Imperii *IV*. Henrico episcopo Leodiensi, Godeschalio Traiectensi Præposito, Dudekino Decano.

Hi affuerunt testes:

Sigewinus Colonienfis Archi-Episcopus.

Liemarus Bremenfis Archi-Episcopus.

Conradus Traiectensis (a) episcopus.

Erpo Minnengardesfurdensis Episcopus.

Theodoricus Werdunenfis Episcopus.

Burchardus Laufanenfis episcopus.

Folmarus Mindunenfis episcopus.

Henricus Paderbrunnensis episcopus.

Heinricus Leodiensis episcopus.

Hi prædictæ libertatis violatores excommunicaverunt.

Hi quoque regni Principes affuerunt testes:

Dux Saxoniz.

Magnus Dux Lothariorum.

Conradus Marchio.

Godefridus Adelbertus Comes; Henricus frater ejus.

Cono Comes.

Arnoldus Comes.

Henricus Comes de Lacho.

Godefridus de Kerklo Comes. Item

G, filius ejus cum multis aliis.

Signum Domini Henrici quarti regis & Imperatoris.

(L. S.)

Exstat Diploma in exegefi de Episcopatu Tungrenfi & Traiectensi Cap. VII. præmissa Tomo VII. Maji in actis Bollandinis.

SYNO-

(a) Ad Rhenum. In Diplomate sermo est de Traiecto ad Mosam, ubi asservatur corpus S. Servatii.

SYNODUS TREVERICA

SUB EGILBERTO ARCHI-EPISCOPO. (a)

Anno Christi MLXXXVIII. Urbani II. Papæ I.
Henrici IV. regis XXXIII. Imp. V.

Præceptum Godefridi Ducis, quo Cellam S. Dagoberti prope Sathanacum (Stenay) ab Arnulpho Comite occupatam Gorziensibus Monachis restituit in Synodo Treverensi.

IN nomine Sanctæ & Individuæ Trinitatis, Patris, & Filii, & Spiritus Sancti, Godefridus Divina propitiante gratia Dux & Marchio. Justum & utile esse nobis, scire & considerare debemus, ut quoniam sæcularis militiæ negotiis occupati, Divinis intendere, pro ut expedit, nequaquam valemus, saltem Deo & sanctis peculiarius in Monasteriis Deo servientibus consilium nostrum, & auxilium exhibentes, per hoc beneficentiæ eorum, pariterque mercedis, ipso Deo donante, participes existere valeamus. Unde notum esse volumus sanctæ universalis Ecclesiæ filiis fidelibus tam futuris, quam præsentibus; quia Dux Godefridus avus meus cum Beatrice uxore sua apud Sathanacum (b) juris sui villam in Ecclesia S. Martyris Dagoberti pro suarum animarum remedio monachos in Monasterio S. Gorgonii constituerunt, eisque inter alia ad supplementum victus, & vestitus Ecclesiam villæ Mosaci, quæ sine contradictione suæ proprietatis erat, legaliter condonaverunt: quam etiam ipsi monachi tota vita ipsius avi mei, & filii sui avunculi mei quiete, & pacifice possederunt. Postquam verò, ipsis defunctis, in nostras manus honor eorum per successionem devenit, & pene omnis regio, ipsis ante subiecta, in odium nostri, at-

que inimicitias gratuita conjuravit; ipsi tunc hostes nostri, causa odii in nos assumpti, in ipsos quoque Monachos insurrexerunt, eisque per summam injustitiam atque violentiam ipsam ecclesiam de manibus abstulerunt, atque alteri in beneficium tradiderunt, multisque annis, usque dum videlicet erga nos in gratiam redirent, ceptam injustitiam Deo, Sanctisque sibi famulantibus intulerunt. Super qua re, cum apud Sathanacum nobis præsentibus quæstio oborta fuisset, & ipsis etiam coëssentibus, qui ipsam violentiam exercebant, concio monachorum nos super hac interpellare cœpisset, seque jam super hoc (c) apud Synodum Treverensem proclamationem fecisse, & judicio Synodali ipsam Ecclesiam suo juri adjudicatam fuisse, & auctoritate Pontificali pacem & quietem possidendi sibi imperatam esse dixisset, simulque adhuc superesse testes, qui prædictæ donationi avi mei interfuissent, efficaciter affirmasset; ipsos testes undique evocari, & ante nos coadunari effecimus, & ipsis testificantibus vera esse, quæ ipsi asseverabant, omni parte reperimus. Quibus omnibus auditis & diligentius consideratis, visum est nobis, (d) Comitem Arnulphum, qui princeps ipsorum fuerat Ecclesiæ per vasorum, sub nomine Sacramenti & Fidei conjurare, utrumnam hæc omnia

cog-

- [a] Egilbertus, Trevirorum Archi-Episcopus, habita Treveris Synodo Mosacensem Parochiam, Sathanacensi cellæ ablatam, reddendam curavit. Res relata in tabulas Treveris. *Alexander Wiltbemiuss Soc. Jesu in notis ad acta S. Dagoberti Francorum Regis & Martyris pag. 79.*
- (b) Stenay, oppidum Mosellæ incubans.
- (c) *Apud Synodum Treverensem judicio Synodali Ecclesiam ipsam suo juri adjudicatam fuisse*) Reddebatur namque jus a Synodo Archi-Episcopali (quam hodie Consistorium Archi-Episcopale vocamus) de quibuscunque rebus Ecclesiasticis in Archi-Diecelesiis, etiam adversus laicos, sicut hodie.
- (d) *Comitem Arnulphum*) Chiniacensem hujus nominis secundum, qui an anno 1106, an 1110, obierit, incertum est. Vide *Bertbolet Hist. Luxemb. Tom. III. pag. 252.*

cognosceret vera esse, an potius ea vel vellet, vel posset veraciter impugnare; qui sine ipsa adjuratione confessus est, hæc ita, ut diximus, acta esse, seque & interfuisse & audisse, & vidisse, & ipso avo meo hanc donationem faciente, laudasse. Hac ejus confessione percepta, subsequenter eum monuimus, ut Sancto & nobis exinde faceret, quod facere jure deberet, & ipsam invasionem coram Deo & Sanctis emendans, deinceps ab ipsa Ecclesia cum omnibus sibi subiectis perpetualiter abstinere; & ipse jure obniti non valens, ad opus Dei & S. Dagoberti, (e) sibi que deservientium Monachorum, ipsam Ecclesiam nobis integre, & sine omni imposterum reclamazione reddidit & (f) verpivit, & nobis ipsius Ecclesie donum S. Dagoberto super altare restituentibus, ipse spontaneus interfuit & laudavit. Unde ut hæc rerum gestarum memoria per tempora succedentia firma permaneat, & inconvulsa, hanc descriptionem memorialem fieri jussimus, & sigilli nostri impressione, ac testium idoneorum affixione roborare statuimus. Signum

Godefridi Dei gratia Ducis & Marchionis. Signum Almarici. Signum Simonis fratris sui. Signum Walteri. Signum Attonis. Signum Dudonis. Signum Gerardi. Signum Hembardi. Signum Helberti. Signum Arnulfi. Signum Aleranni. Signum Simonis. Signum Urfionis. Signum Heriberti. Signum Hagineri. Signum Oilardi. Signum Guigfridi. Signum Franconis. Signum Hugonis. Signum Hermanni. Acta Bullioni anno Dominice Incarnationis MXCIII. Indiæ I. Anno Regni Henrici quarti XXXVII. Imperii X. Pontificante Domno (g) Fulberto Trevirorum Archi-Episcopo anno sui Pontificatus X.

Ex Martenii Thesauri Anecdotorum T.I. pag. 202. Refert Illmus Hontbemijs Tomo I. Historie diplomaticæ Treverensis N. CCXC. pag. 417. cujus & notæ sunt.

Alexander Wilthemius S. Jesu in vita Dagoberti Regis & Mart. anno 1653. meminit hujus Diplomatis, sed ad annum MLXXXIX. refert Synodum habitam de hoc argumento.

(e) Tertiū hujus nominis Franciæ Regis, Satanaci sepulti, cujus vitam e tenebris eruit, & luci dedit Alexander Wilthemius.

(f) *id est*: festuca abjecta donavit, quæ abjectio signum renuntiationis legalis erat.

(g) Corrige Egilberto, qui anno 1078. 6. Januarii electus fuit, unde annus decimus Pontificatus ejusdem cadit in annum 1088. Obiit anno 1101. Erat autem annus Christi 1088. Regni Henrici IV. 33. Imperii 5. Judice Muratorio, & Indictione XI. insignitus.

URBANI II. Papæ Epistola, ex Synodo Romana scripta ad Gebehardum Constantiæ Episcopum canonica, quæ eidem Legationem Apostolicam & procurationem Ecclesiarum in Saxonia & Alemannia defert & confirmat.

Anno Christi MLXXXIX. Urbani II. Papæ II. Henrici IV. regis XXXIV. Imp. VI.

SUMMA RESOLUTIONUM CANONICARUM.

- I. Clemens III. Ravennas Hæresiarcha, & Henricus Rex excommunicati a Gregorio VII. tales habentor.
- II. Ii, qui armis, pecunia, consilio Ecclesiasticos Ordines ab iis acceperunt.
- III. Communicantes iis ex Canonum dispositione excommunicentur, modus penitentiae & absolutionis discretionem Legati permittitur.
- IV. Clerici ab excommunicatis ordinati sub variis conditionibus, manere possunt, in superiores ordines non ascendere.
- V. Presbyteri lapsi in crimen, quomodo rehabilitandi.

Tomus III Concil. German.

D d

VI.

VI. Abbatie Augiæ.

VII. Abbatie S. Galli Regimen Episcopale, Abbatum electio.

VIII. In Episcopatibus Augustensi, Curienſi, Pataviensi inspectio.

IX. Denum procuratio omnium Ecclesiarum, Saxonie, Alemannie, & earum, quæ prope sunt, Gebehardo demandantur.

URBANUS EPISCOPUS, SERVUS SERVORUM DEI, GEBEHARDO (a)
CONSTANTIENSI EPISCOPO, SALUTEM ET APOSTOLICAM
BENEDICTIONEM.

Quia te speciale, post Dominum, manuum nostrarum opus esse pendimus, & quia speciale in te religionis gratiam esse cognoscimus; idcirco te adjuvare, tuisque necessitatibus specialiter subvenire, Domino annuente, satagimus. Quæstiones autem, quas tuis litteris significasti, vestris in partibus agitari, apud nos quoque satis frequenter noveris commoveri.

Fratrum itaque communicato consilio, diuque excommunicationis quæstione tractata, sancti prædecessoris nostri Gregorii sententiam confirmantes, ita eam Domino inspirante determinavimus.

Primo quidem gradu Ravenatæ hæresiarum, romanæ Ecclesiæ invasorem, cum Henrico rege, ejusdem perverſitatis capite, ab omnibus Ecclesiæ Catholicæ membris alienum, & excommunicatum esse censuimus.

Secundo eos, qui armis, pecunia, consilio, aut obedientia, Ecclesiasticos maxime ordines, aut honores ab eis, aut eorum fautoribus accipiendo, eorum nequitie adminiculum subministrant. Hos igitur principaliter anathematis vinculo adstringentes:

In tertio gradu communicantes eis nos quidem non excommunicavimus; sed, quia ipsi se eorum communione commaculant, in nostram eos societatem nequaquam sine penitentiae ultione, & absolutione recipimus. Sanctis quippe canonibus cautum constat, ut qui excommunicatis communicaverit, excommunicetur. Ipsi autem penitentiae atque absolutionis modos ea moderatione discrevimus, ut quicumque seu ignorantia, seu timore, seu necessitate negotii, cuiquam maxime necessari, eorum se convictu, salutatione, oratione, osculatione, contaminaverit, cum minoris penitentiae, absolutionisque medicina societatis nostræ participium sortiatur:

eos vero, qui aut spontanee aut negligeriter inciderint, sub ea volumus disciplinæ coërcitione suscipi, ut cæteris metus incutiatur, cujus disciplinæ moderamina quod ad tuam curam spectat nostræ providentiæ, prout oportere videris, pro temporibus & personarum competentia servanda committimus.

IV. Porro de Clericis, qui ab excommunicatis Episcopis ordinati sunt, necdum quidem sententiam fiximus, quia generalis mali contagium, *generalis Synodi* est cauterio comburendum. Tuæ tamen Paternitati hoc respondemus ad præsens, ut ab excommunicatis, quondam tamen Catholicis Episcopis ordinatis, siquidem non Simoniacæ ordines ipsos susceperint, & si ipsos Episcopos non Simoniacos fuisse constiterit; ad hoc, si eorum religiosior vita & doctrinæ prerogativa, visa fuerit promereri, penitentia indicta, quam congruam duxeris, in ipsis, quos acceperunt, ordinibus manere permittas, ad superiores autem ascendere non concedimus, nisi necessitas & utilitas maxima flagitaverit, & ipsorum sancta conversatio promeruerit, & hoc tamen ipsum rarius, cum cautela præcipua est concedendum.

V. De Presbyteris, Diaconis, aut Subdiaconis, qui, post acceptum ordinem in aliquo crimine lapsi fuerint sive palam sive clam, constat quidem canonum censura ab Ecclesiasticis eos officiis inhiberi; Tuæ tamen discretionis, providentiæque committimus, utrum aliqui, qui tamen infamiae notis non fuerint aspersi, necessitate Ecclesiæ urgente, & ipsorum sancta conversatione promerente, in suis gradibus recuperari debeant. Hoc autem secundum indulgentiam dico, non secundum Imperium, ut vestra major vestris in partibus contra hæreticos habeatur autoritas, salva tamen autori-

tate

[a] Gebehardus III. Dux Züringensis, electus ex Monacho Hirsaugiensi anno 1082. coactus aliquot annis exulare ab Henrico IV. schismatico, obiit 1116. juxta P.

tate canonum , & Sanctorum Patrum decretalibus institutis . Si quem vero , quod absit , aut post acceptum , aut ante acceptum officium contigerit peremptorio sive clam sive palam , occupatum crimine inveniri : eos maxime : qui mundo adhuc vivunt , ab omni Altaris ministerio sequestramus .

VI. Sane *Insulam Augiam* sub jurisdictione beati Petri , ac Romanæ Ecclesiæ , constat specialiter contineri ; sed quia eorum privilegium , quod a Romana Ecclesia obtinent , non satis meminimus , causam facile determinare non possumus : salva tamen ejus privilegii auctoritate , tibi singulariter in Clerum , & in populum illic habitantem , præter monachos , omnem concedimus Episcopalem regiminis potestatem . Cæterum , ut in eodem Abbatem Catholicum regulariter , vice nostra , præstitueret studeas , tuæ obedientiæ imperamus , nec solum in eo , sed & in *S. Galli* cænobio , & in cæteris , si quæ sint propriis Abbatibus destituta , nostra fretus auctoritate , cum consilio , quorum interesse noveris , Abbates eligere , atque electos consecrare procura . Idem etiam tibi studendum de *Augustensi* , & *Curiensi* , Episcopatibus , injungimus : nec non & de cæteris , ad quæ *Paraviensis* Episcopus advocari , vel adesse nequiverit .

IX. Et ipsi enim , quemadmodum & tibi , Saxonæ , Alemanniæ , aut cæterarum quæ prope sunt , Regionum , vice nostra , procuratorem injunximus , ut ordinationes improbandas improbetis , roborandas roboratis , & quicquid Ecclesiastici negotii disponendum fuerit , communicato Religiosorum virorum consilio , disponentes , quoadusque privationem , annuente Domino , Legatum Sedis Apostolicæ suscipere valeatis . Vos quia Dei zelo fervetis , & scientia doctrinaque præcellitis , omni cura atque sollicitudine utilitatibus Ecclesiasticis infudate , scientes , quoniam & nos in ipsis vestris utilitatibus libentissime annuemus : labores autem Romanæ Ecclesiæ communicare eoque opis vestræ auxilio , sublevare nullo modo pigri sitis . Benedictionum suarum vos omnipotens Deus ubertate perfundat , incolumes custodiat , & ad vitam perducatur æternam .

Dat. Romæ XIV. Kalend. Maji
Anno ab Incarnat. Domini nostri Jesu Christi. MLXXXIX.

*Ex Codice MS. membranaceo Bibliothecæ
Vaticane No. 382. descripsit Cl.
Schannatus b. mem.*

*Bertoldus Constantiensis epitomen Epistolæ
hujus refert ad hunc annum.*

SYNODUS ATREBATENSIS

SUB GERARDO , CAMERACENSI ET ATREBATENSI EPISCOPO.

Anno Christi MXC. Urbani II. Papæ III.

Henrici IV. Regis xxxv. Imp. vii.

*Gravis controversia inter Atrebatensis Ecclesiæ Canonicos & Vedaſtinos
ascetas ob S. Crucis S. Mauriti Atrebatensis oppidi Paræcias ex-
orta , ab Gerardo Pontifice , Synodo coacta , sedatur.*

Pactionis forma ita habet :

IN nomine Summæ & Individuæ Trinitatis , Patris , & Filii , & Spiritus Sancti . Amen .

Ego secundus Gerardus sanctæ Cameracensis , & Atrebatensis sedis episcopus , quæ pacis sunt inter filios sanctæ Matris Ecclesiæ , quam regendam suscepi , conservare sollicitus ; si quæ vero contra justitiam oriantur , corrigere paratus ,

Tomus III. Concil. German.

querelam Canonicorum S. Mariæ Atrebatensis , adversus Abbatem tum temporis Atoldum & monachos S. Vedaſti , de duabus capellis diebus nostris motam , & paci fideliter redditam , scriptis mandare dignum duxi , ut quæque Ecclesiæ quæ sui juris sunt inconculsæ retineat , & ulterius inter filios pacis nihil contrarium exinde resurgat . Sub ipso Mona-

D d 2

sterio

sterio S. Vedaſti hortus antiquus fuerat , in quo capella in honorem S. Mauriti a noſtris prædeceſſoribus eſt consecrata , oblationes circummanentium ab domo Hatonis uſque ad domum Bonardi , vel convenientium recipere conſtituta. Juxta forum vero altera , in honore ſanctæ Crucis , dicta capella S. Vedaſti , decimis circummanentium cum reliquis Eccleſiaſticis officiis utens , niſi quod Presbyter ibidem a monachis deputatus , deſunctos & fœminas poſt deſponſationem , & partum ad Sanctam Mariam in civitatem comitans , miſſa , vel debito obſequio proſequitur , ſuſcipiens omnem oblationem præter candelas. Noſtro ergo tempore , Canonici S. Mariæ , quia mortuos exinde habebant , etiam , quæ vivorum ſunt , juſte ſe habituros clamaverunt. Ventum eſt ad *Synodum* ubi audito clamore , & reſponſo judicio venerabilium Abbatum , Archidiaconorum , & Clericorum , qui infra ſubſcripti ſunt ,

ita determinatum eſt in plena Synodo , ut juxta decreta Canonum Sanctorum , eo modo , quo Abbas & fratres per triginta & amplius annos , ex quo fundatæ ſunt , ſe defendebant tenuiſſe , eo deinceps libere & quiete retineant. &c.

Ferreolus Locrius in Chron. Belgic. ad Annum MXC.

Subſignaverunt :

Gerardus Epiſcopus.
Atoldus Atrebatenſis Abbas.
Alardus Laubienſis Abbas.
Alardus Marcenſis Abbas.
Americus Aquicinctenſis Abbas.
Albertus Haſnonienſis Abbas.
Albertus Maxeolenſis Abbas.
Guffridus Novi Caſtelli Abbas.
Diderus Archidia.
Matſelinus Archidia.
Hugo Decanus.
Reinerus Decanus , aliiſque.

Poſt hanc Synodum lis recrudit inter Canonicos & Monachos S. Vedaſti , quæ anno MXCII. ſopita videbatur arbitris a Papa datis , & ab utraque parte acceptatis , ut videlicet ex ſubjuncta Epiſtola Paſchalis II. ad Lambertum Gerardum ſucceſſorem.

Paſchalis II. PP. Lamberto Atrebatenſi Epiſcopo ſcribit diſiſionem veterem inter Canonicos Atrebatenſes & Vedaſtinos Monachos factam a ſe non confirmari , ſed duodecim arbitris litem dirimendam a ſe committi circa IIII. 2.

PASCHALIS EPISCOPUS , SERVUS SERVORUM DEI , VENERABILI FRATRI LAMBERTO , EPISCOPO ATREBATENSI , SALUTEM ET APOSTOLICAM BENEDICTIONEM.

PRO Canonicorum veſtrorum & Monachorum S. Vedaſti lite diutina (inde a Synodo 1090.) frequenter & Nos Tibi ſcripſimus , & tu nobis literas miſiſti. Cæterum , quod non parum nos gravat , adhuc lis eadem. Ad illam enim diſiſionem quam Monachis abſentibus diremiſti , nos eos juſte cogere non potuimus. Venientibus autem nuper ad nos utriusque partis nuntiis , nos ad eligendos hujus diſiſionis arbitros utramque partem noſtra auctoritate cogimus. Rogamus ergo Dilectionem tuam , ne graviter ferat , quod diſiſionem veteris & novi burgi literis veſtris ſigni-

ficatam , nequaquam firmaverimus , quia , ut prædiximus , cogi ad eam Monachi juſte non poterant. Cæterum ad hanc infra dies quadraginta , ſicut ſtatuiſimus , peragendam omnino te volumus imminere ; quia neutra pars electis arbitris poterit refragari.

Datum Anagninæ VIII. Idus Novembris.

Eodem die XII. arbitris literas dat Papa & arbitrium de controverſiæ deciſionem committit.

Apud Dacherium Tomo III. Spicilegii pag. 463.

SYNODUS TULLENSIS DIOECESANA

ANNO CHRISTI MXC. URBANI II. PAPÆ III. HENRICI IV.
REGIS XXXV. IMP. VII.

*In qua Pibo Episcopus, canonica examinatione facta, adjudicat
Abbatissæ Spinalensi capellam de Barnei.*

IN nomine Sanctæ & Individuæ Trinitatis. Pibo, Divina gratia Tul-
lensis Episcopus. Quia officium curæ
pastoralis mihi commissum, pœnati ne-
gligentibus, gaudium vero, & coronam
in futuro promittit fideliter exequenti-
bus, nolo, ut ea quæ Sancta Synodus no-
stra, canonica discussione terminavit, per
negligentiam meam oblivioni tradantur,
& postmodum tanquam indiscussa ad
discutiendum reducantur. - Notificamus
itaque vobis, Sanctimoniales quæ apud
Spinal in proposito Virginitatis Deo ser-
vire voverunt, Ecclesiam de Barnei, &
Capellam de Waneneymont sibi subdi-
tam, in usum suæ præbendæ habuisse,
a tempore Leonis Papæ, qui, antequam
ad dignitatem Romanæ Sedis sublimaretur,
in hac Ecclesia Episcopalem obti-
nuit dignitatem. Nostis vero temporibus,
cum Sacerdos de Sentrei, nomine
Mauherus, capellam de Waneneymont

suæ ecclesiæ subditam asserere conaretur,
Domina Abbatissa Spinalensis, nomine
Adheleidis, & Sacerdos de Barnei, no-
mine Waldehuevis, prædictam capellam
subditam esse matri ecclesiæ de Barnei,
canonica examinatione, me præsentem,
in Tullensi Synodo comprobaverunt. Pla-
cuit igitur nobis, ut ego Pibo Tullensis,
huic examinationi scripturæ testimonium
adhiberetur, ipsaque scriptura impressi-
one mei sigilli corroboraretur. Acta
sunt hæc anno ab Incarnatione Domini
Millesimo nonagesimo, Indictione deci-
ma quarta sexto Idus Octobris, feria
sexta, in Tullensi Synodo plena, residen-
tibus, & attestantibus Hugone Primice-
rio, Archi-Diaconis Ricuino, Alberone,
Hugone, Stephano, & Alberone Can-
cellario.

*Calmet. Tomo IV. Probationum Historiæ
Lotharingicæ pag. 566.*

SYNODUS TULLENSIS

Anno Christi MXCI. Urbani II. Papæ IV.
Henrici IV. Regis XXXVI. Imp. VIII.

*Luftulfus Decanus Ecclesiæ Tullensis, & alii dotant Abbatiam S. Leo-
nis in ea urbe, Pibone Episcopo ratificante & anathema appo-
nente, donatione super altare positâ.*

IN nomine Patris, & Filii, & Spi-
ritus Sancti. Pibo Dei gratia Leu-
corum humilis Episcopus, fidelibus
Christi universis tam præsentibus, quam
posteris, gratiam Spiritus Sancti.

Officii nostri est, fidelibus Christi
maxime nobis commissis, non solum
Spiritualia, sed etiam temporalia bona
providere, & filiis pacis, ut tranquil-
lam vitam agent, quæ ad pacem sunt

procurare. Igitur devotioni & studio
filii nostri Luftulfi, Ecclesiæ nostræ De-
cani, quo in ædificanda memoria beati
Leonis noni Papæ defudat, congauden-
tes, & ipsius manui manum nostram in
adjuvando conjungere volentes, studui-
mus diligenter exarare, qualiter ipse &
Ecclesia, quam ædificat, villam Mar-
tini-montis adquisierit, Dei munificen-
tia adminiculante. Siquidem strenuus

Comes Hugo de Dasbore, venerabilis Henrici filius, intrinsecus Dei tactus inspiratione, & nobilis prosapiæ beati Leonis, de qua descenderat, ductus dulcedine, prædictam villam, assensu conjugis suæ & hæredum suorum, a quodam magno beneficio, quod a nobis tenebat, avulsam, de manu sua emisit, & exclusa omni hæreditaria postulatione, in nostram dominicam manum reposuit, nihilque donationis vel advocatiæ, nihil omnino juris alicujus in manu sua retinuit. Gerardus quoque de Briceio, filius Valfridi, capita hominum utriusque sexus, quotquot in eadem villa commanentes, quod a nobis beneficio tenebat, in dominicam manum nostram reposuit.

Horum igitur devotioni congratulantes, nos etiam quotquot homines in eadem villa commanentes ad nostram mensam pertinentes habebamus, ad integritatem Dominicam de victu nostro emisimus. Hanc ergo villam, cum redintegrata membris suis, & indominicata fuisset, consilio & assensu supradictorum virorum, super altare beati Leonis libere reposuimus, & ad præbendam fratrum inibi Domino servientium ipsi Ecclesiæ in perpetuo possidendam sub anathemate confirmavimus. Reposuimus etiam super ipsum Altare beati Leonis, in banno & potestate *Maseriarum*, croadam quamdam desuper ipsam villam inter vineas & prata jacentem, omni decimatione & censu liberam, & pratum inter publicam stratam & pratum nostrum jacentem, pro quo custodibus banni solvantur quatuor nummi. Denique præsentibus, & futuris volumus notum fieri Maseriarum & Martini montis fines, pascuas, sylvas, omnino ita esse communes, ut injuria & injustitia sit, si alii alios ab his omnibus excludere præsumpserint: Ipsis enim & animalibus suis, sine damno his communiter uti licebit. Quod si forte damnum fieri contigerit, per fidelitatem hominum restituatur; & pro justitia banni nostri remittantur duo nummi, & non amplius perfolvantur. Quod jus in omnibus villis & curiis nostris concessimus & confirmavimus Ecclesiæ beati Leonis habendum. Præterea matrimoniorum, & desponsationum usus & consuetudo talis

ibidem habetur, ut si quis Maseriarum aliquam de feminis Martinimontis ducere voluerit, sine contradictione liceat; hoc etiam Martini-montis homines, in curia Maseriarum jus obtinent.

Si vero desponsata ex sulcis Martini-montis fuerit dotata, vel die desponsationis ejus in ipsa villa primum fuerit pernoctata; ubicunque postea moretur præter Maserias, ad Martinum-montem censualis erit, & cum omni progenie sua, ibi placita prosequetur. Hoc idem fiet de feminis Martini-montis in banno Maseriarum ductis. Concessimus igitur & præsentis privilegio confirmavimus, ut in villis & curiis nostri juris, Ecclesia beati Leonis & collata pace possideat, & conferenda devotione fidelium libere accipiat. In quibus omnibus pro salute animæ nostræ omnia jura nostra ipsi Ecclesiæ remittere volumus; & ut nullus advocatus, nec aliquis ministrorum nostrorum, super hoc ei molestiam inferat, vel calumniam cupidine moveat, auctoritate Dei & nostræ præcipiendo sub anathemate interdicimus; nihil enim juris nisi a nobis, nihil potestatis, nisi per nos, in his omnibus habeat aliquis eorum. Quod si cupiditate ductus, inde molestiam Ecclesiæ intulerit, anathematis nostri vinculo ligatus, divinæ justitiæ reus erit. Deinde cum eadem Ecclesia Dei dono crevisset, & Abbatem adeptam fuisset, ipse Abbas Scherus nomine, vita & moribus honestus, & consilio providus, considerans malitiam in dies subcrescere hominum, & præcavens in posterum, & attendens sine providentia alicujus Principis eandem villam ab infestationibus malefactorum securam nullo modo per se existere, nostro & religionum virorum bono usus consilio, cum pro quodam negotio ego & Dux Theodericus, & Simon puer ejus filius, & frater Ducis Gerardus Comes, & Renardus Comes Tullensis, & alii quamplurimi nobilium, tam Clericorum, quam Laicorum, ad Chantenoi in unum convenissemus, in manu ipsius Ducis, & custodiam prædictæ villæ, & non advocatiam, nobis omnibus videntibus & audientibus, Abbas reposuit, & custodia singulis annis septem modios vini, & dimidium in ipsa villa Duci recipere concessit: Quod si vini minus fuerit,

erit, aut omnino defuerit, pro modio sexdecim denarios recipere terminavit.

Dux vero, sicut erat pius & benignus in salute animæ suæ, custodiam villæ recepit. Consideratione autem paupertatis villæ, constitutum inibi fuit, ut quemcumque Dux pro ipso dirigere vellet, illic, cum tribus aut quatuor sociis, in eadem villa duo servitia per annum haberet, nec amplius aliquid exigeret, in placito non resideret, nec ad placitum aliquem cogeret, nisi forte Abbas vel præpositus ejus, ad reprimendum aliquem sibi rebellem, id ab eo fieri postulasset. Quam utique constitutionem Dux clementer annuens, in fidelitate sua obtestatus est, & custodiam villæ se diligenter procuraturum, & constitutionem præscriptam fideliter servaturum. Quod si forte ex eadem villa aliquis inopia, vel aliqua necessitate recesserit, & ad aliam transierit, quocumque declinet, nullus nisi Abbas, in eo aliquid habet.

Ne vero super his omnibus in posterum ab aliquo Ecclesia beati Leonis aliquam molestiam sustineat, vel aliqua controversia emergat, præsentī scripto his omnibus testimonium perhibemus, quod sigillo nominis nostri signari volui-

mus, & auctoritate Pontificali confirmavimus. Quod si aliquis superbia vel cupiditate ductus, his contrarius extiterit, & amplius, quam quod constitutum est, exigere præsumperit, eum excommunicatum *Divina auctoritate & nostra esse censemus, & anathematis vinculo subicimus.* Subscribi etiam volumus in testimonium horum, nomina virorum legitimorum, qui his interfuerunt:

Signum Pibonis Episcopi.
Sign. Theoderici Ducis.
Sign. Gerardi Comit.
Sign. Reinardi Comit. Tullenfis.
Sign. Hugonis Primicerii.
Sign. Luctulfi Decani.
Sign. Riquini Archidiaconi.
Sign. Widerici militis de castro de Noviler.
Sign. Karlonis de Fonteniaco.
Sign. Hodivaut militis Deprées, & aliorum plurimorum.

Anno ab Incarnatione Domini Millesimo nonagesimo primo, Indiēt. XV. VI. Idus Octobris, confirmata est & signata hujus Privilegii cartha a Domno Pibone Venerabili Episcopo.

Calmet. Tomo IV. Historia Lotbaringia inter Probationes pag. 491. 493.

§. II. Synodi Tullenfis Diœcesanæ Fundatio Monasterii S. Leonis in urbe Leucorum ab Episcopo & Clero, Archi-Diaconis.

IN nomine Sanctæ & Individuæ Trinitatis. De Scripturis Evangelicis & Apostolicis præmoniti, pii Reges, religiosi Pontifices, cæteri Christiani Principes, quorum cor dilatatum est in charitatis latitudine, & rerum suarum multimoda possessione, ipsi quidem solent Ecclesias ædificare, congregationes Sanctorum adunare, stipendia necessaria suppeditare, omnique sufficientia locupletare.

Ego autem Luctulfus humilis Clericus, Tullenfis ecclesiæ claustrī Decanus, quamvis nulla rerum possessione subnixus, animatus sum tamen æmulari tam grande propositum, quadam magnanimitate bonæ spei, quotidie interpellante adversus pusillanimitatem meam, & incessanter fugillante timidum animum meum. Qua in re prudens hujus mundi taxans sumptus operis & ratio-

nis, nequaquam commiretur vel contemnat pusillanimitatem meam, quia Dei munificentia semper fidus comes bonæ voluntatis, in quo omnia possibilia credenti, inceptum meum conducit & perducit ad bonam efficientiam. Si quidem ego positus inter spem & curas, Hugoni Comiti filio Comit. Henrici, sicut eram ei notissimus, hanc voluntatem meam & sollicitudinem exposui. Vir autem Domini fidelis, Spiritu Dei intrinsecus corde tactus, in hæc mihi verba respondit, sese curarum mearum futurum socium, & suscepti laboris indefessum cooperatorem, immo Principem, si in honorem beati Leonis Papæ, Tullenfis Episcopi, inibi cenobium dedicarem, & circa illud Xenodochia pauperum ædificarem. Ut quoad viverent ipse & uxor sua, pro incolumitate & prosperitate eorum fieret ibi

ibi quotidiana oratio ; cum appositi essent ad Patres suos, tunc quoque impensius deberetur animabus suis & Patrum suorum Ecclesiastica memoria, & prodesset pauperum benigne subministrata refectio. Quod quidem ego Luctulfus gratanter assensi.

Igitur ipse Comes & sua Comitissa, & ego, communicato consilio adivimus Episcopum Tullensem virum piæ memoriæ venerabilem Pibonem, Ecclesiarum Dei amatorem, omni bono incepto congratulantem, & cooperantem. Sanctus itaque Sacerdos, audito consilio, pie admiratus sæcularis viri devotionem, Sacerdotali admonitione excitat, & confirmat bene compunctam mentem, & ipse eidem operi multum se promissit auxiliaturum, quamvis tunc temporis sibi esset in manibus opus grande, quia ædificabat turrim ante Proto-Martyris Principem oratorium. Habebat autem idem piissimus Comes Hugo magnum & antiquum beneficium de eodem Venerabili Episcopo : ex hoc beneficio quandam villam, quam dicunt *Martini-montem*, avulsam, uterque Comes & Comitissa de manu sua emisit, & exclusa hæreditaria postulatione omnium successorum, in manum dominicam Episcopi reposuit. Item Gerardus de Breicio, filius Walfridi, capita hominum utriusque sexus, quotquot in eadem villa habuit commanentes, quos de Episcopo in beneficio tenebat, in dominicam manum episcopi reposuit. Ipse similiter egregius Pontifex, quos homines in eadem villa commanentes, ad mensam suam pertinentes habebat, ad integritatem doni de victu suo emisit. Quæ villa cum reintegrata membris suis & indominica fuisset, Venerabilis Episcopus Pibo, consilio & assensu eorundem Comitum, super altare sancti Stephani quietam & solidam traditionem eam imposuit, Divinum & humanum contestatus auxilium, ut eadem villa, id est Martini-mons, cum Ecclesia & suis appenditiis, altari sancti Stephani appenderetur : & cum ædificatum esset cœnobium, & aliquot cœnobitarum adunati, usibus eorum deserviret.

Addidit etiam mansos in civitate, qui appendebant ad beneficium ejusdem villæ, censos duobus solidis. Acquisivi præterea ego Luctulfus Ecclesiam de

Wandelini-villa, cum omni integritate dotis ejusdem Ecclesiæ, de Comitissa recheza, quæ etiam dedit unum hominem cum duabus quartis unius mansi; eo pacto, ut censum suæ terræ, quem debebat ad bannum, solveret ad Altare nostri cœnobii, & sic maneret quiete in banno villæ.

His itaque dispositis, deerat adhuc mansus, in quo ecclesia & Xenodochia, & illis appenditiis receptacula possent construi, quem piissimus antistes ipse, sua charitate admonitus, statim contulit, quod longum & latum non solum ad ædificia, sed etiam ad altera largissime suppeditanda sufficit. ecclesia igitur ædificata, congruisque receptaculis, ego Luctulfus visitationem Dei, & auxilium ejus eidem loco præsidere indubitanter percepi, ideoque fiducialiter præsumens de benevolentia omnipotentis, quosdam Sanctos, qui venditis patrimoniis, & in pauperes erogatis, in monte rumberch religiose degabant, multis precibus ambitos sollicitavi, & episcopali auctoritate invitatos demum ad me traxi, ut Apostolicam vitam, scilicet primitias Christianæ religionis, sicut prius in monte, ita quoque in nostro cœnobio ducerent, sub regula, & conscriptione Sancti Augustini : salutem namque, & congruum symbolum videbatur, ut una civitas tria persectoria membra Christianæ religionis contineret, videlicet, Canonicos suas proprias possessiones obtinentes, & monachos sub regula sancti Benedicti cuneis nigrantes, & candidos Nazareos Apostolicam vitam ducentes ; ut quisquis converti veller ad Dominum, in hac una civitate appositum haberet, quidquid arctioris religionis eum delectaret. Igitur hi sancti viri perfecte viventes in tranquilla sinceritate sui propositi, delectabili odore sanctæ conversationis suæ multos sæcularium utriusque sexus converti ad sequendum pauperem Christum allexerunt, & illectos quosdam ad contubernium suum attraxerunt.

De quibus Petrus, filius Dodonis, se ipsum & vineam suam contulit, item Walterus, filius Bereri, juvenis Clericus, sicut & Petrus seipsum cum vineis, & manso uno contulit. Item Varnuldis, virgo Christi, seipsam eorum præbendæ & disciplinæ contradidit, &

aliquot jugera arvi & vineam apud scrupulas contulit, quam ego vel emendo, vel cum fratre suo commutando, postea augmentavi; item vineam in Barro monte de Clero Trelino emi; item Alodium apud Focauart, a quadam matrona nomine Aja, sicut habebat, hæreditario jure ab antecessoribus suis per integritatem, mea pecunia comparavi; Officia puella soror Hugonis, vineas & duo jugera terræ contulit; quidam etiam timentes Dominum, gratuita benevolentia aliquanta jugera passim contulerunt, quæ per singulos donatores, & per singula loca enumerare, ne fatigare *Synodales aures*, odiosum putavi.

Post hæc ego Luctulfus videns multiplicata & multiplicanda bona Sancto-
rum, & reputans, quoniam apud improbos mores non est satis tuta per se propter innocentiam suam probitas justorum sine patrocinio magnorum; boni consului donata superius conscripta, & in posterum donanda, ne quis temerator audeat aliquid eorum avellere, *Synodali* auctoritate sub anathemate confirmare, & immunitatem, in qua vivat nostra congregatio secundum regulam Sancti Augustini, breviter describere: videlicet ut nostri Canonici, sicut sunt suæ, & ab aliis dissimilis regulæ, ita liceat illis absque censura aliorum, vel Canonicorum, vel Monachorum, sub Episcopali obedientia suo privato jure vivere. Priorem suum sibi ipsi eligant, ipsi sibi præficiant; curam animarum ab Episcopo suo Priori expostulent & accipiant; delicta illorum, quæ Divina virtus prohibeat, nullus Primicerius, nullus Decanus, nullus Abbas judicare præsumat, nisi Prior ipsorum, vel Episcopus, seu inobedientia vel necessitas illum invitat. In festivitibus majoris Ecclesiæ, sive aliarum Ecclesiarum, ad stationes vel ad sepulturas magnorum extra atrium suum nullus eos appellet vel cogat, sed vita eorum, sicut est singularis, secreta tranquillitate se continent.

Ego Pibo Tullenfis Ecclesiæ Antistes, in plena Synodo residens, quæsi ex *Synodali corona*, si immunitatem Canonico-
rum Sancti Augustini, quæ superius

descripta est, qui Canonici degunt in cenobio, quod ædificavit frater Luctulfus extra muros civitatis, si illam laudaret, & firmari postulare, aut si aliquid donorum quispiam infringere, proclamaret. Quæ superius promulgata, cum omnes favorabiliter excepissent & firmari postulerent; ego quoque spontanea commonitus voluntate, addidi ex meo dono perpetualiter illos habere hoc juris, quod habet Episcopus super altare de Wandelini-villa, & super altare de Martini-monte, excepto, quod censum debeant persolvere. Item donavi eis licentiam & auctoritatem, ut in suo ario possint sepulturam constituere, in qua five plebejos, five nobiles, quicumque postulabunt sepeliri ab eis, concessionem meam habeant eos suscipere, & in suscipiendis nullus Abbas, nullus Presbyter pro conterminio suo audeat eos conturbare vel contristare. Hæc omnia superius descripta & donata & fidelium devotione in posterum donanda, ego Pibo Tullenfis Episcopus & volo, & jubeo manere rata, & inconvulsa, & Episcopali auctoritate sub anathemate *Synodali judicio* confirmo observanda. Hæc faciat Dominus, & hæc addat, respondit universa corona.

Signum Pibonis Episcopi.

Sign. Hugonis Primicerii.

Sign. Requiri Archidiaconi.

Sign. Alberonis Archidiaconi.

Sign. Stephani Archidiaconi.

Sign. Hugonis Cantoris & Stephani Ruffi.

Sign. Theodorici.

Sign. Angeheri.

Sign. Deodati.

Anno ab Incarnatione Domini Millesimo nonagesimo primo, Indiæ. XV. VI. Idus Octobris confirmata est & signata hujus Privilegii charta a Domino Pibone Venerabili Episcopo præsidente in Synodo plenaria.

*Calmet. Tomo IV. inter Probationes
Historia Lotharingica pag. 489.
491.*

CONVENTUS IN HEILIGENSTAD

Anno Christi MXCIII. Urbani II. Papæ VI.

Henrici IV. Regis xxxviii. Imp. x.

SUMMA. Ruothardus, Archiepisc. Moguntinus, confirmat fundationem Cœnobii in villa Miminde dem Bursfeld. Præmittitur Narratio fundationis, & confirmatio Imperatoris.

IN nomine Sanctæ, & Individuæ Trinitatis. RUOTHARDUS (a) Dei gratia Moguntinensis Ecclesiæ Archiepiscopus. Cum condignum nobis, & salubre pro officii nostri dignitate videatur, rebus ecclesiasticis quaslibet commoditates impendere, religiosis institutis devota mente consentire proposuimus; ut quicquid ad honorem Dei, & laudem sancti, & ratum teneamus, & privilegii nostri auctoritate tam futurorum, quam præsentium pateat industriæ, qualiter gloriosus Comes Henricus, filius Ottonis (b) Ducis, ejusque inclyta conjux Gertrudis, filia Eckkeberti Marchionis, pro animæ suæ remedio, hæredum suorum consensu fundaverunt Monasterium in ripa Wirræ fluminis in villa, quæ Nimende (c) vocatur, in prædio videlicet, quod ipse Henricus adquisiverat, a quodam nobili viro, qui agnominebatur *Albertus de Insula*. Jacto itaque fundamento, ac congregatis ibi in servitium Dei *Corbejensis Ordinis* fratribus, prædictus Henricus cum conjugē dotavit ipsum Monasterium cum omni prædio, quod adquisierat ab Alberto cum omni jure, & proficuo, quo idem Albertus ejusque progenitores illud sine omni contradictione per multas ætates possederant, & usi fuerant, in villis, agris, sylvis campis, pascuis, cultis & incultis, exitibus, & redditibus, aquis, aquarumque decursibus, molendinis, mancipiis. Quamvis autem Comes hæc rite,

& legitime videretur facere, tamen quidam Magdeburgensis Canonicus nomine *Ludolfus* præfati Alberti Germanus, non mediocriter Comitem, exigendo hæreditatem fratris, coarctavit, & tamdiu consultores legis ac Provinciarum Rectores adversus Comitem in omni Concilio interpellavit, donec jure gentis & judicio legis omnem fraternam hæreditatem ipsi Ludolfo coactus remisit. Ludolfus itaque sub occasione recipiendæ hæreditatis invitatus a Comite venit in prædium, ubi prædictum fundabatur Monasterium, quem Comes per inter-nuntios multifariam temptabat flectere, ut quod ipse causa animæ inchoasset, Ludolfus quoque pro æterna remuneratione ratum sineret esse ac stabile. Sed Canonicus, ne quasi coacta sua videretur oblatio, nihil conditionabiliter permittere voluit, sed omnem prorsus fratris hæreditatem justo exegit fame, & cum (d) Cyrotheca de manu Comitum tandem recepit, ac tenuit libere. Sequenti vero die Ludolfus, Divino quodam nutu impulsus, sed & Episcopi Hartwigi, qui gratia consecrandi Altaris, nostra voluntate invitatus advenerat, fratrumque Sifridi, & Cunonis Comitum oratione permotus, statuit voluntarius pro salute, firmaque requie, Comitum votum propria oblatione confirmare. Principalis igitur Altaris consecratione rite peracta, Ludolfus processit, & utrumnam profiteretur fratris hæreditatem se libere recepisse, ac quod vellet

[a] Ruthardus sedit in Cathedra Moguntina ab anno 1088. ad annum 1109. In exilium pulsus, in castro Hartesberg in Thuringia novem annos delirare debuit, quia non fuit excommunicatus a Sede Apostolica communicare.

[b] Otto, quondam Baviaræ Dux.

[c] Mimida, seu Mimenda, intra Wirnæ & Fuldæ confluentes; idem locus est, qui in Annalibus Francorum Nimia, Nimida, seu Nimide scribitur, judice *Scabano*.

[d] *Lege*: Chirotheca.

vellet inde fieri, libertatem habere, Comitibus perquisivit. Omnibus itaque annuentibus, ad Altare processit, primum donum post consecrationem his terminatis verbis cum Cyrotheca obtulit dicens. "En ego Ludolfus offero Deo, & Sanctis ejus, Thomæ, & Nicolao specialiter, in usum fratribus hic Deo fervientibus hereditatem meam, quam (e) jure hereditario mihi a parentibus cessit, prædium scilicet Miminde ex utroque fluminis litore, cum ejus utilitate, allodium in pransfelde cum ejus proficuo, bonum in Bertolderode, curtim in Heristede cum ejus juribus, villulam in Berga cum ejus usibus, curtim in Friderichshufen, curtim in Wittenburnen, curtim in Werithen, novem mansos Winithufen. Hanc oblationem solemniter factam episcopus Hartwigus banno confirmare tam a Ludolfo quam a Comitibus Henrico, Sifrido, Cunone, rogatus est. Qui ex more, si quis huic oblationi contradiceret, percunctatus, cum nullus contradiceret; imo omnes laudarent, tunc in nomine Domini ex Apostolica & nostra, omniumque Catholicorum, ac sui ipsius interminatus est auctoritate, ne quis tam justæ donationi aliqua violentia fraude vel arte conaretur obviare, & qui aliter præsumeret, sententia Christi damnandus sub perpetuo jaceret, nisi resipisceret, anathemate. Quo dicto ab Episcopo, Ludolfus quoque suam oblationem propriis confirmans verbis, Comitum Henricum terribilibus contestatus est sacramentis, ne cuiquam hominum libero, vel servo, de prænominatis bonis aliquid unquam præstaretur beneficium, nec aliquid inde vendicare, nisi advocatiam, sibi suæque stirpi præsumeret, quæ contestatio, bannique interminatio, a Comitibus Henrico, Sifrido, Cunone, cæterisque omnibus audita, comprobata, laudata est, ac scriptis tradita. Etiam Henricus Comes, ac ejus conjux Gertrudis, Deo & Sanctis ejus Thomæ, & Nicolao in dotem ecclesiæ ad usum fratrum ibi Deo famulantium, hæc, quæ subscripta sunt,

curtim in Wichlo cum suis appenditiis, curtim in jure minori cum suis appenditiis, X. mansos in Reynvardeshufen, curtim in Bischofeshufen cum suis appenditiis & ecclesia, curtim in Gardelbic, villam Bischofeshufen: Aliquantulas etiam possessiones in his villis Haltmarthen, Wereltehufen, Wyrchin, Immesin, Burdela (f) Ammenhufen, Valeberge, Hukelhem, Adenheim, Kemeftide, Belkeroth, Buftelwe, Wertere, Steinbrouge, Sunthufen, Odenleve Afcolfeß, Wynethe, Dopstide, Berchge, Dalheim, Vineam in Welkeroth, (g) in Sothen tres Salinas in Hildegereshufen V. solidos, in mansos, in Reynnerthe IX. mansos, in Kellera Ecclesiam, & XIII. mansa & molendinum, in (b) Nova, XXII. mansos, in Honetha unum mansum, in Haltzenroth IV. mansos, in Wephleta V. mansos, in Halbick unum talentum, villar (i) Wilingeburin, possessiones in Holtzraten. Comes Sigfridus obtulit X. mansos in Asta. Ad hæc nobilis ille vir Henricus, fundator hujus Cœnobii, quæcumque pia & justa sunt, & loca utilia, assensu & consilio nostro statuit, & statutum ab ipso Imperatore HEINRICO confirmari obtinuit, scilicet 1. ut nemo hæredum suorum aliquid in Abbatia sibi usurpet præter advocatiam. 2. Nulli advocatia in beneficium præstetur, sed ad nutum Abbatis in absolutionem peccatorum commendetur. 3. Advocatus in Abbatia absque permisso, vel rogatu Abbatis, nullam potestatem exerceat in aliquo. 4. Ibi etiam publicum forum, & percussura adinstar Goslariensis monetæ, cum omni forensi jure, pro Abbatis disponatur arbitrio. Ut sit ibi Abbatis libera & Canonica secundum regulam B. Benedicti electio. 5. Si aliquis liber homo, in quocumque degens Comitatu, se vel bona sua Ecclesiæ præfatæ tradere voluerit, liberam potestatem habeat sine cujuslibet Comitum, Rectoris, Judicis Provinciæ contradictione. Facta sunt hæc anno Incarnationis Dominicæ MXCIII. Indict. I. Idus Junii. Imperante Henrico IV.

No.

[e] Forte: quæ pro quam.

[g] Walkeroht.

[i] Villam Wilingeburin.

(f) Burdata alias.

(b) In Nora alias.

Nobis autem eodem anno *Idus Julii* cum amicis nostris in *Heiligenstad* tenentibus conventum cuncta hæc in nostri præsentia multis audientibus Clericis & Laicis sunt recitata, comprobata & laudata. Nos etiam pietatis affectu ejusdem loci fratribus concessimus, & nostræ sedis auctoritate Ecclesiastici juris legibus, 6. Ut libere videlicet infantes Baptizare, 7. Infirmos visitare, 8. Et omnes, qui se illi devoverint, & sepulturæ locum inibi elegerint, suscipere, & sine alicujus contradictione sepelire, & quicquid fideles Christiani pro animarum suarum salute obtulerint, seu tradiderint, liceat iis in suos usus, prout liberit vindicare, & disponere. 9. Concessimus quoque ipsis per forestem nostrum ubivis circa se libenter uti pascuis & piscationibus, 10. Tandem rogatu Comitum Heinrici, Sigefridi, Cunonis, omnia data vel statuta, vel in posterum danda vel statuenda, ipsi loco profutura, in verbo Domini ex Apostolica auctoritate, banno nostro confir-

mavimus, atque ut rata & firma stabilita cunctis S. Dei Ecclesiæ fidelibus perpetim credantur, ac diligentius observentur, hanc cartam scribi jussimus, & sigilli nostri impressione corroboravimus. Testes sunt Episcopi: Henricus Patelburnensis, Odo Hildenesheimensis, Hartwicus Verdunensis. Abbas Marwardus Corbeienensis, Tietmarus Helmvardeshufenensis, Guntherus Padelburnensis. Præpositi Ludolfus Magdeburgensis. Betto de Luip, Ordo Heiligenstadenensis, Embrico Thorlenensis. Comites Henricus, Sigifridus, Cuno, Erpf, Erwine. Liberi homines, Ludolfus, Godefridus, Geroldus, Wiboldus, Dede, Bertholdus, Vnico, Helmericus. Ministeriales Rudolfus, Ludolfus, Ludolfus, Sarrictolfus, Hunoldus, Eskerich, Eppo, & alii quamplures Clerici & Laici. Data in Heiligenstad, Idus Julii per manum Elgeri Præpositi Nortunenensis.

Schatenus in Annal. Paderborn. ad b. an. Leuckfeld in Annal. Bursfeldens.

SYNODUS ULMÆ

ANNO CHRISTI MXCIII. URBANI II. PAPÆ VI. HENRICI IV. REGIS XXXVIII. IMP. X.

SUMMA. Fœdus Catholicorum in Germania, seu Alemannia, Bajoaria, & Austria, seu liga Catholica contra Schismaticos.

GEbehardus (a) Constantiensis Episcopus, & Apostolicæ sedis Legatus, *Welphonem* Ducem Bajoariæ per manus in militem accepit, sicut & proprium fratrem *Bertoldum* Ducem (b) *Alemannia* jam dudum fecit; cum quibus & reliquis *Alemannia* Principibus magnum Conventum apud *Ulmam* habuit, in quo Conventu firmissime laudatum est, ut Constantiensis Episcopo omnimode secundum statuta Canonum obediretur, & ut Duci *Bertoldo* & Comitibus secundum legem *Alemannorum* obsecundaretur. Deinde firmissimam pacem (c) tam Duces, quam Comites, tam majores, quam minores se observaturos a VII. Calend.

Decembris usque in Pascha, & a Pascha in duos annos juraverunt, videlicet omnibus Monachis suis, conversis & Clericis, Catholico Episcopo subiectis, Ecclesiis & earum atriis & dori earum, mercatoribus, & omnibus eodem juramento obligatis; excepto Arnoldo (d) invasore Constantiensis Ecclesiæ, & omnibus ejus fautoribus. Hanc pacem singuli Principes, qui convenerunt, unusquisque per potestatem suam usquequaque virtim jurare fecerunt.

Bertoldus Constantiensis ad ann. MXCIII. Ex quo Goldastus Tomo III. Constitut. Imperial.

SYNO-

(a) Ex familia Ducum Zeringensium.

(b) Per Alemanniam intellige Sueviam & Helveriam.

(c) Hæc pax vocabatur Treuga Dei.

(d) Arnoldus Comes Helligenbergensis, fuit ab Henrico IV. Rege per vim intrusus in Cathedram Gebehardi, XIII. annis exulare coacti, quia legitimo Papæ Catholico Urbano II. adhærebat. Sic Udalricus Patavienensis exulare cogitur a sede sua, ob Tyemonem schismaticum ab Henrico IV. intrusum anno 1092, qui anno 1097. de novo in eandem sedem sese ingressit. *Hansiz. Tomo I. German. sacra pag. 284. 288.*

XX

SYNODUS CONSTANTIENSIS

ANNO CHRISTI MXCIV. URBANI II. PAPÆ VII.

HENRICI IV. REGIS IXL. IMP. XI.

Gebehardus, Constantiensis Ecclesiæ Episcopus, magnam Synodum Constantiæ in Hebdomada majore ante Pascha, cum Abbatibus & clericis innumerabilibus, & cum prædictis Ducibus: Welphone Bajoariæ, & Bertholdo Alemanniæ ac Carinthiæ, & reliquis Alemanniæ Principibus canonice celebravit, ibique multa, quæ corrigenda erant, correxit.

I. Bi etiam incontinentiam Presbyterorum & violentiam Simoniacorum adeo prohibuit, ut etiam populum ab eorum officio, sub banno prohibuisset, si ipsi in tali facinore positi contra fas & jus ministrare præsumpissent.

II. Statuit etiam ibi juxta statuta Sanctorum Patrum, ut jejunium Martii in prima hebdomada Quadragesimæ, & jejunium Junii hebdomade Pentecostes semper celebretur.

III. Item statuit, ut tam in hebdomada Pentecostes, quam in hebdomada Paschali, tres tantum dies festive celebrarentur; nam usque ad illud tempus Constantiensis Episcopatus morem provincialium non est secutus, videlicet integram septimanam in Pascha, & unum diem tantum in Pentecoste observando: quamvis utræque septimanæ ejusdem observationis esse debuerint, & quamvis alii Episcopatus pene omnes, prædictam constitutionem jam ab antiquo tenuerint. Hæc, inquam, ipse in proprio Episcopatu & ex Episcopali auctoritate, & ex Apostolica Legatione canonice posuit instituire. Nam Legatus fuit sedis Apostolicæ per totam Teutonicam terram usquequaque.

IV. Querimonia Praxidis (uxoris Henrici IV.) Reginæ, quæ dudum ad

Welphonem Ducem Italiæ a marito suo discessit, ad Constantiensem Synodum pervenit, quæ se tantas tamque inauditas fornicationum spurcitas, & a tantis passam fuisse conquesta est, ut etiam apud inimicos fugam suam facillime excusaret, omnesque Catholicos ad compassionem tantarum injuriarum sibi conciliaret. *Huc usque Harduinus ex Bertoldo.*

Et Binius Tom. III. Concilior. Parte II. pag. 414.

V. In hac Synodo Venerabilis Abbas Sigefridus de cella S. Salvatoris (a) super Dudonem, *Obedientiarium* (b) suum, se proclamavit, qui se & bona sua ad aliud monasterium libere contradidit, sed non multo post sacrilege, se & sua inde penitus abalienare tentavit. Unde sancta Synodus juxta statuta Canonum judicavit, ut Dudo ille absque omni contradictione, ad obedientiam Abbatis sui rediret, eique cum suis bonis, jure perpetuo humiliter subjaceret, & de transacta inobedientia, juxta præceptum Abbatis dignam poenitentiam exequi studeret. Sicque factum est, ut Synodus faciendum esse judicavit.

Binius unico verbo querelæ Sigefridi meminit.

(a) Hoc Monasterium erat Schafhufæ in Helvetia.

(b) *Obedientarii* hujusmodi erant laici, qui se & sua Monasterio devoverant. *Mabillon. in Annal. Benedictin. Tom. V. ad h. a. pag. 323.*

SYNODUS ATREBATENSIS

Anno Christi MXCVII. Urbani II. Papæ X.
Henrici IV. Reg. XLII. Imp. XIV.

XXI. Octobris Synodus Atrebat in B. Virginis Basilica cogitur, cui intererant Lambertus Episcopus & Præses, Clarebaldus Ostrevandensis Archi-Diaconus, Atoldus S. Vedasti, Hamericus Aquicintii, Albertus Hasnonii, Joannes Montis Eligiani, Richardus Marcenarum Abbates, Odo Præpositus, Wibertus Decanus, Robertus Magister Scholarum, Anastasius Cantor Ecclesiæ Atrebatensis, alique.

In ea Lambertus Episcopus celebre privilegium Eligiani Montis cænobio confirmat & auget, similiter Aroasianis monachis varia donat; quæ ambo ex Ferreolo Locrio in Chron. Belg. desumpta hic subnectimus.

IN nomine Patris, & Filii, & Spiritus Sancti, unius veri, & summi Dei. Amen.

Lanbertus Dei miseratione Atrebatensis episcopus suis successoribus præsentis vitæ lætitiā, & futuræ gloriā.

Legimus in Gestis Atrebatensis, Cameracensisque ecclesiæ, Dominum Fulbertum, earundemque urbium episcopum, corpus beati Vindiciani de terra elevari, eoque in loco, qui *mons* videlicet *S. Eligii* dicitur, Ecclesiam, priore destructa reedificasse, de Titulo Apostolorum Petri & Pauli, ubi Clericos octo, & stipendia, unde viverent, constituit, & eos hac libertate donavit, ut nullius potestati subjacerent, nisi solius episcopi. Post mortem vero ejus cæperunt dietim a servitute Dei tepere, ecclesiæque, usque ad tempus Domini Lietberti Episcopi declinare. Quam destructionem ipse vir misericordiæ ægreferens, ut ita dicam, alter samaritanus ejus miseriæ condoluit, ac secum tractare, quomodo id in melius reparetur, cepit: cui consilium tali negotio congruum ille ministravit, qui hoc velle cordi ejus infundit. Nam ibi Clericos regulares de communi viventes, suorum consilio fidelium ordinavit, eisque Abbatem suæ professionis præfecit. Unde facto privilegio suos precatus est successores, ut eos proveherent, & fie-

rent adjuutores. Libertatem quoque ecclesiæ, ac possessionum suarum denuo confirmavit, & Altare de Huchin eā conditione ibi dedit, ut singulis annis festivitate S. remigii XII. denarios solvat, & deinceps ab omni redemptione liberum faciat. Altare quoque de Rodricourt ita dedit, ut sine persona permaneat. Dominus quoque Gerardus prædecessor meus, successor suus in Novilla & Medianavilla, sine personis dedit Altaria salvo jure episcopi, & redditus ejus, & consuetudinibus Archidiaconi ejus. Hæc omnia ego Lambertus Dei miseratione Atrebatensis episcopus, tibi reverendissime frater, & fili Joannes Abba, omnibusque in eo, quo es, loco & ordine propter religionem tuam, successoribus tuis, religiose & communiter victuris, sicut superius determinatum est, firma & inviolata permanere concedo. Concedimus etiam suo in tempore, cum opus fuerit inibi Canonicis religiose, & absque proprietate viventibus cum consilio, & autoritate Atrebatensis Episcopi, licentiam eligendi, juxta timorem Dei, & sacros Canones Magistrum & Abbatem. Quod si hujusmodi officii idonea persona ibi inventa non fuerit, assensu episcopi sui, & consensu, eligant de alio Monasterio, virum religiosum ordinis & professionis suæ Magistrum, & abbatem sibi præficiendum. Post hæc

vero.

vero deducatur ad episcopum, & suscipiat de manu ejus temporale beneficium loci, & curam animarum, & Abbatis benedictionem. Hisque beneficiis Altare de Rebroviis precatu Domini Clareboldi militis adjungo, ita ut duos tantummodo solidos in cœna Domini ad servitium episcopi persolvat, de cetero totum redigatur sub Abbatis Dominio. Hujus rei testes Dominus Joannes, Archidiaconus, Dominus Clareboldus, Archidiaconus, Odo Præpositus, Wihbertus Decanus, fratresque cæteri totius congregationis Sanctæ Mariæ semper Virginis. Dominus igitur Clareboldus, hujus rei hortator, nullum alium penitus hæredem facere volens, quam Ecclesiam rebroviensem, totam quam in vicinio habet, hereditatem ibi dedit, ita ut ipse supradictus Abbas ad honorem Dei, & Sanctæ Mariæ semper Virginis, ipsum locum per Clericos suos detineret, & prout res exterior augeretur, servitium Dei intus cresceret, dedit videlicet in Baralfo integrum molendinum; & unius carrucæ terram

& quinque hospites: & in Dahellicurt quartam partem, & silvam ibi attinentem. Hujus rei testes iterum duo Archidiaconi, Joannes videlicet, & Clareboldus, & totus ecclesiæ Atrebatensis conventus, Dominusque Aloidus Abbas S. Vedasti, Philippus frater Comitum Roberti, Clementia Comitissa Flandrensis, Robertus advocatus, Baldricus in Colhem, Frumoldus de Insula. Hoc igitur datum, & si quis aliud legitime dederit, qui usurpare præsumperit, & in pravos usus redigere tentaverit, Canonice excommunicationi subiaceat.

Ego Lambertus Dei miseratione episcopus Atrebatensis hoc libertatis donativum relegi, subscripsi, & in nomine Patris, & Filii, & Spiritus Sancti propria manu confirmavi. Actum Atrebat in Synodo, in Basilica Beatae Mariæ semper Virginis, Dominae nostræ, anno videlicet Dei Christi MXCVII. Indiçt. V. XII. Calend. Novembris.

Ferreolus Locrius in Chronico Belgii.

§. II. Privilegia varia Arroasianis concedit Lambertus Episcopus

1. *Soli Episcopo subiectus locus.*
2. *Donatur illi Parochia Rochennies sub censu XII. denariorum.*
3. *Facultas reconciliandi loca violata.*
4. *Facultas eligendi Abbatis, si congregatio crescat, sed ab Episcopo Atrebatensi confirmandi.*

IN nomine Patris, & Filii, & Spiritus Sancti, unius veri, & summi Dei. Amen.

Ego Lambertus Dei miseratione Atrebatensis episcopus, gaudens de religiosa conversatione tua, reverendissime frater, & Compresbyter Cono, desiderio desideramus paci, & quieti tuæ tam præsentibus temporibus quam futuris providere. In adventu enim tuo, & bonæ memoriæ Domini Helde-mari Magistri, & Consacerdotis tui in Aridagmentia in Paroecia nostra, quæ dicitur *Rochennies*, locum vobis ad serviendum Deo elegistis, qui sicut aliquando fugiendus, velut spelunca latronum fuit, nunc per Dei visitationem, & tuam, & fratrum tecum habitantium, factus est refugium & solatium ibi tran-

seuntium. Unde & te in eo, quo es, loco & ordine, & successores tuos religiose, & Canonice inibi victuros hac donamus libertate, ut tantum episcopo respondeatis, & in manu ejus in libertate Spiritus permaneatis. Contradimus etiam tibi, & per te legitimis successoribus tuis, cum fratribus inibi religiose & absque proprietate viventibus, atque victuris, in augmentum pacis & quietis loci tui prædictam Parochiam Rochennies sub respectu duodecim denariorum in cœna Domini ad servitium episcopi. Si autem aliquando, quod absit, antiquo hoste instigante, in prædicto loco vel Parochia, tale quid acciderit, pro quo reconciliatio necessaria fuerit, tibi, legitimisque successoribus tuis vice nostra, accepta aqua sanctificatio-

cationis , & reconciliationis , ut ea reconcilies , religioni vestræ annuimus , & impertimus. Si autem prædictus locus , largiente Domino , ad tantam copiam rerum , & fervorum Dei ibi commorantium excreverit , ut Prælatum eligere debeant , liberam habeant potestatem cum consilio & auctoritate Atrebatensis episcopi , eligendi sibi Magistrum & Dominum , juxta timorem Dei & instituta sanctorum Canonum. Postmodum vero deducatur ante episcopum ,

& accipiat temporale beneficium loci , & curam animarum , & prælationis benedictionem. Rogamus ergo in Domino tam præsentibus fratres nostros , quam & successores episcopos nostros , & sanctorum Canonum auctoritate interdiciamus & nostra , ne quis hoc donativum libertatis violare , aut corrumpere præsumat. Si quis scienter hujus nostræ institutionis privilegium infregerit , excommunicationi subjaceat. &c. *Actum Atrebat in Synodo , &c. ut supra.*

EPISTOLA CANONICA

EX SYNODO ROMANA.

Anno Christi MIC. Urbani II. Papæ XII.
Henrici IV. Imp. XLVI.

*Urbanus II. Papa rescribit Piboni Tullensi Episcopo , & confirmat
Synodali assensu quæstiones a Pibone propositas.*

URBANUS EPISCOPUS , SERVUS SERVORUM DEI , DILECTO
FRATRI PIBONI , TULLENSI EPISCOPO , SALUTEM

ET APOSTOLICAM BENEDICTIONEM.

Super quæstionibus , quas ad nos Adalbero , vestræ Ecclesiæ filius , detulit , hæc ad nos sunt in synodali assensu Concilii Capitula per Dei gratiam confirmata.

CAPUT I. Episcopus omnia sui Episcopatus membra , videlicet Archidiaconatus , Archi-Presbyteratus , decimas , vel aliquas Præposituras Ecclesiæ suæ canonicas gratis , absque omni venalitate distribuat ; quisquis autem ea pretio dederit , quisquis pretio receperit , depositioni subjaceat.

CAPUT II. Eos , qui a Subdiaconatu uxoris vacaverint , ab omni sacro ordine removemus , officioque atque beneficio Ecclesiæ carere decernimus , si vero Episcopi consenserint eorum pravitati , a suis se noverint officiis interdictos.

CAPUT III. Presbyterorum filios , a sacri altaris ministeriis removendos decernimus , nisi aut in cœnobiis , aut in canonicis religiose probati fuerint con-

versati , absque præjudicio tamen capitulorum istorum eis , qui præbendas aut ipsi ante hanc Sedis Apostolicæ interdictionem emerunt , aut emptas se nescientibus possederunt , habendos eos permittimus , si eorum personæ tuo arbitratu visæ fuerint promereri. Eis autem , qui fidem professionis suæ irritam facientes , post Subdiaconatus acceptionem vacare uxoribus præsumperint , & officium & conjugium penitus interdiciamus , eisque , quoniam se ipsos apostatando destruxerunt , & voluptatem corporis Domino prætulerunt , omni vitæ suæ tempore , aut in cœnobiis , aut in canonicis regularibus penitentiam decernimus injungendam ; Presbyterorum vero filios , qui secundum præcepti nostri conditionem , aut in cœnobiis , aut in canonicis religiose probati fuerint conversati , quia Patrum peccata cum sæculi possessionibus abdicarunt pro religionis ac scientiæ prerogativa Apostolico modamine tolerandos ducimus , & ad sacros ordi-

Pibo amore vitæ regularis abdicavit Pedum Tullensē , ingressus cœnobium Divionensē ; dein petente Clero , & jubente Romano Pontifice , rediit ad Cathedram Tullensem.
Obiit 1107.

ordines, & ad honores Ecclesiasticos permittimus provehendo.

CAPUT IV. Porro de Clericis, qui ab excommunicatis Episcopis sunt ordinati, necdum quidem sententiam fiximus, quia generalis mali contagium generalis Synodi est cauterio comburendum; tuæ tamen fraternitati hoc respondemus ad præsens; ut ab excommunicatis quondam, tamen Catholicis Episcopis ordinatos; siquidem non Simoniace ordines ipsos acceperunt, & si Episcopos ipsos non Simoniacos fuisse constiterit, adhuc si eorum religiosior vita & doctrina prærogativa visa fuerit promereri, poenitentia indicta, quam congruam duxeris, in ipsis, quos acceperunt ordinibus, manere permittas; ad superiores autem ascendere non concedimus, nisi necessitas maxima flagiterit Ecclesiæ, hoc tamen ipsum rarius & cum cautela præcipua concedendum.

CAPUT V. Episcopos five Clericos, quos Simoniacos esse constat, a sacris officiis & beneficiis removendos omnino decernimus: in Ecclesiis vero, quæ ab hujusmodi Simoniacis consecratae sunt, non aliter, quam in locis orandum videtur, donec subversis altaribus benedictione & unctione Catholici Antistitis consecrentur.

CAPUT VI. De his, qui sine titulis ordinati sunt, licet ejusmodi ordinatio sanctorum Canonum sanctione irrita judicetur; utrum tamen aliqui in acceptis ordinibus sint permittendi, discretioni tuæ pro præsentī Ecclesiæ necessitate committimus, si tamen alias sine pravitate eos ordinatos fuisse constiterit.

CAPUT VII. Bigamos, & viduarum maritos a sacris ordinibus, secundum communem Ecclesiæ consuetudinem, auctoritate nostri officii, segregamus.

Hæc universa tamquam Apostolicæ sedis præcepta Sanctorum Conciliorum sententiis consonantia, religionis tuæ strenuitas, & in Ecclesia sibi commissa, Deo juvante, custodiat, & custodienda aliis innotescat, nec senectutem tuam oblatrantium canum multitudo perterreat: *Major enim est, qui in nobis est, quam qui in illis*; ipse siquidem firmans discipulos suos, ait: *Nolite timere pusillus grex, quia complacuit Patri vestro dare vobis regnum*; ipse misericordia sua nos confirmet & protegat, & ad cœlestia Regna perducat. Amen.

Ex cod. MS. Bibliothecæ Regiæ Sueciæ in Vaticano No. 512. descripsit Cl. Sebanus. b.m.

DIGRESSIO AD SÆCULUM XI.

- §. I. De Præstationibus, quas Collectores Synodorum præmittere soliti sunt.
- §. II. De Canonistis Germanis Sæculi XI.
De Canonistis hujus Sæculi extra Germaniam.
De Apologistis Henrici IV.
- §. III. De Historiographis Gregorii VII. PP. & Henrici IV. Regis & Imperatoris.
- §. IV. De Simoniacis hujus Sæculi, quinam ejus rei sint?
- §. V. De hæresi Nicolaitarum hujus Sæculi, an ejus rei sint omnes Presbyteri peccantes contra castitatem?
- §. VI. An investitura beneficii Ecclesiastici per manum laici facta sit hæresis.
- §. VII. An Wezelonis, Moguntini Archi-Episcopi, opinio de Henrico IV. non excommunicando sit hæresis?
- §. VIII. An germani Clerici adhaerentes Gregorio VII. Papæ contra Guibertum Anti-Papam sint perjuri in Cæsarem?
- §. IX. An Gregorius VII. primus introduxerit calibatum in statum clericalem, an antea Presbyteris conjugia fuerint licita?
- §. X. Quid de Sigeberti Gemblacensis censura & sententia in Gregorium judicandum?
- §. XI. Quam vera sit Annonis Archiepisc. Colonienfis propositio, neminem a longis temporibus absque mandato & assensu Domini Regis accepisse Papatum.

§. XII. De auctore Schismatis inter Henricum IV. & Gregorium VII. ab anno 1076. ad 1105.

Epistola Henrici IV. ad Gregorium VII.

§. XIII. De juniorum in Ecclesia Catholica diverso ritu diversis temporibus & locis.

§. XIV. De computatione consanguinitatis inter matrimonium contracturos.

§. XV. Cur colloquia Conciliis miscuerimus.

§. I. De Præfationibus, quas Collectores Synodorum præmittere soliti sunt.

MERLINUS, Doctor Parisinus, primus edidit collectionem Conciliorum, ab Isidoro peccatore scriptam; Parisiis anno 1523. in folio: recusam in folio Coloniae 1530. Præmittit duos exiguos Tractatus: 1. De origine Conciliorum generalium, & de tempore. 2. De ordine celebrandi Concilia.

SURIUS Tomo I. Conciliorum, anno 1567. Coloniae vulgato, præmisit præfationem CRABBII, in editione Colonienfi anni 1538. extantem.

Secundo præmisit Photii Patriarchæ Constantinopolitani excerpta ex Epistola ad Michaëlem Bulgariae Principem de septem Conciliis œcumenicis a Nicæno primo ad secundum Nicænum sub Hadriano Papa, ejusque Legatis, & CCCLXVII. Episcopis, celebratum.

Tertio. Originem Conciliorum generalium, quo tempore scilicet Concilia celebrari ceperint, & de quatuor Conciliis principalibus ex Isidoro peccatore, vel Mercatore.

Quarto. De ordine celebrandi Concilii canones, id est, regulas Ecclesiasticas, a sanctis Patribus constitutas, & ab Isidoro peccatore in Codicis unius corpus collectas.

Quinto. Tractatum de Primatu Romanæ Ecclesiæ, quem jam Vendelstinus anno 1525. Moguntiae ediderat, post codicem Dionysii exigui impressum.

Eximius BINIUS ultimæ suæ editioni Conciliorum Anni 1618. præmisit

I. Præfationem Dionysii exigui circa annum 530. scriptam.

II. Præfationem Isidori mercatoris in suam canonum collectionem, sæculo octavo exeunte scriptam.

III. Ordinem celebrandi Concilii, desumptum ab Isidoro mercatore ex quarto Concilio Toletano, ex Garfia Loaisa, in Hispanicâ Conciliorum editione emendatius editum; sed breviorum eo, quem Merlinus & Surius ediderant. Recte tamen mo-

net Binius, hunc ordinem, si in Hispania observatus fuit, non ideo in omnibus Conciliis observatum fuisse.

Nos nihil harum præfationum primo, aut secundo Tomo præfiximus. Quum vero sæculo X. & XI. prodierint sermones Synodales Episcoporum Germaniæ, *Udalrici* Augustani & *Ratberii* Leodiensis; cum *Regino*, Sæculi decimi autor, formam visitandæ Ecclesiæ ab Episcopo, suæ collectioni canonum præmiserit: cum *Burchardus* in sua canonum collectione laudatissima collegerit ex primo millenario Ecclesiæ Catholicæ capitula, ex summis Pontificibus, & Patribus, & Conciliis excerpta, de auctoritate prædendi, de numero, & qualitate, & ordine vocandorum ad Concilia, nobis servaverit: cum demum post Burchardum reperitur ordo in Conciliis celebratione servandus in codicibus MSS. Germanicis; hinc putavi, hæc in limine tertii Tomi Conciliorum ponenda, veluti normam domesticæ disciplinæ in Germanicis Ecclesiis, sæculo X. & XI. Reginonem vero Tomo II. illigaveramus.

Complectitur igitur nostra Parasceve, ad Concilia Germanicarum Ecclesiarum Tomo III. præmissa

1mo. Sermonem Synodalem *S. Udalrici*, Augustano Episcopo, valde verosimiliter attributum.

2do. Similem sermonem *Ratberii*, ex monacho Laubiensi Veronensis in Italia, tum Leodiensis in Germania Episcopi.

3tio. Capitula Canonica, quæ *Burchardus*, *Wormatiensis* Episcopus, collegerat ex variis Conciliis & Patribus, à Capitulo XLII. Libri primi ad LXIII.

4to. Quomodo initianda sit Synodus primo, secundo, tertio die, quibus orationibus, Psalmis, Evangelicis aut Patrum capitulis prælegendis sessiones Patrum inchoandæ, & finiendæ sint. Extat hæc formula post opera Burchardi, Coloniae anno 1548. impressa, incerto hæcenus auctore.

5to. Quinam laici ex vasallis Episcopi Ultrajectini ad Rhenum interesse teneantur generali Synodo suæ Ecclesiæ. Desumpta est hæc definitio ab *Adelboldo Episcopo Trajectensi*: & similis ordinatio circa Ministriales aliorum Germaniæ Episcoporum præ-

præsumitur. Addi & præmitti potuisset *Bernaldi*, *Constantiensis* Presbyteri, *Epistola de Conciliorum*, *Canonum*, *Decretorum*, & *Decretalium Romani Pontificis auctoritate*; vulgata primum in novissima editione *Gretseri operum Tom. VI.* a pag. 153. quæ in supplemento addetur.

§. II. De Canonistis Germanis hujus Sæculi.

I. OLBERTUS, ex monacho Benedictino Laubiensi Abbas Gemblacensis, qui *Burchardi Wormatiensis Episcopi Dux*, & Magister fuit in doctrina Canonum.

Sigebertus Gemblacensis de Script. Eccl. cap. 142.

II. BURCHARDUS, Wormatiensis Episcopus, anno 1028. defunctus, cujus elogium, ætatem, & libros descripti in præfatione ad *Tomum primum §. XIV. uti & Apologiam contra Baluzium, ejus accusatorem.*

III. ARIBO, non tantum sacræ eloquentiæ, & scripturæ Divinæ intelligentiæ celebris, sed & juris canonici peritissimus fuit, quod & ostendunt permulta ab eo celebrata Concilia, & eruditorum viro- rum eidem inscripæ lucubrationes.

Serarius rerum Moguntiacarum, in ejus vita. pag. 729.

IV. BERNO, ex monacho Prumiensi Abbas Augiæ divitis. Obiit anno 1048. 7. Junii. Superfuit ejus opera:

1. De quibusdam rebus, ad Missæ officium pertinentibus.

2. De quatuor temporum jejuniis, per sabbata observandis: de jejunio sabbati: quæ duo ultima opuscula unum opus videntur duplici titulo.

Sigebertus de Script. Eccles. cap. 152. Edidit hæc Hittorpius Pamelio suggerente Colonia 1568. inter Catholicos Scriptores de Divinis officiis.

3. De tempore celebrandi adventus Domini ad Aribonem Moguntinum.

Martene Tom. I. Scriptorum veterum.

V. HUMBERTUS, Monachus Benedictinus Tullensis, a Leone Episcopo suo, post Papa, hujus nominis IX. ob literarum scientiam Romam traductus, & Cardinalis Episcopus creatus fuit.

Hic olim missus ad Græcorum hæreses confutandas, confutavit scripta Leonis Acri-dani Bulgarorum Archiepiscopi: item scripta Nicetæ Pæstorati, eumque in præsentia Constantinii Imperatoris, adeo convicit; ut ipse Niceta librum suum anathematizaverit, & manu in ignem injecerit.

Tomus III. Concil. German.

Demum legationis obitæ historiam scriptam more dialogi sub personis Romani, & Constantinopolitani.

Sigebertus Gemblac. de Script. Eccl. cap. 150.

Illusterrimus Baronius hoc opus dignum censuit edi post Tomum XI. annal. Eccl. jam Canisius Tomo V. Lect. antiquarum illud prius vulgaverat.

VI. BERNALDUS Constantiensis Presbyter, & scholarum Magister, post monachus in Corbeja Saxonica.

Insignia monumenta juris prudentiæ sacræ reliquit, quæ *Gretserus primum edidit, & enumerat Tom. VI. novæ editionis anni 1735. a pag. 25.*

1. Tractatus de Sacramentis excommunicatorum juxta assertionem Sanctorum Patrum.

2. Apologeticus de excommunicatione Simoniacorum, & Clericorum incontinentium, facta a Gregorio VII. in Synodo Romana ejus prima, una cum hac Synodo.

3. Epistola I. Bernaldi ad Alboinum de incontinentia Sacerdotum.

4. Responsio Alboini ad præcedentem epistolam.

5. Responsio Bernaldi ad Alboinum.

6. Secunda Bernaldi responsio ad eundem.

7. Secunda Responsio Alboini ad Bernaldum.

8. Tertia responsio Bernaldi ad Alboinum.

9. Epistola reconciliatoria Alboini cum Bernaldo.

10. Apologeticus Bernaldi pro decretis Gregorii factis in Synodo Romana: constat cap. XXIV.

Editus fuerat a Binio Tomo III. Conciliorum part. II. pag. 373. ex Codice Weingartensi collatus, & recusus in nova Gretseri editione Tomo VI.

12. Epistola Adelberti & Bernaldi ad Bernardum Magistrum scholarum Constantiensium de Sacramentis excommunicatorum.

13. Epistola Bernardi ad præcedentem Epistolam.

14. Alia Adelberti & Bernaldi ad Bernardum Epistola præter hæc a *Gretsero edita, editor Gretseri operum nunc primum hunc & MS. proculit librum.*

15. Bernaldi Constantiensis Presbyteri de vitanda excommunicatorum communione.

ne. De reconciliatione lapforum. De Concillorum, canonum, decretorum, decretalium, ipsorumque Romanorum Pontificum auctoritate.

Extat a pag. 513. Tomi VI. novæ editionis Gretseri.

VII. BERNARDUS Monachus de S. Blasio vir Sacrarum literarum studiis doctus, & imprimis eruditus, ingenio clarus, ac disertus eloquio, fidei propugnator acerrimus, Princeps suæ ætatis Philosophorum sacrarumque literarum Doctor subtilissimus. Scripsit

1. Apologeticas orationes contra Schismaticorum objectiones ad Adelbertum Spirensem Præpositum, in quibus præcipue ostendit, quod ipse & monachi S. Blasii jure ab excommunicatis abstineant.

2. De lege excommunicationis epistola ad Adelbertum Argentinensem Præpositum.

3. De eadem re ad Rechonem.

4. *Hactenus Eifengreinus in Catalogo testium veritatis.*

4. Epistola ad Paulinum de emptione Ecclesiarum.

5. De Ottonis Episcopi Constantiensis rejectione, & alterius substitutione a Gregorio VII. 1074.

6. De officio Presbyterorum ad fratres in Rattenbach.

7. Ad Waltherum Sacerdotem tractatus de solutione juramentorum.

8. Ad Reverendissimum Antistitem Gebhardum de excommunicatorum ordinatione & salute parvulorum, qui ab excommunicatis baptizati sint, & aliis quibusdam ad Concilium proxime futurum pertinentibus.

Hæc Epitome Gesnerianæ Bibliothecæ addit, eumque circa 1066. floruisse.

Sed, si vidit exauctoratum Ottonem Constantiæ Episcopum, igitur anno 1074. vel post illum scribebat.

VIII. GEBEHARDUS Archi-episcopus Salisburgensis.

1. Ejus oratio ad schismaticos habita in conventu Gerstungenfi, vel in silva Capuana prope Visurgim: servata nobis fuit a Brunone in Historia Belli Saxonici edita a Frebero Tom. I. script. Germaniæ.

Recusa a Gretsero Tom. VI. novæ edit. pag. 434.

2. Epistola ad Hermannum episcopum Metensem pro adherentibus Gregorio VII. Papæ, & ostendit eos nullatenus esse perjuratos Cæsari, id quod schismatici criminabantur. *Gretser. Tom. VI. novæ edit. pag. 435. vitam Sanctissimi Viri edidit.*

IX. MICROLOGUS Anonymus scriptor, coævus Gregorio VII. cujus honorificam mentionem facit.

Hujus librum de ecclesiasticis observationibus edidit Pamelius Colonia: Typo Hittorpii anno 1568.

X. STEPHANUS, seu Hermandus Halberstadenfis episcopus. epistolam edidit sub nomine Ludovici Comitis, quo Gregorium VII. tuetur, & Scripturæ loca, quæ Waltramus Naumburgensis episcopus pro factione Henrici IV. tuenda perperam adhibuerat, vero sensu intellecta interpretatur, & Henricum in tuendis Simoniaci & incestis Clericis iniquam causam fovere asserit.

Ediderat Dodechinus Abbas in continuatione Mariani Scoti, & editor Gretseri recudit Tomo VI. novæ edit. pag. 544. 640.

Hi sunt Canonici Catholici Seculi XI. in sola Germania: extra quam in Italia
I. DEUSDEBIT Cardinalis, creatus a Gregorio VII. cujus superest collectio Canonum eruditissima: & liber specialis, quod investiture sint illicitæ. II. PETRUS DAMIANI Cardinalis, Episcopus Ostiensis. III. S. ANSELMUS Episcopus Lucensis, cujus duo libri Apologetici pro Gregorio VII. contra Wibertum Anti-Papam. Et in Anglia IV. & V. ANSELMUS & LANFRANCUS Cantuarienses Archi-Episcopi, eruditissimi defensores personæ, Conciliorum, & Canonum Gregorii VII. Præ quibus citati a Goldasto causæ Henrici IV. defensores sunt hi:

I. Henricus ex Scholastico Trevirensi Episcopus Vercellenfis, aliis Wenericus, aliis Hennius vocatur.

Scripsit sub personâ Theodorici Virdunensis Episcopi ab anno 1049. ad annum 1090. librum ad Gregorium VII. Papam De discordia Regni & Sacerdotii, non eum increpans, sed ut seniores observans, & patrem, & amicabili inductione quasi affectu dolentis suggerens ei omnia, quæ contra jus legum & fas religionis eum fecisse & dixisse divulgabat loquax fama.

Eum edidit Edmundus Martene Tomo I. Anecdotorum pag. 214. 230.

Scripsit hunc librum adhuc Scholasticus: Sigebertus ejus meminit L. de Script. Eccles. Cap. 360.

II. Walramus (aliis Waleramus) Episcopus Naumburgensis ab anno 1090. ad 1110. favit Henrico IV. contra Gregorium. Scripsit

1. Epistolam ad Ludovicum Thuringiæ Landgravium, quâ ipsum monet, ut deserto Pon-

Pontifice Imperatori Henrico IV. fidem exhibeat.

Edita est a Dodechino in appendice ad Marianum Scotum.

2. De unitate Ecclesie conservanda, de schismate inter Imperatorem & Pontificem. Inventus est primum ab Ulrico Hutteno, & anno 1520. Moguntiae editus: postea Schardius & Freherus eundem ediderunt, & Freherus quidem cum duplici titulo: *De unitate Ecclesie conservanda & schismate inter Henricum IV. Imperat. Roman. & Gregorium VII. Pontificem maximum.* Dein hanc rubricam præfigit: *Apologia Henrici IV. Imp.* nullum titulum invenit Huttenus in codice MS. quare tituli adlati sunt Hutteni & Freheri inventiones.

FABRITIUS Bibliothecæ mediæ & infimæ Latinit. L. XXI. hunc librum Walramo Naumbergenſi tribuit, pari fundamento, quo Huttenus, id est, nullo: & idem clarissimus vir Libro XX. ejusdem Bibliothecæ hunc librum: *De unitate Ecclesie conservanda* attribuit Venerico ex Clerico Treverensi Episcopo Vercellenſi, nempe verum auctorem nemo scit.

III. Alboinus sensit primo contra cælibatuum Sacerdotum, sed a Bernaldo convictus scripturæ testimoniis & canonibus Patrum mutavit sententiam. Goldastus eum uti Clerogamniæ tutorem laudat, palinodiam ejusdem a Grefſero impressam ſilet.

Hos igitur tres auctores habuit Henricus IV. defensores suæ causæ, quos cum Bernaldo, Gebehardus, & Anselmus luculente confutarint, non est nobis otium & opera perdenda.

Sane Apologiftæ Gregorii VII. non tantum numero, sed vitæ sanctitate, doctrina & vera doctrina, & spectabili in Ecclesia Dei auctoritate eminent.

Hactenus de Canonistis Sæculi XI.

§. III. *Post Canonistas Sæculi XI. tranſeamus ad HISTORICOS hujus Sæculi. Quot, & quales Gregorius VII. quot Henricus IV. habuit?*

GREGORII VII. vitam scripserunt cœvi ex professo:

I. Paulus Bernriedensis, Canonicus Regularis S. Augustini in Bavaria, *librum de vita & gestis Gregorii VII.* cum multis documentis: quæ & Registrum Epistolarum Gregorii VII., Bruno de bello Saxonico, & Bertoldus Constantiensis vera & legitima esse testantur. Eum primus edidit Grefſerus, vide *Tomum II. novæ editionis*, recude-

runt Hagiographi Antverpiensēs in *actis Sr. Tomo VI. Maji pag. 113. & seqq.*

II. Gerhohi Reicherpergenſis Præpositi Syntagma de statu Ecclesie sub Henrico IV. & V. Imperatoribus, & Gregorio VII. aliisque consequentibus Pontificibus.

III. Libri XI. Registri Epistolarum Gregorii VII. ad Reges & Episcopos, & horum ad Gregorium VII.

IV. Acta Vaticana de rebus gestis Gregorii VII. descripta ab Baronio Tomo XI. Annalium, ex Libro MS. censuali Centii Camerarii, postea Honorii III. PP. collata cum MS. Nicolai Cardinal. de Arragonia, recusa ab Hagiographis. *Tomo VI. in actis Sr. Maji pag. 148.*

V. Acta electionis Gregorii VII. extantia in Registro epistolarum Gregorii VII.

Tomo III. Epistolar. decretalium Romani Pontificis in Tomis Conciliorum, inde a Bino ad Harduinum sæpe recusa.

VI. Lambertus Schafnaburgensis in Chronico.

VII. Bertoldus Constantiensis in Chronico: e quo excerpta acta Pontificalia Gregorii VII. ab 1073. ad 1085. lege *Tomo VI. in actis Sanctorum Maji pag. 141.*

VIII. Bruno de bello Saxonico.

IX. Domnizo in vita Mathildis Ducatricis.

X. Leo Marſicanus Cardinalis Episcopus Ostiensis chronicon Cassinense perduxit ad 1087. seu ad mortem Victoris III. qui Gregorio VII. successit, est auctor cœvus. Adde acta Pontificalia ex MSS. Patrum Hagiographorum Antverpiensium: ubi & Synodi sub Gregorio VII. celebratæ recensentur. Vide *Tomum VI. Maji in actis Sanctorum pag. 154.*

XI. Marianus Scotus cœvus.

Hi undecim Scriptores cœvi testes sunt innocentie & sanctitatis Gregorii VII.

Biographi Sanctorum cœvorum Desiderii Abbatis Cassinensis, Anselmi Episcopi Lucensis, Gebehardi ac Tiemonis Archiepiscoporum Salisburgensium, Altmanni Episcopi Pataviensis, Lanfranci Cantuariensis amplissima elogia scribunt vitæ Gregorianæ.

Quid his tot & tantis cœvis opponant fautores Henrici IV.?

Benno anno 1535. primum in lucem editus, quo parente, Deus scit. Eum fuisse Cardinalem vel Albenſem episcopum Fabritius dixit, & Goldastus, & Wolfius, & Flacius, sed ne uno jora ullus eorum quidpiam horum titulorum demonstravit.

2. Anonymus auctor vitæ Henrici IV.

F f 3

3. Si

3. Sigebertus Chronographus suppar, defunctus anno 1113.

4. Fictæ orationes pro Wilhelmo Trajectensi, Hugone Blanco, Clericis Papæ Gregorio rebellibus: sunt Aventini & Goldasti partus, uti orationes a Livio aut Curtio affictæ Romanis, aut Græcis Imperatoribus, multis post eorum mortem annis, aut sæculis. Similibus Aventini inventis sterilitatem supplet Henricianæ historiæ Goldastus.

Conradus a Lichtenaw, Abbas Urspergensis, duobus sæculis posterior, cum Melanchthonis notis editus, nullam fidem meretur contra cœvos historicos, & documenta ab his prolata, quæ & inter se, & cum historia temporum, personarum conveniunt.

Postiores omnes nihil fidei merentur, nuda narratione rerum, duobus aut pluribus sæculis ante se gestarum.

Non scio, an ullus Pontifex tot, aut plures, aut tam illustres Biographos habuerit, quam Gregorius VII.

§. IV. Quatuor hæreses a Scripturibus & Canonistis hujus sæculi nuncupantur, an vere, an accurate?

Primò. Simoniacorum, id est, eorum, qui potestatem spirituales v. g. Episcopalem, aut Presbyteralem pecunia acquirunt, emunt, vendunt.

Ad primum respondeo: Hæresis Simonis Magi relata Cap. viii. *Actuum Apostolorum* in eo sita erat, quod Simon existimaret pertinaci judicio intellectus pecuniâ donum Dei, v. g. Episcopalem potestatem confirmandi baptizatos, eisque Spiritum Sanctum conferendi posse possideri, acquiri, vendi. *Pecunia tua tecum sit in perditionem*, dicebat S. Petrus Simoni pecuniam offerenti, *quoniam donum Dei existimasti pecunia possideri; Non est tibi pars neque sors in sermone isto*, nisi penitentia sincera errorem intellectus corrigas & retractes.

Hæc sententia semper fuit in Ecclesia Dei, veluti articulus fidei. Hinc Canones omnium Conciliorum hujusmodi acquisitiones officiorum aut beneficiorum Ecclesiæ, uti Simoniacas execrantur. Vide Canonem XXII. Concilii Selingestadii anni 1022, p. 58. hujus III. Tomi: *Altare Episcopus vel Archidiaconus, si pro munere vendiderit, & Clericus, qui munera obtulerit, cum Simone Mago uterque anathema sit.*

Canones collectos lege sis apud Reginonem L. i. de disciplina ecclæs. a Cap. cccxxii. ad Caput ccxi. Vide Tom. II. nostrum pag. 467. Burchardus Lib. II. a Cap. cvii. ad Ca-

put cxvii. *Rursum eundem Episcopum a Cap. cxvii. ad Caput cccxxiv.*

De cætero, si quis ex mera avaritia, aut alio pravo fine emit pecunia Episcopatum, Abbatiam, graviter peccat, sed, si absit iudicium erroneum contumax, non est hæreticus dicendus. Urbanus II. anno penultimo hujus sæculi decretalem denuo edidit, qua Simoniacam hæresim damnat. *Binius Tom. III. Parte II. pag. 422.*

§. V. An Fornicatio Clerici sit hæresis Nicolaitarum?

R. Non omnes Presbyteri vel Clerici violantes castitatem sunt Nicolaitæ, vel hæresi Nicolai infecti: sed ii tantum, qui intellectu contumace judicant licitum esse cuivis, fornicari, sive laico, sive clerico, quod dicitur Nicolaus Diaconus docuisse. Ut ut sit de vero crinomeno erroris Nicolai in Apocalypsi reprehensi; certum est, ex solo actu fornicationis, vel adulterii, sive a clerico, sive ab aliis patrato, hæresin non contrahi; nisi accedat iudicium contumax intellectus contra verbum Dei & Ecclesiæ Catholicæ dogma, v. g. si quis doceret, & intellectu contumace assereret, cuivis viro uxorem adeo necessariam esse uti cibum & potum. *Tom. II. Genesi folio 163. vel vorum castitatis pejus esse adulterio & immunditia: Tom. VI. Wittebergensi folio 252.*

His erroribus seclusis, fornicator non est hæreticus. Petrus Damiani Nicolaitas vocavit, qui mores Nicolai imitabantur: an vero omnes intellectum hæretico errore pollutum haberent, non examinavit.

§. VI. An investitura beneficii Ecclesiastici per laicum facta, sit hæresis?

R. DE investituris Ecclesiarum, quas laici faciunt, sententiam præcedentium Gregorii VII. & Urbani II, quantum in me est, laudo atque confirmo; quocumque autem nomine talis pervasio proprie vocetur. Eorum sententiam, qui investituras laicorum defendere volunt, schismaticam iudico IVO Carnoti Episcopus Epist. 238. & 235. cujus sententiâ malo quæstionem definiri, quam mea, quæ eadem est Ivonianæ. *Idem Episcopus alio loco scribit: Quod quidam investituram hæresin vocant; cum hæresis non sit, nisi error in fide: sicut enim fides cordis est ad iustitiam, oris autem confessio ad salutem; ita hæresis error est ad impietatem: Professio vero ejusdem erroris est ad perniciem. Et fides & error ex corde procedunt: Investitura vero illa, de qua tantus est*

est motus, in solis est manibus dantis & accipientis: quæ bona & mala agere possunt, credere vel errare in fide non possunt.

Adhæc: si investitura hæc hæresis esset, ei renuntians, sine vulnere ad eam redire non posset. Videmus autem in partibus Germaniarum & Galliarum, multas honestas personas, purgato isto nævo, per quamlibet satisfactionem Pastorales virgas reddidisse, & per manum Apostolicam refutatas investituras recepisse. Quod summi Pontifices minime fecissent, si in tali investitura hæresin & peccatum in Spiritum Sanctum latere cognovissent.

Cum ergo ea, quæ æterna lege sancita non sunt, sed pro honestate ecclesiæ instituta vel prohibita, pro eadem occasione ad tempus remittuntur, pro qua inventa sunt, non est institutorum damnosa prævaricatio; sed laudabilis & saluberrima dispensatio. Quod cum multi minus studiosi minime attendunt, ante tempus judicant, spiritus mobilis & spiritus immobilis non intelligentes differentiam.

Si quis vero laicus ad hanc prorumpit insaniam, ut in datione & acceptione putet se tribuere posse Sacramentum, vel rem Sacramenti Ecclesiastici, illam prorsus judicamus Hæreticam, non propter manualementem investituram, sed propter præsumptionem diabolicam. Si vero congrua volumus rebus nomina dare: possumus dicere, quod manualis illa investitura, per laicos facta, alieni juris est pervasio, sacrilega præsumptio: quæ pro libertate ecclesiæ & honestate salvo pacis vinculo, si fieri potest, funditus abscindenda est. Ubi ergo sine schismate auferri non potest, cum discretæ reclamatione disciscatur.

Ivo Carnotensis Episcopus Epistola CCXXXVIII. ad Joannem Archiepiscopum Lugdunensem apud Gretser. pag. 420. Tomo VI. novæ editionis.

Ipse Archiepiscopus Lugdunensis epistola ad Ivonem, quæ est CCXXXIX. inter Ivonianas sic sentit.

Licet exteriores investituras per laicos factas non satis proprie hæresis nomine censeamus, sentire tamen ac defendere (conrumace judicio ecclesiæ opposito) indubitata hæresis est.

Confer Gretseri judicium Tom. VI. novæ edit. pag. 341. 376. 420.

§. VII. De hæresi Wezelina.

Wecelonis intrusum ab Henrico Moguntini scita, in quo sita fuit? *Seculares*

suis rebus spoliati Ecclesiastico non subjacent judicio, nec possunt excommunicari pro suis excessibus, & excommunicati absque reconciliatione recipi possunt. Canone IV. Concilii Quintileneburgensis anni 1085. in Paschate præsentem Hermannus Antirege hæc opinio damnata fuit a cunctis Patribus. Vocatur hæc opinio Weclonis scita a Bertholdo; sed hæresis aliis dicitur, & Wezilo hæresiarcha appellatur, teste *Urspergensis Abbate*, Henriciano licet scriptore.

Niti posset hæc Weclonis assertio Decreto Symmachi Papæ in V. sua Synodo: "Nullos Episcopos suis rebus expoliatos, vel a sedibus suis vi aut dolo, aut quocunque ingenio pulsos, sicut & vos de nobis judicatis; aut ad Synodum tam provinciale, quam generalem posse convocari, aut in aliquo judicari, antequam cuncta, quæ eis ablata sunt, legibus potestari eorum pacifice per omnia redintegrentur, decernimus." Fuerat Henricus IV. spoliatus Saxonia, ob Tyrannidem in Episcopos, Clericos & omnes Saxones innocentes? an igitur injuste? Loquitur Symmachus de injuste spoliatis.

Idem Weclio judicaverat excommunicationem injustam nihili faciendam. Sed Patres Concilii Quintileneburgensis aliud definierunt, & recte Canone primo: Dein non spectat ad excommunicatum judicium de iudicis sententia: iusta sit, an injusta?

Verum hæc opinio, quod Henricus, Saxoniæ Ducatu [sua culpa adde] spoliatus, sit restituendus, antequam de eo judicetur, non est articulus fidei, sed jure consuetudinum axioma, ante omnia restituendum esse spoliatum, quod ipsum variis modis circumferunt illi: rursum: an & quando sæculares subiciantur Tribunali Ecclesiastico, res est non ad fidem, sed disciplinam spectans.

Weclonis jactata sententia, qua Henricum Imperatorem prætendebat, ab Papa ob Simoniam damnari non potuisse, nec excommunicari, schismatica erat, quia favebat iniquo schismati & Anti-Papæ Wiberto, & S. Gregorii VII. iusto zelo pro eradicatione Simonie peste contradicebat.

De cætero in rigore non est hæresis Weclii opinio. Observat Serarius ex Do-dechino, Urspergensis, & MS. minore Chronico, Weclonem ante finem vitæ resipuisse, & ejurato Henriciano schismate legitimo Pontifici adhæsisse & anno 1089. vita functum, & ob penitentiam multis injuriis ab Henrico IV. afflictum fuisse, scribit *Tritheimius*.

§. VIII. *An adherentes Gregorio VII. & ejurantes Wigbertum Anti-Papam sint perjuri in Cæsarem?*

Hoc argumento Waldramus vult Thuringie Landgravium Ludovicum ad partes Henrici IV. pertrahere.

Et auctor Apologia Henrici IV. ubique inculcat perjuros Germanos esse, qui factioni Henrici non adherent? Obijciunt sexcenties illud Paulinum: Omnis (a) anima potestatibus sublimioribus subdita sit. Et illud Petri: Regem (b) honorificate.

Respondetur: Has auctoritates veras esse, nec ab ullo Catholico negatas fuisse, aut negari posse, sed perperam applicantur.

Episcopi Germaniæ Regem (quem a se electum agnoscunt) reverentur: sed si Rex velit a se emi Episcopatus; si Rex velit loco legitimi Papæ, a se ipso & toto mundo Catholico agniti, creare Anti-Papam, an etiam hac in re tenentur obedire? Christus obediit Tiberio dando censum, an etiam obediit Tiberio templum Jovis, quem Tiberius colebat, adeundo? Non memorabo, quam horrendis & indignis modis fuerint adacti Episcopi ad renuntiandum Gregorio, & Guibertum Antipapam acceptandum: maluerunt exilia & mala omnia subire, quam tam iniquo præcepto obedire? an ideo perjuri? Si (c) est justum in conspectu Dei vos (Synedrîi Principes) potius audire, quam Deum, judicate! Non ideo S. Petrus & Apostoli inobedientes erant Synedrîo, quod a Romano Cæsare acceptam, qualemcunque limitatam jurisdictionem & judicia exercebat; sed præferebant obedientiam Christo debitam obedientiæ debitæ Synedrîo, vel Præfectis Cæsareis, Felici aut Festo.

Emerere Pontificatum pecuniâ, separare se a Capite Ecclesiæ legitimo, & a toto orbe agnito, sunt duo peccata gravia contra jus naturale Divinum, primum Simonîæ, alterum schismatis in Ecclesia legitime constituta.

Neutrum igitur poterant salva conscientia Episcopi Germaniæ, neutrum poterat Henricus IV. exigere aut imperare Germanis, ut sibi quâ Regi subditis: nulla ergo ratione perjurii crimen illis affingi potest ex perperam intellectis Scripturæ Divinæ locis.

Secundò, Omnes Episcopi orbis Catholici tum noti, Episcopi Orientis, Africæ, Portugallicæ, Angliæ, Galliæ, Belgii, Daniæ, Sveciæ &c. adhærebant Papæ Gregorio VII.

detestabantur Guibertum Ravennatensem a Conciliabulo Brixinensi contra omnes, non dicam Ecclesiasticas, sed ratione sana dictatas leges, ob- & intrusum Antipapam: an ideo ullus eorum fuit Regi suo perjurus, an soli Germaniæ Episcopi cogebantur schismatico Antipapæ adhærere contra suam conscientiam? *Apaga bas nemiâs: ne quid gravius dicam.*

§. IX. *An Gregorius VII. primus introduxerit cœlibatum in statum Clericalem? an ante eum Clericis etiam Presbyteris conjugia licita fuerint?*

R. Sic nonnulli Juniores, historiæ sacræ, & Canonum ignari censent.

Gregorius VII. verissime dixit & scripsit juxta *Canones Patrum & Conciliorum*, Clericis & Presbyteris interdicta esse conjugia. Aperiamus codicem Conciliorum illum *Dionysianum* Seculi VI, & quotquot post Dionysium conditi fuere *Canones Conciliorum*. Concilii Carthaginensis, forte anno 419. coacti, Caput III. hoc est. Aurelius Episcopus dixit. Cum in præterito Concilio de continentia & castitatis moderate tractaretur, gradus isti tres, qui constitutione quadam castitatis per consecrationes adnexi sunt, Episcopos, inquam, Presbyteros & Diaconos, ita placuit, ut concederent sacros Antistites ac Dei Sacerdotes, nec non & Levitas, vel qui Sacramentis Divinis inserviunt, continentes esse in omnibus; quo possint simpliciter quod a Deo postulant, impetrare, ut, quod Apostoli docuerunt, & ipsa servavit antiquitas, nos quoque custodiamus. *Tom. I. pag. 199.* Ejusdem Concilii Carthaginensis Canon IV. sic habet: De diversis ordinibus ab uxoribus abstinendis.

Faustinus Episcopus ecclesiæ Potentinæ Provinciæ Picenæ, Legatus Romanæ ecclesiæ dixit: Placet, ut Episcopi, Presbyteri & Diaconi, vel qui Sacramenta contrectant, pudicitia custodes ab uxoribus se abstineant. Ab universis Episcopis dictum est: Placet, ut in omnibus & ab omnibus pudicitia custodiatur, qui in altari inserviunt. *Tom. I. pag. 199.*

Insiciamus *Reginonem* Prumiensem, qui Lib. I. *De disciplinis Ecclesiasticis* recenset Capitula triginta a Capitulo LXXXIV. ad CIV. ex diversis Conciliis pro continentia Clericorum & interdictis connubiis. *Tom. II. nostro pag. 455. & sequent.*

Inde a Concilio Ancyrano, Nicæno, Carthaginensi, usque ad finem primi Millennium.

(a) *Roman. XIII. cap. 1.*

(c) *Act. cap. IV. 19. agebat S. Petrus.*

(b) *I. Petri II. 18.*

narii. Burchardus initio 2di Millenarii æræ Christianæ, collegit Capitula plurima Patrum pro continentia Clericorum; uterque ante Gregorium VII. scripsit & collegit Canones.

Ex his subinde Ivo Carnotensis Episcopus, Gratianus Monachus Bononiensis, suas collectiones adornarunt. Unde liquet, præceptum continentie Clericis ab antiquissimis Ecclesiæ Christianæ temporibus fuisse impostum, adeoque jure Ecclesiastico ad hoc interdictum eos obligari.

Quod autem Sæculo decimo & undecimo hi Canones a multis Clericis non solum in Germania, sed & in Italia, Gallia, Hispania negligenter, ideo non debuit dormire, nec filere, aut connivere Petri successor, sed inualescentes violationes, & violatores Canonum coercere, sit heroico spiritu cepit & perfecit Gregorius VII. Semper fuerunt & erunt in ecclesia zizania & triticum, palea & frumentum, pisces boni & mali: sed propterea non est faciendum schisma, nec culpandus Pastor, qui corripit errantes, & Canonicis penis eosdem ad sanam mentem & Canonum observantiam reducit. Quod si hæc oves disciplinæ impatientes inant exte ab Ecclesia, vel a statu Clericali, non ideo Pastor pedum debet abjicere, neque desperare, dum Deus dat vitam peccatoribus. Atqui Gregorius VII. non odit ullum peccatorem sui temporis, neque prorsus violatores Canonum, sed semper iis obtulit veniam, pacem & regressum ad communionem, quoties penitentia spiritu reconciliari voluerunt Ecclesiæ. Testatur id litteræ ad Teutonicos omnes scriptæ, & ad Henricum Regem, quem penitentem anno 1077. mense Januario in arce Canusie excepit, & communionis sacræ participem fecit; imo Saxonum preces, qui cum continuo provocabant ad puniendas violationes Canonum, non audit, nisi post electum ab ipsis Rudolphum Suevum, & Henricum IV. a Regno Germaniæ, ut prætendebant, depositum.

Quare Gregorius VII. potius arbiter a partibus electus, quam iudex considerandus est: nam & Saxones & Henricus IV. coram Papa causam suam dicere & tutari voluerunt, & mutuas accusationes coram eo elideret, etsi Henricus tale colloquium, licet etiam ejusdem consensu Augustæ Vindelicorum indictum, impedire viis omnibus conatus sit, nec unquam colloquium coram Papa a se & partibus delecto commissario iudice institui permisit. Quod mentis male conscientia certissimum signum est.

Hoc certum, ex omni jure canonico antiquissimo præscriptum Clericis, & ante
Tomus III. Concil. German.

omnia Presbyteris, & Episcopis continentiam ab opere carnis. Simonia autem jure naturali Divino omnibus interdicta est.

Utriusque interdicti Severissimus & flecti nescius executor fuit Gregorius VII. & cum eo sentientes Sanctissimi Sæculo XI. Episcopi omnium Nationum.

§. X. Quid de Sigeberti Gemblacensis duplici asserto sentiendum?

Sigebertus Gemblacensis, Monachus Benedictinus, defunctus Anno MCXIII. IV. Nonas Octobris hæc ad Annum MLXXIV. scripta reliquit:

Gregorius Papa celebratâ Synodâ Simoniacos anathematizavit; uxoratos Sacerdotes a Divino officio removit: & laicis eorum Missam audire interdixit; novo exemplo, & ut multis visum est, inconsiderato præjudicio contra Sanctorum Patrum sententiam: qui scripserunt, quod Sacramenta, quæ in Ecclesia sunt, Baptismus, scilicet, Chrisma, Corpus & Sanguis Christi, Spiritu sancto latenter operante, eorundem Sacramentorum effectum, seu per bonos, seu per malos intra Dei Ecclesiam dispensentur. Tamen quia Spiritus Sanctus mystice illa vivificat, nec meritis bonorum dispensatorum amplificatur, nec peccatis malorum attenuantur. Unde est hic, (a) qui baptizat. Ex qua re tam grave oritur scandalum, ut nullius hæresis tempore Sancta Ecclesia graviore schismate scissa sit; his pro justitia, illis contra justitiam agentibus: aliis a Simoniacis non declinantibus, alijs notam aversionis honesto nomine prætendentibus, dum hoc, quod se gratis dare jactant, sub charitatis nomine vendunt, ut de Montanis dicit Eusebius, sub oblationis nomine artificiosius munera accipiunt.

Porro continentiam paucis tenentibus, aliquibus eam modo causâ quæsus ac jactantia simulantibus, multis incontinentiam perjurio, aut multipliciori adulterio cumulantibus, ad hoc, hac opportunitate laicis insurgentibus contra sacros Ordines, & se ab omni Ecclesiastica subjectione excutientibus, laici sacra mysteria temerant, & de his disputant, infantes baptizant, sordido humore aurium pro sacro oleo & chrismate utentes: in extremo vite Viaticum Dominicum, & usitatum Ecclesiæ obsequium sepulturae, a Presbyteris conjugatis

(a) Joannes I. 33.

G g

jugatis accipere parvi pendunt : decimas Presbyteris deputatas , igni cremant , & in uno caterva perpendas , laici corpus Domini a Presbyteris conjugatis consecratum saepe pedibus conculcaverunt , & Sanguinem Domini voluntarie effuderunt , & multa alia contra jus & fas gesta in Ecclesia sunt , & hac occasione multi Pseudo-Magistri exurgentes in Ecclesia profanis novitatibus plebem ab Ecclesiastica disciplina avertunt. Haftenus Sigebertus,

Qui I. interdictum Papae , de non audienda missa conjugatorum Presbyterorum , vocat inconsideratum praedictum contra Sanctorum Patrum sententiam.

II. Ex hoc interdicto schisma gravissimum ortum fuisse.

III. Gravissima scandala ex interdicto incontinentiae Clericalis enarrat.

Ad primum respondetur , errare graviter Sigebertum , & in facto , & in jure. *In facto* , quando asserit Papam Gregorium VII. credidisse , Sacramenta ab excommunicatis Presbyteris confecta , nulla & irrita esse : & ideo Papam venisse Laicis , ut ne assisterent sacrificiis conjugatorum , ab ipso , excommunicatorum. *Et antecedens , & consequens falsum est.*

Id jam saeculo XI. demonstravit Bernardus Constantiensis Presbyter in *Apologético* , scripto pro hoc interdicto Gregorii VII. de non assistendo sacrificiis excommunicatorum : quod interdictum vere a Pontifice latum fuit anno MLXXXIV. in Synodo eo ex fine , ut conjugati Presbyteri salubri rubore perfunderentur ad poenitentiam de sua incontinentia , sicuti cujusvis excommunicationis finis est , evitatio omnis commercii cum excommunicato juxta Apostolos Paulum & Joannem.

Causa vero a Sigeberto vel ficta , vel aliunde accepta , falsissima est ; cum nullus Pontifex Sacramenta excommunicati irrita esse censuerit. Romani Pontifices baptismum , ab haeretico , imo a Judaeo , & Ethnico collatum semper validum censuerunt. Item si quis Presbyter in haeresin , aut schisma lapsus fuisset , ut ut excommunicatus , eucharistiam valide potuisset conficere , nemo unquam negavit.

Idem Baronius in annal. ad hunc annum 1074. numero XL. paucis , sed evidenter demonstravit , & probationes facti certi afferre supervacaneum est.

Nihil igitur contra Patrum sententiam , nihil inconsiderati est in eo Gregoriano interdicto.

Ad secundum membrum : ex eo interdicto schisma fuisse ortum gravis error est.

Schisma est ortum anno 1076. in conventu Wormatiensi & Brixienfi an. 1080. in quo Rex & XXX. Episcopi Guibertum excommunicatum , Ravennatensem Archiepiscopum , constituerunt Antipapam contra Gregorium VII. a se ipsis ante agnitum Papam. Causa autem , quae Henricum impulit ad hoc schisma , non fuit interdictum incontinentiae Clericalis , quod non rangebat Regem ; sed interdictum Simoniacae collationis dignitatum ecclesiae , quas a se vitandas promiserat , poenitens de invasione ecclesiarum , scriptis litteris anno 1074. Henricus IV. qui Gregorio VII. & ecclesiae se obsecuturum spondidit.

Huic promissioni cum Rex non staret , citavit eum Papa Romam ad dicendam causam ; & haec citatio fuit ultimus stimulus ad unitatem rumpendam , & Antipapam obtrudendum.

Ad tertium membrum : Scandala , quae ex rebellione perduellium subditorum sequuntur ad promulgationem justae legis , non debent Papam deterere ab officio suo. Sic Christus D. N. publicato , vel instaurato primo edicto , de monogamia viri unius , & uxoris unius , polygamos Judaeos graviter offendit & Pharisei sua ex malitia fuerunt scandalizati , usque adeo ut palam diceretur , non expedire matrimonium , si ea est causa & obligatio conjugum. An propterea Christus cessit polygamiae introductae per conviventiam Mosaicam ? Sic Gregorius VII. ubique urget & inculcat interdictum juxta decreta Sr. Patrum in Conciliis Niceno & aliis , quae Bernardus & alii dudum congesserant.

ALTERA ACCUSATIO SIGEBERTI ad annum 1085. Gregorium in extremis positum , accito Cardinali confessum esse , se valde peccasse in cura pastoralis , & deinde eundem confessorem missum ad Imperatorem , & ad totam Ecclesiam , ad optandam illi indulgentiam.

Haec palinodia Gregorii morientis tam certo conficta est , quam certum est , Victorem III. successorem , qui morienti adstitit , & Urbanum II. testatos esse , Gregorium inhaesisse , & immortuum suis anathematis contra Wibertum , Henricum , & Simoniacos , & incontinentes Clericos , nisi resipiscerent : quam certo ab omnibus Historiographis refertur , haec fuisse suprema morturi verba : *Dilexi justitiam & odi iniquitatem , propterea morior in exilio* : mirum ut sit , unde Sigebertus tum vivens contrariam opinionem hauserit , nisi fors ipse eam fabricatus fuerit.

Illius Baronius credit , a Wiberto , aut Wiberti gregali aliquo in suo concilio

bulo confectam fuisse hanc pœnitentiam S. Gregorii VII. cujus miracula orbi illuceſcebant. *Annal. Tomo XI. ad annum 1084. n. XII.*

Adverſarii ſancti Gregorii Anno 1085. in Quedlinburgenſi Synodo excommunicati, erant Hugo Blancus, ſeu albus, cognominatus, Joannes Portuenſis Exepiſcopus, Petrus Excancellarius pſeudo Cardinales, Guiberti Antipapæ fautores: Liemarum Bremenſis, Udo Hildeneſheimenſis, Otto Conſtantiensis, Burchardus Baſileenſis, Hurzmannus Spirenſis, Wecilo Moguntinus invaſor, Sigefridus Auguſtenſis, Norbertus Curienſis, cum ardentibus candelis anathematizati: teſte Bertoldo. Hi ſat erant aſtuti, ad palinodiam Gregorio VII. affingendam in ſequenti Conciliabulo Moguntino.

§. XI. Quam vera ſit propoſitio Annonis, Archi-Epiſcopi Colonienſis, nomine Henrici IV. Romæ facta:
"A longis temporibus a Regibus hoc abs-
"que dubio obtentum, ut absque man-
"dato & aſſenſu Domini Regis
"nemo accipiat Papatum?

Similis, imo longe altior eſt aſſertio nonnullorum DD. recentiorum, non tantum Reges Romanorum nominaviſſe, elegiſſe Epiſcopos, & Pontifices Romanos, quod facti quaſtio eſt: ſed Regi Romano- rum, qua Domino urbis Romæ, deberi *ex conſuetudine lege* jus nominandi Epiſcopum Romanum, niſi malit jus ſuum alicui v. g. Clericis Romanæ Eccleſiæ ex gratia cedere, vel transferre, reſervatâ ſibi ſumma poteſtate, electionem indultam vel ratam habendi, aut rejciendi.

Hæc diſcimus ex recentiori juris prudentia. Sed pergamus primo in examine facti, an ſemper; vel a quo tempore, Reges Romanorum elegerint epiſcopum Romanum?

Re. Decretum Nicolai II. anno MLIX. N. XXVII. apud Baronium extat hujusmodi:
"Romanus Pontifex eligatur de ipſius Eccleſiæ gremio, ſi reperitur idoneus, vel ſi
"de ipſo non invenitur, ex aliis aſſumatur:
"ſalvo debito honore, & reverentia dilecti
"filii noſtri Henrici (III. Regis, II. Imp.)
"qui in præſentiarum Rex habetur, & fu-
"turus Imperator, Deo concedente, ſperatur:
"ſicut jam ſibi conceſſimus, & ſucceſ-
"ſoribus illius, qui ab Apoſtolica ſede per-
"ſonaliter hoc jus impetraverint.

Primus ſimile decretum edidit Eugenius II. anno 1000. ſub LUDOVICO PIO electus a Clero: alia autem Cleri pars

Tomo III. Concil. German.

aliud elegerat. Schiſmati ſedando Lotharius, Ludovici Pii filius, Romam a Patre miſſus fuit. Audita cauſa utriusque, electus Eugenius II. confirmatus fuit, & ſchiſmatis præcavendi cauſa deinceps ſtatutum, ut Legati Cæſarei confecrationi Pontificis Romani intereſſent.

Hoc Eugenii II. conſtitutum Otto Imp. magnus anno CMLXII. confirmavit, uti & S. Henricus I. anno MXIV.

GOLDASTUS ſcribit, hoc privilegium Nicolai II. non fuiſſe novum, ſed antiquiſſimum, & ab ipſis Patribus Pipino & Carolo repetitum. Idem dicere de ſenſore Regium in Diſceptatione Synodali Petri Damiani (pag. 130. Tomi hujus): Chriſtiani Principes ſemper elegerunt Romanos Pontifices.

Ut ab hoc ultimo incipiamus: vide in eadem Diſceptatione ſynodali pag. 130. Tomi hujus, adæquatum reſponſum; quod Flacius, Conringius, Goldaſtus omittunt, tacent: ſed Regii Advocati objectam propoſitionem deſcribunt.

Huic quaſtioni clariſſima & evidens reſponſio parata eſt, poſt ſcripta & documenta edita & vulgata a Baronio, Greſſero, Papebrochio, Pagiis, Scheleſtratio... Plarina, Onuphrius, Panvinius, cum meliora non haberent documenta hiſtoriæ Pontificiæ, iis, quæ ex Sigeberto, aut aliis mediæ ævi ſcriptoribus, collegerant, jam citari, aut audiri non merentur: nec eorum errores veritati detectæ obſunt, aut obeſſe poſſunt.

Quid de Hadriani I. diplomate, Carolo Magno dato in Synodo Lateranenſi, anno 777: De Leonis VIII. Antipapæ diplomate, conceſſo Ottoni I. ſentiendum ſit; jam in Digreſſione ad Sæculum VIII. §. 10. Tomo I. noſtro oſtendimus pag. 350. utriusque diplomatis ſuppoſitiui falſitatem & inanitatem demonſtrarunt Greſſerus Tomo VI. novæ editionis pag. 180., 212., 266., 366.

Nunc ad Annonis propoſitionem, nomine Henrici IV. Romæ factam, reſpondeo:

Decreto ſtatuto ab Eugenio II. & Lothario, primus ſe ſubjecit Gregorius IV, ultimus Gregorius VII. anno 1073., qui noluit electioni unanimi Cleri & populi Romani factæ acquieſcere, niſi Henricus Rex conſentiret; atque conſenſu per Legatum intellecto, & Legato Regio præſente, confecratus fuit Papa die Ss. Petri & Pauli: a quo tempore deinceps libera fuit, & manſit electio Pontificis Romani apud Clerum Cardinalitium uſque ad hoc ſæculum XVIII.

Hinc patet propoſitionem factam ab S. Annone, nomine Regis Henrici IV. conſutari

G g 2 nuda

nuda expositione veri facti historici, quod & Advocatus Romanæ Ecclesiæ abunde præstuit.

Unde certum est ex Historia paucos Pontifices Romanos ex Regia vel nominatione, vel electione, vel consensu, constitutos fuisse, & hoc factum nonnisi ex Eugenio II, Nicolai II. constitutione. Certius secundo errasse Goldastum, Reinkingium, Grotium, Burgoldensem, Arnisæum, & horum præcursores Marfilium Patavinum, Ockamum, qui Regi Romanorum, vel Imperatori hoc jus majestati suæ connexum volunt, faciunt & creant Dominos eligendi Pontificis Romani. Sed non est necessarium Catholicis, errorem confutare. Contra facillimum est ex tota historia Ecclesiastica Pontificum & Conciliorum XVII. sæculis Actorum, ex confessionibus Regum Orientis, & Occidentis, penes Clerum & populum Romanum fuisse electionem liberam Episcopi Romani. Ab initio Christianismi usque ad 825. & ab 1073. ad 1759. Igitur luce Meridiana clarius est, hoc jus Regi Romanorum non esse connaturale, neque semper sed brevi tempore duntaxat usurpatum.

§. XII. De auctore schismatis Wiberini & causa ejus.

ET si ad me, ut Synodographum, non pertineat examen causæ, & auctoris gravissimi schismatis, quod Ecclesiam Christi dilaniavit medio fere sæculo undecimo labente; imò. Quia Synodographus non tenetur, nisi ad acta integra, quatenus supersunt, literario orbi communicanda: addo. Quia homo privatus idoneus non est iudex factorum, sive Regis sui; sive Romani Pontificis: absit ut filius patrem, subditus Regem dijudicet. Neutrum me decet.

Sed quia jam maximi viri, Cardinalis Baronius pro Gregorio VII. Flacius Illyricus in Cenquiis Magdeburgensibus pro Henrico IV. scripserunt; & Baronio omnes Catholici, Flacio Illyrico Domini protestantes turmatim adherent; proponam, ex his duobus, utri ratio, crisis, & veritas, & historia favere videatur.

I. Schisma facit, qui se a capite Ecclesiæ Catholice, & a corpore separat: anno Christi MLXXVI. oriente, tota Ecclesia catholica Orientis, & Occidentis Gregorium VII. legitimum Pontificem agnoscebat: exstant literæ totius orbis Catholici Principum & Episcoporum, scriptæ ad Gregorium, & Gregorii ad eosdem Principes, & Episcopos libris XI. comprehensæ, quas veras, & vero similes esse omnium cœvorum Historicorum consensus docet. Testor Epistolas Henrici IV. Regis ad Gregorium VII. scriptas, & Gregorii ad Henricum IV. unam tantum describo hic:

EPISTOLA HENRICI IV. REGIS ROMANORUM, AD GREGORIUM VII. PAPAM.

VIGILANTISSIMO ET DESIDERANTISSIMO DOMNO PAPE GREGORIO, APOSTOLICA DIGNITATE CÆLITUS INSIGNITO, HENRICUS ROMANORUM DEUS GRATIA REX, DEBITI FAMULATUS FIDELISSIMAM EXHIBITIONEM.

SUMMA. Supplex veniam petit, quod invaserit res Ecclesiasticas, & Ecclesias vendiderit. Rogat, ut sua auctoritate Simoniacam labem ab omnibus Ecclesiis & imprimis a Mediolanensi extirpet; seque Pontifici in omnibus obsecuturum promittit.

Cum enim (a) Regnum & Sacerdotium, ut in Christo rite administrata subsistant, vicaria sui ope semper indigeant, oportet nimirum, Domine mi, & Pater amantissime, quatenus ab invicem minime dissentiant; verum potius Christi glutino conjunctissima indissolubiler sibi cohereant. Namque sic, & non aliter conservatur in vinculo perfectæ caritatis, & pacis, & Christianæ concordia unitatis, & Ecclesiasticæ simul status religionis. Sed nos, qui Deo annuente, Regni aliquamdiu jam sortimur ministerium, Sacerdotio (ut oportuit) per omnia jus & honorem non exhibuimus legitimum: quippe nobis a Deo datæ potestatis vindicem non sine causa gladium portavimus; nec tamen in reos, ut justum fuit, judiciaria illum semper censura evaginavimus. Nunc autem Divina miseratione aliquantum compuncti, & in nos reversi, peccata nostra priores vestra indulgentissime paternitati nos accusando, confitemur; sperantes de vobis in Domino, ut Apostolica vestra auctoritate absoluti, justificari mereamur. Heu criminosi nos & infelices partem pueritiæ blandientis instigatione, partim potestativæ nostræ, & imperiosæ potentie libertate, partim etiam eorum, quorum seductiles nimirum secuti sumus consilia, seductoria deceptione peccavimus in cælum, & coram vobis, & jam digni non sumus vocatione vestrae filiationis. Non solum enim nos res Ecclesiasticas invasimus, verum quoque indignis quibuslibet, & Simoniacis felle amaricatis, & non per ostium, sed aliunde

[a] Videtur exordium deesse.

aliunde ingredientibus, Ecclesias ipsas vendimus, & non eas, ut oportuit, defendimus. At nunc, quia soli absque vestra auctoritate Ecclesias corrigere non possumus, super his, ut etiam de nostris omnibus, vestrum una & consilium & auxilium obnixè quaerimus: vestrum studiosissimum praeceptum servatur in omnibus. Et nunc in primis pro Ecclesia Mediolanensi, quae nostra culpa est in errore, rogamus; ut vestra Apostolica districtione canonice corrigatur; & exinde ad ceteras corrigendas auctoritatis vestrae sententia progrediatur. Nos ergo vobis in omnibus, Deo volente, non defuimus: rogantes idipsum suppliciter paternitatem vestram, ut nobis alacris adsit clementer in omnibus. Litteras nostras non post longum tempus cum fidelissimis nostris habebitis; ex quibus nostra, quae adhuc diligenda restant, Deo dante, plenius audietis.

Libro I. Epistolarum Gregorii VII. Ep. XXIX.

Apud Binium Conciliorum Tomi III. Parte II. pag. 264.

In his circumstantiis Henricus IV. convocatis XXIV. vel XXX. Episcopis Wormatiam anno MLXXVI. Dominica septuagesimae, decernit, Gregorium VII. absentem, nullius criminis a legitimo teste convictum, nedum confessum, a sede Apostolica Petri deturbandum; & Brixiae decernit Guibertum Ravennatensem Archiepiscopum esse Romanum Pontificem. Hoc factum iterum certissimum est. Stante illo facto, omnes Episcopi Saxoniae, Norici, Pannoniae, Daniae, Sueciae, Angliae, Scotiae, Hiberniae, Belgii, Franciae, Burgundiae, Hispaniae, Lusitaniae, Italiae (praeter aliquot Lombardiae Episcopos) omnes Graeciae, & Orientis, Asiae, Africae, Catholici Episcopi habebant Gregorium pro legitimo Pontifice.

Hoc factum iterum certum est ex omnium historicorum consensu. Igitur solus Henricus Germaniae Rex & XXX. Episcopi separaverunt se a capite Ecclesiae legitimo; & a toto mundo agnito; & reliqui Principes, Reges, Duces orbis Catholici perrexerunt adhaerere Gregorio VII. Et hoc factum tam certum est, quam certum est, hoc anno MDCCLX. Clementem XIII. ab omnibus Catholicis agnoscere Episcopum Romanum, Petri in Cathedra Successorem, & Christi in terris Vicarium. Quod autem acatholici eundem non agnoscant, nihil obest unitati Ecclesiae Catholicae, adhaerentis Christo, & ejus conspicuo in terris Vicario.

Sic Ariani, licet Sylvestro Papae, ejusque Legatis in Synodo Nicena Saeculo IV.

G g 3

contradicerent, & obedientiam denegarent, non obfuerunt unitati Ecclesiae Catholicae. Et idem dicimus de omnibus omnium saeculorum haereticis, qui ordinarie ultra errorem specialem suum, schisma tentarunt, aut palam & aperte a Papa Romano, & ab Episcopis Catholicis se separarunt.

Facto exposito, superest secunda quaestio de causa, ob quam Henricus a Gregorio VII. haecenus agnito Papa, secesserit, & novum Papam viventi Gregorio opposuerit?

Causa a Lamberto Germanico Historico temporis hujus fidelissimo & accuratissimo haec affertur: Aderant Regi Henrico Legati Hildebrandi Papae, denuntiantes, ut secunda feria secundae hebdomadae in Quadragesima ad Synodum Romae occurreret, de criminibus, quae objicerentur, causam dicturus, alioquin sciret, se absque omni procraftinatione eodem die de corpore Sanctae Ecclesiae Apostolico anathemate abscindendum esse.

Legantur Literae Gregorii VII. decimae Libri III. Registri, plenae paternae benevolentiae & gravitatis erga filium spirituales. Capita accusationis sunt haec: *Primo*. Quod Ministros Episcopatum nundinatores, a Papa anno 1074. excommunicatos, ex aula sua non deiciat, sed cum iisdem excommunicatis palam communicet. *Secundo*. Quod pergat in conferendis beneficiis, etiam iis in terris, quae Romanae Ecclesiae subdita sunt. *Tertio*. Quod Sedis Apostolicae, & Synodorum decreta spernat; violenter, inflatus nupta victoria de Saxonibus. Datum Romae sexto Idus Januarii, indictione XIV. Haec literae Regem, victoria tumidum, impulerunt ad schisma hoc audendum: etsi in iis nihil non spiret Gregorii VII. modestiam, gravitatem, & desiderium amicitiae Regiae & communionis in Catholica fide.

An ea paterna admonitio & comminatio schisma mereatur, judicet orbis Catholicus? Sane Reges Franciae, Bohemiae, & Orientis, Episcopi plurimi, fuere a Gregorio Papa vi officii Apostolici moniti, redarguti, correpti, nonnulli excommunicati; nemo tamen illorum putavit, se causam justam habere, corripienti Petro contradicendi, multo minus ab ejus Ecclesia secedendi.

Tertia Quaestio: Quomodo hoc schisma introductum sit.

Modus quo Papam deponi voluerit Henricus, maxime omnium injustitiam causae demonstrat.

Accusator Gregorii fuit Hugo Blancus, ante paucos dies propter ineptiam, & mores inconditos a Cardinalitia statione depositus, qui doloris ulciscendi causa, scenicis figmentis similem tragediam de Gregorio obtulit Regi:

Regi: ad cuius huiusmodi narrationem citra ullius testis mentionem hęc calumnię ab Henrico acceptatę fuere.

Adalbertus Wurzburgensis Episcopus, & Herimannus Metensis restiterunt Regi & Episcopis, dicentes, incongruum valde, & contra Canonum scita esse, ut Episcopus aliquis 1. absens, 2. absque generali Concilio, 3. sine legitimis & idoneis accusatoribus, & testibus, 4. necdum probatis criminibus, quę obijcerentur, condemnaretur, 5. nedum Romanus Pontifex, 6. adversus quem nec Episcopi, nec Archi-Episcopi, cujusquam recipienda sit accusatio. *Hęc Lambertus.*

En quot delicta contra jus naturale, & Canonicum, in huius Conciliabuli processu judiciario contra Gregorium VII. exaucto-
randum.

His omnibus contemptis Wilhelmus Trajectensis Episcopus, qui causam Regis pertinacius tuebatur, vehementer imminabat, ut aut cum ceteris in damnationem Papę subscriberent, aut Regi, cui sub iurejurando fidem sponddissent, protinus renuntiarent.

Bellum dilemma, dignum tali Iudice! Omnes orbis Catholici Episcopi pręter hos XXX. & obediebant Regibus suis in temporalibus, & Romano Pontifici in Ecclesiasticis: sed Germanię Episcopus, nisi Henrici IV, schisma inducentis, factioni adhaereret, perjurum fiebat, quia Gregorium VII. legitimum Pontificem, qualis erat, agnoscebat.

Observe hic Erdmanni in Chronico Osnabrugensi prudens effatum. *Hic (Benno Osnabrugensis) reverendus Pater Henrico III. semper fidelis, Papę tamen nunquam infidelis fuit.* Rite igitur conciliatur Imperium Sacerdotio, & reverentia ac fides, Regi debita, nihil obest obedientię & fidei, quam Episcopus debet Pontifici Romano.

Sed contra hanc putidam & falsam objectionem Gregorius ipse literas scripsit ad omnes Germanos, & Stephanus Halberstadenfis, & Anselmus Cantuariensis.

Post Romanam Synodum, hoc anno Romę habitam, die altera ab Episcopis Ultramontanis *Literę ad Pontificem sunt allatę, in quibus confitebantur, se errasse, & nimium deliquisse, qui postulabant quoque veniam.*

En, Iudices Wormatiensis Conciliabuli, ut primum extra manus & oculos Henrici fuere, penitentia inauditi facinoris attentati corripuit; quam post nuntium Henrici Rolandum Pontifici Romano miserunt.

§. XIII. De jejuniorum in Ecclesia Catholica diverso ritu.

Pręfatio Synodi Salungunstadiensis anni 1022. occasionem dedit D.D. Protestan-

tibus accusandi: Catholicos quod eorum Concilia essent inter se discordia, abesset ab eis unitas, quę nota est characteristica Ecclesię Christi, ob Synodalem legum dissensionem.

Sed quę vel de quibus Catholici Patres dissenserint, videndum prius, quam dici queat desiderari apud nos in Synodalibus legibus unitatem.

Definitiones Synodales trifarię sunt, alię spectant unitatem fidei, & condemnationem hęreseos, alię spectant uniformitatem disciplinę Ecclesiasticę, & rituum in sacrificiis, Sacramentis, jejuniis, in statuentis impedimentis conjugiorum inter baptizatos: alię demum spectant Hierarchiam ordinatam inter episcopos, Presbyteros, Clericos, Monachos, Laicos.

In primo genere doctrinę nunquam Ecclesia Christi, nunquam Patres in Conciliis generalibus, inde a primo Solymęo usque ad Tridentinum sibi contradixere. Professio fidei Catholicę unica est & individua ab omnibus Catholicis edita, recepta Colonię, Romę, Goę, Mexici, Hierosolymę. Quisquis vel unum ex professione articulum negat, hęreticus aut schismaticus nobis est contra Ecclesiam Christi.

Sed secundi generis materia de disciplina, & hierarchia multas pro temporum, & locorum varietate habuit, habet, & habitura est. Diversitates, dum mundus stabit: nec hęc varietates obsunt ullatenus unitati doctrinę fidei, quę penes solos Catholicos fuit, est, & erit: nisi faciamus portas inferi pręvaluisse adversus Ecclesiam a Christo per Apostolos plantatam, & Spiritum Sanctum Doctorem, & paracletum Ecclesię defuisse in Ecclesia Christi, quorum neutrum sine grandi in Christum veritatis omnis fontem & Doctorem blasphemia dici potest.

Inspiciamus hanc ipsam Synodum, & de quibus diversitas sit.

Canon primus de numero & qualitate dierum quibus jejunandum est.

Uti certum est, Christianos observare debere exemplo Redemptoris sui Jesu Christi jejuni-um, & non solum abstinentiam a peccatis, sed & abstinentiam ab immoderato & delicatiori copiosiore usu cibi & potus, tam incertus est modus ille pro nationum ætatum, & corporum diversę qualitate.

Discipuli pręsente Christo non jejunabant: discipuli Joannis longis & multis indediis cruciabant corpus: post Christi ad cęlos evectionem crebra & multa erant inter primos Christianos jejunia. Alii ab omni carnis usu abstinebant, alii ex metu, ne fors idolo ante immolata fuisset, a carne in mace-

lo Ethnicorum exposita abstinebant : alii solis oleribus victabant : sed qui manducabat hæc vel illa , non manducantem non judicet , longe minus contemnat , longe minus suspicetur , eum ex crasso errore abstinere ab his vel illis , quod creaturam Dei malam esse aliquam opinetur.

In primo millenario varia fuit in variis Ecclesiis abstinentiæ & jejunii species.

Quatuor anni temporibus Episcopi ordinabant Clericos pro Altaris ministerio sufficiendos , eum in finem fideles orationi , jejuniis , & supplicationibus vacabant : quatuor anni vicibus , veri , æstati , autumno , hyemi hæc jejunia ex lege Ecclesiastica affixa erant.

Generatim in statutis Bonifacii Archiepiscopi Moguntini circa 745. §. 30. doceant Presbyteri populum quatuor legitima temporum , hoc est , in mense Martio , Junio , Septembrio & Decembrio. *Tom. I. pag. 74.*

Anno 779. in Capitulari primo Caroli Magni Cap. XI. ut jejunium quatuor temporum , & ipsi Sacerdotes observent , & ipsi plebi denuntient observandum. *Tomo. I. pag. 127.*

Anno 813. in Concilio Nationali Moguntino *Canone XXXIV.* constituimus , ut quatuor tempora anni cum jejunio observentur , id est , in mense Martio hebdomada prima , & feria quarta , & feria sexta , & sabbato.

Veniant omnes ad Ecclesiam hora nona cum Litiis ad Missarum solennia. In mense Junio hebdomada secunda feria IV. VI. & sabbato. Jejunetur usque ad horam nonam & a carne ab omnibus abstinenceatur. Similiter in mense Septembrio hebdomada tertia , & in mense Decembrio hebdomada , quæ fuerit plena ante vigiliam Natalis Domini , sicut est in Romana Ecclesia traditum. *Tom. I. pag. 411. adde ejusdem Tomi p. 424. §. VII. VIII.*

Anno 1031. apud Triburias legali & Synodali Conventu hoc *Tomo. pag. 101.* decretum fuit , ut si quando jejunium primi mensis eveniret infra hebdomadam , quæ caput jejunii in quarta feria constaret , amborum jejuniorum celebritas , in unius officii expletionem completeretur : sed Gerardus Cameracensis contraxit & obtinuit , ut jejunium primi mensis in altera hebdomada , in qua haberetur officium , celebraretur secundum antiquam consuetudinem.

Hinc vides exiguam admodum differentiam in jejunii quatuor temporum servandis intercessisse , nempe in prima an secunda hebdomada Martii aut Junii incidat sabbatum ? Et duplex an unicum officium precum perfolvendum sit ? De cætero quoad sub-

stantiam tunc uti nunc concors erat observantia jejunii quaternis anni temporibus.

§. XIV. De computanda consanguinitate inter matrimonium contracturos.

Ea questio diversis modis resoluta fuit.

IN Synodo Theodonis Villana anni 1003. Conradus & Mathildis (quorum agnationis schema ex Eckharto adjunxi) accusantur veluti incesti , gradu vetito conjuncti : contra Adelbero Merensis Episcopus contendit , non plus quam secundo loco elongatos esse a stipite communi , qui sit frater & soror , non supputando. Hujusmodi regula nunc non utimur : sed quarimus stipitem communem duobus sponis , a quo generationes & earum numerum supputamus , demto stipite , qui non supputatur. Hoc pacto Conradus & Mathildis videntur quarto gradu agnati , demto stipite , Henrico Aucope ; qui gradus juxta Tridentinum jus nunc est impedimentum dirimens. Videtur autem S. Henricus Rex hoc matrimonium incestum reputasse , cujus poena & vindicta non in solos conjuges , sed & in omnem patriam de cælo provocetur. Frequentia erant hoc sæculo tentata inter agnatos & affines cotnubia , nam & Comites de Hammerstein injusta conjunctionis contumaces usurpatores duplici Synodo materiam dederunt , nec nisi Henrici Imperatoris armis coacti separati sunt. Gotescalcus & Gertrudis in Synodo Goslarienti anni 1018. separati fuere : sed acta , quæ supersunt , gradum non exprimunt.

Synodus Salingunstadiensis Cap. XI. videtur statuere consobrinos & patruelos esse primos , qui impediantur nubere.

Cæterum interdictum conjugium agnatis antiquissimæ Leges civiles & Ecclesiasticæ meminerunt.

Theodosius magnus nuptias consobrino- rum , vel ex 2. fratribus , vel ex 2. sororibus , vel ex fratre & sorore natorum summo supplicio addixit : puta : ignis & proscriptio- nis. *Cod. Theodosiani Lib. III. Tit. X.* Cujus legis meminit S. Ambros. *Epist. 60. N. 8.* Severissimam poenam Theodosius statuit : *Si quis temerare ausus esset fratrum pia pignora,*

Concilii Neocæsariensis anno 314. celebrati *Canone II.* vetantur nuptiæ viri cum duabus sororibus , & mulieris cum duobus fratribus. *Tom. I. pag. 150.*

Anno Christi 517. in Concilio Epaonen- si variæ incestuum nuptiarum species inter virum & sororem defunctæ uxoris , inter filium & novercam , inter consobrinos , inter hos & avunculos , amitas insanabiles dicuntur ,

cuntur, non nisi separatione sanandæ. *Tom. II. pag. 684.*

Zacharias Papa in statutis anno 747. ad Pippinum missis Cap. XXII. instaurat Canonem Neocæsariensis Concilii, & ampliat. Si mulier duobus successive fratribus, vir duobus fororibus nubat, adjiciendi 2do nuptæ cum spirituali commatre & filia velantur. *Tom. I. pag. 82.*

Caroli Magni Capitulare circa annum 813. statuit adulterium esse conjugium cum commatre, aut cum filia spirituali in baptismo; idem de conjugii cum commatre spirituali ex confirmatione contracto statuit adulterium esse. *Tom. I. pag. 425. §. XVI. XVII.*

Inter Ahytonis Episcopi Cap. XXI. incesta connubia vetantur tam in carnali, quam spirituali cognatione. *Tom. II. pag. 20.*

Nuptiæ incestæ in Walacria a Friderico Episc. Ultrajectensi reformantur: perperam nuptæ abjiciuntur. *Tom. II. pag. 38.*

In Concilio Moguntino anni 847. Cap. XXIX. enumerantur variae species incestarum nuptiarum. Cap. XXX. Ut in quarta generatione nullus amplius conjugio copuletur. *Tom. II. pag. 160.*

Idem tamen Rabanus, qui huic Concilio præfedit, in aliis suis opusculis diversimode sensit & scripsit.

Nam in Epistola ad Heribaldum a Cap. XX. ad XXIX. statuit diversa impedimenta & gradus.

In Libello ad Humbertum quorâ generatione licitum sit connubium, sic resolvit viam mediam ineundo: magis sequendum sibi videri, ut post quintam generationem jam licitum connubium fiat. *Tom. II. pag. 227. 228.* Si inscius in quinta generatione contraxit, maneat in eo cum humili poenitentia.

De definitionibus variis: circa impedimentum consanguinitatis in variis Conciliis.

Anno 860. Nicolaus I. Papa in sua responsoria ad Synodicam Moguntinam de conjugio Abbonis, quod irritum declarat, hæc scribit: hoc vobis interrogantibus statuimus, ut nulli liceat Christiano de propria consanguinitate sive cognatione uxorem accipere, usque ad dum generatio recorderetur, cognoscitur, aut memoria retinetur. . . . Subjicit: Nos autem generationum hac in re, numerum non definimus. *Tom. 2. pag. 244.*

Anno 868. in Concilio Wormatiensi canone XXXII. in quarta generatione sibi fi-

deles copulentur? Respondent patres: Nulli Christiano liceat de propria consanguinitate uxorem accipere, usque dum generatio recorderetur, cognoscitur. *At canone LVXVIII. ejusdem Concilii,* "Contradicimus, ut in quarta generatione nullus amplius conjugio copuletur: ubi autem post interdictum factum inventum fuerit, separetur: quibus verbis duo videntur innui: hætenus in quarto gradu conjunctos fuisse sine conscientiae vulnere copulatos: deinceps id verari, adeoque subindicare in quinto, & ulteriori gradu conjunctos licite conjugari posse. *Tom. II. nostro pag. 320.*

In Concilio Triburiensi anno 895. a cap. XL. ad XLVIII. variae species incestorum conjugiorum referuntur & damnantur. *Tomo II. pag. 404.*

Regino Prumiensis L. II. cap. CLXXIV. de incestis nuptiis ex variis causis fuisse tractat usque ad caput CCLXVII. *Tom. II. a pag. 542.*

Capitulum CC. in quinta generatione copulentur fideles: sic respondet ex Rhabano & variis patribus citatis: demum sic concludit: "Hoc quod Theodorus episcopus inter Gregorium & Isidorum medius intercedens in suis capitulis definivit, magis se, quendum *Reginoni videtur*, ut quinta generatione jam licitum fiat connubium, quia non lex Divina huic contradicit, nec etiam sanctorum Patrum dicta hoc prohibent. *Tom. II. pag. 546.*

Hic igitur status erat graduum consanguinitatis in Germania occidente sæculo decimo, Oriente sæculo XI.

Burchardus Wormatiensis, Canonistarum Sæculi hujus Princeps, *Lib. VII. De cretorum plurima ex Conciliis & Patribus collegit huc facientia.* Ejus *Libri* Capite nono quaerit: *in quo geniculo*, id est, gradu cognationis abstinendum sit a nuptiis cognatæ personæ, subjicitque responsum ex Isidoro, ex Gregorio Magno, & Conciliis Theodanis villæ, Aurelianensi, Agrippinensi, Meldensi, Herdensi abstinendum esse ab ejusmodi nuptiis usque ad septimam generationem. Quomodo autem hic gradus computandi sint, docere incipit ex eisdem fontibus a Capite *XXVIII. ejusdem Libri*: hoc pacto: Patrem & matrem primo gradu cognatos esse, 2do ascendente avum & aviam, descendente filium & filiam, seu fratrem & sororem; tertio gradu ascendente: conjunctos esse proavum & proaviam, in descendente lineam nepem, semper patre & matre pro stipite vel capite stemmatis Genealogici æstimato. Demum concludit ex capite primo Concilii Constantini anni MXXII. Nec ullus Christianus infra sextam generationem nuptias copulare præsumat. *Tom. II. pag. 599.*

Con-

Conficitur hinc variam variis sæculis & locis æstimationem graduum propinquitatis, & eorum vim ad dirimendas nuptias fidelium Christianorum fuisse: Sed hæc ad jus undecim primis sæculis vicens. Nos quid nunc sentiendum, ex Tridentino scimus Catholici.

*§. XV. & ultimus. Cur colloquia
Sæculi XI. inter Concilia
miscuerimus?*

COLLOQUIUM hic intelligo conventum personarum dissidentium vel de dogmate vel de disciplina, auctoritate parium (quarum altera alteri vel auctoritate vel doctrina par est, aut esse se putat)

Differunt hæc a Conciliis, quod Concilia sint solum Episcoporum qua Doctrinæ & iudicium doctrinæ, & disciplinæ Catholicæ: etsi enim Principes & Reges qua advocati & protectores vel testes interesse possint, non tamen interfunt qua Doctores Ecclesiæ.

2do in Conciliis ecclesiasticis semper major pars prævalet, & ex ejus majori sententia canones Conciliorum sumuntur.

In primo Concilio Nicæno CCCXVIII. Episcoporum, septem favebant Ario, nihilominus Arii doctrina cum suis sectatoribus damnata, proscripta fuit, & symbolum fidei fuit conditum a Catholicis episcopis, & a tota Ecclesia Catholica acceptatum usque ad hoc sæculum XVIII. persistit & persistat usque ad consummationem sæculi.

Contra in colloquiis nil deciditur, imo ne decidi potest, cum nemo alium superiorem agnoscat: paruit hoc sæculo XVIto. quo plurima colloquia Catholicorum cum Protestantibus, & Protestantium inter se habita fuere nullo fructu, nullo effectu: ut ab eventu patet. Nam Zwingliani, Calviniani, Lutherani omnes sibi applaudunt, nec hilum curant dissidentium opiniones.

Hoc Sæculo XI. multa Concilia habita sunt a Catholicis Catholico ritu, XIV. nobiliora, talia sunt.

I. Theodonis Villanum 1003.

II. Francofordiense 1006. 1007.

III. Noviomagense 1018. III. canonum.

IV. Saliginstadiense anni 1022. canonum XXII. & plurimum.

V. Atebatense 1025. XVII. canonum.

VI. Triburicense 1056.

VII. Moguntinum anni 1049. VIII. Capitulum.

VIII. Osbornense, & in eo disceptatio Advocati Romani & Regii 1062.

Tomus III. Concilior. German.

IX. Synodus Sleswicensis de Episcopatibus in Dania Suecia anno 1061. Capitula IV. & amplius.

X. Moguntinum de divortio Henrici IV. & Berthæ Reginae impedito anno 1069.

XI. Moguntinum 1071. de Caroli Constantiensis episcopi depositione.

XII. Quidlinburgense anni 1085. canonum XII. & amplius.

XIII. Udoni Treverorum Metropolitæ committitur a Papa decidenda controversia inter Suffraganeum Tullenensem & quendam ejus Diocesis Clericum. *Registri Lib. II. Epist. 10.*

XIV. 1094. Constantiæ Synodus v. decreta.

Præter hæc. nobiliora Concilia plura alia celebrata fuerunt; quæ concernunt singulares Ecclesias aut Monasteria, & hinc minoris momenti quoad universam Ecclesiam, etsi Germanicæ historiæ Ecclesiasticæ firmandæ & explicandæ valde sint opportuna, connaturalia & necessaria.

Tertio loco occurrunt varia colloquia Regum cum episcopis & Proceribus & Legatis Sedis Apostolicæ; quæ ob dictas causas *Concilia Ecclesiastica* non sunt, nec vocari possunt: quia tamen censentur vel credebantur *media* ad pacem Ecclesiæ & concordiam inter Sacerdotium & Imperium restitutam idonea, hinc ex iis aliqua inferui ex *Bertoldo, Lamberto, Brunone de Bello Saxónico, Hugone Flaviniacensi Abbate*, &c.

I. 1073. Colloquium Henrici IV. Goslarie cum universa Saxonum multitudine. *Rex adventantes delusit & derisit, non comparuit, hoc dicto: Quamdiu vellent, expectarent. Illa dies principium omnium sequentium malorum fuit. At Bruno pag. 107. editionis Freberi de anno 1600, quæ utitur.*

II. 1073. Colloquium secundum apud Nockmeslovo, & deinde apud castrum Hartenberg; missis ultro utroque Nuntiis & auditis, Henricus IV. clam denuo aufugit.

III. 1074. Norimbergæ colloquium. Nuntii Pontificii eo venire cum literis & comminationibus. Rex & ejus Ministri promittunt omnia.

IV. 1075. Die Paschatis Moguntie colloquium: Prescribuntur pacta, disceditur infecta. IV. Idus Junii prælum Regis & Saxonum apud Beringam & Neckelslad, Rex Henricus victor cruentæ suorum victoriæ.

V. 1075. XI. Kal. Octobris Rege victore ingresso Goslarie colloquium apud Gerstungen celebratur: mittit Rex Episcopos gratos Saxonibus, quorum persuasione *deditionem faciunt*

H h

Saxa.

Saxones vitā & libertate salvo, promittit omnia Henricus, plures Saxones incarcerationantur.

VI. 1076. Goslarie compellit Saxones jurare filium suum Regem admittendam, continentur Simoniaca venditiones & communicatio cum excommunicatis. Papa ex celebrato Romæ Concilio mittit Nuntios Regi committentes excommunicationem, ni desistat a Tyrannide in Saxones & Simonia, citat eum Romam ad dicendam causam.

Hac citatione commotus Rex primo Goslarie præparat, ac indicit Synodum Wormatie in Quadragesima celebrandam, & obedientiam Apostolicā denegat, eumque Cathedra descendere jubet: quod scripto & verbo per Rolandum Parmensem denuntiat Papæ in Synodo Romana bujus anni celebrata. Audita Romana excommunicatione omnes pæne Principes Regni a communione Regis se sequestrant. Ait Bertholdus.

VII. 1076. mense Octobri colloquium apud Oppenheim, Rege Moguntia existente. Mittuntur Nuntii, scribuntur & firmantur pacta a Rege & Episcopis: indicitur Conventus ad Augustam II. Februarii 1077. Nuntii Romam mittuntur.

1077. Henricus Rex clam in Italiam abit, obuius Pontifici apud castrum Canossa: post triduanam penitentiam absolvitur & reconciliatur Rex sub conditionibus, quas Consiliarii Henrici nolunt seruari.

1077. Papa cum Germanicum iter clauderetur undique, Augustam non venit.

Saxones & Suevi frustrati Conventu Augustano anni bujus, una cum Legato Apostolico consent novum Regem eligendum sub certis conditionibus. Conventur in Forchheim novo colloquio, eligitur Rodolphus, Dux Suevorum d. VII. Kal. Aprilis Moguntia a Sigefrido coronatur.

Henricus IV. in Italia audiens hoc factum Papæ auxilium implorat.

Redux ex Italia in Germaniam Ulmæ sibi coronam Regiam denuo imponit, post Augustum mensem in Saxoniam tendit, cui Rodolphus Rex cum exercitu obuiat apud Herbipolim, quam obsidet. Annus abit missi ultro citroque nuntiis

1078. Conflictus Rudolphi & Henrici Idus Augusti apud Struvam: primus victor campum obtinet X. Kal. Decembris. Romæ in Concilio Legati Henrici & Rudolphi jurant, quod Domini eorum non essent impedituri colloquium de pace.

1079. Papa Saxonum multis literis provocatus, Legatos mittit in Germaniam Petrum igneum Albanensem, & Udalricum Patavinum Episcopos.

1080. VI. Kal. Februarii tertium prælium apud Flatebeim victore Rudolpho supra Henricum. Brixinense Concilium elegit Wicbertum Anti-Papam sedente Romæ & viro Gregorio VII.

Mense Octobri prope Elisfram quartum prælium committitur. Rudolphus Rex ex vulnere mortuus.

1081. Henricus victor Saxoniam ingreditur, sed valde resistentem.

1081. VII. Colloquium in silva Capuma ultra fluvium Wisara. Conveniunt utriusque partis Episcopi Henrici & Gregorii VII. Gebhardus Salisburgensis perorat pro pace & securitate, nullo effectu.

Rex mense Martio 1081, intrat Italiam, Veronam in Pascha venit.

Hermannus Lotbaringus communi consilio eligitur, paulo ante festum S. Laurentii, postriede de Henricianis in Hostette triumphavit.

Anno 1081. Festo S. Stephani per Sigefridum Hermannus Goslarie coronatur soleniter.

Henricus tota æstate Romam obsidet, Italiam vastat.

1083. iterum Romam obsessam capit, Henricus Guibertum Antipapam inbronizat:

1084. Henricus in die Resurrectionis Domini a suo Guiberto coronatur.

VIII. 1085. VIII. colloquium Hermannii Regis, & Ostiensis Episcopi, Legati Papæ apud Goslariam in Saxonia.

IX. 1085. XIII. Februarii Conventus in Gerstungen Episcoporum & Procerum utriusque factionis combinandus cum Goslariensi habito post Epiphaniam anni bujus, nisi fors sit ejus continuatio.

1085. Synodus Quintalinburg in Paschate.

1085. Synodus Moguntina tertia bebdomada post Quidlinburgensem & bujus everficia.

X. 1086. post Festum Apostolorum IX. colloquium Suevorum cum Saxombus & Bajoriis prope Wirceburg. Sequitur prælium. Henriciani magna parte cæsi.

XI. 1087. Kal. Augusti X. colloquium prope Spiram fidelium S. Petri cum Henrico & bujus fautoribus, qui obedientiam promiserant, si de hac excommunicatione exire vellent.

Leguntur Literæ Papæ Victoris III. Non vult Henricus: negat se excommunicatum. Guiberto Antipapæ adhaeret.

1089. XI. *Novum colloquium fideium S. Petri cum Henrico Imperatore promittentium auxilium & obedientiam, si Guiberto renuntiare vellet, & ad communionem redire: sed Ministri quidam inverterunt hoc consilium.*

De omnibus his colloquiis hæc tria observo.

I. In nullo colloquio actum de dogmate, sed tantum de pace & concordia inter Imperium & Sacerdotium. Equidem crebra mentio hæreseos & hæresiarchie Guiberti, & Henrici, Wezelim, Nicolaitarum, sed hæc verba in rigore Theologico non sunt intelligenda, sed in eo, quem sc. 4. 5. 6. 7. hujus Digressionis explicavimus.

II. Omnia hæc colloquia nihil pacis pepererunt: in promptu causa, quia omnia facta ab iis, qui se in omnibus æquales credebant: hinc neuter alteri cedere volebat.

III. Henrici & ejus sectatorum odium contra Gregorium vii. erat duntaxat personale: nullatenus contra sedem Apostolicam nec contra ejus Primatum juri Divino innixum. Si Papa Gregorius tacuisset aut consensisset factis Henricianis vel ejus ministrorum Simoniae & Clericorum luxuriæ, uti faciebant Cadolaus & Guibertus, optimus Papa fuisset. Verum cum Pontifex vir esset severæ, ut omnes dicunt, & austeræ simulationis, deinde omni metu & spe humana major, hinc tantum odium apud Henricum iv. & hujus ministros ex Simoniaci venditione indies ditiores & apud Clericos concubinariorum incurrit.

De cætero Henricus Rex utcumque sceleratus dicatur, semper credidit episcopum Romanum esse Christi in terris Vicarium, in Apostolica Cathedra successorem.

Ipse Henricus iv. & Pater ejus & avus

Conradus, & alii agnovere Simoniae ecclesiasticis in officiis & absurditatem & iniquitatem v. Glabri Rodulphi L. V. cap. ultimum.

Venericus Vercellensis episcopus autor, ut creditur, *Apologiæ Henrici IV. vel libri de unitate Fidei* profitetur in fronte sui libelli Romanorum Ecclesiam esse matrem omnium Ecclesiarum.

Profitetur necessariam concordiam inter Sacerdotium & imperium, profitetur majori seu Catholice communitati adhaerendum, & cum, qui ab ea se separat, damnum schismaticum: vetus Roma, inquit idem, obtinet primatum Apostolici honoris, nova Roma Constantinopolis obtinet Principatum Regiæ Majestatis. Noverat Merensis episcopus Herimannus se obedientiam debere Romano Pontifici propter primatum sedis Apostolicæ.

Ex his paucis vides ideam, quam habuerit hic Venericus, acerrimus inter defensores Regis Henrici iv. de Romano Pontifice, ejusdem Apostolica Cathedra, ejusdem primatus jurisdictionis. Dein affert textus Sanctorum P. P. edicta Honorii, & Ancadii de reverentia & obedientia debita Romano Pontifici Petri successori.

Toto igitur cælo distat sententia Henrici iv. & consiliariorum ejus sæculi xi. Principum ab schismaticis sæculi xvi. qui judicabant Papatum esse a diabolo fundatum, vel qui mitissimè loquebantur, scribebant Primatum Romani Pontificis esse humanum vel Cæsareum inventum: prophetabant prope diem interituros Papam, episcopos, Clericos, monachos omnes, demum omnes Christianos esse episcopos, Papas, & nescio, quæ monstra opinionum, quæ ipsi hodie a Romana sede dissidentes non probant. Hoc certum est schisma sæculi xi. & ejus causas ac sedatores maximo intervallo distare a schismate sæculi xvi.

Finis Digressionis ad Sæculum XI.



SÆCULUM DUODECIMUM.

CONVENTUS COLONIÆ

ET W E R D Æ,

Anno Christi MCI. Paschalis II. Papæ II.

Henrici IV. Regni XLV. Imp. XVIII.

SUMMA. Prædium Prumisfeld ab Henrico de Limburgo Monasterio Prumiensi restituitur.

IN Nomine Sanctæ & Individuæ Trinitatis. HENRICUS Divina favente clementia tertius Romanorum Imperator Augustus, omnibus Christi, nostrisque fidelibus tam futuris, quam presentibus notum esse volumus. Quod de quodam prædio fecimus, videlicet Prumisfeld, qualiter Prumiensi Ecclesiæ S. Salvatoris a iustis possessoribus idem prædium traditum, ab invasore raptum eidem Ecclesiæ recuperavimus. Illud idem videlicet prædium, nomine Prumisfeld, quidam Comes BRUNO de Hengebach cum omnibus appenditiis suis, id est, utriusque sexûs mancipiis, terris cultis & incultis, viis & inviis, pratis, campis, silvis, venationibus, aquis, aquarumve decursibus, molis, moleninis, piscationibus, exitibus & redditibus, quasitis & inquirendis; ac cum omni utilitate, quæ scribi ac nominari poterit, S. Salvatoris Ecclesiæ Prumiensi in proprietatem tradendo firmavit; firmando tradidit, ea conditione, ut quatuor mansi cum duobus servientibus Odilone & Stephano statim ad manum Ecclesiæ in suos usus reciperet: cetera ipse cum uxore sua, Mathilde videlicet, quousque viverent, ad suos usus retinerent. Et si ipsa maritum supervixisset, ante mortem suam ad eandem Ecclesiam Prumiensem veniret, & sicut ab omnibus laudatum est, eidem Ecclesiæ idem prædium, sicut maritus ejus firmaverat, ipsa quoque firmando traderet, tradendo

firmaret, quod & ipsa ita perfecit. Nam post mortem mariti sui eidem Ecclesiæ id ipsum prædium adhuc vivens firmavit, & ipsa defuncta ibidem in Monasterio S. Salvatoris est sepulta. Illud ergo prædium ab ejusdem Ecclesiæ Abbatibus absque ulla contradictione diu possessum, diu retentum quidam Comes Henricus de Limburg invasit, rapuit, & quod suum non erat, quasi proprium possedit, quam injuriam Dominus Wolfrannus Abbas Prumiensis, cum fratribus suis tam diu est conquestus nobis, donec misericordia moti, zelo Dei accensi, judicio Principum super eundem Comitem H. cum exercitu venimus, Castella ejus destruximus, eumque ut huic Dei Ecclesiæ, aliisque, quas devastavit, justiciam faceret, compulimus. Primus igitur (a) Colonie in Nostra presentia, & filii nostri Henrici Regis iudicio Principum convictus, præfatum prædium Prumisfeld, quod S. Salvatori rapuit in manum nostram & præfati Abbatis Wolfranni, & Advocati Bertolfi iuste reddidit. Aderant hi. Principes nostri Egilbertus Trevirensis Archi-Episcopus, Burchardus Monasteriensis, Wido Osenburgensis, Henricus Padebrunnensis, Atilbero Mettensis, Cuono Wormacensis Episcopi; Dux Fridericus, Marchio Burchardus, Gerart de Wassenberg, Gerart de Guliche, Pernerius de Groninche, Adolf de Monte Comites, & alii multi Principes nostri.

Deinde

(a) Colonienfis Conventus Cæsaris Henrici IV. Imp. & Filii Henrici V. Regis, Episcoporum & Procerum.

Deinde cum de Colonia ad Insulam Werdæ (b) venissemus curtim nostram, idem Comes *Henricus* prædium, quod Colonia reddidit, se reddidisse Werdæ negavit, ubi Principes convenire fecimus, & eundem *Henricum* in præsentia nostra iudicio & testimonio Principum, quod Abbati prædium, quod negaverat, reddidit, convicimus: quod ut nunquam ulterius negari posset, idem prædium in manum nostram & manum Abbatis *Wolfranni*, & ejus Advocati *Berchdolfi* eum reddere fecimus, præsentem filio nostro *Henrico* Rege, adstantibus Principibus *Burcardo* Monasteriensi, *Widone* Oßenbrucensi, *Guonone* Wormacensi, *Hezelone* Veronensi Episcopis; Magno Duce *Otone* de *Sutpbeni*, *Gerardo* de *Wassemberch*, *Theoderico* de *Toneburch*, *Adolfo* de *Monte*, *Gerardo* de *Guliche*, *Werinbero* de *Gruonin-gue*, *Henrico* de *Diedisso* Comitibus, & *Berchdolfo* filio *Berchdolfi* Comitis, & superscripti Advocati, & aliis compluribus nostris fidelibus.

Quod totum fieri, Deo auxiliante, laboravimus, tum pro iustitia, tum pro remedio animæ nostræ, & Parentum nostrorum *Conradi* avi nostri, & *Henrici* Patris nostri Imperatoris, *Gisela* avæ nostræ, *Agneta* Genitricis nostræ, *Berchda* Conjugis nostræ Imperatricum, & pro stabilitate Imperii nostri, & Regni filii nostri *Henrici* Regis. Pro hoc labore ac studio nostro promisit nobis, & in hac charta rogavit idem Abbas *Wolfrannus*: ut deinceps pro debito quotidianas orationes cum fratribus suis, ipse, sui que successores pro nobis faciant, quamdiu vivimus, & specialiter in die ordinationis nostræ in Regnum, id est, XVI. Kal. Augusti Missas, orationes, & refectionem fratribus faciant, quinquaginta pauperes pascant. Similiter in die ordinationis nostræ in Imperium, id est, II. Kal. Aprilis, Mis-

sas, orationes, refectionem fratribus faciant, quinquaginta pauperes pascant. Similiter in die ordinationis filii nostri *Henrici* in Regnum, id est, in Epiphania Domini Missas, orationes, & refectionem fratribus faciant, L. pauperes pascant. Postquam vero de hac vita migraverimus, ego videlicet & filius noster *Henricus* Rex in omni anniversario depositionis meæ, Missas, orationes, & refectionem fratribus pro anima mea faciant, CCC. pauperes pascant, XXX. pauperes vestiant. In omni autem anniversario depositionis filii nostri Regis *Henrici* Missas, orationes, & refectionem fratribus pro ejus anima faciant, L. pauperes pascant, XII. pauperes vestiant. Hoc quoque firmiter statuimus, ut nulla persona, sive Imperator, sive Rex vel Abbas, idem prædium alicui præstare, aut aliquo modo Ecclesiæ Prumiensi fratribus abalienare præsumat, & si præsumpserit, odium Dei & omnium Sanctorum suorum incurrat. Quod ut firmum & inconvulsam sempiterno ævo permaneat, hanc Cartam inde conscriptam, & ut infra videtur, propria manu corroboratam, Sigilli nostri impressione jussimus insigniri.

Signum Domni HENRICI tertii
Romanorum Imperatoris.

Data III. Nonas Augusti, Anno Dominicæ Incarnationis MCI. Indictione IX. Anno autem Domni HENRICI tertii Romanorum Imperatoris Augusti, Ordinationis quidem XLVIII. Regni autem XLVI. Imperii vero XVIII.

Actum feliciter Werdæ in Dei nomine feliciter Amen.

*Martene & Duvand pag. 585. & seq.
Tom. I. Collectionis amplissima.*

(b) Werdensis Synodus seu Cæsaris insulana Episcoporum & Principum.

Folobertus Canonic.

Reinbertus Canon.

Godescalc Canon.

Hezelinus Canon.

Liberi homines: Conrad de Wartberghe, Tiemmo, Burchard, Gumbrecht, Conrad de Everſchutte.

Ministeriales: Elver Comes, Uffo, Hugo, Egbrecht, Hildebold, Luidolt, Henric, Manegold.

Ministeriales Ecclesiæ Beatorum Petri & Pauli: Sibrech, Thrichemar, Brun, Godescalc, Rotholf, Heriman, Liesdag.

Ministeriales Præpositi: Rother, Folcbrach, Alteman, Adelbrach, Alberen, Everhard, Friddo.

Ministeriales de Budecon: Alteman, Anshelm, Meinger, Herebold, Becelin.

Ministeriales in Hereſe: Witman, Conrad, Udo, Cono, Witherold, Bernhard.

Cives: Brun, Rother, Thancmar, Hernbold, Thiederic, Welrico & alii quam plures, qui ad Synodum convenerant.

Anno Dominicæ Incarnationis MCIII. Indiſt. XI. regnante Henrico Rege quarto. Actum Paderb. in Cena Domini VII. Calend. Aprilis.

Schætenius Lib. VII. Annal. Paderb. ad Annum MCIII. Idem anno MCI. refert Convantum Paderbornenſem Cleri & Comitum, in quo Henricus Epiſc. confirmat Patrocinio ſuo Monalterium Abdinghoviaſum.

CONVENTUS RATISPONÆ

ANNO CHRISTI MCIV.

HENRICI IV. REG.

PASCHALIS II. PAPÆ V.

XLVIII. IMP. XXI.

EX Concilio Ratisponenſi, cui interſuit Henricus tertius Imperator cum plurimis Regni Optimatibus ſta lucidantibus & confirmantibus. Statutum eſt, ut ad placitum cujuslibet advocati pertinentes ſemel in anno, quando præceptum fuerit, omnes cunctis in locis conveniant, ibique in ſervitium ſuis plus non exigat niſi II. modios tritici & II. porcos & III. cados vini, & Medonis X. cados Cerviſiæ & V. modios avenæ. Ut autem ea quæ in uſus fratrum pertinent, minus diſtrahant, hæc ſubſcripta in uſus advocatiæ ſunt deputata, videlicet tertia pars bannorum & ſatiſfactio temeritatum, ita tamen, ut ſi qua diſpendia res fratrum patiuntur, primo eis reſtituantur ſua Werigelda fratrum, ſicut & mancipium pro mancipio: præterea ſi prælati Eccleſiæ aliqua neceſſitate cogente, dampnum ſibi vel rebus ſuis illatum ſalvo ordine ſuo recuperare non valuerint, ipſos advocatos in competentem locum advocent, ubi cauſas quarimonix diligenter diſcutiant, nihilque ab eis, vel ab eorum Colonis quaſi ſub juſtitia exigant, ſed cum caritate, hoc quod eis inpenſum fuerit, ac-

cipiant. Hæc acta ſunt anno Incarnationis MCIV. Ind. XII. præſidente Papa Paſcali II. Regnante autem Henrico Imperatore III. multis hoc tam Eccleſiæ quam Regni Principibus conlaudantibus, & confirmantibus, quorum nomina in libro traditionum continentur.

Meiſchelbeck Hiſtor. Friſingenſ. Tomo I. Part. II. num. 1272.

Epifcopi præſentes Ruotardus Archi-epiſcopus Mogunt. Henricus Archi-epiſ. Magdeburgenſis, Rupertus Herbipolenſis, Udo Hildeſienſis, Henricus Padelbornenſis, Fridericus Halberſtadenſis, Gebhardus Conſtantienſis, Adelbertus (non Eppo ut Trithemius habet) Wormatiienſis & alii plurimi epifcopi, & Principes.

In eo Gebhardus Comes ab Auarach Abbas Hirſaugienſis inſulâ Spirenſi donatur ab Impp. de conſilio aſſenſu epifcoporum, quæ vacaverat per obitum Joannis epifcopi Spirenſis.

Helwich in Antiquitat. Laureſbamenſ. ſupplevit nomina.

Et Bucelinus, qui Gebhardum XXXVI. inter Spirenſes Antifites numerat.

SYNODUS NORTHUSANA

Anno Christi MCV. Paschalis II. Papæ VI.
Henrici IV. Regis XLV. Imp. XXII.

SUMMA. I. Condemnatio Simoniacæ hæreseos.

II. Fornicariæ conjunctionis, sicut Nicolaitarum.

III. Jejunium mensis Junii hebdomada Pentecostes celebrandum.

IV. Pax Dei confirmatur.

V. Reconciliatio consecratorum a Pseudo-Episcopis.

VI. Henricus V. jura sua omnibus renovat: profitetur obedientiam erga Patrem, Episcopi varii Romanæ Sedi obedientiam promittunt.

ANNO Domini MCV. Henricus Rex, machinantibus Diepoldo Marchione, Berengero Comite, & Otone, quodam nobili viro, sibi materna stirpe cognato, a Patris latere discedens, ad Saxones convertitur, a quibus honorifice susceptus, & in Quidlinburg (a) Pascha celebrans, in brevi universis Saxoniarum civitatibus potitus est.

Tum, ex Ruthardi Moguntinensis consilio, Episcopis atque Clericis, generalem Conventum in villam Regiam, quæ Northusim dicitur, IV. Kal. Junii, ubi super Ecclesiasticæ institutionis, tam depravata disciplina tractaretur, indixit. In quo consilio, super sententiis instantibus *Patrum decretis primo relictis*, quæque poterant ad præsens, laudabiliter corrigebantur; Quædam vero, quæ graviora videbantur, ad Apostolicam audientiam reservabantur.

I. Simoniacæ quippe hæresis, Patrum consuetudine, condemnata.

II. Nicolaitarum quoque fornicariæ conjunctio ibidem est ab omnibus abdicata.

III. Jejunium mensis Junii, & ipsa hebdomada Pentecostes, Romano more celebranda, a præscriptis Præsulibus, auctoritate indicitur,

IV. Et pax Dei confirmatur.

V. Iis vero, qui a Pseudo-Episcopis fuerant consecrati, per Catholicam impositionem reconciliatio, proximo jejunio danda fore promittitur.

VI. Vidimus autem, nec silentio præterire possumus, Regem Henricum non modicam bonæ indolis spem, magna simul & humilitate, & auctoritate, coram omnibus prætendentem; nam Servorum Dei Conventui, cum nonnisi vocatus interesse vellet (ingens enim cum Episcopis, & Clericis, Abbatum, atque Monachorum, Ecclesiasticam ficiens unitatem, turba confluerat) tandem in abjecto productus habitu, locoque stans editiori, omnibus, juxta Principum decreta, suas leges, atque jura, rationaliter innovavit; si quæ vero irrationalia rogabantur, mira, atque ultra annos suos, prudenti responsione, & avita magnanimitate confutavit; in omnibus his & miro modo servans sibi adolescentiæ verecundiam, & Christi Sacerdotibus dignam exhibens reverentiam. Inter hæc, obortis lacrymis, ipsum Regem Cœli, cunctamque militiam cœlestem, testabatur, se nulla regnandi cupiditate detentum, neque Dominum & Patrem suum, a Romano deponi Imperio exoptare,

(a) In Quedlinburch Ruthardus, Episcopus Moguntinus, Henrico juveni Rege præsentem Fridericum Halverstadensem, Udonem Hildesensem, Henricum Paderbornensem ab officio suspendit, quia quilibet eorum per Henricum IV. Imperatorem contra Canonicam electionem sedem suam obtinuit. Et similiter omnes illi, quos prædicti Episcopi ordinaverant, ab officio suspensi sunt. Et Chrisma eorundem Episcoporum, quod in cena Domini consecrabant, annihilatum est. *Gobelinus in Cosmodromio ætate VI. Cap. LV. pag. mihi 218.*

optare, sed ut S. Petro, & Successori-
bus ejus, Christiana lege subjici velit.
Ad quod omnis multitudo laudans, la-
crymas simul & preces, tam pro patris
conversione, quam & filii prosperitate,
fundens, cæpit exclamare voce magna
Kyrie - Eleyson!

VII. Eadem hora, Udo Hildenes-
heimensis, & Henricus Patriburnensis,
ac Fridericus Halburastatenfis, Præsules,
vestigis Metropolitanì prostrati, ipsius,
atque Regis astantis, totiusque præsentis
Ecclesiæ, testimonio, Apostolicæ se de-
derunt obedientiæ, quorum tamen com-
missa Apostolico nihilominus reservantur
judicio, sub officii interea suspensione.

Effectus Concilii hi : Gevehardus, Constantiensis Episcopus, Apostolicæ Sedis Legatus,
in sabbato hebdomadæ Pentecostes in Goslaria ordines celebrans per manus im-
positionem restituit suspensos ab ordinibus seu executione ordinum : puta Henricum
IV. a Magdeburgensi Ecclesia ejectum, cum nondum Diaconus esset, primum Dia-
conum, deinde Episcopum consecravit. Moguntinus Archi-Episcopus Ruothardus
(quem Urspergensis Buother vocitat) ab exilio VIII. annorum revocatus, ad quod
eum Henricus IV. Imp. damnaverat, & Ecclesiæ Moguntinæ reditus perceperat,
magno urbis & Archi-Diœceseos gaudio revocatus ordines celebrans, eodem die
sabbato hebdomadæ Pentecostes in Heiligenstadt, de Episcoparibus venientes re-
stituit. *Gobelinus & ex eo Serarius.*

*Ex codice MS. Reginae Sueciæ in Biblio-
theca Vaticana No. 521. descriptis
Cl. Schannatus h. mem.*

*Per omnia consentit Baronius ex Ursper-
gensis coævo idem referens.*

Aventinus; auctor vitæ Henrici IV.

*Heineccius in antiquit. Goslariensibus hæc
omnia teterrimis coloribus depin-
gunt.*

SYNODUS TULLENSIS

*Sub Pibone Episcopo confirmante possessiones Ecclesiæ S. Gengulphi in
eadem urbe cum consilio totius Cleri, sigillo Episcopi, & Testium
subscriptione.*

IN nomine Sanctæ & Individuæ Tri-
nitatis, Patris, & Filii, & Spi-
ritus Sancti, omnibus Sanctæ Matris
Ecclesiæ Filiis, præsentibus scilicet ac
futuris, Pibo Dei gratia Leuchorum
episcopus. Universorum fidelium, &
maxime Pontificum, ea debet esse sol-
licitudo præcipua, ut Ecclesiæ, quarum
Patrocinium episcopi susceperunt, tem-
poribus suis incommutatæ vigeant; &
si fieri possit, sic debent eas in diebus
suis stabilire, ut nulla subsequens tem-
poris adversitas possit eas a statu suæ in-
tegritatis avellere: quia enim Veritas
ait: *Ubi sum ego, (a) & Minister meus
erit, qui in regendis ecclesiis ministros
Dei se esse recognoscunt, recte debent
super hoc vigilare, atque inspectum bea-
tæ promissionis ministerium sibi credi-
tum fideliter ministrare. Ego igitur
Tullenfis ecclesiæ provisor magnus, me
ministerium Christi recognoscens, & jam
beatæ Spei particeps esse desiderans,
commisissæ mihi ecclesiæ, quod potui,*

Tomus III. Concil. German.

& quantum potui invigilavi, & de in-
columitate meæ sedis, & earum, quæ
ei subjectæ sunt, Ecclesiarum sollicitè
pertractavi. Ecclesiam itaque sancti
GENGULPHI infra mœnia nostræ urbis
constitutam, quam prædecessores mei
S. Gerardus, & piæ memoriæ Udo
episcopi fundaverunt, quam possessio-
nibus donisque quam plurimis locuple-
taverunt, quam per congregationem
fratrum æterno regi inibi militantium
celebrem reddiderunt, hanc ego quo-
que paterno amplexus sum animo, hanc
semper in eo quo potui, putatus sum
patrocinio; & quoniam eidem Ecclesiæ
meis quoque temporibus multa, & a
me ipso aliqua acceperunt, venerabi-
lium consilio virorum decrevi, posses-
siones ejus atque privilegia in præsentì
charta annotavi, & ea omnia mea
autoritate, & assensu totius cleri, &
populi in evidentia generalis Synodi
confirmavi.

Notum igitur sit omnibus tam præ-
senti-

sentibus quam futuri sæculi fidelibus , ecclesiam sancti Gengulphi certo jure , & absque ulla contradictione hæc, quæ scripta sunt, possidere.

Omnem terram quæ est in villa Bonis-montis , cum appenditiis , & cum ecclesia integra sancti Georgii ; Ecclesiam Travillonis , Ecclesiam Marbagii , Ecclesiam Senoensem , cum capella de Cheulaio.

Ecclesiam Menovilli-villæ , LXVI. mansos & dimidium , excepta terra indominicata ; apud Pomponium vineas duas.

Apud Medium-vicum quatuor fesos , & tantum terræ indominicatæ , quæ sufficit arationi trium aratorum , cum septem quartariis , & banno in prato indominicato , cum reliquis pratis , & aliis appenditiis.

Apud Fagum in Lersi-valle vineas quatuor , & viginti jornales terræ , & duos mansos mansionales.

Apud Wandini - villam quatuor mansos , excepta terra indominicata.

Apud Hermotesheim-vineas, quas dedit B. ejusdem loci præpositus , & frater ejus Comes Albertus.

Apud Ameralli-villam septem mansos & dimidium , cum Ecclesia & omni integritate sua.

Apud Banniolum septem mansos , & tres quartarios , exceptis indominicatis , & partem, quam ibidem habebant fratres de Calmesfaco , data enim per commutationem Ecclesia de Domno-Martino , & dato eo, quod apud Hündini-villam habere videbantur.

Prædium de Cruceliis , cum Ecclesia , & quatuor molendinis , & prædium quod dicitur Sancti Aniani , juxta portam hujus urbis situm , cum Ecclesia & molendino , & cuncta ad utraque prædia pertinentia , cum integro banno , & mancipiis utriusque sexus , sylvis , pratis , vineis , terris cultis , & incultis , aquarumque decursibus , exitibus & redditibus , & intra hujus civitatis moenia mansum , in quo sedet domus & cellarium, quæ dedit Ascelinus pro remedio animæ suæ , cum omni hæreditate sua , scilicet in Varneri plantidicio duos ordines , & dimidium vineæ , & omnem hæreditatem , quam Duorardus pro filio suo dedit. Mansum vineæ juxta sanctum Amantium , & in Barro vineam unam , quam dedit Romanus pro filio suo.

Supra Mosellam juxta Caldeniacum , molendinum unum cum fesso , & vienna , quam dedit renaldus illic Canonicus ; furnum cum manso apud fontem Sancti Mansueti , cum una vinea in Mardeau. In Barro-monte vineas duas ; in Carravalle quatuor ordines vinearum ; in Hattonis valle sex ordines , in summo Barro vineam unam ; in Calvo-monte ordines octo ; in prato Amantii ordines undecim ; in intervallis vinearum unum , in Gula vineam unam ; in calcatoriis vineam unam , quinque ordines , viginti & unum emptos a Maria , & alios duos.

His igitur possessionibus prædecessores mei prædictam locupletantes Ecclesiam, eidem tradiderunt , ut scilicet soli episcopo subjecta esset , ut nulli unquam in beneficium cederet , & præpositum, quem communis electio , & certe sanioris partis exposceret , illum susceperet , & ut ipse præpositus, in beneficium ipsius præposituræ Cardinalem Archidiaconatum obtineret : tali namque tenore præpositum Oldericum , & secundum Brunonem in eadem basilica fuisse cognovimus , & Richuinum tertium eis succedere decrevimus, non quidem jure hæreditario , ut ad ejus primiceriatum lege beneficij seu aliqua alia ratione respiceret seu respiciat , aut ut aliquis alius primicerius super hoc successione aliquam requirat ; sed pro eo tantum quia fratres ejusdem Ecclesiæ eum elegerunt , utpote in cujus sapientia satis consilij , in cujus honestate multum præfidi sibi adesse cognoverunt. Constituit etiam præfatus antecessor meus Udo episcopus , ut congregatio ejusdem cenobij diebus infra nominatis ad Divinum officium celebrandum præparatam sedem nostram adeat , scilicet in festo Sancti Stephani post Nativitatem Domini , ad publicam missam , in die inventionis ejus , ad vesperas , & in diebus , quibus Præsul sedis hujus plenarium ordinem habuerit , videlicet in cena Domini , in Pascha , in Pentecoste , de eadem congregatione assumantur ad ordinem Diaconi , Subdiaconi , prout oportunitas contulerit.

Hanc ergo Sacratissimam tantorum institutionem ego Pibo benigna mente suscepi , & prædictas possessiones , &

ea omnia, quæ in prædicto sunt privilegio, legitima autoritate confirmavi, omnes illos anathematis maledictione feriens, quicumque in prædictis aliud pervertere aut derogare præsumerent. Ut autem hæc omnia firmiora, & perpetuo inconvulsa permaneant, consilio totius Cleri, sigilli mei impressione firmavi, & idoneorum testium subscriptione roboravi.

Ego Pibo gratia Dei Leuchorum episcopus subscriptus faveo, & annulo nostræ ecclesiæ signo.

Signum Riguini Primicerii, & ejusdem Ecclesiæ Præpositi, Sancti Stephani Archidiaconi.

Sign. Thiercelini Archidiaconi.

Sign. Hugonis Archid.

Sign. Elberici Archid.

Sign. Rambaldi Archid.

Sign. Hugonis junioris Archid.

Sign. Goberi Archid. & exinde Canonici.

Sign. Domni Widrici abbatis S. Apri.

Sign. Domni Thiemari abbatis Sancti Mansueti.

Sign. Domni Seheri abbatis S. Leonis.

Sign. Humbaldi ejusdem loci Decani, & aliorum Canonicorum Theodorici, Gilberti.

Sign. Comitum Renardi, & Warini filii ejus.

Sign. Valteri de Comitatu.

Sign. Sigifridi advocati.

Sign. Henrici de Sancto Vedaſto, & Theodorici filii ejus.

Sign. Renaldi Dapiferi.

Sign. Vileri.

Sign. Wolfandi.

Sign. Bereti.

Sign. Promidi, &c.

Data & recitata in majore Ecclesia in plena Synodo, octavo Idus Junii, anno ab Incarnatione Domini MCV. Indiſt. XIV. Ordinationis vero nostræ anno XXXV.

CONVENTUS TREVIRENSIS

Anno Christi MCVII. Paschalis II. Papæ VIII.

Henrici V. Regis II.

Post hæc Bruno Dicecesim suam ordinare, atque salutaribus devincire Legum præceptis ingressus, constituentem Ecclesiæ Synodum tam Cleri quam militiæ Principibus Trevirim indixit, ad eam celebrandam utriusque ordinis frequens confluit nobilitas, Rambertus ædi maximæ Præpositus, Godefridus Coepiscopus, idemque Præpositus, Bruno Archi-Diaconus, Godefridus & Theodorici item Coepiscopi & Sacellani, Sigefridus Comes Palatinus atque Ecclesiæ Trevirensis Advocatus, Henricus

Comes de Limburg, Wilhelmus Comes de Lucilinburg, Theodorus de Ara, Adelbertus de Dille, Emicho de Schmitteburg, Ludwicus de Arnstein, Gerlacus de Romersdorff, Adelbero de Daun, Hermannus de Virnenburg, Simon & Adelbero de Maihelberg, Hesso de Rutig, Wiricus de Walecourt, omnes Ecclesiæ ac Dicecesi Trevirorum fide, stipendiisq; seu feudi honoribus additi. (a)

Browerus L. XIII. ad annum MCVII.

Hujus Synodi unica actio sequens nota est ex actis Ss. Tom. III. Maji.

Bruno, Archi-Episc. Treverensis, rogatus a Thietmaro Abbate Helmarshesbusensi, & aliis magnis viris impetrat corpus S. Modoaldi olim Episcopi Treverensis, quod magna solemnitate in Saxoniam defertur.

Sabbato, quod præcedebat Domini-chi-Episcopo (b) honorificentissime suscipitur, ejusque negotium cum Primatibus

[a] Observa hic Laicos ministeriales & Vassallos Archi-Episcopi ad Synodum citari. Confer cum simili officio Laicorum in Synodis Adelboldi Traiectensis Episc. pag. 17. hujus III. Tomi.

(b) Bruno, Archi-Episc. Trevirensis, electus anno 1102. Obiit anno 1124. 25. Aprilis.

Tomus III. Concil. German.

tibus totius Episcopii, postera die convenire debentibus, tractandum, pie procurastinatur.

Illucescente demum die Dominico hora prima, congregatis ad benedictionem Palmarum omnium Congregationum prioribus, Archi-Episcopo pronuntiantem causa intimatur. Res velut inaudita & inusitata primum ab omnibus expavescitur, seque invicem respicientibus, & quid responderent hæsitantibus, admirationi omnium habetur. At Archi-Diaconus vir totius honestatis & religionis Godefridus, idemque Decanus S. Petri, cujus erat officii, prima responsa reddere, solvit silentium sic emissâ voce: "Intelleximus, inquit, & incunctanter comperimus, Abbatem præsentem, Virum Venerabilem magna quidem & iusta (ut remur) Deo placita, omnique mundo profutura postulare, & ad impetrandum se, suosque, jejuniis & orationibus, vigiliis & eleemosynis aptasse, quæ digna & utilia, talique negotio necessaria probantur existere: nec dignum ducimus tam spirituali desiderio & Divinæ dispositioni, si est penitus, contradicere. Præsertim cum multo jam tempore nunc per *Litteras & Legatos*, nunc per semetipsum ad hoc obtinendum constet eum elaborasse. Verum nos adhæc contrectanda & exponenda omnino indigni, quoniam tam sancto ministerio interesse sumus omnimodis imparati, restat ut nobis induciis concessis, conscientiæ nostræ scrutemur secreta, idcircoque communiter tri-duano jejunio ad Deum in cælis corda nostra levantur cum manibus, ut in hac piæ devotionis actione illis quodammodo pares fieri satagamus, qui nequimus per omnia (hæc quidem fecisse jam debueramus, sed ignorantia tam subitæ, tamque insperatæ rei non provideramus) ad hæc exsequenda nos summa cogit necessitas: quæ si intermittamus, & ultro nos illicitis ingeramus, grandis videtur temeritas, ne dum aliorum salutem inconsulte conamur providere, Sanctorum incur-

"ramus offensam, & æquissimi judicis
"Dei offendamus gratiam.

Abbas interim, susceptis caritatis gratia aliquorum Sanctorum pignoribus, in sua cum Comitibus suis se recipiat, nobisque post hæc commode ad respondendum suoque desiderio satisfaciendum paratis, redeat, aut certe idoneos & spirituales nuntios, qui vicem ejus suppleant, mittat.

His auditis Abbas cum suis mentem nimum consternati, & quasi emissis sagittis præcordialiter vulnerati primo obriguerunt, moxque recollecto spiritu constanter Archi-Episcopo, cunctoque cœtui responderunt: "*Pater reverendissime,*
"perpendat Excellentia nobilitatis vestræ labores & angustias exiguitatis nostræ, sumptus, quos impendimus veniendo & hic manendo supra vires facultatis nostræ, intercapedinem prolixioris viæ, nec quemquam nisi in diebus pacis uspiam progredi audere, quodque nos potissimum coarctat, incertitudinem vitæ nostræ & vestræ...

His consequenter peroratis, & longo silentio communem consensum prodeuntibus cunctis, Dominus Archi-Episcopus præsentem Abbate Prumiensi, (a) & in omnibus consultum & consensum Abbatis negotio præbente, qui ad visitanda sacra loca casu venerat tunc temporis, silentium omnium, hujusmodi solvit verbis: "Justis executionibus fidem præbere non est peccare. Ita-que quoniam ego ex præcepto Regali ad Comitatum cogor proficisci, nec vacat nunc definire sententiam hujus negotii, crastino huc omnes conveniatis mea vice prima hora diei super hac re tractaturi, finemque deliberaturi, sciatisque consensum meum in hoc esse, ut dispositio Dei, Sanctorumque horum fiat in Abbatis voluntate, quod si forsitan B. Legontius, pro quo res agitur, eventum sibi, ut audivimus, olim consuetudinario inveniri non valeat, nec velit omnino, non est a nobis culpanda seu judicanda hæc occulta Dei dispositio. Vos autem virum tantæ

(a) In illis actis vocatur Wulfrannus, proinde non obiit 1103. ut notat Bucelinus.

In meo MS. Catalogo Abbatum Prumiensium Dominus Wolframms de Bettinga Abbas Prumiæ fuit XXI. ab anno 1077. ad 1103. Poppo de Bello monte Abbas Prumiæ ab 1103. ad 1119. 26. Julii.

" tantæ auctoritatis nullo modo vacu-
 " um aut tristem redire patiamini ; sed
 " ei Patronum sanctum & probatum
 " procuretis ex Sacrario Beati Paulini. "
 His dictis & Benedictione Ramis palma-
 rum imposita, nec non processione, quæ
 sub cælo nusquam hac die decentius
 & honorificentius agitur, disposita, post
 longos circuitus, ordinem sui sermonis
 ad populum exorsus est in Basilica S.
 Maximini Confessoris : digestisque con-
 venienter nonnullis ad tantæ diei myste-
 rium pertinentibus, jam determinato
 sermone sic intulit coram omnibus :
 " Venit, *inquit*, ad nos Dei fidelis qui-
 " dam Abbas de Saxonia Sanctorum ex-
 " petens Patrocinia, sibi que donari de-
 " poscens unius nominati sancti Præsulis
 " & Domini quondam nostri pignora,
 " cui satis condecens aptavit Monaste-
 " rium, & cætera ejus honori, Divino
 " que famulatu congruentia, quæ quo-
 " niam magna sunt, & supra vires meas,
 " nec valeo solus tanti negotii pondus
 " attentare, vobis omnibus notifico, qui
 " filii estis Ecclesiæ nostræ & quorum
 " consultu omnia mea Divina & humana
 " consuevi disponere, protestans in hoc
 " Divinæ dispositioni, vestroque consen-
 " sui voluntatem meam concordare, si
 " placet ipsi Sancto se transferendum
 " illi manifestare. " Illis vero æquani-
 miter & benigne respondentibus, & vo-
 luntatem Dei fieri super hoc imperanti-
 bus Dominus Archi-Episcopus ab Ab-
 bate sua, suorumque societate & frater-
 nitate sibi suisque omnibus percepta,
 & illi sua suarumque congregationum
 inviolabiliter concessa, sicut perebatur
 profectus est ad Curiam, monens postero
 die præstolari, ex consilio & consensu
 suorum Primatum, sicut ordinaverat,
 voluntatem Divinam.

Nocte igitur sequente in divinis lau-
 dibus consummata illucescente sequentis
 diei aurora, Abbas cum suis celebrat mis-
 sarum solennia, finitisque orationibus
 congruis, & tantæ expectationi neces-
 sariis, indictoque etiam singulariter, sibi
 suisque triduo jejunio, Principis Apo-
 stolorum adiit limina, super hac spe sua
 ambigua ipsius imploraturus suffragia,
 statimque convenientibus EPISCOPIS,
 ABBATIBUS, PRÆPOSITIS ATQUE
 DECANIS ET PRIORIBUS CETERIS,

adjuncto etiam Abbate, & S. Maximi-
 mini, *Qui erat Regiæ ditionis*, mediante
 gratia Dei, subito factus est unus omni-
 um consensus, una concordia piæ volun-
 tatis dicentium : " Non decere diutius
 " protegere viros tantæ reverentiæ tan-
 " tæque gravitatis, non debere contra-
 " dici desiderio negotii spiritualis, magis
 " expediendam esse divinam volunta-
 " tem in effectum bonæ actionis : acce-
 " sitoque Abbate cum suis monachis, af-
 " fensum, concordiamque suam faten-
 " tur ad hoc usque perductam, ut ejus
 " velint voluntati satisfacere, sanctum-
 " que, quem postulabant, investigan-
 " di copiam concedere, repertusque ut
 " exponatur & transferatur, cum de-
 " bita tanto Pontifici Reverentia & de-
 " votione : se communiter interesse vel-
 " le, monentque non id ulterius diffe-
 " rendum, sed esse maturius inchoan-
 " dum. " His peroratis fraternitatem &
 societatem pridie Archiepiscopo conce-
 sam & ab eo susceptam, in conventu
 suo censuerunt iterandam, eamque
 ad succedendæ posteritatis memoriam
 scripto confirmandam & perpetualiter
 stabiliendam. At Abbas ad responden-
 das condignas grates, eorum piæ Re-
 sponcioni, cum suis in terram prono-
 curatur corpore, dataque & suscepta, si-
 cut postulabant, fraternitate, orat, ut
 precum suarum suffragiis ei dignentur
 astipulare, quatenus is, qui est initi-
 um & finis, ejus negotii initium, si-
 nemque dignetur prosperare.

His ita gestis ; surgentibus cunctis,
 Abbas S. Martini THEODORICUS
 (*Teste Bruschio*) præcedit cum Decano
 & Ædituo S. Paulini, ad insinuandum
 certius, ut credebant, locum effodien-
 di Thesauri.

Sed cum inibi & circumcirca diu-
 tius, & gravi sumptu fodiendo non ni-
 si sacrophaga incerti indicii offendissent,
 tandem Abbas plane desperans de in-
 ventione S. Leontii consensit in optio-
 nem alterius S. Corporis sibi ex decreto
 Archi-episcopi concessam, elegitque S.
 Modoaldum urbis Trevericæ pariter
 præfulem, cujus sacre reliquiæ cum
 aliis nonnullis honorificentissime ad cæ-
 nobium suum Helmwardenhufense tran-
 stulit ; ut ex Epistola adjuncta, quam
 mox ad suos præmisit, videtur

*Epistola Thietmari Abbatis, ex iisdem actis
ad annum MCVII.*

Thietmarus Dei gratia quidquid est aut esse potest dilectis filiis in Domino. Gaudium vobis & exultatio. Surgite jam Dilectissimi, & de pulvere excutimini, quoniam exaudivit Dominus vocem fletus vestri, quia enim coram Domino vos humiliastis, & in eo sperastis, respexit in orationem humilium, & non sprexit precem eorum. Perseverastis enim in cordis & corporis contritione, ideoque vos non fraudavit laborum vestrorum voluntate: sed præveniens gratuita dilectionis benedictione, replevit desiderium vestrum multiplicis Patrocinii largitate.

Quapropter gaude & latrare felix Saxonia, Rex quondam Christianissimus, lingua ferrea divinis subegit legibus; quamque nunc Rex Regum Dominus, per præcipuos suæ Dominationis ministros, jam cæli consules, mirabiliter invisendo, suis revendicat ditionibus. Jucundare virgo nobilis Christi sponsa & mater fecunda Paterbrunnensis Ecclesia, quam cum numerositate filiorum multiplici beatificant Sanctorum Pignora, nunc iterato largitas omnipotentis, novo fidelium suorum patrocinio dignanter illustrat, amplectitur, fovet, protegit, & sublimat. Exulta satis, filia Sion? Lauda, filia Hierusalem celestis Ecclesia Helmwardicensis, quia venit tibi de supernis a Domino salus & protectio, gaudium pax, & exultatio. Ut enim similis cæteris Ecclesiis tibi collimitaneis fieres in hac parte, postulasti tibi a Domino patronum salutis tuæ, deditque tibi Deus B. MODOALDUM; strenuæ nobilitatis, &

mirificæ Sanctitatis virum, Archipræsulem Treberensis Ecclesiæ: cujus Sacrosanctis ossibus conjuncta sunt duo insignia beatorum Martyrum Thebææ Legionis corpora, insuper etiam Gloriosissimi protectoris nostri AUCTORIS Archi-episcopi superior testa capitis, & duo de majoribus membris: quo, ut credimus, suggerente, & nostræ legationis officio fungente, Idem venerabilis Modoaldus dignatus est, aula sui episcopii relicta, apud nos exul dici & esse: duorum etiam Reverendæ Sanctitatis & præcipuæ nobilitatis Pontificum dignissimæ deferuntur reliquæ: videlicet beati ABRUNCULI mandibula cum dentibus, sanctique BONOSI brachium, atque Gloriosissimi beati Confessoris dens unus cum costa, aliorumque Sanctorum pretiosissima pignora. Pro his igitur omnibus beneficiis ejus magnificare Dominum mecum, & exaltemus nomen ejus idipsum, & omnibus medullis cordis & corporis laudate Deum in Excelsis. In susceptione ergo tantæ Sanctitatis ornatæ domus vestræ mentis & corporis, mundate conscientias vestras, abluite culpas, absterгите sordes illicitæ actionis, excutite pulverem ventosæ cogitationis, ne præpotens amicus vester, novusque Patronus & Dominus cum illo nobili suo illo comitatu veniens, in vobis inveniat, quod oculis suæ dignitatis offendant: sed magis operum bonorum referri floribus, odoremque virtutum spirantibus respergi graminibus obviam procedentes dicatis illi: *Benedictus, qui venit in nomine Domini.*

Scribitur de Thietmaro sexto in ordine Abbate Cænobii Helmwardenhufenensis, [quod vulgo & contractius Helmershausen, nunc oppidum Hassiæ ad Dimelam fluvium prope Visurgim] quod a Brunone Archiepisc. Trevirensi obtentis reliquiis non contentus, corpus S. Leonii ejusdem Sedis Archi-episcopi, qui sub initium sæculi quinti floruit, sibi concedi, enixe flagitavit; in eam rem cum duobus ex cætu suo Monachis Trevirim se contulit circa finem Martii anni 1107. & hospitio usus apud S. Maximinum. Eo corpore non reperto, corpus S. MODOALDI petiit & impetravit.

Acta Sanctorum ad diem XII. Maji Tomo III. pag. 68.

Ex historia Translationis S. Modoaldi descripta e codice MS. Bodecensi.

Compendium horum Actorum Translationis refert Mabillon. Tomo V. *Annalium Benedictinorum. Lib. LXXI. N. LII. pag. 515.* addens in fine celebris Monasterii ab Hassis dejecta rudera superesse: Reliquiæ ab Erico Episcopo Paterbornensi substractæ & Ecclesiæ suæ illatæ fuerunt; Lutherana primum, subia Calviniana hæresi Hassiam inundante.

SYNODUS COLONIENSIS

Anno Christi MCIX. Paschalis II. Papæ X.
Henrici V. Regis IV.

SUMMA. Donationes a se factas Ecclesiæ S. Severini, banno Episcopali confirmat in Synodo generali anni hujus.

IN nomine Sanctæ & Individuæ Trinitatis. Fridericus Dei gratia sanctæ Coloniensis Ecclesiæ Archi-Episcopus. Quia voce Dominica monemur vigilare semper & parati esse, necessarium est & inevitabile, quemlibet fidelem animæ suæ dum tempus est providere, & quantum Dei pietas donaverit, in cælo thesauros sibi thesaurizare. Ego igitur pro redimendis excessibus meis, & emundanda conscientia mea, misericordia Dei plurimum indigens, tradidi Ecclesiæ Beati Severini Patroni nostri obnixæ ac lachrymabiliter petentibus, tam Præposito, quam aliis ejusdem Ecclesiæ fratribus, & pauperibus ad eam pertinentibus Advocatiam, quæ mei juris erat super duas videlicet curtes: Suauenthorp & Raken-dorp; præterea super manfos sex in Reithe: & duos in Vegininkeim pertinentes omnes ad curtim juxta Ecclesiam Beati Severini sitam, quæ præter Episcopum & Præpositum defensores alium nunquam habuit. Tradidi etiam ejusdem Ecclesiæ fratribus curtim unam in Buche cum mancipiis & redditibus ad eam pertinentibus. Unde in die Ordinationis meæ; cum vero mortuus fuero, in anniversario meo solvat Præpositus de Advocatia supradicta fratribus quinque solidos, ita ut in familia nullatenus fiat violenta exactio, ne inde incurramus peccatum, unde speramus habere remedium. De curti autem præfata maldrum panis, & amam vini, cum carne aut pisce, duos solidos valente; in die autem anniversario Bernardi Præpositi fidelis nostri, de pane, vino, carne, aut pisce similiter. Si quis autem servus aut liber aliquid de his, quæ ad easdem curtes pertinent, violenter auferre, & Præposito incommodare, vel familiam quovis modo disturbare voluerit, ad Episcopum, vel cui ipse mandavit, præcipue ad Advocatum altaris Beati Severini respiciat propugnare, Ecclesiam de-

fendere, & jus legale prætere. Præterea a Francone urbis nostræ Præfecto cum benigno ipsius assensu obtinuimus, ut quandam ancillam suam, Mazecham nomine, quam in beneficio habebat, nobis redderet, quam ipsam cum filiis suis, & filia, & cum omni posteritate sua per manum ipsius Franconis Sancto Severino tradidimus. Pro remedio quoque animæ meæ Episcopalem censum meum, & de Ecclesia, quæ est in villa Gumeresbraht, qui ad duas libras ante computari solebat. Annuente Sigefrido Cori-Episcopo ad decem solidos contraxi, quod ipsum pro facultate ipsius Ecclesiæ satis magnum esse comperi. Similiter censum de Ecclesia, quæ est in villa Lintho, consentiente Arnolde majoris Ecclesiæ Præposito, de integra libra ad decem solidos redege: ipse etiam fidelis noster Wezelinus Præpositus, pro anima Prædecessoris sui, Ingrami Præpositi, duos manfos decem solidos, & duos maldros tritici solventes, alterum in Vegininkeim, & alterum in Gunteresdorf, nostro consensu, & nostra auctoritate prædictæ Ecclesiæ contradidit, in sua habens dispositione, qualiter eos in usum Ecclesiæ velit insu-mere. Pro sua etiam ipsius salute, VII. solidos duobus nummis minus in Heppendorp fratribus ejusdem Ecclesiæ in consolationem dedit, quod ipsum nostra quoque auctoritate firmissime stabilivimus; porro si quod absit aliquis successorum nostrorum, vel alia quæcumque persona donationem hanc nostram infringere, aut dolose pervertere temptaverit, de oppressione pauperum, viduarum, ac pupillorum in die judicii Omnipotenti rationem reddat, placatum eum non inveniat, quam gravis sit ira Beati Severini, sentiat. Acta sunt hæc a Nobis & Banno confirmata in generali Synodo nostra, anno Dominicæ Incarnationis MCIX. Indictione secunda, Anno Epi-

Episcopatus nostri IX. Regnante Henrico quinto Romanorum Rege Augusto, anno Regni ejus IV. Subscriptis testibus: Arnolfo Domus Beati Petri Præposito, Joanne Decano, Sigefrido Brunensi Præposito, Herimanno sancti Gereonis, Folmaro Xantenſi, Wezelone sancti Severini, Beringero sancti Kuniberti, Everhardo sancti Andreæ, Theoderico sanctæ Mariæ, & aliis Ecclesiæ nostræ Præpositis; Abbatibus; Decanis. Laicis Liberis: Gerardo Comite de Gelre, Adelberto de Safenberg, Adelberto de Norvenich, Herimanno de Udenkircha, Gerardo de Julicho, Gerardo de Hoin-

strathe, Gerlaco de Ysenburgh, & fratre suo Regenbaldo, Hartperno de Randenrode. *Ministerialibus nostris*: Almario Advocato, Herimanno converso, Hartwico, Herimanno, Godefrido, Luidulfo, Richezone, Sigefrido, Tietmaro, Adelrico, Gerlacho, & universo Clero & Populo in Synodo residente feliciter Amen.

Ex Archaeo S. Severini communicavit Reverendissimus & Perillustis D. Gerardus Josephus von Herrestorff J. U. Licent. Collegiata Sanctæ Severinianæ Canonicus & Decanus.

SYNODUS COLONIÆ PROVINCIALIS

SUB FRIDERICO ARCHIEPISCOPO, PETENTE OTBERTO EPISCOPO LEODIENSI. ANNO CHRISTI MCX. PASCHALIS II. PP. XI. HENRICI V. REG. V.

SUMMA. Examinandâ causâ ab Othberto Leodiensi propositâ de sanctitate Guiberti Gemblacensis Abbatis, decernit Metropolitani Canonizationem.

Post annos centum & triginta septem (a) quam Guibertus seu Wibertus Gemblacensis Monasterii conditor in tumulo jacuerat, Sigebertus ejus loci Monachus Lietardo abbati persuasit, ut ejus corpus e sepulcro levati curaret. Approbante abbate missus est Leodium Sigebertus, ut Otberti Episcopi super hac re consilium & consensum exquireret. Non ægre assensit Antistes, ejusque jus-

su ab Henrico Archiepiscopo causa defertur ad Fredericum Archiepiscopum Colonienſem, qui ea in Synodo (b) generali discussa Gemblacensium votis annuit. Futuræ celebritati indicitur dies ad IX. Kal. Octobris, quo die præmissio jejunio, solemni ritu facta elevatio est, atque ex eo die Guibertus inter Sanctos relatus haberi cæpit.

Mabillon. in Annal. Benedictinis Tomo V. Lib. LXIX. No. CXVII. pag. 411. sed ad annum 1099. refert. Cum Sigebertus referat ad annum 1110. & Fridericus Colonienſis Archiepisc. nonnisi anno 1101. fuit constitutus Archiepisc. Colonienſis. Teste Morckenſio in conatu Chronologico Archi-Episcoporum Colonienſium. Sigeberto concordat Leodiensē Chronicon Tomo I. Bibliotheca Labbeana MS. ad 1110. referens elevationem.

[a] Sic statuit *Mabillon*. ad annum 1099. referens Synodum, sed cum nos ad 1110. annum eam referamus, hinc dicendum post annos 148. a morte Guiberti.

(b) *Generale Concilium* ponitur pro Concilio Episcopi cum omnibus Prælatiſ suæ Diœceſeos. *Fifen in Historia Ecclesiæ Leodiensē Lib. IX. pag. 346. ad annum 1110. refert. Unde jure hæc Epocha statuitur.*

Guibertus, seu Wibertus, sæculo renuntians castrum suum *Gembloce*, seu *Gemblacense*, in Monasterium Benedictinum convertit anno 922: ut ex tanto facto vanam gloriam fugeret, secessit in Gorzienſe Monasterium, ac pie & penitens annis XL. inter Gorzienſes vixit, ubi & obiit anno 962. mox inde ad Cœnobium a se fundatum translatus cadaver fuit & sepultum. Sub finem Sæculi XI. & ortum XII. multis miraculis clarificatus fuit, priusquam Ecclesiæ judicio corpus elevaretur.

Lambecius in historia Elevationis S. Guiberti Tomo II. Bibliotheca Casareæ.

CONCILII MAGDABURGENSIS SYNODICA
ET ENCYCLICA EPISCOPORUM ET
PRINCIPUM SAXONIÆ ORIENTALIS,

Qui invitant Episcopos Saxoniae, Franciae Orientalis, Lotharingiae, Flandriae ad repellendos Slavos, Paganos, invasores Saxoniae, & horrendam stragem edentes, ad bellum. Annuntiant Conventum suum in Merseburg in hebdomada Rogationum futurum. Denum exemplo Gallorum Palaestinae Regionis victorum eos animant, devocant.

A Delgorius (a) Dei gratia Magdeburgensis Archi-episcopus, Albunus Merseburgensis, Waleramus Nuenburgensis, Herewigus Misnensis, Hecil Habelbergensis, Hartbrath Brandeburgensis, Otto Comes, Ludovicus, & universi Orientalis Saxoniae majores & minores, Reginhardo venerabili episcopo Halbestadensi, Erkamberto Corbejenensi Abbati, Henrico Paderbrunnensi, N. Mindensi, Friderico Archi-episcopo Coloniensi, N. Aquensi, O. Leodiensi, G. Lutharingorum Duci, Ruotherto, Gloriosissimo Flandringensium Comiti Lamberto Archi-Diacono, Buricholdo circumspexitissimo Praeposito, & Tanchrado insigni Philosopho, & omnibus Christi fidelibus, Episcopis, Abbatibus, Monachis, Eremitis, Reclusis, Praepositis, Canonicis, Clericis, Principibus, militibus, ministerialibus, clientibus, omnibusque majoribus, & minoribus dilectionem, orationem, & in idipsum salutem.

Multimodis paganorum oppressibus & calamitatibus diutissime oppressi ad vestram suspiramus misericordiam, quatenus Ecclesiae matris vestrae nobiscum sublevetis ruinam. Insurrexerunt in nos, & praevaluerunt crudelissimi gentiles, viri absque misericordia, & de inhumanitatis suae gloriantes malitia, Ecclesias Christi idololatriam prophanaverunt, altaria demoliti sunt; & quod humana mens refugit audire, ipsi non abhorrent in nos perpetrare. In nostram Regionem

saepe efferantur, nullique parcentes rapiunt, caedunt, fundunt, & exquisitis tormentis affligunt, quosdam decollant, & capita demoniis suis immolant. De quibusdam visceribus extractis, manus abscissas & pedes alligant, ubi est, inquit, Deus eorum? Quosdam in patibulo sublato permittunt ad majores cruciatus omni morte miserabiliorem vitam pertrahere, cum vivi aspiciant se per abscissionem singulorum membrorum mortificari, & ad ultimum caeso ventre miserabiliter eviscerari. Quamplures vivos excoriant, & cute capitis abstracta hoc modo larvati in Christianorum fines erumpunt, & se Christianos mentientes praedas impune abigunt. Phanatici autem illorum quotiens commellationibus vacare libet, *Ferus in dictis, capita,* inquit, *vult noster Pripegala.* Hujus fieri oportet sacrificia. Pripegala, ut ajunt, Priapus est & Beelphegor impudicus. Tunc decollatis ante prophanationis suae aras Christianis, & horrendis vocibus ululantes, *Agamus,* inquit, *diei latitiae, victus est Christus,* *vicit Peripegala victoriosissimus.* Hujusmodi afflictiones sine intermissione vel toleramus, vel formidamus, quoniam eos semper progredi, & in omnibus ingemiscimus bene prosperari. Itaque fratres charissimi, totius Saxoniae, Franciae, Lutharingiae, Flandriae Episcopi, Clerici, & Monachi, de bonis sumite exemplum, & Gallorum imitatores in hoc etiam estote: clamate hoc in Ecclesiis: Sancti-

[a] alias Adelgorus, XII. Archiepisc. Magdeburgensis electus 1107. a Clero & Populo, imo ab Henrico V. nominatus scribitur.

" Sanctificate jejunium, vocate cœtum, congregare populum, annuntiate hoc, audistum facite in omnibus terminis prælationis vestræ, sanctificate bellum, suscite robustos." Surgite Principes contra inimicos Christi, arripite clypeos, accingimini filii potentes, & venite omnes viri bellatores. Infirmus dicat, quia fortis sum ego, quoniam Dominus fortitudo plebis suæ, & protector salvationum Christi sui est. Erumpite & venite omnes amatores Christi & Ecclesiæ, & sicut Galli ad liberationem Jerusalem vos præparate. Hierusalem nostra ab initio libera, gentilium crudelitate facta est ancilla. Hujus muri propter peccata nostra corruerunt. Sed ruina hæc sub manu vestra, quatenus lapides pretiosi omnes muri ejus, & turres Jerusalem gemmis ædificantur. Plateæ ejus sternantur auro mundo, & pro horrendo sonitu gentilium in conspectu PRIPELAGÆ cantetur in ea canticum lætitiæ, & pro immolatione de Christiani sanguinis effusione, carnem & sanguinem edant pauperes, saturentur, ut laudetis Dominum, qui requiritis eum, vivantque in sæculum sæculi corda vestra, ut non deficiat de ore vestro: alleluja, alleluja. Ad hoc bellum devotas offert manus cum populo suo Rex Dacorum, (b) & alii Principes per circuitum. Ipse etiam Rex noster hujus belli auctor cum omnibus, quos poterit adducere, promptissimus erit adjutor. Sabbatho in hebdomada rogationum erit conventus noster *Merseburch*, & ubicunque in Orientali Saxonia opportuna habemus loca, Sanctissimi Patres, Monachi, Eremitæ, atque reclusi, optimam partem cum Maria elegistis: sed quia nunc tempus ita exigit, de contemplationis quiete cum Martha surgendum est vobis,

(b) *Rex Dacorum*, Regem Daniæ intellige ffilo hujus Sæculi.
(c) *fors*: triumphare fecit.

quoniam fratribus vestris plurimum turbatis, cum Martha admodum necessaria est Maria. Vobis loquimur, immo in nobis Christus loquitur vobis. Surge, propera, amica, columba mea & veni. Flores bonæ operationis apparuerunt in terra Principum nostrorum, tempus putationis advenit idololatriæ, vox turturis audita est, quoniam casta mater Ecclesia ingemiscit de Idololatriæ spurcitiis. Nemo accendit lucernam & ponit sub modio, sed super candelabrum, ut qui ingrediantur, lumen videant. Luceat lux vestra coram omnibus, ut videant opera vestra. Surge itaque sponsa Christi & veni. Sonet vox tua in auribus Christi fidelium, quatenus omnes ad Christi festinent bellum, Christi militibus veniant in adiutorium. Gentiles isti pessimi sunt, sed terra coram optima, carne, melle, farina . . . , avibus, & si excolatur, omnium de terræ ubertate proventuum, ita ut nulla ei possit comparari. Sic ajunt illi, quibus nota est. Quapropter, o Saxones, Franci, Lotharingi, Flandrigenæ famosissimi, & domitores mundi, hic poteritis & animas vestras salvas facere, & si ita placet, optimam terram ad inhabitandum acquirere. Qui Gallos ab extremo Occidente progressos in brachio virtutis suæ contra inimicos suos in remotissimo triumphavit (c) Oriente, ipse tribuat vobis voluntatem, & potentiam hos affines & inhumanissimos gentiles subjugare, & in omnibus bene prosperari.

Martene & Duvand. Collect. amplius Monumentorum Tomus I. p. 625.
ex Codice MS. Grassschaffensi.

Calles in serie Episcoporum Misnensium pag. 106. eandem Synodicam recedit.

Edictum Henrici V. Regis innixum concordato inter Paschalem II. Papam & ipsum concludendo, sed ob resistantiam Episcoporum Germaniæ non concluso. (anno 1111.)

HENRICUS Dei gratia Romanorum Imperator Augustus omnibus Christi-fidelibus in Ecclesia.

I. Notum esse volumus dilectioni

& discretioni vestræ ea, quæ inter nos, & Dominum illum Paschalem erant, quomodo incepta tractata sint: scilicet de conventionem inter me & ipsum, de traditione

ditione Romanorum in me & meos, ut audita intelligatis, intellecta examinatis, examinata dijudicetis.

II. Igitur dum in eo totus essem, ut me ad Ecclesiæ utilitatem, & ipsius votum, si justum esset, componerem, cœpit exaltationem & dilatationem Regni super omnes antecessores meos promittere. Studebat tamen subdole, quomodo Regnum & Ecclesiam a statu suo discinderet, tractare. Quod sic facere aggressus est. Regno quidem a Carolo quadringentis & amplius annis & sub sexaginta tribus Apostolicis, investituræ Episcopatum, eorundem auctoritate & privilegiorum firmitate tegenti absque omni audientia auferre volebat.

III. Et quum per nuncios nostros ab eo quæreremus, quid de nobis fieret, in quo regnum nostrum constaret, quomodo fere omnia antecessores nostri Ecclesiis concesserunt, & tradiderunt, subjunxit: *Fratres, Ecclesia decimis, & oblationibus suis contentæ sunt: Rex vero prædia & regalia, quæ a Carolo & Ludovico, Ottone & Henrico Ecclesiis collata sunt, sibi & successoribus suis recipiat & detineat.* Ad hoc quum nostri responderent, nos quidem nolle violentiam Ecclesiis inferre, nec ista subtrahendo tot sacrilegia incurrere, fiducialiter promissit, & Sacramento pro eo firmavit Dominica, *Esto mihi, se omnia hæc cum iustitia & auctoritate Ecclesiis auferre, Nobisque & regno cum iustitia & auctoritate reddere.* Nostri itidem firmantibus, si hoc, ut præmissum est, ita compleisset, quod tamen nullo modo fieri posse sciebat: me quoque, uti quærebat, investituræ Ecclesiarum resignaturum: sicut in charta conventionis plenius poteritis videre.

Hæc est charta Conventionis ejus ad me. (anno IIII. 12. Febr.)

Dominus Papa præcipiet Episcopis præsentibus in die coronationis Regis, ut dimittant regalia regno, quæ ad regnum pertinebant tempore Caroli, Henrici & aliorum Prædecessorum ejus, & scripto firmabit sub anathemate, ne quis eorum vel præsentium vel absentium, vel successorum eorum, intromittant se ullo modo, vel invadant eadem regalia, id est, Civitates, Ducatus, Marchias,

Tomus III. Concil. German.

Comitatus, Monetas, Teloneum, Mercatum, Advocatias, omnia jura centurionum, id est, villicorum, turres & villas, quæ regni erant cum omnibus pertinentiis suis militiam & castra. Nec ipse Regem & regnum super his ulterius inquietabit, sed privilegio suo sub anathemate confirmabit, ne posteri sui inquietare præsumant: Regem benigne & honorifice suscipiet, & more Prædecessorum suorum Catholicorum scienter non subtracto coronabit, & ad tenendum regnum cum his omnibus officiis sui auxilio adjuvabit.

Si Dominus Papa hæc regi non adimpleverit, ego Petrus Leonis juro, quod tota potentia mea tenebo ad Dominum, regem. Obsides autem, nisi effugerint, reddemus altero die post coronationem regis. Si per Papam remanserit, ut non coronetur, similiter reddemus Dominico die, quum rex ad processionem venerit. Obsides dabo Gratianum filium meum & filium Vizonis filii, & filium sororis meæ, si eum habere potero.

Hæc sunt Sacramenta ex parte Domini Papæ.

Ego Petrus Leonis juro vobis, quia Dominus Papa proximo die Dominico adimplebit Regi, quod in charta Conventionis scriptum est.

Hæc sunt Sacramenta ex parte Regis.

Ego Comes HERMANNUS.
Ego Comes GOTTFRIDUS.
Ego WOLMARUS.
Ego ADELBERTUS.

Juro vobis, quia Dominus Rex proxima quarta vel quinta feria ita Principes jurare faciet, & obsides dabit, sicut in charta conventionis scriptum est. Et sic observabunt Domino Papæ, eo tenore, si Dominus Papa proximo die Dominico sic adimpleverit Regi per omnia, sicut in charta conventionis scriptum est.

IV. Ego vero ut ostenderem nullam Ecclesiarum Dei disturbancem ex velle nostro procedere, in cunctorum oculis astantium, & auribus hoc decretum promulgavi.

K k 2 Ego

Ego Henricus Dei gratia Romanorum Imperator Augustus affirmando, & Beato Petro, omnibus Episcopis & Abbatibus, & omnibus Ecclesiis omnia, quæ Antecessores mei Reges vel etiam Imperatores eis concesserunt vel tradiderunt, & quæ illi pro spe æternæ retributionis obtulerunt, do. Ego peccator pro timore terribilis iudicii nullo modo subtrahere recuso.

V. Hoc decreto a me lecto & subscripto, petii ab eo, ut sicut in charta

Conventionis ejus scriptum est, mihi adimpleret. Quum ego supradictæ postulationi insisterem, scilicet, ut cum iustitia & auctoritate, promissa mihi conventionem, firmiter universis in faciem ejus resistentibus, & decreto suo palam hæresim inesse clamantibus, scilicet episcopis, abbatibus tam suis quam nostris, & omnibus Ecclesiæ filiis: hoc, si salva pace Ecclesiæ dici potest, privilegium proferre voluit.

PASCHALIS PAPÆ (a) DECRETUM.

Paschalis Episcopus, Servus servorum Dei, dilecto filio Henrico Regi & ejus successoribus Imperatoribus &c.

Divinæ legis institutionibus sancitum est, & Sacris Canonibus interdictum, ne Sacerdotes curis secularibus occupentur, neve ad Comitatum, nisi pro damnatis eruendis, atque pro aliis, qui injuriam patiuntur, accedant. Unde & Apostolus Paulus inquit: *Judicia (b) si habueritis, contemptibiles qui sunt in Ecclesia, illos constituite ad judicandum.* In vestri autem regni partibus episcopi vel Abbates adeo curis secularibus occupantur, ut Comitatum assidue frequentare, & militiam exercere cogantur: quæ nimirum aut vix aut nullo modo sine rapinis, sacrilegiis, incendiis, aut homicidiis exhibetur. Ministri vero Altaris, ministri Curia facti sunt: quia Civitates, Ducatus, Marchionatus, Monetas, turres, & cætera ad Regni servitium pertinentia a Regibus acceperunt. Unde etiam mos Ecclesiæ intolerabilis inolevit, ut electi Episcopi nullo modo consecrationem acciperent, nisi prius per manum Regiam investirentur. Aliquando etiam vivis Episcopis investiti sunt.

His & aliis plurimis malis, quæ per

investituram plerumque contigerant, prædecessores nostri Gregorius (c) octavus, & Urbanus secundus, felicitis memoriæ Pontifices excitati, collectis frequenter Episcopalibus Conciliis, investituras illas manus laicæ damnaverunt: & si qui Clericorum per eam tenuissent Ecclesias, deponendos; datores quoque communionem privandos percensuerunt, juxta illud Apostolicorum (d) canonum capitulum, quod se ita habet: *Si quis Episcopus seculi potestatibus usus Ecclesiam per ipsas obtineat, deponatur, & sequeatur, omnesque, qui illi communicant.* Quorum vestigia subsequentes & nos eorum sententiam episcopali Concilio confirmamus.

Tibi itaque fili charissime Henrice Rex & nunc per officium nostrum Dei gratia Romanorum Imperatori & Regno regalia illa dimittenda præcipimus; quæ ad regnum manifeste pertinebant tempore Caroli, Ludovici, Ottonis, & cæterorum prædecessorum tuorum. Interdicimus etiam & sub anathematis restrictione prohibemus, ne quis episcoporum seu abbatum, præsentium vel futu-

(a) Hoc Decretum, vel prætensum Decretum Paschalis II. reperitur etiam in *Collectione Regia Concilior. Tomo XXVI. pag. 732. in Labbeana Tomo X. pag. 650*: sed erras, si credis, hoc edictum reapse expeditum fuisse & vulgatum. Est idea edicti ab Henrico V. edendi ea die, quo Papa ipsi coronam Imperii impositurus esset: Probatio facilis & clara: nam primo Pontifex in eo reddit Imperatori omnes Ducatus, Comitatus, Marchionatus, & omnia Regalia, quæ hætenus Episcopi & Abbates possederant, quorum victus deinceps e solis Decimis desumeretur: hoc facto Imperator renuntiat omnibus investituris per baculum & annulum. Hæc conventio facta est 12. Februarii, sed ob Episcopos in faciem Henrico resistentes, & decreto illi hæresim palam inesse clamantes, effectum nullum habuit hæc conventio. 2do. In eo edicto loquitur Rex de Coronatione Imperatoria, quasi jam facta, quæ nonnisi 9. Aprilis sequentis contigit. *Hæc annotatio Dumontis est.*

(b) I. Cor. VI.

(c) imò septimus.

(d) Canon. XXXI. Tomo I. nostro p. 134:

futurorum eadem regalia invadant, id est, Civitates, Ducatus, Marchias, Comitatus, Monetas, Teloneum, Mercatum, Advocatias, jura centurionum; & Turres, quæ Regni erant, cum pertinentiis suis, militiam & castra, & ne se deinceps nisi per gratiam regis, de ipsis regalibus intromittant. Sed nec posteris nostris liceat, qui post nos in Apostolica sede successuri erunt, aut te aut regnum super hoc inquietare negotio.

Porro Ecclesias cum oblationibus & hæreditariis possessionibus, quæ ad regnum manifeste pertinebant, liberas manere decrevimus, sicut in die coronationis tuæ omnipotenti Domino in conspectu totius Ecclesiæ promissisti. Oportet enim Episcopos curis sæcularibus expeditos, curam suorum agere

populorum, nec Ecclesiis suis abesse diutius. Ipsi enim juxta Paulum Apostolum pervigilant, tanquam rationem pro animabus eorum reddituri.

De (d) traditione vero in nos vel in nostros, sic se res habet. Vix portas civitatis ingressi sumus, cum nostris infra muri mœnia secure vagantibus, quidam vulnerati, alteri interfecti, omnes vero spoliati aut capti sunt. Ego tamen quasi pro levi causa non motus, bona & tranquilla mente usque ad Ecclesiæ Beati Petri januas cum processione perveni. Quod sic gestum fuisse, rei veritas multorum astipulata testimoniis, qui interfutere, protestatur.

Goldastus Tomo I. pag. 255.

Ex quo Dumont Corps Diplomatique.

- (d) Hic articulus adjectus est in editione Regia Conciliorum decreto, aut sic dicto decreto Papæ Paschalis, quasi illius pars esset; sed male. Pater manifeste, articulum istum esse continuationem edicti Imperatoris, in quo hic narrat, quomodo in suos Romani irruerint, postquam in urbem ingressus fuerat. Reliqua edicti perierunt. *Dumont Corps Diplomatique pag. 62.*

Summa ejusdem (e) Conventionis sive Concordati inter Imperatorem & Pontificem secundum PETRUM Diaconum.

Collectio Regia Conciliorum Tom. XXVI. pag. 777. ex PETRO Diacono Chronic. Cassinens. Lib. IV. Cap. 37. sine data. PHILIP. LABBEI Collectio Concilior. Tom. X. col. 772. juxta Collection. Regiam. (f) BARONII Annal. Ecclesiast. Tom. XII. GOLDASTI Constitutiones Imperiales Tom. I. pag. 252.

Missis Romam Nunciis, inter illos & Petrum Leonis, & cæteros Pontificis nuntios in porticu S. Petri convenit: ut Imperator die coronationis suæ omne male usurpatum Ecclesiasticum jus in manibus Pontificiis, adstante clero & populo, per scriptum deponeret, cum id ipsum Papa de negotiis regalibus faceret, idque Sacramento firmaret. Dimitteret Ecclesias liberas cum oblationibus & possessionibus suis, quæ ad regnum non pertinent. Absolveret Papa a juramentis populos, qui contra episcopos fa-

cere compulsi sunt. Patrimonia possessionesque Beati Petri restitueret, sicuti a Carolo, Ludovico, Henrico, aliisque Imperatoribus concessa sunt libera: servaretque ea Beato Petro pro juribus. Nihil aut faceret, aut diceret, ut Papa Pontificatum amitteret, nihilque ipse patiatur in vita, vel in membris vel capiat mala captionem, aut per suspectam personam: nec fideles ejus, qui pro ipso fidem ei dederint, id est, Petrus Leonis cum filiis suis, quorum bona nullum patiantur detrimentum; & si

K k 3

- [e] Pontifex non iniit hanc Conventionem, nisi ut moram injiceret Imperatori, qui Italiam ingressus fuerat cum 80000. militibus, ut Papam meliora sapere doceret, quique jam Romæ instabat. Conventio hæc facta est juxta Goldastum circa festum Nativitatis, quod Imperator celebravit Florentiæ.

- (f) Baronius, & Goldastus id referunt ad annum 1110. sed, si parumper rem examina-veris, videbis, id esse, prout titulus præ se fert, summarium narrationis eorum, quæ conclusa sunt inter Pontificem, & Imperatorem 12. Februarii anni 1111. quodque ideo huc spectat, neque ad annum 1110. referri potest. *Dumont.*

quis eis malum fecerit, Rex fideliter illos adjuvaret. Pro hujusmodi observandis Pontifici prædes dabit, Fridericum sororis suæ filium, Engelbertum & Theobaldum Marchiones, Hermannum & Gotfridum Comites, Fridericum Palatinum Comitem Saxonum, Berengarium de Bajoaria, *Fridericum Saxonem, Albertum Cancellarium, Cononem Berengarii fratrem, Siceboth Bajoarium, Henricum Carinthiæ Ducem, Bertulphum Bertulphi Ducis filium, qui jurabit Papæ securitatem de vita, de membris, de papatu, de captione. Quæ nisi Imperator servaret, ad Romanam Ecclesiam cum suis honoribus teneretur. Obsides pro securitate Pontificis Rex dare pollicitus est proxima quinta feria; eosque secure ad Insulam mittere in potestatem Papæ: Fridericum Ducem nepotem suum, Brunonem Episcopum Spirensensem, Conradum nepotem Comitis Herimanni, & filium ejus, & Henricum Friderici Comitis fratrem, obsides si recepisset, eos redderet in die coronationis suæ, ponte transmissio: Et si forte coronatus non fuisset, aut non transisset, similiter redderet apud Castellum Sancti Angeli. Legatos quos ad eum Papa dirigeret, dum irent & redirent, securos a se suisque redderet: & si eis scienter aliquid injuriæ illatum esset, emendaturum fideliter. Quæ omnia postquam impleverit Rex, Papa juberet Episcopis adstantibus in die coronationis ejus, ut regalia Imperatoris dimitterent, quæ a

temporibus Caroli, Ludovici, Henrici, aliorumque prædecessorum ad Regnum pertinebant. Scripto firmaret sub anathematis pœna, auctoritate sua, ne quis eorum vel præsentium vel absentium vel successores eorum regni se intromitterent juribus: neque invaderent civitates, Ducatus, Comitatus, Monetas, vectigalia, mercata, Advocaciones Imperii, Centurionum jura: curtesque essent Imperii cum pertinentiis suis; & militaria Imperii castra. Nec ipse Imperatorem, nec Romanum Imperium super his ulterius inquietaret: & privilegio sub anathemate ista confirmaret; ne posterius sui ultra inquietare præsumerent. Imperatorem benigne, & cum honore susciperet, & more prædecessorum ipsius Catholicorum Imperatorum scienter, & non substracto coronaret: & ad tenendum Imperium officii sui juvaret auxilio. Hoc si papa non impleverit, Petrus Leonis cum suis omnibus se ad Imperatorem teneret. Obsides, nisi effugerent, altero post coronationem die restitueret. Si ex ipsis Papæ parte remanserit, ut non coronaretur, similiter redderet. Hæc ita constituta jurejurando firmavit Imperator, Albertus Cancellarius, Hermannus, Fridericus Saxo, Cono Berengarii frater, Siceboth de Bavaria, Henricus Carinthiæ Dux, Bertulphus Bertulphi Ducis filius. Hi omnes post Imperatorem eo ordine jurarunt, ut, si Imperator hæc implere nollet, ipsi cum omnibus suis cum Romana Ecclesia tenerent.

CONCORDATUM PRIMUM CONCLUSUM.

Concordatum alterum sive Conventio secunda inter Paschalem II. Papam, & Henricum V. Imperatorem inita in castris, ante urbem Romam, mense Aprili, anno Domini 1111. Quod Dominus Papa Imperatori jus investiturarum inter eos bucusque controversum concedit, & vice versa Cæsar promittit Patrimonia, possessiones Sanctæ Romanæ Ecclesiæ ablata, & ablatas restituere, ac Domino Papæ obedientem se præbere, salvo tamen honore Regni & Imperii.

GOLDASTI *Constitutiones Imperiales* Tom. I. pag. 254. *Collectio Regia Concilior.* Tom. XXVI. pag. 786. PHILIP. LABBEI *Concilior. collect.* Tom. X. col. 779. BARONII *Annales Ecclesiastici* Tom. XII. No. IV.

EX PARTE IMPERATORIS.

EGO Henricus Imperator liberos dimittam, quarta & quinta feria proxima Dominum Paschalem, & Episcopos & Cardinales, & omnes captivos obli-

obsides, qui pro & cum eo capti sunt, & liberos secure produci faciam intra portam Transiberinæ civitatis; nec ulterius capiam aut capi faciam vel permittam eos, qui in fidelitate Domini Papæ Paschalis permanent, & populo Romano, & Transiberinæ Insulæ civitati pacem, & securitatem servabo tam per me quam per meos, & in personis & in rebus, qui pacem mihi servaverint.

II. Patrimonia & possessiones Sanctæ Romanæ Ecclesiæ, quæ abstuli, restituiam; & cunctæ quæ habere debet, more Antecessorum meorum recuperare, & tenere adjuvabo bona fide. Et Domino Papæ Paschali obediam, salvo tamen honore regni & Imperii, sicut Catholici Imperatores, Catholicis Pontificibus Romanis. Hæc omnia bona fide observabo, sine fraude & malo ingenio.

Et isti sunt juratores ex parte Imperatoris Henrici.

Fridericus Colonienfis Archi-episcopus.

Gebehardus Tridentinensis episcopus.

Bruno Spirensis Episcopus.

Albertus Cancellarius.

Hermannus (g) Comes.

Berengarius Comes Sultzbachensis.

Fredericus Comes Palatinus.

Item Fredericus Comes.

Bonifacius Marchio Tusciæ.

Albertus Comes de Blandriaco.

Godefridus Comes Palatinus Rheni.

Wernerus Marchio.

Ex parte Pontificis.

Domnus Papa PASCHALIS concedit Domino Imperatori HENRICO & regno ejus; privilegio suo sub anathemate & confirmabit, & corroborabit, Episcopo vel abbate libero electo sine Simonia assensu Imperatoris, quod Dominus Imperator cum annulo & vir-

ga investiat. Episcopus autem vel Abbas ab Imperatore investitus libere accipiat consecrationem ab Episcopo, ad quem pertinuerit. Si quis vero a Clero, & a populo eligatur, nisi ab Imperatore investiat, & a nemine consecretur, & Archi-episcopi, & Episcopi libertatem habeant consecrandi ab Imperatore investitos. Super his etiam Dominus Papa Paschalis non inquietabit Imperatorem Henricum, nec ejus regnum & Imperium.

Juramentum Pontificis.

Domnus Papa PASCHALIS non inquietabit Dominum Imperatorem HENRICUM nec ejus regnum de investitura episcopatuum, & Abbatiarum, neque de injuria sibi illata, & suis in personis, & bonis, neque aliquod malum reddet sibi vel alicui personæ pro hac causa; & penitus in personam Imperatoris HENRICI nunquam (b) anathema ponet, nec remanebit in Domino Papa, quin coronet eum, sicut in (i) ordine continetur, & regnum & Imperium officii sui auxilio eum tenere adjuvabit pro posse suo. Et hæc adimplebit Dominus Papa sine fraude, & malo ingenio.

Hæc sunt nomina illorum Episcoporum, & Cardinalium, qui præcepto Domini Papæ PASCHALIS privilegium & amicitiam Sacramento confirmaverunt Domino Imperatori HENRICO.

Petrus Portuensis episcopus.

Centius (k) Sabinensis Episcopus.

Robertus Cardinalis sancti Eusebii.

Bonifacius Cardinalis sancti Martini.

Anastasius Cardinalis sancti Clementis.

Gregorius Cardinalis Apostolorum Petri & Pauli.

Item Gregorius Cardinalis S. Chrysogoni.

Joannes Cardinalis sanctæ Potentianæ.

Rifus

(g) alias Dux.

(b) Non obstante hoc juramento Concilium Lateranense, quod inchoatum est 28. Maji anni 1112, postquam Imperator redierat in Germaniam, jussit comburi bullam, concessam pro investituris, & excommunicavit Imperatorem, idque adhuc confirmatum est in aliis Conciliis. Henricus V. frustra conquestus est, quod Pontifex violaret juramentum: Paschalis respondit, se quidem promississe, quod ipse nunquam Imperatorem excommunicaturus esset; sed nequaquam, quod non esset eum excommunicaturus per alios. Vide Heiss, Hist. de l'Empereur. Tom. I. Lib. II. C. 10.

(i) Cæremoniale Romanum hodie dicitur.

(k) alias: Censius.

Rifus Cardinalis sancti Laurentii.
 Rainerus Cardinalis sanctorum Mar-
 cellini & Petri.
 Vitalis Cardinalis sanctæ Balbinæ.
 Dinzo (m) Cardinalis sancti Marci.
 Theobaldus Cardinalis Joannis &
 Pauli.

Joannes Diaconus sanctæ Mariæ in
 schola græca.
 Leo Diaconus sancti Vitalis Mar-
 tyris.
 Abbo Diaconus sanctorum Sergii &
 Bacchi.

Nota ex WILIELMO Malmesburiensi Lib. V. Hæc conventionem expleta, & prædi-
 ctorum Episcoporum & Cardinalium Sacramento confirmata, osculo utrimque da-
 to, Dominus Papa IV. Idus Aprilis, Dominica *Quasimodo geniti*, Missam celebra-
 vit, in qua post Communionem suam & Ministrorum Altaris, Imperatori corpus
 & sanguinem Domini dedit in hæc verba: *Hoc Dominicum corpus, quod sacrosancta*
retinet Ecclesia, natum ex Maria Virgine, elevatum in cruce pro Redemptione humani
generis, damus tibi, Fili carissime, in remissionem peccatorum tuorum, & in confer-
vationem confirmandæ pacis, & veræ amicitie inter me & te, & Regnum & Sacerdo-
tium.

Nota alia ex PETRO DIACONO in Chronico Cassinensi Cap. XLI. Coronatus est au-
 tem idem Imperator portis omnibus Romanæ urbis, ne quis civium eo adveniret,
 obferatis. Cumque ad hostiæ contractionem venisset, partem ipse sumens, reliquam
 Imperatori tradidit, dicens: *Sicut pars ista vivifici corporis divisa est, ita divisus sit*
a Regno Christi & Domini, qui pactum istud rumpere ac violare tentaverit. Post co-
 rationem finitis Missarum solemnibus, Imperator in castra regreditur, Pontifex
 autem in urbem regressus est.

Decretum primum PASCHALIS II.

IIII. 4. Aprilis, quo concedit Henrico V. investituras.

PASCHALIS EPISCOPUS, SERVUS SERVORUM DEI, CARISSIMO IN
 CHRISTO FILIO, HENRICO (n) TEUTONICORUM REGI, ET PER DEI OMNI-
 POTENTIS GRATIAM ROMANORUM IMPERATORI AUGUSTO,
 SALUTEM ET APOSTOLICAM BENEDICTIONEM.

I. **R**egnum vestrum sanctæ romanæ
 ecclesiæ (o) singulariter cohæ-
 rere dispositio Divina constituit. Præ-
 decessores siquidem vestri probitatis, &
 prudentiæ amplioris gratia romanæ urbis
 Coronam & Imperium consecuti sunt.
 Ad eujus videlicet Coronæ & Imperii
 dignitatem, tuam quoque personam,
 fili carissime HENRICE, per nostri Sacer-
 dotii Ministerium Majestas Divina pro-
 vexit. (p) Illam igitur dignitatis præro-
 gativam, quam prædecesores nostri ves-
 tris prædecessoribus Catholicis Impera-
 toribus concesserunt, & privilegiorum
 paginis confirmaverunt, nos quoque tuæ
 dilectioni concedimus, & præsentis pri-
 vilegii paginâ confirmamus, ut regni
 tui episcopis (q) & Abbatibus libere præ-
 ter violentiam, & Simoniam electis,

investituram virgæ & annuli conferas;
 post investitionem vero canonice conse-
 crationem accipiant ab episcopo, ad quem
 pertinerit.

II. Si autem a Clero (r) vel a po-
 pulo præter assensum tuum electus fue-
 rit, nisi a te investiat, a nemine
 consecratur (exceptis s) nimirum illis qui
 vel in Archi-episcoporum vel in Romani
 Pontificis solent dispositione consistere.)

III. Sane Archi-episcopi & Episco-
 pi libertatem habeant a te investitos epis-
 copos, & Abbates canonice conse-
 crandi.

IV. Prædecesores enim vestri Ec-
 clesiæ regni sui tantis regalium suorum
 beneficiis ampliarunt, ut regnum ipsum
 episcoporum maxime, & Abbatum præ-
 fidiis

(m) alias Cuno vel Cuzo.

(n) Hæc duæ voces desunt editioni Regiæ Parisinæ Conciliorum.

(o) Deest ibid.

(p) Illud &c. Privilegium ibid.

(q) vel ibid.

(r) alias: Clero & populo.

(s) Hæc parenthesis abest ab editione Sureti, teste Goldasto.

fidiis oporteat communiri, & populares diffensiones, quæ in electionibus (r) sæpe contingunt, regali oporteat Majestate compesci. Quamobrem (t) prudentiæ vestræ & potestati cura debet (u) sollicitius imminere, ut & Romanæ Ecclesiæ magnitudo & cætera salus, tuis (præstante Domino) beneficiis & servitiis conservetur.

V. Si qua igitur Ecclesiastica vel secularis (v) potentia aut persona hanc nostræ concessionis paginam sciens, contra eam temerario ausu venire tentaverit, anathematis vinculo, nisi resipuerit, innodetur, honorisque ac dignitatis suæ periculum patiatur. Observantes autem hoc misericordia Divina custodiat, & personam (w) ac Majestatem, potestatemque tuam ad honorem suum & gloriam feliciter imperare concedat.

CONFIRMATIO. (x)

Hæc sunt verba, quæ dixit Dominus Apostolicus Domino Imperatori

(r) Electis omnibus. *ibid.*

(u) sollicitè *ibid.*

(w) Hæc 2. voces desunt. *ibid.*

(x) Hæc addita Confirmatio non extat in Conciliorum collectione Regia, nec in Labbeana, & dies datæ falsus est: nam Confirmatio facta a Papæ per communionem unius hostiæ inter Pontificem & Papam divisæ, accidit mense Aprili Dominica *Quasimodo*, vel in *Albis*: vide præcedentes duas chartas ex Wilhelmo Malmesburiensi & Petro Diacono descriptas. Lectiones variantes collatæ sunt cum Conciliorum editione Regia. *Hæc Cl. Dumont adnotavit.*

(t) prudentiæ & potestati tuæ. *ibid.*

(v) persona *ibid.*

Goldast. Tom. I. pag. 255.

Collectio Regia Concilior. Tom. XXVI. pag. 787.

Phil. Labbei. Concilior. collect. Tom. X. col. 779.

Baronii Annal. Ecclesiast. Tom. XII. ad annum 1111.

Dumont Corps Diplomatique Tom. I. No. CXII.

Decretum Concilii Lateranensis anno Domini MCXII. habiti; quo Privilegium de investituris Episcopatum & Abbatiarum per Imperatorem concedendis, a Papa PASCHALI Imperatori Henrico nuper concessum, à Concilio damnatur, revocatur, & omnino cassatur.

Privilegium illud, quod non est privilegium, (neque verò dici potest privilegium, sed pravilegium) quod pro liberatione captivorum & Ecclesiæ, Domino Papa PASCHALI per violentiam HENRICI Regis extortum, Nos omnes in hoc sancto Concilio cum eodem Domino Papa congregati, Canonica censura & Ecclesiastica auctoritate, judicio sancti Spiritus damnamus, & irritum esse judicamus, atque omnino cassamus, & ne quid auctoritatis & efficacitatis habeat, penitus excommunicamus.

Tomus III. Concil. German.

Quod ideo damnatum est, quod in eo privilegio continebatur, quod electus canonicè a Clero & populo, a nemine consecratur, nisi prius a Rege investitur, quod est contra Spiritum Sanctum & Canonicam institutionem.

Perlecta vero hac charta acclamatum est ab universo Concilio: Amen, Amen. Fiat, fiat. Archi-Episcopi vero & Episcopi quoque, & Presbyteri Cardinales, qui interfuerunt ipsi Concilio, hi sunt videlicet:

Censius C. Sabinensis.

L I

Petrus

Petrus G. Portuensis.
 Leo L. Ostiensis.
 Coro C. Prænestinus.
 Joannes J. Tusculanus.
 Joannes Patriarcha Venetus.
 Sennes L. Capuanus.
 Landulphus L. Beneventanus.
 Maurus A. Amalphitanus.
 H. Rheginensis.
 Hydruntinensis.
 Guillelmus Brundusienfis.
 Consentinus.
 Geruntinensis.
 Rossanensis.
 Segobienfis.
 Galo G. Legionensis Legatus pro Bituricensi.
 Guido G. Viennensis Archi-Episcopus.
 Rogerius R. Volaterranus.
 Gaufridus G. Senensis.
 Rolandus Populonensis R. Popubre.
 Gregorius G. Tarracinenfis.
 Guillelmus G. Syracusanus pro omnibus Siculis.
 Verutanus G. Vorrianus.
 Bruno B. Siginensis, & alii centum fere Episcopi.

Presbyteri Cardinales:

Bonifacius B. Cardinalis, tituli S. Marci.
 Anastasius R. Cardinalis, tituli S. Clementis.
 Romanus R. Cardinalis, tituli S. Priscæ.
 Gregorius G. Cardinalis, tituli SS. Apostolorum.
 Benedictus B. Cardinalis, tituli S. Petri ad vincula.
 Robertus R. Cardinalis, tituli S. Eusebii.
 . . . Boso R. Cardinalis, tituli S. Laurentii in Damasco.

Joannes J. Cardinalis, tituli S. Cæcilie.
 Divizo B. Cardinalis, tituli S. Martini.
 Gregorius F. Cardinalis S. Chrysogoni.
 Rainerius R. Cardinalis, tituli Ss. Petri & Marcellini.
 Petrus V. Cardinalis, tituli S. Sixti.
 Albericus A. Cardinalis, tituli S. Sulfannæ.

Cardinales Diaconi octo.

Abbas Sublacensis.
 Joannes Abbas Cajetanus.
 Abbas S. Andrea.
 Leo.
 Gregorius.
 Aldo.
 Theobaldus.
 Rosimannus.

Qui in damnationem dicti privilegii consenserunt, cum Abbatibus aliis, & multitudine innumerabili tam Clericorum quam Laicorum.

Et post hæc ita in Codice:

Hæc charta lecta est a Gerardo Engolismensi, Leone Ostiensi, Galone Legionensi Episcopis, Roberto Cardinali tituli Sancti Eusebii, & Gregorio Cardinali tituli sanctorum duodecim Apostolorum, de communi aliorum consensu.

Collectio Regia Concilior. Tom. XXVI. pag. 774.

Phil. Labbei. Concilior. collect. Tom. X. pag. 767.

Baronii Annal. Eccles. Tom. XII. ad annum 1112.

Dumont. Tom. I. Corps diplomatique No. CXIV.

ARGENTINÆ CONVENTUS

SUB OTTONE EPISCOPO.

ANNO CHRISTI MCXI. PASCHALIS II. PAPÆ XI.

HENRICI V. REGIS VI.

SUMMA. Nemini liceat bona Monachorum aut Canonicorum habere, aut usurpare.

Mense Septembri exeunte, Spirâ Argentinam ascendit (Henricus V.) frequentemque inibi Germaniæ superioris & Lotharingiæ præcipue Principum Conventum habuit, recensentur in di-

plomatis testes: *Albertus Moguntinus Archiepiscopus, Bruno Trevirensis Archiepiscopus, Cunradus Saltzburgeris Archiepiscopus, Burcardus Monasteriensis Episcopus, Bruno Spirensis Episcopus, Cuno Strazburgeris Episcopus,*

pus, Alberio Metensis Episcopus, Richardus Virdunensis Episcopus, Eberhardus Eistetenensis Episcopus, Ulrichus Constantiensis Episcopus, Rudolphus Basiliensis Episcopus, Fridericus Dux, Herimannus Marchio, Comes Godefridus de Calceu, Fredericus de Zeitra &c. Data VII. Non. Octobris, Indictione IV. anno Dominicæ Incarnationis MCXI. Regnante Henrico V. Rege Romanorum anno VI. Imperante I. Actum est Argentinæ in Christo feliciter.

Ibidem pro tribunali ad supplicationem Monachorum Ettenheimensium, qui possessiones suas injuste a quibusdam retineri conquerebantur, edictum promulgavit: Ne cuiquam liceat bona Monachorum & Canonicorum habere, aut imposturam usurpare.

Guillemannus de Episcopis Argentinensib.
pag. 219.

SYNODUS TULLENSIS DIOECESANA

SUB RIQUINO, DEI GRATIA, PROVISORE TULLENSIUM,

Adjudicante Prioratum Frondonensis cellæ Abbati Cluniacensi contra prætensiones Abbatis Mediani Monasterii.

IN Nomine Sanctæ & Individuæ Trinitatis, Patris, & Filii, & Spiritus Sancti, Riquinus Dei gratia Provisor Tullesium, Pontio Abbati Cluniacensi, ejusque successoribus regulariter promouendis in perpetuum. Apostolicæ dignitatis sublimitas tanto propensiori studio a cunctis est fidelibus incessanter honoranda, quanto constat evidentius, quoniam eorum meritis & doctrina, ut sol & luna, sancta resfulget Ecclesia, quæ fundata super petra, hereticæ pravitatis irritamenta respuit, nec recipit blandimenta. Cum igitur omnibus, quos rex cœlestis regni & gloriæ suæ consortes instituit, plæ devotionis sit adhibendum studium, instantius tamen ei præcordialis desiderii licet vigilanter impendere famulatum, cui Deus Ecclesiæ sanguine suo redemptæ specialiter constituit principatum, qui post Deum custos gregis, & pastor extat ovium, janitor cœli & Princeps Apostolorum. Denique Beati Petri nomine, & titulo triumphaliter insignita, sub prærogativa religionis fulget incomparabiliter sancta Cluniacensis Ecclesia; quæ clausis & depressis oculis carnalibus, fervore spirituali docet inhiantem contemplari cœlestia, quæ summi patris familias, ut vere dicam, universalis domus est & curia, in qua Deo sacra laudum resultant præconia. Ab hac siquidem felici turba & inexpugnabili exercitu, Jerusalem superna agmina sibi assumit purpurea, quæ super thronos

judicantium ordinem residendo gestant florentia ferta, felix satis & beata devotio tam celeberrimæ congregationis & Ecclesiæ obsequiis & cultui fideliter inservire; cujus ego, licet indignus, beneficium & orationum exequutor, & particeps cupiens existere, hanc pro modulo meo necessariis ampliare sumptibus, & quæ in nostra Diœcesi possidebant, tenore canonico proposui stabilire.

Ad perpetuam itaque Monasterii tui pacem, Ponti in Christo dilectissime fili, manifestamus posterorum notitiæ determinationem causæ Frondoni-cellæ nostris temporibus definitæ. Abbas denique Mediani-monasterii, Bertricus nomine, in generali Synodo nostram censuram adiens, querimoniam movit super Wicardo priore Frondonensis cellæ, asserens quoniam Odoinus vir illustris, sancto Petro Mediani-Monasterii coram liberis testibus de cella illa donum & investituram fecisset; sed facta postmodum retractione, Cluniacensis Ecclesiæ eam irrationabiliter, etiam præsumptuose invasisset; præfatus siquidem Odoinus ibidem tunc præfatus, hoc omnimodis denegavit etiam se nunquam Ecclesiæ Mediani-Monasterii inde donationem fecisse, productis liberalibus testibus jurare proposuit. Prior autem usus prudentiori consilio, abbatem suum, ut res exigebat, super hoc consulturus, usque ad proximam Synodum inducias petiit, quas cum prolixitate itineris, tum re-

motione Abbatis, usque *ad tertiam Synodum*, ingruente rei difficultate, protulit.

Tandem igitur in medio totius *Synodali conventus* protulit cartham, felicitis prædecessoris nostri pie memorie Pibonis sigillo insignitam, in qua continebatur, quod per manum prædicti Pontificis Demnus Odoinus de cella Frondonensi, cum omnibus appenditiis suis, Sancto Petro Cluniacensi liberaliter donationem fecisset, & etiam Abbas Cluniacensis jam fere per XXX. annos sub sua dispositione quietè possedisset: super hoc & ipse Odoinus ultimo se constanter intulit, & hæc ita se habere, adhibitis sex liberalibus testibus, jurejurando probavit. Tam evidenti ratione, tam probabili discussione, Abbas Mediani-Monasterii vana spe frustratus recessit.

Prior vero Cluniacensis, quod nostri erat officii, super hoc fieri postulavit. Banno ergo Dei & nostro, autoritate etiam Pontificali sancimus & interdiciamus, ne aliquis deinceps Ecclesie Cluniacensi pro cella Frondonensi calumniam moveat; alioquin maledictionem extremo distractionis die in anima sua inveniat, nec habeat partem in sorte electorum Dei, nisi digne satisfaciens resipiscat. Tibi autem & omnibus tuis in sancto suo servitio concedat Divina miseratio perseverantiam propositi salutis: detque Dominus faciem vestram, ut adamantem & silicem, ut cum magna libertate pos-

sitis objurgare domum-exasperantem. Ad excludendam itaque omnem impostèrem controversiam, fieri decrevimus hujus descriptionis paginam, quam sigillo nostro legitime confirmantes, signis & testimonio nostrorum fidelium tradidimus roborandam.

Signum Riquini Episcopi.

Sign. Theomari Abbatis sancti Man-
fueri.

Sign. Vindrici Abbatis sancti Apri.

Sign. Stephani Primicerii.

Sign. Berengarii Decani,

Sign. Hugonis Archid.

Sign. Gotberti Archid. & cantoris.

Sign. Odoini.

Sign. Theoderici de sancto Hilario.

Sign. Theoderici de Clavo Monte.

Sign. Equini de Barbani-villa.

Sign. Girardi de Blanteriis.

Sign. Adelini de Girancort.

Sign. Galteri de Clavo-monte.

Sign. Galteri, & Theoderici fratris
de Vinricort.

Acta sunt hæc Tulli in Synodo generali in majori Ecclesia Sancti Stephani Proto-Martyris, anno ab Incarnatione Domini MCXI. Ordinationis verò nostre IV. Indictione IV. Epacta IX. Concurrente VI. Imperante Henrico V. regnante Domino nostro JESU Christo feliciter. Amen.

*Calmet. Tomo IV. Probationum Historie
Lotharingæ pag. 526. 527.*

CONVENTUS GOSLARIÆ

ANNO CHRISTI MCXV. PASCHALIS II. PAPÆ XVI.
HENRICI V. REGIS X.

IN Nativitate Sanctæ Mariæ Virginis Theodericus S. Romanæ Ecclesiæ Cardinalis Presbyter, cum frequenti Saxoniarum Principum Conventu venit Goslariam, quo & Lotharius Saxo victor de exercitu Henrici V. Regis in Welpesholt venerat.

Ibi quædam de Ecclesiasticis negotiis utilia disserunt: actum ibidem, ut

Episcopi ab Imperatore (Henrico V.) constituti, quos schismaticos vocabant, sedibus suis expellerentur, subrogatis orthodoxis, qui legitimo Pontifici Paschali favebant.

Annales Hildebismenses apud Leihnitz.

Tom. I. Brunsvicens. pag. 738.

*Heineccius antiquit. Goslariensium Lib. I.
pag. 114.*

SYNODUS HERBIPOLENSIS

SUB ERLONGO EPISCOPO.

ANNO CHRISTI MCXV. PASCHALIS II. PAPÆ XVI.

HENRICI V. REG. X. IMP. V.

SUMMA. Confirmantur bona Abbatiæ Swarzacensis. Contentio inter Kitzingam & Swarzach sedatur.

Temporibus (a) prædicti Abbatis anno videlicet MCXV. Indictione octava, Henricus Comes de Gerlachshausen vendidit prædicto Abbati omnia bona sua, quæ habuit in Gerlachshausen & Sommerach, cum omnibus utilitatibus suis pro XXX. marcis argenti, & quoadusque vixit Comes Henricus, tenebatur ei dare Abbas Rupertus omni anno CC. & L. modios de diverso frumenti genere, item singulis annis tres carredas vini, duas cerevisiæ, X. modios braccii, XV. porcos, & boves V. oves X. Idem Comes dedit nobis Pa-

rochiam de Gerlachshausen, quam habuit titulo feudali ab Episcopo Herbipolensi. "Ista omnia ratificavit & approbavit (b) Erlingus Episcopus Herbipolensis in Synodo suæ Ecclesiæ coram multis Prælatiis. Hic etiam Venerabilis Pontifex determinavit in prædicta Synodo suæ Ecclesiæ quandam contentionem inter nostrum, & Monasterium in Kitzingen ex parte decimæ in Tettelbach.

Chronicon Schwarzacense, editum a Ludewigio volumine II. Scriptorum Germanicorum pag. 20.

(a) Rupertus fuit decimus tertius Abbas ab anno 1113.

(b) alius Erlongus, Comes de Kalw, Episcopus XXV. Herbipoli, Bucelino.

SYNODUS PLENA TULLENSIS

DIOECESANA

Anno Christi MCXVI. Paschalis II. Papæ XVII.

Henrici V. Reg. XI. Imp. VI.

In qua Riquinus Episcopus cellam Castiniaci donat Sancto Apro.

IN Nomine Sanctæ & Individuæ Trinitatis. Amen. Riquinus Dei misericordia Leucorum episcopus, universis Catholicæ ecclesiæ filiis. Officii nostri authorem Deum contemplantes, a Majestate ejus animamur pariter & terremur; quoniam sola salus, & summa est felicitas tanto Principi obaudire: & extrema miseria, in ejus animadversionem incidere. Pro debito itaque nostri ministerii commissarum nobis Ecclesiarum indefessam gerentes sollicitudinem, in præsentem quidem de propectu earum libenter laboramus, in posterum vero, quantum nostræ patet facultati, pacem & stabilitatem providemus.

Unde notum facimus tam præsentibus, quam futuri sæculi fidelibus, quod mater Ducis Theoderici, ipse Dux Theodericus, & filius ejus Simon, legitimâ donatione tradiderunt sancto Apro, nostro concivi, cellam sancti Petri, quæ est Casteniaci, præcepto & voluntate Abbatum sancti Apri ac Monachorum perpetuo ut propriam ipsorum disponendam. Ipsius autem cellæ patrono sancto Petro ad usus fratrum, Deo, & ipsi inibi servientium, tradiderunt in perpetuam possessionem decimas ejus, quæ ibi est Parochiæ per manum Tullensis episcopi, prædecessoris nostri, Pibonis.

Præterea tradiderunt terram bo-
bus fratrum excolendam, & pratum
sufficienter ibidem, & mancipia utri-
usque sexus plurima. Concedentes hanc
in perpetuum libertatem, ut quisquis
undecumque de familia fratrum in ipso-
rum ibi terra habitaret, in nullis banno
esset obnoxius. Si autem tunc in ter-
ra fratrum aliqui habitarent, diem
unum ad corvadam Ducis, si tamen
boves haberent, facientes, per cætera
ab omnibus exactionibus, toto anno de-
gerent immunes. Donaverunt & re-
decimationes totius ibi indominicatus sui,
tam in annona, quam vino: usum &
pabuli, aquæ, sylvæ, sine ulla ad ban-
num responsione.

Tradiderunt & Theloneum nun-
dinarum ibi in festo sancti Petri, & sa-
lem, quantum eorum fratrum inquam
conducit usibus, de Theloneo Novi
castri, & molendinum. Et apud Liso
allodium suum, & Ecclesiam ejusdem
villæ, & villam Bodingam, cum omni
integritate in servis, ancillis, terris cul-
tis & incultis, pratis, vineis, & mo-
lendinis; & Ecclesiam Ulmis, Eccle-
siam de Meceo. Apud Noavium VI.
Quartarios; apud Roverum IV. quartar-
ios, & apud Mocultem II. Quartarios,
& apud Alcinæ II. apud Valheri-
villam II. apud Domni Remigii I. apud Romol-
di-villam I. apud Morincort II. apud
Ramers Lantfridus, & filii ejus Bence-
linus & Amalricus, dederunt eidem
loco IV. Quartarios, cum servis & ux-
oribus eorum, ac filiis: & apud Ro-
maldi-villam V. mancipia, cum terra:
& apud longum-campum I. mancipi-
um, cum ejus Quartar: & eidem apud
Belmonte, molendinum; & alterum
molendinum Arembeti. Apud Bereli-
curtem Amalricus dedit servum unum,
cum Quartario. Albertus ejusdem Laut-
fridi filius, apud roverium dedit, quid-
quid ibi possidebat in servis, ancillis,
terrīs, pratis, sylvis. Apud Haino-
villam Eva dedit II. servos, cum terra.
Apud Martinei Drogo I. servum, cum
terra. Apud Cruselios Henricus I. ser-
vum, cum terra. Apud Osenvillare,
Hugo, Walterus, & alter Walterus,
III. Quartarios, & Servos II. cum ux-
oribus & filiis. Apud Olenvillam, Dro-
go, Fulco Domerans III. Quartarios.
Apud Bruchincort, Albertus II. Quar-

tarios. Apud Berlei-villam, Odila I.
servum, cum Quartario & partem de-
cimarum, quam tenebat. Apud san-
ctum Paulum, Hugo I. Quartarium,
Lamfridus Casteniaci vineam.

Præterea Dux Simón concessit fra-
tribus, sine banni responsione, taber-
nam vini propriam habere, messēs me-
tere, fœnum facere. Nos quoque, ad
majorem ejusdem loci reverentiam ac
stabilitatem, concessimus sancto Apro
jure perpetuo possidendum Altare ejus,
quæ ibi est, Casteniaci inquam Parro-
chiæ, plena libertate, immune ab omni
exactione Parrochialis consuetudinis; &
si quando Parochia ipsa, quæ nunc in
ipso est Cœnobio, alibi in eodem tamen
atrio fratres pro sua pace transferre vo-
luerint, ex voto nostram licentiam ha-
bent, eamque sanctus Aper, ut scri-
ptum est, semper possideat.

Donavimus etiam sancto Apro Al-
tare de Ulmis. Statutum autem, ut
antefata cella, ad subjectionis testimo-
nium annuatim ad Principale Altare no-
stræ sedis in die nostri Proto-Martyris,
solidum nummorum pro censu persol-
vat. Has igitur nostras prænominato-
rum fidelium donationes, pariterque con-
stitutiones, ne posteritatis oblivio de-
leret, ne forte malivolorum perversitas
vi aut fraude subverteret, nos in plena re-
sidentes Synodo, hoc scriptum autoritate
Dei sub anathematis sententiâ confirma-
mus in perpetuum, & sigilli nostri af-
fiximus tutamentum.

Ego Riquinus Episcopus figgo &
confirmo.

Signum Tiemari Abbatis Sancti Man-
sueti.

Sign. Antonii Abbatis Senonensis.

Sign. Milonis Abbatis Medii-Mona-
sterii.

Sign. Sigeberti Abbatis sancti Salva-
toris.

Sign. Laurentii Abbatis sancti Vi-
toni.

Signum Allonis Abbatis sancti Cle-
mentis.

Sig. Odelrici Abbatis Sancti Urbani.

Sign. Seheri Abbatis sancti Leonis.

Sign. Thezelini Archidiaconi.

Sign. Hugonis Archid. de Gondre-
court.

Sign.

Sign. Haimonis Archid.
 Sign. Humaldi Magistri.
 Sign. Symonis Ducis.
 Sign. Rainardi Comitiss.
 Sign. Alberti de Devreyo.
 Sign. Valdrici.
 Sign. Ugonis de Darney.
 Sign. Drogonis de Bosunvillare.
 Sign. Hainrici de sancto Vadasto.
 Sign. Stephani Primicerii.
 Sign. Ramboldi Archid.

Sign. Gotberdi Archid.
 Sign. Hugonis Archid.

Anno ab Incarnatione Domini MCXVI.
 Indict. IX. Epacta IV. II. Nonas
 Octobris in sede Tullensi publice
 recitata, generaliter approbata, le-
 gitime confirmata.

*Calmet. Tomo IV. Probation. Histor.
 Lotharingæ pag. 538. 539. 540.*

CONCILIIUM COLONIENSE

ANNO CHRISTI MCXVI. PASCHALIS II. PAPÆ XVII.
 HENRICI V. REG. XI. IMP. VI.

*SUMMA. Promulgatio iterata anathematis Pontificii.
 Consecratio Moguntini Archiepiscopi.*

Anno Dominicæ Incarnationis M.
 CXVI. Imperator Henricus Na-
 zale Domini Spiræ cum Episcopis & Prin-
 cipibus celebrans ea, quæ interim Colo-
 niæ gerebantur, graviter tulit: audivit
 enim quamplurimos ibi convenisse non
 solum Metropolitano, sed etiam alios
 Episcopos, vel Optimates Regni: causâ
 præcipua verbum excommunicationis in
 se manifestandi, quamvis Dietericus
 Cardinalis, cuius hæc injiciebantur au-
 thoritate, in itinere jam defunctus, illo
 ad sepulturam potius, quam ad actionem
 Concilii delatus esset: Sepultus est Co-
 loniæ, astantibus Episcopis XIV. cum
 Liudero Duce, aliisque nonnullis Prin-
 cipibus.

In Natali S. Stephani Adalbertus
 Moguntinus Archi-Episcopus; ab Ottho-
 ne venerabili Babenbergenfi Episcopo
 ordinata.

Missus autem ab Imperatore illuc
 (a) Erluwinus Wirceburgensis Episcopus
 audientiam, vel communionem, non nisi
 reconciliatus habere meruit. Reverfus
 vero post redditam Legationem Impera-
 tori communicare renuit; sed vitæ pe-
 riculo coactus, Missam coram Impera-
 tore celebravit, indeque usque ad mor-
 tem contristatus, latenter discessit, sicque
 rursus Communioni pristinæ multis
 lacrimis reconciliatus, ultra Imperatoris
 aspectu simul & gratia caruit.

*Annalista Saxo apud Eckhart. Tomo I.
 Chronica Regia S. Pantaleonis apud eun-
 dem Tom. I.*

*Annales Hildesheimenses ad hunc annum.
 Abbas Urspergensis.
 Tritheimius in Chronico Hirsaugensi.*

(a) Erlongus aliis scribitur.

Epistola AD ALBERTI Archi-Episcopi Moguntini ad Otthonem Bambergensem Episcopum, ut ad Concilium Fridislariense veniat.

REVERENDISSIMO BAMBERGENSIUM EPISCOPO, ADALBERTUS
 MOGUNTINÆ SEDIS MINISTER, INDIGNUS, FRATERNE DILECTIONIS
 ET ORATIONIS INVIOLABILE PIGNUS.

Quod proximè Dominus Prænesti-
 nus, Romanæ Ecclesiæ Legatus,
 nobis apostolica auctoritate de-

nuntiaverat, nostra quoque diligentia,
 per omnia Romanæ auctoritati subdita,
 solletter impleverat, denuntians & vo-
 bis

bis sub eadem auctoritate & nostra, uti ad Concilium Colonie celebrandum, vestra veniret presentia; sed quia hoc, nescio, qua prætermisum fuit negligentia, eadem quidem, quæ & cæteris ejusdem Concilii neglectoribus, vobis quoque injecta esset sententia, scilicet vel Divini officii suspensio; vel a communione corporis & sanguinis Dominici formidanda interdictio, nisi nostræ petitionis diligentia hoc prævenisset, & eximia Sanctitatis vestræ reverentia, ne id fieret, apud Ecclesiam promeruisset. Quibus simul concurrentibus causis, & cooperantibus hoc tandem obtinuimus, ne quid severitatis vestra subiret dilectio, cujus hætenus in Ecclesia valuisse devotio. Dignum nimirum arbitratus sum; in omnibus honoris vestro & reverentiæ parcendum,

& pro posse loco, & tempori providere & consulere, cum sanctitatis vestræ beata dilectio, magno se devotæ caritatis nobis obligaverat munere. De cætero sicut in mandatum accepimus, denuntiamus; ut ad Concilium v. Kal. aug. Frideslarie a prædicto Legato celebrandum, indubitanter veniatis; ne hujus etiam mandati neglector effectus austerioris sententiæ decretum, petitione mea nihil amplius prævalente, vobis inducat. Præterea Ducem F. & C. fratrem ejus & G. Palatinum; & reliquos complices eorum in prædicto Concilio excommunicatos noveritis. Litteras etiam nostras rogamus, ut fratribus nostris, Pragenſi scilicet, & Moravienſi Episcopis dirigatis.

Ex cod. Zwetalsensi; etiam exstat in Canisii antiquis Lection. Tom. II.

Anno MCXV. ante festum omnium Sanctorum Theodericus S. Romanæ Ecclesiæ Cardinalis, & Episcopi & Duces in Frideslar conveniunt, quæ ad honorem Regni & utilitatem sunt, tractantur *Annal. Hildebesmensis Tomo I. Leibnitii Scriptor. Brunsvicens. pag. 739.* Aliud Fritslarie Concilium fuit anno 1118. ante quod Adelbertus hanc Invitatoriam scripsit.

FRITESLARIENSE CONCILIUM

ANNO CHRISTI MCXVIII. GELASII II. PAPÆ I.
HENRICI V. REG. XIII. IMP. VIII.

Alteram quoque Synodum in Fritslare eadem pro causa indixit, qua & habita eandem quam prius excommunicationem confirmavit.

Episcopi, Archi-Episcopi, Abbates, aliæque multe personæ conspicuæ, quæ negotiorum suorum causa ad Fritslare ^(a) Concilium coram D. Conone Cardinali Prænestino Episcopo convenerant tractaturi, inito consilio vocaverunt hominem Dei Norbertum.

Quo presente cæperunt cum excommuni omnium consensu coram præfato Domino accusantes redarguere, quare videlicet prædicationis officium usurpasset, eosque in ipsa prædicatione quare verbis & convitiis tam acriter insequeretur, cum a nullo mitteretur, nec eo-

rum Princeps esset constitutus. Quare insuper habitum religionis prætenderet, cum in nullo religio & proprietas convenirent? Et qua ratione pretiosas vestes abjecisset, cum mos terræ id non habeat, & maxime apud Nobiles, qualis ipse erat, ut quamdiu versantur in sæculo, agnitis seu caprinis vestibus utantur.

Ad hæc omnia Vir sapiens, a Deo edoctus, sapienter respondebat, dicens: Si de religione impetor, Religio ^(b) munda & immaculata apud Deum & Patrem, hæc est: *Visitare pupillos & viduas, in tribulatione sua, & immaculatum se custodire ab hoc sæculo.* Si de prædicatione: scriptum est: *Si quis (c) converti fecerit peccatorem ab errore viæ suæ, salvabit animam suam a morte, & operiet multitudinem pecca-*

(a) *Urspergensis* meminit Norberti in Concilio reprehensi, sed id ad Concilium Colonie anno 1118. celebratum refert: in quo errat. Etsi enim Concilium Colonie circa hæc tempora habitum fuerit. Biographus tamen S. Norberti cœvus Canonicus Præmonstratensis in Fritslariensi Concilio accusationem & defensionem refert. *Acta Sr. Tomo I. Junii. pag. 328.* *Pagi Crites* corrigat *Urspergensem*, uti nos ex Hugone cœvo ad 1118. Fritslarie revocans.

(b) Jacobi I, 17.

[c] Jacobi V, 20.

peccatorum. Si de potestate: datur nobis in susceptione Sacerdotii: cum dicitur: *Accipite potestatem & estote relatores Verborum Dei.*

Si postremo de veste, docet nos primus Ecclesie Pastor, quia non in veste pretiosa acceptum est coram Deo: & Joannes Baptista vestitus pilis Camelorum, & Cæcilia, quæ induebatur cilicio ad carnem, & quod his omnibus majus est, Omnipotens Deus protoplasto Adæ

in exordio mundi non purpuream vestem, sed pellicem tunicam fecit & dedit.

Taliter igitur invictus adjuvante se gratiâ Divina recessit ab eis, quia non erat conveniens testimonium illorum adversus eum.

*Biographus S. Norberti, coævus Canonicus
Premonstratensis, vitæ C. IV. apud
Bollandistas Acta Ss. Junii Tomo I.
pag. 826.*

Anno 1118, adivit S. Norbertus portum villæ S. Egidii, quo GELASIUS Papa electus, Schismaticorum rabiem declinans confugerat, eum adiit: veniam ab eodem impetrat, quod duos simul supremos ordines contra Canonum instituta uno die suscepisset. Papa visa viri constantiâ & devotione dedit ei licentiam prædicandi verbi Dei, ubicunque terrarum vellet & posset, & idipsum ex sua persona ei præcipiendo injunxit.

Hanc scripto acceptam facultatem Apostolicam a Gelasio Patribus, in Concilio Remensi anni 1119. 20. Octobris celebrari cepti, admirantibus excellentiam verbi prædicationis, & duritiam, & austeritatem penitentiae ostendit, imò a Papa Callisto II. renovari postulavit, & impetravit. De penitentia & vexatione corporis, cum plurimi Patrum eam remittendam postulerent, nullam voluit accipere relaxationem. Anno 1126, petente Clero & populo Magdeburgensi successorem in Cathedra, defuncto Rukero, Norbertus ab Episcopis & Rege Lothario eligitur, & Magdeburgum deducitur. *Ex eodem Biographo S. Norberti apud Bollandistas Loc. cit.*

Epistola Commonitoria ad Canonicos Wirzeburgenses, Adelberti Archi-Episcopi Moguntini.

DILECTIS IN CHRISTO WIRZEBURGENSIS ECCLESIE FRATRIBUS
V. DECANO, CAMERARIO, MAGISTRO SCHOLARUM, ET CÆTERIS EJUSDEM
ECCLESIE CANONICIS, ADELBERTUS MOGUNTINUS DEI GRATIA, ID
QUOD EST, DEBITAM IN CHRISTO SERVITUTEM ET ORATIONEM.

Ecclēsia, cui qualiscunque Deo jubente, deservio, hanc vestram Ecclesiam tamquam mater specialem filiam suam semper fovens & diligens, quantum de profectu suo in Domino ampliori exultat lætitia, tantum, si quid sinistri de ea fama resperfit, abundantiori absorbetur tristitia: & merito, nos enim unum in Christo sentire, unum esse debemus, videlicet capiti membra concordare, quod caput Christus est, a quo, qui se demembrat aliquo schismatis, aut hæresis sacrilegio, profecto in æternum peribit. Deus enim noster, non Deus (a) *disensionis est, sed Deus pacis & unitatis*, a quo dissentit, qui a Romana discordat Ecclesia, cui in his, quæ præcepit roborata Sanctorum Patrum auctoritas, non obedire, ariolarum est, quod totum quisque tanto sibi

perniciosius contemnit, quanto scientius. Si autem contemnens periclitatur, quid ergo dicemus de aliquo, obstinatâ mente contradicente & impugnantē evidentissimam & saluberrimam veritatem? de quo comminantis voce Prophetæ dicitur: *Va qui ponit lucem tenebras, & tenebras lucem, & (b) amarum dulce, dulce amarum, &c.* cætera, quæ terribiliter sequuntur. Quæ & similia vestra fraternitatis prudentiæ nos recitare, idem est ac si laboremus solis claritatem facibus accensis adjuvare. Proinde Karissimi, ammonéo; & rogo fraternitatem vestram, ut viciniore salutis sentientes sanctæ matris nostræ Ecclesiæ Catholicæ unitatem diligatis, & sollicitius totam summam & intentionem veteris ac novi Testamenti in hoc constare perpendatis, quod genus humanum Deo per

(a) I. Corinthi. XIV, 33.

(b) Isaia V, 21.

obedientiam reconciliatur, a quo in primoparente per inobedientiam recessit, & ut destruat regnum cupiditatis, & ædificetur regnum caritatis. Adhæc, quia aliqui vestrum proniores effecti sunt, quam suæ conveniat professioni, communicare excommunicatis, & defendere eos, quod dolens dico, pene incidistis in grave & intolerabile periculum, nam, ut testificari potest Dominus Henricus frater vester, qui interfuit Concilio *Fridislarie* Domini Cardinalis Cononis, nisi noster pro vobis interveniens intercessisset, sententiam excommunicationis incurrissetis, quam ne coram inspectore cordium incurratis, tam moneo vos, quam diligo, vos, qui ex professione laicis debetis esse speculum & fenestræ, per quas solis veri radii immitti debent ecclesiæ sanctæ.

Ad summam nullus vestrum, Deo

teste, sincerius & ardentius diligit & inquit ea, quæ pacis sunt, quam ego, & sequentes, quod expedit eis, erga Deum & hominem veneror & amplector: alioquin nec ego, nec quilibet sane sapiens, contempto Rege Regum obsequium vel dilectionem cuiquam debemus impendere.

Denique communitarias has in præsentiarum caritati vestræ direximus litteras, multum confidentes de vestra correctionis melioratione, si autem, quod absit, cor & apures obduraveritis, ut nihil in vos durius dicam, cavebo ulterius, per dissimulationem non bonam communicare peccatis alienis. Deus pacis & caritatis, omnium corda vestrum, in sui amoris affectum accendat.

Ex codice MS. Zwetalsensi descriptis Cl. Schannatus h. mem.

COLONIÆ CONCILIUM

ANNO CHRISTI MCXIX. CALLISTI II. PAPÆ I.
HENRICI V. REG. XIV. IMP. IX.

IN diebus Rogationum Cuno, Prænестinus Episcopus, natione Germanus Gelasii II. Papæ Legatus, Coloniam Synodum cum Teutonicis habuit: ubi Imperatoris Henrici excommunicationem omnimodis præpalavit.

Urspergensis & Annalista Saxo. Ex quibus Binus Tom. III. Part. II. pag. 459.

SYNODUS IN MONASTERIO CORNELII AD INDAM IN COLONIENSI ARCHIDIOECESI. ANNO EODEM.

*De legitimo Episcopo Leodiensi Friderico in locum Alexandri
Simoniaci depositi substituto.*

Audito, quod post mortem Oberti, Leodiensis Antistitis, Alexander Archidiaconus Leodiensis, simulque Præpositus Paulinus & Huensis Henricum Imperatorem adierit, & septem argentearum librarum millia obtulerit, si Episcopatu potiretur: eumque a Cæsare impetravit: Fridericus Metropoli Colonienfis Synodum indicit (a) in Monasterio (b) S. Cornelii ad Indam, & Leodiensibus edixit, ne Præsulem eum agnoscerent, evocatumque iterum ac tertio

cum Primoribus Leodii Canonicorum, ad causam dicendam, postquam non aderat, excidisse pronuntiavit (c) jure omni.

Clerus Leodiensis eligit Fridericum Præpositum summæ ædis, qui Rhemos profectus, ubi Callistus II. Synodum celebrabat, & Simoniacos iterum Clerumque damnaverat, ipsius Fridericum consecravit, abjudicari Alexandro dignitate.

Friderico Sanctissimo Præsule mortuo anno 1121. Godefridus Lovaniensis Cleri

(a) IV. Nonas Septembris.

(b) Fullonius, Coloniam habitam primam Synodum, scribit Tomo I. *Histor. Leodiens.* p. 256.

(c) *Epistola Synodica Friderici ad Leodienses* extat Tomo I. *Anecdotorum*, uti & *Gotescalci Osnabrugensis Suffraganei hanc Simoniam deplorantis*. Tomo I. *Collect. amplissima vet. Monument.* pag. 642.

Cleri & populi Leodiensis animos sollicitavit pro Alexandro restituendo, sed Colonienſis Archi-Epiſcopus juffis ad diem dictam in Divi Cornelii cenobio adeſſe Leodienuſum e ſacro ordine Primoribus, poſt biduanam diſceputationem adegit Alexandrum ad fatendam culpam, veniamque poſtulandam, quod conſue-

tudinem Ducis Lovaniensis non vitasset. Unde ab Epiſcopatu petendo abſtinere juſſus, qui biennio vacans manſit.

Chronica S. Trudonis Lib. XI. Spicilegii Dachevii Tom. VII.

Martene & Durand. in Præſatione Collectionis ampliffimæ Tomi I.

VARII CONVENTUS IMPERATORIS HENRICI V.

ANNO MCXIX. CUM AMICIS ET ADVERSARIIS APUD TRIBURLAM, ARGENTINAM, APUD VERDUNUM, METAS, DEMUM APUD MOSOMUM CASTRUM, AD QUOD CALIXTUS PAPA à CONCILIO REMENSI CUM LEGATIS VENIT, SED OB INDUCIAS FRUSTRA PROTELATAS REMOS REDIIT, ET V. CANONES PROMULGARI FECIT.

HÆC OMNIA, ANNO 1119. ACTA INTER HENRICUM V. ET LEGATOS PAPÆ, PARASCEVE ERANT CONCORDATI, ANNO 1122. CONCLUDENDI.

Venerunt ad Regem apud Argentinam (a) Epiſcopus Catalaunenſis, & Abbas Cluniacenſis, acturi cum eo de pace & concordia inter Regnum & Sacerdotium, a quibus, cum Rex conſilium quaereret, quomodo ſine diminutione Regni ſui hoc exequi poſſet, aſſumptâ parabola ſua reſpondit Epiſcopus: Si veram pacem, Domine Rex, deſideras habere, inveſtituram Epiſcopatuum & Abbatiarum omni modo dimittere te oportet. Ut autem in hoc Regni tui nullam diminutionem pro certo teneas, ſcito me in Regno Francorum Epiſcopum electum, nec ante conſecrationem aliquid ſuſcepſiſſe de manu Regis, cui tamen de tributo, de militia, de theloneo, & de omnibus, quæ ad Rempubli- cam pertinebant antiquitus, ſed a Regibus Chriſtianis Eccleſiæ Dei donata ſunt, ita fideliter deſervio, ſicut in Regno tuo tibi Epiſcopi deſerviunt, quos huc uſque inveſtendo, hanc diſcordiam, immo anathematis ſententiam, incurriſti.

Ad hoc Rex elevatis manibus hoc reſponſum dedit: *Eja, inquit, ſic fiat, non quero amplius.* Tunc ſubjunxit Epiſcopus: *Si igitur inveſtituras dimittere volueris, & poſſeſſiones Eccleſiarum, & eorum, qui pro Eccleſia laboraverunt, reddere, & veram pacem eis dare; laborabimus; Deo opitulante, huic contentioni finem imponere.* Quæ omnia Rex communicato cum ſuis conſilio, ſe proſecuturum promiſit, ſi fidem & juſtitiam apud Dominum Papam inveniret, & ſi veram pacem ipſe, & ſui, & poſſeſſiones, quas pro Werra iſta amiſerant, reciperent. Quibus auditis Epiſcopus certum ſe fieri ſuper denominatis capitulis poſtulavit, tum ut labor eorum non eſſet inutilis, tum ut Dominum Papam ad exequendam pacem facilius inclinarent. Tum Rex propria manu ſub teſtimonio Fidei Chriſtianæ in manu Epiſcopi & Abbatis firmavit, ſe præſata capitula ſine fraude proſecuturum. Poſt eum Epiſcopus Lauſanneniſis, & Comes Palatinus, & cæteri Clerici & laici, qui cum

(a) Catalaunenſis Epiſcopus, & Cluniacenſis Abbas, apud Argentinam anni MCXIX. Henricum V. Imperatorem convenientes, multis rationibus obtinuerunt, ut omnibus, quæ ſibi imponerentur juxta Senatus conſultum Procerum Regni ſatiſfacturum ſe ſponderet, & per omne Regnum unicuique ſuis rebus ſpoliato, propria concedi præciperet. *Annaſtiſta Saxo apud Eckhart. Tomo I. Corporis Hiſtoric. Germaniæ.*

Idem promiſerat hoc anno Imperator apud Triburiam Conventum feſto S. Joannis Baptiſtæ, idem promiſerat circa Novembrem in Rhenanis partibus, audito amicorum & adverſariorum conſilio.

eum eo erant, hoc idem firmaverunt eodem modo. Accepta securitate Episcopus & Abbas Domino Papæ Parisiis occurrerunt, quæ viderant, & audierant, fideliter intimarunt, quibus applaudens Dominus Papa sic respondit: *Utinam jam factum esset, si sine fraude fieri posset!* Mox communicato cum Episcopis & Cardinalibus consilio, eosdem, & cum eis de latere suo (Lambertum) Episcopum Ostiensem, & Gregorium Cardinalem ad Regem remisit, ut præfata capitula diligentius retractarent, atque scripto ex utraque parte firmarent. Et si hoc, si aut promiserat, exequi vellent, diem, quâ ista complerentur, ante finem Concilii denominarent. Venientes ad eum, VIRDUNUM & METIM ei occurrerunt, quod Dominus Papa eum libenter reciperet, si promissum exequi vellet, retulerunt. Super quo quasi gavisus Rex, quod prius apud ARGENTINAM in manu prænominatorum firmaverat; iterum inibi in manu Episcopi Ostiensis, & Gregorii Cardinalis, & Episcopi Catalaunensis, & Abbatis propria manu firmavit, quod videlicet in proxima VI. feria, id est, Nono Kal. Novembris capitula, quæ sequenti scripto continentur, apud Mosomum in præsentia Domini Papæ fideliter sine omni fraude exequerentur. Post eum hoc idem juraverunt Dux Welf, Comes Beringarius, Comes Palatinus, Comes Wilhelmus, & alii Principes, Episcopi, Clerici, Laici multi. Exegit etiam ipse a nostris eodem modo firmari sibi, quod, si in ipso non remaneret, eodem die Dominus Papa, quæ in scripto suo continentur, adimpleret. Scriptum autem concordie hoc fuit:

EGO HENRICUS, Dei gratia, Romanorum Imp. Augustus, pro amore DEI & B. Petri, & Domini Papæ Calixti, dimitto omnem investituram omnium Ecclesiarum, & do veram pacem omnibus, qui, ex quo discordia ista cœpit, pro Ecclesia in Werra fuerunt, vel sunt: possessiones autem Ecclesiarum, & omnium, qui pro Ecclesia laboraverunt, quas habeo, reddo: quas autem non habeo, ut rehabeant, fideliter adjuvabo. Quod si quæstio inde emerferit, quæ ecclesiastica sunt, cano-

nico; quæ autem sæcularia sunt, sæculari terminentur iudicio.

Item Rescriptum D. PAPÆ.

EGO CALIXTUS II. DEI gratia Romanæ Ecclesiæ Episcopus Catholicus, do veram pacem Henrico Rom. Imp. Augusto, & omnibus, qui pro eo contra Ecclesiam fuerunt, vel sunt: possessiones eorum, quas pro Werra ista perdidierunt, quas habeo, reddo, quas non habeo, ut rehabeant, fideliter adjuvabo. Quod si quæstio inde emerferit, quæ Ecclesiastica sunt, canonico, quæ autem sæcularia sunt, sæculari terminentur, iudicio.

Hac itaque data, & accepta securitate, festinanter ad Dominum Papam (b) REMIS redierunt, quæ fecerant, & quæ a Rege & a suis receperant, ante Concilium reportantes, simul & diem & locum colloqui designantes. Dominus Papa in Generali Concilio XIII. Kal. Novemb. Remis residens, inter cætera sic exorsus est: *Domini Patres & Fratres: Causa pro qua vos de terra longinqua & remotis Regionibus ad Concilium vocavimus, hæc est: Scitis, quamdiu Romana Ecclesia contra diversas hæreses laboravit, & sicut per Beatum Petrum, cui specialiter dictum est a Domino: Rogavi pro te, Petre, ut non deficiat fides tua, & tu aliquando conversus confirma fratres tuos. Simon Magus iudicio Spiritus Sancti ab Ecclesia Dei eliminatus perit, sic usque ad nostra tempora, id est, per vicarios suos sequaces Simonis expugnare, & ab Ecclesia Dei extirpare non desinit. Ego quoque qualiscunque, licet indignus ejus Vicarius, Simoniacam hæresim, quæ maxime per investituras contra Ecclesiam Dei immovata est, ab Ecclesia Dei, opitulante Deo, vestro consilio & auxilio, modis omnibus eliminare desidero: unde, si placet, a fratribus nostris, qui inter nos & Regem, dictum Theutonicum, verba concordie portaverunt, ordinem causæ diligentius audiat, & quid nobis super his agendum sit, unusquisque pro modo suo, quia causa communis est, prudentiori consilio attendatis. Tunc Dominus Papa Ostiensi Episcopo injunxit, ut universo Concilio latine causæ ordinem exponeret. Quod cum prudenter Episcopus Ostiensis perorasset; iterum Catalaunen-*

(b) Synodus Remensis circa Festum S. Lucie 1119. indicta, cui Adelbertus Moguntinus, & multi Germaniæ Episcopi interfuerunt.

launensis Episcopus ex præcepto Domini Papæ hoc idem Clericis & Laicis materna lingua exposuit. Quo completo multa capitula illo die & sequenti proposuit, & usque ad finem Concilii universa complenda distulit. Sequenti vero die, cum in hoc consilium episcoporum sedisset, ut Dominus Papa ad diem colloqui pro componenda pace accederet, & utrum in veritate homo ille ageret, per semetipsum tentaret, circa finem Concilii illa die Dominus Papa sic prosecutus est: *Domini Patres, & Fratres: Scitis, quamdiu mater nostra Ecclesia contra Simoniacam hæresim, maxime, quæ per investituræ sit, in partibus nostris laboraverit, & quia placuit omnipotenti Deo, nostris diebus Ecclesiæ suæ pacem offerre, & jam proxima dies colloqui ad ipsum locum crastina die nos compellit accedere, summopere rogamus, ut reditum nostrum patienter sustineatis, & si Deus pacem nobis dederit, commune gaudium universo mundo annuntietis. Si autem, quod Deus avertat, adversarius nobiscum agere tentaverit, festinanter ad vos revertemur, & sicut conventionem pacis, si fiat vobiscum, & per vos confirmare, sic in commentatorem fraudis, si infidelis evaserit, iudicio Spiritus Sancti, & vestro, gladium sancti Petri vibrare tentabimus.* Quod cum sub obtentu obedientiæ Archi-episcopis, Episcopis & Abbatibus injunxisset, præcepit etiam, ut interim, & maxime die colloqui Plalmos, orationes, & sacrificia spiritua- lia Deo offerrent, & a majori Remensi Ecclesia usque ad Ecclesiam beati remigii cum processione nudis pedibus exirent. Sic interim dimisso Concilio feria IV. Dominus Papa ad locum colloqui exiit, & feria quinta cum multis vix cum maximo labore pervenit. Feria VI. vocatis in cameram Archi-episcopis, Episcopis, Abbatibus, & cæteris sapientibus viris, quos multos secum duxerat, coram omnibus fecit legi, utrumque scriptum concordiæ. Cumque lectum fuisset, scriptum Regis diligentius ceperunt episcopi retractare, maxime illud capitulum, ubi dicebatur: *Dimitto omnium investituram omnino Ecclesiarum: dicentes: siquidem Rex simpliciter agit, verba ista sufficiunt: si autem sub hoc capitulo aliquid cavillare conatur, determinatione nobis videntur indigere, ne forte aut possessiones antiquas Ecclesiarum sibi conetur vendica-*

re, aut iterum de eisdem episcopos investire. Rursum in scripto Domini illud diligentius retractabant, ubi dicebatur: *Do veram pacem Regi, & omnibus, qui cum eo in Werra ista fuerunt vel sunt, ne forte in danda pace plus intelligerent, quam reddendam communionem Ecclesiæ, & sub hoc verbo Ecclesia cogere- tur suscipere, quos aut superpositos legiti- mis pastoribus, aut canonice deposti- tos, sine gravi offensione non posset sustinere.* Diligenter igitur omnibus retractatis, missi sunt ad castra regis episcopus Ostiensis, Joannes Cardinalis, Episcopus Vivariensis, episcopus Catalaunensis & Abbas Cluniacensis, & alii multi cum eis, portantes scripta in manibus. Cumque pervenissent ad castra, ostenderunt scripta, determinaverunt capitula, prout omnium communi consilio diffinitum erat. Rex autem his auditis, prima fronte se nihil promississe horum omnino abnegabat. Tunc Episcopus Catalaunensis zelo Dei inflammatus, & gladio verbi Dei accinctus respondit pro omnibus: *Si Domine Rex, negare vis scriptum, quod tenemus, in manibus, & determinationem, quam audisti, paratus sum sub testimonio Religiosorum virorum qui inter me & te fuerunt, jurare super reliquas Sanctorum, & super Evangelium Christi, te ista omnia in manu mea firmasse, & me sub hac determinatione recepisse.* Cumque omnium testimonio vinceretur; tandem compulsus est confiteri, quod prius negaverat. Veruntamen conquerebatur de eis graviter, quia licet eorum consilio promiserit, absque diminutione Regni exequi non valeret. Cui sic episcopus respondit. "In promissis nostris Domine rex per omnia nos fideles invenies. Non enim Dominus Papa statum Imperii, aut coronam Regni, sicut quidam seminatores discordiæ obloquuntur; in quolibet imminuere attentat: immo palam omnibus denuntiat, ut in exhibitione militiæ, & in cæteris omnibus, in quibus tibi & antecessoribus tuis servire consueverant, modis omnibus deserviant. Si autem in hoc Imperii statum imminui existimas, quod ulterius tibi Episcopatus vendere non liceat; hoc potius regni tui augmentum ac profectum sperare debueras, si, quæ Deo contraria sunt, pro-

ejus

" ejus amore abjicias." Ad hæc omnia cum respondere non posset, mitiora verba cœpit proferre, & inducias quærere, vel usque mane, dicens, *se nocte illa cum principibus velle de causa conferre, & ad exequendum promissum si posset, eorum corda inflectere, & ad alterutrum summo mane veniuntiare.*

Post hæc fui de modo absolutionis & susceptionis, cum nostris ceperunt conferre. Durum sibi, immo importabile videri, si more aliorum Dominus suus nudis pedibus ad absolutionem accederet. Quibus condescendentes nostri responderunt, quod modis omnibus laborent, ut Dominus Papa eum calciatum, quanto privatus posset, reciperet. In his verbis illa die colloquio terminato, nostri ad Dominum Papam redierunt, quæ invenerant, reportantes. Tunc Dominus Papa quasi jam de pace desperans ordinabat summo mane ad fratres, quos remis reliquerat, repedare. Sed consilio Comitis Trecentis & multorum aliorum compulsus est, sabbatho tere ad horam VI. in eodem loco manere, & ut omne os adversariorum obstrueret, & vocem derogationis omnibus auferret. Summo mane iterum missi sunt ad castra episcopus Catalaunensis, & Abbas Cluniacensis, super inducias acceptas responsum ejus audituri. Cumque illuc pervenissent, sicut pridie fecerat, repræsentavit episcopus scripti veritatem, cum attestatone Sacramenti dicens: heri quidem, Domine rex, cum justitia possemus a te recedere, quia die denominato parati fuimus, & promissum tuum tuum recipere, & nostrum implere; verum quia tu inducias petendo, usque in hanc diem distulisti, nolumus, ut propter intervallum unius noctis, tantum bonum in nobis remaneat, & si hodie promissum tuum exequi volueris, paratus est adhuc Dominus Papa, quod per nos tibi promisit, modis omnibus adimplere. Tunc Rex iratus iterum inducias

cœpit quærere, donec generale colloquium cum Principibus regni posset habere, sine quorum consilio investituras non audebat dimittere. Ad hæc Episcopus, quia sæpe inducias quærendo, quæ promissisti, implere dissimulas, nihil nobis est tibi amplius. . . Revertor ad Dominum Papam. Sicque insalutatus rediit, quæ invenerat, nuntiavit. Mox ergo Dominus Papa cum suis ad aliud castrum Comitis Trecentis cum summa festinatione transiit, Rex autem nuntium ad Comitem direxit summopere rogans, ut Dominum Papam inibi die Dominico detineret, promittens se facturum modis omnibus feria II. quod totiens abnegaverat: Quod cum ad Dominum Papam delatum fuisset, communicato cum suis consilio hoc breve dedit responsum: Feci, fratres, pro desiderio pacis, quod ab antecessoribus nostris nunquam factum audivi: Generalem Synodum congregatam, & fratres multos, quasi desolatos, reliqui: ad hominem istum cum labore multo perveniens, quæ pacis sunt, in eo, non invenio, unde nullatenus eum ulterius exspectabo, sed ad fratres nostros, & ad Concilium, quantocius potero, regrediar. Si autem in Concilio, vel post Concilium, veram pacem Deus nobis obtulerit, paratus ero suscipere, & amplecti. Die Dominica de eodem loco ante diem exivit, & cum tanta festinatione Remis usque currit, ut XX. leugis consummatis, eadem die Missam Remis celebraret.

Ex Commentariolo Hessionis Scholastici, de Tractatu Pacis inter Callistum II. & Henricum V. edito a Gretsero, Tomo VI. novæ editionis pag. 530. ad quem Commentariolum Urspergensis, & Annalista Saxo remittunt volentes discere historiam Concilii Remensis anni 1119.

Cætera Synodi Remensis non spectant ad Concilia Germaniæ, sed ad Concilia Galliæ.

SYNODUS HALBERSTADENSIS

Anno Christi MCXX. Callisti II. Papæ II.

Henrici V. Reg. XV. Imp. X.

Reinhardi, Episcopi Halberstadenfis, Diploma Foundationis Monasterii Schœningensis S. Laurentii.

IN Nomine DEI Omnipotentis. REINHARDUS B. Stephani Proto-Martyris devotus famulus, sanctæ Halberstadenfis Ecclesiæ Divina gratia Antistes. In instituendis ac firmandis sanctæ Ecclesiæ, Justitiæ, & Religionis incrementis Episcopali præcipue decet providere vigilantia. Unde quamvis Marris Ecclesiæ ruinas frequenter multiplicari videamus, & eis peccatis nostris exigentibus, pro debito nostro ad occurrendum per omnia minime sufficiamus; Divinâ favente tamen gratiâ susceptum in his officii nostri ministerium pro posse nostro recogitare studebimus. Notum igitur facimus præsentibus, & cunctis retro futuris S. Ecclesiæ fidelibus filiis, quod nos in Ecclesia nobis credita inordinata corrigere, & correctâ fidei devotione persequi cupientes, quandam Sanctimonialium congregationem apud villam Schœningen institutam, sed inutiliter & sine fructu sanctæ religionis, omnisque honestatis dies suos deducentem; communicato fidelium Ecclesiæ nostræ consilio; removimus; & Fratres juxta traditionem Regulæ B. Augustini vitam ducentes, illis substituimus. Quia vero prioris Claustri loca ad construenda domicilia Congregationis inconvenientia vidimus, fidelibus Ecclesiæ nostræ consulentibus, in curiam nostram, quam in superiori parte ejusdem villæ habuimus, ipsum claustrum utilitatis, & commodorum gratia transulimus, antiquam tamen Ecclesiam cum bonis, prædiis, omnibusque justitiis suis in potestatem & subjectionem Congregationis perpetua stabilitate concedentes. DEI igitur Omnipotentis auctoritate, Sanctæque Scripturæ præceptis informati statuimus, & firmando præcipimus, ut regularis professionis ordo ibidem Divinâ favente gratiâ, incommutabiliter perseveret; nullusque post factam ibi

professionem sine Præpositi, totiusque Conventus licentia abcedere, seu ad aliam vitam & ordinem præsumat transmigrare. Patre quoque ejusdem Ecclesiæ obeunte, vel decedente, nemo ibi violentèr, seu alio quolibet malo conamine præficiatur. Sed unanimatè & concordia fratrum sana integraque persistente, electionis eis firma permaneat libertas, videlicet, ut de eodem claustro, aut aliunde, si opus est, ejusdem tamen professionis in paternitatis officium idonea persona sumatur. Cæterum pro removenda omnis infestationis molestia decernimus, ut omnia ejusdem Ecclesiæ prædia, in villis, agris, silvis, pratis, & molendinis, salva semper, & illibata permaneant, pro ibi famulantium usibus debita commoditate proventura. Tres quoque mansos nostri juris in eadem villa sitos, omnemque decimam eorum professionis ex eadem Schœningensi villa ad nos pertinenti, in eorum sustentationem, obsequii Divinæ indulgentiæ, concedimus, statuentes, ut tam hæc, quam omnia, quæ vel per nos, nostrosve successores, aut per alios fideles, congrua & justa acquisitione quoquo modo in futurum consecuti fuerint; sine omni gravaminis importunitate sub eorum ditione permaneant; Apostolica itaque traditione, pro auctoritate Patris, & Filii, & Spiritus Sancti statuimus, ut eandem Ecclesiam ad officium Divini cultus informatam nemo unquam hominum temeraria fatigatione, aut exactione inquietare vel ejus passiones diripere, auferre, vel ablatas retinere, ullo modo præsumat, sed in pace & tranquillitate religionis securus semper & libera consistat. Si quis ergo huic nostræ institutionis scripto pertinaciter obviare præsumpserit, nisi celesi, & digna correctione respuerit, a visceribus Matris Ecclesiæ sine dilatione seque-

sequestratus, Divino iudicio plectendus subjaceat. Omnes autem eandem Ecclesiam in pace, & quiete fovētes, ejusque profectum fidei congratulatione prosequentes, pretiosa Beati Laurentii Martyris oratio, & gratuita Domini Dei nostri Benedictio semper tueatur. Amen. Hæc itaque statuta, & decreta, ut firma semper, & illibata permaneant, in verbo Dei Omnipotentis, & B. Petri Apostoli auctoritate, vinculo anachematis interposito præcipimus, & sigilli nostri impressione inviolabiliter consolidamus. In hujus condonationis testimonium interfuerunt ELFERUS

majoris Ecclesiæ Præpositus, Fridericus Decanus, Conradus Camerarius, Elferus Abbas de Hilesneburg, Thiermarus ejusdem Schœniggenensis Ecclesiæ Præpositus, Fridericus, Comes Palatinus, ejusdem loci advocatus, cum aliis quam plurimis fidelibus. Data in Halberstad XV. Kal. Novemb. in publico Concilio. Incarnationis Dominicæ Anno MCXX. Indict. XIII. Præfulatus Domini Calixti PP. anno II. Ordinationis Venerandi Domini Reinhardi Episcopi XIII. feliciter. Amen.

Lunig. Spicilegii Ecclesiastici Parte II.

Appendice N. XXV. pag. 360.

SYNODUS HALBERSTADENSIS

Anno Christi MCXXI. Callisti II. Papæ III.
Henrici v. Regis xvi. Imp. xi.

Reinhardi, Episcopi Halberstadenfis, Confirmatio Monasterii Schœniggenfis in Diœcesi Halberstadiensi.

IN Nomine Sanctæ, & Individuæ Trinitatis; Reinhardus Dei gratia sanctæ Halberstadenfis Ecclesiæ dictus episcopus; beati Stephani Protomartyris humilis & devotus famulus, omnibus Christi fidelibus, tam futuris, quam præsentibus in perpetuum. Gratia vobis, & pax impleatur. Officii nostri debitum expostulat, nos religiosos viros, fratres nostros, regulam B. Augustini professos, in contemplatione vitæ, dulcedine quiescentes, cum Maria ad pedes Domini sedentes, & verbum illius, optimam partem, etiam eligentes paterno caritatis affectu diligere, & cum Martha in activæ vitæ labore piam pro eis sollicitudinem gerere, & eos per omnia in suis opportunitatibus pro posse nostro confovere: & cum per Apostoli præceptum operari bonum ad omnes doceamur, maxime tamen domesticis fidei, Apostolicæ utique vitæ imitatoribus assistere informamur. Ea propter notum esse cupimus omnibus Christi fidelibus, qui cœqualem nobiscum sortiti sunt fidem, quod Schœniggenfis Cenobii novellam plantationem quarundam sanctimonialium, ob inutilem earum conversationem, remotionem,

loci etiam, in quo manebunt, necessariam mutationem, & cætera, quæ literis prioribus adnotavimus, & posterorum memoriæ transmisimus, rata esse censemus, cum aliquid eorum, quæ scripta sunt, immutamus, ut videlicet regulæ B. Augustini Canonica professio in eodem loco in perpetuum permaneat, nullusque post factum inibi votum absque licentiâ Capituli recedere audeat. In statuendis etiam Præpositis canonicæ electionis libertas firma perduret; Prædia fratrum, quæ prius Sanctimonialia illæ possederunt, & quæ postmodum adjecimus - nullus temere invadat, ipsos & bona eorum tuentes, Dei omnipotentis gratia custodiat, & persequentes eos ultio Divina percellat. Præsentem paginam posteritati fidelium scribimus, inque locum quendam, qui calvo dicitur juxta in ... Tulonem situm, in quo felicis memoriæ Oda Comitiſſa, regia stirpe orta, sanctimonialium congregationem pio voto collocaverat, sed peccatis exigentibus malorum hominum sæpius desolatus est, cum univerſis alodiis, quæ illi attinebant, Schœniggenſium fratrum utilitati episcopali auctoritate delegamus. Eundem etiam locum, & om-

& omnia ad ipsum aliquando attinentia omnium hominum potestati, & usui, anathemate interposito, abdicamus; Divina quoque illic celebrari, locumque ipsum ab aliquo incolis, nisi voluntate Schœningensis Præpositi; & fratrum ejus, nullius præsumptioni assensum damus. Nullus etiam successorum nostrorum, nec aliqua prorsus Ecclesiastica, secularisve persona annorum eorum centum & jus . . . qui eis serviunt, & antiqua traditione usque ad nos statutum pro decimis addere, vel minuere vel mutare præsumat. Præterea, quem vulgato nomine advocatum vocant, Præpositus & fratres eligant, & si plus iusto forte importunus esse voluerit, episcopali auctoritate alium magis idoneum illi substituant.

Hæc autem sunt prædia, quæ Venerabilis Matrona, & ejusdem loci Abbatissæ aliquæ illi cœnobio contulerunt. In villa, quæ dicitur Hergrimestorp XVIII. aræ, cum decem, & novem mansis. In Helmerichstorp XV. aræ cum duodecim mansis. In Suammere XII. mansi, & dimidius, & XV. aræ. In Luckestorp XI. aræ, & octo mansi. In Rodensleve XII. & XVI. aræ. In Geroldestorp VII. aræ, cum V. mansis. In Iggersleve II. & totidem mansi. In Hellestê III. mansi & VII. aræ cum adjacenti sylva. In Budenstedt I. mansus, & I. area. In Dalwersleve I. mansus & area. In Edentorp mansus & area. In Ballinge VI. mansi & X. aræ. In Suardelese VII. cum tot mansis. In Bulstringe II. aræ & totidem mansi. In Bindorp III. aræ & duo mansi, & dimidius. In Bouga mansus, & area. Eslestedt & Akendorp juxta Gardeleve cum omni utilitate, in sylva, qua Heineisse dicitur, & his contigua est participatio. Oroploge cum omnibus attinentiis. Luidwine dimidia cum omni utilitate. Schirinbeche ex integro, exceptis duobus mansis nostri juris, quos etiam beato Laurentio in Schœninge contulimus. In Hierenrode mansus, & area. In Allende tres mansi & dimidius, & duæ aræ. In Banisleve mansus, & area. In Udenheim III. mansi & dimidius cum tot areis. Juxta Bardewik in Mechtenhusen unum parvum & dimidium. In Bekenhusen qui solvunt XXIV. solidos. In villa Schœninge XXII. aræ, & VII. mansi cum

Tomus III Concil. German.

pratis & usibus sylvarum, & utilitate salis; & molendinum in superiori parte ejusdem villæ. Præterea omnia prædia Parochialis Ecclesiæ beati Stephani protomartyris in eadem villa, quæ fratrum usibus assignavimus. Has itaque possessiones, quas præsens pagina continet, quas videlicet supra dicta nobilis fœmina, & aliæ Abbatissæ & reliqui fideles, juxta donationem priori loco delegaverunt in villis & locis desertis, in campis & sylvis, in agris cultis & incultis, in vineis & vinetis, in arboribus, & arboribus, in pratis & pascuis, in aquis & aquarum decursibus, in molis & molendinis, in piscationibus, & venationibus, in exitibus, & redditibus, in viis & inviis, in acquisitionibus, & acquirendis, vel etiam eas, quæ aliquorum violentiâ cœnobio substractæ sunt, in ipso sub patrocinio beati Laurentii Deo famulantium usibus hoc testamento assignamus, & ne in posterum inquietorum temeraria præsumptione auferri debeant, sigillo nostro, quæ scripta sunt, roboramus.

In Nomine etiam Patris, & Filii, & Spiritus Sancti, auctoritate Apostolorum Petri & Pauli, potestate quoque Domini Calixti summæ Sedis Pontificis, & banno nostro Schœningensi Monasterio, & omnibus in eo merita beati Laurentii devote venerantibus, & eorum possessionibus, quas in præsentibus juste possident, & in futurum concessione Pontificum, largitione regum, liberalitate Principum, oblatione fidelium, seu quibuslibet modis adipisci poterunt, æterna pace firmamus, & hanc ab omnipotentis Dei misericordia perpetuam eis imprecamur, & optamus. Si quis igitur, sciens hæc statuta nostra contraire tentaverit, & fratres nostros; & bona eorum in aliquo infestare præsumpserit, non sit ei hæreditas in Regno Christi & Dei, sed abscissus ab unitate Corporis Ecclesiæ, nec resurgat in Concilio justorum, si non agnoscens reatum suum respuerit, & pro temeritatis ausu Patri Cœnobii & Fratribus satisfecerit. Omnes autem eidem loco, & Deo in ipso servientibus, quæ iusta sunt, deferentes, & tam ipsos, quam bona eorum pace prosequentes, & defendentes, gratuita Dei Omnipotentis

N n

mise-

miser cordia præveniat, & subsequatur, & gloriosa B. Laurentii incliti Martyris intercessio tueatur. Amen.

Hujus pagine Testes sunt hi: Elverus majoris Ecclesiæ Præpositus, Gerardus Decanus, Martinus Custos, Conradus Camerarius, Martinus Abbas Hilfiniburgensis, Alfinus Hugerburgensis Abbas, Gerhardus Præpositus S. Johannis in civitate, Thietmarus Præpositus Schœningensis cœnobii, Fridericus Palatinus Comes junior, Rudolphus Marchio, Adelbertus Comes de Wernigerode, Beringerus Advocatus majoris Domus. Willerus Præfectus in civitate, Engilma-

rus Vice-Dominus, Eberhardus Advocatus Schœningensis Cœnobii, & alii quamplures Nobilium & Ministerialium. Actum Halberstad, anno Dominicæ incarnationis Millefimo centesimo vigesimo primo, Indiēt. XIV. in publica Synodo, in festo Lucæ Evangelistæ. Præfatus Domini Calixti Papæ III. Regnante Henrico V. Romanorum Imperatore Augusto. Anno Ordinationis Domini Reinhardi Episcopi XIV. feliciter. Amen.

*Lenzen in Antiquitatibus Halberstaden-
sibus Diplomate 66. pag. 712.*

*Lunig Spicilegii Ecclesiastici Parte II.
Appendice N. XXVI. pag. 31. 32.*

SYNODUS GENERALIS TULLENSIS DIOECESANA

Anno Christi MCXXII. Callisti II. Papæ IV.
Henrici V. Regis xvii. Imp. xii.

*Sub Riquino Episcopo, confirmante Prioratum S. Dodonis Martyris,
Monasterio S. Mansueti donatum & dotatum a variis, consecra-
tum a Pibone antecessore.*

IN Nomine Patris, & Filii, & Spiritus Sancti. Requinus Dei misericordia sanctæ Tullensis Ecclesiæ Minister, & servus, universalis Christianæ professionis cultoribus. Commutare feliciter pro terrenis cœlestia, pro perituris æterna, felix est ante Dominum sinceræ intentionis affectus, quem feliciori piæ devotionis studio felicissimus bonæ operationis comitatur effectus. Nos autem, quibus præcipue ad lucrum commissæ sunt Dominicæ talenta pecuniæ, segnioribus convenit imitandos proponere, quos perseveranti animo in bono proposito probamus, & amplectimur, instantius permanere. Ad exemplum itaque imitationis notificamus præsentibus, & posteris, quoniam instinctu Theomari Abbatis sancti Mansueti, dilecti filii nostri, venerunt ad nos vir illustis Widricus de Domna Basula, cum filio suo Theodorico, & Ida venerabilis matrona cum Haymone filio, dederuntque per manum nostram SANCTO MANSUETO Ecclesiam in proprio constructam alodio, consecratam in honore SANCTI DODONIS MARTY-

RIS a Domino Pibone Pontifice, felici prædecessore nostro. Atrium siquidem ejusdem Ecclesiæ, quod eatenus angustius erat, idem Pontifex ex propria terra, quam juxta habebat, dilatavit, determinavit limitibus, & cimiterium benedixit. Eandem siquidem Ecclesiam Haymo & Theodoricus Baudus de Domna Basula progenitores eorum ex propriis sumptibus dedicari fecerant, duosque terræ Quartarios ad dotem Altaris contulerant, Pontificali autoritate a prædicto Præsule, concessa sibi & hæredibus suis libera potestate, ut VIII. tantum nummos Sancto Protho-Martyri pro censu persolverent, & cuicumque Ecclesiæ vellent nostræ duntaxat Dicecesis, eam libere & absolute sicut liberam contraderent.

Nostris denique temporibus prædicto Widrico & Ida, hæredibusque eorum supplicantibus constituimus, ut prænominatus Abbas SANCTI MANSUETI in sua eam providentia susciperet, & quidquid habebat sanctus Mansuetus in villa de Domna Basula, ad præbendam fratrum inibi degenſium con-

verte-

verteret & augetet. Enimvero Drogo de Strena dederat sancto Mansueto VII. terra Quartarios, & dimidium, in termino de Domna Basula, & portionem, quam habebat in eadem Ecclesia, integram videlicet decimam hominum ad se pertinentium, & partem decimarum, quam accipiebat ab hominibus sancti Gorgonii, qui morantur in eadem villa. Dedit etiam Albertum cum uxore & filiis, & afflulum, & VI. virgas molenadini, & communem usum in aquis, sylvis, & pascuis, insistente prope modum Abbate. Prædicti Widricus & Ida, & hæredes eorum, quædam jugera atrio sancti Dodonis contigua, sancto Mansueto contulerunt, & ad construenda ædificia translata eminus publica semita ambitum loci dilataverant.

Adjecerunt præterea quidquid habebant in Ecclesia de Domna Basula in decimis, tam de proprio alodio, quam de externis hominibus, oblationibus & helemosynis; conductum etiam Presbyteri, & medietatem eulogiarum matricularii. Prædicti viri Widricus, & Theodoricus filius ejus, Ida, Haymo, Rodulfus & Ermentrudis hæredes ejus, Gerardus de Vitrimont, assensu uxoris suæ Leuchardis, & Herimanni filii sui, aliorumque hæredum suorum, dederunt nobis portiones vinearum & mansuum, sicuti possidebant. Dedit etiam Haymo nobis pro anima Rodulfi fratris

sui, scabellum vineæ, quod in vicino possidebat, & tres partes terræ incoltæ, quam in rivulis habebat.

Assentientibus deinde Dominis totius alodii, & ministerialibus concessum, ut tam fratres loci, quam universi advenæ vel indigenæ, qui devotione sancti ibidem ad manendum convenirent, reliquorum hominum more, ejusdem villæ in pascuis, sylvis, aquis communem usum haberent, nec propter hoc respectum aliquem servitii vel consuetudinis vel Dominis vel ministris exhiberent. Hoc igitur piæ devotionis institutum, ut inviolabile persistat, sub anathemate Pontificali auctoritate firmavimus, signis etiam & testimonio nostrorum fidelium roborandum contradimus. Signum Theomari Abbatis sancti Mansueti. Sign. Petri Abbatis S. Apri. Sign. Stephani Archidiaconi. Sign. Haymonis Archidiaconi. S. Hugonis Ruffi Archidiaconi. Sign. Hugonis Gundricurtenfis Archidiaconi. Sign. Hugonis albi Archidiaconi.

Confirmatum est testamentum hoc in Generali Synodo anno ab Incarnatione Domini MCXXII. Indiæ. XV. Epacta XI. Concurrente VI. Ordinationis nostræ XV. regnante per sæcula Domino Jesu Christo.

*Calmet. Historia Lotharingæ Tom. IV.
Probationum pag. CCLXVIII.
CCLXIX.*

CONCILII WORMATIENSE

Anno Christi MCXXII. Callisti II. Papæ IV.
Henrici V. Regis XVII.

*Præparatoria ad Concilium anni 1122. mense Septembri habendum,
indictum Wirceburgi, sed Wormatiæ celebratum.*

ANNO MCXXI. fiebant per omnes Ecclesias jejunia, supplicationes, vel litanie, nec erat ulla filia Sion, quæ se faceret expertem tanti periculi matris suæ. Quapropter respexit Dominus in orationem humilium, & non sprevit precem eorum: sed misso principali Spiritu suo, Spiritu consilii & pacis, inter Principes utriusque populi (*Henrico V. vel Calixto II. additi*) missis utrimque quibusdam Sapientissimis atque Religiosis Pro-

ceribus, de concordia honorabiliter tractare cœperunt. Quid plura? Eousque Spiritus Jesu, pro pretio sanguinis filii sui, filiisque sponsæ suæ dimicans, spiritui superbiæ prævaluit: ut mentibus universorum, in uno Divinæ voluntatis assensu connexis ipsorum consilio, sua- sione & obsecratione, Regis indignatio in tantum mitigaretur; ut ipse præsens negotium non suo, sed Optimatum utriusque partis arbitrio terminandum decre-

N n 2

verit

Tomus III. Concil. German.

verit. Inde rerum omnium gubernatori cunctis gratias agentibus denominati sunt ex utraque parte XII. Primates, quorum corda timor Dei possidens, inveteratam discordiam inter Regnum & Sacerdotium fedare, nemine resistente, sufficeret. Ad hæc terminanda collaudatur Conventus totius regni Principum, Curia Wurceburg, tempus festum S. Michaelis, & unoquoque, propria manu in alterius manum hujusmodi pactum, quasi sub Sacramento firmante, cum pace & gaudio discessum est.

Evolutis posthæc quasi tribus mensibus, Imperator cum ingenti Comitatu venit in Wurceburg: juxta conditum vero Saxonum Principes una cum Moguntino Præsule, cæterisque, castra metati sunt juxta rivum Werna, unius diei interstitio ab urbe, & castris, securitate per internuntios datâ, per septimanam uni se quotidie curiæ colligunt super præsentis schismate. Nonnulli pacem odientes, scandala superfeminare tentabant; sed multitudini cedendum fuit. Multa, quæ ibi disposita sunt, præterimus. Ea tantum hic annotantur, quæ ad pacem firmissimam & universalem constituta sunt. Nempe ut regalia regno, Ecclesiastica Ecclesiis, prædia deprædatis, hæreditates hæredibus omniq; personæ vel conditioni propria adjudicaretur justitia. Prædones, fures Imperialibus edictis & legibus antiquis coercerentur, omne scandalum omnino eradicetur.

De verbo *Excommunicationis* nihil est definitum, sed ad Apostolicam præsentiam dilatum. Delegati romam Episcopus Spirensis, Abbas Fuldenfis Erlolfus. Denominati Legati in Bavariam horum nuntiorum bajuli: Otto Babenbergensis Præsul, Dux Henricus, Comes Beringerus, qui eadem nuntia ferant

Noricis Principibus absentibus, sed apud Ratisbonam kal. Novemb. convocandis.

Anno MCXXII, ipso tempore (Verno) Episcopus Spirensis, & Abbas Fuldenfis, Legatione totius Regni apud Sedem Apostolicam peractâ redierunt, ducentes secum Lambertum Ostiensem Episcopum vicem Domini Apostolici per omnia tenentem, cum duobus Cardinalibus Cardinali S. Stephani in cælo aureo Saxone, Gregorio Cardinali S. Angeli missis eodem fine ad concordiam Regni & Sacerdotii.

Indicatur Colloquium generale per Provincias ad Wurceburg in festo S. Petri. Facto igitur universali Conventu apud urbem Wangionum, incredibile est, quam prudenti, quam instanti, quam sollicito per unam vel amplius hebdomadam studio pro pace certatum sit, donec Deus, in cujus manu cor regis est, omnem animositatem Imperatoris ad Apostolicæ Sedis obedientiam inflexit.

Moxque ab Apostolicæ Sedis Apocrisariis in communionem receptus, tam ipse Imperator, quam universus sibi subiectus exercitus, immo generali absolutione cunctis hoc schismate pollutis per auctoritatem Apostolicam factâ: Qualiter Ecclesiasticas investituras, cæteraque spiritualia negotia, quæ tanto tempore Reges Teutonici administraverant, quæque ipse Imperator, ne Regni imminueretur honor, nunquam vita comite se dimissurum proposuerat, humiliatus pro Christo coram multitudine maxima abnegaverit in manus Episcopi Ostiensis, ac per ipsum Domino nostro JESU Christo, suæque in perpetuum Jus Ecclesiæ dimiserit: rursusque qualia sibi ob honorem regni observandum auctoritas Apostolica concesserit, utriusque partis melius edocebunt super annotata Scripta:

Concordatum (a) inter Imp. HENRICUM V.

*& Pontificem CALLISTUM II, de Investituris, quibus per pedum
& annulum faciendis renuntiat Imperator, publicatum
Wormatiæ.*

IN Nomine Sanctæ & Individuæ Trinitatis. Ego HENRICUS, Dei gratia Romanorum Imperator Augustus, pro amore Dei, & sanctæ Romanæ Ecclesiæ, &

[a] Leibnitius asserit hoc Concordato plus juris tribui Imperatori, quam vulgo credatur. Goldasti editio plenior est Leibnitiana, hinc secutus est illam. *Cl. Dumontius Tomo I. Corporis Diplomatici.*

& Domini Papæ Callixti, & pro remedio animæ meæ, dimitto Deo & Sanctis ejus Apostolis Petro & Paulo, sanctæque Catholicæ Ecclesiæ, omnem investituram per annulum & baculum, & concedo in omnibus Ecclesiis, quæ in regno, vel Imperio meo sunt, canonicam fieri electionem & liberam consecrationem.

II. Possessiones & regalia B. Petri, quæ a principio hujus discordiæ usque ad hodiernam diem, sive tempore Patris mei, sive etiam meo, ablata sunt, quæ habeo, eidem sanctæ Romanæ Ecclesiæ restituo: quæ autem non habeo, ut restituantur, fideliter curabo.

III. Possessiones etiam omnium aliarum Ecclesiarum & Principum, & omnium aliorum tam Clericorum, quam Laicorum, quæ in guerra ista amissæ sunt, consilio Principum & justitia, quas habeo reddam, quas non habeo, ut reddantur, fideliter juvabo.

IV. Et do veram pacem Domino Papæ Callixto, sanctæque Romanæ Ecclesiæ, & omnibus, qui in partibus ejus sunt, vel fuerunt: & in quibus sancta Romana Ecclesia auxilium postulaverit a me, fideliter juvabo, & de quibus fecerit mihi querimoniam, debitam sibi faciam justitiam.

Hæc omnia acta sunt consensu & consilio Principum, quorum nomina subscripta sunt,

Adalbertus Archi-Episcopus Moguntinus,

Fridericus Archi-Episc. Colonienfis,

H. Ratisponensis Episc.

Otto Babenbergenfis Episc.

H. Augustensis Episc.

Godebaldus Trajectensis Episc.

Udalricus Constantiensis Episc.

H. Fuldenfis Abbas,

(b) Henricus Dux Bavarix,

Fridericus Dux Sueviæ,

Bruno Dux Saxonix.

Dietboldus Marchio Cambienfis a Vochburg.

Bonifacius Marchio Tusciæ.

Theobaldus Marchio.

(c) Gotfridus Palatinus Comes Rheni.

(d) Otho Palatinus Comes a Wietelsbach.

Engelbertus Marchio Istriæ.

(e) Beringarius Comes Habsburgi.

Theodericus Comes Montisbellicardi, & alii complures (f)

PROFESSIO PAPÆ.

EGO CALIXTUS servus servorum Dei, tibi dilecto filio HEINRICU Dei gratia Romanorum Imperatori Augusto concedo electiones episcoporum & abbatum Teutonici Regni, qui ad regnum pertinent, in præsentia tua fieri absque Simonia & aliqua violentia, ut si qua inter partes discordia emerferit, Metropolitani & Provincialium consilio, vel judicio, saniori parti assensum & auxilium præbeas. Electus

autem regalia per sceptrum a te recipiat, & quæ ex his jure tibi debet, faciat. Ex aliis vero partibus Imperii consecratus infra sex menses regalia a te per sceptrum recipiat, & quæ ex his jure tibi debet, faciat: exceptis omnibus, quæ ad Romanam Ecclesiam pertinere noscuntur. De quibus vero mihi querimoniam feceris, & auxilium postulaveris, secundum officii mei debitum, auxilium meum præstabo. Do tibi

(b) Alias Hermannus Dux. Sine adjectione loci.

(c) Alias Arnulfus Comes Palatinus. Sine adjectione loci.

(d) Alias Othbertus Comes Palatinus. Sine adjectione loci.

(e) Sultzbachensis.

(f) Editio Regia Conciliorum subnectit hæc, quæ sequuntur: Ego Fridericus, Colonienfis Episcopus, & Cancellarius, recognovi. Hoc autem Privilegium aureo sigillo ipsius Imperatoris munitum in Archivis Romanæ Ecclesiæ tenetur reconditum. Dumontii Nota,

tibi veram pacem , & omnibus , qui hujus discordiæ. Data Anno MCXXII in parte tua sunt , vel fuerunt tempore nostro Calendas Octobris.

GOLDAST. Tom. I. pag. 258. Franc. HAREE in Chronologia ad annum 1122. G. G. LEBNITZ codex Diplomaticus pag. 2. Conciliorum Collectio Regia, Tom. XXVII pag. 43. PHIL. LABBEI. Collectio Concilior. Tom. X. col. 889. & 901. BARO NII Annales Ecclesiastici Tom. XII. an. 1122. Chronicon Mellicense, Part. II. p. 57. Centuriæ Magdeburgenses, Vol. III. Cent. XII. cap. IX. de Synodis. LEHMANNUS. Chronicon Spirense, Lib. V. cap. XLII. pag. 427. LUNIG, Spicilegium Ecclesiasticum Part. I. pag. 153. (f) DUMONT, Corps Diplomatique Tom. I. pag. 67.

(g) *Dumontii Nota.* Hujus Calixtini Concordati variae sunt in variis Auctoribus Lectiones: plenissima est in Goldasto; sed ea charta, quæ nunc sequitur, est in Bullario magno.

Ejusdem CONCORDATI aliud Exemplar.

Ex parte Imperatoris.

IN Nomine Sanctæ , & Individuæ Trinitatis, Ego Henricus Dei gratia Romanorum Imperator Augustus , pro amore Dei , & Sanctæ Romanæ Ecclesiæ , & Domini Papæ Callisti , & pro remedio animæ meæ , dimitto Deo , & sanctis ejus Apostolis Petro & Paulo , & sanctæ Ecclesiæ Catholicæ omnem investituram per annulum & baculum , & concedo in omnibus Ecclesiis fieri electionem , & liberam consecrationem : possessiones & regalia beati Petri , quæ a principio hujus discordiæ usque ad hodiernam diem , sive tempore Patris mei, sive etiam meo , ablata sunt, quæ habeo, eidem sanctæ Romanæ Ecclesiæ restituo; quæ autem non habeo , ut restituantur fideliter ad juvabo. Possessiones etiam omnium aliarum Ecclesiarum , & Principum & aliorum tam Clericorum, quam laicorum , consilio Principum & justitia, quas habeo , ut reddantur , fideliter juvabo. Et do veram pacem D. Papæ Callisto , S. R. Ecclesiæ , & omnibus qui in parte ipsius sunt , vel fuerunt. In quibus sancta Romana Ecclesia auxilium postulaverit , fideliter juvabo , & in quibus mihi querimoniam fecerit , debitam sibi justitiam faciam.

Adalbertus Moguntinus Archi - Episcopus.

Fridericus Colonienfis Archi - episcopus.

Ratisponensis episcopus.

Otho Bambergensis episcopus.

Bruno Spirensis episcopus.

A. Augustensis episcopus.

G. Trajectensis episcopus.

V. Constantiensis episcopus.

F. Abbas Fuldenfis.

Northmannus Dux.

Fridericus Dux.

Bonifacius Marchio.

Theobaldus Marchio.

Cynulphus Comes Palatinus.

Oberus Comes Palatinus.

A. Berngarius Comes.

Godefridus Comes.

Ego Fridericus Colonienfis episcopus & Cancellarius recognovi.

Ex parte Papæ.

EGo Calistus servus servorum Dei , dilecto filio suo Henrico Dei gratia romanorum Imperatori Augusto, concedo electiones episcoporum , & Abbatum Theutonici regni, qui ad regnum pertinent , in præsentia tua fieri , absque simonia , & aliqua violentia , ut si qua inter partes discordia emerferit, Metropolitani & provincialium consilio vel iudicio , saniori parti assensum & auxilium præbeas. Electus autem regalia per sceptrum a te recipiat, exceptis omnibus, quæ ad romanam ecclesiam pertinere noscuntur , & quæ ex his jure tibi debet , faciat. Ex aliis vero partibus Imperii consecratus infra sex menses regalia per sceptrum a te recipiat. De quibus vero mihi querimoniam feceris & auxilium postulaveris, secundum officii mei debitum , auxilium meum præstabo. Dotibi veram pacem , & omnibus , qui in parte tua sunt , vel fuerunt tempore hujus discordiæ. Data anno 1122. nono Calendas Octobris.

Bullarium magnum Romanum Tomo I. pag. 58.

Dumont Corps Diplomatique Tom. I. N. CXIX. pag. 67.

Hujus-

Hujusmodi Scripta atque Rescripta propter infinitæ multitudinis conventum loco Campestri juxta rhenum lecta sunt, data, & accepta, postque multimodas laudes rerum gubernatori redditas: Celebratis a Domino Ostienſi Divinis Sacra-

mentis, inter quæ Dominum Imperatorem cum pacis osculo, sanctaque communionē plenissime reconciliavit, discessum est ab omnibus cum lætitiâ infinita.

*Annalista Saxo editus ab Eckhardo T. I.
Scriptor. German.*

CALLISTI Papæ II. Literæ Apostolicæ ad

HENRICUM V. Imperatorem de reconciliatione inter eos facta.

Data Laterani Idibus Decembris.

CALLISTUS EPISCOPUS, SERVUS SERVORUM DEI, CARISSIMO IN

CHRISTO FILIO HENRICO, GLORIOSO ROMANORUM IMPERATORI AUGUSTO,

SALUTEM ET APOSTOLICAM BENEDICTIONEM.

Omnipotenti Domino Deo nostro, Auctori omnium bonorum, laudes & gratias agimus, qui per immensam bonitatis suæ clementiam cor tuum aspiratione sui Spiritus illustravit, & te jam dudum nimium reluctantem, nunc tandem ad Ecclesiæ gremium revocavit. Si quidem, prout dilecti filii nostri, & Diaconi Cardinales, & fidelium nuntiorum tuorum relatione, ac literarum lectione percepimus, sano usus consilio, nostris & Ecclesiæ Catholicæ salutaribus monitis humiliter obedisti: & nos ergo in Beati Petri filium paternæ affectionis brachiis te suscipimus, & personam tuam, & imperium tanto deinceps amplius & benignius diligere, ac Divina præeunte gratia honorare optamus, quanto devotius præ tuis modernis prædecessoribus romanæ ecclesiæ obedisti, & quanto specialius carnis es nobis confanguinitate conjunctus. Age ergo fili charissime, ut & tu nobis, & nos te fruamur in Domino; Perpendat Imperialis Excellentia tua, quantum diuturna Ecclesiæ, imperiique discordia, Europæ fidelibus intulerit detrimentum, & quantum nostra pax asferre poterit boni fructus, Domino cooperante, incrementum. Sane de statu nostro noverit tua tua dilectio, quia licet nos graviter quandoque infirmi fuerimus, nunc tamen per Dei gratiam incolumes sumus, &

tuam tam animæ, quam corporis sanitatem per omnia desideramus. De iis autem, quæ viva voce referenda prædictis fidelibus tuis nuntiis commisisti, per eosdem, quid nobis, & nostris videatur fratribus, respondemus. Legatos itaque nostros, qui apud vos sunt, benevolentia vestrae attentius commendantes rogamus, ut quia Concilium indictum a nobis accelerat, cito eos ad nos Domino largiente remittas. Tuos vero Legatos ita instructos dirigas, ut juxta promissum tuum regalia in integrum Ecclesiæ romanæ restituant. Ad hæc pro nepote nostro Metensi episcopo, & fratribus ejus gratias tuæ benignitati referimus, quoniam in iis primitias bonitatis tuæ cognovimus. Illa enim bonæ voluntatis pax esse conspicitur, ex qua bonæ voluntatis opera demonstrantur. Fratres enim episcopi, Cardinales, & totus romanus Clerus una nobiscum te, & Principes, & Barones tuos salutant, Divinæ Majestatis misericordiam deprecantes, ut vos ad honorem suum, & Ecclesiæ suæ in longum custodiat.

Data Laterani idibus Decembris.

Bullarium magnum Tomo I. pag. 58.

*Ex quo Dumont. Corps Diplomatique
N. CXX. pag. 67.*

Con-

CONVENTUS WORMATIENSIS ACTIO ALIA.

Controversia inter duos Wurceburgensis Ecclesiæ Episcopos Rokkerum electum a Clero & populo, Gebehardum investitum ab Henrico V. a Legatis & Episcopis Germaniæ utrunque dirimitur.

A Nno MCXXII. Dominus Erlungus Episcopus Wurceburgensis, per quatuor annos elephantino morbo vexatus, in Natali Innocentium obiit, & prohibente schismate (Henrici V.) non in civitate, sed in Monasterio Swarzaha sepulturam obtinuit.

Imperator Henricus V. vacanti Cathedralæ consulturus illo devenit, & consilio suorum usus, quendam adolescentem, *Gebehardum*, bene quidem natum, sed adhuc præ studiis scholaribus, nulla Ecclesiastica promotione mancipatum, Pontificali investitura sublimavit: non modica quidem, & saniore parte Cleri ac populi idipsum renuente, alterum autem, nomine *Rokkerum*, ejusdem Ecclesiæ Diaconum, ibi nutritum, atque Canonicum, canonicè eligente. Hunc Adalbertus Archi-Episcopus Moguntinus ordinavit, imo ipse cum Legatis sanctæ Sedis, & nonnullis Saxoniarum Principibus contra voluntatem Imperatoris Rokkerum Præsulatus electione & investiturâ confirmavit.

Hæc Annalista Saxo.

Contra Gebehardus, ab Moguntino Archi-Episcopo non auditus, querimonias ad Calistum, & Romanam Ecclesiam transmissit, de cujus latere ad causam discutiendam missus fuit Prænestinus Episcopus.

Igitur Gebehardus cum omnibus prioribus Clericis, Abbatibus, & Laicis WORMATIAM venit: præsentatur Archi-Episcopo, qui communicato consilio cum Legato, responsurum se super his promisit.

Præsente igitur Legato Apostolico, congregati coram Imperatore, pro hac causa tractanda, convenerunt Archi-Episcopus Moguntinus, Archi-Episcopus Colonienfis, Arnoldus Spirensis, Goteboldus Trajectensis, Godefridus Treverensis Archi-Episcopus; Conradus Tulensis, Bruno Argentinensis, Bertholdus Basileensis Episcopi, & alii Fideles Imperatoris, quibus, diu ventilato consilio, placuit, ut D. Cardinalis locum & Eccle-

siam Wurceburgensem visitaret, concordiam Ecclesiæ super electione Gebehardi investigaret. Quam si inveniret, ab eodem promoveretur ad Presbyterii ordinem, statim consecuturus ab Archi-Episcopo Moguntino Episcopalem benedictionem.

Venit Dominus Cardinalis in Wurzeburch, & congregati sunt universus Clerus & Populus, majores & minores, absente Gebehardo inventi sunt in electione ejus concordēs. Gratias Deo egit Legatus & ad ordinem Presbyteri Gebehardum promovit, & canonicæ electioni Gebehardi tam in Romana Ecclesia, quam in conspectu Moguntini Archi-Episcopi testimonium perhibuit, sicut audivit & vidit.

Hactenus Epistola Apologetica ipsius Gebehardi, electi Wurceburgensis, edita a Clmo Tegnagelio, & in Gretseri operum novæ editionis Tomo VI. pag. 568. in qua diversâ asseruntur ab iis, quæ Annalista Saxo supra asseruit, imo a veritate, ut infra patebit.

Addo exitum rei ex Annalista Saxone, apud Eckhartum Tomo I. Corporis Historici.

Interim Gebehardus fœderatis sibi firmiter Urbanis, intra muros Wurceburgi copiosa cum turba dum residet, quadam die post meridiem, assumpta de his, qui secum erant, manu validâ, quosdam, qui jam uno pene milliario ab urbe castra posuerant, nil mali suspicantes invadere tentavit, & quia hostes regni reputans, sive turpiter pellere, sive incautos sternere proponit. At illi clamore venientium excitati gemina contra acie celeriter instructa, naviter resistendo, se suaq; castra defendebant, & ex utraque parte cæsis vulneratis atque nonnullis captis, die etiam ad vespertas vergente, certe hi ad urbem, isti ad tentoria redeunt. Hinc efferati Principes ad civitatem unanimiter convertuntur, Rokkerum inthronizare contentes. Verum, id non sine sanguine fieri posse perpendentes, ad Monasterium Schwarzaha divertunt, ibique illum coram omni

omni Concilio tam Metropolitanus Adalbertus, quam ceteri Romani Legati Præsulem urbis Wurceburg consecrantes, ad propria se quisque convertunt. Exinde Rokkerus eam partem Episcopii,

quæ Necaro fluvio circumjacet, in proprios usus tenuit. Gebehardus urbem, & quæ illi contigua sunt, secure possidet.

Hactenus Annalista Saxo.

Bucelinus Parte I. Germaniæ sacræ Gebehardum Comitem Hennebergium ab Henrico V. intrusum scribit, qui post annum 1125. denuo potestate Regia Cathedram tenuit. Rukgerum vero facit Comitem a Vayngen, qui videtur tempestatu cessisse; Cœnobio Swarzachenfi se includit, & anno 1126. finem vitæ habuit.

SYNODUS MOGUNTINA

ANNO CHRISTI MCXXII. CALIXTI II. PAPÆ IV.
HENRICI V. REG. XVII.

SUMMA. Ecclesia parochialis in Gensheim, post Synodalem deliberationem, a Burchardo, Abbate S. Jacobi, traditur Folmaro, quæ traditio Banno Episcopi confirmatur.

IN nomine Sanctæ, & Individuæ Trinitatis. *Adelbertus*, Moguntinæ Sedis Archi-Episcopus. Noverint universi . . . qualiter dilectus noster *Burchardus*, Monasterii Sancti Jacobi quondam Abbas, Ecclesiam parochialem in Gensheim, in generali Concilio, ab *Embricone de Heppenbese*, & Fratribus suis, dictante justitia, obtinuit, & eandem Ecclesiam fratri eorum *Folmaro*, ad sapiendam in perpetuum de eadem controversiam, consilio Saniorum, qui interfuerunt, tradidit. Quod quidem sub nobis rationabiliter actitatum, & postea, in plenaria Synodo, ab *Arnolfo* Advocato, & *Werinboldo* ejusdem Monasterii abbate, judiciario more promulgatum, banni nostri confirmatione est roboratum.

Hujus rei Testes sunt: *Bruno* Archi-Episcopus Trevirensis, *Otto* Babenbergensis Episcopus; *Arnoldus* Capellarius Imperatoris, *Anselmus* Præpositus de Domo, *Asmarus* Cæmerarius, *Udalricus* de Eppenstein, *Bertolfus* Comes de Nuringes, *Embrico* Vice-Dominus, & præterea quotquot interfuerunt Clerici & Laici, generali Conventui.

Et ut hæc rata & inconvulsa omni ævo permaneant, hæc cartam inde conscriptam, Sigilli nostri impressione iussimus insigniri. Acta sunt hæc anno Domini incarnationis MCXXII. Indiæ XV.

Ex Archiv. Monasterii S. Jacobi Moguntinæ.

CONCILIIUM LATERANENSE I. (a)

ANNO CHRISTI MCXXIII. CALLISTI II. PAPÆ V.
HENRICI V. REG. XVIII. IMP. XIII.

Inter generalia Concilia Nonum: in Occidente Primum generale.

PRÆSIDE CALLISTO III. PRÆSENTIBUS EPISCOPIS CCC. ET AMPLIUS QUOS INTER GERMANI OCTO.

SUMMA. Pax inter Sacerdotium & Imperium Wormatiæ anno superiore inita confirmatur ab hoc generali Concilio: Investituris per annulum & pedum renuntiatur; per sceptrum investitura Imperatori tribuitur Episcopis & Abbatibus impertienda. Deinde Canones XXII. conduntur. Expositio sacra contra Saracenos indulgentiis indultis promovetur.

Auditi sunt in Concilio HENRICI Conventu Wormatiensi anno MCXXII. Imperatoris Legati, & pacta in inter Ecclesiam Romanam & Imperium
Tomus III. Concil. German. O o *Concor-*

Concordata, totius Synodi iudicio confirmata sunt: Callistus Pontifex, inquit *Falco Beneventanus in Chronico*, consilio salutis accepto, Ultramontanos fere omnes Episcopos, & Archi-episcopos, & Abbates, & totius, ut ita dicam, Italiæ Pastores accersiri præcepit, (b) quatenus sancta synodali confabulatione firmata pactum cum Imperatore Henrico positum (*in eodem Conventu Wormatiensi*) perpetuo confirmaret. Ad cuius sacri Conventus præsentiam Rosfridus Beneventanus Antistes honeste properavit. Ordinato itaque Concilio tali ac tanto, Apostolicus ipse Sacramenti privilegium, quod prædictus Imperator constituerat pacis in conspectu omnium, qui conveniant, adduci & legi præcepit. Continuo ab omnibus confirmatum est & commendatum.

Restitutionis autem investiturarum ab eodem Imperatore in dicto Wormatiensi Conventu factæ, & in hoc Concilio confirmatæ, tenor talis est. "Ego Henricus Dei gratia Romanorum Imperator Augustus, pro amore Dei & sanctæ Romanæ Ecclesiæ, & Domini Papæ Callisti, & pro remedio animæ meæ, dimitto Deo & Sanctis ejus Apostolis Petro & Paulo, & sanctæ Catholicæ Ecclesiæ, omnem investituram *per anulum & baculum*, & concedo in omnibus Ecclesiis fieri electionem, & liberam consecrationem. Possessiones & regalia beati Petri, quæ a principio hujus discordiæ usque ad hodiernum diem sive temporibus Patris mei, sive etiam meo ablata sunt, quæ habeo, eidem sanctæ Romanæ Ecclesiæ restituo, quæ autem non habeo, ut restituantur, fideliter adjuvabo. Possessiones etiam omnium aliarum ecclesiarum & Principum, & aliorum tam clericorum quam laicorum consilio Principum & iustitia, quæ habeo, ut eis reddantur, fideliter juvabo. Et do veram pacem Domino Papæ Callisto, Sanctæ Romanæ Ecclesiæ & omnibus, qui in parte ipsius sunt, vel fuerunt. Et in quibus sancta Romana

" Ecclesia auxilium postulerit, fideliter juvabo; et in quibus mihi querimoniam fecerit, debitam sibi iustitiam faciam.

Hæc omnia acta sunt consilio & assensu Principum, quorum nomina subscripta sunt:

Adalbertus Moguntinus Archi-Episcopus.

Fridericus Colonienfis Archiepiscopus.

- - - Ratisponensis episcopus.

Otto Bambergensis episc.

Bruno Spirensis episc.

A. Augustensis episc.

G. Traiectensis episc.

V. Constantiensis episc.

E. Abbas Fuldenfis.

(c) Nortmannus Dux.

Fridericus Dux.

Bonifacius Marchio.

Theobaldus Marchio.

(d) Cyniphus Comes Palatinus.

(e) Otbertus Comes Palatinus.

Berengarius Comes.

Godefridus Comes.

Ego Fridericus Colonienfis Episcopus & Cancellarius recognovi.

Hoc autem Privilegium aureo sigillo ipsius Imperatoris munitum, in Archivis Romanæ ecclesiæ tenetur reconditum.

Hæc Nomina ex Binio descripta.

Concessionis vero Callisti Papæ Henrico Imperatori factæ hic est tenor: "Ego Callistus, servus servorum Dei, tibi dilecto filio Henrico, Dei gratia Romanorum Imperatori Augusto, concedo electiones Episcoporum & Abbatum Theutonici Regni, quæ ad regnum pertinent, in præsentia tua fieri absque Simonia & aliqua violentia: ut si qua inter partes discordia emerferit, Metropolitani & Provincialium consilio & iudicio, saniori parti assensum & auxilium præbeas. Electus autem regalis *per sceptrum* a te recipiat, exceptis omnibus, quæ ad Romanam ecclesiam pertinere noscuntur,

(a) In Lateranensi Ecclesia hoc sæculo XII. plura fuere celebrata Concilia annis 1102, 1111, 1116, sed erant vel Provincialia vel Nationalia. Ad Concilium autem anni 1123. fuere invitati Episcopi a Papa ex toto orbe Catholico, quod ad generalitatem sufficit.

(b) Solus Papa hoc Concilium generale in Occidente indixit, solus præfedit.

(c) *Lege:* Hermannus.

(d) *Lege:* Ernulphus.

(e) *Lege:* Otbertus.

"tur, & quæ ex his jure tibi debet, fa-
"ciat. Ex aliis vero partibus Imperii
"consecratus infra sex menses regalia
"per sceptrum a te recipiat. De quibus
"vero mihi querimoniam feceris, &
"auxilium postuleris, secundum offi-

"cii mei debitum auxilium meum præ-
"stabo. Do tibi veram pacem, & om-
"nibus, qui in parte tua sunt vel fue-
"runt, tempore hujus discordiæ. Data
"anno Millesimo centesimo vigesimo
"secundo, nono Kalendas Octobris.

Decretis in Concilio hæc verba subnectit Simeon Dunelmensis laudatus: His synodalibus Decretis subscriptis & confirmatis, Imperatorem per Legatos suos & scripta, secundum præmissum Scriptorum tenorem promittentem se sanctæ Romanæ Ecclesiæ justa servaturum, generali Concilii sententia ab excommunicationis absolvit vinculo, quo in Remensi Concilio fuerat ligatus.

Canones XXII. in hoc generali Concilio editos refert *Binius Tomi III. Concil. p. II.* postea *Balezius* eos edidit cum codice *MS. Anianensi* collatis, post quem *Labbeus* & *Cosartius* eos recuderunt. Sed hæc ad Concilia Germaniæ non spectant. Nos ex hoc generali Concilio hæc sola excerpimus, quæ ad Concilium Wormatiensis confirmationem spectant.



FRIDERICI, ARCHI-EPISCOPI COLONIENSIS, EPISTOLA AD ECCLESIAM LEODIENSEM.

*Mandat, ne intrusum per Simoniam nominatione Regia in Sede
Leodienſi recipiant.*

FRIDERICUS Dei gratia sanctæ Colonienſis Ecclesiæ humilis Minister: Leodienſis Ecclesiæ Archi-Diaconis, Præpositis, Decanis, Scholaſticis, Cantoribus, omnibusque Catholicis, a proposito sancto nullius necessitatis occasione declinare. Ex auctoritate evangelica, necesse est, ut veniant scandala, ut dum revelatur filius perditionis manifesti fiant, & probati, quotquot præordinati sunt in sortem supernæ retributionis. Unde fraternitatem vestram præmonentes pia sollicitudine monemus obtestamur, & præcipimus ex debito sanctæ obedientiæ, ut (ne) recipiatis. Regiæ intrusionis violentia sub nomine designati Episcopi ad vos venientem: quia temeraria inſaſio-

ne Sedem nostram, quantum in ipso fuit, privavit Archi-Episcopali honore, vosque contempſit, quibus imponi voluit sine canonica electione, non veritus prævenire Simoniaca ambitione inducias, electionis vestræ denominata die præordinatas, quas & vestra Ecclesia expetiit, & Sedis nostræ authoritas concessit. Igitur in promptu habentes ulcisci omnem inobedientiam, in ipsum, & in omnes ipsius sequaces vel eidem communicantes paravimus anathematis sententiam, à qua liberari desideramus fraternitatis vestræ obedientiam.

Martene & Durand. Anecdotorum Tomo I. pag. 376. ex MS. S. Trudonis.



EPISTOLA FRIDERICI ARCHI-EPISC. COLON. AD CLERUM LEODIENSEM.

Increpat eos, quod præcipiti Electione admissis, etiam in suo Conventu excommunicatis, in Alexandrum vota sua contulerint, eosque ad suum citat tribunal ad Indam Monasterium.

F Gratia Dei Sanctæ Colonienſis Ecclesiæ humilis Minister, toti Clero, qui Leodii est, scrutari testimonia Domini, ut in toto corde exquirant eum.

Tomus III. Concil. German.

Litteras vestras ad nos per fratrem Nicolaum directas paterno affectu recepimus, qui in his & nostram desiderare videmini præsentiam, & tanquam filii

O o *

obe.

obedientiæ nostro corrigendum obtulistis consilio, si quid vestro excessistis arbitrio. Unum vobis notum fieri volumus, quia ad vos descendere & debita pietate vobis consulere parati fuisset, si excessus vestros tam manifestos, tam contrarios decretis Sanctorum Canonum, nostræque auctoritati & vestræ saluti non perspexissemus. Defuncto enim beatæ Memoriz Domno Frederico Episcopo vestro, consolationem vestram paternis lacrymis deplorantes, & ut in Domini consolatione spem vestram defigeretis, affectuose vos exhortantes: sed quia tunc temporis occupati tenebamur magnis Ecclesiæ & Imperii negotiis, ut vestram ad nostrum consilium & reditum differretis electionem, debitâ auctoritate monuimus, quia vestræ pusillanimitati & temporali pace, & nihilominus canonica electione consultum esse volumus. Vos autem interim Divinæ institutioni, & nostræ ammonitioni non acquiescentes, in Convantum vestrum multitudinem eorum, qui vestra petitione a Domino Papa, a nobis, a vestro etiam Episcopo excommunicati habebantur, admixistis, ibique nostræ auctoritati præjudicantes, communicato cum excommunicatis consilio, ea quæ destruxeratis, reedificando, quod sine gravi dolore loqui non possumus, vos ipsos prævaricatores, excommunicatorum consortio contaminatos constitulistis. Habemus quidem hujus miserabilis culpæ evidens argumentum, litteras vestras tam Colonienfi Ecclesiæ, quam Venerabili filio vestro Andreæ Missas, in quibus Alexandrum (a) dominum & episcopum vestrum vos recepisse satis inconsideratè significastis, & ad cumulum inexcusabilitatis vestræ conspirativa confederatione subjungendo affirmastis, nulum vos velle vel posse contra eum recipere consilium. Quod si in hoc conspirastis, ut quid quæritur descensionis ad vos consili nostri præsentia? Ut quid ore & scriptis vestris frequens & assidua nobis demandatur obedientia, quam destruit conspirationis hujus, ut asseritis, fixa cordibus vestris insolentia? Miramur & non parum miramur, quomodo

vos scribendo appellatis totam Leodiensem Ecclesiam; nam ut taceamus de Archiepiscopi dignitate, quæ membrum excellentius debemus esse Leodienfis Ecclesiæ, fraternitatis nostræ dilectio, quæ hætenus particeps & socia fuit tribulationum vestrarum, contumtuose videtur repudiata. Si iterum Ecclesia, quorsum excluditis eam, quam tantum cognoscimus, & fatemur Leodiensem Ecclesiam; Præpositum (b) Andreæ & Archidiaconos Henricum & Stepponem, Magistrum Stephanum & religiosos Abbates, (c) aliosque, qui licet locorum diversitatibus disjuncti, tamen in unitate spiritus vobiscum sunt fratres. Hos procul dubio Leodiensem Ecclesiam testatur bonæ simplicitatis obedientia, & persecutio, quam passi sunt, & quotidie patiuntur pro iustitia, sed & hoc reticere non possumus, quod contra Sanctorum Canonum statuta, neglecto immo contempto chrismate anni præsentis & oleo, de veteri plures annos reservato, per quorundam vestrum Archidiaconatus adhuc sunt unctiones a Sacerdotibus, contra Canones & nostram auctoritatem, per inobedientiam cum excommunicatis Divina celebrare præfumentibus. Longum est enumerare, quot & quantis excessibus domini provocastis longanimitatem, & in nostram præsumtuose egistis auctoritatem, quia non solum vos ab Ecclesia Dei alienatis, sed & eos, qui sincere nobiscum usque nunc permanerant, in prævaricationis consortium pertraxistis.

Quia ergo his excessibus tam manifestis, & Deo odibilibus non debetur paternæ Consolationis visitatio, sed magis infligenda est condignæ severitatis increpatio; ad sedem Coloniensem, cui tam grave intulistis præjudicium, vos invitamus, ut si excessus vestros, sicut scripistis, nostro corrigere volueritis consilio, exemplo Patris Evangelici, prolem, quæ perierat, gratantes recipiamus, sub utriusque Colonienfis videlicet & Leodienfis Ecclesiæ, quæ nobiscum est, testimonio; verumtamen ex suprabundanti, si vestra hæc efflagitat humilitas, apud S. Cornelium Indæ, cum filiis prædictarum Ecclesiarum vobis

(a) Alexander, qui ab Henrico V. pedum emerat, anathematizatus, post mortem S. Frederici veneno extincti, iterum ambivit mitram Leodiensem, & aliquot fautores nactus est.

(b) Majoris Præpositus, subin Traiectensis Episcopus.

(c) Rudolphum S. Trudonis: Heribrandum S. Laurentii;

bis occurreremus IV. nonas Septembris , parati misericorditer recipere in spiritu lenitatis , & correctos instruere , & quoniam Alexander per Godefridum Trajectensem Clericum obedientiam & subjectionem nobis præsentem Ecclesia demandavit , & se velle de omnibus suis excessibus nostro acquiescere consilio , per eundem nobis insinuavit III. nonas Septembris nos in prædicto commoratuos cenobio ; eidem remandavimus , ut si forte velit aliquid rationabiliter deferre , ad aures Ecclesiæ , audiat. Si quis autem inter vos habet zelum Domini , eundem ammonere , arguere , increpare , obsecrare , orare non dissimulet , ut sibi ipsi propitius pareat Christi Ecclesiæ , ne incipiat infamis haberi , totiens per Dominum apostolicum , per Nos

per suum episcopum ejectus à Sanctæ Maris Ecclesiæ liminibus. Plures enim repulsæ personam ejus infamem sicque reddunt Ecclesiæ notabilem , ut non solum id , quod male nritur , non apprehendat , sed & honoris & ordinis periculum subeat , quod adhuc retinere ex affectu maternæ pietatis Ecclesiæ mansuetudo tolerat. Hæc vobis , fratres charissimi , scribimus in spiritu caritatis , non ut vos confundamus , sed sicut per priores litteras præmisimus , ut tam spiritali , quam temporalis pace consolandos ad finem unitatis Ecclesiæ redeamus.

*Ex MS. S. Laurentii Leodiensis.
Martene & Duvand. Tomo I. amplissima
Collectionis p. 674.*

SYNODUS DIOECESANA TULLENSIS

Anno Christi MCXXIII. Callisti II. Papæ IV.

Henrici V. Reg. XVIII. Imp. XIII.

*Riquinus , Episcopus Leucorum , confirmat concordiam initam inter
Lanzonem S. Michaelis & Abbatissam Sanctimonialium Laudunensium
circa castrum de Bolmone , seu Prioratum S. Theobaldi.*

IN Nomine Sanctæ & Individuæ Trinitatis , Patris & Filii , & Spiritus Sancti. Amen. Riquinus Dei misericordia Tullensis episcopus , Lanzoni venerabili Abbati , ejusque in perpetuum successoribus. Quoniam Dominus noster Deus pacis est , & non dissensionis , nos qui vicarii ejus sumus , pacem omnibus , quantum in nobis est , procurare & facere exigimur. Unde illa , quæ inter tuam , & Laudunensium Sanctimonialium ecclesiam diu pertracta est controversia , cum nostro quoque tempore moveretur , cura fuit & studium , ut nostris quoque diebus sopiretur. Sane castrum de Bolmone , & terra castro subjacens fundus est Sanctæ Mariæ Laudunensium , sibi ab antiquissimo tempore à Campaniæ Comitibus ita in beneficium traditum , ut nullum in aliquo responsum præfatis Sanctimonialibus inveniatur redditum. Cum itaque prædictum castrum nobilis quidam Hugo , ab Hugone Comite Campaniæ hæreditaria successione

in beneficium possideret , sub castro , in villa , quæ dicitur sancti Theobaldi , partem ejus fundi tuæ contradidit Ecclesiæ , ut Monachi sancti Michaelis oratorium , & officinas inibi construere , ad divinum perage dum obsequium , cellam ibi futuris temporibus obtinerent. Quia vero his , qui pie volunt vivere , nunquam deest oppressio , Sanctimonialia Laudunenses , quæ , dum illud sæculares homines tenuerant , nunquam aliud exegerant , sed nec de pluribus aliis , qui similiter tenent , quicquam aliquid exigunt , in te tuosque titulum intentionis arripiunt , & quasi invasores fundi sui sub nostra audientia , quippe idem fundus in nostra consistit Parochia , pulsaverunt.

Nos itaque sæpius ventilata & discussa controversia , diligentius etiam inquirentes , quod si oblatum vobis fundum jure Dei redderetis , jure tamen mundi & præfati beneficii non sanctimonialibus cederet , sed ad Dominum castri remearet :

ambarum consensu partium media caritate disposuimus, ut æstimatione boni & æqui duos solidos Tullensis monetæ, nomine census, prædictis monialibus, earumque Monasterio, in natale Sancti Johannis Baptistæ annuatim solveretis; talique responso oratorium, quod denique vestræ occupant officinæ, libere & quiete in perpetuum sine ulla alia exactio- ne possideretis. Placuit etiam, ut si forte aliquis aliud de eadem terra futuris temporibus tuæ Ecclesiæ obtulerit, non novus exinde census a Sanctimonialibus requiratur; sed per prætaxatos duos soli- dos, simili quiete a vobis teneatur: æstimantes utilius fore sanctimonialibus, vel multum a monachis per censum possi- deri, quam a sæcularibus, omnia sine ullo responso detineri. Quoniam qui- dem in altero est fundi alienatio, at in altero Ecclesiæ Laudunensi fundi sui per censum assignatur possessio: In hunc sane modum in nostra præsentia abbatissa, consensu earum, quæ vice capituli direx- erant sororum, tuisque fundum quem oratorium, quem vestræ apud sanctum Theobaldum sub Bolmunt occupant offi- cinæ, seu id quod adhuc forte aliquis ex- inde tuæ obtulit Ecclesiæ, perpetuo pos- sidendum contradidit.

Porro ambo postulatis, ut hanc an- te nos & per nos sententiam, juxta quod prælibatum est, compositionem scripto firmaremus, banno Ecclesiastico muniremus. Si qua ergo Ecclesiastica

sæcularisve persona temere, quod absit, inter vos factam compositionem dissolve- re præsumpsit, autoritate Dei Omnipot- entis & nostra, anathematis maledi- ctione innodetur, donec ad emendatio- nem veniat, & parti, quam læsit, sat- isfaciat.

Signum Domini Riquini Episcopi.

Sign. Stephani Primicerii.

Sign. Beringarii Decani.

Sign. Haymonis Archidiaconi.

Sign. Hugonis Archidiaconi.

Sign. Roberti Archidiaconi & Can- toris.

Sign. Hugonis Magistri.

Sign. Humaudi Archid. & Magistri.

Sign. Hugonis Archid.

Sign. Ulrici Cancellarii Sancti Man- sueti.

Sign. Wilani Archid. Lingonensis.

Sign. Ruardi Lingonensis.

Sign. Thiemari Abbatis sancti Man- sueti.

Sign. Petri Abbatis sancti Apri.

Sign. Wiberti Abbatis sancti Salva- toris.

Anno ab Incarnatione Domini MCXXIII.

Epacta XXII. concurrente VI. In-

dict. I. XVII. Calend. Julii, Feria VI.

in Ecclesia B. Stephani Proto-Martyris

Tullensi, Actum in plenaria Synodo.

Calmet. Tomo IV. Probationum Historiæ

Lotharingæ pag. 269. ad 270.

CONVENTUS BAMBERGENSIS

Anno Christi MCXXIV. Honorii II. Papæ I.

Henrici V. Reg. XIX. Imp. XIV.

ACTIO I. (a) *Pacatio Principum.*

II. (b) *Otto, Episc. Bambergensis, valedicit Pomeranis do- cendis invitatus, assensu Papæ Calixti, Imperatoris & Principum.*

III. (c) *Imperator foundationem cænobii in Usenboven trans- latam, in Schiren confirmat, variis privilegiis adjectis.*

IV. (d) *Otto Episcopus, donat cænobio S. Michaelis in favo- rem cellam quandam cum multis aliis Donariis.*

(a) **I**mperator anno MCXXIV. Opti- collocutus fuerat, circa mediam Quadra- matibus quibuscum WORMATIÆ gesimam, Saxonibus, Bajoariis & Bohe- mis

mis ad curiam venire Babenberc Nonis Maji indixit. Maxime propter Lotharii Ducis insolentiam, qui nova moliri dicebatur ob illatam sorori ab Imperatore injuriam. Factus Conventus non modicus quibus singulis necessarios sumptus ministrabat. (b) Otto Episcopus præter publicum Imperatori constitutum servitium: in eodem Conventu insinuat Otto Augusto & Primoribus literas Pomeraniæ Ducis, quibus ad prædicationem Evangelii vocabatur in Pomeraniam, permissu ac benedictione Papæ Callisti,

*Urspergensis in Chronico ad hunc annum.
Hoffmann in Annal. Bambergens.*

(c) In Nomine Sanctæ, & Individuæ Trinitatis, Henricus Dei gratia Romanorum Imperator Augustus. Ecclesiarum consulere utilitatibus constat acceptum esse coram Deo, & hominibus, unde ad fidelium Christi tam futurorum quam præsentium transfundimus notitiam, quod in regno nostro quidam magni nominis Comites Perichtoldus & Otho cum conjuge sua Hazachâ & filiis suis Ekehardo, & Bernardo quoddam Monasterium in Episcopatu Frisingi in Pago Ouskohove juxta fluvium Glana, in comitatu Husen, quod Usenhoven dicitur, pro remedio animæ suæ fundaverint. Transacto autem tempore, dum idem locus inhabitationi & conversationi cœnobarum nimis difficilis & ineptus esset, necessitati & petitioni eorum condescendentes, prædictorum virorum nepotes videlicet comitissa Beatrix & filii ejus Comites Conradus, & Otto de Dachaw, nec non Palatinus Comes Otho, & patrueles sui Otho, Bernardus, Ekehardus, prædictum cœnobium Schiren transferri fecerunt, & per manum fidejussoris sui ad Altare S. Petri Principis Apostolorum apud Romam obtulerunt, multa beneficia & prædia large & benevole addentes, & pro remedio animæ suæ omni proprietario & hæreditario jure & servitio ejusdem cœnobii se abdicantes, Brunoni Abbati & ejus successoribus ad utilitatem fratrum inibi Deo servientium, liberam dispensationem & administrationem delegaverunt ea conditione, ut omnia quæcumque ad prius Monasterium Usinhoven pertinuerunt ad istud quoque Monasterium Schiren pertineant, & ut idem cœnobium perpe-

tualiter sub romano mundiburnio, & tutela permaneat, statuerunt, ut singulis annis ab Abbate ejusdem cœnobii aureus nummus, quem Bisantium dicimus, ad Altare S. Petri Romam persolvatur. Qui nummus, si uno vel duobus vel tribus annis negligatur, in quarto pleniter componatur: his votis piorum virorum Ecclesiæ Dei fundatorum cooperatores, & participes esse cupientes ex petitione eorum donamus 1. omnimodam libertatem prædicto cœnobia ab omni sæculari Dominio. 2. Mortuo Abbate fratres cœnobii liberam potestatem habeant inter se vel undecunque, si opus fuerit, eligendi & constituendi sibi Abbate. 3. Abbas electus & regulariter constitutus clero, populoque advocato & sanctuario præsentibus accipiat virgam Regiminis de Altari S. Mariæ, 4. Deinde canonice Abbas ordinatus juxta ordinem suum libere Deo serviat, liberamque omnino commissarum rerum sibi intus & foris potestatem habeat. Qui si forte dissipator Ecclesiæ sibi commissæ fuerit, vel oppressor, vel si quibuslibet personis consentiens libertatem Monasterii invertere studuerit, si conventus, accusatus, iusteque conventus incorrigibilis permanferit, deiciatur, alterque absque omni contradictione substituatur. 5. Advocatiam ejusdem cœnobii nemo nisi Dominus Otho Palatinus Comes, & filii ejus, successoresque filiorum eorundem absque omni contradictione habeant. Ter in anno ibi placitum habeat, si forte pro necessitate fratrum ab Abbate invitatus fuerit, & ibi placitum justum pro causis, & necessitatibus monasterii rite peragat, nec aliud servitium, jus, aut beneficium sibi pro hoc concedi postulet aut exigit, nisi tertium bannum & consuetudinariam justitiam & legem, quam ceteri advocati in aliis Monasteriis, item liberis habent super fures & protervos & censuales & cætera talia. Detur & tantum in illis trium placitorum diebus in unoquoque unum maldrum frumenti & cætera ad hoc pertinentia. Nullum prorsus pro se subadvocatum ponat, nec ullam quavis occasione calumniam, perversionem monasterio, Abbati, vel familiæ faciat. Præterea decernimus, si quisquam vel heres fundatorum vel alter cujuslibet personæ homo vineam vel mansum ullum de prædicta cella vi abstulerit, red-

reddito prius cellæ, quod abstulit, ad fiseum regis tria talenta auri persolvat. Si quis curtim aut villam inde per vim alienaverit, siue manifestus inuasor bonorum cellæ fuerit, vel si testamentum traditionis pervertere vel infringere nifus fuerit, decem talenta auri ad cameram regis persolvat, & quod abstulit, primus restituat. Ministris quoque eandem legem concedimus & servitutem, quam cæteræ in regno nostro Abbatæ liberæ habent. Hæc prædicta, si quis invertat, iram Dei Omnipotentis sentiat, nisi respiscat; insuper nos ea sigilli nostri impressione stabilimus, firmamus, & corroboramus. Acta sunt hæc Incarnationis Dominicæ MCXXIV. indict. XIII. in Curia Babenberch VII. Kal. Maji feliciter Amen.

(L.S.)

*Ex Diplomatario Schirensis Monasterii
descripsit Cl. Schannatus bon. mem.*

(d) In Nomine Sanctæ & Individuæ Trinitatis. Otto Divina dispensante clementiâ octavus Bambergenfis Episcopus. Quia facile in oblivionem res ducitur, cuius causa nescitur, debet rerum gestarum series literis imprimi, ne à succedentium memoria possit elabi: proinde universorum notitiæ patere volumus, qualiter nos, Divini amoris instinctu, cellam in Occidentali parte montis *B. Archangeli Michaelis*, in honore Domini & B. Fidis Virginis construximus, eamque cum omnibus appendiciis suis in *Cænobio S. Michaelis* donavimus, volentes utique in hoc utroque loco consulere, quatenus uni præstaretur obsequium, nec alteri necessitatis suæ deesset solatium. A venerabili quoque Hermanno Abbate, & reliquis fratribus prædicti Cænobii, hoc obtinimus, atque ab eis perpetuo firmatum est, ut septem fratres, & duos conversos, eidem cellæ dimittant, qui in eadem cella quotidianas circa divinum obsequium excubias agant, & propriis utilitatibus tam foris, quam intra serviant, ad quorum sustentationem, hæc prædia eidem loco contulimus, Volendorf, Tragamusil, Gichlissital, quæ una cum Ecclesia & mancipio ac molendino comparavimus a Richperto de Saxonia octoginta marcis, & Gebehardo Comiti de Sultzpach defendenda commisimus. Item . . . &

Grunowa, quæ emimus a Limpoldo de Nachendorf, simul cum ministeriali quodam nomine Bertolfo, qui de ipso allodio duos mansos in beneficium habet. Qui scilicet mansi, post obitum ejusdem Bertolfi ad S. Fidem, sicut & cætera pertinebunt, eo quod filios non de consociali, sed de externa habet uxore. Ipsa bona Bertolfo Comiti de Blaffenberg sub mündiburdio commendavimus. Item prædium apud Gemterice, quod postea commutavimus cum Klucovia & Kumule, & Durnonna, & Bucha, & Revit, & Stretevit, ac manso uno apud Goren, quæ partim a Regni Botone Comite de Giche, & ab Eberhardo ministeriali nostro digno pretio adquisivimus, partim ab Eckberto de Saxonia XL. marcis emimus, & insuper uxori ejus Berthæ ac filiæ ejus, beneficium, quod ab Ecclesia nostra idem Eckbertus habuerat, concessimus; Quorum scilicet bonorum Popo Comes Advocatus est: item prædium ac beneficium cujusdam Tiemonis apud Alren, & Eppental, & Timmenreut, quod ab ipso Tiemone & ab hæredibus suis XLV. marcis redemimus; sed & huius allodii Popo Comes Advocatus est. Dedimus præterea ejusdem cellæ S. Fidis Hospitale S. Gertrudis, quod ex altera parte fluminis cum prædiis suis Micinhule & Potechendorf, quod utrumque accepimus ab Hermanno de Bamberg, pro beneficio fratris sui Stephani, ipsorumque bonorum advocatiam, idem Hermannus habet. Item apud Schlurispach XVI. mansos una cum Ecclesia ac dote ejus ac molendino, quod Rapetoni Comiti, tuendum commisimus, ipsum est allodium, quod nobis Sigebato de Wundigefalze dedit pro advocatia Holveld, & pro beneficio, quod habuit Waldo maritus sororis ejus, præter Utzingen, Arnoldo de Chunstat, Wunckendorf, Frederico de Luitenbach defendendum commisimus, statuentes tam de his, quam de prænominatis prædiis, quotidie ad ipsum Hospitale VI. denarios dari, quibus alantur advenientes peregrini. Sane advocatias omnium prædictorum bonorum, prænominatis personis sub tali conditione concessimus, ut per semetipsos, sine sub advocatis, eas administrent, placitum vero cum colonis, nequaquam ponant, nisi aut de percussura, aut de furto, aut de irrupto agrorum limite, vel certe si ad-

versian-

versantur a Præposito vel Priore, quinque dies in anno quilibet rusticus, suo operatur advocato. Dedimus autem eandem cellam prædicto S. Michaëlis Cœnobio, cum omni iustitia ad se pertinente, hoc est, utriusque sexus mancipiis, Ecclesiis, villis, ædificiis, areis, exitibus & redditibus, agris cultis & incultis, quæsitis & inquirendis, pratis, pascuis, viis & inviis, aquis, aquarumque decursibus, molis, molendinis, piscationibus, silvis, venationibus, ac cum omni utilitate, quæ ullo modo inde pervenire poterat, statuentes, ut nulli deinceps personæ facultas sit, ipsam cellam cum quibuslibet pertinentiis suis, occasione qualibet, ab ejusdem Cœnobii jurisdictione subtrahere. Fratribus autem in ipsa cella habitantibus de bonis S. Michaëlis ab Abbate obtinuimus, in circuitu ipsius cellæ, de cultis & incultis circiter XXX. jugera, ad faciendos hortos, & pomaria, sive alia utilitati suæ necessaria. Nulli ergo temerare liceat, quæ a nobis pro Divini Numinis honore sunt disposita: maneant humilitatis nostræ statuta omni ævo inconvulsa, nulli successorum nostrorum Pontificum ea violare sit licitum, pro quorum custoditione præmium debet impetrare perpetuum, de cuius pietate confidimus, ut ea, quæ ministrantium Deo, usibus, a nobis pro ejus sunt amore collata,

augeat potius, quam minuat. Si quis autem contra hæc venire tentaverit, ipse peccabit, admonitusque, si reatum suum digna emendatione non correxerit, pœnas delicti sui in iudicio Domini sustinebit: cunctis autem eidem cellæ iusta servantibus, eique de suis largitionibus, sit pax Domini nostri Jesu Christi, æterna restitutio in vita perenni. Verum ut hæc sciantur a posteris, præsentem Chartam fecimus inde conscribi, quam banno roborantes, sigilli quoque nostri impressione iussimus insigniri. Hujus rei testes sunt Eberhardus Propositus, Egilbertus Decanus, Chunradus Custos, Tuto Scholasticus, Pero, Henricus, Udalricus, Seffridus; Canonici: Hacho, Bernolt, Hartnid, Gerunch, Megindach, & cæteri Parochiani. Rapoto Comes, Walpoto, Hilerber de Stema, Arnold de Cünstat & frater ejus Wirnt, Heinrich de Hofete, Pabo de Schönebrunnen, Hermannus Otgotz de Licendorff, Pillunc de Mamensdorff, & frater ejus Gundelach & alii multi.

Data & confirmata anno Dominicæ Incarnationis MCXXVI. Indiæ. XIV. IIX. Calend. Junii, feria III. In Synodo Babenbergensi in præsentia Cleri & populi.

Ludewig. Volumine I. Bambergensium rerum pag. 1122. 1123. 1124.

Non judicavi hanc donationem separandam ab hoc Concilio anni 1124. in cujus subscriptione error est, nam anno 1126. currebat Indiæ IV. non XIV. nec volui sine necessitate multiplicare Synodos.

CONVENTUS MOGUNTINUS

ANNO CHRISTI MCXXV.

*Lotharius, Dux Saxonie, Catholicæ Ecclesiæ unitatis promotor
& fautor, Rex eligitur.*

IN festo S. Bartholomæi omnes totius Imperii Principes Moguntiam convenerunt. Ibi Episcopi, Duces, Marchiones, Comites omnes unanimiter Ducem Saxonie Luiderum sive Lotharium in Regem elegerunt, virum jam inde ab adolescentia in bellis experientissimum, & in victoriis frequentissimum.

Et quomodo Ecclesiæ studiosus defensor erat, adnitentibus Episcopis & maxime Archi-episcopo Adelberto, & Archi-episcopo Colonienfi Friderico, vi-

ris in ecclesiasticis negotiis disertissimis, Rex effectus est. Erat enim vir totius prudentiæ, Sacerdotii & Regni fidelissimus coadunator, apud Deum summæ devotionis, providus in consilio, strenuitate bellorum fortissimus, & nullius unquam timore periculi perterritus, ita ut eisdem temporibus ad regni gubernacula videretur esse decentissimus. Denique in schismate, quo ecclesia Dei sub ejus antecessoribus Imperatoribus propter discordiam Regni & Sacerdotii plu-

rimum desudabat, & multorum animos in utroque ordine Cleri videlicet & populi quodam erroris nubilo obtenebraverat, iste religiosus & Catholicus Princeps principalem animum gerens, quorumlibet Ecclesiæ fidelium defensor excitit, & tantis virtutum insignibus præditus, Henrico illius nominis quinto sine superstite hærede decedente, unanimi voto totius Ecclesiæ & Regni Principum,

utpote fidelissimus Patronus in solum Regni est sublevatus.

Uxor ejus Donna Richoza Coloniz a Friderico Archi-Episcopo in Reginam consecratur.

Annalista Saxo apud Eckhart. Tomo I. Script. Germaniæ ad hunc annum. pag. 657. 658.

Alii referunt hoc Concilium ad 1124, Mansi ad 1126.

Subjiciuntur Literæ Adelberti, Moguntini Archi-Episcopi, ad Ottonem Babenbergensem Episcopum, quibus invitatur ad Concilium Moguntinum, in proximo festo S. Lucæ habendum, in causâ Gebehardi Herbipolensis ab Henrico V. investiti contra Rokkerum a Clero & populo Wirceburgensi electum, ab Adelberto consecratum, sed forte anno 1125. aut 1126. mortuum. Quo Nuntio mortis accepto Gebehardus ad Concilium Moguntinum advolavit, causam suæ nominationis ad Cathedram Herbipolensem, cujus Cleri partem sibi faventem habuisse videtur, Concilio probare annisus est; nec tamen ad Adelberto Moguntino Metropolita suo consecratus fuit. *Hæc ex Epistola Gebehardi Herbipolensis intrusi.*

Epistola Adalberti Archi-Episc. Moguntini, ad Ottonem Babenbergensem Episcopum, ut ad Concilium, in causâ Gebehardi Herbipolensis, celebrandum veniat.

ADELBERTUS SANCTÆ MOGUNTINÆ ECCLESIAE HUMILIS MINISTER,
ET APOSTOLICÆ SEDIS LEGATUS, VENERABILI ET IN CHRISTO
DILECTO FRATRI ET COEPISCOPO, DOMNO OTTONI
SALUTEM ET OBSEQUIUM FRATERNÆ
DILECTIONIS.

TRibulationes & destructiones Herbipolensis Ecclesiæ, quæ & quantæ sunt, quamdiu duraverint, jam dudum discretioni vestræ innotuit, quæ usque adeo multiplicatæ sunt, nisi in brevi eis provideat omnipotens & misericors Dominus, quod in proximo Ecclesia illa omnimodis annihilabitur. Unde si facultas suppeteret, vestræ Fraternitatis præsentiam & consilium potissimum desideraremus convenire, & de ipsius reformanda pace & religione, quantum Divina misericordia concedet sollicitius pertractare. Siquidem fratrum, qui nobiscum sunt, & quos præsentialiter vel per litteras nostras convenire potuimus, tale est consilium. Quoniam Venerabilis Frater & Coepiscopus noster Rogerus, viam universæ carnis ingressus est, (a)

in hoc Ecclesiæ illi provideamus, ut promovendo Fratrem illum *Gebehardum* dispersa illius Ecclesiæ, dispensatoriè potius recolligamus, quam alium superimponendo, graviter quidem dispersa, funditus extirpare permittamus.

Quocirca fraterna vos commoneamus caritate, ut præsentiam vestram conventui Fratrum nostrorum, quos in idipsum convocavimus in proximo festo *B. Lucæ* velitis repræsentare, vel, si id minime valueritis adimplere consilio, quod Spiritus Sanctus vobis dictaverit, consensus vestri litteras non differatis transmittere. Valete & in orationibus vestris, nostri memoriam facite.

In Greferi Divis Bambergensibus extat hæc Epistola.

(a) Circa 1126.

CONCILIIUM EPISCOPORUM circa 1126.

SUB ROTHERO, MAGDEBURGENSI ARCHIEPISCOPO.

DEDO, Filius Thiemonis Comitis, duxit uxorem Bertham filiam Wiperti de Groiz, genuitque ex ea filiam nomine Mathildem, quæ nupsit Comiti Rabodoni, Advocato Bambergensi. Idem Dedo Ecclesiam in honore beati Petri Apostolorum Principis initiavit; quam præventus morte fratri suo consummandam reliquit. Habens enim votum vitandi sepulcrum Domini, uxorem suam

Bertham, quam repudiaverat, Episcoporum consilio & iudicio recepit, sicque profectus in terram peregrinationis suæ obiit; & lignum Dominicæ crucis, Ecclesiæ, quam in Monte Sereno fundare, primus cœperat anno 1124. transmisit.

Supplementum Chronici Montis Sereni, editum a Menckenio Tomo II. Script. German. pag. 309.

CONCILIIUM WORMATIENSE

ANNO CHRISTI MCXXVII. HONORII II. PAPÆ IV.
LOTHARII II. REGIS III.

Fussu Honorii II. Pont. Max. ad instantiam Cleri Trevirensis, qui Archi-Episcopi sui Electionem vitiosam criminabatur, celebratum.

IN nomine Sanctæ & Individuæ Trinitatis. Innotescat universis Christianis fidelibus &c. quo in loco, & quo tempore, quæ etiam conditione, Ego Cunradus, filius Comitis Bopponis de Loufo, beneficium, quod Pater meus de Episcopatu Wormatiensi habuerat, obtinuerim.

Tempore Concilii, quod Petrus, Diaconus Cardinalis, Domino Godefrido, Trevirensi Archi-Episcopo, Wormatiæ, ad Expurgationem suam de Simonia, cum aliis Catholicis, instituit; Ego Cunradus, beneficio Patris mei, a Domino meo Buggone, Wormatiensi Episcopo investitus sum; ad cuius memoriam confirmandam, in familiam beati Petri, super altare ipsius, VIII. ex Ministerialibus meis melioribus, cum uxoribus, & filiis, & cum omni possessione & proprietate ipsorum secundum Legem Francorum, per manum Bertolli Comitis contradidi. Ut autem hæc traditio in æternum firma & inconcussa perseveret, Dominus meus Buggo Episcopus, hanc cartam super his conscribifecit, eamque sigilli sui impressione consignavit, & auctoritate, & testimonio subscriptorum Episcoporum, & Clericorum, sive Laicorum corroboravit.

TESTES: Sigefridus, Spirensis Episcopus, cum Clero, & Familia sua.

Tomus III. Concil. German.

Udalricus, Constantiensis episcopus.

Henricus, Tullensis episc.

Clerus, & Familia Wormatiensis.

Brutgoz, Præpositus de Wileburg.

De Laicis Ministerialibus S. Petri.

Gumbertus.

Ruegerus, Vice-Dominus.

Gerbodo, Thelonarius.

De Liberis.

Comes Bertolfus.

Wernhart, & Liutolt, filius suus.

Gerung de Alenvelt.

Cunrat de Hobenbart, & alii quam plures Clerici, & Laici.

Data XV. Kal. Junii. Anno Dom. Incarnationis MCXXVII. Indiæ III. Regnante Domino Lothario III. Rege Romanorum Augusto. Buggone Episcopo venerabiliter administrante, & providente sanctæ Wormatiensi Ecclesiæ, anno VII. Ordinationis suæ.

Actum Wormatiæ, feliciter.

Ex Archiv. Episcop. Wormat.

In certam hujus Concilii notitiam nos inducit Charta præmissa. Acta quidem ulterius ignorantur; hoc saltem constat, eo absoluto, Godefridum, seu sponte, seu coactum, dignitati suæ Archi-Episcopali cessisse, postquam eandem annis II. mensibus X. jam occupaverat.

SYNODUS MOGUNTINA

SUB ADELBERTO, CORAM PRÆLATIS. ET RECTORIBUS
ECCLESIAE MOGUNTINÆ,

Anno Christi MCXXVII. Honorii II. Papæ IV.
Lotharii II. Regis III.

*Adelberti Archi-Episcopi Constitutio, qua iniustitia repressa, LEGE
SYNODALI definit, cænobio S. Dyfiodi de locis, ubi creverint
fruges, dandam esse Decimam.*

Adelbertus, Dei gratia Moguntinus
Archi-Episcopus, & Apostolicæ
Sedis Legatus. Notum esse cupimus
omnibus tam futuræ, quam præsentis
ignorationis fidelibus, qualiter antecessor
noster, felicitis memoriæ Dominus RU-
THARDUS Archi-Episcopus, inter
cætera, quæ pro remedio animæ suæ, ac
pro spe æternæ retributionis contulit
fratribus, in cænobio B. Disboti Deo
militantibus, tradidit etiam Decimam
omnium pertinencium ad Episcopalem
curiam, quæ sita est in monte B. Albani
Martyris, exceptâ Dominicali terrâ Epi-
scopatus S. Albani, S. Victoris, S. Mariæ
in campo, S. Nicomedis Martyris. Quam
laudabilem ac Deo placitam traditionem
Banni sui obligatione fratribus firmavit;
Nos quoque auctoritate nostra firma-
mus.

Eandem vero decimam exterius
perfolvendam, in agris scilicet, vineis-
que, pro fecunditate aut sterilitate anni
& fundi, prout iustitiæ regula exigit, &
jam frequentior usus tere apud omnes
obtinuit, succedente mutabilitate tem-
porum plebs, ut semper in deterius pro-
na est, postponens iustitiam, collectis
tantum frugibus, ac repositis, mensu-
ram quandam ad placitum denominatam,
perfolvere, usurpavit potius, quam ele-
git. Et hæc abusus perniciosior danti-
bus, quam accipientibus, istis quidem
in dampno temporalium rerum; illis
vero in periculo animarum, multis annis
perduravit; fratribus illi pro posse re-
nitentibus, nobisque annuatim de inju-
ria sua proclamantibus.

Volentes ergo utrisque provifum
ac consultum esse respectu Divinæ mife-
racionis, & assiduâ fratrum querela

tandem deviçti, tocius controversiæ hu-
jus finem hoc ordine fecimus.

Quæsitæ enim a Prælati & Rectoribus
Ecclesiæ nostræ sententia, & iudicio, su-
per huiusmodi causâ & dissensione, de-
cretum est ab eis Lege Synodali: *In lo-
cis ubi creverint fruges, dandam esse decimam.*
Quod tandem, cogente iusticia, rogatu
quoque & exhortationis nostræ efficacia,
pace & assensu illorum collaudatum &
confirmatum est.

Ne vero aliquorum præsumpcio
commutationem hanc, de non legali ad
legale, de iniusticia ad iusticiam tam ra-
tionabiliter factam, infringere, vel in-
firmare in posterum audeat, sub anathe-
mate interdiximus. Atque in signum
ac testimonium totius actionis hujus,
hanc Chartam conscribi, & sigilli nostri
impressione insigniri fecimus, proprie
manus scripto roborantes eam. Sunt
autem testes hujus rei:

Folbertus Abbas S. Albani.
Werenboldus Abbas S. Jacobi.
Adelhün Abbas S. Disboti.
Bernhelm Abbas de Spanheim.
Richardus Major Præpositus.
Cuno Custos & Decanus de Domo.

De Liberis autem.

Eggebertus Comes.
Adelbertus de Vchilbruccun.
Wolfram de Sueneburc.
Gerunc de Alveldun.
Ernold Vice-Dominus.
Warmunt Sculterus.
Thurimbertus Magister Scholarum.
Hartmannus Cantor & Præpositus S.
Mauricii.
Godescalcus Præpositus S. Mariæ in
Campo.

Hein-

Heinricus Bingenſis Præpoſitus de
Franckenevort, & alii multi de
Clero.

Ruthart Magiſter monete.

Emdcho, Walthere, Cunrad de He-
penheſte.

Obbrecht, Luiſſrit, Folbrecht,

Otto, & frater ejus Luiſſrit.

Eigelwart, & frater ejus Dudo; &
alii quam plures.

Acta ſunt hæc anno Dominicæ Incarna-
tionis MCXXVII. Indiſtione V. Reg-

nante Domino Lothario hujus nomi-
nis tertio, anno Regni ejus ſecundo.

Signum Domini Adelberti, Moguntini
Archi-Epiſcopi, & Apoſtolice Sedis
Legati.

Data Moguntia, per manum Godeſchalci
Capellani, VI. Kalend. Martii.

*Gudenus, Codice diplomatico, exhibente
Moguntiacæ, N. XXVIII. Göttingæ
impreſſo 1743. pag. 65.*

CONVENTUS SEU CONCILIUM

IN UZEDOM, civitate POMERANIÆ,

SUB DUCE VRATIZLAO, (a) ET S. OTHONE EPISCOPO BAMBER-
GENSI, APOSTOLO POMERANORUM à PAPA MISSO.

Anno Chriſti MCXXVII. Honorii II. Papæ IV.

Lotharii II. Regis III.

*In eo ad fidem converſi Principes Pomeraniæ, & Populus baptizantur
per Othonem Epiſcopum Bambergensem.*

IN hac civitate Uznoym, quia prope
fuit feſtum adventus Spiritus San-
cti, Dux terræ Urotizlaus toto corde
Chriſtianus inſinſtu Ottonis (*Epiſcopi*)
Baronibus ac Capitaneis totius Provinciæ
ac profeſtis in civitatem in feſto Pente-
coſtes *Conventum* indixit; cauſam ſimul
Chriſti mandans, Evangelium & Evan-
geſiſtam iterum adveniſſe Ottonem epiſ-
copum. Itaque die ſtatuto congregatis
omnibus, adducto in medium Epiſco-
po Dux ait: "En ad quod veniſtis,
" en coram eſt nunciuſ Altiſſimi, pacem
" fert non arma, neque veſtra ſibi ſed
" voſmetipſos Deo lucrari quærit. At-
" tendite, oro, ante hoc quadrienni-
" um in ſuperioribus hujus terræ parti-
" bus docens, me teſte, noſtiſ quoque &
" ipſi, omnia replevit Evangelio. Et
" tunc quidem haſ partes viſitare vole-
" bat, ſed Deo proſperante negotia ſua,

" toto anno illo ſanctis operibus illic te-
" nebatur occupatus, emenſoque anno
" ad ſua reverti, ſuæ ſedis rationibus
" cogebatur, nec ad voſ venire præva-
" luit, ſed quæſo, una mecum & hu-
" juſ & illiuſ viæ cauſaſ diligenter ad-
" vertite. Longa deinde ad ſuoſ oratione
habita SEFREDUS ſubdit.

Affuit Spirituſ Sancti gratia & ſer-
monem Ducis omnium cordibus, altiuſ
quam dici queat implantavit, omneſ-
que pari voto pari conſenſu faciendum
reſpondent, quidquid epiſcopuſ ſuade-
ret, igitur occaſione ipſiuſ temporis
*de adventu Spirituſ Sancti, de remiſſione pec-
catorum, de variis chariſmatum donis, de
bonitate & Clementia Divina, ſermone mi-
rabili Præſul* eos alloquens, evangelizavit
eiſ Jeſum, & quodaſ quidem jam du-
dum Chriſtianoſ, ſed errore paganifmi
denuo inquinatoſ præſenti ſermone ad
com-

P p 3

(a) Wortizlaus, ſcribit *Gretſerus Tomo VI. novæ editioniſ pag. 645.*

Primuſ ſeceſſuſ Sancti Ottoniſ, Bambergeniſ Epiſcopi, in Pomeraniam annuente Cal-
liſto II. Papa fuit anno 1124. die 24. Apriliſ, rediit Bambergam 1125. 29. Martii.
Secunda profeſtio Bambergæ in Pomeraniam anno 1127. certè non poſt 1128. ſub Hono-
rio II. Bambergam reverſuſ, obiit 1137. 30. Julii. Synoduſ hæc habita fuit poſt
adum iter circa 1128. *Hæc ex Actiſ Ss. Antwerp. ad diem 2. Julii.*

compunctionem & validam cordis constructionem emolitos, cum magno fructu aspicientium per manus impositionem Ecclesiæ reconciliavit; alios autem certatim se offerentes Catechizatos ac pro tempore instructos baptizavit, & totam illam hebdomadam doctrinæ sacrisque operibus instabat, gaudio ingenti adeo, ut vere Spiritus Sancti præsentiam illic adesse certissime constaret. Itaque Concilium hoc non antea solum est, quam Principes ipsi & omnes

qui cum eis advenerant, baptismati Sacramenta percepissent.

Ex Sefredo coævo in vita S. Ottonis Lib. III. Cap. I. n. 124.

Apud Canisium Lectio. antiquar. L. III.

Sed plenior & accuratior extat eadem die 2da Julii pag. 407. apud Hagio-graphos Antverpienses.

Rursum apud Gretserum Tomo VI. novæ editionis pag. 645.

Sermo, quem habuit S. OTTO ad primitivam suam Ecclesiam anno 1124. fundatam, habitus Pirissæ in Pomerania, cum ab ea prima vice Bambergam rediret.

FRatres æmulator vos Dei æmulatione, (a) vos enim omnes, qui in præsentiarum ad me audiendum convenistis, & me docente, Christo credidistis, & Christiani facti estis, una in Domino ecclesia estis (b) desponsati per fidem Domino meo Jesu Christo; una, inquam, vos omnes Ecclesia estis, una & unica sponsa Domini mei Jesu Christi; quia universali Ecclesiæ per fidem incorporati estis. Sed quia ego per ejus gratiam hujus vestræ desponsationis auctor esse videor, nam ego & uni viro despondi vos: *Virginem (c) castam exhibere Christo.* Hinc est, quod æmulator vos, non tamen qualibet, sed æmulatione Dei. Nam & mala æmulatio esse potest, juxta illud Apostoli; *Sunt (d) quidam, qui æmulantur vos non bene; æmulari autem est, velle indignari, licet pro imitari nonnunquam positum inveniatur: ut est; æmulamini (e) charissimata meliora.* Volo autem vobis indignari, & paratus vobis indignari, quod pridem dixi, æmulator vos. Quia sine tristitia & indignatione ferre non possum nec potero, si, quod ablit, ad injuriam Domini mei JESU, cui per fidem vos despondi, cum diis alienis vos denuo contaminare volueritis. Hoc enim est fornicationis genus, quod maxime separat a Deo.

Frates intendite; ecce: Omnes (f) in Christo baptizati estis, & omnes Christum

induistis; originalium, & actualium peccatorum indulgentiam accepistis ab ipso, mundi estis & Sancti, non per nos sed per eum mundati, & sanctificati; quia ipse sanguine suo lavit peccata mundi. Nolite ergo iterum inquinare vos cultura idolorum. Nam hæc est immunditia, qua omnino Deus offenditur & penitus separat a Deo. Nolite vos prostituere corruptoribus & immundis spiritibus: soli Deo creatori vestro, nulli autem creaturæ Divinam exhibete honorem: ne indignatio ejus & furor veniat super vos: sed magis in fide spe & charitate proficite, ut benedictio ejus veniat super vos & super filios vestros, & ut ei credentes, & fidem operibus exornantes, vitam (g) habeatis in nomine ipsius, qui de tenebris vocavit vos in admirabile lumen suum. Certi enim esse, & nullatenus dubitare debetis, quia, si hanc, in qua hodie positi estis, innocentiam & sanctificationem, ipsius adjutorio servare usque in finem vitæ studueritis, non solum mortem evaderitis æternam, sed etiam gaudium Regni cælestis possidebitis in æternum.

Sed quia vita præsens sine peccatis duci non potest; *lucta enim & tentatio (h) est vita hominis super terram.* Discessurus a vobis, trado vobis, quæ tradita sunt nobis a Domino, arrham fidei sanctæ inter vos & Deum, septem videlicet.

(a) II. Corinth. XI.

(c) I. Corinth. VII.

(f) Galat. III.

(b) Lege: desponsati, & si Gretseri editio habeat dispensati.

(d) Gal. IV.

(g) Joan. V.

(e) I. Corinth. XII.

(h) Job. VII.

I. Petr. II.

cet Sacramenta Ecclesiæ, quasi septem sanctificativa dona Sancti Spiritus, quibus utendo in laboribus & certamine hujus vitæ non deficere sed proficere vestra possit Ecclesia, suosque defectus reficere. Videte ergo & tenete; & ut sciaitis, diligenter enumerate, quæ tradidimus vobis, discedentes a vobis.

Primum ergo Sacramentum est, quo jam imbuti estis, Sacrosanctus *Baptismus*. Hoc Sacramentum fratres mei, abhinc & semper tenere & venerari debetis, & parvulis opportuno tempore, scilicet in *Sabbato sancto Paschæ & Pentecostes*, per manus Sacerdotum, tradere debetis, certissime scientes, quod quicumque sine illo de hac vita migraverit, & Regno Dei carebit, & insuper maledicti originalis poenas luet æternas.

Secundum Sacramentum est *Confirmatio*, id est, unctio Chrisimatis in fronte. Hoc Sacramentum victuris est necessarium, videlicet, ut Spiritus Sancti corroboratione muniantur, si armentur contra omnes tentationes & nequitas vitæ pugnaturi. Non autem usque in senectam differendum est, ut quidam putant, sed in ipsius adolescentiæ fervore percipiendum, quia illa ætas magis obnoxia est tentationibus.

Tertium Sacramentum est *unctio infirmorum*, quod ideo morituris necessarium est, quia in illa unctione pervirtutem Spiritus Sancti remissio datur peccatorum, & ipse, qui moriturus est, contra spirituales nequitas, id est, contra malignos spiritus in exitu vitæ animabus insidiantes eadem Spiritus Sancti virtute pugnaturus armatur. Hoc omni Christiano in agone mortis ardentissime desiderandum & devotissime percipiendum est, utpote remedium animæ certissimum.

Quartum Sacramentum est *corpus & sanguis Domini*. Hoc Sacramentum victuris & morituris est necessarium, siue vivimus siue morimur, hoc viatico semper est utendum. Est enim cibus animæ verus, vitam in se habens æternam. Unde frequenter Missæ celebrandæ sunt, & vos ad easdem devote convenire debetis, ut sæpius huic viatico communiceris. Quod si non potestis, quia carnales estis, huic tam Sanctissimæ rei

per vos ad omnes Missas participari, saltem per mediatorem vestrum scilicet Sacerdotem, qui pro vobis communicat, fideliter, reverenter & devote Missas audiendo communicate. Oportet tamen & vos ipsos ter vel quater in anno, si amplius fieri non potest & confessionem facere, atque ipsi Sacramento communicare.

Quintum Sacramentum est *per poenitentiam reconciliatio* lapsorum, id est, ipsorum, qui post baptismum propter graviores culpas ab Ecclesia projecti, satisfactione poenitentiae iterum ei reformatur, & hoc Sacramentum quasi maelagma & recuperatio est cadentium in pugna & vulneratorum.

Sextum Sacramentum est *conjugium*, id est, copula matrimonialis. Quinque autem Sacramenta superiora quasi generalia sunt, & omni Christiano necessaria. Istud autem quasi particulare est, quia non omnibus necessarium est, sed eis tantum, qui se continere non possunt. Et sicut ad superiora Sacramenta omnes homines trahendi sunt & invitandi: ita nullus ad hoc trahendus vel invitandus est, nisi, qui, ut dictum est, se non continent, sed vaga & illicito concubitu se se polluant & commaculant. His enim suadendum est, ut infirmitati suæ honestiori subveniant remedio. Vos autem, qui usque adhuc tempora non Christiani sed pagani fuistis, Sacramentum conjugii non habuistis: quia fidem uni thoro non servastis, qui voluistis, plures habuistis uxores, quod deinceps vobis non licebit: sed unus vir unam tantum habere debet uxorem, & una unum, quod amplius est, a malo est. Si quis ergo in vobis est, qui plures habuerat uxores ante baptismum, nunc unam de illis, quæ sibi magis placet, eligat, dimissisque aliis, hanc solam habeat, ritu Christiano. Et partus, *inquit*, femineos audio, quia vos o mulieres, necare consuevistis: quod quantum abominationis habeat, exprimi sermone non potest. Videte, si hoc vel bruta animalia faciant foetibus suis. Parricidium hoc non fiat modo in vobis, quia sine gravissima poenitentia dimitti non potest: siue igitur sit masculus, siue femina, diligenter nutrite partus vestros. Dei enim est & marem procreare & feminam.

Septi-

Septimum itaque Sacramentum est *ordinatio* sive consecratio Clericorum, quod & ipsum particulare est & non generale; quia non omni homini necessarium: quamvis enim omnes homines indigeant Clericis, non tamen est necessarium, omnes homines fieri Clericos. Ad ipsum tamen Sacramentum, qui moribus & scientia magis idonei sunt, invitandi sunt potius, quam trahendi. Unde adhortor vos & invito, quia cogere non debeo, ut de liberis vestris ad Clericatum tradatis liberalibus studiis prius diligenter instructos, ut ipsi per vos, sicut aliæ gentes de lingua vestra latinitatis conscios possitis habere Clericos & Sacerdotes.

Ista igitur septem Sacramenta, quæ iterum vestri causa enumerare libet, id est, baptismum, confirmationem, infir-

morum unctionem, Eucharistiam, lap-
forum reconciliationem, conjugium &
ordines per nos humiles suos paranym-
phos cælestis sponsus in arham veræ
dilectionis vobis, ecclesiæ ac sponsæ
suz transmittere dignatus est. Quapropter omni honore ac reverentia eadem Sacramenta servate, diligite & veneramini; docere ea filios vestros, ut memoriter teneant, & diligenter observent in omnes generationes. Ecce habetis Ecclesiam, habetis Sacerdotem, de his omnibus, & quæcunque sunt necessaria vobis, abundantius vos instruere scientem. Ipsum ergo, sicut me audietis, honorantes & amantes eum, & quæcunque vobis dixerit, facientes. Et nunc ego vado, iterum cito reverfurus ad vos: valete in Domino.

Hunc sermonem S. Othonis ad nascentem suam in Pomerania Ecclesia habitam ponit *Andreas Biographus, editus a Gretsero Tomo X. novæ editionis pag. 620*, habitum post inchoatam primam conversionem circa 1124. 1125. sed quo anno præcisè sit habitus nil interest: hoc interest, ut Catholici sciant, quam fidem prædicaverit Otto in Pomeraniam invitatus a Duce, & missus a Papa Callisto II. prædicaverit Neophytis Pomeranis, nempe Catholicam prorsus, qualem hoc sæculo XVIII. Catholici profitemur.

Urspergensis præter hæc dogmata a S. Othone annuntiata, narrat Leges disciplinæ & morum nostris conformes, præscriptas Neophytis desumptas ex Disciplina Germanicæ Ecclesiæ.

Secundo. Ideo hanc doctrinam habitam in Pomerania apud Conventum Neophytorum, sive Pirissæ, sive Damini, sive Uzedomi adscripti, ut pateat orbi honorato impudentia & calumnia tum Danielis Crameri in dem grossen Pommerschen Kirchen-Chronico a Gretsero pro merito castigata ac confutata *Tomo X. novæ editionis*, qui ausus est scribere a S. Othone non fuisse Christum Pomeranis prædicatum, sed papisticas superstitiones: tum aliorum A catholicorum, qui non cessant etiam hoc sæculo elegantia scurrilibus calumniis Sanctissimi Apostoli vitam & prædicationem lacerare, non obstantibus clarissimis coævorum testimoniis a Gretsero & Bollandistis ad diem II. Julii collectis.

SYNODUS HERBIPOLENSIS

ANNO CHRISTI MCXXVIIII. HONORII II. PAPÆ V.
LOTHARII II. REGIS IV.

1. *Excommunicatio Conradi, Ducis Anti-cæsaris, primò in Synodo Wurceburgensi, deinde in Papiensi.*
2. *Excommunicatio iterata Gebhardi, Wurceburgensis Episcopi.*
3. *Uthalricus, Abbas Fuldensis, Conrado Anticæsari favens deponitur.*

Eodem anno. XV. Kal. Januar. Cun- vorum Regum nomen machinantibus
radus (a) frater Friderici Ducis Sua- quibusdam Principibus tyrannicè sibi
impo-

(a) Conradus, Dux Franciæ Orientalis, ex sententia fratris Friderici Regum nomen sumpsit, circa exitum anni 1127. anno sequenti alpius transiens, in festo S. Petri Modociæ ab Anselmo Mediolanensi Rex Italiæ coronatur, quam coronationem Papa Honorius per Legatum in Synodo Papiensi irritam declaravit, & Conradum jam in Germania excommunicatum excommunicavit,

imposuit, propter quod a tribus Archiepiscopis Moguntino, Saltzburgensi, & Magdeburgensi & eorum Suffraganeis excommunicatus est, & ab omni Ecclesia anathematizatus.

Anno Domin. Incarn. MCXXVIII. Rex Natale Domini Wirceburch celebrat, ibique sinistro rumore percellitur; Conradum fratrem Friderici Ducis Alsatiae Regium nomen usurpasse: hac de causa Magdeburgensis & Moguntinus,

& Salseburgensis Archiepiscopi alique plures, qui tunc aderant, episcopi Conradum excommunicant.

Annalista Saxo ad hunc annum.

Eckharti Annales Bosovienses ibid.

Anno MCXXVIII. Rex Natale Domini Wirceburc celebrans, Embrichonem (b) eidem praecepit Episcopo, ejecto Gebhardo, ubi & Conradus Regni rebellis excommunicatur.

Adalberti Archiepiscopi Moguntini ad Ottonem Bambergensem Epistola.

Adalbertus Dei gratia Moguntinus Archiepiscopus & Apostolicae Sedis Legatus venerabili fratri Ottoni Bambergensi Episcopo salutem in Domino. Excommunicationem, quam communicato Fratrum, & Principum consilio Conradus Rex in invasorem Regni fecimus, jam dudum fraternitati vestrae per litteras nostras significavimus, sed quia dubitamus, utrum ad vos perve-

nerint litterae (audivimus enim quod Ecclesia vestra velit eas ignorare) mittimus iterum praesentes apices monentes, ut, quod fecimus nos, & vos faciatis, & per omnes Ecclesias vestras ipsum iniquitatis autorem cum fautoribus suis a communione Christiana, & omni Divino officio arceri praecipiat.

Ex MS. codice Zwetalsensi descriptis Cl. Schannatus.

Epistola Wirtzburgensis Ecclesiae ad Ecclesiam Bambergensem, in causa Gebhardi, quod eum recepissent, semel & iterum excommunicatum.

Obstupescimus valde, quomodo hominem illum, Dominum Gebhardum, quem Romana Ecclesia damnavit, quem Metropolitanus noster cum Archiepiscopis & episcopis multis, consequenter ab Ecclesia sequestravit, vos in Catholica communione recepistis, & si cum gratia vestra dici potest, quasi ad contemptum Romanae immo totius Ecclesiae, sicut scriptum est, cornu peccatori dedistis. Hoc autem eo magis miramur, quod Praepositus vester Do-

minus E. praesens apud nos erat, quando Dominus Archiepiscopus publice in pulpito nostro renuntiavit Clero & populo, quomodo, quibus de causis, quove ordine Romana Ecclesia eum a communione Ecclesiae sequestrasset, & quomodo postmodum Dominus Gerhardus Cardinalis una cum ipso & cum tota Ecclesia ibidem congregata in *Argentinenſi* Ecclesia, praesente Domino Rege sententiam excommunicationis in eum promulgasset. &c.

Epistola Honorii II. P. Max. ad Adalbertum Archiepisc. Mogunt. de Gebhardo electo Wirtzburg.

HONORIUS Episcopus, servus servorum Dei, venerabili fratri Adalberto Moguntino Archiepiscopo salutem & Apostolicam benedictionem. Super causa Gebhardi, de quo nos rogavit tua fraternitas, fratrum nostrorum Episcoporum & Cardinalium consilium requisivimus. Ex eorum ergo deliberatione provisum est, quod in Herbipo-

lensi Ecclesia Gebhardus idem, non debeat ulterius Episcopatus apicem obtinere. Dat. Lateran. IV. Non. Martii.

Anno 1127. Udalricus Abbas Fuldenſis, ob inordinatam vitae suae rationem, a Patribus ibidem synodaliter congregatis depositus fuit, & in ejus locum substitutus Henricus I. à Kemnata.

OTTO.

Utharici XXIX. Abbatis Fuldenſis viri caetera praecleari peccatum fuit, quod Conrado Duci contra Lotharium II. Imperatorem adhæserit. *Breviarium Fuldenſe editum a Paullini in Syntagmate rerum Germaniae pag. 433.*

(b) Praepositum Erfurtensem.

Tomus III. Concilior. German.

OTTONIS, HALBERSTADENSIS EPISCOPI, ACCUSATIO IN SYNODIS MOGUNTIÆ,

ROMÆ, ET PISIS, EJUSDEMQUE ABSOLUTIO LEODIENSIS
IN SYNODO RESTITUTIO: SED POST PISANAM
SYNODUM DEPOSITIO.

Anno Christi MCXXVII. Honorii II. Papæ IV.
Lotharii Regis III.

*OTHO (a) Halberstadensis implorat opem Othonis Bambergensis
Episcopi adversus Calumniatorem.*

OTTONI Domino suo venerabili, Sanctæ Bambergensis Ecclesiæ Pontifici Otto per misericordiam Dei Halberstatensis Ecclesiæ Episcopus, si quid est, cottidianum laudabilis vitæ incrementum. Si rerum vestrarum status prosperitate fruitur, si condigne morum ac vitæ compositioni concordat urbs, ut decet, congaudemus, si non, condolemus, quia idipsum de fidelitatis vestræ excellentia speramus, immo certum habemus, si ergo rerum nostrarum statum scire cupitis, ut amico, cui maxime confidimus, cui fluctuantis navis nostræ anchoram, ingruente tempestate, configimus, ut amico, in quem post Deum, unicum ac certissimum imbecillitatis nostræ sustentaculum esse non diffidimus, dilectioni vestræ intimamus. De proxima ista, quam vobis expeditione, in qua ob honorem Regni & Ecclesiæ diligentius ceteris, laboravimus reversi, domi, ubi pacem & concordiam, ubi tranquillitatem & recreationem invenire debuissimus, odium & discordiam, schismata & intestina bella, peccato heu! nostro exigente, invenimus, adversarii enim nostri N. & N. Ecclesiæ nostræ Canonici, qui prius nobis adversabantur, quibusdam solitæ fraudis industriâ collectis, inter quos N. nominatissimus & quasi Pri-

micarius est, iterum in nos insurrexerunt, Cleroque convocato, lacrymabilia & inaudita crimina, quæ Deo teste nunquam commisimus, in faciem nobis objecerunt, inter quæ, electionem nostram non fuisse canonicam, ideoque & consecrationem nostram asserunt esse irritam. Insuper quoque & Simoniam, nescimus quam N. nobis imponit, quam se Canonica auctoritate, statuto tempore probaturum asserit; Nos ergo tanta tamque inaudita infamatione perculsi Moguntinæ Sedis Archi-Episcopo rem omnem scriptis aperuimus, hujusque rei consilium & auxilium quæsivimus, qui litteris ad Ecclesiam nostram directis, omnimodis nos excusavit, electionemque nostram, justam ac canonicam fuisse comprobans, criminatores nostros reconciliari nobis condigna satisfactione præcepit. Illi vero obstinationi suæ, iussu Archi-Episcopi postponentes, nec non Magdeburgensis Archi Episcopi, qui ad sedandam hanc motionem Regio iussu advenit, monita spernentes, adhuc in conspirationis suæ vecordia persistunt, quapropter aram misericordiæ vestræ amplectentes ad vos confugimus, debitumque clementiæ vestræ auxilium humiliter imploramus. Quicquid enim alii faciant, vestrum est ex gemino caritatis vincu-

(a) Defuncto Reinhardo anno gratiæ MCXXIII. Indiæ. I. Regni autem Henrici V. Imperatoris XIX. Halberstadensis Ecclesiæ curam suscipit Dominus OTTO vir pacificus & mansuetus. *Chronicon Halberstadense Leibnitii Tomo II. Script. Brunsvicens. pag. 131.*

Videntur Otto solius Imperatoris Lotharii nutu inductus in Cathedram Halberstadiensem nullâ vel speratâ prævia electione Cleri: hinc a Clero fuit accusatus, primo Moguntinæ, 2do Romæ, 3tio in Concilio Pisano: & ob Simoniam & Investituram sine prævia Cleri electione citatus est.

vinculo nobis assistere, labantesque brachio virtutis vestrae sustentare; proinde rogamus, quatenus litteras vestras ad *Metropolitanum* dirigatis, & ut in causa

nostra diligens esse velit, causa vestri efflagitetis. Rogamus quoque, ut ubicunque Concilium pro hujus rei discussione convocetur, vos adesse velitis.

SYNODUS MOGUNTINA anni 1127.

ALTERA 1128.

Epistola Adalberti Archi-Episcopi Moguntini, qua Ottonem Episcopum Bambergensem convocat ad Synodum in causa Ottonis Halberstadensis.

Adalbertus Dei gratia Moguntinus Archi-Episcopus, & Apostolicæ Sedis Legatus, venerabili Confratri suo Ottoni Babenbergenſi Episcopo salutem cum oratione & obsequio. Controverſia magna inter fratrem nostrum Dominum Halberſtatenſem, & quosdam fratres suos regularis est habita. Vocatis autem utrisque in *audientiam*, quia terminare eam & ad concordiam eos revocare, nulla ratione cum fratre nostro Hildenheimenſi potuimus, pluribus fratribus nostris ad hoc nobiscum pertractandum destinatis, *secundo in audientiam veniendi diem & locum*

eis statuimus: sed quia prudentia vestra in negotio hoc nullo modo possumus carere, rogamus vos & rogando auctoritati nostra iungimus, quatenus *proxima Dominica post Ascensionem Domini* nobiscum ad diffiniendam hanc discordiam velitis adesse.

Ad annum 1129. refert hanc Epistolam ex Synodo Romana Cl. Samuel Lenzen in Historia Diplomatica Halberſtadii.

Chronographus Saxo ad annum 1128.

Annales Boſovienſes apud Eckbartum ad 1008. sed Lentzenii opinio præferenda videtur.

Fuit igitur anno 1127. vel 1128. Synodus Moguntinæ, cujusmodi & nos jam retulimus: sed anno 1128. in secunda Synodo vel audientia Moguntina videtur Otto absolutus fuisse, quanquam hujus actionis apud Serarium & alios mentio clara non extet.

SYNODUS ROMANA anni 1129.

Otto autem Halberſtadenſis Episcopus, Ordinationis suæ anno VI, apud Dominum Papam Honorium accusatus est de *Simonia pravitare*. Unde ipsum a dignitate Episcopali destituens, Litteras Apostolicas destinavit Halberſtadenſi Ecclesiæ in hunc modum: Honorius Episcopus, servus servorum Dei, dilectis Filiis suis, Clero & Populo Halberſtadenſi salutem & Apostolicam benedictionem. Otto vester Episcopus in nostra & fratrum nostrorum Episcoporum & Cardinalium præsentia de Simonia accusatus, & per testes sufficientes de Simonia, quam in consecratione Burnea-

ſis Ecclesiæ de XXX. solidis, pro ipsius consecratione per pactionem ab eo requisitis commiserat, convictus est. Ideoque, quoniam in hoc sibi parcere non potuimus nec debuimus, & in hanc partem exardescere semper debet Ecclesia, communicato consilio in eum depositionis sententiam protulimus. Ea propter per præsentia scripta vobis mandamus, quatenus invocata Spiritus Sancti gratiâ, idoneam personam canonicè vobis in Episcopum eligatis.

Idem Chronicon Halberſtadenſe Loco cit. pag. 134.

SYNODUS LEODIENSIS anni 1131.

Anno MCXXXI. in Conventu Leodii Innocentii II. & Lotharii II. & totius Regni Archi-Episcoporum, Episcoporum, Ducum, Marchionum, Otto Halberſtadenſis Episcopus, petitione

Regis & totius Ecclesiæ ab Innocentio II. pristino honori restituitur.

Abbas Stadenſis in Chronico, excerptus a Binio Tomo III. P. II.

Chronicon Montis Sereni Tomo II. Scripte. Menckenii pag. 174.

Sed Chronicon Halberstadense

Anno MCXXXIII. quando Romæ Lotharius a Domino Papa Innocentio cum multa gloria & honore Imperiali diademate sublimatus narrat, quod eodem Imperatore, & multis de Teutonia Episcopis pro Ottone Halberstadensis Ecclesiæ Episcopo intercedentibus, mediante Domino Adelberto Moguntinæ Sedis

Archi-episcopo, fuit Cathedræ suæ restitutus.

Chronicon Halberstadense Tomo II. Leibnitii Script. Brunsvic. pag. 135.

Quod & refert Cl. Lentzen & verosimilius videtur restitutio Cathedræ Leodii facta 1131. quam illa Roma 1133.

SYNODUS PISANA anni 1134.

OTTO autem Halberstadensis Episcopus IV. anno, postquam restitutus fuit sedi suæ, Xmo vero Ordinationis suæ anno in *Pisano Concilio* (a) à Papa Innocentio Patriarcharum, & multorum, qui aderant, Pontificum judicio & consilio, irrecuperabiliter, jam secundo Episcopali destitutus est dignitate.

(c) Anno MCXXXIV. *Chronicon Halberstadense, Annalista Saxo idem narrat.*

Anno igitur Domini 1137. Indict. XIV. Regni vero Lotharii undecimo, Imperii tertio, Ecclesia Halberstadensi non habente Pastorem, Imperator Lotharius, Gerhardus Cardinalis Apostolicæ Sedis Legatus, Adelbertus Moguntinæ Sedis Archi-Episcopus, Bernhardus Hil-

desiensis Episcopus cum multis religiosis viris conveniunt ad electionem, & invocata Spiritus Sancti gratiâ Dominus RUDOLPHUS, vir patiens & quietus, & vita honestus, pari voto totius Cleri, & unanimi consensu populi in episcopum est electus, in Dominica Lætare Jerusalem, 6. Non. Martii. Auctoritate igitur tam celebri personarum venerabilium confirmatus, post proximum Pascha in Dominica, quâ cantatur Jubilate, Idibus Aprilis a prædicto Archi-episcopo Moguntino Hersperfordæ benedictionem Episcopalem rite accepit.

Chronicon Halberstadense apud Leibnitz. Tom. II. Loc. cit.

Cl. Lentzen ad annum 1136. refert electionem Rudolphi.

CONVENTUS PLURIUM EPISCOPORUM IN LAUFFEN DIOECESeos SALISBURGI,

Anno Christi MCXXIX. coram Saltzburgenfi Archi-Episcopo Conrado, quod Ellinebardus, Episcopus Frisingensis, non fuerit complex hæreseos Wiberti, sed sit mortuus in communione Sanctæ Ecclesiæ.

ANno Dominicæ Incarnationis millesimo centesimo vigesimo nono, primo Kalend. Augusti collectis apud Lauffen quam pluribus, Saltzburgenfis, Ratisponensis, Patavienfis, Eistelenfis Ecclesiarum Clericis religiosis & litteratis, insuper abbatibus & monachis, & non modico Principum ac populi collegio, coram Archi-episcopo Saltzburgenfi Conrado & Reginberto Brivienfi episcopo, inter cætera causa Ellinbarði Frisingensis episcopi jam du-

dum ante annos quinquaginta duos feliciter viam universæ carnis ingressi ventilata est. Quia hoc ipso tempore REGORIO VII. qui & Hildebrandus sub hæresi Wibertina quibusdam defunctus esse putabatur, a præfato Metropolitanæ Sedis Archi-Episcopo plus annos quinquaginta duos, quibus sine reclamatione canonica tam mortuis quam vivis vere Catholicus est habitus, irrationabiliter est impetitus; cum utique duobus annis prius ipse de mundo excesserit, quam

quam Wichbertus hæresiarcha Rom. Sedis Cathedram invaserit. Sed beati viri meritis exigentibus probabili septem probabiliū virorum testimonio canonicè excusatus; imo meritorum prærogativa & miraculorum attestazione venerabilis semper inventus, reverentiam, quam apud Dominum & homines dum vivens emeruit, etiam mortuus, Domino propitiante irrefragabiliter obtinuit. Probatum est itaque legitimo ac canonico Rudolphi Abbatis Distellensis testimonio, Diethmari S. Andreae Decani, Hannonis Presbyteri, Chunonis Parochiani, Herigeri Presbyteri de Glane, ceterarumque venerabilium personarum, quod venerabilis idem episcopus in gratia Sedis Apostolicæ & communione matris ecclesiæ indubitanter obierit. Ne ergo digna tantæ rei memoria ulla posterorum oblivione deleatur, placuit, ut hujus comprobationis notitia

per litterarum indicia posteris nostris transmittatur. Acta sunt hæc præsentibus subscriptis testibus, & aliis quam pluribus. Abbas Saltzburgenfis Paldricus, abbas Scitenfis, Guntherus, Præpositus Saltzburgenfis, Hermannus Præpositus Chimeiscensis, Hartmannus Præpositus de Perchteres, Kadehan Libernuius Præpositus de Garze, Hugo Præpositus de Onne, Heribertus, Præpositus de cella: Burchardus, Wernherus Canonicus Ratisponensis, Frisingenses canonici, Adalpero Præpositus, Adalpertus Decanus, Wichmannus Præpositus S. Viti, Henricus Præpositus S. Castuli, Holdus Præpositus S. Zenonis, Walthe-
rus Tridentinus Præpositus.

*Hundius in Additamentis ad Episcopos
Frisingenses post Metropolim Salis-
burgensem.*

*Ex quo Lunig Parte II. Specilegi Eccle-
siastici, tacito fonte pro more.*

Epistola Adelberti ad Ottonem Babenbergensem, de Gebehardo Herbipolensi Episcopo. Invitatoria ad Synodum Moguntinam, festo S. Lucæ, pro iterata promotione Gebehardi ad Cathedram Herbipolensem.

Anno Christi MCXXX. Innocentii II. Papæ I.
Lotharii Regis VI.

Adelbertus Sanctæ Moguntinæ Ecclesiæ humilis Minister, & Apostolicæ Sedis Legatus, Venerabili, & in Christo dilecto Fratri & Coepiscopo, Domino Ottoni salutem & obsequium fraternæ dilectionis. Tribulationes & destructiones Herbipolensis Ecclesiæ, quæ & quantæ sint, quamdiu duraverint, jam dudum discretionis vestræ innotuit; quæ usque adeo multiplicatæ sunt; nisi in brevi eis provideat omnipotens & misericors Dominus; quod in proximo Ecclesia illa omnimodis annihilabitur. Unde si facultas suppeteret, vestræ fraternitatis præsentiam & consilium potissimum desideramus convenire, & de ipsius reformanda pace & religio-

Q. 9 3

ne, quantum Divina misericordia concedet, sollicitius pertractare. Siquidem fratrum, qui nobiscum sunt, & quos præfentialiter vel per litteras nostras convenire potuimus, tale est consilium, quoniam venerabilis frater & Coepiscopus noster Rogerus (a) viam universæ carnis ingressus est, in hoc ecclesiæ illi provideamus, ut promovendo fratrem illum Gebehardum, dispersa illius ecclesiæ dispensatorie potius recolligamus, quam alium super imponendo graviter quidem dispersa funditus extirpari permittamus. Quocirca fraterna vos commonemus charitate, ut præsentiam vestram conventui fratrum nostrorum, quos in idipsum convocavimus, in pro-

xima

(a) Ruggerus, legitimus Ecclesiæ Wirtzburgensis Episcopus, circa 1122. Bucelino dicitur cecidisse, & Cænobio Swarzacensi inclusus obiisse 1130. Gebehardus intrusus ab Henrico V., a nulla vel minori parte Cleri electus, à Bucelino simpliciter intrusus dicitur: at ipse in literis suis a maxima Cleri parte electum se scribit.

ximo festo beati Lucæ velitis repræsentare ; vel si id minime valueritis adimplere , consilio , quod Spiritus S. vobis dictaverit , consensus vestri literas

non differatis transmittere. Valet & in orationibus vestris nostri memoriam facite.

Gretserus Tomo X. novæ edition. p. 678.

Epistola Honorii Pontif. de eodem Gebehardo.

Decretalis ex consilio Episcoporum & Cardinalium, de Gebehardo Ecclesiæ Herbipolensi non restituendo.

Honorius Episcopus, servus servorum Dei, venerabili fratri Adalberto Moguntino Archi-episcopo salutem & Apostolicam benedictionem. Super causa Gebehardi, de quo nos rogavit tua fraternitas, fratrum nostrorum episcoporum, & Cardinalium consilium

requisivimus. Ex eorum ergo deliberatione provisum est, quod in Herbipolensi ecclesia Gebehardus idem non debeat ulterius episcopatus apicem obtinere. Data Lateranis IV. Non Martii.

Gretserus Tomo X. novæ edition. pag. 679.

Honorius II. obiit 14. Februarii anno 1130.

Baronius ad annum 1129. N. III. scribit ex Dodechino: Halberstadiensē Episcopum a suis Canonicis accusatum fuisse, ab Apostolicæ Sedis Legato depositum: an a Matthæo, Episcopo Albanensi, Legato in Galliam missō hoc anno 1129? an a Moguntino, qua Legato Apostolicæ Sedis, id factum fuerit, nescio.

Epistola Adelberti ad Ecclesiam Herbipolensem, de eodem Gebehardo. Exhortatoria ad concordiam, & schisma in electione Antistitis vitandum.

Adelbertus Dei gratia sanctæ Moguntinæ ecclesiæ humilis Minister, & Apostolicæ Sedis Legatus, dilectis in Christo filiis Wirzeburgensis ecclesiæ Prælati, & subditis Clero & populo, esse in Christo cor unum & anima una. Condolentes ex corde ecclesiæ vestræ, tot jam ac tantis tribulationibus attritæ, exhortamur vos in Domino, ut simplices & unanimes in domo Dei ambulare satagatis; quia scriptura teste in scissuramentum Deus non est; Et quæcunque mala vos adinvenerunt, ex discordiæ radice processerunt. Unde oportet, ut ad hanc extirpandam diligentius invigiletis, Deumque & singuli & in commune precemini, quatenus misericordiæ suæ oculis vos recipiat, & talem finem diuturnæ calamitati vestræ imponat, ne deinceps talis oppressiois periculum vobis incumbat. Concordia siquidem, sicut sæpe audistis, parvæ res crescunt, discordia magnæ dispereunt. Quod quia manifesto experimento didicistis, commonemus, ut tanti mali perniciem devitare studeatis.

Ne vero voluntatis nostræ ignorantia vos in aliquo commoveat, vel diffi-

dere faciat: noverit pro certo dilectio vestra, nos idem sentire, quod omnes Catholici de vestra sentiunt Ecclesia, id ratum tenere, quod Romana sanxit & denunciavit auctoritas: cujus terminos nec debemus nec volumus transire, quia hæreticum constat esse, quisquis Romanæ ecclesiæ etiam in tam justo iudicio non concordat. Quod si adeo nos concordēs in iustitiæ causa perpenditis, ut locum vestrum ab invatione impetitoris alicujus, si quis forte emergerit, defendere confidatis, in nomine Domini, quidquid vobis gratia ejus inspiraverit, confidenter aggrediamini: si quo minus, salubriori, & propensiori consilio res tractetur; quia consultata & considerata dilatio, licet gravis & onerosa sit laborantibus, plus tamen utilitatis solet afferre, quam festinata, & indiscreta rei præcipitatio. Cupientes autem in omnibus, vobis esse provisum, nihil aliud audemus ad præsens persuadere: ne si forte res in contrarium cesserit, quod Deus avertat, omnem culpam in me, quasi auctorem, refundaris.

Gretserus Tomo X. novæ edition. pag. 679.

*Epistola Innocentii II. Pontif. ad Adalbertum
Archi-Episcopum Moguntinum.*

INN. servus servorum Dei, Adalberto, venerabili fratri Moguntino Archiepiscopo & Apostolicæ Sedis Legato, salutem & Apostolicam benedictionem.

Scimus quidem zelum Dei vos habere, quem tamen salva charitate condire debetis, ut nihil indiscrète, sed omnia rationabiliter & secundum Deum agere valeatis. *Wirzeburgensis quippe Ecclesiæ designatus episcopus se a vobis contra iustitiam gravari & præiudicium sustinere, querelas nobis deposuit, quod ipsum neque accusatoribus neque testibus legitimis convictum, neque sponte confessum, neque canonicè examinatum, tanquam Ecclesiæ invasorem, in qua se electum asseruerat, & Simoniacum pronuntiatum, communione Ecclesiastica privaveritis.* Quod si ita est, fraternitatem vestram a canonicis regulis divinitus inspiratis, liquido constat deviasse. Ait enim sacra canonum auctoritas, *adimi Episcopo (a) Episcopatum non debere, antequam causæ ejus exitus appareat.* Item exempla *Felicis Papæ scripta Athana-*

sia, (b) & cæteris Episcopis in Alexandrina Synodo congregatis. De iudiciis Episcoporum, unde nos consulistis, diversas a Patribus regulas invenimus constitutas. Quidam enim ad repellenda imperitorum machinamenta, & suas præparandas responsiones & testes confirmandos, & Concilia episcoporum quærenda, annum & sex menses mandaverunt concedi. Quidam autem annum, in quo plurimi concordant. Minus vero quam sex menses non reperi; quia hæc laicis indulta sunt: quanto magis Sacerdotibus. Induciæ namque non sub angusto tempore; sed sub longo spacio concedendæ sunt, ut accusati se præparare & testes parare, atque contra infidatores se pleniter munire valeant. Iudices (c) autem & accusatores tales esse debent, qui omni careant suspitione, & ex charitatis radice, suam desiderent sententiam promovere.

Gretserus Tomo X. novæ editionis. pag. 680.

[a] Felix cum LXX. Episcopis in Synodo ante medium: *Epistola II. Burchardus L.I. C. 181. V. Tomi I. nostri pag. 251. C. V.*

[b] Felix II. in Synodo Romana *Epistol. I. C. 20. ex quo Burchardus L. I. C. CLXXX.*

[c] Felix II. in *Epistola Cap. 21.*

Adelberti Archi-Episcopi Moguntini responsoria & apologetica Synodi Moguntinæ, Gebhardum ob probata crimina examinatum, convictum, excommunicantis, & refutatoria eorum, quæ amici Gebhardi sub- & obrependo Innocentio II. allegaverant.

INnocentio Sanctissimo & universali Papæ, Adalbertus Dei gratia Sanctæ Moguntinæ Ecclesiæ humilis Minister, & Apostolicæ Sedis Legatus, debitam ut tanto Apostolico obedientiam, & devotissimam, ut tanto Patri, reverentiam.

Acceptis Sanctitatis vestræ Literis super causâ fratris illius, si tamen frater dici debet, qui sibi sanctæ Wurzeburgensis Ecclesiæ Episcopatum usurpat: intelleximus totius causæ ordinem longe alter, quam se veritas habet; summo Apostolatu vestro innotuisse: quia multa solent per surreptionem fieri. Idem

namque Sanctitati vestræ contra nos querelas deposuit, dicens se a nobis præiudicium sustinere, & contra iustitiam prægravari. Nec vero in hac causâ Deo teste, & conscientia nostra nihil egimus, quod canonicis regulis possit obviare; nihil, unde Sanctitati vestræ suspecti esse debeamus; nihil, unde aliquis, qui causam ipsam plenius tractaverit, possit nos reprehendere. Sed quidquid in hac causâ egimus, non zelo amaritudinis, sed zelo iustitiæ; non aliquo odio promoti, sed officii intuitu; non contra Sanctorum PP. Canones, sed secundum Canones egimus.

Scimus

Scimus quidem juxta Sanctorum Patrum regulas divinitus inspiratas, Episcopo *Episcopatum adimi non debere, antequam causæ ejus exitus appareat.* Sed optime novit Sanctissimus Apostolatus vester hanc sanctorum Patrum sententiam de dubiis Episcoporum causis, non de manifestis intelligi debere. Ejus vero, de quo agitur, impudentissima causa & certum crimen, nullum legitimæ defensionis, nullum justæ excusationis colorem recepit. Luce enim clarius patet omnibus, quod nullis meritorum privilegiis, nulla præeunte electione ad tanti Sacerdotii gradum est adscitus: sed tyrannicâ violentiâ intrusus, in ovile Dominicum non per ostium intravit, sed aliunde per ambitionem, & Simoniacam hæ-

resin tanquam fur & latro impudentissime irrupit; & quod sine magno dolore & cordis compunctione dicere non possumus, locum legitimi Pastoris sibi usurpavit, quem sibi sancta Wirzeburgensis Ecclesia de filiis suis, communi voto & consensu Cleri & plebis, nobisque laudantibus & consentientibus canonicè inthronizandum elegerat, utpote natalibus & moribus nobilem, Ecclesiastica disciplina apprime imbutum, fide Catholicum, naturâ prudentem, vita castum, sobrium, humilem, affabilem, literatum, in Lege Dei instructum, in sensibus scripturarum tacitum, & per omnia Sacerdotii nomine & honore dignissimum.

Gretserus Tomo X. novæ edition. pag. 681.

CONCILIIUM HERBIPOLENSE

Anno Christi MCXXX. Innocentii II. Papæ I.
Lotharii Regis VI.

- SUMMA.* 1. *Innocentii II. Epistola ad Lotbarium.*
2. *Gualterii Archiep. Epistola ad Ottonem Bambergensem.*
3. *Lotbarii Epistola ad Ottonem.*
4. *Anacleti Epistola ad Lotbarium.*

HONORIO mortuo hoc anno XVI. Kalendas Martii, postero die XV. Kalend. Martii electus est GREGORIUS Diaconus Cardinalis S. Angeli, & INNOCENTIUS II. nominatus fuit. Coronatus die XXIII. Februarii, consecratus apud Muriam Majorem, eodem die XV. Februarii simul electus fuit PETRUS LEONIS dictus ANACLETUS, consecratus apud S. Petrum, Rogerio Rege Siciliae favente.

Hoc facto INNOCENTIUS electus, misit Literas ad LOTHARIUM Regem, suo & electorum nomine hujus tenoris:

Innocentius H. PP. invitat Lotbarium Romam.

Gregorius quondam Sancti Angeli Cardinalis, Diaconus, nunc autem Deo disponente in Pontificem Romanum electus, Guilelmus Prænестinus, M. Albanensis, J. Hostiensis, Chuno Sabinensis Episcopi & Catholici Cardinales, qui Romæ sunt, Lothario Illustri Glorioso Regi & sanctæ Ecclesiæ Catholicæ defensori ac speciali filio salutem & Apostolicam benedictionem. Karissimus Pater noster felicitis memoriæ Papa *Honorius* cum tota sancta Ecclesia Romana Ecclesia, quoniam maximum fructum de persona tua speravit sanctæ Ecclesiæ pro-

venturum, quod de te factum est, auctoritate Apostolica confirmavit, & in Chunradum Regni invasorem, excommunicationis sententiam promulgavit. Nos autem ipsius inhærentes vestigiis quoniam de tuæ fidei firmitate & justitia valde confidimus, per Karissimum fratrem nostrum Gerhardum, Cardinalem Presbyterum Apostolicæ Sedis Legatum, prudentiæ tuæ mandamus, quatenus proxima ventura hyeme ad sedem Apostolicam venias, honoris & dignitatis plenitudinem præstante Domino susceptorus. Sicut ergo tantum virum decet

deceat, ita munitus accedas, ut & pacem statuere & hostes Ecclesiæ & Imperii suffragante Divina gratia valeas subjugare.

Causam Halberstadenfis Episcopi præfato fratri nostro Gerardo commisi-

mus, Colonienfi vero Archiepiscopo, pro quo rogasti, ut tibi fidelior sit, episcopale officium indulgemus. Dat. apud Palladium XII. Kal. Martii.

Ex codice MS. Zwetalsenfi descriptis Cl. Schannat b. m.

*Epistola Gualterii Archiepisc. Ravennatis,
& G. Cardinalis ad Ottonem Episcopum Bambergensem, ut ad
Wirtzburgensem conventum veniat.*

IN Christo plurimum Dilecto fratri Ottoni, Bambergensis Ecclesiæ venerabili episcopo, frater Gualterius Ravennatis ecclesiæ humilis Minister, & frater Gerhardus sanctæ romanæ Ecclesiæ Cardinalis, Apostolicæ Sedis Legati, salutem, & omne bonum. Fraternitati vestræ notum esse credimus, quod Dominus noster Papa Innocentius cum litteris suis misit nos & ad Regem & ad Regni Principes, qui cum amore & honore nos recepit, sed responsionem suam ad consilium Principum distulit, inter quos fraternitatem vestram primam aut inter primos pro servitio Ecclesiæ ad

curiam festinasse credidimus, quippe quem inter reliquos Episcopos Regni Teutonici mater nostra Romana Ecclesiæ quadam prærogativa dilexit, & tamquam specialem filium creans, propriis manibus benedixit. Rogamus itaque dilectionem vestram, & in ea fide & devotione, quam matri vestræ Romanæ Ecclesiæ debetis, mandamus, ut omni occasione & excusatione remotâ quantocius ad nos veniatis, & in causâ Ecclesiæ tamquam fidelis, & Catholicus nobis assistendo legationem Domini Patris cum litteris suis una cum aliis fratribus recipiatis & obaudiatis.

Lotharii Regis ad eundem, in eadem causa.

Lotharius Dei gratia Rom. Rex, Ottoni dilecto fidelique suo Babenbergensi Episcopo gratiam suam, & omne bonum. Propter instant & valde necessarium Ecclesiæ & Regni negotium Wirtzburg gratiâ Spiritus Sancti tractandum, de infirmitate tua, quæ adventum tuum ad nos tardavit, dolemus, quia prudentiæ tuæ discretione ac consilio ad opus Ecclesiæ & Regni porissimum nunc indigemus. Verum, quia virtus in infirmitate perficitur, in

ea caritate, quam Ecclesiæ, pro qua, Dei gratia semper devotè laborasti, debes, commonemus te, & quam intime rogamus, ut si alio vehiculo non possis, navigio saltem ad nos & ad Conventum venerabilium Confratrum, & Coepiscoporum tuorum Wirtzburg unâ nobiscum adventum tuum desiderabilem præstolantium, venire properes. Vale.

Ex cod. MS. Zwetalsenfi descriptis Cl. Schannatus b. m.

Anacleti II. Anti-Papæ Literæ ad Lotharium Regem.

Veteris amicitie memores & ejus præcipue, quæ inter TE, & bonæ memoriæ Patrem meum longo tempore stabili firmitate duravit, dignum duximus, nobilem prudentiam tuam Sedis Apostolicæ litteris visitare & mutæ affectionis fœdera dignis allegationibus innovare. Quamobrem quanto te arctius charitatis brachiis cupimus am-

plexari, tanto diligentius de statu romanæ ecclesiæ, seu de his, quæ penes nos sunt acta, litterarum nostrarum serie dilectioni tuæ intimare curavimus. Ob-eunte siquidem piæ memoriæ Papa Honorio fratres nostri Cardinales Presbyteri, & Diacones cum omni Clero Romano, expetente populo, & indefessis vocibus insistente, consentientibus etiam jux-

ta tenorem canonum, honoratis devotis animis, & affectione unanimi invitum me & viribus impari concorditer elegerunt, electumque postea frater noster Portuensis; convenientibus diversarum Regionum episcopis ad Altare B. Petri sub oculis omnium in Romanum Pontificem celeberrime consecravit.

Verum quidam de fratribus loco & tempore novitii, & paucissimi numero quorundam perfidorum blandis astutiis suffocati Altare aliud erigere: & anathema Hiericho in sanctuarium Dei introducere & simulacrum Phegor de inauribus mulierum insipientium sunt in tenebris fabricare conati. Sed Deus omnipotens, qui consilium Achitophel infatuavit, eorum prava consilia modo destruxit mirabili. De Domo namque Leonis Fraiapani (*Frangipanis alias*) cujus pontissimum viribus videbantur inniti, nocturno tempore fugientes se trans Tiberim contulerunt, & ibi quasi quodam carcere latitantes, præsumptionis suæ ignominiam crebris doloribus flebiliter experiuntur.

Sane Clerus omnis Romanus individua nobis charitate adhæret. Præfatus urbis Leo Frajapanis cum filio &

Cencio Frajapane & nobiles omnes & plebs omnis Romana consuetam nobis fidelitatem fecerunt. Nos quoque, quæ officii nostri sunt, in urbe intus & extra libere exercemus. Ordinationes Cardinalium fecimus, & episcopos largiente Deo consecravimus. Rogamus itaque Nobilitatem tuam, ut, sicut de te spem firmissimam possidemus: pro Romana Ecclesia consueta debeas instantia laborare, & dilectionis tuæ insignia manifestis nos facias effectibus experiri. Hæc enim agens & Romanam Ecclesiam semper obnoxiam, & nos tibi de cætero facies debitores.

Nec te, charissime HaimERICI, quondam Cancellarii prædonis improbi, simoniae servi, seu Joannis de Crema hominis turpissimi, & circumcisi & veri nicolaitæ monstruosa mendacia moveant, nec fidei tuæ murum vaniloquia, aut venenosa mendacia penerent, qui velut Cain a facie Domini fugientes maledicti a terra, fratricidii signum meretriciæ coguntur fronte gestare. Datum Romæ apud S. Petrum Kal. (b) Maji.

Baronius in Annalibus ad MCXXX. No. XIII. pag. 199. ex Bibliothecæ Cassinensis codice MS.

(b) Martii, corrigit Baronius.

Mendacia plura hujus Epistolæ corrigit Baronius testimoniis S. Bernardi, & aliorum coævorum hujus Petri Leonis, seu Anti-Papæ Anacleti scelera & infamiam describentium.

Scripserunt & Cardinales, Anacleto Anti-Papæ faventes, ad Lotharium Regem: literas recitat N. XVI. Baronius.

Cum Lotharius neutris Literis responderet, alias Literas ad Lotharium Regem, alias ad Reginam scripsit Anti-Papa, relatas a Baronio N. XIX. XXII. sed nullis literis, nullis blandimentis induci potuit Lotharius ad Anti-Papæ aut schisinatis favorem.

Quare Rex ex Concilio Nortberti Magdeburgensis, Ottónis Bambergensis, Alberonis Trevirensis, aliorumque sanctorum Germaniæ Episcoporum Concilium indicit Herbipoli, ibique Legatos Innocentii II. recepit.

CONCILIIUM HERBIPOLENSE.

I. **H**is litteris acceptis, accedente etiam sollicitatione Bernardi Clara-vallensis Abbatis, Lotharius Herbipoli conventum indicit: convenit Gualterus Archi-episcopus Ravennas sanctæ Romanæ Ecclesiæ Cardinalis Legatus & XVI. episcopi unâ cum Lothario rege.

II. Innocentius II. omnium votis verus & legitimus Christi in terris Vicarius renuntiatur, eligitur & confirmatur.

III. Mittantur Legati Clarum montem in arvennis, ubi Papa Concilio præfidebat ex Italia profugus; Conradus Saltzburgerensis Archi-episcopus, Egbertus Monasteriensis episcopus, regis & Germaniæ nomine universæ agnoscunt Pontificem, illique obedientiam præstant.

Reversi de Germania Legati Domini Papæ Gualterius Ravennas Archi-episcopus & N. tam Episcoporum Germaniæ quam

quam Lotharii Regis assensum & litteras detulerunt, & deprecationem publicam, ut ad eos transiens suam eis desideratam exhiberet præsentiam. Facile enim persuasi sunt recipere eum, quem

jam cæteri Fratres & Episcopi Franciæ & Angliæ recipissent.

S. Bernardus Epist. 124.

Chronicon Magdeburgense MS.

Chronographus Saxo ad annum MCXXX.

LEODII SYNODUS NATIONALIS

SUB INNOCENTIO II. ET LOTHARIO REGE.

A.C. MCXXXI. Domin. Lætare. Innocentii II. PP. II.
Lotharii Regis VII.

- SUMMA.** 1. *Innocentio II. cum S. Bernardo & aliis Leodium adventanti, Lotharius Rex cum magno Collegio Archi-episcoporum & Episcoporum occurrens, summa reverentia deducit*
2. *Dominicâ Lætare ab Ecclesia S. Martini ad S. Lamberti Papam, qui factò Sacrificio coronat Lotharium & Reginam.*
3. *Investituras repetiturus Imperator a S. Bernardo sedatur.*
4. *Petrus Leonis, seu Anacletus Antipapa, Duces Conradus Anticæsar, & Fredericus, excommunicantur.*
5. *Otto, Halberstadensis Episcopus, restituitur suæ Sedi.*
6. *Presbyteris parochianis conjugia interdicuntur: Sacrificiis conjugatorum Presbyterorum nemo assistat.*
7. *Vita S. Godehardi legitur, & canonizatio ejus ab Episcopo Hildesimensi postulatur, sed ad Synodum Remensem, uti generaliore differtur.*
8. *Cameracensis, & 9. Viridunensis Episcopi institutio.*
10. *Lotharii donatio facta Ecclesiæ Leodiensî S. Joannis.*
- Adjicitur confutatio Petri, Cassinensis Diaconi, ex Baronio, & vera transactio de hæreditate Matbildis inter Innocentium II. & Lotharium II.*

I.

Innoctentius II. visitando Gallicanam Ecclesiam ad partes se transfert Lotharingorum; cui, cum Rex Lotharius in civitate Leodii cum magno Archi-episcoporum, & episcoporum & Teutonici regni Optimatum collegio celeberrime occurrisset, in platea ante episcopalem Ecclesiam humillime se ipsum stratorem offerens, pedes per medium sanctæ processions ad eum festinat, alia manu virgam ad defendendum, alia frenum albi equi accipiens tamquam Dominum deducebat. De-

scendente vero tota statione eum sub brachio arcto deportans Celsitudinem Paternitatis ejus notis & ignotis clarificavit.

Sugerius S. Dionysii Abbas, in vita Ludovici Grossi.

Leodiensî Synodo interfuere Episcopi
hi ex Germania:

Albertus Moguntinus Archi-episcopus fere cum omnibus suis Comprovincialibus.

Fridericus Coloniensis cum suis.

Norbertus Magdeburgensis cum suis.

R r 2

Con-

Conradus Saltzburgenſis cum ſuis.
Alexander Leodiſis Epifcopus.
Dux Lotharingæ Waleranus.
Dux Alſaciæ Simon.
Comes Withikinſ.
Comes Namurciſis Godefridus.
Reinaldus de Monceon.
Arnulfus de Los.
Gozwinus de Falconmont.

*Hi noti ſunt ex diplomate Lotharii pro
Leodiſi S. Martini Eccleſia hoc an-
no Leodii dato ; ſtatim ſubjungendo.*

Aderat Innocentius cum Cardina-
libus ſuis & Præſulibus Gallicanis haud
paucis & Abbatibus , quos inter Cla-
revallenſis Bernardus eminebat eloquen-
tia & Sanctitate , & inde maxima au-
thoritate apud Papam & Regem.

II. Dominica in medio quadrageſi-
mæ Innocentius cum curribus , & Rhe-
dis ab Eccleſia Sancti Martini in publico
monte quaſi Romæ via triumphali uſque
ad Capitolium S. Lamberti aſcendit ,
Miſſam celebrat , Regem & Reginam
Richezam coronat , qua corona in ſo-
lemni curia uti ſolebant.

Anſelmus Gemblacenſis in Chronico.

III. Eodem tempore Papa petiit ab
Imperatore Lothario favorem & auxi-
lium contra Petrum Leonis pseudo Pa-
pam , & hujus fautores. Sane Impe-
rator uſus conſilio ſuper hujusmodi re-
ſponſo , cœpit a Papa repetere investi-
turas Epifcoporum , quas multo tempo-
re Imperatores ante ſe habuerunt. Ideo-
que Apoſtolicus non modicum turbatus
eſt , & de advenſu ſuo eſt contriſtatus,
de reditu quoque anxius effectus. Nam
petitionem Principis exaudire non po-
terat ſuper tali articulo. Interveniēte
tamen conſilio & orationibus beati Ber-
nardi ſecurus reſceſſit ab Imperatore.

Urſpergenſis in Chronico.

Otto Friſingenſis id tantum a Cæ-
ſare propoſitum refert , non poſtulatū:
imò ipſis Epifcopis Germaniæ non arri-
ſit conſilium Regis , quibus electionum
libertas adeo placuit , ut inter conditio-
nes Regni illam poſuerint.

Nota hæc Cl. Maſcovii.

S. Bernardus audacter reſiſtens Re-
gi , verbum malignum mira libertate
redarguit , mira auctoritate compoſuit.

*Bernardus bonæ vallis in vita S. Ber-
nardi.*

IV. Petrus Leonis , ſeu Anacletus
antipapa , Conradus , & Fridericus
Duces Sueviæ , excommunicati fuere.

Chronographus Saxo auctor cœvus.

V. Otto Halberſtadenſis Epifcopus
anno 1126. ab Honorio II. Papa depoſi-
tus , ad petitionem Regis & Eccleſiæ ad
priſtinam ſedem rediit.

*Chronographus Saxo apud Eckbartum
Tom. I.*

VI. Conjugati Presbyteri excom-
municati fuere , & interdictum , ne quis
eorum ſacrificiis aſſiſtendo faveret.

*Anſelmus Gemblacenſis & Chronicon
Engelbui.*

VII. Bernhardus Epifcopus Hilde-
neſheimenſis cum majoribus ſuæ Eccle-
ſiæ aſſiſtens huic Synodo videt opportu-
nitatem ultro oblatam , Apoſtolicum
cum omni Curia Romana aggrediendi.
Ergo vita Paſtoris Hildeneſheimenſis GO-
DEHARDI coram ipſis recitatur , &
ut per eum in Eccleſia Dei canonizetur ,
devotiſſime preces funduntur. Sed cum
ſit conſuetudo Romanæ Eccleſiæ , in ge-
nerali Concilio Sanctos Dei canonizare ,
quod tunc temporis in Remenſem civi-
tatem in feſto S. Lucæ indiſtum erat ,
accepto conſilio , petitionem Eccleſiæ
Hildeſienſis uſque in prædictum locum
diſtulit , ibique definiturum certiſſime
promiſit.

*Acta Sanctorum ad diem IV. Maji.
Ex Biographo cœvo S. Godebardi.*

VIII. Burchardo Cameracenſi de-
functo Auguſtus ſubſtitutum cupiebat
capellanum ſuum Lietardum , quem In-
nocentio II. Papæ ſic commendavit , ut
non annuere non potuerit , quanquam
ægre admodum , cum nullum virtutis tan-
to ſaſtigio dignæ argumentum præ ſe
ferret , & vero poſt ſex annos abdicare
juſſus eſt.

Fiſen Lib. XV. Hiſtor. Leod.

IX. Urſio Viridunenſis Epifcopus
cum Eccleſiæ ſuæ immanibus obrutæ
calamitatibus , opem ferre non poſſet ,
vel

vel ob prævalentes vires adversariorum vel ob ingenii sui tenuitatem, id coram illo nobilissimo coetu palam confiteri modestissimus Præful non erubuit, evicitque summis precibus licentiam abdicandi

di pedi. Subrogatus fuit ex Synodi sententia Albero vir omnium ea infula dignus.

Fiften Lib. X. Hist. Leod.

DIPLOMA LOTHARII II. IMPER.

PRO LEODIENSI S. JOHANNIS, ECCLESIA COLLEGIATA LEODII, IN EADEM SYNODO DATUM.

Judicio Principum suæ curiæ restituit ei, & confirmat teloneum Visati.

X. **I**N nomine Sanctæ & Individuæ Trinitatis. Lotharius tertius (a) Divina favente clementia romanorum rex. Notum sit tam futuris quam præsentibus, quod Ecclesia B. Joannis, quæ est in Infula Leodii, anniversarium teloneum de foro Visati, per Regiam traditionem OTTONIS videlicet Imperatoris Augusti felicitis memoriæ, usque ad nostra tempora sine omni calumnia totum & ad integrum tenuerat: cujus traditionis privilegium signo prædicti Imperatoris munitum coram me, cum Leodii tunc essem, & coram Regni Principibus, Archiepiscopis, & Episcopis quam pluribus, ceterisque primatibus publice est recitatum. Sed erat super quo gravem fatis apud nos ejusdem Sancti Johannis Ecclesiæ fratres querelam deponerent: aiebant enim nondum tunc transacto anno, Hohenfes judicio tantum Scabinorum Leodiensium jurasse, de pellibus Silvestrium animalium se nullum in foro isto debere teloneum: sicque & istorum gravatos præjudicio, & illorum se affectos querentibus spolio. Hanc querelam fatis clementer, ut dignum erat, suscipientes, tam præsumptivam audaciam referire dignum duximus, & regni primates, qui in præsentiarum aderant, & privilegium jam prædicti Imperatoris super hac traditione nobiscum audierant, ut secundum testimonium privilegii, & tam diuturnam Ecclesiæ possessionem super hac re judicium mihi darent, commonuimus. Communicato illi inter se consilio, scabinorum illorum abjudicaverunt judicium, addentes per hujusmodi Regiæ traditionis tam indignum quam injustum posse infirmari privilegium. Nos

autem Regiæ potestatis utentes censura, prædictis fratribus jam prædicti mercati teloneum judicio Primatum nostrosque edicto & banno totum restitimus: Et ad integrum, quicquid videlicet ex coemptione animalium vel ex omni genere tam vestium quam ferri & metallorum, vel ex redditu navium vel ex omnium commercio vectigalium, vel ex jure forali vel ex districto judiciali possit provenire, privilegio, quod recitatum fuerat, sic attestante, & ut hæc Ecclesiastica possessio per nos facta reformatio per curricula annorum inviolabilem atque inconvulsam obtineat firmitatem, manu propria subter firmavimus, & sigilli nostri impressione signari iussimus. Nomina autem eorum, qui inter fuerunt & judicaverunt, subnotari fecimus.

Albertus Moguntinus Archiepiscopus fere cum omnibus suis com-
provincialibus.

Fridericus Colonienfis cum suis.

Norbertus Madeburgensis cum suis.

Cunradus Salzburgerfis cum suis.

Alexander Leodiensis Episcopus.

Dux Lotharingiæ Waleranus.

Dux Alsatiæ Simon.

Comes Withikin.

Comes Namurcencii Godefridus.

Reinaldus de Monceon.

Arnuleus de Los.

Gozoinus de Falconmont.

Willelmus advocatus ipsius villæ Visate.

Actum est Leodii anno Incarnati Domini MCXXXI. indict. IX. feliciter.

Martene & Durand, amplissimæ collectionis Tom. II. pag. 704. ex Schedis Perillustbris Baronis de Crassier.

(a) Nota, quod cum Imperatoris titulum sumit, secundus tantum nominatur; cum vero Regis, tertius appellatur, ut in quam pluribus cartis animadvertimus. Idem observandum de Henricis tertio & quarto.

*Ikmi Baronii Notatio ad Synodum Leodiensem,
qualis a Petro Diacono describitur.*

Hic tu videas redargui mendacissimum Petrum Diaconum Cassinensem, dum in gratiam ejusdem Lotharii, qui postea (ut suo loco dicturi sumus) inhæsit adversus tam apertissimam veritatem de Investituris, affirmat eas ab Innocentio Papa in eo Conventu Leodiensi Lothario fuisse concessas, sic dicens: [a] *Innocentius igitur Germaniam ingressus a Lothario Rege juxta Leodium excipitur, virgam ei & annulum antequo ex more confirmans, & terram Comitisse Mathildæ condonans.* Hæc ipse Petrus, qui adversus Papam Innocentium una cum suis pro schismaticorum parte stetit, ac laboravit, ut sæpe inferius ex suis ipsius scriptis intelliges, sed & in eo etiam mendax [b] esse convincitur, dum juxta Leodium donationem terræ Mathildæ factam ab Innocentio asserit: nempe Romæ 1133. facta est uti & juramentum sequens

FINIS SPNODI LEODIENSIS.

Hoc est juramentum, quod D. Rex Lotharius tempore hæresis filii Petri Leonis Dno Papæ Innocentio præstitit ante fores basilicæ sancti Salvatoris, quæ Constantiniana appellatur, in die quâ coronatus est ab ipso Innocentio, antequam coronam acciperet, D. Cernio de Fraxipanis juramentum computante, & Ottone nepote suo, ac cæteris nobilibus Romanis ibi existentibus :

" Ego LOTHARIUS Rex, promitto,
" & juro tibi Domino Papæ Innocentio,
" tuisque successoribus securitatem vitæ,
" & in membris, & malæ captionis, &
" defendere Papatum, & honorem tuum,
" & regalia S. Petri quæ habes, manu
" tenere, & quæ non habes, juxta meum
" posse recuperare.

Baronius ad hunc annum.

Nota 2da. Quod autem in Lateranenſi Baſilica præter morem facta ſit coronatio Lotharii Imperatoris, hanc accipe rationem ab Ottone Friſingenti, qui ait: *Rex autem [c] plus mente, quam milite confidentiam gerens, ad urbem uſque progreditur, ibique, qualibus potuit cum paucis ſtrenue peractis, in Eccleſia ſancti Salvatoris, quæ Conſtantiniana dicitur, a ſummo Pontifice Innocentio coronatus, Imperatoris & Auguſti adeptus eſt nomen. Nempe Eccleſiam beati Petri, ubi mos coronari erat Imperatoribus, Petrus Leonis eo tempore occupaverat. Hæc OTTO.*

Tunc temporis idem Innocentius Papa eidem Lothario Imperatori concedit Allodium Comitiffæ Mathildis, ſub obligatione hominii & cenſus, nec non reverſionis ad ſanctam Sedem poſt eorum obitum. Datum 1133. quod ſic ſe habet:

*Innocentius Papa II. Lothario Imperatori
Auguſto, & Riget (c) Imperatrici.*

Si auctoritas ſacra Pontificum, & poſteſtas Imperialis vere glutino charitatis ad invicem complentur, Omnipotenti debitus famulatus libere poterit exhiberi, & Chriſtianus populus grata pace & tranquillitate gaudebit. Nihil enim in præſenti ſæculo eſt Pontifice clarius, nihil Rege ſublimius; nihil eſt, quod lumine clariore præfulgeat, quam recta fides in Principe; nihil eſt, quod ita nequeat occaſui ſubjacere, quam vera religio. Quæ nimirum omnia tanto maniſeſtius, Deo gratias, in perſona tua cla-

reſcunt, quanto ab ineunte ætate amator religionis & cultor juſtitie extitiſſe cognoviſceris, & noviffime diebus iſtis, nec perſonæ tuæ, nec propriæ parcendo pecuniæ, pro beati Petri ſervitio multos labores & immenſa pericula pertuliſti. Cum ergo, teſtante ſacro eloquio, etiam *mali Patres bona data filiis ſuis debeant impertire*: dignum proſecto eſt, ut Nos, qui diſponente Domino, univerſis Catholicæ Eccleſiæ filiis debemus ſollicitudine paterna conſulere, perſonam Tuam arctius diligamus, & tamquam ſpecialiſſi-

mo

(a) *Pet. Diacon. Chron. Caſſ. Lib. IV. Cap. 99.*

(b) Vide ſtatim ſecuturam conceſſionem Allodii Mathildis factam Romæ 1133. ab Innocentio II. Regi Lothario, & poſt eum Duci Baviariæ.

(c) *pro: Richenzæ.*

mo Ecclesiæ defensori, in his, quæ ad statum Imperii in suo robore conservandum, & utilitatem, ac liberationem Catholicæ Ecclesiæ spectare noscuntur, tam secundum Ecclesiasticum officium, quam temporaliter Imperatoriam potentiam augeamus. Hoc nimirum intuitu Allodium bonæ memoriæ Comitissæ MATHILDÆ, quod utique ab ea beato Petro constat esse collatum, Vobis committimus, & ex Apostolicæ Sedis dispensatione concedimus, atque in præsentia fratrum nostrorum Archi-Episcoporum, Episcoporum, Abbatum, nec non Principum & Baronum per annulum investimus: ita videlicet, ut centum libras argenti singulis annis nobis, & successoribus nostris exolvās, & post tuum obitum proprietās ad jus & Dominium S. R. E. cum integritate absque diminutione & molestia revertatur. Quod si nos vel successores nostros in eandem terram venire, manere, transire oportuerit; tam in susceptione, quam in procuratione, atque securo conductu, prout Apostolica Sedes decreverit, honoremur. Qui vero arces tenuerit, vel rector terræ fuerit, beato

Petro & nobis, nostrisque successoribus fidelitatem faciant. Cæterum pro charitate vestra nobili viro Henrico Baviaræ Duci genero vestro, & filiæ vestræ uxori ejus, eandem terram cum præfato censu & supradictis conditionibus Apostolicā benignitate concedimus; ita tamen ut idem Dux hominum faciat, & fidelitatem beato Petro ac nobis, nostrisque successoribus juret. Post quorum obitum prædictum Comitissæ Mathildæ Allodium & jus & Dominium Sanctæ R. E. sicut supra dictum est, integrum, & absque diminutione atque difficultate aliqua reducat: salvo tamen semper in omnibus ejusdem S. R. E. jure ac proprietate. Datum Laterani, sexto Idus Junii.

Haftenus concessio Allodii Mathildæ facta ab Innocentio Papa Lothario Imperatori. Ita *Fulco in Chronico Benevotano.*

Illm. Baronius ad annum 1133. No. III.

Collectio Regia Conciliorum T. XXVII.

Labbe Collect. Concil. volum. 946. T. X.

Dumont Corps Diplomatique Tomo I. N. CXXIII.

Edictum Imperiale contra Anti-Papam Anacletum II, seu Petrum filium Leonis, in Curia Imperiali Romæ celebrata, eum & illius gregales jure damnatos edicit.

LOTHARIUS, DEI GRATIA, ROMANORUM REX, REGIBUS, ARCHI-EPISCOPIS, EPISCOPIS, PRINCIPIBUS, ET UNIVERSIS DEI FIDELIBUS, AD QUOD LITTERÆ ISTÆ PERVENERINT, SALUTEM.

Majestatis Divinæ dispensationi & consilio placuit, Nos patronum ac defensorem sanctæ Ecclesiæ Romanæ statuere, adeoque necesse habuimus propriis liberatione propensius laborare. Cum igitur ascitis nobis Archi-episcopis, Abbatibus, Principibus, Ducibus, Comitibus, Marchionibus *Regni nostri*, Episcopos, etiam Comites & alios Barones *Italiae* nobiscum ducentes, bellico apparatu stipati, ad urbem proficisce-

remur, nuntios schismatici illius *Petri Leonis* frequenter habuimus. Qui nimirum ex parte illius justitiam prætendentes, ipsi in jus ire parato, non debere audientiam denegari, nec hostilibus impugnationibus molestari, publicis clamoribus asserebant. Diutinis ergo eorum interpellationibus provocati, idipsum episcopis & Cardinalibus, qui cum Domino Papa Innocentio erant, significare coacti sumus. Ipsi vero, tamquam *Canon-*

Anno 1133. Natalem Domini Rex Lotharius in Longobardia celebrat: in Territorio Pisano apud Calcinariam cum Pontifice colloquium habet, quem Romam introducit II. Kalendas Maji. Pontifex in Palatio Lateranensi hospitatur. Lotharius in monte Aventino castra metatur, Curiam indicit, ad quam cum Anacletus ejusque complicēs, cum sæpe commoniti, implere, quod promiserat, noluerint, tanquam Divinæ & Regiæ Majestatis rei damnati fuerunt.

Observa: Natalem Domini, de quo supra, spectare ad annum 1132. nostro stylo: sed Scriptorum hujus ævi stilo a Natale Domini annus 1133. inchoatur.

Canonicarum Sanctionum ; & institutionum Ecclesiasticarum non ignari, universam Dei Ecclesiam jam super hoc promulgasse sententiam, *Petrus Leonis* ac complices suos damnasse asserentes, quod erat universitatis, non debere privatam fieri, responderunt.

Nos autem idipsum cum patientia supportantes, & patrem nostrum Papam Innocentium ad urbem cum gloria duximus, & Lateranensi Cathedrali restitimus, atque in monte Aventino castra metati sumus : ibique *Petrus Leonis* aures nostras & Principum nostrorum per *Petrum* olim Portuensem episcopum, & per alios fautores suos prætendendo justiciam, sollicitare non destitit. Quid? jam munitiones & obfides se nobis daturus ad sufficientiam pro servando iudicio & viva voce & literis promiserunt. Pacem igitur sine effusione sanguinis reformare in Dei Ecclesia cupientes, quæ nobis illi dixerant, fratribus, qui cum Domino Papa Innocentio erant, per nos ipsos significavimus. Cæterum ipsi, utpote pacis amatores, de iustitia confidentes, tam personas suas, quam *Leonis* & filiorum suorum, nec non *Cen. Pet. Prajapanis*, & *Petri Leonis*,

& munitiones in manu nostra libere obtulerunt. Adversa vero pars dies redimere cupiens, sub velamine fraudulentarum promissionum nos aliquantulum tempore a nostra intentione retraxit. Tandem, quia ipsi sæpe commoniti, implere, quod promiserant, noluerunt, tanquam fallaces & perfidi, & tam Divinæ quam Regiæ Majestatis rei, cum *Petro Leonis*, ejusque complicitibus damnati sunt, & hostes a Principibus nostræ curiæ judicati, videlicet Norberto Magdeburgensi Cancellario nostro, & *Adelberone* Bremenfi Archiepiscopo, & *Philippo* Osemburgensi, *P. Adelbronnenfi*. (c) *An. Brandenburgensi*, & *Bernardo* Parmensi, *Robaldo* Albenfi, *Ottone* Astensi, *Oberto* Cremonensi, *Guidone* (d) *Yponensi* Episcopis : & *Abbatibus*, *Henrico* Fuldensi, *Alberone* Noemburgensi & *Luneburgensi* : *Proceribus* *Alberone* & *Henrico* *Marchionibus* : *Othone*, *Sagifrido* (e) *vexillifero*, *Hermann*, *Willelmo* de *Marchvingo*, *Hidebrando* & *Tancredo* de *Prato* Comitibus & *Alberto* de *Castello*. (f)

Ex Tomo III. *Spicilegii Dacheriani* pag. 485. 486.

Nota: hoc edictum in Curia Imperiali Romæ celebrata edictum spectat ad annum 1133. quia vero in eo confirmatur electio seu acceptatio Innocentii II. facta ab Rege & Principibus Germaniæ 1130. *Herbipoli*, & 1131. *Leodii*, hinc eam *Leodienfi* subjungi.

Anno 1133. die IV. Junii, quæ erat Dominica III. post Pentecosten, *Lotharius* & *Rechenza* uxor Imperiali corona redimiti fuere ab *Innocentio II.* in Basilica Lateranensi. *Annalista Saxo* & *OTTO Frisingensis* in *Chronico* Lib. VIII. Cap. 18.

Coronam Patriciam a nobilitate Romana sibi oblatam, in oppido S. Germani accepit die exaltatæ crucis in 2do itinere Italico circa 1136. Coronam Regni Italiæ, nec *Modoetiæ*, nec *Mediolani* suscepit, iudice Clarissimo *MASCOVIO*, e quo hæc scribo, & illi subscribo.

(c) *Bernardo* *Padelbronnenfi*, legit *Schatenus*.

(d) *Guidone* *Yporienfi*, legit *Schatenus*, ego *Eporedienfi*.

(e) *Sigifredo*, *Schatenus*.

(f) de *Castello*, *Schatenus* ex *Baluzio*.

CONCILIIUM MOGUNTINUM PROVINCIALE ANNO CHRISTI MCXXXI. INNOCENTII II. PAPÆ II. LOTHARII REGIS VII.

Resignatio Episcopatus Argentinensis facta a Brunone.

A Delbertus (a) Synodum Provinciam Moguntiam habuit, cui præfedit *Matthæus Albanensis* episcopus, Apostolicæ Sedis Legatus, cum ipso Archi-Episcopo, præsentē *Lothario* Rege, *Ottone* *Bambergenfi*, *Buggone* *Wormatiense*, *Sifrido* *Spirense*, *Embrichano* *Herbipolensi*, *Hermann* *Augustano*

(a) *Chronicographus Moguntinus* a *Serario* citatus *Lib. V. rerum Moguntiacarum* pag. 811.

gustano, Udalrico Risterensi, Bernardo Hildesheimensi, pluribusque aliis episcopis & Prælati: Brunone (b) Argentinenſi episcopatum ſuum propter impetitionem Cleri & populi illic reſignante, ita Eccleſiæ ſuæ commodis invigilans Imperii curam neſcitum depoſuit Adelbertus.

Sueviæ Duceſſe Conradum (c) odio Lotharii Regium nomen & poteſtatem uſurpantem anathemati ſubjecit, quam ſententiam Honorius Romanus Pontifex ratificavit.

Serarius Lib. V. rerum Moguntiacarum pag. 811.

(b) Bruno depoſitus anno 1131, quem nonnulli reſtitutum volunt, & reconciliatum Imperatori, ait *Bucelinus*.

(c) Honorius II. anno MCXXXV. Sedis ſuæ primo, excommunicaverat Conradum ſororum Henrici V. Modoetiæ, tunc ab Anſelmo Mediolanenſi coronatum, & Regem unctum Italiæ, de hac excommunicatione videtur loqui Chronicographus Moguntinus MS. a Serario hic citatus. *Baronius in Annal. Eccleſ. ad 1125. No XI.*

CONCILIUM TREVIRENSE

Anno Chriſti MCXXXI. Innocentii II. Papæ II.
Lotharii Regis VII.

De eligendo Archi-Epiſcopo Treverico in locum Megingeri deſuncti, præſente Lothario Rege, tribus Legatis apoſtolicis, clero & nobilitate Trevericis. Eadem electio Leodii, Moguntiae, Remis agitata fuit, ac demum Viennæ conſecratio ſecuta.

Lotharius Rex ad Paſcha Treveros proſectus eſt, ubi novus in locum Megingeri deſuncti Archi-epiſcopus eligendus erat. Magna ibi contentio inter Clerum & nobiles, qui populi nomine ſuffragium ferre ſolebant, nequidquam Rege & Mathilda, vel Cardinali Albanenſi, Pontificis Legato, mollire animos & reconciliare ſatagentibus; die ſtatutæ electioni proſus irritis Comitibus deceditur.

Treverenſes ſcribunt Pontifici Innocentio haſ litteras.

Beatiffimo Eccleſiæ Catholice Pontifici Innocentio Trevirenſis Eccleſiæ cœtus devotum obedientiæ promptæ ac ſedulitatis obſequium. Haud ignoras Pater venerande, quemadmodum

hæc noſtra biennium jam ſuo orbata paſtore Eccleſia. Neque ſimiliter neſcis, quod Brunonem, (a) quem magna voluntatum conſenſione Anſiſitem deſtinaveramus, habere non permiſſum ſit; ſed enim nos laboribus & malis ingentibus, quæ ſcilicet hac de cauſa ſuſtinuimus, enarrandis jam ſuperſedentes, enova tibi certamina & pericula denuntiamus, finemque illorum per tuæ Paternitatis auxilium mox admodum obtinere cupimus. Maſtatis igitur tuæ provoluti pedibus per flagrantem Jeſu Chriſti charitatem te quaſumus & obreſtamur, ut quo primum tempore fieri poteſt, Regis favorem, quem Dominus Albanenſis ac Merenſis (b) Epiſcopus addixerant, nobis reconcilies, quod ſane ſi fieri omnino nequit, illud perfectio relinquitur, ut vel Bruno.

(a) Bruno, Adolphi Comitſ de Monte frater, & Præpoſitus S. Florini Conſluentiae, & Decanus ad S. Gereonis Coloniae, anno 1131. Cleri & Optimatum Treverorum unanimi voto electus fuerat VII. Idus Decembris Archi-Epiſcopus Treverenſis: ſed coram recuſavit mitram, & ab Innocentio II. Leodii immunitatem ab oblato pedito obtinuit. Leodii Legati Eccleſiæ Trevericæ in Concilio inſtant pro electione Brunonis ratificanda, ſed abnuir Pontifex. Igitur ſit nova electio: de qua hic in Paſchate anni huius.

(b) Stephanus, qui cum Riquino Tullenſi Epiſcopo eminebant in Clero Treverico.

Brunonem nobis restituas, vel alium designes idoneum virum, in quem sublati diffidiis omnium communiter vota conspirent. Enim vero non tam nos malorum præsentium acerbitas ac futurorum metus percellit, quam gravem luctus imaginem quotidie renovant in feliciū viduarum ululatus, & flebiles

Sanctimonialium querelæ, Clericorum etiam & Monachorum voces omnium certe discriminum, quibus ad hunc diem conficiantur, nos videlicet authores esse coarguentium.

Browerus Lib. XIII. Annalium Treverensium.

His Literis acceptis Pontifex Alberonem, Primicerium Metensem, à Clero solo electum, contra Godefridum Metropolitanæ Ecclesiæ Præpositum, a Comite Palatino Advocato Ecclesiæ, a nobilitate & populo electum, cum in Concilio Moguntino hujus anni a Lothario Albanensis Cardinalis Matthæus consensum obtinere non posset, in Concilio Remensi anni hujus partim Ecclesiæ Trevericæ directionem miseratus, partim Alberonis modestia permotus, in medio Episcoporum circumfidentium rapi sublinem jubet, ac Pontificalibus vestimentis indutum inter Archi-Episcopos sedere.

Concilio Remensi dimisso, quum Albero denuo vacationem oraret, Pontifex eundem Viennam secum abductum Archi-Episcopum solemnibus & gravissimis cæremoniis ipse consecravat.

En tribus imo quatuor Conciliis absolutam Archi-Episcopi Treverici electionem & consecrationem. *Browerus Loco citato.*

SYNODUS HILDESHEIMENSIS

SUB BERNARDO EPISCOPO.

Anno Christi MCXXXI. Innocentii II. Papæ II.
Lotharii Regis VII.

SUMMA. 1. Admittitur fundatio Richenbergenfis Præposituræ Canonicorum S. Augustini.

2. Approbatur a Synodo Diæcesana.

3. Electio Præpositi fratribus conceditur: si discordes, Episcopo.

4. Immediate sub Episcopi regimine sit.

5. Electio Advocati indulgetur.

IN Nomine Sanctæ & Individuæ Trinitatis. *Bernardus* Dei gratia sanctæ Hildenesheimensis Ecclesiæ Episcopus. Sancti propositi vota non solum Episcopali debent patrociniō sublevari, sed etiam suffragio usquequaque corroborari. Notum igitur esse, volumus tam futuris quam præsentibus, quod fidelis Dei famulus Petrus Goslariensis Ecclesiæ Subdiaconus, igne Divini amoris accensus, Ecclesiam in honore Sanctissimæ Dei genitricis & perpetuæ Virginis Mariæ in patrimonio suo in loco, qui *Richenberg* dictus est, ædificare desiderans cum *Elfero* venerabili Presbytero, & *Elzebone* cognato suo *Hildenesheimensis Ecclesiæ Fratrum conventum* convenit, quatenus ac-

cepta ab Episcopali potestate secundum Canonice institutionis rationem, ædificandi licentia animi sui votum Ecclesiæ firmaret consilium. Congratulantes igitur universi fratres tam juniores quam seniores ipsius bonæ voluntati communi consensu hoc salubre dederunt consilium, ut eadem Ecclesia, pro qua construenda consulti fuerant, hac forma institueretur, ut quicumque in ea ad serviendum Deo ejusque piæ genitrici Mariæ congregarentur secundum regulam Augustini, Religioni communis vitæ subjacerent, atque in electione Præpositi, si quando is, qui loco & populo inibi coadunato præerat, vel mortis necessitate interveniente, vel alia qualibet de causa a prælationis officio

Cano-

Canonicè amotus discederet, liberam eligendi haberent facultatem, & non alius ibi, nisi quem fratrum concors societas vel pars sanioris consilii in eodem claustro vel in eodem proposito quemcunque in Christo militantem elegerit, substituat. 3. Si vero (quod absit) in electione fratres inter se discordaverint, auctoritate Episcopali sanioris partis electio confirmaretur & adversæ partis præsumptio comprimeretur, 4. & ut nulli fratrum post exhibitam regulariter professionem sine licentia de præfato claustro liceret discedere vel alium habitum assumere. Verum ut prædicta Ecclesia ab omni jure & Dominio, ab omni læsione & molestia in perpetuum inconcussa & quæta persisteret, integra in suis rebus suisque possessionibus in sæcula constans, 5. nulla potestas Imperialis vel regia, Ecclesiastica vel sæcularis vel quævis hominum persona, cujuscunque sit sexus vel conditionis vel pietatis, imperitando, dominando, perturbando, eam molestare præsumeret. Sed Episcopus spirituali gubernatione & Ecclesiastico regimine Canonice moderando disponderet. 6. De advocato vero eidem Ecclesiæ substituendo communi consilii sententia provisum est, ut si in cognitione Domini Petri vir tantæ strenuitatis & industriæ reperiretur, qui loco tutando & conservando commodus haberetur, advocatia

ejusdem sacri loci ob amorem & reverentiam Domini Petri ejus fidei committeretur. Si autem res in contrarium relaberetur, liberum esset Præposito, & fratribus ibidem pro tempore Deo servientibus alium idoneum in loco ejus subrogare, & auctoritate Domini Episcopi id ipsum salubriter confirmare. Quoniam igitur hujus rei institutum Hildenesheimensis Ecclesiæ consilio fideliter est inchoatum & eadem admittente Deoque favente alacriter pro tempore consummatum, non abs re visum est, ut hujus formæ institutio rata, inconcussa, & irrecisa maneat, Episcopali banno & sigilli ejus impressione rem stabiliter roborare, petente hoc sæpe jam dicto Domino Petro in generali Synodo a me in Monasterio beatæ Mariæ Hildenesheimensi II. idus Junii solemniter celebrata & ordinem inchoationis, institutionis & consummationis ejusdem Ecclesiæ scriptis digestum propria manu dextræ meæ cunctis videntibus porrigente.

Anno Incarnationis Domini MCXXXI. indict. IX, regnante Lothario Romanorum Rege, Anno vero regni ejus VII. Anno vero Pontificatus mei II. Anno etiam ejusdem inchoationis Richenbergensis Ecclesiæ. Actum est feliciter.

Heineccius in antiquitat. Goslarvensibus.
pag. 134.

CONVENTUS AQUISGRANENSIS

LOTHARII REGIS, LEGATORUM PONTIFICIS ET EPISCOPORUM.

ANNO CHRISTI MCXXXII. INNOCENTII II. PAPÆ III.

LOTHARII REGIS VIII.

SUMMA. Lotharius Rex Ecclesiæ Trajectensi S. Servatii, uti imperiali capitulo, concedit Primas in omnibus, Marianæ vero, uti tunc Episcopali Ecclesiæ, id solum concedit, ut in hac fiant synodales Conventus, sub Archi-Diaconi, ab Episcopo directi, præsentia.

IN Nomine Sanctæ & Individuæ Trinitatis. Ego Lotharius hujus nominis Rex Romanorum tertius. Notum sit omnibus tam posteris quam præsentibus, quod secundum privilegia antecessorum nostrorum, Trajectensi Ecclesiæ S. Servatii, quandam legem & justitiam renovavimus, quam antea trecentis annis &

Tomus III. Concil. German.

eo amplius in quiete & silentio tenerat, & eam assensu & favore Alexandri Leodienfis episcopi confirmavimus, ad destruendam controversiam, quam Præpositus & fratres de S. Maria Trajecti, in contradictione ejusdem legis suscitaverant; est autem ipsa lex & justitia talis, quod Ecclesia Parochiæ S. Servatii

S s 2

sola

sola in Trajectensi urbe habeat decimas & terminum & omnes de quacumque regione ad manendum ibi confluerint, præter familiam S. Mariæ, S. Lamberti, ad justitiam regis pertinent & in Parochia S. Servatii baptizari & sepeliri debent: & consuetudo est longo usu in habitum conversa, ut Presbyter Parochiæ S. Servatii & Presbyter Parochiæ sanctæ Mariæ, præsidente Archidiacono communiter habeant Synodum in Ecclesia S. Mariæ, ita ut Presbyter sancti Servatii appellet suos, videlicet omnes pertinentes ad justitiam regis, ubicumque maneant, in eadem urbe, & culpas eorum Synodali lege corrigat, sicut & Presbyter de sancta Maria suos appellat, scilicet omnes ad justitiam Episcopi attinentes, & culpas eorum Synodali lege corrigat. Quod si quis hanc justitiam ulterius infringere tentaverit, offensam Dei & nostram & nostrorum Regali potestate fungentium incurrere merebitur, quia dignum est, ut quod tam libera Ecclesia Regno attinens tanto tempore obtinuit, nostro regali Banno stabile & inconvulsum pertineat.

Factum est hoc Aquisgrani, in Paschali Curia, anno ab Incarnatione Domini MCXXXII. Indiæ. X. Regnante Lothario hujus nominis Rege tertio. Alexandro Episcopo Leodiensi existente.

Hujus Rei testes fuerunt:

Wilhelmus Prenestinensis Episcopus, Cardinalis.

Mathæus Albanensis Episcopus, Cardinalis.

Joannes de Crema Presbyter Cardinalis.

Wido Diaconus Cardinalis.

Albero Archi-episcopus Trevirensis.

Stephanus Metensis Episcopus.

Luitardus Cameracensis Episcopus.

De Principibus.

Dux Walramus.

Dux Simon.

Comes Arnulfus de Lopp. (a)

Greswynus de Falco-monte.

Gerardus Hostade.

De Fratribus Ecclesiæ.

Joannes Decanus.

Willo Camerarius.

Wynandus Custos.

Henricus Cantor.

Renerus Scholasticus.

De Ministris.

Godefridus.

Christianus.

Waltherus.

Signum Domini Lotharii Invißissimi Romanorum regis tertii.

Ego Nicolinus ad vicem Adalberti Moguntinensis Archi-episcopi Archicancellarii recognovi.

In actis Ss. Maji Tomo VII. Dissertatione prævia de Episcopatu Trajectensi, seu Tungvensi.

(a) *Lege de Lozz.*

XX

CONVENTUS HILDESIENSIS

SUB BERNARDO EPISCOPO.

ANNO CHRISTI MCXXXII. INNOCENTII II. PAPÆ III.
LOTHARII II. REG. VIII. IV. NON. MAJI.

SUMMA. Accepta notitia authentica Canonizationis factæ in Concilio Remensi ab ipso Pontifice Hildesiensibus scripta, Episcopus corpus elevat & transfert ad publicam venerationem.

INNOCENTII Papæ ad Clerum & populum Hildesensem Nuntiatoria declarata Canonizationis S. GODEHARDI in Concilio Remensi MCXXXI.

INNOCENTIUS EPISCOPUS, SERVUS SERVORUM DEI, DILECTIS FILIIS, CLERO ET POPULO HILDENESHEIMENSI, SALUTEM ET APOSTOLICAM BENEDICTIONEM.

Veniens ad Nos venerabilis frater in plenaria Synodo, quæ Remis per Dei noster Bernardus Episcopus vester gratiam fuerat congregata, attestazione fratrum

fratrum nostrorum Episcoporum & Abbatum, & aliorum, qui secum venerant, sanctæ memoriæ Godehardum episcopum vestrum laudabiliter vixisse in mundo, & tam in vita, quam post mortem multis miraculis coruscasse asseruit. Unde nos cum fratribus nostris Omnipotenti Deo gratias referentes, habito eorum consilio & collaudatione, quia eundem in cælis cum Sanctis credimus coronari, ipsum inter Sanctos honorari præcipimus, inantes vobis, ut & eidem beato Viro solemnitatem in vestra ecclesia statuatis, & ad eam annualiter venire curetis. Data Remis, IV. Kal. Novembris.

Ex vita S. Godehardi in Actis Ss. ad diem IV. Maji.

Quia tum (finito Concilio Remensi 1130.) hibernum tempus imminabat, nec ad tantum negotium se expedire valebat, visum est congruum, quæ per Apostolicum concessa sunt, Catholicis & religiosis viris nuntiari, & ipsam translationem usque in quartum Nonas Maji differri.

Et jam tempus advenerat, cum tam celebris rumor, scilicet de translatione tanti Patroni in nostram civitatem plures tam religiosos quam promiscui sexus homines coadunabat.

His visis consilium in communi Conventu capitur, qualiter caute sine perturbatione transferatur; ne aliquod scandalum ecclesiæ nostræ inde oriatur. Nam fuere quidam religiosi viri admodum timentes, propter longitudinem tempo-

ris vel corpus non inveniri, vel nullum indicium Sanctitatis reperiri. . . sed tandem post multas disceptationes in hoc omnes conveniunt, ut remota multitudine, ante matutinales horas omnes conveniant, & sic tumbam, in qua positus fuerat, cum omni devotione aperiant. Mediæ ergo noctis tempore Antistes noster, unâ cum religiosis viris tam monachis, quam regularibus sibi coadunatis, cum magno timore ac tremore cryptam nostræ ecclesiæ subiit, & sarcophagum, in quo positus fuerat noster Patronus, aperiri præcepit: ipseque cum cæteris fidelibus orationibus interea devotissime institit. Sed ubi summus labor in frangendo sarcophago antea visus fuerat, jam Deo faciente illico se aperiebat, & aditum facillimum ad corpus præbebat.

Tum vero* aperto sarcophago. . . . Divinus quidam odor & incognitus odor fragrabat, qui quosdam altantes quasi quadam spiritali dulcedine refocillabat, & in perfecta fide Sanctitatis ejus eos corroborabat.

Tandem omnibus cunctantibus & longam moram facientibus per fratrem nostrum Præpositum Bertholdum corpus sublevatur; & propter multitudinem populi, quæ ad tantam rem videndam convenerant, in secretum Sacrarum nostri deportatur.

In actis Ss. ad diem IV. Maji ex Browero. Chronographus Saxo solemnem Elevationis meminit ad IV. Maji.

Notant Hagiographi Antverpienses hic multa deesse, nempe quod corpus postridie publico ostensum, solemnî supplicatione ad montem S. Mauriti, & alia loca translatum, venerationi populi concessum fuerit: de quibus inter multa miracula, quæ ibidem sequuntur, aliqua vestigia deprehendis.

SYNODUS COLONIENSIS

ANNO CHRISTI MCXXXII. INNOCENTII II. PAPÆ III.
LOTHARII REGIS VIII.

*Bruno, Archiepisc. Coloniensis, præfertur judicio Regis & Synodi,
Godefrido electo a clero & populo.*

Rex Lotharius Natalem Domini Coloniæ celebrat, in cujus præsentia gravissimæ partes sunt utriusque ordinis, Cleri scilicet & populi, in electione Domini Godefridi Santensis Præ-

positi, præsentibus tribus Cardinalibus Sanctæ Romanæ Ecclesiæ Legatis, Wilhelmio scilicet Prænestino Episcopo, Wido (qui Innocentio Romæ successit) & Joanne Cremenfi Episcopo. Tandem

judicio Regis ac Principum, & ipsorum Cardinalium ad unanimitatem Ecclesia perducitur. Atque saniori consilio, Godefrido cessante, Dominus Bruno (a) Præpositus S. Gereonis Colonienſi Cathedralis inthronizatur.

Interim dum hæc agenda tractantur, Eckbertus Monasterienſis Episcopus,

primum Decanus majoris Ecclesiæ Beati Petri Colonienſis, qui huic Concilio intererat, ibidem infirmatus moritur, reportatusque ad suam tumulatur.

Chronica Regia S. Pantaleonis apud Eckburtum Tom. I.

Merſeus Crætopolius in Chronica Archiep. Colon.

- (a) Bruno II, Adolphi Comitis de Altena & Monte filius, Præpositus erat Metropolitanæ Colonienſis, & Confluentinæ Ecclesiæ S. Florini: hic anno 113. post mortem Meginheri recuſaverat Cathedralis Trevericam oblatam, quia comitali morbo laborabat: quo levatus, dum Regem Coloniam ſequitur, contra Cleri & populi votum gratiâ Regis præfertur Godefrido.

IN SYNODO ROMANA BERTHOLDO PADERBORNENSI EPISCOPO CONCEDITUR

USUS RATIONALIS, (b)

In celebrando Sacrificio statutis temporibus, in consecrationibus Ecclesiarum & ordinationibus Clericorum, sed in proprio tantum Episcopatu.

ANNO CHRISTI MCXXXIII. INNOCENTII II. PAPÆ IV.
LOTHARII II. REG. IX. IMP. I. NONIS JUNII.

Innocentius Episcopus servus servorum Dei, venerabili fratri Bernardo Paderburgenſi episcopo, ejusque successoribus Canonice promovendis. Sicut omne datum optimum, & omne donum perfectum de sursum est, & a Patre luminum descendere Scripturæ Sacræ auctoritas protestatur: ita procul dubio nostram gloriam atque lætitiā fore credimus, si fratres nostri digni honore inveniuntur, & pro sua probitate atque scientia de magnis honoribus Ecclesiasticis ac dignitatibus ad altiora provehi promerentur. Hoc profecto intuitu, quoniam multa de tuæ devotionis erga beatum Petrum studio, venerabilis frater Bernarde Episcope, nostris sunt auribus nuntiata, & hoc ipsum certis indicii comprobavimus, æquum est, ut pro impenso obsequio à sede Apostolica amplius honoreris, & ut de cætero fraternitatem tuam nobis magis obnoxiam statui-

mus, tam temporaliter quam spiritualiter gratum emolumentum Domino cooperante recipias. Et quoniam tanquam Aaron ad Pontificalis dignitatis fastigium Divina providentia te credimus evocatum, & loco Moysi ad regimen es, & Principatum Christiani populi constitutus, eorumque quoque dignitatis te Principem constituimus, & usum Rationalis tibi tuisque successoribus ex Apostolicæ sedis benignitate concedimus. Hoc videlicet sancientes, ut eodem his diebus per Parrochiam tuam infra Ecclesiam duntaxat utamini, qui in præsentis scripti pagina perſcribuntur, id est, Cœna Domini, Pascha, Ascensione, Pentecoste, Natale beati Joannis Baptistæ, festivitatis beatorum Apostolorum Petri & Pauli, solemnitatibus Beatæ Mariæ & omnium Sanctorum, Natale Domini, & Epiphania. In consecrationibus quoque Ecclesiarum infra tuam Parrochiam

Eadem in Synodo creditur Norberto Magdeburgenſi datus vel confirmatus Primatus.
Vitæ Norberti C. X.

In eadem, Bertholdo, Fuldenſi Abbati, concessum jus mitræ, Baculi, annuli.

- (b) Rationale λογιον opus ex auro serico & gemmis forma quadrangula contextum, quod insertum collo humeros & pectus tegit, dependentibus a tergo quatuor fasciis limbisque, haud multum dissimile epomidi, unde & superhumeralis dicitur aliis. *Schætenus ad h. ann.*

chiam, nec non etiam ordinationibus Clericorum, in Anniversario dedicationis Padelburgensis Ecclesiæ & in festivitate sancti Liborii, Tua itaque frater dilectissime, interest, ut, quod in facie geris Ecclesiæ, operum tuorum commendet effectus. Et tua dilectio hac semper gratia valeat dignior inveniri.

Ego Innocentius Catholicæ Ecclesiæ episcopus. Signum manus meæ: adjuva nos Deus salutaris noster.

Datum Laterani per manus Armerici sanctæ Romanæ Ecclesiæ Diaconi Cardinalis & Cancellarii, Non. Junii, Indiſt. XI. Anno dominicæ Incarnationis MCXXXIII. Pontificatus vero Domini Innocentii II. anno IV.

Schatenus in Annal. Paderbornensibus ad A.C. 1133. post Chronicon Hildesense.

Gobelinum ætat. VI. c. 59.

Crantzium Lib. VI. Metropoleos C. X.

HERBIPOLI CONVENTUS

ANNO CHRISTI MCXXXIII. INNOCENTII II. PAPÆ IV.
LOTHARII II. REGIS IX. IMP. I.

Postquam Lotharius Imp. cum Coniuge sua ab Innocentio II. Romæ II. Non. Maji Imperialem benedictionem suscepisset. Transcens Alpibus celebrat Nativitatem S. Mariæ in *Werzebruch*, habuitque gloriosum occursum ad Curiam suam, ex Principibus diversarum Provinciarum, tam Ecclesiastici ordinis sublimitate, quam & sæculari dignitate

præfulgentibus. Ibi confirmantur electiones Episcoporum *Henrici* Ratisbonensis & *Walteri* Augustensis: & quia *Henricus* Basiliensis Episcopus omnino degradatus fuit; *Adalbero* Nienburgensis Abbas eidem canonica electione Cleri & populi per consilium Imperatoris successit.

Chronographus Saxo., auctor æqualis ad hunc annum.

SYNODUS TREVERICA

SUB ALBERONE ARCHI-EPISCOPO.

ANNO CHRISTI MCXXXV. INNOCENTII II. PAPÆ VI.
LOTHARII II. REG. XI. IMP. III.

SUMMA. Deciditur controversia de Decimis inter Ecclesias Steinveldensem & Cardonensem per commutationem a Synodo Treverica probatam.

IN Nomine Sanctæ & Individuæ Trinitatis. Ego Adelherus, (a) Dei gratia, Trevirensis Ecclesiæ Archi-episcopus; notum esse volo tam futuris, quam præsentibus, qualiter nostro studio & consilio terminata est controversia, quæ aliquoties coram nobis ventilata est inter duas Ecclesias, *Steinvelt* & *Cardonum*, pro decima quarundam vinearum in villa Elenze. Convenerunt etenim ex conducto, earundem Ecclesiarum uterque Præpositus; *Godefridus* videlicet, & *Everwinus*, cum fratribus suis, & inito consilio finierunt litem suam per quandam commutationem. Ecclesia nam-

que *Steinvelt*, ut sine calumpnia decimam, pro qua impetebatur, in perpetuum possideat; dedit Ecclesiæ de *Cardono* vineam unam sitam juxta Cœmeterium prædictæ villæ *Elenza*. Ut ergo hæc actio firma & inconvulsa permaneat, placuit eam corroborari non tantum scripto, sed & sigilli nostri impressione, & Episcopalis banni auctoritate.

Hujus rei testes sunt Archidiaconi: *Arnoldus*, *Alexander*, *Milo*.

Abbates: *Godefridus* de *Echtrima*; *co*; *Giselbertus* de *Lacu*; *Rutardus* de *Sprengirsbach*.

Liberi

(a). *Alberonem* semper vocat *Browerus*; electus fuit, ac demum coactus admittere Archi-episcopatum in Concilio Remensi anni 1131.

Liberi homines: Ludovicus Comes
de Arenstein, Henricus de Molsburg.

Facta sunt hæc in generali Synodo Tre-
viris Anno Incarnationis Domini MCXXXV.
Indict. XIII. episcopatus nostri IV.

*Ex Archivio Monasterii Steinvekdensis descriptæ Cl. Sebatnat b.m. Browero & Masenio, &
Illmo Honthemio ignotam Synodum.*

CONCILIIUM PROVINCIALE MAGDEBURGENSE,

HALÆ CELEBRATUM,

Anno Christi MCXXXV. Innocentii II. Papæ VI.
Lotharii Regis XI.

Monasterii gratiæ Dei fundatio, dotatio, Privilegia confirmantur.

IN Nomine Sanctæ & Individuæ Tri-
nitatis. Ego Conradus Dei gratia
Sanctæ Magdeburgensis Ecclesiæ Archi-
episcopus. Si semper sunt confirmanda,
quæ piis desideriis congruunt, quanto po-
tissimum ea, quæ Divini cultus præro-
gativa gaudent privilegiis communien-
da. Quapropter cupimus notum fieri
omnibus Sanctæ Ecclesiæ fidelibus hæc
legentibus vel audientibus, quod quidam
nobilis Otto de REVENINGE instin-
ctu Sancti Spiritus, ob spem vitæ æter-
næ se ipsum cum omnibus bonis suis ob-
tulit, & in consilio & dispositionem Præ-
decessoris nostri venerabilis Archiepiscopi
NORBERTI MAGNI ET INCOMPA-
RABILIS VIRI sese profusus deposuit, ejus-
que consilio & legitimorum hæredum con-
sensu beneficio beato Mau-
ricio tradidit, proposuit etiam idem Ot-
to pro sua suorumque Parentum salute,
ut in aliquo fundo allodii sui Canonici
regulares, secundum institutionem ejus-
dem Norberti ordinarentur, in quorum
usus omnia reliqua bona ejus cederent,
& inter quos ipse sub eadem professione
pauperum Christi Christo militaret. Quia
vero prædictus Norbertus, in sua Par-
rochiâ religionem propagare semper stu-
duit, rogavit eundem Ottonem, & ut
hoc in suo potius Episcopatu vellet face-
re, promissit, se omnem diligentiam tam
in spiritualibus, quam in temporalibus,
adhibiturum, qui tandem ejus petitioni
annuens partem bonorum suorum vide-
licet curtim Cruttorf cum omnibus suis
appendiciis, & curtim Ekkensteden cum
omnibus suis appendiciis, & curtim Rin-

berche cum suis appendiciis ad locum,
qui GRATIA DEI dicitur, beato Victori
in usus pauperum Christi contulit, quos
in eodem loco venerabilis Norbertus in
regulari professione nuper ordinaverat.
Porro de reliqua parte bonorum suorum,
videlicet de Reveningen, & ejus ap-
pendiciis distulit, donec videret, si Re-
ligionem ibidem ex consilio ejus aliquo
modo posset nunciare. Interim autem
beatus Norbertus Archi-episcopus tran-
sivit ad Christum, & de Reveningen &
ejus Appendiciis nec per eum, nec per
Ottonem quicquam ad Religionem dis-
positum vel ordinatum est. Postquam
autem Divina Clementia nos in vicem
tanti viri Archi-episcopali dignitate sub-
stituit, communicato fidelium Christi
consilio, volente quoque & consen-
tiente eodem Ottone, cuncta quæ pos-
federat tam in suis quam in exteris locis
ad prædictum locum, qui vocatur *Gratia
DEI*, attitulata & contradita sunt, ut in
usus fratrum ibidem Deo regulariter ser-
vientium in perpetuum maneant, & nos
castrum, quod dicitur reveninge, cum
reditibus VII. Talentorum, in consilio,
& consensu Præposito & Fratrum præ-
dicti loci, & ejus utilitate, liberi quo-
que in Cambio pro supradicto loco, qui
dicitur gratia Dei, quæ de pertinentiis
erat Ecclesiæ nostræ, cum omnibus il-
lius appendiciis, volente Ottone, nobis
& Ecclesiæ nostræ retinuimus, ea vi-
delicet ratione, ut nullus Archi-epif-
copus idem castrum alicui in beneficio
præster, nisi & consilio & consensu
Præpositi & Fratrum prædicti loci &
ejus

" ejus utilitate." Liberi quoque sicut
 & Ministeriales cum suis beneficiis ad
 nos & ad successores nostros respiciant.
 Prædictæ vero canonice Præpositum do-
 namus Libertatis Privilegio, "ut nullius
 " expeditionis aut alterius servitii in-
 " commoda exactione gravetur. Si ve-
 " ro consilia Sanctorum Patrum agun-
 " tur, vocatus adveniat, & debitum
 " honorem & reverentiam Episcopo ju-
 " beat. Canonici autem, defuncto patre,
 alterius professionis clericum non
 cogantur accipere, sed quem in ipsa
 canonica vita probatum, moribus ex-
 ornatum prospexerunt, libere & con-
 corditer eligant, & sibi Præpositum
 efficiant. Quod si in eligendo Præpo-
 siti vota partium se diviserint, aliis
 alium clamantibus, sanior pars, fa-
 vente gratia Episcopi, quem elegerit,
 obtineat." Statuimus igitur & aucto-
 ritate Apostolorum Petri & Pauli, Ve-
 nerabilis Papæ Innocentii & Prædecesso-
 ris nostri Norberti, & nostrâ sancimus,
 ut nulla ecclesiastica secularisve persona,
 locum aut Fratres, vel omnia eis per-
 tinentia, inquietare vel molestare audeat,
 sed ipsi libere & quiete Deo serviant,
 & tam in mancipiis, quam in terris,
 cultis & incultis, agris, vineis, pratis,
 pascuis, sylvis, aquis, aquarumve de-
 curribus piscationibus, molendinis, mo-
 bilibus & immobilibus, vel si quid aliud
 dici potest, liberam habeant facultatem,
 in proprios usus convertendi, vel etiam,
 si voluerint, commutandi. Et ut hæc
 nostri scripti pagina firma & inconvulsa
 permaneant, sigilli nostri impressione
 eam roborare curavimus. Si quis au-
 tem hujus confirmationis & privilegii
 " transgressor extiterit, & eosdem fra-
 " tres inquietare seu bona eorum aliena-

" re, Corporis & Sanguinis Domini
 " nostri JESU CHRISTI se reum ille
 " & anathematizatum noverit, qui vero
 " observaverit pio intuitu, benedictio-
 " nem & peccatorum remissionem a
 " Domino consequatur." Hujus autem
 nostræ Sanctionis hi sunt idonei Testes:
Nostræ Ecclesiæ Suffraganei, videlicet Udo,
Cizensis Episcopus, Meyngotus Mersburgensis
Episcopus, Anselmus Havelbergensis Episcopus,
Godeboldus Misnensis Episcopus, Ludolfus
Brandenburgensis Episcopus. Arnoldus Ab-
bas de Monte. Canonici sancti Mauricii,
Frithericus Præpositus, Gezo Decanus,
Fridericus Præpositus de Bivera, Bodo
Scholasticus, Gerhardus Cellarius,
Theodoricus . . . Lambertus Præpo-
situs Hallensis, Wikerus Præpositus S.
Mariæ Magdal. reliquo Clero annuente
& consentiente, Principes: Henricus
Marchio & Advocatus, Cunradus Mar-
chio, Adelbertus Marchio, Retrardus
Comes, Rutholfus Comes, Frithericus
Comes Palatinus. Nobiles: Luthewicus,
Burchardus, Lambertus. Ministeriales:
Hathamarus, Rudolfus, Suitherus, Ri-
chardus, Sifridus. Data quarta Nonas
Martii apud Canonicum S. Mariæ Dei Ge-
nitricis Hallæ, quæ dicitur novum opus
a venerabili Conrado Magad. Archi-
Episcopo, præsentibus . . . Havel-
burgensi Episcopo. Hallensi Præposito
reverendo Lamberto, ex Gratia Dei Præ-
posito, primo Religioso Evermudo
cum aliis pluribus. Anno Dominicæ
Incarnat. Millesimo, centesimo, XXX.
quinto, Indictione XIII. Præsidente
sanctæ universali Romanæ Ecclesiæ Inno-
centio secundo Papa, Regnante Lutha-
rio tertio.

Leuckfeldt in Antiquitat. Præmonstraten-
sibus pag. 17.

SYNODUS AUGUSTANA

SUB WALTHERO EPISCOPO.

Anno Christi MCXXXV. Innocentii II. Papæ VI.

Lotharii Regis XI. Imp. II.

Confirmat Waltherus cœnobium Kaysheim fundatum cum variis
Privilegiis.

IN Nomine Sanctæ & Individuæ Tri-
 nitatis, ejusdemque inseparabilis Uni-
 Tomus III. Concil. German.

tatis, Waltherus Dei gratia Augustensis
 Ecclesiæ episcopus Catholicus. Decet

T t

nos

nos honorem, quem gerimus nomine, moribus exhibere, colere & observare justitiam, qui suscepimus locum ad æquitatem proferendam, ne fiat exemplum pravam, qui electus ad laudabile cognoscitur institutum, sed per virtutis exemplum, luceat gratia dignitatum. Ideoque libenter omnimodis præbemus assensum, quotiens justa est vox poscentium, nec a nobis difficile prodibit beneficium, quod non patitur largitate detrimentum. Ea propter notum sit omnibus tam futuris quam præsentibus Christi fidelibus, qualiter Comes *Heinricus de Lechsgemunde & uxor ejus Comitissa Luicardis*, & filius ejus Volcradus consensu & collaudatione filiorum, filiarum, nec non univerforum legitimorum ejusdem prædii cohæredum suorum quoddam cœnobium in proprio fundo suo quod (a) *Kaysheim* dicitur, construxerunt, & ut puritas regulæ S. Benedicti & Ordo Cisterciensis ibidem perpetuo conservetur, firmaverunt: Deinde præfatum cœnobium cum agris, sylvis, campis, pratis, viis & inviis, cum omnibus denique appenditiis seu appertinentiis suis, per manum cujusdam nobilis & illustri viri HARTNOLDI de GRAIFERSPACH ad summum Alcare Sanctæ Matricis Augustensis Ecclesiæ jure legitimo tradiderunt, ita plane, ut fratres ejusdem cœnobii, Ecclesiæ eidem talentum ceræ annuatim persolvant; nullumque advocatum præter filium virginis habeant, nec cuiquam regum, Episcoporum, Principum, nec non ejusdem loci fundatorum seu posterorum suorum quicquam in præfato loco ordinare, immutare, constituere, destituere vel substituere liceat, nisi rogatu fratrum, ut quieti quiete & sine omni perturbatione laudibus divinis inserviant. Præterea si quis de nostro Episcopatu ibi sepeliri, vel si qui ministerialium Ecclesiæ nostræ illis bona vel prædia sua pro expectatione futurorum conferre voluerint, utriusque licere, ratum duximus & jure perpetuo firmamus. Sane memoriarum commendandum, quod ejusdem

loci fundatores de sylva, quæ vulgo Haidwang dicitur, quantum postulat necessitas fratrum, libere & sine omni posterorum contradictione dederunt perpetuo possidendum, & ut hæc omnia rata atque inconvulsa permaneant, hanc ipsis chartam scribi jussimus, quam sigilli nostri impressione munivimus. Quæcunque ergo Ecclesiastica, sæcularisve persona, hanc nostræ constitutionis paginam, sciens contra eam temere venire tentaverit, secundo tertiove communita, se a quolibet eorundum fratrum injusto gravamine non correxerit, postestatis, honorisque dignitate careat, reamque se divino judicio existere pro certo cognoscat & a Sacratissimo corpore & sanguine Domini nostri JESU Christi aliena fiat, nisi pœnitendo resipiscat. Cunctis autem eidem loco justa servantibus, sit pax Domini nostri JESU Christi, quatenus & hic fructum bonæ actionis percipiant, & apud districtum judicem præmia pacis æternæ inveniant. Amen. Amen. Amen.

Acta sunt hæc anno Incarnationis Domini MCXXXV. Indiæ. XII. XI. Kalend. Octob. in civitate Augusta præsentis Clero Comprovinciali eodem tempore ad Capitulum congregato, præsidente Papa Innocentio, sub Imperatore Lothario: Regnante Christo feliciter. Hujus rei testes sunt hi.

Udalcalc Abbas S. Udalrici.

Gotebold Abbas de Eschenprunnen.

Dieterich Abbas de Werde.

Ulricus Præpositus de Ursperch & alii multi.

Hilteprandus Præpositus.

Conradus Vice-Dominus.

Egelwart Decanus.

Conradus Archi-Presbyter.

Hermannus custos.

Hermannus Scholasticus, Canonici & alii multi.

Bertholdus de Bertholdesheim.

Hartnid de Graiffenspach.

Ratoli de Emichfeshheim.

Ru-

Waltherus Episcopus XXXI. Augustanus electus 1134. juxta *Stengelium*.

Waltherus Comes Palatinus Tubingenensis electus post 1133. Cœnobium Brentzanhufanum & S. Georgii in urbe condidit: resignavit pedum 1150. in Monasterio Selingerstadiensi vixit ad 1153. *Bucelinus*.

(a) Quia Monasterium hoc Cisterciense a Lothario II. Cæsare confirmatum fuit, ideo *Kaysheim* v. *Keisheim* dictum.

Ruprecht de Tringesheim liberi &
alii multi.

Witegon Præfectus.
Ebo, Billunc.

Amelio, Wieman.

Benico, Karl.

Regilo, Harward ministeriales & alii
multi.

SYNODUS DIOECESANA WIRCEBURGENSIS

Anno Christi MCXXXVI. Innocentii II. Papæ VII.
Lotharii Regis XII.

AB EMBRICONE EPISCOPO WIRCEB. CELEBRATA,

In qua Aschabach Ecclesia in Parochialem erigitur.

IN nomine Sanctæ & Individuæ Trinitatis. Ego *Embrico*, licet indignus, per gratiam Dei Wirceburgensis Episcopus, notum esse cupio tam præsentibus quam futuris Christi-Fidelibus, qualiter honesta quædam & venerabilis Matrona, nomine *Gundrun*, liberæ conditionis femina, post mortem viri sui cum quo religiose vixerat, cum liberam disponendarum rerum suarum facultatem primum fuisset adepta, satis ostendit, qualem marito suo viventi fidem servaverit, quæ post ipsius mortem non solum alterius viri consortia declinavit, sed & omnibus hujus Sæculi voluptatibus plenarie renunciavit; defuncto enim marito suo statum viduitatis, & conservandæ semper imposterum continentia habitum assumpsit, quem vigiliis, orationibus, & elemosynis, & aliis, quibus poterat, beneficiis decorare non omisit; deinde in prædio suo Aschabach, Ecclesiam quandam in honore beatissimæ Virginis, & Matris Domini, quam pro peccatis suis specialem sibi apud Dominum Patronam delegerat, construxit, & ad ejusdem Ecclesiæ consecrationem cum omni diligentia nos invitavit, obsecrans nos per Dei misericordiam, ut a Parochia Haselach, in cujus terminis sita erat, Ecclesiam eandem absolvere, & penitus liberam facere vellemus.

Nos igitur pro ipsius reverentia vix ei aliquid audentes denegare, petitioni ipsius nos libenter satisfacturos promissimus, si pro nostro, & meliorum Ecclesiæ nostræ consilio, pro iustitia illa, quam

parochianus Presbyter de Haselaha in villa ista Aschabach in sepultura, in baptismo, in numis illis, qui missales dicuntur, & cæteris iusticiis solebat habere, partem prædiorum suorum Parochiali Ecclesiæ tradere & delegare, & huic Ecclesiæ tantum de prædiis suis vellet conferre; unde Sacerdos aliquis Deo, & Reliquis illic reconditis devote servire volens, se honeste sustentare valeret; hæc igitur, ut tota erat Christianissima, hæc omnia pro nostro consilio se libentissime facturam promisit, & pro iustitia illa, quam parochianus Presbyter de Haselaha in villa ista Aschabah hucusque solebat habere, duos mansos, unum in Tiderichesdorf, alterum apud Frigenhaselah, Ecclesiæ parochiali designavit & tradidit: cætera omnia, quæ habuit, prædia sua, & utriusque sexus mancipia, Ecclesiæ suæ, ipsa consecrationis die; sub nostra præsentia, in rectam & stabilem dotem tradidit atque delegavit; ita ut ipsa, quousque vixerit, necessaria victus & vestitus inde habeat, de hoc vero quod residuum fuerit, pauperibus, & Sacerdoti, qui Deo illic servierit, ipsa provideat; post mortem vero ipsius omnis inde descendens utilitas usibus Sacerdotis plenarie subjaceat.

Totam igitur hujus causæ seriem in Synodo nostra, ad omnem Ecclesiæ Conventum detulimus, & totius Ecclesiæ nostræ consilio & auctoritate, prædictam Ecclesiam in Aschabah a parochiali Ecclesia, cum præmissa conditione, absolvimus, & penitus liberam fecimus; ita ut omnis populus, qui eandem vil-

Iam Afchabah inhabitat, sepulturam & baptisma illic habeat, & a parochiano Sacerdote prorsus liber, hujus Ecclesiæ Sacerdoti in omnibus obediat, omni anno semel tantum ad Ecclesiam parochialem, cum Archi-Diaconus vice nostra placitum illic habuerit, veniat, & ipsi Archi-Diacono in omnibus, quæ Ecclesiastica censure exigat, prout justum est, obediat. Ut autem hæc omnia ita rata & inconvulsa permaneant, nos super his hanc cartam conscribi fecimus, quam sigilli nostri impressione insignitam, subscriporum Testium testimonio, ex Dei Omnipotentis & officii nostri auctoritate, confirmavimus, & qui hæc unquam infregerit, sit anathema, maledicta.

Testes hujus rei sunt: Otto Præpositus, Babo Decanus, Sigefridus Præposi-

tus, Guntherus Præpositus, Curadus Præpositus, Gebhart, Hertwich, Smibodo, Gozelin, Wichmant, Burchard, Adelbero, & omnes, qui Synodo illi interfuerunt, Clerici.

Laici liberi: Godeboldus Comes, Rabodo Comes, Wolfvamus Comes, Rupret, Erkenbret, Marckwart, Otto, Gozwin, Cuonrat, & plures alii.

Ministeriales: Otto, Voleger, Folcnant, Eber, Herolt, Irinc, Richalm, Billunc, Edelrich, Wolfinar.

Acta Wirzburg, Calend. Maji. Anno Domin. Incarnationis MCXXXVI. Indict. XIV. Regnante glorioso Rom. Imperatore III. Lothario, Godeboldo Comite.

Ex codice MS. Monasterii S. Michaelis Bambergæ descriptis Cl. Schannat. b. mem.

SYNODUS IN RHETEL

ARCHI-DIOECESIS TREVERENSIS

Anno Christi MCXXXVI. Innocentii II. Papæ VII.
Lotharii Regis XII.

SUMMA. Concordia post multas guerras, & labores, & expensas inita inter Henricum Tullensem Episcopum, & Fridericum Comitem Tullensem, RUTILE in Treverensi Parochia, id est, Archi-Diœcesi, præsentibus Tituino Episcopo S. Rufinæ, Apostolicæ Sedis Legato, Alberone Treverensi Archiepiscopo, & Suffraganeis suis, Stephano Metensi, Alberone Viridunensi Episcopis, nec non aliis nobilibus Principibus, infra recitatis in Epistola Pontificis Innocentii II. confirmatoria hujus concordie, quæ sequitur.

Innocentius Episcopus servus servorum Dei venerabili fratri Henrico Leucorum Episcopo, ejusque successoribus Canonice promovendis in perpetuum. Statuta fratrum nostrorum, sicut irrationabilia debemus Ecclesiasticæ disciplinæ moderatione corrigere, ita nihilominus convenit eorum bene gesta firmare. Quamobrem venerabilis frater Henrice Episcopo, pacem & concordiam, quæ post multas guerras & labores atque expensas, inter te & nobilem virum Fridericum Comitem Tullensem in præsentia venerabilium fratrum nostrorum Tecwini Episcopi sanctæ ruf-

finæ, tunc Apostolicæ Sedis Legati, Alberonis Trevirensis Archiepiscopi & suffraganeorum suorum, Stephani videlicet Metensis, Alberonis Viridunensis Episcoporum, nec non aliorum nobilium Principum, videlicet Simonis Ducis, adeleidis Ducissæ uxoris suæ, Rainaldi Barrensium Comitum, Gualteri de Gondricurte, Odonis de Melaino, & Petri de Brissejo, Rutilæ in Trevirensi Parochia facta est, præsentis scripti pagina confirmamus, & futuris temporibus ratam manere decernimus.

Ita scilicet, ut de hospitalitate seu consuetudine, quam præfatus Comes Frider-

Fridericus in præbenda fratrum Tullensis Ecclesiæ sibi usurpare contra iustitiam nitebatur, nihil sibi deinceps ex debito audeat vindicare. Verumtamen si prædictus Comes, Vischeriaci in præbenda fratrum bis in anno, cum septem vel decem militibus tantum hospitari voluerit, id ipsum ei minime negabitur, sed fratres ejusdem loci sustinebunt, nec eum exinde molestant, si in domo fratrum hospitium susceperit, si ministerium administrationis procurari voluerit, si nullam exactionem in eadem villa vel per se vel per alios fecerit. Cæterum si ipse transgredi vel violare præsumperit, jam dicti fratres id ipsum ab eo per iustitiam exquirere possint.

Præterea si, quando necesse fuerit, ut idem Comes a Decano vel Præposito postulaverit in præbenda fratrum semel in anno cum septem vel decem militibus, tantum tertium hospitium ei dabitur. Si vero necessitas ingruerit, & nec Decanum nec Præpositum ad obtinendum hospitium habere poterit, hospitium ipsum per ministerialium manus accipiat & servitium competens, quod ei exhibitum fuerit, cum gratiarum actione suscipiat. Quod si Comes aliter, quam supra scriptum est, fecerit, & conventionem laudatam cum præfatis Episcopis atque Principibus, violaverit, aut exactionem aliquam vel violentiam in villis fratrum supradictorum exercuerit; si servitia sufferentiæ Canonicorum antedictâ, & eo modo, quo sunt determinata, per manus ministerialium non susceperit, hospitia, quæ

non debito aut iustitia, sed per sufferentiam fratrum accipiebat, prorsus amittat. Et hoc tamdiu stare poterit, quandiu ipse debitam fratribus amicitiam observaverit. Decernimus ergo, ut neque præfato Comiti, neque alicui hominum liceat te, vel successores tuos, seu Tullensem Ecclesiam, aut Canonicos super hoc temere infestare, aut aliquid ultra id, quod prædictum est, a te vel ab ipsis exigere; sed potius ipse statutis hospitii contentus existat, & Tullensis Ecclesia, & Canonici ab ipso infestatione de cætero liberi maneant & quierit.

Si quis autem hujus nostræ confirmationis paginam sciens contra eam venire tentaverit temere, secundo tertiove commonitus, si non reatum suum congrua satisfactione correxerit, potestatis honorisque sui periculum pariat & à Sacratissimo corpore & sanguine Domini nostri Jesu Christi alienus fiat. Conservantes autem omnipotentis Dei & beatorum Apostolorum Petri & Pauli gratiam consequantur. Data Pisis per manum Almerici, Sanctæ Romanæ Ecclesiæ Diaconi Cardinalis & Cancellarii VII. idus Junii. Indict. XIII. Incarnationis Dominicæ anno MCXXXVI. Pontificatus Domini Innocentii Papæ II. anno VI.

Inter Epistolas Innocentii II. est Numero XLVIII. apud Harduinum Tomo VI. Concilior. Parte II.

Calmet eandem refert Tomo IV. Probationum Historiæ Lotharingicæ pagina CCCXI.

SYNODUS TULLENSIS

SUB HENRICO EPISCOPO.

Anno Christi MCXXXVI. Innocentii II. Papæ VII.
Lotharii Regis XII.

*Confirmante factam Abbatie S. Mansueti donationem allodii de Monces,
à Simone Duce Lotharingiæ, & Adelbeida Ducissa.*

IN Nomine Sanctæ & Individuæ Trinitatis, Patris, & Filii, & Spiritus Sancti, Henricus Dei misericordia sanctæ Tullentis Minister servus, universis

Sanctæ Matris Ecclesiæ fratribus & filiis desiderabilem in Domino perpetuam misericordiam Salvatoris. Pontificalis dignitas ideo in populo acquisitionis,
T t 3 Eccle-

Ecclesiasticæ dispensationis obtinet Principatum, ad sustentandam Dei servorum inopiam, monitis & increpationibus studeat incitare, qui Divinam pro ipsis Clementiam insistant assidue devotius exorare. Ad excitandum igitur in bonis operibus posterorum industriam, notificamus tam posteris quam presentibus, quod instinctu Divino SIMON Clarissimus Dux Lotharingorum & Marchio, venerabilisque Ducissa nomine Adeleidis uxor sua, piam sollicitudinem gerentes de salute animarum suarum, in vita sua Deo dare disposuerunt, quæ sibi suisque post mortem profutura crediderunt. Siquidem antantibus & consentientibus filiis suis Mathæo atque Balduino Ecclesiæ beati Mansueti primi pastoris & primi protectoris nostri, ut ibi exinde post obitum eorum evidentius memoria haberetur, allodium suum de Monces adjacens ante novum castrum, quod emerunt a Domino Widone de Wangionis vivo, & Herardo de Beburia, & XL. marcarum cum additamento lorice, & equi, & annuli aurei conjugii memorati Widonis donati, & in suo Dominicatu jam dudum possederunt, sicut est in omni usu, perpetualliter possidendum tradiderunt, in terris videlicet cultis & incultis, pratis, agris sylvis, molendinis, analibus (*forte canalibus*) aquis, aquarumve decursibus, exitibus vel redditibus, & mancipiis utriusque sexus.

Cum ergo hoc donum per illustres viros & idoneos, vice ipsorum Ducis scilicet & Ducissæ, super sancti Mansueti Altare fuisset positum (neque enim tunc temporis Ducissa venire valebat, quia vicina partui extabat) postmodum in præsentia nostri & coram multitudine magna Cleri & populi, plurimorumque nobilium & testium, quorum nomina subscripta sunt, supra Altare S. Mansueti per manum nostram, seu propria manu posuerunt, seque de cætero defensores promptissimos existere, si unquam necessitas exigeret, vel temerario ausu super eo, quicumque calumniam concitare intentaret, Deo & Sanctis ejus omnique congregationi quoad viverent, devoverunt, filiisque suis prænominatis adhuc adolescentulis post obitum eorum idipsum servare promittere, fecerunt.

Et quia officii nostri est benefactis aliorum pastorem adhibere (defensionem, petitione prædictorum Principum, ne quis deinceps super hoc donum temerarius accedat, sub annulo Dei & nostro, Pontificalem posuimus excommunicationem, & ad posterorum monumentum præfens testamentum nostro sigillo firmavimus, signis etiam & testimonio nostrorum fidelium roborandum tradidimus.

Signum Henrici Tullenensis Episcopi.

Signum Rainaldi Abbatis S. Mansueti.

Sign. Eurardi sancti Apri.

Sign. Petri Decani.

Sign. Stephani.

Sign. Adelberonis primi Archidiaconi.

Sign. Haimonis Archidiaconi.

Sign. Hugonis Gundricurtenensis Archidiaconi.

Sign. Goberti Cantoris & Archidiaconi.

Sign. Hugonis Rufi Archidiaconi.

Sign. Stephani Archidiaconi.

Sign. Henrici Archidiaconi.

Sign. Simonis Ducis.

Sign. Theodori filii Widerici de Valcourt.

Sign. Ebroini de Granges.

Sign. Theodorici de Roau filii Bononis.

Sign. Gisliberti de novo castello.

Sign. Drogonis filii Waldrici de Bosani villa.

Sign. Umberti filii Alberti de Amerelli villa.

Sign. Stephani filii Alberti de Rossel.

Sign. Guillelmi de Castiniaco.

Sign. Falconis de Mandales.

Sign. Alberti de Darnejo.

Sign. Karoli de Fonteniaco.

Sign. Warneri de Campinolis.

Sign. Odonis de Vassejo.

Sign. Alberti nepotis ejus.

Sign. Olderici Cancellarii.

Sign. Ebroini Decani.

Sign. Walteri Scabini.

Acta sunt hæc Tulli, anno ab Incarnatione Domini MCXXXVI. Indiæ. VI. epacta

Epacta XVII. concurrente VI. Luna XX. X. Kal. Julii, in generali Synodo. Ordinationis vero nostræ anno IV. Imperante Lothario, Duce (a) Simone.

(a) Lege: *Simone*.

do, Comite Friderico, regnante per sæcula Domino JESU CHRISTO.

Calmet. Tomo IV. Probationum Historiæ Lotharingiæ pag. CCCXII. CCCXIII.

SYNODUS WURZEBURGENSIS

Anno Christi MCXXXVII. Innocentii II. Papæ VIII.
Lotharii Regis VIII. Imp. V.

Embrico, Episcopus Herbipolensis, Donationes factas Monasterio B. M. V. in Ebera, confirmat in Synodo Diœcesana numerosa.

IN Nomine Sanctæ & Individuæ Trinitatis. Ego Embrico, licet indignus per gratiam Dei Wirceburgensis Episcopus. Notum esse cupimus omnibus tam præsentibus quam post futuris Christi fidelibus, qualiter venerabiles & in Christo dilecti, Dominus Adam abbas de Ebera & ejusdem cœnobii fundator F. Berno; cum Iringo, ministeriali nostro, de commutatione beneficii sui, quod ipse habebat in villa Alolvesheim, inter se convenerint & in ejusdem commutationis certitudinem tres marcas & dimidium illi persolverint. Sed prius quam hæc inter eos facta conventio ad effectum perducere potuisset, idem Iringus oculito Dei judicio interfectus obiit, & parvulum quendam filium, tum hujus beneficii quam aliorum beneficiorum suorum hæredem reliquit. Causa igitur quæ cum prædicto Iringo inchoata sed nec dum consummata fuerat, ut non idcirco minus ad effectum perduceretur tum pro Deo, tum pro petitione Domini Adam & prædicti F. Bernonis, quos præcordialiter dileximus omni modis operam dedimus, & cum avo prædicti pueri, currando videlicet, de Pleiveld & cum Ebone, qui & ejusdem pueri patrinus & mundiburdus fuerat, assentientibus etiam ceteris omnibus ejusdem pueri cognatis & amicis hoc tandem effecimus, quod ex eorum petitione & consensu Dominus Gebehardus de Sulzbach qui idem benefi-

cium in villa Alolvesheim principaliter a nobis habebat, illud cum omni justitia ex integro nobis resignaret & in ejusdem commutationem XIV. mansos, & dimidium in villa Geldersheim & prædium, quod fuerat cujusdam Waldolfi in eadem villa cum decimis & cum omni justitia a nobis in beneficium reciperet. Hoc autem sic commutatum Dominus Gebehardus usque ad legitimos annos pueri se jure beneficii in suis usibus habere velle asserebat, sed & justitiam illam, quam vulgo *Hergvede* vocant, a puero prædicto exigebat, prædicti autem fratres Dominus Adam abbas videlicet & F. Berno septendecim marcas & dimidium Domino Gebehardo persolverunt, ut puer ex hac justitia, quæ dicitur *Hergvede* omnino liber remaneat & idem beneficium ita commutatum cum quiete & sine omni contradictione possideret. Subinde cum idem beneficium ad Dominum Adeloldum, qui Walpoto dicitur pervenisset, ille similiter prædictum puerum de justitia illa, quæ vocatur *Hergvede*, impetivit, ubi iterum Dominus Adam & F. Berno datis eidem Adeloldo quinque talentis ab hac exactione sæpe dictum puerum absolverunt. Hæc autem omnia tam distincte & tam diligenter sic assignari idcirco volumus, ut cunctis liquido clarescat, quanto labore & dispendio prædicti fratres beneficium illud absolverint. Seorsum autem duos illos

Embrico, Wirceburgensis Episcopus, doctrinæ & faciendæ laude non minus inter Episcopos, quam ob rerum gerendarum dexteritatem in Curia clarus. *Scribit Cl. Mascovius in Comment. de rebus Comrad III. Lib. III. §. IV.*

illos manfos, quos Ebo præfati pueri patruus & mundiburdus in eadem villa Alolvesheim in beneficio habuerat, datis sibi XIV. marcis pœnitus absoluerunt, sed & alios duos manfos, quos in eadem villa Rudegerus, ministerialis noster a nobis in beneficio habebat, & eodẽ ille nobis resignaret, cum ipso effecerunt. Advocatia vero super eadem bona & super homines ad eadem bona pertinentes, viginti tria mancipia utriusque sexus, quorum nomina. Postscripta habentur, quam Comes Hermannus de Hohestatt de nobis habuerat, & prædicto Eboni in beneficium concesserat, datis ipsi Comiti septem talentis effecerunt, ut eam ipse nobis resignaret, & similiter Ebo in nostra præsentia & multorum parium suorum eandem advocatiam abstipularet. Omnia ergo hæc bona in prædicta villa Alolvesheim cum omni sua iustitia, ita ut diximus, vobis resignata cum illis viginti tribus mancipiis quorum hæc sunt nomina: Berthold, Nathild, Nathild, Cunrad, Diethold, Lieman, Immikind, Herman, Adelold, Herburg, Eberling, Imikind, Burcard, Adelot, Erckenbret, Meinold, Matholf, Gezeman, Sigefrid, Herburg, Rielint, Rudeger in ipem retributionis æternæ tradidimus ac delegavimus. *Ad Altare Sanctissimæ Dei genitricis Mariæ in Ebera, ut fratres ibidem Deo famulantes, hæc eadem bona libere & sine omni contradictione cum omni sua iustitia perpetuo possideant & nunquam alium super eadem bona nisi filium virginis advocatum habeant.* Sed nec hoc prætereundum fore necessarium duximus, quod prædicti fratres Dominus Adam & F. Beruo prædium illud *Bleiveld*, quod fuerat cuiusdam Godefridi & quod idem Godefridus iturus Jerusalem in manus Domini sui Cunradi de Bleiveld tradiderat, & ad Altare Beatæ Virginis & Matris Domini in Ebera, si ipse in via illa moreretur, pro remedio animæ delegari rogaverat, hoc

idem inquam prædium continens III. manfos & III. jugera & curtim quandam & quædam prata præfato puero in proprietatem tradi ac delegari fecerunt, ut idem puer & cognati & amici ipsius prædicti beneficii commutationem libentius & sibi commodius collaudarent, & gratiorem haberent. Ut ergo hæc omnia deinceps rata & inconvulsa permaneant, hanc illis chartam fieri iussimus, quam sigilli nostri impressione insignitam ex Dei omnipotentis & officii nostri auctoritate sub anathemate confirmavimus, ut qui unquam aliquid ex his infregerit, sit anathema, manaratha. Hujus rei testes subscripti habentur, *Clerici*: Otto majoris Præpositus, Babo Decan. Guntherus Præpositus, Sigefridus Præpositus, Cunradus Præpositus, Gebhardus, Hertwicus, Gundramus, Grim, Heinrich, Gozelin, Burcard, Richolf, Bernard, Cunrat, Winthere, Wortwin, Wignant, Emicho, Ditmar, *Laici, Liberi*: Godeboldus Comes, & duo filii sui Poppo & Berchtold, Hermannus Comes, Rnprech de Castele cum duobus suis filiis Ruberto & Hermann, Gozwin de Trimberg, Otto de Wigereshusen, Cunrad de Tungeden, Walther & Engilhard de Lubenhufen, Wolfram & frater ejus Graf de Sveneburg; *Ministeriales*: Cunrad vice Dominus, Herolt, Otto Volenant & frater ejus Warmunt, Udalrich, Germunt, Edelrich, Billunc, Richalm, Godefrid, Engilbret, Cunrat, & ejus Irinc, & ejus frater Heinrich, Godebolt, Rutwich, Wolfram, Rainhart, Kateloch. Data Wirceburg in Synodo nostra III. Non. Maji. Anno dom. Incarnat. MCXXXVII. Indi. XV. regnante Glorioso Rom. Imperatore III. Luthario, Gotebolto Comite.

In actis Monasterii Ebracensis contra Wurtzburg invenit Cl. Schannatus b. mem.

HALBERSTADENSIS SYNODUS

Anno Christi MCXXXVII. Innocentii II. Papæ VII.

Lotharii Regis XIII. Imp. v.

SUMMA. Donationes Schœningensi Cœnobio factas a Reinbardo antecessore confirmat Rodolfus Episc.

IN Nomine Sanctæ & Individuæ Trinitatis. Ego Rodolfus S. Halberstadenſis Eccleſiæ Episcopus licet indignus, tamen secundum dispensationem in Christo creditam, sola hac illius gratiā operante sum id, quod sum. Unde ne gratia in me vacua scire (a) otiosa ab ipso requiratur, necessarium me, non solum pro mea verum etiam pro aliorum conservorum meorum salute invigilare, si beati servi conſortem me oblectat, quem, cum veniret, Dominus invenire, vigilantem. Instant enim tempora periculosa, in quibus, ut ait Apostolus, homines se ipsum amantes, cupidi, superbi, elati, & ideo tanto operosius est salus tuenda, religio firmanda, & Ecclesiæ facultas, ne ipsoſterum dilabatur, cœlestibus loris munienda. Jam enim abundante iniquitate, refriguit charitas; jam omnia iniquitatis mysteria manifesta sunt, & tanto periculosius vivitur, quanto omnium virtutum vocabulis se vicia palliare cœperunt. Perfidia namque prudentiæ, fraus diligentiæ, & cœtera, quæ finem nesciunt, vicia sic virtutum nomina usurparunt, sic exuberant, sic insolenti huic ætati complacent, ut nemo sapientum neget, hæc esse certissima vestigia per quæ Anti-Christus ingressurus est in mundum. Unde beatus Johannes Eccleſiæ modernæ figuram in hoc loco gerens, hæcque tempora execrans, & antiqua commendans & exoptans ait: *utinam fuisset sicut fui in diebus Adolescentiæ meæ.* Itaque contra tot, & inopinata pericula, contra insolentiam & temeritatem, contra fraudem & violentiam, si non merito tamen eodem censu, & charitate beati & cum Christo regnantis Reinbardi Episcopi vestigia calcans, omnia quæ Eccleſiæ Christi & beati

Laurentii titulo (b) signatæ in Schœninge collata sunt ab ipso, & clavibus cœli confirmata, sive quæ Præpositorum industriâ sive quorumlibet fidelium devotione acquisita sunt, hujus testamenti donatione confirmo, sigilli imagine notifico, & adhibitis cœli clavibus banno concludo. Quicumque ergo vel fraude vel violentia deinceps hæc (c) cessare attemptaverit, sit reus Majestatis Divinæ, sit exclusus a Regno, quia cœlestium clavium temeravit auctoritatem servorum sive pauperum Christi; sit super eum judicium, nec resurgat, nisi forte, quod optamus, pœnitens satisfecerit. Nec solum fratres, quod fundator mihi Sacræ Religionis præfatus Episcopus, quia hæc ipse eidem contulerit & confirmaverit, confirmo, verum etiam quia a beato Papa Innocentio eadem Eccleſia, & regularis professionis Religio cum omnibus ad se pertinentibus bonis & redditibus cum anathematis edicto postmodum confirmata est. Amen. Amen.

Hæc sunt prædia beati Laurentii in Schœninge XXII. aræ cum utilitatibus suis & X. mansi & dimidius, singuli VIII. solidos solventes, cum pratis & reliquis utilitatibus. III. Molendina cum piscinis, duo in villa, unum in agro. In valle, quæ dicitur Merdsfidat lucus, & tria pansthalia. Decimæ novarium, quæ per omnem Schœningensem parochiam sita sunt. In villa quæ dicitur Asbike, VI. aræ cum sex mansis, singulis VIII. solidos solventibus, cum pratis & usibus silvarum. In villa quæ dicitur Wille I. area & unus mansus, persolvens IX. solidos. In villa quæ dicitur Salingke VIII. aræ & decem mansi & dimidius, cum pratis & usibus silvarum. In villa, quæ dicitur Geroldestorp

(a) lege: sive

(b) pro: insignitæ

(c) lege: cassare

destorp VIII. areæ cum quinque mansis & solvunt L. solidos. In villa, quæ dicitur Debbenhem V. areæ & V. mansi, & septem jugeres, & unum molendinum cum usibus pratorum & silvarum. In villa, quæ dicitur Wardegestorp, duæ areæ cum XII. mansis, qui solvant xiv. solidos. In villa, quæ dicitur Wobicke L. areæ & unus mansus, VIII. solidos persolvens, cum usibus pratorum & silvarum. In villa, quæ dicitur Iggersleve XII. areæ & XII. mansi. In villa, quæ dicitur Badenstide I. area & I. mansus. In villa, quæ dicitur Getekole I. area & unus mansus, V. solidos persolvens, cum usibus pratorum & silvarum. In villa, quæ dicitur Dalversleve I. area & unus mansus persolvens IX. solidos. In villa, quæ dicitur Edentorp I. area & I. mansus. In villa, quæ dicitur Hermigestorp XVIII. areæ & XIX. mansi. In villa, quæ dicitur Palligge X. mansi. In villa, quæ dicitur Swerthetose VII. areæ cum septem mansis. Villa, quæ dicitur Ackenthorp tota est hujus Ecclesiæ. In villa, quæ dicitur Hamerickestorp XVI. areæ cum XIII. mansis. In villa, quæ dicitur Bulsterigge XII. areæ cum XII. mansis. In villa, quæ dicitur Boya I. area & I. mansus. In villa, quæ dicitur

Bindhorp III. areæ & XII. mansi & dimidius. Villa, quæ dicitur Dorplogo cum omni utilitate sua. Villæ, quæ dicitur Linswine dimidia cum omni utilitate sua. Villa, quæ dicitur Schorimbecke tota est hujus Ecclesiæ, exceptis tribus mansis cum omni utilitate sua. In villa, quæ dicitur Allende cxxi. mansi & dimidius, & duæ areæ. In villa, quæ dicitur Thiermerode I. mansus & I. area. In Machtenhufen unum panstale. In Beckenhufen dimidium, quæ exsolvunt xxiii. solidos. In villa, quæ dicitur Suammere XII. mansi & dimidius, & xv. areæ. In villa, quæ dicitur Luckestorp VIII. mansi, & XI. areæ. In villa, quæ dicitur Bardewick quadam prædia quatuor solidos solvunt. In villa, quæ dicitur Hellese cxxi. mansi & VIII. areæ & I. silva. In villa, quæ dicitur Rothenesleve VIII. mansi & XIII. areæ.

Actum anno MCXXXVII. Indiēt. I. in magna Synodo, in festo Beati Lucæ Evangelistæ, præsidente sanctæ & universali Ecclesiæ beato PP. Innocentio II. & regnante Lothario III. Imperatore Augusto in gloria. Anno vero Rodolfi Episcopi Venerabilis secundo Electionis & Ordinationis illius feliciter. Amen.

Leuckfeld antiquitates nummarie Halberstadenses pag. 52.

ARNOLDI I. COLON. ARCHI-EPISC. SYNODUS PROVINCIALIS

ANNO CHRISTI MCXXXVIII. INNOCENTII II. PAPÆ IX.
CONRADI III. REG. I.

Solemnis Decisio de primo loco inter Bonnensem & Xantensem Præpositos.

IN nomine Sanctæ & Individuæ Trinitatis. Arnoldus Divinâ clementiâ favente Colonienſis Archi-Episcopus. Aliter pax Ecclesiæ stare non potest, nisi unusquisque frater sui Prioratus locum ordinemque agnoscat, & eo contentus intra propriam mensuram se contineat; hanc igitur rationem attendentes, & unicuique sibi debitum locum & ordinem in Ecclesia servare cupientes, scire volumus (a) tam præſentes, quam futuros cunctos Ecclesiæ Prælatos, & Subdi-

tos, qualiter unius disceptationis scrupulum usque ad nostra tempora indiscussum, justo iudicio terminavimus. Erat nimirum inter fratres antiqua & interminata quaestio, eo quod Præpositus S. Gereonis adversus Bonnensem & Xantensem Præpositum (b), de Prioratus sui ordine & loco semper disceptaret, namque (c) ipse Superiorem eis locum in Choro S. Petri, & in publicis processionibus ac conventibus habere deberet; contra illos (d) se superiorem habiturus locum unâ ratione affir-

(a) volumus

(b) Præpositos

(c) tanquam

(d) illis. *Notæ Cl. Joannis in Spicilegio pag. 5.*

affirmantibus; ex qua disceptatione similitates & odia nascitura timuimus, nisi rem iuste terminaremus. Utriusque igitur partis petitione prædictis Præpositis die ac loco præfixo (e) audientiam dedimus. Dato igitur utrique parti Prolocutore asseruerunt Venerabiles Fratres, Gerardus Bonnenfis (f) Præpositus, ob hoc sibi locum superiorem deberi, quia Ecclesiæ nostræ Archi-Diaconi essent, & illis Ecclesiis præfiderent, quibus Archi-Diaconatus a prima (g) constitutione adjuncti essent, & quia *IN GENERALI SPONDO* & cæteris Conventibus publicis a latere nostro residerent, & ad tractanda sive invenienda seu promulganda iudicia, post reliquos Archi-Diaconos nostros primi essent, (b) econtra frater Bruno S. Gereonis Præpositus dixit, quod ob hoc sibi locus superior deberet, quia sui Prædecessores eum eatenus habuissent, quod tamen reliquus Clerus non fatebatur, nam et si ipse & sui Prædecessores aliquando superiorem locum occupassent, tamen res semper in lite (i) permansit; Deinde, cum utraque pars ad tenorem utrarumque rationum iudicium expeteret, a venerabili fratre nostro Arnolde maioris Ecclesiæ Præposito iudicium quæsiuimus, quo inducias postulante adhuc sub iudicio pendente negotio, ne quod temerarium iudicium præcipitaretur, Venerabilem Dnum Tietuvinum, S. rufinæ Episcopum, qui tunc Coloniae fuit, ad hanc causam accivimus, & Dnum Alberonem Leodiensem Episcopum, Andream Traiectensem Episcopum, Wernerum Monasteriensem Episc. Udonem Osnaburgensem Episcopum, Embriconem Wirzeburgensem Episcopum, & Nicolaum Cameracensem Episcopum, quibus rei gesta ordinem diximus, & quid eis de iudicio videretur, interrogavimus. Hi vero auditis utrobique rationibus, secundum iudicium & consuetudinem omnium aliarum Ecclesiarum adjudicarunt Archi-Diaconis superiorem ubique locum. Iudicium ergo datum hoc modo, &

in nostra præsentia, (k) ac a venerabilibus Episcopis, & Clero approbatum, autoritate S. Petri, & nostra venerabili Gerardo Bonnenfi Præposito, (l) & eorum successoribus, & eorum Ecclesiis in perpetuum confirmamus, & sub anathemate interdicimus, ne aliqua imposterum persona revocet ad litem, quod semel iudiciario ordine debitum accepit finem, & ut inconcussum iudicium permaneat, præsentem paginam sigillo nostro signari, & testes ejus rei subternotare curavimus, quorum hæc nomina sunt: Albero Leodiensis Episcopus, Andreas Traiectensis Episcopus, Wernerus Monasteriensis Episcopus, Udo Ofemburgensis Episcopus, Embrico Wirzeburgensis Episcopus, Nicolaus Cameracensis Episcopus, Arnolde maioris Ecclesiæ Præpositus, Walterus Decanus, Gerardus Abbas S. Panthaleonis, Wilhelmus Abbas S. Martini, Rudolphus Tuitiensis Abbas, Cuno Sybergenfis Abbas, Fridericus Campensis Abbas, (m) Tiebaldus S. Severini Præpositus, Berno S. Cuniberti Præpositus, Beringerus S. Andreæ Præpositus, Fridericus Ss. Apostolorum Præpositus, Wilhelmus S. Mariæ Præpositus, Godefridus Subdecanus, Sigeboldo Cantor, Obertus Scholasticus, & totus S. Petri conventus, cum reliquis Ecclesiarum aliarum Prioribus: de S. Gereone Ruberto Decano, de Ss. Apostolis Arnolde Decano, de S. Cuniberto Volckoldo Decano, de S. Maria in gradibus Volcwino Decano, de S. Georgio Friderico Decano. Acta sunt Coloniae Anno Dominicæ Incarnationis millesimo centesimo tricesimo octavo, indictione iiii, regnante Conrado secundo anno Regni ejus iiii.

Ex Chronico MS. Cunibertino Adolphi de Bingen descripti.

Georgius Christianus Joannis in Spicilegio pag. 5.

COMI.

(e) præfixis (f) & Hermannus Xantenfis
(b) Venerabilis (i) remansit
(l) Hermannus Xantenfi Præposito

(g) primæva
(k) ac deest in Joannis MS.
(m) Theobaldus

COMITIA CONFLUENTINA

COLONIÆ CURIA,

ANNO CHRISTI MCXXXVIII. INNOCENTII II. PAPÆ IX.
CONRADI III. REGIS I.*Conradi III. Sueviæ Ducis electio & unctio in Regem Romanorum.*

Indicta igitur Confluentiæ ad Cathedralē S. Petri XXII. Februarii Comititia studio Alberonis Treverensis Archiepiscopi; ad quæ præter Adalberonem convenere Theoduinus Cardinalis, Apostolicæ Sedis Legatus, Arnoldus Colonienſis Archiepiscopus, tum Brunoni suffectus, Buggo Vangionum Præſul, Fridericus Sueviæ Dux, alique Episcopi ac Principes, a quibus Conradus Dux REX salutatus. Vel eo ad id proniores fuere, quod Legatus Apostolicus Apostolicæ Sedis assensum promitteret, multique cum Adalberone Trevirensi Archiepiscopo averſarentur HENRICI superbi elatos animos, quod ne eligentium quidem gratiam sollicitare dignatus; tanquam aut merito aut rebus præclare gestis, aut terrore potentiæ fasces ultro in manus venturi essent; eoque etiam insolentior erat, quod jam Principes aliquot Regum illi nomen obtulissent.

Quare Confluentiam festinatum; ubi in medio *Quadragesimæ* a Legato Apostolico inunctus est Conradus. Nam Colonienſis, cui id debebatur, quia nondum Pallio decoratus erat, ut Otto (a) *Frisingenſis scribit*, cessit Legato munus. Quinam vero ex Saxoniarum Episcopis interfuerunt, non reperio, certe Saxones principio huic electioni obſistere, quod pro Henrico Duce suo facerent.

Pascha deinde Rex Coloniarum celebravit, magna Episcoporum & Principum frequentia. Nam cum novo istic Rege fuere Theodwinus Legatus Apostolicus, Arnoldus Colonienſis, Albero Trevirensis Archiepiscopi, Embrico Herbipolensis, Albero Leodienſis, Wernerus Monasterienſis, Udo Osnabrugensis, Stephanus Metensis, Nicolaus Cameracensis, Andreas Ultrajectensis, Rudolphus Halberſtadienſis Episcopi.

Horum nomina constant ex tabulis Ultrajectensis & Aquisgravenſis Ecclesiæ, quas illic consignarunt: quarum alteris Conradus Rex Comitatus Friſiæ: Ostergoam & Westergoam, Andrea Traiectenſi Episcopo restituit; alteris prædium Aquisgranensibus confirmat. Tabulas Traiectenſis Ecclesiæ conscripsit ARNOLDUS Colonienſis Archiepiscopus, Vice-Cancellarius.

*Schatenus in Annal. Paderborn. ad b. a.**Ex Heda in Historia Ultrajectina.**Ex Miræi Notitia Belgica C. 149,**Ex Ottone Frisingenſi L. VII. C. XXII.**Ex Pontano Lib. VI. Gelrie.**Ex Gelenio.*

Aquisgrani fuisse coronatum Conradum Regem a Dietwino Cardinali Legato, asserunt Catalogi MS. Archiepiscoporum Colonienſium.

Schannat. Historiæ Wormatiens. Tom. I. p. 353. & Otto Frisingenſis L. VII. c. 22.

unde convenitur erroris Schatenus Confluentiæ cum coronatum narrantis.

(a) Hoc Sæculo XVIII. prodiit anonyma disquisitio:

An Pallium sit necessarium Archiepiscopo inuncturo Regem Romanorum?

Et negativa Resolutio hic:

Interim Legatus Apostolicus nonnisi cedente spontaneâ cessione Arnolde Colonienſis ausus est Regem Conradum in territorio Colon. Archiepiscopatus, ungere.

CONCILIIUM TREVIRENSE

ANNO CHRISTI MCXXXIX. INNOCENTII II. PAPÆ X.
CONRADI III. REGIS II.

SUMMA. Adalbero Archiepiscopus Trevirensis admittit & confirmat primum Præpositum Arneſteinii cænobii.

ANNO Dominicæ Incarnationis cum venerabili conjugē sua Gauda (a) MCXXXIX, Comes Lodewicus castrum suum Armſtein in Trevirensi Diœce-

Diœcesi constitutum ad laudem Dei omnipotentis Patris, & Filii, & Spiritus Sancti in honore Gloriosæ & intemeratæ Virginis Mariæ, & magnifici confessoris Nicolai in manus Godefridi Scholastici, & fratrum de gratia Dei (b) seque & omnia sua libera contradidit voluntate, Marquardus etiam Capellanus, & Notarius ipsius Schwikerus quoque dapifer & alii milites quinque sæculum abdicantes cum ipso sanctæ professionis

habitum induerunt, quorum Pater in Christo jam Dominus Godefridus ipso tempore a venerabili Adelberone Trevirorum Archi-Episcopo, & Apostolicæ Sedis in Teutonico regno Legato, in generali Synodo solenniter est ordinatus.

Browerus in vita Ludovici Comitis de Arenstein edita 1616. Moguntia pag. 10.

[a] Guda Borineburgica, ait Reverendissimus Strivagiensis in Historia Ord. Præmonstratensis.

[b] Gratia Dei, Cœnobium Ord. Præmonstratensis ad Salam Saxoniam situm, e quo Colonia XII. Canonicorum Arnsteinium deducta fuit.

SYNODUS MAGDEBURGENSIS

AB ANNO CHRISTI MCXXIX. AD MCXL. INNOCENTII II. PAPÆ XI. CONRADI III. REGIS III.

SUMMA. Ammenslovensis Monasterii status, mutatio, dedicatio, Abbatis benedictio, confirmatio.

IN Nomine Sanctæ, & Individuæ Trinitatis. Conradus Dei gratia Magdeourgenſis Archi-Episcopus. Quomodo nostri est officii in Divinæ laudis, & Dominici gregis augmento & pia custodia jugiter insudare, ideoque notificamus sanctæ universitati tam præsentis, quam futuri temporis fidelium, qualiter Amenslovenſi Cœnobio in nostra Parrochia sito, perpetuum pacis & libertatis prospectum subsidium. Vir itaque religiosus, Hermannus Comes, nepos meus, cum consensu fratrum suorum Ottonis & Thiederici, eandem Ecclesiam ex hæreditate Parentum suorum constructam in manus piæ memoriæ decessoris nostri Norberti, hujus sanctæ Ecclesiæ Archi-Episcopi libertate donavit, & ex Clericali ordine in Monasticam religionem per Dominum Arnoldum Abbatem ex Bergenſi cœnobio transmutavit. Hæc autem hujus donationis conditio fuit, ut eadem Ecclesia cum Abbate & fratribus inibi Deo famulantibus, sub Mundi-burdio Romanæ sedis constituta, nec cuiquam hæredum, nec ulli prorsus spiritali, aut seculari personæ, quicquam terreni famulaminis vel privati juris debeat, sed libera cum universis attinentiis suis ab omni exactione & violentia in suscepta professione perpetualiter secu-

ra permaneat. *ADVOCATIAM* vero ipse pius Hermannus obtinuit, suisque hanc legitimis hæredibus, & ex ipsis, ei qui natu major foret, concedendam sub tali duntaxat pacto statuit; ut cum assensu vel petitione Abbatis & fratrum omnia faciat, & nulla gravamina, aut violentiam eidem Ecclesiæ, aut famulis illius, aliqua occasione inferat, sed magis pium se illorum defensorem & ad omnem profectum cooperatorem recognoscat, nullumque exinde commodum præter Christi, & beati Petri gratiam requirat. Salubri quoque provisione decretum est, ut obeunte Abbate nec Advocatus, nec alia qualiscunque persona ad dispensationem Ecclesiasticarum rerum sine voluntate & petitione fratrum se aliquatenus ingerat: fratres vero liberam electionem Abbatis infra suum claustrum habeant, in qua nullius violentiam sustineant, cui electioni solus Advocatus intersit, qui tamen nihil privato & quasi potiori, sed communi & simili cum fratribus jure & consilio agere ibi se debere noverit. Quod si inter se idoneum patrem non invenerint, in Bergenſi monasterio, unde primitus ille cæpit, ordo requiratur; quod si nec ibi, de quolibet Episcopi Magdeburgenſis clauſtro, secundum ordinem duntaxat Hirſaugin-

tium dignum eligant. Hanc igitur traditionem vel constitutionem præfatus Archi-Episcopus Norbertus de manu prædicti Comitis Hermannii suscipiens, terribilis banni interminatione per auctoritatem beati Petri & Romanæ Sedis confirmavit, favore & consilio gravium virorum, qui huic negotio intererant, scilicet Episcoporum, Ludulphi Brandenburgensis, Anselmi Havelbergensis, Abbatum Arnoldi Bergensis, Irmenhardi Hildenslovensis, Præpositorum quoque Friderici de majori Ecclesia, Friderici de Bivaria, Wicheri de S. Maria, Jetzonis Decani, Volcoldi vice Domini, aliorumque plurimorum, me quoque præfente & assentiente *cum tota Synodo Magdeburgensi*. Anno Dominicæ Incarnationis. M. C. XXIX. Indictione VII.

Non longe vero post tempore prænominatis scilicet Norberto (a) Archi-episcopo, & Hermannio Comite defunctis, ego Conradus ejusdem sanctæ Magdeburgensis ecclesiæ Dei disponente Clementia, licet indignus ordinatus Archi-episcopus, jam dictis duobus fratribus, cognatis meis scilicet, Ottone Comite, & Thiederico petentibus, primi in præfato loco Amenslove Monasterii dedicationem, Deo annuente cum Domino Anselmo Havelbergensi Episcopo peregi, ubi & omnia de ejusdem cœnobii libertate & Abbatis vel Advocati privilegio, qui prælati sumus a decessore meo, decreta & confirmata, ego quoque decrevi & confirmavi sub gravi anathematis sententia. Cujus rei testes aderant sæpe nominatus Anselmus Havelbergensis Episcopus, Arnoldus Bergensis Abbas, Everhardus Lutherensis

Abbas, Irminhardus Hildeslov. Jezo Decanus. Otto Comes, & tunc ejusdem loci Advocatus cum Theodorico fratre & Bia sorore, qui devotum huic negotio tribuerint assensum, astante innumerabili utriusque sexus multitudine Anno Dominicæ Incarnationis M. C. XXXV. Indictione XIII.

Dehinc ratione & tempore poscente, primum quoque ejusdem cellæ Abbatem venerabilem scilicet virum Bertholdum nomine, libere de Bergensi clauistro electum, ordinavi, ubi nihilominus tertio omnia superius de ipso & ejus Monasterio sancio banno, & præsentis privilegii testimonio corroboravi, annuentibus, & summo studio corroborantibus *Wichero (b)* Brandenburgensi episcopo, Arnoldo quoque Bergensi, Irminhardo Hildeslov. Johanne Ballenstadiensi, Burcardo Wimodeburgensi Abbatibus. Gerardo Præposito majoris ecclesiæ, Friderico Præposito de Bivara, Evermud Præposito S. Mariæ, Theodorico cum Bia sorore, aliisque quam plurimis, *coram omni Ecclesiâ Magdeburgensi*. Hujus rei ergo testamenti constitutionem sigilli nostri impressione roboratam pro Cœnobio Amensloven, & omnibus attinentiis ejus, quæsitis vel adhuc inquirendis per inconvulsam B. Petri & Romanæ Sedis, nostræque auctoritatem perpetuo anathemate & Divini judicii interminatione confirmamus. *Data Calendis Januarii, anno Dominic. Incarnat. MCXL. Indict. III.* Actum Magdeburg in Dei nomine feliciter. Amen.

Leuckfeldt antiquitat. Bursfeldens. Cap. 3. pag. 55.

(a) S. Norbertus obiit 1134. 6. Junii.

(b) Wigerus ex præposito Ecclesiæ B. M. V. Ordinis Præmonstratensis, anno 1139. eligitur Episcopus Brandenburgensis, obiit 1160. XVII. Kal. Septembris.

CONVENTUS RATISPONENSIS

ANNO CHRISTI MCXL. (a) INNOCENTII II. PAPÆ XI.
CONRADII III. REGIS III.

SUMMA. Quod Palatinus de Wittelspach nullam jurisdictionem in Ministros Episcopii Frisingensis habeat, sed solus Episcopus Frisingensis.

IN Nomine Sanctæ & Individuæ Trinitatis. Chunradus Divina favente Clementia Roman. Rex secundus. Sicut Divina præordinante Clementia cæ-

(a) Error typi est. Spectat hæc Charta ad 1143. adeoque triennio postponenda.

teris mortalibus quodammodo supereminemus; sic etiam Ecclesias & Ecclesiasticas personas ab invasione quorumlibet regali potentiâ a Deo nobis concessâ defendere debemus: per hoc enim & temporalia nostra successu reguntur prospero, & ipsius miserante clementia, qui dat salutem Regibus, gloriâ & honore coronabimur in celo. Noverit igitur omnium tam futurorum quam presentium industria, qualiter Palatinus Otto Witelinespach nostra fretus ammonitione judiciaria potestate, quam super Ministeriales Ecclesiæ Frisingensis jure advocatiæ habere videbatur, prorsus abnegavit, & in presentia Episcoporum & cæterorum Principum, compensata sibi tamen consensu totius Ecclesiæ convenienti utilitate secundum consuetudinem curiæ omnino exstercavit. Hujus rei gratia petitione charissimi fratris nostri Ottonis ejusdem Ecclesiæ venerabilis Episcopi, tam pro conservanda Frisingensis Ecclesiæ antiqua libertate, quam pro reformanda pacis tranquillitate constituimus, edicto regali præcipientes, ne præfatus Palatinus vel aliquis hæredum suorum ullam deinceps judicariam potestatem super Ministeriales Frisingensis Ecclesiæ sibi usurpare præsumat; sed ipsi Domino suo Episcopo debita subjectione inserviant, & jure cæterorum Ministerialium sine aliqua inquietatione fruantur. Si quis vero, quod absit hujus præcepti nostri constitutum, infringere

tentaverit, mille libras auri purissimi componat, quarum partem dimidiam Cameræ nostræ, reliquam vero præfatæ Ecclesiæ persolvat. Ut autem hujus præcepti nostri pagina firma & inviolabilis omni tempore permaneat, impressione sigilli nostri eam insigniri iussimus, manu propriâ, ut infra apparet, corroborantes. Testes, qui aderant, subter notari fecimus; quorum nomina hæc sunt: *Theodericus Sanctæ Ruffinæ Episcopus, Apostolica Sedis Legatus, Heinricus Ratisponensis Episcopus, Embricho Wirceburgensis Episcopus, Theobaldus Marchio, Fridericus Advocatus Ratisponensis, Henricus Præfectus Ratisponensis, Udalricus Comes de Lenteburch, Gebehardus Comes de Sultzebach, Adalbertus Comes de Bogen, & filius ejus Hartwicus, Engilbertus Comes Hallensis, Chunradus Comes de Dachowe, Conradus Comes de Valeja, Waltherus de Lovenhusen, Marquardus de Bruenbach, Adalbertus de Moseburch, Otto de Steina, Bernhard de Eigelwanck.* Signum Domini Chunradi romanorum secundi Regis invictissimi. Ego Arnoldus Cancellarius vice Henrici Moguntini Archiepiscopi & Archie-Cancellarii recognovi. Anno Dominicæ Incarnationis MCXLIII. Indiæ. III. regnante Chunrado romanorum Rege II. anno regni ejus III. Data est Ratispone in Christo feliciter. Amen.

Lunig. Parte II. Spicilegii Ecclesiastici pag. 231. 232.

SYNODUS SALTZBURGENSIS

SUB CONRADO I. ARCHIEPISCOPO SALISBURGENSI.

ANNO CHRISTI MCXLI. INNOCENTII II. PAPÆ XII.
CONRADI III. REGIS IV.

Conradus ab Innocentio Papa delegatus Judex cognoscendæ causæ: an Pabo Abbas S. Emmerani in Diœcesi Ratisbonensi Simonia accusatus jure sit depositus ab Henrico Ratisbonensi Episcopo?

Circa annum 1141. decesserat Engelfridus Abbas S. Emmerani, in cujus locum susceptus Pavo vel Pabo, quem de Simonia petiit Henricus Episcopus Ratisbonensis loco movit.

Re ad Innocentium Papam delata hic Conrado Archiepiscopo mandat per litteras cognitionem causæ, ut ad Ratis-

bonensem Ecclesiam per semetipsum accedens diligenter inquirat, an iudicium de simonia rite & ordine fuerit institutum: sin; Abbatem loco restituendum. Conradus indixit Synodalem Conventum iudicium retexit & Abbatem Pavonem absolvit ab impaeto crimine.

Quo facto Pontifex litteras per eundem

dem abbatem ad Episcopum dedit pro restitutione.

Henricus Episcopus contempsit litteras Pontificias nec accipere voluit, earumque latorem gravibus contumeliis affecit.

Quare Innocentius repetitas scripsit, quas per Archi-episcopum voluit præsentari Henrico, ne, inquit, aut despiciantur, aut earum sententia clam habeatur.

Erat autem reprehensio Episcopi ex his capitibus. I. Quod Monasterium S. Emmerani ad Romanam Ecclesiam pertinens ditioni Apostolicæ subtrahere nitatur; 2do quod litteras ad se missas earumque delatorem contumeliis affe-

rit, 3tio quod ad Synodalem Conven- tum venire contemserit: ad extremum mandat Papa, ut intra viginti dies Abbatem integre restituat, alioquin ab officio Episcopali se noverit interd- ctum.

Hansitz Germania Sacra Tom. II. pag. 240.

Effectus hujus Concilii ignotus est. Certe catalogo Abbatum Emmeranen- sium nullus visitur ad hoc tempus Pavo, sed Engelfrido subjicitur Bertoldus ex Monasterio Admontensi accitus. Vero- simile est Pabonem jure suo sponte ces- sisse.

Hæc Hansfzii reflexio ad hunc annum Germania sacra Tom. II. pag. 240.

SYNODUS TREVIRENSIS

Anno Christi MCXLII. Innocentii II. Papæ XIII.
Conradi III. Regis v.

- SUMMA.* §. I. *Relatio litterarum Apostolicarum ad Alberonem in Synodo.*
§. II. *Investitura Abbatis Sprinkirsbacensis de Ecclesia Keimeta.*
§. III. *Oppido Cellarum providet de curionibus.*
§. IV. *Ecclesiæ Elræ matriçi restituit jus antiquum decimarum.*
§. V. *Augustinianos in Valendra collocat.*
§. VI. *Epistola apologetica S. Bernardi ad Papam pro juris-
dictione Metropolica contra appellationes ad Curiam
Romanam.*

§. I.

Fratres de ecclesia Confluentina Alberonem quoque infestare cœperunt. Præpositum enim contra ejus voluntatem elegerunt, virum nobilem Dominum Ludovicum de Isenburg, cum quo Romanam magnis expensis pergentes, litteras Apostolicas retulerunt Domino Archi-Episcopo, suæ voluntati valde contrarias. Quas cum Domino Archi-episcopo in Synodo residenti obtulissent; ipse ex animi commotione ipsas in terram abjecit. Unde apud Dominum Papam Innocentium II. accusatus, ab ipso est vocatus ad diem præscriptum: & cum ad diem non venisset, Episcopali est officio suspensus. Hæc mala omnia venerunt simul super illum, & de his omnibus liberavit eum Dominus. Romanam enim veniens effecit, quod abbas

S. Maximini obedientiam ei promisit, & juramento fidelitatem fecit, & electionem Confluentinorum cassavit.

*Gesta Treverorum apud Illum Hontbe-
mium Prodvomi Historia Trevericæ
Parte posteriore pag. 776.*

§. II. Nactus est a Wilhelmo (fuit is Comes Palatinus) Ecclesiam Keimetam Albero: quam in pleno Synodi conventu Richardo Sprinckirsbacensi (Abbati) cum investiendi jure, cum quinquaginta pauperum refectioe eodem in loco procurata.

§. III. Insuper deductos aliquot ex Monasterio cœnobitas, S. Petri montem cum Ecclesia insidere voluit, ad cujus montis radices Cellarum oppidum Mosellæ visitur, quorum scilicet id munus esset, ut tanquam Curiones istuc

ex

ex universa se incurvantis annis parocia venientes, & sacro fonte lustrarent, & vivos Sacramentis, Deique verbo pascere, & mortuos sepelirent.

§. IV. Hac eadem in Synodo causa Ecclesiæ Elræ, pagi apud Mosellam non obscuri, agitata videtur, ob jus antiquum illi ab Edegranis vicinis ademptum, vel interversum. Quippe vicini tractus Ecclesiarum complurium per fluminis sinum mater numerabatur Elrensis Parochia, S. Hilario sacra, cui vicinitas omnis proluxa liberalitate censum & decimas inferebat: cum forte Edegrani, erecto S. Arnulphi memoriz facello, & quæsito sacerdote, Divina sibi seorsim procurare, & condere domi mortuos cepere: atque, ut difficulter invalescenti obsistitur consuetudini, evenit post hæc, ut Lambertus Curio, seu ob paucitatem suorum, seu benevolentiam erga vicinos, Synodi senatum in Edegram, quod fieri in Elra solebat, transferret, quo uno facto latebra quæsita occultandi vel obruendi verus Elrensius jus: qui, cum hoc tempore fructu & prisca dignitate carerent, depellendæ servitutis gratia causam suam apud Alberonem dixere, cum præ-

cipuo jam tum jure nixi Edegrani, ad templi sui sacra tecta, & novorum operum molitiones ab his subsidia cogerent. Etsi vero quid pro æquo & bono in Synodo definitum sit, non satis ex veteribus cognoscatur, Alberonem tamen apparet Elrenses à servitute vindicasse: at penes Edegranos reliquisse prærogativam occupati honoris.

§. V. Eadem in Synodo familiæ S. Augustini cœnobitas, Folmanni Abbatibus rogatu e vico Lonechio in pagi Valendræ viciniam proxime Rhenum apud Confluentes transtulit, raraque beneficentiâ complexus advenas, novallium, & pecorum decimas eis remisit, similique onere fundos, quos in prædio Valendra Reinbaldus & Sigefridus Isenburgii donarant, levavit. Denique ab omni solutis sæcularium jurisdictione, retento sibi imperio summo, juris administrandi copiam fecit. Acta hæc Trevis in generali Synodo anno MCXLII. Indictione V. testes cum aliis Godefridus Prumiæ, Bertolfius S. Eucharii, Gisbertus de Lacu, Stephanus de Mediolacu Abbates. Walramus Arluni, Fricus Viennæ Comites.

Browerus L. XIV. Annal. ad b. a.

§. VI. *Epistola S. Bernardi, qua Innocentium II.*

Papam M. orat pro tuenda Alberonis Archi-Episcopi Treverensis Metropolitica auctoritate, præsertim adversus appellationes ad Sedem Romanam.

A Mantissimo Patri & Domino Innocentio summo Pontifici suus Bernardus, quod suus. Fideliter loquor, quia fideliter amo. Nec enim sincerus est amor, ubi dubietatis scrupulus suspicionis fecem retinet. Querimonia Domini Trevirensis non est ei solius, sed communis multorum; eorumque præcipue, qui sinceriori affectu vos diligunt. Vox una omnium, qui fidei apud nos cura populis præstunt, justitiam in Ecclesia deperire, annullari Ecclesiæ claves, episcopalem omnino vilesce auctoritatem, dum nemo episcoporum in promptu habebat ulcisci injurias Dei, nulli liceat illicita quævis, ne in propria quidem parocia, castigare. Causam referunt in vos, curiamque Romanam. Recte gesta ab illis (ut

ajunt) destruitis, juste destructa statuitis. Quique flagitiosi & contentiosi de populo sive de clero aut etiam ex Monasteriis pulsati currunt ad vos, redeuntentes jactant, & gestiunt, se obtinuisse tutores, quos magis ultores sensisse debuerant. Annon gladius Phinees promptissime atque justissime eductus fuerat ad condemnandum incestuosum concubitus Drogonis & Milis? Sed confusus atque retusus abiit retrorsum, scuto nimirum Apostolicæ defensionis opposito. Proh pudor, quos cachinnos res ista movit, & movet Ecclesiæ inimicis, eisque etiam ipsis, quorum fortasse metu aut favore a recto tramite abducti sumus! Amici confunduntur, fidelibus insultatur, Episcopi ubique in opprobrium veniunt & contemptum,

Tomus III. Concil. German.

X x

quo-

quorum dum recta iudicia contemnuntur, vestra quoque plurimum derogatur auctoritati.

Ipsi sunt enim, qui honorem vestrum zelant, qui vestra pro pace, & exaltatione laborant fideliter, quidem, sed vereor, ne ineffaciter. Quid vobis vires minuitis? Quid robur vestrum deprimitis? Quousque retunditis arma fidelia militanti vobis, humilitatis corona erecta vestra virtutis, & salutis? Plorans plorat desolationem suam apud Tullum Ecclesia S. Gangulphi, nec est, qui consoletur eam. Quis se enim opponat brachio excelsio, torrentis impetui, summæ arbitrio potestatis? Eandem se sustinere beatus Paulus violentiam apud Virdunum conqueritur, Archi-episcopo jam non valente eum defendere ab infamia Monachorum, quippe Apostolicis sustentationibus amplius confirmata; quasi non satis per se insanirent. Quid queris novæ rationis tandem inventum est, ut, quod semel bonæ famæ & vitæ canonicis vestra fuerat provida, & necessaria dispensatione concessum, secundo confirmatum, tertio, ut ajunt, roboratum, rursum veniat in jus, revocetur in discussionem? Siquidem & duo illa supra memorata, per vos nihilominus sancita, per vos & convulsa dicuntur. Talibus hostiis non promeretur Deus, heu, non placatur ira, non conciliatur gratia, non provocatur misericordia. Pro his atque similibus necdum avertitur furor Domini; sed adhuc brachium ejus extentum, & virga illa apud Hieremiam vigilans super peccata nostra.

Et quidem iratus est Deus Schismaticis: sed Catholicis nequaquam propitius. Ecclesia quoque Metensis gravi (quod vobis bene compertum est) Episcopi & Clericorum contentione periclitatur. Super quo, quid discernere vobis placuerit: vos scitis: sed pax nondum est, nec proxime futura speratur. Ego (ut quod super his meæ visum est parvitati, non taceam) & hoc & duo illa alia, Tullenſe dico & Virdunense, terminanda negotia securius Metropolitano atque convenientius posse committeri putaverim, qui & omnia novit, & in multis probatus, Ecclesiæ testi-

monio fidelis inventus est. Alioquin videte, quid illis Episcopis faciatis, Metensi scilicet atque Tullensi, quia, si verum fatear, videntur esse absque episcopis, & utinam absque tyrannis. Tales cum defensores, sustentantur, honorantur, foventur, mirantur nimirum, & scandalizantur multi, qui illa in minoribus & vita eorum certissime sciunt, quæ magis essent, non dico in Episcopis, sed etiam in quibuslibet secularibus damnanda penitus & execranda. Quæ quidem & me scribere puduit, nec vos decuisset audire. Esto, quod nemine accusante, non possint deponi; nunquid tamen, quos passim accusat fama, Apostolica sedes essent familiaritate speciali donandi vel amplius exaltandi?

Quoniam enim merito suæ vel sacerdotalis sanctitatis vel episcopalis honestatis obtrivit Metensis, ut & electio facta a canonicis, ad nutum ejus una cum Ecclesiæ libertate cassetur, & Primicerius ad consilium ejus contra illius Ecclesiæ privilegia eligatur? Quam justius honestiusque, si vestra placuisset discretioni, homo majori dignus honore, debito proprioque non privaretur? Treverensem dico, quem & ab hoc, & a cæteris Dicecesis sive terminandis negotiis, quasi suspectum, aut minus expertum non sine murmure multorum Deum timentium exclusistis. Credite fideli vestro, quia Provinciæ illi, quantum comperi, omnino non expedit.

Hæc scribens præsumptionis metuerem notam, si nescirem, cui, & nescirem, qui scribam, sed novi ingentem mansuetudinem vestram; novi & me notum vobis, & affectum, quo hæc audeam apud vos dulcissime & amantissime Pater. Iterum de Treverensi, ut sciatis, qualiter nuntium ejus suscipi oporteat, & verba, quæ portat, dico vobis, quod magnum locum tenet in regno illo, vobis & Ecclesiæ Dei homo fidelis & constans & nullatenus malevolis & subversoribus assensum præbens, a quibus non deest eis frequens & satis importuna tentatio; nec deerit insultatio, si quo minus a vobis eum exaudiri contigerit. Nuntium in fine commendare volui, sed satis eum suæ honestatis

honestatis commendant merita, præcipueque amor specialis & fidelis devotio, quia ipsam vobis firmiter inhærere,

si non crederem, nequaquam per eum tam familiaria scriberem.

Illmus Hontbemijs Tomo I. Historiæ Diplomaticæ Treverensis No. CCCLIX.

Epist. 178. S. Bernardi ex Editione Merloni Horstii adnotantis, hanc Epistolam consonare Capiti II. Libri III. de Consideratione ad Eugenium Papam, in quo Sanctus Doctor gravi querimonia intempestivas provocaciones ad Romanam Curiam, earumque incommoda, vehementer perstringit. Similis est illa Bromeri Lib. XIV. Annal. Treverensium ad hunc locum Alberonis Epistola. In his itaque motibus, cum pars offensa, læsæque ad Archi-Episcopum configere, Episcopi Provinciales pars Metropolitanum iudicem reculare, & Romanæ Curie judicia periclitari præoptant, illico omnibus patefit janua iussa atque iudicata detrectandi, miscendi per æqua iniqua, infima summis. Unde ad extremum deterrima cuique licentia incidebat ab Archi-Episcopo provocandi ad Apostolicæ Sedis tribunal contra sui Episcopi decreta. Merlonius in annotationibus ad Tomi I. S. Bernardi pag. 53.



CONCILIIUM PROVINCIALE MOGUNTINUM,

AB HENRICO ARCHI-EPISC. MOGUNTINO CELEBRATUM,
Anno Christi MCXLIII. Cœlestini II. Papæ I.
Conradi III. Regis VI.

SUMMA. Lis, quæ Erfordiensem, & Disibodebergensem, Abbates diutine exagitaverat, componitur.

IN Nomine Sanctæ & Individuæ Trinitatis. *Heinricus*, Dei gratia, Maguntienfis Ecclesiæ Archi-Episcopus, notum fieri volumus cunctis Christi-fidelibus præsentibus & futuris, quomodo Sancti Spiritus inspiratione, & nostro, aliorumque Venerabilium & Religiosorum Virorum consilio, determinata sit diuturna altercatio Fratrum Ss. Apost. Petri, & Pauli, in Erphesfurt, & Fratrum de S. Disibodo, super injusta prædii ablatione in Biscofesrode: multis annis plures Synodos prædictorum Monasteriorum Abbates frequentaverunt, utrique Privilegia, & viros testes legitimæ traditionis coram præsentare se posse proclamaverunt, sed nec iustitiam, nec misericordiam obtinere valuerunt.

In *Generali* ergo *Synodo*, quam apud *Moguntiam* habuimus in mense Martio, prædictorum Monasteriorum Abbates in Synodo surrexerunt, antiquam querimoniam super deprædatione locorum sibi commissorum replicaverunt, & iustitiam Synodi super hoc postulaverunt. Placuit igitur nobis, & venerabilibus Abbatibus, religiosisque Præpositis, utri-

usque Ordinis, aliisque sapientibus Viris, tam Ecclesiasticis, quam Sæcularibus, ut non iustitia, sed consilio duarum partium, altercatio terminaretur; quod, cum utraque partes laudassent, in id consilii totus *Conventus* unanimiter concordavit, ut quicquid prædii de Biscofesrode possessores iniusti, nostra auctoritate cogente, sive pretii quantitate suadente, remitterent, prædictorum Fratres Cœnobiorum inter se charitative perpetuatim dividerent; si aliquid pro redemptione dandum esset, æqualiter darent, redemptumque æqualiter possiderent: si una congregatio aliquid ex hoc prædio reacquireret, redemptum eadem cum alia partiretur. Ergo notum sit unicuique nos ejusdem prædii partem; Curiam videlicet a *Giselberto*, quondam Vice-Domino recepisse, & eam prædictis Abbatibus æqualiter dividisse. Item; notum esse volumus: quod Cella S. Martini juxta Falkanaha, & prædia ad illam pertinentia non sunt cum hoc prædio dividenda, quoniam Dominus *Ruthardus* Archi-Episcopus, cujus nos vicem gerimus, ante plures annos, quam prædium in Biscofesrode ad Erpesfurt dele-

garet, suadente fratre suo, Domino videlicet *Diedone*, qui eam sibi specialiter mansionem elegerat, eandem Cellam cum prædiis ad illam pertinentibus Sanctorum Apostolorum Principibus delegavit.

Ut autem hæc omnia, quæ a nobis determinata sunt, & in hac Cartha prænotata, rata & inconvulsa permaneant, auctoritate sigilli nostri corroboravimus, ut nulli post hæc liceat horum aliquid permutare, vel irritum facere. Istarum autem rerum Testes sunt:

Burchardus, Argentinenfis Episc.
Anselmus, Havelbergenfis Episc.
Hartmannus, majoris Ecclesiæ Decanus,
 & S. Stephani Præpositus.
Heinricus, majoris Ecclesiæ Custos, &
 Erphesfurdensis Præpositus.
Gerlacus, Sancti Victoris Præpositus.
Arnoldus, Præpositus, & Camerarius.
Gotboldus, Friteslariensis Præpositus.
Magister Willehelmus.
Gozbertus, Cantor, & Præpositus.
Adelbardus, S. Severi Præpositus.

Abbates:

Wernerus, de S. Albano.
Folmarus, Hirsaugiensis.

Cono, S. Disiboti.
Heinricus, S. Jacobi.

Regulares Præpositi.

Erenfridus de Winckele.
Antonius de Elefestat.
Guntberus de Lupoldesberc.

Comites.

Emicho de Limungen.
Conradus de Chirchberc.
Dammo de Hagenovva.
Wiggerus, & frater ejus *Godefridus* de
Huße.

Retberus de Wende.
Dudo de Rastberc, urbis Præfectus.

Ministeriales:

Embrico, Ringravius.
Dudo, & *Meingoz* frater ejus.
Rotbardus, Vice-Dominus.
Dudo, Scultetus.
Cunrat de Gemmare.

Acta sunt autem hæc anno Domin. Incarnationis Millesimo, centesimo, XLIII. Indict. VI. Regnante Rege *Cuonrado*, hujus nominis Tertio.

Ex codice MS. Bibliothecæ S. Michaelis
 Bambergæ descriptis Cl. Schannat.
 b. mem.

§. II. Diploma Henrici Archi-Episcopi Moguntini in eadem Synodo, quo bona & possessiones Monasterii S. Petri Erfordiae, sub protectione sua recipit.

IN Nomine Sanctæ & Individuæ Trinitatis. Notum sit omnibus Christianis Fidelibus tam modernis, quam postfuturis, quod Ego HENRICUS DEI gratia Moguntinæ Sedis Archi-Episcopus Prædecessorum meorum Religiosis Institutis devota mente consentio, & quidquid ab eis in honorem Dei, & laudem sancitum est, sanctum teneo, & quidquid ab eis canonice reprobatum est, irritum teneo, & quidquid ab eis Ecclesiastica auctoritate in melius commutatum est, utilitatis aut necessitatis causa, ratum esse censeo; si quid vero ex his, quæ decreverint per negligentiam, vel antiquitatem depravatum est, aut oblivioni traditum est, libenter & devote pro consilio Catholicorum Virorum, & pro posse meo restauro; hujus itaque benevolentiae constantia firmatus, Abbatiam S. Petri in Erffort in patrocinium meæ defensionis assumo, &

quidquid honoris & utilitatis ab antecessoribus meis ei collatum est, Ego non imminuo, imo si adhuc quid deest, libenter supplebo: enim vero cum tempore Archi-Episcopi SIFRIDI, Canonici absque Monachis Erphesfurt Deo servirent, & contemnentes sæculum se extra Erphesfurt ad Monachorum transferrent consortium, ex consilio Canonicorum, Monachorum, Laicorum, zelum Dei habentium, Canonicos, qui tunc Montem S. Petri inhabitabant, cum charitate, & pastoralis dispensatione removit, & celebrata Synodo omnibus Catholicis, qui ibi aderant, unanimiter in ipsum consentientibus, Monachos ibi substituit, ut in tam celebri loco penitentes invenirent, quo confugerent, & sæcularium hominum ineptias, Monachorum orationes, & exempla temperarent, quod postquam Banno, & Privilegii sui attestatione confirmavit, prædictam

dictam Abbatiam, tam ipse, quam successores illius prædiis & mancipiis, cætarumque necessarium rerum largitionibus, magnifice locupletavit, & ab omni sæculari exactione, & ab omni personarum sæcularium prægravatione, eam liberam esse constituit, sicque factum est, ut locus ille cooperante Gratiâ Dei in omnibus feliciter procederet, & per oblationes Fidelium, usque ad hæc tempora pulchre & honeste subsisteret: unde & antecessores mei eundem locum in defensione sua habuerunt, & eum diligentes instituta illius Privilegiis firmaverunt, ego quoque Majorum meorum beneficentiæ consentiens, Litterarum & Sigilli mei confirmatione & sub vinculo anathematis decerno, ut quidquid ipse locus habet in prædiis, in mancipiis, pascuis, sylvis, cultis & incultis, in areis, ædificatis & ædificandis, in pratis, & agris, in molendinis, in hortis, aquis, piscationibus, aquarumque decursibus, denique in omnibus rebus utensilibus & possessionibus seu modo habitis & hic subscriptis in Erffort, in Alich, Bindersleben, Tuteltete, Weytere, Mulhufen, Stuchsfurt, Honige, Tisental, Crotendorf, Nabawinede, Bachstete, Franckenrode, Enzenrode, Eislebyben, Aischere, Abterode, Huren, Baldestete, Walren, Swestete, Urstete, Gostenstete, Rode, Frinstete, Geurisyben, Ingerisyben, Eislebyben, Buseleyben, Kirspeleyben, Vipeche, Tutileyben, Aroltishaufen, Tunzrenhufen, Fladehindorf, Hainme, Rugerisyben, Suzere, Summeringen, Tabeha, Talheim, Topfstete, Blanckenberg, Urleyben, Hagen, Hochdorff, Golsa, Kirchenheiligen, Gisbotisleyben, Hachstete, Linderbach, Mittelhausen, Tundorf, Eichelborn, Balnhufen, Bolestete, Dachebeche, Turowa, Bisschoverode, Berringen, Muncheszelle: seu adhuc iuste adipiscendis, a nullo lædatur, a nullo calumniam malitiose patiatur, sit liber ab omni sæculari exactione, ab iniusta Advocatorum, seu aliarum laicarum

personarum prægravatione, in eligendo Abbate liberam in Deo habeat potestatem, vel in proprio, vel alieno Claustro ejusdem conversationis: quod si omnium Prædecessorum meorum Privilegia, vel per negligentiam perditâ, vel quod absit incendio fuerint concremata, hujus Privilegii nostri auctoritate, sint cuncta pleniter reparata: si quis contra auctoritatem, rapinis, incendiis, vastationibus, seu aliis infestationibus inquietaverit locum illum, cum Diabolo & Angelis ejus, æterno nunquam salvandus, deputetur incendio. Hujus ita nostræ Confirmationis Testes sunt: BURCHARDUS Argentinenſis Episcopus, ANSELMUS Havelbergensis Episcopus, Hartmannus Majoris Ecclesiæ Decanus & S. Stephani Præpositus, Henricus Majoris Ecclesiæ Custos & Erffordensis Præpositus, Gerlacus S. Victoris Præpositus, Arnoldus Præpositus & Camerarius, Goteboldus Frislarieſis Præpositus, Magister Wilhelmus, Gozbertus Curator & Præpositus, Adelhardus S. Severi Præpositus. *Capellani*: Godefridus, Conradus, Gisilbertus. *Abbat*: Wernherus de S. Albano, Volmarus Hirſaugienſis, Cuno S. Disiboti, Henricus electus S. Jacobi. *Regulares Præpositi*: Erenfridus, W. de Winchele, Antonius de Elefestat, Gunterus de Lupoldesberg, Emicho de Linungen, Conradus de Chireberech, Tammo de Hagenowe, Wiger & frater ejus Godefridus de Hufte, Retherus de Werede, Dudo de Rusteberg urbis Præfectus. *Ministeriales*: Embrico, Ringevis, Dudo, & Megengotus frater ejus, Ruthardus Vice-Dominus, Dudo Scultetus, Conradus de Gesmare.

Acta sunt hæc anno Dominicæ Incarnationis Millesimo, Centesimo quadragesimo tertio, indictione sexta, regnante Rege Conrado hujus Nominis tertio. Data Moguntia XIII. Kal. Aprilis, per manum Sigeloi Notarii.

Ex Codice MS. Erfordienſi.

SYNODUS LEODIENSIS

ANNO CHRISTI MCXLIV. LUCII II. PAPÆ I.
CONRADI III. REG. VII.

Adelbero Episcopus ratificat transitum Ecclesiæ Alnensis a communi Clericorum vita ad professionem Regulæ Canonice S. Augustini.

EGO Adelbero Dei gratia Leodien-
sium humilis Minister, Alnensem
Ecclesiam considerans quotidianis labo-
rare defectibus, & cum detrimento re-
ligionis facultatum & possessionum sua-
rum grave sustinere dispendium, *com-*
municato cum Ecclesia nostra consilio postu-
lanti venerabili fratre Radulfo loci ipsius
Abbate: qui de *communi* Clericorum
vita ad *regularis* professionis se nitebatur
transferre propositum, Ecclesiam ipsam
secundum regulam B. Augustini censui
sub ejusdem personæ regimine conveni-
entius ordinandam. Quo de religionis
proposito, quod in animo habebat im-
plente, piæ conversionis effectu & ad
Dominum sub regulari habitu tota men-
tis intentione conversio confirmare dig-
num duxi, Pontificalis autoritatis mu-
nimine, quod agebat, & novum Ec-
clesiæ statum ad honorem Dei & Apo-
stolorum Principis Petri & Pauli, quo-
rum honore & nomine dedicata prædi-
cta esse cognoscitur Alnensis Ecclesia
mansuro in perpetuum privilegio com-
munire: ne novella plantationis germi-
na male radicata & novus turbo disper-
deret & antiquus ille Christiani nominis
inimicus aditum inveniret, quo pullu-
lantis boni honestatem devenustare pos-
set in semine. Statuimus ergo & epis-
copali autoritate decernimus, ut præ-
dicta Ecclesia sub regulari habitu, &
B. Augustini regula perpetuo in poste-
rum tempore perseveret, nullique un-
quam sæculari vel Ecclesiasticæ personæ
liceat nostrum hoc mutare vel evacuare
decretum: sed in convulsa maneat &
illi tota nostra dispositio, & decedente
ipsius loci Abbate, secundum Canonum
instituta & B. Augustini regulam suc-
cessor eligatur idoneus, cum nostro ac
successorum nostrorum assensu & dono,
qui & Leodiensi Ecclesiæ debitam in
omnibus exhibeat subjectionem, &

obedientiam secundum antiquam ejus-
dem Ecclesiæ consuetudinem in ordine
vicis suæ mihi & successoribus meis, cum
necessitas fuerit, tanquam Capellanus
assistat, salvo statu & honestate ordinis
sui & juxta religionis propositum circa
subditos salutem operetur animarum.
Habitus autem Deo inibi servientium
fratrum talis erit, qui occasione vanita-
tis careat & nihil novitatis aut superflui-
tatis redoleat. Cappas gestent nigras,
& superpellicea linea, quæ ne repre-
hensionis aliquid aut detractionis ha-
beant. *Ne si forte causis exigentibus in con-*
ventum nostrum venerint, dissimiles nobis ha-
bitus novitate inveniantur. Si quis autem
hanc nostræ constitutionis paginam sci-
ens temere contraire tentaverit, &
quod tam juste quam rationabiliter fa-
ctum est, voluerit iniqua machinatione
convellere, æternæ maledictioni subja-
ceat, atque a Sacratissimo Christi JE-
SU corpore & sanguine alienus fiat, &
Apostolorum Principis Petri & Pauli
sentiar offensam, quos eadem Ecclesia
defensores habet & Advocatos. Actum
Leodii feliciter Anno ab Incarnatione
Dom. MCXLIV. Indiēt. VII. regnante
Conrado hujus nominis II. præfidente
Leodienſi Cathedrali Alberone II.

Huic rei testes interfuerunt: Henri-
cus Præpositus, Ebertus Archi-Diaconus,
Dodo Archi-Diaconus, Joannes,
Philippus, Archi-Diaconi. Rembaldus
Decan. Nicolaus Canonicus, & Præ-
positus S. Dionisii, Guido de Wahart
Canonicus, Petrus Canonicus, Baldui-
nus Canonicus & Magister Scholarum,
Ebertus Abbas S. Jacobi, Wahelinus
Abbas S. Laurentii, Lucas Abbas bea-
torum Apostolorum in Cornelio-monte,
Arnulfus Abbas de Gemblou.

Fisen Historiæ Leodiensis Lib. X.

In notationibus adjectis pag. 405. 406.

CONCILIIUM PROVINCIALE H A L L E N S E.

SUB CONRADO I. SALZPURGENSI ARCHIEP. CELEBRATUM,

Anno Christi MCXLV. Eugenii III. Papæ I.

Conradi III. Regis VIII.

*In causa controversa inter Burensis & Admontensis Monasteriorum,
Abbates.*

SCiant tam præsentēs , quam etiam posterī , quod *Udalricus* , liber homo de *Elfsendorff* cum sæculo renuntiare deliberaret ; *Burense* Cenobium adiit , filiamque suam , nomine *Richizam* secum adduxit , & an ibi remanere posset ad profectum salutis suæ , solerter explorare cœpit ; nulla obedientiæ professione vel præmissa , vel sequente ; gladium deposuit , filiam suam non super Altare , sed coram Altari , in manus *Chunradi* , *Salisburgensis* Archi-episcopi , ad Monasticæ vitæ professionem Deo obtulit : pro remedio autem animæ suæ curtem i. in *Elfsendorff* cum vineis suis , quas in montanis ex hæreditate patris habuerat , eidem Altari tradidit , reliqua sibi , filiaque suæ servare deliberavit , donec videret , si ibi remanere sibi complaceret.

Videns tandem non esse sibi proficuum , si se per obedientiæ vinculum astringeret ad idem Cenobium , tum quia Monasticæ Religionis ibi collapsum fuerat ædificium , tum quia *Augustensis* Episcopus idem impetebat Monasterium , volens illud in suum trahere Dominium , sicut libere venerat , sic libere de eodem loco recessit , filiamque suam , quam in manus Archi-episcopi , Deo coram Altari , non super Altare obtulerat , secum adduxit , ac in nostrum *Admontense* Cenobium secedens , prædia sua apud *Elfsendorff* , quorum nomina hæc sunt : *Lintchirchen* , *Tanhufen* , *Lagenbach* , & *Surloch* , cum Ecclesia decimali in manum Traditoris sui *Adelberonis de Morlbach* , ea conditione tradidit : ut ubicunque ejus præfata filia *Richiza* sub Monastica professione Deo servitura remaneret , ipse Traditor prænominatæ hæreditatis Traditionem eidem Monasterio sollemniter conferret.

Eandem sane Filiam Dominus Archi-episcopus *Salisburgensis* in Saxoniam , in Monasterium , quod *Truoberh* vocatur , diligenti commendatione transmissit : sed insurgente super eam nimio propinquorum suorum clamore , qui eam mundo magis , quam Deo optabant servire , Episcopus *Halverstadensis* , ipsius cognatus , eorum precibus compulsus , eam de Monasterio abstractam aviæ suæ reddidit , quæ , cum eam nigris vestibus exspoliata albis vestibus induisset , eamque preciosis monilibus auri oneratam magis quam ornatam , nec minis , nec precibus , nec promissionibus flectere potuisset , quin ornamenta ab illa sibi imposita abjiceret , & suis ea pedibus concalcaret : tandem *Conventus sollemnis* tam propinquorum ejus , quam & spiritualium virorum agitur , ipsaque puella in medio sistitur ; optione igitur sibi data , ut quorsum ire deliberaret , eo se libere verteret. Carne sibi propinquos reliquit ; Spiritus Sancti conjunctos elegit & ad eos transiit ; sicque cum magno omnium spiritualium gaudio ad Monasterium rediit. Tandem Dominus Archi-Episcopus pro ea misit , & multis vel litteris , vel precibus , ut sibi redderetur , vix obtinuit , eamque sibi redditam ad Monasterium nostrum honorifice transmissit.

Interea Abbas *Burensis Waltherius* , præfatum fratrem nostrum , Dominum *Udalricum* , de promissa suo Monasterio obedientia , falso impetere cœpit , ita ut per falsam querimoniam litteras Domini P.P. *Innocentii II.* , acquireret , quibus eum a nostro Monasterio abstractum , ad suum venire constringeret ; tandem post multas impetitiones præfati Abbatis , præcepto Domini *Chunradi Saltzeburgensis* Archi-

Archi-episcopi, Abbas Monasterii nostri Dominus *Gotefridus* eum secum in *Conventum Hallensem* adduxit, ubi præsentia ipsius Archi-episcopi, Brixinensis episcopi, multorumque Abbatum, & præpositorum, Clericorum & Laicorum, iudicio totius ecclesiæ, ipse hoc obtinuit, quod Abbatî Burenfi de obedientiæ professione nihil debuerit. Cum igitur jam dictus Abbas, nec sic quicquam effecisset, statim filiam ejus cœpit impetere, licet non eam, sed per eam, hæreditatem prænominatam obtinere voluit.

Facta ergo anno MCXLV. generali totius Baviaræ Synodo, præsidente præfato Archi-episcopo Chunrado; cum suffraganeis suis: *Ratisponensi*; *Frisingenfi*; *Patavienfi*; *Gurcensi*; absente solo Brixinensi; coram frequentia Abbatum, Præpositorum, totius etiam Cleri & populi, Abbas Burenfis surrexit, fororemque nostram, quasi suam oblatam, requirere cœpit, Abbatem *S. Georgii de Intal*, & præpositum *Dietramnum*, in testimonium conatus est producere, qui ambo in præsentia Synodi Canonice ab Archi-Episcopo requisiti, confessi sunt nihil se de fororis oblatione, juxta Abbatibus querimoniam, vel vidisse, vel audivisse; Abbas rursus alia die idoneos testes se producturum perhibuit, sequen-

tique die Ecclesiæ suæ famulos in testimonium adduxit. Frisingensis Episcopus testimonium illud famulorum super fœminam liberam non esse idoneum vel legitimum judicavit, ejusque Judicium tota Synodus Bajoariorum Episcoporum, Abbatum, Præpositorum, Principum, Clericorum & Laicorum, comprobavit. Sic generali totius Synodi sententia est diffinitum, & Ecclesia nostra, pro ista causa, Burenfi Monasterio nullum ulterius reddat responsum.

Ex veteri Chbartario Admontensi descriptis Cl. Schannat. b. m.

Anno 1145. Patavii colloquium habuit Conradus I. Archi-epif. Salisburgensis cum suffraganeis suis, Henrico Ratisponensi; Reginberto Patavienfi, Romano Gurcensi Episcopo, Eberhardo Præposito Babenbergensi, præsentibus etiam quam plurimis Abbatibus & Præpositis, aliisque diversæ professionis. Ibi ventilata est lis inter Abbatem Admontensem & Saltzburgensem, propter quasdam possessiones in valle Admontensi.

Hæc ex relatione Eberhardi Archi-Episc. in codice Diplomatico Admontensi N. XXX. describit Hanfetz. Tomo II. Germaniæ sacra in Historia Archiepisc. Salisburg.

Quæ Synodus Patavienfis hujus anni 1145. Patavii habita, diversa est a Synodo Hallensi anni hujus: licet eadem fors personæ utrobique intervenerint.

Deinde argumentum diversum est, ut legenti patet, nam Hallis controversia erat inter Burensem & Admontensem Abbates, Patavii inter Admontensem & Saltzburgensem Abbates, et si illius non meminerit *Hanfetz* nec *Hundius*.

CHUNRADUS SALISBURG.

IN SYNODO HALLENSI CONFIRMAT FUNDATIONEM SECCOV.

ANNO CHRISTI MCXLVI. EUGENII III. PAPÆ II.
CONRADI III. REGIS IX.

CHunradus sanctæ Salzburgerensis Ecclesiæ Archi-episcopus &c. quia divina favente Clementia: (recenter fundationem Seccoviensem, ejusque a Sede Apostolica confirmationem) his ita transactis ad Synodum nostram, quæ celebrabatur in festo B. Dionysii apud Hallæ, properavit (nempe *Adelramus fundator*) ordinem suæ causæ omnibus palam recitavit. Huic Concilio multæ eminentes personæ aderant, *Heimicus Ratispon. Episcopus*, *Reginbertus Patavienfis Episcopus*, *Otto Frisingensis Episcopus*, *Romanus Gurcensis Episcopus*, & plures Præpositi & abbates de Episcopaliibus istis. Principes quoque, Otto Palatinus, nempe de Wiltzbach; Engelbertus Comes Hallensis, cognatus ejus, Rapato Comes, Fridericus advoc. Ratisponensis, Hartwicus Comes de Bogen. Clericorum quoque & Monachorum, nec non nobilium Laicorum magna copia. Igitur auctoritate Patris, & Filii, & Spiritus Sancti, nec non Sanctæ Synodus (lege Synodi) nostræ sicut

gensis Episcopus, *Romanus Gurcensis Episcopus*, & plures Præpositi & abbates de Episcopaliibus istis. Principes quoque, Otto Palatinus, nempe de Wiltzbach; Engelbertus Comes Hallensis, cognatus ejus, Rapato Comes, Fridericus advoc. Ratisponensis, Hartwicus Comes de Bogen. Clericorum quoque & Monachorum, nec non nobilium Laicorum magna copia. Igitur auctoritate Patris, & Filii, & Spiritus Sancti, nec non Sanctæ Synodus (lege Synodi) nostræ sicut

Hæc Confirmatio legitur eodem Tomo I. *Diplomatiæ sacre N. V. & N. I.*

sicut locum hunc suscepimus ad regendum & defendendum, anathematizamus omnem personam isti Ecclesiæ injuriam facientem &c. Omniaque tradita, sive adhuc conferenda banno nostro concludimus & stabilimus, atque præsentem paginam sigillo nostro insignimus &c. Actum Hallæ anno ab Incarnat. Domini

Millef. centef. quadragef. sexto, Indictione nona, quinto Kal. Octobr. Anno secundo Domini Papæ Eugenii, quadragef. primo D. Chunr. Saltzb. Archi-episcopi, octavo Chunradi Regis.

Pusch Diplomataria sacra Styriæ Tomo I. Documenta Seccoviensia N. VI. pag. 145.

Hoc Salisburgensis Archi-Episcopi Concilium in oppido Hallensi celebratum, non novit *Hansizius Tomo II. Germaniæ Sacræ in Historia Archiepp. Salisburgensium*, qui in vita *Conradi Archiepisc. Salisburg. No. LXXI.* recitat anno 1140. Adelrammum de Waldecke *apud* improlem adjecisse animum ad Cœnobium Canonicorum Regularium in loco Feustrice, quam Chartam refert *Puschius pag. 139. Diplomataria Sacræ Styriæ Parte prima*, & adfuisse propterea Archi-Episcopum Salisburgensem, qui etiam *decimas* quasdam eidem fundationi addidit, & translationem Canoniarum ex Feustria in Seccowe anno 1142. sed *Synodi* anno 1146. celebratæ in Hall non meminit.

Meminit tamen eo anno ab Conrado Archiepisc. de Parochia Præposituram Hallæ constitutum fuisse, & Ecclesiam in die B. Martini consecratam, & donationem decimarum factam eidem Ecclesiæ. *Pag. 243. Germaniæ sacre Tom. II. Nec Metzgeri nec Hundius hujus Synodi meminere.*

SYNODUS COLONIENSIS

DIOECESANA

SUB ARNOLDO I. ARCHI-EPISC. COLONIENSI.

Anno Christi MCXLVI. Eugenii III. Papæ II.
Conradi III. Regis IX.

CONTRA HÆRETICOS.

Nuper apud nos *juxta Coloniam* quidam hæretici detecti sunt, quorum quidam cum satisfactione redierunt ad Ecclesiam. Duo ex eis, scilicet, qui dicebatur Episcopus eorum cum socio suo, nobis restiterunt in CONVENTU Clericorum & Laicorum, præsentem ipso Domino Archi-Episcopo, cum magnis viris nobilibus, hæresin suam defendentes ex verbis Christi & Apostoli. Sed cum vidissent se non posse procedere, petierunt, ut eis statueretur dies, in quo adducerent de suis viros fidei suæ peritos: promittentes, se velle Ecclesiæ sociari, si Magistros suos viderent in responsione deficere; alioquin se velle potius mori, quam ab hac sententia deflechi. Quo audito, cum per triduum essent admoniti, & respicere noluisent; rapti sunt a populis nimio zelo permotis, Nobis tamen in Concilio sedentibus, invitatis, & in ignem positi atque cremati, &, quod magis mirabile est, ipsi tormentum ignis

non solum cum patientia, sed & cum lætitia introierunt, & sustinuerunt.

*Hæc est Hæresis illorum,
constans XI. Articulis.*

I. Dicunt apud se tantum Ecclesiam, eo quod ipsi soli vestigiis Christi inhærant, & Apostolicæ vitæ veri sectatores permaneant, ea, quæ mundi sunt, non quærentes, non domum, nec agros, nec aliquid peculium possidentes. Sicut Christus non possedit, nec discipulis suis possidenda concessit. Vos autem (*dicunt Nobis*) domum domui & agrum agro copulatis, & quæ mundi sunt hujus, quæritis:

II. Ita etiam, ut qui in vobis perfectissimi habentur, sicut Monachi vel regulares Canonici, quamvis hæc non ut propria, sed possident ut communia; possident tamen hæc omnia, & de se dicunt: Nos pauperes Christi instabiles de

Y y

civi-

civitate in civitatem fugientes, sicut oves in medio luporum, cum Apostolis & Martyribus persecutionem patimur; cum tamen sanctam & arctissimam vitam ducamus in jejuniis & abstinentiis, in orationibus & laboribus die ac nocte persistentes, & tantum necessaria ex eis vitæ quærentes. Nos hos sustinemus, quia de mundo non sumus; Vos autem mundi amatores cum mundo pacem habetis, quia de mundo estis. Pseudo-Apostoli adulterantes verbum Christi, quæ sua sunt, quæverunt, vos & Patres vestros exorbitare fecerunt. Nos & Patres nostri generati *Apostoli* in gratia Christi permanimus, & (*in*) finem sæculi permanebimus. Ad distinguendos Nos & Vos Christus dixit: *A fructibus eorum cognoscetis eos.* Fructus nostri sunt vestigia Christi.

IV. In cibis suis vetant omne genus lactis, & quod inde conficitur, & quidquid ex coitu procreatur. Hoc de conversatione sua nobis opponunt.

V. In Sacramentis suis velo se tegunt: tamen nobis aperte confessi sunt, quod in mensa sua quotidie, cum manducant, ad formam Christi & Apostolorum, cibum suum & potum in corpus Christi & sanguinem per Dominicam orationem consecrant, ut inde se, membra & corpus Christi nutrant. Nos vero dicunt in Sacramentis non tenere veritatem, sed quandam umbram & hominum traditionem.

VI. Confessi sunt etiam manifeste se præter aquam, in igne & spiritu baptizare, & baptizatos esse, adducentes illud testimonium Joannis Baptiste baptizantis in aqua, & dicentis de Christo: *Ille vos baptizabit in Spiritu Sancto & igne.* Et

in alio loco: *Ego baptizo in aqua: Major autem vestrum stetit, quem vos nescitis, quasi alio baptismo præter aquam vos baptizaturus.*

VII. Et talem baptismum *per impositionem manuum* debere fieri, conati sunt ostendere testimonio Lucæ, qui in Actibus Apostolorum describens baptismum Pauli, quem ab Anania suscepit ad præceptum Pauli, nullam mentionem fecit de aqua, sed tantum de manus impositione. Et quidquid invenitur tam in actibus Apostolorum, quam in Epistolis Pauli de manus impositione, ad hunc baptismum volunt pertinere.

VIII. Et quemlibet (sicut inter eos baptizatum dicunt) *electum* habere potestatem alios, qui digni fuerint, baptizandi, &

IX. In mensa sua corpus Christi & sanguinem consecrandi. Prius enim per manus impositionem de numero eorum, quos *auditores* vocant, recipiunt eum inter *credentes*, & sic licebit eum interesse orationibus eorum, usque dum satis probatum eum faciant *electum*.

X. XI. De baptismo nostro non curant: Nuptias damnant: sed causam ab eis investigare non potui, vel quia eam fateri non audebant, vel quia eam ignorabant.

Hactenus Everwinus Præpositus Cenobii Steinfeldensis in Archi-Diœcesi Coloniensi, qui obiit 1160.

Editus a Mabillonio in veteribus Analectis pag. 473.

Hinc intelliguntur duo sermones S. Bernardi 65. & 66. super Cantica scripti de eisdem hæreticis & earum hæresum confutatorii ad eundem Everwinum.

REX antiqua Corbejensium & Herivordensium Cenobiorum Privilegia instaurat, speciatim definiit Mansionaticum visitanti Episcopo, jam statutum in Concilio Moguntino anni 852. (a)

ANNO CHRISTI MCXLVII. EUGENII III. PAPÆ III.
CONRADI III. REGIS X.

IN Nomine Sanctæ & Individuæ Trinitatis, Conradus Divina favente Clementia Romanorum Rex II. Ad Re-

giæ dignitatis munificentiam pertinet, bene de republica merentibus virtutum præmia tribuere, ut & ipsi pro suæ fidei constantia

(a) Vide Tomi II. pag. 167.

stantia laboris sui emolumenta percipiant, & ceteri ad exequenda Imperii munia bonæ ipsei pleni & alacres fiant. Quocirca noverit omnium fidelium nostrorum tam futurorum, quam præsentis ætatis industria, quod noster fidelis & carissimus Monasterii, quod nova Corbeja dicitur, venerabilis Abbas *Wiboldus* nostram clementiam adiit, petens, ut privilegia Corbejenfis Ecclesiæ, cui nunc idem venerabilis Abbas præesse cognoscitur, innovare & confirmare dignaremur. Cujus religiosæ petitioni, ob insignem ipsius circa nos & regnum nobis a Deo concessum fidem, pietatis aurem inclinantes, per præsentis paginæ seriem sub regis Majestatis tuitionem ipsum locum, novam videlicet Corbejam, cum omnibus sibi tam intus, quam foris pertinentibus assumimus, eumque perpetua libertate donantes, nostra & omnium Principum auctoritate, lege in perpetuum mansura firmamus, ne præfatum Monasterium, nova Corbeja, in potestatem vel ditionem, sive subjectionem alicujus personæ seu ecclesiasticæ seu sæcularis dignitatis per aliquam donationem seu commutationem cedat. Sed semper sub ordinatione & defensione Regum vel Imperatorum consistat, & libertate, quam hætenus obtinuit, in perpetuum potiatur. Et quoniam ab Imperatore Luthewico duo Monasteria constructa sunt, & a nostris prædecessoribus honore & divitiis aucta, unum videlicet Monachorum, quod nova Corbeja dicitur, ad normam scilicet veteris Corbejæ, *Herevordenſe* vero Sanctimonialium ad similitudinem Sueffionis Monasterii, decretumque est ab eis, ut Corbejenfis Abbas, quicumque pro tempore fuerit, procuracionem agat Herivordienfis Ecclesiæ, ita videlicet, ut juxta consuetudinem, qua ancillarum Dei congregationi *(b)* procurari solent, Præpositi ex ordine Ecclesiastico tam in disciplina, quam in cunctis negociis, quæ famulæ Christi pro sexu, & professione sua exequi non possent, ipsarum Provisor & patronus existeret. Nos quoque Prædecessorum nostrorum vestigia sequentes confirmamus, & decreto in æternum mansuro statuimus, ut omnes, per successionem Corbejenfis Cænobii Abbates præscripta procuracione

& patrociniis, absque ullius contradictione utantur, & servata dignitate Abbatissæ, in quibus opportunum fuerit, Herevordenſi congregationi assistant. Confirmamus etiam quæ prædecessor noster Imperator *Luthewicus* *(c)* supradictis Monasteriis pro elemosina generis sui tradidit, cellam videlicet, quæ vocatur Meppia, cum decimis & possessionibus undique ad eam pertinentibus. Et Ecclesiam Eresburg, circumque per duas Saxonicas ristas ad novam Corbejam: ad Herevordenſem vero Monasterium in Episcopatu Osnebrugenſi Ecclesiam Bui-nidi cum subjectis sibi Ecclesiis, in Parochia Mimiervordenſi *(d)* Ecclesiam Reni cum his, quæ ad eam pertinent Ecclesiis, ita sane, ut decimarum aliorumque reddituum proventus omnes præfatis cederent Monasteriis, & ab ipsis vicissim procurarentur subjectæ plebes in baptismate, in Eucharistia, in sepulturis, in confessione peccatorum audienda, & Presbyteri, qui principales ecclesias tenebant, Archi-presbyterorum officio fungerentur, ad agenda omnia, quæ solent fieri ab Archi-Presbyteris episcoporum, & cum Episcopi circationes suas ibi agere deberent, ad eorum *mansionatica* daretur, ut capitularibus antecessorum nostrorum præscriptum habetur, videlicet quantum satis sit eis dare, & episcopi non plus quarant, nec cum pluribus in summa debiti episcoporum servitii plus exigeretur, quam opus sit, statuerunt prædictarum Ecclesiarum Episcopi cum *consensu Synodali* eorum antecessore nostro *Ottone Imperatore*, ab Archi-episcopo *Rabano* *(e)* cæterisque cum eo in Synodo agentibus, ut dentur ad singulas Ecclesias Porci IV. valentes singuli denarios XII. aut arietes VIII. tantundem valentes, procelli IV. aucæ IV. pullæ VIII. Sitæ XX. de medone, de mellita cerviſa XX. de non mellita LX. panes CXX. de avena modios manipuli DC. essetque in potestate episcoporum, utrum hæc per singulas Ecclesias ad unum Mansionaticum, an ad duo vellent habere. Statuimus etiam atque concedimus juxta decreta prædecessorum nostrorum liberam utrique loco potestatem eligendæ de propria congregatione in regimen sui per futura semper tempora congruæ personæ.

Er

(b) forte congregationes. *[c]* Anno 882.

Tomus III. Concil. German.

(d) nunc Monasterienſi.

(e) Anno 852.

Et ut nullus Judex publicus licentiam in homines ad præfatum Monasterium pertinentes ullam judicariam habeat exercere potestatem, sed omnis eorum res coram Advocato ipsorum diffiniatur. Et ut justitiam, quæ appellatur Burchban, nemo sibi usurpare in eodem loco præsumat, nisi cui potestas ab ejusdem Cœnobii Abbate concessa fuerit. Et ut liberi homines licentiam habeant prædia sua eidem Monasterio conferre, nec quivis Judex, aut regia potestas solitum debitum, aut publicum vectigal ab eis deinceps extorqueat, sed se ipsos in proprietatem ipsius Ecclesiæ ad jus ministerialium tradere liceat, & de infimo ordine,

videlicet de litis aut de censuariis facere ministeriales Abbas potestatem habeat.

Signum Domni CUNRADI Romanorum Regis II.

Ego Arnoldus Cancellarius vice Henrici Moguntini Archi-Cancellarii recognovi: Anno Dominicæ Incarnationis MCXLVII. Indiæ X. regnante Cunrado Romanorum Rege II. anno vero Regni ejus X. datum apud Franckenevorde feliciter Amen.

Scabatenus in Annal. Paderborn. primus protulit ad b. a.

SYNODUS HALBERSTADENSIS

Anno Christi MCXLVII. Eugenii III. Papæ III.
Conradi III. Regis x.

SUMMA. Tidrici de Quernvordt, Abbatiae Ludesburg, postea cella Beate Mariæ dictæ, Fundatoris confirmatio.

IN Nomine Sanctæ, & Individuæ Trinitatis. Rodolfus Divina favente clementia Halberstadenfis Ecclesiæ Episcopus. Officii nostri est, injuncta nobis a Deo pastoralis cura necessitatibus Ecclesiarum, quibus Divina ordinante clementia quanquam indigni, præsidemus, debita sollicitudine subvenire & iusta fidelium vota paterna benignitate promovere. Igitur ex antiquioribus præsens exordium trahentes & pristinis præsentia continuantes nolumus esse volumus, tam futuri quam præsentis ævi fidelibus, qualiter nobilis quidam *Tidricus de Quernvoorde* oriundus jam dudum ante tempora nostra, pro salute animæ suæ & parentum seu & cæterorum carorum suorum quædam prædia, quæ inferius subscripta sunt, de propriis allodiis suis assentientibus & faventibus suis heredibus servitio Dei devoto deputans, juxta consilium venerabilis Episcopi *Reinhardi* prædecessoris nostri cæterorumque religiosorum virorum in honore Dei & Sanctæ Mariæ sanctique Brunonis Episcopi & Martyris abbatiam quandam secundum regulam Beati Benedicti in Ludesburg fundare

proposuit, & huic pio operi quoadvixit, studiose insudans & Dominum *Fridericum* nepotem suum in habitu Monachico post arma deposita religiose viventem fidelem cooperatorem habens firmo pacto instituit, ut advocatiam in eadem Ecclesia sicut ipse tenuit, ita & hæredes sui post se in perpetuum hæreditario jure possiderent. Cumque idem *Tidricus* voto suo minus efficaciter completo Divina urgente vocatione emigrasset, & quædam nobilis matrona nomine *Machtildis* hæreditario jure succedens his ceptis nondum consummatis viam universæ carnis ingressa filium suum *Godescalcum* hæredem reliquisset, insignis Comes Magdeburgensis civitatis *Burhardus* de præfati *Tidrici* stirpe in Quernforde natalitia nobiliter trahens, zelo pietatis æstuans, octo talentis beneficii sui de Magdeburg & XIII. mansis de propria hæreditate sua præfato *Godescalco* assignatis, Advocatiam in præmemorata Ecclesia sibi suisque heredibus post se sempiterno jure comparavit, salubri usui industria, ut videlicet antiqua prædicti *Friderici* vota cum suis votis Deo commodius persolveret, & ad ordinandum Divi-

Divinum servitium liberius operam daret. Salutari igitur desiderio idem Comes salubriter flagrans, & commoditati pauperum Christi imposterum follester consulere volens, pro eo quod situs loci in *Ludesbure* fratribus minus erat opportunus, eandem cellam in locum utiliore uberiorem & commodiorem, quem modo *cellam Beatæ Mariæ* nuncupamus, juxta nostrum & nostræ Ecclesiæ consilium, assensum, & voluntatem prænominati Domini Frederici, nec non & Domini Godescalci prioris advocati utiliter transposuit, & de stipendiis capellæ suæ in *Quereavorde* quædam prædia, & talenta probate monete singulis annis persolvencia in sustentationem fratrum ibidem Deo famulantiam nichilominus nostro & plurimorum Catholicorum virorum consilio in perpetuum deputans nostræ auctoritatis ministerio & præsentis privilegii scripto ea communiri & corroborari postulavit. Nos itaque pium affectum ejus pio affectu complentes, auctoritate Dei omnipotentis, Patris, & Filii, & Spiritus Sancti, nec non beati Petri apostolorum Principis, ejusque successoris Domini Pæpæ Eugenii & nostra, hoc piæ devotionis institutum communimus, & confirmamus, & ne quis in hoc Monasticæ professionis regulam in sempiternum mansuram aliquo modo disturbet, sub anathemate interdiciamus. Hanc autem Ecclesiam *salva nostræ sedis reverentia* liberam omnino pronunciamus, & in eligendo abbate juxta religiosorum virorum consilium, assensu & consilio advocati, liberam esse fratribus electionem decernimus, Abbati vero ejusdem Ecclesiæ injungimus obedientiæ suæ curam in spiritualibus follester vigilantia gerere, ex remora non negligere, nec quicquam de possessionibus Ecclesiæ, præter ea, quæ modo inbeneficiata sunt, præsumat inbeneficiare, sed & si quid a beneficii jure in libertatem cesserit, in usus Ecclesiæ satagat congregare. Et hoc sane sciendum, quia juxta deliberationem & voluntatem præmemorati Comitum Burchardi & cæterorum prudentium virorum indissolubili lege sancitum est, ut quicumque hæredum suorum hanc hæreditatem, quæ est in *Quernvorde*, legitime possederit, etiam Advocatiam præfatæ Ecclesiæ sine ejus contradictione

possideat. Ut ergo hæc omnia posteris innotescant, & apud omnes successores nostros rata & immutabilia persistant, præsentis paginæ scripto ea futuris mandare, & sigilli nostri impressione sub vinculo anathematis confirmare curavimus. Hujus rei testes sunt: *Wicmanus* Præpositus Majoris Ecclesiæ, *Erpo* Decanus, *Conradus* Camerarius & Præpositus, *Ulricus* Præpositus, alique confratres ejusdem Ecclesiæ, *Sigebodo* Abbas *Isenburgenfis*, *Esgebertus* Abbas *Huisenburgenfis*, *Burchardus* Abbas *Wimodeburgenfis*, *Sifridus* Præpositus *Hamereslevis*, *Enerwinus* Præpositus in *Hademersleve*, *Erveboldus* Præpositus in *Stuterlingenbure*, *Henricus* Præpositus in *Trubeca*, *Godescalcus* Præpositus in *Caldenbrune*, *Reynhardus* Præpositus de *Sancto Johanne*, *Eremfridus* Pater in *Gerbestede*, *Amalricus* Pater in *Walbeca*, *Palatinus* Comes *Fridericus*, Comes *Bernhardus*, *Lodewicus* de *Wippra*, *Ludolfus* de *Waltingeroth*, & *Ludolfus* filius ejus, *Poppo* de *Blancemborch*, *Esico* de *Sebure*, *Godescalcus* de *Colosowa*, *Gunselinus* & *Degenhardus* de *Heinenburch*, alique quam plures. Et ego *Alardus* notarius recognovi. Acta sunt hæc & ad plenum confirmata in plena Synodo nostra in cena Domini in *Halberstad*. Anno Dominicæ Incarnationis MCXLVII. Indictione IX. V. Kal. Aprilis. Hæc sunt prædia, quæ ex oblatione Domini *Tidrici* huic Ecclesiæ collata sunt: In *Storcawice* IV. mansi solventes duo talenta. In *Uphusen* & in *Lubice* mansus & dimidius, XII. solidos solventes. In *Gerendorp* IV. mansi singuli solventes XII. solidos, & præterea tres mansi solventes XVIII. solidos, in *Ztreuchandorp* IV. mansi singuli solventes XII. solidos, in *Berneftede* XVIII. mansi, singuli solventes duodecim solidos. In *Gornice* XVI. mansi, singuli solventes XII. solidos, in *Hanacle* VI. mansi, singuli solventes XII. solidos, in *Ludesleve* tres mansi & dimidius, quorum singuli solvunt XII. solidos, in *Lisclagesdorp* I. mansus XII. solidos solvens, in *Corenvorde* I. mansus qui solvit XII. solidos, in *Asleve* III. mansi, quorum singuli XII. solidos solvunt. In *Slavis* duas sylvas, in *Sandeberch* & in alio *Sandeberch* II. sylvas, in *Ludesburch* unam sylvam, in *Barca* unam sylvam. Juxta *Schirholt*

unam sylvam, in accantis unam sylvam. Adhæc quod quosdam de suis ministerialibus cum omni beneficio, quod possederunt, Dominus Tidricus eidem Ecclesiæ contulit, quos & nunc ministerialium jure beneficia sua quiete possidere statuimus, injungentes eis, ut debitum honorem, & debitam reverentiam Domino suo Abbati & ecclesiæ exhibeant. Hæc sunt nomina ministerialium: Lupoldus & filius ejus Sifridus iv. mansos habent, Borchardus unum mansum, Reinerus dimidium mansum habet, & sylvam & pratum. Hæc autem sunt prædia, quæ Comes Burchardus nostro consilio & assensu de capella sua huic Ecclesiæ transtulit, in Gortice II. mansi solventes xxiv. solidos. In Barneftede iv. mansi solventes singuli xii. solidos. reliqua vero idem Comes in usus suos recipiens pro eisdem bonis utiliora fratribus recompensavit, in Eilwardesdorp xii. mansos, quorum singuli solvunt vi. solidos Molendinum quoque, quod solvit unum talentum. In Strobea iii. mansos & dimidium solventes xxxv. solidos & pro solido aream: & horum omnium summa est xlvi. talenta & quinque solidi, præter beneficia ministerialium, quæ Abbati autem hujus ecclesiæ super ecclesia, quæ est in Ludesburch, committimus, de divino officio ibi celebrando non negligenter curam agat. Ad cujus sollici-

tudinem hoc spectare debere statuimus: pro fratre Ludero Burchardus Comes bona vi. solidos singulis annis persolvenda eidem ecclesiæ contulit. *Data in Quernvorde XV. Kal. Julii.* Eadem die primus abbas ejusdem novæ cellæ Burchardus a multis religiosis viris in præsentia Domini episcopi Rudolphi venerabiliter institutus est, assensu & consilio & petitione advocati Comitum Burchardi. Quid autem juris in bonis ecclesiæ advocatus habere debeat, præsentis scripto commendare dignum duximus, ne vel advocato, quod sui juris est, postmodum subtrahatur, nec quicquam præter statutum ab hominibus extorqueatur. De singulis mansis duo maldra frumenti & unum anserem advocatus singulis annis recipiat, hac conditione, ut legitimis placitis suis homines sub observatione quadam, vulgo dicta *vara*, astare & respondere non cogat. Ab hoc autem statuto omnes mansi, quos fratres in Dominicalibus suis in Elwersdorp, & in Ludesleve excolunt & bona ministerialium, excipiuntur. In majoribus vero excessibus homines deprehensi sub observatione respondeant. Ex omnibus, quæ placitando acquiruntur, duæ partes Abbati, tria vero cedant advocato.

Ludewig in reliquiis MS. Tom. I. pag. I.

Leuckfeld in Antiquitatibus nummariis

Halberstadiensibus pag. 146.

CONCILIIUM TREVERENSE

Anno Christi MCXLVIII. Eugenii III. Papæ IV.

Conradi III. Regis xi.

S U M M A.

§. 1. *Adventus Eugenii Papæ Treverim.*

Dedicatio Ecclesiæ S. Eucharii nunc S. Matthiæ.

Enumeratio Cardinalium, Comitum Papæ.

§. 2. *Archi-Episcopi Moguntini & S. Bernardi relatio de vita, & scriptis S. Hildegardis.*

§. 3. *Virdunensis Episcopus mittitur a Papa & Concilio ad Hildegardem visitandam. Ejus relatio. Decretum Synodi.*

§. 4. *Literæ Papæ ad Hildegardem.*

§. 5. *Literæ Henrici filii Conradi ad Papam concilio redditu.*

Resolutio Papæ ad 3. postulata Henrici VI.

§. 7. *Depositio Corbejensis Henrici Abbatis confirmatur, uti & institutio Wibaldi corbejæ & Stabuleti Abbatis.*

§. 8.

§. 8. De Fuldenſis Abbatis deſiptione incerta relatio Synodus.

Anno Dominicæ Incarnationis Mil-
leſimo, centefimo, quadreſimo
oſtavo, Dominica, qua cantatur: (a)
Ad te levavi, Dominus Papa (b) Treve-
rim venit, ſicut invitatus a Domino Al-
berone Archi-Epiſcopo fuerat, & ſabbat-
ho ante prædictam Dominicam in Ec-
cleſia Sancti Eucharii honorifice hospita-
tus eſt. In ipſa autem Dominicâ cum
maxima veneratione a Clero & populo
cum (c) inſuetâ proceſſionis vel
ornatu, (d) vel armatu, atque recorda-
bili ſolemnitate in templum eſt introdu-
ctus, conducentibus eum a dextris Do-
mino Alberone, a ſiniſtris vero Arnol-
do Colonienſi Archi-Epiſcopo, præceden-
tibus vero multis Epiſcopis Germaniæ,
(e) Belgiæ, Franciæ, Angliæ, Burgun-
diæ, Lombardiæ, Tufciæ, & ex omni
natione, quæ ſub cælo eſt. Sed nec
Cardinales enumerare pigeat, qui cum
Domino Papa Eugenio Treverim vene-
runt. (f) Epiſcopi Cardinales: Alberi-
cus Hoſtienſis, (g) Henricus Tuſcula-
nus. Humbertus Presbyter de titulo
Sanctorum Joannis & Pauli, Guido de
Summa Presbyter (h) de titulo Sancto-
rum Laurentii & Damiani, Giſibertus
Presbyter de titulo Sancti Marci, Hugo
Presbyter de titulo S. Laurentii de Luci-
na, Julius Presbyter de titulo Sancti Mar-
celli, Guido Presbyter de titulo Sanctæ
Potentianæ, Odo Benecaſe, Heribertus
Presbyter de titulo Sanctæ Anaſtaſiæ,
Guido Diaconus & Cancellarius de titulo
Sanctorum Coſmæ & Damiani, Octa-
vianus Diaconus de titulo Sancti Nicolai
in carcere, Guido Piſanus, Guido Cre-
menſis, Gregorius de titulo Sancti An-
geli, Joannes de titulo Sanctæ Mariæ no-
væ, Jacinthus de titulo Sanctæ Mariæ in
Coſmedi, Otto de titulo S. Gregorii (i)
ad aureum velum.

Ipſis diebus Dominus Apoſtolicus
Eugenius petente Venerando Abbate (k)
Bertulſum conſecravit Eccleſiam Sancti
Eucharii, Sanctique Johannis Evange-
liſtæ. Huic autem (l) conſervationi in-
terfuerunt Albero Archi-epiſcopus Tre-
verenſis, Henricus Archi-epiſcopus Ebo-
racenſis. (m) Epiſcopi iſti: Albericus Ho-
ſtienſis, Henricus Tuſculanus, Hartwi-
cus Gebenenſis, Nemedeus (n) Loſitanus.
Cardinales, quos ſupradiximus, Abba-
tesque & Principes, quam plures hujus
terræ, ſed & populus infinitus: atque
cum ingenti gaudio non ſolum urbis,
ſed ut ita dicam, totius Provinciæ hæc
dedicatio peracta eſt. Deinde poſt duas
hebdomadas conſecravit Eccleſiam San-
cti Paulini Dominus Apoſtolicus, ſecun-
do Kalendas Februarii. (o)

Gefſta Archi-Epiſcoporum Treverenſium
Goffſcheri apud Eckhart. Töm. I. Cor-
poris Script. German. pag. 2201.

Illmuſ Honthemius, Parte poſteriori, Pro-
dromi Hiſtoriæ Trevericæ, eadem geſta
recudit Cap. 86. diverſam quodam-
modo habet ab Eckharti editione lectio-
nem.

Leibnitius & Calmet eadem geſta recude-
runt, denum & Dacherii.

Honthemii editio in his diſſert:

EPiſcopi Cardinales: Albericus Oſti-
enſis, Himarus Tuſculanus; Presby-
teri: Guido Summanus, Haribertus S.
Anaſtaſiæ Magiſter, Guido Deus vir val-
de literatus, Legum & Juris peritus.
Julius S. Marcelli, Hugo Novarienſis,
Magiſter Hubaldus, Giſelbertus S. Marci,
Joannes Papiro. Ex Diaconis autem
vir nobilis genere Octavianus, & mori-
bus nobilior, honeſtate & liberalitate
notandus, ſpecialis amator Teuthonico-
rum. Guido Cremenſis, vir altifanguini-

(a) Primâ Dominicâ Adventus.

(b) Eugenius III. Papa ſedit ab 1145. 25. Februar. ad 1153. 8. Julii.

(c) inſultæ. *Honthemii.* (d) vel armata. *abest ab Honth.*(e) item *Honth.*(f) Viri enim fuere vultu, habitu, geſtu, ſcientia, moribus honorabiles, & pro ſua
magna honeſtate immortalis recordatione digni. Hæc autem eorum ſunt nomina,
quæ melius in libro vitæ ſcripta ſunt. *Honth.*(g) Himarus. *Honth.* (h) omittit *Honth.* uſque *Heribertus* Haribertus.(i) lege *Georgii.* (k) *corrige Bertulfo.* (l) lege *conſecrationi.*(m) Henricus, Archiepiſc. Moguntinus, Poſtulator inquisitionis in S. Hildegardis vitam
& ſcripta omiſſus, neſcio quo ſato. (n) Amedeus Lauſanenſis.(o) Balduinus, Cæſaræ Palæſtinæ Epiſcopus, S. Paulini cryptam & S. Mari Præſulis aram
eodem die conſecravit. *Martene & Durand.*

nis, valdeque curialis & honestus, dulcique eloquio. Odo bonæ casæ mansuetissimus homo, ex Romanis ortus, Nobilibus omnibus amabilis & pius. Joannes quoque S. Mariæ novæ, vir dulcissimæ affabilitatis, sanctimonia morumque decoratione exornatus. Gregorius quoque S. Angeli, vir ingenii vivacis, promptus & expeditus ad omnia, quæ honestati & Ecclesiæ Dei utilitati conveniunt. Quid dicam de Jacintho, qui omnem Jacinthum splendore suæ virtutis vincebat, qui eloquii sui dulcedine omnes in amorem sui trahebat, quem audire atque videre honestatem discere erat. Sed nec Guidonem tacebo Pisenum, virum prudentissimum & breviliquo notabilem. His omnibus Archiepiscopus per duodecim hebdomadas continue largitus est necessaria in tanta abundantia, quod ipsi quoque fatebantur, copiam pleno cornu venisse ad ipsos.

Hæc Baldricus Golscheri Continuator, & Biographus Alberonis Archi-Episc. Treverici, qui huic Concilio præsens scripsit.

§. II. EUGENIUS autem Papa, convocatis episcopis, Abbatibus, & Clericis multis ex tota Germania, & parte Galliæ, Synodum celebravit, & multa constituit ad Ecclesiæ DEI honorem simul & utilitatem In memorato Concilio Treveris celebrato, 1. miracula, 2. visiones & 3. scripta, quæ Omnipotens Deus per famulam HILDEGARDEM operabatur apud Bingios, ad aures summi Pontificis Eugenii plurimorum narratione pervernerunt.

§. III. Quibus auditis Pontifex volens rem novam & arduam investigare diligentius, misit ad virginem Christi Adelbertum (seu potius Alberonem) Virdunensem episcopum cum quibusdam aliis viris doctis, & Deum timentibus, dans eis in commissis, quatenus dictorum omnium inquirerent veritatem. Qui cum pervenissent ad famulam Dei, & ea, quæ a summo Pontifice habeant in commissis, cum reverentia exequerentur, non solum revelationum seriem

& famam, sed modum quoque & causas ab ea diligentissime inquirebant. Quibus illa simpliciter respondebat ad omnia, & quid circa eam operata fuisset divinitas, cum summa humilitate aperuit. Informatione sufficienti accepta, nuncii apostolici, *libris visionum* virginis, illa petente, secum assumptis ad Papam Trevirim redierunt: & quod omnia invenerint vera, quæ dicebantur de famula Christi, & solida, renuntiaverunt. Deinde (1) volumina, quæ illa divinitus illuminata scripserat, una cum epistola, quam dederat, Eugenio Papæ cum reverentia tradiderunt.

Pontifex scripta virginis coram multis fecit publice recitari, & per se lectoris quandoque functus officio, partem non modicam legens recitavit. Omnes, qui audiebant verbum lectionis, in admirationem ducti, Omnipotentis misericordiam, qui talia operabatur in fragili sexu, collaudabant. Aderat his D. Abbas Bernardus, aderat & Ludovicus Abbas S. Matthiæ Trevirensis, amicus S. Virginis, quibus mediantibus omnium dubitationum nebulæ a cogitationibus auditorum pellebantur. Omnibus ergo rogantibus, qui aderant, simul & hortantibus Romanorum Pontificem, ne Lucernam tam insignem, divinaque illustratione succensam pravorum hominum machinatione pateretur extinguī, libenter consensit, & litteras virgini Hildegardi tenoris sequentis transmissit.

Litteras Eugenii ex Collectione Tom. XXIII. Bibliothecæ Patrum editionis Lugdunensis pag. 537. hæc transfero.

§. IV. Eugenius, servus servorum Dei, dilectæ in Domino filiæ Hildegardi Præpositæ in monte Beati Roberti, salutem & Apostolicam benedictionem. Miramur, o Filia! & supra id, quod credi potest, miramur, quia Deus jam nostris temporibus nova miracula ostendit, cum te spiritu suo ita perfudit, quod diceris multa secreta videre, intelligere & proferre. Hoc a veridicis personis ita esse percepimus, qui se fatentur te, & vidisse, & audisse. Sed quid nos ad hæc

(1) Hyperbole aliqua inest narrationi huic. Nondum enim volumina multa, sed primam duntaxat partem ex *tribus Libris* a se conscriptis Hildegardis anno 1148. misit. Reliqua post eum annum fuisse scripta, ostendunt *Hagiographi Antwerpenses Leco indicato.*

hæc dicere valemus, qui clavem scientiæ habentes, ita quod claudere & aperire possimus, & hæc prudenter facere per stultitiam negligimus? Congratulamur igitur gratiæ Dei, congratulamur & dilectioni tuæ, hoc admonentes, ut scias, quod *Deus superbis resistit, humilibus autem dat gratiam.* Gratiam autem hanc, quæ in te est, conserva & custodi, ita ut ea, quæ in spiritu proferenda senseris, prudenter proferas, quatenus illud audias: *Aperi os tuum, & adimplebo illud.* Quod autem insinuasti nobis, de loco illo, (*m*) quem in spiritu tibi prævidisti, hoc permissione & benedictione nostra, & Episcopi Tui fiat, ita, quod ibi regulariter cum fororibus tuis vivas secundum Regulam S. Benedicti sub clausura ejusdem loci.

Tomo V. Septembris Acta Sanctorum ad diem 17. mensis.

(*m*) Anno 1147. habitationem in monte S. Roberti prope Bingam oppidum ceptam esse, & jam anno 1148. montem inhabitatum fuisse ab S. Hildegarda, concludunt *Hagiographi Antverpienses Tomo V. Septemb. pag. 635.*

Probatio Scriptorum S. Hildegardæ
in Concilio Treverensi, hæc est judice Joanne Stillingio Hagiographo Antverpiensi ad diem 17. Septembris:

Judicavit Eugenius Papa cum Patribus Concilii Treverensis, Sanctam Hildegardem non ex illusionem Demonis, non ex cerebri phantasmatibus, ut calumniabantur aliqui, sed ex Divinis revelationibus haurire, quæ scribebat: ideoque permisit Sanctæ, ut scribere prudenter pergeret visiones suas. Sollicite tamen monet, ut in humilitate se conservet.

Idem monitum S. Bernardi Clavævalensis Abbatis in Concilio Treverico præsentis inter censes.

Cæterum præter hoc Concilium Treverense, ejusdemque severum examen Libri à S. Hildegarda scripti, alia gravissima testimonia extant, quibus ostenditur, Divinas fuisse visiones, & a Spiritu Sancto dictata scripta; non vero cerebri muliebri inanes nocturnas illusiones, ut calumniatur Quidam in *Commentario de Scriptoribus Ecclesiasticis.* Nam primo S. Bernardus Sanctissimus juxta, ac doctissimus Pater, Eugenius III. Anastasius IV. & Adrianus IV. Summi Ponti-

fices, Imperatores Conradus & Fridericus, plurimorum Germaniæ & Galliæ Episcopatum, & Ecclesiarum Prælati Principes, eandem Sanctimoniam & assatum Divinum in operibus Hildegardis mirati sunt. Obiit Sancta anno 1179. ætatis 82. in monte S. Ruperti prope Bingen, sepulta in Ecclesia a se constructa.

ULTERIORA ACTA SYNODI TREVERICÆ.

§. V. Decrevit Eugenius, Sanctimonialis Horreenses, antiquissimi in urbe Treverensi Monasterii, à Sancta Irmina ante mille annos fundati recludendas esse: cujus decreti mentionem facit Adrianus IV. Papa in suis ad eas Moniales Literis:

Dilectæ in Domino Filix. Vestris precibus annuentes statuimus, & presentis scripti decreto sancimus; ut nulla persona magna vel parva, secularis & Ecclesiastica vobis inhibeat; ne sub eadem D. Benedicti regula Domino servatis, sub qua tempore Prædecessoris nostri sanctæ memoriæ Papæ Eugenii ex ipsius præcepto, tanquam reclusæ, promissisti Domino deservire.

§. VI. Recitatæ sunt in eadem Synodo literæ Henrici junioris, Regis Romanorum, quibus tria a Pontifice postulata. 1^{mo}. Ut Henricum Venerabilem Moguntinensem Archi-Episcopum, nec non Archi-Episcopos, Episcopos, Abbatibus, &c. de Regno Patris sui ad eum transeuntes clementi bonitate suscipiat. 2^{do}. Ut Ducissam Poloniæ, amitam suam, ab excommunicationis, quam in ipsam promulgaverat, vinculo solvat. 3^{tio}. Ut Wibaldum Corbejensem Abbatem in omni necessitate sua clementer protegat, & præcipue in duabus Abbatibus obriendis: videlicet Kaminata & Wisbeke: quæ, quia fere collapsæ erant tam in religione, quam in possessionibus; mansuetissimus Pater noster CONRADUS eas Corbejensi Monasterio, & præfato Abbati jure proprio contulit, quatenus per ejus industriam Divinus ibidem ordo reformetur, & possessionibus recollectis, quæ dispersæ sunt, atque conservatis, loca penitus, ut cœperunt, non destruantur. Eugenius causam Judithæ Caminatenfis Abbatissæ depositæ, & causam Ducissæ Poloniæ, ad futurum Concilium Remense remisit.

§. VII. Depositionis sententiam, in Henricum Corbejensem latam, confirmavit Eugenius: & Monachos Corbejenſes hortatus eſt; ut tanquam boni & humiles filii, diligerent & honorarent *Wibaldum*, atque ut Paſtori ſuo condignam reverentiam & obedientiam impendentes, ad recuperandas & retinendas

poſſeſſiones & bona Corbejenſis Eccleſiæ viriliter aſſiſterent.

§. VIII. Congregatio Fuldenſis ob turbas, ſub Ruggero Abbate motas a Monachis aliquot expulſis, querelam derulit ad Concilium Treverenſe, in quo Abbatem depoſitum dicit Browerus, & ex eo Pagius ad hunc annum. (n)

(n) *Mabillon. in Annalibus Benedictinis Tomo VI. pag. 432.* oſtendit utrumque errare in nomine, cum Henricum Fuldenſem depoſitum dicunt in hoc Concilio: qui iudice *Schannato Tomo III. Hiſtoriæ Fuldenſis* anno 1048. nonis Novembris Henricum electum reluctantem narrat, & ne unum verbum de ejus depoſitione in Archivio Fuldenſi invenit. Mirum ut ſit, unde Browerus id hauſerit. Conjicit igitur Mabillon vel de Ruggero, vel de Alolpho Abbatibus querimoniam Treveros delatam fuiſſe, nam Spiram delatam ad Comitum anno proximo 1150. non diffitetur Schannatus, & Henrico ſponte vel coacte abdicanti a Concilio Spirenſi Imperatore præſente Marquardum Monachum in monte S. Michaelis Bambergæ propoſitum, & electum fuiſſe Abbatem XXXVIII. Fuldenſem.

§. 5. 6. 7. 8. *debemus Mabillonio in Annalibus Benedictinis Tomo VI. pag. 632.*

SYNODUS DIOECESANA SPIRENSIS

A GÜNTHERO (a) SPIRENSI EPISCOPO CELEBRATA,

In qua Limburgenſi Cænobio Neoburgenſis Præpoſitura conſertur, eidemque perpetuum annectitur.

ANNO CHRISTI MCXLIX. EUGENII III. PAPÆ V.
CONRADI III. REG. XII.

IN Nomine Sanctæ, & Individuæ Trinitatis. Noverint omnes Chriſti Fideles, qualiter ego *Güntherus*, Divina favente clementia, ſanctæ Spirenſis Eccleſiæ humilis Miniſter, tactus dolore intrinſecus, vehementer indolui ſuper deſtructione & deſolatione Nymburgenſis Præpoſituræ: ea videlicet rationis exiſtente cauſa, quod diſtraſtis Eccleſiæ poſſeſſionibus, nullum Dei ſervitium inibi per multa tempora celebratum ſit, neque aliqua reverentia Deo, & ſanctis ejus debita, exhibita ſit. Quamobrem, habito Concilio totius Cleri ac populi memoratæ civitatis, advocatis etiam episcopis, abbatibus, Præpoſitis, nobilibus, atque miniſterialibus, eorum conſilio & adhortatu communitus, Lindburgenſis Monaſterii Patronis, videlicet: Sanctæ Mariæ, Matri Domini, & beato Joanni Evang. Sanctæque Lucæ, cum reliquis Sanctis, ibidem dedicatione conſecratis, prætitulatam Præpoſituram

cum omnibus appenditiis ſuis, episcopali autoritate in perpetuum contradidi, eo videlicet rationis tenore: ut nullus ſucceſſorum meorum Præſul, aliquam ſpecialem poteſtatem ſuper eandem Præpoſituram deinceps habeat, ſed Lindpurgenſis Abbas jam ſæpe nominatam Præpoſituram abſque omni contradictione libere & abſolute in perpetuum poſſideat, atque ſervitium Dei cum fratribus ſuis in Eccleſia præſignata, ut decet, ordinate diſponat.

Hujus rei Teſtes ſunt iſti Clerici.

Zeizolf, Præpoſitus de Domo.

Ditmarus, Decanus.

Hartwigus, Camerarius.

Winemarus, Magiſter ſcholarum

Eggehardus, abbas de Sunneſheim.

Heinricus, abbas de Ottenheim.

Beringerus, abbas de S. Lamberto.

Adelbertus Præpoſitus de Herde, &c.

Hæc

(a) *Güntherus*, Comes de Lyningen, ſucceſſor Sigefridi cognati ſui, omnium votis electus 1142, præfuit magna cum laude.

Hæc traditio facta est in sancta *Spirensi Ecclesia*, in præsentia totius *Synodalis Conventus*, Anno Dom. Incar. MCXLVIII. Indiçt. XII. sub *Eugenio* Papa, *Kunrado* Rege, *Rubberto* Abbate existente, & de-

signatam Præposituram ab episcopali manu suscipiente.

Ex *Archæo Monasterii Limburgensis*,
quod est apud *Administrationem*
Heidelberge.

SYNODUS DIOECESANA HILDESHEIMENSIS

A BERNHARDO (a) EPISCOPO HILDESHEIMENSI CELEBRATA,

In qua recensio Bonorum ad *Lamspringensem Ecclesiam* spectantium instituitur, eorumque possessio eidem adversus raptores asseritur.

ANNO CHRISTI MCXLIX. EUGENII III. PAPÆ V.
CONRADI III. REGIS XII.

IN Nomine Sanctæ & Individuæ Trinitatis. *Bernhardus*, Dei gratia, *Hildesheimensis Ecclesiæ* Episcopus.

Quia multis injuriis claustra Deo famulantium sæpe gravantur, & agros Ecclesiarum, aut alios redditus, quos amici Dei pro salute animarum suarum illis contulerunt, iniusti homines quæsitis occasionibus sæpe conantur auferre; Idcirco venerabilis frater noster *Harduarius*, in Ecclesia Sancti *Adriani Lamespringe* Præpositus, sicut bonus Paterfamilias, pro sua congregatione sollicitus, munimina & defensiones, quas episcopi solent & possunt contra tales injurias ecclesiis conferre, devote & diligenter a nobis requisivit.

Nos itaque illius petitionem, quæ iusta fuit & provida, benivole exaudientes, prædictæ Ecclesiæ in cunctis redditibus suis, quos hætenus legitime possedit in villis, in campis, in pratis in sylvis, in molendinis, in aquarum decursibus, & in omnibus aliis, quæcumque & ubicumque fuerint, auctoritate Domini nostri *Jesu Christi*, & beati *Petri apostoli*, firmam pacem in præsentem, & in futuro constituimus, ita ut prorsus nemo in suis possessionibus aliqua injuria ipsam inquietare præsumat. Possedit autem hætenus legitime, & jure proprietatis prædicta ecclesia in ipso territorio *Lammespringe* mansos XV. cum ceteris attinentiis. In *Liermunde*

X. & IX. *Brunenshufen* VII. *Elbereshufen* V. *Hildolveshufen* IV. *Redingelhufen* VII. *Eckehardeshufen* v. *Inlesheim* IV. *Ledenem* x. *Hadageshufen* II. *Evenhufen* x. *Gothlerode* VII. *Holthufen* VI. *Siligem* I. *Pithele* I. *Quichbornen* IV. *Gistorp* II. *Magdefelde* III. *Herbergen* VII. *Stidigem* III. *Brunesrode* VI. *Edemesheim* I. Item in *Thuringia*, in *Elvericheshode*, & *Elvede* v. Possidet insuper prædicta ecclesia juxta *Netham* fluvium molendinum I. in *Liermonde* II. *Difeldisheim* I. *Cedenem* I. Et hæc nomina villarum, quarum decimas nostri prædecessores prædictæ contulerunt ecclesiæ, ut perhennem consolationem matris haberet filia; *Lammespringe*, *Liermunde*, *Holthufen*, *Vualdersheim*, *Getharode*, *Cedenem*, *Evenhufen*, *Northilleth*, *Bruneshufen*, *Moleshufen*, *Pithete*, *Eilberneshufen*, *Redingeshufen*, *Eckehardeshufen*, & *Bantherem*. Præterea possidet singulariter partim sylvæ, quæ *Hevere* vocatur, sub certis terminis usque *Ischirenwellen* & *Marwech*; Item, *Reddingelhufen* partem sylvæ, quæ appellatur *Sunderer*; item *Suvidereshufen* sylvam qualis jam dicta est. In *Leina* locum piscationis, qui dicitur *Wer*. Quod autem omnia, quæ hic enarrata sunt, prædicta ecclesia legitime possederit, illi sciunt, & novērunt, & testificari possunt, in quorum villis, aut viciniâ, sita sunt.

Super

(a) *Bernhardus* Episcopus XX. *Hildesiensis*, suæ Ecclesiæ, & aliis multis per *Dioecesi* sparsis Ecclesiis liberaliter benefacit, & Ecclesiæ suæ jura strenue defendit. Obiit 1153. Ordinationis anno XXIII. sepultus in Ecclesia S. *Godehardi* a se extructa, *Chronicon Hildesheimense Leibnitii Tom. I. Script. Brunsvic.*

Super omnes ergo prædictas possessiones prædictæ Ecclesiæ, autoritate Domini nostri Jesu Christi, & beati Petri Apostoli, firmam pacem in præseni, & futuro constituimus: atque ut rata & integra omni ævo permaneant, virtute banni episcopalis, quem Deus nobis concessit, & testimonio scripti & sigilli nostri diligenter eam firmamus, & corroboramus. Ita ut omnis, qui aliqua injuria vel aream, vel agrum, vel aliquid ex eis usurpaverit, ab omni communionem Sanctæ Ecclesiæ sequestratus cum diabolo damnetur, nisi resipiscat.

Data, & recitata est hæc pagina in Monasterio S. Mariæ Hildesheimens. coram Ecclesia, in Synodo generali. Anno Dom. Incarn. MCXLIX. Indiæ. XIII. VI. Idus Octobris.

Testes hi sunt:

Reinoldus Majoris Ecclesiæ Præpositus.

Hermannus Decanus.

Burhardus Præpositus in Monte.

Bruno Presbyter Cellerarius.

Bertholdus Scholasticus.

Laici: Berigerus, & Fridericus, Comites.

Lieudolphus Advocatus.

Cono de Hotten.

Rothericus de Eggesun.

Arnoldus de Barun.

Volmar de Hamelen.

Volmarus de Wackenstide.

Hertwicus de Asle, & alii quamplures.

*Ex Archæo Lambspringensi Sebannatus
b. mem. descriptis.*

Narratio historica restauratorum aliquot Episcopatum in Septentrione.

ANNO CHRISTI MCXLIX. EUGENII III. PAPÆ V.
CONRADI III. REGIS XII.

CUram restaurandi Episcopatus Septentrionales ab LXXXIII. annis vacantes, sibi hoc anno sumpsit Hartwicus Bremensis Archi-Episcopus, qui Alberoni defuncto anno MCXLVIII. jam plena potestate successerat, vir claritudine generis, & fervore proferendæ Christianæ Religionis, auctoritateque apud Principes eminens. Tres per Scaviam Episcopatus *Aldenburgensem*, seu *Lubecensem*, *Meckenburgensem*, qui haud multo post *Suerimensis* fuit, ac deinde *Raceburgensem* restituit. Aldenburgensi *Vicelinum* Episcopum imposuit, virum, qui per XXX. annos in Holsatia & Wagria Scavorum ex Apostolico munere versatus, id laboris constantia, fructuque Evangelii ante omnes promeruerat. Mecklenburgensi sedi præstitutus Suchardus, quem *Helmoldus Emmerhardum*, *Crantzio* Everhardum vocat: utrumque simul episcopum consecrari jussit: missique sunt

per hæc pacis tempora, uti *Helmoldus scribit*, in terram egestatis & famis, ubi sedes erat satanæ, & habitatio omnis immundi spiritus. Quemadmodum deinde *Vicelinus* Lubecæ, aliisque suæ Diocesis locis templis, altaria & cæteris Christianorum restituerit ex episcopi munere, quantoque fructu Regionem docendo, & barbaros ad fidem adducendo peragravit; quibuscum ærumnis & periculis illi luctandum fuerit, multis *Helmoldus* & Scriptores Septentrionalium rerum exponunt.

Sebatenus in Annal. Paderborn. ad b. ann.

Ex anonymi Historia Archiepisc. Bremens. à Lindenbrochio edita.

Ex Helmold Chronico Lib. I. C. 69.

Ex Alberto Stadenfi.

*Ex Crantzio Lib. V. Metropolis Cap. 24.
25. 26. 27.*

SYNO.

1150. S. Henricus Finlandiæ Episcopus, cujus magnam partem Christo lucratus fuerat, grassatione impiorum necatus, Martyrii coronam accepit. *Joannes Olaus de rebus Gothicis Lib. XIX. Cap. 3.*

SYNODUS HALBERSTADENSIS IN GATERSLEVE,

SUB ODALRICO EPISCOPO,

ANNO CHRISTI MCL. EUGENII III. PAPÆ VI.
CONRADI III. REGIS XIII.

*Confirmante donationem Decimæ in Eringeroth, factam à Præposito
S. Joannis Abbatie S. Michaelis, erga cambium duorum
mansorum in Thietforde.*

IN Nomine Sanctæ, & Individuæ Trinitatis. Ego Odalricus licet indignus Halberstad. episcopus. Quoniam diabolicæ suggestiones & hominum impiorum iniquæ machinationes filios Dei perturbare & inquietare non cessant; convenit nostræ sollicitudini, pauperum Christi, prout scimus & intelligimus, curam gerere, & eorum paci & quieti non tantum in præsentī, sed & in posterum omni diligentia providere. Notum itaque sit omnibus Halberstadenſis Ecclesiæ Filiis præsentibus, & futuris, qualiter ex petitione dilecti fratris nostri Frittherici Sancti Joannis in civitate Præpositi, nec non fratrum suorum, decimam quandam in villa, quæ dicitur Evingeroth, juxta lapidem S. Michaelis sitam, quam fratres S. Joannis ex longa institutione in distributione præbendarum suarum habuerunt, Abbati S. Michaelis, suisque fratribus, commoditati illorum intendentes, annuentibus fratribus in perpetuum concessimus. Ipse vero Abbas cum suis fratribus consentiente Abbatissa Quedlinbur-

genſe, suoque Advocato Friderico Comite Palatino, de prædio sui Monasterii duos mansos in minori Thietforde, ecclesiæ S. Johannis pro eadem decima demisit. Hæc autem inconvulsa ut permaneant, præſenti scripto signantes, auctoritate nostra roboramus, & episcopali anathemate firmamus. *Data Gathersleve XVII. Kal. Julii. in plena Synodo.* Anno Dominic. Incarnationis MCL. Indict. XIII. ordinationis autem meæ (a) anno primo, & hi designati testes de domo S. Stephani. Erpo Decanus, Conradus Camerarius, Henricus Presbyter, Fridericus Custos, Gero Diaconus, Egbertus Abbas Hajusburgensis, Burchardus Abbas Wimidoburgensis, Everwinus Pater Monasterii Hatthemersleveníſis. Erneboldus Pater Monasterii Stuterlingeburgensis. Godescalcus Præpositus Caldenburgensis, Wernerus Advocatus, & alii quam plures.

Leuckfeld antiquitates Meißelsheimenses pag. 90.

Kettnerus in antiquitatibus Quedlinburgensibus pag. 177.

(a) Lentzen in *Diplomatica Historia Halberstad.* hanc epocham veram habet, & forte sub finem 1149. ordinatum fuisse censet.

SYNODUS SALISBURGENSIS,

SYNODUS RATISBONENSIS,
SYNODUS BABENBERGENSIS.ANNO CHRISTI MCL. EUGENII III. PAPÆ VI.
CONRADI III. REGIS XIII.

Actum de Octavis B. M. V. & Doctrina Gerbohi Reicherſpergenſis, de gloria hominis in Deum assumpti, & in Deum nati.

ANNO MCL. Synodus quinque episcoporum sub Eberhardo Archiepiscopo apud Saltzburch habetur: ait *Chronographus Salisburgensis.* Quid ibi tracta-

tractatum sit, non constat. Sed alia Synodus eodem anno coacta Ratisbonæ; de qua Joannes Craftus in Chronico ad hunc annum: Beatus Eberhardus, sanctæ Saltz-

burgensis ecclesiæ Archi episcopus, in Synodo, quam Ratisbonæ suffraganeis suis assidentibus habuit, octavas Matris Mariæ beatæ instituit.

Eximiam ejus venerationem, qua Divam Virginem prosequabatur, adnotavit auctor vitæ Cap. IV. *Hujus, inquit, rei tot testes, quot decuriones Antistitis sunt. Omni petenti tribuere solebat, quod S. Mariæ nomine petatum fuisset. Ita ille, qui & narrat visionem cujusdam de Cœnobio Juvavenfi, quam post obitum Eberhardi vidit. Confpicatus est Virginem Deiparam, quæ velut puerum in gremio quendam charis amplexibus tenebat. De quo, quum Monachus hæsitaret, auditur eam ita loquentem: Hic est filius meus Eberhardus, qui nihil mihi unquam negavit.*

Anno MCLI, Eberhardus fuit Babenbergæ, ubi Gerhohus Præposito Reicherspergenfi dedit privilegium de rivo Senffinbach per terram Ecclesiæ suæ ducendo. *Dat. VIII. Kalend. Octobris.* Duæ videntur causæ Eberhardum veniendi Babenbergam impulsisse: prima dissidium inter monachos Biburgenses, & eorum Abbatem Conradum, quo in negotio diu, multumque Archi-episcopus cum episcopo Babenbergensi, sed frustra laboravit. Altera causa fuit doctrina Gerhohi de gloria hominis in Deum assumpti & in Deum nati; in qua diversos, & graves contradictores, atque impugnatores per omnem vitam suam a juventute habuit, ut scribit Auctor Chronici Reichersp. in vita Gerhohi. Ea res in quæstionem Babenbergæ vocata, de quo Gerhohus in lib. de Gloria & honore filii hominis, quem EBERHARDO in-

scripsit, cap. XV. ita memorat: "Æmuli mei hoc diffamarunt, quod ego in conspectu Babenbergensi omnino defecerim, quod falsum esse tu nosti, qui eidem conflictui præsens adfuisti, quique, ut offencicula quædam, exemplo beati Augustini retractarem, post conflictum illum rogasti, consulendo potius, quam præcipiendo; id ipsum quoque consulente Domino Babenbergensi aliisque. Et infra: Contentus, inquit, ero judicio tuo, venerande Pater Eberharde, Juvaviensis ecclesiæ Archipræsul; cui, si quid rationabiliter displicuerit in hoc ipso tractatu meo, paratus ero, juvante gratia Dei emendare in melius; quomodo & in cæteris opusculis meis, quæ tibi displicere cognovero.

Contendebat Gerhohus hominem Deum, adorandum summæ venerationis adoratione, unâ cum sua & in sua Divinitate; quâ homo ille non inter omnia, sed super omnia prædicatur ab Apostolo *Deus benedictus in sæcula.* Ita ipse in opusculo modo dicto Cap. XII. quæ sententia visa quibusdam accedere ad hæresim Eutichetis, duas in Christo naturas in unam confundentis. Inde pulsatus quæstionibus, appetitusque libellis a FOLMARO Præposito Trieffensteinii (seu Petre stillantis in Diocesi Wirzburgensi) homine pestifero (qui præsentiam Corporis Christi in Eucharistia negabat) ausus etiam mendacia sua & blasphemias contra Gerhohum effusas, ad Episcopum Pataviensem & Salisburgensem transmittere; ab utroque tamen contemptus, & ad nihilum deductus, ut ibidem refertur. Contra hujus Folmari errores Apologeticum scripsit Decanus Reicherspergenfis, cujus Præfatio habetur Tom. XXV. pag. 312. Bibliothecæ Patrum.

Hansitz. Tomo II. Germaniæ sacre in Historia Archiepisc. Salisburgensium.

SYNODUS METENSIS

ANNO CHRISTI MCLI. EUGENII III. PAPÆ VII.
CONRADI III. REGIS XIV.

Stephanus, Dei gratia, Metensis Episcopus, Theoderico Hasteriensis Abbati salutem & benedictionem. Citat ad Synodum Metensem ob querelam dilapidati Monasterii.

Hasteriensis Cœnobii quidam fratrum se nobis præsentarunt, & quod eorum Ecclesia multis modis per vos minoratur, & bona ipsius per negligentiam

tiam vestram contra licitum distrahuntur, multum conqueſti ſunt. Quoniam igitur illius Eccleſiæ providentia ad noſtrum ſpectat honorem, & illius deſenſio nobis ſpecialius incumbit, vobis præcipiendo mandamus, quatenus in proxima Metenſi Synodo, quæ ſequenti ſeptimana poſt Miſſam omnium Sanctorum celebratur, vos cum ipſis Monachis ante præſentiam noſtram omni remota occaſione veniatis, quatenus audita utriusque partis calumniâ, &

deſenſione, utrimque ſervatâ æquitate inter vos noſtra judicio diſcretio. Principimus inſuper, quod inter eundem & redeundum Monachis conqueſcentibus neceſſaria ſtipendia miniſtrare non reſuſcet veſtra proviſio.

Epiftola CCLXXIV. Stephani Epifcopi Metenſis, Citatoria Theodori Abbatis ad Synodum Metenſem.

Martene Pet. Scriptor. & Monument. Collectio. Tomo XXII. pag. 453.

SYNODUS LEODIENSIS

OBLATA ANNO MCII.

Conradus Rex petit ab Eugenio III. Papa, ut Herimanni Trajectenſis Epifcopi Electionem confirmet, & Comitem de Ara ab excommunicatione abſolvat, paratum ad ſiſtendum ſe Synodo, & purgandam calumniam ſibi impactam, canonico iudicio.

Dilectiſſimo Patri ſuo Eugenio, S. Romanæ Eccleſiæ ſummo Pontifici, CONRADUS Dei gratia R. Rex & ſemper Auguſtus, filialem per omnia dilectionem, & debitam in Domino reverentiam.

Vacante Trajectenſi epifcopatu poſt diſceſſum piæ memoriæ Heriberti epifcopi, miſimus ad eandem Eccleſiam legatos noſtros cum mandatis, motus temerarios, qui in rebus huiusmodi ſuboriri ſolent, & direptiones rerum eccleſiaſticarum fieri, auctoritate noſtra prohibentes. Mandavimus etiam ejuſdem urbis Clero honoratis & populo, ut depositis partium ſtudiis ſe ſe electioni futuræ in ſpiritu concordiæ & humilitatis præpararent, nec tale aliquid animoſitate certandi committerent, in quo libertas (a) electionis Canonice jus libertatis amittere convincerentur. Verum ipſi libertatem pietatis a Patribus indultam in velamen juſtitiaſſumescentes, diſſenſionibus & ambitione rem totam perturbare ceperunt, & longo tempore tantum poteſtatis tam in ſpiritualibus, quam in ſæcularibus rebus magnitudinem obſque rectore fluctuare permiferunt. Caterum ad animum rediens majoris Eccleſiæ Præpoſitus, & ejuſdem Eccleſiæ Decanus cum reliquo Clero & univerſis nobilibus, unanimi conſenſu in Dominum Herimannum Eccleſiæ S. Gereonis in Colonia Præpoſitum, virum ſcilicet integræ vitæ & probati te-

ſtimonii convenerunt. Sed quidam miniſteriales ejuſdem Eccleſiæ tumultu facti, armisq; illatis coegerunt quosdam de eodem Clero denominare, & quodammodo eligere *Fridericum Præpoſitum S. Georgii in Colonia*, hominem videlicet infra ætatem & ordines: cujus ignorantia fautores ipſius ad ſubverſionem Eccleſiæ abuterentur. Nos itaque de tantæ Eccleſiæ ruina compaſſione clementi dolentes, iterato miſimus eis cum præceptis regalibus legatos, impetrantes eis, quatenus omni occaſione poſt poſita mediante quadrageſima, quæ tranſacta eſt, noſtro ſe ſe conſpectui præſentarent, accepturi ex regio more contentionum finem, & urbis ſuæ Dominum, qui melioribus ſuffragiis juvaretur. Venit itaque præſatus Hermannus ad præſentiam noſtram ut cum ſuis electoribus; ſed illi, qui juvenem elegerant, juveniliter agentes, neque venerunt, neque canonicam excuſationem, ſeu legitimam tranſmiferunt, niſi quod prædicti Friderici Præpoſiti, Comes videlicet A. abſque atteſtatione Cleri & populi, & certis per Epiftoſas mandatis venit, & negotium diſferri poſtulavit. Verum nos adhibito *Epifcoporum & Principum, & virorum prudentium ac religioſorum conſilio*, conſideravimus electores prædicti Hermannii Præpoſiti ſanioris eſſe conſilii de perſona, a canonicis inſtitutionibus non diſcrepante, quibus ex magno fervore aſſentiebant

(a) *vel* redundat, *vel* lege libertatem electionis canonice ſeu jus libertatis.

tiebant omnes nobiles ac præpotentes ejusdem terræ, qui Trajectensem Ecclesiam & in pace legibus honestant, & in bello armis defensant. Itaque quia in nostra præsentia nulla contradictio juxta juris ordinem huic electioni opponeretur, cum omnis Ecclesia in nostram præsentiam esset vocata, judicatum est *ab Episcopis & Principibus*, nullam nos debere moram probabilibus desideriis inferere, sed personam absque vi & ulla mala machinatione electam, & in sacris ordinibus ætate congrua inventam provehere. Deinde Celsitudinem Sacerdotii vestri, quam verâ in Domino charitate amplectimur, attente monendo rogamus, ut opus a nobis

laudabiliter inchoatum benedictione sacræ manus vestræ perficere & confirmare non abnuatis, & labentis Ecclesiæ Trajectensis ruinam celeri benedictione fulciatis. Rogamus præterea Sanctitatem vestram pro nostro consanguineo Comite *de Ara*, quem quidam Clericus, nomine Jonathas, per surreptionem a vobis excommunicari fecit, quatenus eum a Leodiensi Episcopo absolvi faciatis, eo scilicet rationis moderamine, ut postquam fuerit absolutus, *Synodali*ter vocetur, & causa, quæ super quasdam ecclesias inter eos agitur, *Canonico* *Judicio* decidatur.

Martene Scriptorum veterum Tom. XXII. pag. 483.

Eugenii Papæ Declaratoria ad Archi-Episcopos & Episcopos Germaniæ, quod Guicmannus a Cicensi Ecclesia ad Magdeburgensem Imperiali Friderici I. auctoritate nulliter translatus sit; præterito electo ab Ecclesia Magdeburgensi Gerardo. Eadem est Responsorio ad delationem Episcoporum Germaniæ.

EUGENIUS EPISCOPUS, SERVUS SERVORUM DEI, VENERABILIBUS FRATRIBUS EBERARDO SALTZBURGENSI, ARTUVICO BREMENSI, ET HIL-
LINO TREVIRENSI ARCHI-EPISCOPI; EBERARDO BABENBERGENSI,
HERMANNO CONSTANTIENSI, HENRICO RATISBONENSI, OTTONI
FRISINGENSI, CONRADO PATAVIENSI, DANIELI PRAGENSI, ANSELMO

[a] HAMELBURGENSE, ET BURCHARDO EICHSTADENSI EPISCOPI,
SALUTEM ET APOSTOLICAM BENEDICTIONEM.

Litteras, quas pro causa Magdeburgensis Ecclesiæ vestra nobis prudentia, delegavit, debita benignitate suscepimus. In lectione autem & cognitione earum stupore nimio, & admiratione repleti sumus, eo quod longe aliud in eis, quam vobis ex officio Pontificatus immineat, perpeximus contineri. Cum enim in Ecclesiæ vertice sitis ex Divina providentia constituti, ut de medio ejus, quæ fuerint nociva, propellere, quæ utilia, debeatis attento studio conservare: in causa ista sicut ex suggestione litterarum vestrarum innotuit, non quod expediat Ecclesiæ Dei, quod *sacrorum canonum sanctioni* concordet, quod exinde cœlesti arbitrio approbetur; sed quod terrenis Principibus placeat, attendistis, & qui eorum animis a minus recta deflectere debuistis intentione, at-

que ubi esset via Domini, demonstrare: non persuasistis, quod rectum est, nec stetitis murus pro domo Israël: quoniam ipsis (ut ait (b) Propheta) parietem ædificantibus, vos (quod sine grandi admiratione vix dicimus) *linivistis illum luto absque palea*. Non ita sentiebat Princeps Apostolorum, qui ex fidei suæ confessione, ut totius ecclesiæ fundamentum esse accepit; sed cominantibus sacculi filiis, & Apostolis, si prædicarent in nomine Jesu, mortis exterminium intentantibus, confusus de Domini virtute respondit: *Oportet (c) obedire magis Deo quam hominibus*. Vos autem, ne a terrenis videamini Principibus dissentire, illi causæ favorem vestrum impendistis, cui & Ecclesiasticæ auctoritas constitutionis, & supernæ voluntatis examen pro certo creditur obviare.

Cum

(a) *credo Havelburgensi.*

(b) *Ezech. XIII.*

(c) *Aët. V.*

Cum enim translationes Episcoporum sine manifesta utilitatis & necessitatis iudicio Divina legis oraculum non permittat, cum etiam multo amplior, quam in aliis electionibus, Cleri & populi eas debeat prævenire concordia: in facienda translatione de venerabili fratre nostro Guicmanno Cicensi Episcopo nihil horum est, sed solus favor Principis expectatur, & non inspecta necessitate illius Ecclesiæ, nec considerata utilitate personæ, Clero nolente, immo (ut dicitur) ex parte maxima reclamante, in Magdeburgensi eum dicitis Ecclesia supplantandum. Super quo tanto amplius admiramur, quanto persona illa, cujus gravitatis sit ac scientiæ, ab antea dictis agnovimus, ac proinde, quantum Ecclesiæ illi sit utilis, non penitus ignoramus. Quoniam igitur, quicumque temporalis auriæ statibus agitentur, nos in illius petræ soliditate fundati, quæ in fundamentum meruit Ecclesiæ collocari: sicut non debemus, ita nec volumus omni vento circumferri doctrinæ, aut a sacrorum Canonum relicitudine impulsu aliquo deviare: per præsentia vobis scripta mandamus, qua-

tenus causæ isti favorem ulterius non præstetis, & apud charissimum filium nostrum Fridericum, quem Deus hoc tempore pro servanda libertate Ecclesiæ in eminentiam Regni evexit, efficere vestris exhortationibus studeatis; ut & ipse a sua super hoc intentione desistat, & contra Deum, contra sacros Canones, contra Regiæ dignitatis officium, eidem causæ favorem suum ulterius non impendat, sed Ecclesiæ Magdeburgensi, sicut & aliis Ecclesiis Regni a Deo sibi commissi, liberam facultatem, quem voluerint secundum Deum eligendi, relinquat, & electionem ipsam postmodum favore suo (sicut decet Majestatem Regiam) prosequatur. Nos enim, si quod de supradicto fratre nostro facere nititur, videremus ratione fulciri, nec voluntati ejus, nec postulationi vestræ duceremus aliquatenus obviandum. Contra Deum autem & sacrorum Canonum Sanctiones nulli omnino petitioni possumus præbere consensum. Datum Signiæ: decimo sexto Kalendas Septembris.

OTTO Frisingensis Lib. I. C. VIII. qui Fundamentum Friderici Regis hoc refert: tradit enim Curia, & ab Ecclesia eo tempore, quo sub Henrico quinto de investitura Episcoporum decisa fuit inter Regnum & Sacerdotium controversia, sibi concessum autumat, quod obeuntibus Episcopis, si forte in eligendo partes fiant, Principis arbitrii esse, Episcopum, quem voluerit, ex Primatum suorum consilio ponere, nec electum aliquem ante consecrandum, quam ab ipsius manu regalia per sceptrum suscipiat. Baronius ad b. a. in Annal. Eccles. N. VIII.

Martene Collect. amplissima Parte II. pag. 551.

Hardouin. Tomo VI. Concil. Parte II. pag. 1245.

Leuckfeld in antiquitat. nummariis Halberstadii pag. 75.

Extat alia Epistola Eugenii III. ad Capitulum Magdeburgense, in qua queritur, electum Præpositum suæ Ecclesiæ a septem Canonicis fuisse, sed Cicensem Cæsaris imperio in- & obtrusum fuisse Ecclesiæ Magdeburgensi.

Apud Martene & Durand. Tom. II. Collect. ampl. pag. 550.

Tertia Epistola Eugenii III. ad Hamburgensem Archi-Episcopum, qui electo faverat, refertur a Stapbörst. Hamburg. Ecclesiastica Historie Parte I. pag. 536.

Eugenio mortuo succedit Anastasius IV. qui Legatum ad Cæsarem misit, Gebhardum; sed is a Friderico non videtur admissus. Dein Imperator Wigmannum a se nominatum Romam ire jubet. Ab Anastasii successore Hadriano IV. demum Palium impetravit anno 1154. quo actualis Archi-Episc. Diploma dat Monasterio Paulini cellæ de Teloneo Salish. in Hallis, anno primo Ordinationis suæ.

Ludewig reliquia MS. Tom. II. pag. 191.

SYNODUS COLONIENSIS

ANNO CHRISTI MCLII. EUGENII III. PAPÆ VIII.
FRIDERICI I. REGIS I.

SUMMA. Arnoldus Archi-Episcopus Coloniensis compatitur Wicbaldo Corbejensi Abbati, quod ob iter ad Synodum Coloniensem anni 1152. invasionem iniquorum passus sit.

Tomus III. Concil. German.

A a a

WIBAL.

WIBALDO, DILECTO FRATRI SUO VENERABILI SANCTÆ CORBEJENSIS ECCLESIAE ABBATI, ARNOLDUS DEI GRATIA, SI QUID EST, COLONIENSIVM HUMILIS MINISTER, SALUTEM CUM INTIMA DILECTIONE ET OBSEQUIUM.

Etsi familiaritatis nostræ bene inchoatæ bene deinceps conservatæ fenes verbis exprimi non possit, paucis tamen de ipsa loqui, & ejus recordatione frui adeo suave est, ut sensu quidem intelligi possit, sed in sermone experimentum non habeat. Cum igitur omnibus adversitatibus vestris ex debito compatiar, maxime tamen & justius doleo id, quod cum *ad Synodum nostram veneratis*, invasionem iniquorum passus estis. Quidquid igitur super his honori vestro convenire videbitur, libenter persequar, quousque satisfactio condigna afferatur. Nunc autem, ne status noster vos lateat, sciatis, quod in obsidione castri Seyne positi simus, exitum rei adhuc ignorantes, & mentem Domini Trevirensis quasi in pendulo reputantes. Multa tamen tam timenda quam speranda

auribus nostris allabuntur, *sed charitas foras mittit timorem, spes autem non confundit.* Noscat Deus, qui scrutator omnium est quod non pro privato odio, sed pro iustitia & curæ pastoralis debito violatores pacis prosequar. Neceffe est enim, ut quia terra diu commota & conturbata est, sanentur ejus contritiones. Nunc autem, quia omnes inimici pacis inimici mihi facti sunt, obsecro orationes ab Ecclesia vestra pro peccatis meis fieri, ut sine quo nihil validum est, ejus adjutorio possimus subsistere. . . Valere. Siquid aliud nobis occurrerit, vos non latebit.

Inter Wibaldi Abbatis Epistolas Num. CCLXI.

Apud Martene Scriptor. Veter. & Monumentor. Collect. Tom. XXII. pag. 532.

*Constantiæ Concordatum mutuum inter
EUGENIUM III. Papam, & FRIDERICUM I. Regem
in Constantiensi Concilio.*

VENERABILI IN CHRISTO PATRI EUGENIO, DEI GRATIA, APOSTOLICÆ SEDIS PONTIFICI, FRIDERICUS, DEI GRATIA, ROMANORUM IMPERATOR AUGUSTUS, FILIALEM DILECTIONEM, ET DEBITAM IN CHRISTO REVERENTIAM.

Regis Majestatis dignitas postulat, ut quæ ad pacis & concordie bonum spectare noscuntur, attenta sollicitudine (a) stabiliantur. Hujus itaque rationis prospectu, concordiam inferius annotatam, quæ inter nos, & vos, Deo auctore, statuta est, sicut ab utraque parte stabilita est & ordinata, ne aliquid arbitrio nostro immutasse videamur, per eadem verba præsentis scripti præcepimus (b) annotari.

In nomine Domini, Amen. Hæc est Concordiæ forma & Conventionis inter Dominum Papam *Eugenium*, & Dominum *Fredericum*, Romanorum Imperatorem, constituta, mediantibus: *Gregorio S. Mariæ (c)* in Trans Tyberim, *Ubaldo S. Praxedis*, *Bernardo S. Clementis*, *Octaviano S. Cæcilie*, *Rollando S. Marci*, *Gregorio S. Angeli*, *Guidone S. Mariæ* in Porticu, Cardinalibus; & *Brunone (d)* Abbate de Claravalle, ex parte Domini Papæ.

Variantes Baronii ab Codice Vaticano, Schenmato viso.

- (a) Stabilire, ut inter Sacerdotium & Regnum indissolubili charitate bonum ipsum perpetuo perseveret, diligenti studio & exacta diligentia laborare.
(b) præcipimus. (c) in, abest a Baroniano exemplari.
(d) *Bernardo pro Brunone*, corrigit in margine Baronius. Male correctum vult Pagi, sed pro *Claravalle*, legendum *Caravallensi*: nempe Caravallis Abbatia est prope Mediolanum, cujus Abbas erat Bruno.

Papæ. *Anselmo* vero (*) *Havelbergenfi*, *Hermanno* (e) *Constantienfi* Episcopo, *Olderico* de (f) *Lenzeburg*, *Guidone* *Guerara*, & *Guidone* (g) *Blandratenfi*, Comitibus: ex parte Domini Regis. Dominus siquidem Rex unum de majoribus Ministerialibus Regni faciet in animam (b) Regis jurare, & ipse propria manu, data fide, in manu Legati Domini Papæ promissit, quod ipse (z) *Treugam*, nec pacem faciet cum Romanis, nec cum *Rogero* (k) *Siciliæ*, sine libero consensu & voluntate Romanæ Ecclesiæ, & Domini Papæ *Eugenii*, vel Successorum suorum, qui tenorem superscriptæ concordie cum eodem Rege *Friderico* tenere voluerint: & pro viribus laborabit Romanos subjugare Domino Papæ, & Romanæ Ecclesiæ, sicut melius unquam fuerunt a centum retro annis. Honorem Papatûs, & Regalia B. Petri, sicut devotus & specialis Advocatus Sanctæ Romanæ Ecclesiæ contra omnes homines, pro posse suo defendet: & conservabit, quæ (l) nunc habet; quæ vero nunc non habet, recuperari (m) pro posse (n) curabit, & recuperata defendet. Græcorum quoque Regi nullam terram ex ista parte maris concedet, quod si forte ille invaserit, pro viribus Regni, quanto citius poterit, ipsum ejicere curabit. Hæc omnia faciet sine fraude, & malo ingenio.

Dominus vero Papa, Apostolicæ auctoritatis verbo, una cum prædictis Cardinalibus, in præsentia præscriptorum Cardinalium (o) Domini Regis, promissit & (p) observabit, quod eum, sicut carissimum B. Petri Filium, honorabit, & venientem pro (q) coronationis suæ plenitudine, sine difficultate & contradictione, quantum in eo est, Imperatorem coronabit, & ad (r) manutenendum, atque augendum, ac dilandandum honorem Imperii, pro debito officii sui, juvabit, & quicumque justitiam & honorem [s] Regis conculcare aut subvertere, ausu temerario, præ-

sumpserit, Dominus Papa a Regiæ dignitatis dilectione præmonitus, eos ad satisfactionem canonice commonebit; quod si Regi, ad Apostolicam commotionem, [t] honori Regio justitiam tribuere contempserint, excommunicationis sententia innodentur. Regi etiam Græcorum, ex ista parte maris, terram non concedet; quod si ille invadere præsumpserit, Dominus Papa viribus B. Petri eum ejicere curabit.

Hæc omnia, ex utraque parte, sine fraude & malo ingenio servabuntur, nisi forte libero & communi consensu utriusque immutentur. Testes autem sunt, quorum nomina (u) inferius recitantur:

Arnoldus, Colonienfis Archi-episcopus.

Hermannus, Constantienfis Episc.

Anselmus (x) *Havelbergenfis* Episc.

Arditio, Cumanus Episc.

- - - *N.* Curienfis Episc.

Ubaldu, (y) *Stabulenfis* Abbas.

Albertus, Colonienfis Decanus.

Magister *Henricus*, Notarius.

Godefridus *Viterbienfis*, Capellan. Regis.

Ex Laicis. (z)

Welpbo Dux.

Marchio *Hermannus* de *Baden*.

Comes *Ulricus* de (a) *Lenzburgh*.

Comes *Wernerus* de *Lenzburgh*.

Anselmus, Camerarius & Ministerialis (b) Regni.

Signum Dom. FRIDERICI Rom. Imperatoris invictissimi.

Ego *Arnoldus*, Cancellarius recognovi.

Dat. *Constantiæ*, X. Kalend. Aprilis. Indict. XV. Anno Dom. Incarn. MCLII. Regnante Domino *Friderico* Rom. [c] glorioso (d) Domino nostro, Regni ejus I.

Ex codice MS. Bibliothecæ Vaticanæ descriptis Schannatus bon. m.

Baronius habet ad annum 1152. cujus variantes ab Vaticano adscriptimus.

Martene Script. veterum Tomo XXII. pag. 557. eandem formulam descripsit.

(*) *Hamelburgens*, corrigi in margine *Baronius* & *Pagi*, perperam uterque. *Havelbergenfis* recte scriptum. (e) *Hermanno*.

(f) *Zembruch*: in margine corrigi *Baronius* *Inspruck*: melior videtur Lectio Vaticana, quæ ubique legit *Lenzenburgh*. (g) *Baldratenfi*, *Baronius*.

(b) in anima. (i) nec recte addit *Baronius*. (k) Rege addit *Baron*.

(l) quæ nunc habet, omissa. (m) recuperare (n) juvabit pro curabit.

(o) Legatorum, non Cardinalium. (p) observavit (q) coronæ

(r) manutenendum (s) Regni (z) de jure & honore Regni justitiam

(u) subscripta videntur. (x) iterum corrigi male in marg. *Hamburgens*.

(y) *Wibaldus*, melius legit *Baron*. [z] quorum *Vulpbo* Dux. (a) *Luxenburgh*

(b) Regis. (c) Rege (d) Domino nostro, omissa.

Tomus III. Concil. German.

A a a 2

Epistola

*Gregorius Cardinalis post mortem Papæ
revocatus, convocat quosdam Episcopos ad WORMATIÆ Syno-
dum, optatque frui præsentia Wibaldi coram
Imperatore.*

GREGORIUS, DEI GRATIA, S. ROMANÆ ECCLESIÆ CARDINALIS, ET
LEGATUS, REVERENDO FRATRI WIBALDO, SUO UNANIMI
AMICO, CORBEJENSI ABBATI SALUTEM.

Licet fama mortis Domini Papæ nos
turbaverit, tamen audita perſona
ſubſtituti Domini Vicarii nos gaudio ga-
viſi ſumus, ſcientes, illum antiquum Ma-
giſtrum Eccleſiam, & nos tanquam ſe
ipſum diligere, modis omnibus honora-
re. Verum, quia ab amicis noſtris instan-
ter revocamur in feſto Michaëlis, Bre-
menſem, Hildeneſbeimenſem, Mindenſem, Wor-
matie vocavimus, quædem illis præcipere
volentes. Unde ad Dominum Regem

iterum vos libenter præſertem vellemus
habere, ut quæ cum eo agere debemus,
& in licentia ſuſcipienda tua nobis aſſiſte-
ret prudentia, & probitas nos Domino
Regi commendaret.

*Epistola CCCXCI. Gregorii Legati Pon-
tificii, Citatoria ad Conventum Wor-
matienſem cum aliis Episcopis Ger-
maniae.*

Apud Martene Tomo XXII. pag. 562.

*Epistola Bernardi & Gregorii Cardinalium
ad Wibaldum Abbatem. Invitatoria ad colloquium
Herbipolense.*

BERNARDUS PRESBYTER ET GREGORIUS DIACONUS, DEI GRATIA,
S. R. ECCLESIÆ CARDINALES ET LEGATI, DILECTO FRATRI
WIBALDO CORBEJENSI ABBATI SALUTEM.

Sicut per alia fraternitati tuæ scripta
nos miſſiſſe meminimus, ita denuo
præſenti ſcripto mandamus; quatenus
proxima quarta feria Herbipolim ad nos venias,
ubi eodem termino cum Rege ſumus habi-
turi colloquium. Quia vero Stabuleneſem
Eccleſiam vera in Domino charitate dili-

gimus, & ad ejus utilitatem libenter in-
tendimus, nihilominus tibi mandamus,
ut ita ad nos paratus accedas, quod poſt
colloquium noſtrum honeſte ire ad eam-
dem Eccleſiam valeas.

*Martene Scriptor. veter. Tom. XXII. pag.
562. inter Wibaldinas CCCXCII.*

CONCILIIUM WORMATIENSE

Anno Chriſti MCLIII. Eugenii III. Papæ IX.
Friderici I. Regis II.

*SUMMA. Primo in eo deponitur Henricus Archi-Epiſc. Moguntinus,
illique ſubſtituitur Arnoldus de Seleshoven. 2. Henricus Min-
denſis, 3. Burchardus Eyſtadienſis Episcopos deponuntur.*

I. **R**ex Fridericus in proximo Pa-
ſchate Bambergæ Coronam ge-
ſtans, duos Cardinales videlicet Bernar-
dum Presbyterum, & Gregorium Dia-
conum, ad depositionem quorundam Epiſ-
coporum ab Apoſtolica ſede deſtinatos, ſe-
cum

cum habuit : proximam deinde Pentecosten *Wormatiam* ferians, *Heinricum Moguntinæ Sedis Archi-episcopum*, virum pro distractione Ecclesiæ frequenter correptum, nec correctum per eisdem Cardinales deposuit, ac *Arnoldum Cancellarium suum* per quorundam ex Clero & populo, qui illuc venerant, electionem ei subrogavit.

Ex Chron. Mogunt. Anonymi. Otto Frisingensis.

Chronica S. Pantaleonis apud Eckhart. Chronographus Saxo.

Accusatur apud Papam *Henricus*, quod somnolentus & inutilis esset, quod vir venerabilis cognoscens, venerabiles nuncios pro sua excusatione ad summum Pontificem decrevit protinus destinare. Misit ergo omnium suorum secretorum cognitorem, *Arnoldum Clericum*, quem ipse paulo ante ad Præposituram majorem evehærat, tanquam eum, qui non posset immemor esse beneficii tam recentem obtenti. Erat autem *Arnoldus* miri ingenii & facundiæ, atque congestor infinitæ pecuniæ. Is itaque veniens ad Curiam romanam, Pontificatumque ambiens *Moguntinensem*, primum sibi Cardinales pecuniâ favorabiles acquisivit, deinde duos specialiter pecunia corrumpens, qualiter de sua propria promotione ageret, & postmodum consummaret, cum illis familiariter pertractabat. Tandem ab illis instructus, deque sua persona certificatus, cepit in suum Dominum accusationis jacula dirigere, quem venerat excusare. Breviter, tantum in sua processit audacia & effecit, ut duos legatos destinari peteret, hujus rei cognitores & iudices, obtinuitque eosdem ipsos a circumvento, & fraudis ignaro Pontifice, quos corruerat. Veniunt ergo legati *Wormatiam*. *Henricus Archi-episcopus* citatus comparet. Nihil prætere potest pro se, quod admitterent legati iudices. Igitur *Henricum*, laudabilem virum, ab Episcopatu amovenit, *Arnoldum* substituunt. Dicebatur autem, quod *Friedericus Imperator* huic negotio assensum præbuerit, sed occultum. Venerabilis vir *Henricus* tam manifesta perversitate turbatus, ipsos perversos iudices alloquitur in hunc modum : " Si ad sedem Apostolicam appellarem contra vestrum iniquum processum, Papa for-

" san ipse nihil amplius attentaret, &
" nihil mihi accresceret, nisi labor corporis, amissio rerum, afflictio Spiritus,
" & evisceratio mentis, & evacuatio gratiæ; appello ergo ad Dominum Jesum Christum, tanquam ad iudicem iustissimum, vos ad ejus tribunal citando. Ibi vobis coram summo iudice me respondurum promitto. Non enim iuste, nec secundum Deum, sed mercede corporis, sicut placuit, judicastis. At illi citationem factam quasi ludibrium excipientes, cum tu præcesseris, inquit, nos sequemur.

Henricus ex Præposito majoris Ecclesiæ *Moguntinæ Archi-episcopus* fuerat constitutus anno MCXLII. & a Rege in *Franckenfurt* investituram accepit, præsentibus Cardinalibus *Gregorio* & *Dieuwino*, & per hunc *Eugenius* anno MCXLV. eidem Pallium misit : *S. Hildegardi*, & *S. Bernardo Clarevallensi* notus & laudatus : nihilominus a Canonicis, quos reprehenderat, falsis apud Pontificem criminationibus denigratus, a Legatis, pecuniâ corruptis, anno MCLIII. depositus fuit.

Hæc ex Dodechino Serarius pag. 815. 816. primæ editionis.

II. Item *Henricus* (b) *Mindensis Episcopus*, dum propter Clericum quendam, qui in civitate a suis, ipso, ut dicebatur, consentiente, cæcatus fuerat, expurgare se non posset, multis exinde pressus adversitatibus, Episcopatum suum coram præfatis Cardinalibus renuntiavit, cui successit *Wernerus* ejusdem *Mindensis Ecclesiæ* major Præpositus.

[b] *Henricus* hoc nomine *Mindensis episcopus* ex alieno Monasterio ob prudentiam & devotionem postularus Abbas, dein omnium votis episcopus *Mindensis* electus fuit. Sub eo duo Monasteria condita fuere in hac Diocesi, alterum *Schinna* trans *Vifurgim*, alterum *Luccæ* ad *Leynam*. Fratribus suæ Ecclesiæ contulit curiam amplam in *Gehlenbecke*: demum vocatus a Legatis Apostolicis *Eugenii III. Gregorio* & *Bernardo* ideo fuit, quod Clericum quendam oculis privari passus fuerat. Et cum factum nec negare, nec excusare posset, sponte se abdicavit Diocesi, reversusque ad suum Monasterium *Bursfeldense* est, ubi in pace obdormivit anno MCLIII. in crastino *B. Potentianæ*

ginis postquam Ecclesiæ Mindenſi XII. annis cum laude præſuiſſet.

Ita Chronicon Mindenſe Buſonis Walenſediti, editum a Franc. Paullini in Syntagmate.

Henricus Mindenſis Episcopus, dum propter Clericum quendam, qui in civitate a suis ipſo conſentiente (*ut dicebatur*) excæcatus fuerat, coram præſatis Cardinalibus Episcopatum renuntiavit, cui ſucceſſit Wernerus ejusdem Ecclesiæ major Præpoſitus.

Fellerus in trimestri Monumentorum ineditorum ex chronico veteri Colon. MS.

III. Forte in eadem Synodo Moguntina Burchardus Eystadienſis depositus fuit: quem *Bucelinus* tetro colore depingit, quod monachos ex Heydenheim exturbaverit.

IV. Bernhardum Hildenesheimenſis Episcopatu absolutum fuiſſe, & mortuum, ſucceſſore Brunone, ſcribit *Chronographus Saxo*.

Chronographus Saxo refert has depositiones Henrici Moguntini, & Henrici Mindenſis ad MCLV. & Concilium Wormatiæ habitum.

Otto Frisingenſis ad MCLII. uti & Chronicon Anonymum Moguntinum MS. ad Wormatiensem Conventum refert.

De Wormatiensis Concilii exitu hæc notanda:

REM refero, fratres, omnibus illius Sacculi notiſſimam. Mors venerabilis Henrici multis innotuit. Pervenit etiam ad aures illorum Cardinalium, qui ab Episcopatu eum amoventes, ſe promiferant ſecuturos: & ludentes ad alterutrum, dixerunt: *Ecce præceſſit, ſuo tempore nos ſequemur.* Et ecce tranſiit breve tempus, & ambo una die moriuntur. Nam unus ſedens in ſede naturæ, ut purgaret ventrem, omnia inteſtina ſua in cloacam ejecit: & animam miſerabiliter exhalavit. Alius manuum ſuarum digitos articulatum admordens, & de ore expuens, deformatis manibus, quaſi ſeiſpum devorans expiravit. O Deus ultionum Domine! Deus ultionum Dominus, hoc eſt, juſtum exercens judicium. Et in his omnibus non eſt averſus furor ejus, ſed adhuc manus ejus extenta. Audita ſunt hæc in terra noſtra & fama celebri divulgata, nec a quoquam aliud dicebatur, quam benedictus Dominus, qui Venerabilis Henrici juſte injuriam vindicavit.

Conradus in Chronico Moguntino relatus a Baronio. Sed Baronius conſictam banc ultionem opinatur, & argumenta quædam proſert de longiore vita eorum Legatorum Pontificiorum poſt 1153.

Epistola S. Bernardi Clarævallensis Abbatis Apologetica pro Henrico Archiepiscopo Moguntino.

DOMINIS & Patribus Reverendis, Apoſtolicæ ſedis Legatis, puer Sanctitatis eorum, Bernardus, Claravallis vocatus Abbas, per omnia Deo placere, & gratos fructuoſæ ſuæ legationis manipulos reportare.

Eſti corpore remoti, ſed affectu & bona voluntate vobis appropriavimus: optantes & orantes dirigi actus, & ſtudia veſtra ad omne, quod decet & expediat. Inde eſt quod audientes miſerandum illum Archi-epiſcopum Moguntinenſem vocatum ad veſtram præſentiam, ibique reſponſurum adverſariis ſuis; auſi ſumus veſtram pro eo interpellare bonitatem.

Serarius & Chronicographi Moguntini nihil niſi laude dignum de hoc Henrico I. ſcripto reliquerunt: ejusdem ſupplantator, & Legatorum corruptor, & ſucceſſor Arnoldus, quam horribili mortis genere peremptus fuerit anno 1160. narrant *Dodechinus, Bruſchius, & ex iis Serarius Lib. V. pag. 820. rerum Moguntiacarum.*

In hoc enim credimus honorificari miniſterium veſtrum, ſi quatenus ſalva juſtitia licet, parieti inclinato, & mæcæriæ depulſæ humeros veſtræ auctoritatis ſupponitis, nec calamum quaſſatum conteri, nec linum fumigans (quod in vobis eſt) extingui permittitis. Sentiat obſecramus, ſibi proſuiſſe & precem noſtram & ſuam ſimplicitatem, ob quam fertur a falſis fratribus circumventus potius, quam inventus in aliquo dignus depositionis.

Inter Epistoſas S. Bernardi No CCCII. Editionis Merloboſtii pag. 124.

Atrox alteram Apologiam Henrici Mindensis episcopi, ab iisdem Legatis depositi in Conventu Wormariensi, scriptam a Wibaldo Abbate Stabulensi, & Corbejensi, viro sui Sæculi clarissimo:

Wibaldi Abbatis ad Arnoldum Archi-Episcopum apologetica pro Henrico I. Episc. Mindensi, Colonia perperam accusato & Wormatiæ deposito. Congratulatur ei de victoria, interceditque apud eum pro Episcopo Mindensi.

REVERENDO IN CHRISTO PATRI SUO ET DOMINO ARNOLDO S. COLONIENSIS ECCLESIE VENERABILI EPISCOPO, FRATER WIBALDUS, DEI GRATIA, ID QUOD EST IN ECCLESIA CATHOLICA, EXIGUAS ORATIONES ET DEVOTUM SERVITIUM.

Læti sumus in his, quæ dicta sunt nobis, & in domum Dni lætantes & gratias agentes ivimus, pro eo quod gloriosum de tyrannis & latronibus triumphum reportastis: qui ubique locorum ita peccatis facientibus nunc excreverunt; ut nulla Ecclesia, nullus omnino locorum, sacer aut laicus, ab illorum possit infestatione defendi. Quam quidem victoriam vestræ beatitudini Divina potentia in multos annos concedat. Vestræ autem Celsitudini notum esse volumus, quod in transacto *proxime beati Jacobi Apostoli festo Mindam rogatu Episcopi & petitione Cleri descendimus*, ad compacandas & componendas dissensiones quasdam, quibus Episcopi & Cleri fuerat perturbata concordia. Et hæc quidem causæ non erant criminales, aut peremptoriæ, sed potius *de fundis videlicet de Molendinis, de paludibus, de compascuis, de hereditatibus & patrimoniis*, pro quibus adversum se litigabant villici Episcopi, & villici Canonorum, & quidam Clerici contra quosdam laicos. Erat hæc commotio paulo inflatior adversus episcopum, pro eo, quod *in Concilio Coloniensi (a) accusacionem cum gravi repulsa sustinuerat*, nullo tamen, quantum pericrutarì potuimus, in tantum progrediente, ut illius recitati verbo & accusacioni, vel etiam *querelæ Walderi* ullo patrocini, vel testimonii modo vellet assistere. Siquidem *in eodem solemnitate celebratione prædictus episcopus publice in pulpito Ecclesiæ denuntiavit excommunicatos esse, & anathematis sententiam protulit in eos, qui Clericum exacerant, & operam consilii vel auxilii in hoc maleficio adhaerant*. Omnibus itaque ex Divino beneficio in concordiam revocatis, tenavimus etiam *Waldero illi* pertinaciam suam in Episcopi vexatio-

ne dissuadere, sed & ipse multis audientibus asseruit, quod fide data esset a vobis prohibitus, ne pacem cum ipso reformaret. Quod nos, qui nobilitatem vestram, & mentis excellentiam jam dudum novimus, nequaquam credere potuimus, *ut suffraganeo vestro*, qui Metropoli devotus semper militavit, & personam vestram præ omnibus dilexit, & honoravit, hanc vellet inferre contumeliam, ut causam ipsius, quam ex Judicio terminare propter importunam accusatorum insolentiam non potuistis, per concordiam finiri non pateremini. Novit enim eruditio vestra, quorum consilio, quave disciplina iidem adversarii episcopi Judicium vestrum, quod suffraganeorum & Ecclesiæ vestræ testimonio & assensu erat subnixum, recusare præsumserunt, quo ordine *quibusve induciis datis appellaverunt*, sicut ex transcriptis eorum libellis considerare poterit vestra discretio, retentis apud nos eorum exemplaribus. Et licet, ut prædictum est, plane sciamus, animi vestri magnitudinem in tam viles & abjectas meditationes nequaquam decidere potuisse, ut cum jam dicto *Waldero* tam enormes conditiones inire deberetis; pro familiari tamen & intima dilectione, qua sanctitatem vestram longo jam tempore diligimus, admonere coronam vestram non dubitamus, *apud Dominum Mindensem, & Ecclesiam ipsius* ab hac suspicione gloriam vestram liberare non dedignemini. Auxit enim metum Episcopi literarum vestrarum, *quæ Domino Papæ scriptæ sunt, inspecta series*, quæ pro ipsius Innocentia nihil agere videntur, quas a vobis scriptas, sive perleetas omnino negavimus, ob hoc scilicet, quod intelligentia vestra bene notavit, hoc esse inferioris Judicis officium, ut cum

(a) Hujus Coloniensis Concilii acta, imo annus & dies desiderantur.

ab ipso ad superiorem fuerit appellatum, ita studeat actionis ordinem enarrare, ut æquitate servata neutri parti videatur favorem inclinasse. Quod in literis istis nequaquam factum esse cognoscetis. Ego Walderus Dei gratia, Diaconus, & sanctæ Mindensis Ecclesiæ qualiscunque Canonicus, Papam appello, ipsius tutelæ me, & mea committens, ad quem te Henricum Mindensem Episcopum invito, pro violenta subreptione Decaniæ meæ, & pro aliis, quæ habeo contra te, responsurum nonis Septemb. Ego Fortlevius Subdiaconus appello te H. Mindensem Episcopum, ad præsen-

tiam Domini Papæ de sacrilegio, eo quod tuo consilio & jussu exoculatus sim & plagatus. Diem statuo Kal. Octob. Hujusmodi appellaciones, imo vero confusiones, effractus foribus Episcopi, non absque sanguinis effusione in pavimento sunt projectæ, & sicut Episcopo non præsentatæ, ita, nec ab ipso visæ, quas quidem nos a manu Decani Ecclesiæ B. Martini in Minda eadem die suscepimus.

Inter Wibaldi Epistolæ CCCLXV.

Apud Martene Scriptor. veter. & Monument. Tom. XXII. pag. 532.

SYNODUS CONSTANTIENSIS

ANNO CHRISTI MCLIII. EUGENII III. PAPÆ IX.
FRIDERICI I. REG. II.

SUMMA. Divortium Friderici I. & Adelheidis.

FRidericus Imperator reliquit uxorem suam Adelheidam, Filiam Marchionis de Vochburg, ob consanguinitatem. (a) Anno 1153. apud urbem Constantiam. (b) hoc divortium factum fuisse coram Legatis Sedis Apostolicæ, scribit Otto Frising. (c) iudicio & consilio Archi-Episcoporum & Episcoporum. (d)

Adelheide relicta nuptias appetiit Principis Mariæ, Filia Isaac Imperatoris Constantinopolitani: in quem finem Anselmus Havelbergenfis Episcopus, &

Alexander de Apulia, ab Imperatore Constantinopolim Legati fuere, ubi occasionem habuit Germanus Episcopus eruditissimi Colloquii polemici cum Episcopis Orientalibus instituendi de discordia doctrinæ inter Orientales & Occidentales Episcopos: quod in *Spicilegio Dacberi* impressum est. Hoc tamen matrimonium ad effectum deductum non fuit.

Anno MCLVI. Beatricem, filiam Rainaldi Burgundiæ Comitis, in thalamum regium accivit post Pentecosten. (e)

(a) Otto Frisingensis Episcopus, & Gunterius Ligurinus.

(b) Dodechinus.

(c) & Albertus Stadenfis apud Schilterum.

(d) ait Albericus Monachus trium Fontium.

(e) Unde in populo Dei scandalum gravissimum sequitur & variæ locutiones. Epiphonema est Trithemii in Chronico Hirsaugiensi ad a. 1156.

SYNODUS AUGUSTANA

ANNO CHRISTI MCLIV.

SUMMA. *Lis orta inter Ecclesiam Aichensem, & Abbatissam cœnobii de Kuebach, a Chonrado Episcopo Augustano in Synodo solemniter decreto compositur.*

IN Nomine Sanctæ & Individuæ Trinitatis. Anno MCLIV. Incarnationis Domini, Indiæ. III. xv. Kal. Octob. Regnante Friderico Rege Glorioso. Ego Conradus, Augustensis Ecclesiæ Episcopus licet indignus in generali Capitulo cum choro majoris Ecclesiæ, ac sex venerabilibus Abbatibus, ac undecim Regularibus Præpositis, ac innumera

multitudine Clericorum justitiæ devotæ (a) faventibus; Cum Dominus abbas S. Udalrici Heleto, & latini Comitis in hoc negotio missi Vicarii, contestata lite, per patronos causarum pro Ecclesia Aichina adversus Dominam Abbatissam de Kuebach Adelheidam, cœperunt litigare, volentes prædictam Ecclesiam, quasi matri-

(a) forte devotè.

cis Ecclesiæ Aichan filiam comprobare :
... Cæterum Domina Abbatisa Eccle-
siæ prædictæ libertatem ac matrem per
se iustitiæ firmitate & veritatis tenore
credibili testimonio comprobavit ; quo-
rum testium nomina hæc sunt *Minhart* ,
Otto , *Dietmar* , *Conrad* , *Udalrich* , hi erant
Presbyteri ; *Merbotbo* laicus : ea propter
recognita iustitia S. Magni Ecclesiæ præ-

dictæ libertatem confirmamus ; & qui-
cumque ausu temerario *Capitali nostri*
decretum irritare voluerit , æternæ dam-
nationis reum , excommunicationis per-
petuæ vinculis eum innodamus , Sig-
num propria manu nostra subscribimus.

*Hundius in Metropoli de Canobio Sancti-
monialium in Kuebach.*

SYNODUS HALBERSTADENSIS,

ANNO CHRISTI MCLIV. ANASTASII IV. PAPÆ I.
FRIDERICI I. REG. III.

*Memorata, in subiecta Epistola de loco Hanstede, ab Ecclesia Goslariensi
possessa, ex Synodi Halberstadensis iudicio.*

ANASTASIUS EPISCOPUS, SERVUS SERVORUM DEI, VENERABILI FRATRI
ULRICO EPISCOPO, ET DILECTIS FILIIS CANONICIS HALBERSTADENSIS
ECCLESIAE, SALUTEM ET APOSTOLICAM BENEDICTIONEM.

QUæ Canonico Iudicio alicui Eccle-
siæ est adjudicata possessio, &
debet sine aliqua contradictione relinqui.
Pervenit quidem ad nos, quod Ecclesia
Goslariensis in loco, qui Hanstede vo-
catur, possessionem quandam in *Synodo
Halberstadensi* ei adjudicatam obtinuit,
quæ longo tempore violenter fuerit spo-
liata. Quia igitur injustum est, ut præ-
dicta Ecclesia super hoc de cætero infe-
steret, per præsentia vobis scripta man-
damus, quanquam si aliqui injustitiæ

forfitan amatores, jam dictam Ecclesiam
pro eadem possessione inquietare decre-
verint, vos ab ipsorum infestatione me-
moratam Ecclesiam pro debito vestri of-
ficii defendatis, & faciatis ipsam posses-
sionem pacifice possidere. Data Romæ
apud S. Petrum xviii. Kal. Julii.

(L.S.)

*Refert hanc Epistolam Leuckfeld in Anti-
quitatibus Paldensis Monasterii, in
appendice IV. num. IX.*

Anastasius IV. successit Eugenio III. anno 1153. VII. Idus Julii, obiit 1154. IV. Nonas
Decembris.

*Turegium, Helvetiæ urbs, & Germania ab
Arnaldi Brixienfis erroribus per S. Bernardum & Hadrianum IV.
Papam liberata.*

CIRCA ANNUM CHRISTI MCLV. HADRIANI IV. PAPÆ II.
FRIDERICI I. REG. IV. IMP. I.

ARNALDUS, Brixiae in Italia natus, ab
Episcopo suo ob turbas, Romæ,
& in aliis Italiæ locis excitatus, accusatur
apud Concilium Lateranense, II. Gene-
rale in Occidente, celebratum anno
MCXXXIX. cui silentium imponendum
Innocentius II. P. R. decernit.

Accusatur denuo apud Papam de
schismate inter Populum & Clerum su-
Tomus III. Concilior. German.

scitatus, ob quam causam Brixia expulsus
fuit & compulsus ad iuramentum, non
revertendi in patriam, nisi Apostolicæ
Sedis permissu.

In Franciam fugiens, ex eadem ex-
turbatus fuit tum ob suos errores, tum
quod Abaelardi sui magistri jam damna-
tos errores defenderet pertinaciter. Ex
Italia & Francia proscriptus, in Germa-

B b b

niam

niam diverit, ad urbem Turegium (Zürich) ubi Doctoris titulum sibi arrogavit, & pernicioſa ſua principia diſſeminavit.

S. Bernardus in vicina Burgundia Claravallensis Abbas acceptâ famâ, ad Episcopum Constantiensis urbis, in cuius Diceceſi Turegium erat, ſcripſit Epistolam, CXCIV. inter editas a *Merlo Horſtio*, monitorem, ut oves a lupo protegeret. Anno MCXLIII, ſimilis argumenti Epistolam dedit ad Guidonem, qui eum ſerpentem in ſua familia ignarus mali alebat.

Anno MCXLIII. comperta Innocentii II. morte, & forte animadverſis Literis S. Bernardi, Turegio Romam clam rediit, & graviorem ſeditionem excitavit. Nil enim populo gratius auditu, quam in Clericorum opes, quas injuria poſſideri, & teneri, Arnaldus dogmatizabat, involare; cuius ſpecimen dedit, dum Cardinalem Gerardum in publico Romæ aggreſſus eſt, & vulnera ſauciavit.

Hadrianus IV. factô intellecto interdixit & proſcripſit Arnaldum, ſed fruſtra. Imperator Fridericus eodem nuntio percuſus, hominem in Tuſciæ finibus errantem in vincula conjici juſſit, ſuoque examini ſiſti, uti tumultus popularis autorem.

Hadrianus Papa hoc comperto duos Cardinales Gerardum & Gregorium ad Imperatorem ablegavit, & hominem toties ab Eccleſia damnatum, ſibi extradi-

petiit: Imperator miſſis apparitoribus cepit unum de Vice-Comitibus, unde Arnaldus Cardinalibus extraditur.

Præfectus urbis Romanæ captum & convictum variorum ſclerum in Deum, Eccleſiam, & Rempubicam, laqueo addixit: ſtrangulati cadaver rogo publico crematur, & cineres Tiberi injiciuntur, ne ſtolido popello idoli ſui venerandi occaſio relinquatur.

Hæc Gretſerus Tomo VI. operum novæ editionis pag. 603.

Ex coævis Scriptoribus Othone Friſingenſi, Gunthero Ligurino, S. Bernardo, Epistolis Pontificiis, & Canonibus Concilii Lateranenſis: quos & Illmuſ Baronius ſecutus eſt.

Errores Arnaldi hos Otto Friſingenſis Episc. recenset Lib. II. de geſtis Friderici. C. 20.

Arnaldus è ſtudio in Galliis ſub Abaelardo, in Italiam revertens, religioſum habitum, quo amplius decipere poſſet, induit, omnia lacerans, omnia rodens, nemini parcens, Clericorum ac Episcoporum derogator, Monachorum perſecutor, laicis tantum adulans. Dicebat enim, nec Clericos proprietatem, nec Episcopos regalia, nec Monachos poſſeſſiones habentes, aliqua ratione poſſe ſalvari. Cunctaque hæc Principis eſſe, ab ejuſque beneficentia in uſum tantum laicorum cedere oportere. Præter hæc de Sacramento Altaris, Baptismo parvulorum, non ſane dicitur ſenſiſſe.

Pagius in Critica Bavonii ad 1139. N. IX. cenſet, Arnaldum de Brixia in Concilio Lateranenſis Canone xxiii. damnatum fuiſſe: ſed in eo nomen Arnaldi non legitur, nec de ejuſ præcipuo errore mentio fit. Damnatum tamen in eo Concilio hunc errorem, nec Canoniftæ, nec Hiſtorici dubitant.

Epistola Alexandri III. Papæ electi, Narratoria de violenta irruptione in Papalem Thronum Octaviani Antipapæ, ab Alexandro III. cum ſuis fautoribus excommunicati, VITANDI DENUNTIATORIA.

ALEXANDER III. EPISCOPUS, SERVUS SERVORUM DEI, VENERABILI FRATRI EBERHARDO, ARCHI-EPISCOPO SALTZBURGENSI, ET DILECTIS FILIIS ECCLESIE . . . ET UNIVERSO CLERO . . . SALUTEM ET APOSTOLICAM BENEDICTIONEM.

ÆTerna & incommutabilis providentia Creatoris Sanctam & immaculatam Eccleſiam ſuam a ſuæ fun-

dationis exordio, ea ratione & ordine voluit gubernari, ut unus ei Paſtor & inſtitutor exiſteret, cui univerſarum Eccleſia-

clēsiarum Prælati absque repugnantia sub-
jacerent, & ab eo nullatenus dissi-
derent. Qui vero Apostolis suis, pro eo-
rum fidei firmitate, promisit, dicens :
Ego vobiscum (a) sum omnibus diebus usque
ad consummationem sæculi ; ille procul du-
bio Ecclesiam suam, cujus Apostoli ipsi
magisterium assumpserunt, sua promif-
sione fraudari nullo modo patietur : sed
eam in suo statu & ordine, licet ad in-
star naviculæ Petri aliquando fluctuare
videatur, perpetuo faciet permanere.
Unde &, quamvis hoc tempore tres
falsi fratres (b) qui a nobis exierunt, sed
de nobis non fuerunt, transfigurantes
se in angelos lucis, cum sint ipsi satanæ,
inconfutilem Christi tunicam, scindere
& laniare laborant, Christus enim au-
ctor & caput Ecclesiæ, eam velut uni-
cam sponsam suam, provida gubernatione
tuetur, & navem egregii piscatoris,
licet quassatam a fluctibus, non per-
mittit naufragium sustinere.

Porro, cum antecessor noster bonæ
memoriæ, Adrianus IV. Papa, Kalendis
Septemb. dum essemus *Anagnia*, debi-
tum naturæ solvisset, & e terris ad Cœ-
lum, ab imis migrasset ad superna ; eo
Romam adducto, & 11. Non. Septemb.
in Ecclesia Beati Petri, præsentibus fe-
re omnibus fratribus, satis honorifice, si-
cut mos est, intumulto, cœperunt
fratres, & nos cum eis, secundum
Ecclesiæ consuetudinem, de substituendo
Pontifice studiosius cogitare, & tri-
bus inter se diebus de ipsa electione tra-
ctantes, tandem in personam nostram
insufficientem huic oneri, & tantæ dig-
nitatis fastigio minime congruentem,
omnes fratres quotquot fuerunt, tribus
tantum exceptis, Octaviano scilicet, &
Ivone de Sancto Martino & Guidone
Cremensi (Deo teste, quod non menda-
cium fingimus, sed sicut est, meram lo-
quimur veritatem) concorditer atque una-
nimiter convenerunt, & nos, assen-
tiente Clero, & populo in Romanum
Pontificem elegerunt, duo vero, Ivo
scilicet, & Guido, quos prænotavi-
mus, tertium, scilicet Octavianum no-
minantes, ad ejus electionem pertina-

citer intendebant, unde & ipse Octavia-
nus in tantam audaciam, velaniamque
prorupit; quod mantum, quo nos relu-
ctantes & renitentes, quia nostram in-
sufficientiam videbamus, Odo, prior
Diaconorum, juxta morem Ecclesiæ
induerat, tanquam arreptitius, collo
nostro propriis manibus violenter excu-
sit, & secum inter tumultuosos fremitus
asportavit. Cæterum, cum quidam ex
senatoribus tantum facinus inspexissent,
ex eis unus, Divino Spiritu incensus,
mantum ipsum de manibus eripuit sæ-
vientis: ipse vero ad quendam Capella-
num suum, qui ad hoc instructus vene-
rat & paratus, illico flammeos oculos
fremebundus inflexit, clamans & in-
nuens, ut mantum, quem secum por-
taverat, festinanter afferret: quo itaq;
sine mora delato, abstracto pileo &
capite inclinato, cunctis fratribus aut
loco, aut voluntate remotis, mantum
per manus ejusdem Capellani, &
ejusdem Clerici sui ambitiosus recepit,
& ipse, quia non erat alius, in hoc
opere Capellano & Clerico extitit co-
adjutor. Verum, ex Divino Judicio
credimus contigisse, quod ea pars man-
ti, quæ tegere anteriora debuerat, mul-
tis videntibus & ridentibus, posteriora
tegebat: & cum ipse idem hoc studio-
sius emendare voluisset, quia capitulum
manti, extra se raptus invenire non po-
terat, collo fimbrias circumduxit, ut
saltem mantus ipse quomodolibet appo-
situs ei videretur. Sicque factum est,
ut sicut cæcæ mentis erat & obliquæ in-
tentionis, ita ex transverso, & obliquo
mantum fuerit, in testimonium suæ
damnationis, indutus. Quo facto, por-
tæ Ecclesiæ, quæ firmatæ fuerant, refe-
rantur, & armatorum cunei, quos,
sicut ex re apparuit, pecuniæ largitio-
ne conduxerat, evaginati gladii cum
impresso strepitu concurrerunt, & pe-
stis illa mortifera, quia Cardinales &
Episcopos non habebat, armatorum
caterva militum vallabatur. Fratres vero
facinus tam immensum, & a sæculis in-
auditum, exinsperato videntes, & for-
midantes, ne a conductitiis militibus truci-
daren-

(a) Matthæi XXVIII.

(b) Octavianus Anti-Papa dictus Victor IV. a factione Petri Leonis Anti-Papæ defuncti
Cardinalium electus: Joannes de S. Martino, Guido Cremensis.

darentur, sese in munitiones Ecclesiæ nobiscum pariter receperunt, ibique IX. diebus continuis, ne exinde libere exiremus, fecit nos, quorundam senatorum assensu, quos pecunia oblata corruerat, diu nocturne armata manu cum omni diligentia custodiri. Sane, omni populo incessanter acclamante, & in senatores, pro tanta impietate, multa immanitate fremente, de custodia sumus illius munitionis erepti: sed in altiori loco trans Tyberim nos iidem senatores, recepta inde pecunia, posuere, cumque ibidem moram ferme per triduum fecissemus; universo populo tantam prodicionem atque malitiam nullatenus sustinente, senatores cum nobilibus & populo venientes, nos, & fratres nostros per urbem magnifice & honorifice, immensis laudibus & præconiis, campanis etiam ubique in transitu nostro pulsis, conduxerunt: & sic tandem a violentia erepti, nostræ redditæ libertati, *sequenti die Dominico* venerabilibus fratribus G. Sabinensi; Hub. Hostiensi; S. Portuensi; Gualt. Albanensi; J. Signiensi; & B. Terracineni, Episcopis, Cardinalibus quoque, Abbatibus, Prioribus, Judicibus, Advocatis, Scrinariis, Primicerio, & scola Cantorum, nobilibus etiam, & quadam parte de populo urbis, apud *Nimpham*, non longe ab Urbe, simul congregatis, munus consecrationis accepimus, & sicut in Romana Ecclesia consuetudinis est, ibidem Pontificali Regno magnifice sumus coronati. Cæterum prædictus *Octavianus*, cum pro consecratione sua, dum & in Urbe esset, & postquam latenter urbem exivit, multos episcopos convocasset, nullum prorsus, præter unum Feretinum, habere potuit pro sua temeritate & vesania confirmanda. Quosdam tamen Episcopos Imperialibus minis, quosdam violentia laicali, quosdam vero pecuniis & blanditiis, allicere voluit: sed nihil, Domino impediante, profecit. Verum Guido, & Ivo, cæcitate tenebris obvoluti, a sua damnabili præsumptione non resipiscunt: sed eundem Octavianum, quem sibi in statuam erexerunt, obstinata perfidia venerantur, & eum, relicta unitate Ecclesiæ, præsumunt usque adhuc, tanquam Idolum, adorare; ipse autem Antichristi tempora præfigu-

rans, usque adeo erectus est supra se, ut & in templo Dei sedeat, ostendens se tanquam sit Deus.

Sane nos infirmitatem nostram, & virtutum indigentias cognoscentes, nostrum iactamus in Domino cogitatum, sperantes, & de Christi misericordia confidentes, quod Ecclesiam suam sanctam, pro qua ipse idem in carne mortalitatis nostræ apparuit, ut eam sibi non habentem rugam, neque maculam exhiberet, optata faciet tranquillitate lætari. Nunc igitur, quia nos de meritorum qualitate diffidimus, ac de honestate & religione *vestra* plenam fiduciam obtemus, vestris, ac universalis Ecclesiæ, precibus infirmitatem nostram petimus adjuvari, caritatem vestram per Apostolica scripta rogantes, & admonentes intentius, ut, sicut Viri Catholici, vos pro domo Dei muros inexpugnabiles opponatis, & in devotione matris nostræ Sacrosanctæ Romanæ Ecclesiæ immobiliter persistentes, ab ejus unitate nullatenus recedatis. Quod si prædictus vir iniquitatis, ad partes vestras aliqua damnationis suæ scripta transmiserit, ea, sicut respuenda sunt, respuatis, & tanquam vana & sacrilega contemnere studeatis. Noverit insuper discretio vestra, quod nos supradictum Octavianum apostatam & schismaticum, in octavo die a consecratione nostra, (hunc enim ei terminum respiciendi & ad unitatem matris Ecclesiæ redeundi, præfiximus) tanquam inobedientem & contumacem, & illos, qui ei manus præsumpserint, non dico consecrationis, sed execrationis, imponere, de communi Fratrum nostrorum, & Episcoporum, & Cardinalium voluntate & consilio, accensis candelis, & cætu Clericorum in Ecclesia congregato, vinculo *anathematis*, & excommunicationis astringimus, & eos cum suo autore diabolo condemnavimus: duos vero jam dictos fautores ejus, videlicet: Ivonem de Sto Martino, & Guidonem Cremensem, & Ferentinum episcopum, qui ei præsumunt pertinaciter adherere, aliosque complices, & principales coadjutores ejus, & omnes, qui scienter eis communicaverint, eidem excommunicationi & condemnationi decrevimus subiacere.

Ex veteri codice MS. Vaticano N. 6024. descripsit Cl. Schannatus b. mem.

Baronius Tomo XII.

epi-

Epistola Cardinalium XIV. qui Alexandrum III. elegerunt, ad Fridericum Romanorum Imperatorem, *extat apud Radevicum Lib. IV. Cap. LVII.*

Epistola Cardinalium, qui Octavianum seu Victorem Anti-Papam elegerunt, ad omnes Patriarchas & Prælatos. *Extat apud Radevicum Lib. IV. Cap. LVI.*

Epistola Alexandri Papæ, Venerabili fratri Gerardo episcopo, & dilectis filiis Canonici Bononiensis Ecclesiæ, & Legis Doctoribus, cæterisque Magistris Bononiæ commorantibus, Nuntiatoria de sua electione, & de Octaviani obtrusi Anti-Papæ violenta ambitione. *Radevicus Lib. IV. Cap. LV.*

Fridericus Imperator, audiens utrumque electum, in Episcopatus ordine consecratum, alterum ab altero excommunicationis sententia damnatum, sine iudicio ecclesiæ controversiam terminari non posse iudicavit.

Auctoritatem autem congregandi Concilii exemplo antiquorum Imperatorum, verbi causa Justiniani, Theodosii, Caroli, SIBI congruere putans, litisque decisionem legitimam esse non posse, nisi partibus hinc inde congregatis considerans, ad citationem amborum Alexandri III. & Victoris IV. venerabiles Viros & prudentes, Daniele Pragensi, & Hermannum Ferdensem episcopos dirigit cum literis.

Epistola Imperatoris ad Rolandum Cancellarium & cæteros Cardinales de schismate hoc. *Radevicus Lib. IV. Cap. LIX.*

Friderici epistola ad Episcopos Transmontanos.

Fridericus - - Hermannus Brixinensi episcopo. *Radevicus Lib. IV. Cap. LX. toto.*

Papæ indixit Conventum, seu generalem Curiam in octava Epiphania anno 1160. Invitavit primo omnes Imperii sui, & aliorum Regnorum, Angliæ, Franciæ, Ungariæ, Daciæ Archiepisc. Episcop. Abbates.

Concilium apud Papiam describit *Radevicus Lib. IV. Cap. LXVIII.*

Sententiam Concilii Papiensis pro Victore. *Cap. LXIX.*

Epistola Canonicoꝝ S. Petri ad Concilium pro electo Victore. *Cap. LXX.*

Actio Concilii Papiensis verbis simplicibus. *Cap. LXXI.*

Fridericus Imperator ratificat electionem Victoris. *Cap. LXXII.*

Epistola encyclica Imperatoris de electione ratificata. *Cap. LXXIII.*

Epistola Concilii. *Cap. LXXIV.*

Hæc acta fuere ab Imperatore extra Germaniam, sed non extra Imperium.

*Fridericus Imperator monet Eberhardum
Archi-Episcopum Salisburgensem, ut inter duos Romæ electos, Alexan-
dram III., & Victorem IV. neutri assentiatur ante consensum Episco-
porum Germaniæ, Franciæ, Angliæ, Burgundiæ: ad quos
Cæsar Legatos miserat de hoc negotio.*

FRIDERICUS, DEI GRATIA, ROMANORUM IMPERATOR, ET SEMPER
AUGUSTUS, DILECTO ET FIDELI SUO, EBERHARDO VENERABILI SALTZBUR-
GENSI ARCHI-EPISCOPO GRATIAM SUAM ET OMNE BONUM.

Intimamus dilectionis tuæ auribus, quod nuntium tuum ideo tam diu detinuimus, ut aliqua nova de negotiis nostris, quæ per legatos nostros Romæ tractabantur, per apices nostros tuæ charitati panderemus. Cum autem essemus in eorum quotidiana expectatione, & in-

terim nuntii Papæ cum ipsis de verbo pacis & concordie agerent, Divina providentia, quæ in sui dispositione nunquam fallitur, ipsum Papam (a) in nocte beati Egidii de medio transtulit; de cuius obitu litteras accepimus. Et vero substituenda necessario esset talis persona,

B b b 3

(a) Adrianus Papa Kal. Septembris 1159. obit, qui infcio & invito Cæsare pacem cum Wilhelmo Siciliæ Rege fecerat.

VII. Septembris eligitur Rolandus Cancellarius Romanæ ecclesiæ sub nomine Alexandri III. duo Cardinales cum episcopo Tusculano secessione facta, elegerunt Octavianum, dictum Victorem IV. uterque electus inconsulto Cæsare.

na, quæ ad univerſorum ſalutem fidelium, Eccleſiarum Dei ſtatum in unionem pacis reformaret, & ipſum Imperium ac fideles Imperii honeſtius tractaret. Pro electione Pontificis facienda jam in Romana Eccleſia *Partes eſſe* audivimus, & plurimum inde dolemus. Inde eſt, quod pro hujus rei novitate tibi nuntian-
da, nuntium tuum dilectioni tuæ remittimus, fidelitatis tuæ ſinceritatem com-
monentes intime, hortantes, & quam maxime rogantes, ut ſi forte pro aliquo Romanæ Sedis electo aſſenſus discre-
tionis tuæ requiſitus fuerit, non ſtatim quaſi præcipitata ratione, vel nobis incon-
ſultis favorem tuum adhibeas; ſed ne Imperium noſtris temporibus in ſe ipſum diviſum deſoletur, ad unitatem nobiſcum ſtudeas operam dare. Idem quoque tuis Suffraganeis & Coepiſcopis nuncian-
dum attentius rogamus.

Præterea dilectionem tuam volumus non latere, quod juxta petitionem Regis Francorum, venerabilem legatum noſtrum, Papienſem epiſcopum, pruden-
tem, atque diſcretum, magnæque ſancti-
tatis virum, a curia noſtra tranſmiſimus, qui duo tanti nominis Regna Anglorum videlicet, ac Francorum, ipſosque reges ad firmam pacem & ſtabilem amicitiam vice noſtra commoneat, auctoritate re-

formet, & ſupra firmiſſimum dilectionis & amicitiae noſtræ fundamentum cum omni plenitudine & integritate ſtabiliat. Noveris etiam, quia hæc tria Regna in tantam noſtræ voluntatis & dilectionis unitatem inclinata firmabuntur; quia ex quo primum ſtabilita fuerunt, nunquam in tam concordi pace ligata manſerunt.

De cætero noſter prædictus legatus hoc verbum electionis de Romano Pon-
tifice in cordibus eorum ita firmabit, ut ipſi una nobiſcum unum inde velint, ſa-
pianq; nec in aliquam perſonam favorem ſuum tam ſubito ponant, niſi quam no-
ſtrum trium unicus laudaverit aſſenſus. De his autem omnibus in Alemanniam, Burgundiam & Aquitaniam apices noſtros direximus, univerſitatem fidelium hoc ſcire volentes, quoniam ad Kathedram tanti regiminis, aliam perſonam nullatenus recipere intendimus, niſi quam ad honorem Imperii, quietem & unitatem Eccleſiæ, unanimi & concordi aſſenſu fideles elegerint. Poſt reditum vero legatorum noſtrorum quæcunque de negotiis Imperii & Eccleſiæ nobis attulerint, per majores nuntios noſtros fidelitati tuæ inſinuabimus, & ex conſilio diſcretionis tuæ univerſa tractabimus. Data in obſidione Cremæ xvi. Kal. Octobris.

Eodem tempore Eberhardus Babenbergensis, qui apud Caſarem erat, epiſtolam ad Fuvavenſem, veterem amicum exaravit.

REVERENDISSIMO PATRI ET DOMINO EBERHARDO, S. SALTZ-
BURGENSIS ECCLESIAE ARCHI EPISCOPO, EBERHARDUS BAMBERGENSIS GRATIA
DEI, SI QUID EST, EX TOTO CORDIS AFFECTU CUM ORATIONE
SERVITIUM DEVOTISSIMUM.

Litteris veſtris, Reverendiſſime Pater & Domine, utinam tam veritatis quam charitatis judicio! magnificaſtis me ſuper me: ſed imperfectum meum viderunt oculi Domini, cui licet indignus audeo dicere: *O Domine, quia ego ſervus tuus & filius ancillæ tuæ.* Totum autem & eſſe & poſſe meum, vobis eſt, & erit, annuente Domino, quoad vixero, in ſervitium; ac de bono eſſe & ſtatu veſtro, tanquam de meo congaudeo. Nuntius veſter aliquamdiu detentus in expectatione Nuntiorum Domini, & Imperatoris, ut de pace & concordia Regni & Sacerdotii gaudium vobis annuntiaret,

nunc oportet, ut referat, non qualia vellemus nos, ſed qualia vult Deus, videlicet de obitu Domini Papæ Adriani, qui angina dolore defeciſſe dicitur. Deinde pro dolor! de ſciſſura & diſſenſione Romanæ Eccleſiæ. Cancellario enim & aliis quibuſdam Cardinalibus, Domino Bernhardo Portuenſi Epiſcopo adhærentibus, quem ipſe Dominus Papa in noviffimis ſuis ſibi ſubrogaviſſe & designaviſſe fertur ex nomine: Tuſculanus epiſcopus cum aliis novem (b) Cardinalibus valentioribus, Dominum Octavianum ele-
git in Apoſtolicum. Cives Romani alii in partes diviſi, alii adhuc ſunt penduli,
Lis

Lis tamen in urbe est, contentio & sanguinis effusio. A quibusdam familiaribus Domini & Imperatoris adnuntiatum est, quod ab his, qui senatores dicuntur, Domino Papæ sepultura non conceditur, quoadusque Cardinales in Urbe convenient, & exequiis rite celebratis, in electione ordine Canonico

procedant. Vestra nunc interest, ut nos & alii Principes populorum, congregati cum Domino Abraham, idipsum sentiat, DEO ante omnia, deinde Cæsari debitum deferentes honorem.

*Hansfz. Tomo II. Germaniæ sacræ p. 257.
in Historia Archiepisc. Salisburgens.*

- (b) Errat Babenbergensis, qui in aula Principis tum versabatur, nec Romanis turbis interfuerat. Non enim a novem Cardinalibus electus fuerat Octavianus, cum omnes, exceptis tribus, Alexandrum III. elegerint, ut constat ex *Radevico Lib. II. Cap. LI.* tum ex ipsa relatione Alexandri III, demum ex aliis cœvis Scriptoribus. *Nota Hansfzii.*

SYNODUS MOGUNTINA

TURBATA MCLIX.

Anno Christi MCLIX. Alexandri III. Papæ I.
Friderici I. Regis VIII. Imp. v.

Postquam hujus infidelitatis profanus & nefandus rumor totam terram atpererat, in superbiæ suæ perniciem ipsis exstantibus Synodales dies adventabant. Dominus itaque Episcopus pro officii sui debito ad celebrandam Synodum se accingens, contra eorum impetum perfidiæ in multo militum robore, eis invitis, civitatem ingressus, noluit absque Judicio vindicare in ipsos, sed ut pius & clemens, ad satisfactionem, cum eos repente posset delere, iterum iterumque invitans, Synodum instantem celeberrimo prosequeretur officio; sed ipsi filii diaboli obstinationem sectantes, contra observabant opportunitatem, ut assultum in Synodo facerent, & Episcopum cum suis ex improviso occuparent: sed ubi fraus eorum impietati suæ effectivum processum ministrare nequibat, ut interim majores sibi passim vires accerferent, rogabant ea, quæ pacis erant, offerebantque satisfactionem, ut sententiam Synodalem & excommunicationem tali tergiversatione evadere possent, interrogabat enim Dominus Metropolitanus Synodalem sententiam, quid super his definiendum foret? quia & contra eum & conjurationem fecissent, & insultum, molirentur eadem & perniciem totius Ecclesiæ & conturbationem, & præsentiam suam juxta canonice consuetudinem exhibere Synodo contempnissent? Quod cum in pro-

cinctu sententia esset, differebatur in crastinum, agentibus internuntiis, qui compositionem facere nitebantur. In crastino vero ad tertiam usque diei, nuntiis hinc inde crebrescentibus, pacem tandem per satisfactionem devoentes, publico congressu aulam Episcopalem & omne Concilium parabant invadere, & stragem in Episcopum, suosque perficere: duxeruntque aciem suam tribus ordinibus, ut per medium civitatis dextra, sinistraque congrederentur per turmas suas, cum gladiis & fustibus, contis, fundis, subibus omniique militia hominis, quos ruralis gleba tetrus arcubus, fulgineaque cuspidibus, obscuro, fatiscienteque clipeo, fulvis, aridisque vexillis, quos cerdonaria, lictoria, marcellaria, clibanaria extrema præstaret civitatis conditio. His igitur falangis, talibusque castris filii Megoti instructi, cum suis militibus contra Episcopum properabant, milites vero Episcopi ex adverso festinantes (habebat enim sexcentos milites optime loricos, & omnes in armis fortissimos, absque alia admirabili multitudine) in eos transire affectabant, & repentinò in ipsos irrure interitu, & uno impetu eos trucidare; sed Dominus Episcopus parcere multitudini volens, paulisper in unum eos faciebat subsistere, & fuerunt, qui utrumque factum pacandum susciperent, & ad hoc compositionis calculum, quod in-

fra

fra XV. dies aut secundum gratiam, vel iustitiam Domino Episcopo satisfacere deberent, erant enim majores & honestissimi viri terræ, quibus satis credendum fuerat.

Ex vita MS. Arnoldi Archi-Episcopi, quæ exstat in Codice MS. Bibliothecæ Collegii Moguntini Societ. JESU, descripsit Schannat. b. m.

Dodecbinus ad annum MCLIX.

Adversarii Episcopi Moguntinensis post festum S. Remigii Synodum armata manu, ut eum exturbarent, ingressi, sed Comitibus cum suis, ad arma

alacriter convolantibus, turpiter redire sunt coacti. Qua de re post festum *omnium Sanctorum* Episcopus Longobardiam petiit, super hoc Imperatori queremoniam facere: sed & adversarii ejus eundem haud segnes subsequuntur.

Anno MCLX. Imperator Episcopum Arnoldum audit, tum etiam ex Clero Abbates quosdam & populum accusatores. Vindicta de Moguntinis acerrima decreta & sumpta fuit Anno MCLXI. a Friderico I.

Serarius rerum Moguntiacarum Lib. V. pag. 820.

CONCILIABULUM PAPIENSE, VEL CURIA.

A. C. MCLX. Nonis Februarii. Alexandri III. Papæ I. Friderici Regis ix. Imp. vi.

SUMMA. Convocati a Rege Germaniæ, Angliæ, Franciæ, Italiæ Episcopi.

Accepto nuntio duorum electorum Alexandri tertii (a) & Victoris quarti, misit duos e Regno suo nuntios ad Regem utrumque, nempe DANIELEM PRAGENSEM ET HERMANNUM VERDENSEM Episcopos, denuntians suarum virium non esse, hanc litem dirimere, Episcoporum judicio ad id opus esse, quibus in octavam Epiphaniæ Papiæ indixit Concilium.

Alexander recusat hoc judicium: Victor venturum se promittit.

Imperator Fridericus Papiam venit cum Episcopis & Principibus, qui congregati erant; & in Nonis Februarii Curia & Colloquiis initium habetur, & per sex dies in hoc demorantur. Fuitque dissensio aliqua inter ipsos, quibusdam hunc, quibusdam illum Papam confirmare volentibus. Tertia itaque Idus Februarii, quia nec Alexander venerat, nec Legati ejus, nec aliquis pro parte ejus firmiter stabat, Imperator omnes Episcopos convocans, in hunc eos consensum deduxit, ut omnes VICTO-

REM Papam susciperent; & statim sequenti die II. Kal. Februarii (*lege II. Idus Februarii, ut ex contextu*) ab ipso Imperatore & Episcopis suscipitur, & inthronizatur in Monasterio S. Syri, Imperatore frænum equi, & stivam sellæ illius tenente, & eum de equo suscipiente; & ad altare una cum Patriarcha Aquilegensi Pilgrimo eum deducente.

Radevicus Lib. II. cap. 70.

Chronicon Reicherspergæ, dein Baronius & Pagi.

De Episcopis Germaniæ hæc adnotarunt *Schatenus*, *Cranzsius*, *Hanszius*, alique Catholici: Aquilegensis Patriarcha Peregrinus, Eberhardus Babenbergensis, Patavienfis, Harthvicus Ratisbonensis, ita vorum suum in hoc Conciliabulo temperarunt,

(a) Alexander antea dictus Rolandus, Cancellarius S. R. E. fuit electus a quinque Cardinalibus Episcopis, a XV. Cardinalibus Presbyteris vel Diaconis.

Octavianus a duobus electus fuit, & Alexandro electo manum violentâ manu eripuit.

rârunt, ut rem integram impofterum cenfuræ Catholicæ Ecclefiæ refervatam vel-
lent, nec ulterius Victorem IV. agnofcerent, quam falva veritate relationis, factæ
ad Conventum Papienfem.

Hartmannus Brixinenfis epifcopus, fuum Metropolitanum Eberhardum, in civitate Vi-
centia gravi morbo correptum, & ideo Salisburgum redire compulfum, imitatus
a Conventu Papienfi abfuit, uti & Albertus Frifingenfis.

Treverenſis Archi-Epiſcopus morbo inidem impeditus, Papiam non venit: Bernardus
Epifcopus Paderbornenſis nunquam Italiam intravit cum Rege, & ſenio confectus
hoc anno MCLX. XVII. Kal. Auguſti obdormiit in Domino. Solus Hermannus
Verdenſis ex Saxoniz epifcopis interfuit, ait Schatenus.

Numerus Epifcoporum a *Radevico & Urſpergenſi* amplior refertur, uti & a *Rege FRI-
DERICO* in ſuis epiftoſis. Sed nonniſi paucos interfuiſſe verofimilius eſt; & Ar-
chi-epifcopos Moguntinum, Rainoldum Colonienſem, Magdeburgenſem, Bre-
menſem, non tam cum, quam pro ſuis Suffraganeis acceptaſſe Victorem.

Helmoldus, horum temporum Scriptor, narrat, totum Orientem, eccleſias Hieroſolymita-
nam, & Antiochenam, Franciæ, Angliæ, Hiſpaniæ, Daniæ, & omnium Regnorum ubi-
que terrarum Epifcopos, Alexandro III. adhæſiſſe: totumque Ciftercienſem or-
dinem cum ſuis Abbatibus, amplius ſeptingentis Imperatori reſtituiſſe, quos ille
edicto propoſito eiecit, profugientes in Gallias.

Italiæ Prælati nulla ratione adigi poterant, ut Victori Anti-Papæ adhererent. Hinc
multi ſedibus ſuis expulſi exulabant. *Cranzius Lib. VI. Cap. XVIII.*

Errat Gobelinus, Papienſe Conciliabulum referens ad 1161.

CONVENTUS, SEU SYNODUS DIOECESANA CREMISMUNSTERÆ,

A CONRADO EPISCOPO PASSAVIENSI HABITA,
ANNO CHRISTI MCLX. ALEXANDRI III. PAPÆ I.
FRIDERICI I. REG. IX. IMP. VI.

Irimbertus S. Blaſii Admuntenſis cænobii, Ord. S. Benediſti Monachus,
ob præclaras & eximias animi dotes, & vitæ ſanctimoniam, po-
ſtulatſus eſt uno eodemque tempore in Abbatem, hinc a Conrado,
Paſſavienſi Epifcopo, pro Cremismunſterienſibus, inde ab Eber-
hardo Bambergienſium Epifcopo pro S. Michaëlis civitatis ſuæ cæ-
nobio; cui tandem conceſſus eſt, eo quod Cremismunſterienſes non
ſatis in propoſito conſtantes videbantur. Unde & cauſa Synodi,
ut ex ſequenti epiftoſa:

CONRADUS, DEI GRATIA, PATAVIENSIS EPISCOPUS, GERARDO
VENERABILI ABBATI ADMUNTENSIUM SALUTEM, ET FRATERNÆ
DILECTIONIS PLENITUDINEM.

SCire diſcretionem tuam congruum
ducimus, quod III. Kalend. Junii
ſuper controverſia, quæ diu agitata eſt,
inter nos & fratres Cremesmunſteræ de
electo eorum Irimberto, Prælatos Eccleſiæ
noſtræ in eundem locum convocavimus. Ad
hoc cauſa deducta eſt, quod de cætero
nullam vocem habet, quæ admitenda
ſit, contradicendi: quia appellatio, quam
ad Dominum Papam fecerunt, omnino

fruſtrata eſt, & nullum ſcriptum nobis
reportaverunt. Inde eſt, quod ſummo
opere vos rogamus, ut proxima quarta
ſeria poſt habitum Conventum Prælatorum
noſtrorum, nobis omni occaſione remota
occurratis, & electum illum in locum,
ad quem Deus illum vocavit, ubi &
adventum veſtrum præſtolamur, vobis-
cum adducatis.

Hanſiz. Tomo I. Germaniæ ſacræ p. 318.

Alias Literas ejusdem argumenti ſcripſit Conradus ad eundem Abbatem, ſed irritæ con-
ta: *Hanſiz. eas reſert Loc. cit.*

Tomus III. Concil. German.

C c c

SYNO-

SYNODUS FRISACI IN CARINTHIA,

SUB EBERHARDO SALISBURGENSI ARCHI-EPISC.

Anno Christi MCLX. Alexandri III. Papæ II.
Friderici I. Regis IX. Imp. VI.

*ACTIO 1. Confirmatio & definitio Decimarum inter duas Parochias.
2. Approbatio doctrinæ Gerbobi de gloria Filii Dei.*

Pincipio Septembris in oppido Frisaci Capitulum, seu Synodum habuit Eberhardus Archiepiscopus Salisburgensis cum Romano Gurcensi Episcopo, Hugone Præposito majoris Ecclesiæ, Godefrido Abbate Admontensi, Romano Gurcensi Præposito, Hecilone Abbate Ofciacensi, Pilgrimo Abbate S. Pauli, Wernhero Præposito Seccoviensi; Chunone Præposito Subonensi, Magistro Adelberto de Hoven, Hademaro Archiepresbytero, Frisacensi Plebano, Engelramo de S. Maria, Archidiacono Zolienensi, Otakero Archiepresbytero de Viscach.

ACTIO 1. Inde movit ad castrum Episcopi Gurcensis Strasburg, ubi pro termino decimarum Reicherpergensium in novalibus silvæ Putinenfis constituit fluvium Pincah. Datum in castro Strasburg, VIII. Idus Septembris.

EBERHARDUS, DEI GRATIA, JUVAVENSIS ARCHI-EPISC.

Prædecessorum statuta iusta & rationabilia successores debent inviolabiliter custodire, maxime vero, si conducunt ad augmentum religionis & sustentamentum Deo servientium. Ea propter nos considerata beatæ memoriæ Prædecessoris nostri, Chunonadi Archiepiscopi largitione, in decimis duarum Parrochiarum Putinenfis & Bambergensis, atque novalium vicinorum, partim cultorum, partim excolendorum in usum cænobii Reicherpergensis, concessionem ipsius ratam habemus, & in perpetuum ratam volumus, & decernimus habendam. Quia in ejusdem prædecessoris nostri privilegio termini Australes hujus donationis ambiguo nomine montis Harthberg sunt præfixi: & exinde fuit occasio contentionis inter collectores decimarum, nobis & prædi-

cto cænobio pertinentium; certiorum præfigimus terminum, videlicet fluvium, qui dicitur Pincah, usque ad cujus ripam, novalia in sylva Putinenfi ad præsens culta, & in posterum colenda, excepta canonica portione Plebanorum in decimis fructuum terræ, atque animalium, proveniunt in usus fratrum, regulariter conversantium in præfato cænobio. Quæcumque autem secularis aut spiritualis persona, quod a beatæ memoriæ prædicto antecessore nostro pie ordinatum, & a nobis nihilominus pie ad cultum pietatis roboratum est, aliquo modo in irritum duxerit, atque in hoc præfatum cænobium temere perturbaverit, & secundo ac tertio commonita non respuerit, iram Dei sentiat in interitum carnis, ut spiritus salvetur per veram penitentiam, sine qua, si moritur, in ultimo examine reddet rationem coram summo iudice. De salubri sane dispositione nostra præsens pagina conscripta, & sigillo nostro impressa. Data est in castro Strasburg, Indiæ IX. VIII. Id. Septemb. Hujus rei testes & collaudatores hi sunt, quorum nomina subnotavimus.

Romanus Gurcensis Episcopus.
Hugo Præpositus maj. Ecclesiæ.
Godefridus Abbas Admontensis.
Romanus Gurcensis Præpositus.
Hecil Abbas Ofciacensis.
Pilgrimus Abbas S. Pauli.
Wernherus Præpositus Seccoviensis.
Chuno Præpositus Subonensis.
Magister Adalbertus de Hoven.
Hademar Archiepresbyter, Frisacensis Plebanus.
Engelrammus de S. Maria, Archidiaconus Zol.
Otaker Archiepresbyter de Viscach.

Et

Et Capitulum Frisaci habitum, cuius in audientia causa hæc fuit proposita, quo & annuente, per consilium rationabiliter acta est, prædicti cænobiæ Præposito Gerhoho eligente potius consilium, quam iudicium.

Chronicon Reicherspergensis ad annum 1161.

ACTIO II.

IN eo Capitulo agitata fuit quæstio de gloria & honore Filii hominis. Quidam prudens apud semetipsum & in oculis suis magnus in Capitulo Frisaci habito protulit maledicta in eos, quia a fide sua, quam ibidem recitaverat, dissentirent. Alius quoque eidem consona loquens, magis scholastice, quam ecclesiastice peroravit. Quibus pro tempore factis responsum est a duobus fratribus nostris, qui illic aderant.

Nam quod JESUM CHRISTUM professus est ex duabus naturis, & in duabus naturis existentem, Deo Patri æqualem, secundum Divinitatem, & minorem Patre secundum humanitatem, potest approbari, utpote sane dictum, & Catholicæ Fidei consonum. Sed quod homini assumpto negat Omnipotentiam, & cætera Divinitatis dona potiora [in quibus Deo Patri suo factus æqualis jam sedet & quiescit, conregnat in dextera ipsius Dei Patris] omnino consonat Pauli Samosatani & Nestorii, simulque Photini hæresibus in Ephesino Concilio damnatis.

Hæc Gerbodus in Libro de gloria & honore Filii hominis.

Hansitz. Tom. II. Germaniæ sacræ p. 263. in Historia Archiepisc. Salisburgens.

Anno 1131. Gerhohum Reicherspergensē in Bajoaria Præpositum, scripsisse opusculum contra discipulos Petri Abajolardi, refert *Maillon. Tomo VI. Annalium Benedictinorum Lib. LXXV. No. CXLVIII. pag. 209.*

CONVENTUS ERPHORDIENSIS ET FRANCOFORDIENSIS

ANNO CHRISTI MCLXI. ALEXANDRI III. PAPÆ III.
FRIDERICI I. REGIS I. IMP. VII.

1. *Decernitur expeditio Imperatoris contra Mediolanum adjuvanda.*
2. *Excommunicantur Moguntini, parricidæ sui Archiepiscopi.*

ARnoldus Archi-Episcopus bellum in Moguntinos movens, cum in monte specioso exercitum prætolaretur, a Moguntinis in Monasterio S. Jacobi subito circumdatus, a plebe furente, Monasterio concremato, occisus est anno MCLX. in Nativitate S. Joannis Baptistæ.

Postea Episcopi & Principes super Regni negotiis conventum Erphordiæ celebrant, Trevirensis Archi-Episcopus, & Reinoldus Colonienſis electus, Withmannus Magdeburgensis Archi-Episcopus: Gerhardus Babenbergensis Episcopus, Merseburgensis, Citicensis, Misnensis Episcopi: Heinricus Dux Saxonum, Fridericus Dux Suevorum, Ludovicus provincie Comes, Conradus Palatinus Comes, Adalbertus Comes, Otho Marchio, alique plures: ubi expeditionem

in auxilium Imperatoris contra Mediolanenses conjuraverunt. Hic etiam Moguntinenses immanis (a) facinoris rei, super interfectione Episcopi sui, extinctione luminum execrantur, & communione privantur. Qui tam gravem sui casus damnationem parvi pendentes *Rudolphum*, Bertoldi Ducis Germanum, sibi præfulem elegerunt.

Quos contra Conradus Palatinus, ac Ludovicus Lantgravius apud Francfort *Suffraganeorum Episcoporum*, ac Trevirensis legati Apostolici præsentia, imo legatione freti, *Christianum* Mersburgensem Præpositum, paucis arbitris, Episcopum constituerunt; (b) hinc partim seditio exoritur &c.

In additionibus ad Lambertum Schaffnaburgensem a Monacho Erpbordienſi.

(a) Vindicavit hanc mortem etiam Fridericus I. Imp. Anno MCLXIII.

(b) Schisma inter electos Ecclesiæ Moguntinæ.

CONCILIIUM MAGDEBURGENSE

SUB WIGMANNO, ABBATIBUS, ET CLERO.

Anno Christi MCLXII. Alexandri III. Papæ IV.
Friderici I. Regis XI.

*Confirmantur ex consilio Fratrum & pleno capitulo donata cœnobio
Nienburgenſi, & commutationes cum Eccleſia Magdeburgenſi
ac cœnobio Nienburgenſi.*

IN NOMINE SANCTÆ & INDIVIDUÆ TRINITATIS.

WIGMANNUS, DEI GRATIA, MAGDEBURGENSIS ECCLESIAE
ARCHI-EPISCOPUS.

QUoniam ex debito nostri officii pro informando Christianæ Religionis cultu, in quibus nondum est locus nobis, omnimodis constat entendum, ita nihilominus pro jam fundato, ne deficiat, sed in augmentum bonæ Spei proficiat, sollicitus est providendum.

Ea propter pie petitioni *Venerandi Arnoldi, Nienburgenſis Monasterii Abbatis* acquiescentes, ex consilio fratrum nostrorum cæterorumque fidelium, omnem decimam de Burchwardio, quod vocatur *Stene* secus *Mildam fluvium*, remotis antiquorum sclavorum Colonis, quæ Deo propitio nunc & in futurum iustis modis acquiri potuerit, de supra scripto Burchwardio cum omnibus attingentis suis, & *IV. villis Musce, Chozice, Slorobe* nominatis, Nienburgenſi Cœnobio, in usum Abbatis, fratrumque ejus, Christo, ipsiusque beate Genitrici famulanti-um, nunc & omnibus in futurum temporibus possidenda legitima traditione donamus. Ea tamen interposita conditione, ne quando cedat in beneficium alicui personæ. Ipse autem venerabilis Abbas in mutua vicissitudine pro prædicta decima, duos sui Monasterii mansos in Villa Balberge dicta, item dimidium in Villa Biere vocata, cum omnibus utilitatibus suis in perpetuam possessionem Magdeburgenſi Ecclesiæ, consentiente A. Marchione, Advocato Nienburg. Ecclesiæ in usum Præpositi ac fratrum, pro jam dicta decima, assentiente universo capitulo, prædictæ Ecclesiæ nostre contradidit. Unde ut omnis nunc & impoſterum error dematur, & hæc firma & illibata permaneant, si-

gilli nostri impressione, ac terribilis banni interminatione, Spiritus Sanctique auctoritate, & nostra, ac Magdeburgenſis Ecclesiæ, roboramus & confirmamus, præsentis scripti pagina communimus. Si quæ ergo Ecclesiastica, sæcularisve persona, hæc ulterius violare præsumperit, nisi digne correxerit, perpetuæ Excommunicationi subiaceat. At vero pia & iusta eidem Ecclesiæ conservantibus sit pax Domini nostri Jesu Christi, & vitam obtineant æternam.

Hujus rei testes sunt.

Wigmannus Archi-Episcopus, Arnoldus Nienburgenſis Abbas, Otto Præpositus, Sifridus Decanus, Widoldus præpositus, Henricus Præpositus, Lokkerus Vice-Dominus, Adelogus, Walterus, Fridericus, Constantinus, Guntherus, Godefridus, Otto, Herbrandus, Locherus, Godefridus, ... Adelbertus Marchio, Burchardus Præfectus, Badericus, Otto de Brothiz, Volrad de Honthorp, & Otto filius ejus, Otto de Magdeburg, Otto de Mochile, Thiedericus de Hachen, Thiedericus de Dronthorp, Henricus, Struz, Heinricus, Alexanden, Hartwig, Macharius, Lomar.

Acta sunt hæc Anno Incarnat. Dom. MCLXII. Ind. X. Frithérico Imperatore Augusto, anno Regni ejus X. Pontificaverō Domini Wigmanni nono. VI. idus Augusti in Waledele & Magdeburg coram omni Capitulo.

In Beckmanni Historia Anhaltina,

CURIA BISANTINA

Anno Christi MCLXII. Alexandri III. Papæ IV.
Friderici I. Imp. VIII.

- §. 1. *Victoris Anti-Papæ acceptatio in Papiensi Conciliabulo facta, Laude pompeia repetita, tertio nunc Laonæ repetitur.*
2. *Regis Daniæ Waldemari adventus.*
3. *Hartwici Bremensis Archiepisc. querela.*
4. *Regum absentium enumeratio.*

Generali Synodo indicta in municipio, quod Leona dicitur, super fluvium Saonam in Episcopatu Bisuntino, Imperator cum Papa Victore, multisq; Archi-episcopis, episcopis, Abbatibusque, affuit in die decollationis S. Joannis Baptistæ.

Godefridus Pantaleonita editus a Frebero. Cranzius in Metropoli L. VIcap. XLVI.

Octavianus (Victor IV. antipapa) vocato Concilio (Leonæ) quam iustis suffragiis in adipiscendo Sacerdotio usus fuerit; loquacius, quam verius astruere conabatur: Rolandum vero (Alexandrum III.) honorem, quem oblatum repudiasset, vetitum occupasse, seque causam suam generali Pontificum cognitioni inspiciendam præbente, illum impietatis conscientia, Canonice discretionis Judicium formidare.

Præterea ad Conciliandos sibi Pontificum animos, eorum dignitatem benignis decretorum sanctionibus adornavit, haud prius Romanam ad sedem provocandum constituens, quam si lis ipsorum pronuntiatione finiri non posset. Finiente eo, Cæsar Provinciarum Reges hujus controversiæ finiendæ gratia à se ad colloquium invitatos dicebat, eorum sententiæ repugnare nefas ducturo. Quos ideo non adesse, quod in Romani Imperatoris injuriam Romæ Pontificem creare cupiant, alienæ civitatis jus suis suffragiis administrare conantes

Post hæc Reginoldus, Colonie Urbis Antistes, religionis causam dicere adorsus, quanto injuriæ pondere Romani Imperatoris æquitatem Provincialium

Regum temeritas attentaret (*Reges Francorum & Anglorum indigitat*) arguendo demonstrare pergebat. Nam si controversiam in eorum civitatibus de Pontificatu ortam Cæsar suis suffragiis finire vellet, haud dubium id gravium injuriarum loco ducerent, cum ipsi simile in urbe Roma perpetrare conentur?

Quam assertionem tam valido rationis præsidio subnixam putavit, ut nunc latialiter, nunc Gallicè, Germaniceq; sando ternis actionem vocibus iteraret:

Sed quantum hac oratione gentis suæ favorem illexit, tantum nostræ (Italicæ) suffragia deturbavit.

Assentis itaque Pontificibus, cum Octavianus, qui sibi falsum Victoris nomen inscripserat, accensis luminibus adversum Alexandrum ejusque suffragatores solemni execratione usus videretur: Waldemarum ipse Rex Daniæ, hortante Absalone Roschildensi episcopo, ne sacrilego facinori interesset, Concione excessit, adversæque partis justitiam æmulatus, præsentis Curie errorem, quàm absentis rectitudinem postponere præoptavit.

Cujus egressum secutus Absalon, cum ab Octaviano supersedere rogaretur, ab ejus vestigiis se, cujus comitandi gratia advenerat, nullo jure prohiberi perdocuit; eoque responso execrabili Pontificum collegio liberatus, ne schismatis errore laberetur, effecit.

Hactenus acta Vaticana Alexandri III. ab Illustrissimo Baronio descripta ad annum MCLXII. N. XIX. Cætera hujus Curie Bisuntinae acta describo ex Anonymo historiographo Bremensi edito a Lindenburgo 1595.

I. ANNO Domini MCLXII. Imperator tam Rolandum, quam Octavianum vocat ad Judicium, curiam indicens Bisuntinæ.

II. Venit Imperator, venit Rex Daniæ Waldemar, S. Canuti Daniæ Regis, & Martyris filius, destructor idolatriæ inter Rugianos & populos vicinos, in cujus Comitatu Dux Darius erat, quem ipse postea submersit, quia regnum affectavit. Ibi Waldemar duo Regna Daniæ & Sueviæ ab Imperatore suscepit, & homo ejus factus est.

III. Venit Hartwicus Bremensis Archi-episcopus, conquerens ibidem, quod tria Regna Daciæ, Sueviæ, Norwegiæ

de sua Sede abstraxerint violenter, cum jure deberent suam Synodum observare. Deinde vocatis Episcopis, Aldenburgenſe, Evermodo Racisburgenſe, Bernone Magnopolitano locutus eis, ut ab ipſo reciperent ſuas dignitates: & fecerunt.

IV. Expectabantur Reges Hispaniæ, Angliæ, Galliæ, (a) Bisuntii; ſolus Rex Galliæ Ludovicus venit nocte, quia eum venturum Henricus Comes Campaniæ juraverat: & manibus in flumine lotis ſtatim (b) diſceſſit.

Albertus Stadenſis in Chronico.

(a) Addit Helmoldus: Per Nuntios Friderici invitatos fuiſſe Regem Bohemiæ, Regem Hungariæ, ut venirent cum omnibus Archi-epiſcopis & Episcopis ad Laonam in Burgundionum terra, juxta fluvium Ararim. *Chronici Slavorum Lib. I. Cap. 91.*

(b) Miſit equidem Fridericus Imperator, paulo poſt adveniens ad locum Curie, honoratiſſimas perſonas, accerſituras Regem Francorum: ſed noluit Rex redire ad locum.

Sequitur Epiſtola Invitatoria & Encyclica Friderici: Imia ad Archi-Epiſcopum, Ilda Ejuſdem ad Ducem Lotbaringiæ. III. Rainaldi Colonienſ. Archiepiſc. Excusatoria ad Regem Francorum.

Epistola nuntiatoria Concilii Bisuntini celebrandi cum Rege Francorum pro Victore Antipapa, & Invitatoria ad omnes Episcopos & Principes.

FRIDERICUS, DEI GRATIA, ROMAN. IMPERATOR ET SEMPER AUGUSTUS, DILECTO SUO - - - ARCHI-EPISCOPO - - - GRATIAM SUAM ET OMNE BONUM.

Inter innumeras & intumescentes tempestatum procellas, quibus jam diu navicula Petri quassata, & inter pressuras diversas, quibus Sancta Dei Ecclesia frequenter afflicta & tribulata est; tandem verus ille mediator Dei & hominum Christus Jesus, qui Ecclesiam suam, velut unicum sponſam, proprio charactere sui pretiosi sanguinis insignivit, & redemit, consolationis gratiam, quam ascendens in Cœlum suis fidelibus repromisit, inquit: *Non relinquam vos Orphanos; Ecce ego vobiscum sum omnibus diebus usque ad consummationem sæculi*: evidentibus & manifestis declaravit indicibus. Ipse enim sicut stella matutina, in medio nebulae oriens solita pietate Ecclesiam suam in tribulatione respexit, & surgens imperavit ventis & mari, & facta est tranquillitas magna.

Pro illa liquidem controversia, quæ inter nos & Regem Francorum, pro schismate Romanæ Ecclesiæ jam diu agitabatur, aspirante Spiritus Sancti gratia, qui facit habitare unanimes in domo Domini, mediantibus hinc inde legatis, tandem, pari voluntate, & unanimi consensu, inter nos convenit: Quod nos videlicet una eum Archi-episcopis, episcopis, & Patribus Orthodoxis ac viris religiosis, Baronibus, universis utriusque Regni Principibus iv. Kalend. Septemb. in die videlicet decollationis S. Johannis Baptiste, super fluvium Saonam, in episcopatu Bisuntino, Concilium Generale pariter celebraturi sumus; in quo Rex Francorum, dilectus consanguineus noster, cum universis Archi-episcopis & omnibus Regni sui Principibus, & tota Gallicana Ecclesia, Reverendum Patrem

Patrem nostrum, Dominum *Papam Victorem*, sicut per Sacramenta, & firmissimas securitates præordinatum est, in Apostolicum & universalem Sanctæ Dei Ecclesiæ Pontificem recipiet, & debitam ei exhibebit reverentiam. Verum quia hoc negotium tam arduum, tamque salubre & tam necessarium, ubi de reconciliatione Sanctæ Dei Ecclesiæ, & totius Christianitatis, in commune agitur, sine tuæ discretionis, cæterorumque Principum, ac Christi fidelium præsentia consummari non debet, nec potest; Exoramus te, & monemus, in ea fide, quam debes Imperio, & Sanctæ Dei Ecclesiæ, & animæ tuæ, quatenus, omni occasione summoa, cum sapientibus

& magis idoneis & literatis personis episcopus apud Bisuntium iv. die ante prædictum terminum, familiariter, more Curæ Nobis occurras, ad Concilium nobiscum processurus. Et quia abundans cautela non nocet, milites tui, quos tecum adduces, armis & clypeis sint muniti; insuper temptoria deferas, quia propter Domorum raritatem necessaria erunt. Ibi enim per gratiam Deorum negotium Domini Papæ Victoris ad gloriam Dei, & ad pacem & unitatem sanctæ Ecclesiæ & omnimodum honorem Imperii honesto fine terminatur.

Ex Bibliotheca Vaticana Codice MS.

Reginæ Sueviæ N. 179. descripsit Sebastianus b. m.

Friderici I. Imp. Epistola pro Concilio Besuntino indicto, ubi Victor IV. Antipapa confirmandus esset consentiente Rege Francorum, & Episcopis Francis cum Imperio.

FRIDERICUS, DEI GRATIA, ROMANORUM IMPERATOR ET SEMPER AUGUSTUS, FIDELI SUO M. DUCI LOTHARINGIÆ,

GRATIAM SUAM ET OMNE BONUM.

Quoniam in schismate, quod est in Romana Ecclesia universus orbis in se ipsum divisus est, & tota Christianitas non modica perturbatione concutitur: Nos tota animi compassione Sanctæ Dei Ecclesiæ doloribus condolemus, totius consilii & auxilii provisionem, curam, & sollicitudinem adhibere cupientes; ut totius dissensionis discrimine sublato, Ecclesia Dei, sicut in unitate fidei, ita sub unius pastoris regimine in unum ovile congregetur.

Inde est, quod ex consilio Principum cum dilecto consanguineo nostro L. Illustri Rege Francorum, iv. Kalend. Septemb. in die videlicet decollationis S. Johannis Baptistæ super fluvium Saonam, Concilium celebrare statuimus: in quo, aspirante Spiritu Sancto, qui

facit unanimes habitare in Domo Domini, speramus, ut Ecclesiasticæ pacis & unitatis status reformetur, & Dominus *Papa Victor* Apostolicæ Sedis gubernacula debeat obtinere.

Verum, quia hoc negotium tam arduum, tamque salubre, & tam necessarium, ubi de reconciliatione sanctæ Ecclesiæ, & salute totius Christianitatis in commune agitur, sine tuæ discretionis prudentia consummari nec debet nec potest, exorantes commonemus te in ea fide, quam debes Imperio & sanctæ Dei Ecclesiæ, & animæ tuæ, quatinus, omni occasione summoa apud Bisuntium quarto die ante prædictum terminum, familiariter, more Curæ nobis occurras, ad Concilium nobiscum processurus.

Rainaldi Archi-Episc. Colon. Legati Imperatoris Friderici I., ad Regem Francorum Epistola excusatoria.

PRÆNOBILI DOMINO L., GLORIOSO REGI ROMANORUM, R. DEI GRATIA, SANCTÆ COLONIENSIS ECCLESIE ELECTUS, ET ITALIÆ ARCHICANCELLARIUS, SALUTEM, ET AFFECTUOSUM CUM SINCERA DILECTIONE OBSEQUIUM.

Acceperamus in mandatis a Domino nostro invictissimo Romano Imperatore, ut vobis, & Regi Anglorum communiter & simul loqueremur,

mur, & super negotio Ecclesiæ universalis, & pro succursu periclitantis Ecclesiæ Orientalis. Sed, quoniam peccatis exigentibus, cum Rege Anglorum, difficultatem temporum prætendente, tum etiam angustia temporis nos ætante, ad vos ad præsens non valemus accedere; obnixè vos rogamus, ne finire verbum hoc accipiat, & nec pro contemptu, nec pro superbia, vel negligentia aliqua, sed pro mera necessitate, hoc tempore a desiderato diu vestro colloquio noveritis abstinere: tantam enim moram penes Regem Anglorum pro negotio eodem fecimus, quod ad præhæum nobis terminum vix ad Dominum meum poterimus pervenire. Sed nec imperatum nobis fuerat, ad vos sine rege Anglorum accedere. Proinde, quoniam ad servitium vestrum, quantum salva Domini mei, & Imperii romani fidelitate poterimus, corde,

rebus, & corpore parati sumus, Nobilitatem vestram instantè exoramus, & arctissime commonemus, quatinus memor ejus, quæ inter Dominum meum Principem Serenissimum, & vos est, consanguinitatis, ipsum, & Imperium Romanum taliter tractare curetis, ne coronam & omnem honorem ei violenter demoliri velle videamini, nominatim *Rolandum hæreticum & schismaticum*, publicum videlicet hostem Imperii romani, fovendo & manutendo. Cæterum noveritis, quod Dominus Imperator, peracta imminente ejus Curiâ, statim aut per nos, aut per alios magnos Legatos, vos visitabit, per quos & de negotiis propriis, & de necessitatibus Ecclesiæ Orientalis, altius vobiscum delibaret & pertractet.

Ex codice MS. Regine Sueciæ in Bibliotheca Vaticana No. 179. descriptis Cl. Schannat b.m.

SYNODUS COLONIENSIS

ANNO CHRISTI MCLXIII. ALEXANDRI III. PAPÆ V.
FRIDERICI I. REGIS XIII. IMP. IX.

SUMMA. Sub Rainaldo Archiepisc. Coloniens. Cathari hæretici examinati & judicati a Clero, qui demum igne cremantur.

ANNO Christi MCLXIII. Reinoldi Archiepiscopi Coloniensis anno quarto, mensè Augusto, die IIIda, quæ erat feria VI. Cataphrygæ, sive Cathari, viri sex, mulieres duæ, cum suis hæresiarchis, Arnoldo, Marfilio, Thioderico, in urbe Coloniensi deprehensi sunt, qui a Clero judicati & anathematizati, a iudicibus, a populo civitatis, cum fidem Catholicam recipere & suam profanam sectam nollent abjicere, in colle, qui Judaicus appellatur, (*Judenbüchel*) juxta Judæorum sepulturas igne cremati sunt, tanta (*Diaboli instinctu*) in suo proposito ali pertiniaciâ, ut quidam ipsorum furentibus flammis seipsos injicerent.

*Chronica brevis Colon. a Materno ad Henricum II. Virneburgium. Tom. IV. Farvag. Gelenianarum pag. 198.
Adde Cæsarium L. V. miraculorum cap. XIX.*

Circa illa tempora, sub Archiepiscopo Raynaldo Coloniæ plures sunt hæretici comprehensi, qui a literatis viris examinati & victi, per Judicium sæculare damnati sunt. Data sententia cum ducendi essent ad ignem, unus illorum, Arnoldus nomine, quem cæteri Magistrum suum fatebantur, sicut narraverunt, qui interfuerunt, panem & pelvim cum aqua sibi dari petivit. Quibusdam volentibus, ut hoc fieret, viri prudentes dissuaserunt, dicentes: aliquid hic fieri posset opere diabolico, quod infirmis esset in scandalum, & in ruinam. APPOLLONIUS: (*a*) miror quid de pane & de aqua facere voluerit? CÆSARIUS: (*b*) sicut conjicio ex verbis cujusdam alterius hæretici, qui ante hoc triennium a Rege Hispaniæ comprehensus est, & combustus, Sacrilegam ex eis facere volebat communionem, ut suis fieret viaticum ad æternam damnationem.

(*a*) (*b*) Personæ introductæ a Cæsario ob Dialogum contexendum.

tionem. Nam quidam abbas Hispanus ordinis nostri (c) per nos [c] transiens, qui cum episcopo & ecclesiarum prælatis, ejusdem hæretici errores damnavit, eum dixisse referebat, quod quilibet in mensa sua & de pane suo, quo vesceretur, conficere posset corpus CHRISTI. Erat autem idem maledictus faber ferrarius. APPOLLONIUS: Quid ergo actum est de hæreticis Colonienfibus? CÆSARIUS: ducti sunt extra civitatem: & juxta cœmeterium Judæorum simul in ignem missi. Qui cum fortiter arderent, multis videntibus & audientibus, Arnoldus semivivis discipulorum capitibus manum imponens ait: *Constantes estote*

in fide vestra, quia hodie eritis cum Laurentio; cum tamen nimis discordarent à fide Laurentii. Cum esset inter eos virgo quædam speciosa, sed hæretica, & quorundam compassione ab igne subtracta, promittentium vel, quia eam viro traderent, vel si hoc magis placeret, in Monasterio virginum locarent, cum verbote-nus consensisset, ita extinctis hæreticis, tenentibus se dixit: dicite mihi, ubi jacet seductor ille? cumque ei demonstrasset Magistrum Arnoldum, ex manibus illorum elapsa, facie veste tecta; super extincti corpus ruit, & cum illo in infernum perpetuo arsurus descendit.

Hactenus Cæsarius suppar Scriptor.

(c) Cisterciensis (c) Monasterium Heisterbacense, octavo supra Bonnam milliario situm.

SYNODUS TREVERENSIS

Anno Christi MCLXIII. Alexandri III. Papæ IV.
Friderici I. Imp. IX.

Hillinus Archi-Episcopus decedit controversiam de Decimis Parochie de Elenze, inter Monasterium Steinfeldense & Ecclesiam S. Castoris, Cardonæ.

IN NOMINE SANCTÆ ET INDIVIDUÆ TRINITATIS.

EGO HILLINUS, DEI GRATIA, TREVERORUM HUMILIS MINISTER,
ET SERVUS.

Quoniam multa eorum, quæ juste & rationabiliter sunt diffinita, plerumque in litem & disceptationem aliqua occasione solent revocari, statutum est Divinarum & humanarum auctoritate Legum, scripti testimonio tali, si ortum fuerit, obviare periculo; qualiter ergo controversia, quæ inter Ecclesiam S. Potentini Steinfeldensis, & Ecclesiam S. Castoris Cardonensis, versabatur de decimis & decimatione vinearum, in Parochia de Elenze sitarum, sit terminata, & in concordiam revocata, præsentis cedulæ continet pagina.

Habet Ecclesia Steinfeldensis in supradicta Parochia, cujus decimatio ad Cardonensem pertinet Ecclesiam, vineas a Comite Sybodone sibi collatas, in septem colonum beneficia distributas, de quibus vineis agricolæ tantum de sua portione decimas dare solebant, Fratres vero de sua parte dare negabant: cum-

que ob hanc causam sæpius in querimoniam essent deducti a Domino Folmaro, in Ecclesia Trevirensi Archi-Diacono, & Præposito in Cardono, in præsentia venientes has prætendebant occasiones: primo quidem, quod eorum pars ex libertate possessionis a decima vacaret, afferebant; Secundo vero dicebant, quod cum ob eandem causam aliquando in præsentia Adelheri Trevirensis Archi-Episcopi forent vocati, consilio ejus, pro sopiendi deinceps de hac re acrimonia, vineam quandam Ecclesiæ de Elenze ex allodio prædicti Sybodonis dederunt, & per eam suam partem penitus a decima liberaverunt; cujus rei veritas cum diligenti studio a præfato Præposito, videlicet Folmaro, & a Rudengero, jam nominatæ Ecclesiæ Pastore, ab omnibus antiquioribus Parochianis esset inquisita, & sicut Fratres afferebant, inventa, prius institutum de novo est confirmatum,

D d d

vide-

videlicet, ut vinea, quæ pro confirmatione pacis inter utramque Ecclesiam, & decisione hujus controversiæ in perpetuum supradictæ Ecclesiæ tradita fuerat, ab ea perpetuo jure possideatur: Fratres vero Steinfeldenses de supradictis vineis decimam de sua parte non solvant: si vero præter has aliquas vineas ibidem habent, ex his ex integro decima dabitur. Ut igitur hæc futuris temporibus firma & inconvulsa permaneant, placuit ea corroborari non tantum scripto, sed & sigilli nostri impressione, & Episcopalis banni auctoritate.

Testes, qui interfuerunt, fecimus annotari, quorum Nomina hæc sunt:

Richardus, Virdunensis Electus.

Joannes, Trevirensis Ecclesiæ Archidiaconus.

Henricus, Cantor.

Baldericus, Magister Scholarum.

Sigerus, Abbas S. Maximini.

Godefridus, Abbas S. Martini.

Siffridus, Præpositus S. Castoris in Confluentia.

Henricus, Comes de Arlo, & filius ejus Henricus.

Fridericus, Comes de Salmena.

Theodoricus de Bruche.

Albero de Kerpeñe, & alii plures.

Acta sunt hæc Treviris in plena Synodo, Anno Domin. Incarnat. MCLXIII. Indiæ X. Anno Episcopatus nostri XI.

CURIA WIRTZBURGENSIS,

SUB PENTECOSTEN, X. KAL. JULII.

ANNO CHRISTI MCLXV. ALEXANDRI III. PAPÆ VII.

FRIDERICI I. REG. XV. IMP. XI.

SUMMA. Friderici I. & XL. Archi-Episcoporum, & variorum Principum juramentum pro Paschali III. Antipapa, electo manutendo.

ANNO MCLXV. X. Kal. Julii Imperator Curiam celebravit in civitate Wirtzburgenfi, quæ etiam Herbipolis dicitur: ubi Episcopi & Electi fere numero XL. de Regno Teutonico juraverunt obedientiam Paschali Antipapæ, & ejus Successoribus: Ipso Imperatore *primum* & ante omnes jurante id ipsum super Evangelia & Reliquias; postea Episcopis, & inde omnibus Regni Principibus, qui præsentibus aderant. Postea autem multi Episcopi & Principes, qui ibi non aderant, idem juraverunt. Tenor autem juramenti hic erat: "Ut videlicet" decedente PASCHALI nullum Papam recipere, nisi demum de ipsius fautoribus aliquem. Et ut obeunte Imperatore, nullus in Regem, aut Imperatorem levaretur, nisi, qui illam par-

"tem defenderet, & manuteneret contra Romanam Ecclesiam. Et ut Episcopi, qui jurarent, idem juramentum ab omnibus suis Prælatibus & subditis exigerent. Et quicumque non juraret, omni Ecclesiastico honore & beneficio, postremo & omnibus bonis & possessionibus privaretur. Ibi etiam præcipiente Imperatore quidam electi sub hoc juramento consecrati sunt in Episcopos, & alii in Presbyteros, & ad alios ordines ordinati ab his, qui etiam juraverant.

Electus Mogontiensis Dominus Chuonradus, qui ante obedientiam fecerat per se Alexandro III. dum iret ad Limina S. Jacobi, solus fere de nocte de Curia fugiens propter juramentum, venit in Franciam ad Alexandrum III. & ibi exulabat.

FRIDE-

Anno 1164. Victore Pseudo-Papa defuncto, & Lucæ sepulto, Guido Cremensis ex voto Imperatoris & Principum illi adherentium eligitur Anti-Papa, & ab Episcopo Leodiensi sine ullo Cardinali Episcopo, aut legitimo Ordinatore, consecratus, dicitur Paschalis. Leodii Episcopus ipso anno moritur Dei judicio, ait *Chronographus Reicherspergensis*: male a Baronio ad 1166. relata hæc Curia, judice Pagio.

FRIDERICUS, DEI GRATIA, ROMANORUM IMPERATOR, ET SEMPER
AUGUSTUS. DILECTO, FIDELI ET CONSANGUINEO SUO HENRICO,
COMITI TRECARUM, (a) GRATIAM SUAM ET OMNE
BONUM.

Cunctis populis, quos clementiæ nostræ regit Imperium, jam dudum innotuisse credimus, qualiter exorta quondam inter Ecclesiæ romanæ Cardinales de Apostolatu discordia, in reges & regna impetu pestifero est diffusa, pro qua, ad optabile pacis bonum revocanda, quantos post beatæ memoriæ Papæ Victoris (c) electionem & confirmationem Catholicam, *Papie, Laude, Mediolani, Laonæ*, atque in diversis Imperii finibus in corpore nostro labores tam nos, quam invicti Principes nostri, per tulimus, quantas rerum copias zelo justitiæ impendimus, in extremis quoque mundi partibus jam auditum non dubitamus. Denique Beatissimo Papa Victore ad Paradisi gaudia assumpto, & in ejus locum ab episcopis, Cardinalibus, almæ Sedi Apostolicæ Domino Paschali (d) viro Christianissimo, in præsentia Episcoporum & Religiosorum Lombardiæ & Tusciæ, Illustris quoque Præfecti urbis Romæ, ac multorum nobilium Romanorum Catholice substituto, ipsum Dominum Paschalem, ex Ecclesiæ & Principum Imperii judicio atque consilio, in Papam & Patrem Catholicum sollemniter recepimus, debitoque honore venerari semper intendimus. Proinde obstinata schismaticorum perfidia, mortem viri justi suis successibus aptam (e) fore ascribens, sirenaeis suis blanditiis fidelium quorundam nostrorum animos adeo molita est de novo imutare, ut nisi morbis novis nova maturius remedia objicerentur, pars nostrorum non modica videretur, ex fiducia nostræ lenitatis, seducenda.

II. Igitur zelo reformati decoris domus Dei (f) accensi postquam regem Francorum (qui nulla nostra culpa præeunte,

una cum rollando, Imperii nostri hoste publico, ejusque sequacibus, Imperialem nostrum honorem manifeste molitur auferre) post multos nostros ammonitus irrevocabilem persensissemus; universis Imperii nostri Principibus in sacra Pentecoste curiam generalem Wirtzheburc indiximus, quorum cætui celeberrimo sollemniter præsidentes (g) Ecclesiæ Dei statum, ac Domini Paschalis Papæ negotium, serio ac magnifice duximus roborandum. Invocata igitur devotissime Spiritus Sancti gratia, & universorum, qui aderant, consilio altius communicato, ad removendam pro parte nostra omnem prorsus ambiguitatem, ipsi nos manu propria super Sanctorum reliquias juramentum publice præstitimus, quod rollandum schismaticum vel ejus successorem, quem pars ejus elegerit in Papam, nunquam recipiemus, nec ad eum recipiendum assensum unquam alicui præbebitur. Nulli etiam fautorum ejus gratiam nostram unquam reddemus, nisi ab errore via suæ ad unitatem Ecclesiæ fuerit conversus: unum (b) vero Paschalem Papam manutenebimus semper, atque promovebimus, eique tanquam Patri Catholico & universali Pontifici, obedientiam, honorem, ac venerationem exhibebimus, & ab ipso, ejusque parte, vita comite, nunquam recedemus. Electos quoque, qui sub eo, aut ejus successore, quem pars ipsius elegerit, consecrationem receperint, vel adhuc recipient, honore, aut ordinibus suis (i) privari nunquam permittemus, & hujus Sacramenti absolutionem nunquam requiremus, nec oblatam recipiemus.

III. Præterea noster in Imperio successor, quem Principes universi elegerint, hunc

(a) Legato Regis Francorum ad Fridericum I. Augustum misso. *omittit hoc comma Baron.*

(b) *Hic incipit Baron.*

(c) Victor IV. Antipapa ante Octavianus contra Alexandrum III.

(d) Paschalis III. Antipapa, ante Guido Cremenfis.

(e) aperta fronte *Baron.*

(g) *rectius quam præsentante. Baron.*

(i) per ejus obedientiam, *Baron.*

(f) ardentius *Baron.*

(b) Dominum *Baron. loco unum.*

hunc honorem Ecclesiæ Dei & Imperii, & hanc partem nostram, sub eodem juramento tuebitur semper atque tenebit. Idem quoque juramentum Archiepiscopi omnes & episcopi, atque electi, qui interfuerunt numero XL. super Sanctæ Dei Evangelia, manu propria, unusquisque sub stola sua, præstiterunt & publice firmaverunt. Nihilominus Principes sæculares universi, Dux videlicet Saxoniz ac Bavariz (k) Marchio Albertus senior; Cunradus Palatinus de rhe-no, (l) Lodevicus Lantgravius, ac reliqui omnes, super Sanctorum reliquias publice idipsum jurarunt. repente autem Spiritus Sanctus, mentes omnium adeo fecit unius voluntatis, quod electi omnes, qui præsentés aderant, primo reinoldus (m) Colonienfis Electus, & Italiæ Archi-Cancellarius, dein cæteri omnes in Sabbato quatuor temporum ad laudem Dei, & honorem Imperii, sacros ordines devotissime susceperint.

IV. Firmiter quoque a nobis & ab universis decretum est: ut quicumque supersunt ordinandi, in primis quatuor temporibus id similiter exequerentur, aliquin dignitatis, ad quam electi sunt, honore, omni remota dilatione priventur.

(k) Brandenburgensis Baron.

(l) Chevo Baron.

(m) absunt a Baronio.

(n) Quia vero justitiæ examen, quam hostes Ecclesiæ Dei & nostri, sive ex superbia, sive ex causa dissidentiz devitarunt, nos semper hætenus stare parati, nunc tandem ad insolita Sacramenta ex eorum manifesta obstinatione sumus impulsii, a schismaticorum communione. Hæc Baronius interserit. Hardouin. Tom. VI. CC. Parte II. pag. 1613. 1614.

Litteræ hæc Encyclicæ Friderici Imperatoris apud Baronium e codice Vaticano, ex quo & Schannatus, sed varie.

Baronius ad annum 1166. hanc Synodum refert, & Hardouinus, secuti auctorem appendicis ad Radevicum: sed uterque Pagius ad 1165. rectius ex Chronographo Reicherspergenfi coarvo.

Eidem anno 1165. hanc Synodum innectunt Trithemius in Chronico Hirsaugiensi, Sigonius, Godefridus Colonienfis, Auctor Chronici Auguftani.

Epistola Friderici I. ad Abbatem Stabulensem *Wibaldum Encyclicæ, qualis ad omnes forte Episcopos & Principes* *e curia Herbipolensi scripta fuit.*

IPse cum omnibus Ecclesiæ tuæ fidelibus publice jures & observes, & singulis Dominicis diebus & festis in publica missa, sicut edictum est & sancitum a nobis & a Principibus, publicam orationem pro Domino Papa Paschali nomi-

V. Ad hæc honorabiles Legati, illustres amici nostri Henrici anglorum regis, ad nos ab ipso transmissi, in totius curiæ nostræ præsentia super Sanctorum reliquias ex parte regis Angliæ, publice nobis juraverunt, quod rex ipse, cum toto regno suo, in parte nostra fideliter stabit, dum Papa Paschalis, quem nos tenemus, nobiscum tenebit: de rollando autem schismatico manutendo nullatenus de cætero se intromittet. (n) A Schismaticorum itaque communione omnis homo, omnis ordo caveat; favorque illorum, etsi in aliquo modo visus est venialis, in posterum prorsus erit irremissibilis. Ad perfectum vero hujus negotii firmamentum, ex totius Herbipolensis Concilii decreto firmissime præcipimus, ut, si quis ad sui mandatum Antistitis, aut præsidis provinciæ, vel Domini sui, Sacramentum supradictum non præstiterit, si Clericus sit aut monachus, Ecclesiastico privetur honore, si laicus, allodia & beneficia, quæcumque possidet, nostra auctoritate, a suo judice, vel Domino prorsus ipsi adimantur. Data Vuirzburg Kalend. Julii.

Numero 179. ex Codice MS. Regiæ Sueciæ in Vaticano descriptis Schannat.

natim & assidue intus & foris præcipias recitari. Edictum quoque & statutum est, ut hæc omnia juramenta intra sex hebdomadas ab omnibus compleantur.

Quod si aliquis Monachorum, Clericorum

ricorum, Laicorum in Imperio nostro huic confirmationi, & edicto nostro, aliquo modo se opponendo contradixerit, certum sit apud te, quod sicut publicus hostis Imperii absque omni spe recuperationis iudicatus est, condemna-

tus & ab omni officio & honore & beneficio destitutus est.

Inter Wibaldinas Epistolas Lib. I. Epist. 71.

Integram Epistolam refert Christianus

Lupus Tomo X. Operum pag. 103.

PSEUDO-SYNODUS PASSAVIENSIS

Executio falsi Juramenti Paschali Antipapæ delati.

IN proximo mense Julio Imperator venit in partes Bavariz, & Pataviam venit III. Kalend. ejusdem mensis; quando Episcopus ejusdem loci, omnes fere Prælatos ejusdem episcopatus, propter præsentiam Imperatoris jurare coegit, & demceps cogere disposuit.

Tunc etiam mortuus est Dominus Ruodbertus Presbyter & Decanus Pataviensis Ecclesiæ in nonis Novembris. Hic post Episcopum Chuonradum electus quidem fuit, senex valde ac plenus

dierum, sed in proxima Curia Imperatoris videlicet *Wirceburgensis* simul cum aliis Episcopis juraverat, ubi etiam sine licentia & absque voluntate & consensu Metropolitanæ sui in Episcopum consecratus erat; ipse etiam suos prælatos modis omnibus jurare coegerat: unde pauci facti sunt dies Episcopatus ejus.

Chronicon Reicherspergense ad ann. 1165.

Editum a Ludewigio Volumine II. Script.

Germania pag. 288. 289.

Epistola Amici ad Alexandrum III. Papam, de Curia Herbipolensi habita:

Alexandro Papæ quidam amicus suus.

Imperator cum Principes suos ad Curiam, quam eis in festo Pentecostes indixerat, adunasset, & Principes ipsi Sabbato ante festum, atque subsequenti secunda feria, de pace inter vos & eum reformanda tractare cepissent: Reginaldus dictus Colonienfis Archi-episcopus advenit, publice afferens, & proponens, quod nihil contra vos ad honorem sui labor & studium Imperatoris proficeret, nisi ejus tunc penitus assentiret consiliis. Dicebat enim, quod potior pars Imperii vobiscum erat, commemorans scilicet Saltzburgensem, Moguntinum, & alios de Alemannia, qui vestræ obtemperant Sanctitati. Verumtamen ad magnificandum seipsum: plures, inquit, quam vos sumus, ad obedientiam Apostolici nostri conquesti: quos ei rex angliz numero quinquaginta, & plures juxta Domini Imperatoris beneplacitum exhibebit. Cum igitur ei talia promittenti, & ad certitudinem hujus rei duos nuntios prædicti regis præsentialiter exhibenti, de prosequendo ejus consilio suum Imperator polliceretur assensum: in audientia cunctorum Principum hujusmodi consilium Imperatori formavit.

D d d 3

Quod ipse videlicet Imperator in conspectu totius Curiz propria manu juraret, quod nullo umquam totius vitæ suo tempore vos, vel aliquem, qui ex parte vestra sit, Pontificem reciperet, sed devotioni Papæ sui Paschalis inconcussus semper, & inseparabiliter adhereret, si vero mori illi ante contingeret, hoc ipsum juramentum sui successores observarent. Principes vero suos hoc ipsum jurare compelleret, adjecto eorundem Principum juramento.

Quod si prius Imperator obiret, Principes ipsi nullum antea coronarent in regem, quam is, qui, coronandus esset, & de tenendo, & fovendo eodem schismatico, & ejus successoribus, idem faceret juramentum. Et quod Principes in fra sex hebdomadas, postquam de curia ad propria loca rediissent, omnes Abbates, Præpositos, & alios Ecclesiarum Prælatos, milites quoque, & alios omnes, qui in locis eorum aliquos honores obtinerent, hoc jurare compellerent: & eos, qui nollent hoc facere, rebus eorum penitus confiscatis, depositos & honoris sui cingulo spoliatis: vel si privati homines fuerint, in membris propriis crudeliter

deliter mutilatos a toto Imperio compellerent exfulare.

Placuit Imperatori forma consilii. Sed Archi-episcopo Magdeburgensi, & aliis qui præsentes erant episcopis, dura visa est admodum & molesta: ita, quod idem Magdeburgensis nullum juramentum se præstare velle respondit, nisi prius Colonienfis ordines, & consecrationem reciperet: per quam omnem dubitationem ab ejus & aliorum pectoribus removeret. Unde cum ille id promittere detrectaret, acriter eum aggressus est Imperator, suamque ipsi malignitatem improperans, in eum verba ista est profecutus: Ecce, inquit, manifeste apparet, quod sicut traditor, & deceptor, in periculum meum Papam mihi præfectoris ignoranti: cum etiam ante receptionem litterarum mearum, ne de substituendi Pontificis electione tractares; tu statim, cum *Tu Deum laudamus* & juxta beneplacitum tuum, novum mihi Pontificem elegisti; plus mihi proditor factus, quam Moguntinus electus, quem reum hujus criminis deferebas. Præsertim cum ille dederit mihi salubre consilium: ut ex quo Deus me a prioris periculo liberavit, nullatenus me obnoxium facerem successori. Nunc vero necessario te noveris compellendum, ut laqueum, quem parasti, primus incurras. Et aliis etiam id facere recusantibus, solus habebis subire periculum, quod in malitia tua noscitur ceteris præparatum.

Sic ergo ille vehementer adstrictus, non potuit evadere, quin cum maximo fletu primus juxta prædictam formam faceret juramentum: & susceptis ordinibus, consecrationem quoque promitteret recepturum. Exhibuit etiam prædictos nuntios regis Angliæ, qui in persona regis Angliæ publice coram omnibus juraverunt, quod quidquid Imperator super hoc se servaturum juraverit, ipse quoque tenebit firmiter & servabit. Sic ergo propria manu Imperator supradictum præstitit juramentum, eo tamen ad verbum Archi-Episcopi Magdeburgensis determinato: ut si vos & schismaticum illum eodem tempore obire contigerit: & Cardinales utriusque partis in aliquem unanimiter convenirent; liberum sibi esset eum recipere, si tamen (quod quidem Colonienfis fecit apponi) de Imperatoris assensu eadem electio proveniret. Dein-

de qui præsentes erant Principes, sicut supradictum est, suum præstiterunt singuli juramentum. Cum vero ad Episcopos ventum esset, dicerentque omnes, excepto Verdensi, velle se potius regalibus cedere, quam hujusmodi Sacramenta præstare: responsum est eis, *Oportere eos, vellet, nollent, juramentum facere & regalia retinere*, sicque cum fletu & planctu maximo juravit primus Magdeburgensis; sub ea tamen conditione, si omnes alii, qui aberant, essent juraturi; & quod solutus esset juramento, quocumque tempore desineret regalia possidere. Bambergensis vero Episcopus post multas & varias excusationes ita ipsi Imperatori juravit, quod, quamdiu voluerit regalia retinere, secundum quod ei proprius sensus dictaverit, eidem Imperatori super negotio auxilium & consilium ministrabit. Verdensis, etiam intrusus, Halbestadius absolute, sicut Colonienfis juraverunt. Virdunensis, & (c) Frisenfis propter suorum Archi-Episcoporum absentiam excusati, juramentum facere minime sunt coacti: sed habita licentia, libere ad propria redierunt, usque ad festum beatorum Apostolorum Petri & Pauli sibi licentiam impetrantes.

Hi tantummodo Principes juraverunt, Dux Saxonienfis, Marchio Albertus, Comes Palatinus frater Imperatoris, & quidam fororius Imperatoris. Hi sunt Archi-Episcopi qui juraverunt, Magdeburgensis, sub conditione tamen prænominata. Colonienfis autem & duo suffraganei ejus absolute juraverunt. Filius vero Conradi, qui ad curiam cum mille quingentis militibus venit, ut audiret fieri mentionem de juramento, recessit. Patriarcha Aquilejenfis non affuit, neque aliquis suffraganeorum suorum. Similiter nec Saltzburgensis, vel aliquis suorum; neque Trevirensis vel aliquis suorum. Et multi de Principibus non affuerunt.

Ex hac narratione clam scripta apparet, quam parum sinceræ sint illæ Friderici publicæ ad omnes litteræ, auctoritatem Conciliabulo suo adjungere studentis. In quibus, quod ait Legatos Regis Anglorum, sacrilegum illud Conciliabuli jusjurandum, de agnoscendo Guidone, & abdicando Alexandro, Regis sui nomine edidisse; paulo id accuratius explicandum est.

Henri-

[c] pro: Frisingensis.

Henricus, Anglorum Rex, Alexandri Pontificis animum cernens, minus sibi, quam Thomæ Cantuariensi faventem; cœpit esse Alexandri partibus infensior. Quod constat ex ejus *Litteris ad Reginaldum Coloniensem Archi-Episcopum*, *Schismaticorum signiferum*: quarum exemplum ex Baronio hic edendum duximus.

Diu desideravi, justam habere occasionem, recedendi a Papa Alexandro, & a perfidis Cardinalibus ejus, qui proditorem meum Thomam, quondam Cantuariensem Archi-Episcopum, contra me manutenere præsumunt. Unde cum consilio omnium Baronum meorum, & cum consensu Cleri, magnos viros de regno meo, scilicet *Eboracensem Archi-Episcopum*, *Londoniensem Episcopum*, *Archi-Di-conum Pictaviensem*, *Joannem de Oxeneford*, *Richardum de Luci* Romam missurus sum, qui publice & manifeste ex parte mea, & totius Regni mei, & omnium aliarum terrarum, quas habeo, proponunt & denuntiabunt Papæ Alexandro, & Cardinalibus suis, ne ulterius proditorem meum manuteneant; sed ita liberent me ab eo, ut alium eum consilio Cleri in Ecclesia Cantuariensi possim instituere. De-

nuntiabunt etiam, quod, quidquid Thomas fecit, in irritum revocent. Hoc etiam postulabunt, quod coram eis Papa jurari faciat publice, quod ipse & successores sui, & mihi, & omnibus successoribus meis, regias consuetudines Henrici avi mei inconcussas & inviolatas, quantum ad se, conservabunt in perpetuum. Quod si forte alicui petitionum mearum contradicere voluerint; neque ego, neque Barones mei, neque Clerus meus, aliquam ei ulterius servabimus obedientiam, immo manifeste eum & omnes suos impugnabimus. Et quicumque in terra mea inventus fuerit, qui ei posthæc adhærere voluerit, expelletur.

Ea propter, rogamus vos, sicut charissimum amicum, quatenus fratrem Ernoldum, vel fratrem Radulphum Hospitalarium, omni occasione remota, cito ad me mittatis, qui ex parte Imperatoris & vestra, prædictis nuntiis meis ducatum præbeat, eundo & redeundo per terram Imperatoris.

Ex Baronio Hardouinus demum edidit.

Regis Angliæ Nuntios idem nefarium juramentum edidisse Herbipoli, demonstrat Mansi Tom. II. Supplement. pag. 555.

Canonizatio CAROLI MAGNI, facta ab

*Paschali Anti-Papa in Nativitate Domini, præsentē Curia
Friderici I. Imp. Augusti, Aquisgrani.*

ANNO CHRISTI MCLXVI. ALEXANDRI III. PAPÆ VIII.
FRIDERICI I. REGIS XV. IMP. XII.

IN NOMINE SANCTÆ ET INDIVIDUÆ TRINITATIS. AMEN.

NOS FRIDERICUS, DIVINA FAVENTE GLEMENTIA, ROMANORUM
IMPERATOR, ET SEMPER AUGUSTUS.

EX quo primitus Divina ordinante Clementia Imperii Romani fastigia gubernanda suscepimus, voluntatis nostræ atque propositi summum desiderium fuit, ut Divos Reges & Imperatores, qui nos præcesserunt, præcipue maximum & gloriosum Imperatorem KAROLUM, quasi formam vivendi atque subditos regendi sequeremur, sequendo præ oculis semper haberemus. Ad cujus imitationem jus Ecclesiarum, statum Reipublicæ incoluemus, & legum integritatem per totum nostrum Imperium servaremus. Ipse enim tota cordis in-

tentione ad æternæ vitæ præmia anhelans, ad dilatandam gloriam Christiani nominis, & cultum Divinæ religionis propagandum, quot Episcopatus instituerit, quot Abbantias, quot Ecclesias a fundamento erexerit, quantis prædiis ac beneficiis illas ditaverit, quantarum largitate eleemosynarum non solum in Cismarinis, sed & in Transmarinis Partibus resplenduerit, ipsa ejus opera & gestorum volumina, quæ plurima sunt, & maxima fide oculata, plenius declarant. In fide quoque Christi dilatanda, & in conversione gentis barbaricæ fortis ath-

leta

leta fuit, & verus Apostolus, sicut Saxonia, & Fresonia, atque Westphalia, Hispani (a) quoque testantur & Wandali, quos ad fidem Catholicam verbo convertit & gladio. Et licet ipsius animam gladius non pertransierit, diversarum tamen passionum tribulatio, & periculosa certamina, ac voluntas moriendi cotidiana pro convertendis incredulis eum Martyrem fecit. Nunc vero Electum & Sanctissimum Confessorem eum confitemur & veneramur in terris, quem in sancta conversatione vixisse, ex pura confessione, ac vera poenitentia ad Deum migrasse, & inter sanctos Confessores sanctum & verum Confessorem credimus coronatum in celis. Inde est, quod nos gloriosis factis & meritis tam Sanctissimi Imperatoris Karoli confidenter animati, & sedula petitione charissimi amici nostri Henrici (b) Illustris Regis Angliæ, inducti, assensu & auctoritate Domini Papæ Paschalis (c) & ex consilio Principum universorum, tam sæcularium, quam Ecclesiasticorum, pro relatione, exaltatione, atque canonizatione Sanctissimi Corporis ejus solemnem Curiam in Natale Domini apud Aquisgranum celebravimus, ubi Corpus ejus Sanctissimum pro timore hostis exteri, vel inimici famularis caute reconditum, sed Divina

revelatione manifestatum, ad laudem & gloriam nominis Christi, & ad corroborationem Romani Imperii, & salutem dilectæ consortis nostræ Beatricis Imperatricis, & filiorum nostrorum Friderici, & Henrici, cum magna frequentia Principum, & copiosa multitudine Cleri & populi, in hymnis & canticis spiritualibus cum timore & reverentia elevavimus, & exaltavimus quarto Kalendas Januarii. (d)

His autem omnibus gloriose peractis, cum in prædicto loco, cujus ipse Fundator extiterat, de ipsius loci libertate, institutis legum & pacis, atque justitiæ, quibus totum orbem rexerat, diligenter inquireremus. Ecce fratres ejusdem Ecclesiæ Privilegium Sancti KAROLI de fundatione & dedicatione ipsius nobilissimæ Ecclesiæ, & de institutionibus Legum humanarum, & civilis juris ejusdem civitatis nobis in medium protulerunt. Quod ne vetustas aboleret, vel ne per oblivionem deperiret, nostra Imperiali auctoritate renovavimus, ejusdem vero privilegii tenor & institutio talis est. . . .

Petri a Beeck Aquisgranum, ex quo acta
Ss. Antverpiæ Tom. II. pag. 888.

Castellinus in suo *Indiculo Sanctorum Canonizatorum* dicit, Carolum Magnum. a nonnullis canonizatum, ab aliis tantummodo beatificatum denominari. Conteli in suo *Tractatu de Canonizatione Sanctorum Cap. II. No. 2.* eum asserit dici posse tantum beatificatum, & hæc quidem sententia retinenda videtur. Quidquid enim sit de concessione facta ab illegitimo Pontifice; tot subsequentes legitimi Pontifices prædictam concessionem sciverunt, & per tolerantiam admiserunt. Quibus si superaddatur longissimi temporis observantia, nihil deesse videtur ex iis, quæ necessaria sunt pro validitate cultus quoad ecclesias particulares, & sic pro sufficienti beatificatione: uti bene adnotarunt: Molanus in Natalibus Sanctorum Belgii, Ferrarius in Catalogo Sanctorum, Spondanus ad annum Christi 814. Natalis Alexander in *Histor. ecclesiast. Sæculi IX. & X. Cap. VII.*

Lambertinus, post *BENEDICTUS XIV. Lib. I. de Servorum Dei Beatificatione Cap. IX. num. 4. pag. 46. 47.*

- (a) Carolus Magnus Hispanos non convertit ad Catholicam fidem, sed nonnullas eorum urbes e manibus Saracenorum eripuit. *Bollandus in Commentario prævio ad vitam S. Caroli Magni. Tom. II. Januarii pag. 888.*
- (b) Henricus II. Angliæ Rex, sub quo S. Thomas Cantuariensis Martyr fuit.
- (c) Paschalis III. antea Guidonis Cremonensis, secundi Antipapæ, fuscitati contra Alexandrum III. indubitatum Pontificem.
- (d) Ex tunc, nempe post Paschalis III. Canonizationem, auctoritate Metropolitani Colonien- sis, Aquisgrani solemniter de eodem Cæsare orthodoxo, Missa sicut de Sancto agitur, quæ prius fiebat de fideli defuncto *Gaufredus Prior Vossensis apud Pagi in Breviario Tom. III. pag. 83.*



SYNODUS DIŒCESANA WIRCEBURGENSIS,

AB HEROLDO EPISCOPO CELEBRATA,

Anno Christi MCLXIX. Alexandri III. Papæ XI.

Friderici I. Regis XVIII. Imp. xv.

SUMMA. Decimæ in Ratelsdorff, Revit, & Slammersdorff, Cænobio S. Michaëlis Bambergæ restituantur.

IN NOMINE SANCTÆ ET INDIVIDUÆ TRINITATIS.

HEROLDUS, DEI GRATIA, WIRCEBURGENSIS EPISCOPUS.

Quandoquidem Pater misericordiarum Deus, non ex operibus iustitiæ, quæ fecimus, sed ex multiformi gratia sua, dispensationem thesauri sui, sanctæ scilicet Ecclesiæ curam nos tenere concessit; non indebitum videtur, si salutis nostræ prospectu, talentorum nobis creditorum distributioni sic inserviamus, ut servata discretione, bona Ecclesiæ nostræ segregata recolligamus, ita, ne aliena per ignorantiam nobis usurpata, his accumulare videamur.

Proinde, universis Ecclesiæ Filiis, præsentibus scilicet, & futuris pateat, qualiter, dum juxta ministerii nostri officium, bona Ecclesiæ, cui præsidemus, dispersa congregare, congregata conservare laboravimus, decimas cujusdam Dominicalis in Ratolversdorf, & alias duarum Villularum, Rute videlicet, & Slagemaesdorf decimas, a Fratribus in monte sancti Michaëlis in Babenberg velut non iuste possessas, usibus nostris non inconvenienter, ut putabatur, adjecimus: verum, comprobato, locum beati Michaëlis ex antiquo venerabilem, easdem decimas ante centum ferme annos legitime sibi collatas, libere & quiete possedisse; ne in hoc vel antiquitati privilegiorum derogare, vel alienis rebus nostras (quod abominabile est) videremur cumulare, communi eorundem fratrum petitioni in *Generali Capitulo* nostro annuentes, imo & nostræ salutis prospicientes, decimas illas libere & quiete per multa tempora ab eis possessas, deinceps sine omni contradictione, seu perversione, possidendas remisimus & restituvimus: & ne ab aliquo successorum nostrorum, seu quorumlibet violentorum de cætero in sæpeditis decimis inquietentur, nostræ auctoritatis

beneficio, præsentis videlicet privilegio, cum testium convenienti adstipulatione, addita quoque Banni nostri interminatione, rata imposterum & inconvulsa tenenda, hæc rationabilis nostræ recognitionis facta, *Generalis Capituli nostri* unanimi assensu comprobata, communire decrevimus.

Testes:

Richolfus, Majoris Ecclesiæ Præpositus.

Perseus, Decanus.

Reinhardus, Præpositus Novi-monasterii.

Heinricus, Præpositus in Onoldespach.

Wernherus, Præpositus in monte S. Johannis.

Pertolfus, Præpositus S. Mariæ in Moguntia.

Adelbertus Custos, *Godefridus* Cantor,

Conradus Cellarius, *Wozelo* portenarius,

Sigefrid, & *Conrat*, Capellani.

Laici: Marquart de Grumpach, & *Otto* filius suus.

Adelbero de Tagesteten.

Burchardus, & frater ejus *Sigefrit*, de *Ankersberg*.

Conradus de *Bocesberg*.

Bilunc Vice-Dominus.

Heinricus, & *Bilunc*, Sculteci.

Herolt, Camerarius.

Iringus de *Zabelstein*.

Tegeno de *Mirspach*, & alii quam plurimi.

Datum sub testimonio totius Synodalis Conventus, XII. Kalend. Novembris, Feria III. Anno Domin. Incarn. MCLXIX. Indict. II. regnante gloriosissimo Rom. Imperatore *Friderico*, anno Imperii ejus XIV. Primo autem regni filii ejus *Heinrici*. Poppone Urbano Comite existente feliciter, Amen.

Ex Codice MS. Monasterii S. Michaëlis Bambergæ descripsit Schannat. b.m.

E e e

SYNO.

SYNODUS FRISINGENSIS

ANNO CHRISTI MCLXX. ALEXANDRI III. PAPÆ XII.
FRIDERICI I. REG. XIX. IMP. XVI.

SUMMA. Albertus Episc. confirmat Decimas cœnobio Schefteleren.

ALBERTUS, DEI GRATIA, FRISINGENSIS EPISCOPUS.

Sacra loca & venerabiles Personas nos convenit honorare, præsertim quorum suffragio & precibus juvamus in Cœlis, & devotis obsequiis frequentamur in terris. Ea propter notum esse volumus his, qui litteras has inspexerint, legerint, vel lectas audierint, quod nos venerabili & dilecto Fratri *Hainrico* Præposito de *Scheftelaren* Decimationem in curte sua apud *Cheverloch*, resignatam nobis a Parochiano *Conrado* de *Brunnen* tam in grano, quam in nutrituris pecorum, concessimus, tum quia eandem curtem propriis suis sumptibus excoluit & excolit, tum etiam, quia in propria persona nostro servitio fideliter insudavit: Volumus itaque, ut eandem decimationem libere & absque cujusdam contradictione possideat, Fratrum suorum, Pauperum Christi, semper usibus profuturam. Nec aliquis Sacerdotum, qui post *Conradum* Ecclesiæ vel Parochiæ *Brunnen* præficiendi sunt, ei de hoc ullam attemptet movere querimoniam, quod nostra benignitas eidem fruendum concessit. Ut autem hoc nostrum beneficium illi stabile maneat, hanc exinde cartam ei conscribi, ac sigilli nostri Impressionem signari fecimus. Testibus, qui in *celebri nostro Ca-*

pitulo fuerant subternotatis, quorum nomina hæc sunt:

Engilseleb, Præpositus majoris Ecclesiæ.

Alberton, Præpositus S. Castuli. (a)

Heinricus, Præpositus S. Andreae.

Raminus, Præpositus S. Viti.

Bertholdus, Præpositus S. Zenonis.

Ulricus, Præpositus S. Arfacii.

Richart, Præpositus de Undiestorff.

Conrad, Præpositus de Sliedorff.

Heinricus quoque de *Sliersee* Præpositus & Archi-Diaconus in illis locis, laudavit & consensit.

De Abbatibus isti:

Robertus Abbas Tegrius.

Robertus Abbas Aprimontis.

Rapotbo Abbas S. Stephani.

Lotharius Abbas Roten.

Eberhardus Abbas de Sekin.

Hainricus Abbas de Atile, & plures alii.

Actum *Frisingæ* Anno Dominicæ Incarn.

MCLXX. Anno Domini Alberti

Frisingensis Ecclesiæ Venerabilis

Episcopi XII. feliciter Amen.

Gewoldus in additionibus ad *Hundii Metropolitani*, in *Fundatione Cœnobii Schefteleren* Ord. *Præmonstrat.*

(a) in *Mosburg*.

CURIA IN NORIMBERCH

ANNO CHRISTI MCLXX. ALEXANDRI III. PAPÆ XII.
FRIDERICI I. REG. XIX. IMP. XVI.

SUMMA. Friderici I. varia vexatio Præsulum, schismati contrariorum.

Anno MCLXX. Imperator Natale Domini in Alsatia egit circa Purificationem S. Mariæ, Norimberch Curiam celebrat, ubi Regem Bohemiæ, qui offenderat, de facili in gratiam recepit, Albanum Pataviensem electum a suis ab Episcopatu perturbatum, spe tantum in Episcopatum restituit, effectu minime: nam offensus erat ei propterea, quod a Christiano (Moguntino Archi-Episcopo)

consecrari abnuvit. Ob hanc etiam causam Chunonem Ratisponensis electum, graviter ibidem tractavit, & Curiam ei de hoc verbo usque in proximam Pentecosten præsignavit; quatenus aut ordines a Christiano reciperet, aut Episcopatum dimitteret.

Intrante Quadragesima Cisterciensis & Clarevallensis Abbates Imperatorem conveniunt super schismate, eique suggerunt,

gerunt, ut Babenbergensem Episcopum cum eis Romam destiner, quod & factum est. Sed propter Longobardorum insolentiam negotium ipsum tunc

profectu caruit. Nam Episcopus ipse ab eis repulsi, ad propria redire coactus est.

In appendice ad Radevicum apud Urstifum Tomo I.

Christianus, vivo adhuc Conrado antecessore anno 1164. ab Friderico Imp. suffectus, vel intrusus, Cancellarius ejusdem & miles egregius, Legatus, & Orator facundus.

Crantzius eum, ut Romanæ Ecclesiæ, imo *Alexandri III.* hostem, *Paschalis Anti-Papæ* Cancellarium & Legatum, ab ipso Paschali nuncupatum, describit *Saxonie Lib. VI. Cap. 34.*

SYNODUS MOGUNTINA

INDICATA, IN SUBJECTA CHARTA

CIRCA ANNUM CHRISTI MCLXXI. ALEXANDRI III. PAPÆ XIII.
FRIDERICI I. REGIS XX. IMP. XVIII.

Transactio inter Abbatem de Otterburch & Abbatem de Enckenbach, de hæreditate ARNOLDI, utriusque Cænobii Monachi, qui in solemni Synodo Moguntina excommunicatus fuit.

STEPHANUS, DEI GRATIA, ABBAS IN OTTERBURC PRIMUS.

Quia ad nostrum spectat officium utilitati Ecclesiæ nostræ providere; notum esse cupimus quibuslibet fidelibus; qualiter Dominus *Degenhardus*, ministerialis Imperatoris, amitæ meæ filius, prædium suum, sibi a Parentibus suis jure hæreditario derelictum in Erlebach, Ecclesiæ nostræ donavit; hic itaque Monachus apud nos factus, semetipsum, atque idem prædium sanctæ Mariæ, & nobis donavit legitima traditione, & in eadem voluntate & opere, mansit annis V. Postea vero instabilitatem animi sui secutus, & regularis disciplinæ rigorem abhorrens, a nobis discessit & ad Monasterium Enckenbach se contulit, prædiumque, jam non suum, sed nostrum illi loco tradidit; habebat autem quendam fratrem *Arnoldum* nomine, qui seductus a *Brunichone*, avunculo suo, præfatum prædium cambivit, suumque prædium, quod Assenzenbrunnen habuit, pro isto tradidit, cumque tali occasione prædium nostrum sibi niteretur vindicare, & tam ipse, quam Dominus Brunicho,

Moguntia, in solemni Synodo, anathemate eliminati sunt ab Ecclesiastica communione; qui *Arnoldus*, cum tantisper maneret in sua obstinatione, tandem in se reus, acceptis duobus talentis, prædium nobis restituit; alterum quoque prædium, quod suum erat, & pro isto concambio dederat, acceptis viii. talentis argenti nobis pacifice resignavit. Ut autem omnis occasio querelæ de medio tolleretur, dedimus etiam *Canoni* de *Guntbeim*, genero supradicti *Arnoldi*, xv. solidos, & *Eceberto* de *Luttre*, itidem genero suo, totidem; *Johanni*, filio ipsius, x. solidos, *Wernbero*, alteri Filio, caballum unum.

Acta sunt hæc anno Dom. Incarnationis. . . .

Ex Archivio Monasterii Otterburgensis, Ordinis Cisterciensis, in Diocesi Moguntina consecrato anno 1145. descriptis Schannatus b. m.

Bucelinus Germaniæ sacræ Parte II.

Abbas de Enckenbach non est notus *Bucelino.*

SYNODUS TRAJECTENSIS

ANNO CHRISTI MCLXXIII. ALEXANDRI III. PAPÆ XV.
FRIDERICI I. REG. XXII. IMP. XIX.

CUM ob aquarum ingens diluvium (a) & subsecutum mox grave incendium in civitate Trajectensi majora mala, & plagas altiores populus metueret a Cælo: Episcopus Godefridus (b) in Synodo generali jejunium generale toti civitati & omnibus parochiis suæ civitatis indixit, ut omnes humili satisfactione cum Clericis Laici, senes cum junioribus Divinam placarent indignationem: ipse

etiam Episcopus feria iv. post Pentecosten nudis incedens pedibus, cum omni populo a templo Beati Martini usque ad Ecclesiam Beati Jacobi processit, & Sanctorum diversa loca, Clericis Litanias, Laicis laudes Divinas, elata voce cum gemitu succinentibus, visitavit.

Wilhelmus Monachus Egmund. in Chron.

ex edit. Anton Matthæi Anal. vet.

Tom. IV. pag. 43.

(a) Hæc inundatio vel ex Oceano, vel Rheno suis limitibus egresso, circa 1170. evenit ex Heda & Buchelio: cui malo averruncando, Hildebrando, Abbate S. Pauli Trajectensis, Penitentiam suadente, Episcopus Synodum indixit & supplicationes. Obiit liberalis in Ecclesiam suam Princeps anno 1177. 27. Maji. *Heusden in Batavia sacra pag. 149.*

(b) Godefridus, Dominus Castri Rhenensis, Præpositus Major inopinato adventu Friderici I. Imperatoris discordiam Electorum sopientis eligitur Episcopus XXVIII. Ultrajectinus.

SYNODUS COLONIENSIS

ANNO CHRISTI MCLXXIII. ALEXANDRI III. PAPÆ XV.
FRIDERICI I. REGIS XXII. IMP. XIX.

Philippus, Archi-Episcopus Coloniensis, confirmat Foundationem Monialium Præmonstratensium in Lanckwaden, & varia circa eas ordinat.

IN NOMINE SANCTÆ ET INDIVIDUÆ TRINITATIS.

EGO PHILIPPUS, DEI GRATIA, SANCTÆ COLONIENSIS ECCLESIAE ARCHIEPISCOPUS, OMNIBUS FIDELIBUS IN PERPETUUM.

Officii nostri ratione commonemur, ea, quæ a prudentibus viris ordinata sunt, rata habere, & ne in posterum mutari valeant, auctoritate nostra confirmare. Notum sit igitur omnibus fidelibus tam præsentibus, quam futuris, quod temporibus (a) Domini Arnoldi Prioris Venerabilis Coloniensis Archi-Episcopi, quidam nobilis Christianus nomine, & duo filii ejus Christianus & Albero in fundo suo Cœnobium quoddam construxerunt, in loco, qui dicitur Lanckwaden, & prædio suo circiter tres mansos eidem Cœnobio contulerunt, habentes propositum illic conventum foro-

rum inibi Deo famulantium sic initiare: procedente vero tempore majoribus auxiliis eundem locum sublevare, & ut prædictus Archi-episcopus majori clementia locum amplecteretur, ipsum cum omni prædio Deo & Beato Petro obtulerunt. Quo facto sorores quasdam de Claustro quod dicitur: (b) Hillezim, assumptas, & Priorem, qui eis præesset, ab eodem claustro vocatum, illic posuerunt. Accidit autem temporibus nostris, ut Patroni ejusdem (c) Cœnobii Christianus & Albero Abbatem de Helenzim in Synodo coram nobis in causam ducerent, eo quod ad prædictum locum sæpius veniendo, &

ut

(a) *omissit Strivagiensis.*

[c] *Monasterii Strivag.*

(b) *Heillesheim Strivag.*

ut fama ferebat, asportando, si qua illic a fidelibus oblata reperisset, novellum locum nimium gravaret, & crescere non sineret. Huic causæ prudentes viri se interponentes consilio rem terminaverunt, statuantes, quod nullus sit in Cœnobio illo Prior, nisi quem Archi-Episcopus pariter & Abbas illic statuerint, statutus autem removeri non debet nisi per Archi-Episcopum pariter & Abbatem, cognita causâ & evidenti culpa. Abbas etiam nec veniendo nec diripiendo aliquid locum gravabit, nisi forte hospitii percipiat commodum, si forte ad dandum consilium advocatus fuerit. Inter heredes ille Patronatum super locum obtineat, qui etiam super (d) Wevellinghoven dominium obtinuerit. Hac compositione prædicti Patroni illius loci lætificati, & aliam curiam suam in Yffesitam, continentem terræ circiter duos mansos eidem cœnobio contradiderunt. Hanc ergo (e) prudentium virorum determinationem nos auctoritate nostra confirmamus, & ne a quoquam permutari valeat, sigilli nostri impressione communimus. Præcipientes, ut nullus hominum contra hanc paginam præsumat venire. Si quis vero attentaverit, nisi respiscat, omnipotentis indignationem se noverit incursum. Acta sunt Dominicæ Incarnationis MCLXXIII. (f) Indictione VI. regnante Friderico Glorioso (g) romano-

rum Imperatore anno regni ejus XXII. Imperii vero XX. Anno Pontificatus nostri (h) VI. Ego Bruno majoris Ecclesiæ Præpositus, cognovi & subscripsi, ego (i) Hugo Decanus, cognovi & subscripsi, Ego Sifridus Sanctensis Præpositus, cognovi & subscripsi, Ego Lotbarius Bonensis Præpositus, cognovi & subscripsi, ego Symon S. Gereonis Præpositus, cognovi & subscripsi, (k) ego Conradus S. Severini Præpositus cognovi & subscripsi, ego Rodulfus S. Cuniberti Præpositus, cognovi & subscripsi, ego Wezelinus S. Andreae Præpositus, cognovi & subscripsi, ego Theodoricus S. Apostolorum Præpositus, cognovi & subscripsi, ego Hugo S. Gereonis Decanus, cognovi & subscripsi, ego Walterus S. Severini Decanus, cognovi & subscripsi, ego Sifridus S. Kuniberti Decanus, cognovi & subscripsi, ego Engelbertus S. Andreae Decanus, cognovi & subscripsi, ego Theodoricus Ss. Apostolorum Decanus cognovi & subscripsi, ego Gerhardus S. Mariæ Decanus cognovi & subscripsi, ego (l) Priamus Magister S. Gereonis cognovi & subscripsi, ego Arnoldus Magister S. Severini cognovi & subscripsi, Præsententes aderant Abbates & Clerus, Nobiles & beneficiati.

Ex Archivio Monasterii Præmonstratensis Canonissarum in Lanckwaden Archi-Diœces. Colon.

Florentius de Wevellinghoven, Canonicus Colonienfis, qui vixit 1297, habuit fratrem nobilem virum Tilmannum de Wevelinghoven Militem. Fratri hujus filius item vocatus est Florentius.

Florentius Canonicus mortuus est 14. Kalend. Martii in festo Ss. Marii & Marthæ.

Idem Florentius Canonicus habuit sororem Beatricem, Abbatissam S. Cæciliæ Colon. & sororem Irmgardim, Canonicam Ss. Virginum in Colonia. Item fratrem Theodoricum Militem, cujus conjunx fuit Helewigis.

Henricus, filius Domini in Ghemen, habuit Annam von Wevelkoven conjugem anno 1442. & per hanc Annam Dominium de Wevelkoven venit ad illos de Ghemen.

Ex Volumine IV. Farraginum Gelenii pag. 35.

Illnus Stivagiensis Tomo II. Probationum Monasteriologie Præmonstratensis p. 7.

(d) Wevelinghoven Stivag.

(f) MCLXXII. Indict. V. Stivag.

(h) V. Stivag.

(k) S. Severini nec Præpositum nec Decanum habet. Stivag.

(l) Peramus Stivag.

[e] præcedentium Stivag.

(g) gloriosæ memoriæ Stivag.

(i) Bruno Stivag.

CONVENTUS RATISBONENSIS

Anno Christi MCLXXIV. Alexandri III. Papæ XVI.
Friderici I. Regis xxiii. Imp. xx.

*SUMMA. Ab Imperatore Friderico I. schismatico indictus, ubi exaucto-
rato Adalberto Saltzburghensi Archiepisc. illi injuste substituitur
Henricus Præpositus Berthsgadensis.*

ANNO MCLXXIV. Imperator celebravit Curiam in civitate Ratispona vii. Kal. Junii tam celeberrimam, quod nulla memoria est, unquam talem habitam in partibus Bavarie. Omnes enim fere Principes ex regno Teutonico ibi aderant cum magna ambitione, omnes quoque suffraganei episcopi ex episcopatu Saltzburghensi, uno Frilingensi excepto & omnes pene ejusdem Saltzburghensis Ecclesie Prælati, simul cum ministerialibus præcipuis, jussu Imperatorio convocati, illuc convenerant tractaturi de ordinatione Archi-episcopatus Saltzburghensis, ac diffinitionem accepturi ex Judicio Curie; & hæc erat tertia Curia pro hac causa determinanda in partibus Bavarie ab Imperatore indicta, & solemniter habita, Archi-episcopus etiam Saltzburghensis cum avunculo suo, Duce Austrie, Henrico veniens, constanter affuit. . . .

Imperator collecta Curia, ut ex toto & manifeste Schismaticos faceret illos, qui jam ex multo tempore, contra Archi-episcopum nitebantur, omnes suffraganeos ejusdem Archi-episcopi, qui aderant, ad hoc deduxit, ut in sententiam Brixinensis electi Magistri *Reberi* consentirent; qui electus ad interrogationem Imperatoris, præsentem Curia sententiam depositionis in Archi-episcopum nimis proterve dederat; ipse enim electus contra Archi-episcopum inflammatus erat, propter hoc, quod Archi-episcopus suffraganeos suos, ab ejus ordinatione retrahere nitebatur. Quia, sine

ejus licentia & sine permissione ejus, utpote Metropolitanus, attentata, in eadem curia peracta est: sed utrum Canonice & Catholice, ipsi viderint! Præfatæ igitur sententiæ electi, quia & Principes regni pro gratia Imperatoris consentire cogebantur, excepto uno Principe Duce Austrie Henrico, statim omnis illa congregatio Saltzburghensis, quæ aderat, simul cum ministerialibus, omnes, quendam *Henricum Præpositum* tunc Berthsgadinensem, cum favore Principum & Imperatoris, electum collaudant, conclamant, & inthronizant, nihil reluctante illo. Imperator etiam sine mora Justitiam suam ei recognovit, & Ecclesie Saltzburghensis toto episcopatu, cum omnibus regalibus, per sceptrum ei concessis, valde solenniter coram omni illa curia & Principibus qui & omnes a primo Duce Bavarie & Saxonie incipientes, beneficia sua ab eo cum multa reverentia & honore requirentes & hominia facientes coram Imperatore acceperunt.

His ita peractis & Curia finita Imperator in expeditione cum multo exercitu, versus Longobardiam profectus est, Ecclesie Saltzburghensi parum honoris & consolationis, præter hanc dualitatem, & hoc genus scandali & scissionis relinquens.

*Ex Chronico Reichenpergensis ad hunc ann.
edito Tomo II. Ludewigii.*

Adalbertus, Uladislai Bohemie Regis Filius, dictus Archi-Episcopus Salisburghensis, anno 1168. in die festivitatis Omnium Sanctorum in Cathedrali Ecclesia cum gaudio omnium inthronizatus est, teste *Chronographo Reichenpergensis*, 1169. Idibus Martii consecratur Archi-Episcopus: verum, quia idem legitimo Pontifici Alexandro III. adhærebat, coactus fuit eodem anno Archi-Episcopatum resignare.

Imo Fridericus I. in Curia Ratisponæ celebrata exeunte Majo Adelbertum deposuit, & Henricum Præpositum Berthsgadinensem in ejus locum substitui fecit. Archi-Episcopus cum Prælati suis Pontificem appellat, missio Erchenpoldo Capellano suo.
Pon-

Pontifex missis Literis ad Conradum Archiepisc. Moguntinum Legatione Apostolica per Bavariam fungentem, & ad Capitulum Saltzburgense acta Ratisponensis Curiae cassat. Literæ datæ VI. Idus Septembris, Anagninæ.

§. 2. *Alexander III. Adalberto Archiepisc. significat cassata omnia contra ipsum attentata.*

ALEXANDER, SERVUS SERVORUM DEI, DILECTO FILIO ADELBERTO SALTZBURGENSIS ECCLESIAE ARCHIEPISCOPO, SALUTEM ET APOSTOLICAM BENEDICTIONEM.

Audito & intellecto illo enormi facto, quod est adversum te, non sine offensa Dei, & derogatione nostra nequiter attentatum, mirati sumus admodum & commoti, utpote, qui personam tuam, pro fenore devotionis tuæ syncera in Domino Charitate diligimus, & pacem & quietem tuam desideramus, sicut nostram specialem & propriamurbationem, quæ tibi & Ecclesiæ tuæ imminet, non reputamus aliquatenus alienam. Inde itaque fuit, quod nos factum ipsum, utpote Divinæ & humanæ legi contrarium, Apostolica auctoritate cassantes, viris illis, qui tantæ præsumptionis fuerunt auctores, scripta nostra direximus, eosque a tam iniquo proposito pastoralis sollicitudine revocantes, super hoc venerabili fratri nostro Chunrado Moguntino Archi-Episcopo Apostolicæ Sedis Legato, scripsimus, sicut ex rescriptis litterarum nostrarum tibi plenius

innotescet. Tu itaque in Domino conforteris & viriliter agas, in eo pones spem, qui te poterit a pressuris & angustiis liberare, & post tantamurbationem pacem tibi dabit per suam gratiam & quietem. Ut autem omnipotentem Dominum magis propiciam habere valeas & placatum, ei tota devotione studeas subesse, & his ferventer intendere, quæ (a) tibi placita sunt & accepta, & ad recuperandum patrimonium Ecclesiæ, & ad conservandam Ecclesiam ipsam in fide & unitate Catholica, ut vir prudens, providus, & discretus, toto studio attendas. Nos igitur firmum propositum & promptam tibi gerimus voluntatem, personam tuam, sicut charissimi fratris abundantiore charitate diligere, & in persecutionibus & angustiis tuis, omne, quod cum Deo possumus, consilium & auxilium exhibere. Data Anagninæ VI. Id. Septemb.

(a) forte illi.

§. 3. *Alexander III. Conrado Moguntino Archiepisc. & Legato Apostolico, mandat, cassa & irrita declaranda acta in Curia Ratisponensi, & attentata ab Episcopis Brixinensi & Gurcensi circa Henricum intrusum.*

CHONRADO, MOGUNTINO ARCHIEPISCOPO, ET APOSTOLICÆ SEDIS LEGATO, SALUTEM ET APOSTOLICAM BENEDICTIONEM.

Quanto fidem & devotionem tuam circa nos & Romanam Ecclesiam esse novimus priorem, & prudentiam & sollicitudinem tuam in omnibus magis experti sumus, tanto securius tibi committimus exequenda, quæ virum providum & constantem requirunt, & cum multa circumspectione executioni debent mandari; sane locorum vicinitas, nobilitas & prudentia tua non te sinunt aliquatenus ignorare factum illud enorme, quod nuper contra venerabilem fratrem nostrum *Adalbertum Saltzbur-*

gensem Archi-episcopum, non sine multa cordis amaritudine intelleximus attentatum fuisse, a viris illis, de quorum fide non videbamus in aliquo dubitare. Audivimus siquidem, quod, cum venerabilis frater noster Gurcensis Episcopus, Ratisbonæ electo Brixinensi munus consecrationis contra interdictum præfati Archi-episcopi, quod sibi non licuit, impendisset, idem *Brixiniensis* cum prædicto *Gurcensi* contra eundem Archi-episcopum convenire præsumpsit, & proxime post consecrationem suam, sequenti die, in ipsum

ipsum Archi-episcopum depositionis sententiam promulgavit & in Ecclesiam Salzburgensem, ad electionem, *Bertbesgadensem* præpositum, virum utique, qui quondam Religiosus habitus est, & Catholicus, ausu temerario intrusit, & clerum ab obedientia, & laicos a fidelitate ipsius Archi-episcopi, absolvere non dubitavit. Miramur itaque, nec mirari sufficimus de prædicto Gurcensi & Brixinensi, quorum alter, Gurcensis videlicet, ab initio promotionis suæ, & ante ut credimus, ferventem circa nos & romanam scriptis & nuntiis devotionem ostendit; & de altero scilicet Brixinensi, qui dum scholasticis disciplinis, præcipua quadam familiaritate nobis tenebatur adstrictus, & multæ Religionis & honestatis esse probatur, & se Catholicum profiteretur, quomodo in tam novum enorme & inauditum facinus proruperunt? cum non potuerunt nec dubitaverunt in quemlibet Episcopum, nedum in præfatum Archi-episcopum, cui debent obedientiam & reverentiam, sine mandato Romani Pontificis sententiam promulgare: maxime, quia idem Archi-episcopus, sicut nosti, utpote canonicè electus, a nobis confirmatus est, & de manu tua pallium, in plenitudinem officii Pontificalis, accepit: licet autem prædicti Gurcensis & Brixinensis asserant, præfatum Præpositum, sub obedientia & devotione nostra in præscripta Ecclesia positum esse, non videmus tamen nec videri potest ab aliquo, quomodo possit, vel debeat esse, ut, qui de mandato & auctoritate nostra, in ipsa Ecclesia Archi-episcopus fuerit institutus, nobis ignorantibus amoveatur ab eadem Ecclesia, & alius favore terreni

Principis sibi super ponatur. Quomodo igitur, cum eadem Ecclesia nullo unquam tempore, labe fuerit schismaticæ pravitate infesta, providendum nobis est, & omnibus eandem Ecclesiam diligentibus, ne de nova alicujus spurcitia contagionis respergatur, prudentiam tuam, de qua, omnimodam spem & fiduciam gerimus, ad ejus enormitatis correctionem sollicitandam duximus, & propensius commonendam. Inde est, quod tam enorme facinus cassantes fraternitati tuæ per Apostolica scripta mandamus & præcipimus, quod factum ipsum publice denunties irritum & inane, & omni gratia & favore humano postposito memoratum Gurcensem, & Brixinensem, & (b) Præpositum Salzburgensem qui hoc attentaverunt, a tam stulto præposito, satagas quantocyus revocare, indicto eis termino, nec nimis longo, nec nimis arcto, intra quod tempus idem intrusus, ad Ecclesiam suam, Deo militaturus de cetero redeat, & ad obedientiam & devotionem memorati Archi-episcopi revertatur, & eidem intruso inter cætera proponas, ne ambitionem dignitatis & honoris Religionis & honestati velit præferre, sed in simplicitate cordis sui, Deo famuletur, & tam Clero, quam populo ad suam Ecclesiam pertinenti, nostra auctoritate præcipias, ut præfato Archi-episcopo sicut Magistro & Prælato, omnimodam exhibeant obedientiam & honorem. Qualiter autem in facto profeceris, per tuas nobis literas plene studeas intimare. Datum Anagninæ VI. Id. Septemb.

Chronicon Reicherspergensis.

(b) Siboto.

§. 4. *Alexander III. scribit Capitulo Saltzburgensi, reprehendens & jubens, ut ad obedientiam Adalberti redeant.*

SIBOTONI, PRÆPOSITO ET CHORO SALTZBURGENSIS ECCLESIAE, SALUTEM ET APOSTOLICAM BENEDICTIONEM.

AUdivimus non sine multo cordis dolore & amaritudine, quomodo a te, Præposite, enorme factum in Venerabilem fratrem nostrum Archi-episcopum vestrum fuerit attentatum, cui sicut Magistro, & Prælato vestro tenemini obedientiam & reverentiam exhibere; illa siquidem præclara fama laudis

& nominis, quam eadem Ecclesia de conservatione Catholicæ unitatis ubique sibi ad Deum & homines comparavit, vos a tam inhonesto proposito debuit potissimum revocare: sane decuit vos sollicitè ac diligenter attendere, & meditatione sedula cogitare, in quo statu vir sanctæ recordationis *Eberhardus*, quondam Archi-

Archi-Episcopus vester, & bonæ memoriæ *Obuomadus* successor ejus, nec non prædecessores eorum, eandem rexerunt Ecclesiam, ut ab eorum via non possetis quomodolibet declinare, sed ipsorum vestigiis studeretis omnimodis inhærere. Non videmus utique, nec potest videri ab aliquo, quod electio, confirmatio, vel palliatio prædicti Archi-Episcopi, præsertim sine auctoritate Romani Pontificis, cassari debuerit, & alius superponi, cum idem Archi-Episcopus, sicut nostis, a nobis fuerit confirmatus, & Pallium, id est, plenitudinem officii pontificalis, receperit, & de exhibenda sibi obedientia, ad vos, & ad alios suæ jurisdictionis, nostrum emanaverit læpe mandatum. Super quo siquidem tanto miramur amplius & movemur, quanto nos Ecclesiam vestram, pro senore devotionis vestræ, ampliori caritate diligimus: & majori maestitia afficimur, & dolore, si quid fiat aliquando, quod ad diminutionem vestræ laudis & nōminis, vel ad derogationem honestatis videatur quomodolibet redundare. Licet autem in facto ipso devotionem nostram, sicut audivimus, & obedientiam prætendatis; non videmus tamen, nec videri potest

ab aliquo, quomodo salva obedientia nostra & honestate hoc potuerit fieri. Quoniam igitur factum ipsum, cum omnino sit divinæ & humanæ legi contrarium, non debemus nec possumus sustinere; nos id, sicut cassandum est, & ipso jure cassatum, *Apostolica auctoritate cassantes*, universitati vestræ mandamus, & in virtute obedientiæ præcipimus, quatenus ad vos ipsos quantocyus redeuntes, quid famæ vestræ expediat, & salutis, sollicitè cogitetis, & ab hujusmodi inhonesto proposito, sine dilatione qualibet redeuntes, ad obedientiam & devotionem, memorati Archi-Episcopi revertamini, eique sicut Magistro & Prælato vestro, devoti sitis atque subiecti, & tales in hoc, & in aliis vos exhibere curetis, quod opera vestra aliis præbeant exempla virtutum. Si vero secus, quod non arbitramur, feceritis, quanto ferventius vos & Ecclesiam vestram diligimus, tanto acrius a tam illicito facto curabimus, auctore Domino, revocare: quia non videremur vos sincere diligere, si famæ & honestati vestræ paterno non consuleremus affectu. Data Anagninæ VI. Id. Septembr.

Chronicon Reicherspergensē.

SYNODUS HALLENSIS

PROVINCIALIS

SUB WICHMANNO, ARCHI-EPISCOPO MAGDEBURGENSI,

Anno Christi MCLXXV. Alexandri III. Papæ XVII.
Friderici I. Regis xxiv. Imp. xxi.

SUMMA. 1. Torneamentorum interdictum,

2. Et iis usorum pœna, excommunicatio, & sepulturæ Ecclesiasticæ denegatio.

3. Principes Saxones jurant, se nullibi hunc lusum permissuros.

Pestifer Ludus Torneamentorum in partibus Saxoniz ita inoleverat Sæculo XII., ut infra unum annum XVI. in eo referantur milites periisse, pro qua re *Wichmannus* Archi-Episcopus omnes

(a) eos frequentatores excommunicationis vinculo innodavit. Comperta autem præfati Comitis (b) morte tunc in *Austriæ* partibus (c) constitutus, missis nuntiis, eum a sepultura præcepit Ecclesiastica

(a) pro frequentatores. *Chron. Cellense pag. lxxi. non bene habet receptatores.*

(b) *Conradi Comitis, Filii Tiderici Marchionis in Torneamentis occisi XV. Kal. Decembris 1175.*

(c) constitutus] lege cum *Chron. Cell.* constituti.

Tonus III. Concil. German.

fiastica separari. Tempore vero procedente, cum Archi-Episcopus idem convocatis *Suffraganeis suis*, cum magna Cleri frequentia *Conventum in Ecclesia Hallensi* haberet, Pater occisi Comitis, & fratres ejus, *Otto* videlicet, *Misnensis Marchio*, *Dedo Comes de (d) Groitz*, *Henricus Comes de Witin*, & *Fredericus Comes de Brene*, cum multis nobilibus viris & ministerialibus advenientes, pedibus Archi-Episcopi, ac totius Cleri, cum magnò ejulatu ac [e] fletibus provolvuntur, postulantes, ut occiso communionem concederent fidelium sepulturæ, afferentes constanter, eum ante finem suum poenitentem, & absolutum, communionem *Dominici Corporis* meruisse. Cum enim idem Comes vulnere debilitatus jaceret, contigit Sacerdotem quendam religiosum transire, qui petentibus amicis ejus ad vulneratum accedens, magna ab ipso instantia rogatus est, ut poenitentiam & confessionem ejus admitteret, & a vinculo eum excommunicationis absolveret, fideliter promittens, si Divina misericordia ei vitæ spatium largiretur, nunquam se de cætero tali causa excommunicationis sententiam meriturum, quin potius & de hoc, & de aliis suis peccatis, Deum sibi modis omnibus placaturum. Super hoc autem ad militandum Deo, cruce signari devote petiit, ut ejus contritio manifestius appareret. Sacerdos vero ille cordis in eo contriti signa percipiens, confessione ejus audita, poenitentia injuncta, ab excommunicationis nodo eum absolvit,

(d) *Dedo Comes de Groitz*) *Chron. Cell. Rochlitz.*

(e) ejulatu ac fletibus) *codex*: ejulatu ac lacrimis.

[f] *Chron. Cellense pag. 112. meliori sensu ita habet*: cum præsens esset, juramento hoc confirmare, ut nulla remaneret dubietas, rogabatur.

sicque reconciliatum *Dominici Corporis* participem faciens, sicut petierat, cruce signavit. Quibus peractis post modicum defunctus est. Cum itaque hoc Principes prædicti coram Archi-Episcopo & Clero affererent, Sacerdos horum omnium executor (f) cum prius esset juramento obligatus, hæc confirmare, ut nulla remaneret dubietas, rogabatur. Quod ille alacriter implevit. Ipsi præterea Principes, exigente hoc ab eis Archi-Episcopo, *in Reliquiis juraverunt, a tormentamento in perpetuum abstinere*, nec usquam in omni ditione sua hujusmodi exercitium permittere, hominesque suos & ministeriales ab eo modis omnibus coercere. Sicque demum Archi-episcopus mortuo sepulturam concessit, salva tamen Sedis Apostolicæ auctoritate. Unde factum est, ut tamdiu sepultura careret, donec unus militum, familiaris ejus, *Wernberus* nomine, consensum de hoc summi Pontificis reportaret. Qui etiam transmarinam peregrinationem pro ipso postmodum peragens, fidem se ei manifestis indicis, declaravit. Sepultus est autem in *Sereno Monte* XV. Kalend. Februar. ante introitum Ecclesiæ majoris occidentalem, juxta quem *Wernberus* idem postmodum tumulatus est. Obtulit autem *Fredericus Marchio* pro anima filii sui *B. Petro X. mansos* in villa, quæ *Marcgrevendorp* dicitur.

Chronicon Montis Sereni, editum a Menckenio Tomo II. rerum Germanicar.

Chronicon Misnense, editum a Schannato Tomo II. Vindemiæ Literariæ.

CONVENTUS NORIMBERGENSIS

ANNO CHRISTI MCLXVI. ALEXANDRI III. PAPÆ VIII.
FRIDERICI I. REGIS XV. IMP. XII.

Constantia admiranda Archi-Episcopi Salisburgensis.

ANNO MCLXVI. Imperator celebravit Curiam in Nurenberch, XVI. Kal. Martii, illucque venit Archi-Episcopus *Guonradus* post tertiam vocationem, & tertiam Curiam, ad quas vocaverat eum Imperator, VI. septimanis unicuique vocationi deputatis, a festo S. Mi-

chaelis. Ibi ergo cum constanter responderet coram Principibus ad omnia, quæ Imperator ei objiciebat, scilicet: quod per rapinam teneret Episcopatum *Salzburgensem*, cum nec ab eo unquam Regalia ejusdem Episcopatus, nec a Papa suo *PASCHALI* spiritualia suscepisset, ipseque per prælocutorem suum,

suum, Ducem Bavarie & Saxonie, illi sufficienter respondisset: Se non per rapinam, sed per legitimam & canonicam electionem Cleri & Ministerialium, & totius plebis, eundem Episcopatum suscepisse, seque iustitiam suam, id est, Regalia tribus vicibus ab eo requisivisse eodem anno, hocque testibus probare voluisset,

hancque sibi negatam fuisse tribus vicibus pro eo solum, quod nollet, cum nec deberet, recipere PASCHALEM, qui non esset legitimus Ecclesiæ Pastor:.. tandem post multa hinc inde dicta, tunc primum sine gratia Imperatoris a Curia recessit.

Chronicon Reicherspergense apud Ludewig.

CONVENTUS APUD LAUFFEN

ANNO CHRISTI MCLXVI. ALEXANDRI III. PAPÆ VIII.
FRIDERICI I. REG. XV. IMP. XII.

A Friderico decreta horrenda vastatio Ecclesiarum Bavarie, & effectui data ob denegatam Paschalis Antipapæ acceptionem.

Non multo post ipso anno Imperator rursus celebravit Curiam in paribus Bavarie apud Loufen IV. Kal. Aprilis, in tertia hebdomada Quadragesimæ. Cumque iterum (a) Archi-Episcopus, qui in vicino erat, nullo modo posset inclinari, ad partem & voluntatem Imperatoris, per fratrem suum Ducem Austriæ Henricum, & alios Principes, qui internuntii erant, Imperator statim, quasi ex iusta sententia & iudicio Principum,

exposuit omnia cœnobîa, quæ erant in eodem Episcopatu, vel quæ jure fundi eo pertinebant;

III. Simul cum Prælati & omnibus possessionibus suis, tanquam qui sui essent proscripti, & excommunicati Paschalis. Et initium malorum sequentium hæc.

IV. Exin toto illo anno incendiis ac rapinis, alternisque obsidionibus, quasi ex præcepto, aut pro voluntate Imperatoris idem Episcopatus ex magna parte vastatus est, militibus tamen Archi-Episcopi se contra violentias iniquorum hominum fortiter & viriliter opponentibus.

Chronicon Reicherspergense ad A.C. 1166.

I. Inbeneficiavit Laicis omnes possessiones ejusdem Episcopatus, simul cum decimis, quæ ad jus pertinebant Archi-Episcopi, omnibus quotquot parati erant ad accipiendum.

II. Proscripsit, et etiam persecutioni

(a) Conradus, Saltzburgensis Archi-Episcopus.

Pax & Reconciliatio inter Alexandrum III.

Papam, & Fridericum I. Imperatorem Anagninæ tractata, atque præliminariter conventa.

Anno Christi MCLXXVI. Alexandri III. Papæ XVIII.

Friderici I. Regis XXV. Imp. XXII.

FRIDERICUS Imperator ALEXANDRUM Pontificem in Catholicum & Universalem Pontificem recipiet, ac debitam ei reverentiam adhibebit, perinde ac Catholici ipsius Antecessores Catholicis ejus antecessoribus præstiterunt, eademque successoribus ejus Catholice ineuntibus exhibebit.

II. Reddet veram Pacem Alexan-

dro & omnibus successoribus ejus, & universæ Romanæ Ecclesiæ.

III. Quæcumque possidet, aut tenet, sive præfecturam, sive rem aliam, quam Romana Ecclesia habuit, & ipse vel per se, vel alios abstulit, bona Fide restituet, salvo omni jure Romanæ Ecclesiæ. Quasque possessiones restituet, ad eas etiam retinendas auxilio erit.

IV. Imperator & Pontifex ad honorem & jura Ecclesiæ atque Imperii conservanda se invicem adjuvabunt. Pontifex, ut benignus Pater devotum & carissimum filium, & Imperatorem Christianissimum: Imperator, ut devotus filius & Christianissimus Imperator dilectum Reverendum Patrem & Beati Petri Vicarium.

V. Quæ a tempore schismatis, vel occasione ipsius, aut sine ordine judiciorum Ecclesiasticis ab Imperatore vel suis crepta sunt, eis restituentur.

VI. Beatrix Imperatrix recipiet Alexandrum Pontificem in Catholicum & venerabilem Pontificem. HENRICUS Rex, filius eorum, similiter recipiet eum, atque ei & Catholicis successoribus ejus debitam reverentiam adhibebit, & Sacramento eodem se obstringet, quo se Imperator obstrinxerit.

VII. FRIDERICUS Imperator, & HENRICUS Rex, filius ejus, pacem veram reddent Gulielmo regi Siciliæ ad annos quindecim, sicut per sequestres pacis est constitutum.

VIII. Imperatori Constantinopolitano, & adiutoribus Ecclesiæ Romanæ pacem reddent, nec mali quicquam referent per se, vel per suos, pro opera Ecclesiæ romanæ impensa.

IX. De controversiis, quæ ante tempora Hadriani Pontificis inter Ecclesiam & Imperium versabantur, sequestres ex parte Pontificis & Imperatoris constituent, quibus mandabitur, ut eas pro arbitrio transigant. Quod si illi non consenserint, iudicio stabitur Pontificis & Imperatoris, vel eorum, quos ipsi delegaverint.

X. Christiano Cancellario Moguntinus Archi-episcopatus, Philippo Coloniensis concedetur, & plenissimo jure firmabitur.

XI. Primus Archi-episcopatus, qui in Teutonico regno vacaverit, Conrado, auctoritate Pontificis & auxilio Imperatoris, deferetur, qui idoneus videatur.

XII. Ei, qui se Calistum appellat, Abbatia tribuatur. Illi, qui dicuntur ejus Cardinales, loca retineant, quæ primum habuerunt, nisi ea sponte & ju-

dicio dimiserant, & in ordinibus, quos ante schisma habuerant, relinquuntur.

XIII. Gero, nunc dictus Alberstatis, deponetur, & Ulricus restituetur.

XIV. Alienationes a Gerone factæ & beneficia data similiter, & ab omnibus intrusis, auctoritate Pontificis & Imperatoris delebuntur, & suis Ecclesiis restituentur.

XV. De electione Brandeburgensis Episcopi, qui in Bremensem Archiepiscopatum lectus fuerat, cognoscetur: & si rite factum fuerit, ad eam Ecclesiam traducetur. Et quæcumque ab Aldevino, qui nunc præest Bremensi Ecclesiæ, alienata sunt, prout rite factum visum fuerit, eidem Ecclesiæ restituentur.

XVI. Quæ Salisburgensi Ecclesiæ tempore schismatis ademta sunt, ei plene reddentur.

XVII. Omnes Clerici ex Italia, aut aliis regionibus, quæ sunt extra Teutonicum regnum, dispositioni & iudicio Alexandri Pontificis & successorum ejus, relinquuntur. Si vero Imperator rogavit pro ordinibus aliquorum, usque ad decem vel duodecim, exaudietur.

XVIII. Garfidonius Mantuanus episcopatus quondam suo restituetur, ita ut ille, qui nunc est episcopus Mantuanus, ad Episcopatum Tridentinum traducatur: nisi forte inter Pontificem & Imperatorem convenerit, ut alius ei Episcopatus indulgeatur.

XIX. Archi-Episcopus de Savo in Archi-Presbyteratum quondam suum, & alia beneficia, quæ ante schisma habuit, restituetur.

XX. Omnes ordinati a quondam Catholicis in Teutonico regno, restituentur ordinibus suis ita perceptis.

XXI. De Argentinenfi, & Basiliensi dictis Episcopis, qui ordinati fuerunt a Vidone Cremenfi in eodem regno, prædicti sequestres rem committent decem vel octo hominibus, quos ipsi elegerint, qui jurejurando affirmabunt, se illud consilium Pontifici atque Imperatori daturos, quod se iuste dare posse sine animæ suæ atque ipsorum detrimento statuerint, & Pontifex atque Imperator eorum consilio obtemperabit.

XXII.

XXII. Pontifex & omnes Cardinales recipient Beatricem uxorem Friderici Imperatoris in Catholicam & Romanam Imperatricem, eamque aut Alexander Pontifex, aut legatus ejus coronabit: & Henricum filium eorum in Catholicum & Romanum regem.

XXIII. Pontifex & omnes Cardinales pacem reddent Friderico Imperatori & Beatrici Imperatrici, & Henrico regi filio eorum & omnibus adiutoribus eorum. Pontifex & omnes Cardinales promittent, se observaturos hanc pacem in verbo veritatis, & privilegium condent subscriptione omnium Cardinalium, & Cardinales scriptum prædictæ confirmationis condent, sigillis suis appositis.

XXIV. Pontifex, subito advocato Concilio, prout subito advocari potuerit, cum Cardinalibus, Episcopis & aliis religiosis hominibus, qui interfuerint, excommunicationem statuet in omnes, qui hanc pacem violare voluerint, deinde in generali Concilio

XXV. Plerique nobilium Romanorum, & capitaneorum Campaniæ hanc pacem firmabunt.

XXVI. Imperator pacem cum Ecclesiâ & pacem cum Rege Siciliæ ad quindecim annos, & inducias cum Lombardis a proximis Kalendis Augusti usque ad sex annos firmabit iurjurando suo, Principumque suorum, mandabitque Lombardos, qui in parte sua sunt, prout in tabulis induciarum

communibus est descriptum, eas inducias confirmare. Si quis vero ex parte Imperatoris has inducias jurare noluerit, Imperator præcipiet omnibus, qui in parte sua sunt, pro officio fidelitatis & gratiæ suæ, ut nullum præstent auxilium & volentibus offendere, ne impedimento sint. Si quis offenderit, culpa vacuus sit. Nec mandatum hoc revocabit Imperator, donec induciæ stabunt.

XXVII. Henricus Rex filius ejus, pacem cum Ecclesiâ & cum Rege Siciliæ ad quindecim annos & inducias cum Lombardis ad sexennium scripto confirmabit, ac sui Principumque suorum subscriptione.

XXVIII. Si vero, quod absit, Pontifex præmoriatur, Fridericus Imperator, & Henricus filius ejus hanc formam pacis & compositionis firmiter observabunt successoribus ejus, & universis Cardinalibus, & toti Romanæ Ecclesiæ, & regi Siciliæ & Lombardis, & cæteris, qui secum sentiunt. Et si, quod absit, Imperator præmoriatur, Pontifex, Cardinales & Ecclesiâ Romana prædictam pacem firmiter observabunt successoribus ejus, & Beatrici uxori, & Henrico filio ejus, & omnibus ex Teutonico regno, & cæteris adiutoribus eorum & successores Pontificis similiter observabunt.

Goldasti Constitutiones Imperiales Tomo III. p. 360. ex Archiv. Anagninensibus. Dumont, Corps Diplomatique Tom. I. N. CLXX.

CONGRESSUS VENETIIS

PAPÆ ET IMPERATORIS,

Anno Christi MCLXXVII. Alexandri III. Papæ XIX.
Friderici I. Reg. XXVI. Imp. XXIII.

*Sacramentum de Pace inter PAPAM & IMPERATOREM per sequentes
Principes Imperii factum Kalendis Augusti MCLXXVII.
Venetiis, in Rivo alto.*

Ego Christianus Moguntinus Archiepiscopus.

Ego Philippus Colonienfis Archiepiscopus.

Ego W. Magdeburgensis Archiepiscopus.

Ego B. Trevirensis Archiepiscopus.

Ego P. Patavienfis Archiepiscopus.

Ego G. Electus Wormatiensis.

Ego R. Imperiali auctoritate Proto-Notarius.

Ego C. Mantuanus episcopus.

Ego G. Cancellarius.

Ego D. Comes.

F f f 3

Juramus

Juramus in manibus vestris super hæc Sancta Dei Evangelia, quod pacem Ecclesiæ & Imperii, & pacem Regis Siciliæ usque ad quindecim annos, & Treguam Longobardorum, usque (a) ad sex annos, sicut statutum est, & scriptum per mediatores utriusque partis, bona fide servabimus, & absque fraude, Sic Deus nos adjuvet, & hæc Sancta Dei Evangelia.

Ex parte vero Siciliæ Regis, eodem modo juravit Romualdus Salernitanus Archi-Episcopus, & Rogierus Comes Andriensis.

Ex parte vero Lombardorum jurarunt, qui præsentés erant, scilicet de Mediolano Gerardus Piscis, Rogerius & Marcellinus Consules.

De placencia Willelmus Letatorius.
De Brixia, Albertus de Gambara.

De Bergamo, Alberatus.
De Verona, Cæcius Consul.
De Parma, Vetulus.
De Regio, Antemanus.
De Bononia, Picamontes potestas eorum.
De Novaria, Willelmus Gueliri.
De Alexandria, Hubertus de Foro.
De Padua, Tesselanus potestas.
De Veneria, Gozelinus.

Collectio Regia Concil. Tom. XXVII. p. 423.

Philip. Labbej Collect. Concilior. Tomo X. column. 1490.

Baronii Annales Ecclesiast. Tomo XII. sub annum 1177.

Goldasti Constitutiones Imperiales Tomo III. pag. 356.

Dumont Corps Diplomatique Tom. I. No. CLXXV.

Alexandri III. Papæ Epistola ad Richardum Cantuariensem Archi-Episcopum, & ad Suffraganeos ejus, de Pace inter SE & FRIDERICUM Imperatorem inita. Venetiæ in Rivo alto, octavo Idus Augusti 1177.

ALEXANDER EPISCOPUS, SERVUS SERVORUM DEI, VENERABILIBUS FRATRIBUS RICHARDO, CANTUARIENSI EPISCOPO, ET SUFFRAGANEIS SUIIS, ET DILECTIS FILIIS ABBATIBUS, SPECIALITER AD ROMANAM ECCLESIAM PERTINENTIBUS IN ARCHI-EPISCOPATU CANTUARIENSI CONSTITUTIS, SALUTEM ET APOSTOLICAM BENEDICTIONEM.

Immensas laudes & gratias agimus Omnipotenti Deo, qui licet navem Petri diu permisisset procellosa maris tempestate quassari; nunc tandem imperavit ventis, & mari, & facta est tranquillitas magna, ita ut pacatis maris sævientis fluctibus, prædicta navis ad portum quietis reducta sit & salutis. Sane carissimus in Christo filius noster, Fridericus, Illustris Romanorum Imperator, proximo præterito die, Dominica ante festum beati Jacobi cum Principibus Ecclesiasticis & sæcularibus Teutonici Regni, cum multa devotione venit Venetiam ad præsentiam nostram, & ibi coram innumera multitudine virorum ac mulierum, altis vocibus resonantium laudes Altissimo, nobis sicut summo Pontifici, omnem reverentiam & honorem exhibuit, & in festo Beati Jacobi, nobis, ad preces ejus, Beati Marci

Ecclesiam adeuntibus, pro celebrandis Missarum solemnibus, obviam venit: & finita Missa, quam a nobis licet indignis reverenter audivit, nobis omnem honorem exhibuit, quem prædecessores ejus nostris consueverunt antecessoribus exhibere. In Kalendis vero instantis mensis Augusti præfatus Imperator, ubi erat numerosa hominum multitudo, in anima sua jurare fecit. Et Principes sui, quos præsentés habebat, tam Ecclesiastici, quam sæculares, præstito juramento firmaverunt, quod pacem Ecclesiæ perpetuo, & pacem carissimi filii nostri Willelmi Illustris Siciliæ Regis usque ad quindecim annos, & treguam Longobardorum a prædictis Kalendis usque ad sex (b) annos, sicut pax & tregua ipsa disposita est & tractata, & in scriptis redacta, illatam debeat & illibatam servare; sicut autem Imperator nos

[a] septem.

(b) septem.

in Catholicum Papam, & Spiritualem Patrem recepit; ita nos eum in Catholicum Imperatorem, & uxorem ejus in Catholicam Imperatricem, & filium ipsorum in Catholicum Regem recepimus. Agite itaque gratias Creatori nostro, qui Sponsam suam, sacrosanctam Ecclesiam, sua miseratione respexit, & ei post multas persecutiones, quibus graviter pressa est, & attrita; per suam

gratiam plenam pacem reddidit & quietem. Data Venetiæ in Rivo alto, octavo Idus Augusti.

*Labbej Conciliorum Collectio Tomo X.
pag. 1244 & 1487.*

*Collectio Regia Concilior. Tomo XXVII.
pag. 420.*

*Baronii Annales Ecclesiastici Tomo XII.
sub annum MCLXXXVII.*

Confirmatio Pacis per Fridericum Imperatorem. Dat. apud Venetias XV. Kalend. Octobris, Indiæ. X.

REVERENDO IN CHRISTO PATRI, DOMINO PAPÆ ALEXANDRO, SACROSANCTÆ ROMANÆ ECCLESIAE SUMMO ET UNIVERSALI PONTIFICI, FRIDERICUS, DEI GRATIA, ROMANORUM IMPERATOR, SEMPER AUGUSTUS, DEBITAM OBEDIENTIAM ET FILIALIS DEVOTIONIS AFFECTUM.

Cum Imperatoria ac Regia Majestas ad hoc in terris ordinata sit, ut per ejus operam totus orbis pacis gaudeat incremento: Nos, quos Deus in folio Imperii romani constituit, eam diligenter amplecti & ferventius conservare debemus ac volumus. Inde est, quod pacem Ecclesiæ & Imperii, secundum quod a Principibus nostris, & Cardinalibus Romanæ Ecclesiæ disposita est & ordinata, & in scripto Principum nostrorum sigillis signata continetur, sicut per interpositam personam jurare fecimus, sic præsentis scripto nos observare promittimus, & confirmamus, & ratam in-

posterum permanere volumus, & sic deinceps firmiter observabimus, & faciemus, quatenus in nobis fuerit, Deo propitio, observari. Datum apud Venetias in palatio Ducis, decimo quinto Kalendas Octobris, indictione X.

Goldasti Constitutiones Imperiales Tomo III. pag. 357. ad ann. MCLXXXVII.

*Collectio Regia Concilior. Tom. XXVII.
pag. 425.*

*Philip. Labbej Collect. Concilior. Tom. X.
pag. 1491.*

*Dumont, Corps Diplomatique Tomo I.
No. CLXXVI.*

SYNODUS DIOECESANA HILDESHEIMENSIS

AB ADELOGO, EPISCOPO HILDESHEIMENSI, CELEBRATA,

Anno Christi MCLXXVIII. Alexandri III. Papæ XX.

Friderici I. Reg. xxvii. Imp. xxiv.

SUMMA. Lamspringensis Ecclesiæ origo, ac progressus fusc in memoriam revocantur, ejusque possessiones universæ eidem de novo confirmantur.

IN NOMINE SANCTÆ & INDIVIDUÆ TRINITATIS.

ADELOGUS, DEI GRATIA, HILDESHEIMENSIS EPISCOPUS.

Pastoralis cura sollicitudinis id a nobis exigere videtur, quatenus Ecclesiarum Dei, & fidelium, nostræ dispensationi commissorum paci ac quieti dili-

diligentius attendamus, & ut præsentī ac futuro tempore Divinæ servitutis officiis pro debito jugiter insistere valeant, propulsa improborum importunitate, quantum in nobis est, cauta ac salubri provisione satagere studeamus; inde est, quod pia commonitione dilecti fratris nostri *Gerardi Lamspringensis* Præpositi, gratanter inducti, ipsam Lamspringensem Ecclesiam, quam Divinæ gratiæ largitate, totius Ecclesiasticæ Religionis disciplina eleganter instructam atque ordinatam invenimus, auctoritatis nostræ privilegio tam in Spiritualis observatione disciplinæ, quam in temporalium rerum extrinseca conservatione omnimodis communire, dignum ducimus.

Eadem nempe Ecclesia, ut ex scriptorum antiqua traditione accepimus, sub *Altfredo* venerabili quarto Ecclesiæ præside, a *Riedago*, quondam Illustri Comite, atque laudabili ejus conjuge *Embilda*, ad Divinæ servitutis executionem sub ancillarum Dei sexu fundata est, & tam a sanctæ recordationis Episcopo, quam a prætaxato Comite, per *Richburgam* filiam ejus, primam ipsius loci Abbatissam, in ipso Dei opere feliciter promota; postmodum, cum procedente tempore, primitivæ Religionis fervor intepuisset, & disciplinæ claustralis observantia dilapsa jaceret, a Reverendissimo viro *Bertholdo*, Ecclesiæ nostræ XIX. Episcopo, ad honestam religiosæ conversationis normam, atque ad laudabilem Divinæ servitutis redintegrationem commode atque utiliter reformata est, & usque ad nostri temporis ætatem, Domino operante, conservata. Quapropter & nos sanctæ ipsius religionis observationem a prædecessoribus nostris institutam, atque usque in præsentem diem ad nos inviolabiliter deductam, auctoritate Dei Omnipotentis, & Beatorum Apostolorum Petri & Pauli, ac nostræ humilitatis officio, statuimus, amodo perpetuis sæculis perhenniter observari, & a nullo mortalium aliquo temeritatis ausu deinceps immutari.

Porro, possessiones Ecclesiæ, quas vel ante nos habuit, aut nostri Pontificatus tempore, Domino opitulante, adepta est, idoneum judicamus in hac pagina denotare, ac, pro officii nostri debito, nihilominus confirmare. Possedit autem hæcenus prædicta Ecclesia le-

gitime, & jure proprietatis, in ipso Territorio Lamspringe mansos XV. &c. vide supra, in Synodo anni 1149. p. 363. b. Tomi.

Contulerunt etiam eidem Ecclesiæ Illustrissimi Principes, *Heinricus* Dux Bavarie & Saxonie, & *Adalbertus* Marchio; cum filio suo *Theodorico* Comite, medietatem bonorum in Appeldern, in Episcopatu Mindensi, quibus Cappellani eorum inbeneficiari solebant, eum omni utilitate & jure, quo ea possederant. Præterea, tempore Bernonis, piæ recordationis Præpositi, de collatis Eleemosynis fideles ipsius Ecclesiæ comparaverunt prædium CL. Marcis a *Theodorico* Comite de *Haldesteve*, in villa Bunninge XV. videlicet mansos, & molendinum unum, & Ecclesiam ibidem cum bonis ad eam attinentibus, ab antecessoribus cognationis ejus ex propria hæreditate liberrime constructam, cujus ordinatio ad solum pertinet Præpositum, ut Domini Priores eam ante possederant. Quam scilicet venditionem seu donationem, idem *Theodoricus* Comes de consensu & collaudatione legitimæ hæredis, matris videlicet suæ, Domine *Cunigundis*, & uxoris suæ, *Berthe* voluntate, in publica Synodo Hildenesheim perfecit & confirmavit, nosque ibidem Episcopali banno stabilivimus.

Prædecessorum quoque nostrorum vestigia imitantes, & ab eis instituta servantes, qui Lamspringensem Ecclesiam inter matrices Ecclesias esse decreverunt, statuimus & decrevimus: ut qui Præpositus ibidem fuerit, bannium super eandem Parochiam, & super Capellas *Grafthurst*, & *Juthe*, sicut & ante nos observatum est, habeat, & eandem curam cum præpositura ab Episcopo, unanimi congregationis assensu, libere, secundum prædecessorum nostrorum instituta, electus.

Sanctorum etiam Canonum sancita observare volentes, omnimodis prohibemus: ne vel Advocatus, vel aliqua laicalis persona, intra septa claustralia atque officinas, seu curiam toram, quæ immunitati deputata est, aut capellas Ecclesiæ atinentes, seu areas ipsarum doctales, alicujus jurisdictionis exercendæ, aut sæcularium hominum in ipsis placita collocandi, potestatem habeat: ne personæ, Divinæ servituti specialiter obnoxie, eorum tumultibus indebite fatigentur.

Super

Super omnes ergo prænotatæ Ecclesiæ possessiones, quas hæcenus legitime obtinuit, aut in futurum iustis modis rationabiliter acquirere poterit in villis, campis, pratis, sylvis &c. atque aliis rebus omnibus mobilibus, seu immobilibus, quæcumque sint, & ubicumque fuerint, auctoritate Dei omnipotentis, & beatorum Apostolorum Petri, & Pauli, in virtute Spiritus Sancti, ac Banni Episcopalis, quem nobis Deus contulit, firmam pacem in præsentis ac futuro tempore constituimus, atque ut Deo ibidem famulantium usui salva & integra omni ævo permaneant, præsentis scripti testimonio, & sigilli nostri impressione diligentissime firmamus & corroboramus, statuentes: ut omnis, qui ex his, quæ superius annotata sunt, aliquid ab Ecclesia alienare præsumpserit, a Sanctæ Ecclesiæ communione sequestratus, cum diabolo & angelis ejus, nisi resipiscat, æterna ultione condemnatus puniatur; conservantes autem, intervenientibus B. Mariæ Dei Genitricis, & gloriosissimorum Martyrum Christi, Adriani & Dionysii meritis, æternæ vitæ præmia consequantur, amen.

Actum *Hildenesheim* anno Dominicæ Incarnationis MCLXXVIII. Indiſt. XII. III. Kalend. Decembris in Synodo, vigilia S.

Andree, cujus actionis testes specialiter hi sunt:

Bertoldus, Presbyter, Præpositus maj. Ecclesiæ.

Conradus, Decanus & presbyter.

Burchardus, præpositus.

Beringerus, præpositus de sancta Cruce.

Berebaldus, Decanus.

Radmannus, Abbas de S. Michaelē.

Lampertus, præpositus de Riechenberg.

Henricus, præpositus de Henigge.

Joannes, præpositus de Beciggerode.

Gerhardus, præpositus de Lamſpringe.

Gerhardus, præpositus de Stoderburg.

De Baronibus:

Burchardus Comes de *Woldenberg*.

Fridericus Comes.

Beringerus Comes, & Filii ejus.

Bernbardus Comes.

Diethevicus Comes de *Insula*.

Conradus de *Poppenburg*.

De Ministerialibus:

Liupoldus, de *Hildeshim* Advocatus.

Henricus Frater ejus.

Eckbertus de *Tosſim*, Camerarius.

Haimo de *Wincenburg*.

Waltherus de *Frettben*.

Conradus de *Holtbusen*.

Ernestus de *Ochtersſim*, & alii plures.

Ex *Archæo Lamſpringenſi* deſcriptiſt *Cl. Schannat. b. m.*

SYNODUS HALBERSTADENSIS IN OSHERSLEVE,

SUB ODALRICO, HALBERSTADENSIS EPISCOPO,

Anno Christi MCLXXVIII. Alexandri III. Papæ xx.
Friderici I. Reg. xxvii. Imp. xxiv.

Confirmatoria Bonorum Canonice Hamersleve.

IN NOMINE SANCTÆ ET INDIVIDUÆ TRINITATIS.

EGO ODALRICUS, DEI GRATIA, SANCTÆ HALBERSTADENSIS ECCLESIAE EPISCOPUS,

Contra futura pericula fraudis, five violentiæ consulere, & providere volens, Hamerslovenſi Monasterio, ad notitiam post futuræ ætatis transmittere curavi, quod Thierburgit, nobilis matrona, cum ipsius filia, piæ memoriæ Machtilda, prædia, quæ ex patrimonio julte possedit, hæredum suorum collau-

datione, ad instituendum communis vitæ ordinem Deo, & Beato Pancratio, in Hamersleve libere obtulit, & nihilominus cum eis Reinhardus, Venerabilis Episcopus, de suis redditibus ad sustentationem fidelium superaddendo Canoniarum regularium in prænominata villa Ecclesiam, a seculari potestate emanci-

G g g patam,

Tomus III. Concil. German.

patam, devota mente in honorem Dei, & beati Pancratii liberrime dotando construxit. Fidelium igitur Christi imitando vestigia, quæcunque bona prænomina Ecclesia legitime possidet, vel in futurum, concessione Pontificum, largitione Regum, vel Principum, oblatione Fidelium, vel aliis iustis modis, adjuvante Deo, adipisci poterit, auctoritate Dei omnipotentis, & nostra, in perpetuum ei confirmamus, statuentes, ut Ordo Canonicus, qui illuc noscitur institutus, a fratribus ibidem congregatis inviolabiliter conservetur. Pietatis etiam propositum firmum esse desiderantes, eundem locum liberum esse decernimus, tanquam de Præposituris in Halberstadenfi nullus, præter Præpositum, sive in spiritualibus, sive in temporalibus, exerceat Dominium, ad Episcopum autem referat, quod modum vel vires excedit. Nullatenus etiam permittimus Præpositi potestati elemosynas fidelium, quæ ad stipendium pauperum collatæ sunt, alicui personæ jure beneficiario exhibere; obeunte vero Præposito, in alterius electionem, qui idoneus ad id officium videatur, liberam illic manentes habeant potestatem. Statuimus itaque, ne a futuris quibuslibet personis, vel viris secularibus, aliqua præjudicia, sive gravamina, seu exactiones quandoque perferant, nisi hostilitatis gratia exigente, quantum ipsi spontaneo obsequio offerant. Quietem etiam fidelium prospicere volentes, omnibus modis prohibemus, ne aliquis Laicorum Advocatiam super bona & mancipia illius Ecclesiæ unquam in beneficium accipiat, vel aliquid jurisdictionis, seu placita locandi infra officinas claustrorum adjacentes, sive in locis, qui immunitati deputati sunt, quicquam potestatis exercere, præsumat; ne personæ Divinis obsequiis obnoxie, eorum tumultibus indebite fatigentur. Præterea concedimus, si Præpositus loci ipsius Advocatum habere cupiat, ut sibi eum prudenter eligendo statuat, quem causam animæ suæ in necessitatibus suis, & indefinenter adesse confidat. Advocatus vero, non invocatione Præpositi, ad placitandum veniens, quicquid ei compositum fuerit, duas partes Præposito, & sibi unam, sine contradictione recognoscatur. Quod si advocatus aliter, quam decet, agens, loco incommodus existi-

terit; permittimus industria Præpositi; ut si per se non potest, Episcopi & amicorum Dei auxilio, illo remoto, alium idoneum sibi & Ecclesiæ provideat: qui subrogatus nullum ab Episcopo servitutis debitum pro Advocacia rependere cogatur, sed uterque pro defensione loci æternam remunerationem & speret, & consequatur. Considerata etiam tenuitate stipendii illic Deo servientium, eundem locum oculo misericordiæ respeximus, & pro remedio animæ nostræ, prædecessorumque nostrorum, decimam dedimus novalium præsentium & futurorum in omnibus locis, in quibus habent decimas. Præterea decimas super propria eorum novalia, ubicunque in nostro Episcopio, vel necessaria sint, vel postmodum fuerint: nominatim decimam novalium in sylva Beckendorp & Baddenleve, prædictæ Ecclesiæ beati Pancratii contradimus, sperantes, quod sicut socii cupimus esse laboris, sic erimus & consolationis. Hæc omnia denominata, & bannum episcopalem ejusdem Ecclesiæ, ecclesiam in Wagersleve, ecclesiam in Gunnesleve, & bannum super eas, & bannum in Wackersleve, in Ottenleve xxx. quinque manfos & dimidium, cum mancipiis utriusque sexus, ad eosdem manfos pertinentibus, & duo prata cum tota decima ejusdem villæ: & in Bikendorp vineam unam cum dimidio manso, & sylvam unam eidem villæ adjacentem, cum duobus jugeribus eodem jure, quo Reinhardus episcopus prædictæ Ecclesiæ pro remedio animæ suæ contulit, & prædia, quæ supra memoratæ matronæ obtulerant, xxx. manfos in Hammersleve, in Wagerleve xxx. manfos, in Wirdesleve x. & novem manfos, in Lückenhamersleve vii., in Gunnesleve i. in Helinge ecclesiam, in Stapelinge & Hallinge xxx. & octo, in Hursinge xiv. & Ecclesiam, in Bertensleve duo, in Wichendorp duo, in Arresleve xx. & unum cum Ecclesia, in Baddersleve viii. manfos & dimidium, in Tadisorp ix., in Gripendorp i. & xi. jugera, in Rotammersleve unum, in Werninge unum, in Bonefforp duo, in Ballefforp i., in Dudenthorp i., in Comitatu Heinrici Marchionis in Stenberc unum mansum, & tria jugera, in Glusinge i., in Hildesleve i., in Comitatu Gertrudis Comitissæ in Adenen xi. man-

fos,

fos, & duos cum ecclesia, in Wedrem duo, in Athlevesen iv. & octo jugera, in Aſenroth ix., in Dalheim unam mansionem & quinque jugera, in unum Panſtal, in quo cogitur ſal. In Hummenvelde x. & octo manſos cum ecclesia, in Willinſtide x., in Ueberſe vii., in Tilſele vii. Riſtide v. Lungebike i. Budenſide duos, Diſtorp vii. Beremere octo, Wadencote v. Ammenſtorp: ſumma manſorum eſt in Mirica lxxx. manſi. In Warneſtorp quatuor manſos, in Eileſleve iii., in Ekenſtide i. cum decima novem manſorum, quam Rudolſus epiſcopus præfatæ eccleſiæ contulit. In Ekenbardenleve unum manſum, in Abenrothe xii. cum decima novali, quam idem epiſcopus Rudolſus ſimiliter contulit, in Sceninge unum, & unum Panſtal, in Brandeſleve i. & dimidium, in Sehufen duo, Dreinleve dimidium, in Welle dimidium, in Wiſterſtide duo, in Hodale unum, in Hoyem unum, in Gatersleve dimidium, in Oſterwick fundum unum & ſylvulam, in Rothamersleve manſum unum & dimidium. Saliſnam unam in Staſforde, cum omnibus bonis attinentibus, videlicet agris cultis & incultis, ſylvis, pratis, paſcuis, molendinis, aquis, aquarumque decurſibus, cum omni utilitate inde proveniente, in perpetuum eidem eccleſiæ clavibus cæli, banni noſtri auctoritate, & ſigilli noſtri impreſſione confirmamus, & in virtute Spiritus Sancti, in quo per Chriſtum eſt omnis ligandi aequæ ſolvendi poteſtas, corroboramus, ut qui irritum duxerit, ſit anathema, marethana, & deleatur nomen ejus de libro vitæ. Amen.

Acta ſunt hæc anno Dominicæ Incarnationis mclxxviii. Indiſt. xii. v. Kalend. Junii, in publica Synodo Osbersleve, præſidente Catholicæ eccleſiæ Alexandro Pontifice: tempore Friderici glorioſi Imperatoris. Hujus rei teſtes ſunt: Romarus Major Præpoſitus, Conradus Decanus major, Conradus Camerarius, Theodoricus Præpoſitus Sanctæ Mariæ, Wernerus præpoſitus de Boſſenleve, Anſelmus S. Cyriaci. *Majores Canonici*: Henricus Franco: Frichericus de Hertbine, Rudolphus de Hackenſtide, Gardolphus Subdiaconus, Gevehardus & Albertus preſbyteri, Magiſter Ludolphus de Magdeburg. Reinboldus abbas Huiſeburg, Conradus Bergenſis abbas, Gevehardus de Hiltesleve, Bertoldus abbas, Sifridus abbas de Ballenſtide, Hermannus Præpoſitus S. Johannis, Hermannus Præpoſitus in Scheninge, ipſius loci præpoſitus Henricus de Stöterlingeburg, Burchardus præpoſitus S. Wiperti, Everhardus abbas de lapide S. Michaëlis. *Nobiles Laici*: Luidolphus majoris Domus Advocatus, Frichericus de Hakeburne, Odelricus de Witin, Burchgravius & frater ejus Engelolphus, Otto de Hertbike, Odelricus de Hertbike, Chriſtianus de Amvorde, Thiedericus de Hyersleve, Eggelbertus de Meintrop. *Ministeriales Eccleſiæ*: Theodericus de Hackenſtide, Hugoldus de Quenſtide, Henricus de Eilenſtide, Heinricus & Ericus de Bikendorp, & alii quam plures viri honeſti tam de Clero, quam de populo.

Leuckfeld Antiquitates Michaelſteinſes
pag. 35.

SYNODUS SALISBURGENSIS

IN LOCO HOCHENAWÆ.

ANNO CHRISTI MCLXXVIII. ALEXANDRI III. PAPÆ XX.

FRIDERICI I. REGIS XXVII. IMP. XXIV.

ANNO MCLXXVIII. Synodus valde celebris habita eſt in Kalendis Februarii a Domino Chunrado Saltzburgenſi Archi-epiſcopo & Apoſtolice Sedis Legato, & ab omnibus Suffraganeis ejus Epiſcopis, multisque Principibus, de rebus Eccleſiaſticis. Habita eſt autem in epiſcopatu Saltzburgenſi, in

loco, qui Hochenawe dicitur. Ita Chronicon Reichenſpergenſe, in quo nulla ſit mentio verum, de quibus in ea Synodo tractatum fuerit. Sed Adelzeiterus de eadem Synodo ſcribit ſequentia:

Cal. Februarii Hogenaugiæ Synodum habuit (Conradus) Epiſcoporum ad Provinciam ſpectantium, cui ſimul

Tomus III. Concilior. German.

G g g 2

voluit

voluit equestris ordinis Primores inter-
esse. In ea Callistus ejuratus, Alexan-
der vero orbis Christiani parens est agni-
tus: explosum schisma, odia posita, sub-
lata factiones, templis honor, aris sacra
restituta, pax & alta quies universæ Bo-
joariæ. *Adelzreit. P. I. L. XXII. ad annum*
1178.

Ibi fortassis Richero Brixinensi prop-

ter piaculum proditi nuper Alberti (a)
Archi-episcopi, persuasum, ut de sede,
quam ingratis ejus adierat, deliberaret
abire, quod paulo post fecit: extremum-
que tempus in Hospitali ab se constructo
in Insula S. Crucis exegit, ubi vitam
clausit eodem anno, die S. Erasmi.

Hansfz. German. Sacrae T. II. ad b. a.

- (a) Albertus [al. Adalbertus] filius Regis Bohemiæ Wladislai, fedit annis octo [in Ca-
thedra Saltzburgenfi] contra omnes insultus Imperatoris. Anno nono facta pace
inter Imperatorem & Papam depositus est, & ei substitutus Chunradus Moguntinus
Archi-Episcopus, cui [nempe Chunrado] in propria Ecclesia superpositus fuerat
Christianus Archi-Cancellarius. Chunradus iste sex annis in Ecclesia Saltzburgenfi
fedit, & mortuo Christiano revocatus est ad suam (Moguntinam) Ecclesiam, &
Dominus Albertus ad suam, (nempe Saltzburgensem.) *Ita veteris Scripturae frag-*
mentum de Archi-Episcopis Saltzburg. apud Hansfz.

*Furamentum dictum à Philippo Archiepisc.
Coloniensi, quando in Concilio Lateranensi III. Pallium de novo accepit
ab Alexandro III. Papa, per manus Hyacinthi Cardinalis: &
Pallium a Paschali Antipapa acceptum abjecit.*

ANNO CHRISTI MCLXXIX. ALEXANDRI III. PAPÆ XXI.
FRIDERICI I. REG. XXVIII. IMP. XXV.

EGo Philippus anatematizo, & recu-
so omnem hæresim, extollentem
se adversus sanctam Romanam Eccle-
siam Catholicam, præcipue vero schif-
ma Octaviani, Guidonis & Joannis, &
ordinationes eorum irritas judico, & eis
contradico: & modo & in antea me
obediturum juro, & promitto fidelitatem
sanctæ Romanæ Ecclesiæ, & Domino
meo Alexandro, & successoribus ejus,
juste intransibis; ipsique inserviam abs-
que omni malo ingenio, contra omnem
hominem, secundum ordinem meum.
Consilia ejus, quæ mihi scripto certo
mandaverit, vel ipse commiserit, nulli
hominum prodam, nec etiam pro peri-
culo corporis aut membrorum. Legatam
Ecclesiæ Romanæ honorabo & ducam
& reducam, & juvabo expensis. Sic

me Deus adjuvet, & hæc sancta Evan-
gelia.

His verbis dabantur Pallia: In No-
mine Patris & Filii & Spiritus Sancti,
& in honore Dei Genitricis, & in ho-
nore Apostolorum Petri & Pauli, &
Sanctæ Ecclesiæ Romanæ, & Domini
Alexandri Papæ, tradimus tibi pallium,
sumptum de Beatissimo corpore Petri
Apostoli, ut eo utaris in confessione
Sacramentorum & corporis & sanguinis
Domini, & in consecratione Ecclesiarum,
& Chrismatibus, & ordinatione Clerico-
rum, & in celebratione Synodorum, secun-
dum Ecclesiæ tuæ consuetudinem amen.

*Crantzius in Metropoli Lib. VII. C. III.
Binus Tom. III. Concil. Part. II. p. 564.
Baronius ad b. a. N. VI. ex actis Vatica-
nis & Helmoldo.*

Anno Domini 1179, ita *Matthæus Paris*, *Rogerus de Houeden*, & *Guilhelmus Tyrinus*,
qui huic Synodo interfuit. Qui locis supra recensitis aperte scribunt, hanc Syno-
dum anno Domini 1179. celebratam fuisse.

Episto

Epistola Episcoporum & Principum Germaniæ ad Alexandrum III. Confirmatoria pacis & treugæ inter

Papam & Regem Siciliæ.

DOMINO SUO AC PATRI VENERANDO ALEXANDRO, DEI GRATIA, S. ROMANÆ SEDIS ET CATHOLICÆ ECCLESIAE SUMMO PONTIFICI ATQUE UNIVERSALI PAPÆ, CHRISTIANUS MOGUNTINUS ARCHI-EPISCOPUS, PHILIPPUS COLONIENSIS ARCHI-EPISCOPUS, WEREMUNDUS MAGDEBURGENSIS ARCHI-EPISCOPUS, ARNOLDUS TREVIRENSIS ARCHI-EPISCOPUS, CONRADUS WORMATIENSIS EPISCOPUS, GAUFREDUS CANCELLARIUS, WERMUNDUS PROTO-NOTARIUS, F. COMES HOLLANDIÆ, F. MARCHIO DE LUCIS, ET FRATER EJUS DIEDO COMES DE DURSIA, ET R. COMES DE DIUNA, FILIALIS DEVOTIONIS OBSEQUIUM CUM DEBITA OBEDIENTIA ET DEVOTIONE.

Quot commoda, quæ ex confirmata pace Ecclesiæ & Imperii, utilia toti mundo provenierint; ipsa innumerabilia mala, quæ exinde acciderunt, manifeste ostendunt. Sicut enim ab utriusque concordia Provinciæ orbis terrarum ad salutem & tranquillitatem reguntur; ita sub eorum divisione a propria status reſtitutione distrahebantur. Gaudeat itaque tellus tam desiderabilis roris visitatione respersa, tam gratiosæ pluviz inundatione sæcunda, per quam fideles populi ariditatis sitim depellant, & omnia jurgiorum scandala, & scandalorum incendia suffocentur. Nos ergo, Pater Sanctissimè, de tanto concordia fructu lætantes, ipsam Sacratissimæ Ecclesiæ & Imperii pacem, sicut ab utriusque partis mediatoribus est disposita, & in commune scriptum redacta, & Illustris Regis Siciliæ usque ad quindecim annos, & treu-

gam Lombardorum a proxime præteritis Kalendis Augusti usque ad sex annos, sicut a mediatoribus est ordinata, & nostris juramentis firmata, & in scriptum commune redacta, nostri consensus studio & vigore confirmamus, & ratam atque inconcussam tenemus, & ut sic observetur, operam dabimus. Et ut hæc nostræ confirmationis pagina subsequuturis temporibus firma atque illibata permaneat; eam propriis subscriptionibus communiri, & sigillorum nostrorum fecimus appensione insigniri.

(L.S.)

Ego Christianus Archiep. Moguntinus.
Ego Philippus Colonienſis Archiep. & Italiæ Archi-Cancellarius.

Binius Concil. Tom. III. Part. II. p. 550.

Baronius in Annalibus Ecclesiasticis ad

A.C. 1177. N. XXXI. Tom. XII.

SYNODUS DIOECESANA TREVERENSIS.

ANNO CHRISTI MCLXXIX. ALEXANDRI III. PAPÆ XXI.
FRIDERICI I. REG. XXVIII. IMP. XXV.

SUMMA. Decimas donatas clauſtro Himmerodensi a quodam Parocho multis licet contradicentibus confirmat Arnoldus Archiepiſc. Treverensis.

IN NOMINE SANCTÆ ET INDIVIDUÆ TRINITATIS.

EGO ARNOLDUS, TREVERORUM ARCHI-EPISCOPUS, IN PERPETUUM.

Noſcant omnes Christi fideles, ad quorum manus literæ istæ pervenerint, quod sicut ex scripturis prædecessoris nostri, bonæ memoriæ, Hillini, Treverorum Archi-Epiſcopi didicimus:

Gilbertus, quondam Pastor de Altreja, Ranulfo Abbati, & Fratribus de Clauſtro, per manum Arnulfi, tunc temporis Archi-Diaconi, & memorati prædecessoris nostri Hillini, omnem decimationem

G g g 3

Agri-

Agriculturæ eorum in termino memoratæ Ecclesiæ de Altreja, quæ sui juris erat, in proprium libere concessit . . . quod scriptis suis tam memoratus *Hilinus*, quam summus Pontifex *Eugenius* confirmare curaverunt. Verum, defuncto prætaxato *Gilberto*, successor ejus *Godefridus*, Abbatem, & fratres de Claustro bona sua injuste auferendo, super prædicta decima inquietavit, & de eis in conspectu nostro querimoniam deposuit. Tandem vero inspectis fratrum instrumentis & prolatis Apostolicæ Sedis privilegiis, coram iudicibus veritas emicuit. . . *Godefrido* autem de hoc modo sublato, *Everhardus* de Numagia, ei in cura pastoralis succedens, quæstionem jam diu sopitam in fratres de Claustro suscitavit, qui dum hujus rei veritatem, ratione & privilegiis munitam, diligenti inquisitione, cognovisset, factum prædecessorum suorum legitimis instrumentis inviolabiliter roboratum,

ratum habuit, & hoc coram universa Synodo Treveris celebrata, Domino *Johanne*, majore Decano pronuntiante, recognovit.

Nos igitur, summorum Pontificum beatæ Memoræ *Eugenii*, & *Alexandri*, etiam & prædecessoris nostri Domini *Hilini* vestigiis inhærentes, præfatas decimarum pactiones, ut ratæ in perpetuum, & inconvulsæ permaneant, fratribus sæpediti Monasterii confirmamus, & banni nostri vinculo communimus, ut si quis contra hanc confirmationem nostram venire temptaverit, anathema sit.

Testes: *Rodulfus*, majoris Ecclesiæ Præpositus; *Johannes*, major Decanus; *Ludovicus*, Abbas Sancti *Eucharii*; *Gerardus*, *Palatioli*, *Wezelo* Cantor; *Margister Everbo* &c.

Acta sunt hæc anno Incarn. Dominicæ MCLXXIX.

Ex archæo *Hemmenroden*si descriptis Cl. *Schannatus* b. mem.

RADULFI, Episcopi Leodiensis, Decreta adversus incendiarios & rerum Ecclesiasticarum deprædatores.

RADULFUS, DEI GRATIA, LEODIENSIS EPISCOPUS, OMNIBUS PRÆLATIS
ET SUBDITIS IN LEODIENSI EPISCOPATU CONSTITUTIS, SALUTEM ET PATERNAM DILECTIONEM IN DOMINO.

Cum mundus ipse in maligno sit positus, & ubique terrarum sufficiat dei malitia sua, nos tamen, in quos fines Marchiæ Imperialis devenerunt, præ cæteris ampliora & graviora sustinemus. Confluentibus præteritorum & præsentium ex impunitate, sicut nobis videtur, causis, nulli ordini, nulli religioni, nulli honestati, nulli inopiæ, nulli ætati in aliquo defertur; bona Ecclesiarum in præda omnibus sunt, eo majori audacia, quo majori licentia. Villas & septa earum violenti irrumpunt, & his præda vel incendio consumtis, ad atrium migrant, & timore Dei, & reverentia legum longe a se posita munitates atrii frangunt, & insuper domiciliis ob refugium in atrio constitutis, igne injecto, quem sciunt de proximis ad sacras ædes migraturum, quando vident flam-

mas ignis parietes Ecclesiarum lambere, in fraudem juris tunc demum incipiunt conclamare: *succurrite; succurrite*; quasi nolint Ecclesias Dei ob sacras munitates ardere: quarum ipsi vicinis domibus flammæ de facili ad proxima quæque volatiles libenter injecere. Et quod deterius est: quando de his omnibus enormitatibus, ternis vel quaternis citationibus, ad satisfactionem vocantur, diductis attinentiis fatigationis, & expensis, quæ publicæ cognitioni subjacent, ipsi impudenter negant; & quod impie gesserunt, perjurio expiare contendunt: aut si de facto fatentur, aliqua honestatis specie redditionem ablatorum, precibus vel interventu amicorum suorum, vel nobilium civitatis suæ, promissa remissione conantur subripere. Florum omnium intuitu constituimus, ut de omnibus quocunque modo

Rudolfus, frater *Bertoldi* Turingiæ Ducis, XXXIII. Episcopus Leodiensis, sedit ab anno 1167. ad annum 1191. quo reversus e *Jerosolymæa*, cruce signatorum expeditione obiit 5. Augusti.

modo violenter ablati, de C. Solidis non minus quam 11. remitti possint, quod tamen non nisi bonæ dispensationis provi-entia est sciendum; ablata enim restitu-ta sunt in quadruplum.

I. Qui prædæ vel incendium fecerit, le principalis auctor, secundum decretum, Papa Eugenio de incendiis promulga-am, ipsi suo facto, cum tota terra sua statim interdicto subiacebit.

II. Si Ecclesiam in fundo, vel de-bito suo habuerit, in ea Missas cele-brare nulli licebit. Omne solatium Chri-iani cultus in ea cessabit, absque bap-tismate parvulorum, & visitatione infir-morum, si tamen rei objecti criminis non uerint.

III. Omnes enim, qui in perpetra-tione incendii, vel prædæ, auxilium ei præstiterint, vel in Comitatu ejus vexil-um, vel ducatum scienter secuti fuerint, nisi infra legitimas citationes satisfecerint, ei erunt, de quorumcunque crimine accusati fuerint. Et si lectum ægritudi-nis decubaverint, viatico carebunt, nisi vere poenituerint, & ablata propor-tione sua reddiderint, & de cetero nul-atenus se venturos in damnum Ecclesiæ urejurando firmaverint, & de bannis Episcopo, vel Archi-Diacono satisfecerint.

IV. Qui autem aliqua circumven-tione ignorantia seducti fuerint, post primam cognitionem rei gerendæ, si in consilio impiorum non abierint, & in-via peccatorum non steterint; sed se sta-tim a desertatione sacrilegii averterint, & secum, quos possunt, a via iniqui-tatis converterint, & hoc septima ma-nu bonorum virorum, qui cum iniquis illis coinquinati non sunt, jurisjurandi religione probaverint; illi procul dubio, sicut nec culpa tenentur, ita poena incen-diaris debita non involventur.

V. Si autem aliqua manus violentia, vel temeraria irruptio atrio excom-municatum aliquem sepelierit, usque ad ejectionem cadaveris eruti, Ecclesia illius atrii filebit.

VI. Si autem aliquis laicus aliquem absque Sacerdote in atrio sepelierit, ipse statim ex præsumptione Sacerdotalis of-ficii sub interdicto erit. Abundantiori autem poena ejus arbitrio Episcopi subja-cebit; nisi enim in ea præsumptione

gravior lapsus esset, horrendo hiatu præsumtores hujusmodi terra non absor-buisset.

VII. Prædæ vero cujuscunque præ-donis ad quamcunque villam, vel oppi-dum, vel civitatem minata fuerit, nisi districtus villæ post auditum clamorem, banno suo usque ad jurisdictionem eam tenuerit; ipsa villa, vel oppidum, vel ci-vitas sub interdicto usque ad dignam sa-tisfactionem jacebit; emtor vero, vel ven-ditor, usque ad redditionem ablatorum maledictionis banno subiacebit.

VIII. Incendarii autem, quamvis interdicto subijciendi sint, non tamen statim anathemate feriendi, sed tribus citationibus juxta morem, ad satisfactio-nem vocandi. Si ergo venerint, & damnum illatum bona fide restituerint, reconcilia-ri Ecclesiæ merebuntur. Quod si ad ex-cusandas excusationes in peccatis, quod in manifesto est, negare tentaverint, in hoc casu neganti factum probatio incum-bere debebit.

IX. Sub interdicti autem, vel anathe-matis sententia jacentes, principaliter auctores incendii, vel prædæ, quamdiu satisfacere contemnunt, ad quemcun-que locum venerint, nullius chrismatis solatio participabunt; nec receptione, nec foro digni erunt; ipsisque in villa, vel in oppido, vel in civitate existentibus, nulli Missas celebrare licebit. So-lemnitas Divini cultus clausis Ecclesiis omnino cessabit. Pulsabulum quoque campanarum intermittendum erit; ut saltem hoc sequestrationis rubore corri-gantur, aut a bonis Christianis, quorum damno intraverunt, exire compellantur.

X. Hoc quoque addendum existi-mavimus, ut de bonis Ecclesiasticis nul-lus eis salvamentum dare præsumat: to-lerabilius judicantes nos damna sine lucro eorum suscipere, quam illos detrimentis nostris incrementum quæstus accipere.

XI. Igitur ab omni Clero severissimæ tenendæ sunt interditionis & excom-municationis sententiæ.

XII. Quod si aliquis meticulosus, vel prece, vel favore aliquo inclinatus sol-verit: convictus de illicito pravorum consensu, sive Plebanus, sive Decanus, ab omni Clero & beneficio Ecclesiæ tam-quam purgamentum projiciendus erit: si vero

vero ob firmam custodiam mandatorum de bonis suis ejectus fuerit ; huic Ecclesia , pro qua perfectionem patitur , necessaria providebit : si vero propter iustitiam , quæ facta est alicui pauperum , periculum incurrit ; huic Episcopus solatium refutationis debet.

XIII. Si autem aliquis pseudo Sacerdos in locum vi ejectorum subintraverit , is publice excommunicandus erit , & tamquam contagium ab omnibus vi-

tandus , & a toto Episcopatu , absque spe reconciliationis , projiciendus.

XIV. Et quamvis sacrilegos malefactores Ecclesiastica censura feriendos denuntiemus ; omni tamen potestate a Deo nobis concessa & credita nobis sollicitudine , suo loco , & tempore utendum esse cognoscimus.

Martene Anecdotorum Tom. I. pag. 492.

Ex quo Mansi Tom. II. Supplementi pag.

559.

SYNODUS SALISBURGENSIS

CIRCA ANNUM CHRISTI MCLXXX. ALEXANDRI III. PAPÆ XXII.
FRIDERICI I. REG. XXIX. IMP. XXVI.

SUMMA. Diuturna lis inter Salisburgensem Archi-Episcopum & Gurcenses , de electione Episcopi , per denominatos a Papa Commissarios decisa.

IN Nomine Sanctæ & Individuæ Trinitatis , Patris , & Filii , & Spiritus Sancti. Nos Albertus Frisingensis Episcopus , & Henricus Abbas Sanctæ Crucis , delegati iudices , a Domino Papa Alexandro III. super causa , quæ vertebatur inter Dominum Chunradum III. Salzbουργensis Ecclesiæ Archi-episcopum , Apostolicæ Sedis Legatum , & Canonicos & Ministeriales Gurcensis Ecclesiæ , videlicet de Electione Episcopi , quam sibi ipsi Gurcenses liberam vindicabant tam de jure communi , quam Privilegii Lucii Papæ , quod se habere profitebantur , tum etiam longa consuetudine. Verum quia nec longam consuetudinem probare potuerunt , nec privilegium , quod se habere profitebantur , exhibuerunt : cum , etiam si exhibuissent , Archi-episcopus allegabat , per subreptionem impetratum fuisse , cum in eo mentio non fieret Privilegii II. Alexandri , nec Privilegii Henrici Regis , quibus munita erat Salzbουργensis Ecclesia super Electione , institutione , consecratione Gurcensis episcopi. Afferebat etiam Archi-episcopus , quia eo nunquam fuissent usi. Illis non inficiantibus , introducebat & Archi-episcopus Privilegia Alexandri Papæ III. , & Friderici Imperatoris , quibus confirma-

bantur prædicta Privilegia : produxit quoque testes omni exceptione majores , Si-botonem Salzbουργensis Ecclesiæ Præpositum majorem , Fridericum ejusdem Ecclesiæ Decanum , Rubertum de Grebric , Rubertum de Halle , Ottonem de Gloese , Meingozum de Engilhamingen , Marcwardum Dapiferum seniore , Rudulfum de Werven : quorum plures viderunt Archi-episcopum Saltzb. Episcopos ele-gisse , investisse , consecrassse.

His itaque omnibus moti , præsertim , quia pars adversa omnia testificata , & cum nil pro ea faceret , volens omnino cesserit , confitens etiam , se peccasse , quia Salzbουργensem Ecclesiam litibus & sumptibus gravaverat , auctoritate Dei , & Apostolorum Petri & Pauli sententiando pronuntiamus coram Nuntiis Cardinalium , Apostolicæ Sedis Legatorum , Censu Romanæ Ecclesiæ Subdiacono , & Magistro Hugone Jannensi Diacono , Egilolfo quoque Imperialis Aulae Capellano , quorum consilio usi fuimus , Gurcenses Canonicos , sive Ministeriales , Electionem Gurcensis injuste sibi vindicare , & ad Archi-episcopum Salzbουργensem omnino pertinere.

Hæc

(a) Conradus , Moguntinensis Archi-Episcopus constituitur anno 1164. Sed quia Antipapam Octavianum nolebat agnoscere ; ab Imp. deturbatur. Fugit Romam ad Alexandrum III. a quo fit Cardinalis & Episcopus Sabinensis ; anno 1177. Archi-Episcopus Salisburgensis.

Hæc sunt nomina Testium.

Dropoldus Pataviensis Episcopus.
 Siboto Salisburgensis Præpositus.
 Henricus Abbas Sancti Petri.
 Ifenricus Abbas de Admonte.
 Fridericus Præpositus Berchtesgaden.
 Meingoz de Buomburg.
 Rudolfus Præpositus de Chiemse.
 Siboto Abbas de Serven.
 Rudolfus Decanus de Frisinga.
 Chunradus Præpositus Sancti Andreæ.
 Bertoldus Præpositus de Ifana.
 Magister Hartmundus Frisingensis Canonicus.
 Magist. Ortwinus Frising. Canonic.
 Magist. Olricus Frising. Canonic.
 Otto Præpositus Pataviensis,
 Henricus Præpositus de Ahufen.
 Albertus Præpositus de Marfe.

Alhardus Præpositus de Randshoven.
 Babo Præpositus de Suben.
 Henricus Abbas de Mense. (a)
 Hermannus Ratisbonensis Decanus.
 Egilolfus Imperatoris Capellanus.
 Alhardus Præpositus de Halle.
 Olschalcus Augustensis Præpositus.

Vice-Dominus Aquilejensis, Otto Palatii Major, & frater ejus Fridericus, Rudolphus de Phuld Comes Dietricus, Comes de Wazerbure, Chunradus Comes de Mitterfel, Comes Ekkebertus de Teckendorff, Berchtoldus Marchio de Andechs.

*Meichelbeck Historiæ Frisingensis Tomo I.
 Parte I. pag. 374.*

(a) Mansce.

CURIA MOGUNTINA

EODEM ANNO.

Henrici Legati Apostolici invitatio ad Curiam Moguntinam.

KARISSIMIS IN CHRISTO FRATRIBUS ET AMICIS, VENERABILIBUS DEI GRATIA ARCHIEPISCOPIS, EPISCOPIS, ABBATIBUS ET PRÆPOSITIS, ET ALIIS ECCLESiarum PRÆLATIS ET DILECTIS IN DOMINO NOBILIBUS VIRIS, DUCIBUS, COMITIBUS, MARCHIONIBUS, ET ALIIS PRINCIPIBUS UNIVERSIS, PER REGNUM THEUTONICUM CONSTITUTIS, AD QUOS LITTERE ISTÆ PERVENERINT. HEINRICUS, EADEM GRATIA ALBANUS EPISCOPUS, APOSTOLICÆ SEDIS LEGATUS, SALUTEM IN DOMINO.

EX quo vox illa turturis, vox gemitus, vox doloris fines nostros lamentabilis nuper novitate rumoris aspersit; quis ad tantam stragem non ingemiscat populi Christiani? Quis terram illam sanctam, quam redemptioni nostræ ipsi dedicaverunt pedes Domini, spurcitiis paganorum exponi non doleat? Quis crucem salvificam captam non deploret, & conculcatam ab ethnicis, & sanctuarium Domini prophanatum? heu, heu ad auditum quendam similem, cum fixuras clavorum crux ipsa susciperet, terra tremuit, sol expavit, petre scissæ sunt, & aperta credimus monumenta. Cujus ergo vel faxeum pectus auditus iste non emolliat, cum sputis afficitur, configitur, habetur contumeliis crux admirabilis, nostrorum curatio vulnerum, restitutio sanitatum, lignum dulce, signum vitæ, vexillum militiæ Christianæ? Fateamur necesse est, quamvis quidem minora patiamur, sed majora, quam po-

tuerimus vel timere. Verumtamen, quia universæ viæ Dei misericordia & veritas, eatenus nos dejicere non debemus; quin sperandum nobis sit, quod qui, peccatis exigentibus, populum Christianum, qui jam post concupiscencias suas oculos suos statuerat declinare in terram, de judicio flagellavit, redemptionem nobis de misericordia sua reservavit. Quomodo namque asportari permetteret lignum crucis ab ethnicis, nisi iterum crucifigendus ab eis? Ecce videmus iteratum redemptionis nostræ mysterium, dum pro nobis suo nunc nomini non pepercit vel cruci, qui quondam proprio filio non pepercit, sed pro nobis omnibus tradidit illum. Non enim abbreviata est manus Domini, nec brachium Domini infirmatum est, ut salvare non possit: sed operatur misericordiam suam inscrutabilis altitudo Dei, ut torpentem mundi devotionem sic excitet, atque per obsequium vestrum & aliorum, quos ad hoc

H h h

eli-

eligere dignatus fuerit, nobis salubriter & sibi gloriose de barbaræ nationis hostilitate triumphet. Ecce nunc tempus acceptabile, ecce nunc dies salutis, in quibus utinam milites Christi abjiciant opera tenebrarum, & ad vindicandam injuriam crucis indui non differant arma lucis, lorica fidei & salutis galeam asfumentes. Malitia fuit non militia, quod hæcenus Christianorum cædibus & rapinis, & execrabilibus torneamentis intenti, ignem inextinguibilem & immortalium cruciatum vermium meruerunt. Felix eis abest militia, in qua & vincere gloria, sed magis mori lucrum. Ad hanc invitat vos hodie, qui amat animas, nec propriæ pepercit injuriæ, ut necessitatem fidelibus suis imponeret ad hanc militiam compellentem. Adest, qui signaculum vitæ gementibus super tantis malis ad evasionem intolerabilis percussione imponat: & quamvis multiplicia vasa interius exigentibus peccatis jam egressi teneantur percussiones, solos nocebunt eos, qui divinitus oblatum sibi vitæ signaculum recusabunt. Inde est, quod a *Serenissimo Domino F. Romanorum Imperatore & semper Augusto*, & nobis pariter, qui de mandato Sedis Apostolicæ pro eodem negotio, quantum Domino cooperante facultas suppetit, laboramus, solemnis est Curia apud Munganciam, ad

quam Dominicâ, quâ cantatur *Lætare Jherusalem*, diem festum agant, & Convantum faciant omnes, qui diligunt eam. Quoniam igitur eadem Curia singulariter est Salvatori Domino deputata, sicut *Imperialis Majestas sua potestate nos convocat, nosque ex parte Dei, & ea, qua fungimur, Legationis auctoritate*, universitatem vestram ad eandem Curiam convocamus, & ne quis vestrum (*) legitima & certa necessitate præsentiam suam prædicto Concilio Christianitatis exhibere dissimulet, injungimus firmiter & mandamus. Vos autem *Venerabiles Episcopos* in convocandis Abbatibus & aliis Prælatibus, qui sub vobis sunt, una cum præsentium portitore, qui forte omnes adire non poterit, fore præcipimus studiosos. Illud etiam universitati vestræ duximus nominandum, ut ad Curiam Jesu Christi in ea gravitate & modestia, quâ convenit, necessitate evectio, & omni curiositate & gloria temporali postposita, studeatis accedere, igne tamen karitatis & obedientiæ ad exaltationem Christiani nominis unanimiter inflammati, ut fidem, quam lingua nostra loquitur, habitus, familia & conversatio fateatur.

Ex reliquis MSS. Ludewigii Tom. II. pag. 449.

(*) forte sine.

SYNODUS COLONIENSIS

ANNO CHRISTI MCLXXXII. LUCII III. PAPÆ II.
FRIDERICI I. REG. XXXI. IMP. XXVIII.

SUMMA. Monasterii Eifflie Ecclesiæ confirmat Philippus, Archi-Episc. Coloniensis, allodium in Schevene, donatum ab Hermannno & Agnatis ejus.

IN NOMINE SANCTÆ ET INDIVIDUÆ TRINITATIS.
EGO PHILIPPUS, DEI GRATIA, COLONIENSIVM HUMILIS
(a) INSTITUTOR. . .

Notum facimus, quod Herimannus in majori Ecclesia Canonicus & Cellerarius, & frater suus Arnoldus, in Monasterio, quod est in Eifflia, Canonicus, fraterque eorum Rodolphus, in nominata villa advocatus, ejusque uxor Flandria, allodium suum in Schevene cum omni integritate, Ecclesiæ, quæ est in Monasterio in Eifflia, legitime con-

rulerunt. Præterea, quidquid juris in ecclesia de Schevene habuerunt, scilicet investituræ medietatem liberam, & tres octavas partes, Heriberto in pheodum collatas datis annuerant. Super hoc etiam ecclesiæ prædictæ imposterum fideliter consulentes, nostræ auctoritatis firmamentum, totiusque Synodi nostræ testimonium postulabant.

(a) forte instructor.

Nos

Nos igitur factum eorum auctoritate Domini nostri JESU CHRISTI, beati Petri & Pauli, ac nostra corroboravimus; ut si quis allodium prænominatum ab ecclesia prædicta alienare temptaverit, anathematis vinculo innodatus pronuntietur & habeatur.

Facta sunt hæc in Synodo nostra Coloniensi, anno Dominicæ Incarn. MCLXXXII. Sept. Non. Indiæ. Anno XV. sub Lucio Papa. Regnante Friderico Roman. Imperatore.

Cl. Schannat. descripsit, non coronato fonte, quem bibit.

ATREBATI CONVENTUS

ANNO CHRISTI MCLXXXIII. LUCII III. PAPÆ III.
FRIDERICI I. REG. XXXII. IMP. XXIX.

TRansactis diebus Nativitatis Dominicæ Wilhelmus Remensis Archiepiscopus, & Comes Flandriæ Philippus, in civitate *Atrebatensi* de secretis suis locuturi conveniunt. Ibi multarum hæresum fraudes per quamdam mulierem in terra Comitum sunt detectæ. Isti hæretici nullius hæresiarchæ muniuntur præsidio: quidam dicunt illos Manichæos, alii Cataphrygas, nonnulli vero Arianos. Alexander autem Papa vocat eos *Paterinos*, (a) sed quidquid sint, oris proprii

confessione convicti sunt hæretici immundissimi. Multi sunt in præsentia Archiepiscopi & Comitum accusati, nobiles, ignobiles, Clerici, milites, rustici, virgines, viduæ, uxoratae. Tunc decretalis sententia ab Archiepiscopo, & (b) Comiti præfixa est, ut deprehensi incendio traderentur, substantiæ vero eorum, Sacerdoti & Principi resignarentur.

Chronographus Aquicinctus, ex quo Pagius ad b.a. apud Miræum.

Combusti sunt multi hæretici in Flandria a Wilhelmo Reverendo Remensium Archiepiscopo, titulo S. Sabinæ Presbytero Cardinali, Apostolicæ Sedis Legato, & a Philippo, illustri Comite Flandrensi. *Rigordus de gestis Philippi Augusti.*
(a) corrige: Paterinos. (b) Comite.

SYNODUS HALBERSTADENSIS

ANNO CHRISTI MCLXXXIII. LUCII III. PAPÆ III.
FRIDERICI I. REGIS XXXII. IMP. XXIX.

Approbatur petitiu cambium montis erga duos mansos in villa Ergerstede.

IN NOMINE SANCTÆ ET INDIVIDUÆ TRINITATIS. AMEN.

EGO THEODORICUS, DEI GRATIA, HALBERSTADENSIS ECCLESIAE ELECTUS EPISCOPUS, OMNISQUE CONVENTUS MAJORIS ECCLESIAE BEATI STEPHANI, TAM PRÆSENTIBUS, QUAM FUTURIS CHRISTI FIDELIBUS SALUTEM IN IPSO.

CUM cuncta Ecclesiarum tam prospera, quam adversa in manifestis conventibus & Synodis terminentur, & quæquæ nociva auctoritate & ratione recedantur; nonnunquam tamen succedentibus plurimis plurimæ controversiæ solent exurgere. Ea propter malignari volentibus occasionem auferre volentes, quæ nostro assensu facta sunt, firmare de-

crevimus. Notum igitur facimus omnibus Ecclesiæ nostræ filiis, quod Everhard, Abbas lapidis S. Michaelis, in præsentia totius Conventus in Synodo Halberstadenfi XIII. Kal. Jun. unanimi consensu fratrum obtinuit, ut montem, qui attiguus est loco, in quo prædicti fratres degunt, per concambium, cum suis fratribus legitime possiderent. Siquidem mons, de quo

Tomus III. Concil. German.

H h h 2

agitur

agitur, ad communes usus fratrum, ad balneum scilicet atinebat : qui , quum jam dudum , populo devastante , nobis inutilis fuit , pro duobus mansis , qui in contiguo villæ , quæ dicitur *Ergerste* de siti sunt , talentum solventes , prædictis fratribus tradidimus , eo protestante ac juramenta firmante , qui nemus ipsum in officio habebat , nos iuste facere , & utilione (*) nobis nos possidere. Quia igitur , quod factum est , ratum esse volumus , præsentem paginam sigilli nostri & Ecclesiæ , impressione signamus : Auctoritate nostra , & nostrorum fratrum

roborantes , ne quis audeat infringere , quod omnes nos constat sine reclamatio-
ne fecisse , XIII. Kal. Junii in Synodo actum est Dominicæ Incarnationis Anno MCLXXXIII. Indiët. I. & hi testes de domo S. Stephani, Conradus Decanus. Geero , Anselmus Vice-Dominus. Wernerus Præpositus S. Bonifacii , Fridericus , Rodulfus , & cæteri Canonici, Ludolfus summus Advocatus , Albero de Disenrothe , & alii quam plures.

Leuckfeld Antiquitates Michaelsteinenses
pag. 95.

(*) fors : utiliora.

SYNODUS COLONIENSIS

Anno Christi MCLXXXVI. Urbani III. Papæ II.
Friderici I. Reg. xxxv. Imp. xxxii.

Canonizatio S. Annonis Sigebergæ facta anno MCLXXXIII.
publicata in Synodo Colonienfi.

Philippus Archi-Episcopus Synodo Coloniz præfedit , ad quam consulto plures tam ex Episcopis , quam ex Abbatibus , & de Clero citati occurrunt, eo quod

I. Jus Legationis per omnem Provinciam Coloniensem , & per totam terram Suffraganeorum Episcoporum , eidem Præsuli , ob notam probitatem ipsius & fidelitatem erga Romanam Ecclesiam a sede Apostolica tunc accesserat , sicut ex Literis & concessione Papæ Urbani III. (a) præsentī Synodo significatur.

II. Igitur in tam frequenti & claro Conventu forte ad hoc potissimum cœlitus provisio , in facie totius Ecclesiæ Colonienfis prædictus Antistes ANNONEM iterato canonizans , hunc in Catalogo Sanctorum recipi , & ut Confessorem Sanctissimum , celebrem esse mandavit , & quod Legati Lucii III. Joannes Anagninus , Presbyter Cardinalis tituli S. Marci , & Petrus Lunensis Episcopus , de eo anno 1183. ordinaverant , ratum &

inconvulsum servari auctoritate Apostolica constituit. Ii autem Corpus S. ANNONIS de tumba decenter elevatum , supra Altare Sigebergensis Ecclesiæ in voce exultationis , & laudis , gloriose collocaverant , & solemniante Clero & populo , Missarum solemnia rite , ut de uno CONFESSORE , peregerant. Ipso Cardinali Missam celebrante , & Episcopo Petro inter Cantores Chorum Sigebergensis Ecclesiæ regente.

Postea , ut ad faciendum plebi verbum ventum fuit , ex auctoritate Domini Papæ & Beatorum Apostolorum Petri & Pauli mandaverant , diem hunc Translationis , seu Canonizationis ANNONIS feriatum haberi ab omni opere servili , & honoris Sancto condigni ANNONEM de cætero titulis celebrari , in quam formam toti Archi-Episcopatuū scripserant.

Cujus facti , vel decreti auctoritas , cum in auribus Ecclesiæ Colonienfis insonuisset , sicut in ejusmodi fieri assolet , quidam Officio Divinæ laudis , prout decuit , ANNONEM Sanctum honorandum

(a) Urbanus III. sedit Romæ ab 1185. 25. Novembris ad 20. Octobris 1187. intra quod tempus Synodus hæc Coloniz celebrata fuit.

dum decreverunt; Alii, sicut pro fidei defuncto, psallere, ut pridem, contenti erant. Et schisma erat in eis in tantum, ut major Ecclesia in Colonia & ecclesia Sanctæ Mariæ ad Gradus, cum sint conrectales, a se discrepando ab unisono quodammodo recedere viderentur.

Huic schismati tollendo, non longo

De S. Annone Coloniensi Archi-Episcopo habes, quod post mortem multi ei detraxerint, dicentes, eum Ecclesiarum suarum fuisse dismembratorem, & civium suorum excatorem. Dominus autem Deus in translatione illius 1183, quantæ Sanctitatis esset, signis plurimis ostendit. *Cæsarius illustrium miraculorum Lib. VIII. Cap. LXIX.* qui initio Sæculi proximi, 1200. scribebat, cum recens esset facti & miraculorum memoria, uti & Synodi hujus.

post temporis interjectu, Dominus Philippus hanc Synodum Coloniæ celebravit, & ab Legatis Sigebergæ gesta omnibus publicari, & ab omnibus servari mandavit.

Ex actis MSS. Translationis S. Annonis, in Sigebergensi Abbatia asservatis, & a coevo scriptis.

Epistola LII. Alexandri III. ad Philippum Coloniensem Archi-Episcopum, qua Coloniensis Ecclesiæ Jura ac Privilegia confirmantur.

ALEXANDER EPISCOPUS, SERVUS SERVORUM DEI, VENERABILI FRATRI PHILIPPO COLONIENSI ARCHI-EPISCOPO, EJUSQUE SUCCESSORIBUS CANONICE SUBSTITUENDIS IN PP. M.

ET si teneamur omnibus Fratribus Coepiscopis nostris ex administratione suscepti regiminis, Apostolicum patrocinium exhibere; his tamen specialiter adesse compellimur, qui sicut dignitate, ita præminent & virtute: cum nostræ sollicitudinis debeat & circumspeditionis existere, ut universos juxta qualitates personarum & merita respicere videamur. Ea propter, Venerabilis in Christo Frater Archi-episcopo, prudentiam & devotionem tuam diligentius ardentem, & tuis petitionibus nostrum facile præbentes assensum, Coloniensem Ecclesiam, cui Deo autore præesse dignosceris, sub B. Petri & nostra protectione suscipimus, & præsentis scripti privilegio communimus, statuantes, ut quascunque possessiones, quacunque bona eadem Ecclesia impræsentiarum juste, & Canonice possidet, aut in futurum concessione Pontificum, largitione Regum, vel Principum, oblatione fidelium, seu aliis justis modis, præstante Domino poterit adipisci, firma tibi, tuisque successoribus, & illibata permaneant. Præterea tua, frater Archi-episcopo, prudentia & devotione pensata, confirmamus tibi ea, quæ in privilegiis Patrum & Prædecessorum nostrorum ha-

bentur; videlicet crucem & pallium suo tempore, suoque loco ferendum, insigne quoque festivi equi, quod a quibusdam vulgo Nackum vocatur. Concedimus etiam, & Apostolica auctoritate statuimus, ut majus Altare Ecclesiæ tuæ uni, & vero Deo, in memoriam B. Mariæ Virginis, & alterum in memoriam B. Petri Apostolorum Principis dedicatum, reverenter ministrando procurent septem Canonici Cardinales Presbyteri, induti Dalmaticis & mitris ornati: quibus etiam, cum totidem Diaconibus & Subdiaconibus, ad hoc ministerium prudenter electis, ut utantur sandalibus, indulgemus, sicut a Patribus & Prædecessoribus nostris id prædictæ Ecclesiæ concessum est per authentica privilegia, & hætenus observatum. Insuper etiam auctoritatem & honorem, quem Ecclesia tua hætenus habuisse dignoscitur, Apostolici favoris patrocinio confirmamus, videlicet, ut, si quando Synodus infra tuam Diocesim a Romano Pontifice, aut a legato ab ejus latere destinato, fuerit congregata, priorem locum post ipsum Coloniensem Archi-Episcopum in Synodo teneat, & in proferenda sacrorum Canonum auctoritate prior existat; ita tamen, ut sicut est prior in hac

H h h 3

pro-

Alexander III. sedit ab 1159. ad 1181. 27. Augusti, non obstantibus tribus Antipapis.

probabili dignitate, ita etiam prior polleat honestate vitæ, & gratia meritorum, & cujus annuntiaverit verba, imitetur exempla. Consecrationem quoque regum infra limites tuæ Diocesis fiendam, præsentis scripti auctoritate censemus: & ut electio Archi-episcopi secundum statuta canonum, a filiis præscriptæ Ecclesiæ celebretur, per hujus scripti paginam duximus statuendum. Adhæc Monasteria, Ecclesias, Coloniae postas, & omnia sacra loca, infra & circa urbem Coloniae, ad jurisdictionem Colonienfis Ecclesiæ pertinentia: Monetam prædictæ civitatis, Telonium, forum, & omne jus civile sub potestate tua & successorum tuorum: Abbatis per diversa loca, villas, vicos, & castella, cum omnibus eorum pertinentiis, servis videlicet, ancillis, terris cultis & incultis, aquis, campis, sylvis, forestis: nec non etiam Comitatus in Westphalia, qua vulgari-ter Gograrhophe dicuntur, & allodia, Dulberg, Hachen, Marchan, Wassenberg, sicut hæc omnia rationabiliter possides, tibi, tuisque successoribus auctoritate Apostolica confirmamus. Illud quoque statuimus, ut, sicut nullus Coarchi-episcoporum tuorum est tibi subiectus, ita etiam tu sub nullo primatu debeas esse: salva tamen nobis in te, sicut in ceteris Archi-episcopis, subiectione, quæ Apostolicæ auctoritati debetur. Decernimus ergo, ut nulli omnino hominum liceat præfatam Ecclesiam temere perturbare, aut ejus possessiones auferre, nec ablatas retinere, minuere, aut aliquibus vexationibus fatigare: sed omnia integra conserventur eorum, pro quorum gubernatione ac sustentatione concessa sunt, usibus omnimodis profutura, salva in omnibus Apostolicæ Sedis auctoritate. Si qua igitur Ecclesiastica, sæcularisve persona hanc nostræ constitutionis paginam sciens, contra eam temere venire tentaverit, secundo, tertiove commo- nita, nisi satisfactione congrua id emendaverit, potestatis, honorisque sui

dignitate careat, reamque se Divino judicio existere de perpetrata iniquitate cognoscat, & a Sacratiss. Corpore ac Sanguine Dei ac Domini redemptoris nostri Jesu Christi aliena fiat, atque in extremo examine Divinæ ultioni subiaceat: cunctis autem eidem Ecclesiæ justa servantibus, sit pax Domini nostri Jesu Christi, quatenus & hic fructum bonæ actionis percipiant, & apud districtum judicem præmia æternæ pacis inveniant, amen.

In Sigillo:

ALEXANDER PAPA III.

Vias tuas Domine demonstra mihi.

SUBSCRIPTIONES:

Ego Alexander, Catholicæ Ecclesiæ Episcopus.

Ego Hubaldus, Ostiensis episcopus.

Ego Joannes, Presbyter Cardinalis Sanctorum Joannis & Pauli, titulo Panmachii.

Ego Boso, Presbyter Cardinalis sanctæ Pudencianæ, tituli Pastoris.

Ego Petrus, Presbyter Cardinalis, tituli sanctæ Sufannæ.

Ego Hyacinthus, Diaconus Cardinalis sanctæ Mariæ in Cosmedin.

Ego Arditio, Diaconus Cardinalis S. Theodori.

Ego Cynthius, Diaconus Cardinalis sancti Hadriani.

Ego Hugo, Diaconus Cardinalis S. Angeli.

Datum Laterani, per manum Alberti sanctæ Romanæ ecclesiæ Presbyteri Cardinalis & Cancellarii, decimo tercio Kalendas Julii, Indictione XI, Incarnationis Dominicæ anno Millesimo centesimo septuagesimo nono. Pontificatus vero Domini Alexandri Papæ III. anno XIX.

Binius Tom. III. Concil. Part. II. pag.

Hardouin Concil. Tom. VI. pag. 1418.

In Apologia Archidiec. Colonienf. mutilatum in adjunctis N.4.

Dominus Papa Urbanus Colonienfi Archi-episcopo Philippo Jus in appellatione, & vicem suam tam in Episcopatu, quam supra omnes Suffraganeos Sedis Colonienfis indulget, & scripto confirmat, (jam ab Alexandro III. 1179. concessum)

Godefridus Monachus Pantaleon. sed ad 1187.

Apostolicus Urbanus Philippo Legationem Romanæ Ecclesiæ, sive Primatum de Suffraganeis suis dederat, ut quia Imperator Fridericus vias alpium concluderat, ipse vice Apostolici, singulorum causas discuteret, ne propterea magis ab ecclesiâ Dei justitia deficeret. *Chronica Slavorum Arnoldi Lubecensis Lib. III. Cap. XVII.*

Collo-

Colloquium Friderici Imperatoris cum Philippo, Archi-Episcopo Coloniensi, Legato Papæ Urbani III. in loco incerto Germaniæ.

ANNO CHRISTI MCLXXXVI. URBANI III. PAPÆ II.
FRIDERICI I. REG. XXXV. IMP. XXXII.

Reverſus de Longobardia Fridericus Imperator, poſt colloquium Veronæ cum Urbano III. habitum; conſiderans obſtinatum erga ſe animum Domini Papæ (*in repetendo patrimonio Matbildis, in prohibendis ſpoliis Episcoporum defunctorum, in ſtipendiis Abbatiffarum ad Curiaſ Fifeum ſub vario prætextu ablatis*) clauſit omnes vias Alpium, & omnium circumquaque regionum, ut nemo pro quolibet negotio adire poſſet ſedem Apoſtolicam.

Deinde convocans Philippum Coloniensem, cœpit ſecum conferre de importunitate Domini Papæ: intelligens etiam, ipſum fungi vice ipſius in cauſis decidendis, propterea magis ipſius animum explorare cupiebat, vel qualiter de eo ſibi ſentiendum eſſet, ſcire volebat. Apoſtolicus enim ipſi *Legationem Rom. Eccleſiæ*, ſive etiam Primatum de ſuis ſuffraganeis dederat; ut, quia Imperator, ut dictum, vias Alpium concluſiſſet; ipſe vice Apoſtolicæ ſingulorum cauſas diſcutteret, ne propterea magis ab Eccleſia Dei juſtitia deficeret. Exponente ergo Imperatore importunitatem Domini Apoſtolicæ, & quærente ab Archi-Epiſcopo, quomodo fiducia de ipſo eſſet habiturus, ipſe reſpondit: "Domine, non eſt neceſſe, ut aliquid de me dubitationis habeatis: me enim ſemper pro juſtitia ſtare velle ſciatis. Sæpius enim probaſtis cor meum vobis: unde etiam vobis conſtat, ſemper in me fiducialiter agendum. Veruntamen ut omnium epiſcoporum ore loquar, ſi paulo mitius vobis agere velletis, & per libertatem Imperialem levigare onus vobis impoſitum; tanto devotiores, quanto expeditiones in omnibus, ad omnia vobis eſſemus. Nunc autem videtur nobis, quod quibusdam penſis, eſſi non injuſte, indecenter tamen gravati ſimus. Unde

"etiam videtur Domino Apoſtolicæ, quod juſtam contra vos cauſam proponat, quod mortuis Epiſcopis conſignatur Eccleſiæ, ita ut ablatis omnibus mobilibus & ſtipendiis præſentis anni, epiſcopus ſubintrans omnia exinanita & evacuat inveniat. Si ergo juſtitia obtenta, & noſtri ſervitii intuitu per Imperialem clementiam ſuper hoc nobis peperceritis, mediatores juſtitia inter vos & Dominum Papam humiliter erimus. Sin autem, a veritatis via recedere nequaquam poterimus." Ad hæc Imperator ita reſpondit: In veritate comperit habemus, quod prædeceſſores noſtri, antiqui Imperatores, hoc juris habuerunt, ut defunctis Epiſcopis inveſtituram Pontificalem ſine alicujus præjudicio probatis perſonis liberrime locaverint. Sed quia hoc ipſorum voluntate mutatum invenimus, ratum habemus. Hanc vero minimam ſcintillam juris noſtri, quam invenimus, nequaquam mutari permittimus. Sufficiat vobis juſtitia veſtra, quam invenisti, quod permittitur vobis electio Epiſcoporum, quam vos canonice fieri dicitis. Sciatis tamen, quia dum pro voluntate Imperatoris iſta diſpenſarentur, plures juſti ſunt inventi Sacerdotes, quam hoc tempore, dum per electionem inthronizantur. Ipſi enim ſecundum vitæ meritum Sacerdotes inveſtiebant; nunc autem per electionem non ſecundum Deum, ſed ſecundum favorem eliguntur. His dictis Imperator animum Archi-Epiſcopi cum Apoſtolicæ ſentire intellexit, cui dixit: *Quandoquidem audio, vos mecum non ſentire; nolo, ut ad curiam, quæ in Geilenbuſen celebranda eſt, veniatis, ubi Epiſcoporum erit conventus.* Cui Archi-Epiſcopus reſpondit: *Fiat juxta placitum veſtrum.*

Chronica Slavorum Lib. III. Arnoldi Lubecenſis Cap. XVII.

Alias Diſcordiæ cauſas inter URBANUM III. & FRIDERICUM I. hæc habet:

IV. Quod Patriarcha Aquilejenſis, & quidam Epiſcopi interfuertint abſque conſenſu Papæ Coronationi Henrici V, filii Friderici I, die ſolenni in Italia: quos omnes Papa a Divino ſuſpenderit officio.

V. Quod

V. Quod Folmarum, a populo Treverico electum, sabbato sancto Pentecostes in Presbyterum Cardinalem, & crastina die in Archi-episcopum Trevericum contra votum Imperatoris consecraverit, licet promississet nunquam eum ab se consecrandum.

Hæc Pagi ad annum 1186. ex Chronographo Aquincino, & Joanne de Ceccano in Chronico.

VI. Quod Papa Cremonenses, quos tanquam bannitos & publicos Imperii hostes decebat Sanctitatem ejus evitare, contra honorem Imperii familiariter collegisset, dehortando civitates universæ Italiæ ab auxilio ferendo & expeditione promovenda.

Pagi loco & anno citato N. V.

EPISCOPORUM CONVENTUS GEILENHUSIENSIS

ANNO CHRISTI MCLXXXVI. URBANI III. PAPÆ II.
FRIDERICI I. REGIS XXXV. IMP. XXXII.

Ubi convenit multitudo Episcoporum & Principum Imperii, & procedens in concionem Imperator sic omnibus locutus est. " Rogamus vos summos Sacerdotes, & Episcopos, & Principes, quorum corda justitia possidet, ut animadvertatis, quæ dico; comperitum forte habetis, quantis adversitatibus impetatur a Domino Papa; in quo autem gratiam ipsius diminuerim, ignoro. Unum mihi constat, quod nunquam animum ejus exacerbare studui, nec aliquando contra ejus præceptum vel voluntatem aliquid feci, nihil etiam ab ipso contra jus indecenter exegi. In quibus autem ipse me arguere habuit, non irascendo vel contradicendo, sed obediendo, & rationem reddendo, decenter ad omnia respondi. Et quoniam in omnibus his innocentia mea mecum est, ideo non conturbor: sed si placuerit Domino Papæ me filium habere dilectum & subiectum, ego eum pro honore & reverentia Sanctæ Apostolicæ Sedis Patrem habeo dilectum & reverendum. Si autem ad dejectionem meam, non dico injuste, sed inapte aliqua molitus fuerit; spero, quod Divina favente clementia, vestro etiam similiter adjutus consilio & auxilio intrepidus ei ad omnia respondeam. Hæc pro parte mea dixerim. Pro parte autem vestra, quid sit faciendum, diligenter pensandum est. Dicit enim Dominus Papa, injustum esse, aliquam laicam personam decimas possidere, quas manifeste Dominus his, qui Altari deferunt, deputaverit. Quod sicut de

scripturis habet auctoritatem, ita eadem auctoritate evacuare contendit. Scimus autem decimas & oblationes a Deo Sacerdotibus & Levitis primitus deputatas. Sed cum tempore Christianitatis ab adversariis infestarentur Ecclesiæ, easdem decimas præpotentes & nobiles viri ab Ecclesiis in beneficio stabili acceperunt, ut ipsi defensores Ecclesiarum fierent, quæ per se obtinere non valerent.

Affirmat etiam, injustum esse, quod aliquis in prædiis, seu hominibus Ecclesiarum advocatiam sibi usurpet, aut sicut Ecclesiæ de libera voluntate, seu donatione Imperatorum vel Principum fundatæ sunt, ita res Ecclesiasticæ a Prælati tantum libere dispensentur.

Et quamvis hæc pro Prælati esse videantur, non tamen credo, quod ita facile mutari possint, quæ ex longa antiquitate usus in consuetudinem vertit, imo ipsa consuetudo a progenie in progeniem descendens quasi iuxta traditionem roboravit. Hæc de parte vestra dicta sufficiant.

Quæro autem a vobis, rectores Ecclesiarum, quid inter ista de vobis mihi sciendum sit? Quid timendum? Quidve, vel quantum de vestra fidelitate præsumendum? Sed quia a Domino jubemur reddere, quæ sunt Dei Deo, & quæ sunt Cæsaris Cæsari: sic rogo, Domino Papæ in vice Christi debitam persolvatis obedientiam, ut parte altera a Deo constitutam non negligatis justitiam.

Ad

Geilenhusium civitas est imperialis in Wetteravia, Archi-Diœcesis Moguntinæ, credo.

Ad hæc verba surgens Dominus Moguntinus Conradus, accepta oportunitate sic locutus est: Domine, rogamus serenitatem vestram, ut paululum verba nostra attendatis: casus iste, in quo laborare videmur, gravis est.

Nec nostrum, inter nos tantas componere lites. Quia (sicut paulo superius dixistis) ex una parte tenemur reddere Deo, quæ Dei sunt, ex altera parte, quæ sunt Cæsaris Cæsari. Domino enim Papæ, ut Patri Spirituali, qui supra omnes est, iustum est ad omnia promptissime obedire.

Vobis autem, quem Deus Principem & Imperatorem Romani orbis exaltavit, cui hominum fecimus, a quo & temporalia possidemus, ad assequendas omnes iustitias vestras jure tenemur assistere. Nunc ergo sine præjudicio melioris consilii, si placet, scribatur Domino Papæ ex persona Episcoporum, in quibus commoneatur, ut ea, quæ ad pacem sunt, vobiscum sentiat, & iustitiam vobis in his, quæ iuste ab eo exiguntur, faciat.

Placuit Imperatori & omnibus episcopis, quod dixerat, & ad voluntatem Imperatoris scripta est *Epistola*, signata Bullis episcoporum omnium, & perlata ad Dominum Papam. Qui cum legis-

set Epistolam, obstupuit de immutatione Episcoporum, quia ipsæ causam pro eis videbatur sumsisse, ipsi vero de causa cecidisse. Nec minus tamen in proposito suo perstitit, & veniens Veronam, Imperatorem legitime citatum pro capitulis supra scriptis excommunicare decrevit.

Ad quem accedentes Veronenses dixerunt: Pater, servi & amici Domini Imperatoris sumus: rogamus Sanctitatem vestram, ut eum in civitate nostra, nobis præsentibus non excommunicetis: sed hanc sententiam respectu nostri servitii differatis. Qui faciens juxta petitionem eorum, discessit; & cum in proximo eum excommunicare vellet, morte præventus sententiam distulit, sicque Imperator maledictionis jaculum evasit.

Ex Arnoldo Lubecensi Illius Baronius ad A. 1186. a N. VIII.

Imperator pro pace formanda inter Urbanum Papam & Imperium Legatos Wirziburgensem Episcopum, & Babenbergensem, & Abbatem Hersveldensem Veronam misit, qui bene pro sperata pace in formam acta legatione Imperatori retulerunt in litteris.

Chronographus Saxo, sed ad annum 1187.

I. Conradi Moguntini Archi-Episcopi

Encyclica ad omnes Episcopos Regni

EX CONVENTU GEILENHUSANO.

Venerabilibus fratribus, Dominis Episcopis nostris scribimus id, quod vobis: & petimus, ut secundum formam litterarum, quas vobis & ipsis, hic facimus exhiberi, scribere curetis Domino Papæ Sanctissimo Patri nostro, & Cardinalibus; ut, Dominus ac redemptor noster Sacerdotium cum Imperio, quorum divisio Christianis fidelibus nociva, sua dignetur clementia ad concordiam revocare. Rogamus itaque

Paternitatem vestram, & hortamur in Domino diligenter, ut & vos secundum formam litterarum nostrarum Domino Papæ & Cardinalibus scribatis: fiduciam enim habemus in Domino, & spem certam, quod si fratrum nostrorum acceperit Dominus Papa preces, & humilitatem devotionis ipsorum perpexerit in eisdem; animus ejus circa Dominum Imperatorem, cui fidelitate tenemur, debeat mitigari.

II. Conradi Moguntini epistolæ ad S. R. E. Cardinales scribendæ Exemplar.

POST CURIAM IN GEILENHUSEN.
VENERABILIBUS SANCTÆ ROMANÆ ECCLESIAE CARDINALIBUS, UNIVERSALITER SINGULIS, ET SINGULARITER UNIVERSIS, EX DEI GRATIA N. EPISCOPUS,
ORATIONES ET PARATUM CUM OMNI DEVOTIONE SERVITIUM.

Cum inter summum Sacerdotium & sacrum Imperium, sinceræ caritatis debeat esse vinculum; valde dolendum est, quod talis caritatis vinculum

sepa-

separatur. Quia igitur discordia, quæ inter Dominum venerabilem & Patrem nostrum Apostolicum, & Dominum Imperatorem vertitur, universalis Ecclesiæ status periclitatur; quilibet fidelis ad eam tollendam tanto libentius debet operam dare, quanto majus incrementum Romanæ Ecclesiæ & decus Imperiali celsitudini ex ipsorum concordia pote-

rit provenire. Sed quia nos præ corporis debilitate ad hoc non possumus personaliter laborare, Sanctitati vestræ devote, & humiliter supplicamus, quatenus ad solum Deum & Ecclesiam vestram, cujus sollicitudinem geritis, respectum habentes, Domino nostro Apostolico suggerere dignemini.

III. *Ad Summum Pontificem epistola*

Episcoporum Germaniæ.

EX CONVENTU GEILENHÜSANO.

SI Propheta, quæ ad pacem sunt Jerusalem, rogari præcepit; ea, quæ ad pacem sunt universalis Ecclesiæ, sollemniter non quæsierit? Ipsa est enim Jerusalem, pacem videns; Judæa confitens, in qua notus est Deus, cujus in pace factus est locus ejus. Hinc est Pater sancte, orbis & urbis Dominator & Domine, quod ego N. servus vester inutilis, & utinam tam obsequiosus, quam affectuosus, pedibus vestræ sanctitatis provolutus, quantum possum & audeo, cum omni humilitate & devotione suggero & interpello, quod servantes unitatem spiritus in vinculo pacis, ædificium sanctæ Matris Ecclesiæ, robore Sancti Spiritus in pace compactum & solidatum, per vitium discordiæ, quo nullum magis placet sathanæ, labefactari, & dissolvi non finatis: sed potius, ut per virtutem concordiæ, qua nihil magis terret tumultuosam pravitatem Dæmonum, roboretur & confortetur, omni sollicitudine & diligentia efficaciter intendatis. Quod si latera ejus concutiantur, & columnæ colliduntur, restat, ut corruat, quicquid fuerat super ædificatum. Quod si Sacerdotium regale, & regnum Im-

periale columnas dixerò, veritati consentio, & Sanctorum auctoritatibus non contradico: quarum si altera corruerit, reliqua importabili depressa onere non stabit. Gladius enim spiritualis & secularis sibi invicem mutuo suffragantur: quorum alterum cum Petrus exemit, & Malcho auriculam dextram amputavit, jussus est mittere in vaginam, dicente Domino: *Sinite usque huc.* Sed quem Petrus pro Christo fauciat, Christus pro Petro, ut ei exemplum tribueret, mox sanavit. Pater sancte! scio, quod sapiens sicuti paucis innotescit, ita & ex paucis multa colligit: attendat ergo prudentis discretio, quod quædam particulares Ecclesiæ, a fide & obedientia Romanæ Ecclesiæ jam recefferunt, quædam plantationes in fide jam nutant, titubant, & vacillant: cui morbo per gratiam Dei potestis occurrere, si eum Domino Imperatore dignemini concordare, sicut certissime credimus & speramus, ad magnum Ecclesiæ commodum militantis & gaudium triumphantis.

Ex Codice MS. Moguntino descripsit Cl. Schannat. b.m.

SYNODUS HALBERSTADENSIS

ANNO CHRISTI MCLXXXVI. URBANI III. PAPÆ II.
FRIDERICI I. REG. XXXV. IMP. XXXII.

*Theodoricus Episcopus confirmat foundationem & dotationem Canonice
S. Thomæ Præmonstratensium, in introitu Halberstadii sitæ,
cum consensu capituli in PLENA SYNODO.*

IN NOMINE SANCTÆ ET INDIVIDUÆ TRINITATIS.

EGO THEODERICUS, DIVINA FAVENTE CLEMENTIA, HALBERSTADENSIS ECCLESIAE EPISCOPUS.

Quoniam dum tempus est, operari bonum, Apostolo nos exhortante, tenemur, & quæ seminaverit homo, hæc est metes; tam salubri doctrina Apostolica,

stolica, nec non Divinæ remunerationis amore commoniti, numerum Deo famulantium magno desiderio augere desideravimus, ut exinde non solum nobis, verum toti etiam Ecclesiæ Halberstadeni salus & misericordia augeatur a Domino.

Ea propter Viros sanctæ conversationis & probatæ Religionis de Ordine videlicet *Præmonstratensium*, in Ecclesiâ B. Thomæ Martyris, ad introitum civitatis nostræ in parte Septentrionali constructa, ad serviendum inibi DEO, & B. Dei Genitricis MARIE, ac Sancto Thomæ Martyri, instituere decrevimus. Ad quorum sustentationem, & omnium ibidem Deo famulantium, pro remedio animæ nostræ, & omnium antecessorum nostrorum, & successorum, DEO omnipotenti, & Beatæ MARIE perpetuæ Virgini, ac Sancto Thomæ Martyri obtulimus Capellam nostram in *Oßfersleve* sitam, tam multo tempore desertam & neglectam, cum omnibus bonis ad eam pertinentibus; ut quod ibi multis diebus ob incuriam neglectum est, hic per Dei misericordiam suppleatur, & in melius reformetur. Præterea de bonis, quæ *Robertus, Ministerialis B. Stephani*, a nobis in beneficio tenuit, duos manfos videlicet in *Oßfersleve* cum decima, & Advocatia, & duas decimas, unam in *Emerstibe* & alteram in *Ovelde* nobis resignata, de ipsius petitione pro salute animæ suæ, & filii sui *Cunradi*, & uxoris suæ *Ammecke*, præfatæ Ecclesiæ videlicet B. MARIE Dei Genitricis, & S. THOMÆ Martyris contulimus. Hanc itaque donationem, de

consensu Fratrum nostrorum majoris Ecclesiæ factam & approbatam, ut rata maneat semper & inconvulsa, auctoritate Dei Omnipotentis, & B. Petri Principis Apostolorum, nostro quoque banno confirmamus, & chartam hanc inde conscriptam sigilli nostri impressione consignavimus.

Actum est anno Dominicæ Incarnationis MCLXXXVI. Indiæ. IV. Ante Cenam Domini, in plena Synodo Halberstad celebrata, in nomine Dei Amen.

Hujus rei testes sunt: Anselmus Major Præpositus, Fridericus Diaconus, Conradus Camerarius, Geroldus Diaconus, Gevehardus Sacerdos, Fridericus Subdiaconus, Burchardus Diaconus, Ludolphus Diaconus, Albertus Magister, Conradus Diaconus, Hermannus Præpositus S. Joannis in civitate, Hermannus Præpositus in *Hammersleve*, Jordanus Præpositus in *Scheninge*, Theodericus Abbas in *Ußeneburg*, Reimoldus Abbas in *Huisburg*, - - Abbas in *Wimedeburg*, Hauldus Abbas in *Lutere*. *Laici nobiles*: Hoyerus de *Woltrigerode*, Ludolphus Advocatus, & Wernerus frater ejus, & Sifridus Patruus ipsorum, Comes Henricus de *Blanckenburg*, Fridericus de *Regenstein*, Erwinus de *Badenleve*, Fridericus de *Widescorp*. *Ministerialis Caesaris*, Henricus & Herwicus de *Eilensiede*, Hugoldus Præfectus, Fridericus de *Quentside*, Bertoldus de *Horedorf*, Alvericus Camerarius &c. &c.

Leuckfeldt in Antiquitatibus nummatis Halberstadenfis pag. 94.

URBANI III. hortatoria ad Archi-Episcopum Coloniensem, ut Synodo Leodiensi intersit, celebrandæ ab Albanensi Episcopo S. Sedis Legato.

ILLA profecto circa Ecclesiæ, ac Imperii Romani negotium vigilamus solertia, ut quamquam aliorum emergentium undique, graviterque urgentium, multitudine occupemur; nunquam tamen erga illud tanquam præcordiale nobis, intendere ardenti meditatione cessamus.

Attendentes itaque plurimum opportunitum, aliquos de latere nostro ad partes Alamanniæ pro negotio ipso dirigere,

ut eo plus roboris suscipiat & favoris, quo potiorum consilio & auxilio senserit se juvari; prævidimus, de fratrum nostrorum consilio, illuc venerabilem fratrem nostrum Albanensem Episcopum, virum eminentis scientiæ, conversatione honesta, & consilii maturitate præclarum, magnum siquidem & nobile Ecclesiæ membrum, & in sublimiorum negotiorum executione probatum, propter hoc specialiter destinare.

Ideoque discretioni tuæ per Apostolica scripta distincte præcipiendo mandamus : *Quatenus quarta Dominica post Festum Resurrectionis Dominicæ proxime venturum, apud Leodium personaliter, vel per speciales & solennes nuntios adesse, cessante qualibet excusatione, procures, paratus prædictum episcopum, quem il-*

luc commissio sibi plenæ legationis officio, dirigimus, honorifice ac reverenter ibidem recipere, ipsius humiliter audire mandata, & efficaciter adimplere, ieiunurus, quod quicquid ordinaverit & statuerit, ratum & firmum habebimus. &c.

Ex codice MS. Vaticano N. 6365.

Urbanus III. Papa electus MCLXXXV. cum Friderico I. committitur, dum hujus filium Henricum VI. coronare renuit.

Gregorius VIII. Papa anno MCLXXXVII. electus, non minus Friderico I. infensus dicitur.

Bulla cruciata contra Fridericum Imperatorem cum indulgentia simili illi, quam terram sanctam recuperaturi crucis signaculum recipientes, lucrantur.

ET si ad defensionem Catholicæ Fidei & Ecclesiæ libertatis, omnes, quos Christiana discernit religio; tamen Ecclesiastici tam religiosi, quam sæculares, & præsertim Ecclesiarum Prælati, ad id eo amplius sunt astricti, quo ad Dominicæ sortis participium specialius evocati, gravius Jesu Christi provocari debent injuriis, & contra persecutores Ecclesiæ sponsæ suæ vehementius commoveri.

Præ cunctis autem Tyrannis Fridericus, quondam Romanorum Imperator contra Deum & prædictam Ecclesiam persecutionis arma incessanter & potenter exercet, qui quanto celsiori dignitate hæcenus, ipsa Ecclesia operante, præfulsit, tanto in eam crudeliori animadversione delævit; vires potentæ suæ adversus illam nefanda mentis adversitate convertens, acuendo in interitum ejus gladium, quem (*) ipsa contra suos vibrandum acceperat inimicos.

Ideoque discretioni tuæ per Apostolica scripta mandamus: quatenus universos Ecclesiarum Prælatos Alamanniæ, Daciæ, ac Poloniæ, attente moneas, & inducas; ut (considerato diligenter, quot tribulationum malleis idem Fridericus non solum Ecclesiam, sed etiam fere totum Christianum populum flagellavit, & quamdiu in viros Ecclesiasticos virus suæ feritatis effuderit, quod sæviori continuo furiat rabie contra eos: propter quod efficax super iis convenit remedium adhiberi, ad tuendas fidem, & liberta-

tes prædictas contra ipsius perfidiam) ferventibus animis exurgentes adversus eundem Fridericum, omnesque fautores ipsius, crucis signaculum de Divino & nostro auxilio sperantes, assumant, & tam per te, quam Ecclesiarum Prælatos, aliosque religiosos, & sæculares prædictarum Alamanniæ, Daciæ & Poloniæ, quos ad hoc idoneos esse noveris, proponens, juxta datam tibi a Deo prudentiam, per easdem Alamanniæ, Daciæ & Poloniæ partes fidelibus verbum crucis, eos quod pensantes attente jam dicti Friderici detestandam nequitiam, contra ipsum suscepto hujusmodi signaculo, celeriter & viriliter se accingant, studiosis & sedulis exhortationibus inducere non postponas; nos enim, de omnipotentis Dei misericordia confisi, ex illa, quam licet nobis indignis, Deus ligandi, atque solvendi contulit potestatem, omnibus, qui laborem istum in propriis personis subierint, ac eis, qui non in propriis laboraverint, sed in suis dumtaxat sumptibus juxta facultatem & qualitatem suam, idoneos destinabunt bellatores, illam suorum peccatorum, de quibus veraciter corde contriti, & ore confessi fuerint, veniam indulgemus, ipsoque illo privilegio, eaque immunitate gaudere volumus, quæ terræ sanctæ succurrentibus in generali Concilio (a) sunt concessa. &c.

Ex codice MS. Vaticano N. 6360. descriptit Cl. Schannat. b. m.

(*) *foris*: ab ipsa.

(a) Anno 1095. Claromontano & in Lateranensi 1122.

Post hanc encyclicam Invitatoriam fuere varii Conventus Coloniz, Moguntiz, Treveris, Leodii, ab Henrico Albanensi celebrati pro cruce signandis Germanis.

Cæsarius Heisterbacens. Miracul. Lib. IV. Cap. 79.

Fisen Historie Leodiensis Lib. XI. pag. 412.

SYNO-

SYNODUS TREVIRENSIS MOSOMI

Anno Christi MCLXXXVII. Gregorii VIII. Papæ I.

Friderici I. Regis xxxvi. Imp. xxxiii.

IN DIOECESI REMENSI HABITA.

SUMMA. Folmarus Archi-Episcopus Trevirensis, qua Legatus Apostolicus, Synodum in Remensi Provincia celebrat, & subditos suæ Provinciæ, sibi non parentes, excommunicat.

Folmarus ab incepto non desistens, legationem Apostolicæ Sedis per nuntios impetravit, ut facta sua maiorem, auctoritate summi Pontificis fortirentur vigorem. Accepta igitur suæ voluntatis plenitudine, statim Trevirensibus & suffraganeis Ecclesiis Concilium indixit apud Mosomum castrum Archi-episcopi Remensis, qui eum eo tempore manutenebat, & solatium & per se, & suos, in multis exhibebat.

Universi itaque tam Clerici, quam Prælati suffraganeorum Ecclesiarum, & plurimi Pastores Ecclesiarum de Archi-Diaconatu, qui inter Treverim & Jvodium castrum constitutum est, timentes ordini suo, ad Concilium istud, antecedente eos Metensi Episcopo, Dominica, qua cantatur *Invocavit* conveniunt: Petrus vero Tullensis, & Henricus Viridunensis episcopi, appellatione interposita, non venerunt. Venerunt autem & multi tam Magistri, quam Clerici de

Francia: inter quos etiam Episcopi, animantes eum, ut auctoritatis sibi concessæ potestate uteretur, & subditos suos a subiectione resistentes, censura Ecclesiastica coherceret.

Horum ergo suffragiis animatus, I. Prælatorum quosdam, & Clericorum Trevirensium excommunicavit. II. Quosdam ab officio & beneficio suspendit. III. Quosdam vero sine spe veniæ deposuit. IV. Petrum etiam Tullensem episcopum excommunicavit. V. Henricum Viridunensem ultro se offerentem ab episcopatu deposuit, & sic in absentes grassatus, non convictos, neque confessos, damnavit. Hæc ergo causa malorum iracundiæ fomitem ministravit, & indignationem Imperatoris contra eum magis ac magis accendit.

*Gesta Trevirorum apud Illmum Hontbe-
mum Prodrumi Parte posteriore
pag. 290.*

1181. 25. Maji defuncto Arnolde, Archi-episcopo Treverensi, Clerus Trevericus Rudolphum Præpositum, populus vel nobilitas Folmarum Archi-Diaconum eligit. Fridericus I. Imperator utrumque citat ad suum tribunal, schismatis sopiendi ergo: Rudolphus comparet, & vestitur a Cæsare. Folmarus a Cæsare Romam appellat, specie declinandi laici iudicii.

1185. 25. Novemb. Romam veniens Lucio III. jam mortuo, ab Urbano III. Mediolanensi, qui Friderico infestior erat, excipitur & auditur.

Licet Cardinales differendam causam censerent, metu schismatis, & Cæsaris, qui Rudolphi partes tueri videbatur; Papa nihilominus Folmarum primo Cardinalem dicit, (a) mox Archi-episcopum consecrat, & Treverim remissum Legatum Sedis Apostolicæ creat per Treverensem & Remensem Provincias.

Hac dignitate fretus intra Dioecesim Remensem Mosomi Concilium indicit, proximâ Quadragesimâ.

Bertramus Metensis illic comparuit cum Prælati variis: sed nec Petrus Tullensis, nec Henricus Viridunensis comparuerunt.

Magnum Chronicon Belgicum. Arnoldus Lubecensis Lib. III. Chronici Slavorum. Vassenburgius in Gallia Belgica. Chronographus Aquicinctus. Bromerus in Annalibus Treverensibus.

Synodographos hujus Mosomensis Synodi non meminisse, annotat Pagi Critices ad b. ann. N. IV.

(a) Folmarus Cardinalis sub hoc titulo ignotus est in Catalogis Cardinalium.

GREGORIUS VIII. EPISCOPUS, SERVUS SERVORUM DEI, VENERABILI FRATRI F. TREVERENSI ARCHI-EPISCOPO, SALUTEM ET APOSTOLICAM BENEDICTIONEM.

Propositum vincit effectus; & supervenientes causae saepe compellunt mutare, quod firma dispositum fuerat voluntate. Nec locus ex hoc reprehensionem relinquitur, cum Salomon dicat: *Omnia tempus habent, & tempus loquendi & tempus tacendi.* Ex hoc siquidem est, quod Ecclesia Dei sua interdum variat pro filiorum necessitate instituta, & cohibet aut differt saepe vindictam, quam quieto & pacato tempore statuerat exercendam, juxta hoc, quod Salomon dicit: *Sapientis videns malum declinat; stultus transiit confidens.* Haec vero cautela, etiamsi alio tempore potuerit intermitteri, hoc vero tempore tanto circumspectius est tenenda, quanto ex casu orientalis Ecclesiae in maiore tribulatione videtur Christianus populus constitutus. Nec facile patet ex humana infirmitate successus, nisi ad hoc magnorum Principum corda contigerit ex Sancti Spiritus inspiratione moveri. Ex eo siquidem est, & ex aliis multis causis, quod nos corda sublimium Principum & Ecclesiae defensorum, Imperatoris scilicet & filii ejus ad bonum volentes per humilitatem Ecclesiae provocare, in bona cum ipsis mansuetudine ducimus ambulandum, & non tam contra eos humanum requirendum auxilium, quam Divinum, si debitam quod non credimus, Ecclesiae reve-

rentiam decreverint subtrahendam. Proinde quod tua fraternitas a Domino Urbano praedecessore nostro recedens, & Provinciae Trevirensis fines attingens durius, quam e re visum fuit, se cepit in Episcopos & personas alias exercere, & cum in scandalum multos miserit, paucos ad se provocavit in gratiam, nos ex consuetudine Sedis Apostolicae moderamine providere volentes, cum asperitate tua multorum a te facias animos alienos, & tandem ipsam etiam censuram Ecclesiasticam, si servata non fuerit, contemtibilem reddas; literis tibi praesentibus inhibemus, ne ad excommunicationem, vel depositionem personarum Treverensis Provinciae sine conscientia & licentia nostra procedas; sed ita in omnibus modestiam teneas, ut ex animositate aliqua vel indignatione praeterita Ecclesiae causam & tuam non facias graviolem. Cum etenim non prorsus ignores, quid nobis super negotio tuo visum fuerit a principio; bene, sicut credimus, tibi prospicies, si talem te in omnibus exhibere cures, ut sinistram de te habere opinionem minime debeamus. Datum apud Forum novum II. Kal. Decembris. Indiēt. VI.

Ludwig Reliq. MSS. Tom. II. pag. 428.

hanc Gregorii VIII. Epistolam servavit.

Ex quo Mansi Tom. II. Supplement. p. 719.

Clemens III. misso Legato in Germaniam utrumque Treverensem, Folmarum a Papa, Rudolphum ab Imperatore haecenus defensum, Archi-Episcopatus obtinendi spe exiit Anno 1189. Folmarus in Angliam profectus, ibidem obiit.

SYNODUS COLONIENSIS

ANNO CHRISTI MCLXXXVII. GREGORII VIII. PAPAE I.
FRIDERICI I. REGIS XXXVI. IMP. XXXIII.

SUMMA. Philippus Archi-Episcopus Coloniensis in Synodo Provinciali confirmat Domus Steinfeldensis Canonorum Praemonstratensium Bona & Parochias.

IN NOMINE SANCTAE & INDIVIDUAE TRINITATIS.

PHILIPPUS, DEI GRATIA, S. COLONIENSIS ECCLESIAE ARCHI-EPISCOPUS, ET APOSTOLICAE SEDIS LEGATUS, FIDELIBUS DEI IN PERPETUUM.

Divina misericordia, quae in regendis Ecclesiis curam Pastorem nostrae imposuit diligentiae, haec a nobis exigit, ut Ecclesiae & Monasteria per nos

nos accipiant justam defensionem, & debitæ confirmationis (a) robur. Ea propter, ne temporis antiquitas eorum debeat memoriam, quæ secundum Deum & ob piam causam facta inveniuntur; placuit nobis, ut hæc charta conscriberetur ad munimentum eorum, quæ a pluribus annis, & quiete, religiosa domus Steinfeldensis possidere meruit, & possedit. Speramus enim per Dei gratiam, quod scripti hujus inspectio, cum ad posterorum notitiam veritas fuerit perducta, Ecclesiæ prænominate proderit, & eorum, qui præsumunt, quod non debent, cohibebit temeritatem. Notum itaque Dei de fidelibus, quod domus Steinfeldensis, a multis annis quiete omnimoda (b) hæc bona possedit: Baptismalem videlicet Ecclesiam in atrio suo sitam, cum omnibus decimis suis, & infra terminos ejusdem Baptismalis Ecclesiæ Parochialis censum undecim Marcarum, singulis annis solvendarum. Villam Wehi (c) totam cum Parochia, & omnibus decimis ejus; Ripidorff (d) Parochiam cum omnibus decimis ejus. Villæ Berendorp medietatem cum Parochia & omnibus decimis ejus. Vineas juxta Mosellam in his villis, Crove, Rezre, Edeger, Pulstirdorp: & in aliis villis Arwibe, Hemmingishoven, Wadenheim, Lantyrhomyltheim, Bacheim, Byrgele, Guntersdorp, Franchene, Waildorp: etiam vineas in villa Frisene, Curiam unam Wilrescheys censum tringenta duorum solidorum, Strithagen, curiam unam Sleytholz. Censum sexdecim solidorum Hezstern suos mansos; Reytbach curiam unam; Nettersheim censum viginti novem solidorum. Marmagen curtem Dominicalem cum XII. mansis. Herle censum decem solidorum, Waleburc Curiam unam, Wahlen quinque mansos, Lutgenrode curiam unam. Igeze censum sexdecim solidorum. Gorgindorp censum duarum Marcarum, Misteden censum sexdecim solidorum. In Tulpero curiam unam, Bessenich curiam unam, Bulenheim curiam unam cum omnibus earum pertinentiis mobilibus & immobilibus, areis, ædificiis, mancipiis, agris, terris cultis & incul-

tis, sylvis, vivariis, torrentibus, molendinis, annuisque redditibus, quæ vel fratres prædictæ domus emerunt, vel fideles pro sua devotione obtulerunt. Ista, quæ fideliter sunt enumerata, religiosa domus sæpe nominata in sua possessione quæta a multis annis habuit. Et ideo autoritate Patris, & Filii, & Spiritus Sancti, Petri & Pauli, & nostra districtæ præcipimus, ne aliquis præsumat, hæc usurpare, vel in læsionem Ecclesiæ ab Ecclesia alienare. Si vero aliquis salutis suæ mereatur, & justitiæ inimicus, contra nostrum præceptum venerit, Ecclesiam suam in bonis lædendo, anathematis vinculo sit ligatus, nec absolvi mereatur, nisi injuste ablata, juste restituerit; & ab hujusmodi violenta præsumptione manum cohibuerit, & animum. Hæc charta ad subsidium religiose Deo serventium nostra autoritate est conscripta, & data Coenobio Steinfeldensi, in Synodo Colonienfi in præsentia ipsorum (e) & totius Cleri, Nobilium & Ministerialium, anno Dominicæ Incarnationis MCLXXXVII. Episcopatus nostri anno xx. regnante Gloriosissimo Romanorum Imperatore Friderico, anno regiminis (f) ejus xxxvi. Testes hujus rei sunt, qui in eadem Synodo fuerunt: Radulfus Episcopus Leodiensis, Hermannus Episcopus Monasteriensis, Baldwinus Episcopus Trajectensis, Dytmarus Episcopus Myndensis, Arnoldus Osnabrugensis (g) Bruno majoris Ecclesiæ in Colonia major Præpositus, Adolphus major Decanus, Lotharius Bonnenfis Præpositus, Radulfus Magister scholarium (b) Majoris Ecclesiæ in Colonia. Wilhelmus Comes Juliacensis, Engelbertus Comes de Berge, Henricus Dux, Theodoricus Comes de Ara.

Illius Strivagienfis Tomo II. Annal. Præmonstrat. pag. DXXIII.

§. II.

IN eadem Synodo cum Cleri Primoribus consultat, quemadmodum irato Friderico I. Imperatore, & in Diœcesin Coloniensem vastandam irrupturo, vim vi repellat.

Causæ discordiæ inter Fridericum I. Im-

(a) defensionis alia Lectio.

(d) Ripstorff

(f) Regni ejus

(b) omnia

(e) Priorum, loco ipsorum, & recte.

(g) Oßlinburgensis

(c) Were

& recte.

(b) Scholarum

Imperatorem, & Philippum Archi-Episcopum Colonienſem, ante ſemper familiariffimum & fideliffimum amicum, ex Colloquio utriusque jam ſupra allegato, & ex Scriptoribus cœvis hæ erant.

Philippus Archi-Epiſcopus pro libertate Eccleſiarum Germaniæ fortiffime ſtabat, & obſiſtebat libere Imperatori, ne demortuorum Epiſcoporum bona Fiſco Cæſareo vendicaret. Ob quam

cauſam Urbanus III. eundem Legatum Apoſtolicum conſtituit.

Altera cauſa eſt, quod Bertramum Metenſem Epiſcopum, Folmari Treverenſis Archi-Epiſcopi fautorem, & ideo de ſede ſua a Friderico I. pulſum, Coloniæ ſuſcepiffet exulem, eique vel in Eccleſia S. Gereonis, vel ad Ss. Apoſtolos nutrimenta ſuppeditaſſet.

Godefrid. Monach. Pantaleon.

Gregorius VIII. Henrico, Albanenſi Cardinali, Leg. S. A., ut ad Concilium Leodiènſe accedat, & pro libitu Romam redeat.

Licet de mandato noſtro accedas *Leodium*, celebraturus ibidem Concilium cum Prælatiſ, & cæteris Magnatibus Alamanniæ, quibus, uti inibi convenirent, per noſtras duximus literas injungendum, tibi que plenæ Legationis officium committimus, tuo tamen arbitrio relinquimus,

ut eodem celebrato Concilio, ad nos, ſi volueris, & perſonæ tuæ ſaluti expedire cognoveris, libere revertaris, nullis contrariis literis, ſi quæ tibi a Sede Apoſtolica transmittantur, obſtantibus.

Ex codice MS. Vaticane Bibliothecæ No. 6365. deſcribat Schannat. b. m.

CONVENTUS LEODIENSIS

ANNO CHRISTI MCLXXXVIII. CLEMENTIS III. PAPÆ I.
FRIDERICI I. REG. XXXVII. IMP. XXXIV.

Henricus Albanenſis Epiſcopus ad Cæſarem in Germaniam miſſus, ex itinere *Leodium* venit, & agnita morum labe, in vitia, ſacrorumque præſertim licitationem tanta vi dicere aggreſſus eſt, ut omnes paſſim beneficia ſua Eccleſiaſtica exuerint, eique commiſerunt diſtribuenda pro libitu. Tantæ ac tam ſeriæ mutationi illacrymans pius miſericorsque Legatus, aliis beneficiis donavit, quotquot ſuis ſe abdicarant: ita maxima uno tempore fuit animorum, Collegiorumque converſio.

In primis Epiſcopus Radulſus ipſe inſigni pœnitentiæ documento ſumpta palam cruce, militiam ſacram profeſſus eſt, abiitque Comes Federico Barbaroſæ in Aſiam. Radulfo multos Eccleſiaſticorum, nobiliumque Leodiènſium ſocios expeditionis fuiſſe, indubitatum eſt, partemque fuiſſe nobilium victoriarum, quas Cæſar de Turcis reportavit.

*Foullon. Hiſtoria populi Leodiènſis p. 284.
Eſſen Hiſtorice Leodiènſis Lib. XI. p. 412.
Albericus Monachus trium Font. in Chronico ad b. a.*

Archi-Epiſcopus Colonienſis conſtituitur

Legatus Sedis Apoſtolice in negotio contra Fridericum.

ARCHI-EPISCOPIS ET EPISCOPIS, AC ALIIS ECCLESiarUM PRÆLATIS
IN THEUTONIÆ REGNO CONSTITUTIS, AD QUOS LITERÆ ISTÆ
PERVENERINT, SALUTEM ET APOSTOLICAM BENEDICTIONEM.

Negotium Dei & Eccleſiæ, quod in Theutoniæ partibus agitur, cupientes ad exitum pervenire felicem, Fratrum noſtrorum conſilio providimus, ut cum Venerabilis Frater noſter *Archi-Epiſcopus Colonienſis*, tanquam vir probatæ devotio-
nis & fidei, ſuper iis, quæ ſpectant ad

ipſius honorem Eccleſiæ, ſe olim attentum & vigilem ſtuderit exhibere, Legationis officium in favorem ipſius negotii committeremus eidem. Quia vero decens & dignam eſſe dignoſcitur, ut ſitis ad hoc ſolliciti, per quod pia intentio ſedis Apoſtolice in hac parte, Deo propitio, - proſpe-

prosperare ac propere valeat adimpleri, universitatem vestram rogandam duximus, & movendam per Apostolica vobis scripta districte præcipiendo mandantes, quatenus eundem Archi-Episcopum, *tanquam Apostolicæ Sedis ejusdem Legatum,*

verbis & operibus honorantes, sibi super ipso negotio, sicut efficacius post scriptis pro Divina & nostra reverentia intendatis, ac procuraciones debitas liberaliter impendatis eidem &c.

SYNODUS DIOECESANA LIBNIZENSIS,

AB ADALBERTO II, SALZBURGENSI ARCHI-EPISC. CELEBRATA,
Anno Christi MCLXXXVII. Gregorii VIII. Papæ I.
Friderici I. Reg. xxxvi. Imp. xxiii.

In qua ortum inter Admontenses, & Plebanum de Libniz, dissidium componitur, aliaque in favorem eorundem Admontensium peraguntur.

NOverint universi: quod *Rembertus* Plebanus de Libniz, diutina liti, quam adversus Admontense Claustrum super capella Sancti Nykolai Mokirnowe moverat, & per Litteras ad diversos Judices a Sede Apostolica impetratas, frequenter ad iudicium provocaverat, tandem viso privilegio sanctæ recordationis *Eberhardi*, Archi-Episcopi, & iustitia Monasterii plenarie cognita, in præsentia Domini *Adilberti*, Salzburgerensis Archi-Episcopi, & Prælatorum, ac totius

Capituli Libniz in mense Decembrio celebrati, Anno Incarnationis Domini MCLXXXVII. Indiæ. VI. (a) renunciavit, & eosdem Fratres Admontenses in pace præfatam Ecclesiam spontanea voluntate possidere permisit; in prænotato denique Capitulo, prædictum beati *Eberhardi* Archi-Episcopi privilegium *(b)* publice in audientia Cleri recitatum, a supradicto *Adilberto* Archi-Episcopo, consensu Prælatorum, & Cleri, qui aderant, est approbatum & confirmatum.

§. II. Plebem in Lissenich & in Palta cum jure Plebesanarum Ecclesiarum dat per concambium Admontensibus.

Praterea idem Archi-Episcopus Ecclesiam S. Mariæ Magdalenæ, & domum Hospitalem Frisaci, quæ Privilegiis & Traditionibus Antecessorum suorum Admontensi Cœnobio confirmatæ fuerant, a Domno *Henrico* Venerabili Abbate, cum assensu totius Congregationis, suscipiens, easdem Canonicis Frisacensibus donavit; Plebem vero in Lissenich, & plebem in Palta, cum omni jure Plebesanarum Ecclesiarum, Fratribus Admontensibus in concambio tradidit in Capitulo nostro Libnitz, & denuo anno 1190. in Synodo Louffen.

Testes: Perchtoldus, Abbas Ozziacensis.

Ulricus, Abbas Miltstarensis.

Wilhelmus, Abbas Runensis.

Gotfridus, Abbas Utrigenis.

Wernberus, præpositus Sekowienfis.

Pernhardus, præpositus Vozowentis.

Philippus, præpositus Richerspergenfis.

Marsilius, præpositus Boumbergensis.

Ekkibardus, præpositus de Solio.

Ortleib, Archi-Diaconus de Viskah.

Meinbalmus, Archi-Diaconus de Volckimarckt.

Hermannus, Archi-Diaconus de Ortenbach.

Hi

(a) corrige Indictione V.

(b) Statim subjungetur Privilegium *Eberhardi* Archiepisc. Salisb. de 1160. apud Louffen de eadem donatione.

Hi quoque Plebani:

Odalricus, de Hartpach.
 Liutoldus, de Widis.
 Chunradus, de S. Floriano.
 Hiltibrandus, de Strazkaneh.
 Henricus, de Graze.
 Henricus, de Merin.
 Henricus, de Polan.
 Adilbero, de Ruckerspach.
 Chalohus, de Cradwin.
 Liutoldus, de Murecke.
 Ortwinus, de Waltherstorff.
 Eberhardus, do Nuwenkirchen.
 Wolfferus, de Flatze.
 Hiltipoldus, de Hitpach.

Truoto, de Dechanschirchen.

Geroldus, de Murce.
 Joannes, de Wanstorff.
 Pernhardus, de Peltz.
 Petrus, de Moschircken.
 Eberhardus, de Piber.
 Henricus, de Laznich.
 Henricus, de Gruskarn.
 Sigwinus, de Capella.
 Perchtoldus, de S. Andrea.
 Henricus, de Lavent.
 Wernhardus, de St. Ruperto, & alii
 plures.

*Ex veteri Chartario Cænobii Admontensis
 descriptis Cl. Schannat. b. m.*

*§. III. In hac Synodo prælectum fuit Privilegium Eberhardi Archiepisc.
 Salisburgensis anno 1160. datum Admontensi Monasterio. Confirma-
 torium Donationum factarum eidem Monasterio & Prædecessoribus
 Salisburgensibus Archiepiscopis Gebhardo, Tyemone, Cunrado
 ibidem retractatarum, & regalium Imperii ab eodem
 cænobio possessorum.*

IN NOMINE SANCTÆ ET INDIVIDUÆ TRINITATIS.

EGO EBERHARDUS, DEI GRATIA, SALZBURGENSIS ARCHIEPISCOPUS.

Quia pro instabilitate vitæ humanæ multa somno oblivionis sopiuntur, ideo quæ a nobis iuste & rationaliter fiunt, ne post hac in aliquem dubietatis vel disceptationis scrupulum deducantur, ea litteris mandata, posteris illæsa transmittere non inutile judicamus. Itaque notum facimus cunctis fidelibus tam futuris quam præsentibus, quod nos assensu & petitione venerabilis fratris nostri Romani Gurcensis Episcopi & fratrum nostrorum Salzburgerensis Ecclesiæ Canonicorum, sed & Ministerialium nostrorum S. Rudberti conniventia, quædam beneficia Admontensi Cænobio a prædecessoribus nostris B. memorie Gebhardo, Tyemone, Chunrado impensa, præsentis scripti pagina confirmamus, nonnulla etiam eorundem consilio Pontificali auctoritate superaddimus. Primo igitur, quæ ex prædictorum Pontificum seu nostra donatione Monasterium ipsum in prædiis seu decimis in præsentiarum possidet, quæ vel in privilegiis ipsorum continentur vel post indulta privilegia Cænobio accreverunt, quæ nihilominus subtili retractatione discussimus, auctoritate Dei Omnipotentis & nostra stabilimus & confirmamus.

Inter quæ in valle Admontina Patellas salis, quas prædecessores nostri contulerunt, sed & ubicumque in possessione Cænobii, veræ, salis seu ferri, aut argenti vel cujuslibet metalli, fodinæ reperiri poterunt, quæ de Regalibus Imperii, Salzburgerensis Ecclesiæ hætenus quiete possedit. Sicut ex concessione Pontificum præscriptorum primitus ea fratres Admontenses possederunt, & nos eis ex assensu Domini Imperatoris Friderici Augusti Serenissimi, concedimus & stabilimus. In eadem valle præconium totum & omne jus, quod Salzburgerensis Ecclesiæ primitus ibi habuit, a temporibus Hemmæ Comitissæ, quæ vallis ejusdem maximam partem cum aliis prædiis ad cænobium ibidem fundandum S. Rudberto temporibus Domini Odaldwini Archiepiscopi contradidit, & nos Abbati & fratribus potenti manu & plena jurisdictione stabilimus, ut nullus advocatorum vel aliorum iudicum, quicquam sibi juris præter voluntatem & petitionem Abbatis & fratrum ibidem vendicet. Ad hæc in oppidis nostris, ubi forum habemus, sed & apud *Chysam* juxta Werwen liberum jam dictis fratribus transitum concedimus, & ne in eisdem locis

locis telonei exactione graventur, indulgemus.

Præterea statuimus, ut secundum tenorem & jus foundationis ejusdem Admontensis ecclesiæ, & sicut per sententiam Imperatoris curiæ nobis coram positis, adjudicatum est, Advocato Monasterii non liceat de Advocatia bonorum ejusdem ecclesiæ quemquam inbeneficiare, sed fideles & amicos suos, Divinæ remunerationis intuitu & ipsius dilectionis respectu, tutores ac defensores Monasterii instituat, insuper ut nec ipsi Advocati nec fideles eorum, placita, Bannos, modios vel pecudes a fratribus ipsis vel hominibus eorum exigant, quoniam aliorum beneficiorum utilitatibus a Salzbουργensi Ecclesia id eis est recompen-satum.

" Sane ex auctoritate creditæ nobis
" a Deo dispensationis capellas duas
" baptismales in prædiis Monasterii sitas,
" scilicet supra *Zozzen* & apud *Mukkmor-*
" *we* cum omni jure suo, dote videlicet
" & clave Ecclesiæ & cum decimis ad
" eas pertinentibus, Ecclesiæ *S. Blasii*
" perpetuo confirmamus; primam earum
" ex mandato nostro a venerabili
" fratre nostro Romano Gurcensi episcopo
" dedicatam, jam dicto Cœnobio
" cum jure Sacerdotali tradidimus, ut
" videlicet homines inter duos rivos
" *Cortfiz* & *Zlatowe* consistentes, Baptis-
" tisma, sepulturam, absolutionem, pœ-
" nitentiam, cæteraque Divina a Sa-
" cerdote, qui per Abbatem in Eccle-
" sia illa fuerit institutus, requirant,
" & decimas eidem Ecclesiæ persol-
" vant. Nisi forte Abbas cum Plebano
" de Gutarche interdum pro tempore
" & fratrum suorum quiete, aliter con-
" venerit, quod tamen in detrimen-
" tum Monasterii non redundet. Alte-
" ram Ecclesiam apud *Mukkmorwe* præ-
" decessores nostri baptismalem esse in-
" stituerunt, quam rursus sub præde-
" cessore nostro, Domino *Chunrado*,
" *Gotfrido de Wietinge* a jure Parochita-
" no exemit, quodam prædio suo Salz-
" burgensi Ecclesiæ super hoc contradi-
" cto, ut Sacerdotem ibidem, quem
" vellet, haberet, cum omnibus atti-
" nentis & utilitatibus Ecclesiæ. Ita-
" que Prædecessorum nostrorum pro
" jam dicta capella institutum ad Ad-
" montensem Ecclesiam cum Prædii

" *Mukkmorwe* traditione manu nostra de-
" rivatum, & nos dilecto fratri nostro
" *Gotfrido* Abbati ejusque fratribus jure
" perpetuo confirmamus, ut scilicet
" dos ipsius Ecclesiæ & decimæ de Præ-
" dio *Gotfridi* ex toto, decimæ quoque
" ad *Chrotse* tam de vineis quam de agris
" ad ecclesiam ipsam persolvantur, nisi
" quod Plebano de sancto Floriano qua-
" tuor acervi frumenti & quatuor ave-
" næ, certa de causâ exinde persolven-
" tur. Populus etiam, qui est supra
" collem & ad *Mukkmorwe* & ad *Chrotse* se-
" pulturam & baptismam & omnem justi-
" tiam apud Ecclesiam *S. Nicolai* habebit,
" excepto dumtaxat placito Christiani-
" tatis, & judicio ferri vel aquæ, quæ
" ad Plebanum de *Libniz* spectabunt, co-
" operante Sacerdote de *Mukkmorwe*.

Ecclesiam præterea *S. Mariæ Mag-*
dalenæ apud domum Hospitalem *Frie-*
sach, memorato Cœnobio juxta præ-
decessoris nostri traditionem confir-
mamus, ut videlicet infirmi, quos
ibi contigerit decedere, de familia
quoque ejusdem Ecclesiæ obeuntes, sepul-
turam inibi accipiant, liceatque
Sacerdoti Monacho, fratribus illic con-
sistentibus libere & plenarie Divina ce-
lebrare, salva justitia Plebesanæ Eccle-
siæ. Similiter Parochiam totam in val-
le Admontensi a *Chaiserowe* & *Clusa* montis
Ditmartsperg itemque a *Clusa* juxta *Paltum*
& *Anelum* usque in rivum proximum
vico *Rutei*. Et ab hinc ex utraque par-
te *Anesi* usque in flumen *Frodrix* cum om-
nibus decimis antiquis & novellis, quæ
vel Sacerdotis vel Episcopi juris, esse
noscuntur & cum ecclesia sancti *Galli* in
silva nova, quam nos dedicavimus,
& baptismalem constituimus, atriumq;
ejus *Poliandrum* fecimus, & decimis
cunctorum novalium in eadem sylvâ
cultorum & excolendorum dotavimus,
omnesque præterea capellas in ipsa Pa-
rochia jam ædificatas, vel ædificandas
sepelato Monasterio confirmamus.

" Abbas ergo ejusdem loci electus,
" omnia supradicta altaria cum ipsa Ab-
" bacia de manu Archi-episcopi acci-
" piens, ad arbitrium suum & utilita-
" tem libere deinceps eidem Ecclesiis
" Sacerdotes provideat; Parochiales ni-
" hilominus Ecclesias scilicet *S. Mariæ*
Magdalenæ apud *Faringhen* inferius in
prædio Monasterii constructam, *S. Ge-*

orgii ad *Strazganch*, quam fundator Cœnobii Dominus *Gebehardus* Archi-episcopus cum clave & dote & omni jure, quo sibi serviens erat, eo legitime delegavit, & præsentatione Abbatis, ab Archi-episcopo instituantur, cui nimirum de animarum cura, Abbati autem de temporalibus debeant respondere. In Ecclesia quoque S. Martini ad *Strazganch* quod sui juris erat, idem prædecessor noster *Gebehardus* Archi-episcopus Cœnobio tradidit. Postmodum etiam *Guntherus* Marchio moriens, quod eum jure fundatoris attinebat, cum prædio totaliter illo, contulit. Præterea Ecclesiam S. *Albani* juxta *Enum* a prænotato Archi-episcopo cum omni jure plenarie illo traditam, capellas etiam ad *Tusfenbach* & *Wenge* & *Trieben* eidem Cœnobio confirmamus, ita videlicet, ut tam in illis quam in aliis Monasterii capellis, clavis & atrium fratribus, dos vero cum oblationibus juri cedant Sacerdotis; præter quod dotem Ecclesiæ *Tusfenbach* & Ecclesiam S. *Albani* cum dote & omni jure custodi admontensis Ecclesiæ, sicut primitus habuit, condonavimus.

Ut ergo hæc Pontificalium donationum memoria cunctis futuris temporibus inconvulsa & illibata permaneat, nos hanc inde cartam conscribi, & sigilli nostri impressione muniri jussimus,

adjicientes, ut nullus successorum nostrorum hanc nostræ auctoritatis paginam infringere, & præfatis fratribus factam donationem auferre, minuere, vel abalienare præsumat. Hujus rei testes sunt Dominus *Romanus* Gurcensis Episcopus, *Hugo* majoris Ecclesiæ Præpositus, *Heinricus* P. Abbas de Buren, *Ulricus* Præpositus de Kyemse, *Romanus* Gurcensis Præpositus, *Heinricus* Capellanus noster de Mosburch, *Poppo* de Nywenschirchen, *Rapoto* Comes de Ortnberch, *Sifridus* Comes de Sibnowe. De Nobilibus: *Cuno* de Megelingen, *Adibrammus* de Chamb, *Purchardus* de Stein. De Ministerialibus Salzpurgensis Ecclesiæ: *Siboto* de Surburch, *Fridericus* de Petowe, *Fridericus* de Lonsperch, *Liupoldus* de Walde, *Duringus* de Werven, *Chuno* de Sneitse & filius ejus *Chuno*, *Marquardus* Dapifer.

Actum apud *Loufe* anno Incarnationis Domini MCLX. Indiæ. X. Regnante Domino *Friderico* Romanorum Imperatore & semper Augusto anno Regni ejus VIII. Imperii vero VI. nostri autem Pontificatus anno XIII. feliciter. Amen.

Petzius Thesauri novissimi anecdotorum Tom. III. P. III. pag. 705. n. 27.

Hansæ. Tom. I. Germania sacra pag. 260. 261. Summarium bujus Diplomatis Eberhardini profert.

§. IV. *Adalbertus Archiepisc. Salisburg. confirmat hoc eodem anno in hac Synodo Jus fundatorum Ecclesiæ S. Walpurgis in Liesnich Admontensi Monasterio, item decimas ex omnibus prædiis suis collectas tam Episcopalibus, quam Parochialibus, donat cum eadem Ecclesiâ S. Walpurgis cum variis Privilegiis, & vetera Privilegia com- busta aut deperdita renovat in eodem CAPITULO, id est, Synodo.*

IN Nomine Sanctæ & Individuæ Trinitatis. Sacris prædecessorum nostrorum, seu progenitorum vestigiis inhærentes, quorum devotio sic divinitatis luce illustrata in benefactis perduravit, ut terrenis cœlestia, transitoriis æterna mercarentur.

Ego Sacerdos *Udalricus* S. Martini de Harperch, & *Reinbertus* S. Martini de Libniz Minister indignus, fratres Uterini, jus Fundatorum, quod in Ecclesia S. Walpurgis in Liesnich sita, jure hæreditario & testamentario habuimus,

in *Admontensi Monasterio*, secundum tenorem subscriptum, eodem jure perpetuo tradendo transtulimus: ne igitur errorem imperitia detegat, aut falsitas veritatem subruat, jus præfatæ Ecclesiæ omnibus Christianis duximus succincte revelandum.

Ex Nobili ergo Profapia ortus *Fridizlau* cum uxore sua *Zlauva*, eandem Ecclesiam in honorem B. Walpurgis in prædio suo fundaverunt: quibus succedens *Udalricus* item nobilis, jure hæreditario sub privilegii confirmatione tunc præ-

præsentis Archi-episcopi Salzburgenfis, decimis ex omnibus prædiis suis collectis, tam Episcopilibus, quam Parrochialibus, canonico concambio celebrato, ipsam Ecclesiam ditavit, & a subjectione matricis Ecclesiæ, præter jus Conventum convocandi, exemit, ita ut proprium Sacerdotem, jus baptizandi, sepeliendi colonos, qui eidem Ecclesiæ solverent, decimas in perpetuum obtineat: sed quia evagante igne, idem privilegium ex parte combustum repertum est, Dominus Reinbertus Decanus & Minister S. Martini in Vischa patruus noster, supradictorum virorum hæres legitimus, sicut & nos, idem Privilegium cuidam Monachæ de Goffe, Perhæ nomine, cui ejusdem privilegii tenor notissimus erat, reparandum tradidit. Succedente vero tempore, mortua domina illa, privilegium quæsitum non est inventum, & sic portionem decimationum ejusdem Ecclesiæ, per disuetudinem ex maxima parte populus retinuit præter convicina prædia, quæ ex antiqua consuetudine, Coloni ejusdem Ecclesiæ usque ad tempus nostrum perfolverunt: plebani etiam in Liesnich, si quando ipsam Ecclesiam habuerunt ex dispositione & petitione parentum nostrorum, sed & nostra, postmodum ipsam possederunt.

Hac denique occasione necessitatis, ne quicquam dubietatis in jure ipsius Ecclesiæ possit emergere in futurum, providere volentes, a Domino Alberto Salzpurgenfis ecclesiæ Archi-episcopo, super eadem ecclesia in omne jus pristinum, quantum ex antiquorum Relatio-

ne parentum nostrorum & aliorum tam Clericorum quam Laicorum cognovimus, privilegium impetravimus. Ut igitur omnis scrupulus quæstionis adversariorum sopiatur, prænomipatus Archi-episcopus, dum utique plenitudine officii Archi-episcopalis & Legatione Sedis Romanæ fungeretur, in Conventu Capituli sui apud LIBNIZ XVIII. Kalend. Januarii Anno MCLXXXVII. Indiæct. V. manifestissime idem privilegium nobis & præscriptu Ecclesiæ, sicut prædictum est, secundo confirmavit. & post pauca.

Secundæ igitur Confirmationis Privilegii nostri super Ecclesia S. Walpurgis Capitulo Libniz hi testes adfuerunt.

Perhtoldus Abbas Ozziacensis.

Willialmus Abbas runensis.

Bernhardus Præpositus Wozowienfis.

Ekkehardus Præpositus de Solio.

Ortlieb Archidiaconus de Vischa.

Hermannus Archi-diaconus de Orlinberg. (a)

Meinhalmus Archi diaconus de Volchimer (b)

Eberhardus de Nuwenkirchen.

Liutoldus de Widis.

Heinricus de Merin.

Chunradus de S. Floriano.

Chadigoldus de Craduvin. (c)

Henricus de Graze.

Geroldus de Murce & alii plures.

Petzius Anecdotorum Tom. III. P. III.

Meminit hujus Chartæ ex cod. Diplom.

Admontensi. Hanfiz. Tom. I. German. pag. 305.

(a) Orlinburg Hanfiz.

(b) Volchimarcht Hanfiz.

(c) Cadilohus Hanfiz.

§. V. Ejusdem Archiepisc. Adalberti donatio duarum Parochiarum eidem Monasterio Admontensi facta.

Dominus item Adilbertus Archi-episcopus, Parochias in Liesnich & Palta cum omni jure Plebæanarum Ecclesiarum & cum omnibus suis Titularibus Ecclesiis Admontensi Monasterio perpetuo possidendas, tradendo donavit.

TESTES.

Ekihardus Præpositus de Solio.

Meinhalmus Archi-diaconus de Volchimarcht.

Geroldus Presbyter.

Albo Presbiter.

Gotfridus Diaconus.

Hartfridus Diaconus Notarius.

Henricus de Laznizch.

Henricus de Griven.

Henricus de Lavent.

Vdiscaleus de Lufe, Capellani.

Wuldingus de Chapfinberg.

Sibore de Augia.

Willchalm de Liesnich.

Ortolfus de Liuben.

Wolfgangus Harpfölsheim.

K k k 3

Hein.

Henricus de Motzniz.
Wecilo Marefcalcus, Peringerus de
Raftat, Swickerus Dorf, Durineh
Halle, Wichman Piftor, Reinhalm

Otto Sevven, Waltherus Co-
quus.

Petzius Anecdotorum Tomi III. P. III.
pag. 227.

§. VI. *Longa Lis inter Monasterium Admontense, & Ecclesiam Plebesanam Leibnitz, pro Capella S. Nicolai Mukirnowe eidem Monasterio data, & infra terminos Parochiæ Liebnitz constituta, per diversos Judices a Sede Apostolica delegatos agitata, sic ab Eberbardo II. Archiepisc. Salisburgensi per arbitros anno 1215. sopita fuit, ut Abbas & Fratres Admontenses ad IV. marcarum annuam pensionem de prædiis Monasterii conferrent Plebano & Ecclesiæ Liebnitz, & hoc pacto jura antiqua obtinerent.*

Petzius Tomo III. Part. III. pag. 740. Thesauri anecdotorum.

Actum de Ecclesia S. Walpurgis, quam hæredes fundatoris Admontensibus tradiderunt: probante & confirmante Archiepiscopo.

A Nno MCLXXXVII. Indictione V. XVIII. Kal. Januarii celebravit Adelbertus Archi-Episcopus Capitulum, seu Synodum parvam in Libnitz, præsentibus Ottone Abbati Ozziacensi, Ekehardo Præposito de Solio, Ortliebo Archi-Diacono de Wischa, Hermannno Archi-Diacono de Orlinburg, Meinhelmo Archi-diacono de Volchimarcht, Eberhardo de Navenkirchen, Liutoldo de Widis, Heinricho de Merin, Chunrado de S. Floriano, Ladiloho de Cradwin, Henrico de Graze, Geroldo de Murco,

& aliis pluribus. Actum de Ecclesia S. Walpurgis, quam heredes fundatoris Admontensibus tradiderunt, probante & confirmante Archi-Episcopo, Apostolicæ Sedis Legato. Actum apud Juvavum VII. Idus Junii anno MCLXXXVIII. Indictione VI.

Notitia in Codice Diplomatico Admontensi sub Numero XLII.

Ex qua Hanfz. hanc Decisionem & Synodum anni antecedentis hausit Tomo II. German. sacre pag. 305. in Historia Archiepisc. Salisburgensium.



SYNODUS PADERBORNENSIS

Anno Christi MCLXXXIX. Clementis III. Papæ II.
Friderici I. Regis xxxviii. Imp. xxxvi.

SUMMA. Widekindus pœnitens de injuriis Ecclesiæ Paderbornensi illatis liberaliter eas compensat: acceptis enim ab Episcopo 300. marcis Advocatiam resignat, & cætera feudalìa instar pignoris relinquit, cedens ea Ecclesiæ, si in itinere moreretur.

IN NOMINE SANCTÆ ET INDIVIDUÆ TRINITATIS.

Notum sit universis Fidelibus futuris & præsentibus, quomodo Witi-kindus de Waldekke anno Dominice Incarnationis MCLXXXIX. Jherosolymam proficiscens, impigneravit Ecclesiæ Beati Liborii in Patherburne, quidquid habuit in bonis ejusdem Ecclesiæ & Ecclesiæ Apostolorum Petri & Andree, & Apostolorum Petri & Pauli cum decima Atlen, & servitiis Advocatie pertinentibus, & cum omnibus emergentibus pro trecentis

marcis examinati argenti, ratum habiturus, si tempore absentie sue predia & mancipia in casibus licitis alienarentur. Et juravit in sacrosanctis Reliquiis Beati Liborii, quod nunquam de advocatia, & aliis impigneratis ipse vel aliquis suo nomine emolumentum percipiet, quousque ipse reversus, trecentas marcas examinati argenti Ecclesiæ beati Liborii restitueret. Et quomodo Arnoldus de Hobrahtessen, & uxor ejus, & filii se decimam in Atlen

&

& servitia Advocatie jure feudali possidere dicebant, Deo, & nobis, & Ecclesie fideliter promissit, quod ipse, si reverteretur, fratribus omnium defectuum suppleret, quem Ecclesia in servitiis Advocatie sive in decima Atlen per Arnoldum, & uxorem ejus, ac filios, vel propter eos ex aliorum invasione sentiret, ad perfolvendum argentum sibi creditum, tempore absentie sue fidelibus suis Ludovico de Waldekke, Conrado Walige de Ense, Henrico Hildenfemensi, Alexandro Dapifero, Rothardo Coco assignavit duas decimas, Godelovessen, Ymminchusen, & tres curias, Dalpenhusen, Witmare, Meshere, & Pedagium sive Ducatum Paderburne, ut ipsi omnem proventum annuatim in Ecclesia reponerent, quatinus summa pecunie inde collecta sibi revertenti computaretur in sortem. Nolens itaque liberationem hujus pignoris ad fratres suos, seu quemlibet alium transmittere, hoc constituit & ordinavit, quod, si ipse non reverteretur, Advocatia cum decimis & servitiis Domino Episcopo & Ecclesie vacaret, vel Dominus Episcopus de bonis suis eligeret Advocatum, quem vellet; Præpositus & fratres sibi eligerent utilem, cui electo & presentato a Præposito & fratribus Dominus Episcopus Advocatiam commendaret; non in feudum. Preterea cum multa devotione hoc expressit, quod eo non revertente, pecunia de duabus decimis, & tribus curiis, & ducatu collecta, non fratribus, non quibuslibet heredibus restitueretur, non in restitutionem ornatus Ecclesie impenderetur, sed emeretur inde predium, de quo fratres annuam consolationem percipientes piam & perpetuam sui, & patris sui Volguini, & avi sui Widekindi, in anniversariis depositionum diebus haberent memoriam. Hoc quoque inseruit, quod si comparato predio, unde fratres majoris Ecclesie honestam annuatim haberent refectionem, tantum remaneret vel excresceret, Ecclesie beati Pauli decem marce, Ecclesie beati Andree decem marce darentur. Resignavit etiam Dominus Widekindus curiam suam Dalpenhusen, & servitium Episcopale Herevorde in manu Domini Episcopi, & Dominus Episcopus omnia beneficia Widekindi preter Advocatiam cum suis pertinentiis, & preter Curiam Dalpenhusen, & preter servitium Here-

vordense concessit fratribus ejus Heremanno & Heinricho ita tamen, quod si Widekindus rediret, ipse bona sua eo jure reciperet, & teneretur, quo ante resignacionem Heremannus & Heinrichus receptis beneficiis juraverunt, fidelitatem Domino Episcopo, & presentibus Prioribus, & fratribus Ecclesie, seu etiam aliis Clericis & inbeneficiatis, & ministerialibus ecclesie contestati sunt, se in Advocatia nil juris habere, nec unquam habuisse, & datis dextris promiserunt sub juramento publice & vere fidei, & sub poena amissionis omnium beneficiorum, que receperant. Juraverunt etiam in reliquiis beati Liborii, quod absente Widekindo fratre suo nunquam ipsi vel alius eorum nomine, sive auctoritate in Advocatia ecclesie pignolata aliquo ingenio quicquam incommodi facerent per violentiam, seu aliquam exaccionem; & quod si Widekindus non reverteretur, nunquam aliquid sibi juris in Advocatia, & in ejus pertinentiis addicerent, & eam nullo jure, nullo unquam ingenio, seu subtilitate repeterent, & in nullo unquam possessionem ejusdem Advocatie vacantis turbarent, & sententiam a fidelibus ecclesie. Quod si Widekindus, Heremannus, & Heinrichus factum illud postmodum vellent inficiari, non eorum juramentum admitteretur, sed potius nobis probacio incumberet, & eorum testimonio, sub quorum presentia hec acta sunt, fides haberetur. Et quomodo hec ante Quadragesimam gesta sunt, ne reverentia temporis hanc ordinacionem infirmaret, sententiam est precedente & antecedente eorum arbitrio & consensu, omnia tamen tam rata habenda, ac si in diebus juridicis essent contracta & consummata. Facta hec sunt anno Domini MCXXXIX. Indiſt. VII. Non. Aprilis, feria II. post Palmas, Paderborn, in domo episcopali, presente Clero, presentibus inbeneficiatis & ministerialibus Ecclesie. Nomina inbeneficiatorum, qui interfuerunt, hec sunt: Everhart de Brokhufen, Amelungus Comes, Godeschalc de Patberch, Heinrichus Longus de Erclen, Heinrichus Spirinc, Suetherus de Wever.

Hec quoque in proxima feria IV. presentibus nobilibus: Bernhardo de Lippia, Heremanno de Ittere, Florino de Spenge, & presentibus Henrico Abbate civitatis Paderburnensis, & Wilhelmo Abba-

Abbate de Helmwardeshufen, & Nicolao Abbate de Herfethenhufen, & Syfrido Abbate de Flechtorp, & presentibus Sacerdotibus & Scabinis, qui eo die *ad Synodum generalem* convenerant, in Capitulo majori recitata sunt, ac confessione ac permissione Heremanni & Heinrici confirmata. Preterea tota hec actio hoc ordine conscripta proxima FERIA II, qua cantatur: *Introduxit nos Dominus*; Waldekke recitata est in audientia Domini Arnoldi Osenbrucensis Episcopi, Lentfridi Ofemb. Præpositi, Rodolphi de Stenvorde, & multorum Clericorum ac

Militum, qui ibi simul cum Widekindo iter peregrinationis arripuerunt. Aderant quoque Bernhardus Præpositus Monasteriensis, & frater ejus Ludolphus de Stenvorde, & Castellanus Waldekke, & multi Nobiles ac Ministeriales, qui Widekindo valedicturi illuc convenerant. Et sine omni hesitatione Heremannus & Henricus se sic fecisse, promississe & jurasse, & omnia se rata velle habere confessi sunt.

Schatenus Tomo I. Annal. Paderbornens.

Lib. IX. ad hunc annum, retentâ primigenia diplomatis orthographiâ.

SYNODUS HALBERSTADENSIS IN GATERSLEVEN,

Anno Christi MCLXXXIX. Clementis III. Papæ III.
Friderici I. Reg. xxxviii. Imp. xxxvi.

SUMMA. §. I. Theodoricus, Episcopus Halberstadenfis, confirmat donata Caldenbornensi Ecclesiæ.

IN NOMINE SANCTÆ ET INDIVIDUÆ TRINITATIS.

THEODORICUS, DIVINA FAVENTE CLEMENTIA, HALBERSTADENSIS ANTISTES.

VIta mortalium vasis assimilatur fictilibus: sui cursus præmium cito consequitur, & indefinenter ad ulteriora transcendit. Inde est, quod rei geste cito senescit notitia, nisi per litterarum seriem ejusdem vivat memoria. Innotescimus igitur universitati fidelium Christi; quod Henricus de Lodersleben prædia *Caldenbornensis Ecclesiæ*, qui cum curribus suis longa usurpatione nunquam cognoscere volens possederat, banni tandem censura præmonitus, & zelo ductus justitiæ, sopitis utrimque controversiis, ipsi Ecclesiæ resignavit, & pro bono pacis utriusque partis duos mansos, unum sane cum omni utilitate, alium vero sub jure solvendi census ab eadem Ecclesia recepit, & cum uxore sua Richersa, plena fraternitate accepta, bona sua, quæ vel in præsentiarum possidet, vel in futurum Deo largiente contraxerit, Ecclesiæ cum omni integritate contradidit, ea videlicet ratione, ut, quisque alterum supervixerit, eadem bona sub ruitione loci possideat, &

post utriusque decessum libere in possessionem Ecclesiæ transeat. Ut ergo actio hujus rei omni ævo rata & inconvulsa permaneat, præsentem paginam, inde conscriptam, sigilli nostri attestatione roboramus, ac nunquam mutanda auctoritate Dei omnipotentis & nostra sub anathemate obligamus. Hujus rei testes sunt Canonici majoris Ecclesiæ in *Halberstadt*: Anselmus Præpositus majoris Ecclesiæ, Conradus Præpositus S. Mariæ & S. Pauli, Wernerus Præpositus in Bosteleve, Romarus Canonicus, Geverhardus, Adelbertus, Gardolphus, Geroldus Canonici: Theodoricus abbas in Illeneburg, Ermenoldus abbas in Gozeka, Ludolphus Præpositus in Caldenborn, Otto Præpositus in Gerbstadt, Otto Præpositus in Harpenrhode, Reinhardus & Loderus Canonici in Caldenborn. *Laici*: Henricus Comes de Blandenburck, Adelbertus de Hackenborne, Henricus de Dithforde & Sifridus frater ejus, Bernhardus & Fridericus de Herseleve, Fridericus de Orden, Ludol-

dolphus de Isleven. Acta sunt hæc anno Dominicæ Incarnationis Mo. Co. L. XXXIX. Indictione VII. in plena Synodo

Gatersleven. Data in Gatersleve VI. Idus Junii.

Samuel Lentzen in Historia Diplomatica Halberstadenfis Ecclesie.

§. II. *Idem Episcopus eidem Ecclesie Caldenbornensi varia Dona confirmat, & Privilegia, & immunitates indulget.*

IN NOMINE SANCTÆ ET INDIVIDUÆ TRINITATIS.

THEODERICUS, DEI FAVENTE CLEMENTIA, HALBERSTADENSIS ECCLESIE EPISCOPUS, IN PERPETUUM.

Quia solent plerumque bona Majorum nostrorum instituta, siue ex oblivione antiquitatis obscurari, siue ex iniquorum machinationibus cassari, idcirco convenit omnibus, & præcipue episcopis, quos Divina gratia sibi Vicarios ordinavit, non solum sibi commissorum utilitatibus; verum etiam futuris malorum eventibus oculo discretionis præcavere. Inde tam præsentium, quam futurorum universitati innotescimus, qualiter p. m. Bernhaldus, Caldenborn. Præpositus decimam quorundam novallium in Holdenstede, a quodam Erwino, & fratre suo Theodorico quinque libris argenti redemit, quam ipse Erwinus Domino suo Cunoni de Sutterhausen, & idem Cuno nobis ea ratione resignavit; ut nostra concessione Ecclesie Caldenborn. libera in perpetuum remaneret. Non solum igitur huic rei favore nostro annuendum duximus; verum etiam decimam vineæ in Gasterstede, & decimam quorundam agrorum in Bornstede, ibidem Ecclesie adiacentium, & super prædia in villa Entzingen, quæ Benoministerialis noster possederat, liberam advocatiam cum ipsis prædiis, eo mortuo, memoratæ Ecclesie semper mansuris, in plena libertate pia devotione contradimus. Præterea quieti & utilitati prædictæ Ecclesie imposterum providere volentes, quæcunque eradicatis fruticetis in Novallia fideles inibi redegerint, more venerabil. Antecessorum nostrorum Reinb., Ottonis, Rudolphi, Odalrici, libera ab omni decimatione eis concedimus. Insuper siue Magdeb. Archi-episcopus & jam dictus Cuno, & alii quamplures in Deusne schlavico jure possident bona & homines, qui antiquo juri suo innitentes, decimam dari nondum consentiunt, ita & eodem jure, & eadem consuetudine, in qua hæctenus manserint, volumus homines Caldenborn. liberos a de-

cima permanere; donec generali consensu homines Dom. Magdeburgensis Archi-Episcopi, & Ducis, aliorumque Principum & Ministerialium ad similia compellantur, & donec Dom. Apostolici generali de omnibus dato decreto legi Christianæ & juri Synodali stare cohærescant. Statuimus etiam, ut Præpositus nullum infeodare valeat decimis, quas tempore consuevit Archidiaconatus sui; sed liberam habeat ordinandi potestatem de his, prout sibi & suæ Ecclesie utilius contempserit esse, & sic specialius jam dictam Ecclesiam pie devotionis affectu amplectimur, fratrumque inibi Deo famulantium, utilitati simul & necessitati prospicientes bona, quæ Dom. Frid. Imperator Rhomanor. cum Bernharde Præposito & fratribus Caldenbornens. Ecclesie commutavit in villa Winckele VI. mansos litonum i. e. Lazze, solventes quatuor talenta & tres solidos, de novallis VI. talenta & VII. solidos, in Walferstede de duobus mansis lithontum & de mansis famulorum, qui appellantur Hygen, quinque talenta & decem solidos; in Varenstede de uno litonis manso & de uno Slavi manso, & de aliis famulorum mansis IV. talenta, sicut idem Imperat. maj. suæ sigillo privilegii sui paginam inde conscriptam roboravit, prius receptis a Caldenborn. Ecclesia bonis, quæ sita sunt in pago Orla, solventibus XXV. talenta; ita & nos Episcopali banno prætaxati concambii contractum roboramus, firmiter inhibentes, ne Præpositus Caldenborn. ea bona, vel alia quæcunque cuicumque obligare, vel quemcunque infeodare præsumat; sed fratribus ad subsidium præbende fideliter conserventur. Insuper ipsam Ecclesiam in bonis, quæ Comes Wigmannus, & alii fideles, sæpe dictis fratribus in solatium contulerunt, in molendinis, pratis, pascuis, agris, silvis, cultis & in-

cultis, cum omnibus, quæ ad eam Canonicè pertinere noscuntur, aut in futurum rationabilibus modis præstante Domino poterit adipisci, sub B. Petri & S. Stephani Prothomart. ac nostra protectione suscipimus, & præsentis scripti pagina privilegiata, banni nostri auctoritate inviolabiliter communimus. Statuentes ut neminem Episcopus advocatum statuat jure feudali, vel hæreditario, in bonis Ecclesiæ, fratribus invitis; sed si petierint sibi advocatum, idem præter statutum nihil exigat ab Ecclesiâ, & sicut a fundatore Wigmanno Comite noscitur institutum, & a Lothario Imperat. gloriosissimo confirmatum, sicut evident in suo Privilegio dinoscitur; advocatiam nullo modo amplius detineat, quam Ecclesiæ postulaverit utilitas & Præposito complacuerit. Cæterum Archidiaconatum cum terminis, quibus ex antiquo limitatus fuerat, & eo jure, ut plene in privilegio Reinhardi episc. ostenditur, in perpetuum Ecclesiæ Caldenbornensi stabilimus, & quia in partem sollicitudinis nostræ vocata est; cum sciamus, laicos semper infestos fuisse Cleris, jus patronatus emi non possit per se & simpliciter, versutias laicorum adnullare sperantes, qui, quia statutum esse sciunt, "Quod, si Fundatores Ecclesiarum ad inopiam vergere ceperint, ab eisdem Ecclesiis temporalis vitæ suffragia percipiant, ea occasione sua temeritate, & quod gravius est, ducti cupiditate Clericis ingerunt angaria & perangaria, quique rapinas, quique fraudes & violentias inferre non formidant, & sæpe Sacerdotibus viam universæ carnis ingressis, ipsi in rebus Ecclesiasticis quasi proprii juris proprietatem exercerent, quibus in sua redactis nullum repræsentant Prælato ad instituendum, nisi vel clam mutuando, vel vadiando, vel fide jubendo pro ipsis aliquid muneris contingat ma-

nus eorum: ideoque, quia non placuit, laicos statuendi in ecclesiâ hancce (a) aliquam potestatem; quibus subsequendi manet virtus, non auctoritas imperandi. Sicut auctoritate Ss. Patrum decimas a laicis possessas, omnibus Clericis & etiam Monachis licitum est, episcopo consentiente, redimere, & eas perpetua stabilitate retinere; ita & Ecclesiæ Caldenborn. licitum sit, decimas redimere, per totam nostram Diocesi, & Ecclesias a laicis detentas, si eas nomine pignoris voluerint obligare, recipere, & ex nostra concessione & auctoritate ad redimendas vexationes Clericorum, advocatias, & servitutes, quæ retente sunt hæreditibus a primis fundatoribus, emere; nec hoc est simoniacum, & sic ad ordinandum accipere, & eis in perpetuum providere. Si quis ergo laicorum postea dispositione, seu diminutione rerum, sive possessionem Ecclesiarum sibi vendicaverit, ut sacrilegus indicetur & qui hoc temerare voluerit, cum confusione vite & excommunicationis animæ, sententiam in eum a nobis sciat promulgatam.

Acta sunt hæc anno Incarn. Dom. M. C. LXXXIX. Indiæ VII. in plena Synodo Gatersleben VI. Id. Junii. Hujus rei testes sunt: Anshelm majoris Domus Præpositus, Conr. Præpositus S. Mariæ & S. Pauli, Wern. Præpositus S. Bonifacii. Canonici: Romarus, Gevehardus, Albertus, Gardolphus Vice Dominus. Theodoricus Abbas Helfeneburg, Ludolphus ipsius Ecclesiæ Præpositus, Otto Præpositus in Gerberstede. Laici: Henricus Comes de Blanckenburg, Albertus de Hackeborne, Henr. & Siffr. de Trethforde, Dedo & Guntzelinus de Crozig, Theodericus & Conradus, & alii quam plures.

Samuel Lentzen in Historia Diplomatica Halberstadenfis appendice.

(a) pro hancce forte legendum habere.



Translatio & Elevatio S. OTTONIS,

Episcopi Bambergensis, & Pomeranorum Apostoli.

FACTA à DUOBUS EPISCOPIS, PAPÆ COMMISSARIIS,
ET DUOBUS ABBATIBUS.

ANNO CHRISTI MCLXXXIX. CLEMENTIS III. PAPÆ II.
FRIDERICI I. REG. XXXVIII. IMP. XXXV.

Clementis III. PP. Epistola ad Episcopos & Abbates, primo de inquisitione facienda vitæ & miraculorum Ottonis, deinde procedendum ad Canonizationem.

CLEMENS EPISCOPUS, SERVUS SERVORUM DEI, VENERABILIBUS E. (a) MERSEBURGENSI ET O. (b) EISTETTENSI EPISCOPIS, ET DILECTIS FILIIS S. EMMERAMMI RATISPONENSI ET SCHUUARTZENSI (c) ABBATIBUS, DECANO ET SCHOLASTICO WIRTZBURGENSI, SALUTEM ET APOSTOLICAM BENEDICTIONEM.

AD audientiam Apostolatus nostri, ex quarundam serie litterarum & relatione multorum pervenit, quod Divina potentia, per meritum & intervntum beati Ottonis, qui Bâbenbergensis fuit episcopus, multam est operata salutem, præcipue in gente Pomeranica, ad quam fuit ab Apostolica Sede transmissus, & in ea compluribus miraculis donavit illi Dominus coruscare. Quoniam igitur, juxta Divinæ scripturæ testimonium, lucerna non sub modio, sed supra candelabrum est ponenda; distributioni vestræ per Apostolica scripta man-

damus; quatenus de vita ipsius & miraculis diligentius inquiratis, quæ nobis fuerunt per multorum litteras indicata. Et si non inveneritis aliquid, quod obstat; ipsum canonisatum, auctoritate freti Apostolica, solenniter & publice nuncietis; anniversarium diem sui transitus facientes, & publice nunciantes ad honorem Dei, & ipsius beati viri memoriam solennem haberi. Datum Laterani III. Kal. Maji Pontificatus nostri anno secundo.

Ex Gregeſero de Divis Bambergensibus.

(a) Eberhardus Merseburgensis.
(c) Schwartzacensi.

(b) Otto Eistetenſis Episc.

Clementis III. Bulla ad Bambergensem Clerum & Populum, significat, mandatum a se datum Commissariis, Episcopis & Abbatibus de inquirendo & canonizando S. OTTONE.

CLEMENS EPISCOPUS, SERVUS SERVORUM DEI, VENERABILI FRATRI OTTONI EPISCOPO, ET DILECTIS FILIIS CANONICIS, ET UNIVERSO CLERO ET POPULO BABENBERGENSI, MONTIS S. MICHAELIS, SALUTEM ET APOSTOLICAM BENEDICTIONEM.

CUM Sedi Apostolicæ referuntur ea, quæ ad salutem pertinent animarum, & devotionem Cleri & populi manifestius indicis respicere comprobantur; ea, sicut convenit, libenter au-

dimus, & ut debeant in Domino promoveri, favorem, ut expedit, impertimur Apostolicum & assensum. Hinc est, quod cum ad audientiam Apostolatus nostri, quarundam serie litterarum & mul-

Tomus III. Concil. German.

L I I 2

torum

torum (a) relatione pervenerit ; quod Divina Potentia, per miracula & interventum beati Ottonis, qui Babenbergenſis fuit Epifcopus, fit multorum operata ſalutem, præcipue in gente Pomeranica, ad quam fuit ab Apoſtolica Sede tranſmiſſus : in qua donavit illi Dominus Deus eompluribus miraculis coruſcare. His gratanter auditis, & pro tantis beneficiis omnipotenti Domino gratiarum actionibus exſolutis, veſtris piis deſideriis, ad laudem Dei, ſatisfacere cupientes, venerabilibus fratribus noſtris Merſeburgenſi & Eiſtettенſi Epifcopis, & dilectis filiis S. Emmerami Ratiſponenſi, & Schuuartzenſi Abbatibus, De-

cano & Scholaſtico Wirtzeburgenſi dedimus in mandatis, quatenus de vita ipſius, & miraculis diligenter inquirent, quæ nobis fuerunt per multorum litteras indicata. Et ſi non fuerit inventum aliquid, quod obſiſtat, ipſum canonizatum prædictæ perſonæ debeant ſolemniter, & publice, auctoritate freti Apoſtolica, nunciare, anniverſarium diem ſui tranſitus facientes, & publice nunciantes ad honorem Dei, & ipſius beati viri memoriam ſolemnem haberi. Datum Laterani Kal. Maji. Pontificatus noſtri anno ſecundo.

Gretſerus de Divis Bambergенſibus T.X. pag. 669.

Hæ Bullæ vel earum alterutra, aliquos induxit, ut inſtitutam XXIX. Aprilis *Sancti Ottonis* Canonizationem ſcriberent, quos ſecutus Antonius Balinghemius S. J. ad eum diem ita legit, *S. Otto anno 1189. a Clemente III. reſertur inter Sanctos*, quo die & in prætermiſſis de eo actum eſt *Tomo III. pag. 612.* Veruntamen non ſatis proprie, & in rigore ab ipſo, & ab aliis id intellectum oportuit, cum ex relatis inſtrumentis manifeſte pateat, præcedere debuiſſe, deputatorum Epifcoporum, aliorumque *de vita S. Ottonis & miraculis* diligentem inquisitionem priuſquam prædictæ *magne Perſonæ* Sanctum ut *Canonizatum ſolemniter & publice, auctoritate freti Apoſtolica, nuntiare* potuerint ; quibus rite exequendis menſes ut minimum tres inſumptos exiſtimo ; tum vero ad actum ſolemnem proceſſum eſſe, coram univerſa *Cæſarea Curia*, quæ Herbipoli convenerat *in Feſto S. Laurentii*, uti habet Biographus *Ebbonum. 134.* Dein ad ſacri Corporis e prima ſepultura elevationem, translationem, & publicæ venerationi Catholico tunc more expoſitionem, quæ ſub finem Septembris ejuſdem anni peracta ſunt. Et ſic recte pag. 375. ſubjungit laudatus ſupra Gretſerus : *Anno igitur Domini MCLXXXIX. II. Kal. Octobris in die S. Hieronymi tranſlatus eſt S. Otto, Deo dignus Epifcopus Babenbergenſis, & Pomeranorum Apoſtolus, præſidente adhuc in Sede Babenbergenſi Ottone Lango, II. ejus nominis.*

Nota hæc eſt Joannis Baptiſtæ Sollerii S. J.

At. SS. Tomo I. Julii in Commentario prævio.

Lambertini de Servorum Dei Beatificatione Lib. I. Cap. XLIV. No. 15. obſervatio hæc eſt : Hac Bullâ Pontificiâ delegari Epifcopis non Canonizationem S. Ottonis : ſed *inquisitionem* in vitam & miracula ejuſdem : quibus veris repertis, decrevit ipſus Papa canonizandum eſſe, eumque canonizavit : deinde ipſum canonizatum auctoritate freti Apoſtolica ſolemniter & publice nuntiandum ſignificavit. Veritas hujus obſervationis Benediſti XIV. ab eodem confirmatur ex Ebbone Biographo S. Ottonis, edito ab Hagiographis Tomo I. Julii pag. 455. ſic ſcribente : " Anno igitur Domini Incarnationis 1189. Clemens III. Romanæ Sedis Antiſtes, eorum, qui hujus negotii auctores exiterant, atteſtationes recipit ; habitoque fratrum, qui præſentes erant, conſilio, Sanctiſſimum Confeſſorem Dei Ottone Sanctorum catalogo adnumerandum decrevit. Eo igitur canonizato executionem translationis Venerabilibus Epifcopis fratribus ſuis delegavit.

Unde colligit Lambertinus I. nullo id fundamento niti, quod a nonnullis aſſeritur, definitionem ſcilicet cauſarum canonizationis aliquando fuiſſe a Summis Pontificibus commiſſam Epifcopis. Colligit 2do, ſi id verum eſſet, nihil ex eo tamen deduci poſſet adverſus Summi Pontificis inſallibilitatem in canonizatione Sanctorum.

Acta ſpecialia in CANONIZATIONE hæc narrantur, Bambergæ patrata, poſt acceptas in Curia Herbipolenſi Litteras Apoſtolicas :

1. Vitæ & Miraculorum S. Ottonis jam approbatorum Lectio publica.
2. Decreti Pontificii vel utriuſque Bullæ hic appoſitæ Lectio.
3. Elevatio Corporis S. Ottonis, translatio in locum decentiorem : aut forte collocatio ſupra altare majus.
4. Sacrificii Miſſæ oblatio de uno Pontifice.

5. Vela-

(a) Wulſfram, Abbat S. Michaëlis, Legati ad Pontificem pro hæc cauſa, aliorumque.

5. (Relatio nominis S. Ottonis) in Canonem.
 6. in Litanias.
 7. in Calendarium seu Catalogum Confessorum Christi.
 8. Dies anniversaria solemniter ferianda indicitur.

SYNODUS (a) TREVIRENSIS DIOECESANA

ANNO CHRISTI MCLXXXIX. CLEMENTIS III. PAPÆ II.

FRIDERICI I. REGIS XXXVIII. IMP. XXXV.

Trevericum schisma a Legato Apostolico sopitum, per depositionem Folmari, ac Rudolphi, & Joannis I. electionem.

Ubi venit plenitudo dierum, ut miseriarum Treverensis Ecclesiæ finem diu expectatum, Dominus imponere veller; Clemens Papa Legatum Apostolicæ Sedis D. Sofridum (b) Tituli S. Mariæ inviolatæ (c) Cardinalem ad regem (d) transmissit, ut secundum tenorem compositionis factæ negotium Treverense determinaret. Ille autem profectus, prædicavit ubique pacem factam inter Regnum & Sacerdotium, Deo cooperante, & sermonem confirmante, sequentibus etiam signis confirmatæ compositionis. Siquidem juxta mandatum Papæ Treverim accessit, & Ecclesiam totam cum suffraganeis Ecclesiis ab obedientia Folmari, auctoritate Apostolica absolvit. Si quos etiam idem Folmarus excommunicaverat, officio & beneficio privaverat, vel omnino deposuerat, in statum pristinum restituit. Ut autem factum suum majore contra obloquentes muniretur præsidio, cartam sigillo Papæ, subscriptione Cardinalium munitam proposuit, in qua continebatur, quod Papa pro ejusdem negotii determinatione Archi-Episcopum Folmarum, tertio per Cardinales citatum, & tandem non venientem, ab amministrazione Treveren-

sis Ecclesiæ omnino deposuit, consecrationem Pontificalem tamen non ademit, Ecclesiam vero Treverensem ab obedientia sua in eodem scripto liberavit, omnesque, quos ille ligaverat, absolvit: quos ille deposuerat, in pristinum honorem restituit: quidquid etiam tempore schismatis ab utroque, Rudolpho videlicet Præposito, & Folmaro constitutum fuerat, quod alicui in jure suo derogare posset, in irritum revocavit.

His omnibus præmissis, tandem Ecclesiæ Treverensi in eodem scripto liberam electionem antistitem eligendi concessit. Accepta ergo electionis suæ libertate, Treverenses suggestione & precibus Regis, (d) qui tunc temporis in civitate præsens erat, Dominum Joannem, Imperialis aulæ Cancellarium, unanimiter elegerunt, post electum Regi præsentarunt investiendum. Peractis autem omnibus solennitatibus electionis, auctoritate Apostolica a Cardinale confirmatus est.

Gesta Trevirorum Cap. C. apud Illmum Hontbenium. in Prodr. Hist. Trev. P. II.

(a) Trevirim una cum Henrico Rege veniens (Legatus) Conventum Provinciae totius habuit, ubi in Sacerdotum ac Principum aspectu, incredibili omnium Ordinum lætitia pacem Ecclesiæ reddidit, &c. *Browerus Annal. Trevir. Tom. II. ad h. a.*

(b) Godefridum, nominat *Browerus.* (c) Pagi: in via lata.

(d) Henrici Regis Germ. filii Friderici I. Imp., cui Pater eodem anno, in Orientem digressus, res Imperii moderandas permiserat.

Addit auctor gestorum Trev. Cap. CI. Pallium (Joannis I. Archiep. Trev.) cum a Clemente Papa reciperet, Hermannus Abbas Claustrî, exclamasse dicitur, & dixisse: Benedictus Dominus! Hodie deletum est chyrographum maledictionis nostræ. Sciscitante Papa, quid hoc esset; respondit, quod B. Hildegardis prædixisset, coronam Trevericæ dignitatis dejectam jacere debere septem annis, & illam diem æstimabatur esse illius infelicitis septennii ultimam.

HILDESHEIMENSIS SYNODUS

ANNO CHRISTI MCXCI. CLEMENTIS III. PAPÆ IV.
HENRICI VI. REGIS I.

*SUMMA. Beruo, Episcopus Hildesinus, confirmat bona Monasterii
Stederburgensis.*

IN NOMINE SANCTÆ ET INDIVIDUÆ TRINITATIS,
BERNO, DEI GRATIA, HILDENSEMENSIS EPISCOPUS.

Eccliesiarum profectibus plurimum expedire dignoscitur, si Donationes eis factæ, vel aliæ justæ conquisitiones, debita firmitate roorentur, ut ita malignari volentium iniquitas elidatur, & prodesse volentium charitas ad benefaciendum Ecclesiis animeretur. Inde est, quod notum esse volumus tam presentibus, quam futuris, quod Reverendus Frater noster Gerbardus Præpositus in *Stederburg*, zelo domus Dei sibi commissæ fervens, ut in ea ampliari posset numerus Deo famulantium, redditibus ejus ampliandis piæ sollicitudinis impendit studium, cujus desiderio, sicut rei probat evidentia, Dominus optatum concessit effectum: Divina enim favente clementia & Antecessorum nostrorum, & nostra opitulante benevolentia, locus ille a laborante prædicto ejus Præposito crevit personis, crevit ædificiis, crevit & prædiis. Hæc autem sunt prædia, quæ Ecclesiæ Stederburg per solertiam Præpositi Gerhardi de novo conquisita sunt. In *Lienethe* ix. mansi & xiv. areæ; in *Mandere* xiv. mansi & xv. areæ; in *Ardesheim* viii. mansi & dimidius cum totidem areis; in *Lefforde* ix. mansi & iv. areæ; in *Linden* ii. mansi & ii. areæ; in *Stokem* & in *Meinwerode* iv. mansi & dimidius, & totidem areæ; in *Swilbere* iv. mansi & totidem areæ; in *Brunsele* v. mansi & totidem areæ; villa, quæ *Hop* dicitur, in qua sunt ix. mansi, & areæ, & prata, & pascua; in *Alerem* & *Dunckerbecke* v. mansi & vi. areæ; in *Stidiem* iii. mansi & iii. areæ; in *Bungenstide* ii. mansi & ii. areæ; in *Stidre* ii. mansi & ii. areæ; in *Northheim* iii. mansi & iii. areæ; in *Thide* iv. mansi & dimidius, & totidem areæ; in *Lewardesbuttle* i. mansus; in *Machtersem* i. mansus; in *Suletbe* iv. mansi & iii. areæ; in *Senethe* iii. mansi; in *Stockeim* i. mansus; in *Alvetesheim* i. mansus & area; in *Linden* molendinum i.

& ii. mansos; in *Meinwerode* unum molendinum. Decima in *Senete*, decima in *Echte*, decima in *Mandere*, & medieras decimæ in *Lefforde*. Cum igitur Ecclesia in *Stiderborch*, nostræ Ecclesiæ sit specialis filia, utpote ei a fundatrice sua *Birderonda*, *Altmanni* Comitis filia, cum prædiis, quibus eam dotavit, collata a Rege *Henrico II.*, jurisdictioni S. Patris nostri Episcopi *Bernwardi* & successoris ejus integraliter supposita, ut testatur privilegium loco illi Regia liberalitate ejusdem *Henrici II.* indultum; Nos securitati ejus & perpetuæ paci merito consultum esse volentes prænumeratorum prædiorum proprietatem eidem Ecclesiæ in *Stederborch* confirmamus, & ne quisquam eam super his inquietare præsumat, auctoritate Apostolorum Petri & Pauli, & nostro banno ipsam munimus. Advocatiam quoque super jam dictis prædiis Ecclesiæ in *Stiderborch* concedimus, ut causas, quæ emerferint Præpositus ejusdem Ecclesiæ definat, vel ad Nos, vel successores nostros, si negotii qualitas postulaverit, referat; ut autem hæc ordinatio perpetuo vigore inconcussa permaneat, eam præsentis pagine scripto Sigilli nostri caractere insignito roboramus.

Actum in pleno Capitulo anno Dom. Incarnationis MCXCI. Indiæ. IX.

Hi sunt Testes:

Bertholdus Major Præpositus.

Hilarius Decanus.

Bruno Cellerarius.

Gotfridus Præpositus.

Lodewicus Sacerdos, *Joannes de Poppenborch*, *Thietmarus* de Curia Domini, *Gilbertus* Præpositus, *Bertoldus* Custos, *Ludolphus* Præpositus, *Poppo* Præpositus, *Conradus* de Bobentum, *Ekkebardus* Canonicus, *Fridericus* Canonicus, *Hermannus* de Lichowe, *Rodol-*

Rodolfus de Zygenhagen, Hermannus
de Bodenstein, Borchardus de Wall-
denberch, Ludolphus de Waldenbergh,
Rolandus Scholasticus.

Theodericus Abbas Sancti Michaelis.

Theodericus Abbas S. Godehardi,

Alexander Abbas de Rinckelum.

Richmannus Decanus Montis.

Bertholdus Decanus S. Crucis.

Rudolfus Præpositus de Richenberch.

Ekkehardus Præpositus de monte S. Ge-
orgii.

Joannes Præpositus de Heninghe.

Gerhardus præposit, de Lammespringhe.

Hiddo Præpositus de Sulta.

Geroldus Præpositus de Backenrod.

Mag. Herovicus Scholasticus S. Crucis.

Chronicon Stederburgense apud Leibnitz
Tomo I. Scriptor. Brunsvicensium.

STATUTA SYNODALIA ODONIS, EPISCOPI TULLENSIS.

Anno Christi MCXCII. Cœlestini III. Papæ II.

Henrici VI. Reg. III. Imp. II.

CANONES IX.

IN NOMINE PATRIS, ET FILII, ET SPIRITUS SANCTI.

QDO, DEI GRATIA, LEUCHORUM EPISCOPUS, OMNIBUS ECCLESIASTI-
CIS PERSONIS IN EPISCOPATU NOSTRO CONSTITUTIS IN PERPETUUM.

NOverint in posterum, ac memori-
ter teneant universi, quod dile-
cti nobis in Domino fratres & amici, Ar-
chi-diaconi, & Abbates de episcopatu
nostro ad nos venientes, & pro lacry-
mabilibus injuriis, quibus ecclesiæ no-
stræ & Ecclesiarum Ministri, quotidie
oppressi, irremediabiliter laborabant & af-
ficiebantur, pariter ingemiscientes; una-
nimiter nos rogaverunt, ut contra ty-
rannidem raptorum & quorumlibet ma-
lefactorum in eos defevientium, illud
auxilii & protectionis consilium atque
tutamen eis misericorditer exhiberemus,
quod ex injuncta nobis cura & officio
pastorali eis paterne exhibere debeba-
mus. Unde nos communicato cum eis
consilio, sicut rationabile nobis visum
fuit, & eorum discreta consideratio
nobis consuluit, statuimus, quod in
præsenti pagina capitulatum annotari
præcepimus.

CANONES.

I.

STatuimus itaque, & sub anathema-
te interdiximus, ut quando per
quodcumque castrum, seu villam in epis-
copatu nostro consistentem bona Eccle-
siarum nostrarum, seu cujuslibet Cle-
ricorum nostrorum per injustam ablato-
nem deducta transire, vel forte ibi per-
noctare contigerit, ita quod exinde ni-
hil prorsus ibi remaneat, interim Divina

ibi non celebrentur. Ubicumque autem
bona illa vel ex toto, vel ex parte recep-
tari, vendi, aut quocumque modo ex-
pendi contigerit, Divina ibi fieri omni-
no interdiximus, & emptores pariter cum
prædatoribus eadem excommunicatio-
nis sententia innodatos esse usque ad in-
tegram restitutionem, & condignam
satisfactionem decernimus: hoc adji-
cientes, quod interim, si qui ibi manen-
tes, & illius injuriæ non consentanei
nec auctores, in extremis positi fuerint,
confessionis & viatici suffragio fungan-
tur: sepulturam vero in atrio non ha-
beant, donec ablatis ex integro resti-
tuti & Divina ibi celebrentur, & ex-
tra atrium positi sine omni emendatio-
ne debito atrii honore donentur.

II. Constituimus etiam, ut si ali-
quis de Principibus, aut nobilioribus hujus
terræ, bona quælibet Ecclesiarum, seu
Clericorum nostrorum in propria perso-
na sua per violentiam diripuerit, & in
villam suam deduxerit; in eadem villa,
& in tota terra sua Divina non celebren-
tur, donec ablata ex integro restituantur.
Si vero milites, vel quicumque
de familia tam Principum, quam nobi-
lium aliorum, bona quæcumque similiter
Ecclesiarum seu Clericorum nostrorum
violenter acceperint, & in villam suam
Domini deduxerint; Divina ibi penitus
non celebrentur, donec ablata cum sa-
tisfa-

tisfactione ex integro restituantur : & cum ipsi maleficii auctores a nobis nominatim excommunicati fuerint , & hoc per episcopatum nostrum innocerit ; ab omnibus Presbyteris , ubicumque Divina fient , singulis Dominicis diebus nominatim excommunicentur. Si vero pro rigore justitiæ capitalia ex integro reddita fuerint , ipsi tamen , non nisi satisfactione nobis prius facta , nullatenus absolvantur. Hoc vero nunc superaddimus , quod quicumque aliquem de hujusmodi malefactoribus , a nobis nominatim excommunicatis , in domo sua receperit , apud se eum pernoctare sustinuerit , pariter cum illo excommunicatus sit , nisi per ignorantiam se hoc fecisse probare possit , quod sola manu sua ei facere licebit , si voluerit : si autem se inde purgare non potest , & ad emendationem culpæ pro nocte illa decem solidos solvere voluerit ; & totiens decem solidos , quot noctibus illum recepit , a sententiæ vinculo absolutus erit.

III. Quia vero diligenti ac perutili consideratione hæc deliberavimus , & communi omnium subditorum nobis Clericorum tam rogatu , quam assensu hoc teneri decrevimus , ac præcepimus , statuimus , quod quicumque subditus nobis simpliciter Clericus , seu etiam Monachus , hoc nostrum mandatum transgressus fuerit , & beneficio , si habuerit , & officio careat in perpetuum.

IV. Porro de his , qui corpus alicujus defuncti violenter in cimiterio tumulaverint eo tempore , quo villa in a Christianitatis obsequio propter justitiam suspensa fuerit ; constituimus , ut quamdiu ibi sepultum fuerit , Divina ibi penitus non celebrentur ; & cum ejectum fuerit , nec in illo , nec in alio cimiterio deinceps umquam sepeliatur. De his vero qui corpus sic tumulaverunt , si quis ante reconciliationem obierit , similiter Christiana sepultura careat in perpetuum.

V. Et quoniam gravis & intolerabilis plaga domibus religiosorum imminet ex hoc , quod potentes terræ boves , seu cetera animalia , vel carros ad carrucandum sibi violenter diripiunt ; irrefragabili determinatione constituimus , ut illi , qui talem violentiam fecerint , statim sub interdicto excommunicationis teneantur ; & illi , qui eis dederint , vel vendiderint , quod carricabunt , post-

quam violentiam illam cognoverint , similiter excommunicentur , & villa illa , ad quam deportatum fuerit , quod caricaverint , ab omni Christianitatis obsequio suspendatur , quousque damna domibus illata ex integro restaurentur , & digne de cerero Deo nobisque satisfiat.

VI. De fugitivis vero , qui professiones suas irritas facientes , de quolibet ordine ad sæculum revertuntur , similiter constituimus , ut singulis Dominicis diebus per universas Parochias excommunicentur ; & si uxores duxerint , uxores similiter & familiæ eorum excommunicentur , & omnes , qui eis aliquam Christianitatis communionem scienter præstiterint , sub interdicto cum eisdem teneantur.

VII. Si quis vero nobilium vel potentium terræ , tempore , quo excommunicatus fuerit a nobis , Presbyterum aliquem adduxerit , & contra interdictum nostrum Divina sibi celebrare fecerit , ille qui taliter celebrare præsumpsit , excommunicetur , & beneficio , & officio Ecclesiastico in Episcopatu nostro careat in perpetuum.

VIII. Constituimus etiam , ut si aliquis Presbyter a nobis excommunicatus in Diocesi nostra Divina celebrare præsumpsit , beneficio & officio Ecclesiastico careat in perpetuum.

IX. De Hæreticis autem , qui vocantur *Wadois* , (g) omnibus fidelibus tam Clericis quam Laicis in remissionem peccatorum suorum præcipimus , ut quicumque eos invenerint , vinculis strictos teneant , & ad sedem Tullensem puniendos adducant.

X. Illud sane memoriæ commendandum , quod si qui pro executione hujus justitiæ a propriis sedibus suis , quod absit , expulsi fuerint , apud nos nostrum Patrocinio , nostraque dispositione victus & vestitus administrationem , prout dignum fuerit , indubitanter invenient. Omnibus hujus caræ tenorem servantibus sit pax & gaudium per omnia sæcula sæculorum.

Actum legitime , publice recitatum , canonice in Sancta Tullensi Synodo confirmatum , Indictione XV. III Idus Maji. Anno Dominicæ Incarnationis MCXCII.

Martene Anecdotorum Tomo IV. p. 1178. ex Autographo belli prati.

Ex quo Mansi Tom. II. Supplementi Concil. pag. 755. Cano-

(a) Waldenses hæretici hoc sæculo variis titulis infames.

Canonizatio Romæ celebrata S. Bernwardi,

Episcopi Hildesemensis.

Anno Christi MCXCIII. Cœlestini III. Papæ III.

Henrici VI. Regis IV.

STaruta die Summus Pontifex Cœlestinus ab adventu Theodorici Abbatis Cœnobii Hildesensis S. Michaelis, Legati a Bernone Episcopo; Clero & populo Hildesensi, & adventus causa inter Cardinales convocatos librum proponens, qui de vita & miraculis beati Bernwardi conscriptus erat, & sigillo episcopi Bernonis, & Cincii Cardinalis Presbyteri tunc Legati Apostolici in Capitulo ecclesiæ Hildesensis consignatus fuerat, in audientia ipsorum recitari præcepit.

Qui, ubi sanctam ejus conversationem, & virtutum insignia compererunt, Deum, qui in Sanctis suis mirabilis & gloriosus est, benedictentes, facilem in tam rationabili, Deoque accepta petitione præbuere assensum. Adhæc Dominus Apostolicus præfatum seniore Theodoricum taliter alloquitur: Cum te, Frater venerande, tibi subiectos in religionis fervore, in monastici ordinis observantia laudabiliter audiamus proficere: & cum Venerabilem Virum Bernwardum, quondam Hildensem Episcopum, Cœnobii vestri Fundatorem, gloriosam & memoratu dignissimam in

terris vitam duxisse, & multis coruscasse miraculis, textu vitæ ejus inspecto, indubitanter sciamus: Auctoritate Dei & Beatorum Apostolorum Petri & Pauli, dilecti quoque filii nostri, Cincii Cardinalis interventu mediante, qui legationis suæ tempore multa, ut asserit, a vobis benignitatis expertus est argumenta; jam dictum Reverendissimum Virum in *Catalogo Sanctorum* a modo numerandum decrevimus, & sacratissimum ejus Corpus de terræ gremio erigendum, & inter Sanctorum memorias veneratione condigna collocandum.

Ad hæc Senior lacrymatus præ gaudio, pedibus ejus gratias acturus prosternitur: sed assistentium manibus erectus in oratorium beatæ Mariæ semper Virginis ducitur; ibique Deo laudibus exhibitus, tam a summo Pontifice, quam a Cardinalibus, beatus Confessor in Sabato ante Natale Domini solemniter canonizatur.

Bromerus inter Sidera Germaniæ. Moguntia 1616. pag. 63.

Leibniz. Tom. I. Scriptor. Brunsvicensium pag. 474.

Elevatio S. Bernwardi, facta Hildesii

anno sequente MCXCIV.

CONVENTUS DIOECESANUS DIE XV. AUGUSTI.

JAmque Sacratissimæ Virginis aderat Assumptio, cum non solum propter specialem Hildensem festivitatem, verum etiam pro sanctarum Reliquiarum sublevatione, quæ proxima die celebranda erat, cum diversarum Ecclesiarum Prælati inæstimabilis multitudo non tantum de propinquis & cognitis, sed etiam de remotis terrarum Provinciis certatim confluerant. Januis Ecclesiæ firmissime servatis, præmissis orationibus, patefacto sarcophago, spiritalis & antea incognitus exhalatur odor...

Tomus III. Concil. German.

Excipiuntur tandem de tumulo membra, loco celebriori collocanda, & adinstar Dominici corporis, famuli sui corpus sindone munda involutum, mane sequenti, in Ecclesia, Prælatorumque frequentia, reverenter de terræ pulvere sublevatur: & ea hora, quâ Spiritus veritatis in linguis igneis discipulos visitasse affirmatur, per medium deportatur Ecclesiæ, & tam Cleri, quam populi universitas in ejus laudem accenditur. Casula etiam serica beati Præstulis, in qua tot annis (centum septuaginta duobus) se-

M m m

pultus

pultus fuerat, adhuc recens & incorrupta apparuit, cujus etiam tactu multi infirmi curati sunt.

Hactenus idem Browerus & Leibnitzius Locis citatis.

De eadem translatione Arnoldus Lubecensis coetaneus Scriptor. Lib. IV. Chronici Slavorum Cap. XXIII.

Facta est autem hæc translatio non sine virtute signorum a Domino. Berno

Episcopo, anno Præsulatus ejus septimo. Anno Verbi Incarnati MCLXXXIV. (a) Romæ præsidente D. Papa Cælestino, Pontificatus ipsius anno quarto, regnante Henrico pio Imperatore, anno Regni ejusdem a morte Patris, qui in peregrinatione Hierosolymitana gloriose obierat, septimo, Imperii vero quarto: anno quoque depositionis Sancti memorati CLXXXVIII. (b)

(a) Bangertus, Arnoldi editor, in Scholio notat hic latere errorem, & scribendum esse MCXCIV., quia Cælestinus III. nonnisi 1191. III. Kal. Aprilis electus, die proximo Paschæ consecratus, postmodum coronavit Henricum VI. unde recte quartus ejus Imperii annus numeratur: sed cum Pater 1190. obierit: non septimus, sed V. annus a morte Patris numerandus.

(b) Cum S. Bernwardus obierit 20. Novembris 1022., ergo dies elevationis a die depositionis vel mortis non 188, sed 172. annis distat.

Bulla Canonizationis a Jackenio Abbate S. Michaelis communicata, refertur a Browero loc. cit. pag. 100.

COELESTINUS EPISCOPUS, SERVUS SERVORUM DEI, VENERABILI FRATRI HILDENESHEMENSIS EPISCOPO, ET DILECTIS FILIIS, CLERO EJUSDEM CIVITATIS, UNIVERSIS ETIAM FIDELIBUS PER SUAM DIOECESIN CONSTITUTIS, SALUTEM ET APOSTOLICAM BENEDICTIONEM.

Cum univerforum Conditor & Creator mirabilis & gloriosus in Sanctis suis frequenter appareat, & dignetur per eos opera suis fidelibus revelare, dignum duximus, & Omnipotenti pariter honorificum, quæ in celebri memoria Bernwardo, quondam Hildenesheimensi Episcopo, per suam voluit gratiam demonstrare, suscipere humiliter & audire, ac præterea eum in Sanctorum Collegio numerare. Inde est, quod de meritis ipsius, ac vita laudabili, ac miraculis multiplicibus per dilectum filium nostrum Centium, titulo S. Laurentii in Lucina Presbyterum Cardinalem, & venerabilem fratrem nostrum Moguntinum Archi-Episcopum, Sabinensem Episcopum Conradum, & alios Episcopos, & dilectum filium Fridericum Abbatem Ecclesie S. Michaelis in Hildenesheim, & honestas personas ac religiosas ejus Provinciae certiores effecti, & famam illius celebrem & commendandam memoriae plenius cognoscentes, fratrum nostrorum deliberatione habitâ diligenti; præ-

dictum Reverendissimum Virum in Sanctorum catalogo duximus numerandum & venerandum, corpus ejus de terræ gremio erigendum, & inter Sanctorum Reliquias collocandum: ut ibi a Christianis fidelibus assidua devotione officium debitæ venerationis accipiat, & ipsi per intercessionem ejus felicem & Domino complacentem suorum delictorum veniam consequantur. Ideoque universitati vestræ per Apostolica scripta mandamus, quatenus, quod de Sancto ipso a nobis tam celebriter institutum est, vos publicantes, eundem Sanctum debitis obsequiis amodo prævenire curetis, ut vestras votivas preces, quas omnium Creatori porrexeritis, per intercessionem ejus placabilem dignetur per suam misericordiam exaudire. Data Romæ apud S. Petrum VI. Idus Januarii, Pontificatus nostri anno secundo.

Ita Browerus pagina 100. inter Sydera Germania.

CURIA IN FRANCONOFORD

ANNO CHRISTI MCXCV. COEDESTINI III. PAPÆ IV.
HENRICI VI. REGIS VI. IMP. V.

Edictum Cæsareum pro immunitate Clericorum a foro laicali.

HENRICUS, DEI GRATIA, ROMANORUM REX ET SEMPER AUGUSTUS, CIVIBUS HILDESCH. UNIVERSIS GRATIAM ET OMNE BONUM.

Cum in solenni Curia in Francken-vord ex communi consensu Principum a nobis sit decretum, ut quicumque sæculare iudicium adversus aliquem Clericum exeruerit, in his, quæ sanguinis iudicium requirunt, ante degradationem ab Episcopis faciendam, præter id, quod in Canonem latæ sententiæ incidit, a quo præter indultum speciale Domini Papæ nequit absolvi, ex nostra sit sententia proscribendus: Et dilectus Princeps noster Conradus Hildesch. Episcopus per suam nobis querimoniam patefecerit, quod vos, auctoritate propria Clericos temere iudicando, morti

feceritis destinari, in quos degradationis sententia non processerat: Vobis auctoritate Regia firmiter præcipiendo mandamus, quatenus ei & Ecclesiæ suæ, in quam deliquistis, prout ejus gratiam invenire poteritis, emendetis. Alioquin vos in media Quadragesima, ut pro tantis respondeatis excessibus, ad nostram præsentiam ubicunque fuerimus, evocamus. Datum Franckenvordii Idib. Februarii 1195. Ind. 7.

Lunig. Spicilegii pag. 258.

Ex quo Mansi Tom. II. Supplementi pag.

771.

CONCILIIUM IN LAUFFEN

ARCHI-DIOECESIS SALISBURGENSIS,

Anno Christi MCXCV. Cœlestini III. Papæ V.

Henrici VI. Regis VI. Imp. V.

SUMMA. I. Adalbertus II. Salzburger Archi-Episcopus, Admontensis & Hallensis Cenobiorum possessiones & iusta confirmat, ac diversa eisdem privilegia impartitur. II. Pilgrinum Abbatem S. Petri, ad Abbatiam resignandam compellit.

Anno MCXCV. celebratum est solenne Capitulum apud Lauffen, mense Novembri; præsentibus cum ADELBERTO Archi-Episcopo, Chundacharo Salzburger Præposito & Archi-Diacono, Rudolfo Decano majoris Ecclesiæ Salzburger, Bernhardo Pattersgaden Præposito, Sigborone Chiemfensi Præposito, Ottone Bambergeni Præposito & Archi-Diacono, Berchtoldo Garzen Præposito, Pabone Oueni Præposito, Albano Seunen Abbate, Aribone Reichspergen Præposito, Leopoldo Buren Abbate, Wicmanno Hallensi Præposito, cui eodem in Capitulo Albertus dedit municipium privilegium, quo res Canonicorum Hallensium S. Zenonis ample confirmat. Actum anno

Tomus III. Concil. German.

dicto, residente Domino Alberto Salzburger Archi-Episcopo in solenni Capitulo apud Lauffen, habito XVII. Calend. Decembris.

Litteras recitat Hundius in rebus Monasterii S. Zenonis, quas mox referemus, una cum Literis; quibus eadē in Synodo confirmata sunt bona Monasterii Admontensis.

II. Eodem, ut scribit Chronographus Salzbur., Pilgrinus Abbas S. Petri multis modis gravatus a Domino Alberto Archi-Episcopo compulsus, resignat Abbatiam: cui anno sequenti substatutus est Chunradus Abbas de Sitanstein.

Hansitz. Germania sacra Tom. II. pag. 307. in Hist. Archiepisc. Salzburg.

M m m 2

Alberti

*Alberti, Saltzburger Archi-Episcopi, Confirmatio Bonorum
Ecclesiæ Admontensis.*

IN NOMINE SANCTÆ ET INDIVIDUÆ TRINITATIS.

ADALBERTUS, DEI GRATIA, SALTZPURGENSIS ARCHIEPISCOPUS, APOSTOLICÆ SEDIS LEGATUS, RUDOLFO, VENERABILI ADMONTENSIIUM ABBATI, EJUSQUE FRATRIBUS IN PERPETUUM.

AD amplificandum Divini cultus studium tam futuris quam presentibus providere cupientes, exemplaria quoque diligentia prædecessorum nostrorum iuste sequentes, qui Admontense Monasterium, ob sui Religionem speciali amore extulerunt, nos quoque pro debito officii nostri, & collatæ nobis a Deo dignitatis, eidem loco nostrum patrocinium, hujus scripti privilegio præstare dignum duximus. Unde notum facimus Christi fidelibus, quod nos Ecclesiam S. Mariæ Magdalenæ, & domum Hospitalem Frifaci, quæ privilegiis & traditionibus antecessorum nostrorum Admontensi Cœnobio confirmatæ fuerunt; hæc (inquam) a Domino *Iſenrico* venerabili Abbate, cum assensu totius congregationis suscipientes, eadem Canonicis chori Frifacensis donantes, plebem in Liefenich & plebem in Palta, cum omni jure Plebesanarum Ecclesiarum in concambio tradidimus; idque postmodum in capitulo nostro Libniz, in præsentia Prælatorum, ac ministerialium nostrorum confirmavimus; propter igitur habundantem cautelam, easdem Ecclesias propriis vocabulis distinguere dignum duximus, scilicet: Ecclesia S. Nicolai ad Mutarn in prædio Monasterii sita; Ecclesia S. Joannis Bapt. ad Chamer; Ecclesia S. Rudberti ad Treviah; Ecclesia S. Egidii ad Nendisdorff; Ecclesia S. Georgii ad Chrowat, quæ V. nunquam a jure matricis Ecclesiæ S. Michaelis remotæ fuerunt. Ecclesiam vero S. Walpurgis tam ex antiqua consuetudine, quam etiam privilegio a jure plebesanæ Ecclesiæ legitime exemptam *Ulricus de Harperch*, & *Rembertus de Libniz*, fratres Uterini, ad quos eadem Ecclesia jure hæreditario & testamentario pervenerat, in præsentia nostri, & chori Saltzpurgenſis eodem jure perpetuo cum omni prædio suo tradiderunt. Item II. Ecclesias apud Liuben S. Petri, & S. Jacobi; in prædio Ducis Stirensis sitas, & ab antiquo a jure

Plebesanæ Ecclesiæ, præter jus convocandi conventum, exemptas, utpote: in quibus hæctenus Marchiones Styrenſes, proprios, dum libuit, Sacerdotes habuerunt, *Otacker Dux Stirensis*, petitione nostra, Admontensi Monasterio, ut verus Dominus, perpetuo habendas delegavit; Capellam autem S. Salvatoris in fundo Cœnobii Trunchirchen sitam, per Sacerdotem Abbatem in Divinis volumus procurari, quam & nos idcirco in secunda dedicatione sua decimis dotavimus, ut Ecclesiæ Matrici S. Michaelis in omni jure Parochitano subdita sit. Ecclesia nihilominus S. Steph. in Chrowat, licet ad Hospitale S. Mariæ in Cerwalde jure fundi spectare videatur, cura tamen spiritualis ad matricem Ecclesiam Liefenich spectasse hæctenus dinoscitur. Gossensis vero, & Prieliebensis, Ecclesiæ, in placito Christianitatis, & in excessum satisfactione, in judiciis *ferri & aquæ*, non matricem Ecclesiam Liefenich respicere tenentur, cui etiam antiquo & canonico juri nullatenus refragentur. Tragossensis præterea plebs, baptisma, sepulturam, placitum Christianitatis, absolutionem poenitentium, apud S. Rudbertum Treviah, sicut ad nos transmissum est, requirat: curam animarum in Abbatis dispositione consistere decrevimus, sed & hanc ei, suisque successoribus, per ostium intransitibus, prerogativam perpetua firmitate indulgimus, quod non nisi ad arbitrium & voluntatem ipsorum Sacerdotes in eisdem Ecclesiis instituantur; & ne hanc nostram constitutionem in recidivum scrupulum quempiam reducere contingat, precipimus auctoritate, qua licet impares viribus prominemus, ne quisquam de cetero pro aliqua persona apud successores nostros petitionem, sicut fieri assolet, porrigere præsumat, sed institutio jam dictarum Ecclesiarum omnifariam ad Abbatem Admontensis ordinationem inconculsa ac quiete permaneat.

Hoc

Hoc etiam tam præsentium, quam futurorum noticiæ manifestamus: quia patellam salis, quam beatæ memoriæ Eberhardus Archi-episcopus pro necessitate Ecclesiæ suæ, & Imperii, Goteffrido Abbati, & fratribus Admontensibus pro LXXX. marcis *examinati argenti & XX. montani*, deposuerat, usum fructum tamen ejusdem patellæ, antequam ab alioquo successorum suorum redimeretur, fratribus indulserat, hanc nos pro redemptione animæ nostræ, ac prædecessorum nostrorum omnibus Deo in eodem loco servientibus, ac in perpetuum futuris, in proprietate semper habendam indulgimus.

Ad hæc etiam, respectu pietatis & amore justitiæ, ipsi Monasterio quoddam terminos suos in Rastat, & in Pongowe remisimus, pro quibus detinendis suggestionem nostrorum inducti fuimus; & non tam in his locis, quæ nominavimus, quam & in singulis possessionibus suis apud Lungavo, videlicet: juxta Muram & ad Chatz, terminos suos, nec non omnes decimas, tam de antiquis, quam de novellis, eisdem fratribus præsentī scripto confirmamus. Prædium etiam, quod *Diemundis*, vidua *Mcingoti*, Præfecti Saltzpurgenfis, Admontensī Ecclesiæ tradidit, in loco, qui vocatur Wenge, etiam nos auctoritate nostra fratribus eisdem stabilimus; nec non & prædium, quod eidem Cenobio *Siboto de Surberch* contulit, duos videlicet mansus, unum in Luter, alterum ad Wanhartstein.

Præter hæc beneficia, quædam Admontensī Cenobio a prædecessoribus nostris beatæ memoriæ *Gebhardo*, *Tyemone*, *Chunrado I.*, *Eberhardo*, *Chunrado II.* avunculo nostro impensa, præsentis scripti pagina confirmamus, quæcumque videlicet ipsum Monasterium in prædiis seu decimis in præsentiarum possidet, quæ vel in privilegiis ipsorum continentur, vel post indulta privilegia, Monasterio accreverunt, quæ nihilominus subtili retractatione discussimus, inter quæ in valle Admontina patellas salis, quas prædecessores nostri contulerunt, sed & ubicumque in possessione Monasterii vena salis, seu ferri, aut argenti, vel cujuslibet metalli fodinæ reperiiri poterint, quæ de Regalibus Imperii Ecclesia Saltzburgenfis hæctenus quiete possedit, nostra eis auctoritate stabilimus, in eadem valle

præconium totum, & omne jus quod Saltzpurgenfis Ecclesia ibi habuit a temporibus *Hemma* Comitissæ, quæ vallis ejusdem maximam partem cum aliis prædiis ad Cenobium ibidem fundandum *S. Rudberto*, temporibus Domini *Balduini* Archi-episcopi, contradidit, & nos Abbati, & fratribus, potenti manu & plena Jurisdictione stabilimus; adhæc in oppidis nostris, ubi forum habemus, sed & apud clusam juxta Werven liberum jam dictis fratribus transitum concedimus, & ne in eisdem locis Thelonei exactione graventur, indulgemus.

Præterea statuimus: ut secundum tenorem & jus foundationis Admontensī Ecclesiæ, & sicut per sententiam Imperialis curiæ, divæ memoriæ *Friderici Augusti* adjudicatum est, Advocato Monasterii non liceat de advocatia bonorum ejusdem Ecclesiæ quempiam inbeneficiare; insuper, ut nec ipsi Advocati, nec fideles eorum, placita, bannos, modios, vel pecudes a fratribus ipsis, vel hominibus eorum exigant, quoniam aliorum beneficiorum utilitatibus a Saltzpurgenfi Ecclesia id eis est recompen-satum.

Insuper etiam terminos foresti, quos antecessores nostri suis privilegiis Monasterio firmaverunt, prout eos fundator loci tradidit, ita nos quoque ejusdem sylvæ interliminia præsentī pagina distinximus: Zedilsach fluvius cum suis decursibus, a Dietmarsperg omnes descensus & decursus in Anesum; Alpes, qui dicuntur Catwingalbe, & Pladmalb cum suis omnibus descensibus in fluvium Jonispach; Jonspach cum suis decursibus, Hautstuvichespach ab Alpe Niwenburg cum suis decursibus in Anesum; item de Petra, quæ dicuntur Want, sursum ad verticem Wlreisalbe, item Leimpach de Wlreisalbe cum suis descensibus & decursibus usque in Anesum, Gamze de Puchberg cum suis descensibus & decursibus, Suzinpach de Wildalve cum suis descensibus ac decursibus, Gamze de Puchberg cum suis descensibus & decursibus. Alpes Gridelalbe tota, & Larnich minor cum suis descensibus; Larnich major cum suis descensibus & decursibus; Monlich fluvius cum suis decursibus; Ozlich fluvius cum suis descensibus & decursibus, & Ozlichalb cum suis descensibus usque ad medium fluvium

Frodniz & exinde usque medium fundum Anefi. Quidquid infra prædictos terminos in omni genere venationum, & piscationum, vel cujuslibet quæstus, fratres admuntenses assequi potuerint utilitatis, sicut prius acceperunt a prædecessoribus nostris, & nos ipsis indulgemus & donamus.

Sane duas Baptismales Ecclesias in prædiis Monasterii fitas, scilicet: super Zozzen & Mokimowe, cum omni jure suo, dote videlicet & clave Ecclesiæ; quarum primam a venerabili Romano, Gurcensi episcopo, ex mandato Domini Everbardi dedicatam, idem beatus Pater jam dicto Monasterio tradidit, & nos eidem confirmamus; quemadmodum alteram Ecclesiam, quam prædecessores nostri baptismalem esse instituerunt, & quam rursus sub Domino Chunrado primo Archi-episc. Gotsfridus de Wietingen a jure Parochitano exemit, quodam prædio suo ecclesiæ Saltzpurgenfi super hoc contradito, ut Sacerdotem ibidem, quem vellet, haberet.

Pro hujusmodi gratiæ nostræ impendiis, hanc nobis reddi vicem volumus, quatinus dies beati Thomæ, Martyris & Episcopi, cum officio pleno apud vos perpetim agatur, & ut meliore pane, & vino, & etiam piscibus ob honorem ipsius Martyris, nostrique memoriam illa die Congregationi ministretur, & ut nostræ dispositionis anniversarius dies eodem modo in pane, vino, & piscibus, sed & in Divinis propensius agatur. Ut autem hæc Pontificalium donationum memoria cunctis futuris temporibus inconvulsa & illibata permaneat, nos hanc inde cartam conscribi & sigilli nostri impressione muniri jussimus, adjicientes: ut nullus successorum nostrorum hanc nostræ autoritatis paginam infringere, & præfatis fratribus factam donationem, auferre vel minuere præsumat.

Actum in plenaria Synodo nostra, apud Loufen celebrata, coram testibus, quorum nomina sunt hæc.

Gundakerus, Præpositus Saltzpurgenfis Ecclesiæ.

Wernbardus, Præpositus in Berhtergadem.

Syboto, Præpositus in Kyemse.

Otto, Præpositus in Bamburg, & Archidiaconus.

Perbaldus, Præpositus in Gartz.

Heimicus, Præpositus in Werde.

Arbo, Præpositus in Richersperg.

Albanus, Abbas de Sewen.

Lupoldus, Abbas de Puern.

Pabo, Abbas de Atila.

Heimicus, Abbas de Formbach.

Chunradus, Præpositus Frisingensis Ecclesiæ.

Heimicus, Archidiaconus de Gruscarn.

Fridericus, Decanus Ratisponensis.

Richerus, Canonicus Pataviensis.

Eticho, Præpositus de Ramshoven.

Pabo, Præpositus de Suben.

Nobiles:

Chunradus de Walben.

Pabo de Eringen.

Syboto de Surbach.

Chuno, & frater ejus Chunradus de Wewen.

Eticho de Jettenbach.

Ulricus, & frater ejus Chunradus de Chalem.

Heimicus, & frater ejus Lutwinus de Gebeninge.

Ekkebardus de Tanne.

Otto de Goldecke.

Wolckmarus de Mulberch.

Rudigerus, Vice-Dominus Saltzpurgenfis.

Otto de Steveninge, & alii quam plures.

Ego Adelbertus, Archi-episcopus subscripsi.

Anno Incar. Dominicæ MCXCV. Indiçt. XIII. Anno Papatus Dom. Celestini III. quinto. Regnante Gloriosissimo Imperat. Heinricho feliciter, Amen.

Ex Archiv. Admontens. Monast. descript. Schannatus.

*Adelberti, Archi-Episcopi, confirmatio Bonorum Præposituræ
Hallensis.*

IN NOMINE SANCTÆ & INDIVIDUÆ TRINITATIS.

EGO ADELBERTUS, DEI GRATIA, SALTZPURGENSIS ECCLESIAE ARCHIEPISCOPUS, WIGMANNO, HALLENSI PRÆPOSITO, CÆTERISQUE FRATRIBUS INIBI REGULAREM VITAM PROFESSIS, IN PERPETUUM.

Cum suscepti Regiminis officium imponat, omnibus Ecclesiarum pro vectibus intendere &c. Eapropter dilecti in Christo Fratres, petitionibus vestris, pro spe futuræ mercedis, aurem pietatis inclinamus, & Ecclesiæ Hallensi, in qua Deo servire professione Canonica disposuistis, Prædecessorum nostrorum beatæ recordationis *Cunradi* senioris, *Eberhardi*, *Conradi* Moguntini, Pontificum vestigia sequentes, quicquid iuste possidetis &c. scripto præsentis paginæ roborando confirmamus.

Insuper Allodium, quod in Cella (a) dicitur, cum terminis manifeste distinctis, cultis & incolendis, ac Capellam sumptibus vestris in eodem loco constructam, cum juris integritate decimarum, cæterorumque omnium, quæ in præsentis possidet, vel de futuro consequetur, pro remedio animæ nostræ, & prædecessorum nostrorum tradimus Omnipotenti Deo, sanctoque Zenoni, & supradictis Fratribus, petente hoc & consentiente majoris Ecclesiæ Saltzpurgenfis Præposito *Gundackaro*, cum Chori Capitulo, a quo Parochiam in Vahendorff, in cuius terminis jam dicta Capella sita est, canonicè possederunt; ad indemnitatem ergo præfatæ Parochiæ, dimidium mansum Miefenbach, in loco, qui Hirisbu-

hel dicitur, a præmemoratis Fratribus recepimus, & pro legali concambio ad usum Ecclesiæ matricis ordinavimus. Concedimus itaque præsentis Præposito Wigmanno, omnibusque Successoribus suis canonicè instituendis, quatenus in præfata Capella, quam ab omni iurisdictione & districto matricis Ecclesiæ eximimus, & liberam facimus, juxta Dei timorem pro suæ voluntatis arbitrio non solum temporalia, verum etiam spiritua- lia libere secureque dispenent, & ordinent. Per nos quoque, Deo coope- rante, ipsam consecrantes Ecclesiam, eodem prædio cum omnibus appendiciis suis, Pontificali auctoritate in perpetuum dotatam esse decrevimus.

Siquis autem hujus Institutionis nostræ paginam, quam forma sigilli nostri communimus, & Prælatorum nostrorum, Cleri, Ministerialiumque nostrorum testimonii favore stabilimus, cassare tentaverit, ultrices flammæ, si non respuerit, in districtiore examine, sine spe redemptionis, sustinebit. &c.

Acta sunt hæc annò Incarnat. Dom. MCLXXXV. residente Domno *Alberto* Saltzpurgenfi Archi-Episcopo, in solemnî Capitulo apud *Lauffen* habito XVII. Kalend. Decembris.

Ex Hundii Metrop. Salisburg.

(a) Hæc postmodum in Cænobium ejusd. Ordinis excrevit.

SYNODUS MOGUNTINA

ANNO CHRISTI MCXCVI. COELESTINI III. PAPÆ VI.
HENRICI VI. REG. VII. IMP. VI.

*Conradus, Archi-Episcopus Moguntinus, concedit facultatem allodialia
bona donandi Monasterio Owelsburg Ord. Cisterciensis.*

IN NOMINE SANCTÆ ET INDIVIDUÆ TRINITATIS.

CONRADUS, DEI GRATIA, MOGUNTINENSIS ARCHI-EPISCOPUS,
SABINUS EPISCOPUS &c. IN PERPETUUM.

Cum debitum nostri officii exigit, & pietas persuadeat, nos curæ religioforum diligenter intendere; his tamen diligentiorē curam tenemur impende-

pendere, qui majori familiaritate, subjectionis debito & reverentia, Moguntinæ se subdiderunt Ecclesiæ. Eapropter notum fieri volumus tam futuris, quam præsentibus, quod nos inspecta devotione dilecti nobis in Christo filii Godeſcalci, Abbatis de Owelsburg, & fratrum, in eodem loco Deo Omnipotentis & intemeratæ Virgini Mariæ servientium, sub honestate sanctæ conversationis, & bonæ religionis in ordine Cisterciensi, & regula S. Benedicti: considerato etiam, quod idem locus Moguntinæ attinet Ecclesiæ; tanto diligentius in his, quæ honorem Dei redoleant, & eidem loco quoad utilitatem & commodum expediunt, ei prodesse intendimus. Unde & ministerialibus Moguntinæ Ecclesiæ liberam potestatem indulgimus, conferendi sua allodia præfato Monasterio in Owelsburg, suorum in remedium peccatorum, & novellæ plantationis auxilium. Si autem aliquis auctor temerarius, instinctu diaboli, huic nostro pietatis facto præsumeret derogare, illud præsentis pagina, illius confirmativa, & testium, quorum nomina subscripta sunt, adhibitione, in Sancta Synodo Moguntina, necessarium duximus roborare.

Testes hi fuerunt:

Conradus de Moguntia Præpositus.
Henricus Decanus.
Rucherus Custos.
Godefridus Cantor.
Sifridus, Præpositus Sancti Petri.
Wernherus Præpositus sancti Stephani.

Wortwinus, Præpositus sancti Victoris.

Abbates quoque.

Henricus de S. Albano.
Hezelhinus de S. Jacobo.
Philippus de monte S. Thibodi.

Nec non Capellani Curie nostræ.

Emeranus Sacerdos.
Magister Rodolphus, & Hermannus Notarius.

Comites.

Symon de Teckneburg.
Wernerus de Withekindestein.

Nobiles.

Godefridus de Haſthesvelt, Helias de Bruninghusan, Isfridus de Heiligenberh.

Ministeriales etiam Moguntinæ Ecclesiæ.

Dudo Camerarius, Embricho Vice-Dominus, Dietherus Scultetus, Thirricus de Appolt Pincerna. Cinctio Marschalcus, alique plures, qui intererant, Moguntini.

Acta sunt hæc anno Dominicæ Incarnationis MCXCVI. Indiæ XIV. Domno Cælestino Apostolicæ Sedis Præsidente, Henrico VI. Gloriosissimo Imperatore semper Augusto imperante, & Regnum Siciliæ feliciter gubernante. Electionis quoque nostræ anno XXXIII. reversionis vero XIV.

Jongelinus Notitia Abbatiarum Ordinis Cisterciensis: adnotante Sebannato.
Ego vero in Jongelino id non reperi.

SYNODUS DIOECESANA WORMATIENSIS

A LUPOLDO, ELECTO WORMATIENSI, CELEBRATA,
ANNO CHRISTI MCXCVI. COELESTINI III. PAPÆ VI.
HENRICI VI. REG. VII. IMP. VI.

In qua jus pastorale in Bubenheim, Abbati Arnsteimensi tribuitur, nec non bona quedam in Swetzingen, Cænobio Schonaugiensi adjudicantur.

LUPOLDUS, DEI GRATIA, WORMATIENSIS ECCLESIAE ELECTUS &c.

PRecibus Herbordi, venerabilis abbat^{is} Arnstein, libenter annuentes; utraque autoritate, scilicet: Wormatiensis Episcopatus, ac majoris Præposituræ, qua fungimur, tam illi, quam

cunctis successoribus illius, concedimus jus pastorale, ac donum Altaris in Capella sua Bubenheim, nec non instituenti illic, quem voluerit, Vicarium. Præterea ipsam Capellam ab omni debito exi-

exigentia Synodalis emancipamus, eo quidem prætextu: ut Ecclesia S. Michaelis in Buggenheim, XV. denarios & obolum, quos Capellæ in Bubenheim tenetur persolvere, in compensationem Cathedralici Archi-Presbytero nostro, qui illi loco præfuerit, annuatim persolvat.

Acta sunt hæc, in Synodo Wormatiensi. Anno Dom. MCXCVI. Ind. XIV. II. Non. Aprilis.

Testes Clerici:

Smutzelinus Major Decanus.

Sifridus Præpositus S. Paulini.

Præpositus Wimpinensis.

Gisfelbertus Decanus S. Pauli.

Gelfridus Archi-Presbyter.

Heinricus Archi-Presbyter & universa Synodus.

LUPOLDUS, DEI GRATIA, WORMATIENSIS ELECTUS.

Spiritualium tam paci, quam securitati consulere cupientes, lites & controversias in præsentia nostra habitas, qualiter decise, ac determinate sint, scripto memorie mandari deerevimus.

Notum itaque facimus: quod *Rapoto* de *Kirchheim* duos mansos in *Suvezingen* Abbati *Godefrido* de *Schonaugia*, & ejus Monasterio, nullo contradicente vendidit; quos cum, vivente *Rapoto*, sine ullius querimonie, seu proclamationis illatione, annis X. & amplius quiete possedisset; uxor *Rapotonis*, eo defuncto, ad præsentiam nostram in Synodo, adversus *Diepoldum* Abbatem, bonæ memorie *Godefridi* successorem, super mansis illis querimoniam movit: & necesse fuit, ut memoratus Abbas, qui possessor videbatur, & erat, tribus testibus eisdem mansos Monasterio suo, emptionis lege, uxoris, vel hæredum, nec ullius reclamatione cognita, com-

paratos probaret; quod cum die constituto per trium bonæ opinionis testium, scilicet: *Conradi* Sacerdotis de *Schiresheim*, *Sibotonis* de *Bergeheim*, & *Hermani* de *Waltorff*, juramenta probasset nos, contra *Rapatonis* uxorem data sententia: Abbatem, & ejus Monasterium in possessione, sicut debuimus, & jura docuerant, confirmavimus; judicantes, Actrice deficiente, omnes ejus hæredes, perpetuo defecisse; pagina quoque præsentis actionis ac diffinitionis hujus seriem annotari fecimus, sigillo nostro communitas; quatenus deinceps aliquis hæredum *Schonaugiensem* Ecclesiam de his mansis impetere præsumpserit, hoc nostræ auctoritatis instrumento, a judicio, non audiendus, repellatur.

Datum *Wormatiæ* in Synodo, Anno MCXCVI. II. Non. Aprilis.

Ex archæo Ecclesiæ Collegiæ S. Martini Wormatiæ descriptis Schannat. b. m.

SYNODUS COLONIENSIS DIOECESANA

Anno Christi MCXCVII. Cœlestini III. Papæ VII.

Henrici VI. Reg. VIII. Imp. VII.

SUMMA. *Adolphus*, Archi-Episcopus Coloniensis, confirmat Monasterio *Eiffliæ* jus patronatus in Ecclesia de *Reinbach* & *Ippendorff*.

IN NOMINE SANCTÆ ET INDIVIDUÆ TRINITATIS.

ADOLPHUS, DIVINA FAVENTE CLEMENTIA, SANCTÆ COLONIENSIS ECCLESIAE ARCHIEPISCOPUS &c.

Indempnitati Ecclesiarum ex ea dignitate, quam Deus in nos contulit, quantum possumus, tenemur prospicere. Monasterium in *Eiffliæ*, pia defensione dignum, propter Sanctos Martyres *Crysantum* & *Doriam*, qui in ea quiescunt, jus Patronatus habet in Ecclesia de *Rein-*

bach & *Ippendorff* ad eam pertinente. Nemo hominum cum Monasterio prædicto, vel sine eo, jus habet in istis, unde possit dici vel esse Patronus. Hinc est, quod Conventus Fratrum de Monasterio, quando vacat Ecclesia de *Reinbach*, libere Pastorem invenit & producit ad

Tomus III. Concil. German.

N n n

fusi-

suscipiendum donum altaris ab *Archi-Diacono*. Ex tali præsentatione & sequente investitura, is, qui de Ecclesia in Reinbach investitur, eodem jure, quo tenet Reinbach, tenet Ippellndorp, ad nullam laicam personam respectum aliquem habens propter ista.

Ad hujus veritatis assertionem hoc pertinet, quod Henricus Pastor in Ecclesia de Reinbach in *plena Synodo nostra*, coram nobis, confessus est ea, quæ prælibata sunt, vera esse; Nos ergo de veritate hujus rei plene instructi, & jus Ecclesiæ Monasteriensis perspicue cognoscentes, nostro scripto & nostro sigillo *Reinbach & Ippellndorp* prædicto Conventui confirmamus, districte præcipientes, & sub pœna excommunicationis inhibentes, ne aliquis audeat fratres Monasterienses inquietare in his.

Privilegium istud ad robur confirmationis scriptum, & porrectum fuit

Colonie in *Synodo nostra* Anno Domin. Incarn. MCXCVII. præsentibus testibus subscriptis: *Udone* Majore Decano, *Brunone* præposito *Bunensi*, *Theodorico* præposito *S. Gereonis*, *Herimanno* præposito *S. Severini*, *Theodorico* præposito *S. Andree*, *Gerardo* Decano *S. Gereonis*, *Ivone* Decano *Ss. Apostol. Hildebrando* Decano *S. Cuniberti*. *Henrico* Comite de *Kessele*, *Henrico* Comite de *(a) Kuckerwage*, *Everardo* de *Hengebach*, & aliis pluribus tam Clericis, quam Laicis.

Forte ex Archæo Collegiata Ecclesiæ Monasterii Eisslæ, cui Ecclesiæ ab Abbate *Prumienfi* pro Monachis fundatæ, corpora *Ss. Martyrum Chrysanthi & Dariae* a *Marcwardo* tertio Abbate *Prumienfi* donata fuerunt, sub *Lothario Imperatore* a *Sergio Papa* concessa ante annum *DCCCLV*.

(a) forte: *Huckeswagen*,

SYNODUS COLONIÆ

Anno Christi MCXCVIII. Innocentii III. Papæ I.
OTTONIS IV. REGIS I.

Sententia excommunicationis contra Conradum de Blanckenheim, Dominum de Schleyda, usurpatorem decimæ Novalium.

ADULPHUS, DEI GRATIA, SANCTÆ COLONIENSIS ECCLESIAE
ARCHI-EPISCOPUS, TAM FUTURE QUAM PRÆSENTIS ETATIS FIDELIBUS,
PACEM ET VERITATEM DILIGENTIBUS.

UNiversitati vestræ præsentī scripto notum facimus, quod fratres de *Blanckenheim* *Gerardus & Conradus*, accedentes ad *Dominum Brunonem* (a) *Archi-episcopum*, postulaverunt, ut ab eo acciperent in beneficium decimam de *Novalibus* in *sylva*, quæ est juxta castrum *Schleyda*, quam Ecclesia *Steinfeldensis* ab antiquo possederat. Proinde *Archi-episcopus Bruno* sub hac cautela verborum postulata concessit, si posset hoc de jure facere, & ita absolute vacaret ei decima illa, quod posset eis præstare. Hac occasione prædicti fratres aggravabant manum suam super domum *Steinfeldensem* auferentes ei decimam de *Novalibus*, quam prædicta Ecclesia libera donatione primi *Friderici Archi-episco-*

pi, & plurimorum antecessorum, & omnium successorum suorum, usque ad *Dominum Brunonem* quietâ possessione annis fere centum, sicut in privilegiis ipsis Ecclesiæ perpendi potest, possederat. Tam grave damnum Ecclesiæ suæ fratres *Steinfeldenses* ferre non valentes, sæpius ad nos querelam de hac injuria & ad *Priores nostros*, & ad *Barones terræ* detulerunt; donec *Conradum de Schleyda*, qui in partem divisæ hereditatis ipsam decimam acceperat, de sententia *Priorum*, & assensu nobilium virorum, excommunicavimus. Præterea in generali Synodo nostra, cum importuno clamore nos fratres de *Steinfeld* pullarent, sicut ad judicatum est eis in sententia *Priorum & nobilium Laicorum*, ipsi in septem scholis super

(a) Bruno de *Alrena* sedit ab anno 1191. resignavit anno 1193. suscepto Monachi habitu in Monasterio *Veteris Montis*.

super plenarium eandem decimam jure Ecclesiastico obtinuerunt. Unde nos legitima censura utentes *Cunradum de Schleyda*, eos in ipsa decima infestantem, & omnes fautores suos *excommunicavimus*: Domino etiam *Lothario*, *Advocato* ipsius Ecclesiæ, ut de cetero defensione materialis gladii pro Ecclesiâ stare, districte præcepimus. Sane Domino in servis suis pacem operante per manum *Walrami de Monte joci*, & *Gerhardi de Reifferscheid* facta est pax inter *Cunradum*, & *Comitem Lotharium*, *Abbatem de Steinfeld*, & fratres ejus, ita, quod prædictus *Conradus* in manum nostram resignaverit hoc ipsum juris, quod dicebat se in ipsa decima habere, promittens bona fide, quod ipse nunquam, nec aliquis cognatorum suorum, in eadem decima servos Dei infestaret. His rite peractis, nos diligentius imitantes vestigia antecessorum nostrorum, eandem decimam, & quidquid decimarum conquistum fuerit, in cultis & excolendis, eruris & eruendis in perpetuum novalibus Parochialis terminorum eorum, in nostro Episcopio, sicut de liberalitate prædecessorum nostrorum usque ad nos detulerunt, eis nostra auctoritate in perpetuum confirmamus.

Ad confirmandam igitur actionis seriem, iussimus eam scripto & sigillo nostro, & sigillis nobilium virorum, *Walrami*, *Lotharii*, ejusdem *Cunradi* muniri, & Episcopalis banni robore firmatam solenniter promulgari. Testes horum sunt: *Ludovicus* major Præpositus, *Udo* major Decanus, *Bruno Bunnenfis* Præpositus, *Gerhardus Sanctensis* Præpositus, *Engelbertus S. Georgii* Præpositus, *Theodoricus sancti Gereonis* Præpositus, *Theodoricus sancti Andree* Præpositus, *Rudolphus* major Scholasticus. Liberi: *D. Henricus*, *Walramus*, *Fridericus* filii ejus, *Gerhardus de Reifferscheid*, & *Philippus* fratres ejus, *Henricus de Sundeheim*, & frater ejus *Godefridus*. Ministeriales: *Godefridus Dapifer*, *D. Walramus*, *Eberlertus*, *Kynneburg*, *Joannes Monasteriensis*, *Godefridus Gokappelpayn de ac*, *Albertus de Erlepe*, *Wigmannus de Blanckenheim*, *Ernestus de Reifferscheid*, *Thomas de Schleyda*, *Arnoldus Schellewald*, *Fridericus de Froenwards*. Si quis hæc cassare & irritare tentaverit, de numero electorum segregetur. Actum Coloniz anno Dominicæ Incarnationis MCXCVIII.

Ilmus Hugo Stivagiensis Tomo II. Anal. Præmonstratens.

Philippi, Romanorum Regis, varia promissa, facta in manum Diethelmi Episcopi Constantiensis, & aliorum Pontificis Legatorum.

Circa annum Christi MCXCVIII. Innocentii III. PP. I.

EGO PHILIPPUS, ROMAN. REX, SEMPER AUGUSTUS &c.

ANtequam *Martinus*, Prior *Camaldulensis*, & frater *Otto*, Monachus de *Salem*, venirent ad me, tractaturi

I. De pace Ecclesiæ & Imperii; voveram Deo, & Sanctis ejus, me iturum ultra mare, ad liberandum terram promissionis a gentium feritate, & iterum post eorum adventum, audito verbo eorum de tractatu Pacis, de concessione Domini Apostolici, in manu prædicti Prioris, vice Domini Apostolici, vovi & promisi Deo, & Sanctis ejus, & eidem Priori, loco dicti Domini Apostolici, me opportuno tempore Ecclesiæ, & Imperio, & liberationi terræ prædictæ, bona fide, absque omni fraude, illuc iturum, & opitulante Deo, terram illam pro posse meo

Tomus III. Concil. German.

liberaturum. Hujus voti testes sunt: *Dittbalmus* Constantiensis Episcopus, *Eberhardus* Abbas de *Salem*, *Petrus* Abbas de Burgo sancti Sepulchri, Frater *Otto* de *Salem*, *Henricus Dapifer de Wittingen*, *Henricus de Snalekke*, *Henricus Marefcallus de Papenheim*, *Henricus* Notarius.

Insuper promisi, me facturum omnia hijs subscripta:

II. Omnia bona tam Romanæ Ecclesiæ, quam aliarum Ecclesiarum, quæ antecessores nostri Reges, vel Imperatores, injuste abstulerunt, vel detinuerunt, vel ego abstuli, vel injuste detineo, restituiam, & ab eis quiere ac pacifice possideri permittam.

III. Omnes abusus, quos antecessores

N n n 2

res

res mei in Ecclesiis habuerunt, *ut puta*: Mortuis Prælati bona ipsorum, vel Ecclesiarum eorum accipiebant, perpetuo relinquam.

IV. Electiones Episcoporum, & aliorum Prælatorum, canonice fieri permittemus, omnia spiritualia Pontifici relinquentes.

V. Monasteria irregulariter inventa, in quantum Majestati Imperiali congruit, cum adiutorio Domini Apostolici, regularibus Conventibus, scilicet, Cisterciensi, Camaldulensi, Præmonstratensi subiciemus, & operam dabo, ut tam Monasterialis, quam Clericalis ordo, eâ, qua decet, religione vivat & honestate.

VI. Advocatos, sive Patronos Ecclesiarum, ab exactiõibus, angariis, & perangariis, in quantum potero, cessare compellam.

VII. Si Omnipotens Deus Regnum Grecorum mihi, vel Leviro meo, subdiderit, Ecclesiam Constantinopolitanam Romanæ Ecclesiæ, bona fide, & sine fraude, faciam fore subiectam.

VIII. Romanæ Ecclesiæ in omnibus, & per omnia, fidelis & devotus, atque filius & defensor semper ero.

IX. Generalem legem statuam &

observari faciam, semper & ubique, per totum Imperium, ut, quicumque excommunicatus fuerit a Domino Apostolico, in banno statim sit Imperiali. Insuper, pro pace & amicitia inter me, & Dominum Apostolicum, semper servanda, & omnimoda suspicione auferenda,

X. Ut ipse semper mihi sit benignissimus Pater, & ego ei fidelissimus & optimus filius, filiam meam nepoti ejus in conjugium dabo, & alias, vel alios de cognatione mea, secundum voluntatem suam, generi suo copulari faciam.

XI. De omnibus excessibus meis, ad mandatum & voluntatem Domini Apostolici, Deo, & Ecclesiæ, plene satisfaciam.

Hæc & omnia in præsentia Domini Episcopi Constantiensis, (a) & Domini Martini, Prioris Camaldulensis, & Domini Eberhardi Abbatis de Salem, & Domini Abbatis Petri de Burgo S. Sepulchri, & fratris Odonis de Salem, præsentium latoris, Henrici Dapiferi de Walpur, Henrici Marefchalli de Bappenbeim, Heferici Notarii, me facturum, & observaturum bona fide, & sine omni fraude, juravi.

Ex codice MS. Biblioth. Eminent. Card. Orsiboni descriptis Sebannat.

(a) Diethelmus, Baro de Wyfenburg, Abbas Augiæ divitis, a Clero & populo Constantiensi eligitur Episcopus anno 1193. obiit anno 1205. 12. Aprilis.

CONVENTUS IN MULHUSEN

ANNO CHRISTI MCXCVIII. INNOCENTII III. PAPÆ I.

Post mortem Henrici VI. IV. Kal. Octobris, relicto filio impubere, Adalbertus, Archi-Episcopus Salisburgensis, cum Ducibus Austriæ, Baviaræ, Saxoniarum, earumque partium Episcopis, Colloquio celebrato in partibus Turingiæ apud villam Arnispere, PHILIPPUM, Sueviæ Ducem, Henrici VI. defuncti fratrem, elegerunt in defensorem Imperii, quousque Henrici filius in Alemanniam ex Sicilia veniret.

Quo Colloquio soluto, ad oppidum *Mulnhusen* venientes, promissa eidem subjectione digressi sunt, Suevi, Saxones, Bohemi, Bavari, quam plures Principes Rheni.

Otto Blasianus. Urspergensis Chron. pag. CCCXX.

Mulhusino Colloquio interfuere Archi-episcopi: Vefontinus, Ludolfus Magdeburgensis, Adalbertus Salisburgensis. Episcopi: Ratibonensis, Augustanus, Constantiensis, Eistadensis, Wormatiensis, Spirensis, Brixienfis, Hildesheimensis, Electores Regis Germaniæ. Abbates: Fuldensis, & Elvangelensis.

Rex Bohemiæ, Dux Saxoniarum, Baviaræ, Austriæ, Moraviæ.

Vide eorum Epistolam ad Papam apud Baronium.

Bertoldus cum diffideret de expensis ad obtinendum Imperium necessariis, accepit a Philippo beneficia, & hominum

nium ei fecit, & fidelitatem, & vades nepotes suos, quos apud Coloniam pro expensis obligaverat, non absolvit.

Urspergensis.

Philippus Moguntia & Tarentasiensi Episcopo, Sutriano Episcopo sacris operante, coronatus fuit: Philippo Philippus Gallia Rex favebat.

Philippus nuntios suos misit primo Andernacum, dein Coloniam, impediturus, ne in præjudicium suum fieret electio, tum

I. Propter sui & quorundam Principum absentiam.

II. Tum propter Regia generationis in Friderico II. infante trienni non destituendam proficiam:

III. Tum propter juramenta Principum eidem generationi in Henrico Patre exhibita 1195.

Attamen Bertoldus, Dux Zaringia. Colonia denominatus fuit in Regem, non propter hoc, quod justus posset esse videri, sed quia pecuniosus videbatur, cum esset avariissimus. *Abbas Urspergensis in Chronico pag. CCCXX.*

Otto cum Colonienfibus & Fautoribus venerunt ad Aquisgranum (quod jam Philippus prior obtinuerat) sed quia intra civitatem existentes resistere non poterant, accepta pace & securitate personarum, dederunt civitatem Ottoni, quem Adolphus Archiepiscopus Colonienfis coronavit. IV. Non. Junii. 1198.

Casarius Heisterhacensis. Arnoldus Lubecensis. Godefridus Pantaleonita.

Ottoni Richardus Anglia Rex, & Innocentius III. favebant. Philippo favebat Saxonia.

COLONIAE CONVENTUS

Electorum Imperii ad OTTONEM IV. eligendum.

ANNO CHRISTI MCXCVIII. INNOCENTII III. PP. I.

Mortuo in partibus transmarinis Henrico VI. Colonia Agrypina in Regnis incluta, Colloquio celebrato cum Regni Primatibus de electione novi Regis tractare coepit. Huic colloquio intererat Adolphus Colonienfis Archiepiscopus, Conradus Moguntinus, qui tamen praesentialiter aberat, transmarinis negotiis, ut praedictum est, occupatus, cujus vicem in omnibus negotiis ordinandis ipse Colonienfis tenebat, nec minus Dominus Trevirensis talibus se negotiis non absentabat; intererat quoque Palatinus de Rheno Henricus, cum multis nobilibus, qui omnes unanimi consensu *Othonem*, Henrici Nobilissimi Principis & Ducis filium, in *Pictavio* adhuc constitutum, in Regem & Romani Imperii Principem elegerunt, mis-

sisque legatis, eum cum summo honore Coloniam usque perduxerunt.

Talis igitur electio sive regis ordinatio per Legatos honoratos a Domino Colonienfi, sive ab aliis Archiepiscopis & Principibus, Primoribus, Domino Innocentio, Romanae sedis summo Pontifici, insinuata est; omnibus obnixè postulantibus, ut electionem sive ordinationem Regis Othonis approbaret, ipsamque sua auctoritate confirmaret. Papa nimis gavisus est, & non solum ipsius electionem approbavit, sed ipsum Othonem Imperio dignissimum judicavit, missisque Epistolis, ut omnes Regi electo servirent, mandavit.

Arnoldus Lubecensis Lib. VI. Chronici Slavorum Cap. I.



Episcoporum & Principum Germaniæ, qui OTTONEM, Saxoniam Ducem, elegerunt Regem, & Aquisgrani coronaverant, Literæ ad Innocentium III. Papam, quibus petunt confirmari factam electionem.

Anno Christi MCXCVIII. Innocentii III. Papæ I.
Ottonis IV. Reg. I.

SUMMA. Electio Ottonis IV. narratur. II. Collatio Investituræ Principibus facta ab eodem. III. Juramenta Regis, Ecclesiæ & Imperio facta. IV. Commendatur Pontifici coronandus.

SANCTISSIMO PATRI AC DOMINO INNOCENTIO, S. ROMANÆ SEDIS SUMMO PONTIFICI, PRINCIPES ET BARONES ALAMANNIÆ, CLERICI ET LAICI, DEBITAM IN CHRISTO REVERENTIAM ET SINCERITATEM OBSEQUII.

Cum placuisset ei, qui aufert Spiritum Principum, & magnus & terribilis est super Reges terræ, Dominum Henricum Imperatorem de medio auferre, necessarium nobis visum fuit de substituendo Rege tractatum & colloquium habere. Convenimus ergo sapius & miseris & oppressiones, quas hactenus sustinueramus, recensentes, per universos Principes Regni animos nostros ereximus, & quid honori Ecclesiæ Dei & paci ac quieti subditorum potissimum expediret deliberantes, nunc unum nunc alium, quasi finaliter eligere putabamus. Verum, quia non est prudentia, non est potentia, non est consilium, nisi per Deum, placuit ei, qui Abraham filium imolare volenti victimam providit, & David fratribus juniorem de post fratres accepit, atque Matthiam ex discipulorum numero ad sortem Apostolatus elegit, Serenissimum Dominum Ottonem, quondam Henrici Ducis Saxoniam filium, ad Regimen Romani Imperii de terra peregrinationis suæ (a) ex inopinato offerre nobis. Invocata itaque S. Spiritus gratia, prædictum Dominum Ottonem Christianæ fidei cultorem devotissimum, atque S. Romanæ Ecclesiæ advocatum, & defensores fidelissimum, & judicariæ potestatis observatorem justissimum, de longa & antiqua Regum prosapia ex utraque linea spectabiliter editum, ad

Romani Regni fastigium juste ac rationaliter elegimus, & sicut debuimus, ipsius electioni consensimus, ipsumque in Augustorum sede a Karolo M. apud Aquisgranum deputata huic dignitati locavimus, & corona & regio diademate per manum Domini Adolphi Coloniensis Archi Episcopi, ea qua decuit solemnitate, feliciter decoravimus. Nos autem Principes, qui jam dictum Dominum Ottonem in Regem elegimus, feoda nostra, quæ ab Imperio tenemus, à manu ipsius recipientes, hominum sibi fecimus, & fidelitatem juravimus. Tantæ igitur dignitatis munus Excellentissimus Princeps Divinæ potius gratiæ quam suis meritis ascribens, primitiis hujus honoris offerens Domino propria voluntate juramentoque firmavit, *imprimis* Sacrosanctæ Romanæ Ecclesiæ, *deinde* omnium Ecclesiarum jura bona fide servare ac manutenere, & subiectos Imperii exheredatos maxime & a suis possessionibus violenter ejectos in sua justitia pro posse juvare & conservare. Pravam illam *insuper* consuetudinem, quam Imperatores antecessores sui in occupandis rebus nobilibus vel se semoventibus decedentium Episcoporum vel Abbatum, Principum hucusque servaverant, penitus extirpans, nos Ecclesiasticos Principes ab hac indebita vexatione regali benevolentia liberos dimisit, & decedentium bona suis successori-

(a) Pictavis peregrinabatur Otto, Dux Sueviæ.

foribus servanda liberaliter statuit. Paternitati ergo vestræ dignum supplicare duximus, quatenus fidem & devotionem Domini nostri Regis attendentes, merita quoque Illustrissimi Patris sui H. Ducis Saxoniz, qui ab obsequio S. Romanæ Ecclesiæ nunquam recessit, memoriter tenentes, paci & quieti vestræ & nostræ, intuitu Dei ac nostri obsequii providentes, ipsius electionem & consecrationem auctoritate vestra confirmare & Imperiali coronationi annuere paterna pietate dignemini. Sanctitatem insuper vestram obnixè rogamus, quatenus Principes ac Barones a tam rationabili electione discordantes Ecclesiasticâ censurâ ad concordiam revocetis, & ab illicita fidelitate partis adversæ clave Petri resolutos ad præstandam Domino nostro regi fidelitatem & subjectionem auctoritate vestra compellatis. Ut autem a Domino rege nostro jura romanæ Ecclesiæ ut prædictum est integra & illibata serventur, nos in bona fide spon-

demus, & pro Domino rege nostro fide jubemus.

† Ego Adolphus Colonienfis Archi-episcopus elegi & subscripsi.

† Ego Gerardus Inden: abbas elegi & subscripsi.

† Ego Heribertus Werdin: abbas elegi & subscripsi.

† Ego Henricus Dux Lotharingiz qui & Brabantiz, Marchio Romani Imperii elegi & subscripsi.

† Ego Bernhardus Paderburnenfis episcopus elegi & subscripsi.

Ego Thietmarus Mindenfis episcopus elegi & consecrationi cooperatus fui.

† Ego Widekindus Corbejenfis abbas elegi & subscripsi.

Ex Autographo Romano descriptit Illustrissimus Episcopus Furstenbergius, & Schateno communicavit, qui edidit in Annal. Paderborn. ad ann. 1198.

§. II. SANCTISSIMO PATRI AC DOMINO INNOCENTIO,

S. ROMANÆ ECCLESIAE SUMMO PONTIFICI, ADOLPHUS, [a] DEI GRATIA, SANCTÆ COLONIENSIS ECCLESIAE MINISTER HUIUSMODI, DEVOTUM OBSEQUIUM ET ORATIONES IN DOMINO.

Post obitum Henrici Imperatoris nos una cum aliis Principibus de substituendo Rege sæpius tractantes, quid S. R. E. expediret, subditisque Imperii, qualiter quoque priorum Imperatorum oppressiones evitare possemus, sollicitè deliberavimus. Protendimus igitur animos nostros ad diversos Imperii Principes, & sicut Domino placuit, Serenissimum Dominum Ottonem Henrici Ducis Saxoniz filium in romanum regem rationabiliter elegimus, postmodum vero in Augustorum sede aquisitioni locavimus, & sicut debuimus, ea qua decuit, solemnitate consecravimus ac coronavimus. Ipse vero Dominus Rex in timore Dei & reverentia S. Ecclesiæ omnia jura Romanæ Ecclesiæ aliarumque Ecclesiarum bona fide conservare & manutenere juravit. Nobis

etiam aliis Episcopis pravam illam consuetudinem aliorum Imperatorum, qui decedentibus episcopis & abbatibus, Principibus in mobilibus rebus, seseque moventibus succedebant, liberaliter remisit. Paternitatem igitur vestram attente rogamus, quatenus rationabile factum nostrum aliorumque Principum, qui de jure eligere debent, attendentes, merita quoque Domini nostri Regis, Patris ac fratris sui Palatini, Regis quoque Angliæ avunculi sui, qui a servitio & unitate Ecclesiæ nunquam separati fuerunt, considerantes; injurias quoque Ducis Sueviæ patris ac fratris ejus non dissimulantes, magnos & honorabiles viros, quos ipse ac Principes de communi consilio ad pedes sanctitatis vestræ transmittunt, benigne recipiat ac benignius remittatis, & rationabilem ipsius

[a] Scripsit & Colonienfis Archi-Episcopus, moderator hujus electionis ad Innocentium III. Pontificem literas haud dissimili, quo ceteri Principes, argumento; quas hic uti *Ferdinandus Episcopus Paderbornenfis* ex Romano tabulario attulit in Germaniam; prioribus conjungit *Schatenus Tom. I. Annal. Paderbornenf.*

fius electionem, consecrationem, ac coronationem confirmetis, & ad Imperii consecrationem vocetis, nostros quoque adversarios & Ecclesiæ a fidelitate Duci Sueviæ præstita absolvatis, & nostro regi obedire Ecclesiastica censura

compellatis. Nos etiam pro patrimonio Ecclesiæ Romanæ dimittendo ac conservando pro ipso Domino Rege spondemus, ac fide iubemus.

Apud Sebatenum loco indicato.

Rex Angliæ & Otto ipse scripserunt ad Innocentium III., ut electionem ratam haberet; Pars adversa Procerum Germaniæ, Archiepiscopi: Treverensis, Magdaburgensis, Bifuntinus; Episcopi: Ratisponensis, Frisingensis, Augustensis, Constantiæ, Eistadii, Wormatiæ, Spiræ, Brixini, Hildesheimii; Rex Bohemiæ, Dux Saxonie, Dux Baviaræ, Dux Austriæ, Dux Moraviæ, Dux Lotharingiæ, Marchio Misnensis, Marchio Brandenburgensis, Marchio Moraviæ, Marchio de Rumesberg; Abbas Fuldenfis, Abbas Hersveldensis, Abbas de Tegernsee, Abbas Elwacensis, alique Alamanniæ Nobiles Literis scriptis significarunt Pontifici Innocentio III. electum Philippum, defuncti Henrici VI. Imperatoris fratrem, & tutorem Friderici II. impuberis Siciliæ Regis, ad Sceptra & Regimina Imperii gubernanda in Curia solemniter apud Noremberg, Romam brevi aditurum pro corona Imperiali, eidemque jam hominum factum a Germaniæ Principibus, quos inter præter supra memoratos erant Patriarcha Aquilegiensis, Archiepiscopus Bremensis, Episcopi: Verdenfis, Halberstadenfis, Merseburgensis, Nuiwenburgensis, Monasterienfis, Osnaburgensis, Babeburgensis, Bataviensis, Curienfis, Tridentinus, Metensis, Tullensis, Virdunensis, Leodiensis.

Comes Palatinus Burgundiæ, Dux Caringiæ, (a) Dux Carinthiæ, Dux de Bites, Marchio de Lunnesberg, Marchio de Voheberg, Comes Palatinus de Ticing, Comes Palatinus de Wtilinesbach, & alii quamplures Comites & Nobiles. Datum Spiræ V. Calend. Junii 1198.

Sebatenus integras refert ad hunc annum.

Papa acceptis ab utraque factione Literis, & Nuntiis Romam missis, bienni deliberatione interposita, pro Ottone pronuntiat, eumque uti Regem acceptari mandat omnibus Germaniæ Principibus.

Innocentii III. Epist. XXI. & XXIX. ad universos Germaniæ Principes. Et si numerus Principum eligentium major pro Philippo fuisset, quam pro Ottone: at hic Aquisgrani ab Adolpho Colonienfi in Caroli M. sede locatus fuerat: Philippus Moguntia a Tarentasiensi Archiepisc. alienigena coronatus fuerat.

(a) fors: Zaringiæ.

SYNODUS DIOECESANA OSKERSDEVENSIS,

ANNO CHRISTI MCC. à GARDULFO, HALBERSTADENSI EPISCOPO,
CELEBRATA,

In qua Lis, circa quendam Archi-Diaconatum orta, sopitur.

GARDUFUS, DEI GRATIA, HALBERSTADENSIS EPISCOPUS.

Notum facimus universitati fidelium tam præsentium, quam futuro- rum, quod pro debito nobis commissi Regiminis officio, paci, tranquillitati & utilitati Ecclesiarum intendere, & de medio earum scandala & dissensiones tollere cupientes, eam controversiam & litem, quæ inter fratres nostros L. majoris videlicet Ecclesiæ Canonicum & Vice-Dominum, & Ostonem, pro quodam Archi-Diaconatu, per annos plurimos

est actitata; ad bonum pacis & concordie reduximus, ea videlicet ratione: ut dilectus noster videlicet L. Vice-Dominus, pro Dei amore, & nostro interventu, a petitione Archi-diaconatus cessaret, & nos, cum ipsius consensu, eundem Archi-diaconatum Præposito Ostoni recognovimus & assignavimus, ut omni ambiguitate remota præfatus Præposito Ostoni, suisque successoribus maneat in perpetuum.

Ut

Ut autem hæc nostra ordinatio , nunc & deinceps rata maneat , & inconvulsa , autoritate Dei Omnipotentis , & beati Petri Apostolorum Principis , nostroque banno confirmamus , & chartam hanc inde conscriptam , sigilli

nostri impressione signari iussimus.
Datum V. Kalend. Julii , Oskersde-
ve , in generali Synodo , Anno MCC.

Ex cod. MS. Biblioth. Metropol. Mogunt.
descripsit Sebannatus.

Gardulphus Canonicus Majoris Ecclesiæ Halberstadenfis , & Decanus , eligitur Episcopus anno 1194. Obiit anno 1201. cujus memoria in benedictione , ait *Samuel Lenzen in Diplom. Histor. Diæcesis & Prov. Halberstad.* qui hujus Synodi non meminit. Idem tamen duas Synodos Sæculi XII. recenset , unam *magnam Synodum* in Halberstadt anno 1145. die Lunæ pag. 103 : Alteram *plenam Synodum* in Halberstadt , in majore hebdomada anno 1186. pag. 111.

Tempore schismatis inter Philippum & Ottonem IV. Dominus Wido Cardinalis Prænestinus (a) aliquando Abbas Cisterciensis , cum missus fuisset Coloniam ad confirmandam electionem Ottonis jam Aquisgrani ab Adolfo Colonienfi Archiepisc. coronati , anno 1198. bonam illic consuetudinem instituit. Præcepit enim , ut ad elevationem hostiæ omnis populus in Ecclesia ad sonitum nolæ veniam peteret , sicque usque ad calicis benedictionem prostratus jaceret. *Forte hæc in Synodo Colonia statuta.*

Præcepit etiam idem Cardinalis , ut quoties deferendum esset ad infirmum , Scholaris sive Campanarius Sacerdotem præcedens , per nolan illud proderet , sicque omnis populus tam in fratis , quam in domibus Christum adoraret.

Cæsarius Heisterbacensis Lib. IX. Miraculor. Cap. LI.

Innocentii III. Lib. III. Regesti Episc. meminit horum duorum Legatorum a se Coloniam missorum anno MCC.

(a) Una cum Octaviano Episcopo Portuens.

CONCILIIUM ROMANUM

Anno Christi MCC. Innocentii III. Papæ III.
Ottonis IV. Regis IV.

SUMMA. Papa Innocentius Tiemoni Bambergensi Episcopo , ejusque Capitulo significat factam in Concilio Romano Canonizationem S. KUNEGUNDIS Augustæ.

INNOCENTIUS EPISCOPUS , SERVUS SERVORUM DEI , VENERABILI FRATRI THEUMONI EPISCOPO , ET DILECTIS FILIIS CAPITULO BABENBERGENSI , SALUTEM ET APOSTOLICAM BENEDICTIONEM.

Cum secundum Evangelicam veritatem nemo accendat lucernam , (a) & ponat illam sub modio , sed super candelabrum ; ut omnes , qui in domo sunt , videant : pium pariter est & iustum , ut , quos Deus merito Sanctitatis coronat & honorat in celis ; Nos venerationis officio laudemus & glorificemus in terris : cum ipse potius laudetur & glorificetur in illis , qui est laudabilis & gloriosus in Sanctis. Pietas enim promissionem (b) habet vitæ , quæ nunc est , & futuræ : dicente Domino

per Prophetam. Dabo vos cunctis populis in laudem ; gloriam & honorem. Et per se pollicente : *Fulgurent iusti* , (c) sicut Sol in regno Patris eorum. Nam , ut suæ virtutis potentiam mirabiliter manifestet , & nostræ salutis causam misericorditer operetur , fideles suos , quos semper coronat in celo , frequenter etiam honorat in mundo , ad eorum memorias signa faciens & prodigia , per quæ pravitās confundatur hæretica , & fides Catholica confirmetur. Nos ergo , Carissimi ,

(a) Matth. V.

(b) I. ad Timoth. IV.

(c) Matth. XIII.

Tomus III. Concil. German.

O o o

riffimi, quantas possumus, Omnipotenti Deo gratiarum referimus actiones, qui in diebus nostris ad confirmationem Catholicæ fidei, & confusionem hæreticæ pravitatis, evidenter innovat signa & miracula, potenter immutat, faciens eos coruscare miraculis, qui fidem Catholicam tam corde quam ore, nec non & opere tenuerint.

Inter quos beatæ memoriæ KUNEGUNDIS Romanorum Imperatrix Augusta, quæ degens olim in mundo magnis meritis præpollebat: nunc vivens in cælo multis coruscat miraculis, ut ejus Sanctitas certis indiciis comprobetur. Licet enim adhuc, ut aliquis sanctus sit apud Deum in Ecclesia triumphante, sola sufficiat finalis perseverantia, testante Veritate, quæ dicit, quoniam, *qui perseveraverit (d) usque in finem, hic salvus erit.* Et iterum: *Esse fidelis usque ad mortem, (e) & dabo tibi coronam vitæ.* Ad hoc tamen, ut ipse sanctus apud homines habeatur in Ecclesia militanti, duo sunt necessaria: VIRTUS MORUM & VIRTUS SIGNORUM, videlicet merita & miracula, ut & hæc & illa sibi invicem contestentur. Non enim aut merita sine miraculis, aut miracula sine meritis plene proficiunt ad perhibendum inter homines testimonium sanctitati: cum interdum angelus satanæ transfigurer se in angelum lucis, & quidam opera sua faciant, ut ab hominibus videantur. Sed & Magi (f) Pharaonis olim signa fecerunt; & Antichristus tandem prodigia operabitur, ut, si fieri potest, in errores etiam inducantur electi. (g) Verum, cum & merita sana præcedunt, & clara succedunt miracula, certum præbent indicium Sanctitatis, ut nos ad ipsius venerationem inducant, quem Deus & meritis præcedentibus, & miraculis subsequenter exhibet venerandum. Quæ duo ex verbis Evangelistæ plenius colliguntur, qui de Apostolis loquens, agebat. Illi autem (h) profecti prædicaverunt ubique, Domino cooperante, & sermonem confirmante sequentibus signis.

Sane, cum ad audientiam bonæ memoriæ Cælestini Papæ, prædecessoris mei merita & miracula præfatæ Imperatricis, vobis referentibus pervenissent; ut ipse de illis notitiam conciperet certior

inquisitionem eorum Venerabilibus Fratribus nostris Augustensi & Eistetenensi, & bonæ memoriæ Wurzburgensi Episcopo, & dilectis filiis, Eboracensi, Lancshemensis, & Hailsbrunnensi Abbatibus per Apostolica scripta commisit, post cujus obitum usque adeo manifestari cæperunt & multiplicari miracula, ut ex evidentiâ pariter & frequentia sanctitatis ejus ab omnibus quasi notoria prædicetur, sicut ex multis testimonialibus literis Episcoporum, Abbatum, Præpositorum & Principum, nec non & aliorum multorum nuper nostro extitit Apostolatu referatum.

Venientes igitur ad Apostolicam sedem ex parte vestra dilecti filii N. Abbas Michelveldensis, Gundelus Decanus, Cunradus Custos, Marcus Archidiaconus, Hermannus Subdiaconus majoris Ecclesiæ vestræ, Lupoldus Diaconus S. Stephani, Burcardus Diaconus S. Mariæ, Henricus Presbyter S. Michaelis, Henricus Subdiaconus S. Mariæ, Nobis & fratribus nostris humiliter supplicarunt, ut ex plenitudine potestatis, quam JESUS CHRISTUS B. Petro concessit, prænominatam Imperatricem Sanctorum catalogo dignemur ascribere, decernentes, ejus memoriam inter Sanctos ab universis fidelibus de cætero celebrandam: cum hoc sublime judicium ad eum tantum pertineat, qui est B. Petri Successor, & Vicarius JESU CHRISTI.

Nos itaque cognoscentes, quod hoc revera judicium sublimius est inter cætera judicandum, in ipsius examinatione plenariam volumus adhibere cautelam. Et ideo prænominatos jurisjurandi religione constrinximus, ut puram nobis super hoc dicerent veritatem. Qui jurati dixerunt, quod, sicut ex celebri fama & solenni scriptura noverunt, B. KUNEGUNDIS S. HEINRICO IMPERATORI fuit matrimonialiter copulata, sed ab eo non extitit carnaliter cognita. Unde cum Dominus Imperator ageret in extremis: Principibus & Parentibus inquit de illa: Qualem mihi eam assignastis, talem vobis eam resigno. Virginem eam dedistis, & Virginem reddo. Suam ergo Virginitatem Domino consecravit, & servavit intactam: ita quod, cum aliquando, instigante humani generis inimico,

(d) Math. X.

(g) Math. XXIV.

(e) Apocalyp. II.

(h) Marci XVI.

(f) Exod. VII.

mico, suspicio quædam contra ipsam fuisset exorta; ipsa, ut suam innocentiam demonstraret, super ignitos vomeres nudis plantis incescit & processit illæsa.

Item Sanctus Imperator HEINRICUS, & hæc Imperatrix egregia KUNEGUNDIS de propriis facultatibus BABENBERGENSEM fundaverunt Ecclesiam & dotaverunt; quam cum suis omnibus pertinentiis ex fervore devotionis, quam ad Apostolicam sedem habebant, B. Petro Apostolorum Principi obtulerunt, annum ei censum, ad indicium, quod juris sit Ecclesiæ Romanæ, solventem. Sed & alia plurima beneficia piis locis & venerabilibus Ecclesiis contulerunt, Christum sibi facientes hæredem.

Hæc & alia retulere de meritis: De miraculis asserentes, quod eis præsentibus & videntibus, ad memoriam hujus Virginis, cæci visum, claudi gressum, muti verbum, & surdi recuperaverunt auditum, aliisque languoribus impetiti, frequenter & evidenter plenam consecuti sunt sanitatem. Et quod est mirabilis novitatis & novi miraculi; pulvis de tumulo ejus assumtus, sæpe conversus est in frumentum.

Nos ergo de meritis & miraculis ejus multis & magnis non solum testimoniis sed & testibus certiores effecti, cum secundum Prophetam laudandus sit Deus in Sanctis suis: de fratrum nostrorum consilio & Pontificum multorum apud sedem Apostolicam existentium, ipsam beatam Virginem KUNIGUNDIM Catalogo Sanctorum adscripsimus, ejusque memoriam inter Sanctos decrevimus celebrandam.

Quapropter Universitatem vestram

monemus, & hortamur in Domino per Apostolica scripta mandantes, quatenus, quod nos solenniter & caute statuimus, vos humiliter & devote servetis, ut meritis ejus & precibus apud misericordissimum judicem indulgentiam consequamur.

Collectam autem & alias orationes in commemoratione ejus dicendas edidimus, quas in hac pagina duximus subscribendas:

Oratio. Omnipotens & misericors Deus, qui a gloria tua nullum excipis sexum, nullamque conditionem excludis, Te suppliciter exoramus, ut, sicut beatæ KUNIGUNDI Virgini tuæ post terreni culmen Imperii cælestis Regni solium contulisti; ita meritis ejus & precibus nobis quoque famulis tuis æternæ felicitatis præmia largiaris. Per Dominum.

Secreta. Sacrificium laudis tuæ Tibi, Domine Deus noster offerimus, tuam clementiam implorantes, ut per hujus Sacramenti virtutem, nos a peccatis expedias, & a periculis tuearis. Per Dominum.

Complenda. Sacramentum redemptionis humanæ, quod in honore beatæ KUNEGUNDIS obtulimus, tibi nos Domine reddat acceptos, ut per hoc, quod & accepimus ipsi de tuo, & suscepisti de nostro, in tui semper unione vivamus; Qui cum Patre.

Datum Laterani III. Nonas Aprilis, Pontificatus nostri anno tertio.

Ex Annalibus MS. Bambergensibus descriptis Gretserus Tomo X. novæ editionis pag. 565, 566, 567.

DIGRESSIO AD SÆCULUM XII.

§. I. De serie Regum Germaniæ & Imperatorum.

HAstenus in fronte Conciliorum annis Christi subiunximus annos Romani Episcopi, & annos Regis Germaniæ, seu Imperatoris: quoniam utriusque auctoritate & præsidio plurima Concilia vel indicebantur, vel fovebantur, & Reges sæpissime Episcoporum cœtibus in Germania interveiebant, aut illis cogendis causam & occasionem dabant: aut eorum executionem &

observantiam curabant. Incidimus autem in ea tempora sæculi XI. & XII. quibus vidimus & plures simul Romanæ urbis Episcopos, & plures simul Germaniæ Reges ac Imperatores existisse, diversarum factionum studiis.

Verum quemadmodum plures Antipapæ a schismatum fautoribus excitati, pura Cælestinus II. contra Honorium II., Pe-

trus Leonis sub nomine Anacleti, contra Innocentium II. Octavianus dictus Victor IV. Paschalis III. Cœlestinus III. Innocentius III. quatuor Antipapæ fuscitati contra Alexandrum III. legitimum Pontificem excitati, non impediunt nos, quominus solos annos Pontificis Romani semel ab orbe Catholico, & maxima hujus parte, agniti numeremus: licet Papa ille sit in exilio, aut ab uno alterove Principe non agnoscat: licet alii Antipapæ epistolas & bullas ediderint; sic nos vicissim Regem Germaniæ semel ab omnibus, vel pluribus Germaniæ principibus electum & agnitum, semper scribimus *Regem usque ad finem vitæ* etsi forte excommunicatum, aut alio Anti-rege undecunque electo, aut subintruso, turbatum.

Hac Regula præfacta, Henricum IV. a morte Patris sui Henrici III. [quæ accidit III. nonas Octobris anno MLVI. Bodensfeldiæ & sepultura Spiræ xxviii. Octobris anni ejusdem] regem nominamus, & scribimus usque ad diem VII. augusti: qua obiit, anno MCVI. Regni ejus quinquagesimo, Imperii 22do, nihil morari vel Rodulphi Suevi Antiregis, vel Hermanni Luxemburgensis, ab alia factione electi & obtrusi schisma.

Simili tenore Fridericum I. Sueviæ Ducem (a morte Conradi III. antecessoris die XVIII. Februarii MCLII. secuta) qui eodem anno IV. nonas Martii Francofurti electus, & Aquisgrani media quadagesimæ Dominica coronatus fuerat, ac in Caroli M. sede collocatus, *Regem* nominavimus & scripsimus usque ad annum MCXC. quo ad diem IV. Idus Junii obiit in Cilicia. Quidquid interim Pontifices Romani de eo, ejusque regno, aut Imperio senserint: quorum sententiam reveremur; at Chronologicam seriem sequimur celeberrimorum Historiographorum, & ante alios Illustrissimi Baronii, qui annum MCXC. Friderici primi scilicet ejusdem Imperii xxxvitem numerat & scribit.

Eodem tenore Friderici II. annos computamus a morte Ottonis IV. licet jam antea Proceres Germaniæ nempe anno MCXCV. rogatu Patris Henrici VI. eidem homagium fecissent, uti successuro in Germaniæ Regnum; licet rursus anno MCCII. vivente Ottone IV. eundem Fridericum II. denuo elegerint, & Papam, ut eundem coronaret Augustum, rogaverint: attamen nonnisi post mortem Ottonis IV. (quæ anno MCCXVIII. Idibus Maji in castro Hartzburgi evenit) Regnum Germaniæ solus obtinuit; unde a Schareno annus Christi MCCXVIII. dicitur regni Ottonis xximus Imperii X. vitæ ultimus: & Friderici II. sextus regni Germanici [deducto computi ab anno MCCXII.] quo iterum Moguntiæ pridie Kalendas Decembris electus fuerat Rex Germaniæ. Reapse

erat annus hic MCCXVIII. *primus*, quo *solus* vacuum Germaniæ thronum adiit Fridericus II.

Itali tamen Historiographi inde ab anno MCCX. vacasse Imperium, & Germaniæ Regnum supponunt potius, quam demonstrent. Nec Philippi Suevi intercedens electio, facta ab alia & majore factione Principum Germaniæ nos turbat. Nec enim nostri officii, aut instituti est, vel inquirere de valore electi istius, illiusve regis: vel positus pluribus electionibus examinare, quæ præ aliis valida sit? examinent id Politici. Nos ab anno MCCXVIII. ad MCCL. Fridericum II. regnorum Germaniæ, XXXIII. scilicet LII. Jerosolymæ XXXIum annum computamus. Intermedio tempore electos contra Fridericum II. Anti-reges præteribimus; nisi aliqua Synodus vel acta in Synodo cogant nos ejusdem meminisse in notis. Fuere autem inter MCCXVIII. & MCCL. tres reges Germaniæ electi.

Anno MCCXXXVII. Conradus IV. filius a patre Friderico II. designatur successor in throno Regni Germanici & a Proceribus Imperii acceptatur, eligitur.

Anno MCCXLVI. Henricus Raspo Landgravius Thuringiæ & S. Elisabethæ Levir eligitur juxta Herbilopolim a variis Principibus Rex Germaniæ.

MCCXLVII. die S. Michaelis prope Worungam in agro Colonienfi (alii inquit Frankenvurt) eligitur Wilhelmus Hollandiæ Comes a quibusdam Germaniæ proceribus: alii Anno MCCXLIX. ultima Octobris electum volunt, & coronatum I. Septembris.

Sed hæc nos non morantur, quin Fridericum II. ad MCCL. vixisse & regnasse scribamus.

Ab anno MCCL. XIII. Decembris regem Germaniæ scribemus Conradum IV. ad XXI. Maji anno MCCLIV. quo vivere desuit.

Ab anno MCCLIV. XXI. Maji ad MCCLXXIII. XXX. Septembris INTERREGNUM Germaniæ scribemus.

A Rudolpho primo Habsburgico anno MCCLXXIII. electo ad augustissimum FRANCISCUM. I. nunc Germaniæ regem & Imperatorem felicissimum fuit intaminata series Chronologiæ Imperatorum.

§. II. Quod sub nomine Capitulum Synodi Provinciales & Diocesane intelligantur.

Hæc res non tam eger demonstratione, quam ipsa expositione Historiographorum cœvorum, qui sub nomine Capituli

tuli jam Diocesana, jam Provincialia Concilia indicare significant.

[a] Clarissimus *Mansi* Tomo II. *supplementi* observat, sub *Capituli* nomine Synodum vel Concilium Episcopale indicari, præsertim in Archi-Diœcesi Salisburgensi, Frisingensi, Passaviensi & Hildenesheimensi, ut in hoc sæculo XII. maxime apparet, & apud HANSITZ Historiæ Salisburgensis Archi-diœcesis Tom. II. *Germaniæ Sacra*: quam significationem *Capituli* non observavit Clarissimus Du-Cange in Glossario mediæ & infimæ latinitatis. Allam tamen advertit inter multas usurpationis voces *Capitulum*: nempe pro libro Canonum, vel actis Synodicis, quo sensu Lupus Ferrariensis Epistola XII. scribit: *Canones eosdem, sive, ut vos vocatis, Capitula vobis direxi*. Et Theodolphus Aurelianensis *Capitula* vocat librum, quem scripsit ad Presbyteros suæ Parochiæ, seu acta Synodica, in quibus ad Cleri & populi emendationem præcepta continentur.

Quo sensu notiore scimus Regum Francorum sanctiones; & decreta regia, vocari Capitula vel capitularia uti Tom. I. & II. vidimus: sed hoc Tom. III. Capitulum sumitur pro ipso cœtu Episcoporum canones condentium, aut promulgantium Clero & populo observandos.

§. III. Canonistæ Germani sæculi XII.

I. RUPERTUS Tuitiensis Abbas ex Monacho Sancti Laurentii Leodii ordinis S. Benedicti, Tuitium a Friderico Archiepiscopo Colonienſi evocatus ob doctrinæ præstantis famam, scripsit, quod ad jus Canonicum spectat.

Libros XII. de Divinis Officiis, quos dicavit Cunoni ex Sigebergensi Abbate ad Ratisponensis Ecclesiæ Cathedralam promoti Episcopo.

2. In regulam S. Benedicti Libros IV, quorum primus Apologeticus vitæ Apostolicæ, contra calumniatores Ordinis Sancti Benedicti; editus ab Martenio & Durando Tom. IX. *Thesauri amplissimi Anecdotorum*, aut forte idem est, qui inscribitur: *Altercatio Clerici & Monachi* citatus a me in *Bibliotheca Colonienſi* pag. 292. Cum enim Clerici inhiarent divisioni præbendarum & communem hæctenus mensam ac dormitorium nautarent, contra Rupertus zelaret pro vetere instituto vitæ communis Clericalis, in *Concilio Aquensi* stabilito, non mirum est, inde ortum fuisse sententiarum dissidium.

Alterta causa erat, quod Canonici regulares, sæculo XI. exorti, nollent Monachos ad Ecclesiæ munia evocari & evehi: quos ad ea munia idoneos esse, & semper habitos

fuisse demonstrat *Libris V. Dialogorum Apologia de vita vere Apostolica*. Fabricius *Biblioth. mediæ & infimæ latinit.*

Elogium viri post sexcentos Lexicographos vide in Bibliotheca Colonienſi succinctum.

II. STEPHANUS, Tornacensis Episcopus, scripsit præter multas Epistolas & Sermones, *Commentarium in Decretum Gratiani*, quem præ Patribus, Conciliis, & Fontibus Canonum describi, emi, & legi ægre ferebat. Anno MXXII. elevatus fuit ad hunc Episcopatum, quem administravit ad annum MCIII. quo ad plures abiit.

Inter Epistolas *Dupinius* Tomo IX. *novæ Bibliothecæ Ecclesiasticæ*, observat tertiam scriptam ad Mauritium, Episc. Parisinum, & Stephanum Abbatem; quæ petit sibi responderi, utrum immersio cum invocatione Sanctissimæ Trinitatis, seu facta in nomine Patris & Filii & Spiritus Sancti, sit valida, si omittantur hæ duæ voces ore prolatae: *Te Baptizo*; ipse iudicat has duas voces non esse de substantia Sacramenti, sed de solemnitate mysterii, Christum præcepisse tinctionem, immersionem, non vero pronuntiationem harum duarum vocum, sed actionem per eas voces significatam.

Observat idem Epistolis 40, 107, 108, 140, ad Episcopum Dolensem, accusari Canonicos Regulares S. Joannis de Vincis, qui peculium volebant, & qui, cum essent curati, Episcopo, non Abbati, parere volebant, nec esse ad nutum revocabiles: quæ omnia improbat, & primæviæ disciplinæ contrariari credit.

Epistolis 61, 95, 162. probat, licitum esse transitum ab ordine Monastico mitiori ad severiorem, puta a Grandi-Montensi ad Cisterciensem.

Epist. 202. in III. Parte Epistolarum decernit, Matrimonium e Novitatu egressi esse validum.

Epist. 251. conqueritur Pápæ, studia Patrum negligi præ *decretalibus nuper vulgatis*, negligi veteres Canones, Concilia Patrum.

III. ANSELMUS Havelbergenſis in Brandenburgica Marchia Episcopus fuit, a Lothario II. missus Constantinopolim, ubi præstantissimæ dissertationes fuere inter Græcos & hunc germanicum Episcopum, quæ cum spectent universum ea, in quibus dissidet Ecclesiæ græca Orientalis a nostra Occidentali, reductæ in Libros III. ab ipso Anselmo Eugenio III. pp. dicatæ fuere, & editæ Tom. XIII. Spicilegii Dacheriani.

In Libro III. legitur de Primatu Ecclesiæ Romanæ dissertatio, quam magna facundia explanat, demum utrumque remittitur definitioni

nitio controversiarum ad Concilium Oecumenicum, quale fuit Florentinum anni MCCCXXXIX.

IV. RODOLPHUS ex Abbate S. Trudonis fit Abbas S. Panthaleonis Cœnobii intra Coloniam: ejus supersunt varia Canonica. Tractatus contra Simoniacos, cujus ipse meminit in suo Chronico VII. Libris constans, de quibus Mabillon. editor.

Responsorio ad Sibertum Priorem Cœnobii S. Panthaleonis, an opulento filio ordinem Benedictinum Professo denegare parentes valeant hæreditariam portionem? Patrem quidem peccare, ait, sed negat a Cœnobio hæreditatem exigi posse nomine filii. VASELINUS, Prior Laurentii Cœnobii Benedictini, Leodii examinavit factum, an conjugatis post nocturnum usum nuptiarum licitum sit postridie sacram mensam adire? & discrete resolvit Mabillon. Tomo I. Analectorum.

V. GERHOFUS Cœnobii Reicherspergensis in Bavaria Canonico regularium S. Augustini Præpositus; ante Magister Scholarum, Ss. Theol. Doctor & Canonicus Augustanæ Ecclesiæ: utroque prædixit officio dimisso ingreditur Monasterium Berthenhech, ex quo ad Præposituram Reicherspergensensem elevatur anno MCXXXII. eamque gessit ad annum MCLIX. inter gravissimas procellas & fluctus schismatis Imperium inter & Sacerdotium. Gretserus Tom. VI. novæ editionis Aventini calumnias contra Gerhofum diffilat.

1. Syntagma Gerhofi, Reicherspergensis Præpositi, de statu Ecclesiæ sub Henricis IV. & V. & Gregorio VII. coævi & oculari Scriptoris, non minus a vitæ sanctimonia, quam a fidelitate erga Apostolicam Sedem admirandi, & nullo humano metu a veri semita abducti. à *Gevoldo & Gretsero editus fuit.*

2. Lib. de ædificio Dei, seu de studio, & cura disciplinæ Ecclesiasticæ, fide & officio ac diligentia Episcoporum & aliorum Clericorum, quorum conditionem non inferiorem vitæ Monachorum esse docet.

Edidit Petz. Tom. V. Anecdotorum Parte II. pag. 225.

3. Lib. Epistolaris ad Innocentium II. R. P. de eo, quod distet inter Clericos sæculares & regulares.

Apud Petzium eundem loco citato.

In Concilio Ratisbonensi anni MCXXX. ejusdem doctrina, de qua §. sequente, examinata fuit. Ejusdem intempestivus adus pro introducendis Canonicis regularibus in locum Canonicorum sæcularium reprehensus.

Idem Gerhofus interfuit Concilio Wurzburgensi pro Papa Innocentio legitimo

contra Anacletum Anti-Papam anno MCXXX. Idem Concilio Leodiensi pro eadem causa, semper enim pro legitimis Pontificibus contra Antipapas voce & calamo stetit.

Hansfz. Germania sacra Tom. II. pag. 228. 229.

§. IV. De Hæresibus bujus Sæculi.

Ecclēsia militans Christi, uti quovis sæculo frugem bonam in horreum Domini congregat & colligit, sic nec deficit satanas inimicus regno Christi superfeminare zizania, seu errores hæreticorum vel schismaticorum.

Utriusque generis zizania sensit & Germanica Ecclesia intra viscera sua pullulare, quibus evellendis Episcopi qua boni Pastores & inter omnes Episcopos Romani Pontifices indefessam operam navaverunt.

I. HENRICIANI, ab quodam Henrico Eremita, discipulo Petri de Pruys in Provincia Franciæ errores suos spargere cœperunt, unde progressi Lausannam & ad Cenomanos, demum in Germaniam & Belgium disseminaverunt errores suos, ex quibus notior est *Tanchelmus* Antverpianos pestifera sua secta inficiens, & ignoti nominis erronei circa Coloniam vagantes, specie austerioris vitæ & jejuniarum popello fucum facientes.

Eorum errores leges in Synodis Germanicis Coloniz MCXVI. ibidem MCLXIII. MCLXXXIII. Atrebat.

Contra hos Hæreticos

EVERUINUS Præpositus Steinfeldensis scripsit Epistolam ad S. Bernardum, cui respondit S. Doctor *Sermone LXXV.* in Cantica canticorum; idem *Sermone LXXVI.* sigillatim eorum errores ostendens & revincens, circa matrimonium, abstinentiam a carnis & lactis usu, pædobaptismum, purgatorium, vim Sacramentorum, preces pro pace defunctorum &c.

Everuini elogium dedi in Bibliotheca Colonienfi.

Ad Diocēsim Tullensem irrupit secta hominum, quos pecoribus, quam bestiis familiores judicat *Hugo Metullus* Canonicus regularis in Diocēsi Tullensi scribens & degens.

II. CATHARI, qui græca voce *mundos* vel puros se se appellabant, & appellari ab aliis volebant, spurcissimum sectæ genus est, quorum errores optime novit Egbertus qui ex canonico Bonnenfis Ecclesiæ SS. Cassii & Florentii factus est Benedictinus monachus Schonauziæ in abbacia S. Florini Diocēsis Treverensis, unde a Reginaldo Archiepiscopo Colonienfi evocatus anno MCLXIII. coram Clero & populo disputationem publicam.

licam instituit contra tres heresiarchas : quos licet auctoritate & ratione ad obmutescen-
tiam redegerit, resiliere tamen ab errore
noluerunt, & comburi, quam salubriter
penitere maluerunt. Errores infamis gre-
gis Egbertus in suis sermonibus exponit, qui
Sermones & scorsim Colonia excusi fuere, &
Et in Bibliotheca patrum recusi sunt.

*Non est ea ambitio puritatis, ut ut stoli-
da videatur, nova: nam Et nostro sæculo mul-
ti Acatholici se puritanos se pure doctrina,
puri verbi Dei, puri Evangelii præcones esse
se fominant Et jactant, ne putes catharos se-
ctarios solo sæculo XII. pullulasse.*

III. TANCHELMII Antwerpiae Do-
minantis hæreses e Belgio ad Rhenum &
Germaniam nostram proserpsisse testis est
S. Norbertus ejusdem pestis profigitor &
victor. Testantur idem literæ ab *Ecclesia
Trajectensi ad Fridericum Archiepiscopum
Colonienfis Metropoleos scriptæ*, quas re-
ciat *Gretserus* Tom. VI. novæ edition. pag.
566.

Et Hagiographi Antverpienses in actis
Sanctorum Tom. I. Junii pag. 843. 844. 845.
ubi & Tanchelmi fædi & enormes errores
recententur.

IV. GRÆCORUM a Latina Ecclesia
dissidentium errores a Photio sæculo nono
Constantinopolitano Patriarchia maximam
partem excitatos, & a schismaticis Græcis sæ-
culo hoc XII. pertinaciter defensatos occa-
sione suæ Constantinopolim legationis pa-
tienter audiit *Anselmus Havelbergensis* Epis-
copus & erudite confutavit.

V. Eremitam Rodulfum, quia Judæos
omnes interficiendos arrogato sibi prædica-
tionis officio clamabat, non solum contra
Saracenos, in quos hortante S. Bernardo
aliisque expeditio cruce signatorum suadeba-
tur, & instituebatur: sed & contra Judæos
extirpandas crucem assumendam prædica-
bat. Qua occasione plurimi Judæi, Colo-
niæ, Moguntiae, Wormariae, Spiræ, Ar-
gentinæ finitimisque Rheno civitatibus inter-
empti fuere circa MCXVI. Henricus Archi-
episcopus Moguntinus de hoc prædicante
conquestus est apud sanctum Bernardum,
veluti præcipuum cruciatae indictæ promo-
torem.

Respondet S. Doctor tria in hoc Rodol-
fo reprehensione dignissima esse: *usurpationem
prædicationis*, ad quam Monachus hic a
nemine missus fuit: *contentum Episcoporum,
homicidii judæorum approbati libertatem.* Con-
cludit S. Bernardus nullatenus esse interfici-
endos Judæos, sed verbo Dei ad veram fi-
dem reducendos. *Ep. CCCXXIII. Tom. I.
operum S. Bernardi* Editonis Merleborstii pag.
132. Idem compendiosè scribit Mabillon. Tom.

*VI. Annal. Benedictinorum postumo, edito a
Martene* pag. 406.

VI. GERHOHI Præpositi Reicher-
spergensis in Bavaria de gloria hominis in
Deum assummi, doctrina a variis impug-
nata fuit.

Contendebat nempe Christum homi-
nem Deum adorandum summæ venerationis
adoratione una cum sua & in sua divinitate,
qua homo ille non inter alia omnia, sed su-
per omnia prædicatur ab Apostolo: Deus be-
nedictus in sæcula.

Libro scripto de gloria & honore filii
hominis.

Folmarus Præpositus de Trieffenstein,
Petrae Stillantis prope Herbolim accusabat
GERHOHUM, quasi doceret errorem
Nestorii, & Elipandi adoptionem Christi fi-
lii Dei sæculo viii. renovantem, ut ait *Dupin.*
in Bibliotheca nova Ecclesiastica Tom. IX.
pag. 186.

In Concilio Babenbergenfi ea quæstio
agitata fuit a Folmaro, qui præsentiam cor-
poris Christi in Eucharistia negabat: hic
Gerhohum accusabat, quasi hac indivisa
adoratione duas Christi naturas in unam con-
funderet: & hanc suam accusationem con-
tra Gerhohum scripsit ad Archi-episcopum
Salisburgensem & Episcopum Pataviensem:
sed ab utroque rejectus & contemptus fuit.

Hansitz Tom. II. *Germaniæ sacræ* pag.
252. 253.

Videtur igitur Gerhohus in hoc puncto
doctrinæ nihil errasse: sed supersunt
duo alia dogmata ejusdem contro-
versa.

Unus error Gerhohi erat, quod zelo
vitæ Canonice regularis, ultra quam par est
eventus, vitam Clericorum sæcularium in-
sectabatur, 2do negabat ab hærenicis & ex-
communicatis confici posse verum sacrificium
quoad virtutem, sic ut de pane fiat caro agni,
etsi concederet Sacramentum, quantum ad
formas visibilium signorum, quæ sunt in
depictione crucis & verbis ad hoc insti-
tutis.

Primum errorem intempestivo ex zelo
profectum tempus emollivit, & quanquam
Innocentio Papæ, Conrado archi-episcopo,
& Cunoni Ratisbonensi episcopo idem per-
suadere niteretur, nil tamen profecit.

De 2do errore sic Gerhohus scribit.
Anno præterito (MCXXX.) cum sanctæ &
venerabilis vitæ Gualterius Archi-episcopus
Ravennas esset Ratisponæ in Domini Papæ
legatione: fui apud ipsum de verbo isto &
aliis dirè pulsatus, a quo etiam præfente Do-
mino meo Episcopo (*Cunone Ratisponensi*)
de omnibus examinatus, ab ipso tandem
senten-

sententia, quam dixeram, sum corroborata. Fuit autem summa culpa mihi tunc imposita; quod dixerim irregulares Canonicos, nisi converterentur, salvari non posse, & extra Ecclesiam corpus Christi confici non posse. Hoc & ipse Dominus Ravennas testatus verum esse. Ita ipse Gerhohus in Dialogo *de differentia Clerici regularis & secularis edito a Lezio Tom. I. Anecdotor.*

Hausitz. Tom. II. Scriptor. Germaniae Parte II. sacrae pag. 228. refert hoc Gerhohi de se & Apostolico Legato iudicium: quo sensu autem verum sit, non examinat. Hoc certum: silentium Gerhohi fuisse impositum, & a Legato ab Archi-Episcopo Salisburgensi.

HERMANNUS, domo Colonienfis Judæus natus, a duobus gravissimis viris Egberto Monasteriensi Episcopo, & Ruperto Tuitiensi Abbate colloquiis & amica erudita conversatione convictus manus Christo dedit, imo & S. Norberto, cujus institutum amplexus fuit, Schedensis canonice Præpositus fuit.

Scripsit ipse suæ conversionis historiam editam in *Bibliotheca Paulina Lipsiensis a Carpaccio ad calcem pugionis fidei Raimundi Martini.*

REFLEXIO AD CANONES CONCILIORUM SÆCULI XII.

Cum hoc sæculo XII. tot illustres & eruditi viri in scientia sacrae Scripturæ, S. Norbertus Patriarcha suæ familiæ, Rupertus Tuitiensis Abbas, Rudolphus S. Trudonis Abbas, Wolbero S. Panthaleonis Abbas.

Tot excellentes Canonistæ §. III. enumerati.

Tot invicti Polemici hoc §. enumerati.

Miratus sum in Collectione tot Synodorum hoc Sæculo XII. in sola Germania celebratarum, adeo steriles & Canonum inopes Synodos reperiri, sed pene meris actionibus pro Ecclesiæ pace, unitate, concordia, pro foundationibus Monasteriorum tutandis occupari, pro litibus componendis, pro Sanctis canonizandis occupari. Nulli vel paucissimi Canones editi, quibus Catholica doctrina promulgaretur, disciplina & hierarchia Cleri stabiliretur. Admiranda hic providentia Christi, qui Ecclesiam suorum Superiorum undecim sæculorum Canonibus abunde munitam gubernare nunquam desinit. Et si nunc eam fertilior in Canonum scientia, nunc parciorem relinquet.

Hæreses sane, hoc sæculo ortæ, statim suffocate fuerunt, & suos vindices Antagonistas Doctores Catholicos sibi contradicentes repperunt. Inimicus homo semper seminat zizania inter triticum. Pastor familiæ

non dormit, neque dormitat, quin per servos suos agro subveniat.

§. V. Classes variarum Synodorum hujus Sæculi.

I. CLASSIS.

Synodi Dogmaticæ, in quibus vera doctrina proponitur; errores, hæreses, damnantur.

MCV. Northufana Synodus varios errores damnat.

MCXXXVII. In Uzedum in Pomerania Slavos docet S. Otto.

MCXLVI. Coloniae contra hæreticos Catharos sana doctrina defenditur.

MCXLVIII. Treveris S. Hildegardis scripta approbantur a Papa & Concilio.

MCL. Bambergæ, Ratisbonæ, Salisburgi, pro doctrina Gerhohi Reicherspergensis Præpositi contra Folmarum.

MCLX. Fribacensis de eadem Gerhohi doctrina.

MCLXIII. Coloniae contra Catharos.

MCLXXV. Hallæ apud Magdeburg contra Torneamenta.

MCLXXX. Rodulfi Leodii episcopi decreta contra vastatores Ecclesiarum.

MCLXXXIII. Simoniacorum Clericorum poenitentia & satisfactio in Synodo Leodienti.

MCLXXXIII. Attrebari Synodus, in qua varii hæretici detecti, convicti, puniti fuerunt.

II. CLASSIS.

Synodi pro concordia Principum Germaniae cum Papa aut Conciliabula schismaticorum contraria.

MCXI. Edictum Henrici V. innixum concordato paciscendo sed non pacto.

MCXI. Idea conventionis ineundæ ex parte Papæ & Cæsaris.

MCXI. Conventio inita inter Pascalem II. & Henricum V. ex castris ante urbem Roman.

MCXII. Concilium Lateranense aboler & cassat conventionem præcedentem de investituris.

MCXVI. MCXVII. MCXVIII. MCXIX. Excommunicatio Pontificia contra Henricum Coloniae, Frideslarie & alibi.

MCXIX. MCXXII. Triburiae, Argentinae, Metis, Mosomi, tentata concordia inter Callistum & Henricum V.

MCXXII. Wurzeburgi præparatoria ad novum concordatum circa investituras. Ipsum concordatum.

MCXXIII. In Lateranensi generali novum hoc concordatum ratificatur & inter Sacerdotium & Ecclesiam pax statuitur.

MCXXV. Moguntina Synodus, in qua Lotharius, qua pacis & Catholicae Ecclesiae promotor & fautor, eligitur Germaniae Rex.

MCXXVIII. Herbipolensi in Synodo Conradus frater Lotharii Antirex excommunicatur, rursus Leodii & alibi.

MCXXXI. Leodii Innocentius II. a Rege & Episcopis Germaniae eligitur, agnoscitur, salutatur.

Anacletus Antipapa excommunicatur.

Lotharii Regis edictum contra Anacletum Antipapam.

MCLX. Conciliabulum Papiense pro Victore Antipapa.

MCLXII. Curia Bisuntina Friderici pro eodem.

MCLXV. Wurceburgense Conciliabulum pro eodem.

MCLXX. Nurembergensis Curia Regis, in qua exagitantur Episcopi schismati contrarii, & legitimo Papae adherentes.

MCLXXVII. Venetiis pax inter Alexandrum III. & Fridericum I. Ejuratio Antipaparum. Restitutio & sanatio factorum tempore schismatis.

MCLXXXVIII. Saltzburger Synodus in Hochenawe ejurat Calistum Antipapam.

MCLXXXIX. Catholici Episcopi Papae reconciliantur, fidem jurant, recipiunt Decretes, Pallia.

MCLXXXVI. Conventus Geilenhufenensis de novo exacerbat rapam ob novas propositiones: Papa excommunicationem Friderico intendit, sed mors praevēnit fulmen.

Horrendi motus Germaniae inter Pontificem & Imperatorem, & Episcopos Germaniae, nunc huic nunc illi parti faventes, ostendunt ex una parte navem Petri saepe fluctibus hujus saeculi jactari, at non mergi, vigilante Christo navarcha.

Ex altera parte Imperatori Catholico necessariam & utilissimam esse pacem cum Ecclesia & Vicario Christi, Petri successore.

III. CLASSIS.

Synodi pro elevandis, canonizandis Sanctis Germaniae.

MCVII. Treverica de elevato S. Modoaldo, aliisque corporibus SS.

MCX. Coloniae de canonizando Guiberto, Gemblacensi abbate.

MCXXXI. Leodii petitur Canonizatio S. Godehardi. Decisio rejicitur ad Rheimensem proximam Synodum.

MCXXXII. Synodus Hildesi. Elevatur corpus Godehaldi canonizati.

MCLXVI. Piscalis Antipapa Aquigrani elevat corpus S. Caroli Magni.

MCLXXXVI. Coloniae in Synodo Canonizatio S. Annonis secundi, archiepiscopi Colonienensis.

Tonus III. Concilior. German.

MCXCIII. Canonizatio S. Bernwardi episcopi Hildesienensis, elevatio facta est Hildesii MCXCIV.

MCC. In Synodo Romana, Canonizatio S. Kunigundis Imperatricis augustae.

IV. CLASSIS.

Synodi in causis Episcoporum, & Episcopaliū, & Praelatorum saeculi XII.

MCX. Magdeburgi in Synodo contra Slavos cruciarius exercitus decernitur.

MCXXIV. Bambergensis Synodus, e qua abijt S. Otto, hortatu Papae, Pomeranis praedicaturus Evangelium, & Camenensis Episcopatus initia facit.

MCXLIX. Episcoporum Saxonum cruciatae praedicatio contra Slavos.

Altera cruciata contra Mauros, Saracenos, Ulyssipone; feliciter decreta in variis Conciliis Germaniae, Moguntiae, Wormatiae.

Tertia cruciata in Palestinam recuperandam a Conrado Germaniae, & Ludovico Franciae Rege cruce signatis instituta, multis Episcopis conclamantibus, hortatore S. Bernardo.

MCLII. Eugenii VII. Translatio Guicmanni ex Cizensi Ecclesia ad Metropolitani Magdaburgensem inscio Papa ab Imperatore facta nulla declaratur, contra Gerardum a Canonicis Capituli Magdeburgici electum.

MCXXX. Adelberti Archi-episcopi Moguntina Apologetica ad Honorium II., quod Gebhardus praetensus Herbipolensis, appellans ad Papam, legitime fuerit examinatus & excommunicatus. Refutantur falsa allegata appellantis.

MCXXVII. Halberstadenensis Episcopus Otto in variis Synodis Moguntiae, Romae, Pisis, Leodii accusatus, modo depositus, modo restitutus.

V. CLASSIS.

Synodorum pro variis Monasteriis Ordinis S. Benedicti fundatis, dotatis, ampliatis, virorum, monialium.

VI. CLASSIS.

Pro Monasteriis Cisterciensis Congregationis fundatis & auctis hoc saeculo, S. Bernardo Duce & Propagatore.

VII. CLASSIS.

Pro Monasteriis Canonicorum regularium S. Augustini fundatis, dotatis, substitutis in aliarum saecularium vel regularium personarum Monasteria.

VIII. CLASSIS.

Pro Monasteriis & Abbatibus ordinis Praemonstratensium S. Norberto Patriarcha.

Quae Concilia, in his causis habita, Index Chronologicus in fronte Tomi III. positus enumerat.

SÆCULUM DECIMUM TERTIUM.

SYNODUS PATAVIENSIS

Anno Christi MCCIII. Innocentii III. Papæ V.
Ottonis IV. Reg. V.

IN NOMINE SANCTÆ ET INDIVIDUÆ TRINITATIS.

WOLFKERUS, (a) DEI GRATIA, PATAVIENSIS ECCLESIAE EPISCO-
PUS, UNIVERSIS CHRISTI-FIDELIBUS PERPETUAM IN CHRISTO SALUTEM.

Notum fieri volumus omnibus præ-
sentis & futuri temporis fidelibus,
qualiter inter Canonicos Regulares S.
Nicolai, & inter Dominum *Ortolfum*, &
fratres suos *Othonem* & *Sibothonem de Te-
gernbach* (b) versabatur pro decimis agri-
culturae suae in parochia *Grieskirchen* &
quodam prædio, quod *Tegernbach* voca-
tur, quod *Ortolphus* pater eorum pro
remedio animae suae B. Nicolao & Cano-
nicis Deo ibi servientibus, contulerat,
quæ nostro est decisa iudicio. Constitutis
in præsentia partibus, ea a prædictis Cano-
nicis est proposita, super qua & super
prænominatorum fratrum . . . quæsi-
tum est a nobis in scientia, quid de his
ad commodum utriusque partis iustum
videretur. Super quo requisiti a nobis
Dominus *Cbunradus* Archi-diaconus, *Tiemo*
de *Prochenperg* Ministerialis noster, talem
dederunt sententiam, ut testes audiren-
tur, & secundum eorum attestaciones
iuxta tenorem Privilegii, quod jam dicti
Canonici pro se allegabant, causæ finem
imponeremus. *Dietmarus* igitur de *Tram-
merslain* juratus dixit, eandem causam
ita notam esse sibi, sicut tenor privilegii
habebat. *Wizmannus*, etiam juratus,
dixit, bene sibi constare de causa & ita
esse, & ex tenore privilegii audierat.
Auditis itaque eorum attestacionibus, re-
quisiti a nobis Dominus *Cbalbodus* Archi-
Diaconus, & *Henricus de Prez* Ministeria-
lis noster, hanc sententiam dicunt: quod
prænominati testes ita testificati essent,
quod sæpediti Canonici iuste per eos
prætaxatam decimam & prædium supra-
memoratum obtinuisent; Quam sen-

tentiam rite latam, & universaliter a Cle-
ricis & laicis approbatam, præsentata
nostra auctoritate confirmantes, sigilli
nostri robur ei impendimus, & si quis
eos in prædicta decima & prædio tam
sæpius nominato gravare, aut eos inju-
riari præsumperit, auctoritate & Beato-
rum Apostolorum Petri & Pauli, eo-
rumque successorum, & nostri anathe-
matis vinculo eos innodamus.

Acta sunt hæc Patavii in publico Ca-
pitulo nostro, cum testibus subnotatis:

Poppone Abbate de *Altach*. (c)
Leonbardo Præposito de *Richersperg*.
Dietmaro Præposito de *Suben*.
Gerungo Præposito de *Osterhoven*.

Ex Canonicis Cathedralibus.

Comrado Archi-Diacono.

Chalbogo Archi-Diacono.

Henrico Plebano de *Hartperch*, *Henrico*
Plebano de *Gerpoltshoven*, *Alberone*
de *Trusteren*, *Pilgrino* de S. *Egidio*,
Ulrico de *Ammendorf*, *Leone* de
Grieskirchen, *Walthuno* de *Bochen-
berg*, & fratre suo *Abrahamo* de
Utendorf, *Weigando* de *Romptingen*,
Heimrico de *Paumgarten*, *Henrico* fra-
tre suo de *Walbeck*, *Wernbardo* de
Ort, *Thiemone* de *Puechenperg*,
Alberto puro, *Henrico* de *Prez*, *Hen-
rico* de *Leonstorf*, *Eckardo* de *Vuer*,
Albone de *Gemunspersg*, *Dietmaro*
& fratre suo *Henrico* de *Crammen-
stein*. *Alberto*, *Sibothone*, *Walthero*,
Ruizone, *Wizmanno*, *Azelmo*, *Pernoldo*.
Additiones Genoldi ad *Hundii* *Metropolim*
Salisburgensem, in *Historia Monasterii*
S. Nicolai extra urbem *Pataviam*.

SYNO-

(a) *Wolffgerus*, Episcopus *Passaviensis*, natus de *Ellenbrechtskirchen* ab anno 1189.

fedit in ea Cathedra ad 1204, quo Patriarcha *Aquilegiensis* fuit. *Bucelinus*.

(b) Videtur deesse: *Lis* seu quæstio.

(c) Inferiori *Nider-Altach*.

SYNODUS CAMINENSIS

SUB SIGEWINO IV. EPISCOPO. (a)

ANNO CHRISTI MCCIV. INNOCENTII III. PAPÆ VI.

OTTONIS IV. REG. VI.

Discrimen in admittendis ad mensam Eucharisticam publicis peccatoribus, & personis honestis.

Sigewinus, seu Sugervinus, quem nonnulli Sigismundum vocant, vir optimus & religiosus, non solum ipse prædicationis officio creberrime functus est, more Prædecessorum, Ottonis & Adelberti, sed & Clericorum vitia, magis magisque irrepentia vehementer & publice coarguit.

Statuendo in Dicecesi (*statuto Synodali promulgato*) ne meretrices die Paschatos ad sacram synaxin admitterentur, sed

die Veneris tantum: ut inter honestas & turpes personas discrimen aliquod constitueretur.

Hoc castitatis & honestatis discrimen usque ad Episcopum Wilhelmum stricte observatum fuit.

De Wiza Historia Episcopatus Caminensis Cap. XVII.

Edente Ludewigio Tomo II. Scriptorum rerum Germanicarum pag. 583.

(a) Sigewinus per tria lustra Caminensem Ecclesiam feliciter gubernavit: obiit 1217. *Loc. cit. pag. 584.*

SYNODUS HALBERSTADENSIS

ANNO CHRISTI MCCV. INNOCENTII III. PAPÆ VII.

OTTONIS IV. REGIS VII.

Conradus approbat exemptionem villæ Eylwardestorph.

IN NOMINE SANCTÆ & INDIVIDUÆ TRINITATIS.

CONRADUS, DEI GRATIA, HALBERSTADENSIS EPISCOPUS, OMNIBUS, AD QUOS PRÆSENS SCRIPTUM DEVENERIT, IN PERPETUUM.

Sicut ex debito nostri officii rationabiles quosque contractus robore auctoritatis nostræ tenemur firmare, & contrarios malignantium incurfus inviolabiliter communire. Notum esse volumus ram præsentis quam futuri temporis fidelibus, quod cum villa Eylwardestorph sub cura esset Parrochiæ in Ludesleve, dilecti in Christo *Fridericus* Abbas, totusque Conventus in Eylwardestorph, hanc villam volentes eximere a cura dictæ parrochiæ, aream unam suæ Ecclesiæ pertinentem, in Lodesleve sitam, conterminam areæ, doti videlicet ejusdem Ecclesiæ de convenientia dilecti nostri cognati *Gevehardi*, Burchgravi Magdeburgensis, ejusdem Ecclesiæ Advocati, dictæ Ecclesiæ in Ludesleve rationabiliter contulerunt, tali commercio, supradictam villam à cura hujus parrochiæ liberantes, accedente pariter consensu dilecti nostri *Ludolfi Præpositi Kaldenbergensis*, qui patronatum habet ejusdem Ecclesiæ &

Domini *Conradi* ejusdem personam habentis. Hujus rei testes sunt: *Rupertus* Huisburg, *Marfilius* Wimodeburgensis Abbates, *Ekkehardus* Rodensis præpositus, *Meinhardus* & *Conradus* Archidiaconi: nostræ majoris Ecclesiæ Canonici, *Vricus* Sanctæ Mariæ Canonicus, *Rudolfus* parrochianus in Gatersleve: Laici vero, *Theodericus* advocatus, & *Heimicus* frater ejus, *Heimicus* de Sman, *Lambertus* de Querenforde, *Theodericus* Dapifer, *Gerardus* Dapifer, *Berchtoldus* de Ilnstede. Acta sunt hæc anno Dominicæ Incarnationis MCCV. Indictione VII. Anno Ordinationis nostræ V. Ne ergo alicujus improbitas hunc contractum calumniari impofterunt, vel temeraria præsumptione audeat infirmare, *banno nostro Synodali* ipsum communientes hanc paginam inde conscriptam impressione nostri sigilli fecimus insigniri.

Ex codice Diplomatico Ludewigii Tomo I. pag. 24.

P p p 2

CON.

Tomus III. Concil. German.

CONVENTUS AUGUSTÆ

ANNO CHRISTI MCCVII. INNOCENTII III. PAPÆ IX.
 OTTONIS IV. REGIS IX.

Eckbertus, Episc. Bambergensis, a læsæ Majestatis suspitione se purgat.

Sequenti anno Concilium apud Augustam Vindelicorum est actum, cui interfuerunt omnes fere Germaniæ Principes. In eo Concilio Eckbertus Episcopus Bambergensis de Majestate reus est postularus, quod federe cum

Andrea, Ungariæ Rege affine inito, adversus Imperium conspirasse diceretur, qui tamen responso, quo facile liberare Regem suspitione potuit, in speciem dato, a damno, vel periculo liber exivit. Hoffmann. Annal. Bamberg. Lib. III.

SYNODUS HALBERSTADENSIS

Anno Christi MCCVIII. Innocentii III. Papæ X.
 Ottonis IV. Regis X.

SUMMA Contractus inter Decanum, & Canonicos B. Mariæ Halberstadenfis Ecclesiæ, & W. Proviforem Fratrum Templi citra mare, Synodali banno firmatus.

IN NOMINE SANCTÆ ET INDIVIDUÆ TRINITATIS.

CONRADUS, (a) DIVINA PROVIDENTIA, HALBERSTADENSIS ECCLESIAE EPISCOPUS, IN PERPETUUM.

Quæcunque ad laudem & gloriam nominis JESU Christi per nostram, sive quorumlibet fidelium ordinationem rationabiliter disponuntur, ne imposterum decursu temporis per malignantium calumnias convellantur, seu, ut potius firmamentum inviolabile fortiantur, nostro ea tutelamine totaliter duximus communire, ut & facti memoria longum excreffere valeat & vigere, omnisque tergiversatio malignorum, quæ per bonorum ignorantiam honestis & rationabilibus institutis possunt imposterum obviare, perspecta hac pagina veritatis, in se plenarie seriem continente, pœnitens obmutescat; ea propter factum esse volumus, universis Christi fidelibus tam præsentis temporis quam futuri, quod cum ad eam vocati fuisset a Domino dignitatem, quam licet indigni ex ipsius providentia possidemus, & Ecclesiam Beati Jacobi in civitate nostra tenuem in-

venissemus in rebus, seu magis, unde dolumus, in personis, nos in ipsa ad divini obsequii cultum, sanctæ Religionis augmentum, conventum sanctimonialium ordinis Cisterciensis, qui usque ad tempora nostra in Dicecesi nostra extiterat, alienum instituere proponentes, dilectos in Christo Filios Decanum & Canonicos S. Mariæ, qui patronatum & fundamentum memoratæ Ecclesiæ sibi contra justitiam vindicabant, prorsus nostræ contrarios aliquamdiu habuimus voluntati, unde inter nos, & jam dictum Decanum & Canonicos, quibus constanter jus negavimus memoratum, fuit aliquanto tempore lis suborta. Habita tandem consideratione, quod ex debito pacem cum omnibus teneremur habere, licet ante dicti Canonici in Ecclesia B. Jacobi jus penitus non haberent, tamen ut omnis controversia, quæ inter nos fuit habita, concorditer sopiretur; ipsam Ecclesiam ab Ecclesia B. Mariæ exemptio-

(a) Conradus von Krosigk, electus Halberstadiensis Episcopus anno 1201. mense Septembri, obiit 1225. 21. Junii. *Lentzen Historia Diplomatica Halberstadii.*

ne congrua duximus eximendam, Ecclesiam B. Thomæ prope portam versus septentrionem & infra civitatem, cujus patronatus ad nos specialiter pertinebat, Ecclesiam B. Mariæ cum omni jure, quo eam possedimus, in recompensationem congruam conferentes, Ecclesiam B. Joannis jus summum sanum per omnia relinquentes, quæ sicut curam præhabita Ecclesiam hæcenus sine interruptione tenuit & quiete, ita deinceps absque canonicorum contradictione tenebit, dans præterea mansos unum in territorio civitatis nostra jacentem & dimidium in Wersted, dimidium vero in minore Harsleben, quos Ecclesia B. Jacobi quiete possederat. Insuper ducentas quinquaginta oves & 20. marcas de camera nostra in recompensationem condignam Ecclesiam contulimus memoratæ, quæ singula sæpe dicti canonici ad nostrarum precum instantiam concorditer acceptarunt & sic præscriptam Ecclesiam ab eorum & omnium impetitione fecimus liberam & immunem, nostræ eam subjicientes per omnia potestati. Facta ergo legitime, ut dictum est, exemptione præmissa, nos desiderium nostrum, quod conceperamus ante pura mente, ad effectum perducere quam plurimum affectantes, personas quasdam Sanctimonialium ordinis præmissi, quarum numerum Dominus ampliare dignetur, in Ecclesia locavimus sæpedita. Cum autem aliquanto tempore residentiam in ea fecissent, non intelligentes situm loci religioni præhabita minime concordare, cum dilectis nostris fratribus templi ad quos Ecclesia B. Thomæ extra civitatem & donatione nostra consensu Capituli nostri per omnia consonante, legitime pertinebat, commutationem duximus faciendam fratri W. provisorio bonorum templi citra mare dilectum nostrum fratrem Brunonem bonorum Theothonicæ provisorum, ad templum etiam respectum habentium cum litteris nostris in Franciam destinantes, & ejus consensum in hoc facto devotissime postulantes, ipse vero petitioni nostræ optatum præbens assensum literas consensum benevolum exprimentes per fratrem B. nobis in hæc verba remisit:

Reverendo Patri suo CONRADO, Venerabili Halberitadenti Episcopo, frater W. oculus bovis, pauperis militie

templi citra mare Minister humilis salutem & amorem in Christo. Noverit dilectio vestra, quod plene literas vestras intelleximus, super quibus grates vobis copiosas referimus ex his, quod tam dulciter, quam benigne domos nostras & fratres domorum nostrarum in omnibus confovetis, quod frater B. nobis relatione veridica declaravit, ex quo invenitur: *Orate pro invicem, ut salvemini*, procul dubio habeatis nostrum capitulum bonorum suorum & orationum vos facere participem & consortem, idem de vestra charitate nihilominus expectantes. De commutatione autem, de qua nobis per vestras literas mentionem fecistis fratri Brunoni commisimus, quidquid ipse super ea duxerit faciendum, ratum & intellectum habituri.

Harum igitur literarum auctoritate recepta cum fratre B. nec non fratribus templi, quorum copiam habere potuimus, super communicatione præmissa convenimus in hunc modum, videlicet: ut Sanctimoniales & fratres templi cœnobita sua hinc inde consensu unanimi commutarent, ita quod Sanctimoniales ad Ecclesiam B. Thomæ transfirent cum omnibus bonis, quibus antea apud Ecclesiam B. Jacobi fruebantur, tribus tantum areis exceptis, triginta solidos annua pensione solventibus, quos pro agris infra curiam B. Thomæ comprehensis templariis dimiserunt.

Ipsi vero Fratres templi Ecclesiam B. Jacobi, cum bonis suis, quæ apud Ecclesiam B. Thomæ contraxerant, obtinerent: quod concorditer factum est utrobique. His ergo circa conventum prædictum rationabiliter ordinatis, dilectum in Christo filium Corvinum primum ejusdem loci præpositum, virum utique providum & Domino devotum nomine legitimi provisoris personis & loco commendavimus memorato. De ipsius enim conversatione spem talem concepimus & certum habemus, quod per ejus industriam & laborem locus idem tam in interioribus quam exterioribus crescere & fructuosum sumere debeat incrementum, & nos in quantum possumus ad subsidium personarum inibi Domino famulantium una cum ipso temporibus vitæ nostræ intendere studebimus cum effectum. Reverendis Dominis universis successoribus nostris, quibus collegium

memoratum in Domino commendamus, devotissime supplicantes, quatenus divinæ retributionis intuitu, suam efficaciter, circa ipsum devotionem exhibeant & favorem. Sanctimonialia vero loci prædicti inter se eligendi deinceps Abbatissam, nullius extra conventum requisito consensu liberam electionem habebunt. Illud enim in Domino committentes, ut talem sibi præstent, quam in interioribus Ecclesiæ noverint profuturam. Cæterum ut in ipsa Ecclesia nostra nostrorum successorum, & fratrum nostrorum majoris videlicet Ecclesiæ nostræ memoria tanto celebrior habeatur, dilecto in Christo Filio & suis successoribus de capitientia Capituli nostri, eam gratiam duximus conferendam, ut quid quid de bonis, quæ Ministeriales vel Vasalli Ecclesiæ nostræ de manu nostra tenent, prece vel pretio redimere poterunt, ad usum Ecclesiæ suæ auctoritate nostra redimant, & hanc eis præsentis pagina licentiam indulgemus; idem de consensu Capituli nostri permittimus, ut quicumque fidelium in prædicta Ecclesia locum sibi eligere voluerit sepulturæ, auctoritate præsentium liberam habeant potestatem, salvo tamen per omnia jure suorum Parochianorum, quorum jus ab omnibus inibi sepulturam quærentibus sanum & inviolabile volumus, & præcipimus observari. Ut igitur Ecclesia sæpe dicta ad honorem Domini & ad commodum collegii inibi Domino famulantis semper vigeat, & in Christo jugiter augeatur & crescat, nos eam nostro patrocinio specialiter amplectentes, sub nostra protectione suscipimus: & quæcunque bona tam donatione Pontificum vel oblatione fidelium sunt adepta, vel imposterum justo titulo sunt adepta, nos ea præsentis scripti privilegio communimus. Bona autem, quæ industria & labore Præpositi & sororum inibi manentium ecclesia conquisivit, ut semper maneant inconvulsa, huic paginæ ea dignum duximus annotare. Emerunt autem a majore advocato Domino Ludolpho videlicet unam vineam cum area adjacente, & sylvam unam in Aspensted sitam 12. marcis, de quibus ipse sex Ecclesiæ pro animæ suæ remedio erogavit; ab eodem quoque advocato comparaverunt duos mansos cum area in Quensted sitos, & duo prata in Wer-

sted 30. marcis & una legitimis hæredibus suis consentientibus, & compromittentibus hos contractus. Item a Domino Wernero de Sufeliz comparaverunt vineam & sylvam unam in Aspensted 14. marcis de consensu hæredum suorum, præterea a Domino Wernero de Lichtenberg emerunt mansum unum cum area in Quensted situm pro 12. marcis: a Bernardo quoque de Aspensted ministeriali Ecclesiæ nostræ comparaverunt, mansum unum situm in eadem villa in Aspensted cum 17. marcis. Item a Bernardo de Alvensleben dapifero nostro mansum unum in Wersted situm pro 20. marcis emerunt, tres præterea mansos in territorio Halberstad & Wersted sitos, æstimatione congrua paraverunt. Insuper mansum unum in eadem villa Wersted situm pro 30. marcis emerunt. Item a Theodorico litone beatæ Mariæ 6. jugera in Wersted sita 6. marcis comparaverunt. Præterea Ludolpho præfato de Beersleben quatuor jugera, quæ Hersleben habuerunt, pro sex jugeribus in Wersted sitis quatuor marcis sibi supra additis concambium faciendo dederunt. Alvericum quoque Camerarium datis sibi quatuor marcibus ad hoc induxerunt, quod ipse quinque solidos de areis, quæ dicuntur tinsamenta, quos a nobis tenuit, in beneficio resignavit, quos præfata Ecclesiæ contulimus pro animæ nostræ remedio & salute; de quibus etiam dotatum est altare Sancti Archangeli Raphaelis. Præterea Domina Adelheydis matrona nobilis & devota ibidem conversa 3. mansos in Hopthale sitos, de conniventia & consensu hæredum suorum eo jure, quo ipsa eos juste possederat, eidem Ecclesiæ contulit pro animæ suæ remedio jugiter perfruendos. Ut ergo tam donationes quam contractus quoslibet prætaxatos nullius improbitas unquam infringere, vel temeraria audacia audeat infirmare, auctoritatis nostræ robore, *Banno nostro Synodali* ea rationabiliter celebrata inviolabiliter confirmamus, & ut perpetuæ firmitatis robur obtineant, hanc paginam inde conscriptam, impressione nostri sigilli fecimus insigniri. Hujus rei testes sunt majoris Ecclesiæ nostræ Canonici: *Wernerus* major præpositus, *Burchardus* Decanus, *Fridericus* Vice-Dominus, *Otto* Archidiaconus in Westerrode, Anno Cella-

Cellarius, *Almarius* S. Pauli Præpositus, *Arnoldus* in Seehausen Archi-diaconus, *Meinardus* in Artebesheim Archi-diaconus, *Burchardus* diaconus, *Bertoldus* Archi-diaconus Balfamiæ, *Burchardus* Subdiacon. *Conradus* S. Mariæ Præpositus, *Conradus* Præpositus in Wildeshausen, *Ludolphus* Subdiaconus, *Hemricus* Camerarius, *Arnoldus* Scholasticus, *Bertoldus* Subdiacon. *Conradus* Archi-diaconus Orientalis. Prælati vero Ecclesiarum: de Offenburg, de Huisburg, de Reinstorff, de Wimodeburg, de Sicheim, de Conradesburg Abbates. Item: de Sterterlingleben, de Hattmersleben, de Hammersleben, & sancti Joannis in civitate Præpositi. Laici vero nobiles: *Arnoldus* de Sierrenbecke,

Albertus Comes de Werningerode, *Hemricus* Comes de Regenstein, *Wernerus* de Sufeliz. Ministeriales: *Gevehardus* de Alvensleben Dapifer noster, *Hugoldus* de Quensted, *Theodoricus* Marefchalcus, & alii quam plures.

Acta sunt hæc anno Dominicæ Incarnationis Millefimo ducentesimo octavo, Indictione decima. Anno vero Ordinationis nostræ septimo, in nomine Domini, Amen.

Per manum Theodorici, Notarii.

(L.S.)

Leuckfeldt, Antiquitates nummarie Halberstadenses pag. 119.

HALBERSTADII CONVENTUS

E O D E M A N N O.

1. *Ottonis IV. electio secunda.*

2. *Querelæ Wirceburgensis electi de damnis suæ Ecclesiæ.*

3. *Conradus Halberstadensis volens Episcopatu cedere, non auditur.*

Mortuo Rege Philippo, (a) omnes, qui per eum stare videbantur, infirmitati ceciderunt: unde contingit, Waldemarum, Bremensem electum minus a suis acceptum. Timebant sane offensam futuri Principis, vel excommunicationem Apostolici, quod eis tunc innotuerat. Rex autem Ordo videns datam opportunitatem, quosdam de suis æmulis bello impetere cogitabat, ad quem accedens Archi-episcopus Magdeburgensis una cum Duce Bernhardo sic ei locuti sunt. Non suademus, ut aliquem impetum præsumtuose faciat, ne aliqua commotio contra vos fiat; sed magis ex dispensatione Principum curiale colloquium statuatis; ut ibi de electione Regis unanimiter tractetur. Si complacuerit Domino in nostra persona, gratum habebimus; sin aliud, & hoc audiemus.

Quod cum complacuisse, indicta est curia satis famosa in *Halberstad*, ubi convenerat maxima pars Prælatorum & Principum Saxonie & Turingie, nec defuit Herbipolensis Electus Ocho. Omnes

igitur Principes, qui convenerunt, ac si divinitus inspirati pari voto, & unanimi consensu *Othonem* in Romanum Principem, & semper Augustum elegerunt in Nomine Patris, & Filii, & Spiritus Sancti, Archi-episcopo, qui primam vocem habere videbatur, inchoante, prosequente vero Bernardo Duce cum Marchione Misnensi, & Landgravio Turingie cum aliis, ad quos electio Regis pertinere videbatur.

II. Cum autem perventum fuisset ad electum (b) memoratum, conqueri cepit in conspectu Principum, Ecclesiam suam damnificatam a Philippo Rege, & ejus prædecessore Henrico Imperatore, quovis anno ad mille marcas, pro qua etiam injuria *Conradus* (c) ipsius prædecessor dolose occisus est, & nisi eadem injuria mutaretur, ut Ecclesia indemnitas maneret, ipse huic electioni se consensum non præbere affirmabat; cumque hinc inde multa allegarentur, ipse de collegio exiens discessit. Altero tamen die revocatus, Electioni Principum acquie-

vit,

(a) X. Kal. Julii Bambergæ occiso.

(b) Electum Wirceburgensem.

(c) Episcopus Wirceburgensis.

vit, quorum una cum Rege ordinatione Ecclesiam suam recepit.

Arnoldus Lubecensis Lib. VII. Chronici Slavorum Cap. XV.

III. Ubi postquam Conradus Halberstadenſis Episcopus Romanam Sedem diu sollicitasset, ut sibi liceret onus episcopale deponere: Dominus Papa nullatenus ejus petitionem admisit, sed tandem Domino Hugoni Ostiensis Episcopo, & Domino Leoni Apostolicæ Sedis Legatis commisit, ut ipsi ad Halberstadenſem Ecclesiam accederent, & si viderent, ejusdem Episcopi cessionem suæ Ecclesiæ expedire; tam congruam & idoneam, quam

providam & honestam diligenter investigarent personam, cui episcopatus dimitti posset, sed licet ipse cum multis lacrymis eorundem pedibus provolutus, a provisione Halberstadenſis Ecclesiæ postulavit se absolvi, ipsi tamen Cardinales vice versa, se suis pedibus provolventes, ne ipse suam Ecclesiam relinqueret desolatam, attentius rogaverunt, votum etiam suum autoritate Apostolica cohibentes, omnemque spem impetrandæ dispensationis eidem de cætero amputantes.

Chronicon Halberstadenſe apud Leibnitz. Tom. II. Script. Brunſwicenſ.

SYNODUS TRAJECTENSIS

AD RHENUM.

Anno Christi MCCIX. Innocentii III. Papæ XI.
Ottonis VI. Regis XI.

§. 1. *Consensu Cleri & Prælatorum varia Statuta eduntur.*

§. 2. *Controversia de jure Patronatûs in Ecclesiam Brigdamme componitur.*

§. 3. *Ratificatio compositionis per Episcopum.*

I. **S**I capiatur Prælatus, vel Canonicus, vel Socius chori, vel aliquis Clericus de familia Prælati, vel Canonici; Episcopus, qui nunc est, vel pro tempore fuerit, ipsum liberabit, si potuerit aliquo modo; si non dixerit, quod eum liberare non possit, & hoc sub juramento, quod in primo suo introitu præstabit, comprehenditur, Ecclesia credet ei, & ex tunc Ecclesia resumet Divina & depositis crucibus, & compulsionem legetur maledictio. Si vero capiatur in terra Hollandiæ vel Geldriæ ab ipsis Comitibus, vel ab aliquo commorante in terra ipsorum: si detineatur, Ecclesia quatuordecim diebus cessabit a die notificationis. Interea monebitur Comes, ut captivum liberum remittat cum emendâ competente; quod si non fecerit, terra ipsius, quæ est in nostra ditione sita, ab Episcopo & Archi-Diacono ponetur sub interdicto; & Ecclesia resumet Divina, & observabit formam maledictionis supradictam, & Episcopus

per totam Diocesim suam faciet illum denunciari excommunicatum.

II. Si vero aliqua prædictarum personarum lædatur in persona a laico, & enormis fuerit læsio manifesta; Ecclesia cessabit, donec denunciatus fuerit malefactor, sicut hætenus est observatum. Si levis fuerit injuria, & non manifesta, non cessabit Ecclesia: sed vocabunt injuriatores, si se expurgare voluerint, audiatur eorum expurgatio, nisi actor possit probare in contrarium per duos testes idoneos.

III. Si bona alicujus Ecclesiæ vel personæ Ecclesiasticæ ad Ecclesiam spectantia a laico rapiantur, vel per violentiam detineantur; moneatur, ut infra quatuordecim dies restituat, & impedimentum removeat. Quod si non fecerit, Episcopus & Archi-Diaconus loci ipsum excommunicabunt, & excommunicatum denunciabunt absque citatione; & si in excommunicatione perseveraverit per sex hebdomadas, Ecclesia,

in qua moratur, ponetur sub interdicto: & si nec sic resipuerit; in omnibus Ecclesiis ipsius Decanatus accensis candelis denunciabitur excommunicatus. Quod si idem in malitia sua nihilominus perseveraverit, Dominus, in cujus terra moratur, monebitur, ut infra mensem ad restitutionem compellat; alioquin Dominus ille ponetur sub interdicto.

IV. Si Prior vel Canonicus subtrahat, vel detineat præbendam fratrum, vel impediatur, quo minus bona Ecclesiæ debito more locentur, excommunicatur per Hebdomadariū ad mandatum Decani, vel Majoris de Capitulo, si Decanus præsens non fuerit, & reditus ipsius subtrahantur. Et si ad annum in sua malitia perseveraverit, & si ad unitatem redire noluerit, ipso jure sit dignitate sua, vel præbenda privatus. Si a laico impediatur, de eo observetur, quod a raptore, vel detentore, superius expressum.

V. Si pactionarii Ecclesiarum statuto tempore non solverint, siue sint in anno in annum, siue sint perpetui; excommunicentur, publice excommunicati denuntientur, & si in malitia sua perseveraverint, nisi Justiciarius monitus infra mensem de bonis suis Ecclesiæ satisfecerit, Ecclesia, in qua moratur, ab Episcopo & Archi-Diacono loci Ecclesiastico ponetur sub interdicto.

VI. Si Episcopus vel suus Justiciarius injuriam Ecclesiæ fecerit, occupando, vel alio modo invadendo bona, quæ hactenus habuit in quietâ possessione, monebitur, ut infra quatuordecim dies restituat, vel restitui faciat; quod si non fecerit, cesset Ecclesia, & si per hoc ad restitutionem duci non possit; Ecclesia læsa communibus expensis coram Papa vel Archi-Episcopo suam injuriam prosequatur.

VII. Si aliquis qualiscunque vel undecunque contra libertatem & consuetudinem Trajectensis Ecclesiæ hactenus observatam, aliquid beneficium petierit, vel obtinere voluerit, communibus expensis universalis Ecclesiæ insistant eidem, vel si aliquis in suum hospitium collegerit, vel auxilio adstiterit, postquam Ecclesiæ innotuerit, ipso jure a

perceptione ipsius beneficii sit suspensus, donec resipuerit, & Ecclesiæ universali quinque libras persolverit, cum corporali disciplina coram universali suscipienda Ecclesia. Si vero alicujus suspectus fuerit, & ab Ecclesia, cui gravamen incumbit, coram universali Ecclesia de hoc impetitus fuerit, cum duobus fratribus sui Capituli se expurgabit vel pro reo habebitur.

VIII. Si aliquis Canonicus penitus fuerit inobediens, suspendatur per Decanum a beneficio, & per Capitulum; & si monitus tribus vicibus infra annum incorrigibilis permanferit, beneficium abjudicetur ei per Decanum & Capitulum.

IX. Si Canonicus intestatus discesserit, Capitulum disponat de omnibus bonis suis, quæ a Capitulo tenet, nisi forte fidei Commissarios acceperit coram Capitulo, vel alias sub bono testimonio.

X. Mortuo Prælato, vel Canonico in morte (a) siue in die, significetur campanariis omnium Ecclesiarum, ut audito signo Ecclesiæ, in qua mortuus est, compulsatio fiat in omnibus Ecclesiis. Idem fiat cum effertur vel sepelitur; hoc etiam fiat in septimo & trigésimo, & in anniversario primo. Fidei-commissarii dent cuilibet campanario duodecim denarios.

XI. Candelæ in vigiliis exequiarum quatuor ponentur, & in Missa quatuor; Candela plus non habeat, quam libram ceræ, aliæ novem sint de tribus libris.

XII. Omnes convenient ad Psalterium, qui sani sunt, infirmi mittant pro se. Qui sanus est, & non venerit, Camerarius accipiet duodecim denarios de præbenda sua & faciat legi Psalterium: si infirmus non miserit nuncium, simili poena puniatur. Omnes remaneant, donec sepulchrum sit clausum: de qualibet Ecclesia habeatur legenda & stola, & per custodes Ecclesiarum procuretur.

XIII. Quivis Canonicus infra trigésimum legat, vel legi faciat pro anima defuncti Psalterium, & Collecta in Missa Defunctorum, & Vigiliis, & in Matutinis dicatur per trigésimum in qualibet Ecclesia. Omnes convenient ad septimum, trigésimum & anniversarium primum.

XIV.

(a) forte in nocte, legendum pro morte.

XIV. Compulsatio non fiat pro laico in conventualibus Ecclesiis, nisi cum effertur.

XV. Conventualis Ecclesia non ibit ad domum laici ad funus, sed si Ecclesia invitata fuerit, sicut hactenus consueta est, ad Ecclesiam, ubi sepeliendus est, convenient, & ad septa Cœmeterii occurrent.

Si scholaris, vel famulus Prælati, vel Canonici moritur, in platea ad Capellam deferetur, vel ad domum claustralem, & ibi Ecclesia occurret.

XVI. Si Episcopus gravatus fuerit, Ecclesia ei assistet auxilio, & consilio, & in expensis.

XVII. Si aliquis in periculis constitutus, vel timore mortis ad Ecclesiam, vel Immunitatem confugerit, Ecclesia ipsum defendet, donec ei securus conductus fuerit præstitus exeundi. Si per violentiam fuerit extractus, publice in omnibus Ecclesiis denunciabitur excommunicatus, & poenâ triginta marcarum puniatur: nec Episcopus malefactorem absolvat, nisi satisfactum fuerit Ecclesiæ universali. Publicum vero latronem & nocturnum agrorum populatorem, & qui scelus committit eâ intentione, ut ab Ecclesia defendatur, alias non com-

missurus, & eum, qui delinquit in Ecclesia, Ecclesia non defendet.

XVIII. Si quis ausu temerario intrare Ecclesiam voluerit, & si dissensiones, vel bella exinde movere contenderit, excommunicetur publice, & ab Episcopo per sæcularem potentiam ejiciatur. Similiter & adjuutores ipsorum, sive sint Clerici, sive sint laici, excommunicentur, & poenâ triginta marcarum puniantur. Et si Episcopus ipsos ejicere neglexerit, Ecclesia cessabit, donec ejecti fuerint & Ecclesiæ satisfactum.

Nullus in una Ecclesia duo vel plura habeat beneficia. Nec Episcopus scholasteriam vel custodiam alicui conferat, nisi Canonico ipsius Ecclesiæ.

Canonici, qui sunt in perceptione in expensis suis, vel alterius non sint, nisi in domibus claustralibus. Postquam Canonici electi fuerint, & in perceptione fuerint, Ecclesiam parochialem non regat.

Canonici tonsuras & coronas habeant congruentes, quicumque recusaverit, per subtractionem sui beneficii ad hoc faciendum compellatur.

Innovata & confirmata hæc rursum sunt a Wilhelmo Pontifice XXXV.

Batavia Sacra pag. 151, 152, 153.

§. II.

OTTO, DEI GRATIA, MAJOR IN TRAJECTO PRÆPOSITUS, UNIVERSIS IN WALLACRIA CONSTITUTIS TAM CLERICIS QUAM LAICIS, SALUTEM IN DOMINO.

NOtificamus universitari vestra, quod Dominus Theodericus bonæ memoriæ Episcopus Trajectensis ad petitionem nostram, & Canonorum Beati Petri, qui jus patronatus habent & personatus, auctoritatem contulit Wilhelmo & Parochianis in *Brigdamme* construendi novam Ecclesiam in terminis Parochiæ suæ, tum ut ibidem Divinus cultus augetur; tum etiam ut Parochianorum necessitati paterne provideretur. Qua de causa inductus in posterum observari præcepit, ut prædicti Decanus & Canonici in hac nova Ecclesia ædificata instituunt Sacerdotem pro voluntate sua; & Sacerdos ab ipsis institutus recipiat decimam ab Orientali parte usque ad medietatem totius decimæ, quam antiquitus solebant percipere duo Sacerdotes,

communiter in antiqua Ecclesia celebrantes. Præterea proventus agrorum Ecclesiæ antiquæ, & quandam decimam, quæ sita est juxta Alartskints Kereke, Sacerdotes prædictarum Ecclesiarum, æquali inter se dividant portione: in prædicto quoque termino, qui protenditur ab occidentali parte usque ad dimidietatem totius decimæ, quam habebit totam Sacerdos in nova Ecclesia. Custos novæ Ecclesiæ habebit decimam de quinquaginta mensuris. Dedit etiam licentiam Parochianis omnibus, ut quicumque pro voluntate sua in antiqua Ecclesia manere voluerit, maneat: qui vero ad novam transire voluerit, transeat. Ad hæc prædictæ ecclesiæ Baptisterium concessit, & sepulturam. Quæsitum fuit in generali Synodo sententia; an Episcopus consensu

sensu Archi-Diaconi & personæ, inspecta necessitate, cum consensu Patroni dare posset auctoritatem construendi novam Ecclesiam? Et sententiatum fuit, quod bene, & *Synodus* approbavit sententiam. Testes hujus rei sunt: Otto major Præpositus Trajectensis, Reimboldus major Decanus, Wigherus Decanus S. Petri, Arnoldus S. Petri Canonicus, Willelmus, Waltherus, Gerolfus, Symon, Lambret in Wallacia Sacerdotes. Hæc facta sunt Anno Incarnationis Domini MCCV.

§. III.

THEODERICUS, (a) DEI GRATIA; TRAJECTENSIS EPISCOPUS,
UNIVERSIS IN WALACRIA MANENTIBUS TAM CLERICIS QUAM LAICIS,
SALUTEM IN DOMINO.

UNiversitati vestræ præsentium testimonio litterarum significamus, quod nos ad petitionem familiarium nostrorum Helix Decani, & Canonico-rum Beati Petri, indulgimus licentiam Wilhelmo, & Parochianis in *Brugdamme* construendi novam Ecclesiam in terminis Parochiæ suæ, tum ut Divinus ibidem cultus augeretur, tum etiam ut Parochianorum necessitati paterne provideatur. Volumus itaque & diligenter observandum statuimus, ut prædicti Decanus & Canonici in hac nova Ecclesia constituent Sacerdotem pro voluntate sua & Sacerdos ab ipsis institutus recipiat decimam ab Orientali parte usque ad medietatem totius decimæ, quam antiquitus solebant percipere duo Sacerdotes communiter in antiqua Ecclesia celebrantes. Præterea proventus agrorum Ecclesiæ antiquæ, & decimam quandam, quæ

sitæ est juxta Alardes-Kintskercke, Sacerdotes prædictarum Ecclesiarum æquali inter se dividant portione. In prædicto quoque termino, qui protenditur ab Orientali parte usque ad medietatem totius decimæ, quam, ut diximus, totam habebit novus Sacerdos, custos novæ Ecclesiæ habebit decimam de centum & quadraginta mensuris. Dedimus etiam licentiam Parochianis omnibus, ut quicumque pro voluntate sua in antiqua Ecclesia manere voluerit, maneat, qui vero ad novam transire voluerit, transeat, ad hæc prædictæ Ecclesiæ baptisterium concessimus & sepulturam.

Tom. VI. *Annal. Antonii Matthæi.*

Hoc Diploma est sine data. Datum tamen fuit in Synodo quadam, ut constat ex immediatè præcedenti diplomate Ottonis Præpositi, quod præmissi.

- (a) Theodoricus, absens in Italia, concordi voto electus circa MCXCVIII., laudabiliter præfuit annis XIII. obiit MCCXII. Nonis Decembris, sub eo *Synodus* celebrata fuit, anno MCCIX. edita in *Batavia sacra* pag. 158. ex Bockenbergii Diplomati-bus MS.

HERBIPOLI CONVENTUS

Anno Christi MCCIX. Innocentii III. Papæ XI.
Ottonis IV. Reg. xi.

SUMMA. I. Cardinalis Legatus proponit sibi a Papa tributam facultatem pro dispensatione in impedimento consanguinitatis inter Ottonem IV., & filiam Philippi Ducis Sueviæ.

II. Abbas Morimundensis proponit, ad satisfactionem ab Ottone IV. præstandam, ob relaxatum impedimentum consanguinitatis:

- 1. Ut Rex Ecclesiarum & Monasteriorum Protector sit.*
- 2. Viduis & pupillis justo judicio præsit.*

Tomus III. *Concil. German.*

Q 9 9 2

3. Mo.

3. *Monasterium Cisterciensis ordinis in proprio fundo ædificet.*
4. *Ecclesiæ Hierosolymitanæ in sua persona succurrat.*
- III. *Rex Cardinalibus & Legatis patefacit suam intentionem, & deliberandi copiam facit.*
- IV. *Fratrem suum Henricum Palatinum non vult interesse deliberationi.*
- V. *Luppoldus Austriæ Dux declarat ex responso Prælatorum & Principum ducendam Regi filiam Philippi.*
- VI. *Rex acceptat Concilii sententiam; Puella Regi introducit, subarrhatur & Regina declaratur, demum Brunswicum deducitur, dum Rex coronationem Imperialem suscipiat.*
- VII. *Hugoldus Abbas Corbejæ Saxonice ab Ottone IV. confirmationem privilegiorum sui Monasterii obtinet.*

I.
Herbipoli in Palatium Regale congregatis, exstructo Tribunali, Rex concessit, Cardinales habens collaterales, reliquis Principibus circum sedentibus.

Itaque Hugo Ostiensis episcopus Cardinalis primo exorsus de causa Regalis connubii, pro qua convenerant rationabiliter, latino idiomate allegavit, interpretem habens Wirzburgensem episcopum, Regique Ottoni, ut pro bono pacis & concordie, ad abolendam præteritorum malorum memoriam cum filia Illustrissimi Principis Philippi matrimonium contraheret, auctoritate Dei & Beati Petri, per Apostolicam obedientiam in remissionem peccatorum suorum præcepit.

II. Rege igitur ad hoc devoto animo contentiente, Abbas Morimundensis, Cisterciensis ordinis surrexit, omniumque Abbatum, aliorumque claustralium utriusque ordinis, Cluniacensis videlicet & Cisterciensis, personam assumens, delictum hoc connubio contra consuetudinem Ecclesiæ, quamvis dispensatorie committendum, Monastico ordini auctoritate Apostolica imposuit: I. Regi per hoc injungens pœnitentiam, ut Monasteriorum, altarumque Ecclesiarum pro posse defensor existeret, II. Viduis & pupillis iusto iudicio præset. III. Monasterium Cisterciensis ordinis in fundo proprio ædificaret, IV. ac post hæc Ecclesiæ Hierosolymitanæ in propria persona subveniret.

Otto a S. Blasio Continuator Ottonis
Frisingenfis cap. 51. apud Urstisum
Tomo I. Scriptor. German.

(a) Psalmo CXVII, 22, 23.

III. Dominus Rex Otto IV. pro speciali negotio matrimonii sui, assumptis tantum Cardinalibus, Prælati, & Principibus Sacerdotibus, cum literatis & legis peritis de legitimanda ei filia Philippi Regis sic omnibus generaliter exorsus est. Rogamus omnes vos in Domino, primo Cardinales, qui de auctoritate, sive de consilio Domini Apostolici adestis, summos etiam Archi-episcopos, Abbates, & alios, quos Ecclesiasticus ordo diversis distinguit: Excellentiam quoque Regum, Ducum, Principum, ut verba nostra attendatis. Deus cœli post multas adversitates cum beneplacito omnium, Regnum nobis donavit, ita ut non immerito cum gratiarum actione ei dicere possimus, *Lapidem, (a) quem reproba-
verunt ædificantes, hic factus est nobis in caput anguli. A Domino factum est istud, & est
mirabile in oculis nostris.* Quod cum luce clarius constet omnibus, & optio nobis non desit de Illustrissimis feminis, quas habet orbis Romanus, e quibus sponsam sive conjugem eligere possimus, tamen quia tam celebri Conventus pendet de articulo filie Philippi, Ducis Sueviæ, quam nostram consanguineam nemo dubitat, vestro nos submittimus arbitrio, sive consilio, ut juxta salutem animarum vestrarum sincere deliberetis, omni scrupulo postposito favoris sive timoris, quid vobis super hoc sit faciendum! si enim sex millibus annorum victuri essemus, magis omni tempore cœlibem eligeremus ducere vitam, quam cum animæ periculo fortiri uxorem. Nemo gloriam, generositatem, divitias, cætra hujus virginis attendat, quæ omnia salutis animæ æquiparari non possunt. Hæc enim omnia

nia nobiscum sunt, si vero ipsa castra CCCL. distribuuntur fororibus, quas hæc contingit hæreditas, parum est, quod restat? Nunc igitur, ut dictum est, super hoc deliberetis, ut congruum nobis responsum reddatis.

IV. Omnibus igitur ad colloquium, locum dantibus Rex ait, fratri Henrico Palatino, qui a dextris ejus erat; volumus, ut cedas, ne quem tua præsentia de ulla suspicione terreat.

Acta igitur longâ deliberatione, tandem ad Dominum Regem reversi sunt.

V. Posuerat autem verba in ore Luppoldi Ducis Austriæ viri facundissimi & literati, qui sic coram Rege locutus est. Domine Rex placet, ut audiat responsum Cardinalium Prælatorum & Principum: Ad hæc Rex: *Audite*. Et ille: Noverit sublimitas vestra, quod iste tam celebris conventus Cardinalium, auctoritatem Domini Papæ præferentium, summorum Prælatorum & Principum, & omnium litteratorum omnino vobis decrevit expedire, pro bono pacis & statu Romani orbis, ut virginem, de qua mentio habetur, uxorem ducatis: hoc addentes, ut omnis auferatur trepidatio: duas congregationes Monachorum præclaras liberrime construatis. Nos quoque

vobis non deerimus, facultates & elemosynas large erogando; Sacerdotes etiam, sive alii inferioris ordinis, in Missis & orationibus subveniendo. *Ad hæc Rex*: Nos consilium sanum & bonum tantæ auctoritatis non refragantes, vestris acquiescimus dictis. Igitur vocetur puella; quæ cum a Pontificibus sive Principibus gloriose adducta fuisset, Rex confurgens de throno suo eam cum inclinatione recepit: qua reinclinante, professus annulum eam coram omnibus subarravit, & in osculo recepit, & ipsam inter Cardinales, quarum cathedra e regione coram facie regis erat, residere præcipiens, sic omnibus ait: *Ecce Reginam habetis, ipsam, ut decet, honorate*. Ordinatis etiam Legatis honoratis, honestissime eam una cum sorore usque Brunswick deduci præcepit. Ipse vero in terra permansit, & peragratis illis partibus de consecratione Imperiali tractare cæpit.

Arnoldus Lubecensis L. VII. Chronici Slavorum Cap. XIX.

VII. Hugoldus Abbas Corbejæ in solenni Curia apud Wurceburg ab Ottone IV. Privilegiorum confirmationem obtinuit.

Chronicon Huxariense Paulini.

CONVENTUS GOSLARIENSIS

OTTONIS REGIS ET EPISCOPORUM.

SUMMA. Rex fraternitatem Cisterciensis Ordinis adipiscitur.

Finita autem festivitate (Pentecostes) Rex abiit Goslariam & ordinatis ibi quibusdam negociis, processit Walkenrede, ubi invenit Abbatem de Morimunde cum aliis quinquaginta Abbatibus sui ordinis, qui eum omnes suæ fraternitatis socium & orationis fecerunt, & sic Regem secuti sunt, ab ipso largiter procurati usque Herbipolim, ubi cum maxima solennitate susceptus est Dominica, *Domine in tua misericordia*, cum hymnis & laudibus Dei: cantus autem hic erat: *Advenisti desiderabilis*.

Aderant ibi Legati Domini Apostolici: Hugo Hostiensis Cardinalis & episcopus, Leo Sabienfis Cardinalis & episcopus, cum maxima copia Prælatorum & Principum, Sacerdotum & Clericorum, inter quos erat:

Archi-episc. Moguntinus Sifridus.
Colonienfis Thiedericus.
Treverenfis Joannes.
Salceburgenfis Eberhardus.
Argentinus Henricus.
Augustenfis Sigfridus.
Constantienfis Wernerus.
De Frisinge episcopus Otto.
Patavienfis Managoldus.
Ratisbonenfis Henricus.
Basilienfis Ludolphus.
Hildensemensis Hartbertus.
Verdenfis Illo.
Halberstadenfis Fridericus.
Havelbergenfis Sibotho.
Abbates: Cono Elwangenfis.
Vuldensis Henricus.
Herseveldenfis.
Corbejenfis.

Abbatēs: Prumiensis.
Wirceburgensis.

Hos sequuntur Nomina Regum sive Principum.

Odackerus Rex Boemiæ.
Marchio de Meteren.
Luppoldus Dux Austriæ.
Bernhardus Dux Saxoniz.

Lodewicus Dux Bavariz.
Dux Bertoldus de Leringe.
Dux de Lutringe.
Dux Brabantiz.
Marchio Misnensis.

*Arnoldus Lubecensis Lib. VII. Chronici
Slavorum Cap. XIX.*



INNOCENTII III. PP. Invitatoria ad

*Concilium Lateranense, ad Kalendas Novembris MCCXV. celebrandum,
ob fines hic indicatos, scripta Archi-Episcopo & Episcopis, Abba-
tibus, Prioribus, per Moguntinam Provinciam
constitutis.*

Vineam Domini Sabaoth multiformes molitur bestiz demoliri: quarum incurfus adeo invaluit contra ipsam, ut ex parte non modica spinæ pro vitibus succreverint: & quod gementes referimus, ipsæ jam vites proferant pro uva labruscam, infectæ multipliciter & corruptæ. Illius ergo testimonium invocamus, qui testis est in cælo fidelis, quod inter omnia desiderabilia cordis nostri duo in hoc sæculo principaliter affectamus; ut ad recuperationem vide licet terræ sanctæ, ac reformationem universalis Ecclesiæ valeamus intendere cum affectu. Quorum utrumque tantam requirit provisionis instantiam, ut absque gravi & grandi periculo ultra dissimulari nequeat & differri.

Unde supplicationes & lacrymas frequenter effudimus coram Deo, humiliter obsecrantes: quatenus super his suum beneplacitum revelaret, inspiraret affectum, accenderet desiderium, & propositum confirmaret, facultatem & opportunitatem præstando ad ea salubriter exsequenda. Quapropter habito super his cum fratribus nostris & aliis viris prudentibus frequenti ac diligenti tractatu, prout tanti sollicitudo propositi exigebat, hoc tandem ad exsequendum prædicta de ipsorum consilio providimus faciendum: ut quia hæc universorum fidelium communem statum respiciunt, **GENERALE CONCILIUM** juxta præscriptam Sanctorum Patrum consuetudinem convocemus, propter lucra solummodo animarum opportuno tempore celebrandum: in quo ad extirpanda vitia, & plantandas virtutes, corrigendos exce-

lus, & reformandos mores, eliminandas hæreses, ad roborandam fidem, sopiendas discordias, & stabiliendam pacem, comprimendas oppressiones, & libertatem fovendam, inducendos Principes & populos Christianos ad succursum & subsidium terræ sanctæ tam a Clericis, quam a laicis impendendum, cum cæteris, quæ longum esset per singula enarrare, provide statuatur inviolabiliter observanda, circa Prælatos & subditos regulares & sæculares, quæcunque de ipsius approbatione Concilii visa fuerint, expedire ad laudem & gloriam nominis ejus, remedium & salutem animarum nostrarum, ac profectum & utilitatem populi Christiani.

Quia vero ante biennium universale non posset Concilium commode congregari; disposuimus interim per viros prudentes in singulis Provinciis plenius explorare, quæ Apostolicæ provisionis limam exposcunt, & præmittere viros idoneos ad terræ sanctæ negotium procurandum, ut si exigente necessitate sacrum Concilium approbaverit, Nos personaliter ipsum negotium assumamus efficacius promovendum. Credentes igitur hoc salutare propositum ab illo descendere, a quo est omne datum optimum & omne donum perfectum; Universitati vestræ per Apostolica scripta mandamus, quatenus vos taliter præparetis, quod a præsentis dominicæ Incarnationis millesimo ducentesimo decimo tertio anno, usque ad duos annos & dimidium præfixis vobis pro termino Kal. Novembris, nostro vos conspectui præsentetis cum modestia & caute la, ita quod in vestra Provincia unus

vel

vel duo de Suffraganeis valeant Episcopi remanere pro Christianitatis ministeriis exercendis: & tam illi quam alii, qui canonica forte prædicatione detenti personaliter venire nequiverint, idoneos pro se dirigant responsales, personarum & electionum mediocritate servata, quam Lateranense Concilium (a) definivit: ut nullus omnino plures, quivis autem pauciores adducere secum possit: nec quisquam superfluas faciat & pomposas, sed necessarias tantum & moderatas expensas, ostendendo se actu & habitu verum Christi cultorem; cum non sæcularis applausus sed spiritualis profectus in hoc sit negotio requirendus.

Injungatis autem vos Fratres Archiepiscopi & Episcopi ex parte nostra universis Ecclesiarum Capitulis non solum Cathedralium, sed etiam aliarum, ut Præpositos, vel Decanos, aut alios viros idoneos ad Concilium pro se mittant, eum nonnulla sint in ipso tractanda, quæ specialiter ad Ecclesiarum Capitula pertinebunt. Interim vero & per vos ipsos, & per alios viros prudentes universa subtiliter inquiratis, quæ correctionis aut reformationis studio indigere videntur; & ea fideliter conscribentes ad sacri Concilii perferatis examen: circa subventionem necessariam terræ sanctæ, ubi Deus Rex noster ante sæcula salutem in medio terræ dignatus est operari, opem & operam efficaciter impensuri, assistendo fideliter & prudenter iis, quos deputavimus ad hoc negotium specialiter procurandum.

Nullus itaque se fallaciter excusando ab executione tam sancti operis subtrahat, si canonicam vult effugere ultionem. Nemo dissensionum obitacula vel itinerum impedimenta causetur, quæ Domino faciente signum in bonum ex magna jam parte cessare ceperunt. Nam & quanto imminent majora pericula, tanto potiora remedia convenit adhiberi: Nunquam enim navigabit per æquora, qui semper expectat, ut mare non concitet ex se fluctus. Datum Laterani, decimo tertio Kalendas Maji, Pontificatus nostri anno sexto decimo.

In eodem modo, Archiepiscopis & Episcopis, Abbatibus, Prioribus, per Bremensem Provinciam constitutis.

In eodem modo, per Saltzburgensem Provinciam constitutis.

In eodem modo, per Treverensem Provinciam constitutis.

In eodem modo, per Magdeburgensem Provinciam constitutis.

In eodem modo, per Coloniensem Provinciam constitutis.

In eodem modo, Episcopo Pragenfi.

In eodem modo, Episcopo Rigenfi.

In eodem modo, per Bisuntinam.

In eodem modo, Abbati & Conventui Cisterciensis Ordinis.

In eodem modo, Conventui & Abbati Præmonstratenfi.

Ex Regesto Innocentii III. Epistolarum Lib. XVI. Epist. 30.

Binius Tomi III. Concil. Part. II. pag. 674.

(a) Concilium Lateranense III. sub Alexandro III. Canone 4. anno 1179.

Friderici II. Imp. Decretum seu aurea Bulla, de Libertate Ecclesiastica. Datum in Conventu apud Egram.

Anno Christi MCCXIII. Innocentii III. Papæ XV.
Ottonis IV. Reg. xv. Friderici II. Reg.

IN NOMINE SANCTÆ ET INDIVIDUÆ TRINITATIS.

FRIDERICUS, DIVINA FAVENTE CLEMENTIA, ROMANORUM REX,
ET SEMPER AUGUSTUS, ET REX SICILIÆ.

Regnum nostrum tunc stabiliri confidimus, cum Altissimum, de cuius manu ea, quæ possidemus, bona recepimus, honoramus. Tanto enim Domino, qui bona tribuit nobis ad offeren-

das hostias operis & devotionis astringimur, quanto ipsum misericordem in nobis, & mirabilem experimur. Cognoscentes igitur gratiam, quæ data est nobis ab ipso, habentes quoque præ-

ocu-

oculis immensa & innumera beneficia vestra, Domine & Reverendissime Pater, Protector & Benefactor noster domine Innocenti, (a) Dei gratia, summe Pontifex venerande, per cuius beneficium, operam, & tutelam aliti sumus, protecti pariter & promoti, postquam in sollicitudinem nostram mater nostra

I. Felicis memoriæ *Constantia Imperatrix & Siciliæ Regina*, ex ipso quasi utero nos iactavit, vobis *Beatissime Pater*, & omnibus successoribus vestris Catholicis, Sanctæque romanæ ecclesiæ speciali Matri nostræ, omnem obedientiam, honorificentiam, atque reverentiam, semper humili corde ac devoto spiritu impendimus, quam predecesores nostri Reges & Imperatores Catholici vestris antecessoribus impendisse noscuntur, nihil exinde volentes diminui, sed magis augeri, ut maior devotio enitescat.

II. Illum igitur volentes abolere abusum, quem quidam prædecessorum nostrorum exercuisse dignoscuntur, decretum in electionibus Prælatorum: concedimus & sancimus, ut electiones Prælatorum liberè & canonicè fiant, quatenus ille præficiatur Ecclesiæ viduatæ, quem totum capitulum vel major & sanior pars ipsius duxerit eligendum, dummodo nihil desit ei de Canonicis institutis.

III. Appellationes autem in negociis, & causis Ecclesiasticis ad sedem Apostolicam libere fiant, earum persecutionem sive processum nullus impedire præsumat.

IV. Illum quoque dimittimus & refutamus abusum, quem in occupandis bonis decedentium Prælatorum, aut etiam Ecclesiarum vacantium nostri consueverunt antecessores committere pro motu propriæ voluntatis; omnia nos spiritualia vobis & aliis Ecclesiarum Prælatis relinquimus libere disponenda, ut, quæ sunt Cæsaris, Cæsari, & quæ Dei, Deo recta distributione reddantur.

V. Super eradicando autem hæreticæ pravitatis errores, auxilium dabimus & operam efficacem.

VI. Possessiones etiam, quas Ecclesia Romana recuperavit, ab antecessoribus nostris, seu quibuslibet aliis detentas, liberas & quietas sibi dimittimus & ipsam, ad eas obtinendas bona fide promittimus adjuvare. Quas vero

nondum recuperavit, ad recuperandum erimus pro viribus adjuutores, & quæcumque ad manus nostras devenient, sine difficultate ac mora eas restituere satagemus. Ad has pertinet tota terra, quæ est a *Radicosano usque Ceperanum*, *Marchia Anconitana*, *Ducatus Spoletanus*, *terra Comitissæ Matildis*, *Comitatus Bertinoris*, *Exarchatus Ravennæ*, *Pentapolis*, *Massa Trebaria*, cum adjacentibus terris & omnibus aliis ad Romanam Ecclesiam pertinentibus cum omni iurisdictione, districtu, & honore suo.

VII. Verumtamen cum ad recipiendum Coronam Imperii, vel pro necessitatibus Ecclesiæ ab Apostolica sede vocati venerimus, de mandato summi Pontificis recipiemus procuraciones, sive fodrum ab ipsis. Omnia igitur supradicta & quæcumque alia pertinent ad Romanam Ecclesiam de voluntate & conscientia, consilio & consensu Principum Imperii libere illi dimittimus, renuntiamus, & restituimus; nec non ad omnem scrupulum removendum, pro ut melius valet & efficacius intelligi, concedimus, conferimus, donamus, ut sublata omnis contentionis & dissensionis materiâ, firma pax & plena concordia in perpetuum inter Ecclesiam & Imperium perseverent.

VIII. Adjuutores etiam erimus ad retinendum & ad defendendum Ecclesiæ romanæ Regnum *Siciliæ*, cum omnibus ad ipsum spectantibus, tam citra Phæarum, quam ultra, nec non *Corficam* & *Sardiniam* ac cætera jura, quæ ad eam pertinere noscuntur, tanquam devotus filius & Catholicus Princeps.

Ut autem hæc omnia memorato Sanctissimo Patri nostro Domino Innocentio, Sacrosanctæ Romanæ Ecclesiæ summo Pontifici, ejusque successoribus, per nos & nostros successores Romanorum reges & Imperatores observentur, firma & inconvulsa semper permaneant, præfens privilegium conscriptum, Majestatis nostræ aurea bulla jussimus communi. Testes autem sunt hi.

Sigefridus Moguntinus Archiepiscopus, Sedis Apostolicæ Legatus.

Eberhardus Salisburgensis Archiepiscopus.

Conradus Ratisponensis Episcopus.

Otto Wirzburgensis Episcopus.

Manegoldus Pataviensis Episcopus.

Enge-

[a] Innocentius III. obiit 1216. 6. Julii.

Engerardus (a) Zizensis Episcopus.
 Giadiacus Bohemorum Rex.
 Ludovicus Dux Bavariz.
 Leopoldus Dux Austriæ & Stiriz.
 Hermannus Lanthgravius Thuringiz.
 Comes Albertus de Eberstein.
 Comes Adolfus de Sonneberch.
 Comes Burchardus de Mannesvelde.
 Berardus Bers
 Comes Ludovicus de Wirtemberg.
 Gebehardus (b) Busclavius Magdeburgens.
 Henricus de Stahenwerch.
 Walterus de Langenberg.
 Henricus de Calandina, Marefcalcus Imperii.
 Walterus de Sepf, Pincerna Imperii, & alii quam plures.

Signum Domini FRIDERICI Secundi
 Roman. Regis invictiss. & Regis
 Siciliæ.

(a) Citizenfis.

(b) Burgravius.

Ego Conradus Dei gratia & Apostolicæ Sedis, Metensis & Spirensis Episcopus, Imperialis Aulae Cancellarius, vice Domini Sigefridi Moguntini Archi-Episcopi & Apostolicæ Sedis Legati, ac totius Germaniæ Archi-Cancellarii, recognovi.

Acta sunt hæc anno Dom. nostri JESU Christi MCCXIII. Indiçt. I. Regnante Domino Friderico secundo Rom. Rege glorioso & Rege Sicilia, anno regni ejus Romani primo, regni vero ejus Siciliæ decimo sexto.

Datum apud Egram per manus Bertholdi de Nise Regalis aulae Proto-Notarii. IV. Id. Julii.

Goldastus Tomo I. Constitut. Imperial pag. 289.

INNOCENTIUS III. scribit approbari a se factam Consecrationem Theodorici Estiensis in Livonia novi Episcopi, quem Paderbornensis, Verdensis, Racenburgeris & Rigenfis Episcopi ordinandum duxerunt.

Commissi nobis officii sollicitudo deponit, ut iis, quæ ad Divini cultus ampliationem pertinere noscuntur, favorem studeamus benevolum impartiri. Cum ergo Venerabiles Fratres nostri Paderburnen. Verden. (a) Ralkenburgen. & Rigen. Episcopi te in Episcopum Estiens. Provinciæ duxerint ordinandum, sicut ex litteris accepimus eo-

(a) alias Raceburgens.

Sed longe illustrius fuit opus trium Saxoniorum Episcoporum, Ottonis Monasteriensis, Bernardi Paderbornensis, & Isonis Verdensis, qui non modo ad Commendatitias Innocentii Pontificis litteras Estiensis Episcopum omni caritatis ope & subsidiis exceperunt, sed & se ipsos ad professionem in Livoniam & Apostolicos labores obtulerunt, parati Evangelium & Christi legem docere inculum Livoniæ populum, quod sane quam gratum fuerit Innocentio Pontifici, docebunt hæ Pontificis litteræ ad Bernardum Episcopum Paderbornens.

rundem; nos, quod super hoc ab ipsis provide atque canonice factum est, ratum habentes & gratum, præsentium tibi auctoritate concedimus, ut in ea libere officium exerceas pastorale. Datum Lateran. II. Calend. Novembris. Pont. nostri anno XVI.

Schatenus Tomo I. Annal. Paderbornens. ad annum 1213.

Ab eo, qui neminem vult perire, sed ut omnes ad agnitionem perveniant veritatis, tibi audivimus & credimus esse inspiratum, ut venerabili fratri nostro Estien. Episcopo, qui sicut servus fidelis & prudens in Domini vinea fideliter operatur, cooperator accedens cum eo portare proposueris coram gentibus & Regibus nomen Dei, & dare

salutis scientiam plebi suæ. Nos igitur tuum pium propositum dignis in Domino laudibus commendantes, fraternitatem tuam monemus attentius & horramur, quatenus accensus zelo fidei Christianæ ac sperans, quod, qui affectum tibi dedit, adjiciet & effectum, Evangelistæ aggrediari opus & officium confidenter, ut cum illis, qui euntes ibant

Tomus III. Cœcil. German.

R r r

& fle.

& flebant mittentes femina sua, exultationis manipulos valeas reportare. Ut autem prædicationis officium valeas liberius exercere, statuimus, ut te hujusmodi pietatis operi mancipato, Ecclesia & persona tua cum omnibus bonis suis sub Apostolicæ sedis protectione confi-

stant. Tu denique frater Episcopo super te ipso &c. Datum Laterani III. Calend. Novembris, Pontificatus nostri anno XVI.

Innocentii III. Epistola 124.

Odoricus Raynaldus in Annal. Ecclesiast.

Similis formæ literas scripsit Papa ad Monasteriensem & Verdensen Episcopos, quâ scripsit has Bernardo Paderbornensi, ad fovendam & promovendam fidem in Livonia.

Vide *Regesti Innocentii III. Lib. XVI. Epist. CXXIV.*

Epistola INNOCENTII Papæ III. qua ad Concilium Lateranense IV. quod est Generale XII. invitat Archiepiscopum Moguntinum & Suffraganeos Episcopos.

UNIVERSIS CHRISTI FIDELIBUS PER MOGUNTINAM PROVINCIAM CONSTITUTIS.

Quia major nunc instat necessitas, quam unquam institerit, ut terræ sanctæ necessitatibus succurratur, & de succursu speratur major, quam unquam provenerit, utilitas provenitura: Ecce resumpto clamore clamamus ad nos, & pro illo clamamus qui moriendo voce magna clamavit in cruce, factus obediens Deo Patri usque ad mortem crucis; clamans ut nos ab æternæ mortis eriperet cruciati. Qui clamat etiam per se ipsum, & dicit: *Si quis vult post me venire, abneget semetipsum, & tollat crucem suam, & sequatur me*: ac si diceret manifestius: qui vult me subsequi ad coronam, me quoque subsequatur ad pugnam, quæ nunc ad probationem proponitur universis. Poterat enim omnipotens Deus terram illam, si vellet, omnino defendere; ne in manus traderetur hostiles. Posset & illam, si vellet, de manibus hostium facile liberare, cum nihil possit ejus resistere voluntati. Sed cum jam superabundasset iniquitas, refrigescere charitate multorum: ut fideles suos a somno mortis ad vitæ studium excitaret, agonem illis proposuit, in quo fidem eorum velut aurum in fornace probaret; occasionem salutis, imo salvationis causam præstans, ut qui fideliter pro ipso certaverint, ab ipso feliciter coronentur, & qui ei noluerint in tantæ necessitatis articulo debitæ servitutis impendere famulatum, in novissimo districti examinis die justam mereantur dam-

nationis sententiam sustinere. O quantâ jam provenit utilitas ex hac causâ! quam multi conversi ad poenitentiam pro liberatione terræ sanctæ mancipaverunt se obsequio crucifixi, & quasi per agonem martyrii coronam gloriæ sunt adepti: qui torte in suis iniquitatibus perisissent, carnalibus voluptatibus & mundanis illecebris irretiti! vetus est hoc artificium Jesu Christi, quod ad suorum salutem fidelium diebus istis dignatus est innovare. Si enim aliquis Rex temporalis a suis hostibus ejiceretur de regno, nisi Vassalli ejus pro eo non solum res exponerent, sed personas: nonne cum regnum recuperasset amissum, eos velut infideles damneret, & excogitaret in eos inexcogitata tormenta, quibus perderet male malos? Sic & Rex Regum Dominus Jesus Christus, qui corpus & animam & cætera vobis contulit bona, de ingratitude vicio & infidelitatis crimine vos damnabit: si ei quasi ejecto de regno, quod pretio sui sanguinis comparavit, neglexeritis subvenire. Sciat ergo se culpabiliter durum & dure culpabilem, quicumque in hoc necessitatis articulo suum negaverit obsequium redemptori. Nam si quis sibi vel modicum quid hæreditatis paternæ sentiret dure ablatum; mox secundum morem mundanum totis viribus laboraret, ut suam vindicaret injuriam, & violentiam propulsaret; nec rebus parceret, nec personis, donec ex toto recuperaret amissum. Quomodo ergo poterit

terit excusari, qui nec mediocriter laborare studuerit pro puniendâ sui Redemptoris offensa & ejus injuria ulciscendâ; dum parcendo rebus & personis impedit, ne locus recuperetur passionis & resurrectionis Dominicæ, in quo Deus rex noster ante sæcula salutem in medijs terræ dignatus est operari? Quomodo etiam secundum præceptum Divinum *diligit proximum suum sicut seipsum*, sicut scriptum est, qui scit fratres suos fide ac nomine Christianos apud perfidos Saracenos ergastulo diri carceris detineri, ac iugo deprimi gravissimæ servitutis, & ad liberationem eorum efficacem operam non impendit, transgrediendo illius naturalis legis mandatum, quod Dominus in Evangelio declaravit, *Quæcunque vultis, ut faciant vobis homines, & vos facite illis*? An forte nescitis, quod apud illos multa millia Christianorum in servitute ac carcere detinentur, qui tormentis innumeris cruciantur? Et quidem omnes pæne Saracenorum Provincias uique pòst tempora Sancti Gregorii Christiani populi possederunt, sed ex tunc quidam perditionis filius Machometus pseudo Propheta surrexit, qui per sæculares illecebras & voluptates carnales multos a veritate seduxit, cujus perfidia etsi usque ad hæc tempora invaluerit, confidimus tamen in Domino, qui jam fecit nobiscum signum in bonum, quod finis hujus bestiarum appropinquat: cujus numerus secundum Apocalypsim (a) Joannis intra sexcenta sexaginta sex clauditur: in proximo finietur per operationem Spiritus septiformis, qui caritatis igne corda fidelium hæcenus frigescentia reaccendat: ex quibus jam pene sexcenti sunt anni completi. Certe (b) propter priores injurias grandes & graves redemptori nostro pro nostris offensis a perfidis Saracenis illatas, nuper in monte Tabor, ubi discipulis suis futuræ glorificationis speciem demonstravit: iidem perfidi Saraceni quandam munitionis arcem in confusionem Christiani nominis erexerunt: per quam civitatem Accon sibi valde vicinam de facili cogitant occupare; ac deinde sine omni contradictionis obstaculo residuum terræ hujus invadere, cum sit viribus & opibus pe-

ne penitus destituta. Ea propter igitur Dilectissimi Filii disensiones, & æmulationes fraternas in pæcis & dilectionis fœdera commutantes, accingimini ad obsequium crucifixi: non dubitantes pro illo res exponere ac personas, qui pro vobis animam suam posuit, & sanguinem suum fudit; certi pariter & securi, quod si vere pœnitentes fueritis, per hunc temporalem laborem quasi quodam compendio, ad requiem pervenietis æternam. Nos enim de omnipotentis Dei misericordia & beatorum Apostolorum Petri & Pauli auctoritate confisi ex illa, quam nobis Deus licet indignis, ligandi atque solvendi contulit potestate; omnibus qui laborem istum in propriis personis subierint & expensis, suorum peccatorum, de quibus veraciter fuerint corde contriti, & ore confessi, veniam indulgemus, & in retributione justorum salutis æternæ pollicemur augmentum. Eis autem, qui non in personis propriis illuc accesserint, sed in suis duntaxat expensis, juxta facultatem & qualitatem suam viros idoneos destinaverint: & illis similiter, qui licet in alienis expensis in propriis tamen personis assumptæ peregrinationis laborem impenderint; plenam suorum veniam concedimus peccatorum. Hujus quoque remissionis volumus & concedimus esse participes juxta quantitatem subsidii & devotionis affectum omnes, qui ad subventionem ipsius terræ de bonis suis congrue ministrabunt. Personas quoque ipsorum & bona, ex quo crucem assumpserint, sub sancti Petri & nostræ protectione suscipimus: nec non & sub Archi-Episcoporum & Episcoporum, & omnium Prælatorum Ecclesiæ Dei defensione consistant. Quodsi quisquam contra præsumperit, per Ecclesiarum Prælatos appellatione postposita censura Ecclesiastica compescatur. Si qui vero proficiscentium illuc ad præstandas usuras juramento tenentur stricti: creditores eorum per Ecclesiarum Prælatos, ut remittant eis præfactum juramentum, & ab usurarum exactione desistant, eadem præcipimus distractione compelli. Quodsi quisquam creditorum eos ad solutionem coegerit usurarum, eum ad restitutionem earum simili cogi animadver-

sione

(a) Apocal. XIII.

(b) corr. præter.

sione mandamus. Judæos vero ad remittendas ipsis usuras per secularem compelli præcipimus potestatem: & donec illas remiserint, ab universis Christi fidelibus tam in mercimoniis, quam in aliis per excommunicationis sententiam eis omnino communio denegetur. Ut autem terræ sanctæ subsidium divisum in plurimos facilius impendatur; obsecramus omnes & singulos, per Patrem & Filium, & Spiritum Sanctum, unum solum verum, unum æternum Deum postulantes vice Christi pro Christo, ab Archi-Episcopis, & Episcopis, Abbatibus & Prioribus, & tam Cathedralium quam Conventualium Ecclesiarum Capitulis & Clericis universis: nec non civitatibus, villis & oppidis, competentem numerum bellatorum cum expensis ad triennium necessariis secundum proprias facultates. Et si ad hoc unum quodlibet non suffecerit, plura conjungantur in unum: quia pro certo speramus, quod personæ non deerunt, si expensæ non desint: postulantes hoc ipsum a Regibus & Principibus, Comitibus, & Baronibus, aliisque Magnatibus, qui forsitan per se ipsos personaliter non accesserint ad obsequium crucifixi. A civitatibus vero maritimis navale subsidium postulamus. Et ne aliis onera gravia & importabilia imponere videamur, quæ digito nostro movere nolumus: protestamur veraciter coram Deo, quia quod ab aliis eligimus faciendum, hoc ipsi prompto animo faciemus. Clericis autem ad hoc negotium necessariis providimus indulgendum: ut omni contradictione cessante beneficiorum suorum proventus propter hoc valeant usque ad triennium pignori obligare. Quia vero subsidium terræ sanctæ multum impediri vel retardari contingeret, si ante suspensionem crucis examinari quemlibet deberet, an esset idoneus & sufficiens ad hujusmodi vorum personaliter profequendum: concedimus, ut regularibus personis exceptis, suscipiant, quicumque voluerint, signum crucis: ita quod, cum urgens necessitas, aut evidens utilitas postulaverit, votum ipsum de mandato Apostolico possit commutari, aut redimi, vel differri. Et propter eandem causam remissiones & indulgentias habemus a nobis concessas procedentibus in Hispaniam contra Mauros, vel contra

hæreticos in Provinciam, revocamus: maxime cum illis concessæ fuerint ad tempus, quod jam ex toto præterit; & istis ob causam, quæ jam ex majori parte cessavit: utroque negotio per Dei gratiam adeo proveſto, ut vehementem instantiam non requirat; & si forte requireret, nos ingruenti necessitati respicere curaremus. Concedimus tamen, ut hujusmodi remissiones & indulgentias apud Provinciales remaneant & Hispanos. Cæterum quia cursarii & piratæ nimis impediunt subsidium terræ sanctæ, capiendo, spoliando transeuntes ad illam & revertentes ab illa: nos eos & principales adjutores & fautores eorum excommunicationis vinculo innodamus: sub intimatione anathematis inhibentes, ne quis cum eis scienter communiqueet in aliquo venditionis vel emptionis tractatu; & injungentes Reſtoribus civitatum & locorum suorum, ut eos ab hac iniquitate revocent & compescant. Alioquin, quia nolle perturbare perverſos, nihil est aliud quam fovere, nec caret scrupulo societatis occultæ, qui manifesto facinori desinit obviare; nos in personas & terras eorum severitatem Ecclesiasticam curabimus exercere, cum tales, non minus quam Saraceni adversentur nomini Christiano. Innovamus præterea excommunicationis sententiam in Lateranensi Concilio promulgatam adversus eos, qui Saracenis arma, ferrum, & lignamina deferunt galearum: quique in piraticis Saracenorum navibus curam gubernationis exercent: eosque rerum suarum privatione multari, & capientium servos, si capti fuerint, fore censemus: præcipientes, ut per omnes urbes maritimas diebus Dominicis & Festivis hujusmodi sententia publice innovetur.

Verum, cum longe plus de Divina clementia quem de humana potentia confidere debeamus: oportet nos in tali conflictu non tam corporalibus armis quam spiritualibus dimicare, ideoque statuimus & mandamus, ut singulis mensibus semel fiat generalis processio seorum virorum, ac seorum, ubi fieri poterit, mulierum; in humilitate mentis & corporis cum devota orationum instantia postulantium, ut misericors Deus auferat hoc a nobis confusiois opprobrium: liberando terram illam, in qua

qua universa redemptionis nostræ Sacramenta peregit, de manibus paganorum: restituendo eam ad laudem & gloriam nominis sui sancti populo Christiano, proviso prudenter, ut semper in ipsa processione verbum salutiferæ crucis cum diligenti exhortatione populo proponatur. Orationi vero, jejunium & eleemosyna conjungantur: ut his quasi alis facilius & celerius ipsa volet oratio ad piissimas aures Dei, qui nos clementer exaudiat in tempore opportuno. singulis quoque diebus intra Missarum solemnia post pacis osculum, cum jam pro peccatis mundi offerenda vel sumenda est hostia salutaris, omnes tam viri quam mulieres humiliter prosternantur ad terram: & à Clericis Psalmus iste: (c) *Deus venerunt gentes in hereditatem tuam*, alta voce cantetur: quo cum hoc versu devote finito (d) *Exsurgat Deus & dissipentur inimici ejus; & fugiant a facie ejus, qui oderunt eum*: Sacerdos qui celebrat orationem istam super Altare decanet alta voce.

Deus qui admirabili providentia cuncta disponis, te suppliciter exoramus, ut terram, quam unigenitus filius tuus proprio sanguine consecravit, de manibus inimicorum crucis eripiens restituas cultui Christiano: vota fidelium ad ejus liberationem instantium misericorditer dirigendo in viam salutis æternæ. Per eundem Dominum nostrum Jesum Christum filium tuum, qui tecum, &c.

In illis autem Ecclesiis, in quibus conveniet processio generalis, truncus statuatur tribus clavibus consignatus una penes honestum presbyterum, alia penes devotum laicum, & tertia penes aliquem regularem fideliter conservandis: in qua Clerici, & laici, viri, & mulieres, Eleemosynas suas ponant in terræ sanctæ subsidium convertendas, secundum dispositionem eorum, quibus hæc fuerit sollicitudo commissa.

Porro super processu & transitu modesto & ordinato, congruo loco & tempore faciendo, nondum oportet aliquid diffinire, donec exercitus Domini cruce signetur. Sed tunc pensatis undique circumstantiis, quæcunque viderimus opportuna, de prudentum virorum consilio statuemus. Ad hæc igitur exequenda dilectos filios de Salem, & quondam de novo castro Abbates, & C. Decanum Spirenses, & Præpositum Augustensem viros utique probatæ honestatis & fidei deputamus: qui adscitis secum viris providis & honestis auctoritate nostra statuunt & disponant quæcunque ad hoc negotium promovendum viderint expedire: facientes quæ statuerint in singulis Diocesisibus per viros idoneos ad hoc specialiter deputatos fideliter & sollicitè procurari. Quo circa universitatem vestram rogamus, monemus, & obsecramus in Domino per Apostolica vobis scripta mandantes & in virtute Spiritus Sancti injungentes, quatenus eis pro Christo legatione fungentibus tales vos exhibere curetis, necessaria ministrantes eisdem, quod per vos & in vobis fructum faciant exoptatum.

In eodem modo per Magdeburgensem & Bremensem Provincias.

In eodem modo per Colonensem Provinciam.

In eodem modo per Saltzburgensem Provinciam.

In eodem modo per Treverensem Provinciam.

In eodem modo Pragensi Episcopo & Abbatibus, Prioribus, & universis Christi fidelibus per Bohemiam constitutis.

Binus Concilior. Tom. III. Parte II. pag. 673.

Ex Regesto Innocentii III. Epistolarum Lib. XVI. Epist. 28. edente Baluzio: sed varia Lectione a Biniana.

(c) Psalm. 78.

(d) Psalm. 67.



SYNODUS PROVINCIALIS SALTZBURGENSIS

Anno Christi MCCXIX. Honorii III. Papæ III.
Friderici II. Regis II.

ANNO MCCXIX. Concilium Provinciale a Domino Eberhardo Archi-Episcopo Saltzburgenſi celebratur, cui interfuerunt Pataviensis, Frisingensis, Gurcensis, Kymensis, Secovienſis Episcopi.

*Annales Sterovis Tomo I. antiquar. Lecti-
onum Canisti.*

Concordat *chronica Australis apud Freberum scriptorem Germaniæ Tom. I. habet ibid.* Eodem ipſo anno fuerit erectus ille Secovienſis Episcopatus de consensu Honorii III. Papæ, quemadmodum Kymenſis Episcopatus erectus fuerat anno MCCXV. in Synodo Romana habit.

I. In Synodo Saltzburgenſi deliberatum de decreto Concilii (a) Lateranenſis

Binius Tom. III. Parte II. pag. 659. Litera E. Ex eodem Lateranenſi Clericis cruce signatis, in Palestinam profecturis, indulget Concilium, ut beneficia ſua integra percipiant per Concilium, ac ſi eſſent in Eccleſiis reſidentes, & ſi neceſſe fuerit, ea per idem tempus pignori valeant obligare.

anno MCCXV. ut omnes Clerici XXam partem Eccleſiaſticorum proventuum conferant ad triennium in ſubſidium terræ ſanctæ, exceptis duntaxat religioſis.

II. Itemque de literis Apoſtolicis Innocentii III. quibus dabatur venia Clericis, proventus beneficiorum per triennium obligandi.

III. SPONDANUS putat in eodem Provinciali Concilio conſtitutam fuiſſe Diaceſin novam Secovienſem, aut ſaltem in hac Synodo promulgatam & approbatam judicat HANSIZIUS. Nam Bulla Honorii III. inſtitutionem huius Episcopatus continens, ſpectat ad hunc annum 1219. ſed ante mentionem Concilii Provincialis Saltzburgenſis.

SYNODUS HALBERSTADENSIS

Anno Chriſti MCCXIX. Honorii III. Papæ III.
Friderici II. Regis II.

Fridericus, Episcopus Halberſtadenſis, Advocatiam Eccleſiæ Caldenbornenſis, ſibi ceſſam acceptat, & rurſum donat Præpoſito & fratribus Caldenbornenſis Eccleſiæ.

IN NOMINE SANCTÆ ET INDIVIDUÆ TRINITATIS.

FRIDERICUS, DEI GRATIA, HALBERSTADENSIS ECCLESIAE EPISCOPUS,
OMNIBUS HANC PAGINAM AUDITURIS SALUTEM IN EO, QUI
LIBERAT PAUPEREM A POTENTE.

Modernorum temeritas, quæ diebus his malis, factis quamcunque rationabilibus obviare conſuevit, nos admonet & compellit: ut ea, quæ ad Eccleſiarum liberationem perpetuam, & ad alia commoda earundem per noſtram providentiam & laborem rationabiliter fuerint ordinata, contra varios futurorum incurſus, qui velut ſagellum inundans in caſu ſubſequenti frequenter

emergunt, tam valido noſtræ firmitatis munimine roboremus: ut & facti noſtri memoria, quæ in ſe proſicium continet & honeſtum, ſub tali vigore conſiſtat ac robore, quatenus poſteris inviolabiliter conſervetur, & nullum a temeritate malorum contradictonis obſtaculum ſentiat in futurum. Eapropter Venerande Univerſitati veſtre notum facimus, quod cum nos Eccleſiarum nobis in Deo ſuſ-
fraga-

fragatarum clamorem assiduum ex filiorum querimonia sæpius audiremus, cui cotidie interiora cum ingenti dolore turbavit per multiplices *Advocatorum insolentias*, eorum videlicet, qui Dei Ecclesias disturbare suæverunt; quibus tamen ex vocatione sua, si sciperent ac novissima previderent, totis viribus procurare deberent. Huic morbo, qui peccatis exigentibus (a) heu nimis invaluit, nostra quacunq̃ue potentia curavimus adhibere inter ceteras nostræ Dioceseos Ecclesias, quæ adhuc quasi sub servitute luti & lateris constitute propter exactiōnem continuam graviter ingemiscunt, quarum quasdam per Dei gratiam liberavimus, & alias, quasq̃ue possumus, semper intendimus liberare; venerabilis ac per dilecti Patroni nostri, qui supra pectus Domini in cena recumbens Evangelii fluentia de ipso sacro Dominici peccatoris fonte potavit, honorabilem, & in Deo nobis dilectam Ecclesiam *Caldenbornensem* paterne dilectionis oculis intuentes, & cum debita sollicitudine tam ipsi Ecclesie, quam etiam nostris successoribus providere cupientes, in ipsa dilectum fidelem nostrum *Theodoricum de Revenigen* Ecclesie nostræ ministerialem, qui advocatiam Ecclesie memorate de manu nostra jure p̃feudali se tenere dicebat, adhibita studiosa precum nostrarum instantiâ, ad hoc tandem induximus; quod ipse de bona voluntate nobis advocacy eandem totaliter resignavit, de recompensatione, si qua sibi proinde facere dignaremur, gratie nostre per omnia se submittens. Nos igitur factum ejus laudabile commendantes in Domino, & habito super eo prudentium virorum consilio, qui resignationi intererant *Wigmarii* Mariscalci, *Henrici* Camerarii, *Bartholomei* & *Godofridi* de Sutterhausen, *Henrici* Durren, & aliorum Castrensium de Neumburg, devotioni prefati Tiderici secundum suum desiderium curavimus concedere de voluntate dilecti in Christo Filii *Ludolphi Caldenbornensis* Prepositi ac fratrū suorum, jam dicte Ecclesie Canonicorum, quorum consensus nobis in omnibus affavebat, eam sibi gratiam facientes: ut in loco quem apud dictam elegit Ecclesiam, mansio sibi comparens prepararetur, in quo duorum fratrum stipendia, carracta

vini, duo Borri, agnium pellitum, annis ei singulis, vitæ suæ temporibus ministrarentur, & hoc sine diminutione præcipiat, quamdiu in sæculari habitu voluerit permanere. Tres quoque servientes ipsius Prepositus cum sua familia procurabit, qui foris claustrum maneant nec ingredi absque Prepositi voluntate presumant; ne propter eos religionem in aliquo disturbari contingat. Ad hoc prepositus duos equos procurabit eadem, quos tamen memoratus Theodericus de suis comparabit expensis, & & nulli quoque transire licebit in ipsis, nisi suam ad hoc licentiam potuerit impetrare. Hec omnia suis usibus deputata eo expirante, vel ex dono S. Spiritus habitum commutante, in eo pariter expirabunt. Ita quidem Ecclesia ex tunc super his omnibus ab omni suorum cognatorum impetitione libera permanebit. Habentes igitur in hunc modum memoratam advocatiam in manu nostra cum omni jure, penitus absolutam, ad instantiam dilecti nostri prædicti *Ludolphi Caldenbornensis* Prepositi, fratrumque suorum, qui nobis & Ecclesie nostre una cum ipso semper exstiterē devoti, & maxime nostra, nostrorumque predecessorum, successorumque, & omnium Ecclesie nostre majoris Canonicorum tam vivorum, quam defunctorum memoria apud eos tanto celebrior habeatur, dictam advocatiam dicte S. Johan. Ecclesie, cum omni integritate contulimus: ita etiam quidem nobis, nostrisque successoribus hujus S. *Halberstadiensium* Ecclesie episcopis in futurum nihil in ea juris decrevimus conservandum; nisi tantum causas majores, quas religiosas non expedit tractare personas, quæ ex precriptis in subsequētibz exponuntur.

Verum sicut Ecclesia nobis nostrisque successoribus, in utroque jure tam in spirituali, quam temporali subjaceret; ita etiam utroque gladio regere ac defendere tenemur, omni tamen exactiōne penitus exclusa. Propter quod, ut jam dicta Ecclesia in promissis omnibus privilegio gaudeat libertatis, memorato Ludolpho Preposito, suisque successoribus, eam ab hac hora, & deinceps conferimus potestatem; ut si causæ minores apud eos ubicunq̃ue locorum in bonis eorum invaserint, que iudicium seculare requi-

(a) forte: exigentibus.

requirere videantur, has de nostro consensu valeant judicare: si vero causæ majores emerferint, utpote *raptus*, *furti*, *sanguinis*, quæ suas vires videntur excedere, nos ex tunc, si haberi poterimus, causas judicabimus prenotatas; si autem presentes esse non possumus, nec haberi, quod propter loci distantiam sæpius poterit evenire, prefato Ludolpho & suis successoribus eam duximus gratiam conferendam; ut in tali casu mundiburdum autoritate nostra statuunt, qui vice nostra, non sua, judicet eo tempore, quæ fuerint judicanda, mutatis tamen per vices temporis personis hujusmodi; ne propter hujus vocationis frequentiam pedem in advocacy neminem figere valeant, & in ipsa juris aliquid vendicare. Volumus etiam, ut hujus advocatiæ libertas, quam nos pro nostre anime remedio restitimus libertati, penes nos & nostros successores libere acquiescat. Unde, ut etiam prefate Ecclesie per omnia caveamus universos Dominos Successores nostros monemus in Domino, consulimus, & devote rogamus, in remissionem suorum eis peccaminum injungentes, & ad validam totius firmitatis cautelam per Patrem & Filium & Spiritum S. distinctius inhibentes iisdem; ne propter blandas cognationum, vel amicorum adulationum preces, vel propter munera, quæ excipiant, dictam advocatiæ alicui hominum inphendare, vel modis aliquibus obligare presumant; sed ut premissum est, in eorum jugiter permaneant potestate; sicut in nostra manebit super nos, & in nobis diem nostrum dante Domino clausura supremum: qui presentis scripti privilegio recognoscimus, quod nos, si malignari vellemus, quod absit, nequaquam eam inphendare debemus, nec possumus obligare quidem, maxime propter hoc salutare remedium tam a nobis, quam a nostris successoribus statuimus inviolabiliter observandum in Ecclesia illa, quæ nunc de ancilla facta est libera, per novam obligationem in servitutem pristinam redigatur, ipsamque in morbum incurabilem recidivare contingat, quæ nunc, ut rati sumus, per hanc nostre liberationis medelam quasi de infirmitate gravissima est curata: quam nostri successores duplici de ratione sub eorum protectione teneantur habere, & speciali prerogativa diligere, ex quo nullo me-

diane utrumque gladium obtinent in eadem. Nos igitur, qui predictam Ecclesiam propter reverentiam Venerabil. Patroni nostri, B. JOHANNIS Evangeliste, speciali dilectione diligimus, & propter ejus personas sibi famulantes, in quibuscunque possumus, reverentius cupimus honorare, rationabiles quosdam advocatiæ proventus, quos Advocati ex antiqua fundatoris institutione eripere consueverint, qui nobis nunc vacare noscantur, ad speciales consolationes fratrum totaliter assignamus, pullis exceptis, quas inter Prepositum & Fratres statuimus equaliter dividendos, dimidiis Proposito & dimidiis fratribus deputantes, ac concedentes fratribus memoratis, ut inter se horum proventuum statuunt provisorum, qui eosdem excipiant, administrent ad communem ordinationem & beneplacitum singulorum: ut saltem hanc qualemcunque ordinationis gratiam de nostro beneficio habeant in futurum. Ceterum Advocatiæ cum bonis omnibus, quæ nunc Ecclesia possidet, vel in futurum justo titulo poterit adipisci, sub nostram suscipientes protectionem, auctoritate nostra Episcopali & *Banno Synodali* S. Joh. Ecclesie ea pariter confirmamus sub interminatione anathematis distinctius inhibentes; ne quis quacunque presumptione temeraria Ecclesiam tam in advocatiæ, quam in bonis aliis pertinentibus ad eandem, inquietare, vel alio modo molestare presumat. Si quis autem suadente diabolo hoc attentare presumpserit, indignationem Dei Omnipotentis, & BB. Apostolorum Petri & Pauli, & nostri anathematis vinculum se noverit incidisse. Hujus rei testes sunt: *Meinbardus* major Prepositus, *Arnoldus* Decanus, *Anno* Cellerarius, *Almarus* S. Pauli Prepositus, *Conradus* Erfordensis Prepositus, *Arnoldus* Archidiaconus in Oldesleve, *Burcardus* Prepositus de Jechenburg, *Gardolphus* de Meinersheim, *Albertus* Prepositus in Buffo, *Conradus* de Braunberg, *Conradus* de Veoburg, *Conradus* de Quidilingeburg, *Oseco* Sacerdos, *Tydericus* Camerarius, *Richardus* Sacerdos majoris Ecclesie nostre Canonicus. Abbates vero *Henr.* de Hilfenburg, *Matbias* de Husburg, *Cesaricus* de Hildesleve, *Henr.* de Conradesburg, *Heidenr.* de Gozike, *Marfil.* de Winadeburg, *Henr.* de Reinsdorff, *Bertr.* de Eilwardesdorff. Prepositi:

fiti: *Eust. de Hademersleve, Rud. S. Joh.*
in civitate, *Gerbode de Rusteleven, Dit-*
helmus de Horneburg, Martinus de Gerb-
statt, Job. de Roden, & alii quamplures.
Acta sunt hec anno *Domin. Incarnat.* ac

nostre Reparat. M.CC.XIX. Indictione
VII.

Cl. Samuel. Lentzen Historia Diplomatica
Halberstadenfis. pag. 317.

SYNODUS, SEU CAPITULUM PATAVIENSE

ANNO CHRISTI MCCXX. HONORII III. PAPÆ V.

FRIDERICI II. REGIS III.

SUB ULRICO EPISCOPO PATAVIENSI, PRÆSENTIBUS LEGATIS
DOMINI APOSTOLICI.

Ratificata est vicesima pars omnium Proventuum Ecclesiasticorum, pro trien-
nio proximo pendenda, ex Concilio Lateranenſi pro recuperanda terra sancta.
Nec plura refert Hansitz. Tom. I. Germania sacra pag. 365.

Friderici II. Imperatoris Augusti Edictum, *De cassandis statutis adversus libertatem Ecclesiæ editis.*

Nos Fridericus, Dei gratia, Romano-
rum Imperator & semper Augu-
stus, hac edictali lege irritamus, & præ-
cipimus irritari omnia statuta & consue-
tudiñes, quæ civitates, vel loca, po-
testates, consules, vel quæcumque aliæ
personæ contra libertatem Ecclesiæ, vel
personas Ecclesiasticas edere vel servare

tentaverint adversus canonicas vel Impe-
riales sanctiones. Et ea de capitularibus
infra duos menses post hujusmodi pub-
licationem edicti penitus aboleri, &c.
Datum Romæ, in die Coronationis. &c.
Goldastus Tom. I. Constitut. Imper. p. 292.
Honorii III. PP. Epistola 483. Libro V.
Epistolarum.

Anno MCCXX. 22. Novembris, Dominica proxima ante Adventum Domini, in Basilica
Vaticana Fridericus II. & Constantia uxor ab Honorio III. coronati Augusti fuere.
Epistola Honorii apud Raynaldum num. 53. ad annum 1220.

Friderici II. Imperatoris Augusti Constitutio *pro Ecclesiastica Libertate. (A. 1220.)*

FRIDERICUS, DEI GRATIA, ROMANORUM IMPERATOR SEMPER
AUGUSTUS, ET REX SICILIÆ, POTESTATIBUS, CONSULIBUS, AC COMITIBUS
UNIVERSORUM COMITATUUM ET CASTRORUM ITALIÆ.

I. **C**um divæ memoriæ Imperatores Ro-
mani Sacrosanctam Ecclesiam
multiplici libertate dotarint, Nos dispo-
nente Deo, a quo est omnis potestas,
ad fastigium culminis Imperialis electi,
quæ pie ab illis ac Sanctissimæ sedis Præ-
sulis pro statu Ecclesiarum & Eccle-
sticorum virorum sunt edita, conserva-
re volumus inconcussa; & illis contra-
ria, sicut ad nos spectare dignoscitur, am-
putare. Cum igitur ad aures Celsitudinis
nostræ pervenerit, nonnullos vestrum
cupidine cæca seductos quædam dete-
standa edidisse statuta, præjudicantia

Ecclesiasticæ libertati, ac Divino ac hu-
mano juri obviantia manifeste, Nos ea
tamquam de radice pravitatis hæreticæ
provenientia, auctoritate præsentium
cassamus sub poena mille marcharum;
distriktius inhiñentes, ne quis vestrum
illis de cetero inhaerere præsumat, aut
eorum prætextu Ecclesias & Ecclesiasti-
cos viros contra sanctiones canonicas
& legitimas molestare. Quinimo ea de
nostris capitularibus seu brevioriis con-
demnata penitus abolerentur, Ecclesias
& Ecclesiasticas personas permittatis in-
indulta sibi libertate gaudere, si vultis

pœnam effugere prænotatam, & indignationem Regiam evitare.

Datum in castris apud S. Leonem, Anno Domini Milleſimo, ducentefimo,

vigefimo, indictione octava, Kalendis Octobris.

Goldaſtus. Tomo I. Conſtitut. Imperial. pag. 297.

Anno MCCXX. VIII. Kal. Octobris, coram Apoſtolice Sedis Legato juramentum de more præſtitit de Eccleſiæ Romanæ juribus illaſis, & ejusdem privilegiis, bonis, & poſſeſſionibus conſervandis; deſignum Fundanum Comitatum Clero Eccleſiæ Romanæ attribuit. *Pagi in Breviario PP. RR. Tom. III. pag. 241.*

Friderici II. Imperatoris Auguſti Conſtitutiones contra Hæreticos.

FRIDERICUS, DEI GRATIA, ROMANORUM IMPERATOR SEMPER AUGUSTUS, DILECTIS PRINCIPIBUS, CUNCTISQUE POPULIS, QUOS CLEMENTIÆ NOSTRÆ REGIT IMPERIUM, SALUTEM ET GRATIAM.

I. **C**ommiſſi nobis cœlitus cura Regiminis, & Imperiale, cui dante Domino præſidemus, faſtigium dignitatis, materiale, quo diviſim a Sacerdotio fungimur, gladium adverſus hoſtes fidei, & in exterminium hæreticæ pravitatis exigunt exerendum, ut vipereos perfidiæ filios contra Deum & Eccleſiam inſultantes, tanquam materni uteri corroſores, in judicio & juſtitia perſequamur, maleficos vivere non paſſuri: per quorum (a) ſententiam ſeducentem mundus inſicitur, & gregi fidelium per oves morbidas gravior inſigitur corruptela.

II. Statuimus itaque ſancientes, ut hæretici quocunque nomine cenſeantur, ubicunque per imperium damnati fuerint ab Eccleſia, & ſeculari judici aſſignati, animadverſione debita puniantur; ſi qui vero de prædictis, poſtquam fuerint deprehenſi, territi metu mortis redire voluerint ad fidei unitatem, juxta Canonicas ſanctiones ad agendam pœnitentiam in perpetuum carcerem detruantur.

III. Præterea quicumque hæretici reperti fuerint in civitatibus, oppidis, ſeu aliis locis Imperii, per inquiſitores ab Apoſtolica ſede datos, & alios orthodoxæ fidei zelatores, ii, qui juſdictionem ibidem habuerint, ad inquiſitionem & aliorum Catholicorum viro- rum inſinuationem eos capere teneantur, & eos captos archius cuſtodire, donec per cenſuram Eccleſiaſticam damnatos, damnabili morte perimant, qui fidei Sa-

cramenta & gloriam æternæ vitæ dam- nabant.

IV. Simili quoque pœna plecti cenſemus omnes, quos ad fovendum hæreticorum errores callidus hoſtis ſuſcitavit advocatos, vel parat illicitos defenſores, maxime cum idem facinus, quos inquinat, æquat; niſi monitione præmiſſa deſtiterint, & eorum vitæ duxerint conſulendum.

V. Eos præterea, qui convicti in uno loco de hæreſi ad alia loca ſe transferunt, ut cautius poſſint effundere virus hæreticæ pravitatis, debitam cenſemus ſubire vindictam: ut ſuper hoc per viros ab eodem errore converſos ad fidem, nec non & per alios, qui eos de hæreſi convicerunt, quod & in hoc caſu concedimus licite faciendum, evidens teſtimonium habeatur.

VI. Item mortis ſententiæ ducimus addicendos, ſi quos hæreticorum ad judicium tractos, in extremo vitæ periculo hæreſim abjurantes, poſtmodum de falſo juramento conſtiterit, & de fide mentita convinci, ac eos contigerit ejusdem morbi ſpontaneam incurrere recidivam; ut ſibi damnabilius iniquitas ſit mentita, & pœnam debitam mendacium non evadat.

VII. Omne inſuper proclamationis & appellationis beneficium ab hæreticis, receptatoribus & fautoribus eorundem, penitus amovemus, volentes ut de finibus Imperii, in quibus ſemper debet exiſtere fida fides, hæreticæ labis gemina modis omnibus deleantur.

VIII.

(a) al. ſcientiam.

VIII. Cæterum, quia, quanto majora Divinæ nutu miserationis accepimus; & altiorē locum præ filiis hominum obtinemus, tanto devotiora debemus obsequia gratitudinis conferenti. Si quando igitur in nostri hominis contemptores nostri culminis exandescat auctoritas, si reos læsæ Majestatis in personis eorum & liberorum suorum exheredatione damnamus; multo fortius justiusque contra Dei blasphematores nominis, & Catholicæ fidei detractores provocamus, eorumdem hæreticorum, receptatorum, fautorum, & advocatorum suorum, ac eorumdem hæredes & posteros usque ad secundam progeniem, cunctis beneficiis temporalibus, publicis officiis, & honoribus Imperiali auctoritate privantes, ut in paterni memoria criminis continuo mœrore tabescant, vere scientes, quod Deus Zelotes est, & peccata patrum in filios potenter ulciscens: nec quidem a nostræ misericordiæ finibus duximus excludendum; ut si qui paternæ hæresis non sequaces latentem patrum perfidiam revelaverint; quacumque reatus illorum animadversione plestantur, prædictæ punitioni non subiaceat innocentia filiorum.

IX. Adhæc notum fieri volumus, fratres Prædicatores & Minores; pro fidei negotio in partibus Imperii nostri contra hæreticos deputatos; cæteros

quoque, qui ad hæreticos judicandos accefferint, nisi aliqui eorum ab Imperio fuerint præscripti, eundo, morando, & redeundo sub nostri Imperii speciali defensione receptos, & quos apud omnes sub ope, ac recommendatione fidelium Imperii esse volumus inoffensos: universitati vestræ mandantes, quatenus quocumque, & apud quemcunque vestrum pervenerint, benigne recipiatis eosdem, & personas eorum ab incurso hæreticorum eis insidiantium conservantes indemnes, omne consilium, ducatum, & auxilium impendatis, pro tam acceptis coram Deo negotiis exequendis. Hæreticos vero, quos & ipsi vobis ostenderint, in jurisdictione vestra singuli capientes diligenti custodia detinere, donec post Ecclesiasticæ damnationis judicium poenam subeant, quam merentur; scituri, quod in ipsius executione negotii gratum Deo & laudabile nobis obsequium conferetis, si ad expellendam de partibus nostri Imperii novam & insolitam hæreticæ pravitatis infamiam, operam & operam una cum eisdem fratribus præstiteritis efficacem. Et si quis exinde foret negligens vel remissus ac etiam inutilis, eoram Deo & in conspectu nostro poterit merito culpabilis apparere. Datum Paduæ XXII. Februarii, XII. Indict.

Goldastus loco citato. pag. 293, 294.

Indict. XII. currebat in Februario anni 1224. qui erat quartus Imperii Friderici II.

CONSTITUTIO II.

FRIDERICUS, DEI GRATIA, ROMANORUM IMPERATOR AUGUSTUS, HIERUSALEM ET SICILIÆ REX, DILECTIS PRINCIPIBUS SUIS, VENERABILIBUS ARCHIEPISCOPIS, ET EPISCOPIS, ALIISQUE PRÆLATIS ECCLESiarUM, DUCIBUS, MARCHIONIBUS, COMITIBUS, BARONIBUS, POTESTATIBUS, SCULTETIS, BURGRAVIS, ADVOCATIS, JUDICIBUS, MINISTERIALIBUS, OFFICIALIBUS, ET OMNIBUS PER TOTUM IMPERIUM CONSTITUTIS, PRÆSENTES LITTERAS INSPECTURIS, FIDELIBUS SUIS, GRATIAM SUAM ET OMNE BONUM.

I. Inconsutilem tunicam Dei nostri diffuere conantur hæretici & vocabuli vicio sævientes, quod significationem divisionis denuntiat, in ipsius indivisibilis fidei unitate nituntur inducere sectionem, & oves a Petri custodia, cui pascendæ a pastore bono sunt creditæ, segregare. Hi sunt lupi rapaces intrinsecus, eo usque mansuetudinem prætendentes ovium, quousque ovile possint subintrare Dominicum, quod

post ipsorum interitum desiderant demoliri: hi sunt angeli pessimi; hi pravitatum sunt filii, a patre nequitiae & fraudis auctore ad simplices animas destinati: hi colubri, qui columbas decipiunt: hi serpentes, qui latenter videntur inserpere, & sub mellis dulcedine virus evomere, ut vitæ cibum se simulent ministrare: a cauda feriunt, & mortis poculum velut quoddam dirissimum venenum immiscant. Horum sectæ vete-

ribus, vel ne in publicum prodeant, non sunt notatæ nominibus; vel (quod est forte nephandius) non (a) contentæ, ut velut ab Arrio Arriani, vel a Nestore Nestoriani, aut a similibus similes nuncupentur: sed in exemplum Martyrum, qui pro fide Catholica Martyrum subierunt, Patarenos se nominant, velut expositos passioni.

II. Huiusmodi vero miseri Patareni, a quibus abest sancta credulitas divinitatis æternæ, sub uno contextu nequitie infimul tres offendunt, Deum videlicet, proximos, & se ipsos. Deum, dum Dei fidem, & (b) consilium non cognoscunt: decipiunt proximos, dum ipsis sub specie spiritualis alimonie, hæreticæ pravitatis oblectamenta ministrant: crudelius etiam sæviunt in se ipsos, dum post animarum dispendium, corpora denique severæ mortis illecebris, quam per agnitionem veram & veræ fidei firmitatem possent evadere, vitæ prodigi, & necis improvidi sectatores, involvunt, & quod est ipso dicto durissimum, superstitites etiam non terrentur exemplo.

III. Contra tales, Deo, sibi & hominibus sic infestos continere non possumus motus nostros, quin debitæ ultionis in eos gladium exeramus, tanto ipsos instantius persequentes, quanto in evidentiorem delusionem Fidei Christianæ prope Romanam Ecclesiam, quæ caput omnium Ecclesiarum judicatur, superstitionis suæ scelera latius exercere dinoscuntur, adeo quod ab Italiæ finibus, præsertim a partibus Lombardiæ, in quibus certo perpendimus ipsorum nequitiam latius abundare, jamque usque ad Regnum nostrum Siciliæ suæ perfidiæ rivulos derivarunt.

IV. Quod æcerbissimum reputantes, statuimus in primis, ut crimen hæreseos & damnatæ sectæ cujuslibet, quocumque censeantur nomine sectatores,

prout veteribus legibus est indictum inter publica crimina numerentur, immo crimine læsæ Majestatis nostræ debet ab omnibus horribilius judicari, quod in Divinæ Majestatis injuriam noscitur attemptatum, quamvis in recti judicii potestate alterum alteri non excellat. Nam sicuti perduellionis crimen personas admittit damnatorum, & bona, & damnat post obitum memoriam defunctorum; sic & in prædicto crimine, quo Patareni notantur, per omnia volumus observari, ut ipsorum nequitia, qui quia Dominum non sequuntur, in tenebris ambulant, detegatur. Nemine etiam deferente, investigari volumus diligenter huiusmodi scelera paratores, & per officiales nostros sicut & alios malefactores inquiri, ac in vinculis detineri inquisitione notatos: & si levis superstitionis argumento (c) tangantur, a viris Ecclesiasticis & Prælati examinari jubemus. Per quos, si inventi fuerint a Fide Catholica saltem in articulo deviare, ac per ipsos pastoralis more commoiti, tenebrosi diaboli relictis infidus noluerint agnoscere Deum lucis, sed in erroris concepta (d) instantia perseverent, præsentis nostræ legis edicto (e) damnatos, mortem pati Patarenos aliosque hæreticos, quocumque nomine censeantur, decernimus, ut (quod adfectant) vivi in conspectu hominum comburantur, flammarum commissi judicio animarum incendia patiantur. Nec dolemus, quod in hoc ipsorum satisfacimus voluntati, ex quo poenam solummodo, nec fructum alium consequuntur erroris: volumus tamen, quod apud nos pro talibus nemo intervenire præsumat. Quod si fecerit, in ipsum nostræ indignationis aculeos non immerito convertemus. Datum Paduæ XXII. Februarii. XII. Indictione.

Goldastus Loc. citato. pag. 294.

CONSTITUTIO III.

FRIDERICUS, DEI GRATIA, ROMANORUM IMPERATOR SEMPER AUGUSTUS &c.

Patarenorum complices & receptatores, seu quocumque modo fautores, qui ut alios a pœna possint eximere, de se velut improvidi non formi-

dant, publicatis omnibus bonis eorum relegandos in perpetuum esse censemus, & ipsorum filii ad honores aliquos nullatenus admittantur. Si tamen aliquis fauto-

(a) *al.* conceptæ
(d) *MS.* tristitia

(b) *MS.* filium
(e) *MS.* dampnandos fore decernimus Patar.

(c) *al.* legantur.

fautorum hujusmodi detexerit aliquem Patarenum, de cujus perfidia manifeste probatur & liquet, in fidei præmium, quam agnovit, famæ pristinæ imperiali clementia restitutionis beneficium in integrum consequatur.

Incipiunt Capitula Constitutionis contra Patarenos edita per Dominum Fredericum, Illustrum Virum, Romanorum Imperatorem semper Augustum, Hierusalem & Siciliæ Regem.

I. Patarenos, Speronistas, Leonistas; Arnaldistas, Circumcisos, Passaginos, Joseppinos, (f) Carracenses, Albanenses, Franciscos, (g) Bennaroles, Comistas, Waldenses, (h) Burgaros, (i) Commimellos, (k) Barrinos & Ortholinos, cum illis de aqua nigra, Pauperes de Lugduno, & omnes hæreticos utriusque sexus, quocumque nomine censeantur, perpetua damnamus infamia, diffidamus atque bannimus, censentes, ut bona talium confiscentur, nec ad eos ulterius revertantur, ita quod filii eorum ad successiones pervenire non possint, cum (l) longe sit gravius, æternam, quam temporalem offendere Majestatem. Qui autem inventi fuerint sola suspitione notabiles, nisi ad mandatum Ecclesiæ juxta considerationem suspitionis, qualitatemque personæ, propriam innocentiam congrua purgatione monstraverint, tanquam infames & banniti ab omnibus habeantur, ita, quod si sic banniti per annum permanserint, ex tunc eos, sicut hæreticos condemnamus.

II. Statuimus etiam hoc edicto in perpetuum valituro, ut (m) Potestates & Consules, seu Rectores, quibuscunque fungantur officiis, pro defensione fidei præstent publice juramentum, quod de terris suæ (n) ditioni subiectis, universos hæreticos, ab Ecclesiâ denotatos, bona fide pro viribus exterminare studebunt, ita, quod amodo, quancumque quis

fuerit in perpetuam potestatem vel temporalem assumptus, hoc teneatur juramento firmare capitulum: alioquin neque pro Potestatibus, neque pro Consulibus seu consimilibus habeantur, eorumque sententias ex tunc decernimus inutiles & inanes. Si vero Dominus temporalis, requisitus, & monitus ab Ecclesiâ, terram suam purgare neglexerit ab hæretica pravitate, post annum a tempore monitionis elapsam terram ipsius exponimus Catholicis occupandam, qui eam exterminatis hæreticis absque ulla contradictione possideant, & in fidei puritate conservent, salvo jure Domini temporalis, dummodo super his nullum præstet obstaculum, neque aliquod impedimentum opponat: eadem nihilominus lege servata contra eos, qui (o) non habent Dominos temporales principales.

III. Crèdentes præterea receptatores, defensores, & fautores hæreticorum bannimus: statuentes, ut si, postquam quilibet talium fuerit fidelium excommunicatione notatus, satisfacere contempserit infra annum, ex tunc ipso jure sit factus infamis, & ad publica officia seu consilia, vel ad tractatus aliquos eligendos hujusmodi, nec ad testimonium admittatur. Sit etiam intestabilis, ut nec testamenti liberam habeat actionem, nec ad hæreditatis alicujus successionem accedat. Nullus ei præterea super quocumque negotio, sed ipse aliis respondere cogatur. Quod si iudex extiterit, ejus sententia nullam obtineat roboris firmitatem, nec causæ aliquæ ad ejus (p) notitiam perferantur. Si fuerit advocatus, ejus patrocinium nullatenus admittatur. Si tabellio autem fuerit, instrumenta confecta per manum ipsius, nullius penitus sint momenti.

IV. Adicimus insuper, quod hæreticus per hæreticum convinci possit: & quod domus Patarenorum, receptatorum, defensorum & fautorum, sive ubi docuerint, sive ubi aliis manus imposuerint, destruantur, nullo tempore reparandæ. Datum Paduæ XXII. Februarii, XII. Indictione. (q)

(f) al. Garatenses.

(g) al. Bagnarolos.

(h) al. Roncarolos.

(i) al. Cummunellos.

(k) al. Varinos.

(l) C. Vergentis. de hæret.

(m) Concil. Biterrense cap. 32.

(n) al. jurisdictioni.

(o) abest negativa in MS.

(p) al. audientiam.

(q) Indictio XII. currebat in Februario anni 1224. ad quam diem & annum Goldastus refert Constitutiones IV. Friderici II. datas Paduæ contra hæreticos Gazaros, Patarenos, eorum sectatores, fautores. Tomo I. Constitut. Imper. 1615. Francofurti impress.

Raynaldus Odoricus in Annalib. Ecclesiasticis, ad annum 1220. asserit ex Vaticano archæo, ex Epistola Honorii III, ex Richardo a S. Germano anno 1220. die 22. Novembris Romæ in ipso die Coronationis suæ Fridericum II. edidisse Edictum contra Hæreticos, & omnes Episcopos cum Papa accensis & extinctis candelis hæreticos excommunicasse.

Authentica: de Statutis & Consuetudinibus edita post Lib. IV. Feudorum in Corpore juris civilis, Refert Edictum Friderici II. contra Hæreticos N. V. VI. VII. VIII. sed sine Consule & die: sine loci ullius mentione.

Privilegium pro Libertate Ecclesiastica

Germanicis Ecclesiis concessum.

FRIDERICUS II. Rex anno 1212. Moguntiae denuo electus est Germaniæ Rex. Anno 1220. in Curia Francofurtensi VI. Kalendas Maji

Episcopis & Proceribus Germaniæ amplissimam immunitatem dat:

1. Spolia Ecclesiasticorum defunctorum non Fisco Regio, sed hæredi defuncti, vel successori relinquenda.
2. Nulla telonia nec novæ monetæ contra jura Ecclesiæ erigenda.
3. Servi fugitivi a nemine recipiendi.
4. Omnis damnificatio Ecclesiæ interdictur.
5. Feuda nulli Principi Ecclesiastico subtrahenda.
6. Excommunicati vitandi, contumaces proscribendi.
7. Nullum opus novum in fundo Ecclesiæ a quovis construendum.
8. Officialium Cæsaris jurisdictio restringitur.

Omnia perpetuo privilegio.

IN NOMINE SANCTÆ ET INDIVIDUÆ TRINITATIS.

FRIDERICUS II. DIVINA FAVENTE CLEMENTIA, ROMANORUM REX
SEMPER AUGUSTUS, ET REX SICILIE.

Digna recolentes animadversione, quanta efficacia & fide dilecti fideles nostri Principes Ecclesiastici nobis hætenus extiterunt ad culmen Imperii nos promovendo, promotos in Christo firmando, & demum filium nostrum Henricum Regem sibi & Dominum benevole ac concorditer eligendo; censuimus eos, per quos promoti sumus, semper promovendos; & per quos firmati sumus una cum Episcoporum Ecclesiis semper fore nostra defensione contra noxia quæque firmandos. Igitur quia in eorum gravamina quædam consuetudines, & ut verius dicamus, abusiones, ex longa perturbatione Imperii, quæ per gratiam Dei nunc quievit, & quiescit, inoleverant in novis teloniis, & monetis, quæ se invicem ex similitudinibus imaginum destruere consueverant; In guerris Advocatorum, & aliis malis, quorum non

est numerus, statutis quibusdam, eisdem abusionibus obviamus.

I. Primo promittentes deinceps, quod nunquam in morte cujuscunque Principis Ecclesiastici reliquias suas Fisco vendicabimus; inhibentes etiam, ne quisquam aliquo prætextu sibi eas vendicat; sed cedant successori, si antecessor intestatus decesserit, cujus testamentum, si quid inde fecerit, volumus esse ratum. Si quis vero contra hanc constitutionem reliquias sibi vindicare præsumserit, proscriptus & exlex habeatur, & feudo sive beneficio, si quod habeat, peraneat destitutus.

II. Item nova telonia & novas monetas ipsorum territoris sive jurisdictionibus eis inconsultis seu nolentibus statuemus de cetero, sed antiqua telonia & jura monetarum eorum Ecclesiis concessa, inconvulsa & firma conservabimus &

& tuebimur; nec ipsi ea infringemus, nec ab aliis laedi permittemus modis aliquibus, utpote monetæ turbati, & vilificari solent similitudinibus imaginum, quod penitus prohibemus.

III. Item homines quocunque genere servitutis ipsis attinentes, quacunque causa se ab eorum obsequiis alienarunt, in nostris civitatibus non recipiemus, in eorum præjudicium, & idem ab ipsis inter se, eisque a laicis omnibus universaliter volumus observari.

IV. Item statuimus, ne quis Ecclesiam aliquam in bonis suis damnificet occasione Advocati eorundem bonorum; sed si damnificaverit, damnum in duplo restituet, & centum marcas argenti Cameræ nostræ solvet.

V. Item si aliquis eorum Vassallum suum, qui forte eum offendit, jure feudali convenierit, & sic feudum evicerit, illum suis usibus tuebimur; & si ipse feudum de bona & liberali sua voluntate nobis conferre voluerit, recipiemus amore vel odio non obstante. Quocunque autem modo sive etiam ex morte infeodati, Principi Ecclesiastico feudum aliquod vacare contigerit, illud auctoritate propria, immo violentia nullatenus invademus, nisi de bona voluntate, liberalique concessione sua potuerimus obtinere; sed cum effectu suis usibus studebimus defendere.

VI. Item sicut justum est, excommunicatos eorum, dum tamen ab ipsis viva voce vel per litteras eorum, vel per honestos nuncios fide dignos nobis denunciati fuerint, vitabimus, & nisi prius absolvantur, non concedemus eis personam standi in judicio. Sic distinguentes, quod excommunicatio non eximat eos a respondendo impetentibus, sed sine Advocatis, perimat autem, si (a) jus eis & potestatem ferendi sententias & testimonia & alios impetendi. Et quia gladius materialis constitutus est in subsidium gladii spiritualis excommunicationum, si excommunicatos in ea ultra sex septimanas perstitisse, prædictorum modorum aliquo nobis confliterit, nostra proscriptio subsequatur, non revocanda, nisi prius excommunicatio revocetur. Sic utique aliisque modis omnibus justo videlicet, & efficaci judicio, ipsis prodesse atque præesse firmiter compromissimus,

& ipsi vice versa fide data promiserunt, quod contra omnem hominem, qui tali nostro judicio ipsis exhibendo violententer resisterit, nobis pro viribus suis efficaciter assistent.

VII. Item statuimus, ut nulla ædificia, castra videlicet, seu civitates in fundis Ecclesiarum; vel occasione Advocatiæ, vel alio quoquo prætextu construantur, & siquæ forte sint constructa contra voluntatem eorum, quibus fundi attinent, diruantur Regia potestate.

VIII. Item inhiibemus ad imitationem avi nostri felicitis memoriæ Imperatoris Friderici, ne quis Officialium nostrorum in civitatibus eorundem Principum jurisdictionem aliquam sive in teloniis, sive in monetis, seu aliis officiis quibuscunque sibi vendicat, nisi per octo dies ante curiam nostram ibidem publice indictam, & per octo dies post eam finitam. Nec etiam per eosdem dies in aliquo excedere præsumant jurisdictionem Principis & consuetudines civitatis. Quotiescunque autem ad aliquam civitatem eorum accesserimus, sine nomine publicæ curiæ, nihil in ea juris habeant, sed Principes & Dominus ejus in ea plena gaudeat potestate. Sane quanto fidem ampliorem prædictorum Principum circa nos intelleximus, tanto excellentius eorum profectibus semper intendemus prospicere; & quoniam acta hominum oblivio inimica memoriæ per longam temporum evolutionem sepelire solet, diligentia vigilantiori adhibita hæc nostræ gratiæ beneficia Ecclesiis impensa perpetuari volumus: statuentes, ut hæredes nostri & successores in Imperio ea rata conservent, & exequantur, & faciant in subsidium Ecclesiarum a laicis universaliter observari. Et ut futuris innotescant, & a præsentium non excidant memoria sive notitia, ea fecimus huic paginæ annotari & paginam sub notatione nominum eorum, qui interfuerunt, Principum videlicet, & sigilli nostri munimine insigniri. Testes hi sunt: Sissidus Moguntinensis Archi-Episcopus, Theodericus Trevirensis Archi-Episcopus, Engelbertus Colonienfis Archi-Episcopus, Albertus Magdeburgensis Archi-episcopus, Hugo Leodiensis episcopus, Otto Trajectensis episcopus, Engelbertus Bambergensis episcopus, Conradus

[a] si fors omittendum.

radus Ratisbonensis episcopus, Hertwicus Egesdiedensis episcopus, Theodericus Monasteriensis episcopus, Henricus Wormensis episcopus, Engelhardus Newenburghensis episcopus, Henricus Basiliensis episcopus, & alii quamplures. Signum Domini Friderici secundi Romanorum Regis invictissimi, & Regis Siciliæ, Ego Conradus Metensis & Spirensis episcopus, Imperialis aulae Cancellarius, vice Domini Sifridi Moguntinensis Sedis Archi-episcopi, & totius Germaniæ Archi-Cancellarii,

recognovi. Acta fuerunt hæc anno Dominicæ Incarnationis MCCXX. Indiæti-
one nona, (a) regnante D. Friderico se-
cundo Romanorum Rege & Siciliæ glo-
riofissimo, Anno Regni ejus in Germania
VIII. Sicilia vero XXIV. Datum apud
Franckford. 6. Kalend. Māji.

*Ex Archivio Metropolitanae Colonienfis
Ecclesiæ.*

*Gelenius in vita S. Engelberti pag. 202.
edita 1633.*

(a) Anno 1220. currebat Indiætio VIII. usque ad Septembrem, consequens est hic erro-
rum esse.

Goldastus Tomo I. Constitutionum Imperialium profert duo Edicta Friderici II. pro Immu-
nitate Ecclesiastica, alterum datum Romæ, 1220. in die Coronationis.

Datum alterum in Germania apud Egram de 1213.

gitum in Castris apud S. Leonem VIII. Kal. Octobris, Indiæti. VIII. ergo 1220.

*Edictum Imperatoris Friderici II. quo omni-
bus detentoribus possessionum Comitatus MATHILDIS (a) Comitissæ, ad
Sedem Apostolicam pertinentis, restitutionem sub pœna mille marcharum
injungit, contra Filios vero Comitum ALBERTI DE CASALOD, ET
NERISSI Castrum Gonzagæ ad dictum Comitatum spectans detinentes,
nec, prout mandatum fuit, Pontificis Capellanis tradentes sententiam
Banni promulgat. Datum in Castris apud S. Leonem VIII. Kalend.
Octobr. & publicatum apud Spm. Lambert. pridie Kalend.
Mensis ejusdem. Anno Domini MCCXX.
Indiæti. IX.*

FRIDERICUS, DEI GRATIA, ROMANORUM REX SEMPER AUGUS-
TUS, ET REX SICILIÆ.

PER præsens scriptum notum facimus
universis tam præsentibus quam fu-
turis, quod cum ad resignationem Comi-
tatus, terræ & poderis quondam Comi-
tissæ Mathildis faciendam Sanctæ Roma-
næ Ecclesiæ venerabili Matri nostræ, ad
quam pertinet pleno jure, Serenitas no-
stra contra quoslibet detentores speciale
mandatum dederit, ac etiam generale
tam per litteras, quam per dilectum fide-
lem Conradum, venerabilem Metensem
& Spirensis Episcopum, Cancellarium
nostrum, sub pœna mille marcharum ar-
genti, & dictus Cancellarius Castrum
Gonzag. cum pertinentiis suis, quod est

de Comitatu Comitissæ prædictæ, inve-
nerit occupatum a filiis Comitum Alberti
de Casalod. & Nerissi, quibus sub pœna
prædicta injunxerit resignandum, & ei-
dem super hoc parere contempserint, ad
non modicam injuriam Regiæ Majestatis;
propter quod sine alia citatione in me-
tum aliorum, præter pœnam prædictam,
animadvertendum erat in eos: tamen
ut Excellentia nostra potius ad veniam,
quam ad vindictam pronior videretur,
laboravimus per ipsorum amicos & con-
sanguineos, cum citati non comparue-
runt coram nobis; ut sine metu pœnæ
nobis resignarent castrum ipsum, & man-
datum

(a) Confer hoc Tomo nostro pag. 518. Innocentii II. Papæ concessionem Allodii Mathil-
dis Comitissæ factam Lothario II. & Richezæ Augustæ ejus conjugi, & post eos
filia eorum & Henrico Bavariz Duci genero Lotharii, anno 1133. VI. Idus Junii.

datum nostrum contempserint in hac parte, de consilio venerabilium Principum nostrorum, Patriarchæ Aquilenfis; Episcoporum Tridentini, Brissinensis, Vicentini, Paduani, Feltrensis, Mantuani, Cremonensis, Bergamensis, Laudensis, Parmensis, Astensis, & Taurinensis, taliter contra eos ducimus procedendum: confirmantes primo, quod factum est contra eos de banno & poena iuncta per Cancellarium memoratum, & ex nunc personas ipsorum ponimus sub perpetuo banno Imperii, & etiam bona eorum iubemus, ubicumque fuerint, confiscari, sine aliqua spe remissionis, seu revocationis, si usque ad diem Domini-cum proxime venturum, dictum castrum cum omnibus pertinentiis detentis ab eis, non resignaverint in manus Alarini & Raynaldi Capellani nunc Domini Papæ, vel eorum alterius, vel in nostras, Sanctæ Romanæ Ecclesiæ resignandum. Quod si non fecerint, quicumque de bonis ipsorum decinent, vel ex tunc occupaverint, sive quocumque alio modo acquisierint, libere possideant, & auctoritate nostra detineant. Et super hoc præcipimus Cremonensibus, Parmensibus, Regiensibus, Mutinensibus, Bononiensibus, & generaliter omnibus aliis fidelibus nostris, ut memoratis nobilibus, & aliis adiutoribus, fautoribus, & detentoribus memorari castri faciant vi-vam guerram, firmiter inhibentes Mantuanis, Veronensibus, Ferrariensibus, Brissensibus, & omnibus aliis fidelibus nostris sub obtentu fidelitatis & gratiæ nostræ communitati cuilibet prædictarum sub poena mille marcharum: Marchionibus, Comitibus, Baronibus sub poena ducentarum marcharum: Militibus centum, & aliis inferioribus quinquaginta, quod eis nullum præstent auxilium, consilium, adiutorium, vel favorem: & tam de castro prædicto, quam de aliis castris, scilicet Pepinag, Bosteden, & Bonden. nec non de toto ipso Comitatu, Podere, ac terris Comitissæ prædictæ, dictos Capellanos nomine Romanæ Ecclesiæ investimus, & eos constituimus possessores, & mandavimus de castris prædictis per venerabilem Episcopum Taurinensem, Vicarium nostrum, in corporalem possessionem induci, præcipientes tam militibus & habitatoribus castrorum ipsorum, quam

omnibus aliis Vassallis de ipso Comitatu, seu terris, & Poderis Comitissæ prælatæ, quos omnes ad præsens absolvimus ab omni juramento, quo nobis tenentur ratione terrarum ipsarum, ad dictis nuntiis Domini Papæ, vel alteri eorum, seu cuilibet alii, ab Ecclesia Romana misso, abjuratis aliis juramentis contrariis, istis præstent fidelitatis nomine Romanæ Ecclesiæ iuramentum. Quod si non fecerint, sciant se ex nunc omnibus bonis Comitatus, Poderis, sive terrarum ab eisdem possessis hac nostra sententia in perpetuum fore privatos, & milites, & habitatores istius castri Gonzagæ desuper ponimus in perpetuo banno nostro. Præterea iungimus firmiter & mandamus Potestatibus, Consulibus, seu Rectoribus civitatum sub poena mille marcharum sine difficultate ac mora restituunt & absolvant omnes homines de Comitatu & terris prædictis ab omni juramento, districtu & obligationibus, quibus ratione alicujus jurisdictionis, quam hactenus exercuerunt in eos, tenentur eisdem, & removeant Consules, Rectores, Bajulos, & si quos Officiales posuerunt in eis, & extrahant quoscunque posuerunt in banno de terris ipsis sub obtentu fidelitatis & gratiæ nostræ; ipsis nihilominus injungentes, & dictis Capellanis vel eorum alteri, seu cuilibet alii, ad hoc a sancta Romana Ecclesia destinato, ad retinendam possessionem terrarum, quas habent, & recuperandam, quam non habent, præstent auxilium, consilium & favorem. Verum, quia ipsi filii dictorum Comitum nostram contempserunt sententiam & mandatum, prædictum castrum infra terminum sibi datum nequaquam, ut superius legitur, resignantes, nostram promulgatam sententiam contra ipsos & omnes alios detentores Comitatus prædicti Poderis, seu etiam terrarum, in nostra publica Curia publicari fecimus, & ut firma semper & inconvulsa permaneat, Majestatis nostræ sigillo jussimus communitari. Principes autem Imperii & Prælati, & Nobiles Italiæ, quibus præsentibus hæc omnia acta sunt, sunt hi: Patriarcha Aquilenfis; Conradus Metensis, & Spirensis Episcopus, Imperialis Aulæ Cancellarius, & totius Italiæ Legatus, Episcopus Pitavienfis, Syfredus Augustensis Episcopus, Albertus Tridentinus Epi-

scopus, Bertholdus Briffinensis episcopus, Abbas Augensis, Ludowicus Dux Bavariz, & Comes Palatinus Rheni; Anselmus Mariscalcus Imperii, & Guarnerius de Bollandia Senescalcus; Episcopus Taurinensis & Italiz Vicarius, F. Papiensis Episcopus, O. Laudensis Episcopus, M. Mutinensis Episcopus, Henricus Bononiensis episcopus, Azo Marchio Estensis, Matthæus de Corrigia Potestas Papiensis, Niger Marianus Potestas Par-

mensis, Birrita Potestas Reginensis, Ægidius Potestas Mutinensis, Titus de Campo S. Petri, & alii plures. Darum in castris apud S. Leonem VIII. Kalend. Octobr. & publicatum apud Spm. Lambert. pridie Kalend. mensis ejusdem, anno Domini Millesimo CCXX. Indiët. IX.

Stephan. Balazii Miscella. Lib. I. pag. 448.

Dumont Corps Diplomatique du Droit des gens Tomo I. N. CCC. pag. 161.

SYNODUS PROVINCIALIS COLONIENSIS

ANNO CHRISTI MCCXXII. HONORII III. PAPÆ VI.
FRIDERICI II. REGIS V.

Metropolitanus Coloniensis arguit Hugonem Leodiensem, Suffraganeum suum, quod Judæi filiam, factam Catholicam & Monialem, non tueretur, sed vexaret.

HOc tempore puella quædam Hebreæ per cultum Deiparæ mirabiliter ad Fidem Christianam, & ad Virginitatis propositum inducta est. *Narratque Thomas Cantipratanus & Casarius Heisterbacensis*, quod cum baptizata sub nomine Catharinæ velum virginitatis accepisset in Parco Dominarum Cœnobio, Ord. Cisterciens. haud procul Lovanio, parentesque illam inde extrahere conarentur, autoritate præmuniti Hugonis Episcopi Leodiensis, quem pecuniis corrumperant; puella non acquievit illo-

rum desiderio: sed constanter vitæ instituto adhæsit. *Anno præterito, inquit Casarius, accusatus fuit idem Episcopus Leodiensis pro eadem causa coram Domino Engelberto Archi-Episcopo Colonia in SYNODO ejus, & præceptum fuit ei, ne de cætero molestaret supradictum. Cœnobium pro puella baptizata.*

Casarius Lib. II. Miraculorum C. XXVI.

Thom. Cantiprat. Lib. II. Cap. XXIX.

Gelenius in Hist. S. Engelberti. Lib. I. pag.

88. Synodum a S. Engelberto MCC. XXII. coactam meminuit.

SYNODUS PADERBORNENSIS

ANNO CHRISTI MCCXXIV. HONORII III. PAPÆ VIII.
FRIDERICI II. REG. VII. IMP. V.

OLiverius Episcopus Paderbornensis a majori & saniore parte Capituli Paderbornensis, contra Henricum per Abbatem Abdinghovianum, & Canonicos Buxtorffenses perperam electum, in Paderbornensis Ecclesiæ possessionem solemnī plausu introductus fuit, decreto & prævio examine causæ Commissariorum Apostolicorum Abbatis Heisterbacensis, & Præpositi ac Decani Metropolitanæ Ecclesiæ Coloniens., quibus accessit consensus Conradi, Apostolicæ Sedis Legati, nuper in Germaniam missi.

Hic Episcopus Oliverius, facundissimus totius Germaniæ Orator, & cele-

berrimus suæ ætatis Theologus, non tantum populum Evangelii præconio docuit, non tantum cruce signatos plurimos acquisivit: sed & Synodo Cleri congregatâ, superiorum Synodorum decreta (*inde ab anno 777. vide Tomi I. nostri pag. 238.*) & laudabiles consuetudines sacrorum ac temporum in unum codicem (a) collegit, ut in omnium manibus essent, & facile memoria comprehenderentur.

Gobelinus Cosmodrom. ætat. VI. cap. 64.

Eisengrein in Catalogo Testium veritatis.

Sebatenus Annal. Paderbornens. Lib. IX.

pag. 1003.

Hujus Synodi statuta ab Oliverio collecta, injuriâ temporum ad manus suas non pervenisse, conqueritur *Schatenus*.

- (a) Liber hic *Regula* vocabatur, qui liber Ecclesiæ Paderbornensis tum potius innovatus, quam conditus fuit: in eo ponitur ordinatio septimanæ Paschalis, & ibi ponitur dies Sanctorum Prothi & Hyacinthi. *Hæc adnotatio Gobelini Persona*, Officialis Paderbornensis, qui hunc librum legisse & vidisse videtur, sua ætate adhuc superstitem. Obiit post 1418.

SYNODUS HALBERSTADENSIS

ANNO CHRISTI MCCXXIV. HONORII III. PAPÆ VIII.

FRIDERICI II. REGIS VII. IMP. V.

SUMMA. Fridericus Episc. acceptat & ratificat donationem factam Ecclesiæ in Meringe ab Ludovico Landgravio Thuringiæ.

FRIDERICUS, (a) DEI GRATIA, HALBERSTADENSIS EPISCOPUS, OMNIBUS CHRISTI FIDELIBUS HANC PAGINAM AUDITURIS SALUTEM IN DOMINO.

Litteras dilecti fidelis nostri Illustrissimi Principis, Domini Ludovici Thuringie Landgravii, Comitis Palatini Saxon. super donatione Parochialis Ecclesiæ in Meringe, quam ipse novelle plantationi ejusdem villæ feliciter erogavit, in plena Synodo nostra recepimus inter hæc verba: "Venerabili in Christo Domino suo, Friderico Halberstadenſi Episcopo, Ludovicus Dei gratia Thuringie Landgravius, Saxon. Comes Palatin. promptus ad omnia debite fidelitatis obsequia. Vestra ſciat ſanctitas, quod Ecclesiam S. Stephani in Meringe, cum septem manſis & quatuor areis ad ædificationem clauſtri contulimus, quod in honorem Beate Virginis in eodem loco fundatum. Rogamus igitur studioſe, quatenus Dei intuitu & nostri obsequii respectu

"hanc nostram donationem auctoritate episcopali dignemini roborare." Nos igitur factum tanti Principis commendantes in Domino, & justis ejus petitionibus benevolum prebentes assensum, felicem donationem ipsius predictæ novelle plantationi in Nomine Domini confirmamus, sub interminatione anathematis distinctius inhibentes, ne quis in ipsam injuriosus præsumat exiſtere, vel moleſtus: ſi quis autem præſumpſerit, indignationem Dei omnipotentis & nostri anathematis vinculum ſe noverit incidisse. Actum Halberſtadt, per ſententiam in generali Synodo noſtra præſentibus Clericis & Laicis inſinitis, VIII. Kalend. Aprilis, Pontificatus nostri Anno quinto decimo.

Beckmanni Hiſtoria Anhaltina pag. 404.

- (a) Fridericus II. Comes de Kirchberg, ſedit ab 1209. ad 1236. ergo annus XV. Pontificatus ejus annus Chriſti MCCXXIV. *Lentzen Diplomatica Hiſtoria Halberſtadenſis.*

SYNODUS HILDESHEIMENSIS II.

ANNO CHRISTI MCCXXIV. HONORII III. PAPÆ VIII.

FRIDERICI II. REG. VII. IMP. V.

PRÆSIDE CONRADO, PORTUENSI EPISCOPO, APOSTOLICÆ SEDIS LEGATO, CELEBRATA,

In qua Henricus, Novi-Operis Goslarie Præpoſitus, ob Hæreſis crimen, iterato condemnatus, ſolemniter degradatur.

CONRADUS, MISERATIONE DIVINA, PORTUENSIS ET SANCTÆ RUFFINÆ EPISCOPUS, APOSTOLICÆ SEDIS LEGATUS, OMNIBUS PRÆSENTES LITERAS INSPECTURIS, SALUTEM IN CHRISTO JESU.

Licet doctrinis variis & diverſis hoſtes fidei lacerare ſtudeant Chriſti Tunica inconfutilem, tamen remanet indiviſa; nam portæ inferni adverſus ſi-

dem Ecclesiæ non possunt *prævalere*, ipso Christo ad Patrem orante, ut non *deficiat fides Petri*. Sed quamvis hæc remaneat sine macula atque ruga, labem tamen in ea ponere nifus fuit *Henricus*, perfidus olim Præpositus *(a)* Novi-operis in Goslaria; sed incidit in laqueum, quem paravit. Cum autem a longis temporibus super hæresi fuerit infamatus, & tam a venerabili in Christo *Conrado* *(b)* Hildensheimensi Episcopo, quam a prædecessoribus suis monitus sapius, correctionem recipere noluisse, quum ejus infamiam non posset dictus Episcopus ulterius pertransire, de ipsius hæresi inquisitionem diligentem fecit tam in Ecclesia, in qua ipse *Henricus* Præposituræ officium exercebat, quam in *plena Synodo*, & tum ex juramentis monialium, quibus præerat, tum ex confessionibus ipsius in *plena Synodo habitis*, fuit de hæresi manifeste convictus: quare ab officio, beneficioque suspensus fuit, & carcerali custodiæ mancipatus.

Nos autem, in Alemannia Legationis fungentes officio, cum ejus infamiam audissemus, & recepissemus literas a Domino Papa, ut coram nobis examinaretur *Henricus* sapius nominatus; in *Hildensheimensi Ecclesia*, Prælati

& Clero ipsius episcopatus præsentibus, ipsum de carcere extrahi, & coram nobis in plena *Synodo* præsentari fecimus; qui, cum examinaretur, aperte confessus fuit: *Spiritum Sanctum esse Patrem Filii, & quod major Domina esset in caelis beata Virgine*; & in scriptis suis invenimus eum aperte *matrimonium reprobare*, & *quod diabolus vellet redire ad gratiam*. Super his habito consilio dicti Episcopi *Hildensheimensis* & *Sifridi* quondam Episcopi *Hildensheimensis*, & aliorum plurium Prælatorum & Jurisperitorum, qui præsentem erant, ipsum *Henricum* præsentem, tanquam hæreticum condemnavimus, & degradavimus ab officio & beneficio, & adhibentes solemnitatem degradationis, eidem abstulimus Sacerdotalia indumenta, & alia, quibus ordinati in Ecclesia utuntur, & ne de nostra sententia possit in posterum aliqua dubietas suboriri, præsentem eam fecimus nostri sigilli munimine roborari.

Actum in *Ecclesia Hildensheimensi*, anno Domini MCCXXIV. XI. Kalend. Novembris.

Cl. Joannes Georgius ab Eckhart communicavit Cl. Schannato.

(a) Monasterium Novi-operis intra Diocesin Hildesheimensem, erat Monasterium Monialium Ordinis Cisterciensis, quarum Præpositus erat *Henricus Minneke*, Monachus ex eodem ordine.

(b) *Conradus*, e *Reysenbergiorum* familia natus, antea Decanus *Spirensis*, Scholasticus *Moguntinus*, & *Honorii Papæ* Penitentiarius, olim in studio *Parisiensi* enutritus & Magister renuntiatus, electus fuit a Clero *Hildesheimensi* anno 1221.

Cl. Heineccius in Tomo I. Scriptorum Germaniæ edidit *Antiquitates Goslarienses* & Lib. II. ad annum 1222. fatetur; quod *Henricus* Præpositus de Goslaria, cognomine *Menneke* a *Conrado Hildensheimensi Episcopo*, de hæresi *Manichæorum* convictus, depositus ab officio Præposituræ, & in diutino carcere detentus fuit. Ad quam labem hæreseos abstergendam nil speciale pro hujus Præpositi Apologia proferre scit, sed regit eum generali calumnia, quod multi boni viri hæreseos accusati fuerint, & zelo imprudenti damnati ad ignem. Igitur Præpositus Goslariensis fuit vir bonus, minime hæreticus, sed solo zelo imprudenti duorum Episcoporum & Legati Apostolici depositus? nam ad ignem damnatum non lego.

Provoco ad omnes historiarum peritos, an hoc effugium *Heineccii* valeat palliare Hæresin *Henrici*, qui ter examinatus, hæreses ipsi objectas confessus est non generatim, sed specialibus erroribus propositis, deinde in ejusdem scriptis alii errores deprehensi. Idem scribunt omnes auctores cœvi, idem testatur duplex *Synodus Hildesheimensis*.



SYNODUS DIOECESANA WORMATIENSIS

AB HENRICO, EX COMITIBUS SARÆPONT., EPISCOPO
WORMATIENSI HABITA,

Anno Christi MCCXXIV. Honorii III. Papæ VIII.
Friderici II. Reg. VII. Imp. V.

*SUMMA. Possessio Sylvæ Hegenebe, Schonaugienſis Cænobio, adversus
impetitores integre adjudicatur, tum & prædium quoddam a Cano-
nicis S. Andreae Wormat. recenter acquisitum, iisdem
confirmatur.*

IN NOMINE SANCTÆ & INDIVIDUÆ TRINITATIS.

HEINRICUS, DEI GRATIA, WORMATIENSIS EPISCOPUS.

CONquestus est coram nobis *Berchtoldus* Schonaugienſis Abbas, quod *Reinſta Marcolſi de Kirchheim* militis, ſyl-
vam, quæ dicitur *Hegenebe*, ſoleret ex-
ſcindere, & aliis auctoritatem exſcin-
dendi præſtare contra prohibitionem fo-
reſtarii, deputati ex parte Monasterii ad
cuſtodiendam ipſam ſylvam; cumque ſu-
per hoc memoratus Abbas ſibi juſtitiam
fieri poſtularet, *Arnoldus de Agleiſterbu-
ſen*, dictæ Relictæ filius, ad defenden-
dam matrem coram nobis admiſſus, loco
matris reſpondit: ad injuriam matris non
eſſe extendendam hujusmodi ſucceſſio-
nem, ſed hoc jure hæreditario a ſuis pro-
genitoribus eſſe in ipſam derivatum, &
ſic jure ſuo uti. Econtra dicebat Abbas:
quod cum juſto titulo dicta ſylva ad ſuum
Monasterium pervenerit, & liberam &
indominicam hucusque habuerit, con-
firmatione Imperatoris *Henrici* magnifice
accedente, nec non Episcopi, & Ec-
cleſiæ Wormat. in cujus Territorio ſita
eſt, ipſum cænobium hætenus prohi-
buerit uſum, vel uſumfructum omni
homini, exceptis *Cunrado*, & *Hein-
rico* de Kirchheim, fratribus, merito
petebat dictam matronam a ſua moleſta-
tione compeſci.

Igitur, cum de poſſeſſione inter
partes quæſtio verteretur, nos, ex
more, quæſivimus in ſententia, quis
cui præferri deberet, viſumque aſſiden-
tibus ac aſſtantibus, ipſum debere præ-
ferri, qui ſuperior eſſet in poſſeſſione,
& hætenus ſine vitio poſſeſſiſſet nec vi,
nec clam, nec precario. Hoc itaque

probandum utraque pars obtulit, petitis
& obtentis legitimis induciis. Receptis
igitur utriuſque partis Teſtibus, & at-
teſtationibus ſollemniter publicatis, &
aliis tam publicis, quam privatis docu-
mentis ex parte Abbatis introductis, cog-
novimus plenarie fuiſſe probatum, quod
jus proprietatis & poſſeſſionis ad prædi-
ctum Monasterium integre & communi-
ter pertineret.

Nos itaque Prælatorum noſtrorum,
& aliorum prudentum virorum uſi con-
ſilio, præſatam ſylvam, cum omni ju-
re Monasterio ſæpedito adjudicavimus,
iteratæ Matronæ, dictoque procuratori,
& ſuis hæredibus, in publica Synodo no-
ſtra, ſententialiter perpetuum ſilentium
imponentes. Ne autem ſuper hac re
contra Monasterium Schonaugienſe ca-
villatio iterate reſurgat, & quæſtio ra-
tionabiliter ſopita in ambiguum deduca-
tur, præſens ſcriptum ei in teſtimoni-
um fieri fecimus, ſigilli noſtri munimi-
ne roboratum.

Teſtes ſunt: de *Clingenmuntſere*, &
de *Frankenthal*, Abbates.

Nibelungus, majoris Eccleſiæ Præpoſitus.

Heinricus, Decanus.

Swigerus, Cantor.

Stephanus, Nuhufenſis Præpoſitus.

Dietherus, Wimpinenſis Præpoſitus.

Arnoldus de Selolt.

Jacobus Paletius, Canonici maj. Ec-
cleſiæ Wormat.

Bertboldus, Decanus S. Pauli.

Laici: *Bertboldus*, Vice-Dominus.

T t t 3

Eber.

Eberhardus de Moro, & frater suus.
Gerhardus, Militellus.
Conradus Vulpecula &c.
 Actum *Wormatiæ*, in sollemni Sy-

nodo. Anno Dom. MCCXXIV. V. Kalend. Septembris.

Ex *Archæo Monasterii Sebonaugiensis*
apud administrationem Heidelbergensem
descripsit Cl. Schannat.

II.

HEINRICUS, DEI GRATIA, WORMATIENSIS EPISCOPUS.

UNIVERSIS præsens scriptum intuentibus innotescat : quod *Yutta* de *Smadwelt*, functa auctoritate mariti sui *Conradi*, ægrotantis, & ob hoc venire nequeuntis, una cum filiis & fratribus suis, vendidit Ecclesiæ S. Andreae XL. jugera campellria, & quartale; si quid superest cedat eidem, & pratum quod XVIII. viri vix metire valent, pro LXX. libris Wormat. idemque allodium, quod in terminis Wormatiæ & Pfphelinkum situm dinoscitur, coram nobis in publica Synodo, Canonicis præscriptæ Ec-

clesiæ tradidit. Synodali itaque iustitia dictante inhibemus : ne quis in eisdem bonis, ausu temerario, eos molestare præsumat, quod si quis attemptaverit, indignationem Dei Omnipotentis, & beatorum Petri, & Pauli Apost. & Andreae, & nostram se noverit incurrisse.

Actum *Wormatiæ*, in Synodo. Anno Domini MCCXXIV.

Ex *Archivio Ecclesiæ Collegiatae S. Andreae Wormatiensis* descripsit Cl. Schannat. b. m.

MAGDEBURGENSE CONCILIUM

Anno Christi MCCXXV. Honorii III. Papæ IX.

Friderici II. Reg. VIII. Imp. VI.

SUMMA. *Conradus*, Legatus Apostolicus, & quatuor Episcopi, componunt dissidium inter duas Abbatissas *Quiedlinburgenses* *Sophiam* (a) & *Bertradem*. (b)

CUM nos *Conradus*, Portuensis & sanctæ Ruffinæ Episcopus, Apostolicæ Sedis Legatus, Legationis officio fungeremur, quod causam, quæ inter dominam *Sophiam* ex una parte, & Dominam *Bertradem*, Conventum, Vassallos, & Ministeriales & cives, super Abbatia *Quiedlinburgensi* & aliis variis causis ex altera vertebatur, de consilio Venerabilium fratrum nostrorum, scilicet *Magdeburgensis* Archi-Episcopi, *Merseburgensis*, & *Hildensemensis* episcoporum, & quorundam proborum hominum taliter duximus complanandas.

I. Sit plena concordia inter Abbatissam & Conventum, Vassallos, Ministeriales, Prælatos, Clerum & cives de omnibus iniuriis illatis, quæ contingunt erectionem vel castri destructionem.

II. Quod etiam Abbatissa, renuntiabit querelæ (& damnis, quæ ei sunt irrogata ab aliquo prædictorum.

III. Quod omnia debita electæ & Ecclesiæ ad omnes statutos terminos solvet eadem Abbatissa, quocumque modo contracta sint & expensa. Hoc autem intelligimus de debitis, quæ contracta sunt post electionem ejus.

IV. Quod Comes de *Anebold* & alii Vassalli omnia feuda sua retineant, quæ prius habuerunt; similiter ipsa electa & sorores, Clerici & ministeriales.

V. Quod omnes tam ipsa electa, quam sorores, Prælati & Clerici Abbatissæ reverentiam exhibeant debitam & honorem.

VI. Quod Comes *Hoyerus* advocatiam

(a) *Sophia* ex matre Danici Regii sanguinis nata.

(b) *Bertradis* von *Crosec* prima est Abbatissa non ex Principe domo nata; at propter Abbatissæ officium vocatur a *Rudolpho Princeps*.

tiam suam retineat cum omni jure & honore: & si homines Advocatiæ in aliquo servierint advocato de libera voluntate, de hoc non impetantur ab Abbatisſa. Item advocatiā ipsam & omnia feuda, quæ habet Comes ab Abbatisſa Quedlinburgensi, concedat eadem Abbatisſa Comiti *Ottoni*, taliter, quod vulgo *Geding* vocatur, & cessabunt omnes offensæ inter Comitem Hoyerum & Abbatisſam & suos, quæcumque ante ejectionem vel post emerſerunt.

VII. Quod resignationem bonorum in *Cruppelrod*, quam fecit Comes Hoyerus, & donationem, quam fecit electa Beato *Wicberto*, Abbatisſa ratas habebit, imo dabit.

VIII. Quod ministeriales ea jura quæ habuerunt usque ad tempus Abbatisſæ, retineant.

IX. Quod possessiones, quas obligavit electa, & de rebus Præposituræ suæ, vel Ecclesiæ quoque maneant apud eos, quibus sunt obligatæ, donec redimantur ab Abbatisſa prædicta.

X. Quod Clerici, quos electa investivit, retineant de gratia Domini Legati beneficia, quæ electa contulit eis, nisi forte electa privaverit aliquos suis beneficiis in odium Abbatisſæ.

XI. *Concessionem omnium feudorum secularium* factas ab electa & alia facta, si quæ fecit electa, rata habebuntur ab Abbatisſa, tam in eorum ministerialibus, quam Vassallis. Alodium in *Ballersleve* dictæ Ecclesiæ ad suos usus volumus assignari, si Præposituram, quam nunc tenet, voluerit retinere; si autem Præposituram renuntiare voluerit, non habebit alodium jam dictum, sed totum prædium quod *Sman* vocatur cum omni jure suo & pertinentiis omnibus. Quod si prædium in *Sman* obligatum est, illud redimat Domina Abbatisſa infra terminum competentem, & tunc in isto casu Præposituram reservamus.

XII. Volumus, ut *Bernardus Mor* & *Otto* pincerna, uterque ipsorum tres mansos obtineat in *Gera*, quos *D. Sophia* illis porrexit in feudo, sed postmodum abstulit ipsis eosdem.

XIII. Ordinamus, ut privilegia & ornatus Ecclesiæ reponantur in sacrario, vel in loco, ubi consueverunt reponi

custodienda ab his, qui consueverunt custodire.

XIV. Ordinamus, ut Prælati Ecclesiarum obediant eidem secundum probabilem consuetudinem usque ad ejus tempora observatam.

XV. Volumus, ne bona & liberos redditus Abbatia cuiquam conferat in feudo, vel aliquo modo alienet sine consensu Capituli sui.

XVI. Volumus, ne *Borgardum de Wulfferbuttle* & *Cæsarium* (c) familiares habeat, & volumus, ut ipsorum devitet colloquia, & a suis consilia ipsorum separet, nec in procuracione victus, & aliorum foveat eosdem.

XVII. Volumus, ne castrum *Quidelingeburg* incastelletur, ne destruat munitiones & muros civitatis, factos post abscissum ejus, vel ante, nec etiam *Burgenses* civitatis in ædificatione & in aliis munitionibus construendis impediatur.

XVIII. Volumus, ut monetarios & alios omnes officiatos in sua conventionem usque ad statutum terminum permanere patiantur.

XIX. Volumus, ne Prælatos sibi subditos indebita hospitalitate moleſtet aut gravet.

XX. Si aliquis, vel aliqui de conventu, vel de Vassallis, vel ministerialibus, vel de civibus asserant, quod Abbatisſa de prædictis aliquid non servaverit, damus super hoc *Inquisitores* Præpositum Sanctæ Mariæ, Præpositum *Wilkebrandum* Magdeburg., Præpositum *Meinhardum* Halberſtad., Magistrum *Arnoldum* Scholasticum in Magdeburg; ut cum vocati fuerint in anno, semel veniant ad locum, & super præmissis, vel præmissis inquirent diligentius veritatem sine strepitu judiciorum. Et si Abbatisſa inventa fuerit de prædictis articulis aliquem non servasse, nisi satisfaciatur, antequam recedat de loco, ipso jure cadat a dignitate Abbatia, & Conventus statim alteram Abbatissam eligere teneatur. Quod si non omnes his exequendis poterint interesse, tres eorum, vel etiam duo ea nihilominus exequantur, quibus adjungimus Dominum Archiepisc. Magdeburgensem, ut ipsos forsitan discordantes, auctoritate nostra faciat concordare, alioquin illis discordantibus, quod duo ipsorum cum eo dixe-

(c) Cæsarius erat Capitaneus Imperialis.

dixerint, observetur, quibus volumus, ut Abbatissa ibidem provideat in expensis. Quod si forte contigerit aliquem illorum transire, vel alias proficisci, vel debitum carnis exsolvere, cum consilio proficiscentis, reliqui personam ad hoc studeant eligere, quæ careat omni superstitione.

Hæc omnia juravit se servaturam

Abbatissa Sophia, juravit autem in nostra Præsentia & Episcoporum prædictorum, & aliorum proborum virorum & nobilium & prudentum. Datum Magdeburg Anno Domin. Incarnat. MCCXXV. VI. Kalend. Octob.

Kettnerus Antiquitates Quedlinburgenses pag. 250, attestans multa sigilla ex hoc diplomate pendere.

CONCILIIUM GERMANICUM

Anno Christi MCCXXV. Honorii III. Papæ IX.

Friderici II. Regis VIII. Imp. VI.

SUB PRÆSIDIO CONRADI, EPISCOPI CARDINALIS PORTUENSIS, ET SANCTÆ RUFINÆ, SEDISQUE APOSTOLICÆ LEGATI,

Contra Simoniacos & concubenarios Clericos celebratum,

IV. Idus Decembris.

TITULI CAPITULORUM.

- I. De Continentia Clericorum.
- II. De penis concubinariorum Clericorum.
- III. De scortatoribus Clericis ruralibus per Archidiaconos corrigendis.
- IV. Quam penam Juxta Ecclesiasticus, aliquem præpropere excommunicans, incurrat.
- V. Clericos fructus præbendarum suarum concubinis & spuris suis relinquere non posse.
- VI. De Clericis excommunicatis vel suspensis Divina celebrantibus.
- VII. De Clericis coram excommunicatis celebrantibus.

- VIII. De publicandis excommunicatis per Episcopos.
- IX. De patronis laicis Clericos ad Ecclesias simoniace præsentantibus.
- X. De Clericis simoniace præsentatis.
- XI. De Episcopis & Archidiaconis Clericos simoniace præsentatos insistentibus.
- XII. De Ecclesiis non per mercenarios, sed Pastores, seu saltem Vicarios perpetuos regendis.
- XIII. De committentibus incestum cum Sanctimonialibus, & Canonicis, & de ejusmodi sacris Virginibus pollutis.
- XIV. De his constitutionibus Conciliaribus publicandis.

STATUTA CONCILII.

CONRADUS, MISERATIONE DIVINA, PORTUENSIS ET S. RUFINÆ EPISCOPUS, APOSTOLICÆ SEDIS LEGATUS, UNIVERSIS CHRISTI FIDELIBUS, AD QUOS PRÆSENS SCRIPTUM PERVENERIT, SALUTEM IN CHRISTO JESU.

I. De Continentia Clericorum.

Licet multa super continentia Clericorum, sanctorum Patrum hæc

nus emanaverint instituta: quia tamen adhuc nonnulli Clerici lumbos suos cingulo continentiae, ut accipimus, non præ-

Synodum hanc a Conrado Legato Apostolico Coloniae celebratam fuisse, scribit Brzovius in *Annalibus* ad annum 1225. N. 4. nullo teste producto. Sed qui primi ediderunt, Collector Conciliorum Ecclesiae Colonensis, anno 1554. editorum, Surius & Binius in suis *Conciliorum Collectionibus*, *Germanicum Concilium* vocant, quos secutus est editor Collectionis Regiae maximæ Conciliorum, & Hardouinus, & alii.

Surius non dubitat hujus Synodi Canones, ad omnes Germaniae Ecclesiarum Episcopos

præcingunt , in animæ suæ periculum , & scandalum plurimorum : non attendentes , quoniam scriptum est : *Sancti estote* (a) *quoniam ego Sanctus sum Deus vester* : nos , qui nunc demum circa horam undecimam missi sumus , ut nocua de vinea Domini Sabaoth ; ex officio nobis injuncto , quantum ipse dederit , extirpemus ; quia zelus nos comedit domus ejus ; hujus sacri approbatione Concilii duximus statuendum. Præcipimus igitur , ut Clerici continenter & caste vivere studeant universi , & maxime in ordinibus sacris constituti , quatenus in conspectu Dei Omnipotentis puro corde & mundo corpore valeant ministrare.

II. De penis Concubinariorum Clericorum.

Si quis autem Clericorum deinceps fuerit deprehensus incontinentiæ vitio laborare detinendo publice concubinam : nisi post admonitionem canonicam illam a se prorsus expulerit , ex tunc tam beneficio , quam & officio spoliatur. Si vero nec sic fetorem suæ libidinis curaverit evitare , quia crescente contumacia crescere debet & poena , anathematis sententia feriat. Qui vero oblectamentis voluptatibus inhiantes , Concubinas usque ad hæc tempora publice tenuerunt , ne delictum præteritum transeat impunitum , eos sub poenitentiam duximus redigendos : ut : si canonici fuerint , quadraginta diebus in Claustris suis in quadragesimali cibo jejunent. Si autem hæc agere contempserint , Præpositis & Decanis & Capitulis Ecclesiarum sub anathemate prohibemus , ne præbendarum fructus eis ministrent , nec ad chorum vel ad consortium capituli eos admittant , nisi incepta dicta poenitentia & peracta , & præstito juramento , quod eas ulterius non resumant. Qui vero remotas resumere præsumpserint , decrevimus eos beneficiis esse privatos : ut illi , ad quorum collationem eorum beneficia pertinent , ea idoneis personis assignent intra tempus in generali Concilio comprehensum : alioquin proximus superior ex tunc ea studeat assignare. Si vero Decani vel alii

eorum confratres , excessum eorum scientes , dissimulare præsumpserint , eos denuntiamus excommunicationis vinculo subiacere.

III. De Scortatoribus Clericis ruralibus per Archi-Diaconos corrigendis.

De Clericis ruralibus Concubinariis expressius rigor superius observetur : quorum Archi-Diaconi , si eos in iniquitatibus voluerint confovere , vel eorum dissimulare excessus , scient ab officio se suspensos , & si in suspensione permanserint , eos præcipimus per Episcopos suos a dignitatibus removeri : quæ dignitates per eosdem Episcopos vel alios , ad quos earum spectat collatio , personis idoneis assignentur.

IV. Quam penam iudex Ecclesiasticus , aliquem præpropere excommunicans incurrat.

Quantæ temeritatis & præsumptionis existat , quod , qui servare debent canonicas sanctiones , in quibus aperte continetur , quod nullus aliquem sine rationabili causa excommunicare præsumat , eas frangere non formidant : plures non amore iustitiæ , sed livore odii , vel favore adversariorum , excommunicationis vinculo innodatos , nullus prorsus ignorat. Quare firmiter prohibemus , ne in aliquem excommunicationis sententiam , nisi competenti , admonitione præmissa , & præsentibus personis idoneis , per quas , si necesse fuerit , possit probari admonitio , promulgare præsumat : & si Prælatus contra hoc fecerit , & admonitus errorem suum non revocaverit , per mensem ab ingressu Ecclesiæ sit exclusus.

V. Clericos fructus præbendarum suarum concubinis & spuris suis relinquere non posse.

Ad abolendam de domo Domini consuetudinem , vel potius corruptelam seu temeritatem , qua Clerici (qui signum prudentiæ debent ostendere Laicis , quibus positi sunt in exemplum) in argumentum finalis suæ impoenitentiae , fructus præbendarum suarum concubinis vel spuris suis legant in ultima voluntate

pos & Archi-Diaconos missos fuisse : unde & Coloniensis Ecclesiæ Conciliorum Collectionibus præmittuntur.

Demum verosimilius est , eam Moguntiae celebratam fuisse , & præter XIV. Canones causam S. Engelberti in eadem agitaram fuisse.

(a) Levit. XI, 44.

luntate: contra eos rigor Ecclesiasticus exerceri debet. Quare sub anathemate prohibemus, ne de cetero Clerici gratia testandi abutentes, cum de rebus Ecclesiæ nullum possint condere testamentum, fructus beneficiorum Ecclesiasticorum spuriis suis vel concubinis suis dimittant. Qui vero contra hanc inhibitionem venire præsumperint, in signum suæ perditionis Ecclesiastica careant sepultura: & quibus taliter fructus legantur, eis careant ipso jure. Qui autem testamentum tale manutenere voluerint, & per quorum manus personis illis fructus præbendæ fuerint ministrati, ipso facto sciant se excommunicationis vinculo innodatos: & quamdiu fructus hujusmodi contra hanc institutionem ministrati fuerint, Ecclesia ipsa sit sub interdicto posita.

VI. De Clericis excommunicatis vel suspensis Divina celebrantibus.

Cum scriptum sit in lege veteri, quod quicumque non obtemperasset Sacerdotibus, aut extra positus lapidaretur a populo, aut gladio. cervice supposita expiaret cruore contemptum; & in primitiva Ecclesia inobedientes cuncti de Ecclesia rabido (b) ore demonum traherentur: multi nomine Sacerdotes, censuram Ecclesiasticam contemnentes, excommunicati vel suspensi a Prælatibus ipsorum, exigentibus culpis suis, & immemores, quod episcopis & Prælatibus clavium Regni Cœlestis collata sit potestas, attere sibi interdicta mysteria non verentur: contra quos rigorem Ecclesiasticum volumus exerceri. Statuimus igitur, ut tales sine spe restitutionis, ab officiis & beneficiis depellantur, & infames & intestabiles sint, & de cetero ad beneficia Ecclesiastica nullatenus admittantur: nisi per poenitentiam approbatam & (c) conversionem laudabilem, Sedis Apostolicæ gratiam meruerint obtinere.

VII. De Clericis coram excommunicatis celebrantibus.

Præterea sunt nonnulli qui crassam prætendentes ignorantiam (quæ cum non excuset a culpa, nec eos a poena poterit excusare) coram his Divina celebrare præsumunt, qui excommunicationis vinculo sunt innodati: dicentes,

(a) forte: ori Dæmonum traderentur.

quod eis excommunicatio nec per litteras, nec per nuntios fuerit denominata: cum ipsi excommunicati impediant sæpe, nec possit ad eos denuntiatio vel citatio pervenire, vel malitiose se occultent. Et cum talis sit merito contumax censendus, statuimus, ut postquam tales excommunicati fuerint, & in vicinis locis publice denuntiati, Sacerdos qui coram eis celebraverit, simili poena puniatur.

VIII. De publicandis excommunicatis per Episcopos.

Si Episcopus aliquem excommunicaverit certa de causa, denuntiet vicinis Episcopis per suas patentes litteras, ut excommunicatum denuntiari faciant, & evitari: & tunc sine difficultate aliqua vicini Episcopi excommunicatum faciant publice denuntiari, & in Dicecesibus suis arctius evitari. Si vero Episcopi fuerint negligentes, excommunicatis scienter communicaverint, tamdiu cathedralium Ecclesiarum Canonici eis non communicent, quamdiu huic salubri sanctioni contempserint obedire.

IX. De Patronis Laicis Clericos ad Ecclesias Simoniacè presentantibus.

Quoniam in quibusdam locis Alemanniæ fundatores Ecclesiarum, vel hæredes ipsorum, potestate, in qua eos Ecclesia hucusque sustinuit, abutuntur, partem decimam, vel aliarum obventionum Ecclesiasticarum, in quibus jus obtinent patronatus, sibi retinentes ex pacto, repræsentant Clericos ad eandem: huic vulneri cancroso & simoniaco censuræ ferrum apponimus: decernentes, ut ex quo constiterit patronum hujusmodi flagitium perpetrasse, anathemate feriatur, & ejus terra supponatur Ecclesiastico interdicto, donec Ecclesiam liberam cum suo jure dimittat: salvo jure patronatus, quod eis de misericordia reservamus, qui possunt per juris excusari ignorantiam.

X. De Clericis Simoniacè presentatis.

Qui vero cæca cupiditate ducti taliter a Patronis presentationem receperint, officio, beneficioque priventur; nec ad beneficium vel actus Ecclesiasticos admittantur, nisi cum eis per Sedem Apostolicam fuerit dispensatum.

XI.

(b) conversationem,

XI. De Episcopis & Archi-Diaconis Clericos Simoniacæ præsentatos instituentibus.

Episcopi vero & Archi-Diaconi, qui talibus scienter curam animarum commiserint, ab institutione & collatione perpetuo sint suspensi. Statuimus etiam quod nullus Clericus ad curam animarum ab Episcopo vel Archi-Diacono admittatur, nisi prius iuraverit, quod nullam in adeptione beneficii, ad cuius curam præsentatur, commiserit simoniam.

XII. De Ecclesiis non per mercenarios, sed pastores, seu saltem vicarios perpetuos regendis.

Quia enormis quædam consuetudo in quibusdam Alemaniarum partibus contra Canonicas sanctiones invaluit, ut ponantur in Ecclesiis conductarii Sacerdotes vicarii temporales: ne id fiat de cætero, auctoritate legationis, qua fungimur, omnibus modis inhibemus. Sed cum vicarius poni debet & potest, perpetuo instituitur, idque assensu & auctoritate Dicesani & Archi-Diaconi loci illius: nec Episcopus vel Archi-Diaconus talem instituat, nisi ei de bonis Ecclesiæ coram eo tantum fuerit assignatum, unde iura Episcopi & Archi-Diaconi possit persolvere, & congruam & sufficientem sustentationem habere.

XIII. De committentibus incestum cum sanctimonialibus & canonicis, & de ejusmodi sacris virginibus pollutis

Licet contra nefandos insidiatores Sacrarum Virginum pudicitie pœnæ gravissimæ sint institutæ tam Canonice quam Legales: quidam tamen relaxatis voluptatum habenis, in lacum miserie, & in lutum fœcis se immergunt, ut salutis æternæ coronam, honestatis nor-

nam, earumque pudicitiam interpellare præsumant. Contra quos nervum rigoris apponimus statuentes, ut quicumque pudicitiam sanctimonialium, cuiuscumque habitus, ausu sacrilego sollicitare præsumperit: ab officio, si Clericus fuerit; si Laicus, a perceptione corporis Domini noverit se suspensum. Qui vero (c) Sacrilegium vel temerarium carnis commercium cum talibus habuerit, ipso facto excommunicationis sententia se noverit innodatum. Sanctimonialis vero seu canonica, quæ hujusmodi crimen flagitiosum perpetraverit ulterius ad officium aliquod in Monasterio nullatenus admittatur: sed in signum iniquitatis suæ, ultima tam in claustro maneat, quam in choro.

XIV. De his constitutionibus Conciliaribus publicandis.

Quoniam memoria hominum dilabitur, cum tempore dilabente, ne quis ex nostrarum constitutionum ignorantia velamen in posterum excusationis assumat; in virtute sanctæ obedientiæ, & sub pœna excommunicationis districte præcipimus: ut Archi-Episcopi, Episcopi, Archi-Diaconi & Decani, in suo singuli Concilio annis singulis celebrando eas publicari faciant & servari, pœnam transgressoribus infligendo. Quas etiam Abbates & alii Ecclesiarum & Monasteriorum Prælati conscribi faciant, & in suis Capitulis frequentibus publicari, ut tam ab ipsis quam a suis subditis inviolabiliter observentur.

Acta sunt hæc anno MCCXXV. IV. Idus Decembris.

Post Surium, Binium, Collectionem Regiam, Hardouin. Tom. VII. Concil. pag. 137.

(c) forte sacrilegium.

Eodem in Concilio Patribus congregatis oblatum est Corpus S. Engelberti Colonienfis Archi-Episcopi, recens cæsi a Friderico Isenburgenfi Comite cognato suo, adversus quem Esfendienfis Ecclesiæ iura tuebatur. Fridericus a Legato & Concilio excommunicatus est: ut refert CÆSARIUS in vita S. ENGELBERTI Lib. II. Cap. XIII.



CONCILIIUM MOGUNTINUM

ANNO CHRISTI MCCXXV. HONORII III. PAPÆ IX.
FRIDERICI II. REGIS VIII. IMP. VI.

§. I. *Præconium S. Engelberti Episcopi & Martyris.*

§. II. *Excommunicatio Friderici & adjutorum.*

§. III. *Causa fratrum Friderici examinanda, rejecta ad Concilium Leodiense.*

In eo Corpus S. Engelberti recenter occisi (a) e celebri Curia Norimbergensi, hic etiam in medium profertur. (Moguntiae) ubi

I. Dominus Conradus Portuensis Episcopus & Legatus, in Adventu Domini Concilium celebravit. Ibi ejus præcepto congregati erant diversarum Urbium Episcopi & Abbates multi. Is ob necem Præsulis multum consternatus in sermone suo multis eum in eodem Concilio præconiis extulit, Martyrem prædicans, & cæteris Episcopis, qui bonis Ecclesiarum suarum cognatos & nepotulos suos insecundant, vel dum ea diripiunt, dissimulant, exemplum eum statuens.

II. In eodem Concilio ab illo totius Germaniæ Legato Conrado, Fridericus Comes etiam Spirituali gladio punitus est, cum enim eum excommunicaret cum universis Ecclesiarum Prælatiis illic congregatis, præcepit per omnes Provincias Legationis suæ, id est, Moguntinensem, Coloniensem, Trevirensensem, Bremenensem, & Magdeburgensem in omnibus Ecclesiis per omnes Dominicas cum extinctione candelarum eum excommunicari, nec eum solum, sed etiam omnes ejus adjutores, a quibus vel quorum consilio occisus est Præsul; itemque omnes, qui reos necis ejus foverent, vel eis communicarent.

III. Exhibita quoque in eodem Concilio sunt Conrado Legato literæ Theodorici Monasteriensis Episcopi & Engelberti Electi Osnabrugensis, (b) Germanorum fratrum Friderici (ab Iphenbug Parricide) quorum prior de sacrilegio se excu-

savit, paratum se dicens Canonice se purgare, alter Episcopum ordinari se petiit, respondit Legatus se proniorem ad parcendum, quam ad puniendum, modo se excusare possint, diemque eis præfinit quo se purgarent in Concilio Leodiensi.

Cæsarius in vita S. Engelberti Archiepisc. Colonienf. c. XIII. suppletus ex Chronico Emmonis & Menconis Abbatum Werumenfium, edito ab Abbate Stiva-giensi inter sacræ antiquitatis monumenta pag. 426.

In Concilio Moguntiae Priores Ecclesiæ Colonienfis pileum Engelberti Archiepiscopi Colonienfis VI. feria, die Beati Willebrordi, a Fretherico occisi, primo ter gladio incisum & sanguine respersum, deinde Camisiam cum Wambicio, quasi recenter tincto, ejulantes & cantantes: *Videtis Jacob vestimenta &c.* inferebant. Et ipse Cardinalis flens cum omni multitudine subjunxit: *Fera pessima.* Deinde a Ministerialibus Ecclesiæ Colonienfis accusati sunt, principaliter Episcopus Monasteriensis, & Fratres, & Comites multi. Monasteriensis autem, quasi moræ impatiens, diem & locum petiit ad se de objectis expurgandum. Præfixus est ergo ei dies Purificationis beatæ Virginis, & pro loco civitas Leodiensis.

Chronicon Emmonis Werumenfis Abbatis, editum ab Ilmo Stiva-giensi inter Monumenta sacræ antiquitatis pag. 426.

[a] Occisus VII. Id. Novembr. anno MCCXXV.

(b) Brunonis Osnabr. Episc. Bucelino.

CONCILIIUM LEODIENSE

ANNO CHRISTI MCCXXVI. HONORII III. PAPÆ X.
FRIDERICI II. REG. IX. IMP. VII.

SUMMA. Duorum Episcoporum fratrum Friderici, qui S. Engelbertum occiderat: causa examinatur & in hoc Concilio succumbit: attamen exitus hujus Concilii varie a variis narratur.

Post finitum Moguntiae in Adventu Domini anni MCCXXV. Concilium Theode-

ricus

ricus de Isenburg, frater Fritherici Comitiss de Isenburg, colligit expensas, & invitavit Priores Ecclesiæ Cathedralis suæ Monasteriensis, nec non & Priores totius Episcoparus, videlicet Abbates, Præpositos, Priores, & Decanos. Invitavit quoque Episcopos Bremensem Gerardum, Verdensen Isonem, Comittem de Welpa, qui eam Ecclesiā annis 26. administravit; Mindensem Conradum, Trajectensem Ottōnem II, Bernardi Comitiss Lippiensis filium. Et occurrit in Comitatum suum Mindensis, cum fratre suo Osnabrugensi.

Aderant & Abbates Frisiæ Sancti Bernardi, Floridi horti, & de Doccum. Et profecta est omnis multitudo VI. Kal. Februarii MCCXXVI. proxima feria post conversionem S. Pauli. Et solutum est gelu forte, & tendebant versus Austrum. Euronothus & Africus flatibus & imbribus valde homines & jumenta fatigarunt. Primo igitur die fessi venerunt ad Lippiam, secundo Duzburch, tertio Nüssiam, quarto Ruram, quinto Aquisgranum, sexto videlicet in Purificationis vigilia Leodium. Die igitur Dominico, mane factō, in equis pompaticè ibant ad Ecclesiā beati Lamberti Cathedralē, & expectantibus Episcopis, & omnibus, post horam Primæ venit Vicarius quidam, & officium Missæ cepit legere sine cantu. Ecclesia namque Colonienfis pro signo mæstitiæ solemnitate cantandi prohibuerat, donec ultio fieret condigna pro scelere; & totus Clerus, quasi in triduo ante Pascha, in habitu lugubri & voce submissa horas reddebat. Cardinalis interim misso episcopo Hildesemense proposuit, si placeret Dominis Episcopis differri Capitulum in feriam sequentem, & placuit. Aderant ibi, ut fama fuit, Episcopi IX, Comites plurimi & multitudo infinita. Die sequente ascenderunt Episcopi cum Comitatu suo aulam Episcopalem, in medium videlicet cœnaculum,

& moram fecit Cardinalis, & fluctuabat plebs avida novitatis, & implebat Domum. Episcopi quoque plurimi expectabant. Sed pro signo cunei episcopalis, Cathedra Pontificalis super capita manu ferebatur. Accessit tandem Cardinalis, & semel, & secundo data indulgentia urgebat populum descendere, & descendit paulatim. Tandem placuit excommunicare remanentes, & in negotio illo alienos; & tunc timentes dederunt locum. Et factō silentio post pralibationem paucorum verborum Domini Cardinalis, surrexit Scholasticus Domini Osnaburgensis Olricus, & pulchre peroravit pro electo Ecclesiæ suæ captando benevolentiam, elidendo malam præsumptionem, exhibendo contra inimicorum confictionem, justam satisfactionem. Surrexerunt & Ministeriales Colonienfis Ecclesiæ, & Comes Gelrensis contra Monasteriensem. Contra Ministeriales Monasterienfis pro Monasteriensi; & factō tumultu dilata est causa. Die vero proxima finxit se Cardinalis iturum extra civitatem, & recessit populus de aula & Clerus: sed clam rediens cum Episcopis intravit, & clausa janua dedit audientiam, & adjudicata est eis expurgatio per Episcopos. Et subtraxerunt se Episcopi, & terribi defecerunt, & subsecuta est ab officio, suspensio & beneficio: & appositū sunt pro custodia spiritualium & temporalium Diœcesis Monasterienfis, Episcopus Patherbornensis, & Comes Gelrensis. Septimo igitur Martii profecti sunt Romam & pridie Kalend. Maji innotuit rumor depositionis eorum: videlicet Monasterienfis & Osnaburgensis electi fratris sui. Monasterienfis autem post brevi defunctus est, & frater gratiam Domini Papæ invenit.

Chronicon Emonis & Menconis Abbatum Werumensium, editum ab Hugone Stievagienfi Abbate, inter sacra antiquitatis monumenta pag. 486. 487.

Theodoricus Comes de Isenburch nobilis ad Ruram Westphalicam castri, frater erat Fritherici Comitiss de Isenburch ad Ruram, & Novi-pontis castri, Nienbrugge, ad Lippiam ædificati, deam Brunonis Osnabrugensis Episcopi. Hic Theodoricus anno 1222. Monasterium Marienfeld consecravit. Anno 1225, die Mariæ Magdalene primum lapidem jecit Cathedralis suæ Ecclesiæ, camque ditavit, & auxit novem Ecclesiis, quæ censum Matrīci Monasteriensi solverent. Obiit 1231. Magdeburgi sepultus. *Hobbelingen Historia Diœcesis Monasteriensis. Grantzins Lib. VIII. Metro-pol. Cap. V.*

Bruno Osnabrugensis, & frater, Monasterienfis Episcopus, velut complices, & ad minus consilii accusantur apud Summum Pontificem, & ut fertur, etiam conviuantur, depo-

deponunturque, sed gratia affecuta restituantur. Octo solis annis fertur Bruno Ecclesiæ Osnabrugensi præfuisse, quos impendit rebus Ecclesiæ salutaribus; plura facturus, si longior illi fuisset Pontificatus. *Krantzius Lib. VII. Metropol. Cap. XLIII.*

Albericus Monachus trium Fontium: unam alteramve circumstantiam Actorum in Concilio hoc Leodiensi addit:

ANno MCCXXVI. in crastino Purificationis, Dominus Cardinalis & Legatus apud Leodium habuit Concilium contra Monasteriensem Episcopum, & Osnaburgensem electum, qui erant fratres Friderici interfectoris Archi-episcopi. Ibi probatum est contra eos, quod fratrem jam ubique excommunicatum de substantia sua & de militibus suis juvissent contra Ecclesiam & contra Imperium, & quod unus eorum dixit fratri *verbum*, unde magis commovit eum in necem Archi-episcopi. Quid multa? Suspensi ab

officiis, Episcopus etiam suspensus a beneficiis, Romam ire compulsi, depositi sunt, & alii in locum eorum fuerunt instituti. Idem Cardinalis Dominus Conradus & Subdelegatus ejus ab eo institutus Dominus Abbas Conradus de Bebinhusen multa millia hominum Nobilium & ignobilium pro via Hierosolymitana cruce signaverunt.

Albericus Monachus trium Fontium. In Chronico, edente Leibnitio Tom. II. in accessionibus historicis pag. 519. hæc de eodem Concilio Leodiensi habet.

Cæsarius Heisterbacensis coævus & in Provincia Colonienfi scribens, paulo aliter factum Concilii Leodiensis refert:

Leodium cum venissent, Nobilibus conductum eis ex mandato Cardinalis Legati præstantibus, & non se Canonice cum septem Episcopis purgare hi duo Episcopi possent; Primoribus Colonienfibus, multisque aliis eos accusantibus,

Legatus ex consensu Episcoporum plurimorum, qui præsentis aderant, ad Dominum Papam illos transmisit. Cui etiam inter cætera scripsit: Examini vestro dirigimus hos duos Episcopos, graviter de nece Engelberti infamatos.

CONCILIIUM TREVIRENSE

PROVINCIALE CELEBRATUM

Anno Christi MCCXXVII. Honorii III. Papæ XI.

Friderici II. Regis XI. Imp. VIII.

CANONES XVII.

Incipiunt Statuta Concilii Trevirensis.

Precipimus firmiter & districte quatenus omnes Sacerdotes de cætero jejuni nigris capis & rotundis vel superpelliciis & stolis (a) Synodum intrent & tam eundo quam redeundo ita honeste in hospitibus suis se habeant, ne scilicet status Clericorum vertatur in contemptum. Item precipimus firmiter sub pena suspensionis, ut unusquisque Sacerdos penes se habeat *Statuta Concilii Trevirensis, & Præcepta Synodalia*, & singulis mensibus legant vel sibi legi faciant, & librum, in quo continentur, ad Synodum

secum deferant & in manibus suis teneant ibidem.

I. De Baptismo & ejus speciebus.

Baptismus cum reverentia & honore celebretur in aqua communi sub hac forma. Ego Baptizo te in nomine Patris, & Filii, & Spiritus Sancti; & Laici doceantur a Sacerdotibus suis sic baptizare, etiam mulieres, ut sciant in articulo necessitatis. Et distincte proferantur, id est cum quadam magna discretionem omnia verba in baptismo maxi-

(a) In jejuniis enim debet fieri & oratione.

me prædicta, in quibus tota vis Sacramenti consistit. Et Gallici Sacerdotes in Romano doceant Laicos, quomodo debeant baptizare parvos pueros suos in necessitate. Etiam Pater & Mater dicendo cum intentione baptizandi: *Je te baptise en nomme Patre & do Fis, & do Sainte Esperit.* Theutonici vero dicant: *Ich duffen dich, in deme Name des Vaders, inde des Sonnes, inde des heiligen Geistes.* Et semper interroget Sacerdos laicum, cum in necessitate baptizavit, quid dixerit? aut quæ fecerit, aut quæ egerit? & si invenerit cum discretione baptizasse, & formam verborum observasse, & intentionem baptizandi habuisse, approbet factum & faciat sibi deferri puerum, & non baptizet eum: sed chrismate inungat eum & dicat illa verba, quæ dici solent. Sin autem, rebaptizet eum. Ad levandum puerum de fonte tres vel quatuor admittantur, quod amplius est a malo est, & non plures. (b)

II. Sequitur de Confirmatione & Inunctione.

Moneant Sacerdotes populum sibi subditum frequentare ad confirmationem, quia in hoc Sacramento datur Spiritus Sanctus ad corroborationem fidei per Sanctam Trinitatem & quod pueri adulti accedentes ad confirmationem prius pure confiteantur. Item ad Sacramentum extremæ unctionis moneant Sacerdotes populum sibi subditum, quia est medicina corporis & animæ & pluries potest iterari, quando contingit pluries lethaler id est mortaliter egrotare. Sed baptismus, etiam confirmatis pluries non potest iterari, & Sacerdotes exhibentes devotè exhibeant, & ipsa verba extremæ unctionis proprio ore proferantur, nihil inde exigentes ab infirmis. (c)

III. Sequitur de Eucharistia.

Sacramentum Eucharistiæ ad minus semel in anno suscipiant Laici prius contriti & pure confessi suo proprio Sa-

cerdoti vel viris litteratis habentibus auctoritatem delegatam, & habentibus licentiam a Sacerdote loci, ubi volunt & debent audire confessionem, si qui autem obmiserint sine licentia suorum propriorum Sacerdotum, illi nobis vel officiali nostro denuncientur super hoc ut justum fuerit corrigendi, corpus Domini cum campanula & lucerna & luminibus honorifice & decenter portetur infirmis, (d) item doceantur Laici a Sacerdotibus genua flectere, pectus pun gere, manus jungere, dum Sacramentum Eucharistiæ sic portatur ad infirmos, si aliqua negligentia contigerit in hoc Sacramento, videlicet obmittendo effundendo, spargendo vel evomendo iussa Canonum observentur. Item Sacerdotes moneant populum sibi subditum, ut inducant eum ad sequendum corpus Domini devotè sine clamore cum contigerit sic portari, item hostia ante transubstantiationis verba non eleve tur ad populum, (e) item Sacerdos quando in necessitate oportet eum duas missas celebrare, si ad primam missam post consumptum sanguinem ablutionem sumpserit, jejunos non est ad secundam missam, nec ei licebit celebrare secundam missam, tamen illa ablutio tradatur alicui homini existenti bonæ vitæ & honestæ & continenti personæ, & non detur cuilibet rudi & indiscreti rustico existenti. Sacerdos quando ipse celebrat missam, sumat ipsemet corpus Domini, & alteri non det ad sumendum, nec pro infirmis sumat, quia nullo modo fieri debet; qui autem contra fecerit, poena gravi graviter punietur; quia plus peccat dimittendo quam sumendo; item Sacerdos qui celebrat missam debet conficere corpus Christi & canonem legere: alias peccat mortaliter, quia facit populum adorare panem simplicem, quod est idololatria; item nullus Sacerdos celebret missam cum hostia consecrata aliquo modo, quia gravissime peccaret & gravissime puniretur; Item nullus Sacerdos det hostias non

(b) Pro Baptismo nihil omnino exigatur, sed si quid offertur, gratis accipiat, fontes, chrisma, & sacrum oleum sub sera custodiantur propter sortilegia.

(c) Nullus Sacerdos confirmare aut consecrare virgines presumat, solius est enim Episcopi confirmare, virgines consecrare, Ecclesias dedicare, Ordines dare.

(d) Dicentes VII. Psalmos Pœnitentiales cum Letania eundo & redeundo, & si via longa fuerit, addant XV. gradus, & alias orationes S. Mariæ, & debitum solvant infirmo.

(e) Ut videri possit a populo, ne panem adoret.

[f] Horas Beatæ Virginis dicant devotè non surgendo & calceando. Nullus Sacerdos Missas, quas injunxerit, celebret, nec tricenarium, nec annuale.

non consecratas parvulis & aliis hominibus pro corpore Christi: quia nullo modo fieri debet; Item nullus Sacerdos det corpus Domini parvulis vel infirmo quia *corpus Domini* (f) non cibum non valent retinere; item nullus Sacerdos propter occulta peccata mortalia, quod scit per confessionem, debet negare corpus Domini alicui publice: peccat enim graviter quilibet Sacerdos faciens hoc quod facere non debet; item ex relatione multorum audivimus quod quidam Sacerdotes sunt qui in Pascha Domini licentiant suos subditos ad communicandum non confessos in mortalibus peccatis ut propter Pascha Domini non confiteantur, eo quod ipsi Sacerdotes nimis tarde inceperunt audire confessiones suorum subditorum & ideo non possunt eos audire quod ne de cetero fiat, sub pena suspensionis & excommunicationis firmiter præcipimus & districte inhibemus.

IV. *In quo loco confessio fit audienda.*

Sacerdotes confessiones suorum subditorum recipiant in loco patulo (g) & Sacerdotes non absolvant confitentes nisi pœnitentiam promittentes; item Sacerdotes remittant ad nos vel nostrum Primarium peccata graviora scilicet homicidia, sacrilegia, & maxime de corpore Domini nostri Jesu Christi, de Chrismate & de Oleo Sancto, de aqua Baptismi, & perjuria & falsa testimonia & peccata quæ sunt contra naturam, symoniam, incestum Monialium, consanguineorum, & deflorationem Virginum, veneficia, injectores manuum in parentes, vota fracta, incendiarios, usurarios, etiam & illos qui parvulos pueros suos opprimunt, etiam in illos qui pueros suos sine baptismo permittunt; item nullus Sacerdos presumat absolvere aliquem existentem reum in casibus pertinentibus ad Dominum vel ejus legatos nisi cautione idonea vel satisfactione precedente vel in articulo mortis. Primus casus est de illo qui verberat Clericum vel Religiosum, secundus casus est de illo, qui incendit Ecclesiam & est denunciatus, excommunicatus ab

Episcopo, tertius casus est de illo, cum quis frangit Ecclesiam, & similiter est denunciatus excommunicatus ab Episcopo. Quartus casus est de illo, qui scienter & sponte communicat excommunicato a Domino Papa, & eos recipit in officiis Divinis. Quintus casus est de illo, qui falsificat litteras Domini Papæ. Sextus casus est de illo, qui communicat aliter excommunicato a Domino Papa in termine scienter impendendo ei consilium auxilium vel favorem; item nullus Sacerdos absolvat aliquem a sententia excommunicationis (h) vultu in eum auctoritate superioris, nisi in articulo mortis; item præcipimus firmiter & districte ut Sacerdotes in casibus perplexis idest dubitariis & erroneis remittant subditos suos ad peritiores se, qui habent auctoritatem super hæc delegatam; item nullus Sacerdos revelet confessionem directe vel indirecte, nutu verbo vel signo; generaliter vel specialiter: alioquin in degradatione honoris sui gravissime & indefinenter punietur; item in usura, rapina, fraude acquisitis, caveant sibi Sacerdotes ne injungant pœnitentias, vel Misfarum, vel elemosynarum, vel hujusmodi prius quam ablata reddiderint; vel de reddendo cautionem præstiterint. Si habeant unde restituant; item nullus Sacerdos ex cupiditate sua injungat in confessione Missas, nec septenale, nec trienale, nec annale, & pro vivis nullum fiat tricenarium; nec annale; item in confessione non requiratur Sacerdos nomina personarum, cum quibus peccaverint confitentes, sed circumstantias tantummodo & qualitates, quæ notantur in hoc versu: *quis, quid, ubi, per quos, quoties, cur, quomodo, quando*; item Sacerdotes cauti sint in interrogationibus de peccatis, ne simplicibus detur occasio faciendi, quod prius nesciverunt; item nullus Sacerdos non sibi subditum recipere presumat in confessione, ligare vel absolvere; nisi de licentia nostra vel Presbyteri sui, & ex causa rationabili & honesta; item Sacerdos in casibus in quibus absolvere possunt, iis verbis utantur in absolutionibus suis: auctoritate, qua fun-

(f) forte non redundat.

(g) Extra Ecclesiam confessiones non audiant, nisi in infirmitate, aut magna necessitate. Sacerdos audiendo confessionem vultum humilem habeat & inclinatum ad terram, nec faciem confitentis respiciat, & maxime multifaria debite honestatis compatienter audiat, quæ dicenda fuerint in spiritu lenitatis, & ut integraliter confiteatur, persuadeat.

(h) forte lata.

fungor, ego te absolvo a vinculo excommunicationis, & restituo te unitati Ecclesie Sanctæ in Nomine Patris, & Filii, & Spiritus Sancti Amen. Item inhibemus firmiter & districte, ne aliquis Sacerdos scribat peccata confitentium in litteris apertis sed tantummodo clausis.

V. *Sequitur de Matrimonio & ejus speciebus.*

Matrimonium cum honore & reverentia & in facie (non enim risu & jocoſe, ne contemnatur) Ecclesie celebretur, item præcipimus districte ut, antequam matrimonium contrahatur, fiant edicta in Ecclesiis tribus diebus Dominicis & festivis, quod tales volunt contrahere; si aliquis scit impedimentum notum, scilicet consanguinitatem, affinitatem, compatritatem & hujusmodi dicat; & si nullum impedimentum inveniit Sacerdos nec in populo nec a contrahentibus, conjungat eos sub debita forma verborum & prosequatur officium nuptiarum, sicut scriptum est in libris ordinarii; item clandestina matrimonia prohibemus Sacerdotibus, ne aliquo modo ab eis fiant; item nulla persona ignota recipiatur ab aliquo Sacerdote ad contrahendum matrimonium sine littera Episcopi sui, vel Officialis, vel personæ authenticæ, cui fides sit adhibenda; item prohibemus firmiter & districte, ne Laici, quicunque sint, auctoritate sua sine Sacerdote aliquos matrimonialiter audeant conjungere, quod si fecerint tam ipsis, quam eis in hoc aliquo modo consentientes usque ad dignam satisfactionem excommunicentur, & alias poena gravi puniantur, & hos diebus Dominicis præcipimus per Presbyteros subditis suis denunciari & intimari. In matrimonio autem celebrando observetur hæc forma verborum; ut dicat vir mulieri: *Accipio te in meam uxorem*; mulier autem e contrario viro dicat: *Accipio te in meum maritum*, & hæc verba sint de presenti, & non de futuro. Verba autem hæc in sponsalibus observentur; accipiam te in meam uxorem; accipiam te in meum maritum, ita ut sint verba de futuro; & non de presenti; item præcipimus ut pro benedictionibus nuptiarum sicut nec pro aliis Sacramentis conferendis nullus Sacerdos aliquid exigere audeat vel præsumat; item cum

libera debent esse matrimonia, inhibemus, ne quis consanguineus, affinis, vel alius potestatem habens super volentes matrimonio conjugii, recipiat quocunque colore quæſito aliquam pecuniam pro matrimonio contrahendo, vel contrahendo impediendo.

VI. *De Ecclesiis & ad eas pertinentibus.*

Item munda servantur vasa ministerii & vestes & pallæ Altaris, ampullæ chris-matis non sint vitreæ, sed de aliquo metallo maxime de a stagna^(a) & diligenter discernant Sacerdotes, in quo vase sit chrisma, in quo vase sit oleum sanctum, in quo vase sit oleum infirmorum; item præcipimus, ut illi qui tenentur ornare Ecclesias, in coopertura videlicet, in libris, in vestimentis & aliis necessariis ad Ecclesias pertinentibus, eas exornent & faciant hoc, quod tenentur; ita quod exinde non possint redargui, sed ut magis debeant, & possint ab aliis commendari; Sacerdotes sui Presbyteri habeant hostias decentes & non putridas, vel muscidas in mundo vase; item quando corporalia lavanda sunt, primo ponantur a Sacerdotibus in aqua, & postea tradantur alicui religiosæ personæ ad lavandum; item præcipimus firmiter & districte, ut aqua baptismi oleum sanctum, chrisma, oleum infirmorum, corpus Domini, diligenter & sub firma custodia & sera custodiantur, & in tali vase, quod cum ipso Sacramento non valeat leviter apportari, quicunque autem Sacerdotes in hoc negligentes fuerint, gravissime punientur; item Sacerdotes non dimittant altaria, ita parva, ut in eis cum timore celebrare oporteat; item Sacerdotes firmiter præcipiant subditis suis, ut cimeteria eorum firmiter serentur, ne pecora & alia animalia intrent; item nullus Ecclesiam audeat obligare pro debitis alienis, aliquin nihil valeat, & sic sit suspensus ab administratione spiritualium & temporalium; idem dicimus de monacho pro laici debitis obligato; item nullus Sacerdos portionem ab antiquo assignatam audeat minuire, seu Ecclesiam constituere censualem; item non permittant Sacerdotes ludos Theatrales fieri in Ecclesia, & alios ludos inhonestos; item Ecclesia debet reconciliari si conjuges vel alii in Ecclesia commisceantur, idem dicimus de cimeterio;

(a) forte de stanno.

item pro simplici fornicatione ; item pro adulteris , & homicidis ; item pro effusione sanguinis violenta ibi facta ; item nullus in odium alterius altaria denudet, vel crucifixum deponat, vel spineis coronis circumdet, vel pro vivis cantet missam pro defunctis, vel nomine eorum quos odit, feretrum cum exequio mortuorum in Ecclesia ponatur, ut citius moriantur, quia gravissime puniretur & deponeretur ; item nullus Sacerdos permittat sibi ad Altare sceminam ministrare ; item campanariæ non vendantur, sed gratis alicui honestæ personæ concedantur ; item inhibemus, ne fontes, arbores , aut etiam aliæ creaturæ quæcunque sint, vel etiam ossa mortuorum in muris inventa, de quibus nec Sacra Scriptura loquitur, nec aliqua veritatis apparent argumenta, aliquatenus ab aliquibus adorentur, quia idololatria est & etiam ritus gentilitatis ; item præcipimus, ut festum Sanctæ Catharinæ virginis , & martyris solemniter celebretis , & faciatis a vestris subditis devote celebrari ; item festum Sanctæ Elisabeth.

VII. *Sequitur de Canonicis & Beneficiatis.*

Item præcipimus, ut omnes faciant se ordinari , scilicet alii in Subdiaconos, alii in Diaconos , alii in Sacerdotes secundum quod nobis, Decano, & suo capitulo visum fuerit expedire ; item tales caveant diligenter ne ab eis (*) matrimonium crucifixi male expendatur ; item monemus omnes & singulos, habentes beneficia curam animarum habentia, ut, secundum quod constitutum est in Concilio Lugdunensi, infra annum se faciant in Presbyteros ordinari, & residentiam faciant personalem, alioquin contra ipsos, quodcunque debuerimus, procedemus, & de ipsis beneficiis ordinabimus, prout ad nostrum officium pertinebit ; item inhibemus omnibus personis Ecclesiasticis sub poena suspensionis, quam in contra facientes ferimus, nequis præsentet vel præsentatos admittat , ad beneficia curam animarum habentia, manifestum vel notabilem patientes in ætate detectum *Hic reperiuntur in Codice duæ pagine in 8vo vacuæ*

VIII. *Sequitur de Decanis.*

Item præcipimus firmiter & districte ut omnes Decani Collegiorum, &

(*) patrimonium

Christianitatis , in suis capitulis legi faciant *Statuta Concilii Trevirensis, & Statuta Synodalia*, & ad observationem omnes moveant, & efficaciter introducant; item præcipimus, quod Decani accusent vel deferant nobis vel Officiali nostro omnes Sacerdotes & Clericos, lufiores, & tabernarios , fornicatores manifestos, & celebratores clandestinorum matrimoniorum & usurarios & negotiatores: similiter alii Clerici de Decanis hoc idem facere teneantur ; item, nullus Sacerdos celebret missam sine matutinis, & horis dictis debitis, & in mortali peccato existens, & suspensus officio suo, & communicans excommunicato non absolurus ; item præcipimus firmiter & districte, nequis Sacerdos quacunque occasione aliquid exigat pro sepultura, aut pro aliquo Ecclesiastico Sacramento, sed pie consuetudines observentur ; item moneant Sacerdotes populum sibi subditum ad confessionem puram & integram faciendam proprio Sacerdoti suo, vel viris litteratis habentibus auctoritatem super hoc delegatam ; item præcipimus servare jejunia consueta, & Sacerdotes doceant populum sibi subditum, quæ sunt peccata mortalia in communi & quæ solita sunt fieri. Sicut : furtum, usura, rapina, venditio ad novum, vel emptio ; blasphemia, fornicatio, operari in diebus festivis, & aliorum inobedientia Divinorum mandatorum , mala decimatio , falsum iudicium, malum externum , sacrilegium , homicidium , incendium , & violentia , error in fide, fictio, Ypocrisis , & invidia , ira , gula , acedia , superbia, simonia, & huiusmodi. De talibus vero in articulis fidei & de decem præceptis , Sacerdotes subditos suos instruant, & alias illitterati & inexperti Sacerdotes nullatenus populo sibi subdito prædicare præsumant , ne contingat eos fieri magistros erroris, qui nunquam fuerint discipuli veritatis, sed cum ab aliis viris litteratis subditis suis contigerit prædicari, verbum Dei devote audiant & disciplinate, & inde propter scandalum hominum non recedant ; & nullatenus verbum Dei, quod pro suorum sit salute subditorum, impedire audeant, sed in omnibus promoveant , in quodcunque possunt ; item præcipimus firmiter & districte, ut viros religiosos, scilicet fratres Prædicatorum & Minores

nones, cum ad vos venerint, benigne recipiatis, & caritative pertractetis, & plebes vobis subditas ad hoc inducat, ut ab ipsis verbum Dei audiant, & alias eorum consiliis sanis acquiescant, diligenter & fideliter moneatis. Alios vero cujuscunque ordinis vel status cujuscunque sine nostris litteris ad prædicandum vel confessiones audiendas, seu poenitentias, indulgentias injungendas nullatenus recipere præsumatis. Item præcipimus firmiter & districte Sacerdotibus, ne prædicare permittant aliquos illiteratos, videlicet Begardos vel conversos vel alios cujuscunque ordinis sint, etiam extra Ecclesiam, videlicet in vicis, vel in plateis: etiam Sacerdotes Parochianis suis præcipiant, ne tales audiant propter hæreses & errores quos seminant in populo, similiter & questionarii prædicatores formam prædicandi in generali Concilio Lugdunensi promulgatam extendentes, & falsa veris intromiscentes, de falsitate interposita etiam coram populo redarguantur, & quia questionarii hujusmodi per litteras falsas aut revocatas, super quibus deliberare non sciunt simplices Sacerdotes, quæstum faciunt; districte præcipimus, & firmiter inhibemus, ut nullus deinceps sine litteris nostris vel Officialis nostri aliquatenus recipiatur, item inhibemus districte, ne quis Sacerdos mulieres suspectas in domo suo habeat, & Decani nostri nuncient nobis de Sacerdotibus illis, quos sciunt habere focarios, negociatores aut usurarios: alioquin & ipsi Decani aliter sint suspensi. Item præcipimus quod Sacerdotes vestes decenter longas & non viridis aut rubei coloris gerant, & cingulum habeant cinctum super pellicia vel capas habeant rotundas, & deferant ad ecclesiam (b) ona superfluis maxime nodis aureis vel argenteis in vestibus suis; & in capuciis suis nec in se nec in equis suis ad aliquam vanitatem pertinentibus non utantur: consuram clericalem Sacerdotes portent & bonorum morum honestatem digna conversatione præstent; item tripudia & choreas & hujusmodi ludos sæculares in cimiteriis & in Ecclesiis fieri non permittant, alioquin a Divinis per triduum ipso facto noverint se suspensos: a talibus ergo tripudiis & hujusmodi ludis sæcularibus & choreis sub poena suspensionis se ipsos Sacerdotes abstrahere omnino præcipimus

firmiter & districte; item præcipimus ut Sacerdotes scribant omnes redditus Ecclesiarum suarum in missalibus suis; item Sacerdotes nunquam exponant aliquid de ornamentis Ecclesiasticis, nec aliquid religiosi audeant exponere iudais sine nostra licentia speciali; item prohibemus, ne vicarii perpetui ponant inter cennarios, alioquin constituens & constitutus uterque ab officio suo suspensus denunciabitur; item præcipimus districte, ut nullus Sacerdos præsumat habere plures Ecclesias Parochiales cum effectu, non prius habita nobilium dispensatione: item præcipimus quod ad omnes Sacerdotes curati sigilla sua infra unum mensem sibi fieri procurent; item præcipimus quod nullus quasi Presbyter deserviat cum patre suo Presbytero, nec post patrem immediate; item faciles sint ad audiendas confessiones pauperum & ad conferendum Sacramenta nihil ab eis exigentes; item caveant sibi Sacerdotes sub privatione honoris sui, ne sollicitent aliquam personam in confessione, quod & verbis fieri prohibemus, contrarium facientes excommunicamus; item præcipimus, quod Sacerdotes suspensi, excommunicati, simoniaci, stocorii, fornicatores cum suspensi sint, quo ad se & quo ad alios celebrare non præsumant, non prius habita dispensatione; item præcipimus quod Sacerdotes illiterati non conferant cum iudeis coram Laicis, & Sacerdotes præcipiant omnibus subditis suis ne aliquam potationem vel medicinam ab eis sumant; item caveant sibi omnes Sacerdotes ut filios suos vel filias suas non permittant contrahere cum illis, quos baptizaverunt, quia non stare matrimonium, item Sacerdotes non prohibeant mulieribus, si statim post partum volunt reconciliari Ecclesie, quia possunt, non tamen debent commisceri viris.

IX. De Sacerdotibus & Clericis.

Item præcipimus etiam districte, ut omnes Sacerdotes habeant breviaria sua in quibus possint horas suas legere quando sunt itinere; item nullus Sacerdos celebrare missam præsumat sine Clerico secundante; Item Sacerdotes ante prandium suum cibum benedicant, & postea omnes Sacerdotes gratias agant, &

X x x 2 seden.

Tomus III. Concil. German.

(b) hiatus in MS.

sedentes in mensa pias collationes habeant, utiles & honestas : item nullus Sacerdos celebret de die duas missas nisi in casibus concessis, videlicet in Nativitate Domini potest dicere tres missas ; item Sacerdos in aliis diebus potest unam missam celebrare pro defunctis & aliquam de die, si necesse fuerit propter necessitatem peregrinorum, hospitum, & infirmorum vel forte nuptiarum ; item nullus Sacerdos vel Prælatus vasa Ecclesiæ vel ornamenta, vel cortinas ad usus seculares convertat vel ad convivia concedat ; item nullus Presbyter arma ferat vel Clericus ; item nullus sacerdos candens ferrum benedicat ; item nullus Sacerdos iungat infirmos oleo benedicto ; item nulli Sacerdotes duellis, Torneamentis, furum suspendiis, & iudicio sanguinis, & etiam Clerici non intersint ; item solennia jejunia ab Ecclesia instituta diligenter observent omnes Sacerdotes, & faciant à subditis observari ; item præcipimus ut omnes Sacerdotes ignoti aut extranei, sine nostra aut ejus, qui a nobis super hoc potestatem habeat, licentia præsumant in nostra diocesi celebrare ; item præcipimus ut omnes Sacerdotes non permittant Trutanos & alios vagos scolares aut goliardos cantare verius super *Sanctus & Agnus Dei*, aut alias in missis vel in divinis officiis : quia ex hoc Sacerdos in canone quamplurimum impeditur & scandalizantur homines audientes ; item inhibemus sub pœna excommunicationis, quam in contra facientes ferimus, ne quis sæculari quacunque præditi potestate jurisdictionem Ecclesiasticam impedire vel perturbare præsumat, & quod Presbyteri dictos contra facientes diebus dominicis denuntient sic ligatos ; item præcipimus omnes illos qui absolutionem a sententia excommunicationis in eos lata vel revocationem ejusdem per vim vel metum extorquent, excommunicatos singulis diebus Dominicis & festivis nunciari & quod absolutio hujusmodi seu revocatio nullam penitus obineat firmitatem ; item monemus omnes Clericos qui concubinarias suas manifeste detinent ut infra XV. dies ab earum conversatione omnes desistant easque a se rejiciant & expellant, nec eas vel alias recipiant sub pœna excommunicationis quam in iis scriptis ferimus in contra facientes.

X. *Sequitur de usuris.*

Item præcipimus districte ut omnes usurarii restituant, quæque ultra sortem perceperunt sub pœna contra eos in Lateranensi Concilio edita, quæ talis est. Statuimus ut omnes usurarii manifesti nec ad communionem admittantur Altaris, nec Christianam, si in hoc peccato discesserint, accipiant sepulturam, sed nec oblationes eorum quascunque accipiat : qui autem acceperit aut Christianam tradiderit sepulturæ, & quæ acceperit, redde compellatur, & donec ad arbitrium sui Episcopi satisfaciatur, ab officii sui executione sit suspensus ; item præcipimus districte, ne in mutuo ultra sortem aliquid exigant, & ne propter moram solutionis aliquid petant ; ne etiam propter inducias sua mercimonia carius vendant, & ne pecuniam suam ad cauvercinos, vel judæos ponant propter lucrum & ne ex pacto procurent sibi fieri remunerationes, quia non excusantur apud Deum ; item præcipimus ut sorte deducta reddant pignora, & remittant, item districte præcipimus ne nomine tutelæ vel præcautionis vel timore Domini sui aliqui committant usuras, quia sicut non suo ita nec alieno nomine debet quis terras id est duplicem usuram exercere ; item præcipimus ne ea intentione mutuent pecuniam suam ante messem vel vindemias recepturi in messe vel vindemiis bladum vel vinum pro multo minori pretio, quam valeat in tempore bladum vel vinum emant illicite paciscendo ante messem vel vindemias ad exponendum sive expendendum in domibus tantum & non ad vendendum ; item inhibemus Sacerdotibus & Clericis beneficiatis, ne tempore messis vel vindemiarum emant vilius bladum vel vinum a pauperibus ut postea carius vendant ; item omnes viciosos contractus aliunde, sive in locatione sive segetibus in campis ad emendis in futurum, ne fiant secundum æstimationem aliquorum peritorum firmiter inhibemus ; item nullus scienter emat rapinam, quia tenetur ad restitutionem.

XI. *Sequitur de nobilioribus Advocatis.*

Item monemus & sub Divinæ ultionis pœna præcipimus, ut nobiles & Domini terræ homines suos permittant dies festos celebrare & non compellant eos

eos arare nec alias eis angarias festivis diebus imponant ; item præcipimus districte, ut se circa se caverinos, & alios usurarios ita habeant, ut in generali Concilio est statum ; item Dominis terræ præcipimus aut judæis suis, ut eos cogant sub aliqua pena ut non intromittant se de aliqua medicina, nec aliquam potionem dent Christianis ; item cum de consuetudine sit approbata, & tam diu observata, quod non extat memoria tam religiosi quam Clerici injuriantes vel molestatores suos coram iudicibus Ecclesiasticis in causam traxerint, & nonnulli nobiles vel Barones Ballivi, præpositi, villici, & alii Laici potestatem sæcularem habentes Treverensis Diocesis, tam Religiosos quam Clericos coram se litigare compellant & non patiantur eos, suum prosequi jus coram iudicibus Ecclesiasticis ; præcipimus universis & singulis Presbyteris quatenus in Ecclesiis vestris prædictas personas moneatis, ut ab hujusmodi tam Religiosorum quam Clericorum molestatione desistant, nos enim prædictas personas quæ jam post dictam monitionem Religiosos & Clericos coram se compulerint litigare, excommunicationis vinculo innodamus, & præcipimus, eos singulis diebus Dominicis & festivis excommunicatos publice denunciari, item cum hodie causæ non debeant agitari nisi in civitatibus vel locis magnis & solemnibus, ubi possit haberi copia juris peritorum, inhibemus ne causæ ex jurisdictione ordinaria descendentes, ab aliquo vicario, Rectore, & Decano Christianitatis inter subditos audiantur, nisi vel de plano, vel de consensu partium, partes suas vel compositionem amicabilem interponant ; maxime cum in negotiis diffiniendis duo, ut sacrorum canonum testatur auctoritas, sententia videlicet, & potestas necessario requirantur, item moneantur Laici a Sacerdotibus suis, ut in omni juramento tria observent, alioquin sunt perjuri videlicet : veritatem, iudicium, & justiciam ; quia si aliquid istorum trium defecerit, perjurium dicitur : veritas enim debet esse in conscientia, hoc est ut firmiter sciat sic esse vel non esse ; alias si credit tantum, non debet de scientia & de credulitate jurare propter quod omnes committunt perjurium, qui ita jurant esse vel

non esse, quibus firmiter non constat de facto ; item iudicium debet esse, iudicium discreta deliberatio, id est, ut etiam non juret verum nisi propter necessitatem vel utilitatem ; item justitia debet esse, ut id quod juratur sit licitum & honestum ; item non excusatur a perjurio qui compulsus sciens perjurat : quia ambo sunt perjuri, scilicet præcipiens, & faciens ; item moneantur Laici ne proni sint ad jurandum, & pro modica causa ; item præcipimus omnibus Sacerdotibus, ut mala juramenta impediunt in quomodo possunt ; item in omnibus diebus Dominicis & festivis moneant Sacerdotes suos subditos, ne juvenem aliquem jurare ratione consanguinitatis, timoris, pecuniæ, vel amoris, quia omnes taliter jurantes, nisi firmiter sciunt & constet eis de facto, perjuri sunt ; cum videlicet jurant ita esse vel non esse quod ignorant ; item diligenter intimetur omnibus Laicis a Sacerdotibus suis quam graviter illi delinquant, qui perjurium committunt.

XII. *Sequitur de Religiosis.*

Item statuimus imprimis, ut Monasteria ordinum Sanctorum, videlicet Benedicti, Augustini ad observationem Regulæ & Ordinis sui reformentur ; item nulli monacho vel moniali duo officia in Monasterio assignentur, nisi de providentia Abbatis & de consensu Capituli propter evidentem necessitatem vel utilitatem Monasterii, & nisi aliter Abbas & Conventus judicaverit esse ordinandum ; item præcipimus districte, ut omnes novitii post annos discretionis vel probationis statim faciant Professionem suam in manu Abbatis.

XIII. *Sequitur de Paupertate voluntaria, & communi vita.*

Item præcipimus districte, ut omnes monachi & moniales omnibus proprietatibus suis mobilibus & immobilibus, quas hæcenus habuerunt, sine difficultate renuncient, & omnia in communes usus Monasterii redigantur, qui vero renunciare renuerint, excommunicentur, quod si nec sic resipuerint per Abbatem aut Abbatissam, aut si non possunt, per nos restringantur. Item quæcunque monachi aut moniales in morte habuisse proprium deprehenso fuerint, Ecclesiastica sepultura,

ra; (a) si qui vero talium hactenus in cimiterio fratrum hactenus sepulti fuerint, ejiciantur; item præcipimus, ne monachi denarios, quos in Missis vel privatis recipiunt, vel publicis in sacrificiis, sibi reservare præsumant, sed Abbati, vel cui ipse præcipit, assignentur in communes usus expendendi. De denariis anniversariorum vel tricesimorum, & omnium quæ ad manus eorum devolvuntur, nemo sibi quicunque appropriare præsumat, nec per monachos, nec per moniales dividantur, de cætero, sicut hactenus per abusionem fieri consuevit, si (b) in communes usus omnia redigantur; item præbendæ, quæ per abusionem hactenus divisæ fuerant, in communitatem redigantur. Nulli ergo omnino pro victu denarii assignentur, si de communi salario sive cellario pascantur; item monachis, & monialibus, vel conversis curtes, vel allodia pro certa pensione de cætero nullatenus assignentur, si quæ vero assignata sunt, statim omnino revocentur.

XIV. *Sequitur de Dormitorio & Refectorio.*

Item Abbates cum Monachis, Abbatissæ cum Monialibus dormiant in Dormitorio communi, & omnes tam monachi, quam moniales in dormitorio communi dormiant; nisi illi qui ægrotant, & nusquam untantur coopertoriis in lectis de pannis coloratis vel etiam cortinis; item præcipimus districte Abbatibus & Abbatissis, ut suis subditis tam in victu quam in vestitu, secundum uniuscujusque Monasterii possibilitatem necessaria administrent, panis vero & vinum, & alia necessaria dentur fratribus in communi ad sufficientem necessitatem, nec alicui aliquid specialiter assignetur, & quod unicuique in ejusmodi superfuerit, iterum ejusmodi communitati reservetur vel pauperibus distribuatur, & hospitalia Pauperum in omnibus Monasteriis reserventur, restaurentur, & eis consuevi redditus assignentur; item inhibemus districte, ne monachi vel moniales habeant servos vel ancillas spirituales, nisi forsitan in talibus constituti sint officiis, quod eis omnino carere non possint, & tunc de conscientia Prælatorum suorum eos assumant, si quis autem alias tales personas retinere præsumpserit, expelli eos de Monasteriis per Prælatos præcipimus.

(a) supple priventer:

(b) forte sed, loco si.

(c) sic MS.

XV. *Sequitur de castitate & alia vitæ honestate.*

Item præcipimus, quod quicunque Monachus vel Monialis in lapsum carnis ceciderit, de quo erit manifestum, ad nullam deinceps dignitatem vel officium possit assumi in Monasterio, nisi per emendationem manifestam, & honestam conversationem suam per Sedem Apostolicam, vel ejus Legatum, vel loci ordinarium, secum meruerit dispensari; item præcipimus, quod si quis Abbas vel Monachus in officio positus in vitium carnis lapsus fuerit, de quo fuerit manifestum ab officio moveatur in continentem, & in pena sui criminis de cætero stet ultimus in choro, vocem in capitulo non habeat, ad aliquam Monasterii ordinationem non veniat, nisi propter manifestam emendationem providentia Abbatis eum de consilio conventus duxerit admittendum. Ad Abbatem vero vel officium aliquod nunquam eligatur deinceps; nisi ut dictum est per Sedem Apostolicam vel ejus legatum vel loci ordinarium secum meruerit dispensari; idem circa Abbatissas & Moniales & Canonicas Regulares districte præcipimus observari; item præcipimus districte & firmiter omnibus Abbatibus, ut prohibeant suos subditos a mulierum suspecta familiaritate, & ne aliunde aliquis eorum ubicunque solus cum sola sedere vel stare præsumat aliquatenus. Item ludos chorearum, alearum, schachorum, taxillorum, annulorum, Monachis & Monialibus interdiximus omnino; & ne infra septa sui claustrum, vel ipsum claustrum tabernas ipsas (c) ubi vel alibi intrare, ibi sedere, bibere, vel ludere aliquis audeat firmiter inhibemus.

XVI. *Sequitur de vestimenta & procuratione vestimentorum honestate.*

Item præcipimus districte, ut Abbates & Monachi, Abbatissæ & Moniales, nec mantella, nec turchotos portent de cætero, nec habeant pannos de nigra bruneta, nec de moreto, sed quanto possit haberi melioris pretii, prout regula præcipit; cacullas autem habeant cum amplis capuciis & latis, & quando equitant, cappis untantur nigris & clausis non claudibus. Item statuimus, ut habeant Abbatissæ & Moniales habitum decentem & Religiosum, forchotas autem laucas & tunicas nullo modo habeant; item ut dictum

dictum est, mantella de Bruneta, nigra, sive mureta & pellicea de vario, & alias exquisitas & sumptuosas pelles districte omnibus inhibemus; item non habeant moniales manicas strictas vel confurcias, nec habeant monilla, nec fibulas, nec annulos aureos vel argenteos, nec aurifrigia, nec cingulos sericos, nec aliquem sæcularem ornatum; item Abbatisse & Moniales, quando eas egredi contingit, non utantur habitu sæculari, nec habeant ...fellas deauratas aut phaleratas, aut frena deaurata, sed modeste incedant & religiose; item superpellicia habeant & religiose formata, non crispata nec nimis longa.

XVII. Sequitur de porta & fenestra.

Item præcipimus, ut Abbates ostia claustrorum suorum claudant, & portas, nec egredi permittant aliquos Monachorum sine socio & sine causa legitima & rationabili necessitate; quiautem propria temeritate egredi præsumpserit, hoc ipso careat, videlicet quod vocem in Capitulo non habeat, & locum tenebit ultimum in Choro, donec per nos vel Officialem nostrum fuerit reuultus. Item claves claustrorum sint semper apud Priorem, nec, sicut dictum est, aliquis sine licentia exire audeat, vel aliquam mulierem cuiuscunque sit conditionis vel dignitatis, introducere præsumat sine Abbatis licentia speciali, introducta tamen cum licentia non interius nec comedat ullo modo. Item claves semper habeant Abbatisse super se, & si eas contingat quandoque abesse, committant eas Priorisse; item prohibemus, ne Monialibus de cætero detur licentia egrediendi de Monasterio, etiam causa visitandi Parentes vel amicos, nisi forsitan

inevitabilis urgeat necessitas, ut puta famines, vel incendium, vel aliud hujusmodi, & tunc quanto citius potest fieri, reuertantur. Item in quolibet Monasterio ordinetur Monialis Deum timens, discreta pudicitie, & religionis amatrix, quam fenestram vocant, quæ diligenter custodiat fenestram, quam sonante Completorio firmiter seret, nulli datura locum ibi amplius fabulandi usque mane post dictam primam & Capitulo celebrato; item statuimus & districtè præcipimus, ut nulla Monialis supervenientibus amicis vel parentibus loqui audeat sine licentia Abbatisse vel Priorisse, quæ statim ad fenestram locuturæ jungat sociam honestam & maturam, & nihil omnino sine licentia fenestrarie loquatur; quod si Moniales facere præsumpserint, graviter punientur. Omnia, quæ de Monachis dicta sunt, a Canonicis Regularibus præcipimus in omnibus firmiter & districtè observari. *Expliciunt.*

Expliciunt Statuta & Præcepta Synodalia Concilii Trevirensis.

Celebratum est hoc Concilium in Ecclesia Sæ Matris MARIE majoris Treveris, a Venerabili Domino Trevirensi Archi-Episcopo, præsentibus Provincialibus Episcopis & Provinciæ Prælatiis. Anno Dni MCCXXVII. Kal. Martii. *Explicit.*

Ex codice MS. Pergameno Abbatie Benedictine S. Matthie prope Treveros.

Communicavit plurimum Rev. D. Dñam ejusdem Abbatie Professus.

Gesta Treverorum edita ab Ilmo Honthemio Prodromi Treverici pag. 796. hujus Synodi non meminere.

SYNODUS HILDESHEIMENSIS

Anno Christi MCCXXX. Gregorii IX. Papæ IV.
Friderici II. Reg. XIII. Imp. XI.

SUMMA. *Conradus Episcopus dimidiam Decimam in Brunnen resignatam, Ecclesie S. Godehardi confert.*

IN NOMINE SANCTÆ & INDIVIDUÆ TRINITATIS.

CONRADUS, (a) DEI GRATIA, HILDESHEIMENSIS EPISCOPUS &c.

Quoniam in brevi tempore humana circo de his, quæ coram nobis geruntur, ne oblivione intercidant, publica

lica fieri permittimus instrumenta. Ad memoriam itaque futurorum cupimus pervenire, quod Dominus B. dictus de *Gandersheim*, miles, Hæredum suorum C. & L. & *Jutta*, voluntarium habens consensum, dimidiam decimam in Brunen, quam a nobis in Feodo tenuit, LXX. libris receptis ab Ecclesia Sancti Godehardi in Hildesheim, ejusque Abbate *Ludolpho*, in manus nostras juxta villam in Hetwic, cum hæredibus jam expressis, coram viris idoneis tam Ecclesiasticis, quam sæcularibus, Domino

R. majore Præposito, H. custode &c. & coram toto Clero, in generali nostra Synodo, resignavit; nos vero resignatione facta, pro Deo, & animæ nostræ remedio, favore Religionis, obtentu singularis erga nos devotionis, jam dicto contulimus Conventui, in proprietatem & beneficium eidem assignando &c.

Datum.

Ex codice MS. Bibliothecæ Moguntinæ
Sæculi XIII.

(a) Conradus de Reyßenberg, ex Decano Spirenfi, & Canonico Moguntino, creatur Episcopus Hildesienfis circa 1221, plurimis extractis Cænobiis & Clero reformato celebratur. Resignat Cathedram annæ 1245.

GREGORII IX. Responsio ad Synodalem

Quæstionem Bertholdi, Argentinenfis Episcopi,

ANNO MCCXXX. SCRIPTA.

SUMMA. Infans Hebræus a patre converso Baptismo traditus, in patris, non in matris hebrææ potestate educandus est.

GREGORIUS IX. (a) SERVUS SERVORUM DEI, VENERABILI FRATRI ARGENTINENSI EPISCOPO, (b) SALUTEM ET APOSTOLICAM BENEDICTIONEM.

EX litteris tuis accepimus, perlaram fuisse, ad Synodum tuam hujusmodi quæstionem. Quod quidam videlicet de Judaicæ coëcitatæ errore, ad Christum, lumen verum, & viam veritatis adductus, uxore sua in Judaismo relicta, in judicio postulavit instanter, ut eorum filius quadriennis assignaretur eidem, ad fidem Catholicam, quam ipse susceperat, perducendus: asserens, quod favore Religionis Christianæ, & quia puer infra discretionis annos erat, potius ipsum & fidem suam, quam matrem & ejus errorem sequi deberet. Ad quod illa respondit: quod cum puer adhuc infans existat, propter quod magis materno indiget solatio, quam paterno, sibi que ante partum onerosus, dolorosus in partu, ac post partum laboriosus fuisse noscatur: ac ex hoc legitima conjunctio maris & foeminae magis matrimonium, quam patrimonium nuncupetur; dictus puer apud matrem convenientius remanere, quam apud patrem,

ad fidem Christianam de novo perductum transire debebat, aut saltem neutrius sequi, prius quam ad legitimam ætatem perveniat. Hinc inde multis aliis allegatis: tunc autem prædicto puero medio tempore in tua potestate retento, quid tibi faciendum sit, in hoc casu nos consulere voluisti; cum vero filius in patris potestate consistat, cujus sequitur familiam, & non matris, & in tali ætate quis non debeat apud illas remanere personas, de quibus possit esse suspitio, quod saluti vel vitæ insidiantur illius, & pueri post tricenarium apud patrem non suspectum ali debeant, & morari, materque pueri, si eum remanere contigerit apud ipsam, facile illum posset adducere ad infidelitatis errorem, fraternitati tuæ in favorem maxime Christianæ fidei respondemus, patri eundem puerum assignandum.

Dat. Perusi XVII. Kal. Junii, Pontificatus nostri anno III.

Ex codice MS. Vaticanæ N. 6198. descriptis Sebastianatus.

(a) Gregorius IX. sedit ab A. MCCXXVII. 19. Martii ad MCCXLI. 21. Augusti.

(b) Bertholdus, ex Duce Teccensi, Episcopus Argentinenfis fuit ab A. MCCXXVII. ad MCCXLIV.

CON-

CONCILIIUM HERBIPOLENSE

Anno Christi MCCXXX. Gregorii IX. Papæ IV.
Friderici II. Regis XIII. Imp. XI.

*Ab Ottone Legato indictum, interventu literarum Ducis Saxonie,
& ob causas Germanis Episcopis minus probatas omittitur.*

ANNO MCCXXX. Otto Cardinalis a Daciæ partibus Coloniam veniens, inde recedens, apud *Herbipolim* Concilium Provinciale indicit, sed renitentibus Principibus laicis, & paucis Ecclesiarum Prælatibus venientibus, iratus recessit.

*Chron. Godèfridi Monachi Pantaleonitæ
edente Frebero.*

Dux Saxonie contra Ottonem (*Legatum Herbipoli Concilium celebraturum*) misit has Literas cum Baronibus, Venerabilibus Dominis Archi-Episcopis & Episcopis Alemannie, ac aliarum Ecclesiarum Prælatibus:

ALBERTUS, DEI GRATIA, DUX SAXONIE, HENRICUS FRATER EJUS, COMES ASCANIE, CUM ALIIS NOBILIBUS, PER SAXONIAM CONSTITUTIS, PROMTUM IN OMNIBUS FAMULATUM.

INtelleximus, quod Cardinalis tam in partibus Saxonie, quam in aliis Imperii partibus præbendas dare disposuit, insuper alias servitutes ac oppressiones Ecclesiis nostris inducere meditatur. Propter quod, si vultis evadere jugum perpetuæ servitutis pro legis (*forte legibus vel privilegiis*) Patrum conservandis, & quia possessiones & sancta in manus externas tradebantur, Maccabæi, quorum festum solemnizat Ecclesia, bella Domini strenue pugnaverunt. Verissime dignitas Clericalis majori hodie subjaceat servituti, quam tempore Pharaonis, qui notitiam non habebat Divinæ Legis. Nam cum tempore famis possessiones omnium mensæ suæ deservirent, res tamen Sacerdotum a talibus erant immunes, quinimo de publicis horreis eis elec-

mosynam præberi mandavit. An nescitis, quod estis inter Episcopos aliarum terrarum singulari privilegio decorati, cum non tantum Episcopi, sed & Principes & Domini sitis? Quare ergo vos trahi permittitis ad tam remota loca contra Constitutiones hæcenus approbatas?

Et quædam alia significata sunt, per quæ Archi-Episcopi & Episcopi habito cum Rege consilio institerunt, quod totum illud Concilium remansit.

Chronicon Alberici, Monachi trium Fontium, ad annum 1231. ex editione Leibnitii in accession. Historici T. II. p. 539.

Otto, Diaconus Cardinalis S. Nicolai in carcere Tulliano, missus fuit a Domino Papa Gregorio IX. anno MCCXXX. ad submittendum & conciliandum animos Archi-Episcoporum, Episcoporum, & Baronum terræ Domino Papæ in dispositionem (*lege depositionem*) Regis Alemannie Henrici, filii Imperatoris Friderici II., a Domino Papa excommunicati, & ad electionem alterius, qui reperi- tus fuisset idoneus. Sed inter factum & dictum multa frequenter impedimenta occurrunt.

Albericus idem ad annum 1230.

Hoc eodem anno MCCXXX. Otto Legatus S. A. fuit in Dacia, & dissensionem, quæ in electione Rignienfis (*lege Rigenfis*) Episcopi emerferat in Livonia, perfecte determinavit. Itaque illum, qui eligebatur ex parte Bremensis Capituli, cassavit, & Nicolaum de Medeborc (*lege Magdeburgo*) Canonicè electum consecravit.

Item Albericus in Chronico.

SYNODUS HUIJENSIS

ANNO CHRISTI MCCXXX. GREGORII IX. PAPÆ IV.
FRIDERICI II. REG. XIII. IMP. XI.

A Pud Hujum in Pentecostes octavis Joannes Leodiensis Episcopus in Ecclesia novi Monasterii suam celebravit Generalem Synodum.

Albericus Monach. in Chron. ad h. a. 1230. Egidius anno 1229. Hujensem hanc Synodum adscribit, sed eum uno anno aberrare, notat Foulon.

SYNODUS LEODIENSIS

Anno Christi MCCXXXI. Gregorii IX. Papæ V.
Friderici II. Regis XIV. Imp. XII.

SUMMA. Ottonis Legati sententia de restituenda communione, vel æqualitate omnium beneficiorum, non acceptata.

PEragrata superiore Germania, Leodium descendit Otto, Cardinalis Diaconus S. Nicolai in carcere Tulliano, subinde Portuensis Episcopus, IV. Kalendas Februarias, quo Dominica Sexagesimæ (a) celebrabatur, canebaturque in Missæ sacrificio. Commovisti Domine terram & conturbasti eam. Qui versus multis male ominatus, & turbas portendisse visus est. Nam ubi Nuntius Pontificius Joannem Apianum Principem Leodientem in fœdus cum Pontifice Romano Gregorio IX. pertraxisset, ad alia se consilia convertit sane ardua & inaudita. Ecclesiastica omnia, quæ ubicunque essent, bona (b) in æquas distribui portiones volebat, easque singulis Clero ita assignari, ut sublato omni discrimine, nemo tenuiori, meliori nemo sorte frueretur. Nam divitiis iidem fere cæteros antecellunt, qui dignitate, auctoritateve. Quare, ubi nullis rationibus

a sententia Nuntium abduxerunt, ad Præsidem Aquisensem (c) confugiunt, quem sibi non paulo æquiores sperabant: quandoquidem infra hæc occasione Pontificiis partibus, amplissimam civitatem in officio Cæsari retenturus videretur. Nihil in hac re negligendum censuit Præses, omnique relicta mora Leodium advolavit. Non sustinuit in ejus conspectum venire Nuntius, auditaque adventus fama; mox urbe se proripuit. Fugienti socium se adjunxit Episcopus, valde consternatus animo. Trepidam adeo fugam cum admiratione, nec sine risu cives aspiciebant. Visi sunt fugientibus insultare; imo in fugam agere. Quo facto severe Nuntius sacra omnia Leodiis inhiibuit, (d) solo baptismate pueris ablundis permissio.

Fiften Historie Leodiensis Lib. XIII. p. 496. ad annum 1231.

Foulon Historie Leodiensis Tom. I. p. 333.

(a) Septuagesimæ scripsit Egidius in hoc facto recensendo: sed errorem corrigit Foulon: sequenti enim Sexagesimæ canitur *Commovisti*.

(b) Annis abhinc XXVII. facta fuerat partitio bonorum Ecclesiasticorum in singulos Canonicos: cum ante communis mensæ, dormitorii, & vestiarie rei administratio penes Decanum & Præpositum fuisset. *Foulon.*

(c) Præses Cæsaris Friderici II. urbi Aquisensi impositus.

(d) Idem Cardinalis Otto cum transacto tempore exiret portam civitatis Leodiensis; quidam de mandato Regis, ut dicitur, ipsum interficere voluerunt. Unde & crimine illud, quod unus vel duo ribaldi attentabant, Cardinalis in totam civitatem retorfit, & hac occasione ipsa civitas fere per annum gravi interdicto subiacuit. *Albericus Mon. ad h. a.*

Godofridus Pantaleonita hunc Ottonis adventum Leodium adscribit anno 1228. cum ex Egidio aureæ vallis Monacho certum sit, ante annum 1231. non advenisse Leodium. *Foulon.*

SYNODUS DIOECESANA TREVIRENSIS,

Anno Christi MCCXXXI. Gregorii IX. Papæ V.
Friderici II. Reg. XIV. Imp. XII.

A THEODORICO II. ARCHI-EPISCOPO CELEBRATA,

Adversus enascentes undique Hæreses.

ANNO Domini MCCXXXI. in ipsa civitate Treviri, tres esse scholas Hæreticorum deprehensum. Et plures erant eorum sectæ, & multi eorum instructi erant Scripturis Sanctis, quas habebant in theutonicum translata. Et alii quidem Baptisma iterabant; alii corpus Domini non credebant; alii corpus Domini a malis Sacerdotibus non posse confici dicebant; alii corpus Domini indifferenter a viro, & muliere, ordinato, in scutella & calice, & ubique locorum, posse confici dicebant; alii Confirmationem & Unctionem superfluum judicabant; alii summo Pontifici, Clero, & Religioni derogabant; alii defunctis suffragia Ecclesiæ prodesse negabant; alii matres proprias, consanguinitatem, quæ ibi erat, XVIII. denariis redimentes, in conjugium fumebant; alii pallidum hominem ante, & cattum retro osculabantur; alii, dies omnes æquipendentes ferriari, & jejunare nolebant, unde & diebus festivis operabantur, & in Parasceve carnes manducabant.

Super his Theodoricus (a) Archi-Episcopus Synodum tenuit, & quia invenit esse inter illos, qui haberent episco-

pum, quem cognominassent secundum suum nomen, *Theodoricum*, & idem alibi fecissent de Episcopis aliorum locorum; itemque haberent communiter Papam, nomine *Gregorium*; (b) ut si interrogarentur de fide, eam fidem se habere dicerent, quam habet Papa, & ille, & ille Episcopus, eos nominatim nominantes, & suos intendentes; hoc Archi-episcopus publice enuntiavit.

In eadem Synodo, tres hæretici exusti sunt, & una mulier Luckhardis, quæ incredibili lamentatione lugebat Luciferum de Cælo injuste extrusum, quem volebat denuo relocare in Cælum.

Item; in eadem Synodo Archi-episcopus excommunicavit falsatores Monetarum, tam jubentes, quam facientes.

Hac ex codice MS. vetusto Canobii Theoburgensis descripta Praga ad me misit Celsissimus Pragensis.

Plane concordant Gestis Treverorum Illustrissimi Honthemii Prodvromi Volumine II. pag. 796.

Ex Martene Tomo IV. veterum Monumentorum pag. 244.

Browerus Lib. XV. Annal. Treverensium eandem Synodum recenset.

(a) Theodoricus II. ex Comitibus de Weda, Archi-Episcopus Treverensis electus anno MCCXII. obiit MCCXLII. 28. Martii.

Præter hanc Synodum, duas alias celebravit:

Unam MCCXXVII, quam nos nunc Primum e tenebris erutam edidimus.

Tertiam anno MCCXXXVIII, quam & Illmus Honthemius in Historia Diplomatica ediderat.

(b) Sedem Pontificiam tunc obtinebat Gregorius IX.

*Epistola Gregorii IX. Pont. ad Theodoricum
Archi-Episcopum Trevirensē, de Hæreticis examinandis, secundum
formam Concilii generalis, ac deinde emendandis,
vel puniendis.*

GREGORIUS EPISCOPUS, SERVUS SERVORUM DEI, VENERABILI FRATRI
ARCHI-EPISCOPO TREVIRENSI, SALUTEM ET APOSTOLICAM
BENEDICTIONEM.

Dolemus, & vehementi commo-
tione turbamur, quod Teutonia,
quæ, sicut hortus Spiritualium volupta-
tum Catholicæ viriditate Fidei, & ope-
rum pietate redolere consuevit hætenus
& vigere, nunc apparet plena sentibus
& fœdata fordibus vitiorum; & nisi
Dominus reliquisset in ea benedictionis
femen, viros sinceros, fidem Zelantes,
negotium correctionis ipsius esset ambi-
guum, & forsitan desperandum. Nunc
vero, sicut in veritate comperimus, Tu,
& alii Ecclesiarum Prælati tollentes rêli-
nam ad dolorem ejus, ac cum Evangeli-
co Samaritano vinum & oleum infun-
dentes vulneribus, vigilanter instatis, si
forte sit sanitas.

Quocirca discretioni tuæ per Apo-
stolica Scripta districte mandamus, at-

que præcipimus; quatenus assumptis te-
cum viris religiosis, & Deum timentibus,
ac in jure peritis, in examinatione,
atque dampnatione & reconciliatione,
secundum formam Concilii Generalis,
& statuta, nuper a nobis edita, pro-
cedas attentius, provisorius, ut sic pu-
niatur temeritas perverforum, quod in-
nocentiæ puritas non lædatur. Universis
auctoritate nostra mandantes, quibus
hoc negotium fidei commissum est, ut
secundum formam ac statuta præscripta
procedere non postponant, contradicto-
res per censuras coercendo.

Dat. Anagninæ, XII. Kal. Novembris.

*Ex codice MS. Abbatia Tholegiensis
descriptam communicavit mihi Celsissi-
mus Pragensis Archi-Episcopus, Operis
nostri Mecænas.*

*Friderici II. Imperatoris Augusti Constitutio
de libertate concessa gentibus, ad Catholicæ Fidei unitatem
conversis.*

FRIDERICUS, DEI GRATIA, ROMANORUM IMPERATOR SEMPER
AUGUSTUS &c. REGIBUS, DUCIBUS, PRINCIPIBUS, MARCHIONIBUS, ET UNI-
VERSIS CHRISTI FIDELIBUS, IMPERIO ROMANO SUBJECTIS, GRATIAM
SUAM ET OMNE BONUM.

I. **A**D hoc summi dispensatione con-
sili (a) Principalis obtinuimus
Monarchiam dignitatis, & Imperii Ro-
mani suscepimus diadema; ut, etsi ad
alia extrinseca debita sollicitudo nos pro-
vocat, ad ea tamen, quæ libertatis Eccle-
siasticæ statum, & incrementum Ca-
tholicæ Fidei promoverent, tanto spe-
cialius intendamus, quanto gratius in
hoc Christo impertimur (b) obsequium,
a quo fides nostra cepit exordium, &
per quem Imperialis gratiæ recognoscimus
unctionem.

II. Hinc est igitur, quod per præ-
sens scriptum notum fieri volumus uni-
versis præsentem paginam inspecturis, ad
nostram nuper ex veridica fidelium infi-
nuatione notitiam pervenisse, quod quæ-
dam gentes in septemtrionalibus partibus
constitutæ, videlicet in Livonia, Es-
covia (c) Prussia, Semigalia & in aliis
Provinciis convicinis, inspirante Divina
gratia cœlitus, & eo, qui ubi vult, spi-
rat, expulsa de cordibus eorum supersti-
tionis caligine, cor carneum induentes,
ab infidelitatis errore discedere cupiunt,
&

(a) *al.* præ aliis Principibus.
(c) *MS.* Pracia.

(b) *al.* inde Christo impartitur.

& ad veri Dei cultum, & Catholicæ fidei unitatem accedere sunt parati, ob illius tantum (sicut dicitur) id facere differentes timorem, ne post susceptionem fidei per Principes orbis libertates eorum ad servitutis onera deducantur. Cumque penitus censeamus indignum, & cunctis Christi cultoribus abhorrendum, ut libertas, quæ per se res favorabilis est, privilegium, & favorem, quæ per fidem meretur, amittat; ea omnia præveniendi duximus de gratia speciali. Et ecce, quod universos & singulos eorum, ad susceptionem Catholicæ fidei venientes, post susceptam fidem, cum omnibus bonis eorum, sub nostra & Imperii protectione, & speciali defensione suscepimus & præsentis scripti auctoritate plenam eis, & hæredibus eorum intuitu susceptæ fidei, concedimus & confirmamus perpetuo libertatem: nec non omnes immunitates, quibus uti consueverunt, priusquam converterentur ad fidem.

III. Eximimus insuper eos etiam a servitute & jurisdictione Regum, Ducum & Principum, Comitum & cæ-

terorum Magnatum, præsentis sancti edicto, ut non nisi Sacrosanctæ Matris Ecclesiæ ac Romano Imperio, quemadmodum alii liberi homines Imperii teneantur.

IV. Nullusque eos contra præsentis protectionis, defensionis, concessionis, & confirmationis nostræ paginam impetere, molestare, offendere, vel eorum quietem turbare præsumat. Quod qui præsumpserit, indignationem nostram & Imperii se noverit graviter incursum.

V. Quare universitatem vestram hortando & rogando monemus, attentius hortantes, quatenus prædictas gentes, accedentes ad fidem, ob illius amorem, cujus intuitu & inspiratione ducuntur, qui eas denuo ad se vocat, benigne protegere, fovere, ac tueri potenter ab incurribus malignorum, & ob reverentiam Imperii commendatas habere velitis, ut universos & singulos possimus exinde merito commendare

Deest data & subscriptio.

Goldastus Tomo II. Constitutionum Imperialium pag. 77. non indicato fonte.

Canonizatio Virgilii, Saltzburgerensis Episc.

post factam relationem a Commissariis Prælati Germaniæ de veritate Miraculorum, anno 1230. a Papa constitutis.

GREGORIUS PAPA IX. UNIVERSIS CHRISTI FIDELIBUS, AD QUOS LITERE ISTE PERVENERINT.

Sicut fiale auree, quas vidit Joannes plenas odoramentorum, quæ sunt orationes Sanctorum, in conspectu Altissimi, ad abolendam nostrorum criminum corruptelam odorem suavitatis emittunt; ita salutem nostre credimus plurimum expedire, si eorum in terris celebrem habeamus memoriam, ipsorum merita solempnibus recolendo preconis, quorum in cælis speramus intercessionibus assiduè adjuvari. Sane de conversa-

tione vite & meritis beati Virgilii, quondam Saltzburgerensis (a) Archi-episcopi, atque de ipsius virtutibus & miraculorum insigniis, cui Dominus tantam contulit gratiam, ut ad dandam scientiam prime strole immortalitatis ipsius sepulchrum ejus tot & tantis daret corroborare miraculis, quod ejus inter alios Sanctos non invocari suffragia est indignum, per depositiones testium super

Y y y 3

hoc

Virgilius, Episcopus Salisburgerensis, obiit anno 784. judice *Hansizio Tom. II. German. Sacra pag. 96.* Corpus Sancti elevarum fuit 1181: Miraculis cum inclaresceret, Gregorius IX. anno 1230. Episcopo Brixinensi, & nonnullis Abbatibus Ord. Cistercii mandatum dedit inquirendæ veritatis Miraculorum.

Ea relatione anno 1233. Romam perlata, Papa de consilio fratrum & Prælatorum Sanctum pronuntiat Anno VII. Pontificatus, 1233.

[a] lege: Episcopi.

hoc receptorum certiores effecti, ac attendentes, esse conveniens, ut sic ei auctoritate Apostolica dignus honor exhibetur in terris, sicut clavis signis, & evidentibus argumentis apparet honoratus in celis; ipsum, qui corporaliter dissolutus cum Christo esse meruit in celestibus, ne illius honori debito & glorie detrudere quodammodo videremur, si glorificatum a Domino permitteremus ulterius humana devotione privari, de fratribus nostrorum, & Prelatorum, qui tunc erant apud Sedem Apostolicam constituti, consilio Sanctorum catholico duximus adscribendum. Statuentes, ut V. Kal. Decembris, videlicet quo carnis ergastulo absolutus ad celestia regna pervenit, ab universali Ecclesia natalicia ejus devote ac sollempniter celebretur. Quocirca universos vos rogamus, monemus, & hortamur in Domino, per

Apostolica vobis scripta mandantes, quatenus die prædicto in commemoratione ipsius Domini assurgatis in laudes, ejus patrocinia humiliter implorantes, ut annua sollempnitate memoriam recolentes ipsius, ejus suffragantibus meritis spiritualium consequamini gratiam gaudiorum. Nos autem cupientes sepulchrum tanti Confessoris, qui miraculorum fulgoribus illustrat Ecclesiam generalem, congruis honoribus frequentari; omnibus vere penitentibus & confessis, illud in festivitate ipsius usque ad octavam diem annis singulis cum reverentia visitantibus, de Omnipotentis Dei misericordia & Beatorum Petri & Pauli Apostolorum ejus auctoritate confisi, quadraginta dies de injuncta sibi pœnitentia misericorditer relaxamus. Datum Laterani XIV. Kal. Julii anno septimo.

Præfens sumptum ex originali in Archivo Secreto Vaticano asservato extractum & collationatum concordat, salva semper &c. ideo subscripsi, meoque munivi sigillo. Romæ 30. Julii 1701.

(L. S.) THOMAS DE JULIIS Vice-Præf. ejusdem Archivi & Proto-Notarius Apostolicus.

Hansiz Tom. II. German. sacræ pag. 335.

SYNODUS LEODIENSIS

ANNO CHRISTI MCCXXXIII.

Die Martis post Dominicam Trinitatis, quædam mala per fulmen & tonitruum facta sunt, & sequenti die, hoc est, feria quarta Calend. Junii apud Leodium, Joanne (a) ejusdem civitatis Episcopo Generalem Synodum in Ecclesia S. Lamberti, celebranti, præsentibus universis totius Episcopatus Ecclesiarum

Prælati, ceciderunt lapides glaciei magnitudinis miræ & maximæ super prædictam Ecclesiam. Fuerunt, qui dixerunt grossitudinem istorum lapidum ad modum ovorum columbarum fuisse.

Albericus Mon. trium Fontium in Chronico ad hunc annum.

(a) Joannes Apianus Episcopus Leodiensis.

Primum Synodum in Novo-Monasteriensi ad Huum templo celebravit anno MCXXX. Foullon in Historia Leodiensi, qui de hac Synodo tribus annis posteriore nil meminit.

CONCILIIUM MOGUNTINUM

Anno Christi MCCXXXIII. Gregorii IX. Papæ VII. Friderici II. Reg. XVI.

SUMMA. Præmissa narratione grassantis Hæresis per Germaniam & severissimæ inquisitionis,

II. Subjungitur Epistola Moguntini ad Papam de hac inquisitione.

III. *Epistola Papæ ad Henricum Regem de Hæreticis grassantibus.*IV. *Concilii Moguntini Acta varia.*

PER Alemanniam vero facta est tanta hæreticorum combustio, quod non possit numerus comprehendi, & dictum est de quodam, quod non potuit comburi, donec allatum est ante ignem corpus Domini. Ultra Coloniam fuit quædam Synagoga hæreticorum, ubi responsum dabat imago Luciferi: sed ubi Catholicus Clerus (*Clericus*) advenit, & paxidem cum Corpore Domini de sinu protulit, pestifera imago corruit. Item quod quædam specialis amica Luciferi ad ignem deducta sublata est a Dæmonibus, & non comparuit, & in hunc modum multa dicta & facta sunt, & multi nobiles accusati sunt, & multi, ut dicebatur,

injuste dehonestati, & hac de causa congregatum est *Concilium Moguntinum* in præsentia Regis & Archi-Episcoporum & Principum:

Tertio die post Concilium interfectus est Magister Conradus de Marborg (in die Abdon & Sennes &) cum eo duo Minores.

Deinde diligenti facta inquisitione super ista pestifera secta Luciferianorum, & super prædictis, Archi-Episcopus Moguntinus, & frater Bernardus de ordine Prædicatorum, quondam Penitentarius Domini Papæ, rescripserunt Domino Papæ in hæc verba:

Epistola Archi-Episcopi Moguntini ad Papam Gregorium IX.

QUOD Magister Conradus contra pauperum Lugdunensium astutias zelo fidei armatus nefandam hæresim Manichæorum, filiam olim absconditam, ita putavit ex toto deprehendere, si testes, qui se confitebantur aliquantulum criminis eorum conscios & participes, in illorum absentia recipere, & dictis illorum simpliciter crederetur; ita ut semel accusato talis daretur optio, aut sponte confiteri & vivere; aut innocentiam jurare, & statim comburi. Et ecce falsos testes ab hæreticis, ut credimus, subornatos adduxit inimicus, quædam femina vaga Alaidis, annorum viginti casu veniens peregrinam (*Pigniam*) (*a*) finxit se hæreticam, illius sectæ fuisse suum virum apud Cruneborch concrematum, & se velle cremari inuens a latere: quod si Ecclesia verbis suis credendum decerneret, hæreticos absconditos & fautores eorum manifestaret. Hæc missa est a Magistro Conrado, qui nimis ei credidit, & ipsa primo apud Clavelt villam, de qua oriunda fuit cognatos, & notos, & affines, qui eam exhæredare videbantur, fecit comburi; subornato etiam quodam *Amfrido*, quem modo fecimus in vinculis detineri, qui confessus est, quod multos innocentes alios ad ignem,

alios ad confuram, per testimonium suum congerit (*b*), Magistro Conrado iudicium fulminante. Et horum accusatio paulatim cœpit ascendere a rusticis ad burgenſes honorabiles, & eorum uxores, inde ad castellanos & nobiles, & in fine ad Comites prope & longe positos. Et Magister nulli, quantum vis altæ personæ locum dedit legitimæ defensionis, nec etiam confiteri proprio Sacerdoti, sed accusatum oportuit confiteri, se hæreticum esse, *buffonem tactum*, pallidum virum, & huiusmodi monstra diffidentia pacis in osculo salutasse. Taliter quidam Catholici abjudicati maluerunt innocentem cremari & salvari, quam mentiri de crimine turpissimo, cuius non erant conscii, & suplicium promereri; quibus ipse Magister Martyrium promittebat: alii infirmi potius elegerunt mentiri, quam comburi, quibus tamen oportuit scolas nominare, & respondebant: *Nescio, quem accusem: dicite mihi nomina, de quibus suspicionem habetis.* Cumque proponeretur de Comite Seinenſi? de Comite Aneberg? (F. Heuneberg) de Comitissa de Lotz, respondebat evadere volens: *illi ita rei sunt, ut ego, & illi in scolis fuerunt, ut ibi ego fui, & sic frater fratrem, uxor virum, Dominus servum accusavit.* Alii dabant pretia

(a) forte: Pingviam, Bingen infra Moguntiam.

(b) forte: coegerit.

tonforatis, ut docerent modum evadendi, & facta est confusio a sæculis inaudita. Ego Archi-episcopus Magistrum Conradum primo solus, postea cum duobus Archi-Episcopis, Colontiensis & Treverensis monui, ut moderatius & discretius in tanto negotio se gereret, qui non acquievit; sed tandem contra nostram monitionem *crucem publice predicavit* Maguntiz. Quo viso quidam ex illis interfecerunt eum prope Marburg.

Tandem congregati apud Francken-vort (a) cum Archi-Episcopis & Episcopis usque ad XXV. multis Imperii Principibus.

Deinde Dominica *Lætare Jerusalem* apud Moguntiam examinavimus Comitum Seinensem, & alios, de quibus habita est quæstio, & restituimus eos famæ

& possessionibus. Mendacibus properjurio injuncta est penitentia septennalis. Eos, qui innocentes accusaverant, ad pedes Domini Papæ transmisiimus. Qui Magistrum Conradum occiderant, excommunicati sunt. De pueris scolari-
bus, qui cum aliis ad ignem concurrerunt, inquisitio si sint irregulares: De innocenter mortuis quaeritur consilium Domini Papæ. Quid ad hoc Dominus Papa receperit, nondum scitur: nisi quod poenitet eum satis, quod tantam dicto Magistro Conrado potestatem permiserit, unde talis confusio emerferit.

Albericus Monachus trium Fontium in Chronico; edito a Leibnitio Tomo II. accessionum Historicarum pag. 543. 544. 545.

(a) Albericus hic confundit Chronologiam. Conventus Francofurti est habitus 1234. in Februarii: Moguntinus anno 1233. mense Julio.

Subjungo Epistolam Papæ Gregorii ad Friderici (a) Filium Henricum Regem, de Hæreticis in Germania grassantibus, corrigendis, sanandis; puniendis.

GREGORIUS EPISCOPUS, SERVUS SERVORUM DEI, DILECTO FILIO NOBILI VIRO HENRICO, CARISSIMI IN CHRISTO FILII NOSTRI, FRIDERICI ROMANORUM IMPERATORIS, ILLUSTRIS SEMPER AUGUSTI, JERUSALEM ET SICILIÆ REGIS, FILIO. S. A. B.

*V*Ox in (b) *Rama auditæ est, ploratus multus & ululatus.* Rachael plorat, videlicet pia mater Ecclesia, filios, quos diabolus inactat & perdit: quasi consolationem non recipit, quia filii more yiperepæ matris viscera lacerantes, ipsam interimere maluerunt. Nam multitudo dolorum urgentium, quibus, ut parturiens mater ipsa circumdatur, vociferari eam, & dicere: Ventrem meum doleo, cum Prophetâ compellit. Cum enim *omnis [c] creatura usque adhuc ingemiscat* secundum Apostolum, & parturiant; genitricis Ecclesiæ sacer uterus viscerum suorum dolore turbatur, quæ feri singularis moribus discerpuntur. Ille siquidem coluber tortuosus, quem obstericante manu Domini de cavernis propriis, carnalibus scilicet hominum cordibus ductum legimus, & contra eos pugnat extrinsecus, in quibus intrinsecus jam non regnat, & quorum domi-

nium intus perdidit; bella molitur foras, novam persecutionem Ecclesiæ Christi, immo verius sponso Christo per ministros suos operarios iniquitatis instaurat. Ipse enim, qui a principio in veritate non stetit, sed mutare in mendacium nititur veritatem, ut latus suæ fraudis virus effundere (d), perdere pugnantibus animas elaborat, ne scetus fidei, quam ex amore Divino conceperant, ad partum valeant consummati operis pervenire. Unde nos, qui (e) causam tenemur fecunditatis ejus habere, quasi secantis perfidiæ mucrone conscindimur; dum in suis visceribus hæreticorum scindentium ejus uterum venenatis sagittis novi erroris & confusionis appetimur inaudita; totusque in amaritudine funditur spiritus. Effusum est in terra jecur nostrum, turbata est anima nostra valde, ac impletus est doloribus venter noster. Defecerunt præ lacrymis oculi nostri, & super

(a) forte hæc est Responsorialia ad Moguntini Archi-Episcopi delationem, scriptam ad hunc Pontificem.

(c) Roman. VIII. 22.

(d) forte: effunderet.

(e) lege: curam.

(b) Jerem. XXXI, 15. Matth. II, 18.

super tam nefandis abominationibus contremuerunt renes, omnia viscera sunt commota: reprimere lacrymas & continere suspiria non valemus. Sicut enim litteræ Venerabilium Fratrum nostrorum Archi-Episcopi Moguntini & Episcopi Hildesensis, ac dilecti filii nostri (d) Magistri Coraudi de Marburch, Prædicatoris verbi Dei, grandi mœrore plenæ, & immenso dolore non vacuæ nobis exhibitæ continebant, inter diversas hæresum species, quæ peccatis exigentibus Alemanniam infecerunt, una sicut detestabilior cæteris, sic & generalior universis, quæ non solum referentibus, sed etiam audientibus est horrore, in nobilibus membris Ecclesiæ ac valde potentibus jam erupit. Hæc enim est omni dissona rationi, omni pietati contraria, omni cordi odibilis, cœlestium omnium & terrestrium inimica, contra quam non solos homines ratione utentes, verum etiam ratione carentia, cum hæc pestis eorum excedat infaniam, immo & ipsa clementia debent insurgere & armari. Hujus pestis initia talia perferuntur.

I. Nam dum novitius in ea quicquam recipitur, & prædicatorum primitus scholas intrat; apparet ei quædam species ranæ, quam bufonem consueverunt aliqui nominare. Hanc quidam a posterioribus, & quidam in ore damnabiliter osculantes; linguam bestię infra ora sua recipiunt & salivam. Hæc apparet interdum in debita quantitate, & quandoque in modum anseris vel anatis; plerumque etiam furni quantitatem assumit.

II. Deinde novitio procedenti occurrit miri palloris homo nigerrimos habens oculos, adeo extenuatus & macer, quod consumptis carnibus sola cutis relicta videretur ossibus supraducta. Hunc novitius osculatur; & sentit frigidum sicut glaciem; & post osculum Catholicæ Fidei memoria evanescit de ipsius corde totaliter.

III. Ad convivium postmodum discumbentibus & surgentibus completo ipso convivio, per quamdam statuum, quæ in scholis hujus esse solet, descen-

dit retrorsum ad modum canis mediocris catus, niger retorta cauda; quem posterioribus primo novitius, post Magister, deinde per ordinem singuli osculantur, qui tamen digni sunt & perfecti. Imperfecti vero, qui se dignos non reputant, pacem recipiunt a Magistro, & cæteris singulis per loca sua positris, dictisque quibusdam carminibus, versus catum capitibus inclinatis, per se nobis dicit Magister & proximo. *Quis hæc percipit?* Respondente ac dicente tertio: *Summus Magister?* Quartus ait: *Nos obedire debemus.*

IV. Et his ita peractis extinguuntur candelæ, & proceditur ad sædissimum opus luxuriæ, nulla discretione habita inter extraneas & propinquas.

V. Quod si forte virilis sexus superfuerint aliqui ultra numerum mulierum; tandem possessiones ignominie in desideriis suis invicem exardescentes masculi in masculos turpitudinem operantur. Similiter femine mutant naturalem usum in eum, qui est contra naturam, hoc ipsum inter se damnabiliter facientes.

VI. Completo vero tam nefandissimo scelere, & candelis iterum reaccensis, singulisque in suo ordine constitutis, de obscuro scholarum angulo, quo non carent perditissimi homines; quidam homo procedit a renibus sursum fulgens, & sole clarior, sicut dicunt, & deorsum insipidus fit catus, cujus fulgor illuminat totum locum. Tunc Magister excerpens quid de veste novitii, fulgido illi dicit: *Magister hoc mihi datum do tibi.* Illo fulgido respondente: *Bene mihi servisti; pluries & melius servies, tuæ commisso custodiæ, quod dedisti.* Et his dictis protinus evanescit. Corpus etiam Domini singulis annis in Pascha de manu recipiunt Sacerdotis, & illud ad domos suas ore portantes, in latrinam projiciunt in contumeliam Redemptoris. Ad hæc infelicissimi omnium miserorum gubernantem cœlestia pollutis labiis blasphemantes, asserunt delirando cœlorum Dominum violenter, contra iustitiam & dolose Luciferum in inferos detrussisse. In hunc credunt etiam miseri, & ipsum affirmant cœlestium conditorem, & adhuc

(d) De eo vide in vita S. Elisabethæ, Regis Hungarorum filiæ, apud Surium 19. Novemb.

huc ad suam gloriam, præcipitato Domino, rediturum, per quem, cum eodem; & non ante ipsum se sperant æternam beatitudinem habituros. Omnia Deo placita non agenda farentur, & potius agenda, quæ odit. Proh dolor! quis umquam audivit talia? Quis tam nefaria cogitare, quis tantam non poterit abominari perfidiam? Quis tantæ perfidiæ poterit non irasci? Quis contra huius proditiōis & perditionis filios poterit non accendi? Ubi zelus Moysi, qui una die idololatrarum viginti tria millia interfecit? Ubi est zelus Phinees, qui Judæum cum Madianitide uno pugione confodit? Ubi est zelus Eliæ, qui quadringentos quinquaginta Prophetas ad torrentem Cison gladio interemit? Ubi est Mathatix zelus, cujus furor secundum legis iudicium adeo est accensus, ut insiliens trucidaret Judæum immolantem idolis super aram? Ubi est auditoritas Petri, qui & Ananiam & Saphiram pro eo, quod *Spiritui Sancto mentiri non timuerint*, exarsit? Certe, si contra tales terra confurgeret, & iniquitates ipsorum cæli sydera revelarent, & manifestarent eorum scelera toti mundo, ut non solum homines, sed etiam ipsa elementa conjurarent in eorum excidium, & ruinam, ipsosque delerent de terræ facie, non parentes sexui vel ætati, ut essent cunctis gentibus in opprobrium sempiternum, ultio de ipsis sumi non posset sufficiens sive digna. Cæterum licet magna sit horum pestilentium contritio velut mare, scientes tamen, quod non est abbreviata manus Domini, ut salvare non possit, & excoquere ad purum scoriæ eorundem, & omne stannum auferre, compatiendo ex intimo cordis super constrictione eorum pervalida, ne nobis valeat imputari, quod eam circumligare correctionum fasciis neglexerimus, & mansuetudinis oleo confovere: ac sperantes quoque quod ille, qui etiam iratus non desinit misereri, non semper continebit suæ pietatis viscera super eos, sed de illorum manu transferet calicem iræ suæ; circa correctionem illorum prævidimus laborandum. Quia vero in ore dictorum Archi-Episcopi, & Magistri Conradi non est verbum Dei alligatum, qui in eo in-

fundente gratiæ suæ imbrem, qui dat omnibus assuenter, potentes sunt opere ac sermone; ipsos rogandos ac monendos duximus in Domino, ac hortandos, in remissionem eis peccaminum injungentes; ut sumant resinam ad mitigandum dolorem, & vulnera ipsorum sananda. Accedant Angeli pacis ad exhibendam eorum plagæ medullam, & ad correctionem diligenti sollicitudine, ac sollicita diligentia elaborent. Quod si forte, ut ferrum per monitionem eorum extrahatur de vulnere, non fuerit eis desuper datum, & ipsorum computruerint adeo cicatrices, quod plaga ipsa quasi penitus desperata noluerint ad sinum matris Ecclesiæ prona mente redire; tantam ac talem cautionem de conversione sua ac perseverantia exponentes, quod de recidivo ipsorum perfidorum de cetero nullatenus sit verendum: quia in tam grandi & gravi morbo recurrendum est ad validiora remedia, ubi medicamenta levia non profuerunt; & apponendum ferrum & ignis vulneribus, quæ fomentum non sentiunt medicinam, putridis carnibus, ne partem sinceram attrahant, amputatis; advocent contra eos receptatores, defensores, & ipsorum spiritualis & materialis gladii præstantem. *Videtur hic aliquid deesse.*

Martene Anecdotorum Tom. I. p. 950.

Redeamus ad Concilium Moguntinum habitum forte, in vîm Pontificiæ Epistolæ.

Igitur supra memorati sanctæ Catholicæ fidei zelatores, acerrime hæreticis insistentes, cum rusticanorum hominum utriusque sexus innumeram multitudinem, tum contundendo, per diversa loca possum dedisset, apposuerunt & divites impetere atque magnates. Inter quos dum Comitem Henricum de Seyna aggredierentur, mirum, quod Comes ille, qui magnæ crudelitatis esse dicebatur, litteras citatorias sibi a Magistro Conrado transmissas cum æquanimitate suscepit, statimque ad consilium Cleri, & religiosorum tutus (e) convolvit; Regis quoque & Episcoporum. Quid plura? Factus est conventus Episcoporum ac Principum cum Rege Henrico apud Moguntiam, in festo S.

Jacobi,

(e) *Eccard. legit totus.*

Jacobi, ubi, Comite comparente, & Magistro Conrado in causa deficiente, accusatoribus & testibus resiliens, aliis se coactos, vel circumventos, in Comitum mala dixisse se fatentibus, aliis de odiosa præsumptione (f) notatis, Rex alium diem ad ventilandam altius causam edici voluit. Comite autem instantius petente, ut ad finem causæ tenderetur, Archiepiscopus Treverensis dixit ad Comitem: *Dominus meus Rex vult, quod causa ista differatur*; & ad populum: *De nuntio vobis, quod Comes Seynensis hic recedit pro homine Catholico, & inconvicto*. Magister Conradus (g) submurmurando ait: *Si convictus esset, alia ratio est*. A quo conventu cum Magister Conradus summo Regis & Episcopi Moguntini conductu recederet, reversurus, in sua, in via interemptus est, una cum socio suo Gerardo quodam.

Manf. Tom. II. Supplem. p. 994.

Gesta Treverorum, edita ab Eckharto

(f) ac odio præsumptive legit Eckhartus.

(g) Magistrum Conradum de Marburg Inquisitorem non fuisse ex ordine Prædicatorum, ostendunt Eckart & Quetif in *Bibliotheca Ordinis Prædicatorum*, nec fuit ex ordine Minorum; nam *Waddingus* ejus non meminit. *Tritheimius* scripsit eum fuisse ex ordine Prædicatorum. *Gölscherus* auctor *Gestorum Treverensium* videtur errorem ei tribuere: is non erravit circa fidem, sed erravit in modo acerbiori inquirendi in hæreticos & punitionis facili ac præcipiti iudicio.

Tritheimii in Chronico Sponheimensi relatio de morte Conradi, diversa est ab aliorum relatione:

Cernens ergo se contra Comitem Seynensem prævalere non posse, confusus & odio multorum expositus a *Maguntia* versus *Marpurg* ire statuit, saluumque conductum tam Regis, quam Archiepiscopi Moguntini, quoniam timebat insidias, accepit: cumque venisset non procul a *Marpurg*, a quibusdam Nobilibus fuit occisus, qui, cum veniam & misericordiam cum lacrymis & suspiriis postulasset, exauditus non fuit. . . Sepultus est juxta S. *Elisabeth*.

(b) Cum Concilium Moguntinum præsentem Magistro Conrado de *Marburg* fuerit celebratum VIII. Kal. Augusti, teste *Chronographo Erfordienfi*. seu 25. Julii. Conradus de *Marpurg* fuerit occisus II. Kal. Augusti die Ss. *Abdon & Sennen*: ut *Albericus* scripsit: oportet hoc Concilium, in quo transactio facta de extinguendo Romano debito a *Sigefrido* Imo antecessore contracto, aliud esse, & semestri prius hoc secundo.

Tom. II. Corporis Historici Germanicæ: sed pleniora ab Illustrissimo *Honthemio* in Volumine II. *Prodromi Historiæ Trevericæ*.

Godefridus Pantaleonita Colonienfis, qui Comitem Suevensem nominat, sed Seynensis legunt alii.

Chronicon S. Petri Erfurdienfe apud Menckenium Tomo III. Scriptor. Saxoniæ hoc addit:

In Concilio Moguntino hoc anno (b) III. Idus Martii a *Sigefrido* celebrato, Episcopum habuisse consilium cum suis Canonicis de debitis prædecessoris sui Romæ jam dudum contractis; & mandavit omnium reddituum Ecclesiasticorum in tota Diœcesi Moguntina vicissimam partem esse colligendam, simul promittens, se nunquam a Clero suo diebus vitæ suæ, quidquam plus petiturum.

Concilii Moguntini descriptionem breviorrem supra dedimus ex Alberici Chronici.



CONVENTUS FRANCOFORDIENSIS

Anno Christi MCCXXXIV. Gregorii IX. Papæ VIII.
Friderici II. Regis XVII.

SUMMA. Plenior expurgatio Comitis Seimensis, idem diffamatoribus suis rogatu Episcopi Hildesensis ignoscit.

Post hæc in Purificatione Sanctæ Mariæ factus est iterum Conventus, & curia solemnitas apud Frankfort coram Rege, XXV. circiter Episcopis, Abbatibus & Prioribus diversorum ordinum, & Clericis & Principibus innumeris congregatis, ubi adducta in medium causa Comitis, Comite præsentem, pro fide & innocentia Comitis Sacramenta præstantibus Episcopis, Prælatibus Abbatibus, majoribus & minoribus fratribus, Clericis & Monachis, Principibus quoque, Laicis & Baronibus universis, Comes gloriosissime expurgatus est. Tunc Conrado Episcopo Hildensheimensi, qui ex parte Domini Papæ ibi aderat, Comitem rogante; pro amore Dei Omnipotentis, & pro reverentia Regis præsentis, & pro reverentia Regis principum, ac totius illius conventus, ac pro hoc, quod Deus ipsum gloriosissime absolverat ab infamia sibi impacta; infamatoribus suis lachrymans, & cordi suo vim magnam faciens indulgit. A quo conventu dum Magister Conradus spre-

to (a) Regis & Episcopi Moguntini conductu recederet, reversurus in sua: in via interemptus est una cum socio suo Gerardo quodam. Delatus autem Marburch sepultus est, juxta Beatæ Elizabet viduæ, uxoris quondam Lantgravii tumulum, quæ ante paucos annos defuncta & ibidem tumulata plurimis miraculis fuerat glorificata. Ex hinc procellosa illa persecutio cessavit, & periculosissima tempora, quibus a diebus Constantii Imperatoris hæretici, & Juliani Apostatæ nulla alia fuere similia, sereniori spirare cœperunt clementia; & fuit Comes ille Seynensis murus pro domo Domini, ne in ulteriora progrediretur rabies importuna & lippa, noxios quoque & innoxios absorptura, Episcopos ac Principes, & Religiosos, & Catholicos quosque æque ut Rusticos & hæreticos pervasura.

Goltzheri Gesta Treverensia, Illmii Houtbeemii Prodromi Historiæ Diplomaticæ Trevericæ Volum. II.

(a) Trithemius narrat saluum conductum a Rege & Archi-Episcopo Moguntino petiisse & accepisse, & nihilominus interfectum fuisse. in *Chronico Sponheimensi* ad 1134.

IDEM CONVENTUS IN FRANCKENEVURT PROLIXIUS DESCRIPTUS.

- I. Præmittuntur ea, quæ anno 1233. post Concilium Moguntinum secuta sunt.
- II. In Concilio Francofordiense examinatur modus procedendi contra Hæreticos, M. Conradi de Marburg, variæ sententiæ.
- III. Comes de Seyna Canonico judicio absolvitur, uti & reliqui perperam accusati.

Post hæc autem II. Kal. Decembris. Hi quos Magister Conradus, bonæ memoriæ, pro hæreticis toronderat, fere quinquaginta viri, omnes pari animo si-

ne qualibet contradictione subjecerunt se, ac omnia sua tam spiritali, quam seculari potestati; sex enim ex ipsis, qui occasione supradicti Cunradi interfuerunt

erunt ; quantum ad causam hæreseos , Ecclesiastico , quantum vero ad causam interfectionis , sæculari se iudicio similiter spontaneè tradiderunt , præsentandos etiam ipsos publico examini in Curia solenni Franckenvurt in Purificatione celebranda , proponentes firmiter omnes eos , qui pro hæreticis tonsi , postmodum confessi sunt injuriam sibi factam.

Anno Domini MCCXXXIV. Rex Henricus Curiam solennem Franckenvurt in Purificatione celebravit , multis ibidem Principibus & Episcopis (a) congregatis ac multorum ordinum fratribus , scilicet *Cisterciensibus* , *Prædicatoribus* , atque *Minoribus* , & cæteris religiosis personis : itaque multis consiliis super fidei negotio præhabitis , tandem de litteris D. Papæ (b) nuper ad curiam delatis , disceptatio non modica fuit : siquidem plerisque per Teutonium Prælati ac Clericis , seu etiam Laicis , Magistri Cunradi visitandi hæreticos seu examinandi forma displicuerat , videlicet ut aliquis infamatus ab hæresi , publico examini præsentaretur , & confessus errorem ac reverti volens tonderetur , suam vero Innocentiam fide juratoria defendens , postea convictus per hæreticum , cremaretur. Quapropter post Concilium anno præterito Moguntiae celebratum , Rex , & Moguntinus , ac Trevirensis Archi-Episcopi , Cunradum Scholasticum Spirensis ad curiam Romanam destinantes , Domini Papæ consilium super hujusmodi forma sciscitati sunt. Super quibus Papa valde turbatus , & a Cardinalibus , quibus negotium per jam dictum Conradum Scholasticum innotuerat , inductus , Magistri Cunradi de Marburg formam novis litteris irritam judicaverat. Sed antequam nuncius Cunradi , redeundi licentiam assumptis litteris accepisset , ecce

quidam ordinis Prædicatorum Torso agnomine , veniens , mortem Magistri Cunradi de Marburg Papæ nuntiavit : quo audito Papa nimis conturbatus , litteras contra formam Magistri Cunradi nuper scriptas , discerpens , Regis nuncium beneficiis Ecclesiasticis privare disponebat , sed per Cardinalem & Prædicatorum interventum adjutus , acceptis aliis supradictis litteris reversus est ; nunc itaque ad supradicta revertamur.

Igitur Rex in Conventu Principum Hildenesheimensem Episcopum (c) accusare cepit , pro eo , quod supra hæreticos populum *cruce signavit* (d) , qui se probabiliter excusans , exhortatione competenti facta pro crucis negotio , omnibus poscentibus se constanter exsolvebat , ac cum fratre Ottone Ordinis Prædicatorum , partem Magistri Cunradi defuncti diligenter tuebatur ; tandem absente Rege , & Laicis personis , soli Episcopi cum cæteris quibusdam Prælati in loco speciali , de fidei negotiis tractare ceperunt. Cumque multa contra defuncti Cunradi partem , & aliqua pro ipso fuissent allegata , unus ex Prælati in hæc prorupit verba dicens : Magistrum Cunradum de Marburg dignum fore extumulandum , ac velut hæreticum concremandum. Post hæc autem intervenientibus illis infamatis , qui anno præterito , ut supradictum est , se Ecclesie examini dederant , atque crucem ante se ferentibus , insuper de defuncti Cunradi factis , clamorosis vocibus miserabiliter querelantibus , tantus subito cepit oriri tumultus & turbatio , ut hi , qui ex parte Magistri Cunradi exstiterant , se manus adversariorum desperarent evadere. Deinde feria II. Rex cum omnibus Principibus ac Prælati , qui aderant , civitatem egrediens , in campo præedit iudicio , ibique Comes de Seyne , se cum

Z z z 3

VIII.

(a) XXV. Episcopos Francofurti interfuisse , narrant *Gesta Treverorum apud Honthemium Tom. II. Prodomi.*

(b) Gregorii IX. Henrico Regi scriptis , supra allegatis anno 1233.

(c) Cunradus XXVIII. Hildenesheimensis Ecclesie Episcopus , qui postquam Parisiis in Divina pagina rexerat Cathedram , & crucem contra Albigenes prædicaverat , assumptus fuit ad Regimen Ecclesie Hildesheimensis anno 1227 , obiit 1249. XV. Kal. Januarii. *Chronicon Hildesheimense apud Leibnitz. Tomo I. Script. Brunsvicens.*

(d) Conradus Hildesheimensis crucem prædicavit contra Hæreticos Germaniam instantes per Thuringiam & Saxoniam anno 1233.

VIII. Episcopis & XII. Grisei (e) ordinis Abbatibus, ac totidem Minoribus fratribus, & tribus Prædicatoribus, ac etiam nigrorum (f) Abbatibus, & Clericis, seu nobilibus Laicis personis non paucis, publice & confidenter expurgavit: idemque Comes de Solmis cum suis fecit, obortis lacrymis publice fa-

(e) id est: Cisterciensibus.

(f) Benedictinorum.

tendo, se tantum mortis metu hæresim fuisse professum: & quoniam legitimi accusatores non aderant, ad infamiam expurgationem admitti jure debuerant.

*Chronicon Exfordiense editum a Sebanno
to Collectione prima Vindemiæ Literariæ
pag. 93, 94.*

Constitutiones Regis & Principum Aleman- niæ apud civitatem Franckenvoert.

ANNO CHRISTI MCCXXXIV. III. IDUS FEBRUARII.

I. **I**mprimis, omnibus Imperii fidelium ne in *reisa publica* procedant, omnibus modis inhibemus.

Ad hæc universis potestatem judicariam habentibus, autoritate Regia præcipimus, quatenus ad reprimendam hæreticorum perfidiam toto nisu solenniter intendant, ac injusti persecutione judicii præferant æquitatem, & ut in judicando justitiæ diligentiam formam omnibus præferamus. Ecce in manus Principum promissimus, quod in quolibet mense, ubicumque in Imperio fuerimus, quatuor diebus ad minus, personaliter volumus judicio publico præsidere, quod etiam a quolibet judice fieri volumus, temporibus ad hoc secundum consuetudinem constitutis. Quod si Princeps facere neglexerit, & de hoc convictus fuerit, ut exigit juris ordo, Domino Regi centum libras auri in pondere *Karoli*, persolvat; Comes vero, vel alius nobilis, judicium habens, si non judicaverit secundum provinciarum consuetudinem, Domino Regi, sicut dictum est, centum marcas argenti componet.

II. *Item* si quis alium læserit vel guerram ei moverit absque præcedente querimonia, si Princeps exstiterit, centum marcas auri Regiæ cameræ præsentabit, si vero Comes vel nobilis, vel alia persona exstiterit, centum marcas argenti componet.

III. *Item* statuimus, quod si quis Treugas datas violaverit, si cum ipso in cujus manum Treuga fuerint commissæ & cum duobus aliis *Synodalibus* hominibus Treugas violentas (a) esse

convincere potuerit, & testari, Treugarum violator, ideo manum perdat.

IV. *Item* si quis fide data promiserit aliquid, & convictus fuerit cum tribus *Synodalibus* hominibus, eum fidem non servasse, continuo proscribatur, nec a proscriptione poterit absolvi, nisi dupliciter persolvat, quod promiserat, & pro quo fidem dederat, & judicet jus suum.

V. *Item* si quis de Principibus aut Comitibus, vel Nobilibus pro delicto judicii poenam ter protulerit constitutum, (b) postmodum judicio, quod habuit, est privandus.

VI. Præterea statuimus, ut sententia proscriptionis tantum in locis publicis promulgetur, nec proscripti aliquatenus absolvantur, nisi præcedente sufficienti cautione fidejussoria: quod, si quidem judex non fecerit, ablata in integrum restituat damnum passio, quod etiam promittimus nos facturos.

VII. *Item* Monetas falsas & injustas, ac injusta telonia, quæ a tempore Domini *Frederici Imperatoris* proavi nostri, atque (c) consensu & conniventia Principum sunt statuta, per sententiam cassamus, ac præcipimus amoveri, & nos thelonia nostra noviter instituta penitus amovemus, transgressores manu potenti extento brachio coercendo, Principesque Curia præsentibus *Ecclesiastici* & *mundani* fide data efficaciter in nostras promiserunt, quod ad reprimendam transgressorum proterviam, & ad justa judicia prosequenda fideli nobis auxilio assistant.

VIII. *Item* statuimus, ut nullus in perso-

(a) forte violatas,

(c) lege absque,

(b) forte constitutam, notat *Leibnitz*.

persona, vel in rebus alicui damnum inferat, nisi prius ei, cui damnum inferre voluerit, trium dierum & noctium spatio *diffidaverit*, & tunc uterque pacem ab altero per prædictum terminum habebit, alioquin per sententiam proscribatur.

IX. *Raisam*, quæ *Keiniszuche* (*d*) dicitur, si quis commiserit, proscribatur.

X. *Item* præcipimus, quod nullus conductum alicui præbeat, nisi forte conductum a nobis, & ab Imperio jure possideat feudali.

XI. *Item* in omnibus civitatibus,

Leges in Curia Franconofurtensi latæ sunt duntaxat Politicæ, excepto §. XI. & XII, quæ respiciunt Ecclesiam, & Ecclesiæ Germanicæ Principes, qui sunt Episcopi.

(*d*) *lege Königszuch*, Profectio Regia.

oppidis, munitionibus, villis & aliis locis Regni nostri, jurisdictiones Archiepiscoporum, Episcoporum, Archidiaconorum & sententias eorum præcipimus firmiter observari.

XII. *Item* omnia Privilegia a Patre nostro Imperatore, & a nobis tam Principibus, quam nobilibus indulta, per omnia volumus esse salva.

Albericus Monachus trium Fontium in Chronico, edito a Leibnitio Accessionum Historicarum. Tom. II. pag. 548.

Stedingi, hostes Ecclesiæ, ab Episcopis accusati, & convicti, prædicatâ cruce jussu Papæ Gregorii IX. per Archiepiscopum Bremensem bello impetuntur, cæduntur ad VI. millia: respiscunt, jussu Papæ absolvuntur per Archiepiscopum & Capitulum Bremense.

ANno MCCXXXIII. Gerardus Archiepiscopus Bremensis, auctoritate Apostolica per suam Provinciam crucem prædicabat, & exercitum colligebat, multis crucem accipientibus contra Stedingos.

Historia anonyma Archiep. Bremensium edita a Lindenbrogio pag. 97. editionis Hamburg. 1706.

Anno Domini MCCXXXIII. Crux contra Stedingos ubique auctoritate Apostolica prædicatur, & a multis accipitur. Orientalis Stedingia a peregrinis, occisis Stedingorum plurimis, devastatur. Burchardus Comes de Aldenburg, a Stedingis pene cum CC. prosteritur peregrinis, relinquens post se hæredem Heinricum Bogenarium. Dominus de Brunswick Bremensi Ecclesiæ contrarius, Cometiam Stadensem interea populatur.

Anno Domini MCCXXXIV. Henricus Dux Brabantia, & Florentius Comes Hollandia, Bremæ existentes, contra Stedingos viriliter se accinxerunt, tanquam contra inimicos manifestos Ecclesiæ. Nam sicut probatum est super eos, & per *Mindenensem*, *Lubicensem*, *Ra-*

tisburgensem Episcopos, Papæ auribus intimatum, ipsi doctrinâ maris Ecclesia penitus vilipensâ, ipsius libertatem concalcaverunt, nulli parcentes sexui vel ætati. Quæsierunt responsa Dæmonum, simulacra fecerunt cerea, consulentes etiam in suis spurciciis erroneas Pythonissas, & quod deterius est omnibus, viaticum salutis æternæ horribilius, quam deceat exprimi, pertractantes. Clericos etiam & religiosos impie lacerantes, cruciabant omni genere tormentorum. Nec propria eis sufficit perditio, sed omnes, quos poterant, & maxime rusticos, in foveam suæ perfidiæ secum trahere nitebantur. Sicut Lucifer lucis æternæ destitutus lumine, caducâ superbâ procurante, cælo contineri nequens, eo quod perpetuæ cæcitatis tenebras incurrisset, cum sit perditus, & minister perditionis effectus, ne ademptas sibi delicias sempiternas possit conditionis humanæ dignitas adipisci (quia solent miseri prosperitate felicium cruciari) illam in profundam perfidiæ ab altitudine fidei dejicere nititur, ut secum in lacum suæ miseriæ deducatur, existimans, per hoc suæ damnationis cumulum minorari; cum soleat afflictis quoddam

dam afferre solatium grata miseris societas miserorum. Ita miseri miserabiles Stedingi ponentes sibi omnino Deum contrarium, suis persuasionebus & malis exemplis graviter infecerunt populum Christianum, ita ut infinita rusticorum multitudo, tam in remotis, quam in vicinis Provinciis constituta, verbotenus eos defenderet, & si se opportunitas obtulisset, prompto animo proterviæ eorum auxilium attulisset. Sed Deus misericordiarum Dominus suis fidelibus inspiravit, ut ad *prædicationem crucis* se viriliter accingerent, ad exterminium tam reprobræ nationis, illa gaudentes indulgentia, illoque privilegio, quæ accedentibus in terræ sanctæ subsidium conceduntur. Itaque Bremensis Archi-episcopus (a), Dux memoratus, & Comes, peregrinorumque non modica multitudo VI. Kal. Julii die Sabbati processerunt unanimiter contra ipsos, tanquam Divinæ potentia & patientiæ abusers, parati occumbere, vel ipsos cum eorum nefandis operibus, ad honorem & JESU Christi & Ecclesiæ, penitus abolere. Illi e converso, tanquam ferinis uberibus enutriti, ad hoc crudelias sæviebant, & in suo *Asinodet* ponentes fiduciam, non diffidebant, se posse resistere potenti brachio Domini Zebaoth, & tantæ multitudini signatorum. Et mira & miseranda pertinacia obstinati, non cessabant adhuc claves Ecclesiæ scelestis labiis turpiter blasphemare. Boleke de Bardensflete, Tammo de Hunthorpe, Thedmarus de Aggere, & alii pessimi malefuadæ eorum, ut vitam & patriam defenderent, ipsos fortiter hortabantur, dicentes, quod ipsos aut oporteret occumbere, aut sicut canes rabidos insanire. Transierunt autem medio tempore peregrini Othmundam fluvium, pontem de navibus facientes, & cum transierant, sapienter suas acies ordinabant. Stedingi, ut amentes effecti, ac quadam insania ventilati, non timuerunt signatorum multitudinem, nec spiritualem, nec

materialem gladii potestatem; sed ordinata quidem acie, inordinata autem mente, tanquam furibundi canes processerunt obviam peregrinis. Dux Brabantia, & Comes Hollandia primo congressu pestilentes illos super agrum Oldenesche, ubi convenerant, viriliter invaserunt, sed ipsi summo conamine se defenderunt. Statim Comes de Clivo cum suis a latere irruens super illos, ipsorum aciem dissipavit. Clericus, qui eminens stans, rei exitum expectabat, *Media Vita*, & alia miserationis carmina, cum mœrore cecinit, & pro crucis victoria supplicavit. Nec mora, illi insipientes & maligni evanuerunt in cognitionibus suis, quia ab exercitu Domini opprimuntur, hastis percossi, gladiis percussi, equorum pedibus conculcati. Et ita manus Domini invaluit super eos, ut in brevi spacio eorum VI. millia interierint. Plurimi ex eis fugæ præsidium postulantes, in proxima fovea & in Wisera se submerferunt: si qui evaserunt, sub cœli ventis quatuor sunt dispersi. Sic pertinacia eorum facta est coram ipsis in laqueum, & in retributionem, & in scandalum.

Alberti Abbatis Stadenfis Chronicon cœvi & contervanci Scriptoris, editum a Schiltero Tomo uno Script. German. P. II. pag. 306. 307.

Anonymi Historia Archi-Episcoporum Bremensium pag. 70. edita a Lindenbergio concordat cum Stadenfis Chronico.

Procerum cruce signatorum contra Stedingos nomina hæc adnotavit Schatenus:

Henricus Dux Brabantia, Florentius Comes Hollandia, Otto Gelria, Theodoricus Clivia, Henricus Oldenburgi, Wilhelmus Julia, Adolphus Marchia, Theodoricus Limburgi Comites: universus exercitus ad XL. M.

Schatenus Annal. Paderbornens. Lib. XI. ad annum 1234.

FINIS

(a) Gerardus II. ex Comitibus de Lippia, Paderbornensis Præpositus, Bremensis Archi-Episcopus eligitur, & a Patre suo, Bernardo, primum Comite, post Abbate, demum Livonia Episcopo, & a fratre Ottone Ultrajectensi Episcopo, consecratur anno 1228. Raro in Historia Ecclesiastica exemplo. Alterum fratrem habebat Bernardum Episcopum Paderbornensem. Idem Patrum habuit Gerhardum I. Archi-Episc. Bremensem.

FINIS STADINGORUM.

Post mortem Conradi de Marpurg 30. Augusti 1233. & Curiam Francofortensem 1234.
2. Februarii.

Dux Brabantiae, & Comes Hollandiae, & Comes de Cleve, contra Stadingos Cruce sunt signati, & Dux Brabantiae cum multis Nobilibus in potentia virtutis suae pertransiit. Comes vero Hollandiae cum valido navali exercitu ad Weseram appropinquavit. Hi omnes ad quadraginta millia computati sunt, & terram Stadingorum tertia die post Urbani potenter intraverunt.

Quibus Stadingi viriliter ex adverso occurrentes, commiserunt cum eis praelium, & pæne amplius, quam quatuor millia ex eis interfecti sunt; & Comes Henricus de Aldenborch cum paucis peregrinis ibi cecidit, & terra Stadingorum incendiis & depredationibus totaliter consumpta fuit.

Talem igitur finem Stadingi sortiti sunt, qui plus quam XXXIII. annis Deo & Prælatiis suis inobedientes existerunt, qui tandem ex vindicta Domini gladiis contriti cadebant.

Anonymus Saxo. Historia Imp. edit. a Menckenio Tomo III. Script. German. p. 124.

Chronicon Erfordiae Schannati, velatum Collectione I. Vindemiae Literariae, refert banc eadem Stadingorum ad 1232. anachronismo manifesto.

Joannis Otthonis Catalogus Archiepp. Bremensium ait: 44. annis Stedingos Ecclesiae repugnasse; sed post cladem a Duce Brabantiae acceptam, caesis in ea 6. millibus Stadingorum, præter submersos Visurgi, quievisse, & Ecclesiae paruisse.

Tomo III. Scriptor. German. Menckenii pag. 793.

GREGORII IX. Papæ Epistola ad Episcopos Saxoniae, Paderbornensem, Hildesensem, Verdensensem, Monasteriensem, & Offenburgensem, ut assistant consilio & auxilio Episcopis Bremensi, Raceburgensi, Mindensi, Lubecensi, qui crucem prædicaverant contra Stedingos.

DE DISTRICTIONE STEDINGORUM.

GREGORIUS EPISCOPUS, SERVUS SERVORUM DEI, VENERABILIBUS FRATRIBUS, PADERBURNENSI, (a) HILDESEMENSI, (b) VERDENSI, (c) MONASTERIENSI, (d) ET OSNABURGENSE (e) EPISCOPIS, SALUTEM ET APOSTOLICAM BENEDICTIONEM.

Clamante ad nos dudum Bremensi Ecclesia contra perfidiam hæreticorum, qui Stedingi vocati, fideles populos Regionis illius ferali more lace- rant & extinguunt, nos venerabilibus fratribus nostris, Raceburgensi (f), Mindensi, (g) & Lubecensi (h) Episcopis, quibus prædicationis officium est in Dicecesibus vestris ab Apostolica Sede commissum, mandavimus, quod per eandem Diceceses peccatorum veniam fidelibus pollicendo, ipsos contra præfatos hæreticos concitarent; ut per eorum auxilium illi, auctore Deo, ad gratiam con-

versionis accelerent, vel in confusionis foveam deducantur. Ut ergo dicti episcopi plenius & efficacius valeant, quod mandavimus, adimplere; fraternitati vestrae per Apostolica scripta mandamus, quatenus, cum agatur fidei negotium, quod cunctis debet esse fidelibus & Prælatiis præcipue speciale, in eodem negotio dictis Episcopis efficaciter adstatis, impendentes eis utile consilium, & auxilium opportunum. Datum Anagninæ XIV. Kal. Februar. Pontificatus nostri anno VI.

Grego-

- (a) Bernardo
(d) Godescalco
(g) Conrado

- (b) Conrado
(e) Engelberto
(h) Bertholdo

- (c) Gregorio
(f) Petro

Tomo III. Concil. German.

A a a a

*Gregorii epistola ad Capitulum Bremense.**De reconciliatione Ecclesiarum in terra Stedingorum.*

GREGORIUS EPISCOPUS, SERVUS SERVORUM DEI, DILECTIS FILIIS
CAPITULO BREMENSI, SALUTEM ET APOSTOLICAM
BENEDICTIONEM.

DEvotis vestris precibus inclinati sunt a fidelium corporibus separari, præsentium vobis auctoritate concedimus, ut cum in cœmeteriis Ecclesiarum terræ Stedingorum multa, ut asseritis, hæreticorum & excommunicatorum corpora sint sepulta, quæ non pos-

faciatis de novo præfatas reconciliari Ecclesias, & dicta cœmeteria benedici. Datum Perusii IV. Kal. Decemb. Pontificatus nostri (i) anno VIII.

(i) Annus VIII. Pontificatus ejusdem coincidit nostro 1235.

*Ejusdem Papæ epistola ad Archi-Episcopum,**& Capitulum Bremense.**De absolutione excommunicationis Stedingorum.*

GREGORIUS EPISCOPUS, SERVUS SERVORUM DEI, VENERABILI FRATRI ARCHIEPISCOPO, ET DILECTIS FILIIS, CAPITULO BREMENSI, SALUTEM ET APOSTOLICAM BENEDICTIONEM.

EX parte universitatis Stedingorum, in Bremensi Diœcesi existentium, fuit nobis humiliter supplicatum, ut cum super eo, quod vobis inobedientes; & rebelles diutius existerunt, vestris cupiant parere mandatis, faceremus, excommunicationis sententiam, qua propter hoc tenentur adstricti, misericorditer relaxari. Cum igitur pulsantibus ad Ecclesiæ januam non sit minime gratia deneganda, præsentium vobis auctoritate mandamus, quatenus ab eis suffi-

cienti cautione recepta, quod vobis de præteritis congruam satisfactionem impendant, ac Ecclesiæ & vestris in posterum pareant præcise mandatis, injuncto sibi, quod de jure fuerit injungendum, sententiam ipsam juxta formam Ecclesiæ relaxetis. Datum Perusii XII. Kalend. Sept. Pontificatus nostri [k] IX.

Privilegia Archi-Ecclesiæ Hammaburgensis, impressa inter Scriptores verum Septentrionalium, Lindenbrogii pag. 171. 172. edition. Hamburg. 1706.

(k) Annus IX. Gregorii Noni coincidit nostro 1236.

*Gregorii IX. epistola, qua graviter ab iis**peccatum declarat, qui de hæresi a Legato Apostolico damnatos, inconsulta sede Apostolica absolverunt.*

ARCHI-EPISCOPO SALISBURGENSI, ET EPISCOPO HILDESHEIMENSI, ET ABBATI DE BUCH, CISTERCIENSIS ORDINIS, MISNENSIS DIÆCESIS.

VIneque Domini cultores, licet immeriti, constituti, juste in desiderio gerimus, ut illius latitudinem gratitudinis fructu semper venustam existere procuremus: turbationem non modicum lubeantes; si forte aliquæ planta-

rum, quæ in illa evidentibus existunt indiciiis grandiores, sint sterilitate notabiles, vel nocivorum productione fructuum displicentes. Sane dudum mirantes audivimus, & referimus contrari, quod cum olim (a) post obi-

[a] Conradus de Marburg occisus fuit 30. Julii 1233: & hæc Epistola Gregorii IX. scripta est anno Pontificatus ejus nono, qui coincidit, a die 19. Martii Anno 1236: Hinc infert Cossartius Conciliabulum Moguntinum ante 1236. fuisse habitum: quem titu-

tum recolendæ memoriæ Magistri Conradi de Marburg, Prædicatoris verbi Dei, de quibusdam, quos infectos labe pravitatis hæreticæ tenebat assertio, plurimarum oriretur materia quæstionum: quibusdam proponentibus, quod processus contra illos per eundem Magistrum habitus, iniquitatis maculam habuisset; aliis vero referentibus ex adverso, quod pius exstiteret, & providus, & incremento Catholicæ fidei plurimum opportunus: ad dubitationes hujusmodi declarandas, certi locus & terminus sunt præfixi. Demum congregato Concilio, ad quod plures Ecclesiarum Prælati & Principes sæculares, ac alii, quorum præsentia tanto competebat negotio, convenerunt; exurgente nullo pro tuitione fidei, quæ saltem a præsentibus sub nulla debebat negligentia præteriri; memorati infecti, ut dicitur, rationis inconsulto speculo, quod potissime in talibus haberi debebat præ oculis, sunt absolutionis beneficium assecuti. Illi vero perditionis filii, qui dicti Magistri sanguinem innoxium effunderunt, (b) omissis prolatione sententiæ, inflictione poenæ, quæ contra ipsos pro excessu tam detestabili, & digno non brevibus deplorari lacrymationibus, debebantur, ac satisfactione aliqua non recepta, sunt ad præsentiam nostram pro absolutionis obriendæ gratia destinati.

Et infra: Quia igitur rationabile est, causam fidei quibuslibet anteferri, quæ

potissime Summi Pontificis examini competebar: avertentes a debita nobis reverentia faciem, præsumpserunt aliqui terminare, quasi auctoritatis præmissæ nescii, vel ab ejusdem intellectu perspicuo peregrini. Quo consilio iidem ad transgressionem mandatorum Domini processerunt? Quo jure, quod est in canonica sanctione præcipuum, ab ipsis tam notabiliter exstitit prætermisum? Numquid facultas eis aberat Sedem Apostolicam consulendi? cum & locorum longinquitas, vel anfractus itineris, aut tremenda elatio pelagi sævientis, pro qua cæli claviger non expavit, quin Salvatori diceret, ut sibi, quod per aquas ad eum procederet, imperaret, nullum ipsis afferret obstaculum; nunciorumque penuria nullum exultationis tribueret fulcimentum. Numquid illorum memoria, capacitasque non habebat, quod ad sanctæ Romanæ Ecclesiæ, cujus fundamentis super petram positis, quisque cedit impetus tempestatis, in ambiguis & fluctuosis quæstionibus, per quas immineret naufragium fidei, si non contingat easdem prospere terminari, sit assidue reverendum? Præsertim cum dictus Claviger, cujus arbitrio orbis universitas solvitur & ligatur, cujusque iudicium a conditione justitiæ confirmatur, audire meruerit; Ego (c) pro te rogavi Petre, ut non deficiat fides tua: Et tu aliquando conversus confirma fratres tuos; Cum etiam dubium non existat, quod qui

secum

titulum non probo: nam cum Pontifex locum Concilii non exprimat, nec ad Moguntinum scribat, cur Moguntiæ potius, quam alibi scribitur, id Conciliabulum agitatum? Hoc primum,

2do. In Concilio Francofordiensi anni 1234. Interfectores Conradi de Marburg fuere excommunicati: ab Hæresi absoluti ii, qui per canonicum numerum testium probati fuerunt, nullius hæreseos rei unquam fuisse

De cætero nec in Moguntino anni 1233., nec in Francofordiensi anni 1234. de hæresi prolixè tractatum; sed solum inquisitum de modo inquirendi & damnandi, quo usus fuit Conradus de Marburg, qui modus a Godefrido Coloniensi, & anonymo Chronographo Erfordiensis, item a Golschero Scriptoris Gestorum Treverensium, ab Alberico Monacho trium Fontium in Chronico acerbè improbatur & censatur, qualem censuram quoque eidem impingit Trithemius.

3tio. *Stedingi*, quos Hardouinus *Stigandos* in titulo præfensi hujus Conciliabuli, & Godefridus Coloniensis *Stagingos* vocat: videntur diversos errores fovisse ab iis, in quos Conradus de Marburg inquisierat: Nam horum errores valde sædi, Albigenensibus & Manichæis erroribus affines erant.

Stadingensium error proprius fuit inobedientia contra Archiepisc. Bremensem, cui decimas negabant: post licentiâ crescente tempore schismatis, & ipsi alios nefandos errores adjunxerunt: raso enim schisma aut inchoatur, aut longo tempore continuatur sine errore hæretico,

(b) lege; effuderunt,

(c) Luc. 22.

Tomus III. Concil. German.

A a a a 2

secum non colligit, spargit; & nemo umquam sub diluvio sæculi, non in arca positus confirmatur.

Sed quid ad ista studio exaggerationis intendimus? Cur quæstionum cumulis immoramur? Porro, nedum proVectis & prudentibus, sed parvulis & ignaris potest esse liquidum, quod de præmissis multum sit devotionis & obedientiæ prætermisum: præsertim cum litterarum nostrarum series, per quas mandavimus, ut processus contra hujusmodi pestilentes, secundum formam Concilii Generalis, & nuper a nobis edita, haberetur, mandati transgressoribus excusationis suffragium non acquirit: quia cum post processum habitum auctoritate Apostolica ipsos, si criminosi, vel immunes a macula hæreticæ pravitatis existerent, dubieras immineret; ad examen nostrum omni erat occasione postposita properandum.

Nos igitur etsi hætenus ista diffimu-

lationi dederimus; super eisdem tamen imposterum, prout expedire viderimus (d) Domino procedemus. Interim autem homines miseros, qui humanitatis affectu, & miserationis effectû, Christum prodendo, Domini se reddiderant modis omnibus alienos, sine condignâ nolentes provisione remittere: præsentium vobis auctoritate committimus, ut circa ipsos, Dominum habentes præ oculis, juxta formam, quam vobis sub bulla nostra interclusam mittimus, auctoritate nostra, omni contradictione & appellatione cessantibus, procedatis; præsentibus in primo colloquio generali, in quo charissimum filium nostrum Fridericum Imperatorem Romanum, ac alios Principes Ecclesiasticos, & mundanos adesse contigerit, publicari & exponi solemniter facientes.

Datum Perusii XI. Kal. Aug. Pontificatus nostri Anno IX.

Gregorii Papæ IX. epistola altera ad eosdem.

De indicenda Conradi Marpurgensis interfectoribus pœnitentia.

Cum interfectores bonæ memoriæ Magistri Conradi de Marpurg Prædicatoris verbi Dei, ad Sedem Apostolicam accessissent, ejus misericordiam & salutis suæ consilium implorantes: nos eis injunximus, ut in subsidium transeant terræ sanctæ. Quocirca præsentium vobis auctoritate mandamus, quatenus post receptam ab eis sufficientem & idoneam cautionem, quod in passagio Martii proximi futuri, vel alio proximo sequenti, ad partes se transferant Transmarinas, eisdem inter alia sub debito præstiti juramenti, ut per omnes majores Ecclesias Regionis illius, ubi tam execrabile facinus commiserunt, si secure poterunt, vadant nudi & discalceati, braccis duntaxat retentis, fune vel corrigia ad collum ligata, virgas in manibus deferentes: & ab omnibus Presbyteris illarum Ecclesiarum, Psalmum pœnitentialem dicentibus, ante fores earundem, quando major aderit populi multitudo, se faciant verberari;

suum publice confitendo peccatum: iisque peractis, absolutionis beneficium impendatis eisdem, non obstante, quod absoluti fuisse ab aliis referuntur. Præsertim cum pro tantæ immanitatis excessu absolvi nequierint, absque mandato Sedis Apostolicæ speciali. Præterea si illi, quorum ope, consilio, vel assensu, tantum facinus est commissum, ad mandatum vestrum redierint, pro tanto excessu satisfactionem condignam humiliter impensuri; eos ad absolutionis gratiam admittatis. Alioqui sceleratos hujusmodi, & prædictos, publice candelis accensis, alienos ab Ecclesia, ipso jure, atque a fidelium consortio pronuntietis. Ceterum tam eos, quam descendentes ab ipsis recta linea, ad nullos honores, dignitates, ordines (e) admittantur.

Datum Perusii XI. Kal. Augusti anno nono.

Munroque Tomo IV. Annal. Cisterciens. ad annum 1235. utramque hanc Gregorii IX. Epistolam refert.

(d) forte: adjuvante Domino.

(e) forte: admittatis.

Hæ Gregorii Litteræ datæ sunt anno Gregorii nono, qui in annum Christi MCCXXXVI. incidit.

Hardouin.

Hardouinus in summa præmissa his literis Gregorii narrat in Conciliabulo a Gregorio IX. damnato, absolutos fuisse Stigandos hæreticos, & interfectores Conradi de Marpurg missos ad Sedem Apostolicam nulla pœna infecta. Tomo VII. Concil. pag. 242.

CONVENTUS MARPURGI

IN HASSIA, IMPER. EPISCOPP. ET PRINCIPUM.

Anno Christi MCCXXXVI. Gregorii IX. Papæ IX.
Friderici II. Reg. XIX. Imp. XVII.

SUMMA. Translatio Corporis S. Elisabethæ, Landgraviæ Thuringiæ, Regis Hungariæ Filix, Viduæ Ludovici VI. Hassiæ Landgravii, mortuæ MCCXXXI. die 19. Novembris in Ptochodochio Marpurgensi a se ædificato, canonizatae (a) Perusii Kal. Junii MCCXXXVI. a Gregorio IX., anno Pontificatus nono.

Gregorius IX. post brevem relationem, vitæ, virtutum, & miraculorum patratorum per idoneos testes facta certitudine, de consilio Patriarcharum, Archi-Episcoporum, Episcoporum, & Prælatorum Perusii præsentium, *S. Elisabetham* adscribit Sanctorum Catalogo. II. Diem XIII. Kalendas Decembris, quo obiit, mandat omnibus Archi-Episcopis, Episcopis, Abbatibus, Prioribus, ad quos hæc litera pervenerint, festum solemniter celebrandum. III. Ad sepulchrum S. Elisabethæ accessurus die festo, & usque ad octavas relaxat unum annum & quadraginta dies de injuncta sibi pœnitentia.

Hoc eodem anno facta est Translatio S. Elisabethæ (b) *Kalendis Maji* Marpurgi, procurante fratre Conrado Teutonici ordinis & ipso Landgravio nato, præsentè Imperatore Friderico II, Archi-Episcopo Moguntino Sigefrido Eppensteiniano, Colonienfi (Conrado)

Bremenfi (Hartwico) nec non aliis plurimis templorum, cœnobiorumque Prioribus, effosso tumulto ossa levata sunt, gratissimo odore e tumulto egresso, omnium nares afflatu, & animos gaudio replente. Imposita mox ossa caplæ plumbeæ, sigillis Episcoporum obsignatæ, per medium populi, inenarrabili desiderio præstolantis, magnificentissima pompa circumferuntur, ad 12000. hominum confluisse Marpurgum hoc die, scribit *Brunnerus pag. 699.* Postridie patefacta capla comperiuntur (visu mirabile) benignissimæ miserraticis ossa præter naturam non parum olei exsudasse, guttatimque sub oculis omni ex parte ejectare, quo perlitis quorumvis infirmorum artubus optata pro voto sanitas tam velociter, quam feliciter conferebatur.

Jacobus Montanus Cap. 30. citatus, apud Severium Moguntiacarum rerum Lib. V. pag. 836. edition. antiquæ.

(a) Bulla Canonizationis extat Tomo I. Bullarii Romani, à Cherubino, Cassinensi Monacho, editi.

(b) Cum Bulla sit data Kalendis Julii anni noni Gregorii IX., hic vero cadat in annum 1236., Translatio autem non videatur facta ab Archi-Episcopo Moguntino ante Romanam Canonizationem, hinc Chronicographus Hassiæ, a Pistorio laudatus, videtur errasse in die, & pro Kalendis Maji, forte Kalendæ Octobris alteriusve mensis posterioris ad Bullam ponendus.

A Cæsare Friderico coronam auream valoris 450. floren. aureorum capiti S. Elisabethæ fuisse impositam, scribit *Winckelmannus in Historia Germanica Hassiæ Tomo I. pag. 423.*

CONCILIIUM TREVIRENSE

Anno Christi MCCXXXVIII. Gregorii IX. Papæ XI.
Friderici II. Reg. XXI. Imp. XIX.

*Anno Domini MCCXXXVIII. in festo Beati Matthæi Apostoli in ci-
vitate Trevirensi, in Ecclesia majori celebratum est Concilium, residen-
tibus Domino Theodorico Trevirorum Archi-Episcopo, & Reve-
rendis in Christo Patribus Rodulfo Viridunenſi, Johanne Me-
tenſi, Rogero Tullenſi Episcopis; & hæc (a)*
Statuta Concilii.

C A N O N E S.

I. **Q**Uoniam (b) crescente malitia per-
verſorum hominum, adverſus
ſpirituales nequitias, Sancto-
rum Patrum *Canones* ad reprimendas quo-
rundam inſolentias non ſufficiunt, novis
morbis nova medicamenta præparamus,
neceſſitate eorum compulſi. Itaque
præcipimus, religioſorum locorum in-
cendiarios, & eorum receptatores, ſin-
gulis diebus Dominicis excommunicatos
nuntiari per omnes Conventuales Eccle-
ſias, & per Parochias, Monaſteria Mo-
nachorum & Monialium. Cum autem
ipſi incendiarii poſt publicationem abſol-
vi non poſſint, niſi a Papa; nos, ex-
penſis eorum, & laboribus parcere vo-
lentes, ſtatuiſmus, ut ante denuntiatio-
nem hoc ipſis denuntietur: videlicet,
quod, niſi ſatis fecerint (c) ante publi-
cationem, eos oporteat ad Papam labo-
rare, ut ſic terriſi ad ſatisfactionem fa-
cilis inducantur. Idem de violatoribus
& fractoribus eccleſiarum (d) ſtatuiſmus.

II. Quam frequenter præcipimus, quod,
ſi ſquis ad iocum (e) aliquam prædam loco-
rum Eccleſiaſticorum, vel perſonarum
Eccleſiaſticarum, vel perſonas eorum
duxerit, per totam illam Parochiam ceſ-
ſetur a divinis, dum ibi præda, &
prædo, & prædæ emtor fuerit. Si au-
tem in ipſa Parochia conventus fuerit,
clauſis januis, & excluſis ipſius Para-
chiz Parochianis, Divina ibi celebren-

tur ſubmiſſa voce; ita quod forſis audiri
non poſſint. Si quis autem Parochiano-
rum deceſſerit, ſepeliatur in atrio ſine
officio Miſſæ, & cum ſola tantum com-
mendatione, exceptis prædone, em-
tore, receptatore, vel fautoribus eo-
rundem; vel ſi conſumta fuerit præda,
ſententiæ prædictæ ſerventur, ſi de præ-
miſſis conſtiterit, vel (f) evidentiam fa-
cti, vel per juramentum, (g) quod his
ſpoliati, ſi honeſta fuerit perſona; ſi
quis (b) autem circa hæc emerſerit, in
iudicio (i) iudicis relinquatur. Sacerdo-
tes locorum, quibus de præmiſſis con-
ſtiterit, ſtatim ſententias prædictas ob-
ſervent, & faciant obſervari. Adjici-
mus, quod ſi raptor rerum ſacrorum
locorum, vel Patrum eccleſiaſticorum,
ammonitus non ſatisfecerit, excommu-
nicetur; & ſi Dominum habet ſuperio-
rem, ille moneatur, ut raptorem ad
ſatisfactionem compellat, ut infra men-
ſem a tempore monitionis ſibi factæ ſa-
tisfaciat; quod ſi ſatisfacere contemſe-
rit, ex tunc terra ejus eccleſiaſtico ſup-
ponatur interdicto; prius tamen interdi-
cta terra raptoris, ſi quam habet.

III. (k) Quod diximus de raptore, hoc
extendi volumus ad eum, qui procurat,
quod rapina fiat. Si raptor excommuni-
catus fuerit, vel terra ejus interdicta ab
Ordinario uniſus Diœceſis; Ordinarii,
qui ſuper hoc fuerint requeſiti, in ſuis
Diœ-

(a) Sunt ipſius Concilii Conſtituta. *Cl. Hontbeinius* has & ſequentes variantes Lectiones ha-
bet a *Martenii* exemplari.

(b) Quum

(d) vel Monaſterium addit *Martene*.

(f) per evidentiam

(h) quid autem circa hæc quæſtionis,

(k) Numeri Capitulorum omiſſi in *Hontheimio*.

(c) ante publicationem. omiſſum.

(e) aliquem. *Hontbeim*.

(g) Sacramentum ſpoliati, ſi &c. *Hontbeinius*.

(i) iudicio noſtro.

Diocesis eundem raptorem denuntient, & vitari faciant: terram, si quam habet, nihilominus supponentes interdicto. Idem (l) de captivatoribus & captoribus Clericorum.

IV. Si locus interdictus fuerit propter excessum Domini, ejusdem loci homines non admittantur ad Divina in locis tam vicinis, quam externis, ne rumpi possit nervus disciplinæ ecclesiasticæ; & si quis tales admittit scienter conventus, quot diebus in hoc peccaverit, tot septimanis celebret januis clausis sine pulsatione campanarum, voce submissa, (m) & alias (n) graviori animadversione puniendus, si istud neglexerit observare. Si vero Pastor, aut Vicarius personas loci interdicti (o) admiserit, suspendatur. Simili poena involvi volumus admittentes (p) quemcunque excommunicatum ad Divina.

V. Item statuimus, ut captivatores Clericorum, adjuutores & defensores eorum, excommunicati in continenti nuntientur. Si autem a die denuntiationis captivatum cum satisfactione infra triduum non restituerint, terra ipsorum supponatur interdicto, si autem a tempore interdicti intra mensem non receperint, (q) Principales eorum Domini, qui potestatem habent eos coercendi, ab ordinariis suis moneantur, ut captivatores & defensores ad eorum restitutionem inducantur, & compellant in continenti; alioquin ipsi Domini excommunicentur. Et si sententia excommunicationis non (r) sufficit circa eos, ipsorum terra supponatur interdicto.

VI. Si quis Laicus alicui Ecclesiasticæ personæ minas intulerit de proprio corpore, & admonitus a iudice ordinario, eum affecurare noluerit, nec de ipsa recipere rationem; per excommunicationis & interdicti sententias (s) compellatur.

VII. Item statuimus, quod si Clericus celebraverit in loco interdicto, vel ipse interdictus, vel excommunicatus Divina celebrare præsumperit, & ammonitus a Prælate suo non destiterit,

per Episcopum loci capiatur, arctæ custodiæ & poenitentiae deputandus.

VIII. Idem fiat de qualibet persona religiosa taliter (*) administrante, & in sua pertinacia persistente.

IX. Omnem negotiationem Clericis inhibemus, beneficiatis, vel in sacris ordinibus constitutis.

X. Sacerdotum vestis suprema talaris & clausa sit, & quando ad Divina accedunt, camisia, id est, rochetto induantur.

XI. Quando ad infirmos vadunt cum eucharistia, similiter camisiam habeant, vel superpellicium, vel (u) cappam choralem, & si necesse fuerit, cooperiant se cappa pluviali non manicata, tamen ipsam deponant, cum venerint ad infirmum.

XII. Argenteas fibulas, & deauratas corrigias Sacerdotibus inhibemus; nullam cordam, vel nodum in tunica, vel supertunica habeant, (x) nisi solum in cappa.

XIII. Clerici tam honeste se gerant in tonsura & corona, ne propter hoc ipsos severitate debita puniamus; & Clericus, qui non servaverit statuta circa tonsuram & habitum, in causis minime audiatur.

XIV. Tabernas Clericis inhibemus omnino, nisi in peregrinatione, & in itinere id fiat necessitatis causa.

XV. In simplicibus tunicis, vel supertunicalibus Sacerdotes non compareant in Ecclesiis, judiciis, & plateis.

XVI. Campanarii sine camisia (z) in superiori non serviant in Ecclesia, vel alias in Divinis.

XVII. Circa Clericos (a) habentes manifestam cohabitationem cum mulieribus, statuimus, quod non admittantur ad ordinationem Ecclesiæ, nec valeat electio ab ipsis, vel de ipsis celebrata.

XVIII. Quicumque Clericus manifeste mulieribus cohabitans suum fuerit executus officium, ad curiam transmittatur cum literis ordinarii sui, rei seriem continentibus, (b) sana tamen potesta-

10

(l) demandamus

(m) & aliis exclusis

(n) alias *omissum*.

(o) scienter

(p) scientes

(q) resipuerint

(r) non proficit

(s) ad adsecurationem ejus & rationem de ipsa recipiendam,

(t) celebrante

(u) vestem choralem vel cappam choralem,

(x) non solum in Lapa, *Honthheim*.

(z) superiori in Ecclesia non serviant,

(a) postmodum

(b) salva

te ordinarii, si quam habet in hoc casu.

XIX. Ecclesiæ Pastoralis Pastor, vel Vicarius habens redditus octo marcarum, scholarem habeat secum servientem in Divinis.

XX. Clerici ludos alearum, (c) & deciorum, & globorum devitent, & ad hoc per (d) subtractionem beneficii compellantur.

XXI. Sacerdotes cappas non habeant manicatas. Nullus Presbyter sine caligis, sive æstivalibus celebrare Divina præsumat.

XXII. Cum statutum sit, ut Clerici, ministri vel baillivi, vel iustitarii Laicorum auxilium ab ecclesia, si capti fuerint, non habeant; adjicimus, quod si prius admonitus non cessaverit, Ecclesiasticis beneficiis (e) spoliatur.

XXIII. Presbyteri, seu personæ ecclesiasticæ, qui mandatum (f) exequuntur alicujus sententiæ a suis Prælati, si negligentes inventi fuerint, in exequendis; (g) per quos mandatum receperint, tenentur ad interesse, secundum boni viri æstimationem coram iudice faciendam: si vero pro observatione mandatorum ipsorum damnum passi fuerint (h) nec relaxetur sententia, antequam de damnis datis satisfaciatur; & si prius relaxata fuerit, nihilominus satisfaciatur (i) de pœnis.

XXIV. Si Clericus observans sententiam propter damnum sibi propter hoc illatum, sustentationem non habeat, ab ordinario ei provideatur; nec relaxetur sententia, antequam expensæ refundantur, quæ in provisione (k) presbyteri sunt impensæ.

XXV. Suspensi, seu Clerici excommunicati celebrantes, a Domino Papa, tantum absolvantur; cum (l) eo, cui (m) talis hæctenus fuerit facilis absolutio, disciplina sit Ecclesiastica (n) vilipendenda.

XXVI. Cum alias institutum sit, quod Vicariis competens portio debeat

assignari; adjicimus, ut si iidem Vicarii minorem acceperint, & acceptaverint portionem, nihilominus actionem habeant ad petendam competentem, cum hoc inductum sit (o) personæ non in favorem; sed in favorem totius Ordinis Clericalis.

XXVII. Sicut sæpe præcipimus, sic iterum præcipientes innovamus, ut corpus Domini, sanctum Oleum infirmorum, & fores sacri Baptismatis, sub diligenti sint custodia, & clausura cum sacra Eucharistia; nec eant (p) ad infirmum sine lumine & campana.

XXVIII. Item præcipimus, ut corpus Domini post quindenam non servetur, sed in fine quindenæ, si tamdium servatum fuerit, sumatur a Sacerdote (q) cum oblatione.

XXIX. Cum secundum Apostolum, qui (r) non laborat, non manducat; Prælati Ecclesiarum conventualium præcipimus, ut per (s) subtractionem beneficii compellant subditos suos ad frequentationem chori, & residentiam, (t) quatenus.

XXX. In Parochialibus Ecclesiis pulsentur (u) horæ Canonicae, & de villis (x) cum adjacentibus, & capellis adjacentibus compellantur homines Dominicis diebus & solemnibus ad Missam venire ad matricem Ecclesiam; ne honor matricis Ecclesiæ depereat per capellas: nisi forte remota sit capella, & ei provisum sit in beneficio, ut in eo valeat, & soleat, & debeat ministrare Sacerdos.

XXXI. Ut hæreticæ pestilentie, quæ radices jam mittit (y) in provincia Trevirensi, omni sollicitudine occurramus; omnibus Archi-Diaconis, Pastoribus, & Vicariis, nec non & aliis tam Clericis quam laicis, nostræ jurisdictioni subiectis, in virtute S. obedientie præcipimus, ut ubicumque inveniantur doctores hujus sceleris, vel auditores ipsorum, ad Episcopos (z) audientiam, ne oves Domini suis superstitionibus inficiant,

(c) vel deteriorum. Decius pro talis, vel taxillis, vel aliis luforiis. Cangius.

(d) frustrationem (e) spoliatur

(f) aut excommunicationem alicujus sententiæ a suis receperint Prælati; Honthemius.

(g) illi, pro quo mandatum receperunt (h) non relaxetur

(i) ei de damno (k) Clerici (l) ex eo

(m) quod talis (n) vilipensa (o) non in favorem personæ

(p) cum sacra Eucharistia (q) in Missa ante ablutionem

(r) II. ad Thessal. III, 10. Si quis non vult operari, nec manducat.

(s) frustrationem (t) ad quam (u) & cantentur

(x) circa jacentibus (y) mittunt (z) perducant

ficiant, & corrumpant, denuntientur: & singulis diebus Dominicis, & festivis excommunicentur hæretici, auditores, receptatores, fautores, & illi, qui eos non accūsant, (a) cum sciunt.

XXXII. Decimæ non in domibus, sicut consuevit hætenus, sed in agris, vineis, pratis, & in locis aliis, ex quibus proveniunt, persolvantur, nullis (b) deditis expensis circa rem hujusmodi decimandam. Consuetudinem illam, secundum quam non decima, sed undecima, vel duodecima pars solvitur, pro decima, in annonæ, vel in rebus aliis, quanticumque temporis sit, improbamus.

XXXIII. De causis matrimonialibus nullus Pastor, Vicarius, vel Decanus [c] rurales cognoscere præsumat.

XXXIV. Usurarii manifesti, vel convicti, post hujus statuti publicationem pœnis coercentur, quæ a jure infliguntur eisdem, ut videlicet non admittantur ad Communionem altaris, nec ad Christianam sepulturam, nec eorum oblationes [d] suscipiantur, dum fuerint in hoc [e] peccato. Usurarios censemus sub pignore mutuantes, & ultra sortem percepta in sortem minime computantes.

XXXV. Cum adulteri & adulteræ, & alia enormia committentes, pecuniaria pœna persoluta, minus timeant [f] reclinare; statuimus, ut de cætero [g] conjuncti publicam poenitentiam agant: mulieres infra Parochiam portantes Cyphum [h] in scapula & baculum in manu; in habito & cypho per omnia tales, quales esse consueverunt peragentes carinas. [i] Viri autem infra Parochiam vel extra poenitentiam agant modo præscripto. Et hoc fieri procurent Episcopi, vel eorum Officiales, si ea Archi-Diaconi vel subditi neglexerint procurari. [k]

XXXVI. Cum plures excommunicati sententiam vilipendant; statuimus, quod si excommunicatus in sua pertinacia sex septimanas persistat, statim recepto mandato excommunicatoris ordinarii per litteras ipsius, quas ad probationem faciendam sufficere volumus; in hoc casu excommunicatus per superiorem suum ad unitatem Ecclesiæ compellatur redire; alioquin idem superior post ammonitionem sententia (l) percellatur.

XXXVII. Conjuraciones, quæ fiunt per inspectionem (m) ignis, vel gladii, seu alio quovis modo, cum sint penitus reprobæ, statuimus, ut si Clericus in talibus deliquisse inveniatur, suspendatur, manens in ea suspensione usque ad satisfactionem condignam; si vero laicus, excommunicetur.

XXXVIII. Statuimus, ne habitus (n) Monachorum, vel regularium Canonicorum cujuscunque ordinis mulieres pernoscant.

XXXIX. Si quis Monachus, vel Monialis proprium habuerit, vel in vitium carnis lapsus fuerit, & fuerit hoc manifestum; in poenam sui criminis stet ultimus in choro, vocem non habeat in capitulo, non ad aliquam ordinationem in capitulo vel extra admittatur, nec valeat electio ab ipso facta, vel de ipso.

XL. Illos autem censemus proprietarios, quibus assignantur curtes, vel allodia, pro certa pensione: qua soluta, de residuo tamquam de proprio suo faciunt voluntatem.

XLI. Item præcipimus, ut Abbates & Monachi observent regulæ suæ statuta; alioquin, quicumque transgressores per Dicecesanos suos animadversione debita puniantur.

XLII. Item inhibemus, ne alicui Monacho, non professio, administratio aliqua

(a) cum sciunt *omiss.*

(b) deductis

(c) rurales, non habet Martem.

(d) recipiant

(e) puncto

(f) recidivare

(g) convicti, vel confessi.

(h) Cyphus, idem quod Scyphus, ait *Cangius*, quem forte palam gestabant mulieres ex meretricio manifesto resipiscentes vel convictæ, ut eo indicio, quid jam fuerint, demonstrarent. Nam Scyphum gerebat in manu meretrix illa Apocalypsis. *MANSI.*

(i) Caringa, seu quadraginta dierum jejunium rigidum aiebant magnorum criminum rei publice poenitentes. *MANSI.*

(k) procurare

(l) excommunicationis

(m) unguis

(n) forte: in aditu, nempe in loco ab iis frequentato.

aliqua in suo Monasterio concedatur, nec ad aliquam ordinationem admittatur. Abbas siuos eos, qui professi non sunt, si administrationem aliquam habuerint, amoveat ab administratione usque ad quindenam; alioquin se suspensum sciat.

XLII. Cum novo avaritiæ genere quidam in nostris Dicecesibus laborantes indebitas faciant fabricari monetas; universis Presbyteris eorumdem locorum præcipimus; quatenus quam cito perceperint istud, ibi statim cessent a Divinis, (o) quousque de tali injuria ad mandatum Ecclesiæ fuerit satisfactum.

(o) nec ipsa aliquatenus resumantur, antequam de tali.

(p) Ita vocabantur fructus beneficiales unius anni, qui beneficiato post ejus obitum obveniebant, eosque ad arbitrium legabat.

*Illnus Hontbemi*us eandem Synodum refert *Tomo I. Historiæ Diplomaticæ Treverensis* a pag. 720. cujus variantes adscripsimus. Sed omisit *Illnus* Capitula XXXVIII, XXXIX, XL, XLI, XLII, quæ Martenius in suo MS. invenit, quod plenius nactus est.

Bromerus Lib. XV. Annalium Treverensium hujus Provincialis Synodi meminit, & mense Septembri, die S. Matthæo solemniter celebratam adnotavit. Addens, acta hujus Synodi esse in omnium manibus.

XLIV. Item præcipimus singulis diebus Dominicis & festivis denuntiari excommunicatos, facientes falsam monetam, vel mandantes, vel procurantes, ut fiat. Item utentes scienter falsa moneta, vel indebita moneta.

XLV. Annum Domini gratiæ (p) propter multas ejus abusiones revocamus: volumus tamen, ut bonæ consuetudines, ante ipsum in præbendis Clericorum decedentium observatæ, in suo vigore maneant & persistant.

Ex Martene veter. Monument. Tom. VII. pag. 126.

FRIDERICI II. Imperatoris Augusti A P O L O G I A,

*Publice contra Capitula GREGORII Papæ IX. proposita, & per
Episcopos suos rescripta.*

SANCTISSIMO PATRI IN CHRISTO, GREGORIO, DEI GRATIA,
SUMMO PONTIFICI, SUI DEVOTI HERBIPOLENSIS, WORMACIENSIS, VERCEL-
LENSIS, ET PARMENSIS, EPISCOPI, HUMILEM SUI COMMENDATIONEM
ET REVERENTIAM TAM DEBITAM, QUAM DEVOTAM.

Cum omni reverentia & devotio- ne recipimus (a) literas Apostoli- cæ Sanctitatis, per quas missi fuimus, admonere Dominum nostrum Roma- num

Anno 1239. Dominica Palmarum multis Cardinalibus præsentibus, Papa Gregorius IX. Fridericum Imperatorem solemniter excommunicavit, allegatis causis, nempe: damnis gravissimis Romanæ & variis Ecclesiis, tum libertati Ecclesiasticæ illatis: utrum autem Fridericus de Catholica fide recte sentiat, super hoc suo loco & tempore se processurum declarat.

Excommunicationem cum causis recitat *Matthæus Paris ad hunc annum pag. mibi 486.* Cum hæc sententia excommunicationis non solum ad Germaniæ Episcopos Imperatori insinuanda, verum & ad Angliæ, aliarum Ecclesiarum Episcopos promulganda mitteretur, teste *Matthæo Paris in Historia Anglorum, pag. 490.* Imperator per Episcopos suos Herbipolensem, Wormaciensem, Vercellensem & Parmensem, hanc Apologiam Papæ remisit, qua ad singula capita accusationis Pontificiæ in sententia expressa singillarim responderet. Similes literas Imperator ad Cardinales, ad Senatum Romanum, ad Regem Angliæ, aliosque Principes scripsit. Quibus respondit Gregorius PP. literis scriptis ad Cantuariensem, aliosque Episcopos. *Apud Matthæum Paris pag. 506.*

(a) recepimus. *Matthæus Paris edition. Londinensis.*

num Principem, super quibusdam capitibus, quæ missa sunt eisdem litteris interclusa. Nos autem ex obedientiæ debito, qua tenemur ad tantum debitum, hæsitantes tamen; si monita nostra patienter acciperet, reverenter & devote pervenimus, & expositis singulis, quæ capitula continebant, ac vestrarum habitata per eum copia litterarum, faciente Domino, qui gerit ac dirigit, quo voluerit, corda Regum, in admirabili devotione, & insperata humilitate se monitis nostris pronom exhibuit, inclinata Imperialis audientia dignitatis. Ita quod nobis existentibus coram eò, præsentibus quoque venerabilibus Panormitanensi, Messanensi Archi-episcopis, Cremonensi, Laudensi, Navariensi, & Mutinensi, Episcopis, & Abbate S. Vincentii; convocatis etiam quampluribus ex fratribus ordinis Prædicatorum, Minorum, respondit ad singula, quæ proposuimus, seriatim, prout in sequentibus distincte ac plenarie continetur, sicut Dominationi vestræ responsionem ipsius juxta seriem capitulorum, expositam secundum Apostolicam jussionem sub sibi (b) testimonio, tenore præsentium declaramus.

I. Propositio Ecclesiæ.

Montis Regalis Cephaludensis, Cathaniensis & Squillatensis Ecclesiæ, Millitenfis, (c) S. Eufemiæ terræ majoris, & S. Joannis in Lamis, Monasteria, sunt spoliata fere omnibus bonis suis. Item omnes fere Cathedrales & aliæ Ecclesiæ ac Monasteria sunt per iniquam inquisitionem fere omnibus hominibus suis spoliata.

Responsio Imperialis.

Super gravaminibus Ecclesiarum, quæ indeterminate ponuntur, quædam ignoranter commissa, corrigi iussa sunt sine more (d) dispendio, quædam vero jam correctæ, sicut est in evidenti, de fidei & industrio nuncio nostro ad hoc specialiter destinato, videlicet Magistro Wilhelmo de Tocto Notario nostro, qui etiam iussus est transire per Romanam Curiam, & consulto venerabili Messanensi Archi-episcopo, juxta consilium

suum procedere ad revocationem eorum, quæ inveniret notabiliter facta. Sic quod in ingressu Regni, circa fines illos invenit quædam, quæ tenebantur per quosdam de familia Imperiali; quibus non percipit, sed eos statim destituit, restituens destitutos: cum tamen habuerit in mandatis, quod ab Imperiali fisco etiam revocaret, si qua invenerit illicite deprehensa. Sic, quod fama eorum, quæ gesserat, perveniente ad Curiam Romanam, Dominus Papa dicitur approbasse mittentis providentiam, & diligentiam missi. Qui, cum Regnum in diversas provincias sit divisum, nondum potuit omnes peragrare, ut quæ corrigenda invenerit, corrigantur.

Item de Ecclesia Montis Regalis, responderet, quod nullum gravamen habuit per Dominum Imperatorem, nisi velit notari de Saracenis, qui (f) occupaverant bona Ecclesiæ per bellum, qui nec Dominum Imperatorem nec Ecclesiam recognoscebant; nec in aliquo pro posse suo pepercerunt, immo destruxerant & deprædati fuerant eam usque ad muros Ecclesiæ, & alicui de Sicilia non parcebant, ita, ut in partibus illis nullus vel rarus Christicola remansisset. Hos revera fatetur Dominus Imperator exterminasse de Sicilia cum multis laboribus & expensis; si reputant in hoc gravamen Ecclesiæ, alias nescit, quod unquam gravasset illam, nec vult gravare.

Item idem dicit de Ecclesia Cephalensi, nisi forte tangatur de castro Cephalensi, quod vult munitissimam arcem supra mare, & stantem in Marchia Saracenorum, tenuerunt semper Reges Siciliæ, & bonæ memoriæ Innocentius Papa mandavit Legato suo, tunc temporis pro servitio nostro in Sicilia esistenti; ut (g) velut reciperet ab Episcopo, ad cujus manus perurbationem venerat, & non de jure, & quod legatur tempore pueritiæ nostræ, faceret teneri & custodiri pro nobis, nec Episcopo, nec præsentis restituitur, nec de jure restitui debet, quia non habet jus in re: & alias, quod falsarius, homicida, proditor, & schismaticus publico testimonio comprobatur.

(b) fido; loco sibi.

(c) Millitenfis.

(d) moræ.

(f) occupaverunt.

(g) illud.

batur. Quare, si etiam haberet jus in re (quod absit) restitui non tenetur

(b) Item de Cathanensi Ecclesia, nisi forte tangatur de hominibus (z) Demanii Domini Imperatoris, qui temporibus belli, propter locum securum, & fertilem, se Cathaniam contrulerunt. Hos fatetur Imperator, se ad demania sua revocasse secundum formam generalis constitutionis Regni, per quam etiam Comites & Barones, & omnes de Regno homines de demaniis revocant, ubicunque eos invenerint, sive in terris Ecclesiarum, sive in civitatibus ipsius Imperatoris: nihilominus tamen super his forma statuta est, & meta temporis posita ad requisitionem summi Pontificis, acceptata, prout constat ex literis testimonialibus Patriarchæ Antiochenis, & Panormitanensis & Messanenensis Archiepiscoporum.

Item, quod cum Ecclesia (k) Millerensis & sanctæ Eufemiæ cum Abbate & Monachis terræ majoris permutatio congrua facta sit de voluntate Prælatorum ipsorum & Conventuum, secundum formam juris, & ipsi hodie retinent, & possident permutatas. Tassale vero S. Severii, quod non erat in totum Abbatis terræ majoris Aconensis, ibi quædam jura habebat, quæ tenebat in feudum ab ipso Imperatore, per judicium fuit iuste destructum; quia homines illius loci tempore perturbationis occiderunt Paulum de Longothan, Bajulum Imperatoris, & armenta Imperialia (l) direperunt: & nihilominus (ut dictum est) permutatio data est Abbati, & conventui pro parte sua, & hodie tenent.

Locus Lamæ cinctus est per sententiam ab Abbate S. Joannis Rotundi, qui de eo velut de re feudali potuit & debuit, secundum jus civile & Canonicum, in Imperiali curia conveniri.

II. Propositio Ecclesiæ.

Templarii & Hospitalarii bonis mobilibus, & immobilibus spoliati, juxta tenorem pacis non sunt integre restituti.

Responsio Imperialis.

A Templariis & Hospitalariis verum est, quod per judicium, & per an-

tiquam constitutionem Regni Siciliæ, revocata sunt feudalia, & Burgasatica, quæ habuerant per concessionem in vasorum Regni, quibus equos, arma, victualia & vinum, & omnia necessaria ministrabant abunde, quando infestabant Imperatorem, & Imperatori, tunc Regi pupillo & destituto, omne omnino subsidium denegabant. Aliæ tamen feudalia & Burgasatica dimissa sunt eis, qualitercunque ea adquisierunt, & tenuerunt ante mortem Regis Wilhelmi secundi, seu de quibus haberent concessionem alicujus antecessorum suorum. Nonnulla vero Burgasatica, quæ emerunt, revocata sunt ab eis, secundum formam antiquæ constitutionis Regni Siciliæ, quod nihil potest eis sine consensu Principis de Burgasaticis inter vivos concedi, vel in ultima voluntate legari, quin post annum, mensem, septimanam, & diem aliis Burgensibus secularibus vendere & concedere teneantur, & hoc propterea fuit ab antiquo statutum, quia si libere eis & perpetuo Burgasatica liceret emergere, sive accipere, modico tempore totum Regnum Siciliæ (quod inter Regiones mundi sibi habilis reputarent) emerent, & adquirerent. Et hæc eadem constitutio obtinet ultra mare.

III. Propositio Ecclesiæ.

Item, quod non permittitur (m) Cathedrales, & alias vacantes Ecclesias ordinari, & hæc occasione periclitatur libertas Ecclesiæ, perit fides, quia non est, qui proponat verbum Dei, nec qui regat animas, deficiente Pastore.

Responsio Imperialis.

Cathedrales & alias vacantes Ecclesias Dominus Imperator libenter vult & desiderat ordinari, salvis privilegiis & dignitatibus, quæ prædecessores sui Reges usque ad sua tempora habuerunt, & quibus ipse modestius, quam prædecessores sui hactenus usi sunt, nec contra ordinationem Ecclesiarum unquam fuit.

IV. Propositio Ecclesiæ.

De talliis & exactionibus (n) contra formam pacis Ecclesiis & Monasteriis extorquentur.

Responsio Imperialis.

Talliæ & collectæ Clericis & personis

(b) Idem.

(l) diripuerunt.

(z) Domini

(m) non permittit.

(k) Millerensis

(n) quæ.

sonis Ecclesiasticis, non pro Ecclesiasticis rebus, sed pro feudalibus & patrimonialibus imponuntur, secundum quod est jus commune, & obtinet ubique per orbem.

V. Propositio Ecclesie.

De hoc, quod Prælati non audent procedere contra usurarios, occasione constitutionis Imperialis.

Responsio Imperialis.

Apparet generalis & nova constitutio contra usurarios edita per Imperatorem, per quam (p) omnibus bonis eorum publice condemnantur, & lecta est coram Prælatiis, per quam etiam non (q) interdicatur Prælatiis audacia procedendi.

VI. Propositio Ecclesie.

Quod Clerici capiuntur, incarcerationantur, proscribuntur.

Responsio Imperialis.

De captis & incarcerationatis nihil novit, nisi quod per officiales Imperatoris aliqui capti sunt, assignandi juxta qualitatem excessuum judicio Prælatorum. De proscriptis vero novit, quod obiecto quibusdam crimine læsæ Majestatis, alii qui de regno sunt proscripti. Novit etiam de occisis, quod propter impunitatem Clericorum & Monachorum Vestra Ecclesia gemit obitum Prælati sui a suo Monacho interfecti: & in Ecclesia S. Vincentii Monachus Monachum interfecit, nec est inde aliqua vindicta sive pœna Canonica subsecuta.

VII. Propositio Ecclesie.

De Ecclesiis Domino consecratis, quæ prophanantur & destruuntur.

Responsio Imperialis.

Nihil omnino scitur, nisi forte dicatur de Ecclesia Luceriæ, quæ propter diutinam vetustatem per se dicitur corruisse, & quam Imperator nedum quod reedificari permittat, imo paratus est, ad honorem Dei & Ecclesiæ, de suo pro reedificatione ejusdem Episcopum congrue adjuvare.

VIII. Propositio Ecclesie.

Quod non permittit reparari Soranam Ecclesiam.

Responsio Imperialis.

Soranam Ecclesiam solam ædificari permittit: sed civitatem non, ad minus diebus suis, quæ judicio est destructa.

IX. Propositio Ecclesie.

Quod contra tenorem pacis hi, qui adhæserunt Ecclesiæ temporeurbationis, bonis omnibus spoliati exulare coguntur.

Responsio Imperialis.

Adhærentes Domino Papæ temporeurbationis contra Dominum Imperatorem, secure in Regno morantur, nisi forte, qui officia & jurisdictiones exercuerunt, metu ponendi rationem, vel aliqui, ne causis civilibus, vel criminalibus conveniantur, morantur extra regnum: de quibus vult Dominus Imperator, quod secure redeant, (r) & sibi & aliis conquerentibus, non tamen de eo vel ejus occasione, quod Ecclesiæ adhæserunt, velint facere rationem. Sed cum de forma pacis tractatur, recordatur, quod Dominus Papa contra eam, contra opinionem fere omnem fratrum, detinuit civitatem castellæ, pro qua detinenda, in præjudiciam Imperii, recepit pecuniam existente Domino Imperatore pro servitio ejus contra Romanos, & expendente proinde ultra centum millia marcarum argenti: adeo quod magnum commodum inde est Ecclesiæ consecuta, tam de terra Romanis ablata, & sibi restituta, quam de libertate Ecclesiastica, reformata in urbe, occasione servitii supradicti.

X. Propositio Ecclesie.

De nepote Regis Tunicii, quem non permittit venire ad Apostolicam Sedem, ad suscipiendum Baptismi Sacramentum, sed captivum detinet.

Responsio Imperialis.

Quod nepos Regis (s) Tunicæ, non ut baptizaretur, sed ut aufugeret mortem, quam præminabatur patruus suus, de Barbaria fugit in Siciliam. Non tenetur captivus, sed liber per Apuliam vadit, & diligenter quæstus, si baptisari velit, omnino negat. Si tamen vult baptisari Dominus Imperator acceptat & gaudet, prout super hoc respondit alias Panormitanensi & Messanenſi Archiepiscopis.

B b b b 3

XI.

(p) in. (q) interdicatur.

(r) Tunicii.

(s) si sibi pro &.

XI. Propositio Ecclesiæ.

De Petro Saraceno, fidei Ecclesiæ, quem tener captivum in injuriam Ecclesiæ: & fratre (†) Jordano, qui tenetur captivus.

Responsio Imperialis.

Petrus Saracenus, tanquam inimicus Domini Imperatoris, & detractor ejus tam in urbe, quam alibi, captus est per eum. Item non in negocium Regis Anglorum venit, sed tantum litteras ipsius attulit, ut si forte caperetur, capto parceremus, attentius supplicantes. Quibus non obtemperavimus, quia Rex nescivit, quas mihi paravit insidias.

De fratre Jordane, quod ipsum nec (u) cepi nec capi mandavit, quamvis eum in sermonibus diffamaverat, sed quia videtur a quibusdam fidelibus suis, qui norunt mores, & virtutes ejusdem fratris, quod status & mora ejus, si fieret in Marchia Tervisii, & Lombardia, suspecta forent & nociva Domino Imperatori, præstita satisfactione, quod in Marchia & Lombardia remanere vel morari non debeat, ipsum liberari mandabat, & assignari eum jussisset Domino Messanenfi Archi-episcopo, si dictum fratrem in prædictum modum super se recipere voluisset.

XII. Propositio Ecclesiæ.

De eo, quod ipse seditionem movit in urbe contra Ecclesiam, per quam intendebat Romanum Pontificem & fratres suos a sua sede repellere, & contra privilegia, dignitates, & honores Apostolicæ Sedis, libertatem Ecclesiasticam. (x)

Responsio Imperialis.

Seditio mota in urbe contra Ecclesiam per Dominum Imperatorem, negatur, sed cum ipse habeat fideles suos in urbe, sicut prædecessores sui, tam romani Principes, quam Reges Siciliæ soliti sunt habere, quia Senatores aliquando electi per potentiam adversariorum, eos offendere contendebant, adstabat defensionis eorum, sicut astaret quoties in similibus expediret. Cessante vero causa, videlicet, quod alius Senator communiter electus fuit, cessavit turba-

tio supradicta, prout constat de rei evidenti, ex testimonio Panormitanensis & Messanenſis Archi-Episcoporum.

XIII. Propositio Ecclesiæ.

De eo, quod mandavit quibusdam fidelibus suis, ut Episcopus Prænestinus Apostolicæ Sedis Legatus destineretur. (y)

Responsio Imperialis.

Super mandato detentionis Episcopi Prænestini, respondit, quod nunquam mandavit, nec etiam id somniavit Dominus Imperator, quanquam de eo id juste facere potuisset, tanquam de inimico sui. (z). Quilicet missus per Dominum Papam, tanquam vir religiosus, tamen de mandato Domini Papæ (ut ipse dixit) Lombardiam pro magna parte contra Dominum Imperatorem callide & pernitiose subvertit, & Lombardos contra ipsum, in quantum potuit, animavit.

XIV. Propositio Ecclesiæ.

Quod per eum impediatur negocium terræ sanctæ, occasione discordiæ, quam habet cum quibusdam Lombardis: cum parata sit Ecclesia dare operam & operam efficacem, ut sibi, & honori Imperii super his, quæ commissa sunt contra eum a Lombardis, congrue satisfiat, & Lombardi etiam ad hoc ipsum sint præparati. Moneatur super his omnibus, & responsum ejus significetur nobis.

Responsio Imperialis.

Super negotio Lombardiæ dixit Dominus Imperator, quod illud multoties commisit Ecclesiæ, nec inde est aliquod commodum assécutus, nisi quod prima vice condemnati sunt Lombardi, in quadringentis militibus, quos Dominus Papa tali modo fecit ei solvi, quod ipsos contra ipsum Imperatorem misit in regnum. Secunda vice condemnati sunt in quingentis militibus, quos non Imperator, (a) contra quem commissa erat injuria, sed sub protectione, & ad requisitionem Domini Papæ & Ecclesiæ, quæ offensa non erat, ultra mare transmitti pronuntiavit, quod etiam nunquam factum fuit. Tertia vice ad requisitionem Cardinalium, scilicet quondam Episcopi Sabinensis, & Magistri Petri de Capua,

(†) Jordane.

(y) destineretur.

(u) cepit.

(z) suo.

(x) conculcare.

(a) Imperatori

Capua, plene sicut Dominus Papa dictavit, commissum fuit dictum negotium Ecclesiæ, nec unquam postea de hoc fuit verbum, nisi quando Dominus Papa novit, quod Imperator, postquam ei totiens erat illud, defendere cum exercitu a Germania in Italiam se parabat, & tunc instanter petiit denuo negotium sibi committi: & Dominus Imperator, licet in eadem commissione naufragium sæpe expertus fuisset, voluit tamen sibi committere ad certum diem & sub conditione, quod ad honorem suum, & commodum Imperii firmaretur. Quam conditionem Dominus Papa, prout per literas suas constat, admittere noluit, quanquam ad præfens per literas suas dicat, quod Ecclesiæ negotium ipsum, salvo jure & honore Imperii, fuisset diffinire parata. Et ex hoc patet: quod literæ ipsæ sibi invicem manifestissime contradicant.

Et ne prætendatur, quod in præjudicium terræ sanctæ velit Dominus Imperator jura Imperii in Italiam restaurare: qualiter Dominus Imperator negotium terræ sanctæ assumpsit, nec duxerit negligendum, apparet per literas suas responsales Regibus orbis, & cruce signatis in Francia scriptas, qui ipsum in Dominum & Rectorem exercitus elegerunt, per quos etiam respondit insuper eisdem, quod negotium ipsum de consilio Ecclesiæ tractare volebat.

Denique tamen super omnibus gravaminibus Ecclesiarum corrigendis, Notarius Domini Imperatoris in specialem nuncium, sicut superius est propositum, est transmissus.

Addit præterea Imperialis responsio, quod id, quod enormius est, & in admirationem, & stuporem omnium au-

dientium verti debet, post recessum supra memoratorum Parnormitanensis & Messanenensis Archi-Episcoporum, quibus Dominus Papa Ecclesiæ gratiam pro Domino Imperatore promisit, & quod voluit unum & idem esse cum eo, Domino Imperatore, prout decuit, non modice hoc attemptante, postquam sufficienter fuerat eis ad quædam Capitula missa per eos, responsum, prout in eorum attestacione consistit, post tergum & in confusionem eorundem Archi-Episcoporum, eis omnino nescientibus, missæ sunt istæ literæ & capitula interclusa Prælati, quæ licet speciem admonitionis contineant, sugillationem tamen Imperialis famæ continent manifeste.

Ultimo generale verbum respondit & proposuit Dominus Imperator, quod cum ipse diu fuerit absens a Regno, & Regni statum ignoret, quicquid unquam in gravamine Ecclesiarum factum est, quod remaneat emendandum, integre & sine difficultate aliqua id emendari mandabit. Et nihilominus propter universale bonum, quod ex unione inter ipsum & Ecclesiam provenit, paratus est omnem prorsus securitatem, quæ Ecclesiam & ipsum Imperium deceat, præstare Ecclesiæ, quod ad honorem & exaltationem fidei Christianæ, & ad honorem & libertatem Ecclesiasticam conservandam, sit unum & idem cum Ecclesia, viribus & potentia sua ad hoc ex toto converfis.

Datum &c.

Goldastus Tomo II. Constitutionum Imperialium pag. 78. 79. &c.

Ex Matthæo Paris, cum cujus editione Londinensi Goldastinam contuli, & variantes adscripsi.

SYNODUS MOGUNTINA

Anno Christi MCCXXXIX. Gregorii IX. Papæ XII.
Friderici II. Reg. XXII.

§. I. *Invitatoria Encyclica Archi-Episcopi Moguntini.*

§. II. *Excusatoria Conradi, Hildesiensis Suffraganei, ad Sigefridum.*

§. III. *Acta Synodi & personæ præsentis.*

§. IV. *Dedicatio Metropolitanæ Moguntinæ post Synodum.*

§. I.

§. I. *Sigifridi Encyclica ad Suffraganeos suæ Provinciæ invitatoria ad Synodum Provincialem.*

SIGIFRIDUS, DEI GRATIA, SANCTÆ MOGUNTINÆ SEDIS ARCHIEPISCOPUS.

Licet ex Præcepto sacrorum Canonum teneamur annis singulis Provinciale Concilium celebrare; usque nunc in quantum potuimus, Fratrum & Coepiscoporum nostrorum laboribus & expensis pepercimus in hac parte. Verum, quia multa ad nostram audientiam pervenerunt, quæ limam correctionis repescunt, & quæ conniventibus oculis pertransire non possumus, nec debemus, nec audemus, ne subditorum sanguis de nostris manibus requiratur; Fratritati vestræ de nostra arce Metropolitana precipimus districte, quod ad Provinciale Synodum, quam apud Maguntiam anno præsentis, auctore Domino, *prima die Julii* celebrare decrevimus, omni difficultate postposita venire curetis, efficacius inducentes, & si necesse fuerit Ecclesiastica distictione cogentes Prælatos vestræ Diocesis universos, ut ad eandem Synodum, sicut tenentur, accedere non omittant: Rogamus insuper caritatem vestram attente, quia vestra vobiscum Pontificalia faciatis deferri, ut nobis in *Dedicatione nostræ Ecclesiæ* quam statim, celebrato Concilio, vita comite, celebrare proponimus, assistatis, & consecrationem eandem per vestram faciatis Diocesim sollempniter publicari, Vestros subditos in Domino exhortantes, ut ad ipsius consecrationis sollempnia devote concurrant, largifluas indulgentias recepturi.

Datum Moguntia.

Ex codice MS. Bibliothecæ Metropolitanae Moguntinae descripsit Cl. Schannat.

§. II. *Excusatoria Conradi, Hildesienfis Suffraganei, ad Metropolitam Moguntia.*

Noveritis, quod ad diem Concilii a vobis indicti venire non possumus, infirmitate detenti, licet firmum habuerimus propositum veniendi: quocirca Ve-

stram Clementiam exhortatam esse volumus, quatenus excusationem nostram super hoc Vobis & Sancto Concilio per Magistrum Meinhardum Scholasticum Ecclesiæ nostræ porrectam, cum mansuetudine admittatis; de ægritudine autem nostra vobis fidem idem faciet juramento in animam meam; si forte super hac causa juramentum ab ipso duxeritis exigendum.

Ex codice MS. Bibliothecæ Metropolitanae Moguntinae descripsit Cl. Schannatus.

§. III. *Acta Synodi & personæ præsentēs.*

Anno MCCXXXIX. VI. Nonas Julii civitate Moguntina celebratum est Concilium, præsentē Conrado Rege, Imperatoris Friderici II. filio, ac ejusdem Sedis Archiepiscopo Sigifrido cum novem Episcopis. In hoc Concilio Episcopus Eistatenfis (a) querelando miserabiles exhibuit literas; in quibus continebatur, quoniam sui ministeriales ac cives Eistatenfes, jam fere per annum in excommunicatione manentes, diabolica, atque hæretica præsumptione ipsum Episcopum cum Clero sibi favente, crudeliter expellendo abjecissent, & laicas personas in Episcopum, ac Præpositum & Decanum elegissent, ac ejusdem Matricis Ecclesiæ sacriliam infringendo spoliaverint: & ipsorum errorem Magnates & potentes quidam foventes, perniciose in malitia confortaverint, ac qualiter suos fautores, si decesserint, cum musicis instrumentis ad sepulturam conducendo, lætanter sepeliant.

Anonymi Chronicon Erfordienfe.

Editum a Schannato Collectione prima Pandemia Literaria pag. 99.

§. IV. *Dedicatio Metropolitanae Moguntinae.*

Anno MCCXXXIX. Major Ecclesiæ Moguntinensis, de novo reparata per Siphridum Archiep. Moguntinum cum magna solemnitate consecratur. In qua Dedicatione tanta multitudo populorum convenerat; ut omnes non civitas ipsa, non campus caperet, sed trans Rhenum apud Castellam & in Insulis stationes fieri oporteret.

Servarius ex Tritheimio, & Chronico minore MS. Lib. V. rerum Moguntiac. p. 837. Refor-

(a) Fridericus a Parsberg, eruditionis & prudentiæ laude illustris gubernavit Ecclesiam Eystettensem ab anno 1237. ad 1246. *Teste Bucelino Germania Sacra Parte I.*

Reformatio & Visitatio Diœcesis

Naumburgensis.

ANNO CHRISTI MCCXXXIX.

Eodem tempore, anno videlicet Domini MCCXXXIX. Engelhardus Episcopus noster ex mandato Summi Pontificis, & Archi-Episcopi nostri Alberti, fecit Reformationem sive Institutionem novam suæ Diœcesis Monasteriorum, & præcipue in cantu & celebratione Divini cultus, & hoc propter abusiones, quæ in Ecclesiis inoleverant, multas, confecitque desuper Privilegium, quod ita incipit: *In nomine Sanctæ & Individuæ Trinitatis. Engelhardus, Dei gratia, Nuenburgensis Episcopus, dilectis in Christo Fratribus, Abbati & Conventui in Puzowe, salutem in salutis Authore &c. Nostis siquidem, quam districte VISITATIONEM Diœcesum nostrarum Domino Archi-Episcopo & Nobis, Dominus Papa suis Literis injunxerit, com-*

minans desideribus, pigros excitans & contestans singulos &c. Data Puzowe VIII. Id. Septemb. Indict. II. Pontificatus vero Nostri anno XXIII. feliciter. Amen.

Paulus Langius in Chronico Citizensi ad hunc ann. apud Pistorium.

Sed idem in Chronico Naumbergenfi edito a Menckenio Tom. II. pag. 158. hujus Visitationis non meminit.

Anno MCCXXXIX. omnia Monasteria in tota Diœcesi sua ex Mandato Papæ, in disciplina, cantu, & celebratione cultus Divini accurate reformat, omnes abusus amputando.

Paulini in Actis Episcoporum Nuenburgens. pag. 138.

SYNODUS BAMBERGENSIS

ANNO CHRISTI MCCXLII. ROMANA SEDE VACANTE.
FRIDERICI II. REG. XXV. IMP. XXIII.

SUMMA. *Henricus electus Bambergensium Episcopus, impetrata nondum Confirmatione, ob aditum ad Pontificem bello interclusum, indicto Conventu Ecclesiæ Bambergensi providet.*

ET si vero Pontificia ejus Confirmatio per triennium ferme protraheretur, quod propter assidua bella, & seditiones Italiam prementes, omnes ad Sedem Apostolicam interclusi essent aditus; ne tamen laboranti jam pridem Ec-

clesiæ deesset, sed, quam deberet, opem adferret, Conventum eam in rem indixit, & quid opus esset facto, decrevit.

Hoffmannus Annalium Bambergens. Lib. IV. de Henrico Schimidsfeld Episc. Bambergensi.

CONCILIIUM PROVINCIALE MOGUNTINUM

Anno Christi MCCXLIII. Innocentii IV. Papæ I.
Friderici II. Regis XXVI. Imp. XXIII.

SUMMA. §. I. *Definitur proœdria Eystatensis Episcopi supra Suffraganeos.*
§. II. *Dedicatio Ecclesiæ majoris Monasterii Mogunticæ.*

ANno Domini MCCXLIII. VII. Kal. Julii, cum Concilium in Ecclesia Maguntina esset indictum, & cum p.m. Syffridus ejusdem Ecclesiæ Archi-

Episcopus, tunc temporis in die Concilii ad Concilium cum Coepiscopis suis confidere vellet, ut indictum Concilium turbaretur Domini Episcopi Hildenshei-

Tomus III. Concil. German.

C c c c

mensis.

menfis, & D. Warburnensis, (a) & D. Wormacenſis jus Domini Epifcopi Eyſtetenſis (b) & ſuæ Eccleſiæ, ut ſupra notatum eſt, quilibet eorum pro ſe & ſua Eccleſia, quod primus eſſe deberet poſt Moguntinum, proponebant, & ſuper hoc ſibi fieri juſticiam poſtulabant: Dominus vero Eyſtetenſis Epifcopus Fridericus nomine, dictus de Parsperg, & Juris peritus, cum audiret dictos Epifcopos jus Eccleſiæ ſuæ, & eis alienum imperere, & tanquam rem ſuam petere, ipſe ut homo providus & literatus, Pontificalibus indutus & veſtitus, jus Eccleſiæ ſuæ laudabiliter defendebat, & teſtes, quos ad probandam intentionem ſuam induxit, taliter jurati depoſuerunt.

Duo Præpoſiti, & unus Decanus, quorum quilibet ſe circa centum annos eſſe dicebat, ſic dixerunt, & concordaverunt in omnibus ſupra notatis adjicientes, quod quando Maguntinus vellent præſidere Concilio, quod ab una parte Monafterii ſedes deberet eſſe, quæ caperet, niſi duas Perſonas, Maguntinum, & Eyſtetenſem Epifcopum, ex alia vero parte Domini Epifcopi, ejusdem ſedis Suffraganei deberent ſedere per ordinem, & ſi Dominus Maguntinus medio tempore inciperet agrotare, Dominus Eyſtetenſis dicto Concilio deberet præſidere, & tractare ea, quæ tractanda, & decidere, & Concilium conſummare, & quod tunc non de propriis, cum eandem Eccleſiam ſibi regeret, ſed de Bonis Eccleſiæ Maguntinæ deberet procurari, & in redditu, donec ad villam, quæ vocatur Perglen, quæ attinet Eccleſiæ Eyſtetenſi, ibi de propriis deberet ſuſtentari.

Dixerunt etiam, quando Dominus Eyſtetenſis vocaretur venire Magunciam, ſive eſſet in Cena Domini, ſive in aliis Feſtivitatis, & Dominus Maguntinus quacunque de cauſa non poſſet exequi officiū ſuum, & Dominus Eyſtetenſis ratione juris ſui & ſuæ Eccleſiæ, quod ex antiquo ſibi in Eccleſia Maguntina ſciatur eſſe conceſſum, ad exercendum ibi Divinum Officiū & in Diceceſi, ſi

neceſſe eſſet, ad Eccleſias conſecrandas vocaretur, quod Procuratores Domini Maguntini deberent occurrere Domino Eyſtetenſi apud villam, quæ dicitur Perglen, quæ ad Eccleſiam Eyſtetenſem ſpectare diſcoſitur, & cum in ſero viſiſſet ibi de propriis, de mane Procuratores Eccleſiæ Maguntinenſis deberent, ex tunc procurare de rebus Eccleſiæ Maguntinæ Dominum Eyſtetenſem cum XXXVI. Equitatibus ibi, & veniendo Magunciam, & ibi commorando & redeundo domum iterum, donec ad villam Perglen, ibi tunc primum de propriis deberet ſuſtentari, dixerunt; & quando taliter vocatus D. Eyſtetenſis veniret Maguntiam, quod ex tunc a Canonicis Majoris Eccleſiæ ſuſcipi & recipi deberet proceſſionaliter.

Cum vero teſtes prænotati in hunc modum jurati depoſuiſſent, & per omnia concordaiſſent, D. Eyſtetenſis ſub forma judicii juſticiam ſibi & ſuæ Eccleſiæ fieri petivit & inſtanter, præmiſſis tamen allegacionibus ſuis & probationibus, hoc de jure fieri debere; Dominus vero Moguntinus de (c) Concilio DD. Epifcoporum & Capituli ſui, intentionem D. Epifcopi Eyſtetenſis pro ſe & ſuo Capitulo ſufficienter eſſe probaram *interloquendo* pronuntiavit, & talem prærogativam, ſuper qua vertebatur quaſtio, Domino Eyſtetenſi Epifcopo, ſuique ſucceſſoribus, prout rite probatum fuerat, ſentencionando adjudicavit: Dominus vero Eyſtetenſis de (d) ſecunda hora Concilii ad renovationem ſui juris cum Domino Maguntino in una ſede, ſecundum quod teſtes depoſuerunt, Concilio laudabiliter præſedit, & loco Domini Maguntini ea, quæ ibi tractabantur, in publico lucidiſſime diſſinivit, & die tertia, quia Dominus Maguntinus Officiū perſonaliter exequi non poterat, Monafterium in majori Eccleſia Maguntina, (e) omnibus qui erant, Epifcopis ſibi cooperantibus, & Rege Conrado præſente, glorioliſſime dedicavit.

Teſtes omnium præcedentium ſunt

(a) Paderburnenſis.

(b) Friderici II. hoc nomine, qui teſte *Bruschio* vir erat jurisperitus, eximie doctus, & ſapientiſſimus, natus ex nobili gente de Parsberg. Sedit annos novem, deſunctus anno MCCXLVI. IV. Kal. Junii in ordine Præſulum Eyſtetenſium XXXII.

Gretſer. Tomo X. pag. 856. in Catalogo Epifcopor. Eyſtetenſium.

(c) conſilio.

(d) *lego* die ſecunda.

sunt hi: Dominus Episcopus Herbipolensis, Dominus Argentinensis, Dominus Babenbergensis, Dominus Spirensis, Dominus Wormacensis, Dominus Barbrunnensis, Dominus Halberstadenfis, & alii quamplures Prælati, Clerici & Laici.

Ulricus de Hazenstein Præpositus Herridiensis, Conradus Comes de Castell, Otto de Ponte, Hermannus de Thanhausen, Canonici Eystetenfes, Henricus Notarius Canonicus Herridiensis, & Ministeriales Ecclesiæ, Conradus Junior Dapifer, Cuno de Lapide, & alii quamplures simili modo interfuerunt.

Acta sunt hæc Regnante Domino Papa Innocentio Quarto, & Imperatore Friderico, & Filio suo Rege Conrado Regnantibus, qui Imperator per eundem Papam Innocentium post hæc apud Lugdunum, iusticia exigente est destitutus. Anno MCCXLIII. VII. Kal. Julii.

Ex Libro Episcopali Eystetenfis Ecclesiæ descripte Cl. D. Joannes Georgius Joannis.

Gretserus Epitomen bujus Synodi scripsit Lib. I. Observationum in Philippi Eystetenfis Episcopi Commentarium Cap. XV. pag. 773. Tomo X. noviss. editionis.

(e) Majorem Ecclesiam Moguntinam a Sigefrido III. reparatam & consecratam fuisse anno 1239, scribit *Tribemius* ad diem IV. Nonas Julii, & huic Dedicationis solemnitati Suffraganeos omnes Episcopos interfuisse, scribit *Latomus in Catalogo Archiep.* An autem *Monasterium in majori Ecclesia* sit distinctum a majori Ecclesia, non habeo dicere.

Quo jure Bernardus Paderbornensis proëdriam in Conciliis Provincialibus, aliisque congressibus prætenderit præ Eystadensi; forte an jure Consecrationis, quod ante Eystadensem fuit Episcopus consecratus? nam Hincmarus Rhemenfis observavit, antiquiores consecratione in Conciliis præcessisse eos, qui post ordinati fuissent: non sane jure antiquitatis aliove titulo: Schatenus ignorat.

Annal. Paderborn. Lib. XI. pag. 41. Tomo II. ad b. a.

Quam varius fuerit sessio in Conciliis Provincialibus Moguntinæ, ordo inter Suffraganeos ejus XII, patet ex variis schematibus hujus ordinis, descriptis a *Serario Lib. I. rerum Moguntiacarum Cap. 23.* quos omnes recudit *Gretserus Lib. I. Observationum jam citato.*

In Concilio Africano, credo Carthaginensi anni CCCCLII. definitum, ut ordinatione priores Episcopi sedeant in Synodis ante eos, qui posteriores ordinatione Episcopali sunt: id a Patribus & a Majoribus servatum fuisse, salvo jure Primatum Numidiæ, & Mauritanæ. *Conc. Africanum Tit. LIII. Tomo I. pag. 218.*

CONCILIIUM PROVINCIALE FRITZLARIÆ

A SIGIFRIDO III, MOGUNTINO ARCHI-EPISCOPO, CELEBRATUM,
Anno Christi MCCXLVI. Innocentii IV. Papæ III.
Friderici II. Reg. xxix. Imp. xxvii.

CANONES XIV.

ANNO MCCXLVI. Sigifridus III. Epsteinius, Archi-Episcopus Moguntinus, inter tantos Reipublicæ Germanicæ motus (ob Fridericum II. Imp. & Filium ejus ab Innocentio IV. anno MCCXLV. Lugduni excommunicatos, 2do. ob Henricum Landgravium Thuringiæ apud Herbipolim electum Regem, sed anno MCCXLVI. Ulmæictu sagittæ interfectum, ob Wilhelmum Hollandiæ,

Tomus III. Concil. German.

Seelandiæ, & Frisiæ Dominum anno MCCXLVI. coronatum) officii sui memor magnâ constantiâ erga Innocentium IV. Ecclesiam suam tutatus est, & Provinciale Synodum convocavit *Fritzlaræ*, & quidquid ad Cleri commodum facere potuit, non omisit

Latomus in Catalogo Archiep. Moguntia. Menkenius Tomo III. Scriptor. German. p. 518. ad ann. 1246. contra MS. codic.

C c c c 2

I. De

I. De Baptismo.

Baptismus cum summa reverentia celebretur, maxime in distinctione & prolatione verborum, in quibus Sacramenti virtus consistit, his scilicet verbis: *Ego Baptizo te, in Nomine Patris, & Filii, & Spiritus Sancti.* Sacerdotes etiam doceant tam mares, quam fœminas in necessitate parvulos Baptizare eadem forma in suo idiomate, & quod Patres, & Matres, infantes proprios, si summa necessitas exigit, poterunt Baptizare, & si Sacerdotes super hoc diligentius inquirentes, debitam formam servatam in Baptismate invenerint, quod factum est, approbent, suppletes circa Baptisatum quoad unctionem olei in pectore, & in scapulis, & crismate in vertice, quod a laicis est omissum; si autem in Baptismate debitam formam non invenerint observatam, non differant pueros baptizare.

II. De Custodia Eucharistiæ.

Statuimus; ut in cunctis Ecclesiis, Baptismus, Chrisma, & Eucharistia sub fidei custodia, clavibus adhibitis, conservetur, ne possit ad illa temeraria manus extendi; pallæ quoque Altaris, vasa, corporalia, & vestimenta Ministrorum, munda & nitida conserventur; nimis enim videtur absurdum in sacris Sacerdotes negligere, quæ dedecorent etiam in prophanis.

III. De consecratione Ecclesiæ.

Ecclesiam, aut Cimiterium, per sanguinis aut seminis humani effusionem, aut per excommunicati corporis tumulationem, violatum sive pollutum, per alium quam per Episcopum reconciliari non potest, cum ea, quæ sunt Episcopalis ordinis, non nisi ab Episcopo valeant emendari.

IV. De Penitentia.

In confessionibus audiendis maximam adhibeant diligentiam Sacerdotes, ita ut a penitente usitata peccata & communia sigillatim; inusitata vero tantum per quasdam circumlocutiones caute perquirant, ne inexpertis detur materia, quod ante nescirent, perpetrandi. Caveant autem omnino Sacerdos ne verbo, aut signo, aut alio modo prodat aliquatenus peccatorem, sed si prudentum consilio indigerit, illud absque omni ex-

pressionem personæ caute perquirat, quoniam, qui peccatum in penitentiali iudicio sibi detectum præsumpserit revelare, non solum a Sacerdotali officio deponendum decernimus, verum etiam ad agendum penitentiam in arctum Monasterium detrudendum. Verum, quia quidam confessores, etsi personam contententis non exprimant, circumlocutionibus tamen contententium, & peccati circumstantiis sub quadam generalitate indiferece publicant contententem; statui- mus igitur, ut nullus Sacerdos expressa religione, conditione, seu statu alicujus, peccatum recitet contententis; immo nec peccati qualitas, locus, seu vicinia perpetrati facinoris specificetur ullo modo, cum ex huiusmodi circumlocutionum indiciis, auditoris industria personam interdum eliciat peccatoris, & ex specificatione peccati humana fragilitas ad perpetrandum similia forsitan provocetur.

Prohibemus etiam, ne quis Sacerdos ab uno sibi contentente de aliorum peccatis, nominibus expressis, inquiret, & ne Missas, quas penitentibus procurandas injunxerit, celebrare præsumat, & ne pro iis fiat aliquod Tricenarium, vel annuale.

Et quia plerumque infirmus suam confiteri peccata, propter multorum præsentiam, erubescit; id a Sacerdotibus præcipimus districtissime observari, ut prius familiariter & secrete audiat confessionem infirmi, si mortis periculum non obstat, & postea ad eum deferat cum devotione, habitu, & reverentia condecens Eucharistiam salutarem.

Sunt autem tria peccata, quæ in satisfactionibus injungendis sunt Domino Apostolico reservanda, scilicet: in Clericos, vel quoscumque Religiosos injectio manuum violenta, Ecclesiarum, vel Religiosorum locorum incendia, & simonia in ordine perpetrata.

Insuper; quia in penitentis injungendis quidam casus frequenter emergunt; qui etiam dispensationem episcopalem requirunt; in illis casibus ad episcopum, vel suos penitentiaris habeatur recursus, sive occulti fuerint, sive etiam manifesti. Statuitur itaque, quod Sacerdotes, in satisfactionibus injungendis, majora penitentiaris Episcopi reservent, utpote: homicidia; sacrilegia; incen-

incendia ; peccata contra naturam ; concubitus personarum conventualium , præsertim in sacris ordinibus constitutorum ; incestus , videlicet cum consanguinea vel affine , compatre vel commatre , vel , cum ea , quæ votum castitatis emisit ; injectio manuum in parentes ; oppressiones parvulorum per negligentias parentum , in igne , in aqua , natos amittentium ; veneficia ; perjurya solemnia ; fidei fractiones ; votorum transgressores , simoniam ; adulteria ; hæreses ; apostasias ; maleficia eorum , qui maleficiunt conjuges ut non possint coire , vel qui procurant sterilitatem mulierum , vel abortum ; Falsarios , qui sigilla , litteras , vel monetam falsificant , falsa instrumenta conficientes ; falsum testimonium redcentes , blasphematores Dei , & Sacerdotum ; sortilegos , ac majori excommunicatione in hujusmodi peccatis vel similibus detentos , mittant Sacerdotes ad Episcopos , vel eorum pœnitentiariorum , absolvendos , nec absolvant , præterquam in mortis periculo , absque loci Episcopi licentia speciali , declarantes : quod illi , quibus hoc committitur , potestatem non haberent illud aliis personis committendi.

V. *Ut Ecclesiastica beneficia sine diminutione conferantur.*

Cum beneficia Ecclesiastica sine diminutione conferri debeant , quidam Ecclesiarum Patroni , personis idoneis prætermisissis , tales ad ea præsentant , qui portione aliqua debent esse contenti ; reliquum suis usibus totaliter applicando ; unde , ad hujusmodi mali perniciem extirpandam statuimus : quod si tales Clerici se de portione debita spoliari videntes ad suum Episcopum querelam non detulerint , auctoritate hujus Concilii sint ipso jure suspensi , & nihilominus eisdem Ecclesiis spoliuntur per Episcopum , & Presbytero idoneo provideatur de ipsis ; si vero ad superiorem super hoc detulerint questionem , ipse patronum per censuram Ecclesiasticam ab hujusmodi molestatione compescat , adjicientes nihilominus : quod si in hoc pertinax patronus exstiterit , ad præsentationem talis Ecclesiæ de cætero nullatenus admitatur.

VI. *De concessione Præbende.*

Statuitur : quod nullus in Canonico eligi debet , beneficio non vacante ,

nisi iusta necessitas , vel utilitas Ecclesiæ id requirat , & tunc unus tantum , & non plures assumi debent ; si qui autem contra hoc statutum præsumperint quod factum est , ipso jure non teneat , & Episcopus tot præbendas conferre potestatem habeat , quot personæ fuerint sic assumptæ.

VII. *De institutionibus.*

Statuimus : ut nullus Clericus ad curam animarum ab Episcopo , vel suo Vicario admittatur , nisi prius juraverit , quod nullam in acceptione beneficii , ad cuius curam est præsentatus , commiserit simoniam , quodque bona ejusdem beneficii non velit alienare , sed alienata pro posse etiam recuperare.

VIII. *De Parochiis.*

Valde gravis , & clamorosa querela nostris auribus inculcatur , quod nonnulli suis juribus & finibus non contenti , Parochianos alienos præsumunt recipere temere ad Divina , contra Canonicas sanctiones , & cum dictorum Parochianorum judices non existant , nec ligandi nec solvendi in eos habeant potestatem , se tamen judices faciendo in foro spirituali periculose absolvunt & ligant pro suæ libitu voluntatis , sicque illud salutiferum peregrinationis viaticum , quod non proficit , nisi prius à criminum labe mundatis , in animarum suarum & eorum , qui id non dijudicantes indiscrete recipiunt , perniciem conferre non verentur ; sicque dicti eorum Sacerdotes , qui curam recipiendo eorum , suam pro ipsis animam obligarunt , dum sibi taliter subtrahuntur , statum ignorantes ipsorum , non possunt , quod in eis ægrotum est , sanare , nec consolidare infirmum , nec alligare contractum , & sic dum curationis necessariæ non adhibentur remedia , in invalescentibus morbis , usque ad interemptionem læsio dilatatur , unde Sacerdotes nullam possunt de sic pereuntibus animabus superno iudici reddere rationem. Nos , Sanctorum Patrum , qui Ecclesiæ Sancti Dei , & personis Ecclesiasticis , terminos , quos non licet transgredi , posuerunt , statuta considerantes : hujus sacri Concilii approbatione , universis Sacerdotibus tam Religiosis , quam sæcularibus ejusdemque ordinis , conditionis , seu status existant , in civitate , Diœcesi ,

vel Provincia Moguntina degentibus , sub debito juramenti , quod Episcopo in receptione Sacerdotii præstiterunt , ac sub interminatione Divini iudicii firmiter inhibemus : ne quis alienum Parochianum , cuius cura per Episcopum , vel loci Archi-Diaconum , seu ejus super eo Vicarium alteri est commissa , præsumat , excepta necessitatis causa , quæ legem non habet , ad confessionem recipere , vel ei aliquod Ecclesiasticum Sacramentum porrigere , nisi petita desuper & obtenta licentia proprii Sacerdotis ; cum certi & indubitati juris existat , talem a tali , crimine solvi non posse aliquatenus vel ligari ; & ex hoc ordine Ecclesiæ per majores & sanctos Patres per Divinam providentiam institutum confundi ; quod per universos Plebanos singulis diebus Dominicis , & festivis , coram suis plebibus præcipimus publicari.

IX. De Vicariis.

Statuimus : ut Rectores Ecclesiarum sufficientem assignent portionem ipsis vicariis de bonis Ecclesiarum Parochialium suarum , ut de eis congruam sustentationem habere , & jura Episcopalia , & Archi-Diaconalia persolvere , ac alia onera incumbentia valeant supportare ; alioquin hujus sacri Concilii auctoritate decernimus dictos Rectores , huic statuto non parentes , dictis Ecclesiis spoliandos.

Volumus insuper , quod ipsi Vicarii passim singulis annis mutari non debeant ad voluntatem ipsorum Rectorum , qui hoc propter turpem questum facere satagunt ; sed tunc demum , cum ipsi Rectores , actu Sacerdotes existentes , in ipsis Ecclesiis per se deservire volunt , vel alius ipsi Vicarii ex causis legitimis merito sunt removendi.

X. De Clericis peregrinis.

Peregrini , & ignoti Clerici nullo modo recipiantur ad ordines vel officium , nisi litteris Episcoporum suorum commendatiis & dimissoriis sint muniti.

XI. De Cohabitatoribus.

Ad abolendam de domo Domini consuetudinem , vel potius corruptelam , seu temeritatem , quâ Clerici , qui signum pudicitiae ostendere deberent laicis , quibus sunt positi in exemplum ,

in argumentum suæ finalis impuditiæ fructus prebendarum suarum concubinis & spuris legant in ultima voluntate , contra quos rigor Ecclesiasticus debet exerceri ; Quare sub anathematis vinculo prohibemus : ne de cætero Clerici , gratiæ anni (a) abutentes , cum de rebus Ecclesiæ nullum possint condere testamentum , fructus beneficiorum Ecclesiasticorum spuris , vel concubinis dimittant : qui vero contra hanc inhibitionem venire præsumserint , in signum suæ perditionis , Ecclesiastica careant sepultura , & quibus taliter fructus legantur , careant ipso jure : qui autem testamentum tale , post mortem defuncti , manutenere volunt , & per quorum manus personis illis fructus prebendæ fuerint ministrati , excommunicationis mucrone percellantur.

XII. De Clerico excommunicato.

Cum scriptum sit in lege Domini , quod quicumque non obtemperasset Sacerdotibus , is extra castra positus lapidabatur a populo , aut , gladio cervice subiecta , expiabat contemptum , & in primitiva Ecclesia inobedientes ejecti de Ecclesia rapido ore dæmonum trahebantur ; multi , nomine Sacerdotes , censuram Ecclesiæ contempnentes , excommunicati , vel suspensi a Prælatiis suis , exigentibus eorum culpis , & immemores , quod Episcopis , & Prælatiis clavium cælorum sit collata potestas , attemptare sibi interdicta ministeria non verentur ; contra quos volumus rigorem Ecclesiasticum exercere . Statuimus igitur , ut tales sine spe restitutionis ab officiis deponantur , & infames ac detestabiles facti , de cætero ad beneficia Ecclesiastica nullatenus admittantur ; nisi per penitentiam approbati , & conversationem laudabilem Sedis Apostolicæ meruerint gratiam obtinere.

XIII. De his , quæ vi metusve causa fiunt.

Quia Clerici , & Religiosi nonnulli , non attendentes , quantum sit obedientiæ bonum , quod victimis antefertur , & quod peccatum est ariolandi , nolle acquiescere , & scelus idolatriæ , obedire non velle ; amissionem rerum suarum , & corporis vanum metum allegant frequenter , ne cogantur mandatum exequi Prælatorum , qui cum prosperitatis tempore multa dona receperint , & lau-

(a) forte: annis.

te vixerint de patrimonio crucifixi, imminente Ecclesiæ necessitatibus articulo, pro honore illius aduersitates sustinere detestant, qui cum foret summe dives, ad obediendum Deo Patri, pro salute nostra onus subiit voluntariæ paupertatis, ex quo propter contemptum clavium Ecclesiæ, nervus Ecclesiasticæ disciplinæ dissolvitur, & animas miserabiliter periclitari contingit; sacra huius Concilii præhabita deliberatione, statui- mus: ut nulla rerum perditio, aut metus corporis, nisi legitime probatus, subditi inobedientiam, mandatum Prælati non exequentis seu exequi non curantis, valeat excusare, adeo quod si metus corporis, non simplici proprio juramento, sed legitimis coram eo, a quo mandatum subditus recepit, ostensus fuerit documentis, nihilominus loco cedat, ne notam transgressionis incurrere videatur; in his autem, quæ in non faciendum consistunt, utpote dum mandatur non communicare excommunicatis, non celebrare coram interdictis, ac alia ejusmodi, nullus omnino nec rerum nec corporum, quocumque modo probatus metus excuset, cum pro nullo metu quis debeat peccatum mortale committere, quod ex inobedientia insurgere, Sanctorum Patrum auctoritatibus comprobatur.

XIV. De crimine falsi.

Quia plerique Falsarii, literis Apostolicis, & aliorum Prælatorum Testimoniis, asserunt se munitos; hoc igitur decrevit sanctum Concilium statuendum: ne tales, qualicumque scripta deferant, a Clericis, vel a quibuscumque personis Ecclesiasticis recipiantur in Ecclesiis, vel in domo, nisi prius ipsorum litterarum per Diocesana ipsam, si ejus copia possit haberi, alioquin per capitulum Ecclesiæ Cathedralis examinata fuerint diligenter, & nisi ipsius Episcopi, vel Capituli litteris testimonialibus sint muniti, & hoc ideo, quod per Sacerdotes simplices non potest de facili litterarum veritas vel falsitas indagari; sane, quæcumque persona contra hanc formam tales receperit, ipso jure, ab officio & beneficio per triennium sit suspensa, alia poena nihilominus juxta superioris arbitrium punienda.

Illud quoque, præsentis autoritate Concilii, huic Capitulo duximus annexendum, ut si tales sine dictis litteris testimonialibus petitiones suas præsumpserint promovere, plebani civitatum & villarum, & alii ad quos venerint, eos cum rebus eorum per sæculare judicium. Reliqua desunt.

Hæc Schannatus descripsit, sed unde, non addidit.

Huius Synodi hoc anno a Metropoli Moguntino Vritslariæ coactæ, meminit *Chronicon anonymi Erfordienſe*: nullis actis adjectis. " Post Conventum Cleri & populi celebratum in villa Wimaria, III. Kalendas Junii in Vritslaria Concilium faciens, confirmavit denuntiationem jam factam Friderici Imperatoris in Concilio Lugdunenſi cum fibi rebellibus Erphordienſibus excommunicari.

Schannat. *Vindemiæ Literariæ* Parte I. pag. 100.

Menckenius Tomo III. *Scriptor. Germaniæ in Chronico jam Petrino Erfordienſi edito, pæne iisdem verbis.*

Epistola Synodalis Sigisfridi, Archi-Episcopi Moguntini, Erfordid.

A.C. MCCXLIV. Kal. Aprilis. Innocentii IV. PP. I.
Friderici II. Regis XXVII.

SIGISFRIDUS, DEI GRATIA, SANCTÆ MOGUNTINÆ SEDIS ARCHIEPISCOPUS, &c. UNIVERSIS ABBATIBUS, ARCHI-DIACONIS &c. PER DIOCESEM, AC PROVINCIAM NOSTRAS MOGUNT. CONSTITUTIS, SALUTEM IN DOMINO.

NOveritis nos Litteras Domini Papæ habere in hæc verba:

INNO.

INNOCENTIUS (a) EPISCOPUS,
SERVUS SERVORUM DEI, VENERABILI
FRATRI ARCHI-EPISCOPO
MAGUNTINO.

EX parte tua, Frater Episcopo, fuit
propositum coram nobis, quod
licet Thuringorum, & Hassorum na-
tiones, ab antiquo semper malitiose
præ aliis inobedientes, tibi fuerint &
rebelles, post mortem tamen claræ
memoriæ Henrici, (b) Romanorum
Regis illustris, cum non sit, qui eos
valeat coercere, in tantum prævaluit
malicia eorundem, quod nec Deum
timentes, nec hominem reverentes,
in libertatem Ecclesiasticam tyrannide
degrassantur, ausu diabolico Ecclesias
per incendia devastant, Clericos spo-
liant & captivant, & tamdiu affligunt
corporum cruciatibus, donec perso-
nas suas redimere per pecuniam com-
pelluntur, propter quod Clerici metu
& periculo antedicto non audeant, nisi
in locis munitis se recipere ad manen-
dum, contingit plurimorum locorum
Ecclesias desolatas relinqui, & curam
animarum negligi. Quare Tu, Præ-
decessoris tui inhaerens vestigiis, in Pro-
vinciali tua Synodo, de Suffraganeorum
tuorum consilio & assensu, pro refræ-
nanda dictorum maleficorum rabie,
statuisti, ut omnia loca, ad quæ deve-
nerint spolia Clericorum, & ubi Cle-
rici tenentur captivi, aut in quibus
spoliatores receptaculum obtinent, si
immo resipisci non curarent, interdi-
cto subjaceant, donec passis injuriam
satisfactio congrua præbeatur. Sed
quia quidam Nobiles ejusdem Diocæ-
sis asserunt sibi ab Apostolica Sede
concessum, ut in personas vel terram
eorum, excommunicationis vel inter-
dicti sententiæ, absque speciali man-
dato nequeant promulgari, per idem
statutum, occasione hujusmodi, in
nullo vel modico Clerici relevantur.
Quare, nobis humiliter supplicasti, ut
salubre hoc remedium adhibere pa-
terna sollicitudine curaremus. No-
lentes igitur, ut hac occasione, præ-
dicto statuto valeat derogari, Univer-
sitati vestræ per Apostolica scripta

mandamus: quatinus statutum ipsum,
non obstantibus præfatis indulgentiis,
faciatis auctoritate nostra inviolabiliter
observari, contradictores quoscunque
per censuras Ecclesiasticas coercendo.
Cæterum, ad prædictorum malefico-
rum maliciam evincendam, statuendi
in tua Provincia, ut filii eorum, qui
Clericos, quos captivaverunt, nisi ex-
torta ab eis pecunia, vel resignatione
beneficii, aut aliqua parte proventu-
um, non dimittunt, ad Clericatum &
Beneficia Ecclesiastica de cætero nulla-
tenus admittantur; quod si jam ad
Clericatum sunt admissi, ad Prælatu-
ram, tum ad alias dignitates non ascen-
dant, plenam, Frater Episcopo, tibi au-
thoritate præsentium, concedimus fa-
cultatem.

Datum Lugduni, Pontificatus nostri
anno II. (c)

HUJUS igitur auctoritate mandati, uni-
versitati vestræ mandamus, in vir-
tute obedientiæ præcipiendo districte,
quatenus ab executione mandatorum,
si quæ vobis contra spoliatores, incendi-
arios, vel alios malefactores Ecclesia-
rum & Clericorum per Nos, Archi-Dia-
conos, & alios vestros judices contigerit
destinari, occasione hujusmodi indul-
gentiarum, vos nullatenus subducatis.
Ad hæc, quoniam auctoritate concessio-
nis, quæ in præscriptis Papalibus literis
continetur, per Provinciam nostram
duxerimus statuendum, ut Filii eorum,
qui Clericos, quos captivarunt, nisi ex-
torta pecunia, vel resignatione beneficii,
aut aliqua parte proventuum, non di-
mittunt, ad Clericatum & Beneficia Ec-
clesiastica de cætero nullatenus admittan-
tur, & si ad ea jam forsitan sunt ad-
missi; ad dignitates Ecclesiasticas tamen
non ascendant, mandamus: quatenus
in omnibus Ecclesiis terminorum ves-
trorum, in quibus ordines celebrari con-
tingerit, sollicitè caveatur, ne ad eos, quis
taliū admittatur; Archi-Diaconi quo-
que ad beneficia curam habentia ani-
marum instituere, & Canonici in Fra-
tres ipsos recipere non præsumant; sci-
turi, quia omnes, qui contravenerint,
excommunicationis sententia innodamus.

Cate-

(a) Innocentius IV. Papa obiit 7. Decembris 1254.

(b) Henricus VI. Imp. obiit 28. Septembris 1197.

(c) Innocentius IV. electus fuit Pontifex anno 1243. 28. Junii, ergo anno 1244. 28. Junii
incipit secundus annus ejus Pontificatus.

Cæterum ; quoniam Constitutioni prædictæ, auctoritate ordinaria, propter malitiam præsentis temporis, aliam adjunximus, statuentes : ne filie malefactorum hujusmodi ad Cœnobîa & Collegia Monialium admittantur ; mandamus Abbatissis, Præpositis, & Conven-

tibus eorundem nostræ Dicecesis, ut in receptione talium sic sint cauti, ut similem, quam jam tulimus, excommunicationis sententiam, non incurrant.

Datum *Erfordiæ*, anno Domini MCCXLIV. Kalend. Aprilis. Pontificatus nostri anno XVIII.

SYNODUS FRISINGENSIS

Anno Christi MCCXLVIII. Innocentii IV. Papæ V.
Friderici II. Regis xxxi. Imp. xxix.

SUMMA. Abbatis Tegernseensis Perchtoldi ob culpas examinatas depositio canonica, & novi electi confirmatio.

ANNO MCCXLII. Perchtoldus Snekelectus in Abbatem Tegernsee fuit : ejus electionem ut non Canonicam, utpote interventu laicorum peractam, improbavit *Conradus* Frisingensis Episcopus, quo reclamante & renitente, Confirmationem, illo etiam invito, & Benedictionem Abbatialem recepit a Metropolitano Eberhardo Saltzburgenfi Archi-Episcopo. Verum inordinatum novi hujus Abbatis Regimen & Tyrannica facta, cum adversum illum novam Frisingensi Episcopo ansam querelæ præberent ;

Tam Perchtoldum sæpe dictum, quem hæc notarat infamia, quam etiam clamitantes cujusque conditionis, sive Ecclesiasticæ, sive secularis ad suam vocavit præsentiam, *primo, & secundo; tertio* iterum illum ad suam Matricem Ecclesiam evocavit ; certo sibi peremptorio termino præstituto : ad quos terminos obstinatus se cessavit pertinaciter præsentare.

Cæterum prælibatus Episcopus propiciens hunc profundo malorum incorrigibiliter se misisse, ac Monasterium Tegernsee pene irreparabiliter ob innumeram ejus Perchtoldi grassationis malitiam jam ruisse, consulto malens ipsum ob sua criminum peccamina interire, quam sua ex horum dissimulatione famâ neglectâ, dictum Monasterium dispendium tantum subire, implorato cœlitus auxilio, exquirendam horum, quæ fama detulerat, veritatem vigil cœpit indagare : & ejusdem absentiâ speratâ, quæ sua *secundum jura* compensabatur contumacia,

Tomus III. Concil. German.

juxta doctrinam Canonum ac Statuta Conciliorum, Virorum honoratorum, qui mores, & vitam dicti Perchtoldi, utpote sibi conversantes, habuere notam, testimonium cœpit Juratorium ; ast hoc ex more publicato non minus, imo magis, quam fama detulerat, heu ! reperit in illo reatus.

Ex qua re zelo accensus Divino, totius suæ Dicecesis Cleri, tam Prælatorum, quam subditorum, communicato consilio in eundem Perchtoldum sententiam tulit *Destitutionis*, tam ipsum Conventum ab obedientia, quam Ministeriales ab obsequenti, quam Vassallos a fidelitatis observantia penitus absolvens ; obiit postea prædictus Perchtoldus III. Kal. Septemb.

His itaque peractis, dictus Dominus *Conradus*, Episcopus, dedit Conventui, sibi præficere Pastorem per *legitimam electionem*, seu Canonicam postulationem, liberam facultatem : qui nimirum invocato Dei Numine ; in virum, quem suæ multiplicia virtutis exornabant merita, quemque præteritæ regularis observantiæ commendabant insignia, puta, *Udalricum de Parterhausen* dictum, Abbatem in *Servum* suo præficiendum Monasterio, eundem postulantes, oculos direxerunt. At ipse Episcopus eorundem justa considerans desideria, his votis rite annuens, cum eisdem ab Electo Saltzburgenfi, sive ipsius Capitulo, quorum, vel cujus postulatum interest concedere, suppliciter requisivit.

Actum suprafatis præsentibus tam Prælati, quam subditi, anno Domini MCCXLVIII. XVI. Kal. Augusti in matrice Ecclesia Frisingensi. In quo anno

D d d d

VII.

VII. Kal. Decembr. locum fere desolatum R. Abbas Udairicus de Parterhausen, hujus nominis secundus, reperiens, victualibus omnibus pene consumptis, utensilibus domûs omnino dissipatis, ac obligatis prædiis, & apud Creditores tam Christianos, quam Judæos calicibus, ca-

fulis, cappis, thuribulis repositis, charitatem in fratres, hospites & peregrinos, a die introitus sui exercere nunquam prætermisit.

Petzius Tomo III. Thesauri anecdotorum. Anonymi Chronicon Cænobii Tegernseensis pag. 526.

Epistola Innocentii IV. Papæ ad Episcopos Verinensem & Raceburgensem.

Innocentius IV. committit Episcopis Verinensi & Raceburgensi inquisitionem erigendæ Metropolis aut Lubecæ, aut Camini.

INNOCENTIUS EPISCOPUS, SERVUS SERVORUM DEI, VENERABILIBUS IN CHRISTO FRATRIBUS VERINENSIS, ET RACEBURGENSIS ECCLESiarUM EPISCOPIs.

CUm Venerabili Fratri nostro Archiepiscopo Livoniæ, Estoniæ & Prusiciæ, Lubecensem Ecclesiam duximus committendam, præsentium vobis auctoritate mandamus, quatenus, an expediat eandem, vel Caminensem Ecclesiam in Metropolitica erigere, verita-

tem diligentius inquiratis, Nobis, quod inveneritis, fideliter rescripturi.

Datum Lugduni IV. Non. Septemb. Anno Pontificatus nostri V.

Ex codice MS. Bibliothecæ Vaticanæ No. 7183. descriptis Cl. Schmat. b. m.

Annus V. Pontificatus Innocentii inchoabatur 28. Junii 1248.

SYNODUS ULTRAJECTINA

Anno Christi MCCXLIX. Innocentii IV. Papæ VI. Friderici II. Reg. xxxii. Imp. xxx.

SUMMA. Wilhelmus Romanorum Rex, Petrus Caputius Cardinalis, Conradus Coloniae Archi-Episcopus, & Metropolita, inquirunt in mores Goeswini de Amstel, Ultrajectini electi circa 1246, ultro abdicantis mitram.

Wilhelmus Romanorum Rex, Petrus Caputius Cardinalis Portuensis, & Conradus Metropolita Coloniensis convenere Ultrajecti ad Synodum: in qua facta inquisitione in mores Goeswini electi Ultrajectini, ipse ultro renunciavit oneri & honori. Causas affert Heda has, primam, quod cum esset vir

mansuetus & simplex; ineptus videretur ad tantæ dignitatis munus supportandum: Alteram, quod minus gratus esset Wilhelmo Regi propter gentiles suos Amstelios.

Heusden Batavia sacra Part. I. pag. 161. Heda Historia Episcoporum Trajectensium. pag. 341.

SYNODUS MILDORFFII

IN ARCHI-EPISCOPATU SALISBURGENSI,

Anno Christi MCCXLIX. Innocentii IV. Papæ VI.
Friderici II. Reg. xxxii. Imp. xxx.*SUMMA. Philippus, electus Salisburgi Archi-Episcopus, Concilium ex mandato Papæ apud Muldorff celebravit de Othone Bavaro Papæ conciliando, & a Friderici II. partibus abstrahendo.*

Synodo in Muldorff interfuit Philip-
pus electus Salisburgensis, Frisingensis, Ratisbonensis, & Sekowienfis Episcopi cum aliquantis Prælati. Ubi Dux Bavarie Otto citatus tam per intentatam sententiam excommunicationis, quam gladio materiali ad Romanam Ecclesiam redire, & ei contra Dominum Fridericum Regem compelli debebat, quod tamen alia quadam forma treugarum est intermissum.

Otto recusavit hanc mutationem. Prima causa fuit, quia cum impulsu Episcoporum ad Friderici II. partes transierit, nunc eundem deserere ab Episcopis cogere. Altera causa: Se Episcoporum auspiciis affinitate junctum Imperatori; qui nunc illi ea vincula abrupti velint? Tertia: Non cadere in constantiam Bavarie Ducis ejusmodi instabilitatem. Quarta: Wilhelmum Hollandum nunquam a se electum, nec probatum, nec ejus se ambire amicitiam.

Juravit tamen se contra Ecclesiam in nullo processisse, nec deinceps contra eam processurum. Quapropter treugæ vel induciæ eidem Duci datæ fuere usque ad Kalendas Maji: quas Pontifex prorogavit ad festum Assumptæ Domine, literis scriptis ad Albertum Ratisbonensem Episcopum, cui mandabat, ut, si intra illud spatium non rediret ad Ecclesie unitatem, eum autoritate Apostolica gratis omnibus & indulgentiis a Papa Gregorio concessis privaret.

Baluzius Epistolam Papæ recitat Miscellan. Lib. VII. pag. 456.

Hansitz. Tomo II. German. sacræ p. 346.

Chronographus Salisburgensis ab Hansizio laudatus.

Adlzreiter Annal. Bojorum Part. I. Lib. XXIV. ad hunc ann.

Brunnerus Annal. Bojorum Parte III. Lib. IV.

STATUTA DOMINI PETRI,

Albanensis Episcopi, Apostolicæ Sedis Legati, super diversis Ordinationibus, Ecclesiæ (Leodiensis.)

PETRUS, MISERATIONE DIVINA ALBANENSIS EPISCOPUS, APOSTOLICÆ SÆDIS LEGATUS, UNIVERSIS PRÆSENTES LITERAS INSPECTURIS, SALUTEM IN DOMINO.

Noveritis, quod Nos nuper Capitulum Sancti Lamberti Leodiensæ, juxta officii nostri debitum visitantes, multa quæ correctione indigebant, invenimus: ad quorum reformationem, hæc, quæ sequuntur, duximus ordinanda. In primis siquidem ordinamus & statuimus, Canonicos majores, nec non Sancti Mater-

ni, & parvæ mensæ Capellanos, Vicarios, & quoslibet Clericos, ejusdem Ecclesiæ chorum frequentantes, tonsuram habere rotundam, & coronam decentem, ac honestum habitum, præsertim in Ecclesia, ambitu Ecclesiæ, & in claustro. Qui habitus talis erit, superpellicium & cappam nigram choralem a festo omni-

Tomus III. Concil. German.

D d d d 2 um

um Sanctorum usque ad Pascha : & a Pascha usque ad festum omnium Sanctorum , superpellicium sine cappa habebunt , nisi debilitas aut infirmitas aliquem super hoc excusaret : & tunc causa necessitatis , possent in ætate cap-pas in choro portare , exceptis diebus Dominicis & festivis , quibus sit omnibus habitus uniformis. Qui vero pro necessitate prædictis diebus Dominicis & festivis esse non poterunt sine cappa , in Secretario Ecclesiæ , vel in aliquo loco prope Altare poterunt audire Divina , dum tamen ab illis , qui erunt in choro , directe non videantur aperte. Chorum autem intrantes , versus Altare reverenter inclinent , & post modum versus sedem Episcopi , si Episcopus præsens erit , & in chori exitu fiat idem. Qui in prædictis offenderit , per Decanum ejiciatur de choro , nec recipiatur ulterius , donec tonsuram & habitum assumat honestum. Nullus etiam ad horas post *Gloria* primi Psalmi , & ad Missam post *Epistolam* , chorum intrare præsumat : Qui transgressus fuerit , per Decanum ejiciatur de choro , qui si ad jussionem Decani exinde exire noluerit , si major Canonicus est , aut Sancti Materni , vel parvæ mensæ , illius horæ , ad quam temere se injectit , & alterius , quæ sequetur , distributionibus , sit ipso jure privatus , cæteris Decani arbitrio puniendus. Canonici vero in Leodio existentes , distributiones quasi vilipendentes , qui ad horas non vadunt , tantum de suo solvant , quantum acciperent , si accederent ad horas. In choro existentes , honeste se habeant , nec confabulentur ad invicem , nec discurrant per Ecclesiam , aut loquantur aliquibus in Ecclesia , dum cantatur in choro , nec chorum exeant usque ad finem , nisi ex causa honesta , vel necessaria exeant , statim ad officium reverfuri. Qui vero ante finem horarum chorum exiverit , nisi statim reversus fuerit , illius horæ distributiones amittat , nisi ex honesta causa , reverti ad chorum omiserit , Decani in exitu petita licentia & obtenta , vel saltem illius , qui post Decanum major erit in Choro , si Decanus forsitan absens esset. Quilibet in choro stet , vel sedeat juxta suum ordinem , paratus facere servitium Ecclesiæ , prout in matricula , vel tabula scribitur. Matriculam vero seu tabulam ,

per cantorem , vel aliquem deputatum ab ipso hoc modo conscribi mandamus : videlicet , quod singulis diebus sabbati , in matricula , seu tabula scribatur quis *Epistolam* , quis *Evangelium* , quis *Missam* , quis *Graduale* , quis *Invitorium* , cum *Venite* , per totam cantare debeat septimanam , nisi forte aliqua superveniente festivitate solemnī , Tabulam die præcedenti oporteret mutare , & ibi majorum personarum nomina ad officium scriberentur. Eadem etiam matricula seu tabula continebit , quis turribulum , quis candelabra , deferre debebunt. Præterea diebus singulis in eadem matricula seu tabula scribetur ante horam primæ , qui in crastino responsoria cantare debeant , & qui legere lectiones. Et hæc matricula sive tabula , statim post primam recitetur in capitulo , ut quilibet scire possit , quid facere teneatur. Quilibet insuper Canonicus residens , sive Sacerdos sit , sive Diaconus , sive Subdiaconus , suam in suo ordine faciat septimanam , & legat , & cantet , prout in matricula conscribetur , & sive per se , vel per canonicum faciat , nisi forte , urgente necessitate non posset quis ad supplendum vices suas canonicum invenire. In quo casu Canonici Sancti Materni & parvæ mensæ , vices eorum supplere poterunt , cum sint ad supplementum necessitatis assumpti , proviso tamen , quod per prædictos Canonicos sancti Materni & parvæ mensæ , diebus festivis ad majus Altare nullatenus serviat. Sane quicumque in matricula seu tabula scriptus maurantiam fecerit , si Sacerdos fuerit , duodecim Denarios , si Diaconus sex Denarios , si Subdiaconus quatuor Denarios solvere teneatur , & nihilominus Missæ distributiones amittat. Quicumque vero in aliis horis maurantiam fecerit , pro qualibet solvat duos Denarios , & nihilominus sibi horæ illius distributio subtrahatur , proviso , quod pœnæ istæ nulli penitus remittantur. Sed , quæcumque exinde provenerint , distributori sine diminutione tradantur. Statuimus præterea , ut omnes Canonici tam habentes personatum , quam non habentes , nec non & Canonici Sancti Materni & parvæ mensæ , Capellani quoque & Vicarii , (*) Ecclesiam ad horas nocturnas & Diurnas frequentent , & qui horæ non interfuerit , suam distribu-

(*) forte: Vicarii.

butionem amittat : Qui autem consueti fuerint non venire ad matutinas præcipue, Missam & Vesperas, præter hoc, quod distributiones amittent; tantum, quantum amiserint, dent Decano, per manus ipsius erogandum pauperibus. Canonici insuper diebus singulis, statim post Primam, ad *Præiosa* juxta morem intrent capitulum, & si aliquid emerferit corrigendum, vel tractandum de negotiis Ecclesiæ, si potest fieri, fiet statim. Cæterum, cum male soleant, sicut intelleximus, ad capitulum convenire, præcipimus, quod bis in septimana fiat capitulum speciale, videlicet feria secunda & sexta feria, ad quod omnes nisi justo impedimento detenti, teneantur venire. Secunda feria principaliter tractabuntur temporalia : videlicet qualiter eorum bona administranda sint & secularia negotia pertractanda. Sexta vero feria, de Spiritualibus principaliter tractabitur, videlicet quomodo serviat Ecclesiæ, & ut culpæ, quæ per septimanam correctæ non sunt, debito modo corrigantur. Qui autem ad capitulum dictis diebus convenirent, usque ad finem capituli non recedant. Et ut ad veniendum ad capitulum facilius inducantur, præcipimus, ut illi, qui illuc convenierint, & usque ad finem perseveraverint. percipiant duos nummos. Recedentes autem ante finem capituli nihil omnino habebunt, nisi ex justa causa Decanus eis licentiam daret. Sane venientes ad capitulum, pacifice se habeant, nec clament, nec turbent capitulum, nec inter se fabulentur, sed ad expedienda omnia negotia, & aliarum Ecclesiarum, quæ ad eos recurrere duxerint, diligenter intendant. Unusquisque respondeat in suo ordine, nec respondentem alius interrumpat, sed ab aliis pacifice audiat. Siquis vero fuerit assuetus turbare capitulum seu clamare, vel impedire alios expeditionem negotiorum communium intendentem : nisi monitus a Decano steterit, & statim emendaverit, illo die distributionibus horarum, & rectorii sit ipso jure privatus. Qui si eas temeritate propria accipere præsumpserit, pena contra illos, qui præbendas suas vel fociorum suorum violenter accipiunt, per nos edita, contra ipsum servetur. Luminaria de-

centia sint in Ecclesia, ita quod in Missa, vespers, & matutinis sint ante Altare grossi cerei pro illis candelis quæ ponuntur. Præterea cum in magnis Ecclesiis (diebus valde solemnibus dumtaxat exceptis) Missa mortuorum semper debeat celebrari, ordinamus & præcipimus, ut sicut solet de more fieri in mortuorum anniversariis, ita fiat. Et nihilominus diebus aliis, quibus non erit anniversarium, semper cantetur Missa pro defunctis, exceptis diebus solemnibus, quemadmodum est prædictum. Sane ille Sacerdos, qui hebdomadam suam facit ad majus Altare, in sequenti septimana, Missam de mortuis celebrabit, vel procurabit per alium. Hæ autem Missæ, quæ cantabuntur, diebus quibus non erit anniversarium, & si conventuales non sint, tamen celebrabuntur in aliquo Altari de Ecclesia, quod ad hoc præcipimus principaliter deputari. Neminem autem debet gravare hoc, cum omnia a mortuis habeamus, & ad orandum pro mortuis, sumus principaliter deputati. Item præcipimus, quod sex prebendæ Sacerdotales non dentur de cætero nisi Presbyteris, vel saltem Diaconis, aut Subdiaconis, qui per intervalla aliqua possint infra annum ad Sacerdotium promoveri : nec dentur nisi personis honestis, quæ sint de legitimo matrimonio, & quæ sciant competenter legere & cantare, nec aliter, quam diximus, conferantur. Isti autem jurabunt continuam residentiam, & Sacerdotis officium exercentes, suas ad majus Altare in propriis personis faciant septimanas, nec habebunt Vicarios, sed si aliquis ex iis, urgente necessitate fuerit impeditus, vices suas supplere poterit per aliquem de amicis, dummodo sit Canonicus, qui supplebit, vel si Canonicus haberi non possit, per alium, qui possit ad majus Altare cantare, vel alium, qui teneatur aliorum supplere defectum. Contra istam nostram constitutionem seu ordinationem gratia nulli fiat, etiam per quamcumque Domini Papæ, vel ejus Legatorum indulgentiam, nisi Dominus Papa ad plenum certificatus de penuria Sacerdotum in Leodiensi Ecclesia, plenam de hac nostra, & bonæ memoriæ Domini Guidonis (a) Penestini Episcopi, quondam

D d d d 3

Apo-

(a) lege: Prænestini.

Apostolicæ Sedis Legati constitutione fecerit mentionem. Nec Capitulum teneatur aliquem ad dictas præbendas recipere, nisi sit boni testimonii. & de legitimo natus matrimonio, & qui sciat saltem, ut dictum est, competenter legere & cantare. Quod si Archi-Episcopi, vel Episcopi, seu aliqui Prælati majoris Colonienfis Ecclesiæ Sacerdotes, Leodienfis Ecclesiæ sint Canonici, & præbendas habeant in eadem, Vicarios pro se statuere non poterunt, nisi boni testimonii viros, & qui sint etiam Sacerdotes, qui præsentabuntur Decano & Capitulo prima vice: quibus decedentibus vel cedentibus, per Decanum & Capitulum loco cedentium vel decedentium alii honesti & idonei statuuntur. Hi similiter Vicarii, perpetuo in Ecclesia residebunt, & suas septimanas facient ad majus Altare, præterquam in diebus solemnibus, quibus per unum de maioribus Canonicis, Decanus secundum ordinem matriculæ, Missam præcipiet celebrari. Cæterum cum Leodienfis Ecclesia copiam habuerit Sacerdotum Canonicorum, memorati Vicarii, Missas pro defunctis celebrabunt, vel deputabuntur ad aliud, prout Decano & Capitulo visum fuerit expedire: Vicarii *(b)* tamen Imperatoris exceptis, qui semper ad majus Altare in septimanis suis cantabunt, ut superius expressum est. Ad hoc Canonici Sancti Materni & parvæ mensæ, qui ad supplendum aliorum defectum statuti sunt, parati sint semper supplere defectus, & ordinetur infra mensem per Decanum, & quatuor seniores de capitulo, quod prædicti Canonici grossum præbendarum suarum percipiant sicut solent, & illud quidem *(c)* habent ultra grossam præbendam, illis, qui interfuerint horis dividatur, ut sic per eos horæ melius frequententur. Episcopus semper certam præbendam habeat, quam nulli tempore suo conferat; in qua successor ejus succedat; & tam sede vacante, quam non vacante, Vicarii ejusdem Episcopi, fructus grossæ præbendæ integre percipiant, sicut solent, nec Abbatis, quæ suæ Capellanæ sunt, alicui, nisi Canonico majoris Ecclesiæ conferre præsumat. Item Episcopus de Canonicis residentibus in majori Ecclesia quatuor habere poterit socios, dum-

modo illi quatuor, residentiam fecerint primi anni. Item cum in Leodienfi Ecclesia, penuria sit Subdiaconorum, & Diaconorum Canonicorum, & nimis indecens videatur, quod tantus in tanta Ecclesia defectus sit, quod non possit ad majus Altare per Canonicos deserviri, ordinamus & statuimus quod ad præsens sex Canonici ad Subdiaconatum, & sex ad Diaconatum, per Decanum & capitulum in nostra præsentia eligantur. Alioquin Nos eligemus eosdem, quos ad suscipiendum dictos ordines, per subtractionem beneficii compellimus. Provideatur autem in posterum, ne prædictis cedentibus vel decedentibus, seu ad majores ordines promotis in prædicta Ecclesia quantum ad prædictos ordines sit defectus. Sed cedente vel decedente aliquo, seu ad majorem ordinem promotus, si Diaconus fuerit qui cessit, vel decessit, aut ad majorem ordinem promotus est, antiquior Canonicus in minoribus ordinibus constitutus, vel infra secundum ordinem matriculæ, compellatur Subdiaconatum recipere in primis ordinibus tunc instantibus, & hoc per subtractionem distributionum refectorii, & horarum, quibus a tempore statuto nisi tunc promotus fuerit, privatus sit ipso jure. Quæ pœna nulli remittatur omnino. Et hoc idem servetur, cum aliquem de prædictis sex Diaconis contingerit *(d)* cedere vel decedere, aut *(e)* majorem ordinem promoveri. Videlicet antiquior Subdiaconus in primis ordinibus Diaconum recipiat. Alioquin prædictis distributionibus refectorii & horarum sit ipso jure privatus. Et hoc intelligimus debere fieri, nisi ille, qui ordinatus est, rationabile impedimentum prætenderit, & legitime probaverit coram Decano, & duobus Senioribus de Ecclesia, a Decano eligendis, in quo casu ad probandum dictum impedimentum sufficere dicimus proprium juramentum. Quo impedimento probato, ut dictum est, si casus sit indispensabilis, antiquior post eum loco illius ad dictum ordinem compellatur. Si vero impedimentum probatum per dispensationis gratiam amoveri posset, ille, qui impedimentum probaverit, infra competentem terminum ei per Decanum præfigendum dispensationem sibi pro posse suo tenebitur procu-

(b) forte: Vicariis.*(e)* adde: ad.*(c)* adde: quod.*(d)* lege contingerit vel contingeret.

procurare, quam si infra dictum terminum non procuraverit, ex tunc ipso jure, supradictis distributionibus sit privatus, donec dispensatione obtemperata ordinem susceperit, (f) quod de obtinenda dicta dispensatione fecerit posse suum. Ordinamus præterea, quod in crastino festi Sancti Lamberti fiat semper Capitulum generale, ad quod omnes conveniant, & si non possit illo die, quod agendum est, expediri, continuetur, prout opus fuerit ad dies continuos subsequentes, & quod fiet in illo capitulo, quantum ad Canonicos majores, Sancti Martini & parvæ mensæ, firmum & stabile permanebit. Legatur ibi annis singulis hæc nostra ordinatio, & servetur, reformetur spiritualia, & de censuris, seu obedientiis, & de eorum valore diligens computatio audiat. Obedientiæ etiam concedantur ibidem, si aliquæ tunc fuerint concedendæ: aliis autem temporibus obedientiæ nulli dentur, nisi in Capitulo certa die ad hoc specialiter assignata, quæ a die assignationis spatium ad minus quindecim dierum contineat, ad quod etiam Canonici, qui sunt in Civitate & Diocesi convocentur. Sane obedientiæ nulli concedantur ad vitam, nec dentur Canonico etiam nisi ad tres annos tantum, nisi aliquibus de obedientiis remotis, & inter nationes perverſas positis ex causâ evidentissima, utili & necessaria, consideratis personarum meritis, per quas dictæ obedientiæ melius regi possint, capitulum aliter duxerit disponendum. Jurabit autem Canonicus, præbendam recipiens, nihil omnino de obedientia alienare, nihil infeudare, nihil (g) emphyteosum ultra tempus suum dare: & quod visitabit obedientiam bis in anno ad minus, custodiet & defenderet suis sumptibus, nisi de feudo, vel proprietate sibi evidens quæstio moveretur. Jurabit etiam, & dabit fidejussores idoneos & bene justitiales, quod censum solvet diebus statutis, & si in ejus solutione defecerit, non admittatur in choro vel capitulo, & ei subtrahantur distributiones refectorii & horarum, donec per eum vel fidejussores ejus fuerit exinde capitulo satisfactum plenarie, & hæc remissio nulli fiat. Jurabit insuper Canonicus, quod obedientiam sic receptam

in manu sua tenebit; nec concedet aliis: & quod in supradicto capitulo generali in scriptis referret capitulo valorem reddituum & proventuum sic receptæ obedientiæ, & redditus ubi, & in quibus existunt. Diceret etiam per juramentum suum in prædicto capitulo, quantum habuerit inde lucrum. Porro quidquid lucratus fuerit, suum erit, & si amiserit, quibuscumque modis, amittat: nihilominus integre solvet censum. Si vero esset guerra communis, sive pestilentia, vel alius casus excipiendus, habeatur respectus lucri & damni, sicut jura volunt, & hæc obedientiæ, plus offerenti concedantur, si offerens sit, providus in solvendo, nisi forte multo minus debito offeratur. In quo casu, ne vileſcat obedientia, capitulum ad manus suas eam retinere poterit, si viderit expedire: aliter autem quam sub prædicta cautela obedientiæ dictæ, nullatenus concedantur. Et cum aliquis obedientiam in morte vel in vita resignaverit, debet eam reddere liberam & absolutam. Item ordinamus, ut annuatim in prædicto capitulo generali tres claves sigilli committantur tribus de capitulo fide dignis, ad hoc per capitulum eligendis hoc modo: Sacerdotes Canonici ad hoc eligant unum Canonicum Sacerdotem, Diaconi unum Diaconum, & Subdiaconi unum Subdiaconum. Quartam vero clavem servavit Decanus, nisi ipse & capitulum in unam personam conveniant, cui dictæ clavis custodia committatur, & singulis annis personæ mutantur. Jurabunt autem, qui dictas claves custodient, quod circa prædictarum clavium custodiam, fraudem aliquam non committant, unde Ecclesia possit lædi. Nec super contractibus, concessione obedientiarum, mutuis contrahendis, seu aliis negotiis, quæ fiunt ad tempus, aliquas litteras sigillabunt absque consensu capituli, vel saltem majoris & sanioris partis ejusdem. Litteras autem super locationibus & pensionibus, nunquam pro alio sigillabunt, absque consensu Decani & totius capituli, vel majoris & sanioris partis: & omnes litteræ sigillandæ legentur in capitulo hora debita, præsentibus Canonicis, qui tunc sunt in Ecclesia, residentibus. Litteræ vero alienationem perpetu-

(f) adde: ad cujus receptionem tenetur: & hoc non fiat, nisi in Capitulo publice præstiterit juramentum,

(g) per emphyteusum.

ptuam continentes nunquam sigillentur, nisi de consensu superioris Decani & totius capituli, & solemnitatibus, quas jura requirunt. Prædicti autem de clavibus ipsis facient copiam, cum opus fuerit bona fide, & si de civitate aliquis ex eis recefferit, clavem suam alicui Canonico de suo ordine cum consilio Decani committat. Ordinamus præterea, ut omnes libri Ecclesiæ redigantur in scriptis, & eorum nomina singulis annis in supradicto generali capitulo recitentur, & hoc idem fiat de ornamentis Ecclesiæ & thesauro, proviso, ut & libri ordinatione Ecclesiæ & thesaurus semel in anno, capitulo, vel aliquibus deputatis a capitulo ostendantur, & feriatur excommunicationis sententia per Decanum auctoritate nostra in omnes illos qui habent aliquid de Thesauro, libris, ornamentis, cartis, seu privilegiis Ecclesiæ, nisi restituant infra mensem nec de cætero liber aliquis Ecclesiæ alicui etiam Canonico concedatur, nisi sub bono pignore, vel saltem ab eo competentem memoriali recepto, & concessi repetantur & rehabeantur infra mensem. Præcipimus autem quod provideatur Ecclesiæ de casulis, Dalmaticis & Tunicis nec non albis, & cæteris ad Missas celebrandas necessariis ornamentis. Privilegia præterea & chartæ Ecclesiæ, in libro aliquo ordinatim cum suis titulis conscribantur, & custodiantur sicut consuetum est, proviso tamen, quod in locis talibus conserventur, quod nec confringantur sigilla, nec chartæ per injuriam putrescant. Ad custodiam autem tam privilegiorum, quam chartarum, five tangerent Episcopum solum, seu capitulum, five utrosque, tam custos Ecclesiæ, quam duo Canonici honesti ad hoc a capitulo deputati diligenter intendant, qui jurabunt ea servare fideliter, & quod inde facient copiam capitulo de his, quæ tangent Episcopum cum opus fuerit bona fide, & hoc de scientia capitali semper fiet. Cum autem debuerit fieri copia alicujus privilegii seu chartæ, per duos, qui ex eis, qui ea custodient, vel saltem per unum fiet ex inde offensio, per quos vel per quem exinde facta copia ad thesaurum Ecclesiæ, ut ubi custodiantur fideliter referantur, sic enim omnia ad utilitatem Ecclesiæ poterunt in posterum conservari. Om-

nes insuper redditus Ecclesiæ & proventus, & ubi, & in quibus consistant, in volumine publico conscribantur, & si aliquid accrevit singulis annis in generali capitulo scriptum hujus corrigatur. Si quis Leodiensis Canonici præbendam suam, aut focii sui, five in grossis fructibus, five in distributionibus violenter acceperit, denunciatur a Decano excommunicatus, qui si excommunicationem habens per annum animo sustinuerit indurato, per Episcopum privetur præbenda, & aliis beneficiis, quæ in eadem Ecclesia obtinebat. Acoliti & inferiores, vocem in capitulo de cætero non habeant, quod si aliquis eorum contra hanc nostram constitutionem temere se injecerit, nisi noviter per Decanum a capitulo incontinententer recedat, excommunicationem ipso facto incurrat, cui dum in excommunicatione persistit, subtrahantur distributiones rectorii & horarum. Eum tamen, si absolvi petierit, Decanus auctoritate nostra præstita satisfactione absolvat. Hanc autem penam statuimus pro eo, quod sicut intelleximus, constitutionem a bonæ memoriæ Domino Guidone Prenestino Episcopo, quondam Apostolicæ Sedis Legato super hoc editam, non servabant, nec dignabantur ad sacros ordines se facere promoveri. Item statuimus quod nulli personæ duo personatus in Ecclesia Leodiensi de cætero conferantur, & quod Decanus sit Sacerdos, vel saltem infra annum promoveatur in Sacerdotem, qui si tamen justum impedimentum & notum haberet, Capitulum poterit ei annum alium & non amplius ex causis necessariis & evidentibus indulgere, qui jurabit residentiam, & nullum alium tenere poterit personarum. Item, cum constitutio Lateranensis Concilii quæ incipit: *Omnes utriusque* &c. plane percipiat quod quilibet adulens semel in anno proprio Sacerdori secreto, sua omnia confiteatur peccata, præcipimus, quod omnes, tam majores quam alii de Ecclesia, semel in anno confiteantur Decano, vel saltem de ejus licentia certæ personæ. Et hoc ex justa causa, prout dicit dicta constitutio. Quod præcipimus modis omnibus observari. Ordinarium fiat in Ecclesia, nocturnum & diurnum, in quo contineantur omnia feriatim

tim quæ per totum anni circulum dici debent; Et fiant inde duo libri, ita quod in utroque per se *totum ordinarium* habeatur; quorum unus ex una parte chori, & alius ex parte alia, cum catena ligetur, & quilibet possit aperte videri, quid circa Divinum officium quotidie sit agendum. In choro præterea hinc & inde duo grossa Psalteria, duo grossa antiphonaria & duo gradualia habeantur. Statuimus, ut Canonici primo anno faciant per annum integrum continuam residentiam, & qui non fecerint residentiam, compellantur facere per subtractionem proventuum: Nec det Decanus primo anno licentiam alicui, nisi per capitulum, & tunc ex iusta causa in capitulo probata, nec hoc primo anno fiat frequenter. Aliis autem annis similiter residebunt. Verumtamen licentiam trium septimanarum tantum, ut abiens sit Canonicus, rationabili causa interveniente, poterit conferre Decanus. Quando vero post datam licentiam ad Ecclesiam reversus fuerit, aliam similem licentiam non habebit, nisi sex septimanis elapsis, præterquam, si necessitatem evidentem in capitulo ostenderet & probaret. Plane si quis sine licentia recesserit, vel post datam licentiam ultra terminum moram fecerit sine rationabili causa probata in capitulo, stipendio suo privabitur, & post reditum in clauistro ponetur, quamdiu capitulo placuerit. Et hoc sine restitutione fructuum præcedentium, & omnibus horis, quamdiu inclusus fuerit, tenebitur interesse. Sententiæ Decani & capituli inconculse servantur, & a nemine nisi mediante Juris tramite revocentur. Cæterum, cum, sicut intelleximus, in magna Prima dominicali, & in Psalmis familiaribus, litanis & collectis, quæ dicuntur post Primam in quadragesimam & singulis diebus ad Tertiam, nec non Dominicis diebus ad processionem magnus erat defectus, eo quod nihil percipiebatur in eis; Statuimus & ordinamus, ut venientibus ad singula prædictorum, & usque ad finem perseverantibus, præter ea, quæ consueverunt percipere, denarius unus detur, & diebus Dominicis & festivis ad processiones duo denarii tribuantur. De Archidiaconis autem dicimus, quod nec in capitulo locum teneant debitum dignitati, donec

in Diaconos fuerint ordinati: qui cum præsentibus fuerint in Ecclesia, suas de Evangelio faciant septimanas. Qui nihilominus per medietatem anni in Ecclesia residentiam faciant, & hanc jurent, nisi forte de Episcopi licentia sint absentes. Si vero, eos peregrinari, vel ad scholas velle ire contigerit, Episcopus eis licentiam non denegare poterit: cum autem in Ecclesia servire debuerint & neglexerint, si capitulum eos super hoc convenerit, secundum antiquam consuetudinem iudicio Parium eorum exinde parebunt. Porro cum suos Archidiaconatus visitaverint, vel pro negotiis Ecclesiæ absentes esse debuerint, unum vel duos de Canonicis, si voluerint, de licentia Decani assumant ad ipsos juvenes, seu ad consilium sibi dandum. Præterea, quia sicut intelleximus, ex multitudine Clericorum passim chorum intrantium Divinum officium turbare potius quam juvetur, ordinamus, ut nisi per Cantorem, chorum de cætero nullus intret, exceptis Clericis Canonicorum, qui cum habitu honesto intrabunt, & tales eligantur per Cantorem, qui honestum habitum habeant, & in aliquo chorum juvare sciant. Chorus per duos Canonicos fervetur continue, sicut est in Ecclesia ordinatum, & in solemnibus per Cantorem & alios, sicut fieri consuevit. Denique, quia multi occasionem prætendunt, non veniendi de nocte ad Ecclesiam, suas vel consanguineorum suorum inimicitias allegando, statuimus, & præcipimus, quod claustrum claudatur, si sine scandalo potest fieri, & fiant portæ in clauistro, & sint ibi duo custodes de nocte, sibi certo salario assignato. Proviso, quod a pulsatione silentii, usque post matutinas cantatas in hyeme, & in æstate usque ad diem, clausæ sint dictæ portæ, ne per occasiones hujus, Divinum officium defraudetur. Diebus Dominicis, quando imminet processio fienda, fiat aqua benedicta in choro solemniter per septimanarium ante processionem, Diacono & Subdiacono præsentibus, & sic parati ad processionem incedant. Decani, Præpositi, Archidiaconi, Scholastici, & Cantores, debitam residentiam in Ecclesia faciant, & tam ipsi, quam alii omnes vadant ad negotia procuranda, cum a Decano & capitulo fuerint requisiti, quibus decentes dentur ex-

penſæ, ſecundum qualitatem perſonarum. Miniſteriales & Officiales Eccleſiæ, miniſteria ſua faciant per ſe, non per Vicarios, diligenter, ad quæ nocte & die parati exiſtant. In Eccleſia jaceant, qui ex officio ſibi commiſſo ad hoc tenentur. Diſcretis viris & fidelibus, & habilibus committantur iſta officia, inutilibus inde amoris per Decanum & capitulum infra menſem. *Bona ad diſtributiones horarum ordinata & ſtatuta, & omnia, quæ ſuperveniant vel habundaverint, ad nullos alios uſus horarum, quam ad diſtributiones committantur, & nihil corporibus præbendarum accreſcat, cum ex hoc Eccleſiæ ſervitium & cultus augmentetur Divinus.* Hæc autem, quæ de Canonicis majoribus, dicimus de Canonicis Sancti Materni, & parvæ menſæ, & aliis beneficiatis Eccleſiæ, præſertim quantum ad ſervitium Eccleſiæ, diſtributiones denariorum pro horis, & ad faciendam reſidentiam, ad quam tenentur. Item ſtatuiſmus, & præcipimus, & ordinamus, quod quolibet anno in capitulo generali, quod ordinaviſmus fieri in craſtino feſti Beati

Lamberti, eligantur de capitulo tres fide digni, qui inquirent de vita & converſatione. Canonicorum Beati Lamberti, Sancti Materni & parvæ menſæ, & Capellanorum, & Vicariorum, & Clericorum de Eccleſia, præſertim de quibus eſt ſcandalum & infamia, & quid inveſnerint, portent ad capitulum, & tunc Decanus & capitulum corrigant, quæ corrigenda invenerint, ſecundum qualitatem delictorum. Statuiſmus inſuper, & mandamus, ut annuatim in feſto Omnium Sanctorum, finitis Veſperis de die, omnes campanæ pulſentur, & Veſperæ pro mortuis cantentur, & nocte ſequenti matutinæ, & in craſtino ejusdem feſti Miſſa pro mortuis, ſicut in feſtis præcipuis ſolemnitatibus celebretur. Has autem noſtras Conſtitutiones præcipimus inviolabiliter, in cujus rei teſtimonium præſentes has ſigilli noſtri munimine fecimus roborari. Datum Leodii V. Idus Novembris, anno Domini Milleſimo Ducentefimo quinquageſimo.

Publicata iterum anno 1274. ab Hugone Cardinali. Vide infra.



CONCILIUM MOGUNTINUM

Anno Chriſti MCCLVI. Alexandri IV. Papæ II.
Interregni Germaniæ I.

Contra violatores Eccleſiaſticæ libertatis Epistoſa Synodica Gerardi I. Archi-Epiſcopi Moguntini.

GERHARDUS, DEI GRATIA, SANCTÆ MOGUNTINÆ SEDIS ARCHIEPISCOPUS, SACRI ROMANI IMPERII PER GERMANIAM ARCHI-CANCELLARIUS, UNIVERSIS PER MOGUNTINAM DIOCESEM CONSTITUTIS,
SALUTEM IN DOMINO.

Cum per illud ſtatutum, quod Dominus Sifridus, piæ memoriæ, Prædeceſſor noſter, olim contra Captivatores Clericorum edidit, auctoritate Sedis Apoſtolicæ, ſuper hoc ſtatuendo, ſpeciali ſibi data, non ſit adhuc ſufficienter proviſum, aliasque Prælati, & Clerus noſtræ Diœceſis, a nonnullis perditionis filiis multipliciter aggraventur contra Eccleſiaſticam libertatem; quia nova contra novos morbos oportet antidota præparari, multa liberatione præhabita, de conſilio & aſenſu Archi-Diaconorum, Prælatorum, & Capituli noſtri, ſtatuiſmus: & jam nunc in quolibet transgreſſores excommunicacionis ſententiam promulgamus; ut non ſolum in terminis Archi-diaconatus illius in quo Prælatum, vel Religioſum aliquem, ſeu Clericum, habentem ſacros Ordines, & pro Clerico ſe gerentem temere captivari, ſed etiam in terminis Archi-diaconatus, in quo captivatum quempiam talium detineri aliis conſtiterit, ipſo facto ceſſetur ab officiis Divinorum, ut ſic tam Nobiles, quam Magnates, populares eum plebe contra malefactores hujusmodi ex Divinorum carentia provocati, conſurgant ad liberationem illius, qui aſu ſacrilego detinetur capivus, auxilium præſtituri; ſpecialiter

tionis ſententiam promulgamus; ut non ſolum in terminis Archi-diaconatus illius in quo Prælatum, vel Religioſum aliquem, ſeu Clericum, habentem ſacros Ordines, & pro Clerico ſe gerentem temere captivari, ſed etiam in terminis Archi-diaconatus, in quo captivatum quempiam talium detineri aliis conſtiterit, ipſo facto ceſſetur ab officiis Divinorum, ut ſic tam Nobiles, quam Magnates, populares eum plebe contra malefactores hujusmodi ex Divinorum carentia provocati, conſurgant ad liberationem illius, qui aſu ſacrilego detinetur capivus, auxilium præſtituri; ſpecialiter

cialiter tamen domibus, seu locis illis, in quibus captivatores & eorum complices nostræ Dicecesis in malefacto ipsis consilium, vel auxilium, ac juvamen præstantes, domicilium obtinent, & sive de facto, sive de jure jurisdictionem exercent, aut ubi habent receptaculum, observetur strictissime interdictum, ita videlicet: quod corpora mortuorum, ad Ecclesiasticam sepulturam nullatenus admittantur; quin imo, si per violentiam laicalem in Ecclesiis vel Cœmeteriis fuerint tumultata, ibi non relaxetur aliquo modo sententia interdicti, nisi prius ejectis corporibus, sic per laicalem violentiam tumultatis. Durante etiam hujusmodi interdicto, Sacerdotes aliud facere non præsumant, nisi quod in diebus Dominicis, proposito suis plebibus verbo Dei, pronuntians quoque festivis diebus, qui in illa septimana occurrent, eos

aqua benedicta conspergant, nullum omnino dicant officium in aperto, semel in ebdomada absque signo campanarum, clausis januis; cum suo tantum ministro; pro conficiendo viatico, sub silentio Missam dicant; præfatum interdictum juxta modum & formam præscriptam reverenter & humiliter servaturi. Archidiaconi quoque & eorum Officiales in aliis nostræ Dicecesis locis, requisiti, prædictos sacrilegos ab omnibus suis subditis excommunicatos denuntiari faciant publice singulis diebus Dominicis etiam quæstionis, quam contra alicujus Ecclesiæ Advocatum se proponit habere, secundum statuta Maguntini Concilii contra hujusmodi temerarios invasores edita, puniatur.

Datum *Maguntiae*, II. Kalend. Maji, Anno Domini MCCLVI.

Cl. Schannat descripsit, sine indicato fonte.

SYNODUS HILDESHEIMENSIS

Anno Christi MCCLIX. Alexandri IV. Papæ V.

SUMMA. Fundatio & dotatio Conventus in Backenrode, Ordinis Cisterciensis.

IN NOMINE SANCTÆ ET INDIVIDUÆ TRINITATIS.

JOANNES, DEI GRATIA, EPISCOPUS HILDESIMENSIS, OMNIBUS IN PERPETUUM.

Gratulantes ad memoriam revocamus, qualiter vitis generosa, Cisterciensis Ordo, multiplicavit suavitatem odoris, & florem odoris & honestatis, longe latequæ palmites virtutum extendit, ac multiplicatum fructum in vitam æternam feliciter reportavit; eapropter notum esse volumus, tam præsentibus, quam futuris, quod nos habito *nostræ majoris Ecclesiæ Capituli consilio* favorabili pariter & assensu, ad cultum Omnipotentis, & honorem Sanctæ Dei Genitricis, semperque Virginis Mariæ, ac nomen dicti Ordinis dilatandum, proprietatem in *Backenrode*, cum loco eodem & ædificiis, cum viginti & quatuor mansis dicto loco annexis, & decimis eorundem manforum denominatorum, remotis illis, qui prius locum ipsum tenuerunt minus digne, & incorrigibiles extiterunt, in manus Venerabilis Domini *Thetmari Abbatis, & Congregationis Ecclesiæ in Hsenba-*

gen Ordinis Cisterciensis ad collocandum in *Backenrode* Conventum Monachorum Ordinis Cisterciensis, non recompensationis cujuspian temporalis, sed Divinæ remunerationis respectu, donatione contulimus liberali pariter & solenni, cum omnibus attinentiis suis & utilitate, si qua nunc est, vel haberi poterit in futurum, & determinationibus tam in pacis, quam in prædis, paludibus, aquis, & piscationibus, & ab omni advocatia libera, & servitio, judicio, angariis & perangariis, sicut idem ordo suas possessiones consuevit liberas possidere, secundum privilegia Pontificum Romanorum ordini clementer indulta: participationem vero & communionem in sylvis & nemoribus, quam dictus locus *Backenrode* qualicunque in re possedit, nostra donatione simul, & nostri Capituli, ante dictis *Monachis de Hsenbagen* possidendam perpetuo confirmamus. Ut autem hanc no-

Tomus III. Concil. German.

E e e e 2 stram

stram donationem nemo ausu temerario valeat infringere, sed in perpetuum inviolabiliter perseveret; hanc paginam confectam sigilli nostri, atque Capituli nostri sigilli appensione, & testium descriptione fecimus roborari. Acta sunt

hæc Hildensem in *SYNODO NOSTRA* Anno Christi Millesimo Ducentesimo Quinquagesimo nono, IX. Kal. Aprilis.

Leuckfeld. Antiquitates Poeldenses Cap. XVIII. pag. 107.

CAPITULA XIV. SEU RUBRICÆ STATUTORUM ECCLESIE COLONIENSIS,

A BONÆ MEMORIÆ D. CONRADO ARCHI-EPISCOPO
COLONIENSI IN EJUS

CONCILIO PROVINCIALI EDITORUM,

Anno Christi MCCLX. Alexandri IV. Papæ VI.
Interregno magno Germaniæ.

- I. De manifesta cohabitatione Clericorum & mulierum.
- II. De manifesta Clericorum negotiatione.
- III. De insufficientia scientiæ, quæ est illiteratura, Clericorum.
- IV. De Tonsura Clericorum.
- V. De Clericis simoniacis.
- VI. De Clericis irregularibus.
- VII. De Dormitoriis, de lectura tabulæ capitularis, de lunationibus & Kalend., de memoriis Defunctorum, & Divino officio pro eis faciendo, & de modo eundi in capitulum, agendique & procedendi in eodem, de ordine ministrantium ad Altare, & de Canonicorum comedendi & dormiendi modo.
- VIII. De campanariis & custodibus.
- IX. De Decanis, Scholasticis, Cantoribus & Canonicis.
- X. De Capellanis regalibus, Episcopalibus & Præpositorum, & qui non debeant esse ejusmodi Capellani.
- XI. De Pistrinis Ecclesiarum.
- XII. De Præpositis & eorum capitulis, qualiter erga se invicem habere debeant.
- XIII. De electionibus Capitulorum.
- XIV. De immunitatibus & muris earum.

STATUTA D. CONRADI ARCHI-EPISC. COLONIENSIS.
IN NOMINE DOMINI. AMEN.

NOS CONRADUS, DEI GRATIA, SANCTÆ COLONIENSIS ECCLESIE ARCHI-EPISCOPUS, SACRI IMPERII PER ITALIAM ARCHI-CANCELLARIUS.

IN agrum Domini curæ nostræ commissum, de mandato Apostolico his diebus per ostium visitationis ingressi, plura in ipso, quam utique credebamus, offen-

offendiculorum invenimus zizania diversorum. Si enim mala opera conversationis & scandala perversitatis in Clero, recte zizania sunt censenda, incepti super hoc propositum negotii prosequamur: in primis quidem extirpando radicitus vitia, ut deinde virtutum germen laudabile, unde fructus salutis proveniat, inferamus. Cum igitur ita bonorum plantatio germinum, & extirpationes vitiorum, in agrum Domini absque correctionis remedio fieri non valeant, opportune secundum qualitates & modos excessuum, correctionis Canonicae modos providimus adhibendos. Sane cum ea, quæ nobis genera diversorum offendiculorum *visitantibus* occurrunt, in aliquibus Clericorum sint ista, & fere maxime in eorum compluribus usitata: manifesta cum mulieribus cohabitatio, habitus Clericali incongruus disciplinæ: in nonnullis quoque eorum negotiatio detestanda, & insufficientia scientiæ (quæ est illiteratura) in multis, quos Clericos solo nomine, non re, recta consideratione censemus. Et præter hæc aliqua alia in nonnullis eorum occurrunt habentia notam labis Ecclesiasticæ: De manifesta mulierum cohabitatione notatis, ita secundum canonicas præcipimus sanctiones.

I. De manifesta cohabitatione Clericorum & mulierum.

Cum enim manifestos mulierum cohabitatores, seu concubinos censeamus non solum eos, qui in suis domibus tenent concubinas, verum omnes generaliter, eos etiam, qui mulieres focarias extra domos suas manentes, suis manifeste procurant sumptibus & sustentant: De his ita præcipimus, quod tales inde in visitatione nostra notati, cessent de cætero a talis peccati commercio, & in penam commissi excessus, intrent carcerem canonicalis disciplinæ, illum servaturi secundum morem & consuetudinem disciplinæ hæcenus observatæ. De his autem mulieribus ita præcipimus, quod si intra immunitatem (quod absit) fuerint compertæ manentes, vel prope immunitatem, Decani Ecclesiarum per excommunicationis sententiam ipsas ad recedendum compellant. Ipsique nihilominus Decani eas ad suos plebanos destinant, recepturas ab eis, vel aliis bo-

ni consilii (quo ad remedia animarum) viris penitentiam salutarem. Quia vero supradicti cohabitatores mulierum Clerici, Patrimonium JESU CHRISTI in usus malos, cum suis peccando focariis, expenderunt, eos proinde teneri ad satisfaciendum Ecclesiæ, cujus bonis taliter in suis concupiscentiis & peccati illecebris sunt abusi, decernimus, & satisfactionis istius modum nobis reservamus secundum canonicas sanctiones. Et quia iidem Clerici, sicut de multis eorum comperimus, ita hujus peccati perniciosissima nimis assuefactione excæcati, in eo persistere usque ad vitæ etiam suæ novissima non verentur, in tantum, quod in extremis agentes, si quid de bonis Ecclesiasticis habuerint, ea pueris suis legant & deputant, non contenti, quod inde in vita sua eos aluerant, & sic fraudant Ecclesias JESU CHRISTI Patrimonio, seque metipsos culpæ magis illaqueant coram Deo: talem abusionem damnabilem detestando damnamus, & fieri de cætero strictissime prohibemus. Item ut ipsi Clerici (qui malam utique vitam in hujus cohabitationis crimine agunt) a mala saltem sibi fama coram hominibus & Clero, de improprie nimis detractione præcaveant, ipsis sub districtione firmissima prohibemus, ut nuptiis filiorum suorum & filiarum personaliter non intersint. Et in his nuptiis, quantum omnino potest, vitetur pompa & solennitas nuptialis.

II. De manifesta Clericorum negotiatione.

Cum negotiatio in Clerico, & usura in laico, quasi esse unius generis censeantur, ita præcipimus, quod cessent de cætero a talis peccati malicia, & in penam commissi excessus, intrent canonicalis carcerem disciplinæ, secundum quod superius est expressum. Quia vero isti turpis avaritiæ sectatores non Deo, sed mammonæ, lucrifacere elegerunt, & malis inhiando lucris, Christi similiter Patrimonio & bonis Ecclesiasticis sunt usi illicitè & indigne: eos proinde teneri ad satisfaciendum Ecclesiæ, in cuius non fideliter, sed potius fraudulenter negotiati sunt bonis, decernimus, & satisfactionis istius modum secundum sanctionem Canonicae nobis reservamus.

III. De insufficientia scientia, quæ est illiteratura, Clericorum.

Item de Clericis de insufficientia doctrinæ, quæ est illiteratura, notatis, sicut de omnibus scientiam eminentem non requirimus, sed quod sciant legere & cantare ad Divini officii ministerium competenter: ita præcipimus, quod qui per se non possunt facere in choro cantandi debitum & legendi, faciant per aliam personam idoneam, secundum quod Decani sui discretio duxerit providendum.

IV. De Tonsura Clericorum.

Cæterum de Clericis non deferentibus Clericalem tonsuram, & vestes habentibus Clericum non decentes (indecentia namque vestium in colore, vel pompa odorum, vel apertura vestium a latere, aut nimia brevitate notatur) sic tam de his, quam de illis districte præcipimus; ut tonsuram comæ, quæ Clericalis sit, habeant, & suas coronas competentes, & eas radere non omitant: quod tamen invenimus aliquos omittere, quod maxime detestamur: dum tales & taliter se gerentes, privilegio quidem clericali gaudere contendunt, & tamen signum illius privilegii aspernentur. Sub eadem districtione vestium indecentium pompam & usum firmissime inhibemus.

V. De Clericis Simoniacis.

Item de Clericis Simoniacis ita præcipimus, quod ante omnia, ea dimittant beneficia, quæ adepti per simoniam exstiterint, ne ea in damnationem suarum tepeant animarum: & postmodum cum maturo consilio, qualiter ipsorum statui consulatur, ordinabimus secundum canonicas sanctiones.

VI. De Clericis irregularibus.

De Clericis autem irregularibus ita præcipimus, quod a sui officii executione se contineant, donec circa eos fuerit ordinatum secundum canonicas sanctiones, quid fuerit ordinandum.

VII. De dormitoriis, de lectura Tabulæ Capitularis, de lunationibus &c.

Consequenter, quia in ipsa visitatione comperimus, circa Divinum officium, sive ministerium atque chori debitum, negligentiam & omissiones debiti,

factas hucusque fuisse & fieri, plus quam Dei honorem deceat, & saluti ipsorum expediat ministrorum; quæ quidem negligentia causantur exinde potissimum, quod sunt quædam Ecclesiæ Canonicorum carentes dormitoriis, quædam habentes dormitoria, sed eorum Canonici dormire in his, longo temporum spatio disfluverunt: item quod in quibusdam Ecclesiis est compertum, raro vel nunquam per anni totius spatium lectiones & cantum Divini officii in capitulari tabula annotari; item raro vel nunquam in capitulo ipso legi lunationes Mensium aut Kalendas, seu obitus fidelium, quorum commendationem aut memoriam agere unusquisque de elemosynarum vivens sustentatione, tenetur: super his omnibus qualiter reformatur, & reformata in robore suo permaneant, & vigore, sicut primitus erant instituta: ita præcipimus, quod Ecclesiæ Canonicorum, carentes dormitoriis, ea deinceps habeant, de communi Ecclesiæ ære seu pecunia construenda: & Canonici qui habentes dormitoria, dormire in his aliquamdiu disfluverant, in his dormiant, prout hoc consuetum fuit antiquitus. His duntaxat exceptis, quos infirmitas seu debilitas, aut alia causa legitime necessitatis, excusat; cum alias cassâ & vana fuisset ipsorum dormitoriorum structura, si non in ipsis modo & more debito, maxime causa matutinalis officii, dormiretur. Item præcipimus, quod quædam Canonicorum collegia in consuetudinem adduxerint, nullis diebus cantare vigiliis pro defunctis, nisi quando distributio denariorum in choro præsentibus exhibetur: & si evanescat illorum memoria, qui etiam ad distributiones huiusmodi quicquam non dederint vel legaverint Ecclesiis, ad communem tamen administrationem corporis præbendalis prædia & possessiones pie & munifice sunt largiti: super hoc ita statuimus, ut non solum illis feriis, quæ sunt distributionibus huiusmodi deputatæ, verum & aliis diebus omnibus, præterquam in festivitibus, secundum consuetudinem majoris Ecclesiæ, vigilia cum officio pro defunctis in choro solenniter decantentur: & post huiusmodi decantationem officii, Decanus & fratres ingredienrur domum capituli, ante omnem tractatum disciplina, vel etiam præben-

præbendæ; aut cujuscunque alterius gregii, tabulæ capitularis lectionem (habentis distincte, & in specie, quid unicuique sit cantandum, vel legendum in choro) audiant diligenter, ac insuper lunationes mensium, ac Kalendæ, & obitus legantur. Nec non aliqua *Lectio de regula & vita Clericorum* legatur. Et tunc immediate de disciplina fiat, quod fuerit faciendum: ac talia consequenter post ipsam disciplinam tractentur negotia, quæ ad utilitatem, seu necessitatem fuerint spectantia publicam seu privatam. Et si aliquando Decanus non fuerit præsens, propter hoc non omittatur ullatenus, quin fratres domum capituli intrent, ad audiendum ipsius tabulæ capitularis lectionem, ut sciant, quid unicuique in choro sit legendum (ut supra diximus) & cantandum deputatum. Quia cum in majori Ecclesia talis & bona utique, consuetudo in hujusmodi observetur, id ipsum in aliis volumus Ecclesiis observari. Item præcipimus, ut Divinum officium in choro nunquam absque ordine ministrorum, Sacerdoti ministrare debentium, videlicet Diaconi & Subdiaconi, decantetur: & ipsi ministri in ipso Sacræ Missæ officio non præsumant absque indumentis suo ordini deputatis, aliquatenus ministrare, nec ante finem Missæ recedere. Quod tamen in quandam desuetudinem, immo malam abusionem, apud quasdam Ecclesias fuisse comperimus introductum; sed deinceps hoc fieri, firmissime prohibemus. Eisdem etiam ministris injungimus, quod quotiescunque hebdomada eorum fuerit, officio deserviendi Divino; horas in choro matutinales, & alias servare studeant diligenter, ne ullum per eos omissionis debiti, quo ad sacrum ministerium, esse valeant argumentum. Sacerdotes autem ipsi quotiescunque celebraturi sunt Missam, veste camisiæ sub albis non careant, ne albam, quæ consecrata est vestis, ipsorum tunicæ valeant immediate contingere, nec ipsæ tunicæ apparere. Item canonicis, ne frequenter extra immunitatem Ecclesiarum suarum comedant, aut dormiant extra ipsam, firmissime prohibemus: ne ulla eis suffragetur occasio, si forte propriis domibus careant. Competentius namque in suis dormire dormitoriis, & comedere in

claustris aut refectoriis suis possunt hi, qui domibus propriis vel certis hospitalibus carent, quam hæc facere forinsecus apud loca suspecta, vel alias clericalis conversationis non bene decentia honestatem.

VIII. De Campanariis & custodibus.

Item ut Campanarii Ecclesiarum, quorum servitus, sive onus circa Altare versatur, numquam absque veste camisiæ compareant, firmissime prohibemus: & ut hoc absque omni omissione servetur, Ecclesiarum ipsarum thesaurarii, seu custodes, & singuli in singulis suis Parochiis plebani, provideant diligenter. Præfati etiam thesaurarii seu custodes, quorum interest Ecclesiæ luminaria ministrare, ea ita fideliter administrent, & generaliter omnis Ecclesiasticæ suppellectilis, seu thesauri, custodiam, eorum fidei atque curæ commissam, ita conservent fideliter & solerter, quod inde non sint reprehensibiles, & quod pœnam canonica castigationis evitent.

IX. De Decanis, Scholasticis, Cantoribus, & Canonicis.

Consistente autem penes Decanos Ecclesiarum potestate, lege, & gubernatione Canonica disciplina exercenda, ipsis propter hoc firmiter præcipiendo injungimus, tota eos ad id niti solertia, quod in Ecclesiis disciplinalis observantia vigeat honestatis: & sicubi enervata extiterit, ipsam studeant reformare, commissam sibi excessuum correctionis potestatem, & regimen sui officii taliter exequendo, ut boni dispensatores in domo Domini super ejus familiam digna possint commendatione censer: & hoc quidem se facere arbitrentur, si ipsi disciplinati appareant in se ipsis, & per bonum exemplum confortent, & animent suos confratres. Præfati autem Decani, quicunque promotionis suæ tempore non fuerint in sacris ordinibus constituti, eos incunctanter recipiant, gradatim de ordine ad ordinem ascendendo. Item præcipimus, quod intra tempus in jure expressum, ordinem Sacerdotalē recipiant, si ordinem forte in nostra Diœcesi a nobis, vel aliquo alio Episcopo contingat nostro nomine celebrari; nec aliquis Decanus propria auctoritate, vel potius voluntate

luntate, præsumat ordinis Sacerdotalis receptionem protrahere vel differre, nisi specialiter hoc a nostra licentia valeat obtinere. Item præcipimus, quod ipsi Decani, postquam ordinem Sacerdotalem receperint, & generaliter omnes Sacerdotes, nec non Ecclesiarum Plebani, tam urbani pariter, quam rurales, surcotia clausa portent, quod sicut ab aliis sunt in statu honoris & reverentiæ differentes, ita deceat, quod ab illorum habitu vel vestitu differentes appareant, & nullum in eis exemplo & usu vestium signum appareat levitatis. Et sicut Ecclesiarum Decanis modo prædicto injungimus facere, quæ ad ipsos pertinent, faciendâ in seipsis pariter, & suorum Regimine subditorum: ita Scholasticis Ecclesiarum, nec non Chori-Episcopis, seu Cantoribus, quorum officia onus suum tam circa disciplinam, quam chori debitum atque residentiam in ipsis Ecclesiis faciendam, habere noscunt, injungimus; ut in his omnibus studeant ita se habere, quod inde non sint reprehensibiles, sed potius commendandi. Item sicut Decani in Ecclesiis residere debere noscunt; ita quoque Scholastici & Cantores: unde & hoc eos ita præcipimus observare. Item nemo sit Scholasticus in duabus Ecclesiis, quarum Præpositi & Decani, PRIORES Colonenses existunt, cum de necessitate deinde causetur inconveniens, ut illarum Ecclesiarum, ad minus altera, sui defectum debiti in membro ita necessario, cujus quidem non est levis recuperatio, patiat. Item & illam abusionem in aliqua Ecclesiarum compertam, quod Decanus sit libet a choro, quasi corruptelam, & quasi pessimæ adinventionis & fraudis modum vel speciem, detestamur, & detestando præcipimus, ne quis de cætero Decanorum in sua præsumat Ecclesia per abusionem hujusmodi a sui jugo oneris vacillare. Item ne Canonici Ecclesiarum in solemnitatibus & stationibus sine choralis pellicio, vel veste Camisiali sub superpellicio incedant in Ecclesiis conventualibus in choro. Item præcipimus, ut si quando Canonici per vicos civitatis aut plateas incedant, ita decenter in habitu vestimentorum incedant, sicut ab antiqua est consuetudine observatum.

X. *De Capellanis Regalibus, Episcopalibus & Præpositorum, & qui non possunt esse hujusmodi Capellani.*

Cum in aliquibus Ecclesiis Capellani Regales, Episcopales, ac etiam Capellani Præpositorum existant, qualiter hi se habere debeant, cum nonnullos forte ipsorum hoc lateat, determinandum necessario hoc duximus in præsentis nostrorum serie statutorum: Capellani hujusmodi residentiam in suis Ecclesiis tanquam alii fratres facient, nisi illo tantum tempore, quando agunt suorum negocia Dominorum, atque etiam, si negocia Ecclesiæ hoc exposcant. Et nobis in Ecclesia majori, vel alia nostræ civitatis, vel Diocesis Ecclesia (si sunt ea vice præsentes) celebrantibus, ibi debent adesse in Divini celebratione Officii, & adstare. Et debent hujusmodi Capellani in sacris esse ordinibus constituti. Super hujusmodi Capellanos Episcopales erit noster Capellarius, quasi loco Judicis & Magistris. Ad hæc præcipimus, quod nulli Decani, nulli Scholastici, nulli Chori-Episcopi, vel Cantores, nulli Sacerdotes Ecclesiarum, Capellani Episcopales ullatenus, aut Regales existant.

XI. *De Pistrinis Ecclesiarum.*

Cum vero sint quædam Ecclesiæ carentes pistrino communi, quod multum utique reprobamus, super hoc ita præcipimus, quod in omnibus Ecclesiis collegiatis habeatur commune pistrinum, & panis ibi præbendalis distribuatur potius, quam unusquisque cum modio, sive maldro annonam panis præbendalis recipiat ad vendendum. Ex hac namque venditione perit hospitalitas in Ecclesiis, cum in ipsis pauci vel nulli reperiantur panem suum in domibus comedentes claustralibus, vel egenis inde elemosynam tribuentes.

XII. *De Præpositis & eorum Capitulis, qualiter erga se invicem habere debeant.*

Consequenter de Ecclesiarum Præpositis videamus, qualiter ipsi erga capitula se habere debeant, & qualiter capitula erga ipsos vice versa. Cum enim ipsis Præpositis ea potissime incumbat solertia, quod circa Ecclesiæ exteriora, vel ejus temporalia defendenda sint vigiles & cooperantes capitulis, ubicunque inju-

injuriam patiuntur, qualiter ab illis injuriis releventur, nostro (prout eis opus fuerit) auxilio accedente, & non solum ad hujusmodi temporalia promovenda exterius teneantur, immo ad omnia alia, tam intus, quam extra, quæ sunt ad Ecclesiæ utilitatem & pacem spectantia, nec non ad ipsius Ecclesiæ jura, statuta honesta & bonas consuetudines observandas teneantur ex proprio juramento: ipsis præcipimus, circa hæc omnia taliter se habere, quod inde irreprehensibiles censeantur. Capitula etiam vice versa ita se erga ipsos habere Præpositos studeant in omnibus, honorando ipsos, in quibus sunt merito honorandi, quod in nullo ipsorum Præpositorum dignitati derogent, sive juri. Et quia de aliquibus Præpositis unum quidem in visitatione comperimus reprehensibile, & non laudandum, quod ipsi fructibus suspensionum in Ecclesiis præbendarum, quorum sunt, & esse de jure tenentur dispensatores (illi præsertim, qui dictos fructus nondum in capitula transulerunt) abutuntur. Cum enim de ipsis fructibus uno eis anno cedentibus, recta Ecclesiæ, quando foret necessitas, reparare deberent, ipsi ea non reparant: immo fructus ipsos Canonicis inobedientibus, ideoque suspensionis restitunt, seu remittunt. Ecce per hanc remissionem, injuriam fabricæ Ecclesiæ faciunt, damnum, seu emolumentum carentiam sibi ipsis, ac insuper occasionem negligentiae, & abessendi ab Ecclesiâ, Canonicis suis præstant. Hanc itaque abusionem, omni penitus ratione ac etiam colore carentem, ipsis de cætero Præpositis inhibemus, volentes, ut, vel ipsi retineant (convertendos in utilitatem propriam) illos fructus, si Ecclesiâ eorum, opus non habuerit reparatione rectorum, vel Ecclesiæ ipsi ad ornamenta fructus hujusmodi largiantur potius, quam eos indignis, hoc est, inobedientibus restituant, & in sua inobedientia seu dissolutione taliter animent, ac sic ipsi Præpositi dissolutionis ac inobedientiæ sint auctores.

Item quod ipsi Canonici, qui suspensionis fuerint pro sua inobedientia, nunquam in facie fratrum intra immunitatem compareant manifeste, firmissime præcipimus & mandamus.

XIII. De electionibus Capitulorum.

Item, ne in præsentis nostræ visitationis proposito omittamus hoc, per quod maxime Ecclesiarum collegiarum quieti prospicitur, illarum præsertim, quæ plurium Clericorum receptionibus ad vacatura beneficia sunt gravatæ, cum constitutio Domini *Alexandri* Papæ super hoc ipso decreverit providere, Nos illam constitutionem præcipimus inviolabiliter observari, ut eum juxta eandem constitutionem, quatuor ex receptis ante ipsam provisum fuerit de præbendis, quæ post constitutionem prædictam vacaverunt vel vacabunt, ubi nondum quaternarius est completus, alii ultra ipsum numerum existentes habeantur pro cassatis, nec aliquo modo ex receptione tali a Præpositis, Decanis, & Capitulis Ecclesiarum, pro Canonicis vel Præbendariis admittantur. Et moneamus illos, qui receptioni hujusmodi innotuntur, & de canonicatu & præbenda se ingesserint, quod deinceps omnino desistant. Præpositos autem, Decanos, & Capitula nihilominus admonemus, ut tales pro Canonicis vel Præbendariis non admittant.

XIV. De immunitatibus & muris earum.

Ut vero omnes Ecclesiæ Collegiatæ, immunitates suas muris circumdatis, & clausuras portarum bene munitas habeant, firmissime præcipimus & mandamus. Hæc itaque nostræ visitationis præcepta canonica & statuta, ita a nobis edita præcipimus inviolabiliter observari: & unumquodque collegium ea in scripto ad suæ exemplar & regimen vitæ recipiat: & recepta penes se in perpetua commendatione memoriæ teneat diligenter. Hæc itaque ad præsens statui-
mus, salvo nobis, quæ alia, si qua adhuc occurrerint, opus habentia reformationis aut correctionis remedio, sive de Canonicis, aut Monachis, aut etiam Plebanis existant, ea statuamus, ut inde, prout expediens fuerit, loco & tempore ordinemus. Pronuntiatur & datum Coloniz, quarto Idus Martii. Anno Domini Millesimo, ducentesimo, sexagesimo.

Statuta Coloniensis Ecclesiæ, edita in folio 1478. & 1492. & 1554.

Ex quibus Hardouin. Tomo VII. Concil. pag. 517.

FFFF

DOMI.

Domini CONRADI Archi-Episcopi Statuta

De Monachis & eorum conversatione & vita.

IN NOMINE DOMINI. AMEN.

CONRADUS, DEI GRATIA, SANCTÆ COLONIENSIS ECCLESIAE ARCHIEPISCOPUS, SACRI IMPERII PER ITALIAM ARCHICANCELLARIUS.

S Aluti & bono statui omnium, cujus-
cunque professionis seu ordinis, sed
nostrorum domesticorum maxime debito-
res in Domino existentes, sicut in nostra
visitatione negotium reformationis &
correctionis de Clericis per statuta Cano-
nica expedivimus competenter, ita de
Monachis satagentes, idipsum suo modo,
quo competens fuerit, expediemus.

I. De celebratione Divini Officii.

Inprimis igitur statuimus, quod om-
nium Monasteriorum nigri habitus Mo-
nachi ordinis S. Benedicti, Divinum of-
ficium in cantando & legendo, secundum
quod regula ejusdem S. Benedicti præci-
pit, exequantur: & maxime munditiis
circa Altaria & ornatum Ecclesiasticum
sint studentes.

II. Quando & quomodo Monachi commu- nicandum sit.

Statuimus item, ut Ministri Altaris
singulis Dominicis diebus & aliis festivi-
tatibus, prout consuetudo loci seu Mo-
nasterii habet, communicent corpore &
sanguine Domini nostri Jesu Christi,
facta prius confessione Abbati vel Priori
secundum regulam: ut, si aliqua de causa
duxerit aliquis abstinendum, causam Ab-
bati vel Priori non differat intimare, ut
ejus judicio abstineat, vel ad communi-
cationem accedat.

III. Propria Monachis habere non licere.

Item statuimus, quod Monachi
proprium non habeant, secundum quod
regula eorum præcipit, nisi quod Abbas
dederit aut permiserit, & quod pariter
victum & vestitum percipiant de com-
muni per sui administrationem Abbatis,
ut nullus Monachorum causeretur de qual-
itate seu quantitate victus & vestitus,
sed omnia ipsis administrentur, secun-
dum quod Monasteriorum suorum suppe-
tunt facultates & prout regula hoc ex-
pescit.

IV. De Incontinentia Monachorum.

Statuimus item eos graviore culpa
vel pœna puniendos secundum regulam,
qui fuerint de incontinentia notati, quæ
maxime in Monachis est detestanda.

V. De habitu Monachorum.

Item statuimus inhibendo, ne ali-
quis Monachorum surcociis, caligis, co-
loratis calceis, nodatis cingulis irregula-
ribus, aut masubiis sericis utatur: sed
quod ipsi Monachi talibus indumentis,
quæ ipsorum regula præcipit aut conce-
dit, induantur. Statuimus etiam quod
Monachi officarii pro sui Monasterii vel
officii negotiis, aut alij de licentia Ab-
batis, vel Prioris Abbate absente, ex-
euntes, talibus utantur vestibus & cal-
ceis pluvialibus, quæ ipsorum ordinis
deceant honestatem, & in quibus Mo-
nasticæ religionis seu conversationis ab-
usio non possit deprehendi.

VI. De Monachis percussoribus.

De Monachis autem irregularibus
ita præcipimus: si Monachus in Mona-
chum manum injecerit sui Monasterii, &
læsio non sit enormis, Abbas ipsum ab-
solvat secundum morem regulæ: alioqui
si læsio fuerit enormis, Abbas illum ad
Sedem Apostolicam destinet, vel ad il-
lum, qui absolvendi habuerit potesta-
tem.

VII. De Monachis Simoniacis.

Præcipimus item de Simoniacis,
quod circa illos secundum constitutionem
regulæ procedant Abbates: super his ve-
ro, quæ ipsis non sunt concessa Abba-
tibus, eorum Monachi ad superiorem
mittantur.

VIII. De cibis Monachis interdictis.

Statuimus etiam, quod Monachi
aliis cibis non utantur, nisi eis, quos ip-
sorum regula præcipit, aut permittit.

IX. Exitus quis Monachis vetitus.

Item præcipimus districtius, ne Mo-
nachis detur frequens licentia exeundi:
sed

sed si sine licentia superioris, districtum, five portas claustrī aliquis eorum exire præsumperit, pœnam inde sustineat regularem.

X. Abbates Divinorum celebrationi interesse debere.

Statuimus, & quod Abbates in conventu cum fratribus sedeant, & Divinis frequentius interfint lectionibus, maxime Vigiliis, Capitulo, Collationi, & aliis Divinis Officiis cum eisdem, nisi causa necessaria, utili vel honesta fuerint præpediti.

XI. De proprietariis excommunicandis.

Item statuimus, quod Abbates excommunicationis sententiam in proprietarios semel in anno scilicet Sabbatho proximo ante Dominicam LÆTARE, solenniter in capitulo publicent: & si post aliquis inventus fuerit habere proprium, secundum regulam punietur.

XII. De Monachis fugitivis & Apostatis.

Statuimus etiam, quod Monachi fugitivi & Apostatæ per suos Abbates ad sua Monasteria revocentur, salva ordinis disciplina, nisi toties obedierint & ex talibus causis recesserint, quod secundum regulam non debeant in eorum Monasterio tolerari.

XIII. De receptione hospitum.

Statuimus item, quod nullus Monachorum hospites per se recipiat, nisi hospitarius Monasterii vel alter, cui Abbas eos commiserit recipiendos.

XIV. De dandis Eleemosynis.

Item statuimus, quod debita Eleemosyna & consueta, tam de refectorio, quam hospitali fideliter pauperibus erogent.

XV. Monachis ubi & quomodo sumendus cibis.

Statuimus etiam, quod omnes Monachi in communi refectorio comedant, nisi infirmitas, vel aliqua alia causa legitimæ necessitatis ipsos excuset: & tunc quæ super fuerint, in eleemosynam pauperibus tribuantur.

XVI. Monachis ante Primam & post Completorium exire non licere.

Statuimus item, quod Monachis nullatenus detur licentia ante Primam ex-

eundi, & similiter post completorium, nisi ex causa valde rationabili & necessaria, utpote si contingat ipsum extra Monasterium suum in aliquo loco Divinum officium celebrare, vel in obitu parentum, fratrum vel sororum.

XVII. Monachis cum venia exeuntibus quid curandum.

Item si contingat Monachum ante Vesperas exire de licentia, ita maturet redire, quod in Divino officio illa hora esse possit.

XVIII. De carcere Monasterii.

Statuimus etiam, quod quodlibet Monasterium suum carcerem habeat, in quo delinquentes regulariter puniantur.

XIX. Mulierem intra septa Monasterii masculini dormire non licere.

Statuimus item, quod nulla mulier dormire debeat intra immunitatem: & si factum fuerit, ille, qui est in culpa, graviter puniatur.

XX. De Monachorum capitulo, quot annis celebrando Colonia.

Item statuimus, quod omnes Abbates nigri habitus ordinis B. Benedicti nostræ Diœcesis, singulis annis in exaltatione Sanctæ Crucis capitula Colonia teneant, vel apud Sanctum Pantaleonem, vel apud S. Martinum, ut ibidem observantia regulæ cum discretione tractetur, & de statutis nostris, qualiter in quolibet Monasterio observentur, & aliæ utilitates Monasteriorum: & quicunque ipsorum Abbatum ad capitulum venire neglexerit, nec excusationem in capitulo legitimam ostenderit, secundum coercionem regulæ puniatur. Et volumus, quod Abbates S. Pantaleonis & S. Martini Coloniensis ista capitula singulis annis fieri procurent a nobis, ita quod nullus valeat excusari.

XXI. De rasura Monachorum.

Item præcipimus, quod Monachi in rasura Coronarum & Tonsuræ capillorum ita decenter & regulariter se habeant, quod super his non valeant reprehendi.

XXII. De lectis Monachorum.

Statuimus item, quod Monachi non dormiant in lectis plumeis, sed in culcitris, secundum quod regula mandat.

XXIII. *Monacho absenti non deberi præbendam.*

Item statuimus, ne aliquis Monachus rediens, qui absens fuerat de licentia & sine licentia, aliquam præbendam tempore suæ absentiae requirat, quia illa esset occasio proprium habendi.

XXIV. *De Jeuniis Monachorum.*

Statuimus item; quod Monachi Jeunia sua observent, secundum quod regula præcipit.

XXV. *Officiariis Monachorum qualis incumbat facienda ratio.*

Statuimus & quod Monachi officarii ad minus semel in anno in præsentia Abbatis & Seniorum, computationem vel legitimam rationem faciant. Et si quid ultra suorum officiorum administrationem superfuerit, de hoc nihil per ipsos Monachos, sed per Abbatem & Superiores sui Conventus, ad sui Monasterii utilitatem ordinetur.

XXVI. *Monachos nuptiis interesse non debere & quibus exequiis possint.*

Item statuimus, quod Monachi nuptiis nullatenus intersint: nec exequiis, nisi parentum, fratrum vel sororum.

XXVII. *Quod non offerant ad Altare.*

Item præcipimus & statuimus, quod nullatenus offerant ad Altare.

XXVIII. *In aliis mandatur regula observari.*

Quæcunque autem de interiori pariter, & exteriori clausura Monasterii, & immunitatis Monasticæ regula præcipit, quæcunque in horis & locis debitis & conventu servando, regula ipsa præcipit: nec non quod de cantu Divini officii, professione quoque facienda, aliisque observantiis præcipiuntur in regula, ubicunque hæc hætenus sunt ommissa, revocari in statum debitum per Abbates, & servari deinceps more & modo debito statuimus & mandamus. Alioqui negligentiam hujusmodi cum poena canonica requiremus. Hæc ad præfens statuimus, salvo nobis; quod si aliqua occurrerint in posterum, opus habentia correctionis, & reformationis remedio, ea loco & tempore statuimus, & prout expediens fuerit, ordinabimus. Datum & pronunciatum quarto Idus Martii, anno Domini millesimo decentesimo sexagesimo.

Ex editione Statutorum Colonienfis Ecclesie 1478. 1492. 1554. Describere Synodographi.

Hardouinus Tomo VII. Concil. pag. 523.

CONCILIIUM PROVINCIALE MOGUNTINUM

A WERNHERO, MOGUNTINENSI ARCHIEPISCOPO,
CELEBRATUM

Anno Christi MCCLXI. Alexandri IV. Papæ VII.
Interregno magno Germaniæ.

C A N O N E S LIV.

I. *De Hæreticis.*

EXcommunicamus ante omnia, & anathematifamus universos hæreticos, quibuscumque nominibus censeantur; facies quidem habentes diversas, sed caudas ad invicem colligatas, qui de vanitate convinciunt in idipsum, dampnati vero per Ecclesiam, sæculari judicio relinquuntur animadversione debita puniendi. Clericis vero a suis Ordinibus degradandis de ipsis hæreticis,

postquam manifeste deprehensi fuerint, vel convicti, ad emendationem redire voluerint, ad agendam condignam poenitentiam in carcere recludantur. Creditores quoque ipsos, quos similiter receptores, defensores, fautores, excommunicationi eorum decernimus subjacere, firmiter statuentes: ut Episcopi per Dioceses suas diligentius ad exterminandam hæreticam pravitatem, servatis circa ipsos hæreticos, & bona

& bona ipsorum, Romanorum Pontificum, & Imperialibus constitutionibus, nec non & statutis Concilii Moguntini, novissime celebrati.

II. De vita & honestate Clericorum.

Clerici officia, vel commercia secularia non exercent, maxime inhonesta; tabernas prorsus evitent, nisi forte causa necessitatis in itinere constituti: choreis, & publicis spectaculis non intersint: coronam, & tonsuram habeant competentem, ad quod per Prælatos suos per subtractionem officii, vel beneficii compellantur, & si Prælati ipsorum in his desides fuerint, & remissi, per Episcopum suum, vel metropolitanum, si Episcopus negligens fuerit, a suis dignitatibus suspendantur; & ut Clericorum mores & actus in melius reformentur, continenter & caste vivere studeant universi, præsertim in sacris ordinibus constituti, quatenus in conspectu Omnipotentis Dei puro corde, & mundo corpore, valeant ministrare: quicumque autem propter vitium incontinentiæ a Prælato suo suspensus, præsumperit celebrare Divina, non solum Ecclesiasticis Beneficiis spoliatur, verum etiam pro duplici culpa perpetuo depönatur; nec credat aliquis, posse per alium cum talibus celebrantibus, nisi per Romanum Pontificem dispensari.

III. Ut Sacramenta reverenter ministrentur.

Et ut Sacramenta Ecclesiæ mundius & reverentius ministrentur, priori Concilio inhærentes, statuimus: ut Sacerdotes Baptismum, Oleum infirmorum, seu Viaticum, camisis ministrantes albis, vel superpelliciis sint induti, quæ penes altare reserventur, & in eundo, redeundo, cum infirmos visitant, pariter & in missa eis utantur.

IV. De Baptismo.

Baptismus cum reverentia summa celebretur, maxime in distinctione & prolatione verborum, in quibus Sacramenti virtus consistit, iis scilicet: *Ego Baptizo te in Nomine Patris, & Filii, & Spiritus Sancti*. Doceant Sacerdotes tam mares, quam fœminas in necessitate debere parvulos baptizare eadem forma in suo idiomate, & quod patres & matres proprios infantes, si summa necessitas exigat, poterunt baptizare, & si Sacerdotes super hoc requirentes diligentius,

debitam formam in Baptismate servatam invenerint, quod factum est, approbent, suppletes etiam baptisatum, quoad unctionem olei in pectore, & in scapulis, & Chrismatis in vertice, quod a laicis est obmissum: si autem in Baptismate debitam formam non invenerint observatam, non differant baptizare. Tres ad suscipiendum de sacro fonte puerum, propter impedimenta matrimonii, admittantur. Item statuimus, ut in cunctis Ecclesiis Baptisma, Chrisma, Oleum & Eucharistia sub fideli custodia, clavibus adhibitis, conserventur: ne possit ad illa temeraria manus extendi. Palla quoque Altaris, corporalia & vestimenta ministrorum munda & nitida conserventur. Nimis enim videtur absurdum negligere in sacris, quæ deceant in prophanis.

V. De infirmis.

Diaconi, vel inferioris Ordinis Clerici ad Infirmos Eucharistiam deferre non audeant, nisi Sacerdotis absentia vel alia necessitas hoc exposcat.

VI.

Sacerdos vero quilibet plebem suam doceat diligenter, ut cum in celebratione Missarum levatur Hostia salutaris, quilibet devote flectat genua sua, vel saltem se reverenter inclinet, idem faciens, cum eam portat Presbyter ad infirmum, quam in decenti habitu, superposito velamine, ferat manifeste ac honorifice ante pectus cum omni reverentia, & honore, atque timore: semper nola parvula, lumine, nisi locorum repugnet distantia, vel temporis qualitas, præcedente, ut ex hoc apud homines fides & devotio augeatur.

VII.

Et quia plerumque infirmus sua confiteri peccata propter multorum præsentiam erubescit, id a Sacerdotibus districte præcipimus observari, ut prius familiariter & secrete audiant confessionem ipsius, si moræ periculum non obstat, & postea ad eum Eucharistiam more deferat prætaxato.

VIII. De penitentia.

In Confessionibus audiendis maxime adhibeant diligentiam Sacerdotes, ita ut penitente usitata peccata sigillatim & communia, inusitata vero tantum per quasdam circumstantias caute perquirant;

ne inexpertis detur materia, quod ante nescierant, perpetrandi. In eminentiori loco Ecclesiæ sedeant, ut suspicione careant, dum confessiones audiunt, & patienter in Spiritu lenitatis audiant confitentem.

In satisfactionibus injungendis majoribus majora reservent, sicut horrenda sacrilegia, peccatum contra naturam, incestus Virginum, injectiones manuum, in parentes, & fractiones votorum, & hujusmodi: caveat autem omnino Sacerdos, ne verbo aut signo, aut aliquo modo prodat aliquatenus peccatorem, sed si prudentiorum consilio indigeret, absque omni expressione personæ caute requirat: quoniam qui peccatum in pœnitentia judicio sibi detestum præsumpserit revelare, non solum a Sacerdotali officio deponendum decernimus; verum & ad agendam pœnitentiam in arctum Monasterium detrudendum. Verum quia quidam Confessorum, & si peccatum confitentis non exprimant, circumlocutionibus tamen confitentium, & peccati circumstantias, sub quodam generalitatis vocabulo indirecte publicant confitentem, Concilium proxime celebratum clarius elucidando, statuimus: ut nullus Sacerdos expressa Religione, ordine, seu statu, alicujus peccatum recitet confitentis, imo nec peccati qualitas, locus, seu vicinia perpetrati facinoris specificetur ullo modo, cum ex hujusmodi circumlocutionibus & indiciis, auditoris industria peccatum interdum eliciat peccatoris, & ex specificatione peccati fragilitas ad perpetrandum similia forsitan provocetur. Sciatur autem tria peccata, quæ in satisfactionibus injungendis sunt Domino Apostolico reservanda, scilicet: in Clericos, vel in quoscunque Religiosos injectio manuum violenta, Ecclesiarum vel Religiosorum locorum incendia & simonia in ordine perpetrata: in aliis vero peccatis minoribus secundum quantitatem culpæ, & confitentis possibilitatem, satisfactionem temperent Sacerdotes.

In furto, usura, rapina & fraude, ante omnia injungant pœnitentibus, ut si possint, ablata restituant, alias nulla valebit eis satisfactio ad salutem, cum non dimittatur peccatum, nisi restituatur ablatum.

Prohibemus etiam ne quis Sacerdos ab uno sibi confitente de aliorum peccatis, nominibus expressis inquirat, & ne Missas, quas pœnitentibus procurandas injunxit, ipsemet celebrare præsumat, & ne pro vivis fiat aliquod tricennale, vel annuale; quia reconciliationis Mysterium vilipenditur plerisque, eo quod ad reconciliationem passim quilibet admittatur districte præcipimus: ne quisquam ad reconciliationis Beneficium de cœtero admittatur, nisi literas plebani sui, vel Sacerdotis exhibeat, continentes utrum pœnitentiam sibi injectam, vel saltem partem ejus peregerit, vel utrum vere pœnitens videatur: nec ad reconciliationem recipiantur aliqui nisi vestem & tonsuram habeant solemniter pœnitentis & ex his utrum vere vel perfecte pœniteant, cognoscantur.

IX. De sepulturis.

Sacro etiam approbante Concilio, universos Sacerdotes Ecclesiarum Parochialium, vel Capellarum Ministros excommunicationi decernimus subiacere, quicumque alicui de plebe sua, sive in vita, sive in morte, directe vel indirecte persuadere præsumpserit, ne in Ecclesiis Conventualibus, vel aliis locis magis Religiosis, sibi eligat sepulturam, cum talis persuasio Sacris Canonibus contradicat, & de avaritiæ radice procedat.

X. De Matrimonio.

Matrimonium, secundum quod Concilio novissime celebrato statuimus, cum omni reverentia & honore in conspectu Ecclesiæ celebretur, & cum Matrimonium fuerit contrahendum, per Presbyteros in Ecclesiis tribus diebus Dominicis aut festivis a se distantibus publice proponatur; ut si quidem impedimentum Matrimonii contrahendi noverint aliqui, illud infra terminum competentem ab ipsis Presbyteris præfigendum, in facie Ecclesiæ, sine difficultate revelent; excommunicationis quoque sententia in genere proferatur in omnes hujusmodi impedimentum celantes, a qua sine satisfactione debita, nullatenus absolvantur: & si qui tempore hujusmodi denuntiationis præsentibus fuerint, & impedimentum celaverint, postmodum nec ad excusationem, nec ad testimonium contra ipsum Matrimonium admittantur.

XI. *Ut Episcopi verbum Dei proponant.*

Antiquum statutum Moguntini Concilii renovantes, præcipimus : ut Episcopi summis Festivitatibus populo Verbum Dei proponant, vel, se præsentibus, per alios ad hoc idoneos proponi faciant, indulgentiam populo, Missamque in eisdem Festivitatibus in Ecclesiis Cathedralibus celebrent, nisi magna necessitate fuerint impediti.

XII. *De cura animarum.*

Prohibemus insuper, ne Episcopi, vel Archidiaconi cuiquam curam animarum permittant, nisi saltem quartum decimum ætatis suæ annum peregerit, & ad hoc ipsum sine dispensatione Episcopi ex iusta causa, & necessitate præcedente, nullatenus admittatur, aliter investitura non valeat. Prohibemus insuper, ne illiteratis, & in minoribus Ordinibus constitutis, animarum Regimen committatur, huic etiam adjicimus sanctioni, ne quemquam investiant loco . . . præsentatum : Episcopus autem, si contra fecerit, ab ingressu Ecclesiæ, Archidiaconus vero ab officio hujusmodi facti auctoritate Concilii sit ipso facto suspensus, quæ suspensio citra satisfactionem debitam minime relaxetur.

Si quis vero Clericus Episcopo suo, vel Archidiacono se offerat, tanquam nomine proprio præsentatus, . . . ab officio similiter sit ipso jure suspensus, & si convictus fuerit, Prælato suo taliter illustrasse, omnibus beneficiis per Episcopum suum, sine restitutionis spe, in perpetuum spoliatur.

XIII. *Ne Clerici vel Monachi colligationes faciant.*

Excommunicamus præterea Clericos, Monachos, & Canonicos universos, qui colligationes sive confederationes fecerint, vel fidei, vel juramenti interposita cautione, sive in electionibus faciendis, sive pro aliis quibuscumque negotiis, contra Canonicas Sanctiones; cum ex his colligationibus suboriantur discordiæ, quæ Ecclesiasticam disciplinam, bona Ecclesiarum dissipant, & pericula procurant animarum, volentes ex fæderatione hujusmodi neminem obligari. Eadem quoque excommunicationis sententia innodamus eos, qui conjurationes sive confederationes tales fecerint, sine

difficultate & dilatione, qualibet, quousque invicem se absolvant; & quicumque detecti fuerint confederationes hujusmodi acceptare, si Monachi, vel Canonici fuerint, regulariter de suis Monasteriis tamquam membra putrida excludantur: si Clerici sæculares, officiis & beneficiis in perpetuum spolientur.

XIV. *De fundatione Ecclesiarum.*

Prohibemus etiam, ne Religiosi, vel alii quilibet, Ecclesias de novo fundare, & fundatas transferre sine Episcopi Diocesani licentia, & sine Primarii lapidis benedictione, præsumant, aliter fundata Ecclesia diruatur, & is, qui fundavit, si Clericus existat, vel Monachus ab officio suspendatur; alia pœna nihilominus juxta superioris arbitrium puniendus: si laicus fuerit, usque ad satisfactionem condignam excommunicationis vinculis innodetur.

XV. *De Altaribus.*

Altaria superflua per Ecclesias Parochiales omnino tollantur, cum singulis Ecclesiis, non Conventualibus, ad plus tria sufficiant; nec altare aliquod de novo fiat, nisi Episcopo permittente, ac tantum eidem altari in proventibus assignetur, ut saltem lumina habeat competentia.

Hujus præsentis auctoritate Concilii declarantes: quod Episcopus primarium lapidem benedicere, & in fundamento locare, in persona propria teneatur, nec benedictionem lapidis, seu positionem ejusdem debeat alii, quam Episcopo, demandare.

XVI. *De Jure Patronatus.*

Ad omnem quoque dubitationis, seu quæstionis materiam amputandam statuimus: ut si quis prædictum suum, cui jus attinet Patronatus, cuiquam obligaverit indistincte, jus præsentandi apud ipsum obligantem resideat, cum tale jus æstimari non possit, & quod in sortem nequeat computari, cum semper fructus rei pignorate in sortem debeant computari juxta Canonicas & legitimas Sanctiones. Renovantes etiam Concilium, quod novissime celebravimus, firmiter prohibemus: ne Episcopi, vel Archidiaconi, concessionibus Ecclesiarum, quæ fiunt a Templariis, vel aliis Religiosis quibuslibet, approbationis consensum ullo modo adhibeant, nisi requisi-

to prius, & h-rito consensu Capituli Ecclesiæ Cathedralis, aliter concessionem huiusmodi sive factas, sive de cætero faciendas, vires decernimus non habere.

XVII. *De Quæstuariis & Clericis vagabundis.*

Quia per Prædicatores Quæstuarios gravia plerumque scandala sunt exorta, sacra approbatione Concilii, prohibemus districte: ne in Ecclesiis admittantur; Clerici vero, qui eos admittunt, ab officio & beneficio, donec satisfaciant, suspendantur: si autem Episcopalis provisio aliquos prædicatores huiusmodi, causâ necessariâ, in sua Diocesi duxerit admittendos, non permittantur aliquatenus, cum per vicos transeunt, pulsare campanas, aut præsentare Reliquias, vel in Ecclesiis prædicare, sed Sacerdotes pro illis loquantur causam adventus ipsorum, Episcopi Diocesani litteras, sine quibus admitti non debent, populo breviter exponendo.

Et quia plerique falsarii se litteris Apostolicis, & aliorum Prælatorum testimoniis, asserunt esse munitos, hoc sanctum decrevit Concilium: ne tales, qualiacumque scripta deferant, a Clericis, vel quibuslibet aliis personis Ecclesiasticis recipiantur in Ecclesiis, vel in domo, nisi prius ipsorum litterarum per Episcopum Diocesenum, si copia possit haberi ejus, alioquin per Capitulum Ecclesiæ Cathedralis, examinata fuerint diligenter, & nisi Episcopi, vel Capituli litteris testimonialibus sint muniti, & hoc ideo, quia per Sacerdotes simplices non potest de facili litterarum veritas vel falsitas indagari. Sane quæcumque persona Ecclesiastica citra hanc formam tales receperit, ipso jure ab officio & beneficio per triennium sit suspensa, aliâ poenâ nihilominus juxta superioris arbitrium punienda. Illud quoque, præfensis auctoritate Concilii, huic Capitulo duximus annexendum, ut si tales sine dictis litteris testimonialibus petitiones suas præsumpserint promovere, Plebani civitatum, & villarum, ac alii, ad quos venerint, eos cum rebus eorum per sæculare judicium, si alias detineri non possint, non dubitent occupare, Diocesano, seu Archi-Diacono, præsentandos.

Clerici, & vagabundi, quos vulgus

Eberhardinos vocat, quorum vita Deo odibilis, etiam Laicos scandalisat, priori inhærentes Concilio, a Clericis vel Personis Ecclesiasticis recipi prohibemus, firmiter statuentes: ne aliquid dent iisdem: nolumus tamen, ut huiusmodi occasione statuti Concilii, vel Scholares pauperes, quos quando iusta eos necessitas peregrinari compellit, a caritatis operibus excludantur: dummodo tamquam pauperes eleemosynam & hospitium sibi postulent intuitu Divinæ remunerationis impendi, cum necessitatis tempore, sine personarum delectu, omnibus sit eleemosyna impendenda; adjicientes: quod *Eberhardini* præfati qui vitam ducunt reprobam, & infamem, ne ad sacros Ordines vel Ecclesiastica Beneficia, ut nostrum non vituperetur Ministerium, aliquatenus admittantur; nisi per longam morum emendationem ac honestam vitæ conversationem; Diocesani judicio moderandam, temporis antea facti inventi fuerint infamiam expiassent, & tunc dispensative ad sacros ordines & Ecclesiastica Beneficia eis aditus concedatur.

XVIII. *Ne Judices Ecclesiastici secularibus se immisceant.*

Huic adjicimus sanctioni, prioris statuta Concilii sectantes: ne Prælati, vel quilibet Judices Ecclesiastici, de causis, quas Laici habent ad invicem, se nullatenus intromittant, nisi tales sint causæ, quas ad forum Ecclesiasticum non sit dubium pertinere: ne ex hoc sæculare, quod est valde incongruum, enervetur.

XIX. *De bonorum Ecclesiasticorum administrationibus.*

Illud etiam statutum Concilii Maguntini innovamus: quo Præpositi, Archi-Diaconi, Ebdomadarii, seu quicumque administrationem fratrum extrinsecam exercentes, quantitate debita & statuto tempore, stipendia sua fratribus amministrent, alioquin competentis ammonitione præmissa, dum majori & saniori parti Capituli visum fuerit, auctoritate, Concilii, omni cessante favore, vel odio, fratres abstineant a Diviniis; eo quod nemo cogitur suis stipendiis militare, & si Præpositi, vel alius administrator quilibet, post suspensionem huiusmodi Divinorum usque ad XIV. dies in pertinacia sua persistierit, ex tunc ab amministrationis officio sit ipso jure

jure suspensus, passurus nihilominus correctiones alias approbatas; quæ administratio apud fratres utque ad satisfactionem condignam residebit, & si Præpositi vel administratores alii; dispensatione hujusmodi vilipensa, de administratione se intromiserint, per Episcopum suum gravius puniantur.

Prohibemus autem, ne unus Canonici Divinum officium valeat impedire, vices suas denegans propter prebendæ suæ defectum, sicut in quibusdam Ecclesiis fieri consuevit, cum satis ex priori statuto hujusmodi casibus sit provisum.

Interdicimus etiam prioris Concilii statuta sectantes, ne administratores hujusmodi, de rebus ad eorum administrationem pertinentibus, sine consensu majoris & sanioris partis capituli, quidquam penitus alienare præsumant: verbo autem alienationis, donationis, venditionis, obligationis, permutationis & Emphyteusos; perpetuum contractum nolumus comprehendere; & si quid contra factum fuerit, irritum decernimus & inane. Foresta quoque nemorum secari non faciant sine fratrum consilio, & assensu, quod si fecerint, in usum fratrum pretium convertatur: Abbas vero vel Officialis cujuscumque Monasterii, si de rebus Ecclesiæ suæ quicquam citra formam Canonicam alienare præsumpserit, ipsum superior, cum id ei certis claruerit argumentis, a suo in continenti deponat officio, nec de cætero ad diligentiam aliquam; vel administrationem Ecclesiasticam, admittatur nisi secum sit per Episcopum loci misericorditer dispensatum; auctoritate præsentis Concilii decernentes; Ut in mutuo contrahendo, nec non in obligatione immobilium Sacri Canones observentur, qui eos creditores tantum approbant, qui probant mutuum in utilitatem Ecclesiæ cessisse.

XX. De causis Matrimonialibus.

Causas Matrimoniales nullus Sacerdos, Archi Presbyter vel Plebanus, sine speciali mandato Episcopi, audire præsumat, aliter ejus sententia vel processus, nullam obtineat firmitatem, & ipse transgressor durissime puniatur.

Tomus III. Concil. German.

XXI. Prædam ne quis emat.

Nullus etiam prædam aliquam scilicet emere, vel tenere præsumat, alioquin, nisi ipsam restituat, excommunicationis sententia percussatur.

XXII. De Clausuris Monialium.

Clausura Monialium nullus Clericorum, vel etiam Monachorum, sine causa honesta & bono testimonio introeat, alioquin Prælati sui ipsum debitæ subiciat ultioni; neque Moniales de suis egrediantur Monasteriis, nisi Monasteriorum necessitas id exposcat, & velata incedant: illis autem tantum ob hanc causam liceat ingredi, quibus administratio est commissa, vel qui a superiori hoc acceperunt in mandatis: hæc quidem de illis, & his monialibus, quæ clausæ sunt, intelligi volumus, cum illis omnino exire non liceat: & non de illis, quæ sine clausura vitam consueverunt ducere laxiorem.

Statuimus insuper, ut in singulis Monasteriis fenestræ parlatores duplicata habeant ferramenta, & ut Moniales suis Præpositis & Prælati in rebus licitis & honestis obediant, nec cuiquam alii, præter earum Præpositi licentiam, sua confiteantur peccata: Ipsi autem Præpositi nullo modo introeant, nisi magna & evidens necessitas id exposcat.

XXIII. De Monachis & Monialibus, eorumque Abbatibus, seu Abbatissis.

Conpaternitatem a Monachis, vel Monialibus contrahi districte prohibemus, statuantes: ut si aliqua clausura Monialium ad inopiam tantam devenierint, quod ibi de proventibus Monasterii sustentari non possint, & ab amicis panis, vinum, denarii, vel alia hujusmodi transmittantur eisdem, non hæc prius recipiant, quam Abbatissæ, vel Magistræ suæ significaverint, ut ejus arbitrio, quid de hoc, quod missum est, fieri debeat, statuatur, & labores eorum veniant in commune, quod & de Monachis irrefragabiliter volumus observari.

Statuimus etiam, juxta Concilium proxime celebratum, ut Monachi, & alii Religiosi quilibet alterius coloris vestibus, quam eorum ordini congruat, non utantur, seu cottidianæ, seu pluviales, existant: Monasteria Sanctorum Augustini, & Benedicti, ad observatio-

G g g g neim

nem suæ Regulæ efficacius reformatur; prohibemus districte, ne quis Abbas vel Abbatissæ duas habeat Abbatis, & nulli Monacho vel Moniali duo officia in Monasterio assignentur, nisi Abbatis providentia de consensu Capituli propter evidentem necessitatem vel utilitatem Monasterii aliter duxerit ordinandum.

Nullus Monachus in Abbatem, vel ad aliquod officium, nisi dudum professus fuerit, assumatur, & si qui jam aliter sunt assumpti, a suis removeantur officii, & alii substituantur eisdem, quod & de Monialibus decrevimus observandum; hoc priori Concilio in non Professorum odium adjungentes, ut cum juxta decretum Pelagii Abbas sit a Monachis eligendus, nullus omnino non professus, quantacumque temporis diurnitate in Religione duraverit, ad electionem Abbatis nullatenus admittatur, nec ei valeat suffragari sive de facto, sive de consuetudine una cum ceteris Monachis ad alios tractatus Ecclesiæ antea sit admixtus.

Novitii jam adulti, si post annum probationis, in manu Abbatis facere professionem reculaverint, de Monasterio expellantur, quod & de Monialibus observetur. Nullus Monachus, vel Monialis, in duobus monasteriis locum habeant, vel prebendas: Item, quidquid monachus, vel monialis habeat, unde cumque provenerit, suis apparare usibus non præsumat; sed totum in communes usus monasterii redigant. Nullus monachus, vel monialis proprium quid habeat, & si proprium habuisse, in morte fuerint deprehensi, Ecclesiastica carebunt sepultura, & qui sepulti fuerint, inde exhumentur. Si qui vero ipsorum ad mandatum sui Prælati propriis renuntiare noluerint, de monasterio expellantur. Ludos alearum, chorearum, scacorum, taxillorum, annulorum, globorum, monachis, & monialibus, prohibemus districte. Item monachi, & Abbates, mantella, vel forcotos non portent, nec pannos de nigro bruneto, vel alios pretiosos, sed quanto possit haberi pretii vilis, juxta quod præcipit Regula eorundem.

Abbates, & Abbatissæ, in communi dormiant Dormitorio cum monachis, & monialibus suis, & in Refectorio com-

muni vescantur cibo, nisi quando justa necessitas propter magnos & honestos Hospites id minime observari compellat. Item, tam Abbatibus, quam Monachis, vulpina pellicula, & de kuniculis prohibemus, sed agnitis tantummodo utantur. Item, Monachi calceos, qui æstivales dicuntur, non habeant, sed alios suæ Regulæ competentes. Item, Abbates cappas rotundas ad modum Episcoporum in usu cottidiano non portent, sed cum manicis, ut ipsorum ordo postulat & requirit; nec ipsi, nec monachi, qui equitant, mantella deferant super cappas, quas clausas fore censemus. Hoc etiam statutum lucidius declarantes statuimus: ut tam Monachi, quam Abbates, in cappis nigris equitent & rotundis, vel in habitu usitato.

Insuper prohibemus districte: ne occasione qualibet seculares personæ domos, vel habitacula sua faciant juxta monasteria Monachorum, quia frequenter ex hoc contra Monachos sinistra suspicio est exorta, nisi forte aliter pro causa omni suspicione carente, id de consensu & auctoritate Diocesani Episcopi permittatur: Abbas vero, qui contra hæc fieri consenserit, gravi subjaceat ultioni. Item, Abbas nullum monachum alterius Monasterii, sine litteris dimissoriis proprii Abbatis, in suo monasterio recipere vel tenere præsumat. Item, monachi carnibus in Refectorio non vescantur, nisi in infirmaria, cum ægrotant. Item, quicumque Monachus in lapsu carnis ceciderit, de quo fuerit manifestum, ad nullam dignitatem, nec ad aliquod officium monasterii assumatur, nisi per manifestam emendationem & honestam, ac Religiosam conversationem ipsius, per Diocesani Episcopum secum fuerit misericorditer dispensatum; eidem quoque penæ subjaceat, si de hoc infamatus fuerit, nec canonice potuerit se purgare, & in penam sui criminis de cetero ultimus ster in choro, in Capitulo vocem non habeat, ad aliquam monasterii ordinationem tractandam, nisi propter emendationem manifestam, Abbatis providentia de consensu Conventus ipsum duxerit admittendum. Si vero Abbas, vel Monachus, in officio constitutus, in similem lapsum ceciderit, a suo statim removeatur officio, quod & circa Præpositum fieri volumus, si de simili

simili infamatus fuerit, nisi de hoc canonice se expurget, & nihilominus pœnis illis subiaceat, quæ de simplici monacho superius sunt expressæ; Idem de Abbatissis & Monialibus statuimus observandum, & hæc omnia, quæ statuta sunt de monachis circa continentiam, proprii abdicationem, & similia ad Canonicos volumus Regulares extendi, licet ad esum carniū, & quædam alia Regulæ inservant laxiori. Item præcipimus Abbatibus, Abbatissis, nec non & aliis omnibus monasteriorum Rectoribus, ut subditis suis secundum uniuscuiusque Monasterii facultatem tam in victu, quam in vestitu necessaria amministrent.

Item, juxta prioris statuta Concilii, prohibemus: ne mulierculæ, quæ vôtum continentiae emisérunt, mutantes habitum secularem, nec tamen aliter certæ Regulæ se adstringentes, per vicos passim discurrant; sed si propriæ eis competant facultates, continenter in suis vivant domibus, & honeste: si vero sint pauperes, manuum suarum laboribus, & honestis serviciis, necessaria sibi quærant, plebanis suis sine subdita, & consilio eorundem regantur. Ad hoc: quia juvenularum Beginarum lapsus frequens & evidens, statum Religionis deformat & plurimos scandalizat, statuimus: ut nulla de cætero in earum numerum admittatur, nisi XL. ætatis suæ annum exceßerit, & probatæ opinionis existat; sexagenarium numerum, quem præscripsit Apostolus, talibus assumendis, propter fragilitatem nostri temporis, ad quadragenarium restringentes. Sub pena anathematis prohibemus: ne Clericus, vel Religiosus quampiam domum introeat earundem; sed si quis ex iusta causa & honesta cuiquam earum loqui voluerit, hoc in Ecclesia sub bono testimonio faciat manifeste, ne sinistra contra ipsum suspicio oriatur.

XXIV. De Beneficiis Ecclesiasticis.

Cum Beneficia Ecclesiastica sine diminutione conferri debeant, & quidam Ecclesiarum Patroni, personis idoneis prætermittis, tales ad ea promoveant, qui portione quantalibet debeant esse contenti, reliquum suis usibus totaliter applicando; verum ad hujus mali perniciem extirpandam statuimus, quod si tales Clerici se portione debita spoliari

videntes, ad Episcopum suum querelam non detulerint, auctoritate hujus Concilii sint ipsò jure suspensi, & nihilominus eisdem Ecclesiis spolientur per Episcopum: si vero ad superiorem super hoc detulerint querelam, ipse per censuram Ecclesiasticam ab hujusmodi molestatione compescat; adjicientes nihilominus, quod si in hoc pertinax Patronus exstiterit, ad præsentationem, cum proxime vacaverit, nullatenus admittatur.

Et quia Ecclesiarum Rectores Vicariis suis relinquunt adeo exiguum portionem, quod ex ea nequeunt sustentari, generali Concilio inhærentes statuimus, ut ipsis Vicariis sufficiens & honesta portio de proventibus Ecclesiæ assignetur, alioquin ipsos Rectores suis decernimus Ecclesiis spoliandos.

XXV. De usuris.

Contra usurarios juxta statutum Lateranensis Concilii procedatur, ut si notorius fuerit ipsorum excessus, sine distinctione, Ecclesiastica careant sepultura, nihilominus ipsorum hæredibus ad restituendas usuras per censuram Ecclesiasticam compellendis. Si qui autem tales sepelire præsumperint, suis beneficiis spolientur. Excommunicationis sententia singulis diebus sollempnibus proferatur in omnes, quicumque usuras de cetero præsumperint exercere; hoc priori Concilio adjungentes: ut si notorii usurarii, demum in ægritudine constituti, absolvi desiderent, nullatenus audiantur, nisi primitus satisfaciant, vel hæredes tales habuerint, per quos pro eis satisfiat, in quantum possibile fuerit, de usuris.

XXVI. De confessione & jejuniis observandis.

Sacerdotes frequenter moneant plebem suam, ut in initio quadragesimæ ad confessionem veniant, & saltem in Resurrectione Domini recipiant Corpus Christi, si velint inter Catholicos reputari.

Ad hæc etiam prohibemus, ne quis adultus pariter & discretus ordinaria & statuta jejunia, ut quadragesimalia, & quatuor temporum, & vigiliarum præsumat infringere, & hujusmodi necessaria jejunia prætextu voti & extraordinarii jejunii violentur, cum tale damnum tali lucro Deus nolit comm-

penfari.

pensari. Inhærentes etiam priori Concilio, quorundam consuetudinem reprobamus, qui sextam feriam violant, sabbato, quarta feria, vel die alia in Ebdomade jejunantes, hoc de cætero fieri hujus sacri auctoritate Concilii firmiter prohibemus.

XXVII. Ne bona Ecclesiæ in Concubinarum usus cedant.

Clericus de proventibus anni gratiæ, vel alias de rebus Ecclesiæ acquisitis Concubinæ suæ, vel filiis ex fornicatione genitis, quicquam penitus non relinquat: quod si fecerit, legatum non teneat, & quod taliter est relictum, Ecclesiæ applicetur.

XXVIII. In quibus casibus Clerico patrocinari liceat.

Item, cum Sacerdotis sit nulli nocere, omnibus autem velle prodesse, districte præcipimus; ne Presbyteri, nisi pro se ipsis, Ecclesia sua, vel si necessitas imminet, pro personis convictis, & miserabilibus, & Dominis suis, & tunc gratis & sine questu quolibet patrocinari præsumant: alias a patrocinio repellantur, quod multo fortius ab Ecclesiarum Prælatibus volumus observari.

XXIX. De Præbendis.

Item, nullus in Canonicum eligatur beneficio non vacante, nisi iusta necessitas, vel utilitas Ecclesiæ id postularit, & tunc unum tantum, & non plures assumi permitimus: & is qui taliter assumptus fuerit, statim ad residentiam compellatur. Si quis contra hoc statutum aliquos, vel successive, vel simul elegerit, quod factum est, ipso jure non teneat, & Episcopus ad tot prebendas potestatem habeat eligendi, quot personæ sic fuerint assumptæ: hujus autem auctoritate Concilii statuentes: ut ante receptionem personæ in Canonicum assumendæ, personæ necessitas & utilitas ex receptione ejus secutura primitus exponatur loci Episcopo, ne per subreptionem astutiæ, in fraudem hujus Concilii, aliquæ acceptentur.

XXX. De Sortilegis.

Excommunicamus, & Anathematizamus omnes Sortilegos, & firmiter prohibemus; ne ab alio, quam a suo

Episcopo, nisi forsan in mortis articulo, absolvantur, & hanc Excommunicationis sententiam singulis diebus Dominicis & festivis per Sacerdotes in eorum Ecclesiis & Capellis præcipimus publicari.

XXXI. Ut Festum Conversionis S. Pauli solemniter celebretur.

Ceterum quia Beatus Paulus vās Electionis & Doctor Gentium doctrina sua præ cæteris illuminavit Ecclesiam, & ipsius conversio nostræ fortissimum est Fidei argumentum; statuit hoc sacrum Concilium, ut Festum Conversionis ejusdem, quilibet Episcopus in Dicecesi sua solemniter faciat celebrari.

XXXII. De qualitate Ordinandorum.

His omnibus necessario duximus adjungendum, quod nulli illegitime nati ad sacros Ordines, vel dignitates Ecclesiasticas, vel ad aliqua beneficia, quæ curam animarum obtinent, admittantur, nisi per Dicecesanum suum, quo ad ordines, & per Sedem Apostolicam, quo ad dignitates & beneficia, cum eis fuerit misericorditer dispensatum: aliter executione ordinum carent, & dignitatibus ac beneficiis, animarum curam habentibus, spoliuntur. Peregrini etiam & Clerici ignoti nullo modo recipiantur ad ordines, nisi literis Episcoporum suorum commendatis & dimissoriis sint muniti, vel saltem Testimonium habeant Capituli Ecclesiæ Cathedralis.

Nullus quoque de non petendo beneficio ab ordinatore se de præsentatore ipsius cautionem vel promissionem aliquam interponat, quia hoc simoniacum est, & contra Canonicas sanctiones. Et quia Ecclesiarum Reconciliatio dubitari consuevit a multis; præsentis auctoritate Concilii declaramus, quod Ecclesia violata per alium, quam Episcopum, reconciliari non potest, cum ea, quæ Episcopalis ordinis sunt, non nisi Episcopo valeant demandari.

XXXIII. De casibus reservatis.

Quia frequenter in pœnitentiis injungendis quidam casus emergunt, qui propter Sacerdotum ignorantiam expediri non possunt, & quod etiam dispensationem episcopalem requirant; ideo salubriter duximus statuendum, quod

quod Episcopus, eo quod propter occupationes multiplices ejus copia quandoque haberi non potest; unum poenitentiarium penes se habeat honestum, providum, & discretum: & nihilominus alium instituat in Ecclesia sua Cathedrali; ut saltem ad ipsorum alterutrum recursus in his casibus habeatur, qui etiam in illis casibus, in quibus Episcopi dispensandi obtinent facultatem, ipsorum auctoritate dispensent. Archidiaconi quoque & Archipresbyteri, & Plebani, suis subditis Presbyteris in Provinciali iudicio districtè injungant; ut in casibus memoratis, sive occulti, sive manifesti existant, recursum habeant ad poenitenciariorum supradictos, opportunum ab eis consilium requirentes.

XXXIV. *Ut Episcopi suos carceres habeant.*

Ad hæc statuimus: ut singuli Episcopi suorum suos carceres habeant juxta Ecclesiam Cathedralē, in quibus falsarii Clerici, vel Monachi incorrigibiles, & Apostatae, & alii, qui hoc meruerint; ad quod efficacius exequendum, alia Ecclesia; si opus fuerit, consilium conferant & juvamen.

XXXV. *De citationibus.*

Et quia quidam propter potentiam, quidam propter crudelitatem magnam citari non possunt, & quidam in castris habitant, ita quod nulla potest ad eos citatio pervenire; ideoque provida & necessaria deliberatione statuimus: ut contra tales citationis edictum apud Parochialem ipsorum Ecclesiam publice & legitime proponatur; quod si Parochiales Sacerdotes se citare non possent coram superiore, non simplici vel proprio juramento, sed iustis probaverint documentis, in Ecclesia Cathedrali tribus Dominicis diebus continuis publice in ambo citentur, dummodo citandi infra unam dietam sint a Cathedrali Ecclesia constituti: alioquin ad tres quindenae sollempniter evocentur, & ex tunc contra hos, ac si personaliter citati fuerint, procedatur, ne ex malicia commodum valeant recipere: Statutum Concilii novissime celebrati, quantum ad hunc articulum, corrigentes.

XXXVI. *De appellationibus.*

Ecclesia Maguntina, ex rationabili & antiqua consuetudine, obtinuisse di-

noscitur, quod causas ad eam per appellationes delatas, subditis suffraganeorum suorum committere valeat, & compellere jurisdictionem hujusmodi recipere detrahentes; quæ consuetudo ex his causis noscitur introducta, ut videtur circuitus, cum per Dieceanos ad recipiendam delegationem talem compellere possit Metropolitanus Suffraganeorum subiectos: præterea; ut propter distantiam caveatur laboribus partium, & expensis; cum, si non reciperentur delegationes hujusmodi, partes apud sedem Metropolitanam cogerentur personaliter litigare: sacri hujus approbatione Concilii, statuimus: antiquam consuetudinem declarantes, ut sedes Maguntina causas hujusmodi subditis Suffraganeorum valeat delegare & animadvertere in rebelles.

XXXVII. *De Excommunicationis.*

Quia Clerici quidam, & Laici, vinculo Excommunicationis astricti, fiducia finalis poenitentiae & absolutionis extremæ Claves Ecclesiae contemnunt tempore sanitatis; hujus Sancti auctoritate Concilii, statuimus: ut tales in extremis ad Reconciliationis beneficium nullatenus admittantur, duntaxat sub proprio juramento, nisi & aliam idoneam exhibeant cautionem; ut sive moriantur, sive convalescant, ad mandatum Ecclesiae per se, vel per alios, in quantum possibile est, satisfaciant de commissis.

XXXVIII. *De obedientia Superioribus præstanda.*

Sacro etiam approbante Concilio, statuimus: ut nulli Clerici Nobilium Capellani, in Capellis Castrorum Dominorum suorum celebrare præsumant, seu alia Sacramenta Ecclesiastica, nisi ante Episcopum, vel loci Archidiaconi obedientiam faciant manualementem; ad Synodum veniant, & capitula certis temporibus & statutis recepturi, mandata Ecclesiastica perferant suis Dominis & eorum cattsensibus, secundum quod fuerit opportunum: cum Plebani, in quorum terminis castra consistunt, hoc facere frequenter non audeant propter tyrannidem Dominorum. Qui autem, ante præstitam obedientiam, capellas tales officiare præsumperint, a præla-

tis suspensi & excommunicati per vicinarum Ecclesiarum Plebanos tanto tempore nuntientur, quousque satisfaciant, & obediant: statuentes; & sub pœna excommunicationis jam latæ, mandantes: ut, si quam prædam, vel spoliū spiritualium personarum, seu etiam Ecclesiasticam personam captivam ad aliquam civitatem, villam, oppidum, sive castrum adduci contigerit, Sacerdotes & Capellani, postquam hoc sciverint, non expectato super hoc superioris mandato, abstineant a Divinis.

Plerique Clerici, ac etiam alii, cum excommunicatis publice communicasse contra conscientiam arguuntur, eo se pretextu maliciose excusant, quod excommunicatio talium non fuerit eis specialiter nuntiata: verum necessario, sacri approbatione Concilii statuimus decernendo, ut postquam excommunicationis, vel interdicti sententiæ publice proferuntur, & in Cathedrali Ecclesia, Synodo, vel capitulo, vel alias in locis debitis sollempniter promulgantur, non sit necessarium eas singulorum auribus inculcari; immo post publicationem huiusmodi singuli ad vitandum taliter excommunicatos, etiam si specialiter eis denunciati non fuerint, dummodo qualitercumque eis excommunicatio innoverit, teneantur, cum talis ignorantia crassa sit penitus, & supina.

Quia Clerici & Religiosi nonnulli non attendentes, quantum sit obedientiæ bonum, quod victimis præfertur, & quod peccatum est ariolandi, nolle acquiescere, & scelus idololatriæ, obedire non velle, amissionem rerum suarum & corporis vanum metum allegant frequenter, ne cogantur mandatum exequi Prælatorum, qui cum prosperitatis tempore multa bona receperint, laute vixerint de patrimonio Crucifixi, imminente Ecclesiæ necessitatis articulo pro honore illius adversitates sustinere detrectent: ex quo propter contemptum clavium Ecclesiæ nervus Ecclesiasticæ disciplinæ dissolvitur, & animas miserabiliter periclitari contingit; sacri huius Concilii necessaria deliberatione statuimus, ut nulla rerum perditio, aut metus corporis, legitime non probatus, subditi inobedientiam, mandatum Prælati exequi non curantis,

valeat excusare: adeoque si metus corporis non simplici, vel proprio iuramento, sed legitimis coram eo, a quo mandatum subditus recepit, ostensus fuerit documentis; nihilominus loco cedat, ne notam transgressionis incurrere videatur: in his autem, quæ in non faciendo consistunt, utpote, cum mandatur, non communicari cum excommunicatis, non celebrari interdictis, ac aliis huiusmodi, nullus omnino nec rerum, nec corporis metus excuset, cum pro nullo metu quis debeat peccatum mortale committere, quod ex inobedientia surgere Sanctorum auctoritatibus comprobatur.

XXXIX. De Clericis militariibus, & concubinariis.

Contra illos autem Clericos militares, qui, Clericali schemate derelicto, comam nutriunt, & gestantes habitum laicalem coram Prælatiis suis, & in Ecclesiis, in quibus habitant, irreverenter incedunt: demum post tyrocinia, & actus alios militares, quos interdum exercent, habitum pristinum resumentes, ad beneficia se priora admitti impune desiderant, sic terram vis duabus ingredi non verentes; hoc sacro Concilio approbante, statuimus: ut apostatantes huiusmodi, si antequam a suis Prælatiis, sive Capitulis evocati, & prioribus habitis beneficiis fuerint spoliati, ad suas Ecclesias, seu Prebendas redire noluerint, non aliter admittantur, nisi disciplinæ claustralis carcerem tanto tempore sustinuerint, quanto a suis Ecclesiis eos constiterit taliter aberrasse, sic minus satisfactionis prolixitas, quam prævaricationis diuturnitas, prorogatur.

Cohabitationis vitium publice multis successive laboribus extirpatum, quorundam negligentia Prælatorum, immo, quod detestabilius est, aliquorum malitia, qui questum æstimant pietatem, sentitur iterum pullulare. Quapropter Prælati universis, Archi-Diaconis videlicet, & Decanis, ac aliis, quorum interest huiusmodi excessus corrigere, huius sacri auctoritate Concilii præcipimus, ut tam periculoso recidivo pervigili studio occurrere non prætermittant: ne subditorum sanguis de eorum manibus requiratur, ac eorum negligentia per locorum

rum Episcopos gravissime puniatur : si qui autem (quod absit) ob questum turpem, peccatum huiusmodi ad se delatum in subditis suis fovere vel dissimulare præsumperint, illi per suos Prælatos ab eis deiciantur honoribus, quos acceptione sordium talium dehonorant.

Licet multa super continentia Clericorum, Patrum hæcenus emahaverint instituta, quia tamen adhuc nonnulli Clerici lumbos suos cingulo continentia, ut acceperimus, non accingunt in animæ suæ grave periculum, & scandalum plurimorum, non attendentes, quod scriptum est : *Sancti estote, quoniam Sanctus sum*, &c. Nos, qui saltem circa undecimam horam missi sumus, ut nociva de vinea Domini Sabaoth, ex officio nobis inuncto, quantum ipse dedit, extirpemus, quia *zelus nos comedit Domus Dei* : hujus igitur sacri approbatione Concilii duximus aliquid statuendum. Præcipimus igitur, ut Clerici continenter & caste vivere studeant universim, maxime in sacris ordinibus constituti, quatenus in conspectu Omnipotentis Dei puro corde valeant ministrare : Si quis autem Clericorum deinceps visus fuerit in incontinentiæ vitio laborare, deincedo concubinam; nisi post ammonitionem Canonicam illam prorsus a se expulerit, tunc officio & beneficio spoliatur : si vero nec fetorem suæ libidinis curaverit evitare, quia crescente contumacia crescere debet & poena, anathematis gladio feriatur. Qui vero, obscenis voluptatibus inhiantes, concubinas usque ad hæc tempora tenuerunt publice, ne delictum præteritum transeat impunitum, eos sub tali poena duximus reliquandos, ut si Canonici fuerint, quadraginta diebus in claustris suis in quadragesimali cibo jejulent. Si autem hoc agere contempserint, Præpositis, Decanis, & Capitulo Ecclesiarum sub anathemate prohibemus, ne prebendarum fructus eis ministrent, vel ad consortium Capituli eos admittant, nisi digna poenitentia incepta, vel peracta, & præstito juramento, quod eas ulterius non resument. Qui vero sic amotas resumpserint, decernimus eos beneficiis esse privandos, statuentes : ut illi, ad quorum collationem beneficia pertinent, eos personis idoneis assignent infra tempus in

Lateranensi Concilio comprehensum, alioquin proximus superior ex tunc ea studeat assignare : si vero Decani, vel alii eorum confratres, excessum scientes, dissimulare præsumperint, eos denuntiamus excommunicationis vinculo subiacere.

De Clericis concubinariis rigor superius expressus servetur, quorum Archiepiscopi, si eos in suis iniquitatibus voluerint confovere, vel eorum dissimulare excessus, sciant ab officio se suspensos, & si in præsumptione permanserint : eos præcipimus per episcopos suos a dignitatibus removeri, quæ dignitates per eosdem episcopos, vel ad quos denominatio spectat, personis idoneis assignentur.

Ad abolendam de Domino Domini consuetudinem vel potius corruptelam, seu temeritatem, qua Clerici, qui signum pudicitia debent ostendere laicis, quibus positi sunt in exemplum, in argumentum suæ finalis (a) poenitentia, fructus prebendarum suarum concubinis suis legant in ultima voluntate, rigor Ecclesiasticus debet exerceri; quare sub anathematis vinculo prohibemus : ne de cætero Clerici gratia annis abutentes, cum de rebus Ecclesiæ nullum possint condere testamentum, fructus beneficiorum Ecclesiasticorum spuris vel concubinis dimittant. Qui vero contra hanc inhibitionem venire præsumperint, in signum suæ perditionis, Ecclesiastica sepultura careant, & quibus taliter fructus legantur, eis careant ipso jure : qui autem testamentum tale post mortem defuncti manutenere voluerint, & per quorum manus illis fructus prebendæ fuerint ministrati, Ecclesia ipsa supposita sit interdicto.

XL. De sententia Excommunicationis.

Quantæ præsumptionis & temeritatis existat, quod qui servare debent Canonicas sanctiones, in quibus aperte continetur, quod nullus aliquem sine rationabili causa excommunicare præsumat; eas frangere non formidant, plebrosque non animo iustitiæ, sed livore odii, vel favore adversariorum excommunicationis vinculo innodantes, nullus penitus ignorat. Quare firmiter prohibemus : ne quis excommunicationis sententiam in aliquem, nisi competenti ammo-

(a) legas impoenitentia.

ammonitione præmissa, & præsentibus idoneis personis, per quas, si necesse fuerit, possit probari ammonitio, promulgare præsumat: & si Prælati contra hoc fecerit, & ammonitus errorem suum non revocaverit, per mensem ab ingressu Ecclesiæ sit exclusus.

Cum scriptum sit in lege Domini, quod quicumque non obtemperasset Sacerdotibus, aut extra castra positus lapidabatur a populo, aut gladio cervice subiecta expiabat contemptum: in primitiva Ecclesia inobedientes eiectione de Ecclesia rapido ore dæmonum trahebantur: Multi nomine Sacerdotes, censuram Ecclesiæ contempnentes, excommunicationis & suspensionis, a prælatis ipsorum, exigentibus culpis suis, & immemores, quod Episcopis & Prælatis clavium sit collata potestas, attretare sibi interdicta ministeria non verentur, contra quos volumus rigorem Ecclesiasticum exercere.

Statuimus igitur: ut tales, sine spe restitutionis, ab officiis & beneficiis deponantur, & infames & detestabiles facti, de cætero ad beneficia Ecclesiastica nullatenus admittantur, nisi per penitentiam approbatam & conversationem laudabilem, Sedis Apostolicæ gratiam meruerint obtinere. Præterea sunt nonnulli crassam ignorantiam prætendentes, quæ non excusat a culpa, nec eos a pœna poterit excusare: hi Divina celebrare præsumunt iis, qui sunt excommunicationis vinculo innodati, quapropter statuimus, ut postquam excommunicati in locis vicinis denunciati fuerint; Sacerdos, qui eis Divina celebrare præsumpsit, pœna simili puniatur.

Si Episcopus aliquem excommunicat, certa de causa denunciaret vicinis Episcopis per suas patentes litteras, ut excommunicatum faciant denunciari & vitari, & sine difficultate aliqua vicini Episcopi excommunicatum faciant publice nuntiari, & in Diocesis suis arctius evitari: si vero Episcopi in hoc fuerint negligentes, vel excommunicatis communicaverint, tamdiu Cathedralium ecclesiarum Canonici sibi non...
... quamdiu huic salubri statuto præsumpserint obviare.

XLII. De jure Patronatus.

Quoniam in quibusdam Alemanniæ locis, Fundatores ecclesiarum, vel hæredes eorum, potestate, in qua eos Ecclesia hucusque sustinuit, abutuntur, partem decimarum, vel aliarum obventionum Ecclesiasticarum, in quibus jus obtinent Patronatus, sibi retinentes ex pacto, cum præsentant Clericos ad eandem, huic vero contentioso & simoniaco modo censuræ ferrum apponimus, decernentes: ut, ex quo confiterit patronum hujusmodi perpetrasse flagitium, anathemate feriatur, & ejus terra ponatur sub ecclesiastico interdicto, donec ecclesiam liberam sub suo jure dimittat, salvo jure patronatus, quod etiam eis de jure reservamus, quin possint pro juris ignorantia excusari. Qui vero cæca cupiditate seducti, taliter a patronis præsentatum suscipiunt officio, beneficioque priventur, nec ad beneficium, vel actus ecclesiasticos admittantur, nisi per Sedem Apostolicam secum fuerit dispensatum. Episcopi vero, vel Archidiaconi, qui talibus scienter curam commiserint animarum, ab institutione beneficiorum & collatione perpetuo sint suspensi. Statuimus etiam, quod nullus Clericus ad curam animarum ab Episcopo, vel Archidiacono admittatur, nisi prius juraverit, quod nullam in adeptione beneficii, ad ejus curam præsentatus, commiserit simoniam.

XLIII. De Vicariis.

Quia enormis quædam consuetudo in quibusdam Alemanniæ partibus, contra Canonicas sanctiones invaluit, ut ponantur in ecclesiis conducti Sacerdotes vel Vicarii temporales; ne id de cætero fiat, auctoritate legationis, qua fungimur, modis omnibus inhibemus; sed cum Vicarius poni debet, & potest, perpetuus instituatur, de assensu & auctoritate Diocesani, vel Archidiaconi loci ejusdem, nec Episcopus, vel Archidiaconus talem instituat, nisi ei tantum de bonis ecclesiæ coram eo fuerit assignatum, unde jura Episcopi & Archidiaconi possit persolvere, & congruam atque sufficientem sustentationem possit habere.

XLIII. De Raptoribus & Clericorum Captivatoribus.

Ad manutendam Ecclesiarum Immuni-

munitatem, ad conservandum jus & honorem Dei, & Ecclesiasticæ libertatis, contra usurarios manifestos, quæstuarios, maledicos, ac indulgentiarum nimietatem, a Prædecessoribus nostris diversis diversâ emanarunt pro tempore statuta de suorum consilio Prælatorum: & licet plura ex illis sint de verbo ad verbum per Sedem Apostolicam confirmata; ea tamen approbatione Sacri hujus Concilii duximus innovanda, ut per hoc in notitiam solemniorem deveniant, ac eo libentius observentur. Statuit ea primum recolendæ memoriæ Patruus noster, Dominus Sigifridus Archi-Episcopus, quod & Dominus Innocentius IV. Papa confirmavit: cum indignum sit valde illos in se, vel in suis per Ecclesiâ promoveri, qui honoris & Ecclesiasticæ libertatis subversores existunt; Statuimus itaque: ut nullus de filiis eorum, qui Clericos captivaverunt, vel ad hoc opem, vel operam impenderunt, ac in suis domiciliis detinuerunt captivos; ad ordines, beneficia, aut etiam Prælaturas & dignitates aliquatenus admittantur, imo ex delicto parentum ipso facto redantur inhabiles ad hujusmodi consequenda: sub pœna excommunicationis jam latæ sententiæ, mandantes Examinatoribus Clericorum, Capitulis, Patronis, & Archi-Diaconis, ut nullum ex talibus ad ordines admittant, Capitula nullum ex eis ad præbendas eligant, Patroni nullum ex ipsis præsentent, Episcopi & Archi-diaconi tales non investiant ullo modo: alioquin Capitula, & Patroni jus suum ipso facto amittant, & ea vice ad loci Episcopum devolvatur: Examinatores vero, & Archi-diaconi, aliquem ex talibus scienter ad ordines & beneficia admittentes, ipso facto sententiam excommunicationis incurrant, & alias per Ordinarium gravius puniantur, quod & nos de filiabus præmissorum, sub pœna simili, duximus statuendum, videlicet: quod filii eorum in claustris & cœnobiis ordinis cujuscumque nullatenus admittantur.

Statuit etiam alia circa hoc bonæ memoriæ Gerbardus, Archi-Episcopus, Prædecessor noster, quas Sanctissimus Pater noster Alexander IV. de verbo ad verbum noscitur confirmasse.

Nos igitur statuta ipsa non solum

Tomus III. Concil. German.

auctoritate hujus sacri Concilii approbamus; verum etiam hoc duximus adnectendum, firmiter statuentes: quod si temerarii captivatores Clericorum aliquos in familia sua habuerint Clericos, utpote Capellanos & Scriptores, iidem abstrahant se statim a communione eorum non solum in Divinis, sed & in mensâ, & in aliis, quibus excommunicato communicatur illicite. Item, nec consiliis eorum intersint, nisi forte tractatum habeant cum eis de procuranda liberatione eorum, quam si infra duos menses procurare non potuerint; sub pœna excommunicationis jam latæ sententiæ præcipimus, quod ex tunc non solum a consilio & scribendo se abstineant, sed ab eis omnino recedant.

Statuimus etiam, ut nullus manus fidelis amicus, vel alius habens potestatem rerum Clerici captivati, promittat, vel det aliquid pro liberatione ipsius, vel de dando interponat per se, vel alios aliquam cautionem, adjicientes: quod si detentor Clerici per unum mensem Clericum detinuerit captivum, ac eo dimisso, infra annum a tempore captivitatis Clerici computandum, satisfactione neglecta, non obtinuerit se absolvi, ex tunc ab omnibus feodis cadat ipso jure, quæ a quibuscunque Ecclesiis noscitur obtinere.

Hæc omnia circa captivatores Episcoporum multo fortius volumus observari, eo adjecto, quod Episcopo captivato, Clerici de familia captivatoris statim recedere teneantur, quodque tales captivatores ipso facto, non solum a jure cadant perpetuo feodorum, quæ a quibuscunque Ecclesiis obtinebant: verum etiam in ipso jure cum omni sua posteritate fiant inhabiles ad feoda quælibet a quibuslibet Ecclesiis possidenda, seu obtinenda; ac hi, qui feoda ipsis duxerint concedenda, ipso facto, excommunicationis sententiam incurrant; quod si proximi Domini feodorum, feoda illa, a quibus in causis Episcoporum, vel Clericorum, captivatores illi ceciderint, infra unum mensem, vel concedere, vel ad se neglexerint revocare, ex tunc feodorum ipsorum collatio ad superiorem proximi devolvatur, quæ in occisoribus vel mutilatoribus Clericorum, multo fortius volumus observari.

H h h h

XLIV.

XLIV. *De Usurariis.*

Statuit etiam hoc idem Dominus Gerardus in usurarios omnes, cujuscunque status & conditionis existant, cunctis diebus Dominicis & diebus Festivis per locorum Plebanos & eorum Vicarios excommunicationis sententiam publice proferri, ita, quod qui publice exercent usuram, ac qui coram Ecclesia de usura convicti fuerint, vel confessi, & qui per juratores villarum pro usurariis sunt publici proclamati, excommunicentur sollemniter nominatim: qui vero de usura vitio sola sunt suspicione notabiles, nisi se de hujusmodi vitio legitime coram Ecclesia expurgaverint & debitores usurarum, & fidejussores super eis absolvent simpliciter & publice ab usuris; excommunicentur similiter nominatim. Tales autem, si curaverint, jam resipiscere a peccato, si ad restitutionem omnium, ipsorum suffecerint facultates, vel si in totum solvendo non fuerint, prius restituta ea, ad quam suffecerint, portione, & de reddendo residuo fortunæ tempore pinguioris eis, vel si non existant, eorum hæredibus, a quibus extorserunt usuram, fidejussores constituent, alioquin pauperibus, seu piis locis iuxta ordinationem judicum Sedis nostræ ac Archidiaconorum de satisfaciendo Ecclesiæ, idonea præstita cautione, ab eisdem judicibus absolutionis beneficium consequantur. Nos enim solis eis absolutionem talium duximus committendam, ne per quorundam Sacerdotum simplicitatem, & per malitiam aliorum, qui circa restitutionem hujusmodi proprium quantum quærunt non salutem animarum, vel commodum proximorum, quibus est merito restitutio facienda, circa usurarios aliquod incongruum statuatur. Quod si usurarii præscripti spe finalis pœnitentiæ & absolutionis extremæ, claves Ecclesiæ sani contempserint, & temere sustinuerint anathema, seque in extremis absolvi petierint, juxta provisionem *Frislariensis Concilii*, non statim proprio juramento eis erit absolutio impendenda, nisi prius cuncta male extorta restituant, dummodo tantum in bonis mobilibus, vel immobilibus habeant, quod restituere valeant universas vel saltem tantum refundant, quantum se ipsorum facultates extendunt, & de reliquo

refundendo, satisfaciendo Ecclesiæ, derunt fidejussores idoneos, consanguineos, & affines: quod si fidejussores tales non extiterint, & in eis apparuerint veræ pœnitentiæ signa, sub forma præscripta, proprio juramento, admittantur ad Pœnitentiæ & Eucharistiæ Sacramenta: sed in pœnam tam diuturni contemptus clavium Ecclesiæ, & terrorem aliorum, negetur eis extrema Unctio, & Ecclesiastica Sepultura, nisi forte suadente causa legitima, hoc a nobis ex gratia contigerit indulgeri, ad quæ etiam duo ultima consequenda non sufficiat proprium juramentum & pœnitentiæ signa præmissa, cum pater & mater male acquisita sint parati refundere, sed forsitan filii contradicunt, vel pro parentibus nolunt præmissas exponere cautiones, vel cum uxor pro marito, vel contra maritus pro uxore similia facere detrectarit: adicientes, quod si usurarii manifesti per mensem unum temere in excommunicatione duraverint, ex tunc uxori, ac filiis, & propriis eorum mancipiis, Divina & Sacramenta Ecclesiastica subtrahantur, Baptismate parvulorum, & pœnitentia morientium exceptis: servientibus aliis & ancillis conductitiis, & colonis eorum excommunicationis gladio feriendis. Præterea, cum delictum privilegium emunitatis non habeat, & delinquentem pœna merito comitur; statuimus, ut quilibet five miles, five ministerialis noster existat, seu ex quocumque privilegio fori præscriptione præfulcerit, super usuris cessante in hoc emunitate omni, sub judicibus valeat conveniri, cum privilegium mereatur amittere, qui sui honoris & fori tam viliter abutitur, & dignitate: nihilominus circa hoc captivatores & spoliatores Clericorum & Ecclesiarum, si Ministeriales sint, vel alias gaudeant privilegio circa fidejussores datos ab usurariis volumus observari, videlicet quod per nostros judices valeant de talibus insolentis coarctari.

XLV. *Ne Ordines Religiosi Privilegiis abutantur.*

Quamvis Ecclesia doleat, quod de proprii Sacerdotis voluntate, subditi Plebanorum, pro maturiori consilio capefciendo, Religiosis quibusdam confiteantur interdum; nolimus tamen sacri Concilii autho-

authoritate, & sub pœna excommunicationis jam latæ vetamus omnibus Religiosis, ne subditos Plebanorum, maxime autem Bekinas, & Bicornos, & Molufas, ac alias personas hujusmodi communicant corpore Domini, aut alia porrigant Ecclesiastica Sacramenta parvulis vel adultis: hoc etiam sub eadem pœna Religiosis omnibus inhibentes firmiter: ut cum processiones & stationes solemnes, quas observat Ecclesia generalis, in institutione Ecclesiæ, & magnâ autoritatis, & multæ opulutionis existant, utpote in quibus Dominus honoratur, votis communibus & placatur; ne populum ab eisdem, prædicationes tunc temporis instaurando retrahant: immo in prædicationibus suis sedulo eidem, quod tenentur talibus interesse, & quod peccat, se ab his subtrahendo, eidem etiam populo frequenter exponant, quod etiam ad matricem Ecclesiæ in præcipuis festivitibus teneatur accedere, ac illam sui præsentia honorare, a qua Sacramentorum gratia in eos quasi ex fontali gurgite influit & descendit, ipsi tunc abstineant ab omnibus allecivis, quibus abstrahi possit populus, quo minus ad sollempnitates veniat suæ matris.

XLVI. *Ut per preces ac supplicationes imminens Tartarorum avertatur irruptio.*

In omnibus & singulis sermonibus, & brevibus quantumcumque, fiat mentio Tartarorum, (a) sitque talis materia proponenti verbum Dei, per quam populus animetur ad resistendum tyrannidi eorum, ac incitetur ad supplicandum Domino pro averseione tam duri ac diri flagelli, & ut provocetur ad reconciliandum se Deo.... sibi dignis pœnitentiæ fructibus, nec non ad reformandum in se ipsis fœdus pacis mutux efficaciter inducantur, ut Divinæ ultionis iracundia, contemptu succensa, devotâ petentium, & in cælum ad Deum clamantium humilitate placetur. Presbyteri qualescumque missarum sollempnia publice celebrantes, post Offertorium, & ante Canonem, dicant cum præsentibus

Clericis Psalmum: *Deus venerunt Gentes &c.* cum oratione Dominica & Versiculo: *Fiat pax in virtute tua &c.* & Collecta: *Deus, a quo sancta desideria &c.* flexis genibus, & prostrati. Similiter Parochiales Presbyteri dicant populo in vulgari: *Pœnitentiam agite.* & in terram se prosterant, dicentes Orationem Dominicam, & orent Deum, ut a pestilentia Tartarorum liberet populum Christianum, & dum hæc fiunt, pulsetur campana, ut audientes campanam ad devotionem & orationem excitentur, & sic orantes habeant indulgentiam X. dierum. Item, singulis mensibus semel fiat in civitatibus Cleri, & Populi, cum reverentia & devotione, & abstinentia, Processio generalis, cui, præter moniales, exempti & non exempti in civitatibus habitantes, intersint, ordinis cujuscumque die & loco per Ordinarium loci cum consilio Cathedralis Ecclesiæ disponendi. In Diœcesi vero Abbates, ceterique Prælati, cum eorum Capitulis, & Conventibus; nec non & singuli Sacerdotes per villas, in quibus habitant, cum Clero & Populo faciant processionem hujusmodi generalem, die & loco per ipsos, prout ipsis expedire videbitur, eligendis, nisi ex provisione Ordinarii aliud disponatur. Die vero Processionis hujusmodi jejunetur, nisi dies Dominica, vel festiva fuerit, & si tunc expedire videbitur, sermo fiat, & qui his interfuerint, habeant indulgentiam XL. dierum. Item, fiat sermo singulis mensibus soli Clero & Capitulo Ecclesiæ Cathedralis, & per illum, quem Decanus Ecclesiæ ejusdem duxerit, eligendum.

XLVII. *De Monachorum avaritia re-frananda.*

Religiosi plerique, modum avaritiæ non ponentes, nec contenti divitiarum fluvio, quem absorbuisset noscuntur, accumulando sibi largissima prædia, & alios redditus copiosos, ut in os eorum totus Jordanus influat, tot suis Collegiis, cupiditatis studio, obtinuerunt uniri Parochias,

(a) Anno MCCLXI. celebrata sunt Concilia in Maguntia ab Archi-Episcopo Wernhero, & alias ab aliis Archi-Episcopis, jubente Papa Alexandro IV. contra Tartaros & alia pericula, ut per verbum Crucis, & orationes fidelium, inimicis Ecclesiæ resisteretur. *Chronicon S. Egidii apud Leibnitz. Tomo III. Scriptor. Brunsvicensium.* Eodem anno plura millia flagellatorum prodierunt in mundum. *Idem Chronicon eodem Tomo III. Leibnitii.*

Tomus III. Concil. German.

H h h h 2

rochias, & maxime meliores, quod paucæ in Allemannia inveniantur Ecclesiæ, de quibus possint Clerici commode sustentari: unde contingit, quod Clerici sæculares, quorum ordo aliis prior est tempore, & propter dignitatem, juxta Michææ præfagium, facti sunt quasi, qui colligit in autumnno post botros racemos vindemiæ, & spicas post messem, seu stipulas post tritum; & cum de una Ecclesia sustentari non valeant, plures cumulare coguntur contra statuta Concilii: Communi necessitate statuimus: ut nullæ Ecclesiæ quibuscunque Religiosis de cætero conferantur, quod si a quocumque eis hujusmodi Ecclesiæ, vel Ecclesiæ, collatæ fuerint, collator ipso actu jus patronatus amittat, & ad loci episcopum perpetuo devolvatur: collegium vero, quod talem Ecclesiam acceptaverit, nullum jus penitus acquirat, immo si habuerit ante Ecclesiæ aliquas sibi unitas in Diœcesi illa, vacent per præceptionem hujusmodi ipso facto, & per Diœcesanum vel locorum Archidiaconum personis idoneis conferantur. Ad hæc cum Religiosi quidam alicubi per fratres sui ordinis officient Ecclesiæ sic unitas, & in fratribus ipsis sit dissolutionis occasio, quia iidem eo sunt procliviores ad lubricum, quo Religionis titulo stultè autumant esse exemptos, ac Prælati eorum per Archidiaconos tales corrigi minime patiantur: sed quia pro ordinis scandalo evitando, ipsos ad domos revocant, vel ad alias Parochias mittunt; auctoritate hujus sacri Concilii, & hoc duximus admittendum: ut Religiosorum Ecclesiæ non per fratres eorum officientur, sed per Clericos sæculares, ut saltem de Reliquiis, quæ de immensa Religiosorum mensa ceciderunt, sustentari valeant pauperes Sacerdotes, qui in vituperium nostri, publica egestate laborant ita ut heu! jam sint verissima illa verba *Jeronymi*, dicentis in Canone: *Mendicat infelix Clericus in platea.*

XLVIII. *De Quæstuariorum excessibus tollendis & abrogandis.*

Contra Quæstuarios maledicos, quibus ob monstruosum turpis quæstus abusus, sic incanduit orbis odium, cui utpote homines pestilentes, suæque nequitia merito odiosi, ita se reddiderunt

exofos, quod adversum eos constreperit omnis linguæ conquestio querulosa, & quis Dei & Fidei etiam modicum habens illos, quorum omnes viæ perversæ, & gressus infames ex parte diaboli, qui pater mendaciorum existit, ad concudenda & concinnanda mendaciorum genera genitus, non odiret? Qui in cunctis exercitati nequitias, utpote fabricatores mendacii, & figuli falsitatis, nihil aliud suas linguas, quam ex propriis loqui mendacia docuerunt in tantum, ut verbo Domini ad convertendum animas specialiter consecrato, ob quæstum pecuniarum ad suum propositum mendaciter abutantur, cum tamen Dominus non egeat eorum, nec velit, ut loquantur pro eo in Ecclesiis suis dolos. Hi profanissimi, pro reliquiis sæpe exponunt ossa profana hominum, seu brutorum, & miracula mentiuntur, causasque petitionum suarum mendose confictas, effusis lacrimarum profluviis, ad quas habent oculos eruditos, & extenuatis faciebus cum clamoribus validis, & gestibus miserandis sic motive proponunt, tantamque Indulgentiarum numerositatem, contra *Statutum generalis Concilii*, & relaxationem peccaminum pollicentur, quod vix est aliquis, etiam ipsorum agnoscens nequitias, qui se a subventionem eorum valeat continere, ex quo vilescunt claves Ecclesiæ, & dissolvitur nervus Ecclesiasticæ disciplinæ, cum pauci sint, qui subire velint aliquam penitentiam etiam impositam a proprio Sacerdote, credentes, vel saltem asserentes, se a peccatis per hujusmodi indulgentias absolutos. Ad hæc iidem Quæstuarii, male taliter acquisita, pejus Ecclesiis subtrahunt, quarum intuitu conferuntur, ex quo non tam furti, quam sacrilegii crimen incurrunt, dum male acquisita, pejus subtrahunt, pessime dissipant & consumunt in commestationibus, ebrietate, ludis, & luxuriis, precium sanguinis expendentes, qui quoad primum Simoni Mago, & Jezi leproso; quo ad secundum Achior furi, & Judæ perfido; quo ad tertium pro eo, quod eis neuter est Deus, quodque post carnis suæ immunditias jugiter ambulant, filio prodigo potuerint merito comparari. Quare, sacri auctoritate Concilii, præfatos pestiferos homines totam patriam corrumpentes,

a nostra Provincia duximus perpetuo proscrubendos, firmiter inhibentes: ne a quoquam de cetero admittantur, sed ubicumque visi fuerint vel inventi, captivi Diœcesano, vel suo Officiali, protinus præsententur: qui vero, ut *Antoniarum*, annum censum colligere consueverunt per fratres dumtaxat ordinis sui, & non per alios colligant: alioquin tales, sicut Quæstuarios volumus detineri, & tunc non per fratres, sed per Sacerdotes locorum, ipsorum petitio abque prædicatione, & conqussatione nolarum simpliciter proponatur. Quod si aliqua Ecclesia civitatis, vel Diœcesis, de consensu Diœcesani, pro sui reparatione, Eleemosynas fidelium decreverit requirendas, Sacerdotibus Diœcesis illius cartulæ dirigantur, necessitatem Ecclesiæ & quantitatem indulgentiæ continentes, ut juxta hoc ad subventionis subsidium suos populos exhortentur, ea vero quæ collecta fuerint sub custodia Sacerdotis, & duorum juratorum de villa, remaneant Ecclesiæ, ad cujus necessitatem collata, suo sunt tempore reportanda: unaquæque etiam Diœcesis suorum populorum Eleemosynis sit contenta, nec jure alterius imploret auxilium in hoc casu. Inhibemus etiam Religiosis, vel aliis quibilibet, Ecclesias de novo fundare vel fundatas transferre &c.

XLIX. *De his, qui vices Episcopi Diœcesani obeunt.*

Cum igitur, ex hoc quod aliqui in civitatibus, oppidis, villis &c. interdum in rure, vel nemore se passim recipientes, Ecclesias, Oratoria construunt, & Capellas, quas, abinde postmodum recedentes, desolatæ dimittunt, loca sacra contingat sæpius profanari, auctoritate sacri Concilii, ducimus statuendum: quod nullus ex ipsis, qui interdum in consecrationibus Ecclesiarum vices Diœcesani exercent, in locis de novo fundatis, seu fundandis, Ecclesiam, Oratorium, seu Capellam dedict, & lapidem primarium ponat, nisi auctoritate Diœcesani sacre domui provideatur de dote & lumine competenti, ne talibus recedentibus ea facilitate, qua venerunt, loca sacra desolari, & prophanari contingat; & ob hoc etiam de novo adventantes, antequam locum adire permittan-

tur, Diœcesani providentia præcaveat, ne Parochiali Ecclesiæ, infra cujus terminos se recipiunt, sint successu temporis nocumento. Adhæc, illis Episcopis, qui vices Diœcesani in consecrationibus gerunt, prohibemus expresse, ne, generalis commissionis prætextu, aliquos Conventuales Ecclesias dedict quoquo modo, vel in eis primarium lapidem ponant, nisi hoc eis a Diœcesano specialiter committatur; interpretatione congrua declarantes: quod iisdem Episcopis, ratione commissionis hujusmodi cum Diœcesanorum subditis dispensandi ac ligandi vel solvendi eosdem in manifestis casibus, vel occultis, nullam obtinent facultatem, vel potestatem, nisi Diœcesanus circa hoc eis quidquam *specialiter* duxerit permittendum vel concedendum. Item; inhibemus eisdem, ne cum ordines celebrant, sub suo titulo, aliquos ordinandos inscribi faciant vel admittant, nisi examinatoris judicio fuerint approbati.

Præterea; cum Indulgentiarum nimietas, claves Ecclesiæ contemptibiles reddat, pœnitentialem satisfactionem enerver, & Pontificalem auctoritatem annihilat, generali Concilio (b) inhibendo statuimus: ut nullus in dedicatione cujuslibet Basilicæ det Indulgentiam ultra annum, seu ab uno Episcopo seu a pluribus dedictur, & in anniversario XL. dies: in dedicationibus autem talibus, ac ordinum temporibus, relaxari carenas, & pœnitentias introduci, omnino veramus, sed hoc fiat tantummodo in festo Cœnæ Domini ad hoc ordinario;

L. *De promovendis ad Ordines sacros.*

Timotheo præcipit Apostolus: ut ut *nemini* (a) cito manus imponeret, & Carthaginense Concilium statuit: nullum Clericum, nisi probatum examine, ad ordines promoveri: Quare cum una dumtaxat, quo se demum examinandi præsentant, Sabbathò videlicet, debita examinationis discussio non valeat exerceri: Navarense Concilio inhærendo statuimus: ut examinandi quarta feria ante sabbatum Ordinarii Examinatorum conspectui se repræsentent, quatenus eo die, & duabus sequentibus, examinatorum continuetur officium; sic, quod in Sabbathò quo ordines conferuntur, orationibus & aliis, quæ ad devotio-

H h h h 3 nem

(a) I. Timoth. V, 22.

(b) forte: inhærendo.

nem conducunt, vacare valeant ordinandi; statuentes: quod nullus ad examen admittatur, nisi recenter confessus fuerit omnia sua delicta idoneo Sacerdoti; ut quia pauci sunt, qui sua delicta, vel sequelas intelligant delictorum, per Sacerdotem discretum valeant instrui ordinandi, an sibi expediat ordinari, vel ob irregularitatis alicujus sequelam, eis sit potius abstinendum.

LI. De Sepulturis.

Maguntinum Concilium universos Sacerdotes Parochialium Ecclesiarum, & Capellarum Ministros, excommunicationi subjacere decrevit, quicumque alicui de plebe sua, sive in vita, sive in morte, directe vel indirecte, persuadere praesumpserit, ne in Ecclesiis Conventualibus, vel in aliis locis magis Religiosis, sibi eligat sepulturam, cum talis persuasio sacris canonibus contradicat, & de avaritiæ radice procedat; verum Sacerdotes, & ministri praedicti, in communicando subditos suos in ægitudine constitutos, difficultatem ut accepimus, ingerunt, ob hoc dumtaxat, quod iidem subditi in Ecclesiis Conventualibus, seu locis aliis Religiosis sibi elegerint sepulturam. Cum igitur mora in talibus periculosa sit admodum, & damnosa, hujus sacri approbatione Concilii adjicimus Concilio memorato, ut postquam dicti subditi peccatorum suorum confessionem fecerint, ut tenentur, si Rectores eorum, ob hoc quod elegerint sepulturam in Ecclesiis Conventualibus, seu aliis locis, magis Religiosis, & Diocesano subjectis, difficiles se reddiderint in communicando eosdem, iidem ex tunc communionem Domini nostri Jesu Christi recipere valeant, a quo maluerint Sacerdote. Decrevimus etiam ut parentes pro liberis infra annos discretionis, ac pro his, quos tenent in paterna potestate, eligere valeant liberam sepulturam.

LII. De Monachis commessatoribus & verum secularium sectatoribus.

Plerique Religiosi, maxime ordinis Sancti Benedicti, non verentur convivia frequentare, sæculares personas ad ipsa Cœnobita pro commessationibus invitantes, ex quo scandalifantur non solum extranei, sed etiam confratres eorum,

Religio dissolvitur, & modestia Monastica deformatur: cum igitur juxta sacrorum statuta canonum & venerabilium Conciliorum decreta, Monacho non liceat, undecumque provenierit, aliquid usibus appropriare privatis, & convivia & commessationes praedictas non sit dubium sumptus requirere proprios & privatos, sacri approbatione Concilii de cetero ex quacumque causa fieri prohibemus: si quis autem transgressor exstiterit, carceralem octo dierum sustineat disciplinam.

Cæterum cum dicat Apostolus: *Nemo militans Deo implicat negotiis secularibus*, & juxta decretum Eugenii Papæ; nullus Monachorum pro lucro terreno de Monasterio exire, nefandissimo ausu, praesumere debeat; sacrorum statuta canonum imitantes, districtius inhibemus; ne quis Monachus, in quocumque judicio Ecclesiastico, vel civili, praesumat aliquatenus advocare, nisi forte, ut canon indulget, in causa sui Monasterii, & hoc Abbate nihilominus imperante: hujus autem statuti transgressor pro qualibet advocacy, unius diei carcerem in culpa subiaceat graviore; Abbas vero vel Prior, si Abbatem eo tempore deesse contingat, qui poenas hujusmodi dissimulare praesumpserit, gravi subiaceat ultioni, Diocesani sui judicio puniendus.

LIII. Ut in singulis Monasteriis domus Hospitalales sint.

Cæterum; cum in plerisque Cœnobiis sit Hospitalis ab antiquo constructum, & officium Hospitalarii; Hospitalarius vero, qui tali praestit officii, ipsius Hospitalis redditus propriis usibus damnabiliter applicet, quos potius deberent in usum convertere infirmorum; hoc sacro favente Concilio, statuimus: ut in singulis Monasteriis discretæ eligantur & maturæ personæ, qui redditus praedicti officii recolligant universos: in ipsis vero Hospitalibus recipiantur ammodo & pascantur de dictis redditibus senes infirmi, & decrepiti Sacerdotes, qui pro debilitate corporis non valent nec debent Sacerdotale officium ulterius exercere, ne ipsos, quos Ministerii nostri cooperatores habuimus, fame oporteat miserabiliter interire, vel necessitate cogente in vituperium Ministerii nostri, & in opprobrium ordinis Clericalis, in plateis, quod Jero-

Jeronymus detestatur, miseros mendicare.

LIV. *De Anno gratiæ.*

Sunt nonnulli qui Anno gratiæ, qui pro relevatione debitorum in fructibus Beneficiorum defunctis Clericis est concessus, damnabiliter abutuntur; fructus ipsius anni consanguineis suis, vel aliis, quibus voluerint relinquentes, ex quo provenit duplex injuria Ecclesiæ: defraudatur enim Ecclesia per dictum anni spatium servitorem, privatur etiam persona succedens in percipiendis fructibus jure suo; quod de cætero fieri prohibentes, sacro approbante Concilio, statuimus:

quod nisi pro relevatione debitorum, quæ tamen aliunde solvi non possunt, anno gratiæ Clerici non utantur, vel nisi ipsius anni fructus pro aliqua pia causa ipsi relinquant Ecclesiæ, unde beneficium habuisse noscuntur. Statuimus etiam, ut Diocesanus provideat, ne in aliquo Hospitali recipiatur aliquis, qui sustentationem habere debeat in Hospitali eodem, nisi primitus signum aliquod in vestis mutatione deferat, per quod ab aliis sæcularibus discernantur.

Ex codice MS. Monasterii S. Petri Erfordie descriptis Cl. Schannatus.

Ad elucidationem Cap. XLVIII. spectant articuli sequentes, ex parte Episcopi Argentinenfis Waltheri, in eadem hac Synodo exhibiti adversus Quæstuarios, seu FF. Mendicantes.

I. **M**agister *Henricus*, in publicis suis sermonibus docuit: quod Sacerdos vinculo peccati mortalis ligatus, alium consimili vinculo ligatum absolvere non potest, declarans hoc de duobus ligatis, quorum unus alium solvere non potest.

II. Per eundem fratrem prædictum publice in civitate Argentina, in foro equorum, prædictum fuit: quod Monialis professæ, si carnis tentatione & humana fragilitate victa, castitatem servare nolle, majoris veniæ & minoris culpæ esset, si cum Religioso, quam cum laico committat flagitium.

III. Item per eundem, & generaliter omnes Quæstuarios, prædicatum fuit in diversis locis: quod Excommunicationis sententia non ligat animam, sed solum corpus, & quod ad terrorem dumtaxat est adinventum.

IV. Item; quod auctoritas ipsorum sit altior, quam Plebanorum.

V. Item; Quod nullus tenetur die-

bus Dominicis & festivis accedere propriam Parochiam.

VI. Item; Quod nullus tenetur Plebano suo, etiam quocumque tempore anni, confiteri.

VII. Item; Quod Sacerdos beneficiatus, pro aliis, quam pro suis Fundatoribus orare non possit.

VIII. Item; damnaverunt publice consuetudinem civitatis Argentine, per quam Parochianus eligens extra suam Parochiam sepeliri, dat suo Plebano ultimum vale, seu aliquas pecunias loco illius.

IX. Item; generaliter plurima scandaloquia proferunt in ludibrium, & vituperium Cleri civitatis Argentine, etiam nominando publice personas, præsertim Plebanorum, dictæ civitatis; per quod populus a frequentatione Parochiarum retrahitur.

Elucidationes Capituli XLVIII. sunt excerptæ ab eodem ex veteri codice MS. Bibliotheca Moguntina.



SYNODUS PADERBORNENSIS

Anno Christi MCCLXIII. Urbani IV. Papæ II.
Sub Interregno Germaniæ.

SUMMA. De Jurisdictione Archi-Diaconorum in Paderbornæ Ecclesia.

SIMON, DEI GRATIA, EPISCOPUS PADERBORNENSIS; HEINRICUS PRÆPOSITUS IN PRÆPOSITURA ET IN HUXARIA SEDIUM ARCHI-DIACONUS; R. DECANUS, ARCHI-DIACONUS IN DETMELE; PRÆPOSITUS VOLRADUS ARCHI-DIACONUS SEDIS IN HARHUSEN; E. ARCHI-DIACONUS, HERVORDENSIS MAGISTER; JOANNES DECANUS HILDENS. ARCHI-DIACONUS SEDIS IN STENLIEM; MAURITIUS CANTOR PADERBURNENSIS, ARCHI-DIACONUS SEDIS IN WARTBERG; W. THESAURIUS, ARCHI-DIACONUS IN LEMEGO; H. DE SUNNIGHUSEN, PRÆPOSITI APOSTOLORUM PETRI ET ANDRÆ, ET CAMERARII PADERBURNENSIS, ET IN ARCHI-DIACONATIBUS AD DICTAM PRÆPOSITURAM ET CAMERAM PERTINENTIBUS, VICES GERENS, UNIVERSIS PLEBANIS ECCLESiarUM RECTORIBUS ET PRESBYTERIS PADERBURNENSIS DIOCESES, UTRISQUE

VITE SALUTEM.

NOverint universi præsens scriptum visuri, quod a tempore, cuius non exstat memoria, & secundum Canonicas Sanctiones, has habuit Ecclesia nostra *Consuetudines*, quas adhuc observamus, quod Plebani & Presbyteri in alicujus *Archi-Diaconatu* constituti, coram *Archi-Diacono* loci sunt conveniendi, & quod Archi-Diaconi, si volunt, ipsos possunt ad suam præsentiam in Ecclesiam Paderbornensem citare, & super excessibus suis, si sint enormes, ab officio suspendere, interdicare, & excommunicare. Idem etiam Plebani & Presbyteri, sententias ab Archi-diacono personaliter sive litteratorie, vel per nuntium suum, cui vices suas commiserit, latis, modis omnibus exequantur. Has auctoritates & jurisdictiones, ab Antecessoribus nostris, & hæcenus a Nobis observatas, a Successoribus nostris cupientes observari,

quia sic ad nos sunt devolutæ, quod nulloatenus immutari volumus vel audemus. Auctoritate Venerabilis Patris & Domini nostri Paderburnensis Episcopi, cujus vices nos Archi-diaconi gerimus & propria, præcipimus sub vera obedientia dictas auctoritatès & jurisdictiones inviolabiliter ab omnibus observari. Nos etiam Episcopus jus & consuetudinem Archi-diaconorum nostrorum approbantes, omnes Plebanos, sive Ecclesiarum Rectores, & alios Clericos nobis ad obedientiam restrictos juri prædictorum Archi-diaconorum nostrorum, qui derogare præsumpserint in præmissis, auctoritate præsentium ab officio decernimus esse suspensos. Datum Paderbornæ anno Domini Millesimo ducentesimo sexagesimo tertio . . . Idus Martii.

Sebatenus Lib. XI. Annal. Paderbornens. ad hunc annum.

CONCILIUM TREVERENSE

EODEM TEMPORE.

Henricus II. Vinstingius, anno 1260. fuerat Ex-Decano Ecclesiæ Metensis, Romæ ab Urbano IV. nominatus, & consecratus Archi-Episc. Treverensis: hic necdum Pallii usum impetraverat, neque Archi-Episcopus Treverorum rite confirmatus erat; cum per hoc dies anno 1262. Suffraganeum Metensem Episcopum Philippum auctoravit, & pro palam quoque Conventum agere, & Sacrorum Ordinem celebrare Synodum ausus est.

Browerus Annal. Treverensium Lib. XVI. Acta Synodi latent.

De his attentatis multæ & diuturnæ inquisitiones jussu Pontificis instituti fuere per Episcopos, Abbatem & Franciscanos Minores nullo vel exiguo fructu: nam Henricus Archi-Episcopus felici regimine Ecclesiam Treverensem annis 29. gubernavit, & auxit redditibus & debita dissolvit, ut Gesta Treverensium narrant, Tomo II. Prodromi Historiæ Pragmaticæ ab Ilmo Honthemio editi.

CON-

CONCILIIUM DIOECESANUM COLONIENSE

Anno Christi MCCLXVI. Clementis IV. Papæ II.
Interregno magno Germaniæ.

Sub ENGELBERTO II. Falckenburgio, Archi-Episcopo.

CAPITULA SEU RUBRICÆ STATUTORUM ECCLESIAE COLONIENSIS, EDITORUM A BONÆ MEMO- RIÆ D. ENGELBERTO, ARCHI-EPISCOPO COLONIENSI,

*Quæ facta sunt Provincialia per Dn. Henricum Archi-Episcopum
Coloniensem, anno 1323. ut infra in Statutis ejus invenies.*

- I. Contra eos, qui manus in Clericos vel Personas Ecclesiasticas injiciunt temere violentas.
- II. Contra incendiarios & effractores Ecclesiarum, & Monasteriorum, & Bonorum Ecclesiasticorum.
- III. Contra violatores Immunitatum, & dotium Ecclesiarum.
- IV. Contra raptos & invasores bonorum Ecclesiarum, & Ecclesiasticarum personarum.
- V. Contra detentores seu substractores Decimarum.
- VI. Contra nobiles in expeditionibus damna personis Ecclesiasticis in curtibus earum inferentes.
- VII. Contra illos, qui se de bonis Clericorum, sive in vita, sive in morte intromittunt.
- VIII. Ut bona Clericorum transeant sine telonio libera & absoluta.
- IX. Ne Clerici vel Religiosi trabantur ad iudicium seculare.
- X. Contra Clericos, qui personas Ecclesiasticas ratione bonorum suorum vocant ad forum seculare.
- XI. Contra eos, qui Clericos quacunque ratione ad forum seculare traxerint.
- XII. Ut similiter contra occupantes & arrestantes bona Ecclesiarum, procedatur.
- XIII. Ut Judices Ecclesiastici & Prælati Ecclesiarum, Laicis contra Clericos causas habentibus faciant justitiam expeditam.
- XIV. Contra impediētes & turbantes celebrationes sanctarum Synodorum.
- XV. Ut Prælati jurisdictione sua libere utantur, in terminis eorum jurisdictioni subiectis.
- XVI. Ut Judices Ecclesiastici fraudem in iudiciis suis non committant.
- XVII. Ne Judices Ecclesiastici se de causis ad forum seculare spectantibus intromittant.
- XVIII. Contra impediētes Ecclesiasticorum Judicum jurisdictionem & executionem sententiarum.
- XIX. Contra eos, qui Clericos non sine violenta manuum injectione capiunt & detinent.
- XX. Processus forma contra eosdem.
- XXI. Si propter captivitatem Clerici, locus aliquis per mensem manserit interdictus.
- XXII. Si Decanus per quindenam maneat interdictus.
- XXIII. Si captivantes Clericum per duos menses excommunicati fuerint.
- XXIV. Ne filii vel filiae Clericos captivantium & per annum excommunicatorum, ad Ordines vel ad Beneficia admittantur.
- XXV. Ut feuda Ecclesiastica ab his, qui per annum contumaciter excommunicationem sustinuerint, ad Ecclesias revertantur.

XXVI.

Engelbertus II. hoc nomine, ex illustri gente Falckenburgica, erat Præpositus majoris Ecclesiæ Coloniensis, quando eligebatur Archi-Episcopus anno 1261: sedit usque ad 1275. quo obiit, redex e Lugdunensi II. œcumenico.

Tomus III. Concil. German.

liiii

XXVI. Mitigationes pro fratribus & sororibus, ac aliis personis factæ, si se voluerint intra annum canonice expurgare.

XXVII. Si Clericum in alia Diœcesi capi vel in ista captum, ad aliam Diœcesim deduci contingat.

XXVIII. Contra occisores & mutilatores Clericorum.

XXIX. Contra occisores Clericorum, per annum in excommunicatione existentes.

XXX. Contra eos, qui minas intulerint personis Ecclesiasticis de corpore vel de rebus.

XXXI. Contra eos Clericos, qui sacrilegium in Clericos committere non verentur.

XXXII. Contra Clericum, qui occasione aliqujus quæstionis, Clericum aliquem captivaverit.

XXXIII. Contra Clericos, qui mutilant vel occidunt Clericos.

XXXIV. De litigantibus super una præbenda in aliqua Ecclesia Diœcesis Coloniensis.

XXXV. Ne aliquis Clericus sacrilegis seu excommunicatis, aut usurariis assistat, vel eos defendat.

XXXVI. Ne Clerici Capellani Nobilium excommunicatorum cum ipsis Dominis suis ultra mensem permaneant.

XXXVII. Contra eos, qui sententiam excommunicationis damnabiliter vilipendunt.

XXXVIII. Contra computrescentes in excommunicatione ultra annum, quomodo procedendum.

XXXIX. Ut Prælati & qualibet Ecclesiastica personæ ad observationem statutorum istorum fideliter teneantur.

XL. Contra Clericos in executionibus sententiarum remissos, & sententias ipsas modo debito non servantes.

XLI. Contra eos, qui in loco interdicto celebraverint.

XLII. Ut percepto forefacto, statim cessetur a Divinis, ne quis se possit per crassam ignorantiam excusare.

XLIII. Ut hæc statuta ad personas Ecclesiasticas cujuscunque ordinis extendantur.

XLIV. Ut hæc statuta, ne aliquem latere possint, tam in Capitulis, quam in aliis locis sæpius publicentur.

XLV. Ut nomina sacrilegorum posita in registro sæpius recitentur.

STATUTA D. ENGILBERTI ARCHI-EPISCOPI COLONIENSIS.

IN NOMINE DOMINI. AMEN.

ENGILBERTUS, DEI GRATIA, SANCTÆ COLONIENSIS ECCLESIAE ARCHI-EPISCOPUS, SACRI IMPERII PER ITALIAM ARCHI-CANCELLARIUS.

Quamvis ad manutenendam ac defendendam immunitatem, & ad conservandum jus & libertatem Ecclesiarum ipsarum, & Ecclesiasticarum personarum, & eorum, qui in sortem Domini sunt vocati, plurima tam canonica, quam legalia edita sunt statuta, & divertæ etiam a diversis nostris Prædecessoribus ac Majoribus super hoc provisiones emanarint: tamen quia excrescente malitia quorundam, zelum Dei non habentium, nova gravamina, exactiones & adinventiones pravas & detestabiles, contra Ecclesiam Dei & Ecclesiasticas personas machinantium; ipsa Ecclesia per statuta, & provisiones hujusmodi, a suis oppressoribus, quas patitur a diversis, nullatenus sublevatur; Nos considerantes, quod contra diversas & innumerabiles tribulationes & in-

jurias, quas a nonnullis (qui nomen Domini in vacuum recipere non formidant, & solo nomine se gloriantur Christianos) Ecclesiis, & Ecclesiasticis personis frequenter, & maxime modernis temporibus inferuntur, paucissimi, immo nulli etiam Ecclesiæ devotorum se opponunt, licet ex debito omnes ad hoc sint obligati, & maxime locorum moderatores & judices sæculares, qui ex Imperiali etiam constitutione ad ulciscendum Ecclesiarum & Ecclesiæ Ministrorum injurias in sacrilegos sunt adstricti, non exspectato, quod ab eis ultio injuriarum exposcatur: propter quod contingit, malos in malo plus animari, & Ecclesiam, cum non sit, qui consoletur eam, sentire in rebus & personis multiplex detrimentum: Volentes itaque incurfibus malorum, se erigentium ex adverso

verso contra Ecclesiam Dei, & Ecclesiasticam libertatem, coercitione, qua possumus, obviare, falvis & in suo robore duraturis constitutionibus & ordinationibus Prædecessorum nostrorum, per quas Ecclesiis, & Ecclesiasticis personis in suis libertatibus est prospectum, quas nos innovamus & approbamus, & præcipimus per nostram civitatem & Diocesim inviolabiliter observari: falvis etiam juribus Prælatorum & Ecclesiarum consuetudinibus, licitis & honestis electionibus, tam in Prælaturis, quam aliis beneficiis, correctionibus, & ordinationibus, ac aliis libertatibus hucusque in Ecclesiis habitis & servatis: quæ omnia & singula ipsis Ecclesiis & Ecclesiasticis personis confirmamus, & firma ac illibata volumus permanere: de communi consilio & assensu Capituli nostri, & omnium Prælatorum, & Ecclesiarum, & Cleri civitatis, & Diocesis Colonienfis, & ad illorum sollicitam instantiam, ut præsumptorum coerceatur audacia, & possint viri Ecclesiastici tuti inter improbos Divinis obsequiis ferventius insudare,

I. Contra eos, qui manus in Clericos vel personas Ecclesiasticas injiciunt temere violentas.

Statuimus, ut sacrilegi, qui, suadente diabolo, Dei timore postposito, manus injiciunt in Clericum, vel alias personas Ecclesiasticas & religiosas temere violentas, & ex hoc incidunt in excommunicationis sententiam canonis jam prolata, per frequentem denuntiationem, & communionis denegationem, reconciliationis gratiam quærere, & de offensa satisfacere compellantur: cum de injectione hujusmodi constiterit per facti evidentiam, vel publicam famam, vel aliam fidem, coram loci ordinario faciendam per juramentum injuriam passi, si fuerit persona honesta & fide digna: vel per testes in loco, in quo sacrilegi domicilium habuerint, & in quo sacrilegium committitur, si committens Dominus loci fuerit, cessetur a Divinis: & ipsi sacrilegi per omnes Ecclesias Conventuales, & Parochiales, ac Capellas civitatis Colonienfis (si injuria in civitate committatur) singulis diebus Dominicis & Festivis excommunicati publice & nominatim, si eorum nomina sciri pote-

runt, alioquin in genere nuntientur. Si injuria extra civitatem committatur, scilicet denuntientur per omnes Ecclesias conventuales, parochiales, ac capellas Decanatus illius, vel etiam Archi-Di-conatus, in quo hoc contingit. Ita tamen, quod nihilominus ad denuntiationem eorundem pro ipso forefacto ubicunque commissio, & intra civitatem, & extra, ultra procedatur per loci Ordinarium, prout hoc visum fuerit, expedire. Si vero dicti sacrilegi, per mentem hujusmodi denuntiationem sustinuerint, minime satisfaciennes, ex tunc singulis diebus Dominicis & Festivis, campanis pulsatis & candelis extinctis, per Ecclesias conventuales, parochiales, & capellas, ut proxime dictum est, denuntientur excommunicati, & ab omnibus arctius evitandi, donec læso, nobis, & Ecclesiæ satisfecerint competenter, & evidenter, & auctoritate Apostolica absolutionis beneficium consequantur.

Quod si per dimidium annum in excommunicatione persisterint, hujusmodi denuntiationibus vilipensis, si laici nobiles fuerint, hujusmodi sacrilegium committentes, terra eorum & districtus, si eos habuerint, ipso facto Ecclesiastico suppositi sint interdicto: quod nullatenus relaxetur, nisi de commissio fuerit legitime satisfactum. Si autem fuerint alii, quam nobiles; Domini terræ, in quorum districtibus manent, ex tunc moneantur per loci Ordinarium, ut dictos sacrilegos compellant per bonorum, quæ in suis habent districtibus, subtractionem vel quemcunque alium modum, ut ipsi sacrilegi satisfaciant, & absolutionis beneficium requirant. Et si ipsi Domini in hoc negligentes fuerint, ex tunc per loci Ordinarium excommunicentur: quod si sustinuerint animo indurato usque ad annum, ex tunc terra eorum Ecclesiastico sit supposita interdicto. Salvis poenis contra delinquentes hujusmodi & participantes constitutis, ad quas procedatur nihilominus, prout hoc visum fuerit, expedire.

II. Contra incendiarios & effracto- res Ecclesiarum, & Monasteriorum, & Bonorum Ecclesiasticorum.

Contra incendiarios autem & effracto- res Ecclesiarum, & Monasteriorum, cum ipso facto sint excommunicati, eo-

dem modo procedi statuimus & mandamus, adjicientes, ut si habuerint terram vel districtum, illa post tres menses a tempore perpetrati criminis Ecclesiastico supposita sit interdictio. Cum autem incendiarii aliarum rerum & bonorum Ecclesiarum & Monasteriorum, sint tanquam sacrilegi excommunicandi: statuimus, ut tales moneantur nominatim (si eorum nomina sciri potuerint, alioqui in genere) per Ordinarium loci, in quo committi contingit hujusmodi forestatum, ut intra septem dies a die monitionis satisfaciant: alioqui idem Ordinarius extunc sine dilatione ipsos excommunicet, & excommunicatos denuntiet, & faciat denuntiari in locis, ubi hoc visum fuerit expedire, ita quod nisi intra quindenam a tempore excommunicationis & denuntiationis satisfecerint, extunc singulis diebus Dominicis & Festivis, campanis pulsatis, & candelis extinctis, per omnes Ecclesias conventuales, parochiales, & capellas civitatis (si in civitate contingit) seu Decanatus vel Archidiaconatus illius loci, excommunicati publice nuntientur, sicut de incendiariis Ecclesiarum est præmissum. Et si per sex menses in excommunicatione contumaciter persistierint, si habent districtus, illi sint extunc interdicti: aliorum autem, districtus non habentium, Domini moneantur, & procedatur sicut superius, de injectoribus manuum continetur.

III. *Contra violatores immunitatum & dotium Ecclesiarum.*

Statuimus item de his, qui violant Ecclesiarum immunitates seu dotes, ut violatores hujusmodi, videlicet, qui hominem de immunitate seu dote extraxerint, vel aliam rem abstulerint, vel modo alio eam præsumpserint violare, quos tanquam sacrilegos in his scriptis excommunicamus, simili modo, quo diximus de incendiariis bonorum Ecclesiarum, publice excommunicati denuntientur. Et si plures fuerint, vel iudex secularis sit, qui hujusmodi violentiam fecerint, locus, in quo tales domicilium habuerint, sit ipso facto interdictus. Et in loco, ubi immunitas læsa est, cessetur a Divinis.

IV. *Contra raptos & invasores bonorum Ecclesiarum & Ecclesiasticarum personarum.*

Atque ad reprimendum importunam præsumptionem raptorum, prædonum, & invasorum bonorum ac rerum Ecclesiarum, Monasteriorum, & Ecclesiasticarum personarum: statuimus, ut quilibet locus, seu Parochia nostræ civitatis vel Diocesis, ad quem vel ad quam ipsi raptos, prædones vel invasores pervenerint, seu præda, spoliū vel rapina deducta fuerint, vel ubi prædæ ipsius emptor fuerit, ipso facto sit Ecclesiastico suppositus interdictus: & quamdiu ibi fuerit, cessetur penitus a Divinis. Et si per triduum ibi steterint, licet extunc recesserint, vel ad alia loca se transulerint, vel præda seu spoliū alias deductum fuerit; nihilominus Parochia seu locus, in quo triduo manserint, vel ubi præda consumpta fuerit, maneat per duos menses interdictus, nisi medio tempore fuerit satisfactum. Prædones autem, raptos & invasores hujusmodi & eorum receptatores ac adjuutores, nec non & prædarum emptores, per Ordinarium moneantur nominatim, si eorum nomina sciri poterint, alioqui in genere, ut intra triduum post monitionem, ipsam prædam, spoliū vel rapinam restituat, & condigne satisfaciant: alioqui tanquam sacrilegi, sententiam excommunicationis, quam nunc ferimus in his scriptis, extunc incurrant ipso facto, & excommunicati per locorum Ordinarios, & eorum Plebanos nuntientur: in qua excommunicatione, si satisfactione neglecta duraverint per quindenam, extunc per omnes Ecclesias conventuales & parochiales Decanatus illius, in quo rapina committitur, & ubi ipsi sacrilegi domicilium habent, vel etiam (si opus fuerit) civitatis & aliorum locorum campanis pulsatis, & candelis accensis usque ad satisfactionem condignam nuntientur excommunicati singulis diebus Dominicis & festivis. Quod si per annum in excommunicatione contumaciter persistierint, extunc subiaceant pœnis expressis superius contra eos, qui manus in Clericos injiciunt violentas, & secundum hoc, ut ibi diximus, procedatur.

V. *Contra decutores seu subtractores decimarum.*

Item cum sacrilegi censeantur, quod inju-

injuriōse subtrahunt, vel auferunt tributā egentium animarum, videlicet decimas ad hoc a Domino institutas, ut sint cibis in Domo Dei, & eas Ecclesiis, quibus debentur, non persolvunt, surreptores multorum bonorum, quæ ex justa solutione decimarum solent, Domino largiente, omnibus evenire, & incitatores sterilitatis, pestilentiae, tempestatibus, & aliorum malorum, quæ frequenter eveniunt ex subtractione earumdem: statuimus, ut hujusmodi sacrilegi, ac detentores & raptores decimarum, tam novalium, quam aliarum (quos nos in his scriptis excommunicamus) per omnes Ecclesias Parochiales nostræ civitatis & Diocesis per totum circulum cujuslibet anni, quolibet mense, uno die Dominico vel festivo campanis pulsatis & candelis extinctis, excommunicati publice & districtè per Rectores Ecclesiarum nuntientur. Et nihilominus ad ulteriora procedatur per loci ordinarium, si visum fuerit expedire.

VI. *Contra Nobiles, in expeditionibus damna personis Ecclesiasticis in curtibus earum inferentes.*

Statuimus item, quod quicunque nobiles, vel alii ad prælia, vel ad alias expeditiones processuri, jacuerint in grangiis, curtibus, seu possessionibus vel bonis Ecclesiarum, vel ecclesiasticarum personarum vel monachorum cujuscunque ordinis, aut fecerint ibidem damna vel rapinas, nisi intra mensem post monitionem, a Capitulo & Prioribus Colonienfibus; qui præsentibus fuerint, faciendam, de damnis, rapinis & injuriis irrogatis satisfaciant læsis & damnum passis, ipso facto sint excommunicati excommunicatione, quam in ipsos ferimus in his scriptis: & excommunicati publice usque ad satisfactionem condignam, ubi & quando expedire videbitur, nuntientur. Et ulterius crescente contumacia contra eos procedatur, sicut contra bonorum Ecclesiarum invasores superius est expressum.

VII. *Contra illos, qui se de bonis Clericorum sive in vita, sive in morte intromittunt.*

Statuimus item, ut nullus laicus, cujuscunque dignitatis vel conditionis existat, de bonis Clericorum sive in vita sive in morte se intromittat: sed quilibet Clericus de bonis suis, sicut in vi-

ta ita, & in morte testamentum suum faciendi, & de rebus suis disponendi per se vel per alios, quibus hoc commiserit, liberam habeat facultatem. Et alios, qui contra hoc statutum de bonis & rebus Clericorum decedentium, aultu sacrilego se ingesserint, nisi sint ipsorum Clericorum manifestes, seu ultimarum executores voluntatum, ex nunc sententia excommunicationis innodamus. Et per locorum Ordinarios præcipimus excommunicatos publice nuntiari, donec ablata restituerint, & alias satisfecerint competenter. In qua excommunicatione, si per mensem persisterint, ex tunc contra eos, tanquam invasores bonorum Ecclesiarum, procedatur.

VIII. *Ut bona Clericorum transcant sine telonio libera & absoluta.*

Statuimus etiam, ut bona Ecclesiarum & Ecclesiasticarum personarum civitatis & Diocesis Colonienfis, sint & maneant in omni loco, tam in civitate, quam extra, & transeant tam in terris, quam in aquis absque telonio & qualibet exactione, & sine omni impedimento libera & penitus absoluta. Si qui vero contra hoc venire præsumpserint, contra ipsos tanquam contra invasores, & raptores bonorum Ecclesiarum, de quibus supradictum est, procedatur.

IX. *Ne Clerici vel Religiosi trabantur ad judicium sæculare.*

Item cum Clerici vel Religiosi coram judicio sæculari non debeant in causam trahi, suo vel Ecclesiæ, vel alicujus alterius nomine, nec a laicis contra eos sententia dictari; hoc fieri sub interminatione excommunicationis (quam ferimus in his scriptis) firmiter prohibemus: statuentes, ut si laicus Clericum vel religiosum ad forum traxerit sæculare, idem laicus omnino cadat a causa: & nihilominus per Ordinarium ipsius excommunicatus denuntietur publice usque ad satisfactionem condignam. Præterea Judex sæcularis & scabini loci, in quo contingit hoc, per Ordinarium ipsius loci moneantur, ut de tali se causa nullatenus intromittant: penitus desistendo & revocando intra triduum, si in aliquo occasione hujusmodi in præjudicium ipsius Clerici vel religiosi est processum. Alio-

qui ipsi iudices & scabini per eundem Ordinarium sine dilatione qualibet excommunicentur, excommunicati publicè usque ad condignam satisfactionem nuntientur. In qua excommunicatione si per quindenam perdaraverint, locus ille sit ex tunc Ecclesiastico suppositus interdicto: quod non relaxetur, nisi prius sufficienter sit satisfactum passo injuriam, ac nobis & Ecclesiæ. Et iudicatum, si quod contra ipsum Clericum & Religiosum est factum, & si quid aliud subsecutum est, sit penitus revocatum.

X. *Contra Clericos, qui personas Ecclesiasticas ratione bonorum suorum vocant ad iudicium seculare.*

Si vero Clericus Clericum in foro seculari, suo vel Ecclesiæ, vel alterius cuiuscunque nomine in causam traxerit, causam amittat. Et si monitus ab Ordinario, in continenti non destiterit, ac intra septem dies non satisfecerit in causam tracto, nobis & Ecclesiæ competenter; ab officio vel beneficio sit suspensus ipso facto, donec satisfecerit competenter. Et si in suspensione huiusmodi durante, se ingesserit beneficio vel officio, ab eodem Ordinario excommunicetur, & excommunicatus publicè nuntietur. Et si in huiusmodi contumacia & excommunicatione per tres septimanas permanerit, ex tunc beneficio, si quod habet, cum cura, vel sine cura, ipso facto sit privatus, & ad idem beneficium nihilominus inhabilis ad rehabendum existat. Si vero beneficium aliquod non habuerit, sit inhabilis ad habendum. Contra iudicem vero & scabinos, qui se de huiusmodi iudicio vel causa intromiserint, procedatur sicut superius in proximo capitulo est expressum.

XI. *Contra eos, qui Clericos occasione quacunque ad forum seculare traxerint.*

Item damnamus, & sub interminatione anathematis prohibemus detestabile statutum, immo errorem, a quibusdam laicis contra libertatem Ecclesiasticam introductum, videlicet, ut si laicus causam habet contra Clericum, vel Ecclesiam conventualem, seu Monasterium, seu quamcunque aliam domum religiosam, idemque Clericus vel Ecclesia possessiones vel alia bona habet in

districtu iudicis secularis, laicus ipse, vel iudex compellit Clericum, vel Ecclesiam coram seculari iudicio litigare ratione possessionum vel bonorum eorundem. Et ipse iudex secularis diem assignat Clerico vel Ecclesiæ ad litigandum coram eo: ad quem si non venerit, sicut nec teneretur, vel veniens coram eo noluerit litigare; bonis suis privat eundem, plurimas alias abusiones in his & consimilibus committendo: statuimus in hoc casu idem tam contra actorem, quam iudicem & scabinos, observari, quod diximus de Clerico Clericum trahente ad iudicium seculare. Et iudicibus ipsis & scabinis huiusmodi factum non revocantibus, & alias non satisfacientibus competenter intra biduum post monitionem ab Ordinario faciendam, locus, ubi hoc contingit, ecclesiastico sit suppositus interdicto. Quo durante per quindenam, superior, sive Dominus illius iudicis & scabinorum, moneatur per Ordinarium, ut tale forefactum procuret revocari, & faciat intra septem dies post ipsam monitionem emendari. Alioqui contra ipsum superiorem sive Dominum procedatur, prout in statuto contra injectores manuum in Clericos, de Nobilibus & Dominis est expressum.

XII. *Ut similiter contra occupantes & arrestantes bona Ecclesiarum procedatur.*

Et eodem modo statuimus contra occupantes, seu seculari iudicio arrestantes bona ecclesiarum vel ecclesiasticarum personarum, sive religiosarum procedi & idem observari.

XIII. *Ut Iudices Ecclesiastici & Prælati Ecclesiarum, laicis contra Clericos causam habentibus justitiam faciant expeditam.*

Ne vero laici occasionem habeant de defectu justitiæ contra Clericos querulandi, statuimus sub poena excommunicationis firmiter præcipientes, ut Prælati seu Ordinarii Clericorum & Ecclesiarum, laicis contra ipsos Clericos vel ecclesias causam habentibus faciant (cum requisiti fuerint) secundum consuetudinem capitulorum, si fuerit in ecclesia collegiata: & alias de Clericis; non existentibus de collegio, secundum jus scriptum vel consuetudinarium, justitiam expeditam.

XIV.

XIV. *Contra impediētes & turbantes celebrationes Sanctarum Synodorum.*

Statuimus etiam, ut Prælati & Ordinarii iudices nostræ civitatis & Diœcesis, in terminis eorum jurisdictioni subiectis, Synodum suam (qui ad hoc tenentur) observent per se vel per alios, congruis temporibus, ab ipsis Prælati, prout expedire viderint, præfigendis, & quæ corrigenda vel reformanda occurrunt, corrigant & reforment: & omnes in ecclesia illa & Parochia, in qua Synodus celebranda fuerit, quandocunque eis fuerit denunciata, ad ecclesiam & Synodum veniant obedientes, & jura Synodalia observent reverenter, non obstante aliqua occasione vel consuetudine contraria, quam corruptelam reputamus & penitus reprobamus. Soli tamen nobiles excipiantur, qui ad nostram Synodum noscuntur specialiter pertinere. Si qui vero laicorum contra hoc venire præsumperint, & in hoc mandato ipsius Prælati, sive Ordinarii non obdederint, sententiam excommunicationis (quam in his scriptis in ipsos ferimus) ipso facto vel omissione incurrant, & excommunicati singulis diebus Dominicis & festivis per Plebanos eorum & alios, prout hoc Prælato ipsi expedire videbitur, usque ad satisfactionem condignam publice nuntientur. Si vero multitudo Parochiæ fuerit in causa, seu in culpa, locus ille, in quo Synodum vel jura Synodalia impediri contingit, sit ipso facto ecclesiastico suppositus interdicto: quod non relaxetur, nisi de hoc satisfactum fuerit competenter. Nobilibus vero, ne huiusmodi Synodos vel jura Synodalia impediant, sub pœna excommunicationis latæ sententiæ firmiter prohibemus.

XV. *Ut Prælati jurisdictione sua libere utantur, in terminis eorum jurisdictioni subiectis.*

Sed ne delicta, seu commissa subditorum maneant impunita, & ex hoc tribuatur audacia delinquendi: statuimus, ut Prælati in terminis eorum jurisdictioni subiectis sua jurisdictione libere utantur, tam in correctione, quam in iudicio, & animadversione, ac aliis, quæ ad hoc videbuntur expedire: nec in his alter ab altero impediatur, sed juvetur.

Et si aliqua sententiæ a Prælato in suum subditum propter ipsius excessus prolata fuerint, illæ sententiæ ab aliis Prælati inviolabiliter usque ad satisfactionem condignam observentur, & etiam executioni, si opus fuerit, demandentur.

XVI. *Ut Iudices Ecclesiastici fraudem in iudiciis suis non committant.*

Item statuimus, ut Iudices Ecclesiastici in iudiciis, sive causis officium suum (solum Deum & justitiam præ oculis habentes) fideliter exequantur. Et si scienter per gratiam, vel per sordes aliquam partium in causis contra justitiam læserint, præter pœnas a jure statutas (quibus subiaceant) ipso facto incurrant sententiam excommunicationis, a nobis latam in his scriptis: & nihilominus per superiorem contra eos, si opus fuerit, ad graviora procedatur.

XVII. *Ne Iudices Ecclesiastici se de causis, ad forum sæculare spectantibus, intromittant.*

Statuimus & hoc, ut de causis ad forum sæculare spectantibus Iudices Ecclesiastici se nullatenus intromittant: sed quam cito inter litigantes de hoc exceptum fuerit coram ipsis Iudicibus Ecclesiasticis, & ostensum, sicut de jure fuerit faciendum, causam ad iudicem sæcularem remittere non postponant.

XVIII. *Contra impediētes Ecclesiasticorum Iudicum jurisdictionem & executionem sententiarum.*

Ne vero jurisdictionem Iudicum Ecclesiasticorum, sive Ordinarii fuerint, sive delegati, a sæcularibus iudicibus vel personis impediri, & ex hoc (sicut a pluribus intentatur) dissolvi contingat nervum Ecclesiasticæ disciplinæ: statuimus, ut nullus sæcularium, sive nobilis fuerit, sive alter qualiscunque, Ecclesiasticorum Iudicum jurisdictionem in citationibus, monitionibus, denuntiationibus, executionibus, ac aliis modis, quibus jurisdictio Ecclesiastica exerceatur, per se, vel per alium impediatur aliquatenus vel retardet: & qui contra hoc ausu temerario venire præsumperit, & monitus ab Ordinario, vel delegato, intra septem dies a tempore monitionis factæ non destiterit omnino, nec revocaverit, si quid in præjudicium præmissorum atten-

attentaverit, sententiam excommunicationis (quam in his scriptis ferimus in hujusmodi præsumptores) incurrat ipso facto. Quam excommunicationem, si per quindecim sequentes dies contumaciter sustinuerit, extunc, si Nobilis, aut Dominus est, terra ipsius & districtus, si quem habet, sit ipso facto Ecclesiastico suppositus interdicto. Et nihilominus in loco, ubi faciens impedimentum prædictum, vel procurans, domicilium habet, cessetur a Divinis, quousque impedimentum sit revocatum, & alias legitime satisfactum.

XIX. *Contra eos, qui Clericos non sine violenta manuum injectione capiunt & detinent.*

Quia vero in tantam vesaniam perurumque prorumpit quorundam perversitas perversorum, ut ausu sacrilego Clericos & Ecclesiasticas personas non sine violenta manuum injectione damnablem capere, & captivos execrabili detinere non formident: statuimus, ut Clericorum captivatores, quicumque fuerint, aut cujuscunque dignitatis aut conditionis, cum omnibus, consilium, auxilium, opem vel operam adhibentibus, per omnes Ecclesias conventuales, parochiales, & capellas civitatis & Diocesis Coloniaensis (cum ipso facto excommunicatione canonis sint ligati) excommunicati nominatim, si eorum nomina sciri poterunt, alioqui in genere, publice denuntientur, donec captivus sit liberatus, & de forefacto fuerit læso, Nobis & Ecclesiæ satisfactum: & si intra octo dies post hujusmodi denuntiationem captivus non fuerit liberatus, extunc iidem captivatores cum adhibentibus consilium, auxilium, opem & operam, ut prædictum est, nominatim, quorum nomina sciri potuerint, alioqui in genere, singulis diebus Dominicis & Festivis, campanis pulsatis, & candelis extinctis, per easdem Ecclesias & Capellas excommunicati solemniter & publice nuntientur. Idemque observetur, si captivo liberato, non fuerit læso, Nobis & Ecclesiæ intra mensem satisfactum. Et nihilominus evitentur, donec per auctoritatem Apostolicam absolvantur.

XX. *Processus forma contra eosdem.*

Statuimus etiam, quod in omni loco, videlicet civitate, oppido, castro

seu munitione, vel villa, vel alio quocunque nomine vocetur, ubi Clericus captivus fuerit adductus, receptus, vel detentus, eodem die cum illuc deductus, receptus vel detentus fuerit, & quam diu ibidem exstiterit, cessetur penitus a Divinis; & sit ipse locus ipso facto Ecclesiastico suppositus interdicto. Et si per triduum ibidem manserit captivus, nec fuerit liberatus, locus ipse, quamvis postmodum captivus de eodem fuerit deductus, nihilominus maneat interdictus, donec captivus liberetur, & modo præmissis fuerit satisfactum. Ut sic tam Nobiles, quam Magnates, ac etiam populares cum plebe, contra malefactores & sacrilegos hujusmodi ex Divinorum carentia provocati, consurgant, ad liberationem illius, qui ausu sacrilego captivus detinetur, auxilium præstituri.

XXI. *Si propter captivitatem Clerici, locus aliquis per mensem manserit interdictus.*

Item si propter captivitatem, vel detentionem Clerici captivi, locus, ubi detinetur; vel ubi captivans habet domicilium, per mensem unum manserit interdictus, ita quod Clericus liberatus non fuerit, nec alias satisfactum: extunc interdictum ipsum, ad totum Decanatum, in quo locus ille consistit, extendatur, & sit ipse Decanatus totus interdictus.

XXII. *Si Decanatus per quindenam maneat interdictus.*

Et si hujusmodi interdicto durante per quindenam, Clericus captivus non fuerit liberatus, extunc, si nobilis fuerit, vel potens, vel alius quicumque habens terram, jurisdictionem vel districtum, qui Clericum captivavit, vel detinet, terra & districtus ejus, ubicumque fuerit, ecclesiastico subjaceant interdicto. Et idem interdictum eademque poena observetur, si Dominus, aut nobilis, aut alius quicumque, in cujus districtu vel jurisdictione captivans, vel detinens Clericum, quamvis ab alio captivatum, habuerit domicilium vel receptaculum, monitus ab Ordinario loci, intra quindenam a die monitionis factæ, ipsum Clericum non procuraverit liberari.

XXIII. *Si captivantes Clericum per duos menses excommunicati fuerint.*

Sed & postquam captivans Clericum, vel detinens captivatum, per duos menses in excommunicatione perstiterit, Clerico non liberato, omnis locus, ad quem captivans vel detinens pervenerit, vel quia transferit, ibidem comedendo vel bibendo, sit per continuum sequens triduum interdictus. Sic & per septem sequentes dies sit interdictus, ubi ipsum contigerit pernoctare.

XXIV. *Ne filii vel filiae Clericos captivantium & per annum excommunicatorum, ad ordines, vel ad beneficia Ecclesiastica admittantur.*

Porro si captivans Clericum vel Religiosum, vel detinens ac sacrilegus, huiusmodi pœnis supradictis vilipensis, congrua satisfactione neglecta, per annum unum in excommunicatione huiusmodi perdurare animo præsumpserit indurato sive obstinato: statuimus, ut nulli de filiis & filiabus, fratribus & sororibus, seu filiis vel filiabus fratrum vel fororum, usque ad tertium gradum inclusive in linea descendenti & collateralis, & illi etiam, qui ad huiusmodi captivitatem opem vel operam impenderint, vel captivum Clericum in suis domiciliis detinuerint, ad ordines seu beneficia, aut etiam Prælaturas admittantur: cum ex delicto Parentum, ipso facto reddantur inhabiles ad huiusmodi consequenda: sub pœna excommunicationis latæ sententiæ statuentes & mandantes examinatoribus Clericorum, Capitulis, Patronis, & Archi-Diaconis, ac Prælati, ut nullum ex talibus ad ordines admittant: Capitula nullum ex eis ad Præbendam eligant, Patroni nullum ex eis præsentent: Archi-Diaconi ac Prælati tales non investiant ullo modo. Alioqui Capitula, Patroni & Archi-Diaconi, ac Prælati ipso facto, jus suum amittant ea vice, & ad proximum superiorem devolvatur. Examinatores vero & Archi-Diaconi aliquem ex talibus scienter ad ordines vel beneficia admittentes, ipso facto sententiam excommunicationis incurrant. Idem de filiabus, sororibus & filiabus fororum & filiarum prædictarum, usque ad gradum prædictum, statuimus observandum, ut in claustris vel cœnobis cuiuscunque ordinis nullatenus admittantur.

Tomus III. Concil. German.

Idem etiam, quo ad exclusionem huiusmodi, in filiis, filiabus, nepotibus & neptibus eorum, qui Ecclesias vel Monasteria incenderint, si per annum in excommunicatione, neglecta satisfactione, perstiterint contumaciter, contra tales statuimus observandum.

XXV. *Ut feuda Ecclesiastica ab his, qui per annum contumaciter excommunicationem sustinuerint, ad Ecclesias revertantur.*

Feuda etiam, si qua prædicti sacrilegi ab Ecclesiis vel Ecclesiasticis Personis tenuerint, post lapsum anni, per quem excommunicationem sustinuerunt, ad Ecclesias & Personas Ecclesiasticas libere revertantur, ita ut si ipsi sacrilegi ultra se de huiusmodi feudis ingesserint, contra eos tanquam invasores bonorum Ecclesiæ procedatur.

XXVI. *Mitigationes pro fratribus & sororibus, ac aliis personis factæ, si se voluerint intra annum canonice expurgare.*

Volentes nihilominus, ut fratres & sorores, filii & filiae fratrum & fororum, & alii in linea collateralis gradus supradicti, qui sacrilegis & excommunicatis huiusmodi in suis maleficiis non assistunt, nec adstiterunt, & ad ipsa maleficia opem vel operam, aut favorem non impenderunt, nec impendunt, sine culpa eorum, aut sine causa non graventur ex maleficiis aliorum: statuimus, ut iidem fratres & sorores, filii & filiae fratrum & fororum, & alie personæ lineæ collateralis, pœnis supradictis, quoad exclusionem ab ordinibus, & beneficiis, & prælaturis huiusmodi non subiaceant, nec adstringantur eisdem, si intra eundem annum coram Nobis aut Capitulo, & Prioribus Colonienfibus, se canonice expurgaverint, quilibet quarta manu, quod prædictis sacrilegis huiusmodi maleficiis consilio vel auxilio, ope vel opera non adstiterint, & juramento corporali firmaverint, quod eis ulterius non adstant.

XXVII. *Si Clericum in alia Diœcesi capi, vel in ista captum, ad aliam Diœcesim deduci contingat.*

Statuimus item, ut si Clericum Colonienfis civitatis aut Diœcesis, in alia Diœcesi capi contingat, vel in nostra civitate aut Diœcesi captum ad aliam Diœ-

K k k k

cesim

cessum deduci vel transferri, quod per Capitulum & Priores Colonienſes, & alia Capitula, ad liberationem captivi, & ad procedendum contra ſacrilegum illius Diceceſis, qui in hoc culpabilis fuerit, apud loci Diceceſanum affectuoſe laboretur, prout viſum fuerit expedire.

XXVIII. *Contra occiſores & mutilatores Clericorum.*

De occiſoribus & mutilatoribus Clericorum, & Clericos in captivitate uſque ad mortem detinentibus, ſeu alias enormiter lædentibus: ſtatuiſmus, ut per omnes Eccleſias conventuales, parochiales & capellas civitatis & Diceceſis Colonienſis, ipſi occiſores, & mutilatores, & omnes opem & operam ſeu conſilium ad hoc adhibentes, ſingulis diebus Dominicis & Feſtivis, campanis pulſatis, & candelis exinctis, nominatim, quorum nomina ſciuntur, alioqui in genere, excommunicati denuntientur ab omnibus archiepiſcopis evitandi, donec ſufficienter ſatisfecerint, & a Sede Apoſtolica redierint abſoluti. Præterea locus omnis, ad quem venerint, ſit interdictus, quamdiu ibi fuerint: & per ſequens triduum, ſi ibi biberint vel comederint: & per ſeptem ſequentes dies, ubi eos pernoctare contigerit. Cæterum ſi nobiles fuerint, vel alii, terram & iuriſdictionem, vel diſtrictum habentes, & intra tres meſes a tempore perpetrati ſceleris, ad arbitrium Noſtrum, aut Capituli, & Priorum Colonienſium non ſatisfecerint, terra eorum & diſtrictus ex tunc ſit ipſo facto, Eccleſiaſtico ſuppoſitus interdicto: & feuda, ſeu officia, vel poſſeſſiones, (a) ſi quas habent ab Eccleſiis & Eccleſiaſticis perſonis, amittant, & ad Eccleſias, a quibus eas habuerint, revertantur, ita, quod ipſorum ſacrilegorum hæredes ad feuda huiusmodi vel aliqua alia ab Eccleſiis, vel Eccleſiaſticis perſonis ſcendentia, nunquam in perpetuum amittantur. De quibus, ſi ultra ſe ingeſſerint, contra eos procedatur tanquam bonorum Eccleſiarum invaſores, prout ſuperius eſt, expreſſum. Et hoc etiam in aliis perſonis, quæ non ſunt nobiles, feuda habentibus, volumus obſervari. Præterea ſi Domini terræ, in quorum diſtrictibus manent, vel domicilium habent, vel ubi tam enorme ſcelus commiſſum exiterit,

(a) forte: penſiones.

tam nefarios, ſacrilegos & nefandos, in ſuis diſtrictibus ſuſtinuerint, & contra eos ad bonorum privationem & proſcriptionem de terra, non proceſſerint, contra ipſos Dominos tanquam contra conſentientes malo huiusmodi, monitione præmiſſa, procedatur.

XXIX. *Contra occiſores Clericorum, per annum in excommunicatione exiſtentes.*

Si autem intra annum abſolutionem a Sede Apoſtolica impetrare, & alias congrue ſatisfacere neglexerint, ſtatuiſmus, ut ex tunc nullus filiorum aut nepotum eorundem ſacrilegorum, ad ordinem vel ad beneficium Eccleſiaſticum, vel dignitatem uſque ad quartum gradum, admittatur. Et idem fiat de filiabus & neptibus eorundem. Et ſi quis eos vel eas amiſerint, incurrant penas, quæ ſuperius de filiis & nepotibus Clericis captivantium, ſunt expreſſæ.

XXX. *Contra eos, qui minas intulerint perſonis Eccleſiaſticis de corpore, vel de rebus.*

Volentes item malo, antequam eveniat, quantum poſſumus obviare: ſtatuiſmus, ut ſi quis Eccleſiaſticæ perſonæ minas intulerit de corpore, vel de rebus: & monitus a iudice Ordinario, ipſam perſonam Eccleſiaſticam non aſſecuraverit, a tempore monitionis intra ſeptem dies, ab ipſo Ordinario ex tunc excommunicetur, & excommunicatus publice nuntietur, donec aſſecuret ipſam perſonam Eccleſiaſticam, & de ea coram ſuo iudice accipiat rationem.

XXXI. *Contra eos Clericos, qui ſacrilegium in Clericos committere non verentur.*

Cum vero magnum ſit ſcandalum & plerique laici (qui alioqui Clericis ſunt infeſti) ſimilia committendi exiſtat quamplurimum incentivum, quod Clerici in Clericos ſacrilegium committere non verentur: ſtatuiſmus, ut Clericus vel Canonicus injiciens manus violentas in Clericum vel Eccleſiam ſuam vel aliam, aut Eccleſiaſticam perſonam ſpolians, vel violentiam in immunitate committens, vel bona eorum ſæculari iudicio occupans, vel ad aliquod horum, conſilium ſeu auxilium, vel operam dans, pro

pro hujusmodi iniectione in continenti per omnes Ecclesias & Capellas civitatis & Dicecesis excommunicatus nuntietur. Et cum de aliis constiterit per evidentiam vel famam publicam, vel juramentum, injuriam, vel damnum passi, si fuerit persona fide digna, vel per fidem testium summarie faciendam, per Ordinarium moneatur, ut intra septem dies a tempore monitionis factæ, de forefacto perpetrato satisfaciatur competenter: alioqui a nobis excommunicatus excommunicatione (quam ferimus in his scriptis) ex tunc per omnes Ecclesias (ut superscriptum est) publice nuntietur.

Quod si intra quindecim dies non satisfecerit, ex tunc nuntietur, campanis pulsatis, & candelis extinctis, singulis diebus Dominicis & festivis excommunicatus. Quod si per annum in hujusmodi excommunicatione perstiterit, ex tunc omnibus beneficiis ecclesiasticis, siqua habuerit, ipso facto sit privatus. Et illi, ad quos pectat beneficiorum ipsorum collatio, ea conferant intra mensem: alioqui per Superiorem ex tunc conferantur. Et nihilominus sit inhabilis ad aliqua alia consequenda.

XXXII. *Contra Clericum, qui occasione alicujus questionis Clericum captivaverit.*

Si autem Clericus Clericum occasione alicujus questionis, quam habeat, captivaverit, vel ad capiendum ipsum, consilium auxilium vel operam adhibuerit: statuimus, ut causam amittat ipso facto, & excommunicatus publice, ut de aliis captivatoribus præmissum est, nuntietur: & si intra septem dies liberationem ipsius captivi non procuraverit, ac intra alios quindecim dies læso, nobis, & Ecclesiæ non satisfecerit, ex tunc omnibus beneficiis ecclesiasticis, si quæ habet, sit ipso facto privatus, & inhabilis in perpetuum ad aliquod beneficium consequendum. Et si ille, ad quem collatio beneficiorum hujusmodi pertinerit, intra mensem non de eis ordinaverit, ea aliis vel alii conferendo, collatio ac ordinatio eorundem ad proximum Superiorem sit ipso facto devoluta. Si vero beneficium non habuerit, sit inhabilis in perpetuum ad aliquod obtinendum. Præterea omnis locus, ad

quem hujusmodi sacrilegus pervenerit, vel ubi biberit, aut comederit, aut pernoctaverit, sit ipso facto interdictus eo modo, sicut de laicis captivatoribus Clericorum est præmissum.

XXXIII. *Contra Clericos, qui mutilant, vel occidunt Clericum.*

Statuimus etiam, ut Clericus occidens vel mutilans Clericum, vel eum usque ad mortem captivum detinens, sit ipso facto ab omnibus beneficiis ecclesiasticis habitis, & a spe habendorum penitus destitutus, & excommunicatus in omnibus ecclesiis, ut superius dictum est, nuntietur: locis, ad quæ venerit, vel ubi biberit, comederit, aut pernoctaverit, ut superius dictum est, suppositis ipso facto ecclesiastico interdicto: & nihilominus ad alias personas per nos aut Capitulum & Priores Colonienſes, sicut opus fuerit, procedatur.

XXXIV. *De litigantibus super una præbenda in aliqua Ecclesia Dicecesis Colonienſis.*

Quum vero plerumque contingat, quod vacante præbenda in aliqua Ecclesia civitatis vel Dicecesis Colonienſis, in qua duo vel plures auctoritate Sedis Apostolicæ, vel Legatorum ejus, aut quavis alia auctoritate, jus se asserunt habere, & per executores suos, seu quoscunque alios se procurant mitri in possessionem corporalem præbendæ ipsius, cujus occasione missionis, de hujusmodi præbenda contententes bona, res, & jura ipsius Ecclesiæ tam intra immunitatem, quam extra, indifferenter rapiunt, & invadunt, seu per sæculare judicium occupari, vel arrestari procurant, sententias excommunicationis in (b) certas personas de capitulo, & suspensionis in capitulum, nihilominus a suis executoribus fulminari facientes, propter quod in rebus & personis tam spiritualibus, quam in temporalibus Ecclesiæ non modicum detrimentum sustinent & jacturam: statuimus, ut cum in aliqua Ecclesia casus hujusmodi emerſerit, Decanus & Capitulum illius Ecclesiæ auctoritate hujusmodi constitutionis sibi faciant literas authenticas & instrumenta, quibus sic contententes uti

volue-

(b) tertias

voluerint pro jure suo, hinc inde a paribus exhiberi, & convocatis Capitulo & prioribus Colonienſibus, qui præſentes fuerint, & haberi commodè potuerint, per eos ad hoc vocatis jurisperitis, qui viſi fuerint expedire, per quos hujusmodi quæſtio & diſcordia decidatur, & eorum diſcuſſioni ſeu ſententiæ ſtetur, & inviolabiliter obſervetur. Et ſi Capitulum & Priores propter difficultatem juris vel alias cauſas legitimas, quæſtionem hujusmodi decidere non poterunt, nec decidunt, cauſam eandem ad curiam Domini Papæ decidendam transmittant, præſigentes partibus terminum competentem, quo ſe conſpectui Papæ repræſentent, cum omnibus ſuis monumentis & documentis juſtitiam recepturæ. Cauſa vero & quæſtione hujusmodi durante, medietas fructus præbendæ vacantis in uſus cedat eccleſiæ, & reliqua pars alicui idoneæ perſonæ, quæ deſerviat in ordine, quem deſuncti præbenda requiſierit, deputetur: & ſiqua partium ſententiam pro ſe in curia habuerit, & in cauſa evicerit, fructus ejuſdem præbendæ de mandato Domini Papæ Capitulo præſentato, ceſſante occaſione qualibet, miniſtretur. Si qua vero partium, litterarum ſuarum copiam facere, & hoc ſtatutum ſubire contumaciter renuerit, & de ſua potentia vel malitia conſiſa, bona eccleſiæ invadere ac rapere temere & irreverenter, Dei timore poſtpoſito, præſumpſerit, contra ipſam partem, tanquam contra raptorem bonorum eccleſiæ, ut ſupradictum eſt, procedatur. Statuimus etiam, ut hæc non ſolum ad futura hujusmodi negocia, ſed etiam ad præſentia & præterita a tempore electionis noſtræ extendantur.

XXXV. *Ne aliquis Clericus ſacrilegis, excommunicatis, aut uſurariis aſſiſtat, vel eos defendat.*

Cum ſalvis poenis ſtatutis tam in jure Canonico, quam civili & coercitione noſtræ ordinariæ poteſtatis contra injuriatores eccleſiarum, & perſonarum eccleſiaſticarum, prædictis modis & aliis, qui ad hoc videbuntur expedire, providerimus procedendum: ſtatuiſmus, ut perſonis quibuſcunque, qui manus in Clericos aut Religioſos injiciunt, vel

(c) alias ſpoliant & capiunt, aut in aliquo ſupradictorum modorum vel exceſſuum contra eccleſias vel eccleſiaſticas perſonas exceſſerint, ſeu ſententiis excommunicationis, ſuſpenſionis, aut interdicti, aut aliis modis ſupradictis ſe involverint, Clerici, ſive in dignitate conſtituti, ſive alii, vel etiam advocati, conſilio, vel auxilio in aperto, vel in occulto non aſſiſtant: & qui contra venerint verbo vel factò, ſententiam excommunicationis (quam in eos ſerimus in his ſcriptis) incurrant ipſo factò, & excommunicati publice, qui de hoc convicti fuerint, vel confeſſi, uſque ad ſatiſfactionem condignam nuntiarentur: & ſi publice pro hujusmodi perſonis præſumpſerint in judicio poſtulare, earum injurias defendendo, & moniti ab eorum Ordinariis, non deſiſterint, excommunicati publice, tanquam illi, quorum exceſſus vel injurias nituntur defendere, nuntientur, & alias etiam contra eos, ſi opus fuerit, procedatur. Idem ſtatuiſmus fieri de his, qui uſurariis manifeſtis aſſiſtunt patrociniò, vel defendunt eoſdem.

XXXVI. *Ne Clerici Capellani nobilium excommunicatorum cum ipſis Dominis ſuis (d) ultra menſem permaneant.*

Statuimus, ut Clerici ſeu Capellani Dominorum ſuorum, aut nobilium, vel aliarum perſonarum, qui fuerint propter aliquem prædictorum exceſſuum, ſententia excommunicationis innodati, Dominis ſuis in hujusmodi injuriis conſilium vel auxilium verbo vel factò non impendant: alioqui ſe noverint eadem excommunicatione involutos. Præterea ipſos Dominos ſuos modis, quibus poterunt inducant, ut de eis, pro quibus excommunicati exiſtunt, ſatiſſificent, & ad reconciliationem ſanctæ Matris Eccleſiæ reverantur: quod ſi intra menſem eoſdem Dominos ſuos ad hoc inducere nequiverint, ex tunc omnino recedant ab eiſdem, nec eis communicent: alioqui ipſos Clericos ſeu Capellanos, qui ultra id cum Dominis ſuis permanſerint, & eis communicaverint, majori excommunicatione in his ſcriptis latæ ſententiæ innodamus, & præcipimus eos per locorum Ordinarios, excommunicatos publice nuntiari.

In

(c) eos.

(d) per loco ultra.

In qua excommunicatione si per duos menses contumaciter perduraverint, & a Dominis suis non recefferint ex tunc ipso facto omnibus beneficiis Ecclesiasticis, cum cura vel sine cura, quæ habent, sint privati: & eadem beneficia per illos, ad quorum collationem pertinent, aliis personis idoneis intra mensem conferantur: alioqui ex tunc per Superiorem proximum conferantur, & nihilominus sint inhabiles ad alia beneficia obtinenda.

XXXVII. *Contra eos, qui sententiam excommunicationis damnabiliter violipendunt.*

Cumque nonnulli sententiam excommunicationis damnabiliter vilipendant, statuimus, ut quicumque excommunicatus, & in Parochia sua denunciatus, per annum in ipsa excommunicatione perstiterit, & de hoc fides facta fuerit, per litteras excommunicatoris (quas sufficere volumus in hac parte, si fuerit Ordinarius, & alias per aliam fidem sufficientem) si huiusmodi fuerit nobilis, vel alius habens terram vel districtum, illa terra vel districtus per Ordinarium loci, super hoc requisitum, ab excommunicatore vel auctore, Ecclesiastico sine difficultate supponatur interdicto. Et si fuerit alius quam nobilis, Dominus temporalis seu iudex, in cuius districtu excommunicatus manserit, seu domicilium habuerit, moneatur per Ordinarium ipsius, ut compellat ipsum excommunicatum redire ad Sanctæ Matris Ecclesiæ unitatem. Alioqui idem Dominus sive iudex, per ipsum Ordinarium excommunicationis sententia percellatur.

XXXVIII. *Contra computrescentes in excommunicatione ultra annum, quomodo procedendum.*

Ipsi autem excommunicati, cum per annum in excommunicatione perstiterint, in Synodis accusentur, tanquam clavium Ecclesiæ contemptores, & satisfacere compellantur, adhibito etiam, si opus fuerit, auxilio brachii sæcularis.

XXXIX. *Ut Prælati, & qualibet Ecclesiastica persona, ad observationem statutorum istorum fideliter teneantur.*

Quia vero omnibus per statuta hu-

jusmodi paterna sollicitudine intendimus providere, ut videlicet quies procuretur Ecclesiis & Ecclesiasticis personis, & pacis turbatores pœnæ formidine cohibeantur a peccatis, præcipimus, & mandamus sub pœna excommunicationis, ut statuta ipsa ab omnibus tam Ecclesiasticis, quam sæcularibus personis inviolabiliter observentur: statuentes, ut Capitulum, Prælati, Archidiaconi, Præpositi, Decani capitulorum, & alia capitula, & singuli de capitulis, Decani Christianitatum, Rectores Ecclesiarum & Capellarum, nec non & Vicarii, & omnes Clerici civitatis & Diocesis Colonienfis ad observationem sententiarum prædictarum, scilicet excommunicationis, suspensionis, & interdicti, ad earum executionem, quancumque & quotiescunque opus fuerit, & aliquod forefactorum prædictorum committi contigerit in civitate aut Diocesi Colonienfi, omni fraude & dolo penitus exclusis, fideliter teneantur. Si quis autem Prælatus in his remissus fuerit, & ex parte Ecclesiæ, vel personæ injuriam, vel damnum passæ, tertio requisitus ad executionem præmissorum, prout in superioribus continetur, per se vel per alium procedere neglexerit, sententiam suspensionis a nobis latam in his scriptis, incurrat ipsa omissione: quam scilicet suspensionis sententiam si per octo dies in negligentia perdurando sustinuerit, ex tunc incurrat excommunicationis sententiam, a nobis latam in his scriptis. Et nihilominus contra eum ad ulteriora per Nos, de consilio Capituli & Priorum Colonienfium, procedatur.

XL. *Contra Clericos in executionibus sententiarum remissos, & sententias ipsas debito modo non servantes.*

Hebdomadarii item in Ecclesiis conventualibus, Plebani, Rectores seu Provisores Parochialium Ecclesiarum & Capellarum civitatis & Diocesis Colonienfis, qui in suis Ecclesiis seu Capellis illos, qui ex aliquibus causis, de quibus supradictum est, excommunicationem inciderint, vel juris (f) vel hominis; & fuerint (ut præmissum est) excommunicati nuntiandi, denunciare omiserint, ipsa omissione se sciunt excommunicationis sententiam, in his scriptis a nobis

nobis latam, incurrisse, & poterunt depositionis periculum formidare, si Divinis se ingesserint sic ligari: ita ut, nisi celeri satisfactione sibi prospexerint, monitione præmissa a suis Ordinariis, priventur beneficiis quæ habent, & illa aliis personis idoneis per eos, ad quorum spectant collationem conferantur.

XLII. *Contra eos, qui in loco interdicto celebraverint.*

Si quis autem Sacerdos in loco propter captivitatem Clerici vel propter spoliū ecclesiæ vel ecclesiasticæ personæ, vel propter aliquam aliarum causarum prædictarum interdicto, celebraverit, & sic irregularis, in continenti non destiterit, aut intra quindecim dies non satisfecerit nobis & ecclesiæ, ex tunc incurrat ipso facto excommunicationis sententiam, quam in huiusmodi præsumptores ferimus in his scriptis. In qua excommunicatione si per quindecim dies contumaciter perduraverit negligens satisfacere: ex tunc sit ipso facto omnibus beneficiis Ecclesiasticis, quæ habet, destitutus: Et si illi, ad quos beneficiorum huiusmodi collatio pertinuerit, ea aliis personis non contulerint intra mensem, eorum collatio ad proximum superiorem devolvatur. Si vero beneficium Sacerdos non habuerit, huiusmodi sit post tempus prædictum inhabilis in perpetuum ad aliquod obtinendum.

XLIII. *Ut percepto forefacto, statim cessetur a Divinis, ne quis per crassam ignorantiam possit excusari.*

Cæterum ne aliquis Prælatus, Archidiaconus, Præpositus, Decanus (g) Capitulum & Christianitatum, aut Rector ecclesiæ vel Capellæ, per crassam ignorantiam ab observationibus prædictarum sententiarum se valeat excusare, cum difficile sit singulari denuntiatione singulorum auribus inculcari captivationem Clerici vel spoliū ecclesiæ vel ecclesiasticæ personæ, aut aliud quodcumque forefactum, propter quod loca aliqua contingit esse interdicta, sicut superius in pluribus locis est expressum: statuimus ut Prælati, Archidiaconi, Præpositi, Decani, & Rectores, seu Vicarii, quam circo cap-

tivitas Clerici vel spoliū, aut aliquod forefactum (de quibus est supra dictum) ad eorum notitiam, vel fama deferente, vel alio quocumque modo pervenerit, statim cessent a Divinis, ubi hoc juxta præmissa fuerit faciendum, & ad observationem & excusationem dictarum sententiarum per se vel per alios teneantur: alioqui non obstante excusatione crassæ ignorantie, pœnis & sententiis subiaceat supradictis.

XLIII. *Ut hæc statuta ad personas Ecclesiasticas cujuscunque ordinis extendantur.*

Statuimus etiam, ut ad Monasteria & bona eorum, & ad Monachos, & alias religiosas personas cujuscunque ordinis, civitatis & Diocesis Colonienfis, huiusmodi statuta extendantur. Et Monachorum Prælati, & Monachi, ac alie personæ religiosæ ad observationem & executionem teneantur eorundem. Et si aliquæ personæ religiosæ, cuiuscunque ordinis existant, se voluerint occasione alicujus privilegii, ab executione seu observatione statutorum istorum tueri vel excusare, prædictorum statutorum auxilio non juventur.

XLIV. *Ut hæc statuta, ne aliquem latere possint tam in Capitulis, quam in aliis locis, sæpius publicentur.*

Statuimus item & mandamus in virtute sanctæ Obedientie, ut hæc eadem statuta per omnes ecclesias conventuales & parochiales & capellas civitatis & Diocesis Colonienfis, singulis annis, ne aliquem latere possint, sæpius publicentur, & in Capitulis ruralibus perlegantur.

XLV. *Ut nomina sacrilegorum posita in registro sæpius recitentur.*

Et nomina eorum, qui contra Ecclesias seu personas Ecclesiasticas aliquo modorum supradictorum excesserint, vel deliquerint, statim, cum hoc factum fuerit, ponantur in registro, & sæpius recitentur in publico, ut sciri possit ex qualitate facti, & ejus circumstantiis, nec non ex dilatione satisfactionis, qualiter sit contra excedentes & delinquentes huiusmodi procedendum, nec deleantur eorum nomina, nisi congrua satisfactione præcedente. Si quid vero dubii aut difficul-

difficultatis super præmissis emerferit, hoc Nobis, Capitulo & Prioribus Colonienſibus reſervamus declarandum.

Nos vero, Capitulum, Prælati, & alia Capitula majoris & aliarum Eccleſiarum civitatis & Dioceſis Colonienſis, plenam in Domino fiduciam obtinentes, quod per Statuta hujusmodi Eccleſiis & Monaſteris, & perſonis tam Eccleſiaſticis quam Religioſis, in ſpiritualibus &

temporalibus proviſum ſit, & debeat provideri, ad obſervationem eorundem ſtatutorum, bona fide, omni fraude & dolo excluſis, firmiter obligamus, ſigilla Eccleſiarum noſtrarum eiſdem ſtatutis in teſtimonium apponentes. Datum anno Domini Milleſimo, ducentefimo, ſexageſimo ſexto, ſexto Idus Maji.

Statuta Colonienſis Eccleſiæ impreſſa
1554.

Schatenus in *annalibus Paderanis* anno MCCLXVI. adſcribit hanc Synodum; Mörckenſius in *Conatu* annum non addit ſervatæ Synodi, ſed in indice apponit annum MCCLXVI.

Videtur autem hic annus non eſſe verus, eo quod Archi-Epiſcopus Engelbertus II. ab anno MCCLXIII. ad MCCLXX. continuo in bello & diſcordia eſſet cum civitate, & civibus Colonie, nec niſi anno MCCLXX. interveniſſe Alberti Magni reconciliaſio facta ſit Archi-Epiſcopi cum civitate Colonia. *Teſte Chronico Germanico Colonie pag. CCXXXVI. verſa.* Hinc non credo Synodum celebratam fuiſſe ante hunc annum, vel verofimilius anno MCCLXXI. aut MCCLXXII. Certe Mörckenſius ante annum MCCLXXIII. & poſt reconciliaſionem jam memoratam ſcribit Engelbertum ſtudiſſe lapſæ Cleri diſciplinæ reſtaurandæ, & legibus a Deceſſore latis reſtaurandis.

CONCILIIUM VRATISLAVIENSE

Anno Chriſti MCCLXVII. Clementis IV. Papæ III.
Interregno magno Germaniæ.

SUMMA. De ſubſidio terræ ſanctæ procurando.

GUIDO Frater Cifterciensis Ordinis, Sanctæ Romanæ Eccleſiæ Presbyter, Cardinalis Sancti Laurentii in Lucina, Legatus de latere a Clemente IV. in Poloniam miſſus, anno MCCLXVII, primum in Cracoviam venit IV. Kal. Julii a Boleslao pudico, & Paulo Epiſcopo Cracoviensis, proceſſionatim veneratus & exceptus.

Dehinc Vratſlaviam divertens, in feſto Purificationis MARIE generalem Synodum, in qua erant Epiſcopi Eccleſiæ Poloniæ, Januſſius Archi-Epiſcopus

Posnaniensis, Paulus Cracoviensis, Thomas Vratſlaviensis, Vollmirus Ulaſlaviensis, Nicolaus Posnaniensis, Thomas Ploceſis, Wilhelmus Lubucensis, Henricus Culmenſis Epiſcopi, tenuit: pro ſubveniendi terræ ſanctæ, anni Jubilæi gratiam, & Crucem contra Saracenos prædicavit. Conſtitutæque in majoribus Eccleſiis capſæ fuerunt, pro pecunia a merentibus Jubilæum colligenda.

Matthias Michoviensis Lib. III. Hiſtoria Cap. LVII. ex quo Harduinus Tom. VII. Concil.



CON-

CONCILIIUM VIENNENSE IN AUSTRIA,

AUCTORITATE GUIDONIS, LEGATI SEDIS APOSTOLICÆ, CAUSA
REFORMANDÆ ECCLESIAE, CELEBRATUM

Anno Christi MCCLXVII. Clementis IV. Papæ III.
Sub Interregno Germaniæ.

TITULI CAPITULORUM.

- | | |
|--|---|
| <p><i>I. De vita & honestate Clericorum.</i>
 <i>II. De modo visitandi.</i>
 <i>III. De castitate Clericorum.</i>
 <i>IV. De violentiis, quæ inferuntur rebus Ecclesiasticis.</i>
 <i>V. De læsionibus Ecclesiasticarum personarum.</i>
 <i>VI. De his, qui habent plura beneficia.</i>
 <i>VII. De decimis contra laicos.</i>
 <i>VIII. De usurariis.</i>
 <i>IX. De correctione & contumacia Clericorum.</i></p> | <p><i>X. De rapina defunctorum Clericorum.</i>
 <i>XI. De beneficiorum susceptione.</i>
 <i>XII. De personali residentia curatorum.</i>
 <i>XIII. De visitatione nigrorum Monachorum.</i>
 <i>XIV. Ne Abbates consecrent Calices.</i>
 <i>XV. De habitu Judeorum.</i>
 <i>XVI. De mancipiis Judeorum.</i>
 <i>XVII. De coitu Judæi cum Christiana.</i>
 <i>XVIII. De convivii eorumdem.</i>
 <i>XIX. De Synagogis Judeorum.</i></p> |
|--|---|

CONSTITUTIONES CONCILII VIENNENSIS.

Fater GUIDO, (a) Tituli Sancti Laurentii in Lucina Presbyter Cardinalis, Apostolicæ Sedis Legatus, Concilium celebravit in Vienna VI. Idus Maji; cui interfuerunt Joannes Pragensis, Petrus Paraviensis, Conradus Frisingensis, Leo Ratisponensis, Bruno Brixinensis, Amalricus Lavendinus, Episcopi, & quamplures Abbates, Præpositi, Archidiaconi, & Decani, ubi subscriptæ Constitutiones sunt editæ, & ab eodem Concilio approbatæ.

FRATER GUIDO, MISERATIONE
DIVINA, TITULI SANCTI LAURENTII IN
LUCINA PRESBYTER CARDINALIS,
APOSTOLICÆ SEDIS LEGATUS, AD
PERPETUAM REI MEMORIAM.

Postquam Deus formavit hominem ad imaginem & similitudinem suam, & in ætate virili, cum ipso etiam jus naturale produxit. Juris enim naturalis origo a creaturæ rationalis simul cœpit exordio: quod quidem ad disponendum omnem mundi nascentis, & temporis motum sufficeret, si non sibi mortem, quam Deus non fecit, ratio-

nalis creatura propriis manibus & pedibus quævisset. Hæc juris instituta primævi protinus justitia positiva ab eodem regulariter auctore procedens, qui sub mortis interminatione morsum pomi noxialis prohibuit; qua prohibitione contempta, certa maledictionis sententia prodit ab auctore; ut non solum ultio ferretur in auctores scelerum, verum etiam in progeniem damnatorum. Ex hinc usu hominum exigente, & rerum Dominio introducto, quod juris regulæ nesciebat, ex humanis necessitatibus quædam sibi homines jura condiderunt. Traditæ sunt a Domino per Moysen justitiæ leges, cujus singulis pœne syllabis Christus includitur. Deinde Prophetæ subsequuntur & Reges, qui Christi præconia evidentiori sermone describunt; donec temporis plenitudine veniente, impleta veritate, figurisque cessantibus, Rex noster in æternum jura mansura disposuit. Datæ sunt enim Petro claves perpetuæ, a quo totius juris ecclesiastici pulchritudo manavit, quæ ad singulas Provincias, ob vindictam in nationibus & increpationes in

popu-

(a) Hæc Præfatio descripta ex *Henrici Steronis Annalium Libro*, edito ab *Henrico Canisio Tomo I. antiquarum Lectionum*. pag. 614.

populis faciendas, nunc per Summorum Pontificum, nunc per Sedis Apostolicæ Legatos statuta; tamquam per quosdam rivulos derivatur; ut, hominum quotidie crescente malitia, & effrænata cupiditate, quæ nova litigia generare non cessant, sub distributione jurium coarctatis, discant honeste vivere, alterum non lædere, jus suum unicuique tribuere. Hinc est, quod cum Sanctissimus in Christo Pater & Dominus noster Clemens Papa IV. ad Saltzburgensem Provinciam, & civitatem & Diocesim Pragensem cum plenæ Legationis officio nos duxerit transmittendos, officii nostri debitum libenter exsequimur, evellendo videlicet evellenda, plantando plantanda, recta regendo & dirigendo salubriter indirecta.

CAPITULA.

I. De vita & honestate Clericorum.

Verum, quantum expedit ad profectum & robur fidei Christianæ, ut Sacramenta Ecclesiæ, in quibus, tamquam in vasis medicinalibus, populus devotus & humilis antidotum gratiæ recipere consuevit, in honore & reverentia ab omnibus habeantur: cum ea plerumque contingat effici vilia, propter vilem & abominabilem Ministrorum Ecclesiæ conversationem; universis Ecclesiasticis personis Provinciæ Saltzburgensis, & civitatis & Diocesis Pragensis præcipimus, ut in victu, gestu, & aliis operibus ac circumstantiis status sui, sic honeste se habeant & decenter, ne propter ipsos nomen Ecclesiasticum inter laicos blasphemetur; eisdem (a) districtius inhibentes, ne de patrimonio Crucifixi inimicos se, faciant crucis Christi; sicut illi, quorum Deus venter est, qui terrena sapiunt, non Divina: in conviviis suis modestiam & mediocritatem observent, superfluitatem indebitam refecantes, & ebrietatem omnium vitiorum fomitem & nutricem devitent.

II. De modo visitandi.

Prælati vero à gravaminibus suorum abstineant subditorum; & maxime cum Ecclesias visitant, moderentur ex-

penas, coerceant electionum numerum, prout in generali Concilio existit diffinitum.

III. De castitate Clericorum.

Præsentis igitur Concilii approbatione præcipimus, ut Clerici continenter & caste vivere studeant; quatenus puro corde & mundo corde Deo possint in officio Ecclesiastico ministrare. Si qui vero de cætero deprehenso fuerint detinere publice concubinas, nisi infra mensem se ab eis, & ab eorum consortio separaverint; ita quod in domibus ipsorum, aut propriis, aut aliis quibuscumque non cohabitent, nec ad illas accedant: ex tunc enim beneficio Ecclesiastico sint privati, ut per eos, ad quos beneficiorum prædictorum spectat collatio, personis idoneis conferantur.

IV. Contra Laicos.

Item cum in plerisque locis, quorundam Laicorum iniquitas invaluerit, quod in rebus Ecclesiæ furtum reputatur sagacitas, rapina probitas, & violentia fortitudo; Synodali judicio diffinimus: ut qui bona Ecclesiarum scienter detinent occupata, nisi infra instans festum S. Joannis Bapt. restituerint, & de damnis & injuriis satisfecerint competenter; ex tunc introitum Ecclesiæ sibi noverint interdictum, nec ab Episcopis, aut aliis Ecclesiarum Prælati, ad communionem Domini (b) Corporis, & Sanguinis, admittantur; Qui vero obstinata mente, dum vixerint, satisfacere non curaverint, nullus Clericus sæcularis, vel regularis, sepulturæ ipsorum interesse præsumat; adjicientes: ut singulis annis in Synodo, illi, qui Clericos rapiunt, verberant, vel occidunt, vel alias manus injiciunt (c) violentas, excommunicati denuntientur, & nominatim hi, de quibus constiterit manifeste.

V. De læsione (d) Clericorum.

Quicumque vero personam Ecclesiasticam enormiter vulneraverit, (e) occiderit, vel captivaverit, non nisi per Sedem Apostolicam absolvatur; & ipso facto, si quid tenebat ab ecclesia, illud perdat, & in utilitatem Ecclesiæ con-

(a) al. districte.

(b) Dominici.

(c) in ipsos.

(d) De læsionibus Ecclesiasticarum personarum.

(e) mutilaverit, vel.

convertatur; adjicientes: (f) Cathedralis ecclesiæ, vel in dignitate ecclesiastica constitutum, si capi contigerit, vel captum detineri; usque ad liberationem ipsius, & exhibitionem debitæ satisfactionis, cessetur generaliter a Divinis, firmiter in illa Parochia, in qua res Clericis violenter ablatas capi, vel detineri (g) contigerit, usque ad restitutionem, & satisfactionem congruam, cessetur a Divinis.

VI. De detentoribus plurium personatum vel dignitatum, seu beneficiorum.

Item, cum detentores plurium personatum, vel dignitatum, seu beneficiorum cum cura, sine dispensatione, sint sacrorum canonum transgressores, & fructus talium beneficiorum percipiendo, furtum committere (b) dinoscantur, decreto præsentis statuimus; ut omnes, qui hujusmodi dignitatum, personatum, seu beneficiorum cum cura, pluralitatem detinent, illi, qui sunt per *Provinciam Salzbургensem*, nisi per hoc secum dispensatum fuisse, coram venerabili Patre, Dei gratia, *Electo Salzbургensi*, infra instans festum Beati Joannis Bapt. doceant manifeste; (i) per illos, ad quos dictorum beneficiorum collatio pertinet, personis idoneis conferantur, & ex tunc ultimo beneficio recepto sint contenti: si vero utrumque retinere contenderint, ipsos Nos, & primis & ultimis, decrevimus ex tunc esse privandos.

VII. De decimis contra laicos.

Item, cum Levitis, seu Ecclesiasticis personis, jure Divino decimæ (k) libere deputantur; dolentes referimus, quod quorundam laicorum cupiditas, jus hujusmodi, quod sibi Dominus in signum generalis Domini, retinuit, (l) abolere, & pro sua voluntate de his, quæ ad eos non pertinent, ordinare, imo deordinare (m) præsumunt, quasi a se Divini servitii velint jugum excutere,

quod in Baptismate sunt professi. Hujus igitur approbatione Concilii, districtè præcipimus: ut, juxta laudabilem consuetudinem Patriæ, decimæ tam antiquæ, quam etiam de novalibus, majores & minutæ, plenarie persolvantur: nec liceat alicui laico nobili, vel ignobili, (n) sibi decimas, maxime de Novalibus, & minutis, usurpare; alioquin, si contra fecerit, se ab ingressu ecclesiæ, usque ad satisfactionem condignam (o) noverit esse suspensum.

VIII. De Usura contra Laicos, & Clericos.

Item dolentes referimus, quod quidam salutis suæ immemores, & prodigi famæ suæ, per Provinciam *Salzbургensem*, constituti, tam Clerici, quam Laici, usuras exposcere (p) præsumunt: ad quorum cupiditatem salubriter reformandam, statuimus: quod ipsi super excessibus (q) hoc sacro Concilio præmoniti, a talibus abstineant, alioquin nos ipsos excommunicamus, (r) & ter in anno, videlicet: in *Cena Domini*, in *Assumptione Beatæ Virginis*, & in *Nativitate Domini*, præcipimus per Plebanos, & Majores suos, in locis suis (s) excommunicatos publice nunciari. Clerici quoque (t) beneficiari, qui per tempus trium mensium sententiam excommunicationis sustinere præsumperint animo indurato, per Diocesanos suos suis beneficiis spoliuntur, salvis aliis pœnis contra usurarios editis. (u)

IX. De correctione, (x) item de collatione Beneficiorum.

Item ordinamus, & statuimus: ut Clerici, & ecclesiasticæ personæ, tam sæculares, quam Regulares, Prælatorum suorum correctiones legitimas, cum debita humilitate, suscipiant: & si qui ex eis, ex hac occasione, contra suos correctores, auxilium brachii sæcularis invocaverint, vel potentum preces armatas impetraverint, vel impetratis uti præ-

- (f) Quod in illa Dicecesi, in qua aliquem Canonicum Cathedralis Ecclesiæ, vel in dignitate Ecclesiastica constitutum, capi contigerit,
 (g) vel Clericos ipsos capi.
 (i) Alioquin ex tunc ultimo beneficio recepto sint contenti, & alia, quæ prius habuerunt, per illos &c.
 (m) præsumit.
 (o) sc.
 (q) in hoc.
 (t) vero pro quoque.
 (x) & contumacia Clericorum.
- (b) dinoscantur.
 (k) debeantur.
 (n) cujuscunque dignitatis vel Principatus existat, sibi.
 (p) & usurarios contractus exercere.
 (r) in scriptis.
 (s) publice
 (u) secundum Canonicas Sactiones.

præsumperint ; a suis beneficiis depellantur. Ipsi quoque Prælati districtè inhibemus : ne pueris minoris ætatis ; videlicet XVIII. annorum , dignitates , personatus , seu beneficia curam animarum habentia , conferre præsumant , vel ad ipsa recipere præsentatos , nisi cum eis super hoc a Sede Apostolica vel Legatis ejusdem , exstiterit dispensatum.

X. (y) *Contra Patronos laicos.*

Item ad aurès nostras , per clamorè infirmationem multorum , devenit , quod Patroni ecclesiarum , (z) Advocati , & judices , (a) bona decedentium Clericorum occupant , & usurpant , volentes sibi ab intestato (b) succedere , pro suæ voluntatis arbitrio , non judicio rationis ; quare , procedere (c) duximus : ut patroni ecclesiarum , & alii supradicti , a talibus de cætero abstineant , & nisi abstinere voluerint , quousque sic ablata restituant , excommunicationis vinculo innodentur.

XI. (d) *Ne Clericus recipiat a Laico Beneficium.*

Item districtè inhibemus , ne aliquis Clericus Ecclesiam Parochialem a laico Patrono recipere audeat , nisi ab episcopo , vel Archi-Diacono fuerit institutus ; alioquin ab officio , & beneficio abstineat , & se noverit (f) suspensum. Et laicus , qui autoritate propria instituere præsumperint (g) ipso facto (h) jure Patronatus cadat ; adjicientes : quod nullus Patronus Clericus , vel laicus , dotem ecclesiæ , in qua jus obtinet Patronatus , alienare præsumat ; quod si contra fecerit , ipso facto a jure cadat Patronatus , & res alienata ad jus , & proprietatem Ecclesiæ (i) restituitur.

XII. *De Residentia (k) Plebanorum.*

Item ordinamus , atque statuimus : ut Prælati , & Clerici , curam animarum habentes ; in suis ecclesiis corporaliter resideant , & ad hoc a suis episcopis per subtractionem fructuum com-

pellantur , nisi causa legitima se potuerint excusare.

XIII. *De Religiosis. (l)*

Item , cum clamorosa insinuatio nostrum percussit animum , & auditum , Abbates , & Monachos Ordinis S. Benedicti , in quamplurimis locis , ab observatione sanctæ Regulæ temere recedentes , vitam nimis dissolutam ducere , in suarum periculum animarum , & scandalum plurimorum ; volentes igitur , ut contra hujusmodi corruptelam salubre remedium opponatur , universis Episcopis *Salzburgensis Provinciae* , & *Episcopo Pragensi* , districtè præcipimus , ut quilibet ipsorum , infra (m) dictum annum , assumptis secum duobus Abbatibus Cisterciensis Ordinis , omnia claustra nigrorum Monachorum , suæ Diocesis visitent , corrigant , & (n) emendent , tam in capite , quam in membris ; istis (o) tamen exceptis , qui Romanæ Ecclesiæ nullo medio subesse noscuntur , quos per nos , vel per alios deputandos , specialiter intendimus visitare.

XIV.

Prohibemus autem Abbatibus , ne calices , vel patenas , vel sacras vestes benedicere , vel consecrare , vel alia Episcopalia præsumant officia exercere ; nisi super hoc , a Sede Apostolica , privilegium habuerint speciale.

XV. *De Judæis. (p)*

Item , cum in tantum insolentia Judæorum excreverint , ut per eos , in quampluribus Christianis jam dicatur infici puritas Catholicæ Sanctitatis ; nos , non tam nova euentes , quam Summorum Pontificum statuta vetera renovantes , præcipimus : quod Judæi discerni debent in habitu a Christianis. Cornutum pileum , quem quidem in istis partibus consueverant , deferre , & sua temeritate deponere præsumperunt , resumant , ut a Christianis discerni valeant evidenter. (q) Quicumque vero Judæus , sine tali signo , fuerit

- (y) De rapina defunctorum Clericorum , titulus est in MS. *Vienensis Bibliotheca*.
 (z) tam Clerici , quam Laici. (a) & præcones. (b) decedere.
 (c) provide duximus statuemus. (d) De Beneficiorum susceptione.
 (f) esse. (g) præsumperit. (h) a jure.
 (i) revertatur. (k) Personali Curatorum.
 (l) De visitatione nigrorum Monachorum. (m) intra dimidium.
 (n) & reformat. (o) tantum habet aliud MS. (p) De habitu Judæorum.
 (q) sicut olim in generali Concilio extitit diffinitum.

fuerit deprehensus incedere, a Domino terræ pœna pecuniaria puniatur. (r)

XVI. *De Mancipiis Judeorum.*

Prohibemus etiam, ne stupas (s) & balnea, seu tabernas Christianorum frequentent, seu intrare præsumant, nec servos, vel ancillas, aut nutrices, seu quæcunque Christiana mancipia die nocte in domibus suis retinere præsumant, nec ad recipiendum teloneum, aut aliqua publica officia, aliquatenus assumantur.

XVII. *De coitu Judæi cum Christiana.*

Si quis Judæus cum aliqua Christiana vitium fornicationis deprehensus fuerit commississe, quoadusque X. marcas argenti ad minus, pro emendatione admissi, solverit, districtæ carceribus mancipetur, & mulier Christiana, quæ tam damnatum coitum elegerit, per civitatem fustigata, de civitate, sine spe redeundi, penitus expellatur.

XVIII. *De conviviiis eorundem.*

Item omnibus Christianis Provinciæ Saltzburgensis, & civitatis, & Diœcesis Pragensis, districtè inhibemus: ne Judæos, vel Judæas, secum ad convivia recipiant, & cum eis manducare audeant, aut cum ipsis, in suis nuptiis (t) tripudare præsumant: nec Christiani carnes venales, seu alia cibaria a Judæis emant; ne forte per hæc Judæi, Christianos, quos hostes reputant, fraudulenta machinatione, (u) interficiant; (x) unde & Christiani, si opus fuerit, per censuram Ecclesiasticam, compellantur ab eorum commercii abstinere.

Item si Sacramentum Altaris ante domos Judæorum deferri contigerit, ipsi Judæi, audito sonitu prævio, intra domos suas se contineant, & fenestras, ac ostia sua, claudant, (y) quod per Pleba-

nos, vel Prælatos Ecclesiæ, facere compellantur: nec præsumant de fide Catholica cum simplicibus disputare, nec filias, aut uxores, ad fidem Christianam venientium, invitas audeant detinere; nec Christianos ad Judaismum alliciant, aut aliquo ausu temerario circumcidant, nec Christianos infirmos visitent, vel circa ipsos exerceant opera medicinæ.

XIX. *De Synagoga Judeorum.*

Synagogam novam non erigant, & si quas erexerint, eas removeant, & deponant: Vetustam, si opus fuerit, reficiant, non ampliorem, nec pretiosiore, nec altiore. Carnes in Quadragesima, quando Christiani a carnibus abstinere, & jejunant, in aperto & publico non deportent.

Ipsos Principes, ac Judices districtè ammonemus, ne Judæis, hujusmodi statuta nostra servare nolentibus, alicujus protectionis, seu defensionis, favorem impendant; sed, si aliqua eis a personis Ecclesiasticis injungantur, ea fideliter exequantur; alioquin introitum Ecclesiæ, & communionem Divinorum Officiorum sibi noverint interdictum.

Volumus, & sub pœna excommunicationis præcipimus, ut Dominus Saltzburgensis Electus, ejusque Suffraganei, nec non & Episcopus Pragensis, has Constitutiones nostras, sigillo nostro sigillatas, habeant, easque singulis annis, in Synodis Episcopalibus, (z) faciant recitari, & diligentius observari, & ea, quæ tangunt Laicos, faciant per Parochiales Ecclesias suarum Diœcesium publicari.

Acta sunt hæc (a) anno Domini MCCLXVII. mense Majo; Pontificatus Domini nostri Clementis IV. Anno III.

Ex veteri codice MS. Bibliothecæ Vaticanae No. 4401. descripsit Cl. Schannatus.

Anno

(r) *Adjicientes*: Ut Judæi Sacerdoti parochiali, infra cujus Parochiæ terminos manserint, pro eo, quod loca, in quibus Christiani habitare debent, occupant, juxta quantitatem damni, quod ei ex hoc inferunt, ad arbitrium Diœcesani loci omnes proveniunt, quos ex Christianis, si ibidem manerent, Sacerdos perciperet, refundere compellantur. Decimas etiam prædiales cum omni integritate persolvant.

(s) *Stupas*. (t) vel Neomeniis, vel ludis saltare, vel. (u) venenent.

(x) *Hic incipit §. XIX. in Viennensi MS.*: Hoc pacto: adjicientes, ut si de cætero quocunque prætextu Judæi a Christianis graves seu immoderatas usuras extorserint; Christianorum eis participium subtrahatur, donec de immoderato gravamine satisfecerint competenter. Unde & Christiani &c.

(y) Hoc etiam in quolibet die Parasceves per Prælatos Ecclesiæ facere compellantur.

(z) & in Provincialibus Conciliis.

(a) Wiennæ in Austria, addit MS. Biblioth. Casaræ, apud Lambecium Tom. II. Biblioth. Vindobon.: ex quo variantes nostræ desumptæ sunt, & Vaticano codici collatæ.

Anno MCCLXXIII. apud LEODIUM ^(a) celebrata est Synodus sub
Papa Gregorio X., qui III. Julii 1274. deposuit Henricum
Gelrensem, Episcopum Leodiensem, post Sedis annos 27.

Henricus Gelder, Episcopus Leodiensis, anno MCCLXXIV. ad Concilium
Lugdunense a Gregorio X. vocatus, Annulum Episcopi in manus deposuit,
sperans restitutionem. Sed spe sua lusus, Joannem Engiensē, Tornacensem Epi-
scopum sibi a Papa suffectum videre debuit.

^(a) Chronicon Elwangenſe, editum a Petzio Tomo IV. Theſauri Anecdotorum Parte III.
pag. 772. Acta Synodi Leodiensis anni bujus nos latent.

Franciscus Fagi in Breviario gestorum Pontificiorum Tomo III. pag. 404.

*Statuta Domini PETRI, Cardinalis Episcopi
Albanensis, & Hugonis, Tit. Sanctæ Sabinae Presbyteri Cardinalis,
Apostolicæ Sedis Legatorum, super diversis Ordinationibus Ecclesiæ,
tam in spiritualibus, quam in temporalibus, edita anno 1250,
publicata coram Clero in Ecclesia Leodiensi*

Anno Christi MCCLXXIV. Gregorii X. Papæ III.
Rudolphi I. Imp. II.

IN Nomine Domini, Amen. Anno
Nativitatis ejusdem Millesimo ^(a)
septuagesimo quarto, Indictione secunda,
V. Cal. Junii, Pontificatus Domini Gre-
gorii decimi, Præsentibus me Rogero de
Leodio Clerico, Sacrosanctæ Romanæ
Ecclesiæ auctoritate, Notario publico, &
testibus infra scriptis, vocatis propter
hoc specialiter & rogatis. Viri Venera-
biles & discreti Magistri F. Decanus, J.
de Cambiis, & H. de altera Ecclesia Ca-
nonici Leodienses ex parte Capituli Leo-
diensis, in Ecclesia Leodiensi publicave-
runt, & ad exemplandum sub manu
publica mihi exhibuerunt instrumentum,
cujus tenor talis est:

FRATER HUGO, MISERATIONE
DIVINA TIT. SANCTÆ SABINÆ PRESBY-
TER CARDINALIS, APOSTOLICÆ SEDIS
LEGATUS: UNIVERSIS PRÆSENTES LI-
TERAS INSPECTURIS, SALUTEM
IN DOMINO SEMPTERNAM.

NOveritis, quod nos super Capitulum
Sancti Lamberti Leodiensis, juxta

officii nostri debitum visitantes, multa,
quæ correctione indigebant, invenimus,
ad quorum reformationem hæc, quæ
sequuntur, duximus ordinanda. Inpri-
mis siquidem ordinamus, & statuimus &c.

*Vide hæc ipsa Statuta supra pag. 579. a
Petro Albanensi Episcopo condita 1250.*

*Sub finem Statutorum, in instrumento pub-
licationis hæc subjunguntur: Huic Litte-
ræ appensum erat sigillum oblongum
satis, curialiter magnum, habens im-
pressam imaginem hominis, quasi induti
Pontificalibus, & tenentis librum dua-
bus manibus ante pectus suum. Cir-
cumferentia ipsius sigilli, ut melius legi
potuit, erat talis: Sigillum fratris Hu-
gonis, tit. Sanctæ Sabinae, Presbyteri
Cardinalis.*

Præmissæ publicationi & ad exem-
plandum exhibitioni interfuerunt in Ec-
clesia Leodiensi superius nominati exhi-
bitores: Renerus Archi-Presbyter Leo-
diensis, Joannes Custos Theſaurarii,
Magister Perrus Joannes de Sardegnæes,
L I I I 3 Ge.

^(a) Erravit Librarius designando annum 1074. Scribendus erat annus 1274. hoc enim
anno adhuc sedebat Gregorius X., electus anno 1271, defunctus 1276. Eundem
annum 1274. denotat Indictio II, quæ tunc currebat. Igitur Statuta Hugonis Car-
dinalis, Legati Apostolici anno 1252. edita, publicata primum fuere in Ecclesia Leo-
diensi 1274. V. Cal. Junii.

Gerardus de Dynanto, Gerardus de Sabuleto, Capellani in Ecclesia, & plures alii vocati propter hoc, & specialiter rogati.

Et ego Rogerus Notarius ante dictus, præmissæ publicationi, & ad exemplandum exhibitioni, interfui in dicta Ecclesia, rogatus & vocatus, ipsum in-

strumentum sub præsentis publico instrumento exemplavi, & meo signo signavi, Anno, Indictione, & die prædictis. Et ante præsentis publici instrumenti confessionem erat charta ipsius ferro radenti perforata, sicut est in præsentis. Hæc dico, ne vitio si placet, rasura talis ascribatur.

CONCILIIUM LUGDUNENSE II.

OE C U M E N I C U M XIV.

Anno Christi MCCLXXIV. Gregorii X. Papæ III.

INTERFUIT PP. GREGORIUS X. EPISCOPI D. ABBATES LXX.
ALII PRÆLATI M.

SEX ACTIONES TRIUM MENSIIUM SPATIO ABSOLUTÆ,

Præcipuæ hæ: I. Primatus Sedis Romanæ agnitus, & in Missæ Sacrificio Papa cum aliis quatuor Patriarchis in diptycha relatus memoretur.

II. Confessio Spiritus S. procedentis a Patre, Filioque, quarta jam vice facta.

III. Appellatio ad S. Sedem, ut ad majus & augustius tribunal omnibus permissa.

IV. Auxilia terræ sanctæ decreta, decima bonorum Ecclesiæ ad 6. annos concessa, cruciatæ prædicatio.

V. Rudolphus Germaniæ REX agnitus.

VI. Electio Pontificum accelerata, & variis Legibus promota. Canones XXXI.

*Ex Germania interfuere Concilio huic hi
Archi- & Episcopi:*

Wernerus Moguntinus Archi-Episcopus.
Henricus Treverensis Archi-Episc.
Engelbertus Colonienfis Archi-Episc.
Fridericus Salisburgensis Archi-Episc.
Conradus Magdeburgensis Archi-Episc.
Giselbertus Bremensis Archi-Episc.
Conradus Argentinensis Episcopus.
Leo Ratisbonensis Episc.
Otto Mindensis Episc.
Fridericus Merseburgensis Episc.
Widego Misnienfis Episc.
Idobrandus Eistadensis Episc.
Bertholdus Herbipolenfis Episc.
Hermannus Zuerinenfis Episc.
Volradus Halberstadenfis Episc.

Omnes Abbates Ordinis S. Benedicti, Archi-Dioecesis Colonienfis, scribunt Gregorio X. delectum a se Abbatem Brun-

villarensem, ut nomine omnium Concilio interfir.

*Martene & Durand. Tom. I. amplissima
Collectionis pag. 1377. & Schatenus
Annal. Paderborn. Part. II.*

Anno MCCLXXIV. contribuentibus ad fabricam ædificandæ Basilicæ Misnensis donatæ fuere Indulgentiæ XL. dierum ab his germanis Lugduni Concilio interessentibus:

Friderico Saltzburgensi }
Wernero Moguntino } Archiepiscopis
Engelberto Colonienfi } VIII. Kal. Junii,
Giselberto Bremensi }
Wernharde Seccoviensi episc. xv. kal. ap.
Petro Passaviensi Episc. Pridie Idus Maji.
Hilbrando Eistetenfi Episc.
Hartmanno Augustano episc. nonis Maji.
Joanne Kyemenfi. Idus Junii.

Singuli singularibus Chartis donaverunt in ipso Concilio.

CON-

CONCILIIUM SALTZBURGENSE

PRO RECIPIENDIS LUGDUNENSIS SYNODI CONSTITUTIONIBUS,
ALIISQUE DE CAUSIS CONGREGATUM.

Anno Christi MCCLXXIV. Gregorii X. Papæ III.
Rudolphi I. Imp. II.

TITULI CAPITULORUM.

- | | |
|--|--|
| <p><i>I. De Capitulis Provincialibus Abbatum, ac aliorum Prælatorum.</i></p> <p><i>II. De revocatione Monachorum fugitivorum.</i></p> <p><i>III. De prava consuetudine Abbatum erga Monachos.</i></p> <p><i>IV. De dignitatibus Abbatum.</i></p> <p><i>V. De correctionibus Capitulorum Provincialium.</i></p> <p><i>VI. De indulgentiis & remissionibus.</i></p> <p><i>VII. De pluribus beneficiis Clericorum.</i></p> <p><i>VIII. De residentia Plebanorum.</i></p> <p><i>IX. De Ordinatione Clericorum.</i></p> <p><i>X. De præsentatione Vicariorum.</i></p> <p><i>XI. De tonsura & veste Clericorum.</i></p> <p><i>XII. De Tabernis.</i></p> <p><i>XIII. De Sacerdote suspensio ab officio.</i></p> | <p><i>XIV. De captivitate Monachorum vel Clericorum.</i></p> <p><i>XV. De conversis vagabundis.</i></p> <p><i>XVI. De vagis scholaribus.</i></p> <p><i>XVII. De Episcopo puerorum.</i></p> <p><i>XVIII. De sententiis excommunicationis a nobis traditis.</i></p> <p><i>XIX. De veneratione Patrum sive Patronorum.</i></p> <p><i>XX. De confessione Religiosorum.</i></p> <p><i>XXI. De correctione Religiosorum, aut aliorum Monachorum.</i></p> <p><i>XXII. De captivitate Episcoporum, seu Monachorum.</i></p> <p><i>XXIII. Ne Clerici sumant Ecclesiastica beneficia de manibus laicorum.</i></p> <p><i>XXIV. De Advocatis Ecclesiarum.</i></p> |
|--|--|

P R Æ F A T I O.

AD honorem & gloriam Sponsæ Christi & fidei Christianæ. Nos Dei gratia (a) F. Saltzburgerensis Ecclesiæ Archi-episcopus, Apostolicæ Sedis Legatus, Leo, Petrus, Bruno, Wernhardus, & Joannes, Ratisponensis, Pataviensis, Brixinensis, Sedowensis, & Chimenfis Ecclesiarum episcopi, in Provinciali hoc Sancto Concilio congregati, de consilio venerabilium Prælatorum Saltzburgerensis Provinciæ, qui præsentem interfunt Concilio: absentium etiam fratrum tam episcoporum, quam aliorum Prælatorum accedente consensu, diffiniendo præcipimus: ut Episcopi, Abbates, Archi-diaconi, & alii ecclesiarum Prælati, statuta sacri Generalis Concilii celebrati proxime in Lugduno, in Ecclesiis & subditis suis, Clericis & laicis, secundum quod eadem statuta istis & illis conveniunt, & quantum eos tangunt, sic solcite & frequenter studeant publicare; ut ipsorum pronuntiantium & subditorum memoriæ & ob-

servantiæ imprimantur. Sed & constitutiones venerandæ memoriæ quondam Domini (b) Guidonis, tituli Sancti Laurentii in Lucina Presbyteri Cardinalis, in Provincia Saltzburgerensi Apostolicæ Sedis Legati; quæ, licet Ecclesiarum utilitatem contineant, & salutem suadeant animarum, in disuetudinem transierunt, cum prædicti Generalis Concilii ordinationibus & statutis, nec non & his, quæ pro utilitate locorum & temporum in hoc Provinciali Concilio apponentur a nobis, ad notitiam subditorum taliter deducantur, ne quemquam totius Provinciæ probabilis error ac ignorantia valeant excusare.

C A P I T U L A.

- I. De Capitulis Provincialibus Abbatum, ac aliorum Prælatorum.*

CUM Abbates ordinis Sancti Benedicti Saltzburgerensis Provinciæ, Capitula sua Provincialia longis retro temporibus non curaverint celebrare, propter

(a) Fridericus.

(b) in Concilio Vienn. anno 1267.

ter quod circa regulares observantias idem ordo non mediocriter est collapsus: Nos eisdem Abbatibus nostræ Provinciæ firmiter & districte præcipiendo mandamus, ut Provinciale Capitulum suum infra festum resurrectionis venturum proxime celebrent, juxta formam a sacris canonibus eis datam. In quo de moribus corrigendis, tam in se ipsis, quam in suis subditis, tractent & ordinent diligenter: alioquin nos in proximo Provinciali Concilio ad reformationem prædicti ordinis, quantum de jure possumus, procedemus.

II. De revocatione Monachorum fugitivorum.

Ex nunc tamen eisdem Abbatibus præcipimus & mandamus, ut Monachos fugitivos in sæculo divagantes revocari procurent. Et quod in singulis Monasteriis carcer fiat, in quo incorrigibiles, seu alias delinquentes enormiter Monachi, prout culpæ qualitas exigit, recludantur. Sed nec licitum sit Abbatibus, cum nec umquam licuerit, Monachos ad ordinem strictiorem transeuntes minime absolovere ab obedientia, quæ Monachorum ossibus inseparabiliter est affixa.

III. De prava consuetudine Abbatum erga Monachos.

Illam & pravam Abbatum consuetudinem reprobamus, qua Abbates pro excessibus levibus, & nonnunquam simulatis offensis, passim & indifferenter de Monasteriis ad Monasteria Monachos suos mittunt: cum delictum potius illic puniri & mori debeat, ubi committitur & patrat: cum nec tales missi ad alia Monasteria peccata sua lugeant, sed vagentur potius dissolute. Quod si necessitas exigit, ut Monachus ad Monasterium aliud transmittatur: hoc Abbati non liceat: nisi causa Missionis & tempus reditus per loci episcopum ordinentur.

IV. De dignitatibus Abbatum.

Sunt insuper quidam Abbates, qui indulgentiis & remissionibus faciendis, in Mitris, annulis, (c) sedibus deferendis, nec non in benedictione sacrarum vestium, & Ecclesiasticorum vasorum & cæteris, quæ ordinem & officium Eccle-

siæ requirunt, sibi Pontificum potestates usurpant. His districte præcipiendo mandamus, ut de cetero talia non attentent: aut in proximo Provinciali Concilio fidem nobis faciant privilegiorum, quibus sibi talem vindicant potestatem.

V. De correctionibus Capitulorum Provincialium.

Hæc eadem in Canonicis regularibus, quantum diversitas religionum sustinet, volumus observari: salva dignitate & privilegio Saltzburgeris Capituli, cujus ordinationem Nos Archiepiscopus nobis specialiter reservamus. Cæterum in aliis, quæ ad morum correctionem & observantias pertinent, regulares sibi in Provinciali Capitulo sic provideant, ne nos ipsis in hoc deficientibus providere cogamur: maxime in moderandis eorum electionibus, & quibusdam vanitatibus, quæ ad pompam labentis sæculi pertinent, refræmandis in ipsis.

VI. De indulgentiis & remissionibus.

Ad hæc, cum prædecessores nostri bonæ memoriæ Pontifices, diversarum religionum fratribus, in confessionibus audiendis, remissionibus & indulgentiis largiendis, & aliis pluribus faciendis, quæ ad Sacerdotale & Pontificale ministerium pertinent, potestatem suam duxerint committendam: quarum religionum nonnullæ in proximo Generali Concilio sunt sublatae, (d) quorum & fratrum aliqui potestate sibi tradita sunt abusi; nos auctoritate præsentis Concilii, omnium auctoritatem, potestatem, sive licentiam, a nobis, vel a nostris prædecessoribus cuicumque religioni vel ordini, aut fratribus ordinum quorumcunque traditam, in præmissis, aut aliquo præmissorum, revocamus in totum. Si quis autem ex vobis novam super his commissionem decrevit facere: in hoc illud, quod salutis animarum expedit, & alieno juri non detrahat, arbitretur. Præterea, cum prædicti nostri antecessores, Clericorum episcoporum remissiones & indulgentias in Diecesibus suis datas diversis locis, ordinibus & personis, ratas habere consueverint indistincte, ac per hoc formam modosque correctionis debita, sicut experimento didicimus, in locis pluribus enumerentur (e); præsentis Syno-

(c) forte: sandalibus.

(e) forte: enervent.

(d) forte: quoniam.

(e) Synodi omnes & singulas ratihabitiones tam nostras, quam prædecessorum nostrorum in hujusmodi indulgentiis manere volumus in suspenso : & ne quis eis utatur, sub anathemate prohibemus : donec episcopus loci Ordinarius plene discutiat, quas & in quibus locis ratas habere conveniat, aut quas magis expediat revocari. Et hoc maxime in personis quæstuariorum volumus observari, qui per hujusmodi indulgentias indiscretas ad contemptum clavium & errorem longe plures præcipitant, quam erigant ad salutem. Hos & nullo modo recipi volumus vel admitti, nisi cum Diocæsani episcopi nuntio litteratorio designato.

VII. De pluribus beneficiis Clericorum.

Cum in Provincia Saltzburgenfi diversi Clerici sæculares, non ponentes terminum avaritiæ, nec salutem propriam prætendentes, onerare se pluribus beneficiis Ecclesiasticis non formident; nos, qui aliorum indigentis & saluti occurrere cupimus, & Ecclesiarum necessitatibus providere, auctoritate præsentis Concilii firmiter & districtè præcipimus : ut singuli plura beneficia possident, aut recepto ultimo sint contenti : aut in ipso proximo Provinciali Concilio, seu episcopali Synodo, quem terminum ipsis peremptorium assignamus, legitimis documentis edoceant, secum esse per eum, qui de jure hoc facere potuerit, dispensatum. Alioquin nos tam formam (f) canonum circa hoc traditam, quam statutum bonæ memoriæ Domini Guidonis Cardinalis, quondam in Provincia nostra Apostolicæ Sedis Legati, providere curabimus beneficiis & personis.

VIII. De residentia Plebanorum.

Ceterum cum per mercenarios temporales, quos Ecclesiarum Rectores & Plebani in Ecclesiis Parochialibus institunt & destituunt; nonnumquam interposito turpi pacto, animarum salus, & Ecclesiarum utilitas damnabiliter negligantur : nos omnes & singulos Clericos in Saltzburgenfi Provincia euram animarum habentes, hujus auctoritate Concilii, ad personalem in beneficiis re-

sidentiam revocamus : terminum eis peremptorium festum Purificationis Beatae Mariæ Virginis venturum proximè assignantes : omnibus & singulis licentis pro dissimulanda eorum absentia ipsis datis, penitus revocatis; salva nobis auctoritate dandi licentiam iis, quibus visum fuerit expedire. Quodsi præmissa contempserint, aut neglexerint adimplere, ex tunc ipsos a perceptione fructuum & administratione temporalium suspendimus & volumus remanere suspensos. Quod si temere se ingesserint, privati sint beneficiis ipso jure : fructus autem per locorum Archi-Diaconos in utilitatem illius Ecclesiæ convertantur; salva Vicarii sufficienti & debita portione.

IX. De ordinatione Clericorum.

Eisdem insuper Ecclesiarum Rectoribus præcipimus, ut ad ordinem, quem beneficii sui cura requirit, se faciant ordinari infra tempus a canone institutum. Alioquin, quod de non residentibus est prædictum, circa fructus non percipiendos & privationem beneficii, intelligi volumus de eisdem.

X. De Præsentatione Vicariorum.

In beneficiis vero, quibus licet per Vicarios deservire, volumus sic servari, ut viri idonei loci episcopo præsententur, qui per se vel per alios, ipsos in hujusmodi Vicariis perpetuet, & sufficientem suis necessitatibus de Ecclesiarum redditibus eis constituat portionem : alioquin singuli episcopi per suas Dioceses elapso trimestri tempore providere curabunt.

XI. De tonsura & veste Clericorum.

Edicto perpetuo prohibemus, ne Clerici comam nutriant : maxime Sacerdotes, qui taliter tondeantur, ut pateant eis aures. Ceteri inferioris ordinis Clerici, in tonsura non multum discrepent ab eisdem, coronam & desuper congruentem habeant. Vestes non deferant nisi clausas, quas omnimodo prohibemus a latere aperiri. Argentatis aut quocumque metallo (g) ordinatis cingulis, fibulis, modulis, in manicis & capitiis, non utantur : sed nec procedant in publicum (h) circumcincti veste suprema. In pileis suffurraturas non habeant,

(e) forte: Synodi auctoritate.

(g) corrige: ornatis,

(f) forte: secundum formam.

(h) forte: nisi circumcincti.

beant, nisi forte de nigro cenlato, vel panno aut nigra pelle ⁽²⁾ aguna. Caudata, pilea distristissime prohibemus.

XII. De Tabernis.

Clericus non viator in sacris ordinibus constitutus, aut Monachus, vel Canonicus regularis, si tabernam intraverit sine causa evidenti rationabili & honesta, ibique bibens aut comedens, aut in vicino loco fervienti tabernæ, vel alias publico, aliquantulum moram traxerit: ab officio sit suspensus, donec unum diem in pane & aqua jejundet: si ibidem luserit ad aleas vel taxillos, ab officio sit suspensus, donec duos dies in pane & aqua jejundet: sed ^(k) in his tertio deprehensus consuetudinem non amittat, aut si suspensus ingesserit se Divinis: per sententiam episcopi priveretur beneficio, si quod habet; si non habet, pro episcopi arbitrio puniatur.

XIII. De Sacerdote suspensio ab officio.

Sacerdos, qui excommunicatione aut officii suspensione ligatus, animo indurato præsumpsit profanare Divina, episcopali carceri mancipetur, usque ad expiationem tanti criminis puniendus: & hoc idem in Clerico, seu Religioso, in furto vel alias in enormi crimine deprehenso, volumus observari.

XIV. De captivitate Monachorum vel Clericorum.

Qui Clericum vel Monachum pro excessibus suis a Prælato suo rationabiliter captivatum præsumpsit fracto carcere liberare, ipso facto sententia excommunicationis, quam ex nunc in ipsum proferimus, sit ligatus: & si possibile fuerit, qui non liberandum liberat, poenam patiatur, & carcerem; & in locum subeat injuste liberati.

XV. De conversis vagabundis.

Nullus deinceps Prælatus, nullus Plebanus, nullus alius, cujuscumque ordinis vel religionis existat, masculum aut feminam tonsurare, aut benedicere sibi vestes præsumat, nisi certam de approbatis profiteatur regulam, & se destinet certo loco. Eos vero vel oas, qui vel quæ contrarium fecerint, a locorum Re-

ctoribus vel Plebanis per censuram Ecclesiasticam, monitione præmissa, compelli præcipimus, ^(l) aut certæ religioni se conferant, aut religionis vestem, quæ vagandi eis præstat materiam & opportunitatem accommodat delinquendi, abjiciant; ne irregularem vitam religiosa vestis obumbret. Hoc statutum tantum extendi volumus in futurum.

XVI. De vagis scholaribus.

Sub vagorum scholarium nomine quidam per Saltzburgensem Provinciam discurrentes, Monasteriis & Ecclesiis se exhibent adeo onerosos, quod per eorum importunitatis audaciam nonnumquam Clerici illud eis erogare coguntur, de quo sit necessitatibus pauperum providendum: denegantibus sibi suffragia, per quæ occasionem nutriunt malæ vitæ, calumnias inferunt: conferentibus sibi, quod postulant, vituperium existunt: reverentiæ Clericali utique multum detrahitur, dum blasphemi hujusmodi se personas Ecclesiasticas profitentur. Ut autem viri hujusmodi per subtractionem nostri & nobis subditorum suffragii respicere compellantur: auctoritate sacri Concilii prohibemus, ne quis Prælatorum, Plebanorum, aut Vicariorum, seu quæcumque persona ecclesiastica, post spatium duorum mensium, infra quem terminum, de ordinata sibi vita provideant, ipsis aliquid beneficii vel juvenis erogare præsumat. Qui contrarium fecerit, tamdiu ab ingressu ecclesiæ sit suspensus, donec in subsidium terræ sanctæ, usualis monetæ conferat unam libram. Hanc tamen constitutionem extendi ^(m) volumus ad pauperes advenas & pro necessitatibus suis publice mendicantes.

XVII. De Episcopis puerorum.

Ad hæc quidam ludi noxii, quos vulgaris elocutio ⁽ⁿ⁾ eptus puor appellat, in quibusdam Ecclesiis ^(o) exercentes adeo insolenter, quod nonnumquam enormes culpæ & damna gravia sublequantur. Ex ipsis hos ludos in Ecclesiis & a personis ecclesiasticis de cetero fieri prohibemus, nisi forte parvi sexdecim annorum & infra fuerint, qui hujusmodi ludos exercent: quibus alii seniores ipsis nullatenus se misceant aut interfint.

XVIII.

(2) forte: agmina.

(m) forte: nolumus.

(k) adde: si.

(n) lege: Episcopatus puerorum.

(l) corrige: ut certæ.

(o) forte: exercentur.

XVIII. *De sententiis excommunicationis a nobis traditis.*

Sententias excommunicationis, suspensionis, aut interdicti, quas unus ex nobis iuste protulerit, ceteri per civitates suas publicabunt, & a suis facient subditis usque ad satisfactionem condignam inviolabiliter observari; sic, ut ad puniendum scelera perverforum celeritate communi nobis invicem succurramus.

XIX. *De veneratione Patrum sive Patronorum.*

Patres nostros venerabiliter honorandos *RUPERTUM*, *VIRGILIUM* & *AUGUSTINUM* honoribus debitis, nostræ humilitatis obsequiis venerantes, dies festorum suorum celebres esse volumus, & sub pœna excommunicationis præcipimus in eisdem diebus ab omni servili opere abstineri.

XX. *De Confessione Religiosorum.*

Nulli Religioso liceat extra suam professionem vel ordinem sibi eligere confessorem, nisi de Prælati sui licentia speciali.

XXI. *De correctione Religiosorum, aut aliorum Monachorum.*

Si adversus correctionem Superioris sui Monachus aut Religiosus quicumque, sæcularis personæ adiutorium aut potentiam duxerit invocandam; si huiusmodi invocatione usus fuerit, carcerali custodia tanto tempore concludatur, donec præsumptionem huiusmodi pro Superioris arbitrio pœna sufficiens recompenset. Et ut aliis talia præsumendi pœnæ duritia sit terrori, præsumptionem huiusmodi nullo umquam tempore, in eadem Ecclesia seu Monasterio, cujuscumque dignitatis vel administrationis officium consequatur. Alias etiam pro Superioris arbitrio legitime puniendus.

XXII. *De captivazione Episcoporum seu Monachorum.*

Statutum venerandæ memoriæ Domini GUIDONIS quondam tituli Sancti Laurentii in Lucina Presbyteri Cardinalis, quondam in nostra Provincia Apostolicæ Sedis Legati, quo salubriter est provisum, ut in Dioecesi, in qua contingit Præla-

tum aliquem aut Canonicum Cathedralis Ecclesiæ captivari, cessetur generaliter a Divinis, pro necessitate (p) corporis ad nos Archi-episcopum & episcopos extendentes præsentī constituimus edicto: ut, si (quod absit) Archi-episcopum vel episcopum ex nobis captivari contingat, aut ecclesias nostras vel alterius nostrum sic hostiliter & injuriose invadi, ut de subversione status ipsius probabiliter timeatur; ex tunc per totam Provinciam Saltzburgensem cessetur generaliter a Divinis, postquam de captivitate aut persecutione hujusmodi per Provinciam innotuerit manifeste. Personis tamen illustribus, decoratis Principum dignitate pro ipsorum reverentia deferentes, præsens edictum ad eos & terras eorum extendi nolumus; nisi prius admoniti cessare contempserint ab offensis hujusmodi, nec emendare voluerint infra unius mensis spatium, quod fecerunt.

XXIII. *Ne Clerici sumant Ecclesiastica beneficia de manibus laicorum.*

Adversus præsumptionem damnablem Clericorum, Prælatras aut Parochiales Ecclesias temeritate propria occupantium, aut recipientium de manibus laicorum, antequam per Dioecesanum loci vel Superiorem ejus, si ipse facere, quod tenetur, neglexerit, fuit investitus: auctoritate præsentis Concilii, jure, si quod habet in beneficio eodem, sit ipso jure privatus; & nihilominus ipso facto sententiam excommunicationis incurrat: in qua si per annum perstiterit contumaciter animo indurato, ab omni Ecclesiastico beneficio removeatur, tamquam inhabilis & indignus, numquam de cetero ad aliquod aliud beneficium admittendus. Hanc & constitutionem (q) incidere volumus, qui jam in præmissis delinquere præsumpserunt.

XXIV. *De Advocatis Ecclesiarum.*

Præsentis auctoritate Concilii, Ecclesiarum Advocatos, qui Ecclesias onerant ultra consuetam, & debitam servitutem, ac per hoc Ecclesiarum libertates violant, & infringunt, publice commonemus; ut ab indebitis vexationibus

(p) forte: temporis.

(q) locus mendosus.

nibus Ecclesiarum & bonis ipsarum abstineant, & (r) juris debitis sint contenti : alioquin adversus eorum injuri-

am mediante justitia refrenandam, ad concessa nobis juris beneficia recurremus.

Canisius Tomo I. antiquarum Lectionum pag. 604. ad 613.

Hardouinus Tomo VII. Conciliorum a pag. 721. ad 727.

(r) corrige: juribus.

CONCILIIUM BASILEENSE

ANNO CHRISTI MCCLXXV. GREGORII X. PAPÆ IV.
RUDOLPHI I. IMP. III.

*SUMMA. Adbortatio ad Crucem, & subsidium pro recuperanda
Palæstina.*

HENRICUS, Pistore patre natus, Isnæ in Algovia fuerat Lector Lucernæ, & Basileæ, & sacræ Scripturæ Doctor; is, vel quia discordes Canonici Cathedralis ablegarunt Notarium ad Fratres Minores, ut primum obvium ad Cathedram raperent: vel quia Petrus Reiff Moguntinæ & Basileensis Ecclesiarum Præpositus hunc ablegavit ad Gregorium X. PP. pro obtinenda Cathedra vacante, creatus fuit Pontifex Basileensis,

suasit Rudolphi Regis, & Papa eidem Henrico Pedum & mitram dedit, Lausannæ, ubi hi Principes anno 1275. una erant. Hic anno 1276. Basileam venit, jam a Papa confirmatus, & prandium fecit in domo Prædicatorum. Primam Missam celebravit quæ Episcopus & SYNODUM.

Annales Colmarienses Dominicanorum, edente Urstizio Tomo II. Urspergensis appendice. Acta Concilii periere.

CONCILIIUM MONASTERIENSE IN WESTPHALIA,

Anno Christi MCCLXXIX. Nicolai III. Papæ II.
Rudolphi I. Imp. VII.

*Reverendi in Christo Patris & Domini, Domini EVERHARDI,
Episcopi MONASTERIENSIS, Statuta Synodalia sive
Diecefana feliciter incipiunt.*

STATUTA XXIII.

EVERHARDUS, DEI GRATIA, MONASTERIENSIS EPISCOPUS, UNIVERSIS ABBATIBUS, PRIORIBUS, PRÆPOSITIS, DECANIS, ARCHIDIACONIS, PROVISORIBUS RELIGIOSARUM DOMORUM, ECCLESiarum RECTORIBUS, SACERDOTIBUS, ET ECCLESIIIS ORDINIS, SEU STATUS, CUJUSCUNQUE CIVITATIS, ET DIOECESIS MONASTERIENSIS, SALUTEM IN DOMINO SEMPITERNAM.

Meminimus nos plura statuta pro Cleri edidisse, quamvis per Sacros Canones, & Sanctorum Patrum traditiones sufficien-

Gerdhardus, Comes Marcanus, Monasteriensis Antistes. bello & toga clarus: hic ob Cleri disciplinam frequenter Synodos habuisse traditur: Successor hujus fuit Everhardus de Dieß anno 1275: cujus hoc Concilium Diocesanicum superest.

sufficienter Clericis sit provisum, quomodo ipsos tamen modestia, sobrietate, vitæ munditia oporteat conversari, ut sibi & aliis verbo proficiant & exemplo. Quia tamen plures ex ipsis Clericis maxime per illos, qui per Ecclesias positi sunt ad regimen animarum, in hujusmodi observatione provisionis contingit non sine nota transgressionis & statum ipsorum multipliciter deformari, quorum desidria & negligentia pro posse occurrere cupientes, & quod dignum est, in eorundem Sacerdotum & Cleri conversationibus vita & moribus reprehendi per innovationem, quæ circa hæc statuta sunt tam a nobis, nostrisque prædecessoribus, & sacros Canones ab antiquo, & appositione, quæ status temporis addere nos inducit, ipsos Clericos in omnibus Deo placitis salubriter reformare intendimus toto posse.

I. Ut omnes Clerici intersint celebrationi sanctæ Synodi deputatis habitibus.

IN hac sancta generali Synodo statui-
mus, ut omnes Abbates, Præpositi,
Priores religiosarum Ecclesiarum, &
Prælati, Præpositi, Decani sæcularium
Ecclesiarum, & Rectores nostræ civitatis
& Diocesis, ex nunc antea omni anno
in crastino Lætare, & in feria secunda post
festum Beatorum Geronis & Victoris, ad
sanctas Synodos nostras per nos, & Suc-
cessores Præfidentes, seu a nobis, seu a
nostris Successoribus ad hoc deputatos
convenient celebrandas. Abbates vero
cum albis & cappis de serico choralibus
desuper, baculum in manibus, prout
eorum congruit dignitati. Alii vero præ-
sentes & Decani ordinis & status cujus-
cunque cum superpelliciis & cappis
choralibus de serico desuper. Item Ca-
nonici, Rectores Ecclesiarum, Vicarii,
Capellani, ac Beneficiati quicunque in
superpelliciis aut cappis suis nigris, prout
tempus exposcit, incedant reverenter.
Item mandamus, quod Clerici caste vi-
vant, a vitio libidinis præcaventes, &
qui incontinenter vixerint, prout magis
vel minus peccaverint, ab eorum Præ-
latis debite puniantur. Alioquin nos
Prælatorum negligentiam supplentes, ta-
lia puniemus secundum Canonicas San-
ctiones, & qui ea de causa per nos vel
Prælatos suos suspensus vel excommuni-
catus Divina Officia præsumpserit cele-

brare, beneficio Ecclesiastico spoliatur.
Prælati etiam, qui tales præsumpserint, in
suis iniquitatibus scienter sustinere, maxi-
me obtentu pecuniæ, vel alterius com-
modi temporalis, pari ultioni formida-
bunt se subjacere. Item a crapula &
ebrietate omnes Clerici diligenter absti-
neant: cum ebrietas inducat mentis exi-
lium, & libidinis provocet incentivum.
Item quamlibet cohabitationem manife-
stam in sacris ordinibus constitutis sub
pœna excommunicationis lætæ sententiæ
prohibemus, mandantes, ut hujusmodi
Cohabitatores, si qui sunt, concubinas
a se de domibus, & parochiis, ubi ma-
nent, infra octo dies ex nunc omnino
amoveant & repellant: ammodo non
recepturi easdem, nec filias, aut filios,
aut concubinas detineant de patrimonio,
vel descendentes a patrimonio crucifixi.
Item Clerici in sacris, officia & commercia
sæcularia non exercent: vinum, nec
cerevisiam per se, vel per alios, in suis
domibus & parochiis, vel alias vendant,
nec tabernas frequentent, sed devitent,
nisi forte causa necessitatis in itinere con-
stituti. Contrarium facientes secundum
statuta nostra super hoc edita, excom-
municationis sententiis innodamus.

II. Aliud statutum de ingressu Clericorum.

Item Clerici volentes privilegio uti
clericali, coronam & tonsuram habeant
clericalem: arma non ferant, nec gladios,
nisi hoc faciant ex causa legitima, &
expressa licentia Prælatorum. Nec Ca-
nonici, nec Clerici vagentur nocturno
tempore per plateas, & si quos ex justa
& legitima causa transire contingat, hoc
decenter faciant, sine clamore, sine fistu-
lis, sine tympanis, & quolibet strepitu
& chorea. Canonicos contrarium facien-
tes, Decani eorum Præbendas suspendant
per quindenam: aliorumque Clericorum
in hoc transgredientium pœnam nobis,
seu Officiali nostro reservamus.

**III. Qualiter se Clerici habere debeant
in legendis Horis.**

Item statuimus, ut Clerici in Divi-
nis Officiis constituti decenter & discrete
se habeant: ut eorum vita & conversatio
laicis ad similia præstet incentivum; atque
Horas Canonicas, & Domine nostræ
Beate Mariæ Virginis omni die nullus
eorum dicere prætermittat.

IV. *Quomodo se debeat habere Clericus ante suam Missam celebrandam.*

Item nullus Sacerdos Missam dicat de die nisi unam, & prius suas Matutinas & Primam dixerit, nisi in casibus a jure permissis hoc faciat, necessitate incumbente, ut puta unam de die, & unam pro defunctis funere præsentem, vel ex alia iusta causa, & in Nativitate Domini. Nec uratur ablutione primæ Missæ, sed reseruet, vel alicui discretæ personæ det ad fumendum: & in secunda Missa, si non dederit, ut est dictum, utatur illa ablutione. Nec celebratio fiat sine socio, vel scholari, qui respondere valeat celebranti, nec mulier serviat ad altare.

V. *Ne aliquis Sacerdos admittatur in Ecclesia ignotus, nisi constet de Ordinibus.*

Item propter apostatas discursuores, vagos & ignotos Clericos, de quibus an Sacerdotes sint, non immerito dubitatur, statuimus, ut nullus Beneficiatus, seu Rector Ecclesiæ, vel Altaris, tacite vel expresse admittat aliquem in focium, vel ad celebrandum Missam, vel ministrandum Sacramenta, aut sacerdotale officium exercendum, nisi notum de ordinibus, moribus, conversatione, & alias commendatus fuerit: & omnino si extraneus, vel peregrinus, per Nos, vel gerentem vices nostras cum examinatione debita approbatum, & ad Missam, ad hujusmodi officia exercenda. Si quis autem Rector Ecclesiæ, vel Capellæ, aliquem contra hæc admiserit, sententiam excommunicationis se noverit incursum: eo salvo, quod peregrini, & honestæ personæ & religiosæ, pietatis & devotionis intuitu Missam dicere cupientes, admitti poterunt, si requirunt.

VI. *Quando non debet celebrare Sacerdos.*

Item statuimus, ut nullus Clericus, vel Sacerdos in Ecclesia parochiali, vel Capella celebret, aut parochialem Ecclesiam teneat, sine nostra, vel Archidiaconi loci, vel alterius, ad quos hæc pertinet auctoritas, investitura, quantumcunque a Patronis vel ab eis, qui Patronos se fore contendunt, ad hoc licentientur: & quicumque Sacerdos vel Clericus contrarium fecerit, sententiam excommunicationis, quam propter hoc in ipsum ferimus in his scriptis, incurrat ipso jure.

VII. *Statutum de personali residentia Clericorum in propriis beneficiis.*

Item prohibemus, ne aliquis Sacerdos, competens beneficium habens cum cura vel sine, de quo valeat commode sustentari, eo beneficio dimisso, ad alienam Ecclesiam tanquam Vicarius, vel Mercenarius audeat se transferre. Contrarium facientes per nostrum Officium, vel per Archidiaconum loci per censuram Ecclesiasticam præcipimus amoveri.

VIII. *In quibus habitibus Sacerdotes celebrabunt.*

De Sacramento Eucharistiæ, five viatici, præcipiendo mandamus, ut omnes Sacerdotes in vestibus mundis sacerdotalibus & benedictis reverenter, mundo & contrito corde, & confessi, si commode fieri potest, accedant ad Missam celebrandam: & Matutinâ, & Primâ de die, primo dictis, ut est suprascriptum. Item statuimus sub pena excommunicationis, ne aliquis Sacerdos sine calceamentis, vel caligis, ad altare pro celebratione Missæ audeat accedere. Item diligenter caveant Sacerdotes, ne cum conscientia in mortali peccato constituti ad celebrandam Missam accedant: quod si taliter manducaverint corpus Christi, & biberint ejus sanguinem, judicium æternæ damnationis sibi manducant & bibunt. Item Missale semper involvatur pannis lineis & mundis, & apponatur manu tergum parvum, quo Presbyteri nares & faciem detergant, ne contingat sacra vestimenta maculari, quæ munda & integra præcipimus observari. Item loca circa altare ab araneis telis, & pulveribus, & cæteris immunditiis sæpius emundentur. Item præcipimus, ut sursum super altare ad longitudinem & altitudinem altaris pannus lineus albus extendatur, qui protegat & defendat altare ab omnibus immunditiis & pulveribus descendentibus, prout hoc sacri altaris cujuslibet erectio patitur & requirit. Item cortinæ a lateribus altaris, utrimque appendantur. Item præcipimus, ut calix sit integer cum firmo pede, non titubans. Item ampullæ vini & aquæ intus & mundæ intus & exterius observentur, & aliquo signo notabili distinguantur, & vinum in ampullis ad minus de tertio in tertium diem, si com-

si commode haberi poterit, renovetur. Item Sacerdos sit diligens in electione hostiæ consecrandæ: ut sit integra, solida, non nimis vetusta. Item discernat Sacerdos in appositione vini per odorem, quid sit utrumque, & de aqua apponantur duæ guttulæ, vel tres in calicem.

Præcipimus ut Sacerdotes attente reverenter & distincte legant, & dicant in Canone, quæ sunt dicenda: & expediant se, quantocius poterunt, propter tædium astantium, & alia, quæ occurrere possunt: & faciant signa sua distincte & reverenter. Item nullus Sacerdos elevet hostiam ad ostendendum populo, nisi postquam dixerit hæc verba: *Hoc est enim corpus meum*: & pulsetur campana tribus vicibus, ut fideles, qui audierint, ubicunque fuerit adorient.

Item, si Sacerdos cum venerit ad consecrationem sanguinis, vel etiam ad perceptionem, & nihil in calice inveniat; innuat, ut ei afferatur vinum & aqua: dicat verba canonis ab illo loco: *Simili modo, postquam cenatum*, usque ad finem & faciat signa, quæ fieri solent super sanguinem: illa autem, quæ facta sunt super Eucharistiam, non reiret, sed transeat consueto modo. Sed ille, per cujus negligentiam hoc evenierit, tribus diebus jejundet in pane & aqua.

Item, si per casum mortis, ægitudinis, vel passionis, aliquid inopinatum & subitaneum contingat, quod Sacerdos inceptum Ministerium explere nequeat; licitum sit alteri Sacerdoti præsentem exequi & perficere consecrationem officii incepti: quod ibidem incipiat, si sciri potest, ubi alter destitit: nisi incepta collecta necdum perlecta, vel inceptis verbis Sacramenti necdum perlectis, prædictus casus contingat: tunc enim a capite illam collectam, vel Sacramenti verba reincipiat, ut sit salutis humanæ fragilitatis, & sacris Ministeriis, ne interrupta & incompleta permaneant, consulatur. Si autem dubitetur, an hostia a primo Sacerdote casum huiusmodi passio, consecrata fuerit, necne; substitutus Sacerdos novam oblationem faciat vel offerat, & solito more conficiat, & post Missam primam hostiamumat, item de calice bibat & de eo quod in calice reperitur.

IX.

Item præcipimus sub excommunicationis poena, quam ferimus in his scriptis, ne aliquis Sacerdos Missam in die celebrare his præsumat, nisi ut supra dictum est & distinctim, & in casibus a jure permittis. Item, si quid de sanguine, aut corpore Christi ceciderit super corporale vel pallam Altaris, illa pars abscindatur & comburatur, & cinis ad sacram piscinam reponatur. Si super lignum, lapidem, vel terram solidam, sanguis ceciderit; illa pars si fieri potest, commode, a Sacerdote ablingatur, & postmodum radatur: & illa rasura in sacram piscinam mittatur. Item si in sanguine musca, vel arena, vel aliquod abominabile ceciderit, quod vix sine vomitu, vel periculo corporis sumi possit, caute extrahatur, & super patenam, vel calicem abluatur cum vino, & post sanguinis sumptionem & abluionem illa lotio in piscinam mittatur: & bestia vel vermis supra piscinam comburatur, & cinis mittatur in piscinam sive lavacrum.

X.

Item statuimus, ut pixis in qua corpus Domini reservatur, vel ad infirmos deferitur, sit aurea, argentea, eburnea, vel ad minus cuprea, bene climata, & semper pannus lineus, albus, & mundus, infra pixidem ponatur, supra quem corpus Domini in pixide collocetur.

XI.

Item præcipimus, ut cum aliquis infirmus communicare voluerit, quod Sacerdos, si commode fieri potest, prius eum visitet sine corpore Domini, & diligenter confessionem infirmi audiat, & postea redeat ad Ecclesiam allaturus corpus Domini, & communicaturus infirmum. Sacerdos autem eat, dicendo septem Psalmos, & si via fuerit longior, legat Lytaniæ & alias orationes. Incedat autem Sacerdos ad communicandum infirmum cum campanula, si infirmus est extra villam, ubi est Ecclesia Parochialis: si vero infirmus est in villa, ubi Parochia sita est, Sacerdos incedat ad infirmum cum campana, & lucerna præcedente: & fideles qui cum devotione ibi fuerint, expectent ante ostium infirmi, donec communicatus fuerit, & redeant

redeant tisque ad Ecclesiam post Sacerdotem, & reverenter adorent.

XII.

Quilibet etiam fidelis, si devote fecerit hanc processionem, quinque dies indulgentiæ pro eundo & redeundo habeat. Cum autem de nocte Sacerdos corpus Christi portaverit, mulieres nullatenus ipsum sequantur: qui etiam hanc processionem turbaverit, vel minus reverenter & decenter in ea se habuerit, per censuram Ecclesiasticam compescatur. Item cum corpus Domini deferatur, fideles, coram quibus deferatur, si commode fieri potest genu flectant, pectora tundant, & inclinato capite junctis & levatis manibus reverenter adorent. Equitantes vero non dedignentur de equis suis descendere ad adorandum eum, qui pro ipsis descendit de Cœlis. Item præcipimus, quod Sacerdos venerabiliter & subtiliter supposito decenti coopertorio, super vas, in quo deferatur corpus Domini, deferat ad infirmum. Si infirmus frequenter & ex levi occasione vomitum patiat, nullatenus ei corpus Domini conferatur, sed credat, & sufficit, quia spiritualiter accipit. Item præcipimus, quod quilibet antequam infirmum communicet, interroget eum, si credat, quod sub illa forma & specie panis sit corpus Christi, natum de Virgine, passum in cruce, & tertia die fuscitatum; quod si infirmus confessus fuerit verbo & evidenti signo, communicet eum Sacerdos, si alia causa, vel impedimentum non obstat. Item si communicatus evomuerit; partes caute & diligenter, quæ reperi possunt colligantur: contrita cum vino ab aliquo fideli sumantur: residuum autem vomitus comburatur & ponatur in terra juxta Altare, vel alibi, ubi commode fieri potest.

XIII. *De renovatione Eucharistiæ.*

Item præcipimus, ut Eucharistia servata pro infirmis singulis quindenis Dominicis diebus renovetur, & corpus Domini super Altare in loco honesto clausum cum clave sollicitè & diligenter custodiatur. Item præcipimus, ut Sacerdotes subditos suos doceant, ut cum venerint ad communicandum in die Paschæ, vel alias, jejuni devoti & con-

fessi accedant: & caveant Sacerdotes, ne alienum Parochianum, vel extraneum communicent, nisi sit viator vel peregrinus, vel nisi communicandus licentiam sui proprii Sacerdotis habeat, quam licentiam quilibet viator, vel peregrinus petere debet a proprio Sacerdote in suo recessu: quod, si non fecerit, propter hoc sibi communicatio non denegetur, sed pro negligentia pœnitentia ei injungatur. Item nullus confessus arcendus & removendus est a communione, nisi publice excommunicatus, vel interdictus, vel in aliquo enormi crimine notatus. Item præcipimus, ut sumpta Eucharistia Sacerdos habeat calicem paratum cum vino & aqua, de qua sumant communicantes.

XIV.

Item præcipimus, quod Sacerdotes Parochialium Ecclesiarum subditos frequenter admoncant & pœnitentiam injungant eis, ut ad confessionem sæpe veniant, & priusquam veniant ad confessionem, diligenter scrutentur corda sua confiteri volentes, & cum dolore & vultu supplicis ad confitendum accedant, quasi ad Dei judicium: Sacerdotes autem, ut Dei Ministri, circa confessionem audiendam & pœnitentiam injungendam maximam adhibeant diligentiam, & attente, diligenter, & cum modestia audiant confitentem.

XV.

Item præcipimus, quod Sacerdotes ad audiendam confessionem communem & aptum locum in Ecclesia, ut ab omnibus videri possint, sibi eligant: in locis autem obscuris & tenebrosis confessionem non audiant, nec extra Ecclesiam, nisi ex magna necessitate, vel infirmitate; contrarium facientes sententiam excommunicationis se noverint incurfuros. Item præcipimus, quod Sacerdotes ad confessionem audiendam ante solis ortum, vel post solis occasum nullatenus sedeant, nisi in magna necessitate, vel infirmitate, & in loco illuminato, & aliquibus præsentibus. Item præcipimus, ut Sacerdotes induti superpellicio, vel cappa, stola superposita ad confessionem sedeant. Item præcipimus, ut Sacerdotes in audiendis confessionibus vultum humilem habeant, & oculi

& oculos ad terram, nec faciem respiciant confitentis, & maxime mulieris. Item Sacerdotes moneant & doceant subditos suos, ut humiliter, & corde contrito confiteantur, & mulieres coopertis capitibus & collis, submissa voce, pure, & integraliter confiteantur peccata sua. Item Sacerdotes mulierem, quæ sola est in Ecclesia, nullatenus audiant confitentem, sed in conspectu honestæ societatis. Item ne aliquis Sacerdos audiat confessionem mulieris, cum qua peccavit, nec etiam confcios, mediatores, aut fautores peccati; sed mittat eos, vel eas ad honestos Confessores. Item præcipimus, ut Sacerdotes mansuete audiant confessiones, & de consuetis peccatis sigillarim, & diligenter interrogent de circumstantiis peccatorum: de inusitatis autem nominatim non inquirent, sed communia verba, ex quibus confitens, si reus est peccati, possit intelligere, quid dicatur: ut sic intelligens confiteatur; si reus autem non fuerit, de illo non teneatur. Item Sacerdotes diligenter instruant & moneant confitentes, ut integraliter & distincte mortalia peccata, & circumstantias peccatorum, quæ peccata aggravant, & peccatum per se patenter confiteantur, ut est sacer ordo, sacer locus, circa peccatum luxuria & concupiscentiæ: quæ omnia notantur in hoc versu: *Quis, quid, ubi, cum quo, quoties, cur, quomodo, quando.* Venialia autem peccata sufficit generaliter confiteri. Item præcipimus, ut Sacerdotes nobis, vel illi, cui vices nostras in spiritualibus pro tempore committimus, majora peccata & injunctionem penitentiae pro eisdem reservent, ut sunt homicidia, sortilegia, incendia Ecclesiarum, peccata contra naturam, desolatio virginum cum violentia, concubitus Sanctimonialium, conversarum vel aliarum religiosarum mulierum, incestus, injectiones manuum in parentes, vel in Ecclesiasticas personas, sortilegia, perjuria manifesta, fidei & votorum transgressiones, symonia, hæresis, apostasia, magnæ blasphemiae seriose factæ.

XVI.

In dubiis autem Sacerdotes consulant nos, vel vices nostras in spiritualibus gerentem, aut alios sapientes viros, non prodendo vel revelando confiten-

tem: sed in genere, quorum consilio penitentem absolvant, aut ad alium mittant. Item audita confessione Sacerdos semper interroget confitentem, si velit abstinere ab omni mortali peccato, & hoc ei consulat, & quibus modis potest inducat. Et si confitens dixerit, se nolle abstinere, non absolvat eum, nec ei penitentiam injungat Sacerdos: sed moneat, ut interim faciat, quidquid boni possit, ut Deus citius cor ejus illustret, & ad penitentiam reducat. Consulat etiam ei Sacerdos cum diligentia modum vivendi, per quem facilius abstinere possit a peccato. Sacerdotes in injungenda penitentia discretionem habeant, ut penitentias secundum magnitudinem & qualitatem peccati & possibilitatem confitentis peccatoribus injungant: pro peccatis carnalibus injungant penitentias corporales, sicut est jejunium, peregrinatio, disciplina, & similia: pro spiritualibus & neglectis injungant orationes, & elemosynas, & meditationes peccatis suis contrarias; in assumptione rei alienæ, vel in damno alteri illato per furtum, rapinam, usuram, per fraudem, per injustam vexationem, per falsam testificationem, & alios modos, de quibus diligenter inquirent Sacerdotes, primo & præcipue injungant restitutiones fieri eis, quos prædictis modis damnificaverunt, vel læserunt, si facultatem habeant, vel cum facultatem habuerint, si in præsentem non possunt, aliter eos non absolvant. Item præcipimus sub pena excommunicationis, quam in his scriptis ferimus in Sacerdotes, qui contrarium fecerint, ne confessores cujuscunque conditionis, vel status confitentibus nomine restitutionis pro penitentia injungant, ut Ecclesias, Capellas, & Cœnobîa instituant, vel Ecclesiis legata faciant; sed prius restitutiones, ut prædictum est, faciant illis, a quibus extorta sunt, si inveniantur, vel hæreditibus eorum; alioquin ad arbitrium nostrum vel nostri Primarii erogentur. Item diligenter caveant Sacerdotes, ut, si confitentes peccata aliorum revelaverint, vel nomina eorum indicaverint, cum quibus peccaverint, secrete caveant, sicut peccatum confitentis. Item inhibemus sub pena excommunicationis Sacerdotibus omnibus, ne a confitentibus nomina

eorum,

eorum, cum quibus peccaverunt, inquirant, vel circumstantias, per quas possunt nomina eorum sciri: quod si fecerint, ab officio confessionis audiendæ & sacrorum misteriorum ipso facto noverint se esse suspendendos: & in principio confessionis districte inhibeant confitentibus, ne peccata aliorum confiteantur, nec revelent, vel nomina eorum, cum quibus, ut dictum est, peccaverunt, exprimant specialiter, sed generaliter sufficit designari. Item nullus Sacerdos ex ira, vel etiam metu corporis audeat revelare confessionem confitentis signo vel verbo generaliter, vel specialiter dicendo: *Ego scio te talem, qualis es*; & si revelaverit aliquo modo, de hoc convictus, debet absque omni misericordia degradari. Sed, cum indiget consilio, illud, ut est dictum, absque expressione personæ tacite requirat.

XVII.

Item præcipimus, quod omnes Sacerdotes parochialium Ecclesiarum frequenter & diligenter subditos suos utriusque sexus admoneant, ut postquam ad annos discretionis pervenerint, omnia peccata sua integre, & ad minus semel in anno confiteantur Sacerdoti proprio parochiali, & injunctam eis penitentiam studeant adimplere, suscipiendo reverenter & ad minus in Pascha Eucharistiæ Sacramentum, nisi de consilio Sacerdotis proprii, ob aliquam rationabilem causam duxerint abstinendum. Alioquin viuentes ab ingressu Ecclesiæ arceantur, & morientes Christiana careant sepultura. Item Sacerdotes diligenter attendant, qui ad Parochiam eorum in anno saltem semel ad Communionem veniant, nisi iusta de causa abstineant, & nomina illorum ad Nos, vel Officialem nostrum referant; ut debite puniantur, ne ab ipsis notam negligentiae requiramus. Hoc autem statutum frequenter in Ecclesiis præcipimus publicari, ne aliquis excusationis ignorantiae occasionem sumat.

XVIII. *Statutum de sepeliendis in cimiteriis.*

Statuimus, ut nullus excommunicatus, & publice denunciatus, in cimiterio sepeliatur: & si factum fuerit, cimiterium illud, donec extumuletur mortuus, maneat interdictum, si discerni

possit corpus, vel ossa ejusdem. Item prohibemus sub pœna excommunicationis latæ sententiæ, ne aliquis in cimiterio interdicto sepeliatur, & ne aliquis sepulturæ tali interfuit: Laici autem, quicunque tali sepulturæ interfuerint, excommunicationis sententiam, quam super hoc ferimus in his scriptis, incurrant ipso facto, & excommunicati publice nuntientur. Clerici vero, qui interfuerint, sententiam suspensionis ab officio se noverint incurfuros. Item statuimus, immunitas Ecclesiarum & cimiteriorum inviolatas & incontaminatas observari mandamus, ut cimiteria clausa & munita custodiantur, ne a porcis, vel aliis animalibus ossa mortuorum comedantur, & volumus, in speciali loco ossa mortuorum fideliter custodiri.

Item statuimus & præcipimus sub pœna excommunicationis latæ sententiæ, ut quoties quis in loco Religioso, vel alio sepulturam elegerit; corpus illud sine consensu Rectoris Ecclesiæ non deferatur: qui consensus, si haberi non potest, tunc corpus primo præsentetur Missæ Parochiali, & tunc demum celebrata Missa, sine præjudicio Rectoris, mortuus deferatur in locum; in quo elegit sepulturam. Item Ecclesias, vel cimiteria a laicis cujuscunque conditionis, vel status fuerint, muniri vel incastellari sub pœna excommunicationis latæ sententiæ firmiter prohibemus: & quicunque contra fecerint, excommunicati publice nuntientur: & quia plures homicidia, mutilationes membrorum, & plura maleficia perpetrantes, ad immunitates Ecclesiarum confugiunt, quæ non essent perpetraturi, nisi quod sperant ab Ecclesiâ se tueri, & suorum excessuum impunitatem obtinere; statuimus, quod confugientes hujusmodi ad Ecclesias, vel immunitates abinde sine speciali nostra licentia, vel gerentis vices nostras nullatenus extrahantur; sed delictum eorum nobis vel vices nostras gerenti nuntietur, ipsisque confugientibus demum, si decreverimus, nobis præsentatis, & eo quod perpetratum fuerit, auctoritate nostra examinato, ad veniam, vel ad pœnam circa ipsos, prout qualitas facti exegerit, procedatur. Alia autem omnia & singula, quæ a jure, vel prædecessoribus nostris, de conservandis immuni-

munitatibus Ecclesiarum & immunitatum, & de violatoribus earundem sunt statuta Synodali sanctione, mandamus & præcipimus inviolabiliter observari: & præcipimus, hoc statutum de immunitate in Ecclesia a Sacerdotibus frequentius publicari.

XIX.

Illud, quod statutum est per nos, de Clericis, in suis beneficiis non residentibus, innovamus & præcipimus firmiter observari. Item præcipimus, omnes & singulas constitutiones nostras, & a nostris prædecessoribus latas, contra publicos usurarios, & novalium detentores, præter scitum nostrum, ut singulis diebus Dominicis & festivis denuntientur publice excommunicari in Ecclesiis Parochialibus. Item statuimus & præcipimus universis Clericis nostræ civitatis & Diocesis, cujuscunque ordinis vel status fuerint, ne mandatum alicujus delegati vel subdelegati exequantur, nisi prius viso rescripto Apostolico in prima sui forma, vel vera bulla, & si hæsitaverint, an ipsum mandatum in stilo, filo, seu bulla falsum, seu alias vitiosum & tale quid in ea contineatur, super quo si executioni mandandum sit, dubitetur; in hoc articulo, antequam exequantur, salubre consilium discretorum requirant & expectent.

XX. Aliud statutum.

EVERHARDUS Dei gratia, Monasteriensis Ecclesiæ Episcopus, Præpositis, Decanis, tam Religiosis quam sæcularibus, nec non toti Clero civitatis & Dioceseos Monasteriensis, salutem. Meminimus, nos ad instar eorum, quæ jam dudum statuta & ordinata fuerunt per venerabilem Dominum Conradum, felicis recordationis Colonienfis Archiepiscopum in Provinciali consilio Colonienfi proinde statuisse & ordinasse, quod Clerici officia, vel commercia sæcularia maxime inhonesta non exercent: Item manifestam cohabitationem Clericis inhibuisse firmiter, & presentibus inhibemus, contrarium facientes super hoc a nobis editis innodantes. Item ne arma portent præter necessitatem. Item districte prohibemus sub pena excommunicationis, ne laici se de decimis

novalium intromittant, five usurpare præsumant; cum non nisi Episcopus in illis jus habeat secundum Canonicas sanctiones. Item Ecclesiarum incendiariorum & immunitatum, ac dotium Ecclesiasticarum, & qui mittunt manus violentas in Clericos, vel Ecclesiasticas personas quascunque & captivatores & detentores earundem, & quorum auctoritate, procuracione, seu opera, hæc fiunt, cum ipso facto incidunt in sententiam excommunicationis, uti sacrilegos denunciavimus. Item quod in Parochia illa, ad quam ductus fuerit Clericus captivatus, vel persona Ecclesiastica quæcunque, cessent Divina, quamdiu ibi contigerit detineri, & ad biduum post ejus recessum. Item omnes & singulos, qui incendunt bona Ecclesiarum extra immunitatem, & qui surrexerint a rapina & deprædatione bonorum Ecclesiasticorum, & pignorum captione, præter judicis auctoritatem: illos nisi infra octo dies, postquam moniti fuerint, satisfecerint condigne, excommunicamus, & presentibus excommunicamus; & quod nihilominus cessent Divina in Parochiis illis, ubi spolia fuerint, quamdiu detinentur ibidem, & similiter, ubi tales malefactores se receperint ad manendum & post eorum recessum ad triduum.

XXI.

Item statuimus, quod in jure cautum est, quod, si quis Clericus, vel laicus, pensionem suam, quam tenetur Ecclesiæ solvere, neglexerit infra biennium; nisi celeri satisfactione sibi prospexerit, videlicet infra sex septimanas a tempore biennii elapsi, cadat a jure suo, quod in bonis habebat, unde debuit solvere pensionem, & si ultra contumaciter atque violenter bona hujusmodi detinuerit, in sententiam excommunicationis incidat ipso facto, & nihilominus in Parochia illa, ubi tales manent, cessent Divina usque ad satisfactionem condignam. Item si quis arrestaverit, seu obligaverit personas, pensiones, seu redditus ecclesiasticos judicio sæculari, nisi tam judex, quam actor respuerint & emendaverint ipso die, excommunicationis sententiam incidunt ipso facto. Item qui bona Ecclesiarum, seu Monasteriorum, spoliis, rapinis, incendiis, &

pignorum captionibus invadunt, five iudicis autoritate occasione quæstionis alicujus, quam se adversus Advocatum, seu Officiale ipsius Ecclesiæ, seu Monasterii dicunt habere, excommunicationis sententiam incidant ipso facto: & nihilominus, si resipuerint, & emendaverint infra quindenam in Parochia ubi manent, cessent Divina: & licet hujusmodi, & alia plurima, innovando aliorum Sanctorum Patrum & Canonum decreta per nos in nostra civitate & Diocesi Monasteriensis sunt statuta, malitia hujusmodi maxime Clericorum nostræ Dioceseos hæc furdis auribus diffimulantium: & immemores suæ salutis & Ecclesiasticæ libertatis, cum religiosa personæ, nec non Clerici sæculares capiuntur, offenduntur, rebus eorum spoliuntur ac alias multipliciter aggravantur; foveat, manuteneant ipsos sacrilegos scienter ad eorum Parochias convolantes, prætendentes, eis constare non posse, cum in alienis Parochiis & Ecclesiis præmissa perpetrantur: ea occasione non servantes sententiam excommunicationis & interdicti prædicti latus in talia committentes tam a *Canone*, quam a *Nobis*, unde nos evidens invitat ratio, ut quæ periculosa sunt, nequam absque remedio reformationis relinquamus.

XXII.

Statuimus itaque, ut ubicunque locorum nostræ civitatis & Dioceseos persona religiosa, Clericus, seu laicus infra septa immunitatis, nec non Ecclesiæ & cimiterii enormiter læditur, vulneratur, seu deinde extrahitur, aut per minas, terrores, & subtractiones cibarium exire hac necessitate cogitur, vel eadem personæ in eisdem rebus suis, vel Ecclesiæ inibi spoliuntur manu violenta, ibidem five sit Ecclesia conventualis, vel parochialis, cessetur a Divinis, nullatenus ea sine Nostra vel Officialis nostri licentia resumendo: ut sic maleficium ibidem perpetratum nobis innotescat, & ad ulteriora contra ipsos sacrilegos, si opus fuerit, procedamus. Insuper præcipimus, in quibus locis & Parochiis hujusmodi sacrilegos perpetrantes maleficia prædicta, vel aliquod præmissorum, manere, vel personas prædictas, & rapinas detinere, contigerit: seu domicilia ha-

beant, & quamdiu ibi fuerint, ad triduum inde post eorum recessum cessetur penitus a Divinis. Insuper præcipimus districtè sub pena excommunicationis latæ sententiæ in his scriptis, quod Sacerdotes Parochialium Ecclesiarum, vel vices eorum gerentes, & omnes alii Clerici, cujuscunque sunt conditionis & status, ut mandata nostræ causæ, & Archidiaconorum nostrorum, prout eis subsunt, fideliter & viriliter exequantur; & si timeant, quod malum aliquod per adversarium, vel sæcularem justitiam, vel quemcunque alium debeat inferri portatori mandatorum, caute ipsum expediant.

XXIII. *Statutum aliud pro jurisdictione.*

Insuper vobis Ecclesiarum Rectoribus sub eisdem poenis mandamus, quatenus singulis diebus Dominicis & festis, cum opus fuerit, vestros subditos moneatis, & autoritate nostra præcipiatis, ne perturbent, vel impediatur jurisdictionem nostræ curiæ Monasteriensis, & exponatis eis, in quibus & qualiter intelligatur jurisdictio hujusmodi perturbari: videlicet interdico, prohibendo, inhiberi faciendo, vel statuendo, ne aliqui in curia nostra causam suam persequantur: Item arrestando, accipiendo, vel capi faciendo latroes mandatorum curiæ nostræ per justitiam sæcularem, vel illos, qui in curia nostra adversarios suos trahunt minis, vel verberando, vel verberari faciendo, vel comminando, vel literas Curiæ nostræ rapiendo, vel lacerando, aut etiam alia faciendo, per quæ processus negotii valeat retardari: contrarium quoque facientes in his scriptis excommunicamus per Plebanos locorum, ubi præmissa perpetrata dinoscuntur, quos in his scriptis excommunicamus nominatim, de quorum nominibus constat: alias in genere excommunicati publice in earum Ecclesiis nuntientur. Et si in ipsa excommunicatione per septem dies manserint, ipsum locum & Ecclesiam, quem vel quam ex nunc, ut ex tunc in his scriptis ecclesiasticis interdicto supponimus, denuncientur ab eorum Ecclesiarum Rectoribus Ecclesiasticis interdicto subiacere, salvis aliis constitutionibus nostris de Abbatibus, Præpositis, Archidiaconis, & Decanis, qualiter in nostra

nostra *Sancta Synodo* comparere debeant, & de audienda confessione, & ne Sacerdos de casibus a jure nobis reservatis se intromittat, sine nostra licentia: ac de funeribus sine præjudicio Plebanorum in locis aliis, quam in propriis Parochiis sepeliendis: & de Clericis vagis, & ne aliquis Ecclesiæ Rector aliquem Sacerdotem in locum, nisi notum, & de ejus receptione ordinum constet per sui Diocesis literas competentes. Item de litteris libenter antequam exequantur, & si quis contigerit executioniemandari, præcipimus universis nostris subditis sub pœna ex-

communicationis latæ sententiæ, ut accipiat executor copiam earundem, ac aliarum, quarumcunque executionem fecerit, citato, monito, seu excommunicato copiam ipso die executionis dent, & assignent, ac aliis pluribus articulis contentis & constitutionibus memoratis. Hæc universis vobis sub sigillo Curie nostræ signavimus. Datum & pronuntiatum feria secunda post Gereonis & Victoris Martyrum, anno Domini Millefimo CC. LXXIX.

*Descripta ex Libro Statutorum impresso
Monasterii Westphaliæ 1486. in 4to.*

CONCILIIUM SALTZBURGENSE

*In causa Ecclesiasticæ Discipline, tempore Friderici Archi-Episcopi
habitum Anno Domini MCCLXXXI. Sub Martino Papa IV.*

TITULI CAPITULORUM.

- | | |
|---|--|
| I. De alienationibus Ecclesiarum. | XI. De residentia Plebanorum. |
| II. De dispensatione & Prælatorum ratione facienda. | XII. De Advocatis Ecclesiarum. |
| III. De jejunio Religiosorum. | XIII. De his, qui violentas manus mittunt in Clericos. |
| IV. De Monachis & Regularibus proprietatem. | XIV. De his, qui loca sacra exsecraverint violenta sanguinis effusione. |
| V. De habitu Religiosorum. | XV. Contra Patronos & Judices, qui bona decedentium Clericorum invadunt. |
| VI. De discursu Religiosorum. | XVI. De Psalmo: Domine, quid multiplicati sunt. |
| VII. De Capitulis Episcoporum, Abbatum, & aliorum Prælatorum. | XVII. De falsariis Clericis & laicis quocumque modo. |
| VIII. De immoderatis sumptibus Visitationum. | XVIII. De his, qui a laicis instituuntur. |
| IX. De Monialibus in claustris communem vitam non ducentibus. | |
| X. De pluribus beneficiis curam animarum habentibus. | |

Hæc sunt instituta Venerabilis Domini Friderici, Archi-Episcopi Ecclesiæ Saltzburgerensis, Apostolicæ Sedis Legati, in Provinciali Concilio Saltzburgerensi, Anno Domini MCCLXXXI.

P R Æ F A T I O.

Cum instantia nostra quotidiana esse debeat sollicitudo Ecclesiarum nobis commissarum, ideo ad laudem & gloriam Domini nostri JESU Christi, qui est omnium bonorum solidum firmamentum, Nos Fridericus, Dei gratia, sanctæ Saltzburgerensis Ecclesiæ Archi-Episcopus, Apostolicæ Sedis Legatus, Hanno, Willelmus, Bruno, (b) Thi-

mon, Bernhardus, Gerardus, Frisingensis, Ratisponensis, Pataviensis, Brixinensis, Chimentis, Secovenis, Laventinenis, Episcopi, Saltzburgæ in Provinciali Concilio congregati, infra scriptas constitutiones ex causis rationabilibus solemniter ac communiter edidimus, & promulgatas publice mandamus per eandem Provinciam inviolabiliter observari.

N n n 3 CAPI-

(b) forte: Timoleon.

CAPITULA.

I. *De alienationibus Ecclesiarum.*

Quia multi Prælati bona Ecclesiastica alienant, vendunt, vel distrahunt minus iuste, vel etiam locationes longi temporis & nocivas faciunt: de eisdem statuimus, ut nihil talium de cætero attentare præsumant; nisi expresse auctoritate Episcopi, & consensu Conventus Monasterii accedente; alias locatio & alienatio prorsus sit irrita: & alienator ab administratione temporalium, & ab ingressu Ecclesiæ tamdiu sit suspensus, donec Ecclesiam reddat indemnem. Et ut circa hæc fraus & alienationis materia præcludatur; volumus, ut sigillum Capituli, non apud Abbatem, vel apud Prælatum, sed apud maturiores, & fide digniores tres fratres Capituli reservetur.

II. *De Dispensatione & Prælatorum ratione facienda.*

Item, ne etiam res Ecclesiasticæ in usus indebitos convertantur, & fidelis dispensatio Prælatorum apparentius elucescat; diffinimus, ut de bonis Ecclesiæ, semel in anno Prælatus cujuscumque Conventus Ecclesiæ convenientium, suo de omnibus redditibus & proventibus Monasterio plenam faciat rationem, præsentem Episcopo, vel ejus Nuntio, ad hoc specialiter deputato, si Episcopus fuerit ad hoc requisitus: & bis vel ter in anno a suis Officialibus, Monachis & laicis computationem discretam faciat & fideliorem: alioquin incidit supradictam. (c)

III. *De jejuniis Religiosorum.*

Item a festo Sancti Martini ab omnibus Religiosis usque ad Nativitatem Domini, jejunium observetur: & a Quinquagesima eisdem præcipimus jejunium in cibis quadragesimalibus inchoari; salvis omnibus jejuniis aliis a suorum Regulis institutis.

IV. *De Monachis & Regularibus proprietatibus.*

Item statuimus, ut Monachi vel Regulares, nisi a notitia præsentium infra dies quindecim vel ante, ad manus suorum offerant Prælatorum, usque ad restitutionem debitam, ab officio sint suspensi: si

manifesta sit proprietas, carcerali custodia mancipentur.

V. *De habitu Religiosorum.*

Item, ut habitus unicuique debeat, Religiosos & Religiosas distinguat a sæcularibus, a quibus debent esse vitæ & moribus separati; volumus etiam, ut quilibet Religiosi & Religiosæ, tam Monachi, quam extra Monasteria, veste suæ religionis utantur, & vestes sæculares nulloatenus assumere præsumant.

VI. *De discursu Religiosorum.*

Item inhonestos & indecentes Religiosorum discursus amputare volentes; determinamus, ut quicumque Prælatus Monachum fugitivum vel ejectum ad admonitionem Episcopi, Rectorum, vel Visitatorum Ordinis, non receperit, ex tunc sit a temporalium administratione suspensus, donec recipiat Monachum vagabundum: ut inquietos & inobedientes coercere possint per pœnas in sua regula constitutas, & mancipare carceribus penitus incorrigibiliter obstinatos, ubi magis visum fuerit expedire, quod de consilio Ordinarii ad alia sui ordinis claustra destinentur.

VII. *De Capitulis Episcoporum, Abbatum, & aliorum Prælatorum.*

Item, licet felices recordationis Gregorius Papa IX. (d) providere statuerit, ut in singulis Regnis seu Provinciis, Prælati Ordinis Sancti Benedicti de triennio in triennium Capitula regularia celebrare deberent, & nos idem statutum in Provinciali duxerimus innovandum: quia tamen nullus fructus adhuc est ex prædicto statuto, & innovatione; reperita vice decrevimus eadem Capitula celebrari, jure tamen Ordinariorum per omnia salvo.

VIII. *De immoderatis sumptibus Visitatorum.*

Item, ne Monasteria immoderatis Visitatorum sumptibus graviter onerentur; statuimus, ut quilibet Abbas, qui pro tempore Visitator fuerit, vel etiam Capitulum generale acceperit, octo electionum numerum non excedat: inferiores vero Abbates, paucioribus sint contenti.

IX. *De*

(c) forte: pœnalis.

(d) corrige: provide.

IX. *De Monialibus in claustris communem vitam non ducentibus.*

Item, cum dolore accepimus, quod quædam Moniales, in eodem Monasterio communiter habitantes, communem vitam non ducunt, nec in eodem comedunt refectorio, sed seorsum per cameras speciales. Volumus igitur, ut communiter regularia loca frequentent, & in eodem refectorio communiter cibis utantur. Et quod Abbatissæ ab Adventu Domini usque in octavam Epiphaniæ, & a Septuagesima usque in octavam Paschæ, in dormitorio dormiant, & in refectorio comedant cum eisdem.

X. *De pluribus beneficiis curam animarum habentibus.*

Item, cum in nostro Provinciali Concilio proxime celebrato, Clericis plura beneficia curam animarum habentibus duxerimus injungendum, ut infra certum terminum & tempus, dispensationis suæ fidem nobis facerent; ut ultimo eis remanente beneficio juxta (e) Lateranense Concilium prioribus essent ipso jure privati: ex superabundanti expectantes expectavimus usque modo. Quare volumus districte præcipientes, ut durante tempore præsentis nostri Concilii, litteras suæ dispensationis nobis exhibeant: alioquin quod prius contra tales beneficiatos statutum est, efficaciter exsequemur; hujusmodi beneficia, tanquam de jure vacantia, personis idoneis conferendo.

XI. *De residentia Plebanorum.*

Item, licet Rectoribus Ecclesiarum, qui a residentia excusantur, mandaverimus in proximo Concilio, quatenus personas idoneas ordinarent in Ecclesiis suis in perpetuos Vicarios institui ac locari, trimestri tempore ad hoc exsequendum indulto: tamen quia in hoc exhibuerunt, se aliqui negligentes; nos institutionem hujusmodi Vicariorum, seu locationem Ecclesiarum, simul & moderamen præbendarum, præcise ad nostram providentiam revocamus, sublata eis omni circa provisionem hujusmodi potestate: ut sic puniantur ex eo, in quo delinquere præsumperunt.

(e) Lateran. IV. Cap. 29.

(f) MS. habet: emunitas, emendavit BINIUS, qui vocem illam relinquere debuisset; barbarem quidem, at minus politis sæculis receptissimam.

(g) forte: certum fecerint. (h) Cap. 22.

(i) Concil. Vienne. anno MCCLXVII. Cap. 4.

XII. *De Advocatis Ecclesiarum.*

Item sub velamento Advocacionis nonnunquam gravantur Monasteria; conventualium, parochialium, & aliarum Ecclesiarum libertas & (f) immunitas perturbantur: decrevimus, ut omnes, qui occasione hujusmodi aliquod jus sibi vindicant in Ecclesiis, nisi de jure suo Ordinarium loci (g) contractum fecerint, ante festum Sancti Joannis Baptistæ, quem eis ad hoc terminum peremptorium assignamus; ex tunc super hoc de cætero nullatenus audiantur: & Clericus, qui se non opposuerit, taliter usurpanti, poenam sustineat nuper in (h) Lugdunensi Concilio statutam.

XIII. *De his, qui violentas manus mittunt in Clericos.*

Item, cum hi, qui violentas manus mittunt in Clericos, incidant ipso facto canonem legitime promulgatum; districte præcipimus, ut in Parochia, in qua tale delictum commissum fuerit, vel talis malefactor domicilium habuerit, Rectores illarum Ecclesiarum ipsum excommunicatum devitent, & denuntient singulis diebus Dominicis, & festivis: ut sic rubore perfusus, ad matrem Ecclesiam citius revertatur. Illos vero Clericos, qui vel alios nominatim excommunicatos vel interdictos ad Divina vel Ecclesiasticam sepulturam scienter receperint, ab omni officio Ecclesiastico suspensos decernimus remanere: utpote, qui sua temeritate nituntur frangere nervum Ecclesiasticæ disciplinæ. Et eum, qui in prædicta denuntiatione, postquam sibi per Ordinarium fuerit demandatum, negligens fuerit aut remissus, per quindécim dies ab ingressu Ecclesiæ, & ab officio sit suspensus, & culpam reiteratam poenæ reiteratio subsequatur. Monemus etiam Religiosos quoslibet, ut circa prædictum statutum, ordinationem recolendæ (i) memoriæ Domini Guidonis curent inviolabiliter observare.

XIV. *De his, qui loca sacra exsecraverint violenta sanguinis effusione.*

Item statuimus, ut quicumque violenta sanguinis effusione cæmiterium vel Eccle-

Ecclesiam exsecraverint, ad expensas pro reconciliatione impendendas, exsecrationibus hujusmodi (k) teneatur. Si solvendo fuerit rebellis, per censuram Ecclesiasticam a Rectore loci, auctoritate hujus Concilii arctetur: si vero solvendo non fuerit, alias pro ipsius Ditecelani arbitrio puniatur.

XV. *Contra Patronos & Judices, qui bona decedentium Clericorum invadunt.*

Item statutum bonæ memoriæ Guidonis contra Patronos & Judices, & præcones editum, qui bona invadunt decedentium Clericorum, pro necessitate temporis aggravantes statuimus, ut raptores rerum hujusmodi vacantium Ecclesiarum ipso jure excommunicationem incurrant: & in locis, ad quæ eadem bona violenter ablata, deducta (l) illa eo fuerint, postquam hoc Ecclesiarum Rectoribus innotuerit, cessetur tamdiu a Divinis; donec subrepta eadem successori defuncti reddantur, & in loca pristina reportentur, & alias satisfactio competens subsequatur. Et hoc statutum non solum ad futura, sed ad præterita extendatur.

XVI. *De Psalmo: Domine quid multiplicati.*

Item reminiscens Moyse servi Domini, qui hostes populi sui non ferro pugnando, sed prece orando dejecit; statuimus, ut per præsentis anni decursum, in instanti adventu Domini inchoandum, in singulis Cathedralibus, Conventualibus & Parochialibus Ecclesiis Psalmus: Domine (m) quid multiplicati, cum oratione Dominica, & versu: *Fiat pax in virtute tua, Esto nobis turris fortitudinis.* & Collecta: *Deus, a quo sancta desideria.* Clerus, provolutis in terram genibus, & erectis in cælum cordibus, in Missa post tertium Agnus Dei, quotidie semel dicat: quatenus Dominus noster Jesus Christus, Rex Pacificus, sedatis tribulationibus, & Ecclesiarum persecutoribus & infaustis humiliatis, pacem

in populo suo multiplicatis intercessoribus largiatur.

XVII. *De falsariis Clericis & laicis quocumque modo.*

Item ad falsariorum malitiam reprimendam diffinimus, ut qui Clerici vel laici sigilla vel litteras Principum vel Prælatorum falsare, vel falsis scienter uti præsumunt; aut etiam falsam monetam cudere, vel quodcumque æs seu metallum adulterine fabrefacere, aut his omnibus vel similibus uti scienter præsumserint, ipso facto sententiam excommunicationis incurrant. Clericis nihilominus, si de hoc convicti fuerint, carcere episcopali mancandis; laicis autem seculari judicio condemnandis.

XVIII. *De his, qui a laicis instituuntur.*

Item constitutio Concilii proxime celebrati, quæ Clericis, de manibus laicorum, antequam per Ordinarios instituantur, Ecclesias recipientibus, pœnas ingerit & infligit, in eo, quod experientia deesse docuit, supplere volentes; statuimus, ut quicumque Clericus contra processum, pœnas & ordinationes Ordinarii, contra eum habens defensionem præsidio laicorum, illaque ausus fuerit uti; ipso facto sententiam excommunicationis incurrat. Verum cum parum sit jura concedere, nisi sint, qui eadem tueantur; præcipimus, quatenus salutaria nostra monita, ut moribus utentium approbentur, in quatuor temporibus anni, in singulis cathedralibus & conventualibus Ecclesiis recitentur. Rectores vero Ecclesiarum ipsa scripta habeant, & per singulas Synodos ab Archidiacono de earum rerum observantia interrogari præcipimus & inquiri, & nihilominus sine delectu personarum (n) præviemus in obedientiam, qui nostrarum sanctionum inventi fuerint contemptores.

*Ex Bivio & Labbeo edidit Harduinus
Tomo VII. Concil. pag. 859.*

(k) hæc vocula in MS. desiderabatur, inquit BINIUS, qui hæc primus edidit.

(l) forte: deducta illico.

(m) Psalm. 3.

(n) Vox corrupta, forte: procedemus ad puniendam inobedientiam.

SYNODUS COLONIENSIS

Anno Christi MCCLXXXI. Martini IV. Papæ I.
Rudolphi I. Imp. IX.

CAPITULA SEU RUBRICÆ STATUTORUM
ECCLESIAE COLONIENSIS, EDITORUM A BONÆ MEMORIÆ
D. SIFRIDO, ARCHI-EPISCOPO COLONIENSI, IN
GENERALI SYNODO EX CONSILIO PRÆLATORUM
SUORUM &c.

STATUTA XVIII.

- | | |
|--|--|
| I. De vita, & honestate, & officio Clericorum. | X. De Matrimonio & ejus attinentiis. |
| II. De cohabitatoribus mulierum & concubinariis. | XI. De sepulturis & cimiteriis. |
| III. De statu Clausuratum & Religiosorum. | XII. De bonis Ecclesiarum non alienandis. |
| IV. Qualiter Clerici & maxime Sacerdotes populum regentes vel plebem, in administratione septem Sacramentorum se habere debeant. Et primo de Baptismo. | XIII. De malefactoribus ad Ecclesiam confugientibus. |
| V. De Sacramento Confirmationis. | XIV. De usurariis manifestis. |
| VI. De Sacramento extreme Unctionis. | XV. De Clericis in Ecclesiis vel Capellis celebrantibus sine Nostra vel Archi-Diaconorum licentia. |
| VII. De Sacramento Eucharistiae sive Altaris. | XVI. De executione mandatorum nostrorum, & Curiae nostrae Coloniensis. |
| VIII. De Sacramento Penitentiae & Confessionis, & eorum attinentiis. | XVII. De testamentis. |
| IX. De Ordinibus, & qui ad Ordines admitti debeant. | XVIII. De observatione interdicti, qualiter sit observandum. |

STATUTA D. SIFRIDII ARCHI-EPISCOPI COLONIENSIS.

Licet Clericis, qualiter eos cum modestia, sobrietate, vitae mundicia in domo Domini oporteat conversari, ut sibi & aliis verbo proficiant & exemplo, per sacros Canones & Sanctorum Patrum & Prædecessorum nostrorum traditiones sufficienter sit provisum, tamen quia nonnullos ex ipsis Clericis, præsertim illos, qui per Ecclesias positi sunt ad regimen animarum, in observatione dictæ provisionis, contingit non sine nota transgressionis desides inveniri, & ipsarum statum multipliciter deformari: Nos SIFRIDUS, Dei gratia, sanctæ Coloniensis Ecclesiæ Archi-episcopus,

sacri Imperii per Italiam Archi-Cancellarius, huic desidiæ, immo negligentiae, quantum possumus, occurrere cupientes, & quod dignum est in eorum conversationibus, vita & moribus reprehendi, per innovationem eorum, quæ circa hæc statuta sunt ab antiquo, & appositionem, quæ qualitas temporum addere nos compellit (a) nostros Clericos in omnibus Deo placitis, salubriter reformare, cum firma spe & fiducia, quod si integrum fuerit Sacerdotium, Ecclesia Dei florebit sicut lilium, & in Spiritualibus & in temporalibus benedictionem a Domino recipiet salutare. n

Sifridus Westerburgius, a Gregorio X. in Concilio Lugdunensi in Dominica Palmarum anno MCCLXXIV. consecratur Episcopus, ab Engelberto II. antecessore successor designatus. Moritur Bonnæ 7. Aprilis 1297, Colonia Metropoli adhuc interdicto subiecta.

(a) ipsos.

tatem: sanctam & generalem Synodum, propter periculosum statum Ecclesie Colonienfis & predecessorum nostrorum occupationes, aliquantis temporibus prætermiffam, de consilio Prælatorum nostrorum & Capituli nostri duximus indicendam: ad quam convocatis & convenientibus omnibus Prælatiſ monasteriorum, & Ecclesiarum, ac Clericis nostris ſubditis, ſtatuiſmus & ordinaviſmus, ut Synodus generalis ex tunc in antea in Ecclesia Colonienſi, in craſtino Dominicæ INVOCAVIT, ab omnibus Prælatiſ & Clero annis ſingulis in perpetuum celebretur: & omnes Prælati & Clerici tam Religioſarum quam ſecularium Eccleſiarum, & Clerici ſeculares noſtræ civitatis & Diœceſis ad ipſam Synodum ſanctam accedant reverenter: Et in veniendo, ſtando, morando, & redeundo in via & in hoſpitiis ſe decenter habeant, ne laicis ex eorum verbis vel factis ſcandalum generetur: Et intrent Synodum Abbates cum albiſ ſtolis & cappiſ choralibus, deſuper de ſerico vel ſamito, cum baculiſ & mitriſ, prout hoc eorum congruit dignitati. Alii vero Prælati ſeculares, cum pelliciſ, & ſuperpelliciſ & cappiſ de ſerico vel ſamito. Priores item Religioſorum locorum, cum albiſ & ſtolis. Decani Chriſtianitatum, & Archi-Preſbyteri, ſimiliter cum albiſ & ſtolis. Reliqui vero Preſbyteri & Clerici, in ſuperpelliciſ. Nec aliquiſ Clericus vel Religioſuſ ibi compareat ſine habitu religioniſ vel choralis. Omneſque ſic induti, in ipſa Synodo, quouſque per noſ licentientur, permaneant, audituri cum manuſtitudine & ſilentio, quæ ibi præcepta fuerint vel ſtatuta. Si qui vero infirmitate, vel alia inevitabili neceſſitate ad Synodum venire non poterunt, mittant cum ſuiſ litteriſ, & propriiſ ſigilliſ (quæ præcipimus ut ſinguli habeant) procuratorem pro ſe, qui habeat poteſtatem de huiſmodi impedimento faciendi fidem, ſi opus fuerit iuramento: & in ipſiſ litteriſ ſe obligent, quod ſtatuta huiſmodi obſervabunt.

Capitula autem, & quælibet collegia, per unicum vel per duos Procuratores de ipſorum collegiſ comparebunt, ad obſervationem ſtatutorum in Procuratoriſ ſe ſimiliter obligantes. Et

omneſ jejuini comparebunt in Synodo, quod ſub pœna excommunicationiſ latæ ſententiæ præcipimus, niſi modiciſſimam ſumi conſolationem infirmitas urgeat corporaliſ.

Item ne ignorantia ſtatutorum vel præceptorum Synodi, aliquem valeat excuſare, ſtatuiſmus & præcipimus ſub pœna excommunicationiſ, quam in hoc caſu in omne� & ſinguloſ contravenienteſ in hiſ ſcriptiſ ferimus, quod quilibet Sacerdoſ Eccleſiam vel capellam officiariſ vel plebem regens, procuret & efficiat cum effectu, quod intra unum meſem ab hac die numerandum, ſtatutorum & præceptorum Synodalium copiam habeat, de verbo ad verbum, ut ea frequenter legens & volvens, ſciat inexcuaſabiliter & ſcire poſſit, ad quid teneatur, & qualiter in omnibuſ debeat ſe habere. Et in proximis deinde ſinguliſ Synodiſ generalibuſ in manu ſua ſecum deferat, & publice repræſentet, ſciens, quod cum excommunicatione ſequetur pœna alia, huiſmodi mandatiſ transgreſſorem.

I. De vita, & honeſtate, & officio Clericorum.

EX Concilio generali ſtatuiſmus & præcipimus, quod univerſi Clerici continenter & caſte vivant, ab omni libidiniſ vitiſ præcaveſtes, quatenus in conſpectu Omnipotentis Dei, puro corde & mundo corpore valeant miniſtrare: & qui comprehenſi fuerint incontinentiæ vitiſ laborare, prout magiſ vel miniſ peccaverint, ab eorum Ordinariſ ſeu Prælatiſ debite puniantur. Alioqui noſ Prælatorum negligentiam ſupplenteſ, taleſ puniemoſ ſecundum Canonicas ſanctiſiones, ut pœna docente, deinceps abſtineant a peccato: & qui ea de cauſa per noſ vel Prælatoſ ſuoſ ſuſpenſiſ, Divina officia celebrare præſumpſerit, beneficio Eccleſiaſtico ſpolietur, & pro duplici cauſa perpetuo deponatur. Prælati autem noſtri, qui taleſ præſumpſerint in eorum iniquitatiſ ſuſtinere, maxime obtentu pecuniæ vel alteriſ commodiſ temporalis, iuriſ ſubjaceant ultioni. Item a crapula & ebrietate omneſ Clerici diligenter abſtineant, unde vinum ſibi temperent, & ſe vino nec ad bibendum quiſpiam incitetur

cum

cum ebrietas inducat mentis exilium, & libidinis provoker incentivum.

Item nullus Sacerdos aut Clericus in sacris constitutus ordinibus, fœminas, de quibus suspicio potest esse, in domo sua teneat: & nullas omnino, nisi sint illæ personæ, de quibus naturale fœdus nihil permittit sævi criminis suspicari. Et quamlibet cohabitationem mulierum & Clericorum manifestorum, maxime Clericis in sacris ordinibus constitutis, & Sacerdotibus sub pœna anathematis strictius inhibemus. Item Clerici officia vel commercia sæcularia non exerceant per se, alios vel alias. Mimis, histriionibus, vel jocularioribus non intendant: tabernas prorsus evitent, nisi forte causa necessitatis in itinere constituti.

Item ad aleas & taxillos non ludant, nec hujusmodi ludis intersint. Coronam & tonsuram habeant congruentem. Clausa deferant indumenta, maxime Sacerdotes, nimia brevitate vel longitudine non notanda. Pannis rubeis aut viridibus, nec non manicis aut calceis confutitiis non utantur. Intra Ecclesiam incedant cum superpelliciis, nisi forte aliquid ibi fuerit manibus operandum. Fibulas omnino non ferant. Item arma non ferant, neque gladios, nisi hoc faciant ex causa necessitatis, & expressa licentia Prælatorum. Item statuimus, quod neque Canonici, neque Clerici vagentur nocturno tempore per plateas, psallentes, & si aliquos transire oporteat ex legitima & iusta causa, hoc faciant sine clamore, & sine cantu, sine citharis, sine tympanis, & sine quolibet strepitu, vel chorea: & volumus, quod contrarium facientes, Decani suspendant a præbendis eorum per unum mensem. Item statuimus, quod quicumque Sacerdotes, seu Clerici beneficiati, sententias excommunicationis seu suspensionis per annum & diem animo sustinuerint indurato, beneficiis suis eo ipso priventur per locorum Ordinarios, & alias propter hoc nihilominus canonice puniantur. Item statuimus, ut Clerici ubique & maxime in Divinis Officiis decenter, & discrete se habeant: & tales se in moribus, vita, conversatione, verbis, & factis, societatibus, corporis compositione, lectionum & orationum assiduitate, & in quibuslibet honestatibus exhibeant,

Tomus III. Concil. German.

ut verecundia, quæ & laicis est indicta, in ipsis Clericis præcipue commendetur. Nullus horas Canonicas & horas de Domina nostra, ulla unquam die distincte & discrete dicere prætermittat, maxime, qui est in sacris ordinibus constitutus. Nullus dicat Missam, nisi unam in die, & præcipue de die: nisi in casibus a jure permixtis, ut hoc faciat necessitate imminente, utpote Missam pro defunctis. Nec celebratio fiat sine socio vel scholari, qui respondere valeat celebranti. Nec mulier ad altare permittatur aliquatenus ministrare. Item propter apostatus, discursos, vagos, & ignotos Clericos, de quibus an Sacerdotes sint, non immerito dubitatur: statuimus, ut nullus Beneficiatus, seu Rector Ecclesiæ, vel Altaris, tacite vel expresse aliquem admittat in socium vel ad celebrandum Missam, vel ministrandum Sacramenta, vel aliquod sacerdotale officium exercendum, nisi notum sit de ordinibus, moribus & conversatione, ac alias commendatum: & si omnino extraneus vel peregrinus fuerit, per nos vel gerentem vices nostras, seu loci Archidiaconum, cum examinatione debita approbatum, & admissum ad hujusmodi officia exercenda. Et si quis Rector Ecclesiæ, vel Altaris, aut Capellæ aliquem contra hoc admiserit, excommunicationis sententiam (quam in ipsum in hoc casu ferimus in his scriptis) incurrat ipso facto. Eo salvo, quod peregrinantes & honestæ personæ non pro quæstu, sed pietatis & devotionis intuitu, Missam dicere volentes, admitti poterunt, si requirunt.

II. De Clericis cohabitatoribus mulierum, & concubinariis.

Ex Concilio bonæ memoriæ CONRADI Archi-Episcopi prædecessoris nostri, innovando statuimus, ut Sacerdotes manifesti mulierum cohabitatores, concubinas a se de domibus & Parochiis suis intra decem dies post publicationem præsentium, omnino removeant & repellant. Alioqui excommunicationis sententiam (quam propter hoc in eos ferimus in his scriptis) se noverit incurrisse. Mulieres autem, si post ipsos decem dies repetæ fuerint in Parochiis, horum Sacerdotum remanere, per Decanos Christianitatum ipsorum locorum excommunicentur, & excommunicatæ

O o o o 2 publice

publice nuntientur, invocato super remotione earum, si opus fuerit, auxilio seculari. Inhibemus etiam, ne Sacerdotes filios, aut filias, vel concubinas doctent, aut dicent de patrimonio vel descendentibus a patrimonio CRUCIFIXI, aut talium nuptiis vel etiam exequiis audiant interesse: & qui contra fecerint, poena canonica percellantur.

III. De statu Claustralium vel Religiosorum.

Statuimus, ut nullus Monachus aut Monialis claustrum suum exeat, per civitates, villas vel oppida discurrendo, aut in villa monasterio adjacente comedere, (a) nisi ex causa rationabili & urgente: & id tunc fiat, cum sui Prælati vel Prælatæ licentia speciali, quam licentiam volumus, ut Prælatus vel Prælatæ non det, nisi causa examinata, quod sit evidens, & non possit sine scandalo evitari.

Item in oratorio, refectorio, & dormitorio per Monachos semper continuum silentium observetur. In claustris vero illis horis servant silentium, quod observantia præcipit regularis. In refectorio omnes comedent, sed non carnes, nec extra, nisi in infirmaria. Una sit omnibus coquina, & communis cibus, nisi de licentia Abbatis vel Prioris, & ex causa. Speciales cameras & comestiones ibidem districtius inhibemus. In communi dormitorio omnes dormiant, nisi debiles fuerint vel infirmi. Divinum Officium secundum regulam beati Benedicti, vel beati Augustini per institutiones sanctorum Patrum celebrent. Item sub poena excommunicationis latæ sententiæ præcipimus, ut omnes Religiosi & præcipue Sanctimoniales, habitum, velum & pepulum secundum regulam ferant, ubicunque fuerint constituti, cappas, manicatas, tunicas, phalas, (b) indumenta, tabbardos, calceos, vel caligas non ferant, nisi beati Benedicti vel beati Augustini regulæ congruentes. Et sub poena excommunicationis latæ sententiæ præcipimus ab omnibus tam Monachis, quam Monialibus, firmiter observari, ut proprium non habeant, nec pecuniam, nisi cui hoc permittitur ex ratione officii, vel administrationis sibi commissæ per Abbatem. Item officia vel administrationes habentes contractus non ineant, locatio-

nes, emptiones, venditiones & alienationes, quarumcunque rerum mobilium vel immobilium, non faciant, mutuum aliquatenus non recipiant a quocunque, præter scitum & consensum Abbatis vel Conventus. Et si contra fecerint, sciant contractum huiusmodi non valere, sed sententiam excommunicationis etiam in eos in hoc casu a nobis latam in his scriptis, se noverint, incurrisse. Et hæc eadem extendi volumus ad Prælatos & Canonicos regulares, & præmonstratenses, & alios quoslibet Religiosos. Item Abbatibus & Prioribus districtè præcipimus, ut omnia & singula, quæ ad ordinem & regulam pertinent, faciant ab omnibus & singulis inviolabiliter observari, cum appositione pænæ, quæ in regula continetur. Rebelles vero & incorrigibiles ad nos deferentes, ut ipsorum per nos rebellio compefcatur. Item statuimus, ut secundum statutum Concilii Generalis Domini Innocentii Papæ tertii, per Abbates, Priores, & Præpositos nigri Ordinis S. Benedicti nostræ civitatis & Diocesis, de triennio in triennium commune Capitulum servare teneantur. Et quia huiusmodi statutum negligenter est observatum, licet Dominus Conradus prædecessor noster antedictus, hoc mandaverit, nos pœnam adjicimus, & non servantes excommunicamus in his scriptis.

IV. Qualiter Clerici & maxime Sacerdotes, populum vel plebem regentes, in administratione septem Sacramentorum se habere debeant, & primo de Baptismo.

Statuimus, ut Baptismus honorabiliter celebretur cum distinctione verborum, in quibus salus pendet baptizati, ut ille, qui baptizat, cum immergit baptizandum in aqua, nihil addendo vel subtrahendo, vel mutando, dicat hæc verba: Petre (vel Johannes) Ego te baptizo in nomine Patris, & Filii, & Spiritus Sancti. Amen. Item Sacerdos eandem formam doceat mares & fœminas observare, cum in necessitate baptizant infantes, etiam parentes, si alii defuerint. Item Sacerdos, ad quem infans sic in necessitate baptizatus, deferendus est, quanto citius interroget de forma, quam baptizans servavit. Et si invenerit eam servatam, & rite baptizatum puerum, faciat ei, quæ post Baptismum fieri consueverunt. Si autem

(a) lego: comedendo.

(b) phala vestis muliebris. Du Frefne v. phala.

autem cognoverit ipsum non baptizatum vel dubitaverit, baptizet eum sub hac forma: Petre (vel Johannes) *si es baptizatus, ego te non baptizo; sed si non es baptizatus, ego te baptizo in nomine Patris, & Filii, & Spiritus Sancti. Amen.*

Item, si timeatur de morte infantis, antequam nascatur, & caput ejusdem nascentis appareat extra uterum, infundat aquam, quæ adfuerit, super caput nascentis; dicens: *Ego te baptizo in nomine Patris, & Filii, & Spiritus Sancti. Amen.* Et si infans sic moritur, sepeliatur corpus ejus in cœmeterio. Si autem pervenerit vivus ad ortum, & de forma dubitetur, de novo baptizetur sub hac forma: Petre (vel Johannes) *ego te non baptizo; si es baptizatus: sed, si tu non es baptizatus, tunc ego te baptizo in nomine Patris, & Filii, &c.* Item mulieri in partu mortuæ nullatenus negentur jura Christianitatis, nec Ecclesiastica sepultura. Et si certum sit, quod mulier prægnans moriatur, teneatur os ejus apertum: & cum magna cautela uterus ejus aperiatur: & si infans fuerit vivus, educatur & baptizetur, si autem inventus fuerit mortuus, ipse puer extra cœmeterium tumuletur. Et iste modus & forma frequentius Parochianis imprimatur, ut sciant, quomodo in talibus debeant se habere. Item duo vel tres tantum admittantur ad levandum puerum de Baptismo, qui intra quartum gradum parentibus pueri non sint juncti, nisi in necessitate. Item in Pascha & Pentecoste, & etiam sæpius fons Baptismi, si opus fuerit, renovetur: & amota aqua veteri, ipse fons lavetur, & bene mundificetur, & nova aqua imposita, & benedicatur & chrismetur.

Item fons sub operculo & sub sera firmiter conservetur, propter sortilegia & trufas, quæ sub pœna excommunicationis lætæ sententiæ firmiter prohibemus. Item Chrisma, Oleum sacrum, & Oleum infirmorum, in ampullis metallinis per certos titulos designatis sub clave custodiantur. Si autem aliud oleum Chrismati vel Oleo sacro apponi oporteat, hoc fiat caute: & id, quod apponitur, cum Chrismate & Oleo sacro diligenter cum virgula misceatur.

V. De Sacramento Confirmationis.

Moneant Presbyteri parentes bapti-

zatorum nondum confirmatorum, ut eos ad Episcopum, qui solus potest confirmare, ducant septennes vel majoris ætatis, & tondeantur capilli, maxime contra frontes dependentes & laventur frontes diligenter, & habeant bandellos de panno lineo spisso sine fractura, & sine nodo, latitudinis trium digitorum, & longitudinis competentis, albos & bene mundos. Exceptis autem Patre & Matre, offerant pueros illi, qui eorum notitiam habent & melius noverunt, quod non sint vel fuerint confirmati. Et tertia die post confirmationem ducant eos ad Ecclesiam, & Presbyter frontes eorum lavet, & comburet bandellos, & cineres bandellorum, & aqua lotionis in sacrum locum vel piscinam sive lavatorium reponantur. Confirmandi vero, si fuerint decem annorum vel ultra, prius suis Sacerdotibus confiteantur, quod confirmentur. Parentes vero confirmatorum eis, & ipsi confirmati, sibi sæpè ad memoriam revocent, quando, a quo, & ubi fuerint confirmati. Nullus Clericus ad primam tonsuram accedat, nisi prius fuerit confirmatus.

VI. De Sacramento extremae Unctionis.

Cum reverentia, aqua benedicta & cruce præcedentibus, Sacerdos deferat oleum sacrum ad infirmos, & dicat diligenter septem Psalmos. Si via fuerit longa, addat Litaniam, & alias orationes ad hoc constitutas. Et cum inungit infirmum, proferat ista verba: per istam unctionem &c. & inungatur cum reverentia ac diligenter cum distinctione verborum. Et nihil pro inunctione exigatur. Et si quid datum fuerit gratis, accipiat. Laudabilem tamen consuetudinem in talibus præcipimus observari. Moneant Presbyteri populum, ut infirmi quatuordecim annos & supra habentes, cum opus fuerit, inungantur. Nec propter paupertatem seu defectum candelarum vel indumentorum lineorum, quæ in hoc Sacramento solent causa reverentiæ exhiberi, a Sacerdote vel quovis alio inunctio dimittatur. Sufficit enim una candela, & quod infirmi inuncta membra singulariter & diligenter extergantur cum stappa, quæ post extersionem in igne comburatur.

VII. De Sacramento Eucharistiæ sive
Altaris.

Præcipimus, ut omnes Sacerdotes in vestibus albis sacerdotalibus & benedictis, reverenter mundo & contrito corde & confessi (si commode fieri potest) accedant ad Missam celebrandam.

Item statuimus sub pœna excommunicationis, ne aliquis Sacerdos Missam celebrare audeat, nisi prius dixerit Matutinas & Primam de die. Item præcipimus, ne aliquis Sacerdos sine calceamentis vel caligis pro celebratione Missæ ad Altare accedere audeat.

Item diligenter caveant Sacerdotes, ne cum conscientia mortalis peccati accedant ad Missam celebrandum, quod si taliter manducaverint corpus Domini, & biberint ejus sanguinem, judicium æternæ damnationis sibi manducant & bibunt.

Item Missale semper involvatur camissa vel panno lineo & mundo, & apponatur parvum manutergium, quo Presbyteri nares vel faciem detergant, ne contingat sacra vestimenta maculari, quæ integra & munda (ut dictum est) præcipimus custodiri. Item loca circa Altare, ab araneorum telis ac pulveribus & cæteris immunditiis sæpius emundentur.

Item præcipimus, ut sursum super Altare ad latitudinem & longitudinem Altaris, pannus lineus albus extendatur, ut protegat & defendat Altare ab omnibus immunditiis & pulveribus descendentibus. Item cortinæ in lateribus Altaris (f) utrisque appendantur, nec in aliquo tempore sacrificii retro trahantur. Item præcipimus, ut calix sit integer cum firmo pede, non titubans. Et Sacerdos sine Clerico ministrante, celebrare in Altari aliquatenus non præsumat. Item ampullæ vini & aquæ integræ & mundæ intus & exterius observentur, & aliquo signo notabili distinguantur, ut vinum ab aqua dignosci possit. Et vinum in ampullis ad minus de tertio in tertium diem renoveretur. Item Sacerdos sit diligens in delectu hostiæ consecrandæ, ut sit integra, solida, & non nimis vetusta: & in appositione vini & aquæ, discernat Sacerdos per odorem, quid sit unumquodque. Et de aqua duæ guttulæ vel tres apponantur.

(f) utrinque.

Item præcipimus, ut Sacerdotes attente, reverenter & distincte legant, & dicant in canone, quæ sunt dicenda. Et expediant se, quanto citius possunt, propter tedium adstantium, & alia, quæ occurrere possent, & faciant signa sua distincte & reverenter. Item nullus Sacerdos elevet hostiam ad ostendendum populo, nisi postquam dixerit hæc verba: **HOC EST ENIM CORPUS MEUM.** & pulsset nola tribus ictibus ex una parte, ut fideles, qui audierint, ubicunque fuerint, veniant, & adorent. Item si Sacerdos cum venerit ad consecrationem sanguinis vel etiam ad perceptionem, & nihil in calice inveniat, innuat, ut offeratur ei vinum, & aqua: quibus appositis, dicat verba canonis ab illo loco: *Simili modo postquam cenatum est*, & cætera usque ad finem, & faciat signa, quæ fieri solent super sanguinem. Alia autem, quæ facta sunt super Eucharistiam, non reiteret, sed modo consueto transeat. Ille autem, per cujus negligentiam hoc evenierit, tribus diebus in pane & aqua jejunet, & unum Psalterium dicat. Item si per causam mortis, ægritudinis vel passionis, aliquid inopinatum evenierit, & subitaneum contingat, quod Sacerdos inceptum ministerium explere non valeat, licitum sit alteri Sacerdoti exequi & perficere consecrationem officii incepti: quod ibidem incipiat (si scire poterit) ubi alter destitit: nisi incepta collecta, necdum perlecta, vel inceptis verbis Sacramenti nondum perlectis, prædictus casus contingat. Tunc enim a capite illam collectam vel Sacramenti verba reincipiat, ut sic salutem humanæ fragilitatis & sacris mysteriis, ne interrupta vel incompleta remaneant, consulatur. Si autem dubitetur, an hostia a primo Sacerdote casum passo, consecrata fuerit, nec ne, substitutus Sacerdos novam oblationem offerat, & solito more conficiat, & post Missam, primam hostiam sumat. Idem de Calice fiat, & de eo, quod in Calice reperitur. Item præcipimus sub pœna excommunicationis, quam ferimus in his scriptis, ne aliquis Sacerdos bis in die Missam celebret, nisi in casu urgentis & maximæ necessitatis, & in quibus permittit. Et tunc in prima Missa post perceptionem sanguinis, non utatur ablutione vini & aquæ: sed refer-

reservet in tuto ac honesto loco, ut eam accipiat in secunda Missa, vel det honestæ personæ jejuna, quam noverit ad hoc esse paratam.

Item si quid de sanguine vel corpore Domini ceciderit super pallam Altaris, illa pars abscindatur, & comburatur, & cinis in sacrum locum vel piscinam reponatur. Et si pars corporalis intacta fuerit sanguine, ter diligenter abluatur: & aqua ablutionis, a Presbytero vel alia persona Religiosa & jejuna fumatur. Et poterit dicto anno post ablutionem uti sicut prius.

Item si gutta sanguinis super vestimentum ceciderit, illa pars abscindatur & comburatur, & cinis in sacrum locum reponatur, ut dictum est, si supra lignum vel lapidem aut terram solidam sanguis ceciderit, illa pars (si commode fieri potest) (g) ablingatur a Sacerdote, & postmodum radatur, & illa rasura in sacrum locum vel sacram piscinam reponatur.

Item si in sanguinem musca vel aranea vel aliquod abominabile ceciderit, quod vix sine vomitu (b) & periculo corporis sumi possit, caute extrahatur. Et super patenam vel calicem alium abluatur cum vino, & post sanguinis summptionem & ablutionem, illa lotio in piscinam mittatur, & bestia vel vermis super piscinam comburatur, & cinis in piscinam sive lavatorium mittatur. Item statuimus, ut pyxis, in qua corpus Domini reservatur, vel ad infirmos deferitur, sit aurea, argentea, vel ad minus cuprea, bene eliminata: & semper lineus pannus albus & mundus, intra pyxidem ponatur, supra quem corpus Domini in pyxide collocetur. Item precipimus, ut cum aliquis infirmus communicare voluerit, quod Sacerdos (si commode fieri poterit) prius eum visitet sine corpore Domini, & diligenter confessionem infirmi audiat: & post ad Ecclesiam redeat, ad communicandum infirmum, corpus Domini allaturus: & eat Sacerdos dicendo septem Psalmos: & si via fuerit longior, addat Litaniam & alias orationes. Incedat autem Sacerdos ad communicandum infirmum, cum campanula & lucerna & candelâ præcedente. Et fideles, qui pro devotione occurrere

voluerint, expectent ante ostium infirmi, donec communicatus fuerit: & redeant ad Ecclesiam post Sacerdotem orando reverenter. Quilibet autem fidelis, si devote fecerit hanc processionem, decem dies indulgentiæ præeundo & redeundo habeat. Cum autem Sacerdos corpus Domini de nocte portaverit, mulieres ipsum aliquatenus non sequantur. Qui autem hanc processionem turbaverit, vel minus reverenter se in ea habuerit, per censuram Ecclesiasticam compescatur.

Item præcipimus, ut Sacerdotes venerabiliter & sublimiter, superposito decenti cooperculo supra vas, in quo corpus Domini deferitur, deferant ad infirmum. Si infirmus frequenter & ex levi causa vomitum patiatur, nullatenus ei corpus Domini conferatur, sed credat, & sufficit, quod spiritualiter accipit. Item præcipimus, quod quilibet Sacerdos, antequam communicet infirmum, interroget eum, si credat, quod sub illa forma & specie panis sit corpus Domini, natum de virgine, passum in cruce, & tertia die suscitatum. Quod si infirmus fuerit confessus verbo vel evidenti signo, communicet eum Sacerdos, si alia causa non obstat. Item si communicatus evomuerit, partes diligenter & caute, quæ reperiri poterunt, colligantur: & contritæ cum vino, ab aliquo fideli sumantur: residuum vero vomitus comburatur, & ponatur (i) in terram juxta Altare vel alibi, ubi commode fieri poterit.

Item cum corpus Domini deferitur, fideles, coram quibus deferitur (si commode fieri potest) genua flectant, pectora sua tundant, & inclinato capite junctis manibus, & levatis reverenter adorent. Equitantes vero non dedignentur descendere de equis suis ad adorandum eum, qui pro eis descendit de cælis. Item præcipimus, ut Eucharistia servata pro infirmis, singulis quindenis renovetur, & corpus Domini super Altare in honesto loco clausum cum clave folicite & diligenter custodiatur. Item præcipimus, ut Sacerdotes subditos suos, doceant, ut, cum venerint ad communicandum in die Paschæ vel alias, jejuni, devoti, & confessi accedant: & caveant Sacerdotes, ne alienum vel extraneum Parochianum

(g) abluatur,

(b) vel,

(i) subtrus.

anum communicent, nisi sit viator & peregrinus, vel nisi communicandus licentiam sui proprii Sacerdotis habeat: quam licentiam quilibet viator vel peregrinus petere debet à proprio Sacerdote in suo recessu: quod si non fecerit, propter hoc ei communio non denegetur, sed pro negligentia, ei pœnitentia injungatur. Item nullus fidelis arcendus vel removendus est communione, nisi fuerit publice excommunicatus vel interdictus vel aliquo notorio crimine notatus. Item præcipimus, ut sumpta Eucharistia Sacerdos habeat calicem præparatum cum vino & aqua, de quo sumant communicantes.

VIII. *De Sacramento Pœnitentiæ & Confessionis, & eorum attinentiis.*

Præcipimus, ut Sacerdos parochialium Ecclesiarum subditos suos frequenter admoneant, & (k) etiam pœnitentiam injungant, ut ad confessionem sæpe veniant. Et priusquam veniant ad confessionem, diligenter scrutentur corda sua confiteri volentes, & peccata sua sollicitè rememorent, & cum dolore & cum vultu supplicis ad confitendum accedant, quasi ad Dei iudicium. Sacerdotes autem, ut Dei ministri, circa confessionem audiendam, & pœnitentiam injungendam, maximam adhibeant diligentiam, ut attente, diligenter, & cum modestia audiant confitentem. Item ad confessionem audiendam, communem, & aptum locum in Ecclesia, ut ab omnibus videri possint, sibi eligant Sacerdotes. In locis autem obscuris & tenebrosis confessiones non audiant, nec extra Ecclesiam, nisi in magna necessitate vel infirmitate. Contrarium facientes, sententiam excommunicationis se noverint incursum. Item præcipimus, ut Sacerdotes ante solis ortum & post solis occasum nullatenus ad confessionem audiendam sedeant, nisi in magna necessitate, & in loco illuminato, & aliquibus præsentibus.

Item præcipimus sub pœna excommunicationis, ut Sacerdotes in audiendis confessionibus vultum humilem habeant & oculos ad terram: nec faciem respiciant confitentis, & maxime mulierum. Item Sacerdotes moneant & doceant sub-

ditos suos, ut humiliter & corde contrito, oculis in terram defixis, confiteantur. Et mulieres coopertis capitibus & collis, submissa voce pure & integraliter peccata sua confiteantur. Item Sacerdos mulierem, quæ sola sit in Ecclesia, nullatenus audiat confitentem, sed in conspectu honestæ societatis. Contrarium facientes ipso facto sententiam excommunicationis se noverint incursum & insuper tribus diebus in pane & aqua jejurent. Item præcipimus, ut Sacerdotes induti superpelliciis, vel cappa, stola superposita ad confessionem sedeant. Item sub pœna excommunicationis præcipimus, ne aliquis Sacerdos audiat confessionem mulieris, cum qua peccavit; nec etiam consocias aut fautores aut mediatores peccati sui, sed mittat eos velleas ad honestos & discretos confessores. Item præcipimus, ut Sacerdotes mansuete audiant confessiones, & de consuetis peccatis singularim & diligenter interrogent, & de circumstantiis peccatorum. De inusitatis autem nominatim non inquirent, sed per communia verba, ex quibus confitens, si reus est peccati, possit intelligere, quid dicatur, ut sic intelligens confiteatur. Si autem reus non fuerit, de illo non tenetur. Item Sacerdotes diligenter instruant & moneant confitentes, ut integraliter & distinctè mortalia peccata & eorum circumstantias, quæ peccata aggravant, & peccatum per se faciunt, confiteantur, ut est sacer ordo, sacer locus circa peccatum luxuriæ & concupiscentiæ, quæ omnia notantur in hoc versu: *Quis: quid, ubi, cum quo, quoties, cur, quomodo, quando.*

Venialia autem peccata sufficit summatim ac generaliter confiteri.

Item præcipimus, ut Sacerdotes nobis vel illi, cui vices nostras pro tempore in spiritualibus committimus, majora peccata & injunctionem pœnitentiæ pro eisdem, reservent, ut sunt: homicidia, sacrilegia, incendia Ecclesiarum, peccata contra naturam, desolatio virginum cum violentia, concubitus Sanctimonialium, conversarum, inclusarum, vel aliarum mulierum religiosarum, incestus, injectiones manuum in Parentes vel Ecclesiasticas personas, sortilegia, veneficia, perjury manifestæ, fidei & votorum trans-

(k) in pœnitentia.

(l) cui.

transgressiones, simonia, hæresis, apostasia, & magnæ blasphemiae seriose factæ. In dubiis autem Sacerdotes semper consulant Nos, vel vices nostras in Spiritualibus gerentem, aut alios sapientes viros, non prodendo aut revelando confitentem, sed in genere, quorum consilio poenitentem absolvant, aut ad alium mittant. Item audita confessione Sacerdos semper interroget confitentem, si velit abstinere ab omni mortali peccato? & hoc ei persuadeat, & modis, quibus potest, inducat: & si confitens dixerit se nolle, vel non posse abstinere, non absolvat eum, nec poenitentiam ei injungat, sed moneat, ut interim faciat, quicquid boni possit, ut Deus cor ejus citius illustret, & ad poenitentiam reducat. Consulat ei etiam & indicet Sacerdos cum diligentia modum vivendi, per quem possit a peccato facilius abstinere. Sacerdotes etiam in injungendis poenitentis discretionem habeant, ut poenitentias secundum magnitudinem & qualitatem peccati, & possibilitatem confitentis, peccatoribus injungant. Pro peccatis carnalibus injungant poenitentias corporales, sicut est jejunium, peregrinatio, disciplina, & similia. Pro spiritualibus autem negligentis injungant orationes, & eleemosynas, & meditationes peccatis eorum contrarias. In contestatione rei alienæ, vel in damno alii illato per furtum, rapinam, usuram, per fraudem, per injustam exactionem, per falsam restitutionem, per falsam monetam, vel alios modos, de quibus Sacerdotes diligenter inquirent: & primo & præcipue injungant restitutiones fieri his, quos prædictis modis damnificaverunt vel læserunt, si facultatem habent, vel cum facultatem habebunt, si in præsentem non possunt: aliter eos non absolvant. Item præcipimus sub pena excommunicationis, quam in his scriptis ferimus in Sacerdotibus, qui contrarium fecerint, ne confessis cujuscunque conditionis vel status, aut confitentibus, nomine restitutionis pro poenitentia injungant, ut Ecclesias, Capellas, vel Cœnobîa instituunt, (m) vel Ecclesiis legata faciant, sed prius restitutionem (ut prædictum est) faciant illis, a quibus extorta sunt, si inveniantur, vel hæredibus eorundem.

Alioqui ad arbitrium nostrum, vel nostri poenitentiarum erogentur. Item sub pena prædicta prohibemus Sacerdotibus, ne Missas, quas poenitentibus, ut celebrari faciant, injunxerint, aliquatenus celebrent, sed ad alios mittant. Neque Sacerdotes inter se faciant conventionem de Missis celebrandis, ut sic mutuo sibi parochianos pro celebrandis Missis transmittant. Item diligenter in confessione caveant Sacerdotes, ut, si confitentes peccata aliquorum revelaverint, vel nomina eorum indicaverint, cum quibus peccaverunt, ea secrete teneant; sicut peccatum confitentis. Item sub pena excommunicationis omnibus Sacerdotibus inhibemus, ne a confitentibus nomina eorum, cum quibus peccaverint, inquirent, vel circumstantias, per quas possint nomina eorum sciri. Quod si fecerint, ab officio confessionis audiendæ & sacrorum ministeriorum ipso facto se noverint esse suspensos. Et in principio confessionis Sacerdotes districte inhibeant confitentibus, ne peccata aliorum confiteantur vel revelent, aut nomina eorum, cum quibus peccaverint, exprimant, ut supra dictum est. Item nullus Sacerdos ex ira, odio, vel etiam metu corporis, confessionem confitentis audeat revelare verbo vel signo, generaliter vel specialiter dicendo: *Ego te scio talem, qualis es.* Et si revelaverit aliquo modo, de hoc convictus, debet absque omni misericordia degradari. Si tamen indigeat consilio, illud (ut dictum est) sine expressione personæ caute requirat. Item præcipimus, ut omnes Sacerdotes parochialium Ecclesiarum frequenter & diligenter subditos suos utriusque sexûs admoneant, ut postquam ad annos discretionis pervenerint, omnia peccata sua integre & ad minus semel in anno confiteantur proprio Sacerdoti parochiali, & injunctam eis poenitentiam studeant adimplere, suscipiendo ad minus reverenter in Pascha Eucharistiæ Sacramentum: nisi de consilio proprii Sacerdotis, ob aliquam causam rationabilem, duxerint abstinendum. Alioqui viventes ab ingressu Ecclesiæ arceantur; morientes Christiana careant sepultura. Si quis autem proprio Sacerdoti parochiali ad minus semel in

(m) forte: construant.

in anno plene & integre confessus non fuerit, præcipimus, quod Sacerdos in Pascha ei Sacramentum minime administret. Item Sacerdotes diligenter attendant, qui Parochiani eorum, saltem in anno semel ad confessionem non veniant: & nomina illorum ad Nos, vel ad Officialem nostrum, seu ad Ordinarium loci referant, ut debite puniantur, ne ab ipsis Sacerdotibus notam negligentiae requiramus. Hoc autem statutum frequenter in Ecclesiis præcipimus publicari, ne aliquis ex ignorantiae cæcitate velamen excusationis assumat. Si quis tamen alieno Sacerdoti, vel alicui Religioso, iusta de causa voluerit confiteri, licentiam primo postulet, & obtineat a proprio Sacerdote: ita tamen, quod semel ad minus in anno proprio Sacerdoti plene & integre (ut dictum est) confiteatur. Sacerdos autem cautus & discretus sit, ut more periti medici super infundat oleum & vinum vulneribus fauciat, diligenter inquirens peccatoris circumstantias & peccati: ex quibus prudenter intelliget, quale debeat peccatori præbere consilium ad sanandum ægrotum.

IX. De Ordinibus, & qui ad Ordines admitti debeant?

Statuimus, ut omnes Clerici ad aliquem sacrum ordinem ordinandi, jejuni, diligenter ante ordines vel ordinis suspensionem, integraliter peccata sua confiteantur, ut mundi, mente, & corde, & corpore gratiam accipiant ampliorem. Item præcipimus sub poena suspensionis & excommunicationis, ne aliquis ad sacrum ordinem præficiendus (ut hætenus aliquoties visum est) Epistola vel Evangelio lecto, & ordine suo recepto, recedere audeat prius, quam officium Missæ totaliter sit expletum.

Item omnes illi, qui ordinem aliquem sacrum vel non sacrum, ab alienis Episcopis receperint, nostra super hoc speciali licentia non obtenta, executionem ordinis sibi noverint interdictionem. Item præcipimus, & denuntiamus omnibus, qui gaudere volunt privilegio alicujus ordinis clericalis, quod nos ipsos non defendemus prætextu privilegii clericalis vel ordinis, nisi tempore, quo passi fuerint injuriam, contumaciam & habitum de-

tulerint clericalem. Item præcipimus, ne aliquis Decanus Christianitatis, Presbyteros ab alienis Episcopis quibuscunque, extra Diocesim Coloniensem ordinatos, permittat in suo Decanatu aliquatenus celebrare, nisi per litteras nostras ostendere possint, a nobis super hoc se licentiam vel dispensationem habuisse. Item districte prohibemus sub poena excommunicationis, ne aliquis furtive ad aliquem ordinem accedere audeat, nec (z) plures ordines una die aliquis recipiat. Qui contrarium fecerit, sciat se executionem suscepti ordinis non habere: & irregularis efficitur, si ministraverit in ordine sic suscepto. Item prohibemus, ne aliquis per saltum se faciat promovere.

X. De Matrimonio & ejus attentis.

Prohibeant frequenter Sacerdotes omnibus subditis suis sub poena excommunicationis, ne fidem sibi dent mutuo clandestine, & in occulto super matrimonio contrahendo, vel etiam clam contrahant matrimonium, sed publice coram Presbytero, & coram pluribus hoc faciant: & si aliter fidem dederint de contrahendo, vel contraxerint, ipsi (quos in his scriptis excommunicamus) denuntientur excommunicati. Item excommunicamus omnes illos, qui clandestinis nuptiis interfuerint: Nos, vel Officialis noster, vel Ordinarius loci, si scire poterimus, eos severissime puniemus. Item præcipimus, quod omnes Sacerdotes singulis diebus Dominicis & Festivis excommunicent omnes illos & illas, qui vel quæ contra matrimonium jam contractum, vel etiam super matrimonio contrahendo, testimonium falsum (a) tulerunt. Præcipimus etiam & districte Officiali nostro, & Ordinariis locorum, qui pro tempore fuerint, injungimus, quod si tales invenerint, qui vel quæ (ut dictum est) falsum testimonium tulerint contra matrimonium jam contractum, vel etiam contrahendum, eos vel eas, ligatis a tergo manibus, & charta in collo, supra scalam in loco publico poni faciant, ut per hoc eorum falsitas omnibus innotescat. Et volumus, quod in scala permaneant ab hora primæ, usque ad horam vespæ. Et si necesse fuerit in hujusmodi casu, volumus inno-

(z) id est: ne.

(a) ferunt.

invocari brachium sæculare. Quod si invocatum fuerit, sub pœna excommunicationis præcipimus exhiberi. Item excommunicamus omnes illos & illas, qui (b) aliquid dederint, vel aliquid acceperint pro impedimentis matrimonii non revelandis, vel qui prece, precio, gratia vel favore impedimentum matrimonii celaverint. Et ista excommunicatio a Sacerdotibus in Ecclesiis frequenter recitur. Item præcipimus excommunicari omnes illos & illas, qui vel quæ contra matrimonium jam contractum vel etiam contrahendum, sortilegia, incantationes (c) & maleficia faciunt, vel fieri procurant. Item præcipimus, cum aliquod matrimonium fuerit celebrandum, ut tribus diebus festivis in Ecclesia post Evangelium a Sacerdote, in cujus Parochia est celebrandum (d) matrimonium, publice proclametur, quod tales volunt contrahere matrimonium: si aliquis sit, qui sciat, legitimum impedimentum inter illos, hoc proponat, antequam hujusmodi matrimonium contrahatur. Et hoc sub pœna excommunicationis, subditis suis præcipiant Sacerdotes. Et ipsi Sacerdotes similiter de hujusmodi impedimentis inquirent. Si autem apparuerit probabilis conjectura contra matrimonium contrahendum, contractus interdicatur expresse, donec Nos, vel Officialis noster, seu Ordinarius loci, quid super hoc fieri debeat, consulatur.

XI. De Sepulturis & Cœmeteriis.

Statuimus, ut nullus excommunicatus & publice nuntiatus, in cœmeterio sepeliatur. Et si factum fuerit, cœmeterium illud, donec mortuus extumuletur, maneat interdictum. Item præcipimus sub pœna excommunicationis latæ sententiæ, ne aliquis in cœmeterio interdicto sepeliatur, & ne aliquis sepulture tali interfit. Laici autem quicunque tali sepulture interfuerint, excommunicationis sententiam (quàm super fieri (e) volumus in his scriptis) incurrant ipso facto; & excommunicati publice nuntientur. Clerici vero, qui interfuerint, sententiam suspensionis ab officio, quam in eos ferimus, ipso facto se noverint incurrisse. Item immunita-

tes Ecclesiarum & cœmeteriorum inviolatas & incontaminatas præcipimus ab omnibus observari, pœnas contra violatores ipsarum immunitatum innovantes, & servari mandantes, quas felices recordationis prædecessor noster Dominus ENGLBERTUS Archi-Episcopus in suis constitutionibus ordinavit. Item cœmeteria clausa & munita custodiantur, ne a porcis vel aliis animalibus ossa mortuorum comedantur. Et volumus, ut in speciali loco ossa mortuorum fideliter reponantur. Item Ecclesias vel cœmeteria a laicis cujuscunque conditionis vel status fuerint, ad læsiones aliorum muniri vel incastellari, sub pœna excommunicationis latæ sententiæ firmiter prohibemus: & qui contra fecerint, per locorum Ordinarios excommunicati publice nuntientur. Item statuimus, & sub pœna excommunicationis præcipimus observari. Ut: quodvis quis in loco religioso sepulturam elegerit, corpus primo præsentetur parochiali Missæ: & tunc demum celebrata Missa deferatur ad locum, in quo elegit sepulturam.

XII. De Bonis Ecclesiarum non alienandis.

Præcipimus districte sub pœna excommunicationis, quam ferimus in his scriptis in hujus mandati transgressores, ne Præpositi, Decani, vel Presbyteri conventualium vel parochialium Ecclesiarum, aliqua bona de bonis Ecclesiarum alienent, nostra super hoc speciali licentiâ, vel Capituli nostri non obtentâ: & si aliter factum fuerit, contractum decernimus non valere. Item præcipimus sub eadem pœna, ut prædictæ personæ, si sciverint aliqua bona ab Ecclesiis alienata, ea fideliter & diligenter repetant: & si forte propter personarum potentiam, in quas hujusmodi alienatio facta est, repetere non valeant, volumus hoc Nobis, vel Officiali nostro nunciari, ut super hoc competens remedium præbeat. Item excommunicamus in his scriptis omnes illos, qui occupant & detinent sine Nostro & Ecclesiæ nostræ consensu & voluntate, vel etiam celaverint feuda, redditus vel jura, quæ ad Nos, vel ad Ecclesiam nostram Coloniensem pertinent, nisi intra mensem post publicationem hujus mandati, prædicta nobis resignent vel revelent.

Item

(b) fidem.

(c) vel.

(d) contrahendum fuerit.

(e) ferimus.

Item excommunicamus omnes Advocatos Ecclesiarum, & alios quoscunque & quocunque nomine censeantur, qui exactiones vel servitia indebita Ecclesiarum vel Ecclesiasticis personis imponunt. Item excommunicamus in his scriptis omnes illos, cujuscunque sint dignitatis vel status, qui Ecclesiarum nostrarum Majoris, vel aliarum Ecclesiarum nostrarum Diocesis homines, censum capitalem ipsis Ecclesiis solventes, pretextu advocacy vel alterius coloris, exactionibus vel captionibus opprimunt vel molestant, aut bona eorum mobilia vel immobilia, post mortem ipsorum invadunt vel accipiunt violenter.

XIII. *De malefactoribus ad Ecclesiam confugientibus.*

Quia nonnulli homicidia, mutilationes membrorum, & alia maleficia perpetrant, quæ non essent perpetraturi, nisi quia sperant, quod ab Ecclesiis, ad quas confugiunt, se tueri possint, & impunitatem suorum excessuum obtinere: Statuimus quod confugientes hujusmodi ad Ecclesias vel immunitates, abinde sine speciali licentia nostra, vel gerentis vices nostras, nullatenus extrahantur, sed stricte custodiantur ibidem, ne inde effugiant, donec factum vel ejus qualitas, Nobis vel vices nostras gerenti nuntietur. Ipsi quoque confugientibus Nobis presentatis & eo, quod perpetratum fuerit, auctoritate nostra examinato, ad veniam vel ad poenam (f) circa ipsos, prout qualitas facti exegerit, procedatur. Alia autem omnia & singula, quæ a jure vel a predecessoribus nostris de conservandis libertatibus Ecclesiarum & immunitatum, & de violatoribus earundem sunt statuta, Synodali sanctione innovamus, & precipimus inviolabiliter observari. Item precipimus, hujusmodi statutum in Ecclesiis a Sacerdotibus frequentius publicari.

XIV. *De usurariis manifestis.*

Statuimus, ut usurarii manifesti (quos nos in his scriptis excommunicamus) excommunicari singulis diebus Dominicis per Parochiales Ecclesiarum Sacerdotes publice nuntientur: nec ad communionem Altaris admittantur,

(f) contra.

nec oblationes eorum, nec elemosinas quispiam recipiat, nec Christianam (si in hoc peccato decesserint) recipiant sepulturam. Manifestos autem usurarios esse dicimus, & vocamus, qui per sententiam vel confessionem factam in jure, vel evidentiam rei, quæ tergiversatione celari non poterit, comprobantur. Circa usurarios autem, qui de receptis usuris satisfacere saltem ultima voluntate mandaverint, servetur constitutio Domini Gregorii Papæ X. Concilii generalis, quæ est talis. Quanquam usurarii manifesti de usuris, quas receperant, satisfieri expressa quantitate vel indistincte in ultima voluntate mandaverint, nihilominus tamen eis Ecclesiastica sepultura denegetur, donec vel de usuris ipsis fuerit, prout patiuntur facultates eorum, plenarie satisfactum, vel illis, quibus facienda restitutio, si præsto sint ipsi, vel aliis, qui possint eis acquirere, vel eis absentibus, loci ordinario, vel ejus vices gerenti, vel Rectori Parochiæ, in qua testator habitabat, coram aliquibus fide dignis de ipsa Parochia (quibus quidem Ordinario, Vicario, vel Rectori, cautionem hujusmodi eorum nomine liceat presentis constitutionis auctoritate recipere, ita quod illis perinde actio acquiratur, ac servo publico) de ipsius Ordinarii mandato, idonee de restitutione sit cautum: cæterum si receptarum usurarum sit quantitas manifesta, illam semper in cautione prædicta exprimi volumus: alioqui aliam recipientes, cautionem, hujusmodi arbitrio moderandam. Ipse tamen scienter non minorem, quam verisimiliter creditur, moderetur; si secus fecerit, ad satisfactionem residui teneatur. Omnes autem Religiosos & alios, qui manifestos usurarios contra presentis sanctionis formam, ad Ecclesiasticam admittere ausi fuerint sepulturam, poenæ in *Lateranensi Concilio* contra usurarios promulgatæ statuimus subiacere. Nullus manifestorum usurariorum testamentis interfit, aut eos ad confessionem audiat vel admittat, sive eos absolvat, nisi de usuris satisfaciant, vel satisfaciendo pro suarum viribus facultatum, præsentem (ut præmittitur) idoneam cautionem.

Item statuimus, quod nullus omnino

nino Advocatus, usurario in usurarum causis patrocinium præstet, nisi iuramentum (g) faciat, quod quam cito sciverit, vel scire potuerit causam esse usurariam, (b) eam ulterius non fovebit, nec patrocinium aliquod usurario ipsi clam vel aperte impertietur.

XV. *De Clericis in Ecclesiis, vel Capellis celebrantibus sine Nostra vel Archidiaconorum licentia.*

Statuimus, ut nullus Sacerdos vel Clericus in Ecclesia parochiali, vel Capella audeat celebrare, sine Nostra, vel Archidiaconorum licentia, vel aliorum, ad quos hoc pertinet, auctoritate & consensu, quantumcumque a Patronis, vel ab eis, qui se Patronos esse contendunt, ad hoc licentientur vel etiam permittantur. Et quicumque Clericus vel Sacerdos contrarium fecerit, excommunicationis sententiam (quam propter hoc in (i) ipsum ferimus in his scriptis) incurrat ipso facto. Et si in delicto perseverando, excommunicationem ipsam sustinuerit per septem dies, ex tunc tanquam irregularis, ad Beneficium Ecclesiasticum, vel Divinorum celebrationem non admittatur, nisi prius cum enarratione facti, dispensationis litteras a Sede Apostolica ipsum contingat reportare. Item prohibemus sub pœna excommunicationis latæ sententiæ, ne aliquis Sacerdos secularis vel Regularis Parochiam aliquam teneat, vel de cætero tenere audeat, ad quam legitime non sit præsentatus, & per Nos vel Archidiaconos locorum vel alios, prout hoc ad (k) Nos pertinet, institutus. Item præcipimus, ne aliquis beneficium accipiat de Laicorum manibus. Qui vero contrarium fecerit, cum amissione beneficii, periculo subiaceat sui gradus. Præsentationes tamen Laicorum non reprobamus, in quibus jus obtinent Patronatus.

Item prohibemus, ne aliquis Sacerdos competens beneficium habens cum cura vel sine cura, de quo valeat commode sustentari, eo beneficio dimisso, ad Ecclesiam alienam, tanquam Vicarius vel Mercenarius audeat se transferre. Contrarium facientes, per Archidiaconos locorum vel alios, prout hoc

ad eos pertinet, volumus per censuram Ecclesiasticam ab ipsis Vicariis, si necesse fuerit, removeri.

XVI. *De executione mandatorum nostrorum & Curie nostræ Colonienfis.*

Præcipimus districte sub pœna excommunicationis latæ sententiæ in his scriptis, quod Decani Christianitatum & Sacerdotes Parochialium Ecclesiarum, vel vices eorum gerentes, & omnes alij, cujuscunque sint dignitatis, conditionis & status, quod mandata nostra & Curie nostræ & Archidiaconorum nostrorum, prout eis subsunt, fideliter, & viriliter exequantur. Et si timeant, quod malum aliquod per adversarium vel secularem justitiam, vel quemcumque alium, debeat inferri portitori mandatorum, caute ipsum expediant, & postmodum mandata Curie nostræ adimplere procurent. Item præcipimus sub pœna excommunicationis latæ sententiæ in his scriptis, omnibus & singulis Sacerdotibus Parochialibus vel eorum vices gerentibus, quod singulis diebus Dominicis, accensis candelis & pulsatis campanis, publice & solenniter excommunicent omnes illos, qui perturbant jurisdictionem Curie nostræ Colonienfis, vel Archidiaconorum nostrorum, & qui impediunt, quominus Nos jurisdictione nostra utamur libere & quiete. Et exponant Presbyteri singuli in suis Ecclesiis suis Parochianis, in quibus intelligatur jurisdictio hujusmodi perturbari, videlicet interdicens, prohibendo, inhiberi faciendo, vel statuendo, ne aliqui in Curia nostra causam suam prosequantur. Item arrestando, capiendo, vel capi faciendo per justitiam secularem latores mandatorum Curie nostræ (l) vel illos, qui in Curia nostra suos adversarios trahunt in jus vel verberando vel verberari faciendo vel comminando, vel litteras Curie nostræ rapiendo vel lacerando, vel etiam alia faciendo, per quæ processus negotii valeat retardari. Contrarium facientes, quos in his scriptis excommunicamus, per Plebanos locorum, ubi præmissa perpetrata dinoscuntur, excommunicati nominatim & publice in ipsorum Ecclesiis nuntientur. Et si dicti excommunicati

P p p p 3.

cati

(g) præstet.
(h) eum.

(b) causam.
(l) & alios qui.

(i) ipsos.

cati in ipsa excommunicatione per septem dies manserint, ipse locus & Ecclesia (quem & quam in his scriptis Ecclesiastico supponimus interdicto.) denuntientur publice ab eisdem locorum Plebanis interdicto Ecclesiastico subiacere.

Item præcipimus sub pœna excommunicationis latæ sententiæ, ut Ecclesiarum Rectores vel eorum vices gerentes, sigilla propria habeant, & procurent intra mensem unum ab hac die numerandum. Et quod nihil recipiant, nec exigant a litigatoribus, pro executione mandatorum huiusmodi facienda.

XVII. De Testamentis.

Quia executores Testamentorum nonnunquam negligenter, nonnunquam malitiose in bonis defunctorum versantur, & quia hæc & his similia debent diligentia episcopi emendari: præcipimus, ut coram duobus in singulis Archi-Diaconatibus a nobis deputandis, executores testamentorum singulorum Archi-Diaco-natum, in numero & valore bonorum defuncti, de erogatis ab ipsis reddant debitam rationem. Et concedimus his, qui a nobis super hoc erunt deputati, potestatem vocandi coram se executores prædictos, & eorum contumaciam, si venire noluerint, per censuram Ecclesiasticam puniendi, & exigendi ab eis debitam rationem. Si quid autem fraudis vel negligentia perceperint, ad nos referre procurent.

XVIII. De interdicto, Ecclesiastico qualiter sit observandum.

Cum plerumque & communiter circa observationem interdictorum, pernitiose hætenus sit erratum, communi morbo communem volentes adhibere medelam, statuimus, ut quotiescunque locum aliquem auctoritate nostra ordinaria vel delegata, Ecclesiastico interdicto supponi contigerit, omnibus tam extrema unctio, quam sepultura & alia Sacramenta Ecclesiastica penitus denegentur, exceptis baptismo parvulorum & penitentia morientium, ac viatico, quod morientibus in penitentia non negatur. Clericos autem decedentes, qui causam interdicti non dederint, & qui reverenter interdictum servaverint, in cemiterio sine campanarum pulsatione, cessante omni solennitate,

cum silentio concedimus tumulari. Item si in aliquam Ecclesiam conventualem latum fuerit interdictum, licitum sit, duobus vel tribus simul, januis clausis, voce submissa, ita quod extra audiri non possint, excommunicatis & interdictis exclusis, horas canonicas dicere, si tamen ipsi interdicto causam aliquam non dederunt. Præterea tempore interdicti licitum est Ecclesiarum ministris, semel in septimana voce submissa, clausis januis, excommunicatis, & interdictis penitus exclusis, Missam celebrare ad conficiendum corpus Domini, quod (ut dictum est) morientibus in penitentia conferri potest. Item si aliquibus per privilegium concessum sit, ut non obstante interdicto, Divinum possint celebrare officium, semper subintelligendum est, excommunicatis & interdictis exclusis, voce submissa, januis clausis, campanis non pulsatis, omni solennitate prætermissa: & ita deinceps præcipimus inviolabiliter observari. Et quia Nos intelleximus, quod fratres hospitalarii & quidam alii afferentes se habere privilegium, quod in locis interdictis possint Divina celebrare officia, excommunicatis & interdictis nominatim exclusis, abutentes huiusmodi privilegio, in locis interdictis Divina officia celebrare præsumunt, & indifferenter quoscunque admittunt, nisi specialiter expressis nominibus ipsorum excommunicatorum & interdictorum in sententia interdicti fiat mentio, irregularitatem ex hoc damnabiliter incidendo. Unde ad vitandum deinceps huiusmodi errorem, illos nominatim interdictos & excommunicatos secundum jura dicimus, si castrum, villa, civitas, vel oppidum sint interdicta: Non nominatim interdicti vel excommunicati dicuntur, quando sic fertur sententia, *excommunico vel interdicto tales cum suis participibus*. Participes enim non sunt excommunicati vel interdicti nominatim, & ideo tales possunt admitti ad Divina, nisi notoria esset eorum participatio, tunc non possent admitti ad Divina. Præterea, quia (ut intelleximus) quadam damnabili abusione invaluit, quod loco aliquo supposito interdicto, populus, vel aliqui de populo loci interdicti, ad vicinas Ecclesias pro Divinis audiendis accedunt, & ibidem indifferenter ad Divina, & alia

alia Sacramenta Ecclesiastica a Plebanis admittuntur, id correctione dignissimum judicamus. Statuimus igitur, & sub pœna excommunicationis firmiter observari præcipimus, ut diebus Dominicis & festivis Presbyteri, antequam Missam celebrent, plebem interrogent, si aliquis de loco interdicto in Ecclesia

fit: quem si invenerint statim ab Ecclesia abjiciant. Presbyter autem, qui proprium aut alienum Parochianum excommunicatum aut interdictum, scienter ad aliquod Sacramentum Ecclesiasticum admittit, ipso facto se noverit esse suspensum.

Impressa Coloniae a pag. 31. ad 49.

STATUTORUM D. SIFRIDII, ARCHI-EPISCOPI COLONIENSIS,
F I N I S.

Quomodo & qualiter sit servandum interdictum, vide plenius postea in statutis Venerabilis Domini HENRICI Archi-Episcopi Colonienfis Capite IX. & X. & Constitutione BONIFACII Papæ VIII. quæ incipit: *Alma mater plerumque* &c. Hæc mitigat, moderatur & disponit ordinem & modum servandi interdictum, ne ex horum statutorum ordinatione, pericula insurgant animarum, nec Ecclesiis debita subtrahantur obsequia. Ponit & ordinat etiam hæc eadem Constitutio: *Alma mater*, dies ac festa, quibus solenniter in omnibus Ecclesiis, ob reverentiam ipsorum festorum Horæ ac Divina perfolvantur Officia, januis apertis, campanis pulsatis, ac etiam interdictis admittis, ut in affectum reconciliationis inclinentur, exclusis tamen penitus excommunicatis. Approbat denique idem HENRICUS eadem Constitutione Prædecessorum suorum laudabiles de interdicto Constitutiones, non obstantibus privilegiis, ac indultis quibuscunque concessis. Ista parebunt Constitutionem ipsam insipienti IN STATUTIS HENRICI secundario editis, Statutum nonum, quod est de recipiendis quotidianis distributionibus tempore interdicti, & XI. Statutum.

Impressa Coloniae anno 1554. a pag. 49.

CONCILIIUM ASCHAFFENBURGENSE

Anno Christi MCCLXXXII. Martini IV. Papæ II.
Rudolphi I. Imp. X.

De hoc Concilio hujus anni altum silentium apud Severarium, Latomum, aliosve Scriptores rerum Moguntinarum, etsi Concilii Aschaffenburgensis anni MCCXCII. meminerit Severarius. Ternæ tamen literæ concessæ Indulgentiæ XL. dierum variis Ecclesiis ab Episcopis, qui huic Concilio hoc anno interfuerunt, certos nos faciunt illud fuisse celebratum. Aliæ acta hujus Synodi forte contra Judæos occisos Moguntiae ob maleficia, nos latent.

Indulgentia XL. dierum

Ex Aschaffenburgensi Concilio ab HARTMANNO, Episcopo
Augustensi, concessa.

HARTMANNUS, DEI GRATIA, AUGUSTENSIS EPISCOPUS, UNIVERSIS CHRISTI FIDELIBUS SALUTEM IN DOMINO.

Cum ad promovenda gaudia sempiterna, Sanctorum suffragia quamplurimum sunt opportuna, ut quod nostra merita non obtinent, eorum mereamur meritis obtinere: cupientes igitur, ut Ecclesia Fratrum Ordinis S. Augustini in Muningstad Herbipolenfis Diœcesis congruis honoribus a Christo fidelibus frequentetur, omnibus vere penitentibus, & confessis, qui dictis fra-

tribus, seu per laborem, seu per eleemosynam manum adjutricem porrexerunt &c. XL. dies criminalium & annum venialium in Domino relaxamus &c. Dat. apud Aschaffenburg anno Domini MCC LXXXII. in Concilio Provinciali ibidem celebrato.

Idem per literas suas indulsit Sifridus Episcopus Hildensbemensis sub data eadem.

Fride.

Friderici, Spirensis Episcopi, Indulgentia

XL. dierum, addito anno venialium, concessa visitantibus Ecclesiam Fuldensensem S. Bonifacii, & per Octavas, & in anniversario die Dedicationis vere pœnitentibus & confessis.

FRIDERICUS, DEI GRATIA, SPIRENSIS ECCLESIAE EPISCOPUS, UNIVERSIS CHRISTI FIDELIBUS SALUTEM IN FILIO DEI VIVI.

Licet is, de cuius munere venit, ut sibi a fidelibus suis digne & laudabiliter serviat, de habundantia pietatis suæ, quæ merita supplicum excedit & vota, beneficientibus majora retribuatur, quam valeant promereri; volumus tamen populum Domino reddere acceptabilem, & fideles Christi ad benefaciendum speciali præmio invitare. Cupientes igitur venerabile Fuldensē Monasterium congruis honoribus exaltare, universis & singulis vere pœnitentibus & confessis, qui in festis Patronorum ipsius Sancti videlicet BONIFACII Archiepiscopi & Martyris, & sociorum ejus, *Simplicii, Fausti & Beatricis*, & per octavas

eorundem, ac in anniversario Dedicationis dicti Monasterii die, in spiritu humilitatis ad præfatum Monasterium accesserint annuatim, Divinæ propitiationis gratiam petaturi, vel qui ad structuram ipsius manum porrexerint adjutricem; de Misericordia DEI Omnipotentis, & Beatorum Apostolorum ejus Petri & Pauli meritis, & auctoritate confisi, XL. dies, addito anno venialium, de injuncta eis pœnitentia misericorditer relaxamus. Datum Aschaphenburgi in Concilio, anno Domini MCCLXXXII. in crastino Nativitatis Virginis glorioſæ. Et appendet sigillum.

Reimboto, Episcopus Eistetensis, eandem

Indulgentiam concedit ad Ecclesiam S. Andreae ibid.

REIMBOTO, DEI GRATIA, EYSTETENSIS ECCLESIAE EPISCOPUS, UNIVERSIS CHRISTI FIDELIBUS SALUTEM IN FILIO DEI VIVI.

Sanctorum meritis inclita gaudia, fideles Christi assequi minime dubitamus, qui eorum patrocinia per condignæ devotionis obsequia promerentur. Volumus igitur populum Domino reddere acceptabilem, & beneficientes præmio allicere, cupientes Ecclesiam *Beati ANDREÆ Apostoli apud Fuldā* congruis honoribus prævenire, universis ac singulis vere pœnitentibus ac confessis, qui in festis Patronorum ipsius, videlicet *Andræ Apostoli, Georgii Martyris*, & per Octavas earundem Festivitatū, ac

in anniversario Dedicationis dictæ Ecclesiæ die, in spiritu humilitatis ad præfatam Ecclesiam annuatim accesserint, Divinæ propitiationis gratiam petaturi; de Misericordia DEI Omnipotentis, & Beatorum Apostolorum ejus meritis, & auctoritate confisi, XL. dies, & unum annum venialium de injuncta eis pœnitentia misericorditer relaxamus. Datum Aschaphenburg in Concilio, anno Domini MCCLXXXII. in crastino Nativitatis Virginis glorioſæ.

Friderici, Episcopi Spirensis, eidem Ecclesie

S. Andreae concessa XL. dierum & unius anni de injuncta pœnitentia.

FRIDERICUS, DEI GRATIA, SPIRENSIS EPISCOPUS, UNIVERSIS CHRISTI FIDELIBUS SALUTEM IN FILIO DEI VIVI &c.

Cupientes Ecclesiam *Beati ANDREÆ apud Fuldā* congruis honoribus prævenire, universis & singulis pœniten-

tibus & confessis, qui in festis Patronorum ipsius Sancti in spiritu humilitatis ad præfatam Ecclesiam annuatim accesserunt,

serint, Divinæ propitiationis gratiam peturi; de Misericordia DEI Omnipotentis, & Beatorum Apostolorum ejus meritis, & auctoritate confisi, XL. dies, & unum annum de injuncta eis pœni-

tentia misericorditer relaxamus. Datum Aschaphenburg in *Concilio*, anno Domini MCCLXXXII. in crastino Nativitatis Virginis gloriosæ.

In Concilio Moguntino D. Petri anni MCCCX. multa statuta referuntur: horum alia Wernero, alia Gerardo (qui MCCXCII. Aschaffenburgi Concilium celebravit) alia Petro adscribuntur. Ea inter se discernere videtur difficile & meræ conjecturæ: hinc nos ad annum MCCCX. ea referemus.

Episcopum Curiensem Rhetie Provinciæ, Conradum Baronem de Bellmont anno MCC LXXXII. diem ultimum vitæ clausisse in arce sua Furstenbergica, scribit *Joannes Gulerus*, cum se itineri Moguntiam versus accingeret, ut ibidem Provinciali Concilio, a Wernero de Falckenstein Archi-Episcopo Moguntino indicto, assisteret.

Joannes Gulerus in Descriptione Germanica Rhetie anno MDCXVI. edita.

Utrum Concilium anno MCCLXXXII. in Provincia Moguntina celebratum, sit idem cum Aschaffenburgensi: an aliud intra mœnia civitatis Moguntiae; non habeo dicere, cum SERARIUS, & LATOMUS, & SCHMIDIUS taceant de Concilio in urbe Moguntina anno MCCLXXXII. celebrato.

SYNODUS PATAVIENSIS

APUD S. HIPPOLYTUM,

Anno Christi MCCLXXXIV. Martini IV. Papæ IV.
Rudolphi I. Imp. XII. XIV. Kal. Aprilis.

COMPLECTITUR CANONES XXXIV.

QUoniam Sedes Apostolica nos in partem solitudinis evocavit, ut super reformatione Pataviensis diœcesis providere debeamus afflictis ecclesiis & personis; ne injunctum nobis Ministerium negligamus, & tamen gravamini possimus parcere subditorum, hac vice non multas intendimus addere *Constitutiones*, sed antiquas, quas minus observatas invenimus, auribus singulorum & memoriæ inculcare, quas etiam ab omnibus in nostra Diœcesi volumus inviolabiliter observari. Ut igitur ab eo sumamus exordium, qui omnium finis est & principium; quæ circa ipsius cultum & obsequium neglexerit hæctenus sunt omiſſa, primo duximus corrigenda; ne propter incuriam eorum, qui Ecclesiasticis sunt officiis mancipati, Divina contra nos indignatio graviter exardescat.

I. De custodia Eucharistiae.

STatuimus igitur, ut secundum constitutionem Lateranensis Concilii Chriſma & Oleum sacrum, & Eucharis-

tia sub fideli custodia, & lampadibus adhibitis conserventur: ne possit ad illa temeraria manus extendi, ad aliqua horribilia, & nefaria exercenda, quorum etiam custodia nunquam Laicis communicatur. Si vero is, ad quem spectat custodia, incaute reliquerit, tribus mensibus ab officio suspendatur: & si per ejus incuriam aliquid nefarium inde contingit, graviori subjaceat ultioni juxta ordinationem nostram, quam juxta qualitatem delicti studebimus moderari.

II. Campana in gestatione Sacramenti.

Item statuimus, ut secundum statuta Canonum Sacerdotes, & non alii infirmos in extremis laborantes, in viatico & confessione visitent; & præeuntem campanam secum deferentes, ex cujus sono primo devotio fidelium excitetur ad tanti reverentiam Sacramenti, & ipsi Sacerdotes portantes Sacramenta, Hostiam, Chriſma, & Oleum infirmorum superpellicio & sarcocio sint induti cum candela accensa & lucerna,

reverentia debita incedentes. Omnibus etiam, qui ob reverentiam tanti Sacramenti Sacerdotem infra civitatem & villam congrua devotione sequuntur, sive unum infirmum communicet, sive plures, XX. dies inunctæ pœnitentiæ relaxamus, si autem ad aliam villam sequuti sunt, indulgentia duplicetur.

III. Clerici ludos, & tabernas vitent.

Item districtissime inhibemus, ne Clerici ludos alearum & taxillorum inordinatos & indecentes, & turpia lura, & inhonesta mercimonia præsumant de cætero exercere: ne tabernas nisi necessitatis causa, vel in itinere constituti ingrediantur; alioquin pœnam eis Canonicam infligemus.

IV. Quod quæstuarii non admittantur.

Item præcipiendo mandamus, ut ad petendam eleemosynam nulli prorsus de cætero quæstuarii admittantur: Ecclesiæ vero, vel domus, sive hospitalia, pro quorum subventionem indulgentias, & literas nostras petitorias concedimus, per suos fratres, vel notos, & constitutos nuncios easdem transmittant literas pro eleemosyna colligenda: & tales admittantur secundum continentias literarum; Si qui vero talium inventi fuerint, falsum videlicet Religionis habitum deferentes, ut tabernarii, lutores, seu apostata; tanquam falsarii ab omnibus repellantur: & quicumque Plebanorum, Vicariorum, seu Rectorum prætextu pecuniæ, vel cujuscunque lucri, seu commodi, tales non repulerit; toties in hoc casu deliquit: & nisi infra mensem, postquam incidit in talem pœnam, nobis vel Archidiacono, seu Decano suo, de hoc recognoverit, ex tunc elapso eodem mense ab officio sit jure ipso suspensus. Item inhærentes vestigiis prædecessorum nostrorum, monitis ipsorum, ac ordinationibus ipsorum salubrius, aliqua addenda esse decernimus quæ salutis subditorum & nostræ sollicitudini declarat ratio temporis plurimum opportuna.

V. Quod curas animarum habentes per se resideant.

Omnes igitur & singulos curam animarum habentes, ad receptionem Ordinum, quos ipsorum cura & offi-

cium, ac sollicitudo requirit, nec non ad personalem in suis beneficiis residentiam mandato districtissimo evocamus. Si autem aliqui defuerint in ipsis, per alios, quod ex justa causa & de nostra licentia speciali oportere fieri, & debere intelligimus, illi in suis Ecclesiis tales constituent, sive locent, quos notos, dignos, & idoneos sciverint evidenter. Qui vero scienter Clericos peregrinos, concubinariorum, vel alios indignos collegerint in socios vel Vicarios: vel si eos, quos tanquam dignos assumpserint & bonos, postmodum malos effectos non removerint; ex tunc tam illi, qui tales colligunt, quam isti, qui collectos non remouent, integrum mensem, postquam iniquitas ipsorum detecta fuerit, ab ingressu Ecclesiæ suspendantur.

VI. Quod Clerici noti ignotis præferantur.

Item cum scriptum sit, quantum quisque mereatur, non quantum dare sufficit, æstimetur; districtè prohibemus, ne aliquis in locationibus Ecclesiarum amplioris lucri gratia bonis & idoneis, atque notis, minus idoneos sive ignotos, seu male meritos anteponat, si postquam id nobis constitit, gravem a nobis effugere voluerit ultionem.

VII. Quod Rectores in filialibus Ecclesiis locent idoneos.

Adhæc statuimus, ut Rectores Ecclesiarum in suis filialibus subiectis Ecclesiis notos, & idoneos de sui Decani conscientia constituent Sacerdotes, ne utique diminuendo Præbendam, antiquitus deputatam, neque exactione aliqua seu conditione, vel servitiis extraordinariis oneranda: ubi vero non inveniuntur Præbendæ antiquitus deputatæ, vel deputandæ hætenus Præbendæ non sufficiunt Parochiis, per guerras, vel ex causis aliis desolatis; in eisdem Præbendæ de Archidiaconi, vel Decani consilio statuuntur.

VIII. Quod peregrini Clerici non admittantur in Ecclesiis.

Item cum plerumque infames loca consueverint suæ relinquere nationis; statuimus, ne Clerici peregrini & ignoti per nostram Diœcesim de cætero ad officium tanquam Vicarii, & socii

cii in Ecclesiis, vel Capellis aliquibus admittantur, nisi nostras exhibeant literas, quibus eis officianti in nostra Diocesi licentiam concedimus. Præcipimus etiam, ex nunc omnes dictos Clericos, peregrinos & ignotos, nostras non habentes literas super admissione sua, a Vicariis Ecclesiarum, seu Capellarum, castrorum, civitatum, villarum quaecunque Diocesis nostræ, & a societate domestica penitus removeri. Qui autem in utroque, vel altero hujus mandati nostri articulo transgressor extiterit; ab ingressu Ecclesiæ & Divinis per Nos se noverit suspendendum, graviori poena, si ejus culpa exegerit, nihilominus puniendus.

IX. Quod Clerici nuptias non celebrent.

Item statuimus, ut si quis Presbyter de suis filiis & filiabus solemnes nuptias præsumpserit celebrare; ab executione sui Ordinis suspendatur, & nisi infra duos menses se de hoc apud nos, vel suum Archidiaconum recognoscat, Ecclesia, vel aliquod beneficium, si quod habet, auferatur ab eo.

X. Quod Excommunicati sint; qui tollunt res Clerico pertinentes.

Item, quia quidam Ecclesiarum Patroni tam Clerici, quam laici, Advocati, judices, vel alias potentes, bona mobilia, seu immobilia decedentium Clericorum occupant, rapiunt, & usurpant, volentes ipsis ab intestato succedere, pro suæ voluntatis arbitrio, non judicio rationis; provide duximus statuendum, ut decedentibus Clericis ab intestato; tam Plebanis, quam aliis Clericis, bona eorum mobilia & immobilia, in quocunque loco fuerint, in nostra protectione & potestate consistant: & quicumque laicorum bona hujusmodi usurpaverint, rapuerint; vel distraxerint, occasione quacunque non post trinam admonitionem ablata, taliter plenè restituerint; excommunicationis vinculo sint obligati. Imo cum gravius sit peccare in mortuum, quam in vivum; præcipimus, ut non solum talibus, sed & eorum familiaribus servientibus, seu colonis, ubicunque fuerint residentes, nulla Divina penitus ministrentur, exceptis penitentis morientium & Baptismate parvulorum, nisi infra mensem

ab ejus familiaritate, & servitio se subtrahant, vel cultura.

XI. Quod excommunicati non sepeliantur.

Item statuendo interdicimus firmiter, & districte, ne aliqui Plebani, Prælati, Rectores Ecclesiarum, vel Vicarii, de cætero excommunicatos, vel interdictos ad Ecclesiasticam recipiant sepulturam. Si qui vero contrarium fecerint, ex tunc omnibus suis beneficiis noverint se privandos: Religiosi vero pro transgressione hujusmodi constitutionis, excommunicationis se sciant vinculo innodandos, & nihilominus pro qualitate sui delicti secundum nostrum arbitrium puniendos. Qui autem tales sepeliverunt, nisi infra mensem cadavera extumulent eorumdem, suis se sciant privandos omnino beneficiis, & excommunicationis sententiæ nihilominus innodandos.

XII. Quod excommunicati ab Ecclesiâ repellantur.

Districte etiam inhibendo mandamus, ne de cætero in locis non consecratis, vel in Ecclesiis violatis Divina celebrentur, nisi ex nostra permissione & licentia speciali; nec in Cemiteriis non consecratis, vel violatis corpora defunctorum sine nostra speciali licentia tumulentur.

XIII. Quod Divina non fiant in præsentia excommunicati.

Item inhibemus, ne Plebani, vel Sacerdotes aliqui excommunicatis a D. Papa, vel a nobis, vel ab aliquo iudice ordinario, seu delegato, ante obtentum absolutionis beneficium in festis diebus, vel privatis, de cætero introitum Ecclesiæ indulgeant, vel eos recipiant ad Divina; cum ante absolutionem excommunicationis vinculum non possint ad tempus suspendere, nec sine peccato medio tempore, possint eis, nisi in certis casibus, communicare: qui vero contrarium fecerit, ipso jure ab officio sit suspensus.

XIV. Unus Clericus unam regat Vicariam.

Item statuimus, ut nullus Clericus plures, quam unam sibi præsumat regendam assumere Vicariam, & qui contra fecerit, se per poenam graviter sciat deliquisse.

XV. Quod Rector Ecclesiæ non sit Vicarius.

Item statuimus & ordinamus, ut quicumque Clericorum nostræ Diocesis beneficium cum cura animarum, vel sine cura habuerit, non præsumat ullam sibi assumere Vicariam regendam; sed in suis non omittat beneficiis residere. Item, qui tales in Clero nostro fuerint, ex nunc infra unius mensis spatium, ad eadem sua beneficia revertantur, alioquin ex tunc suis se beneficiis noverint privandos.

XVI. Quod Beneficia Ecclesiastica libere conferantur.

Item statuimus, ut Beneficia Ecclesiastica absque omni pacto, & diminutione per eos, ad quos eorum collatio pertinet, conferantur. Si quod factum hætenus in contrarium extitit, quasi irritum, penitus revocamus.

XVII. Quod Clerici de matrimoniis non cognoscant.

Item statuimus, & sub pœna excommunicationis firmiter inhibemus omnibus Prælati & Clericis, universis & singulis, per nostram Diocesim constitutis, ne de cognitione causarum matrimonialium se aliquatenus intromittant, nisi a Sede Apostolica, vel a nobis mandatum desuper receperint speciale: excepto Decano Bataviensis Ecclesiæ, cui volumus antiquam & approbatam consuetudinem observari.

XVIII. Quod nulli contrahant, nisi publicentur.

Item decernimus statuendo, ut Plebani, alique Ecclesiarum Rectores, ac Vicarii nostræ Diocesis; inhibeant publice in Ecclesiis suis, singulis diebus Dominicis & festivis sub pœna excommunicationis, ne aliqui matrimonialiter jungantur, nisi sit prius diebus tribus Dominicis in Ecclesia publice insinuatum, quod tales simul contrahere velint: in qua insinuatione populus moneatur, & per pœnam excommunicationis arceatur, ut, si quis sciverit impedimentum inter eos, qui matrimonialiter volunt conjungi, illud proponat publice, si sine periculo & scandalo hoc fieri potest; alioquin proponat occulte Sacerdoti: & post trinam insinuationem, si nullum proponitur impedimentum,

tunc in nomine Domini conjungantur. Si autem impedimentum evidens & legitimum proponatur; tunc nullatenus contrahere permittantur. Si vero dubium sit, an impedimentum sit sufficiens ad matrimonium impediendum, in hoc casu non permittantur contrahere, donec per nos, quid fieri debeat, decidatur. Denuntient quoque Plebani, quod, quicumque contra solemnitatem hujusmodi contraxerit matrimonium extra faciem Ecclesiæ, propter pœnam inobedientiæ, quam nostro arbitrio reservamus, proles ex tali matrimonio suscepta, prorsus est illegitima, si ex impedimento aliquo postmodum contigerit matrimonium separari, in illo nullam prorsus excusationem de parentum ignorantia valere.

XIX. Quod Confirmatio recipiatur ab Episcopo.

Item, quia Confirmatio est unum de Sacramentis Ecclesiæ, volumus & præcipiendo mandamus omnibus Ecclesiarum Rectoribus, ut diebus Dominicis & festivis subditas sibi plebes tam in publico, quam privato moneant, & inducant, ut ad recipiendam Confirmationem de manibus Episcopi festinent, vice qualibet, quando possunt, declarando & lucidius exponendo, quod quicumque ex negligentia vel contemptu Sacramentum Confirmationis non receperit, non erit de numero salvandorum.

Item statuimus, quod quilibet in sua Ecclesia vel Capella, sive sit Plebanus, Vicarius, vel Capellanus, sibi subiectis præcipiat & injungat, ut saltem semel in anno confiteantur peccata sua omnia proprio Sacerdoti, vel de licentia sua alteri, cum ad hoc Christianus quilibet teneatur: & si quis in hac parte se recognoverit hætenus deliquisse, hoc ante diem Palmarum corrigat, & emendet; alioquin ipso die Palmarum omnes tales, quos ex nunc excommunicamus, excommunicationis sententiæ denuntiet subjacere.

XX. Quod Ecclesiarum Rectores Decanis confiteantur.

Item statuimus, ut singuli Plebani, Rectores, Vicarii, & Capellani nostræ Diocesis de gravioribus, seu majoribus suis peccatis confiteantur suo Decano: Decani

Decani Nobis, ac etiam Archi-Diacono, seu iis, quos eis dederimus Confessores. De minoribus autem & venialibus confiteantur aliis Sacerdotibus, prout sibi viderint expedire, si suos commode accedere non possint Confessores.

Item cum summa sit ratio, quæ pro religione facit, hortamur, & præcipiendo mandamus; ut nullus nostræ Ditecesis Clericus cujuscunque Religionis hominem, præsertim *Prædicatores & Minores* verbis injuriis afficere, vel malignis detractionibus infamare audeat vel præsumat, cum scriptum sit; *Maledicti Regnum Dei non possidebunt.* Imo Prædicatores & Minores, quos evidens utilitas ex eis generali Ecclesiæ veniens approbatus prohibet, caritate pariter, & honeste recipi & tractari ab omnibus volumus, & mandamus.

XXI. *Quod Rectores hæreticos excommunicent.*

Volumus insuper, & in virtute S. obedientiæ districte prohibendo mandamus, ut omnes & Plebani & Ecclesiarum Rectores, seu Vicarii nostræ Ditecesis, omnes hæreticos; fautores, receptores, & credentes, nec non & defensores eorum denuntient quater in anno, videlicet in Nativitate Domini, in die Palmarum, in Pentecoste, in festo omnium Sanctorum, excommunicationis sententiæ subjacere: & nihilominus omnes eos, cujusque status & conditionis existant, tales esse scientes, vel ex verisimili conjectura, vel alia suspitione probabili, non accusaverint, vel denunciaverint publice, vel si publice hoc non audent metu personæ, vel eorum Plebano, Rectori, vel Vicario loci, vel si ex quacunque causa eos denunciare secrete non possent, ad nostram hoc noticiam non detulerint; tanquam fautores & conservatores eorum, quos ex nunc excommunicamus, excommunicatos volumus eisdem temporibus nuntiari.

XXII. *Quod Christiani servientes Judæis excommunicentur.*

Item cum dudum Judæis prohibita & interdicta sint mancipia Christiana; volumus, & præcipimus, ut Plebani, & alii Rectores Ecclesiarum, ubi sunt domicilia Judæorum, diebus Dominicis

omnes de fide Catholica Judæorum nutrices, & servientes denuntient excommunicatos: etiam denuntient omnes alios Christianos, qui apud Judæos pecuniam suam locant, aut a Judæis usuram recipiunt, vel, ut Judæi, eandem pecuniam mutuent ad usuram.

XXIII. *Quod incendiarii sint excommunicati.*

Item omnes incendiarios nocturnos, quos ex nunc excommunicamus, singuli in Ecclesiis suis & Capellis quater in anno, scilicet in die Palmarum, in Pentecoste, in Assumptione S. Mariæ, & in Nativitate Domini denuntient excommunicatione esse ligatos.

XXIV. *Granaria non sunt in Ecclesiis.*

Item Tabernas & omnem venditionem vini in Ecclesiis & cœmeteriis penitus prohibemus sub pœna excommunicationis. Item granaria & receptacula in Ecclesiis & cœmeteriis, nisi necessitatis tempore, sub eadem pœna similiter prohibemus.

XXV. *Quod Divina non fiant in Ecclesia, ubi adulteria facta sunt.*

Item si necessitatis tempore, quæ lege caret, homines ad Ecclesias & cœmeteria incastellata confugiant, & & uxoribus ibidem convivant, & quod pejus est, adulteria & stupra committant, ac etiam vagas mulieres inverecunde adducant, ex quibus & tunc cœmeteria execrantur; statuimus, ut Plebani, & Rectores talium Ecclesiarum statim, cum factum hujusmodi, quasi pro notorio & publico prædicatur, idem faciant & observent, quod de execratis Ecclesiis & cœmeteriis in aliis Constitutionibus est expressum: scilicet, quod in Ecclesia non celebrent, nisi de nostra licentia in Altari mobili, nec in cœmeteriis tumultent corpora defunctorum, donec reconciliationis gratiam mereantur. Si autem extra terram constituti essemus, ut ad nos non posset de facili recursus haberi, tunc admittimus, ut usque ad nostrum adventum ad terram, rectores talium Ecclesiarum possint in ipsis Ecclesiis in Altari portatili celebrare, sed a nobis ad terram venientibus, statim licentia est petenda.

XXVI. *De vagis scholaribus.*

Item de vagis scholaribus duximus
Q q q 3 statuen-

statuendum, districte præcipientes, ut cultellos longos, & gladios, ac arma deferentes non recipiantur omnino, nec aliquales eisdem exhibeantur consolationes. Aliis autem humanitatis causa uni vel duobus tantummodo venientibus & non pluribus, detur modicus pastus in caritate, & si importuni, vel infesti fuerint, vel alia dona petiverint, puta denarios, vel vestes, penitus repellantur. Quicumque vero contrarium fecerint, si sit Pastor Ecclesiæ Dominicalis, sive Vicarius, LX. denarios solvere teneatur: & nisi apud suum Archi-Diaconum, vel Decanum se de hoc recognoverit infra mensem; totiens, quotiens deliquerit in præmissis, ab ingressu Ecclesiæ post mensem se noverit esse suspensum. Admittimus tamen, si quis, necessitate suadente, ex liberalitate vestem aliquam scholari pauperi dare voluerit propter Deum. Vagos autem scholares, detrahentes Clericis, nullus omnino Clericorum modo aliquo recipiat, vel ad panem admittat, cui hoc constiterit. Quod qui non fecerit, pœnæ subiaceat prædictæ. De vagis vero Sacerdotibus idem, quod vagis scholaribus statuimus, & sub eadem pœna volumus per omnia observari.

XXVII. De Depositariis.

Item, cum occasione depositi sæpe sæpius, prout cognovimus, multa pericula & quam plurima scandala deponentibus, ac depositum recipientibus personis & Ecclesiis, ad quas eæ res de jure pertinere deberent, obvenerint & occurrant, depositario tam in vita, quam post mortem deponentis quandoque negante depositum, in grave deponentis & Ecclesiæ, de cujus stipendiis hujusmodi depositum est collectum, dispendium: alio quoque proponente se quandoque deposuisse, quod non deposuit: ex quo proborum fama plerumque gravatur, & opinio minuitur; Nos huic morbo volentes, quanto possumus cautius, provisionis remedio obviare, statuimus, ut sub pœna excommunicationis, quam ex nunc ferimus in rebelles, nullus Clericorum, Prælatorum, seu Religiosorum, vel Sæcularium nostræ Diocesis, depositum ultra decem libras æstimationem earum faciat vel suscipiat, sine duorum fide dignorum ad minus præsentia & notitia, per quos

necessitate suadente in vita vel morte deponentis possit veritas comprobari.

Testes enim hujus sub habita pœna, scilicet ex nunc excommunicationis latæ & juramento adstringi volumus, quod in vita deponentis contra voluntatem ipsius hoc nulli communicent vel revelent: post mortem autem deponentis, sive testatus, sive intestatus decesserit, infra mensem prædicti testes, & depositarius, vel ejus successor, aut vicem gerens ipsius, ad nostram, vel successorum nostrorum notitiam quantitatem depositi, vel qualiter sit depositum, sub prædictis pœnis, scilicet juramenti, & excommunicationis, quas ipso facto eos incurrere volumus, si negligentes fuerint, deferent; ut & defuncti voluntas & Ecclesiarum utilitas impleatur, & salubrius procuretur. Et si unus vel ambo testes adjuncti decesserint, infra mensem alium, vel alios illi, vel illis deponens surroget, coram quo, vel quibus depositum sub forma præhabita renovetur: quos etiam ad ea sub pœnis præmissis teneri volumus, ad quæ ille, vel illi, in quorum loca subrogantur, fuerint adstricti. Et hoc non solum ad futura, sed etiam ad præsentia, & præterita extendi volumus, indulgentes unius mensis spatium, qui ex tunc incipiat currere his, qui ex præterito deposuerunt, vel deposita susceperunt, infra quem solemnitate testium adhibeant superius memoratam. Et quia constitutionem hujusmodi volumus inviolabiliter observari propter utilitatem & evidentem necessitatem, statuimus, ut si quis in fraudem ipsius statuti depositum dividere præsumperit, vel in terra recondere, seu in muro, prædicta sententia ipso facto ligetur.

XXVIII. Quod Episcopo Novales Decime serventur.

Item, cum ad nos omnium novalium Decimæ per nostram Diocesim pertineant, & a nostris sint prædecessoribus repetitæ; statuimus, & nihilominus districte præcipiendo mandamus, ut omnes Plebani, Vicarii, & Ecclesiarum Rectores Decimas novalium per suas Parochias ortas, vel tunc orituras, Nostro, & Ecclesiæ nostræ nomine suis temporibus repetant, colligant, & requirant, nobis eas fideliter & solcite conservando, nec alicui præscriptionem, vel privilegium, seu infeudatio-

dationem prætendenti deferant in hac parte: sed rebelles & impeditentes, Nobis, quam cito potuerint, vel suis Archidiaconis, vel Decanis denuncient, ut adhuc de parte nostra per censuram Ecclesiasticam arceantur. Quicumque autem in executione huiusmodi mandati nostri se negliger habuerint, vel easdem Decimas novales, suis propriis usibus usurpare præsumpserint, illorum negligentiam, ac etiam temeritatem gravissime puniemus.

XXIX. *Quod Capellani Jura parochialia non usurpent.*

Item de Capellis in castris, in civitatibus, seu villis, ubi parochiales Ecclesiæ sunt vicinæ, statuiamus, ut earum Capellani se de cætero de juribus parochialibus nullatenus intromittant, videlicet benedictione nubentium, de introductionibus mulierum post partum, vel nuptias, de collationibus Sacramentorum, de benedictionibus cereorum, cinerum, palmarum, & solemnibus Baptismatis ac carniurn: & festa non indicent, nisi doceant, sibi prædicta, vel aliqua alia eorum, de privilegio competere speciali; in Capellis vero castrorum & villarum a sua parochiali Ecclesia remotarum, permittimus festa indicere, & consecrationem fontis fieri diebus Dominicis & cineres, & carnes benedici, nisi ulteriora competant de privilegio speciali, de quo debent fidem facere coram Plebanis.

XXX. *Quod Rectores Ecclesiarum vicinos accusent.*

Item cum sanguis subditorum requiratur de manibus Prælatorum, nec possit esse Pastoris excusatio, si lupus comedit oves, & Pastor nescit, tanto diligentius correctioni subditorum volumus & debemus intendere, quanto damnabilius errores deferimus incorrectos. Statuimus igitur, ut Plebani, Vicarii & Ecclesiarum seu Capellarum Rectores universaliter singuli & singulariter universi suis Decanis denuncient omnes in scriptis, quos defectibus seu criminibus noverint laborare, infra unum mensem, postquam eis claruit; Decani vero, postquam circa Anafum ad partes Austriæ nos venisse constitit, infra unum mensem nobis denuncient de singulis, & accusent, quæ

fuerint accusanda: si vero Rectores Decanis, Nobisque Decani, ut præmissum est, occasione quacunque neglexerint accusare, noverint se per nos graviter puniendos. Ne autem ex tali nostro mandato malitiis aditus referatur, vel calumniandi materia suggeratur, volumus & mandamus, eos defectus, delicta seu crimina duntaxat nobis insinuari; quæ si opus foret, possent probari legitimis documentis.

XXXI. *Accusandi sunt circa infra scripta.*

Hi sunt defectus, & culpæ; crimina & articuli, de quibus sunt Clerici quilibet accusandi, contra quos poterunt comprobari: absentes a Capitulo tam Plebani, quam Vicarii, item absentes a suis beneficiis, item vocati ad ordines & non venientes, item ordinati ab aliis Episcopis, item cohabitantes manifeste; item concubinas in aliis domibus habentes publice; item Tabernarii, Lufores, & alias dissolutæ vitæ; item Clerici Tabernas in suis domibus habentes; item Plebani, qui Vicarios suos sustinent cohabitare; item Clerici usurarii, anticipatores, & antiquam monetam pro nova mutuantes; item Alchimistæ, & qui utuntur falsa moneta, & argento; item qui peregrinos & ignotos recipiunt in socios; item qui Sacramenta Ecclesiæ vendunt, & super remediis decedentium conventionem faciunt, antequam sepeliatur defunctus; item qui propter augendum censum consuetum amoveant idoneos ab Ecclesiis, & instituunt minus dignos; item qui Decimas & Proventus, sive redditus Ecclesiarum suarum laicis conferunt, quibus in posterum Ecclesiæ defraudantur; item Capellani castrorum, villarum, seu civitatum, qui non veniunt ad Capitula & Conventus; item Apostata & de Apostasia suspecti; item qui interdicti, suspensi, vel excommunicati celebraverunt, vel se ingesserunt Divinis; item qui voluntarie laicos sibi constituunt Advocatos; item qui in foro sæculari præsumunt Advocati officium exercere; item habentes pluralitatem beneficiorum; item qui Corpus Christi & Chrisma sub fideli custodia non conservant; item sine Ministro celebrantes; item Religiosi sine licentia Episcopi plebes regentes; item Plebani, qui suas aliis locant Ecclesias, & Vicarias assu-

assumunt regendas; item dilapidatores suarum Ecclesiarum; item, qui simoniace Ordines & beneficium susceperunt; item illegitimi habentes beneficia cum cura animarum; item qui sine investitura Episcopi & institutione Canonica Ecclesias recipiunt atque regunt; item qui per Subdiaconum vel Decanum plebes suas in viatico & confessione procurari permittunt; item, qui excommunicatos vel interdictos recipiunt ad Ecclesiasticam sepulturam; item, qui sine licentia nostra in Oratoriis vel Ecclesiis non consecratis, vel violatis Missas celebrant; item, qui in Cœmeteriis non consecratis vel violatis permittunt mortuos sepeliri; item, qui Subplantatores sunt, & Anticipatores; item transgressores omnium prædictorum Statutorum.

XXXII. *Quod non fiat pactum de mediis ante sepulturam.*

Cæterum districtissime inhibemus, ne super defunctorum mediis ante exequias & sepulturam defuncti aliqua pactio vel conventio intercedat: defuncto autem, sicut convenit sepulto, quidquid ex testamento, vel laudabili consuetudine Sacerdoti debetur, vel Ecclesiæ suæ convenit persolvendum ab hæredibus defuncti, vel ab illis, qui in bonis ejus succedunt, præstetur, & ad ejus solutionem, si opus fuerit, per censuram Ecclesiasticam compellantur.

XXXIII. *Excommunicati sunt, qui occupant Possessiones alienas.*

Item, quia sunt quamplures per Diocesim nostram, qui feuda Ecclesiæ nostræ Pataviensis, & proprietates, quæ vulgo MINDER AIGN dicuntur, tanquam suas proprietates usurpant; & sunt, qui feuda Ecclesiæ ab aliis Dominis recognoscunt, sunt autem, qui feuda & proprietates Ecclesiæ nostræ, sine Prædecessorum nostrorum & nostro consensu & conscientia per venditionem, vel alio modo in alios transfulerunt; præcipiendo statuimus, ut omnes Ecclesiarum Plebani, Rectores & Vicarii omnes tales prædictos, nec non & eos, qui scienter alios feuda Ecclesiæ nostræ a se recipere, & recognoscere, vel violentiam, vel modum alium induxerunt, vel qui sine Nostro, & Prædecessorum nostrorum consensu, & conscientia proprietates Ecclesiæ nostræ

vel feuda scienter ab aliis comparaverunt, proxime die Dominico vel festivo moriantur & inducant, ut infra mensem, quem eis terminum peremptorium deputamus, apud Nos jus Ecclesiæ nostræ in prædictis recognoscant; alioquin mense finito singulis diebus Dominicis & festivis tales publice denuntient excommunicatos, quam excommunicationis sententiam ex nunc ferimus in eosdem; omnes autem, qui ad cor redeunt jura Ecclesiæ nostræ apud nos recognoverint in præmissis, promittimus benigne recipere, & cum eis agere gratiose; quod statutum non solum ad Nos & ecclesiam nostram, sed etiam ad Principem terræ, & omnes Prælatos nostræ Diocesis extendi volumus & mandamus.

XXXIV. *Omnes Clerici Horas Canonicas dicere tenentur.*

Item, cum nil sit Divino operi præponendum, præcipimus universis Ecclesiarum Rectoribus, & omnibus in sacris Ordinibus constitutis, ut nulla omnino occupatione Horas Canonicas, ad quas tenentur, omittant; imo diebus omnibus & singulis cum devotione debita eas dicant. *Acta sunt hæc apud S. Hippolytum Anno Domini Millesimo ducentesimo octuagesimo quarto. XVI. Cal. Aprilis.*

Hansitz. German. Sacrae Tom. I. a pag. 427. ad 435. post Hieron. Petz. Tomo II. Scriptorum Austriae. Lunig. in Spicilegio Ecclesiastico. Item extat MS. in Bibliotheca Casarea Juris Canonici No. CXXXIV.

ADDITIO

AD

CONCILIIUM PATAVIENSE.

ANNO Domini Millesimo ducentesimo, octogesimo quarto. Nos GOTFRIDUS, Dei gratia, Ecclesiæ Pataviensis Episcopus, apud S. Ypolitum Capitulum celebrantes, & de consilio Fratrum nostrorum Prælatorum ac Archidiaconorum nostrorum, statutis & ordinationibus Prædecessorum nostrorum, quæ ibidem publicari fecimus, declarationes quasdam, ordinationes, ac statuta addenda decrevimus, quæ pro instantia temporis cognovimus expedire. Salijs autem Constitutionibus Conciliorum Provincia-

vincialium, nec non Reverendi Patris Domini Gwidonis titulo Sancti Laurentii in Lucina Presbyteri Cardinalis : ac etiam salvis statutis & ordinationibus Prædecessorum nostrorum, quibus derogari nolumus, ac debemus. De accusatis nobis in Capitulo misericordiam poscentibus & iudicium non requirentibus ad excusandas excusationes in peccatis, & correctioni, ac emendæ se exponentibus, eligentes misereri potius, quam irasci; ejus exemplo, qui in ira misericordiam non restringit, duximus, decernendum, ut in primo Capitulo præsentis, scilicet, quod post nostram promotionem celebravimus, ipsis misericorditer parcendo pro commissis delictis, quibus accusati fuerant, injungeremus pœnitentiam salutarem. Accusatis itaque de cohabitatione extra domum, pro commissis præteritis injungimus pro pœnitentia Missas duodecim, pro peccatis sex sextas ferias in pane & aqua, & sex Psalteria, accusatio vero de cohabitatione in domo sua propria vel hospitio, injungimus pro commissis præteritis viginti Missas, pro peccatis XII. Psalteria, & VI. ferias sextas in pane & aqua, complenda omnia infra annum: ita tamen, ut tam diu ab officio sint suspensi, donec a domibus suis & ab aliis se removerint cum effectu, ad quas si pari modo rediverint, tam officio, quam beneficio sunt privandi. Tabernarius vero Sacerdos sex Missas & sex ferias sextas in pane & aqua pro culpa præterita compleat infra annum. Tabernarius autem non Sacerdos sex ferias sextas, & sex psalteria similiter pro culpa præterita compleat infra annum. Quas pœnitentias illis similiter injungimus, qui, licet non sint accusati in Capitulo, in eisdem tamen se cognoscunt culpis & defectibus deliquisse.

Item absentibus a Capitulo, tam accusatis, quam non accusatis, ad præfens parere volumus, & deferre quoad absentiam ita, quod in antea se corrigant; ne contra eos tanquam contumaces ratione absentis procedere compellamur. Omnes etiam ad Capitula & conventus Archi-Diaconorum, & Decanorum vocatos venire præcipimus & mandamus. Et qui sine causa legitima se absentaverint ab eisdem, si Plebanus fuerit . . . vel unum, si Vicarius fuerit, domui Hospitalis S. Ypoliti solve-

re teneantur. Quod si infra mensem non persolverint, per suos Archi-Diaconos vel Decanos ab officio suspendantur. Eis etiam, qui ad ordines vocati fuerant, & non venerunt, parcimus ista vice: ita tamen, ut in proximis ordinibus procedere ad ordinem, quem cura ipsorum exigit, non obmittant; si pœnam Canonicam voluerint evitare.

Item absentes temere a beneficiis, si sint infra Provinciam usque ad festum S. Georgii, ad personalem residentiam revocamus. Si vero sint extra Provinciam temere constituti, usque ad festum S. Michaelis, ad residentiam revocamus eodem. Eos vero, qui sunt de culpis & defectibus majoribus & gravioribus accusati, sub pœna præcipientes prohibemus abhinc recedere, sine nostra licentia & permissione speciali.

Item præcipimus, ut, præter Religiosos, omnes in sacris ordinibus constituti ad executionem ordinis & officii nullatenus admittantur, nisi suas *formas* habeant exhibere. Et ne ab hoc modo aliquo excusentur, de dandis *formis* certum salarium statuimus statuendum, ut Subdiaconus det octo denarios, Diaconus duodecim, Sacerdos non habens beneficium sedecim; & habens beneficium viginti quatuor usualis monetæ.

Ut autem statuta Prædecessorum nostrorum, quibus aliqua addidimus pro necessitate temporis opportuna, diligentius observentur, & observari, & memoris commendari valeant, districte præcipimus & decernimus statuendum, quatenus monita nostra & statuta salutaria, quæ volumus utentium moribus approbari, à Decanis quibuslibet præsentibus recipiantur in scriptis, in nostra Synodo constitutis. Decani vero singulis Ecclesiarum Rectoribus, & Vicariis eorum copiam faciant infra mensem, quatenus in libris Ecclesiarum redigi ordinent & inscribi, in quibus statuta ipsa lecta, & sæpius repetita singulorum memoris inculcentur.

Item, quia sunt quamplures per Dicecesim nostram, qui feuda Ecclesiæ nostræ Pataviensis, & proprietates, quæ vulgo EIN VEST-ALGEN dicuntur, tanquam suas proprietates usurpant, & sunt, qui feuda & proprietates Ecclesiæ ab aliis Dominis recognoscunt, sunt etiam, qui feuda & proprietates Ecclesiæ, sine Prædecessorum nostrorum,

& nostro consensu & conscientia , per venditionem vel alio modo in alios trans- tulerunt. Quare præcipiendo statuimus, ut omnes Ecclesiarum Plebani , Recto- res & Vicarii omnes tales prædictos, nec non & eos , qui scienter alios feuda Ec- clesiæ nostræ a se recipere & recognos- cere per violentiam vel modum alium in- duxerunt , vel qui sine nostra , & Præ- decessorum nostrorum conscientia & con- sensu proprietates Ecclesiæ nostræ vel feuda ab aliis comparaverunt , vel qui proprietates Ecclesiæ sub certa annuali pensione & etiam sine omni pensione pro tempore vitæ suæ ipsis concessas vel eorum Prædecessoribus tanquam sua feuda , vel tanquam proprietates detinent & usurpant , proximo die Dominico vel festivo moneant & inducant , ut in- fra mensem (quem eis terminum perem- ptorium deputavimus) apud Nos jus Ec- clesiæ nostræ in prædictis recognoscant , alioquin mense finito , singulis diebus Dominicis & festivis tales publice den- tuncient excommunicatos, quam excom- municationis sententiam ex nunc ferimus in eosdem. Omnes autem , qui ad cor redeunt , jura Ecclesiæ nostræ apud nos recognoverint , in prædictis , pro- mittimus benigne recipere , & cum eis agere gratiose. Quod statutum non so- lum ad nos & Ecclesiam nostram , sed etiam ad Principem terræ , nec non ad omnes Prælatos terræ Diocesis nostræ extendi per omnia volumus & manda- mus.

Item quia omnibus Vassallis nostris feuda a Nobis recipientibus præcepimus sub debito juramenti, ut infra sex Septi- manas , a receptione computandas, feu- da , quæ a nobis recognoscere, in-

scriptis nobis assignare deberent , quod quia quamplures in eis facere neglexe- runt , vobis omnibus præcise injungi- mus & mandamus , quatenus omnes Parochianos vestros sollicitè moneatis , ut infra Dominicam JUDICA nobis feu- da sua omnia , quæ a nobis recognove- rint , dent in scriptis , alioquin ex tunc denuntiatis omnes hoc exequi negligentes, excommunicationis sententiæ subjacerè , & eisdem denegeris Ecclesiastica Sacra- menta.

Item omnes alios , qui nostræ Pata- viensis Ecclesiæ attinent , & Dominis ad- hærent alienis , eisdem tanquam sui pro- prii servientes , & eos , qui tales Ecce- siæ nostræ homines , per violentiam sibi servire & adhærere compellunt , præci- pimus in omnibus præcipuis festivitibus anni excommunicatos publice nuntiari , videlicet in Nativitate Domini , in Cæ- na , in Ascensione , & Pentecoste , in festivitibus S. Mariæ , & in festo S. Joannis Baptistæ , Michaëlis , & om- nium Sanctorum.

Item quia per nostros Prædecesso- res primus annus vacantium Ecclesiarum ad nostram collationem pertinentium , fabricæ Pataviensis Ecclesiæ deputatus fuit , præcipimus sub pœna excommuni- cationis omnibus, qui tales habent Ecce- sias , ut infra spatium quatuor mensium pecuniam pro anno prædicto debitam seu proventus doceant se solvisse vel solvant.

Hansfz. Tomo I. Germaniæ sacra p. 435. ad 437.

Eodem anno Synodum aliam GODEFRI- DUS Pataviæ colligit , in qua decreta sententia in Monachos quosdam Alta- benses , seditionis sacrilegæ auctores.

SYNODUS NAUMBURGENSIS

Anno Christi MCCLXXXVI. Martini IV. Papæ VI.
Rudolphi I. Regis XIV.

ERant mali homines , qui nec Deum, nec Ministros suos reverenter habebant , sed multa damna , molestias & injurias iis faciebant : convocavit ergo

Bruno noster , (a) (Nienburgenſis Epi- ſcopus) Vicinos & Coepiſcopos ſuos Wittich (b) Miſnenſem , & Heinricum (c) Merſe-

(a) Bruno, Nobilis de Querfurt, Episcopus XXI. Naumburgensis.

(b) Wittigo, primus ex Canonico Northufano, & Erfurdiano, ex Præposito Wurci- nensi, fit Episcopus Misnenſis XXV. annò 1266. natus ex generosa Camenitorum familia.

(c) Henricus, Merſeborgenſis Episcopus.

Merseburgensem in Nuenborg, ubi in unitate Spiritus Sancti promulgarunt mandatum seu Bullam Sanctissimi Domini Honorii IV. contra istos Ecclesiæ turbatores, raptores & contemtores sacrarum personarum sub formidabili anathemate, anno Domini MCCLXXXVI. VI. Idus Septembris.

Acta Præsulum Nuenburgensium apud Paulinum in Syntagmate antiquit.

Germaniæ.

Langius in Chronico Citizenfi.

Fabritius.

Witigo Misnensis, Henricus Merseburg, & Bruno Naumburg Episcopi, inter se convenerunt Naumburgi, ut, quod de violatoribus & inuasoribus Episcoporum & Clericorum conclusum erat, & quod Pontificius Legatus & Concilium Magdeburgense ordinavit, in suis Diocesis executioni darent: nempe, ut filii eorum, qui Episcoporum aut Clericorum aliquem caperent, aut captum detinerent, ad ordines vel beneficia: filix vero ad cœnobîa virginum non admitterentur: Abbates autem & Abbatissæ, si secus facerent, a Sacris & Divinis Officiis suspenderentur, donec jam susceptos eorum liberos a cœnobîis amandarent: demum ut ii, qui templa & cœmeteria (a) ut spoliarent aut cremarent, nisi pro damnis prius satisfecerint, ne ad pœnitentiam quidem admitterentur. Actum Naumburgi. VI. Idus Septembris.

Codex MS. Misnensium Litterarum Breuiator, citatus a P. Calles S. J. in Serie Episcoporum Misnensium.

(a) lego: aut,

In eadem Synodo hoc Decretum prodit contra inuasores Præsulum & Clericorum.

IN NOMINE DOMINI. AMEN.

NOS WITIGO, Dei gratia, Misnensis, & FRIDERICUS (secundum alios HENRICUS, Friderici Successor) Merseburgensis, & BRUNO Nuenburgensis Episcopi, recognovimus, & tenore præsentium protestamur, quod ad succurrendum pressuris tam Nobis, quam Clero; & Religiosis cujuscunque Ordinis exemptis, & non exemptis ex hominum malitia imminetibus in hoc convenimus, & tenore præsentium nos mutuo obli-

Tonus III. Concilior. German.

gamus, quod sententias tam auctoritate ordinaria a nobis latas, quam statuta Domini GUIDONIS Card. Sedis Apostolicæ Legati, & Magdeburgensis Concilii invicem exequemur. Et præterea, quæ in præmissis Conciliis de captivitate Episcoporum & Clericorum continentur, hæc in nostris Diocesis volumus observari: videlicet, quod filii captivantium Episcopos vel Clericos inhabiles sint ad Beneficia & sacros Ordines obtinendos, nec ipsorum filix in aliquo collegio Sanctimonialium admittantur. Abbates quoque, Abbatissæ, Præpositi & Conventus contra hanc inhibitionem nostram venientes per sententiam, quam in his scriptis ferimus, tam a Divinis noverint se suspensos, donec ejiciant sic receptos.

De incendiariis autem & inuasoribus Ecclesiarum & Cœmeteriorum, quæ quidem Ecclesiæ & Cœmeteria non solum pro salute mortuorum, sed etiam, ut vivi pacis in eis refugium inveniant, conferantur, sic observari volumus, ut, qui surrexerint in rapinam Ecclesiarum, vel Cœmeterii, nisi ablata restituant, vel emendandi firmam & plenam præstiterint securitatem, pœnitentiæ beneficium eis penitus denegeretur: & singulis diebus Dominicis, pulsatis campanis, & incensis candelis excommunicati publice nuntientur. Et si obstinata mente usque ad mortem perseveraverit, Ecclesiastica careat sepultura, nisi sub testimonio Plebani, & aliorum trium damna restituerit universa. Si qui vero Clerici tales ad sepulturam receperint, aut eorum sepultura interfuerint, vel ipsorum eleemosynas receperint, Ordinis sui damnum irrecuperabiliter patiantur, & ipso facto suis beneficiis sint privati.

Et quia ea, quæ præmissa sunt, de Prælatorum & Capitulorum nostrorum processerunt consensu, præsens scriptum tam Nostris, quam jam dictorum Capitulorum nostrorum sigillis fecimus communiri, Actum NUENBURCH. Anno Domini MCCLXXXVI. in Nativitate Mariæ Virginis.

Calles in Serie Episcoporum Misnensium pag. 198.

Labbe Concilior. Tom. XIV. col. 1017.

Lang Continuatio II. Spicilegii Ecclesiastici pag. 259.

R r r r 2

STATU.

STATUTA SYNODALIA JOANNIS, EPISCOPI LEODIENSIS,

Anno MCCLXXXVII. edita.

Ex duobus Codicibus MSS. uno insignis Monasterii Parci prope Lovanium, altero Colbertino, a Martene in Thesouro Anecdotorum anno 1287.

JOHANNES, DEI GRATIA, LEODIENSIS EPISCOPUS, UNIVERSIS ABBATIBUS, ABBATISSIS, PRIORIBUS, PRIORISSIS, PRÆPOSITIS, ARCHIDIACONIS, DECANIS, CONVENTIBUS, CAPITULIS ECCLESiarum, (a) SALUTEM IN DOMINO SEMPITERNAM.

(b) **A** præcedentibus nostris Leodiensibus Episcopis temporibus retroactis ad conservandum & gubernandum libertatem Ecclesiarum, & Ecclesiasticarum personarum jus, & regimen Civitatis & Diœcesis Leodiensis, & ad reprimendam malitiam perverforum, multæ provisiones & constitutiones Synodales emanarunt; quia tamen postmodum, crescente hominum malitia nunquam in eodem permanentium, & continue novas malitias novasque rebelliones adinventium, & contra Ecclesiam Dei & justitiam malignantium, ipsæ Ecclesiæ & Ecclesiasticæ personæ Civitatis & Diœcesis Leodiensis propter ipsorum malitiam perverforum adhuc nimium perturbantur; Nos auctoritate Pontificali dictis malitiis obviare, & ipsi libertati Ecclesiasticæ & Ecclesiasticarum personarum Civitatis & Diœcesis nostræ Leodiensis providere, in quantum poterimus, cupientes, hac GENERALI SYNODO de consensu & voluntate Capituli nostræ majoris Ecclesiæ Leodiensis, Constitutiones Synodales nostrorum PRÆDECESSORUM una cum nostris Constitutionibus, quas in præsentī Synodo statuimus, ipsas Antecessorum nostrorum Constitutiones Synodales, quas in ipsa compilatione nostra redigimus, refecatis aliis superfluis, approbamus & ratificamus, & una cum no-

stris Constitutionibus præcipimus inviolabiliter observari.

CAP. I. De Synodo.

I. **D**istricte igitur, prout Antecessores nostri statuerunt, præcipimus & mandamus Decanis & Sacerdotibus & aliis, qui ipsi Synodo interesse tenentur, ut jejuni & cum magna devotione intrent Synodum, nec aliquis afferat in Synodo causas vel negotia impertinentia ad Synodum, & omnes personæ, quæ tenentur interesse Synodo, veniant ad Synodum audituræ salubria mandata synodalia: & Decani induti albis & stolis, Presbyteri autem cum superpelliciis intrent Synodum, nisi detineantur infirmitate gravi, vel inevitabili necessitate, & si qui venire nequiverint, mittant ad Synodum cum literis suis patentibus, causam infirmitatis vel necessitatis suæ expresse continentibus suo sigillo, aut alio authentico sigillatis, per quas (*) se obligent ad statuta synodalia observanda, Capellanum vel Clericum, vel alium idoneum habentem per ipsas literas potestatem dictum absentem excusandi, & canonicum impedimentum in animam ipsius (c), si necesse fuerit, jurandi, & mandata Synodi ad Dominum suum referendi.

II. Item præcipimus, quod ipsi Decani, Presbyteri, & alii, qui dictæ Synodo

Joannes, Guidonis, Comitris Flandriæ Filius, jam Metensis Episcopus, cassata electione duorum a Canonicis Electorum, nominatus fuit a Martino IV. Papa Episcopus XLII. Leodiensis. Ingressus est urbem 31. Octob. 1282. Synodum Generalem suæ Diœcesis instituit, & statuta promulgavit. Anno 1288. carceri mancipatus fuit a Noverca mensibus quinque. Obiit 14. Octobris 1292. apud Abbatiam Flines prope Duacum sepultus.

- (a) Rectoribus, Clericis, & aliis sive Civitatis & Diœcesis Leodiensis.
(b) Licet. *Addit Editio anni posterioris.* (*) personas.
(c) Domini.

nodo interesse tenebuntur, eundo, redeundo, & moram faciendo, in loco Synodi honesta habeant hospitia, & honestam societatem, & non recedant a Synodo, sine nostra licentia, & ipsi Decani, antequam recedant, habeant omnes Constitutiones præsentis Synodi scriptas, & eas legant & intelligant, & si super aliquibus hæsitaverint vel dubitaverint, petant & requirant ea per Nos, vel Officialem nostrum (d) exponi, antequam recedant a Synodo.

CAP. II. De Baptismo.

I. Baptismus honorabiliter & caute celebretur, cum aperta distinctione verborum, & forma verborum, in quo consistit salus (e) baptizandi.

II. Ille, qui baptizat, quando immergit in aqua baptizandum, dicat hæc verba nihil addendo, subtrahendo, vel mutando, puerum nominando Petre, vel Johannes: *Ego te baptizo in nomine Patris, & Filii, & Spiritus Sancti.* Et ut caveatur periculum baptizandi, non mergatur caput pueri in aqua, sed Sacerdos super verticem pueri ter infundat aquam cum pelvi, vel alio mundo vase & honesto, tenens puerum nihilominus una manu discrete.

III. Item juxta fontem instituatür piscina apta, ubi laventur manus eorum, qui tenuerunt puerum, & super piscinam illam ponatur cooperculum.

IV. Item doceant Presbyteri frequenter viros & mulieres formam & verba baptizandi in propria lingua, quibus valeant in necessitate baptizare, etiam parentes, si alius defuerit, & postmodum referatur ad Sacerdotem, qui diligenter interroget; quid Baptizator fecerit, aut quid dixerit? & si inveniat omnia rite facta vel dicta, faciat puer (f) ea, quæ solent fieri post immersionem. Si vero (g) invenerit, vel dubitavit puerum non esse rite baptizatum, baptizet puerum sub hac forma: *Petre! si tu es baptizatus, ego te non baptizo; sed si tu non es baptizatus, ego te baptizo in nomine Patris, & Filii, & Spiritus Sancti.*

V. Item doceant Presbyteri, quod si pater vel mater infantem suum in ne-

cessitate baptizaverint, non propter hoc dimittant, quin ut conjuges se habeant, ut ante.

VI. Item, si caput infantis nascentis appareat, extra, vel membrum aliud principalius, & timeatur de morte infantis, antequam perfecte nascatur, infundat, qui adfuerit, aquam super caput nascentis dicens: *Infans! Ego te baptizo in nomine Patris, & Filii, & Spiritus Sancti.* Si autem pervenerit vivus ad ortum legitimum, de novo baptizetur sub his verbis: *Non te baptizo, sed, si non fuisti baptizatus, ego te baptizo in nomine Patris, & Filii, & Spiritus Sancti.*

VII. Item, si mulier mortua fuerit in partu, non negentur ei aliqua jura Christianitatis, sed in Ecclesia deferatur, & in cœmeterio tumuletur, nisi aliud obstitit; quia pœnam non debemus ei convertere in culpam, & si certum sit, quod parturiens (h) mortua fuerit, teneatur os ejus apertum, & cum magna cautela uterus ejus aperiatur, ut infans vivus, si possit, educatur, & baptizetur. Si autem mortuus reperiatur, extra cœmeterium sepeliatur vel tumuletur.

VIII. Ad levandum puerum de sacro fonte duo vel tres (i) ad plus admittantur, & si puer sit masculus, una mulier & duo viri intersint; si sit femina, unus vir & duæ mulieres, & pater nullatenus admittatur.

IX. Parentes & Patrini filiolos doceant orationem Dominicam, scilicet: *Pater noster*, & Symbolum Apostolorum, scilicet: *Credo in Deum*; & Salutationem *B. Mariæ*, id est: *Ave Maria*; & exhortentur eos sæpe, pie, & juste vivere.

X. Item fontes sub cooperculo competenti, & sub sera custodianur propter immunditias & sortilegia.

XI. Item renovetur (k) aqua fontium singulis annis in Pascha & Pentecoste, & sæpius, si necesse fuerit, & tunc sæpius diligenter inspiciatur; si indigeat (l) renovari, & si indigeat, tunc exclusis laicis, & clausis ostiis renovetur, & amoveatur vetus aqua, & fontes bene mundificentur, & nova aqua imponatur, & benedicatur, & chrismetur, sed antequam nova aqua apponatur, fontes dili-

R r r r 3

(d) sibi.

(e) non.

(f) vel plures.

(g) Baptizati.

(h) partus ejus mortuus non fuerit.

(i) renoventur aquæ.

(j) puero.

(k) renovatione.

diligenter mundificentur propter reverentiam Sacramenti.

XII. Chrisma, Oleum sanctum, & Oleum infirmorum in ampullis metallinis & cristallinis sub clave & sera custodiantur, & desuper diligenter obturentur, si autem oportuerit Chrismati vel Oleo sancto aliud oleum apponi, caute & diligenter admisceatur oleum appositum cum Chrismate & Oleo sancto, & hoc cum virgula.

XIII. Excommunicamus omnes illos & illas, qui vel quæ de Sacramento Altaris, vel de Altari, vel in ipso Altari, vel de Chrismate, aut de alio Sacramento, seu Sacramentis aliis sortilegia faciunt, seu fieri procurant.

CAP. III. De Confirmatione.

I. Moneant Presbyteri parentes baptizandorum (m) nondum confirmatorum, ut eos adducant ad Episcopum, qui solus potest confirmare. Adducant septennes pueros vel (n) minoris ætatis, quibus abscindantur capilli contra frontem dependentes, & frontes diligenter laventur, & habeant fasciolas sive bandella de spissa tela, non tenui peplo, quæ sint sine futura, & sine nodo intermedio, quæ habeant latitudinem trium digitorum, & longitudinem duorum pedum & dimidii, & sint munda & alba.

II. Offerantur autem pueri Episcopo ab eis, qui curam eorum habent, qui melius noverunt, quod non sunt vel fuerint confirmati. Et moneantur parentes, quod confirmatos pueros tertia die adducant ad Ecclesiam, ut Presbyter lavet frontes eorum, & comburat bandella, & aquam lotionis cum cinere bandellorum faciat in sacram piscinam reponi. Adulti autem, si sint vel doli capaces, vel duodecim annorum & amplius, prius confiteantur suis Presbyteris, quam confirmentur. Diligenter autem doceantur a Presbyteris omnes confirmandi, quod se, ut dictum est, præparent ante diem preparationis, & quod nullus audeat se ingerere ad confirmandum, qui alias fuerit confirmatus. Parentes autem jam confirmatorum parvulos sæpe reducant eos ad memoriam, quando, & a quo, & ubi fuerunt confirmati.

(m) baptizatorum.

(n) majoris ætatis.

III. Doceant autem Sacerdotes, quod Episcopus in confirmatione confirmandorum nomina potest mutare.

IV. Nullus etiam ad primam tonsuram, vel ad minores Ordines audeat accedere, qui non prius fuerit confirmatus.

V. Moneantur confirmandi, ut ita tempestive veniant ad confirmationem, ut primæ orationi interfint, expectent usque ad ultimam, quæ fuerit (o) supra confirmatos.

VI. Item præcipimus Sacerdotibus, quod in suis Ecclesiis publice & pluries denuntient suis Parochianis, quod in confirmatione, sicut in baptismo, contrahitur compaternitas, quæ non solum impedit matrimonium contrahendum, sed dirimit jam contractum.

CAP. IV. De Confessione & Pœnitentia.

I. Item Sacerdotes doceant vel moneant subditos, ac etiam eis in pœnitentiam injungant, ut sæpe veniant ad confessionem, priusquam veniant, diligenter scrutentur corda sua, peccata sua apud se rememorent sollicitè cum dolore, & simplici vultu veniant ad confessionem, quasi ad Dei judicium. Sacerdotes autem, ut Dei Ministri, circa confessionem audiendam & pœnitentiam injungendam maximam habeant diligentiam.

II. Ad audiendas confessiones communem & apertum locum in Ecclesia sibi eligant Sacerdotes, ut communiter ab omnibus videri possint, & in locis abditis & obscuris non audiant confessiones, non extra Ecclesiam, nisi ex magna necessitate vel infirmitate.

III. Item præcipimus, quod Sacerdotes non sedent ad confessionem ante solis ortum, nec post solis occasum, nisi ex magna necessitate.

IV. Item præcipimus districte, quod sedendo ad confessionem Presbyteri habeant vultum humilem, oculos ad terram, nec faciem respiciant confitentis, & maxime mulieris.

V. Item Presbyteri in superpellicio vel cappa rotunda confessiones audiant, & cum stola superposita ad confessionem sedeant.

VI. Sacerdotes etiam moneant subditos

(o) super confirmandos faciendâ.

ditos suos, ut humili habitu & gestu, oculis in terram defixis confiteantur. Mulieres cooperto capite & collo submissa facie confiteantur.

VII. Sacerdotes mulierem, quæ sola sit in Ecclesia, non audiant confitentem, sed in aspectu honestæ societatis.

VIII. Præcipimus *sub pena excommunicationis* Presbyteris, ne audiant confessiones mulierum, cum quibus peccaverunt, de peccatis, quæ perpetraverunt cum eis; nec etiam confcios & fautores peccati sui vel mediatores audiant, sed mittant eos ad honestos confessores, (n) nisi necessitas ex casu hoc præcedente exegerit.

IX. Item præcipimus, quod Sacerdotes mansueti (o) audiant confitentem, & de consuetis peccatis interrogent singillatim: de inusitatis autem non nominatim, sed per talia verba inquirent, ex quibus confitens, si reus est peccati, possit intelligere, quid dicatur, ut intelligens confiteatur, si autem reus non est, de illo non tentetur.

X. Item Sacerdotes moneant confitentes, (p) ut integre & distincte confiteantur omnia peccata mortalia & circumstantias, quæ aggravant peccatum, ut Sacer ordo, Sacer locus, in peccato luxuriæ, & circumstantiæ, quæ aggravant peccatum, notantur in hoc versu: *Quis, quid, ubi, quotiens, per quos, cur, quomodo, quando.* Veritalia autem summam sufficit confiteri.

XI. Item Sacerdotes reservent Episcopo majora peccata, ut puta: homicidia, sacrilegia, incendia, peccata contra naturam, concubitus personarum conventualium in sacris Ordinibus constitutarum, incestus, videlicet cum consanguinea, vel affini, vel cum ea, quæ votum castitatis emisit, injectionem manuum in parentes, oppressiones parvulorum, negligentias percuntium in igne vel in aqua natos amittentium, veneficia, perjurya solennia, fidei fractiones, votorum transgressiones, (q) simoniam, adulteria manifesta, bæreses, apostasiam, maleficia, (r) eorumque malefici, aut conjuges, ne possint coire, vel qui

procurant sterilitatem mulierum, vel qui procurant abortum, falsarios, qui litteram, sigillum, vel monetam falsant. In his autem mittant Presbyteri ad Episcopum absolvendos, nec absolvant eos, nisi de nostra speciali licentia, vel nisi in articulo mortis.

XII. Licentiam concessam a Nobis, seu autoritate nostra quibuscumque sive Religiosis, sive aliis absolvendi a prædictis peccatis (s) revocamus.

XIII. Intendimus etiam Nos (t) de prædictis peccatis (u) salubriter dispo-
nere, & religiosis & aliis personis idoneis super hoc committere vices nostras, declarantes autem, quod illi, quibus duxerimus committendum, potestatem non habeant aliis personis idem committendi.

XIV. Item (w) dubiis autem confessor consulat Episcopum vel ejus vices gerentem, vel alios sapientes, quorum consilio penitentem absolvat, vel remittat ad alium.

XV. Audita confessione, semper confessor interroget confitentem, si velit se abstinere ab omni peccato mortali? Quod si confessus non dixerit, eum Presbyter non absolvat, nec iungat ei penitentiam, ne inde confidat, sed eum moneat, & solcite hortetur, ut interim faciat, quidquid boni poterit, ut Deus cor ejus illustret ad penitentiam; & consulat ei modum vivendi, per quem facilius abstinere possit a peccato mortali.

XVI. Injungant Sacerdotes penitentias secundum quantitatem delicti sive peccati, & possibilitatem confitentis, scilicet pro peccatis carnalibus magnas injungant penitentias corporales, sicut jejunium, disciplinam & hujusmodi. Item pro spiritualibus spirituales, ut orationes, etiam & meditationes suis peccatis contrarias.

XVII. Præcipimus statuendo, quod quando aliquis recognoverit vel confessus fuerit Presbyteris, quod peccaverit in assumptione rei alienæ, vel damno alii (x) illatum per furtum, rapinam, usuram,

(n) Super dicto peccato confitendas & absolvendas, nec etiam Presbyteri confcios & fautores peccati sui vel mediatores audiant, sed mittant eos vel eas ad honestos confessores: nisi necessitas hoc in casu præcedente exegerit.

(o) mansuete. (p) subditos. (q) transgressiones.
(r) maleficia earum, quæ maleficiunt conjuges, ne possint coire;
(s) five aliis. (t) de novo. (u) peccatis abest.
(w) In dubiis. (x) illato.

ram, fraudem (y) inventionem, (z) injustam vexationem, falsam testimonium, & aliquos modos, pro eo injungant Sacerdotes, restitutionem fieri eis, quos prædictis modis damnificaverunt, vel si decesserint, eorum hæredibus; Quod si non inveniantur hæredes, fabricæ Ecclesiæ nostræ Leodiensis restituendo applicent. Et concedimus, quod restitutio talium possit fieri dictæ fabricæ Ecclesiæ nostræ S. Lamberti, qui vero restituendi facultatem non habent, promittant se restituendos prædictis modis, cum facultatem habuerint: aliter non absolvantur.

XVIII. Item, declaramus, quod nomine restitutionis restituentes Ecclesias, Capellanas, vel cœnobia instituere non possint, vel eleemosynas vel legata, vel testamenta facere auctoritate propria, sed restituenda dictæ fabricæ applicentur, vel alias de nostra licentia ordinetur; sed prius, unde possit fieri restitutio, assignetur. (a)

XIX. Et quia nonnulli falso asserunt, quod privilegia habent a Sede Apostolica, quod restitutiones talium bonorum ipsis fieri possint; præcipimus omnibus Rectoribus Ecclesiarum, quod nisi ipsi religiosi, vel alii ostendant talia privilegia ipsis Rectoribus, ipsi Rectores non permittant, ipsis fieri tales restitutiones, & eas ipsis fieri inhibeant sub pena excommunicationis; & denuntient suis subditis, quod non liberantur, si talibus religiosi, vel aliis non habentibus super hoc privilegium injusta restituant. Et nos excommunicamus, & excommunicatos denuntiamus omnes illos, qui dixerint, se habere privilegium, quod restitutiones tales ipsis fieri possint, cum non habeant privilegium & nihilominus recipiunt restitutiones tales.

XX. Item in confessione caveant Sacerdotes, ut si confitentes nomina eorum intimaverint, cum quibus peccaverunt, secretum teneant, sicut confitentes (b) peccatum.

XXI. Item, nullus Sacerdos ira, vel odio, vel etiam metu mortis in ali-

quo audeat confessionem confitentis sibi signo, vel verbo, generaliter, vel specialiter aliquatenus revelare. Omnes enim Sacerdotes contrarium facientes, excommunicamus, & excommunicatos denuntiamus.

XXII. Sacerdotes Missas, quas penitentibus injunxerint vel injunxerunt, non celebrent, neque tricenarium, neque annuale, neque collusionem cum alio Sacerdote faciant de Missis celebrandis, ut sibi mutuo pro Missis celebrandis suos Parochianos transmittant.

XXIII. Item Presbyteri suos parochianos moneant frequenter, ut a festo Purificationis omnes ab XIV. annis & supra veniant ad confessionem ante Dominicam in ramis Palmarum, & qui in hoc negligentes fuerunt, per octavam Paschæ a carnibus abstineant & jejuna-bunt (c) sicut in quadragesima, nisi necessitate fuerint excusari, nec propter hoc ipsis confessio (d) denegetur.

XXIV. Item statuimus, quod Presbyteri inhibeant parochianis suis, ne quis rem furtivam, vel furti (e) suspectam emat, quod si emerit, sciat se ad restituendum teneri.

XXV. Item inhibemus statuendo Sacerdotibus & aliis confessoribus, ne a confitentibus nomina illorum, cum quibus peccaverunt, inquirant, vel circumstantias, per quas possint nomina eorum designari: quod si fecerint, ab officio audiendi confessiones noverint se ipso facto suspensos, & Sacerdotes primo inhibeant confitentibus, ne illorum nomina, cum quibus peccaverunt, expriment, nisi forte confiteantur se deliquisse cum Patre Spirituali vel carnali, aut in alio casu, sine quo non potest plene confiteri, & tunc confitentes non dicant nomen proprium illius, cum quo peccaverunt, sed in genere dicant, peccavi cum Sacerdote, Clerico, Monacho, (f) & similibus.

XXVI. Item, Presbyteri attendant, quod si Parochiani eorum non veniant semel in anno ad confessionem, nomina eorum referri debent ad Episcopum, vel Officialem in scriptis, ut puniantur.

XXVII.

(y) fraudulentam inventionem.

(z) mensuram injustam.

(a) assignent restituentes.

(b) confitentis.

(c) jejunent.

(d) vel communico.

(e) abest ab typo Leodii: susceptam vel.

(f) Monacha.

XXVII. Item, doceant Presbyteri subditos suos, quod ipsi ex præcepto tenentur observare jejunia ab Ecclesia instituta, etiam si mortaliter non peccaverint, ut jejunia quadragesimæ, quatuor temporum, processionum, & in festo S. Marci, & rogationum sequentium & similia.

XXVIII. (g) Si festum S. Marci in hebdomada paschali venerit five Dominica die, non deferetur, neque jejunetur, sed processio fiet generaliter cum Letania.

XXIX. Item, doceant Sacerdotes, quod ipsi & subditi sui tenentur jejunare *Vigilias Natalis Domini, Pentecoste, Natalis B. Joannis Baptiste, B. Laurentii, Assumptionis B. MARIE, & omnium Sanctorum & Apostolorum*, de quibus inferius apparebit, & si aliqua Vigilia die Dominica evenit, jejunetur sabbatho præcedenti.

XXX. Item, si alicui imponenda est sollemnis penitentia pro crimine (h) & peccato vulgarissimo, (i) quod totam villam (k) commoverit, remittendus est ad Episcopum, ut in die Cinerum ejiciatur ab Ecclesia, & in die Ccenæ recipiatur.

XXXI. Item præcipimus, quod Sacerdotes de mortalibus (l) confiteantur suis Decanis consiliorum, & Decani confessiones suorum Sacerdotum audiant, saltem semel in anno, & Decanus nomina Sacerdotum sibi non consentientium saltem semel in anno referat Nobis vel Officiali nostro, ut puniantur.

XXXII. Præcipimus etiam omnibus Sacerdotibus, quod in principio Missæ celebrandæ & Divini officii celebrandi ab eisdem, moneant etiam omnes fideles existentes in Ecclesia, ut si aliquem excommunicatum sciverint in Ecclesia, quod illum nuntient Sacerdoti, & cum Presbytero innotuerit, aliquem excommunicatum esse in Ecclesia, non celebret, nisi exeat excommunicatus, & si excommunicatus violenter persistere voluerit in Ecclesia tempore, quo divinum officium celebratur, tunc Presbyter significet justitiam sæculari loci,

& petatur, ut dictum excommunicatum ab Ecclesia extrahat, & eundem ad hoc compellat, ut Divinum officium permittat excommunicatus celebrari, & si justitia sæcularis monita hoc facere noluerit, cum possit, & dictum excommunicatum in Ecclesia persistere permiserit, ex tunc statuimus dictam justitiam (m) exercentem, excommunicationis sententiam incurrere, vel incurrisse ipso facto. Et præcipimus Sacerdotibus, quod dictam excommunicationem publice denuntient in Ecclesia sua sic esse latam, & referant nomina dictam justitiam exercentium propter hoc excommunicatorum, Nobis, aut nostro Officiali & Decano, (n) & præcipimus Decanis, quod per totum decanatum suum dictam justitiam, quæ dictam excommunicationem incurrit, denuntient & denuntiari faciant singulis diebus Dominicis & festivis, candelis accensis ac campanis pulsatis publice sic (p) excommunicatam.

XXXIII. Item præcipimus, quod cum laici decimas tenentes, quas non tenent ab Ecclesiis vel Ecclesiasticis personis ad confessionem venerint, siue sint sani, siue infirmi, Sacerdotes nullatenus absolvant eos nisi promiserint, quod quam cito poterint, illas decimas de nostro consilio resignabunt Ecclesiis vel ecclesiasticis personis assignandas; & si promittere noluerint, consulant eis, quod corpus Domini non recipiant in tali statu: intimantes eisdem, quod si illud receperint, magis peccabunt.

XXXIV. Item præcipimus statuendo, ut nullus Sacerdos audeat celebrare Missam, nisi postquam dixerit matutinas, primam Canonicam, & jejuno stomacho & post dormitionem. Sacerdotes cum accedunt ad Missam celebrandam, devote se habeant, & ante Altare dicant devote *Confiteor* suum. Et postquam Sacerdos Missam celebrare inchoaverit, se habeat humiliter & devote, nec fabuletur cum aliis extraneis personis, antequam sit Missa finita, & cum offertur, non inspiciant personas offerentes & maxime mulieres, sed vulgum simul habeant fixum versus terram.

CAP.

(g) Hic articulus XVIII. totus abest a primævo typo Leodiensi.

(i) vulgarissimo.

(k) communiter.

(m) & quemlibet ipsam justitiam.

(n) & Decano suo.

(p) esse.

(h) publico.

(l) peccatis.

(o) excommunicationem.

CAP. V. De Sacramento Altaris.

I. Sacerdotes in vestibus albis, mundis, sacerdotalibus, & benedictis (g) accedant ad Missam celebrandam. Manipulus habeat in longitudine sub brachio duos pedes, stola ad minus usque ad paramentum albæ dependeat vel prope extremitatem albæ; alba & casula (r) integra, & non dissuta observetur. Amictus sæpe munderetur, cingulum mundum, & integrum, & longum, & benedictum habeatur; Presbyteri sub albis induti sint superpellicii, vel tunica linea (s) quæ vulgariter *Sarot*, vel *Rochet* appellatur.

II. Præcipimus, ut singulis quatuor mensibus abluantur, ornamenta Ecclesiastica, quæ ablui debent.

III. Non cantent Sacerdotes sine calceamentis vel caligis cum calceis attingentibus super genua.

IV. Noverint Sacerdotes, quod si cum conscientia peccati mortalis accesserint ad celebrandam Missam, & celebraverint, ad minus ter peccant mortaliter, primo, quia præsumunt indigne accedere, secundo, quia indigni conficiunt & contingunt Eucharistiam & tenent sacra vasa: tertio, quia indigni manducant corpus Christi & sanguinem bibunt.

V. Altare ad celebrandum ad minus pareatur duobus pallis (t) benedictis.

VI. Duo Corporalia ad necessitatem unius altaris ad minus habeantur, quæ sint mundissima, & benedicta, & aptæ plicaturæ.

VII. Pannus, quo calix extergitur, cum veneratione custodiatur. Et in calice etiam super altare, sicut reliquiæ; cæteri panni, quibus calix, & patena involvuntur, mundi custodiantur.

VIII. Missale semper involutum camisia linea & munda altari imponatur, & habeat sudariolum vel manutergium dependens, quo Presbyteri nares, os, & faciem detergant.

IX. Loca circa altare ab araneis telis & pulveribus, & cæteris immunditiis sæpius emundentur.

X. Sacerdotes abluti ante Canonem

pollice vel indice nihil tangerent (u) in Canone præter Corpus Domini, & corporale ante elevationem Corporis Christi.

XI. Cortina a lateribus altaris utrimque appendantur, nec ab aliquo tempore Sacrificii retrahantur. Cortina conveniens sursum super altare extendatur, quæ protegat & defendat altare (x) ab immunditiis descendentibus.

XII. Calix & patena, in quibus conficitur Corpus Christi, sint argentea, vel aurea, & integra, & calix sit cum firmo pede, & non titubans.

XIII. Nullus Sacerdos sine Clerico celebrare præsumat, qui Clericus habeat tunicam lineam, vel superpellicium, vel cappam rotundam, & calceatus incedat.

XIV. Clericus autem & Sacerdos non faciant aperturas sub axillis (y) in tunica linea, vel superpellicio, quibus ejiciant vel exeant brachia sine manicis tunicæ lineæ, vel superpellicii in ministerio altaris.

XV. Ampullæ aquæ & vini integræ, & mundæ intus & exterius observentur, & signo (z) vocabuli distinguatur vas vini a vase aquæ.

XVI. Vinum ampullæ de tertio in tertium diem ad minus renoveatur; vinum rubicundum, si commode possit haberi, ministeretur ad celebrandum.

XVII. Piscina, in qua lavat Sacerdos manus suas post sanctam Consecrationem, munda teneatur, & cooperiatur, & exterforium post illam lotionem mundum habeatur, & reverenter alba tela, vel (a) corona linea, vel serica tegatur, & cum corporali, cum necesse fuerit, abluatur, ab aliquo Sacerdote, vel persona religiosa, & aqua ablutionis in piscinam sacram mittatur.

XVIII. Idem fiat de exterforio calicis, vel ipsum quando vetus vel minus honestum fuerit, super piscinam sacram comburatur; & cinis in piscinam (b) radatur.

XIX. Item, habeant Sacerdotes proprium manutergium, quo manus detergant ante celebrationem, vel ante contactum Sacrorum, ut Eucharistiæ, Chrismatis, & Olei sancti.

XX. Clericus autem non extergat (c) ad

(g) benedictis, *abest.*

(s) quæ, & reliqua *abfunt ab hoc articulo in typo Leodiensi.*

(u) in Canone *abest.*

(y) axillis.

(b) recondatur.

(r) integræ & non dissutæ observentur.

(x) ab incommodis immunditiarum descendentiis.

(z) signo notabili,

(c) manus suas.

(t) pallis.

(a) cortina lineæ,

ad prædicta manutergia vel exterforia, sed habeat aliud proprium.

XXI. Sacerdos sit diligens in electione hostiæ consecrandæ, ut sit integra, solida, non nimis vetusta, & in appositione vini & aquæ, ut discernat odore, quid sint utrumque, vel ab aliquo faciat gustu discerni. De aqua autem ponantur duæ guttæ vel tres.

XXII. Sacerdotes autem attente & distincte dicant & legant in Canone, quæ dicenda sunt.

XXIII. Sacerdos non eleuet hostiam ad ostendendum populo, nisi postquam dixerit hæc verba: *Hoc est enim Corpus meum*: & tunc pulsetur campana magna tribus ictibus ex una parte, ut fideles, qui audiverint, ubicumque fuerint, adorent.

XXIV. Si Sacerdos, cum venerit ad Consecrationem sanguinis, vel ad perceptionem, nihil in calice invenerit, innuat, ut asseratur ei vinum & aqua, quibus appositis, dicat illa verba Canonis ab illo loco: *Simili modo, postquam canatum est*, usque ad finem, & faciat signacula, quæ ex tunc solent fieri supra sanguinem.

XXV. Illa autem, quæ facta sunt super Eucharistiam, non reiteret. Quod, si aquam puram invenerit & gustaverit, Sacramentum non (d) reiteret sanguinis, sed transeat cum consueto modo.

XXVI. Ille autem, cui per ejus negligentiam hoc evenierit, tribus diebus (e) a se distantibus jejuset in pane & aqua.

XXVII. Si quid vero de sanguine ceciderit super corporale, vel super palam altaris, illa pars abscindatur, & pro reliquiis habeatur, & recondatur, vel comburatur, & cinis in piscina sacra ponatur, vel pars corporalis vel pallæ intincta sanguine, ter diligenter abluatur, & aqua ablutionis a Presbytero jejuno vel alia Religiosa persona & jejuna sumatur, & poterit dictis pannis uti, sicut prius post ablutionem prædictam.

XXVIII. Si sanguis supra aliud vestimentum ceciderit, illa pars abscindatur, & comburatur, & cinis in piscina recondatur: Si supra lignum, lapidem, vel terram solidam sanguis ceciderit, illa pars, si commode possit, a Sacerdote

abluatur, (f) & postea radatur, & rasura cum ablutione vini & aquæ a Sacerdote sumatur, vel combusta in sacram piscinam ponatur.

XXIX. Item si in sanguine (g) musca vel aranea vel aliquid abominabile ceciderit, quod vix sine vomitu vel periculo corporis possit sumi, caute abstrahatur supra patenam vel alium calicem, & abluatur vino; & post sanguinis sumptionem & ablutionem solitam illa lotio honeste a Presbyteris sumatur, vel saltem in piscinam mittatur, & bestia supra piscinam comburatur.

XXX. Si corpus Domini supra palam ceciderit, bis lavetur vino & aqua, & a Presbytero sumatur. Si supra aliquod vestimentum ceciderit, pars illa abscindatur & comburatur, & cinis in piscinam mittatur.

XXXI. Calix ad communicandum infirmos mundus & integer habeatur, & coopertus custodiatur, & si facultas suppetat, fiat argenteus.

XXXII. Pixis, in qua Corpus Christi reservatur, vel ad infirmos deferitur, eburnea vel argentea, vel ad minus cuprea, bene elinata (h), & semper pannus lineus, albus, mundus, vel sericus infra pixidem ponatur, supra quem Corpus Domini in pixide collocetur.

XXXIII. Cum infirmus communicari voluerit, prius visitet eum Presbyter sine corpore Domini, si commode fieri potest, & diligenter audiat confessionem ejus, & post redeat ad Ecclesiam, & cum iturus erit ad infirmum communicandum, prius aliquanto spatio pulsetur campana aliquo certo signo ad hoc distincto, ut fideles ad Ecclesiam veniant, & Sacerdotem, qui deferit Dominum suum, reverenter & ordinate subsequantur, & orationes, quas sciunt, dicant devotè pro infirmo, eundo & redeundo. Sacerdos eat dicendo septem Psalmos, & si via erit longior, addat xv. Psalmos & Letaniam & orationes.

XXXIV. Incedat autem Sacerdos ad communicandum cum campanula & lucerna præcedente. Expectent autem omnes fideles, donec infirmus communicetur, & redeant usque ad Ecclesiam post Sacerdotem semper Corpus Domini defe-

(d) rejicietur sanguinis.
(g) sanguinem.

(e) a se distantibus, *abest*.
(h) sit.

(f) abluatur.

deferentem, ne populus in redeundo in vanum adoret, & ut populus in accedendo cum Deo suo reverentius vel libentius accedat; quilibet fidelis poenitens, si devote fecerit, habeat quinque dies indulgentiæ pro eundo, & quinque pro redeundo; si qui autem maligni hanc processione turbaverint, si moniti se non correxerint, per censuram Ecclesiasticam compescantur.

xxxv. Referatur (i) autem Corpus Domini venerabiliter & sublimiter, posito decenti cooperculo, super calice, quod sit cum cruce (k) supposita, & panno fimbriis sericis adornato.

xxxvi. Si infirmus frequentem vomitum levi occasione patitur, non conferat ei Presbyter Corpus Domini, sed credat infirmus & spiritualiter accipiat.

xxxvii. Ante autem, quam Sacerdos communicet infirmum, Sacerdos dicat ei: *Si credat, quod sub illa forma panis sit Corpus Christi, natum de Virgine, passum in Cruce, suscitatum tertia die?* Quod si confessus fuerit verbo vel signo, communicet eum, si alia causa non obstiterit; alioquin non communicet eum. Si autem communicatus evomuerit, partes corporis diligenter & attente colligantur, & quæ reperiri possunt, cum vino a Sacerdote vel aliquo fidei sumantur, residuum vomitus comburatur & ponatur in terram juxta Altare, vel alibi in sacro loco, ubi commode poterit.

xxxviii. Cum autem corpus Domini defertur, fideles, coram quibus defertur, si commode fieri possit, genua flectant, pectus (l) tondant, & inclinato capite, junctis manibus adorent. Equitantes autem non dedignentur descendere de equis, ut adorent eum, qui pro ipsis descendit de cælis in terram.

xxxix. Si per causam (m) mortis, vel ægritudinis, vel passionis alicujus inopinatum contingat, quod Sacerdos ceptum nequeat explere Mysterium, licitum sit alteri Sacerdoti exequi & perficere consecrationem cepti officii, ita, quod incipiat ibidem, ubi alter destitit, nisi incepta collecta, necdum perfecta vel perlecta, vel inceptis verbis Sacramenti Eucharistiæ necdum perlectis, (n) prædictus casus contingat: tunc enim a capite collectam vel Sacramenti verba reincipiat, ut

sic salutis fragilitatis humanæ consulatur, & sacris Mysteriis, ne inexplata, & ne interrupta remaneant, provideatur sollicitate.

xl. Si autem dubitetur, an hostia a primo Sacerdote sit consecrata, substitutus Sacerdos novam oblatam offerat, & solito more conficiat, & post Missam hostiam primam accipiat; idem dicimus de calice, id est, de eo, quod in calice recipitur. (o)

xli. Eucharistia pro infirmis referata, singulis diebus Dominicis renovetur.

xlil. Corpus Domini in honesto loco sub altari, vel in armariolo sub clave sollicito custodiatur. Similiter Chrisma, & Oleum in alio loco.

xlili. Doceant Sacerdotes subditos suos, ut cum venerint ad communicandum in die Paschæ vel alias, jejuni, & devoti, & confessi accedant, & nullus extraneus, se immisceat, nisi viator, vel peregrinus, & hoc de licentia Sacerdotis.

xliv. Item hostiæ non consecratæ, quæ dicuntur panis benedictus, nulli dentur, nec etiam parvis pueris. Pueri non communicentur, antequam discretionem fidei habere dinoscantur, ut circiter decennium.

xlv. Item præcipimus, ut in die Paschæ, & cæteris solemnibus, quibus fideles communicant, tot hostiæ consecrentur, quod non oporteat frangi formas, quando fideles communicant.

xlvi. Præcipimus, ut nullus Sacerdos bis in die celebret Missam, nisi ex magna necessitate & urgenti; & tunc in prima Missa post perceptionem sanguinis non utatur ablutione vini & aquæ, sed reserret in tuto & honesto loco, & eam accipiat post secundam Missam, vel det honestæ personæ jejunæ, quam noverit ad hoc esse paratam.

xlvii. Presbyteri non deserviant duabus Ecclesiis, nisi una dependeat ab altera.

xlviii. Nullus fidelis arcendus est a Communionem, nisi excommunicatus, vel interdictus, vel ab aliquo notorio crimine notatus; videlicet publicæ meretrices, mimi, histriones, usurarii notorii.

xlx. Sacerdotes prohibeant sub pœna excommunicationis subditis suis, ne locent meretricibus vel receptoribus earum,

(i) Deferatur.

(k) superposita.

(l) tondant.

(m) casum mortis.

(n) in Leodiensi typo hic est punctum, & sequitur: si.

(o) reperitur.

earum, vel turpitudinis mediatoribus domos aliquas: & si qui contra prohibitionem istam fecerint, Episcopo, velejus Officiali nomina eorum per Presbyterum nuntientur, & exhortentur Sacerdotes suos Parochianos, ut ipsis Presbyteris denuntient eos vel eas, qui deliquerunt in præmissis.

L. Excommunicamus Sacerdotes, Capellanos, qui scienter accedent ad Missam celebrandum præsentibus publicis excommunicatis.

LI. In Capellis Magnatum, vel aliorum de novo constructis, nisi ex licentia nostra nullus audeat celebrare, quod sub poena excommunicationis fieri prohibemus.

VI. De Ordinandis.

I. Præcipimus statuendo Clericis habentibus Parochias vel Capellanas, vel Præposituras, vel alias curas animarum, ut ad singula tempora ordinum offerant se ordinandos, prout onus beneficii requirit, Episcopo, feria V. ante tempus ordinum etiam non vocati, ut possit interrogare Episcopus vel Archidiaconus de his, quæ pertinent ad sufficientiam ordinandi & hoc jurare debent, quando recipiuntur ad Parochias vel ad Ecclesias. Præsententur ordinandi Episcopo per Archidiaconos suos.

II. Statuimus, quod cedant fructus Parochiarum & Capellaniarum eorum, qui in propriis personis & in ordine Sacerdotali ibidem non deserviunt, & eorum, qui curam parochialem de manu Prælati sui non receperunt ad opus nostri (p), Archidiaconorum, seu aliorum, secundum quod se habet de consuetudine hæctenus in nostra Dicecesi observata.

III. Excommunicamus, & excommunicatos denuntiamus omnes illos, qui fructus Ecclesiarum, Parochialium & Capellaniarum & Altarium earumdem, in quibus Rectores earum personaliter non deserviunt, pro illis temporibus Nobis, Archidiaconis & Decanis competentes receperint & levaverint præter Nostram, Archidiaconorum & Decanorum voluntatem.

IV. Excommunicamus etiam omnes, qui fructus Ecclesiarum Parochialium Capellaniarum vel Altarium, in

quibus Rectores earum personaliter non deserviunt, pro illis temporibus levaverunt, & receperunt contra voluntatem nostram, Archidiaconorum, seu Decanorum, nisi infra mensem proximum satisfecerint de receptis.

V. Præcipimus Decanis, ut singuli in suis decanatibus de hujusmodi diligenter inquireant, & eos ad notitiam nostram referant, Officialis nostri vel Archidiaconi.

VI. Omnes ordinandi diligenter ante ordines confiteantur, ut mundi mente & corpore gratiam recipiant ampliorem.

VII. Præpositi & Decani, qui curam habent animarum ad sacros ordines, secundum quod beneficium requirit, se præsentent, & in Ecclesiis debitam faciant residentiam.

VIII. Excommunicamus omnes illos, qui tonsuram clericalem & quoscunque ordines sacros vel non sacros ab alienis Episcopis receperint, licentia nostra speciali super hoc non obtenta.

IX. Item excommunicamus omnes illos extraneos, qui a nobis, seu vices nostras gerente in nostra Dicecesi tonsuram Clericalem vel quoscunque ordines sacros vel non sacros furtive susceperint sine licentia Episcoporum suorum.

X. Item excommunicamus omnes illos, qui tonsuram clericalem ab alieno Episcopo sine nostra licentia susceperam deferre præsumpserint, vel radi fecerint nostra licentia super hoc non obtenta, etiam si ab excommunicatione, quam ob hoc incurrerint, fuerint absoluti.

XI. Item præcipimus, quod nullus accedat ad ordines, nec per Archidiaconum præsentetur ordinandus, nisi ætate, moribus & scientia dignus existat, & sub certo titulo.

XII. Item nullas admittantur ad titulum Vicariæ, nisi sit perpetua Vicaria, a qua non possit amoveri.

VII. De extrema unctione.

I. Cum reverentia, aqua benedicta, & cruce deferatur oleum sanctum ad infirmos, & diligenter dicantur VII. Psalmi prius cum Litania & orationes ad hoc institutæ: ille autem, qui inungit, proferat ista verba: *Per istam unctionem & suam piissimam misericordiam indulgeat tibi*

S s s s 3

Deus,

(p) nostrum Archidiaconi, Decanorum, & aliorum.

Deus, quidquid peccasti per visum, & sic de aliis, & reverenter inungat, & verba distincte proferantur, & inde penitus nihil exigatur, & siquid datum fuerit, gratis recipiatur. Tamen consuetudo laudabilis observetur per Episcopum.

II. Item ad Sacramentum extremæ unctionis sæpe Presbyteri moneant populum, ut indifferenter a XIV. annis & supra, singuli, cum necesse fuerit, inungantur. Nec pauperes pro egestate se excusent.

III. Si non possit infirmus habere multitudinem candelarum, vel indumenta linea, quæ causa reverentiæ in hoc Sacramento haberi solent, non propter hoc dimittat Sacerdos inungere, sed sufficiat candela una.

IV. Inuncti cum stupa diligenter in singulis membris extergantur, & stupæ comburantur, & cinis in sacro loco reponatur.

V. Doceant Sacerdotes, quod hoc Sacramentum licite potest iterari in qualibet gravi & periculosa infirmitate.

VI. Item suscepturi quodcumque Sacramentum, prius confessione mundenur, istud Sacramentum valet ad tres, unde versus.

Ungor in extremis, ut sit mihi gratia major.

Et morbus levior, vel penitentia minor.

VIII. De Cimiteriis, & Sepultura.

I. Præcipimus & statuimus, quod nullus excommunicatus nuntiatus in cimiterio Ecclesiæ vel ipsa Ecclesia, vel ambitu sepeliatur; & si factum fuerit, corpus & ossa ejus excommunicati extumulentur, & ejiciantur ex cimiterio, dummodo discerni possint a corporibus & ossibus fidelium, & cimiterium, in quo corpus excommunicati sepultum est, maneat & sit interdictum, donec excommunicati corpus, si discerni possit, extumuletur.

II. Et præcipimus omnibus tam religiosis, quam aliis, dum ad ipsos aliquis, qui sepulturam suam elegerit, debeat sepeliri, interrogent a Sacerdote suo diligenter, utrum sepeliendus decesserit excommunicatus vel interdictus. Quod si per Presbyterum aut alias ipsis constiterit, nullo modo sepeliant corpus

excommunicati vel interdicti in cimiterio Ecclesiæ vel ejus ambitu.

III. Item prohibemus sub pena excommunicationis, ne aliquis in cimiterio interdicto sepeliatur, & ne aliquis sepulturæ tali interfuit.

IV. Laici autem qui tali sepulturæ in cimiterio interdicto interfuerint scienter, excommunicationis sententiam, quam super hoc ferimus in his scriptis, incurrant ipso facto, & nuntientur publice excommunicati.

V. Clerici vero, qui interfuerint tali sepulturæ scienter, sententiam suspensionis ab officio, quam in eos ferimus ipso facto, se noverint incurrisse.

VI. Item statuimus & præcipimus sub pena excommunicationis observari, ut quotiens quis in loco religioso sepulturam elegerit, corpus primo præsentetur parochiali Ecclesiæ, & tunc demum celebrata Missa Ecclesia in Parochiali, deferatur in locum, in quo elegerit sepulturam: & hoc nihilominus fiat salvo in omnibus jure Ecclesiæ Parochialis defuncti.

VII. Item cum a pluribus Sacerdotibus intelleximus; quod quidam religiosi (q) fraudulenter in damnum, & præjudicium Ecclesiarum Parochialium incitant & inducant infirmos divites & potentes precibus & promissionibus ad eligendum apud eos suam sepulturam: ut per hoc ipsi religiosi vel alii, apud quos tales sepulti fuerint, habeant magnam partem bonorum mortuorum, & munera parentum eorundem (r) ex quibus Ecclesiæ Parochiales suis juribus defraudantur. Nos sub pena suspensionis & excommunicationis talia de cetero fieri prohibemus. Sed si ipsi infirmi sine fraude & sine dolo & precibus talibus suam ad locum religiosorum aut alias elegerint sepulturam, ibidem sepeliantur, salvo tamen jure parochialis Ecclesiæ, ut dictum est.

VIII. Et nos omnibus eligentibus suam sepulturam ad suam Parochialem Ecclesiam quadraginta dies de injuncta sibi penitentia relaxamus.

IX. Sacerdotes audito obitu parochianorum suorum, absolvant eos statim cum Psalmo: *De profundis*, & Collecta, & dicant Vigiliis, & alia, quæ defunctis debentur.

X. Cor-

(q) & alii multi lucris magis, quam devotioni inhærentes per se vel per alios.
(r) assequantur.

x. Corpora defunctorum de nocte in domibus non custodiantur, sed ad Ecclesiam deferantur, & omnibus exclusis ostia firmentur factis orationibus, & aliis, quæ in talibus fieri consueverunt.

xii. Item, Decani referant ad Synodum nomina Sacerdotum, qui eodem anno defuncti sunt, ut in Synodo absolvantur, & singuli Presbyteri faciant pro eis speciale servitium, ut similiter pro eisdem fiat tempore opportuno.

xiii. Item, præcipimus, quod Sacerdotes in reditu de Synodo ad suas parochias unusquisque Sacerdos quam cito commode poterit, cantet missam solemniter pro Sacerdotibus defunctis in illo anno.

xiv. Item statuimus, quod omnes Presbyteri annuatim in crastino octavarum Paschæ solemniter observent & celebrent anniversarium Sacerdotum omnium suorum & fratrum, & nuncient populo Dominica præsentem, quod quicumque anniversario prædicto intererit, si penitens fuerit, ei decem dies indulgentiæ concedimus.

xv. Item statuimus, quod omnes portantes corpora pauperum mortuorum ad Ecclesiam & ad fossam, & omnes, qui intererunt sepulturæ eorumdem, habeant XX. dies & qui extremæ unctioni intererunt, habeant decem dies similiter indulgentiæ.

xvi. Item cimiteria munda clausa muris, & sepibus vel aliis teneantur, ne a porcis vel aliis animalibus inquinentur.

xvii. Excommunicamus omnes illos, qui de novo in Ecclesia ædificaverint. Siquis partem cimiterii sibi attraxerit, vel appropriaverit, moneatur, ut restituat, quod si noluerit, Episcopo nuntietur. (†)

xviii. Nullus Presbyter pro sepultura, vel quocumque Ecclesiastico Sacramento conferendo aliquid exigat vel petat. Sed si sibi postea datum fuerit, illud Presbyteri recipere possunt, sed si in aliqua Parochia de consuetudine antiqua aliquid Presbytero consuevit dari, dum Sacramenta Ecclesiastica exhibuerit, vel aliquem sepelierit, & illud

Presbytero non conferatur, denunciatur ipse Presbyter Nobis vel nostro Officiali, vel Archi-Diacono loci, & nos vel ipsi talem consuetudinem laudabilem faciemus ex officio nostro observari.

xix. Item, prohibemus, ne placita secularia in Ecclesia vel in porticu, vel in cimiterio ejusdem teneantur, & omnes processus judicum secularium, & specialiter sententias prolatas in eisdem locis a secularibus iudicibus declaramus & pronunciamus ipso facto non tenere.

xx. Præcipimus etiam sub sententia excommunicationis omnibus Principibus & aliis laicis, ne sua parlamenta habeant vel teneant in Ecclesiis, vel earum cimiteriis, & quod nullus negotiationes, & præcipue nundinarum & fori cujuscumque tumultus exerceat in Ecclesiis vel earum cimiteriis.

xxi. Præcipimus etiam, quod joculariores, histriones, saltatrices in Ecclesia, cimiterio, vel porticu ejusdem, vel in processionibus, vel in rogationibus joca vel ludibria sua non exerceant, nec in dictis locis aliqua choræ fiant.

xxii. Item, statuimus, quod in Ecclesiis civitatis & Diocesis Leodiensis laici, de cætero secularia, vel alios contractus seculares non exercent, nec merces vendantur ibidem, cum Domus Dei non negotiationis, sed orationis esse debeat, & vocari, alioquin ab his, qui Ecclesiis præerunt, excommunicentur.

IX. De Matrimonio.

i. Præcipimus Presbyteris, quod prohibeant subditis suis, ne dent sibi fidem de Matrimonio mutuo contrahendo, nisi coram Sacerdote alterius eorum, qui voluerit contrahere in loco celebri & publico, non in cameris, non in domibus, sed coram pluribus in facie Ecclesiæ, nisi sint tales personæ, quod Presbytero loci ex causa ad alium locum hoc visum fuerit expedire. Et si aliter fidem dederint de Matrimonio contrahendo, eos excommunicamus & eos etiam, qui clandestinas nuptias contrahunt, & tales denunciatur excommunicati. Et si aliqui sibi fidem dederint de Matrimonio contrahendo, sine Presbytero, & in Matrimo-

(†) Nullus Presbyter pro mercede sepulturæ corpus sepelire dimittat, neque purificationes puerperæ aliqua mala occasione differat, & nullus Presbyter pro sepultura &c.

Matrimonio postea voluerint procedere ulterius per Ecclesiam, coram Sacerdote fidem iterent. Et tunc Presbyter procedat ad proclamationem bannorum.

II. Cum autem Matrimonia fuerint celebranda, contrahentes prius coram Sacerdote contrahant, sponsalia & postea tribus diebus festivis a se distantibus super dicto Matrimonio contrahendo banni fiant in Ecclesia ad Missam post Evangelium & proclametur publice a Sacerdote, quod dicti contrahentes Matrimonium sunt contracturi, & præcipiatur ab ipso Sacerdote omnibus audientibus sub pena excommunicationis, ut, si qui sciant legitimum impedimentum inter ipsos contrahere volentes, quare ad Matrimonium procedere non possint, videlicet consanguinitatis, affinitatis vel compaternitatis, vel quodlibet aliud, quod id proponant, & id denuntient Presbytero, antequam Matrimonium contrahatur, & ipsi Presbyteri nihilominus investigent diligenter, utrum aliquod impedimentum existat, cum autem apparuerit probabilis conjectura contra matrimonium contrahendum, ad Matrimonium contrahendum non procedat Presbyter; & ipsis contrahere volentibus expresse Presbyter interdicit, ne procedant ad Matrimonium, donec, quid fieri debeat de præmissis, per Episcopum seu ejus Officiale, Archidiaconum, vel alium, qui in talibus cognoscere possit, & consuevit, declaretur, & tunc Presbyter contrahere volentes, & denuntiatorem, (t) si per eam se facere voluerint, citet coram Nobis, vel nostro Officiali, Archidiacono, vel alio, ut supra, & quid super hoc per ipsum Presbyterum actum fuerit in proclamationibus & aliis, & causam, quare ad Matrimonium non præcedit, per literas suas significet idem Presbyter Nobis vel nostro Officiali, vel aliis, ut supra, & significet Presbyter suis parochianis, quod quicumque impedimentum aliquod scit, vel famam super hoc, quod mortaliter peccat, si hoc, antequam Matrimonium contrahatur, non denuntiat.

III. Excommunicamus & excommunicatos denunciamus, qui post affidationem clandestinam, vel etiam in manu Presbyteri factam, antequam Ma-

trimonium in conspectu Ecclesiæ cum solemnitate debita sit contractum, carnaliter se cognoscunt.

IV. Item excommunicamus & excommunicati denuntientur, qui clandestina conjugia contrahunt. Item excommunicamus & excommunicati denuntientur, qui postquam eis per Presbyterum loci, vel Officiale nostrum, seu loci Archidiaconum interdictum sit, ne Matrimonium contrahant, nihilominus contraxerunt matrimonium.

V. Excommunicamus & excommunicatos denunciamus Sacerdotes, Clericos, sive laicos, vel etiam mulieres, & quoscumque, qui aliquas personas clandestine modo prædicto præsumpserint copulare.

VI. Item excommunicamus & excommunicati denuntientur, quicumque clandestinis matrimoniis coram Presbytero vel aliis celebratis interfuerunt, nisi infra mensem ex tunc hoc denuntient Episcopo, vel ejus Officiali, Archidiacono, vel aliis &c. & nihilominus pena debita puniantur.

VII. Item excommunicamus & excommunicatos denunciamus illos, qui fidem vel munera aliqua dederint seu acceperint pro celandis impedimentis matrimonii, vel qui prece, pretio, gratia, favore, odio, vel timore impedimentum matrimonii celaverint.

VIII. Item excommunicamus omnes illos, qui quomodolibet falsum impedimentum proponunt contra Matrimonia contracta vel contrahenda. Siqui vero clandestina Matrimonia, vel interdicta conjugia inire præsumpserint in gradu prohibito, etiam ignorantes, soboles de tali conjunctione suscepta prorsus illegitima censeatur, de Parentum ignorantia nullum habitura subsidium; similiter proles illegitima censeatur, si ambo parentes (u) scientes impedimentum legitimum, propter quod inter eos Matrimonium stare non possit, & nihilominus Matrimonium etiam in faciem Ecclesiæ contraxerint.

IX. Excommunicamus etiam & excommunicatos denunciamus quoscumque, qui rapuerunt aliquas mulieres, & abducunt invitas ad hoc, quod eis cohabitent, vel Matrimonium contrahant cum

(t) si se partem facere voluerit.

(u) sciverint.

cum eisdem, licet postmodum de non volentibus fiant volentes. Et cum matrimonia debeant esse libera, prohibemus ne poena aliqua apponatur super matrimonio contrahendo, & poenam appositam in matrimonio declaramus non tenere, & ad eam solvendam poenam promittentes non esse obligatos, cum matrimonia metu poenæ adstringi non debent. Si qui autem ad invicem dederint fidem de matrimonio contrahendo per verba de futuro, & ante carnalem copulam fidem velint remittere, non fiat huiusmodi remissio, nisi per Episcopum, ejus Officialem, vel Archi-Diaco-num loci.

x. Presbyteri pro dandis literis testimonialibus nihil recipient, sed solum pro labore scripturæ, sigillatione & cera tres albi sufficient.

xi. Excommunicamus & excommunicatos denunciamus omnes illos, qui contra Matrimonium contractum vel contrahendum sortilegia vel maleficia procurant, vel per sortilegium & maleficium faciunt vel consilium ad hoc dant, quod conjuges se odio habeant, vel quod unus cum alio coire non possit.

xii. Matrimonia cum devotione contrahentium & benedictio nuptiarum in Missa hora debita celebrentur, nuptiæ non celebrentur nisi hora Missæ, & conjuges in nuptiis celebrandis audiant totam Missam.

X. De vita & honestate Clericorum.

i. Præcipimus, quod universi Clerici & Presbyteri continenter & caste vivant, a libidinis vitio præcavescentes, quatenus in conspectu Omnipotentis Dei puro corde & mundo corpore valeant administrare. Et qui comprehensi fuerint incontinentiæ vitio laborare, prout magis vel minus peccaverint, ab eorum Ordinariis seu Prælati puniantur; alioquin nos Prælatorum negligentiam supplebimus, & tales puniemus.

ii. Præcipimus etiam Prælati eorum sub poena suspensionis, quod tales Clericos in suis iniquitatibus non sustineant, maxime obtentu pecuniæ vel alterius commodi temporalis.

iii. Ab crapula & ebrietate Clerici omnes diligenter abstineant.

iv. Præcipimus etiam omnibus Clericis sub poena suspensionis, & maxime Sacerdotibus & in sacris ordinibus constitutis, ne feminam aliquam in domo sua teneant, vel habeant, nisi sorores, matres, amitas aut materteras vel filias earum, sive avunculorum aut patruorum, aut alias ita maturas & antiquas, quod nulla suspicio de illis habenda sit. Antiquas autem reputamus sexagenarias & ultra.

v. Prohibemus etiam ipsis Clericis ne mulieres alias a supradictis domus eorum frequentare, aut eisdem in domibus servire permittant, licet in eis (a) morentur.

vi. Clerici tonsuram & habitum habeant clericales & coronam rotundam competentem, & septies ad minus in anno radant coronam.

vii. Monemus primo, secundo, & tertio omnes Clericos nostræ civitatis & Diocesis Leodiensis, ut infra mensem proximum tonsuram & habitum habeant clericales, & ulterius portent & deferant competenter. Alioquin omnes & singulos Clericos ex tunc ulterius tonsuram & habitum clericales continue non gerentes, post monitionem ternam specialiter factam, denunciamus gaudere non debere privilegio clericali, & ipsum privilegium amittere.

viii. Continue autem reputamus Clericos portare tonsuram & habitum clericales, qui in civitates, (b) vicos, Ecclesias, & alibi coram notis & ignotis palam portant eisdem. Veruntamen si Clericus per vias vel loca aliqua procedens ad vitandum pericula, de quibus merito timere debuit, (c) tonsuram & habitus clericales dissimulaverit & non portaverit, huiusmodi privilegium non amittit.

ix. Clerici pannis rubeis, viridibus, & virgulis indecentis mensuræ non utantur sine causa; alioquin eos a laicali justitia ratione clericali privilegii non defendemus.

x. Sacerdotes cappis manicatis non utantur. (d)

xi. Clerici in sacris ordinibus constituti & beneficiati mitras non habeant in capite, dum sunt in Ecclesia.

xii. Clerici ad aleas vel taxillos non ludant,

(a) non morentur.

(b) civitate, vico, Ecclesia.

(c) deberet.

(d) Alioquin a laica justitia ratione clericali privilegii non defendemus.

ludent, nec participes sint ludentibus ; & sint Clerici in Ecclesia honeste & sine tumultu. Sine verborum & susurratione nec habeant in domibus suis canes vel aves venaticos.

xiii. Item statuimus, quod quicumque Sacerdotes seu Clerici beneficiati sententiam suspensionis vel excommunicationis per annum & diem animo sustinuerint indurato, beneficiis suis priventur per suos Ordinarios, & alias nihilominus propter hoc Canonice puniantur,

xiv. Item, statuimus, ut Clerici ubique & maxime in Divinis officiis decenter & districte se habeant, & tales se in moribus, vita, & conversatione, verbis, factis, societatibus, corporis compositione & quibuscumque honestatibus exhibeant, ut verecundia, quæ etiam laicis est indicta, in ipsos (e) Clericos commendetur.

xv. Nullus Clericus in sacris ordinibus constitutus vel beneficium habens Ecclesiasticum, horas Canonicas & Beatæ Mariæ qualibet die districte & discrete dicere prætermittat.

xvi. Item, statuimus, quod nec Canonici, nec Clerici vagentur tempore nocturno per plateas, & si aliquos transire oporteat ex iusta & legitima causa, hoc faciant sine clamore, sine tympanis & chorea, & præcipimus, quod contrarium facientes excommunicentur.

xvii. Nullus Presbyter dicat Missam, nisi unam in die & præcipue de die, nisi in casibus a jure permissis vel hoc faciat necessitate imminente, utpote Missam pro defunctis, nec celebret Presbyter sine Clerico vel Scholari, nec mulier permittatur aliquatenus ad Altare ministrare.

xviii. Item, statuimus, quod nequaquam laicus vel Clericus uxoratus instituatur matricularius, ubi matricula valet LX. Solidos Leodienses vel amplius, sed Clericus honestus, non uxoratus, si haberi possit. Et si in aliquibus Ecclesiis sit laicus vel uxoratus Clericus matricularius, ille rejiciatur & recipiatur Clericus non uxoratus, & ubicumque haberi possit Clericus, non recipiatur laicus.

XI. De Ordinario & festis.

i. Item, statuimus, ut in omnibus Ecclesiis nostræ Diocesis singulis noctibus in matutinis Psalmi nocturnales, sive feriales decantentur vel legantur ad nocturnos, nisi ea die sit tale festum, quod Missam propriam habeat, vel collectam. Invitatoria responsoria & laudes, ac horæ diei de Sancto, cujus est festum, cantentur, quemadmodum in majori Ecclesia servatur.

ii. Item, districte præcipimus sub poena excommunicationis tam Decanis conventualium Ecclesiarum quam Sacerdotibus, & aliis civitatis & Diocesis Leodiensis, quod Calendaria Ecclesiarum suarum corrigant ad Calendarium ejusdem Ecclesiæ majoris Leodiensis, & Ordinarium (f) habeant & teneant majoris Ecclesiæ Leodiensis, & se in Divinis officiis celebrandis & faciendis, & in Ordinario conformiter dictæ majoris Ecclesiæ tanquam membra suo Capiti, suo modo & suo posse. Volumus tamen, quod quælibet Ecclesia festum cujuslibet Sancti, cujus specialiter in illa Ecclesia solet haberi reverentia, observet, prout hætenus consuevit.

iii. Item, statuimus, quod quancumque aliquod festum IX. lectionum occurrerit in Dominica infra quadragesimam, vel adventum, dictum officium Dominicæ tam diurnum, quam nocturnum fiat in Dominica, & officium festi transferatur usque ad feriam secundam proxime sequentem, & tunc fiat plenarie, nec tamen populo præcipiatur, quod dicta festa celebret.

iv. Item, statuimus, si festum Annunciationis venerit in Dominica *Lætare Jerusalem* seu Dominica in Passione, tunc differtur usque ad secundam feriam, & populo præcipiatur, & secunda feria festum Annunciationis celebretur. Quando autem Annuntiatio venerit in Dominica seu hebdomada Palmarum, tunc anticipabitur in Vigilia Palmarum, & celebrabitur. Quando autem venerit in hebdomada Paschali videlicet feria secunda, tertia, vel quarta, anticipabitur in Vigilia Palmarum & celebrabitur.

v. Item, statuimus, quod festum Trinitatis Dominicæ post octavam Pentecostes, quæ vocatur octava Trinitatis cum

(e) ipsi Clerici.

(f) *Ordinarius*, dicitur liber, in quo ordinatur modus Divinarum Officiorum solemnizandi: Nos, vocamus Breviarium & Missale.

cum IX. Lectionibus, & debita solemnitate fiat. In hebdomada vero præcedente, videlicet ab octava Pentecostes in secundis vespers usque ad prædictam Dominicam cantetur & legatur de Trinitate, prout hætenus consuevit, & post dictum festum Trinitatis per hebdomadam sequentem cantetur officium Dominicæ scilicet *Domine ne in ira* &c. & quinta feria ejusdem hebdomadæ fiat solemniter festum Eucharistiæ, prout hætenus a nostris antecessoribus sunt statuta.

vi. Item, statuimus, prout antecessores nostri statuerunt, quod in festo annunciationis & in festo Purificationis B. Virginis, quando infra septuagesimam evenerint, *Te Deum*, *Gloria in excelsis*, & *Sequentia* cantentur.

vii. Item, statuimus, prout in ecclesia Leodiensi observatur, quod per totam Diocesim in singulis Ecclesiis celebrentur cum IX. Lectionibus festa S. S. Gregorii, Benedicti, Ambrosii, Barnabæ, Dominici, Augustini, Jeronymi, Francisci, Lucæ, Leonardi, & undecim millium Virginum. Nolumus tamen, quod populus in dictis festis cesset ab operibus suis.

viii. Festa etiam, quæ per totum annum nos præcipimus celebrari, sunt hæc: *In Januario*: festa Circumcisionis, Epiphaniæ, Conversionis S. Pauli. *In Febuario*: festa Purificationis, Cathedræ S. Petri, Matthiæ Apostoli. *In Martio*: festum annunciationis. *In Aprili*: nullum, nisi Pascha. *In Majo*: festum Apostolorum Philippi & Jacobi, Inventionis S. Crucis. *In Junio*: Nativitas B. Joannis Baptistæ, Petri & Pauli apostolorum. *In Julio*: festa S. Magdalene, Jacobi Apostoli. *In Augusto*: festa S. Petri ad Vincula, Laurentii, Assumptionis B. Mariæ Virginis, B. Bartholomæi Apostoli. *In Septembri*: Nativitatis B. Virginis, S. Lamberti, S. Matthæi Apostoli, S. Michaelis. *In Octobri*: festa S. Dionysii, Ss. Simonis & Juda. *In Novembri*: festum omnium Sanctorum, S. Huberti, S. Martini, Catharinæ & Andreæ. *In Decembri*: Sancti Nicolai, S. Thomæ, Nativitatis Domini, S. Stephani, & Joannis Evangelistæ, Sanctorum Innocentium, Festum Paschæ Domini quo-

Tomus III. Concil. German.

cunque mense accidat cum tribus diebus, & festum Pentecostes cum tribus sequentibus solemniter celebrentur. Qualibet Ecclesia festum sui Patroni, & suæ dedicationis celebret in sua Parochia. Omnia vero alia festa, exceptis prædictis non præcipiantur celebrari, nec proclamantur in Synodo, qui ea infringunt, sed in ipsis devotioni hominum relinquatur; ita quod, qui noluerit ea celebrare, propter hoc nec pœnam incurrat, nec culpam; proviso tamen, quod in Ecclesia eorum fiant officia a Clericis & Sacerdotibus modo debito & consueto.

ix. Item præcipimus omnibus Sacerdotibus sub pœna suspensionis excommunicationis, quod feria secunda & tertia ante diem cinerum ab esu carniarum abstineant.

x. Item, statuimus, quod in omnibus vigiliis, præterquam in vigiliis Joannis Evangelistæ, Philippi & Jacobi jejunetur. Et hoc Presbyteri præcipiant populo sibi subiecto & in vigiliis omnium Sanctorum, Natalis Domini, Assumptionis B. Mariæ Virginis jejunetur, & a lacticiis abstineatur.

xi. Item præcipimus omnibus Clericis uxoratis, qui beneficia Ecclesiastica detinent, quod infra mensem proximum post præsentis Synodi celebrationem resignent ea, quod si forte neglexerint, ipsos excommunicamus & excommunicatos denuntiamus.

XII. De bigamis.

i. Item, præcipimus omnibus, qui fuerint Clerici & bigami sunt effecti, quod consuram & habitum non deferant Clericalem; alioquin non ipsos excommunicamus, cum bigamus gaudere non debeat privilegio clericali.

ii. Excommunicamus etiam & excommunicatos denunciamus omnes laicos & alios quoscunque, qui Clericos deassecuraverint, maxime coram suo iudice, volentes facere justitiæ complementum nisi infra octo dies eosdem assecurent, & a præmissis destiterint, & ulterius talia non attentaverint.

iii. Et nos omnibus iudicibus Ecclesiasticis, Decanis Capitulis, Archidiaconis & aliis, præcipimus, quod

T t t t 2

cele-

celeriter laicis de Clericis faciant iustitiæ complementum. Alioquin Nos & Officialis noster iustitiam faciemus.

iv. Item, cum in aliquibus locis Clerici in illo loco potentes consanguineos & amicos suos seu alios ad hoc inducunt, & incitant precibus, pretio, seu nutu vel signis; quod aliis Clericis minas inferant, vel noceant, eosdem lædant seu gravent; nos errori talium obviare volentes excommunicamus & excommunicatos denunciamus omnes illos Clericos, qui ulterius talia fecerint, & omnes illos, qui amicis suis consanguineis, & aliis mandaverint, præceperint vel injunxerint, incitaverint præce, pretio, nutu, vel aliquibus signis, vel ratum habeant, quod Clericis minas inferant, noceant, vel ipsos lædant in corpore vel rebus, nisi tales Clerici infra quindenam a tempore præsentis Synodi præmissa revocent, & faciant, quod propter ipsos talibus Clericis mala non fiant, & omnes etiam illos, qui de cetero talia facere præsumpserint, vel consilium seu auxilium adhibuerint.

v. Item prohibemus, ne Clerici exerceant negotia turpia & officia inhonesta, quæ non decent Clericos, qualia sunt hæc: Usura, & omnes species usuræ, turpis quæstus, scilicet cum aliquid carius venditur, sive propter diem, sive propter terminum. Officium cambitoris, (g) carnificis, (h) tabernarii, proceneta, (i) fullonis, furoris, textoris, nec sint histriones, joculariores, ballivi, forestarii sæculares, goliardi, thelonearii, unguentarii, triparii, molendinarii. Si vero Clerici aliqui officia talia exercuerint, a suo Prælato super hoc puniantur.

vi. Item nullus Presbyter permittat aliquem prædicare in Ecclesia vel Parochia sua, nisi sit authentica persona, vel de ordine Prædicatorum vel Fratrum Minorum, & habeat licentiam suorum Priorum vel Ministrorum suorum, vel licentiam super hoc a Nobis habeat specialem.

vii. Item statuimus, ut corpus Domini servetur tam in conventualibus Ecclesiis, quam etiam in Parochiis.

viii. Item statuimus propter apostatas, desertores, (k) & vagos & ignotos Clericos, de quibus an Sacerdotes sint vel quales, non immerito dubitatur, ut nullus

ReCTOR Ecclesiæ vel Altaris tacite vel expresse aliquem admittat in focium, vel ad celebrandum Sacramentum, vel ad Divinum Officium exercendum, nisi notum de ordinibus, moribus, & conversatione, & alias commendatum, & si omnino extraneus vel peregrinus fuerit, per Nos, Officiale nostrum, seu loci Archi-Diaconum cum examinatione debita approbatus, & admissus ad huiusmodi officia exercenda admittatur. Et si quis ReCTOR Ecclesiæ vel Altaris aliquem contra hoc admisit, suspensus sit propter hoc ipso facto, eo salvo, quod honestæ personæ peregrinantes, qui non quæstu, sed pietatis & devotionis intuitu Missam dicere volentes, admitti poterunt, si requirant.

ix. Item, cum intellexerimus, quod quidam laici Capellas & Altaria in Ecclesiis construxerunt propria autoritate & sine licentia Episcopi sui, & easdem Capellas vel Altaria dotare non curant, sed de anno ad annum, de mense ad mensem, vel de tempore ad tempus conducunt Presbyteros vagabundos pro pretio, quanto potuerint, minori ad celebrandum in ipsis Capellis vel Altaribus, tales Presbyteros instituendo & removendo pro eorum voluntate: Nos talia sub pœna anathematis fieri prohibemus: præcipientes ReCTORibus Ecclesiæ, sub quibus tales Capellæ vel Altaria consistunt, quod moneant illos, qui tales Capellas vel Altaria construxerunt, ut ipsas vel ipsa dotent, alioquin ipsos competenti monitione præmissa excommunicent, & nomina eorum Nobis, vel Officiali nostro remittant, & in ipsis Capellis ac Altaribus, quousque dotentur, aliquatenus Officia Divina celebrari non permittant, nisi per suum Archi-Diaconum.

XIII. De Statu Religiosorum.

i. Statuimus, ut nullus Monachus vel Monialis claustrum suum exeant per civitates, villas, & oppida discurrendo, aut in villa Monasterio adjacente comedere audeant, nisi ex causa rationabili & urgente, & id tunc fiat cum Prælato sui licentia (l) principali, quam licentiam Prælatus non dent, nisi evidens & iusta sit causa, & non possit sine scandalo denegari.

ii. Item

(g) Campforis.
(k) discursores.

(h) carnifici.
(l) licentia speciali.

(i) proceneta abest.

II. Item sub pœna excommunicationis latæ sententiæ præcipimus, ut omnes Religiosi, sed præcipue Moniales, quicumque (m) fuerint constituti, habitum ferant secundum regulam eorundem.

III. Item statuimus & præcipimus, quod Presbyteri & Decani rurales obediant Archi-Diaconis suis in omnibus licitis & honestis, eorum jura & nostra observent & faciant observari. Nolumus etiam, quod jura Archi-Diaconorum nostrorum per aliquos impediuntur.

IV. Item sub pœna excommunicationis latæ sententiæ præcipimus omnibus Monachis, Monialibus & Canonicis regularibus, cujuscunque ordinis nostræ civitatis & Diocesis existant, ne habeant proprium nec pecuniam habeant, nisi, cui hoc permittitur, ratione officii vel administrationis sibi commissæ.

V. Item nullus Religiosus fidejubeat, vel pecuniam mutuo accipiat sine licentia sui Abbatis & Conventus: alioquin Abbas & Conventus non tenebuntur respondere, nec obligati erunt ex contractu hujusmodi; & nos omnes Religiosos fidejubentes, seu mutuum recipientes, vel contrahentes sine licentia Abbatis & Conventus, ipso facto suspendimus. Caveant ergo sibi laici & alii, ne de cetero cum talibus contrahant, & præcipimus omnibus Presbyteris hæc statuta in Ecclesiis suis pluries publicare.

VI. Item præcipimus, quod de cetero nec Monachi nigri, vel Canonici regulares in hifcis (n) vel tabardis equitent vel incedant, sed tantummodo in cappis rotundis vel cucullis: & si quis ex eis contra hoc fecerit, ipso facto ab ingressu Ecclesiæ tam diu sit suspensus, donec a Nobis beneficium absolutionis obtinuerit.

VII. Item statuimus, ut nigri Monachi in suis Monasteriis habeant statuta felicis recordationis Domini Gregorii Papæ, & ea observent, & Abbates eorum faciant observari, & frequenter in suis capitulis publicari.

VIII. Item statuimus, quod Religiosi, cujuscunque religionis existant, de cetero novam domum ædificare, vel oratorium novum construere, vel antiquam transponere non præsumant sine licentia nostra,

IX. Item præcipimus omnibus Abbatibus & Prioribus in virtute sanctæ obedientiæ, ut omnia & singula, quæ ad ordinem & regulam pertinent, faciant ab omnibus & singulis Monachis suis, seu Canonicis regularibus observari, cum appositione pœnæ, quæ in regula continetur.

X. Rebelles vero vel incorrigibiles ad Nos, vel Officialem nostrum referant, & inobedientiam & rebellionem ipsorum nobis ostendant, ut ipsorum rebellio per ipsorum (o) detentionem, seu alias per Nos compescatur.

XIV. De Archi-Diaconis & Decanis.

I. Statuimus & præcipimus, quod omnes Presbyteri & Decani rurales obediant Archi-Diaconis suis in omnibus licitis & honestis, & jura ipsorum, & nostra observent, & observari faciant. Nolumus autem, quod jura Archi-Diaconorum nostrorum per aliquos impediuntur.

II. Archi-Diaconi visitent in suis Archi-Diaconatibus Ecclesias, & corrigant ea, quæ spectant ad suum officium, & in visitandis Ecclesiis subditorum recipiantur semel in anno, secundum quod in Generali Concilio continetur.

III. Archi-Diaconi vero V. aut VII. Decani vero duobus equis contenti existant, nec cum canibus venatoriis, & avibus proficiantur, & ita procedant, ut non quæ sua sunt, sed quæ JESU CHRISTI sunt, quærere videantur, nec Archi-Diaconi, nec Decani recipiant procurationem aliquam in pecunia, nec permittant a suis servientibus, vel Clericis, aut Sacerdotibus aliquam pecuniam exigi, vel extorqueri; quod si contra fecerint, sciant se pœnam a Canone super hoc constitutam incurfuros, & nihilominus sententias suspensionis excommunicationis, vel interdicti, si quas promulgaverint, contra hoc in Ecclesias vel personas decernimus non tenere, & cum Archi-Diaconi vel Decani visitaverint, & ad aliquam Ecclesiam pervenerint, quæ visitanti per se ad aliqua non sufficit, tunc duos vel plures conjungant, & eas uno die visitent, & tunc expensas illius visitationis ab ipsis ecclesiis visitatis pro ra-

T t t t 3

ta

(m) quæcunque fuerint constitutæ.

(n) in hionchis.

(o) corporum, addit typus Leodii.

ta cujuslibet recipiant, nec aliquam pecuniam ab ipsis ecclesiis habeant, quam quod expensæ illius visitationis solvantur.

iv. Cum Archi-Diaconi in ecclesiis, & earum appendiciis, & Decani in Capellis in nostra Diœcesi habeant de consuetudine institutiones: præcipimus eisdem quod nullum ad regimen parochialis ecclesiæ admittant vel instituunt, nisi qui XXV. annum ætatis suæ attigerit, & si Archi-Diaconi vel Decani vel eorum Clerici scienter contrarium fecerint, nos ipso facto contrarium facientes, prout nostri antecessores fecerunt, suspendimus a Divinis, & nos collationes ecclesiarum parochialium, admissiones & institutiones ad easdem faciendas, vel factas a tempore generalis Concilii ultimi Lugdunensis personis, qui vigesimum quintum annum ætatis suæ non attigerunt, pronunciamus & declaramus nullas esse ipso jure, & nullus admittatur ad regimen parochialis ecclesiæ, nisi qui scientia & moribus idoneus existat, & infra tempus a jure statutum possit in Presbyterum ordinari.

v. Is etiam, qui ad regimen parochialis ecclesiæ assumitur, si infra annum a tempore institutionis suæ non fuerit in Presbyterum ordinatus, & personaliter non resederit in eadem, ex tunc anno elapso, nulla etiam admonitione præmissa, dicta ecclesia est privatus, poterit tamen super residentia dispensari per eum, qui super hoc habuerit potestatem.

vi. Nihil exhibeatur & detur Archi-Diaconis & Decanis, seu aliis ratione visitationis, nisi ad Ecclesias specialiter visitationis causa venerint, vel accesserint.

vii. Siquis autem Archi-Diaconus vel Decanus, vel alius loco Archi-Diaconi vel Decani Parochialis Ecclesiæ regimen cuiquam, qui nondum XXV. ætatis suæ annum attigerit, scienter contulerint, nos eos ipso facto suspensos declaramus.

viii. Archi-Diaconi vel Decani nullum admittant ad aliquod beneficium ecclesiasticum, nisi primo juret, quod ipsum beneficium Canonice sit adeptus, & quod alienata ipsius Ecclesiæ pro posse suo revocabit, & quod in adeptione illius beneficii Simoniam vel pastio-

nem illicitam non commiserit, nec credit ab aliquo commissam & quod infra annum debet in Sacerdotium promoveri, & personaliter in ecclesia residere.

ix. Nullus etiam Archi-Diaconus aliquem Presbyterorum qui in alio Archi-Diaconatu vel alia Diœcesi fuerit conversatus, recipiat vel celebrare permittat, nisi per literas Archi-Diaconi, in cujus Archi-Diaconatu conversatus est, constiterit ei de conversatione ejus, & eum non pati legitimum impedimentum, quominus valeat Divina celebrare.

x. Cum (p) enim a nostris antecessoribus quoddam statutum factum fuit, quod est tale: cum alia vice inhibuerimus, ne aliquis Archi-Diaconus ruralis officiales habeat, qui cognoscant de causis, cum ipsi Archi-Diaconi & Officiales eorum inveniri debeant in Cathedrali Ecclesia, ubi possunt subditis plenitudinem justitiæ exhibere & copiam habere consilii, denunciamus omnes illos excommunicatos, qui tale officium exercebant (q) sine nostra licentia. Nos præmissa sub pœna excommunicationis observari præcipimus.

xi. Cum autem ad parochialem ecclesiam vel beneficium aliquod Archi-Diaconis vel Decano aliquis præsentatur, fiant tres proclamationes, ut in matrimonio super dicta præsentatione & citentur omnes, qui sua crediderint interesse, ad videndum admissionem ipsius, & dicendum quidquid velint proponere seu opponere de jure contra dictam præsentationem, & si nullus comparuerit contra dictam præsentationem, tunc examine- tur præsentatus de scientia moribus & vita. Et si idoneus existat, admittatur: si non fuerit idoneus, non admittatur, & si aliquis comparuerit & se opposuerit dictæ præsentationi, vel si plures fuerint ad ipsum beneficium præsentati, tunc Archi-Diaconus vel decanus causam oppositionis & de jure præsentatorum cognoscat, & qui potior fuerit in jure, ad ipsam ecclesiam admittatur, nec occasione litis vel controversiæ per aliquam compositionem aut conventionem ecclesiarum aut fructuum partitio fiat, & si contra hoc factum fuerit, illud decernimus irritum & inane.

xii. Præcipimus etiam Decanis ruralibus, quod in suis Decanatibus inqu-

rant,

(p) etiam.

(q) exercebunt.

rant, utrum aliqui filii Sacerdotum vel illegitime nati obtinent aliqua beneficia Ecclesiastica sine dispensatione Sedis Apostolicæ? quos si invenerint, nuncient Patronis beneficiorum, quod ipsa beneficia conferant personis idoneis, & nomina talium Superiori suo sub pœna excommunicationis remittant.

xiii. Nullus filius Sacerdotis obtineat beneficium, in quo pater suus immediate servivit.

xiv. Prohibemus etiam, ne fiant resignationes Ecclesiarum, nisi in manibus Prælati Ecclesiæ, alioquin resignatio non valet saltem quoad Ecclesiam.

xv. Decani etiam infra duos menses proximos faciant congregationem Presbyterorum suorum, & præcipiant cuilibet Presbytero, & curato maxime, quod hætenus (r) ista statuta Synodi hujus, & ea legant & intelligant, & si Presbyteri statuta non intelligant, (s) exponant ea Presbyteris.

xvi. Præcipimus omnibus Presbyteris curatis sub pœna excommunicationis, quod ista habeant statuta, & ea sæpius legant, & intelligant omnes articulos statutorum, per quos incurrit sententia suspensionis vel excommunicationis, & interdicti ipso facto, & quæ sub ipsis pœnis præcipiuntur observari, exponant suis subditis, tam in Ecclesiis suis, quam alibi in lingua propria, & doceant suos subditos, quam periculosa sit excommunicatio, quæ repellit hominem a participatione Sacramentorum, & a communione Fidelium, scilicet ab Ecclesia militante & triumphante, & doceant subditos suos, quia sententia excommunicationis, etiam si sit injusta, timenda est & tenenda, & hoc ipsum Presbyteri faciant ad minus semel in mense, & ipsi Presbyteri admittant sive in Ecclesia sive extra excommunicatos & interdictos ad prædicationem, sed post prædicationem expellant eos ab Ecclesia.

xvii. Decani non faciant assisiam vel talliam super Presbyteros suos.

xviii. Decani pro nuptiis consanguineorum suorum non mittant Presbyteris suis subditis joculariores remunerandos, nec Presbyteri suis subditis vel fociis, nec Clerici Clericis.

xix. Decani & Presbyteri non emant a quæstuariis futuros proventus seu quæstus faciendos.

xx. Item præcipimus omnibus Decanis & Sacerdotibus (t) conciliorum sub pœna suspensionis & excommunicationis, quod quolibet anno excessus contingentes in Decanatibus & Parochiis eorum, & ad nostram correctionem spectantes, Officiali nostro, vel illi, qui erit ex parte ipsius referant fideliter, cum super hoc fuerint requisiti.

xxi. Item, prout Antecessores nostri statuerunt, præcipimus universis conciliorum Decanis, quod nisi (u) diligenter inquirent nomina & numerum Ecclesiarum, in quibus investiti personaliter non deserviunt, & Nobis, seu Officiali nostro remittant.

xxii. Item similiter inhibemus, ne aliquis Decanus Presbyteros extra Diocesim Leodiensem ab alienis quibuscunque Episcopis ordinatos permittant in suis Decanatibus celebrare, nisi per litteras nostras eis ostenderint, ipsos super hoc licentiatos, & tunc eos licentiæ concessæ terminos excedere non permittant.

xxiii. Item statuimus, prout nostri Antecessores statuerunt, quod Decani conciliorum singulis annis personaliter in cœna Domini consecrationi Chrismatismatis interfint reverenter & decenter, nisi legitimo detenti sint impedimento, & tunc Sacerdotes pro se mittant, qui eos legitime excusent, & eorum vices gerant.

xxiv. Decani vero Chrismate ad loca sua deputato, (x) illud Sacerdotibus suis personaliter reverenter, si fieri potest, venientibus tradant, alioquin Presbyteris notis & fide dignis, pro se missis in honesto habitu, munda vasa & honesta deferentibus sanctum Chrisma & Oleum sanctum infirmorum, sub debita distinctione signorum distribuunt, sine exactione alicujus pecuniæ, pretii pro laboribus & expensis, mandantes, quod de cætero nulli laico prædicta tradantur referenda.

xxv. Præcipimus etiam, prout Antecessores nostri fecerunt, omnibus Archidiaconis, ne aliquem Vicarium in suis Archidiaconatibus ad Ecclesiam admittant, nisi prius Vicarius juraverit, quod

(r) habeant, loco: hætenus.

(t) Conciliorum.

(s) Decanus exponet ea Presbyteris.

(u) ipsi pro nisi.

(x) deportato.

quod sine diminutione stipendii dari confecti admittitur, nec admittant aliquem Vicarium, qui in aliena Ecclesia est canonice investitus, vel Vicarius legitimus.

xxvi. Præcipimus omnibus Archidiaconis, ut Vicariis debitam faciant competentiam assignari.

xxvii. Suspendimus etiam ab officio omnes Vicarios, qui investitis aliquid dant, concedunt, vel promittunt, ad supplicandum (y) alios & obtinendum Vicarios.

xxviii. Item præcipimus omnibus Archi-Diaconis, quod quando visitant Ecclesias Archi-Diaconatus sui, & invenerint in Ecclesia defectum in libris missalibus, & aliis, ad quæ major decima Parochiæ tenetur, ipsi moneant detentores dictæ decimæ, quod prædictum defectum sive defectus suppleant infra terminum competentem: alioquin fructus decimæ dictæ imbanniant, (z) & falsiant (a) auctoritate nostra, donec de prædictis fuerit satisfactum, & quicumque de prædictis fructibus post huiusmodi imbannitionem se intromiserit, si est religiosa persona vel ecclesiastica, ipsam a Divino Officio suspendimus ipso facto: si vero laica, ipsam ipso facto excommunicamus. Damus autem Archi-diacono potestatem relaxandi sententias, quando de præmissis fuerit satisfactum.

xxix. Item ordinamus & præcipimus omnibus Investitis & Rectoribus Ecclesiarum Parochialium & aliis ecclesiarum Prælati, quod statutis temporibus successive prout onus beneficii eorum requirit, se faciant in Presbyteros ordinari, & in eorum ecclesiis personaliter deserviant; alioquin ipsos suspendimus ab officio, & si in ipsa suspensione per mensem steterint, ipsos excommunicamus nisi super hoc cum ipsis dispensatum fuerit ab eo, qui hoc faciendi habeat potestatem.

xxx. Item, inhibemus etiam, ne aliquis de beneficio ecclesiastico in temporalibus seu spiritualibus spectantibus ad ipsum beneficium se aliquatenus intromittat, antequam ad ipsum beneficium Canonice admissus fuerit, vel receptus ad ipsum beneficium ab ipso Prælato habente super hoc potestatem: & Nos omnes intromittentes seu inge-

rentes se de beneficio ecclesiastico in temporalibus seu spiritualibus, antequam ad ipsa admissi vel recepti canonice fuerint, excommunicamus & excommunicatos denuntiamus & nihilominus declaramus ipsos a jure, si quid (b) ex præsentatione vel collatione aliqua ad ipsum beneficium eis comperebat, cecidisse ipso jure.

xxxi. Ordinamus etiam, quod Vicarii habeant competentiam XV. librarum alborum ad minus, nisi loca sint solemnia, vel habeant onera adeo magna, quod ratione prædicta eis plus debeant assignari, & hoc taxationi antiqui Archi-Diaconi committimus de consilio Ordinarii faciendæ; quam fieri volumus tam de Ecclesiis parochialibus, quæ sub sunt Archi-Diacono, quam de aliis, quæ a jurisdictione Archi-Diaconi sunt exceptæ, quam etiam de Capellis.

xxxii. Volumus etiam, quod a prædictis Archi-Diaconis taxetur, de quibus bonis, & qualibus dicta competentia recipi debeat.

xxxiii. Item committimus (c) Decanis, quod inquirent de Ecclesiis defalcatis, & Nobis referant, quod (d) Ecclesiæ sunt defalcatae, & per quos, & in quibus, & Nos omnes defalcationes Ecclesiarum minus legitime factas revocamus, & præcipimus sub poena excommunicationis omnibus, qui bona Ecclesiarum habent per defalcationem minus legitime factam, quod ea ecclesiis, a quibus sunt defalcata, restituant, & de receptis satisfaciant eisdem intra quatuor menses a tempore presentis Concilii; alioquin omnes dicta bona sic defalcata detinentes, si sint personæ ecclesiasticæ vel religiosæ, suspendimus a Divinis, si laicæ sint, eas excommunicamus.

xxxiv. Item committimus Archidiaconis, quod ubicumque ecclesiæ sunt adeo tenues, quod investiti earum non possint de redditibus sustentari, de decimis, vel aliis bonis, quæ recipiuntur a Patronis, sive Patroni sint Ecclesiastici sive seculares, ratione ipsarum Ecclesiarum, sive jure Patronatus competentem portionem investitis assignent: & si defectus fuerit in bonis Patronorum, cogantur Parochiani ad supplementum.

xxxv.

(y) supplantandum alios, & ad obtinendum Vicarias.

(a) loco: sequestrent.

(d) quæ pro quod: sint pro sunt.

(b) si quod.

(z) imbanniant.

(c) Archi-Diaconis &c.

xxxv. Item in virtute sanctæ obedientiæ inhibemus Officiali nostro, Archidiacono, Decanis, & quibuscumque aliis Prælati, Capitulis, & Conventibus civitatis & Diocesis nostræ Leodiensis, ad quos admissiones, institutiones, curæ, collationes, seu receptiones aliquarum Ecclesiarum, Capellarum, seu Beneficiorum Ecclesiasticorum de jure seu consuetudine pertinent, ne pro admissione, institutione curæ, collatione, seu receptione alicujus beneficii Ecclesiastici pecunias exigant, vel recipiant, aut aliquod commodum temporale; cum hoc fieri non possit sine vicio simoniæ, & nos omnes & singulos Prælatos, cujuscumque conditionis vel status existant, pro admissione, institutione curæ, collatione, seu receptione alicujus beneficii Ecclesiastici faciendis pecuniam seu aliud commodum temporale petentes & recipientes, & omnes consilium & auxilium ad hoc exhibentes, suspendimus ab ipso officio ipso facto.

XV. De sententia Excommunicationis.

I. Cum incendiarii & effractores Ecclesiarum & Monasteriorum sint ipso facto auctoritate *Canonis* excommunicati, & incendiarii aliarum rerum & bonorum Ecclesiarum & Monasteriorum sint tanquam sacrilegi excommunicandi, Nos ipsos incendiarios, invalores, raptores, detentores grangiarum, domorum, & aliarum rerum & bonorum Ecclesiarum & Monasteriorum, & eorum complices & fautores in hac parte excommunicamus & excommunicatos denuntiamus; & præcipimus omnibus Rectoribus Ecclesiarum, quod saltem quolibet mense dictam *Canonis*, & nostram excommunicationis sententiam innovent, & aggravent in ipsos excommunicatos, candelis accensis, campanæ pulsatione, in speciali, de quibus constiterit, & in generali, de quibus eisdem non constiterit. Si autem a tempore perpetrati delicti hujusmodi malefactores non satisfecerint Ecclesiis, quibus damnum intulerunt, infra quindenam, si sint Domini hujusmodi malefactores, habentes terram & districtum eorum, tunc terras & districtum statuimus esse suppositos, & supponimus Ecclesiastico interdicto. Si vero terram vel districtum non habent,

(a) cum pro non.

statuimus, quod per Decanum concilii, vel Presbyterum loci, in quo hujusmodi delictum est perpetratum, dum hoc eis innotuerit per evidentiam facti, testes idoneos, quos audiendi ipsis conferimus potestatem, aut famam publicam, denuntietur Judici seu Domino, sub cujus districtu iidem malefactores morantur, vel consistunt, prædictum delictum sic esse factum. Et si Dominus vel Judex, sub quo dictus malefactor moratur vel consistit, post dictam denuntiationem infra XV. dies justitiam non fecerit de dicto malefactore, ut dictum est, tunc dictum Dominum, & ejus justitiam excommunicamus & excommunicatos denuntiamus. Et si ipse Dominus & ejus justitia dictam excommunicationem per quindecim dies sustinuerint, præcipimus ex tunc per singulos Presbyteros dicti Decanatus in dictum Dominum & ejus justitiam innovari & aggravari dictam excommunicationem singulis diebus Dominicis & Festivis, candelis accensis, campanis pulsatis, & uxores eorum & famulos extra Ecclesiam teneri. Et si ipse Dominus, ejus justitia & complices dictam excommunicationis sententiam per alios quindecim dies animo sustinuerint indurato, statuimus, quod ex tunc tota terra, & districtus ipsius Domini sint suppositi, & supponimus eosdem Ecclesiastico interdicto, & nihilominus in locis, in quibus hujusmodi violentia facta fuerit, & dicti malefactores commorentur, cessetur a Divinis, nec refutantur organa sine nostro mandato, vel Officialis nostri speciali.

II. Item excommunicamus, & præcipimus excommunicatos denunciari omnes illos, qui immunitates Ecclesiarum violant, videlicet, qui hominem de Ecclesia vel ejus cimiterio extraxerint, vel quolibet alio modo violaverint Ecclesiam, & si ipsi violatores infra septem dies a tempore perpetrati delicti non restituerint hominem Ecclesiæ prædictæ, a qua non (a) receperunt, statuimus, quod ex tunc sententia excommunicationis prædicta in eosdem, eorum complices, & fautores innovetur, & aggravetur singulis diebus Dominicis & Festivis, candelis accensis, & campanis pulsatis. Et si dicti malefactores per alios XV. dies dictam excommunicationem animo indurato

durato sustinuerint, statuimus, quod ex tunc cessetur a Divinis in locis, in quibuscumque tales violatores fuerint vel morantur, & per triduum, postquam recesserint de dicto loco. Et quia nonnulli iudices, & alii, dum hominem, quem ab Ecclesia extrahere volunt pro delicto sibi imposito, non audent extrahere propter censuram Ecclesiasticam vitandam ab eadem, per excogitaram malitiam obsident, & custodiunt Ecclesiam manibus armatis, & defendunt, ne victualia homini existenti in Ecclesia conferantur, ut ipsum hominem existentem in Ecclesia fame compellant, exire Ecclesiam. Nos talia fieri ulterius prohibemus, & precipimus Presbyteris Ecclesiae, & aliis Christi fidelibus, in qua idem homo confugit, ut dicto homini alimenta & alia necessaria administrari faciant, & obsidentes Ecclesiam, si ad monitionem Presbyteri ejusdem ab obsessione praedicta non recedant, (b) ut ipsi homini alimenta administrari non permittant, nominatim eos excommunicet Presbyter loci auctoritate nostra, & excommunicatos denuntiet, & nomina eorum, & seriem facti Officiali nostro rescribat, & si ipsi excommunicati persisterint in sua malitia, nec recesserint ab obsidione praedicta, statuimus, quod in quibuscumque locis venerint, seu morentur dicti obsidentes seu custodientes Ecclesiam, cessetur a Divinis, nec resumantur organa sine nostro mandato vel Officialis nostri speciali. Et Nos Ecclesiam sic obsessam, a qua ipsi obsidentes moniti, ut dictum est, non recedunt, supponimus Ecclesiastico interdicto. Si vero dubitetur, utrum fugiens ad Ecclesiam propter delictum ab eo commissum sit ab Ecclesia defendendus, scribatur Officiali nostro, & quod per ipsum Officialem decretum fuerit, observetur.

XVI. De capientibus Clericos.

I. Item precipimus & mandamus, quod omnes capientes Clericos vel Ecclesiasticas personas cum eorum complicibus & fautoribus in hac parte, propter hoc auctoritate Canonis excommunicati denuntientur nominatim, si nomina eorum scire potuerint, alioquin generaliter publice singulis diebus Dominicis &

Festivis, candelis accensis, & pulsata campana, excommunicati denuntientur. Statuentes, quod loca, in quibus Clerici vel Ecclesiasticae personae capiuntur, seu loca, in quibus capti detinentur, dummodo per diem & noctem fuerint ibidem, supposita sint Ecclesiastico interdicto, & in locis, in quibus Clerici & Ecclesiasticae personae captivi deducuntur, sine mora unius diei ibidem facienda, cessetur a Divinis per triduum: & in quibuscumque locis capientes seu detinentes Clericos venerint, dummodo Presbytero loci constiterit, quamdiu ibidem extiterit, cessetur a Divinis, & si ibidem pernoctaverit per biduum, post ejus recessum cessetur in loco a Divinis.

II. Item excommunicamus omnes Judices, Scabinos, & justitiam exercentes, & Dominos temporales, per quorum loca & districtum Clerici captivi deducuntur, seu in quorum locis detinentur, si Clericos a manibus dictorum capientium non liberaverint, seu arrestaverint, & detineant, dummodo ipsi Domini Scabini, Justitia, & Judices sciant, ipsos Clericos esse captos, & a manibus dictorum capientium per suam potentiam potuerint deliberare eosdem. Et si capientes Clericos sint Domini temporales, & terram & districtum habeant, ipsos Clericos infra triduum a tempore perpetrati delicti a dicta captivitate non deliberaverint, vel exire permiserint, ex tunc tota terra eorum supposita sit Ecclesiastico interdicto.

III. Præterea statuimus, quod Clerici seu Capellani Dominorum seu Nobilium, vel aliarum personarum, qui fuerint pro injectione manuum in Clericum, vel causa aliquorum excessuum sententia excommunicationis innodati, suis Dominis in hujusmodi injuriis consilium vel auxilium verbo & facto non impendant, alioquin noverint se eadem sententia innodatos; sed ipsos Dominos suos excommunicatos modis omnibus, quibus potuerint, inducant, ut de his, pro quibus excommunicati existunt, satisfaciant. Quod si infra mensem eosdem Dominos suos inducere nequiverint, ex tunc omnino recedant ab iisdem, nec eis communicent, alioquin ipsos Clericos & Capellanos, qui ultra id temporis

(b) & pro ut.

poris cum dictis Dominis suis excommunicatis permanerint, & eis communicaverint, majori excommunicatione excommunicamus, & statuimus excommunicatos, & eos præcipimus per similes Presbyteros publice candelis accensis campana pulsata denunciari excommunicatos.

IV. Item excommunicamus & excommunicatos denunciari mandamus omnes Dominos, Principes, & Judices, & alios quoscumque, cujuscumque conditionis vel status existunt, qui Rectoribus (c) investitis Ecclesiarum, & aliis personis Ecclesiasticis inibent, & minas imponunt eisdem, ne morentur in Parochiis & locis suis, & ad Ecclesiam suam accedere & loca sua, propter quæ pluries Divina in sua Parochia vel nostra Dicecesi impediuntur. Et etiam excommunicamus omnes illos & excommunicatos denuntiamus, qui in præmissis consilium adhibent, & præmissa fieri procurant.

XVII. De percussoribus Clericorum.

I. Item statuimus, ut occisores, mutilatores, & percussores atrociter Clericorum & Ecclesiasticarum personarum, & Clericos capientes, & in captivitate detinentes, seu per captivitatem pecuniam aliquam ab eis extorquentes, propter hoc auctoritate Canonis excommunicati per omnes Ecclesias Civitatis & Dicecesis Leodiensis, & omnes operam seu consilium ad hoc adhibentes, ab omnibus Presbyteris, & Ecclesiarum Rectoribus, singulis diebus Dominicis & Festivis, candela accensa, campanis pulsatis, nominatim de quibus constiterit, excommunicati denuntientur, & ab omnibus arctius evitandi, donec sufficienter satisfecerint de commissis, & ab Sede Apostolica meruerint beneficium absolutionis obtinere.

II. Præterea locus ille, ad quem venerint tales excommunicati, quamdiu ibidem fuerint, & post duos dies sequentes immediate a recessu eorum, si in eodem loco biberint aut comederint, & per duos dies sequentes ulterius, si in eodem loco pernoctaverint, & locus, in quo talis violentia facta fuerit, & in quo dicti malefactores per octo dies

moram traxerint, sit interdictus: & si hujusmodi sacrilegi seu malefactores terram, jurisdictionem & districtum habuerint, & si infra tres menses a tempore perpetrati delicti ad arbitrium nostrum non satisfecerint de delicto, eorundem terra & districtus ex tunc Ecclesiastico, ipso facto, sit suppositus interdicto.

III. Præterea si Domini terræ, in quorum districtibus manent, & ubi domicilium habent hujusmodi sacrilegi, vel ubi tam enorme scelus commissum extiterit, tam nefarios sacrilegos & nefandos in suis districtibus sustinuerint, & contra eos ad privationem bonorum & præscriptionem de terra sua non processerint, & justitiam, prout ex officio suo tenentur, super hoc non fecerint infra quindecim dies, postquam de delicto hujusmodi constiterit eisdem per famam publicam vel per denuntiationem Decani vel Presbyteri loci, quam ab ipso Decano vel Presbytero loci fieri præcipimus, sub pœnis excommunicationis: quam cito per famam, querimoniam alicujus, evidentiam rei, aut alio modo constiterit, seu alias legitime, statuimus, quod ex tunc ipsi Domini terræ, & eorum Judices, Scabini, & justitia excommunicationis sententiam incurrant; & si per quindecim dies dictam excommunicationem animo sustinuerint indurato, ex tunc tota eorum terra Ecclesiastico sit supposita interdicto & contra eos nihilominus procedatur, sicut requisiverit protervitas delinquentis.

IV. Item statuimus & præcipimus, ut ubicumque terra (d) Ecclesiarum & ecclesiasticarum personarum mobilia fuerint violenter accepta seu imbannita per Judicem sæcularem, vel mobilia arrestata vel occupata, si hoc Decano vel Presbytero loci innotuerit, quibus in hoc fidem adhibemus vel adhiberi præcipimus, cesserit a Divinis ibidem, donec bona legitime fuerint restituta, & de-arrestata, & satisfactum fuerit de commissis; nec organa resumantur sine nostro, vel Officialis nostri speciali mandato.

V. Et si Dominus vel Judex loci præmissa fecerit, ipso facto sit excommunicatus, & si per quindecim dies hujusmodi

(c) & investitis.

(d) bona pro terra.

modi excommunicationem animo sustinuerint indurato : tota terra dicti Domini vel Judicis ex tunc supposita sit Ecclesiastico interdicto. Si vero persona sæcularis jurisdictionem in dicto loco non habens præmissa fecerit, sententiam excommunicationis incurrat ipso facto.

VL. Præcipimus Decano & Presbytero loci, ut Domino seu Judici loci præmissa denuntient, & si ipse Dominus infra triduum, postquam de præmissis ei confiterit per denuntiationem Decani vel Presbyteri loci, evidentiam rei, famam publicam, seu alias legitime præmonitus, impedimenta vel injurias cessare non fecerit, statuimus, quod ex tunc Domini & Justitia loci sive villici, Scabini, & alii sint ipso facto excommunicati, & si ipsi Domini vel justitia sua per quindecim dies dictam excommunicationem animo sustinuerint indurato, ex tunc tota terra & districtus ejusdem suppositi sint Ecclesiastico interdicto.

VII. Intelligimus bona mobilia esse detenta, ubi per noctem & diem continue detinentur. Si vero per alia loca deferantur sine interpositione temporis unius diei, ex tunc in dicto loco cessetur, quamdiu dicta bona fuerint ibidem, & ipsis bonis a(e) loco depositis, Presbyter organa resumere poterit.

VIII. Item excommunicamus, & ipso jure excommunicatos denuntiamus quoscumque Dominos Laicos, vel eorum Officiarios vel ballivos, aut villicos seu forestarios quorumlibet Dominorum, aut Consiliarios eorumdem, qui aliqua statuta ediderint, vel consuetudinem introduxerint contra Ecclesiæ libertatem : & Scriptores dictorum statutorum, & Judices, qui secundum statuta vel consuetudines hujusmodi præsumpserint judicare, & nihilominus statuta & consuetudines contra libertatem Ecclesiasticam inducenda, & sententias ex eis prolatas decernimus non tenere, & actionem seu exceptiones(f) ex talibus sententiis non competere. Et si aliquis secundum statuta vel consuetudines inducenda seu inducenda ulterius præsumpserit judicare, sententiam excommunicationis incurrat, & in quibus locis talis excommunicatus venerit & moram fecerit, cessetur a Divinis, quousque Nobis satisfecerit competenter.

IX. Item excommunicamus omnes illos, & denuntientur excommunicati, qui constituerunt, vel præceperunt, vel constitui & præcipi fecerint, & mandaverint, seu bannum aliquem super hoc fecerint, quod extra terram illorum nullus laicus debet vocari in jus coram quocumque Judice Ecclesiastico, vel laicos quoslibet querimoniam deferentes coram Nobis, vel Officiali nostro, vel quolibet Judice ordinario, vel delegato in rebus vel personis læserint, vel aliquo modo propter hoc turbaverint, & illos & alios laicos, qui absque auctoritate res Ecclesiarum vel Ecclesiasticarum personarum invaserint vel imbanniverint per manum laicalem. Et quia nonnulli Judices & Domini temporales, cum aliquis Clericus vel laicus aliquem coram Nobis, seu nostro Officiali, seu alio Judice spirituali in causam traxerit, patrem, matrem, fratres, seu consanguineos ipsius in causam trahentes coram Judice spirituali capiunt & detinent, & bona eorumdem saisunt & arrestant, ut per hoc agere volentem coram spirituali Judice cogant desistere a persecutione juris sui : Nos talia anathematis interminatione fieri prohibemus, & excommunicamus, & excommunicatos denuntiamus omnes Dominos, ballivos, forestarios, & judices quoscumque, & omnes consilium, & auxilium, & opem præstantes, qui patrem, matrem, fratrem, seu quoscumque consanguineos alios, & amicos trahentes, aliquem in causam coram Nobis propter hoc ceperint, detinuerint, & arrestaverint, vel bona eorum saisierint, vel occupaverint, & in locis, in quibus talia, & ea, quæ in statuto proxime supraposito continentur, facta fuerint, cessetur a Divinis, nec resumantur organa sine mandato nostro, vel Officialis nostri speciali.

XVIII. *De Executoribus mandatorum, & Portatoribus literarum.*

I. Insuper excommunicamus illos, & denuntientur excommunicati, qui portatores literarum & executores mandatorum a Nobis, seu nostro Officiali, vel quocumque Judice Ecclesiastico destinatos, & Sacerdotes mandata Judicum Ecclesiasticorum exequentes capiunt, detinent, seu spoliunt, aut bona eorum aut

aij

(e) dicto loco.

(f) exceptionem.

eis attinentium imbanniunt, vel occupant, & cessetur a Divinis, ubicumque executores mandatorum, vel portitores literarum a Nobis, seu Officiali nostro, vel quocumque Iudice Ecclesiastico destinatarum, aut querimoniam coram Iudice Ecclesiastico deponentes, vel Officialem nostrum adeuntes detinentur, vel eorum bona capiuntur, occupantur, & detinentur, quamdiu huiusmodi violentia duraverit, nec resumantur organa.

II. Et quia ut intelleximus, nonnulli Domini temporales, Iudices, Scabini, ballivi & alii, cum portatores literarum, & executores mandatorum ad loca sua venerint, eosdem capiunt, & arrestant, seu bona eorum occupant, ad excusationem eorum dicentes, quod hoc non faciunt ratione literarum, & executionis prædictarum, sed ratione quorundam excessuum, seu debitorum aliquorum impositorum ipsis portatoribus, seu aliis executoribus ab eisdem Dominis, iudicibus, ballivis, & aliis, cum fraus & dolus nulli patrocinari debeat: statuimus, quod non obstantibus excusationibus talibus ad executionis sententiam contra eos procedatur, & secundum formam superius expressam, nisi forte ipsi iudices, ballivi, seu alii malefactores in hac parte coram Decano seu loci Presbytero, per iuramentum proprium vel testes idoneos, seu alias legitime docuerint infra triduum a tempore captionis & arrestationis prædictorum, ipsos portitores, seu executores, si laici sint, aliquod delictum manifestum commississe, & quod propter hoc, vel in aliam causam, & non in fraudem præsentis statuti nostri, & Ecclesiasticæ libertatis talia attentaverunt. Si vero ipsi portitores & executores Clerici fuerint, tunc, cum ipsi Domini vel iudices, ballivi & alii non habent in eosdem Clericos jurisdictionem, a pœna dicti statuti non poterint excusari.

III. Item excommunicamus, & denuntientur excommunicati omnes illi, qui manus injecerint vel violentiam intulerint in rebus vel personis aliquorum prædictorum, vel, qui inhibent laicis, ne pro suorum negotiorum profectionibus quæ ad forum Ecclesiasticum pertinent, Nos, vel Officialem nostrum, vel Ecclesiasticum Iudicem adeant, seu

per literas Apostolicas coram Iudice Ecclesiastico experiantur.

IV. Item, cum causas matrimoniales, nativitatis alicujus, usurarum, simoniæ, perjurii, adulterii, contra raptores rerum Ecclesiasticarum, & invalsores decimarum, perjurii ac fidei violationis, patronatus, electionum, & plures aliæ ad forum Ecclesiasticum pertinent, secundum Canonicas Sanctiones; ita, quod secularis iudex de talibus causis Ecclesiasticis cognoscere nec poterit, nec debet; nos excommunicamus, & excommunicatos denuntiamus omnes iudices, & ballivos, & scabinos, & justitias quascumque sæculares, si de talibus causis cognoscere, & judicare præsumserint, & nihilominus sententias & processus iudicum sæcularium quorumcumque habitos, & habendos super causis huiusmodi Ecclesiasticis, tanquam a non suo iudice factos censemus, seu irritos, & penitus non tenere nec valere nunciamus.

V. Item excommunicamus & denuntientur excommunicati, qui conspirationem & colligationem aliquam seu fœdera (g) fecerint de non offerendo Sacerdoti, seu in nuptiis seu in exequiis mortuorum, aut alias, seu de non solvendo decimas debitas & consuetas, seu aliquid faciendo vel non faciendo, quod cedit contra jura Parochorum, & Ecclesiasticam libertatem.

VI. Item, cum nonnulli Principes, Domini, & iudices sæculares Leodiensis Diœcesis tyrannica pravitate adeo gravent Ecclesias, & Ecclesiasticas personas molestant & perturbent, quod Ecclesiæ & ecclesiasticæ personæ sub dominio eorum constitutæ deterioris conditionis existunt, quam sub Pharaone fuerant, qui legis Divinæ notitiam non habebat; tallias, exactiones, petitiones, & servitia indebita dictis ecclesiis & ecclesiasticis personis imponere, & ab eisdem recipere, & exigere non verentur; adeo, quod quidam eorum abusum huiusmodi frequentibus actibus induxerunt per (h) consuetudinem faciendum, licet in talibus contra libertatem ecclesiasticam perpetratis consuetudo aliqua induci non potest, quæ potius est dicenda corruptela, & cum tanto sint graviora peccata,

V v v v 3

(g) fidem pro fœdera.

(h) pro consuetudine facienda.

ta, quanto diutius detinent infelicem animam alligatam. Nos hac generali Synodo prædictis Principibus, Dominis, & iudicibus sæcularibus quibuscumque inhibemus districtius, ne ecclesiis vel monasteriis, vel ecclesiasticis personis huiusmodi exactiones, tallias illicitas, & servitia indebita, nomine petitionis, vel quocumque alio nomine vel colore imponant, vel ab eisdem exigant, seu⁽²⁾ loci Presbytero.

XIX. De sententia excommunicationis.

I. Et sub pœna excommunicationis interdicimus ipsis Monasteriis, ecclesiis, & ecclesiasticis personis, ne ipsis Principibus, Dominis, & iudicibus sæcularibus solvant vel conferant huiusmodi tallias, exactiones, & servitia sub nomine petitionis seu quocumque modo, cum hoc sit contra ecclesiasticam libertatem: alioquin recipientes huiusmodi tallias, exactiones & servitia, & quorum consilio vel auxilio talia facta fuerint, statui-mus esse vinculo excommunicationis ipso facto innodatos, & si ipsi Principes, Domini, & iudices sæculares violenter contra voluntatem Monasteriorum, ecclesiarum, & bona eorundem receperunt,^(k) invaserunt vel arrestaverunt, seu capi, invadi, arrestari fecerint vel mandaverint, ratione talliarum, exactionum & servitiorum prædictorum, ex tunc præcipimus eosdem & omnes eorum complices & fautores in hac parte excommunicari & excommunicatos denunciar; & si ipsi Principes, Domini & iudices infra XV. dies ex tunc proxime sequentes ab invasione, receptione & arrestatione non destiterint & ea, quæ^(l) de bonis Monasteriorum, ecclesiarum & ecclesiasticarum personarum, eisdem Monasteriis, ecclesiis, & ecclesiasticis personis integraliter non restituerint, moniti, super hoc tota terra dictorum Principum, Dominorum, seu iudicium, & districtus eorum supposita & suppositi sunt^(m) ecclesiastico interdicto, & in quibuscumque locis aliis ipsi ex tunc venerint, biberint, vel comederint pernoscendo; per triduum cessetur a Divinis.

II. Item excommunicamus & excommunicatos denuntiamus omnes Dominos, iudices sæculares, scabinos, & quascum-

que iustitias sæculares, qui Clericos, vel ecclesiasticas personas scienter super re mobili quocumque jure debitis, damnis, vel aliis actionibus personaliter citant, & in causam trahunt, seu litigare compellunt, coram iustitia sæculari, & procurantem præmissa & omnes, qui consilium & auxilium in præmissis præstiterint, & omnes iustitarios, & alios, occasione iudicii alicujus reddit, & pronuntiati contra Clericos modo prædicto & in foro prædicto manum imponent vel apponerent ad personas, res, & possessiones Clericorum: & nihilominus sententiam excommunicationis in dicto foro contra Clericos latam tanquam a non suo iudice & ab excommunicatis prolata decernimus nullam esse ipso jure; mandantes omnibus Sacerdotibus locorum, in quibus præmissa facta fuerint, sub pœna suspensionis latæ sententiæ, ut cum eisdem constiterit de violentiis prædictis per evidentiam rei, famam publicam, seu alias, statim cessent a Divinis sine alterius expeditione mandati, & auctores hujus violentiæ excommunicent, & excommunicatos denuntient in generali, in quibus non constiterit, in speciali, de quibus constiterit.

III. Item cum nonnulli Principes, Domini & iudices sæculares, dum directe propter censuram ecclesiasticam & pœnas super hoc constitutas, contra Monasteria, Ecclesias vel ecclesiasticas personas, vel eorum bona non audeant attentare; indirecte, excogitatis quibusdam malitiis inhibent suis subditis, ne aliqui colant terram dictorum Monasteriorum, ecclesiarum vel ecclesiasticarum personarum, nec alias quam proprias, vel ad eorum molendina molant, vel ad similia: propter quæ ipsa Monasteria, ecclesiæ, vel ecclesiasticæ personæ grave dispendium & gravamen incur-runt. Non nulli etiam de prædictis laicis per nequitias alias ponunt, seu poni faciunt dicta Monasteria, Ecclesias, vel Ecclesiasticas personas extra tuitionem & defensionem eorundem, concedentes malis & perversis licentiam, immo auctoritatem contra ipsa Monasteria, Ecclesias, & Ecclesiasticas personas insurgendi, vel malignandi, ut per hoc Principes, Domini, & iudices sæculares, quod a Monasteriis, Ecclesiis, & Ec-

(2) sen recipiant.

(l) abstulerint.

(k) receperint, invaserint, arrestaverint.

(m) sint.

clasticis personis requirunt, licet illicitum sit, consequantur. Nos tantis fraudibus & iniquitatibus obviare volentes, præcipimus omnibus Principibus, Dominis & iudicibus sæcularibus Leodiensis Diœcesis, ne de cetero talia facere præsumant: statuantes, quod si qui eorundem per se, vel per alium terras, aut possessiones dictorum Monasteriorum, Ecclesiarum, vel Ecclesiasticarum personarum, coli & arari inhibuerint, vel ad molendina eorum moli, vel aliquid simile mandaverint directe vel indirecte, vel ipsa Monasteria, Ecclesias & Ecclesiasticas personas extra tuitionem suam posuerint, & ab injuriatoribus, & infaustis eorum non defenderint super hoc requisiti ipso facto excommunicationis pœnam incurrant, & omnes, qui eis opem, consilium & auxilium præstant in hac parte, cum ex gladii potestate eisdem concessa teneantur Ecclesias & Ecclesiasticas personas defendere, & si per unum mensem dictam excommunicationis sententiam animo sustinuerint indurato, in quibuscumque locis ex tunc venerint, biberint aut comederint pernoscendo, per triduum cessetur a Divinis sine expectatione alterius mandati.

XX. De communitatibus.

I. Item, statuimus, quod si aliqui nobiles, vel alii ad prælia vel alias expeditiones procedentes jacuerint in grangiis, curtibus, vel bonis Ecclesiarum vel Ecclesiasticarum personarum, vel Monasteriorum, quod tamen fieri sub pœna excommunicationis prohibemus, & damna aliqua vel rapinas ibidem fecerint, si infra mensem a tempore perpetrati delicti, requisiti, monitione super hoc facta, de damnis, rapinis, & injuriis irrogatis, læsis, & damnum passis non satisfecerint, ipso facto sententiam excommunicationis incurrant.

Et si per quindenam animo indurato steterint in dicta sententia, ipsam excommunicationis sententiam in eisdem aggravent, & innovent singuli Presbyteri diebus Dominicis, & festis, candelis accensis, pulsatis campanis, nihilominus contra eosdem procedatur; sicut contra invasores bonorum Ecclesiarum, & Ecclesiasticarum personarum est pro-

cedendum, sicut superius est expressum.

II. Item excommunicamus & excommunicatos denuntiari præcipimus omnes illos, tam nobiles, quam alios, qui homines nostræ majoris Ecclesiæ, & aliarum Ecclesiarum nostræ Diœcesis Leodiensis ipsis capitalem censum solventes, vel de familia eorundem existentes, prætextu advocacy, seu habitationis vel alterius coloris exactionibus, petitionibus vel aliis servitutibus opprimunt vel molestant, vel mobilia ipsorum post eorum mortem accipiunt violenter.

III. Item excommunicamus & denuntientur excommunicati, qui grangias Ecclesiarum vel Ecclesiasticarum personarum clauerint, vel terras eorum coli prohibuerint, vel pecora eorum acceperint, aut communibus pascuis, ubi pasci consueverunt, expulerint. Omnes prædicti in quolibet mense, id est, prima Dominica mensis a quolibet Presbytero Parochiali denuntientur excommunicati in generali: in speciali vero ubicumque constiterit Sacerdoti de aliquo prædictorum, nominatim prædictos malefactores, & omnes, qui consilium, mandatum, & auxilium præstiterint, ipse Presbyter in continenti, quam cito sciverit, non expectato termino mensis, denuntiet excommunicatos sine expectatione alterius mandati, singulis diebus Dominicis aut festis, candelis accensis, campanis pulsatis, nec eos absolvat, sine Nostro, vel Officialis nostri mandato speciali. In qua excommunicatione si per quindenam permanserint, uxor eorum & familiæ, monitione trium dierum præmissa, ab Ecclesia arceantur, vel ingressu Ecclesiæ; & si per aliam quindenam perduraverint, totam ballivatam vel villicatum eorum Ecclesiastico supponimus interdicto: & præcipimus denuntiari interdictum.

XXI. De pascuis communibus.

I. Item excommunicamus omnes & singulos, qui pascua communia in siccis, vel in humido, silvis vel terris constituta, in villis aliquarum Ecclesiarum nostræ Diœcesis, vel ipsarum allodiis, vel hominum ad Ecclesias, vel villas earum pertinentium invaserint, occupaverint, vel approbaverint violenter, nisi infra VII. dies post hujus sententiæ publicationem,

nem, quam a quolibet Sacerdote proxima secunda Dominica post hanc Synodum fieri volumus, eadem pascua dimiserint & communitati restituerint, ita quod amplius se de eis nullatenus intromittant. Præcipientes districtius, quod si hoc non fecerint, denuntientur singulis diebus Dominicis & festivis, candelis accensis, campanis pulsatis, publice & solemniter excommunicati tamquam prædones, rei publicæ vel alienæ invasores. In qua excommunicatione si per dies quindecim perstiterint, uxores eorum & familia, monitione trium dierum præmissa, ab ingressu Ecclesiæ arceantur. Eadem sententia percellentes omnes illos, qui de cetero super communibus pascuis vel similia talia attentaverint. Mandantes, quod singuli Sacerdotes contra eos, de quibus constiterit, quod præmissa in posterum attentabunt, nominatim procedant modo prædicto. Ubicumque vero aliquis Sacerdos specialiter de aliquo suo Parochiano, vel de aliquibus aliis sciverit, quod (n) aliquibus de prædictis pascuis occupent, in continenti procedat contra illum vel illos pœna supradicta, sine expectatione alterius mandati. Quod si scierint hoc omiserit facere, ipso facto ab officio sit suspensus.

XXII. De decima novalia.

Item præcipimus, quod quilibet laici, sive nobiles, vel alii, qui antiquarum occasione decimarum, quas in aliquibus Parochiis percipiunt, vel ex donatione, vel ex largitione nobilium, seu alia occasione, quascumque decimas novalium in terris propriis, vel aliis in quibuslibet Parochiis obvenientes occupant, attrahunt, & sibi vendicant, penitus ab occupatione, attractione, & usurpatione earundem decimarum novalium desistant, & de ablatis satisfaciant tam Nobis, quam Ecclesiasticis personis, quibus ipsæ novalis decimæ de jure competunt, ipsas decimas Ecclesiis, ad quas pertinent, de cetero pacifice possidendas relinquentes. Quod si (o) per mensem post hujusmodi publicationem mandati, quam infra Dominicam Palmarum in qualibet parochiali Ecclesia a Sacerdote loci sub pœna suspensionis ab eodem fieri præcipimus, (p) eos excom-

municamus & præcipimus, quod quilibet de præmissis, de quibus constiterit, sine alterius expectatione mandati a Presbytero loci excommunicati denuntientur. In qua excommunicatione, si per quindenam perduraverint, ex tunc in antea in uxores eorum & famulos excommunicationis sententia aggravetur.

XXIII. De celebratione in loco interdicto.

Item districtè præcipimus, ut quancumque contingerit ab ordinariis iudicibus aliqua loca seu Ecclesias supponi Ecclesiastico interdicto, Presbyteri & Clerici diligenter observent sententias interdicti, nec aliquis in Ecclesia interdicta præsumat celebrare Divinum officium durante interdicto, quod durare intelligimus, donec ab eo, a quo latum extitit, seu habente super hoc potestatem fuerit revocatum. Et nos omnes Sacerdotes celebrantes scienter, Diaconos, vel Subdiaconos, & alios Clericos Epistolam & Evangelium legentes, aut aliquid de Divino officio in suis officiis officiantes in loco interdicto: nisi in casu a jure excepto, ut inferius apparebit, & celebrantes Divina scienter excommunicatis & interdictis præsentibus, excommunicamus, & excommunicatos denuntiamus. Si vero Presbyteri excommunicati vel suspensi Divina, immo potius prophana non formidaverint celebrare, ipsos denuntiamus ipso facto irregulares, & si in sua rebellione ulterius per septem dies duraverint, ipsos a suis beneficiis, si quæ habent, ipso facto privamus, & privatos denuntiamus, indulgentes beneficiorum patronis, quod ex tunc aliis personis idoneis beneficia conferant dictorum privatorum, alioquin elapso termino juris, potestas conferendi dicta beneficia ad Superiorem proximum devolvetur. Si vero dicti irregulares beneficia non habent, Nos perpetuo a nostra Diocesi eos eliminamus. Et licet tales per aliquorum preces importunas absolutionis beneficium ab excommunicatione a Nobis obtinuerint, volumus tamen & præcipimus Archidiaconis, quod in suis Archidiaconatibus, Decanis conventualium Ecclesiarum & conciliorum, Abbatibus, Prioribus, & ceteris Ecclesiarum Præ-

latis

(n) aliquid de prædictis pascuis.

(o) infra mensem non fecerint.

(p) videtur deesse: se correxerint, aut quid simile.

latis, quod in suis Ecclesiis dictos irregulares celebrare, vel aliquod Divinum officium exequi non permittant.

XXIV. *De altari, calice, & vestimentis. &c. &c.*

Item præcipimus etiam Officiali nostro, quod altaria, super quibus tales excommunicati celebraverint, faciant confringi, nec permittant in eis celebrari, donec fuerint reparata: & calices conflari, & vestimenta sacra, in quibus celebraverint, comburi. Et si qui Sacerdotes supra dicta altaria, antequam sint confracta, & cum dictis calicibus, antequam sint conflati, & cum dictis vestimentis, antequam sint combusta, scienter celebrare præsumperint, ipso facto sint suspensi a Divinis. Item statuimus, quod si Sacerdotes suspensi, excommunicati, vel interdicti celebraverint, & notam irregularitatis incurrerint, & postmodum in contemptum celebrare repellantur, perpetuo carceri mancipentur.

XXV. *De extorquentibus.*

I. Præterea cum beneficium absolutionis ab excommunicationis, suspensionis, vel interdicti sententiis per vim & metum extortum, nullum sit ipso jure; præcipimus omnibus Sacerdotibus, quod si aliquis excommunicatus per vim, vel metum procuraverit se absolvi, nihilominus non obstante tali absolutione nulla, excommunicatum excommunicatum, suspensum suspensum, irregularem irregularem denuntient, sicut ante talem absolutionem facere debuerunt, & illos, qui vi, vel metu hujusmodi extorserint absolutionem, declaramus sententiam excommunicationis auctoritate Canonis incurrere, a qua non poterunt, nisi per Summum Pontificem absolvi.

II. Præterea cum circa absolutionem interdictorum a Presbyteris & aliis Clericis aliquotiens sit erratum, volentes errori communi remedium adhibere, statuimus, ut quotienscumque aliquem locum auctoritate ordinaria vel delegata Ecclesiastica contigerit superponi interdicto, omnibus tam extrema unctio, quam sepultura, & alia Ecclesiastica Sacramenta penitus denegentur, exceptis necessariis Sacramentis, utpote baptismo parvulorum, & poenitentia morientium, ac viaticum quoque mo-

rientibus in extremis non denegetur: nec poterit Presbyter Vesperas, nec alias Canonicas Horas, nec etiam Missam usque ad Offertorium, prout intelleximus quosdam Presbyteros fecisse, officiendo celebrare.

III. Clericos autem decedentes, & qui causam interdicto non dederint, sed ipsum reverenter servaverint, in cimiterio sine campanarum pulsatione, cessante omni solemnitate, cum silentio concedimus tumulari, & in Ecclesia interdicta licite cum duobus vel tribus Clericis, vel Sacerdotibus, qui causam interdicto non dederint, clausis januis, voce submissa, ita, quod extra audiri non possint, excommunicatis & interdictis exclusis, horas dicere, & poterunt tempore interdicti Ecclesiarum Ministri semel in septimana voce submissa, clausis januis, excommunicatis & interdictis penitus exclusis, celebrare Missam ad conficiendum Corpus Domini, quod prout dictum est, dari poterit morientibus in extremis.

XXVI. *De potestate simplicis Sacerdotis in articulo mortis.*

I. Presbyteri simplices in articulo mortis quemlibet excommunicatum quacumque auctoritate, possunt absolvere, & absolvent in forma Ecclesiæ: & hoc fiat, si poterit, coram fide dignis, & testibus, quibus excommunicatio est manifesta: & sic absoluto, quia pure absolutus est, dummodo aliud eidem non obstat, conferri debent omnia Sacramenta Ecclesiastica, & Ecclesiastica sunt sepultura donandi, exceptis usurariis, vel raptoribus, & aliis in jure expressis.

II. Forma Ecclesiæ talis est, quod excommunicatus, qui se petit absolvi, dabit cautionem pignoratitiam, si poterit, & si non poterit, fidejussoriam vel juratoriam, quod stabit mandatis Ecclesiæ super his, pro quibus est absolutus, & si sic absolutus decesserit, hæredes ipsius tenebuntur & compellentur ad satisfaciendum de his, pro quibus mortuus fuerat excommunicatus. Si autem sic absolutus convalescerit ab infirmitate sua, tunc accedat ad suum excommunicatorem cum literis ejus, qui eum absolvit, continentibus absolutionem, & qualiter fuerit absolutus, & tunc ipse absolutus faciat id, quod excommunicator ei in-

junxerit super his, pro quibus fuerat excommunicatus. Si vero excommunicatus, cum convaluerit, ad excommunicatorem suum accedere noluerit, nec accesserit infra terminum, quem volumus & præcipimus sub pœna excommunicationis præfigi ab illo, qui excommunicatum absolvit; tunc ille, qui absolvit eum, retrudat ipsum in pristinam sententiam auctoritate præsentis statuti, & tunc ut prius, habeatur pro excommunicato; & nihilominus, si tunc juramentum præstiterit, pro perjurio tali puniatur.

III. Quia vero per præsentia statuta nostra omnibus paterna sollicitudine intendimus providere, ut quies Ecclesiis & ecclesiasticis personis procuretur, & pacis turbatores pœnæ formidine arceantur a peccatis: præcipimus, & mandamus, & statuimus, sub pœna excommunicationis, ut statuta ipsa ab omnibus ecclesiasticis & sæcularibus personis inviolabiliter, omni fraude & dolo exclusis observentur: & Presbyteri, Clerici, & alii Ecclesiarum Prælati mandata dictorum statutorum fideliter exequantur, & Nos omnes tam Ecclesiasticas, quam sæculares personas, quæ sententias excommunicationis, suspensionis, & interdicti latas vel ferendas virtute dictorum statutorum non observaverint; & Presbyteros, Clericos, & alios Ecclesiarum Prælatos, qui mandata ecclesiastica fraudulenter, & contumaciter exequi non curaverint, excommunicamus in his scriptis: & nihilominus illi, pro (a) quo mandata exequi debeant, ad expensas & interesse tenebuntur.

IV. Quoniam autem accepimus, quod plerique nostri subditi mandata nostra, & Officialis nostri, & aliorum Judicum minus prompte, nec (b) licenter exequantur, & aliqui exequi omittant, in suarum periculum animarum, & libertatis Ecclesiasticæ læsionem: districte præcipimus, quod ea de cætero omni occasione & excusatione postpositis, sine difficultate super quocumque negotio fideliter exequantur, observent, & observari faciant, juxta eorum tenorem mandatorum, mandatis receptis sigilla sua in signum executionis appendentes. Quicumque vero hujus mandati trans-

gressor extiterit, per triginta dies ab officio pœnam suspensionis se noverit incursum: (c) gravius contra ipsum processuri, si meruerit protervitas delinquentis.

XXVII. *De modo constandi Decano, & Presbytero loci.*

I. Cum in multis articulis statutorum nostrorum inferitur, quando Decano & Presbytero loci constiterit de delicto, vel de præmissis, delinquentem excommunicet, seu ad excommunicationem procedat; quatenus hæc clausula: Si Decano vel Presbytero loci constiterit. &c. accipienda sit, declaramus statuentes, quod quando Decano, vel Presbytero loci per evidentiam facti, puta si delictum fieri viderint, vel audierint, vel alias sciverint factum esse, vel per confessionem delinquentis, (d) quam Decanus vel Presbyteros loci audiendi, recipiendi, & delinquentes ad dicendum veritatem, si necesse fuerit, super præmissis compellendi per censuram Ecclesiasticam, statuimus habere potestatem, vel per famam publicam contra aliquos laborantem conquerentium vel eorum procuratoris habentis super hoc potestatem Sacramenti (e) de calumnia subsequente, illos, contra quos fama laborat, delictum ipsum commisisse, vel per sententiam, (f) vel per confessionem in jure factam constiterit de præmissis: vel cum judex ipsi Decano vel Presbytero loci mandavit, quod ad excommunicationem procedant virtute dicti statuti nostri; Decanus vel Presbyter loci, vel alius executor delinquentem excommunicet, & ad excommunicationem procedat; aliter autem Decanus, Presbyter, vel executor delictum, & quid super eodem factum fuerit, & circumstantias ejusdem Nobis, vel nostro Officiali rescribant, & quod super hoc a Nobis, vel nostro Officiali mandatum fuerit, observetur.

II. Præterea intelleximus, quod cum portitores literarum nostrarum, Curia nostra, & Archi-Diaconatus Leodiensis ad aliquos Presbyteros pro citationibus, & aliis mandatis exequendis venerint, ipsi Executores seu Presbyteri ipsa mandata exequi recusant, nisi ipsa mandata justitiæ sæculari loci, & illis contra quos mandata exequi debent, ostendantur,

(a) quibus, (b) forte libenter, alia lætio: & negligenter.

(c) Nihilominus sumus, (d) vel quando Decano vel Presbytero loci constiterit per testes idoneos, quos audiendi &c.

(e) Sacramento,

(f) diffinitivam.

tur, propter quod pluries accidit, quod mandatorum nostrorum, Curie nostræ, & Archi-Diaconorum portitores & executores capiebantur, & arrestabantur, & eis mala inferebantur. Quare statui-
mus, quod quotienscumque aliqui portitores literarum nostrarum, Archi-Diaconorum nostrorum, seu aliorum ad aliquem locum venerint, in quo alicujus potentiam, seu violentiam sibi merito inferri metuerint, Presbyteri & ipsi executores mandatorum, ipsis diligenter inspectis, & viso (g), si suspicione careant, ipsorum mandatorum copia de verbo ad verbum recepta, dicta mandata sigillent, & portitori reddant, & eum caute & honeste expediant, ita quod malum ei non inferatur, & Presbyter, seu executor cum copia mandati transcripti ipsum mandatum exequatur: alioquin Presbyteros & executores præmissa fraudulenter omitteutes, ipso facto suspendimus.

III. Præterea, cum nonnulli Presbyteri, seu Ecclesiarum Rectores, directis eisdem mandatis ecclesiasticis ad exequendum eadem, differunt ea exequi, pro eo, quod afferunt ipsa exequi non audere propter minas eisdem illatas; cum igitur Constitutiones nostræ Synodales pro communi utilitate Ecclesiarum & Ecclesiasticarum personarum, & ad conservandam ecclesiasticam libertatem sint statutæ, & publica utilitas præferenda sit privatæ, mandamus universis Presbyteris, & Ecclesiarum Rectoribus, & Prælati, quod statuta nostra synodalia observent, & ad executionem mandatorum, & in eis contentorum procedant diligenter, nisi forte ipsis timor mortis vel cruciatus corporum inferatur, ita quod propter hoc ad executionem & observationem statutorum merito procedere non audebunt; in quo casu dictas minas inferentes excommunicamus, & locum, in quo præmissa facta fuerint, & ejus populum supponimus ecclesiastico interdicto, nisi habuerimus, quod minæ a tempore, quo factæ fuerunt, cessaverunt infra octo dies, & Presbyter, cui minæ hujusmodi intentabuntur, si poterit, recipiat testimonium competenter, & si infra mensem unum tunc proximum hujusmodi minæ non cessaverint, ita quod Presbyter seu Executor executionem suam & statuta synodalia observare

non poterit, tunc Executor sive sit Presbyter, vel quicumque alius a loco, in quo minæ factæ fuerunt, recedat, nec ad eum minis durantibus accedat, alioquin ipsum suspendimus a Divinis ipso facto, & ex tunc idem Executor Decano Concilii præmissa denuntiet, & ipse Decanus ad denuntiationem dicti executoris, dictas minas sub juramento sibi illatas affirmantis, faciat convocationem suorum Sacerdotum, & subditorum, & omnes, vel eos, qui prædictas minas fecerint, vel intulerint, cum eorum fautoribus, complicitibus in hac parte, excommunicatos propter hoc auctoritate nostra, per singulos Presbyteros dicti Concilii faciat denuntiari excommunicatos singulis diebus Dominicis & Festivis (h) uxorem & familiam extra Ecclesiam tenendo, & locum suppositum esse ecclesiastico interdicto. Et nihilominus, si sit Dominus terræ, seu Villicus jurisdictionem habens, a quo, seu cujus auctoritate dictæ minæ factæ fuerint, Decanus loci denuntiet ei, quod dictas minas cessare faciat, & permittat ecclesiastica observari mandata. Alioquin a tempore denuntiationis dicti Decani, quam fieri mandamus infra octo dies a tempore denuntiationis sibi factæ, post quindecim dies totus districtus & terra Domini prædicti, & ejus justitiæ suppositi sint ecclesiastico interdicto, & ipsum interdictum per ipsum Decanum & per singulos Presbyteros sui Concilii præcipimus publicari, & si sit singularis persona, districtum & jurisdictionem non habens dictas minas inferens; tunc Decanus prædictus post denuntiationem dicti excommunicatoris modo prædicto factam, moneat dictum Dominum & justitiam suam, sub quibus minas inferens constitit, ut dictas minas cessari (i) faciat, & ipsum Presbyterum asscurari, ita quod mandata ecclesiastica exequi possint infra octo dies a tempore dictæ monitionis: alioquin ipsum Dominum, ejus justitiam, eorum complices & fautores excommunicamus & excommunicatos denuntiamus. Et si per quindecim dies in dicta excommunicatione permanserint, terram & districtum eorum ecclesiastico supponimus interdicto. Similiter si Decano loci minæ factæ fuerint, per Officiale nostrum procedatur.

(g) visis.

(h) candelis accensis, campanis pulsatis.

(i) cessare.

XXVIII. *De Judicibus.*

I. Insuper statuimus & præcipimus sub pœna excommunicationis omnibus scabinis & iustitiariis, ut non differant fraudulenter proferre iudicium super querimoniis & causis Ecclesiarum & Ecclesiasticarum personarum, contra personas laicales ad ipsos delatis, & dictas sententias debitæ executioni demandare.

II. Præcipimus omnibus iudicibus ordinariis & delegatis, ut in iudiciis Deum præ oculis habentes statuunt, & faciant, quod suadebit iustitia: & pauperibus, in quantum potuerint cum Deo & ratione, condescendant, & sub pœna excommunicationis, quod prece, pretio, odio, vel timore non flectantur, & excommunicationis sententiam non proferant, nisi in scriptis, & causam expresse conscribant, propter quam excommunicant, & exemplum scripturæ exhibeant excommunicato infra mensem post diem excommunicationis latæ, si fuerint requisiti super hoc. Similiter procedant in suspensionis & interdicti sententiis, alioquin iudex contrarium faciens per unum mensem ab ingressu Ecclesiæ & Divinis Officiis secundum Canonicas sanctiones, ipso facto est suspensus. Et si sic Divina officia exequatur, irregularitatem incurrat; super qua non poterit, nisi per Sedem Apostolicam dispensari: & iudex, in quantum poterit, lites abbreviet, & cum iudex viderit aliquam partium per exceptiones frivolas dilatorias, & peremptorias litem protrahere, tunc secundum quantitatem vel qualitatem negotii, conditionem personarum & alias circumstantias statuatur terminum peremptorium partibus, ad proponendum quidquid proponere voluerint, & ultra terminum non audiat aliquem ulterius proponentem.

III. Iudices advocatos in iudiciis postulantes & procuratores faciant jurare tactis Sacrosanctis, quod in causis, in quibus sunt advocati & procuratores, omni virtute sua, omnique ope id quod verum & iustum esse æstimaverint, suis clientibus inferre procurabunt, & suadebunt, & quod in quacumque parte iudicii, cum ipsis innotue-

rit causam esse injustam, eam dimittent, & omnino recedent ab eadem, nullatenus ulterius de ipsa se intromissuri.

IV. Præcipimus omnibus iudicibus in virtute sanctæ obedientiæ, quod nullum super excessibus suis conveniant, aut citari faciant, nisi prius apud bonos & graves super delicto aliquo diffamatum, vel nisi persona gravi denunciante, cui merito sit credendum, & tunc in citatione & processu scribant personam denunciantem, & si persona denunciatus in probatione defecerit, sciat, quoniam denunciatio tenebitur ad expensas & interesse. Non signet vel scribat iudex vel denunciatus (k) per formam esse, cum non sit verum, cum mortale peccatum sit, innocentem diffamare, & non permittat iudex de sigillo suo recipere ultra rationem, & omnia acta judicialia conscribantur, & originalia maneant apud iudices, ut si dissolutione actorum fuerit, ad originale recurratur.

V. Præcipimus & omnibus iudicibus, ut habeant notarios peritos & discretos, qui testes possint examinare in causis gravibus, ut puta matrimonialibus & aliis. Et notarii in examinandis testibus sint diligentes & discreti, nec aliquam foveant partem, & querant a teste causam scire (l) dicti sui, de loco, tempore & aliis circumstantiis, de quibus traditur. Extra de testibus. Et cum agitur in causa matrimoniali ad divortium, notarii querant distinctionem graduum secundum decretalem extra de testibus, in Capitulo Licet.

VI. Et nos excommunicamus & excommunicatos denuntiamus omnes advocatos, procuratores, notarios & alios quoscumque, qui personas in iudicio litigantes instruunt & inducunt, ut faciant negare, quod esset affirmandum, vel etiam affirmare, quod esset negandum; & qui testes instruunt & inducunt ad perhibendum falsum testimonium, & omnes testes falsum deponentes; & mandamus iudicibus, quotienscumque tales invenerint, quod eos capiant & in carcerem intrudent; pœna canonica puniendos.

VII. Nullus advocatus patrocinium suum præstet manifesto usurario; hæretico

(k) famam esse, pro per formam.

(l) scientiæ pro scire.

retico, vel judæo contra Christianum, nisi judex ex causa aliqua advocato hoc duxerit committendum: & assistant advocati pauperibus & miserabilibus personis gratis, & nullus advocatus, procurator, seu notarius, vel judex attentet pudicitiam mulierum litantium.

VIII. Præterea præcipimus omnibus iudicibus, quod in citationibus ponant terminum competentem: & executores non cirent aliquem, nisi citatus veniendi ad iudicium terrarum habeat competentem secundum locorum distantiam.

IX. Item cum in Concilio Lugdunensi statutum sit, ne a Sede Apostolica, vel Legatis ejus causæ aliquibus committantur, nisi personis, quæ in dignitate sunt positæ, nec alibi, quam in civitate, & in locis magnis & insignibus, ubi valeat juris peritorum copia inveniri, & cum in nostra Dicecesi a nonnullis dubitetur, quæ loca insignia debeant reputari; nos talem dubitationem removeantes, ipsa loca insignia propriis vocabulis duximus exponenda vel exprimenda, videlicet Leodium, ^(m) Hoyum, Dinantum, Namurcum, Tossis, Theuduinum, Nivella, Aquis, Trajectum, Tungris & Thenis in monte: prohibentes, ne in aliis locis causæ Apostolicæ, vel Legatorum ejus tractentur, nisi de communi partium processerit voluntate.

X. Quia vero cessiones actionum odiosæ sunt & pluries in fraudem fiunt, statuimus, ut cessiones actionum inter viros fiant de licentia & in præsentia Nostra, Officialis nostri, vel loci Archidiaconi, vel iudicis partium competentis. Et si legitima causa subsit, cessiones admittantur: alioquin non admittantur. Cessiones autem aliter factæ non valeant, & qui cedit, cadat a jure suo, & is, in quem facta est cessio, commodum non habeat, & si ex tali cessione aliquis agere præsumserit, ⁽ⁿ⁾ usque ad litem contestatam agere destiterit, excommunicatus sit ipso facto.

XI. Item inhibemus Sacerdotibus, & aliis Ecclesiarum Prælatibus, & omnibus Clericis, ne exequantur mandata

iudicum delegatorum, nisi prius inspecto authentico, quo utuntur sigillato.

XXIX. De Beghinis.

I. Item præcipimus, quod omnes Beghinæ privilegio Beghinali gaudere volentes, intrent curiam Beghinarum, & præcipimus commorantibus extra curiam Beghinarum, quod distinguant habitum suum ab habitu Beghinarum, & si aliqua Beghina extra curiam accesserit moratura, vel ejecta fuerit propter incontinentiam, vel aliud delictum, habitum non deferat Beghinarum.

II. Præterea omnes Beghinas negotiatrices, vel mercatrices manifestas, amplius quam decem Marcharum in negotiationibus habentes, a privilegiis Beghinarum excludimus, nec eas a solutione ^(o) cotorum seu exactionum volumus esse liberas. Alias autem in curiis commorantes declaramus ad præmissa non teneri. ^(p)

XXX. De mandatis.

Quoniam autem ut accepimus, quod plures subditi nostri mandata nostra, & nostri Officialis, & aliorum iudicum minus prompte & diligenter exsequuntur, & aliqui exsequi omittunt, in suarum periculum animarum, & libertatis Ecclesiasticæ Leodiensis: districte præcipimus, quod ea de cætero omni occasione & excusatione posthabita sine difficultate super quocumque negotio, contra quoscumque fideliter exsequantur, & observent, & observari faciat juxta eorundem tenorem mandatorum, mandatis receptis sigilla sua in signum executionis appendentes. Quicumque vero hujusmodi mandati transgressor extiterit, per triginta dies ab officio poenam suspensionis se noverit incursum: Nihilominus contra ipsum gravius processuri, si meruerit protervitas delinquentis.

XXXI. De falsariis.

I. Statuimus de falsariis, declarando falsarios literarum Domini Papæ esse auctoritate Canonis excommunicatos, & nos excommunicamus, etiam excommunicatos denuntiamus omnes abufores literarum Domini Papæ, Legatorum ejus, nostrorum Archidiaconorum, Decanorum, & aliorum Prælatorum, iudicum

X x x x 3

^(m) civitatem & oppidum Lovaniensē, in quo studium viget universale. Nullus alius locus in Leodii impresso reperitur.

⁽ⁿ⁾ & perstiterit usque. ^(o) Scotorum.

^(p) Hæc Statuta hætenus anni 1287. renovata fuere in Synodo Leodiensi anni 1445. X. Octob. Ind. VIII. teste Libro impresso Parisiis 1518, e quo variantes hætenus adductæ desumptæ sunt.

cum Ecclesiasticorum: & omnes illos, qui per literas Apostolicas, vel Legatorum ejusdem coram diversis iudicibus aliquem super una re, vel in una parochiali, vel pluribus personalibus actionibus trahunt in causam & vexant. Qui vero dictas literas Apostolicas, aut legatorum ejus ad futuras trahunt injurias, aut aliis vendunt, aut commodant, emunt ab aliis, seu ex causa commodati recipiunt, illos etiam, qui propter vexationem, vel extortionem aliquam faciendam eis scienter utuntur contra illos, contra quos nihil habent questionis, aut per ipsas malitiose adversarios suos ad villam, quæ commune cum aliis habet vocabulum, citari procurant, vel ad loca ignota, vel minus insignia: *videtur hic aliquid deesse.*

II. Excommunicamus etiam omnes falsitatem in literis nostris, Ecclesiæ nostræ majoris, Curiae nostræ, vel Archidiaconorum, vel Decanorum nostrorum, ac ipsarum literarum sigillis committentes sive facientes; nec non illos, quorum consilio, vel instructione ipsa committitur falsitas, & illos similiter, qui ipsis literis falsis scienter utuntur. Et districte præcipimus Sacerdotibus & Decanis Christianitatis, ut per singulas Parochias inquiri faciant tales falsarios vel abusores, & nomina illorum, qui super hoc fuerint diffamati, remittant nobis, seu Officiali nostro.

III. Item excommunicamus, & excommunicatos denuntiamus omnes illos, qui per rescriptum Apostolicum in forma ea, quæ de bonis, quod solum se extendit ad res Ecclesiarum, citant, & conveniunt aliquos super aliis rebus, quam Ecclesiasticis, ad quas hujusmodi rescriptum se non extendit: Etiam omnes illos, qui causa ferendi testimonii faciunt aliquos citari personaliter coram iudicibus ad vexandum eos, quorum testimonio non indigent.

VI. Excommunicamus & excommunicatos denuntiamus omnes, falsam monetam, & etiam omnes illos, quorum auxilio vel consilio præmissa fiunt, facientes, & eos, quorum consilio facta fuerit falsa moneta, & qui eam in terra sua fieri permittunt.

XXXII. De usurariis.

I. Excommunicamus & excommu-

nicatos denuntiamus omnes usurarios manifestos, & singulis diebus Dominicis & festivis a quolibet Sacerdote denuntientur excommunicati.

II. Nullus Sacerdos oblationes manifestorum usurariorum recipiat, nec ad communionem eos admittat, nisi usurarius manifestus satisfecerit de usuris, secundum constitutionem felicis recordationis Domini Gregorii Papæ X. quæ incipit: *QUAMQUAM USURARI.*

III. Nullus testamentis usurarii manifesti interfit, nec ad poenitentiam, vel communionem admittat, nisi de usuris satisfecerit secundum formam constitutionis Domini Gregorii Papæ, & testamenta manifestorum usurariorum, qui secundum formam dictæ constitutionis non satisfecerint de usuris, suspensione nulla sunt ipso jure. Cum autem usurarii manifesti secundum formam constitutionis satisfecerint, ad Sacramenta Ecclesiastica admittantur.

IV. Manifestos autem usurarios dicimus, de quibus per sententiam, vel confessionem factam in jure, aut evidentiam rei, quæ aliqua tergiversatione non potest celari, constiterit evidenter, & illos etiam, qui per usuras diffamati infra tempus statuendum ab eo, qui super hoc habet potestatem, se non purgaverint, reputamus pro manifestis usurariis puniendos.

V. Præcipimus etiam singulis Sacerdotibus parochialibus, quod moneant in parochiis suis frequenter in generali & speciali, de quibus constiterit, usurarios & infamatos publice de usuris, & contrafactibus illicitis præemptionum exercendis, ut ab usuris & talibus contrafactibus desistant infra septem dies a tempore dictæ monitionis: alioquin ex tunc ipsi usurarii & præemptores excommunicantur in speciali, & diffamati, si se non purgaverint, pro convictis habeantur, & si taliter moniti & excommunicati respicere noluerint, nominatim excommunicantur, & nomina eorumdem nostro Officiali referantur, salvo jure nostro & Archidiaconorum in præmissis.

VI. Præcipimus etiam, constitutionem Domini Gregorii Papæ X. felicis recordationis contra usurarios alienigenas editam observari.

XXXIII.

XXXIII. De Quæstuariis.

I. Quæstuarii non permittantur in ecclesiis prædicare, vel negotia sua exponere pro aliquo quæstu faciendo; quascumque literas deferant; sed ipsi Sacerdotes per se ipsos fideliter secundum tenorem litterarum, quas ipsi Quæstuarii habuerint, sine fraude & subtractione aliqua negotia eorum exponant. Sacerdotes non permittant Quæstutores, Goliardos, vel quoscumque alios ignotos infra Parochiam suam in Ecclesia, in via, vel in platea, vel quibuscumque locis suæ Parochiæ prædicare, vel ostiatim deferre indulgentias pro quæstu faciendo: sed tales, & omnes, qui eis assistunt, Presbyter loci excommunicet, & ad removendum ipsos invocet auxilium brachii sæcularis, si necesse fuerit: & Sacerdotes non permittant Prædicatores Quæstuarios celebrare super archas, nec pulsare campanulas manuales per vicos, neque in Ecclesia, & presbyteri sæpe Dominicis diebus & festivis moneant parochianos suos, & etiam sub pœna excommunicationis eisdem inhi-beant, ne tales adeant propter periculum hæresum & errores, quos sæpius seminant. Et si quis tales viderit, denuntiet Presbytero, & Presbyter eos faciat teneri per justitiam sæcularem, & nobis remitti.

II. Præcipimus etiam, quod ecclesiæ interdictæ a Nobis, nostro Capitulo, Archi-Diacono loci, seu Officiali, vel quocumque iudice ordinario vel delegato nullatenus aperiuntur, nec quacumque auctoritate, pro quocumque quæstu faciendo, nisi de mandato speciali Sedis Apostolicæ.

III. Item monemus omnes Sacerdotes, & alios quoscumque nostræ Diocesis, qui eleemosynas fidelium ad opus fabricæ Ecclesiæ majoris Leodiensis collatas detinent, quod infra mensem satisfaciant de eisdem procuratori, seu procuratoribus dictæ Fabricæ, alioquin omnes suspendimus; & si per octo dies causam suspensionis sustinuerint, ipsos excommunicamus, & etiam omnes illos, qui dictas eleemosynas subriperint, & celaverint, distraxerint, subripiunt, celant & distrahant in fraudem dictæ fabricæ.

IV. Item præcipimus, & injungimus universis Presbyteris nostræ Diocesis, sub pœna suspensionis & excommunicationis, quatenus diligenter negotium dictæ fabricæ Ecclesiæ apud suos subditos promoveant diligenter, & fideliter in Ecclesiis, confessionibus & testamentis, & si qui pro hujusmodi negotiis excommunicati vel suspensi fuerint, non absolvantur, nisi per Nos, seu Officialem nostrum.

XXXIV. De Testamentis.

I. Præcipimus, ut Sacerdotes denuntient suis subditis, quod omnes, quibus hoc a jure prohibitum non est, liberam testamenti habeant factionem. & Clerici bona maxime mobilia, quæ per Ecclesiam sunt adepti, hæc per modum testamenti, sive alias, non transferant ad filios, nepotes, aut alios suos consanguineos, sed relinquunt Ecclesiæ, a qua sunt profecta; sed intuitu Ecclesiæ pauperibus, Religiosis locis, & illis, qui ipsis servierant, sive consanguinei sint, sive alii, aliqua juxta servitii meritum de mobilibus dare possunt; de aliis vero bonis, quæ ex hæreditate, artificio, vel doctrina, vel alias non ex bonis Ecclesiæ ad Clericos pervenerunt, Clerici possunt disponere in suo arbitrio.

II. Excommunicamus & excommunicatos denuntiamus omnes Clericos, qui bona immobilia Ecclesiarum filiis suis, nepotibus suis, vel consanguineis, seu aliis conferunt, vel in ipsos transferunt, ab Ecclesiis alienant sua propria voluntate, & sine consensu Episcopi sui.

III. Præcipimus & monemus, ut laici in præsentia sui Sacerdotis testamenta sua faciant, nisi improvisa necessitas emerierit.

IV. Item omnibus Sacerdotibus præcipimus, quod hortentur omnes Clericos, & laicos, testamenta sua facere, & quod non differant usque ad angustias mortis, sed ea faciant, dum adhuc compotes sunt mentis & corporis. In testamentis faciendis consulant Sacerdotes suis subditis, quod declarent sua debita & forefacta, & quod ea restitui faciant primo, seu præcipiant de bonis suis, & quod postmodum aliqua fabricæ Ecclesiæ S. Lamberti Martyris, Ecclesiæ totius Civitatis.

Civitatis & Diœcesis Leodiensis, & suæ parochiali Ecclesiæ, & etiã religiosis, & piis locis, ac pauperibus aliis secundum arbitrium testamenti. Si quis vero fabricæ Ecclesiæ S. Lamberti, & parochiali Ecclesiæ suæ aliquid legaverit in suo testamento, eidem XX. dies de iuncta sibi pœnitentia relaxamus. Et fiant testamenta Parochianorum publice, & coram discretis personis; & cum aliqua fabricæ Ecclesiæ S. Lamberti legantur, hoc Presbyter significet in Leodio procuratori fabricæ, & nomina eorum, qui prædicta legata fecerunt, infra mensem.

V. Suspendimus & suspensos denuntiamus omnes Presbyteros, qui celant legata fabricæ Ecclesiæ prædictæ, nec ea procuratori suo denuntiant infra duos menses a tempore scientiæ. Et excommunicamus omnes laicos, qui celaverint prædicta legata.

VI. Quoniam autem in aliquibus locis nostræ Diœcesis quædam consuetudo inolevit, quæ dicenda est potius corruptela, cum sit contraria rationi, & contra jura canonica & civilia, videlicet, quod iudices, & scabini, & consilarii quorundam oppidorum dicunt, & statuunt, vel judicant, & faciunt observari, & per consuetudinem tenent, quod nullum testamentum, donatio, vel legatum teneat super mobilibus & immobilibus, quod, vel quæ a decumbentibus in lecto piis locis, vel personis aliis fuerit factum vel facta, & quod vel quæ fuerit ab aliquo per translationem proprietatis in pia loca, vel alias personas, retento a testatore seu donatore usufructu, nisi ab eodem usufructus cum proprietate transferatur.

Nos huic manifesto errori obviare volentes, consuetudinem prædictam, seu statutum reprobam, seu reprobatum a nostris prædecessoribus, penitus etiam reprobamus. Statuentes etiam, prout nostri antecessores statuerunt; quod quilibet tam sanus, quam infirmus, qui liberam habet a jure testamenti factionem, & compos mentis existit, libere possit condere testamentum, & donare, & legare tam proprietatem, quam usufructum, vel proprietatem, retento sibi usufructu, & etiam utrumque tam proprietatem, quam usufructum,

etiam, & secundum ejus voluntatem & dispositionem procedant universa: cum ultimæ voluntatis liber debeat esse stilus, & liberum esse debeat, quod irritum non reddit arbitrium. Præcipientes districtius, quod si in aliqua parochia aliqui iudices, scabini, vel consilarii secundum dictam consuetudinem, seu statutum reprobam & reprobatum judicaverint, & fecerint observari, denuntientur Officiali nostro, & ipse Officialis contra iudices prædictos tam scabinos, quam partem ad hoc instantem procedat.

VII. Presbyteri instruant subditos suos, quod districtè faciant sua testamenta & legata, si poterint, & certos executores constituent ad exequendam suam ultimam voluntatem. Et tamen si aliquis omnia bona sua in manibus executorum suorum posuerit, habetur pro testamento.

VIII. Verum cum executores, seu manifestos testamentorum perperam procedentes, bona ad executionem pertinentia clam suscipiunt & celant, & postmodum, cum rationem executionis suæ facere debent, negant se habere bona, quanta receperunt, furtum & rapinam committentes, & ultimam voluntatem defuncti minime exequentes. Nos malitiis talium obviare volentes, statuimus, & ordinamus, quod nullus executor, seu manifestus bona testatorum ad executionem suam pertinentia invadat, recipiat, vel de eisdem se aliquatenus intromittat, nisi factò prius inventario, id est, quadam scriptura, in qua continebuntur, quæ & qualia bona testator post se reliquit, ad executionem prædictam spectantia, quæ ipse executor seu manifestus recipiet & levabit, & debita forefacta, & legata ipsius testatoris restituet & adimplebit, & illud inventarium fiet per bonos viros, videlicet Presbyterum & duos scabinos locales, seu Synodales, nec suspectos, & sigillabitur sub sigillo Presbyteri, vel alicujus personæ authenticæ. Unde executores petant a testatore, si potest fieri, quod ipsos de bonis suis & debitis suis certificet, nam in hoc stabitur assertioni testatoris.

IX. Et nos excommunicamus & excommunicatos denuntiamus omnes
executo-

executores, seu manifideles, qui bona decedentium, quorum sunt executores, prius non factō modo prædicto inventario, invadunt, recipiunt, vel levant: nihilominus ipsi executores, seu manifideles, si bona, prædicto non factō inventario, levaverint, dum a creditoribus seu legatoribus defuncti, ratione dictæ executionis conveniuntur; in solidum tenebuntur & condemnabuntur, exceptis rebus, quæ servari non possunt: quas res, si necessitas exegerit, executores alienare poterunt, non factō inventario, in præsentia tamen Sacerdotis loci, vel duorum, vel trium Scabinorum Synodaliū, vel fide dignorum. Pecuniam de dicta re redactam ipsi executores ponent in certo loco, nec ea utentur, nisi dicto inventario factō; alioquin dictam excommunicationis sententiam incurrant. Et si defunctus aliquod debitum sub pœna, ad usuras, vel ad alia damna debebat, poterunt executores, vel manifideles de bonis defuncti solvere debitum, pœnam, usuras, & alia pericula & damna extinguendo, non factō etiam inventario; si ipsum inventarium commodè fieri non potest. Si debitis, pœna, usuris, & aliis impedimentis instantibus fuerit augmentandum circa exsequias dicti defuncti, & fiet in præsentia Presbyteri, duorum vel trium scabinorum Synodaliū, vel aliorum proborum; alioquin dicta excommunicationis sententia ligentur. Si vero Presbyter loci fuerit executor, tunc poterit fieri inventarium ipsum in præsentia Decani loci; vel al-

terius authenticæ personæ, & duorum, vel trium Scabinorum synodaliū, vel aliorum Presbyterorum.

X. Volumus tamen, quod testamenta Canoniorum Ecclesiarum Leodiensium, quorum executores Canonici fuerint, ordinentur, & teneantur, prout est, vel in posterum fuerit a Capitulis eorundem super hoc ordinatum: nec volumus per hoc præjudicium generari consuetudinibus observatis circa testamenta Canoniorum nostræ Diœcesis, si quas habent in præmissis.

XI. Præcipimus etiam Sacerdotibus loci, & ipsis executoribus, & manifidelibus, quod copiam inventarii dicti referant infra duos menses nostro Officiali a tempore, quo factum fuerit, & hoc præcipimus per nostrum Officiale registrari, nec aliquid recipiatur pro sigillo. Cum autem testator decesserit, ipsi executores factō inventario, bona ad executionem pertinentia apprehendant, & exequantur ultimam voluntatem dicti defuncti, faciendo proclamari in loco, quo morabatur defunctus & plurimos esse & conservari consuevit, ut omnes creditores defuncti, & a quibus aliqua extorserat, compareant certa die ostensuri debita sua; & tunc ipsi executores primo creditoribus, a quibus injuste extorserat, satisfaciant, & de residuo satisfaciant legatariis quibuslibet pro rata bonorum defuncti: & Officialis noster per censuram Ecclesiasticam compellat executores & hæredes defuncti ad implendam & exequendam supremam defuncti voluntatem.

MODIFICATIONES PRÆCEDENTIUM STATUTORUM, ANNO MCCXC. EDITÆ.

JOHANNES, DEI GRATIA, LEODIENSIS EPISCOPUS, UNIVERSIS ABBATIBUS, ABBATISSIS, PRIORIBUS, PRÆPOSITIS, ARCHIDIACONIS, DECANIS, CONVENTIBUS, CAPITULIS, ET ECCLESiarum RECTORIBUS, CLERICIS, ET ALIIS CIVITATIS ET DIOECESIS LEODIENSIS,
SALUTEM IN DOMINO SEMPITERNAM.

Cum in generali Concilio nuper a nobis Leodii celebrato in crastino Dominicæ, qua cantatur, *Invocavit me* anno Domini M. CC. LXXXVII. ad conservandum statum & libertatem Ecclesiarum, ac regimen Diœcesis Leodi-

ensis & ad reprimendam perverforum malitiam, quasdam synodales fecerimus constitutiones, quæ tunc legitimæ de sui forma poterant reputari, sed quia Potentes, Magnates, Nobiles Diœcesis nostræ Leodiensis, nec non Magistri,

Tomus III. Concil. German.

Y y y y

Scabini,

Scabini jurati, & communitates civitatis Leodiensis, oppidorum *Hoyensis*, *Dioneti*, *S. Trudonis*, *Tongrensis*, & *Fossatenfis*, ad Nos detulerint querimoniam super eo, quod per quasdam ex constitutionibus, de quibus inferius fit mentio, jura sua, libertates, Franchisæ, leges, & consuetudines ipsorum, ad quorum observationem ex debito nostri tenemur officii, læduntur, & enervantur, ut dicebant: licet dictæ constitutiones fuerint, & debuerint apud jurisperitos legitimæ reputari; quia cum alibi scribitur, quod ad sedandum populum termini multum remanserit, nos pacem & tranquillitatem nostrorum subditorum modis omnibus affectantes dictas constitutiones de jurisperitorum consilio declaramus, corrigimus, & modificamus, prout inferius continetur.

I. Sub titulo de usuris in constitutione, quæ incipit: *Excommunicamus*, & *excommunicatos denuntiamus omnes usurarios manifestos*, & clausulas, quæ tales sunt: *Et illos etiam, qui super usuris diffamati infra tempus statuendum ab eo, qui super hoc habet potestatem, si se non purgaverint, reputamus pro manifestis usurariis puniendos. Et illam clausulam: Et infamati si se non purgaverint, pro convictis habeantur*, sic declaramus: Licet de jure sic intelligi deberent, & nostræ hæctenus fuerit intentionis, ut sic intelligerentur: dum cum fama sic legitime contra illos probata & pronunciata per judicem competentem, famam legitime contra illos esse probatam, illos sic diffamatos reputamus pro usurariis manifestis puniendos & pro convictis debent haberi, si se non purgaverint infra terminum competentem eis assignandum: volentes, & præcipientes vobis omnibus, & specialiter nostro Officiali Leodiensi, quod si usurarii manifesti satisfecerint de usuris, vel cautionem præstiterint de ipsis restituendis secundum constitutionem felicitis recordationis Domini Gregorii Papæ X. quæ incipit: *Quamquam*, vel *Quamvis*, sine difficultate qualibet Ecclesiasticæ tradantur sepultura.

II. Item aliam constitutionem sub titulo: *De testamentis*, qua dicitur: *Excommunicamus omnes laicos, qui celaverint Legatam Fabricæ Ecclesiæ Leodiensis*, sic declaramus, & intelligi volumus de

laicis, qui tenentur ad solutionem Legatorum, quod illi sint excommunicati secundum tenorem & formam constitutionis.

III. Item constitutionem, quæ scripta est sub eodem titulo: *De Testamentis*, quæ sic incipit: *Verum cum executores seu manifesti testes testamentorum, perperam (a) protendentes &c.* usque ad finem tituli, sic corrigimus & modificamus: Quod mortuo testatore, executores testamenti ipsius defuncti vocent duos vel tres Scabinos, vel alios probos viros & honestos, & coram eis scribi faciant, si commode fieri potest, bona spectantia ad ipsam executionem, & copiam dictæ scripturæ dent dictis probis, & sic dicta executione utantur, & in ea procedant juxta ipsius defuncti voluntatem: ita quod per dictam executionem legi & consuetudini loci, in quo præmissa fient, nullum fiat præjudicium, nec ad aliud obligentur dicti executores virtute dictæ constitutionis, quam de jure vel consuetudine loci dicti sint obligandi.

IV. Item aliam, quæ scripta est sub titulo: *De vita & honestate Clericorum*, in qua excommunicantur & excommunicati denuntiantur omnes laici, & omnes, quicumque in Clericos deassecuraverunt, &c. mitigamus in hunc modum: Quod poenam excommunicationis in eis latam revocamus, ita tamen; quod si qui fuerint laici vel alii, qui Clericos deassecuraverint, nec eos postea assecuraverint; nos & alii judices competentes, procedemus, prout de jure fuerit faciendum, cum super hoc ad nos, vel ad judices competentes fuerit delata querela.

V. *Correctio circa plures sententias excommunicationis, interdicti.*

Item, quia in quibusdam malefactoribus ipsis, de quibus in illis fit mentio, inflictæ quædam pænæ sequuntur, videlicet, ubi tales malefactores domicilium habuerint, moram fecerint, biberint, comederint, pernoctaverint; privatas personæ, vel Domini districtum habentes, quod in locis illis, vel in districtibus dictorum Dominorum cesserit a Divinis, & post recessum eorum per duos, tres, vel plures dies, & ubi violentia facta est, & quod Dominus loci, judex, justitia, villicus & Scabini sint excommunicati, & eorum terræ & districtus Ecclesiastico suppo-

(a) forte: prætendentes.

suppositi sint interdicto, nisi fecerint de dictis malefactoribus id, quod Presbyter loci vel Decanus, de quibus in ipsis constitutionibus continetur, propter quæ cessare mandabatur a Divinis in aliquibus locis virtute ipsarum constitutionum. Et quia pænæ ita suos auctores tenere debent, ut infontes non lædantur, dictas pœnas relaxamus. Volentes & præcipientes, quod licet in aliquibus locis dicti malefactores domicilium habuerint, moram fecerint, biberint, comederint, pernoctaverint, transitum fecerint: vel si Domini non liberaverint Clericos, qui capti deducuntur per eorum loca vel districtus, a manibus sic eos deducendum, vel ubi violentiæ factæ sunt, seu aliqua alia de causa, licet hic de ea expressa non fiat mentio, contenta in nostris novis constitutionibus, propter quæ cessare deberent a Divinis virtute dictarum constitutionum, vel Dominus, iudex, iustitia, villicus, & Scabini excommunicationis sententiam incurrerant; Non propter hoc dicti Domini, iudex, iustitia, villicus, & Scabini, licet denuntiationi Presbyteri vel Decani prædictorum non obedierint in præmissis, dum tamen hoc fecerint, quod ad ipsos pertinet ratione sui officii, excommunicationis sententiam incurrant, nec terræ eorum, seu districtus, vel alia loca Ecclesiastico propter hoc supponantur interdicto virtute dictarum constitutionum, ipsis constitutionibus & pœnis aliis contra ipsos malefactores in suo robore durantibus.

VI. Malefactores autem prædicti sunt incendiarii, effractores Ecclesiarum, Monasteriorum invasores, raptores, detentores grangiarum, domorum, & aliarum rerum, seu bonorum Ecclesiasticorum, Monasteriorum, & Ecclesiasticarum personarum, eorum complices & fautores: & violatores ecclesiarum & cimiteriorum, nec non immunitatum Ecclesiarum, extractores aliquorum hominum ab ecclesia, obsesses Ecclesias, prohibentes, ne obsessis in Ecclesia victualia conferantur: capientes Clericos, & eorum bona, complices & eorum fautores: Clericos captivos detinentes, pecuniam ab eis extorquentes per captivitatem Domini locorum, qui eos non deliberavit a manibus suis, vel

eorum, qui eos; sic captos deducunt per eorum terras; vel eos ibidem non arrestant: inhiabentes rectoribus & investitis, ne in locis suis morari possint, eorum complices, & fautores: occisores, mutilatores, percussiores atrociter Clericorum, inbannitores, & arrestantes bona ecclesiarum, vel ecclesiasticarum personarum: facientes & scribentes statuta, contra ecclesiasticarum libertatem, judicantes secundum ea: prohibentes, ne ad iudicem ecclesiasticum eatur de causis spectantibus ad forum ecclesiasticum, impediētes portitores literarum iudicum Ecclesiasticorum, & ipsarum executores: Ecclesiis & Ecclesiasticis personis tallias, exactiones indebitas, vel servitia indebita imponentes: inhiabentes terras Ecclesiarum coli, & alii malefactores, de quibus in dictis novis constitutionibus, vel earum aliqua sit mentio specialis; licet hic non exprimatur.

VII. Item alteram constitutionem, in qua dicitur, quod si aliqui nobiles, vel alii, ad prælia, vel ad aliquas expeditiones procedentes, jacuerint in grangiis Ecclesiarum, seu Ecclesiasticarum personarum &c. quod, nisi infra quindecim dies a tempore perpetrati delicti satisfecerint de damnis & rapinis, ipso facto sententiam excommunicationis incurrant, prout in ipsa constitutione continetur. Nos considerantes, quod propter necessitates plurimas præmissa interdum fieri contingit, pœnam excommunicationis in dicta constitutione contentam relaxamus.

VIII. *Correctio contra cessiones actionum faciendas.*

Item, constitutionem scriptam de iudiciis, in qua prohibentur fieri cessiones actionum inter vivos coram aliis, quam coram nostro Officiali Leodiensi, Archi-Diacono loci, vel iudice competente &c. intelligimus & declaramus de cessionibus actionum personalium. Quare vobis & vestrum singulis præcipiendo mandamus, quatenus dictas constitutiones secundum prædictas declarationem, correctionem, modificationem observetis ex nunc, & eis utamini, non obstante eorum primo tenore. Præcipientes vobis omnibus, & singulis, quatenus ad cessationem contra prædictas declarationem, correctionem, & modificationem, virtute prioris

tenoris dictarum constitutionum nullatenus procedatis. Et si procedatis, organa vestra sine alterius expectatione mandati resumatis, ceteris nostris constitutionibus & antiquis statutis synodalibus in suo robore manentibus, ac etiam firmi-

tate. In cujus rei testimonium sigillum meum presentibus duximus apponendum. Datum anno Domini M. CC. XC. Dominica post Purificationem B. Mariæ Virginis.

EXPLICIT, DEO GRATIAS.

CONCILIIUM WURCEBURGI NATIONALE.

A.C. MCCXXCVII. Dom. Lætare. Honorii IV. PP. III.
Rudolphi I. Regis XV.

SUMMA. §. I. De subsidio terræ sanctæ liberandæ.

§. II. Canones XLII. Ecclesiasticæ.

*§. III. Indulgentiæ pro variis Ecclesiis ab Episcopis concessæ
pro Herbipolensi,
pro Erfordiensis,
pro fabrica Fuldensis Ecclesiæ.*

§. IV. Pax publica Imperii.

PRæsente Rege Rudolpho I., Archiepiscopis: Henrico Moguntino, Henrico Treverensi, Siffrido Colonienſi, Giselberto Bremenſi: Episcopis Brunone Brixinensi, Arnoldo Babebergenſi, Brunone Havelbergenſi, Conrado Argentoratensi, Sigifrido Auguſtano, Reinboldo Eystettenſi, Tobia Pragenſi, Emichone Friſingenſi, Henrico (aliis Brunone) Merseburgenſi, Burchardo Metenſi, Conrado Verdenſi, Burchardo Lubecenſi, aliisque Suffraganeis & Abbatibus, Joannes Bucamatus, Episcopus Tuſculanus, Honorii IV. Papæ Apoſtolicus Legatus, petiit pro Subsidio terræ Sanctæ recuperandæ quartam partem omnium proventuum Ecclesiasticorum Germaniæ, in proximum quadriennium solvendam. Ita Hoffmannus in Chron. Wurceburgenſi. Tritheimius in Chronico Sponheimenſi ait, decimum denarium, in V. annos sequentes pendendum a Clero & populo. Facta deliberatione, cum nonnulli Principes faverent; Siffridus Colonienſis, Henricus Treverensis, & Tullenſis Episcopus Conradus, quem alii Probum nuncupant, (elogio potius, quam nomine, ait Spondanus) exactiōni insolitæ & graviori palam contradixerunt. Verosimilior Hoffmanni sententia est, decimam partem fructuum Ecclesiæ, id quod & in Lugdunenſi Concilio placuerat, solvendam ad sexennium statutam fuisse. Ita Grebnerus de Conciliis Wurceburgenſibus. Alii volunt ad Papam, vel generalius Concilium appellatum ab his tribus Episcopis.

nus in Chron. Wurceburgenſi. Tritheimius in Chronico Sponheimenſi ait, decimum denarium, in V. annos sequentes pendendum a Clero & populo. Facta deliberatione, cum nonnulli Principes faverent; Siffridus Colonienſis, Henricus Treverensis, & Tullenſis Episcopus Conradus, quem alii Probum nuncupant, (elogio potius, quam nomine, ait Spondanus) exactiōni insolitæ & graviori palam contradixerunt. Verosimilior Hoffmanni sententia est, decimam partem fructuum Ecclesiæ, id quod & in Lugdunenſi Concilio placuerat, solvendam ad sexennium statutam fuisse. Ita Grebnerus de Conciliis Wurceburgenſibus. Alii volunt ad Papam, vel generalius Concilium appellatum ab his tribus Episcopis.

Annum 1287. hujus Concilii statuunt Siffridus Presbyter Misnenſis, Laurentius Fries, Historia Australis, Naculerus, quos tuto sequuntur Harduin, Natalis Alexander, & Spondanus. Deferendi itaque Tritheimius & Genebrardus, qui ad annum 1283. Eberhardus & Stero, qui ad annum 1290. referunt hoc Concilium: multo minus Schilterus audiendus, qui duas hoc anno 1287. Synodos excogitavit. Grebner in Dissert. citata.

§. II. *Canones XLII. conditi, quos per Alamanniam, Bobemiam, Daniam, Sueciam, Moraviam, Poloniam, Borussiam, Russiam, ac Septentrionem promulgatos voluit Joannes, uti Legatus Apostolicus, ad has Nationes missus.*

CONCILIIUM HERBIPOLENSE, SUB PRÆSIDIO

JOANNIS, LEGATI SEDIS APOSTOLICÆ, IN PRÆSENTIA RUDOLPHI IMPERATORIS, MULTORUMQUE PRINCIPUM
CELEBRATUM ANNO DOMINI MCCLXXXVII.

TITULI CAPITULORUM.

- | | |
|---|---|
| I. De honesta vita. | XXIII. De usurariis. |
| II. De vitandis tabernis ac ludis. | XXIV. De lascivibus Ecclesiasticarum personarum. |
| III. De colloquio cum Monialibus, vel de inordinato joco. | XXV. De leſoribus Nuntiorum Sedis Apostolicæ. |
| IV. De bastiludio Clericorum. | XXVI. De usurpantibus sibi bona Ecclesiarum vacantium. |
| V. De Clericis concubinariis, vel manifestis cohabitatoribus. | XXVII. De visitatione per Episcopos faciendâ, & de Confirmatione. |
| VI. De his, qui beneficia per intrusionem accipiunt. | XXVIII. De propugnaculis, quæ fiunt in Ecclesiis. |
| VII. De bina celebratione Missarum. | XXIX. De debitis maritorum defunctorum. |
| VIII. De portatione Corporis Domini. | XXX. De spoliatoribus stratarum. |
| IX. De alienatione rerum Ecclesiasticarum. | XXXI. De emptione seu venditione bonorum feudalium Ecclesiæ. |
| X. De habentibus duas Vicarias. | XXXII. De his, qui capiunt bona Ecclesiæ vel Capituli, propter debita singularis personæ. |
| XI. De ætate Clericorum promovendorum. | XXXIII. De his, qui invadunt bona Ecclesiarum propter mimicitias Advocatorum. |
| XII. De præsentatione promoti. | XXXIV. De Apostolis reprobatis. |
| XIII. De observatione interdicti. | XXXV. De laicis, qui fabricæ Ecclesiæ admistrant. |
| XIV. De beneficiorum susceptione de manu laicorum. | XXXVI. De his, qui prohibent, ne quis coram Ecclesiastico Judice conquatur. |
| XV. De benedictionibus, & sepulturis, quæ fiunt per pactum. | XXXVII. De falsariis. |
| XVI. De cura Capellarum. | XXXVIII. De observatione interdicti. |
| XVII. De Vicariis in Ecclesiis Parochialibus Monasteriorum. | XXXIX. De conservatoribus Monasteriorum. |
| XVIII. De habitu & conversatione Monachorum. | XL. De exigentibus nova passagia. |
| XIX. De vita & habitu Monialium. | XLI. De observatione constitutorum. |
| XX. De occupatoribus & invasoribus rerum Ecclesiasticarum. | XLII. De his, quibus erat indultum, quod excommunicari & interdici non deberent. |
| XXI. De laicis recipientibus beneficia Ecclesiastica. | |
| XXII. De Advocatis Ecclesiarum. | |

CONSTITUTIONES JOANNIS, TUSCULANI EPISCOPI, APOSTOLICÆ SEDIS LEGATI.

P R Æ F A T I O.

JOANNES, Divina miseratione, TUSCULANUS Episcopus, Apostolicæ Sedis Legatus, Venerabilibus in Christo Patribus universis, Archi-Episcopis, Episcopis, & dilectis sibi in

Christo Clericis, Abbatibus, Prioribus, Decanis, Archi-Diaconis, Præpositis, Archi-Presbyteris, & aliis Ecclesiarum Prælatibus, Capitulis, Conventibus, & Collegiis, Cisterciensibus, Præmonstratensibus,

tenſibus, Cluniacenſibus, Sancti Benedicti, Sancti Auguſtini, Carthuſienſibus, Grandimontenſibus, & aliorum Ordinum, nec non Prioribus Hospitalis Sancti Joannis Hieroſolymitanarum Domorum, Militiæ templi Beatæ Mariæ Teutonicorum, cæterisque Perſonis Eccleſiaſticis, Regularibus & Sæcularibus, exemptis, & non exemptis, & per partes Alamanniæ, Bohemiæ, Daciæ & Sueciæ Regna, nec non Moraviæ, (a) Marthiani, Poloniæ, Pomeraniæ, Pruffiæ, Caſſubiæ, & Livoniæ, ac Ruſſiæ Ducatus conſtitutis; in perpetuum.

DEUS Deorum Dominus rite ac æquo moderamine cuncta præordinans, ab æterno ingentes legis voluit eſſe conditores, ut ſe homines eſſe cognoscerent, & proprium ſub legis limitibus arbitrium limitarent: in cæterisque propulſatis, in ſilentiiſ roboraretur, juſtitia vigeret, æquitas & candor magis eniteſcerent honeſtatis. Hæc tria, quaſi conformia, & ſtatuſ proſperitatem aſſerentia poſſeſſoris, promptis affectanda ſunt deſideriis, ſummis exſequenda vigiliis, & ſolicitiſ ſtudiis acquirenda. Hæc apta ſunt & neceſſaria protinus ſingulis, maxime perſonis ſublimibus, dignitate præcellentibus, ac in ſacris officiis conſtitutis. Hæc ſicut affectu nobis anxio appetimus, ſic & ea ſubditis noſtris libentiſſime propinamus; ut per æquitatis, juſtitia, honeſtatis ſuæ tramites incedentes, adſit eis feliciſ ſtatuſ tranquillitas, & plena jueunditas libertatiſ. Ut igitur de commiſſo nobis per ſacroſanctam Matrem Romanam Eccleſiam in partibus noſtris plenæ Legationiſ officio, & continuiſ noſtris laboribus, quos libenter perferimus, & ſubditis noſtris quietem paciſ, & ſtatuſ commoda propinemus, fruſtuſque percipiant optatoſ; pro ſalubri ſtatu Cleri, Partium, Regnorum, & Ducatuſ prædictorum, in ſacro Herbipolenſi Concilio, aſſidentibus Nobiſ Venerabilibuſ Patribuſ, Moguntinenſi, Colonienſi, Saltzburgenſi & Viennenſi Archi-Epiſcopiſ, & nonnulliſ eorum Suffraganeis; & de ipſorum, ac Abbatuſ, & Prælatoruſ præſentiuſ, (b) quaſdam Conſtitutioneſ edidimus, per eoſ in poſterum inviolabili-ter obſervandaſ, quæ a jure ſuadentur,

æquitati deſerviunt, & continent honeſtatem: mandanteſ auctoritate, qua fungimur, ut in qualibet, etiam Cathedrali, Conventuali, ſeu etiam Collegiata, ſub noſtro ſigillo penituſ habeantur annuatim, prout in Conſtitutione noſtra contra uſurarioſ actus inferiuſ annotata expreſſe legitur, publicandæ. Voſ itaque haſ Conſtitutioneſ devotè ſuſcipite, & eaſ tamquam amatoſ juſtitiaſ inviolabiliter obſervate.

CAPITULA.

I. De honeſta vita.

IN NOMINE DOMINI. AMEN.

UT Chriſti militia, laudibuſ deputata Diviniſ, vita, geſtu, moribuſ & habitu, a militia ſecernatur humana; cunctoſ Archi-Epiſcopoſ, Epiſcopoſ, Clericoſ, Abbateſ, cæteroſque inferioreſ Eccleſiaruſ Prælateſ, & perſonaſ in dignitate ſacri Sacerdotii conſtitutaſ, quaruſ cura Nobiſ committitur, auctoritate hortamur in Domino, & paterna ſuadela monemuſ, ut pie, caſte, munde, ac in ſplendore (c) vitæ vivere ſtudeant, gravitate, qua convenit, tam in habitu, quam in moribuſ incedenteſ. Et ut dignitate præcellunt, ſic & vitæ præfulgeant honeſtate; præſenti conſtitutione ſtatuiſ in poſterum valitura, ut Archi-Epiſcopi, Epiſcopi, Abbateſ in domibuſ eoruſ, clauſa, & non nimia longitudine, vel brevitate, munda habeant indumenta.

II. De vitandiſ taberniſ ac ludib.

Uſuſ tabernaruſ, præterquam in itinere conſtitutiſ, & ludoſ taxilloruſ omnibuſ Clericiſ & perſoniſ Eccleſiaſticis, præſertim in Prælaturiſ, & ſacriſ Ordini- buſ conſtitutiſ, omnino prohibemuſ: & qui contra fecerint, in publico, vel alibi, laiciſ præſentibuſ, arbitrio Ordinarii puniantur.

III. De colloquio cum Monialibuſ, vel de inordinato joco.

Abuſum quoque ac ſuſpicionem contagii a perſoniſ Eccleſiaſticis, maxime in dignitatibuſ, & ſacriſ Ordinibuſ conſtitutiſ, paterna diligentia præcidere diligenteſ, perſoniſ hujusmodi frequentationem Clauſtroruſ, ſeu Monafterioruſ Monialiuſ,

(a) vox mendosa, vel ignota.

(c) forte legendum: virtutum. *Binius.*

(b) deest forte: Conſilio.

nialium, ac inhonestam colloctionem, & ludum noxium cum ipsis Monialibus in cameris, vel publice, in hac edictali constitutione de cætero prohibemus: & qui contra fecerit, pœna (d) communis puniatur per Ordinarium.

IV. De hastiludio Clericorum.

Hastiludia & torneamenta Clerici, qui sunt in dignitatibus, personatibus, seu in sacris Ordinibus constituti, hoc edicto perpetuo sibi noverint interdicta: ita, quod nulla persona Ecclesiastica in dignitate, seu personatu, & in sacris Ordinibus constituta, cum armis, vel sine armis ipsa exerceat. Et si contra fecerit, anathematis vinculum eo ipso incurrat: absolutionem (e) tum eorum Episcopo Metropolitano, ac aliis Episcopis reservamus.

V. De Clericis concubinariis, vel manifestis cobabitatoribus.

Concubinarios Clericos, qui retinendo publice concubinas, & famam negligunt, & reverentiam maculant clericalem; more pii patris, non personas, sed personarum vitium detestantes, eorum salutis præsentis constitutionis tenore sic duximus providendum. Et quod si publice retinere præsumpserint, vel novas focarias acquirere earum loco; sint ipso facto beneficiis privati: quæ illi, ad quos collatio pertinet, conferre aliis personis idoneis teneantur.

VI. De his, qui beneficia per intrusionem arripiunt.

Damnandæ ambitionis improbitas sic aliquorum animos occupat, quod in illam eos temeritatem impellit, ut, quod prohibente jure nequeunt, præsumant per intrusionem arripere, ac præsumpta violenter retinere. Volentes igitur competens huic morbo remedium adhibere, hoc edicto perpetuo consultissime prohibemus, quod nullus Clericus Ecclesiam vel Præbendam aliquam, vel beneficium Ecclesiasticum, aut proventus ipsorum, quæ ad eum de jure non pertinent, in alterius præjudicium recipere, ac retinere præsumat. Qui contra fecerit, ipso facto sententiam excommunicationis incurrat; nec possit sibi de absolutionis beneficio providere, nisi illi, cui super Ecclesia, seu beneficio, & fructibus eorum, hujus-

modi injuriam fecit, satisfaciatur competenter. Et nihilominus, si per mensem in occupatione, intrusionem, seu violentia hujusmodi, animo steterit indurato; beneficiis, si quæ habet in Ecclesiis, ipso facto sit privatus; & sit extunc inhabilis ad dignitatem aliquam, seu Ecclesiam obtinendam. Et si laicus fuerit, sententiam excommunicationis incurrat.

VII. De bina celebratione Missarum.

Ad nostrum pervenit auditum, quod nonnulli Presbyteri, ignari, quanti terroris existat, illicite tractare Divina; quæ sicut gloriam digne sumpta, sic & indigne præsumpta pœnam promittunt æternam: in eadem Ecclesia, nulla necessitate urgente, sed ad solum quæstum, Missam celebrant bis in die. Quod detestantes omnino, sub attestatione tremendi iudicii, in quo ab eis, si contra fecerint, requiratur, hac edictali constitutione singulis Presbyteris inhibemus; ut, nisi unam Missam, aut duas in casibus a jure concessis, in die cantare, aut legere cum sacrificii celebratione præsumant, & si secus fecerint, Ordinarii arbitrio acriter puniantur.

VIII. De portatione Corporis Christi.

Sanctissimum Corpus Christi, cujus dignæ venerationi fragilitas humana non sufficit, cum ad infirmos, vel ad mulieres vicinas partui, extra corpus Ecclesiæ deportatur, veneratione solita mandamus venerari: videlicet, ut Clericus indutus superpellicio cum stola circa collum portet; nisi loci distantia, & temporis qualitas secus exposcat. Clericus vero præcedens cum campanella & lumine tintinnando; & obviantes, donec Sacerdos transeat, genuflectant, & dicant devote ter ad minus Orationem Dominicam cum Salutatione Beatæ Virginis gloriosæ. Nos enim tam Sacerdoti quam Clerico deportantibus, & singulis vere pœnitentibus & confessis, genuflectentibus, dummodo (ut dictum est) genuflectant, & Orationem Dominicam cum Salutatione Beatæ Virginis dicant, decem dies pro vitæ qualitate de injuncta sibi pœnitentia, auctoritate, qua fungimur, relaxamus. Presbyter vero, qui aliter, tum occulte ipsum portare præsumpserit, Ordinarii arbitrio puniatur.

(d) forte: excommunicationis.

(e) forte: tamen eorum.

IX. De alienationibus rerum Ecclesiasticarum.

Licet alienationes rerum Ecclesiasticarum, maxime possessionum, librorum & valorum, quæ Divinis cultibus sunt deputatæ, sacri prohibeant Canones: quia tamen, ut nostris insonuit auribus, nonnulli Prælati, tam sæculares, quam religiosi, sicut Abbates & Abbatissæ, & Priores Monasteriorum, quæ sunt per Priores solita gubernari, & alii Ecclesiarum Rectores, novo alienationis quæsito colore, bona Ecclesiarum, quarum gubernatores existunt, fingentes se pro utilitatibus Ecclesiarum suarum maximis debitis obligatos, consanguineis eorum, seu personis extraneis bona alienant hujusmodi ad vitam, vel obligant possidenda; & per hoc, ipsis qui obligantur deficientibus, successores eorum, aut propter potentiam detinentium, aut Ecclesiarum inopiam, non audent ea redimere, vel non possunt; & sic Pastorum nequitia Ecclesiæ propriis bonis defraudantur: Nos indemnitati Ecclesiarum providere volentes, ac alienationes hujusmodi edicto perpetuo prohibentes; omnino alienantes in fraudem, sine superiori assensu, & aliter, quam in casibus a jure permissis, bona Ecclesiarum, quarum curam gerunt, pœna Canonis puniantur. (e)

X. De habentibus duas Vicarias.

Presbyteris duas communicaturas recipere prohibemus omnino: cum impossibile sit, quod sufficienter (f) possit Ecclesiis servire duabus; & qui contra fecerit, prima vicaria ipso facto; & de secunda quamdiu primam retinuerit, proventibus sit privatus: quos in utilitatem ipsius Ecclesiæ decernimus per Ordinarium convertendos.

XI. De ætate Clericorum promovendorum.

Præsenti perpetuo prohibemus edicto, ne de cetero Archi-Episcopi, Episcopi, Abbates & Abbatissæ, seu alii Ecclesiarum Prælati, ad quos Parochialium Ecclesiarum collatio seu præsentatio pertinet, Parochiales Ecclesias personis, qui vicesimum quintum annum non attingunt, conferant, vel eas ad hujus-

modi Ecclesias repræscent, vel repræscentatum talem admittant, vel instituant in eisdem: si contra factum fuerit, premantur pœna illius Canonis: *Licet Canon.* (g) *Lib. 6.*

XII. De præsentatione Promoti.

Ecclesiarum quoque Patronos, seu illos, qui noscuntur in Ecclesiis aliquibus jus Patronatus habere, præsentî sanctione monemus: ut vacantibus Ecclesiis de jure, & de facto, in quibus jus Patronatus obtinent, personam idoneam, & ætatis legitimæ, Diocesani, seu illis, ad quos institutio in ipsis Ecclesiis pertinet, infra tempus statutum a jure studeant præsentare. Et si per mensem ultra dictum tempus Ecclesias ipsas detinere præsumserint, ipso facto excommunicationi subjaceant: & ea vice præsentatione hujusmodi sint privati. Ac si Superior non Ecclesiam sic vacantem infra tempus a Canone sibi præfixum conferat: a collatione beneficiorum sit per annum ipso facto privatus. Et si laici fuerint, & Ordinarium providere volentem ipsi Ecclesiæ impediverint; ipso facto sint sententia excommunicationis innodati.

XIII. De observatione interdicti.

Clericos tam sæculares, quam religiosos etiam, cujuscumque sint ordinis, qui constituti erunt in civitate, villa, seu castro, vel in aliquo loco, qui subiaceat interdicto; in obsequiis mortuorum, seu processionibus non debere cantare, aut publice celebrare, aut campanas ad horas pulsare, præsentis constitutionis oraculo volumus declarari, nisi haberent ex privilegio vel indulto. (b)

XIV. De beneficiorum susceptione de manu laicorum.

Nullus de cetero Clericus, vel ecclesiastica persona ecclesiam, seu ecclesiasticum beneficium de manu laici vel alterius, ad quem collatio non pertinet, recipiat, ad quem collatio non pertinet, recipiat, seu laicali favore, vel potentia sibi eximet retinenda: & qui contra fecerit, nisi in manu Diocesani, vel ejus, ad quem Ecclesiæ, vel beneficii collatio, vel institutio pertinet, libere resignaverit; anathematis

(e) volumus, ut.

(f) forte: unus.

(g) Est Canon 13. Concilii Lugdun. admonere autem Binius debuerat, hanc voculam, Lib. 6. additam fuisse postea. Nam anno 1287. nondum erat sextus Decretalium liber,

(b) facultatem: forte tamen in MS. hæc vox desit.

matris vinculo innodetur: nec absolvi valeat, nisi Ecclesiæ sic obtentæ de fructibus per eum perceptis plenarie satisfiat.

XV. *De benedictionibus & sepulturis, quæ fiunt per pacem.*

Obscenam illorum abominationem præsentis constitutionis oraculo detestantes, qui vendere dicuntur benedictiones nubentium, & sepulturas mortuorum; talia de cetero fieri prohibemus omnino: & qui contra fecerit, cum Giezi in die tremendi iudicii recipiat portionem. Nec per hoc intendimus, quod laudabiles consuetudines locorum, seu Ecclesiarum habentium cœmeteria, infringi debeant: & (i) quando possint Rectores earundem Ecclesiarum, huiusmodi recipere licite, si nubentes post benedictionem, & consanguinei vel alii pro defunctis, post sepulturam aliquid offerre voluerint devotionis intuitu, & etiam pietatis.

XVI. *De cura Capellarum.*

Rectores, qui matrices habent Ecclesias, a quibus dependent Capellæ, circa ipsas in tali volumus cura versari, ut in ipsa Capella, quæ subjacet curæ suæ, si facultates suppetant, Vicarium idoneum statuunt, qui resideat continue in Ecclesia, & deserviat in Divinis, & Parochianis spiritualia præbeat alimenta. Quod si fuerint in hoc remissi, vel se reddiderint negligentes, per Ordinarios puniantur.

XVII. *De Vicariis in Ecclesiis parochialibus Monasteriorum.*

Curent etiam & Priores, cujuscumque sint ordinis, parochialibus Ecclesiis, quas obtinent, pleno jure per Vicarios idoneos continue facere in Divinis obsequiis deservire, & parochianis Ecclesiarum ipsarum spiritualia sollicitè ministrare. Alioquin Abbas, seu Prior, qui parochialem Ecclesiam huiusmodi sine Rectore per mensem dimiserit a die notitiæ computando, & in ea non curaverit Vicarium, aut Ministrum idoneum ordinare: præsentis constitutionis tenore sit ex tunc ab officio ipso facto suspensus: tamdiu in suspensione huiusmodi permanens, quam Ecclesia ipsa sine

Vicario, seu Ministratore manebit: & provisio sive ordinatio Ecclesiæ Ordinarii arbitrio reservetur.

XVIII. *De habitu & conversatione Monachorum.*

Volumus etiam, quod Abbates, Priores Monasteriorum, quæ per Priores sunt solita gubernari, vestes non habeant, quæ in forma, vel colore apparent sæculares; ac Monachos eorum intra claustra eorum retineant, nec permittant eos sine manifesta, seu iusta ac rationabili causa, frequenter in sæculo cum sæcularibus conversari: sed secundum statuta regulæ, in qua professi sunt, studeant Domino deservire: & si contra fecerint, per mensem per Superiorem ab officio suspendantur.

XIX. *De vita & habitu Monialium.*

Hanc circa Monialium curam Abbatissas & Priorissas Monasteria Monialium gubernantes, volumus adhibere cautelam, ut postquam Monialis quindecimum annum ætatis exegerit, & post duodecimum aut quindecimum ætatis suæ annum probationem in Monasterio fecerit, ultra annum professionis velum cogatur recipere, ac sibi capillos juxta scapulas amputare: quæ per subtractionem præbendarum Abbatissæ (k) studiosè arceantur. Item, sine manifesta vel rationabili causa, exiit claustrum eisdem Monialibus per eam, quæ regit Monasterium, prohibeatur omnino. Cæterum, ne prætextu inopiæ ipsis detur Monialibus occasio malignandi; Abbatissa, juxta facultatem & quantitatem reddituum Monasterii, eis in victu honeste provideat & amictu, prout regula patitur earundem. Super quo, si dubietas emerferit, per Ordinarium loci declaretur; & ipse Ordinarius Abbatissas contra facientes per administrationis privationem coerceat, vel alias, quo melius eas posse videbitur, coerceri.

XX. *De occupatoribus & invasoribus rerum Ecclesiasticarum.*

Dignum arbitantes, & consentaneum æquitati, ut quos iugo legis forsitan premimus, ab oppressorum illicitis ausibus defendamus, & consuetissima con-

(i) forte: quod non possint.

Tomus III. Concilior. German.

(k) subest aliquod mendum in MS.

constitutione in posterum valitura sanciamus, quod nulla secularis vel Ecclesiastica persona, quantacunque nobilitate aut præeminencia status præfulgeat (Christianissimo Domino Romanorum Rege semper Augusto, ejusdemque Divina conforte, eorumque filiis dumtaxat exceptis) Ecclesias & Ecclesiastica bona, & jurisdictiones, & vasallos eorum, violenter & auctoritate propria publice usurpare; aut occupatoribus, in vasallos, & scienter usurpantibus Ecclesias, & bona prædicta, præstare præsumant quomodolibet, per se, vel per alium, aut alios, consilium, auxilium, vel favorem: vel quod si aliquis contra hujusmodi nostræ constitutionis tenorem facere vel venire præsumperit; & requisitus, infra mensem, Ecclesiæ læsæ, aut Prælato ipsius, damnum non emendaverit; ipso facto anathematis vinculo sit innodatus, & terræ ipsius Ecclesiastico subiaceant interdicto: ac Clerus terræ offensoris hujusmodi, sola denuntiatione Prælati, seu Cleri Ecclesiæ læsæ, servet inviolabiliter interdictum. Quod si celebrare præsumperint, quamdiu offensore hujusmodi non emendaverit, quod deliquit, ipso facto a Divinis officiis se noverint esse suspensos. Simili modo illos, qui possessiones Ecclesiasticas titulo pignoris detinent obligatas, a quibus jam receperint ultra sortem; si non restituant Prælati Ecclesiarum, quarum sunt, infra dictum tempus, volumus hac poena multari.

XXI. De laicis recipientibus Beneficia Ecclesiastica.

Laicos quantacunque status dignitate fulgentes, Ecclesiastica recipere beneficia, aut occupata tenere, quæ debentur militantibus in Divinis, de cætero prohibentes; eos, nisi infra mensem a tempore occupationis, in antea occupata beneficia ipsa dimiserint, ipso facto excommunicationis vinculo volumus esse innodatos.

XXII. De Advocatis Ecclesiarum.

Nonnulli, qui Ecclesiarum se afferunt Advocatos, sicut tenentur, non solum Ecclesias ipsas ab oppressiõibus non defendunt, sed Ecclesiarum ipsarum bona violenter diripiunt, ac personas

ipsorum multipliciter inquietant. Et si Advocatus quatuor pluresve habeat filios, quod est tamen intolerabile, omnes se reputant in direptionem bonorum Ecclesiæ Advocatos; sic quod per hoc Ecclesiæ, unde sperant auxilium, frequenter sentiunt detrimentum. Quibus volentes salubre remedium adhibere, hac edictali constitutione sancimus, cunctos Ecclesiarum Advocatos infra nostræ legationis terminos constitutos, cujuscumque sint præeminentiæ status, eisdem juribus esse contentos, quæ ipsis, seu eorum antecessoribus fuerint concessa semper, quos advocacioni hujusmodi præferant: & Ecclesias, quarum Advocati existunt, defendere studeant, & manutenere pro posse; & solum ille, in quem omnes concordant, aut major pars eorum, habeatur eorum de cætero Advocatus. Alioqui si negligentes in defendendo & manutenendo personas & jura ipsarum Ecclesiarum fuerint vel remissi; hujusmodi advocacionis officio eos privatos esse volumus ipso facto: & si quid ultra debitum ab ipsis Ecclesiis auferre, & contra hujus nostræ constitutionis tenorem venire præsumperint, nisi infra mensem Ecclesiis ipsis restituerint, quod auferunt, vel emendaverint, quod delinquant, excommunicatos esse decernimus: & ad requisitionem personarum Ecclesiæ injuriam passæ, excommunicatos mandamus denunciari omni mense.

XXIII. De usurariis.

Usurarios actus Divina & humana lege satis novimus exprobratos: & contra exercentes usuras novissima constitutio Lugdunensis Concilii penas statuit exquisitas, quibus addendum aliquid non videmus. Sed quia novo quæsito fenerandi colore, nonnulli sub titulo venditionis exercent usuras, emendo pignus pro quantitate, quæ mutuo petitur, & vendendo eodem redemptionis tempore, pro quantitate adaucta numero usurarum: huic fraudi sic prævidimus obviandum: quod constitutio sanctæ recordationis Gregorii Papæ X. contra usurarios edita in Concilio (z) Lugdunensi, in singulis Cathedralibus & Collegiatis Ecclesiis, una cum præsentibus constitutionibus nostris publicetur, statim

statim lecto Evangelio semel in anno, in Quadragesima publice coram populo: & tunc feneratoribus hujusmodi, & alios, qui contra tenorem hujusmodi Concilii Lugdunensis exercent usuras, & retinentes eos in domibus propriis, excommunicati nominatim publice nuntientur. Quod si Ecclesiarum Prælati in hujusmodi publicatione, quam per se ipsos, & alios facere debent, negligentes fuerint, vel remissi, & in dicto tempore publicatio ipsa non fiat; eos æterni mittimus Judicis ultioni. Et si usurarius diem claudit extremum, qui occulte usuras exercuit, & trium aut duorum testium fide dignorum testimonio constiterit exercuisse usuras: nisi pro eo satisfactum fuerit de receptis usuris: nullus ipsum recipiat ad Ecclesiasticam sepulturam. Alioqui, si contra factum fuerit, præter pœnam latam in Lugdunensi Concilio contra tales, volumus, ut locus seu Ecclesia, in cujus cœmeterio de voluntate Prælati sui, seu Capituli sepulta fuerint corpora talium, ipso facto Ecclesiastico subjaceant interdicto, quamdiu eadem corpora per eos non fuerint exhumata.

XXIV. *De lesionibus Ecclesiasticarum Personarum.*

Eos, qui timore DEI postposito, Clericos, seu Ecclesiasticas personas occidunt, vulnerant, mutilant, proscribunt, capiunt, & captas retinere præsumunt, etsi sententiam, quam incurrunr, latam a Canone non verentur, adjectione hujusmodi pœnæ volumus coercere: videlicet, quod Prælati, vel Rectores Ecclesiarum, in quibus captivantes, & detinentes ipsi degunt, & captivi Clerici capiuntur, & captivi tenentur; ipsos captivantes, & captivos detinentes excommunicatos denuntient publice singulis diebus Dominicis & Festivis; nisi postquam requisiti fuerint, eos infra octo dies dimiserint, & in locis, ubi capti Clerici & personæ Ecclesiasticæ tenentur, tamdiu scientes cessent a Divinis, quamdiu in locis ipsis fuerint sic captivi. Quod si contra fecerint, tamquam eorumdem malefactorum participes, excommunicatos esse volumus ipso facto: salvis aliis, quæ contra tales sunt in Conciliis Provincialibus constituta.

Tomus III. Concil. German.

XXV. *De lesionibus Nuntiorum Sedis Apostolicæ.*

Si quis in tanti proruperit furoris audaciam, quod Nuntios Legatorum Apostolicæ Sedis de latere missorum ab ipsa, seu Archi-Episcoporum, Episcoporum, aut Delegatorum; capere vel verberare, ac eos spoliare, seu litteras auferre, aut dilaniare, aut alias eos in jurisdictione eis commissas, per se, vel per alios, aut alium, publice vel occulte, vel quomodolibet impedire præsumperit; ipso facto sit excommunicationis sententia innodatus. Eandem pœnam nihilominus contrahere volumus, qui venientes ad Curiam eorumdem, & abinde redeuntes, eos in personis offenderint, vel eos bonis eorum, quæ secum habuerint, occulte vel publice spoliaverint.

XXVI. *De usurpantibus sibi Bona Ecclesiarum vacantium.*

Nonnulli afflictis Ecclesiis, quæ vacationis laborant incommodo, non verentes afflictionem addere, bona eorumdem Ecclesiarum diripere ac occupare nituntur. Ex quo grave ipsis Ecclesiis in rebus earum provenit detrimentum. Nos super hoc vacantibus Ecclesiis providere volentes; eos, qui vacantium Ecclesiarum, & decedentium Clericorum bona immobilia seu mobilia de cætero usurpabunt, aut usibus propriis deputabunt, excommunicatos esse volumus ipso facto.

XXVII. *De visitatione per Episcopos facienda, & de Confirmatione.*

Curent Archi-Episcopi & Episcopi commissas eis Provincias omni sollicitudine ab insidiis inimici humani generis, & qui circuit quærens, quem devoret, per se vel per alios custodire. Et quia ob defectum visitationis multos mares & mulieres quasi sexagenarios invenimus, nondum unctione Chrismatis confirmatos: præsentis constitutionis tenore sancimus, ut singuli Archi-Episcopi & Episcopi civitates & Dioceses suas per se, vel per alium, aut alios, anno quolibet, vel ad minus de biennio in biennium visitare studeant, confirmando confirmandos, & corrigendo, quæ sunt corrigenda.

Z z z z 2

XXVIII.

XXVIII. *De prophgnaculis, quæ fiunt in Ecclesiis.*

Nonnullos, qui guerras habent vel inimicitias cum aliquibus Ecclesiis sibi vicinis, campanilia sive domos ipsarum occupare audivimus, ac armatis & ædificiis ad pugnandum incastellare, præter Prælatorum assensum, & in ultiones contra votum. Et propter hoc inimici eorum incastellationes & munitiones huiusmodi occupare volentes, Ecclesias plerumque occupant & comburunt. Quod omnino prohibere volentes, præsentis constitutionis tenore, omnes, qui de cætero Ecclesias, seu domos, & campanilia Ecclesiarum occupare, incastellare, aut muniti personis armatis, vel quibuslibet ædificiis præsumperint; sub pœna excommunicationis, quam in eos per Superiores ferri volumus, hoc edicto perpetuo monemus, ne contra assensum Prælatorum audeant Ecclesias munitionibus & incastellationibus huiusmodi molestare: & hæredes eorum, si in huiusmodi paternæ violentiæ participes fuerint, eadem cum parentibus volumus pœna mulctari.

XXIX. *De debitis maritorum defunctorum.*

Nonnulli, sicut audivimus, pro maritorum seu filiorum debitis uxores, seu matres excommunicant ordinaria fulti iurisdictione. Quod juri & æquitati contrarium reputantes, id fieri de cætero prohibemus: nisi mater & uxor succedant in bonis mariti, seu filii, defunctorum.

XXX. *De spoliatoribus stratarum.*

Spoliatores stratarum, & raptores alios, qui transeuntes per vias aut stratas publicas, viduas, pupillos, & personas alias, eorum bona vi spoliunt; eorum violentias, quæ perturbationem desiderandæ pacis inducunt, volentes de cætero coerceri: præter pœnas, quas eis sacratissimæ leges imponunt, tali volumus, nostro feriente correctionis gladio, pœna mulctari; ut tam ipsi quam receptantes eos scienter, & dantes eis auxilium vel favorem: ipso facto, non do anathematis sint innodati.

XXXI. *De emptione seu venditione bonorum feudalium Ecclesiæ.*

Ementes bona feudalialia, quæ ad

ecclesias, seu personas ecclesiasticas ecclesiarum nomine de jure directi Domini pertinent, ac vendentes, cum ea sine consensu ecclesiarum & personarum huiusmodi alienari nequeant; ecclesiarum indemnitatibus providendo, tali volumus pœna mulctari: ut ementes & alienantes laici vel Clerici, sive sint religiosi, vel Clerici sæculares, qui sine consensu eorum, qui super hoc requirendi sunt, huiusmodi feudalialia bona emerint, vel alienaverint; ipso facto excommunicationi subjaceant, & bona ipsa Ecclesiis, ad quas directum Dominium pertinet, applicentur.

XXXII. *De his, qui capiunt bona Ecclesiæ vel Capituli, propter debita singularis persone.*

Prohibemus insuper, ut nullus propter debitum, vel fidejussoriatum obligationem singularis personæ alicujus, vel ecclesiæ, bona Ecclesiastica capiat, quæ ad ecclesiam, vel Capitulum ipsius ecclesiæ communiter pertinent. Et qui contra fecerint, nisi moniti, infra quindenam a die notificaitonis numerandam, restituerint ecclesiæ vel Capitulo, ad quos pertinent, excommunicationi subjacere volumus ipso facto.

XXXIII. *De his, qui invadunt bona Ecclesiarum propter inimicitias advocatorum.*

Nullus de cætero, qui cum advocatis ecclesiarum guerras habebit, vel inimicitias, bona Ecclesiarum, quibus advocati defensores existunt, prætextu guerræ, quam habet cum eis, furripiat, aut Ecclesias ipsas, vel villas earum, & loca incendio vel hostilitate devastet, aut homines earum spoliet bonis eorum. Et qui contra fecerint, ipso facto excommunicationem incurrant, nec absolvi valeant, nisi quod deliquerunt; emendant.

XXXIV. *De Apostolis reprobatis.*

Leccatores, seu reprobatos Apostolos, in eorum reprobata regula remanere vetantes omnino: volumus, quod nullus Clericus, nulla sæcularis persona, intuitu religionis eorum, ac insolito habitu, eos de cætero recipiat, aut eis alimenta ministret. Et qui contra fecerint, arbitrio sui Ordinarii puniatur. Quod &

in vagis scholaribus tractandis observari volumus : & quod clericali privilegio coram sæculari iudice nequeant se tueri.

XXXV. *De laicis, (m) qui fabricæ Ecclesiæ administrant.*

Laicos in nonnullis partibus , prætextu fabricæ Ecclesiæ reparandæ , per laicos , sine consensu Prælatorum, seu Capitulorum Ecclesiarum hujusmodi ad recipiendum oblationes seu proventus , alias concessos fabricæ , deputatos , præsentis constitutionis tenore hujusmodi officio ex nunc esse volumus privatos : & alios laicos vel Clericos , sive (n) Prælati seu Capituli Ecclesiarum reparandarum assensu , prohibemus in posterum ordinari : cum ex privilegio, vel ex longinqua consuetudine approbata , vituperosum existat, ut laici, Prælati & Capituli Ecclesiarum invitis , bona Ecclesiæ administrant. Ideoque qui contra fecerint, ac per Ordinarium loci moniti, infra mensem ab hoc officio non cessabunt , eos excommunicatos esse volumus ipso facto.

XXXVI. *De his qui prohibent , ne quis coram Ecclesiastico iudice conqueratur.*

Personas omnes , quacumque dignitate & status præeminentia præfulgentes , universitates civitatum & locorum, ac consules eorumdem , qui , ut nullus conqueratur coram Ecclesiastico iudice prohibent , ac statuta condunt contra clerum seu Clericos , & Ecclesiasticam libertatem, (o) hæc edicto perpetuo tali pœna volumus puniri : videlicet quod personæ talia de cetero committentes modo quolibet, excommunicationis, & universitates interdicti subeant sententias ipso facto.

XXXVII. *De falsariis.*

Falsarios litterarum , seu bullæ summorum Pontificum , monetarum , aut litterarum , vel sigilli eorum, excommunicantes in scriptis : eos qui scienter receptaverint , aut eis præstiterint , quominus capiantur, auxilium, consilium, vel favorem publicum vel occultum , præsentis constitutionis tenore ipso facto

excommunicationis esse volumus vinculo innodatos.

XXXVIII. *De observatione interdicti.*

Quoties ex iusta causa episcopus locum aliquem ecclesiastico supposuit interdicto , id observent, & observari faciant alii episcopi convicini : ut inter se compatiens , multa caritate ad invicem in tuitionibus Ecclesiarum , earumque iurium alter alteri alternis subsidiis suffragetur.

XXXIX. *De Conservatoribus Ecclesiarum.*

Conservatores , qui personis Religiosis & Monasteriis maxime dari consueverunt , exemptis per summum Pontificem, aut legatos ejus missos a latere sub certa forma , cum additione illa : (p) videlicet , attentius provisorius , ut eis & de his , quæ causæ cognitionem exigunt, & quæ indulta hujusmodi non attingunt, se nullatenus intromittant. Ipse enim summus Pontifex , si secus præsumptum fuerit , tam litteras super hoc datas , quam processus earum auctoritate habitos , omnino carere iuribus & nullius firmitatis esse docuerint , (q) a tenore litterarum hujusmodi deviantes personas, quas illi , quibus conservatores (r) hujus conceduntur , convenire volunt , ad suam citant præsentiam , quantacunque distantia sint longinqui. Quia eosdem conservatores non posse etiam citatos ad eorum venire præsentiam (s) non teneri , processusque eorum contra citatos tales faciendos, nullius esse momenti, præsentis constitutionis serie declaramus.

XL. *De exigentibus nova passagia.*

Cum imponentes & exigentes nova passagia, vel antiqua seu concessa augmentantes , singulis annis summus Pontifex in cœna Domini anathematis vinculo denuntiet subiacere ; statuimus, ut Ordinarii locorum, per se vel suos Vicarios singulis annis in cœna Domini, solemniter coram populo eosdem , sive sint Archi-episcopi , sive episcopi , seu Abbates , aut alii inferiores Prælati , aut laici,

Z z z z 3

(m) forte: qui bona fabricæ.

(n) corrige: sine.

(o) corrige: hoc.

(p) forte: videlicet (attentius provisorius, ut eis &c.) de his.

(q) hic aliquod mendum in MS. subest.

(r) corrige- hujusmodi, nam in MSS. bujus ætatis sæpe hujus pro hujusmodi scribitur

(s) etiam hic aliquod mendum subest in MS.

laici, seu sæculares personæ, quocunque nomine censeantur, pulsatis campanis, & candelis accensis, excommunicatos denuntient, usque ad integram restitutionem, tamquam excommunicatos ab omnibus evitandos.

XLI. De observatione constitutorum.

Has nostras constitutiones in hoc Sacro Concilio promulgatas, in singulis Cathedralibus ecclesiis in nostræ legationis termino constitutis, sub sigillo nostro haberi volumus, & publicari, prout superius legitur, omni anno: & ut his nostris constitutionibus adhibeatur in perpetuum plena fides, eas appensione nostri sigilli fecimus communiri.

Actum Herbipoli, anno Domini MCCLXXXVII. mense Martii, feria tertia post *Lætare Jerusalem*. Pontificatus Domini Honorii Papæ IV. anno II.

XLII. De his, quibus erat indultum, quod excommunicari & interdici non deberent.

Hactenus, sicut & hodie fieri dicitur, nonnulli tam Clerici, quam sæculares, quibus erat & existit indultum ex indulgentia summorum Pontificum, quod interdici, suspendi, vel excommunicari: & quod terræ ipsorum non possint subijci Ecclesiastico interdicto: hujus privilegio abutentes multam nocendi

& abutendi assumebant, & tanquam eis sit licitum, assumunt audaciam, & materiam delinquendi. Sanctæ recordationis Alexander Papa IV. Clemens Papa IV. volentes super hoc salubriter providere: quia per hoc ordinariorum jurisdictio elidebatur (†) & condemnabantur a talibus omnia hujusmodi Apostolica indulta, quibuscumque personis concessa; in quantum per ea Ordinariorum jurisdictio impeditur, restringitur vel arctatur, totaliter revocarunt: ita quod iidem Ordinarii in personis & terris (ipsis Regibus & Reginis, quantum ad Regna sua tantum, & Regnis ipsis, nec non & Regum ipsorum filiis & fratribus, ac eorum uxoribus, & eorum filiorum, fratrum & uxorum terris exceptis) jurisditionem suam, talibus indultis nequaquam obstantibus, valeant, prout ad eos pertinent, exercere. Nos itaque præsentis constitutionis oraculo revocationem hujusmodi, prout in eorum Pontificum litteris, quas in Herbipolensi Concilio publice legi fecimus, plenius continetur, volumus inviolabiliter observari: & declaramus eorumdem privilegiorum auctoritate Ordinariorum jurisditionem minime impediri.

Harduinus Tom. VII. Concil. a pag. 1131. ad pag. 1142.

Ex Chronico Hirsaugiensi ad 1283. & Eberhardi Annal. anno 1290.

(†) forte: contemnebatur a talibus omnia hujusmodi &c.

§. III. Epistolæ Episcoporum variorum pro Indulgentiis, in favorem variarum Ecclesiarum largiendis.

Archi-Episcopus Moguntinus, Coloniensis, & alii Episcopi, singulas Quadragenas largiuntur adjuvantibus reedificationem Monasterii Herbipolensis S. Stephani.

UNIVERSIS CHRISTI FIDELIBUS, AD QUOS PRÆSENS SCRIPTUM PERVENERIT, SIFRIDUS ARCHI-EPISCOPUS COLONIENSIS, ARNOLDUS BABENBERGENSIS, GISELBERTUS BREMENSIS, CUNRADUS ARGENTINENSIS, FRIDERICUS CURIENSIS, EMICHO (five ENUHO) FRISINGENSIS, FRATER HEINRICUS DE WERDA BEATÆ Mariæ, FRATER CUNRADUS TULLENSIS, BRUNO BRIKENSIS, FRATER HEINRICUS TRIDENTINUS, EADEM GRATIA
EPISCOPUS: SALUTEM IN DOMINO SEMPITERNAM.

Licet is, de cujus munere venit, ut sibi a suis fidelibus digne ac laudabiliter serviatur, de habundantia pietatis

sux merita supplicum excedens & vota, bene servantibus multo majora tribuat, quam valeant promereri: desiderantes tamen

tamen reddere Domino populum acceptabilem, fideles Christi ad complacendum ei, quasi quibusdam allestivis muneribus, indulgentiis videlicet & remissionibus invitamus, ut exinde reddantur Divinæ gratiæ aptiores. Cupientes igitur, ut *Monasterium S. Stephani Martyris* per repentinam exustionem devastatum *Herbipolensis civitatis*, congruis honoribus frequentetur, & a cunctis Christi fidelibus jugiter veneretur & suffragia (a) fidelium reformetur; omnibus vere poenitentibus & confessis, qui ad idem Monasterium in festivitibus Patronorum Beatorum Petri & Pauli Apostolorum, *Beati Stepba-*

ni Martyris, quatuor festivitibus Beatæ & Gloriosæ Virginis Mariæ, Benedicti Confessoris, & Dedicationis, similiter per octavas causa devotionis acceperint, vel ad fabricam dicti Monasterii manus porrexerint adiutrices, aut in extremis laborantes quicquam facultatum suarum legaverint, & qui orationes suas ibidem fuderint, singuli singulas *Quadragenas de injecta sibi poenitentia*, dummodo consensus Diocesani acceperint, misericorditer in Domino relaxamus, in cuius rei testimonium præsentis scripto sigilla nostra duximus apponenda. Datum apud Herbipolim in Concilio anno Domini MCCLXXXVII.

Et erant sigilla interim appensa Num. XIX. eo ordine, quo supra citantur. Additum hisce sigillum Abbatis S. Stephani, ut videtur.

Ex hoc Diplomate & sequentibus, colliguntur Nomina Episcoporum, qui huic Concilio interfuerunt.

Ex Archivo apud S. Stephanum Herbipol.

Archi-Episcopi Coloniensis & Bremensis, & alii Episcopi, indulgentias accedentibus ad Monasterium Apostolorum Erfordiæ, largiuntur singulis singulas Quadragenas.

UNIVERSIS CHRISTI FIDELIBUS, AD QUOS PRÆSENS SCRIPTUM PERVENERIT, SIGIFRIDUS ARCHI-EPISCOPUS COLONIENSIS, GISILBERTUS ARCHI-EPISCOPUS BREMENSIS, ARNOLDUS BABENBERGENSIS, WERNHARDUS PATAVIENSIS, EMICHO FRISINGENSIS, THEODORICUS OLOMUCENSIS, TOBIAS PRAGENSIS, SIFRIDUS AUGUSTENSIS, BURCHARDUS LUBICENSIS, BRUNO NUWENBURGENSIS, CONRADUS VIRDUNENSIS, REINBOTO EYSTETENSIS, BURCHARDUS METENSIS, GEBHARDUS BRANDENBURGENSIS, CONRADUS TULENSIS, EADEM GRATIA EPISCOPI, SALUTEM IN DOMINO SEMPITERNAM.

Licet is, de cuius munere venit, ut sibi a suis fidelibus digne & laudabiliter serviat, de Habundantia pietatis suæ merita supplicum excedens & vota, bene servientibus multo maiora tribuat, quam valeant promereri, desiderantes tamen reddere Domino populum acceptabilem, fideles Christi ad complacendum ei quasi quibusdam allestivis muneribus, indulgentiis videlicet & remissionibus invitamus, ut exinde reddantur Divinæ gratiæ aptiores. Cupientes igitur, ut, (b) Monasterium SS.

Apostolorum Petri & Pauli in Erfordia, ordinis S. Benedicti, Mogunt. Diocesis, in die processionum sollempnium &c. causa devotionis acceperint; Nos de Omnipotentis misericordia & Beatorum Apostolorum Petri & Pauli auctoritate confisi, singuli singulas Quadragenas de injectis sibi poenitentiis misericorditer in Domino relaxamus.

Datum Herbipoli in Concilio anno Domini MCCLXXXVII. Domini Johannis Tusculani Episcopi, Dominica *Letare*.

(a) forte: suffragio.

(b) forte: qui.

Varii Archi-Episcopi & Episcopi largiuntur indulgentias singulis restauraturis Monasterium Fuldense combustum, singulas Quadragenas.

UNIVERSIS SANCTÆ MATRIS ECCLESIAE FILIIS, AD QUOS PRÆSENS SCRIPTUM PERVENERIT, GISELBERTUS BREMENSIS, BRUNO BRIKINENSIS, VITIGO MISNENSIS, THOBIAS PRAGENSIS, HEINRICUS NUBURGENSIS, CUNRADUS VIRDENSIS, BURKARDUS LUBECENSIS, BURCHARDUS METENSIS, BRUNO MERSBURGENSIS, SIFRIDUS COLONIENSIS, DEI GRATIA EPISCOPI: SALUTEM IN DOMINO SEMPTERNAM.

Quoniam (ut ait Apostolus) omnes stabimus ante Tribunal Christi, recepturi prout in corpore gessimus, siue bonum fuerit, siue malum; oportet nos diem mercedis extremæ operibus misericordiæ prævenire, ac æternorum intuitu seminare in terris, quod cum fructu multiplicato recolligere valeamus in cælis, firmam spem, fiduciamque tenentes: Quoniam, qui parce seminat, parce & metet. Et, Qui seminat in benedictionibus, de benedictionibus metet & vitam æternam. Cum igitur honorabile Monasterium S. Bonifacii in Fulda, Ordinis Sancti Benedicti, per incendium casu inopinato miserabiliter destructum, absque honorum hominum eleemosynis, nullo modo valeat restaurari; monemus, rogamus, & in Domino exhortamur, quatinus in remissionem vestrorum peccaminum, de bonis a Deo vobis collatis pias eleemosynas & grata charitatis subsidia erogetis: ut per vestram subventionem, illud laudabile propositum possit perducere ad effectum, & vos per hæc (a) alia bona, quæ Domino inspirante feceritis, adipisci possitis vitam æternam; Nos de Omnipotentis Dei misericordia, & Beatorum Petri & Pauli Apostolorum au-

thoritatem confisi omnibus vere poenitentibus & confessis, qui suas eleemosynas dicto operi; quam sumptuoso largiti fuerint, seu in extremis laborantes quicquam facultatum suarum præfato operi legaverint, singulis singulas Quadragenas de adjunctis ei poenitentibus misericorditer in Domino relaxamus. In cuius rei testimonium, præfens scriptum singulorum nostrorum munimine duximus roborandum. Datum Herbipoli anno Domini MCCLXXXVII. tempore Concilii Domini Joannis episcopi, tunc per Alemanniam Sedis Apostolicæ Legati.

Subscriptiones totidem sigillis apensis superpositæ hoc modo & ordine cernuntur.

Sifridus Coloniensis.
Bruno Brixinensis.
Giselbertus de Bremen.
Vitiko Misnensis.
Thobias Pragensis.
Henricus Nuenburgensis.
Cunradus de Virda.
Burchardi Metensis.
Bruno Mersburgensis.

Ex Archæo Fuldensi.

Ejusdem Epistolæ indulgentiarum aliud Exemplar, ex eodem Archæo Fuldensi.

UNIVERSIS S. MATRIS ECCLESIAE FILIIS, AD QUOS PRÆSENS SCRIPTUM PERVENERIT, REIMBOTO EPISCOPUS EYSTETENSIS, HEINRICUS TRIDENTINENSIS ECCLESIAE, FRIDERICUS CURIENSIS ECCLESIAE, RUDOLPHUS CONSTANTINENSIS ECCLESIAE, THEODORICUS OLMUCENSIS ECCLESIAE, OTTO PADERBRUNNENSIS ECCLESIAE, VERNHARDUS PATAVIENSIS ECCLESIAE, BURKARDUS LUBICENSIS ECCLESIAE, CONRADUS ARGENTINENSIS ECCLESIAE, HEINRICUS INSULÆ S. MARIE, EMECHO FRISINGENSIS ECCLESIAE, PETRUS BASILENSIS ECCLESIAE, CUNRADUS TUL-
LENSIS ECCLESIAE, GERHARDUS BRANNENBURGENSIS ECCLESIAE EPISCOPUS. . .

DEI GRATIA EPISCOPI, SALUTEM IN DOMINO SEMPTERNAM.

Quoniam, ut ait Apostolus, omnes stabimus ante Tribunal. &c. &c. Datum Herbipoli, anno Domini MCCLXXXVII. tempore Concilii Joannis, Episcopi Tusculani, tunc per Alemanniam Sedis Apostolicæ Legati.

(a) forte: & alia.

§. IV. Concilii Herbipolensis Constitutio

Pacis publicæ iuter Imperatorem, Episcopos & Principes.

Postquam ab Ecclesiasticis negotiis conquevit Synodus, Rudolphus Rex de Pace publica sancienda negotium suscepit. Hujus pacis ab Rudolpho, ab Legato Pontificio, ab Episcopis & Abbatibus, a Principibus, Comitibus, & Nobilibus Imperii hæc Conclusio est.

Diere Landfriede ward gemacht, und dirre Brieff ward gegeben ze dem

offenem Hoffe in dem Concilie ze Wurzburg an dem Palmes Tag (*apud Ludewig*) an unser Frawen Abend (der in der Fasten gefält) da man zählet von unsres Herrn Geburt tusend zweyhundert und zuben und achtzig Jahr.

Lehman. Speyrischer Kronick L. V. C. CVIII.

Thomas Grebner Soc. J. Dissert. de Conciliis Wurzburgi.

Hunc Imperii recessum germano sermone editum anno MCCLXXXVII. Wurzburgi, ac dein Spiræ anno MCCXCI. renovatum, *Lehmannus in Chronico Spiræsi Lib. V. Cap. CVIII. & Petrus Ludewig de Scriptoribus Episcoporum Wurzburg. pag. 590. referunt.* An autem in his Comitibus Decretum fuerit, omnia Acta Imperii Germanicè edenda? valde dubium est, ob silentium omnium coævorum Scriptorum. Deinde aurea Bulla Caroli IV. Imperatoris latine edita (quæ Lex principalis Imperii est) contrarium prorsus ostendit.

FINIS ACTORUM CONCILII WURCEBURGENSIS.

CONCILIIUM SALTZBURGENSE PROVINCIALE,

Anno Christi MCCLXXXVIII. Nicolai IV. PP. I.

Rudolphi I. Regis XV.

SUMMA. I. Elevatio S. Virgilii, Episcopi Salisburgensis.

II. Sepultura Eberhardi, Archi-Episcopi Salisburgensis, hætenus inhumati.

III. Anathema Clericis omnibus, qui negotia laicorum Principum tractarent.

IV. Interdictum, honoris feudi impertiendi cuiquam, sive ab Episcopo, sive a quovis Prælato provinciali.

Episcopis & Prælati Provincie Salisburgensis indictum a Rudolpho Saltzburgenfi Metropoli, uti ad Concilium die S. Martini post hebdomadas sexdecim celebrandum se filterent. Nuntiatum, futuram ibi elevationem S. Virgilii cum insolitis indulgentiis; præterea sepulturam Eberhardi Archi-episcopi. Dies elevationi præfixa fuit Dominica post festum omnium Sanctorum, quæ tunc erat septima Novembris.

Convenerunt episcopi Emicho Frisingensis, Wernhardus Pataviensis, Henricus Ratisponensis, Landolfus Brixinensis, Leupoldus Seccoviensis, Chunradus Laventinus, Chunradus Chiemenfis: Prælati Monasteriorum, & Collegiorum omnes: præterea tanta vis populi, ut

ad spatium unius leucæ circa Salisburgum advenis omnia essent conferta. Nostris certe temporibus (ait Hornekus Synchronus) tantæ multitudinis confluentis seu vicinis seu remotis etiam in partibus non est auditus, usque adeo, ut nonnullis constipatio turbæ etiam animam exprimeret.

Elevationis ordo sic habuit: primum decantatus est in Ecclesia hymnus Angelicus: *Gloria in Excelsis*: quo gratiæ agebatur Deo pro tantis beneficiis in S. Virgilium collatis; deinde Archi-episcopus cum episcopis tribus ad locum conditorii, quo depositus perhibebatur, accessit: descendit: cumque tumultus diu quareretur, inventus non est; igitur exeuntes è loco, quum exalcescent

lent pedes, lugubriter invocato Dei auxilio, cum magno fletu Litanias aliasque preces ingeminant. Archi-episcopus ante alios lacrymatus supplicabat Deo, ne peccata sua Divi honoribus obfarciret. Quod cum fieret, effodiebatur paulo altius in parte quadam humus. Ibi detectus Sarcophagus cum idoneis ejus ossium indicibus, ac litteris, in quibus annus primæ depositionis adnotatus erat. Mox omnibus confertim accedere connatis, elevata voce cantatum: TE DEUM. Deinde quatuor episcopi descenderunt, ossa & particulas omnes transposuerunt in alium loculum: quum inter hæc cantaretur: *Dilectus Deo*: deinde ostiis templi refferatis admissa turba, distributæ indulgentiæ, homologesibus opera data. Sacris ossibus super ara collocatis cantata liturgia in honorem S. Virgilio: sub ea pœnitentes (Karreyner) aliique expiari cupientes in templum a quatuor episcopis inducti sunt ad oblationes faciendas; quas reliqui etiam de populo peregrini fecerunt ingenti copia. Vix erat quisquam adeo vacuus, qui non geminum donum, unum ad manus Archi-episcopi, qui functionem istam capiendorum munerum ipse navabat; alterum super exuvias sancti Virgilii offeret. Deinde suamet Archi-episcopus manu Sacrarum Reliquiarum portiones distribuit, sed nisi, qui promitterent Ecclesiam vel aram erecturos, ubi digne reponerentur. Reliquum in ara reclusum, & immersum Altari, quod eleganti opere, magnaque mole constructum, Archi-episcopus ipse consecravat. Istuc applicatæ indulgentiæ, quotannis ab invisentibus obtinendæ. Ita solennitas ejus diei peracta, in qua conferta perpetim multitudo ad Vesperarum & Completorii finem duravit.

Die sequenti cœremoniæ funebres pro Eberhardo institutæ. Corpus ejus allatum Rastadio, speciosæ inclusum tumbæ. Archi-episcopus ipse sacrificium piacularæ fecit: deinde in eodem tumultu, è quo S. Virgilii liptana exenta fuerant, pro dignitate composuit. Hoc novum reputabatur, ut Archi-præsum alter alterum elevaret, alterum eadem in urbe sepeliret. Chronographus Mellicensis de his ita scribit ad annum MCCLXXXIX. (substituendus annus

MCCLXXXVIII.) Beatus Virgilius Juvavensis Archi-episcopus transfertur, & canonizatur a venerabili Archi-episcopo Saltzburgenfi Rudolpho: & Beatus Eberhardus Archi-episcopus quondam ipsius Ecclesiæ sepelitur. In eadem translatione dicta affuit Dominus Fridericus Abbas nostræ congregationis, qui cum cæteris Episcopis corpus venerabile de fossato, in quo fuit humatum, reverentia, qua decuit, excepit.

His ita peractis deliberabatur de ferendis in Concilio proximo decretis. Optimum factu visum, ut a Doctorebus conficerentur tabulæ, quibus episcoporum singuli ceram suam appenderent ante confessum. Id eum in finem excogitatum, uti virum conventis eo promptior eliceretur consensus verecundiâ tergiversandi; deinde uti suis ipsi tenerentur sigillis ad excludendum pœnitentiæ locum. Itaque litteræ sanctionum ad singulos circumlatæ. Earum sententiam cum pauci scrutarentur, omnes tamen obsignarunt, excepto Leopoldo Seccoviensi. Ad eum, ubi ventum, nescio, quid odoratus, negabat ante signaturum, quam vim litterarum pernosset. Quibus ei prælectis, quum intelligeret anathemate & interdicto feriandos de Clericis omnes, qui negotia laicorum Principum tractarent; præterea uti nemo ullus Episcoporum, Parochorum, aut Prælatorum, vel cujuscunque tituli, Provincialium cuiquam honorem feudi impertiat: neve in eo metum aut minas excuset: neque ipsi clientelam obsequium ulli despondeant: qui contra faxit, communione piorum careat. Alia præter hæc erant haud pauca, quæ Seccoviensi parum probabantur. Ille his cognitis aiebat se omnia, quæ viderentur æqua, facturum: illud tamen sibi reputandum esse, ne quid in fraudem Domini sui Ducis decerneret. Ad hoc se primum obstringi officio grati animi adversus eum, a quo adeo habeatur in honore, ut nulli unquam antecessorum suorum gratiæ majores a Principibus obtigerint. Ejus consensu sibi opus esse: secus fore, ut amissa gratia Principis Ecclesia sua luat. Hic eum Magister Henricus de Traveyach admonebat, si gratiam Principis retinere non posset, par esse, uti eum in gratiam Cleri dimitteret: neque recusant-

cusandum ei esse pro commodo Archi-episcopi, & ejus Ecclesiæ utramque fortunam pati. Seccovienſis contra minime (inquit) mihi animus est, cuiquam ita deditum esse, ut Ecclesiam meam in exitum præcipitem. Quidquid de me sit; Ecclesiam meam destruere nolo. Ita res mecum habet, ut levissimus quisque Satellitum Ducis, si eum faventem habeat, me possit impetere. Ego Ecclesiam tueri meam æque teneor, atque Archi-Episcopus suam. Quod si velit, ut more subiecti obtemperem, mihi que accersam damna, id certe eget meditati longiore, quam ut illico discerni possit. Hæc eo prædicante, tabellarii vehementer conturbati, bonis primum verbis hortando, monendo, postremo terroribus eum obsidebant. Sed ipse nec precibus, nec legum canonicarum objectu, neque carceris interminatione subigi potuit, ut sigillum adprimeret. Hoc tandem unum imperarunt, ut reciperet, adversus ea, quæ in Concilio respectu Cleri universalis magna seu parva sancirentur, vocem non missurum. Sileret certe, si nolit assentiri; & alienationem animi ad alios ne vulgaret. Hic Leopoldus Seccovienſis, cujus toties mentio redit, is est, quem Fridericus Archi-Episcopus de parochia Foganenſi ad insulam vocaverat, probus admodum vir, nisi quod animi elatioris, & præcipitis (ut scribit Hornekus) Alberto idem Duci diu charissimus, cujus beneficentia penuriam Ecclesiæ suæ multis nominibus a decessore contractis obæratæ sublevavit. Idem Archi-episcopo suo multis in rebus usus fuit, donec ille pecuniæ ratam ab eo pendendam (nam erat Vice-dominus

Leibnizenſis) quadringentis marcis taxasset: ex eo namque studium ejus adversus Archi-episcopum refrixit, eodem teste.

Quum itaque dies Concilio præstituta venisset, confedere Patres: coram quibus cantatum sacrum solemne in Basilica Metropolitana. Deinde Episcoporum quidam ascenso pulpito sermonem fecit de laudibus obedientiæ. Post dictionem Archi-episcopus conversus ad Magistrum Henricum de Göſs, imperavit, uti de rebus, de quibus jam conventum sit, orationem diceret, prolati in medium legibus Canonicis, è quarum norma sanctiones conceptæ sint. Is, quum assurrexisset, fecit imperata, & quæ meditatæ antea fuerat, explicuit. Archi-episcopus cum suffraganeis de rebus propositis in consilium ibat. Tum recitatum instrumentum, sanctionum, id, quod antea circumlatum episcopi sigillis muniverant. Quum primum tenor literarum liquidius intellectus est, ibi plerique cohorrerunt, ac tædere cœpit eos rem non ante clarius detectam. At vero jacta jam erat alea: vellent, nollent, suis ipsi Sygraphis tenebantur. Postquam constitutio ad calcem perlecta, solemnibus ceremoniis decretæ in transgressores diræ, & imperia Clericis imposita. Aderat his omnibus Abbas Admontensis, qui continuo se Salisburgo subduxit. Soluta Concilio mox omnes abitum properant. Peritis haud erat obscurum, quo statutum illud in Alberti Ducis odium comparatum, postremo evaderet.

Hansiz. German. Sacræ Tom. II. p. 403.
404. 405.

Hæc omnia Hornekus ad annum MCCLXXXVI. falso reponit; cum evenerint anno MCCLXXXVIII.

CONCILIIUM VRATISLAVIENSE

SUB THOMA II. EPISCOPO.

Anno Christi MCCXC. Nicolai IV. Papæ III.

Rudolphi I. Regis XVIII.

SUMMA. Declaratio Reservatorum Episcopo & Papæ.

ANNO Domini MCCXC. II. Kal. Synodo Diœcesanæ in choro nostræ Ecclesiæ Cathedralis, Clero nostro de tota
Septembris; Præsidentibus nobis
Tomus III. Concil. German. A a a a a 2 terra

terra Dicecesis ad ipsam Synodum convocata, præsens Constitutio est solemniter promulgata præsentibus & expressum consensum præbentibus his nostris fratribus: illustri Principe, Domino Conrado, Duce Silesiæ, & Domino de Sagano, Præposito nostro; & Dominis Mileio Decano; Joanne Cantore, Nicolao Custode, Joanne Decano, & Magistro Vito Archi-Diacono Glogoviensi, Henrico Lignicensi, & Joanne Lanaysen Archi-Diacono, & Petro Præposito, & Magistro Jacobo Scholastico Sanctæ Crucis, Stephano, Arnolfo, Petro, Martino, Magistro Mirizlao Presbyteris. Nicolao de Cosnow, Petro Cancellario nostro: Martino Janusio, Henrico Simonis Walkone, Senuario Joanne, Henrico Procuratore, & Henrico de Wirbena, Canonici Ecclesiæ nostræ Cathedralis.

Volumus autem & mandamus universis & singulis Archi-Presbyteris, & cæteris Ecclesiarum Rectoribus nostræ Dicecesis constitutis sub poena suspensionis ab ingressu Ecclesiæ, qua (a) extunc incurrant contemptores usque ad octavam B. Michaelis: (b) has nostras salubres Constitutiones conscriptas habeant in Ecclesiis suis, easdem parietibus affigentes. In cuius facti evidentiam Constitutiones præsentibus sigillis Nostro & nostri Capituli fecimus consignari.

Præcipimus, quod Sacerdotes majora in confessione majoribus reservantes, mittant ad Episcopum penitentes homicidas, facto, opere, consilio vel auxilio, blasphemos Omnipotentis, & Beatæ Mariæ, & Sanctorum: injectores manuum in parentes, sive in Clericos, vel quoscunque Religiosos: incendiarios, simoniacos, literarum falsarios, incestuosos, detestabile peccatum contra naturam committentes cum brutis animalibus: concubitores Monialium: Ecclesiarum & cæmeteriorum effractores & violatores: schismaticos & sacrilegos, & divinatores, & qui ad eos accedunt: qui de Sacramentis aliqua commiserunt maleficia, vel auxilium præstiterunt: qui

abortivum procuraverint: qui non permiserint baptizare, qui interfuerunt scienter: qui sine prima tonsura aliquem Ordinem susceperint: qui contra iustitiam vel conscientiam auctoritatem, consilium, sive auxilium in aliquo impendunt, unde mors hominis, vel membrorum mutilatio est secuta, vel qui huiusmodi scienter occasionem (c) sine causa dederunt: qui literas dictat, scribit, legit, vel aliquod adminiculum præstiterit, ut aliquis mutetur.

Item Clericos, qui suspensi sunt; vel excommunicati promoti, aut celebraverunt Divina. Item Sacerdotes seu Ministros, quorum negligentia aliquid circa Sacramenta Altaris inhonestum quocunque modo evenit. Quibus omnibus (præterquam illis, qui pro violenta manuum injectione in personas Ecclesiasticas in Canonem latæ sententiæ inciderint, quos Episcopi absolvere non possunt) per ipsos Episcopos de absolutionis beneficio provideri potest.

Episcopi autem dicere debent omnibus excommunicatis ex quibuscunque causis, quod nullo modo absque mortali peccato & irregularitatis vitio possint vel debent se ingerere Divinis, & publice eis dicant, si est publicum peccatum eorum, & si occultum, occulte debent dicere Confessoribus, quorum dispensatio ad solum Summum Pontificem spectat, quod nec in susceptis ordinibus ministrare, nec ad majores seu ad beneficia curam animarum habentia possunt promoveri absque dispensatione Domini Papæ. Caveant autem Episcopi, quod nullum excommunicatum pro violenta manuum injectione in personas Ecclesiasticas, nec ab aliis excommunicationibus a Canone, sive ab aliis Iudicibus latas absolvere nullatenus, nisi de mandato vel auctoritate Apostolicæ Sedis vel Cardinalium curæ commissis dispensare præsumant.

Lanig. Continuatio II. Spicilegii Ecclesiastici pag. 1175.

(a) forte: quam.

(b) ut.

(c) forte: sive causam,

CONCILIIUM VRATISLAVIENSE SECUNDUM,

SUB JOANNE III. EPISC. VRATISLAVIENSI, EODEM ANNO.

Contra Sacrilegos, Vulneratores, & Spoliatores Episcopi & Prælatorum, ac Cleri comitantium Episcopum.

JOANNES, MISERATIONE DIVINA, VRATISLAVIENSIS EPISCOPUS, DILECTIS IN CHRISTO FIDELIBUS, DOMINIS ABBATIBUS, PRÆPOSITIS, PRIORIBUS, CÆTERISQUE ECCLESiarUM RECTORIBUS, SEU PLEBANIS PER SUAM DIOECESIN CONSTITUTIS, SALUTEM IN DOMINO SEMPITERNAM.

Quia, sicut vobis omnibus, ut credimus, ignotum non existit, malefactores quidam Diabolo instigante procedentibus nobis nuper de Nissa versus Trebnitz ad petitionem Dominæ Abbatissæ & Conventus loci ejusdem, ut in die B. Bartholomæi Apostoli Missarum solemniam celebraremus: ibidem nonnullos Prælatos, Canonicos, & Capellanos nostros, qui nobiscum erant in via, & quasi totam nostram familiam equis vestibus & rebus aliis spoliaverunt, imo etiam in personam nostram non parcendo dignitati Episcopali & honori Clericali, tanquam filii degeneres in parentem & in filios Matris suæ Ecclesiæ, videlicet Sanctæ Dei non sunt veriti manus injicere violentas, vulnus corpori nostro usque ad effusionem sanguinis infligendo: Universitatem vestram rogamus, horramur, & nihilominus in virtute sanctæ obedientiæ vobis præcipimus, quatenus dictos malefactores, cum excommunicati sint a Canone ipso facto, & eos, qui ad hoc mandatum præbuerunt, consilium, auxilium, & favorem, nec non, qui terram Nissensem & Othmachaviensem (quos dudum Prædecessor noster bonæ memoriæ Dominus Thomas, quondam Episcopus Wratislaviensis, excommunicationis sententia innodavit,

& excommunicatos mandavit publice denunciari) vastarunt, & vastant spoliis, incendiis & rapinis; & eos, qui libertatem Ecclesiæ datam, maxime, quæ per illustrem Principem bonæ memoriæ Dominum Henricum, quondam Ducem Silesiæ, Dominum Wratislaviæ, Cracoviæ, & Sandomiriæ pro magnis damnis per ipsum Ecclesiæ illatis, data restituit ipsi Ecclesiæ, & concessa totique Clero religioso & sæculari, violant & infringunt, quos Nos excommunicamus in his scriptis. In Ecclesiis vestris singulis diebus Dominicis & Festivis, pullatis campanis, candelis extinctis, excommunicatos publice denuntietis. Sepultura Ecclesiastica eis sit specialiter interdicta, donec redeuntes ad cor, Sanctæ Matri Ecclesiæ satisfactione præmissa per absolutionis gratiam reformentur, ut, quos timor Dei a malo non revocat, saltem Ecclesiastica coerceat disciplina.

Injungimus sub poena officii ac beneficii, ac Synodali, ut quilibet vestrum ad Ecclesiam suam pro memoria harum sententiarum transcriptam reportet. Datum in Synodo Wratislaviæ, in die Beatae Cæciliæ, anno Domini MCCXC.

Lwig. Continuatio II. Spicilegii Ecclesiastici pag. 1176.

FINIS TOMI III.



A a a a a 3

SUP-

SUPPLEMENTUM TOMI III.
CONCILIORUM GERMANIÆ.

CONCILIIUM ROMANUM

ANNO CHRISTI MXXXVII. ET MXXXII.

In causa transferendæ Cathedræ Citizensis Ecclesiæ Naumburgum.

EPISTOLA SYNODICA JOANNIS XIX. (XX.)

JOANNES EPISCOPUS, (a) SERVUS SERVORUM DEI, DILECTO IN CHRISTO FILIO HILDIWARDO, SANCTÆ NUEMBURGENSIS ECCLESIAE EPISCOPO, ET OMNIBUS SUCCESSORIBUS TUIS, PERPETUAM IN DOMINO SALUTEM.

Convenit Apostolico moderamini, pia religione petentibus benevola cooperatione succurrere, ac poscentium animis alacri devotione impertiri assensum. Ex hoc enim lucri potissimum præmium a Conditor omnium DEO procul dubio promeremur; si venerabilia loca opportune ordinata, & (ad) meliorem per vos fuerint statum perducta. Sicut ergo, Carissime Fili, tibi absenti, rogatu Filii nostri Christianissimi Imperatoris Kunradi, & Confratris nostri Humfredi, Magdeburgensis Archi-Episcopi, nec non illorum, qui hæreditatem suam Ecclesiæ contulerunt; videlicet Hermanni Marchionis, & germani sui Ekkihardi, & maxime pro magna utilitate & securitate Ecclesiæ tuæ *Consilio Episcoporum & Clericorum nostrorum* Sedem Episcopalem de Zizā in Nuemburg transferre concessimus; ita nunc quoque tibi præsentī cum Clero tuo & Dignioribus de populo, & Nuntiis prædicti Imperatoris, & consilio Archi-Episcopi, Archi-Episcoporum eorundem, & Clericorum nostrorum factum probamus, & tam tibi, quam omnibus successoribus tuis perpetua stabilitate confirmamus. Quod cum *secundum Canones* pro necessitate sæpe factum fuisse legimus, nostris quoque temporibus fieri non prohibemus. Quoniam igitur canonicè, & communi consensu omnium, ad quos atinebat, Sedis tuæ translatio

facta est, absque omni contradictione universi successores tui a Nuemburgensi Clero & populo eligantur, atque ad eundem titulum regulariter consecrentur, & Magdeburgensibus Archi-Episcopis, quorum Diecesim translatio non excedit, utpote Metropolitanis suis omni pietatis devotione sint subiecti. Hoc quoque communicato consilio placet addere, quod Ecclesia Citicensis in honorem Beatorum Apostolorum Petri & Pauli consecrata, non omnimodis negligatur, sed in loco Clericorum Nuemburg transeuntium, Monachi, vel Canonici substituantur, qui integrius stipendiis ejusdem Ecclesiæ inibi Deo serviant, & sicut pacis filii matri suæ Nuemburgensi Ecclesiæ in Domino semper devote obediant. Si quis autem, quod minime credimus, temeraria præsumptione contra hoc nostrum Apostolicum Privilegium venire, aut in aliquo contrariè præsumpserit, seu violator extiterit; sciat se auctoritate DEI Omnipotentis, & Beati Apostolorum Principis Petri, ac nostræ, anathematis vinculo esse innodatum, & a Regno Dei alienum, atque cum Juda traditore Domini nostri JESU Christi, locum futurum in inferno: excommunicationique subiaceat, donec resipiscens ad satisfactionem, & congruam emendationem revertatur. Qui vero suo intuitu curator & observator hujus nostri Apostolici Privilegii extiterit, bene-

(a) Joannes XX. in Synodo Romana anni 1027. approbaverat Translationem Cathedræ Episcopalis Citizo Naumburgum.

benedictionis gratiam, vitamque æternam, & æterni Regni gaudia a Domino percipere mereatur in sæcula sæculorum. Amen.

Lunig. Spicilegii Ecclesiastici Cent. III. pag. 144. ex quo Mansi Tomo I. Supplementi Conciliorum.

Joannes XIX. frater Benedicti VIII. repente largitione pecuniæ ex ordine laicali neophytus constitutus est Præsul Ecclesiæ Catholicæ anno 1024, post diem 6. Junii, Conradum Regem *Salicum* in Italiam venientem obviis excepit Comi, ac dein Romæ Imperatorem eum coronavit in die S. Paschæ anno 1027. Obiit 1033. anno IX. Pontificatus. *Sandinus in Vitis Rom. Pontificum pag. 330. 331.*

BISUNTINA SYNODUS

Anno Christi MXLI. Benedicti IX. Papæ VIII.
Henrici III. Regis III.

Hugo Archi-Episcopus Bisuntinus, occasione dedicatæ Ecclesiæ, confirmat Bona Murbacensis Monasterii.

SI res Ecclesiasticas augemus, Deum inde propitium nobis fore credimus. Hanc enim sibi Sponsam elegit, hanc sanguine proprio acquisivit. Quidquid huic Sponsæ confertur, Sponsi ad usum conceditur: nec habent inter se quid divisum, quia spiritualiter sunt unum. Credo, si Rex Cælorum, arbiter sæculorum, hanc vellet esse ancillam, non sibi eligeret Sponsam: quia indecens valde esset, ut, qui ad hoc venit, ut mundo libertatem ferret, causa Sponsæ suæ servus fieret. Lex enim sic continet humana: sed ab sit, ut nostræ legi subdantur Divina. Quapropter ego *Hugo* Sanctæ Chrysopolitanæ Ecclesiæ Archi-Episcopus, notum fieri cupio omnibus sanctæ Religionis colla subdentibus, qualiter Dominus Abbas *Eberhardus*, nobis præ omnibus carissimus, cunctaque Congregatio Sancti Cænobii Murbacensis petierunt a nobis, ut dedicarem illis quamdam Ecclesiam infra nostrum Episcopatum sitam, noviter restauratam, sed ab antiquo fundatam: quod libenter fecimus, rectumque fieri judicavimus. Supra scripta namque Ecclesia olim fuit Regalis Abbatia, sed ab antiquis Regibus S. Leodegario Murbacensi per præceptum tradita, sicque deinceps mansit illi subdita, habuitque sua prius privilegia, mansitque ab omni servitutis iugo libera, sicut ceteræ Abbatiae nostra in parochia. Postquam

autem Sanctorum Martyrum *Desiderii* & *Regenfridi* corpora a supradicto loco ad Murbacensem sunt Ecclesiam delata, stimulante invidia, inardescente avaritia, Ecclesiæ nostræ Ministri, qui penes nos vocantur Archi-Presbyteri, plus æquo diligentes formam nummi, hanc voluere esse sub tributo: sed non accidit res ex toto, sicuti proposuerant animo. Retulerunt ad Archi-Episcopum, cujus nos nunc occupamus locum, quod turpiter circatæ (a) ibi largum posset servitium accipere, & sic deinceps facerent illam tributariam, quam prius invenerant liberam, quod minime est peractum; quia faciendi non erat licitum. Tamen parvum sibi usurparunt servitium: sex scutellas cum flasca, dum fieret ab Episcopo circatæ: ob hoc Archi-Presbyteri voluere placitum Decaniæ per se habere inibi; sed causa Congregationis & Abbatum, qui semper familiarem apud nostros obtinere locum, non est permissum usque in diem hodiernum: sed dum aliquid contra jus Divinum ab aliquo ibi esset paratum, mittebat Præpositus Monasterii post Decanum, & simul perficiebant opus Divinum. Non inde referebat Decanus nummum, sed Præpositus accipiebat bannum.

Taliter usque ad nostra tempora res est acta. Postquam enim effectus sum Archi-Episcopus, Dominus Abbas supra-

(a) *circare pro visitare, circata pro visitatione Episcopali.*

præscriptus cepit mihi ita esse familiarissimus cum suis omnibus, quod non magis suum, quam meum diligebat commodum: & ita, ubicumque poterat, nostram ut suam exaltabat Ecclesiam: visum fuit nostris fratribus dignum, ut, quod antea cupidinarie fuerat actum, caritatē esset emendatum; Rogatu *Willelrici* nostri Præpositi, & *Theodorici* Sancti Joannis Evangelistæ Decani, & *Lamberti* Sancti Stephani Primicerii, cæterisque utriusque Congregationis Canonicis, non solum consentientibus, sed etiam devote rogantibus, ut pristinam libertatem superscriptæ Ecclesiæ concederemus: quod & facimus, posterisque nostris servare mandamus. Hanc præsentem libertatem, quam peragimus, in plena Synodo facimus. Interdico denique ex auctoritate Divinæ Clementiæ, ne quis meorum successorum hoc libertatis donum audeat violare in posterum: ipsiusque Ecclesiæ altaria, proprio si fuerint Pastore viduata, Morbacensis Ecclesiæ Rectores personam eligant habilem, & in præsens usque, ut convenit, deducant: cui nostri successores absque pecunia animarum tribuant curam.

Et ut hoc velut cœleste munus inconvulsū, stabileque permaneat; proprii sigilli impressione notam ponimus: & a Canonicis nostris a majore usque ad minorem præsentē Sancta Synodus (b) extensis manibus firmare jubemus. Si quis vero, quod minime spero, bellator adversus Deifica castra, hoc ingenuitatis privilegium infringere conatus fuerit, ex parte Pastoris pastorum, & ex

(b) lego: Synodo.

parte Beati Petri, Principis Apostolorum, atque ex parte Sancti Stephani Protomartyris Christi, & omnium Chrysopolitanæ urbis fundatorum, catena sit ligatus, anathematizatus, & in terra viventium bona Domini non videat cum Justis. Ego *Hugo Archi-Episcopus* hanc cartam propria manu firmo, cæterisque firmare præcipio. *S. Willelrici* Præpositi Sancti Joannis Evangelistæ, *S. Theodorici* Decani, *S. Gibvini* Cantoris & Archidiaconi Cardinalis, *S. Rotherti* Archidiaconi & Archi-Clavi, *S. Lamberti*, Decani *S. Stephani*, *S. Girardi* Archidiaconi, *S. Wimbaldi* Archidiaconi, *S. Friderici* Genevensis Episcopi, nostræ Ecclesiæ Archidiaconi, *S. Alberici* Subcantoris, *S. Manegaldi*, *S. Stephani* Cantoris, *S. Rudolphi*, *S. Bundini* Cellerarii, *S. Dundini* Capellani, *S. Ottonis* Capellani, *S. Deodati* Capellani Levitæ, *S. Constantini* Levitæ, *S. Rotgeri* Levitæ Capellani, *S. Alberici* Subdiaconi Capellani, *S. Frodonis* Abbatis, *S. Martini*, *S. Petri*, *S. Dadini* Sacerdotis, *S. Arduulfi* Diaconi, *S. Rainaldi* Sacerdotis, *S. Ottonis* Archi-Presbyteri, *S. Rudolphi* Archi-Presbyteri. Ego *Rabertus* Levita recognovi ad vicem *Ermanfridi* Cancellarii, Anno Dominicæ Incarnationis Milleesimo Quadragesimo primo, Indiæ. nona. Acta Bisuntio publice in *S. Synodo*, VI. Feria, VIII. Idus Novembris, Regnante Heinrico Rege II. anno IV. Præfatus vero Domini Hugonis decimo.

Lunig. Spicilegiū Ecclesiastici Continuat. I. pag. 996. ex quo Mansi Concil. Supplement. Tom. I. pag. 1269.

In celebri Congregatione Romana a Benedicto IX. P. Max. Canonizatio decreta S. SIMEONIS reclusi Treviris, (qui ibidem obierat anno 1035. 8. Septembris.) ad instantiam Popponis, Archi-Episcopi Treverensis.

ANNO CHRISTI MXLII. BENEDICTI IX. PAPÆ IX.
HENRICI III. REGIS IV.

BENEDICTUS EPISCOPUS, SERVUS SERVORUM DEI, OMNIBUS ARCHIEPISCOPIS, EPISCOPIS, SACERDOTIBUS, ET UNIVERSO CLERO, CUNCTISQUE POPULIS TAM REGNI TEUTONICI, QUAM ETIAM QUARUMCUNQUE NATIONUM, VEL LINGUARUM SALUTEM CARISSIMAM CUM BENEDICTIONE APOSTOLICA.

Divinæ Majestatis inenarrabilis auctoritas, semper inenarrabilia faciens, sicut in Sanctis suis mirabilis prædicatur, ita & operibus declaratur, dans

dans eis virtutem & fortitudinem, curare omnem languorem & omnem infirmitatem: quod donativum ipse Deus, Spiritualium donorum distributor & autor, militibus suis, quorum non est numerus, in hoc etiam mortali corpore, dum in sæculo degerent, propterea concessit; ut & iidem ipsi super ipse Divinæ retributionis, habentes Sancti Spiritus fidele pignus, fiducialius ac fortius initerentur, & gentes Divina Mysteria intuentes, omni superstitione postposita ad viam Christianæ veritatis, ex intimo cordis converterentur: alios vero, quorum similiter incomprehensibilis est multitudo, post vincula tantum carnis, his opibus virtutum donavit, atque magnificavit; ut corporeis exuviis in sepulchro positis, & membris in favillas resolutis, sentientibus atque vidētibz mirabilia, fides inculcareretur, & cumlaretur, eos illic feliciter vivere, ubi vera est & æterna vita, ad quam nemini accedere licet, nisi vitæ tempore oblectamenta exosus, ad illam tota semper mentis intentione suspiraret, si quando mereatur de peregrinatione ad patriam, de exilio postliminium revocari. Igitur quoniam crebris nuntiorum indicis crebrisque litterarum caracteribus, claior magnus, strepensque rumor ex Trevirorum partibus usque Romam pervolavit, esse inibi viri cuiusdam SYMEONIS admirabile corpus, signis & prodigiis, virtutibus & miraculis radians, ut sol meridie sereno aere; terram strictius osculati, Dominum benediximus toto corde, rota mente, totis viribus, qui nostris temporibus dignanter, intra Sanctam, suum corpus, Ecclesiam, hoc præcipuum membrum Divino lumine accendit; ut sit lucerna ardens, posita super candelabrum, quæ

luceat omnibus, qui sunt in domo Domini. Itaque conventi atque pulsati a carissimo fratre nostro, D. Poppone, ejusdem Treviris Archi-Episcopo, ut quod nobis visum fuisset de celebratione ejusdem Sanctissimi Viri, salubri definitione nostræ Apostolicæ auctoritatis statueremus, atque decerneremus, omnibus, quod in salutatione prænotavimus, notum his litteris facimus, quid ex ea re censuerimus: Nam collecta Romani nostri Cleri splendida fraternitate, cum partus Sanctissimæ Virginis annuo recursum per hunc orbem radiaret, concordia deliberatione determinavimus, & alta sententiæ radice fundavimus, eundem virum Dei, SYMEONEM, quem Dominus commendat atque probat significatione tantarum virtutum, I. Sanctitatis & gratiæ plenum, ab omnibus populis, Tribus & linguis Sanctum proculdubio esse nominandum, II. Ejusque natalem singulis annis recurrentem passim solenniter observandum & ferialiter celebrandum & venerandum, adinstar diei festi. III. Nomen quoque ipsius Martyrologio cum Sanctorum nominibus suo loco inferendum.

Cui sententiæ hoc etiam subdidimus, ut quisquis hujus nostræ Constitutionis temerarius contemptor & cervicofusus refragator exstiterit, primo se noverit Dominum graviter offendere, deinde Sancti illius patrocinia, imo omnium Sanctorum, quorum contubernio gratulatur, nostramque de cætero Apostolicam nullatenus benedictionem sperare, conservatoribus eâ multipliciter donatis in omnia sæcula sæculorum. (die 8. 7bris)

Ex Actis Sanctorum Antwerp. die 1. Junii.

His Literis acceptis Poppo solenniter Beatum SIMEONEM inter Sanctos Confessores habendum & colendum declaravit, quod factum anno MXLII, patet ex sequenti inscriptione, quam Papebrochius die I. Junii ad autographum emendatam refert:

Anno Dominicæ Incarnationis MXLII. Indictione X. Benedicti Papæ IX. Regisque tertii Henrici, Conradi Regis filii, IV. Canonizatus est Beatus SYMEON Trevirensis IV. Feria, XV. Kal. Decembr. piissimo Archiepiscopo Poppone, anno Ordinationis sue XXVI. jussu & litteris noni Benedicti Papæ, est Congregatio Canonicoꝝ ibidem ordinata.

Porro S. SYMEON natus erat in civitate Syracusana nobilissimis Parentibus, cumque Constantinopolim sacris literis imbuendus missus fuisset, Jerosolymam devotionis causa perrexit, indeque post aliquot annos ad radices montis Sinai secessit, tandemque Antiochiam; unde in Franciam, Trevirosque profectus est, ubi animam sanctam Deo reddidit. *Franc. Pagi Breviar. Pontif. Rom. Tom. II, pag. 313.*

GERMANICUM CONCILIUM

LOCI INCERTI

Anno Christi MXLVII. Clementis II. Papæ I.

Henrici III. Reg. IX. Imp. II.

SUMMA. *Simoniacæ labis Damnatio.*

Dignoscens HENRICUS Rex per universam Galliam atque Germaniam Symoniacæ phylargyriæ grassari cupiditatem, coadunari fecit ex omni Imperio suo tam Archi-Præsules, quam cæteros Pontifices, & tale eis intulit colloquium.

Lugens vobis incipio loqui, qui vice Christi in Ecclesia constituti estis, quam ipse sibi desponsavit, ac pretio sui sanguinis redemit. Sicut enim ipse gratuita bonitate de sinu Dei Patris per Virginem, ad nos natus est redimendos, ita suis præcepit, mittens eos in orbem universum Apostolis: *Gratis accepistis, gratis date.* Vos enim avaritia & cupiditate corrupti, qui, dum conferre deberetis in hujusmodi transgressionis dando & accipiendo Canonem, maledicti estis. Nam & Pater meus, de cuius animæ periculo valde pertimesco, damnabilem avaritiam in vita nimis exercuit. Idcirco, quicumque hujusce sese norunt contaminatos, oportet, ut a sacro Ministerio secundum dispositionem canonicam arceantur.

Patet ergo manifestissime, quoniam propter hanc offensam venetunt super filios hominum diversæ clades, fames videlicet atque mortalitas, nec non & gladius. Omnes quippe gradus Ecclesiastici a maximo Pontifice usque ad Hostiarium opprimuntur per suæ damnationis pretium, ac juxta vocem Dominicam in cunctis grassatur spirituale latrocinium.

His denique ab Imperatore prolatis stupefacti Pontifices, quid illi responderent, non habebant. Pertimescebunt

enim carere ob hanc culpam propriis Episcopatum Sedibus.

Et quoniam non solum in Gallicanis Episcopis hæc pessima pullulaverat nequitia, verum etiam multo amplius totam occupaverat Italiam (omnia quippe Ministeria Ecclesiastica ita eo tempore habebantur vernalia, quasi in foro secularia mercimonia) cernentes quoque Episcopi gravi sese invectione irretitos, misericordiae operari (opem) implorabant.

At ipse Princeps misericordia motus tale protulit verbum: *Ite*, inquit, & quod illicite accepistis, bene disponente satagite, ac pro anima Patris mei, qui hac noxa reus vobiscum tenetur, attentius intercedere mementote, quatenus ei indulgentiam hujus facinoris a Deo possitis acquirere.

Tum proposuit EDICTUM omni Imperio suo, ut nullus gradus Clericorum vel Ministerium Ecclesiasticum pretio aliquo conquæreretur. Aut si quis dare aut accipere præsumeret, omni honore destitutus, anathemate mulcetur.

Spondit insuper promissum hujusmodi, dicens: Sicut enim mihi Dominus coronam Imperii sola miseratione sua gratis dedit, ita & ego, quod ad religionem ipsius pertinet, gratis impendam. Volo, si placet, ut & vos similiter faciatis.

Glaber Rodolphus Lib. V. C. V.

Editus a Petro Pitheco inter Historie Scriptorum Francorum Scriptores veteres Tomo II.

Hugo Flaviniacensis idem narrat sed brevius, ex quo Mausi Tom. I. Supplem.

Glaber Rodolphus post narratum Lib. V. Henrici III, Filii Conradi Regis connubium cum Agnete, Picavorum Ducis filia, celebratum coram XVIII. Episcopis & maxima Nobilitate, & deditionem Regni Austrasiæ. Anno 1045. refert hoc Edictum Cæsaris & Episcoporum, qui Romæ in Natali Domini fuerat consecratus a Clemente II. cum uxore Agnete. Hermannus Contractus ad annum 1043. narrat, quod Henricus Reginam Moguntiae ungi fecerit, & regales apud Ingelheim nuptias celebraverit. *V. Tomi hujus pag. 113. & Synodum Moguntinam §. V.*

CON.

*Concilii Romani LEONIS IX. PP. Synodica
ad EBERHARDUM, Archi-Episcopum Trevirensis,
De Primatu Ecclesiæ Trevirensis.*

Anno Christi MXLIX. Leonis IX. Papæ I.
Henrici III. Reg. XI. Imp. IV.

LEO EPISCOPUS, SERVUS SERVORUM DEI, DILECTISSIMO EBERHARDO,
TREVIRENSIUM ARCHI-EPISCOPO, VESTRISQUE SUCCESSORIBUS,
SALUTEM IN DOMINO.

Æternum Divinæ dispensationis consilium, quo decrevit, per tempora distribuere omnia, nulla rerum mutabilitate mutatur, nullaque temporum diversitate variatur. Unde factum est, ut hujus æternæ dispositionis immutabilis ordo nostram de Tullensi Episcopatus humilitate mediocritatem ad Apostolicam promoveret sublimitatem; gratuito quidem dono, non aliquo exigente nostro merito. Quocirca vestra fraternitas, dulcissime frater, Nos casta caritate victa, comitata est, & Romæ nobiscum aliquantulum remorata. Interea loci, cum unicuique suum jus, suumque rectum, quod vel ablatum penitus, vel aliquantulum immutatum esset, omnimodis restituere cupereamus, Dilectionis vestræ privilegia nobis attulisti, quæ Primatum Galliæ Belgicæ, subscripto modo, vestris antecessoribus datum a nostra Apostolica Sede afferbant, pro eo, quod in exordio religionis vestra Trevirensis Ecclesia, prima illis in partibus fidei rudimenta percepisset, per egregios dogmatistas, Eucharium, Valerium, Maternum, quos Beatissimus Petrus Apostolorum Princeps instruxit, & instructos ordinavit, & illuc ad prædicandum direxit. In quibus privilegiis etiam antiquiora privilegia incendio memorantur consumpta, quæ prænominatis Sanctis, eorumque successoribus, id est, Agricio, Maximo, Paulino, Severo, Almisicis utique viris, a primordio autentice concessa erant de eodem. Quæ etiam privilegia Theodorico Trevirensi Archi-Episcopo Joannes XIII. Papa, Benedictus VI. nec non alius Benedictus VII.

Egberto similiter Trevirensi Archi-Episcopo, temporibus Ottonis primi & secundi, pia dispositione contulerunt. Nos autem ea intuentes, & diligenter perpendentes, dignum duximus cum consilio, & consensu totius Cleri, & Populi Romani, idipsum de Primatu, sicut constitutum erat, confirmare, atque nostris Apostolicis apicibus corroborare. Quod ubi in Ecclesia S. Petri in Dominica passionis cuncto Clero, cunctoque populo Nos ipsi, sursum in ambone consistentes, præsentia (a) vestra revelavimus; & eadem privilegia legi fecimus, pro amore discipulorum S. Petri, quos prætulimus, Eucharii, Valerii, & Materni, ab omnibus acclamatum est, jure Primatum ipsius vobis, vestrisque successoribus deberi, qui in cathedra sedetis discipulorum S. Petri. Quapropter omnibus ipsis laudantibus, & respicientibus pro investitura ipsius Primatus, Romana mitra caput vestrum insignivimus; qua & vos, & successores vestri in Ecclesiasticis officiis, Romano more, semper utamini, semperque vos esse Romanæ sedis discipulos reminiscamini. Quod tamen in Synodo nostra, quam circa XII. (b) post ipsum Paschalem diem, Deo præsentante, celebravimus, Episcopis, & Archi-Episcopis, nec non & aliis ordinibus consentientibus, melius & firmiter stabilivimus: ea tamen (c), ut singulis annis vos, vestrique successores semel Legatos vestros ad Nos, nostrosque successores mittatis; per quos vobis de nostris utilitatibus illis in partibus agendis remittamus: & semper vos ipsi tertio anno Romam visitationis gratia, ut dul-

cissimè

(a) Illius Hontbemiæ judicat: nostra, legendum.

(b) XVII. habet Browerus Tom. I. Annalium Treverensium.

(c) forte: conditions.

Supplement, Tom. III. Concil. Germ.

cissimi fratres, ad primogenitum fratrem veniatis, nisi forte inevitabilis necessitas ingruerit. Quapropter desideriis vestris annuentes, secundum præfatorum privilegiorum tenorem per hoc nostræ Apostolicæ auctoritatis privilegium decernimus, & confirmamus ipsum vobis vestrisque successoribus Primatum, hoc modo, ut habeatis primum locum post Legatum Apostolicum in Galliam, Germaniamve destinatum, &c. Et si Missus Romanæ Ecclesiæ defuerit, post Imperatorem, vel Regem sedendi, quæque alia in privilegiis Theodorico concessis enarrata suis locis. Ego *Almarus*, Lugdunensis Ecclesiæ indignus Archi-Episcopus, in prædicta Synodo residens salva præfatarum constitutionum firmitate, & Lugdunensis Ecclesiæ auctoritate, hoc decretum laudavi, manuque propria roborans subscripsi. Ego *Joannes* Portuensis Episcopus in prædicta Synodo residens firmavi & subscripsi. Ego *Gada-*

lous Episcopus subscripsi. Ego *Benedictus*, sanctæ *Tuscanæ* (a) ecclesiæ Episcopus subscripsi. Ego *Gerardus*, Florentinus Episcopus, subscripsi. Ego *Crescentius*, sanctæ *Silvæ* candidæ, gratia non meritis Episcopus, subnotavi. Ego *Hugo*, Afsienfis Episcopus, subscripsi. Ego *Wido*, Astenfis Episcopus, subscripsi. Ego *Wido*, Vulturnenfis Episcopus, subscripsi. Ego *Cunibertus*, Taurinensium Episcopus, subscripsi. Ego *Henricus*, Spoletanus Episcopus, subscripsi. Data Idibus Aprilis per manus Petri Diaconi & Bibliothecarii, & Cancellarii sanctæ Apostolicæ Sedis. Anno Domini Leonis IX. Papæ I. Indictione. II.

Lunig. Spicilegii Ecclesiastici pag. 202.

III. Hontbemijs Histor. Diplomat. Tom. I. pag. 386.

Manfi Tom. I. Supplem. Concil. pag. 1287.

Confer Benedicti Papæ Privilegium, datum Theodorico Archi-Episc. Treverico pro juribus suæ Ecclesiæ anno 973.

Manfi Tom. I. Supplementi pag. 1175.

(a) lege: Tusculana.

AD CONCILIABULUM WORMATIENSE A. MLXXVI.

Additamentum ex Annalista Saxone Eckharti ad h. a.

REX vero, ne ullus eorum posset id postmodum negare, fecit unumquemque eorum propria manu nomine suo prænotato, chartis singulis inscribere abdicationem in Hildebrandum, hoc modo: Ego N. Civitatis N. Episcopus, Hildebrando subjectionem & obedientiam ex hac hora & deinceps interdico, & eum Apostolicum nec habebō, nec vocabō.

Sciendum vero, quod pauci Episcoporum hæc fecerunt ex animo, qui & ipsi auctores fuere consilio: plures vero mortis timore tunc subscripserunt. Sed cum primum data est opportunitas, Apostolico supplices, confessionis literas dixerunt, reos se profitentes, sed excusationem necessitatis obtinentes.

Hactenus Annalista Saxo, a Manfi excerptus Tom. II. Supplem. pag. 9.

Epistola Sigefridi, Moguntini Archi-Episc. ad Gregorium Papam VII.

Anno Christi MLXXVII. Gregorii VII. Papæ V.
Henrici IV. Reg. XXII.

DOMINO VENERABILI, ET PATRI IN CHRISTO AMABILI, GREGORIO,
PRIMÆ SEDIS ANTISTITI, S. MOGUNTINUS, ID QUOD EST GRATIA DEI,
DEBITÆ OBEDIENTIÆ SUBJECTIONEM, ET SEDULAM OBSEQUII
DEVOTIONEM.

Quid causæ intercedat, & quid impedimenti intercipiat, quod Sacro huic Sanctæ Apostolicæ Sedis

Concilio interesse non possum, sicut jam priori legatione significavi, ita & nunc Sanctæ Paternitati vestræ ex ipsa veritate denun-

denuncio, videlicet quod eodem paralytis morbo, quo tunc laborabam, non quidem remissius, sed indies auctius acriusque laboro. Non hoc præmitto, aut fastu superbiæ, aut contemptu inobedientiæ, quem animi morbum Divina miseratione longe faciat a me. Non enim cujuslibet negotii quamlibet maximi me retinere posset impedimentum, cum me ad vos non sola ducit voluntas, sed & ardens trahit desiderium. Mea namque intererat, & hæc obedienciæ ratio & caritatis ordo poscebat, ut huic confortio Sanctorum interesset, & de præsentia vel allocutione, atque de salutifera collatione Divini Patris mei *Gregorii*, & Christi Sacerdotum hilarescens in melius proficerem. Non penitendum esset longæ viæ & magni laboris, quippe inde proveniret fructus magnæ salutis. Maximas autem grates cum humili inclinatio vestra refero Sanctitati, quod legationi nostræ tam clementer aurem inclinastis, ipsosque Legatos bene admisistis, & melius dimisistis, quodque placuit vestræ Sanctitati antiquæ dilectionis & Germanæ affectionis nostræ tam benigne reminisci, nec in summa speculationis arce, & in ipsa omnium Ecclesiarum sollicitudine duxistis prætereundum, quod olim adhuc in ipsa privata conversatione Christi inter nos fuerat caritate conjunctum. Primum multiplicis erga me benignitatis vestræ gratia nulla temporum longinquitate deleri, nulla unquam rerum vel eventuum inæqualitate poterit obliterari; sed ad hoc remedium nostra sedulo vigilabit industria, ut in hac perseverare vestra dignetur benevolentia. Quod autem in commonitorio vestro posuistis, me vestræ Paternitatis secretorum imo salutis meæ commississe consilium, & alia quædam quasi correctionis limam addidistis ad castigationem vitæ & morum; hoc semper feci & semper faciam, nec ab hoc opere unquam vita comite desistam, & quod ibi cautum est, cautissime cavebo, & quod ibi præceptum est, prout vires dederit Deus, pleniter ad im-

plebo: & si aliter de me alicujus adversantis vobis suggeret relatio, noverit Sanctitas vestra, quod unitatem scindere, & caritatem corrumpere suo mendacio conetur, nisi forte accuset, quod aliquando illud, quo me castigo, frenum disciplinæ aliquantulum laxare consilio fratrum compellor causa medicinæ. Porro, quod examinandis Episcopis, quos mihi nominastis, & introitum eorum & conversationem diligentissime inquirere, & per nuntios Nostros vobis insinuari mandastis, perpendat vigilans ille oculus Sapientiæ vestræ, quod a reditu Legatorum nostrorum usque ad hanc iteratam legationem, non tantum erat temporis interstitium, ut vel fratres colligere vel examinationis possem habere judicium, non aliud super hac re adhuc vobis de his (a) imitare valeo, quam quod vel vos scitis vel communis habet opinio. Verum literas vestras illis quantotius direxi, & ut mandatum vestrum impleant, etiam nostris literis diligenter submonui. De penitentia autem *Strasburgensis Episcopi* nihil certi possumus vobis respondere, quod nec, si ei injuncta esset, antehac scivi, nec si eam observet, propter temporis compendium inquirere potui. De castitate vero Clericorum & de Simoniaca hæresi, ad summam de omnibus, quam mihi mandastis, semper prout ipse adjuverit, obediam Deo & vobis. Erit autem Apostolicæ mansuetudinis & paternæ dilectionis, si ad fratres dirigere mandata Ecclesiastica, ut & temporum opportunitates, & singulorum possibilitatem dignemini inspicere, ut & deviantibus & discolis adhibeatur disciplina, quæ debetur; & infirmis, & opus habentibus medico, compassio caritatis non negetur; sicque examinatis negotiorum causis adhibeatur judicii censura, ut Apostolicæ discretionis & paternæ pietatis modum non excedat justitiæ mensura. Sacrum Apostolatuum vestrum pro nobis orantem Samaritanæ ille custodiat, qui in custodiendo suum Israel non dormit, neque dormitat, & di-

B b b b b 3 visiones

Sigefridus, ex Fuldensi Abbate Moguntinus Archiepiscopus, creatur anno 1058: usque ad 1084. Cathedram tenuit. Anno 1070. Romam citatus a Papa Alexandro II. ob Simoniam tolerantiam oburgatus, vix & ægre sine damno gradus sui evasit. A Festo Michaelis 1071. ad Pentecosten 1072. adeo gravi morbo correptus fuit, ut Medici de ejus salute desperarent.

(a) forte: intimare.

visiones gratiarum, quas in clave Petri adunavit, ipse in vobis unitas integra-

que conservet, qui ipsam clavem vobis commisit.

Gretserus Tom. VI. novæ editionis pag. 540.

EJUSDEM AD EUNDEM.

SPECIALIS REVERENTIÆ PATRI, GREGORIO, PRIMÆ SEDIS AN-
TISTITI, S. MOGUNTINUS, ID QUOD EST DEI GRATIA, QUOD PATRI
FILIUS, QUOD PRÆLATO SUBJECTUS.

A Dhibito desidiæ Pastorum, & negligentia, Sacra exhortationis & ammonitionis incitamento, vigilantia Pastoralis officii vestri, mi Reverende Pater, nos quia de somno excitavit, & ut opus Evangelii, ad quod servi Patris familias deputati sumus, indefinenter curemus implere, quam studiose incitat, tam religiose invitat. Sacra namque est pia sollicitudo providi Pastoris, beata & remunerabilis executio hujus Divini operis; sed heu multum reclamationem vertigo, & iniquitas temporis. At vero si dies mali sunt, tamen ammonita vigilantia cautela tempus redimendum est, ne si propter auræ intemperiem vineam Domini culturare desistat, de negligentia condemnatur quilibet inutilis operarius, & si tempestas hodie ingruit, quæ nos ab opere repellat, cras coelitus reddita serenitate studium nimirum in idipsum recurat. Itaque indixit auctoritas vestra sanctæ Paternitatis, ut statuta die collectis fratribus ex Apostolica legationis mandato *Concilium* debeamus celebrare, & quicquid in Provincia aut Regno nostro, vel per simoniacam hæresin vel quomodocunque contra Regulam Ecclesiasticæ rectitudinis perperam gestum, aut male usurpatum vel temere præsumptum occurrit, judicio fratrum recidere non differamus falce justitiæ. Quod præcipitis mihi, Pater! æquum est & justum, & hoc per Provincias bis in anno fieri mandant decreta Sacrorum Canonum; sed ad quod decretorum auctoritas, & vestra Paternitas impellit, ad (a) hoc & rerum inæqualitas, & hujus maligni temporis importunitas nos longe repellit. Denique auditum credimus vestra Paternitati, quantum in Regno nostro motus, quanta sit perturbatio, quam periculose bella grassantur & seditiones, sicut audivimus in Evangelico. Auditum, in-

quam, credimus vobis de bello, quod a Domino nostro Rege factum est contra Saxones & Thuringos, & quomodo dextra Domini prostraverit & fugaverit rebelles & impios, & tamen adhuc in eadem obstinatione perdurant etiam victi, & iterum perfidiæ caput levant, ac totius Regni gladios contra se acuentes iterum recidua bella parant. Unum timeamus, quod pro peccato populi de vagina sua eductus sit gladius Domini, & tamen per nostram, aliorumque sanctorum propicietur intercessionem, forsitan desæviet usque ad internuntionem. (b) Soluta namque pacis vinculo & rupto disciplinæ freno, gens insurgit contra gentem, de terminis Regni hostilis gladius exterminavit concordiam, & pacem, & ita obmutescantibus Evangelii tubis, nec præco clamoris vocem, nec populus habet audiendi aurem. Hostili præda & pervasione magna ex parte dispersit res & reditus Episcopi (c) nostri, & hoc idem patiuntur plurimi fratres nostri, neque hæc rerum angustia eos patitur venire ad *Concilium*. Huc accedit, quod plures Coepiscopi nostri, qui ad *Concilium* vocati sunt, non sunt in gratia Principis, nec usquam audent progredi sine dispendio salutis suæ. Et, si consideremus eos Episcopos, qui accusantur, & eos, qui adesse non audent, si *Concilium* congregetur, vix inveniuntur, qui judicent. Accedit hic etiam ad cumulum nostri timoris & exaggerat vim nostri doloris, quod si diversis, imo adversis Regionibus ad *Concilium* convocentur, qui ad invicem inimicantur, dum putamus nos colligere ad *Concilium* fratres, paratas habeamus acies ad bellum! & dum corrigendis erroribus & sopiendis querelis in unam tendimus pacis Ecclesiasticæ communionem, forsitan, nisi Deus prospiciat, conventus noster

(a) forte: ab hoc.

(c) forte: Episcopii.

(b) forte: internecionem.

noſter turbabitur ad internecionem. Recordetur autem Sanctitas veſtra, quod propter (d) *Wulfenſem* Abbatem aliquando contigerit Goſlariz, quod boni milites in ipſa veſpera Pentecoſtes gladio pereimpti ſunt intra ſepta Eccleſiaz! perſuſa ſunt altaria ſanguine interfeſtorum, & inſtigante diabolo totum profanatum eſt ſanctuarium. Et tunc certe omnes conveniant ad curiam ſub ſpecie pacis, niſi quod inter eos latebat quedam ſimultas, quaſi doloſo cineri ſuppoſitus ignis. Et quid credimus futurum, ſi illi, qui aperte inimicantur, congregentur in unum? Pro his & pro huiusmodi fratres noſtri, qui ſunt ſanioris ſententiaz, dicant, ſibi bonum videri, ut adhuc *Concilium* differatur, donec videamus, ſi quomodo reddita pace Dominus propitiatur. Nos autem omnibus conſiliis & Conciliis veſtram præferimus ſententiam, id quod nobis indicitis, nullo modo propter ve-

ſtram obmittemus conſcientiam. Unde ſtatim poſt Regiam expeditionem multa cum feſtinantia noſtram vobis dirigemus legationem, nec ad hoc intemperiem conſideramus anni, ut advertatis, quanti nobis conſlet auctoritas præcepti veſtri. Ergo Sapientia veſtra, quæ in ſe ipſa cuncta metitur, retractet, quis huius perturbationis provenire poſſet eventus? & pericula, quæ timemus, conſilio & oratione præveniens, diſponat in melius, & quicquid diſtante Spiritu Sancto ſuper huiusmodi fieri decernitis, nobis de oraculo ſacri pectoris veſtri reſpondere velitis. Quod ſi probatis, propter pericula, quæ timemus, ad præſens indiſtinctum *Cancilium* differatur, & quidnam vobis placuerit, & opportunitas evenierit, celebretur in idipſum.

Udalrici Babenberg. Codice N. CXXXIII. pag. 130. apud Eckhart. Tom. II. Corporis Hiſtorici Medii ævi.

(d) lege: Fuldenſem.

GREGORIUS VII. ex Synodo Romana

Verna ſcribit omnibus Principibus, Clericis & Laicis Teutoniae, & conqueritur, ſe inſcio & invito electum Rudolphum: cum voluerit inquiri, uti duorum Henrico, an Rudolpho faveat juſtitia?

Anno Chriſti MLXXVIII. Gregorii VII. Papæ VI.
Henrici IV. Regis XXIII.

GREGORIUS EPISCOPUS, SERVUS SERVORUM DEI, OMNIBUS CLERICIS ET LAICIS, IN REGNO TEUTONICO CONSTITUTIS, QUI EXCOMMUNICATIONIS VINCULO NON TENENTUR, SALUTEM, ET APOSTOLICAM BENEDICTIONEM.

Quæ & quanta cura nobis fuerit, & eſt, ut peſtilentia, clades & deſolatio a Regno veſtro auferatur; pax, honeſtas & ſolitum decus reddatur, in Synodo, (a) quæ in hoc anno in Quadrageſima Romæ celebranda fuit, decla-

ravimus. Judicio Sancti Spiritus decrevimus, ut in Regno veſtro Episcoporum omnium & laicorum eorum, qui Deum timent, & pacem deſiderant, fieret conventus, & coram noſtris Legatis diſcerneretur, cui, Henrico (b) ſci-

licet,

(a) In Synodo Romana MLXXVIII. in prima hebdomada Quadrageſimæ a GREGORIO VII. habita hæc leguntur: " Quoniam lis & perturbatio Regni in maximum S. Eccleſiæ periculum & detrimentum quotidie redundat: placet Nobis elaborare pro viribus, quatenus idonei tam Religione, quam etiam ſcientia pollentes Nuntii a Latere Apoſtolice Sedis ad partes illas mittantur, qui omnes Religioſos & juſtitiaz amatores in Teutonici Regni partibus commorantes, Clericalis & laicalis Ordinis viros, & ad hoc opus idoneos convocent, cum quibus Domini gratia præeunte, aut finem & pacem juſte componant, aut veritate percognita CUI PARTI magis juſtitia faveat, ad plenum addiſcere valeant, quatenus pars injuſta deſiſtat, & Apoſtolica auctoritate munita, juſtitia vigoris & auctoritatis robur obtineat.

(b) Henricus IV. anno 1056. ſucceſſerat Patri.

licet, an *Rodolpho*, (c) qui de Regno inter se decertant, amplius iustitia faveret: parsque iniustior ratione devicta; & Beati Petri auctoritate constricta, facilius cederet; iustior vero pars amplius de Deo consideret, & adjuta Beati Petri potestate de victoria speraret, ac neutra mortem timeret. Sed, quia pervenit ad nos, quod inimici Dei & filii diaboli quidam apud vos contra interdictum Apostolicæ Sedis prædictum conventum procurent in irritum ducere, & non iustitia, sed superbia ac totius Regni desolatione suas cupiditates anhelant implere, & Christianam religionem destrueret: ex parre Beati Petri præcipimus, ut talibus nullum auxilium præbeatis, nec illis communicetis. In prædicta enim Synodo jam omnes excommunicationis & anathematis sunt vinculo innodati, & ut nullam victoriam possint obtinere, Beati Petri potestate sunt obligati, ut saltem coacti confundantur, & a morte animarum suarum, & desolatione propriæ patriæ

revocentur. Vos autem, fratres carissimi; de me nullo modo dubitetis, quod iniustæ parti scieñter aliquo modo faveam; magis pro vestra salute desidero mortem subire, quam totius mundi gloriam ad vestrum interitum arripere. Quod si aliqui de falsitate confisi, literis, & verbis aliter vobis indicaverint; nullo modo eis acquiescatis: Deum enim timeamus, & pro ejus amore quotidie affligimur, & ideo superbiam & oblectamentum sæculi parvipendimus, quia cito apud eum consolari indubitanter credimus. Omnipotens & misericors Deus, qui ultra spem, ultra meritum miseretur, & consolatur nos in tribulatione nostra, aperiat cor vestrum in lege sua, & in præceptis suis confirmet vos, ut auctoritate Beati Petri a cunctis peccatis absolutos vos ad cœleste Regnum perducat. Data Capuæ Kalendis Junii, Indicti prima.

*Harvoin. Tom. VI. ex Lib. VI. Registri
Ep. I. pag. 1394.*

*Contra quæ Rodolphi fautores aliam item miserunt Epistolam,
quibusdam præmissis hæc subdentes:*

NOvimus, memoriæ vestræ non ex-
cidisse, quod tam assiduus queri-
monius frequentatum est apud vos, quod
penè omnes Episcopi, qui Sedi Aposto-
licæ obediunt, expulsi a facie perse-
quentium fugiunt & latitant: & quo-
modo cum suis persecutoribus convenire,
& conferre de his causis possunt, pro
quibus aliqui illorum occisi sunt, qui-
dam in captivitatem adducti, reliqui ve-
ro omnibus rebus suis exspoliati? Dein-
de hoc quoque mirandum censemus,
quod illius hominis causam cum illis dis-
cutere jubemur, quos utrosque Lega-
tus Sanctæ Romanæ Ecclesiæ, vestra
jussione, a liminibus Sanctæ Ecclesiæ se-
paravit. Si autem nil horum obstitisset,
quid vestrum interesset, ut jam dudum
finita Synodi Romana sententiam retrahe-
mus? Quid ad nos, ut discutiamus, si
illi iustitia faveat ad obtinendum Reg-
num, cui vos Regni gubernacula jam an-
te triennium, Synodo judicante, in-
terdixistis? Nonne magis oportuit, ut
discussio judicium illud præcederet, quam

nunc tandem subsequatur? Novimus in-
telligentiam vestram, quia nunquam de
re indiscussa Synodus, vobis præsentibus,
judicavit, quæ ergo necessitas secundæ
discussionis? Si autem prædictus ille non
discussus est, sed adhuc discutendus,
quæ ratio, ut indiscusso homini regalis
dignitas ex dignitate Apostolica, sine ullo
conditionis additamento interdiceretur?
Quare Regi alteri obedire jussi sumus,
priusquam certum fuisset, istum non
posse Regnare? Et post pauca. Ut autem
de reliquis omnibus taceamus, certe si
sola illa absolutio Sacramentorum, quam
in Synodo fecistis, & effectum habitura
est, indubitanter constat, quia iste
Rex esse non potest. Quomodo enim
regnare potest, cui nullus amodo fide-
litatem ex debito servat? Quomodo re-
gere populum potest, qui in agendis
causis legalibus neminem ad faciendum
justum judicium Sacramenti obligatione
constringere potest? si autem, quod
absit, illa Apostolica indulgentia pro
rato habenda non est, quid erat de
Epi-

(c) Rudolphus, Rex Sueviæ, 1077. in Forcheim eligitur, & Moguntiam ductus, consecra-
tur. a Sigefrido, cui Papa misit coronam hac epigraphe: *Petra dedit Petro Romam,
tibi Papa coronam.* Baronius h. a. alii aliter.

Episcopis, & aliis, qui spe prædictæ absolutionis iuramenta Heinrico facta infregerunt? Nonne manifeste perjurii convincuntur? Adhuc aliud: quid de illis Sacramentis erit, quæ postea Regi Rodolfo facta sunt, cujus ditioni vestra auctoritate subjugati sumus? *Et in fine Epistola*: Si ab incepto itinere retrorsum

redire, & ob difficultatem diverticula quærere vultis, non solum vulnera non sanatis, sed quæ sana sunt, vulneratis. Nam si ea dissimulando, quæ jam vestra statuit auctoritas, in media tempestate, quam pro vobis incurrimus, nos derelinqueris, testes sunt super nos cælum & terra, quod injuste perditii sumus.

MOGUNTINUM CONCILIABULUM II.

CORAM GUIBERTI ANTIPAPÆ LEGATIS CELEBRATUM

Anno Christi MLXXXVI. Victoris III. Papæ I.

Henrici IV. Regis xxx. Imp. III.

Imperator Wratizlaum Ducem Bœmiæ, tam Bœmiæ, quam Poloniæ præfecit, & imponens capiti ejus manu sua Regalem circulum, jussit Egilberto Treverensi Archi-Episcopo, ut eum in sua Metropoli Praga in Regem ungeret, & Diadema capiti ejus imponeret. In eodem Concilio frater ejusdem Ducis, Gebehardus, Pragensis Præsul, scripta suæ antiquæ querimoniæ præsentavit, de Joanne Moraviensæ Episcopo, qui eodem anno ab hoc sæculo migraverat. Replicavit etiam privilegium, Sancto Adalberto prædecessori suo a Benedicto Papa, & Imperatore primo Ottone confirmatum: unde factum est, ut Wratizlaus Dux, & frater suus Conradus eidem Gebehardo Episcopo Moraviæ Parrochiam reprofiterentur & redderent. Cujus redintegrationis auctoritatem Imperator in carta describi, & sigilli sui impressione jussit insigniri. Acta sunt hæc Moguntiae III. Kal. Julii. (a)

Annalista Saxo Eckhartinus Tomo I. Scriptorum Germaniae.

Sed multo accuratius Concilii hujus historiam profequitur *Cosmas Pragensis Chronic. Lib. II.* ubi & Diploma Henrici Im-

peratoris pro redintegratione *Pragensis Episcopatus* in eo Concilio datum avert, ex quo de partibus ejusdem Concilii erudimur.

ANNO Dominicæ Incarnationis MLXXXVI. jubente, & peragente Romanorum Imperatore, tertio Henrico Augusto, celebrata est Synodus magna in urbe Moguntia. Ubi IV. Archi-episcopi (b) & XII. Præsules, quorum nomina post docebimus, simul cum Abbatibus Monasteriorum, & cæteris fidelibus residentes, plurima decreta super statu Sanctæ Ecclesiæ scriptis roboraverunt. In quo conventu idem Cæsar omnibus sui Regni Optimatibus, Ducibus, Marchionibus, Satrapis, Episcopis assentientibus & collaudantibus, Ducem Bœmorum Wratizlaum, tam Bœmiæ, quam Poloniæ, præfecit, & imponens capiti ejus manu sua regalem circulum, jussit Archi-episcopum Treverensem, nomine Egilbertum, ut eum sede sua Metropoli Praga in Regem ungat, & diadema capiti ejus imponat.

In eodem Concilio Pragensis Præsul Jaromir scripta suæ antiquæ querimoniæ repræsentat de Moraviensæ Episcopo, Joan-

(a) legendum: Maji, ut cum sequenti Diplomate congruat.

(b) IV. Archi-episcopi: Wezilo Moguntinus, Eilbertus Trevirensis, Sigewinus Coloniensis, Liemarus Bremensis per Legatum. XII. Episcopi: Conradus Trajectensis, Henricus Leodiensis, Udalricus Eichstadenensis, Meginwardus Frisingensis, Otto Ratisbonensis, Aubertus Bambergæ, Hermannus Spiræ, Otto Constantiæ, Sigefridus Augustæ, Gebehardus Pragæ, Udo Hildesii, Henricus Paderbornæ, Erpo Monasteriensis, Folcmarus Mindæ. Tres Episcopi per Legatos: Sibo Tullenis, Burchardus Basilæ, Otto Strazburgi. XIII. præsentibus Episcopos numerat *Sebatenus Tom. I. pag. 617.* & tres Episcopos per Legatos, universim XX. tum Archi-episcopos, tum Episcopos.

Supplement. Tom. III. Concil. Germ.

C c c c c

Joanne, supra memorato, 'qui' quamvis eodem anno jam ab hoc sæculo migrarat, tamen valde præcavens in futurum prædictus Præsul, & agens per amicos, pulsat aures Cæsaris, ne iterum in eodem loco alius subrogetur Episcopus. Replicat coram omnibus privilegium, olim a Sancto Adalberto Episcopo, suo antecessore, confirmatum tam a Papa *Benedicto*, quam a primo *Ottone* Imperatore. Ad cujus justam querimoniam Imperator, motus precibus Ducis *Wratislai*, fratris ejusdem Episcopi, & consilio Archi-Episcopi Moguntini *Wezelonis*, & aliorum bonorum, qui justitiæ favebant, novum antiquo fere ejusdem tenoris addit privilegium, & signo Imperiali confirmat, ut ex sequenti diplomate patet.

IN NOMINE SANCTÆ ET INDIVIDUÆ TRINITATIS.

HEINRICUS TERTIUS, DIVINA
FAVENTE CLEMENTIA ROMANORUM
IMPERATOR AUGUSTUS.

Regio nomini & Imperatoriæ dignitati congruere novimus, ut Ecclesiarum Dei utilitatibus utique opulantes, damna, & injurias earum quacumque necesse fuerit (*b*) propulsemus. Quapropter universis Dei, nobisque fidelibus, tam futuris, quam præsentibus, notum esse volumus; qualiter fidelis noster, Pragensis Episcopus *Gebhardus*, sæpe Confratribus suis & Coepiscopis, ceterisque Principibus nostris, ac novissime nobis conquestus est, quod Pragensis Episcopatus, qui ab initio per totum Bœmiæ, ac Moraviæ Ducatum unus & integer constitutus, & tam a Papa *Benedicto*, quam a primo *Ottone* Imperatore, sic confirmatus est; postea antecessorum suorum consensu, sola dominantium potestate subinthonizato intra terminos ejus novo Episcopo divisus esset, & imminutus. Qui cum Maguntia coram Legatis Apostolicæ Sedis, præsentibus nobis, ac plerisque Regni nostri Optimatibus, eandem querimoniam intulisset; ab Archi-Episcopis *Wezlane* Moguntino, *Sigewino* Colonienfi, *Egilberto* Treverensi, *Liemaro* Bremensi: ab Episcopis quoque *Liederico* (*c*) *Viridunenfi*, *Conrado* *Trajectensi*, *Udalrico* *Eistetenfi*, *Ottone* *Ratisbonensi*,

cum assensu laicorum, Ducis Bœmorum *Wratislai*, & fratris ejus *Conradi*, Ducis *Friderici*, Ducis *Lutoldi*, Palatini *Comitis Rapotæ*, & omnium, qui ibidem convenerant, primitiva illa Parochia cum omni terminorum suorum ambitu Pragensi sedi est adjudicata. Terminus autem ejus occidentem versus hi sunt, Jugast, quæ tendit ad medium fluminis *Chub*, *Zedlæ* & *Liufena*, & *Dasena*, *Liu-*
temirici, *Lemuzy*, usque ad mediam silvam, qua Bœmia limitatur. Deinde ad Aquilonem hi sunt termini: *Bovane*, *Chonvati*, & altera *Hrovatizlanske*, *Trebovane*, *Paborane*, *Dedossene* usque ad mediam silvam, qua *Milicianorum* occurrunt termini. Inde ad Orientem hos fluvios habet terminos: *Bug* scilicet & *Ztir* cum *Cracova* civitate, Provinciaque, cui *Wag* nomen est, cum omnibus Regionibus ad prædictam urbem pertinentibus, quæ *Krakova* est. Inde *Ungarorum* limitibus additis usque montes, quibus nomen est *Jeitri*, dilatata procedit. Deinde in ea parte, quæ meridiem respicit, addita Regione *Moravia*, usque ad fluvium, cui nomen est *Wag*, & ad mediam silvam, cui nomen est *Mare*, & ejusdem montis eadem Parochia tendit, qua *Bavaria* limitatur. Mediantibus itaque nobis, & communi Principum aspirante suffragio pactum est, ut *Dux Bœmiæ*, *Wratislaus*, & frater ejus *Conradus*, supradicto Pragensi Episcopo, fratri suo Parochiam judiciario ordine requisitam, ex integro reprofiterentur & redderent. Proinde nos rogatu ejusdem Episcopi rationabiliter inducti, Pragensis Episcopatus redintegrationem nostræ Imperialis auctoritatis edicto illi, & successoribus ejus confirmamus, & stabilimus, inviolabiliter decernentes, ne ulla post hac cujuslibet conditionis persona, vel ulla societas hominum, Pragensi Ecclesiæ quicquam sui juris in prænotatis terminis alienare præsumat. Cujus redintegrationis & confirmationis auctoritas, ut omni ævo stabilis & inconvulsa permaneat, hanc cartam inde conficere, quam (sicut infra apparet) manu propria laborantes, impressione signi nostri jussimus insigniri, *Data III. Cal. Maji. anno Dom. Incarnat. MLXXXVI. Indict. IX. anno autem Domi-*

(b) auctoritate.

(c) per Legatum, ait *Sebatenus* ad annum Christi 1085.

Domini Heinrici, Regni quidem XXXII.
Imperii vero III.

Signum Domini Heinrici tertii Ro-
manorum Imperatoris Augusti.

*Cosmas Pragensis, editus a Menkenio, Tomo I. Germaniæ Scriptorum pag. 2057.
Ex quo Mansi Tom. II. Supplem. Conciliorum pag. 70.*

AD SYNODUM PADERBORNENSEM A. MCIII.

Tomo hoc III. impressam pag. 246. adde hæc ex Schateno:

Folchbertus, Reinhertus, Godescalc, Hezelinus, Canonici. Liberi homines: Conradus Wartberghe, Tummo, Burgbart, Gumbrecht, Conrad de Everschatte. Ministeriales Ecclesiæ: Elver Comes, Uffo, Hugo, Egbrecht, Hildebold, Luidolt, Henric, Manegold. Ministeriales ecclesiæ Beatorum Petri & Pauli: Sibrecht, Tritbemar, Brun, Gosdescald, Rotboff, Heriman, Liefdag. Ministeriales Præpositi: Rother, Folbrach, Altman, Adalbrach, Albern, Everbrach, Frido. Ministeriales de Budecor:

Altmar, Anselm, Meinges, Hertbold, Becelin. Ministeriales in Herefe: Witman, Conrad, Udo, Cono, Witherold, Bernhard. Cives: Brun, Rother, Thanemar, Heribold, Thiederic, Welricò, & alii quam plures; qui ad SYNODUM convenerant. Anno Incarnationis Dominicæ MCIII. Indictione XI. Henrico Rege IV. Actum Paderborn in Cæna Domini. VII. Kal. Aprilis.

Schatenus ad h.a. Lib. VII. Annal. Paderb. pag. 658. 659.

SYNODUS COLONIENSIS

Anno Christi MCIII. Paschalis II. Papæ IV.
Henrici IV. Reg. XLVII. Imp. XX.

*In qua Fridericus Archi-Episcopus Colonienfis decidit controversiam
super Privilegiis Ecclesiæ Werthinensis,*

IN NOMINE SANCTÆ ET INDIVIDUÆ TRINITATIS.

Norum sit omnibus (a), quod Otto, Werthinensis ecclesiæ Abbas (b) in Sancta Synodo Colonienfis Ecclesiæ, præfidente Domino Friderico ejusdem ecclesiæ (c) Archi-episcopo, favente sibi auctoritate sui Privilegii, proclamationem coram omnibus fecit, procuracionem & domum altaris, ad novam Capellam Werthinensis loci, seu quidquid (d) afferbant, nullo modo pertinere debere, sed totum ad principale S. Liudgeri altare, ad quod omnia terminata sunt, destinandam (e) esse: ibique legitimis temporibus Baptisma fieri: in Capella (f) S. Lucie, vel S. Clementis non nisi urgente (g) necessitate Baptizandi licen-

tiam esse concedendam, Chrisma vero de ecclesia principali ad alias dividi oportere. Huic itaque legitimæ proclamationi astipulantur (b) tum privilegii sui rata asserio, tum multorum bonorum, qui Synodo intererant, inrepudiabilis, atque authentica relatio. (i). Hac tanta auctoritate ego Fridericus, Agrippinenfis (Dei gratia) Archi-episcopus, inductus atque commonitus, rogante etiam Domino Imperatore, simulque omnibus bonis consulentibus, finem huic controversiæ imposuimus, justo voto Abbatis satisfecimus, rem, sicut a principio fuerat, stabilivimus, & ut duobus Clericis, qui pro Abbatis præbenda & dote Ecclesiæ,

(a) tam posteris quam modernis.

(b) Venerabili. (d) quidam.

(f) vero S. Lucii. (g) cogente.

(i) oratio.

(b) Venerabilis.

(e) destinandum.

(b) astipulabantur.

clesiæ, ad easdem ministrant Capellas, cura sine altaris (k) domo, & bannus, ubi Abbas voluerit, & Decano conveniens visum fuerit, a principali Ecclesiæ nostræ Decano committatur, inviolabiliter ordinavimus: Sepulturæ ibidem (l) locus non nisi in principali (l) Ecclesia habeatur.

Ut ergo hæc omnia rata & immutabilia habeantur, & ut hujus querimoniz in reliquum aboleatur memoria, hanc chartam idoneorum testium nominibus adnotari præcepimus, sigilli nostri impressione muniri iussimus, & extrema anathematis sententia roboravimus.

Actum est Colonia anno Incarna-

(k) dono.

[] forte: iidem.

(l) Basilica.

(m) census vero Romani.

(n) Anno autem.

(o) S. Panthaleonis.

(p) Tuitiensis.

Ex Archæo Wertbinensi descripserat Henricus Turckius S. J. in Historia MS. Rheni Inferioris: collatum cum Geleniana descriptione in IV. Volumine farvaginum, unde has variantes adnotavi.

Meminit hujus Synodi Sebatenus Annal. Paderborn. Lib. VII. ad annum 1103.

CONCILIIUM COLONIENSE

Anno Christi MCIV. Paschalis II. Papæ V.
Henrici IV. Regis XLIX. Imp. XXI.

Fridericus, Archi-Episcopus Coloniensis, ratificat Donationes factas Ecclesiæ B. M. V. ad Gradus Coloniae, in conspectu omnis Concilii Synodalis.

IN NOMINE SANCTÆ ET INDIVIDUÆ TRINITATIS.

FRIDERICUS, DIVINA CONCEDEnte CLEMENTIA, COLONIENSIS
ECCLESIAE ARCHI-EPISCOPUS.

Justum est, ut, qui Rectores Ecclesiæ Catholicæ dicuntur, & ad tempus sumus, Ecclesiis nobis commissis, ipsarumque utilitatibus pro possibilitate nostra in tempore nostro, & deinceps utiliter & benigne provideamus. Unde notum esse volumus cunctis Christi, nostrisque fidelibus, tam videlicet futuris, quam præsentibus, qualiter MEGINHERUS DE RANDENRODE, cum neque uxorem, neque filium haberet, ex instinctu Dei admonitus, prædium quoddam suæ proprietatis in Horenschusen situm, XII. solid. Colon. monetæ solvens, pro remedio animæ Patris sui ad altare Sanctæ MARIE, quod est in Gradibus, traditione legitima contradidit: sed quoniam ad futurum judicium lætus & securus omnino intrabit, qui duplicati scænoris lucrum suum portabit, nostris studiis inductus, ob delictorum suorum indul-

gentiam, matrisque suæ ob memoriam, singulis annis centum XX. modios tritici, omnem postremo proprietatem, quam in Dorwilere possidere videbatur, hæreditario jure sibi proventam, cum omnibus utensilibus suis, fratre suo HARTBERNO, quem solum habebat, præsentem, laudante, astipulante, ad prædictum altare ea conditione in proprium transfudit, ut, quoad vivat, omnibus annis fratribus S. MARIE solidum unum Colon. monetæ in Palmis perfolvat. Ipse vero MEGINHERUS usumfructum usque ad finem vitæ suæ cum mancipiis utriusque sexûs, quæ ad cerarium censum dedit, usibus suis detineat. Post cujus resolutionem Confratres S. MARIE, inibi Deo diu noctuque famulantes, prædium illud pro singulari eleemosyna potestative accipiant, & secundum petitionem eorum per manum Præpositi, qui solo dantis nomi-

nomine præcellat, uni de Confratribus, quem communiter elegerint, commendent secundum proprium libitum, percepturi centum supra memoratorum modiorum benedictionem perpetuam. De viginti quoque, quæ remanent, decem in anniversario suo, decem vero in anniversario matris suæ in cibos pauperum ex anno in annum distribuantur. Hocetiam intimare universis disponimus, qui (*) non alius Advocatus post Deum, & ejus Genitricem MARIAM, ad hæc prædia defendenda præter nos, & nostros Successores ex utraque parte est electus. Ob cujus rei memoriam sempiternam, & fidele testimonium, chartam hanc scribi, ac sigillo nostro placuit signari, insuper & banno nostro in conspectu omnis Concilii Synodalis, quod tunc temporis Coloniz habuimus Idibus Aprilis, confirmavimus dicentes: Si ipse MEGINHERUS, quod absit, vel aliquis hæres, vel pro hæres suus, vel aliqua prophana persona has traditiones infirmare, vel infringere ullo modo tentaverit; absorbeat eum deglutiens terra, ac cum Dathan & Abyron sit ei cohabitatio sempiterna, & sit maledictus a Domino Deo in secundo adventu Domini nostri JESU CHRISTI,

(a) forte: quia.

& feriat eum Dominus plaga insanabili. Liger eum Petrus anathemate perenni, non solvat etiam eum in die furoris Domini; nisi ad medicamenta pœnitentiæ deviantem animum quantocius maturaverit revocare. Testes sunt harum traditionum Clerus & populus, ex quorum multitudine hos paucos notari iussimus: Arnoldus Præpositus S. Petri, Joannes Decanus, Herman Præpositus S. Gereonis, Sigefridus Præpositus de Bunna, Volmarus Præpositus de Xancto, Everhardus Præpositus S. Andreæ, Beringerus Præpositus de S. Cuniberto, Dietericus Præpositus S. MARIE, Hecil Decanus. Gerhardt de Gellero Comes, Gerhardt Comes de Gulicho, & frater ejus Gerlach, Gerhardt de Hochstaden, Dieterich de Mere, Herman de Zulpico, Hartpern de Fregenzo, Ep̃o de Schleido, Bernwein de Othwilere, Gerung de Scevene, Huprech de Oy, Bertram de Lecheze, Weltere de Buckenheim, Hermannus urbis Advocatus, Tiezo, Dieterich. Gesta sunt hæc in Colonia ante altare S. MARIE, anno Dominicæ Incarnationis M.C.IV. Indictione XII. Nostræ autem Ordinationis IV. Henrico IV. Imperatore III. imperante feliciter. Amen.

Volumen I. Farraginum Gelenii pag. 123.

CONCILIUM ROMANUM

Anno Christi MCIV. Paschalis II. Papæ V.

Henrici IV. Reg. XLIX. Imp. XXI.

In quo Bruno, Archi-Episcopus Trevirensis, ob acceptam a manu laica investituram, & quod Archi-Episcopalia sine Pallio tractasset, correptus, officium deposuit; sed intercessione Pontificum præsentium dignitatem recuperavit, & pallio accepto rediit.

E Gilberto (a) Archi-Episcopo Trevirensi Nonis Septembris anni millesimi centesimi primi demortuo, Trevirenses ab Henrico IV. Imperatore petierunt sibi dari Episcopum: & consentientibus civibus Bruno, natione Francus, ordinatus est Idibus Januarii anni Millefimi centesimi secundi, & Trevirum venit die Purificationis Sanctæ Dei Genitricis. Anno ordinationis suæ tertio, Mense Martio (adeoque anno MCIV.) Romam profectus Apostolorum gratia, & percipien-

dæ benedictionis Magistri causa, invenit Domnum Paschalem Papam universali Synodo præidentem, Papatus sui jam annum octavum (Legendum: annum quintum, nam annus octavus Mense Martio curabat Anno MCVII., quo tempore Paschalis erat in Galliis) agentem, a quo honorifice susceptus est, utpote Belgicæ Galliæ primæ Metropolis Præful magnificus; &c. Sed quoniam Episcopalia, annulum videlicet & baculum per manum laicam suscepisset, atque, quia Ecclesias dedi-

C e c c c 3

castet,

(a) Ita Auctor anonymus Historiæ Treverensis a D'Acherio editus Tomo XII. Spicilegii.

castet, & Clericos, necdum Pallium consecutus, promovisset, multum asperere correptus est, & decernente episcoporum ibi congregatorum Concilio Pontificatus officium deposuit; quod tamen ipsis intervenientibus, quia discretio ejus & prudentia officio & tempori congruens erat, post triduum, non sine admissorum penitentia recupe-

ravit. Injuncta ei penitentia est, ut quotiens in spatio trium annorum proximorum Missarum solemnia celebraret, Dalmaticis non uteretur: quod ipse humiliter implevit. Deinde accepta tam Apostolici, quam totius Synodi benedictione, Pallii honore donatus, cum gaudio remeavit.

Anonymo illi hoc tempore viventi fides eo securius adhibenda, quod *Brouverus Lib. 13. Annalium Trevirensium*, idem brevius referat ex alio Chronico MS. Trevirensi, in quo etiam legitur Concilium istud Romanum, cujus nulla in collectione Conciliorum mentio, & cujus tantum fragmentum superest, anno tertio sedis Brunonis congregatum esse, ideoque anno MCIV. Istud porro Concilium diversum esse a Lateranensi, quod *Labeus Tom. X. Conciliorum* conjungit cum anno MCIV, probat Annotator *Baronii* ad annum MCV. Num. 4. ex *Lib. IV. Novorum Eadmeri*, ex quo constat, Lateranense illud Concilium habitum esse anno MCV.

Franciscus Pagi in Breviario Historico-Critico Pontificum Romanorum Tomo II. pag. 537.

AD CONCILIUM NORTHUSENSE

Anno Christi MCV. Paschalis II. Papæ VI.
Henrici IV. Reg. L. Imp. XXII.

Impressum h. Tom. III. pag. 248.

Epistola Rothardi, Archi-Episc. Moguntini, ad Clerum Ecclesiæ Halberstadensis, præmittenda Concilio Northusano. Hortatur Clerum Halberstadensem, ut sui exemplo ad gremium Ecclesiæ redeant, & invitat ad Concilium.

ROTHARDUS, (a) DEI GRATIA, MOGUNTINÆ ECCLESIAE ARCHIEPISCOPUS, OMNIBUS IN CLERO HALBERSTADENSIS UNITATEM SANCTÆ ECCLESIAE AMPECTENTIBUS, FRATERNAM DILECTIONEM.

Qui veræ dilectionis dona a Deo pacis consequi merentur, excellentius cæteris cognoscunt, quantum pondus sollicitudinis sustineat vigilantia ordinatæ dilectionis. Hoc tamen, ex quo debui, semper pro vobis vigilantè debita devotione portavi. Neque enim, si ad horam intermissa fuit nostræ Paternitatis commonitio, minus pro vobis vigilavit devotæ sollicitudinis intentio. Proinde nunc quoque vos Apostolica exhortatione contestor, obsecrans in Christo, reconciliamini Deo. Nulla vobis erit confusio, immo gloria & honor, redire ad viam justitiæ, a qua vos dedu-

xit tortuosa semita sinistri. Scimus equidem, spiritualis intelligentiæ vestræ oculos nequaquam effugisse, quod Dominus ipse, qui æterno illo providentiæ icu omnia simul complectitur, pro meritum qualitate sententiam suam legitur mutasse, simulque cum voluntate voluntatis actionem præcidisse, cum eum aut oratio suorum impotentem reddidit, aut ira ejus miserorum gemitu victa succubuit. Ipse Princeps Apostolorum a minimo collegii illius consorte correptus, correctus est, nec veritus est cedere admonitioni junioris, cujus zelum vidit in studio Divini amoris. Hoc cælesti oraculo

(a) Rothardus, sive ut ajunt, Ruthardus, ex Abbate Herifordienfi electus Archi-Episcopus Moguntinus anno MLXXXIX. Obiit MCIX.

culo nos quoque admoniti, nobis ipsis renuntiavimus, (b) & priorem nostram vitam, si tamen vita est ad mortem ducens, jam pridem condemnantes, in Ecclesiæ unitate renati, novam vitam in Christo ducimus, ob maledicta & detractiones in Ecclesia Dei lepra perfuncti, extra castra seorsum a populo mansimus; nunc ante hyfopo humilitatis, & sanctificante poenitentiae aqua, per manum magni Sacerdotis mundati, in castris Domini militamus, immundis Spiritibus expositi, & immunditia hæreticæ fornicationis profanati. Jam cum Maria JESUM videmus, videndo appropinquamus; appropinquando sedibus ejus non sine officio inhæremus. Nemo nobis insultet de sepultura quadriduani. Ecce miseratio Altissimi! qui forebat in monumento, resurrexit, vivificante Domino, ac soluta per Apostolos mortis fascia, absque sepultura indicio exultans de salute, discumbit in convivio Dominico. Fuit, fuit aliquando persecutor & blasphemus, impugnans viam Domini, qui postea factus est Dux verbi, qui mox Apostolus pro se agens dixit: *Sed hæc olim fuimus, sed abluti, sed sanctificati sumus.* Certe si magnus ille Apostolus non mutasset sententiam negationis, non paulo post consecutus esset culmen Apostolicæ dignitatis, sed nec evasisset pœnam æternæ damnationis. Non est enim remissa, aut inefficax Divina miseratio, ut cum culpas gravissimas remittit ex super abundanti gratia largissima, etiamsi conferat pietatis munera. Ipsa illa columba, licet sero, vesperi licet, ad arcam sit reversa signum pacis, signum dilectionis ex ore ferens, per ostium introgressa est. Præses enim arcæ antiquus ostio aperto manum extendit, & per diversitatem donorum spiritualium receptam in superioribus arcæ collocavit. Fel & acetum Dominus bibit, quia in Maria & latrone peccatores diversos sibi incorporavit: spineam coronam portavit; quia Regnum nobilissimum in gentilitate vitiorum aculeis asperissima sibi præparavit. *A diebus, inquit, Joannis Regnum Cælorum vim patitur, & violenti diripiunt illud.*

Si meretrices & publicani nos in Regnum Dei præcesserunt; quæ jam diffidentia nobis erit de salute? Ostium in cælo apertum est, cœna diu instructa, tauri & altitia Dei jam dudum oecisa, vocamur debiles, cæci & claudi, imo & tot præconum clamoribus ad cœleste convivium compellimur. Quapropter in Christo fratres carissimi, non erubesco me immutatum, sed gratias ago dextræ altissimi, cujus hæc est mutatio. Fateor, & grater fateor, me cum omni mentis integritate in gremio Sanctæ Matris Ecclesiæ familiariter confedisse, sapius illud revolvendo: *Unam peti a Domino, banc requiram.* Et item: *Lavabo inter Innocentes manus meas, & circumdabo Altare tuum Domine.* Hæc est enim illa dilecta speciosa & decora, non habens schismatis, nec maculam falsitatis. Tota enim pulchra est, cujus speciem concupivit Rex: quam qui noluerit habere matrem, Deum non poterit habere patrem. Hæc sententia Spiritus Sancti auctoritate, & antiquorum sanguine conscripta & confirmata, cælo & terra permanentior in sæculum durabit. Verum quia non filii patribus, sed patres filii thesaurizant, hanc plenariam Ecclesiæ matris gratiam, non mihi soli, sed vobis filiis charissimis, gaudeo collatam, & nunc omnes spirituales merces ac Dominicum talentum & perverfam (c) pacis margaritam, quam negotiando lucratus sum, vobis filiis expono; ut vos quoque divites sitis in omni verbo, & in omni scientia. Opto autem omnes vos esse, sicut me, exceptis privatis peccatorum meorum vinculis. De cætero precamur & obsecramus, ut de collegio vestro, quos nostis idoneos, in Calendis Decembris dirigere velitis, qui possint interesse conventui Ecclesiæ, qui se in villa nostra ad honorem Ecclesiæ colligere decrevit. Illic namque Ecclesiæ matris facie exhilarati, colloquio informati, consilio roborati, plenissime cognoscetis, qualiter unius moris, & cum consensu habitare possitis in Domo Domini. Obsecramus vos in Domino JESU, ut idipsum dicatis omnes, & non sint in vobis schismata, memores, quia vin-

(b) Ex his patet, Rothardam Henricianis aliquando adhæsisse: a quibus averfus, & ad legitimum Pontificem conversus, mirum quanta passus sit a Schismaticis, per octo minimum annos actus in exilium. *Martene.*

(c) pretiosam.

vindex gladius idololatrias prostravit, schismaticos vero hiatus terræ absorbit. Deus pacis & dilectionis conservet vos in unitate Spiritus, & vinculo pacis, dilectissimi filii. Amen.

*Martene vet. Monumentor. T.I. p. 604.
Ex quo Mansi T.II. Supplem. pag. 207.*

Concilium Northusense sat expansum in hæc verba, legitur apud Annalistam Saxonem Eckarti T.I.:

Vltum est igitur GEBEHARDO, Constantiensis Episcopo; Apostolica Sedis Legato, & ROTHARDO, Moguntino Pontifici, habere Concilium in loco, qui dicitur *Northusen*, ibique Ecclesiam pro posse ad pristinum revocare statum, & antiquam Patrum Regulam recitare: Invalores Episcopos, qui & tum temporis simoniace intraverant, vivos deponere, sepultos effodere, ab his ordinatos manus impositionem a Catholicis recipere, & uxuratos Clericos ab officio Divino remove. In quo Concilio super sententiis instantibus, Patrum decretis primum relectis, quæquæ poterant; ad præsens laudabiliter corripiebantur: quædam vero graviora ad Apostolicam audientiam differebantur. Præter illa, quæ prædicta sunt: jejunium mensis Martii prima ebdomada Quadragesimæ; jejunium vero mensis Junii, in ipsa ebdomada Pentecostes, Romano more, celebrandum, a præscriptis Præfulibus Apostolica auctoritate indicitur, & Pax Dei confirmatur. Ordinatis autem a Pseudo-Episcopis, per Catholicam manus impositionem, proximo jejunio reconciliatio danda fore promittitur: Chrisma eo-

rundem, quod contra edictum Archiepiscopi in Cœna Domini confecerant, annihilatum est. Rex autem cum servorum Dei Conventui non nisi vocatus interesse veller; (ingens enim cum Episcopis & Clericis, Abbatum etiam & Monachorum, Ecclesiæ unitatem sitiens turba confluerat) tandem in abjecto productus habitu, stansque in editiori loco juxta Principum decreta, omnibus suas leges & jura innovavit: si qua vero irrationabiliter rogabatur, prudenti responso & avita magnanimitate confutavit. Interea obortis lacrymis Deum testabatur, nonnulla se cupiditate Regnum invasisse, nec Patrem & Dominum suum deponi ab Imperio exoptare: imo pertinaciæ & inobedientiæ ejus debitam compassionem exhibere. Quod si Sancto Petro & ejus Vicario lege Christiana vellet subjici, se illi, aut Regno cedere, aut serviliter spondebat subesse. Quæ verba omnis multitudo collaudans, tam pro Patris conversione, quam pro filii prosperitate lacrymas & preces effudit, voce magna: *Kyrie eleyson* declamans. Eadem hora Udo Hildenisheimensis, & Fridericus Halberstadensis, & Henricus Patherbrunensis Episcopi, vestigiis Metropolitanis prostrati, Apostolica se dedunt obedientia: quorum commissa Apostolico nihilominus judicio reservantur, sub officii sui tantum suspensione, & si ab Ecclesiis, quibus quocunque modo prærant, bonum testimonium vivendo mereri studerent, locus veniæ non denegatur.

Hæc Summa Concilii ex Annalista Saxone apud Eckart. Tom. I. Corp. Hist. pag. 603. 604.

AD SYNODUM TREVERENSEM A. MCVII.

Fundatio Abbatiae Springirsbacensis per Brunonem, Archiepiscopum Trevirensis, facta in hac generali Synodo.

IN NOMINE SANCTÆ ET INDIVIDUÆ TRINITATIS.

Bruno, (a) Dei gratia, archiepiscopus Ecclesiæ Trevirensis, omnibus tam futuris, quam modo viventi-

bus in Christo notum esse cupimus, qualiter bonæ quædam memoriæ scemina, Benigna nomine, bonis parentibus orta,

(a) Bruno, Filius Arnoldi & Adelheidis, Comitum Dominorum Bredenheim, ubi edificarunt Monasterium in villa sua Odenheim anno 1122. Hic Archiepiscopus Trevirensis electus anno 1102, confirmavit Fundationem Abbatiae Canonicorum S. Augustini in Springirsbach. Obiit anno 1124. 25. Aprilis.

orta, mortuo, cui nupserat, Rudge-
ro marito suo, ad ecclesiæ limina con-
fugere, Deoque viduitatem suam dicare
cum omnibus, quæ pro anima sua da-
re posset, constituit. Itaque bonum,
ac Deo placitum cogitans, locum soli-
tarium pro ritu suo aptum eligere, cel-
lam in episcopatu nostro, in sylva Con-
tel, in loco, qui vocatur *Thermunt*,
in ea parte sylvæ, quæ sua erat, licen-
tia & permissione Sigefridi Palatini Co-
mitis, ad honorem Domini Salvatoris
construxit, in qua Clericos Canonicos
sæculo abrenuntiantes, quorum parens
Deus est, secundum instituta regulæ, a
B. Augustino conscriptæ, locari voluit,
quorum consilio & præcepto reliquum
suar vitæ duceret, & admittæ corrigeret.
Cum igitur rogatu ipsius ad consecra-
tionem ejusdem cellæ venissemus; desti-
navit eam cum omnibus, quæ illuc con-
tulit, in præsentia Palatini Comitis, &
omnium, qui aderant, ecclesiæ Beati
Petri Treveris contradere, & subiectam
facere, quod ita factum est. Nam cum
nos postea in villa altera pro nostris ne-
gotiis una cum nostris fidelibus, videli-
cet ipso Palatino Comite, & aliis mul-
tis convenissemus, tradidit eandem cel-
lam Beato Petro per manum ejusdem
Domini sui, advocati videlicet ecclesiæ
nostræ majoris, quem etiam cellæ ad-
vocatum a nobis constitui rogavit, in
præsentia Richardi fratris sui, filiorum-
que suorum, & filiarum, maritorum
nullo contradicente, nullo prohibente.
Ut autem traditio ejus secundum Le-
ges Ecclesiasticas rata semperque esset &
inconvulsa, Treveris eam in *generali Syn-
odo nostra tertia* confirmavit, ubi rursus
tradidit eandem cellam ad Altare Beati
Petri per manum sæpe dicti Palatini Co-
mitis Sigefridi, (b) adstantibus & asti-
pulantibus Richardo fratre suo, filiis,
filiarumque maritis, determinata dona-
tione sua: videlicet, ut in eo loco, nul-
lus habeat Coepiscopus aliquis, vel De-
canus tractandi negotii potestatem; sed
si quid forte (quod absit) ortum fuerit,
quod a fratribus definiri non possit, ad
Episcopum referatur: ipsi autem inter
se Abbatem libere eligant, & Archi-

Episcopo Treverensi (si in gratia &
communione Pontificis fuerit) conse-
crandum repræsentent: nullus etiam,
nisi juxta electionem ipsorum, advoca-
tus constituatur; nullus ex hæreditate
advocatiam ejus loci quærat; nisi fra-
trum adsit petitio. Promde hanc ejus
traditionem factam, & banno nostro
confirmatam, si quis (quod tamen mi-
nime credimus) infringere, infirmare,
commutare, vi vel arte, aut aliquo
malo ingenio voluerit, fiat ei sicut Judæ
traditori, sicut Dathan & Abyron: dispe-
riat de terra memoria ejus, cum judicatur,
exeat condemnatus, comedat eum ver-
mis, qui non moritur, urat eum ignis,
qui non extinguitur. Acta sunt hæc
Treveris anno Dominicæ Incarnationis
MCVII. Indiæ. XV. Regnante Henrico
Romanorum Imper. V. anno Regni ejus
secundo; Episcopatus nostri VI. in *ge-
nerali Synodo*, testibus his: *Ramberto* ma-
joris Ecclesiæ nostræ Præposito, *Gode-
frido* Coepiscopo & Præposito, *Bruno-
ne* Archi diacono; item *Godefrido* Coe-
piscopo & Præposito, *Theodorico* Coe-
piscopo. Capellanis *Marcuardo*, *Burchar-
do*, *Widegone*, *Sigebodone*. Laicis libe-
ris: *Sigefrido* Palatino, per cujus ma-
num hæc facta sunt, *Henrico* Comite de
Lemburg, *Wilhelmo* Comite de Luce-
lingburg, *Theodoro* de Ara, *Adelberto*
de Dille, *Emebone* de Schmiedeburg,
Ludovico de Arenstein, *Gerlaco* de Ro-
mersdorff, *Adalberone* de Daun, *Her-
manno* de Wirneburg, *Simone* & *Adelbero-
ne* de Machelburg, *Helsone* de Rutrig,
Wivico de Wallerwert. Ministerialibus
nostris: *Lodovico*, *Guilolpho*; *Aurito*,
Rudolpho; item: *Ludovico*, *Friderico*, *En-
gelberto*. Ministerialibus autem Palatini
Comitis: *Richardo* fratre ejusdem supra
memoratæ mulieris, *Godefrido* filio ejus;
filiarum maritis *Dudeobino*, *Theodorico*,
Wernero, *Hermannno*, *Giselberto*, *Wifelli-
no*, *Richolpbo*, *Meginhardo*, *Titmario*,
Baldewino, *Conrado*, *Henrico*; item *Wer-
nero*; & aliis quam plurimis laicis &
Clericis adstantibus & constipulantibus.

*Illmus Hontbemijs Tomo I. Historie Di-
plomaticæ Treverensis No. CCCXIII.
pag. 483.*

- (b) Sigifridus, Palatinus Comes, Fundator Cœnobii Lacensis anno 1112, Principalis
Advocatus Ecclesiæ Treverensis, consensit in hanc fundationem, qui consensus ne-
cessarius erat: eo quod BENIGNA, fundatrix hujus Cœnobii, erat ejus Ministe-
rialis: Ministerialis autem non poterat disponere de rebus suis citra Domini, cui
ministrabat, consensum. *Estor. de Ministerial. C. III. Sect. 3. §. 214.*

PASCHALIS II. EPISCOPUS, SERVUS SERVORUM DEI, TIEDERICO
PRESBYTERO CARDINALI, APOSTOLICÆ SEDIS LEGATO, SANCTAM
ET APOSTOLICAM BENEDICTIONEM.

EX antiqua relatione comperimus, Saxones a principio conversionis suæ ad Deum, fideles atque obediētes Beato Pontifici & Apostolicæ Sedi extitisse. Quia igitur ad partes illas per Dei gratiam, ut audivimus, accessisti, & in eis super Ecclesiis, aliisque quibusdam negotiis, scandala emerferint; si quid ibi, aut etiam alibi iuste, atque canonice operari poteris, auctoritatis nostræ favore,

cooperante Domino, opereris. Si quod & consolationis auxilium nostro Halberstadensi Episcopo conferre poteris, conferas; ut Apostolicæ Sedis visitatione gaudeat. Data Feretini, VI. Idus Octobris.

Udalricus Babenbergensis N. CCLXXIV.

Eckharti Tom. I. Corporis Script. Germ. ex quo Mansi Tom. II. pag. 310.

SYNODUS TREVIRENSIS

Anno Christi MCXII. Paschalis II. Papæ XIII.
Henrici V. Regis VII. Imp. II.

SUMMA. Bruno, Archi-Episcopus Trevirensis, Berengarii erroris sectatores deprehendit, examinat, convincit, & lata sententia damnat.

PER eos etiam dies Ecclesiam Trevirensē, vix dum ab infami schismatis diffidio respirantem, aliud perfidiæ virus ex Berengarii veneno coalitum afflavit. Etenim Ivodii antiquo Trevirensis Diocesis oppido, duo Presbyteri *Fridericus*, & *Dominicus Guilbelmus*, nefandis, & absurdis Berengarii opinionibus imbuti, detestabilem contra augustissimum Sacramentum Eucharistiæ doctrinam, clandestinis conventibus propagabant, verum in Sacrosancta Hostia Christi Corpus & Sanguinem esse negantes. Itaque inanem Berengarii speciem amplexi, aliisque pravis infecti dogmatis, plures indies secum in errorem abducebant. Cum autem Bruno comperisset, perfidiæ semine in Lutzelburgensium agris sparso, quietem Ecclesiæ perturbari, plebemque tum sane ab ejusmodi contagione puram ac simplicem, perverfis hinc erroribus imbui; quo, ne labes ea contempta latius proferperet, rem ad diligentem disquisitionem adduxit; & eo usque indagando pervenit, ut patefacto dolo veteratores ipsos Ivodii deprehenderet tandem; atque ita perverſæ doctrinæ

zizania opprimeret in herba. Duos itaque, quos diximus Sacerdotes, & *Hamelricum*, ac *Durandum* plebeios, ex oppido Trevirim adductos, productosque in conspectum Ecclesiæ, omnes opinionum suarum sectas prodere, atque palam damnare coegit. Tum vero *Durandus*, ante omnes accedens, hæcenus quidem se sceleris hujus Patrocinium suscepisse, atque errasse haud inficiari; verum cupere imposterum, nuncium pestilenti mittere errori, ac multam Berengario dicere salutem; ut fidem dictis exæquet, contactis reliquiis se jure jurando obstrictum velle.

At *Fridericus* Presbyter, pervicaci-
or hæresim tueri suam, & argumentis parare, eandem adstruere. Ergo Bruno, oblata disputandi copia, cum gravissimis Sacræ Scripturæ testimoniis, tum Augustini in primis auctoritate, pertinaciam hominis ad silentium usque ad oppugnasset, neque susceptum tamen errorem, homo obstinatus abjiceret; acclamatum Brunoni a circumstante Clero: quoniam Ecclesiam non audiret, equid dubitaret, jam eum habere tanquam *Ethnicum & Publicanum*? vocesque sub hæc

hæc eunt postulantium, ut de gradu Sacerdotali nefarium caput dejiciat, lataque sententia, illico mox condemnet. Quo moram trahente, multitudo accensa promovere gradum, atque ut hominem ad poenam abripiat, impetu occurrere. Verum hic tumultus, dum concio permiscetur, homini scelesto effugium dedit.

Post hæc, *Dominicus Wilbelmus* arreptus, qui nequitia occultandæ se binominem tulerat; accusatusque, ceu non postremus hæresis hujus assertor, inficias constanter iit, se unquam errorem eum errasse: delatoribus contra, secretos eum coegisse Conventus, atque etiam sectatoribus, suo more panem porrexisse, nitentibus; ille metu imminentis periculi trepidus, paratum se respondit, ad cujusque modi suspicionis abolendam infamiam, etiam severissimi cujusque judicis subire sententiam. Itaque rem Divinam facere, & Canonem sacrum elata voce decantare jussus; ubi ad fractionem deinde salutaris hostiæ devotum, *Bruno* ad Altare propius accedens, ultimis hominem detestationibus

obstringit, atque ita ad illum infit: *Si vivificum hoc salutis nostræ Sacramentum, quod manibus tenes, verum Christi Corpus & Sanguinem esse, ore sacrilego negare pergis, ipse Mystérii Sanctitatem testor, ne quoquo modo contingere, aut sumere Sacrosanctam hostiam audeas; sin vero ab Ecclesiæ Catholica sensu tuum minime judicium discrepat, per me licet, sumas.* Atque ita tum sincere quidem, nullaue interveniente fraude, Divina Mytheria Presbyter libavit. Verum in pristinum mox errorem revolutus, majori quam ante studio, hæresim semel abdicatam inculcare plebi cepit. Quapropter justo rerum arbitro Deo, seras denique perjurii expetente poenas, cum reus adulterii in judicium esset ob id crimen a Magistratu vocatus, damnatus capitis, merito vitam supplicio finit. Atque hunc in modum noxium illud contagionis virus, pia *Brunonis* industria extinctum, atque repressum est.

Browerus & Masenius in Annal. Treverens. Tomo II. Lib. XIII. ad h. annum pag. 8. 9.

SYNODUS COLONIENSIS

Anno Christi MCXIII. Paschalis II. Papæ XIV.

Henrici V. Reg. VIII. Imp. III.

Judicium Synodale de Hereticis.

Epistola Trajectensis Ecclesiæ ad Fridericum

Archi-Episcopum Coloniensem, de hæreticis Tanchelmi Sequacibus

Coloniæ captis, coercendis justa pœna.

DOMINO SUO, ET VENERABILI PATRI, FRIDERICO, SANCTÆ COLONIENSIS ECCLESIAE ARCHIEPISCOPO, HUMILIS TRAJECTENSIS ECCLESIAE EX SINCERO AFFECTU DEVOTISSIMAS ORATIONES CUM DEBITÆ SUBJECTIONIS OBSEQUIO.

Gratias, Reverende Pater, Sanctitati vestræ agimus, quia paterna miseratione vicem nostram doluistis, & Antichristi nostri, perturbatoris & blasphematoris Ecclesiæ Christi, cursum & impetum retardatis, qui aperuit in Cælum os suum, & contra Sacramenta hæresin Ecclesiæ suscitare ausus est, jam olim Sanctorum Patrum sententiis ju-

gulatam. Hic enim spiritui superbiæ (quæ radix est omnis hæreseos & apostasiæ) intumescens, nihil Papam, nihil Episcopos, nihil Archi-Episcopos, nihil Presbyteros aut Clericos aliteruit, columnasque Ecclesiæ Dei concutiens, etiam fidei nostræ Petram, id est, Christum dividere ausus est. Penes se, & suos tantum Ecclesiam esse contendebat:

Supplement. Tom. III. Concil. Germ.

D d d d d 2

Eccle.

Ecclesiam, quam Christus postulans a Patre, accepit gentes in hereditatem suam, & possessionem suam terminos terræ, hic ad solos Tanchelmistas contrahere conatus est.

Jam vero, Sancte Pater, afflictionis nostræ querelas suscipite, & præcurso-rem Antichristi eodem schemate, eisdem vestigiis, quibus ille secutus est, præcurrentem advertite. In maritimis primum locis rudi populo, & infirmioris fidei, venenum perfidiæ suæ miscuit, & per matrōnas & mulierculas (quarum familiaritatibus, & secreta colloquutione, & privato accubitu lubentissime utebatur) errores suos paulatim spargere cœpit. Deinde per (has) conjuges etiam ipsos perfidiæ suæ laqueis irretivit. Nec jam in tenebris, vel cubiculis, sed super tecta prædicare incipiens, in patentibus campis late circumfusæ multitudini fermocinabatur, & veluti Rex concionaturus ad populum, stipatus satellitibus, vexillum & gladium præferentibus, velut cum insignibus regalibus sermonem facturus procedere solebat.

Audiebat illum populus seductus, sicut angelum Dei: imo vero ipse angelus Satanæ declamabat, *Ecclesias Dei supanaria esse reputanda: nihil esse, quod Sacerdotum officio in mensa Dominica conficere- tur: pollutiones, non Sacramenta nominanda, ex meritis & sanctitate Ministrorum virtutem Sacramentis accedere: cum ex verbis S. Augustini Dominus Christus traditorem suum (quem Diabolum nominavit, qui ante traditionem Domini, nec loculis Dominicis fidem potuit exhibere) cum cæteris Apostolis ad prædicandum Regnum Celorum miserit; ut demonstra- ret, dona Dei pervenire ad eos, qui cum fide accipiunt, etiam si talis sit, per quem accipiunt, qualis Judas fuit.*

Item Augustinus: *Si in percipiendis Sacramentis dantis & accipientis est meritum considerandum, sit dantis Dei, & accipientis conscientia mea. Hæc enim duo non mihi incerta sunt, bonitas illius & fides mea. Quid te interponis, de quo certum nihil scire possum? sine me dicere: In Domino confido. Nam, si in te confido, unde confido, si nihil mali hac nocte fecisti? Contra has & hujusmodi sententias sacrilegus ille declamans; De- hortabatur populum a perceptione Sacramenti Corporis & Sanguinis Domini, prohibens etiam*

Decimas Ministris Ecclesiæ exhiberi, quod facile volentibus persuasit: Quia ea tantum prædicabat, quæ vel novitate sui, vel magna voluntate populi placitura sciebat.

Talibus nequitiaæ successibus misero homini tanta sceleris accessit audacia, ut etiam se Deum diceret: quia, si Christus ideo Deus est, quia Spiritum Sanctum habuisset, se non inferius nec dissimilius Deum; quia plenitudinem Spiritus Sancti accepisset. In quâ præsumptione adeo illudit; ut quidam in eo Divinitatem venerarentur in tantum, ut balnei sui aquam potendam populo stultissimo pro benedictione divideret, velut sacratius & efficacius Sacramentum, profuturum salutis corporis & animæ.

Quodam etiam tempore, dum novum genus quæstus nova adinventionem machinaretur; quandam imaginem S. MARIE (stupet animus dicere) in medium multitudinis iussit afferri, & accedens, manumque imaginis manu contingens, sub typo illius S. MARIAM sibi desponsavit, Sacramentum & Solennia illa desponsationis verba, ut vulgo fieri solet, universa sacrilego ore proferens: *En, inquit, dilectissimi, Virginem MARIAM mihi desponsavi, vos sponsalia & sumptus ad nuptias exhibete.* Et ponens duos oculos, unum a dextris, alium a sinistris imaginis, *Huc, inquit, offerant viri, illuc, mulieres. Viderim nunc, utrius sexus major circa me & Sponsam meam ferveat charitas.* Et ecce cum muneribus & oblationibus certatim ruit insanissimus populus. Mulieres in aures & monilia jaciebant, & sic non sine immanissimo sacrilegio infinitam contraxit pecuniam. Sed & faber ferrarius quidam, nomine Manasses, quem cum scelerato homine etiam a Vobis detentum audivimus, exemplo nequissimi Magistri, fraternitatem quandam, quam Gilda vulgo appellant, instituerat, in qua XII. viros in figura XII. Apostolorum, & unam tantum feminam in figura B. MARIE constituit, quæ, ut ferunt, per singulos illorum XII. circumducebatur, & ad injuriam Sacrosanctæ Virginis nefaria turpitudine, quasi ad confirmationem fraternitatis, singulis miscebatur.

Presbyter etiam quidam, Everwacherus nomine, a Sacerdotali dignitate apostatans, nefandi hominis Magisterio adhæ-

adhæsit, qui & illum Romam profectus, maritima loca, quartam scilicet partem Episcopatus nostri, Teruwanensi Episcopo Regni Franciæ, auctoritate Domini Papæ atterminare conatus est, quem etiam a Sanctitate vestra detentum audivimus, & gavisus sumus. Idem Presbyter per omnia Tanchelmi assertor, decimas Fratrum Ecclesiæ B. Petri invasit, Presbyterum ipsorum armata manu ab Altari & Ecclesia ejecit. Infinita sunt, Domine, illorum scelera, quorum plurima pro epistolari brevitate suppressimus. Hoc ad summam dixisse sufficiat, res Divinas in tantum venisse contemptum, ut reputetur sanctior, cuicumque fuerit Ecclesia Dei despectior.

Quia igitur, Sancte Pater, Divina miseratione Ecclesiam suam diutius periclitari non sustinens illos in manus vestras tradidit, rogamus & obsecramus in Domino, ne qua ratione de manibus vestris elabantur: qui si elapsi fuerint, denuntiamus Vobis, & sine omni ambiguitate attestamus, futuram irrecuperabilem Ecclesiæ nostræ jacturam, & infinitarum perniciem animarum. Vere, Domine, gravissimum casum Ecclesia nostra sustinebit, si quo modo evadere illos contigerit, quorum sermo, juxta Apostolum, ut cancer serpit, & simplicium animos blandiendo perimit.

Nunc quoque ob hoc ipsum Antichristus noster (a) Monachum mentitus, exemplo capitis illius, cujus membrum factus est, in angelum lucis se transfiguravit; ut eo securius illuderet, quo versutius speciem sanctitatis simulate sumpisset.

Rogamus, Domine, ut justa indignatione moveamini adversus detestandos dissipatores Ecclesiæ. AUGUSTINUS:

Quando vult Deus concitare potestates adversus Schismaticos, adversus Hæreticos, adversus Dissipatores Ecclesiæ, adversus Exsufflatores Christi, non mirantur. Quia Deus concitat, ut a Sara verberetur Agar. Cognoscat se Agar, ponat cervicem, revertatur ad Dominam suam. Quid mirantur, quia commoventur potestates Christianæ adversus detestandos dissipatores Ecclesiæ? Ergo non moventur? Et quomodo redderent rationem de Imperio suo? Pertinet hoc ad Reges Christianos, ut temporibus suis pacatam velint matrem suam Ecclesiam, unde spiritualiter nati sunt. Legimus Danielis visiones, & gesta Prophetica. Tres pueri in igne laudaverunt Deum. Miratus est Rex Nabuchodonosor laudantes Deum pueros, & circa eos ignem innocentem: & cum miratus esset ille, qui statuum suum exerebat, & ad eam adorandam omnes coegerat; tamen laudibus puerorum commotus, ubi vidit Majestatem Dei præsentis in igne, ait: Et ego ponam decretum omnibus tribubus, & linguis in omni terra: Quicumque dixerit blasphemiam in Deum Sidrac, Misac & Abdenago, in interitum erunt, & domus eorum in perditionem. Si Nabuchodonosor laudavit & prædicavit, & gloriam dedit Deo, ut decretum mitteret per Regnum suum; quomodo Reges Christiani non moveantur adversus blasphematores Ecclesiæ Christi? Hæc Augustinus.

Proinde obsecramus in Domino, quatenus de his Sanctitas vestra faciat, ut Ecclesiæ nostræ jam diu periclitanti subveniendo consulatis.

Gretserus Tomo VI. operum novæ edition. pag. 566. Edidit eandem Epistolam Sebastianus Teningel, Bibliothecarius Casareus anno 1612. Ingolstadt: recusa dein fuit ab Antverpiensibus Hagiographis ad diem VI. Junii Tom. I. bujus mensis.

(a) Bollandistæ ad diem VI. Junii conantur ex hoc loco tempus datæ Epistolæ eruere. Tanchelmus ex Insulis Zelandicis egressus, ab initio Sæculi XII. ad annum 1109. vel 1109. Flandriam veneno suo infecit, & dein Antverpiam: subin Monachi habitu assumpto Romam profectus, inde redux circa annum 1112. Coloniam venit, ubi ab Episcopo captus cum sociis, & detentus fuit. Circa 1113. Burchardus Trajectensis ad Rhenum Episcopus obiit: post cujus mortem, vacante Ecclesia, Clerus Trajectensis ad Metropolitam suam Coloniensem has literas scripsit. Elapsus e carcere Colonie Tanchelmus Brugas rediit. cito anathematizandus a Clero & populo, denum per maritima loca dum vagatur infelix errorum suorum disseminator, a Presbytero illatam Ordini suo injuriam perperam ulturo, trucidatus fuit anno MCXV. Hæc ex variis BOLLANDISTÆ collegerunt ad diem VI. Junii. Videtur autem hæc Epistola scripta ante mortem Tanchelmi, imo & fugam & carcere Colonienfem, adeoque circa annum 1113. quo Sedes Ultrajectina vacabat.

Tanchelmi hæresin ab anno MCXI. ad MCXXVI. Antverpiensibus dominatam fuisse, opinatur *Natalis Alexander Historia Ecclesiastica Seculi XII. C. IV. §. VI.* eo quod isto anno S. Norbertus cum sociis illuc venit ad eandem extirpandam, quod & *Illmus Baronius ad hunc annum* innuit.

Ad hanc Epistolam velut accusatricem referri potest habita Anno 1113. Synodus Coloniensis, sub Friderico Archi-Episcopo.

Accusatio fit Coloniae in Ecclesia S. Petri, præsentante FRIDERICO, Archi-Episcopo, contra hæreticos. Plures capti & vinculari, iudicio aquæ se expurgarunt: cæteri autem reatu suo confisi, fugam verterunt. Apud Veronam (Bonnam) præsentante Comite,

igne consumpti sunt tres, malentes mori, quam cedere Catholicæ Fidei.

Hæc, nec plura descripsit Cl. Schannatus in Vaticana Bibliotheca ex codice MS. Bibliothecæ Urbinaensis Romæ asseruato.

Epistola Henrici Imperatoris, ad Harduicum Ratisponensem Episcopum.

SUMMA. *Accusatoria Legatorum Apostolicorum, quasi Paschalis mandata transgressi essent, & Nuntiatoria pacis inter se & Papam.*

HENRICUS, DEI GRATIA IMP. AUGUSTUS, H. VENERABILI RATISPONENSIVM EPISCOPO, GRATIAM, DILECTIONEM, ET OMNE BONUM.

Gratias agimus Patri Spirituum, quoniam nam erga nos & Imperii statum salubriter tuæ fidei conservasti constantiam, credentes, imo luce clarius adtendentes, quod neque mors, neque vita surripere possint, quam inchoasti, & demonstrasti nobis benevolentiam. Ut autem piæ sollicitudinis scrupulum, quo sæpissime turbantur corda amicorum absentium, tibi pleniter auferamus, negorium, quod pro communi utilitate totius Imperii suscepimus, ad quid perduxerimus, paucis tibi scribere curavimus. In primis memorem te esse volumus, qualiter inimicorum nostrorum acephalica præsumptio fideles nostros inquietaverit, quod communicantes nobis, quasi excommunicatos, ex sententia & Legatione Domini Apostolici dijudicaverint, & maledictiones satis impudenter super Innocentes aggravaverint. Nos autem arcum, quem in nos latenter intenderant, & sagittas, quas exaceruerant, propitiante Domino, declinantes in Italiam transalpinavimus, & ibi religiosos Episcopos atque Abbates, qui videbantur esse columnæ matris Ec-

clesiæ, convocantes, de pace vel concordia Regni & Sacerdotii subtilissima inquisitione tractavimus. Demum communicato consilio tres ex illis omnibus eligentes, scilicet *Placentinum, Astensem, Aquensem*, magni nominis Episcopos, ad Dominum apostolicum, & ad omnem Ecclesiam illos misimus, proferentes in publicum, quod si quis personam nostram pulsaret, vel pulsare vellet de pace, quam in Corpore & Sanguine Domini nos cum Pontifice Romano composuimus & conscripsimus, secundum iudicium legum & canonum, porrigere plenariam expurgationem, vel, quod absit, culpabiles inveniremur, omnimodam satisfactionem. Igitur Dominus apostolicus unanimes sibi ad hoc conjungens Cardinales in testimonium, in præsentiam Principis Apostolorum negavit, quod Chuononem in Coloniā, vel Saxoniam miserit: irritum esse iudicavit, si quid in nos maledictionis effuderit: affirmavit, quod ipse nunquam nos communicaverit: filio suo, quem consecravit, quem benedixit, quod nunquam maledixerit. Damnavit Theo-

Theodoricum, eo quod in Regno nostro Legatum se ejus Domini Apostolici mentitus fuerit: nihil optavit, quidquid excommunicationis in aliquem fecerit: in præsentia Cleri & populi testificatus est, quod non præcepit, vel consensit, vel ratum fecit, vel habet; quod Viennensis episcopus excommunicationis gradum super nos erexit; sed potius, quod sub typo boni zeli peccaverit, veniam postulavit. De literis bullatis, quas in opprobrium nostrum incubabat Moguntinus, Colonienſis, Saltzburgenſis, & Halberſtadienſis inimicis nostris miſſiſſe, Deum duxit in reſtimonium, ſe malum illud nunquam commiſſiſſe: inter cætera ſubjungens, quicquid nobis fidelitatem jurando promiſerit, & Werram nobis quicquid modo fecerit, pro perjuro & ſacrilego in membris Eccleſiæ numerandum eſſe. Nos autem Conſilium Principum noſtrorum exequentes, ut omnem ambiguitatem reſecaremus, & ſeditionem graviffimam: inter cætera Romanos & Apoſtolicum geritur, compeſceremus, (*) & Deo gratias, non eſt inventus, qui clam vel palam nobis notam criminis imponeret; ſed vox laudis & lætitiæ audita eſt, quæ nos & Imperium noſtrum Deo, & Beatis Apoſtolis Petro & Paulo committeret. Poſtremo die Capitulum cum univerſis ordinibus conſcendimus, & magnificantibus nos mag-

na impendimus. Denique Cardinales tres, cæterorum legationem agentes, nos audierunt, & pacem plenariam eo tenore nobis exhibuerunt; ſi inveſtituram per virgam & annulum deinceps dare deſineremus, quod in eo Eccleſiæ ſcandalum dixerunt. Econtrario nos reſpondentes, Regalia noſtra cuivis per baculum & annulum concedere, juris noſtri eſſe probavimus. Hæc eſt ſumma diſſenſionis, qua concutitur & periclitatur Eccleſia, & inveſtitura ceſſante, affirmant ſtatum Eccleſiæ redintegrare poſſe per omnia. Ergo miles Chriſti conſidera, quod Chriſtus in Evangelio liquantes culicem & camelum deglucientes in ejuſmodi animadverſione reprehendat, & Apoſtolus minus tolerandum, ut majus vitetur, factis & dictis oſtentat. Hæc ideo tuæ tranſmiſimus caritati, ut pernoſcas nullum periculum excommunicationis imminere noſtræ dignitati, & ut uberius, quod ratio poſtulat, obviare poſſis adverſus nos inſurgenti fatuorum temeritati. Nuntium tuum ideo tamdiu retinuiſimus, ut per ſe certum te de his omnibus reddat, utpotè qui viſu vel auditu rei ordinem perfecte recognoſceret. Vale.

Ex Codice Udalrici Bambergenſis No.
CCCXVIII. deſcripſit Mañſi Tom. II.
Supplementi Conciliorum pag. 315.

(*) *Deſiderantur aliqua.*

Alia ejusdem Imperatoris ad Eandem.

HENRICUS, DEI GRATIA, IMPERATOR AUGUSTUS, H. RATISPONENSIIUM EPISCOPO, GRATIAM SUAM ET OMNE BONUM,
UT FIDELI DILECTISSIMO.

Quod Legatos tuos tanto tempore retinuiſimus, nulla alia de cauſa fecimus, niſi quod nec itineris noſtri, nec a Roma aliquam certitudinem tibi mandare potuimus. Nunc dilectioni tuæ intimare decrevimus, Episcopos quosdam, videlicet Aſtenſem, Aquenſem, Placentinum inde veniſſe, non noſtra quaſi Legatione, ſed eorum propria voluntate iſſe, qui tamen veram pacis concordiam inter nos & Papam omni dubietate remota retulerunt, qui etiam nos omnes, Monafterienſem nominatim, Tridentinum, Auguſtenſem, Brixinorenſem, Conſtantienſem, Ab-

batemque Wultenſem Arnoldum, in adventu eorum benedixerunt ore, & oſculo ex ejus parte ſalutaverunt. Ajunt etiam, Dominum Papam nunquam aliquem adverſarium noſtrum Colonienſem, vel Saltzburgenſem, vel Wurtzburgenſem, vel Halberſtadenſem, vel aliquem inimicum noſtrum viva voce, vel literis ſalutaſſe. Moguntinum nec ipſe, nec tota Romana Eccleſia aliter, quam traditorem Dei, & Domini ſui, & totius Chriſtianitatis appellant. Quicquid itaque *Viennensis Wido*, & *Cbuono* contra Imperium, & nos aliquo modo moliti ſunt, deſectatur, ita quod fraterni-

ternitatem ; & gratiam idem *Chuono* etiam apparet amississe. Hoc totum promittit , non per nuntium , sed per se ipsum verum esse probaturum. His aliisque verbis auditis ac pertractatis , cognovimus , te , ut mandavimus , congruo tempore venire ad nos non posse , quod cum maxima festinatione ad præsens ire oportet , sed tamen ubicumque erimus , pro te & vice tua erimus , & tu ubi fu-

eris , pro nobis in persona nostra eris , juvando ac sustinendo , ac defendendo honorem nostrum , & specialiter nepotem nostrum F. aliosque fideles nostros , ut bene appareat te esse inimicum inimicorum nostrorum , & amicum amicorum nostrorum.

*Ex Codice Ulrici Bamberg. N. CCCXVII.
Mansi Tom. II. Supplementi. pag. 317.*

*Adalberti Moguntini Archiepisc. epistola
ad Clerum populumque Bambergensem.*

*Hortatoria , ut ad unitatem cum Gelasio II , Capite Ecclesiæ
Catholicæ redeant.*

SANCTÆ BAMBERGENSIS ECCLESIAE CLERO, PRIMORIBUS ET SUBDITIS, A. (a) DEI REPROPICIANTE CLEMENTIA, MOGUNTINÆ MINISTER ECCLESIAE, RECTA SAPERE, ET UNUM ESSE IN SPIRITU CHRISTI, ET ECCLESIAE CATHOLICÆ.

Intuentes religiosi Cleri hujus honestatem & prudentiam , semper ubique prædicabilem , non facile persuaderi potuit , vos in aliquo exorbitare ab Ecclesiasticæ communionis tramite : maxime cum habeatis Episcopum animarum vestrarum , & oportuerit vos obedire Deo magis , quam hominibus : quia melius est confidere in Domino , quam confidere in principibus , in filiis hominum , in quibus non est salus. Sed nunc , quod tamen dolentes audivimus , ubique a laicis blasphematur , quomodo Romana & Catholica communione postposita , Episcopi quoque vestri exemplo obedientia postposita , aliqui vestrum excommunicatis personis indifferenter communicetis , & promiscue , quæ Dei sunt , reddatis obsequio Cæsaris. Profecto meminisse debetis ; quanta privilegia habeatis a Romana Ecclesia matre vestra & Magistra , quæ si vias vestras gradiens , pro inobedientia perderet vester Episcopus ; sero poeniteret , Episcopali jam officio suspensus. Sufficere autem vobis poterat , nobis quoque satis est , & cuilibet discipulo , si sit sicut Magister ejus ; & evidens est ex-

emplum omnibus , quod Clemens nemini loquitur , cui non loquitur Petrus. Proinde cum hæc , Dei voluntate , semper nobilis Ecclesia inter consortes filias elegantiori & speciali excellat prærogativa , nos , qui , licet indigni , Metropolitanana fungimur cura , vice Beati Petri , non potuimus hoc factum vestrum dissimulare , & pro loco isto non esse solliciti. Tangit etenim nos mutuum debitum , quod majore obligatione inter nos & locum istum est , a die Ordinationis meæ contractum. Si enim inter XV. Moguntini privilegii suffraganeos , oleo benedictionis , tanquam filios Aaron in Sacerdotium suscitandos , cæterorum primogenitis postpositis , solum vestrum in meam benedictionem prælegi Episcopum , quomodo illi non compatiar , ut filius Patri ? Quomodo denique non commonefaciam vos fratres , ut frater primogenitus ? Quod si ille vias vestras vobis ostendit , & de salute & cautela communionis observandæ ab excommunicatis , ut debuit , commonuit , atque ut Sara filium suum Isaac cum Ismaele ludere non permisit , & altero in diversas culturas separato hære-

(a) Adalbertus I. aliis Albertus I, aut senior, Saræpontanus, Cancellarius Henrici V. & primus inter primos ejus præcordialis Consiliarius , electus & baculo & annulo ab Henrico V. investitus 1109. dein in custodia fuit ab 1112. ad 1115. ordinatus Coloniæ festo S. Stephani ab Ottone Bambergensi anno 1117. Obiit anno 1137. 9. Kal. Julii.

hæredem filium infra domum, quæ est Ecclesia, reservavit. Nos quoque in partem Apostolicæ sollicitudinis vocati, fungentes tenore vicis nobis delegatæ, quia scimus anathema excommunicatæ

communione inter vos esse, interdiximus in omni loco hoc Divini officii verbo Domini & Iudicio Spiritus Sancti usque ad satisfactionem vestri Episcopi.

Udalricus Bambergensis No. 290.

Idem Adalbertus scriptis literis ad Concilium invitavit Eginonem Abbatem S. Udalrici Augustanum. Has literas profero ex Udalrici in narratione de controversia inter Hermannum Augustensem Episcopum (quem in *Concilio Colonienfi sacra Communionem privatum litera illa innuit*) & Eginonem, vulgata a Canisio.

Invitatoria ad Synodum Frideslariensem anni 1118.

SANCTÆ AUGUSTENSIS ECCLESIAE FILIUS ET FRATRIBUS CUM E. ABBATE S. UDALRICI, ARNOLDUS (a) MOGONTINÆ SEDIS MINISTER INDIGNUS, FRATERNAM DILECTIONEM CUM ORATIONE.

Quod proxime a Domino Prænestino, Romanæ Sedis Legato Apostolica auctoritate denuntiatum fuit vobis, nos quoque eandem denuntiamus vobis: sed quia hæc neglexistis, nec vos, nec ille, quem dicitis Episcopum vestrum, Sancto Concilio interfuitis, ipsum quidem, quia jam diu a Domino Papa Episcopali & Sacerdotali suspensus est officio, communione Corporis & Sanguinis Domini usque ad satisfactionem privatum esse sciatis: vos autem adhuc nostra intercessione dilatos, idem tamen subituros, nisi Sancto Concilio Frideslaræ V. Kal. Augusti celebrando Abbates & Prælatos Ecclesiæ

vestræ interesse faciatis. Quod quidem, sicut in mandato accepimus, Apostolica auctoritate & nostra præcipimus. Præterea super querela illius vestri Adalberti nos eadem firmasse, quæ Apostolicam Sedem fecisse cognovimus, fraternitati vestræ notificamus. Adulterum enim & adulteram, & omnes consentientes excommunicavimus. In qua damnatione vester dictus Episcopus non excipitur, quia non faciendo justitiam patienti injuriam, consensum crimini adhibere probatur.

*Canisius Tom. III. antiquarum Lctionum
Parte II. pag. 14. novæ edit.*

(b) Adalbertus, corrige.

*Epistola G. Episcopi ad F. (a) Archi-Episcopum
Coloniensem. Adversus Invasorem Ecclesiæ Leodiensis.*

DOMNO ET PATRI SUO F. COLONIENSIIUM ARCHI-EPISCOPO,
G. (b) DEI GRÁTIA, ID QUOD EST VIRILITER ET CONFORTARE
IN DOMINO.

DE Leodiensis Ecclesiæ, sororis nostræ, nefaria invasione, execrabili oppressione, fama quidem prius, sed nuper litteris vestris cognovimus. Ad ejus consolationem, sicut monuistis, quia præsentiam nostram tam celeriter exhibere nequivimus, sententiæ nostræ

litteras Sanctitati vestræ destinavimus. Videtur nobis hoc facinus quidem omnibus Ecclesiis dolendum, maxime autem Matri nostræ, cunctisque filiabus ipsius lamentandum: tum, quia in filia incestus hic contingit; tum, quia in Provincia hac malum hoc accidit, ubi primum,

(a) Fridericus ab anno 1099. ad 1131. Coloniensem rexit Ecclesiam. Videtur hæc Epistola scripta occasione Alexandri Archi-Diaconi & Sacristæ, qui mortuo Orberto Præsule, Leodiensem Episcopatum numerata pecunia ab Henrico V. Rege emit, sed non obtinuit. Nam eo expulso, ordinatus est Fridericus, vir sanctissimus. *Martene.*

[b] Gotescalcus, Osnabrugensis Episcopus, ut suspicor, ejusdem Provinciæ cum Leodiensi Ecclesia, quam vocat sororem suam, sub uno Metropoli Colonienfi.

Supplement. Tom. III. Concil. Germ.

E e e e e

num, & maxime hoc tempore, pro vindicanda Ecclesiæ libertate concertatum est, & jam bonæ spei fructus sperari potuit. Sed, O invidiosa antiqui hostis circumventio! instanti certaminis agone jam circa boni cursus consummationem repentino casu totius Ecclesiæ faciem nequissimus hostis tanta ignominia offudit; ut rorem nostram intrusus hostis macularet, imo quod sceleratius est, filius Matrem opprimeret. Meministis historiarum veteris, quomodo filii Jacob pro Dina sorore sua oppressa Sichem

filium Emor Evei, habitatoresque illius, licet in Legem illorum transire volentes & jam circumcisos, tamen faventes, ob stuprum sororis necaverunt, eo quod scdam rem operatus est in Israël, & violata filia Jacob rem illicitam perpetrasset. Simili quoque forma pro sororis nostræ oppressione, iusto animadversionis zelo succensi . . . *Reliqua invidet manus temeraria, quæ ipsa abrafit.*

*Martene & Durand Tom. I. amplissima
Collectionis pag. 642.*

Epistola Calixti Papæ II. ad Fridericum

Archi-Episcopum Coloniensem.

*Significat ei Concilium in Autumno Remis celebrandum pro felici
Ecclesiæ statu.*

CALIXTUS EPISCOPUS, SERVUS SERVORUM DEI, VENERABILI
FRATRI F. COLONIENSI ARCHIEPISCOPO, SALUTEM ET APOSTO-
LICAM BENEDICTIONEM.

Quamdiu mundi huius Pelagum navigamus, necesse est, ut tempestates, & collisiones fluctuum patiamur, unde magnam Nos oportet habere custodiam, ut commissi nobis Navigii cursum sic, præstante Domino, dirigamus, quo ad quietis portum cum navis & . . . integritate pertingere valeamus. Esto igitur providens, frater carissime! atque sollicitus, sicut cæpisti, circumspice, quoniam præsto est Dominus Deus noster, qui ventis & mari potenter imperat, & subito tranquillum facit. Novimus quidem Domini & Ecclesiæ inimicos adversus Ecclesiam posse latratus emittere; illud autem omnino nec Divinis, nec humanis legibus reperitur, ut ab aliquo Sedes Apostolica iudicaretur, nedum ab illis, qui Ecclesiæ iudicio condemnati sunt. Verumtamen ne populus Domini alicujus blanditiis, persuasionibus, fallaciis seducatur, si quis adversus ecclesiam Dei se habere confidit, ad (a) Concilium, quod in

proximo Autumno, circa Remos per Dei gratiam celebraturi sumus, accedat. Ibi enim Magistri Ecclesiæ, Viri Religiosi & sapientes intererunt, ibi de statu Ecclesiæ tractatus habebitur, ibi Ecclesiæ status, cooperante Domino, consurget, & hostilis incurio destruetur, & ibi, præstante Domino, sufficiens dabitur cum Patrum auctoritate responsio. Constante igitur age, strenue miles Christi, atque in propositi stadii certamine, donec ad bravium pervenias, currere non desistas. Penitus etiam caveas, ne pessima investorum à tyranno illo putredine, tua sinceritas contingatur. Pugnator enim fortis Dominus tecum est, neque nostrum tibi consilium & auxilium deerit, quod nobis misericordia divina contulerit. Datum Anicii XVI. Kalendas Maji.

*Martene & Durand. Tomo I. amplissima
Collectionis pag. 651. ex MS. Col-
bertino.*

(a) Illud Concilium celebratum fuit XIII. Kalendas Novembris MCMXIX.

Epistola

*Epistola Friderici Archiepisc. Coloniensis,
ad Ecclesiam Leodiensem.*

*Mandat, ne intrusum per Simoniam nominatione Regia in Sede
Leodiensi recipiant.*

FRIDERICUS, DEI GRATIA, SANCTÆ COLONIENSIS ECCLESIAE
HUMILIS MINISTER: LEODIENSIS ECCLESIAE ARCHI-DIACONIS, PRÆPOSITIS,
DECANIS, SCHOLASTICIS, CANTORIBUS, OMNIBUSQUE CATHOLICIS, A
PROPOSITO SANCTO NULLIUS NECESSITATIS OCCASIONE DECLINARE.

EX autoritate Evangelica, *neceſſe eſt*,
ut veniant ſcandala, ut dum revelatur
ſilius perditionis, manifeſti ſiant, & pro-
bati, quotquot præordinati ſunt in ſor-
tem ſupernæ retributionis. Unde frater-
nitatem veſtram præmonentes pia ſolli-
citudine monemus, obteſtamur, & præ-
cipimus ex debito Sanctæ Obedientiæ, ut
(a) recipiatis (b) Regiæ intruſionis violen-
tia ſub nomine designati Episcopii ad vos
venientem: quia temeraria inſaſione ſe-
dem noſtram, quantum in ipſo fuit,
privavit Archi-episcopali honore, voſ-
que contempſit, quibus imponi voluit

ſine Canonica electione, non veritus
prævenire Symoniaca ambitione indu-
cias electionis veſtræ denominata die præ-
ordinatas, quas veſtra eccleſia expetiit,
& Sedis noſtræ autoritas conceſſit. Igi-
tur in promptu habentes ulciſci omnem
inobedientiam, in ipſum, & in omnes
ipſius ſequaces vel eidem communican-
tes paravimus anathematis ſententiam, a
qua liberari deſideramus fraternitatis ve-
ſtræ obedientiam.

*Martene & Durand. Anecdotorum T.I.
pag. 376. ex MS. S. Trudonis.*

(a) *Supple:* non.

(b) Alexandrum Simoniacum intruſum.

*Epistola Cononis Episcopi Prænестini,
ad Fridericum Archi-Episcopum Coloniensem.*

Scribit ei, poſſe Regem ab eo excommunicari.

CONO, PRÆNESTINUS DEI GRATIA EPISCOPUS, ET APOSTOLICÆ
SEDIS VICARIUS, VENERABILI FRATRI FRIDERICO COLONIENSI ARCHI-EPIS-
COPO, ANIMÆ SUE DIMIDIO, GAUDIUM ET LÆTITIAM IN SPIRITU
SANCTO.

DEnuntiamus vobis in Nomine Do-
mini, ut non cito moveamini a
vetro ſenſu tam dictis pseudofratrium
noſtrorum, quam aliorum dicentium,
non pertinere ad vos excommunicare Re-
gem; quia nec Rex Nobis commiſſus,
nec de Parrochia noſtra eſſe viderur.
Quibus ex ore Domini Papæ efficaciter
reſpondemus, quia etſi nobis Parrochiali
Jure commiſſus non fuerit, auctorita-
te tamen Spiritus Sancti & Sanctorum
Patrum pro tanto ſcelere merito excom-
municare debuimus: attendentes, quod

B. Ambroſius Theodoſium Imperato-
rem Romanum ſibi non commiſſum,
licet non Papa, non Patriarcha, non
Eccleſiæ Romanæ Legatus, excom-
municavit pro ſcelere, quod non in Pa-
rochia ſua, ſed Theſſalonice commiſe-
rat. Quidam falſi fratres mandaverunt
Nobis, quod pax eſſet inter vos & Re-
gem, ſed Dominus Papa, nec nos credere
voluimus, quouſque vos videremus.

*Martene & Durand. Tom. I. ampliffimæ
Collectionis pag. 664. ex MS. S. Ger-
mani a Pratis.*

HALBERSTADENSE PLENUM CONCILIUM.

Anno Christi MCXX. Callisti II. Papæ II.
Henrici V. Reg. XIV. Imp. X.

Reinhardus, Episcopus Halberstadensis, confirmat Monasterio in Chaldenbrunen bona atque prædia, quibus a fundatore suo Wichmanno Comite, Ecclesia fuit dotata anno MCXX.

IN NOMINE SANCTÆ ET INDIVIDUÆ TRINITATIS.
REINHARDUS, DIVINA FAVENTE CLEMENTIA, ANTISTES
HALBERSTADENSIS.

NOverint omnes Fideles tam futuri, quam præsentēs, virum nobilem Wiemannum, cognatum meum, prædia sua, pro remedio anime sue, nec non dilectæ conjugis, omniumque parentum suorum, cum omnibus utilitatibus, que modo, vel amodo inde provenire poterint, Ecclesiæ nostræ principali ad altare Proto-Martyris STEPHANI contulisse, eo videlicet tenore, ut de eodem prædio, in loco, qui dicitur Chaldenbrunen, Apostolicam, scilicet communem, & canonicam vitam, Deo opiculante, instituerem. Hec autem tam suo, quam earum Provinciarum jure, in quibus hæc sita sunt, Saxonie scilicet, & Thuringie, ipsæmet stabilivit, in legitimo placito, se Comite pro tribunali sedente in Borelstedde, me præsentē & Comitibus Lodhewico & Wicherto, & utrorumque filiis Comitibus, & Sizzone, ceterisque suis compatriotis. Similiter autem consummata, bannoque Adalberti Moguntini Archi-Episcopi indissolubiler firmata sunt in Erphesphorde, me præsentē, & Episcopo Spirense Brunone, omnibusque supradictis, presentibus quoque suis heredibus & devote laudantibus, Ecberto Clerico, Heremanno ac Guncelino laicis. Hæc sunt prædia: in Hiwenbuke & Crhavenestorp X. mansi & dimidiis, & vinea. In Holdenstede VIII. mansi, & vinea. In Helpede IV. mansi, & vinea. Et Erdesthorp XI. mansi. In Surthardesthorp II. In Rovekesthorp I. In Paneckendorp III. In Seburch dimidiis. In Roldesthorp I. In Asseve dimidiis. In Asendhorp I. In Dulne xxxvii. In Ludeffe xxxiii.

mansī: exceptis aliis jugeribus, que supersunt: & I. Molendinum, in Storquice VII. mansi. In Zoullice XIV. In Namelikesdhorp XXX. In Esfekendorp dimidiis. In Querenvorde dimidiis. Hæc sita sunt in Episcopatu Halberstadenſi, & Comitatu Palatini Comitſ Friderici. In Coscebodhe VIII. mansi. In Modhelwice V. In nova villa juxta illam VI. In Dhretis I. In Dhroganice IV. In Butine XIV. In Ruceſcheſece XII. Hi L. mansi ſiti ſunt in pago Orlan. In Lengevelt VII. In Dhurnevelt IX. In alio Dhurnevelt I. In Rothorp VIII. In Vurthern I. In Thovbeche X, & I. molendinum. In Suegeſtede V. In Urankenhufen II. Panſtadhes. Hæc prædia ſita ſunt in Episcopatu Moguntino in Thuringia. His igitur predictis prædiis Ecclesia Sancti Johannis Evangeliste in Chaldenbrunen primum est dotata. Reliquorum vero bonorum suorum cum clientibus Moguntine & nostre Halberstadenſis Ecclesiæ contradidit ad eam justiciam, qua meliores earundem Ecclesiarum fruuntur, nec non cognatis & amicis, quibus voluit. Præfate igitur Ecclesiæ omnimoda statuimus libertate & quiete, quatenus inibi Deo famulantes, a quibuslibet nulla prorsus gravamina patiantur. Decernimus etiam Dei famulis ibidem regulariter viventibus liberam electionem, quatenus quemcunque sanioris consilii fratres de eodem, sive de alio Monasterio ejusdem ordinis ad sedem eam elegerint, Episcopi consensu statuantur. Super hunc ergo locum, & omnia eidem pertinentia, neminem Episcopus Advocatum constituat, nisi quem Prepositus

situs petierit, nec idem, præter statutum ab eadem ecclesia, quicquam exigit: nec Advocatiam diutius obtineat, quam utilitas ecclesie postulaverit, & Preposito placuerit. His omnibus, ut dictum est, oblati, idem vir nobilis dignus adhuc, immo holocaustum Domino dulcissimum, semetipsum obtulit, relictis, que possedit, omnibus, factus est egenus, egeni discipulus.

Si quis igitur contra hoc decretum, quod abbat, temere venire temptaverit, & secundo, terciove commonitus, non resipuerit, ipsum perpetuo anathemati deputamus. Ceterum prefato loco iusta servantibus, beneficiisque ac defensione adstipulantibus, Divina retributio recompenfer, ac celestis benedictio in presenti & futuro multiplicet. Amen. Hoc statutum auctoritate Beati Petri Apostolo-

rum Principis, & Domini Pape, & sicut ipse ante nos suo banno & privilegio in Remensi stabilivit Concilio, & nos stabilimus, ac nullo modo mutandum sub anathemate obligamus. Hanc vero cartam jam conscriptam, ego Reinhardus manu propria corroboraui, meoque sigillo insigniri iussi. Data XVI, Kal. Maji anno Dominice Incarnationis MCXX. Indict. xiii. Anno autem Ordinationis Domini Episcopi Reinhardi XIV. Actum in Halberstat, pleno Concilio in Cena Domini, Papa Calixto II, Mogontino Archi-Episcopo, & Romanæ Sedis Legato Adelberto, Halberstadenfi Episcopo Reinhardo, primo Preposito Thidmaro, & primo Advocato Wichberto, feliciter. Amen.

Ludewig Reliquiarum Tomo X. pag. 134.
ex quo Mansi Tom. II. Supplem.

CONCILIIUM COLONIENSE

Anno Christi MCXXI. Callisti II. (a) Papæ III.
Henrici V. Reg. XVI. Imp. XI.

SUMMA. Fridericus, Archi-Episcopus, in acquisitum ab Comite de Ara Monasterium Steinfeldense introducit Canonice Professionis regulares viros.

IN NOMINE SANCTÆ ET INDIVIDUÆ TRINITATIS.

Sciat & memoriter teneat tam futura, quam præsens Ecclesia, quod ego FRIDERICUS, Dei gratia, licet indignus Coloniensis ecclesie Archi-Episcopus, considerans Prædecessorum meorum piam in cultu Divinitatis devotionem, optavi ipsorum imitator fieri in opere, quatenus mererer consortium eorum in retributionem.

Itaque inter cætera adverti, Canonice Professionis regulam, ab Apostolicis viris diligenter observatam, deinde a Venerabili Patre AUGUSTINO & doctrina intimatam, & usu approbatam, postremo modernis

temporibus in Ecclesia Christi longe lateque pullulantem. Itaque huius tam antiquæ institutionis, & novellæ plantationis aliquas cupiens arbusculas inferre, unde speciales fructus possem quandoque decerpere, acquisivi de Comite THEODORICO DE ARA, meo fideli, & unius mecum hac in re devotionis ac propositi, Monasterium Steinfeldense, situm in pago Eifela, in Comitatu ipsius præfati fidelis mei, cum omnibus pertinentiis suis, quod erat juris ipsius, a progenitoribus suis constructum; sed per negligentiam eorum, (b) qui Rectores ejus videbantur, pene annullatum, in quo devotionis meæ

E e e e 3 quod-

(a) Hoc anno Burdinus Antipapa sub larva Gregorii VIII. captus, ludibrio publico expositus, in Monasterium cavæ densus, & Callistus II. summo gaudio in urbem Romanam introductus fuit.

(b) In Monasterio Steinfeldensi Moniales Benedictinæ primo institutæ, ad laxiorem observantiam sub suis Præpositis deflexisse coarguuntur. Hinc Fridericus in earum locum ex Canonis Springirsbacensi, Treverensis Diocesis, Canonicos hic loci substituit, qui postea fama Sanctitatis S. Norberti allecti, Præmonstratensem habitum, & regulam, jam a Papa approbatam, assumpserunt, quo anno, incertum est.

quoddam jacerem fundamentum, majora superedificaturus, ipsius praeunte gratia, qui adjuvando prosequitur, & aspirando praevenit. Inito igitur consilio cum *Fidelibus meis, cum Clero, & Abbatibus meis, & Laicorum suffragiis*, institui inibi congregationem regularium Canonicorum, & quantum in me fuit, perpetuo mansuram constitui; hoc, ex petitione ipsius jam dicti Comitis adjiciens, ut si quis meorum successorum, vel alia quaelibet persona praedictum Monasterium a Professione regularis propositi, per me instituti, transfulerit vel destruxerit; haeredes ejus liberam habeant facultatem, ipsum Monasterium in sua recipere, & juri suo, sicut antea erat, mancipare. Porro, ipsos Canonicos inibi servientes, visum est nobis immunes facere, & liberos omni subjectione Chor-Episcopi, Praepositi, vel Decani, ut nihil cuiquam obedientiae debeant, nisi mihi, & successoribus meis Catholicis, & in unitate Ecclesiae persistentibus &c.

Ad firmamentum itaque gestae rei jussimus eam litteris traditam, ad posterorum notitiam transmitti, quas solemnem impressione sigilli nostri roboratam (*), au-

[*] lege: roboratas.

toritate quoque *Banni Episcopalis* confirmavimus. Ad amplioris etiam firmitatis inculcationem subnotata sunt nomina testium, qui huic traditioni interfuerunt.

Henricus Praepositus majoris Ecclesiae.
Egkbertus Decanus ejusdem Ecclesiae.
Hermannus Praepositus S. Gereonis.
Henricus Praepositus de SS. Apostolis.
Theodoricus Praepositus de S. MARIA.
Adelardus Praepositus S. Andreae &c.

Liberi: { Henricus Comes.
Otto Comes.
Hermannus Comes.

Quodsi post tot & tanta maximarum rerum firmamenta quisquam ex his demere aliquid, vel mutare, vel acta cassare temptaverit; fiat ei sicut Aman Agagitae, sicut Agach Amalahithae, sicut Chore destructori, sicut Judae proditori: a forte Sanctorum alienus efficiatur, cum diabolo, & angelis ejus, aeternis ignibus cruciandus reservetur.

Actum Coloniz in celebri Conventu Cleri & populi. Anno Domin. Incarnat. MCXXI. Indictione I.

Ex Archæo Abbatiae Steinveldensis, descriptis Cl. Schannatus in codice Probationum Efficacie illustrata Tom. I.

Epistola Synodica ex Wormatiensi Conventu ad Pontificem.

Epistola Adalberti Archi-Episcopi Moguntini, ad Calixtum Papam secundum.

CALIXTO, BEATISSIMO DOMINO SUO ET PATRI, UNIVERSALIS ECCLESIAE PONTIFICI, A. DEI GRATIA ET SUI MISERICORDIA, QUIDQUID EST, DEBITAM CUM OMNI DEVOTIONE OBEDIENTIAM.

IN multis & magnis persecutionibus & angustiis haecenus positi, quotiens de persona Domini Imperatoris scripserimus vestrae Majestati, quid vobis placeret, quid Principes nostri sentirent, in qua demum sententia convenissent; non dubitamus recordari vestrae discretionis beatitudinem, & in his omnibus per literas, & nuntios vestros cognovimus circa haec maxime semper versari vestrae pietatis desiderium, ut Apostolica dispensatione vestris potissimum diebus pax & concordia descenderent in universum mundum, si tamen ita eam pacem Imperator & daret, &

& susciperet, quod honorem Dei & matris Ecclesiae non obfuscarer, acceptaque Dominis ac Patribus nostris Cardinalibus, qui in idipsum de latere vestro ad nos missi sunt, totius consilii & ingenii nostri vires in hoc contraximus, ut tam generale bonum ad communem Ecclesiae & Regni utilitatem non differretur ulterius. Sed quia tam imperium, quam Imperator tanquam haereditario quodam jure baculum & annulum possidere volebant, pro quibus universa laicorum multitudo Imperii nos destructores inclamabat; nullo modo potuimus his Imperatorem exuere, donec com-

communi quique consilio, cum his, qui aderant, fratribus & Dominis Cardinalibus, huic periculo nostro compatiens inde inde Ecclesiæ censuram verentibus, & ob hoc vix nobis assentientibus, omnes pariter sustinimus, quod in ipsius præsentia Ecclesia debeat & electionem facere: nihil in hoc statuentes, nec per hoc in aliquo, quod absit, Apostolicis institutis & Canonicis traditionibus præjudicantes, sed totum vestræ præsentia & vestræ deliberationi reservantes; immobilia enim per omnem modum, & fixa esse præcepta non dubitamus, quæ ad tuendam & corroborandam libertatem & Ecclesiæ æterna Lege sancita ipse tamen Imperator parum attendens, quanti periculi laqueum per vestram misericordiam evaserit, & quod utcumque concessa sibi potestas adhuc impediat. Igitur judicia vestræ discussionis in Legatorum vestrorum præsentia, quantum ea abusus sit ex eis impeditus cognoscere poteritis. Quo circa si per hujus . . . eandem . . . sive gravorem Ecclesiæ Dei debet sustinere, seu virtutem, solum hoc restat, ut pro palma victoriæ de cetero subjecta sit ad despectiones ignominia. Hæc non ideo dixerimus, quod per nos vestra excellentia circumspecta in omnibus præmuniri possit. Sed quia siue

sub vestra auctoritate libertatem Ecclesiæ desideramus. Itaque Majestatis vestræ genibus provoluti tam suppliciter, quam iuste deposcimus, ut in fratrem Episcopo Rokkero opus Ecclesiæ agnoscere dignemini, & quem ipsa libere & Canonice ad hunc apicem promovit, misericordia vestra confirmet & prohibeat expulsione itaque suffocatur libertas Ecclesiæ, quod laicus quidam adhuc occupat ipsius sedem, & dissipando episcopatum persequitur, & destruit, qui fideles qui ultimis omnium annulo & baculo investire non abhorruit, sub ipso articulo exterminandæ excommunicationis. Propterea memorem esse decet clementiam vestram in servitio & fidelitate Sanctæ Romanæ Ecclesiæ Patrimoniis & beneficiis suis adhuc proscribuntur omni cartulae perferendæ commisimus, & alia complurima desiderantur in hoc Sancto Concilio, quæ ad vos ipsi pertulissimus, nisi ægritudine ut noverunt Cardinales, præpediremur, & nisi alpium asperitas, & tot locorum angustia ante periculum his præcipue diebus malis nobis incussissent. Desiderio enim faciem vestram videre desideramus antequam ab alterutrum viam universæ carnis ingrediamur.

Martene veter. Monument. T. I. pag. 671.

Ex quo Mansi T. II. Supplem. Concilior.

pag. 345.

CONCILIIUM LEODIENSE

Anno Christi MCXXIV. Callisti II. Papæ VI.

Henrici V. Regis XIX. Imp. XIV.

PRIMUM SUB ALBERONE EPISCOPO.

SUMMA. Albero, Leodiensis Episcopus, Ecclesiam Cornelii-montis liberam constituit, & Synodi generalis auctoritate confirmat.

IN NOMINE SANCTÆ ET INDIVIDUÆ TRINITATIS.

NOtitia simul & memoriæ tam posterorum, quam præsentium commendatum esse volumus, quod ego *Albero, (a)* Dei misericordia Leodiensis episcopus, Ecclesiam Sanctorum Apostolorum in Cornelio-monte sitam, sub ma-

nu episcopali, sicut erat, ex quo dedicata fuerat, liberam omnino constitui; & in Synodo generali, quam primam in Ecclesia *S. Lamberti*; Deo largiente celebravi, iudicio & auctoritate Synodalis sententiæ eandem libertatem banno confirmavi.

(a) *Albero, frater Ducis Lovaniensis Godefridi, sedit ab anno 1139. ad 1145. teste Foulone in Historia populi Leodiensis, hinc a Strivagienti annotatus annus Concilii 1124. suspectus est: forte legendum 1144.*

vi. Hujus confirmationis testes & co-operatores sunt Præpositi & Archidiaconi: *Andreas, Henricus, Alexander, Almannus, Steppo, Syffridus* Archi-Presbyter de Sancta Maria, & cæteri Canonici S. Lamberti, dein Abbates: *Oubbertus* de S. Jacobo, *Robertus* de S. Huberto, *Rodolphus* de Sancto Trudone, cæterique Abbates & Decani tam claustrales, quam Parochiales, cum Clericis & Presbyteris, sed & laici nobiles & Principes,

Comes Namurcensis, Godefridus Comes, Otto de Kincii, alique tam liberi, quam de familia S. Lamberti innumerales, & ut compendio dicatur, omnes fere sunt testes hujus rei, qui eidem Sanctæ Synodo interfuerunt. Actum hoc est anno Dominicæ Incarnationis MCXXIV. indictione secunda, regnante Henrico quinto Imperatore Augusto.

Illmus Stivagiensis Annal. Præmonstrat. Tom. I. columna 283.

CONCILIIUM MONASTERIENSE

Anno Christi MCXXV. Honorii II. Papæ I.
Henrici V. Reg. XX. Imp. XV.

SUMMA. Fundatio Ecclesiæ Capenbergensis, sub Theodorico, Monasteriensi Episcopo, a Godefrido & Ottone fratribus, Comitibus Capenbergensibus, factæ.

IN NOMINE SANCTÆ ET INDIVIDUÆ TRINITATIS.

THEODORICUS (a) Monast. Ecclesiæ, Dei gratia, Episcopus, notum fieri volumus tam præsentibus, quam futuris Christi fidelibus, quod Comes GODEFRIDUS, & OTTO frater ejus, pro salute animarum suarum obtulerunt se, & quædam sua DEO, & Beatæ MARLÆ semper Virgini, & Beatorum Apostolorum choro, omnibusque Sanctis: videlicet, castrum Capenbergense, quod jure allodii possidebant, cum aliis allodiis, curiis & mansis *Verne, Nette, Alsfeden, Heile, Capenberg*, cum universis usibus earum, scilicet pratis & pascuis, viis & inviis, rivis & irriguis, molendinis, & nemorosis & campestribus, tradentes hæc in manus fratris *NORBERTI* ad usum & necessitatem fratrum, tam præsentium, quam futurorum, ibidem Deo servientium, secundum Apostolica instituta &

secundum regulam Beati Augustini sub disciplina & Magisterio prænominati fratris Norberti. Ego vero THEODORICUS, supradictus Monast. Episcopus, rogatus a Colonienfi Archiepiscopo, & a supranominatis fratribus Ottone & Godefrido, & ab universo Canoniorum ibidem degentium Collegio, XVIII. Kal. Septembris in die scilicet Assumptionis S. Dei Genitricis semper Virginis MARLÆ, per Pontificale officium, habentes cooperatorem Spiritum Sanctum, castrum, & ejusdem castri ambitum, solemnem consecrationem vertimus & immutavimus, ut exinde esset, sit, atque permaneat immunitas atque cæmeterium, jacentes in eodem Ecclesiæ fundamentum, assignantes eidem Ecclesiæ prædicta allodia in dotem perpetuam. Post hæc autem, brevis elapsi temporis intervallo, & aucto fra-

(a) Theodoricus de Wintzenberg, nepos Ducis Saxonie, Monasteriensi Ecclesiæ præfuit anno MCXXI. Diu cum Burchardo, cujus partes Henricus Cæsar tuebatur, pro pacifica possessione contendit. Burchardo mortuo in Legatione ad Constantinopolitanum Imperatorem, per Lotharium Saxonie Ducem & Comitem de Wintzenberg suæ Ecclesiæ restitutus est cum exercitu valido, ut civium & ministerialium Ecclesiæ, nullo modo Theodoricum pari volentium, pertinacia comprimeretur: reparationi structurarum, & reformationi morum tunc plurimum necessaria, instituit, perfectique ad bonum modum, prius quam vivendi finem faceret. Prid. Kal. Maji. Anni MCXXVII. migravit ab hoc sæculo. *Vide Crantzium Metrop. L. VI. & Chronic. Ornaburg. apud Meibom.*

fratrum ibidem collegio, GODEFRIDUS & OTTO, supradicti Germani adhuc in habitu positi militari, de alodiis, quæ tunc hæreditario jure possederunt, Mengede, Curedæ, Sorbec, Wifele, Welsheim cum mansis & mansionariis, viis & inviis, pratis & pascuis, nemorosis & campestribus, & cum universis usibus & appenditiis suis, & justitiis earum, supradictæ Ecclesiæ Capenbergz, servisque & ancillis Dei ibidem constitutis, coram Tribunis in statutis, placitis, in usus perpetuos contradiderunt & transfuderunt, suasque dationes, & oblationes in Synodo nostra renovaverunt, & banno nostro sibi firmari postularunt. Ea autem, quæ Deo oblata sunt, sacrorum attestacione Canonum, sacra esse perhibentur. Unde qui ea Deo auferre, & ad suum usum retinere præsumunt, sacrilegii, & æternæ damnationis rei esse convinctur. Ea propter quicumque temerario usu, Deo & fratribus jam dictam Ecclesiam & curtes, vel aliquid de supradictis possessionibus auferre præsumperit, cum fratribus nostræ Ecclesiæ Prælati & Sacerdotibus in Provincia nobilium & Ecclesiæ Ministrorum, vinculo anathematis, usque quo respiscat, innodavimus. Ut autem hæc tam a futuris, quam a præsentibus rata habeantur, & hoc ordine legitime gesta & firmata esse credantur, bulla nostra affig-

namus, & ut perpetuo inconvulsa permaneat, vinculo banni nostri in virtute Spiritus Sancti firmavimus. Actum vero est anno Millesimo centesimo vigesimo secundo; confirmatum vero anno ejusdem Incarnationis Millesimo centesimo vigesimo quinto.

Testes primæ Traditionis *Adolphus* Comes de *Altena*, *Wigboldus*, *Bruno* tribunus, *Veneræ*, *Emunt*, *Franco*, *Lambertus*, *Reginbold*, *Bertolf*. Confirmationis vero, quæ facta est in Synodo, testes *Bruno* Præpositus, *Ruthbertus* Decanus, *Engelbertus* Custos, *Gerhardus* Magister, *Helmwardus*, *Gunttramus*, *Volkmarus* de Sancto Mauritio, & omnes Canonici & Sacerdotes, qui Sacræ Synodo tunc interfuerunt. Nobiles vero *Rudolphus* & frater ejus, *Bernardus Vern*, *Bernard*, *Heremah*. Ministeriales vero *Walterus*, *Tbiesmarus*, *Bruno*. Præterea firmavimus eis allodium, *Spethorpe*, quod nobilis quidam *Emundus* in sua conversione eidem Ecclesiæ tradidit. Sed & mansum *Halla* & mansum *Laudare*, quos de alodiis suis ministeriales nostræ Ecclesiæ *Lambertus* & *Sucter* supradictæ Ecclesiæ contulerunt. Conservatoribus & defensoribus hujus paginæ, & rei gestæ, pax a Deo Patre, & peccatorum indulgentia; violatores vero & defraudatores ejus sint anathema.

Ilmus Stivagiensis Annalium Præmonstratensium Tom. I. pag. 368.

CONCILIIUM HERBIPOLENSE

Anno Christi MCXXVIII. Honorii II. Papæ IV.
Lotharii II. Regis III.

SUMMA. Embrica, Wirtzburgensis Episcopus, fundat Cænobium Cellæ superioris.

IN NOMINE SANCTÆ ET INDIVIDUÆ TRINITATIS.

NOverit tam futuri, quam præsentis ævi concio, quod Ego Embrico, Dei gratia Wirtzburgensis Ecclesiæ Præsul, ex Divina suggestione volens habere partem in consortio illorum, quibus vivere Christus est, & mori lucrum, pro remedio animæ meæ, consilio & consensu ejusdem Ecclesiæ tradidi, & per manum advocati Goteboldi confirmavi

Joanni & Henrico fratribus, & cæteris cum ipsis Deo famulantibus in loco, qui dicitur *Cella*, fundum ad ædificandum Oratorium S. Michaëlis Archangeli, cum clauistro & cæteris officinis, communem vitam agentibus, necessariis, videlicet fundum Parochialis Ecclesiæ cum toto suo cœmeterio, ac totam curiam episcopalem idem (a) Ecclesiæ adjacem-

(a) forte: eidem.

rem. Insuper contradidi eis in eodem loco quatuor manfos cum mansionariis & mansuris, quæ vulgo dicuntur *Meza*, & cæteris appenditiis. Ad hoc etiam de Salica terra nostra dedi eis ibidem trans flumen *Mogunt* aream, ad ædificandam curtim unam, quam appellant *Forewe-reck*, & tres manfos legitime mensuratos. Dedi eis etiam quatuor piscatores cum cunctis utilitatibus, & unum molendinum, accepto ab eis pro his omnibus, ex consilio Ecclesiæ, æquo concambio, videlicet curia una in civitate nostra versus Ecclesiam majorem sita, quam ante memoratus supra, frater Joannes jure proprietatis possederat, ejusdem Ecclesiæ Canonicus existens: insuper duodecim vinearum jugeribus, quæ sunt in loco, qui dicitur *Steinbach*. Ut autem hæc omnia sine contradictione in proprietate sempiterna possideant, Divina & Apostolica statuimus auctoritate, quatenus pro nobis, & pro nostris successoribus ejusdem Ecclesiæ Præsulibus, preces propitiationis Deo & Beato Archangelo offerant. Noverit insuper, & fideliter recolat omnis tam futuri, quam præsentis ævi Christi Ecclesia, quod eandem memoratam Ecclesiam Parochialem a majoris Ecclesiæ fratribus, ad quorum præbendam tunc cum suis perlinuerat, appenditiis, pie ad digne Deo offerentibus per manum Præpositi sui Ottonis, libere ac sine contradictione eis tradendam suscepi, eo pacto, ut in eadem villa aliam pro eo instauraremus, sive ut aliquam ejusdem Parochiæ Ecclesia-

rum, si hoc magis commodum videretur, matrem faceremus aliarum. Hanc autem traditionem Divina auctoritate confirmantes, hujus paginæ seriem sigilli nostri impressione signavimus, præcipientes, & sub anathemate perpetuo omnibus interdicentes Christianis, ne quis contra eam venire, impetere, sive destruere præsumpserit; sed firma & inconcussa permaneat omnibus ævis, auctoritate Omnipotentis Dei & Beati Petri Apostolorum Principis. Testes, qui præsentibus fuerunt, isti sunt: Clerici: *Otto* Præpositus & Vice-dominus, *Bruno* Præpositus, *Conradus* Præpositus, *Baro* Decanus, *Wortwinus* Decanus, *Ludovicus*, *Conradus*, *Hertwicus*, *Richalmus*, *Grimo*, *Gozelinus*, *Henricus*, *Gehehardus*, *Berengerus*. Laici liberi: *Godeboldus* Comes & Advocatus, *Boppo*, *Goswinus* Comes, *Hermannus*, *Billungus* ministeriales. Et Urbani: *Conradus*, *Radebodus*, *Regenbodus*, *Edelricus*, *Henricus*, *Billungus*, *Comadus*, *Adelbelmus*, *Adelbun Engelbrecht*, cum cæteris fidelibus, Clericis & laicis, quorum aderant plurimi, Divina suggerente gratia devotissimi. Acta sunt hæc anno Dominicæ Incarnationis MCXXXVIII. Indictione VI. Regnante D. N. J. C. Imperante Lothario Rege; scripta quoque & signata, in Nomine Domini confirmata sunt anno ordinationis nostræ tertio. Recitata in Synodo.

Illustrissimus Stivagensis Tomo I. Annal. Præmonstratensium codice. Probationum pag. 382.

EDICTUM LOTHARII IMPERATORIS,

Quo Petrum, Leonis Filium, Antipapam, contra Innocentium II. obtrusum, & illius gregarios jure damnatos edicit A. MCXXXIII.

LOTHARIUS, DEI GRATIA, ROMANORUM REX, REGIBUS, ARCHIEPISCOPIS, EPISCOPIS, PRINCIPIBUS, ET UNIVERSIS DEI FIDELIBUS, AD QUOS LITTERÆ ISTÆ PERVENERINT, SALUTEM.

MAjestatis Divinæ dispensationi & consilio placuit, Nos Patronum ac defensorem Sanctæ Ecclesiæ Romanæ statuere: ideoque necesse habuimus, pro ipsius liberatione propensius laborare. Cum igitur ascitis nobis Archiepiscopis, Episcopis, Abbatibus, Principibus, Ducibus, Comitibus, Marchionibus *Regni nostri*; episcopos etiam, Co-

mites, & alios Barones *Italiæ* nobiscum ducentes, bellico apparatu stipati, ad urbem proficisceremur, nuntios schismatici illius *PETRI LEONIS* frequenter habuimus. Qui nimirum ex parte illius justitiam prætendentes, ipsi in jus ire parato, non debere audientiam denegari; nec hostilibus impugnationibus molestari, publicis clamoribus asserebant.

Diuti-

Diutinis ergo eorum interpellationibus provocati, ipsi episcopis & Cardinalibus, qui cum Domino Papa *INNOCENTIO* erant, significare coacti sumus. Ipsi vero tamquam Canoniarum Sanctionum & Institutionum Ecclesiasticarum non ignari; universam Dei Ecclesiam jam super hoc promulgasse sententiam, *PETRUM LEONIS*, ac complices suos damnasse asserentes, quod erat universitatis, non debere privatum fieri; responderunt.

Nos autem ipsi cum patientia supportantes, & Patrem nostrum Papam *INNOCENTIUM* ad urbem cum gloria duximus; & Lateranensi Cathedrali restitimus, atque in monte Aventino castra metati fuimus. Ibique *PETRUS LEONIS* aures nostras & Principum nostrorum, per Petrum olim Portuensem episcopum, & per alios fautores suos pretendendo justitiam, sollicitare non destitit. Qui etiam munitiones & obsides se nobis daturos ad sufficientiam pro servando iudicio, & viva voce, & litteris promiserunt. Pacem igitur sine effusione sanguinis reformare in Dei Ecclesia cupientes, quæ nobis illi dixerant, fratribus, qui cum Domino Papa *Innocentio* erant, per nos ipsos significavimus. Cæterum ipsi, utpote pacis amatores, de justitia confidentes, tam personas

suas, quam *LEONIS* & filiorum suorum, nec non *CEN. PET. FRAYAPANIS*, & Petri Leonis, & munitiones in manu nostra libere obtulerunt. Adversa vero pars dies redimere cupiens, sub velamine fraudulentarum promissionum nos aliquanto tempore a nostra intentione retraxit. Tandem quia ipsi sæpe commoti implere, quod promiserant, noluerunt, tamquam fallaces & perfidi, & tam Divinæ, quam Regiæ Majestatis rei, cum Petro Leonis, ejusque complices damnati sunt, & hostes a Principibus nostræ Curie judicati. Videlicet *Norberto* Magdeburgensi, Cancellario nostro, & *Adalberone* Bremensi Archiepiscopis, & *Philippo* Oseburgensi, (b) *P. Adelbronnen*si, An. (c) *Brandenburgensi*, & *Bernardo* Parmensi, *Robaldo* Albeni, *Ottone* Astensi, *Oberto* Cremonensi, *Guidone* (d) *Yponensi* episcopis; & *Abbatibus*, *Henrico* Fuldeni, *Alberone* (e) *Noemburgensi* & *Luneburgensi*; *Proceribus*, *Alberone* & *Henrico* Marchionibus; *Otbone*, *Sagifredo* Vexillifero, *Herimanno*, *Willelmo* de Lomello, *Gotbone* de Marchvingo, *Hildebrando* & *Taucredo* de Prato Comitibus, & *Alberto* de Castello.

Ex Tomo III. Spicilegii D'acheriani pag. 485. 486.

Anno 1133. Natalem Domini Rex Lotharius in Longobardia celebrat: in territorio Pisanorum apud Calcinariam habuit cum Pontifice colloquium, quem Romam introducit II. Kalendas Martias. Pontifex in Palatio Lateranensi hospitatur: Lotharius in monte Aventino castra metatur: *Curiam indicit*, in qua Anacletus, ejusque complices, cum sæpe commoti, implere, quod promiserant, noluerint, tanquam Divinæ & Regiæ Majestatis rei damnati fuerunt.

Observa Natalem Domini, de quo supra, spectare ad annum 1132. nostro stilo; sed a quibusdam Scriptoribus illius ævi, a Natali Domini annus 1133. inchoabatur.

Anno 1133. die IV. Junii, quæ erat Dominica III. post Pentecosten, Lotharius & Richenza uxor Imperiali corona redimiti fuere ab Innocentio II. in Basilica Lateranensi. *Annalista Saxo* & *Otto Frisingensis* in *Chronico* Lib. VIII. Cap. 18.

Coronam Patriciam a nobilitate Romana sibi oblatam in oppido S. Germani accepit die exaltatæ S. Crucis in 2do itinere Italico.

Coronam Regni Italici nec Modici, nec Mediolani suscepit, iudice *Cimo Mascovio*, e quo hæc scribo.

(b) lege: Bernardo Paderbornensi.
(d) Guidone Eporedienfi.

(c) lege: Anselmo Havelbergensi.
(e) seu Nuenburgensi.



CONVENTUS BABENBERGENSIS

ANNO CHRISTI MCXXXV. INNOCENTII II. PAPÆ V.
LOTHARII II. REGIS X. IMP. II.

*Fridericus, Sueviæ Dux, reconciliatur Imperatori interventu
Episcoporum.*

ANNO MCXXXV. interfuit Conradus Archi-episcopus Salisburgensis Conventui Babenbergensi die XVI. Kalendas Aprilis, ubi Fridericus Sueviæ Dux, qui hæcenus obsequium derectaverat, ad Imperatoris gratiam redire studuit interventu Moguntini, aliorumque Præfulum: attamen aut non potuit plene concordia refici, aut certe paulo post recruduit(*), ut infra patebit. Quinam Comitibus assederint, quum alibi non legerim, pulchre intelligitur ex diplomate Lotharii, quod ibidem pro Monasterio *Mallersdorff* edidit; cuius subscriptio talis est. Huic rei interfuerunt *Dietwinus* Cardinalis Episcopus de titulo S. Rufine, *Adalbertus* Moguntinus Archi-episcopus, *Conradus* Saltzburgensis Ar-

chi-episcopus, *Conradus* Magdeburgensis Archi-episcopus, *Adalbero* Hameburgensis Archi-episcopus, *Wito* Bifuntinus Archi-episcopus, *Otto* Babenbergensis Episcopus, *Henricus* Rarisbonensis Episcopus, *Regimarus* Pataviensis, *Gebhardus* Eystettenensis, *Embricho* Wirtzeburgensis. *Henricus* Dux Bavariz, *Dietpoldus* Marchio, *Adalbertus* Marchio, *Henricus* Marchio, *Wilhelmus* Palatinus, *Fridericus* Palatinus, *Otto* Palatinus, *Udalricus* Dux, filius *Engelberti* Ducis (nempe *Carinthiz*) Data anno Dominicæ Incarnationis MC. tricesimo quinto. Indictione III. XVI. Kal. Aprilis. anno vero ordinationis Domini Lotharii Regis tertii X. Imperii vero II. Actum Babenbergz.

(*) forte: discordia.

Credibile est, Conradum etiam deinde, cum Cæsare Quidelinburgi celebrasse Pascha, ac postea Magdeburgi Pentecosten, ubi teste *Annalista Saxónico*, Principes Regni coram ipso firmissimam pacem domi, forisque ad decem annos juraverunt.

Hansiz. Germaniæ sacræ Tom. II. pag. 232. in Histor. Archiepisc. Salisburg.

CONCILIIUM VIRIDUNENSE

Anno Christi MCXXXV. Innocentii II. Papæ VI.
Lotharii II. Reg. XI. Imp. III.

SUMMA. Albero (a) Episcopus Viridunensis, introducit Canonicos Præmonstratenses in Monasterium S. Pauli Viridunense.

IN NOMINE SANCTÆ ET INDIVIDUÆ TRINITATIS.

EGO ALBERO, DEI GRATIA, SANCTÆ VIRIDUNENSIS ECCLESIE
EPISCOPUS, OMNIBUS IN CHRISTO PIE VIVERE VOLENTIBUS.

ECce vita brevis spem inchoare longam genus humanum vetat, & casus innumeri, finisque timendus, animam periculis expositam, ad hoc erudendo conducunt, ut fluctuationem suam

in Creatore suo stabilire omnimode studeat; *Finis enim Legis Christus ad justitiam omni credenti, ante cujus tribunal, teste Apostolo, omnes nos manifestari oportet, ut recipiat unusquisque propria corporis, prout gessit,*

(a) Albero, filius Arnoldi Comitissæ de Chineio & Adeleidis Comitissæ de Rouffeio, factus fuit Episcopus anno 1130. post abdicationem URSI, qui ideo Cathedra abiit, ut tumultus & frequentiam populi declinaret, & ad claustrum S. Pauli Viridunensis sacre quietis gratia divertens, vitam ibi religiosam professus, plenus dierum anno 1158. in pace quievit. *Nota Strivagiensis.*

gessit, sive bonum, sive malum. Propter hoc de meritis nostris diffidentes, Divino timore conducti, de temporali vita lucrari æternam vitam desiderantes, ad meliorum, quam nos sumus, patrocinia confugere consilium duximus: ut quibus non est vestimentum, in frigore celsis meritis sublimium virorum operiamur. Est enim operæ pretium, amare servos Dei, etsi necdum ei perfecte servire possumus, honorare pauperes Christi, quamvis ejus nondum pauperes esse valemus. Itaque ut usque ad finem bonum permaneat, quod sine fine a Deo nobis remunerari exoptamus, etiam literis ad notitiam omnium assignare studuimus; quod bonorum virorum consilio, & totius Capituli nostri consensu, fratres secundum regulam Beati Augustini viventes, in Ecclesia Sancti PAULI, quæ sita est in suburbio nostræ civitatis, ponere diffinivimus ad honorem Dei, qui gloriosus est in Sanctis suis, & ad miseriam nostræ excusationem, quos & calamitas ista debilitat, & reproba actio frequenter accusat. Igitur fratres Præmonstratensis Ecclesiæ, qui temporibus nostris spectatæ & laudabilis religionis esse videbantur secundum Canonicum Beati Augustini institutum, eliminata insolentia & irreligiositate habitantium prædictæ Ecclesiæ intronizare curavi. Sic itaque factum est, & de totius ecclesiæ nostræ conventu firmatum, & sic ratum Episcopali autoritate in perpetuum esse censuimus, ut nullus Canonicum ordinem prædictum secundum instituta & mores Præmonstratensis Ecclesiæ, ab illa Sancti Pauli Viridunensis ecclesia convellere, vel in ipsa inquietare, vel alterius ordinis fratres subrogare audeat, secuti decretum INNOCENTII Venerabilis Papæ II. cujus

existat epistola ad Præmonstratensem Ecclesiam, inter alia etiam hæc continens: Statuimus, inquit, ut in ecclesiis vestris, in quibus fratres Canonicam vitam professi degunt, nulli omnino homini liceat secundum Beati Augustini regulam ibidem constitutum Ordinem commutare. Nullus etiam episcoporum futuris temporibus audeat, ejusdem religionis fratres de ecclesiis vestris expellere, nec Professionis Canonice quippiam ex eisdem ecclesiis, aut claustris audeat sine communi congregationis permissione discedere, discedentem vero nullus episcoporum, nullus abbatum, nullus Monachorum, sine communi cautione literarum suscipere. Igitur quod a nobis pia intentione factum est, ne futuris temporibus invidorum fraude conturbetur, ecclesiastica paci & religionis serenitati providentes, sigilli nostri impressione, & testium idoneorum Canonica subscriptione sub anathemate perpetuo confirmamus. Signum mei ipsius Alberonis Viridunensis episcopi, S. Willelmi decani, S. Alberti Primicerii, S. Andreae Archidiaconi, S. Richardi Archidiaconi, S. Joannis Archidiaconi, S. Richeri Archidiaconi, S. Stephani Cantoris, S. Hugonis Thesaurarii, S. Theodini Sacerdotis, S. Rboardi Sacerdotis, S. Salomonis Sacerdotis, S. Odonis diaconi, S. Theodorici diaconi, S. Godefridi Subdiaconi, S. Wirci Subdiaconi, S. Petri Subdiaconi, S. Joannis Subdiaconi, S. Emelini Capellani. Actum Viriduni 4. Decemb. anno Incarnat. Verbi 1135. Indictione 13. Epacta 15. concurrente anno 5. Ordinationis Alberonis Venerabilis Viridunensis episcopi, imperante Lothario Augusto. Ego Herbertus Cancellarius recognovi.

Ilmus Stivagienfis Tom. II. Annal. Præmonstrat. inter Probationes pag. 325.

CONCILIIUM FRISINGENSE

Anno Christi MCXL. Innocentii II. Papæ XI.

Conradi III. Reg. III.

SUMMA. Otto, Episcopus Frisingæ, inducit Præmonstratenses in Schefflarn.

IN NOMINE SANCTÆ ET INDIVIDUÆ TRINITATIS.

OTTO, DEI GRATIA, FRISINGENSIS ECCLESIE EPISCOPUS.

Qualicumque misericordia Domini favente, volens Episcopatus no-

stri diruta instaurare, Religionis femi-
naria plantare, plantata rigare; Præpo-
situram

F f f f f 3

fituram SCHEFFLARN cum universis, quæ Prædecessorum nostrorum largitate, vel Comprovincialium liberalitate, conquisita sunt, videlicet, Ecclesiis, mancipiis, villis, agris, pratis, pascuis, decimis, cultis & incultis, Fratribus secundum regulam Beati Augustini, & consuetudinem Præmonstratensium Fratrum, Deo ibidem servientibus, contrādīdimus. Quædam etiam beneficia nostri Episcopatus eis perpetuo retinenda donavimus. Ecclesias insuper eidem loco adjacentes, scilicet: *Schefflaren, Irsebenhausen, Neufaren, Echboldingen*, utilitatis gratia, cum cura animarum terminando, ad idem Monasterium transmutavimus. Volentes autem Fratrum eorundem iustæ petitioni aurem accommodare, Fratres ibi professos, ne discedant: discedentes, ut nullus recipiat, anathematis vinculo volumus confirmare: adjicimus etiam, ut de laboribus manuum, & nutrimenti animalium eorum, in nostro Episcopatu nullus decimas exigat. Obeunte vero Præposito, nullus, nisi canonice electus, substituat. Advocatum, si intolerabilis fuerit, mutandi facultatem, & qui ibi sepeliri postulaverit, concedimus libertatem. In Ecclesiis ad claustrum eorum pertinentibus, sine petitione ipsorum, Sacerdotes non ponantur. Possessa, vel iuste possidenda, ut nullus surripere audeat, vel eosdem fratres inquietare, aut aliqua exactione infestare præsumat, auctoritate Dei, & nostra, instantissime prohibemus. Hæc autem, ut perpetuo inconvulsa permaneant, quam præfati sumus, auctoritate DEI & Beatæ MARIE,

cujus misericordia ipsi præsidemus, & omnium Sanctorum, nec non & nostra confirmamus, & sigilli nostri compressione munimus: & hujus paginæ nostræ violatores, ut in die extremi examinis cum iniquorum capite, ulticibus flammis perpetuo exurendi involvantur; Deum testem invocamus & Judicem. Eidem vero loco & Patribus iustæ servantibus sit pax, & æterna cum Angelis societas. Amen.

Facta sunt autem hæc in *universali Capitulo* Ottonis Episcopi Frisingæ, subscribentibus ejusdem Ecclesiæ Prioribus, nec non etiam Clericis ac Laicis omnibus consentientibus & approbantibus: anno quidem ejusdem Episcopi II. Dominicæ vero Incarnationis MCXL.

Ego *Archboldus*, Ecclesiæ majoris Præpositus, subscripsi.

Ego *Adalbertus*, Ecclesiæ majoris Decanus, subscripsi.

Ego *Herricus*, Archi-Diaconus & Præpositus Maspurgensis, subscripsi.

Ego *Wichmannus*, S. Andreæ ecclesiæ Præpositus, subscripsi.

Ego *Heinricus*, Reitembachensis ecclesiæ Præpositus, subscripsi.

Ego *Dietramus*, de Cella S. Martini, subscripsi.

Ego *Herrandus*, Archi-diaconus, subscripsi.

Ego *Baltherus*, Burrensis Abbas, subscripsi.

Ego *Sigmarus*, Abbas S. Stephani, subscripsi.

Illius Striagienfis Tomo II. Annal. Præmonstrat. inter Probationes pag. 483.

CONCILIIUM FRISINGENSE

Anno Christi MCXLIII. Innocentii II. Papæ XIII.

Conradi III. Reg. VI.

SUMMA. Otto, Episcopus Frisingensis, fundat Monasterium Neocellense Ordinis Præmonstratensis.

IN NOMINE SANCTÆ ET INDIVIDUÆ TRINITATIS.

OTTO, DEI GRATIA, FRISINGENSIS ECCLESIAE EPISCOPUS,
IN PERPETUUM. AMEN.

Officium nostrum pro viribus executuri in Episcopatu nostro, Religionis incrementa propagare, & bona, quæ videbantur, in melius mutare studuimus.

duimus. Itaque consilio & auctoritate Summi Pontificis INNOCENTII, consensu quoque Cleri & populi Ecclesiæ nostræ, bona, quæ pertinebant ad altaria *Sanctorum Thomæ Apostoli, Leonardi Confessoris, Lamberti Episcopi*, coadunavimus, & ad Ecclesiam Sancti Apostoli Petri dedicandam, in perpetuum, absque alicujus contradictione delegavimus ad usum fratrum, sub regula Beati Augustini ex Ordine Præmonstratensium, Domino inibi famulantium, exceptis decimis arcæ nostræ, quæ antea ad sepulchrum beatæ memoriæ Lamberti Episcopi pertinebant, quæ nos redemimus, agris cultis, pratis & nemoribus. Præterea quædam alia bona in Ecclesia, quæ Beati Gorthardi dicebatur, ad hospitale pauperum pertinentia, transfulimus ad Ecclesiam, in honore Sancti Alexii consecratam, ita tamen, quod & ibidem non alios, sed in usum pauperum ad idem claustrum, sive ad hospitale traditum fuerit, jure æquitatis & nostræ auctoritatis firma ibidem & inviolata in perpetuum manere fancimus. Proinde ne imposte-

rum hoc memoriæ hominum deciderit, scriptis notari, & sigilli nostri impressione signari fecimus, anno ab Incarnatione Domini M.C.XLIII. Indictione VI. Anno autem OTTONIS, Episcopi Frisingensis Ecclesiæ, quinto.

Acta sunt hæc Frisingæ præsentibus & consentientibus his: Ego *Sigmarus*, Abbas S. Stephani, subscripsi. ego *Udalricus*, Abbas Scirensis, subscripsi. ego *Hodoldus*, Præpositus majoris Ecclesiæ, subscripsi. ego *Adalbertus*, Decanus, subscripsi. ego *Herrius*, Præpositus & Archidiaconus, subscripsi. ego *Wichmannus*, Præpositus, subscripsi. ego *Herrandus*, Archidiaconus, subscripsi. ego *Burchardus*, Præpositus Sancti Viti, subscripsi. ego *Henricus*, Custos, subscripsi. ego *Engelscalcus*, Scholasticus, subscripsi. ego *Cbuno*, Parochianus, subscripsi. Cum cæteris Canonicis Frisingensis Ecclesiæ aderant etiam laici testes & Nobiles, ac de Nobilibus Comes *Bertholdus* de Tyrol. *Adelbrecht* de Richershufen, & frater ejus *Hermannus*. *Eberhard* de Hersfenshufen. *Meingo* & *Pilgrim* de Wolmuteshahe. De familia Ecclesiæ *Henrich* Camerarius, & filius *Havinricus*. *Cunradus*, & frater ejus *Fritlo* de Heidolfing. *Sigefrid* de Wolfoltesdorff. *Eberhard* de Hagenowe, & alii quam plures.

Illius Stivagiensis Tomo II. Annal. Præmonstrat. in Probationib. pag. 203.

Rescriptum EUGENII Papæ super Canonizatione Sancti HENRICI Imperatoris.

EUGENIUS EPISCOPUS, SERVUS SERVORUM DEI, VENERABILI FRATRI EGILBERTO (a) EPISCOPO, ET DILECTIS FILIIS, CANONICIS BAMBERGENSIS ECCLESIE SALUTEM ET APOSTOLICAM BENEDICTIONEM.

Sicut per literas & nuntios vestros vobis mandasse meminimus, venerabiles Fratres nostros N. Sanctæ Rufinæ episcopum, & N. Presbyterum Cardinalem, pro diversis negotiis, ad partes illas de nostro latere legavimus, eisque viva voce injunximus, ut ad eccle-

siam vestram accederent, atque de vita & miraculis HENRICI Regis rei veritatem diligenter inquirerent. Nunc autem eorundem fratrum nostrorum, & multorum religiosorum & discretorum virorum attestatione, de castitate ipsius, de fundatione Bambergensis Ecclesiæ, & multa-

(a) Egilbertus Episcopus Bambergensis, obiit anno MCXLVI. ergo ante eum annum collocanda Canonizatio facta ab Eugenio III, qui Romanam Cathedram adiit anno MCXLV. III. Kal. Martii, & obiit A. MCLIII. viii. Idus Julii. Igitur hæc Bulla Eugenii, quæ anno caret, intra A. MCXLV. & MCXLVI. collocanda est. Absentia anni in errorem induxit Baronium, qui ad annum MCLII. hanc Canonizationem retulit.

V. Acta Sanctorum T. III. Julii ad diem 14. ubi hæc Epocha correctæ est.

rum aliarum, quarundam quoque *Episcopatum sedum reparatione*, & multiplici *elemosynarum largitione*: de *conversione Regis Stephani & totius Hungariae*, Domino cooperante per eum facta: de glorioso etiam ipsius obitu, pluribusque *miraculis* post ejus obitum, ad ipsius corporis praesentiam Divinitus ostensis, multa cognovimus. Inter quae illud praecipuum & memorabile plurimum attendentes, quod cum diadema sceptrumque Imperii suscepisset, non *imperialiter*, sed *spiritualiter* vixit: in thoro etiam legitimo positus, quod paucorum fuisse legitur, integritatem *castimoniae* ulque in finem vitae conservavit. Quae quidem nos omnia simul perpendentes, atque devotionem vestram, & Ecclesiae Bambergensis, quae Sanctae Romanae Ecclesiae soli subesse dignoscitur, diligenter considerantes, tamen hujusmodi petitio, nisi in *Generalibus* *(b)* *Conciliis* admitti non solet; auctoritate ta-

men S. R. E. quae omnium Conciliorum firmamentum est, petitionibus vestris acquiescimus, atque ejusdem memorabilis viri, cujus exaltationem requiritis, fratrum nostrorum Archi-episcoporum & episcoporum, qui praesentes aderant, communicato consilio, memoriam inter Sanctos de cetero fieri censemus, & anniversariam ipsius diem solenniter celebrari constituimus. Vestra itaque interest, sic in S. R. E. obedientia & fidelitate persistere, & sic ei dignae devotionis obsequiis respondere, ut ampliori *Beati Petri* & nostra gratia digni interveniamini. Datum trans Tiberim pridie Idus Martii.

Gretserus Tomo X. novae editionis p. 534. ex Apographo Bambergensi, ex quo Hoffmann. & alii.

Bullarium Romanum Cherubini Tomo I. sed ad annum 1152. quem errorem supra indicavimus.

Gerhardus, Successor Egilberti in Cathedra Bambergensi, anno 1147. solenni caeremonia Reliquias S. Henrici elevavit, & ad honoratiorem marmoreum tumulum transtulit, quae latius describunt *Hagiographi Antverpienses Loco citato pag. 716. & seqq.*

(b) Observatio Card. Lambertini, seu Benedicti XIV. *Lib. I. De Servorum Dei Beatificatione. Cap. X. haec est*: Quamvis ex hac Decretali EUGENII III. & similibus Urbani II. Callisti II. & Alexandri III. Bullis constet, vitam & miracula Canonizandorum in Concilio GENERALI perpendenda, & perpenſa fuisse, antequam eorum fieret relatio in album Sanctorum: certum tamen esse videtur, plures alias Canonizationes illis iisdem temporibus, quibus nonnullae in CONCILIIIS GENERALIBUS factae sunt, extra Concilium factas fuisse: qualis est haec S. Henrici, item illa Leonis IX, qui Sanctos Wolfgangum, & Erhardum, Ratisponenses Episcopos, extra Concilium Sanctorum numero adscripsit.

SYNODUS HILDESEMENSIS

Anno Christi MCXLVI. Eugenii III. Papae II.
Conradi III. Regis IX.

*Bernardus Episcopus Monasterium S. Godehardi multis redditibus
dotat & auget.*

IN NOMINE SANCTE ET INDIVIDUE TRINITATIS.

BERNARDUS, DEI GRATIA, ET BEATE MARIE SEMPER VIRGINIS
DIGNATIONE, SANCTE HILDESEMENSIS ECCLESIE EPISCOPUS.

Conditoris mei beneficiis justum est, me nullatenus ingratum existere; quinimo honorificentie ejus per administrationem mei Pontificalis officii ecclesias exstruere; exstructas vero, ut Divinis laudibus juxta illustrentur, fidei sollicitudine procurare. Unde notum

facio universis Christi fidelibus, futuris, quam presentibus: Qualiter pro Beatissimi Patroni nostri, videlicet, Sancti Godehardi Pontificis honores ampliando, & Patrocinio promerendo, itaque pro anime mee remedio, communicato fratri meorum, aliorumque Christi fidelium

delium consilio & auxilio, locum quendam extra murum civitatis nostre in Australi parte situm, quarto Presulatus mei anno excolere cœpi, quem Divino honori & Sancte MARIE Virginis, & Sancti Godehardi episcopi & Confessoris venerationi specialiter attulavi, videlicet locus cum adherente sibi ab Aquilone prato, a quodam ministeriali Ecclesie nostre, Theodorico nomine; jure proprietatis antea possessum, mihi ab eo cum omnibus pertinentiis suis ad hoc ipsum assignatus est consensu heredis sui filii, videlicet Thiderici, impensis eis xxiv. librar. argenti, & curte una in Luisbeke: lxx. vero marcis pro molendino in eodem loco secus ripam fluminis Inderste posito. Verum quoniam idem dignus Deo Confessor ante Pontificatum in monachica professione laudabiliter conversatus est, visum est mihi valde competere, ut in loco specialiter illi dicato Divine servitutis religio sic ordinaretur, quatenus quicumque ibidem Deo militatur aggregarentur, secundum regulam S. Benedicti in monachici ordinis professione instituantur. Eapropter jactis in eodem loco templi fundamentis, quasdam Religiosas monachici ordinis personas ibi coadunavi, quibus etiam abbatem prefeci, nomine Fridericum. Hoc igitur mee devotionis studium, Deo, ut speramus, mediante inchoatum, ut rectum, & inconsummum in posterum permaneat; ejusdem Dei & Domini nostri auctoritate, & Beati Petri Principis Apostolorum, Sanctique Godehardi, ac nostra, Divina nobis dignatione concessa potestate, in perpetuum stabilimus, & confirmamus, statuentes, ut nullo deinceps tempore vel locus ipse a quolibet cujusunque dignitatis persona in alios usus redigatur, vel alterius ordinis professioni subiciatur; sed monachicæ professionis religio ibidem perpetuis temporibus irrefragabiliter observetur. Decernimus etiam, ut defuncto ejusdem venerabilis loci Abbate, sive ab officio Prelationis, quacunque iusta occasione canonice amoto, fratres ejusdem Cœnobii liberam habeant facultatem, secundum regulam Beati Benedicti in paternitatis honorem, quamlibet idoneam personam eligendi de suis, si reperita fuerit,

sin autem, ex alio quovis sui Ordinis monasterio: de rebus autem utensilibus (a) defuncti nulla habeat licentiam quolibet persona, Monasterio quicquam abstrahere, in suos usus redigere. Preterea in sustentationem servorum Dei, qui vel nunc ibidem in Dei servitio conversantur, vel in futurum per Dei gratiam sunt colligendi, predia aliquanta pro nostra adhuc possibilitate delegavi, quedam ex hereditate mea, nonnulla ex oblatione fidelium data vel empta. Aliqua etiam, que Ministeriales Sancte MARIE in beneficium receperant, mihi ab eis sunt resignata, que novello illi cœnobio jure perpetue proprietatis possidenda concessio (b) suorum subscriptionem diligenter facere curavi. In Luisbeke vi. mansus; in Oldendorff i. mansus, sed hunc dimidium cambivit Adelbertus ministerialis meus dimidio mansu in Luisbeke. Ad novam novam, que Schirwold dicitur, vi. mansus; in Einem iii. mansus & dimidiis; in Suthere juxta Hamelen viii. jugera; in Rodtessen i. mansus; in Schwichelde v. mansus; in Liefstringe i. mansus; in Hattendorp i. mansus; in Merisdorp iv. mansus; in Bethmare viii. mansus; in Wanningerroth v. mansus; in Lidinge vii. mansus; in Hogeringeroth i. mansus; in Grondstede ii. mansus; in Rinckeleve i. mansus; in Dorcistede iii. mansus, quos cambierunt fratres nostri Canonici principalis Ecclesie iii. mansus in Werre: item in Werre i. mansus; in Menstede juxta Asle i. mansus; in Ittenere i. mansus; in Hollo ii. mansus; in Hene ii. quorum unum dederunt Canonici Sancte MARIE in cambio pro mansu in Beningen; in Wateshusen molendinum; in Dungen iii. mansus; in Westenem ii. mansus; in Dedeghusen viii. mansus; in Holthusen juxta Bodentein viii. mansus; in Waldereichen ii. mansus; in Esetene ii. mansus; in Eddeffenen v. mansus; in Luddingessen ii. mansus; in Sutheren juxta Embrike vii. mansus; in Escherde iii. mansus, quos cambivit Hugo ministerialis meus iii. mansus; in Baittenem; item in Borntenen i. mansus; in Bonningehus i. mansus; in Ettingehus i. mansus & dimidiis; in Banthenhusen ii. mansus; in Hate i. mansus, quem cambivit appositis sex jugeribus prope templum sancte Crucis in territorio nostre civitatis Theodoricus

(a) forte: utensilibus.

(b) Hæc, & plura alia in hoc diplomate, manca sunt.

doricus, Prepositus majoris Ecclesie, manu suo in Huckenem, & prato juxta novellum Monasterium, in parte Australi positum. Hec tamen cambitio specialiter ea de causa facta est mediante me, ut sopiretur querela, quam habere videbatur pro quibusdam jugeris in campo Schirholte positis. Item in Huckenem I. mans. in Harlede XIX. mans. in Ilvese IV. mans. decimam in Nienhusen &c. Sane quoniam eundem locum per intercessionem Beati Godehardi opato futuris temporibus incremento tam in Divine servitutis laudabili amplificatione; quam in possessione prediorum ac decimarum, omniumque rerum necessariarum proficere speramus; predicta ecclesie predia, itemque omnia, quaecunque deinceps idem venerabilis locus concessione Pontificum, largitione regum ac Principum, oblatione fidelium, seu aliis justis modis, Deo donante, poterit adipisci, presentis pagine testimonio communita, firma & illibata semper consistere volumus, eorum, qui ibidem in Dei famulatum aggregati fuerint, necessariis usibus omnimodis profutura. Et quia monachis (c) vite sancta conversatio libertatem & vacationem a strepitu curarum secularium exigit, in hoc quoque sanctis Monachis providentes sanximus, ut ipsi cum Abbate suo ab omni terreno servitio liberi, salvo debito episcopalis obsequii, inoffensa ac debita ordinis sui quiete perfruantur. Unde & in ambitu curie totum, in quo ecclesia illa fundata existit, a jure ac potestate Advocati absolventes, liberum ab omni secularis cujuscunque persone ditione sub manu Abbatis regendum consistere volumus: reliquorum prediorum ecclesiasticorum Advocatum volumus, ut Abbas cum fratribus suis consilio maturiori eligat, eique illorum tuicionem pro salute anime sue injungat, non in beneficium, sed tanquam commissum, permanens ei, si patronus pius fuerit; sin autem, alii committendum, nec in posterum cujuscunque beneficii more transiendum. Si qua igitur in posterum Ecclesiastica, secularisve persona his nostris constitutionibus ullatenus contraire temptaverit, nisi reatum suum digna satisfactione correxerit; sciat se anathematis gladio a Sancte ecclesie

communionem segregatam divine ultioni in perpetuum subiacere. Cunctis autem eidem loco, sua jura servantibus, ipsumque competentem honorem, ac necessariorum subministracione, consilio, aut bona voluntate, vel etiam proprii laboris devotione promovere cupientibus, ipse Deus ac Dominus noster Jesus Christus sue benedictionis gratiam largiatur, ac Sancte Marie Virginis, sanctique Godehardi confessoris intercessione adjutos, ac protectione munitos, eterne beatitudinis gaudiis aggregare dignetur. Ut autem hec omnia rata, firma, & inconvulsa, fixa, & inviolata, & in omnia futura tempora permanent, presentis privilegii conscriptione locum illum & cunctos in eo consistentes, cum omnibus eo pertinentibus, fideliter communi adhibita banni episcopalis auctoritate & sigilli nostri impressione, ac testimonio ammunitio, qui presentes fuerunt, & omnem hujus rei seriem, nec non pariter visam & auditam fideliter noverunt, quorum hec sunt nomina: *Thomas Presbyter Cardinalis de titulo S. Vitalis, Sedis Apostolicæ Legatus. Beneko Decanus majoris ecclesie, Prepositus Sancte Crucis. Borchardus Presbyter, Prepositus de monte S. Mauricii. Bruno Presbyter, Prepositus de monte S. Petri Goslarientis. Rodolfus, Bertoldus, Johannes, Richertus, Johannes Presbyter, Bruno, Odalricus, Hermannus, Anutwinus, Gerlagus, Bernhardus, Ekkehardus Prepositus S. Blasii Brunsvicens. Diaconi. Otto, Werno, Reinoldus, Eilhardus, Esicus, Heremannus, Theodericus, Ekehardus, Bertoldus, Subdiaconi. Hi omnes Canonici Principales Ecclesie. Præterea multi Canonici S. Mauricii & Sancte Crucis intererant. Isti Laici aderant: Bernbardus Vice-Dominus, Haoldus & Arnoldus, Heinricus, Theodericus, Cano, Nidung, Everhard, Luidolf, Eckbertus, Dyko, Iherus, Bruman, Arnoldus, Conrad, Heremich, & multi alii liberi ministriales diversarum Ecclesiarum, qui ad Synodum convenerant. Actum in Hildensem. Anno Dominice Incarnationis M.C.XLVI. Indictione nona, Ordinationis mee sexto. V. Idus Martii in plenaria Synodo.*

Joachimus Barwardus Lauenstein in Historia Diplomatica Episcopatus Hildesim pag. 277. ad 281.

HILDE-

(c) lege: Monachalis.

HILDESEMENSIS SYNODUS

Anno Christi MCXLVII. Eugenii III. Papæ III.

Conradi III. Regis x.

*SUMMA. Bernardus Episcopus Hildesienfis, Cænobium S. Bartholomæi
 Canoniorum Regularium ab Episcopis antecessoribus cæptum,
 dotatum, auget dote.*

BERNARDUS, DEI GRATIA, HILDESEMENSIS EPISCOPUS.

Officii nostri debito exigimur, ecclesiis cure nostre commissis vigilantiori sollicitudine intendere, & ut in posterum auctoritate Pontificali munitiores subsistant, opitulante Domino providere. *Thancberus* itaque religiose conversationis vir, & *Præpositus servorum DEI* regularium in cella Beati Bartholomæi ab Orientali parte civitatis nostre sita in loco, quem ab aque plaudose circumlutione Sultiam vocant indigene, Nos adiens petiit, ut eundem locum privilegii episcopalis carta cum suis pertinentiis muniremus; ne temporibus futuris, qualibet potestate, quod absit, in aliquibus suis utilitatibus immineretur. Eundem sane locellum, demonum prius incurfibus horridum, Beatus *Godobardus* primum incoluit, deinde vir venerabilis *Bruningus*, ecclesie nostre electus, atque ipsius decursu, qua cella ambitur, cum piscatu suo & piscuis, & ecclesie baptismatis in Lulve cum banno suo, novemque mansis in Arberghe, ac tribus areis cum decimis ipsius ville, & molendino, cum omni utilitate sua in piscationibus, pratis ac piscuis, utilitatibusque lignorum, consensu Cleri ac populi, ampliavit. Dominus etiam *Bertholdus* episcopus, reverende memorie predecessor noster, Monasterium ibi dedicans, uno manso in Bretenehin & decima ipsius vici dotavit. Nos quoque aliqua, que ministeriales nostri, beneficii jure possederant, eidem celle adjuncta pro possibilitate nostra contulimus, videlicet in Bredenheim tres mansos, cum decima ejusdem ville. Sunt & alia ejusdem Ecclesie pertinentia quedam a fidelibus Domini oblata, quedam a viris religiosis ejusdem loci Prepositis, ordine sibi succedentibus, a

secularibus comparata, videlicet his: circa locum ipsum fere quinque mansos & areas circumjacentes, cum omni jure spirituali jure & sepultura: in Eggesem septuaginta duo jugera cum tribus areis, in Rersem III. mansos cum area; in Embrike, & in Jelen triginta novem jugera cum area. Contulit præterea Odelricus, Sancte Crucis Canonicus ad utilitatem fratrum, in Brethenem XII. jugera, item in eadem villa mansum cum area, persolventem quatuor solidos hujus monete, ad lumen in capella Sancte Marie. In Senethe XXIV. jugera cum area. In Lereth decimam ville. In Redsen XX. jugera. Idem in eadem villa XL. jugera cum area. In Walkenstede & Luisbeke XX. jugera. In Lubike majori mansum. In Odelim XL. jugera cum area. In Ildehusen XXVII. jugera cum area. Quia igitur justis petitionibus aures Pontificales decet esse faciles, secundum postulationem prenominati Prepositi, locum prefatum cum prediis adscriptis, & omnibus suis pertinentiis, que in presenti habere videtur, vel in futurum cooperante Domino, concessione Pontificum, largitione regum, Ducum, Comitum, vel quorumlibet oblatione fidelium justa quavis occasione potuerit adipisci, servorum Dei usibus profutura in merito Dei & virtute Spiritus Sancti, episcopali nostre auctoritatis banno firmamus, & integra, firma, atque inconversa in omnia tempora manere decernimus. Statuimus etiam, sicut & antecessores nostri statuerunt, ut in eodem loco regularis professionis ordo, & vite communis institutio, hætenus a temporibus Domini Bruningi habita secundum doctrinam Beati Augustini, deinceps immutabiliter observetur, eisdemque fra-

tribus Præpositi sui electio canonica conservetur. Si quis autem mei ordinis successor, aut secularis aliqua persona, quod absit, hec quovis modo infringere, vel immutare, seu locum ipsum quacunque oppressione injusta gravare temptaverit, verbi Divini gladio, nisi resipuerit, & a corpore Domini segregata maledictioni perpetue subiaceat. Ad cuius rei firmamentum cartam hanc conscribi & sigilli nostri impressione fecimus insigniri. Actum in Hildensem anno Dominice Incarnationis Millesimo centesimo XLVII. Indictione XI. Idus Octobris in plenaria Synodo, Anno episcopatus mei XVII. regnante Domino nostro Jesu Christo, cui honor & gloria. Hujus privilegii confirmande conscriptioni, testes presentes fuerunt: Beniko Decanus

Ecclesiæ majoris & Præpositus sancte Crucis, Bruno Præpositus de monte S. Petri Goslarie, Ethelerus Præpositus de Berzingerode, Hertwardus Præpositus de Lammerfpring, Fredericus Abbas de S. Godehardi, Rudolphus Presbyter, Gerlagus diaconus, Bernhardus diaconus, Werno diaconus, & Canonicus majoris Ecclesiæ. Laici vero nobiles: Cono de Arberge, qui & advocatus loci, Haoldus de Burnem, Haoldus de Desfeldissem, Haoldus de Ruden. Ministeriales vero Ludolfus advocatus, Lippoldus frater ejus, Echbertus Camerarius. Hi & alii quam plurimi, qui generali Synodo interfuerint.

Joachimus Barwardus Lauenstein in Historia diplomatica Episcopatus Hildensis a pag. 303. ad 305.

Philippus Archiepisc. Colon. dotat Societatem Fratrum in Nuxia sub habitu Canonico.

IN NOMINE SANCTÆ ET INDIVIDUÆ TRINITATIS.

EGO PHILIPPUS, Dei gratia, Sanctæ Colonienfis Ecclesiæ Archiepiscopus, memoriæ causa conscripto tam posteris, quam modernis pronuntiatum volo, quod de ordine Sacerdotum viri timorati, & qui suis imposteriorum animabus provulum cupiebant, communicato mecum consilio, salutare quoddam, fidumque fraternæ societatis Pactum exierunt^(*): quorum nos providentes unanimati, locum delegavimus, atque dicamus inixæ fraternitati, ut hac in suburbio Nuxiæ, feudo Sancti Episcopi^(**) nostri, cui loco verum Religiosum, & quem communi electum sententia nobis præsentaverunt, præfecimus Sigewinum. Injunximus etiam illi, ut si cæptis Deusnaverit, sub habitu canonico Salvatori militaturus periti prout consilium resque locusque darent, aggregaret; quorum necessitatibus communicare, atque inopiam suis facultatibus relevare, præfati viri fideliter firmiterque statuerunt.

Hujus ergo instituti sicut fautor, ita & cooperator existere cupiens, contuli præfato viro Sigewino, cunctisque sibi, & subditis, & successuris rmo quidem jugera quinque absoluta, liberaque donatione. Item præbendam elemosynalem annuatim facientem siliginis maldra duodecim, & totidem avenæ, quinque solidos Colon. monetæ, maldrum salis, & maldrum pisæ, lignorum quoque plaustra XII. Prædictus vero Sigewinus triginta VI. jugera ab Joanne Decano marcis sex comparavit, quæ cum nobis eatenus solidos sex solverent, & ab his & ab omni prorsus obsequio immunia fecimus, quoad videlicet vivimus, obnixæ a nostris idem fieri petentes successoribus. Communes quoque usus in sylvis & pascuis nostris perpetuo eis concessimus: jugera quoque LXX. in Schleichheim, & Elvenheim XXX, quibus ante inbeneficiati fuerant a nobis Conradus & Arnoldus van der Diefe, & ab his Henricus de Kirschmich, libera illis donatio.

(*) lege: inierunt.

(**) forte: Episcopi.

Philippus Hinsbergicus reversus in gratiam Papæ, egit Coloniam cum Canonicis negotium de distribuendis redditibus inter Canonicos Metropolitanos: divisionem urserunt plurimi. Quatuor veteris Canonici instituti tenaces secesserunt Novesium in grangiam summi Capituli: Gerardus Randeradt, Henricus de Seyna, Druefius de Gymnich, Hildegerus de Dapholt: mansuri tamen membra Capituli Metropolitanæ, & habituri stallum in Choro: pro his hoc Diploma edidit Philippus.

natione confirmavimus, præsentibus terræ nostræ Magnatibus, & id suo iudicio & sententia probantibus & confirmantibus. Resignaverant quippe ille Hennericus quidem Conrado atque Arnoldo filiis suis: exstercaverunt acceptis marcis XIII. & IV. solidis a prædicto Sigewino, & illi nobis assignaverunt, marcis similiter quinque receptis. Horum testes viri honorabiles, & specialiter, quæ subscriptæ sunt, personæ: Bruno major in Colonia Præpositus, Theodoricus major Decanus, Lotbarius Bonnensis Præpositus, Conradus Præpositus S. Severini, Godefridus ab Heinsberg, Theodoricus de

Milendunck, Gerardus de Randerath, Harpe de Helpenstein, Gerardus Colon. Advocatus, & plures alii. Acta sunt hæc anno Dominicæ Incarn. MCLXXXI. Indictione XIV. Alexandro Papa III. Regnante Friderico Rom. Imp. Quæ ut rata & inviolata permaneant, Dei, omniumque Sanctorum, & nostra auctoritate firmamus, & sigilli nostri impressione signamus.

Æternæ igitur damnationis reus sit, qui ex his quippiam vel vi, vel arte infringere tentaverit.

Ex archæo Canonie Novæsiensis communicavit D. Orth Pastor & Canonicus.

CONCILIIUM FRISINGENSE

Anno Christi MCXC. Clementis III. Papæ IV.
Henrici VI. Regis I.

SUMMA. Otto II. Episcopus Frisingensis, confert Ecclesiam in Allershausen Neocellæ Abbatie Ordinis Præmonstratensis.

IN NOMINE SANCTÆ ET INDIVIDUÆ TRINITATIS.
OTTO, DEI GRATIA, FRISINGENSIS EPISCOPUS.

Dispensationes Ecclesiarum, vel Ecclesiasticarum rerum, quæ vel religioforum Virorum petitione, vel perurgente venerabilium locorum necessitate, rationabiliter fiunt, ad notitiam præsentium, & memoriam futurorum de ratione debent pervenire. Quia ergo loca venerabilia summa devotione amplectenda sunt, quia ibi vigent orationes Sanctorum, quorum patrocinii Sacrosancta lætatur Ecclesia, tum quia in eis elemosynæ indigentibus hospitaliter impenduntur; Nos Divino instigante amore, ac mediante FRISINGENSIS CAPITULI Universitate, Ecclesiam, quæ in ALLERSHAUSEN dicitur, fratribus in NOVA CELLA Domino servientibus, pro remedio animæ nostræ ac Prædecessorum nostrorum contulimus, & Episcopali nostra auctoritate stabilimus, ita tamen, ut Præpositus ejusdem loci, vel etiam quisquam de Collegio, Dominum Engescalcum quondam Præpositum, qui jam dictam Ecclesiam a prædecessore nostro, beatæ memorie Domino Alberto, personaliter

tenuerat, quamdiu ipse superest, in nullo conturberet. Fratres etiam, qui de Collegio suo in Sacerdotes ibidem ordinandi sunt, aspectibus nostris debent præsentari, qui & Synodum nostram adæant, & de spiritualibus reddant rationem: qui, si forte mutati fuerint, substituendi nobis denuo præsententur. Quod ut firmum sit, & ab omnibus ratum habeatur; præsentem paginam conscribi, ac sigilli nostri impressione jussimus insigniri. Actum est autem, assidentibus solemniter Frisingensis Ecclesiæ Cathedralis Bertholdo Decano, Albinone Sancti Castuli Præposito, Cunrado Sancti Andree Præposito, Ortwinio Sancti Sixti Præposito, Cunrado Custode, Friderico Præposito, Cunrado Sancti Viti Præposito. Anno Domini MCXC. Indictione VIII, Anno Pontificatus nostri VI. feliciter. Amen.

*Almus Stivagiensis Tomo II. Annalium
Præmonstratensium inter Probationes
pag. 203.*

G g g g g 3 CON-

Otto II. hoc nomine, successit Alberto in Cathedra Frisingensi anno 1184, & obiit anno 1220. Stivagiensis.

CONCILIUM MOGUNTINUM

SUB CONRADO SABINENSI EPISC. ET ARCHI-EPISC. MOGUNTINO.

Anno Christi MCXCI. Cœlestini III. Papæ I.

Henrici vi. Reg. ii. Imp. i.

Fundatio Præposituræ Conradstorffii.

IN NOMINE SANCTÆ ET INDIVIDUÆ TRINITATIS.

CONRADUS, DEI GRATIA, SABINENSIS EPISCOPUS, MOGUNTINÆ SEDIS ARCHI-EPISCOPUS, IN PERPETUUM.

EX injuncto nobis a Deo Sacri Pontificatus officio, tenemur quidem omnibus Christi fidelibus, pio charitatis affectu adesse, specialiter autem Ecclesiis Dei, & ad nos respectum habentibus Ecclesiasticis personis, quæ sub regularis observantiæ disciplina Deo devotius obsequuntur, cum opportunum fuerit, debemus & volumus consilii & auxilii nostri administriculum libenter impendere. Ea ducti consideratione, notum fieri volumus tam futuri, quam præsentis ævi Christi fidelibus universis, quod fidelis noster ac dilectus *Hartmannus* de Budingen, Cœnobium in *Conradisdorff* a suis parentibus, & ab ipso, summa cum devotione contractum, cum omnibus possessionibus suis, quas vel nunc possidet, vel impoſterum possidebit, Ecclesiæ Moguntinæ contradidit. Præterea suis studiis accedentibus & consiliis, matrix Ecclesiæ in *Glauburg* præfato Cœnobio collata est in hunc modum: *Hartmannus* de Budingen jus investiendi, quod in eadem Ecclesiâ ab *Henrico* de Hagenowa in beneficio tenuit, eidem *Henrico* resignavit: deinde *Henricus*, rogatu nostro, jus investituræ, quod ipse super eadem Ecclesiâ a nobis feudali jure tenebat, nobis resignavit: postmodum eandem Ecclesiâ ad nos libere & legitime sic translata, de consensu Archi-Diaconi *Conradi*, Sanctæ Mariæ ad Gradus in Moguntia tunc Præpositi, præfato cœnobio contulimus perpetuo possidendam, eo libertatis tenore; ut quo ipsa Præpositura de manu Archi-episcopi confertur, Archi-Diaconus nullum jus Synodale in eadem Ecclesiâ habeat, sed tantum ille, quem in officio Præpositi in Cœnobio in *Conradisdorff* contigerit præesse. Sciendum quoque, nos decimas illorum

omnium novalium, quæ infra terminos jam dictæ Parochiæ fuerant excolenda, eidem Cœnobio contulimus, & si qua novalia ibidem fratres Domino fervientes, propriis manibus, vel sumptibus laboraverint, nullas inde decimas persolvent. Insuper sciendum, quod *Hartmannus* de *Budingen*, quamdiu vixerit, ejusdem Cœnobii advocatiam habebit, post obitum vero suum, quicumque in genere suo proximus hæres fuerit, advocatus erit, sine feodo tamen advocatiæ, & sine omni utilitate, tantum ad defensionem loci ejusdem & protectionem destinandus; & si forte advocatus Cœnobio in aliquo gravare attentaverit, advocatiâ ad Dominum transeat Archi-episcopus, qui tunc Moguntinæ præfidebit Ecclesiæ, nec licebit Domino Archi-episcopo eam alicui infeudare, vel Præposituram ab Ecclesiâ Moguntina alienare.

Hæc omnia in præsentia & sub testimonio Ecclesiæ nostræ eo modo, quo jam diximus, ordinata sunt a nobis in generali Synodo Moguntina præfidentibus. Si quæ igitur in futurum Ecclesiastica, vel sæcularis persona, hanc nostræ constitutionis paginam infringere attentaverit, nisi secundo vel tertio commonita, respuerit, & digne satisfecerit; auctoritate Dei Omnipotentis, & Apostolorum Petri & Pauli, Apostolicæ Sedis, Beati Martini, & nostra, anathemati subiaceat, & cum *Dathan* & *Abiron*, quos terra vivos absorbit, accipiat portionem. Testes sunt *Arnoldus* major Præpositus, *Burchardus* Præpositus S. Petri, *Wernerus* Præpositus S. Stephani, *Worduntinus* Præpositus S. Victoris, *Conradus* Præpositus S. Mariæ ad Gradus, *Henricus* major Decanus,

canus, Rucherus Custos, Petrus Scholasticus, Godefridus Cantor.

Majoris Ecclesiæ Canonici.

Henricus, Fridericus, Ruchardus, Conradus, Sifridus, Conradus Archi-presbyter, Simon Cellarius, Gerbodo, Henricus, Bertoldus, Decanus S. Petri, Theodoricus Cantor, Ricbardus Decanus S. Stephani, Wernerus Scholasticus, Wernerus Cantor, Emilus Decanus S. Victoris, Henricus Scholasticus, Embrico Decanus S. Mariæ ad Gradus, Gissebertus Cantor, Henricus Abbas S. Albani, Hezechijs Abbas S. Jacobi, Godefridus Abbas de Blin-

denstad, Gebehardus Abbas S. Disiboldi, Benedictus Abbas de Monte S. Joannis.

Laici.

Gerlacus Comes de Wildenzin, Emercho Comes Irftus, Bertoldus Comes de Nidec, Wernerus Comes de Widenchinslein, Hardardus de Merenberg, Reinbardus de Dorneld, Henricus de Hagnoma, Cuno de Mynzenberg. Acta sunt hæc anno Dominicæ Incarnationis MCXCI. Indictione IX.

Illmus Stirvagiensis Tomo I. Annalium Præmonstratensium, codice Probationum pag. 452.

CONCILIIUM COLONIENSE

Anno Christi MCXCIV. Cœlestini III. Papæ IV.
Henrici VI. Reg. v. Imp. IV.

SUMMA. Adolphus, Colonienfis Archi-Episcopus, omnia bona Monasterii Fussenich in protectionem suam suscipit.

IN NOMINE SANCTÆ ET INDIVIDUÆ TRINITATIS.

ADOLPHUS, (a) DIVINA FAVENTE CLEMENTIA, S. COLONIENSIS
ECCLESIAE ARCHI-EPISCOPUS, UNIVERSIS IN CHRISTO FIDELIBUS TAM
PRÆSENTIBUS, QUAM FUTURIS IN PERPETUUM.

EX dignitate, quam Divina gratia in nos contulit, tenemur, Ecclesiis, quæ ad nos respectum habent, paterne prospicere, & nostram diligentiam inclinare, ut accipiant rerum exteriorum, & religionis augmentum. Notum sit itaque præsentibus & posteris, Monasterium Dominarum in Vossenich, in quo sancte & religiose Deo servitur, a nobis petiisse & impetrasse, ut universa, quæ ad illud pertinent, nobis sint specialiter commissa, & nostra gaudeant protectione contra omnes molestias & violentias quorumcunque hominum. Sicut promissimus, sic per Dei gratiam nos speramus facturos, gladio utroque spirituali & materiali religiosam domum sanctarum fororum efficaciter protecturi. Si qui ergo immemores salutis animarum, fororibus prænominatæ domus, violentiam vel injuriam intulerint, non solum iram Dei merebuntur incurrere, sed & nostram indignationem sustinebunt tanto graviores, quanto majori dilectione

amplectimur domum toties nominatam. Hæc autem in protectionem nostram suscipimus: curtim in Werenzenrode cum omnibus appendiciis suis; in Hertbene curtim unam, in Trosdorp curtim unam, in Putbze XL. jurnales, in Luicbzeim curtim unam, in Dinto curtim unam, in Burvenich curtim unam, in Valendale curtim unam, in Budendorp curtim unam cum vineis, in Alffbe curtim unam cum vineis, & alia bona, quæ nunc possident, & postmodum justis modis obtinere poterunt. Priorum consilio discerere, & maturo ita ordinatum est, & nostro consensu ad hoc favorabiliter inclinato, ut nostri successores in familiari sua protectione bona religiosarum fororum semper habeant propter coerendam malorum malitiam, quæ de die in diem in malo accipit incrementum, & ubi non coercetur, ibi magis diffunditur. Ur autem hæc rata & inconvulsa permaneant, redacta sunt in scriptum, & nostro communita sigillo & banno. Acta sunt anno

(a) Adolphus de Alrena, Brunonis prædecessoris sui nepos, seu consobrinus, ex majoris Ecclesiæ Præposito eligitur Archi-Episcopus Colonienfis anno 1193.

anno Dominicæ Incarnat. MCLXXXIV. Indictione XII. Testes hujus rei sunt: *Ulricus* Decanus, *Conradus* Xantenſis Præpoſitus, *Bruno* Bunnenſis Præpoſitus, *Godefridus* Præpoſitus S. Gereonis, *Theodoricus* Præpoſitus Sanctorum Apoſtolorum; Decanus de Gradibus, *Udo* in Majori Eccleſia ſecundus Decanus, *Rudolphus* Scholaſticus. Nobiles: *Heinricus* Dux de *Limburgh* & filius ejus, *Henricus*

de *Walenberg*, *Henricus* Comes de *Seyna*, & frater ejus *Everbardus*, *Reimerus* de *Froitzbech*, *Gerardus* de *Toneberg*. Miniſteriales: *Hermannus* Advocatus, *Hermannus* Camerarius, *Gerardus* de *Wolmutbotine*, *Wilhelmus* *Schilling*, *Otto*. Datum Colonia Kal. Martii, anno Pontificatus noſtri primo.

Ilmus *Stravagienſis* Tom. I. *Annal. Præmonſtrat.* cod. Probation. pag. 571.

SYNODUS VERDENSIS

Anno Chriſti MCXCVII. Cœleſtini III. Papæ VI.
Henrici VI. Reg. VIII. Imp. VI.

SUMMA. *Rudolphus*, *Verdenſis* Episcopus, *Monasterium* vetus prope *Buxtehuden* ſecundum regulam S. *Benedicti*, a viris nobilibus *Henrico* & *Herlago*, & *Henrici* uxore, *Floria* de *Buxtehude*, fundatum cum multiplici dote approbat in Synodo generali.

IN NOMINE SANCTE ET INDIVIDUE TRINITATIS.

RUDOLPHUS, DIVINA FAVENTE CLEMENTIA, VERDENSIS ECCLESIE EPISCOPUS, CUNCTIS CHRISTI FIDELIBUS TAM FUTURIS, QUAM PRESENTIBUS SUMMUM BONUM ET TEMPORALE COMMODUM.

QUotiens a nobis illud petitur, quod religioni & honestati convenire dinoscitur, animo nos decet libenti annuere, petentium desideriis congruum impartiri suffragium. Ideo est, quod universalitati vestre significare dignum duximus, quod duo uterini fratres *Heinricus* & *Herlagus* viri nobiles de loco, qui *Buxtehude* dicitur, & ejusdem *Henrici* uxor, devota Matrona, *Floria* nomine, cum religioso quodam Monastica professionis viro, *Sigebando* nomine, ad nos venientes supplici nobis devotione significaverunt, in votis se firmiter habere, ut de patrimonio suo Canonium & Congregationem Sanctimonialium in predicto loco *Buxtehude*, qui Ecclesiastico jure ad nos pertinet, fideliter construerent, si nos in hac causa propicios cooperatores sibi invenerint. Aderat etiam *Hermannus* Archidiaconus in *Holdenſtede* tum pro Deo, tum pro illorum nobilium dilectione, Altare & bannum in *Buxtehude* ad hoc nobis promptus resignare, ut in augmentum operis Dei inibi conferremus. Habito itaque super hoc negotio VERDENSIS CAPITULI, imo totius Ecclesie nostre consilio, iustis eo-

rum petitionibus clementer annuere, & honestum suum propositum, ea conditione promovere discrevimus, si jus Patronatus ejusdem loci, quod ad eos pertinebat, *Verdenſi* Ecclesie simul cum advocatia super bona & homines ejusdem Ecclesie libere vellent conferre. Ordinationi igitur nostre predicti nobiles consentientes, & centuplam mercedem a Deo expectantes, una cum consensu illustris *ADOLFI*, Comitis *Stadenſis*, oblationum suarum devotionem impleverunt. Ad hujus igitur negotii promotionem, & majorem apud homines firmitatem obtinendam, *Joanus* vir quidam honestus, Vice-Comitis illius temporis fungens officium, convocata liberorum virorum multitudine, apud villam, quæ *Lütmerdesdorpe* dicitur, placitum indixit, ubi eo, pro iudice Vice-Comitis, sedente, jam sepe dicti nobiles unanimi consensu super *ſcrinia Sancte Marie*, *ſanctique Laurentii*, quæ *Hermannus* *Verdenſis* Canonicus, quem ad hujus negotii executionem vice nostra illuc mileramus, & *Sigebandus* minister loci per medium exhibuerunt, jus Patronatus predicti loci Ecclesie *Verdenſi*, simul

mul cum advocatia Ecclesie in *Buxtebude*, nihil in his sibi retinentes, libere obtulerunt; ac molendinum Orientale & totam curtem, areas & terram ab Ecclesia Sancti Petri usque ad antiquam structuram Sancte *Marie* in monte eidem Cœnobio contulerunt; alterum vero molendinum sibi retinuerunt. Item omnem terram & solitudinem juxta *Eschedam*, versus Orientem de villa *Buxtebude*, usque ad *Hollandros* cum omni jure contulerunt. Obtulerunt etiam eidem fratres ex consensu suorum heredum, predictæ Ecclesie bona quædam juxta *Saferam*, quinquaginta modios avenæ solventia, & tria jugera juxta *Eschedam*, recompensans manfos, ab antiquo Ecclesie collatos in villa *Maltbeme-re*, quas *Aloericus* Ecclesiæ *Verdenfis Ministerialis*, ab eo in beneficio obtinuit. Has ergo donationes, sine contradictione factas, *Inanus* predictus Judex ex sententia adfessorum suorum, confavorabili acclamatione populi, predictæ Ecclesiæ *Regio hanc* confirmavit. Prælatorum igitur nostrorum & eorundem nobilium, aliorumque fidelium nostrorum consilio statuimus, ut nullus episcopus, nullus unquam ejusdem loci Prepositus, advocatiam alicui in beneficio præster, sed, si aliquando opus advocato habeat Prepositus, virum commodum & utilem, consensu Episcopi sui, sibi ita eligat, ut, si forte pro casu temporis gravis & inutilis esse cœperit, ipso amoto, alter, si voluerit, idoneus substituatur. His itaque peractis per manum *Hermani*, *Verdenfis Canonici*, nostram vicem gerentis, & altare & bannum in *Buxtebude*, que nobis *Hermanus*, Archi-Diaconus in *Holdenstede* in Synodo, feria quinta ante Pascha *Verdis* habita, ad hoc resignaverat, sepe dicte contulimus Ecclesie. Decimam quoque super novalia prememorata de *Buxtebude* usque ad *Hollandros*, ab altero predictorum fratrum nobis resignatam, memorate similiter contulimus Ecclesie. Postmodum, quia misericors Deus in cœptis suorum fidelium operum semper præstat incrementum, Domina etiam *Floria* consensu heredum suorum, Ecclesie in *Buxtebude* unam contulit domum, continentem quatuor manfos infra villam *Ennebecke*, cujus domus

decima prius eidem pertinebat Ecclesie; item unum quadrantem unius manfi, juxta *Eschedam*. Hujus ergo rei actione in Synodo generali habita *Modesdorpe*, in presentia nostra recitata, de consilio omnium, qui tunc aderant, tam Clericorum, quam Laicorum, factum hoc nostrum & predictorum Nobilium banno nostro confirmavimus, & predictum *Sigebandum* Prepositum ejusdem novelle plantationis investivimus, de statu & ordine ejusdem Cœnobii hoc statuentes: ut Conventus ejusdem loci *Sanctimonialium ordinem Monasticum secundum B. Benedicti regulam*, sub obedientia sui Prepositi devote observer; quo obeunte alterum sibi Pastorem ibidem Deo serviens Conventus, cum consensu Episcopi, & consilio *Verdenfis Capituli*, si copia Episcopi haberi non potest, virum idoneum sibi eligat, ac Episcopo, suam electionem probanti, investiendam (a) repræsentet. Prenotatis ergo rebus sepedicte Ecclesie de novo collatis, bona etiam, quæ ab antiquo eidem Ecclesie collata sunt, & hæctenus possessa, presenti duximus paginæ intitulari; agri circa villam *Buxtebude*, *Nienbusen* duo jugera, *Eisendorpe* tres manfi, *Ennebecke* septem, *Adesdorpe* unus, *Villenbusen* septem, quorum decimam nos eidem Cœnobio contulimus: *Bebenbusen* quatuor, *Holdenstede* quinque, *Eversten* unus, *Gromenge* unus, *Spretzenslo* duo, *Holdesfedem* unus, *Walesdorpe* unus, *Tosstede* unus, *Ottenstede* unus, *Radelmesdorpe* duo, *Volmersdorpe* unus, *Drestede* unus, *Ludesmesdorpe* unus, *Ottenstede* unus, *Trintlo* unus, *Eckborst* unus, & dimidius, *Ofersdorpe* duo, juxta *Eschedam* prata multa, *Pattenbusen*, & *Scherembecke* quidam agri, Stelle manfi. Ad custodiam etiam predictæ Ecclesie antiquitus collata sunt hæc: Unius domus decima in *Rennenbecke*, *Radelmesdorpe* manfi unus, *Aldendorpe* manfi unus, *Goldbecke* manfi unus. Ut ergo ad predicti Cœnobii institutionem facta donatio, & nostra ordinatio omni sequenti ævo firma maneant, & inconcussa, hanc attestationis nostre paginam conscribi jussimus, & sigilli nostri impressione, testiumque annotatione roborari. Siquis vero hoc aliquando, diabolo instigante, infringere attemptaverit, a communione alienus anathema sit.

Hujus

(a) fors: investiendum.

Supplement. Tom. III. Concil. Germ.

H h h h h

Hujus autem rei testes sunt: *Walterus* Abbas de *Ultzen*, *Hartmannus* Abbas de *Luneburg*, *Canonici Verdenſes*: Iſo major Prepoſitus, *Manegoldus* Decanus, *Wibbertus*, *Hermannus*, *Didericus* Prepoſitus de *Ebbekesdorpe*, *Burchardus* Prepoſitus de *Lüne*, & *Episcopatus* noſtri fere omnes Sacerdotes. LAICI etiam: *Adolphus* Comes *Stadenſis*, *Fridericus* de *Brockbere*, *Henricus* de *Hildingsvelt*, *Ywannus*, *Godefridus*, *Alvericus*, *Hartmannus*, *Tamno*, *Lut-*

bertus, *Tedo*, *Meinbardus*, *Evermicus*, *Godeſchalcus*, *Rodeſtus*, *Herdeſtus*, & alii quamplures. Actum anno ab Incarnatione Domini Milleſimo, centeſimo, nonageſimo ſeptimo, Indictione XIV. anno *Episcopatus* noſtri nono, feliciter. Amen.

Pratje. quarta collectio de Ducatibus Brema & Verda, impreſſa Brema anno 1760. apud Gerbard. Wilbelm. Rump. pag. 180. extracta ex Registro Joannis Rhodens bonorum Eccleſ. Bremenſ.

SPIRENSIS DIOECESANA SYNODUS

ANNO CHRISTI MCCXI. INNOCENTII III. PAPÆ XIV.
OTTONIS IV. REGIS XIV. IMP. III.

Conradus Episcopus de jure Patronatus & Decimis in Medinheim donatis, dein permutatis inter Abbatem de Hemmenroth & Theodoricum de Kirweiler pronuntiat.

IN NOMINE SANCTÆ ET INDIVIDUÆ TRINITATIS.

EGO CONRADUS, DIVINA FAVENTE CLEMENTIA, SPIRENSIS
EPISCOPUS (a) ET IMPERIALIS AULÆ CANCELLARIUS &c.

Notum sit cunctis, præsentem paginam inspecturis, quod *Iustatius* abbas de *Himmenroth* labore suo obtinuit, quod *Theodoricus* miles de *Kirweiler*, quidquid juris habebat in Patronatu, & in decimis Ecclesiæ de *Medinheim* in manus Domini sui *Marquardi* de *Vellre*, & ipse *Marquardus* in manus nostras, quia a nobis tenebat, resignavit; nos vero cum consensu majoris Præpositi, in cujus Archidiaconatu præfata sita est ecclesia, salvo tamen jure suo, & assensum præbente Capitulo, liberaliter idem jus cum omnibus appendiciis integraliter Ecclesiæ de *Himmenroth* contulimus. In recompensationem autem istorum bonorum Ecclesia in *Himmenroth* jam dicto *Theodorico* centum & decem marchas puri argenti dedit, de qua pecunia prædium comparatum est, quod prædictus

Marquardus a nobis tenet in feudo, & a *Marquardo Theodorico*. Ut autem hæc rata & inconvulsa permaneant præsentem paginam conscribi fecimus, & sigilli nostri munimine roborari.

Hujus rei Testes:

Otto Major Præpositus.

Conradus Decanus.

Andreas Scholasticus.

Conradus Præpositus de *Mosbach*.

Henricus Præpositus de *Nerusheim*.

Wolfframus Abbas de *Wizzenburc*.

Conradus Abbas de *Sunneshaim*, frater ejus.

Conradus Abbas de *Mullenbrunnen*.

Martinus Abbas *Uterine-vallis*.

Daniel Abbas de *Schonaugia*, & alii quamplures.

(a) *Conradus* a *Scharveneck*, Cancellarius Imperatoris, Ecclesiæ Spirensi præfuit ab A. MCCII. ad MCCXXIV. Idem Ecclesiæ Metensis Episcopus fuit. *Bucelinus*.

Fuit Cancellarius sub tribus Principibus, Philippo Duce Sueviæ, Ottone IV. Duce Saxoniæ, Friderico II, filio Henrici VII.

CONVENTUS SYNODALIS BARDEWICI

ANNO MCCXXIV. HABITUS,

In quo Acta Synodi Hildesheimensis, in causa Henrici, Novi-operis in Goslaria Præpositi, celebratæ, confirmantur.

Addenda ad pag. 515. b. T. ubi de eodem argumento Synodus.

CONRADUS, (a) MISERATIONE DIVINA, PORTUENSIS, ET SANCTÆ RUFFINÆ EPISCOPUS, APOSTOLICÆ SEDIS LEGATUS, OMNIBUS PRÆSENTEM LITERAM INSPECTURIS, SALUTEM IN CHRISTO JHESU.

UNiversitati vestræ notum esse volumus, quod quum in Curia solempni Principum *Bardewich* effemus constituti, Venerabilis in Christo *Conradus, Hildesheimensis* Episcopus, præsentibus Venerabilibus in Christo Patribus: *Archi-Episcopo Bremensē, Halberstadsē, Nurembergensē, Merseburgensē, Myndensē, Monasteriensē, & Suerinensē*, Episcopis, *O. Paderbornensē, & Osnabrugensē*, Electis: *Werdensē, S. Trudonis, & Herseveldensē*, Abbatibus, & aliis pluribus Prælatibus & Clericis, proposuit: quod cum *Henricus (b)*, quondam Præpositus Novi-Operis in Goslaria, infamatus de hæretica pravitate, salutaribus ejus monitionibus non acquiesceret, & amplius illius infamiam sine gravi scandalo præterire non posset, tandem sequendo doctrinam Evangelicam, volens inquirere, utrum dictus Præpositus opere complevisset, quod de ipso infamia testabatur, ad locum eundem cum Prælatibus Ecclesiæ suæ personali accedens, cepit inquirere super hæresi, & aliis criminibus, de quibus fuerat infamatus, eo videlicet præsentē, & habente copiam respondendi, excipiendo, & defendendi, & receptis juramentis Monialium ipsius Monasterii secundum formam canonicam; inter cætera, invenit diem anniversarium electionis ejusdem Præpositi in Ecclesia solempniter celebrari, & Ordinem Cisterciensem,

quem Sanctimoniales erant professæ, confusum in tribus articulis & corruptum: nam non servabant ibi Regulam Beati Benedicti: & quod indulserat Monialibus esum carniū extra infirmariam, & quod indumenta linea habebant juxta carnem. Invenit etiam Regulam Beati Benedicti projectam fuisse in puteum: præterea quibusdam Monialibus superstitioſis, eo præsentē, in publico, & in jure confessis & affirmantibus, eum esse majorem inter natos mulierum, tacuit: nec contradixit. Et, quum his probatis, posset procedere contra ipsum; tamen, ut cum majori maturitatē & deliberatione procederet, in solempni Synodo, præsentibus Abbatibus ac Monachis Cisterciensis Ordinis, & aliis viris Religiosis, Abbatibus, Prioribus, Præpositis, ad hoc specialiter convocatis, examinationem jam dicti Præpositi, eo præsentē, solempniter idem Episcopus celebravit, & invenit illum in prædicatione publica dogmatizasse:

I. Spiritum Sanctum esse Patrem Filii; & interrogatus, quomodo intelligeret? Respondit: affectu. Quod est prorsus contra Sanctorum Patrum auctoritates.

II. Insuper extollendo Virginitatem, videbatur condemnasse matrimonium, errorem suum in libris suis hiis versibus roborando:

Fœmi-

(a) Conradus, Portuensis Episcopus, Saxoniam obibat anno 1225. multas Ecclesiasticas causas & controversias sopivit: mense Augusto Misnæ, Halæ circa assumptæ V. dei in Halberstadii, die S. Ægidii Magdeburgi cum octo Episcopis habito Conventu: deum Naumburgo Coloniam regressus fuit, ob causam S. Engelberti Archi-Episcopi cæsi 7. Novembris.

(b) Henricus Minnecke Præpositus Novi-operis Monialium Ordinis Cisterciensis anno 1224. hæreseos postularius & diuturno carcere mancipatus, anno 1225. vivus combustus fuit, teste Buntingio Parte I. Chronici Brunsvicensis.

Fœmina nulla creatur adhuc, in qua nihil illi

Displiceat, qui novit, quid sit honestas; De nuptis loquor, & nubentibus omnibus ante,

Quæ remanere volunt innuptæ, deferro plane;

Virginitas Regina manet, sed lubrica carnis

Est ancilla; decens redolet flos, stercorea fœtent;

Extollo florem, non possum stercus amare.

Nare mea fœtor nunquam præfertur odori.

III. In prædicatione etiam sua publice dixit: Angelum malum se vidisse coram Domino geniculasse, veniam postulasse; & hunc errorem etiam in libris suis his versibus confirmavit:

Affirmo, quod spiritus est de sede superne rejectus,

Quem jam velle redire scio. . . .

IV. Homines etiam in admirationem duxit, & stuporem, asserens: Dominam esse in cœlis majorem Beata MARIA

Virgine gloriosa, & hoc esset, Domina Sapientia.

Hiis igitur perspectis diligenter, & auditis, idem Episcopus de consilio Prælatorum, & virorum religiosorum, qui Sacre Synodo intererant, eundem Henricum ab officio & beneficio suspendit, & postmodum habito consilio, super eo Archi-Episcoporum, & Episcoporum, & quorundam Cardinalium, quod ex illius doctrina & consortio, Christi fidelibus animarum periculum amplius, & personarum infamia immineret, ipsum fecit carcerali custodiæ mancipari; quem processum idem Episcopus humiliter a nobis petiit confirmari. Nos vero ejus petitionem legitimam reputantes, dictum processum, sicut iuste & rationaliter est factus, de consilio prædictorum Prælatorum, Legationis, qua fungimur, auctoritate confirmamus. Datum apud Bleketbe, super Ripam Albæ. Anno Domini MCCXXIV.

Sebanatus ex Autographo, quod olim illi communicaverat Cl. Eckartus.

Huc quoque faciunt FRIDERICI II. Imperat. Litteræ sequentes in causa eadem.

FRIDERICUS, DEI GRATIA, ROMANORUM IMPERATOR SEMPER AUGUSTUS, ABBATISSÆ DE HORTO S. MARIE GOSLARIENSIS, TOTIQUE CONVENTUI GRATIAM SUAM ET BONAM VOLUNTATEM.

AD Imperialis nostræ dignitatis Excellentiam de insolentia vestra verbum noveritis pervenisse, quod cum Regulam Beati Benedicti professæ sitis, & habitu & conversatione; per doctrinam cujusdam Henrici, quondam Præpositi vestri, quem Dominus Conradus Hildesheimensis Episcopus, dilectus ac fidelis noster Princeps, ab amministrazione Officii, ac Præposituræ vestræ prudenter amovit, adeo seductæ sitis, etiam in arcum pravum conversæ, ut ejus doctrinæ temere inhærentes, ipsum, post Deum, Beato Benedicto, & omnibus Sanctis digniorem reputeris.

Cum igitur, ex scriptis, quæ Procurator vester ad Curiam Romanam, & nostram, deportaverat, dictus quondam Præpositus vester ab omnibus Archi-Episcopis, & Episcopis, & viris discretis eadem intuentibus, demens judi-

catus sit & prophanus, & fidei Christianæ contrarius; ex ipsis etiam præsumitur, quod corda vestra, quasi simplicium & innocentium, sua doctrina everterit, & stulto quodam errore seduxerit; ita, ut potius ejus doctrinæ, quam Regulæ Ordinis vestri inhærentes, more fatuarum virginum retro respiciendo, vos Regno Dei redderitis (*) inhabiles, & hominibus plurimum infames; nunc autem ad cor redeuntes, & quod bonum est, dum tempus habetis, operantes, universitatem vestram attentius commonentes, auctoritate Imperiali vobis præcipiendo mandamus: quod secundum habitum, & habitus vestri professionem & instructionem Domini Conradi, Episcopi vestri, quem literatum & idoneum satis esse cognovimus, & laudabiliter in omnibus conversatum, vita & moribus vos emendare studeatis, & animum

(*) lege: reddideritis.

mum rehabendi quondam Henricum Præpositum omnino postponatis, quia nullatenus sustinere volumus, ut vel in vestro, vel in alio Imperii nostri Mona-

sterio deinceps Regimen habeat, vel curam animarum.

Ex codice MS. Bibl. Mogunt. descripte Schannatus.

SYNODUS PATAVIENSIS

Anno Christi MCCLXI. Sede Rom. & Imp. vacante.

SUMMA. Eliguntur consensu Cleri VIII. taxatores pro 100. marcis argenti colligendis in bellum contra Tartaros.

NOS, OTTO, (a) DEI GRATIA, PATAVIENSIS EPISCOPUS,
UNIVERSIS PRÆSENTES INSPECTURIS.

Volumus esse notum, quod cum pro negotio Tartarorum, super quo recepimus in mandatis auctoritate Sedis Apostolicæ a Venerabilibus Præposito, & Decano, & Capitulo Saltzburgerensi, ut convocatis Prælatibus nostræ Diocesis consilium impendere conaremur in prædicto negotio Tartarorum, & per Nos, vel Procuratores ydoneos in Romana Curia compareremus, qui possent omnia facere, quæ nos facturi essemus præsentibus personaliter constituti. Quia vero expensis indigemus, sine quibus Procuratoris missio, & alia, quæ tangunt negotium, non possunt aliquatenus expediri, de consensu Prælatorum & Cleri nostri Dyacesis, qui convenerant Pataviæ ad nostram vocationem auctoritate prædicta factam, eligimus VIII. taxatores, & conservatores pro pecunia colligenda pro expensis in dicto & aliis negotiis nostris faciendis: videlicet Venerabiles Abbatem de inferiori Altab, Præpositum S. Ypoliti, Decanum & Cantorem, & Archidiaconum Lambacerensem, Pataviensis Ecclesiæ Canonicum, Abbatem de Chotwico, Præ-

positum S. Ypoliti, Decanum Chremserensem, Mgrum Gerbardum Plebanum de Vienna, dantes eis potestatem, imponendi, colligendi, exigendi pecuniam centum Marcarum secundum discretionem a Deo sibi datam, a singulis Ecclesiis, prout suppetunt ejuslibet Ecclesiæ facultates, & coercendi contumaces, & contradictores solutioni pecuniæ prædictæ: maxime cum promiserint fide data prælati, qui præsentibus fuerint, dictis taxatoribus in omnibus obedire, quæ ad expeditionem pertinent prædictæ pecuniæ colligendæ, & ipsi taxatores similiter pro se promiserunt fide data, prædictas centum Marcas imponere Ecclesiis equa lance, ac procedere in negotio supra dicto sine captione qualibet atque fraude, & convertere in nullos usus alios, quam in negotium prædictum pecuniam sic collectam. In hujus rei testimonium præsentibus literas confici placuit, & sigillo nostro, & aliorum Prælatorum præsentium sigillis communiri. Datum Pataviæ anno Dom. MCCLXI. XI. Kal. Julii.

Alias item Literas eadem die Otto Episcopus Pataviensis, ejus Præpositus, & Capitulum, Item Henricus de Altab, Henricus de Chotwico Abbates, ceterique Prælati Pataviensis Diocesis ad Summum Pontificem dederunt, quibus suum Procuratorem in Curia Romana constituunt M. Gotfridum Canonicum veteris Capellæ Ratisbonensis, qui, quid in negotio Tartarorum consultum & decretum fuerit, coram sit relaturus. Datum Pataviæ anno MCCLXI. XI. Kal. Julii.

Hansitz. Tom. I. Germania sacra pag. 400. 401.

(a) Otto de Lonsdorff, Bavarus, Episcopus Pataviensis XL. ex Canonico & Thesaurario Pataviensi, Archi-Diacono Matiscensi eligitur anno 1254, mense Februario. Mortur 1265. V. Idus Aprilis. *Hansitz. Tom. I. pag 395.*



CONCILIUM MAGDEBURGENSE

Anno Christi MCCLXVI. Clementis IV. Papæ I.
Sub Interregno magno Imp.

*Statuta XXIII. continet contra violatores, invasores, captivatores
personarum ac rerum Ecclesiasticarum.*

Scriptum in Canone, quod dictum est: *Seniores Provincie tue congrega, & eos interroga*: Sacro-Sancte Romane Ecclesie Summo Pontifice Beati Petri Apostoli successore, ad Metropolitanæ Sedis Antistitem congrue emanavit. Nam & ipse, sicut olim a Sanctis Patribus noscitur institutum, cum suis suffraganeis annis singulis *Provinciale Concilium* celebrare jubetur, propter quod dictum est recte ad ipsum: *Seniores Provincie tue congrega*. In quo quidem Concilio congregato de corrigendis excessibus, & moribus reformatis præsertim in Clero, diligentem habebit cum Dei timore tractatum, Canonicas regulas, & maxime, quæ statuta sunt in *Conciliis*, relegens diligenter, ut eas observari faciat, penam debitam transgressoribus, infligendo. Et ut hæc omnia consultius & salubrius peragantur; expedit id fieri suffraganeorum sibi approbatione & consilio in omnibus assistente, unde & subjungitur, *& eos interroga*. Spectat nihilominus ad ipsius Metropolitanæ circumspeditionem & prudentiam, ut juxta credite sibi dispensationis officium subditorum commodis, profectibus, & quieti, sollicitudinis debet studium adhibere, precipue laycorum quorundam, qui Clericis opido sunt infesti, nunc antiquorum statutorum declaratione & suppletionem, nunc vero novorum editione, prout possibile fuerit, insultus & ausus nepharios reprimendo. Ipsi namque suis finibus non contenti, nituntur in vetitum, ad illicita frena relaxant, Ecclesiarum Prelatis, Ecclesiis, Ecclesiasticisque personis, & rebus etiam earundem onera imponunt gravia, ipsasque vexationibus plurimis, talliis, collectivisque multiplicibus frequenter aggravant & molestant. Propter quod contra hujusmodi presumptores summa suadet necessitas, gratia suffragante Divina, pro pace,

& quiete, ac utilitate publica salubriter providendum. Sacro igitur approbante Concilio statuimus & sanximus:

I. Quod si quis deinceps in hoc sacrilegii genus nefandum irrepserit, quod Archi-episcopum Magdeburgensis provincie inter provinciam ipsam ceperit, seu captum detinuerit in eadem, vel socius fuerit facientis, aut fieri mandaverit, vel factum ratum habuerit, aut consilium dederit vel favorem, aut postea sponte receptaverit, vel defensus fuerit scienter eundem; cum ex eo excommunicationis sententiam incidat *ipso facto*; excommunicatus, & ab omnibus arcibus evitandus, accensis candelis, & pulsatis campanis, per totam denunciatur provinciam singulis diebus Dominicis & festivis, & cessetur nihilominus in ampliore penam ipsius in tota provincia a solemnibus Divinorum.

II. Ita tamen, quod singulis diebus in Ecclesiis & Monasteriis missæ celebrentur, & alia Divina dicantur officia, sicut prius, submissa tamen voce, januis clausis, excommunicatis & interdictis exclusis, ac etiam populo nostro admisso, & una campana semel tantum pulsata, ut sic conveniant, per quos debebit Divinum officium celebrari; & insuper tempore hujusmodi cessationis nulla conferantur Ecclesiastica Sacramenta.

III. Hiis dumtaxat exceptis, que tempore interdicti *jura* permittere voluerunt, videlicet Baptismata parvulorum, & tam sanorum, quam infirmorum, penitentia, viaticum, & confirmationem in fronte. Licet autem per generale interdictum denegetur omnibus tam unctio, quam Ecclesiastica sepultura; de gracia tamen duximus concedendum, quod tam Clerici, quam laici decedentes, qui cau-

causam non prebuerunt hujusmodi interdicto, in cimiterio Ecclesie sine campanarum pulsatione, sic quod laici absque Presbytero, Clerici vero cum presentia Presbyteri, sub silentio tumultentur. Ita tamen, quod funere ad suam Ecclesiam deportato & oblationibus, si qui eas exhibere voluerint, more solito ibi factis, populus ab Ecclesia exeat, & presbyter in Ecclesia, presente funere, voce submissa Missam celebret pro defunctis. Quibus sic peractis funus eo modo, ut dictum est, tradatur Ecclesiastice sepulture.

IV. Si vero Archi-episcopi, vel Episcopi nostre provincie capti, vel detentio extra provinciam (a) omittatur; ex tunc omnes Episcopi alii, & etiam Archi-episcopus ipse, sicuti captus non fuerit, cum suis capitulis infra quindecim dies, aut prius etiam, si commodum fieri poterit, postquam ad eorum notitiam de captivitate Archi-episcopi, vel episcopi pervenerit, Archi-Episcopum vel Episcopum extraneum in cujus Dyocesi detinetur captivus, efficaciter interpellare debent, ut ipse ad liberationem captivi exhibens consilium & auxilium opportunum, in tota sua Dyocesi cessari faciat a solemnibus Divinorum: omnibus aliis supradictis in nostra observandis provincia tempore captivitatis hujusmodi in suo robore duraturis.

V. Si autem Canonicum Ecclesie Cathedralis, vel Abbatem, aut Archi-Dyaconum, vel Prelatum collegiate, aut regularis ecclesiarum, in provincia ipsa capi, vel detineri contingat; ex tunc postquam de hoc constiterit, per totam Dyocesin, in qua captus fuerit, & captus etiam detinetur, cessent solemnities Divinorum: & nihilominus in penam ipsius captivatoris, ac etiam aliorum, de quibus superius est expressum, ea, que sunt de excommunicationis denuntiatione & observatione interdicti statuta, in ipsa Dyocesi tantum inviolabiliter observentur.

VI. Eodem modo, si Canonicus Ecclesie collegiate, vel Rector alterius Ecclesie cujuscunque, seu etiam Clericus in sacris, vel etiam minoribus ordinibus constitutus, infra terminos provincie captus fuerit, vel detentus, per totum

Archi-Diaconatum tantum, in quo detinetur, a Divinorum solemnibus volumus abstinere; aliis penis superius positis in ipso Archi-Diaconatu diligentius observatis.

VII. Si tamen Cathedralis, vel aliarum Ecclesiarum Canonici, aut Abbates, Prelati, seu Clerici supra dicti extra provinciam capti fuerint, vel detenti; Archi-Episcopus, sive Episcopus ipsius capti ordinarius, pro ipsius liberatione Archi-episcopum, vel Episcopum loci, in quo detinetur captivus, preces suas dirigere teneatur, ac etiam tam exacta diligentia exhortari, ut ipsi tempore detentionis hujusmodi cessari faciant in sua Dyocesi solemnities Divinorum, contra captivatorem, seu captivatores faciendo singulis diebus Dominicis & festivis excommunicationis sententiam publicari. Has autem omnes penas statuimus inviolabiliter observandas, donec captum liberum & solutum dimitti contingat cum satisfactione debita, & condigna.

VIII. Contra eos similiter, qui Clericos membro aliquo mutilare, enormiter vulnerare, aut etiam occidere non verentur, extendi volumus penas easdem, que contra Clericorum captivatores, seu detentores, sunt superius promulgate.

IX. Ceterum, quia dignum est, ut propter enormitatem culparum, penarum modus exuberet, nec penis solitis contententur; statuimus, quod filii & filie, & omnes eorum posterius, qui, vel que usque ad quartam generationem per lineam rectam tam masculinam, quam femininam a predictis malefactoribus descendere dinoscuntur, in nulla Ecclesiarum nostre provincie ad beneficium aliquod Ecclesiasticum ante prebitam satisfactionem debitam & congruam aliquantulum assumantur.

X. Et quidem, si secus per eos, ad quos electio, collatio, presentatio, seu provisio talium beneficiorum spectare dinoscitur, attemptatum fuerit; ipsa electio, collatio, presentatio, vel provisio ea vice ad loci Episcopum; qui si infra tempus a jure statutum id facere neglexerit, ad superiorem proximum devolvatur, non obstante aliqua consuetudine contraria, si que possint per quemcunque in oppositum allegari. Et ne in obli-

(a) forte: committatur.

oblivionem veritas veniens vagetur incerta ; statuimus , ut nomina predictorum Episcopo loci tradantur , per ipsum scripture memoria perhennanda , qui etiam talium copiam nominum ad alios transmittat Episcopos , prout viderit expedire.

XI. Eisdem etiam penis teneri volumus omnes , qui predictorum spontanei receptatores , vel defensores extiterint , aut ipsis prebuerint opem , consilium , & favorem.

XII. Ut tamen penas premittas contra captivatores & detentores personarum Ecclesiasticarum nostre provincie , in hoc Concilio generaliter promulgatas mitigare , remittere , interpretari , declarare , vel etiam ampliare , prout qualitas facti exegerit , valeamus ; tam nobis , quam cuilibet fratrum & Coepiscoporum nostrorum in sua Dyocesi libera sit facultas : penis prioribus super Archiepiscopi , seu Episcopi captivitate & detentione , statutis nullatenus immutatis ; nisi super hoc omnium nostrorum accedente communi consilio , & consensu.

XIII. Item , quia non solum a jure censentur , qui in personas Ecclesiasticas manus injiciunt temere violentas , verum etiam & illi , qui res Ecclesiarum & personarum Ecclesiasticarum spoliant , diripiunt , & invadunt ; Presenti constitutione sanximus , quod spoliatores & invasores rerum Ecclesiasticarum si legitima monitione premissa , de damnis , & injuriis irrogatis , infra terminum competentem ad hoc assignatum , eisdem , postquam per duos , vel tres testes idoneos super damnis & injuriis hujusmodi sufficiens fuerit facta fides , satisfactionem competentem exhibere contempserint , excommunicationis vinculo constringantur . Et quod contra tales hujusmodi excommunicationis sententia promulgata per eos , qui super hoc requisiti fuerint , per totam nostram provinciam singulis diebus Dominicis , accensis candelis , & pulsatis campanis debeat publicari . At , (b) quod in omnibus locis , in quibus malefactores prefati domicilium vel receptaculum habuerint , & ad quæ ipsos , vel aliquem ipsorum pervenire contigerit , & quamdiu ipsi ibidem moram traxerint , & post recessum eorum per triduum immediate secutum in illis , ad que ipsum

spolium deducetur (civitatibus Ecclesiarum Cathedralium duntaxat exceptis) cessandum statuimus ab officio Divinorum , donec rebus spoliatis , seu earum estimatione , prout justum fuerit , restitutis , de damnis , injuriis , & interesse , satisfactum fuerit competentér.

XIV. Insuper extirpandam ad quorundam Laicorum Patronorum detestabilem corruptelam , qui Rectoribus Ecclesiarum defunctis , dotes ipsas spoliare presumunt , & de rebus mobilibus & immobilibus , & se moventibus , in ipsis Ecclesiis inventis , se temere intromittunt ; statuimus , ut si quis Patronus laicus cujuscunque preeminentie , dignitatis , vel conditionis existat , talia de cetero facere presumpserit , jure presentandi Clericum ad Ecclesiam , taliter spoliata , sic ipsa vice privatus , & presentatio Clerici ad loci Episcopum , alioquin ipso Episcopo infra tempus a jure debitum negligente , ad superiorem proximum devolvatur . Idemque Patronus , tanquam rerum Ecclesiasticarum invasor , ad ablatores restitutionem per censuram Ecclesiasticam ab executoribus hujusmodi Concilii compellatur.

XV. Sunt preterea nonnulli Ecclesiarum Advocati , spe tuitionis & defensionis Ecclesiarum assumpti , qui Ecclesiarum jura , possessiones , & homines adeo turbant , lacerant , minuunt & molestant ; quod ex defensoribus in offensores turpiter se transmutent ex eo , quod tam immoderatis exactionibus , & oneribus Ecclesias ipsas opprimere non verentur ; quod Dominis suis propriis jura & decorum nequeunt persolvere , nec , quod gravius est , vite sue congruam sustentationem habere . Cum igitur hujusmodi ingratitudinem jura merito penatiter persequantur ; statuimus & sanximus , quod iidem advocati suis juribus , ipsis ab initio deputatis , contenti , nihil sibi amplius audeant occasione advocacy hujusmodi usurpare , alioquin ipsi advocati talia presumptentes , ipso facto sententiam excommunicationis incurrant , cum de presumptione hujusmodi constiterit , excommunicati publice nuntiandi.

XVI. Item cum iniquum existat , aliquem ulterius odio pregravari , hujus sacri auctoritate Concilii prohibemus , ne pretext-

(b) forte: Ac.

pretextu inimiciciarum, quas quandoque contra Ecclesiarum advocatos haberi continget, bona Ecclesiarum & Clericorum quisquam exactionibus seu vexationibus de cetero aggravare, ledere, seu moleſtare preſumat, alioquin ipſo facto ſententie excommunicationis ſe noverit ſubjacere, & contra talem ad interdicti ſententiam procedatur; ſi id ſtatutorum executori viſum fuerit expedire.

XVII. Amplius cum Eccleſie, Eccleſiaſticaque perſone, ac res ipſarum non ſolum *jure humano*, quinimo & *Divino* a ſecularium perſonarum exactionibus ſint immunes; propter multorum inſolentiam in actionibus talibus, & abuſum, ſacri Canones ſtatuerunt, quod ſi perſone ſingulares fuerint, talia preſumentes, excommunicationis, ſi autem Collegium, vel univerſitas civitatis, caſtri, ſeu loci alterius cujuſcunque, hec preſumpſerit; ipſa civitas, caſtrum, vel locus interdicti ſententias incurrere ipſo facto: quas quidem excommunicationis & interdicti ſententias ſtatuiſmus in ſingulis Eccleſiis quodocunque, & quocienscunque opus fuerit, publicari; & ſuper hiis per executores ſtatutorum preſentis ſacri Concilii querulantibus ſine difficultate qualibet ſubveniri.

XVIII. Inſuper Clerici, ſeu Notarii, qui per Dominos ſuos premiſſa fieri doliſe perſuaſerint, ſeu conſilium & auxilium preſtiterint, ad talia faciendum, dum de Dominorum ſuorum delicto conſiterit, a familiaritate & ſervitio ipſorum infra menſem omnino recedere teneantur, alioquin propter dolum ipſorum, cum detectus fuerit, omnino reddantur inhabiles ad aliquod beneficium eccleſiaſticum in poſterum conſequendum, & beneficio, ſi quod actu jam habent, ſint ipſo facto privati.

XIX. Item, quia *jura Canonum*, eccleſias incaſtellari a laicis vetuerunt, Nos volentes prohibitionem eandem penarum adjectione juvare, ſtatuiſmus: quod ſi qui laicorum Eccleſias incaſtellare, & de eis propugnacula facere non formidant; ipſo facto ſententiam excommunicationis incurrant, & terra ipſorum, ſi quam habent, vel locus, in quo de jure, ſeu de facto, jurisdictionem exercent, Eccleſiaſtico ſit ſubpoſitus interdicto.

XX. Inſuper ſtatuiſmus, quod omnes hii, qui ſtatuta facere, ſeu edere, mandare ſervari preſumpſerint in derogationem, ſubverſionem, & conculcationem eccleſiaſticae libertatis, & precipue munerum ſacro altari offerre volentium ſuis ſtatutis illicitis reſtringentes, qui ex facto huiusmodi excommunicationis ſententiam juxta Sanctiones Canonicas inciderunt; per Rectores eccleſiarum, cum expediens viderint, excommunicati ſolemniſter publicentur, niſi inter menſem; ſuper hoc moniti, talia ſtatuta omnino revocent, & faciant amoveri nullo unquam tempore valitura.

XXI. Preterea cum debeant Clerici non ſolum interiori, ſed etiam exteriori ornatu fulgere, preſentis approbatione Concilii prohibemus; ne quis Clericus, vel Monachus tabernas frequentare preſumat, vel habitum Clericalem ſeu monachalem abjiciat, vel tonſuram Clericis congruentem & debitam portare contemnât: quia huic ornatui, qui in Clericis nitere debet, videntur non modicum adverſari. Transgreſſores vero predictorum ab ingreſſu Eccleſie ſuſpendantur: & hii, qui contra tonſuram decentem & debitam deliquerint, redditus ſuorum beneficiorum non percipiant, nec ullum eis jus competat, redditus tales petendi, quouſque ſe modo debito faciant tonſurari.

XXII. Item cum ſacrorum Imaginibus propter illorum reverentiam, quos figurant, locus dignior merito debeatur; Ob hoc, ne in civitatibus, oppidis, caſtris, villis, in quibus Eccleſie parochiales habentur, alibi uſquam, quam in Altari conſecrato, quiſquam eas collocare preſumat, & ne portantes tabulas in manibus, fidelium elemoſynas petaturi, Sacrorum Imagines, vel reliquias tunc pariter cum tabulis, vel etiam preter tabulas, ſecum deferant, aut forſitan fiſte ſimulent ſe deferre, cum id ex avartiae radice procedat; fieri de cetero, ſub anathemate prohibemus (diebus Dedicationis ac Patroni ipſius Eccleſie dumtaxat exceptis) cum hiis diebus propter multitudinem populi adunati non pateat acceſſus facilis ad Altare, vel niſi ſuper hoc faciendo per Episcopum loci juſta cauſa penſata Spiritualis licentia concedatur.

XXIII. imuper statuimus, quod laici Parochialium Ecclesiarum provifores, seu vitrici, qui *altirmanni* vulgari vocabulo nuncupantur, de rebus Ecclesiarum, quas receperint & expendunt ad requisitionem Rectoris ecclesie, quem adhibeant, in virtute Sancte Obedientie duximus adstringendum, bis in anno in presentia ipsius Rectoris & quorundam aliorum de Parochia honestorum, rationem reddere teneantur; ut & de predicatorum consilio & consensu res Ecclesiarum ad usum earundem congruos & decentes utiliter convertantur: ac pariter & Nos, & aliorum locorum Episcopi, quibus Ecclesiarum cura & sollicitudo imminet, super rebus Ecclesiarum per Rectores ipsos; super hoc requisitos,

possimus apertius informari. Postremo precipimus, & mandamus, ut nulla statuta alia a Predecessoribus nostris in suis Conciliis promulgata, si statutis nostris premissis reperiantur contraria, vel adversa, quisquam recipiat, vel secundum ea iudicet, aut penas seu sententias earum auctoritate aliquas proferat, vel etiam exequatur: Decernentes statuta talia, sententias, penas, & processus habitos ex iisdem, nullius obtinere roboris firmitatem, per hoc ultimum statutum alia Magdeburgensium Conciliorum, si qua fuerint, minime revocantes.

Cl. Lammig. Continuatione II. Spicilegii Ecclesiastici des Deutschen Reichs-Archivs. a pag. 251. ad 254.

*Epistola GUIDONIS, S. Laurentii in Lucina
Cardinalis Presbyteri, Apostolicæ Sedis Legati ad Provinciam Magdeburgensem & Episcopatum Kaminensem, Encyclica, quæ summam Concilii Magdeburgensis Statuta complectitur.*

FRATER GUIDO, MISERATIONE DIVINA T. SANCTI LAURENTII
IN LUCINÆ PRESBYTER CARDINALIS, APOSTOLICÆ SEDIS LEGATUS;
AD PERPETUAM REI NOTICIAM.

Sacrofancta Romana Ecclesia sicut in Sancto PETRO Apostolorum Principe a Domino promissionem obtinuit, quod universalis Ecclesie fundamentum existeret: & preceptum accepit, ut Christiane fidei Professores in fide, religione, omniq. sanctimonia confirmaret; ita pro universalium Ecclesiarum profectibus sollicitam se semper exhibuit, & de instituendo, conservando, ac provehendo in omnibus Ecclesiis, cultu fidei fuit omni tempore studiosa: ut & ab ea, sicut a fonte ad universos Ecclesie filios sit Christiana religio derivata, & quod ab aliis, qui S. Spiritus primitias acceperunt, religiose ac salubriter institutum est, ut per eandem immutabilem acciperet firmitatem. Hinc est, quod Sanctissimus Pater noster, Dominus CLEMENS, Papa quartus ad Magdeburg. Provinciam, ac Episcopatum Kaminensem cum plene Legationis officio

nos duxerit destinandos, officii nostri debitum libenter exequimur, evellendo scilicet evellenda, plantando plantanda, recta gerendo, & dirigendo salubriter indirecta. Verum, quoniam expedit ad profectum & robur fidei Christiane, ut Sacramenta Ecclesie, in quibus tanquam in vasis medicinalibus, populus devotus & humilis antidorum gratie recipere consuevit, in honore & reverentia ab omnibus habeantur, cum ea plerumque contingat effici vilia, propter vilem & abominabilem Ministrorum Ecclesie conversationem, universis personis Ecclesiasticis Provincie & Diocesis predictarum districte precipimus, ut in victu, vestitu, gestis, & aliis operibus, ac circumstantiis status sui sic honeste se habeant, & decenter; ne propter ipsos nomen Ecclesiasticum inter laicos blasphemetur: eisdem districte inhibentes, ne de patrimonio Crucifixi inimicos se faciant

Guido Cardinalis Episcopus Sabinenfis, fuit a Clemente IV. Papa Legatus a Latere missus in Germaniam & Angliam 1266. Litteras Legationis recitat Raynaldus ad hunc annum No. 36. sed hic Legatus impeditus est a Proceribus Angliæ ab ingressu in Regnum: unde Bononiam Gallicam evocavit Episcopos Angliæ, & late excommunicationis ac interdicti sententiam in pacis turbatores fulminavit.

fiant crucis Christi, sicut illi, *quorum Deus venter est, qui terrena sapiunt*, non Divina. In conviviis suis modestiam & mediocritatem observent, superfluitatem indebitam refecantes, ebrietatem omnium viciorum fomitem & nutricem evitent.

II. Prelati vero a gravaminibus abstineant subditorum: & maxime cum Ecclesias visitant, moderentur expensas, coerceant erectionum numerum, prout in *Generali Concilio* extitit diffinitum. Electiones libere fieri permittant in subditis Ecclesiis, nec pro suis amicis carnalibus, vel aliis preces armatas porrigant, ante factum, vel post factum: ita ut non exauditis precibus indignationem exhibeant, vel vindictam sumant, sibi & gregi suo taliter intendentes, quod zelatores justicie, modestie amatores, & generaliter omnium bonorum sectatores operum ostendantur.

III. *Presentis igitur Concilii approbatione* precipimus, ut Clerici continenter, & caste vivere studeant, quod puro corde & inundo corpore Deo possint in officio Ecclesiastico ministrare. Siqui vero de cetero deprehensi fuerint detinere publice concubinas, nisi infra mensem se ab eis, & ab earum consortio separaverint, ita quod in domibus earum, aut propriis, aut aliis quibuscumque non cohabitent, nec ad illas accedant; ex tunc ab omni beneficio Ecclesiastico sint privati, & per eos, ad quos eorundem beneficiorum spectat collatio, personis idoneis conferantur.

IV. Item, cum in plerisque locis quorundam iniquitas in tantum invaluerit, quod in rebus Ecclesie furtum reputetur, sagacitas, rapina, probitas, & violentia fortitudo, *Synodali iudicio diffinimus*, ut, qui bona Ecclesiarum scienter detinent occupata, nisi infra instantem quadragesimam de damnis, & injuriis satisfecerint competenter, ex tunc introitum Ecclesie sibi noverint interdictionem, nec ab episcopis, aut aliis Ecclesiarum Prelatis ad communionem Dominici corporis admittantur. Qui vero obstinata mente, dum vixerint satisfacere non curarunt, nullus Clericus secularis vel regularis sepulture ipsorum interesse presumat.

V. Adjicientes, ut singulis annis in *Synodo* illi, qui Clericos capiunt, verberant, vel occidunt, aut alias in ipsos manus mittunt violentas, excommunicati publicentur, & nominati illi, de quibus constiterit manifeste. Quicumque vero personam Ecclesiasticam enormiter vulneraverit, vel occiderit, aut captivaverit, non nisi per Sedem Apostolicam absolvatur, & ipso facto, si quid tenebat ab Ecclesia, illud perdat, & in utilitatem Ecclesie convertatur.

VI. Adjicientes, quod in illa Dyocesi, in qua aliquem Canonicum Cathedralis Ecclesie, vel in dignitate Ecclesiastica constitutum capi contigerit, vel captum detineri, usque ad liberationem ipsius, ac exhibitionem debite satisfactionis, cessetur generaliter a Divinis. Similiter & in illa Parochia, in qua res Clericis ablatis capi, vel detineri contigerit, usque ad restitutionem & satisfactionem congruam, a Divinis cessetur.

VII. Item cum matrimonii Sacramentum non sit incontinentie precipitum, sed potius remedium contra illud, non absque dolore cordis audivimus in hac Provincia, & Dyocesi Caminensi, quosdam sic a sue carnis voluptate, vel terrena cupiditate deceptos, quod in *gradu prohibito* de facto temere contrahentes, quod non matrimonium, sed contubernium dici debet, se incestuose, (c) luxuriose vilitatem immergere, & Sacramentum matrimonii, quantum in ipsis est, polluere non verentur. Nos itaque tantum excessum conniventibus oculis pertransire nolentes, sub pena excommunicationis districtius prohibemus, ne absque dispensatione Sedis Apostolice de cetero tale matrimonium, seu contubernium contrahatur. Alioquin Sacerdotes, qui tales conjunxerint, a sacerdotali officio noverint se suspensos.

VIII. Illi vero, qui sic scienter permiserint, se conjungi, ipso facto ab ingressu Ecclesie suspendantur. Sub eadem quoque pena illis, qui jam absque dispensatione tale matrimonium contraxerunt, districte precipimus, ut a cohabitatione invicem abstinentes Dyoclesano suo, vel alii Prelato, ad quem de jure vel consuetudine pertinere dinoscitur talium caularum cognitio, rei veritatem

(c) fors: luxuriæ vilitatibus.

tem insinuare non tardent. Qui vocatis, qui fuerint evocandi, & causa diligenter examinata, quod canonicum fuerit, statuat, faciens, quod decreverit, per censuram Ecclesiasticam firmiter observari. Episcopi vero, sive alii Prelati, de causis matrimonialibus cognoscentes, omnino caveant, ne cupiditate devicti non solum dirimenda non dirimere, verum etiam separanda redintegrare pretextu pecunie, vel alterius commodi non presumant. Si quis autem contra hoc venire presumpserit, interdictum eo ipso se noverit officio, beneficioque privatum.

IX. Layci vero, qui de penis inferendis personis conjunctis, in causa matrimoniali, seu accusatoribus in probatione deficientibus se intromiserint, eum ad ipsos non pertineat, sed ad iudicem Ecclesiasticum, coram quo negotium ventilatur, per censuram Ecclesiasticam compellantur; cum ex hoc multi ab accusatione matrimonii retrahantur.

X. Item cum detentores *plurium* Personatum, vel dignitatum, seu beneficiorum Ecclesiasticorum cum cura, sine dispensatione, sint Sacrorum Canonum transgressores, & fructus talium beneficiorum percipiendo furtum committere dinoscantur; presenti decreto statuimus, ut omnes, qui huiusmodi dignitatum, personatum, seu beneficiorum cum cura, pluralitatem retinent, aut super hoc secum dispensatum fuisse coram Nobis infra proximam quadragesimam doceant manifeste; aut, si cum eis non fuerit dispensatum, eligant sibi unum de predictis beneficiis retinendum, & alia infra terminum memoratum libere in manibus illorum resignent, ad quos illorum collatio dinoscitur pertinere; alioquin ex tunc ab omnibus beneficiis Ecclesiasticis, dignitatibus, seu personatibus se noverint esse privatos. Precipimus autem illis, ad quos predictorum beneficiorum, personatum, seu dignitatum collatio pertinet, ut aliis personis idoneis conferant, & assignent. Quod si infra terminum a jure determinatum hoc adimplere non curaverint, ad proximum Superiorem eorum collatio devolvatur.

XI. Item ad aures nostras quorundam laycorum gravis excessus pervenit,

qui contra Ecclesiasticam libertatem quendam statuta, que leges inique possunt verius appellari, introducere non verentur: quod licet contra huiusmodi presumptores per Summos Pontifices olim processum extiterit, nos tamen propter transgressorum audaciam non tam novacudentes, quam etiam vetera renovantes, omnes illos, qui in Magdeburgensi Provincia, & Dyocesi Cameracensi de cetero servari fecerint statuta edita, aut consuetudines introductas contra Ecclesiasticam libertatem, excommunicamus in hiis scriptis; nisi ea de Capitularibus suis infra instantem quadragesimam fecerint amoveri. Excommunicamus etiam Statutarios & Scriptores statutorum ipsorum, nec non Consules & Rectores, & Consiliarios locorum, in quibus de cetero huiusmodi statuta & consuetudines edite fuerint & servate, nec non eos, qui secundum ea judicare presumpserint, vel in formam publicam scribere judicari.

XII. Item dolentes audivimus, quod quidam nobiles progenitorum suorum, felicium videlicet Principum, qui Ecclesiasticas personas honoraverunt multipliciter propter Deum, ingenuis libertatis exemplum derelinqentes, ac viam superbie & avaritie in suarum periculum animarum sequentes, ab episcopis, & aliis Ecclesiarum Prelatis bona quendam, que ab eorum Ecclesiis consueverunt recipi, & teneri; & recipere, ac eisdem debitum omagium facere dedignantur: Et cum super hoc requiruntur rationabiliter a Prelatis; quandam frivolum exceptionem opponunt, videlicet, "Quod id facere minime teneantur pro eo, quod ipsi Prelati nondum ab Imperatore sua bona temporalia receperunt." Nos itaque huiusmodi perizoma, quo tales sue superbie & avaritie turpitudinem occultare nituntur, tanquam vanum & frivolum exsufflantes, predictos nobiles monemus, & & hortamur attente, ut episcopis & aliis Ecclesiarum Prelatis, debitum omagium faciant, ac bona temporalia, que a predecessoribus recipi consueverunt in feodum, recipiant ab eisdem, ad quod faciendum nos instantem solemnitatem Resurrectionis Domini pro termino peremptorio duximus præfigendum, presenti

senti hac fidelium multitudine significantes eisdem, quod nisi infra predictum terminum hac facere curaverint, ex tunc contra ipsos spiritualiter & temporaliter auctore Domino procedetur, prout iustitia & ratio suadebit.

XIII. Item, sicut intelleximus, fama crescente, beneficia quedam Ecclesiastica plerisque per *Simonie vitium* conferuntur. Nos igitur huic morbo pestifero congruum remedium adhibere volentes districte precipimus, ne id de cetero fiat: & quicunque remorsum conscientie habens super beneficio per Simoniam dato, vel recepto, illud infra instans Pascha resignet, quod Simoniacce recepit: & qui obtulit, penitentiam agat, & siquid pro eo recepit, restituat; alioquin utrumque dantem scilicet, & recipientem ex tunc excommunicationis vinculo innodamus.

XIV. Item, sicut ex relatione multorum, & fide dignorum intelleximus, quedam consuetudo detestabilis, que magis corruptela, quam consuetudo est censenda, per Magdeburgensem Provinciam inolevit, videlicet, quod defunctis Sacerdotibus Ecclesiarum Parochialium, nec cura animarum porrigitur, nec Divinorum administratio conceditur personis, per veros Patronos, Ecclesiarum Prelatis, vel Archidiaconis loci, ad quos de jure pertinet presentatio, legitime presentatis, nisi primo Archidiacono vel Prelato melior vestis, & equus Sacerdotis defuncti tradantur eidem, vel quedam summa pecunie pro estimatione predictorum. Nos itaque tam horribilem venalitatem ab Ecclesia Dei excludere cupientes, perpetuo decrēto prohibemus, ne pro inducendo Presbyterum in Ecclesiam, vel cura animarum porrigenda, vel Divinorum administratione concedenda aliquid promittatur, vel detur. Quod si contra factum fuerit, uterque scilicet donans & recipiens, vel promittens, per censuram Ecclesiasticam percussatur. Si vero ex post facto aliquid ex mera libertate ultro offertur, illud equanimiter toleramus. Hæc autem statuta per totam provinciam Magdeburgensem & ad civitatem & Diocesim Caminensem duximus extendenda, mandantes, ea legi in singulis Synodis Episcopalibus, ne qui pretextu ignorantie se excusent.

Acta sunt hæc in Concilio Magdeburg. Anno Domini MCCLXVI. Pontific. D. G. Pape quarti anno secundo.

Cl. Luning. Continuazione II. Spicilegii Ecclesiastici a pag. 255. ad 257.

IN NOMINE DOMINI. AMEN.

Quoniam Prophetis ex Scripturis abhominabile dicitur affore tempus, in quo fides Catholica ulque adeo laceretur, quod in ea vix iustissimi & fortissimi perseverent, non immerito formidatur, quod jam adveniat talis hora, prout videtur exigente nephandissima Tartarorum, (a) quorum Dominus se quasi parem, vel fratrem Omnipotentis Dei & altissimi reputando dicit, dedit (b) in partem suam orbem terrarum, & Dei Salvatoris nostri cessisse Regna Ecclesiastica portionem, dispare tamen cultu, cum suam partem interfectionibus fordiatur, quam & Dominus noster Jesus Christus simul cœlestibus creavit, quem & salvavit proprio sanguine & redemit. Proinde ad resistendum tantæ immanitati Reverendus Pater ac Dominus noster, Sacro-Sancte Romane Sedis Summus PONTIFEX, mandavit nobis presens Concilium adunare, in quo sic decernimus statuendum, ut fratres nostri Domini episcopi, filii Abbates, Prepositi, Archidiaconi & alii Ecclesiarum Prelati, commissum sibi Christianum populum quilibet in suis terminis exhortetur diligentia cum exacta, ut

I. Si quid sit inter eos, quod abest, Errorum, odii, vel qualislibet simulationis, super eo in fraterne pacis redeant unitatem:

II. Et vigiliis, orationibus, jeuniis, sibi Deum reconcilient;

III. Et ideo Processiones & Letanias indicant, quas hic etiam precipimus observari. In quolibet mense una Processio generalis, sicut in Rogationibus cum jeuniis observetur: possunt tamen Prelati, Archidiaconi, & Plebani post peractam Processionem, sexta feria duritaxat excepta, suis subditis laicorum esum misericorditer indulgere. Ad quam etiam processionem veniant Religiosi Ordinis cujusque.

IV. Preterea volumus, ut Pl. Deus venerunt gentes. cum Antiphona: Da pacem Domine, nec non cum Kyrie el. Christe

liiii 3

ch.

(a) forte gente.

(b) omisum aliquid, unde obscurus sensus.

el. Kyrie el. Pater noster, cum vers. *Fiat pax in virtute tua*, & cum Coll. *Deus, a quo*, cum genuflexione. Et hec omnia post *Agnus Dei*, antequam Sacerdos communicet, qui etiam Sacerdos Collectam dicat cum pulsatione unius campanæ: & ista in singulis Ecclesiis & Parochiis diligentius observentur.

V. Item statuimus, ut qui predictam campanam pulsari audierint, & cum genuflexione Dominicam orationem dixerint, auctoritate nostra & Suffraganeorum nostrorum X. dies inuncte indulgentiæ habeant, & hoc sive intra, vel extra Ecclesiam, campanam audientes, & ut dictum est, Dominicam orationem dicentes fuerint constituti. Verum quoniam hominum crescente malicia, iuribus que super libertatibus Ecclesiarum & Cleri S. . . detrahitur, adeo, quod, quia nulla defensio ab ipsis iuribus habeatur, sacro approbante Concilio, quedam spiritualia statuimus, que ad notitiam tam futurorum, quam presentium cupimus pervenire.

VI. Quod si Archi-Episcopum vel Episcopum nostre Provincie capi contingat, in tota provincia cessetur penitus a Divinis; si vero Prelatum, vel Canonicum Cathedralis Ecclesie capi contigerit, per totam Dyocesim, in qua captus detinetur, cessetur penitus a Divinis. Item si plebanum, vel quemlibet Clericum, in sacris Ordinibus constitutum, capi contingat, per totum Archi-Diaconat, cessetur similiter a Divinis.

VII. Item, si Archi-Episcopum vel Episcopum nostre Provincie capi contingat, & capiens Capellanos habeat, vel Scriptores, statuimus, ut infra VIII. dies a Domino suo redeant; alioquin ex tunc beneficiis careant, & sint inhabiles ad beneficia obtinenda, & ad superiores ordines nullatenus assumantur. Si vero jam sint Ecclesiastica beneficia consecuti, illis, nec non officio sint privati.

VIII. Ceterum, si Prelatus inferior, vel Plebanus, vel Clericus in sacris ordinibus constitutus captus fuerit, Capellani vel Scriptores captivantis ab eo infra unum mensem recedant, alioquin de hiis sit, quemadmodum superius est statutum.

IX. Ad hec quia Prelati tam regulares, quam seculares, & alii Clerici no-

stre provincie passim contra libertatem Ecclesiasticam ad seculare iudicium pertrahuntur; cum hoc penitus sit absurdum, statuimus, ut actor; qui talem maliciose intempraverit actionem, postmodum coram Ecclesiastico Iudice conquerens nullatenus admittatur; & nihilominus, si compertum fuerit, eum de persona Ecclesiastica, kalumpniose movisse querelam, tam ipse, quam Iudex, excommunicationis sententia constringantur, usque ad satisfactionem condignam artius evitandi.

X. Item, quia quidam a Prelatis, seu personis Ecclesiasticis contra libertatem eorum, & approbatam consuetudinem ex antiquis obtentam temporibus pedagia, thelonia; extorquent iniuste; statuimus, ut tales ad abstinendum hiis angariis eorum, per Ordinarios suos, monitione premissa, censura Ecclesiastica compellantur.

XI. Item propter maliciam hominum excrecentem, contra spoliatores Episcoporum, & Clericorum cujuscunque ordinis, statuimus; ut quicunque nobiles vel alii ad torneamenta vel prelia pro . . . ad colligendum viros & complices suos, jacuerint in bonis, sive alodiis Episcoporum, & Clericorum, & fecerint ibi dampna: nisi per Ordinarios, vel eorum Officiales commoniti de dampnis illatis lesis satisfaciant; hiidem iudices certificati per juramentum trium ad minus, quorum interest, legalium personarum de injuria notoria & manifesta, excommunicent ipsos, & enuncient ab omnibus artius evitandos: omnia quoque loca, in quibus habent receptacula vel domicilia, usque ad satisfactionem condignam subijciantur Ecclesiastico interdicto.

XII. Preterea statuimus, ut si qui Episcopos, vel Clericos cujuscunque ordinis angariaverint, ad prestandos equos, vel currus victualibus oneratos, ut ab hoc cessent, simili sententia compellantur. Et hoc etiam de illis, qui faciunt exactiones in bonis Episcoporum vel Clericorum, districtius precipimus observari.

XIII. Excommunicamus etiam ex nunc omnes, qui dicatas Deo Ecclesias ausu sacrilego prophanantes, faciunt munitiones, de ipsis perfodiunt cimete-

ria, reiectis offibus mortuorum: omnes quoque adhibentes in hiis opus, consilium, & iuvamen, decernimus excommunicationis sententie subiacere, ecclesias etiam taliter prophanatas & omnia loca illa, in quibus consilium, vel auxilium prestantes habent receptacula, subijcimus ex nunc Ecclesiastico interdicto.

XIV. In graviolem etiam penam talium subtrahantur eorum familie Sacramenta, & Ecclesiastica sepultura, donec cum debita satisfactione munitiones destruant supradictas. Ad extirpandam etiam illam detestabilem corruptelam quorundam Patronorum, qui defunctis Ecclesiarum Rectoribus dotem spoliant, & Ecclesiam rebus mobilibus & immobilibus in salutis sue dispendium, & scandalum plurimorum; statuimus, siue Clericus siue laicus, facere presumperit, iure presentandi sit ea vice privatus, & Archi-Diaconus, vel si & ipse negligens fuerit, primus superior eandem Ecclesiam conferat illa vice, & nihilominus ad restitutionem ablatorum Patronorum per Ordinarium compellatur Ecclesiasticam per censuram.

XVI. Ceterum cum nonnulli Ecclesiarum Advocati spe defensionis assumpti, ita, quod de ceteris stipendiis eisdem spontanee deputatis ipsarum iura, possessiones & homines defensare deberent, facti sunt de defensoribus offensores: eo quod tam immoderatis serviciis angariant homines, quod (c) possunt propriis Dominis persolvere suos census, aliasque illicite dividentes inferioribus suis advocatias in partes, in grave dispendium ecclesiarum eos infeodare presumunt. Cum igitur privilegium mereatur amittere, qui sibi concessa abutitur potestate, statuimus, quod hiidem advocati stipendiis & serviciis sponte assignatis sint contenti, prout coram Imperator. est obtentum, sententia Principum approbante; aliaque iura Ecclesiarum & homines defendant, nihil aliud iuris in hominibus & possessionibus usurpantes, redintegrent advocatias in partes divisas & interioribus infeodatas, & ipsi feodarii eas taliter occupatas dimittant. Quod si non fecerint infra mensem, moniti per Ordinarios & superiores, ipse advocatus, & suus feodarius ad id

per excommunicationis & interdicti sententiam compellantur.

XVII. Statuimus deinde, ut si quis Episcoporum, vel Clericorum & Ecclesiarum bona, siue homines temere invaserit, spoliis, incendiis, vel rapinis, aut tollendo pignora, occasione cujuscunque questionis, quam contra aliquem Ecclesie advocatum se proponit habere, secundum sanctiones Can. puniatur.

XVIII. De mulieribus, que *BEGINE* vocantur, statuimus; ut Plebano, in cujus morantur Parochia, obedientiam faciant, & ei in omnibus obediant, sicut ceteri Parrochiales. Alioquin ad id per ipsos Plebanos cum excommunicationis sententia compellantur.

XIX. De interfectores Clericorum, & mutilatoribus servetur, quod de hiis Canones statuerunt.

XX. Item quia vagi scolares, qui *Eberdini* vocantur, abominabilem ducunt vitam, divinum invertunt officium, unde laici scandalizantur; monachis dant materiam apostatandi, quippe quos de claustris recedentes, & alibi receptaculum non invenientes, ipsi in suum recipiunt consortium; statuit hec *Sancta Synodus*, prohibendo, ne quis Clericos (d) ipsos recipiat, vel aliquid det eisdem: quod si fecerit, a superiore suo suspensus acius corrigatur. Nullus etiam scolaris recipiatur, nisi scolas vel chororum frequentans, siue decenti alias servitio deputatus.

XXI. Item quicumque violaverit (e) communitatem Ecclesie, convictus excommunicationis denunciatur, donec satisfecerit secundum Canonicas sanctiones. Item qui propter urgentem necessitatem, ut fieri solet tempore Werrarum, tuguria vel alia receptacula in cimiteria faciunt; cessante Werra, exportatis rebus & destructis tuguriis, tam Ecclesias, quam cimiteria mundicie & libertati pristinae reformant: si moniti infra duos menses non fecerint, ad hoc per excommunicationis sententiam compellantur.

XXII. Prophanum etiam iudicamus, quod si quis in Ecclesiis vel cimiteriis edificia, vel qualescunque res posuerit, postmodum ea jure hereditario presumperit usurpare. Item Sacerdotes,

(c) forte non addendum.

(d) lego: Clericus.

(e) lego: emunitatem.

tes, qui scienter incendiarios Ecclesiarum, vel religiosorum locorum, nec non alias excommunicatos receperint in divinis, Canonice puniantur.

XXIII. Item laici, qui quicquam contra Ecclesiasticam statuerint libertatem, utpote contra Sacrificia, vel alia ad cultum divinum spectantia, excommunicationis sententia innodentur.

XXIV. Item circa matrimonia etiam statuimus, & precipimus, ut hoc firmiter teneatur, scilicet; ut matrimonia cum omni honore in facie Ecclesie celebrentur. Sacerdos quoque in tribus diebus Dominicis, vel festivis, a se di-

stantem populum moneat, ut, si quod legitimum impedimentum noverint, circa matrimonium contrahendum, utpote consanguinitatem, affinitatem, votum, ordinem, disparem cultum, compaternitatem, & similia, illud in facie Ecclesie studeant revelare. Excommunicationis etiam sententia feratur in genere in omnes eos, qui hujusmodi impedimenta celant, qui etiam condigne, si postmodum detecti fuerint, puniantur.

Cl. Lunig. Continuazione II. Spicilegii Ecclesiastici a pag. 257. ad 259.

CONCILIIUM VRATISLAVIENSE

SUB THOMA (a) EPISCOPO.
Anno Christi MCCLXXIX. Nicolai III. Papæ II.
Rudolphi I. Regis VII.

NOS, THOMAS, Dei gratia Wratislaviensis (b) episcopus, Synodo in Ecclesia Cathedrali in castro S. Joannis Baptiste anno Dom. MCCLXXIX. præfidentes: Lucris animarum, sicut decet Pastorum vigilantiam, totis viribus inhiantes, non tam nova euentes, quam vetera renovantes: universis Personis Ecclesiasticis per nostram Wratislaviensem Dioecesin constitutis, districte præcipimus:

I. Ut in victu, gestu, & aliis circumstantiis sui status, sic honeste se habeant & decenter, ne propter ipsos nomen Ecclesiasticum blasphemetur.

II. Eisdem imprimis districtius inhiabentes, ne de patrimonio Crucifixi inimicos se faciant Crucis Christi, sicut illi, quorum Deus venter est, qui terrena sapiunt, non Divina. In conviviis suis modestiam & mediocritatem obser-

vent, superfluitatem indebitam refectantes, ebrietatem, fomitem omnium vitiorum & nutrimentum, evitent.

III. Præcipimus etiam; ut Clerici continenter & caste vivere studeant, quatenus puro corde, & mundo corpore Deo possint in officio Ecclesiastico ministrare. Si vero deprehensi fuerint, detinere publice concubinas; juxta tenorem Constitutionis (bonæ memoriæ) Domini GUIDONIS Suaden. (c) quondam in partibus Poloniæ Apostolicæ Sedis Legati, omni beneficio Ecclesiastico sint privati. Archi-Diaconos vero, qui hujusmodi Concubinarios, si de eorum crimine ipsis constiterit evidenter, in beneficiis suis toleraverint contra sententiam antedictam; ex tunc suspendimus a Divinis.

IV. Eisdem nihilominus sub eadem pena firmiter injungentes, ut Ecclesias, qua-

(a) Thomas hoc sæculo celebris Wratislaviensium Episcopus, bis bello captus a Boleslao Calvo, demum Henrico Duci reconciliatus. Obiit circa A. 1290. ordine XXIII. Episcopus, sed XVI. in urbe Wratislavia, nam antea in Smogra & Bitzen sedebant.

(b) Wratislavia duo præterea Concilia celebrata fuerunt hoc sæculo, unum A. 1246. vel 1247. alterum A. 1248. a Jacobo Archi-Diacono Leodiensi, misso ab Innocentio IV. in Poloniam contra Fridericum II. Augustum: ibi quinta pars redituum Ecclesiasticorum a Papa petita & impetrata fuit. Vicissim Jacobus Legatus indulgit, ut jejunium ante Pascha, quod veteri stylo Polonis novem hebdomadarum fuerat, nunc 6½ hebdomadis finiretur.

(c) lego: Sabini Episcopi Cardinalis.

quarum ad ipsos spectat visitatio, infra tres menses, si commodè poterint, visitent, ne prætextu alicujus ignorantia se valeant excusare.

V. Et cum Ecclesias sibi subjectas eos contigerit visitare, moderentur expensas, coerceant numerum Comitum, prout in Generali Concilio extitit definitum. Munera etiam penitus deviteant: nec visitationis officio non impenso, procurationem in victualibus, aut aliquid procurationis nomine recipere præsumant. Horum si facere præsumperint, duplum ejus, quod receperint, Ecclesiæ, à qua id receptum fuerit, infra mensem restituere teneantur: alioquin prædicti Archi-Diaconi, duplum ipsum ultra prædictum tempus restituere differentes, ab officio & beneficio juxta Constitutionem (felicitis recordationis) GREGORII PAPÆ X, noverint se esse suspensos, quousque de duplo hujusmodi gravatis Ecclesiis plenariam satisfactionem impendant, nulla in eis hoc dantium libertate, remissione, seu gratia valitura.

VI. Item, quia peccatis exigentibus quorundam laicorum in nostra Dicecesi adeo iniquitas inolevit, quod in rebus Ecclesiæ furtum reputatur sagacitas, rapina probitas, & violentia fortitudo: Synodali judicio statuimus, ac etiam definimus, ut quicumque nobiles, vel ignobiles, cujuscunque conditionis existant, bona Ecclesiarum scienter detineant occupata, nisi infra instans festum Assumptionis Beatæ Virginis eadem restituerint, & de damnis ac injuriis satisfecerint competenter, ex tunc juxta Constitutionem Domini GUIDONIS præfati, introitum Ecclesiæ sibi noverint interdictum, nec ab Ecclesiarum Prælati, sive Rectoribus ad Communionem Domini Corporis admittantur. Qui vero obstinata mente, dum vixerit, satisfacere non curaverit, nullus Clericus secularis, vel regularis, secundum quod in eadem Constitutione continetur, sepulture ejus interesse præsumat.

VII. Et quicumque laicus nobilis, vel ignobilis, venditionem decimarum clam vel palam impedire præsumperit, quousque digne satisfecerit de tali commisso, introitum Ecclesiæ sibi noverint interdictum. Statuimus etiam & districte præcipimus, ut omnes Sacerdotes tam sæculares, quam regulares, inter

alias circumstantias, diligenter requirant a confitentibus sibi, si decimas non solverint, vel violenter, vel fraudulenter obtinuerint: nec talibus injungatur penitentia, nisi decimas sic detentas, ex integro restituant, vel ei, ad quem de jure pertinent, de prædictis decimis satisfaciant competenter. Qui vero decimas sic ablatas non restituerint ei, uti debent de jure restitui, nec in vita sua satisfacere curaverint, Ecclesiastica careant sepultura.

VIII. Præcipimus etiam universis & singulis Ecclesiarum Rectoribus & Vicariis, per nostram Dicesin constitutis, ut singulis diebus Dominicis & Festis, à Calendis Julii usque ad medium Augusti, quolibet anno, pulsatis campanis & extinctis candelis, excommunicatos denuntient omnes occupatores & impenitentes sive violentos, sive fraudulentes decimarum, & prohibentes decimas in villis suis deponi; & eos, qui pro certa summa pecuniæ decimas emerunt, & non solverunt: quos bonæ memoriæ Dominus FULCO, quondam Archi-Episcopus Gneznenfis in Concilio Provinciali unicum Suffraganeis suis excommunicavit, prout in eisdem Archi-Episcopi Constitutionibus est expressum. Et ut omnes, qui per Nos, vel auctoritate Constitutionis Legatorum, seu Domini FULCONIS Archi-Episcopi, sunt excommunicationis sententia innodati, excommunicatos publice nuntient, sub poenâ trium marcarum argenti, sicut prædictus D. FULCO Archiepiscopus Gneznenfis notatur statuisse.

IX. Item præcipimus universis Capellanis Ducum, sive Principum nostræ Dicesis, sub poenâ suspensionis officii, ut Decretales felicitis record. Domini GREGORII PAPÆ X, quarum tenorem præfati Constitutioni inferimus, ad minus sex vicibus in anno, videlicet in festo Resurrectionis Domini, Pentecostes, Assumptionis Beatæ Virginis, S. Michaelis, omnium Sanctorum, & Natalis Domini coram prædictis Ducibus publice in Ecclesia recitent post Evangelium, in vulgari fideliter & diligenter exponant. Quarum Decretalium tenor talis est: *Absolutionis beneficium ab excommunicationis sententia, vel quacunque revocationem ipsius, aut suspensionis, seu etiam interdicti, per vim vel metum extortam, præfati Constitutionis auctoritate omnino viribus vacuamus.*

X. Ne autem sine vindicta violentia crescat audacia; eos, qui absolutionem seu revocationem huiusmodi vi, vel metu extorserint, Excommunicationis sententiae decernimus subiacere. Alia Decretalis:

XI. Quicumque pro eo, quod in Reges, Principes, Barones, Nobiles, Balivos, vel quoslibet Ministros eorum, aut quoscunque alios, excommunicationis, suspensionis, seu interdicti sententia fuerit promulgata, licentiam alium dederint occidendi, capiendi, seu alias in personis, seu bonis suis, vel suorum gravandi; eos, qui tales sententias protulerint, sive quorum sunt occasione prolatae, vel easdem sententias observantes, seu taliter excommunicatis communicare volentes: nisi licentiam ipsam, re integra, revocaverint, vel si ad honorum captionem occasione ipsius licentiae sit processum: nisi bona ipsa fuerint intra octo dierum spatium restituta, aut satisfactio pro ipsis impensa; eo ipso excommunicationis sententiam incurrant.

XII. Eadem quoque sint sententia innodati omnes, qui ausi fuerint, praedicta data licentia uti, vel aliquid praemissorum, ad quae committenda licentiam dari prohibuimus, alias committere suo motu. Qui autem in eadem sententia permanserint mensum duorum spatio, ex tunc ab ea non possint, nisi per Sedem Apostolicam absolutionis beneficium obtinere.

XIII. Praecipimus autem universis Rectoribus Ecclesiarum, & Capellanis nostrae Diocesis, eisdem in virtute obedientiae & sub poena unius marcae argenti, firmiter injungendo, quatenus copiam Constitutionis praesentis recipiant intra mensem: & eam Constitutionem in scriptis redactam in Ecclesiis suis juxta altare in tabula lignea affigant, una cum Constitutionibus (bonae memoriae) Domini FULCONIS Archi-Episcopi.

Lunig. Continuat. II. Spicilegii Ecclesiastici pag. 1173. ad 1175.

ADDENDA AD SYNODUM PATAVIENSEM AD S. HIPPLYTUM. ANNI MCCLXXXIV.

SUMMA. Poena ex commissione Papae decernitur in Monachos Altabenses, qui Volchman Abbatis sui necem in Trajectu Danubii in Werd procuraverant.

NOS GODEFRIDUS, (a) DEI GRATIA, ECCLESIAE PATAVIENSIS EPISCOPUS.

SCire volumus quoslibet literarum praesentium inspectores, quod in anno Domini MCCLXXXIV. II. Kalend. Maji apud Pataviam Capitulum celebrantes, & in Cathedrali Ecclesia Synodo praesidentes, inter alia, quae super conversatione boni status, & reformatione, ac emendatione defectuum Cleri nostri cum dilectis in Christo Fratribus tractavimus, ad memoriam nobis exitit miserabilis quondam Volchman Abbatis Altabensis caedes, a rebellibus loci fratribus procurata per laicos cognatos eorumdem. (vide Stevonem Tomo I. Freberi.) De consilio itaque Fratrum, nobiscum in Synodo existentium, eos, qui in lite & diffensione principales fuerunt [numero septem] ab Altabensi Monasterio & Pataviensi Dice-

cesi perpetuo amoventes, ab excommunicationis sententia absolutos, ipsos duimus suae conscientiae relinquendos.

Reliquos vero, quos minus, quam alios, invenimus deliquisse (octo fuerant) Dilecti in Christo Fratris nostri Popponis, Abbatis ipsorum in Altab, discretionem relinquimus puniendos. Concedentes auctoritatem dispensandi &c. . . . Hac tamen modificatione adjecta, ut iidem Fratres sint ultimi in ordine, & voce Capituli in omnibus electionibus & tractatibus careant, nec ad aliquod officium & administrationem honoris, sed tantum oneris admittatur. . . .


Hansfz. Tomo I. German. Sacra pag. 438. ex Stevone.

Godefridus Episcopus obiit A. 1285, in octava Paschae, sedit annos duos, mensem unum, dies 19.

INDEX CHRONOLOGICUS CANONUM, PRIMIS XI. SÆCULIS ÆRÆ CHRISTIANÆ IN ET AB ECCLESIIS GERMANIÆ ACCEPTATORUM, VEL CONDITORUM, ASSIGNATO CONCILIO ET ANNO, QUO CANON CONDI- TUS FUIT, VEL ANNO, QUO CANONUM COLLECTOR EUM RECENSUIT.

CONCILIORUM INDICEM CHRONOLOGICUM VIDE IN INITIO
TRIUM TOMORUM.

P R Æ F A T I O.

 Indicem Canonum per Concilia Germaniæ, XI. primis æræ Chri-
stianæ Sæculis celebrata, digestum edimus, talem, qualem olim
FULGENTIUS FERRANDUS, Carthaginensis Ecclesiæ Sæculo sexto Dia-
conus, scripsit BREVIATIONEM SACRORUM CANONUM subje-
ctis singulo Canoni Conciliis primorum Sæculorum, & Decretalibus
Pontificum. Eam edidit Clarissimus Petrus Pithecius anno MDLXXXI.
& Illustrissimus Peleterius splendido Regio typo recudit A. MDCLXXXVII.
Complectitur hæc Breviatio Canones CCXXXII. Florebat & scribebat
Ferrandus post Consulatum Basilii (id est) anno DXLII.

Simili fine & idea Crisconius scripsit BREVIARIUM CANONICUM,
quo comprehendit Canones CCC. subjectis sigillatim Conciliis, in quibus
ii conditi fuere, & Decretalibus Pontificum Siricii, Innocentii, Zosimi,
Celestini, Leonis, & Gelasii, ex quibus fuerunt decerpti.

Edidit & hoc Breviarium immortalis memoriæ vir Petrus Pi-
thecus anno MDLXXXI, & recudit idem, qui supra Peleterius elegan-
tissimis formis Parisiis anno MDCLXXXVII.

Antonius Augustinus, Tarraconensis Archi-Episcopus, Juris Cano-
nici Restaurator, ex universis Conciliis Ecclesiæ Catholicæ concinnavit
EPITOMEN JURIS VETERIS PONTIFICII in Folio, in qua de Personis,
Rebus, & Judiciis Canonicis Canones recensuit, & velut ideam gene-
ralem Juris Ecclesiastici instruxit typo Romano in Folio anno MDCXIV,
deinde recusam anno MDCXLI. typo Parisino.

Idem consilium meum est in INDICE, quem collectioni Conciliorum
Germaniæ XI. primorum Sæculorum subijcio, hoc discrimine:

Imo. Quod Canones in Conciliis Germaniæ conditos, uti &
qui in Conciliis Dionysiani codicis ab Carolo Magno acceptati
Index Chronol. Canon. fuere,

fuere, solos recenseam: adeoque exhibeam *Synopsim Juris antiqui Ecclesiastici Germanici*.

2^{do}. Quod *Canones juxta materiam alphabetario ordine distinxerim, quo facilius reperiantur.*

3^{tio}. Quod *Concilii annum & titulum, quo Canon dinumeratur, addam. Canonistarum autem, Bonifacii, Haytonis, Chrodegangi &c. ætas metienda est ex anno eorum emortuali, quem jam enumeratum eo. Utrumque deest Ferrandi & Crisconii Breviariis: unde inquisitio difficilis canonica de hoc illoque argumento Sanctorum Canonum.*

§. II. *Fructus autem multiplex, ut spero, Lectori, Germanicum Jus antiquum, vel primævum scrutanti obveniet. Videbit enim 1^{mo}. Pulcherrimam ordinationem graduum, quibus ascenditur ad Hierarchiæ sacræ summa fastigia. 2^{do}. Sua singulis Clericis & Laicis præscripta Statuta usque ad minutissima quæque servanda, aut vitanda. 3^{uo}. Primævæ Ecclesiæ vigorem in exigendis officiis singulorum ordinum, & statuum, & membrorum. 4^{to}. Frequentiam Synodorum & Majestatem Ecclesiæ, congregatæ in Synodis annuis, imo semestribus; Nationalibus, Provincialibus, Diæcesanis. 5^{to}. Pœnas in delinquentes pro rata delictorum, pro numero & tempore valde graves, & ut nobis videntur, intolerabiles ætati nostræ. 6^{to}. Dispensationes, exemptiones, vel nullas, vel rarissimas, vel in Conciliis ratas. 7^{mo}. Episcoporum potestatem illimitatam in omnes personas & redditus Ecclesiarum suæ Diæceseos; in Clericos, Monachos, Laicos.*

§. III. *Etsi in materia FIDEI nullam mutationem, aut innovationem Ecclesia Christi passa sit, aut toleraverit his XVII, quibus jam stat inconcussa Sæculis: attamen in materia disciplinæ & Hierarchiæ varias subivit mutationes, pro locorum & temporum diversitate. Ecclesia (ajebat S. Augustinus) inter multam paleam constituta, multa tolerat, & tamen, quæ sunt contra Fidem, vel bonam vitam, non approbat, nec tacet, nec facit. Non approbat, imo e contrario dōgmata Fidei, & Evangelicæ vitæ sanctissima & intemerata semper, quotidie, ubique, omnibus proponit: nec ullam hæresim, aut ullum errorem docuit: nec deprehensum in quibusdam, aut detectum dissimulavit, tacuit; sed improbat, condemnavit. Denique nec facit quid contrarium Fidei, aut bonæ vitæ; etsi enim, uti hoc nostro, sic & præcedentibus Sæculis multi fideles sint viventes vita & moribus Fidei Divinæ & Canonibus sacris contrariis; tamen & hoc nostro, & superioribus Sæculis singulis apud Catholicos, in quovis statu & genere hominum non defuere, qui sanctis, immaculatis, & innocentissimis moribus vivere conformiter Fidei & doctrinæ suæ Ecclesiæ.*

Non est igitur mens nostra in hoc indice confecto quidquam reprehendere, aut taxare, vel mutare in disciplina Ecclesiæ, in regulis morum,

rum, quibus nunc utitur ac regitur Ecclesia Christi. Absit ea intentio à Scriptore Catholico; sed duntaxat eam, quæ primo Millenario vixit, disciplinam reddibere posteris spectandam, & demirandam exhibere; quo incitentur ad æmulanda charismata meliora illi, quibus ad altiora spiritum & cor affert Spiritus omnis Sanctitatis Auctor, & Ecclesie Paracletus perpetuus, & Advocatus omnibus diebus usque ad consummationem sæculi.

CANONISTARUM GERMANIÆ INDEX, ET ANNI EMORTUALES SINGULORUM.

- I. S. BONIFACIUS, Archi-Episcopus Moguntiae, obiit Anno æræ Christianæ DCCLIV.
- II. CHRODEGANGUS, Episcopus Metensis, obiit anno DCCLXVI. VI. Martii.
- III. SIMPERTUS, Episcopus Augustanus, obiit anno DCCCXVIII. XIII. Octobr.
- IV. SMARAGDUS, Abbas S. Michaelis ad Mosam in Provincia Virduni, post annum DCCCXIX.
- V. REMEDIUS, Curienfis Episcopus, obiit A. DCCCXX. VII. Junii.
- VI. BENEDICTUS, S. Aniani & S. Cornelii ad Indam Abbas, obiit A. DCCCXXI. XI. Februarii.
- VII. HALITGARIUS, Cameracensis Episcopus, obiit anno DCCCXXX. XXV. Junii.
- VIII. AMALARIUS, Diaconus Metensis, alias Chor-Episcopus, obiit post annum DCCCXX.
- IX. HATTO, vel AHYTO, Basileæ Episcopus, obiit A. DCCCXXXVI. XVI. Martii.
- X. BENEDICTUS, Levita Ecclesie Moguntinæ, obiit A. DCCCXLVI.
- XI. RHABANUS MAURUS, Archi-Episcopus Moguntinus, obiit A. DCCCLVI. XI. Februarii.
- XII. REGINO, Abbas Prumiensis, obiit A. DCCCCVIII.
- XIII. BURCHARDUS, Episcopus Wormatiæ, obiit A. MXXVIII.
- XIV. BERNALDUS, Constantiensis Presbyter, obiit post A. MLXXX.
- XV. GEBEHARDUS, Salisburgensis Archi-Episcopus, obiit A. MXCIV.

Hi intra XI. prima Sæcula æræ Christianæ in Germania Canones collegere.

Codicis Dionysiani Concilia ad annos suos relata videbis: sed Canonum L, qui Apostolorum dicuntur, & Concilia Carthaginensia IV. & Africana, confusione annorum majore laborant, quam ut singula ad annos reducantur. Summatim sit definiti potest eorum ætas:

L. Canones Apostolorum vulgati & collecti sunt exeunte tertio, ineunte quarto Sæculo.

Concilium Carthaginense primum anno CCCXLVIII. sextum anno CCCCXIX. Canones Africani inter annos CCCXCIII. & CCCCXXIII. editi & collecti suere.

INDEX CANONUM.

	Tom. pag.		Tom. pag.
A bbas cum suis Monachis dormiat. <i>Concil. Francofordiense anno 794. titulo 13.</i>	I. 326	super capita virorum: nec velare virgines benedictione, sacerdotali. <i>C. Aquisgran. anno 789. tit. 76.</i>	I. 283
Abbas sine consensu Episcopi non eligatur. <i>Conc. Francoford. anno 794. tit. 17.</i>	I. 326	Abdicatio Regni facta a Ludovico Pio Imperatore <i>Compendii anno 833.</i>	II. 62
Abbas Augiæ divitis cogitur abdicare usum Pontificalium concessum. <i>Conc. Constantiense anno 1033.</i>	III. 103	Casti & irrita declaratur. <i>In C. Theodonis Villano anno 835.</i>	II. 63
Abbas & Monachi subiecti sint Episcopis. <i>C. Aquisgr. A. 802. tit. 15.</i>	I. 367	Adelbertus & Clemens hæretici Episcopi damnati in <i>C. German. A. 745.</i>	I. 72
Abbatēs mensura, quam Monachi sui habent, in mânducando, bibendo, dormiendo, vestiendo, operando, sint contenti. <i>Conc. Aquisgran. anno 817. tit. 25.</i>	II. 4	In <i>C. Sueffionensi A. 743.</i>	I. 57
Unum Abbatem duobus Monasteriis præesse non licet. <i>Conc. Epauonense anno 517. tit. 11.</i>	II. 682	In <i>C. Romano A. 745.</i>	I. 60
Abbas in culpa vel fraude repertus, si ab Episcopo non vult accipere successorem, ad Metropolitæ iudicium deducatur. <i>Conc. Epauonense anno 517. tit. 19.</i>	II. 587	Eorum scripta, licet igni addicta, ab Episcopis servantur in scrinio Ecclesiæ Romanæ	I. 71
Abbatī excæcare, aut mutilare Monachos ob culpam nullam licet. <i>C. Francoford. anno 794. tit. 18.</i>	I. 326	Adelberti epistola & oratio damnata. <i>In C. Romano eod.</i>	I. 63
Abbatissa, qualis debeat esse in Monasteriis. <i>C. Aquisgr. anno 816. tit. 7.</i>	I. 530	Abrenuntiatio Diaboli & operibus ejus facienda ante Baptismum. <i>C. Liptinense A. 743.</i>	I. 51
Abbatissæ, seu regulariter, seu canonicè viventes, in claustris manent, in Monasteriis sedent. <i>Conc. Moguntin. anno 813. tit. 13.</i>	I. 408	Absentia Episcopi ab Ecclesiâ sua ultra tres hebdomadas non conceditur. <i>C. Sardicensi A. 347. tit. 14.</i>	I. 192
Abbatissæ & Sanctimonialēs sine licentia Episcopi non exeat, nullam recipiant, cum ejus consilio agant. <i>C. Aquisgran. anno 802. tit. 20.</i>	I. 368	<i>C. Francoford. A. 794. tit. 51.</i>	I. 328
Quas & quot Moniales Abbatissa admittat. <i>C. Aquisgr. A. 816. tit. 8.</i>	I. 531	Absentia Archi-Capellani Regii, qui Archi-Episcopus, vel Episcopus erat, a sua Ecclesiâ, & præsentia in Curia, Apostolica auctoritate impetranda erat, & facta, a Synodis & comprovincialibus Episcopis collaudata. <i>C. Francof. A. 794. tit. 55.</i>	I. 329
Abbatissæ virorum frequentias vident. <i>C. Aquisgr. A. 816. tit. 19.</i>	I. 536	Abscindens sibi sponte partem corporis non promoveatur ad Clerum. <i>C. Triburiensi A. 895.</i>	II. 401
Abbatissa, in civitate Monasterium habens, non exeat, nisi Episcopi licentiâ, aut Regio jussu. <i>Conc. Moguntin. A. 847. tit. 16.</i>	II. 157	Accusare non possunt criminosi. <i>C. Francoford. A. 794. tit. 36.</i>	I. 327
Exiens constituitur Vicariam vigilem. <i>Ibid. eodem titulo.</i>		<i>C. Carthagin. tit. 8.</i>	I. 200
Abbatissæ, regulariter & canonicè non viventes, Episcopo & Regi denunciandæ, ut honore priventur. <i>C. Francoford. A. 794. tit. 47.</i>	I. 328	Nec excommunicati. <i>C. African. tit. 95.</i>	I. 229
Abbatissæ non licet manus imponere		Non servi, non liberti, non infames. <i>Ibid. tit. 96.</i>	
		Accusator, si unum crimen non probaverit, ad alterum non admittendus. <i>Ibid. tit. 97. Rabanus tit. 10.</i>	II. 197
		Accusator non potest testes de domo sua producere. <i>C. African. tit. 98.</i>	I. 229
		Nec talem infra ætatem xiv. annorum. <i>Ibid. Rabanus tit. 10.</i>	II. 197
		Accusare Episcopos, vel Majores natu, non audeant, qui non sunt bonæ conversationis, quorum vita accusabilis est. <i>Aquisgr. Capit. t. 35.</i>	I. 275
		Viles personæ non habent potestatem accusandi, nec in primo falsum dicens, potest 2dum accusare. <i>Aquisgran. Capitul. A. 789. tit. 95.</i>	I. 277
		<i>Remedius tit. 30. & 40.</i>	II. 423
		Accusatus Episcopus duodecim judices	

INDEX CANONUM.

V

Tom. pag.

Tom. pag.

- ces eligat : finis causæ Episcopi ad Sedem Apostolicam referendus. *Remedius tit. 40.* II. 423
- Accusatus Presbyter prius ter moneatur, & vel fateatur, vel juramento se purget. *C. Erfordienſe an. 932. tit. 4.* II. 602
- Accusatus in Synodo, si neget, juramento se purget. Si ante fur, vel perjurus fuit, non admittatur ad juramentum, sed aqua, vel ferro candenti se purget. *Regino Lib. II. tit. 302.* II. 560
- Episcopo accusanti eum, qui sibi soli crimen confessus est, non creditur. Potest eidem secreto, non publice, communionem interdiceret. *Conc. Africanum tit. 99.* I. 229.
- Accusatus Presbyter, vel Diaconus, causam suam apud Episcopos vicinos sex, cum suo Episcopo & seipso discutiat: Diaconus apud tres Episcopos eadem dierum & dilationum, & a communione remotionis, & discussione accusati & accusatoris forma servata. *C. Carthaginenſis tit. 20.* I. 202
- Laici accusatio de crimine, contra cujusvis gradus Clericum, si vera suggesterit, admittitur. *C. Epao-nenſe an. 517. tit. 24.* II. 683
- Accusatio adversus sacri Ordinis virum, non facile recipiatur, nisi causa prius diligenter examinata: post judicium inferatur. *Rabanus tit. 10.* II. 197
- Mulierem extraneam nemo accuset, nisi propinqui. *Regino L. 2. tit. 144.* II. 536
- Maritus accusare uxorem ex suspicione potest. *Regino Lib. II. tit. 145.* II. 536
- Qui vivente marito, conjugem illius adulterasse accusatur, illoque defuncto eandem sumptis, si negaverit, se eandem feminam vivente viro adulterasse, & convinci non potuerit; purgent legaliter famam suam, & sumpto utantur conjugio, nisi alia ratio impederit. *Regino L. 2. tit. 236.* II. 550
- Accipitres, canes, Clerico habere non licet. *C. Epao-nenſis an. 517. tit. 4.* II. 682
- C. Augustan. an. 950. tit. 11.* II. 623
- Advenis & profugis ob hostium persecutionem, humanitas impertenda, non servitus ab iis, non teloneum exigendum. *Reg. L. 2. t. 424. 425.* II. 578
- Adventii Metensis Episcopi Apologia pro actis Conciliabuli Metensis. *an. 863.* II. 284
- Ejusdem purgatio canonica in causa divortii Regii, obsequium erga S.
- Sedem, veniam meretur & obtinet. *II. 300*
- Pro eodem intercessio Caroli Calvi. *II. 303*
- Adulteram habens uxorem, vel ipse adulter post septem annorum penitentiam, eos perfectionem consequi oportet. *C. Ancyranum an. 314. tit. 19.* I. 148
- Zacharias Decret. 25. an. 745.* I. 82
- Regino Lib. 2. tit. 99.* II. 529
- Adulteria, matrimonia incesta, non legitima prohibenda, Episcoporum judicio emendanda. *C. Liptinenſe an. 743.* I. 51
- Si adulterata mulier laici fuit, vir ejus ad Clerum venire nequeat. *C. Neocaesariens. an. 314. tit. 8.* I. 150
- Si adulterata fuerit mulier Clerici post hujus ordinationem, dimittatur; si autem is illi convixerit, ministrare nequit. *C. Neocaesar. an. 314. tit. 8.* I. 151
- Mæchi non ordinandi Subdiaconi: ordinati amoveantur. Mæchi post baptismum, si uxorem duxerint, acta legitima penitentia ad communionem admittantur.
- Mæchus uxorem habens, si sæpe mæchatus est, in fine vitæ promittens emendationem, communionem accipiat. Si convalescens relabatur, nulla spes communionis. *Rabanus tit. 22.* II. 207
- C. Triburiens. an. 895. tit. 51.* II. 406
- Definitur mariti penitentia, qui occidit uxorem suam, unius testimonio adulterii infirmulatam. *C. Francoford. an. 794.* I. 329
- Vir, aut femina adulterii accusati, quomodo se purgare debeant. *C. Moguntinum an. 888. tit. 23.* II. 374
- Adulterum interficere licet marito secundum legem mundanam, non secundum Spiritualem & divinam. *C. Moguntin. an. 860.* II. 245
- C. Tribur. an. 895. tit. 46.* II. 405
- Regino L. 2. tit. 148.* II. 537
- Vir, matre nesciente adulterans filiam, & filia ignorante peccans cum matre, dimittat uxorem, & ea careat semper: mulier relicta, mater, vel filia nubant alteri: si venerit in notitiam illarum scelus; dimittant maritos; & peniteant. *C. Wormat. an. 868. tit. 63.* II. 318
- Qui viva uxore sua alienam constupravit, & juravit sua mortua eam ducturum: anathematizetur: conjugium nullum est cum ea, quam prius per adulterium polluit. *C. Tribur. an. 895. tit. 40.* II. 444
- C. Altheim, an. 916. tit. 1.* II. 588

Si

- Si vir cum sua uxore concumbere non possit, frater vero ejus clam eam humiliaverit, omnino separentur, & a neutro ulterius eadem mulier contingatur: si vero Episcopus videat id non posse fieri, post penitentiam consolerur eos matrimonio.** *Concil. Tribur. anno 895. tit. 41.* II. 404
- De his, qui in adulterio juncti, filium, vel filiam genuerunt, ab episcopo separentur sine spe reversionis: jurent, nullam se habituros communionem, nec in testamento, nec in proprietate: donata communiter serventur infanti.** *C. Tribur. an. 895. tit. 49.* II. 405
- Mulier adulterata a viro: dimitti potest: ipsa septem annis peniteat: sed vir aliam non accipiat: si velit, reconcilietur, sed ut ambo penitentiam agant.** *Regino Lib. 2. tit. 134.* II. 534
- Fœmina de adulterio accusata, si cum marito certamen legale debeat inire, suæ potestati restituatur ad tempus.** *Regino L. 2. tit. 116.* II. 532
- Si solutus cum copulari, aut copulatus cum soluta adulterari fuerint: conjugatus septennio, non conjugatus quinquennio peniteant.** *Regino L. 2. tit. 133. 134.* II. 535
- Conjugatus cum sua ancilla fornicans, anno uno peniteat: in secundo anno tres quadragesimas. Ancilla si vim passa est, 40. dies, si consenserit, tres in anno quadragesimas & legitimas ferias peniteat.** *Regino L. 2. tit. 135.* II. 535
- Conjugatus semel lapsus in adulterium, quinquennio peniteat, & tum reconciliatus communicet, nisi mortis necessitas cogat prius dare communionem.** *Regino L. 2. tit. 138.* II. 535
- Confessio marito uxor mœchata, nec in fine accipiat communionem. Si maritus eam reliquit, post decennium accipiat communionem.** *Regino L. 2. tit. 140.* II. 536
- De adulterio uxoris maritus per tormenta utriusque familie querere potest.** *Regino L. 2. tit. 146.* II. 536
- Adulterium si manifestum fuerit, dilatio postulata impertiri non potest.** *Regino L. 2. tit. 150.* II. 537
- Duobus inculpatis de adulterio, si unus affirmat, alter negat; negans probabiliter iudicio se expurget.** *C. Salingustadii an. 1022. tit. 7.* III. 66
- Adulteri infantes ante januam Ecclesiae exponantur.** *Regino L. 2. tit. 69.* II. 225
- Duobus de adulterio accusatis si velint, ut alter illorum utrosque se purget divino iudicio: uno decidente, ambo rei erunt.** *C. Salingustadii an. 1022. tit. 13.* III. 57
- Ægrotantibus, si pro se respondere nequeant, sufficit testimonium presentium, ut baptizentur.** *C. Africanum tit. 12.* I. 209
- Ægri ungi & a Presbytero, & ab episcopo possunt.** *C. Wormat. an. 868. tit. 72.* II. 319
- Agapas, id est, pauperum passionem videns, & nolens iis communicare vocatus, anathema sit.** *C. Gangense an. 324. tit. 11.* I. 154
- Ecclesiasticus ad Agapem vocatus non debet accipere partes ciborum.** *C. Laodiceæ an. 363. tit. 27.* I. 164
- In Ecclesiis convivia, quæ Agapæ dicuntur, ne fiant.** *C. Laodiceæ an. 363. tit. 28.* I. 164
- C. African. tit. 9.** I. 208
- C. Aquisgran. an. 816. tit. 59. 80.** I. 473
- Agobardus episcopus, ob rebellionem, licet absens, depositus in C. Theodanis vill. an. 835.** II. 63
- Agrippina, Colonia, a Francis metropolis destinata S. Bonifacio, a Papa Zacharia confirmatur.** *Zacharia Pp. Epist.* I. 71
- Alcuinus a Rege Carolo Patribus commendatus, in consortium orationis admittitur in C. Francofordiæ an. 794. tit. 56.** I. 329
- Alex aut ebrietas vacans episcopus, Presbyter, vel diaconus, aut delectatur, aut damnetur.** *Canon. Apostolor. 42.* I. 135
- C. Augustanum an. 950.** II. 623
- Alexandrinus Antistes per Agypturn, Libiam & Pentapolim habet potestatem ex antiqua consuetudine.** *C. Nicenum an. 325. tit. 6.* I. 138
- Alexandrinus episcopus, quæ sunt in Agypto, regat solummodo.** *C. Constantinopolitanum anno 381. tit. 2.* I. 167
- Alieni territorii Presbyter ne presumat inservire alterius Parochiæ Basilicis, nisi consensu utriusque episcopi.** *C. Epauense tit. 5.* II. 682
- Alienum Clericum, nemo suscipiat.** *Regino L. 2. tit. 419. ad 423.* II. 506
- Alienum Parochianum nullus Presbyter ad Missam recipiat diebus Dominicis vel Festis.** *Regino L. 1. tit. 61.* II. 451
- Si alienigenam Bavariam Francus homo duxerit, non sunt separandi** excep.

- excepta causa fornicationis. *C. Triburiae an. 895. tit. 39.* Tom. pag. II, 403
- Homq Francus cum seniore in aliam provinciam migrans fit vassallus alterius senioris, a quo & uxorem accepit, seniore suo mortuo: ea ducta cum duxerit haberetur, revertitur relicta conjuge, & suae Provinciae uxorem ducit, decretum est, secundam hanc retinendam. *Regino L. 2. tit. 127.* II, 534
- Alienare res Ecclesiae praesumens sacrilegus est: si ve res magna sit, si ve parva, anathematizetur. *Regino L. 1. tit. 342. ad 345.* II, 494
- Alienare, distrahare terrulas, vel vineas exiguas, ecclesiae minus utiles, vel longe positas episcopus extra Synodum potest. *Regino L. 2. tit. 351.* II, 495
- Alienare rem immobilem Ecclesiae nec episcopus, nec Abbas praesumant. *Regino L. 1. tit. 260.* II, 496
- Altare qui emit, aut vendit, anathema sit. *C. Salignustadii an. 1022. tit. 20.* III, 57
- Altare Presbyter in Ecclesia non erigat, nisi ab Episcopo consecratum. *Bonifacius, 745.* I, 73
- Altaris nostri Sancti prototypa in veteri testamento. *C. Atrabatenf. anno 1025.* III, 80
- Ad altare ad Benedictionem, nil liceat offerre praeter novas spicas, & uvas, & oleum ad luminaria, & rhymiam, id est, incensum, tempore sanctae oblationis. *Canon. Apostolor. 4.* I, 113
- Ad altare ingredi, & ibidem communicare solis sacro ministerio dectis licet. *C. Laodiceae anno 363. tit. 19.* I, 163
- Altaria mundis lineis cooperienda. *Regino L. 1. tit. 60.* II, 451
- Altaria ambigua, aut superflua ex Ecclesia abjiciantur. *Regino L. 1. tit. 30.* II, 446
- Ad altare ingredi mulieres non oportet. *C. Laodiceae an. 363. tit. 44.* I, 165
- Capit. Aquisgran. 789. tit. 36.* I, 271
- Altaria, nisi lapidea, chrismate non facientur. *C. Epacnense anno 517. tit. 26.* II, 683
- Presbyteros ante processionem episcopi non oportet introire sacrarium, vel federe. *C. Laodiceae anno 363. tit. 65.* I, 166
- C. Aquisgran. an. 816. tit. 82.* I, 476
- Amalarii Lugdunensis Chorepiscopi accusatio facta a Floro Diacono. *C. Theodoni villa an. 835.* II, 66
- Ambiens Sacerdotium repellendus. *Chrodegangus tit. 69.* I, 117
- Amplexus illecebrosi, quae poena. *Regino L. 2. tit. 251.* II, 553
- Anastasi Papae Romani literae in Concilio Carthagenensi lectae anno 401. de Donatistis coercendis. *C. Africanorum tit. 32.* I, 214
- Angilramus Metensis Episcopus potius obtulit Hadriano Papae Capitula, quam Papa illi. I, 349
- Idem Caroli Magni Archi-Capellanus. I, 329
- Ancillam si hera verberet, ut intra triduum moriatur, si id voluntarie egit, septennio; si casu, quinquennio poenireat, dein ad communionem admittatur. Si tamen hera infirmetur, accipiat communionem. *C. Moguntin. an. 847. tit. 22.* II, 159
- C. Wormatie an. 868. tit. 39.* II, 316
- Angelos colere, derelicto Christo, & Ecclesia Dei, est occultae idololatriae servire. *C. Laodiceae an. 363. tit. 35.* I, 164
- Angelorum nomina ignota non usurpanda, praeter Michael, Gabriel, Raphael. *Capitul. Aquisgranens. an. 789. tit. 16.* I, 270
- Haytonis Capit. tit. 19.* II, 19
- Angelicus Hymnus in Missa tempore congruo dicatur. *Remedius tit. 29.* II, 420
- Animal a bestiis vulneratum, si ab homine occidatur, licitum est manducare; si mortuum fuerit prius, dejiciatur caro ejus. *C. Wormatie an. 868. tit. 64.* II, 318
- Animal a feris laceratum non edatur ab homine. Cervus, capra mortui inventi, non manducantur. Porci, si sanguinem hominis gustarint, manducantur: si vero cadaver mortui hominis laceraverint, carnes eorum manducare non licet, usque dum macerantur: post annum, Pisces licet manducare.
- Aves vel animalia reti strangulata non licet edere. *Ibid. tit. 65.* II, 318
- Ansgarii prima missio in Daniam ex Concilio Ingelheimensi an. 826. II, 35
- Ejusdem Consecratio in Hammaburgi Archi-Episc. A. 831. II, 57
- Ansgarius a Papa Nicolao Bremensis & Hammaburgensis Archi-Episcopus confirmatur. Ab eodem Papa creatur Archi-Episcopus Nordalbingorum: eximitur a jurisdictione Metropolitae Colonienensis. *Nicolai Papae Episc.* II, 170
- Apostolicae Sedis mandata & interdicta violentibus anathema. *C. Roman. an. 863.* II, 289

Si

- Si quis Episcopus de certis criminibus iudicetur, & Comprovincialibus de eo diffideant; Metropolitanus ex vicina Provincia Iudices alios convocat, ut per omnes simul ius dicatur. *C. Antioch. an. 341. tit. 14.* I. 159
- Si Episcopus accusatus de crimine, ab omnibus Comprovincialibus damnatur, non est locus appellationi; sed firma manet sententia. *C. Antioch. an. 341. tit. 15.* I. 159
- Renovatio causæ Episcopi iudicati petenda a Romano Episcopo ob S. Petri memoriam. *C. Sardicens. an. 347. tit. 3.* I. 190
- Si Romanus Episcopus iudicat acta in Provincia non refricanda, hæc rata erunt. *C. Sardic. eod. tit. & loc.*
- Accusatus & damnatus a suæ Provincie Episcopis appellare potest Romanum Episcopum, ut hic vel renovet iudicium, vel scribat Episcopis vicinæ Provincie pro causa retractanda; vel mittat a Latere Legatum, qui eum Episcopis iudicet. *C. Sardicens. an. 347. tit. 7.* I. 190
- Episcopi Africani trans mare non proficiantur, nisi consulto primas sedis suæ Provincie Episcopo. *C. Carthaginiens. tit. 23.* I. 202
- C. Africanum tit. 72.* I. 224
- Appellantes ad transmarinam Presbyteri, Diaconi, vel Clerici Africani ad communionem non admittantur. *C. Carthaginiens. tit. 28.* I. 203
- Appellare Presbyter, vel Diaconus, vel inferior Clericus non debet, nisi ad Africanam Concilia. *C. Afric. tit. 92.* I. 228
- Appellatio Lotharii Regis & Theutbergæ Reginae ad iudicium Sedis Apostolicæ anno 869. *IK. 325*
- Appellatio Artaldi archi-episcopi Remensis ad Marinum Legatum Apostolicum & Concilium. *C. Ingelheimens. an. 948. tit. 1.* II. 614
- Appellatio Theutgaudi & Guntarii Archi-episcoporum a sententia Nicolai I. ad communionem Ecclesiæ Catholicæ. *an. 864.* II. 289
- De appellationibus Romani Concilii Africanæ Epistola scripta ad Bonifacium Papam. *an. 419.* I. 230
- Aqua sale confusa a Sacerdotibus aspergenda. *Remedius tit. 24.* II. 419
- Regino L. 1. tit. 210. 211.* II. 472
- Ad arbores & lapides vota persolveris excommunicetur, & talem poenitentiam suscipiat, quasi idola adorasset. *Regino L. 2. tit. 358.* II. 369
- Ab archi-diacono tordeantur Clerici, comam nutriente, nec inviti. *Capitulare tit. 4.* I. 55
- Archi-diaconus vel Præpositi congregationis Clericorum quales esse debeant. *Chrodegang. tit. 10.* I. 100
- Archi-diaconus episcopi cum Comite Presbyteros & Clericos commoneat ad Synodum. *C. Metense 753.* I. 94
- Archi-diaconum contemnens presbyter a Comite constingatur ad 60. solidos componendos. *ibidem.*
- Si episcopus inobedientem presbyterum dijudicari facit, attamen 60. solidi ad Sacellum Regis veniant. *ibidem.*
- Archi-episcopi non vocentur Primates, nisi qui Primas civitates teneant. *Remedius tit. 35.* H. 422
- Arianæ hæreses symbolum Sirmio ad se missum episcopi Germaniæ primæ & secundæ reprobant. *C. Germaniæ loci incerti an. 58.* I. 2
- Arii sectatores demum damnantur. *C. Tornac. an. 520.* I. 19
- Arii & Sabellii errores repullulantes coeuntur in Conc. Ultraject. *an. 838.* II. 135
- Arma ne ferant Clerici. *Regino L. 1. tit. 174. 175.* II. 466
- Arnoni Salisburgensi archi-episcopo scribit Ludovicus Pius, ut statutam regulam Canoncorum in Concilio Aquisgranensi omnibus Comprovincialibus communicet. *I. 540*
- Astianæ Dioceseos Episcopi easolum, quæ in ea Diocesi sunt, dispensent. *C. Constantinop. an. 381. tit. 210.* I. 167
- Aflindienfis seu Efflindienfis Ecclesiæ fundatio ab Alfrido episcopo Hildefiensis. *C. Colonienf. an. 873. tit. 2.* II. 349
- Pro Asylo Ecclesiarum, ad quas rei confugiant, ab Imperatore imperando, ablegantur duo episcopi ex Concilio Africano. *C. African. tit. 207.* I. 207
- Asylo non gaudent homicidæ ad Ecclesiam confugientes, nec iis ibi victus denur. *C. Diviense an. 779. tit. 8.* I. 239
- Latrones de infra immunitate raptos, iudices ad Comitum placitum presentent. *ibid. tit. 9.*
- Si Walfus Regis latrones non presentet Comiti, beneficium & honorem perdat. *ibidem.*
- Asyli Ecclesiarum pro reis illimitata libertas sub Carolo Magno. *C. Aquisgran. an. 813. tit. 39.* I. 411
- Inter Atrebatensis Ecclesiæ Canonicos, & S. Vedasti Monachos gravissimis popitur ab Gerardo Episc. Atrebatensi. *C. Atrebat. an. 1090.* III. 24
- Atrium

Tom. pag.

Tom. pag.

Atrium Ecclesie evaginato gladio
intrans sacrilegium facit, peniten-
tiam agat. *C. Triburiense an. 895.*
tit. 6. II. 393

Si in atrio Ecclesie pugna vel homi-
cidium fiat, violatæ emunitatis
dammum solvatur altari Ecclesie.
C. Triburæ an. 895. II. 410

Auguratores, incantatores, malefici,
Ecclesiasticis & humanis legibus
puniendi. *Leo VII. Papa Epist. ad*
Germ. an. 937. II. 605

B.

Bambergensi in civitate Episcopalis
Cathedræ destinatio. *C. Franco-*
ford. an. 1006. II. 393

Literæ S. Henrici II. de erecto Episco-
pato. *an. 1022.* III. 34

Joannis XVII. Bulla confirmatoria
ejusdem. *an. 1022.* III. 36

Bambergensi Ecclesie privilegia fir-
mat Leo IX. *an. 1059.* III. 121

Banno publico nemo constingat
vel Ecclesiam petens, veluti a ma-
nens, vel inde reveriens. *C. Erford.*
an. 932. tit. 3. II. 602

Bannum episcopi vel presbyteri sper-
nens ab Ecclesia evellatur. *Regino*
Lib. 2. tit. 419. II. 577

Bannum jejunium diligentissime
servetur. Si quis vii interdictionum
rerum unam redimere velit, pau-
perem eo die nutriet. *C. Salingun-*
stad. an. 1022. tit. 14. II. 57

Bannum Episcopi continens, XI.
dierum castigatione corripiatur
taneum in pane, aqua & sale. *C. Salingun-*
Triburiense an. 895. tit. 8. II. 393

Baptizandum in nomine Ss. Trinita-
tis: aliter baptizans abiciatur. *Ca-*
non. Apostolorum 49. II. 36

Baptizandum non una, sed trinameri-
tione. *Canon. Apostolorum 50.* I. 136

Baptismi merito tria & unica a Gre-
gorio Magno probatur. *C. Wor-*
mat. an. 868. tit. 5. II. 311

Baptismi Sacramentum non nisi in
Paschare & pentecoste præbendum:
præter necessitatem mortis, quæ
non habet legem. *Epist. Gregorii*
II. Pp. ad Germ. an. 730. II. 36

Hayensis C. VII. *an. 1011.* II. 18

C. Mogunt. an. 847. tit. 3. II. 155

C. Wormatiens. an. 867. II. 311

Regino L. 1. tit. 262, 264, 269,
270. II. 480

In Baptismo unicam personam omit-
tens, non baptizat. *Epist. Zacharie*
Papa. an. 748. II. 84

Baptismus licet ab indigno Presbyte-
ro collatus, si forma servata est
non est iterandus. *Epist. Gregorii*
II. ad Germ. an. 726. II. 34

Baptizatus an quis sit, si ignoretur,
prorsus baptizandus est. *Ibid.*

Baptismus in nomine Ss. Trinitatis
collatus, non vitatur per diver-
sitate & declinationem linguarum
gentilium. *Gregorius II. an. 744.* I. 41

Zacharias Pp. an. 748. I. 59

Et rursus. II. 84

Sine mystica invocatione & lavacro,
per manus Episcopi impositionem
nemo est Catholicus Christianus.
Zacharias Pp. an. 748. I. 85

Baptismus omnibus est necessarius.
Remedius tit. 6. II. 415

In Baptismo conformitas servetur
secundum Romanum ordinem.
Primo scrutinium præcedat, ad
temporibus Paschæ & Pentecostes
conferatur. *seculo mortis peri-*
culo. C. Aquisgr. an. 813. tit. 4. I. 406

Ad baptisma post duas hebdomadas
Quadragesimæ nemo admittatur.
C. Laodic. an. 363. tit. 45. I. 165

Baptizandus fidem discere debet, &
eam reddere Episcopo feria V. ma-
joris hebdomadæ. *C. Laodic. an.*
363. tit. 46. I. 165

Baptizans ex gentilibus non statim
ad Presbyteratum vel Episcopatum
promovendus. *C. Nicæ. an. 325.*
tit. 2. I. 162

Baptizatus in ægitudine non potest
ordinari, nisi propter sequens stu-
dium vel necessitatem aliud videat-
ur. *C. Neocaesæe an. 314. tit. 12.* I. 151

Baptizati in ægitudine post conva-
lescentiam debent fidem discere.
C. Laodic. an. 363. tit. 47. I. 165

Mortui non baptizentur a presbyteris.
C. Carthag. tit. 18. I. 202

Pro baptizandis nulla præmia requi-
rantur. *Regino L. 1. tit. 121.* II. 461

Pœnæ fecminarum parentum, &
Presbyterorum, quorum negligen-
tia infans sine Baptismo moritur.
Regino L. 1. tit. 128, 129, 130. II. 462

Baptismus solvit crimina, non legiti-
ma conjugia. *C. Triburæ an. 895.*
tit. 39. II. 403

Basilicæ omnes in potestate Episco-
porum sunt. *Regino L. 1. tit. 15.* II. 444

Bavaricæ quatuor episcopatus divisi,
& tres constituunt S. Bonifacius,
L I I I I 2 quos

- quos Gregorius Papa confirmat.
anno 740. I. 40
- Bavaram feminam si duxerit Fran-
cus, legitimum est in Ecclesia
conjugium. C. *Triburia an. 895.*
tit. 39. II. 403
- Presbyter, si fontem lapideum non
habeat, aliud vas solummodo ad
baptizandi officium, quod nun-
quam extra Ecclesiam deferatur,
habeat. *Regino L. 1. tit. 79.* II. 454
- Beneficium Ecclesiasticum habens,
ad recta Ecclesie restauranda, vel
ipsas Ecclesias emendandas, adju-
vet, nonam & decimam reddat.
C. *Aquisgranensis an. 813. tit. 42.* I. 412
- Bestialitatis reus, seu fornicationis
cum pecoribus, post XV. anno-
rum penitentiam ad orationis
communionem, post XX. annum
ad oblationis Sacramenta admitta-
tur. C. *Ancyranum anno 314.*
can. 15. I. 147
- Irrationabiliter qui vixerunt in pe-
cude, vel in mactulo polluti, in-
ter eos orant, qui Spiritu perich-
tantur immundo. *Ibidem can. 16.*
Capit. *Aquisgr. 789. tit. 49.* I. 277
Rabanus tit. 32. II. 210
Rabanus tit. 3. II. 212
Regino L. 2. tit. 253. ad 261. II. 353
- Virulus ex bestiali coitu natus simul
cum yacca occidatur. *Rabanus L.*
titat.
- Bibendum dñs alteri liquorem, in
quo mūs vel mustela morrui sunt,
si laicus est, VII. dies pœneat: si
Monachus, ducentos Psalmos can-
ret. Qui post rescierit, quod ta-
lem porum biberit, unum Psalte-
rium canet. *Regino L. 2. tit. 362.* II. 370
- Bigami non admittantur ad Clerum.
Apostolor. Canon. 17. I. 133
C. *Epaonensis an. 517. tit. 2.* II. 682
- Virginitatem professus, si votum irri-
tum faciat, bigamus censetur. C.
Ancy. 314. tit. 18. I. 148
Rabanus tit. 23. II. 208
- Blasphemus in Deum incarceretur,
publica penitentia mulsetur, ab
episcopo publice reconcilietur. C.
Ingelheimi an. 826. tit. 5. II. 37
- Bonnæ pax inita inter Carolum sim-
plicem Franciæ, & Henricum au-
cupem Germaniæ Reges. C. *Bon-
nense an. 921.* II. 397
- Bonorum Ecclesiæ distributio in qua-
tuor partes facienda. C. *Wormatiæ.*
tit. 47. II. 317
C. *Salisburgi an. 807.* II. 389
- Bonifacius Archi-episcopus Mogun-
tiæ minimum septem Concilia ce-
lebravit in Germania. I. 344
- Successoris electio primo denegatur,
post permittitur a Zacharia Papa
Bonifacio. I. 83
- Bremensis & Hammaburgensis epis-
copatum conjunctio incepta. C.
Moguntinan an. 837. II. 161
- Ad eam conjunctionem requiritur
consensus Guntharii Metropolitæ
Colonienfis. C. *Wormatiens. an.*
857. II. 169
- Guntharius concedit Bremensis Ec-
clesiæ conjunctionem cum Ham-
burgensi, si Papa consentiat.
Ibidem.
- Consensus confirmatorius Papæ Ni-
colai. II. 170
- Brunvillarenfis Monasterio ab Otrone
prædium restituitur contra Hildul-
fum Coloniensem Archi-episco-
pum. C. *Colonien. an. 1077.* III. 182
- Bubulci & porcarii saltem Domini-
cis & festis diebus veniant ad missam.
Regino L. 2. tit. 416. II. 377
- C.
- Per calumniam Ecclesiam aut Cleri-
cum tentans fatigare, a communio-
ne arceatur. C. *Wormat. an. 868.*
tit. 24. II. 314
- Calix Domini cum patena sit ex auro,
vel argento; pauperibus saltem ex
stanno. *Regino L. 1. tit. 77.* II. 452
- Calumniatorum erga Subdiaconos,
Presbyteros pœnæ. C. *Triburiens.*
an. 821. II. 23
- Cambium Ducatus Beneventani pro
Fulda inter Leonem IX. & Henri-
cum II. C. *Wormat. an. 1052.* III. 119
- Cameracensis Ecclesiæ vastatio &
querelæ ad Papam. Papæ re-
sponsio. II. 675
- Campanarum seu signorum Ecclesiæ
usus & prototypa ex veteri testa-
mento. C. *Atrebati an. 1025.* III. 82
- Canonizationes & SS. elevationes va-
riæ ab archi-episcopis vel episcopis
factæ intra germaniam.
- S. Corbiniani corpus elatum ex Ur-
be Megenfi Frisingam autore Aribone
episc. frising. C. *Frising. an. 769.* I. 343
- S. Maximini corpus elevat Ratboldus
Archi-episcopus Trevirensis. C.
Trevirens. an. 898. II. 411
- Hubertus Tungrensis episcopus ele-
vat corpus S. Lamberti episcopi
Tuagrenfis. C. *Tungrens. an. 708.* I. 19
- De

CANONUM.

XI

Tom. pag.

Tom. pag.

- De Sanctorum in monte S. Stephani
colendis exuviis. *C. Frising. an. 860. II.* 254
De S. Othmari Abbatis corpore ele-
vando agitur. *C. Constantie an. 860. II.* 293
S. Eugeni episcopi & Martyris ele-
vatio. *C. Leodii an. 920.* II. 591
S. Celfi episcopi & Martyris elevatio.
C. Ingelheim. an. 979. II. 659

Hæc exempli causa: de paucis multa sufficiant.

- Canonizatio S. Swiberti in Werda
omissa: cur? II. 428
Cæde hominis pollutus, Sacerdotio
fungi nequit. *C. Germanic. an. 745. I.* 73
Cædem in mutuum prurumpentes
Clerici, a Pontifice districtius vin-
dicentur. *Regino L. 1. tit. 168. ad*
173. II. 465
Canes ad venandum, acceperes epis-
cop. Presbyteri, Diaconi non ha-
beant. Habentes a communione
abstineant, episcop. III. mensibus,
Presbyter II. Diaconus I. *C. Wor-*
matie an. 868. tit. 115. I. 500
Canones antiquorum Patrum omnis
Clerus, episcopus, Presbyter in
initio Synodi suscepturos se pro-
mittant. *C. Liptineis. an. 745.* I. 49
Canonicorum regulæ & vitæ com-
pendium. *C. Aquisgran. an. 816.* I. 407
Canonum instituta non licet ignorare
presbytero, episcopo. *Aquisgranens.*
Capitul. an. 789. tit. 55. I. 279
C. Francoford. an. 794. tit. 20. I. 326
Ibidem tit. 53. I. 328
Canones in Synodo coram episcopo
& Presbyteris lecti. *C. Aquisgran.*
an. 803. tit. 20. I. 377
Canonici, uti ordinati sunt in gradi-
bus suis, sic in Ecclesia omni loco
maneant. *Chrodegang. tit. 1. an. 762. I.* 99
Canonicorum cibi & potus mensura
diurna & numerus. *Chrodegang.*
tit. 8. I. 99
Canonici in congregatione Ecclesia-
stica stipendia accipiant. *Chrode-*
gang. tit. 53. I. 113
C. Aquisgranens. an. 916. tit.
125. I. 509
Canonicorum vitæ regit episcopus,
ut Abbas Monasterium. *Aquisgran.*
Capit. an. 789. tit. 83. I. 282
Cantoris officium, quale. *Chrodegang.*
tit. 50. I. 3
C. Aquisgran. an. 816. tit.
137. I. 510
Ad cantandum & legendum quales
Clerici deputandi. *Chrodegang. tit.*
51. I. 112
C. Aquisgran. an. 816. tit. 133. I. 508

Index Chronol. Canon.

- Præter eos, qui regulariter cantores
sunt, & de codice canunt, nemo
pulpitum ascendere, nec in Ecclesia
psallere debet. *C. Laodic. an. 363.*
tit. 15. I. 163
C. Aquisgran. an. 816. tit. 72. I. 478
Capitulare Caroli Magni, Anni 789,
est Breviarium codicis Dionysiani
veteris Ecclesiæ. I. 265
Capitularia Francorum, quam aucto-
ritatem habent, & unde? I. 352
Carnis esum ita horrens Clericus, ut
nec olera cum carne cocta edere
velit, ab ordine cesset. *C. Ancyræ*
an. 314. tit. 13. I. 147
C. Aquisgran. an. 816. tit. 63. I. 474
Carnes edentem, præter sanguinem
& immolaram idolis, damnans ana-
thema sit. *C. Gangrenf. an. 324. tit. 2. I.* 253
C. Aquisgran. an. 816. tit. 650. I. 474
Caroli Magni Capitulare primum,
hortatu Sedis Apostolicæ & Epi-
scoporum consultu editum: idem
præsumendum de reliquis *Capitu-*
laribus an. 769. I. 125
Caroli Magni Capitulare Aquisgra-
nense anni 789. editum, constans
82. Capitulis, est compendium co-
dicis Dionysiani ab Hadriano Papa
eidem donati pro Ecclesiis Regno-
rum suorum: & in sequentibus
Conciliis ac Statutis Ecclesiarum
Germaniæ velut proprium citatur. I. 263
Carolus M. exoriente errore Felicis
& Elipandi ter quaterque per
Missos ad Apostolicæ Sedis Pon-
tificem, scire cupit, quid S. Ro-
mana Ecclesia respondere velit. I. 318
Caroli M. Epistola ad Episcopos Hi-
spaniæ de errore Felicis Orgelli-
tani episcopi, & Professio Fidei
Catholicæ anno 794. I. 316
Caroli M. edictum pro honore & ad-
jutorio episcopis præstando a Co-
mitibus & Judicibus anno 800. I. 355
Edictum jejunii pro publica
necessitate. I. 357
Pro honoranda Sede Apo-
stolica. I. 356
Et C. Triburiense an. 825. II. 409
edictum pro Scholis encyclicum
an. 788. I. 261
Pro Scholis Græcis & Latinis Osna-
brugæ an. 804. I. 387
Capitula Saxonibus Neophytis data
an. 797. I. 332
Capitula de honore episcoporum &
reliquorum Sacerdotum. *C. Theo-*
donis Vill. an. 805. I. 389
Quo sensu, qua auctoritate Concilia
indixerit, iis præfecerit, ea con-
firmarit! I. 358

M m m m

Caroli

	Tom. pag.		Tom. pag.
Caroli M. epistola ad Leonem in. Pa- mam, de processione Spiritus Sancti a Patre Filioque. C. <i>Aquisgran.</i> <i>an. 809.</i>	I. 391	Cerarii sunt, qui tenentur ecclesie ceram dare, sicut de longinquo tempore fuit, observent. C. <i>Du-</i> <i>riens. an. 779. tit. 15.</i>	I. 240
Dirimit controversiam finium Dice- celium Aquilegie & Salisburgi. C. <i>Aquisgr.</i> <i>an. 812.</i>	I. 400	Cartha professionis orthodoxe & Ca- tholice unitatis, missa a Bonifacio & episcopis Francis Zachariae Pa- pe anno 748.	I. 186
Sanat motus Abbatia Fuldenfis. C. <i>Aquisgr.</i> <i>an. 812.</i>	I. 401	De Chor-Episcopis. Chor-episcopi nil faciant sine licentia episcopi, in cujus parochia sunt. C. <i>Antiochie 341. tit. 10.</i>	I. 358
Licentiam Archi-Capellani Regii in aula, secum retinendi a Papa, & a <i>Concilio Francofordie</i> habet <i>an. 794.</i>	I. 329	<i>Capitul. Aquisgran. anno 789.</i> <i>tit. 9.</i>	I. 368
Delegat episcopis jurisdictionem ge- neralem in sacra & politica, cum Comitibus & eisdem Regios Mis- sos creat per omnes Imperii Pro- vincias ab <i>an. 803. ad</i>	II. 11	<i>Leo 7. Epist. ad Germanos 937.</i>	II. 604
Arnonem episcopum Salisburgensem mittit ad Papam Leonem in. de Presbyteris criminosis non con- fessis, de Chor-episcopis interro- gaturum.	I. 341	Chor-episcopi ne deinceps fiant, ex rescripto Leonis Papae anno 799. <i>tit. 1. & 4.</i>	I. 341
Caroli M. sepulchrum detectum: cultus inchoatus. C. <i>Aquisgr. an. 1000.</i>	II. 680	A Chor-episcopis facta per episco- pos Canonice reformantur. <i>Ibidem</i> <i>eodem loco.</i>	
Carthaginensis episcopus nomine omnium Africe episcoporum cu- jusvis Synodi actis subscribit. C. <i>African.</i> <i>tit. 52.</i>	I. 218	Chor-episcoporum defensio scripta a Rabano Archi-episcopo Moguntino <i>an. 850.</i>	II. 219
Cathari (id est) Novatiani seculo IV.) quid profiteri debeant, dum per manus impolitas ad Catholicam recipiuntur. C. <i>Nicæn. an. 325. tit. 8.</i>	I. 136	Chor-episcopis interdiciuntur functio- nes episcopales. C. <i>Ratisbonæ an.</i> <i>769.</i>	I. 125
Clerici Catharorum, quo gradu reci- piendi. <i>Ibidem eodem tit.</i>		Chor-episcopis non licet episcopos vel Diaconos ordinare. C. <i>Ancy-</i> <i>ran. an. 314. tit. 12.</i>	I. 147
Catechumenus lapsus triennio inter audientes sit: post oret cum Cate- chumenis. C. <i>Nicæn. an. 325. tit. 14.</i>	I. 139	C. <i>Antiochie an. 341. tit. 10.</i>	I. 158
Catechumenus, si ante baptismum idolo sacrificavit, per baptismum ablutus, ordinari potest. C. <i>Ancy-</i> <i>ran. an. 314. tit. 17.</i>	I. 147	Chor-episcopi iidem qui Presbyteri consecrati ab his Basilice ab episco- pis consecrantur. C. <i>Metens. anno</i> <i>888. tit. 5.</i>	II. 132
Catechumena gravida baptizanda est, cum vult. C. <i>Neocaesariens. an. 314.</i> <i>tit. 4.</i>	I. 150	Christianis non congruit commessa- tionibus interesse. C. <i>Luodivida an.</i> <i>363. tit. 55.</i>	II. 366
Cathedraticum episcopi visitantis duo solidi. <i>Regino L. 1. tit. 11.</i>	II. 443	Circumcidens se, bonis adeptis in Insulam deportetur, Medicus cir- cumcidens capite puniatur. <i>Regino</i> <i>L. 2. tit. 90.</i>	II. 328
Cellas novas aut congregationes Mo- nachorum sine notitia episcopi non licet institui. C. <i>Epauonens. an. 517.</i> <i>tit. 10.</i>	II. 682	Claudius vel mutilis sine sua culpa alias dignus, promoveri potest, & ma- gnere in choro. C. <i>Tribur. an. 895.</i> <i>tit. 35.</i>	II. 407
Cellarius, qualis constituendus in con- gregatione Canonicorum. C. <i>Fran-</i> <i>cofordie an. 794. tit. 14.</i>	I. 326	Clausta Canonicorum diligenter mu- nienda. C. <i>Aquisgran. an. 816. tit. 20.</i> <i>tit. 117.</i>	I. 507
C. <i>Aquisgr. an. 816. tit. 140.</i>	I. 511	Censura Moniakum, quanta adhi- benda Abbatisse. C. <i>Aquisgranens.</i> <i>an. 816. tit. 11.</i>	I. 333
C. <i>Chrodogangus tit. 11.</i>	I. 101	Clemens Scottus hereticus damnatus. C. <i>Lipsiæ an. 743.</i>	I. 160
Cellaria Moniakum, qualis ab Abba- tissa statuenda. C. <i>Aquisgr. an. 816.</i> <i>tit. 25.</i>	I. 539	C. <i>Roman. an. 745.</i> C. <i>Evasticum loci sancti an.</i> <i>745.</i>	I. 72
Census annuus pro adiutorio exerci- tus Christiani, de singulis casaribus solidis solvendus ecclesie. C. <i>Lip-</i> <i>tinens. an. 743.</i>	I. 49	Clericorum regula, quæ? <i>Chrod-</i> <i>gangus tit. 64.</i>	I. 17
Zacharias Pp. an. 751.	I. 39	C. <i>Aquisgran. an. 816. tit. 100.</i>	I. 183
		Clerus, Clericus unde dictus? <i>Chro-</i> <i>degangus tit. 65.</i>	I. 116

Tom. pag.

Clericorum genera. *Chrodegangus*

tit. 54. I. 117

C. Aquisgranens. anno 806.

tit. 101. I. 484

Clerici vitalis obligationes. *C. Aquisgran.*

an. 816. tit. 94. ad 99. I. 477

*Ibid. tit. 112. 113. 114. I. 489*Clericus comam nutriens ab archidiacono; liver invitus, tondeatur. *C. German. an. 744.*

I. 55

Clericus propriam ecclesiam derelinquens præter episcopi sui conscientiam, interdicitur ministerio. *C. nones Apostol. 15.*

I. 132

*C. Nicen. an. 325. tit. 16. I. 139**C. Antiochie an. 341. tit. 5. I. 57**Degradatur statim. Bonifacii*

anno 741. I. 74

*Zacharius Papa tit. 16. I. 81**Chrodegang. tit. 84. I. 119*Clerici demigrantes vel translati de una in aliam civitatem, factum irritum patrant, restituendi sunt suæ Ecclesiæ. *C. Nicen. anno 325.*

tit. 15. I. 139

Clericos vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

*Zacharia P. P. Decret. an. 741. tit. 84.*Clerici vagos episcopi sub custodia distringant: sin obediunt, excommunicentur; dein Archi-episcopo, demum Synodo denuntientur. *C. Aquisgr. an. 813. tit. 22.*

I. 416

Clericus in suo proposito non maritatus, nec ad militiam, nec ad munus dignitatem veniat; sed anathematizetur, nisi poeniteat. *C. Chalcedon. an. 451. tit. 7.*

I. 177

Zacharia P. P. Decret. an. 741. tit. 84.

Tom. pag.

Clericus nisi matrem vel sororem aut neptem, aliam mulierem nullam domi habeat. *C. Gregorius. an. 744.*

I. 24

*C. Nicen. an. 325. tit. 3. I. 137**Aquisgran. Capit. anno 789.*

tit. 4. I. 1267

*C. Aquisgran. an. 813. tit. 19. I. 412*Clericos non oportet interesse nuptiis, vel spectaculis ludicris, sed ante ingressum thymelicorum abeant. *C. Leonis. an. 363. tit. 54. I. 166**Chrodegang. tit. 68. I. 117*Clericus vel laicus permanens in aleis, & ebrietate communiione privetur. *Apostol. Canon. 43. I. 135*Ad Clerum non admittatur, qui duas sorores habuerit coniuges, vel filiam fratris sui. *Apostol. Canon. 19. I. 133*Qui se eunuchizavit, Clericus non fiat: si sit, dampnetur, & abiciatur. *Apost. Canon. 22. & 23. I. 133**C. Nicen. an. 325. tit. 11. I. 137*Si quis non sponte eunuchizatus est, suscipiatur ad Clerum. *Apostolorum can. 21. I. 133**C. Nicen. an. 325. tit. 11. I. 137*Clerici arma ne ferant, nec apud exercitum vel castra sint, præter duas causas: 1. Ad Missam celebrandam, & populos reconciliandos, 2. Ad Sanctorum patrocinia, portanda. *C. German. an. 742. I. 49**C. Wormat. an. 893. tit. 1. I. 512*Clericus Ecclesiam fugiens, communiione privandus. *C. Alabamensis. an. 916. tit. 9. & 10. II. 590*Clericus si adversus Clericum habeat negotium, non seculari, sed episcopi fubeat iudicium. *C. Chalcedon. an. 451. tit. 9. I. 177*Clericus pauper, promotus ad Ecclesiam, quæ acquirit, Ecclesiæ potestati subjaceant. *C. Carthagenensis. tit. 36. I. 1304**Regino. L. 1. tit. 398. II. 502*Clericus promotus ad majorem Ecclesiam, quæ dona recepit in minore Ecclesia, reddat huic, quæ vero emit, vel propria sunt, & possideat. *C. Epouensis. an. 547. tit. 14. II. 683*Clericus si Episcopo promoventi, ad honorem amplioem non obtemperet, ne quidem in gradu suo ministret. *C. Carthagenensis. an. 418. tit. 31. I. 1264**C. Aquisgran. an. 816. tit. 57. I. 473*Clericum alienum nemo suscipiat. *C. African. tit. 12. I. 211**C. Aquisgr. an. 816. tit. 55. I. 473*Clericum alienum nemo sollicitet. *C. Sardicens. an. 347. tit. 18. I. 193**C. Aquisgr. an. 816. tit. 55. & 91. I. 473*

M m m m m 2 Cleri-

- Clericus a Domino liber factus, in Ecclesiasticis obediatur Domino aut anathematizetur.** *C. Altbeim. an. 916. tit. 10.* II. 590
- Clericus servus Dei vel ancilla Christi in fornicationem lapsi in carcere penitentiam agant in pane & aqua.** *C. German. an. 742.* I. 49
- Coadjutorem successurum in Cathedra episcopi; permittit Zacharias Bonifacio Moguntino.** *Zacharias Epist. decretali.* I. 87
- In cena Domini penitentibus si ve de leviore culpa, si ve de graviore remittendum est ex Romanæ Ecclesiæ consuetudine.** *Rabanus tit. 13.* II. 202
- Coheredes plures ejusdem Ecclesiæ, si nolint eam procurari; episcopus tollat reliquias & claudat.** *C. Tribur. an. 895. tit. 32.* II. 401
- Collectæ (preces) nullæ nisi ad Deum Patrem dirigendæ.** *C. Germanicum an. 744.* I. 55
- Coloni Ecclesiastici Patrimonii Patavienfis Ecclesiæ in Austria immunitatem obtinent a Pilgrimo episcopo Paraviæ.** *C. Tülnens. in Bavaria an. 985.* II. 667
- Comes nullus penitentem ad placitum ire compellat; nec penitens eo veniat.** *C. Tribur. an. 895. tit. 35.* II. 402
- Comes & episcopus, si eadem die placitum indixerint, episcopus præferatur.** *C. Tribur. an. 895. tit. 9.* II. 394
- Comes nullus die Dominico vel Festo, vel in Quadragesima, vel jejuniis placitum habeat.** *Ibid. tit. 35.*
- Comes & Episcopus, si eodem die placitum indixerint, obtineat, qui prior indixit.** *Ibid. eodem tit.*
- Cum commatre vel filia spiritali peccans, anathematizetur; uxorem non dimittat.** *C. Moguntin. an. 888. tit. 18.* II. 373
- C. Wormat. an. 868. tit. 24.* II. 315
- Si quis habet spiritualem compatrem, cujus uxor commatre non est, eo defuncto viduam ejus ducere potest.** *C. Tribur. an. 895. tit. 47.* II. 405
- Filiam suæ spiritalis commatris, si quis casu duxerit, honeste nubet, ac maneant.** *C. Tribur. an. 895. tit. 48.* II. 405
- Commendatitia Literæ:**
- Sine commendatitiis epistolis nullus Presbyter vel Diaconus peregrinus suscipiatur.** *Apostol. can. 13.* I. 132
- C. Nican. an. 325. tit. 16.* I. 139
- Zacharias PP. Decret. 19.* I. 81
- Chrodegang. tit. 80.* I. 119
- C. Antioch. an. 341. tit. 7.* I. 158
- C. Francoford. an. 794. tit. 27.* I. 327
- Clericum aut laicum a communione suspensum sine commendatitiis suscipiens, communione privetur.** *Apostol. Canon. 13.* I. 132
- Commendatitias dare non possunt Presbyteris in agris Chor-episcopi et si irreprehensibiles.** *C. Antiochia an. 341. tit. 8.* I. 158
- C. Chalcedon. an. 451. tit. 13.* I. 178
- Honoratioribus proficiscentibus commendatitiæ, egenis proficiscentibus pacificæ dandæ literæ.** *C. Chalcedon. an. 451. tit. 11.* I. 178
- Omnis fidelis intrans Ecclesiam, non perseverans in oratione, nec communionem percipiens, privandus communione.** *Apostol. Can. 10.* I. 132
- C. Antioch. an. 341. tit. 2.* I. 157
- C. Aquisgran. an. 816. tit. 70.* I. 474
- Regino L. 1. tit. 193.* II. 468
- Communicare quotidie nec laudare nec vituperare; omnibus Dominicis diebus communicandum hortor, si nullum mortale gravet.** *Regino L. 1. tit. 194. 195.* II. 469
- Ter laici in anno communicent, in Natali Domini, Paschatæ, Pentecostæ, nisi majoribus criminibus impediuntur.** *Regino ibid.*
- Communione Eucharistiæ mane suscipiens Clericus, ad sextam jejunet.** *Remedius tit. 1.* II. 414
- Communione neminem temere privet episcopus.** *C. Africanum. tit. 100.* II. 229
- Compater spirituales filios suos Catholicè instituat.** *Regino L. 1. tit. 273.* II. 482
- C. Aquisgran. an. 813. tit. 47.* I. 412
- Ne proprius filius vel filia de baptismo a parente suscipiatur.** *Ibid. tit. 55.* I. 413
- Commutare rem immobilem ecclesiæ cum alia re immobili, si Princeps velit, ei licet.** *Regino L. 1. tit. 361.* II. 496
- Commutationes & precariæ, tempore viduatæ ecclesiæ factæ, rescindantur; & si faciendæ sint, fiant auctoritate ecclesiæ & civili.** *Regino ibid. a tit. 362. ad 370.*
- Concilio a Metropolitano indicto omnes episcopi intererant.** *C. Epianens. an. 517. can. 1.* II. 682
- Concilia, quot annis bis celebranda.** *Apostol. can. 98.* I. 134
- C. Nican. an. 325. tit. 5.* I. 138
- C. Antioch. an. 341. tit. 20.* I. 159
- C. Aquisgran. an. 816. tit. 42.* I. 471
- Concilia canonum, qui recipiuntur, sunt a Sacerdotibus legenda & intelligenda, & secundum ea vivendum.** *C. Moguntia an. 847.* II. 154
- Con-

C A N O N U M.

XV

Tom. pag.	Tom. pag.
Concilio a Legato apostolico indicto in loco certo, Episcopi invitari parati sint interesse. <i>Gregor. III. PP. Epist. ad German.</i>	I. 140
Concilia pro stabilienda fide contra hereticos Nicænum primum anno 325. contra Arium. &c.	I. 136
Constantinopolitanum A. 381. contra Eunomianos, vel Anomianos, Arianos, vel Eudoxianos, Mæcedonianos, Sabellianos, Marcellianos, Photinianos, Apollinarios.	I. 166
Ephesinum L. A. 431. contra Nestorium.	I. 170
Chalcedonense A. 451. contra Eutycherem &c.	I. 175
Concilium Africanum de heresi Donatistarum.	I. 214
Polegii & Cælestii. A. 418.	I. 225
Concilium Fernacense contra varios veteres hæreticos resuscitatores in discipulis Eutychetis, Photini, Acepholorum, Sabellii &c. A. 520.	I. 9
Zachariæ Papæ Epistolæ decretalis de Sampsonis Scoti heresi, de errore Virgilii circa alium mundum. Anno 748.	I. 83
Francfordiense Concilium contra Felicem & Elipandum episcopos, Hispanos hæreticos. Anno 794.	I. 288
Aquisgranense Concilium contra eodem. Anno 799.	I. 336
Concilium Aquisgranense de processione Spiritus S. a Patre, Floque. Anno 809.	I. 390
Concilium Theodonis villanum, in quo Florus accusat Amalarium Chor-episcopum. A. 835.	II. 66
Concilium Frisæ, in quo proponitur doctrina vera de Trinitate. A. 838.	II. 135
Moguntinum Concilium damnat thioram Pseudo-Prophetissam an. 847.	II. 160
Wormatiense Concilium contra primum errorem Græcorum. an. 868.	II. 309
In Concilio Moguntino celebrando res turmæ factæ: prima episcoporum de evangelio & Canonibus: secunda abbatum de regula S. Benedicti; tertia Comitum & Judicum de mundanis legibus. an. 813.	I. 405
Ne Concilii celebrandis omnes Africae episcopi diutius detineantur, terhos ex singulis provinciis loco omnium eligendos esse statuitur in C. <i>Africano tit. 24.</i>	I. 228
Concilium Aquisgranense regulam edit de institutione Canonicorum an. 816. <i>titulorum clix.</i>	I. 430
Et librum regularum de institutione Sanctimoniarum.	I. 514
Concilia in quatuor Imperii civitatibus cogi jussu a Ludovico Pio Imperatore in Conc. <i>Aquisgr. an. 828.</i>	II. 43
Præscribuntur Capitula in iisdem tractanda. <i>ibid.</i>	
Encyclica Imperatoris Ludovici Pii & Lortharii de Conciliis habendis in quatuor partibus Imperii.	II. 52
Statuta quatuor Conciliorum Imperii prælecta & rata in C. <i>Worm. an. 829.</i>	II. 55
Fidelis uxorem habens & concubinam, non communicet; non habens uxorem, sed concubinam, modo unicam, non repellatur a communione. <i>Rabanus tit. 28.</i>	II. 209
Concubinarum filii ne ad Clerum assumantur. <i>Regino L. 1. tit. 414.</i>	II. 505
Conductores nec Procuratores sint episcopi, Presbyteri, Diaconi, nec ullo turpi negotio victum querant. C. <i>Wormat. an. 868. tit. 67.</i>	II. 319
<i>Regino L. 1. tit. 260.</i>	II. 480
Confessio qualis debeat esse. <i>Chrodegangi Regul. 31.</i>	I. 106
Ordo ad penitentiam & confessionem faciendam. <i>ibid. Regul. 32.</i>	
Constituenda peccata proprio Presbytero semel in anno. <i>Conc. Leodicens. an. 710.</i>	I. 32
Confessorum domini in ecclesia Christi Sanctitas, gloria. C. <i>Atrebatense anno 1025.</i>	III. 90
Confirmationis ad Sacramentum adducantur septennæ & ultra, sed hi ante confessi. C. <i>Leodicense an. 710.</i>	I. 32
Confirmatio iterari non potest. <i>Epist. Gregorii H. Papæ ad Bonifat.</i>	I. 34
Chrismas Presbytero non fiat. C. <i>Carthagin. tit. 6.</i>	I. 200
Chrisma genus Sacramenti est, nec ab aliis nisi a Sacerdote contingendum. <i>Bonifacii statutum V.</i>	I. 73
Chrisma coelette Baptizatis percipiendum. C. <i>Laodiceæ an. 363. tit. 48.</i>	I. 165
Chrisma a suis episcopis, & non ab aliis, Presbyteri perant & accipiant. <i>Leo III. Epist. ad German. tit. 3.</i>	I. 340
<i>C. Wormat. an. 867. tit. 2.</i>	II. 311
De Presbyteris, qui longe a civitate, octo, vel decem milliaribus positi sunt, unus eligatur ab episcopo, qui Chrisma sibi, & sociis perferat. C. <i>Aquisgranense an. 816. tit. 18.</i>	I. 546
<i>C. Wormat. an. 868. tit. 60.</i>	II. 317
<i>Regino L. 1. tit. 76. 77.</i>	II. 454
Baptizati ab Episcopo consignandi. <i>Remensis tit. 7.</i>	II. 415
Chrisma & oleum consecratum semper sub sera sint. <i>Regino L. 1. tit. 72.</i>	II. 453
Pro Chrismate nullus Minister ecclesiasticus, nec episcopus aliquod	

- munus accipiat. *Regino L. 1. tit. 74. & 121.* Tom. pag. II. 453
- Omnis Presbyter duas ampullas, unam pro Chrismate, alteram pro oleo infirmorum ad civitatem ferat. *Regino ibid. tit. 75.* II. 580
- Confratriæ & consortia comessandi, & collectandi causa verantur. *Regino L. 2. tit. 432.* II. 580
- Coquina Septimanarius nullus Canonicus non sit, nisi aegritudine vel graviore causa impediatur. *Chrodegang. tit. 9.* I. 100
- Conjugii Sanctitas, usus, obligationes. *C. Atrebat. an. 1025.* III. 89
- Conjugati ante communionem vii. vel iv. vel iii. dies abstinere debent. *Regino L. 1. tit. 331.* II. 492
- Conjugati quibus diebus debeant se continere ab uxoribus. *Regino L. 1. tit. 328. 329. 330.* II. 492
- Conjux sine judicio conjugem dimittens, excommunicatur. *Regino L. 2. tit. 3.* II. 531
- Conjuratis Episcopis contra Imperatorem a Synodo injungitur depositio & dismissio in Monasterium. *C. Aquisgran. anno 818.* II. 10
- C. Wormat. an. 868. tit. 74.* II. 319
- Conscii ductæ mulieris ab eo, qui fororem suæ uxoris antecognoverat, post decennem satisfactionem suscipi possunt. *C. Ancyr. A. 314. tit. 24.* I. 149
- Consanguineorum conjugii anathema. Nullus Sacerdos eis tribuat communionem. *Epist. Leon. VII. ad Germ.* II. 606
- Consanguineorum computatio quoad gradus. *C. Salingust. an. 1022. tit. 11.* III. 56
- Pro consecratione ecclesiæ Episcopus munus ne requirat, oblatum non respuat. Consecraturus ecclesiam Episcopus prius dotem & sustentationem Ministrorum examinet. *C. Wormat. an. 867. tit. 3.* II. 311
- Regino L. 1. tit. 23.* II. 445
- Consecrandus in Missarum Solenniis unus in altari ponatur calix, non duo, non tres. *Epist. Gregorii II. an. 726.* I. 34
- Conspirantes contra Episcopum, ecclesiastica & civili lege damnantur: si Clerici sint, honore cadant, si laici, excommunicantur. *Remedius tit. 43.* II. 424
- Conspiratio Clerici vel Monachi contra Pastorem vetatur. *C. Chalcedon. an. 451. tit. 18.* I. 179
- C. Aquisgr. an. 789. tit. 29.* I. 273
- Regino L. 2. tit. 428. 429. 430. 431.* II. 579
- Constantiæ episcopus Carolus ob simoniam & furtum deponitur. *C. Mogunt. an. 1071.* III. 154
- Constantinopolitanus Episcopus habeat honoris Primum post Romanum episcopum. *C. Constantinopol. an. 381. tit. 2.* I. 167
- S. Corbiniani elevatio & translatio facta a sola Synodo Bavarica. *C. Frising. an. 769.* I. 343
- Corbejæ Saxonie privilegia confirmantur in C. Moguntin. an. 888. tit. 2. II. 375
- Corbeja & Herveldia debent restituere decimas Benno Osnabrugensi episcopo. *C. Ratisbone an. 1075.* III. 168
- Corporale Domini ex mundissimo linteo sit, & non maneat super altare.
- Immundum prius a Clericis lavetur in vase speciali & nitido loco. *Regino L. 1. tit. 68.* II. 452
- Corporale ad extinguendum incendium, nemo in ignem projiciat. *C. Salingustadii an. 1022. tit. 6.* III. 56
- Correptionis Canonicorum delinquentium modus. *Chrodeg. tit. 52.* I. 112
- C. Aquisgr. an. 816. tit. 134.* I. 508
- Correptionis modus in Monialibus ab Abbatisa servandus. *C. Aquisgr. an. 816. tit. 18.* I. 535
- Correptionis Monachorum modus Abbati præscribitur. *C. Aquisgr. an. 817. tit. 80.* II. 7
- Crimen capitale Presbyteri vel Diaconi perpetua depositione ab officii honore & restitutione perpetua in Monasterium puniatur. *C. Epaon. an. 517. tit. 22.* II. 683
- Causa criminalis, hoc est, homicidium, adulterium, furtum, maleficium, si Episcopo vel Presbytero imputata fuerit, in singulis Missam celebrare, & Secretam publice dicere, & communicare debet, de singulis se innocentem reddere. Quod si non fecerit, quinquennio a liminibus Ecclesiæ extraneus habeatur. *C. Wormat. an. 868. tit. 9.* II. 312
- Regino L. 2. tit. 227.* II. 557
- Si liber fidelis crimine accusetur, juramento se excuset; si criminofus a populo judicetur, & propterea superjuret; aut confiteatur & pœniteat, aut per ignem candenti ferro examinetur. *C. Tribur. an. 895. tit. 22.* II. 398
- Criminosus pulsus ab episcopo, vel Presbytero, si ab alio suscipiatur, tur,

- tur, ipse pari crimine teneatur obnoxius. *C. Carthagin. tit. 9.* I. 200
- Quisquis a quolibet criminatur; non ante accusatus puniatur; quam accusator præfens examinetur, an sit digna persona ad accusandum. *C. Wormat. an. 868. tit. 42.* II. 316
- De crimine convictus & confessus Clericus intra annum excommunicationis se purget: si hoc negligat, post non audiatur. *C. Wormat. an. 868. tit. 71.* II. 319
- Criminosi ne ad Clerum admittantur. *Regin. L. 1. tit. 412.* II. 505
- Criminosus nullus accusare majorem natum, nec Episcopum potest. *C. Carthagin. tit. 8.* I. 200
- Crines attondens mulier propter Divinum cultum, anathema sit, quia Deus eos mulieris in subjectionis signum dedit. *C. Gangresse an. 324. tit. 17.* I. 154
- Crucis Dominicæ veneratio licita est & sancta. *C. Atrebat. an. 1025.* III. 93
- Culpæ levioris in Canonico vel Clerico pœna. *Chrodegang. tit. 28.* I. 105
- Culpæ gravioris in Canonico vel Clerico pœna. *ibid. tit. 29.* I. 105
- Culpæ gravioris convicti Presbyteri, vel Diaconi, propter quam a ministerio debeant removeri; iis manus non imponatur uti penitentibus, aut laicis; nec rebaptizati ad Clerum promoveantur. *C. Carthagin. tit. 27.* I. 203
- Episcopus ad Comitatum (Curiam) Imperatoris non accedat; nisi ab eo literis invitatus & vocatus: vel ideo, ut intercedat pro causis miserabilium. *C. Sardiæ. an. 347. tit. 8. & 10.* I. 191
- Diaconus nemo in quacunque causa ad Comitatum ear sine commendatitijs episcopi. *ibid. tit. 9.*
- Ad Comitatum ituri, preces episcopo Romano ostendant examinandas. *ibid. tit. 10.*
- Ad Comitatum pergens habeat formatam ab episcopo Romano: si a proprio episcopo, vel a Primate formatam accipiat, adscribatur dies Pascharis, vel hujus, vel proximi anni. *C. African. tit. 73.* I. 224
- Episcopus vel Clericus ad Comitatum sine consilio episcoporum vel metropolitani ne eat. *C. Antioch. an. 341. tit. 11.* I. 158
- Cap. Aquisgr. an. 789. tit. 10.* I. 268
- usurpet; abscondatur ab ecclesia. *Apostolorum canon. 29.* I. 133
- Zacharia Papæ decretal. an. 745.* I. 791
- Damnatus episcopus, Presbyter, Diaconus pro crimine fornicationis; perjurii, furti, deponatur: non tamen communione privetur. *Apostol. canon. 25.* I. 133
- Reliqui Clerici ob hæc crimina damnari, huic conditioni subaceant. *Ibid.*
- Damnatus a suo episcopo Clericus non ab alio debet recipi, quam ab episcopo damnante, nisi hic forte obierit. *Apostol. canon. 33.* I. 134
- Damnatus a Synodo Episcopus, vel ab episcopo Clericus, si audeat quid sacri ministerii contingere, spe restitutionis careat: communicantes ei abjiciantur de ecclesia. *C. Antioch. an. 341. tit. 4.* I. 157
- Capitul. Aquisgr. an. 789. tit. 7.* I. 268
- C. Aquisgr. 816. tit. 47.* I. 472
- Regino L. 2. tit. 402.* II. 573
- Damnatus episcopus vel Presbyter non Imperatorum adeat; sed majus episcoporum Concilium: sin; omni venia indignus erit. *C. Antioch. an. 341. tit. 12.* I. 158
- Damnatus judicio episcoporum Clericus a nemine defendendus. *C. Africanum tit. 29.* I. 214
- C. Aquisgran. an. 816. tit. 48.* I. 472
- Clericus & convictus & confessus crimen, si intra annum se non purget, post non audiendus. *C. African. tit. 46.* I. 217
- Si ante damnati absolutionem moriatur episcopus, successori licet absolvere penitentem. *C. Epaon. anno 527. tit. 28.* II. 684
- Decimæ, in quem finem accipiendæ. *C. Metense. an. 888. tit. 2.* II. 381
- C. Tribur. an. 895. tit. 13.* II. 395
- Chrodegang. tit. 75.* I. 118
- C. Francoford. an. 794. tit. 25.* I. 327
- Decimæ ab omnibus dandæ & per episcopum dispensandæ. *C. Duvienfe an. 779. tit. 7.* I. 239
- C. Aquisgran. an. 813. tit. 38.* I. 411
- Hayto Capit. 15.* II. 19
- C. Moguntia an. 888. tit. 22.* II. 37
- De rebus Ecclesiarum, unde nunc pensiones exeunt, decimæ & nonæ sint solutæ.
- De casatis 50. solidorum, solidus unus.
- De casatis 30. solidorum dimidius solvatur.

D.

Damnatus episcopus, Presbyter, vel diaconus, si pristinum officium

- De 20. solidorum casatis tremis fol-
vatur ecclesiae. *C. Durienf. an. 779.*
tit. 13. I. 240
- Decimæ & nonæ dandæ Ecclesiis. *Re-*
gino L. 1. tit. 42. ad 52. II. 419
- Decimatio omnis in potestate episco-
pi sit. *C. August. an. 950. tit. 10.* II. 623
- Decimæ, si a secularibus teneantur,
non in forensi judicio, sed a San-
cta Synodo, quid facto opus sit,
definiatur. *C. Ingelheim. an. 948.*
tit. 9. II. 612
- De decimis & oblatis quatuor por-
tiones fiant, una fabricæ, altera
pauperibus, tertia Presbytero &
Clero, quarta episcopo detur. *Regin.*
L. 1. tit. 341. II. 493
- Decimæ de omnibus dentur: negli-
gens crebras de eis dandis admoni-
tiones, anathematizetur. *C. Mo-*
gunt. anno 888. tit. 17. II. 373
- C. Metenf. an. 888. tit. 2.* II. 381
- Decimæ daræ Ecclesiis ab episcopis
per Presbyteros dispensantur in
quatuor portiones, una episcopo,
secunda Clero, tertia pauperibus, 4ta
fabricæ Ecclesiæ. *C. Mogunt. an.*
847. tit. 10. II. 156
- C. Tribur. an. 835. tit. 13.* II. 395
- Decimæ tertia pars secundum Conci-
lium Toletanum, episcopo debe-
tur, sed Hayto Basileæ epis-
copus quarta parte contentum se
declarat juxta constituta Romano-
rum Pontificum. *Hayto cap. 15.* II. 19
- Ut de omnibus in elemosynam datis
tam ecclesiæ quam fratribus Mo-
nasterii, decimæ pauperibus den-
tur. *C. Aquisgr. an. 817. tit. 49.* II. 6
- Propter novas ecclesias ecclesiæ anti-
quiores non perdant decimas. *C.*
an Saltz an. 803. tit. 3. I. 383
- C. Mogunt. an. 847. tit. 11.* II. 156
- C. Mogunt. an. 888. tit. 13.* II. 373
- C. Tribur. an. 895. tit. 14.* II. 395
- Decimæ ad antiquas baptismales ec-
clesias solvantur, et si bona epis-
copiis vel Monasteriis donata fue-
rint. *C. in Saltz an. 803. tit. 2.* I. 383
- Contra Decretalia agens Sacerdos &
corrigi nolens ab officio movea-
tur. *Aquisgr. cap. 789. tit. 681.* I. 279
- Dogmata, mandata, interdicta, sancti-
ones, vel decreta pro fide, discipli-
na, correctione a Sedis Apostoli-
cæ præfule promulgata contem-
nens, anathema sit. *C. Romæ an.*
863. tit. 5. II. 269
- Contra decreta & canones & consti-
tutiones Præfulum Romanorum fa-
cta nullius sint momenti. *C. Tri-*
bur. an. 895. tit. 30. II. 400
- Depositi iuste ob certum crimen epis-
copi, Presbyteri & Diaconi, si ini-
nistrare in eo gradu ausi fuerint, ab
Ecclesia abscondantur. *Apost. can.*
29. I. 133
- Raban. tit. 10.* II. 197
- Regin. L. 2. tit. 403.* II. 573
- Si accusatus & depositus Episcopus
appellaverit Romanam, nullus in
ejus locum ordinetur, ante Roma-
ni Episcopi sententiam. *C. Smir-
næ an. 347. tit. 4.* I. 190
- Degradatus vel suspensus ab Episco-
po, si quid contrectet, omnino
excommunicetur. *Regin. L. 2. tit.*
420. II. 577
- Episcopus non deponatur nisi a 12.
Episcopis, Presbyter a 6. diaconus
a tribus. *C. Carthagin. tit. 12. &*
20. I. 207
- C. Triburien. an. 895. tit. 10.* II. 394
- Reliquorum Clericorum causas solus
Episcopus cognoscat. *Ibid.*
- Desponsata puella, post rapta, &
si vim passa a raptores, reddenda
sponsa. *C. Ancyræ an. 314. tit.*
10. I. 147
- Diaconi ante xxv. annos non ordinen-
tur. *C. Wormatiæ an. 868. tit. 69.* II. 319
- Diaconi septem esse debent, licet
valde magna sit civitas. *C. Neo-*
cesæreæ an. 314. tit. 14. I. 151
- C. Aquisgr. 816. tit. 54.* I. 437
- Diaconi officium, usus, obligatio. *C.*
Aquisgr. an. 816. tit. 7. I. 437
- Diaconi quem honorem Presbyteris
debeant, quem Subdiaconi Diaconis.
C. Laodiceæ an. 363. tit. 20. I. 163
- C. Aquisgr. an. 816. tit. 77.* I. 475
- Diaconos Presbyteris communio-
nem porrigere, ante episcopos ob-
lata contingere nefas, sedere in me-
dio Presbyterii nefas. *C. Laodiceæ*
an. 325. tit. 18. I. 140
- C. Aquisgr. an. 816. tit. 41.* I. 471
- Diaconi, si in Ordinatione protestati
sint se nupturos, post nuptias ma-
neant in Ministerio; si in Ordina-
tione tacuerint, censeantur pro-
fessi continentiam. *C. Ancyræ an.*
314. tit. 9. I. 147
- Diaconus, si peccato ante Ordina-
tionem succubuit, ab ordine ministe-
rii subtrahatur. *C. Neocesæ an. 314.*
tit. 10. I. 151
- Rabanus tit. 10.* II. 197
- Diaconissæ mulieres ordinandæ non
sunt ante annum quadragesimum:
suscepta manus impositione, si se
tradant nuptiis, anathematizentur.
C. Chalcedon. an. 451. tit. 15. I. 179
- C. Wormatiæ an. 868. tit. 73.* II. 319
- Disci-

Tom. pag.	Tom. pag.
Discidium facientes conjuges ita manent, aut reconcilientur: fin: ad penitentiam redigantur. <i>Regino L. 2. tit. 104, 105, 106.</i> II. 530	Dominico die, qui nupserit, petat a Deo indulgentiam, & quatuor annis peniteat. <i>C. Tribur. an. 895.</i> II. 411
Divortium Lotharii & Theutbergæ, quot Conciliis tractatum & expensum? II. 435	Dominico die mercatus, placita, judicium mortis penale & omne opus servile interdicta. <i>C. Aquisgran. an. 813. tit. 37.</i> I. 411
Divortium inter Ottonem & Mathildam juramento confirmatum. <i>C. Triburæ an. 1036.</i> III. 103	<i>Regino L. 1. tit. 371, 372, 376.</i> II. 489
Disciplina Sacerdotum in corripiendo, qualis? <i>C. Aquisgran. an. 816. tit. 36.</i> I. 468	Dominici diei violatores multa pecuniæ puniantur. <i>C. German. an. 744.</i> I. 56
Disciplina ecclesiastica varia mutatio a Sæculo III. ad IX. <i>Rabanus Episc. ad Reginaldum.</i> II. 217	Dominico die aut Pentecostes diebus genua flectentes reprehendantur, stantes oront. <i>C. Nicæn. an. 325. tit. 20.</i> I. 140
Discretio in congregandis Canonicis tenenda. <i>C. Aquisgr. an. 816. tit. 118.</i> II. 501	<i>C. Aquisgran. an. 816. tit. 46.</i> I. 472
Discretio doctrinæ Sacerdotibus, præpositis necessaria. <i>C. Aquisgr. an. 816. tit. 23, 24.</i> I. 457	Dominico die jejunans ob putatam continentiam, anathema sit. <i>C. Gangrense. an. 324. tit. 18.</i> I. 154
Dispensatio omnium negotiorum ecclesiæ ad episcopum pertinet. <i>C. Wormatiæ an. 868. tit. 45, 46.</i> II. 316	<i>C. Aquisgr. an. 816. tit. 68.</i> I. 474
Dives Clericus, sufficiens sibi, quo periculo animæ capiat quid ab ecclesia pauperes pascere? <i>C. Aquisgr. an. 816. tit. 107.</i> I. 487	Donatistarum appellatio ad Constantinum M. fuit ab hoc Augusto rejecta ad Concilium Romanum an. 813. I. 7
Divinationes vel arte malefica inquisitiones, sub quinquenni penitentia vetantur. <i>C. Ancyra an. 314. tit. 23.</i> I. 194	Post damnationem Concilii Romani in causâ Donatistarum, eadem rejecta ad Concilium Arelatense ab Imperatore an. 814. I. 7
Divinationes expetens, usurpans, incantationes, aruspicia, sortilegia, reprehenduntur, anathematizantur, capite puniantur. <i>Regino L. 2. tit. 347. ad 358.</i> II. 566	De Infantibus a Donatistis baptizatis consultitur Papa Siricis & Simplicius Mediolanensis Episcopi. <i>C. African. tit. 14.</i> I. 209
Divisio regnorum germaniæ & Franciæ arbitrio episcoporum committitur. <i>C. Confluentiæ an. 860.</i> II. 249	Parvuli apud Donatistas baptizati, in Catholica ecclesia Clerici ordinari possunt. <i>C. African. tit. 24.</i> I. 212
Divisio reddituum ecclesiæ in quatuor portiones; 1. Episcopo, 2. Clero, 3. pauperibus, 4. fabricæ tribuendas. <i>C. Wormatiæ an. 868. tit. 7.</i> II. 312	Cum Donatistis, edi ab unitate præcis, leniter agendum esse, statuunt Patres. <i>C. African. tit. 33.</i> I. 215
<i>In eodem C. tit. 47.</i> II. 317	Clerici Donatistarum, correcto consilio, volentes transire ad Catholicam, suscipiendi. <i>C. African. tit. 35.</i> I. 215
Divisio collatorum ecclesiæ fiat in III. partes; Ecclesiam, Pauperes, Clerum. <i>C. Aquisgr. an. 816. tit. 4.</i> I. 544	Ad Donatistas mittendi Legati ab Episcopis Catholicis, pacis prædicandæ causâ. <i>C. African. tit. 36.</i> I. 215
Docere & pabulum verbi Dei populo ministrare Episcopi per se vel Vicarios curent. <i>Regino L. 2. tit. 3.</i> II. 442	Conventio Catholicorum Episcoporum pacifica cum Episcopis Donatistarum a singulis tentanda: forma Conventionis. <i>C. African. tit. 58.</i> I. 220
Quid docendi laici? <i>Regino L. 2. tit. 7.</i> II. 443	Plebes a Donatistarum secta conversæ, spectent ad Diocesim, quod prius Catholicæ spectabant. <i>C. African. tit. 84.</i> I. 227
Doctores iracundi, quantum noceant. <i>C. Aquisgr. an. 816. tit. 33.</i> I. 465	Drogo Merensis Episcopus, Vicarius Sedis Apostolicæ constituitur, cum varia & ampla facultate convocandi Synodos, causas appellantium Romam cognoscendi: sed ea Legatio effectu caruit, quum Germaniæ & Galliæ Episcopi illi non consentirent. <i>Litteræ P. P. Sergii II. ad Drogonem.</i> II. 144
Dominica dies servetur a vespera usque ad vesperam. <i>Aquisgran. capit. an. 789. tit. 15.</i> I. 270	
<i>C. Francofordiæ an. 794. tit. 21.</i> I. 326	
Dominico die, quæ opera servilia prohibeantur viris & feminis. <i>Aquisgran. Capit. an. 789. tit. 92.</i> I. 283	

- Pugna duorum, Duellum. Monomachia, quod nostri *campum appellant* obimputarum adulterium non est Lex Divina, sed tentatio Dei. *Regino L. 2. tit. 77. 78.*
- Monomachiam a Lothario oblatam pro probanda innocentia rejicit Papa Nicolaus, ut Divina & Sanctorum PP. legi contrariam. *Nicolaus PP. Epist. an. 867.*
- E.**
- Ebbo Remensis Archi-episcopus sua confessione damnatus deponitur a C. Theodoni villa an. 835. II. 63
- Ejusdem confessio & abdicatio. *Ibid.*
- Ebbo potentia Lotharii Imperatoris restituitur. C. Ingelheimii an. 840. II. 139
- Ebbonis primo Remensis depositi, post restitutio ad Hildefinensem Cathedralam, non probatur Rabano. *Rabanus tit. 34.* II. 211
- Ebriosus Clericus 30. dierum spatio a communione submoveatur, aut corporali subdatur supplicio. *Regino L. I. tit. 134. ad 117.* II. 463
- In pane & aqua tres menses pœniteat. *Ibid.*
- De ebriosis & vinolentis Patrum sententia. *Regino L. I. tit. 138. ad 147.* II. 463
- Ecclesiae S. Catholicae vera professio. C. Atrabatenf. an. 1025. III. 78
- Ecclesiam laicus in proprio fundo ædificans, si Missas ibi fieri velit, ab episcopo Presbyterum petat. *Zacharias Papa in Germ. 745.* I. 81
- Ecclesiam in sua proprietate ædificandi licentiam ab episcopo pete, sed antiquiores Ecclesiae decimam non perdant. *Regino L. I. tit. 26.* II. 446
- Ecclesiae res quid sint? C. Aquisgran. an. 816. tit. 16. I. 500
- Ad Ecclesiam confugientibus homicidis vel cæteris reis, qui legibus mori debent, victus nullus detur. C. Germanie an. 744. I. 56
- Ad Ecclesiam intrans ad scripturas audiendas, nec communicans percipiendae communioni, ab Ecclesia removeatur. *Apostol. can. 10.* I. 132
- C. Antiochie an. 341. tit. 2. I. 157
- Ecclesiae rerum dispensatio penes Episcopum est. Verum Ecclesiae rerum notitia communicetur Presbyteris & Diaconis, ut Episcoporum propria scerni queant. C. Antiochie an. 341. tit. 24. 25. I. 160
- C. Aquisgran. an. 813. tit. 8. I. 107
- C. Moguntiae an. 847. tit. 7. II. 156
- C. Moguntiae an. 888. tit. 4. II. 371
- Regino L. I. tit. 32. II. 446
- Ecclesiae res nemo distrahat sine arbitrio Provincialis Synodi, & numero statuto Episcoporum. C. Carthagin. tit. 26. I. 203
- Ecclesiae rerum venditio absente vel mortuo Episcopo irrita. Res, an pretium velit recipere, liberum est Episcopo. C. Ancyrae an. 314. tit. 14. I. 147
- Ecclesiae res nemo vendat Presbyter infcio Episcopo, nec Episcopus infcio Concilio, nec extra necessitatem res Ecclesiae matricis usurpet. C. Carthagin. tit. 32. I. 204
- Regino L. I. tit. 35. II. 447
- Ecclesia honoranda, clausa sit canibus. Altaria, vasa sacra munda. C. Aquisgran. an. 789. tit. 71. I. 182
- Ecclesiae per eos restaurandae, qui beneficia habent. C. Francofordiae an. 794. tit. 26. I. 327
- Ecclesiae ab ingenuis constructae tradi aut vendi possunt, dum non destruantur, sed servantur eis honores. C. Francofordiae an. 794. tit. 64. I. 319
- Ut Ecclesiae bene constructae & restauratae sint, Episcopus habeat providentiam. C. in Salz. an. 804. tit. 1. I. 383
- Ecclesiae res, etsi in precatoriis Clericus diu possederit, non vocantur in proprietatem. C. Epaonens. an. 517. tit. 18. II. 689
- Nec in Ecclesiis, nec in domibus Ecclesiarum, nec in atriis saecularia placita fiant. C. Aquisgran. an. 813. tit. 20. I. 412
- Res Ecclesiarum sunt vota fidelium, pretia peccatorum, patrimonium pauperum. *Capitulare II. Caroli & Ludovici Pii ante 813.* I. 418
- Ecclesiam fraudans, vastans, diripiens, sacrilegus est. *Ibidem tit. 5. 8. 9. 10.* II. 419
- Ecclesiae conventum spernens, anathema sit. C. Gangrense an. 324. tit. 5. I. 154
- Extra Ecclesiam conventus celebrans vel Ecclesiastica usurpans, non conveniente Presbytero juxta decretum episcopi, anathema sit. C. Gangren. an. 324. tit. 6. & 20. I. 154
- Ecclesiae oblationes extra accipiens vel dare volens extra conscientiam episcopi, anathema sit. C. Gangrense an. 324. tit. 7. I. 154
- Unaquaeque Ecclesia suum Presbyterum habeat. C. Aquisgran. an. 816. tit. 2. I. 545
- C. Wormatiae an. 68. tit. 51. II. 317
- In

- In una Ecclesia non sint plures Presbyteri. *Regino L. 1. tit. 243.* II. 477
- In Ecclesia, in qua quis provectus est, non perdurans, a nullo recipiatur: si nedit; communione privetur. *C. Aquisgran. an. 816. tit. 45. I. 471*
- In Ecclesia nemo gladium porter, præter Regem. *C. Salungustadii anno 1022. tit. 8.* III. 56
- Quis opibus Ecclesiæ sustentari queat sine periculo animæ? *C. Aquisgran. an. 816. tit. 108.* I. 488
- Ecclesiæ res non dividendas, nec minuendas Ludovicus Rex promittit Aquisi Concilio. *C. Aquisgran. an. 816. tit. 1.* I. 544
- Omnia jura Ecclesiarum non ad ædificantis, nec ad dotantis, sed ad consecrantis episcopi potestatem & ordinationem pertinent. *C. Wormatiæ an. 867. tit. 6.* II. 312
C. Wormatiæ an. 898. tit. 55. II. 317
- Ecclesiæ res nemo invadere præsumat, nec Monasterii nec Xenodochii. *C. Moguntia an. 888. tit. 6.* II. 371
- Ecclesiæ prædia nemo tollat; nemo suis usibus applicet. *Remedius canon. 33.* II. 421
- Ecclesiis antiquis nec decimæ, nec alia possessio tollatur, ut novis oratoris detur. *Regino L. 1. tit. 29.* II. 446
- In novis villis novis ecclesiis decimæ iisdem conferantur. *Regino L. 1. can. 20.* II. 446
- Ecclesiasticus res non accipiat ab iis, quorum liberi vel propinqui hac oblatione exheredantur. Si quis accipiat, Synodali vel Imperiali sententia feriat, ut res ad exheredatos redeat. *C. Aquisgr. an. 816. tit. 7.* I. 545
- Ecclesiasticos non oportet ingredi tabernas. *C. Laodiceæ an. 363. tit. 24.* I. 164
C. African. tit. 7. I. 208
C. Aquisgrani an. 816. tit. 60. I. 473
- Edens sanguinem animalis suffocari 40. dies pœniteat, alias suspendatur a communione Ecclesiastica, dum digne pœniteat. *Regino L. 2. tit. 363. 364.* II. 570
- Edens morticinum, laceratum a bestia, 40. dies pœniteat, si in famis necessitare, levius. *Regino L. II. tit. 365.* II. 569
- Edens furatum raptum, si pauper, 7. dies; si potens 40. dies; si infirmus, 15. dies pœniteat. *Regino L. II. tit. 370.* II. 569
- Edere de sacrario, qui in sacrario operantur, quò sensa possint. *C. an. 816. tit. 3.* I. 489
- Electio Episcoporum non est permittenda iudicio multitudinis. *C. Laodiceæ an. 363. tit. 13.* I. 163
- Episcopus eligendus a Clero & populo suæ Dioceseos secundum canonum statuta. *C. Aquisgran. an. 816. tit. 2.* I. 544
- Eligendi abbatis licentiam monachis ex se ipsis dat Ludovicus Pius Imper. *C. Aquisgr. an. 816. tit. 5.* I. 544
- Eleemosyna promissa vel confessione vel pro Plalmis accepta, a Clerico, ejus sit: si autem ea eleemosyna pro omnibus datur, omnium sit, & omnes orent vel psallant vel Missas faciant. *Chrodegang. tit. 42.* I. 109
- Emens Presbyter nomine Ecclesiæ, Scripturam faciat, aut ab ejus, quam tenuit, Ecclesiæ ordinatione discedat. *C. Epauensis an. 517. tit. 8.* II. 682
- Emunitas sexcentis solidis solvit, & novem capitibus. *C. Confluentia an. 922. tit. ultimo.* II. 600
- Episcopi Apostolorum, Presbyteri 72. discipulorum loca tenent. *Remedius tit. 14.* II. 417
- Episcopus non appelletur Princeps Sacerdotum. *C. Africanum tit. 6.* I. 208
- Episcoporum Primatus, quid significet? *Apostolor. can. 37. & 40.* I. 133
- Episcopus præter Synodum & Metropolitanam sententiam non ordinandus. *C. Antioch. an. 341. tit. 19. I. 159*
- Episcopus a duobus aut tribus Episcopis ordinetur, si non possit ab omnibus provinciarum Episcopis ordinari. *Apost. can. 1.* I. 131
C. Carthagin. tit. 13. I. 207
C. Antiochiæ an. 341. tit. 19. I. 159
C. Nicænum an. 325. tit. 4. I. 132
- Episcopus tantum omnium negotiorum Ecclesiasticorum curam habeat. *Apost. can. 39.* I. 134
C. Antiochiæ an. 341. tit. 21. I. 160
Aquisgr. cap. tit. 12. I. 269
- Curam pauperum peregrinorum & fratrum. *Apostolor. can. 41.* I. 135
- Si ex justa causa v. g. morbo nequeat omnium curam sustinere, deputet viarios probabilis vitæ Presbyteros vel Diaconos. *Regino L. I. tit. 9.* II. 443
C. Aquisgr. an. 816. tit. 11. I. 443
- Episcopus non temere sed per gradus & longa examina faciendus: non neophytus. *C. Sardica an. 347. tit. 13.* I. 192
- Episcopus alienum Clericum ne sollicitet. *C. Sardica an. 347. tit. 18. I. 193*

	Tom. pag.		Tom. pag.
Episcopus alienum Clericum non ordinet. <i>C. Mogunt. an. 888. tit. 14.</i>	II. 373	<i>Capitul. Aquisgran. an. 789. tit. 19.</i>	I. 271
<i>C. Triburiae an. 895. tit. 28.</i>	III. 399	<i>C. Francoford. an. 794. tit. 22.</i>	I. 327
Episcopus ordinans alienum Clericum deponatur. <i>Apostolor. can. 35.</i>	I. 134	Episcopus potestatem habet in Presbyteros & Clericos suae Parochiae: incestuosos emendandi, viduas corrigendi. <i>C. Durienf. an. 779. tit. 4. 5.</i>	I. 239
Ordinans alienum sine literis irritum facit. <i>C. Antiochie an. 341. tit. 13.</i>	I. 118	Episcopo obedientia exhibenda ab omnibus Clericis & populis. <i>Remedius tit. 4.</i>	II. 414
<i>C. Sardica an. 347. tit. 19.</i>	I. 193	Abque episcopi licentia nec Missa facienda, nec baptismus dandus. <i>Remedius tit. 5.</i>	II. 415
<i>C. Durienf. an. 779. tit. 6.</i>	I. 239	Episcopus Ecclesiam non debet dimittere, uti nec vir sponsam absque Apostolica auctoritate vel regulari mutatione vel inevitabili necessitate. <i>Remedius tit. 18.</i>	II. 417
Episcopus Clericum alterius episcopi suscipiens excommunicatur. <i>C. Nicææ an. 525. tit. 16.</i>	I. 139	Episcopus unus vel duo cum Principe apud exercitum esse possunt cum Capellanis & Presbyteris, confitentibus audiendis & penitentia indicanda, pro Missa, pro reliquiis Sanctorum. <i>C. Germania an. 742.</i>	I. 49
<i>Apostol. can. 16.</i>	I. 132	<i>C. Wormatie an. 803. tit. 3. & 4.</i>	I. 374
<i>Zachariae P.P. decret. 18.</i>	I. 81	Episcopi a Carolo Magno fiunt Missi Regii una cum Comitibus per Provincias Regni. <i>C. Aquisgr. an. 819.</i>	II. 11
Episcopus alienam Parochiam non pervadat, nisi multorum episcoporum iudicio. <i>Apostol. can. 14.</i>	I. 132	Nomina episcoporum, qui Missi Regii creati à Carolo M. Ludovico Pio.	II. 12
Episcopus singulis annis Parochiam circumeat, doceat populos, prohibeat paganas superstitiones. <i>Capitulare Caroli Mag. an. 769. tit. 7.</i>	I. 127	Episcopi arbitri constitui Regno- rum inter Ludovicum Germanicum & Carolum Calvum dividendorum. <i>C. Aquisgr. an. 842.</i>	II. 142
Episcopus tonsurans aliquem ob res adipiscendas, Synodali vel Imperiali sententia feriatur. <i>C. Aquisgran. an. 816. tit. 8.</i>	I. 545	<i>C. Confluentie an. 860.</i>	II. 249
Episcopus aut Presbyter uxorem, quam debet caste regere, non abiciat. <i>Apostol. can. 6.</i>	I. 132	Episcopi sententia ne retractetur. <i>Regino L. II. tit. 17.</i>	II. 533
Episcopi defendere & tueri populum debeat contra iudices, iniquos raptos. <i>Regino L. 2. tit. 295.</i>	II. 560	Nullus alicui Clerico episcopatum conferre debet, nisi Rex ex prisca consuetudine. <i>Joannes Pp. X. an. 920.</i>	II. 396
Episcopus ordinatus ad Ecclesiam, si sua culpa eam non aseat, communionem privetur; si culpa populi vel civitatis opposentis, hi communionem priventur, sed ipse honoris & ministerii sit particeps. <i>Apostol. can. 37.</i>	I. 134	Episcopatus Traiectensis abdicationem dissuadet S. Martinus Pp. S. Amando.	I. 28
<i>C. Antiochie an. 341. tit. 17.</i>	I. 159	Sine Epistola commendatitia sui episcopi nemo proficiscatur. <i>Apostolor. can. 13.</i>	I. 132
<i>C. Africau. tit. 88. & 90.</i>	I. 227	<i>C. Antioch. an. 314. tit. 7.</i>	I. 157
Episcopus vacantem sedem adiens absque integro & perfecto Concilio, abiciatur. <i>C. Antiochie an. 341. tit. 16.</i>	I. 159	<i>C. Chalcedonens. an. 451. tit. 11. & 13.</i>	I. 178
Ad episcopatum promotus, nec suam adiens, sed aliam volens invadere Parochiam, abiciatur. <i>C. Ancyrae an. 314. tit. 17.</i>	I. 148	<i>Regino L. I. tit. 424. 436.</i>	II. 507
Episcopus de minori civitate ad majorem ex avaritia vel ambitione transiens, etiam laica communione privandus: nec in exitu vitae communionem accipiat. <i>C. Sardica an. 347. tit. 1. 2.</i>	I. 189	Epistolae formatae qui faciendae? exemplar unum & aliud. <i>Regino L. I. tit. 437. 439.</i>	II. 508
Episcopos in villis vel agris non oportet constitutos esse, sed visitatores constituti in villis episcopi nihil faciant praeter conscientiam episcopi civitatis. <i>C. Sardica an. 347. tit. 6.</i>	I. 190	Esus fibrorum, leporum, & equorum	
<i>C. Laodicae an. 363. tit. 17.</i>	I. 166		

Tom. pag.

Tom. pag.

- rum sylvaticorum vitandus: ad Bonifacium Archi-episcopum. *Zacharias Papa an. 751. tit. 1.* I. 33
- Ab Esu Christianorum vitandi gratia, corniculæ & ciconiæ. *Idem ibidem.* I. 33
- Eucharistia, quot annis manducanda. *C. Leodii an. 710.* I. 33
- De eucharistia ut Sacramento & sacrificio Catholica professio. *C. Arelatensis an. 1025. tit. 1.* III. 73
- Eucharistiam Presbyter semper paratam habeat, ut infirmos & moribundos communione muniat. *Regino L. 1. tit. 69. 70.* II. 452
- Eucharistia de sabbato in sabbatum oblata renovetur. *Regino L. 1. tit. 149.* II. 464
- Eucharistia, confessio, baptisumus nulli detur, nisi symbolum & orationem Dominicam de memoria recitet. *Regino L. 1. tit. 272.* II. 481
- Eulogiæ tempore Paschali oblatae, ad alias Parochias non sunt destinandæ. *C. Laodiceæ an. 368. tit. 14.* I. 268
- Post Missarum solemnias, qui communicare non erant parati, eulogias de oblatis de populo Presbyter. *Regino L. 1. tit. 352.* II. 492
- Supra eulogias oratio Presbyteri. *Idem ibidem.* II. 492
- Eunuchus spontaneus, si in Clero sit, abstineat, si non sit, ne promoveatur. *Idem ibidem.* I. 137
- Eunuchus, si factus, suscipitur in Clero. *C. Nicææ an. 325. tit. 1.* I. 137
- Examen sanctæ Crucis vetatur sculo nono. *C. Aquisgr. an. 816.* I. 547
- Examen aquæ frigidae a Missis Regiis veratur. *C. Aquisgr. an. 828. tit. 12.* II. 49
- Sine examine promoti ad honorem Presbyteri non admittuntur a regula canonica. *C. Nicææ an. 325. tit. 9.* I. 138
- Rhabanus tit. 10.* II. 197
- Presbyteri priusquam examinentur, non ordinentur. *C. Wormatiæ an. 868. tit. 56.* II. 317
- Regino L. 1. tit. 388. 389.* II. 501
- Excommunicationis episcopalis formula prima, secunda, tertia. *Regino L. 2. tit. 407 ad 413.* II. 573
- Excommunicatus a suo episcopo et si injuste, recipi non debet ad communionem, nisi absolutus. *C. Antiochie an. 341. tit. 6.* I. 157
- C. Quedlinburgi anno 1085. tit. 4.* III. 200
- Capitulare an. 798. tit. 1.* I. 265
- Excommunicatus ob sacrilegium non recipiendus, non reconciliandus, nisi

si facta restitutione. *Idem eodem tit.*

Excommunicati in provincia, ab aliis non recipiantur ante absolutionem a suo episcopo, vel ab omnibus episcopis, veta Synodo. *C. Nicææ an. 325. tit. 9.* I. 138

C. Sardicæ an. 347. tit. 16. I. 193

C. Aquisgr. an. 816. tit. 53. I. 472

Remedius tit. 44. ante 820. II. 424

C. Altheim an. 916. tit. 2.4. II. 588

Excommunicatio pro tribus causis ferenda: I. si vocatus ad Synodum contemnat, II. si veniat, sed nolit obedire Synodali præcepto, III. si ante finitam causam a Synodo fugiat. *C. Triburiae an. 895.* II. 410

Excommunicationem ecclesiæ contemnens a Comitibus comprehensus, ad Regem perferatur. *C. Triburiae an. 895. tit. 1.* II. 410

Cum excommunicato communicans, devitans orationem Ecclesiæ, ab alia Ecclesia non est suscipiendus. *C. Antiochie an. 341. tit. 2.* I. 157

Cum excommunicato communicans, privetur communione. *C. Antiochie an. 341. L. cit.*

C. Aquisgr. an. 789. tit. 56. I. 275

Regino L. 2. tit. 391. ad 401. II. 572

Excommunicatus Presbyter vel Diaconus a suo episcopo potest finitimum episcopum appellare. Finitimus episcopus cum non recipiat ante cognitionem causæ. *C. Sardicæ an. 347. tit. 17.* I. 193

Regino L. 2. tit. 404. II. 573

Excommunicandus ante monendus, Regiæ potestati insinuandus, dum incorrigibilis, excommunicetur. *Regino L. 2. tit. 305.* II. 561

Excommunicatus ante audientiam communicare præsumens, ipse se damnat. *C. Carthag. tit. 39.* I. 203

C. Aquisgr. an. 816. tit. 54. I. 473

Regino L. 2. tit. 403. II. 572

Excommunicatus ad accusationem admitti non debet. *C. African. tit. 95.* I. 219

Nemo Sacerdos pro parvis aut levibus causis a communione suspendat, præter culpas à canonibus definitas. *C. Wormatiæ an. 868. tit. 13. 56.* II. 313

Regino L. 2. tit. 306. II. 561

Episcopus innocentem excommunicatis, aut levibus de causis; huic innocenti communio a vicinis episcopis non negetur usque ad tem-

- pus Synodi. *C. Wormatiæ an. 868.*
tit. 14. II. 313
- Nemo excommunicatus aliquem ex-
 communicet. *Regino L. 2. tit.*
307. 308. 309. II. 361
- Exorcista officium, usus, origo. *C. Aquisgr. an. 816. tit. 4.* I. 436
- Exorizare non possunt, nec in ec-
 clesiis, nec in domibus, nisi ordi-
 nati ab episcopo. *C. Laodiceæ an.*
363. tit. 62. I. 164
- C. Aquisgr. an. 816. tit. 7.* I. 476
- F.**
- De fideis a Rege, coerendis post cæ-
 des. *Regino L. 2. tit. 83.* II. 327
- Falsas Apostolicas literas, qui in Con-
 cilio produxerat Abbo, fuit a Ba-
 pa redargutus. *C. Moguntin. an. 863.*
tit. 205. II. 243
- Falsam ab apostolico deferens episto-
 lam, aut ab episcopo custodiat, aut ab eo appelletur Romam pro
 veritate. *C. Triburiae an. 895. tit.*
30. II. 400
- Falsi testimonii convictus Clericus,
 capitalis criminis reus, censeatur.
C. Epone an. 517. tit. 13. II. 682
- Falsæ fidei litteræ de cælo delapsæ
 damnantur. *C. Constantiæ an. 1005.* III. 27
- Falsarum literarum de cælo allatarum
 confutatio. *C. Cameracens. anno*
1030. III. 102
- Felix Trevirensis Episcopus ordina-
 tur a Concilio, Priscillianistis faven-
 te. *C. Trevir. an. 386.* I. 5
- Felicitas & Hilpandi hæresis confutatio
 & damnatio. *C. Ratisbonæ an.*
792. I. 787
- C. Francoford. an. 794.* I. 288
- C. Aquisgr. an. 799.* I. 336
- Festivitates solennes in civitate, non
 in villis celebrantur. *Regino L. 2.*
tit. 387. 388. 389. II. 571
- Festivitates Sanctorum, quæ & quot
 Clero Metensi celebrandæ sæculo
 VIII. *Chrodegang. tit. 36.* I. 180
- Festivitates, quæ & quibz in Germa-
 nia celebrandæ sæculo nono. *C.*
Aquisgr. an. 816. tit. 36. I. 411
- Festivitates anni, quæ & quot in Ger-
 mania celebrandæ sæculo x. exe-
 unte, intrante xii. *Regino L. 1. tit.*
377. II. 499
- Feriendi dies festi per annum Dice-
 celi Basileensi ante 820. *Haytonis*
cap. tit. 8. II. 18
- Dominica a mane usque ad vespem
 celebranda in Diceceli Basileensi.
Ibid. eod. titulo.
- Festivitates Paschæ tota hebdomada,
 Pentecostes ii. iii. iv., uti Domini-
 ca dies celebratur. *C. Ingelheimii*
an. 948. tit. 62. II. 612
- Nocte Paschæ & nati Domini inter-
 esse benedictioni episcopi civibus
 expedit. *C. Epone an. 517. tit.*
55. II. 684
- Festi dies in Bavaria sæculo octavo.
C. ad Rishuch an. 799. tit. 20. II. 692
- In diebus festis non est stendun-
 genu. *Regino L. 1. tit. 379.* II. 499
- Modificantur dies festi Paschatis &
 hebdomadæ Paschalis ad tres dies
 tantum. *C. Constantiæ an. 1094.*
tit. 3. III. 24
- Fidei professio in symbolo Nicæno.
C. Nicæa. an. 325. I. 136
- Fidei professio Constantinopoli. *C.*
Constantinop. an. 381. I. 167
- Fidei professio in Synodo Ephesina.
C. Ephesi an. 431. I. 170
- Fidei Nicæna professio, reiteratur in
 Concilio. *C. Carthag. tit. 419.* I. 199
- Fidei professio & prædicatio de Trini-
 tate. *C. Tonnaci an. 520.* I. 116
- Fides Catholica ab omnibus episco-
 pis & Presbyteris diligenter le-
 gatur & populo prædicetur. *Capit.*
Aquisgr. an. 789. tit. 60. I. 280
- Fides Presbyterorum ab episcopis ex-
 aminanda. *Aquisgr. Capit. an. 789.*
tit. 70. I. 181
- Fidei Caroli Magni, & Concilii Fran-
 cofordiæ professio, contra errores
 Felicis Urgellæ episcopi. *C. Fran-*
cofordiæ an. 794. I. 336
- Fidei confessio edita a Felice Orgel-
 litano episcopo penitente in Con-
 cilio Aquisgrani. *C. Aquisgr. an.*
799. I. 336
- De Fidei Symbolo admonitio Caro-
 li Mag. in Concilio Aquisgrani. *an.*
802. tit. 41. I. 371
- Fides Catholica firmiter tenenda. *C.*
Aquisgr. an. 813. tit. 1. I. 406
- Fides Athanasii a Sacerdotibus disci-
 tur & ex corde die Dominico ad-
 heram rogetur. *C. Ahyroni tit.*
4. II. 17
- Fidei Trinitatis professio Ultrajecti.
C. Ultrajectinum an. 838. II. 136
- Fidei professio Patrum. *C. Wormatiæ*
an. 868. tit. 1. II. 307
- A recta Fide per inclusionem sedu-
 centi, expedit, ut suspendatur
 mola in collo ejus & demergatur
 in mare. *C. Triburiae an. 895. tit.*
30. II. 406
- Filios relinquens, nec enutrens præ-
 textu Christianitatis vel continen-

CANONUM.

XXV

- Tom. pag.*
 tiz, anathema fit. *C. Gangrenf. an. 324. tit. 16.*
 Cum filiastra peccans, qui matrem ejus viduam duxit, dissolvatur hoc conjugium: vir triennio pœniteat sine corporis & sanguinis communione, a vino & carne abstineat, singulis diebus jejunet, exceptis festis & Dominicis. Eadem pœna mulieri, quæ nupsit viduo, & post se ejus filio subternit. *C. Wormatiæ an. 868. tit. 36.*
 Femina, ne Presbyter det communionem, deferendam. *Regino L. 1. tit. 120.*
 Ad feminas accessum horis meridianis vel vespertinis episcopo & cuivis Clerico prohibemus, nisi ex causa & cuncti testimonio Clericorum. *C. Epagne an. 517. tit. 20.*
 Femina adulterum virum relinquens & alium ducens, non accipiat communionem, nisi post mortem secundi. *Regino L. 2. tit. 103.*
 Femina sine causa relinquens virum, & alteri nubens, nec in fine accipiat communionem. *Regin. L. 2. tit. 102.*
 Femina virum interficiens per maleficia, septem annis pœniteat. *Regin. L. 2. tit. 82. 83. 84. 85.*
 Femina marito ex necessitate fugiente in aliam provinciam, si sequi nolit, innupta maneat. *Regino L. 2. tit. 124.*
 Ad Fontanerum victoria Ludovici Germanici, & Caroli Calvi habetur ab episcopis pro judicio Dei. *C. Germani an. 841.*
 Fontem lapideum pro baptismo non habens, vas aliud conveniens ad hoc solum officium habeat. *Regino L. 1. tit. 271.*
 Fornicationum diversarum diversæ pœnæ. *Regino L. 2. tit. 246. ad 250.*
 Conjugatus sæpius fornicans in fine vitæ est conveniendus; si pœniteat, detur ei communio: sin, negetur. *Regino L. 2. tit. 137.*
 Presbyter fornicatus vel adulter Clericus, Diaconus pelli debet & ad pœnitentiam redigatur. *Regino L. 1. tit. 84. 85. ad 99.*
 Fornicato Sacerdoti honor auferendus, si crimen sit manifestum; sin, locus sit se juramento purgandi: eadem facultas Diacono indulta. *C. Moguntia an. 860. tit. 7. 8.*
 Fornicanti vel adulteranti Presbytero indicitur abstinencia ab uxore.
 Eadem pœna Subdiacono & reliquis ministris. Quod nisi fecerint, & ab ecclesiastico removeantur officio, *C. Moguntia an. 888. tit. 19.*
 Fornicante uno cum aliqua, si frater facti ignarus eam ducat, duram pœnitentiam agat, & subiu maneat in matrimonio. *C. Triburrie anno 895. tit. 44.*
 Fornicante uno cum femina, si filius aut frater facti ignarus cum eadem fornicetur, & juratus ignorantiam confirmet, post pœnitentiam legitimò utatur matrimonio. *C. Triburrie an. 895. tit. 43.*
 Conjugatus fornicans cum filia matertera vel avunculi vel patris iuxta veteres canones abstineat a conjugio. At nunc post pœnitentiam durissimam non penitus conjugio privatur. *C. Triburrie an. 895.*
 Fornicatio simplex celibum trienni pœnitentia puniatur. *Regino L. 2. tit. 132 ad 136.*
 Fratribus duobus nupta mulier abjiciatur usque ad mortem. In exitu, si promittat nexus hujus dissolutionem, fructum pœnitentiæ consequatur. *C. Neocaslar. an. 314. tit. 2. I. 150. Regino L. 2. tit. 193. ad 195. II. 544. Zacharias Pp. Cap. 22. an. 747.*
 Frater fratris defuncti thorum ne ascendat. *Regino L. 2. tit. 191.*
 Fraudare aliquid de rebus ecclesiæ a propinquis dotatæ vel fundatæ non licet hæredibus fundatorum, fraudatores denuntientur episcopo: si hic ipse defraudet, vel non coerceat fraudatores, denuntientur Metropolitano: si nec hic, denuntientur Regi. *Regino L. 1. tit. 350.*
 Fuldensis Monasterii a S. Bonifacio fundati, fratribus ægrotis & imbecillis vini usum indulget S. Bonifacius. *C. Austrasie an. 752.*
 Fuldensium Monachorum libellus supplicis ad Carolum Magni, in quo petunt quedam corrigi.
 Furatus ex necessitate cibaria &c. quatuor hebdomadas pœniteat, si rediderit, non jejunet. *Regino L. 2. tit. 437.*
 Pro furto restitutio accepti & sanctorum pœnitentia. *Regino L. 2. tit. 265.*
 Fur Clericus vii. annos pœniteat. *Regino L. 2. tit. 267.*

- Pro furto Ecclesie quadruplum, pro civili duplum restituatur. *Regino L. 2. tit. 266.* II. 555
- Furatus sollicitando Christianum, & eum paganis vendens, a quibus se redimere nequit, homicidii reus est. *Rhabanus Epist. tit. 1.* II. 214
- Fure ignorato furti in Monasterio facti, abbas Missam celebret, & omnibus det corpus & sanguinem Christi pro expurgatione sua. *C. Wormatiæ an. 868. tit. 15.* II. 313
Regino L. 2. tit. 276. II. 555
- Fures, latrones, raptores mortem merentur. Nemo pro iis oret aut elemosynam det. Data elemosyna execrabilis fordescat: si peniteat, communionis ei gratia fiat, maxime in fine vitæ. *C. Chalcedon. an. 450. tit. 7.* I. 290
C. Nicen. an. 325. tit. 12. I. 139
Triburiae an. 895. tit. 31. II. 400
Regino L. 2. tit. 94. II. 528
- Furtum capitale committens, ablata pecude, casa effracta, vii. annos peniteat: pro furto de minoribus, reddat, peniteat unum annum in pane & aqua. *Regino L. 2. tit. 268.* II. 556
- Clerico vel Monacho furtum Ecclesie suæ facienti, detur peregrina communio. Si juvenis est, virgis cædatur, nunquam Ecclesie beneficium accipiat; si ordinatus est, nominis dignitate privetur. *Regino L. 2. tit. 270. 271.* II. 555
- Fures, raptores alterius Parochiæ excommunicandi, nec dimittendi a parochia ante restitutionem. *Regino L. 2. tit. 290. 201. 292.* II. 559
- G.**
- S. Galli abbas cum Monachis accusatus, & inquisitus a xii. episcopis & abbatibus absolvitur. *In C. S. Galli anno 968.* II. 644
- Gandesheimiæ Monasterium & abbatissa sub Apostolica Sedis protectione est: ei conceditur electio abbatissæ, & bona confirmantur. *Joannes XIII. Pp. 968.* II. 637
- Gandesheim Monasterium Hildesii Episcopo subiectum contra Willigisum Archi-episcopum Moguntiae. *C. Gandesheim an. 995.* II. 674
C. Rome an. 1001. III. 20
C. Palitbi an. 1001. III. 21
C. Francoford. an. 1001. III. 22
C. Tiburtin. an. 1002. III. 23
- Componitur lis ab Henrico Sancto Rege. *C. in Palitbi. an. 1007.* III. 38
- Reconciliatio Hildefini & Moguntini episcoporum *an. 1008.* III. 40
- Rursum in Francofurdia *C. an. 1027.* III. 99
C. in Getzlice an. 1027. III. 100
C. in Merseburg. an. 1028. III. 100
C. in Palitbi an. 1029. III. 100
- Gebehardus Aisterensis episcopus designatur ab Imperatore & Concilio Germanico Romanus episcopus. *C. Moguntiae an. 1054.* III. 124
- Gebehardi Constantiæ episcopi legatio Apostolica a Papa Urbano II. confirmata *an. 1089.* III. 209
- Gebehardi Salisburgensis Archi-episcopi allocutio ad schismaticos. *In sylva capuana an. 1081.* III. 194
- Gerresheimensis cenobii fundatio acceptatur & confirmatur a Williberto Archi- & Coepiscopis. *C. Coloniae an. 873. tit. 3.* II. 361
- Generatione quorâ licitum sit conjugium? *Rhabanus Epist. ad Humbertum ante 856.* II. 206
Regino L. 2. tit. 200. 201. 202. II. 543
- In tertio geniculo conjuges inventi separentur: si in quarto, non separamus; sed penitentiam indicimus, si consistit de quarto gradu, antequam conjugentur, non conjugantur. *Regino L. 2. tit. 212. ante 909.* II. 548
- De parentela conjugandorum episcopus faciat edi iuramentum, & inquisitio consanguinitatis gradus non celandi. *Regino L. 2. tit. 131. 132. 133.* II. 550
- Usque dum generatio recordatur, fideles non copulentur. *Regino L. 2. tit. 262.* II. 554
- Ne Christianus infra sextam generationem nuptias copulet. *C. Confluentiae anno 922.* II. 599
- Quarto gradu cognatorum Conradi Ducis & Mechildæ nuptiæ damnantur. *C. Theodonis ville an. 1003.* III. 28
- Post generationem quintam licitum conjugium, si in generatione quinta contractum est, maneat cum penitentiae humiliatione. *Rhabanus Epist. ad Humbertum.* II. 226
- Cum gentilibus festa non oportet celebrare. *C. Laodiceæ an. 363. tit. 39.* I. 165
- Cum gentili mæchatus fidelis, excommunicetur. *Regino L. 2. tit. 141.* II. 336
- Gentilium traditiones circa certos dies, Menses, Lunas, in collectione herbarum medicinalium, in lanificiis feminarum, ne observent Christiani. *Regino L. 2. tit. 365. 366. 367.* II. 569
- Gen-

- Tom. pag.
- Gentili fidelis puella se miscens, aliquanto tempore a communione separetur. *Raban. ante 856. tit. 26.* II. 209
- Gerhardo Laureacensi Archi-episcopo dat Leo VII. pallium, certis diebus & in Synodo gestandum. *Leo VII. Epist. an. 937.* II. 607
- Germaniæ primæ & secundæ episcopi damnant ex Sirmio Missam hæresin Ariti. *C. German. loco incerto an. 358.* I. 2
- Germaniæ episcopi cum Bonifacio, qua Papæ Legato & Archi-episcopo regionario, conduunt VII. Canones de Hierarchia. *In C. Germaniæ loci incerti. an. 742.* I. 48
- Germaniæ Archi-episcopi & episcopi sæculis VII. VIII. IX. & X. canonizant, & eleuant varios Sanctos. II. 705
- Germaniæ, Bajoariæ, Lotharingiæ episcopi non comparent in Concilio Trecenti, licet a Papa invitati, quia a Rege prohibiti. II. 365
- Germaniæ & Galliæ episcoporum Synodica ad Præsules Hispaniæ de errore Elipandi. *C. Francofordiæ an. 794.* I. 73
- Gervilio Archi-episcopus Moguntinus, quia patris sui interfectorem occidit, deponitur a Concilio Germanico an. 745. I. 73
- S. Goaris accusatio calumniosa Treveris miraculo detecta. *C. Treverens. an. 566.* I. 15
- In S. Goaris cella dedicatur nova Ecclesia. *C. in eodem loco an. 768.* I. 124
- S. Goaris cella Assuero Abbati Prumiensi contra Weomadum Archi-episcopum Treverensem a Carolo Mag. attributa. *C. Paderbor. an. 780.* I. 243
- Godehardus fit episcopus Hildesienfis, consecratur ab Metropolitano suo Moguntino sub conditione abdicandi juris in Gandesheim; *C. in Gruona an. 1022.* III. 53
- Gotescalci prædestinatiani hæretici condemnatio in Concilio Provinciali. *C. Mogunt. anno 848.* II. 163
- Gotescalci damnatio examinatur. II. 433
- Gozekæ Monasterium in Diocesi Halberstadeni fundatur ab Alberto Bremæ Archi-episcopo. *C. Gozæ an. 1033.* III. 120
- Gravida femina catechumena baptizanda, quandoque voluerit. *C. Neocesariæ an. 314. tit. 6.* I. 150
- Ragino L. 4. tit. 263.* H. 481
- Gregorii I. Papæ epistola ad Austriæ Reges decretalis de Synodis & aliis causis Canonis. *Epistola an. 599.* I. 19
- Tom. pag.
- Gregorii II. Papæ Capitulare missum in Bajoariam per Martinianum & Georgium legatos. *an. 726.* I. 35
- Gregorii III. responsoria canonica ad Bonifacium, missum Apostolicum. *Epist. an. 731.* I. 38
- Gregorius VII. Papa committit Udoni Treverensi Archi-episcopo, causam dijudicandam inter Tullensem episcopum & ejus Clericum. *Gregor. VII. Epist. an. 1075.* III. 167
- Gregorii VII. Papæ attentata depositio. *Wormatiæ Conciliab. an. 1056.* III. 178
- Gregorii VII. Encyclicæ ad omnes fideles Germaniæ contra Simoniacos & incestos. *C. Rome an. 1074.* III. 184
- Ejusdem Encyclicæ ad Ottonem Constantiæ episcopum de Synodo Romæ celebranda. *Epistol. an. 1074.* III. 185
- Contra eundem Papam Moguntinum Conciliab. *an. 1080.* III. 190
- Contra eundem Papam & Guiberti Ravennatis Archiep. Antipapæ electio in Brixinensi Conciliabulo anno 1080. III. 191
- Gregorii VII. responsoria ad Altmanni Patavienfis episcopi interrogationem. III. 195
- Contra Gregorii VII. decreta, exceptiones Moguntini & Trajectensis episcoporum. *an. 1085.* III. 197
- Pro Gregorio VII. *C. Quinzburg. Canones 10. anno 1085.* III. 199
- Contra Gregorium VII. pro Clemente II. Antipapa Conciliabulum Moguntie. *an. 1085.* III. 207
- Gregorius VII. habet plures & illustres Canonistas & Historicos pro se, quam ejus hostes. III. 229

H.

- Halberstadenfis Ecclesiæ & Altarium consecratio a singulis & variis episcopis facta. *C. Halberstadii an. 891.* II. 669
- Hamburgi primi episcopi Ansgarii consecratio facta. *C. Aquigr. an. 831.* II. 57
- Hamburgi & Bremensis ecclesiarum unio incepta. *C. Moguntia anno 847.* II. 161
- Eadem unio confirmata. *an. 848. Moguntia. Ibid.*
- Ejusdem Ecclesiæ Bremensis ad Coloniensem subjectio examinatur. *C. Wormatiæ an. 890.* II. 385
- Ecclesiæ Bremensis subicitur Colonensi a Formoso Papa. *C. Francofordiæ an. 892.* II. 385

- Adalgarius continuatur successor & coadjutor Remberti. *Hamburgensis Archi-episcopi. C. Germaniae loci incerti.* II. 699
- Hamburgensis archi-episcopus Adalbertus ambit Patriarchatum Septentrionis. *C. Slesvicens. an. 1061.* III. 145
- Ab Hammerstein Comites conjuges ob consanguinitatem violatam excommunicantur. *C. Noviomag. an. 1018.* III. 49
- C. Mogunt. an. 1018.* III. 51
- Cum haereticis orans omnis episcopus, Presbyter vel Diaconus tantum communione privetur. Si vero eos ut haereticos ad orationem horretur, damnatur. *Apostol. can. 45.* I. 135
- Haereticorum baptismum suscipientem damnari precipimus. *Damnatur, quia vetatur suscipi & reconciliandus est: non quasi irritus esset baptismus.* *Apostol. can. 45.* I. 135
- Haereticorum Ecclesias sanctis usibus applicare respicimus. *C. Epao- nens. an. 517. tit. 33.* II. 684
- Haeretici permanentes in haereli, non permittendi ingredi domum Dei. *C. Laodiceae an. 363. tit. 6.* I. 162
- Ab haeresi convertenti Novatiani, Photiniani, Tetraro decaturae non ante suscipiantur, quam omnes haereseis anathematizent, dein symbolum doceantur, & uncti chrismate communicent mysteriis. *C. Laodiceae an. 363. tit. 7.* I. 162
- Ab haeresi Cataphrygarum convertendi, & si in Clero fuerint, instruendi & baptizandi. *C. Laodiceae an. 363. tit. 8.* I. 163
- Haereticorum speluncas causa orationis accedens communione privetur; poenitens suscipiatur. *C. Laodiceae an. 363. tit. 9. & 38.* I. 163
- Cum haeretico nuptias ecclesiasticorum filii & filiae non conjugant. *C. Laodiceae an. 363. tit. 10.* I. 163
- Filii Clericorum non jungantur matrimonio gentilibus, haereticis, vel schismaticis. *C. Carthaginens. tit. 21.* II. 683
- Ab haereticis Eulogias non oportet accipere. *C. Laodiceae an. 363. tit. 32.* I. 164
- Haereticis decumbentibus, si conversionem petant, ob salutem animae chrismate subveniantur. *C. Epao- nens. an. 517. tit. 15.* II. 683
- Haereticorum martyres sunt pseudo- martyres a Deo alieni, ad eos accedens anathema sit. *C. Laodiceae an. 363. tit. 34.* I. 164
- Ab haereticis munera furtiva nemo suscipiat. *C. Laodiceae an. 363. tit. 37.* I. 165
- Haereticorum convivio interessens Clericus superioris loci, anni spatio pacem non habeat: junior Clericus, si id praesumat, vapulabit. *C. Epao- nens. an. 517. tit. 15.* II. 683
- Omnis haereseis anathematizanda, specialiter Eunomianorum vel Anomianorum, & Arianorum, vel Eudoxianorum, & Macedonianorum, & Spiritui Sancto resistentium, & Sabellianorum, & Marcellianorum, & Photinianorum & Apollinariorum. *C. Constantinop. an. 381. tit. 1.* I. 167
- S. Henricus hoc nomine Imperator I., Rex secundus, Germaniae eligitur in Merseburg & Duisburg. *Anno 1003.* III. 24
- Ejusdem sententia de 4to gradu consanguinitatis dirimente. *C. Theodoni villa an. 1003.* III. 28
- Idem Episcopatum Bambergae fundat, consensu episcopi Wurtzeburgensis. *C. Francoford. an. 1006.* III. 34
- Ejusdem privilegium de regalibus concessum S. Petro, & confirmatio daturum a Pippino, Carolo &c. *an. 1014.* III. 44
- Henricus IV. Rex Germaniae poenitens de Simoniacis collationibus, accipit promissionem absolutionis. *In Conventu Norimburgensi anno 1074.* III. 172
- Henricus IV. conditiones intelligit, sub quibus Papae reconciliari vult. *C. Triburiae & Oppenheimii anno 1076.* III. 181
- Henrici IV. promissa oblata & jurata Papae Gregorio VII. *Canisus an. 1077.* III. 184
- Pro Henrico IV. Rege colloquium. *Gersunges an. 1085.* III. 199
- Henrico IV. suaderetur pax cum Papa & Germaniae episcopis & Proceribus. *Spire 1087.* III. 205
- An in Henricum IV. perjurus sit germanus, adherens Gregorio VII. *Hervordiae Monasterii privilegia confirmat Concilium Moguntiae an. 888. tit. 2.* II. 375
- Hervordiae Monasterio donata confirmat Arnulphus Rex. *C. Francoford. an. 892.* II. 387
- Hervordensis Monasterii confirmatio petitur a Patribus Concilii, & obtinetur. *C. Wormatiens. an. 868.* II. 321
- C. Forcheimii an. 890.* II. 383

Tom. pag.

Tom. pag.

Herveldensi Monasterio ablatae decimae restitundae. *C. Halberstadii an. 1059.*

III. 127

Hierosolymae, id est, Aeliae episcopo honor tributus in Nicæno Concilio, salva dignitate Metropolis Caesareae. *C. Nicæa an. 325. tit. 7.*

I. 138

Hieroldus Daniae Rex cum uxore & liberis baptizatur. *C. in Ingelheim an. 826.*

II. 33

Hierarchiae Ecclesiasticae assertio. *C. Nicæa an. 325. tit. 4. 6. 7.*

I. 133

C. Moguntiae an. 816. tit. 8.

I. 407

9. Iterum in Capitulari an. 814. tit. plurimus.

I. 417

Hierarchiae Ecclesiasticae Apologia. *C. Atribati an. 1025.*

III. 94

Histrionibus & scenicis (aegrotantibus credo) non denegetur reconciliatio. *C. African. tit. 12.*

I. 209

Histrion Christianus factus, non potest ad ludicra exercenda reduci. *C. African. tit. 30.*

I. 214

Homicida spontaneus jugi poenitentiae submittendus: sub exitum vitae Eucharistiam percipiat. *C. Ancyra an. 314. tit. 21.*

I. 148

Zacharias Pp. decr. 23. anno 745.

I. 82

C. Epause an. 517. tit. 3.

II. 684

C. Moguntiae an. 847. tit. 22.

II. 158

Rhabanus tit. 1. Epistolae ad Heribaldum.

II. 193

Homicida non spontaneus juxta primam definitionem post septem annorum poenitentiam, juxta secundam, post quinque annorum poenitentiam ad Eucharistiam admittitur. *C. Ancyra an. 314. tit. 22.*

I. 148

Zacharia Pp. decr. 24. an. 745.

I. 82

C. Moguntiae an. 847. tit. 23.

II. 159

Rhabanus tit. 4. Epist. ad Heribaldum.

II. 194

C. Moguntiae an. 860.

II. 243

C. Triburiae an. 895. tit. 32.

II. 406

Regino L. 2. tit. 15. ad 22.

II. 517

Homicida spontaneus Sacerdotis, nec carnem, nec vinum sumat: jejune quotidie ad vesperam exceptis Dominicis & festis: arma non tractet: pedes ubique incedat. Ecclesiam V. annis non ingrediat: ante fores officium orationis & Missae audeat: post v. annos inter audientes ingrediat absque communione: post 15. annos communio ei detur. *C. Moguntiae an. 888. tit. 16.*

I. 148

Zacharia Pp. decr. 24. an. 745.

I. 82

C. Moguntiae an. 847. tit. 23.

II. 159

Rhabanus tit. 4. Epist. ad Heribaldum.

II. 194

C. Moguntiae an. 860.

II. 243

C. Triburiae an. 895. tit. 32.

II. 406

Regino L. 2. tit. 15. ad 22.

II. 517

Homicida spontaneus Sacerdotis, nec carnem, nec vinum sumat: jejune quotidie ad vesperam exceptis Dominicis & festis: arma non tractet: pedes ubique incedat. Ecclesiam V. annis non ingrediat: ante fores officium orationis & Missae audeat: post v. annos inter audientes ingrediat absque communione: post 15. annos communio ei detur. *C. Moguntiae an. 888. tit. 16.*

II. 373

C. Triburiae an. 895. tit. 5.

II. 393

C. Wormatiae an. 868.

II. 314

Homicida Sacerdotis degradati sed poenitentis omni Ecclesiastica communione excludatur. *C. Moguntiae an. 847. tit. 25.*

II. 159

Regino L. 2. tit. 44.

II. 322

Filium casu occidens, poeniteat secundum arbitrium episcopi. *C. Triburiae an. 895. tit. 33.*

II. 406

Per falsam hominem occidens, quam poenam luat? *Regino L. 2. tit. 33. 25.*

II. 318

Occidens Presbyterum XII. annos poeniteat, si neget, cum XII. juret. Si servus fuerit homicida & neget, per XII. vomeres ferventes se purget, sed nec militet, nec uxorem habeat. *C. Moguntiae an. 847. tit. 25.*

II. 159

Homicida Clericus, erri coactus deponatur. *Apostolor. can. 25.*

I. 133

C. Triburiae an. 895. tit. 9.

II. 394

Homicidii in Ecclesia vel atrio ejus facti poena. *C. Aquisgran. an. 828. tit. 1.*

II. 49

Homicidam Comes faciat compositionem persolvere, & falsam per Sacramentum pacificare. *C. Aquisgran. an. 828.*

II. 50

Homicida pagani ex odio vel avaritia subiaceat poenae. *C. Wormatiae an. 868. tit. 27.*

II. 314

Homicida in infania, dum ad mentem redit, leviori poena mulctandus, quam sanae mentis homo. *C. Wormatiae an. 868. tit. 28.*

II. 314

Casu occidens vel operi necessario insistens absque scientia, non est homicidae comparandus. *C. Wormatiae an. 868. tit. 29.*

II. 314

Consentens vel consulens homicidium, septem annos poeniteat, si homicidium secutum sit: sin sequatur, tres annos. *Regino L. 2. tit. 47.*

II. 522

Homicidium in bello licet iusto & Principum jussu acto, poenitentia eget. *Regino L. 2. tit. 50. 51.*

II. 523

Homicidium, si certum sit, sed factor probari non potest, judicio Dei reservetur, suspectus tamen communione Ecclesiastica indignus sit. *Regino L. 2. tit. 98.*

II. 519

Homicidarum poenitentia unius, secundi, tertii, quarti anni: qualis? *Regino L. 2. tit. 6. ad 14.*

II. 516

Homilias Patrum Episcopus aperte transferre studeat in rusticam Romanorum linguam aut theotiscam, quo facilius cuncti intelligant, quae dicuntur. *C. Moguntiae an. 847.*

II. 154

	Tom. pag.		Tom. pag.
Honor Ecclesiarum, quæ cum magna reverentia adeundæ sunt. <i>C. Mo-</i> <i>gunt. an. 888. tit. 21.</i>	II. 374	Quadragesima jejunanda. <i>C. Lao-</i> <i>dicæ an. 363. tit. 50.</i>	I. 165
Horæ Canonicae, quæ auctoritate ce- lebrentur, ex scripturis. <i>C. Aquis-</i> <i>gran. an. 816. tit. 126.</i>	I. 505	Jejunium septem hebdomadarum an- te Pascha Clericis observandum. <i>Remediis an. 820. tit. 28.</i>	II. 420
Horarum Canoniarum ordo, nu- merus, modus. <i>C. Laodiceæ an.</i> <i>363. tit. 16. 17. 18.</i>	I. 163	Jejunium rogationum triduanum in sacco & cinere agatur. <i>C. Mogun-</i> <i>tia an. 813. tit. 32.</i>	I. 411
<i>Chrodegangus tit. 15. ad 25.</i>	I. 103	<i>Regino L. 1. tit. 276.</i>	II. 482
<i>C. Aquisgr. an. 816. tit. 126.</i>	I. 506	Jejunium quatuor temporum ab om- nibus observetur. <i>C. Moguntia</i> <i>an. 813. tit. 34.</i>	I. 411
Ad Completorium omnes Canonici veniant. <i>C. Aquisgran. an. 816. tit.</i> <i>136.</i>	I. 510	Jejunium vernum quatuor tempo- rum in prima hebdomada domæ, æstivum in Pentecoste semper ce- lebretur. <i>C. Quidlinburg. an. 1085.</i> <i>tit. 9.</i>	III. 200
<i>Chrodegangus tit. 22.</i>	I. 104	<i>C. Constantia an. 1094. tit. 2.</i>	III. 221
Ad Horas Canonicas Sanctimoniales incunctanter conveniant. <i>C. Aquis-</i> <i>gran. an. 816. tit. 15. 17.</i>	I. 534	In Litanía majore (S. Marci) jeju- nium uti in rogationibus ante as- censum Domini celebretur. <i>C. In-</i> <i>gelheim an. 948. tit. 7.</i>	II. 612
Ad celebrandum Divina Officia ordi- nem, quem Metropolitanus tenent, Provinciales observare debent. <i>C. Epauæ an. 517. tit. 27.</i>	II.	Jejunia indicta in Provincia Mogun- tina sæculi xi. initio. <i>C. Selingens-</i> <i>diense an. 1022. tit. 1. 2.</i>	III. 55
Hospitium Episcopus & Presbyter non longe ab Ecclesia habeant. Mulieres in eadem hospitatione habitandi honorem non habeant. <i>Regino L. 1. tit. 82. 83.</i>	II. 455	Jejunium unius diei præ alio nemo si- bi componat, nisi consensu epis- copi. <i>C. Erfordia an. 932. tit. 5.</i>	II. 602
Presbyter hospitum curam habeat, maxime pauperum orphanorum. <i>Regino L. 1. tit. 209.</i>	II. 472	Jejunandum non est diebus Domini- cis nec in festis Nativitatis, Epi- phaniæ, Ascensionis. <i>Gregorius</i> <i>II. an. 730.</i>	I. 37
Hospitum itineranti nemo deneget, nec carius eis carnes vendantur. <i>Regino L. 2. tit. 421.</i>	II. 578	<i>C. Gangrenf. an. 324. tit.</i> <i>18.</i>	I. 154
I.		Jejunii tempore nullus Comes placi- tum habeat. <i>C. Triburia an. 895.</i> <i>tit. 35.</i>	II. 402
In Idolorum locis manducantes in festis gentiliis, post biennii pœni- tentiam suscipiantur. <i>C. Ancyra</i> <i>an. 314. tit. 6.</i>	I. 147	A Jejunis Sacramenta Altaris cele- brentur. <i>C. African. tit. 8.</i>	I. 208
Idolis sacrificans secundo & tertio co- actus, quatuor annis peniteat. Du- obus aliis sine oblatione comuni- cetur, & septimo perfecte reci- piatur. <i>Ibid. tit. 7.</i>		<i>Regino L. 1. tit. 188.</i>	II. 467
Idolis immolans Presbyter invitus tempore persecutionis, honorem Sedis retineat, sed nec offerat, nec alio officio fungatur. <i>C. Ancyra</i> <i>an. 314. tit. 1.</i>	I. 146	Jejunia mutua, elemosynæ, Missæ, preces conventæ & pactæ inter Episcopos & Reges defunctos. <i>C.</i> <i>Tremonia an. 1005.</i>	III. 31
Idolo immolans Diaconus cesset a mi- nisterio. Si Episcopus plus velit tribuere, penes ipsum erit. <i>C. An-</i> <i>cyræ tit. 2.</i>	I. 146	Illegitimo thoro nati nullo modo or- dinentur, nec ad dignitates Eccle- siæ promoveantur, nisi maxima Ecclesiæ necessitas aut utilitas aut evidens prærogativa interveniat. <i>Regino L. 1. tit. 416. 417. 418.</i>	II. 506
Jejunia Ecclesiastica solvens absque necessitate anathema fit. <i>C. Gan-</i> <i>grenf. an. 324. tit. 19.</i>	I. 154	Illicita conjugia si dissolvantur, solui juramento confirmantur, nec domo nec mensa cohabituros; dividan- tur etiam bonæ. <i>Regino L. 2. tit.</i> <i>230.</i>	II. 550
<i>C. Aquisgr. an. 813. tit. 35.</i>	I. 411	Joannes VIII. PP. invitavit Willibertum Archi-episcopum Coloniensem ad Concil. Trecentis, ad quod nec ipse nec ullus Germaniæ, Bavarie, Lo- tharingiæve Episcopus venit ob vetitum Regis Ludovici.	II. 367
<i>Aquisgr. Capit. 48. an. 789.</i>	I. 277		
<i>C. Aquisgran. an. 816. tit. 69.</i>	I. 474		

Tom. pag.

Imagines Sanctorum, uti Deificam Trinitatem adorandas, dicebatur statuisse Concilium Græcorum. Ob hanc causam & non aliter rejecta græcorum præsentia adoratio. *C. Francoford. an. 794.* I. 324

Imperatorem (vel ejus tribunal) adiens Episcopus vel presbyter sine literis Episcopi vel Metropolitani, abjiciendus a communione & honore. *C. Antiochie an. 341. tit. 2.* I. 158
C. Aquisgr. an. 816. tit. 73. I. 475

Clericus damnatus a suo Episcopo, adiens Imperatorem ad majus Concilium citetur: si negligat, nec veniæ, nec restitutionis spem habeat. *C. Aquisgr. an. 816. tit. 74.* I. 475
C. African. tit. 71. I. 224

Si Clericus ab Imperatore petierit judicium episcopale, nihil ei oblit. *Ibid. eodem titulo.*

Ad Comitatum Imperatoris ire volens Clericus non sine Romani aut Carthaginensis episc. formata cõ eat. *C. African. tit. 73.* I. 224

Impotentia ad Matrimonium. Si vir nuptus vel mulier possit probare per justum judicium, quod non possit ei nubere opere conjugali exercendo, accipiat alium vel aliam. *Rhabanus tit. 29. ante 856.* II. 209
Regino L. II. tit. 242. ad 245. II. 551

Immolans vel alio ritu pagano se polluens per vim, si se Christianum jugiter confessus est, maneat in communione. *C. Ancyre an. 314. tit. 3.* I. 146

Si aliter pollutus, velit ad Clerum ascendere, provehatur. *Ibidem eodem titulo.*

Immolans vel alios ritus gentilium patrans ob minas & metum, variis penitentiis subjiçiantur. *C. Ancyre an. 314. tit. 5.* I. 147

Immolato idolis cibo abstinendum propter conscientiam. *Gregorius II. Pp. 726.* I. 34

Qui aliis sacrificandi causa fuerunt, triennio inter audientes sint, sexennio inter penitentes, uno anno sine oblatione communicent, decennio implero recipiantur. *C. Ancyra an. 314.* I. 147
Regino L. I. tit. 14. II. 444

Immunitas Ecclesiarum. Immunitas Sacerdotum a bello, supplicante populo a Carolo Magno tribuitur. *C. Wormatie an. 803. tit. 1. 2. 3.* I. 372

Ob quas causas episcopi & Clerici ad bellum eant cum exercitu. *Ibid. tit. 4.*

Index Chronol. Canon.

Tom. pag.

Incantationibus Phylacteriis utens Clericus ab Ecclesia pellendus. *C. Laodicea an. 363. tit. 36.* I. 165

Incantationum, Magiæ, Augurii, Sortilegii variae species prohibita cum variis pœnis. *Rhabanus tit. 20. ante 856.* II. 209

De infirmis ungendis & viatico muniendis Sacerdotes curam gerant. *Caroli Magni Capitul. 769.* I. 127

Infirmitas canonico, quid permittendum? quid ei debeat. *Chrodegang. tit. 40.* I. 109

Clericus qui ob infirmitatem sua non potest contemnere, quomodo ex datis Ecclesiæ sustentetur? *C. Aquisgr. an. 816. tit. 109.* I. 488

Infirmitas ungere & pro iis orare jubentur Presbyteri. *Chrodegang. tit. 71. an. 762.* I. 118

Infirmorum & senum Canonicorum cura, quæ adhibenda. *C. Aquisgr. an. 816. tit. 142.* I. 312

Infirmi a Presbytero visitentur, admonentur ad confessionem, ad elemosynam, ad ignoscendum inimicis. *Regino L. I. tit. 105. ad 110.* II. 458

Ab infirmis in mortis periculo positus pura inquirenda confessio: non imponenda quantitas penitentiae, sed innoteßenda. Si convalescent, penitentiae modum fervent. *C. Moguntia an. 847. tit. 26.* II. 159

Infirmitas post amissum vocis officium testimonia circumstantium proficiat ad reconciliationem consequendam. *Regino L. I. tit. 111. 112. 113.* II. 459

Incestus cum virginæ Deo sacra, cum matre, cum matrâ, pecuniaria multa damnatur. *C. Metens. an. 753.* I. 94

Si liber incesti reus pecuniam non habet, mittatur in carcerem, si servus vel libertus, vapulet multis. *C. Metense an. 753.* I. 94

Incesti reus Ecclesiasticus perdat honorem suum: si minor Clericus est, vapulet, aut incarcerationetur. *C. Metense an. 753.* I. 94

Incestuosi ab episcopo inquirentur, si velint penitere, expellantur ab Ecclesia, donec peniteant. *C. Wormatie an. 868. tit. 79.* II. 320
C. Aquisgr. an. 816. tit. 53. I. 412
C. Moguntia an. 847. tit. 28. II. 159

Incesti crimen quomodo examinandum, puniendum, quod impedimentum conjugii inde? *Hayto tit. 21. an. 820.* II. 20

Incestuosum nuptorum variae species

R E F F

canon.

	Tom. pag.	Tom. pag.	
enumerantur, damnantur. <i>C. Coloniae an. 887. tit. 6.</i>	II. 367	dormientes mortui sunt, & nescitur, an suffocati? Si sciant a se suffocatum, parricidii rei sunt: decennio vel triennio poeniteant. Si dubium est, non sint securi. <i>Rhabanus tit. 2.</i>	II. 215
<i>Regino L. II. tit. 247.</i>	II. 553	Infantem post baptismum opprimens incaute vel suffocans, 40. dies poeniteat, dein tres annos, & adhuc tres alios annos. <i>Regino L. 2. tit. 69.</i>	II. 524
<i>C. Epone an. 517. tit. 30.</i>	II. 684	Infantes de quorum baptismo nullus testis, nec ipsi sciunt, absque scrupulo baptizandi. <i>C. Wormatie anno 868. tit. 70.</i>	II. 319
<i>C. Moguntia an. 860.</i>	II. 243	Mulier, cujus infans casu in ignem aut aquam per negligentiam lapsus moritur, iudicio sapientum poeniteat. <i>C. Triburie anno 895. tit. 36.</i>	II. 403
<i>Regino L. 2. tit. 204. ad 211.</i>	II. 547	Infantem ideo a baptismo suscipiens, ut separetur a conjugio, separetur. <i>C. Triburie an. 895.</i>	II. 411
Incestuosorum variae species damnantur: omnes disjungendi, nunquam copulandi; sub magna districtione cohibendi. <i>C. Moguntia anno 847. tit. 29.</i>	II. 160	Pariens femina, si ejus infans per negligentiam non baptizatus obierit, anno uno poeniteat, nunquam sit sine aliqua poenitentia. <i>Regino L. 1. tit. 128. 129.</i>	II. 462
<i>Regino L. 2. tit. 196. ad 199.</i>	II. 544	<i>L. 2. tit. 61. 62.</i>	II. 524
Incestuosorum variae species cum poenis definitis. <i>Rhabanus tit. 20. ante 856.</i>	II. 205	Inimici diu dissidentes ab episcopo arguantur: si nolint inimicitias deponere, excommunicentur. <i>C. Wormatie an. 868. tit. 41.</i>	II. 316
Si Pater & Filius cum una: si duo fratres, avunculus & nepos cum una fornicati fuerint, gravior est fornicatio, varia poena in variis Conciliis. <i>Rhabanus tit. 4.</i>	II. 215	Injuria afficiens episcopum vel eum dehonorans, varia poena mulcatur. <i>C. Ingelheimii an. 876. tit. 3.</i>	II. 37
Incestus complexus Therbergae Reginae cum Lothario Rege examinatur ab episcopis, damnatur ipsa ad poenitentiam, & velum. <i>C. Aquisgr. an. 860.</i>	II. 246	Injuriam vel calumniam Clerico inferens, arceatur ab Ecclesia. <i>C. Moguntia an. 888. tit. 7.</i>	II. 371
Ob eum incestum permittitur Lothario divorcium & secundae nuptiae cum Waldrada. <i>C. Aquisgr. anno 862.</i>	II. 247	Interstitium Psalmorum in conventu fidelium faciendum (id est) per Psalmos singulos recensendae lectiones. <i>C. Laodiceae an. 363. tit. 17.</i>	I. 163
<i>C. Metense an. 862.</i>		Pro interficiente semet, nulla oblatio fiat. <i>Regino L. 2. tit. 92.</i>	II. 528
Incesti coitus reus usque ad Missam Carechumenorum tantum admittatur, nunquam cognatis copuletur (nisi post poenitentiam actam) cum non cognata. <i>Regino L. 2. tit. 184. 185. 186.</i>	II. 543	Suadens interfici hominem vel mandans, puniatur ut homicida. <i>Regino L. 2. tit. 87.</i>	II. 528
Ingenuus, si ancillam alterius ignarus duxit, dimittere potest, nisi eam velit liberam facere. Idem mulieri jus de servo ducto ignoro. <i>Regino L. 2. tit. 119.</i>	II. 533	Interficiens hominem in Ecclesia, cujus poenae reus? <i>Regino L. 2. tit. 31.</i>	II. 520
Abjecta ancilla ingenuam ducere non est duplicatio conjugii; sed profectus honestatis. Si autem ancillam ingenuam fecisti, nuptiae honestae erunt. <i>Regino L. 2. tit. 181.</i>	II. 542	Interficiens Christianum in bello contra paganos 40. dies poeniteat, atamen ex arbitrio Episcopi. <i>C. Triburie 895. tit. 36.</i>	II. 402
Ingenuus ingenua ducta, se servum fecit alterius? Rdetur mulier non dimittatur, nec serva fiat, nisi ejusdem consensu servus factus sit. <i>C. Triburie an. 895. tit. 11.</i>	II. 410	Interfectus in bello, rixa veteri, ludo pagani Clericus sepeliatur sine oratione. <i>C. Triburie an. 895.</i>	II. 408
<i>Regino L. 2. tit. 203.</i>	II. 564	Invafores praediorum Ecclesiae sunt sacrilegi & infames; carcerandi. <i>Remedius tit. 48. ante 820.</i>	II. 426
Si ingenua servo se miscuit, capitaliter puniatur; si servus ingenuam adulteratus sit, ignibus exuratur. <i>Regino L. 2. tit. 203.</i>	II. 536		
Infans expositus nisi intra decem dies repetatur, fiat ejus, qui eum colligit. <i>C. German. L. incerti an. 744.</i>	I. 55		
Infantes qui cum patre & matre			

Tom. pag.

Tom. pag.

Investitura beneficii Ecclesiastici a laico facta, an & quando sit hæretica? *III. 230*
 Invitum Clericum aut Monachum fieri sacris Canonibus, Christo contrarium, *Caroli Mag. Capit. 10. anno 811. II. 399*
 Invite, hoc est, injuste tonsi Clerici vel Monachi, si liberi sint, manent. Nemo ante ætatem sine sponte sua, sine Domini licentia tonsdeatur. *C. Aquisgran. an. 813. tit. 23. I. 410*
 Episcopo vel Clerico proficisci, sacro ministerio fervienti, sine literis Canonici non licet. *C. Laodiceæ an. 363. tit. 41. I. 163*
C. Aquisgran. an. 816. I. 472
 Episcopi sine formata Primatis non navigent. *African. I. 207*
 Qui vident episcopum in transitu de sua civitate ad aliam constitutum, hoc est, in *vandali*, inquirant causam, cur & quo tendat? Si causa ambitionis aut alia, non recipiatur in communionem: si invitatus, aut alia gravi aut honesta causa, recipiatur. *C. Sardica an. 347. tit. 11. I. 191*
 Sine Epistola Antistitis ambulanti Episcopo, Presbytero, Diacono communionem in officio celebrando nullus impendat. *C. Wormatiæ an. 868. tit. 18. II. 31*
C. Eponeæ an. 517. tit. 6. II. 682
 Judæi convivio nec laicus Christianus interesse potest, nedum Clericus. *C. Eponeæ an. 517. tit. 15. II. 683*
Rhabanus tit. 27. II. 209
 Judæi ne habeant mancipia Christiana. *Gregorii Mag. decret. 599. I. 19*
 Judaizare vel sabbatizare nemo Christianus debet, si id facit, anathema sit. *C. Laodiceæ an. 363. tit. 19. I. 169*
 A Judæis dona accipiens, cum eis festis celebrans contra agit, quam oportet. *C. Laodiceæ an. 363. tit. 37. I. 169*
 Nec ab iis licet azyma accipere. *Ibid. tit. 38. I. 169*
 Judæo fidelis puella nubens vel mœchans, aliquanto tempore a communione separatur. *Rabanus tit. 26. ante 856. II. 209*
 Judæo non liceat habere Christianam uxorem vel concubinam vel mancipium. *Concilio Toletano, Rabanus tit. 27. II. 209*
Regino L. 2. tit. 43.
 Christiani circumcisi a Judæis non reddito pretio ad libertatem &

religionem Christianam redeant. *Rabanus tit. 27. II. 209*
 Judæorum Metensium accusatio, a Guntherto episcopo, *C. Metense an. 888. tit. 4. II. 381*
 Fidelis cum Judæa mœchatus excommunicatur. *Regino L. 2. tit. 141. II. 536*
 Judæus alienæ nationis servum circumcidens, aux exilio aut capite puniatur. *Regino L. 2. tit. 91. II. 528*
 Judæi Moguntia expulsi sæculo XII. *C. Mogunt. anno 1012. III. 43*
 Judex nullus aut Presbyterum aut Diaconum aut Clericum aut juniorum Ecclesiæ extra conscientiam Pontificis per se distringat nec condemnet. *Caroli Mag. Capitul. an. 769. tit. 17. I. 127*
 Accusatorum Clericorum infra Diaconatum causas, solus loci episcopus cognoscat. *C. Carthaginense tit. 20. I. 203*
 Judicibus Africanis ea, quæ inter Donatistas & Maximinianistas acta sunt, innotescenda. *C. Africam tit. 34. I. 215*
 Judices etiam a reis peti possunt ex Concilio, usque ad numerum sufficientem, quem Synodus supplebit. *C. Africa tit. 67. I. 223*
 Relicto Ecclesiastico judicio de civili & criminali actione, episcopus, Presbyter, Diaconus, si publico judicio purgari voluerit, locum suum amittat in criminali actione. *C. Carthagin. tit. 15. I. 202*
 In civili actione perdat, quod evincit, si locum suum obtinere maluerit. *Ibid. eod. titulo. I. 202*
 A judicio Ecclesiastico minore ad majus Ecclesiasticum provocans nil inde patiat. *Ibid. eod. titulo.*
 A Judicibus, delectu partium constitis, non licet provocare. *Ibid. eod. C. Africa tit. 63. & 89. I. 223*
C. Francofordiæ an. 764. tit. 44. I. 329
Regino L. 2. tit. 114. II. 532
 Clericus in judicio ad testimonium vocatus, non est cogendus in publico dicere testimonium. *C. Africa tit. 26. I. 213*
 Judicia publica ab Imperat. potens Clericus, honore privetur. *C. Africa tit. 71. I. 224*
 Clericus ab Imperatore potest petere Episcopale judicium, & infons erit. *Ibid. eod. tit.*
 Episcopus unus (solus) non sibi vendicet cognitionem causarum. *C. Africa tit. 74. I. 225*

- Clericus negotium cum Clerico habens a suo Episcopo judicetur, non a secularibus. *C. Chalcedon. an. 451. tit. 9.* I. 178
- Aquisgr. Capit. an. 789. tit. 28. & 28.* I. 273
- C. Carthagin. tit. 15.* I. 207
- C. Aquisgr. an. 816. tit. 86.* I. 476
- C. Wormatie an. 868. tit. 61.* II. 317
- Judices a Metropolitano probati non spernendi. *C. Africe tit. 89.* I. 228
- Aquisgr. Capitul. an. 789. tit. 44.* I. 277
- Justitias faciant Episcopi in suis Parochiis ex statuto Regis Caroli & Synodi. *C. Francofordie an. 794. tit. 6.* I. 325
- Querimoniam habens Presbyter contra laicum, aut laicus contra Presbyterum episcopo regente finiarur, laicus juramento contriagatur, Episcopus per consecrationem Presbyterum interroget. *C. Tribur. an. 895. tit. 21.* II. 397
- Ad publicum judicium Clericus sine ordinatione Episcopi ne eat pulsus: nec ibi inoretur. *C. Epaoane an. 517. tit. 11.* II. 682
- Controversia, quam judicio Ecclesiastico expediri agitari, non transeat ad seculare. *Regino L. 1. tit. 112. 113.* II. 532
- Causam judicandam nullus iterare praesumat, vel puniatur. *Regino lib. 2. tit. 115.* II. 532
- Jurans juramentum.*
- Jurantes Clerici excommunicentur. *Regino lib. 2. tit. 154. 155.* II. 464
- Sacramenti (juramenti) in Ecclesia praestandi super reliquiis forma. *C. German. loci incerti an. 744.* I. 55
- Clericus pejerans biennio excommunicetur. *Regino lib. 2. tit. 320.* II. 563
- Juramentum Judici vel Episcopo praestandum ab eo, qui adulterii vel fornicationis accusator aut defensor erit. *Regino lib. 2. tit. 115.* II. 532
- Juramentum praestandum post poenitentiam de crimine luxurie. *Regino L. 2. tit. 235.* II. 580
- Juramentum ab eligendo Rege Germaniae Romano Pontifici praestandum. *an. 1081.* III. 185
- Juramentum asserentis coram Synodo vel Episcopo, conjugem a se non occisum. *Regino L. 2. tit. 238.* II. 551
- Juramentum ejus, qui se infontem homicidii ait. *Regino L. 2. tit. 239.* II. 551
- Juramentum reconciliandi suae vel suo conjugis. *Regino L. 2. tit. 240. 241.* II. 551
- Jurans sit jejunos, cum honestate & timore Dei, non parvulus, non ante rationabilem aetatem. *Regino L. 2. tit. 212, 213, 214.* II. 562
- A feria iv. ante initium Quadragesimae usque ad octavas Paschae. A feria iv. ante Nativitatem Domini usque ad consecratos dies: In jejuniiis quatuor temporum, in rogationibus: die Dominico nemo juret Sacramentum. *Regino L. 2. tit. 318. 319.* II.
- K.**
- L.**
- Laicus, quisquis in adversitate gentis aut Patriae, aut Regiae potestatis ad externas partes se contulerit, rerum suarum proprietate privetur & excommunicetur. Nonnisi in ultimo mortis communicetur. *C. Wormatie an. 868. tit. 43.* II. 316
- Laicus Presbyterum in Ecclesiam ne mittat, nec ejiciat. *C. Wormatie an. 868. tit. 67.* II. 317
- C. Ingelheimii an. 948. tit. 5.* II. 612
- C. Augustae an. 950. tit. 9.* II. 623
- Regino L. 1. tit. 241.* II. 477
- C. Seligenstadii an. 1022. tit. 12.* III. 57
- Laico Presbyter ne det communionem deferendam. *Regino L. 1. tit. 120.* II. 460
- Laicus nec Ecclesiam teneat nec decimam accipiat. *Regino L. 1. tit. 244. 245. 246.* II. 478
- Laici de substantia mortuorum Presbyterorum suorum nullam portionem accipiant. *Regin. L. 2. tit. 39.* II. 521
- Laici nec pallas Altaris nec vasa sacra tangerant. *C. Quidlinburgi an. 1085. tit. 7.* III. 200
- Laicus nisi religione praemissa, ne ordinetur Episcopus. *C. Epaoane an. 517. tit. 37.* II. 684
- Laici nec decimas sibi vendicent in proprietatem nec beneficium sine concessione possessorum. *C. Quidlinburgi an. 1085. tit. 8.* III. 200
- Laici habentes proprias Ecclesias inde nec decimas accipiant, nec canes, aut Gynecaea alant, sed dent Presbyteris. *C. Confluentiae anno 912.* II. 599
- Laicalibus vestibus ne Clerici utantur. *C. ad Ratisb. an. 799. tit. 1.* II. 692
- Regin. L. 1. tit. 335. 336. 337.* II. 493
- Laici Presbyteros, ne ejiciant de Ecclesia nec mittere in eam praesumant. *Bonifacii statuta 745.* I. 73
- C. Aquisgr. an. 813. tit. 29.* I. 44
- Laici

Laici non audeant munera exigere a

Presbyteris propter commendationem Ecclesie datam. *Bonifacii statuta.*

I. 73

C. Aquisgr. anno 813. tit. 30.

Laicus secus Altare intra cancellos, tam ad Vigiliis, quam ad Missas ne stet. *C. German. loci incerti 744.*

I. 55

Laicus Deo sacram feminam, vel parentem, id est, consanguineam ne habeat uxorem. *C. Suesfion. an. 744.*

I. 58

Laicus contra episcopum non accuset, nisi discusso merito. *Aquisgran. Capit. 789. tit. 30.*

I. 274

Laicus pellens suam conjugem excommunicetur. *Apostolor. canon. 48.*

I. 155

Zacharia Pp. decret. an. 745.

I. 80

Lapsus post sacrum ordinem in capitale crimen, si publice deprehensus, secundum canones deponatur; si occulte confessus, per jejunia, elemosinas, vigiliis, orationes, lacrymas se purgare attentaverit, gradus ei servetur et spes venie. *Martini I. Pp. Epistola ad Amandum.*

I. 28

Rhaban. tit. 10. ante 856.

II. 196

Lapsus in crimen Presbyter, judicio episcopi sui constringatur. Si accusatus neget, nec accusator possit reprobare, ad Concilium universale differatur. *C. Francofordie an. 794. tit. 39.*

I. 328

Qui post acceptum gradum Episcopus, Presbyter, vel Diaconus, in fornicatione, perjurio, aut furto captus est, deponatur, non tamen communionem privetur. *Apostol. can. 25.*

I. 133

Rhabanus tit. 10. ante 856.

II. 197

Lapsus Episcopus in crimen, extra tempus Synodi a XII. episcopis audiatur, sin plures possint congregari; lapsus Presbyter a VI. episcopis cum suo episcopo. *C. Carthagin. tit. 12.*

I. 200

Lapsi in persecutione jam Clerici ordinati, cogniti deponantur. *C. Nicæe an. 325. tit. 10.*

I. 130

Lapsi laici in persecutione citra vim vel periculum, novem annis peniteant, duobus sine oblatione. *C. Nicæe an. 325. tit. 10.*

I. 139

Lapsus Sacerdos corripitur affectu fraterno: post penitentiam ministret Altari. *Remedius tit. 46. ante 820.*

II. 424

Lapsus post baptismum in hæresin grandem penam statuit antiquitas. Nos biennii penitentia contenti sumus, si intra illud tertia die je-

juneint sine relaxatione, stent in loco penitentium, abscedant cum Cathumenis. *C. Epaonens. an. 517. tit. 29.*

II. 684

Lardum non edendum nisi fumo siccatum vel igne coctum: post Pascha & incoctum edatur. *Zacharia Pp. decret. 747.*

I. 89

Larrones prima vice capti non moriantur, sed oculum perdant, pro secunda culpa nasus abscindatur, pro tertia, si non emendaverint, moriantur. *C. Duria an. 779. tit. 24.*

I. 214

Lectoris officium, origo, usus, doctes, munus legendi. *C. Aquisgr. an. 816. tit. 3.*

I. 435

Chrodegang. tit. 51.

I. 112

Ad legendum in Ecclesia, qui constituendi? *C. Aquisgr. an. 816. tit. 133.*

I. 508

Lectores & cantores Clerici tantummodo, si voluerint, uxores accipiant. *Apostolor. canon. 26.*

I. 133

Lectores cum ad annos pubertatis venerint, cogantur aut uxores ducere, aut continentiam profiteri.

C. Wormatie an. 868. tit. 68.

II. 319

C. Carthag. tit. 16.

I. 201

Lector in una Ecclesia, ab alia non debet recipi. *C. Africana. tit. 57.*

I. 219

C. Aquisgr. an. 816. tit. 56.

I. 473

Lectores populum non saluent. *C. Carthag. tit. 16.*

I. 201

C. Wormatie anno 868. tit. 56.

II. 319

Nil legatur aut caneretur in Ecclesia aliud, quam Divina aut Patrum sanxit auctoritas. *Cap. Hayton. 19. ante 820.*

II. 19

Legati ex Africa ad transmarina episcopi, debent reversi in Concilio rationes reddere legationis. *C. Africana. tit. 57.*

I. 219

Legatio libera ab omnibus provinciis ad Concilium Metropolitæ sit. *C. Africa tit. 61.*

I. 223

Legitima conjugia quadrifaria, si viro virgini virgo nubat, II. Si vir virginem per vim copulet, III. Si pater filiam det sponso, IV. Mortua conjugæ accipiat conjux aliam, non desponsatam, non repudiatam. *Regino L. 2. tit. 107.*

II. 531

Legitima conjugia, quibus temporibus celebranda? *C. Silingunsbad. an. 1022. tit. 3.*

III. 56

Leo IX, antea Bruno Tullenensis episcopus ab Imperatore Henrico III. constituitur Romanus Pontifex. *C. Wormatie an. 1048.*

III. 111

	Tom. pag.		Tom. pag.
... Celebrat Concilium Moguntiae an. 1049.	III. 112	an. 817. pro Benedictino Ordine tit. 51.	II. 6
... Canonizat Romæ S. Gerardum, Tullensem Episcopum. an. 1050.	III. 114	Libros quor & quales Sacerdos habere debeat. <i>Chrodegang. tit. 97.</i>	I. 119
... Elevat eundem ipse in Concilio Tullensi an. 1050.	III. 116	Libri Sacerdotibus discendi : Sacramentarium : Lectionarium, Antiphonarium, Baptisterium, Computus, Canon penitentialis : Psalterium, homiliæ per anni circulum. <i>Haytonis cap. 6. ante 820.</i>	II. 18
... Celebrat C. <i>Augustanum</i> 1051.	III. 117	Libri canonici tantum legantur in Ecclesia. C. <i>Laodiceæ an. 363. tit. 59.</i>	I. 166
S. Leonis Monasterium in urbe Tullensi fundatum confirmat Pibo & Clerus Tullensis. C. <i>Tullense an. 1091.</i>	III. 214	C. <i>Aquisgr. an. 769 tit. 20.</i>	I. 271
Leodium in urbem transfertur Cathedrala è civitate Tungrensi. C. <i>Tungrense an. 709.</i>	I. 32	Liga seu fœdus Catholicorum Germaniæ contra schismaticos exeunte sæculo xi. C. <i>Ulmæ an. 1093.</i>	III. 220
Leprosis Christianis Eucharistia danda, sed cum iis non convivandum. <i>Gregor. II. Episcopus in German. 776.</i>	I. 34	Litania quid sit ? quomodo differat ab exomologesi. C. <i>Aquisgr. an. 813. tit. 32.</i>	I. 44
C. <i>Wormatiæ an. 868 tit. 31.</i>	II. 315	Lite exorta inter episcopum & episcopum, unus de duobus ex alia provincia advocet cognitorem episcopum. C. <i>Sardice an. 347. tit. 3.</i>	I. 190
Lenones nec in fine vitæ accipiant Communionem. <i>Regino L. 2. tit. 142.</i>	II. 336	Si inter Clericum & laicum lis orta est, Episcopus & Comes simul judicent & definiant. C. <i>Francford. an. 794. tit. 30.</i>	I. 127
In adulterio uxorem reperiens, nec statim dimittens, Lenocinii reus est. <i>Regino L. 2. tit. 149.</i>	II. 537	Loca dudum sacra, nunc spurcitiâ fœdata, juxta possibilitatem restaurantur. <i>Regino L. 1. tit. 38. 39. 40. 41.</i>	II. 448
Letania major vii. Kalend. Maji abasperfis cinere & indutis cilicio peragatur. C. <i>Moguntia an. 815. tit. 33.</i>	I. 411	Lotharii Regis Lotharingiæ accusatio suæ uxoris ob prætextum incestum. C. <i>Aquisgr. an. 860.</i>	II. 246
<i>Regino L. 2. tit. 275.</i>	II. 482	Lothario Regi permittitur ab episcopo transitus ad 2das nuptias Waldradæ. C. <i>Aquisgr. an. 862.</i>	II. 265
In Litania majore jejunium, uti in diebus rogationum exerceatur. C. <i>Ingelheim an. 948. tit. 7.</i>	II. 612	Lotharii Regis contestatio de sua incontinentia in Aquisgr. <i>Concilio an. 862.</i>	II. 268
C. <i>Aquisgr. an. 813. tit. 33.</i>	II. 411	Divortium Lotharii & Theutbergæ ex falsis causis probatur a Legatis Papæ & episcopis Lotharingiæ. C. <i>Metense an. 863.</i>	II. 283
Liber, si libertam duxerit, ut liberati & ingenuam habeat, exceptâ causâ fornicationis. C. <i>Tribur. an. 895. tit. 38.</i>	II. 403	Lotharius vult monomachia probari suam innocentiam, recusante duellum Nicolao I.	II. 325
Libertatem dantis Ecclesiæ auctoritas & exemplum pro ordinando servo. <i>Regino L. 1. tit. 401.</i>	II. 503	Lotharii conjugium dissolvi non posse, nisi Theutberga cœlibem vitam spondeat, rescribit Nicolaus I.	II. 346
Libertatem suo servo dantis heri exemplum & modus pro ordinando coram Ecclesia. <i>Regino L. 1. tit. 402.</i>	II. 303	Ludovici Pii & Lotharii Imperatorum Encyclica ad episcopos, de Missis Regiis ad laicos. C. <i>Aquisgr. an. 828.</i>	II. 44
Manumissio fervorum, ut liberi fiant, in Ecclesia debet fieri. <i>Regino L. 1. tit. 403. 406.</i>	II. 504	Iidem dictant interroganda & inquirenda ab episcopis, Missis Regiis, & Comitibus.	II. 44
Libertatis charta servo ordinando data, in ambone Ecclesiæ legenda est. <i>Regino L. 1. tit. 407.</i>	II. 504	Eorundem Encyclica ad populum Dei de Conciliis in quatuor Imperii partibus habendis.	II. 52
Servus libertate accepta a Domino, si post ejus ancillam adulteravit, jubente Domino debet eam uxorem habere. <i>Regino L. 2. 121.</i>	II. 532	Ludo-	
Libram generaliter omnes noverint non amplius quam duodecim uncis consistere debere. C. <i>Aquisgr. an. 816. tit. 122.</i>	I. 503		
Ut libra panis triginta solidis per duodecim denarios metiatur. C. <i>Aquisgr.</i>			

- Ludovici Pii iniqua depositio sanatur a Concilio Theodonis villæ, per restitutionem, anno 835. II. 65
- Ludovicus Pius Herioldum Daniæ regem ejusque familiam baptizari procurat, & mittit Ansgarium in Daniam fidei prædicandi causa. C. *Ingelheim. an. 826.* II. 35
- Ludovicus Pius fines Laureacensis & Salisburgensis Dioceseos partitur. C. *Ratisbonæ an. 829.* II. 696
- Idem Ansgarium in Hammaburgensem episcopum procurat consecrandum. C. *Aquisgr. an. 831.* II. 57
- Hammaburgensem Ecclesiam firmat, dotat. C. *Aquisgr. an. 834.* II. 59

M.

- Machtild, sanctimonialis filia Marchionis Apostata, absolvitur ab & in C. *Magdeburg. an. 999.* II. 678
- Machtild, filia Ottonis I. regis, Abbatissa in Quinteleburg benedictur a multis episcopis anno 966. II. 630
- Magdeburgensis Archi-episcopatus erigitur a Joanne XI. & Ottone Augusto, an. 962. II. 627
- Magdeburgensis Archi-Diœcesis institutio & perfectio a Joanne XII. & Ottone Augusto. C. *Ravennæ an. 968.* II. 633
- Magiæ variæ species enumeratæ & damnatæ sæculo IX. *Rabanus libello speciali.* II. 233
- Necromantia, Hydromantia, Geomantia, Pyromantia; Arioli, Aruspices, Augures, Astrologi, Mathematici, horoscopi, Sortilegi damnari, Ejusdem Rabani scriptis Canonici. *Ibid.* II. 233
- Maleficia, sortilegia omnibus omnino interdicienda. *Regino L. 2. tit. 364.* II. 563
- Mangones & cotiones, vide Vagantes.
- Mancipium Christianum sequens & vendens homicida est. C. *Consuetudine an. 922. tit. 7.* II. 599
- Mancipia Monasterio donata non licet manu mittere. *Regino L. 1. tit. 355. 356.* II. 495
- Manichæismi sectatores hæretici puniuntur. C. *Goslaræ an. 1051.* III. 118
- Mansionatica pensio visitanti episcopo, quæ & quanta debeatur a singulis Ecclesiis? C. *Moguntia anno 852.* II. 108
- Manus cuius Ecclesiæ integer, absque ullius servitio attribuitur: Presbyter in eo constitutus nullum servitium faciat præter Ecclesiasticum. C. *Aquisgr. an. 816. tit. 10. I.* 554
- C. *Wormatiæ an. 868. tit. 50.* II. 327
- Regino L. 1. tit. 24. 27.* II. 446
- Manumissiones ut in Ecclesia fiant, episcopi Afri per Legatum ab Imperatore petunt. C. *Africanum tit. 31. & 49.* I. 214
- C. *Moguntia an. 847. tit. 9. II.* 356
- Manumissus ab Ecclesia libertus, ab ea protegatur. *Regino L. 1. tit. 358.* II. 496
- Si liberos commutare velit, coram Concilio episcopus faciat. *Regino ibid.*
- Maritus necessitate alio fugere coactus, si uxor nolit sequi, nec continere se potest, aliam uxorem accipiat. *Regino L. 2. tit. 124.* II. 534
- Maritus uxorem velari permittens, aliam non ducat. *Regino L. 2. tit. 125.* II. 534
- Mariyum passionis legi liceat die anniversario. C. *Africanum tit. 13.* I. 209
- Martyrum falsæ memoriæ ab episcopis evertantur: sin: plebes moneantur abesse reliquias. C. *Africa tit. 50.* I. 217
- Falsæ nomina Martyrum non veneranda. C. *Aquisgr. 789. tit. 42.* I. 276
- Matricula & archivium provinciarum Numidiæ sit apud primam sedem in Metropoli. C. *Africa tit. 53.* I. 219
- Matrimonii initi sponsus & sponsa a Sacerdote benedicendi sunt cum oblationibus & precibus. *Chrodegangi tit. 73.* I. 118
- In matrimonio habere matrem & filiam spirituales illicitum. *Leo VII. Epist. in Germaniam 937.* II. 605
- Matrimonium alienigenæ cum alienigena, Franci cum Saxonica, Christiana lege ratum est & indissolubile, licet lege sæculi diversa vivant. C. *Triburia an. 895. tit. 39.* II. 403
- Matrimonium usque dum se se generatio cognoverit, juxta ritum Christianitatis & Romanorum iniri non debet. *Zacharia Pp. decreta. 22.* I. 82
- C. *Wormatiæ an. 868. tit. 22. II.* 315
- Matrimonium cum commatre aut filia spiritali nefas, contrarium Patribus, Synodis & legibus Imperialibus. *Zacharias Pp. decreta. 22.* I. 82
- Inter próximos sanguinis nemo uxorem patris aut patrui aut fratris, nemo sororem patris vel matris, nemo filiam sororis suæ, nemo filiam patris vel matris audeat incesto facinore sibi copulare. *Gregorius II. Papa in Germaniam. an. 730.* II. 57

- Matrimonium jungens cum duobus
fratribus aut cum duobus fororibus
abjiciatur usque ad mortem.
C. Neocæsarea an. 314. I. 150
Zacharias Pp. decret. 22. I. 87
- Laicus sic nubens duabus fororibus
post penitentiam unam ducat. C.
Wormatiæ an. 868. tit. II. 315
- Ne in quarta generatione conjugium
copuletur amplius: si post inter-
dictum anni 813. reperiantur sic
juncti, separentur. C. Aquisgr. an.
813. tit. 54. I. 413
C. Moguntia an. 847. tit. 30. II. 160
C. Wormatiæ an. 868. tit. 78. II. 320
- Matrimonium post quartam genera-
tionem est licitum sæculo nono.
Si in quinto gradu contractum est,
maneant cum penitentia firmum
Rabanus ante 856. II. 227
- Non prohibendus sed hortandus
quisque, ut non nisi post quintam,
sextam, aut septimam genera-
tionem nubat. Rabanus libro de
nuptiis. II. 228
- Uxor in quarta generatione copulata
dissolvi jubetur a Papa, & a C.
Moguntia an. 860. II. 243
- Nicolaus Papa declarat se nolle de-
finire numerum generationis diri-
mentis conjugium. C. Moguntia
anno 860. II. 244
- Usque dum generatio recordatur, ne-
mo cognatam ducat. C. Worma-
tiæ an. 868. tit. 32. II. 315
- S. Maximini Cænobium a Joanne
XIII. Papa accepit libertatem eli-
gendi Abbatis aliaque privilegia.
eximitur ab omni jurisdictione:
Soli Pontificio & Regio mundi-
budio subest. Joannes XIII.
Epistola 968. tit. 32. II. 638
- Mensura cibi & potus in congrega-
tione Canonicorum. C. Aquisgra-
nense anno 816. tit. 122. I. 502
Chrodegang. an. 762. tit. 7. 8. I. 29
- Mensura cibi & potus Monachorum.
C. Aquisgr. an. 817 tit. 26. 27. 28. II. 7
- Mensuræ iustæ sint pro omnibus. Re-
gino L. 2. tit. 426. 427. II. 579
- Merseburgensis episcopatus erigitur
a Joanne XII. Pp. & Ottrone I. Au-
gusto anno 962. II. 617
- Merseburgensis Ecclesiæ restitutio
contra Gisilarium Magdeburgen-
sem. II. 677
- Metellensis Monasterii exemptio, &
protectio Regia contra Monaste-
riensem episcopum deceditur. II. 673
- Metropolitano episcopo quæ pote-
stas? quis honor debeatur a suffra-
ganeis? Apostolor. can. 35. I. 154
C. Antiochie an. 341. tit. 9. I. 158
Zacharie Pp. decretal. anno
747. I. 78
- Præter ejus conscientiam nil cæteri
episcopi agant. Leonis I. Pp. de-
cret. 32. I. 78
C. Durienſe an. 779. tit. 1. I. 239
- In duos Metropolitanos una provin-
cia non dividatur. C. Chalcedonens.
an. 451. tit. 12. I. 178
- Singulis annis ad Concilium Metro-
politani provincie omnes conve-
niant, aut legatos mittant. C. Car-
thaginens. tit. 18. I. 293
- Si lis inter episcopum & suffraganeos,
vel alios Clericos aut Monachos
inobedientes veniat ad Metropolita-
num, hic cum suffraganeis cau-
sam dijudicet. C. Francoford. an.
794. tit. 6. I. 325
- Metropolitanus intra tres menses or-
dinationes celebret, nisi necessitas
dilationem suadeat. C. Wormatiæ
anno 868. tit. 76. II. 320
- Metropolitanus absque Comprovin-
cialium episcoporum instantia nul-
las causas audiat. Remedijs an. 820. II. 422
- Migratio episcopi vel Clerici de civi-
tate in civitatem canonibus veta-
tur. C. Nicæa 325. tit. 15. I. 139
C. Chalcedon. an. 451. tit. 5. I. 177
Aquisgran. C. an. 789. tit. 24. I. 272
C. Aquisgr. an. 816. tit. 43. I. 471
& 44. I. 476
Ibid. tit. 87. II. 19
Hayto cap. 18. ante 820. II. 19
- Transmigrans de una civitate in aliam,
& consanguineam polluens, po-
test absolvi ab episcopo loci, se-
cundum Synodum propriam. C.
Triburia an. 895. tit. 42. II. 404
- Ad militiam sub paganis Ducibus post
baptismum reversi, decenni peni-
tentie subjiciantur, nisi fervor
penitentiae imminutionem episco-
po suadeat. C. Nicæa an. 325. tit.
12. I. 139
- Ministri Altaris quales esse debeant?
Aquisgr. cap. 789. tit. 72. I. 282
Regino L. 1. tit. 17. II. 442
- Ministerio sacro deditis solis ad Alta-
re ingredi & communicare ibi-
dem licet. C. Laodicea an. 363.
tit. 19. I. 163
- In duarum civitatum Ecclesiis mini-
strare Clerico non licet. C. Chalce-
don. an. 451. tit. 10. I. 178
- Nullus minister, qui baptizandi rece-
pit

pit officium; sine chrismate proficatur. *Regino L. 1. tit. 78. II. 454*
 Ministrare sine commendatis litteris Clericus peregrinus non audeat. *C. Chalcedon an. 467. tit. 13. I. 178*
C. Aquisgr. an. 816. tit. 51. I. 471
 Ministeriales & Officiales Episcopi & Ecclesiae Ultrajectinae. III. 17
 Misnensis Ecclesiae Cathedralis institutio & termini Misnensis Diocesis, dotatio ejusdem. *Joannis XII. Synodica Epist. 968. II. 614*
 Missam solus Presbyter celebrare ne praesumat. *Chrodegangus cap. 77. I. 188*
C. Aquisgr. an. 817. tit. 11. I. 412
Regino L. 1. tit. 191. II. 468
 Missam, nisi in locis consecratis nullus Sacerdos celebret: in itinere vero, in tabernaculis, & mensa lapidea ab Episcopo consecrata. *Caroli Mag. capit. 789. I. 127*
Remedius tit. 3. II. 414
Hayo tit. 15. II. 19
C. Aquisgr. an. 888. tit. 9. II. 372
C. Tribur. an. 895. II. 409
 De Ecclesia & Missa nemo exeat ante Benedicamus Domino, vel Ite Missa est. *C. Tribur. an. 895. II. 409*
Regino L. 1. tit. 196. 197. II. 410
 Nondum saeculo X. Evangelium Joannis legabatur in fine Missae.
 Missam celebrans, nec in ea communicans, communionem privetur. *Apostolor. Can. 9. I. 132*
Regino L. 1. tit. 192. 193. II. 463
 Missa ante horam tertiam non celebretur, excepta nocte sanctae Nativitatis. *Regino L. 1. tit. 186. II. 467*
 In Missarum solemnibus post allocutionem Episcopi, plebs ad orationem invitetur. *Regino L. 1. tit. 189. 190. II. 468*
 In missis episcopi diebus Dominicis, & praecipuis festis Romae dicunt Gloria in Excelsis, & Pax vobis: In diebus 40ma, 4. temporibus & vigiliis Sanctorum; & jejunii dicant Dominus vobiscum. *Leo VII. Epistol. ad German. 937. II. 603*
 Missi Regii & Dominici sancta Carolo M., Archi- & episcopi Germaniae exeunte octavo, ineunte nono saeculo. *C. Aquisgr. an. 802. I. 363*
C. Aquisgr. an. 819. II. 12
 Missis Regiis capitula seu communitoria data a Carolo M. de justitia administranda. *C. Aquisgr. an. 819. cap. 29. II. 13*
 Erga Missos Regios Dominicos quam providentiam debeant Comites & centenarii? *C. Aquisgr. an. 802. tit. 28. I. 369*

Index Chronol. Canon.

Nomina locorum, in quibus Missi Dominici legatione fungebantur oriente saeculo nono. II. 33
 Quae & quanta annona missis regis debeatur. *C. Aquisgr. an. 828. tit. 1. II. 51*
 Quo tempore missi regii legationem incipiant. *Ibidem eodem titulo.*
Machus, Machari. Vide: adulter.
 Monachi vivant secundum regulam S. Benedicti, monasterium ordinetur per Decanos. *C. Aquisgr. an. 813. tit. 11. I. 408*
 Monachis specialiter praecipua, generalia ceteris Christianis. *C. Aquisgr. an. 817. tit. 80. II. 17*
Aquisgr. Cap. an. 789. tit. 16. I. 258
 Monasterium episcopus frequenter introat cum gravibus personis, inquirat, interdicat. *Regino L. 2. tit. 167. II. 539*
 Monachorum Ecclesiae Episcoporum subdantur regimini. *C. Confluentia anno 922. tit. 6. II. 599*
 Monachi per unamquamque civitatem vel regionem subjecti sint episcopo, intenti jejunio & orationi, nec Ecclesiasticis nec secularibus negotiis communicent. *C. Chalcedon. an. 451. tit. 4. I. 177*
C. Augustan. 950. tit. 6. II. 623
 Recipiat nullus pro munere in monasterio, nisi quem bona voluntas & merita commendant. *C. Aquisgr. an. 817. tit. 75. II. 7*
 Monachi conjurantes, conspirantes vel insidiantes episcopo vel Clerico, proprio gradu deiciantur. *C. Wormatic. an. 868. tit. 74. II. 319*
 Monachus non manens in suo proposito, nec ad militiam nec ad dignitatem mundanam venire potest, sed, nisi poeniteat, anathematizetur. *C. Chalced. an. 451. tit. 85. I. 477*
C. Aquisgr. an. 816. tit. 85. I. 476
 Clerico monachi habitum cupienti, episcopus non denegat. *C. Augustan. 950. tit. 7. II. 623*
 Ne monachi tabernas ingrediantur cibi, & potus causa. *C. Laodiceae an. 365. tit. 24. I. 164*
C. Africa tit. 7. I. 208
Aquisgr. capit. 789. tit. 14. I. 270
 Si conjugatus vult monasterium ingredi, fiat mutuo consensu in castitatem. *Regino L. 2. tit. 109. II. 532*
 Monachi a secularibus negotiis & placitis abstineant. *C. Francosurd. an. 764. tit. 11. I. 326*
 Monachi & Virgines lapsae in vitium carnis, publicis legibus & Ecclesiasticis

T t t t t

- sticis damnantur, a monasteriis eliminandi, in ergastula detrudendi: communio non nisi sub mortem detur. *Aquisgr. capit. 789. tit. 52. I. 208*
- Monacha vel monialis sacris Altaribus ministrare non potest: nec ad missarum solennia nec sabbato sancto lectiones publice legere, nec ad missas psallere, aut alleluja, aut responsoria. *Zacharia Pp. decreta. 945. I. 79*
- Monacha non jam clam, sed palam nubens Ecclesiastica & publica lege damnat, a monasterio eliminetur, in carcerem perpetuum retrudatur. *Zacharias Pp. decreta. 27. anno 745. I. 82*
- Monialis strictiori voto se alligatura ab Episcopo non impediatur. *C. Augusti anno 950. tit. 8. II. 623*
- Moniales nonnæ velatæ post fornicationem, tertio verberatæ in carcere annum penitentiam agant, & rodantur omnes capilli capitis ejus. *C. Germanicum an. 742. I. 49*
- Moniales Ecclesiarum æqualiter cibum & potum capiant & stipendia Ecclesiæ. *C. Aquisgr. an. 816. tit. 12, 13. I. 533*
- Moniales virorum frequentiam vident. *C. Aquisgr. an. 816. tit. 20. I. 536*
- Monialium familiæ quam diligenter custodiendæ. *Ibidem tit. 21. I. 537*
- Monasteria puellarum nonnisi ætate prævectæ ob necessitates permittantur intrare: Viri ad missas ingressi statim exeant. Ne Clericus nec juvenis Monachus accessum habeat, nisi patris aut matris agnatus. *C. Epaoane an. 517. tit. 38. II. 684*
- In monasteriis puellarum domus sit propter anus & infirmas. *C. Aquisgr. an. 816. tit. 23. I. 538*
- Monasteria semel Deo dicata non possunt secularia fieri; id permittentes interdictis subiaceant. *Aquisgr. capit. 289. tit. 31. I. 274*
- In monasteriis, ubi corpora Sanctorum sunt, oratorium intra claustrum sit. *C. Francofordiæ an. 794. tit. 15. I. 326*
- Monasterium vel oratorii domus præter conscientiam episcopi, nec ædificari nec constitui debet. *C. Chalcedon an. 451. tit. 4. I. 177*
- De alieno monasterio susceptos, nec Præpositos, nec Clericos liceat ordinare. *C. Africæ tit. 47. I. 217*
- In monasterio non plures Canonici vel monachi mittantur, quam suffragari possit. *C. Aquisgr. an. 813. tit. 19. I. 409*
- Monasteriorum loca apta, & idonea, & bene clausa pro Canonicis & monachis provideat Episcopus. *C. Aquisgr. an. 813. tit. 20. I. 410*
- Monasteria laicis concessa, deinceps religiosi viris & feminis committenda. *C. Theodonis villæ an. 844. II. 146*
- Mortis in periculo constitutus, episcopi consilio a Presbytero reconciliandus. *C. Carthaginens. tit. 7. I. 200*
- Mortis tempore communionem expectantes non privandi: si reconvalescent, in certo gradu admittendi. *C. Nicææ an. 325. tit. 13. I. 139*
- Mortis imminente discrimine nullus a spe veniæ repellatur. Si penituerit aut se correxerit, & damnationis statuta tempora relaxentur. Si reconvalescat, statuti temporis spatia observet. *C. Epaoane an. 517. tit. 36. II. 684*
- Pro mortuis, sed nonnisi Catholicis, Ecclesia offert oblationes. *Gregor. III. PP. in Germ. I. 55*
- Pro mortuis amicis jejunia & oblationes triginta diebus implentur. *C. Germanicum an. 744. I. 55*
- Si excommunicatus mortuus fuerit; confessus quidem, sed ante adventum absolutori Sacerdotis, parentes faciant oblationem ad altare, & dent redemptionem pro captivis. *Regino L. 2. tit. 436. II. 581*
- Mortuis nec Eucharistia, nec Baptisma detur. *C. Carthagin. tit. 18. I. 203*
- Muliere ex infirmitate impotente, maritus potest ducere aliam. *Gregor. II. Decret. in German. I. 34*
- Mulierem subintroductam nemo Clericus habeat. *C. Nicææ an. 325. tit. 3. I. 137*
C. Aquisgr. an. 816. tit. 39. I. 470
C. Augustan. an. 350. tit. 4. II. 623
Hayto Cap. 9. anno 820. II. 16
- Mulier enixa, si statim intret Ecclesiam; non peccat. *C. Germaniæ an. 744. I. 55*
- Mulier, ancilla, liberta, extranea nulli Clerico cohabetur: tantum mater, soror, vel neptis. *Regino L. 1. tit. 100. ad 104. II. 457*
Chrodegangus tit. 56. I. 114
- Cum mulieribus viri nunquam lavacra celebrent. *C. Laodicææ an. 363. tit. 30. I. 164*
- Mulierem suspectam Clerico cohabitantem virgis cædat Episcopus, vel ejus Missus, & detondeat. *C. Augusti an. 950. tit. 4. II. 623*
- Mulieres non oportet ingredi ad altare. *C. Laodicææ an. 363. tit. 44. I. 165*
Heytonis Capit. 16. ante 820. II. 19

- Tom. pag. Tom. pag.
- Mulier viri sui mortem cum aliis
consiliata, dimitti potest a viro, &
vir aliam ducere. *Regino L. 2. tit.*
118. II. 533
- Mulier fornicans, partum necans,
conceptum ex utero excatens olim
ad exitum vitæ ab Ecclesia remo-
venda erat. Nunc humanius de-
cem annos secundum præfixos gra-
dus pœnitentiæ definimus. *C. Mo-*
gunt. an. 847. tit. 21. II. 158
- Mulier partum suum necans vel ab-
orsum faciens, canone antiquo us-
que ad mortem ab Ecclesia remo-
veatur, nunc decennis pœnitentia
injungitur. *C. Ancyræ an. 314.* I. 140
- Mulier cum muliere fornicans annos
tres pœniteat. *Raban. t. 25, ante 836.* II. 208
- Mulier semen viri cibo miscens tres
annos pœniteat. *Idem ibidem.*
- Mulier conceptum utero foetum ex-
cutiens homicida est. Si dormien-
do suffocet, levius judicanda; quia
nolens. *C. Wormatiæ an. 868. tit.*
35. II. 315
- Mulier sine licentia mariti velum ac-
cipiens, recipiatur a viro ad tho-
rum. *Regino L. 2. tit. 126.* II. 534
- Si mus in liquorem cecidit, tollatur:
liquor aspergatur aqua benedicta
& sumatur. Si mus mortuus: abji-
ciatur liquor. Si purgari possit, as-
persus aqua benedicta sumatur.
Si mus in lacte vel farina vel melle,
mortuus reperitur, quod eireum
murem est, abjiciatur; reliquum
sumatur. *Regino L. 2. tit. 434.* II. 580
- Mutilus corpore, qui partem digiti
sibi abscidit, Clericus esse non po-
test. *Regino L. 1. tit. 410. 411.* II. 505
- N.
- Neophytus ex gentili baptizatus,
non est statim promovendus ad sa-
croꝝ ordines. *C. Nicææ an. 325.*
tit. 2. I. 187
- Nestorii hæresis duodecim anathema-
tismis ab Concilio damnatur. *C.*
Epheſinum an. 431. I. 174
- Nicænæ fidei constitutio & Symbo-
lum. *C. Nicææ an. 325.* I. 136
- Nicænam fidem & judicia canonica
amplectuntur Germaniæ Episcopi.
C. Sæſſion. 745. I. 157
- C. Constantinop. anno 381.*
cap. 1. I. 167
- Nicæna fides in Africa instauranda.
C. Carthagin. in principio. I. 199
- Nicænæ Synodi statuta omnimodis
observanda. *C. Carthagin. ante*
418. I. 199
- Nicæni Concilii authentica descriptio
& translatio de græco in latinum
per Atticum Episc. Constantinopo-
litantum, missa PP. Africanis &
per hos Bonifacio Episc. Roman.
C. Afric. tit. 102. 103. 104. I. 232
- Nicæni Symboli & fidei constantissi-
ma professio ab Episcopis primæ
& 2dæ Germaniæ. I. 1
- Nicæni fidei iterata professio. *Aquis-*
gran. capit. 789. I. 284
- Si Nicæni Concilii & aliorum Ss. Pa-
trum autoritas inviolata maneret,
superflui essent novi canones. *Chro-*
degangus ante 762. I. 96
- Nicæni II. Concilii de imaginibus dis-
crimen. a Concilio *Francfordiæ*
an. 784. I. 353
- Nicolaus I. Papa damnat Concilium
metense cum suis eo missis legatis,
C. Romæ an. 863. II. 287
- Theutgaudum & Guntharium
Archi-episc. facti divortii inter Lo-
tharium & Theutbergam promo-
tores damnat. *Ibidem.* II. 287
- Franconem Tungrensem Episc.
copum deprecantem, a labe Conci-
liabuli metensis absolvit. II. 299
- Ejusdem informatoria ad Episc.
Regni Caroli, de calumniis Eccle-
siæ græcæ Orientalis contra latinam
Occidentalem, II. 306
- Ejusdem responsoria ad Syno-
dum Ticinensem, ne intercedant
pro depositis Archiepisc. II. 334
- Pro Novitiis introitibus in monas-
terium pecunia ne requiratur. *C.*
Francford. 794. tit. 16. I. 326
- Nuptias execrans, anathema sit. *C.*
Gangrenſ. an. 324. tit. 1. & 14. I. 153
- In nuptiis Christianorum non opor-
ter saltare, sed venerabiliter cœna-
re vel prandere. *C. Laodicææ 363.*
tit. 53. I. 166
- Nuptiarum fœdera non oportet Chri-
stianos cum hæreticis jungere. *C.*
Laodicææ 363. tit. 31. I. 164
- Nuptura hæretico, judæo vel paga-
no copulari non potest, nisi pro-
mittat ad fidem orthodoxam per-
sonam copulandam transferre. *C.*
Chalcedon. an. 451. tit. 14. I. 178
- Ante nuptialem conjunctionem Episc-
copi, Presbyteri, & Seniores con-
sanguinitatem nupturorum inquirit.
C. Aquisgr. an. 802. tit. 35. I. 370
- Nuptiæ damnata.
- Si quis uxorem viduam duxerit, &
eius filiastra fornicatus fuerit.
- T t t t t 2 Si

- Si quis duobus fororibus nupserit.
Si qua duobus fratribus nupserit.
Si quis cum matre, si qua tum patre
copuletur, anathematizentur, dis-
jungantur sine ulla spe conjugii. *C. in Wa-*
Aquisgran. an. 313. tit. 56. I. 413
Illicitæ nuptiæ damnantur. *C. in Wa-*
lactia an. 876. II. 38
Nuptiis ne intersint Clerici. *Regino*
L. 1. tit. 325. 326. 327. II. 492
In nuptiis Bigamorum Presbyter
non oret. *C. Neocæsareæ an. 314.*
tit. 7. I. 150
Nuptiis secundo legitime; sed sine
copula occulta, vacet parvo tempore
orationi & jejuniis. *C. Laodic. 363.*
tit. 1. I. 162
- O.
- Obedientiarum Abbati subiacere de-
bent. *C. Constantiæ an. 1094. tit. 5.* III. 251
Presbyter vel Diaconus, si non obedi-
erint præceptis Episcopi, a quo
ordinati sunt, dum manent in vi-
tio inobedientiæ, communione &
honore priventur. *C. Wormatiæ*
an. 868. tit. 19. II. 313
Oblationes dissidentium priusquam
reconciliantur, secundum statuta sa-
crorum canonum nullo modo in
Ecclesia recipiantur. *Gregor. II. in*
German. an. 732. I. 37
Regino L. 2. tit. 375. ad 380. II. 570
Oblationes offert Ecclesia pro mor-
tuis, sed non nisi Catholicis. *Gre-*
gor. III. in German. 732. I. 38
Oblatione celebrata Altaris ministri
debent communicare. *Apostolor.*
can. 9. I. 132
Oblationes in Ecclesia factas, vel pro
pauperibus, non alius dispenset,
quam Episcopus. *C. Francofordiæ*
an. 794. tit. 48. I. 328
Oblationes in quadragesima Sabbato
& Dominica non offerendæ. *C.*
Laodicæ an. 363. tit. 49. I. 165
Oblationes fidelium ad Altare oblatae
ad laicos non pertinent. *C. Ingel-*
heim. an. 948. tit. 8. II. 612
Oblationem & pacem jugiter in Ec-
clesia faciat populus Christianus. *C.*
Aquisgran. 813. tit. 44. I. 412
Oblationes defunctorum retinens, ut
infidelis ab Ecclesia rejiciatur: ve-
lut necator pauperum excommu-
nicetur. *Regino L. 2. tit. 382. 385.* II. 571
Offerre in domibus oblationes, nec
Episcopus; nec Presbyter debet.
Chrodegangus tit. 72. I. 118
C. Laodicæ an. 363. tit. 58. I. 166
- Aquisgr. Capit. 816. tit. 84.* I. 476
Regino L. 1. tit. 131. 133. II. 462
Occidentis Presbyterum, Sacerdotem
penitentia. *Regino L. 2. tit. 42. 43.* II. 522
Occisi Presbyteri compositio cui ce-
dit? *Regino L. 2. tit. 40. 41.* II. 521
Occidenti Presbyterum degradatum
denegatur Ecclesiastica communio.
Regino L. 2. tit. 44. II. 522
Occidentibus Clericos minores variis
varia compositio dictata. *Regino*
L. 2. tit. 45. II. 522
Occidentis consanguineum vel senio-
rem suum decem annorum peni-
tentia. *Regino L. 2. tit. 48. 49.* II. 523
Occidens Clericus proximum suum,
exul septem annis peniteat. *Regi-*
no L. 2. tit. 52. II. 523
Occidens Judæum vel paganus prop-
ter avaritiam vel odium, ut homi-
cida penitere debet. *Regino L. 2.*
tit. 95. II. 529
Si infans hominem occidit, levior
penitentia imponenda. *Regino L.*
2. tit. 96. II. 529
Si plures hominem occiderunt, sin-
guli ut homicidæ judicentur. *Regi-*
no L. 2. tit. 97. II. 529
Occidens agentem publicam peni-
tentiam, bannum Regis in triplo
componat, & Wirigildum proxi-
mis. *Regino L. 2. tit. 190.* II. 543
In Ecclesia hominem interficiens,
quibus poenis est obnoxius? *Regino*
L. 2. tit. 31. II. 520
Offerendus panis & vinum mixtum,
nil amplius. *Apostolor. Canon. 3.* I. 131
C. Africanum tit. 4. I. 208
C. Wormatiæ an. 857. tit. 4. II. 314
Primitiæ, mel & lac offerendæ, habent
benedictionem a Sacramento di-
stinctam. *Apostolor. Canon. 4.* I. 131
C. Africanum tit. 4. I. 208
Regino L. 1. tit. 65. II. 451
Offerentium nomina publice recitan-
da ante preces Sacerdotales. *Aquis-*
gran. cap. 789. tit. 54. I. 279
Offerentium nomina ante oblationem
non recitanda. *C. Francofordiæ*
an. 794. tit. 51. I. 328
Omnia, quæ offeruntur Deo, procul-
dubio consecrantur. *Capitulare*
Caroli & Ludovici. I. 419
Ne in calice vinum solum, nec sola
aqua offeratur, sed mixtum: quæ
partes sint vini, tertia aquæ. *C.*
Triburiae an. 895. tit. 19. II. 397
Oblatum ad Altare a ministris recep-
tum, post Altare ponatur. *Regi-*
no L. 1. tit. 62. II. 451
Oblata in Ecclesiis pomæ & reliqua
ad

CANONUM.

XLIII

Tom. pag.

Tom. pag.

ad domos Sacerdotum fideles fe-
rant. *Regino L. 1. tit. 56.* II, 451
Officium Divinum in nocte, quando
& quale debent Canonici. *Chrode-
ganga tit. 15.* I, 101
Vigiliarum antiquitas. *Ibidem.*
De matutinis horis; de Prima, I, 103
De horis diei, Vesperis, Completis, I, 104
Post Completas silentium. *Ibid.*
Horæ Canonice observandæ. *Ibi-
dem.*
De diligentia psallendi. I, 105
In Ecclesia modeste non pompate
standum. *Ibid.*
Canonici omnes ad Completorium
conveniant. *Chrodeganga tit. 49.* I, 3
Officium psallendi sanctum est. Ejus
prototypa. *C. Atribati an. 1025.* III, 91
Officium semper idem. Nonā & Vef-
perā debet exhiberi. *C. Laodiceæ
an. 363. tit. 18.* I, 163
Officium plenarium agatur in præci-
pui solemnitatibus, & in natalitiis
Sanctorum, cujus honor in quavis
parochia specialiter celebratur. *C.
Aquisgr. an. 817. tit. 46.* II, 6
Offici Divini ordinem, quem metro-
politanus tenet; comprovinciales
observent. *C. Epao. an. 517. tit. 27.* I, 683
Officium, juxta quod in Regula S. Be-
nedicti continetur, monachi obser-
vent. *C. Aquisgr. an. 817. tit. 3.* II, 3
De opere manuum quotidiano Cano-
nicorum. *Chrodeganga cap. 19.* I, 104
Orariis assidue utantur Presbyteri.
C. Aquisgr. an. 813. tit. 28. II, 411
C. Triburæ an. 895. II, 410
Orationem Dominicam & Symbo-
lum omnes docendi. *C. Franco-
furt. an. 794. tit. 33.* I, 327
Oratio pro Cleri & populi concor-
dia. *C. Triburæ an. 895.* II, 391
Orans cum excommunicato commu-
nionē priveatur. *Apost. can. 11.* I, 132
Non in tribus tantum, sed in omni-
bus linguis orandus & adorandus
Deus. *C. Francofurt. an. 794. tit. 52.* I, 328
Orationis instantia commendatur mo-
nialibus. *C. Aquisgr. an. 816. tit.
16.* I, 535
Orans cum damnato Clerico, ut Cleri-
co damnetur. *Apostol. can. 11.* I, 132
Oratio Dominica non in benedictio-
ne ciborum, sed in sanctificatione
corporis & sanguinis Domini de-
canteretur. *Leo VII. Epistola ad Ger-
man. 937.* II, 605
In oratorio præter orationem & Psal-
mos nil agatur. *Regino L. 1. tit.
54. 55.* II, 448
Oratorium domi habens, potest in eo
orare, non missam celebrare, sine

permissu Episc. *C. Ingelheim. 876.
tit. 6.* II, 37
Ordinum sacrorum prototypa, gra-
dus, collatio. *C. Atribati an. 1025.* III, 83
Ad ordines sacros non est promo-
vendus bigamus, aut qui virginem
non est fortitus uxorem, nec illi-
teratus, nec in qualibet corporis
parte vitiatus, nec expcinitens, nec
cullibet conditioni obnoxius. *Gre-
gorius II. Papa in Germ. an. 726.* I, 36
Nec Afri admittendi ad ordines, quia
plerique illorum Manichæi rebap-
tizati sæpius sunt. *Idem Papa ed-
dem decretali.* I, 36
Ordinationes Presbyteri & Levitæ
tempore congruo, multis astantibus
fidelibus, solemniter peragenda.
Remedius tit. 42. II, 424
Ordinatio Episcopi extra Synodum
& Metropolitanam præsentiam facta
nullas vires habeat. *C. Antiochie
an. 241. tit. 19.* I, 159
Ordinationum tempora certa & dies.
Regino L. 1. tit. 440. II, 519
Ordinationes Presbyterorum & Dia-
conorum, non nisi quarti, septimi,
& decimi mensis jejunii, & in in-
gressu quadragesimæ, & Vespere
sabbati celebrandæ. *Gregorius II.
in German. 736.* I, 36
Ordinare qualiter debeat Episcopus.
Feria IV. ante ordinationem veni-
ant ad civitatem: examinentur ab
Examinatoribus: absint munera.
Regino L. 1. tit. 441. 442. II, 510
Ordinetur Presbyter ab uno Episco-
po & Diaconus, & reliqui Clerici.
Apostolorum canon. 1. I, 131
Presbyter non ordinetur ante XXX.
annum, licet valde dignus. *C. Neo-
cesariæ an. 314. tit. 11.* I, 151
Aquisgrani capit. 789. tit. 50. I, 278
Ordinatio coram Audientibus non ce-
lebranda. *C. Laodiceæ an. 363.
tit. 4.* I, 162
Ordinandi Episcopi, judicio Metro-
politanorum, & eorum, qui circum
circa sunt, hi; qui plurimo tem-
pora fidem & mores probaverint.
C. Laodiceæ an. 363. tit. 12. I, 163
Aquisgrani cap. 789. tit. 2. I, 266
C. Nicenum an. 325. tit. 19. I, 140
Episcopus non ordinet nec sollicitet
Clericum alienæ Diocesis. *C. Ni-
cææ an. 325. tit. 16.* I, 139
C. Sardicæ an. 346. tit. 11. I, 193
12. I, 193
*Aquisgrani capit. 789. tit.
56.* I, 279
*C. Antiochiæ an. 341. tit.
22.* I, 160

Index Chronol. Canon.

V v v v v

Regino

	Tom. pag.		Tom. pag.
<i>Regino L. 1. tit. 383. 384. 385.</i>	II. 500	nes domi suæ faciant Christianos.	
Ordinatio alieni subditi sine consensu proprii Episcopi sit irrita. C.		C. <i>African. tit. 3.</i>	I. 208
<i>Aquisgrani an. 816. tit. 45.</i>	I. 421	Ordinare Episcopum Episcopi debent. C. <i>African. tit. 16.</i>	I. 210
Ordinans Episcopus in aliena parochia sine metropolitano, aut alterius vocatione, irrita sit ordinatio, ipse ordinans damnatus a Concilio. <i>Aquisgrani capit. 789. tit. 2.</i>	I. 269	Quot addi Episcopi debeant numero Ordinatorum, si ordinando Episcopo fuerit contradictum. C. <i>African. tit. 17.</i>	I. 210
C. <i>Antiochie an. 341. tit. 13.</i>	I. 158	Ordinare Clericum unde voluerit, soli licet Carthagenensi Episcopo. C. <i>Africa tit. 22.</i>	I. 24
Ordinandus a vicinæ Provinciæ episcopis, si non nisi unus in provincia Episcopus remansisset, & is noller ordinare electum. C. <i>Sardicæ an. 347. tit. 5.</i>	I. 190	Parvuli apud Donatistas baptizati, in Catholica Ecclesia Clerici ordinentur. C. <i>Africa tit. 24.</i>	I. 218
Ordinati literas accipiant ab Ordinatoribus, signatas eorum manu cum die & Consule. C. <i>African. tit. 56.</i>	I. 219	Orientis Episcopi Orientem tantum gubernent, servatis privilegiis, quæ ob Nicænos Canones Antiochenæ Ecclesiæ tributa sunt. C. <i>Constantinop. an. 381. tit. 2.</i>	I. 167
<i>Regino L. 1. tit. 390.</i>	II. 501	Osculum pacis postquam Episcopus Presbyteris dedit, tunc laici sibi tribuant, & ita sancta celebrabitur oblatio. C. <i>Laodiceæ an. 363. tit. 19.</i>	I. 163
Ordinatus Presbyter de nihil habentibus, vel pauper conferat Ecclesiæ, si agros aut alia acquirat. <i>Regino L. 1. tit. 217. 218. 219.</i>	II. 474	Osculantis Clerici mulierem, quæ pena? <i>Regino L. 2. tit. 251.</i>	II. 553
Ordinandus Episcopus qualiter examinetur? <i>Regino L. 1. tit. 443.</i>	II. 510	Osnabrugensi Ecclesiæ subtrahæ decimæ a Corbeja & Herivordia restituantur per C. <i>Moguntinum an. 888. tit. 4.</i>	II. 379
Ordinatio absoluta (sine fixo titulo vel loco) Episcopi, vel Diaconi, vel cujusvis gradus irrita est. Sed specialiter Ecclesiæ, civitatis, aut possessionis, aut Martyrii, aut Monasterii ejus, qui ordinatur, mentio fiat. C. <i>Chalcedon. an. 451. tit. 6.</i>	I. 177	Rursum coguntur restituere per C. <i>Ingelheim an. 972.</i>	II. 655
<i>Aquisgran. capit. 789. tit. 25.</i>	I. 272	Iterum per Ratisbonensem coguntur restituere eas decimas. C. <i>Ratisbonæ an. 1075.</i>	III. 168
C. <i>Francofurdie an. 794. tit. 27.</i>	I. 327	Ostiarum officium. C. <i>Aquisgr. anno 816. tit. 2.</i>	I. 455
<i>Regino L. 1. tit. 386. 387.</i>	II. 500		
Ordinandus Episcopus autoritate Apostolica ab omnibus Provinciæ Episcopis prævis scrutinio, jejunio, & precibus, Dominica die, hora tertia manus ei imponantur: si non omnes, saltem non minus, quam tres manus imponant, reliqui assensum præbeant. <i>Apostolorum canon. 1.</i>	I. 131	P.	
C. <i>Nicææ an. 325. tit. 4.</i>	I. 138	Pagani non habeant mancipia Christiana. C. <i>Liptinens. an. 743.</i>	I. 51
<i>Remedius tit. 2. & 36.</i>	II. 416	<i>Regino L. 2. tit. 346.</i>	II. 566
Ob inordinatam constitutionem nec maximus Cynicus sit Episcopus, neq. ii, qui ab eo in quovis gradu ordinati sunt, Clerici. C. <i>Constantinop. 381. tit. 3.</i>	I. 167	Paganis mancipia vendere ad immolandum, scelus, impietas est. <i>Gregorius II. Pp. in Germ. an. 732.</i>	I. 39
Ordinatio Wezilonis Moguntini Archiepiscopi intrusi, Sigefridi Augustani, Norberti Curienfis, imò omnes ordinationes excommunicatorum penitus irritæ judicatæ sunt. C. <i>Quintiliburgense 1085.</i>	III. 200	Paganas observationes faciens Christianus damnetur XV. solidis. C. <i>Liptinens. an. 743.</i>	I. 51
Episcopi, Presbyteri, Diaconi non ordinentur prius, quam om-		Paganorum convivia verantur, maxime in Natalibus Martyrum. C. <i>African. tit. 18.</i>	I. 213
		Pallia Archiepiscopis gratis danda, promittit Zacharias Papa Bonifacio. <i>Scripta ei Epistola an. 748.</i>	I. 88
		Pallio utens vir, ut continens videatur, & non birtro communi, anathema sit. C. <i>Gangr. an. 324. tit. 12. I.</i>	I. 154
		Papa Martinus I. misit Amando Trajectensi ad Mosam Episcopo acta Synodi Romanæ contra Monothelitas, ejusque assensum, & Romani	

- ni Concilii promulgationem orat.
an. 649. I. 28
- Papa ipſus Conciliis variis Germaniæ præſidet.
- Leo III. Paderbornam & alias Germaniæ Eccleſias intraſcit *an. 799.*
- Gregorius IV. Ludovicum Imp. Filiis reconciliare ſtudet prope Baſileam *an. 833.* II. 62
- Gregorius VII. fuit ab Imp. Henrico III. invitatus, ut Synodo præſideret *an. 1041.*
- Benedictus VIII. præſedit Concilio Bambergenſi *an. 1020.* III. 52
- Leo IX. præſedit Concil. Moguntino *an. 1049.* III. 112
- Concil. Tullenſi *an. 1050.* III. 111
- Concil. Auguſtano *an. 1051.* III. 117
- Concil. Ratiſponenſi *an. 1052.* III. 118
- Concil. Wormatiſi *an. 1053.* III. 119
- Viſtor II. pp. electus Moguntia *an. 1054.* præſedit Concilio Bonnenſi, pacis Mediator *an. 1054.* III. 125
- Innocentius II. pp. præſedit Concilio Moguntino & Herbipolenſi *an. 1130.*
- Concilio Leodiſi *an. 1131.* III. 309
- Papa Legatos plurimos Sedis Apoſtolice in Germaniam miſit his undecim ſæculis.
- Primi noti in his tribus Tomis ſunt: Martinianus Epicoſopus, Sabinus & Georgius preſbyteri, in Bavariam miſſi a Gregorio II. *an. 726.* I. 39
- Secundus notiſſimus S. Bonifacius. I. 33
- Cæteros indicant Concilia, quæ indixerunt, quibuſque cum Archi-epiſcopis Germaniæ præſederunt.
- A Parochia in aliam Parochiam migrans aut morans ulterius non miniſtret, maxime ſi ſit revocatus ab Epicoſopo. *C. Antiochen. an. 341.* I. 159
- tit. 3.* I. 475
- C. Aquisgr. an. 816. tit. 72.* I. 475
- Pertinax in abſentia non reſtituatur. *Ibidem.*
- Parochiæ alienæ Clericum nullus Miſter ſubintroducatur. *C. Nicæa an. 325. tit. 15. 16.* I. 139
- Regino L. 1. tit. 393.* II. 501
- De parochia in parochiam ne tranſſeat Epicoſopus. *C. Antiochen. an. 341. tit. 21.* I. 159
- Parochiæ ruſticæ maneat inconcuſſa Epicoſopo, ſi eas retinere noſcatur. *Regino L. 1. tit. 16.* II. 444
- Parochus preſbyter ſemper in Quadrageſima rationem & ordinem miniſterii ſui reddat Epicoſopo. *C. German. an. 742.* I. 49
- Nullus Epicoſopus in aliena parochia ordinationem faciat, niſi forte cum voluntate ejus Epicoſopi. *Regino L. 1. tit. 258.* II. 480
- C. Antiochia tit. 22.* I. 160
- Parochiam alienam ne quis uſurpet. *Regino L. 1. tit. 251.* II. 479
- Parochianum ſuum, ſi ad Synodum venire reſuſat, coram Metropolitano Epicoſopo banno ſuo ſtringat, & cauſam Synodaliter diſcutiat. *C. Saligunſtad, an. 1022. tit. 22.* III. 57
- Parochianum alterius nemo preſbyter recipiat. *Regino L. 1. tit. 255. 256.* II. 479
- Parricida, matricida, fornicida toto vitæ tempore corpus Domini non ſumat; carne & vino abſtineat, ada quarta, & ſexta feria jejunet. *Gregorius III. in German. an. 732.* I. 39
- Regino L. 2. tit. 53. 54. 57. 59.* II. 523
- Parricidæ ſui ultor Epicoſopus Gervilio deponitur. *C. German. an. 745.* I. 73
- Patricidii & fratricidii pænæ canonicæ. *C. Moguntia an. 860.* II. 243
- Patricidæ in uno loco manentes penitentia ſe caſtigent, non licet eis nec militia, nec conjugium. *C. Moguntia an. 847. tit. 20.* II. 158
- Avunculum occidens patricida eſt: non militet: tota vita pœniteat: in Monafterio claudatur. *Rabanus tit. 5.* II. 213
- Partum ex fornicatione quocunque modo interimens: ad exitum vitæ juxta antiquum morem ab Eccleſia removetur: decennis penitentia humanior. *C. Ancyra an. 814. tit. 20.* I. 148
- Parricidæ & fratricidæ anno ſtent ante fores eccleſiæ, poſt annum introducantur: inter audientes ſtent. His peractis corporis & ſanguinis Domini participes ſiant, at carnem nunquam manducant. Jejunent quotidie ad Nonam, exceptis feſtis & Dominicis. Abſtineant a vino, medonè & cereviſi, tres dies hebdomadæ: arma non tractent, pedes ſemper eant: ab uxore non ſeparentur. Si cœlibes, conjugentur ne fornicentur. Tempus penitentia arbitrio Epicoſopi deſignatur. Si autè biennium finium mors ingruat: viaticum accipiant. *C. Wormatia an. 868. tit. 30.* II. 314
- Regino L. 2. tit. 27. 28.* II. 519
- Paſcha ante VERNUM æquinoctium celebrans cum Judæis, Epicoſopus, aut Preſbyter abſiciatur. *Apoſtol. can. 8.* I. 132
- Paſcha quo die celebretur 2 Domini co reſpondet. *Remediis an. 820. tit. 32.* II. 421

- Pastoris animarum officium. *C. Aquisgr.* an. 816. tit. 13. 14. I. 450
Rabanus ante 856. tit. 7. II. 196
 Pastores non recte gradientes, reprehenduntur. *C. Aquisgr.* an. 216. tit. 28. I. 460
 Pastores bene docentes & male vi-
 ventes. *Ibidem.*
 Exempla pravorum Sacerdotum, *Ibi-
 dem.*
 Pastorum reprobi mores tolerandi.
Remedius an. 820. tit. 17. II. 417
 Patena Domini, si non ex auro, sal-
 tem ex argento fiat, pauperrimi
 stanneo calice utuntur, nemo aëreo,
 nemo ligneo. *Regino L. 1. tit. 67.* II. 452
 A Pauli Samosatemi errore respiscen-
 res, quomodo ad Catholicam
 recipiendi? *C. Nicæe an. 325. tit.
 20.* I. 140
 Pauper ad Clerum promotus, si ac-
 quisita vel donata Ecclesiæ sibi ha-
 beat, est invasor Ecclesiæ, si aliun-
 de aut a cognatis donata sint, sibi ha-
 beat. *C. Carthaginense tit. 23.* I. 204
*C. Aquisgrani an. 816. tit.
 89.* I. 477
 In pauperum usus dans vel accipiens
 oblata præter Episcopum vel ab
 eo constitutum, anathema sit. *C.
 Gangræse an. 328. tit. 7.* I. 154
 Pauperum oblata nec rapienda nec
 fraudanda. *Aquisgran capit. an.
 789. tit. 74.* I. 277
 Pauperum hospitale, si monialibus
 commissum est, sit intra Monaste-
 rium puellarum. *C. Aquisgr. an.
 816. tit. 28.* I. 539
 Pauperes qualiter alendi? *Regino L.
 2. tit. 417. 418.* II. 577
 Peccator occultus occulta confessione
 coram episcopo, vel Presbytero, &
 occultis penitentiae operibus veni-
 am & gradum recuperaturum se
 confidat. *Rabanus ante 856. tit.
 10.* II. 197
 Pejerans ad pacem se non rediturum,
 uno anno a communione corporis
 & sanguinis segregetur, & rea-
 rum jejuniis & lacrymis expiet.
Regin. L. 2. tit. 321. II. 563
 Perjuri a dæmone vexantur. *Regino
 L. 2. tit. 317.* II. 563
 Perjuri, falsi testes districtæ peni-
 tentiæ subdantur, contumaces foras
 projiciantur, nec nomen recitetur.
C. Tullense an. 860. tit. 3. II. 256
 Perjuri variae pœnæ. *Regino L. 2.
 tit. 323. ad 332.* II. 564
 Perjurans scienter sine redemptione
 manum perdat. *C. Duriense an. 779.
 tit. 10.* I. 240
 Dubius stet ante crucem, cum suo
 accusatore, & victor sit liber. *Ibi-
 dem.*
 Perjurus scienter septem annos pœni-
 teat: dein communicet. Perjurus
 scienter in Ecclesia, in Evange-
 lio, in Reliquiis Sanctorum, septem
 vel undecim annos pœniteat: si
 in manu Episcopi, Presbyteri, aut
 Diaconi, aut in cruce, annuntiatum,
 aliis, septem pœniteat. *Raban. tit. 8. II. 204*
 Peregrinus nullus sine pacificis, id
 est, commendatis, suscipiatur.
C. Antiochie an. 341. tit. 7. I. 151
C. Aquisgr. an. 816. tit. 49. I. 472
 Persecutionem paganorum fugere li-
 cet, si ea non valeat supportari.
Zacharias Pp. ad Bonifac. 751. I. 89
 Persecutionem aut vim patiens Cleri-
 cus, tamdiu in aliena Parochia
 recipi, & manere potest, usque
 dum finis sit, vel satisfactio data.
C. Sardicense an. 347. tit. 21. I. 193
 Peste domum, Monasterium, Eccle-
 siam invadente non est fugiendum,
 quia nuppiam Dei manum effugere
 valemus. *Gregor. II. Papa in Ger-
 man. an. 776.* I. 34
 Petri Primatus, quæ Principis Apo-
 stolorum & Vicarii Christi in uni-
 versam Ecclesiam. *Leo VII. Pp. in
 Ep. ad Germ. an. 937.* II. 604
 Placita secularia, nec Dominicis, nec
 jejuniis diebus agantur, nec septem
 diebus ante Natalem Domini & Jo-
 annis Baptiste. *C. Erford. an. 932.
 tit. 2.* II. 602
 Placita agere quatuor hebdomadis an-
 te Nativitatem Domini, a septua-
 gesima ad Pascha, quatuor decem
 diebus ante festum Joannis Bapti-
 stæ nulli licet. *C. Aquisgrani an.
 992.* II. 671
 Plagiarii, hominem Christianum sol-
 licitando furantis & tradentis pa-
 gano, pœna. *Rabani Episc. ad Re-
 gimb. Regino L. 2. tit. 344. 345.* II. 240
 Plebes, quæ nunquam habuerint pro-
 prium Episcopum, eum accipiant
 ex plenario Concilio, cum prima-
 tis & proximi Episcopi consensu.
C. Africanum tit. 65. I. 223
 Plebes, ex Donatistis conversæ, si per-
 tinerint ad certum Episcopum,
 ad eum redeant. Si mortuus fue-
 rit, novum nanciscantur; univer-
 sum Catholicis Episcopi conversis
 præsent. *C. Africanum tit. 66.* I. 223
 Penitenti publico de crimine, cilici-
 um super caput a Sacerdote impo-
 natur, & manus, nisi comas deposu-
 erit,

Tom. pag.

Tom. pag.

- erit, & vestes mutaverit, abjiciatur. *C. Africanum tit. 10.* I. 209
Regino lib. 1. tit. 240. II. 484
- Nullus Presbyter sine jussu Episcopi penitentem in Ecclesiam introducat. *C. Selingenstad an. 1022. tit. 19.* III. 57
- Pœnitentes in capite quadragesimæ ante fores Ecclesiæ Episcopo se repræsentent, sacco induti; nudis pedibus, vultu in terram prostrato. Dein cum Clero vir. Psalmos recitet, pœnitentibus humi prostratis, demum Episcopus manus imponat, aqua aspergat, efficiam capiti imponat, cinere eos aspergat, & sic ab Ecclesia pelli jubeat. *Regino lib. 1. tit. 288. 291. 292. 293. 294.* II. 484
- Discretio inter peccata publica & penitentiam publicam, & inter peccata occulta & penitentiam secretam servanda. *C. Moguntia an. 857. tit. 31.* II. 160
- Quibusdam penitentibus pristina conceduntur conjugia, judicio discreti Sacerdotis. *Rhabanus tit. 17.* II. 204
- Pœnitentibus secundum differentiam peccatorum, Sacerdos penitentiam decernat. *C. Wormatie anno 868. tit. 15.* II. 314
Regino L. 1. tit. 301. 304. 306. II. 489
- Pœnarum genera diversa enuntianda penitentibus. *Regino L. 1. tit. 300.* II. 486
- Pœnites convertendi ad Deum canonice inquirentur, canonice reconcilientur; presbyter consulat Episcopum. *C. Carthagenf. tit. 10. I. 209*
Aquisgran. C. an. 789. tit. 34. I. 274
Regino L. 1. tit. 306. II. 490
- Pœnitens, dum carinam facit, non migret de loco in locum. *C. Salin-gunstat. an. 1022. tit. 15. 18.* III. 57
- Pœnitentis Clerici vel Canonici decapitali crimine reconciliatio, ordo, tempus. *Chrodegangus an. 762. tit. 30.* I. 106
- Manus presbyteris vel Diaconis tanquam penitentibus nullas imponat. *Regino L. 1. tit. 310.* II. 490
- Pœnitentem alterius civitatis vel parochiæ nemo reconciliet sine proprii Episcopi vel presbyteri testimonio. *Regino L. 1. tit. 309.* II. 490
- Quales nos debeamus esse erga penitentes? *Regino L. 1. tit. 324.* II. 491
- Pœnitentiam a suo Sacerdote accipere nolens, quia Romam ire vult, ex Synodi mente prius Sacerdoti suo confiteatur, & dein Romam eam cum Episcopi licentia. *C. Salin-gunstat. an. 1022. tit. 17.* III. 57

Index Chronol. Canon.

- Laicus, qui pœnitens se totondit, & rursus prævaricans laicus, ab Episcopo revocetur ad pœnitentiam. Sin obedit, anathematizetur. *Rhabanus tit. 12.* II. 202
- Pro pœnitentibus subito mortuis sine viatico, oblatio recipienda, Ecclesiastico affectu. *Regino L. 1. tit. 114. II. 459*
- Pœnitentia vera; qualis sit? *Regino L. 1. tit. 323.* II. 491
- Pœnitentia 40. dierum. *C. Triburie an. 895. tit. 55.* II. 407
- Post 40. dies pœnitentia primi anni. *Ibid.*
- Pœnitentia 2di, 3tii, 4ti, 5ti, 6ti, 7mi anni. *Ibid.*
- Pœnitentiæ modus peccata confitentibus, aut secundum antiquos Canones, aut secundum Scripturam, aut secundum Ecclesiæ consuetudinem imponatur. *C. Moguntia an. 847. tit. 31.* II. 160
- Pœnitentiæ necessitas, usus, efficacia. *C. Atrebat. an. 1025.* III. 86
- Nullus presbyter sine jussu Episcopi penitentem in Ecclesiam introducat. *C. Salin-gunstat. an. 1022. tit. 19.* III. 57
- Nemo præter Episcopum aut presbyterum penitentem judicet, nec confessiones audiat. *Regino L. 1. tit. 295. II. 485*
- Oratio Episcopi vel presbyteri ad dandam pœnitentiam. *Regino L. 1. tit. 299. 300.* II. 485
- Diaconus penitentem ad communionem recipere potest. *Regino L. 1. tit. 296. ad 298.* II. 485
- Pœnitentia conjugalis non nisi ex consensu detur. *Regino L. 1. tit. 303. II. 89*
- Pro pœnitentia Presbyteris & Diaconis sit privata secessio, satisfactio, & oratio. *Regino L. 1. tit. 312. II. 490*
- Professi pœnitentiam, ad Clericatum non vocentur. *C. Epaonense an. 517. II. 682*
- Pœnitentia ultima nulli deneganda. *Rhabanus tit. 14.* II. 203
- Pœnitentia post mortem prodest. *C. Atrebatense an. 1025.* III. 88
- Pœnitentiæ iugo submissi pro diversis erratis a legitimo matrimonio non separantur. *C. Wormatiæ an. 868. tit. 37.* II. 315
- Pœnitentiæ tempore a multis licitis abstineat, & a lucro negotiationis. *Rhabanus tit. 15.* II. 203
- Post pœnitentiam ad militiam redire non licet. *Rhabanus tit. 16.* II. 203
Regino L. 1. tit. 314. II. 490
- Pœnitentiam violans, ad secularia relabens, a communione suspendatur. *Regino L. 1. tit. 317.* II. 49
C. Epaonense an. 517. tit. 23. II. 683
- Pœnitentiam agentem, interficiens, bannum in triplum componat, &

X x x x x

Were-

- Weregildum proximis solvat. *Regino L. 2. tit. 39.* II. 520
- Populo, turbis, multitudini non est permittenda electio promovendorum ad Sacerdotium. *C. Laodiceæ an. 363. tit. 13.* I. 163
- Portaria Monialium qualis statuenda ab Abbatissa. *C. Aquisgran. anno 816. tit. 26.* I. 539
- Portarius congregationis Canonico- rum, qualis sit, quid agere debeat. *Chrodegangus tit. 12.* I. 101
C. Aquisgran. an. 816. tit. 143. I. 512
- Possessiones ecclesiarum episcopi divi- dant, & aliis dispenfent, Clericis & pauperibus, Christianis fratribus; secus agentes sacrilegi sunt, dam- nentur. *Remedius tit. 47.* II. 425
- Porcarii saltem dominicis diebus ad Missam veniant. *Regino L. 2. tit. 416.* II. 577
- Praelati geminam passionem debent subditi. *Chrodegangus tit. 55.* I. 114
C. Aquisgran. an. 816. tit. 123. I. 504
- Praelatos contemnens, infamis ab Ec- clesia extorris sit. *Remedius tit. 15.* II. 417
- Vice-Praelati quales a Praelato statuen- di. *C. Aquisgran. an. 816. tit. 138.* I. 511
- Præposita puellarum qualis ab Abba- tissa statuenda? *C. Aquisgran. an. 816. tit. 24.* I. 538
- Præpositorum in congregationibus Clericorum qualitates. *Chrodegan- gus tit. 46.* I. 110
C. Moguntia an. 888. tit. 25. II. 375
- Præpositi indigni, indocti ad Eccle- sias non promovendi. *C. Aquis- gran. an. 816. tit. 15. 16.* I. 454
- Præpositi Ecclesiæ carnales. *C. Aquis- gran. an. 816. tit. 31. 32.* I. 464
- Præpositi Canonico- rum potestas in Clerum & ejus bona. *C. Colonia an. 873. tit. 3.* II. 356
- Preces super catechumenos post ho- milias episcoporum celebrandæ seorsim, deinde iis egressis super penitentes. *C. Laodiceæ an. 363. tit. 19.* I. 163
- Preces mutua pactæ post mortem ab Episcopis & aliis provinciae Epif- copis fundendæ. *C. Tullense, 859. tit. 13.* II. 175
C. Ratisbonæ 932. II. 602
C. Tremonie 1005. III. 31
- Precariæ vi, dolo, injuste factæ, vim non habent. Ecclesia res sic abstra- ctas recipiat. *C. Moguntia an. 888. tit. 20.* II. 374
- Precariæ, si quæ fiant, cum autori- tate Ecclesiastica & civili fiant, a nulla potestate cogantur fieri : quinquennio renoventur. *Regino L. 1. tit. 362. ad 369.* II. 496
- Prædicantibus verbum Dei, quæ ma- teria necessaria prædicationis? quo- ad fidem & mores. *C. Aquisgran. an. 789. tit. 92.* I. 283
- Prædicare. Presbyter super duas aut tres hebdomadas populo suo stu- deat. *C. Triburiae an. 895.* II. 409
- Quæ dogmata Presbyter prædicare debeat? *Regino lib. 1. tit. 201. ad 205.* II. 470
- Prædicatores ad Synodum vocandi ab Episcopo. *Regino lib. 2. tit. 289.* II. 558
- Contra Prædatores & invasores Ec- clesiarum Epistola Synodalis. *C. Tullense an. 860.* II. 258
- Presbyteras dictas non oportet Ec- clesiis ordinari. *C. Laodiceæ an. 363. tit. 11.* I. 163
- Presbyter unam Ecclesiam, non am- plius habeat. *Chrodegangus. tit. 67.* I. 117
Regino lib. 1. tit. 253. II. 479
- Presbyter sine autoritate Episcopi nec constitui, nec expelli potest. *Cap. Aquisgr. an. 789.* I. 127
C. Aquisgran. an. 816. tit. 9. I. 545
Chrodegang. tit. 78. I. 119
C. Moguntia an. 847. tit. 12. II. 450
C. Wormatiæ an. 868. tit. 49. II. 316
C. Moguntia anno 888. II. 371
- Presbyter Missam canens & non communicans falsum dicit. *Apo- stolorum. can. 9.* I. 132
C. Aquisgr. an. 789. I. 267
- Ad Presbyterium sine examine pro- vecti, vel in examine peccata con- fessi, non admittantur ad Ecclesiam. *C. Nicææ anno 325. tit. 91.* I. 138
- Presbyter contra Episcopum con- ventum colligans & Altare erigens deponatur. *Apostolorum. canon. 32.* I. 133
C. Antiochie an. 341. tit. 5. I. 157
Zacharias PP. decret. anno 745. I. 80
C. Carthaginense tit. 11. I. 200
- Presbyter de Laico promotus, ante criminalibus causis involutus, si ce- laverit, & post manifestetur, sacer- dotali habitu privatus, penitentia submittatur. *Zacharias Pp. Boni- facio an. 751.* I. 89
- Presbyter, si ante ordinationem deli- quit, & id confessus fuerit, obla- ta non conferret, manens in reliquis officiis. *C. Neocesarea an. 314. tit. 9.* I. 151
Rabanus tit. 10. II. 197
- Presbyter, si peccatum antecedens ordinationem non fuerit confessus, nec

Tom. pag.

Tom. pag.

nec argui manifeste queat, suo est
iudicio relinquendus. *Ibidem.*
Presbyter Ecclesiam regens, Cleri-
cum habeat. *Regino lib. 1. tit. 207. II. 471*
Presbyter Ecclesiam ingrediens thu-
ribulum & incensum habeat. *Re-
gino lib. 1. tit. 200. II. 470*
A Presbytero, qui uxorem habuit,
nolens oblata percipere, anathema
sit. *C. Gangrense anno 324. tit. 4. I. 153*
Presbyter, & Diaconus, si mulieres
extra canonicam licentiam, domi
habeant, honorem & hereditatem
amittant. *C. Aquisgran. an. 802. tit. 24. I. 369*
Presbyter monialibus missam celebra-
turus, intret itatuto tempore cum
Diacono & Subdiacono tantum,
missa facta illico foras egrediatur,
C. Aquisgran. an. 816. tit. 27. I. 559
Presbyterum inhonorans, tamdiu ab
Ecclesia arceatur, dum satisfaciatur
digna penitentia. *Regino lib. 2. tit. 422. II. 578*
Presbyter, qui in officio filios gene-
rit, ab officio removendus. Si uxo-
rem accepit, deponatur. *Chrodegan-
gus. tit. 70. I. 118*
Si uxorem accepit, vel fornicatus est,
aut adulteravit, pelli debet & ad pe-
nitentiam redigi. *C. Neocæsarea
an. 314. tit. 1. I. 150*
Presbyteris desperatis, si conversio-
nem petant, Chrismate subvenia-
tur. *C. Epaone an. 517. tit. 16. II. 683*
Presbyter fornicatus duos annos in
carcere maneat: antea flagellatus
& scorticatus. *C. Germanicum an. 742. I. 49*
Presbyter accusatus, testium defectu
se juramento purgabit, & maneat
in proprio gradu. *Gregor. II. in
German. I. 34*
Presbyteri mali autoritate redarguen-
di: sed non deneganda mensæ
communio, qua forte convertantur.
Greg. II. Pp. in German. an. 726. I. 35
Presbyter a publice penitente nullum
xenium accipiat, minus digne pe-
nitentem non reconciliet. *Regino
lib. 1. tit. 212. II. 473*
Presbyter unus cum Praefecto legio-
nis apud exercitum esse potest, qui
hominis confessuri peccata judi-
cet, & illi penitentiam indicat. *C.
German. an. 742. I. 49*
Presbyteri ignoti, undecunque vene-
rint, ante probationem Synodalem
ad Ecclesiasticum ministerium non
admittendi. *C. Germanicum an. 742. I. 49*

Capit. Aquisgr. 769. I. 126
C. Sueslionens. anno 745. I. 58
Presbyter sit subjectus Episcopo, in
cujus parochia habitat. *C. Aquis-
gran. an. 769. I. 127*
Presbyter in quadagesima Episcopo
rationem reddat de ordine mini-
sterii, baptismo, fide, in cena Do-
mini. *C. Germanicum an. 742. I. 49*
Capitulare Caroli M. an. 769. tit. 8. I. 127
Presbyter in cena Domini novum
Chrisma ab Episcopo accipiat. *C.
Germanic. an. 742. I. 49*
C. Sueslionens. an. 745. I. 58
Presbyter Episcopum circumeuntem
parochiam cum populo confirman-
do suscipiat. *C. Germanic. an. 742. I. 49*
Presbyter sine consensu Episcopi Ec-
clesiam non derelinquat. *Bonifacii
tit. an. 745. I. 73*
Presbyter sacra mysteria nisi in locis
consecratis agere, ne præsumat.
Bonifacius ibidem.
Altare in sua Ecclesia non erigat, nisi
ab Episcopo consecratum. *Bonifa-
cius ibidem.*
Presbyter non proficiatur, sine sa-
cro Chrismate, Oleo benedicto,
& Eucharistia. *Bonifacius ibidem.*
Sub sigillo custodiat Chrisma, nec ul-
li det sub quovis prætextu. *Bonifa-
cius ibidem.*
Presbyter superbiens, correptus ab
Episcopo, si schisma fecerit, ana-
thema sit. *C. Carthaginens. tit. 10. I. 200*
& 11. Capit. Aquisgr. an. 789. tit. 37. I. 275
Presbyter correptus a suo præposito,
potest apud vicinos Episcopos
conqueri. *Zacharias PP. an. 745. I. 79*
C. Wormatiæ an. 868. tit. 66. II. 318
Presbyter ruris vel agrorum, coram
Episcopo vel presbytero urbis, nec
offerre, nec calicem, nec panem
porrigere potest. *Zacharias PP.
an. 745. I. 79*
Absente utroque, utrumque potest.
Ibidem.
C. Neocæsarea an. 314. tit. 13. I. 151
Presbyter ne vendat rem Ecclesie in-
scio Episcopo. *C. Carthaginens. tit. 33. I. 204*
Presbyteris quædam communia cum
Episcopis: sed hæc prohibita: 1. Benedi-
ctio vel unctio Altaris. 3. Confe-
ratio Ecclesie. 4. Impositio ma-
nus ad dandum Paracletum. 5. Chris-
matis confectio. 6. Baptizati-
onis frontem signare. 7. Publice in
Missâ penitentem reconciliare.
X x x x x Hæc

	Tom. pag.		Tom. pag.
Hæc omnia folis episcopis concessa.		in Monasteriis. <i>C. Aquisgran. an. 816. tit. 22.</i>	I. 557
<i>C. Wormatie an. 868. tit. 8.</i>	II. 312	Puellæ ante 25. annos non consecrantur. <i>C. African. tit. 93.</i>	I. 228
Presbyterii ordo, origo, obligatio.		<i>C. Aquisgran. an. 816. tit. 26.</i>	I. 547
<i>C. Aquisgran. an. 816. tit. 8.</i>	I. 438	Puellæ sine voluntate parentum ne velentur; contra faciens multam in capitulis legis mundanæ a Rege constitutam solvat. <i>C. Aquisgran. an. 816. tit. 20.</i>	I. 546
Primatus Sedis Apostolicæ laudatur, & confirmatur a <i>C. Quedlinburgi an. 1083. tit. 1.</i>	III. 200	Puella desponsata necdum, si rapiatur a Clerico, hic gradu decedat. Puella, si rapiatur a Laico, hic anathematizetur: cooperantes raptori anathematizantur. Raptor raptam nullo jure sibi vindicare possit. <i>C. Chalcedon. an. 457. tit. 27.</i>	I. 180
Primates propter longinquitatem quælibet provincia habeat. <i>C. Carthaginiens. tit. 17.</i>	I. 201	<i>C. Aquisgran. an. 816. tit. 23.</i>	I. 546
Episcopi accusari causa ad primatem provinciæ deferatur, nisi electorum judicium subeat. Si neutri judicio se sistat, ad Concilium universale veniat. <i>C. Carthaginiens. tit. 19.</i>	I. 202	Puer infans a parentibus oblatu monasterio pubes non potest egredi, nec Matrimonio copulari. <i>Gregorius II. in Germ. an. 726.</i>	I. 34
Primatus Magdeburgensis in Germania; par primatui Galliæ; par primatui Moguntino in Germania prima, Treverico in Belgica, Agrippinensi in Germania secunda. <i>Joannis XIII. P. P. Bulla an. 968.</i>	II. 641	<i>C. Wormatie an. 868. tit. 22.</i>	II. 313
Privilegia antiqua servanda Ecclesiis, Alexandrino per Lybiassi & Egyptum, & Pentapolim, uti Roma Episcopo: parilis mos Antiocheno per cæteras provincias. <i>C. Nicææ an. 325. tit. 6.</i>	I. 138	Si pueri sine voluntate parentum tonsurentur, contra faciens multam in capitulis legis mundanæ a Rege constitutam solvat. <i>C. Aquisgran. an. 816. tit. 20.</i>	I. 546
Proprietatis suæ locum alicui dans, non ei dar decimas. <i>C. Constantiæ an. 922. tit. 8.</i>	II. 600	Puerum parentes ad Altare offerre possunt, & petitionem pro eo coram Laicis restibus facere: sed quam intelligibili tempore ipse puer confirmet. <i>C. Aquisgran. an. 817. tit. 36.</i>	II. 5
Proprietas Sacerdoti dissuadetur, ut de Ecclesiæ rebus, qua communibus, Deo rationem reddatur. <i>C. Aquisgran. 816. tit. 35.</i>	I. 457	Pueri nutriendi & custodiendi, quomodo a Rectoribus Congregationum? <i>C. Aquisgran. an. 816. tit. 135.</i>	I. 510
Proficisci non debet Sacerdos vel Clericus sine literis canonicis: sine jussu sui Episcopi. <i>C. Laodiciæ an. 363. tit. 41. 42.</i>	I. 165	<i>Chrodegangus tit. 48.</i>	I. 110
<i>C. Aquisgran. an. 816. tit. 81.</i>	I. 476	Purgatio & reconciliatio Episcopi fit suo juramento, cum duobus aut tribus Episcopis, aut Archiepiscopo, quod regicidii non sit reus. 2. Accusatus per suum hominem ad judicium Dei se offerat, ei juret, quod pro exitu judicii Dei accusatus sit innocens. Utrouque præstito Rex & Synodus pristino honori accusatum restituerunt. <i>C. Frankfurt. an. 794. tit. 9.</i>	I. 326
Sicut psallit Ecclesia Romana, sic Episcopus in Regno Caroli Regis psallat. <i>C. Aquisgran. an. 803. tit. 3.</i>	I. 378	Purgatio criminosis Sacerdotis ex decreto Leonis Pp. III. quæ & qualis instituenda. <i>C. Wormatie an. 803. tit. 1. 2. 3. 4.</i>	I. 376
Prochius, vel Monasteriis, vel Basilicis Martyrum præfetti Clerici in iis maneat. Sin: corripantur; si Laici vel Monachi, communione priventur. <i>Regino lib. 1. tit. 252.</i>	II. 479	<i>Regino lib. 2. tit. 277.</i>	II. 557
Puellarum Monasteria nullus Presbyter, Clericus, Laicus intret: missa celebrata Presbyter statim exeat. <i>C. Saltz. an. 803. tit. 5.</i>	I. 383	Judithæ Imperatricis injuste accusatæ, separatæ purgatio, & absolutio canonica. <i>C. Aquisgran. an. 831.</i>	II. 57
<i>C. Aquisgran. 813. tit. 26.</i>	I. 410		
Puellæ infantes ex solum in monasterio nutrantur, quæ in eo perseverantur sunt. <i>C. Saltz an. 803. tit. 6.</i>	I. 383		
In Monasterio puellarum pueri ne nutrantur. <i>Ibidem.</i>			
In iis arma ne deponantur: <i>Ibidem. tit. 8.</i>	I. 384		
Puellæ quanta diligentia custodiendæ			

Q.

In Quadragesima nec nuptiæ, nec natiuita

- talitia celebrantur. *C. Laodiceæ an.*
363. tit. 52. I. 166
- In quadragesima Marryrum natalitia
non sunt celebranda, sed commemo-
ratio eorum in Sabbato & Domini-
co conveniensest. *C. Laodiceæ an.*
363. tit. 51. I. 165
- Quadragesimæ observatio apud Cle-
rum, qualis? *Chrodegangus tit. 34.* I. 107
- Quatuor temporum jejunia quando
servanda. *C. Triburiense an. 1030.* III. 101
C. Aquisgran. an. 813. tit.
34. I. 411
- Querelam contra Episcopum vel
actorem Ecclesiæ habens, non pri-
us primatem, vel alios judices ad-
eat, quam ipsos familiariter & sæ-
pe convenerit. *Remedius tit. 22. an.*
820. II. 419
- Pro quotidianis humanæ fragilitatis
excessibus nemo penitentia reme-
diis se non egere putet. *Gregor. in*
Germ. 726. I. 37
- R.
- Rapiens puellam necdum desponsa-
tam, Laicus anathematizetur: ra-
piens Clericus, gradu suo decidat.
Cooperatores anathematizentur.
Nullus raptor puellam raptam sibi
jure vindicare potest. *Regino lib. 2.*
tit. 158. II. 537
- C. Aquisgran. an. 816. tit.*
23. I. 546
- C. Wormatiæ an. 868. tit.*
77. II. 320
- Rapta desponsata eruenda & sponso
reddenda, raptor publica peniten-
tia multetur. *Ibidem.*
- Rapta, si sponsus ei nubere nolit, quia
vim passa est, libera sit. Si raptori
consensit, simili penitentia subja-
ceat. *C. Ancyra an. 314. tit. 10.* I. 147
C. Aquisgr. 816. tit. 24. I. 547
- Rapiens Sanctimonialem, vel viduam,
vel e Monasterio, publicæ peniten-
tiæ subiaceat, sine spe conjugii. *Re-*
gino lib. 2. tit. 163. 164. II. 538
- Raptor, etsi desponsatæ raptae vim in-
tulisset, attamen sponso eam reddat.
Regino lib. 2. tit. 155. 157. II. 537
- Rapiens viduam, filiam Regis, anathe-
matizetur. *Regino lib. 2. tit. 278. ad*
281. II. 557
- Deraptu virginum & viduarum, Ot-
tonis I. Imp. edictum. *C. Franco-*
furd. an. 952. II. 678
- Rapinas exercens rerum Ecclesiæ, ab
omni societate missæ, & foribus Ec-
clesiæ excludatur. *C. Tullenf. an.*
860. tit. 4. II. 256
- Index Chronol. Canon.
- Participantes rapinæ exclusi eodem
modo. *Ibidem.*
- C. Colonia an. 887.* II. 365
- Rapiens res Ecclesiæ, sacrilegus est, &
homicida; tripliciter ablatum com-
ponat, banno Episcopi stringatur.
à Comitè coerceatur, obligetur
ad compositionem & restitutio-
nem. *C. Triburiense an. 895. tit. 7. II.* 395
- Rapina & violentia ab Episcopis &
Comitibus prohibenda. *Reg. lib.*
2. tit. 278. ad 281. II. 557
- Raptores rerum Ecclesiæ, qui puni-
endi. *Regino lib. 2. tit. 283. ad 288.* II. 557
- Raptores, si non excommunicat epif-
copus, excommunicatus sit ipse.
Regino lib. 2. tit. 293. II. 559
- Rebaptizatio non est licita. *C. Afri-*
canum tit. 15. I. 209
- Rebaptizati sine necessitate septem
annos inter Catechumenos orent,
duos inter Catholicos: post ex-
oblatione & Eucharistia commu-
nicent. *Regino lib. 1. tit. 268.* II. 481
- Reclusi, nisi Episcopo Provinciae &
Abbate comprobantibus, nulli fiant.
C. Francofurd. an. 794. tit. 12. I. 326
- Reconciliatio Episcopi cum excom-
municato, qui fiat? *Regino lib. 2. tit.*
414. II. 576
- Redemptio Jejunii. Siquis non pos-
sit jejunare, & dives sit, pro 7. heb-
domadis solvat solidos 20., si non
possit tantum, decem, si pau-
per tresolidos: sive pro redemp-
tione captivorum, sive super Alta-
re, sive Dei servis, sive paupe-
ribus.
- Pro uno mense in pane & aqua jeju-
nando, psalmos decanter MCC. ge-
nuflexo, sine genuflexo MDCL-
XXX. & omni die, si potest, res-
ciat ad Sextam, Feria IV. & VI.
usque ad Nonam, & vinum non
sumat. *Regino lib. 2. tit. 438. 439.* II. 581
- Refectio Clericorum quando semel,
quando bis in die sumenda? *Chro-*
degangus. tit. 35. I. 108
- Regis officium & ministerium. *C.*
Aquisgran. an. 836. tit. 3. II. 83
C. Aquisgran. an. 888. II. 370
- Inter Regis Advocatum & Romanæ
Sedis Advocatum disceptatio Sy-
nodalis. *C. Augustanum. an. 1062.* III. 128
- Pro Rege orationes fiant ab omnibus.
C. Moguntia, an. 888. tit. 1. II. 371
- Regulæ Sanctorum Patrum per sin-
gula nunc usque (annum 451.)
Concilia constitutæ vigorem ob-
tineant. *C. Chalcedon. an. 451.*
tit. 1. I. 176
- Y y y y y Regu-

- Tom. pag. Tom. pag.
- Regularia decreta pro monachis S. Benedicti a Simperro Augustano episc. collecta. *In C. Franco* 803. I. 378
- Regulae Ecclesiasticae Sanctorum Apostolorum. I. 131
- Regulae Ancyranæ Concilii. I. 146
- Regulae Gangrensis Concilii. I. 152
- Regulae Ecclesiasticae Chalcedonenſis Concilii. I. 176
- Hic stilus codicis Dionysiani.*
- Regula Canonicoꝝ Merendis episcopi *Chrodegangi. an. 762.* I. 196
- Regula Canonicoꝝ Concilii *Aquisgranensis anni 816.* I. 430
- Regula Sanctimonialium Concilii *Aquisgranensis an. 816.* I. 514
- Reordinatio non est licita. *C. Africanum tit. 15.* I. 209
- Repudium uxoris vivæ & ductio alterius adulterium est. *Regino l. 2. tit. 101.* II. 530
- Restauratio Ecclesiæ a Comite, Episcopo, Abbate & Misso. Regio confideretur. Quisque tantum ad restaurandum det, quantum de rebus Ecclesiæ habet. Vassi pro rata possessionum dent materialia, vel argentum, unde emi queant, & conduci operarii. *Regino lib. 2. tit. 36. & 37.* II. 447
- Rixæ in atriis Ecclesiæ vel in Ecclesiâ factæ, placita secularia inibi non fiant. *C. Moguntia an. 888. tit. 21.* II. 374
- Romani Episcopi Legati interfuere Concilio Africano A. CCCXVIII. cum plurimis Archi-episcopis. *C. Africanum tit. 94.* I. 229
- S. Petri in Romano Episcopo persona honoranda est, ut si quis Episcopus iudicatus in causâ, quam putat se bonam habere, scribatur pro ea causâ ad Romanum Episcopum, qui si iudicaverit, renovandum esse iudicium, renoveretur & det iudices. Si autem iudicaverit causam non esse refricandam, acta confirmata erunt. *C. Sardica an. 347.* I. 190
- Romanæ Ecclesiæ canonum codicem datum fuisse ab Hadriano I, Carolo M. certum est, quem Rex Carolus anno 789. publicasse videtur. I. 263
- Romano Pontifice inconsulto causæ Episcoporum non sunt definiendæ. *Remedius tit. 39.* II. 423
- Apud Romanam Sedem Episcopi Germaniæ accusati fuere ob communionem cum excommunicatis. *C. Altheim. an. 916. tit. 1.* II. 583
- Romani nullus eat, nisi cum licentia Episcopi, aut ejus Vicario, a quo mo- dum poenitentiae accipiat. *C. Salin-genstat. an. 1022. tit. 15.* III. 57
- Ut Papa nec ordinet, nec absolvat Constantiensis Episcopum suffraganeum suum, se inconsulto, orat Metropolita Moguntinus. *Sigefridi Epistol. anno 1072.* III. 157
- Romani non ivisse se, nisi causa orationis & cum licentia sui Episcopi, excusat se Abbas S. Huberti coram Synodo. *C. Leodiense an. 1074.* III. 165
- Relicta Presbyteri vel Diaconi, cui- cunque nupserit, ab Ecclesiâ pellatur, marito simili pena plectendo. *C. Epaonense 517. tit. 32.* II. 684
- Reliquiæ Sanctorum in oratorii villaribus non ponantur, nisi adfuerint Clerici, frequentia psallendi sacros cineres honorantes. *C. Epaonense anno 517. tit. 25.* II. 683
- Restitutio facta Ecclesiis Bavariae ab Arnulpho malo poenitente. *C. Dingolzinga an. 932.* II. 603
- Ruotgerus Trever. Archiep. librum Ecclesiasticarum Sanctionum Cleri assensu probatum scripsit. *C. Treverense an. 927.* II. 610

S.

- In Sabbatis Evangelica cum aliis scriptis legi convenit. *C. Laodiceæ an. 363. tit. 15.* I. 163
- Sacerdotii seu Pontificalis ordinis ry- pus: Apostolorum successio, officium, ordinatio, obligatio. *C. Aquisgrani an. 816. tit. 9. 10. 11. I.* 439
- Sacerdotes ante trigelimum annum non ordinandi, juxta canones. *Zacharias Pp. in German. an. 751.* I. 89
- Si necessitas poscit a 25. annis Sacerdotes ordinentur & Levitæ. *Idem e Bonifacio Moguntino.* I. 89
- Sacerdotes aptis temporibus ordinandi. Si ex zelo fidei alio tempore, a Deo indulgentia petatur. *Idem Zacharias Pp. ibidem.*
- Sacerdotum filii spectacula secularia nec exhibeant nec expectent. *C. Carthagini. tit. 15.* I. 201
- Sacerdotes sancti contemplativæ vitæ possunt esse participes. *C. Aquisgr. an. 816. tit. 19.* I. 455
- Sacerdos bonæ vitæ nil prodest, si male viventes non arguat. *C. Aquisgr. an. 816. tit. 26.* I. 459
- Sacrarium mulieres ne ingrediantur. *C. Laodiceæ tit. 44.* I. 165
- Regino lib. 1. tit. 198. 199.* II. 470
- Sacræ Deo feminæ, nec vasa sacra, nec pallas sacras contrectare, nec incensum circa Altare ferre debent. *Remedius tit. 37.* II. 422
- Sacra.

Tom. pag.

- Sacramentum fidelitatis Regi & proprio seniori tantum fiat. *Regino lib. 2. tit. 314.* II. 562
- Sacramentales homines ad palatium venire coguntur. *Regino lib. 2. tit. 315.* II. 562
- Ubi mallum habetur, ibi iuramentum fiat juxta antiquam consuetudinem. *Ibidem.*
- In Sacrificio non vinum purum, sed aqua mixtum offerendum. *Regino lib. 1. tit. 66.* II. 452
- In Sacrificio offerens super Altare præter ordinationem Domini mel, lac, aut ficeram, aut alia, deponatur. *Apostolo, canon. 111. Regino lib. 1. tit. 63.* I. 131 II. 451
- Sacrificium non nisi a jejunis celebrandum, excepto die anniversario crenæ Domini. *C. Africanum tit. 8. & 14.* I. 208
- Sacrificium in solariis, in cubiculis, propter infirmos, vel iter facientes offerre, & in omnibus locis Deo non consecratis interdictum. *C. Metense an. 888. tit. 5.* II. 382
- Sacrificia nocturna, dæmonum auguria, incantationes puniuntur, lege Cæsarea & Ecclesiastica. *Regino lib. 2. tit. 355, ad 358.* II. 567
- Sacrificandum nec ubique nec a solo. *Remedius tit. 9.* II. 416
- Regino lib. 1. tit. 339.* II. 493
- Sacrilegium gravius peccatum quam fornicatio. *Remedius tit. 34.* II. 422
- Sacrilegium IX. Weregildis componendum, si neget, cum XIV. electis, aut cum LXXII. ingenuis juret super Altare. *C. Consuetudinæ an. 922. tit. ult.* II. 600
- Sacrilegio in atrio Ecclesiæ facto, Weregilda Altari & Domino ejusdem loci solvatur. *C. Triburiana an. 895. tit. 4.* II. 392
- Sanctorum incertæ memoriæ non veneranda. *C. African. tit. 50.* I. 217
- Capitul. Aquisgran. an. 789. tit. 42.* I. 276
- Sancti novi non colantur, nec memoriæ eorum erigantur, sed ii soli, qui ex auctoritate passionum & vite merito, electi sunt. *C. Francofurt. an. 794. tit. 42.* I. 328
- Sanctorum corpora transferre de loco in locum, deinceps (post 813.) sine consilio Principis, vel Episcoporum, vel Synodi nullus præsumat. *C. Aquisgran. an. 813. tit. 51.* I. 412
- Sanctimonialis, nec palatium, nec Convventus publicos adeat. *Regino lib. 2. tit. 176.* II. 549

Tom. pag.

- Duabus Sanctimonialibus propter facinus ejectis sine velo, sancta Synodus jussit yela reddi, intra Monasterium recludi cum pane & aqua brevi usque ad satisfactionem. *C. Metense an. 888. tit. 6.* II. 382
- Sanctimoniales, quid agere debeant. *Regino lib. 2. tit. 169. & 180.* II. 549
- Causela monialium contra accessum virorum. *Ibidem.*
- Sanctimonialis, si pro lucro animæ cum licentia Abbatis transsit ad aliud monasterium, licet: si profuga disciplinæ: non licet. *Regino lib. 2. tit. 180.* II. 542
- Sanctimoniales corruptæ non admittendæ ad penitentiam, nisi moruo corruptore. *Regino lib. 2. tit. 72.* II. 549
- Saxonum de conversionis modo epist. Hadriani Pp. ad Carolum M. an. 785. II. 247
- Sardicensis Concilii anno 347. celebrati Canonibus, subscripserunt decem Episcopi ex Germania. I. 8
- Scientia Ecclesiasticorum.*
- Convenit scire Sacerdotali Ministerio formam Evangelicam, documenta Apostolica, Canonum instituta, formam Regulæ Pastoralis S. Gregorii Pp. *C. Aquisgran. an. 816. tit. 4.* II. 79
- Inlitterati ne ad Clerum promoveantur. *Regino lib. 1. tit. 411.* II. 505
- Cum schismaticis non oportet pariter orare. *C. Laodiceæ an. 363. tit. 33.* I. 164
- Scholæ pro fidelibus per singula episcopia & Monasteria instituendæ. *Caroli Mag. Capit. 787.* I. 261
- Scholæ legentium puerorum per singula Episcopia & monasteria. Psalmos, notas, cantus, computum, grammaticam discant. Libros Catholicos bene emendatos habeant, scribere discant. *C. Aquisgr. an. 789. tit. 72.* I. 282
- Scholæ in Monasterio non habeantur, nisi eorum, qui oblari sunt. *C. Aquisgran. an. 817. tit. 45.* II. 6
- Scripturæ librorum canon, sæculi octavi & 9ti. *Capit. Aquisgran. an. 789. tit. 20.* I. 271
- C. Carthaginense ante 418. tit. 24.* I. 203
- Præter Scripturas Catholicas nil in Ecclesia legatur. *Ibid. Carthagin.*
- Sacra volumina sola novi & veteris testamenti, non plebei Psalmi, nec præter canonem libri in Ecclesia cantari, vel legi debent. *C. Laodiceæ an. 363. tit. 59.* I. 166

Y y y y a

Scripta

	Tom. pag.		Tom. pag.
Scripta, mala vi, vel fraude extorta, nulli patrocinantur. <i>Remedius tit. 22.</i>	II. 418	licentia Domini. <i>Capit. Aquisgr. an. 789. tit. 23. & 27.</i>	I. 279
Seditiosi Clerici, si arma sumserint, in Monasterium contrahantur. <i>Regino lib. 1. tit. 167.</i>	II. 465	<i>C. Francofurd. an. 794. tit. 23. I.</i>	327
Sedes Episcopi in Ecclesiis statuta indicat potestatem judicandi, solvendi. <i>Remedius tit. 49.</i>	II. 426	Docens servum Dominum contemnere, Christianitatis obtentu, anathema sit. <i>C. Gangrense an. 324. tit. 3.</i>	I. 153
Seminis effusi in Ecclesia, item in somno, quæ poena? <i>Regino lib. 2. tit. 251. & 252.</i>	II. 553	<i>C. Altheim an. 916. tit. 9.</i>	II. 590
Mulier semen viri in potu bibens, puniendi uti magi & arioli. <i>Regino lib. 2. tit. 362. 363.</i>	II. 568	Ordinatus, cujus servitus ignorabatur, si Dominus eum libertate donet, maneat in gradu: si noluit libertate, gradum amittat. Servi Ecclesiarum, si publicari utiles Ecclesie erunt, liberi fiant, & promoveantur ad Clerum. <i>C. Aquisgr. an. 816. tit. 6.</i>	I. 544
Separatio ob incestas nuptias delatas, quando & an perpetuo facienda. <i>Regino lib. 2. tit. 213. ad 229.</i>	II. 548	<i>Regino L. 1. tit. 399.</i>	II. 502
Sepeliatur nemo infra Ecclesiam, nisi Episcopus, Abbas, vel dignus Presbyter, vel fidelis Laicus. <i>C. Aquisgran. an. 813. tit. 52.</i>	I. 412	Si quis proprium servum extra judicium necat, excommunicetur, vel poenitentiam biennio agat. <i>C. Epaoen. an. 517. tit. 34.</i>	II. 684
Sepeliendas mortuus ibi, ubi sedes Episcopi. Si hoc ob distantiam, aut aliam causam fieri nequit, sepeliatur apud congregationem Canonicorum, aut Monachorum. <i>C. Triburiae an. 895. tit. 15.</i>	II. 396	<i>C. Moguntiae an. 847. tit. 22.</i>	II. 158
Si & hoc fieri non possit, sepeliatur, ubi decimam vivus solvit. <i>Ibidem.</i>		<i>Rhabanus canon. III.</i>	II. 194
Sepultura locus pro Christianis non emendus. <i>C. Atrebatum an. 1025.</i>	III. 85	<i>C. Wormatie an. 868. tit. 38.</i>	II. 315
Sepulturam denegare, & pretio vendere, interdictum. <i>C. Triburiae an. 895. tit. 16.</i>	II. 396	<i>Regino L. 2. tit. 26.</i>	II. 519
Laicus in Ecclesia, ne sepeliatur, nisi vitæ merito justus. <i>Ibid. eod. Conc. tit. 17.</i>		Dominus verberando servum occideas, culpa homicidii non tenetur, quia noluit occidere. <i>Reg. L. 2. t. 59.</i>	II. 524
Pro sepultura nemo quidquam exigat. <i>Regino L. 2. tit. 122. 123.</i>	II. 461	Servus atrociori reatu culpabilis, si ad Ecclesiam confugerit, a corporalibus tantum suppliciis excusetur. <i>C. Epaoenense an. 517. tit. 39.</i>	II. 685
Sepulchrum violans spoliando, septem annos poeniteat, tres in pane & aqua. <i>Regino L. 2. tit. 268.</i>	II. 555	Servus Dominum fugiens ob crudelitatem, moneatur, ut ad herum redeat: si propter superbiam, anathema sit. <i>Rhabanus tit. 5.</i>	II. 217
Si Clericus sepulchrum spoliet, ab ordine motus, triennio poeniteat. <i>Idem L. 0. tit. 269. ibid.</i>		<i>C. Altheim an. 916. tit. 9.</i>	II. 590
Servum nemo ordinet, nisi libertate donatum a Domino. <i>C. Aquisgr. an. 816. tit. 6.</i>	I. 544	Episcopus, si ignorante Domino servum sciens ordinet, ordinatus maneat in officio Clericatus: at episcopus duplicem satisfactionem Domino persolvat. Si Episcopus ignarus servum ordinet, promotores servi ordinati, aut testes duplum hero solvant. <i>C. Wormatie an. 868. tit. 40.</i>	II. 316
<i>C. Triburiae an. 895. tit. 29.</i>	II. 400	Servi fugitivi Ecclesie ab Episcopo distrahantur. <i>Regino L. 1. tit. 352.</i>	II. 495
<i>Regino L. 1. tit. 391. 392.</i>		Servus retento obsequio manumissus, non est ad Ordines promovendus. <i>Regino L. 1. tit. 394.</i>	II. 502
393.	II. 501	Servis adulterium Domini vel Dominae secum factum accusare licet; & si probaverint, libertatem consequuntur. <i>Regino L. 2. tit. 147.</i>	II. 536
Servus clam vel dolo ordinatus, deponatur, & Dominus recipiat eum. <i>In Tribur. Concil. ibid.</i>		Servus, si ancillam suam concubinam habet, potest illam dimissa, ancillam Domini sui ducere. <i>Regino L. 2. tit. 120.</i>	II. 533
<i>Regino L. 1. tit. 396.</i>	II. 502	Servus & ancilla, si venditione facta separentur, suadentur ita manere: Lex Romana vult venditione	NON
Servum præter Domini conscientiam recipere in Monasterio, obtentu Monachi non licet. <i>C. Chalkedon. an. 451. tit. 4.</i>	I. 177		
Servum alterius nemo solliciter ad Clericatum vel Monasterium sine			

- non separari servum ab uxore:
Lex Longobardica veteris transitum
ad alias nuptias. *Regino L. 2. tit.*
123. II. 333
- Peculium Servorum (si libertate do-
nati, ordinentur) semper in Do-
mini potestate erit, velit dare an
non. *Regino L. 1. tit. 397.* II. 302
- Proles servi, et si is liberum ducat,
una cum matre servituti succumbat.
Edictum Henrici I. Regis.
C. Goslariense an. 1018. III. 50
- Sigebertus Gemblacensis, an iure re-
prehendit Gregorii VII. Papæ de-
creta & dicta? III. 233
- Simonia, quæ & qualis sit hæresis?
III. 230
- Altare Episcopus, vel Archidiaconus
pro munere vendens, cum Simo-
ne Mago anathema sit. C. Saligui-
stad. an. 1022. tit. 22. III. 58
- Chrisma, baptismum, sepulturam
Sacerdos vendens, anathema sit.
Idem Concil. Abidem.
- Officia ecclesiastica ab Episcopo, pres-
bytero, Diacono per pecunias, per
munus a lingua, obtemperata si fuerint,
deiciantur ab officio obtemperantes &
ordinatores, & a communione ab-
scindantur. *Apostolorum canon. 30.* I. 133
- C. Chalcedon. an. 451. tit. 2. I. 178
- Regino L. 1. tit. 233. ad 240.* II. 478
- Per pecunias ordinatus, deponendus,
uti & ordinans, & mediator inter
eos. *Capitul. Aquisgran. an. 789.*
tit. 11. I. 271
- C. Moguntia an. 847. tit. 12. II. 158
- Regino L. 1. tit. 338.* II. 493
- De Episcopis pro Ordinatione Sacra-
dotii munera accipientibus. C.
Aquisgr. an. 816. tit. 38. I. 470
- Nemo per pecunias ordinandus: nec
per munera Ecclesiæ occupanda.
Si: ordinans & Ordinatus depo-
nendi. *Hayto tit. 12.* II. 18
- Nemo ambitione munerum Episco-
parum attentet. C. *Aquisgran. an.*
816. tit. 1. II. 77
- Nec Episcopus, nec Minister ejus ali-
quid exigat pro distributione sa-
crorum Ordinum: pro Dedicatio-
ne Ecclesiæ: pro acceptione sacri
Chrismatis: pro immutatione ti-
tulum. *Idem. Concil. tit. 5. ibidem.*
- Per pretium, gradum, vel Ecclesiam
acquirens, ex Conciliis Remensi,
Aurelianensi, Turonensi depona-
tur. *Rabanus tit. 19.* II. 204
- Pro Chrismate, pro Baptismo, &
Communione quid accipere, si-
monia est: item pro sepultura. C.
Triburia an. 895. II. 410
- Index Chronol. Canon.*
- Sirmienfis Concilii Ariana formula
anno 357. missa Episcopis Germa-
niæ primæ & secundæ, ab iisdem
rejiçitur & damnatur. I. 131
- Slavi decimas dent, ut alii Christiani,
& banno constringantur. C. *Salig-
enstad. an. 1022. tit. 22.* III. 58
- Species variæ frugum offerendæ ad
altare ad benedictionem, non ad
Sacrificium. *Apostolorum Canon. 4. I.* 131
- Regino L. 1. tit. 64.* II. 451
- Spectacula die Dominico, aut festo mi-
nime celebranda. C. *African. tit. 28. I.* 214
- De Spiritu S. processione a Patre
Filioque sententia. C. *Aquisgran.*
an. 809. I. 390
- De additamento. *Filioque* ad symbo-
lum, Palatii Regii consuetudo: Pa-
pæ contraria opinioni. *Ibid.* I. 394
- Spolia defuncti Episcopi, sed res ab
Episcopo post ordinationem acqui-
sitæ, spectant ad Ecclesiam, non
ad hæredes. Res, quas ante ordi-
nationem habuit, hæredibus & pro-
pinquis cedunt. C. *Francfort. an.*
794. tit. 41. I. 328
- C. Chalcedon. an. 451. tit. 22. I. 179
- C. *Aquisgran. an. 816. tit. 88. I.* 477
- C. *Wormatia an. 868. tit. 75. II.* 320
- Res Episcopi defuncti ad Clericos non
spectant. *Ibidem.*
- Spoliato Episcopo primum omnia re-
stituenda, tum judicandus. *Rem-
dus tit. 41.* II. 423
- Sodomiae crimen, quantum? *Regino*
L. 2. tit. 254. ad 261. II. 554
- Solemnitates præcipuæ in Metensi
Provincia sæculo octavo colendæ.
Chrodegangus tit. 74. I. 118
- Solemnitates præcipuæ pro Benedi-
ctinis sæculo nono. C. *Aquisgran.*
an. 817. tit. 46. II. 6
- Sororis sponsam si quis violavit & du-
xit, & hæc se perimar laqueo:
conscii post decennem satisfactio-
nem suscipiantur secundum gra-
dus constitutos. *Regino L. 2. tit.*
192. II. 544
- Sponsus & sponsa benedicendi, a pa-
rentibus vel paranympis Sacerdo-
ti offerantur; accepta benedictione
eadem nocte maneant in virgini-
tate. *Regino L. 2. tit. 153.* II. 537
- Sponsam alterius nemo accipiat. *Ca-
pitul. Aquisgran. an. 789. tit. 51.* I. 278
- Regino L. 2. tit. 154.* II. 537
- Sponsaliorum fidem frangentes pa-
rentes, trienni tempore abstin-
neant. Si ipsi, sponsus vel sponsa,
in gravi crimine fuerint depre-
hensi,

	Tom. pag.		Tom. pag.
henſi, parentes excuſati erunt. <i>Regino L. 2. tit. 152.</i>	II. 537	Suſpenſis in patibulo ſepultura Eccleſiaſtica, & ſi conſeſſi fuerint, danda.	
Sponſoris in Baptiſmo erga filios & filias ſpirituales obligatio. <i>Hayto tit. 25. ante 820.</i>	II. 20	<i>C. Wormatiæ an. 868. tit. 80.</i>	II. 320
Stabulenſis ac Malmundarienſis Monafteriorum conjunctio perpetua ſub unico Abbate libere eligendo. <i>C. Ingelheim an. 979.</i>	II. 659	<i>Regino L. 2. tit. 93.</i>	II. 528
Stipendia Eccleſiaſtica, qui Clerici in congregatione canonica conſtituti, accipere debeant? <i>C. Aquisgran. an. 816. tit. 120.</i>	I. 501	Synodi bis in anno celebranda. <i>Apoſtol. Can. 38.</i>	I. 134
Stipendia pauperum, cui in congregatione canonica committenda? <i>C. Aquisgran. an. 816. tit. 141.</i>	I. 512	<i>C. Nicæe an. 325. tit. 5.</i>	I. 138
Cum Stola incedant Presbyteri; ſi ſine ſtola occidantur, ſimplici emendatione: ſi cum ſtola occidantur, duplici emendatione ſolvantur. <i>C. Triburiae an. 895.</i>	II. 410	<i>C. Antiochen. an. 314. tit. 16.</i>	I. 159
Subdiaconi officia: obligatio. Ordinantur ſine manus impoſitione. <i>C. Aquisgran. an. 816. tit. 6.</i>	I. 437	<i>C. Chalcedon. an. 451. tit. 19.</i>	I. 179
Subdiaconi non debent panem dare, nec calicem benedicere. <i>C. Laodiceæ an. 363. tit. 26.</i>	I. 164	<i>Capit. Aquisgran. an. 780. tit. 13.</i>	I. 270
Subdiaconi non habent locum in Diaconio, nec Dominica vaſa contingant nec oſtia derelinquant. <i>Ibid. tit. 21. 22. 43.</i>		Synodus ſingulis annis congreganda. <i>C. Germanicum loc. incert. an. 742.</i>	I. 48
Subditi boni ſub paſtorali regimine: ſubditi invidi & prorervi. <i>C. Aquisgran. an. 816. tit. 104. 105.</i>	I. 486	<i>C. Suſſionenſ. anno 745.</i>	I. 58
Subſtantia defuncti Presbyteri in quatuor partes dividatur: 1. Episcopo, 2. Altari, 3. Pauperibus, 4. Parentibus. Si parentes non habeat, Episcopus in uſum Eccleſiæ diſtribuat. <i>C. Triburiae an. 895.</i>	II. 409	Synodis ſuperioribus (ante A. 402.) acta in Eccleſiis Africanis, confirmantur in Synodo Africana anno 402. <i>C. African. tit. 52.</i>	I. 218
Succellor ab Episcopo, dum vixerit, non conſtituatur. Poſt mortem cum Synodi judicio poteſt conſtitui. <i>C. Antiochiæ an. 341. tit. 23.</i>	I. 160	Synodos apud ſe nullis celebrare liceat, præter eos, quibus a Metropolitanis commiſſum: Synodus perfecta eſt, cui præeſt Metropolitanus Episcopus. <i>C. Antiochen. an. 341. tit. 16. 20.</i>	I. 159
<i>Zacharias PP. Bonifacio an. 742.</i>	I. 45	Ad Synodum venire contemnens vocatus, peccat. <i>C. Altheim an. 916. tit. 8.</i>	II. 581
Suffraganei Episcopi metropolitanum reſpiciant: ſine ejus conſilio aut conſcientia nihil in Parochiis audeant. <i>Capitul. Aquisgran. an. 789. tit. 8.</i>	I. 268	Sin eat vocatus Episcopus, ſeipſum accuſet, niſi ægritudo excuſet. <i>C. Laodiceæ an. 363. tit. 40.</i>	I. 165
Superſtitionum abjuratio ante Baptiſmum facienda. <i>C. Liptinenſ. an. 743.</i>	I. 51	<i>C. African. tit. 43.</i>	I. 216
Superſtitioſam medicinam adhibens agro ex ignorantia, corripatur diſciplina vel jejunio. <i>Rhabanus tit. 2.</i>	II. 212	Negligens adeſſe Episcopus Synodo, aut ante ſinem deſerens; ſciat ſe alienum a fratrum communione, nec recipiendum, niſi in proxima Synodo fuerit abſolutus. <i>C. Wormatiæ an. 868. tit. 16.</i>	II. 313
Suſpendendis in patibulo, ſi dignam conſeſſionem fecerint, communio danda. <i>Conc. Moguntiae anno 847. tit. 27.</i>	II. 159	Suffraganei Treverico Mappinii Tulenſis Episcopi excuſatoria apud Metropolitanum abſentia a Synodo <i>Episc.</i>	I. 13
		In Synodi initio abſentium excuſatoria literæ, vel Legatorum excuſatio audienda. <i>C. African. in initio.</i>	I. 207
		Abſentium Episcoporum Synodo obſervata excuſationes actis Synodi inferenda. <i>C. African. tit. 56.</i>	I. 219
		Ad Synodum vocati Episcopi, nec venientes, nec per Legatum excuſati inſeruntur Miſſa, dum Romæ Papæ ſe purgent. <i>C. Altheim an. 916. tit. 8.</i>	II. 589
		Literæ in Synodo Africana ſcriptæ, a Carthagenenſi Episcopo nomine omnium ſubſcribuntur. <i>C. African. tit. 52.</i>	I. 218
		E Synodo dies Sanctæ Paſchæ inpoſteſcat. <i>C. African. tit. 1.</i>	I. 208
		Ignorans, quid ſit in Synodo conſtitutum, inquirat a civitatibus, quæ in canali, hoc eſt, in itinere ad Synodum ſunt. <i>C. Sardicæ an. 347. tit. 12.</i>	I. 192

Tom. pag.

Tom. pag.

- Propter inopiam Provinciæ Tripolitanae sufficit, unum Episcopum ad Legationem venire: Presbyterum a quinque, Diaconum a tribus Episcopis audiri. *C. Carthaginiens. tit. 14.* I. 201
- Synodi Romanæ anni 649. acta, mittit S. Martinus Papa Amando Episcopo Trajectensi, communicanda Episcopis Galliæ. I. 28
- Synodica Tullensis Concilii ad Britannia Episcopos, ut Metropolitanò obediunt. *C. Tulli an. 859. tit. 8. 9.* II. 181
- Ejusdem Concilii Synodica ad Weni- nonem Archiep. Senonensem, cum capitibus accusationis. II. 179
- Synodica Tullensis Concilii ad Brit- tones, ne communicent excommu- nicatis. II. 182
- Synodica Ticinensis Concilii pro Gun- thario & Theutgaudo Archiepp. restituendis ad Nicolaum PP. *an. 866.* II. 331
- Synodica Brunonis I. Archiep. Colon. ad Agapitum Papam, ex Concilio Colon. *an. 964.* II. 629
- Synodica Concilii Moguntini a Rha- bano Archiep. scripta ad Hincma- rum Remensem, de erroribus Go- rescalci prædestinati *an. 848.* II. 163
- Synodi juratores, quot & quales? *Regino L. 2. tit. 2.* II. 512
- Synodale Sacramentum. *Ibidem. tit. 3.*

T.

- Tabularii, id est, missi per tabulam manuscriptam: de iis, sicut de longo tempore fuit, sic observetur. *C. Duriense an. 779. tit. 15.* I. 240
- Tabernas nec Clerici, nec Monachi ingrediantur, nisi peregrinationis necessitate. *C. Carthaginiens. tit. 7.* I. 208
- C. Laodiceæ an. 363. tit. 24.* I. 164
- C. Francoford. an. 794.* I. 326
- Regino L. 1. tit. 177. ad 180.* II. 466
- Tactus inuerecundi, quæ pena? *Re- gino L. 2. tit. 251.* II. 553
- Terminum habeat Ecclesia, de qui- bus villis decimas recipiat. *Regino L. 1. tit. 24.* II. 446
- Testamenti condendi licentiam dat Canonis Wiliberti Archi-Episc. Coloniae. *C. Coloniae an. 873. tit. 4.* II. 356
- Testamento condito Episcopus, si quid de Ecclesiæ proprietate lega- vit, non valet, nisi tantum de pro- prietate suppleverit. *C. Epauæ an. 517. tit. 17.* II. 683
- Sine testamento, si quis in gradu Ec- clesiastico decedat, item Monialis,

- si sine testamento decedat, hæredi- tas ad Ecclesiam devolvatur. *C. Tri- buria an. 895.* II. 409
- Testamentum Episcopi, qualiter va- leat. *Regino lib. 1. tit. 354.* II. 495
- Testes contra Præfulem summum 72, contra Presbyterum 42, contra Diaconum urbis Romæ 26, contra Subdiaconum, Acolythum, Exor- cistam, Lectorem septem producan- tur, qui non sint infames, uxores & liberos habeant. *C. Moguntia an. 888. tit. 12.* II. 372
- Remedius tit. 40.* II. 423
- Testes sigillatim examinandi, ante- quam admittantur ad juramentum. *Regino lib. 2. tit. 314.* II. 562
- Testes e domo accusatoris producti, non admittuntur. *C. Triburia an. 895.* II. 411
- Semel perjurus, testis esse non potest. *Regino lib. 2. tit. 213.* II. 562
- Testimonii falsi a Clerico vel Laico facti pena. *Regino. lib. 2. tit. 333. ad 343.* II. 565
- Testimonium Laici adversus Cleri- cum nemo suscipiat. *C. Triburia an. 895.* II. 409
- Tonsuræ Clericorum usus, modus, significatio ex Scripturis & patribus. *C. Aquisgr. an. 816.* I. 435
- Tonsura dimissa Clericus nubens, ite- rum tondeatur. *C. Triburia an. 895.* II. 411
- Tonsus & ad Monasterium traditus, si in Ecclesia cepit canere & lege- re, nec Monasterium deserere, nec uxorem ducere poterit. *C. Triburia an. 895.* II. 411
- Trajectensis ad Rhenum Ecclesiæ, quot Ministeriales in Synodo comparere debent? III. 17
- Trajectensis ad Mosam Abbatia Rat- bodo Trevirensi Archi-Episcopo restituitur. *C. Aquisgr. an. 898.* II. 412
- Transitum ad aliud monasterium San- ctimonialis pro lucro animæ Syno- dus concedit, si fugâ disciplinæ, negat. *Regino lib. 2. tit. 180.* II. 542
- Transcuntes ad alias Ecclesias, & de- ferentes eas, in quibus promoti sunt, sunt revocandi ad primas vel excommunicandi. *Regino L. 1. tit. 247. ad 250.* II. 478
- Nullus contemta minore Ecclesia ad potio- rem aspiret vel transeat. *Re- gino L. 1. tit. 261.* II. 480
- Translationes Episcoporum non sunt licitæ. *C. African. tit. 15.* I. 209
- Translatio Ratisponensis Cathedræ e Monasterio S. Emmerani ad ali- um locum, auctoritate Papæ facta fuit. *C. Ratisbonæ an. 798.* I. 355
- Z z z z z z Tri-

- Tricennalis Lex præscribendi facultates Ecclesiæ, vel Dicecesin, quæ Principibus placuit, valeat, & pro possessore Ecclesiæ. *Regino lib. 1. tit. 18.* II. 445
- De rebus triginta annis sine interpellatione possessis, testimonia non recipiantur. *Regino lib. 1. tit. 19. Ibidem.*
- Terra apte triginta annos possessionis, si ab altero violenter ablata, reddatur repenti: si post triginta annorum possessionem, nil debetur. *Regino lib. 1. tit. 20. 21. 22.* II. 445
- Thymiamatis & incensi in Ecclesia origo, sacer, & pius usus. *C. Atribati an. 1025.* III. 81
- V.
- Vacantem per obitum sæcularem Ecclesiam nemo Sacerdos sine consilio Episcopi obtineat, nemo ambitione, vel prece, vel xenio a Patrono sæculari obtineat. *Regino lib. 2. tit. 433.* II. 580
- In Vadum nullus Presbyter Calicem, vel Patenam, vel pallium Altaris, vel vestem quamvis, vel librum dare præsumat. *Regino lib. 1. tit. 82.* II. 434
- Vagantes Episcopi & Presbyteri nec ministrent, nec ordinent sine conscientia Episcopi loci. *C. Wormatiæ an. 868. tit. 62.* II. 318
- Sin: ab officio suspendantur usque ad Synodum. *Ibidem.*
- Defensor talis vagantis excommunicetur usque ad emendationem. *Ibidem.*
- Vagabundi sine lege, dicti Mangones, & Coriones, qui dicunt a Sacerdote sibi injunctum, ut ferro constricti profugi per patrias ambulent; melius est, ut in uno loco permanent laborantes & servientes. *Regino lib. 2. tit. 80.* II. 527
- Vasa, quibus sacra mysteria conficiuntur, calices sunt & patenæ. Nemo lignea vasa adhibeat. *C. Triburiae an. 895. tit. 18.* II. 397
- Vasa sacra in pignus dari vetitum. *C. Aquisgrani tit. 13.* I. 545
- Vasa sacra non debent ab aliis contradari, quam à Deo sacratis, nulla vero a feminis Deo sacris contradari, aut ad Altare deferri. *Remedius tit. 26. & 27.* II. 420
- Vasa pro corporalibus & pallis lavandis propria habeantur, in quibus nihil aliud fiat. *Regino lib. 1. tit. 79. & 271.* II. 454
- Pallas sacras lavent Diaconi cum ministris, pallia laventur in alia pelve, in alia pelve vela. *Remedius tit. 2.* II. 414
- Vestes sacre Altaris, pallia, cathedra, candelabrum, velum, si vetustate consumpta, comburantur; cineres in baptisterium inferantur, aut in pariete, aut in fossis pavimentorum. *Remedius ibidem.*
- S. Udalrici Augustani Episcopi, Adalbero nepos, non quia Coepiscopus viventi, sed quia commendatarius procurator cum spe successionis a Synodo conceditur. *C. Ingelheim. an. 972.* II. 654
- Vendere rem Ecclesiæ, inficio episcopo, nemo auit. *Regino lib. 1. tit. 348. 349.* II. 494
- Quidquid Parochiarum Presbyteri de Ecclesiastici juris possessione detraxerint, inane vacuum. *C. Epone an. 517. tit. 7.* II. 682
- Venditio Abbatum sine consensu episcopi, ad potestatem episcopi revocetur. *Ibidem tit. 8.*
- Vendendi Episcopus, sine Metropolitanæ conscientia, de rebus Ecclesiæ non habet potestatem, sed commutatio concessa. *C. Epdonæ. 517. tit. 12.* II. 682
- Vestimenta & calcamenta Clericorum, qualia? *Chrodegangus tit. 41. I. 109*
- Vestium numerus & qualitas pro Benedictino Monacho definitur. *C. Aquisgr. an. 817. tit. 20. 21. 22.* II. 4
- Abque vestimentis Sacerdotalibus nullus Presbyter Missam canent. *Regino lib. 1. tit. 80.* II. 454
- In vestium cultu discretio tenenda a Canonis. *Chrodegangus tit. 54. I. 113*
- C. Aquisgr. an. 816. tit. 13. I. 504*
- Indumento virili utens mulier propter continentiam, anathematis. *C. Gangrense an. 314. tit. 13.* I. 154
- Ne Clericus laicali veste utatur, puta mantello vel cotto sine cappa: nec pretiosa, inepta, vana, sed religiosa & decenti. *C. Triburiae an. 895. tit. 337. I. 335. 336.* II. 493
- Vicarii & centenarii, quot placita in anno servare debeant aut possint. *C. Aquisgr. an. 828. tit. 5.* II. 50
- Vidua 30. dies post obitum mariti expectet, post Episcopi & amicorum consilio eligat, cui velit nubere. *Regino lib. 2. tit. 188. 189.* II. 543
- Viduae ne velentur. *Capitul. Aquisgr. an. 789. tit. 59.* I. 280
- C. Moguntia an. 888. tit. 26. II. 375*
- Viduae

Tom. pag.

Tom. pag.

Viduae velatae, obligatio perpetua continentiae. *C. Moguntia an. 860. tit. 13.* II. 243

Velatam in conjugium ducens a communione separatur, & detrudatur in carcerem: separatur perpetuo. *C. Triburienſis an. 895. tit. 23.* II. 398

Viduae velatae & sacrae, si clam vel palam violent propositum, ad finem vitae incarceratione poeniteant. Vir, qui eis vim intulit, ad poenitentiam constringatur. *C. Tulli an. 860. tit. 2.* II. 256

Qui viduam, aut meretricem, aut theatro deditam duxerit, non potest esse in ministerio sacro. *Apostolorum canon. 18.* I. 133

Vidua velata si professsa fuit se manifestam, non praesumat discedere. Si discedit, excommunicatur, donec redeat. *C. Wormatia an. 868. tit. 21.* II. 313

Viduae saeculares, si accusentur, Episcopi decreto, Regia potestate ad Monasterium releguntur. *Regino lib. 2. tit. 173, 174.* II. 540

Vidua velata, si sponte professsa est, & obrulit inter velatas, vel it nolit, non poterit deponere velamen. *C. Triburiae anno 895. tit. 25.* II. 399

Viduae, quae maritum mortuum credidit, velum imposuerat Episcopus; redit maritus ex captivitate praeter spem: recipit uxorem: velum in scriptis Ecclesiae reponitur. *C. Constantiae an. 919.* II. 591

Viduuarum benedictionem, quas Diaconas vocant, omnino prohibemus. *C. Epaoenſe an. 517. tit. 21.* II. 683

Vigiliarum Ecclesiasticarum antiquitas: *Conc. Aquisgran. anno 816. tit. 129.* I. 506

Presbyter Vigiliis cum jejuniis ante dies festos annuntiet. *Regino lib. 1. tit. 278. ad 282.* II. 483

Absens a Vigiliis absque infirmitate Clericus, stipendio privatus, excommunicatur. *Regino lib. 1. tit. 181. 182.* II. 467

Virgis cadenti colonos vel servos ob crimina Episcopo, Seniores heri, ne obstant. *Regino lib. 2. tit. 423.* II. 578

Virgines non velantur ante 25. annos, nisi rationabili necessitate cogente. *C. Africanum tit. 93.* I. 228

Capit. Aquisgran. anno 789. tit. 46. I. 277

C. Francofordiae an. 794. tit. 46. I. 328

Regino lib. 2. tit. 177. 178. 179. II. 542

Virgo velata XII. annos non consentiente patrono, eo repetente non tenetur sequi. Imo ne quidem, si post annum & dlem patronus repetat. *C. Triburiae an. 895. tit. 24.* II. 398

Velatae virgines, si vel publice, vel clanculo nupserint, non admittuntur ad poenitentiam, nisi mortuo complice peccati. *Zacharias Pp. decreto 20.* I. 82

Virgines sacrae, etsi non velatae, si propositum continentiae habuerint, & violaverint, aliquanto tempore poenitentiam agant. *Zacharias Pp. decreto 27.* I. 82

Rabanus tit. 24. II. 208

Velatae feminae in crimen lapsae poenitentia perpetua. *C. Moguntia anno 860.* II. 30

Virgines sacrae parentibus, a quibus custodiebantur, privatae ab Episcopo custodiantur. In absentia gravioribus feminis commendantur; vel similia habitando se custodiant. *C. African. tit. 93.* I. 209

C. Clavag. tit. 16. I. 201

Capitulum Aquisgranense an. 789. tit. 40. I. 276

C. Francofordiense an. 794. tit. 40. I. 328

Virginem ex gravi causa velans Episcopus intra XXV. annorum aetatis non peccat contra Concilium. *C. Africanum tit. 93.* I. 228

Virginibus Deo sacris se copulans, a sacra communione detrudendus: nisi si publicam poenitentiam egerint non recipiendus; in fine vitae, si poenituerit, viaticum non negetur. *C. Aquisgran. an. 816. tit. 25.* I. 547

Rabanus tit. 24. Ex Innocentio & Gelasio Decretis. II. 208

Velatae, si fornicatae fuerint, velum non deponant, sed poenitentiae iugo subiant, dum gratiam mereantur. *C. Wormatia an. 868. tit. 20.* II. 313

Virginibus sacris, si propter districtiorem vitam ad aliud Monasterium ire velint, conceditur. *C. Triburienſe an. 895.* II. 410

Virgines, si eos, a quibus violatae sunt, maritos accipiant, postquam unius poenitentiam reconcilientur. Si alium ab illo ducant, quinque poenitentia facta, ad communio-

	Tom. pag.		Tom. pag.
munitionem accedant. <i>Regino lib. 2. tit. 151.</i>	II. 537	Usuram Clericus accipiens, de jacturatur a Clero. <i>C. Niveae an. 325. tit. 17.</i>	I. 140
<i>Rabanus tit. 23.</i>	II. 208	Usuræ præsertim fescuplæ a Sacerdotibus & Clericis non accipiantur. <i>C. Laodiceæ an. 363. tit. 5.</i>	I. 162
Virginitatem custodiens, & nuprias horrescens, anathema sit. <i>C. Gangrense. an. 324. tit. 9.</i>	I. 154	<i>C. Carthagenen. tit. 5.</i>	I. 199
Virgo extollens se adversum conjugatos, anathema sit. <i>C. Gangrense an. 324. tit. 10.</i>	I. 154	<i>Cap. Aquisgr. an. 789. tit. 5.</i>	I. 267
<i>Conc. Aquisgrani anno 716. tit. 67.</i>	I. 474	<i>Et 33.</i>	I. 274
Visitandæ singulæ provincie tempore Concilii. <i>C. Africanum tit. 19.</i>	I. 210	<i>Rursum tit. 39.</i>	I. 474
Circuire provinciam, qualiter debeat Episcopus. <i>Regino lib. 2. tit. 1.</i>	II. 511	<i>C. Aquisgr. an. 816. tit. 62.</i>	I. 474
Forma visitandi tempore Caroli Magni. <i>Capit. Caroli Mag.</i>	I. 424	Usuram, nec Laici Christiani debent accipere. <i>C. Aquisgran. an. 816. tit. 62.</i>	I. 474
Allocutio & interrogationes visitaturi Episcopi faculo nono & decimo. <i>Regino L. 2.</i>	II. 438	Clericus usuras nec suo, nec alieno nomine exerceat. <i>C. Aquisgrani an. 816. tit. 92. 93.</i>	I. 477
<i>Regino L. 2. tit. 4. 5. & seqq.</i>	II. 512	<i>Hayto tit. 17. an. 820.</i>	II. 109
Visitanti Episcopo Diocesin, quæ & quanta mansionatica portio debeatur. <i>C. Moguntia an. 852.</i>	II. 168	<i>Regino L. 1. tit. 221. ad. 232.</i>	II. 474
Duos solidos tantum accipiat Parochiam circumiens. <i>Regino L. 1. tit. 11.</i>	II. 443	<i>Et tit. 284. ad. 287.</i>	II. 483
Episcopus non visitatis Parochiis pretium servitutis requirere non potest. <i>C. Triburia an. 895.</i>	II. 408	Vulnerantes, debilitantes, occidentes Subdiaconum, Presbyterum, quæ pœna Ecclesiastica, quæ civilis maneat? <i>C. Triburia an. 812.</i>	II. 23
<i>Regino L. 2. tit. 10. 13.</i>	II. 444	Vulnerans Sacerdotem, injuria & contumelia dehonefians, totam compositionem solvat Presbytero. Si mortuus fuerit Presbyter, trifariam Wergilda dividatur: 1. Altari, ad quod Presbyter ordinatus fuerat. 2. Episcopo. 3. Parentibus, id est, agnatis. <i>C. Triburia an. 895. tit. 4.</i>	II. 392
Episcopus visitans, non excedat numerum quinquagenarium evectionis, nec amplius, quam una die, in Basilica moretur. <i>Regino Lib. 1. tit. 8.</i>	II. 443	Uxorem dimittens, sic maneat, Nec dimissus, nec dimittens alteri nubat: aut reconcilientur. <i>C. Africanum tit. 69.</i>	I. 224
Unctio sacri olei, in quo salvatio infirmorum creditur, semel in anno feria V. in cena Domini ab Episcopo non negligatur per civitates mittenda. <i>C. Aquisgr. an. 836. tit. 8.</i>	II. 79	<i>Zacharias Bonifacio tit. 12. an. 745.</i>	I. 80
Ungendus infirmus & quomodo. <i>Regino L. 1. tit. 116. 117. 118.</i>	II. 460	<i>Capit. Aquisgran. anno 789. tit. 43.</i>	I. 276
Post unctionem corpore & sanguine Domini æger recreandus. <i>Regino L. 1. tit. 119.</i>	II. 460	Uxor ne commater ducatur. <i>C. Aquisgran. an. 813. tit. 55.</i>	I. 413
Volatiliu esu abstinendum, graculorum, cornicularum, ciconiarum. <i>Zacharias Papa S. Bonifacio anno 748.</i>	I. 88	Ne filiola spiritualis five ex confirmatione, five ex baptismo, uxor ducatur. Si factum fuerit post A. 813, separentur. <i>C. Aquisgran. an. 813. eod. tit.</i>	I. 413
Vota parentum pueros offerentium Monasterio, a pueris vel ratificanda vel revocanda. <i>C. Moguntia an. 829.</i>	II. 34	<i>Leo VII. Pape Epist. ad German. an. 937.</i>	II. 605
Contraria sententia Rhabani Abbatis Fuldensis ibidem insinuat.		Uxorem propriam derelinquens, interficiens, aliam ducens, depositis armis publicam pœnitentiam agat. Contumax, a Comitibus custodiatur usque ad notitiam Regis. <i>C. Aquisgran. an. 828.</i>	II. 150
		Uxor maritum, maritus uxorem occidens, qua pœnitentia puniendi? <i>Regino L. 2. tit. 74. 75. 76.</i>	II. 526
		Uxo-	

CANONUM.

LXI

Uxorem habens & concubinam non
communicet: eceles unam concu-
binam habens a communione non
repellatur. *Regino L. 2. tit. 100.* II. 529
Uxorem ante contaminatam vir du-
cens, si aliam ducat, redeat ad pri-
mam. *Regino lib. 2. tit. 128.* II. 534
Sacerdos publice uxorem ducens, ab
ordine deponatur. *C. Nicææ an.
325. tit. 3.* I. 137
C. Neocæsareæ an. 314. tit. 5. I. 150
Rabanus tit. 2. II. 201
*Leo VII. Epist. in Germ. an.
937.* II. 605
Regino L. 1. tit. 84. II. 455
C. Carthagin. tit. 25. I. 203
*C. Augustanum anno 950.
tit. 11.* II. 623

Qui ante gradum Presbyterii vel
episcopatus accepit uxorem; is post
gradum non debet dimittere uxo-
rem, sed cessare ob opere nuptia-
rum, quasi non habeat. *Rhaban.
tit. 2. ant. 856.* II. 201

W.

Wadium pro permittenda luxuria vel
pecuniam nemo accipiat. *Regino
lib. 2. tit. 263. 264.* II. 555
Waloni Metensi Episcopo concedi-
tur pallium a papa, limitato mo-
do gestandum. II. 362
Wurtzeburgensis Episcopatus funda-
tio a S. Bonifacio anno 741. I. 43

*Finis Indicis Canonum, primis XI. Sæculis æræ Christianæ in
Germanicis Ecclesiis & Conciliis conditorum aut accepta-
torum, & in his tribus Tomis extantium.*



